


UTL AT DOWNSVIEW



D RANGE BAY SHLF POS ITEM C  
39 14 09 19 08 015 9



DS  
223  
Z3839

Zaydan, Jirji  
Medeniyet-i Islamiye tarihi


PLEASE DO NOT REMOVE  
CARDS OR SLIPS FROM THIS POCKET

---


UNIVERSITY OF TORONTO LIBRARY

---









Digitized by the Internet Archive  
in 2010 with funding from  
University of Toronto



1891  
12/450

# مَدَنِيَّةٔ اِسْلَامِيَّةٔ تَارِيخِيَّة

Zaydan, Jirji

دولت اسلاميه نك منشأى ، دوائر اداريه و سياسيه و ماليه و حربيه سى ، ممالك اسلاميه نك  
مقدارى و مساحه سى ، عدد نفوسى ، ثروت و مدنيتى ، شان و شوكتى ، خلفانك احوالى ،  
مجلسلى ، علوم و معارف ، ادبيات ، آداب اجتماعيه ، عادات ، اخلاق ، مدنيت اسلاميه  
ايله عصر حاضر مدنيتى آره سنده مقايسه كې مباحث مهمه يى محتويدر .

مترجمى :

زكى مغامس

مؤلفى :

(الهلال) صاحب وهرى

جرجى زيدان

طابع و ناشر لرى :

«اقدام» غزنه سى صاحب امتياز و سر محررى

احمد جودت و زكى مغامس

برنجى جلد

دولت اسلاميه نك منشأى ، ممالك اسلاميه نك مقدار و مساحه سى ، عدد نفوسى ،  
دوائر اداريه و سياسيه و ماليه و حربيه و سائر سمنك تاريخى متضمندر .

«اقدام» غزنه سنه تفرقه ايدل كدن صكره كتاب صورتنده باصل مشدر .

در سعادت

«اقدام» مطبعه سى


۱۳۲۸



DS

223

Z3839





## مقدمه مؤلف

زده علوم و معارفی نشر و تعمیم ایچون سهولت  
کوسترمکه مجبورز . رومانلرک بو خصوصده  
اک مؤثر برواسطه اولدینی شبهه سزدر .

شمدی یه قدر او یولده آلتی رومان نشر  
ایلدیم . بورومانلر ( ابن الزیر ) ک قتلنه و خلافتک  
( عبدالمکک بن مروان ) ه بسبتون انتقالنه قدر  
تاریخ اسلامینک اک مهم وقائعی مهوردر .  
قارئیندن کوردیکم رغبت و تشویقات ، بومباحث  
تاریخیه ده واسع تدقیقات اجراسنه و مدنیت  
اسلامیه نك حقائقی کشف و اظهاره غیرت  
ایلمک لکمه سبب اولدی . مدنیت مذکورہ نك  
آوروپا مدنیت حاضرہ سی ایلہ نہ درلوارتباط و تعلق  
اولدینغه دائر بعض فضایل محررینک تتبعاتده  
بولسدقلرینی کوردیم . حق بونلردن بعضلری  
بو خصوصده بوجازدن رأی و مطالعه صور-  
مشلردی . ایشته بو آرزو و رغبت عمومیه یه  
کووه نرک ( الهلال ) ک اونجی سنه سنه تمه  
اولاق اوزره مدنیت مذکورہ و بالاستطراد  
اومدنیتک غرب مدنیت حاضرہ سی ایلہ ارتباطی  
حقنده برائر یازمغی مناسب کوردیم . فی الواقع  
برملتک تاریخ حقیقیسی اوملتک تاریخ مدنیتندن  
عبارتدر . یوقسه ، باخصوص تاریخ ا-لامده  
عرب مورخارینک طودقلری یول کی ، اوملتک  
یالکیز تاریخ حروب و فتوحی دکلدر . عرب

تاریخ اسلامک اک مهم تواریخ عمومیه دن  
اولدینغه شبهه یوقدر . چونکه تاریخ اسلام ،  
تاریخ قدیمی قرون اخیرہ تاریخیه برلشدیرن  
بررابطه در . مدنیت قدیمه تاریخ اسلام ایلہ  
منتهی اولور ، مدنیت حاضرہ آندن ظهور  
ایدر . بزوتاریخی تدقیق و مطالعه یه برقاج  
سنه اول قویولدق ایدی . ( الهلال ) مجموعه-  
سنک تحریرندن بوش وقت بولدقجه ایلریده  
مفصل برتاریخ یازمق فکريله او قودقلر مزنی  
قید ایدردک . بوبالده کی عزمزی دها اول  
دفعاتله اعلان ایلش ایدک . عون و عنایت حق  
ایلہ حالا او عزمده ثابتز .

بویله برتاریخ کتابنه احتیاج ایسه بدیهیدر .  
برلسان اهلی ؛ کندی اساننه ، مائنه ، مملکتنه ،  
مدنیتنه ، ادبیانه و عادتلرینه تعلق ایدن تاریخی  
البته خواهشله مطالعه ایدر . ذاتاً ( الهلال ) ده  
نشرایتدیکمز وقوعات تاریخیه ا-لامیه متعلق  
رومانلر ایلہ ده قارئینک نظر دقتی جلبه برزمین  
حاضر لامشددق . بوتاریخده دخی هر کسک  
سوه سوه اوقویه بیلہ چکی قولای براسلوب  
اتخاذ ایلورز . چونکه صرف براسلوب مور-  
خانه ایلہ یازیلان کتابلر قارئینک - باخصوص  
علوم و معارفجه هنوز دور طفولیده بولسان  
مملکتهمزده - اوقدر خوشنه کیتمز . بناء علیه

مورخلری علی الاکثر وقوعاتی اولدینی کبی ،  
یعنی تفریق ایتدیکسزین سردایله اکتفا ایدرلر  
واو وقوعاتک عقله موافق کلمسی وحقائق تار-  
یخیه نك ذهنده دها کوزل یرلشمسی ایچون  
اسبابه ، یکدیکرینه ا لان تعلق وارتباطنه پک  
آز اهمیت ویریرلردی . مع مافیه بز انلری  
معذور کوریوروز . چونکه وقائع تاریخیه یی  
کوزلجه تدقیق ایتک بر نتیجه یه منتهی اولور .  
اونتیجه ده بر حکمی متضمندر . حکم ایسه باطبع  
بر طرفک لهنه ، دیگر طرفک علیه اولور .  
بی طرفانه تدقیقات اجرا ووقوعات حقنده حکم  
اعطا ایتکله معاصرلری اده سنده او یله مشکل  
بر موقعه دوشمکدن اجتناب ایتدکلرندن طولای  
اومؤفلرلی معذور کورمک لازمدر . احتمال که  
اومؤفلرک دیگر بر معذرتلری دها وار .  
عصر حاضرده ایسه بزم ایچون او یله بر مانع  
یوقدر .

غرب مستشرقلرندن وسائر دهن بر چوقلری  
مدنیت اسلامیه نك کنه وحقائقنه مطلع اولمق  
ایچون بر جوق اوغراشمشلسرده مؤلفات  
عربییه ده اومدنیت وترقی حقیقتلری غایت  
پریشا و طاغنیق بولندیغندن مدونات موجوده یی  
او یله بر مقصدک استحصالنه کافی کورمیه رک  
عزملرندن همان همان واز کچمشلردی . حتی  
بونک ایچوندکه او یله بر کتاب تحریرینه  
قویولدیغمزی اعلان ایتدیکمز زمان فضلا ی  
مومالیهمدن بر قاجی بزه مکتوب یازهرق بویله  
غایت مشکل برایشی در عهده ایتهمزدن طولای  
اظهار حیرتدن کندیلرینی آله مامشلردی .

فی الواقع عزیمزی اعلان ایتدیکمز صره  
لرد . واسع معلوماته دسترس اوله جغمزی امید  
ایتموردک . بو آز امیدله برابر ادبیات ،  
تاریخ ، سیاسیات وسائر حقنده مطبوع ،  
مخطوط اله کچن کتب عربیه یی مطالعه یه  
قویولدق . دائرة امکانده بولنان هر درلو سعی  
وغیرتی بذلدن چکنمک .

تاریخ ، فتوح ، تقویمه دائر کتابلردن  
( ابن الاثیر ) ، ( ابن خلدون ) ، ( ابن خلکان ) ،  
( مقریزی ) ، ( بلاذری ) ، ( ابوالفدا ) ، ( الخلیس ) ،  
( مسعودی ) ، ( المقری ) ، ( الفخری ) ،  
( السیوطی ) ، ( ابن خرداذبه ) ، ( یاقوت ) ،  
( اصطخری ) وسائر نك مؤلفاتی اوقودق .  
ادبیاته دائر کتابلردن ( الاغانی ) یی ، ( ابن  
عبد ربه ) نك ( العقد الفرید ) ی ایله ( کشکول ) ی ،  
( مستطرف ) ی ، ( سراج الملوک ) وسائر یی مطالعه  
ایتدک . تفسیر ، حدیث وفقه دن ( تفسیر رازی ) یی ،  
( زحمشری ) یی ، ( صحیح بخاری ) یی ، ( مشکاة  
المصابیح ) ی ، ( الهدایه ) یی وسائر یی تتبع  
ایلدک . سیاسیات واداره کتابلردن ( ابویوسف ) ک  
( کتاب الخراج ) نی ، ( قدامة بن جعفر ) ک  
( کتاب الخراج ) و ( صنعة الکتابه ) نی ،  
( ماوردی ) نك ( الاحکام السطانیه ) سنی ،  
( الملك السید ) ک ( العقد الفرید ) یی ، ( ابن  
خلدون ) ک مقدمه سنی کوزدن کچیردک . بونلردن  
بشقه بر طاقم کتابلرده مطالعه ایتدک که بوصوک  
قسم کتابلردن وهله اولاده استفاده مظنون  
کورلمیورکن بز انلردن خبلی استفاده ایلدک .  
نتسه کیم ( دمیری ) نك ( حیاة الحیوان ) ی ،



كرك عربجهده ، كرك السنه اجنبيهده  
مطالعہ ايتديكمز كتابلرك مقدارى يوزى  
متجاوزدر . قواميس عموميه ( محيط المعارف )  
ومفصلات علميه دن اوله رق السنه مختلفهده  
وموضوعات متنوعهده او قود يغمز كتابلر ايله  
سنه لرحه شرق تاريخى مطالعهده اکتساب  
ايتديكمز رسوخ آريجهدر . ايتمه بالاده ذکر  
ايتديكمز تتبعات ومطالعاندن صکر . اومدنيت  
عجيبه نك سياسيات ، اداره ، علوم ومعارف ،  
ادبيات ، اخلاق وتربيه نقاط نظرندن فلسفه  
تاريخيه سه دائر اوله رق آرزو اولنان کتابدن  
قات قات فضله معلومات بولمغه موفق اولدق .  
آراق بونحشلىرى جلد جلد نشره مجبوريت  
کوردرک . برنجى جلد يني شمدي نشر ايديورز .  
ديگر جلدلرى ده ( الهلال ) ک سنين تاليه سنده  
تمه اوله رق ايلريده نشر ايده جکزر [\*] .

ديگر جلدلرک اساسى اولان بوبرنجى جلدہ  
عربلر ، مدنيت ، عربلرک ، قبل الاسلام ،  
ظهور اسلامدن آتجق رمدت اولندن باشلايان  
دور ابتباه قدر اولان احوالى ، زمان جاهليتده کى  
شکل حکومتلرى ، کعبه معظمه ، ظهور اسلامه  
قدر قرشک احوالى ، دين اسلامک کيفيت  
ظهور وانتشارى ، فتوحات اسلاميه ، خلفاى  
راشدین ، امويه ، عباسيه ، فاطميه وسائر نك  
کيفيت تشکلى حقهده برطاقم مقدمات تمهيديه  
ايله باشلادق . يازديغمز معلوماتى نظر تدقيق  
وتنقيد ايله تحرير واثبات ايتدک . يعنى هر هانکى

[\*] اثر تماماً نشر ايدلشدر . ترجمه دخى  
عمومى احتوا ايدجکدر .

( قزوينى ) نك ( عجائب المخلوقات ) ي وسائرہ  
بوقيلدندر . كذلك ( تهانوى ) نك ( كشاف  
اصطلاحات الفنون ) ي [\*] ، ( كشف الظنون )  
کتابى ، ( کلیات ابى البقا ) کى قاموس وفهرست  
کتابلر نندن ده خيلى معلومات اکتساب ايتدک .  
بونلرک جمله سى عرب لسانهدر .

دها صکره اسلاميته واسلاميتک تاريخ  
و آدابنه دائر اوله رق اجنيبلرک فرانسزجه ،  
انگليزجه ، آلمانجه يازدقلىرى کتابلردن ده اله  
کچيبلرلى او قودق . مثلاً فرانسز ( لهون ) ک  
( عربلرک مدنيتى ) [ ۱ ] ، ( لوبو ) نك ( شرقى  
روما ايمپراطورلغنىک تاريخى ) [ ۲ ] ، ( ژورنال  
آزياتک ) ک بعض مقاله لرى [ ۳ ] ، آلمانجهده  
( فون قره مر ) ک ( شرقى مدنيتى ) [ ۴ ] ، آلمان  
( فون موللر ) ک ( تاريخ اسلام ) ي [ ۵ ] ،  
انگليز ( لين پول ) ک ( دول اسلاميه ) حقهده کى  
کتابى [ ۶ ] ، انگليز ( زين ) ک ( روما ايمپرا-  
طورلغى ) [ ۷ ] وسائرہ کى .

[\*] اقدام مطبعه سى علوم اسلاميه نك برانسز قاپويه .

ديسى اولار بواړك ايلك جلد يني نشر ايلدى .

[ ۱ ] La Civilisation des Arades ,  
par Dr Gustave Le Bon .

[ ۲ ] Hist . de Bas - Empire ,  
par Lebeau 30 vol .

[ ۳ ] Journal Asiatique, Sériés .

[ ۴ ] Culturgeschichte des Orie-  
nts unter den Chalifene von A. von  
Kremer .

[ ۵ ] Der Islam im Morgen - und  
Abendland von Dr Müller .

[ ۶ ] The Mohammadan Dynastie  
by S. Lane - poole .

[ ۷ ] Roman Empire, by Gibbon,  
2 vol .

حادثه يي ذکرايلک ايسه آنک - بيب و باعثلريني، حاصل ايتديکي نتيجه يي ودها صکره خصوصات سائر جه اجرا ايلديکي تأثيراتي ده برابر ايضاح ايلدک . خصوصاً عربلر ، مقدار جه آز وسلاح و تدارکاتجه غير مکمل اولدقلري حالده روم و ايران ممالکي کبي ايکي کشور وسيعي فتحه موفق اولميرينه ياردم ايدن احوالي تدقيق و تدبين ايتدک . بو ؛ فلسفه تاريخک اويله مهم بر بحثي تشکيل ايدرکه بوکادائر بعض آوروپا مدققينک کتابلرنده علي الاکثر پک مختصر بولنان معلوم . تدن ماعدا بزدن ده اول هيچ بر لسانده بودرجه تفصيلات ايله يازش معلومه تصادف ايدلر . مع مافيه آنلري بو خصوصه نتيغات مکمله اجرا ايدمه ملرندن طولاني مواخذه ايتک طوغري دکلدلر . چونکه آنلر بوجملرک يابانچيسي اولدقلري کبي عربلرک احوالي ، ادباني ، آدب و تاريخلريه علاقه دارده صاييلمازلر . لوم و تقيسي آنجق کنديزمه توجه ايتلي يز . چونکه بز بولسانک اولادي اولديغمز حالده غربيون بزدن ده اول مملکتتمزک ، ملتتمزک ، آداب و اخلاقتمزک تاريخي تدقيق ايدرک يازديلر . بويولده کي عطالت و تأخرمز بزم ايجون باعث شين و خجالت اولسه کرکدر .

مقدمات معروضه يي يازدقدن صکره اوج کالده بولنديني زمانلرده ممالک اسلاميه يي واحصاآت عموميه سني تدقيق و تعداد ايلدک . متعاقباً حکومت اسلاميه نک تشکيلات اداره سنه کچرک امور دولتک خلافت و تفرعاتي ، وزارت ، واليک ، بيت المال ، حربه و سائر کبي مناصب

و دوائر انقساميله فصل تعدد و تزايد ايتديکي يازدق . کرک دوائر مذکورده نک . کرک انلردن تشعب ايدن ويا انلره الحاق اولنان مناصب و اقلامک آيري آيري تاريخي قيد و اثبات ايتدک . دوائر ، مناصب و اقلامک حقائق تاريخيه سني بولمقد پک جوق مشکلاته دوشد . يکمز سويلمکدن کنديزمي آلهمايز . زيرا قوجه بر کتاب او قوردقده يازديغمز بحثه دائر آنجق يابر ، ياخود ايکي فقره بوله ييلوردک . حق ، بعضاً بر حقيقتک تأييد و اتماي ايکي ، يا اوج کتابک مطالعه سنه توقف ايدردی .

اويولده تصادف ايتديکمز مشکلاتدن نمونه کو - ترش اولوا زره سويلرک مثلاً حکومت اسلاميه ده واليکله قاضيلک تاريخي يازديغمز صروده خلفاي راشدين زماننده بولردن هر برينه نه قدر معاش و يرلديکني آکلايوب يازمق ايتدک . ( بلاذري ) نک ( فتوح البلدان ) کتابنده ( عمر بن الخطاب ) حضر تيرينک کوفه ده ايفاي صلاته امامته و عسکره قوماندا . نلقه ( عمار بن ياسر ) ي والي ، امور قضايه و بيت المال ( عبدالله بن مسعود ) ي قاضي ، مساحه اراضي به باقق اوزرده ( عثمان بن حنيف ) ي کوندرديکي ذکر اولنيورسده والي و قاضي به نه قدر معاش و يرلديکنه دائر هيچ برشي دينلديور . ده صکره ( طرطوشي ) نک ( سراج الملوك ) کتابي مطالعه ايدرکن « پادشاهک بيت المالدن صرفياتي و واليرک احوالي » ندن باحث اولان بابنده « حضرت عمر عمارک واليکنه قدر مأمورين حکومت



خلفانك خلق ايله مناسباتى ، سربلردهكى معيشتلرله ياپدقلى اسرافات ، حركت آلايلىرى ، خلفانك ضياقتلىرى ، كرم وسخالىرى ، مبانى اسلاميه ، اسلام شهرلىرى الخ .. بختلىرىنه تخصيصى ايده جكز .

اوپنچى جلدده قبل الاسلام شام وعراقده علوم وادبيات ، شعر ، صنايع وسائرهنك نه حالده بولنديغنى ، مسلمانلارك اوسائط مدنیهنى صل اخذ وتلقى ايتدكلرىنى ، ده صكره نصل ترقى ايتديردكلرىنى ، اورتقيا نك تاريخ ودرجه سنى يازده جغز .

دردنجى جلد اوپارلاق عصرلردهكى احوال اجتماعيه حقنده حال وموقعه متناسب معلوماتى محتوى اوله جقدر ،

نتيجهده ايسه حال حاضر مدنيتى ايله مدنيت اسلاميه آره سنده بر مقاييسه يوروده جكز . مدنيت اسلاميه نك اسباب وماهيتى حقنده ديكر جلدلرده معلومات مقتضيه ويرلدكن صكره نتيجه كلام اولان بويحشك بك قولايقله آكلاشيله جنى دركاردر .

ايشته تفصيلات آنفهدن آكلاشيلبوركه موضوع بحث اولان ماده لرغايت كوج ومشتقليدر . بويولده اثر يازمق يكي برشيدر . بزمده دركار اولان عجز ونقصانمى اومشكلايه علاوه ايدرسه كز كتابك محتوى اوله سيله چكى خطيات وتقصيرات ايچون بلكه بر معذرت حاضر لانيه . ارباب فضل وكمالك بوائر مزده شايد ملاحظه واخطار شيلر كوردكجه بزه بيلديرمك وورتيه معاوننده بولملىرى رجا ايلرز .

ايچون معاشر تقدير وتعيين ايتامشدى . عمارى والى تعيين ايدنجه كندى معيتمده بولنه جق مأمور ، كتبه ومؤذ نلرك معاشاتى ايله برابر اكا شهرى آلتى يوز ، ( عبدالله بن مسعود ) ايسه يوز درهم ( بوكونكي پاره يه كوره بر درهم تقريباً بر فرانغه . عادلدر ) معاش تخصيصى ايلشدر » [\*] معلوقى كورلمش سده كرك ( عمار ك ) ، كرك ( ابن مسعود ) ك كيفيت وتاريخ تعيينلىرى حقنده بر مطالعه يه تصادف ايده مدك . بنامه عليه هرايكى معلوماتى جمع وتوحيدده مجبور اولدق . وبوجمع وتوحيددن حضرت عمر زماننده تعيين اولنان واليله آيد . آلتيشر يوز ، قاضيلرده يوز درهم معاش تخصيصى ايدلديكى استنتاج ايتدك . فضله اوله رق معلومات مذكوره دن وقرائن سائرهن حضرت عمر زماننده مزده امامت ، عسكره قوماندا وظائفك واليله وبين الناس رؤيت دعاوى وظيفه سئكه قاضيلره توديع ايدلمسى اصول اتخاذ اولنديغنى آكلادق . سائر مشكلاتى اكا كوره نياس ايده بيليرسكز .

ايكمنچى جلدى ممكت اسلاميه نك واهل ايسنك ثروت ومدنيتى ، دول معاصره ايله اولان مناسباتى ، خلفانك مصاحبه لى ، اكنجه لى ، علم وعلاميه ، شعر وشعر يه ايردكلرى اهميت ، حضور لرينه كيفيت خول ، [\*] مؤلفك بالاده كى عباره سندن واليه معيتمده بولنان مأمور ، كتبه ومؤذ نلرك معاشاتى ايله برابر ۲۰۰ درهم ويرلدكي آكلاشيلور سده كتابك ايلريده كوريلجك ديكر بيرنده التى يوز درهم يالكز والى معاشى اوله رق كوستريلور . طوغريدى ايكنچى افاده در .

## مقدمات تمهیدیه

رومك مدنيتندن بحث ايتك اوملتك واصل اولديني درجه وسعتي، عظمت وشوكتي ثروت ورفايتي ومدنيتك لازم غير مفارقي اولان حضارت ايله انك نتايجنده كي اسباب وحكمتي وصف وتعريف ايتك ديمكدر. علوم ومعارف، ادبيات، صنايع وبونلك تفرعاتندن اولان مکتبهار، کتبخانهلر، جمعيلر، دولتك احوالی، مناصب ومراستی، معيشتجه واصل اولديني بوللق وبوکي وسائط ترقيتك هيئت اجتماعيه جه اجرا ايتديكي تاثيرات وتحوالاتك تاريخچه سي ده بويشمه داخلدر. بوايسه اوملتك عادات واحوال اجتماعيه سيله بوعادات واحوالك اسبابي تدقيق وتحريره توقف ايدر.

انجق اويله بر بحث آچيق وواضح اوله ييلمك ايمون آندن ده اول اوملتك زمان بداوتده كي احوالي، اوحالدين شهراد مدنيتيه نصل کيرديکني، بوکانه كي اسبابك ياردم ايتديکني يازمق ده لازم کاي. بويشمك تدقيق، باخصوص مدنيت اسلاميه تاريخنده، ضروريدر. چونکه بومدينته کنديسنه خاص اويله اسباب ومؤثرات واردرکه ملل سائر مدنيترلنده بولماز.

بنابرین کتابمژك ايتك قسملرنده عربلرک قبل الاسلام احوالی، مدنيتله درجه ارتباطلری، ظهور اسلامه مقدمه اولان احوال مليه، جزيرة العربك ظهور اسلام صرهنده احوال وتشکيلاتی، اوصرده روء وايرانك احوال ووضعتی، عربلر عددجه آز، اسلحه ولوازم

سائر حربه ومدنيه جه ضعيف اولدقلى حاله اوابي کشور عظيمي فتح واستيلاده کنديلرينه ياردم ايدن احوال واسباب، دوات اسلاميه نك كيفيت ظهوری ايله خلفای راشدين زماننده كي شكل ديزدن اموي، عباسی، فاطمیلر زمانلرده كي شكل سياسي به كيفيت تحول وانتقالی حقنده برطاقم مقدمات تمهیديه بسط وتحريرينه مجبور اولدق. بويشملى يازدقدن صكره مملكت اسلاميه نك وسعتيله دوات حكومتیه وسائر به داتراولان بوشلره باشلايه جغز.

## عربلر ومدنيت

بعض اجنبي محررلرک زعمنجه عربلر مدنيت اسلاميه ني روما (ويا يونان) ايله ايران مدنيتلری اقتاضی اوزرنده بنا وتشيد ايتدکلرندن مدنيتجه بيوك برمزيت کوستره. مامشلردر. ينه انلرک فکرنجه مدنيت اسلاميه بعض تعديلاتله سالف الذکر ايكي مدنيتك امتزاجندن حاصل اولش برمدينتن بشقه برشی دکلدرد. كذلك اومحررلرک ذهابه كوره عربلر فطرة مدنيت وحضارتدن بعيد اولدقلرندن نه زمان جاهليتده، نه ده دور اسلاميه کندی کنديلرينه برمدينيت احداث ايتماشلردر.

فکرمزجه اويله بر ادعاده بولنق بيوك برخطا عد اولنور. حقيقت حاله عربلر قبول مدنيت وحضارتده، اداره مالمکده اك



(حمیر)، (سبأ)، (کهلان) دولتری در. (مأرب)،  
(ضما)، (سبأ) اودولتلك مشهور شهرلرندن  
ایدی. (فلسطين) اطرافنده (ابطاط) دولتی  
کی اسماعیلرندن دخی كرك قبل المیلاد، كرك  
دها صكره برطاقم دولتر ظهور ایلشدر.  
طریق مدینته سالك اولهرق بالاخره نام  
ونشانی قلیان (عاد)، (نمود)، (طسم)،  
(جدیس) قبائلی مدینته داخل اولان اقوام  
عربیهك اك اسکیلری عد اولنورلر. بونلك  
نسبیری علی الاغلب (لاوذ بن سام) ه منتبی  
اولور. تاریخ قدیمده ناملری مشهور اولان  
(عمالقه) قومی ده ندرنددر.

بنابرین مدینت اسلامیة عربلك ایلك  
مدینتی دكلدی. برچوق عصرلر دها اول  
(حمیر)، (کهلان)، (سبأ) لیلر - اوزمانلرده کی  
ممالك متمدنه بیننده یمن بر طریق توسط تشکیل  
ایتدیکی یحون - شرق ایله غرب آره سنده  
كههم واسطه تجارت ایدیلر هندستان اموال  
ومحصولاتی بحر محیط هندی طریقله (یمن)  
(حضرموت) جهتلرینه نقل اولنوردی. یمنلیر  
واموال ومحصولاتی کندی مملکتلرندن  
(حبشستان) ه، (مصر) ه، (فنیکه) یه،  
(فلسطين) ه، ادومیلره، عمالقیه، مدیایه  
وبلاد غربیه نقل وایصال ایدرلردی. اسماعیلر  
دخی قرده اقصای بلاد معموره یه قدر تجارتك  
اك بیوك بر واسطه سفی تشکیل ایلورلردی.  
اقامت ایتدكاری برلك بر محل توسط

تشکیل ایتسندن ماعدا عربلك تجارتده ایلری  
کیتملرینه بر سبب دها واردرکه اوده کنسیدی

زیاده صاحب استعداد وقابلیت ملنلردن  
معدوددر. دها اول ویا دها صكره طریق  
مدینته داخل اولان ملنلك هیچ برندن بولده  
کری قالماملردر. بونك اثباتی آتیده کی  
تمهیدادن آکلاشیلیر. شوبله که:

جزیره العرب اهالیسی ایکی بیوك قسمه  
آیریلیر. برنجیسی (قحطانیة) دینیلن یمن  
وجواری اهالیسیدر که بونلر (ارفخشاد)  
ایله (سام بن نوح) ه منتبی اولان (قحطان)  
یاخود (یقطان بن عابر) ك نسلدندرلر [\*].  
ایکنجیسی (اسماعیلیه)، یاخود (عدناییه)  
نامی آلان (حجاز) و (نجد) اهالیسی ایله  
جزیره العرب وسطلرندن مذکور ایکی قطعه یه  
محاور اولان لرلر اهالیسی در. بونلر (اسماعیل  
بن ابراهیم الخلیل) ه، زوجیهسی (هاجر) دن  
طولای، منسوب بولنیورلر. بواقوامه جدلرندن  
برینك اسمعی عدنان اولسی مناسبته -  
(عدناییه)، کذلا ینه اوایله بر مناسبته  
(مضریه)، (معدیه) دخی اطلاق اولنور.  
قحطانیلر (یمن وجواری اهالیسی)  
اسماعیلرندن (حجاز، نجد اهالیسندن) دها  
اول طریق مدینته داخل اولملشدر. چونکه  
اوته کیلرك مملکتی بریکیلرك مملکتدن دها  
زیا محصولدار وقابل عمرانددر. یمن اهالیسندن  
فراعنه مصر وملوك بابله معاصر پك اسکی  
دولتر ظهور ایلشدر. بونلك اك مشهورلری

[\*] مسعودینك بیانته کوره دخی (قحطان)  
ایله (یقطان) عینی شخصك اسمیدر. (یقطان) ك اصلی  
(یقطن) ایکن تمزید ایدیلر ك (یقطان) شكلنه قوشمدر.

لسانلرينك اوصره لرده مدنی بولسان ملتلر  
لسانلرينه يقين بولمسيدير. چونكه اوزمانلرده  
السنه ساميه لفظاً ، معنى يكدیكرينه قریب  
بولئوردی . اوصره لرده السنه مذكوره نك  
دال بوداق صالمسندن هنوز برچوق زمانلر  
چكماش اولدینی ایچون - اليوم عوام طرفدن  
قوللانیلان عربجه ايله لغت فصیحه آره سنده کی  
فرق کی - عربلر ، كلدانیلر ، آئوریلر ،  
حبشیلر ، فنیكلیلر ترجمانه محتاج اولمقسزین  
یكدیكلرله قونوشه بیلورلردی . مثلاً (حیر)  
و یا ( مصر ) دن برعرب عراقه کیتسه ایدی  
بركلدانی و آئوری ايله قونوشمق ایچون ترجمانه  
محتاج اولدینی کی فنیكیه و یا حبشستانه کینجه  
بورلرده دخی - اليوم برشاملی مصر لسانی  
نصل آکلایورسه - اهانلنك لسانی آکلامقده  
هیچ مشکلات چکمزدی . ( ابراهیم الخلیل ) حقنده  
توراتده وارد اولان مطالعاتده بونی تأیید ایدر .  
حضرت ابراهیم میلاددن یکریمی عصر اول  
کلدان ممالکنندن هجرت ایدرک ( سوریه ) ،  
( فنیکه ) و بلاد عربدن چکش ، بوقطعه لر اهلایی  
ایله اختلاط والفت پیدا ایتش ، کندیلرله  
قونوشمق ایچون برترجمانه محتاج اولماشدر .  
کذلک قبل المیلاد اون بشنجی عصرده بنی اسرائیل  
( طور سینا ) شبه جزیره سنده یوللرینی غائب  
ایتدکری زمان جزیره العربک اقسام شالیه سنده  
قرق سنه سرسریانه طولاشمشلر ، فقط  
اویلرده کی اهالی ايله کوروشمک ایچون ترجمانه  
حاجت کورماشلردر .  
بوندن ماعدا عربلرک اصل وطنلرنده

قابلیت مدنیته مانع برحال وباعث یوقدر . عربلر ؛  
آئوریلر ، فنیكلیلر وکلدانیلرله قارشدردلر .  
اوته کیلرده هانکی استعداد و قابلیت موجود ایه  
عربلرده عینی استعداد و قابلیت موجوددر .  
آرده برفرق وارایسه اوده عربلرک اقوام  
سائر مذکور نك اشغال ایتدکری یرلرکی  
معقل و محصولدار یرلرده یرلشمک طالعنه  
مظهر اولمالری ، اکثر یرلری چول ، صوسز ،  
غیر منبت رجزیره دیشمش بولملرندن  
عبارتدر . حال بوکه قارداشاری اولان آئوریلر  
مصر دن زیاده دنیانک اک محصولدار بر اقلیمی  
اولان ( عراق ) کی برقطه ده بولندیلر . بو  
سببنا کتساب ثروت و اظهار مواهب فطرته  
کوجلک چکمدیلر . نقط وقتاکه عربلر  
بعدا لاسلام اوخطه منبده یرلشدیلر ،  
کوستردکری آثار مدنیته اوته کیلرک مدنیته دن  
آشانی اولدی .

معافه عربلر جزیره العربده اقامت ایدن  
بر قومک کوستره بیه چکی اهلیت و قابلیت  
مدیه ده قصور ایتدیلر . یمن اهالیسنک  
مدنیتی پک اسکی و پارلاقدر . اومدنیته آناری  
حالا ( حضرموت ) ، ( مهران ) ، ( یمن ) قطعه لرنده  
قوملر آتنده کومولی اولدینی حالده طور یور .  
ازمنه قدیمده یاشایوب صکره مقرض اولان  
( عاد ) ، ( تمود ) و قبائل سائر نك مدنیته دخی  
شایان تذکاردر . قبائل مذکوره حقنده بعض  
مورخین عربک - بنالرک بیوکاکنه دائر  
اولان وحد مألوف و معقولی کچدیکی ایچون  
خرافات قیلندن عدایدیلن - روایات و نقلیاتندن



قلم حمیری ( خطہ مسند ) ایلہ محرر واکثریا  
ادعہ دینہ واکا مشابہ شیلہ دثر برطاقم  
لوحہ لہ الحیر مشلردر داخل مملکتہ بولنان  
الہیم خرابہ لری تحری وحقرا تمک مع التأسف  
هنوز ممکن اولہمدی چونکہ اورالہ کیتمک  
یک مشقتلی و تہلکہ لیدر .

عرب مورخ لیرنک دول مشارالہانک  
حائز اولدینی شان و شرف حقنہ یازدقلری  
معلومات دہ جدآ شایان اعتباردر . واقعا ظهور  
اسلامدن دہا اول اودولتر منقرض اولمش  
ایدی ، آنجق اخبار ووقوعاتی هنوز اونودلہ  
مش ایدی . بوواسطہ ایلہ بزہ انتقال ایدن  
معلومات دول مشارالہانک یک قدیم برمدنیت  
تأسیس ایتدکارینی ، اومدنیتک آتوریلرک ،  
اسکی مصریلرک و فیکہ لیلرک مدنیتلرندن دہا  
آشانی اولدیغنی کوستریور . قحطانیلر  
شہرلر تأسیس ، کاشانہ لر انشا ، باغچہ لر تنظیم ،  
ہیکلر نحت ورکز ایتدکاری کی معدنلر  
حفر و کشاد ، عساکری تنظیم ، مالکی فتح ،  
تجارتی توسیع ایلشردی . بشمنجی عصر  
میلادیدہ یشایان یونان سیاحتند ( ہرودوتس  
ہرودوتس - Hérodote ) ممالک مذکورہ یی  
ذکر ایتدیکی صرہدہ بخورک انواعی ایلہ دارچین  
و سائر ملک یالکیز بلاد عربیہ جنوبیہدہ  
بولندیغنی بیان ایتدکن صکرہ بلاد مذکورہ یی  
کندی زمانندہ جہانک اک زنکین ممالکندن  
عد ایدیور .

یمن عربلرینک آثار مغلہ سندن اولہرق  
تاریخک حالا ذکر و عجائب مبانیدن عدایتدیکی

بشقہ اخلافہ مع التأسف بر اثر ومعلومات  
واصل اولماشدر . ( ارم ذات العماد ) شہری  
حقنہ تداول ایدن روایات دہ بوجہ دندر . نقلیات  
واقعیہ کورہ ارم ( شداد بن عاد ) طرفندن  
( احقاف ) دہ طولاً و عرضاً اونر فرسخ  
برقعہدہ تأسیس ایدمش ، دیوارلری کوز  
بونجغندن ( الجزع الیمانی ) یابیلہرق اوزری  
آلتون یالیزیلی کموش لوحہ لہ قابلا دلمش ،  
داخل شہردہ یوزبیک کوشک یالمش ، بوقصرلر  
زبرجد و یاقوتدن دیرکلر اوزرینہ رکز ایدمش ،  
دیرکلرک بونی یوزر آرشون ایمش . شہرک  
اورتہ سندن نہرلر کچر مش . نہرلر دن کوشکلرہ  
جدوللر کشاد ایدمش . چاقل طاشلری ہب  
آلتون ، جواہر و یاقوتدن مرکب ایمش . الخ .  
بوکی روایتلر حد ذاندہ حوصلہ امکان وعقلہ  
صیغماز ایسہدہ ہر حالہ بوندن بر حقیقت  
آکلاشیلیور . اودہ عادلیرک یابدقاری مباینک  
بعضلرندہ دیوارلرک ، یاخود دیرکلرک برطاقم  
احجاری ذی قیمت ایلہ مزین بولندیغنی آکلاشلہمی  
کیفیتدیرکہ برمت بوکی سفاهت واسرافاتہ  
بولنہ یلمک ایچون اوملک طریق مدیتہدہ  
یک زیادہ ترقی ایش اولسی لازم کلیر .

دول قحطانیہ ( یمنیہ ) نک اک مشہورلری  
بالادہ عرض اولندیغنی اوزرہ ( حمیر ) ، ( سیاہ )  
( کہلان ) ناملریلہ معروف اولوب بونلر عاد  
و ثموددن صکرہ ظهور ایلشلر ، برچوق آثار  
مدنیہ براقشلدرد . ( صنعا ) ، ( عدن ) ،  
( حضرموت ) جہتلرینی طولاشان سیاحین  
اورالردہ راست کلدکاری بعض ابنیہ قدیمہ دن

ایکینچی عصر میلادی اورتہ سندنہ بوسد  
چورومکہ باشلا یه رق اوصردہ دولت دخی  
سدى تعمیر ایدہ میہ جک درجہ دہ ضعفہ  
دوشدیکندن اہالی سدک قرب انہدامنی حس  
ایدر ایتمز اوراردن ہجرت ایلہ مختلف یرلرہ  
طاغلمشدر . شامدہ بنی غسان (غسانہ) ،  
عراقدہ آل منذر (مناذرہ) ، مدینہ دہ (اوس) لر ،  
منادہ (ازد) لر ، مکہ جوارندہ ( خزاعہ ) او  
اقوام مهاجرہ دندر . بوہجرتدن برمدت صکرہ  
ایسہ سد منہدم وصولر ہرطرفی مستولی

سد - کہ مارب سدی نامیلہ مشہوردر -  
میلاددن ایکی عصر اول ایکی طاغ آردہ سندنہ  
جسیم بر دیوار شکندہ انشا اولمشدر .  
سددن مقصد اوایکی طاغ بیندہ تایوکسکرہ  
قدر صوبی کول شکندہ جمع ایتکدر . برر  
فرسخ (برفسخ اون ایکی ، یاخود اون بیک  
آرشدندر) طول وار تفاعندہ اولہرق بنا  
ایدلیکی روایت اولنان بوسد عظیم برچوق  
تقسیماتہ ، صوبلارینہ منقسم بولنیوردی . فضلہ  
صو بریکمک ایچون یتش درہدن آقان سیل



شکل ۱ : خط حمیری ( بوقاریسنہ ایکی ارسلان رسمی )

اولنجه اورادہ قالمش اولانلر دخی ترک دیار  
ایلمشدر . (سیل عرم) دیبہ معروف اولان  
سیل ایشته بودر . اغلب احتمالہ نظرأ بوانہدام  
(سبأ) دولتک اقراضنی موجب اولمشدر .

قبل میلاد ایکینچی عصر دہ یتشن یونان  
سیاحیندن (سترابون Strabon) مارب شہرینک

بحرالری بورایہ تحویل ایدلشدی . بوقدر  
جسیم برسدک وجودہ کتیرلمسی ، ہیچ شہہ  
یوق ، ہئدسہدہ مہارتہ عزمدہ علو ہمتہ  
توقف ادر . حتی سد مذکور اودرجہ متین  
ورصین یاپلش ایدی کہ صولرک صدماتہ ،  
ہوانک تاثیراتہ عصر لرجہ مقاومت ایدہ یلمشدر .



کندی زماننده غایت عجیب بر شهر اولدیغنی، ابدیه سنک طوانلری، لتون، فیل دیشی، احجار قیمتمدار ایله مستور و مزین بولندیغنی، دروننده و له رس عقول اوله جق مصنع اوانی نفیسه بولندیرلدیغنی ذکر و ایراد ایلورکه بونی آکلادقن صکره عربلرک (ارم ذات العمداد) حقنده یازدقلری شیلر سمعه اوقدر آخر کلز ظن ایدرز.

بزشو اعتقاده یزکه (حمیر) و (سبأ) پادشاهلرینک پایتختلری اولان (مأرب) و (صنعا) و ساثرده بولنان اقاض بوکون ایجه نفتیش و تدقیق ایدلسه - (نیل) وادیسنک آناری فراغنه تاریخی، دیگر طرفیدن (فرات) وادیسنک آناری ده (آنور) و (بابل) پادشا- هلرینک تاریخلری نه صورتله کشف و عالم مدنیته بر یکی تاریخ شکلنده نصل تقدیم و اهدا ایتدیسسه - او انقاضه دخی اویله قیمتمدار احافیر - حفره لر - بولنورکه عالم مدنیته یکی بر تاریخ کشف و اهدا ایده جک قابلیت حازدر.

انجق بونیجه یی الله ایتک ایچون حفریات لازمی اجرا ایتک اوزره حکومت عثمانیه طرفندن اورالره برطاقم هیئات علمیه اعزام ایدلمسندن بشقه چاره یوقدر.

(نبایوط بن اسماعیل) به نسبتله انباط (نبطیلر) نامیله معروف اولان قوم قبل الاسلام تمدن ایدن ملل عربیه دن اولوب [\*] فلسطین

[\*] نبط — Nabathéens جزیره العرب ایله عراق و شام آزلرنده و علی الخصوص فرات وادیسنک اشاغی طرفلرنده ساکن ایدیلر. بخی اسرائیل بولره عرب نظری ایله باقدقلری و بنی اسماعیلدن

بله (طورسینا) شبه جزیره سی آرسنده کاش پترا (Petra) شهری بولنرک اولدیغنی کبی (طورسینا) شبه جزیره سیله اورادن جزیره - العربدن (حجاز) قدر امتداد ایدن یلرلر دخی کندیلرینه تابع بولنیو دی. بونبطیلر شرق ایله غرب آرسنده واسطه تجارت ایدیلر. قوم مذکور رومالیلره اوج اعتلاوه بولندقلری صره لده معاصر اوله رق اکثریا محاسبانده روما قوماندانلرینه برقوه معاونه تشکیل ایدیورلردی. حتی نبطیلردن (الملك الحارث) نامنده بر حکمدار بخی غساندن بر قاق عصر اول برنجی عصر میلادیده قیسه بر زمان ایچون شامده پادشاهلق ایتمشدی.

(انباط) دولتی میلادک ایکنجی عصری اوائلنه قدر دوام ایدرک بوتاریخدن صکره روملرک حوزة استیلاسه گیرمش. او حاکمیت آلتنده ضایع اولوب کیتمشدر. انقاضی حالا (بطر) بلادنده طوریه ر. آثار موجوده اوزرینه خط نبطی محکو کدر. خط حمیری

عدایتکاری حالده عربلر بولره سریانی و یا کلدانیلرک بر شعبه یی نظری ایله باقارلردی. و چوق دفعه کلدانی و سریانیلره بواسعی ویریرلردی. بناء علیه بواسع مدلولی م.م بر حالده اولوب عرب و کلدانی ایله سریانی جنسلرندن مرکب و ملز بر قوم بولمش اولمی دخی ملحوظدر. (الفلاحة النبطیه) عنوانی ایله عربییه ترجمه اولمش بر کتاب مشهور واردرکه کرک فن زراعت، کرک نبط قومی حقنده معلومات نافذ بی جامع اولدیغندن اولجه بعض اوروپا مستشرقینی طرفندن نشری نیت اولمش ایسه ده نشر اولسوب اولدیغنی محمولدر. شهر مزک بعض کتبخانه لرنده موجوددر. قاموس الاعلام

نصل اوقونیورسه بویازدی ده اویله جه اوقونیور،  
خونریزلك و شدت ایله مشهور اولان  
(عمالقه) دخی [\*] قدیمآ تمدن ایدن ملل  
عربییه جمله سندن معدوددر . مصری فتح  
واورالده عصرلرجه اجرای حاکمیت ایتدکلری  
ظن اولنان (الملوك الرعاة) - چوبان پادشاهلر -  
انلردن ایدیلر . سیل عرمدن صکره عرب

نصل یایدیلر سه عربلرده اویله یامشسلردر ،  
یونانیلر مدیتلرینك اکثر ارکانی مصرلیلردن  
اقتباس ایتدکن صکره برطاقم احوال طبیعیه  
الجالسیله او مدیتی بالخاصه کندی ناملرینه  
نسبتله یاد اولنه حق درجه لزه قدر ترقی  
ایتدیر شلردر . کذلک ایرانیلر کندیلرندن  
دها اول تمدن ایدن آنوریلرله بابلیلر وکلدانیلرک

التمدن على عهد الیونان

شکل ۲ : خط نبی

خطانیه نك تشكيل ایتدکلری شهرلر دخی  
شایان ذکردر . (بصری) آل غسان طرفدن  
حورانده ، (حیره) آل منذر طرفدن  
عراقده تأسیس اولنان شهرلر جمله سندن  
ایدی . بالاده کی ایضاحادن صکره عربلر  
فطره مدیتدن بعیددرلر دینیه بیایرمی ؟  
بونکله برابر مدیت اسلامیه نك (روما) - یونان -  
(ایران) مدیتلرینك انقاضی اوزرنده تأسیس  
ایتدیکنی اسکار ایتیمز . قط یونانیلر ایله ایرانیلر

[\*] عمالقه Omalécites عرب اقوام  
قدیمه سنددر . حجازک شمانده وفلسطینک جنوبنده  
ساکن ایدیلر . ظن اولندیغه کوره بنی اسرائیلک  
بابستاندن ارض مقدسه وصوللردن اول فلسطینک  
دخی صاحبلی واهالیسی بونلر ایدی . بونلر وادی  
شرك وکفرده ثابت بولندقلردن بنی اسرائیل ایله  
کندیلری آده سندن من القدیم مافرت وخصومت  
اکسک اولمازدی . پک ایری بوبلی وقوت وجسارت  
صاحبلی اولقله مشهور ایدیلر . فرعونیلر زماننده  
برآده ق مصری ضبط ایله مصر قدیم تاریخنده  
(هیگسوس) اسم غریبی ایله یاد اولنان عربلرک  
دخی عمالقه دن اوللری محتلدلر . قاموس الاعلام

انقاض مدیتلری اوزرنده تأسیس مدیت  
ایتدکن ماعدا یونانیلردن دخی اقتباساتدن  
کیری طور مامشلردی .

آنحوق شوراسی جداً شایان دقتدر که کرک  
یونانیلر ، کرک ایرانیلر دولت تشکیلندن  
خیلی عصرلر صکره عالم مدیتده اثبات وجود  
ایده بیلمشلردی . حال بوکه عربلر دولت تشکیل  
ایتدکن یالکیز برعصر صکره مدیتلرینی ،  
فعالیت عقلیه لرینی عالمه کوسترمشلردر .  
ایکینجی و اوچینجی عصرلرده ایسه عرب علوم  
و ادبیاتی بتون جهانی استیلا ایتمش ایدی .

بالآخره جهانک الک بیوک دولتلرینی  
تشکیل اید (جرمن - ژهرمن - Germans)  
اقوامی کرک قبل الاسلام ، کرک ده صکره  
عصرلرجه روما ممالکینی غارت ، برچوق  
شهرلرینی فتح و استیلا ایلدکلری ، حتی  
بعضلری نفس رومایه داخل اولدینی حالده  
بومتوالی جنک وجدال وفتح و تسخیردن نهب  
و قتلدن بشقه هیچ بر ثمره حاصل اولمامشدر .



## حجازده دور جاهلیت

جزیره العربك جنوب وشالنده بولنان اقوام عربيه مستفيد انعام مدنيت اولمش ايكن وسطده بولن حجاز اهايلسي ، مملكتلري صوسز وغير مثبت ، چول اورته سنده ، بيوك دولتله تماسدن اوزاق بولنديني اچون حال بداوتده قالمشلردى. فى الحقيقه قطعه مذكورده نك اطرافى اودرجه صرپ وممتنع المرور دركه قبل الميلاذ اون دردنجي عصرده ، اسكى مصر حكمدارانندن (سه زوستريس Sesostris) ناميله معروف اولان ايكنجى (رعسيس Ramsès)، كذلك قبل الميلاذ دردنجي عصرده (ما كدونيا) قرالى بيوك اسكندر، ميلاذدن اول برنجي عصرده روما ايمپراطورلردن ( اوغوست قيصر - Auguste ) ك دور سلطنتنده مصر واليسى ( ايليوس غالوس Aelius Gallus ) كى بيوك فاتحله بيله مذكور قطعه نى فتح وتسخير ايدمه مامشلردى. بوندن ماعدا ايران پادشاهلري دخى سلا متلرينك اك پارلاق زمانلرند بيله بورايى اله كچيرمك مظهريته نائل اوله مامشلردى. موقعك بودرجه مناعت طبيعته سى اهالى محليه نك دشمن خارجيدن انديشده بولملىر ينه محل براقدينى كى ينه بوسايه ده محافظه حيات وتأمين منافع اچون وسائط مرييه توسلده ده بر مجبورييت كورمك لردن - چونكه هرشى بر مجبورييت ولزوم اوزرينه حاصل اولور - فطرت بشرده مركزز اولان حب تغلب وتحكم تأثيريله بر لر بيه قارشى اجراى نهب وغارت

يا (هون Huns) لرك استيلا سنده نه ديرسكز؟ بشنجى عصر ميلادى اوا - طنده ( آتالا ) نك قومانداسى آلتنده اوله رق ( بحر خزر ) سواحلندن آروپايه طوغرى هجوم ايدن بو طغيان روما ممالكنك شمال وشرق طرفلرينى كسوب يچدكن و مجارستانى ، رومانىايى وبتون روم ايليى - عربلرك سوريه ، مصر وعراقى فتح وتسخير ايتدكلرى كى - قبضه ضبط وتسخير كچيردكن صكره اورلرده عمرى ايكي يوزسنة قدر امتداد ايتمش بردولت دخى تشكيل ايتدكلرى حالده هيچ برائر مدنيت احداث و ترك ايلامشلردر . حال بوكه بو هولر يونان مركز مدنيتيه عربلردن دهايقين بولنيورلردى. اسلاولر دخى آلتنجى عصر ميلاديه شرقى روما ايمپراطورلنى ممالكنه هجوم ايدرك حتى در سعادت قبولرني چالمشلر ايكن مدنيتدن حصه ياب اولقسز ين عودت ايتمشلردر .

انلردن ماعدا ( تيمورلنك ) وسائر نك عسكرى كى ( تاتار ) و ( مغول ) عنصرلرى ممالك عربيه زمان انقراضنده هجوم ايله اهايلسى مغلوب و حكمدارلرينى تذليل ايتمشلرسده برمدينيت احداث ايتك شويله طورسون كنديلردن دها اول وجود بولان مدنيتى بيله تخريب ايتمشلردر. تفصيلات معروضه دن عربلرك مدنيت اولان قابليت مخصوصه لرى تظاير ايتزمى ؟

ویکدی کریئک اموالی سلب و اغتنام ایله اوغرا. شهربق وقت کچیر مشلر، خارجه باقامامشاردی. مع مافیه اهالی مذ کوره اوحال بداونده بونند. قری زمانلرده دخی پارلاق راستقباله قابلیت لرینه دال اوله جق عزت نفس، وفا کارلق، جرأت و اقدام، فرط سخا کبی اخلاق عالیله ایله متصف یولنیورلردی.

حجاز اهالیسی مقصداری تعیین ایدیله مین نیجه عصرلری حال فطرت و بداوتله کچیر مشلردر. مدنیت نامنه برشی کوره بیلیمشیر ایه اوده جوار یرلردن کندی مملکت لرینه مهاجرت ایدن یهودیلر واسطه سیله انتقال ایتمشدر. چونکه حضرت موسی زمانلرنده ودها صکره و باخصوص قبل المیلاد اک صوک عصرلرده، حاکماری بولنان رومالیلردن کوردکاری ظلم و تضییق تأثیریه، و بالاخص بیت المقدسک - قدسک - تخریبندن صکره، برقوق یهودیلر حجازه هجرت ایتمشدی. احتمال که نبطیلر دخی رومالیلرک قبضه استیلالرینه کچدکن صکره انلردن کوردکاری استبداد و تضییقات تأثیری ایله اورالره مهاجرت ایتمشیر و مدنی برقوم اولدقلری ایچون مکه و مدینه یی، طائفی مقر هجرت اتخا ایلشدر. یهودیلر ایه اغاب احتماله کوره مدینه یه مهاجرت ایدرلردی. چونکه کندی ملترلندن اولان (اوس)، (خزرج) قبائی مدینه ده مقیم بولنیورلردی. موسویلرک بعض عادات و اخلاق جهندن عربلر اوزرینه عظیم تأثیرلری اولمشدر. (سیل عرم) تأثیریه یمنده برطاقم قبائلک

حجازه مهاجرت ایتدیکنی بالمناصبه دیگر بربرده ذکر ایتش ایدک. ایشته بو هجرت و اختلاطلردن صکره حجاز اهالیسی بری حال فطرت و بداونده قالان سیار عربلر، دیگر (مکه)، (طائف)، (مدینه) کبی شهرلرده اقامت ایدن اهل حضارت اولمق اوزره ایکی قسم تشکیل ایلشدر.

مکه کعبه یی زیارت ایچون اطرافدن کلنلره مقام حج اتخا ایدلش اولدینی ایچون حجازک اک مشهور شهری ایدی. هر سنه اوقات معینه ده اجتماع ایدن حاجیلر سایه سنده مکه مرور زمان ایلهر مرکز تجارت کسیدلرکنندن اطرافده بولک ان قوتلی قبائلک نظری بوشهره توجه ایتمشدی. مکه مکرمه ایلک ازمئه تاریخیه سفده بنی اسماعیلدن اولان حجازلیلرک حوزه تصرفرنده بولنیور ایدی. چونکه (بنی اسماعیل) کعبه معظمه نک ساندلری، یعنی محافظ و قوجیلری ایدیلر. فقط بالاخره ایکنجی عصر میلادی صره لرنده (بنی خزاعه) سیل عرمک وقوعی متعاقب یمندن حجازه مهاجرت ایدنجه یمنده حکم سوردکاری زمان آلیشدقلری اعتیاد حاکمیت تأثیریه حجازلیلری تحت اطاعته آلمشدر. اسماعیلر (یا خود عدنانیلر) اوئانده ضعیف و مقاومتیه غیر مقتدر برحاله بولنیورلردی. آنحق چوق زمانلر کچمدن قانون نشوونما حکمنی اجرا ایدرک بنی خزاعه (ینلیلر) ضعه دوشمشیر و عدنانیلر ایه بالعکس قوت بولهرق بونلردن (کنانه) قبیله سی و (کنانه) دنده (قریش) قبیله سی ظهور ایلشدر.



كعبه معظمه قېوجيلنى مکه مكرمه نك  
 حاكيتنى ده متضمن ايدى . بوحى احرار  
 ايدن (قصى) اقربا و تعلقاندىن اولان قرشيلرى  
 مكه ده و اطرافنده جمع ايدرك حاكيتنى انلر  
 طانتد يردقدن صكره مككى درت قسمة تقسيم  
 وانلر توديع ايتشدرد . بونك اوزرينه قرشيلر  
 مككى اعمار ايتشلردر . (قصى) قرشيلر مياننده  
 هر شيدى رئيس كسلمش ايدى .

(قصى) كوفاتندن صكره اوغلى (عبدمناف)  
 بدرينك موقعنه كچمشدر . (عبدمناف) كچو جقلىرى  
 ميانده برى (هاشم) ، ديكرى (عبدشمس)  
 ناملرنده ايكي چوجنى واردى . موماليه ارتحاله  
 ياقلا شنبه كعبه معظمه محافظلى (هاشم) وصيت  
 ايتلشدر . عبدشمس ك اميه (بنى اميه نك جدى)  
 اسمنده كى اوغلى عمجه سنك اوصورتله مقام رياسته  
 كچمىندن طولايى ، حسد ايلديكىندن عمجه ايله  
 برادرزاده آرمىنده منافرت و خصومت حاصل  
 اولمشدر . [\*] اميه كنىدى قبيله سى مياننده

(\*) (ابن الاثير) ك (تاريخ الكامل) نك ايكى  
 جلد نك ۸ نجى صحيفه سنده بوقعه شوصورتله تصوير  
 اولنور : روايته كوره (عبدمناف) ك اوغللىرى  
 (عبدشمس) ايله (هاشم) توأم اولهرق برى  
 ديكرندن اول طوغدىنى حالده برينك بارمى ديكرينك  
 جبهه سنده بيتشك اولدينى كوريلهرك فصل ايدلش .  
 قان آقش . ايكي قارداش آرمىنده قان وقوع  
 بوله جنى سويلتمش . (عبدمناف) ك وفاتندن صكره  
 عهده سنده بولان كعبه محافظلى وسقائى (هاشم)  
 انتقان ايدنجه (عبدشمس) ك اوغلى (اميه)  
 عمجه سنده بورياستدن طولايى حسد ايدرك عمجه سنك  
 ياپدينى كى ياقعه قاتلىشمش . موفق اوله مامش .  
 قريشدين بعضلى (اميه) نك بوحالنه نظر شمات

ميلادك بشنجى عصر نده قريش قبيله سنك  
 امارت و رياستنده (قصى بن كلاب بن مره)  
 بولنوردى . مشاراليه عاقل و حكيم و صاحب  
 اداره و دها ، برزات اولدينى جهته كعبه معظمه نك  
 متوليد كينه نائل اولمق مقصديله كعبه متوليسى  
 خزاعه دن (حليل بن حبشيه) نك (حى) نامنده كى  
 كريمه سى ايله ازدواج ايلدى . (قصى) بواز دواجدن  
 برقاچ چوجغه مالاك اولهرق بونلرله كسب قوت  
 ايتلش و تجارتله اشتغال ايدرك زنكين اولمشدر .  
 و قتا ك قاين پدرى فراش اختصاره دوشدى ، كعبه  
 معظمه نك محافظلى و قوجيلنى (قصى) كزوجه سى  
 اولان قيزينه وصيت ايلدى . فقط موماليه  
 كعبه معظمه نك محافظلى قيو آچوب قياق  
 كى مشقتلى برخدمتى مستلزم اولمق اعتباريله  
 قوته محتاج اولهرق كندى سنك ايسه بوكا اقتدار  
 و قوتى اولديغندن قبول ايتمدى . بونك اوزرينه  
 خسته ، سداق (محترس) نامنده كى كندى  
 اوغله وصيت ايتدى . فقط مرقوم ضعيف .  
 الحال اولديغندن منصب مذكورى (قصى) يه  
 برطلوم شراب مقابلنده صادى [ ۱ ] .

سدانتك اوصورتله خزاعه دن اسماعيلنلره  
 كچمى خزاعه ليلره كران كلهرك ايكي طرف  
 آرمىنده بوسيدن محاربه لر وقوع بولش  
 ايسه ده نهايت ايشك صلح و حكم صورتيله  
 خانه قرار و يرمشدر . حكم اولمق اوزره قريشدين  
 انتخاب اولسان ذات (قصى) ك لهنه حكم  
 و يرمش و كعبه محافظلى ظهور اسلامه قدر  
 قريشده دوام ايتلشدر .

اسرائیلیلرده لاولرک وخرستیانلرده روحایلرک  
حائز اولدقلری امتیازاته مشابه رطاقم حقوق  
وامتیازاته ممتاز ایدی . قرشیلر هیچ برویری  
ایله ، هیچ برخدمت مدافعه ایله مکلف  
دکلایلر . دیکرلره حاکم اولورلر ، کندیلرینه  
ایسه کیمسه حاکمک ایده مزدی . هر هانکی  
قبیلهدن اولورسه اولسون بلاشرط قیز آلدقلری  
حالدده کندی دین ومذهبلرینه فرط انتساب  
وتعصبی شرط اتخاذ ایتدن کیمسه یه قیز  
ویرمزلردی . فروض حجی وضع واتباعی عالمه  
امرایدن اهل قریش ایدی . هرشیده کندیلرینه  
مخصوص حقوق وامتیازانه مالک بولنیورلردی .

### ازمنه جاهلیله ده عرب حکومتلری

عربلردن مقصدمن حجاز عربلری وبالحاصه  
قبیله نریش در . چونکه شریعت اسلامییه  
بوقبیلهده ظهور یتدیکی کبی صدند بولندیغمن  
مدنیت اسلامییه دخی انلرله قائم اولمشدر .

ازمنه جاهلیله ده کی شکل حکومت شمیدیکی  
بادیه نشینلر آردسند کی شکل حکومت بکنزر .  
مصالح حکومت حال بداوتده بولنان اقوامه  
یالکنز امیر قبیله نك شخصسند اجتماع ایدر .  
مثلا امیرهم پادشاه ، هم قاضی ، هم مالیه ناظری ،  
هم عسکر قوماندانی ، هم هرشیدر . شوقدرکه  
زمان جاهلیته امارت ؛ قبیله ایچسند اک زیاده  
عئلمی ، اک چوق صاحب حسن اداره ودهاء  
ذوانه تودیع اولنوردی . بونده طرفیکیرلک

عمجه سندن زیاده صاحب جاه ورفعت اولدیغنی  
ادعا ایدیوردی . عمجه سی انکله آلوب ویرمک  
ایسته میوردی . قریش ایشه کیریشهرک عمجه  
ایله برادر زاده آره سنده برمسابقه اجراسنی  
آرزو ایتدی . دعوائی هرکیم قزانمازسه  
دیکرینه اللی دوه ویرمکه برابر مکدن یکریمی  
سنه اوزاقلاشمی بوکا شرط قونلشدی . امیه  
بوکا راضی اولدی . عسفاذه مقیم کاهن خزاعی  
حاکم اتخاذ ایدلدی . نهایتده حاکم هاشمه  
حق غالبیت ویردی . بونک اوزرینه هاشم  
اللی دوه اخذ وذبج ایله اتلرینی خلقه طاغیتدیغنی  
کبی امیه دخی شامه کیدرک اوراده یکریمی سنه  
کیریمشدر . وقعه مذکور هاشم ایله امیه  
آواسنده حادث اولان ایلك عداوت ایدی .  
مشارالیه مانک ولادواحقادی نازمنه اسلامییه ده  
بیله بوعداوتی ارثاً وفعلاً محافظه ایتمشدر .  
هاشمندن نمکره کعبه معظمه نك تولیتی  
اوغلی جدنجی ، حضرت عبدالمطلبه کچمشدر .  
قبیله قریش سائر قبائل عرب میاننده


ایله باقشیلر . بونک اوزرینه امیه قیزمش . عمجه سی  
ایله شرف واققدارجه برمسابقه آحق ایسته مش . عمجه سی  
ایسه سنأومقاماً دهایوک اولدیغدن اولیه برمسابقه یه  
کیریشمک ایسته مامش . قریش راضی اولمامش ،  
مسابقه نك اجراسنی طلب ایتمش . مسابقه ده هرکیم  
غائب ایدر ایسه اللی دوه ویرمکه ومکه مکرمه دن  
اون سنه مفارقت ایتمکه مجبور اولسی شرط قونلش .  
مسابقه یه کاهن خزاعی حکم اتخاذ ایدلش . کاهن  
( هاشم ) ک غالبیتنه حکم ویرمش . بونک اوزرینه  
امیه اللی دوه ویرمکه مکدن اوزاق شامده اون سنه  
زمان کچیرمشدر . بووقعه هاشم وامیه آره سنده وقبع  
بولان ایلك عداوتی تشکیل ایدر » مترجم



## كعبه معظمه ، تجارت ، قریش

یوقا یدیه بیان ایدلیدی اوزره قرشیلر شهرلی و تجارتله مشغول ایدیلر . اك مهم منابع تجارتلری ایام مخصوصده مكه مكرمه یه كلن حجاج ایله قائم ایدی . شوخالده حجاجه یوللری تسهیل و ایقاي حجه خلقی ترغیب ایتك كند . یلرینك مقضای منفعتلری ایدی . هر قبیله نك كعبهده برصنمی و آنك زیارتی ایچون بریوم مخصوصی بولندیغی جهتله بوحال قبائل مذكو . ره یی كعبه نك زیارتنه تشویق ایدیوردی . هر قبیله كندی صنفی ایام مخصوصده زیارت ایدركن اكا قربانلر ذبح ایلردی . كعبهده بیوك ، كوچك ، بعضلری انسان ، برقصمی حیوانات ویا نباتات شكندنه اوچ یوزدن زیاده صنم بریكمشدی .

زمان جاهلیتده هرسنه شهر حرمدنه ( ذوالقعد ، ذوالحجه ، محرم ، رجب ) طائف قربنده بیوك برینه ایر قورولوردی كه ( سوق عكاظ ) نامیله شهرتشار اولان بوبازار عمومی یه خلق هر طرفدن فوج فوج كلهرك خرما آغاجلرینك سایه سنده خیمه لر قورارلر ، آلیش ویریشده ، مبادلاتده بولنورلردی . عربلرك بوپنایردن بشقه دیکر یرلرده قورولور دیکر پنایرلری دها واردی . فقط بوپنایرلر برشهر و جوارای اهاالیسنه مخصوص كوچك شیلر اولوب هر طرفدن عربلرك اجتماعكاهی اولمق اوزره اك بیوك و عمومی پنایر ( سوق عكاظ ) ایدی . بونكه برابر قرشیلر قبائل



شكل ۳ : كعبه معظمه نك بوكونی حالی

شایان تجویز کورولوردی . برقبیله ده عینی اوصافده متعدد اشخاص بولنورسه اك زیاده اختیار و صاحب جاه اولان ترجیح اولنوردی . بوندن ماعدا برقاج قبیله خارجی بر تجاوزه قارشی آرهلرنده بر معاهده حربیه عقد ایدرك ایش حربیه منجر اولور ایسه اوقبیله لك رئیسـلری یئنده قره چکیلیر ، قره هر كیمه اصابت ایدرسه بیوكلك ویا كوچكلكنه باقلمیه رق رئیس انتخاب اولنوردی .

خیمه نشین اولان ونهب و غارتله وقت كچیرن عربلرك اوزمانکی حكومتـلری بالاده عرض ایدلیدی شكندنه ایدی . مكه مكرمه اهاالیسنه كلنجه بونلر اوایله اولیـوب شهرلی ایدیلر . آرهلرنده ریاست ، كعبه معظمه نك خادم و پرده دارینه ( سادنه ) مخصوص ایدی . بو خدمت بالاخره قرینه انتقال ایدنجه هرشیده حاکمیت دخی قریشه كچمشدر .

ممالک کنه و یا حبشستانه دخی کیدرک غودتلرنده  
شامدن قاشلر ، ماکولات ، عجمستاندن ایسه  
شکر ، موم وسائره جلب ایدرلردی .

معروضات آنفهدن آکلاشیلورکه کعبه  
معظمه مکّه مکرمه اهالیسنک مدار معیشتلرینی  
تشکیل ایلوردی . کعبه اولمسهیدی هردرلو  
قوه انباتیهدن محروم اولان او وادیده یاشامق  
امکان خارجنده قاله جقدی . کثرت سیاحتلری  
وبو سایهده عراق ، شام جهتلرنده عالم مدیتله  
اختلاطلری حسیبله علم و عرفانجه ، تجربه  
و درایتجه عربلرک اک ایلری کنسلری اولان  
قرشیلر کعبه معظمه نیک کندی اسباب معیشتلر-  
یله اولان درجه ارتباطی آکلادقلرندن او محل  
مبارکی حسن ادارهیه و هر طرفدن خلقت  
قدومنی تسهیله صرف مساعی ایدرک از جمله  
اماکن مناسبهده صو ویرمک ویمک یدیرمک  
ایچون محللر تأسیس ایتدکلی کبی کعبه نیک  
اطرافنی اوجوارده حرب و قتال و هردرلو  
عداوت وجدال ممنوع بر حرم ذی شان عد  
واعتبار ایلشلردر .

کندیلرندن برطاقلری صو ویرمکه ،  
دیگر طاقلریده حاجیلره نیک اولاشدیرمغه  
وسائریه باقغه مامور اولمشلردر . وظائف  
مذکوره مرور زمان ایله او قدر چوغلاشدرکه  
ظهور اسلام یقینلرنده او وظائف برقاچ  
عشراته بالغ اولیوردی .

اوزمانه کوره عادتاً وظائف حاکمیت و یا  
مصالح حکومت عدایدیلن وظائف مباحوث  
عنها قریش قبیله سی بطونی ، یعنی آنی تشکیل

عربک ذکر اولنان پنایر یرنده اجتماعلرینه  
برقات دهاتشویقاتده بولنش اولوق اوزره  
انشاد اشعاره ، نطق ایرادینه ، اظهار اقتدار  
ودهاییه ، اسیر قورتارمغه ، حتی فصل دعاوی  
وشکایاته مخصوص اماکن ، حکم و حکام تعیین  
ایلشلردی که خلق برطرفدن آلیش ویریشده  
بولنورکن دیگر طرفندن ده شعرا ، بلغا شعر  
ونطقلر انشاد و ایراد ایدرک درجه لرینه کوره  
حکم طرفندن مظهر تقدیر اولورلر ، اسیری  
اولانلر اسیرلرینی قورتارمغه چالیشیرلر ،  
مشکیلر شکایتلرینی اظهار ایله نائل عدالت  
اولورلردی . بوندن ماعدا پنایر یرنده وقوعی  
محتمل اولان مسائل واختلافاته وانتظام  
وآسایشه باققی ایچون آیریجه بررئیس تعیین  
اولنوردی که بورئیس علی الاغلب (بی تمیم) دن  
انتخاب ایدیلیردی . خلق عکاظک انتہاسنده  
عرفهده طویلاندرق اورادن مکّه کایرلر ،  
مکّهده مناسک حجی ایفا ایتدکدن صکره هرکس  
یرلی یرینه طاغیلردی .

قرشیلر هر سنه برای تجارت ابکی سیاحتده  
بولنورلردی . بری قیشین یمه ، دیکری یازین  
شامه وقوع بولوردی . بوسیدن مکّه مکرمه  
یمن ایله شام آره سنده مواصلات تجاریه نیک  
مرکزی ایدی . قرشیلر کعبه معظمه نیک  
متولیلری اولدقاری ایچون بتون قبائل عرب  
آره سنده بر موقع احترام اشغال ایدیورلردی .  
بوسیدن بشقه لری ایچون غایت محاطره لی  
اولان یوللر کندیلری ایچون هیچ برتهلکیمی  
داعی بولنمزدی . قرشیلر برچوق دفعه ایران



ایلدشدر. زمزم میدانه چیققدن صکره ایسه  
حججه صو، زمزمندن تدارك اولنغه باشلامشدر.  
وظیفه مذکورہ بنی هاشمك عہدہ سندنہ  
ایدی .

ثالثاً — رفادہ : فقرای حججه اطعمہ  
توزیعی . بوکا (رفادہ) دیرلردی . ہر موسم  
حججه قریش بینندہ ہرکسک حال واستطاعتہ  
کورہ براعانہ طویلانہرق مأتولات آلتق  
وفقرای حججه اطعام ایدمک اوزرہ متولیسنہ  
ویریلردی . رفادہ بنی وضع واحداث ایدن  
سائف الذکر قصی اولوب برمدت (بنی نوفل)  
عہدہ سندنہ بولمئس ایسہدہ نہایۃ الامر بنی ہاشمہ  
کچمشدر .

رابعاً — عقاب : علمدارلق وظیفہ سی .  
قریشك عقاب (قرہ قوش) نامیلہ معروف  
برسنجانی واردی کہ حرب ظہورندہ چیقارہ  
یلردی . قریش متفقاً برعلمدار انتخاب ایدرہ  
لرسہ سنجانگی اکا، ایتزلرسہ اصل مأمورینہ  
تودیع ایلرلردی . علمدارلق (بنی امیہ) نک  
عہدہ سندنہ ایدی .

خامساً — (ندوہ) دنیلن دارشورادر .  
(قصی) طرفندن کعبہ نک کنارندہ انشا اولنان  
بوننادہ اکابر قریش اجرای مشورت ومذاکرہ  
ایچون اجتماع ایدرلر وقرق یاشندن آشانی  
بولنانلر مجلسہ داخل اولہ مازلردی .

بالعموم ازدواجلر ، برحرب ایچون  
سنجاق عقد وتسلیمی مراسمی ، قریش قیزلرینہ  
کوملک کیدرمک مراسمی بورادہ یاییلردی .  
سن رشدہ بالغ اولنجه قیزلرہ کوملک کیدیرمک

ایدن اقسام اصلیه میانسدہ تقسیم وتوزیع  
ایدلمش ایدی . قریشك الك مشهور بطونی  
(ہاشم) ، (امیہ) ، (نوفل) ، (عبدالدار) ،  
(أسد) ، (تیم) ، (مخزوم) ، (عدی) ،  
(حجج) . (سہم) اولمق اوزرہ اون بطن ایدی کہ  
بولنردن ہر برینہ بروظیفہ ویاخود متعدد  
وظائف ویرلمش ایدی . وظائف مذکورہ  
شونلر ایدی :

اولا — سدانٹ : کعبہ نک حاجبکی .  
متولیس کعبہ نک قبوجیسی وپردہ داریدر .  
کعبہ نک اناختارلری بوذاتک الندہ بولنوردی .  
قبوی بوذات آچوب قاباردی . عربلرجه الك  
یوکسک مقام بووظیفہ نک مقامی ایدی .  
خدمت مشارالہا عربلرک موسویلردن انتباس  
ایتدکلری شیلردندر . چونکہ یہودیلردہ معبد  
مقدسی محافظہ یہ مأمور و (حافظالباب) ،  
— قبو محافظی — نامیلہ معروف برکاھن خاص ،  
یعنی بررئیس روحانی مخصوص موجود ایدی .  
(العقد الفرید) صاحب کعبہ نک سدانٹ وحجابتی  
آری آری برر وظیفہ شکندہ کوستریبور .  
ثانیاً — سقایہ : مکدہ صویک ندرتنہ

مبنی کلن حججه صو تدارك واعطا ایتک  
وظیفہ سی ؛ بوکا سقایہ ، یعنی صو ویرمک  
دیرلردی . وظیفہ مذکورہ بنی درعہدہ ایدنلر  
طائلی صولری قویولردن قریہلر وسائر قابلر  
درونندہ دوملرلہ جاب ایلہ کعبہ نک اوکلرندہ  
وحولیلرندہ دریدن یابدقلری حوضلرہ املا  
ایتدکدن صکرہ حججه توزیع ایلرلردی .  
بو حال زمزم صویک ظہورینہ قدر دوام

دیمکدرکه بو منصبی احراز ایدن ذات قریشک  
آتلرینه نظارت ایدر وائشای حربده اداره  
لرینه باقاردی .

احد عشر — ( سفارت ) — ایلچیلک — .  
اهل قریش ایله قبائل سائره آره سنده بر محاربه  
وقوع بولوبده عتد مصالحه ایچون اجرای  
مخبریه لزوم کورولور ایسه برسفیر کوندریر  
لردی . عرب فرقه لرندن بری ادعای تفوق  
ورجحان ایتسه مقابله ایچون ینه اوسفیره مأذونیت  
وصلاحیت ویریلردی . قریشک زمان جاهلیتده  
قبل الاسلام اک صوک سفیری حضرت عمر در .  
ثانی عشر — ( ایسار ) نامیلک معروف  
اولان قسمت وقرعه اسبولیدرکه یولجیلاق  
ویا محاربهده عمومی برایشه مباشرت ایده جک  
اولسلر ( ازالام ) اسمیلک معروف اولان قرعه  
ویا قسمت اوقلرینک برینه ( امر ) و دیگرینه ( نهی )  
تحریر و بر ظرف ایچنه وضع ایدرلر واللرینی  
صوقوب لاعلی التعین برینی چیقاریرلردی .  
چقان امر ایسه اجرا ، نهی ایسه ایشدن  
فراغت ایدرلردی . بو خصوصه نظارت حق  
( بنی جح ) ک عهده سنده ایدی .

ثالث عشر — حکومت : بین الناس رؤیت  
وفصل دعاوی مأموریتیدر . بوکا ( حکومت )  
دیرلردی . ظهور اسلامدن صکره کی قضاویا  
تحکیمه مشابه بر وظیفه ایدی .

رابع عشر — اموال محجره اداره سیدرکه  
قرشیلرک کعبهده کی صنمیره وقف ایتدکلری  
نقود ، مجوهرات و سائردهن تشکل ایدر .  
احتمال که زمان جاهلیتک خزینة مالیه سی بودر .

قرشیلرجه عادت اولدیغندن ندوه متولیس  
قیزک کوملککنی بیرته رق کنسدی ایلکله اکا  
کوملک اکسا ایدردی . دارالندوه عبدالدارک  
عهده سنده ایدی .

سادساً — قیاده: یعنی قوماندانلق . حرب  
ویا تجارت ایچون کیدن فرقه محاربین و قافله لرک  
برامیری بولنوردی که ائشای سفرده اوکده  
کیدردی . وظیفه مذکوره بنی امیه نک عهده  
سنده و اوائل اسلامده ( معاویه ) نک پدری  
ابوسفیانده مستقر بولنوردی .

سابعاً — مشورة . امور و خصوصیات  
مهمهده رأی و مطالعه سنده مراجعت اولنور  
مستشارلق دیمک اولان بو وظیفه ( بنی اسد ) ه  
منحصر ایدی . قرشیلر بر فکری بنی اسده  
عرض ایدوب رأیلرینی آلمه دن هیچ برامر  
مهم حقنده برقرار ائخاذ ایتزلردی .

ثامناً — اشناق تعبیر اولنوب بورجباری  
وجزای تقدیلری تقدیر و تعدیل و تسویه  
خصوصاتی رؤیت ایچون احداث ایدیلن  
بو مأموریت بنی تمیه تخصیص اولنش ایدی .  
بو وظیفه ایلک مکلف اولان ذات بو مسائله  
دائر هر نه بی تنسیب ایدرسه قرشیلرجهده  
شایان قبول و تصدیق کورولوردی .

تاسعاً — ( قبه ) دینیلن چادر اولوب  
محاربه یه کیندکلری زمان انی قورارلر و عسکری  
تجهیز ایتک ایچون هر نه لازم ایسه بونک  
آلته طویلرلردی . بوايسه عصر مزه کوره  
مهمات حربیه ده بوسی دیمکدر .

عاشراً — ( اغنه ) ، یعنی آتلرک دیزکینلری



## اسلامیتدن اول عربلرک انتباهی

قبل الاسلام عربلرک تاریخی مبهم وقاریشیق ایسهده انی اوقاریشیقاق ومبهمیت ایله برابر نظر تدقیق ومطالعهدن کچیردک اولورسه کز ینه غایت عبرت آمیز ودوشوندیریجی برچوق نقاطه راست کلکدن خالی قالماسکز . از جمله عربلرک هانکی قبیله و بطنندن اولورسه اولسون بونلرک هیچ برندن قبل الاسلام برنجی عصردن اول برشاعر ، برخطیب ، برحکیم ویا برکاهنک یتشدیکنه پک نادراً تصادف اولنور . بوراده اوعصردن اول یتیشن رجالدن متروکات قالمامشدر اعتراضی سرد اولنه ماز . چونکه اندن ده ا برچوق عصرلر اولنه عائد اولان (عاد) ، (ثمود) ، (صالح) و (هود) ه متعلق روایات وحادثات عربلر آره سنده محفوظ قالدرق عصردن عصره انتقال وتداول ایلمشدر . بناء علیه قبل الاسلام قرون اخیرده عربلردن برشاعر ویا برخطیب ظهور ایتمش اولسه ایدی انک ذکر ی ومتروکاتی طبیعی بالکلیه اونودیا میه جق ایدی .

شعرا ، خطبا وحکمانک آنجق ظهور اسلامدن اولکی صوک عصرده دفعةً ظهور ایتلری بردور انتباه عربی ویا بردور اعتلای ادبی تشکیل ایلر . ارا انتباه ویا اعتلا شعر وادبیاته منحصر قالمدی . دینه دخی شامل اولدی . اوصرده برانتباه دینیک اسبابی تهیه اولنوردی . هرکس اعتقادات وعبادته پریشان برحاله بولنور ، کیمه اجرای عبادت ، کیمدن طلب خیر وشفاعت ایده جکی بیه میور

بووظیفه نك تولیتی ( بنی سهم ) ه منحصر ایدی . خامس عشر — عماره : مسجد حرامده کیمسه نك بی ادبانه ویا شتومه متعلق سوز سویلامسنه ، یوکسک سس چیقارماسنه نظارت ایتک وظیفه سیدرکه بوکا ( عماره ) اطلاق ایدرلردی .

بالاده کی ایضاحاتدن آکلاشلدیغی اوزره ذکر اولنان وظائفک بعضلری اوقدر حائر اهمیت برشی دکلدی . فقط شودخی حس اولنورکه انلرک وظائف مذکورده ی اودرجه چوغا تلمری آرده وقوع استرقاب ومحاسنه ددن قورقه رق بالجمله بطون قریشی ممنون ایتک ، کعبه معظمه حقنده کی حرمت ولعظیمی ترید ایلک مقصدیله وقوع بولمشدر . چونکه کعبه حقنده نه قدر اظهار آثار تعظیم ایتسه لر اولنوبنده اورایه حجاج کلردی .

کذلک شودخی آکلاشیلورکه انلر بوخصوصانده سیاسیات ایله دیاتی ، اموراداره ایله حربی بربرینه مزج وتالیف ایلمشدردی . برده او وظائفی کندی آرهلرنده جمهوریتیه مشابه برشکلده تقسیم وتوزیع ایتلمشدردی که ملل متمنده ده کا مشابه برحکومت کوره میورز عربلرک حکومت جاهلیه سی بلکه بعض جهتلردن حکومت مشروطیه بکزه مکده در . آنجق حکومت مشروطه نك برریشی ویا برادشائی بولنور . حال بوکه او حکومتده ( داراندوه ) ، ( سدانه ) ناظرلرینک حائر اوله بیله جکلری نفوذ ریاستدن بشقه حکومت مشروطه ریاست ویا پادشاهلغندن برائر کوریه منز .

ایدی . اعتقادات بر برینه او قدر قاریش مش  
ایدی که بر آدم اصنامه قربان کسیدی خالد عین  
زمانده اللهه عبادت ایدیوردی . جناب حقه  
قربان کسه رک خالق واحده عرض عبادت  
ایدن بولندینی کی طاشه ، آتسه ، اصنامه  
پرستش ایدنلر دخی وار ایدی . بویله جه بر  
آرده وعین زمانده بر چوق دیانتلرک بولمسی  
اذهان ناسده قاریش یقلنی واختلافی موجب  
اولمشدی . فضله اوله رق اوصرلرده بعض  
کیمسه لر ظهور ایدرک شراب ایچمکی ، پوته  
(بت) طایمنی تحریم ایلدکلرندن خلق بسبتون  
اختلافه دوشمش ایدی . آرتق هرکس بر  
پیغمبرک ظهوری ایله بوقاریش یقلرک زاله سنی  
تمی ایلدکده ایدی . بر پیغمبرک ظهور ایده چیکی  
السنة ناسده تداوله باشلامشدی . حتی خلقک  
بواسطه دایینه بناء مختلف قبائلدن متعدد اشخاص  
ادعای نبوت بیله ایتمن ، متعدد دیگر اشخاص ده  
عینی ادعایه حاضرلانش ایدی . بویسه خلقک  
اوصرلرده دین ایلنه درجه ده اشتغال ایتدکلرینی  
واحوالک نتیجه سنی نه قدر دوشوندکلرینی اراثة  
ایلر [\*] .

[\*] ظهور اسلامیتدن اول عربلر اکثریتله  
بتپرست ایلقله برابر انلرک ایچنده عبادت اصنامی  
واقعاله وحشتکارانه چیکن کورن ارباب عقل  
وبضیرت ذواتده وار ایدی . بعثت نبویه دن اول  
وفات ایدن عربلرک خطیب وحکیم مشهوری (قس  
بن ساعدة الابدی) ، حضرت عمرک عمجه سی  
(ابوسمید بن زید) ، حضرت خدیجه کت عمزاده سی  
(ورقة بن نوفل) وحدت الهمیه قائل اولانلردن  
ایدیلر . بر قسم خلق ده وار ایدی که بولر حال فطرته ده  
قاله رق هیچ بر دین ایله متدین اولماشلردی .  
(مترجم)

بوانتباهاک سبی : — عدنائیه عربلرینک  
فطرة صفاى ذهنه وسرعت خاطر وذکایه  
مالکیتلرینه بناء انتباه استعدادلرینی ومدنیته  
اهلیتلرینی بالاده کی مطالعاتده بسط وتمهید  
ایتمش ایدک . آنجق بونلر جنک وقتال ایله  
اشتغال ایللری وعالم مدنیتنن بعید بولملری  
سببیه اواسطعداد واهلیتلرینی اظهاره وسیله  
بوله میورلردی . قوای طبیعیه ده جاری اولدینی  
ارزره اکثریتله انسان جبر وتضییق کورمدن  
قولی قطریه سنی اظهار ایده من . انسان علی  
الغلب ورطه احتیاج ومضایقه ویاخود بر  
رقیک رقابتده دوجار اولدن طریق تعالی یه  
قولایلقله کندینی آتیه میور .

افراد نصل ایسه ملتارک حالی ده بویله در .  
برملت خارجی ویا داخلی محاربات ایله وارلنی  
تهدید ایدلرسه اولمت تعالی وترقیه سلوک  
اید میور . محاربات خارجیه بوخصوصده ده  
زیاده مؤثردر . چونکه بوکی محارباتده  
اکثریا ملل سائر ایله اختلاط حاصل اولور ،  
اواختلاط وتماسدن برطرفک مدنیتی دیگر  
طرفه کچر ، آرده بر رقابت ظهور ایدر .  
تاریخ حیات بشرده بونوعدن اولان وقایع  
چوقجه در .

حبشیلرک قبل الاسلام اک صوک ایکی  
عصرده یمنه وقبل الهجره برنجی عصرک  
اواسطنده مکین فتح وکعبه نی استیلا ایتک  
اوزره حجازه وقوع بولان تجاوزلرندن عربلرک  
دوجار اولدکلری مصائب اوقیلدن اولان ،  
یعنی انلری حال انتباهه کترین وقایع



جمله سندنذر . اوصرده كعبه نك سدانتي  
جذبى (عبدالمطلب) ك عهده سنده بولنوردى .  
حبشلىلر عسكرلىله ، سلاحلىله ، فيللىله  
مكه ياقلاشديلردى . مكه اهالىسى كعبه نك  
جوار قبائلنجه حائر اولدينى تعظيم وحرمة  
وهيچ بردشمندن خوف وخشيت موجود  
اولماسنه بناءً اويله تجاوزاته آيشامشلردى .  
حبشلىلرى كورنجه دوچار اولدقلىرى  
مخاطره نك درجه سنى آكلایه رق دشمنى دفع  
وتككيل ايتك ايچون اتحادك وجوبى درحال  
تقدير ايتمشلر وواسايه ده حبشلىلرى مملكتلرندن  
دفع ايلشلردر . ايشته بوآندن اعتباراً  
دوشونمكه ، تعالى واطهار مزيت ايتمكه باشلا .  
مشلردر . عربلر اووقعه ي (عام الفيل) ناميله  
كندىلرى ايچون برمبدا تاريخ اتحاد  
ايلشلردر كه وقعۀ مذكوره نك عربلر اوزرنده  
نقدرتاثير اجرا ايتدىكى بونكه ده آكلاشيله بيلير .  
آتيده ذكر ايدة جكمز اوزره فرانسه  
اختلالى (بونابارت) و قوماندانلرى بالتتيجه  
نصل ميدانه چيقارمش ايسه حبشلىلر ايله  
تماس ومجادله دخى عربلرده برانتهه احداث  
ايتلىسى نتيجه سى اوله رق اداره و قوماندانلق  
واكا مشابه مزايى عاليه ايله متصف برچوق  
بيوك آدملىر يتشمشدر كه بونلر اسلاميتك  
سرعتله انتشارينه خدمت ايتمش اك بيوك  
اسبابدن اولمشلردر .

مع مافيه (عام الفيل) عرب انتباهنك بستيون  
اساسى اولمسه بيله هر حالده حبشلىلر كينه  
تجاوزلى عربلرده برمبدا انتباهه باعث اولمش

## اسلاميته دعوت

صاحب شريعت اسلاميه نبى ذى شان  
حضر تلى اظهار نبوت وخلقى طريق توحيد  
دعوت ايتدىكى صروده حجازده بولنان عربلر  
حالى بالاده ذكر اولنديكى كجى ايدى . حضرت  
محمد ۶۰۹ سنه ميلاديه سنده قرق ياشنده  
بولندقلىرى حالده اعلان دعوت ايلشلردر .  
يغمبر ذى شانك ترجمه حالى اوزون تفصيلات  
ايله يازمغه موقع مساعد دكلدر . يالكز ظهور  
نبوته رفاقت ايدن واسلاميتك انتشارينه ياردم  
اين احوال واسبابك بيان وايضاحى ايچون  
سير نبويه دن كتايمنك موضوعنه تعلق ايدن  
نقطه لرى ذكر ايتمكه اكتفا ايله جكز .

نبى ذى شان مكه مكرمه ده تولد ايلدى .  
پدرلى كنديسنك تولندن ايكي آى اول  
وفات ايلش ايدى . تولندن آلتى سنه صكره  
دخى والده لرى وفات ايتمكه بيوك پدرى

(عبدالمطلب) کنديسنى زیر حمایت و کفالتنه آلدی . عبدالمطلب کعبه معظمه یه مخصوص وظائفدن (سقایه) و (رفاده) ، یعنی صوم و ییه جک توزیعی مأموریتلرینه و قبيله تریش میانده عالی و محترم بر مقامه مالک بولنیوردی . ایکی سنه صکره مشارالیه ده دار بقایه اوتحال ایلدیکندن حضرت محمدک عمجه سی اکابر قریشدن (ابوطالب) ذات نبوتپناه یی زیر حمایت و کفالتنه آلی . (ابوطالب) خلق آره سنده غایت محترم بر ذات ایدی . حضرت محمد مشار الیهک خانه سنده عادتاً اولادی کبی بیودی . ابو طالب سائر رجال قریش کبی تجارت ایله اشتغال ایتدیکندن تجارتیه چیققدیجه یو لایققلرنده حضرت محمدی برابر آلیر ، کوتورردی . حضرت محمد تا کوچک یاشنده ایکن خلق ایله معاملاتسده درایت و ذکا و صدق و صفوتله اشتهار ایتمش و هر کس عننده (امین) لقبه مظهر او اشدی . ذات نبوتپناهینک بو مناقب ایله اشتهاری اوزرینه کنديسنى طانیان صاحبات ثروت و تجارتدن حضرت (خدیجه بنت خویلد) ذات لایمه اموالی تودیع وانکله اجرای تجارت یتیمی تکلیف ایلشدر . حضرت محمد خدیجه نک سرمایه سیله اجرای تجارت ایدرک موفقیت قازاندی . حضرت (خدیجه) بونکله برقات ده اوصاف محمدیه یه مقنون اولدی . کنديسیله ازدواجی تکلیف ایلدی . حضرت محمد مشارالیه ایله ازدواج و پاره سیله اجرای تجارتیه دوام ایتدی . کرک حضرت خدیجه نک ثروتی و کرک کنديسنک

سعی و غیرتی سایه سنده وسعت حاله مالک اوله رق ارباب ثروت و یساردن اولدی . هر کسک جداً نظر حرمت و محبتنی جلب ایتیش ایدی .

وقتا که قرق یاشنه بالغ اولدی ، خلوت و اعتدالی التزام ایدرک زهد و تقوی اربابنک یایدققلری کبی خلقدن اوزا قلاشمغه ، طاغرده ، وادیلرده وقت کچیرمکه باشلادی . مذکور سنه نک رمضانده خدیجه ایله برابر مکه مرمه دن اوچ میل مسافه ده کائن (حراء) طاغنده بولنیوردی . بو آیده مالک وحی و الهام رؤیایی تجلی ایلدی [\*] . در حال زوجیه سی حضرت (خدیجه) یه کیدرک (حضرت جبرائیلک کنديسینه کورندیکنی ، « اقرأ باسم ربک الذی خلق » آیت کریمه سنی او قومنی امر ایتدیکنی ، آیی او قودیفنی ، طاغک [\*] فخر عالم افندمن حضرتلرنده و حیثک ابتدایی رؤیا ایله اولوب هر قنی رؤیایی کورسه بهمه حال عینی ظهور ایدردی .

مقدمه ابن خلدون ترجمه سی

ص ۹۷ ج ۳

ذات پیغمبری قرق یاشنه واردققلری زمان رسالت ایله مبعوث پیورولدیلر . نبوتدن ایلک تظاهر ایدن اثر رؤیای صادقه ایدی . جناب حق حضرت نبی یه خلوت و تنهالی سودیردیکندن جناب پیغمبر هر سنه حراء طاعی جوازنده بری اقامت ایدردی . حضرت نبی رسالت سنه سنک رمضان آبنده خانهلری خلقی ایله معتاد وجه ایله حراء طاغنه کیدرک اقامت ایتدیکنی صروده برکیجه حضرت جبریل نزد نبوی یه کلهرک « اقرأ الخ » او قومنی سويلشدر . حضرت نبی متعاقباً طاغنه چیقهرق سما طرفندن حضرت جبریلک « ای محمد . سن اللهک رسولا یسک . بنده جبریل یم » دیدیکنی ایشتمش و جبریلی کورمشدر .

ابوالفدا ص ۱۱۵ ج ۱ مترج



اورته سنه کيتديکنده سمان کنديسنه خطاباً :  
 « ای محمد ، سن اللهک رسوليسک ، بنده  
 جبريل » ديه برسس ايشيتديکني ، کنديسني  
 خشيت استيلا ايتديکني نقل و اخبار ايلدي .  
 حضرت خديجه نك ( ورقه بن نوفل ) نامنده  
 بر عمزاده سي وارايدی که کتابلر اوقومش ،  
 تدقيقاتده بولنش ، تورات وانجيل اهلي ايله ،  
 يعني موسوی وعيسويلرايله اختلاطده بولنه رق  
 اقوال ومطالعه لرينه وقوف حاصل اتمش ايدی .  
 بو ذات دينلر ويغمبرلر حقنده مکده وسعت  
 اطلاع ايله شهرت قازانمش ايدی . حضرت  
 خديجه ( ورقه ) نك نزدينه کيتدی ، اخبار  
 کيفيت ايتدی . مشاراليه : « جاني يدتصرفنده  
 طوتان خالق تعاليه قسم ايدرکم ای خديجه  
 اکر طوغري سويليورسه ک حضرت موسايه نازل  
 اولان ناموس اکبر ( يعني جبريل ) بوکرده ده  
 نازل اولمش ديمکدر . او حالده محمد بوملتک  
 يغمبريدر » [ ۱ ] جوابنده بولندی .

خديجه ( ورقه ) نك نزدنن عودت ايتدی .  
 حضرت محمده ورقه نك سوزيني نقل و حکايه  
 ايلدی . ذات نبوتناهي بوسوزلر ايله متسلي  
 اوله رق مکيه عودت ايتدی . فقط اظهار  
 دعوته جسارت ايدموردی . چونکه قریشی  
 وحدانيت الهيه دعوت ايتک ، الله ديه  
 طايدقلى شيلری ، تکریم ايتدکاری بتلری  
 تعيب وتحقير ديمک ايدی . بوايه اهل قریشه پک

[ ۱ ] « والذى نفس ورقه بيده لان صدقتني  
 ياخذيجه لقد جاء الناموس الاكبر الذى كان يأني موسى  
 وانه نبى هذه الامة . » [ متن ]

[ \* ] حضرت يغمبره ياشلي آدمردن ايلک  
 ايمان کتيرن ذات حضرت ( ابو بکر بن ابى قحافه ) ،  
 قايىلدن ايلک ايمان ايدن مخدوره حضرت ( خديجه  
 بنت خويلد ) وچوقلدن ايلک ايمان کتيرن صبى  
 ( علي بن ابى طالب ) ايدلر . اسلاملرده صکره تدريجاً  
 چوغالشلردر . مترجم

نبی علینک بوینه صارلدی . « بو ، ایچکزه  
بنم قاردشم ، وصییم وخلیفه مدر . سوزینی  
دیکله یك وکندیسنه اطاعتده بولونک » دیدی .  
مدعولر کولوشه رک آیاهه قالدیلر وابوطالبه :  
« سنک اوغامکک سوزینی دیکلمکی وا کا  
اطاعت ایتمکی امر ایدیور ها ! » دییه رک  
طاغلایلر .

معافیله بولنرک شو ایکنجی دفعه ده دخی  
استخفاف واستهزالری یسه حضرت نبینک  
یأس وفاتورینه وکندی قومندن اوزاقلاشمسه  
اصلاً باعث اولمادی . حضرت نبی خوف  
واحتراز ایله بوحدده قالدیچ یرده بالعکس  
ایلری کیدرک علناً بتلری تشنیع وتعییب  
وانلره طابانلری ده آچیقندن آچیغه کفر  
وضالته اتهام ایتمکه باشلادی . اهل قریش  
حضرت محمدک بوبله علناً اصنامی تحقیروتزیف  
ایتمکده اولدیغنی کوردکاری زمان عموماً  
کندیسنه دشمن کسلیلر . اکا قارشى کلمکه  
وکندیسنه اذی وجفا ایتمکه قرار ویردیلر .  
فقط بو قرارلرینی موقع فعله قویمغه امکان  
بولمه یورلردی . چونکه حضرت محمد عمجه سی  
( ابوطالب ) ک حمایت وکفالتی آلتنده بولنیور .  
ایدی . شو حلد عمجه سینه مراجعت ایتدیلر .  
( مشهور معاویه نك پدری ) ابو سفیان ده  
بولنرک میانده ایدی . ابوطالبه : « برادر -  
زاده ک دهنزی تعیب وعقل ودرایتمزی تقبیح  
ایدیور . بابالرمزی طوغری یولدن صاپمش  
کورییور . یا ن کندیسنی بوندن واز کجیر -  
یرسک ، یا خودبزی براق که انک حقندن کله لم »

ختمامه ایرنجه حضرت محمد سوزده آغاز  
ایلدی . حاضر بولنان اقباسی حضرت محمدک  
خالقی کیزلیجه اسلامیه دعوت ایتمکده اولدیغنی  
ذاتاً اولجه ایشتمشلر واستخفافده بولتمشلردی .  
طعامدن صکره ذات نبوتناهینک سوزسویلمک  
ایستدیکنی کورنجه کندیلرینی بتلری ترک  
وخالق ذوالجلاله عبادت ایتمکه دعوت ایله جکنی  
آکلادیلر . انلردن حضرت محمد قارشى الک  
شدتلی طاورانان عمجه سی ( ابولهب ) پیغمبره  
سوز سوزیلمدی . مدعولر طاغلایلر . فقط  
حضرت محمد بوندن طولایی فتور ، عزم  
واقدامنه ضعف عارض اولمادی . بر مدت  
صکره ضیافتی تکرار ایتدیردی . بو ضیافتده  
بتون فکرینی سوزیلکه قرار ویرمشدی .  
یمک ختمامه ایرنجه حاضر بولنانلره خطاباً  
دیدى که :

« شمدی یه قدر هیچ برانسانک عربلری ،  
سزى دعوت ایتمک ایستدیکم شیدن دها خیرلی  
برایشه دعوت ایتدیکنی بیلمیورم . سزى  
دنیا وآخرنده موجب خیر وسعادت اولان  
بر خصوصه دعوت یدییورم . جناب حق  
سزه بو دعوتی اجرایه نبی مأمور بیوردی .  
هانکیکنز قرداشم ، وصییم وخلیفهم اولق  
شرطیله بوايشده بکاظهر اولور ؟ »

حاضر بولنانلر سکوت ایتدیلر . فقط  
سکوتلری باشلیجه استخفاف قصدیله ایدی .  
بولنک اوزرینه عمزاده سی حضرت علی پیغمبره  
یاقلاشدی : « ای رسول الله ! انلرک اوزرینه  
بن سنک ظهیرک اوله جغم » دیدی . حضرت



ایدیلر . مشارالیهمن شو صوك ايكي ذاك  
قبول اسلاميت ايتلری نزد نبویه بيوك بر  
منونیتی موجب اولمش ایدی . چونكه ايكیسی ده  
ارباب شان وشرف وقوتدن ایدیلر .

دیگر عمجهلرینه واقرباسنه کلنجه بونلر  
ابو طالبه مراجعتدن بر فائده حصولدن قطع  
امید ایدنجه حضرت نبی طوغریدن طوغری به  
و کوزلاکله مراجعت ایتمهک و بو ایشدن بویلهجه  
واز کچیرمهک قرار ویردیلر . بیوکلی بریرده  
طوپلاندیلر ، حضرت نبی یانلرینه چاغیردیلر .  
نبی ذی شان دعوته اجابته اجتماعکاهه کلدی .  
آلقلشلر ایله کندیسنی استقبال ایتدیلر : « ای  
محمد ! سنکه قونوشمق ایچون سنی چاغیردق .  
عربلردن هیچ کیمسه بیلیمورزکه کندی قومنه  
قارشى سنک مدعیاتک کبی ادعالرده بولمش  
اولسون . سن بابالره شتعد بولیمورسک ، دینی  
تعیب و تقبیح ایلیمورسک ، معبودلره طعن  
وارباب عقلو عقل ودرایتی تحقیر ایدیور .  
سک ، خلق آره سنده تفرقه ووقعنه باعث اولدک .  
سنک ایله بزم آره مزده یامدیغک فنالق قالمدی .  
بویادیغک شیلردن مقصدک آنحق جمع مال  
و ثروت ایسه سنی ایچمزدده اک زنکینی یاخجه به  
قدر کندی اموازدن طوپلایوب سکاویریریز .  
اگر شان وشرف صاحبی اولق ایچون  
یایورسهک سنی کمدیمزه رئیس یابارز . اکر  
پادشاهلق ایستیمورسهک سنی اوزرمزه پادشاه  
انخا ایدرز . یوق ، اکر شو اظهار ایتمهکده  
اولدیغک افکار ، کورمهکده اولدیغک رؤیالر  
تأثیرله سکا تغلب ایتمش اوهامدن عبارت ایسه

اخطارنده بولندیلر . ابو طالب مراجعت  
ایدنلرک خاطرلرینی تطیب ایتدی . خیر وعدیه  
کندیلرینی صاودی .

فقط حضرت نبی اصنامی تقبیح و تزئیف  
ایتمکده دوام ایتدیکندن اهل قریش بو دفعه  
بیوک بر حدتله تکرار ابو طالبه مراجعت  
ایتدیلر : « برادر زاده کی بوندن واز کچیر مزسهک  
برطرف هلاک اولنجه به قدر هم سکا ، هم اکا  
قارشى کله جکز » تهدیدنده بولندیلر . (ابو طالب)  
بو مراجعتدن متأثر اوله رق نتیجه نک وخامتنی  
تقدیر ایتدی . مراجعت ایدنلر صااولدقدن  
صکره برادر زاده سنه « ای برادر مک اوغلی !  
قومک بکا شویله بویله اخطارنده بولندیلر .  
دیه رک انلرک تهدیدانی نقل ایلدی . جناب  
پیغمبر عمجه سنک کندیسنی یا لکیز براقه جغنی  
ظن ایتدی . بو حال پک زیاده کوجنه کیتدی .  
عمجه سنه : « عمجه ! کونشی صاغ آووجه و آبی  
صول آووجه قویسه لر بیله بن بو ایشدن واز  
کچم » دیه رک آغلادی ، اورادن کیتمهک  
ایستدی . عمجه سی کندیسنی چاغیردی :  
« ایستدیکک کبی سویله . والله سنی اصلا تسلیم  
ایتم » دیدی . کندیسنی تطمین ایتدی .

بو ائنده حضرت پیغمبرک دعوتی یواش  
یواش انتشار ایدیوردی . تاریخ اسلامیده  
پک بیوک موقعلر اشغال ایدن بر طاقم اکابر ،  
اسلامیتی قبول ایتشلردی . (ابوبکر الصدیق) ،  
(عثمان بن عفان) ، (زبیر بن العوام) ،  
(عبدالرحمن بن عوف) ، عم نبی (همزه بن  
عبدالمطلب) ، (عمر بن الخطاب) او جمله دن

سنى آندن شفایاب ایدجهیه ، یاخود بوحالکدن  
کندییزی معذور کورنجهیه قدر مداواک  
ایچون نه قدر پاره صرف ایتک لازم ایسه بونی  
هپ کندی مالزدن صرف ایتکه ده آماده یز .  
دیدیلر .

حضرت محمد انلره جواباً : « بودیدیککنز  
شیلردن هیچ بری بنده یوقر . اعلان ایتدیکم  
دعوت ایله نه پاره کزی طلب ایدیورم ، نه  
شان و شرف ، نه اوزرکزه پادشاهلق .  
لکن جناب حق بنی سزه رسول اوله رق  
ارسال بیوردی . بکا کتاب تنزیل ایتدی .  
سزه بشیر و نذیر (مژده جی وانذارده بولنیجی)  
اولنی بکا امر ایتدی . سزه دیمک اوامری  
تبلیغ ایدیورم . ونصیحتده بولنیورم . بو  
وامری قبول ایدرسه کز دنیا و آخرتده  
مسعود اولورسکنز . رد ایدرسه کز جناب  
حق آره مزده اراده الهیه سی حکمی اجرا  
ایدنجهیه قدر صبر و تحملده بولنورم . » دی .  
معارضین ، ذات نبوتنا هینک طریق نبوتدن  
دویمه جکنی آکلادقلرندن آرتق بتون غیرتلی  
حضرت محمدک پیغمبرلکنه اینانوب ده اسلام  
اولانلره جور و اذیت ایتکه صرف ایلدیلر .  
مسلمانلر بتون نواذیتلره صبر و تحمل ایله کوکس  
کردیلر . فقط وقتاکه اهل قریشک اذی  
وجفا سی پک زیاده اشتداد ایتدی و مسلمین  
ایتدکاری تحقیرات درجه تحملی کچدی ،  
حضرت پیغمبر ، کندیسی حمایه ایدرجک  
قبیله سی اولیانلره مکهدن مفارقت و حبشستانه  
مهاجرتی توصیه ایلدی . بونلر بر بری آرقه .

سنده محل مذکور هجرت ایتدیلر . مهاجرت  
ایدنلرک مقداری قادینلر و چوجقلر داخل  
حساب اولقسزین سکسان اوچ کشییه باغ  
اولدی . بو مهاجرت ایلمک مهاجرت ایدی .  
[\*] مکهدن حبشستانه قدر یولجیلک نه قدر  
باعث مزاحم و مشاق اولدینی تعریفدن مستغیدر .  
باخصوص او زمانلرده چولق چوجق ایله

[\*] رسالتک بشنجی سنه سنده مکهدن  
حبشستانه ایلمک هجرت اثناسنده مهاجرت ایدن ذوات  
( جعفر بن ابی طالب ) ک ریاستی آلتنده اوله رق  
اوتارکک ویش قادیندن عبارت ایدی . بونلر اوچ  
آی صکره تکرار مکیه عودت ایلدیلر .

مؤلفک بحث ایتدیکی هجرت رسالتک بدنجی  
سنه سنده ینه حبشستانه وقوع بولان ایکنجی مهاجرت  
اولق لازم کلیر . چونکه بو هجرتده مکه مکرمه دن  
۸۳ ارکک ، ۱۸ قادین مهاجرت ایلش و یمنده اسلام  
اولان ( ابو موسی الاشعری ) قومی ایله برابر انلره  
التحاق ایتش ایدی .

اوسنهیه قدر اسلامیت قیائل آره سنده پک زیاده  
انتشار ایتکه باشلامش ایدی . قریش قبیله سی عاقبتدن  
قورقدی . حضرت نبی قتل ایتک ایستدی . جناب  
پیغمبری و بنی هاشمدن مرکب عائله سی ارکاتی شب  
مکه - مکه ده بردره - ده تحت محاصره یه آلدیلر .  
انلردن بیه جکی کسیدیلر . قتل ایتک ایچون حضرت  
نبینک تسلیمنی طلب ایلدیلر . حتی خلق اوزرینه عهد  
و میثاق حاوی بر صیغه یازده رق کعبه یه تعلیق ایتدیلر .  
ایشته بووقه اوزرینه حضرت نبی اصحابنه مهاجرتی  
توصیه ایلش ایدی .

حضرت محمد و اقبالی شیعه ده اوچ سنه قدر  
محصور قالدیلر . کیزی الله ایتکاری شیلردن ماعدا  
کندیلرینه ارزاق کازدی . ده صکره قریش رجالدن  
بعضلری صحیفه ده محرر عهد و میثاقی طوتمدیلر . اووقته  
قدر صحیفه یی ده کووه یش ایدی . حضرت نبی  
رسالتک اونجی سنه سنده بو حصاردن قور تولدی .

ایتدیکی معاملات تجاریه سایه‌سند مرفه‌ا  
 یاشامق ایچون مردرلو اسباب راحت و یساری  
 الده ایتیش ایدی . حال بوکه اظهار دعوت  
 ایتدکن صکره هرکس کندیسنه دشمن کسیدلی .  
 حقه‌سده هر دیرلو حقارت و اشکنجه روا  
 کورلدی . حتی اقربالری اولدقلرندن طولای  
 بتون بنی‌هاشمه اظهار بغض و عداوت ایتدیلر .  
 آنلریله مناسکات عقد ایتمکه ، آلیش ویریشده  
 بولنامه ، تفقاً قرار ویردیلر و بواتفاق برحقفه  
 اوزرینه یازهرق کعبه‌نک داخانه آص‌دیلر .  
 ( بنی هاشم ) بو تضییقاتدن طولای طاعلرله  
 التجا ایتمکه و اوچ سنه تمادیا طاع آرهلرلرله  
 یاشامغه مجبور اولدیلر . بومدت ظرفنده آنجق  
 کیزی اولهرق مکیه کیده بیلورلدی . حضرت  
 نبیه اعلان عداوت ایدن ( ابولهب ) و امثالی  
 بالطبع انلردن مستثنی ایدی .

حضرت نینک ، عمجه‌سی ابو طالبک  
 حمایه‌سی آلتنده بولمق سایه‌سند آنجق بو ثبات  
 و متاتی کوستره یلدیکنی ادعا ایتمکه ده بالاده‌کی  
 مطالعه تمزی نقض ایده‌من . زیرا کوریورزکه  
 حضرت رالتپناه عمجه‌سنت وفاتندن صکره‌ده  
 حال حیاتنده کوستردیکی ثبات و متاتندن ده  
 زیاده ثبات و متانت کوستردی . حال بوکه کرک  
 عمجه‌سنت و کرک بالخاصه حضرت ( خدیجه ) نک  
 وفاتلرندن صکره - ایکینسی ده هجرتدن اوچ  
 سنه اول وفات ایتشلردی - خلق حضرت  
 محمد قارشی‌دها زاده کین و خصومت کوسترمه  
 باشلامشلردی . فی الواقع مشار الیه‌مانک وفاتی  
 ایله حضرت محمدک اوزرینه فلاکتلر متوالیا

برابر دکر سیاحتی نه قدر مشکل ایدی ! . .  
 موما الیه‌مک بوکی طاقت سوز مشاقی اختیار  
 ایلری اسلامیه اعتقاد و ایمانلرینک نه درجه‌ده  
 متین و قوی اولدیغنی اثبات ایدر .

بو موقعه‌ده برآز طور و بده تاریخنجه  
 اوزون تتبعات اجرا سندن صکره دعوت اسلامیه  
 حقه‌ده ذهن‌مزده تجسم ایدن مطالعاتی بی‌مان  
 ایتک لزومی حس ایدیورز :

غیر مسلم بعض محررلر ، حضرت محمدک  
 آنجق ریاست و تفرد سودای و مافع دنیویه  
 میل و رغبت سائقه‌یله ادعای نبوت ایتدیکنه  
 ذاهب اولورلر .

بزایسه بو ذهابک حصولی تجویز ایدر  
 بر سبب کوره‌میورز . ظهور اسلامیت تاریخی  
 آچیقندن آچیغه کوستر یورکه حضرت محمد  
 آنجق کمال صدق و اخلاص ایله هرکی دین  
 اسلامه دعوت ایتشدیر . جناب رسالتناه  
 من قبل الله مرسل اولدیغنه ، خالق اسلامیه  
 دعوت ایچون او امر الهیه‌تلقی ایتیش بولندیغنه  
 متین بر اعتقاد ایله قانع اولهرق اعلان دعوت  
 ایلدی . ویله اولمسه ایدی کندیسلی حقه‌ده  
 روا کوریلن بونجه مقاومت و انواع جفا و عذاب  
 قابل دکل تحمل ایده‌مزدی .

دها اول کورلیدی اوزره نبی ذی‌شان  
 اظهار دعوت ایتدن اول مکده بالجمله اهالی  
 نزدنده بیوک بر موقع حرمت و محبت مالک ایدی .  
 کندلی اقربا و تعلقاتی‌ده عموماً کندیسلی  
 سو بیور و حرمتده بولنیو لردی . کندیسلی  
 دخی حضرت ( خدیجه ) نک ثروتی و اجرا



یاغدی . قریشك كندیسنه قارشى استبدادى  
هردرلو. حدودى كچدى . باخصوص عمجهسى  
( ابولهب ) ايله ( حكيم بن العاص ) و ( عقبه  
بن معيط ) ك كندیسنه یابدقلى اذى وجفلر  
بك ایلرییه وارمش ایدی . بونلر پیغمبرك  
خانه قومشولری ایدیلر . پیغمبرك یمكنه ملوث  
شیلر آتارلردی . كذلک پیغمبر نمازقیلاركر  
اوزرینه پیس شیلر آتمقله كندیسنی ازعاج  
ایدرلردی . بوكی اذیتلری اودرجهیه واردی که  
آرتق حضرت نبی طایانه میهرق كندیسنه ظهیر  
اوله جق و دعوتنه ایمان کتیره جك کیمسه لر  
بولق امیدیه ( طائف ) چکمدی . حال بوکه  
بوراده دخی عین نفرت و تحقیردن بشقه برشیئه  
مظهر اولمدی . کمال یأس ايله اورادن عودت  
ایتدی . فقط فکرندن ، تشبثاتندن واز  
کچمدی . ( طائف ) اهالیسی نبییه قارشى  
یوز چویرمك ايله اکتفا ایتدیلر ؛ بعض  
اراذل نامى و کولهلری تشویق ایدرك حضرت  
نبییه شتم ایتدیردیلر ، سوقاقلرده آرقه سنده  
یوها! دییه باغیرتدیلر . نهایت اهالی طوبلانبدی ده  
حضرت نبی دیوار طرفنه چکمك و او اراذلی  
اطرافندن طاغیتمق صورتیه قورتاردیلر .  
جناب پیغمبر ایسته بودقیقه ده موقع ووظیفه سنك  
نه قدر کوچ و مشكل اولدیغنى آکلایهرق  
اللهه تضرعاند بولندی و مکیه عودت ایلدی .  
فقط عزم و ثباتنه قنور کتیرموردی . مکده  
ایسه كندی قومنى اولکندن دهازاده كندیسنه  
خضم جان کسلمش بولدی . پیغمبرك بواحوالی  
جدا شایان دقتدر . شو عودتدن صکره اك

یقین اقربالرینه وارنجهیه قدرهر کس كندیسندن  
قات قات زیاده نفرت ایدیوردی . حال بوکه  
تعقیب ایتدیكى دعوتدن واز کچسه ایدی  
هر کسندن - آچقندن آچیغه كندیسنه سوبلدکلری  
کبی - محبت ، حرمت واکرام کوره چکی محقق  
ایدی . فقط نبی ذی شان بونلرک هیچ برینه  
همیت ویرمدی . شو حالده حضرت رسالت -  
پناه نشرینه تشبث ایتدیكى دعوتك صدق و صحتنه  
و جناب حق طرفندن بو رسالت ايله مکلف  
اولدیغنه صوك درجه متین براعتناد ايله قانع  
اولمسه ایدی . بونجه اذیتلره و حقارتلره البته  
تحمل ایده مز ، واز کچردی .

حضرت پیغمبر كندی اقرباسمندن  
و وطنداشلردن بویله جه نومید اولنجه كندیسنی  
دیكلیه جك کیمسه لر بولق امیدیه حج صره لرنده  
حجه کلن قبائلی اسلامیه دعوت ایتمکه باشلادی .  
فقط بوسفر دخی كندی اقربا و تعلقاتی كندیسنه  
قارشى طور دیلر . بتون مساعیسنی چور و تمك  
ایستیورلردی . باخصوص عمجهسى ( ابولهب )  
حضرت پیغمبرك برجاعت ایچنده اسلامیتدن  
بحث ایتدیكى کوردکجه همان او جماعتك ایچنه  
صوقولور ، محاوره یی کسر ، « ای اهالی ! آنحق  
سزى ( اللات ) ، و ( العزى ) ناملرنده کی  
اصنامکزدن آیره رق كندیسنك ایجاد کرده سی  
اولان بدعت و ضالته تبعیت ایتدیرمك ایچون  
چالیشیور . صاقین آلدانیمکیز » دیر ایدی . حال بوکه  
بتون بومقوامات و مشکلات ، پیغمبری عزمنندن  
بر لحظه چویره مدی . نشر دعوته دوام ایتدی .  
هر موسم و فرستدن بالاستفاده خلقي قبول

مدینه به هجرت ایتدی . کندی قبیله سندن  
کندیسنه بیعت ایتش اولانلر — اسلام  
اولانلر — دخی برابر کیتدیله . بو ذوات  
اهل مدینه دن اولوب کندی شهرلرندده حضرت  
نبی به نصرته بولندقلری ایچون ( انصار )  
نامی آلان دیگر صحابیلردن تفریق ایدیله بیلیمک  
ایچون ( مهاجرین ) نامی ایله معروفدرلر .  
مسلمانلر ایشته بو هجرتی مبدأ تاریخ اتخاذا  
ایتدیله . بوکونه قدر وقائی بوتاریخ ایله قید  
ایدرلر .

مدینه به هجرت آیدن مسلمانلر اوراده پاک  
بیوک حسن استقبال والتفاتنه مظهر اوله رق  
قوتلری تزیید ایتدیکندن مکه اهالیسندن  
انتقام آلمغه قرار ویردیله . تجارت طریقله  
( شام ) ایله ( مکه ) آره سندن کچدکلرینی کوردکجه  
و دیگریرلرده فرصت دوشدکجه مکه لیلر ایله چار -  
پشمغه باشلا دیلر . بومصادماتک الیبوی ( بدر )  
غزوئه کبراییدرکه اسلاملر بونده پارلاق بر  
مظفریته نائل اولدیله . بو مظفریت دیگر  
غزوهرده کی مظفریتلرینک فاتحه سی اولدی .  
اسلاملر نهایت جزیره العربی دائره اطاعته  
ادخال و مکه یی فتح ایتدیله . بتون اهل  
قریش اسلامتله مشرف اولدی . بوندن صکره  
حضرت نبی تاریخ کتابلرندده مذکور اولدیغی  
اوزره خارجه طرغری نصب انظار ایدرک  
اسلامته دعوتی متضمن اوزمانک حکمدارلرینه  
نامه لر کوندردی . بو خصوص حقنده دیگر  
بختلرده ده زیاده معلومات ویره جکنر .

اسلامته تشویق ایدردی . ایشته بعزم وثبات  
سایه سنده نهایت یترب ( مدینه ) اهالیسندن  
برقاج کشی [ \* ] قبول اسلامیت و پیغمبره  
عرض بیعت ایتدی که بو ذوات اسلامتک  
قیصه بر زمان ظرفنده شهر مذکورده انتشارینه  
سبب اولدیله . احتمال که اسلامتک اولده  
مبارکده سرعت انتشارینه ، اوراده اهل  
کتابدن اولدقلری ایچون وحیه اینان و معنای  
الوهیت و نبوت نه دیمک اولدیغی بیلنلرک  
کثرته بولغسی آیری بر سبب اولمشدر .  
بونلرک ایچنده عبادت اصنام ابطال اولنور  
ایسه تجارتی و منفعتی سکنه دار اوله حق کیمسه  
یوق ایدی . بلکه بونلر اوله بر ترک و ابطالی  
مکه نک اهمیتدن دوشمسی و اهمیتک کندی  
شهرلری اولان مدینه به انتقال ایتسی ایچون  
آرزو ایدرلردی . هله حضرت پیغمبر بالذات  
اورایه مهاجرت ایدر و مدینه یکی دینه مرکز  
اولور ایسه هرکس مکه یه بدل اورایه حج  
ایده جک ایدی . فضله اوله رق ایکی شهر  
اهالیسنگ اصل و نسب لرنده موجود اولان  
ببایت تأثیرله ایکی طرف اهالیسی آره سنده  
بیوک بر رقابت و منافرتده وار ایدی . چونکه  
مکه اهالیسی عدنانیه دن ، مدینه اهالیسی ایسه  
قحطانیه دن ( بنی لردن ) ایلر .

مدینه اهالیسی حضرت نبی به تشریقاتده  
بولندیلر . کندیسنه ظهیر اوله حققلرینی و عد  
ایدرک مشار الیهی شهرلرینه دعوت ایلدیله .  
ذات رسالتناهی ۶۲۲ سنه میلادیه سنده

[ \* ] آلتی کشی ایدی . ( مترجم )

## اسلامیتک ظهوری صرہ لرنده

روملر ایله ایرانیلر

میلاد عیسادن ۷۵۳ سنه اول روما شهرینک تأسسی ایله برابر روما دولتی ده تأسس ایتدی. روما شهری دولت مذکوریه اون بحق عصر پایتخت اولدی. بو دولت نه قدر معمور یر وار ایسه جله سنی فتح ایتش ایدی. ۳۲۱ سنه میلادیه سنده رومانک تحت سلطنتی (بیزانتیوم) نقل ایدلدی. بیوک (قسطنطین) دخی بو پایتخته کله رک شهره (قسطنطینیّه) نامی ویردی که بو شهر بو گونه قدر یونانی محافظه ایدر. مشارالیهک ۳۳۷ سنه سنده وقوع وفاتندن صکره مملکت اوچ اوغلی آرهنده تقسیم ایدلدی. ده صکره مملکت ذکر اولنان اوچ برادر دن ۳۶۰ سنه سنده وفات ایدن برینک دست حاکمیتنه کچدی. انی متعاقب (ژولین Julien)، ده صکره ۳۶۴ سنه سنده (ژوویهن Jovien) موقع حکمداری یه صعود ایتدیلر. (ژوویهن) تاریخ مذکور دن بر قاج آی صکره وفات ایتدیکندن رومالیلر کندیلولینه (والانتینیهن Valantinien) نامنده برینی ایمپراطور انتخاب ایلدیلر. بر مدت صکره (والنتینیهن) برادری (والانس Valns) ی رومایه ایمپراطور نصب ایتمکه روما مملکتی، بری پایتختی (قسطنطینیّه) اولق اوزره شرقی روما ایمپراطورلنی، دیکری پایتختی (روما) اوله رق غربی روما ایمپراطورلنی ناملریله ایکی یه آیرلدی. بونلردن برنجیسی (یعنی شرقی روما

ایمپراطورلنی) دیکرندن ده زیاده حسن طالعه و طول عمره مظهر اولدیندن (قسطنطینیّه) شهری منبع علم و عرفان، مرکز شوکت و سلطنت و مرجع امور دیانت کسیدلدی.

شرقی روما مملکتک بشنجی عصر میلادیه کی حدودی غربدن (ادریاتیک) دکزینه و شرقدن دجله سواحلنه قدر امتداد ایدردی. شمالدن ایسه تانار ممالکنه و جنوبدن حبشستانه منتهی اولیوردی. مملکت مذکور نک بیوک قسطنطیندن صکره اک پارلاق زمانی (ژوستینیهن Justinien) دوری ایدی (۵۲۷ سنه سنندن ۵۶۵ سنه سنه قدر). حکمدار مشارالیه ۳۹ سنه جالس تخت سلطنت اولدی. بومدتک ایلک بش سنه لرینی او وقت ایرانده حکم سورن (ساسانیان) دولتنه قارشی محاربه ایله کچیردی. بو محاربه ایکی طرف آرهنده «صلح دائم معاهده سی» نامی آلان بر معاهده نک عقدی ایله ختامه ایردی ایسه ده ده صکره لری صلح و مسالمت دوام ایتدی.

حکمدار مشارالیه حسن طالعدن اوله رق جهانک اک مشهور قوماندانلردن اولان (بلیزار یوس Bélisaire) کی بیوک بر قوماندانه مظهر اولش ایدی. (بلیزار یوس) ایتالیایی فتح وریات مظفریتی روما شهرینک سورلری اوزرینه رکز ایلدی. آفریقانک ممالک شمالیه سنی و ده سائر یرلری قبضه ضبط و تسخیر کچیردی. ایمپراطورک سائر فتو. حاتنده ده معین و ظهیری و توسیع ممالک یولنده کی



بالجمله مساعیسنده سیف قاطعی اولدی .  
 روملر ( یونانیلر ) ایله عجملر آره‌سنده کی  
 عداوت بلکه قبل‌المیلاد بشنجی عصردن دها  
 اولکی زمانلره قدر اتصال ایدر پک اسکیدر .  
 بونک سببی ایکی طرفک علمی قبضه تسخیر  
 وتحکمه آلق سوداسیله بربرلرینه رقابت  
 ایلسیدر . زیرا ایکسی‌ده او عصرلرده جهانک  
 اک بیوک دولتری ایدیلر . هر بری بتون  
 جهانک حاکمیتی دیکرینه رغماً کندی نفسنه  
 حصر ایتمک ایستیور ایدی . بو عداوت تا  
 ( اسکندر کبیر ) زمانه ودها صکره ادوار  
 اسلامیه دیکن رومالیرک زمانه قدر دوام  
 ایتدی .  
 مشارالیه ( ژوستینیئن ) زماننده عجمستا .  
 نده تاج سلطنت عادل لقیله مشهور اولان  
 ( کسری نوشروان ) ه انتقال ایلدی . ( نوشروان )  
 روملر ایله صلحه‌ده بولمغی بکنم‌دیکنندن  
 اردوسیله روملر ارزرینه یوریه‌رک ( سوریه ) یی  
 فتح ، ( انطاکیه ) یی احرق و آسیای صغری  
 — آناطولی یی — نهب و غارت ایتدی .  
 امپراطور ( ژوستینیئن ) طرفندن اعزام  
 اولنان ( به لیزاریوس ) عجم اردوسیله محاربه  
 ایدرک ائلری کلدکلی یره رجعت ایتدیردی .  
 عجملر دها صکره کندیلرینی طوبلایه‌رق  
 تکرار مهاجماته باشلادیلر . روملرده مقابله‌دن  
 کبری طورمدیلر . محاربه‌لر ایکی دولت  
 آره‌سنده یکرمی سنه قدر ( ۵۴۱ سنه‌سندن  
 ۵۶۱ سنه‌سنه قدر ) توالی ایتدی . بونک  
 نتیجه‌سنده ذاتاً اختیارلامش اولان ایکی

حکمدار آرتق محاربه‌دن بیسقمش بر حاله  
 کلدکلرندن صلحه راضی اولدیلر . عقد اولنان  
 صلحنامه وجه‌ایله ایکی مملکتک حدودی اسکسی  
 کبی قالمش ایسه‌ده ( ژوستینیئن ) عجملره سنوی  
 ۳۰,۰۰۰ دینار ویرکی اعطاسنه مجبور اولدی .  
 امپراطور ( ژوستینیئن ) شرقی روما مملکتی  
 تاربخنده ممتاز و عالی بر موقع طوتار . چونکه  
 مشارالیهک دور سلطنتنده شرقی روما مملکتی  
 بیوک بر نفوذ قازاندی . کندیسنک وضع  
 ایتدیکی نظامات و قوانین دها صکره بوکونه  
 قدر تنظیم ایدیلن قوانین و نظاماته اساس  
 اولدی . بوکی اجرا آت‌عظیمه ( ژوستینیئن ) ک  
 ذ کرینی الی‌الابد پایدار ایتشدیر . ایپک  
 صنعتی اوروپایه ادخال ایدن کندیبی ایدی .  
 کلیسالر ، قلعه‌لر ، سرائیل انشا ایتدیردی .  
 کندیسنه منسوب اولان بومبانیدن اک مشهوری  
 ایاصوفیه کلیسایدیر که عثمانیلر ( قسطنطنیه ) یی  
 فتح ایتدکلی زمان بوکونه قدر او اسم ایله  
 معروف اولان جامعه تحویل ایلدیلر .  
 آنجق حکومت مطلقه‌نک مقدراتی ،  
 یعنی سعادت ویا فلاکتی دائماً حکمدارلرینک  
 مقدراتنه باغلی بولنور . حکمدار بیوک و مسعود  
 آدم ایسه مملکت دخی بیوک و مسعود اولور .  
 کوچک ، بی‌باغی آدم ایسه مملکت دخی  
 کوچکلهک دوشر . ( ژوستینیئن ) ک وفاتندن  
 صکره تخت حکمداری‌یه تخته لائق اولمیان  
 کیمسه‌لر جالس اولدیغندن اوته‌کی دورده  
 کوریلن سعادتدن آرتق اثر کورلمز اولدی .  
 ( ژوستینیئن ) دن صکره برادر زاده‌سی

ایکنجی (ژوستن Justin) ، ده صکره  
 (تیباریوس) ، انی متعاقب مورس  
 (موریکوس) تخت سلطنته کچدیلر. بوسره ده  
 دولت پک ضعیف دوشمشدی. (موریکوس)  
 اوعغنی تلافی ایتک اوزره شرق ممالکنی  
 فتح ایله دولته قوت ویرمک ایستدی. بو  
 مقصد اوغرنده عجملره قارشی آجدینی محاربه  
 (نوشروان) ک ۵۸۹ سنه سنده وفاته قدریدی  
 سنه دوام ایتمدی. (نوشروان) ه اوغلی دردنچی  
 (هرمز) خلف اوله رق جالس سریرسلطنت  
 اولدی. فقط (هرمز) غایت ظالم و جبار  
 اولدیغندن رعایاسی کنديسنه قارشی اعلان  
 عصیان ایلدیلر. (هرمز) اهالی عاصیه سی ایله  
 اوغراشمغه مجبور اولدی. حال بوکه روملر  
 کندي مملکتنده عراق جهتدن یلریلورلردی.  
 ترکمنلر دخی شمال و شرقدن ممالک ایرانیه  
 تجاوزاتده بولنیورلردی. او درجه ده که آز  
 قالدی ، بتون مملکت فاتحلرک الله کچه جکدی.  
 فقط او صره ده عجملردن (بهرام) نامنده بیوک  
 بر قوماندانک ظهوری اوله بر نتیجه نک وقوعه  
 حائل اولدی. (بهرام) ایکی دشمن ایله حرب  
 ایده رک مملکتی ایکیسندن ده قورتاردی.  
 بونک اوزرینه عجملر (بهرام) ه میل ایلدیلر.  
 (هرمز) ی خلع و کوزلرینی کور ایلدیلر.  
 اوزرلرینه (هرمز) ک اوغلی (خسروریز) ی  
 حکمدار نصب ایلدیلر. بهرام (پرویز) ک  
 حکمدارانی قبول ایتمدی. کنديسنی تحقیر  
 و تذلیل ایتمدی. بونک اوزرینه (پرویز)  
 (قسطنطینه) یه فرار وایمراطور (موریس) ک

معاونتی طلب ایلدی. (موریس) پرویزه  
 معاونت ایتمدی. عسکر ویردی. (پرویز) بو  
 عسکرایله (بهرام) ه غلبه ایدرک تخت سلطنتی  
 استرداده موفق اولدی. (پرویز) موریسک  
 بو ایلیکنک قدرینی بیلهرک انک وفاته قدر  
 روملره قارشی دوستلغنی محافظه ایلشدر.

(موریس) ۶۰۲ سنه میلادی سنده مقتولاً  
 وفات ایتمکندن یرینه (فوقاس Phocas)  
 مقام حکمداری یه کچدی. (فوقاس) جاهل  
 بر آد. ایدی. انک ایچون اهالی کنديسنی  
 سومدی. کنديلرینی بویله بر حکمدارک لندن  
 قورتاره جق آدم آرادیلر. اوصره لرده یونان  
 والیرلی میاننده ههراقولوس Héraclius  
 (هرقل) نامنده بری افریقاده والی ایدی.  
 استانبول خلقی ایشته بو آدمه مراجعت  
 وکنديسندن طلب معاونت ایلدیلر. مومالیه  
 اوغلی کوچک هرقلی بر دونما ایله استانبوله  
 کوندردی. (هرقل) مظفراً استانبوله کیردی.  
 (فوقاس) ی اولدیردکن صکره ۶۱۰  
 سنه سنده ایمراطورلق تختیه اکا خلف اوله رق  
 کنديسی جالس اولدی. ایشته اسلامیت بو  
 حکمدارک عهد سلطنتنده ظهور ایلشدر.

ممالک رومده شوصورتده وقوع بولان  
 تحولات و انقلابات (پرویز شاه) ایچون روملره  
 قارشی باب رقابتی تکرار آچغه و اعلان خصومت  
 و عداوت ایتمهک وسیله تشکیل ایتمهک مشارایله  
 دوستی اولان (موریس) ک قاتللارندن انتقام  
 آله جغنی ادعا ایدرک ۶۱۴ سنه سنده عسکرایله  
 (سوریه) اوزرینه یوریدی. بورالرده کی

ایلدیکی عسکرایله دکز طریقله آسیای صغرا ده  
کانن کلیکیا ( آظنه ) یه چیقارقی ( ایسوس  
Issus ) شهرینی [ ۱ ] اشغال ایتدکن صکره  
بوراده عجملر ایله حربه طوتوشدی وانلری  
۶۲۲ سنه میلادیه سنده مغلوب ایلدی . مسلمانلرک  
مکه دن مدینه یه مهاجرتلری ایشته بوسنده  
وقوع بولمشر .

( ههراقلوس ) عجملر ایله متباداً اوچ سنه  
اجرا ایتدیکی محاربات نتیجه سنده تا عجمستانک  
ایچلرینه کیردیکندن آرتق ( پرویز شاه ) مرکز  
مملکتی مدافعه اتمک اوزرده مصرده وسارنده  
بولنان عسکرینی عجمستانه چکمکه مجبور  
اولمشر .

( ههراقلوس ) ده صکره محاربه سز  
طورمیه رق ۶۲۷ سنه میلادیه سنده تکرار  
( پرویز شاه ) ایله حربه طوتوشمش وبوسفر  
عجملری پک بیوک بر مغلوبیته دوجار ایلشدر .  
بودغه روم عسکری آئوریلرک پایتخت قدیمی  
اولان ( نینوی ) یه قدر واردیلرک یونانیلر ایچون  
اورایه آیاق باصمق ایلمک دفعه اوله رق وقوع  
بولمشدی . ( پرویز شاه ) اوصره لرده پک زیاده  
اختیار لامش بر حاله کلدی کمندن تحت سلطنتی  
اوغلی ( مردز شاه ) ه ترک ایتدی . پرویز  
شاهک ( شیرویه ) نامنده دیگر براوغلی وار  
ایدی که قاردرشته حسد ایتدی . هم پدرینی ،  
همده برادرینی اتلاف اتمکه قالدیشدی .

[ ۱ ] ایسوس آسیای صغرائک ( کایکیانک ) اسکی  
برشهریدی . میلاد عیسادن ۳۳۳ سنه اول ( اسکندر  
کبیر ) ایران پادشاهی ( داریوس ) ی بوراده مغلوب  
ایتمشر . مترجم

موسویلر انک طرفداری ایدیلر . مشا الیه  
سوریه یی ، مصری ، آفریقایی فتح ایتدی .  
انطاکیه ، شام ، قدس و سوریه وفلاطیندن  
دها بعض بر طاقم شهرلری ید استیلا سنه  
کچردی . عسکرینه قدسی یغما ایتلرینه  
مساعده ایتدی . عسکر قدسی یغما ایتدیلر .  
مقبر عیسایی ، قیاه ( قمامه ) کلیسائی احراق  
و کلیساده بولنان مجوهرات و خزائن و سائرینی  
یغما ایلدیلر . قدس بطریقنی و صلیب حقیقینی  
کندی مملکتلرینه کورتوردیلر . ۶۱۶ سنه  
میلادیه سنه قدر سوریه ده قتل و نهب بویله جه  
دوام ایتدی . عجملرک شواستیلارلری ائناسنده  
خرستیانلردن قتل ایتدکلری نفوسک مقداری  
۹۰ بیکه بالغدر . عجملر ده صکره آناتولی یه  
دیگر بر اردو کوندره رک بورالری دخی فتح  
ایلدیلر . هر هانکی طرفه کیتسه لر مظقریت  
کندی طرفلرینه توجه ایدیوردی . اوقدرکه  
آز قالدی ، بوغاز ایچنه آیاق باصه جقلردی .  
بتون بووقعات جریان ایدوب طور یور  
ایکن ایمراطور ( ههراقلوس ) کندی سراینه  
قاپانه رق ذوق و صفا ، اسراف و تبذیر ایله  
اشغال ایدیور و مملکتی تهدید ایدن تهلمکیه  
آلدر میوردی . نقطه نهایت الامر تهلمکک  
بیوکلمککنی آکلایه رق اوزرینه چوکش اولان  
غبار ذلت و مسکنتی سیلکدی و مدافعه یه  
چیقدی . عسکر تحشید و تجهیزینه صرف  
ایلمک ایچون پاره یه مالک اولمدیغندن حربدن  
صکره فائضیله برابر تأدیهدمک اوزرده کلیسالرده  
بولنان نقود و اموالی استقراض ایتدی . جمع



کنندیسنه طرفدار بولدینی بعض کیمسه لر ایله پرویز شاهک متباقی اون سکنز چوجغنی یاقه لایه رق بونلری کافه پدرینک اوکنده قتل و اتلاف ایتدکن صکره پدینجی حبسه آندی. بوبدبخت پدر وفات ایدنجه قدر حبس خانه ده قالدی. فقط پرویز شاهک و فایله برابر (دولت ساسانیه) نک شان و شوکتی ده بیتدی. (شیرویه) دخی پدرینک و فاستدن صکره آنجق سکنز آی یاشایه بیلدی. بونک اوزرینه عجم حکومتی بستمون آنارشی ایچنه دوشدی. اودرجه ده که درت سنه ظرفنده طقوز حکمدار ادعای سلطنت ایتدی. فساد، پریشانی، اختلال مملکتی قاپلامشدی. ایشته اسلام فاتح لری بورالره کدک لری وقت مملکت بوحالده بولنیوردی.

بونکه برابر روملر دخی او صره لرده اوروپاده، (گوت Goth) اقوام متوحشه سنک مهاجماتی تهلککسنه معروض ایدیلر. غوتلر اوائل اسلامیتده مجارستانک جهات غربیه سنی قبضه استیلارینه کچر مشلر ایدی. فضله اوله رق هونلر Huns [ ۱ ] دخی شرقدن شرقی روما مملکتی تهید ایدیورلردی.

کرک روم، کرک عجم ممالککنده اختلال و پریشانی یالککز امور سیاسییه واداریه منحصر دکلدی. او مشهور اولان اختلافات دینیه

[ ۱ ] بحر خزر سواحلی اهابسندن اوله رق (آتیلا) نک قومانداسی آلتنده بشنجی عصر میلادی اورتلرنده اورویاه طغیان ایدن وحشی قومه اطلاق اولنور.

و انقسامات مذهبییه ایشته اوصره لرده الک شدید دورنده بولنهرق بتون هیئت اجتماعییه و دینییه استیلا ایتش ایدی. روملر آلتنجی عصر میلادی یقینلرنده برچوق امور و خصوصاته وهله حضرت عیسایه متعلق مسائلده فرقه فرقه، مذهب مذهب آیرلشلر، پریشانی و کشمکشک متهاپسنه وارمشلردی. غریبی شوکه بو اختلافات و مجادلاتک قسم اعظمی معنی وجوهه دکل، الفاظ و حروفه و نقطه لره تعلق ایدیوردی. مثلاً ایمراطور ایله ارکان دولتی حضرت عیسانک ایکی طبیعت و ایکی مشیت (یعنی بری الهی، دیکری انسانی) حائر اولدیغنی ادعا ایدرکن مصرده و شامده بولان رعایاسی (یعقوبیلر) اکثریتله حضرت عیسانک بر طبیعت و بر مشیت مالک اولدیغنی ادعا ایدیورلردی.

(هراقلوس) زماننده (منسج) ده یعقوبیلر بطریق (اطناسیوس) بو کشمکشلره نهایت ویرمک اوزره ایکی طرف مذهب لری یکدیگرینه تقریب ایتمک چالیشهرق ایمراطور ایله بالمخا بره هر ایکی مذهب آره سنده متوسط اوله رق، یعنی حضرت عیسانک ایکی طبیعت و بر مشیتی حائر اولدیغنه دائر دیکر بر مذهب وضع ایتش و ایمراطوره عرض المشدرد. ایمراطور بطریقک فکرینی اساساً تصویب ایش ایه ده مذهب مذکور ی رسماً قبول ایتدن اول اصلاً سوریه لی اولان درسعات بطریق (یروس) ایله مذاکره بولنق اوزره بر آرز بکنمسنی مناسب کورمشدرد. حال بوکه (اطناسیوس) ایمراطور ایله مخا بره اجرا سندن ده اول (یروس) ک بو خصوص

برينك صلب اولنديغنه قانع ایدی . اندن ماعدا  
اکیفالیون (باشسز) نامیله دیگر بفرقه ده  
وار ایدی که عهد اسلامیده ظهور ایدن  
خوارچ کی رؤساك بی لزوم اولدولرینی و آنلره  
اطاعت ایتماک لازم کله چکنی ادعا ایدردی .  
یعقوبیلر کنسیدی آره لرنده دخی فرقه فرقه  
اولشلردی .

امور دیانت امور دنیویه و سیاسیه ایله  
قاریشیدیرلمش اولدینی جهته دیانتده واقع  
اولان شو اختلافات و انقسامات امور اداره  
مملکته صوک درجده فنا بر تاثیر اجرا ایلکده  
ایدی . اوحالده که بو اختلافات و انقسامات  
دینیه بر طاقم ممالکک روملرک الندن چیه رق  
عجمله التحاقه سبب اولمشدی . (قسطنطینه)  
مجمع دینیسی بالانعاقد حضرت عیساده طبیعت  
واحدنک بدعت اولدیغنی ادعا وانی تحریم  
ایدنجه ایمراطور طبیعت واحده اعتقادینه  
ذاهب اولانلر حقنده شدت کوستر مکه باشلادی .  
ارمنیلر بو اعتقادده بولنانلرک جمله سندن ایدیلر .  
بونلر ایمراطور طرفندن بویله شدتلی تضییقات  
کورملری اوزرینه انک دائره اطاعتدن  
چیه رق مملکتلرینی عجمله تسلیم ایلشلردر .  
مصرده کی قبیللر دخی بویله یامشیلردی .  
(عمرو بن العاص) مصره کیتدیکی زمان  
مصری فتحنده عینی سبیدن طولایی قبیللر  
کندیسنه معاونتده بولندیلر .

اوزمانلرک تعصبی اثری اوله رق بالخاصه  
موسویلر ایله روملر آره سنده حکمران اولان  
بغض و عداوتی ده بالاده عرض ایتدی کمز

حقنده موافقتی استحصال ایتمش ایدی . نهایت  
ایمراطور بومذهب متوسطی بر بیاننامه رسمی  
ایله قبول و اعلان ایلدی . مذهب مذکور  
قدس بطریق (صوفرونیوس) ایله دیگر بعض  
متره بولیدلردن واز جمله (عمان) متره بولیدندن  
وسائر ملکیت کلیسارلردن ماعدا بتون شرق  
رؤسای روحانیه سنجه قبول ایلدی . بالاده  
ذکر اولنان برقسم رؤسای روحانیه ک  
وکلیسارک مخالفت واقعه لری ایمراطورک پک  
زیاده کوجنه کیتدیکی جهته بیاننامه سنک  
حکمنی قبول ایتیلردن انتقام آلمق سوداسنه  
دوشدی . مخالفین میاننده بالنفس روملردنه  
بیوک بفرقه واردی . شو حالده افتراق  
و انقسام متعدد بر حال کسب ایتمش ایدی :  
ایمراطور ، درسعادت ، اسکندریه ، انطاکیه  
بطریقلری حضرت عیسانک ایکی طبیعت و بر  
مشیتته مالک اولدیغنه قائل بفرقه تشکیل  
ایدیورلردی . دیگر طرفندن قدس بطریق  
ایله روم کلیساهنه تابع سائر خلق ایکی  
طبیعت و ایکی مشیتته قائل ایکنجی بفرقه  
اولشلردی . یعقوبیلر و اوجله دن قبیللر ایله  
(حوران) اهالیسی و سوریه و مصر داخلنده  
بولنان سائر اهالی دخی اوجنچی بفرقه تشکیل  
ایلشلردی . (عراق) و (الجزیره) خلق اولان  
(نسطوریلر) دردنجی بفرقه اولشلردی .  
بولردن بشقه برطاقم فرقه لر ده وار ایدی .  
مثلا بفرقه عیسویه وار ایدی که فرقه  
خیالیون نامنی آلان بفرقه حضرت عیسانک  
حقیقت حالده صلب ایدلیوب انک یرینه دیگر

بریشانی‌یه و کشم‌کشه علاوه ایدیکیز . بوبغض و عداوت ( ههراقلوس ) زماننده حد منتهاسنه بالغ اولمشدی . بوسبیدن انطاکیه‌ده‌کی یهودیلر اعلان عصیان و بطریق قتل ایدرک جسدینی بک‌چرکین برشکلده پارچه‌لادیلر . بونک اوزرینه ( ههراقلوس ) انطاکیه‌یه عسکر سوق ایتدی و یهودیلردن برجم غفیر قتل ایتدیردی . ینه بوسبیدن یهودیلر فنیکه‌ک باختی اولان ( صور ) ده دخی شهر والیسنی قتل ایتدکدن صکره صوره کیجه‌لین کیره‌ک ایچنده بولنان خرسستیانلری قتل عام ایلک اوزره فنیکه و فلسطین یهودیلریله عقد اتفاق ایتشلرایسه‌ده شهر مذکور متره‌بولیدی ده‌ها اول کیفیتدن خبردار اوله‌رق حکومت‌ه معلومات ویرمش واتخاذ اولنان تدابیر تدافیه سایه‌سند کیه‌لین کلن مهاجرلر دفع و تنکیل ایدلشدر . فقط مهاجرلر عودت‌لرنده شهر جوارنده بولنان کلیسالری و مناسترلری هدم و تخریب و یچنده بولنان اموال و سائرینی نهب ویغما ایتدکدن ماعدا مذکور کلیسا و مناسترله جوار اولان کویلره دخی عینی تجاوازت و تخریب‌اند بولنشلردر . بونک اوزرینه حکومت شدتلی تنکیلاتده بولنه‌رق ( صور ) ده بولنان بالجه یهودیلری قتل ایتدی . ( قیساریه ) ده موسویلر طرفندن بوکا عمائل احوال وقوع بولدیغدن ایمپراطور برادری ( تئودوروس ) ی بونلرک اوزرینه کوندردی . ( تئودوروس ) دخی بوراده نه قدر موسوی وارایسه جمله‌سنی کسیدی . ایشه بوکی احوال و وقوعات اوزرینه

مملکتک هر طرفده موسویلرک ، حکومتلری علیهنده‌کی کین و خصوصتلی صوگ درجه‌یه وارمش ایدی . روملرک موسویلردن ده‌ها زیاده‌خوف و حذر ایتلرینه باعث اولان اسبابدن بری ده منجملردن یعضلرینک سنتلی اولانلردن برینک کندی‌الندن مملکتی آله‌جغنی ایمپراطوره سویلریدر . عربلر بوکشفده‌کی اهل ختاندن مقصد اهل اسلام اولدیغنی سویلرلر . یهودیلر او دورلرده روملردن انتقام آلمق ایچون اجرا ایتدکلی افعال جمله‌سندن اوله‌رق عجم‌لردن سکسان بیک خرسیتان اسیرینی صاتون آملشله و جمله‌سنی کسمشلردی .

مع مافیه بوکی بر بغض و عداوت یالکیز روملر ایله موسویلر آره‌سنه منحصر دکل ایدی . جهانک هر رنده خرسیتانلر ایله موسویلر بیننده شدتلی بر نفرت و عداوت حکم سور- ییوردی . خرسیتان حکومتلر قانونلر تنظیم و وضع ایتدکجه موسویلر حقدده تحقیر و استبداد ایله معامله اولنسنی متضمن آریجه ماده‌لر قویبورلردی . نته کیم اسپایاده بولنان ( غوت ) ل فتوحات اسلامیه صره‌لرنده یاپدق‌لری کی که موسویلری حکومتک دشمنی عد ایتشلردی . قطعه‌ مذکورده ده بولنان مجالس ملیه دیانت اسرائیلیه‌نک لغو و باطلانه قرار ویردیکندن حکومت موسویلری اجرای آیین روحانیدن منع و خرسیتانلغه اظهار تعظیم و حرمته اجبار ایلش ایدی . حکومتک تضییقاتی اوقدر ایلری وارمش ایدی که موسویلر آرتق انواع شدت و عذابدن قورتولق ایچون خرسیتانلغی



بوزوق برحاله گلش ایدی .

ایشته روم و ایران مالکی بویه تفسخ و اختلال  
ایچنده بولورکن عربلر پارلاق براتباده ایله  
اوره به چقه رق اتحاد ایله طریق اعتلایه  
طوغری قدم زن اولمقده و فرقه لک تغلبدن  
ویاخود حکامک ظلم و غدرندن فرار ایله  
کندیلرینه التجا ایدن روم و عجملری دائرة  
افاتلرینه آله رق برقات ده کسب قوت ایتمکه  
ایدیلر .

## انتشار اسلامیت

تاریخ اسلامیت هجرت نبویه ایله باشلار .  
مسلمانلر دیگر بر پرده دخی ذکر ایتدیکمز  
اوزره عددأ هنوز آز اولدقلری ایچون اهل  
قریشدن کوردکلری تحقیر واذیت قارشی  
طوره مدقلرندن و اهل مدینه دن ( بیعة العقبه )  
نامیله معروف اوله رق اظهار اولان بیعتله نصرت  
و مضامرت کوردکلرندن مدینه یه مهاجرت  
ایتمشلردی . حضرت نبی نک مری اوزرینه  
مدینه یه هجرت ایدن مسلمانلر شهر مذکوره  
مواصلتلرنده اهالی طرفندن صو ک درجه حرمت  
ورعایت کورمشلردی .

حضرت نبینک مدینه یه مواصلتی متعاقب  
ایلک ایشی اهل مکهدن اولان قرشیلر ایله  
مدینه اهالیسندن بولان انصار آره سنده معا  
هده عقدی اولدی . ده اول هر ایکی طرف  
یکدیگریله رقابت و منافرتدن خالی قالمز ایکن

قبوله مجبور اولمشلردی . فقط قلباً ینه موسوی  
قالمشار ، کوردکلری مظلندن طولای قلیرینه  
شدتلی برکین و خصومت مستولی اولمش ایدی .  
غوتلر بونلرک شو حسیاتی بیلدکلرندن  
موسویلکدن خرسه تیانلغه داخل اولانلری  
فی الاصل خرستیان اولانلرله بر طومازلردی .  
انلری هر درلو حقوق مدینه دن و کوله صاحبی  
اولق حقندن محروم ایتمکه قالمیه رق کندیلربی  
او قویوب یازمقدن منع ایتمک درجه سینه قدر  
دخی تحقیر و تذلیلرینه کیتمشلردی . موسویلر  
بو قدر ظلم واذیت کوردکدن صکره کندی  
خرستیان حاکملری علیه اوله رق عربلره  
نصیر و معین اولورلرسه بو حال باعث استغراب  
عد اولنورمی ؟

عجملره کلنجه بونلرده دخی ( مانی )  
( مزدک ) مذهبلینک تشعب و تعدیله  
قبل الاسلام اوزون زمانلردن بری فرقه لر ،  
اختلافلر تورمه سندن طولای هیئت اجتماعیه  
منتهای انحطاطده بولنیوردی . ( مزدک ) :  
« انسانلر قاردش و برپدرک اولادی اولدقلری  
ایچون قادیلرک و اموالک بین الناس متساویاً توزیع  
واعطا ایدلمی لزومی امر ایتمک ایچون طرف  
حقندن کلدیکنی » سویلک کی غایت غریب  
بر اءاعاده بولنش ایدی . عجم ملوکندن ( کی قباد )  
بو مذهبه تابع اولمش ایسه ده کندیسندن صکره  
کلن شاه عکسنی اجرا ایتدی . بونلردن صکره  
کلنلر ایسه ده ایشقه مذهبلر ایجاد ایدیلر .  
بوسیلرندن مملکتده اختلافات و انقسامات  
چوغلدینی کی اخلاق دخی صو ک درجه ده

حضرت نبی اسلامی طرفین بیننده واسطه اتحاد اولی اوزره وضع ایده رگ ملت واحده اولدقلری متضمن ایکن طرف بیننده بر معاهده عقدایتدی. ( ابن هشام ) بو معاهده نك نص کاملنی کندی تاریخنده ایراد ایلور. قریشدن اولان مهاجرین اصحاب ایله مدینه لی انصاری ( مواخاة ) نامنی ویردکاری برطاقم دیگر معاهده لر ایله ده یکدیگریله قوتلی بر اخوت ایله باغلادی. بو معاهده لر دولت اسلامی بناسی ایچون ایلك وضع ایدیلن تمل طائشی ایدی. اوصره ده مسلمانلر عشرات ایله صایله بیلر ازمقدارده بولنقله برابر میانهلرنده ارکان اسلامدن اولان فروضی، زکات و صیامی اجرا و حدود و فروض سائرهمی اقامه و ایفا ایدیورلردی. متعاقباً مدینه اکابرندن دیگر ده بعض ذوات اسلامله انضمام ایتمکه اسلامیت ( حمزة بن عبدالمطلب ) و ( عمر بن الخطاب ) ایله نصل کسب قوت و تأید ایتدی ایسه بونلر ایله ده اویله جه کسب قوت و تأید ایلدی.

بالاده کی ایشلر بیتدکدن صکره اسلاملر کندیلرله مکه اهالیسی آراسنده موجود اولان خصومتی دوشونه رگ انلره قارشى جنك و قتالده بولنغه قرار ویرمشلر و بونك اوزرینه ایلك محاربات اسلامیه بی تشکیل ایدن غزوات مشهوره وقوع بولمشدر. محاربات مذکورده عربلرک ازمئه جاهلیه لرنده معتاد اولدقلری وجه ایله جنك و غارت یا بمق شکنده باشلامش ایکن نهایتنده فتح بلدان و ممالک منجر اولدی. غزوه لرك اك مشهور و مهمی ( بدر ) غزوه

کبراسی ایدی. بو محاربه ده اسلاملرک احراز ایتدکاری مظفریت عزم و اقدارلری تزیید و محارباته دوامه غیرت و همتلری تقویه ایلدی. ( بدر غزوه کبراسی ) : - ( بدر ) مکه ایله مدینه آره سنده کائن و برطاقم قبولری حاوی بر موقعدرکه مکه ایله شام آره سنده ایشلین تجارت قافله لری بورایه قونار. یوقاریده عرض اولنسدینی اوزره قرشیلر ارباب تجارتدن بولندقلرندن قافله لری شامه کیده رگ متاعلری طاشیردی. اسلاملر ایکنجی سنه هجریده اهل مکه قرشیلرندن بر قافله نك اوصرده مکه لیلرک اك ایلری کافی بولنان ( ابوسفیان بن حرب ) ك ریاستی آلتنده اوله رقی اوتوز کشینك محافظه سیله شامدن اموال و اشیا بی حامله کیمکه اولدیغنی استخبار ایتلری اوزرینه قافله یه هجومه قرار ویردیلر. ( ابوسفیان ) بو عزم نبوی بی ایشتیکیکندن کوندردیکی ر آدم واسطه سیله مکه اهالیسندن امداد ایستدی. امدادینه یوزی سواری اولق اوزره ۹۵۰ آدم یتشدی. اسلاملر ایسه یتشی مهاجریندن و دیگرلری انصاردن اوله رقی عدداً ۳۱۳ کشین عبارت بولندقلری حالده انلرک اوکنه چیقیدیلر. مجاهدین اسلام ایله برابر یالکیز ایکی آت ایله یتش دوه بولنیور. دی. مجاهدین اسلام مدینه دن خروجلرندن صکره قافله نك ( بدر ) قبولرینه یا قلاشدیغنی خبر آلدقلرندن اندن ده اول مذکور یره یتشه رگ حضرت نبی ایچون بر سایان اعمال و کندیسنی ( ابوبکر ) ایله برابر سایانه اقعاد ایتدکدن صکره حربه حاضر لانیغه باشلادیلر.

يكندن مرقوم امر نبي ايله اعدام ايدلدى . غزوه مذكوره عمزاده نبي (على بن ابي طالب) و عم نبي ( حمزه بن عبدالمطلب ) مسلمانلر ايچنده اك زياده حرب ايدنلردن ايدى . قرشيلردن صاغ قالانلر - وازجمله بالاخره اسلاملك ايكي بيوك قوماندانى اولان ( ابو سفيان بن حرب ) و ( عمرو بن العاص ) - اموال و امتعه يي ميدان محاربه ده براقه رق مكيه طوغرى فرار ايلدكلرندن مسلمانلر مذكور اموال و امتعه يي اله كچيرديلر . اول امرده قسيمنده اختلافده بولنشلر سده جناب پيغمبرك امريله آرلرنده مساواة تقسيم ايدلدى . بوغنائمدن حضرت پيغمبر كندى نفسى ايچون هيچ برشى آلدى . دها صكره قرشيلر فديه كوندره رك اسيرلرني قورتاردقلرندن نزد مسلمينده برچوق اموال بريكمشدر .

اهل مكه محاربه واقعه نتيجه سنده مقهوراً شهرلرينه عودت ايتمكه آرتق شان و نفوذلى منكسر اولمش و بالعكس اسلاملك شان و شرفى جداً ييومشدى . اسلاملك اعلاى شانلرينه خدمت ايدن خصوصاتندن برى ده اسلاملره قارشى شدت و مقاومتيله اشتها ايتمش اولان ( ابو لهب ) - كه مذكور محاربه ده بالذات بولنه مديني ايچون اوزمانكي عادت وجه ايله كنديسنه بدل ديكر بر آدم كوندرمش ايدى - قرشيلرك مغلوبيت و مقهوريت واقعه لرني ايشينجه عظيم برحزن و ياسه مغلوب اوله رق بوسيله برقاق كون صكره وفات ايلمسيدر . فى الحقيقه ( بدر ) وقعه سى ديكر مظفرات

متعاقباً قرارش ( بدر ) موقعه كلدى . بونلر عدداً اسلاملك اوچ مثلى ايدلر . اسلاميه قارشى طوران و نبي ذى شان تحقير و اهانتده بولان اكابر قيش وازجمله ( ابو جهل بن هشام ) بونلرك مياننده بوليسورلردى . حضرت نبي بو محاربه نك ايكي حالدن بريني يعنى يا اسلاملك مظفريت ايله اسلاميتك تأييدنى ، يا خود مغلوبيتى ايله پریشان اولملرني ايجاب ايدمككنى آكلايه رق قرشيلرك اودرجه ده فضله بر كترتله تقربلرني و آرقداشلرينك ده عدداً آزلفنى كورنجه : « الهى ! بو جماعت مجاهدينى هلاك ايدرسك روى ارضده سكا عبادت ايدمك كيمسه قالماز » ديه مناجاتده بولدى .

هر ايكي طرف قتاله معناد اولدينى اوزره مبارزه ايله باشلايه رق ابو جهل مقتول اولدى . باشنى حضرت پيغمبره كتيردك نده حضرت پيغمبر جناب حقه سجده و شكر ايتدى . محاربه دوام ايدلى . نهايت اسلاملر مظفر اولدى . بو محاربه ده اسلاملردن آلتيسى مهاجرين و سكرى انصاردن اولق اوزره يالكرز اون درت كشى شهيد دوشديكى حالده قرشيلردن - ايچلرنده قريشك بتون بطنلرى اشرافندن و باخصوص ( بنى اميه ) ، ( بنى مخزوم ) و ( بنى اسد ) دن اوله رق - يتمش كشى مقتول اولدى و اسلاملك الله يتمش اسير دوشدى . اسيرلك ايچنده حضرت نبي به مكده ايكن بك چوق اذيت و فالتقه بولنش اولان ( عقبه بن ابى معيط ) بولندينى كورلد.



اسلاميه نك بر فاتحه كزیده سنی تشکيل ایتدیکندن تاریخ اسلامیده صوك درجده بیوك بر موقع اشغال ایدر .

( احد وقعه سی ) : — قرشیلر مقهوریت واقعدن صكره هجرتك ایکنجی سنه سنده طوبالاندیلر . قوماندانلری ( ابو سفیان ) ایدی . مقدارلری یدی یوزی زرهللی وایکی یوزی سواری اولق اوزره اوچ بیک ایدی . ( بدر ) وقعه سنده مقتول اولانلرینك انتقامی آلق ایچون ایجاب ایدن تداركات حربیه یی حاضرلا . دقدن صكره مدینه اوزرینه یورویدیلر . بونلره قایلنلرده التحاق ایتیش ایدی . بوطائفه نسوان مقاتلین بینده دف چالهرق ( بدر ) مقتوللری ایچون مرثیه لر اوقویور و مسلمینك محاربه سنه خلقی تحریك و تهییج ایدیورلردی . بالا خره اسلام قوماندانلری میانده کسب اشتهار ایدن ( خالد بن الولید ) دخی بوجاعت مهاجمین ایچنده بولنقه ده ایدی . بونلرك ( مدینه ) یه تقربلری اوزرینه حضرت نبی اصحابی ایله استشاره ده بولندی . ذات رسالتنا . هینك فکری حال تدافعیده بولنق اوزره مدینه ده قالمق ایدی . ( عبدالله بن ابی بن ابی سلول ) نامنده صحابه دن بری دخی عینی رأیده بولندی . فقط صحابه نك اکثریتی مهاجرلره قارشى حقیق طرفنی التزام ایتدیکندن حضرت نبی اکثریتیه تابع اولمغه مجبور اولمش و بیک کشی ایله مدینه دن چیقهرق شهر مذکور ایله ( احد ) طاغی آره سنده کی مسافه نك اورتیه سنه وارمشدر . احد غزوه سی ایشته بوطاغك اسمیه

تسمیه ایدلمشدر . بالاده ذکری کچن ( ابن ابی سلول ) حضرت نینك بو خصوصده کنیدی رأى و مطالعه سنه مخالفت و دیگرلرك فکرینه مطاوعت ایلسنه کوجنه رك یولك اورتیه سنه کلدکلرنده کنیدیسی ایله اتباعدن اوچ یوز کشی کبری قالدی . بومحاربه ده اهل اسلام اوچ یوز کشینك عودتیه دوچار ضعف اولهرق مغلوب اولدیلر . قرشیلر دخی حضرت محمدك مقتول دوشدیکنه دائر بر روایت اشاعه ایلدیلر . وقعه مذکوره او وقته قدر اسلاملرك باشنه کلن فلاکتلرك ك بیوک ایدی . فقط اسلاملر ده اول مظفریت لذتی طامتش اولدقلرندن عدم موفقیت واقعه یی بالاده ذکری کچن ( ابن ابی سلول ) ك خیانتنه حمل ایدرك محاربانه دوام ایلشلردر .

عمر نبی ( حمزة بن عبدالمطلب ) بو وقعه ده شهید اولدی . مشارالیهك اسلامیه داخل اولسی اسلامیت ایچون فصل بیوك بر قوت ایدی ایسه بوسفر وقوع بولان شهادتی اسلاملرجه عدم موفقیتك ترایدینه باعث اولمش ایدی . مسلمیندن بو وقعه ده شهید اولانلرك مقداری یتیش کشی ایدی . حضرت پیغمبر دخی باشندن آلدیغی برضربه اوزرینه مغفرك بعض حلقه لرلی اتنه کیره رك مجروح اولمش وقانی آقمشدر . قرشیلرك ، وقعه مذکوره اثناسنده شهیددوشن مسلمینك جسدلرندن انتقام آلق اوزره او جسدلر اوزرنده ارتکاب ایتدکلری وحشت صوك درجده شیع ودهشتلی ایدی . قرشیلر مقتولینك قولقلرینی ، برونلرینی کسیدیلر .

« مملکت مزده دشمنك هجومندن قورقدنجه  
اطرافزده خندق حفر ايدردك . خندق حفری  
وسائط حربيه دنذر » دیدی . نبی ذی شان بو  
مطالعه بی تصویب و خندق حفری امرایتدی .  
حتی کنديسی بالذات خندق حفریاتنده بولنوب  
طوبراق طاشیدی .

اسلاملرک یاننده لازم اولان آلات وادوات  
حفریه موجود او لمدیغندن بولات وادواتک  
بعضلری ( بنی قریظه ) دن استعاره الیشلر واون  
کون ظرفنده خندق حفری ا کمال ایتشلردر .  
مهاجین مدینه بی یکر می کون محاصره  
ایدیلر . بونلر هجومه تشبث ایتدکجه خندق ؛  
اوکلرنده مانع طور یوردی . بومدت ظرفنده  
اوق و طاش تعاطیسندن ماعدا حرکات حربیه  
وقوع بولمدی . مهاجین اویله برخندق حفرینک  
یکی برخدعه حربیه ، یاخودیکی بر اصول حرب  
اولدیغنی آ کلامشلردی . مهاجیلردن بری  
راکب اولدیغنی آت اویله خندق اوزرندن  
آتلامق ایسته مش ایسه ده ایچنه دوشهرک  
بیونی قیرلمش و بونک تأثیر یله مهاجینک خوف  
ودهشتی برقات دها مزداد اولمشدر . محاصره  
بویله امتداد ایدنجه مهاجیلردن دیکر بری اورته یه  
آتیلهرق مبارزه طلب ایتدی . حضرت علی  
ا کا قارشی چقه رق انی مغلوب ایتدی . بونی  
متعاقب بر چوق یاغورلر یاغدی ، فورطنلر  
قوپدی . فرق مهاجینک خیمه لری ، قاب  
قاجاقلری پریشان اولدی . بوسره ده اهل مدینه  
کندی خانه لرنده راحت راحت او طوره رق  
بو یاغورلردن و فورطنلردن پک آز متأثر

حتی ( ابو سفیان ) ک زوجہ سی ( و معاویہ نک  
والده سی ) هند بنت عتبہ عم نبی حضرت حمزه نک  
قارتی یاره رق جکرینی چیقارمش و آغزینیه  
آلوب چیکنه دکدن صکره یوتمق ایسته مش  
ایسه ده مقتدر اوله میهرق آغزندن چیقاروب  
آتمشدی .

( خندق وقعه سی ) : — قبائل عرب  
قرشیلرک ( احد ) وقعه سنده نائل اولدقلری  
مظفرتی کورملری اوزرینیه مکه لیلره میل  
والتحاق ایلدیلر . بونلر میاننده ( قریش ) ،  
( غطفان ) و سائر قبائل عرب اویله آتیده  
کور یله جکی اوزره اسلاملر طرفندن بولندقلری  
برلردن اجلا ایدیلن ( بنی نضیر ) نامنده کی قبیله  
موسویه بولنمده ایدی . بونلر قریشی حربیه  
تشویق ایتدیلر . ( احزاب ) ، یعنی فرقه لر نامنی  
آلان بو مهاجین مقدارلری اون بیک کشی  
اولدیغنی و دوت یوز رأس آتلی و بیک قدر  
دوه لری بولندیغنی حالده مدینه یه طوغری عزیمت  
ایشلردی . مسلمانلر او صره ده مقدارلری  
اوچ بیک تجاوز ایتدیکندن بو قدر کثرتلی  
مقدارده کلن مهاجینه قارشی اندیشه یه دوشدیلر .  
مدینه خارجه چقماق لازم کله جکنی ذاتاً  
دها اولکی وقعه دن اوکرنشلردی .

حسابه میاننده او صره لرده عجمستان  
اهالیسنندن بوزات واردی که فنون حربیه ده  
صاحب وقوف ایدی . ( سلمان ) فارسی نامنده  
اولان بوزات حضرت نبی یه خندق حفرینی  
توصیه ایلدی . عربلر اووقته قدر اویله بر اصولی  
بیلیمورلردی . ( سلمان ) حضرت پیغمبره

اولیورلردی . مهاجین بو حاللردن فنا حالده  
متشأم اوله رق کمال پریشانی وخیتله کادکلی  
یره عودت ایتدیلر . فرقه مسلمین ( احد )  
عدم موفقیتنی احزابک بو هزیمتیه تلافی  
ایتدیلر .

بالاده عرض اولنان محاربات برطاقم غزوات  
ومقاتلاتدن عبارت اولوب فتوحاندن معدود  
دکدر . فتوحاته کتجه ایلک فتح ، موسوی  
اولان ( بنی النضیر ) ک اشغال ایتدکاری  
اراضیه وقوع بولان استیلا ایدی . قبیله  
مرقومه نك کندی یوردلردن چیقارلمسینه لزوم  
کوسترن برحادثه اولدی . حضرت نبی ترک دیار  
ایتملرینی کندیلرینه اخطار ایتدی . ( بنی النضیر )  
اخطاری دیکله مدیلر . بونک اوزرینه حضرت  
محمد مجاهدین مسلمین ایله برابر هجرتک دردنجی  
سنه سنده انلری آلتی کون تحت محاصره یه  
آلدی . نتیجه محاصره ده دوه لرینک سلاحدن  
ماعددا کوتوره بیله چکی اشیا و اموالی  
مستصحباً چیقوب کیتملرینه مساعدده اولتمسینی  
طلب ایتدیلر . حضرت پیغمبر بوکا مساعدده  
ایدنجه ( بنی النضیر ) چیقوب کیتدیلر . یوردلردن  
براقدقلری اموال و اشیا آرزو ایتدیکنه  
ویرمک اوزره خاصه حضرت نبی یه غنیمت  
اوله رق قالدی . ( قریظه ) و ( خیر ) ده دخی  
عین حال واقع اولدی . خیرک برچوق قلعه لرلی  
وار ایدی . اسلاملر بونلری بربری آرقه سنده  
فتح ایتدیلر .

قرشیلر مذکور خندق وقعه سندن صکره  
اسلاملر ایله حال متارکده بولنقده آرتق باس

کورمامک باشلادقلرندن هجرتک آلتنجی سنه سی  
یقینلرندده اسلاملر ایله بر معاهده صلحیه عقد  
ایتدیلر . مذکور معاهده نامه موجبجه  
( مدینه ) اهالیسندن ( حیح ) ویا ( عمره )  
ایچون مکیه کیدنلرک ، یاخود ( یمن ) و ( طائف ) ه  
کیتمک اوزره شهر مذکوردن کچنلرک مال  
وجانلرینه امین اوله جقلری شرط اتخاذا ایدلدیکی  
کچی مکک اهالیسندن دخی مدینه یه کیدنلر ایله  
برابرلرندده بولنلرک ، یاخود شامه و سائر  
بلاد شرقیه یه کیتمک اوزره شهر مذکوردن  
مرور ایدنلرکده تعرضدن مصون اوله جقلری  
شرط وضع اولندی .

شومعهده ک انعقادندن صکره اسلاملر  
آرتق نشر اسلامیه حصر همت ایتمک وقت  
بولدیلر . احزابک ، یعنی فرق معارضینک  
اوقدر چوققلرلیله برابر خندق وقعه سنده  
دوپار اولدقلری هزیمت وخیت قبائل عرب  
میاننده احزاب علیهنه اوله رق فنا برتأثیر حاصل  
ایتدیکلی حالده شان وشرف اسلامیتی آنلرک  
کوزلرندده بیوتمش ایدی . آرتق کندی کند  
یلرینه مدینه یه کلوب دائره اسلامیه داخل  
اولغه باشلادیلر .

( خالد بن الولید ) و ( عمرو بن العاص )  
مدینه یه اوصورتله کله رک شرف اسلام ایله  
مشرف اولان ذواتدن ایدیلر . جهالمک اک  
بیوک قوماندانلردن معدود اولان بویکی ذات  
بالاخره تاریخ اسلامیده صوک درجه ده بیوک  
و پارلاق بر موقع احراز ایتدیلر . اسلاملرک  
بویکی بیوک آدمک کندیلرینه انضماملرلیله



شوكت و قوتلری وامل و غیرتلی برقات دها  
 نزاید ایلدی. حضرت نبی برسنه صکره اسلامیه  
 دعوت ایتک ایچون حکمداران زمانه ایلچیلر  
 کوندردیکی کبی شامده روملرایله محاربه ایتک  
 اوزره عسکر اعزام ایلدی. جنود اسلامیه  
 شامک حوران ارقه سنده کی حدودی اوزرنده  
 کائن (بلقا) کویلرندن (مؤته) نامنده  
 برقریه ده روم عسکرایله محاربه ده بولندی.  
 بومحاربه عربلرک روملرایله وقوع بولان ایلک  
 محاربه لری ایدی. عربلر اووقته قدر هنوز  
 منتظم عسکر شکلنده محاربه یه آلیش مش  
 اولمقلرندن محاربه واقعه ده موفق اولمديلر.  
 کندیلرندن صحابه نك اك كزیده لرندن برقاچ  
 کشی وازجمله حضرت علینک برادری اولان  
 (جعفر بن ابی طالب) شهید دوشدکن صکره  
 مدینه یه عودت ایلدیلر.

(مکه نك فتحی) - اوصره لرده اسلاملر  
 ایله قرشیلر بیننده صلحی بوزمغه باعث برحادثه  
 وقوع بولدی. (ابوسفیان) قرشیلرک آرتق  
 اسلاملره قارشى طورهمیه جقلرینی کوره رک  
 اولجه منعقد اولان معاهده صلحیه یی تجدیداملیله  
 بالذات مدینه یه کتدی. اسلاملر ايسه دشمنلرینک  
 آرتق ضعیف برحاله دوشدکلرینی آکلایه رق  
 فرصتی قاجیرمامغه قرار ویردیلر. ابوسفیان  
 قارشى صلحه طرفدار کی کورونديلر. عقد  
 صلح ایدم جکلرینی وعد ایتدیلر[\*]. (ابوسفیان)

[\*] ابوالفدا تاریخنده مکه نك فتحی بحثنده بونک  
 عکسی بیان اولئیور. (ابوسفیان) تجدید صلح  
 ایچون اسلاملره مراجعت ایتدیکی زمان کرك حضرت

نبی، کرك حضرت ابوبکر وعلی، کرك سائر صحابه  
 کرام طرفندن تجدید صلحه موافقه دائر هیچ برسوز  
 آله مامشدر. حتی خانه نبی یه کیروب مندره اوطورمق  
 ایستدیکی زمان کندیسنک کریمه سی و حضرت نینک  
 زوجه سی (ام حبیبه) مندری چکه رک «سن مشرکسک،  
 پیسک، پیغمبرک مندرینه اوطوره مازسک» دیمشدر.  
 (ابوسفیان) بوکی موافقتسزلکه مکه یه عودت  
 ایتشدر. مترجم

اولدیغی حالده - کافه اسلام اولدیلر .

(المؤلفة قلوبهم، قلبلری تألیف اولنانلر):

حضرت نبی مکهنک فتحندن صکرده اسلامیتی قبول ایدن مکه اکابرینه، اسلامیتی تأیید و تقویه ایچون کندى قوملرینک تألیف قلوبنه باعث اولمق اوزره قلبلری تألیف اولندیغنه اشارت اوله رق (المؤلفه)، یاخود (المؤلفة قلوبهم) نامی ویردی . (السيرة الحلبیه) نامنده کی کتابه ده بیان اولندیغنه نظراً مؤلفه ارچ قسم ایدی . بر قسمی، اسلامیتی قبول ایچون حضرت نبی طرفه ن قلبلری تألیف ایدیلنلردی: (صفوان بن امیه) کی . بر قسمی ده اسلامیتده ثابت قالمق ایچون تألیف اولمشدی: (ابوسفیان) اوچله دن ایدی . بر قسم ایسه دفع مضرتلری ایچون تألیف ایدلمشدی . جناب پیغمبر ایلریده کوریهلر جکی اوزره بونلره سائر صحابه دن ممتاز برشکلده عطیه واحسان ویرمکه کولکلرینی آلیردی . بوا یسه حضرت محمدک نه قدر حسن اداره، نه درجه حلم و وسعت صدر صاحبی اولدیغنی کوستیر .

مکهنک فتحندن صکره حضرت نبی خلقی اسلامیتده دعوت ایتک اوزره شهر مذکورک جوارلرینه سریه لر کوندردی . متعاقباً (حنین) و (طائف) ده غزا ایلدی . طائفه ایلک التجاسی ایلر شمیدکی عزیمتی آره سننده نه بیوک فرق واردی! . اوزمان بوشهر اهالیسنندن نصرت ومظامرت طلب ایتک ایچون کیتمشدی . بوسفر ایسه فاتح صقیله کیدیوردی . حضرت پیغمبر بو غزو ده طائف اهالیسنی مغلوب

صحابه دن بعضلری مشارالیه فئالق یا بق ایستیرلردی . حضرت پیغمبر بوکا میدان براقمدی، انلری منع ایتدی . حتی ابوسفیان حقنده او قدر توجه والتفات کوستردی که مکهنک بالآخره وقوع بولان فتحی کونی ابوسفیانک خانه سنه التجا ایدنلری مسجده کیرنلر کبی هر درلو تعرض وتجاوزدن مصون قیلدی . ابوسفیان حضرت محمد ایلر ملاقی و نائل التفات رسالت بناهی اولدقدن صکره مکیه عودت ایدرک اهل مکیه کوردیکی هر شیئی نقل و حکایه ایلدی . اهالی مکه ابوسفیانک ضعف عقلنه حکم ایدرک کندیلندن نفرت واکتقیح و شتمده بوانیلر . حتی انک زوجه سی (هند بنت عتبّه) زوجنک بیقلرینی چکه رک: «شو قوقش، پیس، متعصب حریفی اولدیرک . بر قومک اویله پیدشدارینه لعنت اولسون» دیدی . (ابوسفیان) بونلرک هیچ برینه اهمیت ویرمدی .

اسلاملر مکیه کیره رک شهر ی فتح ایتدیلر . حضرت نبی طوغریدن طوغری ده کعبه معظمه یه کیدرک اطرافنده و دروننده بولنان اصنامک کافه سن قیردی . کعبه نک دیوارلری اوزرنده مرسوم اولان ملائکه وسائر نک تصویرلرینی ده چیقاردی . حضرت پیغمبرک بو اجرا آتی جزیره العربده بتپرستکه خاتمه ویردی . کعبه معظمه او آندن اعتباراً دروننده جناب حقّه عبادت اولنور برمسجده تحول ایتدی . مکّه مکرمه اهالیسی ده - میانه لرنده (ابوسفیان) ایلر اوغللری وبونلردن بالآخره دولت امویه یی تأسیس ایدن ( معاویه بن ابی سفیان ) داخل

ایتدی . کندیلرندن مقداری ۲۴۰۰۰ دوه ، ۴۰۰۰۰ قیون و ۴۰۰۰۰ اوقیه [\*] کموشه بالغ اولمش غنائم آلدی . حضرت محمد غنائم مذکورده یی اصحابنه توزیه باشلاخجه اولا مؤلفه دن بده ایدهرک ( ابو سفیان ) ایله اوغلی ( معاویه ) به ودیکر اوغلی ( یزید ) ه یوزر دوه ایله قرقر اوقیه کموش ویردی . ابو سفیان ایله اوغللرینک بو اموال غنائمدن آلدقلى حصه اوچ یوز دوه ایله یوز یکرمی اوقیه کموشه بالغ اولدی . بونک اوزرینه ( ابو سفیان ) حضرت نبی به : « بابام ، آنام سکا فدا اولسون ، ای رسول الله ! سن هم حرب ، هم صلح زماننده جومردسک » دیدی . حضرت نبی بویه برامیاز وسخایی مشهور ابو جهلک برادری ( حارث بن هشام ) و ( صفوان بن امیه ) کبی اکابر حقنده دخی روا کوردی . حال بوکه شو امتیاز وسخا اسلامیتک الک بیوک رکنی اولان و شرف اسلامیتله الک اول تشرف ایدن مهاجرین و انصاره کران کلدی . فی الحقیقه اسلامیتی الک اول قبول و بو اغورده بونجه فدا کارلقلر اختیار ایدن مهاجرین و انصارک ، اسلامیتی پک صکره و آنجق بر مقهوریت و مغلوبیت نتیجه سی اوله رق قبول ایدن مؤلفه نک اموال غنائمدن مستثنی برشکنده فضلہ آللرینی خوش کورماملری پک طبعی برشی ایدی . صحابه یکدی کیرینه شو صورتله حسب حال مستکیانه ده بولنیورلردی : « قلینجلرمز حالا قریشک قانی ایله آلوده طور ییور . حضرت نبی قریشه و یروب بزى نه دن محروم براقیور ؟ » . صحابه نک

بوسوزلرینی حضرت نبی خبر آلدی . انلری طویلا دی ، بو خصوصده کندیلرندن استیضا حاتمه بولندی . اصحاب کرام بوسوزلری سویلدکلرینی اعتراف ایتدیلر . حضرت رسالپناه کندیلرینک فکرلرینی تصویب ایتمکله برابر انلره : « کفر دن دها پک آز زمان اول قورتولمش اولانلره ویریورم که کولکلرینی خوش ایدهم ، اسلا- میتده پایدار اولسونلر ودیکرلری کندیلرینک اثرینه بالاقفا اسلام اولسونلر . سزی ایسه غیر متزلزل و ثابت اولان اسلامیتکیزه حواله ایدیورم . ای انصار کرام ! خلقتک قویون و دوه ایله اکتفا ایتلرینه قارشى رسول اللهک سزه رفاقت و مصاحبتی سزه دها قیمتدار و شرفلی کلورمی ؟ » دیدی . مهاجرینه ده عین سوزلری سویلدی . هپ راضی اولدیلر . اسلاملر هجرتک طقوزنجی سنه سنه طوغری مدینه به عودت ایتدیلر . آرتق بیوک بر نفوذ کسب ایتشلر ، صیت بلند موفقیتلری جزیره العربک هر طرفه یایلمش ایدی . خلق آرتق فوج فوج مدینه به کلپور ، اسلامیت ایله مشرف اولیورلردی .

اسلاملر بویه کسب نفوذ ایتدکدن و تقریباً جزیره العربک هر طرفی کندیلرینه عرض اطاعت ایلدکدن صکره دائره فتوحاتی توسیع ایچون صرف غیرته دوام ایلدیلر . حضرت نبی هجرتک طقوزنجی سنه سنده روملره قارشى تدارکاتده بولنلمسنی امر ایلکله اون بیکی سوارى اولق اوزده اوتوز بیکی کشیدن مرکب بر قوه عسکریه جمع و تجهیز ایلدی .



دین حالنده ایکن وفات ایتدیکندن اسلامیتک ظهوریله منفعلری ونفوذ و موقعلری مختل اولانلر فرصتدن بالاستفاده تحریکاته قالدیشه رق مدینه ، مکه ، طائف اهالیسندن ماعدا اولجه قبول اسلامیت ایدن قبائل عربدن چوقلری طریق ارتداده صامش وبویوزدن اسلامیت پک بیوک بر تهلکجه دوشمش ایسهده آتیده کوستیله جکی اوزره حضرت ابو بکرک وقوع بولان همت وغیرتی سایه سنده احوال مذکو - رهنک اوکی آلمشدر .

### خلفای راشدین

حضرت نبی حال حیاتده ایکن اسلاملرک امیری ، محاربه لرده قوماندانی ، نمازده اماملری واحوال سائرده قاضیلری ایدی . وفاتنده ذکور اولاد براقیدینی کبی کندیسندن صکره خلافتی کیمسه یه وصیت ایتدیکندن بو حال خلیفه انتخابنده اختلاف حصولنه سبب اولدی . حضرت پیغمبره خلیفه اولغه هرکسندن زیاده مهاجرین وانصاری تشکیل ایدن اصحابنک حق ایدی . مهاجرین : « حضرت نینک اقربا و اصحابی اولدیغمز واقربا وتعلقاتمزی وشهریمزی براقه رق کندیسيله هجرت ایتدیکمز ایچون خلافته هپسندن زیاده حقمز واردر » دیدیلر . انصار ایسه : « بز حضرت نبی یی یانمزه آلدق ، کندیسنه ظهیر اولدق . خلافته دها زیاده حق صاحبی یز » اداسنده بولندیلر .

مذکور قوه عسکریه اسلاملرک اوزمانه قدر تحشید ایده بیلدکلری قوه عسکریه نک الکی بیوی ایدی . اسلاملر بوقوه مجاهده یی جمع وتحشید ایچون مالجه ، آدجه هر دلو فدا کارلنی اختیاردن چکنمیدیلر . فقط قوه مجاهده انشای راهده غایت شدتلی برصوسز لغه معروض اوله رق پک چوق صیقندی چکدی . مجاهدین مسلمین روملرک ، برابرلنده (حکم) و (جذام) عربلری بولندینی حالده ، (تبوک) ده تجمع ایده جکلرینی ظن ایدرک موقع مذکوره نازل اولدیلر . (ایله) امیری ( « ایله » شام طرفندن بحر احمر ساحلنده عقبه کورفزینک متها سنده کائن برشهردر) عسکر مسلمینه مراجعت وجزیه (ویریکی) اوزرینه کندیلریله عقد مصالحه ایلدی . مذکور سفر عسکری صره لرنده (خالد بن ولید) مدینه ایله شام آره سنده شامدن یدی میل مسافهده کائن (حومه الجندل) امیرینی - که (کنده) قبيله سندن وعرب خر - ستیانلرندن ایدی - مغلوب ومقهور ایتدی . کندیسنی اسیر آلدی ، برادرینی اولدیردی . کندیسندن ایپکدن معمول وصرمه داللر ایله مزین برقفتان آله رق اسلاملره کوندردی . مذکور قفتان اسلاملره اصل اولنجه تعجبلرینی موجب اولمشدی . چونکه عربلر او وقته قدر بویله مزین البسه کور مامشلردی . عساکر مسلمین بودفعه بلاد رومدن هیچ برشی فتح ایتکمکمزین مدینه یه عودت ایلدیلر . صاحب شریعت اسلامیه هجرتک اون برنجی سنه سنده اسلامیت هنوز یکی انتشار ایتمش بر

طرفدن مختلف مواقعه واقع اولان بیاناته نظر آ بنی هاشم نور نبوت کندیلرندن ظهور ایتش بولمقله ذاتاً بیوک بر مقام احراز ایتشلردی . بو بیوک و ممتاز موقعه برده مقام خلافتی علاوه ایتمک بسبتون فضله اوله جقدی . احتمال که اسلاملر بو خصوصده حضرت نینک اثرینه اقتفا ایتشلردی . چونکه عم بنی (العباس) بر دفعه حضرت نبیدن برایشه مأمور یاپمسی ایستمش ایکن حضرت نبی انک مسئلونی اسعاف ایتامشدی . بنی هاشم بالذات بو خصوصی اعتراف ایتشلردی . از جمله امام حسن بن علی ، معاویه به ترك خلافت ایتدیکی زمان « جناب حق نبوت و خلافتی ایکسنی بردن بزده جمع ایتمکی آرزو ایتامشدر » دیمشدی . حضرت ابو بکرک ( عمر ) ، ( عثمان ) ، ( طلحه ) ، ( زبیر ) کبی بنی هاشمدن اولمیان مهاجرینه تقدماً مقام خلافته انتخاب اولمسنه یاردم ایدن احوالدن بری ده اسلامیتده صاحب قدم اولمسیدی . چونکه ( ابو بکر ) بنی هاشمدن اولمیان بتون مهاجریندن اول داخل دائره اسلامیت اولمشدی . بوندن ماعدا عربلرجه تازمان جاهلیتلرندن بری مهم عد اولنان دیکر بر سبب دها واردی . اوده سن مسأله سیدر . ( شیخ ) کلهسی عربلرجه هم اختیاره ، هم ده صاحب ریاسته اطلاق اولنور . عربلر کندیلرنجه مقام امارت و ریاسته نامزد اولانلرده صفات لازمه بی مساوی کوردکلرنده اک زیاده یاشلی اولانی - حائر اولدیغی موقع معنوی دخی نظر دفته آلهه رق - ترجیح

آره لرنده کی اختلاف او قدر شدتلی بر حال آلدی که آز قالدی نزاع وجداله منتهی اوله جقدی . حضرت ابو بکر ، ائمه قریشدندر ، مفهومی متضمن بولنان حدیث شریفی در خاطر ایتدیر . دی ده بوصورتله اختلافک اوکی آلدی . انصار ؛ حدیث شریفک حکمنه اطاعت ایده رک ادعالرندن واز کچدیلر .

فقط بونکله تهلکه مندفع اولماش ایدی . چونکه بومقامه انتخاب ایدیه جک ذات حقنده مهاجرین آره سنده دخی اختلاف حکمران اولمقده ایدی . اسلاملرک اک بیوک آدمی اولان حضرت عمر بو تهلکه بی در حال حس ایتدی . اسلامیتک آنجق اتحاد ایله کسب شان وشوکت ایتدیکنی اعلی بیلوردی . همان حضرت ابو بکره اعلان بیعت ایتدی . حضرت عمر ابو بکره بیعت ایدرکن خلق باقیورلردی . هر کس حضرت عمر کندی نفسی ایچون خلافتی طلب ایده جک دییه انک شدت وصولتدن قورقیوردی . حضرت فاروقک کندیلرندن اول ابو بکره کدروب بیعت ایتدیکنی کورنجه در حال انلر دخی ابو بکره بیعت ایلدیلر . بوصورتله مشکل حل اولندی .

ایچلرنده بنی هاشمدن واهل بیت نبویدن عم نبی (العباس) و عم زاده نبی (علی بن ابی طالب) و سائر کبی ذوات بولندیغی حالده سائر مهاجرینه بیعت ایدلیوب ده ابو بکره توجیه خلافت اولنسی شایان نظر دقت کورولور . بو خصوصده کرک حضرت عمر و کرک سائر

چونکه هر هانكي قوم جهادی ترك ايتدی ايسه مطلق او قوم جناب حق طرفدن دوچار ذلت و مسكنت اولمشد . بن الله ورسولنه اطاعت ايتدكجه سزده بكا اطاعتده بولنكيز . الله ورسولنه مخالفت ايدرسهم او زمان سزدن بكا اطاعت لازم كلز .

حضرت (ابوبكر) زمام خلافتی اله آلدینی زمان بالاده ذكر اولدینی اوزره واقع اولان ارتداددن طولانی اسلامیت بحران واضطراب ایچنده بولنیوردی . ارتدادك باشلیجه اسبابندن اوله رق اسلامیه عرض مطاوعت ایدن وهنوز اسلامیه عقلاً و قلباً متین برمر بوطیله مر بوط اولیان بعض قبائل عرب حضرت پیغمبرك وفاتنده نبوتك قولای برشی اولدیغنه ذاهب اولدیلر . کندیلری طرفدن اعلان ایدیله جك دعوتی قریشدن ها چوق اولان کندی قبیله لری آدم لریله تأییده مقتدر اولدقلرینی ظن ایلدیلر . برده اهل قریش عدداً ده ا آز بولنورکن بتون جزیره العربی قبضه تسخیره کچیرملرینی استرقاب ایتشلردی . ایشته بوسائقه ایله انلردن برقاچ کشی ادعای نبوت ایتدی . (بنی اسد) قبیله سندن ( طلیحه الاسدی ) ، ( تمیم ) قبیله سندن ( سجاح ) ، ( یمامه ) ده مقیم بنی حنیفه دن ( مسیلمه ) ودها سائر برطاقم اشخاص ادعای نبوت ایدنلر جمله سندن ایدی . بولنردن هر بری کندی قبیله سنك مظاهرت و معاوتیله حرکت ایدیوردی . بو حال سائر قبائل میاننده قاریشیقلاق ظهورینه باعث اولدی . قبائلدن بعضلری اسلامیتی ترك ایله ذكر اولنان مدعیلره تبعیت

ایدرلردی . نته کیم قبیله ( قریش ) ایکنجی ( فجار ) محاربه سنده اوییه یامش ایدی . قریش مذکور محاربه ائاسنده بتون بطوتی ، یعنی اقسامنی جمع وتوید ایدرك هر قسمك باشنده بر رئیس موجود ایکن بولنرك جمله سنك فوقده ( حرب بن امیه ) یی رئیس اوله رق نصب ایتشلردی . ( ابن الاثیر ) دیورکه : « عبد مناف جهتندن سناً و منزله موقع و مکاتبتدن طولانی ، کندی اوزرلرینه رئیس اتخاذا ایتشلردر . حضرت ( ابو بکر ) دخی سائر اهل قریش اوزرینه كرك جاهاً و قدراً و كرك سناً ارجحیتی نفسنده جمع ایتش ایدی . فضله اوله رق حضرت نبی خسته اولدقلری صره لرده مسلمینك مژنده اماملق وظیفه سنی ایفا ایتك اوزره کندی طرفدن بالنیابه بولنغه ابوبکری مأمور ایتش ایدی . بوايسه حقوق امامتدندر . حضرت ( ابو بکر ) کندیسنه بیعت اولدقدن صکره اسلامیتك حقیقتی و سرعته انتشارینه و شان و شوکتك تأییدینه باعث اولان سر و حکمتی مین اوله رق ایراد ایتدیکی ایلک خطبه شو ایدی : « ای اهالی ! ایچکیزده اك لا ثقکز دکل ایکن اوزریکیزه خلیفه اولدم . ایی حرکت ایدرسهم بكا معاونتده بولنکیز . فنا حرکتده بولنورسهم بنی طوغرلدیکیز . صدق امانتدو . یالانچیلق خیانتدو . سزدن هر قوی ، اوزرنده کی غیرك حقنی بن آندن آله سییه قدر نظر مده ضعیفدر . هر ضعیفده ، حقنی بن آکا آلپورنجه یه قدر نظر مده قویدر . سزدن هیچ بر کیمسه جهادی ترك ایتسون .



کوندردی . هجرتك اون اوچنچي سنه سنده  
مشهور ( یرموک ) وقعه سی وقوع بولدی که  
بووقعه ( شام ) قطعه سنک فتحه سبب اولدی .  
( بدر ) غزوه کبراسی اسلاملرک کسب قوت  
وشو . وکت ایتلرینه نصل خدمت ایتدی ایسه  
بووقعه دخی اوپله جه کسب قوت وسطوت  
ایلمرینه خدمت ایتدی .

حضرت ابو بکر خلافتی حضرت عمر  
بن الخطاب وصیت ایتدکن صکره سنه مذکوره ده  
ارتحال دار بقا ایلدی . حضرت عمر مهاجر .  
بنک سنأ الیوکلری دکل ایدی . فقط حضرت  
ابوبکر خلافتی کندیسنه وصیت ایتدکن  
صکره آرتق مهاجرین مشارالیهک خلافتنده  
اختیار صاحبی بولنیورلردی . آتیله  
کوستره جکمز اوزره شامده ، مصرده ،  
عراقده ، آفریقا وسائر یرلرده وقوع بولان  
اک مهم فتوحات حضرت عمر زماننده میسر  
اولدی .

### صدر اسلامده فتوحات اسلامیة

محررلر ، ارباب تنقید ونظر عربلرک  
روم وایران ممالکینی فتح ونسخر ایتلرینه یاردم  
ایدن احوال واسبابه دائر اوزون مباحثات  
و شدتلی مطالعات یازمشلردر . فی الواقع عربلر  
اوایکی کشور عظیمی فتح و قیاصره واکسره  
قهر ایتدکلری صرهلرده مقصدارلری اوایکی  
دولتدن برینک یالکیز برشهرده اقامت ایتدیره .

ایتدی . بعضیلری ده ادای زکاتدن امتناع  
ایتمکله اکتفا ایلدی . زکات ارکان اولیه  
اسلامیه دندر . دولتک مالیه سنده الیوکلر موقعی  
اشغال ایدر . هر زمان ومکانده پاره قیام دول  
ایچون ضروریدر . قبائل عربدن دیکر بعضیلری ده  
اسلامیتدن ارتداد فکریله دکل ، زکاتی زمان  
جاهلیتده تأدیه ایتدکلری اتاوه ( خراج )  
قبیلندن عدایله اعطاسندن امتناع ایلشلردی .  
ارتداد مسأله سی شدتلی بر شکل آلمش ایدی .  
ارباب ارتدادک جرأتلری ده آرتدقجه آرتیوردی .  
اودر جه ده که اسلاملرک پایتختی اولان مدینه یه  
هجوم ایتدیلر . حتی آزالدی شهری الهکیره .  
جککلردی . حضرت ( ابوبکر ) بو احواله قارش  
غایت حکیمانه وعاقلانه طاوراندی . نزدنده بولنان  
کزیده قوماندانلره ، ارباب حزم واقصداره  
سنجاقلر ویردک محاربه یه مأمور ایتدی .  
مشارالیهک بو احوالده ویردیکی سنجاقلرک  
عددی اون بره بالغ ایلشدر . بونلر اون بر  
قوماندانه تودیع ایلدی . ( خالد بن الولید ) ،  
( عکرمه بن ابی جهل ) ، ( عمرو بن العاص )  
او قوماندانلر میاننده بولنیوردی .

شو تاریخندن اعتباراً ایکی سنه کچمدن  
بحرانک بسبتون اوکی آلتدی . خلافت حضرت  
ابوبکرده مستقر اوله رق هر کس زمان نبویده کی  
حاله عودت ایلدی . حضرت ابوبکر احوالک  
شو صورتله کسب سکون ایتدی کی کورنجه  
حضرت پیغمبرک آرزو وامانی یرینه کتیرمک  
اوزره انک اثرینه تبعاً شام وعراق جهتلرینه  
نسب انظار ایدرک ایکی طرفه ده عسکر

بیلدیکی عساکر محافظه نك مقدارندن بيله آز ایدی . بوندن ماعدا عربلر اوزمانلرده غایت ساده بر معیشتله مآلوف ایدیلر . فنون حربیه ده پك آز تجربه کورمشلردی . احوال مالیّه جه ضعیف ، آلات وادوات حربیه جه پك ناقص بولنیورلردی . روملرایله ایرانیلره کلنجه بونلر اوصره لرده جهانك الكیوك دولتلری ایدیلر . مکمل آلات وادوات حربیه یه ، حسابسز عسکره ، هریرده منتظم قلاع واستحکاماته مالک بولنیورلردی . فضله اوله رق عربلر عددآ آز واحواله بسیط وضعیف اولمله برابر فتنه کیتدکلری مملکتلره او مملکتلری بيلمکسزین واهاليسندن مظاهر ومعین صاحبی اولمقسزین مهاجم صفتيله کیدیسورلردی . هپسندن دها غریبی او ایکی مملکتی بردن اون سنه یی تجاوز ایتین بر زمان ظرفنده فتح وتسخریه موفق اولملری ایدی . عجا بوکا نصل موفق اولدیلر ؟

ارباب انتقاد وتدقیقک بو خصوصده الک معروف حکملری عربلرک اوموقفیت عظاملری یوقاریده بیان ایتدیکمز وجه ایله اسلامیتک ظهوریزه یقین روم ایله ایران دولتلری بیننده توالی ایدن محاربات نتیجه سی اوله رق او ایکی مملکتک دوچار اولدیغی ضعف وپریشانی واضمحلالدن استحصال اولندیغی مرکزنده دره بزم فکرمنزه کوره یالکمز اضعف وپریشانی ذکر اولنان موفقیت ومظفریتک یکانه سببی دکل ایدی . چونکه یالکمز اوله اولسه ایدی بلاعرب صحرالردن کله رک ایکی دولتی ده بردن

مغلوب ایدن اوله کوچک برملته بدل اودولتلردن بری کندی قومشوسی اولان دیگر دولتک اراضیسی استیلا ایتسی دهاقولای اوله جقدی . اوت ، کرک روم ، کرک ایرانیلرک اوصره لرده ایچنده بولندقلری حالت ضعف وپریشاینک فتوحات اسلامیه یی تسهیله نه درجه ده تأثیری اولدیغی انکار ایتمز . آنجق احوال فتوحاتک یکانه سبب اصلیمی دکل ایدی . کوستره جکمز وجه ایله دیگر اسباب حقیقه دها وار ایدی . ( عجا عربلری اوفتوحاته تشویق وکندیلرینه بوخصوصده جرأت ویرن شی نه ایدی ؟ ) : — فی الحقیقه من القديم بادیه نشین اوله رق یاشایان عربلره عصرلردن بری روملره وعجملره نظر حرمت وهیبتله باقه رق حتی انلرک وسعت ممالکینی ضروب امثاللری میاننه ادخال واسملرندن خوف واحترازی اعتیاد ایتدکلری حاله وجودلری قبا البسه ایله مستور ، طعاملری داری وارپدن عبارت ، سلاخلری ایپ ایله باغلامش مزراقلردن ، بله بز بارچه لرلیله صلیمش قلجلردن مرکب برزمره قلیله ایله اوایکی ملک وسیعی فتح ایتکه نصل جرأت ایتدکلری واسلامیتدن اول اوله برتشبشه نهدن جرأت ایتدکلری تدقیق ایتک برتاریخ نویس ایچون ک اول ترتب ایدن وظائفدن عد اولنور .

بونک جوانی شودرکه عربلر اسلامیتدن صکره اسلامیتدن اولکی حالدن بشقه برحال کسب ایتدیلر . عربلر قبل الاسلام طارمه طاغنیق برطاقم قبائلدن عبارت ایدیلر . فقط

معاهده و تاسیس ایلدکلی اخوت بومدهایه شاهددر . قرآن عظیم الشان واحادیث شریفه مطالعه اولنورسه اسلامیتک اتحاد اساسی اوزرینه مؤسس اولدینی درحال تظاهر ایدر . صدر اسلامده کرک خلفا ، کرک امرا طرفندن ایراد اولنان نطقلرک ایچنده هیچ برنطق بولماز که عربلرک زمان جاهلیته کی تفرقه و تشتتدن و اسلامیتک احکامی وجه ایله ، عصیتی براقه رق اتحاد غیرت اولنسی لزومندن باحث اولسون . خلیفه نک ، یاخود خلیفه به بالنیابه انک مقامنه قائم برذاتک آرقه نده اسلاملرک کونده بش دفعه نمازده اجتماعلری آرلرنده اتحادک متانتی برقات دهاتزید ایتشدرد . نماز اسلاملرده اتحادک حصولنه ، انلرک خلیفه به اطاعت ایللرینه پک بیوک خدمت ایلشدر . (بالذری) دیورکه : « ابوسفیان مکه هنوز فتح ایدلن و کندیسلی اسلام اولدن اول اسلاملرک نزدینه کلوب کندیلرینی نمازده بولنجه و نبی ذی شان رکوعه وارد قجه انلرک ده رکوعه وارد قلیرینی و حضرت نبی سجده ایتدجکه انلرک دخی سجده ایتدکلیرینی کورنجه » والله ، حیرت افزا برشی کور بیورم . شورادن ، بورادن طویلانان برطاقم خلق اوقوجه روم و عجملری کولکده براقه حق صورتده غایت مطیع کسلمشدردر « دیهرک اظهار حیرت ایتشدر . »

عربلرک نشر ایتدکلی دعوتک حق اولدیغه قناعت تامه صاحبی بولندقلرینه و دنیا ایچون دکل ، آنجق آخرت ایچون چالیشد . قلیرینه کلنجه بو ، فتوحات صره لرنده انلرک

اسلامیتدن صکره هپسی برقلیده یالکز برملت ، ملت واحده کسدیلر . معافیله یالکز بو حال اومالکی فتح ایتک کی غایت بیوک وجسیم برتشبده بوللرینه جرأت ویره جک برسبب کافی دکلدی . انلره اصل قوت و جسارت ویرن شی قبول ایتدکلی دین اسلامیتک صدق و صحتنه اعتقاد واحکامنه اطاعت نامهلری ایدی . اسلاملر آنجق کلمه للهک اعلای شان و شوکتی اوغورنده مملکتلری فتح ایتکده اولدقلرینه ، جناب حقک روی ارض اوزرنده نشر اسلامیه کندیلرینی مأمور ایتد . یکنه ، کندیلرندن بو اغورده اوله جکلرک شهید اوله جغه ، آخرته بودنیانک کندندها قیمتدار ، دها پایدار مکافاتلر موجود بولندیغه براعتقاد متین و غیر متزلزل ایله قانع بولنور . لردی . عربلرک او عظیم و مشقتلی تشبثاتی اقتحام ایتلری خصوصنده کندیلرینه قوت و جسارت ویرن شی ایشته او اعتقاد متین اسلامی ، اوفیض دین محمدی ایدی . حضرت نبی زماننده اجرا ایدیلن غزولر ایله سوق اولنان سره لردن استحصال ایدیلن مظفرياتک لذتی ده کندیلرینه بویولده باعث تشویق اولمش ایدی . انسان برایشده موفقیت کوردجکه تهلیکه کی کور مامکه باشلار . . اهل اسلامده مظفریت قازاندقجه تهلیکلری آرتق بیوک کور میورلردی .

اسلامیتک بین المسلمین باعث اتحاد اولدینی اوزمانکی اسلاملرک هر حال و حرکتلرنده مشاهده اولنور . بالاده ذکر ایدلکی اوزره برنجی سنه هجریه ده آرملرنده عقد ایتدکلی



اقوال و افعالندن آچیقندن آچیغه آکلاشله مقدمه در .  
 (قادسیه) محاربه سنده عجم قوماندانی (رستم)  
 طرفندن (منیره) به خطاباً : « سز مقصد کنز  
 اغورنده اولومی هیج مرتبه سنده کور یورسکنز »  
 دیلمسنه قارشی مغیره : « بزدن اولنلر جنته ،  
 سزدن مقتول اولانلرایسه آتسه داخل اولور .  
 بزدن صاغ قالانلرده سزدن صاغ قالانلره غالب  
 کله جکدر » مقابله سنده بولمشددر . کذلک مصر  
 والیسی (مقوقس) عبادۀ بن الصامتی روم  
 عسکرینک چوقلانی ایله قورقوتدینی وانلر غلبه  
 ایتک ممکن اولدیغنی کندیسنه سویلدیکی زمان  
 عبادۀ (مقوقس) ه جواباً : « بوسوزلر ایله  
 کندیکی ، آرقداشلیکی اغفال ایتمه . روملرک  
 قوت و کثرتی ایله بزی قورقوتمق وانلره قارشی  
 کله میه جکمز سزویلك بزی قورقوده ماز  
 وعزمزدن چوپره مز . اگر شو دیدیکک  
 طوغری ایسه ، یعنی انلر او ایله قوتلی و چوق  
 ایسه لر بو حال بزی محاربه یه ده از یاده ترغیب  
 واشتیاقزی تزیدایددر . چونکه انلر ایله محاربه ده  
 بفردیمز قالمینجه یه قدر همز شهید اولورسه ق  
 جناب حقک حضورینه ده از یاده معذور بر حالده  
 چقارز وانک نعمت رضواننه ده از یاده مستحق  
 اولورز . بوا یسه آرزوایتدیکمز منتهای سعادتدر .  
 بزم ایچون بوندن ده ا قیمتدار برشی اوله ماز .  
 سزکله محاربه ایتدکده ایکی نعمتدن برینی بکلرز .  
 یاسزه غالب کله رک دنیا نعمته مظهر اولورز .  
 یا خود سزه مغلوب اوله رق نعمت آخرته نائل  
 اولورز . المزدن کلن جهد وغیرتی صرف  
 ایتدکدن صکره بوا یکنجی نعمت بزه او بزدن

دها زیاده آرزو اولنور . جناب حق قرآن  
 عظیم الشانده عدداً قلیل نیجه جماعه ک عدداً  
 کثیر جماعتلره غالب کلدکلرینی ، الله صبر  
 ایدنلرک یاردیجیسی بولندیغنی تبلیغ بیورمشدر .  
 ایچمزدده هیج برکیسه یوقدر که شرف شهادت  
 ایله شرف اوله رق کندی مملکتته ، کندی  
 یوردینه دونامکی ، چولوق چوجغنه قاووشماغنی  
 هرکون صباح آقشام جناب حقندن تمی ایتسون .  
 بزدن هیج کیسه آرق سنده بر اقدینی شیلری  
 دوشونمز . هرکس چولوق چوجغنی ، عیانی  
 وسائر سنی الله تودیع ایتشددر . آرقه مزه  
 باقه یز ، هپ اوکه باقا ز . معیشتجه ، حاله  
 ضرورت و احتیاج ایچنده بولندیغمزه دائر  
 اولان سوزلریکه کلنجه : بزکندیمزی بو حالزله  
 جهانده الک زیاده وسعت حاله مالک ، الک زیاده  
 بختیار انسانلردن عد ایدرز . جهان هپ بزم  
 اولسه شوقانی دنیادن کندی نفسمز ایچون  
 شمدیکی حائر اولدیغمز مقداردن زیاده برشیده  
 رغبت ایتمز » دیمشددر .

بوکی شیلر تاریخ اسلامیده پک چوقدر .  
 حتی بر مسلم قاردشنی . باباسنی مشرک کورسه  
 اسکله بلا تردد ویایدینی شینک الک مقدس بر  
 وظفه اولدیغنه قناعت تامۀ وجدانیسه ایله  
 امین اوله رق مقابله یه کیریشیردی . دیگر  
 دینی تاریخلرده مشهور اولان بوقیلدن احوال  
 دخی بالاده عرض ایتدیکمز حقائق تأیید  
 ایدر . انسان بر خصوص ایچون کندی  
 حیاتی تهلکیه آتق اوشی حقنده دین  
 درجه سنده اعتقاد و ایمان صابنی اولمغه توقف

ایدر . ادیان سائرہ تاریخلرنده شهیدلرک ترجمہ  
حالده بوقیلدن کافی درجهده مثاللر واردلر .  
بوندن ماعدا شام وعراق طرفلرینک  
غایت محصولدار وزنکین اولسی عربلرک او -  
جهتلری استیلا ایتلرینه باعث اولمشدر . چونکه  
عربلرک اقامت ایتدکلری برلر محصولدار دکل  
ایدی . و برلر بر اقباه دینی صاحبی اولدقندن  
صکرة کسیدیرینی بسلیه مزدی . برده اصل  
اکابر مسلمین محضاً آخرت ایچون جهادهده  
بولدقلری حالده بعض نبال اموال غنائم ایچون  
محاربه ایدرلردی . ( حنین ) و ( طائف )  
غزوهلرندن صکرة وقوع بولان بعض احوال  
بونى کوستیریر . ( ابن هشام ) دییورکه :  
« بو غزوهلرده اموال غنائم پک چوق ایدی .  
محاربه ختام بولدقندن صکرة واسیرلر اعاده  
اولندقندن صکرة حضرت پیغمبر بیندی . خاق  
«ای رسول الله! دوه وقویونلردن حصه لر مزی  
اوزرمزه تقسیم ایت » دییه رک حضرت نینک  
آرقه سندن کیدیورلردی . جناب رسالتیهای یی  
اوقدر صیقیشدیردیلرکه بر آغاجک آلتنده  
طورمغه مجبور اولدی . حضرت پیغمبرک  
باشنده کی اورتو ( ردام ) آغاجه طاقلدی .  
حضرت نبی خلقه خطاباً « ای اهای ، اورتومی  
بکا اعاده ایدیکز . والله ، تها مده کی آغاجلر  
عددنجه مواشیکز اولسه جله سنی سزه تقسیم  
ایدردم . هیج بروقت نبی خسیس ، قورقاق ،  
یالانچی بوله مازسکز » بیوردی .

\*  
\*  
\*

عجبا فتوحات واقعهلرنده اسلاملره نه کی

احوال یاردیم ایتدی ؟ - عربلری فتوحاته  
تشویق وکنیدیلرینه بو خصوصده جرأت  
ویرن احوالی بالاده عرض ایتدک . شمدی  
او فتوحاتی تمهیل ایدن وکنیدیلرینه باعث  
موفقیت اولان احوالیده ذکر ایدلم .  
اولا : اسلاملره فتوحات واقعهلرنده یاردیم  
ایدن خصوصاتدن بری عربلرک همت وغیرت  
صاحبی اولملری و آغیر یوکلری اولماسی در .  
چونکه عربلر بادیه نشین اوله رق بیومش و پک  
ساده بر معیشته آلیشمش اولدقلرندن آچاغه  
وصوسزلغه اهمیت ویرمزلردی . انلردن بری  
محاربه یه کیتسه صرتی یورده جق ویاخود دوه سنه  
آغیرکله جک هیج برشی کوتورمزدی . هر  
نه قدر بعضاً برابرلرنده ییه جک ، ایجه جک  
کوتورلردی ایسه ده اصل کچملرینی یولده  
الده ایتدکلری اموال غنائم تشکیل ایدردی .  
بوندن ماعدا دوه لرکده عربلرک موفقیتاته  
بیوک خدمتلری اولمشدر . چونکه عربلرده  
دوولر روملر عتدنده آرابه لرک ، آتارک و سائر  
حیوانلرک کوردیکی خدمتک عینی کورردی .  
برعرب دوه سنه هم کندیلی بیز ، هم یوکنی  
طاشیدر ، هم سودی ایله تغذی ایدر ،  
هم کولکه سنده بارینیز . دوه چوللرده قوری .  
ده اولسه بوله بیلدیکی اوتلر ایله کچینیر ،  
آچاغه ، صوسزلغه کونلرجه تحمل ایدر .  
حال بوکه بروم ویا عجم محاربه یه آنحق ذخائر  
وارزاقدن مرکب یوکلر ایله ، آغیرلقلر ایله کیده بیلیر -  
دی . اوله یوکلر ، آغیرلقلرک بونلری طاشیمق  
ایچون آرابه لره ، آرابه ایسه جر ایچون

حيواناته ، حيوانات ايسه يم وصويه محتاج ایدی . بوحال بزه (غوردون) پاشايي (خرطوم) دن قورتارمق ايچون ۱۸۸۴ سنه سنده سودانه سوق اولان قوه عسکريه صره سنده مشاهده ايتديکمز احوالی تخطر ايتديرييور . برانکليز عسکری برابرنده يکسات ، پيشمش اتلر ، شکر ، چای ، قهوه ، موم ، صوآپلری ، چادرلر ، امتعه سائر و برچوق حيواناتک يمی وسائر سندن مرکب برچوق يوکلر ، آغیرلقلر اولقسزين بريردن ديکريه انتقال ايدهميو . ردی . بوقوه عسکريه ۱۵۰۰ عسکر دن عبارت ايکن بونلرک ارزاق ولوازمی درت بيک دوه ايله دوه جيلری وسائر طاشيوردی . بوحال قوه عسکريه ايچون جدا بربارکران ایدی . حال بوکه برسودانلی بونلرک جمله سندن مستغنی ایدی . برآز قوری داری بی حاوی اوله رق قوا توغنی آلتنده طاشييديغی برطوبه اکا کفایت ایدیوردی .

ثانيا : اسلاملرک قضا وقدره و برانسانک اجلی کلدن اوليه جکنه ، اجلی کلیرسه نرده اولورسه اولسون وحقی فراش نعيم و راحتده بولنسون ينه اوله جکنه واجلی کلامش ايسه اک کسکين قلینجلر آلتنده اولسه بيله حیاتی قورتوله جغه اعته ادلری او فتوحانده موفق اولمیرینه پک چوق خدمت ایتمشدر . بو اعتقاد اسلاملرده پک زیاده متمکین ایدی . وقوعات مشهورده کوسر دکلری شجاعت و بسات فوق العاده به سبب ده بو اولدی .

ثالثاً : آتیه ينمک و اوق آتمقده کی مهارتلی

مظفریت و موفقیتلرینه بيوک خدمت ایتمشدر . عربلر اسبسوارلقد و اوق آتمقده روم و عجملردن دها زیاده مهارت صاحبی ایدیلر . عرب آتلی ده اوتنه کیلرک آتلردن دها ایی ایدی . بوندن ماعدا محاربهرک چوقلرنده قتال او زمانه کوره جاری اولان عادت وجه ايله افراد آره سنده مبارزه صورتيله وقوع بولوردی . ایکی طرف محاربیدن ایکی اسب سوار انتخاب اولوردی . هانکیسی غالب کلسه منسوب اولدیغی طرف غالب ، ديکری طرف ايسه مغلوب عد اولنوردی . عربلر علی لا کثر مبارزه ده غالب کلیرلردی . حتی اکثریتله مظفریتلری اویله بر مبارزه ده غالب کلمک و یا خود بر اوق ايله دشمن قومانداتی اتلاف ایدرک بوصورتله دشمن اردوسنک قوه معنویه سنی قیرمق ايله حاصل اولیوردی . ایلریده یازده جغمز سلاح بختنده بو خصوصه دائرده زیاده تفصیلات ویره جکمز . رابعاً : صدر اسلامک ، مظفریت و موفقیتی احراز ایده جک اوصاف و مزایا ايله متصف رجاله مالک اولسی مظفریات اسلامیه خدمت ایدن اسباب جمله سندن ایدی . چونکه (ناپولئون) دوری فرانسه نك دها اول طوغوره مدینی بيوک قوماندانلر ايله نصل کسب تمیز ایتدی ايسه صدر اسلام دخی اعظم رجال ايله ممتاز بر دور ایدی . (ناپولئون) ک قوماندانلری فرانسه اختلال کیری نصل یتشديردی ايسه صدر اسلامده ظهور ایدن اعظم رجال اسلامیه ده حبشیلیرک (عام الفیل) نامی آلان تجاوزلری یتشديرمشدر . زیرا تجاوزمذکور



ایله تأید ایتدی « بیورمشدر . ابوبکر ، عمر ، علی ، ابن العاص ، معاویه ، خالد کبی ذوات بو عصرده دخی یتشسه لر ایدی ، عصر حاضر مدینتکده الکبیرک آدمی لر اولورلردی .

امویلر عباسیلر دورنده یتشن اعظم رجال مسلمینی ده بوراده در خاطر ایتمک انصافه موافق دکلدر .

خاصاً : عربلرک محاربیلر ائساننده ابراز ایتدکلری صبر و منانت و دشمنه قارشى اختیار ایلدکلری مطاوله ، یعنی وقت غائب ایتدیره رک ضعیف دوشورمک اصولی ده فتوحانده کی موفقیتلرینه پک بیوک خدمت ایلشدر . عربلر سکزنجی سنه هجریه ده سوریه ولایتی داخلنده ( بلقا ) یه تابع ( مؤته ) موقعنده روم اردوسی ایله محاربه اجر اسندن صکره روملر ایله محاربیه تک اهل بادیه ایله محاربه کبی اولمادیغی ، روملرک میدان محاربیه نه قدر عسکر چیقارمیلدکلرینی ، نه صورتله حرب ایتدکلرینی آکلادقلرندن آنلره قارشى مظفر اولمق آتجق کویستره جکلری صبر و ثبات ایله وانلره وقت غائب ایتدیره رک ضعیف دوشورمکله قابل اوله بیله جکفی تقدیر ایتشلرلردی . بوکبی بر صبر و مطاوله عربلر ایچون پک قولای برشی ایدی . چونکه دیکر بر یرده بیان ایتدیکمز وجه ایله ییه جکدن ، البسه دن پک آز برشی کندیلرینه کفایت یدیوردی . ییه جکلری آز قالیرسه آقین باهرق بوضورتله اله کچیردکلری مواشی ، بغدادی و سائر ایله دفع جوع ایده بیلورلردی .

عربلرک شام و عراق اوزرینه ایلک

عربلری حرکت و غیرته کتیرمش و اوصورتله وقوع بولان تماس عربلرک فطرتلرنده مرکوز اولان قوت و استعدادک ظهورینه سبب اولمشدر . اوکبی وقوعات عظیمه یی علی الاکثر برانتباه تعقیب ایدرکه اوانتباهده قوای طبیعیه و مواهب فطریه تظاهر ایلر . تاریخ بوکا الکبیرک شاهددر . صانکه جناب حق عربلره نصرت و موفقیتی تقدیر بیورمشده کندیلرینی محاربه لرده ، سیاساتده ، علم ، ذکا و دهاده جهانک الک بیوک و کزید آدملرینه مظهر ایلشدر . ( خالد بن ولید ) ، ( خالد بن سعید ) ، ( ابو عبیده بن الجراح ) ، ( سعد بن ابی وقاص ) ، ( یزید بن ابی سفیان ) ، ( حمزه بن عبدالمطلب ) ، ( علی بن ابی طالب ) بسالت و اقدامده واردولره قوماندا ایتمکده جهانک الک بیوک آدملرندن معدوددرلر . ( عمرو بن العاص ) ، ( معاویه بن ابی سفیان ) ، ( مغیره بن شعبه ) ، ( زیاد بن ابیه ) ذکا و دهاده و سیاست و اداره ده اعظم رجالدن ایدیلر . ( ابو بکر الصدیق ) ، ( عمر بن الخطاب ) عزم و حزمده ، تقوی و صلاحده بی نظیر ایکی نادره زماندرلر .

اوائل اسلامیتده بوکبی اعظم رجالک یتشمسی اسلامیتک سرعتله احراز موفقیت ایلسنه خدمت ایدن الک بیوک مؤثر اتدن ایدی . اسلاملر بونی تقدیر ایتشلرلردی . حتی بالذات حضرت نبی دعوت اسلامیه تک اوائل انتشاری صره لرنده : « آللهی ! اسلامیتی ( ابو جهل بن هشام ) ایله تأیید بیور » دیمشدی . حضرت ( حمزه ) و دهاصکره ( عمر بن الخطاب ) داخل دائره اسلامیت اولنججه : « اسلامیت حمزه و عمر

ابتدای امرده برانتهاء و انقلاب عربیدن عبارت ایدی . چونکه اسلام اولانلر عرب ایدیلر . حتی آنک ایچون اسلام ، عرب لفظلری اکثر احوالده کلمات مترادفه صره سنه کچمش ایدی . اسلام دینلنجه عرب و عرب دینلنجه اسلام آلاشیلیر . دی . ذاتاً دیانت اسلامییه بودین ایله افتخاری مستثنی بر صورتده عربلره تخصیص ایلدیکی جهته بودینی اک اول قبول ایدنلر کندیلری ایدیلر . بو کیفیت ، باخصوص حضرت عمرک غیر مسلم اولانلرک جزیره العربیدن چیقارلسنه دائر امر اصدار ایتدیکی صره ده ، هر کسک ذهنده یرلشمش ایدی . امر عمری اوزرینه غیر مسلم اولانلر جزیره العربیدن چیقمش ، اورلرده اسلاملردن بشقه کیمسه قالمامشدر . نته کیم بوکون دخی قطعه مذکورده بتون اهالی اسلامدلر .

اسلاملر شام و عراق جهتلرنده بولسان شهرلره اول امرده طوغریدن طوغرییه مهاجمانده بولنیه رق مذکور قطعه لک چوله یقین یرلرنده آقین و غارت اجرا سیله اوزون بر زمان کچیردیلر . مذکور یرلرک اهالیسی کندیلری کبی عرب ایدی . شام قطعه سی حدودی اوزرنده کائن ( بصری ) و ( خوران ) جهتلرنده ( آل غسان ) - غسانه - و عراق حدودی اوزرنده واقع ( حیره ) طرفلرنده ده ( آل منذر ) - مناذره - اقامت ایتکده ایدیلر . بولنلردن غسانه روملره و مناذره ایرانلره تابع ایدیلر . فقط بو عربلر نه روملری ، نه ده ایرانلری سومیه رک آنجق صورت

یورودکاری زمان اجرا ایتدکاری محاربات محاربه دن زیاده غارتلره بکزییوردی . ده طوغریسی او فتوحاتک اکثرنده اویله بر اصول اوزرینه حرکت ایتمیلردی . مثلاً فتح ایتمک ایستدکاری شهره غارت ایتمک اوزره - بعضاً اساس مقصدلری فتح ده اولماز - اولا کندیلرندن بر جماعت کوندر یرلردی . بو کیدن آدملر او شهرک اطرافنده طولاشیرلر ، شهرک فتحنه فرصت دوشونجه یه قدر غارتله مشغول اولورلردی . ده صکره فرصت دوشدیکنده شهری فتح ایدرلردی . کرک صدر اسلامده و کرک ده صکره وقوع بولان فتوحاتک اکثرنده بویله اولدی . نته کیم ( موسی بن نصیر ) ( طارق بن زیاد ) ی ۹۲ سنه هجریه سنده اسپانیا سواحلمنه فتح ایچون دکل ، غارت ایچون کوندرمش ایدی . ( طارق ) عربلره شامک فتحی تسهیل ایدن اسباب و احواله مشابه اورلرده بر طاقم اسباب و احواله تصادف ایتمکه اندلسه داخل اولمشدر . ( موسی بن نصیر ) بالاخره بوفتحدن خبردار اولنجه اظهار تعجب ایتمش و کندیسیم بومملکتک فاتحی اوله مامقدن متحصل بر حسمده دوشهرک ( طارق ) ده هایباری کیمامکه او امر کوندرمشدر . مشارالیهما آره سنده اوصره لرده جریان ایدن احوال معلومدر . اندن ده اول آفریقانک و اطرافنده بولان یرلرک فتحنده دخی عین حال واقع اولمش ایدی .

سادساً : فتوحات اسلامییه یاردم ایدن احوال دن بری ده عربلرک یکدیگرینه نجدت ، یعنی معاونت و مظاهرت ایللریدر . اسلامیت

بوندن ده آکلاشیلور که عربلر بالاده عرض ایتدی کمز سبیلردن وهر قبیله یه مخصوص اسباب سائردهن طولایی علی العموم اسلامیتک الیقین واک اول مظاهر ونصیرلری اولدیلر . عجملرک قبل الاسلام یعنی فتح ایتلری قطعه مذکوره اها لیسنتک ده عجملر حقیقده نفرت وعداوتی موجب اولمشدی . اودورده عجمستانه تابع ( الجزیره ) قطعه سنده مقیم اولان ( ربیعہ ) قبائلی دخی عجملری سومدکلرندن اسلاملرک اثنای فتوحاتنده عجملردن انتقام الملق مقصدیله اسلاملره معاونت ایلشلردی .

بوندن ماعدا علی الاکثر کرک بو عربلر ، کرک شام قطعه سی اهایلی اصلیه سندن اولان اقوام سائرہ - انطاکیه قربنده ( بیاس ) ایله ( لوقه ) ارسنده و قتیله موجود شهر اهایلیسی اولان جراحه - ( مرده ) - نک ( لکام ) طاغنده پایدقلمی کبی - جزیه ویرما مک ایچون روملرک علینه عربلره معاونت ومظاهرتده بولنورلردی . ( حبیب بن مسلمة الفهری ) ( جراحه ) اوزرینه یوریدیکی زمان بولنر طلب صلح ایتدیلر . ( جبل لکام ) ده اسلاملره معاون اولمق وروملرک حرکاتی تجسس ایتک ویرلری اسلاملر ایچون اسلحه یری اولمق وبوکا مقابل کندیلرندن جزیه آلتماق اوزره انلر ایله مصالحه عقد اولمش ایدی . ( جزیره . العرب ایله عراق وشام آره لرنده علی الخصوص ( فرات ) وادیسنتک آشانی طرفلرنده ساکن اهایلدن اولان ) نبطیلردن اولوب اوصره لرده اوراده بولنان تجار ، خدمتکار واتباع وکویلرده

جبریده انلره اطاعت ایدرلردی . باخصوص بولنردن ( آل منذر ) ابو قابوس لقیله ملقب اولان ( النعمان بن المنذر ) ک قتلندن طولایی عجملره قارشى بیوک بر بغض عداوت بسلیور-لردی . ( خسرو پرویز ) نعمانی قتل ایتمش ایدی . ایشته بوسبیله عربلر ایله عجملر آرسنده ( ذوقار ) نامنده کی موقعده مشهور بر محاربه وقوع بولمش ومحاربه یه ( ذوقار وقعه سی ) اسمی ویرلشدی . عربلرک عجملره حدلری بیلدرکلری الک بیوک وقعه یی تشکیل ایدن محاربه مذکوره ده عجملرک فنا وشدتلی بر هزیمته دوچار اولمشلردی . تصادفات غریبه دندرکه وقعه مذکوره ( بدر ) وقعه کبراسنتک وقوع بولدیغی عین سنده وقوع بولمش وعربلر ایکیسنده مظفر اولمشلردی . ( خالد بن الولید ) ک قومانداسی آلتنده اوله رق عراقک فتحه کیدن عساکر اسلامیه نک اورالر مواصلتته قدر ( منازره ) ایله عجملر آرسنده بغض وعداوت دوام ایتمش ایدی . خالد ( منازره ) یه نبول اسلامیت ، یاخود اعطای جزیه ( ویرکی ویرلسنی ) ، یاخود اختیار محاربه یی تکلیف ایلدی . ( منازره ) جزیه یی قبول ایلدیلر وسنوی بر ویرکی ویرمک اوزره خالد ایله عقد مصالحه ایتدیلر . ( خالد بن الولید ) ک عراقدن شام طرفه کچدیکی اثناده بو طرفلرده ( بصری ) ، ( عین تمر ) ، ( صند - وداء ) ، ( قراقر ) واقعنده وسائرده بولنان واوزمانلرده اکثریتله خرسیتان مذهبه سالک اولان عربلر ایله دخی عین حال وقوع بولدی .



ابتدای امرده برانقباه و انقلاب عربیدن عبارت ایدی . چونکه اسلام اولانلر عرب ایدیلر . حق آنک ایچون اسلام، عرب لفظلری اکثر احوالده کلمات مترادفه صره سنه کچمش ایدی . اسلام دینلنجه عرب و عرب دینلنجه اسلام آکلاشیلر . دی . ذاتاً دیانت اسلامییه بودین ایله افتخاری مستثنی بر صورتده عربلره تخصیص ایلدیکی جهته بودینی اک اول قبول ایدنلر کندیلری ایدیلر . بو کیفیت ، باخصوص حضرت عمرک غیر مسلم اولانلرک جزیره العربیدن چیقارلسنه دائر امر اصدار ایتدیکی صره ده ، هر کسک ذهنده یرلشمش ایدی . امر عمری اوزرینه غیر مسلم اولانلر جزیره العربیدن چیقمش ، اورلرده اسلاملردن بشقه کیمسه قالمامشدر . نته کیم بوکون دخی قطعهُ مذکورده بتون اهالی اسلامدرلر .

اسلاملر شام و عراق جهتلرنده بولسان شهرلره اول امرده طوغریدن طوغرییه مهاجمانده بولنیهرق مذکور قطعلرک چوله یقین یرلرنده آقین و غارت اجراسیله اوزون بر زمان کچیردیلر . مذکور یرلرک اهالیسی کندیلری کبی عرب ایدی . شام قطعله سی حدودی اوزرنده کائن (بصری) و (خوران) جهتلرنده (آل غسان) - غسانه - و عراق حدودی اوزرنده واقع (حیره) طرفلرنده ده (آل منذر) - مناذره - اقامت ایتکده ایدیلر . بولنلردن غسانه روملره و مناذره ایرانلره تابع ایدیلر . فقط بو عربلر نه روملری ، نه ده ایرانلری سومیه رک آنجق صورت

یورودکاری زمان اجرا ایتدکاری محاربات محاربه دن زیاده غارتلره بکزییوردی . دها طوغریسی اوفتوحاتک اکثرنده اویله بر اصول اوزرینه حرکت ایتملردی . مثلاً فتح ایتک ایستدکاری شهره غارت ایتک اوزره - بعضاً اساس مقصدلری فتح ده اولماز - اولا کندیلرندن بر جماعت کوندیرلردی . بوکیدن آدملر او شهرک اطرافنده طولاشیلر ، شهرک فتحنه فرصت دوشونجه یه قدر غارتله مشغول اولورلردی . دها صکره فرصت دوشدیکنده شهری فتح ایدرلردی . کرک صدر اسلامده و کرک دها صکره وقوع بولان فتوحاتک اکثرنده بویله اولدی . نته کیم (موسی بن نصیر) (طارق بن زیاد) ی ۹۲ سنه هجریه سنده اسپانیا سواحله فتح ایچون دکل ، غارت ایچون کوندیرمش ایدی . (طارق) عربلره شامک فتحی تسهیل ایدن اسباب واحواله مشابه اورلرده بر طاقم اسباب واحواله تصادف ایتکله اندلسه داخل اولمشدر . (موسی بن نصیر) بالاخره بوفتحدن خبردار اولنجه اظهار تعجب ایتمش و کندیلیسی بومملکتک فاتحی اوله مامقدن متحصل بر حسده دوشهرک (طارق) ده دها یلاری کیتامکه او امر کوندیرمشدر . مشارالیهما آرمسند اوصره لرده جریان ایدن احوال معلومدر . اندن دها اول آفریقانک اطرافنده بولان یرلرک فتحنده دخی عین حال واقع اولمش ایدی .

سادساً : فتوحات اسلامییه یارديم ایدن احوال دن بری ده عربلرک یکدیگرینه نجدت ، یعنی معاونت و مظاهرت ایللریدر . اسلامیت

بوندن ده آکلاشیلور که عربلر بالاده عرض  
ایتدی کمز سبیلردن و هر قبیله به مخصوص اسباب  
سأردهن طولانی علی العموم اسلامیتک الیقین  
واک اول مظاهر ونصیرلری اولدیلر . عجملرک  
قبل الاسلام یعنی فتح ایتلری قطعه مذکورہ  
اھالیسنک ده عجملر حقدہ نفرت وعداوتی  
موجب اولمشدی . اودورده عجمستانہ تابع  
( الجزیرہ ) قطعہ سنده مقیم اولان ( ربیعہ )  
قبائلی دخی عجملری سومدکلرندن اسلاملرک  
انسانی فتوحاتندہ عجملردن انتقام آلق مقصدیلہ  
اسلاملرہ معاونت ایلشلردی .

بوندن ماعدا علی الاکثر کرک بو عربلر ،  
کرک شام قطعہ سی اھالی اصلہ سندن اولان  
اقوام سأرہ - اطاکیہ قربندہ ( پیاس ) ایلہ  
( لوقہ ) ارہ سنده وقتیلہ موجود شہر اھالیسی  
اولان جراجہ - ( مردہ ) - نک ( لکام )  
طاغندہ یابدقلری کبی - جزیه ویرماک ایچون  
روملرک علیہنہ عربلرہ معاونت ومظاہرندہ  
بولنورلردی . ( حبیب بن مسلمة الفھری )  
( جراجہ ) اوزرینہ یوریدیکی زمان بونلر طلب  
صلح ایتدیلر . ( جبل لکام ) ده اسلاملرہ  
معاون اولقی وروملرک حرکاتی تجسس ایتک  
ویرلری اسلاملر ایچون اسلحہ یری اولقی  
وبوکا مقابل کندیلرندن جزیه آلتماقی اوزرہ  
انلر ایلہ مصالحہ عقد اولمش ایدی . ( جزیرہ .  
العرب ایلہ عراق وشام آرہ لرندہ وعلی الخصوص  
( فرات ) وادیسنک آشاغی طرفلرندہ ساکن  
اھالیدن اولان ) نبطیلردن اولوب اوصرہ لرده  
اورادہ بولنلر تجارت ، خدمتکار و اتباع وکویلرلرہ

جبریہ دہ انلرہ اطاعت ایدرلردی . باخصوص  
بونلردن ( آل منذر ) ابو قابوس لقیلہ ملقب  
اولان ( النعمان بن المنذر ) ک قتلندن طولانی  
عجملرہ قارشی بیوک بر بغض عداوت بسلیور-  
لردی . ( خسرو پرویز ) نعمانی قتل ایتمش  
ایدی . ایشته بوسبیلہ عربلر ایلہ عجملر  
آرہ سنده ( ذوقار ) نامندہ کی موقعده مشہور  
بر محاربہ وقوع بولمش ومحاربہ یہ ( ذوقار وقعہ سی )  
اسمی ویرلشدر . عربلرک عجملرہ حدلری  
بیلدیردکلری اک بیوک وقعہ یی تشکیل ایدن  
محاربہ مذکورده عجملر پک فنا وشدتلی  
بر ہزیمتہ دوچار اولمشلریدی . تصادفات  
غریبہ دندرکہ وقعہ مذکورہ ( بدر ) وقعہ  
کبراسنک وقوع بولدیغی عین سندہ وقوع  
بولمش وعربلر ایکسیندہ مظفر اولمشلردر .  
( خالد بن الولید ) ک قومانداسی آلتندہ  
اولہرق عراقک فتحہ کیدن عساکر اسلامیه نک  
اورالرہ مواصلتہ قدر ( منذرہ ) ایلہ عجملر  
آرہ سنده بغض وعداوت دوام ایتمش ایدی . خالد  
( منذرہ ) یہ نبول اسلامیت ، یاخود اعطای  
جزیه ( ویرکی ویرلسنی ) ، یاخود اختیار  
محاربہ یی تکلیف ایلدی . ( منذرہ ) جزیه یی  
قبول ایلدیلر وسنوی بر ویرکی ویرمک اوزرہ  
خالد ایلہ عقد مصالحہ ایتدیلر . ( خالد بن  
الولید ) ک عراقدن شام طرفہ کچدیکی اثنادہ  
بو طرفلرده ( بصری ) ، ( عین تمر ) ، ( صندہ  
وداء ) ، ( قراقر ) مواقعدہ وسأرہ دہ بولنان  
واوزمانلرده اکثریتلہ خرسیتان مذہبنہ سالک  
اولان عربلر ایلہ دخی عین حال وقوع بولدی .

مذکور صلحه کړدی . بولنه (بابلر) دیمک  
اولان ویاخود مالاً (قوهٔ معاونه) دیه ترجمه سی  
مکن بولان (روادف) نامی ویرلشدی .

سابعاً : خط رجعتہ مالک اولمق عربلرک  
موفقیتانه خدمت ایدن اسبابدن بری ایدی .  
عربلر اجرا ایتدکلری محاربانده خط رجعتی  
محافظه ایتکی اعتیاد ایتشلردی . بویه بر  
احتیاطده بولنقسزین ایرانیلر ویا روملر ایلہ  
محاربده بولنمازلردی . خط رجعتی محافظه  
ایتمک انلر ایچون قولای ایدی . التجا کاهلری  
اولان چولی آرقه لرندہ بولنیدرقلری حالده  
حربه کیریشیرلردی . شاید مغلوب اولورلرسه  
چوله التجا ایدرلردی . روملر ویاعجملر غالب  
کلیرلر ایسه چوللرده انلره یتشه مزلردی .  
یاخود انلری تعقیب ایتکه اهمیت ویرمزلردی .  
فقط روملر کندی موقعلرینه عودت ایدنجه  
عربلر تکرار روملرک اوزرینه مهاجمانده  
بولنورلردی . ایشته عربلر مقدارلری ده آاز  
بولنسه دخی بویهجه روملری تعجیز ایدرلر ،  
ضعیف ، درمانسز دوشورلردی .

متفرق ومتوالی مصادمات شکلنده وقوع  
بولان مهاجمات مذکورہ عربلرجه یکدیگرینه  
توصیه ایتدکلری برعاتد مالوفه ایدی . عرب  
قوماندانلرندن (مثنی بن حارثه الشیبانی) نک  
آتیده کی سوزلری اوقاعده بی کوزلجه ایضاح  
ایدر . مشارالیه اسلاملرک عراقده ایرانیلر  
ایله محاربهده بولنلق اوزره کلدکلرینی خبر  
آلدیغنده اسلاملره بیانات آتیه بی ارسال  
ایلدی : «عجملر ایلہ کندی مملکتلرینک

منتهای حدودی اوزرنده وعرب طورباغنه  
اک یقین نقطهده محاربه ایدیکنز . انلر ایلہ  
کندی مملکتلری داخننده حرب ایتیکنز .  
زیرا اسلاملر غالب کلیرلرسه آرقه لری امین  
واوکلری آچیق اولمیدر . مغلوب اولورلر  
ایسه کندی طورباقرننده صیغنه جق یر  
بولمیدرلر . تاکه اوراده کنسیدیلرینی بردها  
طوبیلا یوب تکرار هجوم ایده بیلسونلر .

مرکز خلافت اولان (مدینه) ایلہ مالک  
اسلامیه نک سائر اطرافنی آره سننده خط موا  
صله نک دائماً موجود ومحفوظ اولسنی ایچون  
کندیسی ایلہ سائر مسلمانلر آره سننده (نهر ،  
دکنز) بولنامسی حقننده حضرت عمر طرفندن  
اظهار اولسان میل وآرزو دخی صدندده  
بولنسدیغمز بحثی تأیید ایدر . حضرت عمر  
ایران ومصرک فتحندن صکره اطرافده بولنان  
قوماندانلرینه - سعد بن ابی وقاص (مدائن  
کسری) ده وعمر و بن العاص (اسکندریه) ده  
قامت ایدیورلردی - شویولده برامریازمشدی :  
« بنله سزک آره کزده حائل بر صو بولنامسنه  
غیرت ایدیکنز . تاکه نه زمان دوه مه بینسوب  
یانکزه قدر کلک ایسته سهم کله بیلیم » . بوامر  
اوزرینه سعد (کوفه) به وعمر و (فسطاط) ه  
تحویل مکان ایدرک عسکرلرینی چادرلرده  
اوطورتدیلر . بوخیمه تاهلر بالآخره شهر  
اولشلردر .

(یرموک) : - هجرتک ۱۳ نجی سنه سننده  
حضرت ابوبکر حال حیاتده ایکن (یرموک)  
وقعهٔ مشهوره سی وقوع بولدی . (یرموک)



شام قطعه - سنده (بصری) جوارنده کائن بر وادی در. ایچندن برصو آقار. بوسو (طبریه) کولنه دوکولور. (یرموک) ک اسم یونانیسی Hieramax در. عربلر بواسمی عربلشد. یره رق (یرموک) شکلنه تحویل ایلدیلر. مبعوث عنه محاربه مدهشه ایشه بوسو کول رنده وقوع بولدی. وقعه مذکورده نك شام قطعه سنده وقوع بولان سائر فتوحات اسلامیه آره سنده بك بیوک برموقی وارد. چونکه اسلاملك بو محاربه ده مظهر اولدقلری موفقیت و غلبه فتوحاته دواملرینه غیرت و همتلرینی تزییده و روملك دوچار ضعف و مقهوریت اولسنه باعث اولمشدر.

مذکور محاربه نك صورت جریانى تدقیق اولنورسه موفقیت و مظفریت اسلامیه (عمرو بن العاص) ک حسن رأى و تدبیریه (خالد بن الولید) ک بسالت و شجاعتك سبب اولدینی کورولور. شویله که :

عسکریه قارشى مغلوب اولور « مطالعه سنده بولندی. حضرت ابو بکر دن مطالعه صور دیلر. مشارالیه دخى عینی رأیده بولندی. بونك اوزرینه عساكر اسلامیه عراق دن و اطراف سائر دن کله رك بریره طولان دیلر. روملر (ابن الاثیر) ک روایتنه نظراً ۲۴۰,۰۰۰ مقدار رنده اولدقلری حالده (یرموک) ده (خالد بن الولید) ک قومانداسنده بولن ان ۵۰,۰۰۰ دن مرکب مجاهدین اسلامه ملاقی اولدیلر. (خالد) عسکره خطاباً محاربه ده ثبات و متانت اظهاری ایچون تشویقاتی متضمن برنطق ایراد ایتدکن صکره عساكری فرقه لره تقسیم و هر فرقه یه بر قوماندان تعیین ایلشدر. عساكری بویله فرقه لره تقسیم ایتك آنیده کوریه چکی وجه ایله عربلرجه اووقته قدر معروف برشی دکل ایدی. ظاهر حال دن آکلاشدیغنه نظراً (خالد) روملره قارشى کله بیلمك ایچون روملرک تعبیه ده اتخاذ ایتدکلى اصوله تطبیقاً عسکرینی او یله تعبیه ایتك لزوم کورمشدر.

روملر شام قطعه سنده عربلرک مهاجمات متوالیه سنه معروض قالدقلرینی کورنجه اللرند بولن ان عموم قوتی طولایه رق بر اوروشده عربلری محو و بریشان ایتك قرار ویردیلر. حال بوکه اسلاملر شام و عراق جهتلرند طاعنیک بر حالده ایدیلر. بونك اوزرینه یکدیگریه مخابراتده بولندیلر. (عمرو بن العاص): « بنم فکرم شودر که همز بریرده طولانملى یز. بویله طولای اوله رق محاربه ایدرسه ک آزلقدن طولای مغلوب اولمى یز. طاعنیک بر حالده بولنورسه ق هر فرقه من دشمنك فضله قویه بیله چکی قوه

(خالد بن ولید) عساكر مسلمینك روملرک کثرتدن قورقدقلرینی حس ایدرک حتی بر عسکرک: « روملر نه قدر چوق اسلاملر نه قدر آز! » دیدیکنی ایشیدنجه او آدمه خطاباً: « روملر نه قدر آز، اسلاملر نه قدر چوق - لرلر! عسکرک چوقلنی آنجق مظفریتیه، آزلغی ده مقهوریتیه در » جواب بسالتکارانه سنده بولمشدر. اسلاملر بوراده حرب ایله مشغول اولدقلری ائنده حضرت ابو بکرک خبر وفاتی اردویه واصل اولدی.

قوماندانلر كیفیتی عسکره قارشى كیزلی طوتد-  
یلر . هر حاللریله قهرمانلىق كوستردیلر . زیرا  
بو محاربه ده مغلوبیت كندیلرینك بالجله اعمال  
و آمالنى محو ایدمگنى بیلورلردی . مدھش  
برجلادت ، بیوك برشدتله محاربه ایتدیلر .  
حقى قادینلرده صوبالر ایله حرب ایدیورلردی .  
نتیجه محاربه ده اسلاملر مظفر اولدی . عراقده  
( قادیسیه ) محاربه سی ایرانیلر اوزرینه وقوع  
بولان مظفریانك فصل مقدمه سی اولدی ایسه  
( یرموك ) مظفریتی ده عربلرک شام قطعه سنده  
احراز ایتدکلى بالجله موفقیانك مقدمه سی  
تشکیل ایدر . بك چوق سورن بومحاربه انلا  
سنده اسلاملرک كوستردکلى متانت ، صبر  
و ثبات جداً شایان حیرت ایدی .

نامناً: روم و ایرانیلرک دیگر بریرده ذکر  
ایتدیکمز وجه ایله دیانت و سائردهن طولایی  
کندی مملکتلرنده کندی آرهلرنده فرقه فرقه  
آیرلمش بر حالده بولملری ، هیئت اجتماعیه-  
لرینك انحطاطه اوغرامش اولمسی ، اخلاق  
بوزوقلغی ده اسلاملرک موفقیاتنه خدمت ایدن  
اسباب جمله سندن ایدی . اهالی اصلیه دن اولان  
رعایا ( باخصوص مصر و شام قطعه لرنده ) ایله  
حاکملى آرهنده برلشمش اولان خصوص-  
متی ده ذکر اولنان احواله علاوه ایدمیلیرز .  
مصر اهالی اصلیه سی اولان قبطیلر اوزون  
عصرلر امتدادنجه اجنبیلرک ( ایران ، یونان  
و رومالیرک ) تحکمی آلتنده بولندقلرندن  
بویوزدن دوچار اولدقلری مظالم و تضییقاندن  
قورتلق مقصدیله برمحکومیتدن دیگر برمحکو-

میته انتقالی بك قولای کوره جك بر حالده  
ایدیلر . كذلك آرامیلردن ، سریانیلردن ،  
نبطیلردن ، موسویلردن و سائردهن مرکب  
شام قطعه سی اهالیسی ده قومشولری بولنان  
مصریلر ایله عین حالده بولنه رق انلر کبی  
استقلالدن آرتق امیدلرینی بسبتون کسمیش  
اولدقلرندن بولنرکده حاکملىرینك روم و یاعرب  
اولدیغنه باقیه رق حاکم هرکیم اولورسه اولسون  
آنك زیر تابعیتنده برآز راحت یاشامقدن  
بشقه برشی دوشونه جك حالده دکلدیلر .  
بلکه ده بولنر نسب و اخلاق جهتیله کندیلرینه  
دها یقین بولنان عربلری دیگرلرینه ترجیح  
ایدیورلردی . بوندن ماعدا انسان طبیعتی  
اقتضاسنجه منفعتی ، کندیسنه یقین بولنانلردن  
زیاده کندیسندن اوزاق اولانلردن بکلر .  
خیری یاننده کیلردن زیاده کله جك مجهوللردن  
توقع ایلر . خصوصاً روملر ایله عربلر آره-  
سنده یکنظرده کوریه بیلن فرق کبی او ایکی  
شی آرهنده بیوك برفرق بولنورسه ، چونکه  
روملر اوصره لرده دور انحطاطلرنده ایدیلر ،  
هیئت حاکمه لرینك اخلاقی ، تربیه سی بك فنا  
بوزولمش ایدی . حال بوکه عربلر دور نشو-  
ونماده وانتباهلرینك اوائلنده بولنیورلردی .  
عدل و مساواتی غایه آمال اتخاذا ایتشلردی .  
فضله اوله رق مذکور ایکی قطعه ، یعنی مصر  
و شام قطعه لری اهالیسی ایله حاکملى اولان  
روملر آرهنده ده اول ذکر ایتدیکمز  
انقسامات دینییه حکمران اولمقده ایدی . بو  
انقسامات مذکور ایکی قطعه اهالیسنه دیگر

بر آئنده بر صویوانی کوستردی . عساكر  
مسلمین بویولدن داخل اوله رق شهری فتح  
وتسخیر ایلدیلر .

بو قیلدن اوله رق ( ابو عیمده ) موسوی  
اولان ( سامره ) اهاالیسی ایله ، مسلمانلره یول  
کوسترمک وروملرک حرکاتی تجسس ایتمک  
وبوکا مقابل کندیلرندن شخصی ویرکی ( جزیه )  
آلماق وارضیلری محصولی کندیلرینه قالمق  
شرطلریله ، مصالحه عقد ایلمش ایدی . موسویلر  
روملردن انتقام آلمق ایچون بر چوق شهرلرک  
فتحی صرلرنده عربلره بویولده خدمتلمده  
بولنشلر ایدی .

عاشراً : اهل اسلامك كوستردكلری  
عدالت ، رفق و ملائمت ، زهد و تقوی او موفقیات  
عظیمه لرینه باعث اولان اكههم اسبابدن ایدی .  
اهل اسلامك اراثة ایتدكلری بومناقب روم  
ویا عجم دولتلری رعایاسندن حاکمیت اسلامیه  
آلته کیرنلر اوزرینه پك بیوک بر حسن تأثیر  
اجرا ایدیوردی . مناقب مذکوره فتوحاتك  
جمله سنده رهبر حرکت انخاذ اولنوردی .

حضرت ( ابوبكر ) عساكر مسلمین ایله شام  
قطعه سنده طوغری توجه ایدن ( اسامه ) یه اك  
اول شووصایاده بولندی : « فتوحاتكیز انساننده  
کیمسه یه خیانت ، غدر ایتیکیز ، اسیرلرک  
قوللرینی باغلامیکیز . کیمسه یی اذیتله اولدیرمیک .  
چوجققلری ، اختیارلری ، قادینلری قتل ایتیکیز .  
کیمسه نك خورمه آغاچلرینی کسوب یاقیکیز .  
میوه دار آغاچلاری کسمیکیز . الله یولنه اولمازسه  
قیون ، صیغیر ، دوهلردن بر شی بوغازلامیکیز .

هرهانیکی دولت اولورسه اولسون اکاطاعت  
وحاکماری علیهنه اوله رق اکا معاونت ایلکی  
پك طبیعی کوسترمه چك قدر فضا تأثیرات اجرا  
ایتمش ایدی .

تاسعاً : روم ممالکینده موسویلرک بولمشی  
فتوحات اسلامیه یه خدمت ایدن اسبابدن بری  
ایدی . روملر بر چوق جماعتلره ، فرققلره  
منقسم ایدیسئلرده موسویلر حقه نده شدت  
واقضیق استعمالی امرنده عموماً متفق ایدیلر .  
اسلاملر شام قطعه نی فتیحه کلدکلری زمان  
موسویلر ایله روملر آردسندنه کی مافرت  
وخصومت صوك درجه یه بالغ اولمش ایدی . حتی  
موسویلر روملردن انتقام آلمق ایچون جانلرینی ،  
ماللرینی ویرمه کبیله حاضر ایدیلر . بناءً علیه  
بونلر انشای فتوحاتنده علی الاکثر عساكر  
اسلامیه یه معاونت و ( قیساریه ) نك فتحنده  
واقع اولدیغی وجه ایله روملرک ضعیف نقطه لرینی  
وشهرلره کیریه چك یرلری کوسترمکده مسلمینه  
دلالت ایدرلردی . اسلاملر مذکور ( قیساریه )  
شهرینی یدی سنه محاصره ایتدکلری حالده  
ایچنده بولان عساكر مدافعه نك کثرتی وشهرک  
استحکاماتجه منعتمدن طولایی فتیحه بر درلو  
موفق اوله میورلردی . چونکه شهرک سورلرینی  
هرکیجه یوز بیک روم عسکری بکلیوردی .  
اوصره ده اسلام اردوسنك قوماندانانی ( معاویه  
بن ابی سفیان ) ك عهد سنده بولمقده ایدی .  
شهر اهاالیسندن ( یوسف ) اسمنده بر موسوی  
معاویه یه مراجعت ایتدی . کندیسینی واقربا  
وتعلقاتی حمایه ایتمک اوزره عساكر مسلمینه



یولکوزده مناسترلره چکلمش آدملره تصادف ایده چکسکوز. بونلری کندلی حالانده براقه رق کندیلرینه طوقونمیکز .»

اسلاملریننده مساواتک تأسس و مرعیته زیر حاکمیت اسلامییه داخل اولان اهالی اوزرنده بیوک برحسن تأثیر یاپیوردی. (غسان) امیری اولان (جبله بن الایهم) حقنده اجرا اولنان معامله اوزمانلرده مساوانه نه درجهده رعایت ایدلدیکنی کوستیر . امیر موما الیه حضرت عمر زماننده شرف اسلام ایله مشرف اوله رق احجار قیمتدار ایله مرصع باشنده برتاج بولندیغی حالده مظنن بر آلا ی ایله مدینه یه کیتدی . حضرت عمر موما الیهک اسلامیتله مسرور اولمشدی. فقط امیرک بوموقعی، بو حالی حضرت عمری انک حقنده احکام شرعییه تطبیقندن آلیقومدی . (جبله) کعبه معظمه یی طواف ایدرکن (بنی فزاره) قبیله سندن بر آدم کندیسنک اتکنه باصدی . جبله الیه او آدمک بروننه اوره رق برونی قیردی . بونک اوزرینه (فزاری) حضرت عمره کیدوب شکایت ایلدی. حضرت عمر (جبله) نی نزدینه چاغردی، کیفیقی صورتی . جبله : «ای امیر المؤمنین ! او آدم انکمه باصدی . کعبه نك حرمتی اولسه ایدی قلیجله باشنی ایکی کوزی اورته سندن یاره جقدهم» جوانی ویرنجیه حضرت عمر : «یا پدیغک شی اعترافکله ثابت اولدی . شمدی او آدمی ارضا ایتمککک لازم کلیر . یوقسه اکا یا پدیغک کبی انکده سکا عین فعلی اجرا ایتمی ، یعنی برونکی قیرمی ایچون امر ویریم » دیدی . جبله :

«ای امیر المؤمنین ! بن امیرم ، او ایسه عوام ناسنددر . بونصل اولور ؟ » دیدیکنده دخی حضرت عمر : «اسلامیت ایکیکیزی مساوی طوتار . برمسلم دیکرندن تقوی وعاقیتدن بشقه هیچ برشی ایله ممتاز اولماز » جوابنده بولندی . بونک اوزرینه (جبله) حضرت عمرک حکمندن قورتولوش اولریغنی آکلایه رق استانبوله فرار ایلدی ، بردها بلاد عمره ایاق باصمدی .

(عمر و بن العاص) ک اوغلی طرفندن ضرب اولنان قبطینک وقعهمسی دخی بوقیلدن ایدی . مضروب حضرت عمره کیده رک شکایت ایتدی . حضرت عمر (عمر و) ی و اوغانی مصردن نزدینه چاغردی . مشارالیهما حضور عمری یه کیردکارنده حضرت عمر قبطی به بر دکنک ویردک (عمر و) ک اوغانه اورمسی امر ایتدی . قبطی (عمر و) ک اوغانه اوردی . حضرت عمر (عمر و) ده اورمسنه امر ویرمک ایستدی ایسه ده عمر و : «انی اوران یالکوز اوغلم ایدی» دیه رک کندینی قورناردی . حضرت عمر (عمر و بن العاص)ه تویسخ مقامنده : «ای عمر و! خالق آنالرندن حرا اوله رق طوغدقلری حالده سز نه حق ایله انلری کوله اتخاذا ایدیورسکیز ؟ » دیدی .

بوکی مذاقب عالیه نك فتوحاتی تسریع خصوصنده نه درجه یه قدر تأثیری اولدیغی یکنظرده آکلاشیلیر . باخصوص شام، عراق، مصر قطعهلری اهالیسی کندلی حاکملرینک ظلم واستبداد لرندن ، کندیلری حقنده روا کوردکاری سوء معامله و تحقیردن صوک درجه

کنند یار بنه معین بولند یرمق ایچون پاره ایله  
کنند یار بنه طرفدار اتخاذا ایدر لر دی . بو  
عصرده بیله حالا بعض دول معظمه کندی  
ملک تار بنه مجاور اولان قبائله بوکی ویرکیار  
ویریور . فقط عربار جزیه یی آنجق اهالی یی  
دائرۀ اطاعت ادخال ایتدکن صکره آیرلردی .  
بونکله برابر اهالینک جان ، عرض و مالارینی  
محافظه و صیانت ده درعهده ایدر لر دی . بو  
صیانت اهالی اصلیه روملرک تجاوزات  
و تعدیانک منعه مصروف ایدی .

( عبادۀ بن الصامت ) مصر و الیسی ( مقوقس )  
ایله سائر قبیللری اسلامیه دعوت ایتدیکی  
صرده کنند یار بنه توجیه ایلدیکی آتیده کی  
سوزلردن اوزمان جزیه ، حمایه و صیانت نه  
شکله بولندیغی آچیقدن آچیغه آکلاشیلیر :  
« جزیه دن بشقه شی ایله راضی اولماز سه کز  
او حالده هر سنه آره مزده حاصل اوله جق اتفاق  
ایله اعطاسی تقرر ایددجک ، مقدارده و اطاعتله  
جزیه یی تأذیه ایدی کز . بو حال بز و سز صاغ  
قالد قجه دوام ایتسون . اکا مقابل بز سزه جان  
واموال کزه و اراضی کزه تجاوزاتده بولنه جقلر  
ایله سزک یرکزه حرب ایتمکی تعهد ایدیوروز .  
سز حمایه منر آلتنده بولند قجه و اوزر مزه اوله  
بر عهد صاحبی اولد قجه بز به وظیفه یی ایفاده  
تردد ایتمه بز . الخ » . ( خالد بن الولید ) ک  
عراقده ( ابن نسطونا ) یه یازدیغی مکتوب ایله  
اهل ذمه ، یعنی اسلاملرک زیر حمایه سنه کیرن  
اهالی یه تمهداتی متضمن ارسال اولان دیکر  
مکتوبلر دخی بالاده عرض ایدیلن مألده ایدی .

مشتکی ایدیلر . اسلاملرک بویله عدالت ، رفق  
و ملامت لرینی ایشیتد کړنده درحال انلره میل  
و رغبت ایتدیلر .

حادی عشر : زیر حاکمیت اسلامیه داخل  
اولان اهالینک دیانت ، معاملات و امور سائرده  
هانکی حالده ایدیلر ایسه کنند یار بنه طوق و تلیرق  
او حالده قالم لر بنه مساعده ایدلسی موفقیات  
اسلامیه یه یار دیم ایدن اسباب جمله سندن  
ایدی . عربلر برملرکی فتح ایتدکاری زمان  
اوراده بولن ان اهالینک دیانت لر بنه ، امور  
و معاملاتنه ، تابع اولد قلری احکام مدنی و قانونیه  
و سائر احوال و خصوصیاتنه طوق و تلیرق  
کنند یارینی بو خصوصیاتده سربست بر اقیر لر دی .  
( عمرو بن العاص ) طرف سندن مصر قطعه سی  
فتح اولندیغی صرده بویله یاپیش ایدی . ( عمرو  
بن العاص ) بوراده قبیللری کندی امور  
و معاملات لرنده کنند یار نندن اولان حاکملرک  
حکمنه تابع بر اقدی . اسلاملر فتح ایتدکاری  
دیکر ممالکک اکثر ندهده بو صورتله حرکت  
ایدیلر .

برده آتیده کوریله جکی اوزره اسلاملرک  
بادی امرده کی فتوحاتی بر اشغال عسکریدن  
عبارت ایدی . جزیه اوله رق آلدقاری اموالده  
اهالی یی تجاوزاتدن صیانت بدلی مقامنده ایدی .  
دها اول روملر ( شام ) قطعه سی حد و دنده مقیم  
( غسانه ) و سائر عربلره - ایرانیلر قارشی  
معاونت لرینی تأمین ایتک اوزره - اوله پاره لر  
اعطاسنه آیشمشلر دی . ایرانیلر دخی عراق  
جهتلرنده بولن ان عربلری روملره قارشی

بوکې مکتوبلر پک چوقدر .

اسلامارک کنديلرينه تابع اولان اهلينک حمایه سنی بالفعل ایفا ایتکسزین جزیه آلمنی قبول ایتدکلرینی شووقعه دخی تأیید ایدر: اسلاملر ( یرموک ) محاربه سی صدرلرنده محل مذکورده اجتماعه دعوت اولندقلاری زمان حص اهلایی کنديلرینک تحت ذمتلرند: (حمایه لرنده) ایدیلر. اسلاملر محاربه مذکورده ایله اشتغاللرندن طولای اهلای مذکورده بی حمایه ایدمه چکلرینی آکلادقلرندن کنديلرندن آلمش اولدقلری اموال جزیه بی انلره اعاده ایدرک : « شمعی بشقه شی ایله مشغول. سزه معاونت ومدافع ایدمه چکلر . باشکلرک چاره سنه باقیکلر » دیدیلر . حص اهلایی او وقته قدر اسلامارک مناقب عالیه و وفاکارانه سی آکلامش بولند. قلرندن : « سزک حاکمیتکلر، عدالتلرورلکلرکلر ده. اول ایچنده بولندیغمز حال مظلومیت ومعدوریت بزجه قات قات مرجحدر. والیکلر بژده قالسون . روم عسکری شاید شهره تجاوز ایدرسه والیکلرله بز انلری دفع ایدرز» دیهرک قدر شناسقلرینی کوسترمشلردی. اهل اسلام کنديلرینک زیر حاکمیتلرینه کیرن غیر مسلم اهلای کنديلر ایله برابر دشمنه قارشى محاربه ایتکی تعهد ایدرلرسه انلری علی الاکثر جزیه دن معفو طوتارلردی . بو حال اکثریتله خرسیتان عربلر حقنده وقوع بولوردی . مع مافیه دیگر بریده ذکرى کچدیکی وجه ایله ( جراجمه ) وسائر کبی عرب اولمیانلرکده جزیه دن استثنای بر قاج دفعه وقوع بولمشدر.

بالاده ایضاح ایتدیکمز اسبابدن طولای اسلامارک استیلا و حاکمیتی اهلای اصلیه کران کلک شویله طورسون اهلای بالعکس اسلاملری ظلم وقهرلرینه معروض اولدقلری ارلکی حاکملرینه ترجیح ایدرلری . اسلاملره تأدییه سنی درعهده ایتدکلری ( جزیه ) دخی روملره ویا ایرانیلره ویره کلدکلری ویرکلرک مجموعندن پک چوق آز ایدی .

( خلاصه ) : — اسلاملره اجرای فتوحانه جرأت ویرن وبوخصوصده کنديلرینه یاردیم ایدن اسباب واحوال بالاده بیان اولندیی وجه ایله دینه ارتباط قبولاری ایله برابر مظفریته قناعت کامله لری و آتیه بینمک و اوق آتمقده کی مهارتلری ، مالک اولدقلری قوه بدنیه ، بداوت حالی ایله یاشامق نتیجه سی اولان سرعت حرکت ونشاط ، محاربه لرده دشمنی اوافق تفک مصادمات ایله تعجیز وبو صورتله ضعیف دوشورمک ایچون آنخاذا ایتدکلری اصول وایچلرندن ذکا واقدام صاحبی بپوک آدملر یتشمسی ، فتح ایلدکلری ممالکده اهلاییه حقانیت ، عدالت ، رفق وملایمتله معامله ده بولنلری وکرک روم ، کرک ایران ممالککنک حال فساد وپیشانیده بولنسنندن عبارتدر . اسلاملر بوسبیلرندن طولای اون سنه کچمدن حضرت عمر زماننده شام ، فلسطین ، مصر ، عراق ، ایران قطعه لرینی فتح وتسعیریه موفق اولدیلر . فتوحات اسلامیه حضرت عثمان بن عفان ایله مشارالیه دن صکره کلنلر زمانلرنده دخی، توالی ایلدی .



## خلفای راشدین بحثه عودت

(فتنه) : — حضرت عثمان زمانده ظهور ایدوب مشارالمک ۳۵ نجی سنه هجریه سنده شهادتی استاج ایلین فتنه تاریخ اسلامینک طور وشکلنی دیکشدرمشدر . مذکور فتنه نك سببی شودر : هجرتك ۲۳ نجی سنه سنده حضرت عمر (مغیره بن شعبه) نك کوله سی (ابولؤلؤه) نك بیجاغلیه قارنندن یارده لانه رق اجل موعودینك تقرینی حس ایدنجه صحابه دن بر قاچنی واز جمله (عثمان بن عفان) ، (طلحه بن عبدالله) ، (زبیر بن العوام) و (علی بن ابی طالب) ی نزدینه دعوت ایدرك زوجة نبی حضرت عائشه نك خانه سنده بالاجتماع کندیسندن صکره مقام خلافته جالس اوله جق ذاتی انتخاب ایتلرینی توصیه ایدی . صحابه کرام حضرت عمرک وفاتندن صکره بنی امیه دن کندیلرندن سنالك بیوک اولان حضرت (عثمان بن عفان) ی خایفه انتخاب ایلدیلر .

بنی امیه مقدار نفوسجه بطون قریش مک الک بیوکی و بناء علیه الک قوتایدی ایدی . فقط بونلرك اکثری اسلامیتی آتجق مککک فحنندن و رئیسلمی اولان ابوسفیان اسلام ارلدقندن صکره قبول ایتشلردی . دولت اسلامیه نك ایلک تمللرینی تشکیل ایدن غزوه لرده هیچ بر خدمت و جهادلری اولماشیدی . ایشه بوسببندركه حضرت (ابوبکر) مقام خلافتده بواندینی زمانلرده بونلره مأموریت ویرمزدی . احتمال که حضرت ابو بکر بنی امیه نك قبول

اسلامیتده کی یکیلکلرینی ، یاخود بر مغلوبیتدن صکره مجبوراً اسلامیتی قبول ایتلرینی نظر دفته آلهرق اسلامیه صداقتلرینی درجه کفایه ده متین بولموردی . حتی (بنی امیه) مأموریت طلب ایتدیکجه حضرت ابو بکر کندیلرینه : «اخوانکیزک فضیلت جهادده واردقلری موقعه یتیشکیز» دیردی . حضرت ابو بکر بونلری ، اهل ارتدادی دائره اطاعته آلمق ابحون اجرا اولان محاربه لر ايله ده صکره شام طرفلرنده وقوع بولان محاربه لرله کوندرمش ایدی . مع مافیه (بنی امیه) بنی هاشمدن ده قوتلی وعددا کثرتلی اولملری حسبله موقع حاکمیتی احرازه کندیلرینی سائر بطون قریشدن زیاده لائق وحقلی عد ایتمکدن کندیلرینی آله میورلردی . زمان جاهلیتمده کی مناصب بحثنده کورلدیکی اوزره اوزمانلرده محاربه لرده قوما ندانلق منصبی (بنی امیه) نك عهدده سنده ایدی . عم بنی ابوطالبک وفاتندن صکره نفوذلری ده ازیاده آرمش ایدی . بوندن ماعدا ده اول کوسترلدیکی اوزره هاشمیلر ايله امویلر آردسنده تا زمان جاهلیتدن باشلامش بر رقابت موجود ایدی . وقتا که حضرت (عثمان بن عفان) مقام خلافته کچدی (بنی امیه) کندیسینی ايله کسب قوت ایتدیلر . حضرت عثمان حسن سیرت وصلاح صاحبی اولقله برابر کندی اقربا وعلقانسه فضله جه دلیل اظهارندن کندینی آله میوردی . بناء علیه وایلکلری وسائر مناصب دواتی بونلره توجیه ایتکه باشلادی . بو حال ده اول او مناصبی اشغال ایدن صحابه کرام کلدی .

بوندن ماءِ دا بوراده شرح و بیانی اوزون سورە جك دما بر طاقم احوال وقوع بولدی که بوحال اطرافنده بولان ممالك اسلامیه اهالیسنک حضرت عثمان حقنه کین و خصومت پیدا ایتلرینه باعث اولدی . هر طرفدن اهالی واز جمله ( مصر ) ، ( کوفه ) ، ( بصره ) اهالیسی مدینه یه کله رك کندی نفسی مقام خلافتدن خلع ایتمسی حضرت عثمانه تکلیف ایدیلر . حضرت عثمان تکلیف واقعی قبول ایتدیکندن قرآن عظیم الشانی تلاوت ایدرکن کندیسنی شهید ایتدیلر . بوجرات مقام خلافتیه قارشی اظهاری واجب اولان حرمت و رعایتی پایمال ایدن حرکاندن معدود اولمقله برابر عربلرک اوصره لرده متصف اولدقلری عزت نفس ، حریت شخصیه و علو همته آچیق بر دلیل تشکیل ایتمکندن ده خالی قالماز .

حضرت عثمان بویله شهید ایدیلانجه کندیسنه خلف اوله رق مقام خلافتیه انتخابی لازم کلن ذاتک انتخابنده اختلاف حاصل اولدی . مصر اهالیسی حضرت علی بی ، بصره اهالیسی قدما ی صحابه دن ( طلحه ) بی ، کوفه اهالیسی کبار صحابه دن حضرت نبینک خاله زاده سی ( زبیر ) ی ایستورلردی . مشارالیم ، یعنی علی ، طلحه ، زبیر صحابه ایچنده مقام خلافتی اک زیاده آرزو ایدنلر ایدی . چوقلری بی امه دن اولان شام مسلمانلرینک اکثری ایسه خلافتی حضرت عثمانه ، یا خود کندیلرندن اکا خلف اوله جق رینه آرزو ایدیورلردی . مدینه اهالیسنه کلانجه بونلر حضرت نبینک

کندی نزدلرینه مهاجرت ایتدیکی زماندن بری اهل بیت نبوی یه قارشی ارائه سنی اعتیاد ایتدکاری مظاهرت و نصرته تبعاً خلافتی حضرت علی به ایستورلردی . حضرت علی یه طرفدار اوله رق ریه قبائلی و یمن اهالیسی ده مدینه اهالیسنه انضمام ایتملرلردی . شوخالده حضرت علی یه طرفدار اولانلر مقصد ارجه دیکر لرینه طرفدار اولان سائر فرقه لرلرلر چوق ایدیلر . فقط بو طرفدارلر اکثریتله اهل مدینه دن اولمق اوزره متفرق قبائلدن متشکل بولنیورلردی .

مکه و مدینه اهالیسی آره سنده اسکیدن بری یرلششمش بر رقابت موجود ایدی که بورقابت مدینه اهالیسنک هجرتدن صکره اسلاماره واقع اولان مظاهرتلرنده کورلیدیکی وجه ایله بعدالاسلام دخی بردوام اولمشدی . ذکر ایتدیکنمز اوزره مدینه اهالیسی مکه دن اووقت نزدلرینه مهاجرت ایدن اهل اسلامه مظاهرت وانلر ایله مکین ففتح ایتملرلردی . بونک اوزرینه مدینه اسلاملرک پایتختی اولمش ایدی . تجارت ، نفوذ هپ بوشهره تحول ایتمش ، مکه ایسه اهمیتدن دوشمش ایدی . مدینه اهالیسی حضرت علی یه بیعت ایدنجه ( طلحه ) ، ( زبیر ) ده کندیسنه سائرلری کبی بیعت ایتملرلردی . فقط متعاقباً ایکدسی ده مکیه کیتدیلر . بورادکی اهالی مدینه اهالیسنه قارشی ضدینه حرکت اولمق اوزره مقام خلافتیه کچمک ایچون ( طلحه ) و ( زبیر ) مظاهرت ایدیلر . مشارالیم مکه ده کوردکاری شو مظاهرت

اؤزرىنه دها زياده طرفدار بوله رق كسب قوت ايتك ايچون عراق طرفنه عزيمت ايتديار . حضرت علي كفيتمدن خبردار اولنجه عسكربله انلرك آرقه سئنه كيتدى . حضرت عاينك عسكربله مشاراليهما طرفدارانندن متشاكل اردو آره سئنه بصره جوارده مشهور (جمل) محاربه سي وقوع بولدى . مذكور وقعه ده طاحه وزير تاريخ كتابلرنده تفصيلات لازمه سئيله ذكر ايدلديكي وجه ايله شهيد اولمقلا خلافت حضرت علي به قالدى . حضرت امام اسلاملرك پايختنى مدينه دن كوفيه نقل ايتدى . مدينه ده كي طرفدارلرني براقه رق عراق اهالي سئنه اعتماد ايتى برخطا ايدى . حضرت علي طاحه وزيرك شهادتلرندن صكره آرتق اوكننده هيچ برمانع ورقب قالمديغنى ظن ايدرك شامده ( معاويه بن ابوسفيان ) كي صاحب نفوذ بر آدمك كندى نفسى ايچون ادعاى خلافت ايدجكنى دوشو . تمامش ايدى . ديكر يرلرده كورلديكي وجهه ايله كرك ابوسفيان ، كرك اوغللرى اسلامي مظفريت ونجاتدن آنجق مايوس اولدندن صكره قبول ايتمشاردى . شو حالحه معاويه خلافتى آنجق منافع دنياه واصل اولمق ايچون ايستر . دى . حضرت عثمان شهيد اولنجه معاويه شامده بولنيوردى . اطرافنده دخى قريشك كزبده رجاندن برچوق ذوات واردى . بونلركافه بنى اميه نك كثرث وقوتنه بناء معاويه مظاهرت واوغرند جانلرني فرا ايتكه حاضر ايديار . ديكر جهتمدن نورنبونك بنى هاشم

ظهوري اموياره كرانكلش وبونلرك هاشمياره اولان بغض وعداوتارى آرتمش ايدى . هاشميار زمان نبوتده مكدن مدينه هجرت ايتدكاري زمان اميه اوغللرى مكده رقيسز قالمشار واوصره لرده زمرة مجاهدين اسلاميه ايله اجرا ايتدكاري ( بدر ) وساره كي اوشمور محاربه لرده رياقتي كندى نفسلرينه حصر ايتمشاردى . چونكه بتون اومحاربه لرده رياقتي ( معاويه ) نك پدرى اولان ( ابوسفيان ) درعهده ايلش ايدى . حضرت ابوبكر ، زمان خلافتنده ، بونلرى محاربه لره كوندرديكي صره لرده بنى اميه دن ابوسفيانك اوغلى ( يزيد ) شامه والى اولمش ايدى . ( يزيد ) ك وفاتندن صكره حضرت عمر زماننده يزيدك برادري اولان معاويه شام واليكنه تعيين اولدى . حضرت عثمان مقام خلافته كچنجه معاويه ني مذكور واليكنده بقا ايتدى . معاويه نك معيتنده بولان عسكر اكثريته قريشدن ايديار . نهايه الامر رياست زمان جاهلته اولديغى كي بعدالاسلام دخى بنى اميه نك بالخاصه ( ابوسفيان ) عائله سنك عهد سئنه تكرار كچمش وهاشيلر شرف نبوت ايله بالاكتفا مناصب دنيا دن ال چكمشلردر . حضرت عثمانك شهادتندن صكره معاويه كندى نفسى ايچون ادعاى خلافت وسيله بولدى . اكا اولان قرابتنه بناء حضرت عثمانك قان ايله مامع اولان كوملكنى شام جامعنده شهر وخلق اخذ انتقامه دعوت ايتدى . حضرت علي ايله طرفدارلرني حضرت عثمانك

اؤزرىنه دها زياده طرفدار بوله رق كسب قوت ايتك ايچون عراق طرفنه عزيمت ايتديار . حضرت علي كفيتمدن خبردار اولنجه عسكربله انلرك آرقه سئنه كيتدى . حضرت عاينك عسكربله مشاراليهما طرفدارانندن متشاكل اردو آره سئنه بصره جوارده مشهور (جمل) محاربه سي وقوع بولدى . مذكور وقعه ده طاحه وزير تاريخ كتابلرنده تفصيلات لازمه سئيله ذكر ايدلديكي وجه ايله شهيد اولمقلا خلافت حضرت علي به قالدى . حضرت امام اسلاملرك پايختنى مدينه دن كوفيه نقل ايتدى . مدينه ده كي طرفدارلرني براقه رق عراق اهالي سئنه اعتماد ايتى برخطا ايدى . حضرت علي طاحه وزيرك شهادتلرندن صكره آرتق اوكننده هيچ برمانع ورقب قالمديغنى ظن ايدرك شامده ( معاويه بن ابوسفيان ) كي صاحب نفوذ بر آدمك كندى نفسى ايچون ادعاى خلافت ايدجكنى دوشو . تمامش ايدى . ديكر يرلرده كورلديكي وجهه ايله كرك ابوسفيان ، كرك اوغللرى اسلامي مظفريت ونجاتدن آنجق مايوس اولدندن صكره قبول ايتمشاردى . شو حالحه معاويه خلافتى آنجق منافع دنياه واصل اولمق ايچون ايستر . دى . حضرت عثمان شهيد اولنجه معاويه شامده بولنيوردى . اطرافنده دخى قريشك كزبده رجاندن برچوق ذوات واردى . بونلركافه بنى اميه نك كثرث وقوتنه بناء معاويه مظاهرت واوغرند جانلرني فرا ايتكه حاضر ايديار . ديكر جهتمدن نورنبونك بنى هاشم

حضرت علي طاحه وزيرك شهادتلرندن صكره آرتق اوكننده هيچ برمانع ورقب قالمديغنى ظن ايدرك شامده ( معاويه بن ابوسفيان ) كي صاحب نفوذ بر آدمك كندى نفسى ايچون ادعاى خلافت ايدجكنى دوشو . تمامش ايدى . ديكر يرلرده كورلديكي وجهه ايله كرك ابوسفيان ، كرك اوغللرى اسلامي مظفريت ونجاتدن آنجق مايوس اولدندن صكره قبول ايتمشاردى . شو حالحه معاويه خلافتى آنجق منافع دنياه واصل اولمق ايچون ايستر . دى . حضرت عثمان شهيد اولنجه معاويه شامده بولنيوردى . اطرافنده دخى قريشك كزبده رجاندن برچوق ذوات واردى . بونلركافه بنى اميه نك كثرث وقوتنه بناء معاويه مظاهرت واوغرند جانلرني فرا ايتكه حاضر ايديار . ديكر جهتمدن نورنبونك بنى هاشم



قتلی ایله اتهام ایلدی . اول امرده عراقده  
 حضرت علی ایله طححه وزیر آره سنده محاربه  
 وقوع بولمده اولدیغنی کورنجه زیر و طححه بك  
 حضرت علی یه قارشنی کله جکلرینی و محاربه  
 اجرانسه کندیسنه حاجت برقیه جکلرینی ظن  
 ایتمش ایدی . فقط طححه وزیر شهید و حضرت  
 علی مظفر اولنجه آرتق محاربه یه لزوم کورده  
 حضرت عثمانی انتقامی آلتق ادعایله اورته یه  
 آتدی . معاویه اسلامیه منافع دنیویه نقطه  
 سندن باقان دهاته عربدن برطاقم ذوات و از جمله  
 ( عمرو بن العاص ) ی کندیسنه طرفدار پادی .  
 حضرت عثمان حال حیاته ایکن ( عمرو بن  
 العاص ) ی مصر والیلکنندن عزل ایتمش  
 ایدی . ( معاویه ) اشار الیهی کندیسنه بند  
 ایدرک مظفر اولدیغنی تقدیرده مصر والیلکننه  
 تعیین ایتکی اکا وعد ایلدی . ( عمرو بن العاص )  
 معاویه ایله برابر هجرتک ۳۷ نجی سنه سنده  
 ( صفین ) محاربه سنده حضرت علی عاینه حرب  
 ایتدی . حضرت علی مذکور محاربه ده معاویه یه  
 غلبه چاله جقدی . لیکن ( عمرو بن العاص )  
 طرفندن قوریلان برخدعه و حیلله محاربه نک  
 عکسی بر نتیجه منجر اولسنه و خلافتک اهل  
 بیتدن بنی امیه یه کچه سنه باعث اولدی .  
 ( عمرو ) معاویه نک معیتده بولن ان آدمیره  
 متارکه عقدی ایچون طلب مخاربه اشارت  
 اولق اوزره مصحفاری مزارقارک ارجلریله  
 قالدرملرینی امر ایتدی . امری وجه ایله  
 حرکت ایدلدی . حضرت علینک آنملری  
 حیلله قابلدیلر ، محاربه یی طور دیرمق ایچون

حضرت علی یه الحاح و ابرامده بولمده یلر .  
 حضرت علی اصرار واقع اوزرینه محاربه یی  
 طور دیرمه مجبور اولدی . ایکی طرف آره  
 سنده جریان ایدن مخاربه نتیجه سنده ایشک  
 حکم صورتیله حلنه قرار ویرلدی . طرفیک  
 برر حکم تعیین ایتسی لازم کلیوردی . اصحاب  
 علی صحابه دن ( ابو موسی الاشعری ) ی ، معاویه  
 طرفی ایه ( عمرو بن العاص ) ی انتخاب و تعیین  
 ایتدیلر . نقط ذکاوده حاجه ایکی حکم آره سنده  
 نه قدر بیوک فرق واردی . ! ایکی طرف  
 بواکی ذاتک ویره جکی حکمه راضی اوله جکلر .  
 یی بیان وقراری استماع ایچون بریوم مخصوص  
 دخی تعیین ایلدیلر . فقط ( عمرو بن العاص )  
 حیلله ایله ابو موسانک عقانه تغلب ایتدی .  
 اسلاملر ایستدکلری ذاتی خلیفه انتخاب ایتک  
 اوزره کرک حضرت علینک ، کرک معاویه نک  
 خلعلری طرفدار ی اولدیغنی کوستردی . ابو  
 موسی آلداندی . بوفکری قبول ایتدی .  
 ( عمرو ) قور دینگی حیلله یی اکال ایچون ابو  
 موسانک سنأ و موقعاً ده بیوک اولسی جهتیله  
 کندیسندن ده اول حاکمی تبلیغ ایتسنی  
 تکلیف ایلدی . ( ابو موسی ) حیلله یه قابله رقی بو  
 تکلیفه دراضی اولدی . بونک اوزرینه ( ابو موسی )  
 خلق آره سنده طورده رقی حکمینی شوصورتله تبلیغ  
 ایتدی : « ای اهالی ! ملتک اختلافی موجب  
 اولان خصوصی تدقیق ایتدک . ملتک زیاذه  
 یارایه جق و پریشانلغنی ازله ایلیه جک  
 برحله بن و عمرو متفقاً قرار ویردک . اوده  
 حضرت علی یی و معاویه یی ایکسینی بردن خلغ

حضرت حیدرک ذکر ایدلیدی وجه ایله  
شهادتی اوزرینه کوفه اهالیسی اوغلی حضرت  
حسنه بیعت ایتدیلر . حال بوکه ( معاویه )  
کندی نفی ایچون خلافتی ایسته مکن کیری  
طور میوردی . حضرت حسن معاویه به قارش  
محاربه ایله غالب کله میه جکفی آ کلا دیغندن  
بوشنه قان دوکولامک ایچون خلافتدن چکلدی .  
بونک اوزرینه شامده معاویه به بیعت ایدلمکله  
کری\* خلافت کوفه دن شامه انتقال ایتدی .  
خلفای راشدین دولتی ده بوصورتله منقزی  
ارلدی .

( خلفای راشدین زمانی ) : — شمعی به  
قدر ویردیکمز معلوماتدن آ کلاشدیغنی اوزره  
خلفای راشدینک دولتری زهد و تقوی ،  
صلاح و دیانت اوزرینه أسس و حقانیت وعدال  
ایله تأیدایلش بر حکومت ایدی . خلفای راشدین  
صلاح و تقوادن طولانی اک بسیط بر حیات  
کچیرمشلردر . خلفای مشار الیم زماننده  
متمم خلافت بر حکومت ریاستدن زیاده دینی بر  
مقام ایدی . خلفای کرام عادی بزدن  
البسه ، لیفدن معمول آیان قانی کیرلردی .  
طاشیدقلری قلیجیلرک آصقیسی ده لیفدن  
ایدی . سسوقاقلرده رعایان بری کبی هیچ  
فرقیز بر حالده کززلردی . اک عادی بر آدم  
ایله قونوشدقلری زمان ایدن کندی سوزلرندن  
دها سرت ، دها شدلی سوز ایشیدیرلردی .  
خلفای مشار الیم بو حاللری دیانت اسلامیه  
احکامندن عدایدرلردی . خلق اوزرینه حاکمیتلری  
صلاح و تقوی ، عدل و احسان ایله و مناقب عالییه

ایتمکدر . خلق ایستدکلرینی خلیفه انتخاب  
ایتمسون . ایشته بن حضرت علی بی نلع ایدیورم .  
آرتق سز ایشکزه صاحب اولکیز . واهل  
کور دیککیزی خلیفه انتخاب ایلکیز . »  
متعاباً ( عمرو بن العاص ) خلق اورته سنده  
طوره بق بستیون بشقه برقرار تبلیغ ایتدی :  
« ابو موسانک دیدیکلرینی ایشدیکیز . موکانی  
خلع ایدیور . کنایی موکانی نصل خلع ایلور  
ایسه بن ده اونی خلع و موکم اولان معاویہ بی تأیید  
و تثبیت ایدیورم . زیرا معاویه حضرت عثمانک  
دوستی و مظاهری و قاننک مطالبی و خلق آره سنده  
آنک مقامنه کچه جک الک زیاده حق صاحبیدر »  
دیدی .

خلق ( عمرو ) ک بوبستیون بشقه حکمی  
ایشیدنجه ایشده بر حیلہ چورلیدیکنی آ کلا دیلر .  
فقط نه چارده که بو حیلہ ک جوق تأثیراتی موجب  
اولدی . یالکیز خلافتک معاویه به انتقالی منتج  
اولقله قاله ایدی او قدر اهمیتی اولمازدی . فضلہ  
اوله بق حضرت علی طرفدارلرینک کندی  
علیه انقساملری ده موجب اولدی . چونکه  
طرفدارانندن بعضلری تحکیمی قبولندن طولانی  
حضرت علی بی شایان مواخذہ کوردرک کندیسندن  
آیرلایلر . تاریخ اسلامیده بر موقع مخصوص  
اشغال ایدن خوارچ ایشته بونلردر . حضرت  
علی بونک اوزرینه ایکی دشمن اورته سنه  
دوشدی . خوارچ اوایکی دشمندن کنیدیسی  
حقنده اک شدتلیسی ایدی . مشارالیه هجرتک  
قرقچی سنه سنده کوفه مسجندن بونلردن  
برینک طعنه سیله شهید اولدی .

مثال کو سترمکه قائم ایدی .

خلفای راشدینک طعاملری دخی اهلیدن  
اک فقیرلرینک تناول ایتدکاری یمکلردن دها  
ساده ایدی . مشارالیهک بو خصوصده بویه  
محرومانه بر قناعتله اکتفا ایتلری یوقاقدن ویا  
عجزدن ایلری کلبوردی . بو محرومیتی کندی  
رعایالردن فقیر اولانلر ایله هم حال اوله رق  
بوصورتله انلرک کوکلرینی تطیب ایتک ایچون  
اختیار ایلرلر ایدی . حتی کندی ایرادلردن  
اله مرنه کچیرلر ایسه جمله سنی فقرایا ویریرلردی .  
اوجله دن حضرت علی کندی املاک ذاتیہ سندن  
آلدیغی مهم بر ایرادی هپارباب فقر و احتیاجه  
طاغید یردی .

مشارالیه م پاره یه ، ثروته اصلاً اهمیت  
ویرمدکاری کبی اوزمانلرده سائر صحابه کرام  
دخی بو یوله عین اخلاقده ، عین حالده ایدیلر .  
احتمال که مشارالیهک بو حاللری زمان پیغمبرینک  
هنوز اوزاقلاشماش وهیت ورهبت نبونکده  
قبلرلنده جدأ یرلشمش اولمسندن ایلری  
کلبوردی . فی الواقع عهد نبوتده ودها صکره  
اکاقرب زمانلره قدر دنیا مالنه رغبت آزدی .  
فقط اودور اوزاقلاشدیقه رهبت نبوت یواش  
یواش هرکسک قلبندن زائل اولمغه باشلایه رق  
دنیا منافعی آرقه سنده قوشمق زیاده لشدی .  
قرائن احوال دن آکلاشدیغنه نظرأ اسلاملرده  
دنیا یه رغبت خلفای راشدین زماننک صوکلرینه  
طوغری باشلامشدر . ( مسعودی ) دیورکه :  
« صحابه ، حضرت عثمان زماننده چفتلککلر  
واموال صاحب اولدیلر . حضرت عثمانک ،

شهادتی صرہ سنده ، خزینہ دارینک نزدنده یوز  
اللی بیک دیناری ویک بیک ( بر ملیون )  
درهمی واردی . ( وادی القری ) و ( حنین )  
ده وسائرده کائن قریب لری ایسه یوزبیک دینار  
قیمتسده ایدی . پک چوق دوه و آت دخی  
براقشدر . اکابر صحابه دن ( زبیر ) ک ، وفاتی  
متعاقب ، ترک ایتدیکی ثروتک سکزده بری  
اللی بیک دیناره بالغ اولمشدی . بوندن ماعدا  
مشارالیه بیک قصر اقایله بیک جاریه ترک اولمشدی .  
( طاحه ) نک عراق جهنتدن هر کونکی وارداتی  
بیک دیناره بالغ ایدی . ( سرآه ) جهنتدن کلن  
وارداتی ایسه اوتہ کندن دها زیاده ایدی . صحابه  
کرامدن ( عبدالرحمن بن عوف ) ک آخورلرنده  
بیک آت موجود ایدی . بوندن ماعدا بیک  
دوه سی واون بیک قیسونی دخی واردی .  
مشارالیهک وفاتندن صکره ترک ایتدیکی اموالک  
ربعی سکسان درت بیک دیناره بالغ اولمشدی . کبار  
صحابه وانصاردن ( زبیرن ثابت ) اوقدر چوق  
آلتون وکوش براقشیدی که انلری کسر ایله  
قرمغه مجبوریث حاصل اولمش ایدی . بوندن  
بققه مشارالیهک براقدیغی چفتلککلر و اموالک  
قیمتی یوزبیک دینار راده سنده ایدی . ( زبیر )  
بری بصرده ، دیکری ( مصر ) ده ، اوچنجیسی  
( کوفه ) ده ، دردنجیسی ( اسکندریه ) ده  
اولق اوزره کندیسی ایچون درت قوناق انشا  
ایتدیرمش ایدی . ( طاحه ) دخی کندی  
نفسی ایچون ( کوفه ) ده برقوناق یاپدیردینی  
کبی مدینه ده بولسان خانہ سنی دخی کیرچ  
وکره مید و ساج آغاجی کراسته سندن



انشا ایتدیردی . کذلک کبار صحابه: بن اولوب قومانداسی آلتنده بولنان عسکرله « قادیسه » مظفریتنی احراز ایتش اولان « سعد بن ابی وقاص » مدینه‌نک « عقیق » نامنده کی موقعده قالین و یوکسک دیواری و کنیش حوالیلی بر قوناق یاپدیره رق یوقاری جهتلرنده دخی بالقونلر انشا ایتدیرمشدی . ینه کبار صحابه دن و « بدر » غزوهد سنده چوق یار اراق کوسترن مجاهدیندن « مقداد » دخی مدینه‌ده خارجاً و داخلأ کیرچلنیش بر خانه یاپدیرمش ایدی . کذلک « یعلی بن منبه » الی بیک دینار ایله اوج یوزبیک درهم قیمتده بولنان عقارات و اموال سائرہ بر اقمشدی .

خلفای راشدینک زمان خلافتی اوتوز سنه دن فضله سورمه مشایسده بوزمان طرفنده میسر اولان فتوحات اسلامیہ غربدن آفریقانک بر قسم مهمنه و شرقدن « خراسان » و « سمرقند » قدر کسب و سعت ایتشدی .

### بنی امیه دولتی

حضرت علینک شهادتدن و اوغلی حضرت حسنک خلافتدن فراغتدن صکره خلافت اسلامیہ‌نک بنی امیه - امیه اوغلارینه - فصل انتقال ایتدیکنی بالاده کی بحثده کوستردک بولنلردن برنجی حکمدار معاویه ایدی . بنی امیه‌نک خلافتی خلافت راشدینه بکزه مز . راشدین زماننده خلیفه زهد و صلاح ایله تمیز ایدیوردی . دور امویده ایسه خلافت

سلطنت دنیویه شکلنه کیردی . راشدین زماننده خلیفه صفوت ، حقانیت ، عدالتله کندینی خلقه سودیره رک اجرای حاکمیت ایدرکن امورلر زماننده خلیفه حال و موقعه کوره حرکتله خالق ترهیات ایله ، یاخود معاش و احسانلر ایله کندینه طرفدار اتخاذا ایدیور و بوسایه ده حاکمیتی تأمین ایلوردی . بونک سببی خلافتی الله ایدن « معاویه » نک خلفای راشدین کی سعادت اخرویه مقصدیله طلب خلافت ایتما مسیدر . احتمال که شامده موجود اولان بیوک زنکینلک اولسه ایدی معاویه خلافتی الله ایتمه موفق اولیه جق ایدی . مشارالیه خلافتی الله ایدنجه بذل اموال ایله اطرافنده بولنانلرک معیشتلرینی توسیعه باشلادی . بو پاره لر ی صورت مخصوصده بنی هاشمه بذل ایدیوردی . بوندن مقصدی خلافتی کندیلرندن آلدیغدن طولانی حقنده پروده ایتدکلری حس عداوت و انتقامی تسکین و تعدیل ایتک ایدی . بناءً علیه بنی هاشمدن بری کندیسنک زیارتنه کلدکجه اکاپک زیاده التفات واکرامده بولنور ، کندیسنی ممنون ایتمه چالیشیر ، هر نه ایشی واریسه جمله بنی ترویج ایدردی . بک چوق دفعه لر بنی هاشم ، معاویه‌نک حضورنده بولندکلری انشاء خلافت اولان حققلرینی سوبلرلر و معاویه‌نک یوزینه قارشى خلافتی اختلاس ایتدیکنسندن دم اوررلردی . معاویه بولنلرک جمله سنه سکوت و مسامحه ایله مقابله ده بولنور و عطیه و احسان و حلم و ملایمتله لسانلرینی کسر ایدی .

معاویه تبذیر و اسراف و سائلانی و سلطنتده  
آلایش و بدبختی روملردن اقتباس ایدرک  
کندیسنه « حرس » دنیان محافظلر تعیین واقامه  
ایلدی . معاویه یورودیکه و نمازه کیتدیکه بو  
محافظلر و یاسلا حشورلر الارنده حربه لر بولدیغی  
حاله کندیسنی ایله برابر کیدرلردی . مشارالیه  
کندیسنه مخصوص بر سرای انشا ایتدیررک  
بوسرایده تخت سلطاتی قوردی . قیوسنه یاور  
و تشریفاتی طور دیردی . جامعده دخی نمازه  
کانه نمازینی ایچنده قیلمق اوزره کندیسنه  
مخصوص بر محفل انشا ایتدیردی . معاویه  
احتمال که بو احتیاطلاری حضرت علی حقنده  
وقوع بولدیغی کبی کندی حقنده سوء قصد  
و قوعندن قورقه رق اتخاذ ایتش ایدی . ذاتاً  
کندیسی حقنده دخی دها اول بر سوء قصد  
و قوع بولمش و حیاتی نصلسه اوتهلکه دن  
قور تارمش ایدی . معاویه ایپکلی و قدیفه لی  
البسه کیمکده روملری تقلید ایتمشدر .  
آتیده تفصیلاتی کوسه تریله چکی اوزره ایران  
وروملرده اولدیغی کبی پوسته و استخبارات  
اصوانی قبول و مهر دیوانی - داوره سنی -  
تشکیل ایدن کندیسنی ایدی .

معاویه نك اسلامیه ده احداث ایتدیگی شیلر  
جمله سندن اوله رق اوته دنبری انتخاب ایله قائم  
اولان خلافتی کندی نسانه ارثی برشکله تحویل  
ایلسیدر . اسلاملردن بونی ایلاک یاپان کندیسنی  
اولدی . معاویه اوغلی ( یزید ) ه بیعت ایتدکدن  
صکره خاقی ده آنک ولی عهدلکنه بیعت ایتکه  
مجبور ایلدی . حضرت حسنه پدیری حضرت

علینک وفاتندن صکره وقبرع بولان بیعت  
اوقیلدن دکادی . چونکه حضرت حسنه اهالی  
کندی آرزواریله بیعت ایتشلردی . حضرت  
علی خلافتی کندی اوغله وصیت ایلماش ایدی .  
( عجبا بنی امیه نك مقام خلافتی اله  
کچیرلرینه نه کبی احوال یاردم ایتدی ؟ ) -  
کرك معاویه ، كرك کندیسنه بیعت ایدن  
بالجمله خلق خلافتک اهل بیت نبونك حق  
اولدیغنی بیلدکلری حاله خلافتی اهل یته دن  
آله رق کندی سلاله سنه حصر ایتکه معاویه یه  
یاردم ایدن احوال جدا شایان تدقیقندر . بو احوال  
واسباب متعدددر . بر قسمی دها اول ذکر  
ایلدک . قسم دیگرینی شمدی کوسه تره جکزه .  
بالاده کورلدیکی اوزره معاویه مقصدینه  
وصول ایچون ( عمرو بن العاص ) کبی الک مشهور  
دهاتی کندیسنه طرفدار اتخاذ ایتش ایدی .  
( عمرو ) مصر والیلکی وعدی مقابلنده درحال  
معاویه یه بیعت ایش ایدی . او جمله دن اوله رق  
بابایی معلوم اولیان فقط دها و درایت صاحبی  
اولان زیاد بن ابیه « کندی باباسنك اوغلی  
زیاد » ی ده کندیسنه طرفدار آلمش ایدی .  
معاویه « زیاد » ک پدر جهتمدن اولان شو  
شائبه سنی ازاله ایتک ایچون بر سر گذشت  
اویلدردی . « زیاد » ک ، پدیری ابوسفیان  
جهتمدن قاردشی اولدیغنی ادعا و کندی نسبه  
الحق ایله کندیسنه « زیاد بن ابی سفیان »  
نامنی ویردی . بوسبیله زیاد معاویه نك اک بیو  
مظاهر و معاونلردن اولدی . و عراق و سائر  
جهتلرده بنی امیه نك نشر و تأیید حاکمیلری

اوغورنده بيوك خدمتارده بولدى . حضرت  
عليك اوغلى حضرت حسيني اومشهور وقعه ده  
شهيد ايدن ؛ بو « زياد » ك اوغلى « عبدالله »  
ايدى . زيادك اوغللرى واحفادى اوچنچى  
خليفة عباسى « مهدى » نك زماننه قدر  
« ۱۵۹ هـ » قريشه انتساب ايله كچنمشلرايكن  
خليفة مشاراليه انارك نسلبري « ثقيف »  
قبيله سندن « عبيد الرومى » نامنده بر آدمه ارجاع  
ايله كنديارى سلاله قريشدين چيقارمشدر .  
معاويه نك بويولده كنديسنه طرفدار  
يادىقى دهئندن برى ده ( مغيره بن شعبه )  
ايدى . اوغلى « يزيد » ه بيعت ايتمكه  
وخلافتى كندى سلاله سنه حصر ايتمكه معاويه نى  
تشجيع وترغيب ايدن و « زياد بن ابىه » ى  
معاويه يه كتىروب اكا طرفدار ياپان ايشته بوذات  
ايدى .

مورخلر بودرت آدمى عربلارك الكبيوك  
داهيلرى اولق اوزره عدايدلر . حتى او  
مورخلردن برى بونلرى شو صورتله  
توصيف ايلبور : « معاويه كى حلم وتاينسى  
چوق آدم كوردم . طويل برحاله بولنسان  
آدملره غالب كلكدده وحيانى تهلكه يه آتمقده  
( عمرو بن العاص ) قدر مقتدر آدمه  
راست كلدم . ( زياد ) قدر باطنى ظاهرينه بگز  
آدم بولنه ماز . ( مغيره ) يه كلنجه بو آدم سكر  
قولى برشهرده بولوب اوتولردن هيچ برندن  
حيله وخدعه باقمسز چيقلماز اولسه وسكر  
قونك جمله سندن چيقمغه مقتدر . »

ادارده قورنازافى مناسبت كورماسى معاويه نك  
مظهر موقفيت اولسسه ياردم ايدن شياردن  
ايدى . حضرت عثمانك شهادتندن صكره  
حضرت على يه بيعت اولدينى صرده حضرت  
عليدن صادر اولان احوال بومدعايه دلالت  
ايدر . چونكه او صرده ( مغيره ) كنديسنه  
كلرك مقام خلافتك زمام امورىنى بسبتون  
الله ايدنجه يه قدر ( زبير ) ، ( معاويه ) و ( طاعه ) نى  
وسائر والىلرى حضرت عثمانك زماننده اولدينى  
كچي موقعلرنده ابقايتى وباجمله اهاملى كنديسنه  
بيعت ايتكدن صكره اوزمان ايستديكنى اجرا  
ايتتى كچي بك عاقلانه ماعالعه بولمش ايدى .  
حضرت على بوسوزلرى خدعه ظن ايدرك اكا  
اهميت ويرمدي . عم زاده سى ( عبدالله بن عباس )  
دخى عيني نصيحتده بولدى . حضرت امام  
بوني ده ديكلمدى . ( مغيره ) سوزلرينك تاثيرسز  
قالديغى كورنجه حضرت عليك فكرينه اوغمه  
قرار ويردرك ايرتسى كوني حضرت عليك  
زدينه كيتدى ، بركون اولكى محاورده حضرت  
على طرفدن درميان اولنان مطالعانك بك مصيب  
اولديغندن بحث ايتدى . حال بوكه حضرت امام  
( مغيره ) ايا ( ابن عباس ) ك رأى ومطالعارينه  
كورده حركت ايتمش اولسه ايدى انلردن هيچ  
برى كنديسنه قارشى دشمن كسلمز ، نه مغيره ،  
نده طرفداران سندن ديكركلى طرفدارلغندن  
چيقلماز ، ( جمل ) و ( صفين ) واقعلرى اولماز ،  
خلافت ده امويلره انتقال ايتزدى .

معاويه وسائراميه اوغللرينك تايدى حاكميت  
ايچون استعمال ايتدكلرى ديكربقوة مؤثرده



وارد در که اوده « پاره » ایدی . بونلر پاره ایله ،  
منفعت کوسترمکله کندیلرینه طرفدار فرقلر  
الده ایدیورلر ، کذلکینه اوقوؤ مسخره ایله  
کندی دوشمنلرینی کندیلرینه تقرب و بند  
ایلیورلردی . شهرت صاحبی برشاعر ، موقع  
صاحبی بر ذات انلره مراجعت ایدنجه انی  
عطیلر ، احسانلر ایله غریق لجه منت ایدیورلردی .  
یوقوتله حضرت علی به اولاد واحفادینه غالب  
کلدیلر . حال بوکه حضرت علی و طرفدارانی پاره مک  
بوصورتله استعمانی تنزل ایدلمیه جک براخلا قسزلق  
عد ایدرک یالکز حق صاحبی اولانک اوحق  
استحصال ایچون موفقیتی تأمنه کافی اولدیغنه  
ذاهب اولیورلردی . واقعا خلق هنوز آمال  
ومنافع شخصییه دوشمدن اول اسلامیتک  
اوانلنده هیبت نبوت هر کسک اوزرنده تأثیر  
اجرا ایدرکن بو مطالعه موفقیت کوستردی .  
لکن ده صکره زمین وزمان دیکشمش  
ایدی . پاره ومنفعت آرتق پک بیوک بر تأثیر  
اجرا ایدیوردی . بز ظن ایتیزکه اورته ده  
پاره اویناماش اولسه ایدی ( کوفه ) اهالیسی  
حضرت حسینه ایتدکلری بیعتدن دونمزلر  
واحوال مشارالیهک شهادتی انتاج ایتک کبی  
خجیع بر نتیجه و ارمازدی . شو حالده حضرت  
حسینی شهید ایدنلر پاره ایله شهید ایتشلر ایدی .  
حضرت علیدن صکره خلافتی کندی نفسی  
ایچون احرازه چالیشان کبار صحابه دن ( عبد  
الله بن الزبیر ) ی شهید ایدنلر دخی کذلک  
پاره قوتیله اولدیرمشار ایدی . ( عبدالله بن  
الزبیر ) بنی امیه کبی اوپاره لری کندییی

بذل ایتش اولسه ایدی خلافت بنی امیه ک  
دک ، بلکه کندیسک وسالاه سنک اوله جقدی .  
حضرت عبدالله اموال کعبه یی خلقه ویرمک  
ایسته مدی . فقط کندی نفسنه فئالق یامش  
اولدی . حتی انک خصمی اولان بنی امیه  
خلفاسندن ( عبدالملک ) بونقطه یی آچیقدن  
آچیغه سویلیور . ( عبدالملک ) اولوم دوشکندنه  
ایکن : « امور خلافتی اداره ایده جک بندن  
دها مقدری یوقدر . ( ابن الزبیر ) چوق نماز  
قیلار ، چوق اوروج طوتار ، لکن خستندن  
طولایی نندن اداره ، ایش کلز » دیمش  
ایدی .

فقط غریبی شودرکه حضرت عبدالله  
حقنده خلق طرفندن بویه بخیلک اسناد  
اولنورکن انک برادری اولان ( مصعب  
بن الزبیر ) اوصرمده کندی نفسی وتعلقاتی  
ایچون پک چوق پاره لر صرف ایدیوردی .  
حتی حضرت حسینک کریمه سی حضرت  
( سکینه ) نک ازدواجنه بر میلیون درهم  
( فراق ) صرف ایتشدی . حال بوکه عسکر  
بیوک برصیقندی ایچنده ایدیلر . پاره ایستیورلردی ،  
انلره ویرلیسوردی ، دیگر جهتلره اسراف  
ایدیلیوردی . بونک اوزینه ( عبدالله بن همام )  
( عبدالله بن الزبیر ) ه حالدن شکایتی متضمن  
شومالده اوچ بیت یازوب کونوردی :

« امیر المؤمنینه آلداتمق ایسته مین بر نصیحتکا .  
ردن شوسوزلری تبلیغ ایله . عسکر قوماندانلری  
آچ بر اقیله رق بر قیزک جهاز و دو کونه بر میلیون  
ویرانز . حضرت عمره بوسوزلری می سویلسم ،

آندردی . او صروده عبدالملك اوغلی  
( عبدالعزیز ) خلق اوزرینه پاره طولی کیسه لر  
آتمه باشلادی . سرایی قوشادانلر باشی و پاره لر  
کورنجه پاره لر طویلا مقله مشغول اولمشلر  
واله کچیردکری پاره لر آله رق سرایک اطرافندن  
طاغله مشلردر .

عباسلار زماننده پاردنک تأثیری بوندن ده  
چوق ایدی . حتی انلرک حاکمیت و نفوذلری  
خلفه نك عسکره بذل ایتدیکی پاره نك مقدارینه  
تبماً کادقوتلی ، کاه ضعیف اولوردی . باخصوص ترك  
کوله منلری نفوذی اله آلدقن صکره بونلرک  
مغامرت و نصرتلری آنجق پاره ایله صاتون  
آلیردی . بوکوله منلر هر خلیفه دکه - دکه  
او خلیفه دن بیعت حقنی ایستلردی . حتی بمضاً  
برسنلک ویا دها زیاده زمان ایچون معاش طلب  
ایدرلردی .

امو بیلرک حاکمیتی تأیید و تحکیم ایدن  
مواددن بریده دینه مخالفی و اهانه اهاتی  
موجب اولسه بیله کندی ، منفعتلرینه موافق  
کلن هر شیئی اجرادن کیری طور ماملریدر .  
امو بیلر حضرت نینک کریمه سی اوغانی شهید  
ایتدیله . کعبه معظمه بی منجنق ایله دو کدیلر .  
عم زاده نبی و دامادینه جامع لرده کی منبرلرده  
لغت اوقوتدیلر . لغت ایتیلری ده قتل ایتدیله .  
بو قیلدن برچوق شیلر ده بایلدیلر .

( بنی امیه خاقاسی ) : — ( معاویه ) بالاده  
بیان اولندیغی اوزره خلافتی کندی نسلنه ارثی  
یامش ایسه ده بوارث اصولی کندی چور قیلرندن  
اوتیه کچمدی . کندی اولادندن کندیسی

سزه ایتدیگم بوشکاجی اکا ایتسه م ، اورکردی .  
( عبدالملك ) کندی حاکمیتی تأیید و تحکیم  
ایچون بنی امیه پادشاهلری ایچنده نقود  
واموال ابدالنده الک زیاده ایاری کیدن ایدی .  
مشهور ( حجاج بن یوسف ) ( ابن الزبیر ) ی  
کعبه معظمه ده محاصره ایتدیکی زمان آدمارینه  
کعبه نك منجیقه طوتولمسنی امر ایتش ایدی .  
عسکره بر قورقو عارض اوله رق امرک تنفیذینه  
جسارت ایده مدیلر . ( حجاج ) بر صندالیه  
کتیرتدی ، اوزرینه اوطوردی . عسکره  
خطاباً : « ای شام اهالیسی ! عبدالملك  
عطیه و احسانلرینی در خاطر ایدیکنز . عطیه لر  
کیم نائل اولمق ایستورسه حرب ایتسون »  
دیدی . بونک اوزرینه عسکر حجاجک امرینی  
یرینه کتیردیلر .

( عبدالملك ) پک چوق دفعه لر خلق اوزرینه  
پاره لر صاچدق کندینه طرفدار اولمیانلرک  
مضرتنی دفع و زاله ایدردی . بو صورتله خلق  
کندیسی براقه رق پاره ایله مشغول اولورلردی .  
مشارالیه ایله بیت المال ناظری ( عمرو بن سعید بن الا  
شدق ) آره سنده جریان ایدن وقعه بو قیلدن ایدی .  
( عمرو بن سعید ) شامی عبدالملكدن آلمغه  
قالقشمش ایدی . عبدالملك ( عمرو بن سعید ) ه  
امان ویره نك حیلل ایله کندی حضورینه  
کتیردکن صکره غدرآ انی اولدیردی . ( عمرو ) ک  
طرفدارلری انک اولدورولدیکنی آکلانجه  
مساحاً عبدالملك سرایی قوشاندیلر .  
( عبدالملك ) عاقبتک وخامتدن قورقه رق  
( عمرو ) ک باشنی خلقک کوزلری اوکنه

حال حیاته ایکن ولی عهد لکه تعیین اولنان یالکیز  
( یزید ) خلیفه اولدی . بودد برقاج سنده دن  
زیاده خلیفه لک ایتدی . فقط بو خلیفه زمانده  
حضرت علینک مخدومی حضرت حسینی شهید  
ایتمک کبی مدهش حادثلر وقوع بولدی .  
( یزید ) وفات ایدجه خلیفه انتخابی امرنده  
خلق یئنده اختلاف حاصل اولدی . یزیدک  
معاویه اسمنده براوغلی واردی . انی (ایکنجی  
معاویه ) نامیله خلیفه نصب ایتدیلر . حال بوک  
بوذات خلافتک کندیلرینک ، یعنی بنی امیه نک  
حق اولمدینی فکر نده ایدی . آرز بر مدت صکره  
وفات ایتدی . بونک اوزرینه امیه اوغلاری رنجی  
معاویه نک نسلندن اولیان فقط خدانامویدن  
بولنان ( مروان بن الحکم ) نامنده اختیار بر  
آدمه بیعت ایتدیلر ( سنه ۶۵ هـ ) . ( مروان )  
مقام خلافتده برقاج آی بولندقدن صکره وفات  
ایتدی ایسه ده خلافت کندیسندن صکره کندی  
نسلنه انحصار ایلدی . بو تاریخدن صکره بنی  
امیه دن نه قدر خلیفه کلش ایسه هپ ( مروان ) ک  
نسلندن ایدیلر . بونلرک اک مشهوری بالاده  
ذکری کچن ( عبدالملک بن مروان ) دره مشار  
ایله ۶۵ سنه هجریه سندن ۸۶ سنه سنه قدر مقام  
خلافتده بولندی .

( عبدالملک بن مروان ) مدنیت اسلامیه  
تاریخنده مهم بر موقع اشغال ایدر . چونکه  
ممالک اسلامیه ده دوائر رسمیه هر مملکتده  
او مملکت اهالیسنک لسان ایله واولسانه آشنا  
یرلی مأمورلر واسطه سیله ااره اولنورکن  
اواصولی ترک ایله عربجه یی امور حکومتده

لسان رسمی یاپان کنیدیسی ایدی . از جمله مصر  
دیواننک ( دائرة حکومتک ) لسان رسمیسی  
لسان قبلی واداره یه باقائلر قبیلر ایدی .  
کذلک شامده لسان رسمی روجه و دوائر  
حکومتی اشغال ایدلر مذکور لسانی بیان  
یرلی خرسیانلری ایدی . عراقده ایسه لسان  
رسمی لسان فارسی وایشه باقائلرده اولسانه آشنا  
یرلی مأموریندن متشکل ایدی . ( عبدالملک )  
بونلرک جمله سنده عرب لساننک استعمال  
وامور حکومتکده اسلاملردن مأمورلر  
تودیع اولنسنی امر ایتدی . بوتشبتک دولت  
اسلامیه نک تأیید حاکمیتی امرنده نه قدر بیوک  
برتائیر اجرا ایتدیکی محتاج ایضاح مواددن  
دکدر . چونکه بوتشبت عربجه یی مملکتک  
هر طرفنده تعمیم اتمش واهالینک مرور  
زمان ایله کندی لسانلری ، اصللری اونوده بق  
کندیلرینی عرب صایغه باشلاملرینه باعث  
اولمشر . بونکله برابر عربجه نک بوضورتله  
تجمعه باعث اولان دیگر بر سبب دخی دینک  
لسانی اولمسیدر .

بوندن ماعدا ( عبدالملک ) عربجه سکه  
ضرب ایتدی . آتیده تفصیلاتی کوریلجهکی  
اوزره ( طراز ) ی ( اپیک وقذیفه دن معمول  
وخلفایه ورجال دوتنه مخصوص البسه یی )  
روجه دن عربجه یه تحویل ایدنده کنیدیسی  
ایدی . بونک تفصیلاتی ایلریده کله چکدر .  
عبدالملک زماننده عراق والیکنده ، دهاء  
و شدت و غلظتی ایله مشهور اولان ( ججاج بن  
یوسف ) بولنیوردی . بو آدم عبدالملکک



ایدی . بنی امیه ( عمر بن عبدالعزیز ) ك بو  
یولده کی اوامری دیکله منجه انلرك الله  
بولان املا کی استرداد ایلش ایدی . بونك  
اوزرینه امویلر مشارالیهك خلافت زمانك  
اوزامسندن و خلافتك كندی اللردن  
کیتمسندن قورقورق حیاتنه خاتمه چکمه  
مسارعت ایلدیلر .

مشارالیهك تسمیم ایله وقوع بولان  
وفاتندن مسكره مقام خلافته ( عبدالملك ) ك  
اوغلی ( یزید ) كچدی . ( عمر بن عبدالعزیز ) ك  
عمراده سی اولان بو ذات سفاخته ، مسكراته ،  
چالخی یه صوك درجه ، نه مك ایدی . امور خلافته  
اوغر اشمغه بدل بری ( سلامه ) و دیگرى ( حبابه )  
ناملرنده ایکی جاریه ایله مشغول اولدی . حبابه  
( یزید ) ك عقل و قلبی بسبتون قبضه تسخیره  
آلهرق مملكتته دخی حکمدار کسلمش ایدی .  
ایستدیکنی نصب ، ایسته مدیکنی عزل ایدیوردی .  
( یزید ) ایسه دنیاده نه اولیور ، نه اولیور ،  
بی خبر ایدی . نهایت برادرى ( مسلمه ) كندیسنه :  
« عمر بن عبدالعزیز كی عادل بر خلیفه دن  
صكره مقام خلافته كچك . امور دولتی براقوب  
بو جاریه ایله مشغول اولیورسك . قپو كده  
اوزاق یرلردن ككش برچوق هیئت مخصوصه لر ،  
بر چوق ارباب شكایت بكلیور . باغیروب  
چاغرییورلر . سن ایسه انلره قارشى غفلته  
وقت كچیریورسك ، بونصل اولور ؟ » یوللی  
مواخذاتده بولندی . ( مسلمه ) نك بوسوزلری  
حسن تأثیر حاصل ایدرك ( یزید ) عیش ونوشی  
براقق ایسته دی . حتی برقاق كون ( حبابه ) ایله

تأیید و تحکیم سلطنتی اغورنده بك چوق غیرت  
صرف ایتمدی . بنی امیه یه قارشى ادعای خلافت  
ایدن ( عبدالله بن الزبیر ) ی كعبه معظمه  
داخلنده محاصره ایله كعبه یی منجنیق ایله دوكن  
و ( عبدالله ) ی شهید ایدرك خلافتك  
( عبدالملك ) ه بسبتون انحصارینه خدمت  
ایدن ایشته بو ( حجاج ) ایدی .

( عمر بن عبدالعزیز بن مروان ) دخی  
خلفای امویه نك اك مشهورلرندندر . مشارالیه  
۹۹ سنه سندن ۱۰۱ سنه سنه ق . ر ایکی سنه  
مقام خلافته بولندی . ( عمر بن عبدالعزیز )  
خلفای امویه ایچنده خلفای راشدینك حال  
ومسلكنه اك زیاده یقلاشان ذات ایدی .  
احتمال كه مشارالیهك بو حالى حضرت ( عمر  
بن الخطاب ) ه قرابتدن ایلری کلیوردی .  
چونكه ( عمر بن عبدالعزیز ) حضرت ( عمر  
بن الخطاب ) ك حفیده سنك اوغلی ایدی .  
وقتا كه مقام خلافته كچدی ، زهد وعدالته  
بیوك پدرى حضرت عمر ك اثرینه اتباع  
ایلدی . امیه ارغللری ، خلافتی ادعایتدكلری  
تاریخدن اعتباراً جوامع منبرلرنده حضرت  
علی یه لعنت او قومنی اعتیاد ایتشلردی .  
حضرت ( عمر بن عبدالعزیز ) بو حرکت  
مكروهه یی روح اسلامیه مخالف كوره رك  
ابطال ایتمدی . فقط مشارالیهك بو كی  
اجرا آتی امیه خاندانجه خوش كورنمدی .  
باخصوص ( عمرو بن عبدالعزیز ) حضرت  
( عمر بن الخطاب ) ك اقربا و تعلقاتنه یاپدینی  
كی امویلری املاك صاحبی ارلمقدن منع ایتش

کور شمعی . فقط ( حبابه ) ( یزید ) ی بویه  
برقاج کون کوره مینجه ا کا مشتاق اولدی .  
جمعه کونی جاریه لرندن برینه : « امیر المؤمنین  
نمازه چیقارسه بکا خبر ویر » دیه تنبیه ایتدی .  
( یزید ) نمازه چیقنجه جاریه خانمه خبر ویردی .  
( حبابه ) النده برعود اولدینی حالد ( یزید ) ی  
قارشیلایه رق شو بیقی تغنی ایلدی :

الا لائله الیوم ان یتبدلا

فقد غلب المحزون ان تجلدا [ ۱ ]

( یزید ) اللریله یوزینی قاپادی ، ( حبابه ) یه  
« امان ، یامه » دیدی . ( حبابه ) دوام ایتدی :  
فوالعیش الاملاند وتشمی

وان لام فیه ذوالشنان وفندا [ ۲ ]

( یزید ) آرتق طایانه مدی . ( حبابه ) یه  
یا قلاشه رق : « والله حقلی سویله ورسک . سنی  
سودیکمدن طولایی نی مواخذه ایدنلر قهر  
اولسون . اوغلان ! ( معیتنده کی کوله یه خطاباً )  
کیت ، ( مسامحه ) یه سویله . اهالی ایله نماز  
قیلسون » دیدکدن صکره . ( حبابه ) ایله اسکیمی  
کبی عیش ونوشه و ذوق وصفایه قاپانوب طالدی .  
( یزید ) حبابه وفات ایدنجه یه قدر بو حالد  
دوام ایتدی . ( حبابه ) اولنجه کنندیسی ده  
فرقت وحسرتنه طایانه میرق آرزو صکره ترك  
حیات ایلدی . بونلرک سرگذشت وفانلری شو

[ ۱ ] عاشیق آرادنی بوکون حسسز کبی  
طور دیفندن طولایی مواخذه ایتمه ، زوالی محزون  
نه یاسون . صبر و تحمل طقت کتیره میور .

[ ۲ ] حیات کو کلک لذت بولدیغی ، آرزو  
ایتدیگی شیدن عبارت . دشمن هر نه دیرسه دیسون  
سوزیه ، مواخذه سنه باقه .

شکلده وقوع بولمش ایدی : ( یزید ) وقت کچیرمک  
ایچون ( حبابه ) ایله برابر ( فلسطین ) جهتلر نده باغ  
و باغچه لر یله وایی شرابی ایله مشهور اولان ( بیت رأس )  
قریه سنه نازل اولمش ایدی . کنندی کشدینه شو یله  
دوشو نیوردی : « بتون کون ذوق و صفا  
سوردکدن صکره اوکونک کیجه سنده مطلق  
او ذوق و صفای اخلال ایدر بر حال واقع اولور  
دیرلر . بونک طوغری اولوب اولمادیغنی کئندم تجربه  
ایده جکم » . کنندی معیتنده بولنانلرده ده : « یارین  
بتون کون بکا هیچ برشی سویله میکز ، هیچ بر  
مکتوب کتیر میکز » امرینی ویردکدن صکره  
( حبابه ) ایله برابر خلوته چکلدی . ییه جک ،  
ایچه جک هر نه لازم ایسه جمله سی اوخلو تکامده  
حاضر لاش ایدی . ( حبابه ) بواننده برنار  
ییدی . نازک دانه لرندن بری بوغازنده قالدی .  
قادرین وفات ایتدی . یزید جنازه یی اوچ کون  
بکلندی . رنکی تبدل ایله فنا قوقولر نشر  
ایدنجه یه قدر دفن ایتدیرمدی . بتون بومدت  
ظرفنده ( یزید ) حبابه نك جسدینی قوقلیور ،  
اویوردی ، جسدی براقق ایسته میوردی .  
نهایت اقربا و تعلقاتی کنندیسنی تعیب  
و مواخذه ایتدیلر . بونک اوزرینه جنازه نك  
دفنه مساعدده ایتدی . فقط کنندیسی دخی  
معشوقه سنك وفاندن صکره یالکیز اون بش  
کون یاشایه بیله رك جسدی ( حبابه ) نك یانه  
دفن اولندی ( ۱۰۵ سنه هجریه سنده ) .

( یزید ) دن صکره مقام خلافته برادری  
( هشام ) کچرک ۱۰۵ دن ۱۲۵ سنه هجریه سنه  
قدر اجرای حکومت ایتدی . هشام عقلی

سرده اسلامارك هم نبوت ، هم خلافتك بنی هاشمیه بر آردده بولمسنی آرزو ایتدکلرندن خلافتی قریشدن بنی هاشمدن اولیانلره تخصیص ایتدکلرنی سولیش ایدک . حال بوکه هاشمیلر ، خلافتك کندیلرندن بشقه سنه کچمسنی حقسزلوق و اکا ک زیاده حقلی اولانلرک کندیلری اولدیغنی عد ایدرک بو حق احرازه چالیشمقدن کیری طور مامشلردی . خلافتی طلب ایدن هاشمیلر بر قاچ قسم ایدی . بر قسمی حضرت (علی بن ابی طالب) ک اولاندندن متشکل علویلر ایدی که بونلر دخی بری حضرت (فاطمه الزهراء) نسلنه ، دیکری حضرت غلینک فاطمه دن غیری بر زوجهدن اوغلی اولان محمد بن الحنفیه نامنه طلب خلافت ایدر ایکی قسم ایدیلر . بر قسمی ده عم نبی حضرت عباسک سلاله سی اولان عباسیلر نامنه ادعای خلافت ایدیوردی . ذکر اولنان اقسامه منسوب اولان ذواتدن هر بری خلافتی کندی نفسنه ایستردی . خلق کندیلرینه کیزلیدن کیزلی یه بیعت ایدرلر ، علناً کورنمزلردی . وقتا که امویلرک ضعف واضعجاللی کوزه چارمغه باشلادی ، خاق ده انلرک علمنه دونمکدو اثره اطاعتلرندن چیقمغه یولی قولای بولدیلر . باخصوص اهالی خلافتك بنی هاشمک حق اولدیغنه معتقد اولدقلرندن امویلره اطاعتلری و طرفدار اولملری پازه واحسان و موقعه رغبت ، یاخود انلرک انتقام ومضر- تلرندن خوف ورهبتدن ایلری کلیوردی . عباسیلر بو سرده لرده خراسان اهلینسندن

بر آدم ایدی . یالکیز صووک درجه ده بخیل ایدی - جو مردلک واسراف اوزرینه تأسس ایدن بر حکومتده بخیلک نه قدر مضر در- (هشام) دن صکره ایسه (یزید) ک اوغلی (ولید) کرسی خلافته کچدی . بو ذات مقام خلافتی احراز ایتدن اول ابایی کبی ذوق وصفایه ، عیش ونوشه ، چالنجی یه پک زیاده مبتلی ایدی . حتی بویولده اشعاری ده واردر . وقتا که کرسی خلافته جالس اولدی ، ذوق وصفاده وار تکاب معاصیده بر قات دها ایلری کیدی . فضله اوله رق کندی اقربا وتعلقاته فنالقلرده بولنه رق کندی حقنه کین وعدا- وتلرنی دعوت ایتدی . بونک اوزرینه اقربا وتعلقاتی رعایاسنک ایلری کلنلریله برابر اوزرینه هجوم ایدرک کندیسنی قتل ویرینه (عبدالمکک) ک حقیدی و (ولید) ک اوغلی (یزید) ه بیعت ایلدیلر . (یزید بن ولید) امور دولتی اصلاح فکرنده بولنش ایسه ده اووقته قدر نبی امیه دولتی اصلاح ایدیاهیه جک درجه ده پریشان ومضمحل بر حاله وارمش وعباسیلر نامنه خلافتی طلب ایدنلر دخی چوغالمش اولدیغندن برشی یابه مدی . کندیسنه خالف اوله رق جالس مقام خلافت اولان (مروان بن محمد بن مروان) زماننده خلافت امویلردن عباسیلره انتقال ایلدی (۱۳۲ هـ) .

### دولت عباسیه

(عباسیلرک ادعای خلافت ایتلری) : — حضرت ابوبکرک زمان خلافتندن بحث ایتدیکمز



( ابو مسلم خراسانی ) نامنده ایرانی بر آدمی  
کندیلهینه طرفدار یامغه موفق اولمشلر  
وکندی ناملرینه طلب بیعت ایتک اوزره مشار-  
الهی دولت امویه نك مرکز خلافتدن اوزاق  
بولمسی سبیلله ( خراسان ) ه کوندر مشلردی .  
( ابو مسلم ) بو ماریتنده شایان حیرت بر  
موفقیته نائل اولدی . حرب ایدرك ، هر درلو  
فداکارلقلری اختیار ایلمه نك نهایت خلافت  
اسلامیه یی عباسیلر نامه آلوب ۱۳۲ سنه هجریه -  
سنده عباسیلرک ایلمک خلیفه سی ارلان ( سفاح ) ه  
تسلیم ایتدی . دولت عباسیه نك تأسیسنده  
( ابو مسلم ) ك خدمتی معاویه نك خلافتنه  
( عمرو بن العاص ) ك وقوع بولان خدمتدن  
دها بیوك ایدی . زیرا ( عمرو بن العاص )  
معاویه یه یالکیز حسن رأی و تدبیری ایله  
خدمت ایتش ایدی . ( ابو مسلم ) ایسه عباسیلره  
قلیجی ایله وقومنك قوتیله مظاهرت و خدمت  
ایلشدر .

( دولت عباسیه ) : — امویلر دولتی  
حقنده هر نه دینیرسه دینلسون بودولت حقیقی بر  
عرب دولتی اولمقله عباسیلر دولتدن کسب  
تمیزایدنر . چونکه بعض کانبیلر و طیبیلر و بونلره  
مائل بعض مأمورلردن بشقه دولت امویه نك  
والیلری و بتون رجالی عرب ایدی . عباسیلره  
کأنجه : بونلرک زمان حکومتلرنده امور  
دولت اکثریتله ایرانی عنصرک النده ایدی .  
چونکه عباسیلره استحصال خلافتنه معاونت  
ایدنلر بر آز اول ذکر ایدلیکی اوزره  
ایرانلار ایدی . انك ایچون عباسیلر وزرای

ایرانلاردن اتخاذ ایلدیلر . اسلامیتده وزرای  
ایلمک اتخاذ ایدن عباسیلر بو منصبی ایلریده  
کرروله جکی اوزره ایرانلردن اقتباس ایتشلردی .  
عباسیلرک برنجی خلیفه سی ( سفاح ) ایدی .  
مشارالیهک برقاج برادری و عمجه لری وار  
ایدی که بونلری هپ تأیید حاکمیتی یولنده  
استخدام ایلدی .

( سفاح ) بغدادک غربنده و فرات کنارنده  
کائن ( انبار ) شهرنده اقامت ایدیوردی .  
وفاتنه قدر بوراده اقامت ایتدی . مدت خلافتی  
برقاج سنه دن عبارتدر . وفاتندن صکره انک  
یرینه برادری ( ابو جعفر منصور ) مقام خلافتنه  
کچدی ( ۱۳۶ - ۱۴۷ ه ) . بوذات دها  
و ذکاده ، اداره و سیاستده ، شجاعت و بسالتده اعظم  
رجال اسلامیه دن معدوددر . مشارالیه ( کوفه ) یه  
یقین بریرده تأسیس ایتدیکی هاشمیه نامنده کی  
شهرده خراسان ولایتی اها لیسندن ( راوندیه )  
نامنی آلان بر جماعتک هجوم و شورشنه دوچار  
اولدیغندن مذکور شهردن بوسبیدن و کوفه یه  
قربندن طولانی نفرت ایتکه باشلادی . چونکه  
حضرت علی بی و حضرت حسینی شهید ایتدکلری  
ایچون ( کوفه ) اها لیسندن قورقوردی . بونک  
اوزرینه بو شهری ترک و اسلاملرک اک مشهور  
پایتختی اولان ( بغداد ) شهرینی تأسیس ایلدی .  
دها صکره مشارالیه ، ابو مسلمک ، خلافتی  
عباسیلر نامه نصل آلدی ایسه کندیله رینک  
الندن آلفه ده اک مقتدر آدم اولدیغنی و بو آدم  
صاغ قالدقجه کندیسنک موقعی تهلکده قاله جغنی  
کورهرک انی حیلله ایله تلف ایتدی . منصورک

اتلاف واستیصال ایلدی .

(مأمور) دن صکره ۲۱۸ سنه هجریه سنده مقام خلافته جالس اولان (معتمد بالله) دولت عباسیه نك تشککندن بری ترکستان ولایتلرندن هدایا جمله سندن اوله رق خلفا سرایلرینه کوندریه کلن ترك کوله لرینی امور حکومتده چوقچه استخدام ایتمکه باشلادی . خلفا بونلردن چهره جه اك کوزلارینی و وجودجه اك صاغلارلارینی سچهرک کندی سرایلرینه استخدام ایدرلردی . بونلره (ممالیک) - کوله من - نامی وریلیدی .

دها صکره خلفا چوق مقدارده کوله من استخدامنه و بونلرک چوقاغیله افتخارده باشلادیلر . اودرجه ده که (معتمد) دورنده بویولده استخدام اولسان کوله منلرک مقداری یکریمی بیکه بالغ اولمش ایدی . بونلرهم اسلام اوله رق تعلیم و تربیه کورمش و اتتدار و درایت کوسستمش اولدقلرندن خلیفه لرم اصب دولتک برچوقلرینی بوکوله منلرک عهدده لرینه تودیع ایلدیلر . کوله منلر مناصب دولنده ترقی ایده ایده نهایت امارت و عسکرلرکک اک یوکسک درجه لرینه واردیلر . بونلک اوزرینه امور دولت بری ترك ، دیکری ابرانی اوله رق یکدیگرینه معادل ایکی قوتک تأثیر و تسخیری آلتنه کیردی .

(معتمد) معیتده بولنان عرب عسکرلرندن ماعددا مصرده خوف (شرقیه و دقهلییه) هالیمسندن بر طاقم آدملری عطیه و احسانلر ايله کندیسنه بنیدایدرک عسکر قیلندن معیتده استخدام ایلش و بونلره (مغاریه) نامی ویرمش

بو خصوصده معذرتی شوکه ابو مسلم برتهامکه ایدی ، ازاله سی اقتضا ایتدی .

(منصور) ک دور خلافتی هم محاربه و فتوحات ايله کچمشدر . کندیسندن صکره اوغلی (محمد المهدی) ، دها صکره (موسی الهادی) ، بونلردن صکره (هارون الرشید) ، (هارون) ن صکره اوغللری (امین) و (مأمون) مقام خلافته جالس اولدیلر . (رشید) و (مأمون) ک دور خلافتلری دولت عباسیه نك اکپازلاق ، اک شانلی و قوتلی دوری ایدی . ایلریده یرلی یرنده تفصیلاتیله کوسرتیله چکی اوزره ایشته بو دورده علوم و معارف رواج ولدی ، کتابلر ترجمه اولندی ، مملکت ثروت و سعاده مستغرق اولدی .

(منصور) ، خلافتی کندی الندن آلیر دییه ، ابرانی اولان ابو مسلمی اتلاف ایتدیکی حالده کندی حکومتده برچوق ایرانیلری استخدام ایلکدن چکناشمادی . (منصور) دن صکره مقام خلافتی احراز ایدن سائر خلفای عباسیه او یولده حرکت ایدرک ایرانیلری اوقوت دولتک اک بیوک مسندی اولان وزارت و وارنجیه قدر مناصب عالیده بولندیردیلر . ایرانیلرک بوصورتله ائده ایتدکلری نفوذ (رشید) ک زماننده دولته بیوک برغانه تشکیل ایتدی . ابرانی اولان و دولتک اکالی مناصبنی اشغال ایدن (برمکیلر) رشیدک زماننده بتون امور حکومتی خلیفه به بدل کندی اللرینه آله رق آرزو و کفیلرینه کوره حرکت ایتمکه باشلادقلرندن (رشید) مشهور اولدیغی وجه ايله بونلری

حردان) ك النده .

صروشام قطعهلری : ( اخشید ) ك النده .  
خراسان وماوراءالنهر : ( سامانیة ) نك  
النده .

طبرستان وجرجان : دیلمیلیرك النده  
بحرین ، یمامه : قرامطهك النده

حال وموقعه برقات دها وخامت ویرن  
مواددن بری ده سرای خدمه سی ایله عسکرک  
خلفا سیرایلرنده نفوذ وتحکم مطلقه مالک اوله رق  
امور دولته ایستدکاری کی حرکت وخلیفه لر  
حقنده هرنوع حقارت واذیت واشککنجه  
اجراسنه جرأت ایلیریدر . نته کیم ( مغاربه )  
وکوله منلرک ۲۵۵ سنه هجریه سنده کندیلیرنه  
آرزو ایستدکاری مقدارده معاش ویره .  
مدیکندن طولانی خلغ ایستدکاری خلیفه  
( معتز ) حقنده روا کوردکاری معامله کی .  
مذکور وقعه ده ( مغاربه ) وکوله منلر خلیفه نك  
اوطه سنه کیردیلر . آیغندن طوتوب قویه  
سورورکدیلر . طوپوزلر ایله دوکدیلر . کوملکینی  
ییرتدیلر . برچوق حقارتلردن صکره کندیسینی  
کونشده طوردوردیلر . بدبخت خلیفه کونشک  
شدتندن آیاقده طوره میوردی . بر آیغنی  
قالدیروب دیکرینی ایندیریوردی . متجاوزلردن  
بعضلری حالا اکالهلر یرلشدیریورلردی .  
زوالی آدم بو سسله لره قارشى الیرینی سپر  
بایوردی متعاقباً کندیسینی براوطیه صوقدیلر .  
قاضی ( ابن ابی الشوارب ) ی برجماعته برابر  
کتمیرهك بونلری خلغنه شاهد اتخاذایتدکدن  
صکره طالعسر خلیفه یی کندیسنه دها زیاده  
اشککنجه ، ایده جک اشخاصه تسایم ایلدیلر . اوج

ایدی . کذلک ( سمرقند ) ، ( اشروسنه ) ،  
( قرغانه ) اهالیسندن دخی برطاقم آدملر دها  
طوپلایه رق بونلری ( فراغنه ) اسمی ایله تسمیه ایتمش  
وکندیسنه طرفدار اتخاذایلش ایدی . ( معتصم ) دن  
صکره کان خلفا بویولده دهایلری کیدرک اقوام  
سائرهن بویله معیت خلقي وعسکری اولمق  
اوزره برچوق آدملر قوللانیدیلر . بونک اوزرینه  
امور حکومتده دولت علیه اجنبی عناصرک  
نفرذی چوغالمش وبوحال خلفانك النده قوت  
ونفوذ قالماسنه ووالیرك آرتق مرکز خلافتك  
اوامرینی دیکله میهرک یواش یواش کسب استقلال  
ایتملرینه باعث اولمشدر .

آرتق خلفانك نفوذ وحاکمیتی اوقدر  
آزالمش ایدی که کندیلیرینه طوغریدن طوغری به  
تابع قالان یرلر یالکدن ( فرات ) ایله ( دجله )  
آره سنده کی محللردن عبارت ایدی . هجرتك  
دردنجی عصری اوائلنده ایسه خلفانك نفوذ  
وحاکمیتی ( بغداد ) دیوارلرینك اوته سنه  
کچه میور ایدی . حق بغدادده بیله بسبتون  
صاحب نفوذ دکادیلر . عصر مذکورک ربع  
اولنده خلیفه ( راضی بالله ) زماننده ممالک  
اسلامیه آتیده کی حالد بولنوردی :

ولایات امراسی ( طوائف ملوک )

بصره : ( ابن رائق ) ك النده

خوزستان : ( بریدی ) نك النده

ایران : ( عمادالدین بن بویه ) ك النده

کرمان : ( ابوعلی محمد بن الیاس ) ك النده

ری ، اصفهان ، جبل جهتلی : ( رکن الدوله  
بن بویه وسائر ) نك النده .

موصل ، دیاربکر ، مضر ، ربیعہ : ( بنی



زماننده (طارق بن زیاد) و (موسی بن نصیر) ایدی . مشارالیهما قطعہ مذکورہ فی فتح ایتدکن صکرہ برطاقم امرا بورادہ خلفای امویہ نامنہ اجرای حکومت ایدی . بالآخرہ خلافت اسلامیہ نک عباسیلرہ انتقالی ایلہ (سفاح) ستون امویلری قتل واستیصال ایتدیکی زمان بونلردن خلیفہ (عبدالمکک) نس لئدن (عبدالرحمن بن معاویہ بن ہشام بن عبدالمکک) نامندہ بر دلیقانی جانی قورناردرق قاجغہ موفق اولمش ومغرب (نونس، جزایر، فاس) دن مرور ایتدکن صکرہ دکزی آشہرق اندلسہ کیرمشدر . اوصردہ اندلسدہ (عبدالرحمن بن یوسف الفہری) اسمندہ بری اجرای حکومت ایدیوردی . (عبدالرحمن بن معاویہ) انک اللدن مملکتی آلہرق قیصہ برمدت ایچون (سفاح) نامنہ خطبہ ارقوتندی . متعاقباً عباسیلر کندیسنی عزل ایتدکلرندن آرتق انلری طانیہرق ۱۳۸ سنہ ہجریہ سندہ کندی نامنہ اجرای حکومت ایتدک باشلادی . مشارالیہ (اندلس) قطعہ سنک اوصردہ پایتختی اولان (قرطبہ) یی اقامتکہ اتخاذ ایلمش ایدی . کندیسندن صکرہ برچوق امرا اندلسدہ اجرای حکومت ایتدی . بونلر ۳۱۷ سنہ سنہ قدر کندیلریہ (امیر) لقبی وریبورلردی . مذکور سہدہ مقام حاکمیتہ (ارچنجی عبدالرحمن) حکمککہ کندی نفسنہ خلیفہ نامی ویردی . مشارالیہ اندلس قطعہ سندہ مقام سلطنتہ جالس اولان خلفای امویہ نک الہیوکیدر . دفعات ایلہ فرنکار ایلہ

کون ، اوچ کیجہ (معتر) ، صو ، یتک ویرلیدی . بواشکنجہ لر بیتجہ دخی یر آلتندہ بر بودرومہ قویہرق منفذینی کیرچ ایلہ محکم صورتدہ قاباتیلر . بودروم خلیفہ نک ہم دیری ، ہم اولو ایکن مزاری اولدی .

مع مافیہ خلفانک دوچار اولدقلری بونجہ ضعیف وذلترغمأ خلافتی عباسیلرک اللدن آلمی نہ ایرانلیلر ، نہ ترکلر ، نہ مغاربہ ، نہ فراغنہ ، نہدہ قریش عربلرندن اولیان سائرلری خاطرلرینہ کتیرمام: لردر .

عباسیلرک بغداددہ خلافتلری تانارلرک چین چوللرندن مواساتلربنہ قدر دوام ایلدی . تانارلر بغداددہ کلنجہ شہری فتح و خلیفہ یی قتل ایتدیلر (۶۵۶ هـ) . خلیفہ نک اقرباوتعلقاتندن صاغ قالانلر مصرہ فرار ومصر حکمدارلری اولان کولہ منلرہ اتجا ایلدیلر . کولہ منلر بونلری حرمت ورعایت ایلہ قبول ایتدیلر . عثمانی بادشاہی سلطان سایم ۹۲۳ سنہ سندہ مصری فتح ایدنجہ بحث مخصوصندہ کوستریلہ چکی اوزرد خلافت بونلردن کندیسنہ انتقال ایلدی . عباسیلرندن الی خلیفہ قدر کبشدر . بونلردن اونوزیدیسی برنجیلری (سفاح) وصو ککجیلری (مستصم) اولمق اوزرہ عراقدہ خلیفہ نک ایتشلردر . دیگرلرینک خلیفہ لکی مصردہ ایدی .

### اندلسدہ کی دولت امویہ

اسلاملردن اندلسہ ایلمک داخل اولانلر ۹۴ سنہ ہجریہ سندہ ، شامدہ کی دولت امویہ

## مصرده فاطمیلر دولتی

دولت مذکورہ مغرب بلادندہ (مصردن)  
 ماعدا آفریقاسواحل شمالیہ سی (ظہور ایلدی)  
 فاطمیلر (جعفر صادق) واسطہ سیلہ کریئہ بی  
 حضرت (فاطمہ) یہ انتساب ایدرلر . بونلردن  
 ایلک اظہار خلافت ایدن ذات اوچنجی عصر  
 ہجری اواخرندہ (عبیداللہ مہدی) ایدی .  
 بوندن طولانی دولت مذکورہ یہ (عیبیدہ)  
 دخی دینیلیر . دردیجی عصر ہجری اورتہ سندہ  
 خلفای فاطمیہ نک حاکمیتی سردار (جوہر)  
 واسطہ سیلہ مصرہ قدر توسع ایلدی . مصر او  
 صرہدہ عباسیلرہ تابع ایدی . (جوہر) ۳۶۰  
 سنہ ہجریہ سنہ طوغری قطعہ مذکورہ یہ  
 فاطمیلر نامنہ فتح و (قاہرہ) شہرینی تأسیس  
 ایتدی . بوکون دخی بونام ایلہ معروف  
 اولان قاہرہ شہرینہ خلفای فاطمیہ دن  
 مصرہ ایلک دخول ایدن (المعزالدین اللہ) ہ  
 نسبتلہ (قاہرہ معزیہ) نامی ویرلش ایدی .  
 خلیفہ مشار الیہدن صکرہ کلن خلفای فاطمیہ  
 کردلردن و ترکلردن مرکب عرب اولین عناصرہ  
 دولت امورینک تودیعندن طولانی (بغداد) دہ کی  
 دولت عباسیہ نک اضمحلال و انقراضی موجب  
 اولان عین اسباب ایلہ دوچار اقراض اولنجہ یہ  
 قدر بورادہ اجرای حاکمیت ایلدیلر .

فاطمیلردن صکرہ مصرہدہ حاکمیت ۶۶۷  
 سنہ ہجریہ سندہ مشہور (صلاح الدین ایوبی) یہ  
 انتقال ایتدی . دولت فاطمیہ مصرہدہ حالا  
 کوزہ چارپار بیوک اثرلر برافشیدر . بالنفس

محرارباتندہ بولنہرق انلری مغلوباً کیری  
 چویرمشدر . مشارالیک وفاتندن صکرہ بر  
 جوق ذوات مقام خلافتدہ کندیسنہ خلف  
 اولمش ایسندہ انلردن ہیچ بری اکا نظیر  
 اولہ مامشدر . بشنبجی عصر ہجریہ اندلس  
 حکومت اسلامیہ سی طوائف ملوک نوعندن  
 برطاقم انقساماتہ اوغرادی . ہریردہ بررئیس  
 اجرای حکومت ایتکہ باشلادی . بونلرک  
 الک بیوکی (اشبیلیہ) عربلردن متشکل  
 (عبادہ) ایدی . دہا صکرہ بتون حاکمیت  
 طوائف ملوک حالندن (عبادہ) یہ انتقال  
 ایش ایسندہ بونلر فرنگلرہ قارشی طورہ بیلیمک  
 ایچون مغرب (فاس ، جزائر ، تونس) سر  
 حرلرندہ بونان حکمدارلرک معاونتارینہ  
 محتاج اولمشلر و بریکیلر اندلسہ کیردکلرندہ  
 قطعہ مذکورہ یہ بکنہرک برآز زمان صکرہ  
 فتح و کندی مملکتلرینہ ولایت اولہرق الحاق  
 ایشلاردر . اندلس قطعہ سی متعاقباً مختلف  
 احوال و حادثانک صحنہ وقوعی اولدقدن صکرہ  
 نہایت ۱۴۹۲ سنہ میلادیہ سندہ فرنگلرک  
 (اسپانیانک) زیر حاکمیتہ کچمش و تاریخ  
 مذکور اسلاملرک بوقطعہدہ الک صوک  
 علاقہلری زمانلرینی تشکیل ایتمشدر .

اندلس قطعہ سی تاریخ اسلامیدہ جدآپک  
 بیوک بر موقع اشغال ایدر . چونکہ مذکور  
 قطعہدہ پک جوق علما و شعرا یتشمش ، بر  
 جوق مکتبلر ، کتبخانلر تأسیس ولمش ، بر  
 جوق مبائی عالیہ و سرایلر انشا ایدلشدر .  
 بولری ایلریدہ یرلی یرندہ ذکر ایدہ جکیز .

کتابمژك ابتدا سندن بری دولت و مدنیت اسلامیة نك نصل تأسس ایلدیکی حقتده یازدیغمز مقدمات تاریخچه بوندن صکره یازدیغمز مدنیت اسلامیة تاریخچه کیچمک ایچون برطاقم تمهیدات قییلنددر . مقدمات مذکورده کورلیدیکی اوزره اسلاملر مختلف عصرلرده برچوق مدنی حکومتلر تأسیس ایلشلردر . آنجق حکومتلر مذکورده آره سنده مدنیتله اک اول واک زیاده اشتهار ایدن دولت اسلامیة حکومت عاسیه اولدیغسندن یازدیغمز بختلرده علی الا کثر بو دولتک تاریخ مدنیتة اهمیت ویه جکیز .

### مملکت اسلامیة وعدد نفوسی

ایلك دولت اسلامیة مقدمات آنفدهده کورلیدیکی وجه ایله برنجی سنه هجریه ده (مدینه) ده، تأسس ایتدی . اوصره ده اسلاملرک مقداری اوتر ایله صایله بیلر درجه ده آز ایدی . (مدینه) دیوارلرینک اوتیه سنده بولسان هریر اسلاملرک اولمادیکی کبی صحابه دن اولمیان هر انسان دخی اسلاملرک دشمنی عداولنوردی . اوئانده مملکت اسلامیة نك حدود و مساحه سی مدینه ایله اطرافنده بولان بعض یرلردن عبارت ایدی . مسائل شرعیة و امور حکومت مسجدهده ، یاخود حضرت پیغمبرک خانه سعادتلرنده ، یاخود صحابه کرامک خانه لرنده رؤیت اولنوردی . دولت اسلامیة دردنجی سنه هجریه ده قدر بو حالده دوام ایتدی . سنه مذکوردهده ( بنی

قاهره شهری ایله ( ازهر ) جامعی اوجه دندر . ( صلاح الدین ) دن صکره حاکمیت ، مشارالیهک اوغللرینه و برادرلرینه کیچدی . قاهره قلعه سی ( صلاح الدین ایوبی ) نك مصرده برقدینی آثار جله سندندر . ایوبیلردن صکره ایسه کوله منلر مقام حاکمیته کیچهرک عثمانی پادشاهی یاوز سلطان سایم طرفدن ۹۲۳ سنه هجریه سنده مصر فتح اولنجیه قدر قطعه مذکوردهده اجرای حکومت ایتدیلر .

ظهور اسلامیتدن بری تأسس ایدن حکومت اسلامیة اوقدر چوقدرکه بوناری تعداد ایتک لازم کلسه بختمزی پک چوق اوزاتمه مجبور اولورز . دول مشارالیهانک اسمارینی ، پایتختلرینی ، حکمدارلرینک عددینی ، حاکمیت سنه لرینی مبین برجدول ترتیب و ( الهلال ) ک دردنجی سنه نك ایکنجی نسیخه سنده نشر ایلش ایدک . بونک خلاصه سندن مستبان اولدیغه نظراً ظهور اسلامدن بو آنه قدر تأسس ایدن دول اسلامیة نك مقداری ۱۰۴ و عرب ، ایرانی ، ترک ، چرکس ، کرد ، هندی ، تانار ، مغول ، افغانلی عنصرلردن خلفا ، سلاطین ، ملوک ، امرا ، آنا بکلر ، اخشیدلر ، خدیولر ، شرفا ، بکلر ، داییلر و سائر داخل و ملق ارزردن مذکور دولته درده اجرای حکومت ایدن ذواتک مقداری ده ( ۱۱۹۵ ) بالغ و لمقددر . حکومت اسلامیة نك اک مشهور پایتختلری ( مدینه ) ، ( کوفه ) ، ( شام ) ، ( بغداد ) ، ( قاهره ) ، ( قیروان ) ، ( قرطبه ) ، ( استانبول ) ، ( صنعاء ) ، ( عمان ) ، ( دهلی ) و سائر در .



نضیر) ك اراضیسی مملكت اسلامییه الحاق  
ایدلی . برسنه صكره (خبر) ، دها صكره  
(فدك) ، (وادی القری) ، (تیاه) جهتلی ده  
بربری آرقه سنده فتح ایدیلر ك مملكت اسلامییه  
علاوه اولندی . اسلاملر دها صكره (مكه) ،  
(طائف) ، (تباه) ، (جرش) ی ، شمالدن  
(تبوك) و (ایله) یه قدر اولان یرلری ،  
جنوبدن ایسه (نجران) ، (یعن) (عمان) ،  
(بحرین) ، (یمامه) قطعه لرینی بربرینك  
آرقه سنده فتح ایدیلر .

پیغمبر ذی شان هجرتك اونجی سنه سنده  
ارتحال ایتدکاری زمان شوكت اسلامییه بتون  
جزیره العربی قاپلامشدی . حضرت پیغمبر تأسیس  
ایتدیکی مملكتك شمالاً (تبوك) و (ایله) دن  
جنوباً (یعن) سواحله و شرقاً عجم کورفزدن  
غرباً بحر احمره قدر تمتد اولدیغنی بالذات  
کور مشلردی .

حضرت (ابوبكر) مقام خلافته كچرك  
مرتدلر مسأله سنی برطرف ایلدكدن صكره  
(شام) و (عراق) قطعه لرینی فتح ایتك ایچون  
عسکر کوندرمش و حضرت عمر طرفزدن  
مذكور ایکی قطعه نك فتحی اكمال ایدلمشدر .  
حضرت عمر مصری فتح ایلدی . فتوحاتك  
اکثری حضرت عمر زماننده وقوع بولدی .  
حضرت عمر دن صكره حضرت عثمان دورنده  
دخی دیگر ممالك ، ممالك اسلامییه الحاق  
اولندی . مشارالیهك شهادتی متعاقب اسلاملر  
ظهور ایدن فتنه ایله مشغول اولدیلر . خلفای  
راشدین دورندن صكره (معاویه) مقام خلافته

کچنجه رایات اسلامییه (شام) ، (مصر) (نوبه) ،  
(آفریقا) ، (عراق) ، (ایران) ، (ارمنستان) ،  
(اذربجان) ، (جرجان) ، (طبرستان) و (اهواز)  
قطعه لری اوزرنده تموج ایتمکده ایدی .

اوصره لرده خلیفه (مدینه) ده (یاخود  
کوفه ده) اقامت ایدر و آدم لرینی ولایتلر والی  
اوله رق کوندریردی . ولایات اسلامییه نك اك  
بیوکی شام ولایتی ایدی . (حمص) ، (قسیرین) ،  
(اردن) ، (فلسطین) اردوگاهلری ایله سرحدلر  
بوولایتیه تابع بولنیوردی . شامدن صكره  
ایکینجی درجه ده ولایت عراق قطعه سی ایدی .  
(فرات) ایله (دجله) نهرلری آره سنده واقع  
اولوب (سواد) نامیه تسمیه ایدیلن محللر  
مذكور ولایتیه تابع یرلر ك اك مهمی ایدی .  
بو ولایتك مرکزی (فرات) اوزرنده کائن  
(کوفه) شهری ایدی . (سواد) دن ماعدا  
(بصره) جهتلی ایله (قرقیسیه) ، (ری) ،  
(اصفهان) ، (نهاوند) ، (اذربجان) ، (حلوان) ،  
(حمدان) ، (مازادان) جهتلی دخی عراقه  
تابع ایدی . جزیره العربده کی ممالك اسلامییه  
(مكه) ، (طائف) ، (بحرین) ، (عمان)  
و (صنعا) دن مرکب ایدی . آفریقاده ایسه  
مصر قطعه سی ایله مغرب ممالککی (طرابلس  
غرب ، تونس ، جزائر) و (نیل) وادیسنك  
یوقاریلرنده کائن (نوبه) قطعه سندن متشکل  
ایدی . خلیفه لر مدینه دن (یاخود کوفه دن)  
شامدن ماعدا مذکور قطعه لر ك جمله سنه رأساً  
مأموزلر تعیین و اعزام ایدرلردی . یالکیز  
شام قطعه سی والیسی شام شهرنده اقامت ایدر

آلنسه دوشمندن قورقه رق یکدیگرلریله برلشمکه و هر درلو فدا کارلقلری اختیار ایله اسلاملری رد و مغلوب ایتمکه قرار ویردیلر . ایکی طرف بئنده فرانسه داخانده (تورس Tours) ایله (پواتیه Poitiers) آردسنده برقاچ کون امتداد ایدن خونریز محاربه لر وقوع بولدی . عربلر بو محاربات حقنده غایت مختصر بعض معلوماتدن بشقه برشی یازمیورلر . حال بوکه فرنکلر بو محارباتی تفصیلات لازمه و اهمیت فوق العاده ایله یازیورلر [\*] و عربلر ده

[\*] ( غول ) قطعه سنک جهت جنوبیسه می اندلس عربلرنک فتوحاتنه معروض بولیوردی . ( آ کوئی تن ) دوق اولوب (لوار) نهرینک جنوبینده کی حوالیه حاکم بولان شهر (اود) اسلامله قارشی ابراز مقاومته خلی اوغراشدی ، حتی ۷۲۱ تاریخنده برحاربه بیله قازاندی . فقط اسلاملر ۷۲۵ سنه سنده (قاراقصون) و (سبتیانی) ایالتلرینی (نیم) شهرینه قدر فتح ایتدیلر و بوندن ماعدا (رون) نهری حوضه سنک جهت علیاسنه قدر ایلرولیه رک (اوتون) شهرینی دخی فتح و تخریب ایلدیلر . بونک اوزرینه (اود) دوق اسلاملر ایله مذاکره یه کیریشوب عقد مصالحه ایلدی . فقط (شارل مارتل) دوق شو حرکتندن مغیر اولدی . دوقه قارشی اعلان حرب ایلهرک (لوار) نهرینک اوتیه طرفه طوغرو ایکی اردو سوق ایتدی . مذکور اردولردن بری (واسقونیه) یه قدر ایلرله یاماشدی . ایرتمی سنه اسلاملر عبدالرحمنک قومانداسی آتئنده اولهرق ( غول ) قطعه سنک جنوب غربی حوالیسینی تکرار اشغال و (بورددو) شهرینی یغما و (پواتیه) شهرنده بولان (سنت هیایه) کلیسای احرافی ایلدیلر . اسلاملر (تور) شهری ایله بوشهر داخانده بونک ان مشهور (سن مارتن) کلیسای اوزرینه یورو مکده ایکن (اود) دوقنک مراجعتی اوزرینه قوشوب یتمش اولان شارل مارتل (پواتیه) ده کی

و معینه بولان اردو کاهلره کندی طرفندن مأمورلر تعیین ایلردی . کذلک مصرده بولان والی علی الاکثر (آفریقا) و (نوبه) یه کندی طرفندن مأمورلر تعیین ایدر ، کوندریدی .

حضرت (عمر بن الخطاب) ک زمانسندن خلفای راشدینک صوک دورینه قدر شام والیلکی (مماویه) نک عهده سنده ایدی . ده صکره یوقاریده کوسترلرلیکی اوزره مشارالیه کندی خلیفه یاهر ق مرکز خلافتی شامه نقل ایلدی . اول امرده بتون (جزیره العرب) معاویه یه بیعتدن چکنه رک حضرت علی یه ، ده صکره اوغللرینه بیعتده دوام ایتدی . حضرت حسین شهید اولنجه جزیره مذکوره (عبدالله بن الزبیر) ک عهده سنده قالدی . متعاقباً مشارالیه ۷۲ سنه هجریه سنده بشنجی خلیفه اموی (عبدالمک بن مروان) ک عهد سلطنتنده (حجاج) طرفندن شهید ایدلمسکه اوزمان (جزیره العرب) ممالک امویه یه اتحاق ایلدی . دولت اسلامییه ممالکی امویلر زمانده ده زیاده کسب وسعت ایتدی . امویلر اندلسی و مغربک اقسام غربیه تی فتح ایتدکن صکره اسپانیایک آرقه سنده (پیرنه Pyrenées) طاغلرینی آشهرق آوروپانک وسطنه ایلرلیک اوزره فرانسه یه آباق باصدیلر و ۱۱۴ سنه هجریه سنده (رون Rhone) نهرینه قدر فرانسه نک ایچربارینه طوغری کیتدیلر . فرنکلر بوتجا اوز اوزرینه اسپانیاده اولدینی کی کندی مملکتلرینک ده اسلاملرک استیلاسی

کورذکاری بسالت وشجاعت حقنده ستايشده بولنقدن ده کنديلرينی آله ميورلر . محاربات مذکوره ايمپراطور (شارلمان) ک بيوک پدري مشهور فرانسر قوماندانی (شارل مارتل - Charles-Martel) زماننده وقوع بولمش ایدی . فرانسرلر (شارل مارتل) ايله عربلر آرسنده ۷۳۳ سنه ميلاديه سنده غایت دهشتلی وخونريز محاربهلر وقوع بوله رق عربلرک اسپانيابه رجعتاريله منتهی اولديغی وبومحاربه لرده عربلرک قوماندانی عبدالرحمن شهيددوشديکفی ذکر ایدیورلر . (ابن لاثير) تاريخنده اويله بروقه يه دائر يالکيز شومعلومات کوريلور : «اندلس اميری (عبدالرحمن بن عبدالله الغفقي) ۱۱۴ سنه هجريه سنده (بوسنه تقريباً ۷۳۳ سنه ميلاديه سنه تقابل ايدر) فرنک مملکتنه غزايه چيقمش ايسه ده کرک کنديبی ، کرک برابرند ، بولنان عسکر شهيد دوشمشدر .»

پارلاق مظفرتی سایه سنده عربلری طور دبردی . (۲۵ تشرین اول ۷۳۴) . بو محاربه (پواتيه) جوارنده و اليوم (سه نون) تعبیر اولنان موقعده ، یعنی (شائله رو) ناحیه سنده (کیان) و (ویهن) صولرینک اتصال پیدا ایتدکاری نقطه ده وقوع بولمش ونتیجه ده عبدالرحمن شهيد اولمشدر . بونک اوزرینه اسلاملر کجه نك قراکغدن بالاسنقاده رجعت ایلدیلر .

غرب خرسه تیان عالمی تخلیص ایتمش اولان بومظفريت جوانک هر طرفنده شایع اوله رق هرکس بو محاربه حقنده مباغله لی ووايتلر اشاعه ایتکه باشلادی . حتی (اود) دوقی بابا يدنجی (غره غوآر) ه یازدیفی مکتوبنده اثنای محاربه ده (۳۷۵۰۰۰) اهل اسلامک شهيد ایلدیکفی بیان ایتکدن چکنمیدی . (غراند انستیتویده)

(شارل مارتل) زماننده وقوع بولان محاربهلر ايشته مشاراليه عبدالرحمن ايله معیتی عسکری طرفندن وقوعی بیان اولنان بوغزا اولسه کرک . بوراده الکزياده نظر دقت واعباره آلنسی لازم کان بر نقطه یی ذکر ایتدن کچه ميه جکيز : عربلر اوروپاده فرانسرلرايچون بيوک برمظفريت عدايدیلن مذکور محاربه لرده مظفر اوله . ايدینار اسلامیت فرانسه ده ودها صکره بتون اوروپاده انتشار ایده جکیدی . چونکه فرانسرلر عربلری مدافعه ده ، اوروپا قوملک الک قوتایسی ایدیلر . لسان عربی دخی آسیا و آفریقا قطعده . لرنده بولنان اقوامک قسم اعظمک وسار عالم اسلامینک نصل لسانی اولدی ايسه اوروپا اقوامک ده لسانی اوله جقدی .

امويلرک (ایران) و (خراسان) مکتلرنده کی فتوحاتی ده هندستان حدودینه قدر توسع ایتمش ایدی . امویلر زماننده مملکت اسلامیه نك اقسامی آتیده کی جدولده کوسترلشدر :

- ۱ شام (درت اردوکاهه منقسم ایدی)
  - ۲ کوفه
  - ۳ بصره (ایران ، سيجستان ، بحرین ، عمان قطعهلرینی شاملدی)
  - ۴ ارمنستان
  - ۵ مکه
  - ۶ مدینه
  - ۷ آفریقا
  - ۸ مصر
  - ۹ یمن
  - ۱۰ خراسان
- بالاخره خلافت ، عباسیلرده کچجنه ولایتلر



آیری بولنورایسه بولنسون ، اسلام مملکتی  
ایدی ؛ حکمدا لری ده مسلمان ایدی .

عباسیلر دورنده مملکت اسلامیة نك حدودی  
شمالاً آسیاده ترکستانك یوقاری طرفلرینه  
واسپانیایك شمالنده (پیرنه) طاغلرینه، جنوباً  
عرب دکزینه و بحر محیط هندییه و آفریقا  
صحرای کبیرینه ، شرقاً هندستاندن سندونخج  
مملکتلرینه و غرباً دخی بحر محیط اطالانتیکی به  
قدر متمد بولنیوردی . بومساحه اوروپا  
قطعه سنك ایکی مثاندن زیاده در .

موضوع بحثن اولان شومملکت واسمه نك  
عباسیلر دورنده بالغ اولدیفی بیوکلکی کوسترمك  
ایچون (اعمال) ك - والیلکلكرك - اسملریله  
مقدارینی بیان ایدلم :

سواد	همدان	طبرستان	فرات یولی
اهواز	ماسبدان	تکربت قنسرین	وعواصم
ایران	مهرجان قنق	شهرزور	حصص
کرمان	ایغارین	صامغان	دمشق (شام)
مکران	قموقاسان	موصل	اردن
اصپان	اذربجان	دیار ربیعہ	فلسطین
سیجستان	ری	ارزن و میافارقین	مصر
خراسان	قزوین	طرون	حرمین
حلوان	زنجان	ارمنستان	یمن
کوفه	قومس	آمد	یمامه و بحرین
بصره	جرجان	دیار مصر	عمان

عباسیلره تابع ممالک اسلامیة ده بولن  
(اعمال) - والیلکلكرك - بونرا ایدی .  
اندلسده امویلره تابع اولان مملکتلر  
بوجدوله داخل دکلدر . اندلسده کی دولت

بر وجه آتی ترتیب ایدلمشدر :

- ۱ کوفه ، سواد ( فرات ایله دجله آره -  
سنده کی محللر ) ولایتی
  - ۲ بصره ولایتی ( مرجان قباددن دجله  
اطرافنده بولنان بلدلره و جنوباً بحرین  
و عمانه قدر بتون لرلر بولایتیه داخل  
ایدی )
  - ۳ حجاز و یمامه ولایتی
  - ۴ یمن ولایتی
  - ۵ اهواز ( خوزستان و سوزیانا ) ولایتی
  - ۶ فارس ( ایران ) ولایتی
  - ۷ خراسان ولایتی
  - ۸ موصل ولایتی
  - ۹ الجزیره ولایتی ( بین النهرین ، ارمنستان ،  
اذربجان )
  - ۱۰ شام ولایتی
  - ۱۱ مصر و آفریقا ولایتی
  - ۱۲ سند ولایتی ( هندستان حدودنده )
  - ۱۳ اندلس ولایتی
- دولت عباسیه زماننده ممالک اسلامیة نك  
کسب ایتدیکی وسعت ظهور اسلامدن بو آه قدر  
کسب ایتدیکی وسعتك الك بیوکنه بالغ اولمش  
ایدی . امویلرك الله کچن ( اندلس ) کبی بعض  
قطعاتك عباسیلرك الندن چیقمسی و ( طاهریه ) ،  
( سامانیه ) ، ( اغالبه ) ، ( طولونیه ) و سائر  
کبی بعض امارتلرك استقلال ایتسی بودیدیکمزی  
اخلال ایده مز . زیرا ( اندلسدن ماعدا ) ممالک  
مذکورہ نك جمله سنده خلیفه عباسی نامنه خطبه  
اوقونوردی . برده بودولتلر نه مرتبه آیری

باقیسیدر .

( مملکت اسلامیہ نك عدد نفوسی ) : —

مملکت اسلامیہ نك او دوردہ کی عدد نفوسی  
بیلک بوجہ تعلق ایدن موادنددر . فقط بو  
یولہ مکمل معلومات بولمق امکان خارجنددر .  
چونکہ عربلر کندی مملکتلر ندہ بولنان نفوسک  
تعدادینہ پک آز اهمیت ویرمشاردی . مملکت  
مذکورہ نك اوزمانلردہ کی نفوسی حقندہ اولدقجہ  
طوغری معلومات ویرہ بیلک ایچون شمعیکی  
حالی ایله نابیع اولدینی دولتری و مقدار نفوسی  
ذکر و حال حاضر ی ایله حال سابق آرہ سندہ  
بر مقایسہ اجرا ایلکدن بشقہ چارہ یوقدر .  
مملک مذکورہ الیوم آتیدہ کی حالہ بولنیور :

مملکتلرک تابع اولدقلى حال حاضرده کی  
اسملری دولت مقدار نفوسی

۹,۰۰۰,۰۰۰	منقل	بتون ایران مملکتی
۴,۰۰۰,۰۰۰	»	افغانستان
۵۰۰,۰۰۰	انکلتره	بلوچستان
۳,۰۰۰,۰۰۰	»	سند
۴,۰۰۰,۰۰۰	روسیہ	ترکستان
۵,۹۰۰,۰۰۰	»	قافقاسیا
۲,۵۰۰,۰۰۰	عثمانلی	ارمنستان و کردستان
۲,۵۰۰,۰۰۰	»	عراق و الجزیرہ
۲,۷۱۱,۰۰۰	»	سوریہ و فلسطین
۵,۰۰۰,۰۰۰	»	جزیرہ العرب
۱۰,۰۰۰,۰۰۰	»	مصر قطعہ سی
۱,۰۰۰,۰۰۰ (۴)	سودان	نوبہ و سودانک
	حکومتی	بعض اقسامی
۱,۰۰۰,۰۰۰	عثمانلی	طرابلس غرب

امویہ بغداددہ کی دولت عباسیہ معاصر  
بولنیوردی . اندلس امویلری بحرسفیدہ کائن  
آطہ لردن صقلیہ - سیچیلیا - ، مالطہ و سائرہ ی  
فتح ایلشلا ایدی . مذکور ولایتلردن هر ولایتہ  
ایلدی کوریلہ جکی اوزرہ خلیفہ ، یاخود وزیر ی ،  
یاخود قائم مقامی طرفندن بر ( عامل ) والی  
تعیین اولنیوردی . مذکور اعمالک  
- بوزمانک اصطلاحنہ کورہ والیدکلرک -  
عددی قرق درده بالغ اولش ایدی . بونلرک  
هر برندہ بروادها فضلہ آریجہ بیت المال (دفتر-  
دارلق و محاسبہ ) ، آریجہ خراج دیوانی (ویرکی  
دائرہ سی ) ، آریجہ قاضی (نائب) بولنیوردی .  
ممالک مذکورہ نك اہالیسی عرب ، ایرانی ،  
ترک ، کرد ، مغول ، افغانلی ، ہندی ، ارمی ،  
سریانی ، کلدانی ، روم ، غوت ، قبطی ،  
نوبہ لی ، بربری لردن اولمق اوزرہ اوزمانکی عالم  
مندیتدہ یاشایان اقوامک قسم اعظمی تشکیل  
ایدیوردی . اقوام مذکورہ عربی ، فارسی ،  
پہلوی ، ہندی ، رومجہ ، سریانی ، ترکیجہ ،  
ارمنیجہ ، قبطیجہ ، بربریجہ و سائرہ لسانلریلہ  
تکلم ایدرلردی . مرور زمان ایلہ بونلرک بر  
قسمی شام ، مصر ، مغرب ، عراق قطعہ لری  
اہالیسی کی لسان اصلیلرینی بسبتون اونوددرق  
عربجہ انلرک لسانی کسلمش ، بر قسمی دہ  
ایران ، ترکستان ، ہندستان ، افغانستان اہالیسی  
کی عربجہ ، لغت اصلیلرینہ قارلشمشدر .  
بوکونہ قدر آسیا و آفریقا اقوامندن قسم اعظمی  
کندی لسانلرینی عربجہ حرفلر ایلہ یازارلر .  
بوایسہ ذکر ایتدیکمز او بیوک مدینتک برائر

اولدینی کورلمشدر. (بالل) زماننده جدولارک  
 بوقدر چوقلغنه احتمال ویره یوردم. فقط دها  
 صکره بصره جهتلرینک برچوق اقسامی بالذات  
 طولاشدم. بعضاً براق آتمدن زیاده مساحه سی  
 اولیان یرلرده متعدد جدولار کوریوردم.  
 بو کوچک نهرلرک جمله سنده کوچک قایقار  
 ایشلیوردی. جدولاردن هر برینک، حفرایدن  
 ذانک اسمنه، یاخود دوکولدیکی یره نسبته بر  
 اسمی واردر. بناءً علیه بو مسافه نك طول  
 وعرضنده اومتقارده جدولار بولندیغنه احتمال  
 ویرمکه باشلام. یوز یکریمی بیک جدول  
 حفزینه لزوم کوسترن بریرده اهلینک نه درجه  
 چوق اولق لازم که جکنی آرتق سزدوشونکزه.  
 مرکز خلافت و (دارالسلام) اولان  
 (بغداد) کده اودورلرده بالغ اولدینی درجه  
 معموریت ومدنی نظر دقته آلتی لازم کلیر.  
 مشارالیه (اصطخری) دردنجی عصر هجریده  
 شهر مذکور بالذات مشاهده ایتدکن صکره  
 شویولده توصیف ایلور: «بغدادده خلفا  
 سرایری ایله باغچه لری بغداددن (بین) نهرینه  
 قدر فاصله سز بر دیوار ایله ایکی فرسخ (هر فرسخ  
 اون ایکی بیک آدم) مسافه یی اشغال ایتدکن  
 صکره (بین) نهرندن دجله کنارینه متصل  
 اولور. مبانی مذکوره بونقطه ده دارالخلافه -  
 خلافت سرایی - ایله برلشیر و (دجله)  
 اوزرندن بش میل امتدادنج (هر میل درت  
 بیک آدم) (شما سیه) یه چیقار. (شما سیه)  
 غرب طرفندن حریبه جهتنه قارشی قارشی به در.  
 مبانی مذکوره بورادن دخی (کرخ) ک صوکنه

جزایر	فرانسه	۴,۴۲۹,۰۰۰
تونس	»	۱,۵۰۰,۰۰۰
فاس	مستقل	۹,۰۰۰,۰۰۰
اسپانیا	»	۱۷,۰۰۰,۰۰۰
قبرص	انگلتره	۲۰۹,۰۰۰
کرید	عثمانی	۲۹۴,۰۰۰
<hr/>		
		۷۲,۶۴۳,۰۰۰

اوزمانکی مملکت اسلامییه یی تشکیل ایدن  
 قطعانک بوکونکی مقدار نفوسی بالاده کورلدیکی  
 اوزره (۷۲) میلیون، (۶۴۳) بیکدن عبارتدر.  
 حال بوکه بو عصرده برچوق اسلام شهرلری  
 وممالکی، باخصوص عراق قطعه سی، یاخود  
 فرات ایله دجله آره سنده کی یرلر وعلی الاخص  
 بغداد، بصره، کوفه وسائر عراقی شهرلری  
 اودورده کی حالنه نسبته پک خراب برحاله  
 بولمقده در.

(اصطخری) (بصره) نک اوزمانکی حالی  
 عقله وله وحیرت ویره جک صورتده توصیف  
 ایلور. مشارالیه ک بو خصوصده ویردیکی  
 معلوماتی (عراق) جهتلرینک اودور زرینده  
 نه حالده بولندیغنی کوسترمک ایچون بروجه آتی  
 نقل ایدیورز:

«بصره، عربلر طرفندن تأسیس اولنش  
 بیوک برشردر. صوبی هپ نهرلر تشکیل  
 ایدر. سیاحیندن بعضلرینک روایتیه کوره  
 (بصره) نک اطرافنده بولنان نهرلر (جدولار)  
 (بالل بن ابی برده) نک والیدکی زماننده  
 تعداد اولنه رق جمله سی قایق مروینه مساعد  
 اولق اوزره بونلرک یوزیکرمی بیکدن زیاده



شهرلر کی .

مصره کنجیه عرب مورخلرینک ویرد .  
 کلری معلوماته نظراً اسلاملر قطعه مذکورینه  
 فتح ایتدکلری زمان مصرک سن رشده بالغ  
 اولانلر ایله بوسندن دما بیوک بولنان ذکوردن  
 مرکب اولق اوزره عدد نفوسی (قادیلر ،  
 چوجقلر ، اختیارلر بوتعداده داخل دکل)  
 سکیز کره بیک بیک ، یعنی ۸،۰۰۰،۰۰۰ ایدی .  
 نفوس مذکوردهن یالکیز اسکندریه ده  
 ۳۰۰،۰۰۰ بولنیوردی . ذکر اولنان مقداره  
 قادیلر ایله چوجقلرک واختیارلرک عدد نفوسی  
 علاوه ایدرسه مقدار نفوس (۳۰) میلیونه  
 بالغ اولور . حال بوکه بومقدار الیوم مصر  
 قطعه سی اهاالیسنک اوچ مثله معادلدر . احتمال که  
 ذکر ایلدیکمز شومعلومات وهله اولاده شایان  
 قبول کورولمز . فقط تعمیقات اجرا اولتور-  
 ایسه شهیرلر ، ترددلر یاواش یاواش زائل اولغه  
 باشلار . عرب مورخلرینک ویردکلری معلوما-  
 تک خلاصه سنه باقیلیرسه مصر او صرهلرده  
 بولاق و ثروت ایچنیده ومعموریتک متماسنده  
 بولنیوردی . (مقریزی) دییورکه : « (هشام  
 بن عبدالملک) (۱۰۸ سنه هجریه سی) مصر  
 خراجی اوزرینه مأمور بولنان (عبیدالله بن  
 الحبحاب) ه قطعه مذکورده مساحه اجراسی  
 امر ایتش ایدی . (عبیدالله) اراضی یی  
 بالنفس مساحه ایتدی . (نیل) نهرینک  
 صولادینی اراضی زراعیه نیک ۳۰،۰۰۰،۰۰۰  
 فدانه زبردان تقریباً ۴۲۰۰ متر و مر بئنده مصرده  
 مستعمل برنوع دومن) بالغ اولدینی آکلاشدی .

قدر (دجله) بونجه امتداد ایدر . . الخ . «  
 مشارالیه بغداد سرایلرینک وسعتی حقنده مذکور  
 معلوماتی ویردکدن صکره (فرات) ایله (دجله)  
 آرده سنده بولنان یرلرک معموریتی حقنده دخی :  
 « بغداد ایله کوفه (یاخود دجله ایله فرات)  
 آرده سی یکدیگرینه بتیشیک و خالی یر قالماق  
 شرطیله کثرتلی کوی وقصه بلردن مرکبدر .  
 بولنرک جمله سندن (فرات) دن آلتش نهرلر  
 مرور ایدر « معلوماتی ویردک (فرات) دن  
 (دجله) یه قدر حفر اولنان نهرلری ده تعداد  
 ایلدور .

شمعی راو معموریتی دوشونملی ، برده  
 (بغداد) ک بوکونکی حانی کوز اوکنه کتیرملی .  
 آرده نه دهشتلی فرق کورولور ! . بتون  
 بصره ولایتک حال حاضرده مقدار نفوسی  
 ۲۰۰،۰۰۰ وبغداد ولایتک مقدار نفوسی ده  
 ۸۵۰،۰۰۰ دن عبارتدر . فکریمز کوره  
 بوایکی ولایتک بوکونکی مجموع نفوسی  
 اودورلرده یالکیز (بغداد) شهرینک حاوی  
 اولدینی نفوسدن یک چوق آشاغیدر . الیوم  
 اهمیتدن دوشمش برحالد بولنان (شام) وسائر  
 شهرلرینده آکا کوره قیاس ایده ییلیرسکیز .  
 بوندن ماعدا دما برطاقم شهرلر واردرکه  
 اوصره لرده اک پارلاق بردور کچیرمش ایکن  
 الیوم اسمی وار ، جسمی بوق شیلر صره سنه  
 یکمیشدر . مصرده (فسطاط) ، عراقده  
 (کوفه) ، آفریقاده - تونسده - (قبروان) ،  
 حورانده (بصری) شهرلری و بوراده ذکر  
 تطویلدن بشقه فائده یی موجب اولیان سائر

ایتدیکمز مساحیه پک قریب برصورتده  
تقدیر ایدیورلر . ( مقریزی ) دیورکه :  
« مصر قطعه سنده اک صوک اجرا اولنان  
کشیفات و تدقیقات نتیجه سنده مصر اراضیسنک  
مدت حراشی آلتش کون و مساحه اراضیسنک  
۱۸۰,۰۰۰,۰۰۰ فدان و بوندن زرع اولنان  
اراضیسنک ( اوچنجی عصر شجری اواسطنده )  
۴۴,۰۰۰,۰۰۰ فدان اولدینی آکلاشلمشدر .  
مصردن ، دائمی صورتده چالیشر چفتجیلرک  
عددی ( ۴۸۰ ) بیکه بالغ اولمازسه ، تمام  
خراج آلنه ماز . . الخ . دیمک اومعموریت  
حقیقی ایدی . بوکجی بیوک بر معموریت  
( قرطبه Cordoue ) ، ( غرناطه Grenade ) ،  
( طلیطله Tolèds ) کی اندلس قطعه سنده  
بولنان بلاد مهمه اسلامییه دخی مستغرق  
بولنیوردی . عراق قطعه سنده تعداد ایدیلهمیه جک  
درجده پک چوق شهرلر موجود ایدی که  
اوصره لرده بیوک بر شهر ایکن بوکون بررکوی  
مرتبه سنه تحویل ایشدر .

بالاده عرض ایتدیکمز معموریتی و اوزمانکی  
احوال سائرهمی نظر دفته آله جق اولورساق  
ممالک اسلامییه نك اک معمور بولندینی زمانلر -  
ده کی مقدار نفوسنی ( ۲۰۰ ) میلوندن ( ۲۵۰ )  
میلون راده سنده تخمین ایتکلمک اقسا  
ایدر . بوا یسه بتون آروپا قطعه سی اهالیسی  
مقدارینه یا قلاشیر . ایلریده ( ثروت ممالکت )  
بختنده بو موضوعه عودت ایده جکیز .

حال بوکه بومقدار اراضی بوکون مصرده زرع  
ایدلکده اولان اراضیسنک اوج وئیلدر . چونکه  
مصر حکومتک اراضی زراعیه نك تزییدی  
ایچون صرف ایتدیکی بونجه مساعی وفداکارلغه  
رغمأ بوکون قطعه مذکورده موجود اولان  
اراضی زراعیه نك مقداری آلتی میایون  
فدان دن آذر . برده اساساً ( نیل ) وادیسنک  
بتون مساحه سی یعنی نیل نهرینک ایکی  
کناری اوزرنده کائن ( بحری ) و ( صعید )  
جهتلیرنک بالجله اراضیسی آلتی میایون فدانن  
پک آز فضله ساحه ده بولنیور . احواله فتوحات  
اسلامیه صره سنده اراضی زراعیه نك بومقدارک  
بش مثلی اولسی محال کی عد اولور . فقط  
قراشدن و سائردهن آکلاشیلورکه عربلر نیل  
وادیسنه مجاور شرق جهتندن بحر احمره و جنوب  
جهتندن ( وادی النطرون ) طوغری اولان  
یرلری ده قابل زاعت برحاله کتیرمشلردی .  
مصر قطعه سنده مساحه سطحیه سی ( لیبیا )  
صحرا سنده بولنان واحلر و نیل ایله بحر احمر  
آره سنده کائن یرلر ونهر مذکور ایله ( عریش ) ه  
قدر بحر سفید آره سنده بولنان اراضی جمله  
داخل اولدینی حالده ( ۴۰۰ ) بیک میل مربعندن  
فضله در . بوا یسه ۱۸۷ میایون ( فدان ) ه معادلدر .  
بناءً علیه بوقدر بیوک اراضیسنک ۳۰ میایون  
فداننک قابل زراعت برحاله کتیرلش اولسی  
وا هالینک ده اوتوز میلوندن مرکب بولنسی  
مستبعد کورلما لیدر .

بوکا دلیل اولمق اوزره عرب مورخلری  
مصرک مساحه سی و اراضی زراعیه سی ذکر

## دولت اسلامیه ده مناصب

و  
دوائر حکومت

( دولت اسلامیه ) : — برنجی سـنـه  
هجریه ده ( مدینه ) ده عدداً عشراقی تجاوز  
ایتمین مهاجرین و انصارین مرکب صحابه کرامدن  
تشکیل ایدن دولت اسلامیه مساوات ، اخوت  
و معاونت اساساری اوزرینه قورولمشدر. حضرت  
پیغمبر « کیم یتیم و عیال ترک ایدر ایسه  
بزه ، کیم مال ترک ایدر سه ورثه سنه قالیر » مألنده  
اولان حدیث شریفدن مستفاد اولدینی اوزره  
بین المسلمین اموالی ، امور و خصوصاتی توحید  
ایتمک صورتیه کندیلرینی قاردش پامش و منافعه ده  
بو صورتله اشتراک اسلاملر آرسنده اتحادک  
ازدیادینه باعث اولمشدر . او صره لرده امور  
سیاسیه و اداریه و دینه دن عبارت بولنان دولتک  
امور و خصوصاتی حضرت پیغمبرک ذاته  
انحصار ایدیوردی . بونلرک باشلیجه لری دینه  
متعلق اولان صلات ، زکات و سائر در . بز  
بو خصوصاتدن دینی بر نظر ایله دکل ، آنجق  
دولتک تأسیسنده حائر اولدینی دخل و تعلقدن  
طولایی بحث ایده جکز .

جماعته نماز قیلمق دنیاده اتحاد و امامه  
اطاعت فوائدینی موجب اولمشدر .

زکاته کانجه بو ، دولتک مدار قیام واس  
انتظامیدر . زکات بوکون مالیه نظارتی تسمیه  
ایتدی کمز ( بیت المال ) ک اصل و منشأیدر .

معلوم اولدینی اوزره دولتلر ، سلطنت ،

یاخود جمهوریت نوعندن اولسون ، مقید و یا  
مطلق بولنسون ، هر نه شکله اولور سه اولسون  
یکدیگرندن مختلف و تعدادی غیر قابل برطاقم  
قوانین و نظاماته تابع بولنورلر . آنجق یالکیز  
ایکی شیده برلشیرلر . اوده ( پاره ) ایله ( عسکر ) ددر  
چونکه بر دولت هر هانکی شکله اولور سه  
اولسون پاره سز ، عسکر سز اوله ماز و یاشایه ماز .  
احتمالک دیگر زمانلردن زیاده بالخاصه زمان  
تأسیسنده دولتجه پاره و عسکره احتیاج ده  
زیاده اولور . ایلك دولت اسلامیه ده اسلاملر ؛  
عسکری و نماز و اخوت ایله اتحاد لرینی ؛ عسکری  
نظاماتی ، زکات دخی عسکره لازم اولان  
اموالی تشکیل ایدیوردی .

دولت اسلامیه نک رکن اصلدینی « واقیموا  
الصلاة و آتوا الزکاة و ارکعوا مع الراکعین »  
آیت کریمه سنده وارد اولدینی وجه ایله « صلات ،  
زکات ، رکوعه و ارانلر ایله رکوع » تشکیل  
ایدر .

زکاتدن مقصد زکین اسلاملردن ماللردن  
آرتان فضله دن بر مقدارینی آلوب فقیر اسلاملره  
و بر مکه دین اسلامینک اساسی اولان اتحادی تقویه  
و تمکین ایتمکدر . بوفضله ، زکات اوله رق آنیر ،  
صدقه اوله رق و یرایر . حضرت پیغمبر کبار  
صحابادن ( معاذ بن جبل ) ی یمنه کوندر دیک زکات  
جانب پیغمبریدن کندیسنه توجیه اولنان آتیده کی  
سوزلر ذکر ایتدی کمز نقطه یی نه قدر بایغ  
کوستریور : « اهل کتابدن برطاقم خلقه  
واریورسک . کندیلرینی وحدت الهمیه و نبوت  
محمدیه شهادتنه دعوت ایت . اطاعت ایدرلر ایسه



جناب حَقِّ كُونده بش دفعه نمازی فرض  
بیوردیغی کندیلرینه بیلدیر . بوكا اطاعت  
ایدرلرایسه زنکیملرندن آنوب فقیرلرینه  
ویریلیر ، کدیلری اوزرینه جناب حق طرفندن  
برصده فرض اولندیغی آكلات . بوكا اطاعت  
ایدرلرسه صاقین انلرك اصل ماللرینه طوقونمه .  
مظلومك بددعاسندن حذرایت . زیرامظلومك  
تظلمی ایله جناب حق آردسندده پرده وحائل  
یوقدر . »

زكاتك زنکیملر اوزرینه فرض ایدیلوب  
فقیرلره ویرلمسندده غایت بیوك برحکمت واردر .  
چونكه بواصول ، باخصوص استبدادواحتسار  
ایله تمیز ایدن ابستدائی عصرلرده ، ملتك  
اکثریتی تشکیل ایلین فقرایی خشنود ایدر .  
اسلامیت ضعیفه معاونت ایتك وضعیف ایله  
قوتلی بی مساوی قيلمق ایچون نازل اولمشدر .  
ایشته بو سببندركه حضرت محمد دشمین  
کسیملر فقرایی کندی ماللارنده شريك اتخاذ  
ایتمك ایسته مین وانلر ایله مساوی برحاله  
بولمغه تنزل ایتین بیوكلر وزنکیملر ایدی .

ایکینجی سنه هجریه ده ( بدر ) غزوه سنك  
وقوعندن صكره غنائم وجزیه دن واردات  
کلمکه باشلادی . بونك اوزرینه كرك حضرت  
محمد ، كرك ( ابوبكر ) زمانلارنده واردات  
دولت بری زكات ، دیگرى غنائم ، بردیکرى ده  
جزیه وسائر اولمق اوزره اوچ منبعه انحصار  
ایدیوردی . زكات اسلاملرك زنکیملرندن  
طوبلانیلوب فقیرلرینه ویریلوردی . غنائم  
محاربه لرده اله کچن اموال اولوب مجاهدین بیننده

آئیده کوستريله چکی صورتده تقسیم ایدیایوردی .  
( جزیه ) ایسه ( جزیره العرب ) وسائرده مقیم  
موسویلر وخرستیانلردن اسلاملرك حمایتلری  
آلتیه کیرن اقوامدن آلان ویرکی ایدی . بو  
اموالك جمع وتوزیعنه نظارت اولجه حضرت  
نبی ، ده صكره خلفانك عهدده سنده ایدی .  
مدینه یه مال کلدکجه مسجده کوتورولور ،  
حضرت پیغمبر ، یاخود خلیفه سی طرفندن  
هیچ برشی قالمیجه یه قدر هپ اسلاملره توزیع  
اولنوردی . بوتوزیعاتده بیوك ، کوچك ، حر ،  
کوله ، ارکك ، قادین آردسندده فرق طوتولمازدی .  
حضرت ( عمر بن الخطاب ) ك زمان خلافتنده  
مالك فتح ایدیلررك عربلر ، روم وایرانلر ایله  
اختلاط وحاکیمت اسلامیه توسع ایدنجه منابع ثروت  
چوخالدی . بناء علیه بووارداتی برقیدوضبط آلتیه  
آلمغه وواردات ومصارفاتك آكلاشللمسندده لزوم  
کورلدی . حضرت ( عمر ) وارداتك بردقتره  
قید وضبطی وبو وارداتدن رجال حکومته  
هرکسك استحقاق ولیاقتی درجه سنده سنوی  
معین معاشر ویرلدکدن صكره فضله وارداتك  
لزومنده اندن استفاده ایدمك اوزره حفظ  
وابقاسی مناسب کوردی . مشارالیهك بوتشبی  
هجرتك یکرمنجی ( دیگر بر روایت کوره اون  
بشنجی ) سنه سنده وقوع بولدی . تشکیل  
اولان بو دائره ایرانلرده وروملرده او وقت  
موجود اولان دوائر قیلندن اوله رق ( دیوان )  
نامیه معروف ایدی .

حضرت عمر اطرافنده بولنان مسلمنانلرك  
دولت اسلامیه نك تأسیس وتوسیع امرنده

مختلف موقع ونفوذ مالک اولاد قلربی کوردیکندن  
 بولردن هر برینه دولت اسلامیه نك تأسيس  
 و توسیعی اوغرنده کی درجه خدمتته کوره معاشلر  
 تخصیصی مناسب کوردی . بونکله برابر  
 حضرت پیغمبره اولان قرابتی ده نظر دفته  
 آلهرق بونلری ایلریده تفصیلاتیه یازه جغمز  
 اوزره صورت مخصوصه ده ممتاز طوتدی .  
 دولتجه وقوع بولان بو واردات و مصارفانک  
 قید و ضبطی خصوصی برکاتبه حواله ایلدی .  
 فقط بالاخره منابع واردات ده از یاده آرتهرق  
 ( مدینه ) یه پک چوق پارملر کلمکه باشلادیغندن  
 حضرت عمر اموالک وضع و ضبطنه مخصوص  
 بر خزینه و یا بر خانه تأسيس ایدرک بوکلا ( بیت المال )  
 نامنی ویردی . خلفای اسلامیه ایچنده  
 ( بیت المال ) ی ایلک تأسيس ایدن ذات حضرت  
 عمر در . واقعا حضرت ( ابوبکر ) زماننده  
 دخی ( بیت المال ) ک اسمی ذکر اولیوردی .  
 فقط اودورده کلن اموالدن حفظ ایدلمک اوزره  
 برشی قالمادیغندن بالفعل ( بیت المال ) موجود  
 دکل ایدی .

خلفای راشدین دوری بیتدیکی زمان  
 ( ۴۰ سنه هجریه سی ) مناصب حکومت شکل  
 آتیده ایدی : ( ۱ ) خلیفه ، ( ۲ ) ولایاتده  
 والیر ، ( ۳ ) مخبراته و واردات و مصارفات  
 قیودینه باقی اوزره خلیفه نك کاتبی ( ۴ ) خلیفه  
 ایچون حاجب نامی ایله تسمیه اولنان خصوصی  
 خدمتیجی ، ( ۵ ) بیت المال متولیس اولهرق  
 خزینه دار ، ( ۶ ) دعاری یه باقی ایچون قاضی .  
 متعاقباً خلافت امویلر کینجه خلافت

پادشاهلق شکلی آلدی ، اسلاملرک عرب  
 اولیانلر ایله اختلاطلری آرتدی ، بناء علیه  
 امور حکومتده نشوونما قانون عمومیسنه تبعاً  
 دها زیاده توسع و تشعب ایلدی . امویلر امور  
 ادره جه بر چوق شیلری روم و ایرانلردن  
 اقتباس ایله کندی حکومتلرینه ادخال ایتدیلر .  
 ترفه و دبده اظهاری جهتی التزام ایللری  
 نتیجه سی اولهرق خدمه ، معیت مأمورینی ،  
 یاورلر ، محافظلر استخدام ایتدکلرندن کندی  
 دولترلنده بر طاقم مناصب تأسیسنه مجبور  
 اولدیلر . ایلریده کوسرتیله جکی اوزره امویلر  
 کندی دولترلنده ( حرس ) نامیه معیت  
 محافظلرینی ، مهر دائره سی ( دیوان الحاتم ) ،  
 برید دائره سی ( مأمورین حکومتک و خلیفه  
 دشمنلرینک احوال و حرکاتی آکلایوب اخبار  
 ایتمکه و مخبرات نقلنه مخصوص دیوان ) ، خراج  
 دائره سی ( دیوان الخراج ) تشکیل ایلشلردر .  
 دها صکره خلافت عباسیلرک عهدله رینه  
 انتقال ایدنجه اجنبیلر ایله اختلاط برقات  
 دها آرمش و خلفانک اسراف و راحت و رفاهیه  
 انجذابلری دها زیاده توسع ایلشدر . بونک  
 اوزرینه خلفا راحت ایتمک ایچون کنسیدی  
 طرفلرندن بالنباه امور دولت ایله اوغراشه .  
 جق آدم تعیین ایتمکه لزوم کوردیلر . ایشته  
 بولزومه بناء وزارت ، حسب مناصبلرینی و مناصب  
 سائرهی احداث ایلدیلر . دها صکره امور  
 حکومت دها زیاده توسع ایدنجه مناصب و وظائف  
 اونسبتده تکثر و تعدا ایتدی . ممالک اسلامیه ده  
 هر دوات بو مناصب و وظائفی بولندیقی حال

و موقعه كوره آنخذ ایلدیکندن ( بغداد ) ده -  
 کی حکومتک مناصبی ( قرطبه ) ده تشکیل  
 اولنان مناصب دولته بکزه مزدی . ( قاهره ) -  
 ده کی مناصب دخی او ایکی یرککیلرینه مشابه  
 دکل ایدی .  
 ( دوائر حکومتک تزايد و اشعبی ) :- دولت  
 اسلامیة ساده بر حالدہ بولاندینی ایلمک زمانلرده  
 دوائر و امور حکومتہ خلیفه طرفندن بالذات  
 نظارت اولنوردی . او صرہ لردہ کی والیراباب  
 زہد و تقوادن بولندقلرندن انلرک احوال  
 و حرکاتی تفتیشہ لزوم یوق ایدی . خلیفه دخی  
 کاتبیر ، دفترلر استخدا منہ احتیاج کوسترہ جک  
 خصوصی اموال و یا کویہ مالک دکل ایدی .  
 خلیفه والیردن برینہ بر مکتوب یازدینی زمان  
 او مکتوبی کندی الی ایله مهرلردی . بعضاً  
 دخی او مکتوبی کندی بالذات یازاردی .  
 فقط بالآخرہ مملکت توسع و خلافت شکل  
 دیندن پادشاہلغہ تحول ایدرک خلفا دخی راحت  
 آرزوسیلہ اموردلندہ روم و ایران پادشاہلرینی  
 تقایده باشلانچہ مملکتک آلدینی وسعت و حال  
 و موقعک کوستردیکی لزوم اوزرینہ امور حکومتی  
 رؤیت و تسویہ ایتمک ایچون بر طاقم دوائر  
 و مناصب حکومت تأسیسہ حاجت کورلمشدر .  
 بونک اوزرینہ خلیفه طرفندن امور دولتی  
 اداره ایتمک اوزرہ وزیرک ، ولایتلردہ کی  
 والیرک احوال و حرکاتی تفتیش ایچون ( برید  
 دیوانی ) امینلکی و یا ناظرانی ، دیوان خلا -  
 فندن صار اولان اوامری مہرملک و قیدایتمک  
 ایچون ( اوامر سلطانیہ و مہر ) امینلکی و یا ناظرانی

و خلفائک املاک و چقلکلرینہ باقی ایچون  
 چقلکلر دیوانی امینلکی و خلیفہ نک معیتدہ  
 بولنان خدمہ و مأورین سائرہ نک مماشات  
 و سائرہ نہ باقی ایچون ( دیوان خاص ) - دائرہ  
 خاصہ - متولیدی کی دوائر و مناصب تشکیل  
 و احداث ایدلمشدر . دولتک داخل اولدینی  
 حال حضارتہ بناء سکہ ضربنہ ، طراز  
 ( صرملی و نقشلی البسہ ) تخا ذینہ دخی لزوم کورلدہ -  
 یکندن سکہ ضربنہ مخصوص اولہرق ( ضربخانہ )  
 و طراز اعمالی ایچون ده ( طراز دیوانی )  
 تأسیس ایشدر . بوندن ماعدل ( دیوان الترتیب ) ،  
 ( دیوان العزیز ) نامیلہ تسمیہ ایدیان دوائر  
 کی بر طاقملری محررناک عرض و تقدیمہ ،  
 دیگرلری دیگر امور و خصوصاتہ باقی  
 اوزرہ بر قاج دائرہ و منصب دہا احداث  
 ایدلمش ایدی . او صرہ دہ کی ( دیوان العزیز )  
 بوکونکی باب عالی یہ مشابه ایدی .  
 خلفای راشدین زمانندہ حضرت عمر  
 طرفندن تشکیل اولن ( دیوان ) ده مشار  
 الہیک وضع ایتدیکي اصول اوزرہ خراج  
 و جزیه و سائرہ دن کلن اموالی و عسکرہ ،  
 والیرہ ، قاضیلرہ و سائرہ ویریلن معاشاتی  
 قید و ضبط ایدن و والیر ایله مخابراتی یازان  
 یالکیز خلیفہ نک کاتبی ایدی . دہا صکرہ  
 مملکت و امور دولت کسب وسعت ایدنجہ  
 مذکور دائرہ دن برچوق دوائر اشعب ایشدر .  
 ( خراج ) و ( جزیه ) امورینہ باقی ایچون  
 ( خراج دیوانی ) ، عسکرہ و سائرہ ویریلن  
 معاشرک حساباتنہ باقی ایچون ( زمام و نفقہ



اصلی ، نصل نشأت و تشعب ایلدیکنی ، نه کبی احوال بوکا لزوم کوسـتردیکنی تدقیق ایتمک اقتضا ایدر . بناء علیه اولاً خلافت و تفرعاتی حقیقه ایضاحات ویردکن صـکره و الیـک ووزارتی یازه جغز . متعاباً عسکرلک و مالیه یی بر فصل ایله کوسـتره رک دیگر دوائر بختنه کچه چکـز .



### خلافت

ماهیتی ، شروطی ، حقوقی

(ماهیتی): — خلافت ؛ اسلامیته مخصوص برنوع پادشاهلقد ر . اسلامیتمک بشقه سنده دها اول اولیه بر پادشاهلقد موجود دکل ایدی . خلافت بر درجه یه قدر سلطنت ملقه نوعندن ایسه ده دنیوی و دینی حاکمیتی بر دن جامع بولمق و عموم خاقی امور و معاملات دنیویه و دینیه ده احکام شرعیه تطبیقاً حرکت اجبار قوتی حائز اولمقه قیصرلرک ، ایمپراطورلرک ، کسرالرک حاکمیتلرندن تمیز ایدر . دیگر سلطنتلر یالکـز دنیوی نظاماته تابع بولنور .

مذکور ایکی حاکمیت آره سنده بیوک بر فرق واردر . مع مافیه ایکسـنک مرجعی بر نقطه یه انحصار ایدر . چونکه خلقا زرینه حاکمیت مطلقه ایله حاکم اوله بیان ذات امور حکومده یا بر قانون معینه ، یا خود کندی کیف و آرزوسنه کوره حرکت ایلر . ممالک متمدنه حکمدارلرک اکثری ملتمک عقلاسی

دیوانی) نامیه بر دوائر احداث اولندیگی کبی سائر خصوصاته باقق ایچون ده (اقطاع «مقاطعات» دائره سی) ، (معادن دائره سی) کبی برطاقم دوائر دها تشکیل ایدلمشدر . عسکرک اسامیسی ایله رتبه و معاشر بنگ قید و تدوینته مخصوص (دیوان الجند) — دائره عسکریه — دخی مذکور ایلمک (دیوان) دن تشعب ایدن اداره لر جمله سـندندی . بودايره عسکریه دن (اساطیل) دونمالر و سرحدلر دیوانلری و سائر تشعب ایلـشدر . والیلر و سائر ایله مختبراتده بولمق اوزره (دیوان الرسائل) ، یا خود (دیوان الانشاء) نامیه (مختابره دائره سی) ده او جمله دن اوله رق تشکیل ایدلمش ایدی .

وقتیله بالجمله اموال مسلمینک وضع و حفظنه مخصوص عمومی بر مخزن شکلده بولنان (بیت المال) دخی عباسیلر زماننده بری صدقات اموالنه ، دیکری اموال مظالمه — ظلم اربابندن مصادره اولنان پارهلره — ، بر دیکری ورثه اموالنه ، دیکرلری ده دیگر امور مخصوص اوله رق برقاچ دائره فرعیه انقسام ایلش ایدی . کذلک سائر مصالح دولت تعدادی غیر ممکن برشکلده تعدد ایدرک از جمله قضاء (عدلیه) دن شکایات ، حسبیه . ضابطه اداره لری ظهور ایتمش ایدی .

بز بوکتابمـزده دوائر اساسیه نک کیفیت تشکیلی ایله تاریخی و احوال سائر سی حقیقه معلومات ویرمکه چالیشه جغز . فقط بومعلومات آجیق اوله بیلیمک ایچون دوائر مذکورهنک

و دولتک اکابری طرفدن وضع اولان قوانین و نظاماته تطبیقاً اجرای حاکمیت و اهالی بی او قوانین و نظامات موجب بجه حرکت مجبور ایدرلر . اسلامیتدن اول روم و ایران پادشاهلری بویولده سلطنت سوردیلر . بوکون اوروپاده مطلقیتله اجرای حکومت ایدن پادشاهلرده بویله در . حال بوکه خلافت ، بر طاقم قوانین دینیّه شرعیّه ایله مقید اولوب خلیفه اولان ذات صاحب شریعت حضرت پیغمبره بالتیابه و احکام دینیّه شرعیّه موجب بجه اجرای اداره و حاکمیت و امتی و احکامه کوره حرکت ایتکه اجبار ایلر . خلافتک امامته شمولی بونقطه نظر دندر . خلیفه یه امام دینلمسی ، امامه نمازده خلق فصل اتباع و اقتدا ایدیورسه خلیفهک شرعه موافق اولان او امرینه ده ایله اتباع و اقتدا ایلدکلرندن طولایی آرده کی مشابّهتدن نشأت ایتشدیر . ( شروط خلافت ) : — خلافتک ، خلیفه ده بولنمی لازم اولان دوت شرطی واردر . اوده علم ، عدالت ، کفایت ، سلامت حواس . نسباً قریبشدن اولوق ، یعنی خلیفه اوله جق ذاتک قریش قبیله سندن بولنوق دن عبارت اولان بشنجی بر شرطده اختلاف حاصل اولمشدر . بو شرطه رعایت ایدیله جک اولور ایسه عربدن اولمیان بر کیمسه خلیفه نامی آلتنده اسلاملر اوزرینه حاکمیت ایده منر دیک چیقار . بو شرطک منشأی ابو بکره وقوع بولان بیعت بختنده بیان ایتدی کمز وجه ایله انصار کندی نفسلری ایچون خلافتی آرزو

ایتدکاری صرهده قریش طرفدن مقام احتجّاتده سرد اولسان حدیث شریفدر . بو شرط دول اسلامیهک عمومده صوکه درجه ده مرعی ایدی . قرشیلردن ماعدا خلافتی طلب ایدن اصلاً بولمیدی . حتی دولت عباسیهک صوکه دورلرنده خلفانک دوچار اولدقلری ضعف و امرا طرفدن هر دلو نفوذ دنیویدن تجرید درجه سه قدر کوردکاری تحکم و استبداده و مذکور امرانک دولتر تشکیل ایله کندی نفسلرینه سلطان لقبی ویرملرینه رغماً انلردن هیچ بری ادعای خلافت ایتکی ، یا خود کندی خلیفه اعلان ایلکی خاطرینه کتیر مامشدر . مثلاً ایران و عراق جهتلرنده حکم سورن ( آل بویه ) ایله ( ساجوقیلر ) ، ( غزنویلر ) ، خراسانده اجرای حکومت ایدن طاهریه ( بنی طاهر ) دولتری و سائر هپ استقلال ایدرک حتی بولنردن بعضلری بالذات خانفایه اجرای تحکم ایش ایکن یالکز ( سلطان ) لقبی ایله اکتفا ایتمشلردر . بلکه بولر کندی حاکمیتلرینک تأیید و تثبیتی ایچون خلفانک مودت و توجهلرینه مظهر اولغه چالیشیرلردی . نته کیم ( صلاح الدین ایوبی ) مصرده بویله یابدی . مشارالیه مصر حاکمیتی صوکه خلیفه فاطمیدن آلمش ایدی . کندیسنه قارشلی حاکمیتده رقیب یوق ایدی . بتون مملکت النده بولنیوردی . مع مافیّه اعلان استقلال ایتک ایسته نیجه خلیفه عباسی نامنه خطبه اوقوتدی . کندی نفسنه یالکز سلطان لقبی ویرمکه اکتفا ایلدی . قریشک غیرندن اوله رق خلافتی ایلک

اسلام سلطان مشارالیهک بمقام عالی به آئیده کی  
حقوقه بناءً الالایق واک حقلی ذات اولدیغنه  
متفقاً قرار ویرمشلردر :

اولا ، حق سیف : یعنی مقام خلافتی احراز  
ایده جک ذاتک کندیسینه رقیب طورده میه حق  
قوتده طرفدار و عسکر ، شان و شوکت  
صاحبی اولمسیدر . سلطان سلیم حکمداران  
اسلام میاننده الیوک واک زیاده صاحب شان  
و شوکت ایدی .

ثانیاً حق انتخاب : اهل رأی و نفوذک ،  
یعنی ائمه و علمای امتدن متشکل مجلسک تصدیقی .  
ائمه حنفیه و علمای اسلامییه دیورلرکه بمجلس  
اسلامیتک اوائنده مدینهده ایدی . دهاسکره  
شامه ، بغداده ، قاهره به تحویل ایدلدی . بونک  
قاهره دن استانبوله نقلی البته جائزدر ، ذاتاً  
ساطان ( سلیم اول ) مصر دن در سعاده عودت  
ایدرکن جامع الازهر علماسندن برحق ذواتی  
کندیسی ایله برابر در سعاده کتیرمش ایدی . بر  
مشارالیهه ترک علماسی التحاق ایلدی . بر  
مجلس تشکیل ایتدیله . عموماً حضرت سلیمک  
خلافتی تنسب و تصدیق ایتدکن صکره سیف  
خلافتی کندی الایله خلیفه مشارالیهه قوشاندیلر .  
( ابویوب انصاری ) جامعنده خلفایه قلیج  
قوشاتمق مراسمی دولت عثمانیهده حالا جاری  
براصلدر .

استعداد واستحقاقی بیان ایدرک آره سنده کی رسمی  
فراجهی جقارمش و خلافتی رضایله ترک ایلدیکنی  
تصریحاً سلطان مشارالیهه کییرمشددر . ایشته بو  
وقعه دن صکره عثمانی پادشاهلری خلافت اسلامیه  
حائز اولمشلردر . ( رسمی وخریطه تاریخ عثمانی )

احراز ایدن ذات عثمانی پادشاه نامداری یاوز  
سلطان سلیم خان اولدر [\*] . ائمه حنفیه و علمای

[\*] خلافت اسلامییه - جناب پیغمبرک حین  
وفاتنده دهاجنازه سی دفن ایدلن اسلامک بیوکلری  
اجتماع ایدرک اساسی مشورت واجتماع امته ، یعنی  
قرآن کریم ایله سنت نبویه دن اخذ اولنان حکملره  
مستند اولقی اوزره خلافت اسلامییه بی تأسیس ایدرک  
( حضرت ابوبکر الصدیق ) حضرت عیسی پیغمبر  
وکیل ( خلیفه ) تعیین ایتدیله . بعده حضرت  
( عمر ) ، حضرت عثمان ) و حضرت علی ( خلیفه  
اولدیله ایسهده امام علی خلافتنده وارتحال پیغمبریدن  
۴۱ سه صکره خلافت عربلر آره سنده ( بنی امیه )  
دینمین خاندان اولادندن ( معاویه ) به کجی  
وشامده دولت امویه نامیله براسلام حکومتی تشکیل  
ایتدی . بو حکومت ( ۹۱ ) سنه قدر دوام ایتدکن  
صکره نوبت خلافت جناب پیغمبرک عمج لری حضرت  
( عباس ) سلاله سنه انتقال ایلدی . بودوله دخی  
( دولت عباسیه ) دینلیدی که پایتختی ( بغداد ) ایدی .  
خلافتک عباسیله انتقالی وفات ( سید المرسلین ) دن  
۱۳۲ سنه صکره در . دولت عباسیه ( ۵۰۸ ) سنه  
قدر دوام ایتش و ۳۷ خلیفه کلشدور . بولردن اک  
صوک خلیفه اولان ( المستصم بالله ) زماننده مغول  
خانی مشهور ( جنکیز ) ک طورونی ( هلاکو ) خان  
بغدادی ضبط ایدرک عباسیه خلافتی نارمار ایتش  
و ( المستنصر بالله ) نامنده باقی قالان برعباسی خلیفه ،  
حضرت پیغمبرک امانت لری آلهرق مصره کیدوب  
اوزمان مصرده حکومت ایدن ( ممالیک بخریه ) دن ،  
یعنی ترک غلاملری سلطانلرندن ( ملک ظاهر ) دن  
بک زیاده حرمته نائل اولمشدر . حتی ملک ظاهر ( مستنصر ) ک  
نامنه خطبه او قوتمش و سکه کسیرمشددر . ایشته  
مصرده یکیدن تأسیس ایدن بودرلو برخلافت عباسیه دن  
اون درت خلیفه دهاکش واون دردنجمی ( متوکل  
علی الله ) بولتمش ایدی . ساطان سلیم ، مشارالیهی  
برابرینه آلهرق استانبوله کتیرمش و آیاصوفیه  
جامعنده غایت مکمل بر مجلس عدالتشدر . متوکل ،  
جامع شریفده منبره جیقوب سلطان سلیمک خلافته



رابعاً ، حرمینک حمایه سی : سلاطین عظام عثمانیه مقام خلافتی احراز ایتدکاری زماندن اعتباراً ( اونجی عصر هجریده صنع اماملری حرمینی استیلا ایتدکاری یدی و وهابیلرک استیلاسنده دخی کذلک یدی سنهون بشقه ) هر زمان حرمین شریفینی بحق حمایه و حرمینه جداً خدمت ایلشلدرد .

خامساً ، امانات مبارکه نك حفظی : امانات مبارکه درسعدتده محفوظ بولسان مخلقات نبویه در . بوامانات تانارلرک بغداده استیلالری صره سنده قورتایلرک خلفای عباسیه ایله برابر قاهره یه کتیرلش ایدی . سلطان سلیم مصری فتح ایدنجه یه قدر اوراده قالدی . سلطان مشارالیه درسعدتده عودتنده امانات مبارکه مذکورده یی درسعدتده نقل ایلدی . امانات مشارالیه اگوشدن برصندوق دروننده اوله زق الیوم طوبی قیو سراینده دائره مخصوصده محفوظدر .

### خلفایه بیعت

( شکل بیعت ) : — خلافت خلفای راشدین دورنده مشورتله ایدی . خلیفه صاحب کفایت و لیاقت کوردیکی ذواتدن بری کنیسنه خلف اوله رق نامزد ایدردی . حضرت ( ابوبکر ) ک حضرت عمری نامزد ایتدی کی . فقط حضرت ابوبکر حضرت عمری آنجق احزاب ایله مشورت ایتدکن

ثالثاً ، وصیت : یعنی بر خلیفه نك کنیسنندن صکر دکلک جه خلیفه یی نامزد ایتدی . عباسیلرک مصرده صو ک خلیفه سی ارلان ( متوکل ) خلافتی حضرت سلیم اوله وصیت ایتشدرد . [ \* ]

[ \* ] مؤلف ک افاده سی عیناً بویله در . فقط حقیقت حالده متوکل خلافتی سلطان سلیم اوله وصیت ایتده مش ، بلکه علی ملایک الناس ریاست اسلامیه یه مشارالیه ک احق اولدیفنی بیان ایله خلافتی کنیسننه فراغ ایلدرد . مرحوم کال بک - سلطان سلیم اولک ترجمه خانه دائر اولان رساله سنده بویح تحقیقات موشکافانه اوزرینه شو صورتله سرد و تیان ایلشدرد :

« سلطان سلیم خیرالین پاشایه برقاچ سفینه وایکی ، اوچ بیک عسکر ایله امداد ایدرک کنیسنی اوروپانک اکیال فتوحاتنه مأمور ایتدکن صکره مصرده تمید اقامتی اقتضایدر بوظیفه کورمامک حقیته یه ایران سفیری ایله اشتغال ایچون عودته قرار ویردی واک اول خلفای عباسیه بقایاسندن مصرده موجود اولان ذاتی استانبوله جلب ایله آباصوفیه جامعنده حق خلافتی علناً خاندان عثمانی یه ترک ایتدیردی . ایشته اندلسده امویه و مصرده فاطمیه نك ظهوری ایله انقسام ایتش طوائف ملوک تملی ائنده بتون قرتی ضایع ایلش اولان خلافت اسلامیه ( هلاکو ) نك بغداده استیلاسنندن بری حکومت جسمانیه دن تماماً تعری ایله وظیفه سی یالکیز کنیسنه مراجعت ایدن حکمدارلرک مأموریتنی تصدیقه منحصر اولق اوزره برنوع رئیس روحانی حکمنه کیرمش ایدی . سلطان سلیم خلیفه عباسی یی ، که متوکل ثالثدر ، استانبوله جلب ایله حق خلافتی خاندان عثمانی یه ترک ایتدیره رک ریاست روحانیه دعتنی الغا ایلشدرکه بصورت کنیسنک جمع اسلام و تسخیر عالم مقصدنه یک بوک مدار اولدقدن بشقه برانسان بیعت ویاورائت طریقاه مسلمانلرک ریاستنه کچدیکی ایچون دلیه الصلاة افندمزک روحانیت و معنویاتنه خلف اولق لازم کلیه کجکی و سیادتک خادمیتدن عبارت اولدیفنی میدان قویبدینی ایچون دین محمدی یه اولان خدمتلیرنک اک بیوکی صابیلیر » [ اوراق پریشان - سلطان سلیم ]

صکړه نامزد ایتش ایدی . خلیفه اویله بر نامزدلکک قیل وقلی موجب اوله جغنی حس ایدر ایسه خلیفه انتخابی ایچون برجاعت تعیین ایدردی ؛ حضرت عمرک یابدینی کبی . خلفای راشدیندن هیچ بری خلافتی کندی نسلنده ارثی یابغنی دوشونماشدر . حتی حضرت عمر خلیفه انتخابی ایچون شورایی تعیین ایتدیکی زمان اوغلی ( عبدالله ) ی اومیانده تعیین ایتش ایسه ده انک انتخاب ایدلماسنی وصیت ایتش ایدی . بونک اوزرینه حضرت عثمانی انتخاب ایلایلر . مشارالیه دها صکړه شهید اوله رق وصیتده بولمندی . خلق شوراده بولنقمسزین حضرت علی یی انتخاب ایلایلر . بواختاب اکابر صحابه دن برچوقلربنه کران کلدی . چونکه مشارالیه حضرت عثمانک شهادتی صره لرنده ولایتلرده بولنیورلردی . حضرت علی یه وقوع بولان بیعتده حاضر دکلدیلر . مع مافیه بونلردن بعضاری حضرت علی یه بیعت ایتدی . بعضاری ایسه خلقک اجتماعنه وینانسه لمین مشورت انعقادیه یکیدن خلیفه انتخابنه قدر ایشی معلقده براقدیلر . بونک نتیجه سننده او مشهور فتنه ظهور ایلدی .

حضرت علی شهید اولنجه طرفدارلری خلافتی حضرت نبی نسلندن اولان مشارالیهک اولاد واحفادینه حصر ایتک ایستدیلر . حضرت علی فراش احتضارده ایکن کندیسنه « حضرت حسننه بیعت ایدلما می ؟ » دیسه صورتقلرنده حضرت امام : « سزه بونی نه توصیه ایدرم ، نه یایمیکز دیرم » جوابنده بولندی .

حضرت علی فرقه سی حضرت حسننه بیعت ایتدیلر . حضرت حسن دخی خلافتی ( معاویه ) یه ترک ایلدی .

خلیفه انتخابنده خلفای راشدینک طوتد . قلمری یول ملل متمدنه نک شمعی یه قدر بوله . بیلدکری طرق انتخابیه نک ایستیدر . چونکه بوصورت انتخاب جمهوریتی ، سلطنت مطلقه یی ، مشروطیتی اوچنی بردن جامعدر . جمهوریدر ، چونکه خلیفه جمهور اسلام طرفندن بلا قید وشرط انتخاب اولنور . مشروطیتدر ، چونکه انتخاب مشورتله اولور . سلطنت مطلقه در ، چونکه خلیفه مقام حاکمیت کچنججه ایستدیکی کچی حرکت ایدر . بوکا بالاده ذکر اولنان درت شرطده علاوه اولنورسه جهانک علی الاطلاق اکزیده حکومتی بواولور . چونکه بر حکمدار علم وعدالتی ، کفایت واهلیتی ، سلامت حواسی کندی نفسنده جمع ایدر ایسه مملکتک ترقی وتوسیعنه ، رعایای آرهنده اتفاق ومحببت حکمران اولمننه خدمت ایده جک اکمقدرد آدم اولور . خلفای راشدینک تراجم احوالنده کورلیدیکی اوزره اویله بر حکمداره اوصلاح حالی ، اوزهد وتقوای ده ویریکز . جهانده بوندن دها مکمل ، دها عادل ، دها لائق حکومت تصور اولنورمی ؟

( بنی امیه ) زماننده معاویه دیکر دولتلره باقهرق انلرده سلطنتک ارث طریقیله انتقال ایتدیکی کورنجه خلافتک کندی نسلنه حصرنی دوشوندی . بوخصوصده اولامرده خواص اوداسیله استشارده بولندی .

ایمك ديمكدر . بر آدم بر اميره بيعت ايتسي  
 صانكه او آدم اور وخصوصاتی رؤیت واداره  
 او امیری وکیل اتخاذ وانك اجرا آتیه بلا  
 اعتراض اطاعتی تعهد ایلش کیدر . عربلر  
 بر امیره بیعت ایتدکری زمان عهدده پایدار  
 اوله جقلرینه دلیل مقامنده اولق اوزره اللریخی  
 او امیرك اللرینه قویه رق آلیش ویریشده  
 پایلان حرکتیه مشابه بر حرکتیه بولندقلرندن  
 تعهد واقعه - بیع حرکتیه مشابهته بناء -  
 ( باع - صادی ) نك مصدری اوله رق « بیعت »  
 نامی ویرلمشدر . ده صکره « بیعت » مصاحفه  
 شکنه تحول ایلدی . بیعت لغه دخی مصاحفه  
 معناسنی تضمن ایدر . اسلامیتده ایلک وقوع  
 بولان بیعت ( عقبه بیعتی ) ایدی . بو بیعت  
 یمنندن ده صکره خلفانك عهد و میثاقده دوام  
 ایچون ایتدیردکری بیعت یمنی نشأت ایلدی .  
 بو یمن نه قدر یمنلر وار ایسه جمله سنی حاویدر .  
 خلفایه بیعت یمنی دولتلرک واحوالک  
 اختلافنه کوره مختلف شکلدرده ایدی .  
 انصار حضرت نبی یه عقبه ده بیعت ایتدکری  
 زمان پیغمبره شویله دیمشلردی : « ای  
 رسول الله ! دیارمزه کلنجه یه قدر سنک حق  
 و حرمتکدن مسؤل دکاز . بزه کلیرسه ک  
 حق و حرمتک اوزرمزه واجب اولور .  
 کندیمری ، چوجقلرمری ، قادیلرمری  
 هر نه دن صیانت ایدرسه ک سنی ده اندن صیانت  
 ایدر » . عقبه ده وقوع بولوب « بیعت انساء »  
 نامی ایله معروف اولان دیگر بر بیعتک نصی ده  
 شویله ایدی : « الله شریک اتخاذ ایتماکه ،

( مغیره ) کندیسنی بوایشه تشجیع ایتدی .  
 ( معاویه ) نك کندیسندن صکره خلافتی معلومه  
 بر اققدن حصولی ممکن اولان قاریشقلقدن  
 قورقوسی ده اکا برقات ده قوت قلب  
 اولدی . چونکه خلف نامزد ایتندن وفات  
 ایدیه جک اولور ایسه امویلر ایله هاشمیلر  
 آره سنده یکیدن بر فتنه ظهوری پک منتظر  
 ایدی . بونک اوزرینه حال حیاتده ایکن  
 اوغلی ( یزید ) ه بیعت ایلدی . ( معاویه )  
 بو بیعتدن طولانی خلقدن قورقوردی .  
 اهالیدن بر فئالق کورمینجه راحت ایتدی .  
 معاویه دن صکره مقام خلافتی احراز ایدن  
 خلف ای امویه هپ بو اثره اقتضا ایلدیلر .  
 یالکیز ( عمر بن عبدالعزیز ) خلفای راشدین  
 یوانی طوتمق ایستدی ایسه ده موفق اوله مدی .  
 کندیسندن صکره ینه ( معاویه ) نك طوتمدی  
 بولده حرکت ایلدی .

خلفای عباسیه دن ( مأمون ) دخی او یله  
 بر حرکتیه قیام ایدرک امام علی نسلندن ( جعفر  
 صادق ) ی ( الرضا ) نامیله ولی عهد یامش  
 ایسه ده موفق اوله مدی . عباسیلر خلافتک  
 اوصورتله کندیلرندن انتقالی چکمدکارندن  
 ( مأمون ) ی خلع و عجمه سی ( ابراهیم بن المهدی ) -  
 یه بیعت ایلدیلر . ( مأمون ) خلافتک کندی  
 النندن حقیقه جغنی آکلایه رق یابدیغنی تلافی یه  
 و خلافتک ارث صورتیه انتقالی اصولی قبوله  
 مجبور اولدی . بتون عباسیلر ، فاطیلر و سائر  
 خلفای مسلمین خلافتی ارثی یامشلردر .  
 ( بیعت یمنی ) : - بیعت اطاعتی تعهد



سرقت ، زنا ارتکاب ایلامکه ، چوجقلمزی  
اولدیرمامکه ، افترا و پتاندنه بولماغه ، جناب  
حقه قارشی ایملکده عاصی اولماغه بیعت  
ایتدک .

( ابو مسلم خراسانی ) طرفندن عباسیلر  
نامنه استحصال خلافتیه تشبث ایدلدیکی زماندن  
اعتباراً عباسیلره ایدیلن بیعت یعنی شوایدی :  
« اللهم کتابی و رسول الله صلی الله علیه و سلمک  
سنی و اهل بیت رسول الله رضایه اطاعت  
اوزرینه سزه بیعت ایدیورم . بوکاسزک  
اوزرکزه اللهم عهد و میثاقی ، طلاق ،  
عتاق ، بیت الله الحرامه قدر ییان کیتمک  
اولسون . اولیای امورکز سزه ویرمک  
ایسته مدن معاش ، ییه جک ایسته میه جکسکیز »  
خليفة به بیعت ایدلدیکی زمان اولا اکابر  
دولت ، دها صکره ایکنجی درجده اصحاب  
مناصب بیعت ایدرلردی . دولت عباسیه ده  
اک اول بیعت ایدنلر عسکر و سردارلر -  
قوماندانلر - و بغداد قضاتی ایدی . علی الاکثر  
بیعت زماننده اردوکاتی طوروب بیعت ایدنلر  
یعنی ایتدیرمک وظیفه سنی ایفا ایدردی . کاتب  
انلری هر کسی اسمی ایله بربرر دعوت ایدرک  
کندیلرینه یعنی ایتدیرردی . خليفة به بیعت  
مراسمی تمام اولنجه کندیسنه برطاقم القاب  
عرض ایدرلردی . خليفة اولالقابدن برینی  
انتخاب ایلردی . بوالقاب اسلامیتک ظهورندن  
صکره احداث ایدیلن شیلردندر . دولت عباسیه  
اوائنده خلفایه ( امین ) ، ( مأمون ) ، ( رشید )  
کبی بسط لقلبرویریلیر ایکن ( معتصم ) زماننده

لقبه اسم جلال دخی علاوه اولنهرق خليفة  
مشارالیه ( معتصم بالله ) لقبی ویرلدی . ( معتصم ) دن  
صکره اسم جلالی حاوی برلقب ایله یاد اولنق  
خافای عباسیه جه برعادت حکمنه کیردی .

خليفة به کندی سراینده بیعت اولنور  
ایسه خلافت آلای خليفة ک خانه سنه کتیر یایردی .  
بوآلای اکرلی برچوق آتلدن مرکب ایدی .  
هر آتک یاننده مزین البسه کیمش برر سانس  
طورردی . خليفة کندیسنه تخصیص اولنان  
آته بیز و اکابر دولت اسب سوار اولهرق  
اطرافنده بولنورلردی . خليفة ک اوکنده النده  
حریه بولنان بر آدم یورردی . بولک ایکی طرفنده  
عسکرلر ایکی صف تشکیل ایدرلردی . خلافت  
آلای بوترب ایله عسکر صفلری آردسندن  
بغدادده ( دارالعامه ) دیسه معروف اولان  
خلافت سراینه کیدردی . مقتضای حاله کوره  
اطرافدن کلن هیئات مخصوصه وقاصدان طرفندن  
خليفة به تبریک مراسمی بوراده وقوع بولورددی .  
دهایوقاریده دخی بیان ایتدیکنز وجه ایله  
خلفایه بیعت یعنی و خلافت آلای مراسمی  
هر یرده و هر زمانده برشکلده وقوع بولورددی .  
هر دولت بشقه برشکلده یاباردی . معافیه  
بیعت یعنی اساس اعتباریله برایدی . چونکه  
بویمین خليفة ایله رعایای آراسنده کتاب و سنت  
شریفه احکامنه تطبیقاً حرکت ایدیله جکسنه دائر  
متقابلاً تعاطی تعهدات ایتکدن عبارتدی .  
اسلاملرک اوائل حکومتلرنده بویمینک شکلی  
پک مختصر ایدی . اولجه برقاچ کلدن مرکب  
وشفاها سوبلنوب کچیلیر بریمن اولان بویبعت

کوردکاری زمان بونلردن برینه دیگرى فلان، یاخود فلانی است. تخلاف ایتک شرطیه بیعت ایدرلردی. نته کیم امویلرک سکنزنجیدی (یزید بن عبدالمک) ولی عهد تعیین ایتک ایستدیکی زمان اوویه یاپدی. کندیسنک اوغلی کوچک بریاشده بولنیوردی. بناء علیه اوغلی (ولید بن یزید) ی ولی عهد اتخاذ ایتک شرطی ایله برادری (هشام) ه بیعت ایتدی. چوق دفعه لر خلفا لزوم کوردکجه آرزو ایتدکلری کبی شروط بیعتده تبدیلات اجرا ایدیورلردی. بعضاً خلیفه لر ولی عهدی واکا ولی عهد اوله جق ذاتی تعیین ایتکله برابر ایکنجی ولی عهدک قبول ویا عدم قبولی برنجی ولی عهدک اختیارینه براقیرلردی. نته کیم بشنجی خلیفه عباسی (رشید) اوپوله حرکت ایدرک کندیسنه ولی عهد اولق اوزره اوغللری (امین) و (مأمون) ی وبونلردن صکرده ولی عهد اوله رق دیگر اوغلی (قاسم) ی تعیین ایلدی. فقط قاسمک ولی عهدلکنی قبول ویا رد ایتکی (مأمون) ک اختیارینه براقدی. ولی عهدلره وقوع بولان بیعتلر برعهدنامه (ویا فرمان) شکنده یازیلوب خلیفه نك واقربا وتعلقا نك مهرلریله مهرلندکدن صکره ولی عهده وکوچک ایسه وصیسنه تسلیم اولنوردی. ولی عهدلر ویا وصیلر عهدنامه یی لزومنده ابراز ایتک اوزره بریرده حفظ ایدرلردی. بعضاً بو عهدنامه لر برخزینه، یا بر مسجد، یاخود کعبه معظمه کبی غایت امین یرلرده محافظه اولنوردی. نته کیم خلفای عباسیه دن

یمنی بالاخره دولترجه تفخیات و تعظیاته و تحیلات و تطویلاته حاصل اولان میل اوزرینه برطاقم حشویات و اطایات ایله اوزاد قجه اوزامش و یازیلوب حفظ ایدلمک باشلامشدر. سکنزنجی عصر هجری اورته سنده مصرده مقام خلافتی احراز ایدن خلیفه عباسی (حاکم بالله) ه یاپیلان بیعت یمینک صورتی بوکتابک درت صحیفه سنی اشغال ایده جک قدر اوزون ایدی.

(ولی عهد بیعت): — خلافت ارث طریقته کیردکدن صکره خلیفه لر کندی اوغلارینی ویا اقربالردن دیگرلرینی ولی عهد تعیین ایتدکلری صرده خلفایه بیعت ایدایر ایکن یاپیلان مراسم کبی برطاقم مراسم یاپایردی. علی الاکثر خلفا ولی عهد بیعت ایتدن. خلفای عباسیه دن (منصور) ک، اوغلی (مهدی) یه بیعت ایتک ایستدیکی زمان یاپدینی کبی. اکابر رجال دولت واصحاب رأی ودرایتله استشاره ایدرلردی. مشار الیهک (مهدی) یی ولی عهد اتخاذ ایتسنه دیگر اوغلی (جعفر) معترض ایدی. بونک اوزرینه (منصور) خلقی طویلادی. خطیلر لفظلر ایراد ایدرک فکرلرینی بیان ایلدیلر. شاعرلرده (مهدی) نك اوصاف و مدائحنی متضمن قصیده لر اوقودیلر. (منصور) بوندن افکار عمومیه نك کندی طرفندن وقوع بولان انتخابی ترویج ایتدیکنی آکلایه رق (مهدی) یی ولی عهد یاپدی.

خلیفه لر کندی اوغللردن ویا برادرلردن بردن زیاده ذواتک خلافتیه اهل اولدقلرینی

(هارون الرشید) کندی اوغللری (امین) و (مأمون) ی و مأمون دن صکرده (قاسم) ی ولی عهد تعیین ایتدیکی زمان یازدینی ایکی عهدنامه یی کعبه معظمه ده حفظ ایتش ایدی .

## علامات خلافت

عهد سالفده خلفا کندیلرنجه بعض علامات اتخاذ ایتشلردی که انلرده خرقه ، مهر ، عصادن عبارتدر .

( خرقه ) : — حضرت نبی ذی شانک خرقه شریفه سیدر . جناب پیغمبر بو خرقه یی شاعر مشهور ( کعب بن زهیر بن ابی سلمی ) یه احسان ایدنجه یه قدر کیمشاردی . ( کعب ) حضرت محمدی هجو ایدرک قاجش ایدی . بالاخره اسلاملر مکب یی فتح ایدنجه ( کعب ) ه برادری شو بولده بر مکتوب یازوب کوندردی : « رسول الله مکده کندیسنه ذم و تشنیع و اذیتده بولنان بعض کیمسه لری اعدام ایتدیردی . قریش شعرا سندن بر حیات قالانلر قورقورلندن بر طرفه فرار ایلدیلر . کندی حیاتکه محبتک وار ایسه هان اوچه رق قوش ، حضرت رسول الله صیغین . جناب نبی توبه ایله کندیسنه التجا ایدنلردن کیمسه یه طوق نماز . »

( کعب بن زهیر ) توبه و التجادن بشقه بر طریق نجات بوله مینجه ( مدینه ) یه کاوب حضرت نبی یه تسلیم نفس ایدرک :

بانت سعاد فقایی ایوم متبول

مقیم اثرها لم یفد مکبول

مطالی ایله باشلا یان او مشهور ( قصیده برده ) ایله حضرت محمدی مدح ایلدی .

حضرت نبی ذی شان ( کعب ) ی حسن قبول بیوردی . صحابه کرامدن بعضلری شاعر دن انتقام آلق ایستورلردی . حضرت محمد انلری منع و شاعری مستغرق التفات و توجه ایلدی .

التفات دلیل اولق اوزره دخی اوزرنده بولنان خرقه یی ( کعب ) ه احسان بیوردی . عربلرجه ( برده ) و ترکلرجه ( خرقه ) ناملریله معروف اولان بو کسوه شریفه نبویه ( کعب ) ک تعلقاتی نزدنده محفوظ قالدی . ( معاویه ) ؟ مقام خلافته کچنجه انی ورثه دن یکریمی بیک درهه ( تقریباً ۱۶۰۰ انکلین لیراسنه ) صاتون آلدی . خرقه شریفه ارث طریقله دیگر خلفای امویه یه و ده صکره عباسیلره انتقال ایلدی . ( ابوالفدا ) خرقه شریفه نك بغداده استیلا ایدن تاتارلر طرفدن آلتوب کوتورلیدیکی روایت ایدیور . بوروایت طوغری دکلدیر . خرقه شریفه ده اول کوسترلیدیکی اوزره ایوم در سعادته محفوظ بولنان امانات مبارکه میاننده در . احتمال که ( ابوالفدا ) تاتارلرک بغداده هجوم و استیلا لرندن و خلفانک فرار لرندن تاتارلرک خلفا سرایلرندن یغما ایتدکلری اشیا میاننده خرقه شریفه یی ده برابر آلمش اولدقلرینه ذاهب اولمشدر . حقیقت حالده عباسیلر مصره کلیر ایکن ( خرقه ) یی برابر کتیر مشلردی . یاوز سلطان سلیم مصری فتح و خلافتی احراز ایدنجه بومتروکات نبویه یی ده آلمشدر .

( مهر ) : — خلفاء مهری حضرت نینک



ایتمش ایکن ( عمر بن الزبیر ) نامه ده بولسان  
یوز بیکی ایکی یوزبیک یابهرق ( زیاد ) دن  
پارهی اویله جه آلدی . بالاخره ( زیاد )  
حساب تقدیم ایدنجه تزویر میدانده چیقدی .  
بونک اوزرینه ( معاویه ) نامه لر دورولدکن  
صکره ایکی یاندن موم ایله مهرلنسنک اصول  
اتخاذنی امر ایتدی .

( بلاذری ) دیوورکه : « اسلاملردن  
( زمام ومهر ) دیوانی ایلک تشکیل ایدن  
ذات عراقده والیکی صره سنده ( زیاد بن ابیه )  
ایدی . ( زیاد ) بوخصوصده ایرانیلری تقلید  
ایتمش ایدی . قبل الاسلام ایران پادشاهلرینک ،  
هر بری بر خصوصده استعمال اولنور متعدد  
مهرلری واردی . بر مهر مخابرات خفیه یه ،  
بر مهر کوندریلن مأمورین مخصوصیه ،  
بر مهر سجلاته ومقاطعاته ، بر مهر خراجیه  
مخصوص ایدی . بو مهرلر اوزرینه مأمور  
ایدیلن ذاته دخی ( صاحب الزمام ) - ازمه  
امور متولیس - مهردار نامی ویریلیدی .

مهر دیوانی معاویه زمانندن عباسیلرک  
دوری اورتیه سنه قدر الک بیوک دواثر دولتدن  
معدود ایدی . عباسیلر دوری اورتلرنده ایسه  
امور دولت بر طاقم امرا ، وزرا وسلاطینک  
النه انتقال ایتمکه آرتق مهر دائره سی ده  
اسکی اهمیتدن دوشدی . ( رشید ) وزیر  
بولنان ( فضل بن یحیی برمکی ) رینه برادری  
( جعفر بن یحیی ) پی وزیر اتخاذ ایلک آرزو  
ایتدیکی زمان پدرلی ( یحیی بن خالد ) :  
« باباجم ! مهری صاغ المذن صول المه تحویل

اثرینه اقتفاء قولالمنشلدرد . حضرت پیغمبر  
اسلامیه دعوتی مضمن ( فیصر ) و ( کسری ) یه  
نامه لر کوندرمک ایتدیکی زمان جناب نبی :  
« بونلر اجنبیدرلر . مهر سز مکتوب قبول ایتزلر »  
دینلیدی . بونک اوزرینه حضرت نبی بر  
مهر [\*] اتخاذ ایدرک اوزرینه ( محمد رسول الله )  
عباره سنی نقش ایتدی . بو مهر حضرت نبیدن  
صکره حضرت ابوبکره ، دها صکره حضرت  
عمره ، متعاقباً حضرت عثمانه انتقال ایلدی .  
حضرت عثمان مهری ( اریس ) قیوسنه دوشو .  
ردی . آرانوب بولنه مدی . بونک اوزرینه  
حضرت عثمان یکیدن انک کبی بر مهر  
قازدیردی . مشارالیه دن صکره مقام خلافتی  
احراز ایدن هر خلیفه کنیدیسه مخصوص بر  
مهر قازدیریدی . دیوان خلافتدن صادر اولان  
اوامرک زیرینه ویا بالاسنه طین مختوم ( برنوع  
قرمزی طوبراق ) ویا مرکب ایله مهر  
باصلیردی . دها صکره نامه لر دورولدکن  
صکره خارجدن ده موم ایله مهرلنمکه باشلانیدی .  
نامه لری خارجدن موم ایله ایلک مهرلین خلیفه  
( معاویه ) ایدی . مشارالیه بواصولی نامه لر  
دروننده تزویرات ایقاعنه حائل اولمق ایچون  
اتخاذده مجبور اولمش ایدی . چونکه مشارالیه  
کوفه ده کی والیدی بولسان ( زیاد بن ابیه ) ه  
( عمر بن الزبیر ) ه یوزبیک درهم ( فرائق )  
اعطاسی امرینی حاوی بر نامه یازدوق پارهی  
آلمق اوزره نامه یی ( عمر بن الزبیر ) ه تسلیم

[\*] اویله نقشی محتوی اولان یوزک دخی مهر  
دیمکدر . عربلر مهری یوزک اوزرینه حک ایدرلیدی .

وامرا زماننده فرمانلر و بیانامه‌لر ( طغرا )  
ایله موشح اولنجه حکمدارلرک کندی دستلری  
ایله دیکر بر اشارتک قولسنه لزوم کورلزدی .  
ساجوقیلر انشا ( مکاتبات ) دیوانه ( طغرا  
دیوانی ) نامنی ویریرلردی .

روایت کوره طغرایه بوناماک ویرلمسی  
مشهور ( لامیه العجم ) قصیده سی ناظمی اولان  
( حسین ابو اسماعیل الطغرائی ) یه منسوب  
اولسندن نشأت ایلشدر . ( طغرائی ) ملوک  
ساجوقیه دن سلطان مسعودک وزیر ی ایدی .  
کوزل یازسی واردی . طغرائی او کوزل  
یازی ایله یازاردی . ایشته اکا نسبتله ( طغرا )  
دینلدی . حتی ایلک ( طغرا ) یازانده کندیسیدر .  
مومالیه ۵۱۵ سنه هجریه سنده اعدام ایدلمشدر .  
بزم ده فکر مزه کوره طغرانک اصلی بو اولمق  
لازم کلیر . ( لامارتین ) و ( ژواننن Jouannin ) ک  
دیدکلری کی سلطان مرادک آووجنک شکلی  
دکلدر .

اوائل اسلامیتده خلیفه‌لر ، مهرلرینه  
کندی اسملرینه بدل بر طاقم وعظ و حکمتلری  
متضمن عباره‌لر حک ایدرلردی . حضرت ابو  
بکرک نقش خاتمی ( نعم القادر الله - جناب  
حق اک عالی صاحب قدرتدر ) و حضرت  
عمر ککی ( کفی بالموت واعظاً یا عمر - ای  
عمر ، موت انسانه واعظ کافیدر ) ایدی .  
حضرت عثمانک نقش خاتمی ( لتصبرن اولتند -  
من - صبر ایتلی ، یا پشیمان اولمی ) و حضرت  
علی نککی دخی ( المملک لله - ملک اللهه  
مخصوصدر ) عباره‌لرینی حاوی ایدی .

ایتمک ایسترم « دیه‌رک وزارتق مهر ایله افاده  
ایتمش ایدی . بو ایسه مهرک خلفا نزدنده  
وقتیله نه قدر مهم عد ایدلدیکنی کوستیر .  
خلفانک مهرینه پک بیوک حرمت و تعظیم  
اظهار ایدیلردی . وزیر ، یاخود دیکر بر  
دولت مأموری نامهی مهرلمک ایچون مهری  
النه آلمق ایستدیکی زمان مقام خلافته تعظیماً  
آیاغه قالدی . نامه‌لر مهرلندیکنده طین  
مختوم نامیلله اوزمانلرده مستعمل قرمز ی  
انجه طوبراقدن پایلان مرکبله ، یاخود سیاه  
مرکب ایله طوغریدن طوغری یه کاغده ،  
یاخود موم کی عوشاق مواده باصارلردی .  
بعضاً نامه‌نک زیرینه ، بعضاً ده بالاسنه باصیلان  
مهردن ده‌ا اول تحمید و یا تسبیحی ، یاخود  
خلیفه‌نک اسمنی متضمن و یاخود اوزمانلره  
کوره اصطلاح اولمش دیکر بر خصوصی مفید  
منتظم بر قاچ کله یازیلردی . بو کله‌لر نامه‌نک  
صحنه اشارت مقامنه قائم اولوردی . حق او یله  
بر اشارتی حاوی اولمیان نامه‌لر حکمسز عد  
اولنوردی . مهره « علامت » نامی دخی  
ویریلردی .

عالم اسلامیده طوائف ملوکی تشکیل ایدن  
سلطنتلر توره دیکی زمان بونلرده کندی  
حکومتلرینه خلفانک استعمال ایتدکلری مهر  
علامتی کی بر علامت اتخاذا ایدرک بوکا ( طغرا )  
نامنی ویردیلر . طغرا معلوم اولدینی اوزره  
حکمدارک اسم و القابی حاوی قالین قلمله  
یازلمش برنقشدر . بو ( طغرا ) حکمدارک  
اشارت مخصوصه سی رینه قائم ایدی . سلاطین

متروکات نبویہ زیارتہ تبرک ایدرلر . [ ۱ ]

[ ۱ ] امیرمکہ ( سید برکات ) ک اوغلی شریف ( ابوحنی ) وداعتیلہ سلطان سلیم اولہ کوندردیکی امانات مبارکدن بدضری :

حضرت پیغمبرک برعدد دیشی . حضرت پیغمبرک ایک زانی . حضرت پیغمبرک خرقه سعادتی . ابوبکر الصدیق حضرت تلرینک سجاده سی . حضرت پیغمبرک بر قلیج قبضہ سی . حضرت پیغمبرک براوق . پیغمبر حضرت نوحک تنجری سی . اوزرنده قدم سعادت نشانه سی . یونان برطاش . حضرت پیغمبرک سجاده سی . حضرت پیغمبرک لوا سی سعادت احتواسی ( سنجاق شریف ) . بری انبیا دن شعیب علیہ السلامک ابی عصای شریف . پیغمبر حضرت ابراهیمک قوزغانی . پیغمبر حضرت داودک قلیجی . مکہ مکرمه آلتون اولوق . مکہ مکرمه مقام ابراهیمک کوش قباغی . غسل نبوی صونی . چاریار کزین حضرتک عماملری . چاریار کزین حضرتک قلیجلی . اصحابدن جعفر طیار حضرت تلرینک قلیجی . اصحابدن خالد بن زید حضرت تلرینک قلیجی . اصحابدن شرحبیل بن حسن حضرت تلرینک قلیجی . پیغمبر حضرت یوسفک کوملیکی . مکہ مکرمه تک آناختاری . مکہ مکرمه ( باب التوبه ) دینلن قبولنک قنادی . برارچه بالقی . چاریار کزین سنجاقلری . چاریار کزین حضرتک تسبیحلیری . عشره مبشره حضرتک آتی عدد قلیج قبضہ لری . اصحابدن معاذ بن جبل حضرت تلرینک قلیجی . حضرت حسن وحسینک سنجاقلری . ویس القرنی حضرت تلرینک ناجی . حضرت عثمانک کندی ال یازیسی ایله قرآن کریم نسخه شریفه سی . امام علی حضرت تلرینک ال یازیسی ایله قرآن کریم نسخه شریفه سی . اصحابدن زین العابدین حضرت تلرینک ال یازیسیله قرآن کریم نسخه شریفه سی وسائرہ .

خرقه سعادت کوش صندوق دروننده اوله رق اندرون هایونده تخت اوله سنده محفوظ اولدیفی کی دیگر امانات مبارکه دخی بنه کوش قوطیلر ایچنده اوله رق براوطه تک راف وجوارلرنده حفظ ایدلمکده در . هر رمضان شریفده وعلی الاکثر اون بشنده پادشاهلر منک طوطو سربنه آلایلہ کیدرک زیارت ایتدکاری خرقه سعادت بودر . ( کعب بن زهیر ) نامنده کی

اموی وعباسی خلیفه لر دخی اوپولده حرکت ایدرک هربری دیکرندن فرقلی بر عباره اتخاذا ایشدر . علی الاکثر اوپولده عائد اولدیفی خلیفه تک اسمی ایله بر مناسبت معنویہی حاوی بولنوردی . خلفای عباسیه دن ( مأمون ) ک نقش خاتمی ( عبدالله یؤمن بالله مخلصاً - عبدالله جناب حقہ کمال اخلاص ایله ایمان ایدر ) ، ( واثق ) ککی ( الله ثقة الموائق - جناب حق واثقک اعتماد کا هیدر ) ، ( متوکل ) ککی ( علی الله توکلت ) ، ( معتد ) ککی ده ( اعتمادی علی الله وهو حسبی ، اعتماد الله در ، ابوبکا کفایت ایدر ) شکرلرنده ایدی . دیگر خلفانک کیلرینی بونلره قیاس ایدی کز . الیوم خلافت علامت لرندن مقصد مخلفات مبارکه نبویه آکلاشیلیر . بو مخلفات اولجه دخی دیدیکمز وجه ایله در سعادتده اسکی سرای نامیلہ معروف اولان سرای داخلده بردارده کوش بر صندوق دروننده محفوظدر . امانات مباحوث عنہا شونلردر :

( ۱ ) خرقه شریفه ، ( ۲ ) حضرت نبی ذی شانک بر دیشی ، ( ۳ ) پیغمبرک صاحبندن برقاج صاج ( حلیه سعادت ) ، ( ۴ ) پیغمبرک کیدیکی نعلین ، ( ۵ ) علم نبوی ، ( ۶ ) حضرت ( ابراهیم الخلیل ) ک زمزم دن صو ایچدیکی روایت اولتان دیردن معمول ایکی صوقاقی ، ( ۷ ) امام ابو حنیفه تک جبهه سی ، ( ۸ ) سیدنا یحیا تک قولی . خلفای آل عثمان هر سنه رمضانک اون بشنده رجال دولتدن مرکب محتشم بر آلا ی ایله مذکور سرباه کیدرک بو



عصا ، علامات خلافتك اوچنچيسيدر .  
خليفه جالس تحت خلافت اولنجه خرقة ،  
مهر ، عصايي اكا کوتورلردی . كركامويلر ،  
كرك عباسيلر زماننده بواوچ شی خليفه مخصوص  
علاممميزه دن اوله رق دوام ایلدی .

### خطبه ، سکه ، طراز

خلافته مخصوص علاماتدن اوله رق اوچ شی  
دها واردركه بونلرده ( خطبه ) ، ( سکه ) ،  
( طراز ) در .

( خطبه ) : — جامعلرده نمازده منبرلر  
اوزرنده خليفه ايچون اوقونان دعايه خطبه  
دينير . خطبه نك اصلی شويلاهیدی : اوائل  
اسلاميتده نمازده امامتی بالذات خليفه لری ايفا  
ايدرلر و نمازی حضرت پیغمبره صلوات و صحابه  
گرامه رضوان دعا لریله يتيريرلردی . بالاخره  
اسلاملر توسيع ممالك ایلهرک هر طرفه والیلر  
اعزام ایدنجه بووالیلر بولندقلری یرلرده نمازده  
اماملق و نمازك نهایتده دخی خليفه دعا ایتمه  
باشلادیلر . والیلردن بوبولده ایلک حرکت ایدن  
ذات حضرت علینك خلافتی زماننده بصردیه  
والی اولان ( عبدالله بن عباس ) ایدی .  
مشارالیه منبرده طوردرق : اللهم انصر علایا —

صحابی معزز حضرت پیغمبره برقصده تقدیم ایلش  
وبوقصیده فوق العاده ممنونیت رسالتناهی موجب  
اولفله مبارک خرقلرینی مشارالیه احسان ایتش  
ایدی . ایشته بزده کی خرقة سعادت بودر . خرقة سعادت  
دائرة سنی سلطان سلیم اول بنا ایلشدر .

( رسملی وخریطه لی عثمانلی تاریخی )

الهی ! حضرت علی بی مظفر آیت ، دیدی .  
دها صکره خليفه دعا ایتك عادت اولدی .  
حتی بریرده برخليفه دعا ایتك اوخليفه نك  
اویرده حاکمیته علامت اتخاذا ایلدی . بغدادده  
خليفه لرك حاکمیت ونفوذی آرالدینی زمانلرده  
متغلبه دن اولان سلاطین وامرا بودعاده خالفیه  
مشارکت ایتمه باشلایه رق خطبه ده اولا خليفه  
زمانك ، دها صکره کندیلرینك اسمی ذکر  
اولنوردی . دها صکره خليفه نك اسمی  
بسبتون قالدیره رق یالکیز کندی اسملرینی  
ذکر ایتدیرلردی . جامعلرده کی منبرلرده  
خالفیه دعا بوکونه قدر دوام ایتکده در .

( سکه ) : — خلافته ودها طوغریبی  
علی الاطلاق حکمدارلغه مخصوص اولان  
علامتلردن بریده سکه در . سکه خالفیه نك ، یاخود  
حکمدارك اسمی حاوی دمیردن برمهرك نقود  
اوزرینه باصله مسیدر [\*] . ایشته بوکا سکه  
اطلاق اولنور . سکه دولتلر ایچون بک لزومایدر .  
( قبل الاسلام عربلرده سکه ) : — عربلر  
اسلامیتدن اول ایران وروم حکمدارلرینك  
نقودینی استعمال ایدرلردی . بونقود ( درهم )  
و ( دینار ) ناملریله معروف ایدی . الیوم  
بزده بولتان آلتون و مجیدیه سکه کی اوصره لرده  
دینارلر علی الاجمال آلتوندن و درهملر کموشدن  
ایدی . آلتونی افاده ده ( عین ) و کموشی افاده ده  
( ورق ) تعیرلرینی استعمال ایدرلردی . باقر

[\*] دها اولکی ادوار ایشته بده بشریت  
معادنی کولچه ویا چپوق حالنده تمغاسز سکه اوله رق  
قولانمشدر . مترجم

دخی (دراهم سمریه) نامیله تسمیه اولان  
هربری آتی مقال و (خفیف سمریه درهملری)  
نامی ویریلن بش مقال وزننده درهملر  
- آچهلر - مستعمل ایدی . بونلر هپ  
ایران سککسی ایدی .

اسلامیتدن اول عر بلرجه استعمال اولان  
دینارلر ایکی نوع ایدی . بری (دانیر هرقلیه  
ویارومیه) دیدکاری روم ، دیکرلری (دانیر  
کسرویه ویا فارسیه) نامی ویردکاری ایران  
آلتون سککلری ایدی . درهملر دخی هم روم ،  
هم ایران سککلرندن ایدی . فقط عر بلر  
علی الاکثر روملرک دینارلرینی و ایرانیلرک  
درهملرینی ، یعنی روملرک آلتون و ایرانیلرک  
کموش سککلرینی استعمال ایلرلردی . بونک  
ایچون روم آلتونلرینی دها قیمتدار ودها  
مرغوب عد ایدرلردی . حتی روم آلتونلرینک  
کوزلکنی ، پارلاقنی ضروب امثال صره سنه  
کچیر مشلردی .

دینار ، لاتینجه برکلهدر . فی الاصل اون  
(اس) قیمتنده بر پارچه کموش افاده ایدر .  
(اس) دخی روم درهملرندن - آچهلرندن -  
برینک اسمی ایدی . ابتدای امرده بومقصد  
بناءً ضرب اولان (دینار) لفظی اون دیمک  
اولان Deni کله سندن مشتقدر . دینارک وزننی  
روما اوقیه سنک یدیده بری ، یاخود رطلک  
(لیبره نک) یوزده بریدر . یعنی انلر کموشدن  
برلیبره یی یوزدیناره تقسیم ایدرلردی . دها صکره  
آلتوندن دخی دینار تداول ایتمک باشلادی .  
ایرانیلر بو سکک احوالی روملرندن اقتباس ایدرلرک

سککلر دخی موجود ایدی . معافیه بونقودک  
جمله سی طارقی یه باغلی ایدی . چونکه  
(دینار) دن آکلادقلری شی انی ضرب ایدن  
پادشاهک ، یاخود امیرک نقشی حاوی بر مقال  
آغر لغنده بر پارچه آلتوندن عبارتدی . کذلک  
بر درهم پاره بر درهم آغر لغنده بر کموش پارچه سی  
دیمک ایدی . (درهم) ه (وافی) نامی دخی  
ویرلردی . اوزمانکی (دینار) بوکونکی  
سککیه کوره اون فرانغه معادل عد ایدیلر .  
اوزمانلرده (دینار) اون (درهم) ه مساوی  
اعتبار اولندیکی کبی بعضاً حال و موقعه کوره  
۱۳ و ۱۵ درهم اعتبار ایدلیدی ده واقع  
اولوردی . بر درهم ایسه بر فراق و دیکر  
بر تعبیر ایله بوکونکی مصر پاره سی اوله رق  
تقریباً درت غروش قیمتنده ایدی .



شکل : ۴ روم دیناری

(احکام سلطانیه) نامنده کی کتاب مؤلفی  
اودورلرده استعمال ایدیان نقوددن بحث ایتدیکی  
صرده دیورک : «ایران درهملری اوچ نوع  
آغر لقه بولنیوردی . بری بر مقال یکر می  
قیراط اعتباریله درهم ایدی که بوکا (دراهم بغلیه)  
دیرلردی . دیکری اون ایکی قیراط ، اوچنجیسی  
اون قیراط آغر لغنده ایدی .»  
دیکر ذواتک ویردکاری معلوماته نظراً

کندیلر بنه مخصوص نقود ضرب وعینی اسملر  
ایله تسمیه ایتدیلر .



شکل ۵ : ایران دیناری

(نقود اسلامیه) : — عربلر ظهور اسلامیه  
قدر روم و ایران نقودینی استعمال ایتدیلر .  
متعقباً مالکی فتح ودوات تأسیس ایدنجه بر  
مدنیت وضع وتشکیلنه قویوله رق سکه ضرب  
ایتدیلر . فقط بو سکهینی اول امرده روملر  
و ایرانلیر ایله مشترکاً ضرب ایتملر دره . (خالد بن  
الولید ) طرفندن هجرتک اون بشنجه سنه سنده  
( طبریه ) ده ضرب اولنان سکه او یولده ضرب  
اولنان سکه لر دن بری ایدی .



شکل ۶ : خالد بن الولید طرفندن ضرب اولنان سکه

بو سکه صلیبی ، تاجی ، عصای سلطنتی  
وسائر بی حازی اوله رق طبقی روم دیناری  
شکلمده در . بر طرفنه حروف یونانیه ایله خالدک  
اسمی ( ΧΑΛΕΔ ) وشو ( BON ) حرفلری  
منقوشدر . بورسمی نقل ایدن آلمان مؤرخ  
دوقتور ( موللر ) حروف مذکور دنک ( خالد  
بن ولید ) ک کینه سی اولان ( ابوسایمان ) ی

افاده ایتمک اوزره اختصار ایدلمش حرفلردن  
عبارت اولدیغنی ظن ایدیور .

( معاویه ) نامنه ضرب اولنش دیکر بر سکه  
واردر که بوسکه ایران دیناری نقش وشکلده در .  
یالکیز اوزرنده معاویه نک اسمی محرر در .  
بورسمی دخی مومالیه دو قنور ( موللر ) دن  
نقل ایدیور ز .



شکل ۷ : معاویه طرفندن ضرب اولنان سکه

( دمیری ) ، ( بغلیه ) نامنده بولنان بر نوع  
نقوددن بحث ایدرک بونک ( رأس البغل )  
اسمنده بر ذات طرفندن حضرت عمر نامه ایران  
سکه سی تمغاسیله ضرب ایدلمش اولدیغنی وبوسکه  
اوزرنده پادشاهک رسمی وتخت شاهی آلتنده  
( نوش خور ) عبارۀ فارسیه سی وضع اولندیغنی  
روایت ایدیور .

مرحوم جودت پاشادخی خلفای راشدین  
زماننده بولنان امرا و ولایه طرفندن ضرب  
اولنش سکه لر کوردیکنی وبونلرک اسکینسک  
( طبرستان ) ده ( هرتک ) قصبه سنده هجرتک  
۲۸ نجی سنه سنده ضرب اولنانی اولدیغنی ، بو  
سکه نک دائرہ سی اوزرنده خط کوفی ایله  
( بسم الله ربی ) دیبه حک ایدلمش بولندیغنی  
بیان ایلور . مشارایه ۳۸ سنه هجریه سنده



مدینه ددکی والسنه (محمد باقر) که شاهه اعزامی  
ایچون شو یولده بر امر کوندردی : « محمد  
بن علی بن الحسین خرجلق اوله رق یوزبیک  
ویول مصرفی ایچونده اوتوز بیک درهم  
ویره رک مشارالیهی معزراً و مرفهاً شاهه کوندرو.  
کرك كندیسنك ، كرك كندیسی ایله برابر  
کله جك رفیق لرینك راحت ایچوندها نه اقتضا  
ایدرسه جمله سی یاپ ». محمد باقر شاهه  
مواصلتده (عبدالملك) قیصر رومك اسلامیت  
حققده ایقاعنی دوشوندیکی اهانته قارشی نه کی  
تدابیر اتخاذ ایتمك لازم کله چکنه دأر مشارالیه  
ایله استشارده بولندی .

محمد باقر (عبدالملك) ه شو جوابی  
ویردی : « قیصر رومك تهدیدینه قارشی تلاشه  
لزوم یوق . در حال بر طاقم صنعتکارلری یانکه  
چاغیر . انلره آلتون و کموشدن سکه ضرب  
ایتدیر . سیکه نك بر طرفنه عبارۀ توحیدی ،  
دیگر یوزینه ده اجم نیجی قورسك . درهم و یا  
دینا ك کنایه ضرب اولدینی سنه یی و شهر ی  
علاوه ایدرسك . درهمی اون و دیناری یدی  
مثقال آغراغنده یاپم ایسك » . [\*]

عبدالملك مطالعۀ واقعیهی موافق کوردرك  
اکا کوره ضرب ایتدیردیکی سکه لر ی مملک

[\*] ری اون ، دیگری آتی ، اوچنجیسی  
بش مثقال ثقلتده اوله رق اوضرده معروف  
اولان اوچ نوع دینار ك وزن وسطیسی ، یعنی  
مجموع وزنك اوچده بزی دینار ك وزنی ایچن  
مقیاس اتخاذ ایداشدر اصلده بولان ایکی اوچ سطارق  
عبارۀ بومقصدی افاده ایده جك قابلیتدن پك اوزاق  
کر وادیکندن معناسز دوشر دیبه ترجه ایتدك . مترجم

ضرب اولمش دیگر بر سکه اوزرنده دخی بالاده کی  
عبارۀ یی منقوش کوردیکنی سویلکدن صکره  
اوزرنده پهلوی خطی ایله ( عبدالله بن الزبیر  
امیر المؤمنین ) دیبه یازلمش اوله رق هجرتك ۶۱ نیجی  
سنه سنده ( یزد ) ده ضرب اولمش دیگر بر سکه  
دها مشاهده ایلدیکنی سویلکده در .

بونکله برابر ذکر اولنان مسکوکات دول  
اسلامیه جه رسماً طائیوردی . معاملاتك اکثری  
روم و ایران نقودی ایله وقوع بولیوردی .  
خلفای امویه دن ( عبدالملك بن مروان )  
زماننده ( ۶۵ سنه سندن ۶۸ سنه هجریه سنه قدر )  
بر حادثه وقوع بوله رق نقود اسلامیه نك  
استعمالنه باعث اولدی . مشارالیه ( طراز ) ی  
( صرمه لی و نقشلی البسینی ) - بحث مخصوصنده  
تفصیلاتی ایله کوریه جکی اوزره - رومچدن  
عربجه به تحویل ایتمك ایسته مش ایدی .  
خلفه نك بو تشبثی روم پاشاهنه خوش  
کلیک بکنندن دینار لر اوزرینه شتم نیجی حاوی  
عبارۀ نقش ایدجکندن بختله ( عبدالملك ) ی  
تهدیده قالدیشدی . تهدید واقع ( عبدالملك ) ک  
پك کوچنه کیتدیکی جه تله اسلاملرک ایلری  
کلنلری طوبالایه رق کدیلریله استشاره ایلدی .  
بونلردن بری بو خصوص حققده اون ایکی  
امامدن اولوب مدینه ده مقیم بولنان ( محمد باقر ) ک  
مطالعۀ سنه مراجعت ایدلمسی لزومی کوستردی .  
( عبدالملك ) خلافتده کندیسنه رقیب اولان  
بنی دأشم ائمه سندن برینه عرض احتیاج ایتکی  
کبری نه یدیرمك ایسته میوردی . فقط نه ایست  
چارناچار ا کا مراجعتدن بشقه چاره بوله مدی .

اطرافه ده : « محمد رسول الله - ارسله بالهدى  
ودين الحق ليظهره - على الدين كله ولو كره  
المشركون » نقش اولنوردی . بویازیلر دینار  
ودرهملره فرقه سز اوله رق بر شکلده وضع  
ایدیلیدی .



شکل ۸ : عبدالمک بن مروانک نقودی

ایشته بو تاریخدن اعتباراً اسلاملر روم  
وایران نقودنی بالکلیه ابطال ایدیلر . امویلره  
منسوب اولان اک ایی نقود ( عمر بن هبیره )  
طرفندن امویلر نامنه ضرب اولنان ( هبیره )  
اسمنده کی سکه لر ایله ( خالد بن عبدالله البجلي )  
طرفندن کذلک انلرک نامنه ضرب ایدیلان  
( خالیه ) و ( یوسف بن عمر ) طرفندن یته  
امویلر نامنه ضرب اولان ( یوسفیه ) اسمنده کی  
سکه لر . ذوات مشارالیه مک اوچی ده امویلر  
طرفندن عراقده والیاک ایتمشلردر .

بالآخره خلافت عباسیلره کچدیکی زمان  
خلیفه ( منصور ) خراج بدلی اوله رق بنی امیه  
مسکوکاتندن اولقی اوزره اهاالیدن ذکر اولنان  
اوچ نوع نقوددن بشقه سنی قبول ایتماشدر .  
نقود اسلامیه نک بیوک بر تاریخی واردر که  
بوراسی آنک یری دکلدر . ( بکی مصر تاریخی )  
نامنده کی کتابم زده نقود اسلامیه نک اکثرینک  
رسملریله ضرب ایدنلرک - امیسی مذکوردر .

اسلامیه نک هر طرفنه کوندرمش وکړک درهم ،  
کړک دینار اولسون نقود مذکورده دن بشقه  
نقود ایله معاملاتده بولنه جق کیمسه لری اعدام  
ایله تهدید ایلش ، ده ها اول موقع تداولده  
بولنان مسکوکات اجنبیه نک نقود اسلامیه  
تحویل وقاب ایدیلانجه یه قدر تداوانی قطعياً  
منع ایتمشدر .

( ابن الاثیر ) ( عبدالمک ) ه ذکر اولنان  
مطالعده بولنان ذاتک - ( دمیری ) نک  
بالاده کی روایتک خلافت اوله رق - ( خالد بن  
یزید بن معاویه ) اولدیغی ادعا ایدیور . دیگر  
برطاقم مؤلفلر ایسه ( دمیری ) و ( ابن الاثیر ) ک  
دیدکلرینه مخالف دیگر روایاتده بولتمقه دیرلر .  
( عبدالمک ) طرفندن ضرب اولنان دینارلره  
( دنانیر دمشقیه ) - شام آلتونلری - نامی ویرلمش  
ایدی . بوندن ماعدا ( عبدالمک ) عراق والیسی  
( حجاج ) ه دخی دینار ضربنده مستعمل اولان  
قیراط وزنی اوزره اون بش قیراط ثقلتمده  
درهملر ضرب واورالرده موقع تداوله وضع  
ایتمنی امرایلمشدر . بوتاریخدن اعتباراً عراقده  
والیلمک ویا امیرلمک ایدنلر علی الاکثر امویلر  
نامنه سکه ضرب ایتمکه باشلامشلردر .

امویلر طرفندن ضرب اولنان سکه لرک  
بر یوزینه : « لا اله الا وحده لا شریک له » و بونک  
کنارینه : « بسم الله ، ضرب هذا الدرهم فی بلد  
كذا سنة كذا - بسم الله بو درهم فلان شهرده  
فلان سنهده ضرب اولتمشدر » و دیگر یوزینه  
دخی سورة اخلاص « الله ، احد الله الصمد لم  
یلد ولم یولد ولم یکن له کفواً احد » و بونک

ایله یازلغه باشلامشدر . رقم ایله تاریخی حاوی  
الکاسکی اوله رق بولان سکه ۶۱۴ سنه هجری سی  
تاریخی محتوی اولادر .

(ضربخانه) : — عربلرجه (دارالضرب)  
تعبیر اولتان ضربخانه بوعصرده دولتر ایچون  
نصل ضروری ایسه او زمانلرده دخی دول  
اسلامیه ایچون او یله جه ضروری ایدی . جهانک  
هیچ بریرند ، مدنی بردولت یوقدرکه ضربخانه یه  
مالک اولمسون . ایشته بوضروته بناء دول  
اسلامیه هر دورده پایتختلرنده ومشور شهرلرنده  
برجوق ضربخانهلر تأسیس ایلشلردر . ( بغداد ) ،  
( قاهره ) ، ( شام ) ، ( بصره ) ، ( قرطبه )  
وسائر بلاد مشهوره اسلامیه ده برجوق ضربخانهلر  
موجود ایدی . ضربخانهلر ضرب ایتدکلری  
اجرتی ( نامیله بر اجرت آلیرلردی که بواجرت  
هر یوز درهم ایچون بر درهم ، یعنی یوزده بر  
ایدی . بعض یرلرده بواجرت ذکر ایتدیکمز  
مقداردن دهافضله ویادها آزاووردی . فقط  
هر حالده دولت بو یوزدن مهم بر واردات تأمین  
ایدردی .

دول اسلامیه نك وقيله نه مقدار سکه  
ضرب ایتدیکنه کنجیه هر دولتك ضرب ایتدیکی  
نقود مقدارینک دیگر دولنلرده ضرب اولتان  
نقودک عینی مقدارنده اولماسی وسکه نك دول  
مذکورده جه هپ بر حال وسیاقده بولنامسی  
حسیبله دول اسلامیه نك مقدار نقودینی صوت  
صحیحیه ده تعیین ایتمک پک کوجدر . زیرا  
برجوق دفعه لر واقع اولمشدرکه دول اسلامیه دن

بوراده مجمله دیرزکه نقود اسلامیه اسلاملرک  
عراق ، شام ، اندلس ، خراسان ، هندستان  
وسائر ممالک کنده بالمله پایتختلرده ومشور  
شهرلرده ضرب اولمشدر . نقود مذکورده  
دولتله وعصرلرک اختلافه کوره رسم ،  
حجم ویا زیرجه بر برندن مختلف بر حالده بولنمده  
ایدی .



شکل ۹ : صلاح الدین ایوبینک اوغلی عزیزک سکه سی

نقود اسلامیه ده استعمال اولتان خط  
اول امرده خط کوفی ایکن بالاخره ۶۳۱  
سنه هجریه سننده صلاح الدین ایوبینک اوغلی  
( عزیز محمد ) زماننده عادی خط نستعلیق  
تحول ایلدی .

قرائن احوال دن آکلاشایدیغنه کوره  
اسلاملر ایکنجی عصر هجری ابتدالرینه  
قدر سکه لر اوزرینه سکه نك ضرب ایدلدیکی  
شهرک اسمعی قویمبورلردی . ضرب تاریخی  
ذکر ایتدکلرنده ایسه اندن اول ( سنه ) کله سی  
قولانیرلردی . دهاصکره بوکله یه بدل عینی  
معناده بولان ( عام ) کله سی اتخاذ ایلدی .  
چوقد نعه لر سکه لره : « فلان سنه نك آلیرنده » ،  
یاخود « فلانک زمان حکومتنده » کبی شیلرده  
یازیلردی . ایلک صدرلرده تاریخ جمله ( الحمد )  
حرفلری ایله افاده اولتورکن بالاخره رقم



بری ستهلرجه زمان دیگر بردولتک نقودی ایله  
اجرای معاملات ایله بالا کتفا ضربخانه تأسیس  
ایتمزدی . بعضاً دخی حکومت کندی نامه سکه  
ضرب ایتدیکی حالد . کندیسندن دهها اول  
دیگر دوللر طرفندن ضرب ایدلش اولان  
مسکوکاتی ده قوللانیردی . مع مافیه بوباده  
المزه کچن معلوماتی نمونه قیلندن اوله رق بوجه  
آتی قید ایدیورز .

( نفع الطیب ) کتابنده : « اندلسده کی  
ضربخانه اداره سنک هجرتک دردنجی عصرنده  
( بنی مروان ) ک زمان حکومتلرنده آلون  
مسکوکات ضربندن سنوی وارداتی ایکی یوز  
بیک دیناره بالغ اولمشدر ، دینلیور . بر دینار  
اونیدی درهم ایدر ایدی . واردات مذ کوره  
ضرب اولنان نقودک یوزده بری اعتبار اولنور .  
ایسه ممالک اسلامیه دن یالکیز اندلس قطعه سنده  
هر سنه ۲۰,۰۰۰,۰۰۰ ملیون دینار ، یاخود  
اون میلیون انکایز ایراسی ضرب ایدلیدیکی  
تظاهر ایدر . حال بوکه بومقدار ایوم انکله  
حکومتک ، شان وسطوتک ذرود سنده بولندی  
حالد ، سنده ضرب ایتدیکی نقودک ایکی مثله  
معادلر . شمدی بو مقداره دولت فاطمیه نک  
پایتختی اولان قاهرده و دولت عباسیه نک پایتختی  
اولان بغدادده وسائر بلاد مشهوره اسلامیه ده  
اوصردلرده ضرب ایدیلن مقدارلری ده علاوه  
ایدرسه ک ممالک اسلامیه ده اوزمانلرده ضرب  
اولنان نقودک غایت جسیم بریکونه بالغ اوله جعی  
کورولور .  
اوزمانلرده سکه ضرب ایتک صنعتی ، بوضع تک

کچیرمش اولدیغی ک بسط دورلرنده ایدی .  
نقوده یازلق ایستیلن عبارده دیردن برتمغایه  
ترس اوله رق حک اولنوردی . آلتون وکوش  
دینار ویا درهم آغیر اغنده پارچه پارچه یاییلیدی .  
مذ کورتمغایا قالم بوبارچه لر اوزرینه قونیله رق  
قالبک رسمی چیقنجه یه قدر آغیر برچکیج  
ایله اورولوردی . ایشته سکه بوسورتله میدانه  
کلیردی . ( سکه ) کله سی اولامده قالی حاوی  
اولان بودمیر پارچه سنه اطلاق اولنورکن ده  
صکره لری دمیرک اثری اولان نقشه ، ده  
صکره سکه ضربی صنعت و تفرعاتنده اطلاق  
ایدلشد .

( طراز ) : — خلفایه مخصوص علامتدن  
عد ایدیلن ( طراز ) روم وایران دولتلرنده  
حاکمیتی مین استعمال ایدیلن اسکی علامات  
میزدند . حکمدارلر کندی اسملری ویا  
برطاقم علامات مخصوصه یی کندیلرینه خاص  
اوله رق اییکدن اعمال ایدیلن البسه یه قاش  
نسج ایدلیدیکی زمان وضع ایتدیرلردی . بویازلر  
ویا علامات مخصوصه یا آلتون صرمه ایله ، یاخود  
قاشک رنگنه مخالف اییکله یاییلیدی . ایشته  
بویازلره وعلامات مخصوصه یه ( طراز )  
نامی ویریلوردی . ( طراز ) مقام ورتبه یه کوره  
کوک خافاک ، کک سائر رجال دولتک البسه  
رسمیه سی ایدی . بوکون دولتلرجه مستعمل  
اولان البسه رسمیه وعسکریه فصل ایسه  
اوزمانلرده بونک یرینه طراز اصولی استعمال  
اولنوردی . بوندن مقصد بوکونکی البسه  
رسمیه دن آرانان مقصدکی کین ذواتک خاقه ،

استعمال ایتشلردر . مشارالیه طرازی عربجهیه نقله تشبث ایدنجه مصرده اعمال اولنان بوغچه و مندیلدردن باشلامشدر .

مصر اهالیسی اوئاننده اکثریتنه خریستیان قالمش اولدقلردن بوغچه لره و مندیله ره روجه طراز وضع ایدرلردی . بو طراز ایسه « پدر ، اوغل ، روح قدس نامنه » دعاسندن متشکل بوانیوردی . اسلاملر مصر وشام قطعه لرینی فتح ایتمش ایکن طرازی بویه براقشیلر ایدی . نهایت برکون ( عبدالملك ) کندی مجلس منده اوطوردورکن بر بوغچه کورده نك اوزرنده محرر اولان روجه عباردینی آ کلامقی ایستدی . عربجهیه ترجمه ایتدیله . کلمه لرك معناسنی ونه مقامده قوللانیدینی آ کلاينجه طرازك او

صورته دوامنی چرکین کوردی : « بوحال دین اسلامیه نه قدر چرکیندر ! بوغچه لرده کی نقشلر بویه اولسونده بونلر ممالك اسلامیه نك هر طرفنده قوللانسون ! » دیدی . مصرده والی بولان برادری ( عبدالعزيز بن مروان ) ه بر امرنامه یازدی . بالجمله اقمشه وسائرده استعمال اولنان مذکور روجه طرازك بستیون ترکی ایله انك یرینه ( لاله الهو ) وضع ایدلمسینی امر ایلدی . خلیفه نك امری وجه ایله حرکت ایلدی . ( طراز ) لر هپ اسلام طرازی شکلنه تحول ایتدی . دول اسلامیه نك سائر زمانلرنده طراز بوشکلده دوام ایلدی .

( عبدالملك ) سائر طرفلره دخی عین اوامری اعطا ایدرک روم طرازی شکلنده طراز اعمال واستعمالنه دوام ایدنلر بولنورسه بونلرک مؤلم

رجال دولندن اولدقلرینی احساس ایدر بر قیافت ایله کورنملردن عبارتدر .

ایران و روم حکمدارلری بو طرازی کندی رسملرینی ، یاخود حاکمیه دلالت ایدن بر طاقم رسم و نکللری حاوی اوله رق اعمال ایتدیریرلردی . وقتا که اسلاملر اکاسره وقیا صره نك تخت حاکمیتلری اوزرینه پا بر جای قرار اوله رق شان وسطوت دولتلی هر طرفی قابلا دی ، عادات و آداب سلطه منده روم و ایران حکمدارلرینی تقلیده میل ایلدیله . تصویر استعمالی احادیث نبویه ایله تجریم ایدلمش اولدیغندن طرازده کی رسملره بدل اسم و تقال و یادعانی متضمن عبارلر یازلمسینی مناسب کورمشلردی .

خلفای اسلامیه دن طرازی عربجهیه ایلمک تحویل ایدن ذات امویلردن ( عبدالملك بن مروان ) ایدی . خلفای راشدین ده ها اول کوردلیکی اوزره غایت ساده بر حیات کچیره نك اويله شیلره اهمیت ویرماشلردی . خلافت امویلره کچره نك بونلر روملر ایله اختلاط ایدنجه انلرک اثرینه اقتفا و دولتک پک چوق امور و خصوصاتنده روملری تقلید ایتشلردر . طرازی البسه ، طرازی خانه پرده لری و ( اوانی و البسه صارمغه مخصوص ) طرازی بوغچه لر و مندیله لر اوصره لرده اقتباس اولنان شیلر جمله سندن ایدی .

اسلاملر طرازی الك اول روملرده اولدیقی کبی عیناً ، یعنی اوزرنده بولنان یازی روجه اوله رق قبول و ( عبدالملك ) زماننه قدر اويله جه

دایاق و مدید - پس ایله مجازات ایدلمسی  
لزوینی بیلدیردی .

اواخر واقعه دن صکره ممالک اسلامیه ده  
اعمال اولنان اقمشه و بونجه لر ممالک رومده  
امپراطور طرفدن کوریلوب ترجمه سی آکلا-  
شیلنجه امپراطور حدت ایتدی . (عبدالملک) :  
« مصرده یاییلان مندیله و بونجه و سائر دنک  
اعمالی روملره عائددر . شمدی یه قدر انلرک  
طرازی قوللانیلدوردی . سندن اول کلن خلفا  
بوکا اعتراض ایتدیلر . اکر انلر عدم اعتراض  
ایله اصابت ایتمشلر ایسه سنک اعتراض ایله  
خطا ایتمش اولقلغک لازم کایر . اکر سن  
اصابت ایتدک ایسه انلر خطاده بولنمش دیمکدر .  
بوایکی حالدن برینی تسایم ایدیکنز » مألنده بر  
نامه یازوب کوندردی . و تکرار روم طرازینک  
استعمانه موافقتی استیصال ایچون برطاقم  
هدایا یوللادی . (عبدالملک) بوهده لری رد  
واماده ایتدکدن ماغدا نزدینه کلن ایایچی  
قیصره جواب اوله جق برشی موجود اولمدیغنی  
بیان ایدرک صاودی . روم امپراطوری ایکنجی  
دفعه ده اچوق هدیه لر کوندره رک جواب بکلمش  
ایسه ده جواب آله مدیغندن غضبه کله رک روم  
سکه سی اوزرنده سب نبی حک ایده چکنی  
مقام تهدیده (عبدالملک) بیلدیردی . بو  
تهدیدات خلیفه مشارالیهی بالاده کورولدیک  
وجه ایله حقیق نقود اسلامیه ضربنه ایقاظ  
وتشویق ایلدی .

قراش احوال دن آکلاشدیغنه نظراً البسه  
اوزرنده بولنان طراز بووقه دن اعتباراً

اسلاملرک نظر دقتی جلب ایلش و بوزماندن  
صکره رجال دولت وعسکر البسه سنه علامت  
خلافت وضعنه باشلانیشدر . بو اشارت خلیفه نک  
اسم ، یاخود لقبی و سائر دن عبارت ایدی .  
کذلک دولک سائر خصوصاتنه ، کسوه لرده ،  
بیراقلرده بو طراز استعمال اولنوردی . طراز  
دولتک حاکمیتی ارانه ایدن الک مهم علامتدن  
معدود ایدی . حتی والیلردن بری حکومتک  
علیهنه اعلان عصیان ایتک ایسته سه خلیفه نامه  
خطبه یی کسیدکی کبی طراز دنده اسمنی  
چیقاریردی . نته کیم (مأمون) (خراسان) ده  
والی ایکن برادرلی (امین) ک کندیسنی ولی  
عهدلکدن چیقاردیغنی ایشیدنجه نک نامه  
خطبه قراشتی و طراز استعمالی ابطال ایله  
اعلان عصیان ایلش ایدی .

خلفا طراز اعماله مخصوص کندی سرا-  
یلرنده (طراز اعمالا تخانه لری) نامی ایله دائره لر  
تأسیس ایلرلردی . بو اعمالا تخانه لرده نسج  
اولنان البسه خلیفه نک طرازی ایله موشیح  
بولنوردی . اعمالا تخانه لره نظارت ایدن ذواته  
(صاحب الطراز) نامی ویریلردی . منصب  
مذکورلی احراز ایدن ذات بو اعمالا تخانه لرده  
ایشیلین قیو مجیلره و آلات وادوانه و طوقو-  
یجیلره نظارت و آیاقلریغنی صرف و اعطا  
ایلردی . امویلر و عباسیلرک دولتلرنده بو  
اعمالا تخانه لرک پارلاق درجه لره بالغ اولمشدر .  
خلفا بو اعمالا تخانه لره نظارت ایتک اوزره  
کندیلرینه ک زیاده منسوب و صادق کیمسه لری  
تعیین ایدرلردی . اندلسده کی دولت امویه ایله





ایله مرکز لری و بو اقلیم لره تابع اولان شهرلر  
آئیده کی جدولده کوسرلشدیر :

اقلیمک اسمی	اکا تابع شهرلر	مرکز اداره
۱ برنجی سوریه	۹	انطاکیه
۲ ایکنجی »	۷	حما
۳ اوچنجی »	۱۳	منبج
۴ برنجی (یاخود بحری) فنیکه	۱۲	صور
۵ ایکنجی ( » لبنان )	۱۳	شام
۶ عربستان ، حوران	۱۴	بصری
۷ الجزیره یاخود مابین النهرین	۱۳	دیار بکر
۸ اسروانا	۱۲	اورفه
۹ برنجی ناسطین	۶	قیساریه
۱۰ ایکنجی »		بیسان
۱۱ اوچنجی »		بطر الحجریه

هر اقلیمک بر والیدی ، یاخود متصرفی  
واردی . بو والی و یا متصرف علی الاکثر اصلزا  
دکاندن اولوردی . مفردی ( بطریق Patricienis )  
وجعی ( بطارقه - رؤسای عسکریه ) نامیله  
معروف اولان بو اصلزادکان و قبیله روما  
دولتک ایملک تأسسی ایله توزده مش و مملکتده  
یک بیوک بر نفوذ صاحبی اولمشلردی . روما  
دولتک ایکی به اتقاسمی اوزرینه بونلرک نفوذی ده  
دوچار انحطاط اوله رق حکومته اشغال  
ایده جک یرلری قالمش ایدی . فط بالاخره  
دولت مذکورنه حاکمیت و نفوذی آفریقاه  
و شرقک سائر طرفلرینه اتداد ایدنجه بو اوزاق  
ولایتلرک اداره سی ایچ-ون هیئت وسطوت  
صاحبی آدم لره لزوم کورلمش و بونک نتیجه .

احراز ایدن ( بحکم ) ک ( بغداد ) . استیلا سندن  
بحث ایتدیکی صرده مشارالیهک ده اول خلافت  
مشارالیه امیرالامر الرندن بونلر ( ابن رائق ) ک  
خرمته انتساب ایتدیکنی ، حق طاشیدی  
بیراغره ائقک نانی وضع ایلدیکنی سویلکده در .  
بوندن آکلا شیلور که دول اسلامیه ده بیراقلر  
اوزرینه اسم وضع ایتک اولل اسلامیه دالکیز  
خلفایه مخصوص برشی ایکن بالاخره امراه  
و مقام حاکمیه کچن هرذاته شامل اولمشدر .  
سریر ، منبر ، تخت ، کرسی دخی حاکمیت  
علامتلرندن عد اولنوردی . کذلک سنجاق  
و بیراقلر ایله آلات موسقیدن مرکب اوله رق  
( آلت ) تسمیه ایدیلن شیار دخی خلافت  
علامتندن اوله رق ذکر ایدیلور . بو خصوصه  
دائر عسکر بختنده معلومات ویره جکیز .

### والیهلر

( قبل الاسلام والیهلر ) : — حکمدارلر  
طرفندن پایتختک خارجنده بونان مملکتلره  
تعین اولنن بیوک مأمورلره والی و بونلرک  
حاکمیتی آلتنده بونان یرلرده ولایت نامی  
ویریلیر . بونوع اداره تقسیماتی اسکیدر .  
اسلاملر شام قطعه سنی فتح ایتدکری زمان  
بو قطعه اون بر اقلیمه منقسم و ( شرق ولایتی )  
نامیله روم مملکتنه تابع برولایت ایدی . هر  
اقلیمه متعدد شهرلر تابع بولندی کچی هر  
اقلیمک بر مرکزی واردی . مذکور اقلیملر

سندہ دولتک بو مستعمراتی و ازجه شام  
و مصر و لایتری و اطراف بواصلزادکانه تودیع  
ایدلکه باشلامشدر .

شام قطعه سندہ کی اقلیملرده بولنان والیلر  
اقلیمک مرکزنده و معیتلرندہ بولنان عسکرده  
مرکز لریک قلعہ لرندہ اقامت ایدرلردی . مذکور  
المیملر اوزرینه انطاکیه ده اقامت ایدر عمومی  
بر والی وار ایدی که بووالی اقلیملر والیلرندن  
ایستدیکنی تعیین و ایسته مدیکنی عزل ایتک  
صلاحیتی حازر ایدی . خراجک جبایاتی ،  
عسکره معاش توزیعی و ولایتک بتون اموری  
بووالی عمومی به راجع ایدی . مصر قطعه سی  
دخی اقلیملرہ تقیاتی جهتندن عین قانونه  
تابع اوله رق مصر عموم والیسی اسکندریه ده  
اقامت ایدرلردی .

عراق و ایران قطعه لری ده تقسیمات  
و اداره جه ذکر اولنان اصوله مشابه بر اصوله  
تابع ایدی . شو قدرکه اورالرده بولنان والیلر  
مرکز سلطنته ( ایرانه ) دهها زیاده قریب  
بولندقلری ایچون بلکه شام و مصر والیلرندن  
دها زیاده قید و نظارت آلتده طو تولیورلردی .  
( اسلامیتده ولایات ) — : اسلامیتک  
ظهوری ایله اسلاملر فتح ممالکه تشبث ایدنجه  
فتح ایچون کوندزدکاری قوماندانلری فتح  
اولنه جق یرلره حرکت ایتدن اول او یرلره  
والی تعیین ایدرلردی . یاخو او یرلری فتح  
ایده جک اولورلرسه او یرلرک امیری اوله جقلری  
وعدی ایله کوندرلرلردی . اسلاملر تا حضرت نبی  
زماننده بواصول اوزره حرکت ایدیلر . حضرت

پیغمبر هجرتک سکزنجی سنه سندہ خاقی اسلامیته  
دعوتی حاوی بر نامه پیغمبری بی حاملار ( ابو  
زید انصاری ) و ( عمرو بن العاص ) ی اعزام  
ایتدیکی زمان کنیدلرینه : « خالق حق شهادتی  
قبول والله ورسوله اظهار اطاعت ایدرلر  
ایسه ( عمرو ) موقع امارته کجه جک و ( ابوزید )  
نمازه و خاقی دائره اسلامیته ادخله وانلره  
قرآن و سن شریفی بی تعلیمه مأمور اوله جقدره  
دیش ایدی . نته کیم بویله ده اولدی .

دها صکره حضرت ( ابوبکر ) مقام خلافته  
کهرک شام جهتلرینه سوقيات عسکر به ده  
بولندیقنی صرده بر شهرک ویا بر اقلیمک فتحی  
ایچون بر قوماندانه نجا ق ویردکجه او قوماندانی  
او شهر ویا اقلیمه — کیتمدن اول — والی تعیین  
ایدرلردی . نته کیم ایلک اعزام ایتدیکی قوای  
عسکره اثناسنده اوله یلیمش ایدی . اعزام  
اولنان قوای عسکره ارج فرقه ایدی . بری  
( عمرو بن العاص ) ک قوماندانی آلتنده اوله رق  
( ایله ) طریقله ( فلسطین ) ک ، دیکری  
( یزید بن ابی سفیان ) ک قومانداسنده ( تبوک )  
طریق ایله شامک ، اوچنجیدسی ده ( سر حیل  
بن حسنه ) نک قوماندانی آلتند ، اوله رق ینه  
( تبوک ) طریقله ( اردن ) جهتلرینک فتحه  
کوندرلیمش ایدی . حضرت ( ابوبکر ) ذوات  
مشارا ایمی کوندریرکن فتحه کیتدکلری یرلرک  
والیملکلرینه تعیین ایله رک عسکره : « قتاده  
بولندیفکزدده معیتنه مأمور اولدیفکزد والی بی  
امیرکز اولمق اوزره طانیایسکزد » دیدی .  
متماقاً حضرت عمر خلیفه اولنجه ( ابو



عمیده بن الجراح) ی بتون شام قطعه سی والیاکنه  
و حرب وصاحده عموم عسکر قوماندانلغه  
تعیین ایتدی . ( ابوعمیده ) نك بو عمومی  
والیلکی شام قطعه سئ اسلامیتدن اولکی  
شکل اداره سنی آ کدیر . قده در . چونکه  
بالاده کورلدیکی اوزره شام قطعه سی اسلامیتدن  
اول برطاقم اقلیماره منقسم ایدی ، هراقلیمک  
آریجه بروالیدی و ارایدی ، بو والیلرک فوقده  
عمومی بروالی موجود ایدی . شیمدی بالکز  
فرق اوله رق روم والی عمومیسی انطاکیه ده  
اقامت ایدیوردی . عرب والی عمومیسی ایسه  
اورایه بدل دکزدن اوزاق و بلاد عرب ده یاقین  
بولمنسندن طولای شامی محل اقامت اتخاذایلدی .  
زیرا حضرت عمر یوقاریلده کورلدیکی وجه ایله  
کندیسی ایله اسلاملر آره سنده حائل تشکیل  
ایده جک برصو بولمنسی آرزو ایتزدی .

والیلکله اابتدای امرده تملک دن ( استملاک دن )  
زیاده اشغال عسکری به بکزییوردی . والیلرده  
شهرلرک اطرافنده مواقع مستحکمه ده اردوگاه  
قوران عساکر اشغالیه و محافظه نك قوماندانلرندن  
عبارت ایدیلر . اسلاملرک قوای عسکریه سی  
بالاده بیان اولان اسبابدن طولای سواحلدن  
زیاده چوله یقین یرلرده تأسیس اولان عسکری  
مواقعه اقامت ایدر ، قله ده تقسیم اولنوردی .  
بوسبیدن شام قطعه سنی اشغال ایدن قوه عسکریه  
اسلامیه بری ( شام ) ، دیکری ( حمص ) ، اوچنجیسی  
( اردن ) ، دردنجیسی ( فلسطین ) اولق اوزره  
درت اردوگاه تشکیل ایلوردی . مذکور  
درت اقلیمه اجناد ( اردوگاهلر ) دینامیسی بوندن

نشأت ایدیور . عراق قطعه سنده بولشان قوه  
عسکریه ( کوفه ) و ( بصره ) ده و مصر قطعه سنی  
اشغال ایدن عساکر اسلامیه دخی ( فسطاط )  
ایلا ( اسکندریه ) اطرافنده اقامت ایدرلردی .  
عسکر کوی و قصبه لرده اقامت ایتزلر و اهالی  
ایله اختلاطیده بولنمازلردی . حضرت عمر  
اسلاملری زراعت ایله اشتغالدن منع ایلش  
وبو خصوصده تشدیداتده بولمنش ایدی .  
مجاهدین اسلامیه اهالی ایله اختلاطیده بولمنقسزین  
بتون سنه کندی اردوگاهلرنده اقامت ایتدکدن  
صکره ایلاک بهارده آتلی نکی کویلرده کی چایرله  
چیقاریرلردی . آتلیک چایرینه خدمه مقوله سی  
اولان اشخاص باقاردی . نظارت و اداره ایسه  
ضابطلر و قوماندانلر طرفندن اجرا اولنوردی .  
عساکر اسلامیه کندی آتلی نیک تربیه سنه  
وسمینلر سنه صوک درجه دقت ایدرلردی .  
( عمرو بن العاص ) طرفندن معیتنده بولشان  
عسکره خطاباً ایراد اولشان آتیده کی سوزلر  
آتله نه قدر دقت و اهمیتله باقلدیغنی کوستیر :  
« کندی شیشمان ، آتی ضعیف یابان آدمی  
وظیفه سنی حسن ایفا ایتماش عد ایدرم .  
عسکری نصل نظر تفتیشدن کچیریورسه م  
آتلی ده و یله جه نظر تفتیشدن کچیردجکم .  
بر معذرت مشروعه به مبنی اولیه رق هرکیمک  
آتی ضعیف و ناتوان کوریرسه م او آدمک تیمار  
و علوفه سنندن - مختصاتندن - او نسبتده  
تفتیصات اجرا ایده جکم » .

( عمرو بن العاص ) ایلاک بهار کلدیکی زمان  
معیتنده بولشان عسکری چایره چیقمق و سوت

ایله اکتفا ایلیورلردی . شام کی امویلرک  
وعراق کی عباسیلرک مرکز خلافتلرینه یقین  
بولان یرلردن ماعدا اسلامیتک ابتدالرنده  
بتون ولایتلر شو ذکر ایتدیکمز حالده  
بولونیوردی .

خلفای راشدین زماننده تعیین اولنان  
والیلر والی بولندتلری یرلری فتح ایتش  
اولان قوماندانلر ایدی . وظیفه لری ده فتح  
ایتدکلری مالکده آسایش وانتظامه باقق ،  
صلاقی اقامه وخراجی جبایت ایلکدن عبارت  
ایدی . بالاده بیان ایتدیکمز اوزره شام ،  
مصر وعراق قطعهلرند فتح اولنان مملکتلرده  
امور اداره امویلر زماننک اورتولرینه قدر  
قبلالفتح نه حالده ایدی ایسه اوحالده قلمش  
ایدی . مع مافیه خلفای راشدینک صووک  
زمانلردن اعتباراً حکومت یرلی حکومت ،  
یعنی حکومت اسلامییه شکلی آلمغه باشلامشدی .  
وقتا که ( عبدالملک بن مروان ) مقام خلافت  
کچدی ، معاملات رسمیه یی عربجه به تحویل  
وامور حکومتی اسلاملره تودیع ایتمکه حاکمیت  
اسلامیه یی اکمال ایلدی . بوتارینخدن صکره  
والیلکلر زمان وموقع مقتضای اوله رق بر  
قاج نوع ودرجه لره تنوع واقسام ایتش ایسه ده  
( عمومی امارت - صلاحیت واسعه ایله  
والیلک ) ، ( خصوصی امارت - صلاحیت  
محدوده ایله والیلک ) ناملریله ایکی نوع امارته  
انحصار ایدردی . ( عمومی امارت ) دخی  
بری ( امارت استکفاء - طوغریدن طوغری به  
خلیفه نك انتخابه والیلک ) ، دیکری امارت

حیواناتی صاعمق ایچون ایتدکلری یرلره  
کیتک اوزره ترخیص ایدردی . جنودا لایه  
حامل اولدکلری سجاقلر ومنسوب بولندکلری  
قبائل ترتیبه کویلره وباخصوص ( منوف ) ،  
( سمند ) ، ( اهناس ) ، ( طحا ) جهتلرینه  
طاغیلرلردی . مصرک هر طرفنده کویلر او  
صرده قبطیلر وروملر ایله مسکون ایدی .  
چونکه اسلامیت مصر کویلرنده آنجق هجرتک  
یوزنجی سنه سندن صکره انتشاره باشلادی .  
یوزالنجی سنه سندن صکره ایسه برقات دهاتوسع  
ایلدی . بونکه برابر مصرده اسلامیت آنجق  
اوچنجی عصر هجریده قوت بولدی . اسلاملرک  
بوتارینخدن ده اول مصر کویلرنده جامع انشا  
ایتملری بودیدیکمز تأیید ایدر . بوندن ماعدا  
اوصرلرده قبطیلر عصیان ایتدکجه اسلاملری  
یورارلردی . عصیانک تسکینی ده پک مشکل  
اولیوردی . بو حال بویه جه ۲۱۶ سنه هجریه سنه  
قدر دوام ایتدی . سنه مذکورده ده ( مأمون )  
عصیانده بولنان قبطیلر وروملر حقدده شدت  
استعمال ایدرک کندیلرخی دائرة اطاعته آلدی .  
اسلامیت ایشته بوتارینخدن صکره کویلرده انتشار  
ایتمکه باشلادی .

( اندلس ) ده دخی شکل اداره شو بیان  
ایتدیکمز حالده ایدی . ۹۲ سنه هجریه سنه  
قطعه مذکورده فتح اولندقدن صکره اهالی  
اصلیه امور اداریه ، سیاسی و دینی ده اسکیده  
نصل ایدیلر ایسه اوحالده بر اقامش و اداره  
حکومت اهالی به ترک ایدلمشدی . اسلاملر  
یالکمز عمومی ریاست وعسکری قوماندانلی

استیلاء - خليفهك يالكىز تصديقاه اولان  
والملك ( ناليله ايكي درلو ايدى .

( امارت استىكفا ) : - امارت استىكفا

ويا امارت تفويض اءالينك وحكومتك هر  
درلو امور وخصوصاتنه باقى اوزره خليفه  
طرفندن ارباب اهليت واقتداره صلاحيت واسعه  
ايله تفويض اولنان والىلكدر . بو صورتله تعيين  
اولنان والىلر شويدي مادده تعداديدىلن وظائف  
ايله مشغول اولورلردى : ( ۱ ) اداره عسكريه يه  
نظارت وعسكرى ايجاب ايدن مواقعه ترتيب  
وتحشيد ، معاش وارزقى تقدير وتعيين ايتك  
( شايد خليفه طرفندن تقدير وتعيين ايدلماش  
ايسه ) ، ( ۲ ) امور اداريه نظارت ومأمورين  
وقضاتى تعيين ايتك ، ( ۳ ) خراجك جايته  
وصدقك جمعنه باقى وبولره اقتضا ايدن  
مأمورلى تعيين ايتك وارباب استحقاقه ، يعنى  
حكومت مأمورلرينه استحقاقلرينه كوره تأديتده  
بولتىق ، ( ۴ ) دين وعرضه تجاوزات وقوع بولماسنه  
دقت ايتك ، ( ۵ ) حدود شرعيهك اقامه سنه  
باقى ، ( ۶ ) نمازده اماملق وظيفه سنى ايضا ايتك ،  
( ۷ ) حجاجه معاونت وتسهيلات كوسترتمك .  
بو كى والىلك محل مأموريتلى دشمن  
بر مملكت حدودى اوزرنده كائن ايسه والى يه  
سكزنجى بر وظيفه ترتب ايدر كه اوده دشمن  
ايله محاربه ايتك و ( عسكرو ماليه ) بحثده  
كوريله چكى اوزره آلتان غنائمى مجاهددين  
يئنده تقسيم وخسنى اهلنه ويزملك اوزره تفريق  
ايتكدن عبارتدر . ولايات اسلاميهك اكثرى  
وابخصوص بنى اميه زمانده عراق ، عباسيلر

زماننده مصر وشام وهر ايكيسنك دور  
خلافتلرنده خراسان كى مركز خلافتدن  
اوزاق اولان ولايتلر بو شكلده ايدى .

امويلر زماننده عراقده بو نوع استىكفا  
والىلرينك مشهورلى ( زياد بن ابىه ) ايله  
اوغلى ( عبيدالله ) ، ( بشر بن مروان ) ،  
( حجاج بن يوسف ) ، ( يزيد بن مهلب ) ،  
( مسلمة بن عبدالمك ) ، ( عمر بن هبیره ) ،  
( خالد بن عبدالله القسرى ) ، ( يوسف بن  
عمر الثقفى ) ، ( عبدالله بن عمر بن عبدالعزيز ) ،  
( يزيد بن عمر بن هبیره ) در . مشارالهمك  
والىلكلرينه ( كوفه ) و ( بصره ) ي حالى  
اولمسندن طولاني ( عراقين امارتى ) - والىلكى -  
نامى وريلىردى . بو والىلردن هر برى نفوذى  
آلتنده بولنان يرلرده يوقايرده بيان ايتديكمز  
امور وخصوصاتده مستقل بر حكمدار كى  
حركت ايدردي . تحت حاكميتنده بولنان شهر  
وقصبه لره اقتضا ايدن متصرفلى وسائر  
مأمورين دولتى تعيين ، اموال حكومتى تحصيل  
وجبايت وبو پارلردن عسكرك ومأمورينك  
معاشاتى ومملكتنك عمراننه خادم كوپرلر انشا  
وقلالر حفرينه وسائر امور نافعيه مقتضى  
مبالغى صرف ايتكدن صكره بقيه وارداتى  
شامده ( بيت المال ) ه ارسال ايلردى .

مصره تعيين اولنان والىلر دخى ( عمرو  
بن العاص ) زمانندن ده صكره كى زمانه قدر  
بو قبيل والىلردن ايدى . بلكه مصر والىلرى -  
باخصوص معاويه يه حضرت على عليه عظه وظهرت  
ايتكدن صكره معاويهك امريله صوك دفعه



بر رده اوطور میوب بالذات خراسانه قدر  
کیمش واورالده بولان مأمورین حکومتدن  
مناسب کورمدکلرینی تبدیل ویرلرینه مناسبلرینی  
تعیین ایتدکن و بر طاقم اصلاحات یابدقندن  
صکره (عراق) ه عودت ایلشدر .

بر چوق دفعه خلفا کندیلرینه منسوب  
خواص رجالدن برینه والیک توجیه ایتدکلری  
زمان بو ذات کندی یرینه قائم اوله جق دیگر  
برخی والی اوله رق کوندریر و کندیسق مقرر  
خلافت ده قالردی . بو کي حاللر اکثریتله  
عباسیلر زمانده وقوع بولیوردی . دولت  
عباسیه نك بر طاقم حکومت مستقلیه دوچار  
انقسام اولسنه باعث اولان اسبابدن بری ده  
اوله بر صلاحیت واسعه واستقلال تام ایله  
تفویض اولان بو استکفا والیکلری ایدی .  
چونکه والی کندی ولایتی داخلنده فضله  
وارداتی خلیفه یه کوندرمکدن و خلیفه نامنه  
خطبه اوقوتمق وسکه ضرب ایتمکدن و اقتدار  
وصلاحیتنی تضییقه اوغراتمیه جق سائر بر طاقم  
خصوصاتدن ماعدا عادتاً بر حکمدار مستقل  
شکلنده حرکت ایدردی . بناءً علیه بو قدر  
بیوک بر نفوذ و اقتدار و صلاحیتی حائز اولان  
والی قورناز اولور و خلیفه یی ضعیف کوردرسه  
ولایت اهالیسنی کندیسنه طرفدار ایدرک  
یا بستون ، یا خود بغدادده کی خلیفه یه برویری  
ویرمک ، یا خود دیگر بر طاقم شرائط  
آلنده بولتمق اوزره کسب استقلاله موفق  
اولیوردی . ایشته بو صورتله آفریقاده کی  
اغالبه ( تونس ، طرابلس غرب و سیجیلیاده

والی تعیین اولان ( عمرو بن العاص ) زمانده  
دیگر ولایتده کی والیلردن زیاده استقلال صاحبی  
ایدیلر . احتمال که معاویه ( خراسان ) ه والی  
نصب ایلدی کی زمان ( زیاد بن ابیه ) ه و ( کوفه ) یه  
والی تعیین ایتدی کی صرهد ( مغیره بن شعبه ) یه  
دخی - بو داهیلری برقاتدها کندیسنه جذب  
وبند ایتک ایچون - اوله بر صلاحیت واسعه  
ویرمش ایدی .

خلافت عباسیلره کچنجه بونلرده بویولی  
طوتدیلر . مع مافیه مرکز خلافتیه یقینلغندن  
طولایی علی الاکثر عراق اوزرینه اوله مطلق  
و مستقل والی تعیین ایتزلردی . شام ، مصر ،  
خراسان و عراقک شرق جهتدن ترکستانک  
صوک حدودینه و ماوراءالنهر قدر اولان یرلر  
کبی اوزاق ولایتاره ایسه اوله صلاحیت واسعه  
ایله والیلر کوندریرلردی . بر مکیلر دولت  
عباسیه ده بیوک بر موقع و نفوذ صاحبی اولنجه  
بونلردن بری ، ( جعفر بن یحیی ) ( هرون الرشید )  
طرفندن ( انبار ) دن اعتباراً آفریقا داخل  
اولق اوزره بتون غرب ممالکنه مستقل والی  
تعیین ایدلدی . کذلک ( رشید ) بر مکیلردن ،  
مشارالیه ( جعفر ) ک برادری اولان ( فضل  
بن یحیی ) یی دخی ۱۷۶ سنه هجریه سننده  
( شروان ) دن ترک ممالکنک منتهای حدودینه  
قدر بتون شرق والیکنه عین صلاحیت واسعه  
ایله نصب ایلدی . ( جعفر ) بو والیک اثناسنده  
مصرده اقامت ایدرک شام و آفریقا و سائرده  
مأمور نصب واعزام ایتک صورتیه اداره  
حکومت ایتدی . برادری ( فضل ) ایسه اوله

اجرای حکومت ایدن بنی اغلب ) ، خراسانده  
ابن طاهر ( ۲۰۷ تاریخندن ۲۵۹ تاریخنه قدر  
خراسانده حکم سورن بنی طاهر حکومتی ) ،  
مصرده ( ابن طولون ) کسب استقلال ایلشلردر .  
مع مافیه ولایات مذکوره کسب استقلال  
ایتدکلری حالده ینه بونلر ( استیکفامارتلری )  
نامیله عباسیلره تابع امارتلراعتبار اولورلردی .  
( استیلامارتلری ) : — استیلامارتلری  
ویا والیلکلرندن مقصد برامیرک برولایته توت  
بازو ایله استیلامارتلر صکره خلیفه نك  
اوالی یی ایسترا ایسته من والی طایمسی  
ومأموریتنی تصدیق ایتسیدر . خلیفه بو کبی  
امرانک والیلکلرینی تصدیق وامور حکومتک  
مستقلاً اداره سنی کندیلرینه تفویض ایلردی .  
بو نوعدن اولان امرا بولندقلری یرلرده امور  
ادارینی ایستدکلری کبی کندی امرلری ایله  
وامور دینییه ده خلیفه نامنه نیابت صورتیه  
رؤیت و تنقید ایدرلردی . مع مافیه بو استقلاله  
مقابل امرا اوزرینه شو صورتله برطاقم شرائط  
وضع اولنوردی : ( ۱ ) امامت منصبک خلیفه  
پیغمبری یه حصری ایله امور ملتک حسن  
صورتله تدویری ، ( ۲ ) احکام دینییه اطاعت ،  
( ۳ ) مسلمانلر سائرلره قارشی قوتلی اوله ییلمک  
ایچون آرلرنده کی اتحاد وائتلافک تقویه سی  
ویکدیگرلرینه معاونت و سائلنک تزییدی ،  
( ۴ ) تولیت عقود دینییه سنک جائز  
و احکامنک نافذ اولسی ، ( ۵ ) اموال  
شرعیه نك صورت مشروعه و محقه ده استیفاسی ،  
( ۶ ) حدود شرعیه نك ، شروط لازمه سنی

بحق جامع و آنجق مستحققر حقنه  
جاری اولسی ؛ ( ۷ ) احکام دینک محافظه سی .  
استیلامیری کندی معیتده وزیر وسائر  
تعین واستخدامنه صلاحیته مالک ایدی . ایسته  
بونوع امارتلردن دولت عباسیه بالاده ذکر  
اولان ( بنی طاهر ) ، بویه ( ایران وعراق )  
جهتلرنده حکم سورن آل بویه ) ، غزنویه ،  
طولونیه ، اخشیدیه وسائر حکومتلرینه تشعب  
وتفرعه منتهی اولمشدر . مذکور حکومتلر  
مستقل برامارت اولمقله برابر بونلرده منبرلرده  
خلیفه نامنه خطبه او قونور ، کذلک سکه خلیفه نامنه  
ضرب اولنور و خلیفه یه سنوی معین بر پاره  
ویریلیردی . بوکامقابل خلیفه دخی بوامرانک  
مأموریتنی تصدیق ایدردی . مذکور امارتلرده  
حاکمیت — خدیویت مصریه نك دولت عثمانیه یه  
قارشی موقعی نصل ایسه انک کبی — متسلسلاً  
امیرک نسلنه انتقل ایلردی .

( خصوصی امارت ) : — خصوصی  
امارت ویا والیلکده والینک کوره جکی وظیفه لر  
حدود معینه دائره سنده عسکرک تنظیم و اداره  
سنه ورعایانک تمشیت و اداره مصالحنه باقغه  
واسلامیه وقوع بولان تجاوزاته قارشی طورمغه  
وعرض و ناموسک صیانت و حمایه سنه منحصر  
ایدی . بو صورتله والی اولان ذات قضاء ( امور  
شرعیه وعدلیه ) یه ، یاخود تنفیذه ، یاخود  
خراجک و صدقاتک جبايت و جمعه قاریشه مازدی .  
حتی نمازد ، امانق ایتزدی . زیرا بونوع  
والیلکلرده امامت بمضاً قاضی یه تفویض  
ایدیلردی . خلیفه بو والیلکلرده قاضیلری

صحابه دن ( شريح بن الحارث الكندي ) ي  
نصب ايدرك بوناردن ( عثمان ) ه كونده بر  
قيون ربعي وبش درهم و سنوي بش بيك درهم  
و ( عبدالله ) ه آيده يوز درهم ايله كونده بر ربع  
قيون و ( شريح ) ه دخي آيده يوز درهم ايله  
اون جريب ( اولچك ذخيره ) تخصيص  
ايلدي . بوندن آكلاشليغنه نظراً حضرت  
عمر ( عمار بن ياسر ) ي ديكر مأمورينك  
جمله سنك فوتنده طوتدي . بوايسه ( عمار ) ك  
نماز و عسكراوزرينه مأموريتدن نشأت ايديور .  
چونكه اوزمانلرده امارت و ياواليك بوايكي شي  
ايله قائم ايدى . حضرت عمر ( معاوية بن ابى  
سفيان ) ي شامه والى تعين ايتديكي زمان  
مشاراليه سنوي بيك درهم ( فراق ) معاش  
تخصيص ايلدي . حضرت عمر و ايلردن حساب  
آرامقده بك شدتلى طاورانيردى . واليلرك بر  
شيدن باره قازانقلارنى آكلادجقده اللرنده  
بولنان پارلرك نصفى آلوب ( بيت المال ) ه  
ويريردى .

خلافت امويلره كچنجه ( معاوية ) واليله  
كنديسنه ميل و انجذابلارنى برقات دهاتامين  
ايتك ايجون برچوق امتيازات ويردى . او  
جمله دن ( زياد بن ابيه ) ي ( بصره ) ، ( خراسان )  
و ( سجستان ) ه والى تعين ايتديكنده  
ايتديكي قدر معاش آلمسنة مساعده ايلدي .  
مصره ( عمرو بن العاص ) ي تعين ايتديكي  
زمان بوكاده عين مأذونتي ويردى . حكومت  
اسلاميه عباسيلره انتقال اينجه بوزلر دخي  
او يولده حركت ايتديلر . حتى ( مأمون )

و مال مأمورلارنى طوغرىدن طوغرى به تعيين  
ايلردى . مال مأمورلرى دخي اموال دولتي  
بيت المال نامنه تحصيل ، عسكرك معاشاني  
و سائردي تأديه و باقي قالان فضله و ارداتي  
بيت المال ارسال ايللردى . عباسيلر دورنده  
بونوع واليلكلر بك آز ايدى .

( واليلرك معاشاني ) : - حضرت عمر  
ديوان دولتي تأسيس و عسكرك معاشات و مخصوصاتي  
تعيين ايتديكي صروده واليلرك معاشاني ده  
تعيين ايلش ايدى . مشاراليك ايلك تخصيص  
ايتديكي والى معاشي قدامى صحابه دن ( عمار بن  
ياسر ) نامنه ايدى . حضرت عمر ( عمار ) ي  
كوفه واليلكنه تعين و نمازده اماملق و عسكركه  
قوماندانلق وظيفلارنى كنديسنه تفويض ايتديكي  
زمان آيده اكا آتلى يوز درهم ( فراق )  
تخصيص ايلدي . معيتمده بولنان متصرفلره  
و مأمورين و كتبه يه و مؤذنلره و سائرديه دخي  
معاشلر تعين ايتدى [ ۱ ] . اراضى مساحه  
مأمورلغنه صحابه دن ( عثمان بن حنيف ) ي ،  
كوفه ، قاضيلغنه قدامى صحابه دن ( عبدالله بن  
مسعود ) ي و بصره قاضيلغنه ده كذلك  
[ ۱ ] مؤلفك بوراده كي افاده سى بومالده در .  
حال بوكه مقدمه ده يازديني عبارده دن عمارك معيتمده  
بولنان مؤذنلر و سائرلرك معاشاتده بواآتى يوز  
درهم اينچنده بولنديني آكلاشايوردى . طوغرى  
بوراده كي افاده در . زيرا مؤلف كتاب دخي مترجم  
عاجزه اخيراً يازديني برمكتوبده مقدمه ده كي عبارديني  
( سراج الملوك ) كتابندن نقل ايتديكى ، انك معنى  
بوشمولنه دقت ايدمديكى ، كتابنك ايكنجي طبعنده  
اكا كوره تصحيح ايله جكنى بيان ايله ملاحظه منرى  
تصديق ايديور . ( مترجم )



و (عثمان) ده حضرت عمر نژاد لرنده عینی موقی  
طوتمش لریدی . فقط اوائل اسلامیتده اسلاملرجه  
(وزیر) منصبی معروف دکل ایدی .

امویار خلافتی سلطنت شکنه افراغ واستبقای  
حاکمیتی سیاست ورهه اوزرینه بنایدنجه قبائل  
و فرقه لری کنندی طرفلرینه جلب و بونلردن  
طرفدار اتخاذ ایتک ایچون حسن رأی  
و معاونت لرندن استفاده ایدیه جک آدم لره محتاج  
اولدیلر . بومقصدله استخدام ایتدکلری ذوات  
معنی وزیر دیمک ایدیلر . مع مافیه قرآن احوال دن  
آکلاشیلورکه اوزمانلرده بومقامی اشنال ایدن  
ذواته وزیر نامنی ویرمیورلردی . دولت اموینه ک  
اتها سنه قدر وزارتک شکلی بیان ایتدیکمز  
حاله قالدی .

بالاخره خلافت عباسیلره کچوبده مملکت  
کسب اعتلا و مراتب دولت دخی احراز اهمیت  
ایدنجه وزیرک مقامی ده بیومش و بالنباه تدویر  
امور مملکت و زرایه انتقال ایلشدر . وزارت  
(محاسبات دیوانی) ، ده صکره خلیفه ک  
اسرازینه کیمسه مطلع اولماق ایچون مختبرات  
مهمه دولت وظیفه سی علاوه ایدلمکله منصب  
مذکور هم سیف ، هم قلمی جامع بیوک بر مقام  
اولشدر .

دولت عباسیه ده (وزیر) نامی اینه ایلک  
تسمیه اولنان ذات (سفاح) زماننده بووظیفه  
تعین اولنان (ابوسلمه حفص بن سلیمان همدانی)  
ایدی . مشارالیه تاریخ اسلامیده دخی ایلک  
وزیر عداولنور . (ابن خلکان) : « نه امویار  
زماننده ، نه ده سائر زمانلرده مشارالیه دن ده

طرفندن شرق وایلکنکه » (شروان) دن ترک  
ممالکنک منتهای حدودینه قدر اولان یرلر )  
تعین اولنان (فضل بن سهل) ه سنوی  
۳,۰۰۰,۰۰۰ درهم (فراق) معاش تخصیص  
ایدلمشدر . بالاده کی معلومه تد، کورلدیکی اوزره  
وایلرک معاشاتی بر اطرا دده جریان ایتوب  
وایلرک نوعنه وولایتک وسعت واهمیتنه  
کوره مختلف مقدارلرده ایدی .

## وزارت

امیرالامراق ، سلطنت

وزارت مراتب دولتک اکیوکی ایدی .  
بورتبه اسلاملرک ایجاد ایتدکلری برشی دکلدر .  
اصلی ایرانلیدر . عباسیلر دورنده اسلاملره  
کچمشدر . مع مافیه وزارتدن مقصد خلیفه ک  
کندینه ظهیر اوله جق دیگر بر ذاتدن معاونت  
کورمسی ایسه اوخالده وزارت تا اوائل اسلامیتده  
موجوددر دینیه بیلیر . چونکه حضرت نبی بالذات  
محابه ایله مشورت و عمومی وخصوصی ایشلرده  
انلرک رأی و مطالعه لرندن استفاده ایتدکدن  
ماعداحضرت (ابوبکر) ی بعض خصوصاتده  
عادتا مستشار خاص اتخاذ ایلش ایدی . حتی  
اسلامیتدن اولروملر و ایرانلیرایله اختلاطده  
بونوب وزیرک نه دیمک اولدیفنی آکلایان بر  
قسم عربلر حضرت (ابوبکر) ی (وزیر نبی)  
دیه تسمیه ایدرلردی . (ابوبکر) حضرت نبی  
نزدنده هانکی موقعده بولنش ایسه حضرت  
عمر دخی حضرت (ابوبکر) و حضرت (علی)

( امیرالامرا ) : - امیرالامرا در دینجی عصر هجریده ودها صکره دولت عباسیه دن تشعبایدن ( آل حمدان ) و ( آل بویه ) دن بعض کوچک حکومت اسلامیه خلفای عباسیه طرفندن ویرلن لقب در . امیرالامرا بعضاً بسبتون ، بعضاً بدرجه یه قدر مستقل بر حکمدار حالنده ایدی . امیرالامرا القله ایلک تلیب اولسان ذات ( آل حمدان ) دن ( ابن رائی ) ایدی . بو ذات ( بصره ) و ( واسط ) امیری ایکن خلفای عباسیه دن ( راضی بالله بن المقتدر ) طرفندن ۳۲۴ سنه هجریه سنده امیرالامرا ایلدن ماعدا امور مملکت اداره سی اکا تفویض ومنبرلرده نامنک خطبه یه کچیرلمسی امر ایدلمش وکندیسنه خلعت اکسا و سنجاق اعطا اولنمشدر . ( ابن رائی ) ی ( بغداد پادشاهی ) ، یاخود ( بغداد سلطانی ) نامیلده تسمیه ایدرلردی . لقب مذکور ۴۴۹ سنه هجریه سنه قدر ( آل بویه ) ده دوام ایدرک ذکر اولسان تاریخنده ترک ساجوقیلرینه کچمشدر . ساجوقیلرک برنجیسی ( طغرل ) بک ایدی . اندن صکره مقام حاکمته زماننک اک بیوک حکمدارلرندن اولان ( الب أرسلان ) کچمشدر . ( امیرالامرا ) لقبی ساجوقیلرده ۵۴۷ سنه هجریه سنه قدر دوام ایتدکن صکره بونلرک بغدادده کی ( عراق ) حکومتلرینک سقوطی ایله بولقب دخی کندیلرندن دوشمشدر . ( آل بویه ) نفوذ حاکمیتدک ایلری کیتدکاری زمان امیرالامرای کنسیدی طرفلرندن نصب وتعیین ایدرلردی . وخلفایه ( رئیس رؤسا ) نامی ایله تسمیه ایدیلن

اول بونام ایله طائمش کیمسه یوقدر « دیور . ( ابو مسلم خراسانی ) به ( امیر آل محمد ) دینلیدی کی ( ابو سلمه ) یه ده ( وزیر آل محمد ) دینلیوردی . بونلرک ایکسی ده ایرانی ایدی . اسلامیتده وزیریه اک اول اعتمادایله امور دولتی انلرک الله ایلک تودیع ایدنلر عباسیلر ایدی . اودورلرده وزرا هپ ایرانی ایدیلر . وزرای عباسیه نلک اک مشهورلری برمکیلرده . بونلر مرور زمانه نفوذ دولتی بسبتون اله کچیره رک استبداد و تحکمه قالدیشنجه ( رشید ) ک امریه اتلاف ایدلمشلردر . عباسیلر زماننده وزارت برچوق تقلبات احوال کچیردی . اوجهل دن اوله رق در دینجی عصر هجریده وزیراسمنه برده ( صاحب ) لقبی علاوه ایدلدی . بولقب ایله ایلک تلیب اولسان ذات ( ابن عباد ) نامیله عالم علم وادبجه بیوک برشهرت صاحب اولان ( ابو القاسم اسماعیل ابن ابی الحسن عباد بن العباس ) ایدی . مشارایله آل بویه دن ( مؤیدالدوله ) نک وزیر ی ایدی . ( صاحب ) نامی ایله معروف اولدی . کندیسندن صکره مقام وزارتق احراز ایدن ذواتک جمله سی ( صاحب ) نامیله تسمیه ایدلدیلر .

بالاخره دولت عباسیه ده خلفانک نفوذ و حاکمیتلری ضعه منجر اولنجه وزارتک ده اهمیت قالدی . والیدردن هربری مملکتک برقطعه سنده اعلان استقلال ایدرک خلفا الله برشی برآمدیلرندن خلافت فصل اسمی وار ، مسامی یوق شیلر حکمنه کیردی ایسه وزارت دخی دوچار اضحلال اوله رق انک یرینه ( امیرالامرا ) ( تورددی .

بروکیل تعیینندن بشقه اقتدار و قوت بر اقامت ملر دی . فقط ده صکره خلفا ساچوقیلر زماننده تکرار امیرالامرائی کندیلری تعیین ایتمکه باشلاملر در . دولت عباسیه زماننده منصب وزارتک تاریخی تدقیق ایدیلر حک اولورسه منصب مذکورک دولت مشارالیه انحال و اضمحلاله باعث اولان اسباب جمله سندن اولدینی تظاهر ایدر . چونکه خلفا بتون امور دولتی وزیریه بر افسه رق بر طرفه چکلدکارندن مرور زمان ایله صفات حاکمیتدن مجرد و اجرای نفوذندن عاجز بر حاله کلشدر در .

دیگر دول اسلامیه کلهجه مصرده اجرای حاکمیت ایدن دولت فاطمیه نک ایلک وزیر ( یعقوب بن یوسف بن کاس ) ایدی . مشارالیه ۳۶۸ سنه هجریه سنده خلفای فاطمیه دن ( عزیز بالله ) ک وزیر اولدی . اندلسده کی دولت امویه کلهجه بودولته وزارت منصبی شامده کی امویلر دورنده وزارتک بولندینی شکل و حالده بولنیوردی . بودولته وزارت خلیفه طرفندن معاونلرندن و رایلرندن استفاده ایدلرک ایچون تعیین اولنان بر طاقم ذوات بیننده مشترک ایدی . خلیفه بو ذواتی کندی مجلسنه مأمور ایدردی . انلردن برینی دولت عباسیه و وزیر مقامنه قائم اولان ذات کبی کندینه بالوکاله اداره امور ایتک ایچون انتخاب ایلردی . بو ذوات اول امرده حاجب ( تشریفاتیجی ، مابینجی ) نامی ویریلیوردی . ده صکره ( وزیر ) نامی ویرلیدی . اندلس دولتی زماننده بو منصب بغدادده کی بر مکیلرده اولدینی کبی معروف بر

طاقم عائله لره ارث طریقیله منحصر طو تولیوردی . ( وزارت تفویض ) : — وزارت ، بالاده ذکر اولنان امارتنده اولدینی کبی ، ایکی دولو ایدی . بری ( وزارت تفویض ) ، دیگر ( وزارت تنفیذ ) در . وزارت تفویض ؛ امور اداره دولتی انله آله رق کندی رأی و اجتهادی ایله تدویر مصالح و رؤیت مهمام حکومت ایتک اوزره انتخاب و نصب اولنان وزیرک منصبنه اطلاق اولنور . وزیر دولتک بالجمله امور و خصوصاتی ید اداره سنه آله رق خلیفه نک نامنه رؤیت ایدردی . یالکنز شو اوچ شیعه قاریشه مازدی : ( ۱ ) ولی عهد لکه . چونکه ایستدیکنی ولی عهد اتخاذ ایتک خلیفه عائد بر صلاحیتدر . وزیرک بو خصوصه قاریشمغه صلاحیتی یوق ایدی . ( ۲ ) خلیفه وزیرک نصب ایتدیکنی مأمورینی عزل ایتک حقنی حائز ایدی . وزیر ایه خلیفه نک تعیین ایتدیکنی مأمورینی عزل ایتک صلاحیتنه مالک دکل ایدی . ( ۳ ) امامتدن استعفا خلیفه یه مخصوص بر حق ایدی . وزیر بوکا قاریشه مازدی . دولت عباسیه ده بر مکیلر ایله ( یحیی بن اکثم ) ، ( ابن الفرات ) و سائر و دولت فاطمیه ده ( امیرالجیوش ) او نوع تفویض و زراسندن ایدیلر . دولت عباسیه ده خلفا وزیریه کندی طرفلرندن ایستدیکری امور و خصوصاتده طوغریدن طوغرییه مهر باصمق و امیرلر تنفیذ ایتک درجه لرینه قدر بیوک صلاحیتلر ویرمشلردی . ( رشید ) ک ، مهری بر مکیلر دن ( جعفر ) دن آلوب برادری ( فضل ) ه تسلیم ایتدیکنی صرده و قوع بولان حال



— بو بورج طرفدن تأديه ايديله جكدور .  
 خليفه دخى بونك بر مثلنى سزه ويره جكدور .  
 — اوغلم اراهمى خايغه نك شرف صهرى  
 ايله مشرف ايلكى آرزو ايدىورم .

— خايغه ، قيزى ( غاليه ) نى اوغلكزه  
 شمديدن تزويچ ايدىيور .

— اوغلمك باشى اوزرنده رايات امارنك  
 تموج ايتديكنى كورمك ايستم .

— امير المؤمنين اوغلكزى مصر واليكينه  
 تعيين ايلشدر .

بو محاوره دن صكره ( عبدالمك بن صالح )  
 اورادن «فارتله خانه سنه كيدر . فقط جعفر  
 بتون بو خصوصاتى خليفه دن استيدان ايتكسز  
 قطعى بر صورتده وعد ايتمش ايدى . ايرتسى  
 كوني جعفر ( رشيد ) ك حضورينه چي قنجه رشيد  
 كند بسندن چن كوني نه ايله كچيرديكنى صورار .  
 جعفر نصل وقت كچيرديكنى - كايه ايتمك باشلاز .  
 ( رشيد ) برياصديغه طايانمش اولدينى حالده  
 جعفرى ديكار . سوز ( عبدالمك ) ك او مجلس  
 طربه دخولنه وارنجه رشيد طوغريلير . جعفره :  
 « عشق اولسون سكا ! سندن برشى ايستيمى ؟ »  
 ديه صورار .

— امير المؤمنينك حسن رضا وتوجهنه  
 نائلى استرحام ايتدى .

— پكى ، سن نه جواب ويردك ؟  
 — امير المؤمنينك رضاى حقه كده استحصا

ايدلشدر ، امين اولكز ديدم .  
 — انك حقمده كى اغبرارم زائل اولدى .

دها نه ايستدى ؟

وزرانك اودورده نه درجه ده واسع بر نفوذ  
 مالك اولدقلىنى بك قطعى بر شكلده كوستير .  
 وزير ( جعفر بن يحيى ) ايله ( رشيد ) ك  
 عم زاده سى ( عبدالمك بن صالح ) آره سنده  
 وقوع بولان بر سرگذشتى وزراى عباسيه نك  
 وسعت نفوذنى ارايه ايچون بورايه نقل  
 ايدىيورز : ( جعفر ) بر كون مجلس نوش  
 وطرب قوره رق اكلنيوردى . آب آنسز  
 ( عبدالمك ) بو مجلس محرمه كيويورر . جعفر  
 ( عبدالمك ) ك ذوق و صفاتك انواعى جامع  
 بويله بر مجلسه كي ميسندن و كنديسى نشوه  
 ذوق و مستى ايچنده كورميسندن اوتانه رق  
 كندىنى طويلامق ايستر . ( عبدالمك ) :  
 « خير ، بنده بو ذوق و صفايه اشتراك ايتك ايستم .  
 مساعده ايديكز ، برلكده صحبت ايليلم » دير .  
 بونك اوزرينه مجلس طرب جوش و خروشنده  
 دوام ايدر . چاننى ، ايچكى ، لذت و مسرت توالى  
 ايلر . هر كس بر نشوه اولدينى صره ده ( جعفر )  
 ( عبدالمك ) ه : « بوزيارت و صحبتكزله بنى متدار  
 ايلديكز . كوريله جك بر ايشكز ، اجرا  
 ايديله جك بر امر كز و ارايه سويليكز . بتون  
 اقتدارمله خدمتكزه حاضرم » دير .

عبدالمك : — اوت ، براسترحام وار .  
 خليفه ( رشيد ) بسندن بر آز مغبردر . بو  
 اغبرارى ازاله ايتكزى رجا ايدرم .

جعفر : — رشيدك حقه كزده كى اغبرارى  
 بو دقيقه دن اعتباراً زائل اولمشدر ، امين  
 اولكز .

— برده اون بيك دينار بورجم وار .

— اون بيك دينار بورجى اولديغىنىدىن  
بحث ايتدى . بنده اميرالمؤمنين بوبورجىكزى  
تسويه ايدهجىكدر ، جواىنى ويردم .

— بو بورجىده اوددرز . دها برشى  
ايسىدىمى ؟

— اوت ، اميرالمؤمنيك ، اوغلى ابراهيمى  
شرف صهرىتيله وايهدار ايدرك بو صورتله  
قدريىك اعلايىدلىسىنى استرحام ايتدى . اميرالمؤمنين  
اوغلانكزه قىزى ( غاليه ) نى تزويج ايدهجىكدر  
وعدنده بولدىم .

— بوكاده موافقت ايتدىم . دها بشقه  
برشى ايسىدىمى ؟

— اوغلانك بر والىلكك تعيين اولغىنىده  
ايسىدى . بنده اميرالمؤمنين انى مصره والى  
تعيين ايدهجىكدر ديدىم .

— بوده اولسون ، كنديسى اورايه والى  
تعيين ايتدىم .

رشيد بتون بوشىلىرى درحال انفاذايلىدى .  
برچوق دفعه خلفا ووزرايه وزارت نصبي  
ايله برابر ديكر بر منصب دها توجيه ايدىرلىدى .  
نته كيم ( مأمون ) زماننده ( فضل بن سهل ) ده  
وزارتله برابر رياست سيف ( سردارلق ) ده  
توجيه اولغىش ، بوسبىدن مشاراليه ( ذوالريا .  
ستين ) لقى ويرلىشىدو .

( وزارت تنفيذ ) : — وزارت تنفيذ  
ايله وزير اولان ذاتك وظيفهسى خليفه طرفندن  
صادر اولان اوامرى تنفيذ ايتىمكندن عبارتدر .  
بونوعىدن اولان وزرا خليفه ايله رعاياسى  
آره سنده واسطه اولقى خدمتى ايفادن بشقه

برشى يامازلىردى . والى تعيينى وعسكر تحشىدى  
كچى خصوصاته متعلق خليفه طرفندن صادر  
اولان اوامرى تنفيذ واجرا وامور دولته مهم  
اولان شىلىرى خليفه عرض و تقدىم ايلرلىدى .  
بو وزارت ايله ( وزارت تفويض ) آره سنده پك  
بيوك بر فرق وارددر . چونكه ( وزارت تفويض )  
ايله منصوب اولان وزرا ايسىدىكلىرى نصب ،  
ايسىدىكلىرى عزل ايتىك وامور دولتى غير  
محدود بر صلاحيتله رؤيت وتمشيت ايتىك  
اقتدارىنى حائز ايدىلر . بويىدن ماعدا خليفه  
وزارت تنفيذ امورى ايچون برى مصالح حربيهيه ،  
ديكرى خراج ايشارىنه باقق اوزره عيىنى  
وقتده ايكى وزير تعيين ايده بىلىردى . حال بوكه  
وزارت تفويض امورى ايچون بر وزيردن  
فضله تعيين ايده مىزدى .

( وزرا معاشرلى ) : — وزرا معاشرلى  
زمانك وشخصك اختلافى ايله مختلف مقدارلرده  
ايدى . مع مافيه معاشر ياللىكوز ووزرايه تخصيىص  
ايدىلرلك ووزرانك برادرلىينه ، چو جقلىينه  
ومعيتلىرى آدملىرىنه معاشر وىرلىردى . دولت  
فاطميهده ووزرايه واقربا ومنسوبىنه مقادير  
آتيدهده معاشر اعطا اولغىوردى :

شهرى معاش

۵۰۰۰ دينار وزيره

۲۰۰-۳۰۰ » برادرلرندن وچو جقلىرندن

هر برينه

۳۰۰-۵۰۰ » منسوبىندن هر برينه

وزرايه وىرلىن مقاطعات ايله ايام مخصوصدهده  
كندىلرىنه اعطا اولان هدايا و خلعتلر بوحسابه

داخل دکلدی . شو حالده بر وزیره کرک  
کندیسنه و کرک اقربا و منسوبینه ویریلن  
معاشر ایله هدايا و خلعتلر و مقاطعات حساب  
ایدیله جـك اولورسه هیئت عمومی سی بلکه  
سنوی ۱۰۰,۰۰۰ دیناره بالغ اولور .

(سلطنت) : — سلطان لقبی دولت  
عباسیه و زراسنه تعظیم و تفخیم ایچون خلفا  
امریله ویریلن برلقبدر . (ابن خلدون) (جعفر  
بن یحیی) یه سلطان نامی ویرلدیکنی ذکر  
ایدیور . بزم او قود یغمز عریجه کتابلردن  
خلاصه آکلاشیلورکه (سلطان) لقبی و قبیله  
بغداد و شام وایلرینه اطلاق اولنوردی .  
مذکور وایلر بلکه بوکونکی پولیس ناظرینه  
و شهر امینه مشابه بر حالده ایدیلر . بعضاًده  
سلطان لفظندن بالذات خلیفه یی مراد ایدرلردی .  
فقط لفظ مذکورک مدلولی هانکی معنی اولورسه  
اولسون اوصره لرده اطلاق مجاز قیلندن  
ایدی . چونکه (سلطنت) بر رتبه رسمییه  
اوله رق آنجق (محمود غزنوی بن سبکتکین) ک  
زمان حکومتده طائشدر . اسلامیتده رسماً  
ایلك سلطان لقبی احراز ایدن ذات مشار-  
الیه ایدی . (محمود غزنوی) دردنجی عصر  
هجری و اخرنده بالاده ذکر یکن (امیر الامرا)  
لقبه بدل (سلطان) نامی آلمشدر . احتمال که  
(امیر الامرا) لقبی (وزیر) اسمی کبی پک  
مبتدل بر حالده کورلدیکندن سلطان دییه بویکی  
لقبه تحویلنه لزوم کورلمشدر . دهـا صکره  
سلطان لقبی سلجوقیلر ، ایوبیلر ، کوله منلر ،  
عثمانیلردن و سائرده دن ترك ، کرد ، چرکس

دکلدی . شو حالده بر وزیره کرک  
کندیسنه و کرک اقربا و منسوبینه ویریلن  
معاشر ایله هدايا و خلعتلر و مقاطعات حساب  
ایدیله جـك اولورسه هیئت عمومی سی بلکه  
سنوی ۱۰۰,۰۰۰ دیناره بالغ اولور .

(سلطنت) : — سلطان لقبی دولت  
عباسیه و زراسنه تعظیم و تفخیم ایچون خلفا  
امریله ویریلن برلقبدر . (ابن خلدون) (جعفر  
بن یحیی) یه سلطان نامی ویرلدیکنی ذکر  
ایدیور . بزم او قود یغمز عریجه کتابلردن  
خلاصه آکلاشیلورکه (سلطان) لقبی و قبیله  
بغداد و شام وایلرینه اطلاق اولنوردی .  
مذکور وایلر بلکه بوکونکی پولیس ناظرینه  
و شهر امینه مشابه بر حالده ایدیلر . بعضاًده  
سلطان لفظندن بالذات خلیفه یی مراد ایدرلردی .  
فقط لفظ مذکورک مدلولی هانکی معنی اولورسه  
اولسون اوصره لرده اطلاق مجاز قیلندن  
ایدی . چونکه (سلطنت) بر رتبه رسمییه  
اوله رق آنجق (محمود غزنوی بن سبکتکین) ک  
زمان حکومتده طائشدر . اسلامیتده رسماً  
ایلك سلطان لقبی احراز ایدن ذات مشار-  
الیه ایدی . (محمود غزنوی) دردنجی عصر  
هجری و اخرنده بالاده ذکر یکن (امیر الامرا)  
لقبه بدل (سلطان) نامی آلمشدر . احتمال که  
(امیر الامرا) لقبی (وزیر) اسمی کبی پک  
مبتدل بر حالده کورلدیکندن سلطان دییه بویکی  
لقبه تحویلنه لزوم کورلمشدر . دهـا صکره  
سلطان لقبی سلجوقیلر ، ایوبیلر ، کوله منلر ،  
عثمانیلردن و سائرده دن ترك ، کرد ، چرکس

دکلدی . شو حالده بر وزیره کرک  
کندیسنه و کرک اقربا و منسوبینه ویریلن  
معاشر ایله هدايا و خلعتلر و مقاطعات حساب  
ایدیله جـك اولورسه هیئت عمومی سی بلکه  
سنوی ۱۰۰,۰۰۰ دیناره بالغ اولور .



لقبک خلیفه طرفدن توجیه ایدلمی دین نظرندن ضروری کوریلوردی . سلطنت لقبک توجیهی پک پارلاق احتفالات و دبدبهر ایله اجرا اولتوردی . خلیفه کندیسنه (سلطان) لقبی توجیه ایتدیکی ذاته یدی خلعت احسان ایدر ، اکا کردانلق ، تاج وایکی بیله زیك کیدیریر ، الله سنجاق تسایم ایدر ، کندیسنه قلیج قوشادیر ، نامه خطبه او قودیردی . از جمله خلفای عباسیه دن (مستظهر بالله) بغدادده (محمد بن ملکشاه) برادری (سنجر)ک حضورنده سلطنت لقبی توجیه ایتدیکی زمان (مستظهر) اوموزنده خرقة نبی وباشنده خلافت صارینی (دستار خلافت) والنده عصای سلطنت اولدینی حالده تاج قبه سنده تخت خلافتیه اوطوره رق سلطان محمد مراسم مخصوصه ایله خلعتلر ، کردانلق ، تاج ، بیله زیك کیدیرمش ، الله سنجاق تودیج ایتمش ، بلنه ایکی قلیج قوشاتمش ، مجهز بش آت اهدا ایش ، بغداد جامع کیرنده ده نام سلطنته خطبه او قوش ایدی . سلاطینه سلطان لقبی توجیهی مراسمی اجرا اولندیفی صرملرده خلافتک انلر ایله تأید ایلدیکنی مفید اوله رق کندیلرینه (ناصرالدوله) ، (سیف الدوله) ، (عضدالدوله) وسائر کبی القاب دخی ویریلردی .

## عسکرلک و تفرعاتی

عسکرلکک تاریخی

(عسکرلکک اصلی) : — انسانلر ایلک

دوره مدیتده بولندقلری زمانلرده عسکر کندیلری اولوق اوزره برطاقم قبائلدن متشکل ایدیلر . محاربهیه احتیاج مس ایدنجه هیچ برنظام و ترتیه تابع اولمه رق طوپلانلر ، حرب یابارلردی . محاربه لردن استحصال اولان اموال غنائمدن هرکس قوت ، شجاعت و حربجوانی نسبتده مستفید اولوردی . انسانلر بالاخره بوحالدن دهها مدنی ، دهها متری بردوریه دخول و وظیفه لری پایلاشه رق دولتلر تشکیل ایدنجه اک اسکی صنعتلردن اوله رق (کهنات) و (عسکرلک) توره دی . جهانده اک اول عسکر تنظیم ایدن دولت مصر فراغه دولتی ایدی . دولت مذکوره میلاد عیسادن یکرمی عصر اول سودانیلردن و حبشلردن عسکر تنظیم ایدرک بو عسکر ایله بحر احمر سواحلنده بولان اهالی بی تحت اطاعته آلدی . دهها صکره عسکرلک آنور ، بابل ، فنیکه ، یونان دول قدیمه سنده و متعاقباً رومالیلرده ، دهها صکره عربلرده انتشار ایلدی .

فراعنه دورنده حربده جاری اولان عسکرلک اصولی یکدیگری تعقیب ایدن وصیق بولان صفلر ایدی . اودوردن بودوره میراث قالش اولان آثار اوزرنده بوصفلرک پک چوق تصاویری مشاهده ایدلمکده در . یونانیلر بواصولی فراغنه دن بعض تعدیلات ایله اقتباس ایتشلر و کندی لسانلرند Phalanx لفظی ایله تعبیر ایتدکلری طابورلری تشکیل ایشلردر . طابور اصولی عسکرلری یکدیگری آرقه سنده صبقی صفلر شکنده ترتیب ایتدکن

دوات مشارالیهانك دور اعتلاسنده اردوسی  
هربری ۶,۰۰۰ کشیدن مرکب بر طاقم  
فرقهلردن تشکیل ایدیوردی . بوفرقلری  
ترکیب ایدن افراد اوچ صنف ایدی :  
(۱) زمان حربده طابورك ایاك صفی  
تشکیل ایدن دلقانلارکه برنجی ، (۲) دها  
یاشلی آدملرکه ایکنجی ، (۳) تجربه دیده  
وکار آزموده آدملرکه اوچنجی صقلری تشکیل  
ایدرلردی . پیادهنك هر فرقهسنه سواری  
بر مفرزه الحاق اولئوردی که بومفرزه اوق ،  
صپان ، قارغیلر آتمقله دشمنی پیاده ایله محاربه  
ایتمکدن منع ایدردی .

دها صکره رومالیلر مذکور فرقهلری  
صف تشکیلی ایله مقید اولمقسنین بر طاقم  
بلوکلره تقسیم ایدرك هر فرقهی اون بلوك  
وهر بلوكی اوچ قسم وهر قسمی ده ایکی فصیله  
بایدیلر . فصیلهلردن هربری یوز کشیدن  
ترکب ایدردی . بو اصول و نظام عسکری  
بالاده ذکرى کچن طابورلر اصولنه مخالف  
ایدى . چونکه اصول لاحقده عسکر برصف  
ویا بر طابور ایله مقید اولمیهرق ایاریده تفصیلاً  
یازه جغمز اوزره برقاق طابوردن مرکب بر  
فرقه شکلنده ایدیلر . رومالیلرک زمان حربده کی  
عسکر اصول و نظامی فتوحات اسلامیه قدر  
بوشکلده دوام ایلدی .

اسلامیتک ظهوری صرهلرنده روملرک  
قوه عسکریه سی ۱۲۰,۰۰۰ کشیدن مرکب  
ایدى . بونلردن هراون بیک کشی علی الاکثر  
اصنادکادن (بطریق) اوله رق بر قوماندانك


عبارتدر . هر طابور دوت بیک کشیدن مرکب  
ایدى . طابورلری تشکیل ایدن افراد بربرندن  
آنحق برقاق آیاق اوزاقلغنده طوردرق بربرینك  
آرقهسنده منتظم صقلر تشکیل ایدرلردی .  
بیوك اسکندرک پدری (فیلپ) زماننده  
هر طابورك موجودی ایکی قات دها فضله  
یابلدى . اسکندر کبیر دورنده ایسه دوت  
قات فضلهیه ابلاغ ایلدی . فضله اوله رق  
افراد آرهسنده کی مسافه اوموزلری یکدیگرینه  
تماس ایدمچك درجهیه قدر یاقلاشدیرلدى .  
بوندن ماعدا اسکندر بعضلری یکرمی دوت  
قدم طولنده مزراقلر ایله عسکری تسلیح  
ایلدى . عسکرک ایاك صفنده مزراقلر قیصه  
ایدى . آرقهسنده کی صفده دها اوزون ، اوچنجی  
صفده برنجی وایکنجی صقلر ککندن دها  
اوزون بولئوردی . بشنجی صفه کلندیکنده  
ایسه بو صفك حامل اولدیغی مزراقلرک  
اوزونانی ایاك صفدن اوچ آرشون ایلری  
کچهجك بویده ایدی . (فیلپ) حال حیاتنده  
برفرقه سواری تشکیل ایتش ایدی . اوغلی  
(اسکندر) بوفرقریه ویردیکی اسلحهیه  
منجیقیده ضم ایلدی . اسکندر کبیرک میلاد  
عیسادن دوت عصر اول عالم جنك وجدالده  
احراز ایلدیکی موفقییت جهانگیرانه ایشه  
بو اصول و نظام عسکری سایهسنده میسر  
اولش ایدی .

(رومارک عسکری) : - روما دولتی تأسس  
ایتدیکی وقت بودولت طابورلر اصوانی یونانیلردن  
اقتباس وکندی عسکرلکنه ادخال ایلدی .

ایرانیان را که بولنگه بولنگه عسکری دوت  
صفند مرکب ایدی. برنجیسی بیوک قوماندانلر  
صنفی ایدی که بولنگه (میرمیران) دینیلردی.  
هر میرمیرانک معیتده دخی (اصفهبند) نامیله  
دوت ضابط بولنگوردی. هر (اصفهبند) ک  
قومانداسنده دوت (مرزبان)، هر مرزبانک  
قومانداسنده دوت سالار، هر سالارک  
قومانداسنده اونسواری (اساوره) و بش پیاده  
(مشاة) وار ایدی.

(عربلرک عسکری) :- عربلر اسلامیتدن  
اول حال بداوتده بولنگه قلدن عسکرلرکجه  
برنظام وانتظامه تابع دکل ایدیلر. عرب

امر وادارسی آلتنده ایدی. قوماندانک  
معیتده دهها کوچک رتبهده (طومرخان)  
Τοῦμαρχαι نامیله ایکی ضابط وار ایدی که  
بولنگردن هر بری بش بیک کشی یه قوماند ایدردی.  
(طومرخان) ک معیتده ده هر بری بیک کشی یه  
قوماند ایدر (طرنغار Drungrii) نامیله  
بش ضابط بولنگوردی. (طرنغار) دن صکره  
دهها کوچک رتبهده اولق اوزره هر بری ۲۰۰  
کشی یه قوماند ایدر (قومس Comes)  
نامیله بش ضابط وار ایدی. (قومس) دن  
صکره (قطرخ Centuriones) و بولنگ  
دهها کوچک رتبهده اوله رق (دامرخ)



شکل : ۱۰ روم قوماندانلری ایله عسکری و آلات حربیه وسلاحلری

قبائلندن بری حرب یایمق ایستهسه قبیله  
آدملری سسواری و پیاده حالنده جاهلیت  
زماننده مستعمل اوق، مزراق، قلیچ کبی  
اسلحه ایله حربیه کیدرلردی. (حیره) پادشاهلری  
اولان (تبابه) و (حیره) پادشاهلری اولان

ناملریله چاوشلر و اونباشیلر موجود ایدی.  
بولنگردن (دامرخ) اونسواری یه قوماند  
ایدردی. روملرک ذکر ایتدیکمز تقسیمات  
عسکریه سی ایله ایوم مرعی اولان اصول  
عسکری آره سنده بیوک بر مشاهبت واردر.



هر موقعه بولان عسکر منسوب اولدیغی قبائل و بطونه کوره اقسامه متقسم بولوردی . مثلاً (بصره) ولایتی (احماس) نامیه بش قسمه تقسیم ایدلمش ایدی . هر قسمده قبائل اسلامیه دن بری اقامت ایدردی . بویش قسمده اقامت ایدن بش قبیله اسلامیه (ازد) ، (تیم) ، (بکر) ، (عبدالقیس) ، (عالیه اهالیسی) ایدی . (عالیه) و (کوفه) اهالیسنه شهر اهالیسی نامی ویریلردی . ذکر اولنان هر خمس اوزرنده اوقبائل امراسندن برامیر بولوردی . اسلاملرک تأسیس ایتسدکری مواقعدن (کوفه) و (فسطاط) ده و عراق ، شام و مصرک سائر یرلرنده بولنان عساکر اسلامیه یی آکا کوره قیاس ایدیکز . عساکر اسلامیه هر پرده اوصورتله اقسامه آیرلمش ایدی . اسلاملر ابتدای امرده هپ عسکر ایدیلر . عسکرلرکدن بشقه هیچ برشی ایله اشتغال ایتزلردی . حضرت عمر اسلاملری زراعتله اشغالدن منع ایتمش ایدی . احتمال که مشارالیه اسلاملرک فتوحات اسلامیه دن صکره حاکمیت اسلامیه آلتنه کیرن ممالکده کوردکری بوللق اوزرینه راحت و ثروت ایله یاشامق و جهادی اعمال ایتک ایچون کندیلرنده بر میل حاصل اولمغه باشلادیغی حس ایدرک او ممنوعیتی روا کورمش ایدی . حضرت عمر او یله بر میلک حصولنه حائل اوللق اوزره برمنادی چیقارده رق عسکری قوماندانلرینه کندیلرینک و عابله لرینک معاش و مخصوصاتی هر وقت ویریه جکنی وزراعتله اشتغاله لزوم اولمادیغی آکلاتشدر . بلکه

(مناذره) گئی اسلامیتدن اول تمدن ایدن دول عربیه بودیدیکمز دن مستنادر . زیرا بودولتله عسکر تنظیم ایتشلردی . حتی (مناذره) دولتنک بری (دوسر) ، دیکری (شهباء) ناملریله ایکی منتظم فرقه عسکریه سی واردی . فقط حجاز عربلری اسلامیتدن اول دیدیکمز کبی حال بد اوئده بولئیورلردی .

دها صکره اسلامیت ظهور ایدنجه اسلاملر سائر عربلردن آیرله رق کمدیلرینه قارشی کلنله دین اتحادی آلتنده یکوجود برشکلده مدافعهده بولمغه و حرب ایتکه باشلادیلر . ایلك اسلام اولانلر بیوک کوچک هپ عسکر ایدیلر . (مهاجرین) ، اسلامیتک ایلك عسکرلرینی تشکیل ایدرلر . متعاقباً اسلاملر مدینه منوره یه کیدرک (انصار) ایله اتحاد ایدنجه کرک مهاجرین ، کرک انصار یکوجود برفرقه عسکریه اولدیلر . بوفرقه مجاهدنک قوماندانی حضرت پیغمبر ایدی . عسکرک آرلرنده کی رابطه یی ده اخوت و محبت تشکیل ایدردی . معافیه بولر عدداً بک آز ایدیلر .

اسلاملر کرک حضرت نبی ، کرک حضرت (ابوبکر) زماننده وقوع بولان فتوحاتده کندیلرینه انضمام ایدن حجاز ، یمن ، نجد ، یمامه قبائلی ایله چوغالمغه باشلامشله و دین اتحادی آلتنده برلشهرک شام ، عراق و مصر قطعله لرینی فتح و تسخیر ایتشلردر . قطعاً مذکوریه یی فتح ایدن اسلام عسکری اوقطعه لرده انتخاب و تعیین اولنان مواقع مخصوصده اقامت ایدر برطاقم اقسامه تقسیم ایدلمش ایدی .

اڤك اول عسكرك لڤي مجبوري ياپان (عبدالملك بن مروان) زماننده (حجاج بن يوسف) ایدی . دولت امویه او سره درده اوج اقباله وارمش ، اسلامار دخی چوغاله رق زراعت وسائر ايله اشتغاله باشلامشردی . دها اول معاویه زماننده دخی اسلامار راحت جهتی التزام ایتك ایسته مشلر ایسه ده معاویه حسن اداره و معاشلر ايله انلری بو عزمدن واز کچیره مشدی . ماویه نك اوغلی (یزید) ، دها صکره ایکنجی (معاویه) ، بعده (مروان بن الحکم) بر برینی متعاقب مقام خلافته کیچوب ده بولاردن هیچ بری اهلینك قبلرینی جذب و یا ترهیب اقتدارینی کوستردمینجه عسکر وظیفه عسکریه لرنده تکامل اظهار ایتمکه باشلامشردی . (عبدالملك) جالس سریر خلافت اولدینی زمان عسکرلک فنا بوزولش ایدی . خلیفه نك امرینه اطاعتله کیمسه حربه کیتیموردی . مشارالیه بو حالدن متأثر اوله رق پولیس رئیس بولنان (روح بن زنباع) ايله بو خصوصه دائر استشاره ده بولندی . (روح بن زنباع) معیتنده بولنان (حجاج بن یوسف) ی توصیه ایتدی : «بو آدمی سردار لغه تعیین ایدرسه کز عسکری ایسته . دیککنز کبی دائرة اطاعته آیر» دیدی . عبدالملك (روح بن زنباع) ک توصیه سی وجه ايله (حجاج) ی عسکر اوزرینه سردار یادی . حجاج پک شدتلی و ظالم بر آدم اولدیفندن کوستردیکی شدت و سطوت تاثیريله (روح بن زنباع) ک معیتنده بولنان عسکردن ماعدا هیچ بر کیمسه انک امرندن طیشاری چقه .

مشارالیه بو منعدن اسلامارک شهرلرده توطن ایتاملرینی قصد ایتمش ایدی . تا که سائر یرلرده بولنان دینداشلرینه معاونت ، یا خود بعض بلاد اسلامیه یی تجاوز خارجیدن صیانت ایتك ضرورتی کورلدکجه کندیلرینک او طرفلره اعزامی مشکل اولسون .

اسلاملرده عمومیت حالنده اولیه رق مستقل برشکلده عسکر تنظیمی حضرت عمر زماننده فصل مخصوصنده کوريله چکی وجه ايله دیوان حکومت تأسیس ایدلدیکی سره ده باشلامش و امویلر زماننده اتمام ایدلشدر . قرائن احوالدن آکلاشیلیورکه صورت اجباریه ده عسکرلک امویلر دوری اورته لرینه طوغری باشلادی . دها اول عسکر ؛ دین یولنده جهاده بولنق واله کچن غنائمدن حصه دار اولق اوزره کوکالی اوله رق حربه کیدرلردی . حضرت عثمانک ۳۵ سنه هجریه سنده وقوع شهادتندن صکره ظهور ایدن فتنه سره لرنده اسلامار کندی آره لرنده بر مدت حرب ايله مشغول اولدیلر . بوقته اثناسنده عموم فرق اسلامیه صرف حق مدافعه ایتدکارینه قانع اوله رق فتنه یه منجذب اولیور ، حرب ایدیورلردی . وقتا که خلافت امویلره کچرک اسلامار دولت واحده اولدی و خاندان اموینک تغلبی ايله فرقه لرك (احزابک) قوت و تأثیری ضعفه اوغرا دی ، خالق محاربه یه کوکالی اوله رق کیتمک ایچون اورته ده سبب کورما مکه باشلادیلر . خلفا بو حالی کوزنجه صورت اجباریه ده عسکر تنظیمنه مجبور اولدیلر . احتمال که اسلامیتده

مامغه باشلادی . اردوده اطاعت حکمفرما اولدی . فقط ( حجاج ) او معیت آدملرینک اولیه مستثنی بر حالده قالمیرینی چکه میوردی . برکون عسکر حرب ایچون حرکت ایتمش ایدی . ( روح ) ک آدملری ایسه برلرندن قیرداماشاردی . بونلر یمک ایله مشغول ایکن ( حجاج ) یانلربنه کتیدی ، « امیرالمؤمنین حرکت ایتمش ایکن سزنصل بوراده طور بیورسکز ؟ » دییه صوردی . اوتهدن بری کوردکلری مسامحه ورخاوتدن بک شپاریق بر حالده بولسان افراد مذکوره ( حجاج ) ه : « به حریف ، نه اوزون ایدیورسک ! سن ده کل ، برابر یسهلم » جوابی ویرلر . حجاج : « هیات ، اواسکی حاللر کچدی » دییه رک بوناره برر دایاق آندیردقندن وعسکر ایچنده کزدربرک توییخ ایتدکن صکره ( روح بن زباع ) ک اوتاقلرینی وچادر لرینی احراق ایلر . ( روح بن زباع ) بو معامله دن فنا حالده متأثر اولمش و آغلایه رق ( عبدالمک ) ک حضورینه کیرر . ( عبدالمک ) طرفندن وقوع بولان استفهام اوزرینه ( روح ) : « ای امیرالمؤمنین ! وقتیه معیتده استخدام ایتدیکم ( حجاج بن یوسف ) آدملریه دایاق آندی ، اوتاقلریمی یاقدی » شکایتنه بولنور . ( عبدالمک ) حجاجی چاغیرر . حجاج ( عبدالمک ) ک حضورینه کیرنجه خلیفه کندیسندن : « بونی نیچون یاپدک ؟ » دیه صورار . حجاج جواباً : « ای امیرالمؤمنین ! بونی یاپان بن دکلم » دیر . ( عبدالمک ) : « او حالده کم یاپدی ؟ » دییه صورار . حجاج : « اقدم ،

بونی یاپان سزسکز ، چونکه بنم الم آنجق سزک الکزدر ، قامچیم ده آنجق سزک قامچیکزدر . امیرالمؤمنین ( روح بن زباع ) ه بر چادر یرینه ایکی چادر ویر آدم یرینه ایکی آدم ویره رک قلبی وزیانی تعمیرایده بیلیر . فقط کندی خدمتده کندیسنک تأیید خلافت ونفوذی اوغرنده وقوع بولان اجرا آتمدن طولانی خی قیرماملیر ، جوابی ویرر . عبدالمک ( حجاج ) ک جوابی موانق کورور . ( روح بن زباع ) ه ضرر وزیانی تأدیه ایدر . بووقعه حجاجک درانتنه دلالت ایدن ایلک اثر ایدی . ایشته ( حجاج ) ک موقعی بووقعه دن صکره بیومکه باشلادی .

( حجاج ) ک بو حال وحرکتی اسلامیتده اجباری عسکرک تاریخک باشلانغیجه بکزه بور . ده صکره مجبوری عسکرک واجب الانباع بر اصول کسلمش وعساکر اسلامیه بری مرتزقه ( معاشی ) ردیکری متطوعه ( کوکالی ) اوله رق ایکی نوع عسکر شکلنه تحول ایتشدر . معافیله کرک معاشی ، کرک کوکالی اولسون بو عسکریمین و حجازونجد اهاالیسندن ( قحطانیه وعدنانیه دن ) عرب ایدیلر . بونلرک ایچنده یالکیز بر مقدار موالی ( آزادیلر ، یعنی عرب اولمیانلر ) وکوله واردی .

( دور اسلامیتده عرب اولمیانلردن عسکر ) : - ده اول کورولدیغ وجه ایله عباسیلر کندی ناملرینه استیصال خلافت و تأیید حاکمیت ایچون عرب اولمیانلرک معاونته محتاج اولمشلر ایدی . ایشته بو احتیاج عرب اولمیانلردن



برقاج فرقه‌نك دولت عباسیه‌نك خدمت عسكر-  
یه‌سنه كیرمسنه باعث اولدی . بونلردن خدمت  
عسكریه اسلامییه ایلک داخل اولانلر  
(ابومسلم خراسانی) نك معیتده خلافت اسلامییه  
استیصال وعباسیلره تسلیم ایدن (خراسان)  
اهالیسی ایدی . بوسبدن ایکنجی خلیفه عباسی  
(منصور) زماننده عساكر اسلامییه یملی  
(قحطانیه)، حجازونجدلی (عدنایه)، خراسانی  
(ایرانی) فرقه‌لردن مرکب ایدی . ده‌ا صکره  
مذکور فرقه‌لره خلفا طرفدن کندی  
موقعلری محافظه واختلاللری تسکین واطفا  
ایچون معیت خاصه عسکری قیلندن اتخاذا  
اولنان بردرنجی فرقه علاوه ایلدی . فقط  
غربی شوکه خلفا کندی حاکمیتلری تأمین  
ومحافظه ایچون اتخاذا ایتدکلری عین واسطه  
حاکمیت کندی اللرندن چیقمسنه سبب اولدی .  
۲۱۸ سنه هجریه‌سنده خلافت سکننجی  
خلیفه عباسی (معتم بالله) ه کجدیکی زمان  
عرب اولیان عناصر امور دولته پک بیوک  
برنفوذ پیدا ایتمشلر ایدی . خلفا آرتق حیا-  
تلرندن امین دکلایلر . (معتم) دخی اوتا-  
ثیرات ایله کندی حیاستندن قورقدینی ایچون  
کتابمژک دیگر بریرنده دخی ذکر ایدلدیکی  
اوزره مصرده خوف (شرقیه ودقهلیه) اها-  
لیسندن برفرقه تشکیل ایدرک کندی معیتده  
استخدام ایلش واکا (مغاربیه) نامی ویرمشدر .  
بوفرقة ایچنده احتمال که مغرب (شمالی آفریقا)  
اهالیسندن برقاج کشی بولمش اولمیدرکه بونامک  
اطلاقه سبب اولمشدر . (معتم) ینه اولجه

بریرده ذکر ایتدیکمز وجه ایله ترکستانده کاشن  
(اشروسنه) ، (سمرقند) ، (فرغانه) اهالیسندن  
اوله رق بغداد اسیر بازارلردن تدریجاً اشترا  
ایلدیکی کوله‌لردن دیگر برفرقه عسکریه تشکیل  
ومعیتده عساكر خاصه قیلندن استیخدام  
ایلشدر . بوعسکره اولجه (فراغنه) ، صکره‌لری  
(اتراك) نامی ویرلمشدر . بونلر دیگر عسکر  
فرقه‌لردن زیاده دولت عباسیه‌ی تهلکیه  
دوشوردیلر . بو عسکر پک چوق شماره‌رق  
رجال دولته قارشى غرور واستبدادایله معامله  
اظهارینه وعرب عسکرینی استیصار و تحقیر  
وسائر بغداد اهالیسنی ازعاجه باش‌لادیلر .  
حتی پک چوق دفعه بونلر راكب اولدقلری  
آتلری بغداد سوقاقلرنده قوشدیریرلر ،  
خلقی ، چولق چوجقلاری چکنلردی .  
اهالی بوتجاوزاته قارشى طایانه‌میه‌رق (معتم) ه  
شدتلی شکایاتده بولنلایلر . (معتم) بواحوالک  
تلائسی ایچون عسکرینی بغداد شهرندن  
چیقارمقدن بشقه برچاره بوله‌مدی . مشارایله  
۲۲۱ سنه هجریه‌سنده عسکرک اقامتنه مخصوص  
(سامرا) شهرینی تأسیس وعسکر ایله برابر  
اوراده اقامت ایلدی .

(معتم) ك خلافتی عرب‌بارك کندی  
خلیفه‌لردن نفرت وشکایت ایتلرینک باشلانغی  
اولدی . او دورده عربلرک غیرندن اولان  
عسکره جند (عسکر) وعرب عسکرینه‌ده  
(حربیه) ناملری ویرلردی . بونلرک کافه‌سی  
پیاده ایدی . (متطوعه) دینلن کولکی عسکره  
کلنجه بونلر آرزوی ذاتیلریله عسکرلرکه

تحويل ايتدى . دها صكره (مقدور بالله) ك  
واليرندن برى اولان (ابن ساج) نامنه نسبتله  
(فرقه-ساجيه) اسمى ايله عسكردن بفرقه  
دها تشكىل ايلدى . كرك تركلردن ، كرك  
سائردهن اوله رق عربجه كتابلرده اسملى  
تصادفاً نظر دقتمزه ساربان (بالله) ، (سعديه)  
و اثره كېي ديكر فرقه لر دخی توردمشدى .  
مذكور فرقه لر دن هر برى قوتنك يتشديكى  
درجه يه قدر امور دولتمده اعمال نفوذ ايتكه  
چالشي ردى . اكثر يتابه بفرقه لر بر بر ليله ، يا خود  
خاصه عسكرى ايله اختلال چيقار يرلدى .  
ايشته بوتائير ايله نهايت ايلريده كوروله جكي  
اوزره حاكميت فعليه عربلرك ائندن چيقدى ،  
قرشيلرك و عربلرك اهميتى قالمدى ، بتون  
نفوذ تركلره و سائر يه كچمكه بونلردن اوشمور  
طوائف ملوك ظهور ايلدى .

#### ديوان الجند

دائرة عسكرية ويا حربية دائره سى ديمك  
اولان بوديوان عساكر اسلاميه نك اسملريله  
معاش و مخصوصاتلرينك قيد و تدوينده مخصوص  
حضرت عمر طرفندن مدينه ده تأسيس ايدلمش  
ايدى [\*] . معافيه بوديوان اوصرمده (ديوان

[\*] ديوان اهل جيش و اهل عطيه نك اسم و رسم  
و علوفه و وظائفلرينه متعلق دفاتر و صحائفك مجتمعه  
اطلاق اولنور . اسلامده ابتدا انى حضرت عمر  
تأسيس ايلدى . ديوان عسكر و علوفه خوارلرك  
اسملىرلى تحرير اولنان اوراق و دفاترك و تحرير ايدن  
كاتبلرك جمعيتكاهى اولان ير ديمكدر . ابتدا تسميه  
ايدن نوشرواندر . بركون زمره ككتاب قراركاهى  
اولان قلمه كابوب بونلرك سرعته حساب و كتابلرينى

داخل اولدقلرندن على الاكثر ممالك اسلاميه  
حدودى خارجنده محاربه ايله مشغول بولنورلردى .  
خلفانك معيتمده بولن-ان اردوده اوقبى  
(تيرانداز) ، نبطجى ، منجنيقجى ، طاشجى  
فرقه لر ده واردى . اوچقيلر حربده اوق  
استعمال ايدنلر ، نبطجيلر دشمن قلعه لر ينى  
ياقنى ايچون نبط آتائلر ، منجنيقجيلر  
(بوكونكى طوبچيلر كېي) دشمنى منجنيقه  
طوتائلر و طاشجيلرده طاش ايله طاشلايائلر  
ايدى . بوكونكى دولتمده نصل ايسه  
اوزمانلرده دخی حال صلح و حربده عسكرلر  
ايله برابر طيبيلر و اجزاجيلر بولنديريلردى .  
دها صكره المذكور ترك عسكرى فرقه .

سندن ديكر بر طاقم فرقه لر تورمده دى . بونلر  
نفوذ دولتى اله كچيرمكده بر بر ليله رقيب  
كسيلمشلردى . خلفاى عباسيه نك اون دردنچيسى  
اولان (مهتدى) زماننده تورمين (شاكريه)  
فرقه سى اوچمله دن ايدى . بفرقه (مستعين بالله)  
زماننده ده اش بر حال كسب ايتمشدى [\*]  
او ائناده خلفا سراينده بر نوع خاصه  
محافظلرى دخی توره يه رك (غللمان) ناميله  
معروف اولدى . مصرده كى دولت فاطميه ده  
دخی بونوع خاصه عسكرى واردى . عبا-  
سيلرده عرب پياده عسكرلردن دخی بيوك  
بر قسم (مصافيه) نامى آلان بر فرقه يه

[\*] (مهتدى) خلفاى عباسيه نك اون  
دردنچيسى (۲۵۵-۲۵۰ هـ) و (مستعين بالله) ايسه  
اون ايكنچيسى (۲۴۸-۲۵۲ هـ) اولديغى جهته  
مؤلفك بو افاده سنده بر سه و موجود اولقى لازم كاير . مترجم

المسلم ، وجودجه صاغلام ، جرأت واقدام صاحب اولمله تين ايدردى . مستدعيده بو صفات موجود كورولورسه سجاتل عسكريه اسمى ايله برابر نسي ، بوي ، رنگي وعلامات سائر فارقسي يازيليردى . تاكه اسم كنديسنه مشابه ديكر برى ايله قاريشدرلمسون .

ديوانده قيودك ترتيباتجه حضرت عمر طرفندن وضع ايديلن اصول وجه ايله نسب وقدمه تبعيته دوام ايدلمشدر . عسكرلري هر شيدن اول قبيله و جنس اعتباريله قيد ايدرلردى . تاكه برقبيلهك ديكرندن وبر عنصرك ديكر برعنصردن تفريق ممكن اولسون . عسكر يا عرب ، يا سائر عناصر اسلاميه دن ايديلر . عربدن ايسلر منسوب اولدقلري قبائل حضرت نبي يه اولان قرابته كوره ترتيب اولنوردى . الك اول اصل نسب نويدين باشلا . نيليردى ، صكره تفرعائه كچيليردى . مثلا ( عدنان ) و ( قحطان ) دن اولان عربلر قيد اولننجه عدنان عربلري نور نبوت كنديلرندن ظهور ايتديكي ايچون قحطان عربلرينه تقديم ايديليردى . عدنان حديد ذاتنه ( ربيعه ) و ( مضر ) قبائلنى جامعدى . بو ايكي قبيله يه منسوب اولانلر قيد ايديله جك اولورسه بونلرده دخى ( مضر ) ديكرينه تقدم ايدردى . چونكه بو قبيلهك حضرت نبي يه قرابتى ده ا زياده ايدى . ( مضر ) دخى قريشه وسائر يه منقسم ايدى . قريش نسب نبوى جهتندن سائر اقسامه تقديم ايديليردى . كذلك قريش بنى هاشم ، بنى اميه وسائر يي

الجند ) ناميله معروف دكل ايدى . آكا يالكز ( ديوان ) دينليوردى . بوديوانده مهاجرين وانصاردن وتابعيندن اولان اسلاملك حضرت نبي يه اولان قرابتلرينه واسلاميته كي قدملرينه كوره اسملري وكنديلرينه تخصيص اولنان معاشلر مقدارى قيد وضبط اولنوردى . هر مسلمانك كنديسنه ، عائله سنه وجوجقلرينه ويريلير معاشلري واردى . اوئانده بتون اسلام ملر عسكر اولدقلري جهته ديوان مذكور ، عسكرى ديوانندن زياده اسلاملر ديوانى ديمك ايدى . ذكر اولنان نسب وقدم اربابى قالمينجه يه قدر معاشات ومخصصات نسب وقدمه كوره ويريليردى . بونلردن اثر قالمينجه عساكر اسلاميه تشكيلاتنده يالكز شجاعت واقدام آرانيله رق اويولده عسكر تنظيم ومعاشلر تعيين ايدلدى .

بر آدمك عسكرلكه قبولى برطاقم شرطلره تابع ايدى . او جمله دن اوله رق بر كيمسه سلك عسكرى يه داخل اولمق ايسته سه ديوان عسكرى صاحبه ( رئيسه ) براستدعا تقديم ايتمه كه مجبور ايدى . رئيس مستدعينك اهليتنى تدقيق ايدردى . عسكرلكه اهليت حر ، بالغ ،

تماشايلينجه استعجاب واستعظامه « اين كار ديوانست » ينى بواصر عظيم طوق انسانيانن خارجدر ديمكه ده ا صكره بولفظ يازدقلري جريده — صحيفه — ده قرارداد اولدى . اسلامده حضرت عمر صيانة لبث المال وضع ايدلى . بعده دفتر مرقوم ترتيب اولنان موضعه ده اطلاق اولندى كه حالا دفترخانه تعمير اولنور . وتوسعيه دعاوى ديكنوب احكام اجرا اولنان محضر پادشاهان وامرأيه اطلاق اولندى .

ترجه قاموس



جامع ایدی . نور نبوت کندیلرندن ظهور  
ایتدیکی ایچون هاشمیلر دیکرلره تقدم ایدر .  
لردی . شو حالده هاشمیلر ترتیب صره سنک  
محوری ایدیلر . بونلردن صکره دیکرلری  
نسب صره سیله قید اولنورلردی . عرب  
اولیان عسکرک قیودینه کلنجه بونده نسبه  
رعایت ایدلمزدی . بونلرک ترک ، هندلی کبی  
جنسلیری ، یاخود ( خراسانه ) ، ( فراغنه )  
( مغاربه ) کبی مملکتلری نظر اعتباره آتیردی .  
فقط بونلرک ایچنده اسلامیتده قیدمیلر وار  
ایسه قیدمیلرینه کوره دیوان سجالاتنده صورت  
مخصوصده قید اولنورلردی . اوینه خدمتلری  
یوق ایسه ولی الامر اولان تقرب وموقعلرینه  
باقیلررق اکا کوره ترتیب اولنورلردی .  
بونده مساوات کورولور ایسه او زمان ولی  
الامر بونلردن هانکیلری دها زیاده اطاعت  
کوسترمش ایسه انلر تقدم ایدرلردی .

عسکری دیواننک بری مختارانه ، دیکری  
معاشلرک تأدیاتنه ، بر دیکری مصارفات  
حربیه ، دیکرلری دخی امور سائرده  
مخصوص اوله رق زمان وموقع اختلافیه مختلف  
اشکاله تحول ایتمش بر طاقم شعبه لری وار  
ایدی .

### عسکری معاشاتی

آیده ویا سننده ازمئه معینه ده ومعین  
مقدارلرده عسکره ویریلن پارهیه معاش اطلاق  
اولنور . حضرت نبی زماننده عساکر اسلامیه سنک  
معاشاتی معین ومحدود دکل ایدی . اله کچن  
اموال غنائم وخراج چوق ایسه چوق ،

۵,۰۰۰ بدر وقعه کبراسنده بولنان  
مهاجرین وانصاردن هر برینه  
۴,۰۰۰ بدر وقعه کبراسنده بولنمان  
مهاجرین وانصاردن هر برینه  
۱۲,۰۰۰ حضرت نینک هر زوجه سنه  
۱۲,۰۰۰ عم نبی حضرت عباسه  
۵,۰۰۰ حضرت حسن وحسینه  
۳,۰۰۰ عمر بن الخطاب اوغلی عبدالله  
( خلیفه نك اوغلی )

۲,۰۰۰ مهاجرین وانصارک اوغللرندن  
هر برینه  
۸۰۰ مکه اهالیسندن هر برینه  
۳۰۰-۵۰۰ بلافرق اسلاملردن هر برینه  
۲۰۰-۶۰۰ مهاجرین وانصار قادیلرینه

پارچه‌سنة اطلاق اولنور . بوراده‌کی جرییدن  
مقصد مذکور مساحده ییشن محصولدر .  
خلاصه اوائل اسلامیتده عسکر نفرلرینه  
تخصیص اولنان معاشلر عصر حاضرده نفرلره  
ویریلن معاشلردن فضله ایدی . ضابطانکی  
ایسه بونک عکسیدر .

عساکر اسلامیه‌نک معاشات و تخصیصاتی  
راشدین دوری امتداندجه ذکر اولنان مقدارلرده  
دوام ایتدی . راشدیندن صکره امویلر خلافتی  
اله کچیرمکه قویوله‌رق بونلردن ( معاویه )  
نائل مقصد اولق ایچون عربلرک مظاهرت  
ومعاونتنه محتاج اولنجه بویولده استعمال ایتدیکی  
وسائط جمله‌سندن اوله‌رق پاره‌لری کلیتله بذل  
ایتمکه باشلادی . معاویه‌نک معیتده آلتش  
بیك عسکر موجود ایدی . بو آلتش بیك  
عسکره سنه‌ده آلتش میلیون درهم صرف  
ایدردی . شوالده عسکرک هر برینه سنه‌ده بیك  
درهم ویریلوردی . بوايسه حضرت عمر  
طرفندن تعیین اولنان معاشک ایکی مثلندن  
زیاده ایدی .

( معاویه ) یه مظاهرت وکندیسی ایچون  
حرب ایدن وخلافتی تأیید ایاین قبائل طلیعه  
سنده یمن قبائی بر موقع مخصوص اشغال  
ایتمشالردر . بونلر بوخدمتی آنجق معاویه‌نک  
معاش وخصیصاتنه طمعاً ایفا ایلشالردی .  
چونکه اووقته قدر راشدین دورینک مروری  
ورهت نبوتک انقضاسی ايله مجرد جهاد ایچون  
حربه رغبت حسی سونمکه باشلامشدی . ( معاویه )  
ایکی بیك مقدارنده بولنان بویملیلری دیگرلری

حضرت عمر زماننده اسلاملره ، یاخود  
عسکره ویریلن معاشلر ( بعض روایاتده غایت  
جزئی فرقلر موجود اولقله برابر ) بالاده  
کوستریلن مقدارلرده ایدی . ذکر اولنان  
معاشلر زمان حاضرده ویرلمکده اولان معاشلر  
ایله مقایسه ایدیلرسه آرده ده پک بیوک برفرق  
کورولور . بردرهمی برفرائق اعتبار ایدرسه ک  
که تقریباً اکا معادلدر - اسلامیتده الک بیوک  
ذاته ویریلن سنوی معاشک بش بیك فرانفی ،  
یاخود ایکی یوز انکلیز لیراسنی تجاوز ایتدیکی  
آکلاشیلیر . برده اوزمانکی بتون اسلاملری  
عسکر اعتبار ایدمک اولورسه ق مهاجرین  
وانصار وازجمله حضرت عمر اوعسکرک  
ضابطلری عد ایدمک اقتضا ایدر .

جدولده « بلا فرق اسلاملر » تعبیری ايله  
افاده ایتدیکمز افراد اسلامیه عسکرلکده  
نفرلری تشکیل ایدرلردی . بونلره ویریلن  
معاشلر او برلرینه اعطا اولنان معاشلره نسبة  
پک آز ایدی . نفرک معاشی منسوب اولدیفی  
قبیله‌نک موقعی ، جهادده‌کی غیرتی واسلامیه  
خدمتی کبی بعض عباراته تبعاً ۳۰۰ دن ۵۰۰  
درهم قدر مختلف مقدارلرده ایدی . بناء علیه  
حضرت عمر زماننده عساکر اسلامیه ضابطلر-  
ینک سنوی معاشلری ۵۰۰،۰۰۰ ایله ۵۰۰،۰۰۰ ونفرلرک  
معاشاتی ده ۳۰۰ ایله ۵۰۰ درهم آرده‌سنده  
دیمکدر . بونلرک زوجهلرینه وچوچقلرینه  
آیریمجه مشخصات ویرلکدن ماعدا کندیلرینه ده  
آیده ایکی ( جریب ) بغدادی اعطا اولنوردی .  
جریب ۳،۶۰۰ ذراع مربعمده بولنان ارض

کوفه اهالیسی حضرت علینک اک غیرتلی طرا-  
فدارلری ایدیلر . ( معاویه ) اوراده بولنان  
والیدی ( نعمان بن بشیر ) کوفه اهالیسی مخصوصانه  
اوز دینار ضم ایدلمسنى امر ایتدی . ( نعمان )  
ضم ایتمک ایسته مدی ، فقط بو مخالفت اکا  
فائده ویرمدی .

دها صکره خلفای امویه دن ( یزید ) ،  
( مروان ) ، ( عبدالملک ) زمانلر ندهده معاشر  
وعطیه لر احوالده دوام ایتدی . ( عبدالملک )  
کندی زماننده نفسلرینه طلب خلافت ایدنلره  
مقاومت ایچون طرفدارلر تشکیل ایتمک  
خصوصنده پاره صرف ایتکده پک ایلری  
کیتمش ایدی . حجاج ( عبدالملک ) ک امریله  
( رقیل ) ه سوق ایتدیکی قرق بیک عسکره  
( معاشر و قوماندانلره ویربان عطیه واحسانلردن  
ماعدل ) ایکی میلیون درهم صرف ایتمش  
ایدی . اونجی خلیفه اموی ( ولید بن یزید )  
مقام خلافته کیچنجه جلوسی کونی عسکرک  
معاشانه اوز درهم ضم ایلدی . احتمال که  
مشارالیه کنديسنده بولنان اکریلک واسراف  
نظر دقه آلهرق عسکرک کوزنی قاباق  
ومحبتلرینی جلب ایتمک ایچون بو ضمی اختیار  
ایتمش ایدی . مع مافیه امویلر دولتنک صوک  
کونلرینه طوغری معاشر آزالغه باشلایه رق  
نهایت ۵۰۰ درهمه تنزل ایتدی .

خلافت عباسیلره کیچنجه ایلک خلیفه عباسی  
( سفاح ) نفرک آیلق معاشنی سکسان درهم  
یابدی . ( سنده ۹۶۰ درهم ) . صانکه سفاح  
نفرک معاشنی بنی امیه نک اوائل خلافتنده ویربان

ایله اختلاطده بولماز مستقل برفرقه عسکریه  
حالنده طوته رق بولنره ایکی قات معاشر  
تخصیص ایتشدی . قوماندانلرینی ده کنديسنه  
یاقلاشدیروب انلر ایله مهم امور حقیقه  
استشارده بولنوردی . یمنیلر بویه بر موقع  
یمتاز آلنجه شیارمغه باشلا دیلر . دولت امویه نک  
کندیلری سایه سنده تأسس ایتدیکنی و آرزو  
ایدلر سیه حجاز ونجد عربلرینی و او جمله دن  
امویلری شامدن چیقارمغه مقتدر اولدقلرینی  
شوراده ، بوراده سویله رک مغرورانه طورلر  
آلدیلر . معاویه بولنره او قدر یوز ویردیکندن  
طولای پشیان اولدی . تلافی مافات ایچون  
( قیس غیلان ) قبیله سنندن او یله یمتاز دیگر  
بر فرقه تشکیل و بولنره دخی اونسبتده فضله  
معاشر تخصیص ایلدی . ( معاویه ) دکر  
محاربه لرینه یمنیلری و قره محاربه لرینه قیسیلری  
کوندیریوردی . بو حال یمنیلره کران کلد-  
یکندن ( معاویه ) ایکی فرقه یی برلشدیره رک  
حربه معاً کوندرمکه باشلادی .

معاویه پاره یی یالکنز عسکرکی کنديسنه  
جذب ویند ایتکده استعمال ایتزدی . کنديسنه  
طرفدارلر تشکیل وعلینده بولنانلرک کین  
وعداوتی تسکین ایتمک ایچون ده بذل ایدردی .  
حتی چوق دفعه لر برطاقم ذواتک حضرت علی به  
طرفدار اولدقلرینی بیسلیکی حالده بولنرک  
تزیید معاشاتی والیرینه امر ایلردی . حال  
بوکه والیر عقللرینک قیصه لغندن طولای  
معاویه نک اصل مقصدنی تقدیر ایدم دکلرندن  
بو اوامری تنفیذ ایتزلردی . بو قیلدن اولهرق



مقداره ابلاغ ایتک ایستدی . سواری به دخی  
نصفی حیوانک مصارفه قارشیلق اوله رق پیاده به  
ویریلن معاشک ایکی مثلی اعطا اولنوردی .  
قرآن احوال دن آکلاشدیغنه نظر آخلاف عباسیه  
دورنده عسکرک معاشاتی دولتک ترقی و اعتلاسی  
نسبتنده ترقی و تزیید ایتمدی . بالعکس دولت  
ترقی و تعالی ایتدکجه بو معاشلرک مقداری  
او نسبتده تناقص ایدیوردی . ( مأمون )  
زماننده پیاده نفرینک معاشی یکریمی و سوارینک کی  
قرق درهمه تنزیل ایدلدی . ۲۰۱ سنه  
هجریه سنده ( عیسی بن محمد بن ابی خالد ) ک  
معینده بولان اردو ۱۲۵ بیک پیاده و سواریدن  
متشکل ایدی . پیاده لره یکریمیش و سواریلره  
قرقر درهم معاش تأدیه اولدیی . فضله  
اوله رق عباسیلر دورنده آلتون فیائی اوائل  
اسلامیتده کی فیاتدن زیاده یوکسلمش ایدی .  
بر دینار حضرت عمر زماننده اون درهم  
قیمتمده ایدی . ( مأمون ) ک زماننده ایسه  
اون بش درهم ایتکه باشلادی .

بالاده کی معلوماتدن آکلاشدیغی اوزره  
معاشلر امویلر دورنده دور راشدین مقدارندن  
یوقاری آرتمش ، عباسیلر زماننده ایسه بالعکس  
تناقص ایشدیر . بونک سببی امویلر زماننده  
عربلری طرفدار یایمق ضرورتنک موجودیتی  
ایدی . امویلر حاکمیتلرینی تأیید ایچون  
عربلری پاره و سائر ایله استیجلا به مجبور  
ایدیلر . بو سیدن معاشلرک بول بول  
ویرلمسینه لزوم کورلمش ایدی . حال بوکه  
عباسیلر زماننده بو مجبوریته هان هان زائل

اولمش ایدی . زیرا عربلر او وقته قدر هر طرفه  
طاغیلهرق اقوام سائر ایله اختلاط و کار  
و کسب ایله اشتغاله باشلامیشلردی . بوندن  
ماعدای عباسیلر کندیلرینه معاونت ایتدکلرندن  
طولانی عرب اولمیاناردن چوقجه آدملر استخدام  
ایتمیشلردی . بناءً غلیه دولت عباسیه عربدن  
و سائر دن ایستدیکنی استخدام ایتدکه  
مختار بولنیوردی . برده عرب اولمیانلر  
عربلردن زیاده کوچک بر معاشه راضی  
اولیورلردی . ( ابن خردادبه ) نک دیدیکی  
طوغری ایسه اسلام نفرینه ویریلن اک کوچک  
معاش اوصره لرده روملرک کندی عسکرلرینه  
ویردکلری معاشک بر قاق مثلی ایدی . مشار  
الیهک ویردیکی معلوماته کوره روملرده عسکره  
ویریلن سنوی معاش ۱۸ ایل ۱۲ دینار آره سنده  
مختلف ایدی . فضله اوله رق بومعاش آنجق  
اوچ و یا دوت سنده بر صرف اولنوردی .  
حال بوکه عرب عسکرکی معاشاتی سنهک ،  
آیلق ، یا خود بر قاق آیلق اوزرینه تقسیط  
صورتیه اوقات معینه ده منتظماً تأدیه اولنوردی .  
تأدیات آنجق دولت عباسیه نک صوک دورلرینه  
طوغری سکتیه اوغرا دی ، یالکز بوصره لرده  
عسکر معاشلری تراکم ایتکه باشلادی . ایسته  
بودورده هر دولتک اقراض واضع محاللی  
زمانلرنده اولدیغی کبی عسکرکی هر کیم ده  
زیاده ممنون ایدر ایسه خلیفه او اولیوردی .  
عسکر معاشلری ساچوقیلر زمانه قدر  
نقداً تأدیه اولنمشدر . بوزماندن اعتباراً نقد  
یرینه مقاطعات ویرلمکه باشلادی . معاشلری

ملوك وسلاطين دخی كچن عصر ك اوائله قدر  
بو اصول اوزره حركت ايديلر . مقاطعات  
حقنדה ايلريده معلومات ويره جكنر .

### عسكرك مقداری

دها اول دیدیکمز کی صدر اسلامده بتون  
مسلمانلر عسکر ایدیلر . او حالده انلرك  
مقداری اوزمانکی عساكر اسلامیه نك مقداری  
دیمكدر . برنجی سنه هجریده عساكر اسلامیه نك  
عددی برقاچ عشراتی تجاوز ایتوردی ، محل  
اقامتلری ده مدینه ایدی . ده صكره بوعسكرك  
مقداری قبائیدن اسلامیه داخل اولانلر ايله  
آرتدی . ( بخاری ) ده وارد اولان بر حدیث  
شریفدن آكلاشلدیغنه نظراً حضرت نبی  
اسلامی قبول ایدنلرك تحریر اولمیشلری  
آرزو بیورمیش ، بیک بش یوز کشی به بالغ  
اولدقلمی تبین ایتیش ایدی .

غزو دلرك صوكنجیسی اوله رق طقوزنجی  
سنه هجریده وقوع بولان ( تبوك ) غزوه سی  
اثناسنده اسلاملرك مقداری اوتوز بیک  
پیاده واون بیک سواریدن عبارت ایدی .  
حضرت نبی زماننك صوكلارینه طوغری  
عرب عسكری ایشته شو ذكر اولنسان  
مقدارده ایدی . ده صكره حضرت ( ابوبكر )  
وحضرت عمر زمانلرنده عساكر اسلامیه  
آرته رق یوز الی بیکی تجاوز ایتدیلر . خلفای  
راشدینك صوكن زمانلرنده ایسه بو مقدار  
برقات دها آرتمشدی .

نبی امیه نك اوائل خلافتلرنده بصره  
وكوفه ده بولان عساكر اسلامیه یوز قرق

بوشكله ایلک تحویل ایدن ذات ( آل سلجوق )  
وزراستندن اولوب ۴۸۵ سنه هجریه سنده ارتحال  
ایلین ( نظام الملك طوسی ) ایدی . اعظم  
رجالدن معدود اولان بوزات سلجوقیاره وزیر  
اوله رق دولترلرینه برچوق اصلاحات ادخال  
ایدی . بغدادده کی مدرسه لری ( دارالفنونلری )  
ایلک تأسیس ایدن کنندیسی ایدی . بغدادده  
کندی اسمنه نسبتله ( مدرسه نظامیه ) نامیله  
تأسیس ایدیلان اومشهور بیوك دارالفنون بو  
ذاتك اثری ایدی . مشارالیه الب آرسالانه ،  
دها صكره اوغلی مشهور ( ملك شاه ) وزیرلك  
ایتدی . یكرمی سنه امتداد ایدن زمان وزارتنده  
بتون امور سلطنت کنندیسنك انده ایدی .  
حکمدار ؛ تحت سلطنت صاحبی اولمقدن وصید  
وشكار ايله اوغراشمقدن بشقه برایش یامازدی .  
عاقل وحسن نیت صاحبی اولان بوزات کندی  
زماننده دولت سلجوقیه نك توسع ایتدیکنی  
کورنجه مقاطعات صورتیله محافظه سی آرزو  
ایدرك اراضی یی مقاطعه لره تحویل وعسكرك  
تفویض ایددی . مشارالیه اراضینك  
بوصورتله عسكرك تفویضی ايله برقات ده  
معمور اوله جغنی دوشونمش ایدی . چونكه  
اراضی بویله برچوق اللرده بولنورسه بواللر  
کندی منفعللری ایجاباتندن اوله رق اواراضینك  
اعمارینه غیرت ایدر . بالعكس یالکیز دولتك  
بدائرة رسمیه سنك همته قالیرسه اوقدر معمور  
اولماز . ( نظام الملك ) ك بوتشبی فی الواقع ای  
نمره لر ویردرك مملكت معمور اولدی ،  
محصولات آرتدی . مشارالیه دن صكره كلن

بولنان (قره بن شريك) و ۱۰۱۰ سنه هجريه سنده  
كذلك بووالملكده بولنان (بشر بن صفوان)  
زمانلرنده دخي مصرده تحرير نفوس اجرا  
اولندي . عربلرك ممالك اسلاميه ده اك صوك  
اجرا ايتدكلري تحرير نفوس ۱۰۵ سنه  
هجريه سندن ۱۲۷ سنه سنه قدر مقام خلافتده  
بولنان (هشام بن عبدالمالك) ك زماننده ايدى .  
فقط او احصاآت بزه انتقال ايتدى . چونكه  
بونلر امويلرك ضائع اولان سائر آثاري  
مياننده ضائع اولدى .

خلافت عباسيلره كچنجه بونلر ده اول  
كورولديكي اوزره عربلره اهميت ويرمديلر ،  
ايراني و تركلردن و سائردهن اوله رق عرب  
اوليانلري استخدام ايديلر . حتى (معتصم بالله)  
۲۱۸ سنه هجريه سنده مقام خلافته كچديكي  
زمان بالجله ولايتلره برامرنامه كوندرك  
دوائر حكومتده مستخدم بولنان عربلرك  
ترقين قيدرليه معاشارينك قطعى امر ايدى .  
بو حال عربلره آغير كلديكندن قارشى كلك  
ايتديلر ايسه ده مقاومتلري برفائده ي منتج  
اولدى . ايشته بو آندن اعتباراً عرب دولتي  
منقرض اولدى ، دواتك عسكرى هپ ايرانيلر  
و سائردهن اوله رق عرب اوليانلردن تشكىل  
ايتدى . عربلرك خلفاي عباسيه دن بوسبدن  
نه درجه دلكير اولدقارينه شو فقره بر نمونه  
تشكيل ايدر . (معتصم) ك وفاتيله يرينه (وائق)  
مقام خلافته كچديكي صردده شاعر مشهور  
(دعبل خزاعى) صميرده بولنيوردى .  
(معتصم) ك وفاتى و (وائق) ك جلوسى

بيكه بالغ اولمده ايدى . بونلردن ۸۰ بيكي  
بصردده ، ۶۰ بيكي كوفه ده بولنيوردى .  
زوجه و سائر وچولق چوچقدن مركب  
اوله رق انلرك عائله لرى ۲۰۰ بيك نفوسه  
بالغ ايدى . مصرده دخي عائله افرادى داخل  
اولقسزين يالكز آدم اولق اوزره قرق بيك  
اسلام واردى . شام قطعه سنده بولنان عساكر  
اسلاميه دخي اومقدارده ايدى . ايران ممالكنده  
وقطعات سائرده بولنان عساكر اسلاميه ايسه  
بشقهدر .

صدر اسلامده مقام خلافتى احراز ايدن  
ذوات حضرت نينك ياديغنه اقتفاء اسلاملرك  
مقدارينى تعداده اهميت ويريورلردى . بناءً  
عليه بو وظيفه يي ايفا ايتمك ايجون هر قبيله  
اوزرينه بر آدم تعيين ايتملردى . بو آدملر  
هر كون قبيله لرك ايجنده : «دون كيجه كيمسيه  
چوچق طوغشمى ، كيمسيه مسافر نازل  
اولشمى ؟» ديه رك طولاشيرلر ، يكي طوغان  
چوچقلى و نازل اولان مسافرلري يازهرق  
دائرة حكومه (ديوان) ه اخبار ايدرلر و قيد  
ايتديرلردى .

بو تحرير نفوس زمان زمان هر ولايتده  
آبرى آرى اوله رق تجديد ايديلردى .  
حكومت اسلاميه زماننده مصرده ايلك اجرا  
اولنان تحرير نفوس (عمر بن العاص) طرفندن  
اجرا ايدلدى . ده اصره ۶۵ سنه هجريه سندن  
۸۶ سنه هجريه سنه قدر مصر واليكنده  
بولنان (عبدالعزى بن مروان) ، متعاقباً  
۹۰ سنه سندن ۹۶ سنه قدر مصر واليكنده



آناطولیده کائن (عموریه) شهرینک فتحه  
 ۹۰۰ بیک عسکر سوق ایتدیکنی بیان  
 ایدیور. اصلاً عرب اولیان عسکر ایله  
 عساکر خاصه و سائره بی داخل حساب ایتیه و  
 شرقاً و غرباً یقین، اوزاق بالجه حدود اسلامیه  
 اوزرنده بولان اردوگاهلرده بولان عساکر  
 محافظه نکه نه مقدرده اولسی لازم کله جگنی  
 نظر تأمله آلیرسق بالاده قید اولنان  
 مقدارلری طبیعی کورمک لازم کلیر. خلفای  
 عباسیه دن (مأمون) ک یالکز عساکر خاصه سی  
 تحریر اولسدیغی زمان ۳۳ بیکه بالغ اولدیغی  
 کورلمشدی.

#### رتب و انواع عسکریه

زمان جاهلیتده عربلرک عسکری یوق  
 ایدی. بناءً علیه عسکری رتبه دخی موجود  
 دکاردی. مع مافیه انلر اوادوار قدیمده قبیله  
 امیرنی قوماندان تعیین ایدرلردی. امیر غارت  
 اجراسی و یاساثر برخصوص ایچون کوندره جکی  
 بر مفرزه عسکریه به بالنیابه بر قوماندان  
 تعییننه لزوم کورنجه اوزمانلرده (منکب)  
 نامیه تسمیه ایتدکاری بر آدم تعیین ایدردی.  
 (منکب) دن صکره رتبه جه (عریف) کلیر.  
 منکب بش عریفه، عریفده اون قدر و یا خود  
 دهافضل افراده قوماندان ایدردی.

عربلر اوائل اسلامیتده جاهلیتک ذکر  
 ایتدیکمز اصولنه دوام ایدرک عسکری هربری  
 اون کشیه قوماندان ایدر عریفلره تقسیم  
 ایاشلر و قوماندانلغی ده قدم و تجربه اربابندن  
 ذواته تودیع ایتشلردی. ایلمک فتوحات

کندیسنه اخبار ایدیلنجه شاعر: «حمد اولسون  
 بوحاله. فانیلر خواب ابدیه طالدجه بونلر  
 ایچون حزن و الم، تعزیت لازم کلیور. برخلیفه  
 اولور، دیکری یرینه جلوس ایدر. فقط هیچ  
 برکیمسه نه برینک وفاتندن محزون، نه ده  
 دیکرینک جلوسندن مسرور اولور» مألده  
 اولان شوایکی بیتی سوبلدی:

الحمد لله لاصبر ولاجلد

ولاعزاء اذا اهل البلا رقدوا

خليفة مات لم یحزن له احد

وآخر قام لم یفرح به احد

کړک دولت امویه، کړک عباسیه زمانلرنده  
 حال حرب و صلحه استخدام اولنان عسکرک  
 مقدارنی تماماً بولوق امکان خارجنده در.  
 شو قدرکه محاربه سیوق ایتدکاری عسکرک  
 مقدارنی نظر دفته آلیرسق مذکور دولترک  
 بک چوق عسکره مالک اولدقلری آکلاشیلیر.  
 (یزید بن مهلب) جرجان و طبرستان اوزرینه  
 حرکت ایتدیکنی زمان معیتده عرب اولیانلردن  
 و کولکیلردن بشقه ۱۲۰ بیک معاشلی عسکر  
 بولنیوردی. خلفای عباسیه دن (هارون الرشید)  
 معیت آدملری و خدمه و کولکیلردن ماعدا  
 ۱۳۵ بیک عسکر ایله روم ملکیتده کائن  
 (هرقله) شهری اوزرینه حرکت ایتش ایدی.  
 مصرده (دولت اخشیدیه) نک مؤسی اولان  
 (محمد بن طغج) ک اردوسی ۴۰۰,۰۰۰ عسکر  
 و ۸,۰۰۰ کوله مندن متشکل ایدی. هر آقشام  
 بو کوله منلردن ایکی بیکی مشارالیهی بکلرایدی.  
 (ابن خلدون) خلفای عباسیه دن (معتمد) ک

اسلامیه ده عسکرلر ایشته بویولده ترتیب ایدلمش ایدی . ده صکره عریقلر یدیشر یدیشر یاییله رق بونلرک عددی یوزه ابلاغ اولنش وهر عریقلک معینه قدم و تجربه اعتباریه تصنیف اولنان عسکرک صنفلرینه کوره اوتوز، قرق و بعضلرینک معینه ۲۰ نفر ویرلمشدر . عریقلر اوزرینه ( امراء الاسباع ) نامیه قوماندانلر بولنوردی . عریقلره معاش توزیعنی قوماندانلر و نفرلره معاشلر توزیعنی عریقلر ایفا ایدرلردی .

امویلر زماننده عسکرک شو ترتیباتندپک آز تبدلات وقوع بولدی . دولت عباسیلره کچنجه ترتیبات عسکریه ده هر اون کشی به قوماندا ایتیمکه ( عریف ) ، هرالی کشی به ( خلیفه ) ، هر یوز نفره ( قائد ) ناملریله رؤسا تعیین اولندی . ده صکره بشقه صورته تعدیلات یابلدی : هر اون کشی به عریف ، هر اون عریفه ( ۱۰۰ نفره ) نقیب ، هر اون نقیبه ( ۱۰۰۰ کشی به ) قائد ، هر اون قائده ( ۱۰,۰۰۰ آدمه ) امیر ترتیبی اتخاذا اولندی . دیگر دول اسلامیه بعض فرقلر ایله بو ترتیب اوزره حرکت ایتدیلر .

بالاده ذکر ایتدیکمز رتب عسکریه یی احراز ایدن ذوات ، هیچ شبه یوق ، بوکونکی ضباط عسکریه نك حائر اولدقلری رتب عسکریه اونفورمه لری کی رتبه نك نوع ودرجه سنی ارئه ایدر علامات مخصوصه میزه یی حاوی کسوه لرا کتسا ایدرلردی . لکن مع التأسف اوکسوه لرك شکل و اشارت لرینه دائر هیچ بریده

آجیق معلوماته راست کله مدك . ( طراز ) بختده کسوه لر حقه ده بوله بیلدیکمز معلوماتی ده اول یازدق . اندن فضله بوباده معلوماته مالک دکلز . بوقییلدن اوله رق هر دولتك آتلی دیکر دولتك آتارندن تفریق ایدلك ایچون آتله داغ اورلردی . هر دولتك کنديسنه مخصوص برداغی واردی . امویلرک استعمال ایتدکلی داغ ( عده ) کله سنی حاوی ایدی . نته کیم عربلر زمان جاهلیته دوه لرینی بوضورتله داغلایه رق هر قیله نك دوه لری دیگر قبائل دوه لرندن بشقه بر ( داغ ) ی حامل بولنوردی . حیواناتی داغلامق بوکونکی دول متمنده نزدنده دخی جاری برعادتدر .

### عسکری کچید رسملری

عسکره کچید رسمنی یاپدیرمق اسلامشدن اول تأسس ایدن دول متمنده جه قدیم برشیدر . اسکندر کبیر کنديسی بالذات عسکره کچید رسمنی یاپدیرر ، عسکرک ، سلاحلرینک ، آتلیلرینک احوالی بالذات نظر تفتیشدن کچیریدی . اسلامیتک ظهوری صره لرنده ایرانیلر سنه ده اوقات معینه ده عسکرلرینه کچید رسمنی یاپدیریورلردی . کچید رسمنده ایرا نیلرک اصولی برنجی درجه ده بولنان سوارینک کچمسی تشکیل ایدردی . بوسواری ، آته راکب اولدینی ویا ننده اوشاغی بولندینی حالد کچردی . سواری زره ، مغفر ، زرهلی ال دیون کیمش ، قالقان ، مزراق ، قلیچ ، طوپوز ، خنجر ، یای ، اوق طاشیمش وایپلک ، ایکنه یه وارنجه یه قدر کرک کنديسنه ، کرک

حیوانه اوزمان محاربلرینه هر نه لازم ایسه  
 جمله سی ایله مجهز برحاله بولنوردی .  
 وقتا که عربلر داخل دائره مدینت اوله رق  
 عسکر تشکیل وتنظیم ایلدیلر، بوعادتی ایرانیلر ده  
 نه شکلده ایدی ایسه اوشکلده قیاس ایتدیلر . مع مافیہ  
 قرآن احوال دن آکلا شیلیور که عربلر تمدن وعسکر  
 تنظیم اتمدن اول حرب آدمیلرینه کچید رسمی  
 یاپدیرلردی . حضرت نبی بالذات اصحابنه  
 کچید رسمی یاپدیرمشدر . سیر نبویه ده وارد  
 اولدینی اوزره حضرت پیغمبر هجرتک ایکنجی  
 سنه سنده ( بدر ) واقعه کبراسی کونی اصحابنه  
 کچید رسمی یاپدیردقدن صکره النده تویسر  
 براوق اولدینی حالد انلری صف صف شکلده  
 دیزمشدر . عسکرک صفلرینی کوزدن کچیرر .  
 کن ( سواد ) نامنده بر آدمی صفدن چیقمش  
 کوردی . حضرت نبی اوق ایله سوادک قارننه  
 باصره رق اکا ( سواد ! طوغری طور ) دیدی .  
 صکره کندیسنه قوریلان سایبانه عودت ایندی .  
 خافای راشدین ، متعاقباً امویلر دخی  
 حضرت نبی کی عسکره کچید رسمی  
 یاپدیرلردی . ( حجاج ) عسکره کچید رسمی  
 یاپدیررکن عسکردن برر برر اسملرینی ،  
 منسوب اولدقلری قبائی ، حاللرینی ، سلاحلرینی  
 صوراردی .  
 عباسیلر زماننده ایسه کچید رسملری  
 ایرانیلر ککنه ده ازاده بکزیبوردی . چونکه  
 عباسیلر کچید رسمی ایرانیلردن اقتباس  
 ایتمشلردی . کچید رسمی مشاهده ایتک  
 ایچون خلیفه بالذات ، یاخود وزیر حاضر

بولنوردی . بعضاً خلیفه صانکه بر محاربه یه  
 حاضر لائمش کی زره ومغفرکیه رک کچیدرسمنه  
 نظارت ایدردی . بر مأمور مخصوص صره ایله  
 قوماندانلرک اسملرینی سویلردی . قوماندانلر  
 معیتلری عسکرایله کچرلردی . خلیفه بونلری  
 نظر تفتیشدن کچیره رک آنلری ایله آلات  
 وادوات حربیه لرینی منتظم کوریرسه کندیلرینه  
 مکافات اعطا ایدردی . بومکافات کچید  
 رسمنه مخصوص بر مکافات ایدی . بعضاً بیوک  
 قوماندانلر بومکافاتی آلمقدن استنکاف ایدرک  
 معیتلرنده بولان آدملره ویریرلردی . بوقییندن  
 اوله رق خافای عباسیه دن ( معتمد ) زماننده  
 ( ۲۷۱ سنه هجریه سی ) عمرو بن لیث بویله  
 یاپیوردی . ( عمرو ) خلیفه نک توجهنه نائل  
 اولمش ، مملکتک قوانیننده وعسکرلکده  
 اختصاص کسب ایتمش ایدی . هر اوچ آیده  
 بر کره عسکره معاش توزیع ایدردی .  
 توزیعاننده بالذات حاضر بولنوردی . کچید  
 رسمنه نظارت ایدن ذات پاره لر یاننده اولدینی  
 حالد موقع مخصوصنده اوطوروردی . منادی اک  
 اول ( عمرو بن لیث ) ک اسمی ذکر ایدردی .  
 بونک اوزرینه مشارالیهک آتی بر سواری یه  
 لازم اولان اسلحه وادوات کامله ایله کچید  
 رسمنه نظارت ایدن ذاتک اوکندن کچیریلردی .  
 آت نظر تفتیشدن کچیرلکدن صکره ( عمرو )  
 نامه اوچ یوز درهملک بر مکافات ویریلردی .  
 بومکافات بر چیقین دروننده اوله رق ( عمرو )  
 کوتورلدیکنده مشارالیه مکافاتی آلیر ،  
 اوپردی . «امیر المؤمنینک مکافانه لایق اوله جق



درجه به قدر انك خدمت شده بنی موثق  
ایدن جناب حقه حمد اولسون « دهره  
چیقینی چزمه سنه صوقاردی . مكافات چزمه یی  
انك آياغندن چیقاره جق کیمسه نك اولوردی .  
دها صكره صره ایله عسکر قوماندانلری ،  
ضابطانی ونفرلر مرور ایدردی . لباسلرینه ،  
آتلیرینه ، سلاحلرینه دقتله باقیلردی .  
بتون عسکر آلات وادوات حربیه لرینی تماماً  
كوسترمكه مجبور ایدیلر . بونلردن هانکیسند  
قصور کورولورسه انك معاشی کسیلردی .  
بر کون مشارالیه ( عمرو بن لیث ) ك  
حضورنده كچید رسمی اجرا اولنوركن  
مشارالیه آتی غایت ضعیف بر سوار  
كوردك : « یاهو ! پاره مزى قاریكه ییدوروب  
انی سمیزلیدیورسك . اوزرنده حربه کیتدیك  
وسایه سنده یاشادیغك آتی ضعیف دوشوریو .  
سك . بورادن چکیل ، كیت . سنك کی  
بر آدم بزه لازم دكل « تكدیریله قوموق  
ایستر . بونك اوزرینه اوسواری : « افندم ،  
مرحت ایدیكنز . قایم بو حیوانك كچدیكى  
كبی او ككزدن كچوبده كوزلا كنی كورسه  
ایدیكنز سزده بو ضعیف حیوانمی سمیزلیر .  
دیكنز « جوانی ویریر . ( عمرو ) بوجواب  
اوزرینه كولر ویكى بر آت آلق ایچون  
سواری به غطیه ویریر .

عسكرك اقامتگاهلری

صدر اسلامده مسلمانلر ( كه عساكر  
اسلامیه انلر ایدی ) بر شهرى فتح ایتدكلری  
زمان اقامتگاهلرینی او شهرك بر طرفنده

قورارلردی . حضرت عمر ك آرزوسی وجه  
ایله كندیلری ایله مدینه ییتده بر نهر ویا دكن  
بولان یرلرده اقامت ایتزلردی . ایشه بونك  
ایچون مصری فتح ایدن عساكر اسلامیه  
اوزمان مصرك پایتختی اولان ( اسکندریه ) ده  
اقامت ایتیموب ( حصن بابل ) - بابل قلعه سی -  
جوارنده بالاخره ( فسطاط ) نامی آلان  
بر یرده قوردقلری چادرلرده اقامت ایلدیلر .  
كذلك ایرانی تسخیر ایدن عساكر اسلامیه  
اوزمان ( كسری ) نك مقر سلطنتی اولان  
( مدائن ) ده اقامت ایتیمهرك فرات نهرینك  
شام بادیه سی جهتی كنارنده بصره و ( كوفه ) به  
نازل اولدیلر . صدر اسلامده فتح اولنان  
دیكر ممالکی فتح ایدن عساكر اسلامیه دخی  
عین صورتله حركت و والیدكلر بحثنده بیان  
ایلدیكنز وجه ایله ایلده مفتوحه نك جوار و اطرافنده  
محضا اوشهرلری حمایه ایچون اما كن مخصوصده  
اقامت ایلدیلر . عرب عسكری محاربهره  
قاریلریله ، چوجقلریله برابر كیتدكلرندن  
بر شهرى فتح ایلدكلری وقت جوارنده  
عائله لرله برابر اقامت ایدرلردی . ایشه بوندن  
طولاییدركه او یرلرده تأسیس ایتدكلری اردو .  
كاهلر مرور زمان ایله معمور شهرلره منقلب  
اولدی .

عربلر بالاخره دها زیاده مدنی اولنجه  
چوجق چولفی كندی یوردلرنده براقه رق  
حربه یالكنز كیتمهك باشلادیلر . فقط ینه  
بو حالده دخی اردوگاهلری شهرك خارجنده  
قورمقده دوام ایلدیلر . مصرده ( فسطاط ) ،

عراقده (كوفه) و (بصره) واردوكا هلدن  
 توره من شهرلر جمله سندنر . فسطاط (عمرو  
 بن العاص) ك اوناغى اطرافنده عساكر  
 اسلاميه نك خيمه قوردقلرى خالى برير ايكن  
 مرور زمان ايله كسب عمران ايدرك (فسطاط)  
 نامى ايله بر شهر اولدى . (فسطاط) ك  
 تأسسندن بروكسور عصر زمان صكره عباسيلر  
 خلافت اسلاميه ي احراز ايله امويلىرى  
 استيصال ايتدكلارنده خلفاى امويه نك صوكنجسى  
 اولان (مروان بن محمد) مصره فرار و فسطاطه  
 التجا ايتدى . عباسيلر (صالح بن على) نك  
 قومانداسى آلتنده مشاراليه يعقوب ايدرك  
 (فسطاط) جوارنده اردو قورديلر . بواردو  
 محانه (عسكر) - اردوكاه - ناني و يرديلر .  
 بوراسى دخى مرور زمان ايله معمور اوله رق  
 اونام ايله (فسطاط) كهي بر شهره منقلب  
 اولدى . تاريخ مذكوردن كذاك بروكسور  
 عصر صكره ۲۵۷ سنه هجريه سنده (احمد بن  
 طولون) مصر واليكنى احراز ايدنجه معيتده  
 بك چوق عسكر و معيت آدملى و آلات  
 و ادوات حريمه بولنديرديغندن (فسطاط) و نلرى  
 استيعاب ايده مامشدى . بونك اوزرينه مشاراليه  
 (مقطم) طماغى جوارنده براردوكاه تأسيس  
 و كندى نفى ايچون برقوناق و برميدان انشا  
 و احداث ايتديكي كهي معيتده بولنان عسكرى  
 و رجال حكومتى و اتباعى ده اقامتكاهلر تأسيسنه  
 تشويق ايلدى . بوضورتله انشا اولنان اماكن  
 (فسطاط) ه قدر امتداد ايدرك بر شهر شكلنى  
 آتش و بويكي شهره (قضايع) نامى و يرلشدر .  
 مذكور زماندن بروكسور عصر صكره دخى  
 ۳۶۵ سنه هجريه سنده دولت فاطميه قوماندانى  
 (جوهر) مصرى فتح ايچون كاديكننده عيني  
 شئي ياپدى . مشاراليه معيتده بولنان عسكره  
 (المقطم) طاغنك اتكننده و (فسطاط) و (قضايع)  
 شهرلى خارجنده اردوكاه قوردورمشدى .  
 (جوهر) بتون مصر قطعه سنى فتح و تسيخير  
 ايدنجه مذكور اردوكاهك يرينه بوكونه قدر  
 باقى قالان (قاهره) شهرينى تأسيس ايلدى .  
 اسلاملر طرفندن تأسيس اولنان سائر شهرلر  
 بوصورتله تأسس ايتدى . مثلاً خلفاى  
 عباسيه نك ايكنجيسى اولان (منصور) بغدادى  
 آنجق كنديسى و عسكرى ايچون مستحكم  
 برموقع اولق اوزره تأسيس ايتمش ايدى .  
 كذاك اوغلى (مهدى) عين مقصده بغدادك  
 خارجنده كي (عسكر) شهرينى بنا ايتمش ايدى .  
 ديكر اسلام اردوكاهلرينى هپ اوصورتله  
 قياس ايده بيليرسكنز . اسلاملر بواردوكاهلرى  
 عموماً شهرلك خارجنده و خلقندن اوزاق  
 مواقعده تأسيس ايدرلردى . ايشته بوسيندنركه  
 حجاج (حجاج) و قعه سندن صكره عسكرى  
 (كوفه) اهاليسنك خانه لرنده يرلشديرنجه  
 اهالى صوك درجه ده دلكير اولشار و حجاجك  
 بوحركتنى برظلم و اعتساف عد ايتمشلردى .  
 (حجاج) دن - صكره تعيين اولنان واليلر  
 على الاكثر و باخصوص ايران ممالك كنده  
 عسكرى اهاليك خانه لرنده يرلشديرلردى .  
 بوايسه حقوق اهالى به بر تجاوز ايدى .

عراقده (كوفه) و (بصره) واردوكا هلدن  
 توره من شهرلر جمله سندنر . فسطاط (عمرو  
 بن العاص) ك اوناغى اطرافنده عساكر  
 اسلاميه نك خيمه قوردقلرى خالى برير ايكن  
 مرور زمان ايله كسب عمران ايدرك (فسطاط)  
 نامى ايله بر شهر اولدى . (فسطاط) ك  
 تأسسندن بروكسور عصر زمان صكره عباسيلر  
 خلافت اسلاميه ي احراز ايله امويلىرى  
 استيصال ايتدكلارنده خلفاى امويه نك صوكنجسى  
 اولان (مروان بن محمد) مصره فرار و فسطاطه  
 التجا ايتدى . عباسيلر (صالح بن على) نك  
 قومانداسى آلتنده مشاراليه يعقوب ايدرك  
 (فسطاط) جوارنده اردو قورديلر . بواردو  
 محانه (عسكر) - اردوكاه - ناني و يرديلر .  
 بوراسى دخى مرور زمان ايله معمور اوله رق  
 اونام ايله (فسطاط) كهي بر شهره منقلب  
 اولدى . تاريخ مذكوردن كذاك بروكسور  
 عصر صكره ۲۵۷ سنه هجريه سنده (احمد بن  
 طولون) مصر واليكنى احراز ايدنجه معيتده  
 بك چوق عسكر و معيت آدملى و آلات  
 و ادوات حريمه بولنديرديغندن (فسطاط) و نلرى  
 استيعاب ايده مامشدى . بونك اوزرينه مشاراليه  
 (مقطم) طماغى جوارنده براردوكاه تأسيس  
 و كندى نفى ايچون برقوناق و برميدان انشا  
 و احداث ايتديكي كهي معيتده بولنان عسكرى  
 و رجال حكومتى و اتباعى ده اقامتكاهلر تأسيسنه  
 تشويق ايلدى . بوضورتله انشا اولنان اماكن  
 (فسطاط) ه قدر امتداد ايدرك بر شهر شكلنى  
 آتش و بويكي شهره (قضايع) نامى و يرلشدر .

## سنجاق ، یاخود بیراق

(سنجاق و بیراقلرک تاریخی) - لوا ، رایت (سنجاق ، بیراق) ایکیمی بردر . احتمال که لوا (سنجاق) رایتدن دهاکوچکدی . یاخود رایت (بیراق) حرب ایچون عسکره تودیع ایدانجه لوا (سنجاق) نامیله تسمیه اولنوردی . اوزمانلرده (اعلام) ، (بنود) دییه تسمیه ایدیلن وزمان حاضرک اصطلاحنجه سنجاق و بیراق ناملیله معروف اولان (لوا) ، (رایت) لر ایشته بونلر ایدی . بیراقلر تاریخنجه پک اسکیدر . قدیم مصر لیلر ایله انلره معاصر بولنان ، یاخود کندیلرندن اقتباس مدنیت ایدن اقوام سائر نزدنده معروف ایدی . اسلامیتدن اول عربلرده دخی بیراق استعمالی تعمم ایتش برعات ایدی . هر قبیله کنديسنه مخصوص بر بیراق استعمال ایدردی .

بیراقلرک محاربهلرده طوتدینی موقع چوق بیوکدر . چونکه خلق محاربهلرده آنجق بیراقلرک سایه سی آلتنده طوپلانیلر و بیراقلرک زوالی ایله کندیلری ده طاعیلرلر . عربلرک زمان جاهلیتلرنده کی حکومتلرندن بحث ایتد . یکمز صرده بیراقدارلق اوزمانلرده موجود بولنان مناصب جمله سندن اولدیغی بیان ایتش ایدک . عربلرک استعمال ایتدکری بیراق ویا سنجاق (عقاب) - قره قوش - نامیله معروف ایدی . حربیه چیقدفلرنده سنجاقی چیقاریر - لردی . مذاکره دن صکره بالاتفاق بر ذاته تودی یی نقر ایدرسه اوزاته تودیع ایدرلردی . اوپله خصوصی براتفاق اولمازسه اصل بیراقداره

تسلیم ایلرلردی . بیراقدارلق وظیفه سی ثوبت ایله کاه (بنی امیه) ده ، کاه (بنی عبدالدار) ده بولنوردی . قرائن احوال دن آکلاشیلورکه عربلرک کندی بیراقلرینه عقاب (قره قوش) نامی ویرملری رومالیلر دن اقتباس صورتیله وقوع بولمشدر . چونکه (قره قوش) روما - لیلرک برعلامت مخصوصه لری اولوب بیراقلرینه وضع وانشا ایتدکری ابنیه اوزرینه نقش ایدرلردی . عربلر بوعلامت مخصوصه یی انلر دن اقتباس ایتشلردر .

(السیره الحلییه) نامنده کی کتابده وارد اولدینی اوزره (بدر) غزوۀ کبراسنده اسلاملرک بری بیاض ، دیگر ایکیمی سیاه رنگلر دن اوج سنجاقلری واردی . بیاض سنجاق حضرت نبی طرفدن قدما ی صحابه دن (مصعب بن عمیر) ه و دیگر سیاه سنجاقلر دن بری حضرت علی یه تودیع اولمشدر . (عقاب) نامنده اولان بو ایکنجی سنجاق حضرت عائشه نك چارشفندن یاپلش ایدی . اوچنجی سنجاق انصار دن بر ذاته تودیع اولمشدر . (ابوسفیان) ایسه وقعۀ مشارالیه ده (رایة الرؤساء) - رؤسا سنجاقی - حامل بولنوردی . بوسنجاقک اسمی دخی (عقاب) - قره قوش - ایدی . بوندن آکلا - شیلورکه عربلرجه (عقاب) اسمی رومالیلر دن اقتباساً برنوع سنجاقلره اطلاق اولنوردی . یالکیز برسنجاقک اسمی دکلدی .

وقتا که اسلامیتک ظهوریله عربلر شام ، ایران و مصر قطعهلرینه یاییله رق دولتلری و قبیله لری تعدد وتنوع ایلدی ، سنجاقلرینک



نوع ، رنگ و شکلی ده چوغالدی . بیراقلری  
 اوزون یا پیغه و مختلف اسملر ایله تسمیه  
 ایتکه باشلادیلر . ( ابو مسلم خراسانی )  
 عباسیلر نامه استحصال خلافتی تشبث ایتدیکی  
 زمان اون درت آرشون بوینده برقرارغی اوزرینه  
 سنجاقلر یاهورق سالله عباسیه دن ( ابراهیم الامام ) ه  
 کوندرمشدر . مذکور سنجاقلر اسمی ( ظل )  
 - سیاه - ایدی . ( ابو مسلم ) ک کذلک  
 مشار الیه کوندردیکی ( سیاح ) نامنده دیکر  
 برسنجاقلر اون اوچ آرشون طولنده برمزراق  
 اوزرینه یاپیش ایدی . سنجاقلرک بویه بیوک  
 یاپیشی اهلاییه القای خوف و دهشت مقصدیه  
 ایدی . خلفای عباسیه نکلرک اونجیسی اولان  
 ( متوکل ) ۲۳۵ سنه هجریه سنده کندی اوغللار .  
 یی ولی عهد تعیین ایتدیکی زمان اوغللارندن  
 هر برینه ایکی سنجاقلر تودیع ایلشدی . بونلردن  
 بری ولی عهدلکه مخصوص سیاه ، دیکری  
 والیلکه مخصوص بیاض رنگده ایدی . خلفای  
 عباسیه نکلرک ینجیسی اولان ( مأمون ) ( فضل  
 بن سهل ) ی ریاست حرب ( سردارلق )  
 انضمامی ایله بتون شرق والیلکنسه تعیین  
 وکندیسنه ( ذوالرئاستین ) لقبی توجیه ایتدیکی  
 زمان اکا حربیه سی ایکی شعبه لی برسنجاقلر  
 یاپدیروب ویرمشدر . خلاصه کلام سنجاقلر  
 ویراقلرک اشکالی مرور زمان ایله تعدد ایتد .  
 یکی کبی خلفا و سلاطین ده سنجاقلرک تعددی  
 ایله افیضار ایدرلردی . خلفای فاطمیه دن  
 ( عزیز بالله ) شام قطعه سنکلر فتنه حرکت  
 ایتدیکی صروده معیتنده بونان عسکرک حامل

اولدقلری سنجاقلرک مقصداری بش یوز  
 و بوریزنلرک عددی کذلک بش یوزه بالغ  
 اولمشدر . بعضاً سنجاقلرک اوزرینه خلفانک  
 و سلاطینک ، یا خود عسکرک قوماندانلغنده  
 بولان ذواتک اسملری یازیلردی . نته کیم  
 ( بحکم ) ک حامل اولدیغی سنجاقلر ( ابن رائق ) ه  
 نسبتله ( رائق ) دییه یازدیغی کبی .

( سنجاقلرک رنگی ) : - ( عقاب ) سنجا-  
 غلکنندن ماعدا جاهلیتده استعمال اولان  
 سنجاقلرک رنگلری حقنده هیچ معلومات یوقدر .  
 ( عقاب ) سنجاقلرک کلهجه ده اول بیان ایتدیکه  
 وجه ایله بونکلرک رنگی سیاه ایدی . حضرت پیغمبرک  
 سنجاقلرک دخی سیاه رنگده ایدی . ( آثار  
 اول ) - آثار اولین - نامنده کی کتاب مؤلفی  
 حضرت نبینک بیاض رنگده دخی سنجاقلری  
 اولدیغی بیان ایدیور . مع مافیه دول اسلامیه جه  
 قوللانیلان سنجاقلرک رنگی دولتلرک اختلافه  
 کوره مختلف ایدی . مثلاً امویلرک سنجاقلری  
 قرمز ایدی . دولت علویه به طرفدار اولانلرک  
 جله سنکلرک سنجاقلری بیاض رنگده ایدی .  
 عباسیلرک خلافتیه طرفدار اولانلرک سنجاقلری  
 ایسه سیاه ایدی . ذاتاً علی الاطلاق  
 سیاه رنگ عباسیلرک علامت میزه سی ایدی .  
 عباسیلر بورنگی امویلر طرفندن یی هاشمدن  
 مقتول اولان شهیدلرینه علامت مائم اولقی  
 اوزره اتخاذا ایتشلردی . اشته بونکلرک ایچون  
 عباسیلر ( مسوده ) - سیاهی التزام ایدنلر -  
 اطلاق اولنمش ایدی . وقتا که هاشمیلر آیر  
 یله رق طالیلر هر طرفده عباسیلرک خلافتی

طایمغه باشلادیلر، و عباسیلرک علامت ممیزه لرینه مخالف علامات اتخاذ ایدرک بیاض سنجاقلر قوللاندیلر . بوسبیدن انلره ( میضه ) - بیاضی التزام ایدنلر - نامی ویرلمشدی . قرائن احوالدن آکلاشیلیور که شیعه دن ( بنی هاشم ) طرفدارلرینک علامت ممیزه لری یشیل رنگ ایدی . ایشته بوسبیدن ( مأمون ) احفاد حضرت علیدن ( علی بن موسی الکاظم ) ی ولی عهد تعیین ایتدیکی زمان عسکره سیاه البسه یی چیقاروب یشیل البسه کیملرینی امر ایتش ایدی . فقط مشار الیه بویعتدن دونمکه مجبور اولدیغنده سیاه رنگه دونمکه ده مجبور اولمش ایدی .

مغربده ( صنهاجه ) وسائرده تأسیس حکومت ایدن بربر ملوکنه کلنججه بونلر یالکز بر رنگده سنجاقلر اتخاذ ایتیه رک متعدد رنگلر قوللاندقن ماعدا سنجاقلرینی رنگلی خالص اییکدن معمول آلتون صرمه لی قاشدن یاپارلردی . شرقده ترک دولتری حکمداره مخصوص برسننجاق استعمال ایدرلردی . سنجاغک باشنه ( شالش ) و ( چتر ) نامیه تسمیه ایتدکلی بیوک بر طوتام قیل ( توغ ) باغلارلردی . بوقیل انلرجه حکمدارک علامت سلطنتی عد اولنوردی . ده ها صکره بونلرده ده سنجاق اشکالی تعدد ایلدی . ترکلر بیراغه سنجاق دیرلردی [\*] .

( \* ) توغ — علم — هلال : قدیمدن بری ممالک شرقیه ده ، ترکستانده ، ترک دولتریله هند و چین حکومتلرنده بیوک بر سنجاق اوزرینه بویلی

آت قوروغی قیللرندن ، طاغیتی صاحبه مشابه بر علامت وضع اولته رق عسکرک ایلر وسنده کوتورولور و بوکا ( حالیش ) دینور ایدی . بالاخره بونک شکلی دکشدیریلوب بر صریفک اوچنه ، پریشان بر حالده آشاغییه صارقان و قرمزیه بویانان آت قیللرینک بالاسنه بیاض و سیاه قیللرک اورولمه سندن متحصل برقاق بوکوم صاچ براقلدقن صکره بونک اوست طرفنه ده یالیزلی طوب شکنده بر « فلکه » وضع اولتمشدر . بو حالیشلره مؤخرأ « توغ » دیلمشدر . سلطان سلجوق « علاءالدین ثانی » طرفندن عثمان غازییه کوندریلن توغده بوقیلدن ایدی . بو توغلر بالاخره دولتمزده بیوک رتبه لی ذواته علامت فارقه اولق اوزره ویرلمشدر . میرلواله ویا سنجاق بکریته بر ، میرمیرانلره ویا بکلر بکریته ایکی ، وزرایه اوچ ، صدراعظمه بش ویریلر و محاربه زمانلرنده پادشاهک رکابنده پدی توغ بولنوردی .

سلطان علاءالدین ثانی طرفندن یوالانیلان سنجاق بیاض رنگه ایدی . ایلك زمانلرمزده پادشاهلرک اوکلرنده بیاض بایراق چکلمشدر . صکره یشیل بر زمین اوزرنده بیاض فلاپدان ایله ایشلنمش اوچ هلالی ویاخود قرمزیه بر زمین اورتیه سنده ویشله بویانمش بر شکل بیضی درونده صاری صیرمه ایله بربرینک کیروسنده کذلک اوچ هلالی محتوی بولان ایکی نوع سنجاق دخی استعمال اولتمشدر . سرادخان اولک سنجاغی یشیه و سلطان محمدک قرمزیه تحویل ایتدکلی مرویدر . برروایت کوره دولت سلجوقه بایراقلرینک صیریقلی اوچنده هلال شکنده برفلکه موجود ایدی . حتی سلطان سلجوق طرفندن کوندریلن بیاض سنجاغک بالاسنده دخی بر شکل هلال وار ایش . بو سنجاق عثمانلرجه علامت استقلال عد ایدلیکندن مؤخرأ عثمانلرک بایراقلرنده هلال ترسیمنه بوندن طولانی میل ایدلمشدر . شمدیکی بایراقلرمزده کی هلالک اورتیه سنده کی ییلدزه کلنججه اسکی دکلدرد . سلطان عبدالمجید زماننده ( تنظیمات خیریه ) دن صکره قبول ایدلمشدر . ( رسمی وخریطه لی عثمانی تاریخی ) .

عادت ایدی . چونکه اوصره لرده والی عسکر قوماندانی ایدی . بوسنجاقلر تفألاً ییلدیزلرک قرانلری زمانلرنده صایه کچیریلوب قوماندانلره ووالیلره تودیعی اولنوردی . عباسیلرده برقوماندانه ، یاخود سرحدلرده بولسان بر اردوکاه رئیسنه ( سرحدمخافظه ) سنجاق تودیعی ایدلیکی زمان او قوماندان ، یاخود محافظ محل مأموریتنه کیتمک اوزره خلیفه نك سرایندن چیقارکن علمدا رلردن وداوولجیلردن مرکب بیوک آلایلر ایله تشییع اولنوردی . بو آلایلر اوقدر محتشم ومدبذب اولوردی که خلفایه مخصوص آلایلرده ده اچوق سنجاقلر ، یاخود خلفانک بالخاصه کندیلری ایچون انتخاب ایتدکلری رنگده سنجاق بولندیرلمسه ایدی بولنری خلفا آلایلرندن تفریق ایتمک مشکل ایدی .

دولت فاطمیه نك مصرده ( خزانه البنود ) نامیله سنجاق وضعنه مخصوص بردآرته سی واردی . بودآرته ده سنجاق و بیراقلردن ماعدا دریدن معمول قالقانلر وسائر ادوات حربیه محافظه اولنوردی . دولت مشار الیها سنده بودآرته ایچون ۸۰,۰۰۰ دینار مصرف اختیار ایدردی . فاطمیلر دائره مذکوریه اوصورتله اداره ده برعصر دوام ایتشلردر .

بودآرته ده سنجاقلردن ، هر درلو اسلحه دن ، هر نوع آت اکر وکملردن بک چوق شیلر تراکم ایتش ایدی . ایچنده کوشلی و آلتونلی شیلرده واردی . ده ا صکره مذکور دائره محترق اولمقله ایچنده بولسان بالجله آلات وادوات حربیه دخی محترق اولدی . بودآرته ده

( سنجاق تودیعی ) : - صدر اسلامده خلفا حربیه بر اردو سوق ایتدکلری زمان قوماندانلره - هر قوماندانه کدی قبیله سنه مخصوص اولوق اوزره - سنجاقلر تودیعی ایدرلر وتودیعی صره سنده عسکرک مظفریتنه دعا و صبر و جلالت اظهارینه تشویق ایلرلردی . حضرت عمر سنجاق تودیعی ایتدکجه آتیده کی لطق ایراد ایدردی : « اللهم اسمی ایله وعون وغایتله بوسنجاغی تودیعی ایدیورم . تأیید آلهی ایله کیدیکز . مظفریت آنجق جناب حقدندر و آنجق حق التزام و صبر و تحمل ایله در . اللهی طانیمانلر ایله الله اغورنده حرب ایدیکز . تعدی و تجاوزده بولمیکز . زیرا جناب حق تعدی و تجاوزده بولنلری سومز . دشمن ایله قارشى قارشى به کلدیککز زمان قورقاق اولمیکز . نشوؤ مظفریتله کیمسه بی اشکنجه ایله اولدورمیکز . غالبیت غروری ایله دشمنه لزومسن تلفات و خسارات ویردیرمیکز . اختیارلردن ، قادینلردن ، چوجقلردن کیمسه اولدیرمیکز . ایکی طرف اردوسی مصادمه ایتدیکی وغارت یاییلیدی زمان اوله کیمسه لری اولدیرمکدن توقی ایدیکز . »

سنجاق تودیعی اثناسنده اجرا قلنان دعا ووصایاده هر خلیفه نك کندیسنه مخصوص بر طرز واسلوبی واردی . شوقدرکه معنی اعتباریله بالاده کی کبی هب بر مآله ایدی . بر طرفه والی تعیین ایدیلنجه ، باخصوص اوائل اسلامیت صره سنده ، والیه سنجاق تودیعی ایتمک ده



عسکرده موسیقی داوول و بوری دن عبارت ایدی . بعضاً اردوده یوزلرجه داوول و بوری بولنوردی .

#### اسلحه

عربلرده زمان جاهلیتده قلیج ، قارغی ، یای و قاتقاندن بشقه سلاح یوق ایدی . فقط عربلر بوسللاحلری پک بیوک بر مهارتله قوللانیرلردی . چونکه بوسلحه ایله وباخصوص یای و اوق ایله عرضلرینی مدافعه و معیشتلرینی تأمین ایدیورلردی .

( یای ) : — عربلر بادیه معیشتی اثری اوله رق قوت نظره مالکیترلندن و اوزمان سائر اسلحه دن زیاده یایه احتیاجلرندن طولای یای استعمالده پک بیوک مهارت صاحبی ایدیلر . یایلری محاربه لردن بشقه جیلان آونده دخی استعمال ایدرلردی . یای ایله اوق آتمده ابنائلیه جق درجه لره قدر مهارتی ایلری کوتورمشرلردی . حتی انلردن بر تیر انداز بر جیلانی کوزندن اورمق ایسته سه درحال آرزو اولسان کوزندن اوردی . ایشته انک ایچون ماهر تیراندازلره ( رماة الحدق ) — جیلان کوزینی اورانلر — نامی ویرلمش ایدی . تیراندازلرک بعضلری کوسنبکی آغاجه آصه رق ایستدکلری اعضاسنی وجوددن بر شی قالمینجه به قدر هر اوق آتمده برر برر دوشورلردی ، هدفه اصابت ایتیم اوق اولمازدی .

بالاخره اسلامیت ظهور ایدنجه عربلرک بو اوق آتمده کی مهارتلی روملرک اوزرینه احراز غالبیت ایتلرینه باعث اولان اسباب

محترق اولان اشیا سکز میلیون دینار قیمتنده ایدی . حریقندن پک آز شیلر قور . تاریله بیلرک اوجله دن برسنجاق وار ایدی که ( لواء الحمد ) نامیله معروف ایدی .

#### موسیقی

عسکرلرکده موسیقی استعمالی اسکی بر عادتدر . بونک عسکرلرکده استعمالدن مقصد اصلی انسانی حربده عسکرک حسیاتی غلیانه کتیرمک ، یاخود اوکلرنده بولنان مخاطره لری و تهلیکه لری دوشونماک ایچون ذهنلرینی مشغول ایتمکدر . عسکرک اوکنده شرقی سویلیک ویا نشیده اوقومق دخی اوقیلدندر . چونکه تغنی و نشیده موسیقی نوعندندر . عربلر زمان جاهلیترلنده موسیقی آلاتندن داوولدن بشقه برشی بیلمزلردی . بالاخره اسلامیت ظهور ایدنجه اسلاملر سلطنت آلایشلرندن اجتناباً داوول و بوری قوللانمقدن چکنمشرلر ایسه ده خلافت اوطور زاهدانه و عقیفانه دن سلطنت شکنه کیردیک ی زمان حال بشقه لاشه رق موسیقی بی قولانمده بآس کورما مکه باشلادیلر . چونکه بوزماندن صکره امور معیشتجه بوللغه نائل اولدقلری کی اسکی ومدنی دولت آدمی اولان ایرانیلر و روملر ایله اختلاطده بولندقلرندن انلردن رفاهیت معیشت و تبذیرات و اسرافاته متعلق اقتباس ایتدکلری شیلر جمله سندن موسیقی بی ده اقتباس ایلدیلر . و سلطنت و حاکمیت نشانه اولقی اوزره موسیقینک استعمالنه رجال دولته و والیرله مأذونیت و یردیلر . متعاقباً موسیقی بی پک چوق استعمال ایتمکه باشلادیلر . مع مافیه

نصل باقورلر ایسه آتلیرنده اویله بر اعتنا  
ایله باقورینی توصیه ایدرلر دی .

عربلر قرون وسطاده اوقیقلقده پک  
ایلری کیدرک حتی یای و اوقه متعلق مرکب  
وصنعلی آلات وادوات ایجاد ایتیشلردر .  
احتمال که ( مچراة ) کبی بونلرک بعضلرینی  
ایرانلردن اقتباس ایتیشلر ایدی . مذکور  
آلت ایرانلیلر طرفسندن تاتارلر ایله محاربه  
یابادیغی صهرلده ایجاد ایدلمشدر . بوآلت  
اوق وضعنه مخصوص یارینی حاوی بر دمیر  
ویاتخته بورودن عبارت ایدی . یاریغه اوق  
قونیلردی وعصر حاضرده تفکیکن تورشون  
نصل آتلیورسه اوقده اوآلتن اویلهجه  
شدت وسرعتله آتیلردی . آلت مذکورده  
استعمال اولنان اوقلر قیصه بولنوردی . مع  
مافیعه عربلر بوآلتی پک آز استعمال ایتیشلردر .



شکل ۱۱ : اندلسده قولانیلان قالقان  
( غرناطه قالقانی )

( قلیج ) : — قلیجی اسامه نك الكشرفلیسی

جمله سندن اولدی . چونکه رولر — ده  
اول فتوحات اسلامییه بختنده ذکر ایتدیکنز  
وجه ایله — اوق آتمقده مهارت صاحبی دکلیدلر .  
اسلام قوماندانلری عربلرک اوقیقلقده کی  
مهارت لرینی بو مهارتک موفقیات نه درجه ده  
تأثیری اولدیغی کوزجله تقدیر ایتدکلرندن  
آدملرینی اوق آتمقده کسب رسوخ ومارسه یه  
تشویق وترغیب ایدرلردی . حضرت نبی :  
« اسبسوارلقده و اوق آتمقده مهارت صاحبی  
اولمغه غیرت ایدیکز . نظارمده مهارتله اوق  
آتان ، ماهر اسبسواردن زیاده قیمتیدر »  
بیورردی . « مؤمن یالکیز اوج شی ایله  
وقت کچیرمیدر : آتته تعالیم اجرا ایتمک ،  
مارسه ایچون اوق آتمق ، زوجه سنه خوش  
معامله ایتمک ایله . جناب حق کندی اغورنده  
اوق آتانی آتدیغی یالکیز بر اوقدن طولایی  
جنته ادخال ایدر » و « اقتدارکزک یتشدیکی  
درجه ده قوتلی بولمکیز . قوت آنجق اوق  
آتمقده در ، قوت آنجق اوق آتمقده در ،  
قوت آنجق اوق آتمقده در » سوزلری دخی  
اقوال نبویه دندر .

حضرت پیغمبردن صکره موقع اقتداره  
کچن خلیفه لر وقوماندانلر دخی اوق آتمقده  
احراز مهارت ایچون آدملرینه تشویقات  
وترغیباتده بولندقلری کی آتلییه ای باقنیده  
توصیه ایدرلردی . عربلر اسبسوارلقده ده  
بیوک مهارت صاحبی ایدیلر . عرب آتلی  
خفت وسرعتده وسهولت اداره ده مشهوردر .  
قوماندانلر معیتلرنده بولنان آدملره زوجه لرینه

عدايدن عربلر قولاندقلىرى قلىجلىرى خارجدن تدارك ايدرلردى . انلرجه اك مشهور قلىجىلر يمن ، هندستان ، سلېمانيه ، شام ، خراسان قلىجلىرى ايدى . بونلره ( سيوف عتيقه ) نامى ويريلردى . بو قلىجىلردن منشأنه كوره هر نوعنك برشكل ويا برعلامت مخصوصه سى وار ايدى . مثلاً جاهليتده ياپلان يمن سيوف عتيقه سنك اصل دمير قبضه سنده هر برى بر طرفده ايكي دليك بولنوردى . بعضاً ودليكلىرى برى بريوزده ، ديكر يوزككندن دها بيوك ، ياخود هرايكي دليك مساوى برحاله بولنوردى . قبضه نك اورته سى ايكي باش طرفدن دها ايجه ايدى . يمن قلىجىلرندن اورته سى چقورلى برنوع واردى كه بونلره ( سيوف محفوره ) دينليوردى . قلىجىك بويجه بولان چقور مدور براكه ايله حفر اولنوردى . بعضىلى دخی مربع شكلنده اويملى ايدى . ديكر بعض قلىجىلر ايسه غير منتظم اويوقلى بولنوردى . دال رسملىرى حاوى اوليان يمن قلىجى نادر ايدى . داللردن ماعدا بونوع قلىجىلر اوزرنده نقشلر ، ياخود رسملر ، ياخود يازىلر بولنوردى . يمن قلىجلىرى اك زياده يموشاق شيلرى كسرلردى . دمير ، ياخود سائر قورو شيلرده استعمال اولننجه قيريلرلردى . روم قلىجلىرى بوقلىجىلردن دها متين ايدى . چونكه روملر قلىجه دميرى كسهك درجه ده ابى صو ويريرلردى . ايشته بوسېدن عربلر كاكه كسكىن برقليج دوشرسه آرملرنده زبازد برشى اولور ومدح

وناسنده بك ايلرى كيديلردى .

اوائل اسلاميته حضرت علينك ( ذوالفقار ) نامنده كي قلىجى ايله يمن اشراقندن وكبار صحابه دن ( عمرو بن معدى كرب ) ك ( صمصامه ) اسمنده كي قلىجى وسائر برطاقم قلىجىلر بويلاجه شهرتكير اولمشلردى . احتمال كه بوايكي قلىج فى الاصل روم قلىجىلرندن ايدى .



شكل ۱۲ : اندلس ملوك اسلاميه سنك صوكنجيسى اولان ( ابو عبدالله ) ك زرهى

( ذوالفقار ) قلىجى تاريخ اسلاميه بك بيوك برموقع طوتار . بوقليج سالله حضرت على بيننده ارث طريقيه تنافل ايتدكدن صكره عباسىلردن اوچنجى خليفه ( مهدي ) طرفدن آلندى . دها صكره ( هادى ) به ،





صاقین آله اوزرینه هجوم ایتمه . آندن یره  
این . یردن ا کا قارغی نی صاپلا . . . اکر  
برکیده اوککده برسواری و آرقه کده دیگر  
برسواری بولنیور ایسه بوراده دخی آندن آشاغی  
اینوب سکا ا یقین اولان سواری یه اوررسک ،  
دیگرینه قارشى آتکی سپر اتخا ایدرسک . . .  
قارغیلرک حربهلری شعبه لی ، کنیش ،  
ایجه ، اکرى ، طوغری ، طالعه لی کبی مختلف  
شکلرده ایدی .

( قالقان ) : - قالقانلر هر برى برموقعده  
استعماله الویریشلی برقاچ نوع ایدی . مسطح ،  
اورته سی چقورلی مستطیل ، اورته سی قبلی

بونوعدن قالقانلر ایله اوق ، طاش وقلیچدن  
وقایه نفس ایدیله بیلردی . مستطیل شکلنده  
اولان قالقانلر ایله اوقدن صیانت نفس  
اولنوردی . چونکه قالقانک باشی سوارینک  
باشی وبقیه سی سوارینک سائر وجودینی ستر  
ایدردی . سواری برکوزی ایله قالقانده کی سطح  
مائلدن باقه رق باشی کوسه تر مزدی . مسطح  
قالقان ایسه قارغینک طعنه لرینه مانع اولمق  
ایچون قوللانیلیر . بعضاً ایکی کشی بر  
دشمن ایله مبارزده بولنورکن قالقانلر ایله  
یکدیگرلرینی طعنه وضر به لردن محافظه ایدرلردی .  
اسلاملر قالقانلر اعمالنده پک ایلری



شکل : ۱۳ اندلده بولنان ملوک اسلامیه نک صوکنجیسی اولان  
( ابو عبدالله ) ک مغری

کیتمشلردی . قالقانلر اوزرینه آیتلر ، عبارات  
حکمیة و اشعار نقش ایدرلردی . هر ملکتنک  
قالقانلری بر شکل مخصوصده بولنیوردی .  
شام قالقانلری ، عراق قالقانلری ، غرناطه  
قالقانلری وسائر آیری آیری شکلده ایدیلر .  
( زره ) : - عربلر زرهلرک برچوق


واطرافى منحنى مدور شکللری او نوعلر  
جمله سندن ایدی . هر نوعک کنیدیسه مخصوص  
فائده سی واردی . انسان ، اورته سی قبلی  
واطرافى منحنى اولان قالقان ایله قارغیلرک  
طعنه سندن وقایه نفس ایده مزدی . چونکه  
اورولشده قارغی بوکا صاپلانوب قالیردی .

اسلاميتك ابتدالرنده عربلر ك قوللاندقلى  
اسلحه ايشه بوذ كر ايتديكمز شيلردن عبارت  
ايدى . اسلاميتدن صكره ايسه مذكور  
اسلحه ايرانيلردن وروملردن خنجر ، طبر  
(Hache) ، بالطه وسائر علاوه ايدلى . عربلر  
موقع وزمانه كوره بونلرى مختلف شكلرده  
اعمال ايدرلردى . شام قليجى عراق قليجندن  
ومصر زرهى اندلس زرهندن بشقه شكلده  
ايدى . درج ايتديكمز شكلاردبرى اندلس ،  
ديكرى مصرده ياپش ايكي مغفر شكلنى  
كوربيورسكيز . بونلر ك آره لرنده نه قدر فرق  
وار ايسه ديكر اسلحه آره سنده دخى موقع  
وزمان اختلافى حسبيله شكللا اوقدر فرق  
موجود ايدى . بوفرقي يازمق اوزون سورر .

#### محاصره آلات وادوات

عربلر اسكیده محاصره به مخصوص آلات  
وادواته مالك دكلديلر . چونكه محاصره لرايله  
اوغراشماشلردى ، سورسز ، خندقسز آچيق  
چادرلرده اقامت ايدرلردى . عربلر ك محاربه ده  
ايك حفر ايتدكلرى خندق ديكر بريده ذكر  
ايتديكمز وجه ايله بشنجى سنه هجريده  
( سلمان فارسى ) نك رأى ودلائيله مدينه ده  
( احزاب ) محاربه سنده ايدى . فقط عربلر ده  
صكره عرب اولميانلر ايله اختلاط ايدنجه سائر شيلر  
كې محاصره آلات وادواتى ده انلردن اقتباس  
ايتشلردر . بو محاصره آلات وادواتك اك  
مهمى ( منجنيق ) و سور تخريبنه مخصوص  
اوله رق عربلرجه ( دبايه ) - چاربا - و ( كبش )  
- قوج - Béliér اسمى و يريلن ادوات سائر

انواعنى استعمال ايتشلردر . بوزرهلر دميردن  
وچليكدن ، ياخود كتاندن معمول بواوردى .  
كتاندن ياپش اولان زرهه ( دلاص ) نامى  
ويريلردى . عربلردن زره صاحبي اولانلر  
اكثريتله سواريلر ايدى . زرهلر على الاكثر  
روم و ايران معمولاتسندن ايدى . عربلرجه  
( خالد بن جعفر ) ك زرهى كې اسملرى  
مشهور بر طاقم زرهلر واردى . مذكور  
زره ( ذات الازمه ) - طورطوبلى - نامى ايله  
معروف ايدى . چونكه دوكمه لرى واردى .  
كېن آدم صيغامق ايتسه اتكلرى او دوكمه لره  
كچيرردى .



شكل : ۱۲ مصر كوله منلرندن برينك مغفرى

زره ( جوشن ) - كوكسلاك - وباشه  
مخصوص اوله رق ( بيضه ) - توغاق - و ( مغفر )  
ناملريله بر طاقم اجزادن مركب اولدغى كې  
قوللره ، بحياقلره ، اللره مخصوص اقسامى ده  
واردى .




ویونان آتشی ایدی .

(منجنیق) : — آتچی بر آلتدر .  
 يك اسكیده فیکه لیلر بو آلتی استعمال ایلدیلر .  
 ده صکره کندیلرندن یونانیلره واسرائیللره  
 انتقال ایلدی . (تورات) ده مکابین کتابنده  
 (سفرنده) منجنیق ذکری بر قاج دفعه  
 کچمشدر . (منجنیق) یونانیلر واسطه سیله  
 جهانک دول سائرهنه انتقال ایلمشدر .  
 ایرانیلر منجنیق یونانیلردن آلمشلردی .  
 عربلر بعدالاسلام منجنیق ایرانیلردن آلدیلر .  
 اک مشهور روایت کوره عربلر بو آلتی  
 روملرو ایرانیلر ایله وقوع بولان اختلاطلردن  
 صکره آتچق برنجی عصر هجری اورته سنده  
 استخدام ایلدیلر . حال بوکه (السيرة الحلیه)

عربلره کوستردیکی شیلر جمله سندن اوله رق  
 (طائف) ک محاصره سنده منجنیق استعمالی ده  
 اوکرتمش ایدی . حتی روایت کوره اوزمان  
 منجنیق بالذات کنیدیسی ایله یامشدی . کذلک  
 بو کتاب مؤلفنک روایتنه کوره اسلاملر  
 خیبرده (صعب) قلعه سنی فتح ایتدکلری  
 زمان قلعه ده بر قاج منجنیق ودابه — چارپا —  
 بولمشلردی .

منجنیقلر، بیوک ، کرچک قطعه لرده بعضلری  
 چرخ ، بعضلری یای ایله اداره اولنور بر قاج  
 نوع ایدی . برنوعی دخی صپان کی قولانیلیردی .  
 بو نوع آلات حربیه اوق ، طاش ، نفط  
 قابلرینی ، عقرب وسائره کی اذیت ومضرت  
 ویرن شیلری آتمق ایچون استخدام ایدیلیردی .



شکل : ۱۳ اوق آتمغه مخصوص روما منجنیق

مرمیات خفیف بر ماده دن ایسه قورشون ایله  
 آغیرلشدیریلیردی . نفط وسائره کی مایع  
 شیلر ایسه بیوک کاسه شکنده ترازوی کوزی  
 کی زنجیرلی بر قابه قونولهرق آتیلیردی .  
 رومایلیرده اوق آتمغه مخصوص استعمال

کتابنده مذکور آتک حضرت نبی زماننده  
 (طائف) ک محاصره سنده استعمال ایدلیکی  
 ذکر اولمبور . کتاب مذکورده ویریلن  
 معلوماته نظراً (سلمان فارسی) ایرانیلرده  
 جاری ومستعمل اصول و آلات حربیه دن




شکل ۱۴ : طاش و نطف آتْمَغَه مخصوص منجنیق

طوغری قورولور . آشاغی طرفده دیرکه بتشیک بر زنبک موجود . دیرک این قورولدقن صکره صالیویریلرسه سطح مانله طوغری سریع بر حرکت یاهرق صپانده بولان طاشی اوزاق مسافیه آتار . ذکر اولان ایکی منجنیق شکله مشابه دیکر برطاقم منجنیقلر دها واردی .

زمان سالفده منجنیقلر بیوک طاشلر ایله سورلری تخریب ، یاخود دشمنه اوق انداخت ایتمک ، یاخود نطف ایله دشمن اردوگاهلرینی احراق ایلمک وسائره ایچون استخدام اولنو . ردی . نفطی دشمنه آندقلرنده قابلر دروننده

اولان بر نوع منجنیق ( ۱۳ ) رقی ایله درج ایتدیکنز شکلنده کورلیدی اوزره اوقلر ( ب ، و ، ج ) اشارتلی ایکی قائمه یه کچیرلمش . اوقلرک اوجلاری دشمنه طوغری توجیه ایدلمش ، ایکی آدم ( د ) مقاره سنی چویریور . بو مقاره دخی دیشلی ( ن ) مقاره سنی چویر . مکده در . ( د ) مقاره سنه - ( ا ) قائمه سی یانندن ( س ) مقاره سنه و ( ف ) ایکی مقاره سنه نمتد - بر ایپ صارلمقده در . اوصورتله که قورلدقن صکره ( ا ) قائمه سی آرقیه طوغری منحنی اولور . مذکور قائمه بر برینه دری ویا دمیردن زمبرک ایله بتشدیرلمش بر قاج پارچه دن مرکبدر . آلت قورلدقن صکره صالیور . یلنجه قائمه اوقلرک اوچنه شدتله چارپه رق انلری اوزون مسافیه آتار .

( ۱۴ ) نجی شکلده دخی طاش آتْمَغَه مخصوص بر منجنیق رسمنی کورورسکیز . بو منجنیق بر دیرکه طاش وضعنه مخصوص بر صپانک باغلی اولمسندن عبارتدر . دیرک ایپلر ایله آرقیه



شکل : ۱۵ سور هدمنه مخصوص آتوری ( دبابه ) - چارپا



شکل : ۱۶ بروئولرک سورلینه هجوم ایدن بر روما کبشی - قوچی - بروئولر تسلیم اولاق ایچون سور خارجنه چیمه شلردر .

والولی بر حالده دمیردن بر شبکه ایچنه قویوب (۱۴) نیجی  
 شکله کی نوعدن بر منجنیق ایله آنارلردی .  
 منجنیق لر جسامتجه بر بردن مختلف ایدی .  
 زمان حاضرده زرهلی سفائن حربیه و بیوک  
 طوپلره زرهلیلرک و طوپلرک نوع و شکنه کوره  
 نصل اسملر ویریلور ایسه اوزمانلرده  
 علی الاکثر منجنیق لره اویله اسملر تعیین  
 اولنوردی . (حجاج بن یوسف) ک (عروس)  
 - کلین - نامیله بر منجنیق واریدی که بونی  
 بش یوزکشی اداره ایدردی . (محمد بن الفاسم)  
 مذکور منجنیق ۸۹ سنه هجریه سنده هندستان  
 پادشاهنک محاربه سنه کون رمش و بونکه  
 اورالرده بر بت معبدنی هدم ایلشدر .  
 (دبابه) : - چاربا - قالین وصیق آغاجدن  
 معمول متحرک بر آلت ایدی . آغاجک  
 اوزرینه آتشک تاثیراته قارش کک ایچون  
 سرکه یه باتیلش کچه ، یاخود دری کچیریلیر .  
 دی که بوکچه و یادری زره مقامنده قائم بولنو-  
 ردی . مذکور آلت تکرلرک اوزرینه بیدریلرک  
 بوصورتله جری قولایلاشدیر یایردی . بعضاً

بو آلت عادتاً تختهدن یا پلش بر قلعه شکله  
 بولنوردی . آلت مذکورده یی تکرلرک اوزرنده  
 بر بردن دیگر بره جر ایدن محاربین انی  
 سورلره یا باشدی رهرق اوزرینه چیقارلر و آتیده  
 کوستریله جکی وجه ایله اورادن سورلره آنالار-  
 لردی . (دبابه) منجنیقدن دهاسکیدر .  
 قدیم مصر لیلر و آتوریلر بو آلتی استعمال  
 ایتدیلر . کندیلرندن صکر دیونانیلر و رومالیلر  
 ودها صکره عربلر استعمال ایلشلردر .  
 آلت مذکورده تکرلرک اوزرینه قورولش سیار  
 بر قلعه دن عبارت اولوب سورلر اوزرنده  
 محاربه ایدنلره هجوم ایچون قوللانیلردی .  
 بعضاً چاربا یی سورلرک تخزیری ایچونده  
 استخدام ایدرلردی . بومقصدله قوللاندق لری  
 زمان انی سورلره دیایه رق دیوارلرینی سپر اتخاذا  
 ایدرلر و کسکین و آغیر برشکه وضع ایتدیلر  
 باشی ایله دیوارلری تخزیر ایلرلردی .  
 (کبش) Béliér :- بو آلت چاربا یه  
 مشابه ایدی . شو قدر که اوک طرفنده قوچ باشی کبی  
 بر باشی وار ایدی . عسکر ، شکله کورلدیکی



دو کسدر .


سورلری تخریبده چارپار شو صورتله استعمال اولنوردی : عسکر چارپارله بینهرک سورلره یاقلا شیرلردی . سورک اوکنده یاقلاشمغه مانع خندق وارایسه خندق اوزرینه دیرکر آتیهلر ق کورری قورولور و اوستندن کچیلیردی . خندق کورری یاپامیه جق درجهده کنیش بولنور ایسه چارپار ایله کوتوریلن اودون ، طوبراق و سائر آتیهلر ق بر کچید محلی طولدورولور ، اوزرندن مرور ایدیلیردی . عمله بو عملداتی یاپارکن عسکر انلری سپرلر ایله محافظه ایلرلردی . نهایت چارپاسوره دایانجه سوری دلمکه مسارعت اولنوردی . سوری دلم ایکن آجیلان یر چو کما مک ایچون دیرک ایله دستک قورولوردی . شاید قوچ و چارپانک بوی سورک اوستنه یتشمز ایسه مردیونلر قوره ق سوری آشمغه چالیشیرلردی . بوکا امکان حاصل اولمینجه قارشى قارشى به محاربه ایله اوغرا شیرلردی .

(یونان آتشی) : — یونان آتشی عربلرک روملردن اقتباس ایتدکری شیر جمله سندندی . حال بوکه بو آتش روملرک دکل ، شرقیلرک اثر ایجادیدر . شرقیلر محاربه لرده ماهیتی آوروپالیلرجه آنجق یدنجی عصر میلادیده آ کلاشیه بیلن چابوق الو آلیر بر ماده استعمال ایدرلردی . بو آتشک (قالینقوس) نامنده بر شاملی واسطه سیله یونانیلره انتقال ایلدیکی ظن اولنور . روملر عربلرک کرک استانبوله ، کرک اوروپا و آسیا

اوزره ، آلتک داخلنده تحصن ایدرلردی . (قوچ) آلتی سورلرک هدمنده استخدام اولنوردی . اوکده بوانسان باش ، آلتک داخلنده قالین بر دیرک متصل و بو دیرک اییلر ایله طاوانده بولان مقارله ره مربوط بولنور . کرک آلتک داخلنده ، کرک آرقه سنده بولان عسکر ذکر اولنان باش ایله سورلری دوکهرک دیرلردی .

۱۶ نجی شکله بر روما قوچی شکلی کوریرسکیز . مذکور شکل رومالیلرک ، برتونلرک سورلرینه هجوملرینی و برتونلرک یراق کشیده ایدرک تسلیمه کلدکرینی اراثة ایدییور .

اسلاملر سورلره طیرمانق ، یاخود سوری ییقماق ویا دلمک ایچون بر قوچ محاربه لرده چارپا و قوچ آلتلرینی استخدام ایشلردر . همان هر اردوده سورلره چیقماق ایچون علی الا کثر هر بری بر قاق کشی استیعاب ایده بیله جک



شکل ۱۷ : قوچ باشی

کوچک حجمده متعدد چارپا بولنوردی . خلفای عباسیه دن ( معتصم بالله ) آناطولیده کائن (عموریه) شهرینی محاصره ایتدیکی زمان اون عسکر استیعاب ایده جک بیوک حجمده چارپار یاپدیره ق بولنر ایله مذکور شهرک سورلرینی

کورلیکی اوزره بر طاقم عربلرک بعضیلری سواری و بعضیلری پیاده اوله رق الیرنده یونان آتشی حاوی بز پارچه لرینی حامله دشمنه آتمده اولدقلرینی مصور ال ایله یاپیش اسکی برمسوده موجوددر . عربلر یونان آتشنه ( نفط قاذف ) - آتیجی نفط - اطلاق ایدرلردی .

( بارودک اختراعی ) : غایت مهم اختراعاتدن اولان بارودک کشفی اوروپالیره اسناد اولنورسه ده حقیقت حالده بونک موجدی عربلر ایدی . بارودک اختراعی حقنده اوروپالیرجه اک مشهور روایت ماده مذکورده ک ۱۳۲۰ سنه میلادیه سندده ( ۷۱۹ سنه هجریه سی ) ( شوارتز ) نامنده بر ذات طرفندن اختراع ایدلرکی مرکزنده در . حال بوکه اون اوچنجی عصر میلادی رجالندن ( روغر باکن ) نامنده انکلیز بر راهب کندی عصرنده استعمالی شائع اولمش بارود قیلندن بر ماده ک وجودندن بحث ایتمش ایدی . حقیقت حالده بارودی ایلک استعمال ایدنلر عربلر ایدی . عربلر بالذات بارودک موجدی دکل ایسه لر ، هیچ شهبه یوق ، قرون وسطاده واصل اولدینی درجهیه ایصال ایدنلر کندیلری ایدی .

قطعه لرنده بولنان سائر روم شهرلرینه وقوع بولان هجوم وصول لرینه قارشى اوصرده اوله بر آتسه صوک درجه ده محتاج بر حالده ایدیلر . بوسلاحی اله کچبرمکه مقصد لرینه موفق اولدیلر . چونکه عربلر دفعات ایله استانبولی محاصره ایتدکلری حالده بو آتش ایله مدافعه ایدلرکی ایچون فتحه مقتدر اولدیلر . روملر مذکور آتشی ترکیب ایدن ماده لری فوق العاده مکتم طونارلردی . نهایت عربلر بوماده لرک مایینه واقف اولدیلر . بو آتش کوکرد و صمغ لر دن و مواد دهنه دن مرکب برمایندن عبارت ایدی . بومایعی کینک باش طرفنده بولندیریلان طونج دن مستطیل بر اسطوانه دن الولی مایع حالنده ، یاخود نفطه باتیرلمش بز پارچه لر یله آتارلردی . بوصورتله آتیلان مرملر کیلرک ، یاخود اولرک اوزرینه دوشه رک کیلری واولری یاقاردی . قرائن احوال دن آکلاشیلیورکه ( حصین بن نمیر ) ک ( عبدالله بن الزبیر ) ه ۶۴ سنه هجریه سندده وقوع بولان محاصره سی انساننده کعبه معظمه آنجق بو مرملر ایله محترق اولمشدر .


پارس کتبخانه ملیسنده ۱۸ نجی شکلده



شکل ۱۸ : عربلر طرفندن یونان آتشنک استعمالی

قاذف آلاتی بارود ایله یا قیلان آتشله و نفط ایله غایت حیرت انگیز بر قونله دمیر پارچه لرینی دشمن اوزرینه یاغدیددی . مشار ایله شهر مذکور ی بعض فاصله لر ایله تام برسنه محاصره ایلدی . نهایت بر کون سورک بر طرفی منجنیق لر دن آتیلان طاشلرله قارشى تحمل ایده میهرک ییقلدیغندن عسکر آچیلان کدیگدن کچه رهک شهری اشغال ایلدی لر . »

ایشته بو سوزلردن آچیقدن آچیه آ کلا شیلورکه بارود ( شوارتز ) طرفندن کشف اولندیغی ادعا ایدیلن زماندن یارم عصر اول عربلرجه معروف و محاربهلرنده مستعمل ایدی . عربلرک بارودک مرکب اولدیغی اجزایه دأر اون اوچنجی عصر میلادیده ویردکاری معلومات مذکور ماده نک بو کونکی ترکیباتنه پک زیاده مشابه در .



شکل : ۱۹ عربلرک بارودی اختراعلری

( پترسبورغ ) کتابخانه سنده اسلحه ناریه ایله مشغول ایکی عربی مصور اسکی بر رسم موجوددر . ( شکل : ۱۹ ) . بویکی آدمدن صاغ طرفده بولثانی آنده تفنکه مشابه برشی طوتیور . تفنک بارود و اوافق کله ایله مجهزدر . طونان آدم ائمذکور آت ناریه یی اوکننده

۱۸۲۰ سنه میلادیه سنده وفات ایدن اسپانیا مستشرقیندن ( قوندی ) مراکش اهالیسنگ ۱۱۱۸ سنه میلادیه سنده سیجیلایده کائن سرقوسه ( سراقوزه ) شهرینه وقوع بولان مهاجرلرنده اسلحه ناریه یی استعمال ایتدکلرینی ذکر ایدیور .

فضله اوله رق عرب تاریخ کتابلری دخی بو نوع سلاهلرک اون اوچنجی عصر میلادیده مغرب بلادنده وقوع بولان محارباتده اسلاملر طرفندن استعمال ایدلیکنی کوسترمکده در . ( ابن خلدون ) مراکش سلطانی ( ابویوسف ) ۶۷۲ سنه هجریه سنده ( ۱۲۷۲ م ) مغرب اقضا ( مراکش ) ده کائن ( سیجلماسه ) یی ( عبدالواد ) اوغللرندن آلمق اوزره شهر مذکوره مواصلته دأر یازدیغی مطالعاتده بونی پک صریح بر یولده یازیور . دیورکه :

« سلطان ( ابویوسف ) مغرب بلادینی فتح ایله دأثره اطاعت و انتظامه آلمش و ( عبدالؤمن ) اوغللرینک خلافتی ازاله وطنجه و سبته یی دخی فتح ایلش ایدی . بونک اوزرینه جنوبده بولسان ممالکی فتح ایله توسیع سلطنت امل بالا پروازبنه قاپله رق ( سیجلماسه ) یی ( عبدالواد ) اوغللرندن آلمق اوزره اردوسی ایله برابر ۶۷۲ سنه هجریه سنده شهر مذکور اوزرینه حرکت ایتدی . اورایه مواصلتنده شهری محاصر آلتنه آلوب هر طرفنه منجنیق لر و عراده لر - منجنیق دن ده کونچک بر محاصره آلتی - و نفط قاذف آلات وادواتندن مرکب بر چوق محاصره آلتلرینی قوردی . نفط



بولنان بر الوه یا قلاشیدیرمش . تا که آتش  
آسون و حاوی اولدینی مرمی بی آسون .  
۲۰. نحی شکله دخی لزومنده نطفه باتیریلوب  
دشمنه آتلق اوزره صاچاقلی قماشه صارلمش  
بر بروی حامل بر سواری کورسکیز .  
سوارینک ایکی طرفنده بولنان ایکی پیاده دخی  
اوله صاچاقلی البسه کیمش لردر . نته کیم  
سوارینک و آتک اوزرلری ده صاچاقلی اقبشه  
ایله مجهزدر . ایشته بوقاشلر اقتضاسی زماننده  
نطف ایله استعمال اولنورلردی .

محاربه ده اصول تعبیه

عسکرلرک تاریخی بحثنده ذکر ایتدی کمز  
اوزره ملل متمنده ده اصول تعبیه صف  
تشکیلاتندن عبارت ایدی . عربلر ، زمان  
جاهلیتلرنده ، محاربه ده هیچ بر نظام وانتظامه  
تابع دکلر ایدی . محاربه لرده (کروفر) -  
هجوم وفرار - ایله تعریف ایدیلن اصولده  
حرکت ایدرلردی . بواصول ، اسمندن دخی



شکل : ۲۰ - نطف ادواتی

آکلاشیله جنی وجه ایله بر قاعدهیه تابع  
اولمق سزین محاربه ده دشمنه هجوم ، اکا  
قارشى ضعف حس اولنور ایسه اوکندن

فرار ، ینه فرصت بوله رق تکرار هجوم ،  
ینه تکرار فرار ایتمکدن عبارتدر . بالاخره  
اسلامیت ظهور ایدنجه آیت وحیدلر  
ایله حربک صف شکله اجراسنی امر ایتشد .  
« جناب حق کندی اوغرنده بر ینه صیقی صیقی به  
یاپشمش بنا کبی ، یعنی ثباتده یکدیگرینه ظهیر  
اوله رق صف صورتیله محاربه ایدنلری سور »  
مالی ، بر آیت کریمه نك مدلولی اولدیغی کبی [\*]  
« بر مؤمن بر مؤمنه اقسامی صیقی بر شکله  
یکدیگرینه یاپشمش بنا کیدر » مالی دخی  
بر حدیث شریفدر [\*] . بناء علیه حضرت  
پیغمبر زماننده محاربه لر (زحف) نامیله یاد  
اولنان صف شکله وقوع بولوردی . اسلاملر  
نمازده فصل صف تشکیل ایدیورلر ایسه  
محاربه ده دخی اوله صفلر تشکیل ایدرک  
صفلر ایله یکجا بر حالده دشمنک اوزرینه  
یورورلردی .

اسلاملر ایشته بوصورتله بدویلرک بیلمد  
کاری بر اصول حرب ایله بدویلر ایله محاربه  
ایدرک بویکی اصول حرب ، محاربه ده - کروفر -  
دن ماعدا اصول بیامین قبائل اوزرینه ، مظفریت  
اسلامیه باعث اولان اسباب جمله سندن اولدی .  
بیوک اسکندر ، عثمانلی پادشاهی سلطان سلیم  
اول ، بوناپارت کبی جهانگیرلرک مظفریاتی ده  
بو قیلدن ایدی ؛ چونکه بوجه انگیرلرک عالمه  
وقوع بولان غلبه واستیلاری آنجق کندی

[\*] « ان الله يحب الذين يقاتلون في سبيله صفاً  
کأنهم بنیان مرصوص »

[\*\*] المؤمن للمؤمن کالبنیان المرصوص یشد  
بعضه بعضاً

بوصورتله حربله رانی حسن محافظه اولنور .  
هرشیئی خوش کوریکیز ، بوصورت قابه غیرت  
وقوت ویریر . سساریکزی یواش طوتیکیز ،  
زیرا بویواشلاق مغلوبیتک منعه دهها زیاده  
خادم وهیت ووقار دهها زیاده لایقهدر .  
سنجاقلریکزی طوغری طوتیکیز ، اکری  
بولندیرمیکیز . بونلری بهادرلریکزدن بشقه  
کیمسیه تودیع ایتیکیز . صدق ، صبر وثبات  
ایله محاربه ایدیکیز . نه درجهده صبر وثبات  
کوستیرر ایسه کز اونسبتده مظفریته نائل  
اولورسکیز . »


کرا دیس (طابورلر) : — خلفای راشدین  
دورندن صکره امویلر زماننده اسلاملر دهها  
زیاده چوغالاروق عرب اولمیانلر ایله اختلاطده  
بولنجه — عسکرلک تاریخی بحثنده یازدیغمز  
وجه ایله — عسکری فرقه لرینی (طابورلر) شکنده  
تعبیه ایتیمکه باشلادیلر . بواصول تعبیه روملردن  
اقتباس ایدلمشدر . روملر محاربهیه عسکر سوق  
ایتدکری زمان اردولرینی کرا دیس Κοορτις  
(کوریتس) نامیه بر طبق اقسامه تقسیم  
ایدلرلردی . (کوریتس) طابور ، یاخود فرقه  
دیمکدر . عربلر بوکله بی تعریب ایدرک مفردینه  
(کردوس) وجهنه (کرا دیس) دیمشاردر .  
روملر عسکری بویهجه طابورلره تقسیم  
ایتدکن صکره حکمداردن ، یاخود اردونک  
باش قوماندانندن ومعیتی آدملردن وسنجاقلردن  
متشکل اولان فرقی اورتیه قویهرق بوکا  
قلب (اردونک مرکزی) نامی ویریرلردی .  
مرکزک اوکنده علی الاکثر سواریدن مرکب

عسکرلرینی دشمنده موجود اولمیان بر اصول  
حرب ایله تعبیه ، یاخود عسکرلرینی کذلک  
دشمنده بولمیان مکمل اسلحه ایله تجهیز  
ایتمش اولملری نتیجه سی ایدی .

(کروفر) اصولی ایله محاربه ایدنلر ،  
کندی آدملرینی ، میدان محاربه نک آرقه سنده  
دودلر ویوکارک بولندیرلمسیله فراردن منع  
ایدلرلردی . اموالک بوصورتله تهلکیه معروض  
بولنسی حرب ایدنلره محاربهده ثبات کوسترمک  
ایچون رباعث تشکیل ایدرلردی . اسلاملر دخی  
محاربهلرده کوستردکری ثبات ایله برابر اثنای  
محاربهده میدان کیرودار آرقه سنده دودلرینی ،  
چولق چوجقلرینی ، مهمات وارزاقی بولند-  
یریرلردی که بو حال محاربهده برقات دهها  
فداکارانه ثبات کوسترملرینی انتاج ایلرلردی .  
حضرت نبی زماننده عساکر اسلامیه آز  
ویاچوق بولنسنه کورد بر ویا ایکی صف صورتنده  
ترتیب اولنورلردی . اسلاملر دهها صکره خلفای  
راشدین زماننده چوغالنجه عسکر ، حامل  
اولدقلری سلاحرک نوعی و حال و موقع  
اعتباریه ، متعدد صفلره تقسیم و ترتیب ایدیلرلردی .  
حضرت علی طرفدن ۳۷ سنه هجریه سنده  
(صفین) واقعه سنده عسکره خطاباً ایراد اولنان  
آئیده کی وصایا راشدین زماننده جاری اولان  
اصول تعبیه بی ارانه ایدر :

« صفلرکزی صیقی بر بناکی یاییکیز . زرهلی  
آدملری اوکه ، زرهملری آرقیه قوییکیز .  
دیشلریکزی غیجیردادیکیز ، بوغیرتله قلیج  
ضربه لری بوشه کیدر . قارغیلره اکیلیکیز ،

بر فرقه بولندیریلر ق بؤكاده (مقدمه)  
 - پیشدار - دیرلردی . مركزك صاغنده  
 بولندیریلان فرقه یه میمنه ( صاغ جناح )  
 وصولده یرلشدیریلان دیگر فرقه یه ده میسره  
 ( صول جناح ) اطلاق اولنوردی . مركزك  
 آرقه سنده بولندیریلان فرقه دخی ( ساقه الجیش )  
 - اردو دمداری - تسمیه ایدیلردی . او حالده  
 اردو شو صورتله تشکلی ایدردی :



بوصورتله پایلان تعبیه بش قسمدن متشکل  
 بولنوردی . عربلرک اردویه ( خیس ) دیلری  
 ایشته بوندن نشأت ایدیور . اردو بوصورته  
 تشکلی ایدنجه عین ترتیب ایله دشمن اوزرینه  
 حرکت ایدردی . بعضاً عسکرک آرقه سنده  
 ایرانیلرک یابدقاری کی کندیلرینه قوت  
 ویره جک شیلر بولندیریلردی . ایرانیلر  
 محاربه لرده فیللیری استخدام ایدرلردی . فیللیرک  
 اوزرینه تختهدن کوشکلر کی قلهلر یاهر ق  
 بولنلری عسکر ، سلاح ، سنجاقلر ایله  
 طولیریرلردی . بو فیلیر اردونک آرقه سنده  
 قلهلر شکنده بولمقله عسکرک قوه معنویه لری  
 برقات دهآ آرتا دی . بعضاً سلطنت تختلرینی  
 پناه اتخاذا ایدرلردی . حکممداره اردونک  
 اوزره سنده برتخت قوریلهر ق حکمدارک معیت

ارکانی و خاصه رجالی واغورنده هر دلرو  
 تهلیکی کوزه آلان فداکاران رؤسای  
 تحتک اطرافنده طویلانی و تحتک کنارلرند  
 سنجاقلر ركز اولنوردی . بولنلرک  
 اطرافنده نشانچیلردن و پیاده دن مرکب  
 صفار علاوه اولنوردی . بو کتله بیوک بر  
 جسامت آلیردی وعسکره قوت وملجأ  
 تشکلی ایدردی . ایرانیلر بعضاً کروف  
 - هجوم وفرار - اصلیه محاربه ایتدکاری  
 زمان دخی عسکره ینه اولیه بر ملجأ ومركز  
 تشکلی ایلرلردی . ایشته بوسیدن عربلر ، صدر  
 اسلامده روملر و ایرانیلر ایله وقوع بولان برحق  
 محاربه لرنده - ( خالد بن الولید ) طرفندن ۱۳ نجی  
 سنه هجریه ده ( یرموک ) محاربه سنده یابدی کی  
 - ( کرادیس ) - طابورلر - اصول تعبیه سیله  
 محاربه ایدرلردی ( خالد ) مذکور محاربه ده عسکرینی  
 او وقته قدر عربلرجه معرف اولیان بواصول  
 تعبیه ده ترتیب ایتش ایدی . مشارالیه معیتنده بولنان  
 عسکرکی ۳۶ دن ۴۰ طابوره قدر طابورلره  
 تقسیم ایدرک طابورلردن ( قلب ) مرکز  
 افراز ایلدی کی قوته ( ابو عیسه ) یی ، کذلک  
 طابور شکنده ( میمنه ) صاغ جناحه تخصیص  
 ایتدی کی قوه عسکریه ده ( عمرو بن العاص ) ی  
 و ( شرجیل بن حسنه ) یی و ( میسره )  
 صول جناحه ینه طابور شکنده بولندیردینی  
 قسمه دخی ( یزید بن ابی سفیان ) ی قوماندان  
 نصب ایتدی . ( سعد بن ابی وقاص ) دخی  
 ۱۴ نجی سنه هجریه ده وقوع بولان ( قادسیه )  
 محاربه سنده عسکرکی بوشکلده تعبیه ایتش ایدی .



حرکت ایتمشدر . ایکی اردو ( کوفه ) دن  
۱۶ فرسخ مسافه ده بولنان ( اخرا ) ده  
یکدیگرینه ملاقی اولونجه ( ابراهیم ) ک دوستلر-  
ندن بعضلری مشارالیه ار ونک طابور اصولی  
ایله تعبیه ایدلمسی لزومی توصیه ایتدی .  
« چونکه طابور اصول تعبیه سی محاربه لرده  
مهاجمات دشمنه قارشى دها زیاده مقاومت  
ایدر . زیرا بر طابور مغلوب اولورسه آرقه -  
سندگی طابور محاربه یه دوام ایلر . حال بوکه  
صف اصولنده محاربه اجرا اولنورکن صفک  
برقسمى بوزیلیرسه دیگر قسمی ده دایانه ماز ،  
پیشان اولور » . ( ابراهیم ) ایله برابرنده  
بولنان آرقداشلى « ان الله يحب الذین یقاتلون  
فی سبيله . . . الخ » آیت کریمه سنک دلالتنه  
اشارت اولمق اوزره جواباً : « اهل اسلام  
صفندن بشقه صف یایمیز » دیدیلر ، فقط  
نتیجه ده کندیلری مغلوب اولدیلر .

اسلاملر بالاخره مدینه تده دها زیاده  
کسب رسوخ ایدنجه کندیلرندن دها اول داخل  
دائرة مدینت اولان اقوامک آئارندن ترجمه  
ایتدکاری مؤلفاتدن فنون حربیه دوائر اقتباس  
ایلدکاری شیلرک مطالعه وتدقیق ایله عسکر  
تعبیه سنده یک ایلری کتیدیلر . اودرجه یه که  
اصول تعبیه یدی یه بالغ اولمشدی . واقعا بو-  
یدی اصول تعبیه یی بردن استعمال ایتزلردی ،  
لکین بونلرک جمله سنی فنون حربیه لری صروسنه  
چیرمشلردی . ذکر اولنان یدی اصول تعبیه  
شونلر ایدی : برنجی تعبیه ده عسکر هلال  
شکلنده ترتیب اولنوردی . روایتلرینه کوره

مع مافیه تبغات واقعه دن آکلاشیلورکه  
عربلر ، اوسرده بواصول تعبیه یی آنجق  
روملره کندی اصول تعبیه لری کی بر تعبیه  
ایله قارشى کله بیلیمک ایچون بالمجبوریه اختیار  
ایتمشلردی . عربلر طابور اصول تعبیه سنه  
تابع اردولری آنجق ۱۲۸ سنه هجریه سنده  
خلفای امویه نک صوکنجیدی اولان ( مروان  
بن محمد ) زمانده صورت قطعیه ده تشکیل  
وتنظیم ایتمشلردر . مشارالیه اردوده صفلر  
اصلانی ابطال ایدرک طابور اصلانی قبول ایلیش  
وبوصورتله تعبیه ایتدیکی عسکر ایله خوارجدن  
( ضحاک ) ودها صکره ( خیبری ) ایله محاربه ده  
بولمشدر . صفلر تشکیلی ابطال ایدیلنجه  
( زحف ) اصولی ده اونودولمشدر . دها صکره  
خلفک مظهر اولدقلری ثروت وانتظام معیشته  
بنام اردونک آرقه سنده دوه وسائرده تشکیل  
ایدیلن صفدن دخی واز کلمش وعسکرک  
چوجق چولقلر ایله حربیه کیمسی عادتى ده  
ترك ایدلمشدر .

مع مافیه اهل بیت نبویدن طلب خلافت  
ایدنلرک بعضلری محاربه لرده صف تشکیلاتندن  
عدول ایله طابور اصول تعبیه سنک قبولانی  
اسلامیتده بدعت نوعن عد ایدرک کندیلری  
ایچون تهلکه یی داعی اولسه بیله صف شکلنده  
زحف اصلوانه دوام ایلمشلردر . ته کیم حضرت  
( حسن بن علی ) نک حمیدی ( ابراهیم بن  
عبدالله ) خلفای عباسیه دن ( منصور ) طرفدن  
کودریان ( عیسی بن موسی ) نک اردوسی  
ایله محاربه ایتدیکی صروسده اوصورتله



امرای سائرہ نك و خواص رجالك اوتاغلری  
 قورولوردی . اردو ایله چولق چوجق کیتمش  
 ایسه بونلر اردو کاهك آرقه سنده یرلشدر .  
 یلیردی . بالاخره عربلر حربه چولق چوجقله  
 کیتمکی ابطال ایتدکلری زمان اردو کاه قورمقده  
 روملر و ایرانیلری تقلید ایتمکه و حال و موقعه  
 کوره اردو کاهلری مختلف شکلدرده یامغه باشلا .  
 دیلر . دهها صکره عسکری فرقلر تنوع  
 و معیت خلق و کوله من و خدمه و سائرہ تکثر  
 ایدنجه اردو کاهلر عسکر دن ماعدا کاتبلر ،  
 فقها ، اطبا ، کمال ، داوولجی و سائرہ بی حاوی  
 قوجه بر شهر حالی آ کدیر یسوردی .  
 ( ۲۱ ) نجی شکله کی اردو کاه اسلاملرده اک  
 یوکسک درجه تکمله واران بر اردو کاهی  
 کوستیر .

عسکرلکده استعمال اولنان قوماندالر  
 اوائل اسلامیتده اردو حاضر لاندیفی زمان  
 قوماندانلر « انفیر النفیر ! » قومانداسنی ویریر .  
 لردی . بو قوماندانلر بو کون عسکرلرجه مستعمل  
 « هجومه حاضر اول ! » ، « هجوم ! » قوماندانلر .  
 لری کبی هجوم ایچون استعمال اولنوردی .  
 قوماندانلر عسکرک رجعتنه قوماندانلر ویرمک  
 ایتدینجه : « الرجعه الرجعه ! » دیرلردی که  
 بو ، الیوم مستعمل اولان « کری یه ! »  
 قومانداسنه مقابل ایدی . عسکرک آتله  
 بینملری ایچون قوماندانلر ویرمک آرزو اولننجه :  
 « الخیل الخیل ! » دینیلردی . بو قوماندانلر عصر  
 حاضر عسکرلکنجه مستعمل اولان : « بینمکه  
 حاضر اول ! » ، « بین ! » قوماندانلری کبی

ایشته بو ، ایکنجی تعبیه بی تشکیل ایدیوردی .  
 اوچنجی تعبیه کلنجه بو ، مربع مستطیل  
 شکلنده ایدی . دردنجی تعبیه هلال مرسلک  
 ایکی اوجی فصل یوقاری یه طوغزی ایسه بو  
 تعبیهده هلال ترسنه اوله رق اوجلری آشانی  
 بولنوردی ( ۳ ) . بشنجی تعبیهده عسکر  
 ( معین ) ، یاخود ( مربع منحرف ) شکلنده ،  
 ترتیب اولنوردی . آلتنجی اصول تعبیهده  
 عسکر مثلث ، یدنجی تعبیهده ایسه دائرة  
 مزدوجه شکلنده تنظیم ایدیایردی . دائرة  
 مزدوجه بربری ایچنده ایکی حلقه شکلیدر .  
 عسکرک مقداری آرزو دشمنککی چوق اولور  
 ایسه بو صوک اصول تعبیهده مراجعت اولنو .  
 ردی . بو اصول تعبیه عصر حاضر ملل  
 متمدنه سنک اک صوک مدار اعتماد اتخاذ  
 ایتدکلری اصول تعبیهده ، یعنی ( نابولئون  
 بوناپارت ) ک جهانی تسخیر ایتدیککی مربع  
 اصولنه بکزر . خلاصه اسلاملر حرب ایچون  
 براردو تعبیه ایتدکلری زمان بواردویی حال  
 و موقع ایجاباتنه کوره یا طابورلر اصولنده ،  
 یاخود مربعلر ، مثلثلر شکلنده ، یاخود بر قسمی  
 طابور و دیگر قسمی مربع و یا هلال ، یاخود  
 معین و یا مثلث شکلدرده ترتیب و تنظیم ایدرلردی .  
 ( اردو کاهلر ) : — اردو کاهلر قورمق  
 اوائل اسلامیتده بر علم و فن مخصوصه تابع  
 دکل ایدی . عربلر زمان جاهلیتده اعتیاد  
 ایتدکلری حال نه ایسه احوال ایله چادرلری  
 رکز و ترتیب ایدرلردی . او شکلده امیرک  
 اوتاغی اورتهده بولنوردی . انک اطرافنده



ایدی . آتدن اینک ایچون قوماندا ویرمک  
ایستدکری زمانده ایسه : « الارض الارض ! »  
دیرلردی که بو قوماندا : « اینکه حاضر اول ! »  
« این ! » قوماندا سنه معادل ایدی .

اسلاملر دها صکره مدنیتده دها زیاده  
ایلری کیدنجه عسکرک اقسامی تعدد وقوماندا  
کلهلری تزايد ایلدی . عسکره ایستدکری  
وضعیت و حرکتی یاپدیرمق ایچون هر وضعیت  
و حرکتی مخصوص بر کله وضع ایتمشاردی که  
بو کلهلر شونلردن عبارت ایدی : (۱) میل  
- بر طرفه میل ایتمک - (۲) الانقلاب - کیری  
دونمک - ، (۳) الانفتال - بوکمک ، یوزی بر  
طرفه چویرمک - (۴) تسویه الانفتال - طوغری-  
لمق ، (۵) استدارة صغری - کوچک دور یایمق -  
(۶) استدارة کبری - بیوک دور اجرا ایتمک -  
(۷) نقاطر - یان یانه کلمک - ، (۸) اقتران -  
برلشمک - ، (۹) رجوع الی الاستقبال - اوکه  
رجوع ایتمک ، (۱۰) استدارة مطلقه - تام  
دور یایمق - ، (۱۱) اضعاف - قات قات  
اولمق - ، (۱۲) اتباع المیسرة - صول  
جناسحه التحاق ایتمک - ، (۱۳) اتباع  
المیمنه - صاغ جناسحه التحاق ایتمک - ، (۱۴)  
جیش منحرف - منحرف اردو حرکتی  
یایمق - ، (۱۵) جیش مستقیم - طوغری اردو  
حرکتی - ، (۱۶) جیش مورب - میللی  
اردو حرکتی - ، (۱۷) - رض - یزنده  
ثبات ایتمک ، (۱۸) تقدم - یاری حرکت - ،  
(۱۹) حشو - صیقلاشمق - ، (۲۰)  
رادفه - بربری آرقه سنده بولمق - ، (۲۱)

ترتیب بعد ترتیب - ترتیب ترتیب آرقه سنده  
اولمق .

بر قوماندان ، معیتده بولنان عسکری  
بر طرفه چویرمک ، یاخود بر شکل مخصوص  
وضعیتده بولندیرمق ، یاخود ذکر اولنان  
حرکتلردن برینی اجرا ایتمدیرمک ایستسه  
آلف الیابن کلهلردن بری ایله قوماندایریردی .  
عسکر دها اول تعلیم کوره رک ویریلن  
قوماندان مقصد نه اولدیغنی اوکرنش برحاله  
بولندقلرندن اوسوز تلفظ اوانور اولماز بوگونکی  
منتظم عسکرده اولدیغنی کبی آرزو ایدیلن  
حرکت عسکره یی اجرا ایدرلردی . ده-  
صکره مذکور کلهلر (هوجوا) ، (هوبرا)  
ایکی کله سیه اختصار ایدیلرک مقصودی  
تمامیه آکلاتمق ایچون اشارتلا استعمال  
اولندی . بونک ایچون عسکر کوزلرینی  
قوماندانن آیرماغه مجبور ایدیلر . تاکه  
بر طرفه میل ایدنجه کندیلر ده اوطرفه  
میل ایدیلر . مذکور کلهلردن (هوجوا)  
یی - یوزلر قارشنی قارشنی کلسون - مقامنده  
استعمال ایدرلردی . (هوبرا) نک دلالتی  
ایسه بونک عکسی ایدی .

(شعارالجند - عسکری علامت مخصوصه  
- بارولال-) : - عربلر زمان جاهلیتلرنده اجرا  
ایتمکری محاربیلر ائشانسده یکدیگرینی طانیغه  
مخصوص بر طاقم الفاظ استعمال ایدرلردی .  
(شعار) نامی ویردکری بوالفاظ معین ومطرد  
شیاردن دکل ایدی . بونلری اصطلاحاً قبول  
و حال وموقعه کوره استعمال ایدرلردی .

روملره امتداد ایتدیرمک یولنی طوتدیلار. ایشته بوصورتله شامی فتح ایتدکدن صکره (ابو عیبه) نك شام والیلیکی زماننده باشده (یزید بن ابی سفیان) ویرادر (معاویه) اولدقوری حالده ساحله طوغری یورودیلر. (بیروت)، (صیدا)، (جلیل) بدرجهیه قدر فتح اولندی. فقط روملر بحرأ بیوک برقوته مالک اولدقلرندن تکرار کلرک بو شهرلری استرداد ایتدیلر. مذکور شهرلر بوصورتله حضرت عثمان مقام خلافتسه کچنجیه قدر روملرک النده قالدی. مشارالیه خلیفه اولنجه شام والیلیکی (معاویه) نك عهدسهنده بولایوردی. اوصرده طرابلس شام ممالک اسلامیهیه الحاق ایدلمش ایدی. (معاویه) دکزده محاربهلر اجرا ایتک ایستدیکی حالده حضرت عثمان دهها اول حضرت عمر کی دکزدن احتراز ایدیوردی. نهایت (معاویه) نك اصرار والحاچی ايله حضرت عثمان دکز محاربهلرینه مساعده ایتدی. بونك اوزرینه شام سواحلنده بولان بتون شهرلر اسلاملرک النه کچدی. وحاکیمت اسلامیه آلتنده بورالره هر طرفدن وقوع بولان مهاجرت ايله بیوک برمعمریت کسب ایلدی.

شام قطعه سنك خلفای راشدین زماننده کی حدودی خلفای عباسیه دن (رشید) طرفدن (عواصم) نامی ویریلن (الطایکه) وسواحل شهرلری ایدی. اسلاملر بوحدود خارچنده بولان یرلر اوزرینه مهاجماده بولورلردی. اوصرده روملرک (اسکندرون) ايله (طرسوس)

(أجد) واقعه سننده (احزاب) ك علامت مخصوصه سی - پارولاسی - « یالاعزی ! یالهل ! » [۱] ایدی. (حیره) ده کی (تنوخ) قبیله سنك اشارت مخصوصه سی : « یا آل عبادالله » ایدی. حضرت نبی مهاجرین وانصاره آری آری علامت مخصوصه قویدی. (مهاجرین) - کیکی : « یابی عبدالرحمن »، (اوس) قبیله سنکیکی : « یابی عبیدالله »، خزرج قبیله سنك کی ده : « یابی عبدالله » ایدی. حضرت نبی آتله : « خیال الله » نامنی ویرمش ایدی. اسلاملر دهها صکره دخی برلرینی طانیق اوزره علامت مخصوصه استعمال ایدرلر ایدی.   
 نغور، عواصم

نغور و عواصم دن مقصد مملکت اسلامیه نك برأ و بحرأ حدودیدر. دیگر بریده دخی کورلیدیکی وجهه ايله عربلر شام قطعه سنك فتحنه کلدکاری زمان صحرا طرفنده بولان (حوران) جهتلرندن باشلاملاردر. چونکه روملرک قوه حربه سنك قسم اعظمی سواحلده بولایور ایدی. بوسبیدن عربلر فتوحاتی قره دن دکزه و عربلر ايله اهالی اصلیه دن

[۱] عزى - ضم عین وتشدید را والف مقصوده ايله - بر آغاجدن عبادت اوله رق عربلرک زمان جاهلیته عبادت ایتدکاری برمعبود ایدی. قریش بومبوده پك زیاده اعتقاد ایدردی. حضرت نبی مکه نی فتح ایتدکدن صکره (خالد بن ولید) ی اعزام ایدرک بو آغاجی کسدرمشدر. (هبل) دخی جاهلیته کعبه دروشده بولان اصنامدن ایدی. آلتوندن یاللمش ایدی. مکه نك فتی ائناننده سائر اصنام ايله برابر کسر ایدلمشدر.

آرسته شده بعض مواقعده برطاقم قوای عسکریه لری واردی . امویلر مقام خلافتی احراز ایدنجه روملرک اورالرده کی حاکمیتلرینه نهایت ویردیلر . عباسیلر زماننده بلاد مذکوره دها زیاده معمور اولدی . اوصرده روملر عربلر اوزرینه مهاجمات اجراسندن واز کچمورلردی . عباسیلر بومهاجماتک دفعی ایچون اورالرده بولنان شهرلری اقتضا ایدن عسکر ومهمات حربیه ایله تجهیز ایتدکن ماعدا اورالرده یکیدن قلعهلر تأسیس وروملر طرفندن دها اول انشا اولنان قلعهلری ترمیم ایتدیلر . بوقلعهلرده اقامه ایتدیردکاری عسکره وقوما . ندانلره بیوک معاشلر باغلایه رق بونلری محاربهیه مأمور ایلدیلر .

بوجهتدن اويله استحكامات یاپیلدینی کبی قره جهتندن دخی موقعا مستحکم اولان شهرلری حدود اتخاذا ایدرک بونلری قلعهلر وسورلر ایله تحکیم وعسکر اقامتنه تخصیص ایتدیالر .

شوالده ممالک اسلامیه ک حدودندن بعضلری روم وبعضلری ایران ممالککنه متصل بولنیوردی . روم ممالککنه متصل اولان حدود اسلامیه ک بر قسمی دکزدن ، بر قسمی قرددن ، دیگر بر قسمی دخی هم قره دن ، هم دکزدن کسب اتصال ایدیوردی .

دکز حدودینی شام ومصر بلاد ساحلیه سی تشکیل ایلوردی . بو حدود شمالدن (طرسوس) دن باشلایه ووق اذنه ( آظنه ) ، مصیص ( مسیس ) ، عین زربه ( آظنه ولایتنده آنازاروه ) ،

کنیسه ، هارونییه (مرعش قربنده برقصه) ، پیاس ، نقابلس شهرلری احتوا ایدردی . مذکور شهرلرک سنوی وارداتی یوز بیک دینار ایدی . واردات مذکوره تماماً بو شهرلرک استحكاماتنه وعسکرک مصارفاتنه واداره سینه صرف اولنوردی . بوندن بیت المالیه برپاره کیتمزدی . بلکه بیت المال اوسته اوله رق کندی طرفندن عسکرک معاشاتی تأدیه ایدردی . ( رفح ) ، ( عریش ) ، ( دمیاط ) ، ( اسکندریه ) مصر بلاد حدودیه سندن ایدی . شمالدن شام بلاد حدودیه سندن صکره صره ( جزیره العراق ) ه نسبتله (نغور جزیره) تسمیه اولنان حدود شهرلرینه کلیر . بونلرک برنجیسی (مرعش) ایدی . دها صکره ( حدث ) وحدث دن ( شمشاط ) ، ( ملطیه ) شهرلرینه قدر صره ایله بولنان قلعهلر ، یعنی مستحکم شهرلر بو قسمدن ایدی . ( ملطیه ) ایله برابر مذکور شهرلرک وارداتی ۷۰ بیک دینار ایدی . مبلغ مذکور دن یرلی ادارهیه ۴۰,۰۰۰ دینار صرف اولندقدن صکره ۳۰,۰۰۰ دینار قالیردی . بوبقیه دخی صرف اولندقدن ماعدا اثنای حربده دشمنلره قارشى اسلاملره التحاق ایدن قوای معاونیه ۱۷۰,۰۰۰ دینارک دها صرفه لزوم کورولوردی . بو مبلغه ذکر اولنان بقیه علاوه ایدیلر ایسه فضله مصارفات ایکی یوز بیک دیناره بالغ اولوردی که بونی حکومت خزینه سی تأدیه ایدردی . غزا اجراسی ایچون ترتیب اولنان قوای عسکریه مصرفی بوحسابه داخل دکلدر . ذکر اولنان بلاد حدودیه

آرسته شده بعض مواقعده برطاقم قوای عسکریه لری واردی . امویلر مقام خلافتی احراز ایدنجه روملرک اورالرده کی حاکمیتلرینه نهایت ویردیلر . عباسیلر زماننده بلاد مذکوره دها زیاده معمور اولدی . اوصرده روملر عربلر اوزرینه مهاجمات اجراسندن واز کچمورلردی . عباسیلر بومهاجماتک دفعی ایچون اورالرده بولنان شهرلری اقتضا ایدن عسکر ومهمات حربیه ایله تجهیز ایتدکن ماعدا اورالرده یکیدن قلعهلر تأسیس وروملر طرفندن دها اول انشا اولنان قلعهلری ترمیم ایتدیلر . بوقلعهلرده اقامه ایتدیردکاری عسکره وقوما . ندانلره بیوک معاشلر باغلایه رق بونلری محاربهیه مأمور ایلدیلر .

بوجهتدن اويله استحكامات یاپیلدینی کبی قره جهتندن دخی موقعا مستحکم اولان شهرلری حدود اتخاذا ایدرک بونلری قلعهلر وسورلر ایله تحکیم وعسکر اقامتنه تخصیص ایتدیالر .

شوالده ممالک اسلامیه ک حدودندن بعضلری روم وبعضلری ایران ممالککنه متصل بولنیوردی . روم ممالککنه متصل اولان حدود اسلامیه ک بر قسمی دکزدن ، بر قسمی قرددن ، دیگر بر قسمی دخی هم قره دن ، هم دکزدن کسب اتصال ایدیوردی .

دکز حدودینی شام ومصر بلاد ساحلیه سی تشکیل ایلوردی . بو حدود شمالدن (طرسوس) دن باشلایه ووق اذنه ( آظنه ) ، مصیص ( مسیس ) ، عین زربه ( آظنه ولایتنده آنازاروه ) ،



شام سواحلندن محاربه يه اعزام اولئان بو  
دوئمانك مصارفی یوز بیك دیناره بالغ  
اولوردی .

محاربه سفرلری موسملره کوره تعیین  
اولئوردی . یاز ، قیش ، ایلک بهار سفرلری  
تشکیل ایدن بو محاربه لردن برنجیسنه مایسک  
اوتنجی کونی حرکت ایدیلیردی . اوصرده  
اسلاملر آتلیینه چایر یاپدیرمش و آتلردخی  
کندیخی طوبلامش بر حالدہ بولئوردی .  
عسا کر اسلامیه حزیرانك اوننه قدر ، یعنی  
اوتوز کونلک بر مدت روم ممالکندن محاربه  
ایله مشغول اولورلردی . بوصرده روم  
اراضیسی چایردن خالی اولمازدی . عسا کر  
اسلامیه اورالرده ایکنجی دفعه اوله رق  
آتلیخی چایره چیقارمش بولورلردی .  
اوتوز کونلک مدتی بویله جه محارباتله کچیر-  
دکن صکره تکرار ممالک اسلامیه طرفنه  
دورلردی . بوراده ۲۵ کون قالدقن و آتلیینه  
ای ییم ویره رک دها زیاده قوتلی یابدقن صکره  
تموزک بشنجی کونی یاز محاربه سی ایچون  
طوبلانیرلردی . عسا کر تموزک اونندن اعتباراً  
ایکی آیلق زمانی بو یاز محاربه سی ایله کچیریر-  
لردی . بعضاً بو یاز محاربه سی ایکی دفعه اجرا  
ایدرلردی . برینه : ( صائفة یمنی ) ، دیگرینه  
( صائفة یسری ) ، یعنی ( صاغ ، صول یاز  
محاربه لری ) دیرلردی .

قیشین محاربه لر آز اولور ویکرمی کوندن  
زیاده سورمزدی . عسا کر اسلامیه قیش  
محاربه لرینه شباطک صوکنده باشلایه رق مارتک

روم ممالکنه آقین یاپان عسا کر اسلامیه نک  
مرکزی ایدی . مذکور شهرلرک مرکز لری  
( دلوک ) ، ( رعبان ) ، ( منبج ) ایدی .  
شرقدہ هندستان حدودی اوزرنده بولئان  
حدود شهرلری بشقہ در .

( غزوہ لر ) : — مملکت اسلامیه نک  
حدودینی تشکیل ایدن مذکور شهرلر خلفای  
عباسیہ دن ( هارون الرشید ) طرفدن ۱۷۰  
سنه هجریه سنده ( الجزیره ) و حلبک ۲۵ کیلو  
مترو جنوب غریبسنده کائن ( قنسرین ) دن  
آیری طوتیله رق بولره ( عواصم ) نامی  
ویرلشدر . اسلاملر هر سنه اسلامیت اغورنده  
جهاد مقصدیله بو شهرلردن برآ محاربه لره  
چیقارلردی . جهاد ، اسلاملرک اوزرینه فرض  
ایدی . حضرت ( ابو بکر ) مقام خلافتہ  
کچنجه : « جهادی سزدن کیسه ترک ایتمسون .  
چونکه هر هانکی ملت جهادی ترک ایتمش  
ایسه او ملت جناب حق طرفدن ذلته محکوم  
اولمشدر » دیه رک ایراد ایتمدیکی نطقده  
کورلدیکی اوزره خلفا اسلاملری جهاده  
تشویق ایدرلردی . بجرأ اجرا اولئان  
محاربه لرده سفائن حربیه شام و مصر سواحلندن  
طوبلانقن صکره ( قبرص ) جزیره سنده  
برلشیردی . بو سفائنک مقداری ۸۰ ایله  
۱۰۰ آره سنده ایدی . طوبلی صورتده برلشن  
سفائن حربیه نک مجموعنه ( اسطول )  
— دوئنا — نامی ویریلیردی . دوئمانک قوما  
ندانلی شام لیانلردن کلن سفائن حربیه  
رئیسنه تودیع اولئوردی . کرک مصر ، کرک

صوکارینه طوغری عودت ایدرلر و حیوانلرینی چایره چیقاریرلردی .

بالاده کی معلوماتدن آ کلاشیلورکه خلفا یالکیز نمانک اسلامیه بی محافظه ایله اکتفا ایتیزلردی . ممالک اسلامیه به مجاور لرل ایله حرب ایتکی ده بروظینه عدایدرلردی . بو محاربهر ، دیدیکمز کی ، الله اغورنده جهاد نوعدن ایدی . خلفای عباسیه جهاده رغبت ایدن خلفانک اک ایلری کانلردن ایدیلر . خلفای مشارالیه م خلافت اسلامیه بی احراز وموقعلرینی تحکیم ایتدکن صکره روم الکاسی اوزرینه جنک و قتال اجراسنه صرف غیرت ایتدیلر . خلافت عباسیه اوائلنده خلفا حجاج ایله برابر فصل امیرالحج کوندیرلر ایسه هر سنه روم ممالکنه دخی جنک و قتال اجراسی ایچون قومانلردن بعضلرینی اعزام ایدرلردی . ده صکره خلفا بالذات بو محاربهره چیمغه باشلادیلر . خلفای مشارالیه مدن (مهدی) ۱۶۳ سنه هجریه سنده کنیدیسی بالذات روملر ایله محاربیه چقدینی کی ۱۶۵ سنه سنده دخی ۹۵۹۲۰ موجودلی براردو ایله اوغلی (رشید) ی اعزام ایلدی . مذکور اردو بولده روم سرحد و در بندلرینی کچهرک بونلرک عمومی قوماندانندن ۱۹۴،۴۵۰ دینار و ۲۱،۱۴۰،۸۰۰ درهم مقدارنده برپاره ایله صلح عقد ایلدکن صکره استانبول خلیجه قدر کلدی .

(رشید) معتبده بولان غزاة مسامین ایله استانبول اطرافنده اردو قورونجه استانبول

اهالیسی بیوک برتلاشه دوشدیلر . اوصرده کرسی سلطنتده امپراطور یچه (ایرینی) بولنیوردی . (ایرینی) اوچ سنه مدتله سنوی یتش بیک دینار ویرمک و عرب اردوسنه رهبرلر و وسائط نقلیه ویرمک اوزره (رشید) ایله عقد مصالحه ایلدی . اسلاملرک بوغز وده بالاده کی باره لردن ماعدا اله کجیر دکاری اموال غنائم ۵،۶۴۳ اسیر ، ۲۰،۰۰۰ آت ، یوزبیک قیون و صغره بالغ اولمش واجرا اولنان جنک و جدالرده روملردن ۵۴ بیک کشی مقتول دوشمشدر . اله کچن حرب اسیرلرینک مقصداری ایسه بو حسابه داخل دکلدی . بو اموال غنائم اسلاملرک حربیه اولان رغبتلرینی برقات ده آرتدیریوردی .

دوئمالر

(دکز سفری) : — ملوک تبابعه زماننده (حمیر) و (سبا) کیلردن ماعدا اسلامیتدن اول عربلر دکز سفرینی اجرا ایتدیلر . ده اول کوسترلرکی اوزره حمیر و سبایلر ارباب تجارتدن اولدقلردن برحقو کیلره مالک ایدیلر . حجاز عربلرینه ککنجه بونلر بو کونکی بدویلرکی دکز بهیمکدن قورقلرلردی . فقط بالآخره اسلامیت ظهور ایدرک شام و مصر سواحلی اسلاملرک حوزه فتوحاته ککنجه اسلاملر روملرک کیلرینی و دکزده کی محاربهرینی کوره رک بحرأ دخی جنک و قتال اجراسنه میل و رغبت ایلدیلر . اسلاملردن ایلک دکز سفرینی اجرا ایدن ذات صحابه دن (علام الدین بن عبدالله الحضرمی) ایدی .

امیدینه نجاتسزك اندیشه سی غالبدر . دكزه  
راكب اولانلرك حالى بردال اوزرنده بولنان  
قورتلرك حالنه بكزر . دال ميل ايدرسه  
بوغولمق محققد ر ، نجات ميسر اولورسه بيوك  
برنعمت صاييلير . حضرت عمر بوجوابى  
آلنجه انى عينا و : « هيچ براسلامك بويله بر  
تهلكهيه آلمسنه مساعده اتمم » مطالعه سييله  
( معاويه ) يه كوندردى .

دها صكره حضرت عثمان مقام خلافته  
كچنجه معاويه نك الحاح و ابرامنه دايانه ميهرق  
محاربات بحريه به مأذونيت ويردى . فقط دكر  
محاربه لرينه عزيمت مسأله سنك اختياري اولمسنى  
وهيچ بر كيمسهنك ؛ آرزوسى خلافته اولهرق  
دكر محاربه سنه سوق ايدلامسنى شرط قيلدى .  
بونك اوزرينه معاويه كوكليلردن مركب  
برقوة عسكريه ايله ۲۸ نجى سنه هجره ده  
كميلره بينه رك قبرصه كيتدى . جزيره اهاليلى  
هر سنه ۷,۲۰۰ دينار و يرمك اوزره ( معاويه )  
ايله عقد مصالحه ايلديلر . بوسفر بحرى  
اسلاملر طرفندن بحرسفيدة ايلك اجرا اولنان  
سفر بحرى ايدى . بوتاريندن اعتباراً اسلاملر  
دكزده نائل اولدقلى مظفريتلردن ممنون  
اولهرق هر سنه اوقات معينه ده دكر اوزرنده  
دخى جنك وجدال اجرا نى اعتياد ايتديلر .  
( اسلاملرده دونمالر ) : — عربلر  
كميجيلكده وقوف وتجربه صاحبي اولمدقلردن  
ابتداى امرده انشا ايتيردركلى دونمالرك  
انشا آتنده تحت حاكميتلرينه كچن روملرى  
استخدام ايلديلر . روملرك ايچنده كمى انشا

مشاراليه حضرت عمر طرفندن بحرين ( عمان  
ايله احسا آره سي ) اوزرينه والى اولدينى ائنده  
كميلر ايله بصره كورفزي كچرك ايران سواحلى  
فتح ايتمك ايسئدى ايسئده موفق اوله مدى .  
( علام الدين ) حضرت عمر دن بوسفر ايچون  
مأذونيت استحصال ايتماش ايدى . بونك اوزرينه  
حضرت عمر مشاراليه حقنده مغير اولهرق  
مجازات اولمق اوزره كنديسنى اوصره ده كوفه  
واليسى بولنان ( سعد بن ابى وقاص ) ك معيئنه  
مأمور ايلدى . حضرت عمر اسلاملى دكزه  
بينمكدن شدتله منع ايتمش ايدى . اوائنده  
( معاويه بن ابى سفیان ) شام واردن اردوكا .  
هلى قوماندانلغنده بولنيوردى . ( معاويه )  
بيوك تشبثاته مبال بر آدم ايدى . دكزه بينه رك  
بحراً محاربه اجراسنى آرزو ايدنيوردى .  
بناء عليه حضرت عمر دن بوخصوصه  
استيذانده بولندى . حضرت عمر موافقت  
ايتدى . ( معاويه ) اصرار و الحاح ايله بويولدن  
بك چوق اموال غنائم اله كچه جكنى تأمين  
ايتدى . حضرت عمر مصرده والى بولنان  
( عمرو بن العاص ) ه مکتوب يازهرق دكر  
سفرى حقنده معلومات ايسئدى . ( عمرو )  
حضرت فاروقه شو صورتبه جواب ويردى :  
« اى امير المؤمنين ! دكرى غايت بيوك ، اكا  
راكب اولانلرى ده اكا نسبتله غايت كوچك  
برر مخلوق قيبلىدن كوردم . دكزده بولنانك  
اطرافنده صو وسمان بشقه رشى بولماز .  
دكر راكد اولورسه حزن ويرر ، آزارسه  
باشدن عقل واذاغنى كيدرير . دكزده نجات



و اداره سنده صنعت و رسوخ اربابی وار ایدی .  
 ایشته بونلر طرفندن انشا اولنان سفائن حربیه  
 عربلر طرفدن عسکر و آلات حربیه ایله  
 تجهیز ایدیله رک بحری محاربه لره چیقاریلردی .  
 سفائن حربیه نك مجموعه اطلاق اولنان (ا-طول)  
 - دونما - کلمه سی Στολος لفظ یونانیسندن  
 معربدر . بالخاصه بحر سفید حوضه سی اسلام  
 دونمالرینک جولانکاهی ایدی . شام ، آفریقا  
 و اندلس سواحله ده بولنان ممالک اسلامیه ده  
 عموماً کیمیچیلکه اهمیت ویرلمش و سفائن انشا  
 و تجهیز ی ایچون هر طرفده دارالصناعه لر  
 (ترسانه لر) تأسیس ایدلمشدر . اسلامیتده ایلك  
 دارالصناعه (ترسانه ) خلفای امویه دن  
 (عبدالمک بن مروان) زماننده (۶۵-۸۶ هـ)  
 تونسده تأسس ایتدی . خلیفه مشار الیه  
 آفریقا و الیسی بولنان (حسان بن نعمان) .  
 ترسانه تأسیسی لزومنی یازدی . (حسان)  
 آلدیغی امر موجبجه ترسانه تأسیس ایدرک  
 حرب کیمیلرینی انشاوبو کیمیلری عسکر و مهمات  
 حربیه ایله تجهیز ایلدی . بوصورتله وجوده  
 کلن دونما سیچیلیانک فتحنه کیتمش ایسه ده  
 موفق اوله مدن عودت ایتدی . مذکور آطه  
 آنجق بنی اغلبدن (زیدة الله بن ابراهیم)  
 زماننده مشاهیر فقهادر (اسدیة) نام کتاب  
 مؤلفی (اسدبن الفرات) طرفندن فتح اولنمشدر .  
 (اسد) قوصره (آق دکرده تونسک مهدیه  
 اسکله سی ایله سیچیلیا جزیره سی آره سنده  
 بر آطه ) نده فتح ایتمش ایدی . بوفتوحات  
 اسلاماره دکر محاربه لری ایچون باعث شوق

و رغبت اولدی . بونک اوزرینه کرک آفریقا  
 سواحله ده ، کرک اندلس لیمانلرنده دونما  
 انشاسنه صوک درجه ده کرمی ویرلدی . دردنجی  
 عصر هجری اورتلرنده خلیفه (عبدالرحمن  
 ثالث) زماننده یالکز اندلس دونماسنی تشکیل  
 ایدن سفن حربیه ایکی یوزه بالغ اولمده  
 ایدی . آفریقا سواحلی دونماسی ده بومقدار  
 سفائن تشکیل ایدیوردی . اندلسک اک  
 مشهور لیمانلری بحایه (جزایر ده کائن Bougie)  
 و اسپانیانک جنوب شرقی ساحله ده کی  
 مریه (آمریه) ایدی . اوصرده هر طرفده  
 ترسانه لر چوغلمش ایدی . هر ترسانه بردونما  
 انشاسیله مکلف ایدی . هر دونما بر قوماندان  
 و بررئیس بولنوردی . قوماندان عسکر ،  
 اسلحه و محاربه اموری ایله ، رئیس ده کیمیلرک  
 اداره و سوقیله اشتغال ایدرلردی . بتون دونما  
 بردشمنه هجوم ایتک و یا بشقه برخصوص  
 ایچون طویلی کیتمک اقتضا ایتدیکی زمان  
 مرکز حرکات اتخاذ اولنان موقعده برلشهرک  
 عمومی شامل اولق اوزره باش قوماندانلغنه  
 ملکته دک زیاده حائر نفوذ و اعتبار اولان  
 بر ذات تعیین اولنوردی .

مصرده ترسانه لر آتیده کوستریله چکی  
 وجهه ایله هجرتک برنجی عصری اواخرنده  
 تأسیس ایدلمشدر . مصرده ایلك دونمائی انشا  
 ایدن ذات خلفای عباسیه دن (متوکل) ک  
 مصرده والیسی بولنان (عنبسة بن اسحق)  
 ایدی . بوکا سبب ده شو وقعه اولمش ایدی :  
 روملر ۳۳۸ سنه هجریه سنده (دمیاط) عسکر

پارمیه ( فدیہ ) نامی ویرلدی .

اسلام اسیرلرینی پاره ( فدیہ ) ایله ایملک قورتاران ذات ۱۸۹ سنه هجریه سنده خلفای عباسیه دن ( هرون الرشید ) ایدی . دها اول حرب اسیرلری بره برمبادلہ صورتیله قورتا- ریلیردی . تاریخ اسلامیده اک مشهور اسیر تخلیصی ۱۳ در . بونلرک جمله سی عباسیلر زماننده وقوع بولمشدر . اک صوکنجیسی خلفای عباسیه دن ( مطیع لله ) زماننده ۳۳۵ هجریه سنده واقع اولدی . مذکور مدت ظرفنده خلفا طرفندن فدییه مقابل قورتار.

چیقارهرق شهری اشغال ایلملر و قتل واسر نفوسده بولتملردی . مصر والیسنه بوتجاوز کران کلدی . سفائن حریبه انشاسی ایله دونما تشکیلنی وقره عسکری کبی دکز ایچون دخی عسکر ترتیبنی امر ایتدی ، عسا کر بحریه عسا کر بریه کبی معاشرلر باغلادی . بونک اوزرینه خلق چوجقلرینی کیجیلکه و بحری محارباته آلدیرمغه باشلادیلر . ( غنسه ) بوصورتله انشا ایتدیردیکی مجهز دونمالری مقتدر قوماندانلرک الله تودیع ایله آفریقا ، اندلس ، شام دونمالریله برابر روملرایله محاربهیه



شکل ۲۲ : برعرب دونماسی روملرایله محاربه ایدرکن روملر طرفندن دونمایه یونان آنشی آتلقده در

ییلان حرب اسیرلرینک مقصداری ۵۰۰,۰۰۰ راده سنده ایدی . فدیہ مذاکرات واموری علی الاکثر آطنه سواحلنده طرسوس قربنده ( لامش ) ده وقوع بولوردی . اسیر قورتار- یلیرکن اسلاملاردن بیوک برجماعت حاضر

مأمور ایتدی . اسلاملر ایله روملر آره سنده محاربات بلا انقطاع دوام ایدردی . بومحاربه- لرده ایکی طرف بربرینی اسیرایتمکه چالیشیردی . ایشته بوسبیدن خلفا اسلام اسیرلرینی پاره ایله قورتارمغه مجبور اولهرق بویولده ویریلن

بولنوردی . فدیہ معاملاتی اون ، اون بش کون ، یاخود دها زیاده سورردی . ایملک فدیہ زماننده ( رشید زمانی ) اسلاملردن بش یوز بیک کشی حاضر بولندی . بونلر عموماً اک مکمل اسلحه ولوازم حربیه ایله مجهز ، اک کوزل آتله مالک ایدیلر . عساکر اسلامیه نك چوقاغندن طاغار ، اوولر طولمش ایدی . اوصرده روم کیلیری ده اک مکمل اسلحه حربیه ایله مجهز اولدینی حالده اسلام حرب اسیرلرینی حاملأ اورایه کلدی . مذکور کیلرده ۳۷۰۰ اسلام حرب اسیری واردی . جمله سی فدیہ ایله قورتارلدی . اسیرلرک او صورتله تخلیصی عالم اسلامیتجه پک بیوک برتأثیر حاصل ایتدیکندن اوصرده حسیات عمومیه تر جان اولان مشاهیر شعرای عربدن ( مروان بن ابی حفصه ) هارون الرشیده خطاباً شومأله مدائنحه بولنش ایدی :

« وطندن ، دوست و یاراندن اوزاق اوله رق محبسارده ایکلین اسلام اسیرلرینی ، بتون اسلاملر بونلری تخلیصدن عاجز قالمش و خرسیتان حبس خانه لرینک انلره مقبر کیسله جکنه قناعت کتیرمش ایکن ، سن قورتا . ردک . بو بیوکلک بتون اسلامیتی متتار ایلدی . »

وفکت بک الاسری الی شیدت لها

محابس مافیه اجم یزورها

علی حین اعی المسلمین فکاکها

و قالوا سجون المشرکین قبورها

مصر قطعہ سی آفریقاً پادشاهلری اولان

عیدیلر ( فاطمیلر ) ک حوزه حاکمیتلرینه کچنجه ، اسکندریه ، ( دمیاط ) و ( قاهره ) . ده دونمالر انشاسنه صرف غیرت ایدلمشدر . بونلرک زمان حکومتلرنده عساکر بحریه نك مقداری معین معاشی اوله رق بش بیک ایدی . عساکر مذکور دنک ( جامکیه ) نامیله اون قوماندانی واردی . هر بری ۱۰ دیناردن یکر می دینار قدر آیلق آلیردی . دها کوچک رتبه ده بونلنلره ایسه دها آزیلق ویریلیردی . بحریه نفرلرینه ویرلن اک کوچک معاش ایکی دیناردن آشای اولمازدی . معاشدن فضلہ بونلره بر طاقم مقاطعات دخی ویریلیر . ایدی که بو مقاطعاته ( ابواب الغزاة ) اطلاق اولنوردی . محاربیه کیدلیکی زمان ذکر اولنن اون قوماندانن بری دونما ریاستنه انتخاب وبتون امر ونهی بو رئیسسه تودیع ایدیلیردی . اعظم رجال دولتن بر ذات دخی بو رئیسسه رفاقت ایدردی . بحریه امرا ، ضابطان وافرادینه آیلق توزیعی بوسلکده بونلنلرک اهمیت و حیثیتلرینی خلقه کوسترمک و قدرلرینی اعلا ایملک اوزره بالذات خلیفه طرفندن وزیر حاضر اولدینی حالده اجرا ایدیلیردی . خلفای فاطمیه نك برنجیمی اولان ( معز لدین الله ) زماننده مصر دونماسنی تشکیل ایدن سفائن حربیه نك مقداری آلی یوزه بالغ اولمشدی . دها صکره بو مقدار آزاله رق یوزه اینمشدر .

دونمالر محاربله چیقارلدینی زمان تشیعنده غایت پارلاق مراسم اجرا اولنوردی . خلفا



سیجیلیان ایتالیانک سواحل شمالیه سنه کیدرک اوروپا حکمدار لرین تهید و ترهیب و مملکت لرین هرج مرجه القا ایدردی . باخصوص فاطمیلر زماننده ( سیجیلیا ) ده فاطمیلر نامه اجرای حکومت ایدن ( بنی الحسن ) - حسن اوغللری - دورنده بو تهید و هرج مرج شدتلی بر حال کسب ایتش ایدی . فرنکلر او صره لرده دونمالرین بجر سفیدک شمال شرقی جهتنه چکمکه و دکنزک دیگر بتون اقسامی اسلام دونمالرینک حاکمیت فاتحانه لرینه ترک ایتمکه مجبور اولدیلر . اسلاملر فصل قره حکمدارلری ایسه اولهجه دکنز حکمدارلری دخی اولمشلردی . فرنکلر مصرده کی دولت عبیدیه ( فاطمیه ) ایله اندلسده کی دولت امویه ضعف و فساد دوجار اولنجهیه قدر غایت زبون وضعیف قالمشلردی . ذکر اولنان دول اسلامیه احواله دوشونجه فرنکلر او یانه رق کندی مملکتلرندن حاکمیت اسلامیه آلتنه کچن یرلری استردادده باشلادیلر . بو یرلری استرداد ایتدکن ماعدا اصل مملک اسلامیهیه تجاوزده بولندیلر . بوتجاوزات ، تاریخده ( اهل صایب محاربائی ) نامیه شهرت آلان محاربه لری تشکیل ایلر .

آرتق بو زماندن صکره اسلاملر خواب عطالته قاپیه رق دونمایه اهمیت ویرمامکه باشلا . مشلر وعسا کر ورجال بحریه یاشدیرمکی اونوتمشلردی . حتی ( دونما دیوانی ) ببله الغا اونوب نام و نشانی قالماش ایدی . اولهجه بحریه عسکری « الله اغورنده مجاهدلر »

قاهره خارجنده ( مقس ) نامنده کی موقعه قوریلان محل مخصوصه اوطوردرق بالذات مراسنده حاضر بولنورلردی . حرب کیلری بورادن برر برر کچرلردی . کچرکن حرب زماننده یاییلان مناوره لک عیننی اجرا ایدرلردی . قوماندانلر ، امرا و ضابطان ، افراد بحریه حرب وضعیتی آلیرلردی . منجیقارندن مرمیات آتیلیردی . هجوم ، فرار و سائر حرب حرکتلری اجرا اولوردی . بو مناوره لر ختام بولنجه دونماریسی و قوماندانی حضور خلیفهیه چیقارلردی . خلیفه بولنه راسمه و داعی ایفا و موفقیتلرینه دائر دعا ایلدکن صکره قوماندانه ۱۰۰ ورثیه ۲۰ دینار عطیه و یریردی . دونمانک محاربه لردن عودتنده دخی بویلهجه احتفالات اجرا اولنوردی . ( صلاح الدین ایوبی ) زماننده مصرده دونمالره بر ( دیوان مخصوص ) تشکیل ایلدی . بوکا ( دیوان الاسطول ) - دونماد اثره سی - نامی ویراش و دونما ایچون مبالغ معینه تخصیص اولمشدر .

ممالک اسلامیه نک کسب وسعت ایلمسنه دونمالرک بیوک خدمتی اولدی . چونکه اسلاملر بو قوای بحریه ایله بحر سفیدده بولنان آطه لک اک مشهورلرینی و از جمله ( سردانیة ) - ساردینیا - ، ( صقلیه ) - سیجیلیا - ، ( مالطه ) ، ( آفریطش ) - کرید - ( قبرص ) و سائرده فتح ایتدکری کی بودکنزک اوروپایه یقین بولنان بر چوق سواحلی فتح و تسخیر ایلدیلر . اسلام دونمالری عسا کر اسلامیه وادوات مملعه حریبه ایله مجهز اولدینی حالد

و « الله دشمنلرينه قارشى غازيلر » كې القاب شرف و مفخرتى خاثر اولور و هر كس انارك حسن دعاسيله تبرك ايدر كن دها صكره مصرده ( اسطولى ) - بحريه لى - لفظى بر لفظ تحقير و اهانت كسيلىدى كې خدمت بحريه دخى معيادتدن عد ايدلدى . بوحال مصرده مشهور كوله من ملوكنندن ( طاهر پيرس بنىقدارى ) نك زمان حاكميته قدر ( ۶۵۸ — ۶۷۶ هـ ) بويلهجه دوام ايتدى . مشاراليه كرسى سلطنته جالس اولنجه دونمايه اهميت ويره رك اسكى حالنه ارجاع ايتك ايتدى ايسه ده دونماشان وشوكت اسلاميه نك اعتلاسى زمانلرنده كى حالنه بردها وارد يره مدى . مصر وشام دونمالرى ذكر ايتديكمز وجه ايله دوچار ضعف و انحطاط اولمش ايكن اندلس و آفريقا دونمالرى قوتلرينى محافظه ايلشلىر و بونلردن مغرب دولتى خاصه اك قوتلى دونمايه مالك قالمشدر . بو ايكي دولت حاكميتلرينك صوك كونلرينه قدر قواى بحريه لرينى محافظه ايلديلر . ( ابن خلدون ) ك ويريكي معلوماته كوره مذكور ايكي دولتك آوروپا و آفريقا سواحلنده بولنان قواى بحريه سى يوزدو نمتاشكيل ايدىوردى . ايشته بودورلرده ، يعنى آلتنجى عصر هجریده مغرب دونمالرينك مشهور قوماندانى ( احمد الصقلی ) - سيجیلیلى احمد - يتشوب محاربات بحريه ده كسب شهرت ايلدى . مشاراليه ك زماننده اسلام دونمالرى نه كنديسندن اول ، نه دها صكره واصل اوله مدينى بر درجه بالا ترينه بالغ اولمشدى .

فقط بوحال دوام ايده ميره رك دولت حال انحطاط وضعفه اوغرامقله دونمالر دخى انحطاطه دوچار اولمش و اندلسده كى دولت اسلاميه نك اقراضى ايله دونماسى ده انقراض بولمشدر . ( دارالصناعه ) : - ترسانه - اوزمانلرده ( دارالصناعه ) نك دلالت ايتديكى شى اليوم تركرده ( ترسانه ) و عربلرده ( ترسخانه ) تسميه اولنان بحرى دستگاهلردر . ذاتا كرك ترسانه ، كرك ترسخانه ( دارالصناعه ) دن محر فردر . چونكه فرنكلر ممالك عربيه يى فتح ايتدكلى زمان عربلردن اقتباس ايتد . كلرى صنايع مياننده كمى ياقمى صنعتى ده اقتباس ايتمشلردى . اسپانيا ليلر كندى مملكترلرنده تأسيس ايتدكلى ترسانه لره دارالصناعه Darcinah نامنى و يرديلر . ديكر آوروپا ليلر بولفظى اسپانيا ليلردن آلهرق استعمال ايلديلر . لفظ مذكور تاثير استعمال ايله يونتيله رق آرسنال Arsenal شكلنه كيردى . متعاقباً عربلر تركلر واسطه سيله اسپانيوللردن دارالصناعه عه يى ترسانه Tarsanah شكلنده كوره رك ( ضربخانه ) و ( طوپخانه ) يه قياساً ( ترسخانه ) شكلنده آلوب استعمال ايتديلر . حال بوكه ( دارالصناعه ) شكلنده استعمالى دها طوغرى ايدى . بونك كې دخى ( آميرال Amiral ) لفظى عربجه « اميرالبحر » تركيبندن محر فردر . بالاده كورلديكى اوزره اندلس ، آفريقا ، شام و مصرده پك چوق ترسانه لر تأسيس اولمش ايدى . دور اسلاميده مصرده ايلك ترسانه هجرتك برنجى عصرى اواخرنده ( روضه )

تسمیه ایدیان و منجیقاردن دها کوچك اولان بوالآت حربدن دشمن اوزرینه آتشیلی نطق آتیلردی . بر اوچنجی نوع سفائن ( طراده ) - تعقیب ایدیچی - اسمیله معروف ایدی که بوکیلر حتماً کوچك و سیر و حرکتده سریع بولنوردی . بولاردن بشقه سائر خد متلرده قوللانغه مخصوص ( شلندات ) و ( مسلحات ) نامنده کی کیلر کی برطاقم سفائن حربیه دها موجود ایدی . اسلامار کیلیری یونان و رومایلرک کیلیری شکنده انشا ایدر . لردی . چونکه دها اول دیدیکمز وجه ايله بوصنتی یونان و رومایلردن آلمشاردی . مع مافیه اسلامار بوصنعته بعض تعدیلات ادخال ایلشاردر .

سفائن حربیه نك آلات و ادوات حربیه سی جمله سندن اوله رق زرهلر ، خودلر ( مغفرلر ) ، دریدن و دمیردن معمول قالقانلر ، قارغیلر ، یایلر ، چنكللر و قانچهلر و ( باشارنده یوارلاق دیر بولان زنجیرلردن عبارت اولان ) باسلیقلر و عراده لر استعمال اولنوردی . دیركلرك یوقاریلرنده اوستی آچیق برطاقم صندوقلر بولندی رلردی که بولنره ( تابوت ) نامی ویریلردی . حرب کیلیری دشمن ايله چارپیشمدن اول عسکردن بعضلری مذکور صندوقلره چیقهرق ایچنده اوطورورلردی . درونی چاقل طاشلرله طولی اوله رق برابر کوتوردکاری طوربه لری صندوقلرک یانلرینه آصارلردی ، صندوقلرده جسملری هر طرفدن مستور اولدینی حالده طوربه لرده بولان طاشلر ايله دشمنی طاشلار

جزیره سنده ( فسطاط ) ك قارشیسنده تأسیس ایدلمشدر . دها صکره ( احمد بن طولون ) مصرده حاکمیتی زماننده ( ۲۵۷ - ۲۸۰ هـ ) بو ترسانه نی توسیع واکاله صرف همت ایلدی . هجرتك دردنجی عصری ابتداسنده ( اخشید ) - محمد بن طغج - زماننده فسطاط ايله ترسانه آره سنده دکنز بولوندرما مقصدیله ذکر اولان ترسانه ( فسطاط ) ه نقل ایلدی . دها صکره فاطمیلر تأسیس ایتدکلی ( قاهره ) شهرینك قربنده ( مقس ) نامنده کی محله بر ترسانه یابدیلر . بو ترسانه لرده اوچله دن نیلده سفر کیلیری ايله سفائن حربیه داخل اولمق اوزره هر نوع کیلر انشا اولنوردی . ( نیل ) ایچون یابیلا ن سفائن ( صعید ) ك یوقاریلرنده ( نیل ) منابعه قدر ذخائر و سائره نی حامله سیر و سفر خدمتی ایفا ایدردی . سفائن حربیه ایسه جهاد ایچون عسکر واساحه نقله مخصوص ایدی که بولنرك مجموعنه دیگر بریرده ذکر ایتدیکمز وجه ايله ( اسطول ) - دونما - دینیلردی .

( سفائن حربیه نك اشکالی و تجهیزاتی ) - : سفائن حربیه شکل ، حجم و قوت اعتباریله بربردن مختلف نوعلردن متشکل ایدی . اوچله دن ( شونه ) - قالیون - نوعی ایدی که بولنر بیوک مراکب حربیه دن ایدی . اوزرلرینه مدافعه ایچون قله لر و قلعه لر انشا ایدیلردی . دیگرکی ( حراقه ) - یاقیچی - نامی ویریلن برنوع سفائن حربیه ایدی که بونوع کیلر کوچك منجیقار ايله مجهز بولنوردی . ( عراده ) نامیله



لردی . بعضاً بونلر ، یاقوب آتقی اوزره نفت  
چوملکلیله ، یاخود کیرچ وزنیخ توزدن  
مرکب (نوره) نامنده کی ماده یی حاوی دستیلر  
ایله مجهز بولورلردی . ذکر اولنان دستیلر  
دشمن کیلیرینه آتیلردی . بونلرک صاحبدینی  
توز دشمنک کوزلرینی کور ایدردی . یاخود  
بودستیلر صاحیلنجه آتش آلهرق دشمنه  
خسارات ایقاع ایلردی . صندوقلر دروننده  
بولنان آدملر بعضاً دخی دشمن اوزرینه ییلان  
وعقرب ، یاخود یوشاق صابون طولی دستیلر  
آتهرق دشمنی پریشان ایتمهک چالیشیرلردی .  
یوشاق صابون دشمن کیلیرینی قایار برحاله  
قوردی ، ایچنده کیلرک آیاغی طوتماز اولوردی .  
کیلرک اطرافنی وکوکرتسنی ، نفت آتشنک  
تأثیرینه مانع اولق اوزره سرکه ، یاخود صو  
وشاب ونظرونه [۱] باتیرلمش دری ویا کچه  
ایله قابالدرلردی . بعضاً احتیاطاً بورق [۲]  
ونظرونه ، یاخود سرکه ایله یوغورلمش خطمی به  
قاریشیدرلمش برچامور دخی طلا ایدرلردی .  
چونکه بوماده لر نفطک تأثیراته مقاومت ایلردی .  
او صروده احتیاط قیابندن اجرا ایتدکلری  
شیلر جمله سندن اولهرق کیجه اولنجه کیلرده  
آتش یاقدقلری کی خروس دخی بولمیدر .  
مازلردی . کیزلنمکه صوک درجه یه وارمق  
ایستدکلری زمان ایسه اوزاقدن کورلماک  
ایچون کیلری ماوی یلکنلر ایله اورترلردی .

کیلرک باشنه بالطه شکلنده بر آلت قور-  
لردی که بوکا «کم» دیرلردی . بو آلت ، باشی  
صوک درجه ده کسکین ، قیچ طرفی محوف  
اولهرق قارغی حربه سی شکلنده اوزون بر  
دمیردن عبارت ایدی ، کمینک باشنده اوکه  
چیقمش بر دیرکه کچیریلردی . او صورتده که  
کمینک باشنده اوک طرفه اوزانمش بر مزراق  
حربه سی آکدیرلردی . انشای محاربه ده بر  
کمی دیگر کمریه هجوم ایدنجه بو کسکین باش  
ایله اوتبه کی کمی یی اورمغه چالیشیردی . بر حرب  
کمیسی دیگر حرب کمیسنه بو باش ایله شدتلی  
چاربه بیلیرسه چارپیلان کمی دینیر ، صو آلمغه  
باشلاردی . ایچنده بولسانلرده غرق اولمقدن  
قورقه رق تسلیمه مجبور اولورلردی .

چینکلر وقانچه لره کلنجه بونلری دشمن  
کیلیرینه آتهرق انلری حرکتدن منع ایدرلردی .  
دشمن کیلیرینی بوبله یاقلادقدن صکره کندی  
طرفلرینه چکرلر ویا قلاشدرنجه اوزرلرینه  
آتدقلری اسکهلردن ایچلیرینه کچه رک دروننده  
بولنانلر ایله محاربه ایدرلردی . دشمن قوتلی  
اولورسه چنکللری چلیکدن آغیر بالطه لر ایله  
قیده رق تأثیرسنز بر ایدردی .

## بیت المال

بیت المال بحثی ، خراج ، صدقه ، اعشار ،  
اخماس ، جزیه وسائردهن مرکب اولان اموال  
دولته متعلق بالجمله مباحثی شاملدر . بیت المالك

[۱] ( نظرون Natron ) قیوچی بوره سی ،  
Carbonate hydraté natu-  
rel de soude.

[۲] بوره فارسی

طرفندن ( انس بن مالك ) بحرینه اعزام  
اولدنی زمان یازیلان آتیده کی نامه احکام  
مذکورہ کی ارانہ ایار .

نامه ك صورتی : « بسم الله الرحمن الرحيم .  
جناب حق طرفندن امر اولوب رسول  
مجتبای صلی الله علیه وسلم طرفندن فرض  
ایدیلن صدقه احکامی شودر . هر هانکی بر  
مسلمدن بو احکام دائرہ سنده صدقه طلب  
اولنور ایسه او مسلم او صدقه یی ویرمیلدر .  
بوندن زیادہ سی ایستیلیرسه فضلہ سی ویرلسا-  
ملیدر : یکریمی درت ودها آشاغی دودہ  
هر بش دودہ ایچون بر قیون . دودہ لک مقداری  
یکریمی بشدن اوتوز بشہ بالغ اولور ایسه بریاشنده  
بر دیشی دودہ . اوتوز آلتیدن قرق بشہ بالغ  
اولورسه ایکی یاشنده بر دیشی دودہ . قرق  
آلتیدن آلتشہ بالغ اولور ایسه بالغ اولمش  
( اوچی بیتروب درده گیرمش ) بر دیشی دودہ .  
آلتش بردن یتش بشہ واریرسه بش یاشنده  
بر دیشی دودہ . یتش آلتیدن طقسانه بالغ اولور  
ایسه بر یاشنده ایکی دیشی دودہ . طقسان بردن  
یوز یکریمی به بالغ اولورسه بالغ اولمش ( اوچ  
یاشنی بیتروب دردنجی به گیرمش ) ایکی دیشی  
دودہ . یوز یکریمدن زیادہ اولور ایسه هر قرق  
ایچون بر یاشنده بر دیشی دودہ وهر الی ایچون  
بالغ بر دیشی دودہ . دردن زیادہ دودہ سی اولمیانہ  
صدقه ترتب ایتمز . بش دودہ اولور ایسه بر قیون .  
قیون صدقه سنده ایسه مرعی حیواناتندن قرقدن  
یوز یکریمی قیونہ قدر بر قیون . قیونک عددی  
یوزدن زیادہ ایکی یوزہ بالغ اولور ایسه ایکی

واردات ووظائف شو صورتله تعریف اولنور:  
« اسلامله عائد استحقاقاتدن اولوب مالکی  
تعین ایدیلہ مین هرشی بیت الماله عائددر . اسلا-  
ملرک منفعی ایچون صرفی لازم کان هرشی  
تأدیہ بیت المال مجبوردر » . اسلاملرک مستحق  
اولدقلى اموال اوچدر : صدقه ، غنیمت ،  
فی حصہ لری . بونلردن هر برینک آتیده  
کوستریله جکی وجه ایله احکام مخصوصہ سی وارددر .  
( بیت المال ) ک تأدیہ سنہ مجبور اولدنی اموال  
ایسه عسکر آیلقلری ایله حیوان وسلاح  
آتمانی و منافع عمومیه ایچون صرف اولنان  
مصارف سائرہ در .

#### صدقه

صدقه زکات دیمکدر . بونلر اسماً ایکی  
ایسہده ماده بردر . زکات ، یاخود صدقه  
اسلاملرک زنکیلرندن آلیر ، فقیرلیرنه ویریلیر .  
بونک اصلنی دها اول ذکر ایتش ایدک .  
صدقه ایچون مرکز خلافتده بر دیوان ( دائرہ  
مخصوصه ) و بونک سائر ولایاتده و شهرلرده  
شعبہ لری واردی . هر شهرده صدقه متولیس  
اوشهرک اغنیاسندن صدقه لری آلوبینه اوشهرک  
فقراسنه توزیع خصوصندہ مستقلاً حرکت  
ایدردی .

زکاتک ، مواشی زکاتی ، آلتون وکوش  
زکاتی ، میوه لر زکاتی ، مزروعات زکاتی  
اولمق اوزره درت منبعی واردی .

مواشی زکاتی دودہ ، صیغیر و قیوندن  
آلیردی . بونک احکامی بالذات حضرت نبی  
طرفندن تعریف ایدلمشدر . حضرت ( ابوبکر )

قیون . ایکی یوزدن زیاده اوچ یوزه بالغ اولور ایسه اوچ قیون . اوچ یوزدن زیاده اولور ایسه هر یوز ایچون بر قیون . قیونک مقداری قرقدن بر آشاغی ایسه بونده صدقه لازم کلز . (رقه) نك، یعنی مضروب در هملرک صدقه سی عشرک ربعدر . بودر هملر یوز طقساندن فضله دکل ایسه اکا صدقه لازم کلز . فقهاک بو خصوصده ایضاحات مفصله سی واردرکه انلری بوراده ذکر ایتمکه مقام مساعد دکلدر . آت ، قاطر ، مرکبلردن زکات آلتماز .

کموشدن آلتان صدقه یه کلنجه ایکی یوز درهمدن آشاغی کموش ایچون زکات یوقدر . ایکی یوزدرهمک صدقه سی بش درهمدر . یعنی یوزده ایکی بیق و قرقدنه بر حسابی دیمکدر . بو حساب اوزره آلتونک هر یکرمی مثقالدن یاریم مثقال صدقه آلتیر . یکرمی مثقالدن یوقاری آرتدقجه زکاتی دخی ذکر اولنان حساب دائره سنده آرتار . اموال تجاریه واکا مشابه اولان شیر ایسه کموش و آلتون قیلندن عد اولنور .

میوه لرك زکاتی صولانمه نوعنه کوره مختلفدر . یاغمور ویا نه ر صویله کندی کندینه یورغونلغه محتاج اولمق سزین و صوطا شیمق سزین صولانیورسه بونک زکاتی عشریدر . یورغونلق و آدملا ايله اسقا اولنیورسه بونک زکاتی عشرک نصفیدر . فقط هر حالده میوه لرك مقداری بش وسقودن (هر وسق بر دوه یوی) زیاده اولمازسه زکات ترتب ایتمز . بر وسق عراق اولچکی ايله آلتمش صاع ، بر صاعده بش رطل بر ثلث

(هر رطل ۱۲۰ درهم) وزننده در . خر مالقار ، باغار و سائر میوه لر حکمنه داخلدر .

بغدا ، پرنج ، فصولیه ، نخود و سائر کبی حبوباتک انواعندن متشکل اولان مزروعاتک مقداری دخی بش وسق ، یعنی بش دوه یوکنه بالغ اولورسه زکات آلتیر . بونک زکاتی میوه لردن آلتان زکات مقدارینک عیندر . زکات اموالک صرف اولندیغی جهتلر قرآن کریمک شو آیتنده ذکر ایدلمشدر : « انما الصدقات للفقراء والمساكين والعاملین علیها والمؤلفة قلوبهم و فی الرقاب والغارمین و فی بیل الله و ابن السبیل » . بناء علیه اموال زکات سکز پایه تقسیم اولنوردی . بر قسمی هیچ بر شیه مالک اولمان فقرا یه ویریلردی . ایکنجی پای (مساکین) ه اعطا ایدیلردی . مساکیندن مقصد کندیلرینه کفایت ایدمه جهک اسباب معیشته مالک اولانلردر . بونلر دیکر لرندن ده از زیاده شایان مر حمتدر لر . صدقه لرك مقداری صدقه متوالیسنک تقدیر یله هر فقیرک حالنه ، مقدار احتیاجنه کوره تقدیر اولنوردی . فقط اوشرط ایله که بر فقیره ویریلن صدقه نك مقداری ایکی یوز درهمی کچمه ملیدر . چونکه ایکی یوز درهمی کچره بواره یه زکات ترتب ایدر . قاضی (ابو یوسف) طرفدن حضرت عمر دن نقلاً بو خصوصه دائر روایت ایدیلن معلوماته کوره بوراده کی (مساکین) لفظی خرستیان و موسوی فقراسی متضمندر ، (فقرا) لفظی ایسه اسلام فقراسنه عانددر . ذکر اولنان پایلردن اوچنجه سی صدقه یی



ممتاز ایدیلر . مکر خلیفه طرفدن منعی حاوی صورت مخصوصده برامرصادر اوله . حال بوکه فی و یاغنیمت اموالک متولیلری خلیفه ، یاخود ایلک وکالتی حائر والیر ویا وزرا طرفندن مأذونیت آلمینجه تأدیاتده بولنه مازلردی .

### غنائم

غنائم اسلاملرک محاربه لرده اله کچیردکلری اموالدن عبارتدر . بو اموال درت درلودر : حرب اسیرلری ، عادی اسیرلر ، اراضی ، اشیا . حرب اسیرلری دشمن عسکرندن محاربه ده اسیردوشنلردر . شریعت اسلامیه ده بونلر حقنده ائمه طرفندن تعریف و تعییننده اختلاف حاصل اولمش بر طاقم شروط و احکام واردر که انلرک تفصیلاتنه کیریشمکه مقام مساعد دکلدر . فدییه قبولی ایشته او احکام جمله سندندر . فدییه بر اسیرک قورتارلمسی ایچون ویریلن پاره در . بو یوزدن آلتان پاره لر سائر اموال غنائمه علاوه ایدیایردی . عادی اسیرلر کلنجه بونلر اثنای محاربه ده اسلاملرک اله کچن قاریلر و چوجقلردر . بونلری قتل ایتمک جائز دکلدی . سائر اموال غنائم ایله توزیع اوانورلردی . بونلر ایچونده فدییه قبول ایتمک جائز ایدی .

محاربه لرده اله کچن اراضی یا قوه جبرییه ایله آله برق اهالی اصلیه سی قهرأ اندن چیقارلمش اولوردی ، یاخود اصحاب اصلیه سی محاربه ایتمه رک قورقودن یرلرینی بر اقوب کیتمش بولنورلردی ، یاخود بر طاقم شرائطه صالحاً اسلاملرک حاکمیتی آلتنه کیرردی . شو حالده بو اراضی ( فی ) قیلندن عدا و انورلردی .

تحصیل و توزیع خدمتنده بولان مأمورینه ویریلردی . بو خدمته اجر تله امین ، مباشر ، آمر ، مأمور کچی ناملر ایله بر طاقم مأمورلر استخدام اولنوردی . بونلر تفریق اولسان حصه ، مأمورینک معاشاتندن زیاده کورولورسه آرنان پاره دیگر حصه لر علاوه ایدیایردی . دردنجی پای ( قیلری تألیف ایدیلنلر ) ه اعطا اولنوردی . بونلر دیگر بریرده دخی ذکر ایدلیکی وجه ایله حضرت نبی و خلفا طرفندن یا اسلاملر مضر تلرینی دفع ، یاخود اسلامیه رغبتلرینی جاب ایتمک ، یاخود کندی قوم و عشیرتلرینی دائره اسلامیه دخوله تسویق ایتمک مقصدلریله قیلری تألیف ایدیلنلردن ایدیلر . مؤلفه دن بری غیر مسلم ایسه انک پای زکات اموالندن ویریلرک غنائم ، یاخود فی اموالندن تأدییه اولنوردی . بشنجی قسم آزاد ایدلمک اوزره اسیر صاتون آلمغه مخصوص ایدی . آلتنجیسی غارمین ویریلردی . غارمین بورجلی اولانلردر . بورجلرینی تأدییه ایتمک ایچون بوباره لر کندیلرینه اعطا اولنوردی . یدنجی حصه الله اغورینه مخصوص ایدی . غازیلر و ارباب جهاده محاربه لرده محتاج اولدقلری مصرفه قارشیاق اوله رق اعطا اولنوردی . سکزنجی پای ابنای سبیل ویریلردی . ابنای سبیل یول مصارفی تدارکدن عاجز اولان یولچیلردر .

صدقه متولیلری صدقه دن جبات ایتدکلری اموالی مأذونیه محتاج اولقسزین توزیعه صلاحیتدار اولمق ایله سائر مال متولیلرندن

ذكر اولئان احوالك اختلاف واشتراكي سبيله اراضى مذكوره وضع ايدىلن خراج ، عشر وسائر كې وركيلرك انواعى دىنى مختلف ايدى .

اموال منقوليه كلنجه بونلر مواشى و اموال كې نقلى ممكن اولان شيلردركه عسكره توزيع اولنوردى . اموال غنائم اسلاميك ابتدارلنده برقاعديه تابع اولمقسزين تقسيم ايديليردى . حضرت نى انى آرزو ايتديكى كې توزيع ايلردى . اسلاملرك ايلك غنائمى اوچنچى سنه هجريده ( بدر ) غزوه كبراسنده اله كچى اموال غنائم ايدى . مهاجرين وانصار بونلرك تقسيمنده اختلافه دوشدكلردن حضرت نى كنديلرى ده داخل اولدقلى حالده مذكور اموال غنائمى مساوات اوزره تقسيم ايلدى . دها صكره اموال غنائمك بشه تقسيمى حقنده كى : « واعلموا انما غنمتم من شئ فان لله خمسَه وللرسول ولذى القربى واليتامى والمساكين وابن السبيل » آيت كريمه سى نازل اولدى . اسلاميتده بوصورتله ايلك تخميس اولئان اموال غنائم سنه مذكوره ده وقوع بولان ( بنى قينقاع ) [\*] غزوه سننده اله كچن اموال غنائم ايدى . اموال مذكوره بش قسمه تقسيم ايديلهرك دردى مجاهدين اسلاميه

[\*] « موسويلردن ايلك نقض عهد ايدلردن ايديلر . حضرت پيغمبر ايكنچى سنه هجريتهك شوالنده بونلرى اون بش كون محاصره ايتدكلن صكر يرلرندن اجلا ايلش وبتون ماللى حضرت پيغمبره و معيئنده بولئان مسلمانلره غنيمت قالمشدر . ( تاريخ ابى الفدا ) مترجم

و بشنچى قسمى حضرت نى نامنه آيرلدى . ذات رسالتپناهه تخصيص اولئان بوباي بشه تقسيم اولنوردى . حضرت پيغمبر بوقسملردن برينى كندى نفسنه وزوجهلرينه واسلاملرك منافعه صرف وايكنجيسىنى اقرباسنى تشكيل ايدن بنى هاشمه و خاصه بنى عبدالمطلب بن عبد منافه توزيع ايلردى . قريشندن ذكر اولئان ذواتدن ماعدالرينك بوحصه دن آلفه حقلرى يوق ايدى . اوچنچى حصه محتاج برحاله بولئان يتيملره اعطا اولنوردى . بونده ذكور واثات آره سننده فرق يوق ايدى . دردنچى حصه كچنمكه كافى شى بوله ميان مساكنه ( فقرايه ) توزيع اولنوردى . بشنچى حصه ايسه يول مصرفلرينى تداركدن عاجز اولان ابنائى سبيله ( يولچيلره ) اعطا ايديليردى . مسلوبات دىنى اموال قبيلندن معدوددر . مسلوبات ، دشمنندن مقتول اولانلرك البسه واسلحه سيدر . بونلر مجاهدينه توزيع اولنوردى . هر كس اولديرديكى آدمك اوزرنده بولئان اشيايى آيلردى .

كرك محاربه ايله جبراً ، كرك صلحا اسلاملرك انله كچن اراضى به كلنجه صدر اسلاميتده بر طاقم ذوات بو اراضى يى اموال غنائم كې فاتحلر آره سننده تقسيم ايتك ايسته مشلردى . حضرت عمر بوكا موافقت ايتدى . عراقك فتحندن صكره مشاراليه طرفندن ( سعد بن ابى وقاص ) ه يازيلان آتيده كى مكتوب ذكر اولئان آرزويى و كنديسنك عدم موافقتى ارايه ايدر : « مكتوبكى الدم . خلقك انه كچن

نامی ویرایر . لسان شرعیده فیثک تعریفی  
 شودر : « محاربه اجرا ایتمکسزین و آرقه‌سند  
 قوشلمکسزین مشرکیندن کنندی کندینه کلن  
 اموال » . جزیه ، خراج ، اعشار و سائرہ (فی)  
 جمله‌سنہ داخلدر . حضرت نبی حال حیاتده ایکن  
 بونک خمسی کندیسنہ افراز اولنوردی . بو  
 خمس دخی غنائمدن افراز اولنان خمس کی  
 تقسیم ایدیلردی . حضرت نینک ارتحالندن  
 صکره بوخمس غنائم خمسی کی بیت‌الماله عائد  
 اولدی . زمان نبویده فیثک دیکر دوت خمسی  
 (مهاجرین) و (انصار) دن مرکب اولان  
 عساکر اسلامیه مساوات اوزره توزیع  
 اولنوردی . بالاخره حضرت عمر طرفندن  
 ذکر ایتدیکمز وجه‌ایله دیوان تشکیل وعسکرک  
 معاشاتی تعیین ایدیلنجه فیثدن کلن اموال  
 بیت‌الماله تسایم اولنغه وهر کسه تعیین اولنان  
 مقدارلر دائره‌سندہ تأدیات اجرا ایدلمک  
 باشلاندى .

بالاده ویردیکمز معلوماتدن آکلاشدیغی  
 وجه‌ایله صدقه اربابی فی و غنیمت اربابنک  
 غیری ایدیلر . ایشته بوسبیدن صدقه‌لر فی  
 اربابنه و فی اموالی‌ده صدقه اربابنه ویرلمزدی .  
 چونکه فی و غنیمت اموالی اسلامیت اغورنده  
 جهادده بولنان هجرت و حرب آدمیرینه منحصر  
 ایدی . حال بوکه صدقه اربابی نه حرب ،  
 نه ده هجرت آدملری ایدیلر . اسلامیتک صدر  
 اولنده هجرت اسمی اسلامیه داخل اولوق  
 اوزره کنندی وطنندن مدینه‌یه مهاجرت ایدنلره  
 اطلاق اولنوردی . عموماً مهاجرت وقبول

اراضی بی و اموال غنائمی کندیلمیرنه تقسیم  
 ایتمککلی آرزو ایدلکلرینی ذکر ایدیورسک .  
 بومکتوبی آلدیغک زمان الده بولنان حیوانات  
 و اموال قیلندن غنائمی آدملریکه تقسیم ایت .  
 فقط اراضی و انهارى صاحبلى اولان  
 چفتجیلره براق . تاکه بونلرک وارداتی ایله  
 مأمورین وعسکرک معاشاتی تأدیه اولنسون .  
 اگر سن بواراضی بی آدملریکه ویرر ایسه‌ک  
 سندن وانلردن صکره کله جک اسلاملره برشی  
 قالماز .

اراضی بی تقسیم ایتمک فیکرندہ بولنانلرک  
 بعضلری بوکا اعتراض ایدرک کندی قلیجلیلره  
 فتح ایتدکلرندن بحثله اراضینک کندیلمیرنه  
 عائد برحق اولدیغنی ادعایلشله ايسه‌ده حضرت  
 عمر انلره قارشى طورمقدمه دوام ایتدی .  
 فقط اراضی اوزرینه (خراج) وصاحبلى  
 اوزرینه (جزیه) قویه‌رق وبوصورتله حاصل  
 اوله‌جق وارداتی قرناً بعد قرن اسلاملره  
 تخصیص ایدرک اسلاملری اراضینک اموال  
 غنائم شکلنده توزیعندن واز کچبردی .  
 بناءً علیه حضرت عمر خراج وجزیه بی عراق  
 اراضیسنه وسائر بلاد مفتوحه‌یه وضع وبونلرک  
 مقدارلرینی ده‌ها اول ایرانلیلر وروملرده  
 اولدینی کی دفترلرده قید وضبط ایلدی .  
 اسلامیتده (دیوان) ، اولجه ذکر ایتدیکمز  
 وجه‌ایله ، ایشته بوکی لزوملر نتیجه‌سندہ  
 تشکل ایتدی .

فی

بیت‌الماله عائد اولان سائر امواله (فی)



آلسون . والله بو کوملکدن بشقه بر شیئه مالک دگم « دیهرک عطیه بی اموال مسلمیندن دکل ، کندی خصوصی مالندن ویریر . چونکه بویولده ویریلن عطیه اهل اسلامک منافع عمومیه سنه تعلق ایتیموردی .

حضرت عثمان بو فرقه دقت ایتیه رک عطیه واحسانلری فی اموالندن ویردیکی ایچون کندی حقنده اسلاملرک نظر مؤاخذه سنی جلب ایتیش ایدی . فقط بالاخره زمان هجرت کچوبده اسلامیت دولت شکلنه کیرنجه لزومه کوره بر جهت اموالنسک دیگر جهته صرفی تجویز ایدلدی . دها صکره ممالک اسلامیه نک کسب وسعت ایتیمی اوزرینه فی منابیه ده تزايد وتنوع ایدلدی . فی اموالی یرینه ( جبايت اعمال ) - اموال دولت - نامی قوللانلغه باشلاندی . بو ( جبايت اعمال ) اموالی جزیه ، خراج ، صدقات ، سفائنه طرح ایدیلن عشر ، معدنلره و مرعالره قونیلان خمس ، ضربخانه ، کمرکلر ، چفتلکلر ، مستغلات و سائردهن جبايت اولنان اموال دن متشکل ایدی . صدقات حقنده دها اول معلومات ویردک . شمدي فی منابغندن باقی قالانلرک اک مهملرینه دائر معلومات ویردم .

### جزیه

جزیه ، خراج هر ایکسی غیر مسلملردن تحصیل اولنور بر مال اولمق اعتبارله بر یرینه مشاهدیر . ایکسی ده فی اموالی جمله سند ندر . بونلر هر سنه اوقات معینه ده جبايت اولنوردی . مع مافیه جزیه انسان باشنه وضع

اسلامیت ایدن قبائله ( برره ) - صلحا - وقسماً مهاجرت ایلین قبائله ده ( خیره ) - کزیده - دینیلردی . شوحالده (مهاجرین) هم ( برره ) ، هم ( خیره ) ایدیلر . فتوحات اسلامیه دن صکره بو هجرتک حکمی قالمیه رق اسلاملر (مهاجرین) و ( اعراب ) - بدویلر - نامی آدلیر . چونکه عهد نبویه صدقه اربابنه ( اعراب ) و فی اربابنه ( مهاجرین ) دینیلردی .

اوائل اسلامیتده خلفا بو ایکی قسمی بر برندن آیری طوتمغه دقت ایدرلردی . خلیفه منافع عمومیه اسلامیه تعلق اولیان بر خصوص ایچون بر کیمسه یه فی مالندن عطیه ویرمزدی . اويله کیمسه لره صدقه مانندن عطیه ویرردی . حضرت عمر بو قاعده یه صوک درجه ده رعایتده بولندی . بو خصوصه متعلق وقوعات جمله سندن اولمق اوزره اعرابدن بری حضرت عمره کله رک چولق چوجغنک چلاق و محتاج بر حالده بولسد قلرندن باحث بر شعر انشاد و عطیه طلب ایدر . حضرت عمر اموال حکومتک یرلی یرینه صرفی امرنده غایت دقتی طاوراندیغندن اعرابی یه : « بکی ، عطیه ویرمز سه نه اولور ؟ » جوابنده بولنور . اعرابی : « شمدي ویرمز سه کز او بردنیاده سزدن حسابی صوروله جقدر » دیر . بونک اوزرینه حضرت عمر ، صقانی کوز یاشلریله غرق ایدنجه یه قدر آغلار . کندی کوله سنه : « اوغلم ، شو تک کوملکمکی بو آدمه ویر . شعری ایچون دکل ، ذکر ایتدیکی کون ایچون

اولنیش بر ویری ایدی. او انسان اسلام اولورسه  
اندن آرتق جزیه آله مازدی. خراج اراضی،  
یاخود محصولات اوزرینه موضوع اولدینی  
ایچون حکمی ساقط اولمازدی. ایشته جزیه  
وخراج آره سنده بو نقطه دن فرق واردی.  
(جزیه نك تاريخی): — جزیه اسلامیتله  
حادث اولمش برشی دکلدر. مدنیت قدیمه نك  
ایلك دورلرندن اعتباراً جزیه موجود ایدی.  
آینه یونانیلری میلاد عیسادن اول بشنجی  
عصر صره لرنده فیکه لیلرک مهاجرتندن صیانت  
ایتمکله مقابل آسیای صغری (آناطولی)  
سواحلی اهاالیسی اوزرینه جزیه وضع ایشلردی.  
اوصره ده فیکه لیلر ایرانلیلرک حمایه سی آلتنده  
بولنیورلردی. شو حالده مذکور سواحلی  
اهالیسی جابک صیاتی اغورنده مالک فدا  
ایدلسنده بئس کورما مشلردی. رومالیلر  
دخی تحت حاکمیتلرینه آلدقلى اقوام اوزرینه  
جزیه وضع ایشلردی. فقط رومالیلر طرفندن  
طرح ایدیلن جزیه مقداری ده صکره اسلاملر  
طرفندن وضع اولنان جزیه دن پک چوق زیاده  
ایدی. رومالیلر غالیا غول (فرانسه) — قطعه سنی  
فتح ایتدکلری زمان سنه ده هر آدم باشنه  
مقداری ۹ ایله ۱۵ لیرا آره سنده مختلف بر  
شخصی ویرکی (جزیه) قویملردی. بومقدار  
اسلاملر طرفندن قونیان جزیه مقدارینک  
یدی مثلی ایدی. مع مافیه رومالیلرک فتح ایتدکلری  
ممالکک جمله سنده بونسبتده بیوک جزیه طرح  
ایتمزلردی. روایت کورده فرانسه وسائر بعض برلرده  
جزیه نك اوילה بیوک برمقدارده بولنسی ارباب

اصالتدن هم کندیلرینی، هم کوله وواشقلرینی  
شامل اوله رق آلدینی ایچون ایدی. ایرانیلر  
دخی زیردست حاکمیتلرنده بولنان رعایادن جزیه  
جایات ایدرلردی. هندستان مشاهیر علماسندن  
دوستمز (شلی نعمانی) افندینک مطالعه سنه  
کوره (جزیه) کله سنک اصلی (کزیت) کله  
فارسیه سیدر. [\*] موما ایله بو ادعاسی ۱۸۹۴  
سنه سنده نشر ایلدیکی انکلیزجه بر مقاله ده  
یازمشلدر. (ابن الاثیر) کسری نو شروانک  
ایرانده خراج وعسکرلرکده وقوع بولان  
اجرا آتی حقدده سرد ایتدیکی معلومات جمله.  
سنه دییورکه: «ایرانده — اعظم رجال دولت  
وارباب اصالت وعسکر و مرزبانلر و کتبه  
وحکم دارک خدمتنده بولنان کیمسه لر دن ماعدا —  
اهالی اوزرینه هر کسک موقع واستطاعته کوره  
اون ایکی، سکز، آلتی، درت درهم جزیه وضع  
ایدلی ه. بوندن آکلاش — لیورکه عربلر  
(کزیت) ی لفظاً ومعنی آله رق (جزیه)  
شکلنده عربلشدیردقلى کبی کیفیت طرح  
وجایاتنده تعدیلات اجرا ایلدیلر. اسلاملرده  
اعظم رجال دولت وارباب اصالت وعسکر  
اسلاملردن عبارت اولدقلى جهته (کسری)  
طرفندن اوکی ذوات جزیه دن نصل استثنا  
ایدلش ایسه عربلر طرفندن دخی اسلاملر  
جزیه دن استثنا ایدلی.

(جزیه نك مقداری): — اسلاملر طرفندن

[\*] شارحک بیاننه کوره جزیه (جزا) ماده.  
سندندر. لکن مهربانده جزیه (کزیت) فارسی  
معربی اولقی اوزره مشروحدر (ترجمه فاموس)

طرح اولنان جزیه‌نك مقداری حضرت نبی  
زماننده بالذات جناب رسالتپناه طرفندن  
حال وموقع ایجاباتنه وجزیه‌نی ویره‌جك  
اولانلر ایله وقوع بولان اتفاق وجه ایله  
تقدیر وتعیین ایدیلردی. حضرت محمد  
(نجران) [\*] اهالیسی ایله عقد مصالحه‌ایتدیکی  
زمان اهالی مذکوریه هر سنه صفر آینده  
۲,۰۰۰ ورجبده ۱,۰۰۰ طاقم البسه جزیه  
وضع ایتیش ایدی. هر طاقم البسه‌نك قیمتی  
بر (اوقیه) اولمق اوزره تعیین اولمش ایدی.  
بر اوقیه قرق درهم دیمکدر. حضرت نبی  
(اذرح) [\*\*] اهالیسی ایله هر سنه رجب آینده

[\*] نجران — یمك شمال شرقی گوشه‌سنده  
ودهنا صحرای کبیرنك کنارنده بریدر. بوئك  
اهالیسی اوتهدن‌بری دین‌عسوی‌نی قبول ایتشلردی.  
حتی موسوی المذهب بولنان ملوک یمندن (ابونواس)  
بونلری کندی دینته دعوت ایدوب قبول ایتدکلرندن  
ایچلرندن یکریمی بیك کشی قتل ایتکله آیت  
کریمده (اصحاب‌الاحدود) اسیمله مذکوردر.  
وقت سعادته نجرالمیلر مبعوثلر کوندروب صلحاً  
تابع اولمشلردر. بعده خلافت جناب فاروقیده  
عموم جزیره‌العربدن غیر مسلم اولانلر اخراج اولدنی  
صره‌ده بونلر دخی چیقاریلهرق واراضی واملاکلرینك  
بدلی ویرلرک کوفه قرینده ینه (نجران) تسمیه  
ایتدکاری بر محله انتقال ایتشلردی. شمعیکی اهالیسی  
قراطله مذهبه تابع شیعلردر.

[\*\*] اذرح — شامك جنوب جهتنده و حجاز  
قرینده بر مملکت اولوب جوارنده اولان (ج‌با) ایله  
برابر زمان سعادته تاریخ هجرینسده صلحاً فتح اولمش  
ایدی. حضرت علی ایله معاویه آره‌سنده کی منازعات  
صره‌سنده (عمرو بن العاص) ایله (اموموسی‌الاشعری)  
آره‌سنده جریان ایدن وقوعات (اذرح) ایله (ج‌با)  
آره‌سنده وقوع بولمشدر. (قاموس الاعلام)

تأدیه ایدلمك اوزره یوز دینار جزیه ایله عقد  
صالح ایتلشدر. (مقنا) اهالیسنه کذلک طرف  
نبویدن وضع اولنان جزیه کراسته وایپلک  
وحیوان وزره ومیوه‌لرینك ربعی تشکیل  
ایدیوردی. حضرت نبی جزیره‌العربك سائر  
موسویلری ایله ده بوکا مشابه جزیه‌لر ایله عقد  
صالح ایتلشدر.

جزیه بویله‌جه بر شکل ومقدار معینده  
اولمق سزین حضرت (ابوبکر الصدیق) ك اواخر  
خلافتنه قدر دوام ایتدی. حضرت عمر مقام  
خلافتنه کچرک فتوحات اسلامیه‌نك یوغالدیقنی  
کورنجه جزیه مقدارینی تعیین ایدلی. مشار  
ایله اطرافده بولنان قوماندانلره صقالی، بیغی  
کلش آدملره جزیه وضع ایدلمسینه وکوش  
اربابسینه (یعنی جزیه‌نی کموش آچمه ایله تأدیه  
ایتمك ایستینلره) هر آدم باشنه قرق درهم  
و آلتون اربابنده هر آدم باشنه درت دینار  
تعیین اولمسنه دائر امرناملر کوندردی.  
جزیه کذارلر وشامده والجزیره‌ده بولنان  
مسلمیندن هر برینه ارزاق اولهرق آیده ویرلمك  
ایکی مدی (هرمدی اون طقوز صاغ)  
بغدای ومین بر مقدار زیتون یاغی [\*]  
اعطاسنده مجبور طوتولمشلردی. ده صکره  
جزیه مقداری مکلفلرک موقع واقتداری  
اعتبا یله تعدیل وتعیین ایدلدی. زنکینلکلی  
مشهود اولانلره هر آی درت درهم ویرلمك

[\*] اصلده زیتون یاغنك مقداری اوچ قسط  
دینیلور. ترجمه قاموسده «(قسط) برگونه اولمکه  
دیشورکه نصف صاع آلور» صورتده تعریف ایدلمکده‌در.



اولنهرق حاصل اولان يکوندن ما کولات  
ومشروبات والبسه مصرفي ويايرام کونلري  
اخراج اولندقدن صکره اتی قالان مقدارک  
دورت دینار اولدینی آکلاشلدی . بناءً علیه  
آدم باشنه بومقدار جزیه قونلدی . بتون خلق  
بوخصوصده يالکیز برصنف اعتبار ایدلمش  
ایدی .

جزیه دهها اول دیدیکمز وجهه ایله غیر  
مسلملره طرح اولئوردی . بولردن هرهانکیسی  
اسلام اولور ایسه اندن جزیه نک حکمی ساقط  
اولوردی . مع مافیه ( عبدالملک بن مروان )  
زماننده بوکا مخالف حالار وقوع بولدی .  
عراقده والیسی بولان ( حجاج بن يوسف )  
غیرمسلملردن اسلام اولانلرده جزیه قويدی .  
( عبدالملک ) مصرده دخی بوقاعده نک تطبیق  
ایچون قطعه مذکورده والی بولان برادری  
( عبدالعزيز بن مروان ) ایله مخبرانده بولندی .  
( عبدالعزيز ) خواص رجالتدن بری اولان  
( عبدالعزيز بن حجره ) ایله بوخصوصه دائر  
استشاره ایتدی . بو ذات ( عبدالعزيز بن  
مروان ) ه : « مصرده اوایله برشیئی ایلک یاپان  
کیمسه سز اولمیکیز . بوراده کی غیر مسلملر  
کندیلرندن پاپاس اولانلرک جزیه سنی ویرمک  
بیله ایستورلر . کندیلرندن اسلام اولانلر  
اوزینه جزیه طرح ایتمک نصل اولور ؟ آرتق  
کیمسه اسلام اولورمی ؟ » دیهرک ( عبدالملک )  
طرفندن کلن اوامری تنفیذه میدان براقیدی .  
دها صکره امویلردن زهد وتقواجه مشهور  
اولان ( عمر بن عبدالعزيز ) مقام خلافت

اوزره سنوی قرق سکیز واورته جاللی اولانلره  
هر آی ایکی درهم اعطا ایدمک اوزره یکریمی  
دورت وضعیف الحال بولانلره آیده بردرهم  
ویرمک اوزره سنوی اون ایکی درهم جزیه  
وضع اولندی . قادیلردن وچوجقلردن وسقط  
وعاجز اولانلردن وخلق ایله اختلاطده بولمیان  
پاپاسلردن جزیه ( شخصی ویرکی ) آلمازدی .  
جزیه نک بومقداری صورت خصوصیه ده  
جزیه شرطلری تعیین اولنمش ممالکدن بشقه  
هریرده جاری ایدی . نته کیم ( عمرو بن العاص )  
طرفندن مصر اهالیسی ایله عقد اولنان خصوصی  
جزیه معاهده سنده اختیارلر ایله قادیلر وچو-  
جقلر مستثنی اولهرق سن رشده بالغ اولمش  
زنکین ، فقیر هر قبطنک هر سنه ایکی دینار  
اعطا الیسی وکندیلرینه کله جک اسلاملرک  
اوچ کون مسافر قبول ایدلمری وسائر جمله  
شرائطدن اتخاذ ایدلمش ایدی .

مع مافیه اسلاملر بعضاً عراقده جزیره  
اهالیسی ایله یابدقلمری کبی جزیه یی اهلینک  
کندی نفقه لرندن صکره اللرنده باقی قالان  
مقدارلره کوره تعیین ایدرلردی . مذکور  
جزیره یی فتح ایدن ذات ( عیاض بن غنم ۱۷هـ )  
نفوس باشنه بزینار جزیه طرح ایتمش ایدی .  
بالاخره خلافت امویلردن ( عبدالملک بن مروان ) ه  
انتقال ایدنجه مشارالیه بو ویرکی یی آزکوره رک  
اوراده کی والیسنه بوبایده تعلیمات مخصوصه  
کوندردی . بونک اوزرینه نفوس تعداد ایدلدی .  
اهالی هپ ایشلیجی عد اولندی . انلردن  
برینک سنده نه قدر پاره قازاندینی حساب

کچنجه عراقده غير مسلملردن اسلام اولانلر اوزرينه وضع ايدلمش اولان جزیه یی ابطال ایتدی . بوتاریخدن صکره هیچ برمسلم اوزرینه جزیه وضع ایدلمدی .

عرب بتپرستلردن ، یاخود اسلامی قبول ایتدکن صکره ارتداد ایلنلردن ماعدا هر نه مذهبدن اولور ایسه اولسونلر غیر مسلملرک جمله سندن جزیه قبول اولنوردی . ذکر اولنان بتپرستلر ایله مرتدلردن ایسه یا اسلامیت ، یاخود محاربه دن بشقه برشی قبول اولمازدی . خرسیتیانلر ایله موسویلر و عربدن اولیان مجوسیلر و بتپرستلر قبول اسلامیت ، یاخود اعطای جزیه ، یاخود اجرای محاربه ده مختار ایدیلر .

بواصوللرک وضعندن مقصد عرب ملتک توحیدی ایدی . ایشته بوکا بناءً حضرت نبی حال حیاتده ایکن جزیره العربدن بتپرستلکی بسبتون قالدیرمش ایدی . ده صکره حضرت عمر مقام خلافته کچنجه اورالده بولنان خر . ستیانلری و موسویلری چیقاردی . بالاده ویردی کمز معلوماتدن آکلاشیلیدی اوزره جزیه سن رشده وارمش صاغلام وجودلی ذکور اوزرینه طرح اولنوردی . بوايسه ( قتل ) و ( قتال ) ه قارشیلیق دیمک ایدی . یعنی جزیه ویرنلر نه قتل اولنورلر ، نه ده قتاله ( محاربه ) دعوت ایدیلرلردی . استبداد زماننده ممالک عثمانیه ده غير مسلملردن آلنان بدل عسکری بوجزیه مشاهدیر . بدل عسکری غیر مسلملرک خدمت عسکر به دن معفو طوتللی

ایچون تأدیه ایدیلوردی .

### خراج

( تاریخی ) : - ده اول ذکر ایتدی کمز وجه ایله اراضی ، یاخود محصولاتی اوزرینه وضع اولنوردی . خراج ویری انواعنک الک اسکیدیر . بونک اصل ومنشأی انسانلرک اراضی یی پادشاه مالی عدا تملری ایدی . بواعتقاد بک اسکیدر . ( تورات ) ده اراضینک فراغنه یه نصل کچدیکنه دائر برطاقم اقوال صریحه موجوددرکه ( کتاب تکوین ) ک قرقیدنچی فصلده مشهور قحط و غلا تفصیلاتی آرهنده ذکر اولنور . مصرلیلر قحط اثناسنده آچ قالنجه الارنده ، آووجلرنده بولنان بالجه کموش و آلتون ومواشی یی حضرت یوسفه صا تیلر . الارنده اراضیدن بشقه برشی قالنجه بونی دخی اکمه مک مقابل حضرت یوسفه ویریلر .

اراضی ممالک قدیمه نک جمله سنده بوحالده حکم مدارلرک مالی عد ایدیلرک اهالی آنحق انک وارداتندن مستفید اولوردی . بو وارداتدن حکومتک بر حصه سی وار ایدی که ایشته بوحصه خراجی تشکیل ایدردی . تاتارلر نزدنده برانسان مستقلاً مواشی صاحبی اولور ، فقط افراددن بری اویولده اراضیه مستقلاً صاحب اوله مازدی . اسکی جرمنلرده Germaines دخی امرا ورؤسادن ماعدا کیمسه نک اراضیه تملکی جائز دکلدی . جرمنلرده رئیس قبیله اراضی یی ایکنجی سنه مناوبه دیگر افراده ویرلک اوزره برسنه ایچون بعض افراد قبیله یه تقسیم ایدردی .

اوصورتده که برقطعه ارضی عینی آدم بربری متعاقب ایکی سنه استقلال ایده مزدی . بوکا مشابه برعادت الیوم بیله بعض اسلاو اقوامی آره سنده جاریدر .

رومالیلر بواساس اوزرینه کندی مملکتلری اراضیسنه و از جمله کندیلرندن اسلاملر طر . فندن فتح اولنان مصر و شام قطعه لری و سائرده بولنان اراضییه ویرکیلر وضع ایدرلردی . هر ولایتده خراج ایشلرینک و ایراد و مصرف قید و ضبطنه مخصوص بر دیوانلری - دفتر خانه لری - واردی . اهالی اصلیه دن و یا عیثت حاکمه دن بو دواثرده کاتبلر ، تحصیلدارلر و مأمورین سائره استخدام ایدیلریدی . عراقده و بالتفس ایران ممالکنده دخی بو اصول اوزره حرکت اولنوردی . چونکه ایرانیلر بر چوق قوانین و نظاماتی یونانیلر و رومالیلردن اقتباس ایشلریدی .

وقتا که اسلاملر ظهور ایله شام ، مصر و عراق قطعه لری و سائرینی فتح ایتدیار ، روملر و ایرانیلر طرفندن مذکور یرلرده تأسیس ایدیلن دیوانلری حال اصلیمی ایله قبول ایله رک بونلرده هیچ تغیرات یامدیار . ده اول مذکور دواثر مأمورلری مملکتک اهالی اصلیه سندن خرسیتانلر ایله مجوسیلردن متشکل ایدی . اسلاملر بونلری یرلی یرنده ابقا ایتدیلر . مصرده کی خراج دیوانی مأمورلری اهالی اصلیه دن اولان قبطیلردن متشکل ایدی . معاملاتده کندی لسانلریله یازارلردی . شام قطعه سنده بولنان خراج

دائرة سنک مأمورین و مستخدمینی ده روملردن ایدیلر . قیود و معاملات رومجه ضبط ایدرلردی . عراقده کیلر ایسه معاملات رسمیه ده لسان فارسی بی استعمال ایلرلر ایدی . اوصرده عربلر دنیان زیاده امور اخرویهیه اهمیت ویردکارندن صانکه ممالکی فتحندن مقصدلری تملک دکل ایش کبی مذکور مأمورینه نظارت و تحصیل اولنان مبالغی قبض ایتمکه اکثفا ایدرلردی . فقط بالاخره دولت امویلره کچرک اسلاملر سادی بدوئتن آلاش مدینه و ( امیت ) - یازوب اوقومامق - دورندن اوقویوب یازمق دورینه انتقال ایدنجه و عربلردن و موالیلردن - اصلاً عرب اولمیان اسلاملر - کتابت و حسابداه ماهر آدملر یتیشنجه دواثر مذکورده مستعمل اولان السنه یی عربجهیه تبدیل و مأموریتلری ده اسلاملره تودیع ایدیلر . بونی ایلك یاپان ذات خلفه ای امویه دن ( عبدالملک بن مروان ) - ۸۱ سنه هجریه سی صره لرنده - ایدی . بو تاریخدن صکره خراج دواثرنده عربجه استعمال ایدلدی . احتمال که خراج دواثرنده بواقلا ب مشارالیه زماننده باشلامش ودها صکره کان خلفای امویه طرفندن اکمال ایدلشدر . چونکه مصر خراج دیواننک عربجهیه تحویلی آنحق ۸۷ سنه هجریه سنده ( ولید بن عبدالملک ) دورنده وقوع بولشدر . حجاز دیوانی ده اول بیان ایتدیکمز وجه ایله مدینه ده حضرت عمر طرفندن وضع ایدیلن شکل و اصولده جریان ایتکده ایدی .



بودیوان دفترخانه عسکریه، یاخود والیدلکار  
وتحصیلات دائره سنه بکزییوردی. چونکه  
بودیوانک قیود ومعاملاتی صحابه نك اسملریله  
کندیلرینه تخصیص اولنان معاشلر وصحابه نك  
طبقاتی وشام، مصر وعراق قطعهلرندن  
عساکر محلیه نك معاشاتی تسویه ایدلدکن  
صکره خراج وجزیه اموالندن آرتان مباغدن  
مدینهیه واصل اولان اموالک قیود وحساباتندن  
عبارت ایدی.

(خراجک تقدیری) :- عربلرک،  
خراجی ده ایل روملر و ایرانیلر زماننده نه  
حالد ایدیه احوالده ابقا ایتدکلرینی یوقاریده  
ذکر ایتیش ایدک. (مقریزی) نك بیاناتندن  
آکلاشلدیغنه کوره روملر زماننده خراج  
(مقاسمه) نامنی ویردکلری تخمین وتقدير  
صورتیله طرح وجبایت اولنوردی. یعنی بر  
کوی معمور اولور واهالیسی چوغالیرسه  
خراجده اونسبتده نزید وبالعکس اهالیسی  
آزالوب خراب اولور ایسه اونسبتده تنقیص  
ایدیلیردی.

شام قطعهلرک خراجی دخی شکل  
مذکورده طرح وجبایت اولنوردی. ایرانیلر  
ایسه اسلامیتدن اول ظهور ایدن (قباد بن  
فیروز) [۱] زمانه قدر ذکر اولنان تقدیرشکلنی

[\*] قباد ملوک ایراندن ساسانیان سلاله سنک  
اون طقوزنجی حکمداری وبرنجی فیروزک اوغلی  
وبلاشک برادر وخلفیدر. ۴۹۰ تاریخ میلادیسنده  
ایران تخته جالس اولدی. (مؤدک نیشابوری)  
طرفندن وضع اولنان اشتراک اموال وازدواج  
مذهبنی قبول وترویج ایتدیکندن ۴۹۸ سنه سنده  
اسقاط وحبس اولندی. درت سنه صکره

ایلک دورلرده خراجک طرح وتوزیعنه  
وتحصیل وضبطنه بالذات خلفا طرفندن نظارت  
اولنوردی. بالآخره دولت اسلامیه عباسیلره  
انتقال ایدنجه معیتده بولنان سائر دوائری  
شامل اوله رق بغدادده دائره مرکزیه اولمق  
اوزره بر خراج دیوانی تشکیل ونظارتی  
خلفانک غیرینه تودیع ایدلدی. مذکور  
دائره (سفاح) طرفندن تأسیس اولنش  
وامور وخصوصاتی برمکیلرک بیوک پدرلری  
اولان (خالد بن برمک) ه تودیع ایدلمشدی.  
وظیفه مذکورده نك (خالد) ه تودیعی، برامکه  
نك امور حکومتیه مداخله ومال دولتی  
ایستدکلری کبی صرف واعطایه احرازصلاحیت  
ایتملرینه ایلک خطوبدی تشکیل ایلشدر.  
برمکیلر اموال دولته ایستدکلری کبی اجرا  
ایتدکلری حرکات جمله سندن اوله رق خراجی  
کندی چوغقلرینه وآدملرینه التزام صورتیله  
احاله ایدرلردی. نته کیم (یحیی بن برمک)  
خالفای عباسیه نك اوچنجیلیسی (مهدی) زماننده  
ایران خراجنی التزام ایتدی، زیان ایدرک

بو کبی یرلرک خراجی صاحبلی اسلام اولسولر  
بیله الغاوا بطال ایدلار. اوله یرلره طرح ایدیلن  
خراج او یرلرک تحملنه کوره اولوردی.

اسلاملر طرفندن عراق فتح اولندی  
زمان حضرت عمر مذکور قطعنه (سواد)  
جهتلرینه دها اول ایرانلر طرفندن وضع  
ایدیلن خراج مقدارنده، یعنی هر جریب  
ایچون بر درهم و برقفیز خراج طرح ایددی.  
قفیز جریبک عشری، یعنی ۳۶۰ ذراع مرعیدر،  
مع مافیه عراقک بعض یرلرنده خراج مقدارینک  
محصولک نوعنه تابع اولسی کبی بشقه بر اصول  
دخی تطبیق ایددی. حضرت عمر عراقده  
مساحه ماموری بولان صحابه دن (عثمان بن حنیف) ه  
مساحه اجراسنی امر ایددی. (عثمان بن حنیف)  
مساحه اجرا ایدرک باغ و باغچه لرک هر جریبینه اون  
و خرما لقلرک هر جریبینه سکر و شکر قامشی  
حاوی اولان اراضینک هر جریبینه آلتی و سبزه  
بوستانلرینک هر جریبینه بش و بغدادی ترلارلر-  
ینک هر جریبینه درت و آریه ترلارینک هر  
جریبینه ایکی درهم خراج وضع ایدلمسنی تنسیب  
ایلمکه بومقدارلر حضرت عمر طرفندن ده  
مناسب کورلیدی.

عراق اراضیسی خلفای عباسیه نک. ایکنجینسی  
اولان (منصور) زماننه قدر بالاده کی اصول  
ومقدارلرده خراج تابع طوقلقده دوام  
ایتدی. خلیفه مشارالیه زماننده اراضینک  
حاصلاتی، محصولاتک فیاتجه حاصل اولان  
تدنیدن طولانی، اراضی اوزرینه موضوع  
خراجی تأذیه ایده میه چک بر حاله کلمش ایدی.

قبول ایشلردی. (قباد) ایران تختنه جالس  
اولتجه ارضک مساحه سنه کوره خراجی تقدیر  
ایدرک محصولدار اولسون، اولسون ارضک  
هر جریبینه (بر جریب ۳,۶۰۰ آرشون مرعیدر)  
بر درهم و برقفیز خراج وضع ایددی.

دها صکره اسلاملر ممالک مفتوحده حال  
وزمانک مقتضیاتنه کوره اراضی خراجنده  
بعض تعدیلات اجرا ایدیلر. اسلاملرک  
اراضیه متعلق بر طاقم قوانین عمومیه لری  
واردر. بوقوانینه کوره اراضی درت قسمدر:  
(۱) اسلاملر طرفندن احیا اولنان اراضی.  
بوقییلدن اولان یرلر اراضی عشریه در.  
وعشری امام مسلمینه عأدر. احیاء موات  
قیلندن صاییلیر. (۲) صاحبلی اکا مالک  
ایکن اسلام اولان اراضی. بو اراضی صاحب  
اصلیلرینک حقیدر. بودخی اراضی عشریه دن  
عد اولنور. (۳) محاربه ایله اسلاملرک اله  
کچن اراضی. بو اراضی اسلاملره غنیمت اعتبار  
ایدیلیر. بودخی اراضی عشریه دن صاییلیر.  
(۴) صاحبلی ایله خرج اوزرینه عقد مصالحه  
ایدیلن اراضی. بو اراضی اراضی خراجیه در.

همشیره سنک سبی ایله یکیدن مقام حکمداریه  
کچیدی. روم ایمراطوری (آناستاس) ایله  
جزیره جهتنده محاربه ایدرک آکا غالب کلمش  
ایسه ده بعده (بلزار) طرفندن مغلوب اولشدر.  
۳۶ سنه حکومت سوردکدن صکره ۳۱ ه  
سنه سنده وفات ایشدر. مشهور نوشیروان عادل  
بونک اوغلی و خلفیدر. (قباد) ک حا کیتی  
آلتنده بولان ممالکده بر جوق ابنیه و سائر  
آثاری واردر. روم تاریخلرنده قباد (قبادس  
Cabades) شکنده مذکوردر. قاموس الاعلام

فرا ت ايله دجله آردسندەكى اراضى زراعيه يي تشكيل ايدن (سواد) قطعه مى خراب اولمش ايدى . بونك اوزرينه تعديلات اجراسنه لزوم كوردلى . مشاراليه خراجك تقديرنده (مقاسمه) اصولى ، يعنى محصولاتك ازدياد ويا تناقصنه كوره چوق ويا آز خراج تقديرى قاعده سنى قبوله مجبور اولدى . خراجك تقدير مقدارى خليفه يه عائد ايدى . شوقدر واركه خراج محصولاتك نصفندن زياده وخمسندن اكسك اوله مازدى .

(ملكيت اراضى) : — اراضى ، أوائل اسلاميته اولديغى كچي ، امام المسلميناك ملكي اوله رق دوام ايتدى . (اوسى) ، ياخود (رزقه) ويا سائر نامريله معروف اولوب بوراده تفصيلنه لزوم كورلمين بعض اراضى ممتازدن ماعدا بالجله اراضيده اهالى اراضى يي استغلال ايدرلر . حكومت حاصلاتدن حصه آلير . ممالك اسلاميه ده اون طقوزنجي عصر ميلادى ابتدالرينه قدر بويله جه دوام ايدن بو اصول عصر مذكورك ابتدالزندن اعتباراً ممالك عثمانيه ده و از جلله مصر قطعه سنده اجرا ايديلن اصلاحات خيريه نتيجه سنده عصر حاضر ده موافق بر شكل آلدى . مصر واليكندە بونان محمد على پاشا بر چفتيجيك كندي ارضه صاحب اولمازسه كركى كچي چالشميه جغنى وبو حالك دوامى ايله ثروت مملكيت آرزو اولنديغى درجه ده ترايد ايتيه جگنى تقدير ايتدى . مشاراليه مصره والى اولديغى صرمه ده اراضى ارباب ثروت ونفوذدن بر

طاقم آدملز طرفندن التزام اصولى ايله اله كچيريلوردى . بولر چفتيجيلر قوللانهرق اراضى يي استغلال ايديورلردى . حاصلاتدن حكومه عائد حصه يي ويردكدن صكره باقيسى كنديلرى آليورلردى . محمدعلى پاشا مصر قطعه سنى بر طاقم مدير يترلر ومدير يترلر مركزلره ومركزلر ده ناحيه لره تقسيم ايدرك بونلر ك جمله سنده امور اداره يه باقق اوزره مأمورلر اقامه و ويركيلر ك تحصيلي ايچون تحصيلدارلر تعيين ايلدى . التزام اصولنى ده ابطال وهر ناحيه نك اراضيسى او ناحيه اهاليسنه توزيع ايتدى . او صورته كه ايشه مقتدر هر چقتيجى بر مقدار اراضى يه نائل اوليوردى .

دها صكره سعيد پاشا مقام خديويته تعيين اولنجه ۵ آغستوس سنه ۱۸۵۸ تاريخلى مشهور لائحى سنى نشر ايدرك اهالى يه اراضى ملكيتنى اكال ايلدى . چونكه بولائح موجبنجه اراضى ذريته انتقال ايدر بر ارث شرعى حكمنى كسب ايتدى . بوتاريخدن اعتباراً اراضى مصر ليلر ك مالى اولدى . ممالك عثمانيه نك سائر جهتلرنده دخى بويولده اصلاحات اجرا ايدلدى . باب عالي سعيد پاشانك ذكر اولنان لائحى سنى بر خط هايون ايله تصديق ايلش ايدى .

(خراجدن سنوى واردات دولت) : — خراجدن هر سنه جبايت اولنان وارداتك يگونه (ارتفاع الخراج) نامى ويريرلردى . بويكونى بر شكل قطعيده بولمق بك كوچدر . چونكه بويكون زمان ومكانك اختلافى ايله بر اطرا دده دكلىدى . بوندن ماعدا عرب مؤرخلرى



بقیه خراجدن ۱۶,۰۰۰,۰۰۰ درهمنی معیتند  
بولان شام عسکرینه و ۴,۰۰۰,۰۰۰ درهمنی  
بریده ( پوسته و استخبارات دائر دسنه )  
و ۲,۰۰۰,۰۰۰ درهمنی غیر منتظر احوال  
و وقوعانه صرف ایدردی. بقیه اوله رق نزدند  
اون میلیون درهم قالیدردی که بوده فقرای  
اطفال و آزادلی قادیسلره صرف اونوردی .  
شوحالده مشارالیهک زمانده عراقک خراجی  
۱۰۰,۰۰۰,۰۰۰ درهم طوتیوردی .

مصره کلنجه بوقطعه ده ( عمرو بن العاص )  
طرفندن وقوع بولان جبایت ۱۲,۰۰۰,۰۰۰  
دیناره بالغ اولمشدی . ( مقریزی ) نک  
افاده سنه کوره حاصلات مذ کوره هر آدم  
باشنه ایکی دینار اولق اوزره طرح ایدیلن  
یالکیز ( جزیه ) واردات عمومیه سی ایدی .  
ینه مؤلف موما الیهک افاده سنه کوره ( عمرو )  
دن صکره ( سعد بن ابی سرح ) طرفندن  
جزیه ۱۴,۰۰۰,۰۰۰ دینار مقدارنده تحصیل  
و جمع ایدلدی. مصرک خراجی امویله زماننده  
تناقص ایدلدی . ( هشام بن عبدالملک ) مقام  
خلافت کچنجه ( ۱۰۵ - ۱۲۷ هـ ) بوتناقصی  
نظر اهمیت آلهرق مصرده کی والیسنه مذ کور  
قطعه ده مساحه اجرا ایدلمسنی امر ایدلدی .  
والی بالذات مساحیه چیقدی . نیل نهرینک  
یتشکی اراضیدن معمور ، متروک نه قدر یرلر  
وار ایسه جمله سنی مساحه ایتدی . بویرلر  
مقدارینک - مملکت اسلامی و تعداد نفوس  
بختنده یازدیغمز وجه ایله - ۳۰,۰۰۰,۰۰۰  
فدان اولدیغی آکلاشلدی . بو حساب ایله

خراجک مجموع وارداتی ذکر ایتدکری زمان  
علی الا کثر جزیه ایله خراجی بر برینه قاریشدریر -  
لردی . مثلاً خراجک ارتقاعی دیدکرنده بوندن  
هم خراج ، هم جزیه وارداتک مجموعنی مراد  
ایدرلردی . جزیه وارداتی خراج وارداتندن  
دها آزایدی. فضله اوله رق اندن دها آژ ثابت  
بر منبع واردات تشکیل ایلور ایدی. چونکه  
غیر مسلملر مزور زمان ایله اسلام اولدقجه جزیه  
وارداتی ده او نسبتده تناقص ایدیوردی .  
بوندن ماعدا مذ کور مؤرخلر احتمال که خراج  
وارداتنه اعشار و سائر وارداتی ده ادخال  
ایدرلردی . آتیسه کی مقادیری امویله  
زماننده مملکت اسلامی ده جبایت اولنان  
خراج وارداتنه بر نمونه قیابندن نقل ایدیورز :  
حضرت عمر زماننده - ( ۲۰ سنه هجریه سی ) -  
فرات ایله دجله آره سنده کی ( سواد ) قطعه سنک  
سنوی واردات خراجیه سی ۱۲۰,۰۰۰,۰۰۰ درهم  
ایدی. بو واردات ( عبدالله بن زیاد ) و والیک  
زماننده ( ۶۲ سنه هجریه سنده ) ۱۳۵,۰۰۰,۰۰۰  
و ( حجاج بن یوسف ) زماننده ( ۸۵ سنه  
هجریه سی ) ۱۸۸,۰۰۰,۰۰۰ درهمه بالغ اولدی.  
( عمر بن عبدالعزیز ) دورنده ( ۱۰۰ سنه  
هجریه سی ) ۱۰۰,۰۰۰,۰۰۰ درهمه ایندی .  
دها صکره ( ابن هبیره ) - عسکرک طعامی  
و مجاهدینک معاشاتندن ماعدا - ۱۰۰,۰۰۰,۰۰۰  
مقدارنده جبایت ایدردی . اندن دها صکره  
( یوسف بن عمر ) خراج حاصلاتندن مرکز  
خلافت ۶۰,۰۰۰,۰۰۰ ایله ۸۰,۰۰۰,۰۰۰  
درهم آره سنده بر مبلغ کوندر دکن صکره

جبایت اولئان خراج ۴,۰۰۰,۰۰۰ دینار  
طوتدی . حال بوکه اوصرده محصولاتده  
اوجوزلق واردی . خلفای امویه دن ( سلیمان  
بن عبدالملک ) زماننده ( ۹۷ سنه هجریه سنده )  
( اسامه بن زید ) ک والیدکننده مصر خراجی  
۱۲,۰۰۰,۰۰۰ درهمه تنزل ایتدی . بوتاریخندن  
اعتباراً مصر دن آلتان خراج مختلف مقدارلرده  
اولیوردی . فقط بومقدارلر کیتدکجه آزالیور-  
ردی . باخصوص دهها صکره خلافت اسلامی  
عباسیلره کچنجه مصر مرکز خلافتدن اوزاق  
دویشدی . بونلرک دورنده مصر خراجی  
۸۰۰,۰۰۰ دیناره قدر اینش ایدی . بالاآخره  
( احمد بن طولون ) مصرده کی امارتی زماننده  
( ۲۵۷ هـ ) مملکتک عمراننه صرف همت  
ایدرك مصر خراجی ۴,۳۰۰,۰۰۰ دیناره  
قدر یوکسلندی . حال بوکه اوصرده فیاتلرده  
اوجوزلق واردی . اون اردب [۱] بغدادی  
بردیناره صاتیلیوردی . عباسیلرک سائر دور-  
لرنده مصر خراجی ذکر اولئان حالده دوام  
ایتمشدر .

شام قطعه سنک خراجی ایسه ( عبدالملک  
بن مروان ) زماننده ۱,۷۲۰,۰۰۰ دینار  
طوتیور ایدی . مقدار مذکور دن ۱۸۰,۰۰۰ ی

[۱] اردب همزه نك كسری ایله قرشب وزننده  
مصر ولایتنه مخصوص برنوع اولچك اسمیدر . حالا  
همزه نك فتحیله اردب دیدکلریدر . بعضیلری دیدیلرکه  
یکرمی درت صاع مقداری نسنه وعلی قول آتی  
ویبه استیباب ایدن اولچک دینور . مؤلفه کوره صاع  
درت مد اوله جقدر . وهرمد بررطل ایله بررطلک  
تلیدر . ورطل اون ایکی اوقیه در . وهر اوقیه قرق  
درهمدر . ( ترجمه قاموس )

( اردن ) ، ۳۵۰,۰۰۰ ی ( فلسطین ) ،  
۴۰۰,۰۰۰ ی شام و ۸۰۰,۰۰۰ ی حمص ،  
قتسیرین وعواصمك خراج وارداتی تشکیل  
ایدیوردی .

( خراجك التزام ایله احاله سی ) : —  
خراج ایکی شکله التزامه ویریلیدی :

اولا ولایتلرده بولئان والیرله خراجی  
التزام صورتیله ویرمک . بواصول شریعت  
اسلامیه نظرندله باطلدر . چونکه والی یه امور  
ولایت امانت صورتیله تودیع ایدیلیر . قانوناً  
آلته جق شیئی آلیر ، ویریر . بوصورتله بر  
والی بروکیل دیمکدر . عهدسنه تودیع اولئان  
وظیفه یی حسن ایفا ایدنجه وارداتده تناقص  
وقوع بولش ایسه بوندن مسئول اولماز ،  
کذلک فضله یی ده کندیسى آلهماز . صدر  
اسلامده صحابه بوکی التزامات وقوعی شدله  
منع ایدرلردی . روایت کوره برآدم ( ابن عباس ) ه  
کیدرك بصرده کائن ( ایله ) باغچه لرینک  
یوز بیک درهم بدل ایله ویرلسنی طلب ایتمش .  
( ابن عباس ) مرقومه جزا ، سائر یه عبرت  
اولق اوزره یوز دکنک اوردقدن صکره  
کندیسنى حیاصلب ایتدیرمش . فقط دهها صکره  
خلافت پادشاهلق شکنجه تحول ایدنجه خلفا  
بوايشده بعضاً مساحه اجراسنه وخراجی  
والیرینه برمبلغه مقابل احاله یه باشلادیلر .  
والیر ( یحیی بن برمک ) وسائر نك یابدقلمری  
کبی خراجی جبایت وتعهد ایتدکلری بدلی  
تأدیه ایتدکدن صکره باقی قالان مبالغی ، هر  
نه مقدارده اولورسه اولسون ، کندى نفسلری

وسائر وارداتی دها وار ایدی که بونلر دخی خراج نوعندن معدود ایدی .

سفائنه عشر ، مملکت اسلامیہ نک بعض لیانلرندن مرور ایدن سفائن اوزرینه طرح اوانلوردی . مذکور لیانلرندن کچن سفائن ، حمله سنک اوندہ برینی نقداً ویا عیناً حکومت محلیہ ویرمکه مجبور طوتولوردی . یمن والیلری بوویرکی عود آغاچنک انوعی ایله کافور ، عنبر ، صندل ، دارچین وسائر محصولاتی حاملاً هندستاندن کلهرک یمن لیانلرینه اوغرایان سفائنندن عیناً تحصیل ایدرلوردی . خلفای عباسیہ دن ( واثق بالله ) زماننده سفائنندن آلان اعشار وارداتی یک یک برون بیکون طومتشدی .

اندلسده کی اسلاملر دخی ( جبل طارق ) بوغازندن مرورایدن سفائنندن عزیمت وعودده بوویرکی تحصیل ایدرلوردی . فرنکلر مذکور بوغازندن کچدکجه اندلسک الک جنوبی نقطه سنده کائن ( طریف ) و بوکونیکی اسمی ( طریفه ) Tarifa شهرنده سفائن ویرکیسنی تأدیہ ایلرلوردی . فرنکلرک ادعاسنه کوره انلرجه ادخال و اخراج اولنان امواله موضوع رسوم ، یاخود بورسومک مقادیری ، یاخود فیات جدولی معالرینی متضمن اولان Tariff کلمه سی ذکر اولنان ( طریف ) لفظندن محرفدر . چونکه وقیلہ مذکور شهرده تأدیہ ایتدکلری سفائن رسومنه ( طریف رسوم ) نامی ویرلوردی . دها صکره رسوم کلمه سی اہمال ایدیلرک طریف قالمش . حال بوک ( تریفه )

ایچون آلیقورلردی . دها صکره آتیده کو . ستریلہ جکی اوزره قضاء ( قاضیک ) ، حسبہ ( محتسبک ) ، شرطہ ( ضابطہ ) منصبلری ده خراج کبی التزام صورتیلہ حالہ ایدلمکہ باشلانندی .

ثانیاً خراجک ملتزملرہ حالہ سی . بوملتزملر ارباب ثروت ویا اصحاب نفوذدن متشکل ایدیلر . خراجی ، متولیسندن مزایده ایله التزام ایدرلوردی . مثلاً بونلردن بری برکوبی ، یاخود بر شهری ، یاخود بر ولایتی التزام ایتدیکنده اورلری زرع ایدر ، حاصلاتی آیلر ، ایچندن بدل التزامی ویردکدن صکره متبایسنی کندی نفسہ آلیردی . اراضینک بوشکلده التزام ایله حالہ سی اسلاملر طرفندن احداث ایدلمش برشی دکلدی . بواصول قدیماً یونانیلرده جاری ایدی . دها صکره رومالیلرہ انتقال ایلدی . رومالیلردن ده عربلرہ کچدی .

مملکت اسلامیہ ده اراضینک التزام صورتیلہ حالہ سی تایقین زمانہ قدر ذکر ایتدیکمز اصولده دوام ایتدی . فقط بواوزون زمان طرفنده برچوق شکلرہ کیرمکدن ده قورتیلہ مدی . ممالک عثمانیہ ده بوکونه قدر جاری اولان اعشار التزام اصولی اوقیل التزامتدندر . ( خراجک تفرعاتی ) :- حکومت اسلامیہ نک

منابع وارداتی جملہ سندن اولہ رق اراضی خراج واعشاری ، صدقات وجزیہ دن ماعدا سفائنه طرح اولنان اعشار ایله معدنلرہ و مرعالرہ وضع ابدیان خمس ، ضربخانلر ، کمرکلر ، چقلکلر وارداتی ، صو آثمائی ، مملحه واورمان



کلمه عربیه سی حد ذاتنده تقریباً فرنکلرک مراد ابتدکاری معنایی افاده ایدر. شوخالده فرنکجه Tariff کله سنک عربی (تعریفه) لفظندن منقول، یاخود (طریف) کله سنندن محرف اولسی جائردر.

معدنلر خمسه کلنجه بو؛ داخل ارضدن استخراج اولندان مادن و سائریه طرح اولنوردی. معادن ایکی نوع ایدی. بری یوزنده بولنان سورمه، طوز، زفت، نفط کی معدنلر ایدی که بولنلر شریعت اسلامیهده پیکارلردن آقان صولر کی هرکس ایچون مباح ایدی. اختکارلری جائز دکل ایدی. خلقک مساراة بوندن استفادیه حقلری واردی. دیکری داخل ارضده اولوب حفر. یات و مزاحم اختیار ایتمکسزین اله کچمین معادنی تشکیل ایدیوردی که آلتون، کموش، طونج، دمیر، قورشون معدنلری بوقیلدندی. ایشته آنجق بوکی معدنلر، ایشلدیلرک حاصلاتنک خمسی بیت الماله ویرملک اوزره، طالبلرینه احاله اولنوردی.

ضرابخانه وارداتی ده اول مسکوکات بحثنده ذکر ایتدیکمز وجه ایله مسکوکات ضربندن آلتان یوزده بردن ترکب ایدردی که بو یوزدن حاصل اولان واردات دخی بیت الماله عائد ایدی. اندلسده (بنی مروان) زماننده ضربخانهک سنوی وارداتی ۲۰۰،۰۰۰ دیناره بالغ اولمش ایدی.

حکومت اسلامیهده استیفا اولنان ویرکیلر جمله سنندن اوله رق مفردی (مکس) و جمعی

(مکوس) - مکرك - ناميله یاد ایدیلن دیکر برویرکی ده اوردی که بوکون مکرك رسمیی فصل ایسه اوزمانلرده بورسم دخی اموال تجاریهک انواعه، یاخود دنکته، یاخود سائر شکل و حاله کوره طرح ایدیلردی. بو (مکس)، یاخود (مقس) - مکرك - رسمی عربلرک زمان جاهلیتلرنده دخی موجود ایدی. مدینهده قبطی و ایرانی تجارندن تجار-تلیزنک اوند بری (مکس) - مکرك - رسمی اوله رق استیفا اولنوردی. ده صکره اسلامیت ظهور ایدنجه حضرت عمر بورسمی ابقا ایلدی. بورسم آنجق برتاجر کنندی مملکتندن دیکر بر مملکته کیتدیکنده آلنوردی. مثلاً برشاملی تاجر بتون شام قطع هسنی کزسه گندیسندن عشر، یاخود (مکس) آلمانزدی. فقط مصره، یاخود عراقه کیدر ایسه بورسم گندیسندن تحصیل ایدیلردی. بو مکرك رسمی حضرت عمر طرفندن آتیده کی اوچ مقدارده تعیین اولمش ایدی: (۱) خرسیتان و موسویلردن عشرک یاریسی، یعنی هر یکر می درهم دن بر درهم، (۲) اسلاماردن عشرک ربعی، یعنی هر قرق درهمدن بر درهم. ایکی یوز درهمدن آز قیمتده بولنان اموال و اشیایه رسم یوق ایدی. (۳) رعایادن اولیان عرباندن تام عشر آلنوردی. مع مافیه بورسم ارباب زهد و ورع نظر نده مکروه کورولدیکنندن دولت اسلامیهده رواج بولمادی. باقی قالان سائر انواع رسومی بوکا کوره قیاس ایدیکز. (مقاطعات): - مقاطعاتدن کلن واردات

مملکت اسلامیة کلنجہ : بورالردہ مقا-  
طعہ لر اصولی مذکور شکلدن بشقہ برشکلده  
بونیورایدی . امام (ابویوسف) ک یازدیغه  
کوره اسلاملرک یدحاکمیتلرینه کیروب اکا  
مالکیت ادعا ایده جک صاحبی بولمیان اراضی  
- که فتحدن اول مملکت حکمدارینک مالی  
اولان ، یاخود حربده ، مقتول اولمش برآدمدن  
قالان ، یاخود بطاقلقدن قورودولان وسائر  
بوقیلدن اراضی کبی - بونوع اراضینک خلفای  
راشدین طرفدن آرزو اولنان ذواته ، بیت  
الماله عشری ویاخود خلیفه نک تنسینه کوره  
عشردن دهها زیاده ویا فضله عائدات ویرلمک  
اوزره ، مقاطعه صورتیله اعطاسی تجویز  
ایدیلیدی . حضرت عمر زماننده سواد اراضی\*  
زارعیه سندن - فرات ایله دجله آره سندن کی  
اراضیدن - بوشرطلر آلتیه کیرن محللرک سنوی  
خراجی ۷,۰۰۰,۰۰۰ درهمه بالغ اولمشدی .  
مشارالیه دن صکره کان خلفا وامرا حضرت  
فاروقک بوبولده کی اثرینیه تبعیت ایتدیلر .  
حضرت عثمان زماننده ذکر اولنان مقاطعه لرک  
وارداتی ۵,۰۰۰,۰۰۰ درهم طوتمشدر .  
بالآخره (جساج) سنه سنده - ۸۲ هـ -  
(عبدالرحمن بن اشعث) فتیه سی صره سنده [\*]

دخی خراجیه تابع تفرعاتنددر . مقاطعه  
اصولی دولترده پک اسکیدر . بونک منشای  
شودر : بر حکمدار بر مملکتی فتح ایدوبده  
اومملکتک بقا واستغلائی آرزو ایدنبجه انی  
معیتنده بولنان قوماندانلره ؛ محاربه وزحمتلرینه  
مقابل صانکه بر اجرت کبی ؛ تقسیم ایدردی .  
فرنکجه ده مقاطعه لفظک اصلاً (اجرت)  
معنانه کلسی ده بونی تأیید ایلر . قوماندانلر  
حکمداردن آلدقلمری اراضی بی معیتلرنده  
بولنان ضابطانه ، ضابطان دخی عسکره ،  
یاخود عسکر مقامنه قائم اولان اشخاصه تقسیم  
ایدرلردی . حکمدار بواراضی بی قوماندانلرینه  
ویردیکنده کرک حربده ، کرک زمان صلحده  
کندیسنه صادق قالمیرنی شرط اتخاذا ایدردی .  
بولنردن بری خیانتده بولنسه النده کی اراضی  
هیه ایدنه ، یعنی حکمداره اعاده اولنوردی .  
صدافتسزلک کوسترن کیمسه کوچک عسکر  
ایسه النده کی اراضی ضابطانه ، ضابط ایسه  
قوماندانک عهده سنه کچردی . قوماندانن  
ایسه حکمداره کیدردی . ایشته بونک نتیجه  
سی اوله رق اراضی ، بوراده تفصیلاتنه لزوم  
اولمیان برطاقم شرطلر وطرزلر ایله ، دائماً  
حکمدارلرک النده بولنوردی . نتیجه سنه  
دخی حکمدار ایله رعایاسی وعسکر مملکتک  
مدافعه سنده یکوجود برشکلده متحد اولورلردی .  
چونکه منفعت کندی آره لرنده مشترک  
بولنوردی . مقاطعه اصولی ناسکیلرده اوروپاده  
انتشار ایدرک اهلینک کندی مملکتلرندن  
رومالیلری طرد ودفع ایللرینه یاردم ایلدی .

[\*] هجرتک ۷۵ نجی سنه سنده جساج عراقده  
والدکی اثناسنده (عبدالرحمن بن الاشعث) اعلان  
عصیان ایدرک طرفدار طویلاذینی خوارج ایله  
خراسانی بنجه استیلا سنه کچیردکدن صکره جساجک  
بولندیقی عراق طرفنه کچمش وکوفه ده دخی غالب  
کلکله قوت وشوکتی مزداد اولمش ایدی . جساج  
خلیفه (عبدالملك بن مروان) طرفدن اعزام

دیوان احراق ایدلیدیکندن هرکس ، النده  
مقاطعه شکنده بولنان اراضی به صاحب کسلی .  
امویلر ایله عباسیلر کندی بعض اقربا  
و خواصلرینه اراضی بی اقطاع ایدرلردی . فقط  
بولردن خراج آلتمازدی . بویکی دولت  
زماننده عسکر معاشاتی و مصارفات سائر  
هربرده خراج وارداتندن تأدیه اولنوردی .  
تأیادتند صکره متباقی قالان مبالغ بیت الماله  
کوندریلوردی . مقاطعات اراضیسی ایسه اصحابی  
النده قالیر ، اندن برشی آلتمازدی .

بالآخره حاکمیت خلفادن ملوک ساچوقیه  
کچنجه مقاطعات اصولی - عسکرک معاشاتی بحثنده  
دها اول یازدیغمز وجه ایله - وزیر نظام الملک  
واسطه سیله عمومیشدیرلدی . بولردن صکره  
کلن سلاطین و ازجمله مصرده کی ایوبیلر مشارالیه  
نظام الملک طرفندن وضع ایدیلن بواصول  
اوزره حرکت ایلدیلر . سلطان (صلاح الدین)  
حاکمیتی آلتنده بولنان ممالکک و ازجمله مصر  
قطعه سنک هرطرفی معیتنده بولنان امرا  
و ضابطان و عسکره مقاطعه صورتیه ویردی .  
دها صکره مقاطعاته بعض تعدیلات وقوع  
بوله رق اراضی قسماً مقاطعات ، قسماً

اولنان قوای امدادیه ایله ( ابن الاشعث ) ه قارش  
کلدی . نتیجه ده ( ابن الاشعث ) ک آدملری طایفه رق  
کندیسی ده فراره مجبور ایلدی . ( ابن الاشعث )  
ترك حکمدارینه التجا ایلش ايسده ترك حکمداری  
خجاک تهدیدنه قارشى طوره مدیفتند کندیسنی  
رفقاسندن قرق کشی ایله برابر طوته رق خجاک  
زدینه اعزام ایلدی . ( ابن الاشعث ) ۸۱ سنه سنده  
خجچه کوتورولورکن یوله کندی دامن آشاغی  
آته رق حیاشنه خانه چکدی . ( ابوالفدا ) مترجم

صاتیلق ، قسماً دخی وقف اولدی .  
( مقریزی ) کندی عصرنده ( طقوزنجی عصر  
هجریده ) مصر اراضیسی حقه ده معلومات  
ویردیکی صره ده دیپورکه : « مصر اراضیسی  
یدی قسم ایدی : برنجیسی حکمدارک املاک  
خاصه سنی تشکیل ایدردی . ایکنجیسی امرا  
و عسکر رؤسانه عائد مقاطعات ایدی .  
اوچنجیسی جامعار ، مدرسه لر و خانکاهلره  
و واقفارک ذربتلرینه وقف ایلش اراضی .  
درینجیسی ( احباس ) نامیه معروف اولان  
ارضی . بواراضی بعض آدملره برمسجده ،  
یاخود اکا مشابه یرلره خدمتده بولندقلری  
ایچون مأکل تشکیل ایدردی . بشننجیسی  
بیت المالدن صاتون آلتش اولدیغی ایچون  
ملکیت کسب ایتش اراضی . بونوع اراضی  
صاتیلوب اشترا اولنه بیلدیکی کبی هبه و میراث  
صورتیه ده انتقال ایدردی . آلتنجیسی عدم  
قدرتدن طولای زرع ایدیله مین اراضی .  
یدنجیسی نیل صوینک یتیشه مدبکی یرلردن  
مرکب اراضی خالیه ایدی . »

مقاطعات ایکی نوعدر : بری استغلال ،  
دیگری ملکیت مقاطعه لری . بولنرک ایکیسی ده  
معموریت ، محصولدارلق ، صلحاً و یا حرباً  
آلتمی نقطه لرندن ارضک نوعنه و بتون  
بوشیلرده خلیفه نک رأی و اراده سنه کوره  
مختلف احکامه تابع ایدی .

عباسیلر زماننده دوتک مقدار وارداتی  
و بوارداتک ثروت ملکته اولان علاقه سنی  
کتابمیزک ایکنجی جلدنده ملکیت اسلامیه



حاکمیه تقلیداً ، یاخود عراقده کی والیرینک  
 رای ومطالعہ لرینہ تبعاً تأسیس ایتشدی .  
 ( برید ) ایلک تأسس ایتدیکی زمان اندن  
 مقصد شامده بولنان خلیفه ایله مصر ، عراق  
 وایرانده بولنان والیرلی آردسندہ جریان ایدن  
 مخبراتک تسریع ایصالندن عبارت ایدی . دها  
 صکره بو مأموریت توسیع ایدیلرک والیر  
 وسرای رجالی وسائر مأمورین حکومت  
 حقندہ تحقیقات و اخباراتده بولنق وظیفه سی  
 علاوه ایدلدی . ( خراسان ) ده بنی طاهر  
 حکومتی تأسیس ایدن ( طاهر بن حسین )  
 خراسان ولایتده والی ایکن استقلال سوداسنه  
 دوشهرک مذکور شهرده یدنجی خلیفه عباسی  
 ( مأمون ) ک نامنه خطبه یی کسنجه برید مأموری  
 کندیسنی مواخذہ ایتدی . ( طاهر ) خطبه نک  
 کسلمسی بر اثر سهو اولدیغندن بحث ایله  
 بونک خلیفه یه اخبار ایدلماسنی رجا ایدلدی .  
 فقط طاهر دن بوحال اوچ دفعه تکرار ایدنجه  
 برید مأموری موقعندن قوقهرق موما ایله  
 طاهره : « بوراسی ایله بغداد آره سندہ تجار  
 طرفندن دائماً مکتوبلر تعاطی اولنیور . بندن  
 بشقه واسطه ایله خلیفه ایشدن خبردار اولور  
 ایسه بنم موقع تهلکیه دوشر » اخطار ایله  
 وقوعاتی یازہ جغنی آکلاتدیغندن طاهر « بکی ،  
 یاز » دیمش ، مأمورده کیفیتی ( مأمون ) ه  
 یازمشدر .

برید اداره سی والیر ایله خلیفه آره سندہ  
 رابطہ یی تشکیل ایدیور ایدی . خلیفه طرفندن  
 صادر اولان اوامر والیرله ووالیرلک احوالی ده

ثروقی حقندہ یازہ جغمز معلومات مفصله  
 صره سندہ بیان ایدہ جکمز .

## برید (پوسته واستخبارات)

دول اسلامیه ده تشکیل اولنان برید -  
 پوسته - دائره سی عصر حاضرده موجود اولان  
 پوسته اداره سی کبی دکلدی . دول مذکورہ  
 زمانندہ ( برید ) اداره سنک مدیر ویا رئیس  
 خفیہ رئیسنه ، یاخود مأمورین حکومت  
 مفتشنہ بکزریدی . ( برید ) رئیس خلیفه نک ،  
 یاخود امیرک خصوصی جاسوسی ، یاخود  
 کورن کوزی ، ایشیدن قولاغی ایدی . والیرلک  
 احوال وحرکاتی ایله خلیفه یه ویا امیرہ دشمن  
 اولانلرک اعمال وتشبثاتی تحقیق ایله اخبار  
 ایدردی . شہو حاله کورہ برید دائره سی بر  
 استخبارات اداره سی دیمک ایدی .

خلفا برید اداره سی ریاستنه آنجق ارباب  
 عقل ودرایتدن کندیلرینہ اعتماد ایتدکاری  
 ذواتی تعیین ایدرلردی . چونکہ خلفانک  
 والیر ایله وسائر معاصرین ایله معاملات ی برید  
 رئیس سنک ویردیکی معلوماته کورہ اولوردی .  
 ( کسری ) برید اداره سی ریاستنه کندی  
 چوجقلرندن بشقه کیسه تعیین ایتزدی .

( برید اداره سی ) : - اسکیدرہ ایرانیلردہ  
 وروملردہ موجود ایدی . اسلاملردن برید  
 اداره سنی ایلک تشکیل ایدن ذات ( معاویہ بن  
 ابی سفیان ) ایدی . مشارالیه بودائره یی  
 شامده کندیلندن اول بولنمش اولان ہیئت

خليفه به بوا اداره واسطه سيله ايصال ايديليردى .  
 بریدرؤساسى عسکر ، اموال دولت ، حکومت  
 متعلق ساثر خصوصات حقنده تقرير تنظيم  
 وتقديمی مأموریتله طرف دولندن منصوب  
 مفتشله قیلندن ایدیلر . بر والی ایله خلیفه  
 آرهسنده کی مناسبات بوزولوبده والی اعلان  
 استقلال ایتک ، یاخود تمرده بولمق ایستینجه  
 خلیفه بریدی - پوستینی - کسردی .  
 نه کیم (مأمون) بدری (رشید) ک حال حیاتنده  
 خراسانده والی ایکن بدزینک وفاتندن صکره  
 مقام خلافت کچن برادری (امین) ک کندی  
 بیعتی نقض ایله اوغلی موسایی ولی عهد تعیین  
 ایتدیکنی ایشتیکی زمان امینک نامنی  
 ( طراز ) دن چیقارمش وکنديسنه پوستینی ده  
 کسمشدر .

عباسیلر ساثر خلفادن زیاده برید اداره سنه  
 اهمیت ویرمشلردی . حتی بونلردن برینک  
 والیر ایله ساثر مأمورینک ورعایانک احوالنه  
 مطلع اولمق ایچون بالذات بو اداره نک ریاستی  
 درعده ایتدیکی روایت اولور . احتمال که  
 بو برید اداره سی واسطه سيله عوام ناسک احوالی  
 تجسس ایتک درجه لینه قدرده ایلری  
 کیدرلردی . خلفادن بعضی تجسس اته عانی  
 مأمورلر بيله تعیین ایدرلردی . وزیرک رفاقتنه  
 اويله برجاسوس مأمور ایدیلیردی . وزیر  
 بوجاسوس حاضر اولمق سزین هیچ بر کیمسه  
 ایلیکده بولنه ماز ، هیچ بر کیمسه ایله  
 کوزیشه مزیدی . وزیرک هر حرکتی جاسوس  
 طرفدن خلیفه به اخبار اولنوردی . قاضی ،

نائب ( وکیل ) ، والی کی مأمورینک نزدلرنده دخی  
 اوکی خفیه لر بولندیریلیردی . خلفای عباسیه نک  
 ایکنجیسی اولان ( منصور ) شویله دیمش ایدی :  
 « دولتک ارکانی اولمق اوزره درت عقیف  
 آدمه احتیاج وار . امور دولت آتجق بونلر  
 ایله حسن اداره اولنور . بری طوغری بلقدن  
 آریمان قاضی ، دیکری ضعیفک حقنی قویدن  
 آلمغه مقتدر ضابطه مأموری ، اوچنجیسی  
 رعایایه ظلم ایقاع ایتک سزین اموال دولتی حسن  
 جمیات ایدن خراج رئیس . . . » ( منصور )  
 بو صوک سوزه کلنج شهادت پارمغنی اوچ دفعه  
 دیشلری آرهسنه آلهرق هر دفعه سنده  
 « آه . . . آه » دینه سویلنمش . « ای المؤمنین !  
 دردنجیسی . . . ؟ » دینه صوریلنج ( منصور ) :  
 بو اوچ مأمورک احوالی طوغری اخبار ایدن  
 برید ناظری « دیمش .

بوندن آکلاشیلیرکه اوزمانکی برید  
 ناظرلری بو کونکی خفیه مأمورلری کی ایدیلر .  
 برید رؤساسی ایله خلفا ، یاخود امرا آرهسنده  
 واسطه یوق ایدی . بریدرئسی برخصوصی عرض  
 ایتک ایچون خلیفه نک سراینه کلنج طوغریدن  
 طوغری به حضوره چیقار و عرض ایتک  
 ایتدیکی مسألینی بالذات عرض ایدردی .  
 بو معروضات خلیفه ایله برید رئیس آرهسنده  
 سر قالدق رق افشایی لازم کلنج برید رئیس  
 طرفندن کندی تقدیر و اجتهادی ایله افشا  
 اولنوردی .

علی الاکثر سلاطین ، یاخود امرا برید  
 رئیسلری ایله کندیلری بینده کیزلیچه بر

بونلرك تأمین صدیقی ایچون کندیلرینه بول  
بول معاشلر اعطاسی لازم اولدیغنه کوره  
کایتلی مصرف محتاج ایدی . یوللارک قطاع  
طریقدن ، خرسزلردن و دشمنک تجاوزاتندن  
محافظه سی و لزومنده قردن و دکزدن خفیه لر  
اعزامی برید ناظرینک جمله وظائفدن ایدی .  
حدود قوماندانلرینک و اطراف والیلرینک  
مکتوبلری بو دائره یه تودیع اولنوردی . برید  
دائره سی بو مکتوبلری الک قیصه یول واک سریع  
واسطه ایله یرلی یرینه ایصاله مجبور ایدی .  
( برید یوللری ) : — بریدک مرکز  
خلافتدن ممالکک سائر طرفلرینه و بورلردن  
دخی جوار ممالک اجنبیه یه متصل برچوق یوللری  
وار ایدی . هر یول موقفله تقسیم ایدلمش  
ایدی . هر موقفده آتلی و هجین دودلری  
بولندیریلردی . پوسته سوریلجیلری سرعته  
یول قطع ایتک اوزره هر موقفدن کچدکجه  
راکب اولدقلری آتلی او موقفده راحت  
ایتمش دیگر آتلی ایله تبدیل ایدرلردی .  
عربلر علی الاکثر پوسته نقلیاتنده هجین دودلرینی  
استخدام ایلرلردی . ایرانلیلر ایسه یالکنز  
آت قوللانیرلردی . دولت عباسیه زمانده  
پوسته یولازی ( ۹۳۰ ) ه و پوسته نقلیاتی  
ایچون قوللانیلان حیوانلرک اثنای ایله یم  
مصرفلری و سوریلجی وسائر اوله رق استخدام  
اولنان مأمورینک معاشات و سائره سی سنوی  
۱۵۹،۱۰۰ دیناره بالغ اولمشدن امویلر زمانده  
سواد قطعه سندن جایت اولنان خراج بخشده  
دها اول یازدیغمز اوزره دولت مشیارالها

علامت مخصوصه اتخاذ ایدرلردی . ذکر  
اولنان سلاطین و امرا برید رئیس لرندن  
آلدقلری مکتوبلرده او اشارت بولما ازیسه  
— برید رئیسک خط دستی ایله یازلمش و مهری  
ایله مهرلنش اولسه بیله — او مکتوبلره  
اعتماد ایتمزلردی . زیرا مکتوبلرک صورت  
جبریده یازدیرلمش اولسی احتمالی واردی .  
نته کیم دولت عباسیه یی عباسیلر نامه استحصال  
ایدن ( ابو مسلم خراسانی ) ایکنجی خلیفه عباسی  
( منصور ) طرفندن خراساندن بغداده  
چاغیریلوب عاقبتدن قورقدیغی زمان اولیه یامش  
ایدی . ( ابو مسلم ) منصورک دعوتی اوزرینه  
شهر مذکوردن مفارقت ایدنجه معینی عسکرک  
قوماندانلغی بالوکاله ( ابو نصر مالک بن هبیم ) ه  
تودیع ایدرک : « سکا مکتوبم کانجه یه قدر  
بوراده بکله . اگر مکتوبم سکا یاریم مهر  
ایله کلیر ایسه او مکتوبی کندم مهرلرکیمی  
آکلارسک . بتون مهر ایله واصل اولور ایسه  
او حالده بن مهرلش اولمام » توصیه سنده  
بولدی . ( ابو مسلم ) ( مدائن ) ه واروب ه  
قتل ایدیلنجه منصور ( ابو مسلم ) لسانندن  
( ابونصر ) ه نزدنده براقدیغی ثروتی آلوب  
برابر کلسی امرینی حاوی بر مکتوب یازهرق  
ابو مسلمک مهری ایله مهرلدی . ( ابونصر )  
مهری تمام کورنجه ابو مسلمک او مکتوبی  
یازمامش اولدیغی آکلادی .

برید اداره سی بیوک و مهم بر اداره ایدی .  
بونک رئیسکنده و یا ناظرلغنده بونان ذات  
برچوق معیت مأمورلرینه محتاج اولدیغی کی



دورنده برید اداره سینه درت میلیون درهم صرف اولتیوردی . مبلغ مذکور عباسیلر زماننده اختیار اولنان سالف الذکر مبلغک ایکی مثایدر . بوايسه امویلرک کندی سلطنتلری تقویه وتحکیم ایچون پک چوق باره لر صرف ایتدکلرینه دائر ده اول مکرراً ویردیکمز معلوماتی تأیید ایدر .

پوسته قطاری - قافله سی - بردن تاقرق ، یاخود الی حیواندن تشکل ایدردی . چوق دقعلر پوسته آتلی خلفا ، یاخود امرا طرفندن جلبی طلب اولنان کیمسه لک - سرعت ایصاللری مقصدیلر - نقلی ایچون استخدام اولنوردی . پوسته نك سرعتی یولک واستخدام اولنان حیواناتک نوعه - دوه ویآت اولسنه - کوره مختلف ایدی . حیوانلرک بیونلرینه چاکلر و کوچک چاکلی کردانقلر وضع ایدرلردی که بونلر صالاندقجه ارزاقه قدر سسی کیدردی . بوکا قععه البید - پوسته پانیردیی - دیرلردی . بعضاً پوسته لر کملرایله دکز طریقندن دخی ارسال اولنوردی .

پوسته ایله مخابره وسائطندن اوله رق حیوانلر ازورنده قره دن وکیلمده دکزدن مکتوبلر نقانن ماعدا ساعیلر استخدامی دخی جاری ایدی . بونلر سرعتله یورومکه ویورلما مغه آلیشمش آدملردن متشکل ایدیلر . اوچ کونلک مسافه یی برکونده قطع ایدرلردی . قیر اهالیسی بووظیفه یی ایقایه شهر اهالیسندن زیاده استعداد مالکدرلر . دولت عباسیه دورنده ساعیلری ایلك استخدام ایدن ذات آل بوپیدن

عراق امیری ( معزالدوله ) ایدی . مشارایله برادری اصطفهان امیری ( رکن الدوله ) یه احوال جاریه دن سرعتله معلومات ویرمک ایچون بغدادده ساعیلره مخصوص براداره تشکیل ایلدی . اوزمانلرده بری ( فضل ) ، دیکری ( مرعوش ) اسمنده ایکی ساعی شهرت آلمشدرکه بونلر عموم ساعیلرک قوقنده سرعتله پوسته ایصانه مقتدر ایدیلر . ذکر اولنان ساعیلردن هربری کونده قرق فرسخ ، یعنی ۲۴۰ میل مسافه قطع ایدردی .

آلف البیان وسائطندن ماعدا مخابراتی ایصالده حمام زاجل - پوسته کوکرچینلری - دخی استخدام اولنوردی . نونوع کوکرچینلرک پک بیوک اهمیت واردی . واقعا کوکرچین ایله مخابرات نقلی اسکیده اتم قدیمه نزدنده معروف ایدی ، شوقدرکه اسلاملر پوسته کوکرچینلری یتشدریمکه ومخابراتده استعمال اتمکه اقوام سائرده دن زیاده اهمیت ویرمشلردی . بوخصوصی ( الهلال ) ک اونجی سنه نك یدنجی جزئنده مفصلاً یازمش ایدک .

مذکور دورلرده خبر ایصالی ایچون استعمال اولنان وسائط جمله سندن اوله رق بیلدیرلمسی آرزو اولنان شی برکاغده یازیلیر ، کاغد برقامشک اوچنه اصلیر ، قامشده بر طوتام اوته رکز ایدیلرک نهره صالیوریلیردی . اوت صویک جریاننه قابیلوب یوزه یوزه نهایت مرسل الیه طرفندن کوریلرک آلیردی . ینه اوچله دن ، اخباری آرزو اولنان معلومات براوق اوزرینه یازیلر ق آتیلیردی . بوشکلده

قبائلك قاضيلرى او قبيله لك عقلا واكابرى ايدىلر . بونلر عين زمانده او قبائلك حكدارلرى واميرلرى ايدىلر . بر انسان عقل وقوتجه ممتاز اولنجه قبيله سنك حاكمى وقاضيسى كسيه لك قبيله آره سنده تحدث ايدن دعوالرى حل وفصل ايدردى . بداوت دورنده بولنان بتون انسان لك حالى بويله ايدى . عربلر دخى جاهليت زمانده او حالده ايدىلر . عقل ونفوذ ايله تفرد ايدن اكابر وعقلايه دعوالرى عرض ايدرلردى . قبل الاسلام بو قبيل قضاتدن بر چوق ذوات اشتهار ايلدى . بونلر ك هر برى كنىدى قبيله سنده قاضيلق ايدردى . ( تميم ) قبيله سندن ( حاجب بن ذراره ) ، ( اقرع بن حابس ) ، ( ربيعة بن مخاشن ) ، ( ثقيف ) قبيله سندن ( غيلان بن مسلمه ) ، ( قريش ) قبيله سندن ( هاشم بن عبد مناف ) ، ( عبد المطلب بن هاشم ) ، حضرت نينك عمجه سى ( ابوطالب بن عبد المطلب ) ، ( عاص بن وائل ) ، ( بنى اسد ) قبيله سندن ( ربيعة بن جذار ) ، ( كنانه ) قبيله سندن ( سلمى بن نوفل ) او يولده اشتهار ايدنلر جمله سندن ايدىلر . بونلردن ماعدا ( اكثم بن صيفى ) ، ( عامر بن الظرب ) وسائره بتون قبائل يئنده كسب شهرت ايتشلردى . عربلر كاهنلره ومنجم وفالجيره دخى دعوالرى رؤيت ايتديرلردى .

( اسلاميتمده قضاء ) : — اسلاميتمده امور قضايي ايلك درعهده ايدن ذات بالنفس حضرت نبى ايدى . دهاصكره خلفاى پيغمبر بووظيفه درعهده ايتديلر . چونكه قضاء

مخابره اكثريتمده محاصره زمانلرنده ديكر وسايطك انقطاعى صره لرنده وقوع بولوردى . بريد خدمتمنده مستخدم ساعيلردن ماعدا ( شعوى ) ناميله برامور قوللانيلردى كه بومامور امرا طرفندن بريد ايله كوندريلان مامور مخصوص صفتنى حائز بولنوردى . استطلاعات اجراسنه مخصوص اوله رق استخدام اولنان اشخاصه ( كوهبانيه ) — كوهبانلر — نامى ويريرلردى كه بونلرده بريد مامورلى جمله سندن ايدىلر . پوسته ايله كلن طوربه لرى خلفانك حضورنده آچق خدمتى ايفايه مامور آدملر دخى استخدام اولنوردى . پوسته طوربه لرى دريدن اعمال ايديلردى . بو طوربه لره مکتوبلر قونلقدن صكره آغزلرى مرسلك مهرى ايله مهرلير ، مرسل اليه كوندريلردى . مرسل اليه ياكندى ايله ، ياخود استخدام ايتديكى مامور مخصوص واسطه سيله مهرى فك ايدردى .

## قضاء

### قضانك تاريخى

( اسلاميتمدن اول قضاء ) : — خاق آره سنده تحدث ايدن اختلافانك فصلنه مخصوص ماموريت ديمك اولان قضاء بك قديمدر . چونكه انسان تا ايلك وارلغندن اعتباراً كنديسى ايله ديكرلرى يئنده وقوع بولان اختلافانى فصل ايده جك ديكر برذاته احتياج دن مستغنى اولماشدر .

خلافتہ داخل وظائف جہہ سندنذر . بوسیدن  
صدر اسلامده مقام خلافتہ کچن ذوات بالذات  
بو وظیفہ یی در عہدہ ایدر لر ، دیکر لرینہ حوالہ  
ایتمز لردی . دہا صکرہ دولت اسلامیہ توسع  
ومہام امور تراید ایدنجہ خلفا کرک مرکز  
خلافتدہ ، کرک ولایتدہ کندی طرفلرندن  
بالتیابہ دعاوی ناسی رؤیت ایتک ایچون مأمور  
مخصوص صلاستخدامنہ مجبور اولدیلر . اسلامیتدہ  
بو یولده مأمور لر تعین ایدن ایلاک ذات حضرت  
عمر ایدی . مشارالیه ( ابوالدردا ) یی کندیسسی  
ایلہ برابر ( مدینہ ) یہ ، صحابہ دن شریحی ( بصرہ ) یہ ،  
( ابو موسی الاشعری ) یی کوفہ یہ قاضی تعین  
ایلدی . حضرت عمر اوصردہ ابو موسایہ  
بر مکتوب یازدی . بو مکتوب فقہ اسلامینک  
تمانی تشکیل ایدر . بو کونہ قدر قاضیلرک  
احکامی بو مکتوبک محوری اطرافندہ دوزر .  
مشهوردر .

مصرہ کلنجہ بورادہ قاضی تعینی والیلرہ  
مودوع صلاحیتلردن ایدی . قاضیلری والیلر  
تعین ایدر لردی . بو صلاحیتک والیلرہ  
یکمسی شو سبیدن نشأت ایلش ایدی :  
حضرت عمر ( مدینہ ) ، ( بصرہ ) و ( کوفہ ) یہ  
قاضیلر تعین ایتدیکی کبی مصرہ دخی قاضی  
تعیننی آرزو ایدرک ( عمرو بن العاص ) ہ  
( کعب بن یسار بن ضہ ) یی قاضی نصب ایلسنی  
یازدی . ( کعب ) زمان جاهلیتدہ قاضیایق  
ایتمش بر ذات ایدی . بر قاضینک اصدار  
ایده چکی حکملرک ہر نقطہ دن عدالت وحقانیت  
تامہ یہ مقارنتی کوچ اولدیغندن قاضی اولمی

قبول ایتدی : « جاهلیتدہ قاضیایق ایتدم .  
اسلامیتدہ بر دہا قاضیایق ایتسم » دیدی .  
بونک اوزرینہ ( عمرو بن العاص ) ( عثمان بن  
قیس بن ابی العاصی ) یی مصرہ قاضی نصب  
ایلدی . دولت اسلامیہ عباسیلرہ انتقال  
ایدنجہ یہ قدر مصر قاضیلری مصر والیلری  
طرفندن تعین اولنوردی . عباسیلر مقام  
خلافتہ کچنجہ مصردہ کی نفوذلرینی تقویہ ایتک  
ایستہرک قاضینک نصبی کندی صلاحیتلری  
داخلنہ آلدیلر . خلفا طرفندن مصرہ طوغریدن  
طوغری یہ ایلاک تعین اولتان قاضی ( عبداللہ  
بن لہیعہ الحضرمی ) ایدی . ۱۵۵ سنہ ہجریہ  
سندہ ( منصور ) طرفندن تعین ایدلدی .  
مذکور تاریخدن بو کونہ قدر مصرہ قاضی  
تعین ایتک حتی خلفایہ انحصار ایلدی .

ابتدای امردہ اقلیملرہ ( ولایتلرہ )  
ہر اقلیمہ بر قاضی تعین اولنوردی . دہا  
صکرہ مملکت کسب معموریت و وسعت ایدنجہ  
ہریرہ بر قاضی تعین ایدلمکہ وحتی بیوک  
شہرلردہ متعدد قاضیلر بولندیرلمغہ باشلانلشدر .  
بو کبی بیوک شہرلرک ہر طرفندہ بر قاضی  
بولندیریلردی . بونلر ہپ خلیفہ طرفندن  
نصب ایدیلردی . خلفای عباسیہ دن ( ہرون  
الرشید ) زماندہ بغداد شہری بیوک بروست  
کسب ایتش ایدی . او صردہ مشہور قاضی  
( ابویوسف ) فضل و عرفان ایلہ کسب تمیز ایلکک  
( رشید ) کندیسنہ صوک درجہ دہ حرمت  
ورعایتدہ بولنہرق اکا ( قاضی القضاۃ )  
- شیخ الاسلام - نامی ویردی . ( ابویوسف )



بو نام ايله ايلك تليقب اولنان ذات ايدى. مشار-  
ايله علوهت و اقتدار ايله متصف بر ذات  
اولديغندن كنديسنه توجيه اولنان مقامه بيوك  
خدمتلرده بولندي. علمايه كسوه مخصوصه تعيين  
ايله سائر خلقدن ممتاز بر قيافته قیلان ايلك ذات  
كنديسى ايدى. دها اول علمايه مخصوص  
كسوه موجود اولميه رق سلك علمى به منسوب  
اولان ذوات سائر خلق كې كيرلردى. (ابو  
يوسف) دن صكره كلن قاضى القضايلر بغداد  
قاضيلرينى، دها صكره بتون مملكت قاضيلرينى  
تعيين ايتمكه باشلاديلر. اندلسده و مصرده  
عباسيلره معاصر اولان، يا خود دها صكره  
كلن خلفا بوباده عباسيلرك ائرينه اقتفا ايدرك  
كنديلرى قاضى القضايلرى، قاضى القضايلرده  
سائر قاضيلرى تعيين ايدرلردى.

صدر اسلامينده قاضينك وظيفه سى خصملىر  
بيننده تحدث ايدن دعاوى بى فصل ورؤيتدن  
عبارت ايدى. دها صكره خلفانك امور  
سائره ايله اشتغالاننه تبعاً حال و موقع مقتضياتنه  
كورره قاضيلر سائر برطاقم امور و خصوصات  
ايله اوغراشمغه باشلاديلر. قاضيلرك وظائفنه  
مجنونلر، يتيملر، مفلسلردن وسفاهت اربابندن  
محجور اولانلره عائد امواله، اسلاملرك  
وصيتنامه لرى، وقفلىرى، و ليلىرك عدم وجودى  
حالتده طول قادينلرك تزويجى خصوصاتنه  
نظارت ايتمك كې مسلمينك حقوق عموميه سنك  
حسن جريائى تأمين ايتمك وظيفه لرى علاوه  
ايدلدى. دها صكره يوللر و ابنه خصوصاتى،  
شاهدلرك تزكيه سى، ارباب و قوفك و نوابك

تحقيق احوالى ده قاضيلره عائد وظائف جملة سنه  
داخل اولدى. بعض خلفا قاضيلره توديع  
اولنان وظائفى توسيعده پك ايلرى كيدرك يازين  
غزايه ارسال اولنان قوه عسكرىه قوماندانلغى ده  
قاضيه توجيه ايديلر. (يحيى بن اكرم)  
اوقيلدن اولان قضاتدن ايدى. مشار ايله  
(مأمون) زماننده يازين ممالك رومه اعزام  
اولنان قوه مجاهده قوماندانلغنده بولنوردى.  
اندلسده كى خلفاى امويه دن (عبدالرحمن ثالث) كى  
قاضيسى (منذر بن سعيد) دخى عيى وظيفه بى  
ايضا ايدردى. خلفاى فاطميه دن (عزيز بالله)  
قاضى (على بن نعمان) مصر قاضيلغى توجيه  
ايتديكى زمان شام، حرمين، مغرب و مملكتك  
سائر جهاتى قاضيلقلىرى، خطابتلىرى،  
امانتلىرى علاوه مأموريت اوله رق كنديسنه  
توديع ايتديكى كې آلتون و كموشك عيارينه  
وا كيال و موازينك طوغريلغنه باقى وظيفه سنى  
دخى كنديسنه تفويض ايلشدى.

فاطميلردن (مستصر) زماننده قاضيلق  
منصبى ۴۶۱ سنه هجرىه سنده (ابو محمد البازورى) نك  
عهده سنه تفويض ايدلش و وزارت منصبى دخى  
علاوه مأموريت اوله رق كنديسنه توديع  
اولنلشدر. مشار ايله مذكور ايكي مأمورى  
بردن جمع ايدن ايلك ذات ايدى. دها صكره  
كلن قاضيلرك بمصرلىر بوايكي منصبى بردن  
جمع ايتشاردر.

بالاده كى مطالعاتدن آكلاشيلوركه قضاء  
منصبى صوك درجده واسع وظائفى حائز بر  
منصب ايدى. ينه آكلاشيلوركه بومنصب

هر عصرده عین وسعتده اولموب دولتلرک  
اختلافی ایله مختلف حالرده بولوردی . صدر  
اسلامده یتیشن خلفا اهل عصیتلرندن اولان  
عربلردن، یاخود حلف و یارق و یا اصطناع[\*] ایله  
کندیلرینه موالی اولان سائر اسلاملردن  
اوله رق اقتدار و کفایتنه و آلدینی معاش ایله  
قناعت ایده جکنسه اعتماد ایتدکلری ذواتدن  
ماعدایکیمسه بی منصب قضایه تعیین ایتزلردی .  
دها صکره خلافت دیانت دورندن سلطنت  
دورینه انتقال ایدنجه شرط مذکوره دقتله  
باقلامغه باشلانیدی . متعاقباً حکومت عرب  
اولیانلره انتقال ایلینجه قاضینک وظیفه سی تدریجاً  
متخاصمین آره سنده تحدیث ایدن دعوائینک فصلنه  
و خصوصات شخصیه حقنه حکم اعطاسنه  
انحصار ایتدی . نهایت بوکونکی محاکم شرعیده  
اولدینی کی خصوصات شخصیه منحصر  
اولدی .

ابتداده قاضیلر خلق آره سنده فصل دعاوی  
ایتمک ایچون جامعلرده او طور و لرلردی .  
دعوا جیلر قاضیلرک یانه کله رک دعوالرینی  
اسماع و فصل ایتدیرلردی . قضاء وظیفه سی  
دیانت نظرندن غایت مشقتلی و مخاطره لی صا .  
یلیردی . چونکه قاضی بریا کلسلق اثری اوله رق  
حق و عدالته غیر موافق ویره جکی بر حکم ایله  
بلا قصد برحق صاحبنک حقی ابطال و او  
آدمه حقی ایکن ظلم ایده بیلیر . بوا یسه دین

[۵] اسیرلکدن آزاد ایدنک، یاخود حمایه آلتنه  
آلتیق صورتله عربلردن آزاد ایدنلره یاخود حاملرینه  
انتساب ایدن عربلرک غیری دیمکدر . بونک ایضا خاق  
دردنجی جلده کوریلر جکدر . مترجم

نظرندن بر مخاطره در . وجدان عذابنی ومسئو-  
لیتی ده داعیدر . ایشته بوسبدن برچوق علما  
و ارباب تقوی قضایی درعهده ایتمکدن چکینیر-  
لردی . یوقاریده کورلدیکی اوزره حضرت عمر  
مصر قاضیلغنی ( کعب بن یسار ) ه توجیه  
ایتدیکی زمان بوذات ایشته اوله بر عذاب  
و مسئولیت وجدانیه دن و حضور آلمیده  
حساب و یرمکدن احتراز ایدرک بومأموریتی  
قبول ایتماش ایدی . امام ( ابوحنیفه ) دخی  
ایکینجی خلیفه عباسی ( منصور ) طرفندن  
قضایه تعیین ایدنک ایستلدیکی زمان عین احتراز  
ایله بومنصبی رد ایلش وشو سوزلری سوبلش  
ایدی : « اللهدن قورق . اللهدن قورقانلردن  
بشقه کیمسه یهده تودیع امور ایله . بنندن  
دائماً غمون قاله جگکزه امین دکل . زده قالدی که  
بنندن انتقام آلمغه قانقیشمه جگکزه امین  
اولیم . بر دعواده علیکزه حکم و یرمکدکم  
لازم کلسه علیکزه حکم اعطا ایده جکم .  
اما سز بنی فرائه آتوب بوغشق ایله تهدید  
ایدرسکیز ، بوبکا قطعاً تأثیر ایتیز . فرائده  
بوغولمغنی کمال حقانیتله و یردیکم بر حکمی استر-  
داده ترجیح ایدرم . حال بوکه معیتکزه  
قایرلمغه محتاج بر طاقم ذوات وار . بومنصب  
دها زیاده انلرک ایشته کلیر . بن اکا لائق  
دکل » . قاضیلق منصبی برذاته توجیه اولندینی  
زمان اوذات بر آلالی ایله جامعه کورتورولور  
واوراده تعیننه دأر صادر اولان ( سبجل )  
برات-ک قرائتی مراسمی اجرا اولنوردی .  
مصر قاضیلری شافعی مذهبنک ظهوی

تاریخ‌نشدن اعتباراً بو مذهب قاضی‌ارندن  
ایدیلر . مع مافیه بومذهبیدن اولان قاضی  
مذاهب سائردهن بولنان قاضیلردن ایستدیکی  
ذاتی وکیل اتخاذا ایدردی . ۵۲۵ سنه هجریه  
سده خلفای فاطمیه دن ( الحافظ بن محمد )  
زماننده منصب وزارتده بولنان ( ابواحمد بن  
الافضل ) طرفندن هر بری مذاهب اربعه دن  
برینه کوره حکم ایتک اوزره درت قاضی  
تعیین ایدلدی . دها صکره کوله منلر زماننده  
حال بومنوال اوزره دوام ایتدی .

قاضیه ویریان معاشه کلنجه دولت‌لرک  
وزمانک اختلافنه کوره مختلف مقدارلرده  
ایدی . دها اول یازدیغمز وجه ایله حضرت  
عمر ( شریح ) ی بصره قاضیغنه تعیین ایتدیکی  
زمان کندیسنه هر آی یوز درهم نقد ایله  
اداره سنه کافی بر مقدار بغدادی تخصیص ایلش  
ایدی . خلفای راشدین زماننده قاضیلرک  
آیقلری بومقدارده دوام ایتدی . امویلر  
زمانه کلنجه بودورده عسکر وسائر مأمورین  
دولتک معاشاتی نصل تزید اولندی ایسه  
قاضیلرک معاشلری ده اوילה جه تزید ایدلدی .

عباسیلر دورنده ایسه مصر قاضیسنک معاشی  
شهری اوتوز دیناره ابلاغ اولندی . بومعاشی  
ایلك قبض ایدن ذات بالاده بیان ایدلدیکی  
اوزره ( منصور ) طرفندن تعیین اولنان ( ابن  
لهیعه ) ایدی . دها صکره ( مأمون ) زماننده  
قاضیلرک معاشاتی بک چوق آرتدیرلدی .  
اوصرده مصرده قاضی بولنان ( عیسی بن  
المنکدر ) . شهری ۴,۰۰۰ درهم ، یعنی

۲۸۰ دینار معاش ویرلدی . احتمال که معاشک  
بودرجهیه ابلاغی بر مقصد مخصوصه مبتنی ایدی .  
چونکه اومبلغک فوقنده بیک دینار دها  
مکافات اعطاسی ده جائز کورلمش ایدی .  
مذکور تاریخندن یکریمی سنه صکره مصر  
قاضیسنک معاشی سنه ده بیک دیناره ارجاع  
ایدلدی . بومقدارده معاش آلان ایلك ذات  
۲۴۵ سنه هجریه سننده ( احمد بن طولون )  
زماننده مصر قاضیغنه تعیین اولنان ( بکار بن  
قتیه ) ایدی . فاطمیلر دورنده ایسه قاضیسنک  
معاشی سنه ده ۱,۲۰۰ دیناره ابلاغ ایدلدی .  
اوصرده قاضی ( قاضی القضاة ) لقبی حائر  
اولمده ایدی . قاضیه ویریان ارزاق وهدایا  
بشقه در . احتمال که قاضیسنک معاشی دها صکره  
ایوبیلر زماننده وانلرین صکره کان سائر  
سلاطین زمانلرنده دخی بومقدارده دوام  
ایلمشدر .

عباسیلر دورنده بغدادده کی قاضیلره ویریان  
معاشاتک مقدارینه دائر هیچ بریده برقد  
واشارته تصادف ایده مدک . شو قدرکه قضاتک  
اوصره لرده التزام اصولنه کیردیکنی کوردک .  
قاضیلر قاضیلرک منصبی خلیفه به ، یاخود  
امرایه تأدیه سنی درعهده ایتدیکلری بر بدل  
مقابلنده التزام ایدیورلردی . قضایی  
التزام ایله درعهده ایدن ایلك ذات ۳۵۰  
سنه هجریه سننده آل بویه دن ( معزالدوله )  
زماننده ( عبدالله بن حسن بن ابی الشوارب )  
ایدی . موما ایله سنوی ۲۰۰,۰۰۰ درهم  
تأدیه ایتک اوزره بغداد قاضی القضاتی اولمش



ایدی. دها صکره قاضیلق منصبك التزام صورتیه  
توجیهی بر عادت حکمنه کوردی. حسب  
(محتسب منصبی)، شرطه (ضابطه مأموریتی)  
دخی التزام اصولی ایله توجیه اولنیوردی.

### دیوان المظالم

مظالم - ظلمدن شکایت - دیوانی قضا  
توابعنددی. بر درجهیه قدر بوکونکی محاکم  
استینافیه بکزر. بوندن مقصد قاضیلردن  
وساثره دن خالقك شکایاتی استماع، تدقیق  
وفصل ایلك ایدی. عربلر زمان جاهلیته  
دخی بوجهته اهمیت وبرهرك خالقك اوزرندن  
ظلم وقوعنی رد وازالهیه آره لرنده عهد وپیمان  
ایدرلردی. نه کیم قریش قبیله سی قبل الاسلام  
بویله یامش ایدی. قریش آره سنده رؤسا  
چوغالهرق اختلاف منافع وسودای غلب ایله  
رقابتلر آرتدیغی زمان مذکور قبیله نك بطونی -  
اقسامی - بریرده طویلانهرق ظلمك رد  
وازاله سنه ومظلومك ظالمدن حمایه سنه عهد  
وپیمانه بولندیلر. بو مخالفه حضرت نبی ۲۵  
یاشنده ایکن مکه ده عقد اولنان مشهور  
(حلف الفضول) نامنده کی مخالفه در. دور  
راشدین اثناسنده خلفای راشدیندن حضرت  
علیدن ماعدا هیچ بری شکایات ناسی دیکلمك  
ایچون مظالم مجلسنی عقد ایتدی. چونکه  
اسلامیتك صدر اولنده هرکس کندی نفسنده  
موجود اولان حق وانصافیرستدكك، یاخود  
دیکه دیکي مواظك حسن تأثیری ایله دیکرینه  
تعدی وتجاوزده بولمازدی. خلافت حضرت  
علی به انتقال ایدنجه مشارالیه خالقك شکایاتنه

باقعه لزوم کوردی. مع مافیه بوصره ده کی  
رؤیت شکایات شکلی دها صکره آلدینی شکل  
کی دکلدی. حضرت علی خالقك شکایاتی  
دیکلمك ایچون مخصوص برکون، معین بر  
ساعت تخصیص ایتماش ایدی. برمشکی  
نزدینه کلدکجه انی استماع وشکایتنی تدقیق  
ایدرك مظلومیتدن قور تاریردی. دها صکره  
کان خلفا ایشه ارباب شکایاتك مدعالرینی استماع  
وتدقیق ایچون بریوم مخصوص تعیین ایلدیلر.  
بوئی ایلك یابان ذات خلفای امویه دن (عبدالملك  
بن مروان) ایدی. فقط (عبدالملك) کندیسنه  
تقدیم اولنان شکایاتك ایچنده حلی مشکل  
وحکمه محتاج برشیده دوشونجه او ایشی  
قاضیسی بولنان (ابن ادریس ازدی) یه تودیع  
ایدردی. شو حاله ایشه باقان (ابن ادریس)  
وآمر (عبدالملك) ایدی. خالقك شکایاتی  
دیکلمکه نفسنی تخصیص ایدن ایلك ذات مشهور  
(عمر بن عبدالعزیز) ایدی. دها صکره خلفا  
طرفندن شکایت دیکلمك خصوصی تا عباسیلرك  
دورینه قدر اهمال ایدلدی. خلفای عباسیه  
دوری کئنجه خلفا هالینك شکایتلرینی دیکلمکه  
باشلادیلر. مشارالهمدن بر مجلس مخصوصده  
اوطوروب شکایاتی دیکلمکه اشتغال ایدن ایلك  
ذات مهدی (۱۵۸ - ۱۶۹ هـ) ایدی. دها  
صکره (هادی)، (رشید)، (مأمون) عینی  
یولده حرکت ایتدیلر. خلفای عباسیه دن  
بو یولده حرکت ایدن الك صوک خلیفه (مهدی  
بالله محمد بن الواثق) (۲۵۵ - ۲۵۶ هـ) ایدی.  
خلفا هالینك شکایتلرینی بالذات دیکلرلر

چهارکن اوسقی باشی بزمرد بر قادیان ایله  
 قارشی قارشی به کلدی . قادیانك بالذات  
 (مأمون) ك اوغلی (عباس) دن بر شکایتی  
 واردی . (مأمون) عباسی قادیان ایله یان یانه  
 طور دوردی . قادیانی حقی کورنجه لهنه حکم  
 ویردی . خلفای عباسیه نك اون دردنجیسی  
 اولان (معتدی) - ۲۵۵ - ۲۵۶ هـ - دن  
 صکره خلفای عباسیه دن هیچ بری مظالم  
 رؤیتی ایچون اوطورمدی . مع مافیه خلفای  
 مـ سـ اـ لـ هـ م علی الاکثر بو خصوصاتک رؤیتی  
 کندی وزیرلینه تودیع ایدرلردی . نته کیم  
 چوق دفعه بوایشلری (مأمون) زماننده  
 قاضی القضاة - شیخ الاسلام - بولنان (یحیی بن  
 اکثم) ه و (معتصم) ده کندی دورنده  
 قاضی القضاة بولنان (احمد بن ابی داود) ه  
 تودیع ایدرلردی . ده صکره امرا نفوذ  
 دواتی خلفانك لندن آلنجه مظالمی رؤیت  
 وظیفه سی ده کندیلرینه تحول ایلدی .

مصره کانجه ، بوراده خلقتک شکایاتنه  
 باقان ایلك ذات - ۲۵۷ سنه هجریه سنده  
 کسب استقلال ایتدیکی زمان - ( احمد بن  
 طولون) ایدی . مشـ اـ رـ اـ لـ هـ بونك ایچون  
 «فتنه ده ایکی کون تخصیص ایتش ایدی ،  
 کندیسندن صکره کان خلفلری - مصر ،  
 فاطمیلر طرفدن فتح و قاهره تأسیس ایدیلنجه  
 قدر - بودعوی رؤیتی آلیابه دیگر ذواته تودیع  
 ایدرلردی . وقتا که فاطمیلر مصری فتح  
 ایتدیلر ، رؤیت مظالمه اهمیت ویردیلر . بودورده  
 مظالمی دیکله مک ایچون ایلك اوطوران ذات

ومظلومیتلری تحقق ایدنجه ظلمی ازاله ایدر-  
 لردی . مشـ کـ یـ لـ ر ایچنده والیلر و متصرفلردن ،  
 مال تحصیلدارلردن و دواثر حکومت کاتبلردن  
 آیلقلرنی تأدیاده وقوع بولان تقصیراتدن ،  
 یاخود بالذات خلفانك چوجقلردن وامرا  
 وسائردهن برمال ویا کوی غصب ایلدکارندن ،  
 یاخود قاضیلردن حق وعدالته مخالف حکملر  
 ویردکارندن ، یاخود بیوک ، کوچک هرکیم  
 اولورسه اولسون دیگر اشخاصدن تعدی و ظلم  
 ارتکاب ایتدکارندن طولانی اشتکا ایدنلر  
 بولنوردی . شواله کوره بومرجع شکایات  
 (استیناف محاکمی) ندن بك چوق زیاده  
 حائز صلاحیت ایدی . بونکله برابر حکمی  
 و تفتیزی دخی دهـ اـ تأثیرلی و سرعتلی ایدی .  
 خلفانك بوصورتله ازاله ایتدکاری مظالمه بر ،  
 ایکی مثال ایراد ایدم : ( عمر بن عبدالعزیز ) بر  
 کون نمازه چقمش ایدی . کندیسنه یمنلی بر  
 آدم راست کله رک : « امان ، مظلوم » دیدی .  
 عمر « سکا کیم ظلم ایتدی ؟ » دییه صورديغنده  
 یمنلی « ولید بن عبدالملک کویی غصب ایلدی »  
 جوابتی ویردی . عمر درحال انتقالات دفترینی  
 جلب ایتدیردی . « فلان کویک فلانک عهده  
 سندن ( ولید بن عبدالملک ) ك عهده سنده  
 کچدیکنه » داتر قید کورنجه کویک صاحبنه  
 اعاده ایدلسنی و او آدمه ویریلن معـ اـ کـ ده ایکی  
 قات اوله رق ویرلسنی امر ایلدی .

خلفای عباسیه دن (مأمون) خلعتک  
 شکایاتی فصل ایچون بازار کوتی تخصیص  
 ایتش ایدی . برکون شکایات مجلسندن

وخلق آره سنده حق وعدالتك جريانه بك  
بيوك اهميت ويررلر و مجلس قضايه - محكمه  
كبرايه - بر حرمت مخصوصه كوستيرلردى .  
مظالمه باقدقلى زمان تحت سلطنت اوزرنده  
اوپورمازلردى . تحتك ياننده آياقلى يره  
دكه جيك بر حالده بر كرسى اوزرنده جالس  
اولورلردى . سلطان بو كرسى يه اوپورنجه  
صاغ طرفه مذاهب اربعه قاضى القضاتلرى  
واو كنده بيت المال و كلى - متولىسى - وساير  
مأمورلرايله محافظلر و خواص بندگان اخذ موقع  
ايدرلردى . بو مينانده شكايترلر - سلطان  
اوقويه جق ذوات ده داخل بولنوردى . شكايترلر  
اوقوندقجه سلطان قاضيلره ، ياخود عسكر  
قوماندانلر بيه متعلق اولان خصوصاتى كنديلر .  
ندن صورددقن صكره موافق كوردىكي حكمتى  
ويرردى .

اسلام سلاطين وامراسى ، رعيه طرفندن  
تقديم اولنان شكايترلر رويت و تدقيق ايتمه  
و تظلم كنديلرينك ، ياخود اوز چوققلىرينك  
حقنده واقع اولمش اولسه بيله او ظلمى رفع  
وازاله ايتمه فوق العاده صرف غيرت ايدرلردى .  
تاريخ اسلاميده بوقيلدن اولان حادثات بك  
چوقدر . اهالى دخى شكايترلر بيه معين كونلرده  
خليفه ويا سلطانلر بيه عرض ايتكى اعتياد  
ايتمشلردى . حتى بونى برفرض ، بروجيه  
عد ايدرلردى . بنابرين شايد خليفه ويا سلطان  
معين كونلرده بردنعه ويا برقاج دفنعه رؤيت  
دعاوى ايجون چيقماز ايسه اهالى تلاشيه ،  
سرزنشيه دوشرلردى . خلفادن بعضلر بيه

قوماندانلرى مصر فاتحى سردار (جوهر) ايدى .  
مشارايه رؤيت ايتدىكي شكايتمه لره ويردىكي  
حكمتى بالذات كندى الى ايله يازاردى .  
جوهر دن صكره خلفاى فاطميه مظالمك رؤيتى  
قاضى القضاتلره ، ياخود اعظم رجال دولتن  
بعضلر بيه توديع ايدرلردى . بالاخره فاطمى لرك  
حاكميتى دوچار انحطاط اوله رق امور دولت  
وزرائك انه كچنجه رؤيت مظالم دخى و زرايه  
انتقال ايلدى . بووظيفه بيه درعه ده ايدن وزيرلرك  
اك مشهورى خلفاى فاطميه دن ( مستنصر )  
زماننده ( ۴۴۷-۴۸۷ هـ ) ( امير الجيوش ) لقبى  
احراز ايدن ( بدر جمالى ) ايدى . بو ذوات  
كنديسى اوپورروب مظالمى رؤيت و فصل  
ايدردى . مشارالهدن صكره كلنلر كنديسنك  
اثرينه اقتضا ايلديلر . ( ديوان مظالم ) ك  
قبوسنه بر منادى قورلر ايدى . منادى :  
« كيمك شكايتى وارايسه كلسون » ديه باغير .  
يردى . شكايتى اولانلر ديوانه كلير ، عرض  
شكايات ايدر ، دعاوالرى رؤيت اولنوردى .  
( دارالعدل ) : - مصر حكومتى ملوك  
ايوبيه يه كچنجه بونلر مظالمك رؤيت و فصلى  
ايجون بر قوناق انشا ايدرك بوكا ( دارالعدل )  
- عدالت دائره سى - نامنى ويرديلر . ( ملك عادل  
نورالدين زنكى ) ايوبيلردن ده اول شامده اويله  
بر دائره تأسيس ايتمش ايدى . بو ذوات اصلاً ترك  
ايدى . ايوبيلر بالذات ( دارالعدل ) ده بولنه رق  
خلقك شكايترلر بيه تدقيق و فصل ايدرلردى .  
دها صكره كلن كوله من امراسى ده عين يولده  
حركت ايتديلر . ايوبيلر بو دعاوينك رؤيته



تودیع اولنان وظائف جمله سنا اذخال ایدرلردی .  
بالآخره سلطنت مقامی خلافتدن آیریلنجه  
حسبه وظائفی والیره متعلق وظائف میاننه  
کیردی .

حسبه برخدمت دینه اولدیغندن منصبنه  
ایان مسلمیندن بشقه کیمسه تعیین اولمازدی .  
احتساب ناظری سائر ولایتلره وقصبلره  
احتساب وظائفنه باقق اوزره کندی طرفندن  
مأمورین مخصوصه توظیف واعزام ایدردی .  
احتساب ناظری ویا محتسب هرکون جامعه  
اوطورور ومیت آدمیرینی اصناف دکانلرنده  
طولاشدیریدی . قاهره ده کی محتسب مناوبه  
برکون قاهره جامعه نه ، برکون ده ( فسطاط )  
جامعه نه اوطورردی . و بورادن آدمیرینی  
قصاب ، آشچی دکانلرینک تفتیشنه و یوک  
حیواناتنه فضله یوک یوکدلمسینک منعه  
کوندیریدی . حیواناتنه فضله یوک تحمیلنه  
مساعده اولمازدی . احتساب مأمورلری سقارله  
طاشیدقلری صوقبلرینه وطلوملرینه قاش  
اورتدیرلردی . صو ایچون برمقیاس وضع  
ایلمشلا ایدی . بومقیاس هر قووده سی قرق  
رطل [ \* ] اولوق اوزره یکرمی قووه دن  
عبارتدی . سقارک ماوی قیسه شالوارلر کیمش  
اولملرینه دقت ایدیلیدی . ینسه بومیت  
مأمورلری مکتبلری طولاشه رق معلملرک  
اطفالله شدتلی اورماملرینی وخصوصاً  
اولدیره جک بریره ضربدن حذر ایلملرینی

[ \* ] هر رطل یوز اوتوز درهمدر .

( ترجمه مقدمه ابن خلدون )

بوشکایتلری برطاقی عسکردن شکایت ، دیگر  
طاقی والیردن شکایت ، دیگر طاقلری ده  
دیگر اشخاصدن شکایت اوله رق متعدد اقسامه  
تقسیم ایدرلردی .

( حسبه ) : — قضاء قیلندن بروظیفه  
دینه دره . حسبه مأموری — محتسب — منکراتی ،  
یعنی شریعتنه مخالف افعالی تحقیق ایدرک اصحابی  
هریری جرمنه کوره تعزیر وتأدیب ایتدیک  
کی یولارده مارین وعابرینک مرور وعبورینه  
مانع حاللری ازاله ، حامللری وسفائی تحمللری  
فوقده حمله آلمقدن منع ، مائل انهدام  
مباینک اصحابنه اومانی یی هدم ایتلرینه حکم  
ایله بویوزدن یولجیلره وقوعی ملحوظ اولان  
تهلککی دفع ، مکتبلره وسائر اماکن تعلیمیه ده  
معلملر شاگردانی شدتله ضرب ایتدکری  
تقدیرده آنلر حقنده مجازات ترتیب ایتک کی  
منافع عمومیه به متعلق خصوصاته نظارت  
ایلردی . بوندن ماغدا محتسب ارزاق  
وما کولات ومشروبانده حبله قاریشمسینی ،  
ناقص اوزان واکبال استعمال اولمسنی منع  
ایتمک کی بوکون بلدیله لک وظائفندن اولان  
خصوصاته دخی باقاردی . ذکر اولنان  
خصوصات فی الاصل قاضیلره متعلق وظائف  
جمله سندندی . فقط قاضینک مقامی بوکی امور  
وخصوصاتک آرقه سنده طولاشمقدن دهاعالی  
طوندقلری ایچون بوایشلره باقغه آیریجه  
بو . مأموریتی احداث ایتدیلر . مع مافیه کرک  
مصرده کی فاطمیلر ، کرک اندلسده کی امویلر  
زماننده وظائف مذکوریه یی علی الاکثر قاضیلره

جزالره دوچار ایدیلرلردی . احتساب وظیفه لینه دأر برطاقم قوانین ونظامات واردرکه . احکام فقهیه نصل تعلیم وتطبیق ایدیلیرسه احتساب احکامی دخی اویله جه تدریس وتطبیق اولنوردی .

( شرطه ) - ضابطه : - شرطه دخی فی الاصل قضا توابعنددر . چونکه بوندن مقصد قاضیلر طرفندن صادر اولان احکامی تنفیذ ، یاخود جرائمک وقوعنه مانع اوله حق تدابیری اتخاذ ایلک وارتمک جرائمدن چکنیمیلری تعزیر وتوبیخ ایلکدن عبارتدر . شوالده ( شرطه ) - ضابطه - قضایه خادم بوظیفه ایدی . مجرملرک اثبات جرمیلری امرنده قاضیلره معاونت ایتدیکی کبی قاضیلر طرفندن اصدار اولنان حکملرک تنفیذی ایچونده حکومتک بر واسطه اجراییه سنی تشکیل ایللوردی . ( شرطه ) رئیس ویامدیری ارتکاب زنا ایدنلر ایله مسکرات قوللانانلر حقیقده شرعاً اقامه سی لازم اولان حدودی اجرا ایدردی . بونک کبی امور شرعیه دن اولوب مقاملرینه حرمة قاضیلره تودیع اولنیمان دیگر برحق خصوصات دها ضابطه یه عأند وظائف میاننه ادخال ایدلمش ایدی .

دها صکره بغدادده کی دولت عباسیه واندلسده کی دولت امویه ومصرده کی دولت فاطمیه زمانلرنده طوغریدن طوغریه جرائمه باقق وحدودی اقامه ایلک وظائفی قاضیلردن آلتهرق ضابطه رئیسنه تودیع ایدلدی . ضابطه وظیفه سی ده بیوک منصب عد ایدیلرک بیوک

کندیلرینه تنبیه وتوصیه ایلرلردی . كذلك اوستلره ، معیتلرینه اولاد ناسدن آلدقلى چراقلری باشندن چیقارماملرینه دأثر توصیه واطظارانده بولنورلردی . سوء احوال ایله اشتهار ایدنلری نظر تفتیشدن دور طوتمازلردی . ترازیلرک ، اولچولرک طوغرو اولسنه دقت ایدرلردی . دارالعیاره - عیارخانه - نظارت ، محتسبه عأند وظائف جمله سندن ایدی .

اندلسه کلنجه بوراده احتساب وظیفه سینه ( خطه الاحساب ) نامی ویریلردی وبرقاضینک عهده سینه تفویض اولنوردی . اوراده عادت اولدینی اوزره قاضی اسبوسوار اولدینی وآدملری اطرافدن کندیسینی احاطه ایتدیکی وانلردن ایلری کلن برما موراکمکک وزنه مخصوص برترازی حامل بولندینی حالده چارشولری طولاشیردی . قصابلر ات اوزرنده آتک بهاسنی حاوی برکاغد بولندیرمغه مجبور ایدیلر . بر قصاب محتسب طرفندن وضع اولنان بهادن فضلیه ات صاته مازدی . صاتار ایسه جزا کوردی . ارزاق ومأکولات صاتان اصنافک موضوع بهادن فضله بر بها ایله ، یاخود اکسیک بوزن ایله صاتماملری ایچون لزومنده محتسب طرفندن صورت مخصوصده برچوجق ، یاخود برجاریه کوندریلرک مختلف وشبهلی دکانلردن اشیا مبیاعه ایتدیریلردی . اکسیک وزن ، یاخود فضله بها ایله صاتانلر ، یاخود حبله قاریشدرانلر بوصورته اله کچیریلردی . بواحواله اجتمسار ایدنلر هرکسه قارشى عین فعلی ارتکاب ایتمش عدایدیله رک لائق اولدقلى

یوق ایدی . یازدقلری یازی دخی الیوم  
معروف اولان حروف عربیه ایله دکل ایدی .  
عربلر موسویلردن اقتباس ایتدکلی آداب  
وامور دینییه متعلق خصوصات جمله سندن  
اوله رق یازیلرینی عبرانی حرفلر ایله یازارلردی .  
حضرت خدیجه نك دای زاده سی ( ورقبن  
نوفل ) عربلردن خط عبرانی ایله یازی  
یازانلر جمله سندن ایدی . یاخود برنجی عصر  
میلادیده رومالیلرک قهر و تحکملرندن فرار  
ایله حجازه هجرت ایدن نبیلردن اقتباساً  
( حروف نبطیه ) ایله یازی یازارلردی .  
فکر مزه کوره الیوم استعمال ایتکده اولدیغمز  
خط عربی ذکر اولنان خط نبطیدن آلمشدر .  
چونکه ایکی خط آره سنده بیوک بر مشابته  
موجوددر . خط کوفی به کلنجه بوخط اولجه  
عراق جهلر نده سریانیلر و یا کلدانیلر طرفندن  
استعمال اولنان ( خط سطرنجیلی ) دن توره مشدر .  
( خط سطرنجیلی ) عربلر طرفندن عربجه  
یازمق ایچون اقتباس ایدیلرک تاثیر استعمال  
ایله تبدلانه اوغرامش ونهایت بیلدیکمز شکه  
تحول ایلشدر . مذکور خطه خط کوفی  
دینلمسی ده اصلاً عراقدن واسلامیتدن صکره  
توره دیکنه دائر اولان مدعامنز تأیید ایدر .  
چونکه کوفه شهری اسلامیتدن صکره اسلاملر  
طرفندن تأسیس ایدیلن شهرلردندر .

اسلامیت ظهور ایدنجه عربلردن اوقویوب  
یازانلرک عددی اونش ، یکر می کشیدن عبارت  
ایدی . بونلرک جمله سی صحابه دندی . ( علی بن  
ابی طالب ) ، ( عمر بن الخطاب ) ، ( طلحه ) ،

قوماندانلر و خلفانک اعظم رجال خاصه سنه  
تقویض اولنوردی . اندلسده ضابطه اداره سی  
بری ( بیوک ضابطه ) ، دیکری ( کوچک ضابطه )  
اوله رق ایکی به تقسیم ایدلش ایدی . بیوک  
ضابطه خواص رجال ورؤسا واعحاب مراتبه  
متعلق اموره باقاردی . بوذواتدن ، یاخود اقربا  
وتعلقا سندن ، یاخود انلر منسوب ارباب  
نفوذدن بری برظلم وتعدیده بولنسه انک  
حقندن کلیردی . ( کوچک ضابطه ) نك حکمی  
ایسه عوام ناسه منحصر ایدی . ( بیوک ضابطه )  
رئیشی حکمدارک قپوسنده قوریلان برصندالیه  
اوطوروردی . معنی ارکانی ، اطرافنده اخذ  
موقع ایدرلردی . بونلر رئیسدن امر صادر  
اولمدن یرلرندن قیملدانه مازلردی . ضابطه  
رئیشکی منصبی وزارت ، یاخود حکمدارک  
حاجبلکنه ( ماینجیلکنه ) برخرج عد  
اولنوردی . ( شرطه ) رئیسنه ( صاحب المدينه )  
- شهرامینی و یا والیسی - ، یاخود ( صاحب اللیل )  
- کیجه محافظی - نامی و یریلردی . امرا  
- طوائف ملوک - دولترنده ضابطه رئیسنه  
( والی ) ، آفریقاده ایسه ( حاکم ) دیرلردی .  
آکلاشلدیغنه نظراً ضابطه وظیفه سی قضاء  
ایله باشلامش ، فقط اندن غیری مستقل بر  
وظیفه شکنده آنجق امویلر زماننده اولمشدر .

## دیوان الانشاء

( کتابت ) : - زمان جاهلیته عربلر  
میاننده بر قاج کشیدن ماعدا اوقویوب یازان



(عثمان)، (ابوسفیان) و اوغلاری (معاویه) و (یزید) و سائرہ اوجہ دندر. (علی)، (عثمان)، (یزید بن ثابت)، (عبدالله بن ارقم) حضرت نبیہ کاتبک ایتمشلردر. چونکہ حضرت پیغمبر اوقویوب یازماز ایدی. ذوات مشارالیم حضرت محمد سور قرآنیہی واسلامیہ دعوت ایچون حکمداران زمانہیہ ارسال اولنان نامہ لری یازمشلردر. ذکر ی کچن ذواتن بعضلری حضرت پیغمبرک خصوصی کاتبکنی ایفا ایدرلردی. بعضلری مکده خلق آرہ سنده، دیگر بعضلری ده قبائل میانده وصویرلرنده وانصارک خانہ لرنده قادین وارککلر بیتنہ قیدی آرزو اولنان خصوصاتی یازارلردی. حضرت ابوبکر مقام خلافتہ کچنجه حضرت عثمان اکا کاتب اولدی. جانب خلافتدن والیرہ وقوماندانلرہ یازلمی ایجاب ایدن اوامری یازاردی. اووقته قدر کاتبک مناصب حکومتدن دولتک استغنا ایدہ میہ جکی بر منصب اولمش ایدی. حضرت عمر مقام خلافتہ کچدیکی زمان کنیدیارینہ اک اول (یزید بن ثابت) کاتبک ایدی. دها صکرہ بشقہ لری کاتبک ایتدیلر. بالآخرہ فتوحات اسلامیه توسع و دیوانلر تأسس ایدنجه حضرت عمر هرولایتہ اوولایتک امور کتابتہ باقق ایچون برکاتب تعین ایلدی. کاتب، اول امرده عسکری دفترخانہ و بیت المال ایشلرینی یازاردی. دها صکرہ حضرت عثمان وحضرت علیک دور خلافتلری و بونکہ خلفای راشدین زمانی منقضی اوله رق بودورلرک جملہ سنده هریرده بر

کاتبدن فضلہ استخدام ایدلماشدر. بونکاتب عسکرک معاشاتی ایله اسملرندن عبارت اولان حساباتی قید و محورات مقتضیهی تحریر ایدردی. مع مافیہ دیگری بیت المالہ متعلق خصوصاتک قید و تحریر یله مشغول اولمق اوزره ایکی کاتبک استخدام ایدلمش اولمی ده محتملدر.

خلافت اسلامیه نک بالآخرہ امویلرہ انتقالی ایله دها اول کوردیکی اوزره مصالح دولت تزاید وتنوع ایتدیکی زمان برچوق کاتبک استخدانہ مجبوریت کوردی. بونک اوزرینہ کاتبک بش صنفہ آیرلدی: والیر ایله امر او حکمدارلر و سائرہ ایله تعاطی اولنان مخابراتی یازمق مأموریتیلہ مکلف تحریرات کاتبی. خراجک واردات و مصارفی قید و ضبط ایتیکه مأمور خراج کاتبی. عسکرک اسملریله اوصافی و درجه لری و مقدار معاشلرینی واسلحه مصرفی و سائرہی تحریر و ضبط ایتیکه مخصوص عسکرکاتبی. بین الناس وقوع بولان معاملات و دیتلر تقریرلری یازمق مأمور (شرطه) - ضابطه - کاتبی. قاضیلر حضورنده عقد اولنان شروط و صادر اولان حکملری ضبط ایتیک خدمتیلہ موظف قاضی کاتبی.

(دیوان الانشاء): - کتبه صنفلرینک اک مهمی تحریرات کاتبی ایدی. بوصنف، کتبه صنفلرینک اک قدیمدر. بونوع کاتبلرہ بعضاً (کاتب اسرار) نامی ویریلیر. تحریرات کاتبی خلیفه نک الی و کاتبی و اسرارینک و دیعه کاهی ایدی. نته کیم حضرت عمر حضرت ابوبکر و حضرت عثمان حضرت عمرجه اولیله

بودیوان واسطه سیله خلفا ایله مخبره اجرا ایتدکرنندن خارجیه نظارتی وظیفه سی ده بودیوانک عهده سنده بولنوردی .

(توقیع) : — حال حاضرده کی حکومت دواثرنده توقیعندن مقصد (امضا) آکلاشیلیر . خلفا زمانلرنده ایسه توقیع دیمک خلیفه لره تقدیم اولنان استدعالره اجرایی اقتضا ایدن معاملیه ی ، یاخود اعطاسی لازم کنن جوابی حاوی — بوکونکی درکنارلر کی — خلیفه طرفندن یازدیریلان شرح دیمک ایدی . بوشرح انشا دیواننک رئیس ، یاخود انک یرینه قائم اولان ذات طرفندن یازیلیردی . دیوان رئیس خلیفه نك حضـورنده بولنه رق خلیفه طرفـدن آرزو اولنان درکنارلری — فقط اک مختصر براسلوب ایله — یازاردی . وظیفه کتایته اقتدار قلمیسی مسلم اولان ذوات انتخاب اولنوردی . (جعفر بن یحیی برمکی) رشیدک حضورنده عرضـاـلـله لره درکنارلر یازده رق صاحبـلـرینه ویریدی . مشارالیه طرفندن یازیلان درکنارلر ارباب فصاحت و بلاغت نژدنده بیوک بر قیمتی حائز ایدی . بودرکنارلر بین البغا دیلدن دیله تداول ایدردی . او قدر معتبر ایدی که هر بری یوز دیناره صاتیابوردی .

صدر اسلامیتده خلفا کنیدیلری بالذات بودرکنارلری یازارلردی . یاخود کنیدیلری سوبیلوب کاتبـلـره یازدیریرلردی . خلفای مشارالیه مک یازدقـلری درکنارلر اکثریتله بر آیت و یا حدیثـدن ، یاخود بر حکمت و یا مشهور بر بیتدن مقتبس شیاردن متشکل

بر موقعده ایدیلر . اوائل اسلامیتده خلفا بومصبه حائز اولدینی اهمیته مبنی اقربالرندن و کنیدیلرینه کوندکـلری خواصـدن ماعدا کیمسه یی تعیین ایتـمـزلردی . خلفا کتایته ، عباسیلره انتقال ایدنجه ایلک دورده کاتبـلـر خلفا نامنه آرزو ایتدکـلری کی امر ونهیده بولنورلردی . دهـا صـکره کتایته وظیفه سی وزیریه انتقال ایلدی . مع مافیه وزرا محررات و سائر یی کندی اللربله یازمه رق بوکونکی باش کاتبـلـر کی یازیلان محرراته امضا وضع ایدرلردی . خلفا محرراتنه امضا وضع ایدن ایلک وزیر (رشید) طرفندن امور دولته ایستدیکنی یا مغه کندیسنه واسع صلاحیت ویریلن (یحیی بن جعفر برمکی) ایدی . شکایتی ، یاخود معاش طلبی و سائر یی حاوی بر استدعا تقدیم اولندتجه (یحیی) او استدعایه کندی الیه بر درکنار قوردی . مشارالیهـدن صکره کنن وزرا تقدیم اولنان شکایتلر واستدعالر حقنده اجرایی مقتضی معاملیه دائر شرحـلـر قویمغه باشلادیلر . بعضاً تحریرات دیوانی مستقل بر وزیرک عهده سنده بولنوردی .

دولت عباسیه نك صوک زمانلرنده کاتبـلـک وظیفه سی مستقل بر مأموریت یاییله رق وزرانک غیرینه تودیع ایدلدی . بغدادده دیوان انشا کاتبـلـرینه (انشا کاتبـلری) و بیوکـلـرینه (دیوان انشا رئیس) ، یاخود (دیوان انشا صاحب) ، یاخود (کاتب سر) نامی ویریلیردی . بودیوان وزیرک معیتده بولنوردی . اکا (دیوان ـ العزیز) دخی دیرلردی . حکمداران اجانب

بولنوردی . ذکر اولنان درکنارلره مثال  
اوله رق عراق والیسی ( سعد بن ابی وقاص )  
بر خانه انشاسی ایچون حضرت عمر دن  
استیذانده بولنمش ایدی . حضرت عمر  
تحریراتک آلتنه « اوکله صیجاغندن ویاغمورک  
ازعاجندن سنی وقایه ایده جک قدر بر بنا  
یاب » دییه یازمشدر . حضرت عمر مصر  
والیسی بولنان ( عمرو بن العاص ) ک بر  
تحریراتنه شو درکناری یازمش ایدی : « امیرک  
سنک حقه کده نصل اولسنی آرزو ایدیورسه ک  
سنده خلق حقنده او یله اول » . ( مروان  
بن الحکم ) دن شکایت ایچون حضرت  
( عثمان ) ه مراجعت اولندیغنده حضرت  
عثمان شکایتنامهیه « سکا اطاعت ایتزلرسه  
یابدقارکزدن مسئول دگم دی » مآلنده اولان  
« فان عصوک فقل انی بری مما تعملون »  
آیت کریمه سنی یازه رق ( مروان ) ه کوندرمشدر .  
حضرت علی کندی اوغلی حضرت حسندن  
آلدینی بر مکتوب اوزرینه شو سوزلری  
تحریر ایلشدر : « براختیارک مطالعه سی برکنجک  
دریسندن ایدر » . سلمان فارسیدن جناب  
حقک روز محشرده خلقدن نصل حساب  
صوره جنی سؤالی متضمن وارد اولان نامهیه  
حضرت علی « رزقه نائلتاری کبی حساب  
ویره جکلر » درکناری ایله جواب ویرمشدر .  
( معاویه بن ابی سفیان ) ک یازدینی درکنارلرجه .  
سندن اوله رق ( عبدالله بن عامر ) طرفندن  
طائفده بر مالک کندیسنه اعطاسی طلبنی حاوی  
وارد اولان مکتوبه معاویه « عش رجباً تر

عجیاً » - چوق یاشایان چوق کوریر - هامسنی  
یازمشدر . ینه بوقیلدن ( زیاد بن ابیه ) معاویهیه  
بر مکتوب یازه رق بومکتوبده ( عبدالله بن  
عباس ) ک معاویه نک خلافتنی ذم و تقبیح ایتدیکنی  
اخبار ایلش ایدی . معاویه نامه نک زیرینه  
« ابوسفیان ایله ابوالفضل ( یعنی معاویه نک  
پدری ایله عبداللهمک پدری ) زمان جاهلیته  
متفق دوست ایدیلر . بودوستلق پایداردر .  
سنک سوء تدبیرک انی اخلاص ایده مز » دییه  
یازمشدر . کذلک خلفای امویه دن ( عبدالملک  
بن مروان ) عراق اهالیسنک عدم اطاعتندن  
چکدیکنی زحمتلردن بحث ایله عراق اشرافک  
قنلی حقنده استیذانی حاوی عراق والیسی  
( حجاج ) دن آلدینی بر مکتوبک آلتنه شوشرحی  
یازمشدر : « والی ینلی اولورسه طاغنیق  
اولانلر برلشیر ، مشئوم اولور ایسه الفتده  
بولانلر بیله طاغیلیر » . کندیسنه اعلان عصیان  
ایدن ( عبدالرحمن بن الاشعث ) دن آلدینی نامهیه  
دخی : « قصورلری تعمیره چالیشدیغم آدم حماقت  
ودنائتندن بنی ییقمق ایسترایسه ، بوکانه دینیر ؟ »  
مؤداسنده اولان :

فأبال من اسعی لاجبر عظمه

حفاظاً وینوی من سفاهته کسری

یتنی یازمش ایدی .

( قتیبه بن مسلم ) خلفای امویه دن ( سلیمان  
بن عبدالملک ) ه بر مکتوب یازه رق کندیسنی  
خلع ایتکله تهید ایلش ایدی . سلیمان  
مکتوبک آلتنه شو مآلده اولان بیتنی تحریر  
ایتمشدر : « قرزدق مربعی قتل ایده جکنی



انشاسنی امر ایتمدیکی بنایه خانه لری آلتوب ادخال  
ایدلدیکی حالده قیمتلری کندیلرینه ویرلمدیکندن  
شکایت ایتمشلردی . (سفا ح) شکایتنامه یه « بونا  
تقوانک غیری اوزرینه تأسیس اولمشدر »  
درکنارینی یازهرق خانه لری اتمانک اعطاسنی  
امر ایتمشدر . کوفه اها لیسکی کندی والیرندن  
شکایتی متضمن (منصور) . « براسئدا تقدیم  
ایلدکلرنده منصور : « سز فصل ایسه کز  
حاکم کزده اولیه اولور » توقیعنی یازمشدر .  
احتیاجندن باحث اوله رق عرض حال تقدیم  
ایدن بر آدمک عرض حاله : « اللهم دینه ،  
رزاق کریم اودر » شرحنی تحریر ایلشدر .  
کذلک (منصور) حمص والیسندن خطایی  
حاوی برتحریرات آلدیغنده زیرینه : « یا کاتبکی  
دکیشدر ، یا خود سنی دکیشدیریم » درکنارینی  
یازهرق والیه کوندرمشدر . (ارمینا)  
والیسی اها لینگ اطاعت سزلکندن شکایتی  
حاوی (مهدی) یه برنامه تقدیم ایتش ایدی .  
(مهدی) مذکور نامه یه : « عفو ایله معامله  
ایت ، خلقی طوغرو یوله سوق ایله . جاهلله  
آلدیرمه » درکنارینی یازمشدر . بعضلری  
(مهدی) یه خراسانده بولسان والینگ  
اهمالتندن شکایت ایدنجه مشارالیه شکایتنامه ک  
اوزرینه « بن بیدارم ، سن او یویورسک »  
شرحنی یازهرق والیه کوندرمشدر . (هرون  
الرشید) طرفدن یازیلان درکنارلر جمله سندن  
اوله رق خراسانده کی والیسنه « بیومه دن یاره کی  
تداوی ایتمکه باق » ومصرده کی والیسنه :  
« بنم خزینهم و برادریم یوسفک خزینهنه سنی

ادعا ایدیور . مژده مربعه ! مربع چوق  
یاشایه جقدر . »  
زعم الفرزدق ان سیقتل مربعاً  
فابشر بطول سلامة یا مربع  
(قتیه) سلیمانهدیکر بردقمه دهابوته دیدی  
یازمشدر . سلیمان بوسفر نامه ک ذیلنه « صبر  
واتقاده بولنورسه کز انلرک کید وغدرلری  
سزه مضرت ویرمز » مدلولنده بولسان  
« وان تصبروا وتقاوا لایضرکم کیدهم شیئا »  
آیتنی تحریر ایلشدر . والیردن بری  
(عمر بن عبدالعزیز) دن بر شهرده تعمیرات  
اجراسنی استیذان ایتش ایدی . مشارالیه  
درکنارنده جواب اوله رق : « شهری عدالت  
ایله بنا ایت ، یوللرینی ظلمدن تمیزطوت » دیبه  
یازمشدر . کذلک عراق والیسی (عمر بن  
عبدالعزیز) ه اها لیدن شکایتی متضمن بر  
تحریرات کوندرمش ایدی . عمر بوتحریراتک  
آلته « کندی نفسکه خوش کوردیکک شیلری  
انلرده خوش کور . بویه یاپدقن صکره  
شاید بر قصور کورده ک اوزمان جزا ویر »  
درکنارینی یازوب کوندرمشدر . (عمر بن  
عبدالعزیز) طرفدن یازیلان درکنارلر پک  
چوقدر . (یزید بن عبدالملک) بر والیدن  
عرض تظلم ایدن بر آدمک استدعاسنه « وسیعلم  
الذین ظلموا ای منقلب ینقلبون » آیت  
کریمه سنی یازوب ویرمشدر .  
عباسیلرک یازدقلری درکنارلردن ده برقاق  
مشال ایراد ایدلم : (انبار) اها لیسندن  
بعضلری (سفا ح) ه بر عریضه تقدیم ایدرک

تخریبیدن صاقین . بونك جزاسنی حضرت  
یوسفدن ودها بیوك جزایی جناب حقدن  
بولورسك « دیه یازمش ایدی . ( ابن هشام )  
مأمونه برخصوصدن شکایتی متضمن عرضحال  
تقدیم ایتدیکنده مأمون عرضحالك اوزرینه :  
« مرد وناموسلی آدم مافوقلرینه ظلم ایدر .  
مادونلرینك ظلمنی چکر . بونلردن هانکیسیسك ؟ »  
شرحنی تحریر ایتشدرد . خلفانك سائر  
درکنارلرینی ده بونلره کوره قیاس ایدیکیز .  
معافیله اوصورتله درکنارلر یازمق یالکیز  
خلفایه مخصوص دکلدی . امرا وسائر اعظم  
رجال دولت دخی مستدعیات اوزرینه اویلهجه  
شرحلر یازارلردی . ( زیاد بن ابیه ) ، ( ابو  
مسلم خراسانی ) ، ( جعفر بن یحیی ) کبی ذوات  
اوصلاحیتی حائز اولانلردن ایدیلر . بونلردن  
( جعفر ) ك بالاده ذکیر اولندیغی وجه ايله  
درکنارلر یازمقده بك بیوك شهرتی واردی .  
اوجلهدن ( جعفر ) برحبوسدن آلدیغی استدعایه :  
« لکل اجل کتاب - هرشیك وقت مرهونی وار »  
یازمشدی . والیلردن ری حقنده شکایتی متضمن  
برعرضحال اوزرینه والی یه خطاباً « شکایتجیلرک  
چوغلادی ، ثنا خوانلرک آزالدی . یاتعدیل  
مسلك ایتلی ، یاخود چکلملی » جملهسنی تحریر  
ایتشدرد . حجه کیتمک ایچون استیذانه بولنان  
برآدمه : « الله کیدن نائل مرام اولور »  
درکنارینی یازمشدرد . والی تعیین اولمسنی  
طلب ایدن برذاتك استدعاسنه « ظالملر اوزرینه  
ظالم تعیین ایتم » ودفعات ايله احسان آلان  
برآدمك عطیه طابنی حاوی اولان عرضحاله

« مہمی براق که سکا نصل سوت ویردی ایسه  
بشقہ سنهده ویرسون » شرحلرینی تحریر ایتشدرد .  
بو یولده یازیلان درکنارلرک حد و حسابی یوقدر .  
( مأمون ) ك وزیر ذوالریاستین ( فضل بن  
سهل ) و ( طاهر بن الحسین ) وسائرہ توقیع  
یازان ذوات جمله سندنرد .

استدعا وشکایتناملر اوزرینه یازیلان  
درکنارلری ، اختصار ايله یازمقده اوقدر صرف  
دقت ایدیلردی که بوصورتله حصوله کلن عبارتله  
بلاغته نمونه تشکیل ایدردی . مدینهده ظهور  
ایدن قحط وغلا اوزرینه حضرت عمر طرفندن  
یغدای وارزاق سائرہ یتشدیرلمسی لزومنی  
حاوی ( عمرو بن العاص ) ه یازیلان مکتوب  
اوقیلدن برمثال عدوانلور . حضرت عمر  
مشارایمه شوصورتده بر مکتوب یازوب  
کوندرمش ایدی : « امیرالمؤمنین عمردن  
عاصی اوغلی عاصی یه سلام . ای ( عمرو ) ! سن  
وارتداشلرک قارنلرکزی طویوردقن صکره  
بن واطرافده بولنانلر هلاک اولسه قده بزی  
دوشونمزسك . امداد ! امداد ! » . بونك  
اوزرینه ( عمرو بن العاص ) حضرت فاروقه  
شو جوابی یازدی : « اللهم قولی امیرالمؤمنینه  
اللهك قولی ( عمرو بن العاص ) طرفندن .  
لیک ! لیک ! سکا اویله یوك کاروانی کوندرد  
دم که برطرفی بکا ، دیگر طرفی سکا منتهی اولور  
والسلام » بوقیلدن نمونلر بك چوقدر .  
آرزو ایدنلر ادبیات کتابلرنده آراسونلر .

بواختصار خلفا ايله والیلر بیتنده جریان  
ایدن مخبراته منحصر دکلدی . عموم مکاتبانده

مقام تعظیمده بر طاقم دینی اوصاف والقباب استعمال اولئوردی. ( خلیفه ) نك ذكری پرینه « مواقف مقدسه » ، « مقامات شریفه » ، « سده نبویه » ، « دارعزیزه » ، « محل ممجد » ، « تعیراتی استعمال ایدیلیردی . دها صکره امرانك تعظیم و تفخیمه کچیلرک مقام امارته « محاسن عالی » ، « حضرت سامیه » و امثالی تعیرلر قوللانمغه باشلادیلر .

( اشارت ، یاخود رمز ) : - مکتوباتده اوزون اوزادییه ایضاحات و مطالعات یازمغه بدل برحرف و یا اشارت ایله افاده مرام ایتمکده اتخاذ اولئان اصوللر جمله سندن ایدی . سلطان ( محمود غزنوی بن سبکتکین ) سلطنتده کسب استقلال ایتدکن صکره بغدادده کی خلیفهیه بر مکتوب یازه رق اسمنك خطبهیه و سکهیه کچیرلمسنی طاب ایلش ایدی . خلیفه بوتکلیفی قبولدن امتناع ایتدی . سلطان محمود ایکنجی بر مکتوب کوندره رک خلیفهیه تهدید مقامنده « بغدادده بولئان طاشی ، طورراغی فیالمر اوزرینه ( غزنه ) یه نقل ایتمک ایسته سم بونی اجرایه قادرم » دییه یازدی . بونک اوزرینه خلیفه سلطان محموده قبالی بر مکتوب کوندردی . سلطان محمود نامه خلیفهیه آجئجه ایچنده بسمله ، بسمله دن صکره بر الف ممدوده ، آچیققلغک اورتسند ( ل ) و مکتوبک آخرنده ( م ) حرفلری ، دها صکره الله حمد و نبی اوزرینه صلوات دن بشقه برشی کوره میهرک حیرته دوشدی . اطرافنده بولئانلر دخی بوندن نه معنی قصد اولندیغنی آ کلایه مامشلردی .

بواصول جاری ایدی . اسپانیا حکمداری ( ادفونش ) طرفدن تهدیداتی حاوی مراکش سلطانی ( یوسف بن تاشفین ) ه یازیلان مکتوبه مشارالیه طرفدن تحریر اولئان جواب بوخصوصده بر نمونه تشکیل ایدر . ( یوسف بن تاشفین ) ادفونشک تهدیدکارانه اوزون مکتوبنه : « نه اوله جغنی کوره جکسک » جواب مختصری ایله اکتفا ایتمش ایدی .

( خلفا مخبراتی ) : - خلفا طرفدن دیگرلرینه یازیلان نامه لرده حضرت عمر ایله ( عمرو بن العاص ) آره سنده جریان ایدن مخابره ده کورولدیکی وجه ایله اک اول خلفانك اسمنی ذکر ایتمک عادت ایدی . بوکا مخالف حرکت عفو اولئماز برقصور عد اولئوردی . خلفای عباسیه دن ( منصور ) ی دولت عباسیه نك تأسسنه اک بیوک خدمتده بولئان ( ابومسلم خراسانی ) نك قتلنه سوق ایدن اسبابدن بری ده ابومسلمك بر کره منصوره تقدیم ایتدیکی عریضه ده کندی اسمنی دها اول ذکر ایتمی ایدی . اوزمانلره عائد محرراتده بوکا مخالف برشی کوردرسه کز انی ناسیخلرک سهوینه حمل ایتملیسکمز .

بو حال آل بویه ک نفوذ حکومتی اله آله رق خلفایی مغلوب و محکوم ایتدکاری زمانه قدر دوام ایلدی . بوتاریخدن اعتباراً خلیفه لر بر طرفه چککدیلر . تولیتلردن ماعدا کندیلری طرفدن یازیله جق بر شی قلماش ایدی . مکتابانك قسم اعظمی وزیرایه تودیع ایلدی . محرراتده خلیفه نك ذکرینه لزوم کوریلیرایسه




نهایت کبار علمادان (ابوبکر قهستانی) کله رکه دوشونه دوشونه مقصدی آکلادی . سلطانه «مقصدی آکلادم» دیدی . سلطان ایکا : «سویله ، نه ایسترسنه ویریرم» جوابی ویردی . (ابوبکر) : «سز خلیفه یی فیلیر ایله تمهید ایلدیکز . اوده سزه جواب اوله رق بومکتوبی کوندریور . مکتوبده (الف لام میم) وار . بو حرفلر : «ربکک فیل صاحب لرینه نصل یاپدیغنی کورمدمکی الخ» مغناسنی مقضمن اولان «الم ترکیف فعل ربک باصحاب الفیل الخ» آیت کریمه سنی افهام ایدیور» دیدی . بونک اوزرینه سلطان محموده برقوقو استیلا ایتدی . ایشده برشامت کوردی . پشیمان اولدی . خلیفه ایله اک خوش صورتده کیچمکه باشلادی .

بشنجی عصر هجری اورتی لرنده (شیرز) قلعه سی امیری بولنان (سیدالملک علی بن مقلد)ک دوچار اولدیغنی حادثه دخی بو خصوصده دیکر بر مثال تشکیل ایدر . (علی بن مقلد) جسور و بهادر بر آدم ایدی . ذکا و فطانت ایله دخی مشهور ایدی . (شیرز) قلعه سته صاحب اولدن اول حلبه کیدوب کلیردی . او صروده حلب امیری (تاج الملوك محمد بن صالح) ایدی . آرلرنده بر منافرت حاصل اولدی . سیدالملک (تاج الملوك) ک غدرندن قورقه رق طرابلس شام امیری بولنان (جلال الملک بن عمار) ه التجا و زرنده اقامت ایلدی . (تاج الملوك) علی بن مقلدک نرده بولندیغنی آکلانجه برحیله ایله اورادن کندی نزدینه کتیرمک و جلب ایتدکن مسکوره تلف ایتمک ایستدی . کاتبی

اولان (ابو نصر محمد بن حسین) ه (علی بن مقلد) ه خطاباً غایت توجه کارانه بر مکتوب یازیله رق حلبه چاغیرلمسنی امر ایلدی . (سیدالملک) ک دوستی اولان کاتب بومکتوبدن مقصد نه اولدیغنی آکلادی . فقط چار ناچار مکتوبی یازمغه مجبور ایدی . (تاج الملوك) ک امری وجه ایله مکتوبی یازدی . فقط (ان شاء الله تعالی) سوزینه کلنجه بوراده کی (ان) ک همزه سته فتحه و نونه شده قویدی . مکتوب بویله جه (سیدالملک) ه کتیدی . (سیدالملک) مکتوبی آله رق اوقودی . طرابلس شام امیری (ابن عمار) ه دخی کوستردی . کرک (ابن عمار) ، کرک خواص و مقرینی (تاج الملوك) ک حسن توجهندن (وسیدالملک) ی سودیکی ایچون حلبه دعوتندن طولایي ممنون اولدیلر . فقط (سیدالملک) مکتوبده کی نکینه یی آکلانمش ایدی . «مکتوبده سزک کوره مدیککیز بر شی کوریورم» دیدی . کلن مکتوبه مقامه مناسب بر جواب یازه رق عباره لر آره سته «لطفکیزک منتداری اولان بو خدمتکاریکیز» مغاسنده بولنان «انا الخادم المقر بالانعام» سوزلرینی تحریر ایدرکن (انا) ضمیرنده کی الفک آلتیه بر همزه ونونک اوزرینه ده بر شده قویوب کوندردی . مکتوب (تاج الملوك) ه وارنجه بوذات او همزه دن ونونک شده سندن بر شی آکلایه مدی . فقط کاتبی نه معنی قصد اولندیغنی آکلانمشدی . کاتب (ابونصر) کلن جوابدن ممنون اوله رق دوستلرینه : «بن ذاتاً امین ایدم . سدادالملک

توزندن و یا خود صنع و سائر کی یاشقان بر  
ماده ایله مخلوط قندیل ایسندن یاپارلردی .



شکل : اسکی یازی ادواتی

عربلرک کاغد مقامنده اوله رق ال اسکی  
قوللانقلری شی (رق) نامنده اولان دری  
ایدی . قاشلر اوزرینه دخی یازی یازارلردی .  
یازی یازمغه الویریشلی قاشک ال مشهوری  
مصرده نسج اولان بر نوع قاش ایدی . بوکا  
( قباطی ) دیرلردی . قبل الاسلام مشهور  
( معلقات سبع ) ایشته بوقاش اوزرینه یازلمش  
ایدی . رق و یا قباطی اله کچمز ایسه اوزمان  
تخته ، یاخود کیمک ، یاخود خزف ( دستی ،  
چوماک نوعندن ) یاخود طاش پارچه لری  
وبولمه مائل شیلر اوزرینه یازارلردی .

عربلر مصری فتح ایتدکری زمان بر نوع  
ساز اولان ( پاپیروس ) ی ده استعمال ایتمه  
باشلادیلر . امویلر دورنده یازیلان شیلرک  
اکثری بو پاپیروس و قباطی اوزرنده ایدی .  
قاهرده کتبخانه خدیویده مصر قطعه سنک  
بعض جهتلرنده بولنش خطوط عربیه ی حاوی  
بر طاقم شیلر موجوددر . بونلرک ایچنیده  
پاپیروسدن بعض یاپراقلر و قباطیدن برطاقم  
پارچه لر کوردک . بو کوردیکمز شیلرک

ذکیر . اشارتی آکلایه رق اکا کوره  
حرکت ایتدی « دیدی . ابونصرک ( ان ) ی  
تشدید ایتمکدن مقصدی « خلق سنی اولدیرمک  
ایچون طوزاق قوریورلر « مدلولنی متضمن  
اولان « ان الملائه یاتمرون بک لیقولک » آیت  
کریمه سنی افهام ایتک ایدی . ( سدید المملک ) ک  
جوابنده ( انا ) نک تشدیددی ده « انلر  
بولند قجه اورایه بزالبته کیرمیه جکز » معناسنی  
مفید اولان « انا ان ندخلها ایدا ماداموا فیها »  
آیت کریمه سنه اشارت ایدی .

( عضدالدوله بن بویه ) طرفندن شام  
متولسی ( ابو منصور افکیکن ) ه یازیلان  
مکتوب دخی مختابرا تده بوقیلدن استعمال  
ایتدکری طرز لر جمله سندندر . ( افکیکن )  
عضدالدوله ه « شام بسبتون راحت . مملکت الیه  
کجدی . مصر امیرنک هیچ حکمی قلمدی . پاره  
و سلاخ ایله بنی تقویه ایدرسه ک دشمن ایله  
تا کندی مملکتنده محاربه ایدرم » عباردلرینی  
متضمن بر مکتوب یازمش ایدی . عضدالدوله  
کلمه لری بربرینه مشابه و شکللری اکمال و نقطه  
لری وضع اولمندن اوقونمسی غیر ممکن بر جواب  
یازه رق کوندردی . بوکی بر تدبیرک ایخاندندن  
مقصد مکتوبک دشمن الیه کچرسه آکله .  
شامامسی ایدی . ( افکیکن ) جوابی آلتجه  
مضمونی آکلامشدر .

( یازی آلات وادوتی ) : — قلم شمیدیکی  
حاله نصل قامشدن یاپیلورسه او زمانلرده  
دخی عینی قلم قوللانیلیردی . « مداد » دینلن  
مرکبه کلتجه آکلاشلمدیغنه کوره بونی کمر

اسکیمش وچورومش ایکن 'وزرنده کی یازی کورونیوردی . کذلک مذکور کتبخانه ده اوزرنده عربجه یازی بولسان بر چوملک پارچه سنی دخی کوردک . ذکر اولنان مخطو . طائک الک اسکیمی برنجی عصر هجرینک صوکنی تجاوازیتمز . بولرک جمله سی کتبخانه نک سالوننده انظار عمومیه ته تشهیر ایدلمشدر .

لوندرده بریتانیا موزه سنده قاش اوزرینه یازلمش عربی بر خط واردرکه بونک ایکنجی عصر هجرینک ابتدالرنده یازلدینی ظن اولنیور .

بالآخره دولت عباسیه ظهور ایدنجه ( فضل بن یحیی البرمکی ) زماننده مشارالیهک توصیه سیله مکاتباده کاغد قوللانلغه و کاغداعمال ایدلمکه باشلاندى . الک طوغری محاکمه یه کوره عربلر کاغدی چینیلردن اقتباس ایلدیلر . زیرا چینیلر میلاد عیسادن اول کاغداعمالنده کسب مهارت ایدرک کاغداستعمال ایدرلردی . عربلر ( سمرقند ) ی فتح ایتدکلری زمان کاغدی چینیلردن اقتباس ایلدیلر . مع مافیه دولت عباسیه زمانه قدر استعماله اهمیت ویرامشدردی . دولت مشارالیه زماننده کثرت معاملاتدن دری وسائر ایه باشه حقیقه میه جفی آکلاشلدیغندن مخبرات ، دفاتر وسجلات وسائرده کاغداستعماله مجبوریته حاصل اولدی . ( فضل ) ک توصیه سیله بغداد وشام و - اثر بیوک اسلام شهرلرنده کاغداقابرقلری تأسیس ایلدی .

کاغداعمالی صنعتک یر یوزنده انتشار

وتعممنه واسطه اولانلر اسلاملر ایدی . چونکه اوروپالیر قرون وسطاده اویانجه شام کاغدی عربلرده کوره رک آلوب قوللانیدیلر . بوکاغدا انلرجه Charta damascena نامی ایه معروف ایدی . کاغداباقی صنعتی اندلس طریق ایه اوروپا به انتقال ایلدی . اندلسک ( شاطبه ) ، ( بلنسیه ) ، ( طلیطله ) شهرلرنده کاغداعمالنه مخصوص قابرقلر وار ایدی . قطعه مذکوره اسپانیوللرک تحت حکمنه کیرنجه کاغداقابرقلری ده انلرک اله کچدی . کاغداجیلق صنعتی اسپانیوللردن سائر اوروپا اقوامنه انتقال ایتدی . کاغداوزرینه یازیلان الک اسکیمی عربجه یازیلردن بری ( غریب الحدیث ) نامنده کی کتابدن برنسخه در . بونسخه خطیه هولاندهده کائن ( لیدن ) کتابخانه عمومیسنده بولنیور .

بونک اوچنچی عصر هجری اوائلنده یازلمش اولدینی ظن ایدلمکده در . ینه کاغداوزرینه الک اسکیمی یازیلر جمله سندن اوله رق دردنجی عصر هجری اوائلنده یازلمش ( دیوان الادب ) کتابندن برنسخه بریتانیا موزه سی کتبخانه سنده بولنمقده در .

### حجابت ( مابینجیلک )

دول اسلامیه ده حاجیلک وظیفه سی بوکونکی سرای تشریفاتجیسنک ، یاخود مابینجیسنک وظیفه سنه بکزرر . حاجب ، پادشاهک ویا امیرک حضورینه حقیقه جق ذواته استیذانده ورهبرلکده



بولنوردی . پادشاهلغك وقار وهیتنی محافظه  
ایچون اوילה بر مأمورك بولنمسی ضروریدر .  
دولت طریق مدنیتده ایلیلیهرك احتشام  
ودبدبسی تزايد ایتدجکه پادشاه ایله رعایای  
آره سنده وساطتی تشکیل ایدن بونوع مأمورلرک  
عددی دخی او نسبتده چوغالیر . راشدین  
زماننده کی خلفا قبولرخی هرکس ایچون آچیق  
بولندیریرلردی . هرکیم ایستسه کیره یلیردی .  
خلفا فقیر ، زنکین ، بیوک ، کوچک واسطه یه  
وکلفته حاجت برافقسزین هرکس ایله قونو .  
شورلردی .

فقط بالاآخره خلافت پادشاهلق شکلنه  
کیرنججه حاجبلر - مابینجیلر - استخدا منه  
وخلفانک حضورینه چیقجه جقلرک هرکس  
کندی صنفه و نسبته کوره ترتینه لزوم  
کورلدی . بولزومی ایلك تقدیر ایدن  
ذات ( معاویه بن ابی سفیان ) اولدی .  
معاویه نك بو خصوصه نظر دقتنی جلب ایلینده  
( زیاد بن ابیه ) ایدی . خلیفه نك حضورینه  
دخول ایچون مراسم تشریفاتیه ده الك اول ارباب  
نسب تقدم ایدردی . نسب مساوی کلیر ایسه  
مسن اولانلر ، سآ دخی مساوات کوریلیرایسه  
اهل علم وادب احراز تقدم ایلردی . مع مافیه  
درت کئی هر نه وقت اولور ایسه اولسون  
استیذان ایدلمکسزین حضوره ادخال اولنوردی :  
نمازه قالدیران مؤذن ، کیجه خبر کتیرن ساعی  
حدوددن کلن مأمور ، یمک کتیرن آدم . ( زیاد )  
کندی تشریفاتجیسنه شو یولده توصیه ده  
بولنمش ایدی : « سنی تشریفاتجیلکمه تعیین

ایلدم . درت کشتی یه حکمک یوقدر : صلات  
وفلاحده جناب حقه دعوت ایدن بومنادی  
( مؤذن ) . اکا ایلدشه مزسک . کیجه لین کلن  
ساعی . بونی حضوریمه کلمکدن منع ایتمه .  
چونکه او قره بر خبر کتیرمشدرد . ابی بر  
خبر کتیرمش اولسه کیجه کلز . حدوددن  
کلن مأمور ، انی درحال یانمه کتیر . زیرا  
برساعت تأخیره اوغرارسه بوندن حاصل  
اوله جق مضرت برسنده تلافی ایدلمز . یانا قده  
اولسمه بیله انی یانمه ادخال ایت . یمک کتیرن  
آدمی ده براق کیرسون . چونکه یمک تکرار  
ایصدیلیر ایسه طادی بوزولور .

دها صکره خلافت عباسیه کچهرک مشهور  
اولان اقبال و احتشامه بالغ اولنجه امور وخصو-  
صات مهمه دن ماعدا خلقک حضور خلیفه یه  
چیقملرینه ممانعتی برقات دها تزید ایلدیلر .  
( ابن خلدون ) بوکا « ایکنجی تشریفات  
دوری » نامی ویریبور . بودورده خلیفه نك  
حضورینه چیقماق ایسته ینلر ایچون خواصک  
قبولنه مخصوص دائره وعمومک قبولنه مخصوص  
دائرة نامرلیله ایکی دائره قبول تأسس ایلدی .  
خلیفه بودائرلرده تشریفاتجیلرک ترتیباتی وجه  
ایله خواص وعوامی آیری آیری قبول ایدردی .  
دولت عباسیه دور انحطاطه کیرنججه دها صقی  
اوله رق اوچنجی برسد تشریفات وضع ایدلدی .  
حکمدارک حضورینه چیقماق ایچون بوکبی  
صقی موانعک بولنمسی حکمدارک شدتلی بر  
تضییق آلتنه دوشدیکی زمانلرده اولور .  
اوصره لرده رجال دولت شهزاده لر ی مقام

پیغمبری افرادینه عمومی روصی حکمنده ایدی .

نقیب الاشرافلق منصبی الیوکسک مناصبدن عد اولنوردی . خلیفه دن صکره الیوکسک موقع نقیب الاشرافه مخصوص ایدی . ایشته بوسبیدن خلیفه عباسی ( قادر بالله ) زماننده نقیب الاشراف بولان ( الشریف الرضی ) خلیفه مشارالیه خطاباً یازدینی بیتارده : « آره مزده برفرق وار ایسه اوده سن خلیفه سک . بن دکلم . سائر جهلردن بربرمزدن فرقرز یوق » دیمش ایدی .

خلفا طرفدن نقیب الاشرافله یازیلان فرمانار و براتلرده بومقامی احراز ایتش اولان ذوانک علو قدر و منزلتلیله متناسب الفاظ تعظیمیه استعمال اولنوردی . نقیب الاشرافله علی الاکثر حج سقایت وظیفه سی ، دیوان مظالم ریاستی کبی عالی مأموریتلر تودیع ایدیلدی . دول اسلامیه هر دور و هر عصرده نقیب الاشرافله حرمت و تعظیمده بولنشد . دولت عثمانیه دخی بوحرمتی ایلك تشککندن بری محافظه ایتکده در . دولت عثمانیه ده نقیب الاشراف بالجمله رجال دولته و حتی صدر اعظم و شیخ الاسلامه تقدم ایدر .

### طرق صوفیه مشیختی

طرق صوفیه مشیختی ، طرق صوفیه نك ظهورندن صکره نشأت ایتش دینی مناصبدن

حاکمیته اجلاس ایدنبجه امور حکومتنده ایستدکاری کبی اعمال نفوذ ایده بیلیمک ایچون انلری معیت مأمورلری و سائرله ایله کثرت اختلاطدن منع ایدرلر و بوکبی اختلاطلرک هیبت و آداب حکمداری یه مخالف اولدینی اعتقادینی ذهنلرینه یرلشمدیریرلردی . نته کیم دولت عباسیه نك صوگ زمانلرنده بویله اولیوردی . ذاتاً بو حال آنجق دولتك صوگ دورنده عارض اولور .


### نقابت اشراف

بومقامه ( نقابت اشراف ) دینلمسی سلاله نبی تشکیل ایدن شرفایه مخصوص اولمسندن طولاییدر . اهل بیت پیغمبریدن اولان ذواته اسلامیتک اوائلنده پك بیوک حرمت و تعظیم کوستریلدی . سلاله مشارالیه ایچون بررئیس تعیین اولنوردی . ( نقیب الاشراف ) نامی آلان بورئیس سلاله نبوی یه منسوب افرادک ایشلرینه باقار ، نسبیلرینی ضبط و قید ایدر ، تولداتی ، وفاتی دفتره کچیریر ، انلری عادی صنعتلره کیرمکدن و فنا احوالده بولنقدن منع ایدر ، حقلرینی مدافعه و کندیلرینی تأدییه حقه مجبورایلر ، فی و غنیمتدن سلاله پیغمبری یه عائد اولان حصه یی طلب و اخذایله افراد سلاله آره سند توزیع ، سلاله مشارالیه یه منسوب طول قادینلرک کفو اولیانلر ایله ازدواجلرینی منع ایلردی . خلاصه نقیب الاشراف خاندان

صلاح‌الدین بومشیخته وزرات، امارت و عسکری قوماندانانی احراز ایتش اولان شیخ الشیوخ ابن حمویه نك اوغلاری کبی اعظم رجال دولت واکابر و اعیاندن بشقه کیمسه تعیین ایتزدی . ذوالریاستین وزیر صاحب نقی‌الدین عبدالرحمن ابن بنت‌الاعز و سائر بومشیخته بولنانلر جمله سندن ایدیلر . بو حال بوبله جه دوام ایدرک نهایت طقوزنجی عصر هجریده طرق صوفیه مصرده توحید ایدلمش و مشیخته ( سید محمد شمس‌الدین بکری ) تعیین اولمشدر . سید محمد شمس‌الدین عصرینک علماً و دیناً اک بیوک آدم‌لرندن ایدی . ( شعرانی ) مشار الیه حقانده « زمانک العالمی اولدیغنی ادعای تسهم طوغریدن آیرلمش اولمام » دیمشدر . کندیسندن صکره بومقامه اوغلی مفسر شیخ‌الاسلام ( ابوالسرور البکری ) کچدی . بومشیخت حالا ذکر اولنان سلاله نك عهدده سنده در .

بریدر . طریق‌لر شیخنک بالجه طرق صوفیه په نظارته حق واردر . مع مافیه بو طریق‌لردن هر برینک آریجه برشیخی ، هر شیخنک کویلرده و قصبه لرده خلیفه لری ، هر خلیفه نك ده مریدلری واردر . شیخ خانقایی ، خلیفه ده مریدلری ارشاد ایلک ، کندیلرینه نظارتده بولمق ، ایلکه سوق ایتک ، فناقدن اجتناب ایتدیرمک ، تربیه لرینه باقق وظیفه لریله مکلفدرلر . شیخ المشایخ ایسه بونلرک جمله سنه نظارت ایدر . و قتيله طرق صوفیه نك عمومی بر مشیختی یوق ایدی . هر طریق ، یاخود هر زاویه مستقل بر صورتده حرکت ایدردی . بونک سببيله فتنه و شورش اکسک اولمازدی . و قماکه سلطان ( صلاح‌الدین ایوبی ) سعیدالسعدانک خانقاهنی انشا ایدرک خانقاهه ( دویرة الصوفیه ) نامنی ویردی ، بورایه تعیین اولنان شیخه دیگر مشایخ صوفیه اوزرینه برنوع حق تقدیم بخش ایدی . سلطان

### برنجی جلدك صوی



### اخطار

بوجلدك بشنجی فورمه سنك صحیفه رقماری ( ۶۵ ) دن ( ۸۰ ) ه قدر صره ایله قونولمق لازم کلیر ایکن مرتب سهوی اوله رق دردنجی فورمه نك رقماری عیناً تکرار ایدلمش اولقله قارئین کرامک اکا کوره تصحیح بیورملری رجا اولنور .



# مدنیت اسلامیہ تاریخی

برنجی جلدك فهرستی

۱۴۵ دیوان الجند	۳ مقدمہ مؤلف
۱۴۷ عسکرک معاشاتی	۸ مقدمات تمہیدیه
۱۵۱ عسکرک مقداری	۸ عربلر ومدنیت
۱۵۳ رتب وانواع عسکریه	۱۵ حجازده دورجاهلیت
۱۵۴ عسکرکی یکید رسملری	۱۸ ازمنہ جاهلیہده عرب حکومتی
۱۵۶ عسکرک اقامتکاهلری	۱۹ کعبہ معظمہ ، تجارت ، قریش
۱۵۸ سنجاق ، یاخود بیراق	۲۳ اسلامیتدن اول عربلرک انتباهی
۱۶۲ موسیقی	۲۵ اسلامیتہ دعوت
۱۶۲ اسلحہ	۳۴ اسلامیتک ظهوری صرہ لرنده روملر
۱۶۷ محاصره آلات وادواتی	ایله ایرانیلر
۱۷۴ محاربہده اصول تعبیه	۴۱ انتشار اسلامیت
۱۷۹ عسکرلکده استعمال اولنان قوماندالر	۴۳ و ۶۹ خلفای راشدین
۱۸۱ ثغور ، عواصم	۵۳ صدر اسلامده فتوحات اسلامیہ
۱۸۴ دونمالر	۷۵ بنی امیہ دولتی
۱۹۲ بیت المال	۸۳ دولت عباسیہ
۱۹۵ غنائم	۸۷ اندلسده کی دولت امویہ
۱۹۷ فی	۸۸ مصرده فاطمیلر دولتی
۱۹۸ جزیه	۸۹ مملکت اسلامیہ وعدد نفوسی
۲۰۲ خراج	۹۸ دولت اسلامیہده مناصب و دوائر
۲۱۳ برید (پوستہ واستخبارت)	حکومت
۲۱۷ قضاء	۱۰۲ خلافت وتفرعاتی
۲۲۲ دیوان مظالم	۱۰۵ خلفایہ بیعت
۲۲۶ و ۲۲۵ محتسبلک وضابطہ	۱۱۰ علامات خلافت
۲۲۷ دیران الانشاء	۱۱۴ خطبہ ، سکہ ، طراز
۲۳۶ حجاب (مابینجیلک)	۱۲۴ والیکلر
۲۳۸ نقابت اشراق	۱۳۲ وزارت ، امیرالامرالق ، سلطنت
۲۳۸ طرق صوفیہ مشیختی	۱۳۸ عسکرک وتفرعاتی (تاریخی)

# هَلْدَنِيَّ اسْلَامِيَّتْ لَهْ جَرَجِي

دولت اسلاميه نك منشأى ، دوائر اداريه و سياسيه و ماليه و حربه يى ، ممالك اسلاميه نك  
مقدارى و مساحه يى ، عدد نفوسى ، ثروت و مدنيتى ، شان و شوكتى ، خلفانك احوالى ،  
مجلسلى ، علوم و معارف ، ادبيات ، آداب اجتماعيه ، عادات ، اخلاق ، مدنيت اسلاميه  
ايله عصر حاضر مدنيتى آره سنده مقايسه كې مباحث مهمه يى محتويدير .

مؤلفي :  
(الهلال) صاحب و محري  
جرجي زيدان

مترجمي :  
زكي مغامر

طابع و ناشر لري :

« اقدام » غزنه يى صاحب امتياز و سر محري

احمد جودت و زكي مغامر

ايكنجى جلد

دولت اسلاميه ايله خلفا و سائر رجال دوانك ثروت لري ، بو ثروتك سبب حصول  
و اعتلا يى ، دها صكره سبب انحطاط يى ، مملكت اسلاميه نك ، شهر و كويلر ك ثروتى  
حقننده معلوماتى متضمندير

« اقدام » غزنه سنده تفرقه ايدل كدن صكره كتاب صورتنده با صل مشدر .

در سعادت

« اقدام » مطبعه يى

۱۳۲۹





## مقدمه مؤلف

بولدق . بناءً عليه برنجی جلدی عربلرک عهد اسلامدن اولکی زمانلردن اعتباراً اسلامیتدن برآز اول ظهور ایدن انتباه دورینه قدر اولان حاللری ایله ظهور وانتشار اسلامیه، حکومت اسلامیه نك تشکله ، مناصب ودوائر حکومت وعسکرلک و بیت المال تاریخلرینه حصر ایدرک بقیه کتابی اوجمده دیکر اوج جلدده یازه جغمزی برنجی جلدک مقدمه سنده بیان ایلشدک .

ایکنجی جلدی یازمغه باشلادیغمزده ایسه زمین بحثک دها واسع اولدیغنی ، بقیه کتابک اوج جلدله دکل ، درت ، بش جلدله بیله یازیمیه جغنی ، حتی بتون کتابک آلتی ، احتمال که یدی جلدله بالغ اوله جغنی ، دها طوغریسی قاچ جلدله بالغ اوله جغنسک آنحق تحریرک ختامنده آکلاشله جغنی کوردک .

شوایکنجی جلدی ( مملکت اسلامیه نك ثروتی ) کبی اومدنیتک ال بیوک ارکانندن برینه تخصیص ایدیوروز . بخشلری ده شو صورته تقسیم ایلدک :

اولاً دولت اسلامیه نك ثروتی که بوراده حکومتک و رجال حکومتک ثروتلرینی بیان ایتدک .

چکن سنه بو موسمه نشر ایندیکمز برنجی جلد ، موضوعک اهمیتینی و بو اثرک لسانده یکیلکی حسیله ، عالم مطبوعاتده مهم برتأثیر حصوله کتیردی . غزته لر بوجلد حقده تقریظ وتقدیرده بولندقلری کبی انی تنقید دخی ایلدیلر . مصر ، سوریه ، اوروپا ، آمریکا ، ایران وهندستاندن تدقیقات ونشریافته دواغز ایچون تشویقاتی حاوی بزه بر چوق مکتوبلر کلدی . حتی مکتوب کوندرن ذوات آرده سنده برطاقلری واردی که بونلر موجود اولان مأخذلرک ندرتنه مبنی بویله بر کتاب تحریرینک عدم امکانه اولجه ذاهب اولمش ایکن بالآخره بو ذهابک طوغری اولدیغنی آکلادقلرینی بیسان ایدیورلر . ایسته بوتشوویقات درعهده ایندیکمز شو خدمت مهمده تزیید غیرت واقدام ایتهمزه باعث اولدی .

فقط غریبی شوکه بو کتابی یازمغه تشبث ایندیکمز صرهلرده یالکمز برجلدیغنی طولدیره . بیله جک ماده لره تصادف ایده جکمزنی ظن ایتش ایکن تدقیقات اجراسنه باشلادیغمز زمان ظن وتخمینمز خلافه اوله رق اجاله قلم ایچون دها وسعتلی زمینلر ، ماده لر ، یعنی بر جلد یرینه درت جلد طولدیره جق شیلر

ثانیاً بلاد اسلامیہ نك ثروتی كه بوراده  
مملكتك واهالیسنك ثروتی كو ستر دك .  
بختر من یالكنز تاریخه دكل ، حكمت  
تاریخه دخی تعلق ایتدیكى ایچون نازمان نیدن  
باشلایه رق كرك عهد نبوده ، كرك خلفای  
راشدین ، كرك امویین و عباسیین زمانلرنده  
ثروت اسلامیہ نك تاریخى بسط و تمهید ایتدك  
صكره مذکور دولتر تبدل ایتدكجه ثروتك  
دخی بشقه برشكل آلدیغی ، هر دولتك طبیعت  
ونظامات وقوانینه كوره اواختلافك اسباب  
موجبه سنی تدقیق ایتدك . عباسیه لرك زمانه  
مصادف اولان تاریخ مالی بی اعتلا ، انحطاط  
دورلری اولق اوزره ایکیه آیردق . ایلک  
دورده حكومت و مملكتك ثروتی ذروه علیاه  
واصل اولدیغی ایچون تفصیلات ممكنه سیله  
یازدق . بحثه مقدمه اوله رق اوعصر ك  
تاریخنندن و دولت عباسیه نك ظهورینه یاردم  
ایدن اسباب واحوالدن بحث ایلدك . بو تمهید  
ندن اصل تاریخ مالی به كچدك . یازدق لرمزى  
ذهنه دهها زیاده سهولتله یرلش دیرمك ایچون  
اوچنجی عصر هجریده ممالك اسلامیہ نك  
جغرافیة سنی یازه رق ممالك مذکور نك یکدیكرینه  
اولان مناسباتی مبین برخریطه علاوه ایتدك .  
برنجی خلیفه عباسی ( سفاح ) زماننده دولت  
عباسیه دور طفولیتده ایكن احوال مالیة سنی  
و ثروت عمومیه سنی بیان ایتدك صكره دور  
اعتلاسنه مصادف اولان بشنجی خلیفه عباسی  
( رشید ) ویدنجی خلیفه ( مأمون ) دورلرنده  
وارداتجه حاصل اولان تزايدن بحث ایتدیكمز

صهرلرده ایكى دور آره سنده کی فرقلری مبین  
اوج جدول ترتیب وایكى زمان تاریخ مالیسی  
آره سنده بر مقایسه اجرا ایتدك . بومقایسه به  
كوره هر سنه بیت المالد ۳۰۰ میلیون درهم  
( بر درهم تخمیناً بر فرائق ) قدر بر فضله واردات  
قالدیغی آكلاشلمدی كه بو ثروت شمده به قدر  
هیچ بردولته نصیب اولماشدر . بونتیجه بك  
زیاده نظر دقمزى جلب ایلدیكندن او ثروت  
عظیمه نك اسبابی و طبیعت بحتك تأثیر به منبع  
وكیفیت جبايتی ، وارداتدن هر سنه اولسبتده  
بوك بر باره آرمسی اسبابی تدقیقه مجبور  
اوله رق اكادرت سبب بولدق : اولاً ممالك  
اسلامیه نك وسعتی ، ثانیاً اهالی نك زراعت  
واعمار مملكتله اشتغاللری ، ثالثاً ویركیلرك  
آغیرلغی ، رابعاً جبايت اموال اینه مكلف  
اولان والیرك و مأمورلرك استقامتی .  
مصارفانك وارداتدن آز اولسنه كلنجه  
بوده اوج سببه حمل اولنور : اولاً مأمورین  
حكومتك ازمقدارده اولسی ، ثانیاً حكومتك  
بورجلی اولماسی ، ثالثاً ایلک خلیفه لرك مقصد  
وقناعتكار ذواتدن بولملری .  
دولت عباسیه نك ایلک دورلرینه متعلق  
تاریخ مالی بی یازدق دن صكره دور انحطاطنه  
كچدیكمز صهرده اوانحطاطی موجب اولان  
علل واسبابی و اوزمانلرده جاری اولان اصول  
جبايتی تدقیق ایتدك . زمان انحطاطده  
وارداتك آزالدیغی ، مصارفانك ایسه بالعكس  
چوغلدیغی كوره رك حكمتی تحریر ایلدك . نتیجه ده  
وارداتك آزالسنه باعث اولان اسبابك اولاملكتك

کوچامسى ، ثانياً وىركىلر ك تخفيفى ، ثالثاً  
 والىلر ك ارتىكاب وسوء استعمالاتى ، رابعاً  
 خلقك ايش كوجى ترك ايدرك قىتته ومفسدته  
 اشتغاله قويللرى ، خامساً ظهور اضمه حالل ايله  
 اراضى مملكتىدن قسم اعظمىك رجال حكومت  
 وارباب نفوذ مخصوص چىتىلكلر حالته تحول  
 ايتىمى كې باشلىجى بىش سبب اولدىغى كوردك .  
 مصارفك تزايدى ايسىه اولاكرك خلفانك ،  
 كرك حرمارىنك اسرافاتى ، ثانياً مصالح  
 دولته تزايد مصارف ايچون بك چوق  
 قبولر آچلمش اولمى ، ثالثاً معاشرلك آرتىمى ،  
 رابعاً خلفايه بيعت اولدىغى صروده بك چوق  
 مصرفلرده بولنلمى ، خامساً رجال دولتك  
 اموال حكومتى قونترولسىز اولهرق ايتىدكلرى  
 كې اخذ وادخار وياصرف ايدىمىلارلندن  
 عبارت كذلك بىش سببىدن ايلرى كلدىكى  
 كورلدى . خلفانك وزوجه لىرىنك اسرافاتندن  
 بحث ايتىدىكمز صروده اوزمانلرده خلفا  
 وزوجه لىرىنك ثروتلىرى مقدارىنى تحقيق  
 وتحرير ايتىدىكمز كې معاشرلك آرتىمى بىخنده  
 دىخى حكومتك ولاه ، كتاب ، وزرا ، قضاة  
 كې مأمورلىرىنك ، خلفانك تعلقاتى وسراى  
 مأمورلىرىنك ، مأمورين عسكرىنك وسائرلر  
 معاشرلى حقتده معلومات وىردك . رجال دولتك  
 اموال حكومته كيف مايشا تصرفلىرىنى يازاركن  
 انحطاط دورنده وزيرلر ك احوالى ، اختلاس  
 وارثكارلىرى ، جمع ايتىدكلرى ثروتلىرى ،  
 عىن زمانده بيت المال نصل بوم بوش طوردىغى ،  
 ينه عىن زمانده خلفانك نصل فقر وفاقدن


شكايىت ايتىدكلرىنى كوستىردك . طبىعى بو حال  
 بالآخره وزرانك واعظم رجال حكومتك  
 اموال واملاكىك صورت جبرىده مصادره  
 ايدىلمسى موجب اولمشدر . والىلر ك ، كاتب  
 وحاجبارك - ماينىجىلر ك - احوالى حقتده  
 دىخى اوقىلدىن بىخىلر يوروتدك وبوموضوعه  
 دائر برخلاصه اجمال ايله بىخه خاتمه وىردك .  
 دها صكره ايتكىچى قسمده ، بلاد اسلاميه  
 ثروتى ، يعنى مملكتىك واهالىنك ثروتى مدار  
 بىخ وتديقق اتخاذا ايله او عصرده مملكتىك  
 مختصراً احوالى ، اهالى على العموم فقر  
 وپرىشانى ومحكوميت ايچنده بولدىغى حالده  
 ثروتك يالكنز بىوك شهرلر وهىت حاكمه ايله  
 اكا منسوب ارباب وجاهت ونفوذ انحصارى  
 اسبابى بسط ايلدك . وخاتمه بىخنده بصره ،  
 كوفه ، فسطاط ، بغداد وسائر كې مصر ، شام ،  
 عراق ومغرب - آفريقاى شامى - قطعه لرنده  
 بولسان بلاد مشهوره اسلاميه ايله بوشهرلر ك  
 مدنيت مذكوره زمانده بالغ اولدىغى ثروت  
 ومعمورىت حقتده توصيفات لازمهده بولندق .  
 كتابىز ك برنجى جلدى نشر اولدىغى زمان  
 فضلاى عصر ، كتابك اهميت موضوعى  
 وبوبابده كى تدقيقانك كوچامكىنى تقدير ايدرك  
 بولردن بعضلىرى مدح وستايشلىرى حاوى  
 مقاله لر نشريله تزبيد شوق وغيرتزه همت  
 ايلدىلر كى حالده بعضلىرى ده ماخذلر مزدن  
 بى خبر اولمق سائقىله كتابك بىض جهتلىرىنى  
 تنقييد وبزى تخطىلدىن چىكنمىدىلر . بونك  
 اوزرىنه يازدىغىز ردلرده انتقادات واقعه نك



مدار اعتماد اتخاذ ایندیگمز مأخذلری منتقد-  
لر مژك كور مامش اولسندن ایلری کلدیگنی  
اثبات ایتدیگمز کبی تنقید ایدیلن نقاطی ده  
مؤرخین طرفسندن صحته اجماع واقع اولان  
مصدر و مأخذلرینه اسناد وارجاع ایتدك .  
كذلك بر طاقم غزته لوده دخی بعض منتقدین  
مقاله لر نشر و بونلرده بعض نقطه لوده خطا  
ایتدیگمز حکم ایلدیلر. حال بوکه بو خصوصده  
خطا بزدن دکل ، کندیلرندن صدور ایدیو-  
ردی . چونکه بز حقائق تاریخیه یی برنجی  
جلدك مقدمه سنده بر چوققلرنك اسملرینی  
ذکر ایتدیگمز ثقات مؤرخیندن نقل ایدرك  
یازدق. کندی کندیمزه خلق و ایجادده بولندق.  
منتقدلر من اومصدر و مأخذلره مراجعت  
کلفتی اختیار ایتش اولسه لودی بوانقاد زحمتنه  
دوشمیه جکوردی . فی الواقع مذکور جلدی  
یازدیغمز صره لوده اوحقائقك مأخذلرینی  
صحیفه لرك ذیلنه تحریر ایتدیگم دوشوندکدی .  
فقط صحیفه لری بوشنه اشغال ایتماکی دهاموافق  
کوره لرك اوکی قیدلردن واز کچدکدی. فی الحقیقه  
بر مطالعه بیان ، یاخود بر وقعه تحریر  
ایتدیگمزمده مأخذ اوله رق بر کتابدن و یاخود  
متعدد کتابلردن آلوب یازیوردق . صحیفه لرك  
ذیلنده او کتابلره اشارت قید ایتك صحیفه لرك  
بر قسمی اشغال ایتیمی ایدی ؟ لکن اوילה  
یاپمش اولسه ایدك كرك منقدی ، كرك بز  
بی لزوم آلوب ویرمکدن قور تاره جق ایدك .  
مع مافیه كرك انتقاد، كرك تقریظ صورتیه  
بازیلان شیلردن ارباب اقلامك اومأخذلری

ذکر ایتمه منی ایتدکلرینی آکلار کبی اولدق.  
بوندن ماعدا اهل فضل و عرفاندن خیلی ذوات  
دخی واز جمله تاریخ و آداب اسلامیه یه کثرت  
اطلاعی ایله معروف اولان (حیدر آباد دکن) ده  
علوم وفنون ناظری ( شیخ شبلی النعمانی ) کبی  
هندو ایران علماسی بزه طوغریدن طوغری یه  
خصوصی مکتوبلر یازه رق مأخذ ذکر  
لزومی آچیقندن آچیه بیان ایتدیلر .  
فاضل مشارالیه برنجی جلدك انتشاری  
اوزرینه محرر عاجزه خطاباً تقدیرات عالمانه یی  
متضمن و مأخذ ذکر لری لزومی مبین یازدینی  
بر مکتوبده شو یولده بیاناتده بولنیوردی :  
« مدینت اسلامیه تاریخی کتابی کمال اشتیاق  
ایله آلدیم ، اوقودم. چونکه کتابك موضوعی  
بنجه صورت مخصوصده حائز اهمیتدر . کتابی  
هر کیمه کوستردم ایسه بیان تقدیر و تحسین  
ایلدی . کتابك اردو لساننه ترجمه  
اولنه جغنه و باجمله بلاد اسلامیه ده مظهر  
حسن قبول و تقدیرات اوله جغنه شبهه یوقدر .  
یاکمز بر نقطه حقنده بیان مطالعه ایتکلمکمه  
مساعده ایدیگمز . تألیف و تحریرده مصدر  
و مأخذلری کتابك باشنده اجمالاً ذکر ایله  
اکتفا ایتدکدن صکره هر محله استشهاد  
صورتیه مرجع و مأخذ قید و انبا ایتماک  
طریقنی اختیار ایدیورسکمز . بوا یسه بر  
چوق محذوراتی داعیدر . اوجله دن اوروپا  
مستشرقلرندن برچوققلرینی کوردك که بر چوق  
کشفیات فیه و مخترعات علمیه یی عربلره اسناد  
ایدلرلر . اکا بنساء بزه اعلان فخر وغرور

مبین بر بحث تاریخی واجتماعی و بونک میاننده او اسبابك يكديكرينه اولان علاقه وارتباطی و عبرت و موعظه كبی تولید ایتدیكى نتایجی متضمن مطالعات فلسفیه دن متشکل اولدیغندن بونك مطالعینی خواص ناسدن تركب ایدر . تاریخ اسلامی به متعلق اوله رق بوندن دها اول نشر ایتدیكمز رومانلر قارئین كرامك ذهنلرینی بوتاریخی مطالعه به حاضر لامشدی . بر طاقم معاشقات شكندنه یازیلان مذکور رومانلردن صكره شمده بو حقیقی تاریخ اسلامی یی یازیورز . فكر مزجه بر ملك تاریخی برنجی جلده دخی تكرار ایلدیكمز وجه ایله اوملك وقوعات حربیه سندن عبارت دكلدر . اوملك نشأت وانتشاری ، حكومت تشكیلی ، ثروتی ، علوم ومعارفی ، آداب وعاداتی ، قوانین مدنییه سی ، نتیجه احوالی تاریخیدر . یعنی تاریخ مدنیتدر . بر تفصیل عرض ایتدیكمز صعوبات كتابزده كوریله بیله جك خطا ونقصان ایچون حقمزده بر معذرت تشكیل ایدر . و ليس الكمال الا الله وحده .



### مدنیتك ظواهر و حقیقی

دولت اسلامیة نك مدنیتی تدقیق و محاكمه ایچون تمهیدات قبلندن اوله رق برنجی جلده دولت اسلامیة نك کیفیت نشأت و ظهوری ایله تاریخ مصالح اداریه و سیاسیة و مالیة سنی مختصراً بیان ایلش ایدك . هر مدنیتك در حال هر نظره

ایلدورز . فقط ده صكره تحقیقات اجرا ایدنجه هب اوشیلری برر خیالندن عبارت كوریورز . انلك یالان سونلك ایستدكلرینی ادعا ایتیمورز . خطالی استنتاجده بولندیلر دیمك ایستورز . قصورلری اوقدردر . شو حالده یازدقلری شیلرك مصدر و مأخذلرینی كوسترمش اولسه لر ایدی بزم ایچون عندالزوم مراجعت تسهیل ایدلمش اوله جقدی . بوندن ماعدا تاریخ كتابلری درجات وثوق واعتبارده بردكلدر . مأخذ ذكر ایدلمز سه مصدر و منبعك نه درجه ده شایان اعتماد و حائز اهمیت و جدیت اولدیغی بالطبع آكلاشیله ماز .

ایشته بزده بوجلدی یازمغه تشبث ایتد . یكمز زمان اولجه خاطره كان دوشونجه مزه عودتله - كتابلرك اسمی ، جلدینی ، صحیفه سنی یازمق صورتیه - مأخذلریمزی صحیفه لرك ذیلنه قید ایتكی مناسب كوردك . بوشنه یر اشغال ایتماك ایچون اوقیودك الدن كلدیكى قدر مختصر اولسنه غیرت ایتك . بوايشك آریجه تدقیقات اجرا سنه وزحمت اختیارینه احتیاجی آشكاردر . بوجلدی اوقومدن اول صحیفه لرینی علی الماده چوریرسه كز تحریرنده چكدیكمز زحمتك درجه سنی آكلارسكمز . باخصوص بو موضوعده و طرزده یازیلان ایلک اثر اولدیغی ده اونو تمامیلدر .

شوراسنی دخی سویله لم كه مدنیت اسلامیة تاریخی عوام ایچون براكلنجه و یاخود لطائف و یارومان و سائره كتابی قبلندن اولیوب مدنیتك اسباب ظهور وانتشار وانخطاطی

چارپار ظواهری اولدینی کی آنجق تدقیق و تبعله کشف اولنه بیلیر بر طاقم حقائق ده واردر . ظواهر مدنیت انک نتیجه سی اوله رق کوریلن ثروت ، عظمت ، علوم ، ادبیات ، صنائع ، تجارت ، هیئت اجتماعیه نك انتظام و آدابی کی شیلردر . حقائق ایسه مدینتدن اومدنیت اهلنه و یاخود عموم انسانیته سعادت و یاسفالت قیلندن حاصل اولان خیر و یاشردن تشکل ایدر . ثروت ، علم ، ادبیات ، صنائع ، تجارت ، هیئت اجتماعیه نك انتظام و آدابی مدنیت اسلامیه نك ده جمله ظواهرندن ایدی . بوجلدده منحصرأ مملکت اسلامیه نك ثروتندن بحث ایده جکز . بر مملکتک ثروتی حقنده بحثده بولنه بیللمک ایچون او ثروتک منسوب اولدینی دولت و دور اعتباریه منبع و مصدر لرینی واسباب و وجوهی ، هر دورک کندینه مخصوص ثروتی ، ثروتک افراد آره سنده و یاخود بر قاچ کشیده ، حکومت و یار جاننده کیفیت اجتماع و انحصارینی تدقیق و تتبع ایتمک اقتضا ایدر . مملکتک ، شهرلرک ، ابنیه و سائرته نك عظمت و ثروتی بحثی ده بو موضوعه داخلدر .

معلوم اولدینی اوزره مملکت اسلامیه ، ثروتده اک یوکسک درجه یه ، عباسیلر دورنده بالغ اولمشدر . بحثمز مذکور ثروتک تعریف و توصیفنه منحصر اولسه ایدی تحصیل اولنان باره لردن بیت الماله نه مقدار کوتورلدیکنی ، کرک خلفانک ، کرک معیترلی خلقنک نصل زنکیئلک و اسرافات ایله وقت کچیردکلرینی ، او ثروتک منبع و مصدر لرینی ذکر و تعداد ایله اکتفا

ایدردک . فقط بز ، اولیه مختصر کچمیه جکز . تدقیقات لازمه اجراسیله هر حادثه یی سبب و حکمتیه کوسترمکه ، اسبابک ده اصل و منشأ لرینی بولغه و بونلرک زمان و مکان اعتباریه احوال عمومییه اجرا ایندیکی تأثیراتی ایضاح ایتمکه چالیشه جغز .

بونکله برابر شوراسی معلوم اولسونکه مملکت اسلامیه تخصیص صورتیه ذکر ایتمک لازم کلیرسه دولت اسلامیه نك غیری اوله رق کوسترمک اقتضا ایدر . چونکه حکومت اسلامیه حکومت ورجا حکومتدن عبارتدر . مملکت اسلامیه ایسه بتون مملکت ایله اها . لیسندن تشکل ایدر . بناء علیه ثروت مذکورده یی بری ( حکومت اسلامیه ) ثروتی ، دیگر یی ( مملکت اسلامیه ) ثروتی اوله رق ایکی قسمه تقسیم ایتمک و هر دوره کوره ثروتندن بحث ایتمک دها موافق اولور .

مملک اسلامیه نك هر دورینه کوره ثروتی کوستره بیللمک ایچون اولاحضرت نبی زمانندن باشلایه رق صره ایله خافای راشدین ، دها صکره اموی و عباسیلر دورلرینه کچه جکز . بو هر دوری بر طاقم بابله تقسیم ایده جکز . بو بابلرک بعضلری حکومت اسلامیه نك ، یاخود بیت المالک - خزینة دولتک - ، بعضلری . حکومت آدملرینک ثروتلرندن باحث اوله . جقدر . بو بحثلری یورودور ایکن او ثروتلرک اسبابی تحری و کشف ایچون اقتضایدن تبعات و تدقیقاتده بولنه جغز . ثروتک چوقلنی و یا آزلی نه کی احوالدر نشأت ایندیکی تحری ایلیه جکز .



توزیع اولنوردی . شاید اندن برشی قالسه لزومنده قولالاتق اوزره حفظ ایدرلردی . امواله وتوزیه‌اتنه نظارت بالذات حضرت نبی طرفندن اجرا اولنوردی . صدق‌لرک قسم اعظمی مواشی، دوه و آتلردن متشکل بولنوردی . حضرت نبی بو حیواناتک هر نوعه دیگر نوعندن آری برداغ اوروردی .

بنابرین حضرت نبی زماننده دولت اسلامیة مک ثروتی زکاتدن متباقی قالان دوه ، آت و مواشیدن عبارت ایدی . بو حیوانات بر طاقم خصصی مرعالر ایله سائر اهالینک حیواناتندن ممتاز طوتولوردی . حیوانات مذکوره ( مدینه ) قربنده ( بقیع ) موقعنده جمی [ ۱ ] نامی ویریلن مرعالرده رعی ایدیلر وبالذات حضرت پیغمبر طرفندن اوریلان بر داغی [ ۲ ] حامل بولنوردی . حضرت نبی زماننده بواموال دوه ، آت و سائر اوله‌رق ( ۴۰,۰۰۰ ) بالغ اولمشدی [ ۳ ] . اموال مذکوره ایله اکا علاوه ایدیلن صدقه نقودندن غزولر مصرفی ، زکاتک تحصیلی مصرفی ، فقرا و سائرک نفقه‌سی تأدیه اولنوردی .

( ۲ ) خلفای راشدین دوری - ۱۱ سنه

هجریه‌سندن ۴۱ سنه‌سنه قدر

اسلامیتک دور زربنی ایشته بودوردی . عدالت ، تقوی دوری بودر . چونکه حکومت بودورده عدالت ، استقامت ، دیانتک حقیقی قواعد و اصولنه کوره حرکت ایدیور ،

( ۱ ) ماوردی ۱۷۶ [ ۲ ] بخاری ۱۹۰ ج ۱

( ۳ ) شرح الموطأ ( الیازیسی )

خراج ، جزیه و سائرک ناریخندن و مصارفانک انواعندن ده بحث ایده‌جکزر .

دولت اسلامیة ثروتی بش دور ویا عصر کچیرمشد : ( ۱ ) حضرت نبی زمانی ، ( ۲ ) خلفای راشدین دوری ، ( ۳ ) امویلردوری ، ( ۴ ) عباسیلرک برنجی ، یاخود اعتلا دوری ، ( ۵ ) عباسیلرک ایکنجی ، یاخود انحطاط دوری . مصر ، اندلس و سائرده تشکل ایدن دیگر حکومت اسلامیة کلنجه بونلرک ثروتی حقنده استشهاد ویا مثال قیابندن اوله‌رق بعض شیر ذکر ایده‌بیله‌جکزر . چونکه نظر اعتباره آلدیغمز مدنیت اسلامیة آنجق او مشهور مدنیت عباسیه در .

## دولت اسلامیة ثروتی

( ۱ ) حضرت نبی زمانی - برنجی سنه

هجریه‌دن ۱۱ نجی سنه‌سنه قدر

دولتک ثروتندن مقصد وارداتدن مصرف اخراج اولندقدن صکره قالان فضله ، یاخود دولتک مصارفاتی تأدیه ایدلدکن صکره حفظ وادخار اولنان اموال و سائر ایهه دولت اسلامیة مک حضرت نبی زماننده حقیقی بر ثروتی یوق ایدی . چونکه اوزمانلرده پاره آرندیروب صاقلامازلردی . ( بیت المال ) دخی یوق ایدی . انلر ، اله برغنیمت کچیردکجه آرهلرنده تقسیم ایدرلردی . صدقاتده دخی حال اومرکزده ایدی . صدقات درحال اربابنه

منافع خسیسه دنیایی دوشونموردی. اسلاملرک نمونه امثال اتخاذایتدکاری وهرنه زمان بردولت اسلامیه طریق حق وعدالتدن چیقار ایسه اکا عودت و خلفای راشدینک اثرینه اقتفا ایتدیرمک ایستدنکاری دورایشته بودورعالی در. بودوردن صکره حکومت اسلامیه یکی برشکله، یعنی خلافت دینه حالندن دنیوی پادشاهلق حالنه انتقال ایلدی. کرک خلیفه لرده، کرک والیلرده طمعکارلق حرصی اوایندی. هر نه واسطه ایله اولور ایسه اولسون پاره جمع وادخارینه قویولدیلر.

(بیت المال) :- حضرت نبی ارتحال ایتد- کلری زمان مأمورین حکومتی وعسکری اسلاملر تشکیل ایدی-سورلردی. یوقاریده ذکر ایتدیکنمز اسبابدن طولایی (بیت المال) یوق ایدی. اودورده بولنان اسلاملرده احتیاجات ضروریهدن فضله پاره، منفعت آرقه سنده قوشمق حرصی موجود دکل ایدی. اسلاملرک النکچن اموال علی الاکثر صدقندن وغنیمتدن مواشی، بغدای، آت و بونلره مماثل شیلردن تشکیل ایدرک الله نقدود پک آز بولنیوردی. بالآخره شام، ایران ومصر قطعه لری فتح ایدیکجه اموال؛ آلتون وکوش شکنده کلکه باشلادی. اوصورتله کلن آلتون وکوش مسکوکاتک کثرتی ابتدای امرده اسلاملرک باعث حیرتی اولمش ایدی. بوزماندن اعتباراً آرتق نقوده اهمیت ویرمکه باشلادیلر. روایت اولندیغنه نظراً صحابه دن بحرین والیسی (ابو هریره) محل مذکوردن برچوق نقودی

حاملأ حضرت عمرک نزدینه کلش ایدی. حضرت عمرک : « نه کتیردک ؟ » دییه واقع اولان سؤالنه (ابوهریره) « بش یوز بیک درهم » جوابی ویردی. حضرت عمر مقداری چوق بوله رق « نه دیدیککی بیلدورمیسک ؟ » دییه سوردی. (ابوهریره) : « اوت، بش کره یوز بیک » جوابنده بولندی. بونک اوزرینه حضرت عمر منبره چیقهرق : « ای اهالی ! بزه پک چوق پاره لر کلدی. اولچو ایله آلمق ایسترسه کز اولچو ایله، صایی ایله آلمق ایسترسه کز صایی ایله سزه ویریز » [۱] دیمشدر. پاردنک بوصورتله چوچه کلکه باشلامسی حضرت عمر طرفندن دیوان دفترخانه تشکیل اولمنسنه واسلاملرک هر برینه [۲] اسلامیتدکی سبقته وحضرت نبی په اولان قرابتته کوره معاش تخصیص ایدلمسنه باعث اولان اسباب جمله سندن اولدی. معافیه حضرت عمر پاره ادخاری منع ایلشدی. کندیسنه : « ای المؤمنین ! ظهوری محتمل اولان احواله قارشى احتیاط اولمق اوزره بیت الماللرده برشی برافسه کز فناولماز » دییه وقوع بولان ملاحظه یه مقابله حضرت عمر ملاحظه ده بولنان آدمی تکدیر وتوبیخ ایدرک : « بوملاحظه ک شیطان القا آتیدر. الله بنی اندن وقایه بیورسون. بوسوزلر بندن صکره کله جککر ایچوند بومفسدت تشکیل ایدر. بن وقوعی ملحوظ اولان حادثاته قارشى الله ورسولنه اطاعتدن بشقه هیچ برشی حاضر لامام.

[۱] مقریزی ۹۲ ج ۱ (۲) مدنیت اسلامیه

تاریخنک برنجی جلدی صیفه ۱۴۷

ایچون محتساج اولدقلری اموالی تدارك واعطا ایتمکه واسلاملر ایچون عصر آ بعد عصر واردات منبعی اولمغه دوام ایتملری ایدی . اسلاملر چقتلکلر اشترا ایتدکلرنده ایسه حاصلاتندن مستقلاً یالکز کندیلری مستفید اوله جقلردی . وبو جقتلکلر برایکی عصر کچمدن کندیلرینه مخصوص املاک حکمنه کیره جکدی [ ۱ ] . حال بوکه حضرت عمر او کریرلک هنوز حاکمیت اسلامیه آلتنه کیرمین پرلری دهها صکره فتح ایده جک مجاهدین اسلامیه منبع واردات قالمسنی ، صائنامسنی ، ارث صورتیه انتقال ایتنامسنی آرزو ایدی . وری ایدی . باخصوص جهاد هر مسلم اوزرینه فرض اتخاذا ایدلمش ایدی [ ۲ ] . خلفای امویه دن ( عمر بن عبدالعزیز ) بوقاعدی تأیید ایتمک ایستدی . هر خصوصده حضرت فاروقک اثرینه توفیق حرکت ایدن بوذات : « اسلاملرک عهد و ذمتی آلتنه کیرمش هر هانکی غیر مسلم اسلام اولور ایسه اسلامیتی انک نفسنی و مالی صیانت ایدر . دهها اول مالک اولدینی اراضی منفعتی عموم مسلمینه عائد اراضی حکمنه کچر . جزیه اعطاسی شرطی ایله عقد مصالحه ایدن اقوام افرادندن هر هانکیسی اسلام اولور ایسه مالک اولدینی خانه ایله اراضی منسوب اولدینی قومک افرادینه قایلر ، دیمشدر [ ۳ ] . ایشه بونک و امثالک تأثیری اوله رق اسلاملر تجارت ، زراعت و سائر ایله اوغراشمغه تنزل ایتزلردی .

[ ۱ ] ابویوسفک کتاب الخراجی ۱۴ [ ۲ ] ابن عساکر

[ ۳ ] مقریزی ۷۷ ج ۱

بو حاله یتشمه مزایسته اوسایه : در ، [ ۱ ] جوابنده بولنشدر .

حضرت عمر زماننده اموال دولت تزايد ایله دیوان حکومت تأسس ایتدیکی زمان مشارالیه والیر و قاضیر و معاشلر تخصیص ایلش و اموال ادخاری منع ایتدیکی کبی اسلاملری چقتلک صاحبی اولمقدن وزراعتله اوغراشمقدن ، یاخود ارباب زراعتله اور تالق و سائر صورتیه ایش کورمکدن ده منع ایتشدی [ ۲ ] . چونکه اسلاملرک و عائله لرینک و حتی کوله و آزادیلرینک معیشتلری بیت المالدن تأمین ایدلمش ایدی . حضرت عمر بو کبی ممنوعیتدن اسلاملرک دائمی عسکر قالمیرینی ، دائمی سفره حاضر بولملرینی ، زراعت محصولاتک ، یاخود رفاهیت و سفاهتک حرکتلرینه مانع تشکیل ایتنامسنی آرزو ایتمش ایدی . مملکتک اهالی اصلیه سندن بری اسلام اولور ایسه دهها اول مالک اولدینی اراضی و خانه کندی قریه سی اهالیسنه قاهره آره . لرنده تقسیم اولنوردی . انلرده او اراضی ایچون اولجه تأدیه اولسان خراجی تأدیه ده دوام ایدرلردی . اسلام اولان کیمسیه سائر اموالی ، کوله لری ، حیواناتی تسایم اولنور و سائر مسلمین کبی دیوان طرفدن کندیسنه معاش باغلانیردی [ ۳ ] .

حضرت عمرک بو قاعده دن مقصدی اسلام اولیانلرک اسلاملرک اکمال جهاد

[ ۱ ] ابن الاثیر ۲۴۸ ج ۲ و الفغری ۷۵

[ ۲ ] مقریزی ۲۵۹ ج ۲

[ ۳ ] ابن عساکر ( قره مر نسخه سی )



(خلفانك وواليرك ثروتلى) : بالاده ويرديكمز معلوماتدن آكلاشلايدىني وجه ايله خلفاي راشدين كندى نفسلىرى ايچون ثروت آرامازلردى . حضرت ( ابو بكر ) ارتحال ايتديكى زمان مشاراليهك نذرندة حكومت باردسندن اوله رق يالكرز بر دینار بولمئشدرکه اوده بیت الماله عائد بر چوالدن دوشمئش ایدی [۱]. مشاراليه كلن باردلری مساوات اوزره اسلامله توزیع ایدر ، كندی نفسی دوشونمز ایدی . حق اسلامیتدن اول مالك اولدینی كندی اموال خصوصیه سنی هپ صرف ایتش ایدی . او اموال خصوصیه قرق بيك درهم مقدارنده ایدی . تجارتدن قازانه رق او يولده صرف ايتديكى مبالغ ايسه داخل حساب دكلدر . ابو بكر كندی نفقه سنی تأمین ايچون تجارتله اشتغال ایدردى . ده صكره تجارتله اشتغالى اسلاملك امور وخصوصاتى رؤيته مانع اولسون ديه مشاراليهك وعائله سنك نفقه سه قارشيلق اولق اوزره اموال مسامیندن كنديسنه بر معاش تخصیص اولندی . مشاراليه ارتحاله ياقلاشجه مالك اولدینی بر ارضك صاتيله رق اثماني ايله مال مسلمیندن آلدینی باره نك تأديه اولمئسنى وصیت ایلشدر [۲] . ارتحالنده ايكي اثوابى واددى . انلر ايله تكفين ایدلمسنى ونیت ایتشدى .

حضرت عمرك زهد و زاهته متعلق روایت اولنان احوال و افعالی هر درلو شهرتك فوقنده در . خلاصه دینیه بیلیرکه دولت اسلامیه یی

[۱] ابن الاثير ۲۰۴ ج ۲

[۲] ابن الاثير ۲۰۷ ج ۲

اك قوی اساسلر اوزرينه تأسيس ایدن ذات حضرت عمر ایدی . مشاراليه بودولتى ، عدالت ، تقوى ، زهد ، حق و حقیقى مدافعه ايچون فداكارلىق اساسلى اوزرينه تأسيس ايتدی . او قدر مزايك بر ذاتده بر آرده اجتماعي پك نادر اولديغندن مشاراليه حقهده روایت اولنان احوال و افعال وهلة مبالغلی ظن اولنور . فقط او مناقب عاليه دن هيچ برتارينخده مثلى كورلین برشكده حاصل اولان نتایجی نظر دقته آله جق اولورسقى اكا پك قولايقله اينانيرز . عهد فاروقیده وقوع بولان فتوحاتی ، مدینه ده کی بیت الماله هر طرفدن اموال و نقودك اولوقلردن ياغمور بوشانیرجه سته هجوم ایتسنى ، بوكا رغما حضرت عمر سائر صحابه اولینه قیاساً كندی نفسنه تخصیص ايتديكى معاشدن ماعدا اوباره دن برشى آلامسنى ، آلمنى خاطرينه بيله كتير ماسنى دوشونمك سائر مآثر عمریه یی آكلامغه كفایت ایدر . حضرت عمر كندی معاشندن فضله بر مقدار باره یه محتاج اولدینی زمان او باره یی بیت المال متولیسندن استقراض صورتيله آلیز وبعده آیلقلرندن محسوبنى اجرا ايتديره رك ایفا ایدردى [۱] . مشاراليه ياره لانوبده اجلنك تقرب ايتديكى حس ايدنجيه اوغلنه « بیت المالدن سكسان بيك درهم استقراض ایتدم . چوجقلريمك اموالندن تأديه اولنسون بوكافی كمزسه بقيه یی خطاب عائله سى تأديه ایلسون » دیمش ایدی [۲] . حضرت عمرك

[۱] ابن الاثير ۲۹ ج ۳ (۲) یعقوبی ۱۸۳ ج ۲

اولئان ذواتن اڪثرينك زهد و تقوى و اسلاميت  
 حقنده حسن اعتقاد صاحبي بولنملري خلفاي  
 مشاراليهمك عدالت و حقانيت نشر و تأييد ايتلمرينه  
 كنديلارينه پك چوق يارديم ايلدى . حضرت  
 عمر واليلردن برينك معين اولان معاشندن  
 ماعدا تجارت طريقه و ياخود سائر صور تارايه  
 پاره قازانه رق زنكيكلىشديكنى آكلارسه  
 او وائيك النده كى ثروتك نصفى آلب ( بيت المال )  
 تسليم ايدر و بوم تقاسمه ده بر حقتسراق كور مزدى .  
 نته كيم كوفه واليسى ( سعد بن ابى وقاص )  
 ومصر واليسى ( عمرو بن العاص ) و بحرین  
 والدى ( ابو هريره ) و سائر ه حقنده او بولده  
 معامله ده بولنمشدى [ ۱ ] .

هيچ شبهه يوقدر كه والى خليفه سنى زاهد ،  
 صلاح پرور ، منافع شخصيه دن محتجب ، ملت  
 خدمت امرنده فداكار كور رايسه كنديسى ده  
 فكرآ مخالف اولسه بيله فعلاً خليفه سنك اثر  
 صالحه تبعاً حركته مجبور اولور . مع مافيه او  
 زمانكى خلفا كندى فكر و مساكنرنده بولنميا نلري  
 والى تعيين ايتمز لردى . باخصوص حضرت عمر  
 واليلر حقنده پك شدتلى طاور ايتردى . هر سنه  
 واليلر حقنده تفتيشات و تحقيقات اجرا ايدر  
 واك كوچك برقباحتدن طولايى واليلرى  
 عزله تردد ايتزدى . روايت اولنديغنه كوره  
 حضرت عمر ( عمير بن سعد ) نامنده بر ذاتى  
 حمصه والى تعيين ايتمش ايدى . تعيينندن بر  
 سنه صكره حضرت عمر بووالى به « يانزه كل »  
 دينه يازار . ( عمير ) يايان و يالين آياق والنده

ما كولات و ملبوساتده كى زهدى ده شهرت كيردر .  
 حضرت عمر او بولده هانكى مناقبه مالك  
 ايسه حضرت على دخی عینی مناقبي حائز ايدى .  
 حضرت امام زهد و عدالتده پك ايلرى  
 كيتمش ايدى : « فاطمه ايله ازدواج ايتديكم  
 زمان بر قوچ دريسندن بشقه يناغم يوق ايدى .  
 كيجه لين اونك اوزرنده ياتاردق . كوندوزين  
 صوطاشيان حيوانمزه ينه انك اوزرينه يم  
 ويريردك . فاطمه دن ماعدا بكا خدمت ايدده جك  
 كيمسه م يوق ايدى » سوزلرى امام مشاراليهدن  
 صادر اولان اقوال جمله سندندر . حضرت  
 عليك خلافتى زمانده كنديسنه ( اصفهان ) دن  
 بر طاقم اموال كلمش ايدى . حضرت امام  
 اموال مذكوره يي يدي قسمة تقسيم ايتدى .  
 تقسيمدن صكره بر اكمك آرتدى . مشاراليه  
 بواكمكى ده يدي به تقسيم و هر قسمنى او يدي  
 پايدن برينه علاوه ايتدك دن صكره اسباع امرا سنى  
 چاغيروب هانكي سنه ده اول ويره جكنى  
 قرعه ايله تعيين ايلدى . حضرت على بر  
 طوغله يي ديكر بر طوغله ، بر طاشى ديكر  
 بر طاش ، بر قامشى ديكر بر قامش اوزرينه  
 بنا و وضع ايتدى . مدينه دن جواباتى بر طغار جق  
 ايچنده كتيريردى . روايت كوره مشاراليه  
 بازاره بر قليب چيقاره رق صاندقدن صكره :  
 « چارشف بهاسى اوله رق درت درهم اولسه  
 ايدى بوقليجى صاتمازدم » ديمشدر . حضرت  
 عليك بو بولده كى مناقبي بى حسابدر [ ۱ ] .  
 خلفاي راشدين دورنده ولاياته والى تعيين

بردکنک اولدینی وادوات سفریه سی و طغارجق وجوملکی صرتنده بولندینی حالده آبالسزین نزد خلیفه یه کلیر . حضرت عمر انی بوحالده کورنجه: «ای عمر! بزیمی آلماتق ایستیورسک، یوقسه بولندیگ مملکتی فساد ؟» دییه صورار . (عمر) : «ای امیرالمؤمنین ! فنا سویلکدن وسوء ظنده بولنقدن سزی جناب حق منع بیورمدیمی ؟ اموال دنیادن هر نه یه مالک ایسه مانی برابر کتیردم» جوابنده بولنور . حضرت عمرک «یکی ، نه کتیردک ؟» دییه واقع اولان سؤالنه (عمر) : «اوزرینه طیاندیغ وبردشمنله قارشى قارشى یه کلسه م اودشمنی دفع ایده جکم دکنک ایله ایچنه یمکمی قویدیغ طغارجق» دیر . حضرت عمرک «شو حالده والیلکک ائناسنده نه یایدک ؟» دییه رک واقع اولان سؤالنده (عمر) : «دوله لری دوه صاحبی اولانلردن (یعنی زکاتی اصحاب زکاتدن) وجزییه یی غیر مساملردن آلهرق فقرا ، مساکین ، ابنای سبیلله طاغیتدم . اندن یانمده برشی قالمش اولسه ایدی اتی سزه کتیره جکدم» جوابی ویریر . بونک اوزرینه حضرت عمر بوذاته : «ایله ایسه تکرار والیلککه کیت ، دییه رک محل مأموریتنه تکرار والی اولهرق کوندریر [۱] .

بوراده برآز طور ووده تفسیره محتاج بر خصوصی دوشونمکلکمز لابددر . حضرت عمرک مال ، ثروت طوبیلامدیغنی ، پاره ادخارینه ده منع ایلدیکی یوقاریده بیان ایلمش ایدک .

شوحالده مشارالیه زماننده ، حضرت بی و متعاقباً حضرت ابوبکر دورلرنده کلن اموال غنائم حقنده یاپلدینی کبی بیت الماله کلن اموال مساوات اوزره تقسیم وتوزیع ایدلسه ایدی ، مال ادخار ایتک امکان خارجنده اوله جقدی . حال بوکه حضرت عمر زماننده او یولده تقسیمات وتوزیعات اصولی قالدیریلهرق اکا بدل اسلامله سنوی معاشر تخصیص اولنش ایدی . اندن ماعدا بودورده کی واردات دولت ، فتوحات ایله توسع ایدن ممالک اسلامیه دن جبات اولنغه باشلایان اموالک انضمامیله ده اولکی زمانلرک وارداتنه نسبتاً پک چوق آرتمش ایدی . ممالک مفتوحه هپ خراج ، جزیه تأدیه ایدیوردی . غنائمدن دخی برچوق اموال کلیوردی . شوحاله کوره حضرت عمر بوکلن اموالندن معاشاتک تأدیه سندن صکره آرتان مقداری نه یاباردی ؟ ظاهر حالدن آکلاشیلورکه حضرت عمر بو آرتان مبالغی ارباب احتیاج و ضرورته توزیع ایدردی . یاخود اوکی ضرورتیدکانه عندالحاجه توزیع اولنق ایچون آلیقوردی . مع مافیه بو حال ادخار دیمک دکلدی . چونکه حضرت عمر آنجق حرب ایچون احتیاطاً اموال ادخاری منع ایلمش ایدی .

(اسلاملرک اموال صاحبی اولملری) : -  
هم بوکه لزومنده صرف اولنق ایچون احتیاطاً پاره ادخار ایتماک دوللرک وهر نوع حاکمیت تمللریگی تشکیل ایدن قواعد اساسیه مخالفدر .  
الده قوت اولق اوزره احتیاطاً پاره صاقلامق



حاکمیتک تأسس واستقراری ایچون امور ضروریه دن معدوددر . اساس حاکمیت بویله ایکن پاره ادخار ایتمامک نصل اولور ؟ فقط ایلك اسلامار خلافتی بر حاکمیت سیاسیة عد ایتمزلردی . ایشته بوسببه مبنی انلرک زمانلری دور نبوتک انقضاسنه ودهشت نبوتک زوالنه قدر دوام ایده بیلدی . بوزمان بیتنجه خالق اسکی فطرتلرینه عودتله ادخار اموال و ثروته و احراز حاکمیت ایچون رقابت قویولدیله .

خالق بویله حضرت (عثمان بن عفان) زماننده (۳۳-۳۵ سنه هجریه لرنده) دوکولدیله . چونکه حضرت عثمان حضرت عمر کی شدتلی طاور اتمازدی . بونکه برابر مشارالیه امویلردن ایدی . بوسببدن امویلر کندیبی ایله کسب قوت ایتدیله و زمان جاهلیته کندی اللرنده ایکن اسلامیتدن صکره حضرت نبی هاشمیلردن اولدیفی ایچون هاشمیلره انتقال ایلین حاکمیتی تکرار الده ایتمکی دوشونمکه قویولدیله [۱] . حضرت عثمان والیکلره کندی اقربالردن آدمیر تعیین ایتمکه باشلادی . بونلرک ایچنده اسلاملره غلبه ایده مامکدن حاصل اولان نومیدلک نتیجه سننده اسلامیتی قبول ایدن ذواتده واردی . مشارالیه زماننده پک چوق فتوحات میسر اولمشدی . پک چوق اموال غنائم کلردی . حضرت عثمان بو غنائمدن حکومت مأموریتلرینه تعیین ایتدیکی کندی اقربا و تعلقاتنه سائر صحابه دن فضله مقدارلر ویرردی . نته کیم ۲۷ سنه هجریه سننده

آفریقاندان کان اموال غنائمه یاپدیفی کی . اسلاملر (حضرت عثمانک سوت قاردشی اولان) عبدالله بن سعدک قومانداسی آلتنده اوله رق قطعته مذکورده محارباتده بولمشلر و ۲,۵۰۰,۰۰۰ دینار قیمتنده اموال غنائم اله کچیرمشلردی . حضرت عثمان بونک خمسنی (مروان بن الحکم) ه ویره رک قیزی اکا تزویج ایلدی [۱] . حال بوکه بوخمس بیت المالك حق ایدی . حضرت عثمان والیردن حساب صورلمسنى ابطال ایتدی . چونکه والیر کندی اقرباسندن ایدیلر . بونک اوزرینه والیر وسائر مأمورین حکومت حرص وطمعه دوشهرک جمع ثروته باشلادیله . باخصوص (معاویه بن ابی سفیان) - که شام قطعته سی والیبی ایدی - هپسندن زیاده دهه و ذکا ، هپسندن زیاده بیوک ماللر صاحبی ایدی . بناء علیه اسلاملرک زراعتدن ، کوی وچفتلک وسائر صاحبی اولمقدن ممنوعیتلرینه دائر حضرت عمر طرفندن وضع ایدیلن قاعده نی ابطال ایدنلرک پیشدارلری اولدی .

اسلاملر شام قطعته سنی فتح ایله اراضی بی احجاب اصلیه سنک النده بقا ایتدکری صهرلرده اواراضینک بیوک برقسعی روم قوماندانلری اولان (بطارقه) نک ملکی ایدی . روملر مغلوب اولوبده بطارقه دخی فرار ایلدکن ، یاخود مقتول اولدقدن صکره تحت تملکلرنده بولان کویلر وچفتلکلر صاحبسز قالمش ایدی . اسلاملر بویلرلی بیت الماله وقف ایلدیله . برانسان کندی کوینی نصل الحجاره ویریر ایسه

زماننده (۳۳-۳۵ سنه هجریه لرنده) دوکولدیله . چونکه حضرت عثمان حضرت عمر کی شدتلی طاور اتمازدی . بونکه برابر مشارالیه امویلردن ایدی . بوسببدن امویلر کندیبی ایله کسب قوت ایتدیله و زمان جاهلیته کندی اللرنده ایکن اسلامیتدن صکره حضرت نبی هاشمیلردن اولدیفی ایچون هاشمیلره انتقال ایلین حاکمیتی تکرار الده ایتمکی دوشونمکه قویولدیله [۱] . حضرت عثمان والیکلره کندی اقربالردن آدمیر تعیین ایتمکه باشلادی . بونلرک ایچنده اسلاملره غلبه ایده مامکدن حاصل اولان نومیدلک نتیجه سننده اسلامیتی قبول ایدن ذواتده واردی . مشارالیه زماننده پک چوق فتوحات میسر اولمشدی . پک چوق اموال غنائم کلردی . حضرت عثمان بو غنائمدن حکومت مأموریتلرینه تعیین ایتدیکی کندی اقربا و تعلقاتنه سائر صحابه دن فضله مقدارلر ویرردی . نته کیم ۲۷ سنه هجریه سننده

والیلرده بوکویلری اولهجه ایجاره ویررلر  
 وایوزدن کلن حاصلات بیت‌الماله تسلیم  
 اولنوردی. و قناکه (معاویه) شام والیکنده  
 یرلشهرک اسرافاتده وچوق معیت آدمیری  
 قوللانمقده روملری تقلیده قویولدی، آلدیغی  
 معاش کندیسینه کفایت ایتمامکه باشلادی.  
 حضرت عثمانده دخی بو خصوصده ضعف  
 ومیل کوردیکندن کندیسینه تخصیص اولنان  
 معاشک اردو وامراسی طرفندن گلکده اولان  
 هیئات مخصوصه ومأمورین ایله روملر جانبدن  
 کوندربان مأمورین وهیئات مخصوصه ایچون  
 اختیاری لایه اولان مهمانوازلق مصرفنه  
 یتشامکده اولدیغی خلیفه مشارالیه یازدی.  
 بو مکتوبده ذکر اولنان کوی وچقلکلرک  
 موجودیتدن بحث ایله بونلرک صاحبسز لرلردن  
 متشکل اولدیغی، اسلاملرک عهد وحمایه‌سی  
 آلتنده بولنان غیرمسلملرک کویلرندن وخروجه  
 تابع اراضیدن اولدیغی بیان وبونلرک کندیسینه  
 اقطاع ایلملسی طلب ایلدی [۱]. حضرت  
 عمر (معاویه) یه سنوی بیک دینار معاش  
 تخصیص ایتش ایدی [۲]. بومقدار معاش  
 اوزمانلرده دیگر والیلره تخصیص اولنان  
 معاشرله نسبت چوق ایدی. (معاویه) ذکر  
 اولنان کویلرک کندیسینه مقاطعه صورتیه  
 ویرلمسنی طلب ایدنجه حضرت عثمان طلب  
 واقعی اسعاف ایلدی. (معاویه) بو چقلکلر  
 اوزرینه وضع ید ایدرک وارداتی کندی  
 خاندانه منسوب محتاجینه تخصیص ایتدی.

(معاویه) نک بو خصوصده کی موفقیتی  
 بالاخره خلیفه اولدیغی زمان برچوق اراضی  
 صاحبی اولوب صائمغه وعینی صلاحیتی عموم  
 اسلاملره اعطایه کندیسینه باعث جسات اولدی.  
 (معاویه) نک طوتدیغی بویوله سائر  
 والیلر ایله صحابه طرفندن سلوک ایدیلرک بونلر  
 وازجمله (طلحه)، (زبیر)، (سعد)،  
 (یعلی) وسائره کی اکابر صحابه دن برطاقم  
 ذوات کوی وعقار صاحبی اولملرک وپک چوق  
 ماللره مالکیتله آچیقندن آچیفه زنکین  
 کسلمه‌شلردر. حضرت عثمان دخی بالذات  
 برچوق کویلره مالک اولاش، برچوق اموال  
 جمع وادخار ایلشدر. مشارالیه ارتحال  
 ایتدکن صکره خزینه‌دارینک نزدنده  
 ۱۵۰,۰۰۰ دینار و ۱,۰۰۰,۰۰۰ درهم  
 بولنشدر. حضرت عثمانک (وادی القری)  
 و (حنین) وسائرده کائن کویلری ۱۰۰,۰۰۰  
 دینارقیمتمده ایدی. آت و دود دخی براقشدر [۱].  
 قرآن احوال دن آکلاشیلورکه حضرت عثمان  
 واردات دن کلن اموالده فضله آرتقمده اولدیغی  
 کوره‌رک اسلاملرک ثروت صاحبی اولملری  
 ایچون تسهیلات کوسترلسمی جهتمه میل ایتشدر.  
 اطرافنده بولنان اقرباسنک وباخصوص معاویه‌نک  
 تشویقاتی ده اومیلی تقویه ایدن اسباب جمله‌سندن  
 اولمشدر. ده صکره عقارات صاحبی اولمق  
 مألوف وجاری برعات حکمنه کیرمشدر.  
 حضرت عثمان ایله کندیسندن صکره  
 کلن خالفانک، صاحباری غیرمعروف برطاقم

یوم قیامتده آنشدن داغلر ایله آللرینک ،  
 یان طرفلرینک ، بللرینک داغلانه جغه امین  
 اولسونلر . . مشارایله بونی دییه دییه ،  
 تکرار ایده ایده نهایت فقرا اکا مقتون اولمش  
 وبوقاعدینی زنکینلر حقننده تطبیقه باشلا-  
 مشلردر . ارباب ثروت فقرای اهالیدن  
 چکدکلرینی معاوییه اخبار ایله شکایت ایتدیلر .  
 معاویه ذاتاً اوزنکینلردن زیاده حالدن مشتکی  
 ایدی . چونکه ( ابوذر ) معاوییه اموال جمع  
 وادخار ایتدیکلرین طولانی برقاچ دفعه  
 توخیخاتده بولنش ایدی . اوجهلندن معاویه  
 شامده ( خضرا ) قصرینی انشا ایتدیکی زمان  
 ( ابوذر ) دن : « بونی نصل کوریورسک ؟ »  
 دییه صورمش ایدی . ( ابوذر ) معاوییه :  
 « اکر بوقصری اللهه عائد اولان اموالندن  
 انشا ایتدک ایسه اللهه خیانتده بولنشسک  
 دیمکدر . اکر کمدی پارهک ایله یاپدک ایسه  
 او حالده مسرف عد اولنورسک » دیمش ایدی (۱) .  
 ( معاویه ) ابو ذرک توخیخاتندن صوک  
 درجهده دلکیر اولهرق کندیسنی تحت محاکمه  
 آلهحق برطوزاغه دوشورمک ایستدی . اکا  
 برواسطه ایله بیک دینار کوندردی . معاویه نك  
 مقصدی ( ابوذر ) ی بواره ایله اغرا واغوا  
 ایتک ، ده صکره پاره ادخاریله کندیسنی  
 اتهم ایلک ایدی . ( ابوذر ) پاره لر  
 آلتجه درحال انی فقرایه طاغیتدی . حال بوکه  
 بواره لر کندیسنه کیجه واصل اولمش ایدی .  
 ایرتسی کونی صباحلین ( معاویه ) طرفندن

اراضی نی ایجار ویا التزام قیلمدن بیت الماله  
 بر مقدار پاره تأدیه ایدمک شرطیله مقاطعه  
 صورتیله ویرملری ده اسلاملر میاننده املاک  
 وراضی صاحبی اولمق عادتک انتشارینه  
 سبب اولان خصوصات جمله سندن ایدی .  
 و قناکه ۸۲ سنه هجریه سننده خوارجندن  
 ( عبدالرحمن بن اشعث ) فقهسی وقوع  
 بولهرق دیوان محترق اولدی ، هرکس الله  
 بولان اونوع اراضی به صاحب کسلدی [۱] .  
 معافیله اسلاملر ( معاویه ) نك بوخصوصده  
 وقوع بولان اجرا آنسندن ممنون دکلدیلر .  
 چونکه بونده مساواته رعایت ایتماش ایدی .  
 بناء علیه اسلاملر وبالخاصه فقها وارباب زهد  
 وتقوی ( معاویه ) یه خصم کسلدیلر . صحابه دن  
 ( ابوذرغفاری ) ایله معاویه آره سننده جریان  
 ایدن وقوعات معاویه حقنده اظهار اولنان  
 خصومتیه کافی بر نمونه تشکیل ایدر . ( ابوذر )  
 حضرت عمر طرفندن وضع ایدیلن قاعده یه  
 شدتله متمسک بر ذات ایدی . مشارایله قدرینه  
 کوره « برمسلمک برکون وبرکیجه ییه جک  
 وایچه جکندن ، یاخود فی سبیل الله اتفاق  
 ایدیله جک ، یاخود کریم بر آدمیه ویریله جک  
 مقصداردن فضله برشیئه مالک اولسی جائز  
 دکلدر » [ ۲ ] . ( ابوذر ) شامده طوردرق  
 شوپولده مواعظده بولنیوردی : « ای زنکینلر  
 طاقمی ! فقرایه مواساتده بولنکیز . آلتون  
 وکمش صاقلایوبده الله یولنده صرف ایتیلر

( ۱ ) ماوردی ۱۸۳

( ۲ ) ابن الاثیر ۵۵ ج ۳

( ۱ ) ابن الفقیه ۱۵۶



بر آدم ابو ذر ك زدينه كله رك پاره لری ياكشلقله  
 كنديسنه ويرمش اولديغنى بيان ايله اعاده سنى  
 طلب ايتدى . ( ابو ذر ) پاره يى آلدی كې  
 در حال طاغيت مش اولديغنى سويليه رك پاره يى  
 بولوب تادييه ايتك ايچون اوچ كون امهال  
 ايدلسنى طلب ايلدى . بونك اوزرينه معاويه  
 ( ابو ذر ) ى فته جيلكه اتهامدن بشقه برشى  
 بوله ميه رق حضرت عثمانه : « ابو ذر ايله شامى  
 كندى حقه برفته وفساد منعى پادك » ديه  
 يازار . حضرت ( عثمان ) بوكا جواباً : « ابو ذرى  
 مندرسز سمرلى بردويه بى نديره رك يانسه  
 كوندري » [ ۱ ] امرى ويرير . ( ابو ذر ) مدينه  
 وارنجيه حضرت عثمان انى مواخذنه و محكمه  
 ايدر . ( ابو ذر ) اصلا قورقيه رق بنى اميه ك  
 حرص وطمعه پك ايلرى كيتمكه وطريق  
 حقدن آيرلقد اولدقلىنى علماً بيان ايلر .  
 بونك اوزرينه حضرت عثمان ( ابو ذر ) ى قوه  
 جبريه ايله مدينه دن چيقاره رق ( ربذه ) يه  
 كوندرير . ( ابو ذر ) بوراده ارتحالنه قدراقامت  
 ايدر . ابو ذر ك منفاده بوضو رتله وفاتى حضرت  
 عثمان طرفندن وقوع بولوب اوزما نكي اسلام لك  
 نظر خصومتى دعوت ايدن حاللردن برى تشكيل  
 ايلدى .

بالآخره ۳۵ سنه هجر يه سنده حضرت عثمانك  
 شهادتيله برابر خلافت فته سى ظهوره كلنجه  
 كندى نفسى ايچون خلافتى آرزو ايدن ( معاويه )  
 خلافتى ايتينلر مياننده نسباً و سابقه كنديسندن  
 ده حقل برطاقم ذوات موجود اولديغنى

وبناء عليه مقصده وصول ايچون پاره استعمالى  
 ضرورى بولنديغنى كوره رك طرفدار الله ايتك  
 اوزره لزومنده بذل واعطا ايچون پاره جمعه  
 برقات ده ايهت ويردى . فى الواقع پاره  
 اويله بر قوتدر كه هر هانكي شكلده قوللانير سه كز  
 اوشكه كوره بر قوت كسيلر . پاره من القديم  
 بيوك تشبثاتك مرجعيدر . بوكون دخى عالم  
 مدنيتك امور سياسيه سى بو محور اوزرينه  
 دو نمكده بردوامدر . دنيا ده هيچ بر محاربه ،  
 بر مصالحه ، بر اتفاق ، بر معاهده ، هيچ بر  
 فتح ، بر محاصره وقوع بولما مشدر كه « پاره »  
 اكا محرك ويا باعث اولسون . ( معاويه ) دخى  
 بو يولده حركت ايدر ك كنديسنه ده و ذكا  
 ويا سيف وجلادت ايله مظامرت ايدن دهاته  
 عربدن بر طاقلىرى پاره قوتى ايله استخدا م  
 ايتمش وبوسايه ده ( صفين ) وقعه مندن صكره  
 خلافتى الله ايتمكه موفق اولمشدر . مع مافيه  
 خلافت ، مشار اليه ك عهده سنده ، آنجق قرقى  
 سنه هجر يه سنه حضرت علينك شهادتى و اوغلى  
 حضرت حسنك خلافتدن فراغى اوزرينه  
 بسبتون تقرر ايلشدر . معاويه ك پاره قوتى  
 ايله خلافتى اله كچيرديكى خلق بيلوردى .  
 حق امام على حفيديك اوغلى ( زين العابدين ) :  
 « معاويه كندى آتونك قوتى ايله حضرت  
 على يه محاربه ايدىورى » ديمشدى [ ۱ ] . ده  
 صكره سائر خلفاى امويه ( معاويه ) ك  
 بو يولده كى اثرينه تابع اوله رق پاره يى كرك  
 بنى هاشمدن خلافتى طلب ايدنلره ، كرك خارجيلر

روایت کوره (زیاد بن ابیه) حسن اداره  
 امورده و حزم و شدت حضرت عمره بکثره مک  
 ایسته مش ایدی . فقط یک ایلری کیدرک  
 حدودی تجاوز ایدی . دها صکره (حجاج  
 بن یوسف) زیادک اثرینه اتباعی آرزو ایتش  
 ایسهده خلق اهلاک و تدمیر ایدی [۱] .

### ۳ بنی امیه دوری

۴۱ سنه هجریه سندن ۱۳۲ سنه سنه قدر

بنی امیه دولتی خلفای راشدین دولندن  
 حاکمیت خلافت دینه شکندن سلطنت سیاسیه  
 شکنه تحول ایلسیله کسب تمیز ایتدیکی کبی  
 دولت عباسیه دن دخی صرف عرب دولتی ،  
 عربلقده شدتله متعصب و عربلردن غیری  
 بنصره برنظر حقارتله باقار ردولت اولقله  
 کسب تمیز ایدر . ایسته بونک ایچون کرک  
 اسلاملرک حمایه سی آلتیه کیرن غیر مسلملر ،  
 کرک مملکتک سائر اهالی اصلیه سی خلفای  
 امویه دن و والیرندن تحملفرسا معامله لره  
 ده چا اولمشلردر . حتی و اهالیدن اسلام  
 اولانلر بیله عربلر طرفدن کوله معامله سنی  
 کورلردی . عربلر اودورده بواسلاملره  
 (موالی) - آزادیلر - نامنی ویرلر و کند  
 یدینی بونلر اوزرینه ولی نعمت عدایدرلردی .  
 چونکه انلری کفردن تخلص ایتمشلردی .  
 موالی مسجدلرده عربلرک آرقه سنده نماز

وسائرده غلبه ایچون انک بیوک معین اتخاذا  
 ایلدکلرندن آتیده کوستریله چکی وجه ایله  
 بواحوالک سابقه سیله هر هانکی وسیله ایله  
 اولورسه اولسون چوق یازلر الله ایتکه  
 مجبور اولمشلردر .

شوحاله کوره خلفای راشدین زمانده  
 اسلاملرک ثروت صاحبی اولملری حقنده وقوع  
 بولان تحریم اوزون مدت دوام ایدمدی .  
 چونکه انک دواهی حضرت عمرک ، یاخود  
 انک مناق و تقوای ایله متخلق ذواتک  
 مقام حاکمیتده بقانریله برابر عربلرکده حال  
 فطرت و پداوتده قالمیریله ممکن ایدی . بوایه  
 عمران و مدنیت قوانینه مخالفدر . ایسته بو  
 سپیدن عربلر روملر و ایرانیلر ایله اختلاط  
 ایدر ایتمز تنم و راحت و ثروت جمعنه منجذب  
 اولدیلر . امویلرک نائل امل اولمق ایچون  
 یازیه رغبتلری اومیلی برقات دها آرتدیردی .  
 بوضورتله خلفای راشدین دوری منتهی اولدی .  
 لکن اسلاملر دها صکره اوله بردور کورمدیلر .  
 حضرت ابوبکر و حضرت عمرک ذکرلری  
 عصرأ بعد عصر اسلاملر زردنده ضروب امثال  
 صورتنده دوام ایدر . هر نه زمان برحاکم و یا  
 برخلیفه ده اکریلک کورلسه مشارالیه مانک  
 اثرینه اتباعه دعوت ایدیلر باخصوص حضرت  
 عمرک عدالت ، حزم ، حقانیتده کی شدتی ایله  
 تشبه ایتک ایسته ییلردی . حتی بنی امیه نک  
 ظلم و دهاجه اک مشهور والیری او اثره اقتفا  
 ایتک ایسته مشلر سه ده یابهمه رق تهوره دوشمشلر  
 واقعدلری ظلم و اعتسافه منقلب اولمشدر .

قیسسه‌لر عربلر بوحالی جناب حقہ قارشى  
 کندیلری ایچون برتواضع عد ایلرلردی .  
 عربلردن بری ، اوکندن براسلام جنازه سنک  
 کچدیکنی کورنجه « کیمک جنازه سی ؟ » دیه  
 صوراردی . « قرشی » دیرلر ایسه « واه قوم ! »  
 دیردی . « عربی » دیرلر ایسه « واه همشهریم ! »  
 دیردی . « مولی » دیرلر ایسه : « اللهک  
 مالیدر . ایستدیکی زمان آلیر ، ایستدیکی زمان  
 براقیر » دیردی . موالی یی کینه طاشیمقدن  
 منع ایدرلردی . انلری اسم وقبدن بشقه بر  
 شی ایله چاغیرمازلردی . انلر ایله برصفده ، بر  
 صرهدده یورومزلردی [۱] . موالی یه ( علوج )  
 - عربدن اولیمان کافرلر - نامنی ویریرلردی .  
 ( جاحظ ) ک ( کتاب الموالی ) سنده ذکر  
 اولندیقنه کوره ( حجاج ) ، ابن اشعث ایله محاربه  
 ایدن موالی یی دردست ایستدیکی زمان بردها  
 طوبیلاعلمربه میدان براقامق اوزره انلری  
 طاغیتحق ایستدی . هر برینک الی اوزرینه  
 کوندردیکی شهرک اسمنی نقش ایستدی . بونقش ( نی  
 عجل ) قبیله سندن بر آدم طرفندن یالیش ایدی [۲] .  
 کتایمزک دیگر بر جلدنده مملکت اسلامیه ده  
 هیئت اجتماعیه ک احوالندن بحث ایده جکمز  
 صرهدده بوخصوصده تفصیلات ویره جکمز .  
 براده بالاده کی معلوماتی ویرمکله جکمز امویلر  
 دولتانک ، مسلمان اولسه لر بیله عرب اولیمانلر  
 حقندنه درجه ده متعصب طاورانیدیغنی کوسترمک  
 ایچوندر .

[۱] المقد الفرید ۷۳ ج ۲ . [۲] العقد الفرید

امویلر ، فتح ایتدکاری ممالک اهلالیسی  
 ایله ماملککری عربلقده متعصب اولملری وسائر  
 اقوامی حقیر کورملری نتیجہ سی اوله رق  
 کندیلرینه مخصوص حلال بر رزق عد  
 ایتشاردی . عراق والیسی ( سعید بن العاص ) ک :  
 « عراق اراضی زراعیه سی قریشہ مخصوص  
 بر باعجه در . ایستدی کمزی آلیر ، ایستدی کمزی  
 براقیر » [۱] سوزی بونی تأیید ایدر .  
 اسکندریه جوارنده کائن ( اخنا ) امیری جزیه  
 اولق اوزره کندیلرندن نه مقدار پاره  
 مطلوب اولدیغنی ( عمرو بر العاص ) دن  
 صوردیغنی زمان ( عمرو ) ک : « بنر آنجق  
 بزم بر خزینه من سکز . پاره یه چوق احتیاجز  
 اولورسه سزدن چوق ، آز احتیاجز اولورسه  
 سزدن آز ایسترز » [۲] دیمی ده اوقیلدن  
 اولان ادله دندر . ایشته امویلر بو احوالی  
 اموال ناسدن ایستدکرینه وضع ید ایتمک  
 و آلق ایچون بر وسیله اتخاذ ایتشاردی .  
 کندلرینه بویولده جسارت ویرن ( معاویه )  
 ایدی . چونکه معاویه بر طاقم ولایتلری بعض  
 والیله مأکل اوله رق توجیه ایتش ، دیگر  
 بعض ولایتلری ده کوچک بر مبلغه مقابل  
 التزام صورتیله ویرمش ایدی . معاویه بو  
 حاللری ایلک اوکجه او والیلری کندیسنه  
 مظاهرتده بولندیرمق ایچون ترغیب مقصدیله  
 اختیار ایتش ایدی . متعاقباً کرک کندیسی ،  
 کرک کندیسندن صکره کلن خلفای امویه  
 هاشمیلرک طرفدارلری ایله ، خوارج وسائر

[۱] اغاتی ۳۰ ج ۱۱ [۲] مقرزی ۷ ج ۱



ایله متوالیاً محارباتده بولمق مجبوریتنه دوشه رک  
 بو محاربات ایچون چوق مقدارلرده پارهیه  
 محتاج اولدیلر . بناء علیه بو پارهیه الده ایتمک  
 ایچون خراج و جزیه صورتیه اهلیدن  
 طوبیلامقدن بشقه بر یول بولمديغندن اقدام  
 و بساتندن ماعدابو اموالی جبایتهده اقتدارلرینه  
 امین اولدقلری برطاقم والیرلر استخدام ایلدیلر .  
 اوقیلدن اولان والیرلرک اک شدتلی ودهشتلیسی  
 ( عبدالمملک ) ک عراقده والیسی بولسان  
 ( حجاج بن یوسف ) ایدی . ( عبدالمملک )  
 کندیسنه خلافتده رقیب طوران ذواته وازجله  
 مکده کندی نامه اعلان خلافت ایدن ( عبدالله  
 بن الزبیر ) ه عراقده اهل بیت نینک انتقامی  
 آلمق اوزره ( محمد بن الحنفیه ) نامه خلافتی  
 استحصاله قیام ایدن ( مختار بن ابی عبید )  
 و سائر هیه قارشى طورمه مجبور اولدی .  
 بو مقصد ایچون ( حجاج ) و امثالی استخدام  
 ایتدی . بونلر اهلیدن حقلی ، حقسز پاره  
 تحصیلنده غف و شدت استعمال ایلدیلر [۱] .  
 ( والیرلرک جور و ظلمی ) : — بنی امیه  
 والیرلری اسلاملرک ذمت و حمایه لری آلتنه  
 داخل اولان غیر مسلم اصحاب اراضیه کرک  
 پاره جبایقتهده ، کرک امور سائرده جور  
 واعتساف ایله معامله ایدرلردی . اهلینک  
 النده محصولدن بر شی قالوب قالماسنه اهمیت  
 ویرمزلردی . اوصرهده ( خراج ) مساحه  
 حسابی اوزرینه وضع ایدلمش ایدی . اراضی

[۱] ابن الاثیر ۱۰ ج ۵ و ابویوسفک کتاب

الخراجی ۶۲

[۱] ماوردی ۱۱۴ [۲] ابن خلکان ۲۷۷

ج ۲ [۳] ابن الاثیر ۲۲۵ ج ۴

اهالیدن هرءانکیمی اسلام اولور ایسه اندن  
آلنان خراج رفع اولور ودها اول مالک  
اولدینی اراضی و خانه قریه اهایسنه قالیردی .  
قریه اهایسی او خراجی ویرمکه مکلف  
طوتولوردی . اسلام اولانلر آرتق ( کوفه ) ،  
( بصره ) ، ( فسطاط ) کی اسلام شهرلربنه  
کیدرک اورالده اقامت ایدرلردی . ( حجاج )  
زماننده بر جوق غیر مسلملر بوقاعدهیه تبعاً  
و کوردکلری تضییقات وشدتن قورتولوق  
مقصدیله اسلام اولشلر اسده ( حجاج )  
بونلر حقهده خلاف مأمول بالاده بیان  
اولدینی وجه ایله معاملهده بولنشدر . ( حجاج )  
بتون اطرافه : « هرکیمک اصلی کویدن ایسه کوبنه  
عودت ایتسون . اندن جزیه و خراج آله جقدر »  
دییه یازمشدی . ( حجاج ) ک بو حرکتی  
( ابن اشعث ) ک خروج و محارباتی زماننده  
وقوع بولمش ایدی . بونلر اوزربنه اهالی کوزلری  
یاش ایله طولی اولدینی و « یاحمداه ! یاحمداه ! »  
دییه باغیردقلری حالده فوج فوج طوبلاهورق  
نزهیه باش اوره جقلربنی . هانکی طرفه  
کیده جکلربنی شاشیرمشلردی . نهایت ( حجاج ) ک  
علینه اوله رق ( ابن اشعث ) ه التحاقه مجبور  
اولدیلر [ ۱ ] .

بوکی معامله لر بنی امیه والیرندن یالکنز  
( حجاج ) ه مخصوص برشی دکلدی . خلفای  
امویه نلک سکنزنجیسی ( یزید بن عبدالملک ) ک  
افریقاده والیسی اولان ( یزید بن ابی مسلم )  
[ ۲ ] ، ( عمر بن عبدالعزیز ) دورنده  
[ ۱ ] ابن الاثیر ۴۸ ج ۵ [ ۲ ] ابن خلکان

خراسانده والی بولنان ( جراح ) [ ۱ ]  
وماوراءالنهرده دیگر ولاته دخی [ ۲۰ ] عینی  
حرکتده بولندیلر . ( سمرقند ) اهایسی  
کندیلرندن جزیه رفع اولتق شرطیله اسلام  
اولشلردی . جزیه اخذی دوام ایدنجه تکرار  
اولکی دینلربنه عوت ایتدیلر .

اسلاملرک ذمت وحمایه سی آنته کیروب  
دیاشلربی محافظه ایدن خرسیتانر وسائرمیه  
کلنجه بونلرک اوزمانلرده کی حاللربنی آکلامق  
ایچون کندیلرندن اسلام اولانلرک بالاده  
ذکرئی کچن حاللربنی کوز اوکنه آتق کفایت  
ایدر . جزیه تحصیل ایدیلرکن بونلره اذیت  
واشکنجه ایله معامله اولتوردی . غیرمسلملر  
اسلام اولقلدهده یقه یی قورنارهمیه جقلربنی  
آکلاخنجه بعضلری راهب البسه سنی کیمکه  
قویولدی . چونکه راهبلر اوزربنه جزیه یوق  
ایدی . فقط والیرجوق کچمدن ایشی آکلایه رق  
پاپاسلر اوزربنده جزیه وضع ایلدیلر .  
والیردن پاپاسلر اوزربنه ایلک ویرکی قویان  
ذات صر والیسی ( عبدالعزیز بن مروان )  
ایدی . پاپاسلرک مقداربنی تحریر ایتدی [ ۳ ] ،  
هرپاپاس اوزربنه بردینار جزیه وضع ایلدی .  
بو جزیه ره باندن ایلک آلنان جزیه ایدی .  
بنی امیه تاریخنده بوکی وقوعات پک چوقدر .  
امویلرک پاره تدارک وجمعی یولنده ارتکاب  
ایتدکلری احوال او قدر ایله قالدی . خلفای  
راشدین زماننده تقدیر و وضع ایدلش اولان  
خراج مقداربنی ده تزید ایلدیلر . بوخصوصه  
[ ۱ ] ابن الاثیر ۲۴ ج ۵ [ ۲ ] ابن الاثیر

پاپاسلغه التجا چوغاش ایدی . (اسامه) خراج  
 وجزیه نك تناقصنه باعث اولدینی ایچون بوحالی  
 منع اتمک ایستدی . بتون مناسترلری ،  
 پاپاسلری تعداد ایتدیردی . پاپاسلرک اللرینه  
 دمیر برحلقه ایله برداغ وضع ایلدی . حلقه نك  
 داخلنده پاپاسک اسمی ، منسوب اولدینی  
 مناستر ، تمغا وضعی تاریخی محرر ایدی . هر  
 هانکی برراهبده بوتمغا کورلنز ایسه اوراهبک  
 الی کسیایردی . هر خرستیای دخی حکومت  
 اولان بورجنی تأدییه ایتدیکنه دائر برقوقان  
 طاشیمغه مجبور ایلدی . (اسامه) معیتده  
 بولان مأمورلره برامرنامه یازدوق هر هانکی  
 برخرستیای اوقوجانی حائر کورلنرسه اندن  
 ارن دینار جزای نقدی آلمسنى اشعار ایلدی .  
 دها صکره مناسترلری باصهرق داغمز دردست  
 ایلدیکی ر قاج پاپاسدن برقسمنک باشلرینی  
 کسیدی ، دیگر قسمنی دکنک آلتنده دوکه  
 دوکه اولدیردی [۱] .

مع مافیه (اسامه) طرفندن ارتکاب اولنان  
 بواحوال خلیفه نك رضاسنه موافق دکل ایدی .  
 (هشام بن عبدالملک) بواحوالی ایشیدنجه  
 مصرده کی والیسنه برنامه یازدوق خرستیایلرک  
 کندی عادتلرینه کوره حرکتلرینه طوقوللا .  
 مسنی واللرنده بولنان عهدنامه لرده محرر  
 مکلفاتدن زیاده برشی طلب ایدلماسنی امر  
 ایلدی . فقط بوامرک حکمی اوزون سورمدی .  
 والیر وازجمله (حنظلة بن صفوان) تکرار  
 ظلم واعتسافه باشلادیلر . (حنظله) خراجک

تا ( معاویه ) زمانندن باشلانلدی . ( معاویه )  
 خراجی برقیراط تزید اتمک ایستیه رک مصر  
 والیسی ( عمرو بن العاص ) ک آزادلیسی  
 ( وردان ) : « قبیطاردن آدم باشنه برقیراط  
 زیاده قوی » دییه یازدی . فقط ( وردان )  
 معاویه یه : « اللرنده بولنان عهدنامه لرده فضله  
 ایسته مامک مشروطدر . زیادهی فصل تکلیف  
 ایدیم ؟ » جوابنده بولنه رق امری تنفیذ  
 ایتدی [ ۱ ] . مصر ( عمرو بن العاص ) ه  
 اکمکک اوله رق ویرلمش اولدینی ایچون  
 احتمال که بوکا ( عمرو ) موافقت ایتماش ایدی  
 فقط ( عمرو ) دن صکره مصر ، خلفای  
 امویه یه انتقال ایدنجه بولنلر خراجده  
 ایستدکلری درجه ده تزیداندده بولسدیلر .  
 اویولده تزیداندده بولنان اک مشهور ذات  
 خلفای امویه نك طقوزنجیسی ( هشام بن عبدالملک )  
 زماننده ( ۱۰۵ - ۱۲۵ هـ ) خراج متولیسى  
 بولنان ( عبیدالله بن الحبحاب ) ایدی . بو آدم  
 قبیطلرک خراجنده هر دینار باشنه برقیراط  
 تزید ایلدی . قبیطلر اووقته قدر مملکتده  
 اکثریتی تشکیل ایتدکلرندن تزید واقعه  
 قارشى تحمل ایدمه رک اختلال چیقاردیلر .  
 بونک اوزرینه اسلاملر قبیطلر ایله محاربه  
 وقبیطلردن پک چوق آدم اتلاف ایلدیلر .  
 خراج متولیسى ( اسامه بن زید تنوخى )  
 زماننده دخی اوکی احوال وقوع بولمش  
 ایدی . ( اسامه ) خرستیایلری تنکیل وماللرینی  
 ضبط ومصادره ایلدی . بو آدمک زماننده



مقداری نیزید ایتدکن ماعدا حیواناتی ده  
تعداد ایش وهر خرسیانی بر آرسلان رسمی  
ایله تمغالامشدی . انلری تفتیشیدن ده کری  
طور میوردی . بو علامتسز هر کیم طوتولور ایسه  
انک النی کسردی [۱] . خلفای امویه وایلرینک  
خرستیانلر ایله موسویلر و عرب اولیان اسلاملر  
(موالی) وسائر هقنده کوستر دکلری اعتساف  
و شدتلره دأثر بوکا مشابه پک چوق امثله واردر .  
امویلرک خراج وجزیه بی نیزیده ایقاع  
ایتدکلری مظالم جمله سندن اوله رق عراقده  
جزیره اهالیسینک آدم باشنه سنوی جزیه لری  
بر دینار ، ایکی مد بغدادی ، ایکیشر قسطنزیتون  
یاغی و سرکدن متشکل ایدی . (عبدالمک بن  
مروان) جالس تحت خلافت اولنجه بومقداری  
آز کوردی . اوراده کی والیسنه یازدیغی اوامر  
اوزینه اهالی تعداد اوله رق جمله سی ایشچی  
عد ایدلدی . بر ایشچینک سنوی قازانچی  
حساب اولندی . مجموعدن ایشچینک مأکولات  
و ملبوساته متعلق نفقه سی وبتون سنه ده یورطی  
کونلری طرح ایدلکدن صکره هر آدمک  
النده سنوی درت دینار قاله جفی آکلاشلدی .  
(عبدالمک) اوراده هر آدم باشنه درت دینار  
جزیه قویدی . بتون جزیه کذارلر بر صنف  
اعتبار ایدلدی [۲] .

مع مافیه امویلر زماننده بو ویرکیلر و تعدیلر  
غیر مسلم اولانلره و موالییه منحصر دکلدی .  
بالذات عرب اسلاملرینه دخی تشمیل ایدلمش  
ایدی . (حجاج بن یوسف) ک برادری (محمد)

[۱] مقریزی ۴۹۳ ج ۲ [۲] بلاذری ۷۳

یننه والی اولنجه سوء اداره ده و اهالییه ظلم  
و اعتسافده بولنه رق حقسز اوله رق اهالینک  
یرلرینی اخذ و غصب ایتدیکی کبی اهالی اوزینه  
(وظیفه) نامی آلتسده خراج دخی وضع  
ایدی . بالاآخره (عمر بن عبدالعزیز) مقام  
خلافت کچنجه یننده کی والیسنه بر نامه یازده رق  
بو ویرکینک الغا اولمنسی و عشر ایله اکتفا  
ایدلسنی امر ایتدی [۱] . ایرانده بولنان بی  
امیه وایلری میوه لری ده ا اول تخمین و بو  
تخمین اوزینه بهای حقیقیدن آشاغی بر بها  
تقدیر ایدله رک میوه لری بو بها اوزینه  
کوتورو بر صورتده کندیلری آلیرلدی [۲] .

خالی و خراب اولان اراضییه ویرکیلر  
وضع ایتسده او وایلرک کثرتله پاره جمعی  
مرنده ایجاد ایتدکلری اصوللر جمله سندن  
ایدی . بوندن ماعدا اهالی اوزینه نیروز -  
نوروز - بایرامنده هدیه نامیله بر ویرکی طرح  
ایدلمش ایدی که بو هدیه نک حاصلاتی معاویه  
زماننده ۱۰۰,۰۰۰,۰۰۰ درهمه بالغ اولمش  
ایدی [۳] . ازدواج ایدنلر ایله عرض حال  
یازانلر اوزینه ده ویرکی وضع ایتشلر دی [۴] .  
والی ایچون بشقه ، چفتچی ایچون بشقه کله لر  
استعمال اولنوردی . مأمورینک بیه جک  
و ایچه جکی ، یمک حموله سی ، کاغد و مرکب  
پارسی ، کله و کله جیلرک اجرتی و ارزاقی هپ  
اهالی اوزنده ایدی . اهالیدن بری خراجدن

[۱] ابویوسفک کتاب الخراجی ۲۴ [۲] طبقات  
ابن سعید (وان ولواتدن) [۳] یعقوبی ۲۵۹ ج ۳  
[۴] طبری ۱۳۶۷ ج ۳

حضرت عمر طرفدن والیردن ثروتلرینک نصفنک بیت المال نامنه مصادره اولمسی دهها صکره معاویه ایچون والیردن ثروتلرینی مصادره یه بهانه و وسیله اولدی . والیر اولدجه بر اقدقلری ثروتک یاریسی (معاویه) طرفدن ورثه دن آلیردی . معاویه بومصادره ده بولورکن : « بو حضرت عمر طرفدن وضع ایدیلن بر اصولدر » دیردی . مشارالیه والیرک ثروتی مصادره دن تدیرجاً اهلینک اموالی ده مصادره یه کیدی . بونی ایلک یاپان ذات کندیس ی ایدی [۱] .

عرشیده ایملک وانتظام باشدن باشلار . باش ابی اولورسه جسمک اعضای سائره سی ده ییلکنده باشه تابع اولور . کچن معلوماندن آکلاشدیغی وجه ایله امویلر تأیید حاکمیت ایچون هر نه یوله اولور ایسه اولسون پاره تدارک ایتمک ایستدیلر . والیرینه بیوک بیوک صلاحیتلر و یردرک ، منفعتلر تأمین ایدرک آرزو ایندکلی یوله دو کدیلر . والیر هم خلفا ، هم کندی نفسلری ایچون پاره طوبلامغه قویولدیلر . کاتبیلر ، تحصیلدارلر و سائره کبی کوچک مأمورلر دخی آمرلرینک بو یوله کی اثرلرینه تابع اوله رق اعتسافنده یلک ایلری کتیدیلر . اصحاب اراضینک شکایاتی آرتق یلک زیاده چوغلمشدی . بونک اوزرینه والیرلر جبایت وظیفه لرینی عربلرک النبدن آلهرق موالییه و از جمله عراقده کوی صاحبیلری اولان (دهاقین) ه تودیع ایتمه مجبور اولدیلر . بونی ایلک یاپان ذات ۶۴ سنه هجریه سنده عراقده

بور جنبه محسوباً پاره کوتوردیکی زمان تحصیلدار اوپارمک بر قسمی آیریر و « بودکی و صرافلغی در » دیه رک کندیس ی آلیردی [۱] .

نجی امیه والیرلی و مأمورلری بو افعالی دائماً کندیلری طوغریدن طوغری یه ارتکاب ایتزلردی . ده اول ذکر اولندیغی اوزر (معاویه) طرفدن (وردان) ه کیدن امر کی والیر و مأمورلر بر چوق دفعه خایفه لرندن آلدقلری او امره توفیقاً حرکت ایدرلردی . (معاویه) چوق پاره تحصیل اولمسی امر ایدردی . انک والیرلی ده اوپارلری تدارک ایچون یکی یکی اصوللر ایجاد ایلرلردی [۲] .

(معاویه) دن صکره کلن خلفای امویه وباصصوص (عبدالمملک) هپ بو یوله حرکت ایتدیلر . (عبدالمملک) پاره یه شدتله محتاج ایدی . انک زماننده (حجاج) کبی بر آدم یتشدی . پاره تدارک وجابی ایچون نه قدر یول وار ایسه جمله سنی استعمال ایلدی . خایفای امویه بومظالم واعتسافاتی منع یتمک ایسته سله ایدی منع ایده ییلرلردی . حضرت عمر زماننده والیر بو کبی احوال ارتکاب ایدنجه مشارالیه انلره قارشلی سکوت ایتزدی . (اهواز) والیرلی حضرت عمر زماننده جور واعتسافده بولندیلر . حقارنده شکایت کلیر کلز حضرت عمر انلرک ثروتلرینک نصفی بیت انال نامنه مصادره ایتدکدن ماعدا بعض برادرلرینک ثروتلرندن بر قسمی ده مصادره ایلدی [۳] .

خراج متولسی بولان (ابن زیاد) ایدی. بعضری طرفدن کنديسنه توجه اولان مؤاخذهیه (ابن زیاد) شوجوابی ویرمشدی: «خراج تحصیلاتنده هر نه زمان عرب استخدا ایتدم ایسه خراجده نقصان وقوع بولدیغی کوردم. بوقصانی او مأمورلردن، یا خود منسوب اولدقلری عشرتلردن تحصیل قالمیشسم او عشرتلی کوجندیر، حکم تحصیل قالمیشسم بیله بیله مال دولتک تحصیلنده قصور ایتیش اوله جغم. بوقوی صاحبیرینی جبایت اموالده سزدن ماهر، دها امین، اهالی به دما ملایم کوردم. معافیله کیمسه یه ظلم وغدرده بولمیرینه میدان قالمایم ایچون سز انلره نظارت ایدیکز» [۱].

قاضی (ابو یوسف) ک خراج مأمورلری حقنده (رشیده) وقوع بولان وصیتنامه سنده کی بیانات آتیه سی او کوچک مأمورلرک اوصره لرده اهالیدن نه صورتلر ایله پاره تحصیل ایلدکلرینی اراثة ایدر: «آلدیغم معلوماته کوره بعضاً والیرلرک معیتلرنده اوله آدمیر بولنورکه بولنردن بر قسیمی والینک تعلقاتندن، دیگر قسیمی ده بروسیله ایله انلره انتساب پیدا ایدنلردنر. بولنر طوغری و اخلاقی کیمسه لردن اولدقلری حالده والیر بولنری امور حکومتده قوللانهرق مراتبات امیریله نک تحصیلی ایچون شورایه بورایه کوندیرلر. بومقوله آدمیر کندیلرینه تودیع اولان وظائفی حسن استعمال ایتامکله برابر اهالی به دخی حق و انصاف ایله معامله ده

[۱] ابن الاثیر ۶۹ ج ۴

بولنزلر. مقصدلری خراج مالی اولسون، اهالی مالی اولسون، هر نه اولور ه اولسون اله پاره کچیرمکدن عبارتدر. هم استطلاعاتمه کوره بوباره یی اعتساف، ظلم و تعدی ایله تحصیل ایدیورلر... اشکنجه اولقی اوزره خراج اهلی کونشده طور دورلر. صوک درجه ده شدتله انلره دایاق انارلر. بیونلرینه دستیلر آصارلر. نماز قیلمغه مانع بوقاغو ایله بوقاغولارلر... بوايسه عبدالله بیوک بر جرم، اسلامیت نظرنده شنیع بر حالدر» [۱].

أمویلر ایله والیرلری وسائر مأمورلریله تحصیلدارلری (عمر بن عبدالعزیز) مقام خلافتیه کنجبه قدر هپ ذکر اولنان یولده ظلم و اعتساف ایله حرکت ایتدیلر. مشارالیه جالس تخت خلافت اولنجبه مفطور اولدینی عدل و انصاف وزهد و تقوی سائقه سیله امور دولتی همنامی اولان و والده سی جهتندن بیوک پدری بولنان (عمر بن الخطاب) زماننده کی حاله ارجاع ایتمک ایستدی. بناءً علیه بتون والیرله امرنامه لر کوندیره رک کنديسندن ده اول ارتکاب اولنان مظالم و اعتسافات یکان یکان تعداد و بولنرک ابطالی امر ایلدی [۲]. منبرلر اوزرنده حضرت علی به لعن ایتمک عادتتی ترک ایتدیردی. اووقته قدر اقربایی اولان امویلر برچوق کویلرله و حقتلکلره مالک اولمشلر و بولنرک بر چوقلرینی غیر مملردن حقسز اوله رق غصب و مصادره ایشلردی. (عمر بن عبدالعزیز) قولرینی

[۱] کتاب الخراج ۶۱ و ۶۲ [۲] طبری

۱۳۶۶ ج ۳ و ابن الاثیر ۲۹ ج ۵



استدیلر . (فاطمه) حضرت عمرک نزدینه کیدرک وساحتده بولنق ایستدی . مشارالیه خاله‌سنه : « جناب حق نی اکرم محمد صلی الله تعالی علیه وسلم حضرتلرنی بتون انسانلره رحمت اولسون دییه ارسال بیوردی ، عذاب اولسون دییه بهت بی‌بوردی » جوابی ویردی [ ۱ ] .

موالی - عربارک غیری اولان مسلمانلر - خلیفه‌نک عدل وتقواسنی کورنجه فرصتدن بالاستفاده دوچار اولمقده بولندقلری . بذات تضییقاتی کندیسنه عرض ایلدیلر . اوصرده ( خراسان ) والیدی ( جراح بن عبدالله حکمی ) شامه ( عمر بن عبدالعزیز ) ک نزدینه ایکیمی عربلردن وبری موالیدن متشکل بر هیئت مخصوصه کوند مش ایدی . عربلر حضور خلیفه‌ده بولنورکن سوز سولیدیلر . حال بوکه موالی ساکت قالدی . حضرت عمر بو سکوتی کورنجه مولایه « سن هیئت مخصوصه‌دن دکیسک ؟ » دییه صورتدی . موالی : « اوت » جوابنده بولندی . عمر « نه سوز سولیدورسک ؟ » دییه سؤال ایدنجه موالی : « ای امیرالمؤمنین ! موالیدن یکریمی بیک کشتی معاشسز ، ارزانسز اوله‌رق جهاد ایاه اشتغال ایدیورلر . بونلر اهل ذمتدن ایکن اسلام اولمشلر . فقط حالا بونلردن خراج آلتیور . شمدیکی والیز عادتاً حجاجک قلیج‌لرندن بر قلیج کبی اجری بحکم ایلور . اجرا آتی هپ ظلم واعتسافدر » [ ۲ ] دییه‌رک تظلمده بولندی .

شکایتجیلره آچدی : « هرکیمک شکایتی وار ایسه مراجعت ایسون » دییه اعلان ایستی . بونک اوزرینه مشتکیلر بونلرک میاننده خریستانلر ، موسویلر ، موالی وسائر هپ خلیفه عادلر مراجعت ایلدیلر . بونلردن بر طاقی اموال واشیاسنک اختلاس ، دیگر طاقی ده کویلرینک و ترالرینک اخذوغصب اولندیغندن شکایت ایدیورلردی . ( عمر بن عبدالعزیز ) بو شکایتلره قارشى حق وعدالت هر نه ایسه ، حتی کندی اولملری ، برادرلری ، عمزاده‌لری علیهنه بولنسه بیلر [ ۱ ] انی اجرا ایدیور ، حتی . منصور ، ظلمی مقهور ایلوردی . بعضلری طرفندن ( عمر بن عبدالعزیز ) : « بو صورتله چوجقلریکه برشی قالمیه جق . انلری نه یابه‌جسک ؟ » دییه واقع اولان سؤاله مشارالیه کمال رقتدن آغلایه‌رق « انلری اللهم عنایت وحمایتیه تودیع ایدرم » دیمشدر . مشارالیه عمجملری و عمزاده‌لرینک غصب ایتدکلری اموالی‌لرندن آلهرق بونلره « اموال مظالم » نامنی ویرمشدر . ( عمر بن عبدالعزیز ) ک اقربا وتعلقاتی اولان امویلر بو حال کورنجه حاکمیتک کندی‌لرندن چیقمسندن قورقغه باشلادیلر . چونکه بونلرک حاکمیتلری پاره قوتی اوزرینه تأسس ایش ایدی . اللرنده بولسان ثروت وسامان ، املاک واراضی کیدر ایسه حاکمیتی دخی غائب ایده‌جکلردی . امویلر مشارالیهک خاله‌سی ( عمه‌سی ) مروانک کریمه‌سی فاطمه‌یه مراجعت و عمرک یاپدینی شیلردن شکایت

شوجوابی کوندرمشدی : « تحریراتکی آلم .  
ضعفکی واداره سزلیکی بیله بیله سنی مصره والی  
تعین ایتیش ایدم . بوسفر کوندر دیکم آدمه باشکه  
یکرمی دکنک اورمسنی امر ایتدم . اسلام  
اولانلردن جزیه یی قالدر . رأی وتدیرک  
مردوددر . زیرا جناب حق حضرت محمدی  
هدایت ایدیچی اوله رق ارسال بیوردی ، پاره  
تخصیص لاری اوله رق کوندرمدی . (عمر) ایچون  
بتون عالمک کندی واسطه سیله اسلامیه داخل  
اولدیغنی کورمک کبی عالی بر مظهرت ، بیوک  
بر بختیارلق نره ده . . . » [۱]

مشارایه سائر والیلر ومأمورلر حقنده  
اویولده حرکت ایدردی . بونلردن اخلاقه ،  
استقامت وعدالتنه امین اولدیغنی ذواتی هپ  
عزل ایتیش ایدی . بونک اوزرینه رجال  
دولتدن بزچوقلری کندیسنه معارض کسلدی .  
مشارایه امور دولتی دفعةً وعنف وشدتله  
اصلاح ایتک ایسته مشدی . حال بوکه اودرجه  
فناغه اوغرایان بردولتی اویله یکدن اصلاح  
ایتمک امکان خارجنده ایدی . امویلردن  
ووالیلردن بوحالدن ممنون برکیمسه قلاماش  
ایدی . بونلر (عمر بن عبدالعزیز) ک خلافتی  
اویچ سنه دن فضله چکه مدیلر . نهایت مشارالیهی  
زهرا یله شهید ایتدیلر . تاریخ نویسار (عمر بن  
عبدالعزیز) ی خلفای راشدیندن [۲] عد  
ایدرلر . « عمر بن » دیدکلرنده دخی کندیسی ایه  
حضرت (عمر بن الخطاب) ی [۳] قصدایدرلر .

[۱] مقریزی ۷۸ ج ۱ [۲] الخمیس ۳۵۴ ج ۲

[۳] قرمانی

(عمر بن عبدالعزیز) مولایه : « مأمور  
مخصوص اولوق اوزره سنک کبی آدم  
کوندرمک لازم » دیدکن صکره (جراح) ه  
« آرقه کده هرکیمک نماز قیادیغنی کورسه ک  
اندن جزیه آلمه » امری یی یازدی .  
بوامر اوزرینه خلق اسلامیتی قبوله رغبت  
واسلام اولغه مسارعت ایتکه باشلا دیلر .  
هر طرفده اسلامیت کمال سرعتله انتشار  
ایدیوردی . بوحالی خوش کورمین بعضلری  
(جراح) ه : « هرکس جزیه دن قورتولوق  
مقصدیه اسلام اولور . بونلر سنت اولیورلرمی  
اولیورلرمی ؟ برکده تفتیش وتحقیق ایتسه کنز  
ای اولور » مطالعه سنده بونلورلر . (جراح)  
کیفیتی (عمر بن عبدالعزیز) ه یازار . مشار-  
ایله جراحه : « جناب حق حضرت محمدی  
خالقی طریق هدایته دعوت ایدیچی اوله رق  
ارسال بیوردی ، سنتیجی اوله رق کوندرمدی » [۱]  
جوابنده بونلور .

(عمر بن عبدالعزیز) عین معاملیه یی مصرده  
والیسی بولنان (حیان بن شریح) حقنده  
دخی اجرا ایلدی . (حیان) حضرت خلیفه یه :  
« خلقت اسلام اولملری جزیه وارداتنه سکتنه  
ویردی . اوقدرکه دیوان مأمورلرینک معا-  
شاتی تأدیه ایچون (حارث بن ثابت) دن  
یکرمی بیک دینار استقراض ایتکه مجبور  
اولدم . استقراض اولنان پاره نک امیرالمؤمنین  
طرفدن تأدیه سنه امر صدورینی استرحام ایدرم »  
دیه یازمش ایدی . (عمر بن عبدالعزیز) حیانه

[۱] ابن الاثیر ۲۴ ج ۵

یوقاریدن بری ویردیکمز معلوماتده اسلا.  
 میتک مؤسس اولدینی قواعد واحکام اصلیه نک  
 انصاف و رفق و ملایمتی آمر اولدینی و شوقدرکه  
 امور حکومتی در عهده ایدنلرک طوقدقیری  
 خط حرکتلره کوره مختلف شکللا آلدینی  
 کوردک . ( عمر بن عبدالعزیز ) اسلامیتک  
 قواعد واحکامنی خلفای راشدین زمانلرندهکی  
 حاله ارجاع ایتیمکه موفق اوله ایدی بنی امیه  
 طرفدن ارتکاب اولنان مظالم واعتسافاتی  
 بسبتون قالدره جقدی . نه چاره که مشارالیه  
 کندیسنه لائق اولیان بر زمانه یتشدی . بونک  
 ایچون صرف ایتدیکی مساعی ثمره ویرمدی .  
 مشارالیه ارتحال ایدنجه احوال اسکی مجرایه  
 برعکس العمل ایلر بر ابرعودت ایلدی . اولکنندن  
 ده شدتلی ، ده اعتسافکارانه مظالم و تعدیات  
 وقوع بولمه باشلامش و والیلر و سائر حکومت  
 مأمورلری اولکنندن ده زیاده استبداده  
 قویولدقلری کبی خراجک جبایتنده دخی ده  
 شدتلی طاوور اتمشلورد . بونلر خراجی تزئید  
 ایده ایده نهایت اصحاب اراضیدن بعضلری  
 خراج مأمورلریله تحصیلدارلرینک ظلم و تعدیسنی  
 تأثیرسنز براقق ایچون مالک اولدقلری اراضی بی  
 آئیده کوریهلرکچی وجه ایلر خلفانک ، یاخود  
 والیلرینک اقباللرندن برینک نامنه قید  
 ایتدیرمکه و بوحایه آلتنده اجرای زراعت  
 ایتیمکه مجبور اولمشلردی .

خلفایه کلنجه بونلر تنع و اسرافده پک  
 ایلری کیتمشلردی . بونلرذن اوپوله ایلک  
 سلوک ایدن خلیفه ( یزید بن عبدالملک ) ایدی .

اوصره لرده امویلر تنع و اسرافاته ، ذوق  
 [ ۱ ] کتابک بکنجی جلدی صفحه ۸۱ [ ۲ ] ابن الاثیر  
 ۳۱۷ ج ۵



وصفایه ، ایچکی به طالمشار و حاکمیتلرینی تحکیم ایدمه جک وسائله باقامغه باشلامشلردی . تعیین ایتدکلری والیلر ایله مأمورین دولته حسن انتخابنه اهمیت ویرمزلردی . حتی بعضاً بر آدمی بر جاریه نکه توصیه سیله ، یاخود تقسیم ایتدیکی بر هدییه مکافات اوله رق بر ولایت والی تعیین ایدرلردی . نته کیم خلفای امویه نکه او تبحسی اولان ( هشام بن عبدالملک ) جنید بن عبدالرحمن حقنده اولیه یامش ایدی . ( جنید ) هشامک زوجه سنه احجار قیمتدار ایله مرصع بر کردانلق اهدا ایتش ایدی . ( هشام ) کردانلق بکنمش ایدی . ( جنید ) انک کی دیگر بر کردانلق ده اهدا ایدنجه هشام انی ۱۱۱ سنه هجریه سنده خراسانه والی تعیین ایلدی [۱] . امویلر زماننده ( ذلفا ) نامنده بر جاریه نکه بهاسی ۱۰۰۰۰،۰۰۰ درهمه بالغ اولمش ایدی [۲] .

والیلرک بتون همتلری بیوک بر ثروت طوبلامغه ، بر جوق بندکان ومنسوبین صاحبی اولمغه منصرف ایدی . کندی نفسلرنده حسن عدالت وحقانیت طویان ذوات خلفا طرفندن هر نه صورتله اولورسه اولسون جمعی طلب ایدیلن یاره لری صورت مشروعه ده جبابت ایدمه جکلرینی آکلایه رق والی و یاساثر دولت مأموری اولمقدن چکنیرلردی . نته کیم خلفای امویه نکه یدنجیسی اولان ( سلیمان بن عبدالملک ) عراق والیلکنی ( یزید بن مهلب ) . توجیه ایتدیکی زمان ( یزید ) کندی کندینه

[۱] ابن الاثیر ۷۲ ج ۵ [۲] اعلام الناس ۳۵

شویله دیمش ایدی : « حجاج عراقی بر خرابه زاره چویردی . شمندی ارقطعه اهالیسی بندن عدالت ، حقانیت بکلرلر . اورالره کیدوب حجاج کی خراجی اشکنجه ایله تحصیله قالدیشسه م خلقک باشنه بر بلا کسینه جکم ، حجاجک او دهشتلی زندانلری تکرار آچمه جنم ، احوالده جهان بی لعته یاد ایدمک . بویله یامیوبده حجاجک طوبلادینی خراجدن ده ز خراج طوبلاسم خلیفه راضی اولیه جق » [۱] . عدالت ، رق و ملایمت حسی ایله متخلق اولان سائر ذوات هپ بویوله دوشونورلردی . بنسأ علیه والیلکره وسائر جکومت مأمور-بتلرینه منافع شخصییه بی هر شیئه ترجیح ایدن اشخاصدن ماعدا کیمسه رغبت ایتزدی . بوندن بشقه خلفا والیلره ایتدکلرینی یایدیرمق ایچون انلرک مع اشلرینی یک جوق تزید ایتشلردی . دولت امویه نکه صوک زمانلرنده عراقده والیلک ایدن ( یزید بن عمر بن هبیره ) نکه سنوی مخصصاتی ۶۰۰۰،۰۰۰ درهم ( فرائق ) ه بالغ اولمش ایدی [۲] . والیلر ، مأموریتلرینک دوامندن امین اولمقدلرندن والیلکلری زمانی هر وقت اله کچمز بر فرصت عدایدرک ثروت جمع وادخارندن بشقه برشی دوشونمزلردی . بونلرک ایچنده بیوک ثروت صاحبی اولانلر یک جوق ایدی . ( هشام بن عبدالملک ) زماننده عراق والیسی بولان ( خالد القسری ) نکه غله سی - دخل و حاصلاتی - ۱۳،۰۰۰،۰۰۰ درهمه [۳] ،

[۱] طبری ۱۳۰۶ ج ۲ [۲] ابن خلکان

۲۸۱ ج ۲ [۳] ابن خلدون ۹۶ ج ۳

بوك بروسعت وجسامت احراز ايتمش ايدى .  
 بونكله برابر الكيوك واساسلى واردات عراق ،  
 جزيره ، شام ومصر دن كايردى . سائر جهتلردن  
 آلان واردات ايسه آنجق واليلرايه استخدام  
 ايديلن كاتبلر وتحصيلدارلر ومأمورين سائر ملك  
 معاشلرينه كفايت ايدردى . ديكر دها يك  
 چوق يرلر وار ايدى كه اورالردن شايان  
 تذكار برشى آلمانزدى . چونكه امويلرك  
 حاكميتى او يرلرده لائقيله تأسس اتمامش ايدى .  
 عراق ، شام ، مصر وارداتى سنه لرك  
 وواليلرك اختلافنه كوره مختلف مقدارلرده  
 ايدى . برنجى جلدك ۲۰۷ نجى صفحه سنده بو  
 خصوص حقه قده تفصيلات لازمه ي بازديق .  
 اوتفصيلاتك خلاصه ي شودر كه امويلر زمانده  
 عراق سنوى واردات متوسطه سى  
 ۱۳۰,۰۰۰,۰۰۰ درهم ومصر قطعه سنك  
 وارداتى ۳,۰۰۰,۰۰۰ دينار ( ياخود  
 ۳۶,۰۰۰,۰۰۰ درهم ) وشام قطعه سنك  
 سنوى وارداتى ۱,۷۰۰,۰۰۰ دينار ( ياخود  
 ۲۰,۰۰۰,۰۰۰ درهم ) ايدى . شو حالده  
 مذكور قطعه لردن سنه ده آلان وارداتك  
 مجموعى ۱۸۶,۰۰۰,۰۰۰ درهم ديمكدر . مبلغ  
 مذكوره ديكر جهتلرك ، مقدارينى بيله ميكمز  
 وارداتى ده علاوه ايتك لازم كلير .

خلاصه كه كلام امويلر زمانده واردات  
 كثرته جبايت اولنوردى . معافيه او واردات  
 تروت دينله مزدى . چونكه بارلر امويلرك  
 تأييد حاكميتلى ايچون محاربه لره صرف  
 ايديلردى . امويلر حضرت على ايله ، مخدومى

يعنى تقريباً برميلون ديناره بالغ اولمش  
 ايدى . بونك اوزرينه خليفه لر واليلرى عزل  
 ايتدكجه مالك اولدقلرى ثروت ايچون  
 كمديلرندن حساب صورالردى . ( معاويه )  
 زمانده واليلردن - حضرت عمر ك ياديفنه  
 اقدام - ثروتلرينك نصفى آليركن دها صكره  
 واليلر تحت محاكمه آلمغه وانلرك املاك  
 واموالدن بولنه بيلن شيلر مصادره ايدلمكه  
 باشلامشدر . ذكرى كچن ( خالد القسرى )  
 حقه ده اويله جه معامله ياپلش ايدى . ( خالدك )  
 كاتى ( حيان نبطى ) خالدك ۳۶,۰۰۰,۰۰۰  
 درهم مقدارنده بر ثروت جمع ايتديكى اخبار  
 ايتمش ايدى . بونك اوزرينه ( هشام ) طرفدن  
 مأمورين مخصوصه كوندريله رك كه خالدن ،  
 كرك معيتنده بولان مأموريندن اخبار اولنان  
 ثروتك قسم اعظمى مدانه چيقاريله رق ضبط  
 ايدلمشدر [۱] . « استخراج » نامى ويريلىن  
 بواجرا آتده صوك درجه ده شدت استعمال  
 اولنوردى . بوسيدن واليلرايله خلفا آره سنده  
 بنى اميه دولتنك تهلكيه طوغرى سقوطنى  
 تسريع ايدر بر نفرت پيدا اولمش ايدى .

امويلر زمانده دولت اسلاميه وارداتنه ،  
 يعنى خراج ، جزيه وسه ثردن جبايت اولنان  
 پامنت مجموعه كننجه : اودورلرده ظهور ايدر  
 فتنه وشورشلر نتيجه سنده امويلرك ضائع اولان  
 سائر وثائقى ميانده بوده ضائع اولمشدر  
 مملكت اسلاميه امويلر زمانده دها صكره  
 عباسيلر دورنده اكتساب ايتديكى وسعته يقين

زوالی ایله منتهی اولور . دور مذکورده مدینت اسلامییه سقوط و انحطاطه اوغرامش ، ثروت آزمش ، دولت ضعیف دوشه رك نهایت زوال و انقراض بولمشد .

### عباسی لر ك برنجی دوری

۱۳۲ سنه سندن ۲۱۸ سنه سنه قدر

(دولت عباسیه نك اسباب تأسیسی) :-

دها اول ویردیکمز معلوماتده کورلدیکی وجه ایله خلافت خلفای راشدیندن امویله انتقال ایدنجه شکل دینیدن شکل دنیوی به تحول ایتدیککی کبی خلفای اموییه و والیاری ده باره طویلامقدن ماعدا هیچ برشیته اهمیت ویرما . مشلردی . کذلک امویلر دورینک عربلقده تعصب و سائر اقوامه و خصوصاً کندیلرینک تحت حاکمیتلرینه کچن مصر ، شام ، عراق ، ایران ، خراسان و سائر اهاالیسی اولان نبطیلر ، روملر ، سریانیلر ، کلدانیلر ، ایرانیلر ، ترکرلر و سودانیلرله و حتی بونلردن اسلام اولانلره نفرت و حقارت کوسترمکله عباسیلر دورندن تمیز ایتدیککنی ده اولجه کوسترمش ایدک . دولتک شو تعصب و حقارتنه خراج تحصیلنده استعمال ایدیلن شدت و سائر خصوص صانده ارتکاب اولنان مظالمک انضامیله اهالی حکومتدن صوگ درجه ده دلکیر اولمشلر و اویله بر حکومتک تابعیتدن چقیمغه و خلفای اموییه نك خلعی ایچون چالیشانلره معاونت ایتمکه حاضر

حضرت حسین ایله ، ( مختار بن ابی عبید ثقفی ) ایله ، ( عبد الله بن الزبیر ) ایله ، خارجیلر ایله و سائر ایله محاربه ایتمشلردی . یمن عربلری ایله حجاز و نجد عربلری ، یاخود عربلر ایله موالی - عربلردن اولمیان اسلاملر - آره سنده ده پک چوق قتنه و شورشلر ظهور ایدردی . بوفتنه - لری تسکین ایچون کلیتلی پاره لر صرف اولنوردی . بوندن ماعدا خلفا و امیرانک ذوق و صفالرینه ، اسرافاتنده ده پک چوق پاره لر کیدردی .

### ۴ دولت عباسیه

دولت عباسیه نك یکدیکنرندن صوگ درجه ده فرقلی ایکی دوری واردر . برنجی دور - که اکابارلاق دور نامی ویریرلر - دولت مشارالیهانک ۱۳۲ سنه هجریه سنه مصادف اولان تاریخ تأسیسندن باشلایه رق ۲۱۸ سنه سنده یدنجی خلیفه عباسی ( مأمون ) ک صوگ کونلرینه قدر امتداد ایدر . دولت عباسیه ایشته بودورده شان و شوکتنک ذروه سنه بالغ اولمش و مدار بحشمز اولان مدینتی تأسیس ایشدر . ینه بودورده درکه دولت اسلامییه نك ثروتی سائر دول اسلامییه دن هیچ برینک دورنده بالغ اوله مدینگی جسامته واصل اولمشدر . بو کتابده مدار بحشمز ایشته بوئورودر . ایکنجی دوره کلنجه بو کا دور قهقری ویا دور انحطاط نامی ویریرلر . بودور ۲۱۸ سنه هجریه سنه مصادف اولان ( معتصم ) ک خلافتندن باشلایه رق دولت عباسیه نك بغداددن



اولورسه گز انكه برابر حربه چيقما مليسكنز . چونكه آره كزده بر اختلاف ظهوريله برريكنزدن آيرمكزدن ويكدبكر كزه خصم اولمكزدن قورقارم . مختار ايله برابر بهادرلر كز وسواريلر كز موجود . . . فضله اوله رق كوله لريكز ومواليكزده انكه برابر . بونلر متحد برحاله بولنورلر . مواليكز - عرب اولميان اسلاملر - سزك حقه كزده دشمنكزدن زياده كين وعداوت بسارلر . سزكه عرب شجاعتيله وعرب اولميانلر ك عداوتى ايله محاربه ايدرلرده پريشان اولورسكنز » [۱] مطالعه سنده بولمقله مختارك تكليفنى قبول ايتديلر .

موالى بنى اميه نك ازاله دولتلى ايچون اهالى بي آياقلانديران هر كيم اولورايسه اولسون اكا اويله جه مظامرت ايتدكلرندن امويلر زماننده خارجيلر چوغلش وعربلر مياننده خلافت ايچون قريشدن اولق شرط اولمدينى فكري ده ميدان المشدى [۲] . مع مافيه بوفكر اسلاملرده آنجق برقاچ عصر صكره يرلشه - بيسلدى . اوصره لرده خلافتى طلب ايدنلر ك اكثرى سلاله نبويه دن وبوجه دن حضرت نينك عمزاده سى حضرت على نساندن اولان علويلر وعم نبى حضرت عباس نسلندن بولنان عباسيلردن متشكل ايدى . (خراسان) ليلر ذكر ايتديكمز اسبابه بناء امويلره اك زياده دشمن كسيلنلردن ايديلر . (ابومسلم خراسانى) عباسيلر نامه طلب خلافت ايدنجه در حال معيته

لانمشلردى [۱] . باخصوص موالى - عربلردن اولميان اسلاملر - صوك درجه ده دلخير ايديلر . بونلر اسلام اولمقله اراضى وخانه لرى كندى اللرندن كيتديكى حالده دولتك تأييد نفوذى ايچون حربه سوق ايدلمكدن بشقه برشيته نائل اولماشلردى . امويلر بونلرى پياده ، معاشيز ، غنائمدن حصه سز اوله رق محاربه يه كونديرلردى . دولت امويه نك بو حالده دوام ايتديكى كورن رقيه لرى فرصت بكليه رك احوالدين بزار اولان موالى يه مراجعت وكنديلرينه معاشلر تأمين ايدرك امويلر عليه طرقدار اتخاذا ايلرلردى . بويولده حركت ايدن ، يعنى موالى يه مراجعتله معاونت مقابلنده كنديلرينه معاش ومنفعت تأمين ايلين ايلك ذات حضرت حسين ك قاتلرلرندن انتقام آلق اوزره ۶۶ سنه هجريه سنده كوفيه كيدن (مختار بن ابى عبيد الثقفى) ايدى . (مختار) ك عرب اولميانلرى عربلر اوزرينه بوضورتله ظهير اتخاذا ايتسى عربلره كران كلدى . عربلر مختارك موالى يي آتله بينديرمىنى وانلره معاش تخصيص ايتمنى خوش كورميه رك : « مختار موالي مزي شيارتدى . آتله بينديردى . بزه عائد اولان معاشاتى . انلره ويردى » ديديلر . مختار : « پكى ، موالى يي براقهيم ، غنائم ومعاشاتى ده سزه ويرهيم . امويلر عليه بنه محاربه ايدرميسكنز ؟ . . . ديه سوردى . عربلر بو خصوص حقنده آره لرنده مذاكره اجرا ايديلر . انلردن برى : « سوزيمى ديكليه جك

کچھ رک عباسیہ مظاہرت ایلدیلر . مملکت اسلامیہ نك هر طرفده عرب اولیان اسلاملر ایله غیر مسلملر یونلرک قیامنی کورنجه درحال انلر ایله برابر آياقلاندیلر . بونک اوزرینه امویلر دولتی زوال پذیر اوله رق عباسیلر احراز موقیت ایلدی . عباسیلر پانتخترینی کندیلرینه مظاہرت ایدنلره یقین اولان عراقده تأسیس ایتدیلر .

عباسیلر بنی امیه دولتنک ذکر اولنان اسباب زوالنی آکلامش اولدقلرندن دولتی اوپله برسقوط و تهلکيه دوشورمکدن احترازاً ایرانیلردن عسکر و طرفدار اتخاذا ایتدیکری کچی اسلامیتک رکنی اولان عرب عصییتنی محافظه ایتک مقصدیله ( ربیعہ ) و ( مضر ) قبائلندن عرب عسکریتک استخدافنده ایقا ایلدیلر . مع مافیہ هرایی عنصری بردن ممنون ایدہ میورلردی . عباسیلر حال و مصلحت سائقه سیله ایرانیلر ایله اختلاط ایتک و ایران ملیبوساتندن کلاه و سائرہ کیمکله انلره بکنزه مکہ مجبور اولشلردی . حتی اوپله البسه کیمکی مجبوری اتخاذا ایتشلردی . اوپولده البسه یی اک اول استعمال ایدن واستعمالنی مجبوری یاپان ذات ۱۵۳ سنه هجریه سنده ( منصور ) یدی [۱] .

مشارالیه اهالی یی صوک درجهده اوزون کلاه کیمکله مجبور ایتش ایدی . ذکر اولنان عصرده یتیشن مشاهیر شعرای عربدن ( ابودلامه ) خالدن ممنون اولیان عربلر جمله سندن اوله رق اوصرهده کیلن کلاهی شو

ایکی بیت ایله توصیف ایلنور :

و کنا نرجی من امام زیاده

فزاد الامام المصطفی فی القلائس

نراها علی هام الرجال کأنها

دنان یهود جللت بالبرانس

« خلیفه زماندن اسلامک مآثرندن زیاده

اجرا آت حسنه بکیور ایدک . خلیفه کزین

بوزیاده یی کلاهلرده یادی . خلقه کیدیردیک

کلاهلر هر کسک باشنده برنسلر ایله اورتولمش

یهودی کوپلری کچی طورییور . »

مع مافیہ عربلرک عدم ممنونیتی امور

و خصوصات دولتنک ، طوتدینی مجراده جریانه

مانع اوله مدی . خلفا ، زوجهلرینی ایرانیلردن

اتخاب ایتدیلر . بوزوجهلردن کلن چوجقلر

ایرانیلره فطرة بر میل مخصوص پرورده

ایتمش اولدقلری حالده بالآخره مقام خلافت

کچدیلر . ( برامک ) و سائرہ کچی استخدام

ولنان وزرا و مستشارلرک تأثیری ایله ایرانلی

عنصرک خلفا سرایلرنده نفوذ متغلبه لری

کندکجه آرتدی . مع مافیہ ایرانیلر دولت

عباسیه اغورنده غایت صادقانه وفداکارانه

خدمت اید لردی . چونکه کندی مملکتلرینک

ایلیکی بودولتنک بقایای ایله قائم ایدی .

( عربلر و بیعت ) : — بونکله برابر خلفا

کعبه معظمه و قبر نیدن متشکل حرمینی

( ایکی حرمی ) حاوی اولان جزیره العریندن

مستغنی اوله میورلردی . چونکه حرمینه

حرمت دین اسلامی به حرمت دیمکدر .

خلافت ایسه اسلامیت ایله قائمدر . فضله

معاویہ نك) ك اندلسه دخولى اوزرينه بر مدت عباسيلر نامه اجراى حكومت ايتدكدن صكره عباسيلردن قطع علاقه ايشلر [۱] ومملككتك عباسيلردن اوزاقلغندن بالاستفاده اعلان استقلال ايتملر ايدى . متعاقباً ( محمد بن عبدالله ) مدينه نى استيلا ايدنجه ( منصور ) قورقغه باشلادى . محمدى ائتلاف ايچون بتون نفوذنى صرف ايتدى . بك چوق زحمتدن صكره بوكا موفق اوله بيلدى .

( منصور ) ك حرمينى اهامال ايتمكله دوچار اولديغى نوسوه عاقبت كنديسندن دها صكره جالس سرير خلافت اولان عباسيلره مدار عبرت اولدى . منصور ك اوغلى اوچنچى خليفه عباسى ( مهدى ) مقام خلافته نر كچمز حرمين اهايلينه اكرام واحسانده بولنه رق كه عظمه يه يكي بر كسوه كيدر دى . عراق دن حرمينه برابر كوتوردكى ۳۰,۰۰۰,۰۰۰ درهم ايله مدينه ده ايكن مصر دن آلاينى ۳۰۰,۰۰۰ ويمندن كلن ۲۰۰,۰۰۰ دينارى اهالى يه اكراميه وعطيه وله رق توزيع ايلدى . فضله اوله رق اهالى يه ۱۵۰,۰۰۰ البسه طاعتيدى . بوسره ده مسجد شريفى دخى توسيع ايتدير دى . عساكر خاصه اولمق اوزره احفاد انصار دن بش بوز كشى انتخاب ايدرك بونلرى برابر بغداده كوتوردى . كنديلرينه اراضى اقطاع ايتدى [۲] . بوندن ماعدا ( واسط ) ده بولنان ( صله ) نى

اوله رق عباسيلر حرمين اهايلسنگ حضرت على نسله طرفدار اولمردن قورقار لردى . مدينه فقها سنگ بيعته دخى خلافت و بيعته حائز اولدقلى تأثير ومقامه بناء محتاج ايديلر . حتى خلفادن ورع وتقوى صاحبي اولانلر اوفقهايه طائيش مدن ايش كورمز . لردى [۱] . بو حالى چكهمين ايرانيار نفوذك تكرار عربله انتقالى ايله كنديلردن استقام آلمسندن وصرف ايتدكلى مساعينك بوشنه كيتمسندن قورقهرق بلاد عربى اهاماله چايشديلر . حال بوكه كعبه بلاد عربده بولندجه اورالرى اهامال ايتك امكان خارجنده در . كعبه اسلاملك قبله كاھى وحج بريدر . حج ايسه اركان اسلاميتددر . معافيه وقوع بولان تلقينات اوزرينه ( منصور ) كعبه بدل عراقده خلق ايچور ديكر رزيارتكاه اتخاينى دوشوندى . كه مك اهميتنى تنقص مقصديه بر بنا انشا ايدرك بونايه ( قبه خضرا ) - يشيل قبه - نامنى ووردى [۲] . مدينه ده دكزدن ارسال اولنان مهمات حريمه يه ده كسدى [۳] . بوك اوزرينه عربلر ( منصور ) ك شو اومالنى عباسيلرك خلعتنه سبب اتخا ايدرك حضرت على نسلسندن ( محمد بن عبدالله ) بيعت و ( منصور ) ى خلع المديله . اما مشهور ( مالك بن انس ) انلره بوخصه صده فتوى ورمشدى [۴] . ايسده بولال امويلر دخى دها اول يازديغمز وجه ايله ( عبد الرحمن بن

[ ۱ ] ابن الاثير ۲۳۵ ج ۵ و ۴۵ ج ۶ وابن خلدون ۲۸۰ ج ۳ [ ۲ ] طبرى ۴۸۳ ج ۳

[ ۱ ] ابوالفداء ۲۰۹ ج ۱ [ ۲ ] طبرى ۱۹۷ ج ۳ [ ۳ ] ابن الاثير ۲۶۱ ج ۵ [ ۴ ] ابن الاثير ۲۵۱ ج ۵



حفر و اطرافنده بولسان اراضی بی حیا  
ایتدیرمك بواراضیدن كلهك و ارداتی حرمین  
اهالیسنك اكرامیه سیله حرمینك محتاج اولدیغی  
مصارفه تخصیص ایلدی [۱]. تاریخ مذکور دن  
صکرة اوصورتله حرمین اهالیسنه اكرامیه  
ویرهرك حرمین حقنده تعظیم کوسترمك  
عباسیلر حجه کتدکجه ، یاخود کندی اوغللرینه  
بیعتده بولمق ایستدکجه بر عادت حکمنه  
کجی . اوجمله دن بشنجی خلیفه عباسی (رشید)  
۱۸۶ سنه هجریه سنده ایکی اوغلی (امین)  
(مأمون) ایله حجه کتدیکی زمان مدینه ده  
بری کندیسى ، دیگر ایکسی ایکی اوغلی نامنه  
اوج اكرامیه ویرمش ایدی . مکده دخی  
عین صورتده حرکت ایلدی . بوحج صره سنده  
(رشید) ك توزیع ایتدیکی پارله ۱,۰۵۰,۰۰۰  
یساره بالغ اولمشدی . مشارالیه اوراده  
بولندی صره ده ایکی اوغلنك ولی عهدنک لرینه  
دائر برنامه یازه رق کعبه معظمه ده حفظ  
ایتدیردی [۲] . حرمین مصرفی آرتق  
حکومتك مصارفات ضروریه سی حکمنه  
کیرمش ایدی . بناء علیه عربلرک شان و نفوذی  
تکرار کندینی کوسترمکه باشلادی . خلفا  
تأیید حاکمیت ایچون بونی ضروری کویورلردی .  
عباسیلر دیگر جهتن ایرانیلردن ده  
استغنا ایده میورلردی . وزیرلر ، مستشارلر هپ  
ایرانیلردن ایدی . بناء علیه ایکی عنصر آره -  
سندره رقابت آرتدقجه آرتیوردی . بونك  
تأثیری اوله رق نهایت (امین) ایله (مأمون)

[۱] قدامه ۲۴۲ [۲] ابن الاثیر ۶۹ ج ۶

آره سده کی وقوعات ظهوره کلدی . (مأمون)  
ایرانلی بروالده دن طوغمش اولدیغی ایچون داییلر -  
ی اولان خراسان عسکرینی [۱] ظهیر اتخاذ  
ایتدیکی کبی (امین) دخی هاشمیلردن عرب  
بر والده دن [۲] تولد ایتمش اولمق حسیله  
عرب عسکرینك مظاهرتنه نائل اولدی . ایکی  
طرف آره سده محاربه لر وقوع بولدی . نتیجه ده  
(مأمون) غالب کلهرك مقام حاکمته کچنجه  
دولته موقع و نفوذ تکرار ایرانیلره انتقال  
ایلدی . عربلر بو حالی کران کوردکلرندن  
مشارالیه حقنده بغض و عداوتله متحسس  
اوله رق دیگرینه بیعت و کندیسنى حاکمیتدن  
تجربید ایچون چالشمغه باشلادیلر [۳] .  
(مأمون) بو حالی کورنجه عربلر دن برقات  
دها نفرت ایتك وانلره التفات ایتمه ك یولنی  
طوتدی . مشارالیه شامده بولندیغی صره ده  
کندیسنه : « ای امیر المؤمنین ! خراسان  
ایرانیلرینه التفات ایله باقدیفکیز کبی شام  
عربلرینه ده اونظر التفات ایله باقسه کز . . »  
خطابنی توجیه ایدن بر ذاته بیانات آتیله ده  
بولمشدر : « عربلره لزومندن پك فضله ظهیر  
اولمق ایستیورسکیز . خزینه مده لك بر پاره  
قالدیغی حالده (قیس) قبائلی عداوتدن واز  
کچوروب ممنون ایتدیکی بر کون کورمدم .  
یمته کلنجه اورایی اصلا نه بن سودم ، نه او  
بنی سودی . (قضاعه) ایسه انك اکابری  
بنم یریمه (سفائی) بی بکلیورلرکه اکا طر -

[۱] ابن الاثیر ۹۰ و ۹۲ ج ۶ [۲] طبری

۹۳۷ ج ۳ [۳] ابن الاثیر ۱۲۶ ج ۶

عربلرک علیهنه اوضرمده زیانزد اولان تعبیرات  
جمله سندی . بتون امرأ ، وزرا وسائر رجال  
و مأمورین دولت ایرانیلردن ، ترکلردن ،  
دیلمیللردن وسائر مدد تشکیل ایتکده ایدی .  
خلفا موقعلریخی عسکر وبارده ایله طوته بیلور .  
لردی . عربلره و عرب فرقه لرینه پک نادر  
اوله رق اهمیت ویریلوردی .

فقط دیگر طرفدن عربلر دخی ایرانیلر  
ایله عرب اولیان سائر اقوامه قارشی اظهار  
نفرت وعداوتدن وانلر حقنده علناً طعن  
وتشنیعیدن کیری طور مدقلری کی خلیفه لر  
اولسه بیله انلره میل ومظاهرت ایدنلره ده  
نظر نفرت وحقارتله باقارلردی . ایشته  
بوسبیدن ( معتمصم ) ارتحال ویرینه ( وائق )  
احراز خلافت ایتدیکی زمان ( صمیره ) ده  
بولتان مشاهیر شعرای عربدن ( دعبل خزاعی )  
ارتحال وجلوس خبرینی آلیر آلماز شو ایکی  
بقی سویلش ایدی :

الحمد لله لاصبر ولا جلد

ولا عزاء اذا اهل البلی رقاوا

خلیفه مات لم یحزن له احد

و آخر قام لم یفرح به احد

« الله حمد اولسون . اوپله بر زمانه  
یتشدک که فانیلر وفات ایتدکجه تأثر ، حزن  
والم ، تعزیت لازم کلیمور . بر خلیفه ارتحال  
ایتدی ، کیسه محزون اولمدی . دیکری  
جالس تخت خلافت اولدی ، کیسه سوینج  
طویمدی . »

خلاصه کلام خلفای راشدین زماننده

فدار اولسونلر . ( ربیعہ ) به کلنجه بو ،  
جناب پیغمبرک ( مضر ) دن انتخاب وارسال  
بیورلدیقی دقیقه دن اعتباراً الله کوسوب  
اکا دشمن کسلسدر . بولری ممنون ایتمک  
قابیلدر ؟ [۱] .

( معتمصم ) ۲۱۸ سنه هجریه سنده مقام  
خلافت کچوبده ترکری وفرغانه لیلری  
استخدام ایدنجه عربلر هریده وحتی مصرده  
رجال دولتک نظر اعتبارندن دوشهرک مأمور  
ریتلردن اوزاقلاشدیرلشلدرد . عربلردن  
مصره اک صوک والی اولان ذات ۲۳۸  
سنه سنده ( عبسۀ بن اسحق ضی )  
ایدی [۲] . ( معتمصم ) بغداد قربنده ( سامرا )  
شهرینی تأسیس وعسکرینی اورایه نقل ایتدکن  
صکره عربستاندن بستان مستغنی اولق  
ایستدیکندن مذکور شهرده برکعبه ، اطرافنده  
طوافیری ، منی ، عرفات ایچون لرلر تأسیس  
ایلدی . ( معتمصم ) بونی خد تنده بولتان بر  
طاقم عسکری امرانک حجه کیتمک ایستدکاری  
زمان کندیسندن مفارقت ایتسونلر دییه انلری  
آووتقی ایچون یامش ایدی [۳] . بوصره لرده  
( عرب ) لفظی اک حقیر الفاظه مرادف  
طوتولوردی . « عربلر کوپک کیدر . بر  
عربه برپارچه اکمک آتده باشی قیر » جمله لری  
ایله « عربلردن هیچ بری یاننده کندیسنه  
مظاهرت ایده جک بر پیغمبر بولتماز ایسه  
بر موفقیته مظهر اوله ماز » [۴] سوزلری

[۱] ابن الاثیر ۱۲۶ ج ۶ [۲] مقریزی ۴۵۵

ج ۲ [۳] مقدسی ۱۲۲ [۴] طبری ۱۵۸۸ ج ۳

اتحاد اسلامی صرف عربی رابطه ایله تأسس  
ایتمش ایدی . برنجی مقصده اسلامی روی  
ارض اوزرینه نشر ایتمکدن عبارت ایدی .  
اسلاملرک بو یولده صرف ایتدکلی ممت  
وغیرتلی رسالتک صدقنه و جناب حقک  
کنیدیلرینی بو وظیفه ایله مکلف طوتدیغنه دائر  
مالک اولدقلری اعتقاد متین سائقه سیله ایدی .  
دها صکره وقتا که امویلر احراز خلافت  
ایلدیلر ، او اعتقاد پاره طویلامغه تحول و خلافت  
دخی شکل دینیدن دنیوی پادشاهلیق شکله  
انتقال ایتدی . مع مافیه بونلرک زماننده ده  
اتحاد و رابطه عربیه متین قالمش ایدی . متعاقباً  
حاکمیت عباسیلره کچنجه بونلر عرب عصائنه  
بدل عرب اولیانلرک مظاهرتنه میل ایدرک  
انلری کنیدیلرینه بند ایتمک ایچون پاره یه  
محتاج اولمشلر و والدلر واسطه سیله انلرک  
زمره سنه کچمشلردر . بونلک نتیجه سنده آتیده  
کوریلجه جکی وجهه ایله ایرانلیلر ، ترکلر ،  
دیلملیلر ، صفدلیلر ، فرغانه لیلر و سائرده ن  
متشکل اعاجم - عرب اولیانلر - پاره قوتیه  
نفوذ دولتی اله کچیرمکه و برلریله مسابقه یه  
قویولمشلردر .

## عباسیلرک برنجی دورنده

### دولت عباسیه ثروتی

ایشته شمدی بوجلدک موضوعنه کلدک .  
چونکه ثروت اسلامیة آنجق بودورده حد

کاله واردی . بناء علیه بودور اوزرینه بنای  
مطالعات ایدمکچکز . بر دولتک ثروت مالیه سی  
واردادن مصارفات اخراج اولندقدن صکره  
قالان فضله ایله مقایسه اولنور . ع الاطلاق  
واردات ایله مقایسه اولنمز . زیرا بعضاً واردات  
چوق بو لنور ایکن مصارفات اندن دها چوق  
بونورده دولت بر آچیفک بارکرانی آتته دوشر .  
شوحالده ثروتی ذکر اولنان معناده تلقی ایدمکچک  
اولورسنه ق برنجی دورده دولت عباسیه نک  
ثروتی غایت بیوک و جسم کوروروزنه فی الواقع دولت  
مشارالیهانک ایلک بش خلیفه سی زمانده کی  
بودجه سنی کورمه دیکمزدن اوزمانلرده  
( ارتفاع دولت ) تعبیریه افاده اولنان سنوی  
واردات عمومیه نک نه مقدار طوتدغنی بیلیموروز .  
چونکه خلفای عباسیه دن ( امین ) ایله ( مأمون )  
آره سنده وقوع بولان محاربات انساننده دیوان  
( دفترخانه ) محترق اولدینی جهته مارالذ کر بش  
خلیفه زمانلرینه متعلق حسابات اومایانده محترق  
اولمش ایدی [ ۱ ] . نته کیم دها ول ( جاجم )  
سنه سنده امویلرک دیوان حکومتی محترق اولدینی  
صره ده بو دولته متعلق اوراق و حسابات  
دخی یانمش ایدی [ ۲ ] . مع مافیه خلفای  
مشارالیهانک اجرای حاکمیت ایتدکلی زمانلرده  
جمع وادخار ایتدکلی پاره لردن اودورلرده  
دولتک ثروتی آکلامق امکان داخلنده در .  
( دولتک ایلک دورلرنده کی ثروتی ) : -

دولت عباسیه نک ایلک خلیفه سی اولان ( سفاح )  
درت سنه دن زیاده حکم سورمدیکی کی ( ۱۳۲ ) دن



سنده قوتلی و تانی قالیسك، [۱]. بوحال  
(منصور) ك ذكا و درایتنه و تقلبات زمانه  
قارشى دقت و احتیاطنه دلالت ایدر كه مشارالیهك  
بتون ترجمه حالى ده حزم و اقتدارینى، عظمت  
ودها، ذكا و درایتنى كوستیر. فى الحقیقه  
(منصور) دولت عباسیهك بنیانی تحكیم  
و تأیید ایدن ذات ایدى. بودولتك سلامتی  
اغورنده بك چوق محاربهلر اختیار ایدرك  
اوبولده بك چوق پارهلر صرف ایلمش ایدى.  
از جمله آفریقاده خوارچ ایله (حكومه قارشى  
عصیان ایدنلر ایله) ۱۵۴ سنه هجریه سنده  
وقوع بولان محاربهده ۶۳,۰۰۰,۰۰۰ درهم  
صرف ایتدى. دیگر محاربهلرده - كه بك  
چوق ایدى - نه قدر پاره صرف ایتدیكنی ده  
بوكا كوره قیاس ایدیكز. بوندن ماعدا كندی  
اقربا و تعلقاتنه بك چوق پارهلر ویریوردی.  
بونلردن برطانیلرینه بركونده ۱۰,۰۰۰,۰۰۰  
درهم ویرمشدی [۲] (منصور) بغدادك تأیسنه  
۸۳۳,۰۰۰ درهم صرف ایلدى [۳].  
اسقای اراضی و كوپریلر انشاسی ایچون اختیار  
ایتدیكى مصرفلری ده اونوتما ملیدر. بونلری  
هپ نظر دفته آلیرسه كز مشارالیه زماننده  
بیت المساله كبرن پاره ك على الاقل بر ملیار  
۱,۰۰۰,۰۰۰,۰۰۰ درهمله تقدیرینى موافق  
بولورسكز. بومقداری مشارالیهك حكمران  
اولدینى سنه لره (۲۲) تقسیم ایدر ایسهك هر  
سنه ۴۵,۰۰۰,۰۰۰ درهم دوشدیكنی كورورز.

[۱] طبری ۴۴۴ ج ۳ [۲] ابن الاثیر ۱۳ ج ۶

[۳] مقدسى ۱۲۱ و سیرالملوك ۵۴


۱۳۶۹ه قدر) بوزمانی ده محاربهلر ایله كچیردك  
پاره و بولامدی. ارتحالنده خانه سنده طغوز  
جه، دیرت كوملك، بش طون، دیرت باش  
و بیونشالی، ایبك و تفتیكدن معمول دیگر دیرت  
دكرمی شالدين بشقه برشى بولمادی [۱].  
ایكنجی خلیفه (منصور) ه كنجه بو ذات  
۲۲ سنه (۱۳۶ - ۱۵۸) حكیم سوردی.  
حزمپرور، صوك درجهده احتیاطكار، پارهیه  
وباره ادخارینه شدتله حریص بر ذات ایدى.  
فقط پارهیه اولان حرصی خست طبعدن دكل،  
ظهورى محتمل اولان فتنه و اختلاللره قارشى  
كه بیلمك ایچون انك لزومنى تقدیر ایتدیكندن  
ایلری كلیوردی. وفات ایتدیكى زمان  
بیت المساله ۶۰,۰۰۰,۰۰۰ درهم ایله  
۱۴,۰۰۰,۰۰۰ دینار برافدى [۲]. ذكر  
اولسان دینارلر - هر دینار او عصره كوره  
تقریباً اون بش درهم اعتبارله - درهملره  
تحويل اولنور ایسه (منصور) ك ترك ایتدیكى  
پارهك مجموعى ۸۱۰,۰۰۰,۰۰۰ درهم اولدینى  
تظاهر ایدر. (بر درهم تقریباً بر فراق).  
مشارالیه اجلنك تقرینى حس ایتدیكى صروده  
اوغلی (مهدى) یه وصیت اوله رق شو بیاناتده  
بولنش ایدى: «بوشهرده سكا اوقدر پاره  
بریکدیردم كه خراج اون سنه متوالاً اكسك  
جیات اولنسه بیله ینه عسكرك معاش و نفقه سنه،  
اقربا و تعلقاتنه، حدودك محافظه سنه و یريله جك  
مخصصات اوپاره كفایت ایدر. بوباره ینى حسن  
محافظه ایت. زیرا بیت المالك معمور اولدنجه

[۱] طبری ۸۸ ج ۳ [۲] مسعودی ۱۷۷ ج ۲

منصورك واليلرى عزل ايتدېكە كندىلرندن مصادره ايلديكى پاره لر بوحسابه داخل دكلدر. چونكه مشاراليه واليلرى عزل ايله پاره لرني مصادره ايتدېكە « بيت مال المظالم » نامنى ويردىكى مستقل برخزىنه توديع ايدر وهرمالك اوزرىنه صاحبك اسمنى يازار ايدى. (منصور) اجلنك تقرىنى حس ايتدىكى زمان اوغلى (مهدى) يه بوماللىر حقننده شو وصيتده بولمىش ايدى : « سكا بو خزينده بر طاقم اموال براقيورم . بن اولنجه پاره لرني مصادره ايلديكم كيمسه لرى چاغىروب هر كسه تكرار مالى وىر . بويله ياپارسه ك هم پاره صاحبلرى ، هم خلق سندن ممنون اولورلر » [۱] . (مهدى) مقام خلافته كچنجه بو وصيتك حكمنى انفاذ ايلدى . (منصور) ك امويلرى قهر و تدمير ايتدكدن

ضبط ومصادره اولنان پاره لر ( مال اهل بيت اللعنه ) - لعنت اوى افرادينك پاره سى - نامى ايله ياد اولنان آريجه برخزىنده حفظ ايدلمىشدى [۱] .

مع مافيه (منصور) ك ثروتى بشننجى حليفه عباسى ( شيد ) ك ثروتنه نسبةً از عد اولته بيلير . زيرا (رشيد) ۱۹۳ سنه هجرىه سنده ارتحالى صره سنده بيت المالد ۹۰۰,۰۰۰,۰۰۰ درهمدن زياده بر پاره براقىش ايدى [۲] . (رشيد) ك مدت حكمرانيى (منصور) ك دور حاكميتي قدردر . بونكه برابر (رشيد) سخا وكرم ايله مشهور ايدى ، پك چوق اسرافاتده بولمىش ايدى . بوكا رغماً بيت المالد او قدر بيوك بر ثروت طوبالامسى حيرتله تلقى يه سزادر . ذكر اولنان پاره نك (منصور) ، (مهدى) ، (هادى)



شكل ۱ : ايكنجى عصر هجرى ايتدا سنده قاش اوزرىنه يازلمىش عربجه يازى

صكره انلرك پك كثرته بولنان اموالى مصادره ايتمى بوزندن او قدر چوق پاره لر جمع ايدى بيسلديكى احتمال كه خاطره كلير . فقط بو احتمال طوغرى دكلدر . چونكه امويلردن

زمانلرندى بريكرىك (رشيد) زماننده ترايد ايلديكى وبتون اوباره نك (رشيد) ك دورنده جمع وادخار ايدلمديكى ملاحظه سى وارد خاطر

[۱] ابن الاثير ۴۰ ج ۶ [۲] طبرى ۷۶۴ ج ۳ و ابن الاثير ۸۵ ج ۶

[۱] طبرى ۴۱۵ ج ۳

(برمکيلر) کي ذوات بولنه رق بونلر معلوم اولديغي وجه ايله پک چوق کويلر وچفتلکله مالک اولدیلر. وپک چوق پاره لر صرف و بزل ایلدیلر.

(رشید) ۱۹۳ سنه هجریه سنده ارتحال ایلنجیه ایکی اوغلی (امین) ايله (مأمون) احراز خلافت ایچون بربرلیله محاربه ایتدیلر. او صروده (امین) بغدادده بولنیوردی. والدهسی (زبیده) پدرینک خزینهلرینی کتیروب کند. یسنه تسلیم ایتدی [۱]. (مأمون) ایسه (خراسان) ده بولنیوردی. ایکی قارداش محاربهسی برقاچ سنه دوام ایلدی. بومدت ظرفنده (امین) بیت المالد - خزینده - بولنان بتون پاره لر محاربه وکندی سرائی اسرافاتی یولنده صرف ایتدی. مشارالیه؛ خلافتی امتدادنجه ذوق و صفایه، ایچکی یه منه مک اولدی، برچوق پاره لر بذلیله کندیسنی اکلند. یرده جک وسائط ورجال طرب بولنه رق بونلره معاشلر و تخصیصات باغلا دی. قارداشلرینی، عائله سی خلقنی بر اقوب عیش و نوش ایتک اوزره خلوته چکلدی و تزنده بولنان پاره لری و مجوراتی کندیسنی اکلندیرن حرم آغلریله قادینلر ییننده تقسیم ایلدی [۲].

امینک ۱۹۸ سنه هجریه سنده مقتول اولمسی اوزرینه شرقاً و غرباً مملکتک هر طرفی (مأمون) ده عرض اطاعت ایتدی. مشارالیه ک دور خلافتده خراسانلیلرک نفوذی پک زاده آرتمشدی. چونکه (مأمون) ده تأمین

[۱] ابوالفدا ۲۰ ج ۲ [۲] ابوالفدا ۲۲ ج ۲

اوله ییلر. حال بوکه حقیقت اوله دکدر. (مهدی) ۱۵۸ سنه سندن ۱۶۹ سنه سنه قدر امتداد ایدن دور خلافتده (منصور) زمانندن قالان بتون پاره لری صرف ایتدکدن ماعدا کندی زماننده جبابت اولنان اموالی ده صرف ایلشدی [۱]. چونکه صوک درجه ده سخی بر آدم ایدی. (هادی) یه کلنجه بو ذات برسنه ايله بر قاچ آیدن زیاده حکومت سورمدی. فضله اوله رق بوخلیفه او قدر افراط ايله سخی ایدی که روایت کوره (عبدالله بن مالک) ه احسان قیلندن بر وریشده پاره و سائر یوکلی قرق قاطر اعطا ایتمشدی. سخاده بودرجه ایلری کیدن ومدت حاکمیتی برسنه ايله برقاچ آیدن عبارت اولان برخلیفه زماننده شایان ذکر بر پاره نک بریکمسی مستبعد عد اولنور. شو حالده (رشید) ک بیت المالد - خزینه دولته - ترک ایتدیکی ثروت جسیمه کندی زمان حاکمیتده جبابت اولنان اموالندن بریکمش دیمکدر. معافیه بو ثروتی (رشید) ک سنین حاکمیتنه نسبت ایده جک اولورسه ق (منصور) ک ترک ایتدیکی ثروتدن پک چوق زیاده کورمیز. زیرا (هرون الرشید) ايله (منصور) آره سنده سخا و کرمده پک بیوک بر فرق وار ایدی. رشید او قدر سخی بر آدم ایدی که پاره نک هیچ قیمتنی بیلمزدی [۲]. (منصور) ایسه بالعکس خست ايله معروف ایدی [۳]. بوندن ماعدا (رشید) ک زماننده

[۱] مسعودی ۱۷۷ ج ۲ [۲] طبری ۱۳۳ ج ۲

[۳] ابن الاثیر ۱۲ ج ۶



خلافت ایدنلر خراسانلیلر ایدی . بودورده  
مملکت عباسیه سکون و راحت ایله بر دور  
کچیرمش و مأمون علوم و فنونی عریجه به نقل ایله  
مشغول اولمشدر. علوم و ادبیاته دائر تخصیص  
ایده جکمز دیگر بر جلدده بو خصوصده  
تفصیلات مقتضیه یازمه جغز .

(مأمون) ک زماننده کی ثروته کلنجه خلقک  
سکون و راحتله ، ایش و کوچ ایله وقت  
کچیرملرینه و مملکتده منافرت و نفاق میدان  
آلماسنه بناءً ثروت پک زیاده وسعت کسب  
ایتمش ایدی . (مأمون) ۲۲ سنه حکم سوردی .  
بومدت پدری ( رشید ) ک و بیوک پدرینک  
پدری (منصور) ک مدت حاکمیتلری قدردر .  
مع مافیه مشارالیه وفات ایتدیکی زمان بیت  
المالده نه قدر پاره بر اقدینی معلوم دکلدیر .  
احتمال که بو معلومات اوزمانکی مورخلرک بو  
کبی بختلره اهمیت و براملری یوزندن ضائع  
اولان بوقییلدن سائر معلومات جمله سنده  
اوله رق ضیاعه اوغرا مشدر .

هر حالده پاره جمع و ادخار ایتک خلفای  
راشدین دورندن صکره هر مملکتده و هر  
عصرده اسلام حکمدارلرنجه مألوف بر عادت  
حکمنه کیرمش ایدی . روایتیه کوره ۳۰۰  
سنه هجریه سنندن ۳۵۰ سنه سنه قدر مقام حاکمیتده  
بولنمش اولان اندلس خلیفه مشهوری ( عبد  
الرحمن ناصر ) - ثالث - ۳۴۰ سنه سنه قدر  
بیت المالنده - خزینه سنده - ۲۰,۰۰۰,۰۰۰  
دینار قدر بریکدیر مشدر [۱] . مشارالیه زماننده

اندلسک جباتی - وارداتی - ۵,۴۸۰,۰۰۰ دینار  
ایدی . (سوق و مستخلص دن) یعنی بازار لرده وقوع  
بولان معاملات دادوستد دن و املاک ویرکسندن  
سنوی ۷۶۵,۰۰۰ دینار راده سنده دیگر بر  
واردات دهآ آئیردی . پک جوق اله کچن  
غنایمندن آلتان خمس ایسه بو حسابیه داخل  
دکلدی [۱] . عبدالرحمن ثالث عسکری نه ذکر اولنان  
وارداتدن آنجق ثلثی صرف ایدردی [۲] .  
( ابن خلدون ) مبالغیه دوشهرک مشارالیهک  
بیت المالده ترک ایتدیکی پاره نک ۵,۰۰۰,۰۰۰,۰۰۰  
دینار اولدیفنی بلا تردد ذکر و ادعا ایدیور .  
حتی شک و شبهه بر اقامق ایچون بوباره لری  
طارتی به تحویل ایدرک ۵۰۰,۰۰۰ قطیار  
آلتون طوته جغنی [۳] سویلیور . صحتی بالکلیه  
مستبعد اولان بوا دعایک اوقوجه حکیمک  
قلمندن نصل صدور ایتدیکنه شاشیلیر .  
ادعای واقعک مستبعد اولدیفنه دلیل اولمق  
اوزر اندلس دولتی عصرنده یاشامش اولان  
اعظم جغرافیون اسلامدن ( ابن حوقل )  
مشارالیه عبدالرحمن ثالث مخدومی (حکم) ک  
بیت المالده پدرینک وفاتندن صکره بریکن  
پاره یی تقدیر ایتدیکی صروده ۴۰,۰۰۰,۰۰۰  
دیناردن فضله تخمین ایدمه مامکده و بومقداری  
دخی پک جوق کوره رک حتی او عصرده هیچ  
بر دولتک بوقدر بر پاره یی جمعه مقتدر اوله مدیفنی  
علاوه بیان ایتکده در [۴] . شایان دقدر که بو  
عصرده بغداد انحطاط دورنده ایدی . اندلس

[۱] نفع الطیب ۱۷۹ ج ۱ [۲] ابن خلکان ۳۰ ج ۲

[۳] ابن خلدون ۱۱۰ ج ۱ [۴] ابن حوقل ۷۷

[۱] ابن حوقل ۷۷

## مأمونك دورنده

مملكت اسلاميه نك جغرافيه-ي

(حدودی) : — مملکت اسلامیہ شرقاً

هندستان اراضیسی ، چینک بعض اقسامی ،  
بحر محیط ہندی ، غرباً روم مملکتی (بوکونکی  
تعبیرہ کورہ بحریہ ، آناتولی) و بحرسفید ،  
شمالاً آسیاجہتشدن سریر (سیریا) ، بحر خزر ،  
لان (قفقاسیا) و اوروپا جہتشدن پیرہنہ طاغری  
و جنوباً بصرہ کورفزی ، بحر محیط ہندی  
و مصرہ نوہ مملکتی ایلہ محدود ایدی .  
مملکتک مساحہسی ایلہ مقدار نفوسی حقندہ  
برنجی جلدک ۹۴نجی صحیفہسندہ بیان معلومات  
ایلش ایدک .

مملکت اسلامیہ دولترک وازمنہ نك اختلافہ  
کورہ مساحہجہ و سائر بعض خصوصاتیجہ  
یکدیگرندن فرقی قاج ولایتہ تقسیم ایدلش  
ایدی . مملکتک (مأمون) زمانی صرہ لرندہ  
نصل تقسیماتدہ بولندیغی اودورک جغرافیونندن  
وبالخاصہ (اصطخری) ، (ابن حوقل) ،  
(ابن الفقیہ) دن نقلاً کوسترہلم . مملکت اسلامیہ  
اوصرہدہ یکرمی یدی اقلیمہ منقسم ایدی .  
بونلرک یدیسی غربدہ ، یکرمیسی شرقدہ ایدی .

## غرب اقلیماری

دیار العرب (جزیرۃ العرب)

بحر فارس (بحر محیط ہندی و بحر احمر)

بویلہ ثروت ایچدہ بولنورکن بغداددہ خلفا ،  
قوماندانلر ، وزرا پارہ ایچون بربرلریلہ غوغا  
ایدیورلر ، یکدیگرینک اموالی مصادره ایلہ  
وقت کچیریورلردی .

مرحالہ شوراسی محققدرکہ (مأمون)  
زمانندہ واردات صافیہ اولہرق ہرسنہ بیت-  
المالہدہ بریکن پارہلر کرک مسلم ، کرک غیر  
مسلم هیچ بردولتک خزینہسندہ بریکمامشدر .  
(ابن خلدون) ک مقدمہسندہ مذکور دوردہ  
دولتک مقدار حاصلاتی حقندہ (جواب الدولہ-  
دولت طغارجفی) نامندہ کی کتابدن نقلاً بر  
موازنہ جدولنی کوردک [۱] . جدول مذکور  
دول اسلامیہک حساباتی مبین المزہ کچن  
اک اسکی وثیقہدر . ایکنجی اولہرق (قدامہ  
بن جعفر) طرفندن نقل اولٹان دیگر برحساب  
جدولی ، اوچنجی اولہرقدہ (ابن خردادبہ)  
طرفندن ایرادایدیلن برجدول دہا موجوددر .  
بونلرک ہپسی اوچنجی عصر ہجرینک اورتہ-  
لرینی تجاوز ایتمز . اودوردہ کی ثروتی آکلامق  
ایچون بونلرک اوچنی درج و آرہ لرندہ مقایسہ  
اجرا ایدہ جکز .

فقط دولتک مقدار وارداتی یازمدن اول  
ولایتلرک یکدیگرینہ و مرکز حکومتہ نسبتہ  
نہ حالہ بولندیغنی آکلامق ایچون (مأمون) ک  
زمانندہ مملکت اسلامیہ نك جغرافیہ-ی حقندہ  
برخلاصہ یازمنی مناسب کوریورز .

[۱] ابن خلدون ۱۵۰ ج ۱

دارالمغرب ( مصر دن ماعدا آفریقانک  
سواحل شمالیه سی )

مصر

شام ( بتون سوریه قطعہ سی )

بحرالروم ( بحر سفید )

الجزیره ( فرات ایله دجلہ آرمہ سی )

### شرق اقلیملری

عراق	الجبال (ایران طاغلری)
خوزستان (اهواز)	دیلم
فارس	طبرستان
کرمان	جرجان
مکران	قومس
طوران	خراسان چولی
سند	سجستان
ارمینیه (ارمنستان)	خراسان
اذربجان	ماوراءالنهر
	خوارزم

ران مملکتی ( اذربایجانک شمالنده آراس ایله کور  
نهرلری آره سنده کائن قطعہ )

شمدی مذکور اقلیملرک موقعلری واحوالی  
حقننده مختصراً معلومات ویرم :

( دیارالعرب ) — جزیره العرب دیمکدر .  
بو قطعہ دجله نهرینک دکنزه مصبی اولان  
( عبادان ) دن اعتباراً بحر فارس اطرافندن  
( بحرین ) و ( عمان ) ، امتداد ایتدکدن صکره  
مهره ، حضر موت ، عدنه و یمن سواحلی  
تعقیب ایدرک جدہ ، مدین و دهاسکره

( ایله ) یه منتهی اولور . بحر فارسدن مقصد  
بتون جزیره العربی احاطه ایدن دکنذر .  
معافیہ باب المندبدن ( ایله ) یه قدر اولان قسمه  
( بحر قلزم ) — بحر احمر — دخی اطلاق  
ایدرلردی . ( جزیره العرب ) غرب شمالی  
جهتدن بر خط منحنی ایله شام و فلسطین  
قطعہ لرله محدوددر . بو خط ( ایله ) دن  
باشلا یهرق صره ایله بحر لوط ، شراة ، بلقا ،  
اذرعات ، سلمیه و خناصره دن کچدکدن صکره  
فرات نهرینه و بورادن رقه ، قر قیسیا ، رجه ،  
کوفه ، بطائح ( بطاقلقر ) و واسطدن مرور  
ایدرک ( عبادان ) . منهی اولور .

دیار عرب و یا جزیره العرب مکہ ، طائف ،  
مدینه ، یمامه و بونلرک مخالفی — قضا و سنجا .  
قلرینی — حاوی اولان حجاز ، ( بحرین ) اراضیسنه  
متصل اولان نجد حجازی ، عراق بادیه سی ،  
جزیره بادیه سی ، شام بادیه سی ، ( تهمامی  
شامل اولان ) یمن قطعہ سی ، نجد یمنی ، عمان ،  
مهره ، حضر موت قطعہ لری ، صنعاء و عدن  
شهرلری ایله یمن مخالفی — قضا و سنجاقلری  
— قسملرینه منقسم ایدی .

( بحر فارس ) : — بوندن مقصد عراقده  
کائن دجله مصبندن ( ایله ) یه قدر جزیره العربی  
احاطه ایدن دکنرک جله سی ایدی [۱] . شو  
حالده بحر مذکور بصره کورفزی ایله عرب  
دکنزی ( بحر هندی ) و عدن خلیجی ( دکنزی ) ،  
بحر احمر و عقبه کورفزدن متشکل بولنیوردی .  
( دیار مغرب ) : — اوزمانه کوره دیار



(قرمونه) ، (استجه) ، (ریه) بوقطعه نك  
اك مشهور شهر لرندن ایدی . (شنترین) ،  
(مالقه) ، (جبل طارق) و سائر بلاد  
ساحله سندن در .

(مصر) : — مصر ك اوزمانكي حدودی  
تقریباً بوكونكي حدودی كبی ایدی . بجه  
(بحر احمر ساحلنده) ، نوبه یی ، بحر احمر ك  
مصر طرفندمكي سائر سواحلی و عقبه یی  
بوقطعه یه علاوه ایدر لر دی .

(شام) : — عموم سوریه ديك اولان  
بوقطعه یدی قسمة منقسم ایدی: (۱) فلسطین  
اردوكاهی ، (۲) اردن اردوكاهی ، (۳) حص  
اردوكاهی ، (۴) دمشق (شام) اردوكاهی ،  
(۵) قسرين اردوكاهی ، (۶) عواصم ، (۷)  
نغور .

فلسطین اردوكاهی غرباً شام اردوكاهلر .  
ینك ایلکیدر . مصر جهتندن (رفح) ، شمالدن  
(لجون) ایله محدوددر . یافا ، اریحا ، بیت لحم ،  
غزه ، شراة ، بحیرة منتسه — بحرلوط —  
غوریدیان — بیسان اراضی منحصه سی — ،  
نابلس بواردوكاه داخلنده کائندر . (فلسطین) ك  
مرکز اداره سی (رملة) در . رملة دن صكره  
بیوكلكجه بیت مقدس — قدس — کلیر .

اردن اردوكاه نك مرکز اداره سی  
(طبریه) در .

دمشق — شام — اردوسنك مرکز اداره سی  
دمشق در . بوشهر بتون سوریه قطعه سنك  
اك بیوك شهردر .

حص اردوكاهنه كلنجه : بونك مرکز

مغربدن مقصد غرباً مصر حدودندن صكره  
اولان بتون شمالی آفریقا سواحلی ایدی .  
اولا برقه ، ثانیاً افریقیه — تونس — ، ثالثاً  
جزائرده تاهرت Tiaret ، رابعاً مراکشده  
طنجه ، سوس ، زویله بوقطعه اقسامندن  
ایدی .

بونلردن (برقه) وسطده واقع بر شهر  
اولوب مستوی و محصولدار اراضی اوزرنده  
كائندر . اطرافی ، بربر قبائلی ایله مسكون  
بادیه احاطه ایدر . (برقه) ایله (افریقیه)  
آر سنده طربلس غرب شهری كائندر .  
افریقیه یه تابع اولان بوشهر طاشدن انشا  
ایدلشدر . طرابلس غربدن صكره (مهدیه) ،  
دها صكره (تونس) شهرلی کلیر . تونس  
محصولدار بر نقطه ده واقع بیوك بر شهر در .  
دها صكره (قیروان) کلیر كه بوشهر (افریقیه) نك  
مرکز اداره سی و قرده ده واقع اك بیوك شهری  
ایدی . (تاهرت) قسمنك مرکز اداره سی  
ینه بو نامده اولان بلده ایدی . (سجلماسه)  
شهری بوقطعه یه تابع شهرلردن اولوب صحرا  
اورته سنده اوزاق بر موقعه كائندر .

اندلس قطعه سنه كلنجه بوقطعه یی (بلاد  
مغرب) دن عد ایدر لر دی . چونكه فتح  
اولندیغی صره لرده بورابه تابع طوتولش ایدی .  
اندلس — اسپانیا — بیوك بر مملكتدر .  
پایتختی (قرطبه) ایدی . حدودی معلومدر .  
(جیان) ، (طلیطله) ، (سرقصطه) ،  
(وادی الحجاره) ، (ترجالة) ، (قوریه) ،  
(مارده) ، (باجه) ، (غافق) ، (لبله) ،

اداره سی حص شهریدر . حص بلاد مشهوره دن ایدی . چول کنزنده کائن انطراطوس Antardus ، سلیمیه ایله شیر (عاصی نهري اوزرنده واقع) ، حما بواردوکاهه تابعدر . بوسوک ایکی شهر وقتیه کوچک ایدی .

قنسرین اردوکاهنك مركز اداره سی حلب شهری ایدی . حلب بگونه قدر شهرتی محافظه ایتش بیوک برشهر اولوب ثغور وعواصم ایله عراق آره سنده کی طریق اوزرنده واقع اولدیغندن پک بیوک اهمیتتی وار ایدی . قنسرین وشاعر حکیم معرینك مسقط رأسی اولان معرة النعمان بواردوکاهه تابع شهرلدندی . قنسرین کوچک ر شهر ایدی .

عواصمه کلنجه : بونلردن مقصد شام قطعه سنك حلبك آرقه سندن اسکندرونه قدر یوقازی اولان طرفلرندن عبارتدر . بونلرک مرکز اداره سی ( انطاکیه ) شهری ایدی . بوشهر تنزه کاهلر ، باغچه لر جهتیله شامدن صکره ایکنجی درجه ده کلیر . رومارک حاکمیتی زماننده انطاکیه شام قطعه سنك مقر اداره سی ایدی . و صوک درجه ده بیوک برسورایله محاط بولنیور ایدی . روایت کوره بر آتلی بوسورک محیطی ایکی کونده دور ایده بیلیردی [۱] . فرات اوزرنده واقع ( بالش ) وقره ده کائن ( منبج ) شهرلری بوقسمه تابع اولان شهرلر جمله سندنندی .

ثغور ، عواصمک آرقه سنده کائن اولوب آناطولیده طوروس طاغتری حدودیه قدر

امتداد ایدن یرلردن متشکل ایدی . فرات اوزرنده واقع سمیسط ایله ( اک بیوک حدود شهری اولان ) ملطیه ، حصن منصور بوقسمه داخل اولان اک مشهور شهرلردن ایدی . حدث ( ملاطیه ایله مرعش آره سنده ) ، مرعش ، زبطره ( ملاطیه ایله سمیسط آره سنده کائن ایدی ) ، هارونیه ( مرعش قرینده واقع ) ، مصیصه ( مسیس ) ، اذنه ( آطنه ) ، طرسوس بوقسمه تابع ایدی . بعضاً ثغور بلادی عواصم صره سنه ادخال ایله هرا بکیسنه بردن ( عواصم ) نامی ویریرلردی . اوزمانلره کوره مفردی ( ثغر ) اولان بو ( ثغور ) لفظنیدن مملکت اسلامییه ایله روم مملکتی آره سنده بولنان حدود اوزرنده واقع شهرلر دیمک ایستیرلردی . بو جهتلره : ی شام قطعه سی طرفندن ثغور شامیه ، دکرری الجزیره جهتندن حدود جزیره نامیه ایکی حدود موجود ایدی .


( بحر الروم ) - بحر سفید - دکرزدن مقصد حاوی اولدیغی آطلرلدن عبارتدر . بونلر ایسه بجمزه تعلق ایتیز .

( الجزیره ) : — ( دجله ) ایله ( فرات ) آره سنده کائن و ( مابین النهرین ) نامیه معروف اولان قطعه نك شمال قسمنه ( الجزیره ) وجنوب قسمنه ( عراق ) اطلاق اولور . هر ایکی قسم آره سنده نقطه فصل ، دجله ووزرنده واقع ( تکریت ) ایله انبر ، یاخود فرات اوزرنده کائن ( هیت ) شهرلیدر . مذکور ایکی نهر سواحلنك اوقه طرفلرندن واقع بعض یرلرده برطاقم شهرلردن الجزیره



# المملكة الإسلامية في القرن الثالث الهجري

تصريح





قسمنه الحاق اولنوردی . الجزیره ، شمالاً  
 ( میافارقین ) ایله ( ملطیه ) قربنده فراته قدر  
 ( میافارقین ) ه غرباً بحاور اولان یرلر ،  
 جنوباً فرات نهری اوزرنده واقع ( هیت )  
 و ( دجله ) کنارنده کائن ( تکریت ) ، غرب  
 جنوبیدن جزیره بادیهسی ، شرقاً ایران طاغلری  
 واذریحان ایله محدوددر . الجزیره عراق  
 اراضیسی کبی غایتله منبت و محصولادردر . اک  
 مشهور شهرلرندن اولان ( موصل ) بوقطعه نك  
 غرب جهتده ( دجله ) اوزرنده کائندر .  
 كذلك الجزیره نك اک مشهور شهرلرندن اولان  
 ( سنجار ) دیار ربیعه نامنده کی چولده قیر  
 اورته سنده واقعدر . بوشهرده بولنان خرماقلر  
 قدر الجزیره نك هیچ بربرنده خرماقلر  
 یوقدر . ( نصیدین ) دخی الجزیره نك الک لطیف  
 هوای ، باغلی باغچه لی مشهور برشهری ایدی  
 ( دارا ) بوقطعه داخلنده کوچک برشهر ایدی .  
 ( رأس عین ) ( دارمضر ) نامیله معروف  
 اولان چولده دوز بریر اوزرنده واقعدر .  
 ( آمد ) شهری دجله نك یوقاری طرفلرنده  
 و ( جزیره ابن عمر ) - عمر اوغلی آطه سی -  
 كذلك دجله نهری اوزرنده کائندر . ( رقه ) ،  
 ( قرقیسیا ) ، ( حدیثه ) ، ( هیت ) شهرلری  
 الجزیره نك ( فرات ) نهری کنارنده واقع  
 اولان شهرلر جمله سئندندر . مذکور قطعه نك  
 اورته سنده ( حران ) شهری کائن اولوب بوشهر  
 صابثلرک - آفتاببرستلرک - شهری ایدی .  
 ( رها ) - اورفه - سریانیلر زماننده مکیتلر  
 وعلوم و معارفله شهرت آلمش برشهردر .

( سروج ) دخی محصولدار واوزومنك کثرتیله  
 معروف شهرلردن ایدی .

جزیره قطعه سنده برطاقم چوللرموجوددر .  
 بونلردن شمال شرقیده واقع چوللرده ( ربیعه )  
 وجنوب غربی جهتلرنده کائن چوللرده ( مصر )  
 عشائری اقامت ایدرلردی . عشائر مذکوره  
 تااسلامیتدن اول اورالده اقامت ایلرلردی .  
 بوعشائر آت ، قویون ، دوه بسلمکله برابر  
 کوی و شهرلر ایله ده علاقه صاحبی اولدقلرندن  
 بونلر عینی زمانده هم بدوی ، هم مدنی ایدلر .  
 ( تکریت ) الجزیره نك ( دجله ) نهری اوزرنده  
 کائن اک صوک شهریدر . بوشهر اهاالیسنك  
 قسم اعظمی خرسیتیان ایدی .

( عراق ) : - عراق مابین النهرینك جنوب  
 قسمی ایله بوقسمه جوار اولان یرلردن متشکلدر .  
 طولاً شمال جهتندن دجله اوزرنده کائن اولان  
 ( تکریت ) شهرندن جنوبده بحر فارس سا .  
 حلتده دجله مصبنده واقع ( عبادان ) ه و عرضاً  
 غربده کائن ( کوفه قادسیه سی ) ندن شرقده  
 واقع ( حلوان ) ه قدر امتداد ایدر . بوقطعه نك  
 محیطی شوشکلده ایدی : ( تکریت ) دن باشلا .  
 نیرسه شرقاً ( شهر زور ) ، دهاصکره جنوب  
 شرقیدن ( حلوان ) وصره ایله ( سیروان )  
 و ( صمیره ) و ( سوس حدودی ) ندن مرور  
 ایله ( عبادان ) ه واریلیر . بورادن دخی منحنی  
 برخط ایله ( بصره ) یه کیدلکدن صکره  
 بادیه ده بصره اراضی زراعیه و بطقلری اوزرندن  
 شمال وغریبه طوغری یوقاربندن یوریه رنك  
 کوفه یه کلنیر . کوفه دن صکره ( فرات ) سواحلی

طوتولور . ( انبار ) ه واريلير . بورادن دخي  
شمالدن ( تکریت ) ه تکرار کلنير . بوقطعه ده  
( فرات ) ايله ( دجله ) آره سنده واقع اولان  
اراضي ( سواد ) نامی ايله معروف ایدی .  
مدنیت اسلامیه صره لرنده عراقك حدودی  
ذکر ابتدیکمز شکلده بولنیوردی . بوحود  
شمديکی حدوددن مختلف کورولور . برطاقم  
نهرلك اسکی مجرالینی دکیشدیرملری بواختلافه  
باعث اولان اسباب جمله سندنر . بویخصوص  
حقنده دیگر بریرده تفصیلات ویره جکمز .  
عراقك الك مشهور شهری ( بغداد ) در .  
ایکنجی خلیفه عباسی ( منصور ) طرفندن  
تأسیس اولنان بوشهر عراقك مرکز اداره سی  
ومملکت اسلامیه نك الك پارلاق دورنده پایتختی  
ایدی . ( بصره ) دخي عراقك الك مشهور  
شهرلرندن ایدی . بوشهر ( عمر بن الخطاب )  
زماننده اسلاملر طرفندن تأسیس ایدلمشدر .  
بصره نك برطاقم بطاقلری واردکه بونلرک  
تاریخلری حقنده دیگر بریرده معلومات ویره .

جکمز . ( واسط ) دخي عرب شهرلرندن ایدی ،  
حجاج طرفندن ( سواد ) ک آورته سنده تأسیس  
ایدلمشدر . ( فرات ) ک غربنده واقع  
( کوفه ) دخي عربلر طرفندن تأسیس اولنان  
شهرلردندر . ( نهروان ) دجله نهیرینک  
شرقنده کائن برشهر اولوب الیوم قورومش  
اولان ( نهروان ) نهری کنارنده تأسیس  
ایدلمش ایدی . عراقك شرقاً حدودینک  
نهایتنده کائن ( حلوان ) شهری طاغ قربنده  
واقع بیوک برشهر ایدی . ( کوفه ) نك قربنده

کائن ( حیره ) وبصره قربنده واقع ( ايله )  
شهرلری ده عراقك بلاد معروفه سندن ایدی .  
( خوزستان ) : - بوقطعه عراقك شرقنده  
وعراق ايله فارس آره سنده کائندر .  
شمالدن جبال - طاغلر - سنجاقلری ( عراق  
عجمی ) ، شرقدن فارس واصپهان ، غربدن  
عراق وجنوبدن بصره کورفزی ايله محدوددر .  
( خوزستان ) نك مقر اداره سی ، ( اهواز )  
شهری ایدی . خوزستان قطعه سی بوشهره  
نسبت ایدیلرک اکا ( اهواز ) قطعه سی دخي  
دینیلیردی . بوقطعه برطاقم کوره لره - قضا  
وسنجاقلره - انقسام ایدردی . بونلرک  
برنجیسی ( اهواز ) ایدی . ( جندی - ابور ) ،  
( سوس ) ، ( تستر ) ، ( رامهرمز ) ،  
( سرق ) ، ( عسکر مکرم ) مذکور قطعه نك  
دیگر سنجاقلرینی تشکیل ایدرلردی . بوسنجا  
قلرک مرکز اداره لری ینه بوناہلر ايله معروف  
شهرلردر .

( بلاد فارس ) : - بوقطعه غرباً  
( خوزستان ) ، شرقاً ( کرمان ) آره سنده  
کائندر . شمالاً ( اصفهان ) ايله خراسان  
چولی وجنوباً وغرباً فارس دکزی ايله محد  
وددر . بوقطعه بش سنجاغه منقسم ایدی .  
الك بیوکی ( اصطخر ) ایدی . بونک مرکز  
اداره سی ( اصطخر ) شهری ایدی . ایکنجی  
درجه ده ( اردشیرخره ) سنجاغی کلیرک بونک  
مقر اداره سی ( جور ) شهری ایدی . بتون  
فارس قطعه سنک مرکز اداره سی اولان  
ودارالاماره یی - والی قوناغی - ودوائر حکو -

مقی حاوی بولان ( شیراز ) شهری بوسنجا  
داخلنده ایدی . ( دارابجرد ) ، ( مرکز  
اداره سی ارجان اولان ) ( ارجان ) و ( کازرون  
شهرینی حاوی بولان ) ( سابور ) سنجاقلری  
مذکور قطعه نك دیگر اوچ سنجاغنی تشکیل  
ایتمکده ایدی . ( سابور ) سنجاغنی بوسنجاقلرک  
اڭ کوچکی ایدی . ( بلاد فارس ) ده برطاقم  
بقعه لر واردرکه بورالده یوز یوردی متجاوز  
کرد عشائری اقامت و ( رموم ) نامیله یاد  
اولان برطاقم بقعه لرده حیوانات بسلمک  
وجفت سورمکله تأمین معیشت ایدرلردی .  
یا لکنز ( بلاد فارس ) ده مقیم اولان بوقبائل  
بش یوز بیک خانه ایله تقدیر اولنوردی .  
بوقبائل ، عربان قبائلی کبی قیش ، یاز اولاق  
محلله قونارلردی . برخانه ده بولان افرادک  
مقداری عائله ارکانی ایله ایرغاد وچوبانلر داخل  
اولق اوزره بعضاً اون کشتی به بالغ اولور . بزهر  
خانه افرادینی بش اعتبار ایده جک اولورایسه ک  
مذکور قبائلک نفوسی ایکی بچق میلیونه بالغ  
اولدینی آکلاشیلیر .

( کرمان ) : — بوقطعه فارس قطعه سندن  
بیو کدر . غربدن فارس ایله شرقدن ( مکران )  
( سجستان ) آره سنده کائندر . شمالدن خراسان  
چولی و جنوبدن بحر فارس ایله محدوددر .  
( شیرجان ) . ( بم ) ، ( جیرفت ) ، ( هرموز ) ،  
— هرمز — بوقطعه نك اڭ مشهور شهرلرندن ایدی .  
( مکران ) : — بوقطعه ( کرمان ) ک  
شرقنده واقعدر . شرقده ( طوران ) وسند  
مملکتک بر قسمی ، شمالده سجستان و هندستان ،

جنوبده بحر فارس ( مکران ) ی احاطه ایدر .  
بواقلم ( کرمان ) اقلیمندن ده ا بیو کدر .  
( تیز ) ، ( کیز ) ، ( درک ) ، ( رسک ) بوقطعه نك  
باشلیجه شهرلرنددر .  
( طوران ) : — فارس اقلیمندن کوچک  
ایدی . غربدن ( مکران ) ، شرق و شمالدن  
سند مملکتی و جنوبدن بحر فارس آره سنده  
کائندر . اڭ مشهور شهرلری ( محالی ) ،  
( کیزکانان ) ، ( قصار ) در .

( سند ) : — بوقطعه شرقده مملکت اسلام  
میهنک صوک حدودینی تشکیل ایدیوردی .  
بونک اڭ مشهور شهری هندیلیرجه ( بهاناباذ )  
نامیله معروف اولان ( منصوره ) در .  
دکنز ساحلنده کائن ( دیبل ) ایله ( ملتان )  
وسائر بوقطعه ده بولان معروف شهرلردن  
ایدی . مارالذکر ( منصوره ) شهری ( مهران )  
نهرندن برخلیج اوزرنده واقع اولوب بوخلیج  
شهری بر شبه جزیره اوزرنده کائن بر حاله  
کثیر مشدر . اهالیسی عموماً اسلام ایدی .  
( اصطخری ) مکران ، طوران وسنده جملة  
بردن ( سند ) نامی ویریور .

( ارمنیه ) : — ارمنستان — الجزیره نك  
فوقنده و مملکت اسلامیه نك یوقاری طرفلرنده  
کائندر . شرقدن ( اذربایجان ) و ( ران ) ، غربدن  
بلاد روم ( آسیای صغری — آناتولی ) ،  
شمالدن جبال القبق ( قفقاسیا — طاغری ) ،  
جنوبدن الجزیره ایله محدوددر . مرکز اداره سی  
دار الاماره یی حاوی ( دیبل ) شهریدر . بوشهرده  
چوق خرسیانلر واردر . ( خلاط ) ، ( ارزن ) ،



( ماه البصره ) - بصره شهری - سنجاقلریدر .  
 جبال قطعه سی نمرقدن ( خراسان چولی )  
 و ( فارس قطعه سی ) و غریدن ( عراق )  
 و ( الجزیره ) ، شمالدن ( اذربایجان ) ، ( دیلم ) ،  
 ( ری ) و ( قزوین ) ، جنوبدن ( خوزستان )  
 و ( عراق ) ایله محدوددر . بوقطعه بر طاقم  
 مشهورشهرلری محتوی ایدی . بونلرک اییوکاری  
 ( همدان ) ، ( دینور ) ، ( ماسبدان ) ، ( اصفهان ) ،  
 ( قم ) ، ( قاشان ) ، ( نهاوند ) ، ( لور ) ،  
 ( کرچ ) ، ( قزوین ) ، ( شهر زور ) ،  
 ( حلوان ) در . بونلردن ( همدان ) شهرینک  
 مساحه سی بر فرسخ طول و عرضدن متشکل  
 ایدی . شهرک دمیر قبولی بر سوری واردی .  
 دینور ( ماه الکوفه ) شهری همدانک ایکی  
 ثلثی جسامتنده ایدی . ( اصفهان ) آره لری  
 ایکی میل قدر مسافه به تمتد ایکی شهردن مرکب  
 ایدی . نهاوند ( ماه البصره ) بر طاع اوزرنده  
 واقع و ابنیه سی چاموردن معمولدر . ( حلوان )  
 شهری عراقه ناظر اولان طاع اتکننده  
 واقعدر . ( شهرزور ) عراقه یقین بر موقعده  
 بولنیور . ( قزوین ) فارس قطعه سنک یوقاری  
 طرفلرنده کائندر و ( دیلم ) ک حدود شهرینی  
 تشکیل ایدر . ( قم ) محصولدار بر موقعده  
 وسور داخلنده مبنی در . ( قاشان ) ایسه کوچک  
 بر شهر ایدی .

( دیلم ) : — بوقطعه بحر خزر — بحر  
 قزوین — ناظر اولان طاغلردن متشکلدر .  
 جنوباً ( قزوین ) ایله اذربایجانک بر قسمی ،  
 شمالاً ( بحر خزر ) ، شرقاً ( قومس ) ،

( قالیقلا ) ، ( میافارقین ) بوقطعه داخلنده  
 بولنان شهرلردندر . میافارقینی بعضلری  
 الجزیره الحاق ایدرلر . بزخی اوپله بایدق .  
 ( اذربایجان ) : — الجزیره نک شرقده  
 واقعدر . غرباً ( جزیره ) و ( ارمنیه ) و شرقاً  
 ( بحر خزر ) و ( دیلم مملکتی ) و شمالاً  
 ( ران مملکتی ) و جنوباً جبال سنجاقلری ایله  
 محاطدر . مقر اداره سی اردو مرکزی  
 و دارالاماره یی محتوی اولان ( اردبیل ) شهریدر .  
 شهرک طول و عرضی ایکیشرمیلدر . ( اردبیل ) دن  
 صکره بیوکلکجه ( مراغه ) شهری کلیر .  
 بوشهردها اولمقرولایت ایدی . ( مراغه ) دن  
 صکره ( شراکولی ) — ارمنیه کولی — کنارنده  
 کائن ( ارمنیه ) شهری کلیر . ( ساسماس ) ،  
 ( مرند ) ، ( شیز ) بوقطعه داخلنده بولنان  
 باشلیجه شهرلردندر .

( بلادالران ) — ران مملکتی : ( اذربایجان ) ک  
 شمالنده کائن اولان بوقطعه شرقاً بحر خزر ،  
 غرباً ( ارمنیه ) ، شمالاً جبال قیق ( قفقاسیا  
 طاغلری ) ، جنوباً ( اذربایجان ) ایله محدوددر .  
 اک بیوکل شهری ( برذعه ) در . ایکنجی درجه ده  
 ( تفلیس ) ، ( باب ) شهرلری کلیر . ( بیلقان ) ،  
 ( شاوران ) و سائر بوقطعه به تابع شهرلر  
 جمله سندندر .

( جبال ) — طاغلر — : جبالدن مقصد  
 فارس ( ایران ) طاغلریدر . بوقطعه بر طاقم  
 سنجاقلره منقسم ایدی . بونلرک اک مشهورلری  
 ( دینور ) دن عبارت اولان ( ماه الکوفه ) —  
 کوفه شهری — و ( نهاوند ) ک اسم دیکری بولنان

غرباً (اذریجان) ایله محدوددر . دیلم قطعه سی  
 اهالیسی طاغ و اووه اهالیسی اوله رق ایکی  
 قسمدن متشکلدر . (ری) ، (أهر) ،  
 (زنجان) ، (طالقان) ، (قزوین) ، (رویان)  
 بو قطعه یه تابع شهرلردن ایدی .  
 (طبرستان) : — بو قطعه شرقاً دیلمدن  
 صکره کلیر . بو دخی بحر خزر اوزرنده  
 واقعدر . شرقدن (جرجان) و غربدن (دیلم)  
 ایله محدوددر . اک بیوک شهری ولایت مرکزی  
 اولان (آمل) در . (ساریه) دخی بو قطعه نك  
 بیوک شهرلردن اولوب صوبی پك مبذولدر .  
 (دماوند) ، یاخود (دماوند) بو قطعه یه  
 تابع بیوک شهرلردن ایدی .

(سجستان) : — (مکران) ك شمالنده  
 واقعدر . شرقدن بو قطعه ایله سند آره سنده  
 کائن چول ، جنوبدن (مکران) ، شمالدن  
 هند اراضیسی ، غربدن خراسان چولی ایله  
 محاطدر . (زرنج) ، (بست) ، (طاق)  
 و سائر اک بیوک شهرلرنددر .

(خراسان) : — شرقده بولسان اک  
 محصولدار و اک واسع مالکدندر . شرق شمالیدن  
 (ماوراءالنهر) ، شرق جنوبیدن سند ممالکی  
 و سجستان ، شمالدن (خوارزم) و ترکستانده کائن  
 (غز-اغوز-ممالکی) جنوبدن خراسان چولی  
 و فارس قطعه سی ، غربدن (قومس) ایله  
 محدوددر . خراسان بر طاقم کوره لره - قضا  
 و یا سنجاقلره - منقسم ایدی . بونلر اک  
 بیوکری (نیسابور) ، (مرو) ، (هرات) ،  
 (بلخ) سنجاقلریدر . ایکنجی درجه ده  
 قوهستان - کوهستان - ، طوس ، نسا ،  
 ایبورد ، سرخس ، اسفزار ، بوشنچ ،  
 باذغیس ، زم ، آمل سنجاقلری کلیر .

خراسانك مقر اداره سی (نیسابور) شهری  
 ایدی . (نیسابور) بواقلمك اک بیوک شهریدر .  
 (أبرشهر) نامیه له دخی تسمیه ایدیلن بو بلده

(جرجان) : — (طبرستان) ك شرق  
 و شمالنده کائندر . شمالاً (ترکستان) ، جنوباً  
 (قومس) ، شرقاً (خراسان) ، غرباً (بحر خزر)  
 ایله محدوددر . اک بیوک شهری (جرجان) در .  
 بو شهر (آمل) شهرندن بیوکدر . ایکنجی  
 درجه ده جنوبده (استراباد) و دکر ساحلنده  
 (دهستان) کلیر .

(قومس) : — جرجان و طبرستانك جنوبنده  
 واقعدر . بوايکی شهر (قومس) ك شمالدن  
 حدودی تشکیل ایدرلر . جنوبدن ایسه  
 خراسان چولی و غربدن ری مملکتی ایله  
 محدوددر . مقر اداره سی (دامغان) شهری ایدی .  
 (خراسان چولی) : — شرقده بولسان  
 قطعه لرك اورتلرلنده واقع برچولدن متشکلدر .  
 شمالاً (قومس) ، جنوباً فارس مملکتی  
 و سجستان ، شرقاً یه سجستان و خراسان ،

کبی ایدی. بومعلوماتی مملکت اسلامیہ وارداتی حقنہ یازہ جقمز مطالعانه تمہید قیلندن اتخاذا ایلدک. چونکہ اوصردہ واردات دولت اندلسدن ماعدا بالادہ ذکر کی کن بتون اقلیدن جبایت اولنوردی. مع مافیہ ذکر اوانان اقلیملردن مر برینک خراجی او اقلیم نامہ مستقلاً تأدیہ اولنہرق اقلیمک بعضری دیگر اقلیملرک جبایت حسابنہ ادخال ایدیلردی. بوحال زمانک اختلافنہ تبعاً مختلف بر طرزده دوام ایتدی. بعضاً حسابہ فلان اقلیمک خراجی دیہہ کچیریلن مبلغ والینک قاج اقلیمہ حکمی کچورسہ اکا کورہ ایکی ویا دها زیادہ اقلیملرک خراجی دیمک ایدی. چونکہ خلفا علی الا کثر بروالی بی حصر وتحدیدی غیر ممکن برطاقم اسبابدن طولانی برنام آلتندہ متعدد اقلیملرہ والی تعیین ایدرلردی.

اقلیملردن - ولایتلردن - جبایت اولنان خراج مقدارلریلہ دولتک واردات عمومیه سی ذکر ایتدن اول مذکور اقلیملرک خراج ارسالاتی نقطۂ نظرندن پایتخت اولان (بغداد) ایلہ علاقہ ومناسبتلری حقنہده بر قاج سوز سویلک ایسترز.

## ولایات عباسیہ نک پایتخت ایلہ علاقہ ومناسباتی

برنجی جلدده ولایتلر حقنہده معلومات ویردیکمز صردہ بونلرک فتحی اثناسندہ

دوز اراضی اوزرنده کائن وابنیہ سی چاموردن مصنوعدر. شہرک مساحہ سی بر فرسخ طول و بر فرسخ عرضدن متشکلدر. (مرو والشاھجان) نامیلہ معروف اولان (مرو) پک اسکی بر شہر در. خراسان قطعہ سنک شہرلری و اھالیسی چوق و اراضیسی محصولداردر. اسلامار بورادن پک بیوک واردات آلیرلردی.

(ماوراءالنہر): - شمال شرقی جہتندن اسلاملرک اک صوک ممالکی ایدی. شمالاً ترکستان و ہندمالکی، غرب جنوبیدن - آردہہ جیحون نہری فاصل اولتی اوزرہ - خراسان، شمال غربیدن خوارزم، جنوبدن طخارستان ایلہ محدوددر. باغ و باغچہ لری و کثرت وارداتی ایلہ اسلاملرک اک محصولدار اقلیملرندن معدود ایدی. اک مشہور ناحیہ لری (بخارا)، (سمر قند)، (کش)، (نخشب)، (بیکند)، (ساغانیان)، (فرغانہ)، (سغد)، (شاش)، (اشروسنہ)، (خوجند) - خوقند - در.

(خوارزم): - مشاہیر جغرافیوندن (اصطخری) طرفندن (ماوراءالنہر) ہ تابع عد ایدیلن بوقطعہ مستطیل شکلده در. شمالده جیحون نہری اوزرنده امتداد ایدر. شمالدن خوارزم دکزی - آرال دکزی -، جنوبدن (خراسان) و (سغد) مملکتی ایلہ محدود و شرق و غربدن چوللر ایلہ محاطدر. مرکز اداره سی (خوارزم) شہر بدر.

مأمونک خلافتی صردہ لرنده مملکت اسلامیہ نک خلاصۂ جغرافیہ سی و ولایتلرینک یکد - یکرینہ اولان موقعلری یوقاریدہ کوسترلدیکی



اورالرده تأسیس اولنان حاکمیتک تملکدن زیادہ بر اشغال عسکریہ مشابہ اولدیغی بیان ایلش ایدک. خلفای راشدین زماننده اورالرده بولنان والیسلر اویرلری فتح ایدن عسکری قوماندانلرندن متشکل ایدی. بونلرک وظیفه لری فتح ایتدکلری یرلرده احکام عمومیه نک حسن جریانه، نمازه، خراج تحصیلنه نظارت ایتکدن عبارت ایدی. شو حالده بوملک تملک امور ی قبل الفتح هانکی - کلدہ ایدی ایسه بعدالفتح عینی حالده قالمش ایدی. اوصره لرده خراجک تحصیل و امور حکومتک اداره سی اہالی اصلیه دن مأمورلر طرفندن ایفا اولنور ایدی. بونلر جزیه و خراجی تحصیل وبوندن جبایات مصرفی اخراج ایتدکدن صکرہ قالان مبالغی اسلام والیہ تسلیم ایدرلردی. اسلام والی دخی آلدیغی پاردن معیتندہ بولنان قوماندانلرک وعسکرک معاشلرینی و اراضینک اسقا و ارواسنه مقتضی سد و کوبری کبی انشا آتہ لازم اولان مصرفی تأدیہ ایتدکدن صکرہ متباقیسنی مملکتک یا تختندہ بولنان بیت الماله - خزینہ دولہ - کوندیردی.

خلفای راشدین دورندہ اسلام ولایتلر - ینک حالی بویله ایدی. دور مذکوردن صکرہ حاکمیتک امویلرہ انتقالی اوزرینہ ( معاویہ ) طرفدارلر قازانغہ مجبور اولدیغندن والیرک نفوذینی تزید و برطاقم ولایتلری بعض والیرہ اکملک شکلندہ ترک ایلش وبوصورتلہ والیرک استقلالی تزید ایدلشد. دہا صکرہ برطاقم احوالک الجاسیلہ اسلاملر بلاد مفتوحہ دہ

دہا زیادہ نفوذ صاحبی اوله رق امور دولتی کندی الیرینہ آلدقیری کبی ( عبدالملک بن مروان ) ایله اندن صکرہ کلن خلفا زمانندہ معاملات رسمیه اوملک تملک لسان اصلیلرندن عربجه تحویل اولمشدر. مع مافیہ خراجک تحصیلندہ مملکتک اہالی اصلیه سندن مأمورلر استخدا منہ دوام ایدلش ایدی. تحصیلدارلر مصرده قبطیلردن و عراق وفارسده ( دہاقین ) دن متشکل ایدیلر. والیر خراج پاره لڑینی بو تحصیلدارلر واسطہ سیلہ آلمہ، معاشلری ومصارف سائرہ یی تأدیہ ایتدکدن صکرہ متباقی یی شامندہ بولنان بیت الماله کوند - رمکہ دوام ایتملشردی. بونکوندریلن پاریہ - کہ واردات صافیہ ایدی - ( ارتفاع جبایات ) نامی ویریرلردی. شاید تحصیل ایدیلن پاره معاشلرہ ومصرفہ کفایت ایتمز ایسه اوست طرفنی خلیفہ دن ایستلردی [۱].

عباسیلر مقام خلافتہ کچنجه ولایتلر ذکر اولنان حالده دوام ایلدی. بورادہ بزجہ اک مهم جہت ولایتلرک پایتخت ایله اولان علاقہ سنی تحصیل اموال نقطہ سندن تتبع ایتمکدر. قرائن احوال دن آکلا شیلورکہ عباسیلر زمانندہ والیرک نفوذ وصلاحتیلرندن دہا زیادہ آرتدی. اودرجہ دہ کہ بالآخرہ خراجک التزام صورتیلہ آلوب ویرلسنہ قدر وارلدی. ملتزم بغداددہ کی بیت الماله سنہ دہ بر مبلغ معینک تأدیہ سنی درعہ دہ ایتدکدن صکرہ اہالیدن

ذکر اولئسان ذوات ، حقنمه اتفاق حاصل  
اولان مبالغی تأدیہ ایتک شرطی ایلہ اویرلره  
والی اولمشلردی . بالاآخره واردات دولت  
تدریج ایلہ بسبتون التزام صورتیلہ ویرلمک  
اشلا دیغندن بو حال والیرک کسب استقلال  
ایتملرینه و دولندن طوائف ملوک توره مسنه  
یاردم ایلشدر .

خلاصه کلام اوزمانلره کوره فلان شهردن  
ویاملدکتدن کلن خراج بدلندن مقصد اویرک  
جبات اولنان وارداتندن اوراده مقیم عسکرک  
معاشاتی ، تحصیل مصرفی ، اراضی اسقاسنه  
خادم وسائط اصلاحی ایچون مقتضی مبالغ  
وسائر مصرفی تأدیہ اولندقدن صکره بیت  
الماله کوندربلن بقیه دن ، یاخود یوقاریده  
کوسترلدیکی وجه ایلہ بدل مقطوع ایلہ والیره  
احاله اولنان خراج وارداتندن عبارت ایدی [۱] .  
ولایتلردن طوپلانوب کوندربلن پاره نک  
مجموعی دولتک پایتخته کلن واردات صافیہ سی  
دیمک ایدی که بوپارده دن تفصیلاتی آئیده کور-  
یلہ جکی اوزره خلیفه و تعلقاتی و بغدادده کی  
دوائر حکومت مأمورلری معاشاتندن بشقه  
تأدایات وقوع بولماز ایدی . ( ابن خلدون ) ،  
مشهور مقدمه سنده ، مأمون زماننده کی دولت  
وارداتی « مأمون زماننده هر طرفدن بغداد-  
ده کی بیت الماله ایصال اولنان مبالغ که بونی  
( جراب الدوله ) کتابندن نقل ایلدم » [۲]  
صورتیلہ تعریف ایللیور . شوایضاحاته کوره

خراج و جزیه یی و-سائر ویرکلیری کندسی  
تحصیل و مصرفی ایستدیکی کی تأدیہ ایدر  
و خلیفه اندن بدل معیندن بشقه برشی طلب  
ایتمزدی . بو حال استیلا امارتلرنده - تغلب  
ایلہ احراز اولنان امارتلرده - وقوع بولوردی .  
نته کیم ( رشید ) افریقیه والیسی اولان  
( ابراهیم بن اغلب ) ایلہ اولیله یامش ایدی .  
اقلیم مذکور حکومت اوزرینه بر بار ایدی .  
هرسنه مصردن اورایه مصرفلری قاباتق اوزره  
۱۰۰،۰۰۰ دینار کوندربلردی . ( ابن اغلب )  
بو اقلیمه والی اولنجه بوپارهی ترک ایتدکدن  
ماعداهرسنه قرق بیک دینار اعطاسنی تعهد  
ایتمش ایدی [۱] . ( رشید ) بونک کی برحالی  
( برقه ) یه دخی روا کوردی . مشارالیه بو  
جهتلیری اداره آیری احکامه تابع طوتهرق  
آزادیلرندن برینی مأموراً بوپاریه تعیین ایلش  
ویومأمور خراج عائداتندن سنوی بیت الماله  
یکرمی دوت بیک دینار تأدیہ سنی درعهده  
ایتمش ایدی [۲] . یدنجی خلیفه عباسی  
( مأمون ) دخی ( عبدالله بن طاهر ) ایلہ عینی  
معامله ده بولنش ایدی . مشارالیه ۲۱۱  
و ۲۱۲ سنه هجریه لرنده خراسان والیسی عبد-  
الله خراسان و توابعی خراجی آئیده ذکر  
کله جک برمبلغ معینه مقابل احاله ایلشدی .  
( فضل بن مروان ) ک فارس و اهواز  
و ( عمران بن موسی ) نک سند خراجلری  
التزاملری ده بصورتله وقوع بولمش ایدی [۳] .

[۱] ابن الاثیر ۶۳ ج ۶ [۲] یعقوبی ( کتاب  
البلدان ) ۱۳۳ [۳] ابن خرداذبه ۳۴ و ۴۳  
و ۴۸ و ۵۷

دولتک واردات عمومیه سی حقنده ذکرى  
کجه جک اولان مبالغ واردات صافیه اوله رق  
اعتبار ایدمک لازم کلیر .

## برنجی دورده

دولت عباسیه نك واردات عمومیه سی

بالاده کی تمیهدادن صکره شمدی مأمون  
زماننده هرولایتدن سنده وارد اولان مبالغ  
اعتباریه دولت عباسیه نك واردات عمومیه سنك  
ایضاخنه باشلايه لم . فقط شوراسنی نظر دقته  
آلمق لازم کلیر که بوکا موفقیته تاریخ اسلامیده  
نادراتدن عداولنور . چونکه اسلام تاریخ نویسلری  
و فتح و محاربات و قتلت ذکر و تفصیلاتیه بالا کتفا  
دیگر خصوصات و وقوعاته دائر پک آزشیلر  
یازارلردی . ( ابن خلدون ) ، ( قدامه ) ،  
( ابن خردادبه ) نك درج ایتدکلی قائمه لره  
( جدولره ) کلنجه بزبونلره تصادفاً راست کلدک .  
( ۱ ) ( ابن خلدون ) ک جدولی : —  
بوجدول ده اول دخی ذکر ایتدی کمز  
وجه ايله بو قییلدن اولان جدوللرک اک  
اسکیسیدر . ( ابن خلدون ) « بر دولتک آناری  
اودولتک حائر اولدینی قوه اصلیه ايله متاسبدر »  
بحقی حقنده معلومات ویریرکن بو جدولی  
بخشه ادخال ایلیره رک بونی ( جراب الدوله )  
کتابندن نقل ایتدیکنی سولیلور . بو جدول  
مأمون زماننده خراج اموالندن بغدادده کی  
بیت المالیه ایصال اولنان پاره لری میندر . مذکور

زمانی تدقیق ایتدن اول بوجدوله زمان تاثیریه  
تطرق ایدن خطالره قارئینک نظر دقتی جلب  
ایده جکزر . ( ابن خلدون ) ک مصر و سوریه ده  
طبع اولنان مقدمه سی نسخهلرینی نظر تدقیقندن  
کچیردیکمزده مذکور جدولده ذکرى کچن  
بعض مملکت اسملرنده خطا بولندیغنی کوردک .  
بوخطالرک ، بعض اسملرک تشابهندن طولانی ،  
ناسخهلر طرفندن وقوع بولدیغنی مظلوندر .  
شوحالده اک اول بوخطالری تصحیح ایتک  
ایسترز . چونکه خراجی تأدیه ایدن مملکتک  
اسمنده خطای لفظینک بقاسی خطای معنوی نك  
وقوعنده باعث اولور . خطالر ایشته بونلردر :  
۱ کنکر : [ ۱ ] بولفظ بوموقعده هیچ  
بر معنایی حائر کورلیور . بونک طوغریسی  
« کسکر » در . زیرا کسکر سوادده — فرات ايله  
دجله آره سنده — واقع اولان اقلیملردن بریدر .  
۲ طبرستان ، روبان و نهاوند : [ ۲ ] بوراده کی  
( روبان ) ک طوغریسی یا ايله ( رویان ) در .  
( دیلم ) اقلیمدندر . محلینده ذکر ایلدک .  
( نهاوند ) ک کلنجه بوشهر ، برنده کوسترلیدیکی  
وجه ايله ، جبال سنجاقلرندن ( ماه البصره ) نك  
مرکزیدر . نهاوند ( طبرستان ) و ( رویان ) دن  
بعید اولدیغندن بوندن مراد مذکور ایکی یره  
دها قریب برشهر اولمق لازم کلیر . بوشهر خراسان  
سنجاقلرندن بولنان ( دماوند ) اولسه کرک .  
۳ مابین الکوفه و البصره : [ ۳ ] هیچ بر

[ ۱ ] ابن خلدون مقدمه سنك بولاق باصه سی  
ص ۱۵۰ [ ۲ ] مذکور صحیفه نك ۲۱ نجی سطری  
[ ۳ ] عین صحیفه نك ۲۶ نجی سطری



جدولده، هیچ بر پرده بونامده بر سنجاغه تصادف ایتدک. آلمان مورخی بارون (فون قره مر) دخی بونقطه به دقت ایتمش ایسه ده محل مذ کورک سواد سنجاقلرندن فراتک آرقه سنده کوفه ایله بصره آره سنده واقع بر سنجاق ایلدینغی و دیگر جدوللره بشقه بر نام ایله کچمش بولندیغی ظن ایلیور [۱]. کندی تدقیقاتمه کوره بو، ناسخلردن نشأت ایتمش برخطادر. ناسخار (ماه) ک تنبیه سی اولان (ماها)، یاخود (ماهین) ی یا کلسقله (مابین) اوقومشله شوخالده بوندن مراد «ماها الکوفه والبصره» درکه بونلر جبال اقلیمنده ایکی سنجاقدن عبارتدر. برنجیسنک مرکزی اولجه کوسترلدیکی وجه ایله (نهاوند) و دیگرینککی (دینور) شهرلریدر. مذ کورایکی سنجاغک (ابن خلدون) ک جدولنده ذکر اولتماسی بودیدیکمزی تأیید ایدر.

۴ ماسبذان و دینار: [۲] بونلردن (ماسبذان)، ده اول بیان ایلدیکمزوجه ایله، جبال اقلیمی سنجاقلر ننددر. (دینار) ه کلنجه بونک بلاد اسلامیه ده مسماسی یوقدر. بو جدولده (ماهین) ی کورمامش اولسه ایدک (دینار) ک (ماه الکوفه) سنجاغنک قصبه سی اولان (دینور) دن محرف اولدیغنه ذاهب اوله جقدق. شوخالده (دینار) کله سی اغلب احتماله کوره عراقده (کسکر) قربنده کائن (ریان) سنجاغی اسمندن محرف اولق لازم کلیر.

مذ کور جدولده ناسخلر طرفندن ایقاع ایدیلوب جزئی بر تأمل ایله حقیقی آکلاشیله. بیلن بر طاقم خطالر دهامشاده ایدلمکددر. از جمله دجله سنجاقلرینک خراجی یکرمی بیک درهم و سکنز درهم کوستریلیور. حال بوکه دیوانلرده درهملرک آحادینی قید ایتک عادت دکل ایدی [۱]. بونک طوغریسی، اغلب احتماله کوره، (سکنز یوز بیک درهم) اولق لازم کلیر. کذلک (اهواز) ک جبایتی یکرمی بش بیک درهم کوستریلیور. بونک ده صوابی یکرمی بش بیک بیک درهم اولق اقتضا ایدر. چونکه دیگر ایکی جدولده بومقدارده در. کذلک بولاق باسمه سنده (قومس) ک خراجی «کمش کولچه ایکی کره بیک بیک و بش یوز بیک» شکلنده کوستریلیور. ظنمه کوره بونک صوابی «بیک کمش کولچه»، یعنی مذ کور یرک خراجی ۱,۵۰۰,۰۰۰ درهم ایله ۱,۰۰۰ کمش کولچه اولق اقتضا ایدر. بو قییلدن دخی موصلدن کلن بالک مقداری ایچون ۲۰,۰۰۰,۰۰۰ رطل (هر رطل ۱۳۰ درهم) دینیلیور. بونک یالکز ۲۰,۰۰۰ رطل اولسی حقیقه ده موافقدر. کذلک مصر خراجی «الف الف - بیک کره بیک الخ» کوستریلیور. بونک دخی صوابی مصرک اوعصرده کی وارداتنه نظراً «الفالف - ایکی کره بیک بیک الخ» اولق لازم کلیر. بوراده کی خطا ایکی لفظک خطاً یکدیگرینه مشابهندن طولای نسخ اولنورکن وقوع بولشدر.

مدار بمحضر اولان جدولك تاريخي (ابن خلدون) طرفندن « مأمون زمانه عائد » دینلمکه صریح برشکله بیان ایدلمش ایسه ده مأمون دورینک هانکی سنه سنه عائد اولدیغی تعیین اولمئیور . معلوم اولدیغی اوزره ( مأمون ) ۱۹۶ سنه سنندن ۲۱۸ سنه سنه قدر ۲۲ سنه مقام خلافتده بولمئشدر . بغدادده کی بیت المال حسابی ( امین ) ایله ( مأمون ) آره سننده وقوع بولان محاربات صره لرنده محترق اولدقدن صکره واردات دوات آنجق ۲۰۴ سنه هجریه سنی متعاقب قید وتدوین ایدلمکه باشلانمئشدر [۱] . بنابرین مذکور جدولك ۲۰۴ ایله ۲۱۸ سنه لری آراسنده یازلمش اولمسی اقتضا ایدر . فقط بو جدولده کی ( خراسان ) خراجی مقداری ایله مأمون طرفندن ۲۱۱ و ۲۱۲ سنه لرنده ( ابن طاهر ) ه مقطوع اوله رق وضع وترتیب اولنان مقدار آره سننده مهم برفرق موجود اولدیغی جهتله جدول مذکورك ۲۰۴ ایله ۲۱۰ سنه هجریه لری بیننده یازلمش اولمسی دها مرجح کورونور .

بارون ( فون قره مر ) ابن خلدونك جدولی حقینده برطاقم تنقیدات یوریدیور . بوتنفیداتدن خلاصه آکلاشلدیغنه نظراً مذکور جدول ( مأمون ) زمانه دکل ، مأموندن اولرجه سنه لراول ( مهدی ) ، یاخود ( هادی ) یه قدر واران زمانلره ، یعنی ۱۵۸ ایله ۱۷۰ سنه هجریه لری آره سننده کی زمانه عائد اولمق لازم کلیمش . بارون ( فون قره مر ) بوخصوصه دائر

سرد ایتدیکی دلیللر جمله سنندن اوله رق « چونکه بو جدولده ( سندن ) و ( افریقیه ) خراجلری ذکر اولئیور . حال بوکه مذکور ایکی قطعه مأمونك زمانسندن اول بغدادك حاکمیتدن چیقهرق کسب استقلال ایتش ایدی . بوندن ماعدا ( قدامه ) و ( ابن خرداذبه ) کندی جدوللرنده بوایکی قطعه یی ذکر ایتمئیورلر « دیبور . فی الحقیقه بارون ( فون قره مر ) مدقق و محقق برذاتدر . بوخصوصه آلمان مورخلری آره . سنده ممتاز بر موقع اشغال ایدر . بوجهتله تاریخ اسلامی و مدنیت و آداب اسلامییه بحثنده ایراد ایتدیکی مطالعات استخفاف ایدیله مز . مع مافیه بوخصوص حقنده کی مطالعاتنده اسباب آتیه دن طولایی ظنیاته قابلدیغی کورییورز : اولاً اوزمانلرده اقالیمک - ولایتلرک - بغدادك حاکمیتدن کسب استقلال ایتمسی خلافت عباسیه دن استقلالی و مقر خلافته پاره ارسالك قطعنی اسلزام ایتمز ایدی . اوت ، ( بنی اغلب ) افریقیه ده کسب استقلال ایدرک حاکمیتی ۱۸۴ سنه سنندن ۲۹۶ سنه سنه قدر ارثاً کندیلرینه حصر ایتمشلردی . لکن بو استقلال مصر ، خراسان و سائر ده کسب استقلال ایدن سائر امرانك یایدقلمی کی انلری مقر خلافته معین بر مبلغ تأدیه ایتمکدن منع ایلزدی . ذکر اولنان امرا بولندقلری یرلرده بغدادده کی خلیفه نامنه خطبه اوقوتد . قلری کی کندیلرین ده یالککز دیانت جهتمدن خلیفه یه تابع عدایلرلردی . خراسانده کی ( دولت طاهریه ) ، مصرده کی ( دولت طولو .

چوق ايسهده اوسورتله والى تعيينى وويركى  
آلمنى (مأمون) ك (سند) دهكى استقرار  
حاكمتنى ارانه ايدر . مبلغلك تخالفى زمانك  
اختلافى ايله سند مملكتى حدودنده وقوع  
بولان تبدلاتدن ايلرى كلكدهدر . بوايى  
اقليمك ، يعنى افريقه وسندك (قدامه)  
و (ابن خرداذبه) نك جدوللرند زكر  
اولئامسنه كنجه بونى (ابن خلدون) دن  
صكره اورالردن ويركى آلمسك انقطاع ايتش  
بولئسنه ، ياخود اواقليلرك ديكر اقليلره  
علاوه وادخال ايدلمش اولسنه وياخود مذكور  
ايكى جدولك قارشى قارشىيه تدقيقندن  
آكلاشيله جنى اوزره ديكر اسبابه عطف ايتك  
اقتضا ايدر . هر حالده ذكر اولئان اسبابى نرض  
ايتك تبصر و تحقيق ايله اك بيوك نقاشندن  
معنود اولان (ابن خلدون) كى بيوك بر  
عالمك خطا ويا توهم ايله اتهامندن ده زياته  
طوغرى عداولتور . باخصوص (ابن خلدون)  
مذكور جدولدهكى وارداتك (مأمون) زماننده  
بيت الماله كلش اولديغى صورت صريحده بيان  
ايليور .

ثانياً (ابن خلدون) مأمون زماننه عائد  
واردات و مصارفات دولته دائر برطاقم اوراق  
رسميه اله كچيرمش ايدى . بو وسائر خصوصلر  
حقنده يازديغى شيلرى او وثائقه مراجعت  
ايدرك يازيوردي [۱] .

ثالثاً دولت عباسيه نك قيود رسميه سنى  
حاوى اولان ديوان (دفتر خانه) امين

نيه) مستقلاً اجراى حكومت ايتدكلرى  
حالده ينهمقر خلافته قارشى بويولده حركت  
ايدرلردى [۱] . امرانك بعضلرى بوباره يي  
هديه ، بعضلرى ده خراج ويا استيجار  
- التزام - وسائر بدلى ناملريله تقديم ايلر-  
لردى . فضله اوله رق افريقه اقليعى ۱۸۱ سنه  
هجريه سنه قدر بيت الماله پاره كوندرمزدى .  
بو ولايت آنجى (ابراهيم بن اغلب) ذكر  
اولئان سندده والى اولدقدن صكره پاره كوندر-  
مكه باشلادى . موما ايله سنوى ۴۰,۰۰۰  
دينار اعطاسى تعهد ايتش ايدى . شو حالده  
(بنى اغلب) ك (مأمون) ك زماننه قدر  
بوباره يي اعطايه دوام ايتش اولملرى مستبعد  
عد اولئاز . باخصوص خلفاى عباسيه ، بنى  
اغلب حكومتى زماننك كافه سنده افريقه يي  
كندى مملكتلرندن رايغه و بنى اغلبى ايكنجى  
درجده مأمور اعتباريله اورايه برنجى درجده  
مأمور اولق اوزره بغداددن واليلر تعيين  
ايدوب كوندرمكه دوام ايتشلردى [۲] . (سند)  
مملكتنده دخى عين حال جارى ايدى . حق  
بوراده (ابن خلدون) ك صحت روايتنه ده  
قوتلى بر دليل بولورز . چونكه (مأمون)  
بالذات ۲۱۶ سنه هجريه سنده هر درلو مصارفدن  
صكره بر ميليون درهم تأديه ايتك اوزره [۳]  
اورايه (عمران بن موسى العتقى) نامنده بر  
والى تعيين ايتلشدى [۴] . هر نه قدر بومبلغ  
(ابن خلدون) ك قيد ايتديكى مبلغدن پك



کتابی اله کچیردیکی بر طاقم اوراق رسمیه  
مستنداً ۳۱۶ سنه هجریه سی صره لرنده تحریر  
ایلشدر . کتابک مطالعه سندن مملکتک وارداتی  
حقنده دروننده وارد اولان قیودک ۲۲۵  
سنه سی وارداتنه عائد اولدینی آ کلاشلقمده در .

(۳) (ابن خرداذبه) نك جدولی : —  
اسمى (عبدالله بن خرداذبه) اولان بو ذات  
(فهرست) نامنده کی کتاب مؤلفنك بیانه  
کوره جبال ممالککنده برید - پوسته واستخبا -  
رات - مأموری ایدی . قرائن احوالین  
آ کلاشلدیغنه نظراً مشارالیه مذکور مأموریتده  
بولندیغی صره ده مبحوث عنه جدولی حاوی  
اولان (المسالک والممالک) نامنده کی اثرینی  
تحریر ایلشدر . کتابک ناشری اولان (دوغویه)  
مشارالیهک مذکور اثری ۲۳۲ سنه سسنده  
یازدینی حالده دهها صکره ۲۵۰ سنه قدر  
اکا برطاقم علاوه لر قید ایتدیکنی ظن  
ایلیور .

دولت عباسیه نك وفرت ثروتی زماننده  
دولتک وارداتی محتوی اولان بو اوج جدولی  
قدم صره سی ایله بر وجه آتی درج ایدیورز .  
بونلرک الک اسکیمی (ابن خلدون) ک جدولیدر .  
ایکینجی درجه ده اسکیلکده (قدامه) نك ،  
اوپنجی درجه ده (ابن خرداذبه) نك  
جدوللری کلیر .

زماننده . وقوع بولان یانغینده محترق اولدی .  
دها اول بیان ایتدیکنز وجه ایله  
اوتاریخنن صکره دولت عباسیه ده حسابات  
آنحقیق ۲۰۴ سنه هجریه سندن صکره قید و تدوین  
ایلدی . دها اول نه قدر قیود و حسابات  
وار ایدی ایسه جمله سی او یانغینده ضایع  
اولمشدی .

بو جهته (ابن خلدون) ک بیان ایتدیکی  
معلوماتده محق اولدینی و بارون (فون قردمر)  
طرفدن سرد اولنان اعتراضات و همه مستند  
بولندیغی مرجح کوریرز . فوق کل ذی  
علم علیم .

(۴) (قدامه) نك جدولی : — بغدادلی  
کاتب (قدامه بن جعفر) بوجدولی (کتاب  
الخراج) نامیله یازدینی بر اثرده نشر ایلشدر .  
بو کتابدن مشهور هولانده مستشرقلرندن  
(دوغویه) نك همته (لیدن) ده طبع  
اولنان بعض پارچه لردن بشقه بزه برشی یتشمیدی .  
(قدامه) ۳۳۷ سنه هجریه سسنده وفات ایلدی .  
پدری خرستیان ایدی . کندیلی (مکتفی)  
دورنده (۲۸۹ - ۲۹۵ هـ) اسلام اولدی .  
دولت عباسیه مناصبندن بیوک بر منصبه نائل  
اولش و بر جوق اثرلریازمشدر . ذکر ایتدیکنز  
(کتاب الخراج) یازدینی آثار جمله سندی .  
قرائن احوالین آ کلاشیلور که مشارالیه بو

اولا (ابن خلدون دن نقلاً مامون زماننده)

## دولت عباسیه نك وارداتی

اقلیم لرك اسمی	كلن واردات درهم اعتباریه	كلن اموال و ذخائر
سواد	۲۷,۸۰۰,۰۰۰	{ ونجران البسه سندن ۲۰۰ البسه و ۲۴۰ رطل طین مختوم }
كسكر	۱۱,۶۰۰,۰۰۰	
دجله نواحیسی	۲۰,۸۰۰,۰۰۰	
حلوان	۴,۸۰۰,۰۰۰	
اهواز	۲۵,۰۰۰,۰۰۰	و ۳۰,۰۰۰ رطل شكر
فارس	۲۷,۰۰۰,۰۰۰	{ و ۳۰,۰۰۰ شیشه كل صویی و ۲۰,۰۰۰ رطل زیتون یاغی }
كرمان	۴,۲۰۰,۰۰۰	{ و یمن قاشندن ۵۰۰ پارچه ثیاب نفیسه و ۲۰,۰۰۰ رطل خرما }
مَدران	۴۰۰,۰۰۰	
سند و توابعی	۱۱,۵۰۰,۰۰۰	و ۱۵۰ رطل عود هندی
سجستان	۴,۰۰۰,۰۰۰	و معین البسه دن ۳,۰۰۰ قطعه قاش
خراسان	۲۸,۰۰۰,۰۰۰	{ و ۲,۰۰۰ كموش كوپله و ۴,۰۰۰ بیکیر و ۱,۰۰۰ اسیر و ۲۰,۰۰۰ قطعه قاش و ۳۰,۰۰۰ رطل اهللیج }
جرجان	۱۲,۰۰۰,۰۰۰	و ۱,۰۰۰ دسته ایبک
قومس	۱,۵۰۰,۰۰۰	و ۱,۰۰۰ كموش كوپله
طبرستان ، ریان و دماوند	۶,۳۰۰,۰۰۰	{ و ۶۰۰ قطعه طبریة دوشمه سی و ۲۰۰ كسوه و ۵۰۰ البسه و ۳۰۰۰ دستال و ۳۰۰۰ جامه حمام }
ری	۱۲,۰۰۰,۰۰۰	و ۲۰,۰۰۰ رطل بال
همدان	۱۱,۳۰۰,۰۰۰	و ۱,۰۰۰ رطل رمانین ربی و ۱۲,۰۰۰ رطل بال
ماها البصره و الكوفه	۱۰,۷۰۰,۰۰۰	
ماسبذان ، ریان	۴,۰۰۰,۰۰۰	
شهر زرو	۶,۷۰۰,۰۰۰	
يكون	۲۲۹,۶۰۰,۰۰۰	

نقل یکون	۲۲۹,۶۰۰,۰۰۰	
و ۲۰,۰۰۰ رطل بال	۲۴,۰۰۰,۰۰۰	موصل و توابی
	۴,۰۰۰,۰۰۰	اذربایجان
{ و ۱۰,۰۰۰ رأس اسیر و ۱۳,۰۰۰ طلوم بال و اون طغان قوشی و ۲۰ کسوه }	۳۴,۰۰۰,۰۰۰	{ الجزیره و توابی اولان نوعی فرات
{ و ۲۰ قالیجه و ۵۳۰ قطعه چپوقلی الاجه قاشی و ۱۰,۰۰۰ رطل سور ماهی تسبیحی و ۲۰۰ قاطر و ۳۰ طای }	۱۳,۰۰۰,۰۰۰	ارمنیه
	۱,۰۰۰,۰۰۰	برقه
و ۱۲۰ کلیم	۱۳,۰۰۰,۰۰۰	افریقیه
یکون درهم	۳۱۸,۶۰۰,۰۰۰	
	دینار اوله رق	
و ۱,۰۰۰ یوک زیتون یاغی	۴۰۰,۰۰۰	قسنرین
	۴۲۰,۰۰۰	دمشق
	۹۷,۰۰۰	اردن
و ۳۰۰,۰۰۰ رطل زیتون یاغی	۳۱۰,۰۰۰	فلسطین
	۲,۹۲۰,۰۰۰	مصر
امتعدهن ماعدا ( ذکر اولنمور )	۳۷۰,۰۰۰	یمن
	۳۰۰,۰۰۰	حجاز
یکون دینار	۴,۸۱۷,۰۰۰	
بومبلغ هر دینار اوزمانکی دگری اولان ۱۵ درهم اعتباری ایله درهملره تحویل اولندیغنده		
	۷۲,۲۵۵,۰۰۰	درهم طوتار .
۷۲,۲۵۵,۰۰۰	{ او حالده درهم اعتباری ایله یکون	
	{ بو مقداره بالاده ذکر اولنان دیگر	
۳۱۸,۶۰۰,۰۰۰	{ اقالیمک وارداتی علاوه ایدیلنجه	
۳۹۰,۸۵۵,۰۰۰	جمله یکون	
درهمه بالغ اولور .		



بالاده کی جدولدن آکلاشلدیغی اوزره شرق جهتلرنده بولسان ولایتلرک خراجی درهم (و برقه و افریقیه دن ماعدا) غریبه بولسان ولایتک خراجی دینار حسابیله تقدیر اولنوردی. دیگر ایکی جدولده دخی عینی حالی کوررسکیز. آکلاشلدیغنه کوره بوفرک کموش معدنلرینک شرق طرفلرده کی ممالکده و آلتون معدنلر. ینکده غرب جهتلرنده کی ممالکده دهها زیاده بولمسندن ایلری کلیوردی.

برقه و افریقیه ایله برابر شرق طرفلرنده کی اقلیمک — ولایتلرک — مجموع وارداتی ۳۱۸,۶۰۰,۰۰۰ درهم و غرب جهتلرنده کی ولایات و نواحینک وارداتی ده ۴,۸۱۷,۰۰۰ دینار طوتیوردی. بودینارلری هر دینار اوزمانکی قیمتی اولان اون بش درهم اعتباریله درهملره تحویل ایتدیکمزده ۷۲,۲۵۰,۰۰۰ درهمه و بومبلی شرق جهتلرده کی اقلیملرک وارداتنه علاوه ایلدیکمزده عموم یکونک ۳۹۰,۸۵۵,۰۰۰ درهمه بالغ اولدیغی کورولور.

بارون (فون قره مر) ک (ابن خلدون) ک جدونندن (کرج) و (جیلان) ناملریله ایکی مملکت دهها نقل ایتدیکنی کوردک که نزد مزده بولنان نسخه لزده بونلر موجود دکلسدر.

بوممالهک بونلری (فون هامر) نسخه سندن نقل ایتدیکنی ظن ایدرز. برنجی مملکتک خراجی ۳۰۰,۰۰۰ و دیگرینک کی ۵۰,۰۰۰,۰۰۰ درهمسدر. نقل واقعک صحت و یا عدم صحتی دقیق ایتنهک محلی بوراسی دکلسدر.

هر حالده معلومات آنفهدن (مأمون)

زماننده دولت عباسیه وارداتنک، حقیقت قیمتی بیله مدیکمز اموال و امتعه دن و ذخائر و ارزاق کی غله لردن ماعدا، ۴۰۰ میلیون درهم قدر بریکون طوتدیغی تظاهر ایدیور. مبالغ مذکوره بردهها نظر دقتیزی عطف ایده جک اولور ایسه ک بونک پک بیوک بریکون تشکیل ایلدی درحال کوزه چاربار. جباتی تقدیر ایتکده متخذ اولان اصول، غله لر، دکرلری اولان نقدایله تقدیر ایدیلرک طوتدیغی مبالغ واردات نقدیه یه ضم و علاوه ایدلسی ایدی. نته کیم «جرب الدوله» — دولت طغارجنی — نامنده کی کتاب مؤلفی قسم اعظمی بغدادین متشکل اولان سواد غله لری حقنده اویله یا بمش ایدی. کذلک (قدامه) و (ابن خردادبه) نک جدوللرنده دخی سواد نواحیسی خراجنده اوصورتله حرکت ایدلمسدر.

دهها اول یازدیغمز وجهه ایله بغدادده بیت المال خزینه سنه ایصال اولنان اموال، واردات صافیه ایدی. تحصیل اولندیغی و لا-یتلرده عسکر معاشاتی و تحصیل مصرفی و اسقای اراضی و سائریه مقتضی یرلی مصارفی تسویه اولندقدن صکره بقیه واردات اوله رق مقر خلافتنه کوندریایردی. بوباره لرک اوزینه بغدادده دیوانلر مصارفی اوله رق خلیفه و وزیراسنه و کاتبلرینه و سرای خلیفه مقتضی مصرف و معاشلردن بشقه تحمیل ایدیلرک مصرف قالمازدی. بالاده ذکر اولنان واردات صافیه مقدارینک برعشری بیله عصر حاضر

دولتارندن هیچ برینک خزینهنسندہ قالدیغنه  
 نظرأ اوزمانکی دولتک ثروتی ایله بوکونیکی  
 حکومتلرک موازنه مالیهلری آرهسندہ بیوک  
 بفرق واردر . بوجهتهله احتمال که ( ابن  
 خلدون ) ک بوباده ویردیکی معلوماتک صحتی  
 شایان تردد کورولور . شو حالده دیگر ایکی  
 جدول ایله ( ابن خلدون ) جدولی آرهسندہ مقابله  
 ومقایسه اجرا ایدلک اوزره انلری ده کویسترم.

نانيا ( قدامة بن جعفر دن نقلآ - معتمضم زماننده )

## دولت عباسیه نك وارداتی

سوادجهتلری جبايتنك قسم اعظمی بغدادی و آره بدن متشکل ایدی ( قدامة ) مذکور قطعه نك  
 شرق وغرب ( طسوجی ) ناحیهلری اعتباریله هر برندن آلان مقدارلری مفصلاً ذکر ایدیور .

سوادك غرب جهتنده كائن ناحیهلری

ناحیه نك اسمی	بغدايك مقداری كر ( فرق اردب )	آره نك مقداری كر ( فرق اردب )	درهم
انباء ونهر عیسی	۱۱,۸۰۰	۶,۴۰۰	۴۰۰,۰۰۰
مسكن ناحیهلری	۳,۰۰۰	۱,۰۰۰	۱۵۰,۰۰۰
قطربل »	۲,۰۰۰	۱,۰۰۰	۳۰۰,۰۰۰
بادوریا »	۳,۵۰۰	۱,۰۰۰	۱,۰۰۰,۰۰۰
نهر سیر	۱,۷۰۰	۱,۷۰۰	۱۵۰,۰۰۰
رومقان	۳,۳۰۰	۳,۳۰۰	۲۵۰,۰۰۰
كوئی	۳,۰۰۰	۲,۰۰۰	۳۵۰,۰۰۰
نهر درقیط	۲,۰۰۰	۲,۰۰۰	۲۰۰,۰۰۰
نهر جوبر	۱,۵۰۰	۶,۰۰۰	۱۵۰,۰۰۰
باروسما ونهر الملك	۳,۵۰۰	۴,۰۰۰	۱۲۲,۰۰۰
زوابی ثلاثه	۱,۴۰۰	۷,۲۰۰	۲۵۰,۰۰۰
بابل وخطرنیه	۳,۰۰۰	۵,۰۰۰	۳۵۰,۰۰۰
فلوجه علیا	۵۰۰	۵۰۰	۷,۰۰۰
فلوجه سفلی	۲,۰۰۰	۳,۰۰۰	۲۸۰,۰۰۰
طسوج النهرین	۳۰۰	۴۰۰	۴۵,۰۰۰
» عین التمر	۳۰۰	۴۰۰	۴۵,۰۰۰
» الحیه والبداء	۱,۵۰۰	۱,۶۰۰	۱۵۰,۰۰۰
سور اورنسیا	۱,۵۰۰	۴,۵۰۰	۲۵۰,۰۰۰
برس اعلی واسفل	۵۰۰	۵,۵۰۰	۱۵۰,۰۰۰

۶۲,۰۰۰	۲,۵۰۰	۲,۰۰۰	فرات بادقلی
۱۴۰,۰۰۰	۱,۵۰۰	۱,۰۰۰	طسوج السیاحین
۲۰,۰۰۰	۵۰۰	۵۰۰	روستان وهرضجر
۳۰۰,۰۰۰	۲,۰۰۰	۲,۲۰۰	تستر
۲۰۴,۸۰۰	۲,۰۰۰	۱,۲۰۰	ایفاریقطنین
۲۷۰,۰۰۰	۲۰,۰۰۰	۳۰,۰۰۰	کسکر
			شرق جهنده کی
			سواد ناحیه لری :
۳۰۰,۰۰۰	۲,۲۰۰	۲,۵۰۰	طسوج بزرگسایور
۱۲۰,۰۰۰	۴,۸۰۰	۴,۸۰۰	« الراذین
۱۰۰,۰۰۰	۱,۰۰۰	۲۰۰	« نهریوق
۳۳۰,۰۰۰	۱,۵۰۰	۱,۶۰۰	کاوادی ونهرین
۲۴۰,۰۰۰	۱,۵۰۰	۱,۰۰۰	جازر ومدینه عتیقه
۲۴۶,۰۰۰	۱,۴۰۰	۱,۰۰۰	روستقباد
۱۵۰,۰۰۰	۱,۵۰۰	۲,۰۰۰	سامل ومهرود
۱۰۰,۰۰۰	۱,۰۰۰	۱,۰۰۰	جلولا وجللتا
۴۰,۰۰۰	۱,۳۰۰	۱,۹۰۰	ذیبین
۶۰,۰۰۰	۱,۴۰۰	۱,۸۰۰	دسکره
۳۵,۰۰۰	۵۰۰	۶۰۰	بند نیجین
۱۲۰,۰۰۰	۵,۱۰۰	۳,۰۰۰	طسوج برازالرود
۳۵۰,۰۰۰	۱,۸۰۰	۱,۷۰۰	نهروان اعلی
۱۰۰,۰۰۰	۵۰۰	۱,۰۰۰	نهروان اوسط
۳۳۰,۰۰۰	۵,۰۰۰	۴,۷۰۰	بادرایاوباکسایا
۴۳۰,۰۰۰	۴,۰۰۰	۹۰۰	کور دجله ( دجله ناحیه لری )
۵۹,۰۰۰	۳,۱۲۱	۱,۰۰۰	نهر الصله
۵۳,۰۰۰	۱,۳۰۰	۱,۷۰۰	نهروان اسفل
۸,۸۲۱,۸۰۰	۱۲۳,۹۲۱	۱۱۵,۶۰۰	یکون

فرقلی در . زیرا مشارالیه یکونی افاده ایتک مقصدیلہ : « بصره صدقاتندن ماعدا سوادک ارتفاعی - وارداتی - ۱۷۷,۲۰۰ کر بغدادی و ۹۹,۷۲۱ کر آریه و ۸,۰۹۵,۸۰۰ نقددرهم ایدی » دیور [ ۱ ] . احتمال که آرده کی بو

( ۱ ) کتاب الخراج ( لیدن باصمه سی ) ۲۳۹

ایکنجی جلد

۵

شوا یضاحاته کوره سواد قطعه سنک محتوی اولدینی ناحیه لر اعتباریلہ جبایتی ۱۱۵,۶۰۰ ( کر ) بغدادی و ۱۲۳,۹۲۱ ( کر ) آریه و ۸,۸۲۱,۸۰۰ درهم طوتیوردی . مع مافیه بویکون ( قدامه ) طرفندن بالاده کی مفردات ایراد اولندقدن صکره بیان ایدیان یکوندن



٢٣,٠٠٠,٠٠٠	اهواز	فرق بعض رقمك اوقونمسند وقوع بولان
٢٤,٠٠٠,٠٠٠	فارس	خطادن نشأت ایدیور . مع مافیه بوفرق بیوک
٦,٠٠٠,٠٠٠	کرمان	اولقله برابر بحمزہ کوره شایان اهمیت برشی
١,٠٠٠,٠٠٠	مکران	دکدر . شمدی ذکر اولنان بغدای و آریه یی
١٠,٥٠٠,٠٠٠	اصهان	درهمله تحویل ایدم . ( قدامه ) بو تحویلی
١,٠٠٠,٠٠٠	سجستان	بالذات یامشدر . مشارالیهک یابدینی حسابہ
٣٧,٠٠٠,٠٠٠	خراسان	کوره بغدای و آریه نک بربری اوزرینه هرایکی
٩٠٠,٠٠٠	حلوان	کری ٦٠ دینار و هردینار ١٥ درهم اعتباریله
٥,٠٠٠,٠٠٠	ماه الکوفه	مذکور بغدای و آریه نک بهاسی ١٠٠,٣٦١,٨٥٠
٤,٨٠٠,٠٠٠	ماه البصره	درهمه بالغ اولمقدہ در . ( قدامه ) بصره
١٠٧٠٠,٠٠٠	همدان	صدقاتی ارتفاعتک - وارداتک - سنهده
١,٢٠٠,٠٠٠	ماسبدان	٦,٠٠٠,٠٠٠ درهمه بالغ اولدیغی سویلیور .
١,١٠٠,٠٠٠	مهرجان قذق	شو حالده بونلری هب بر آرده طویلارسق
٣,١٠٠,٠٠٠	ایغارین	آئیده کوستردلیکی اوزره ١١٤,٤٥٧,٦٥٠
٣,٠٠٠,٠٠٠	قم و قاشان	درهم مقدارنده بریکون طوتدینی کورولور :
٤,٥٠٠,٠٠٠	اذریجان	درهم
٢٠,٠٨٠,٠٠٠	ری و دماوند	٨,٠٩٥,٨٠٠ نقداً طویلانان درهملر
١,٨٢٨,٠٠٠	قزوین و زنجان و ابهر	١٠٠,٣٦١,٨٥٠ بغدای و آریه نک درهم
١,١٥٠,٠٠٠	قومس	اعتباریله بدلی
٤,٠٠٠,٠٠٠	جرجان	٦,٠٠٠,٠٠٠ بصره صدقاتی
٤,٢٨٠,٧٠٠	طبرستان	١١٤,٤٥٧,٦٥٠ یکون درهم
٩٠٠,٠٠٠	تکریت و طیرهان	سواد قطعہ سنک وارداتی بالاده کوستردکن
٢,٧٥٠,٠٠٠	شهر زور و صامغان	صکره مذکور قطعہ ایله برابر کرک شرقدہ ،
٦,٣٠٠,٠٠٠	موصل و توابعی	کرک غریبده بولنان سائر اقلیملرک - ولایتلرک -
٣,٢٠٠,٠٠٠	کردی و بزدی	ینه ( قدامه ) طرفندن بیان اولنان جبايتلرینی
٩,٦٣٥,٠٠٠	دیار ربیعہ	- وارداتی - ذکر ایدم :
٤,٢٠٠,٠٠٠	ارزن و میافارقین	شرق اقلیملری
١٠٠,٠٠٠	طرون	درهم
٢,٠٠٠,٠٠٠	آمد	١١٤,٤٥٧,٦٥٠ سواد

ثانثاً ( ابن خرداذبه نك روايته كوره  
اوجنبى عصرى مجرى اورته لرنده )

## دولت عباسيه نك وارداتى

( ابن خرداذبه ) سواد ناحيه لرى وارداتى  
( قدامه ) نك مفصلاً يازدينى كې يازدقن  
صكره فضله اوله رق بوراده سرد و ايرادى  
اوزون سورده جك اولان غله انبار لرى ايله  
خرمنلر ك مقدار نى ده ذكر ايتشدرد. بزبوراده  
يالكرز بغدادى و آره و درهم مجموعنك ذكرى  
ايله اكتفا ايده جكز. شويله كه: سواد ناحيه لرينك  
واردات عموميه سى مجموعى ۶۳,۴۰۰ كر بغدادى،  
۹۱,۸۵۰ كر آره و ۸,۲۵۶,۸۴۰ تقددرهمدن  
عبارت ايدى . بغدادى و آره بربرى اوزرينه  
هرايكى كرى آلتش دينار و هر دينارى ۱۵ درهم  
قيمتنده اعتبار ايتديكمزده بدلى ۶۹,۸۶۲,۵۰۰  
درهم طوتار . بونى درهم ( نقد ) صورتيله  
تحصيل اولسان وارداته علاوه ايده جك اولور  
ايسه سواد نواحي سندن آلتان واردات نقديه  
۷۸,۳۱۹,۳۴۰ درهمه بالغ اولور .

( ابن خرداذبه ) سوادك حاصلاتى حقنده  
بالاده كى معلوماتى و ير دكدن صكره حكومت  
طاهريه ( بنى طاهر ) زماننده خراسان ايله  
اكا ملحق اولان اقاليمك ، ۲۱۲ سنه هجريه  
سنده طرح اولنان مقداره كوره ، خراج  
وارداتنك تفصيلاتنى يازييور . مشار اليهك  
ضبط و نقتله نظراً مذكور يرلر ك مجموع وارداتى  
۴۴,۸۴۶,۰۰۰ درهم ايله ۱۳ ينك حيوانى  
و ۲,۰۰۰ قيون و غز ( اوغوز ) عشيرتندن

۶,۰۰۰,۰۰۰	ديار مضر
۲,۹۰۰,۰۰۰	طريق فرات ناحيه لرى
۳۱۱,۵۸۱,۳۵۰	يكون درهم
دينار	غرب اقليم لرى
۳۶۰,۰۰۰	قنسرين و عواصم
۲۱۸,۰۰۰	جند حصص ( حصص اردوكاهى )
۱۱۰,۰۰۰	دمشق ( شام اردوكاهى )
۱۰۹,۰۰۰	الاردن ( اردن اردوكاهى )
۲۹۵,۰۰۰	فلسطين
۲,۵۰۰,۰۰۰	مصر و اسكندريه
۱۰۰,۰۰۰	حرمين
۶۰۰,۰۰۰	يمن
۵۱۰,۰۰۰	يمامه و بحرين
۳۰۰,۰۰۰	عمان
۵,۱۰۲,۰۰۰	يكون دينار

هر دينار ۱۵ درهم اعتباريله ذكر اولنان  
دينار لرى درهملره تحويل ايدر ايسه  
۷۶,۷۱۰,۰۰۰ درهم طوتار . بو درهملرى  
شرق و الجزيره اقليملرينك مجموع وارداتنه  
ضم و علاوه ايتديكمزده جمله يگونك  
۳۸۸,۲۹۱,۳۵۰ درهمه بالغ اولد ينى كورولور.  
ايشته ( قدامه ) نك تقدير و تحريرينه كوره  
خراج وارداتى بوقدر طوتيوردى [ ۱ ] .

[ ۱ ] قدامه بن جعفر ك جدولنده مفردات ايله  
يكون آره سنده ناسخ لر طرفندن و قوعى محتمل اولان  
بر اختلاف كورد يكمزدن الدن كلد يكي قدر اتى  
تصحیح ايلدك .

۲,۰۰۰ رأس اسیر ایدی. ذکر اولنان حیوان  
واسیر لک قیمتی ۶۰۰,۰۰۰ درهم طوتیوردی.  
کذلک کندج بزندن ۱,۱۷۸ طوپ ( ثوب )  
ویاری یاری به ۱,۳۰۰ قطعه دمیر بیل و دمیر لوحه  
دخی خراج جمله سندن ایدی. خراسان اوصره لرده  
اللی قدر سسنگاق و ناحیه یی محتوی ایدی .  
(ری) ، (قومس) ، (جرجان) ، (کرمان) ،  
(سمجستان) ، (نیسابور) ، (طیخارستان) ،  
(طالقان) ، (ونجاری و سفد و سائره نوا-  
حیسی شامل اولان ماوراءالنهر ناحیه لری)  
خراسانه تابع ناحیه لردن ایدی . ( بنی طاهر)  
اورالرده استقلال ایله اجرای حاکمیت ایتدک لری  
حالدیه بوویرکی بی ویری سورلردی . تطویلدن  
احترازاً بورالریخی بویله مختصر آچکورز . سواد  
ناحیه لری و خراسان وارداتی حقنده صورت  
مفصله ده معلومات آلمق ایستین (ابن خرداذبه)  
نک ( کتاب المسالك والممالك ) نه مراجعت  
ایلسون . مشارالیه دیکر اعماله (ولایت لره)  
متعلق اوله رق ذکر ایلدیکی معلوماتی - ینسه  
طوتدیقمز اختصار دائره سننده - درج ایله  
جدولنی ا کمال ایدلم :

درهم	شرق اقلیم لری
۷۸,۳۱۹,۳۴۰	سواد
۴۴,۷۴۶,۰۰۰	خراسان و ملحقاتی
۲,۷۵۰,۰۰۰	شهر زور و صامغان
۳,۵۰۰,۰۰۰	ماسبذان و مهرجان قذق
۲,۰۰۰,۰۰۰	قم
۳۰,۰۰۰,۰۰۰	اهواز
۳۳,۰۰۰,۰۰۰	فارس


۱,۲۰۰,۰۰۰	قزوین
۳,۸۰۰,۰۰۰	ماه الکوفه
۷,۰۰۰,۰۰۰	اصهبان
۵,۶۰۰,۰۰۰	دیار مضر
۴,۰۰۰,۰۰۰	موصل
۷,۷۰۰,۰۰۰	دیار ربیعہ
۴,۰۰۰,۰۰۰	ارمینہ

۲۲۷,۷۱۵,۳۴۰ یکنون درهم

دینار	غرب اقلیم لری
۴۰۰,۰۰۰	قنسرین و عواصم
۳۴۰,۰۰۰	جند حصص
۴۰۰,۰۰۰	» دمشق
۳۵۰,۰۰۰	» اردن
۵۰۰,۰۰۰	» فلسطین
۲,۱۸۰,۰۰۰	مصر
۶۰۰,۰۰۰	یمن
۴,۷۷۰,۰۰۰	یکنون دینار

مذکور دینار لری درهمه تحویل ایتدیکم زده  
۷۱,۵۵۰,۰۰۰ درهم طوتار . بومبلغ ذکر  
اولنان شرق اقلیم لری وارداتنه علاوه اولنورسه  
ایکیسی بردن آشاغیده کوسستریلن یکنونه بالغ  
اولور :

درهم	شرق اقلیم لری وارداتی
۲۲۷,۷۱۵,۳۴۰	» » غرب
۷۱,۵۵۰,۰۰۰	یکنون
۲۹۹,۲۶۵,۳۴۰	





بالاده کی رقلرك يكديكرينه مقايسه سندن  
واردات دولته وقوع بولان تناقص اوچنجی  
عصر هجرينك برنجی نصفنده بيله كورنمكه  
باشلامشدر . باخصوص خراج جله سندن  
اوله رق (ابن خلدون) ك جدولنده وارد اولوب  
قسماً ذكر ايتديكمز اموال وامته و محصولات  
نظر دقه آليرسه بوفرق دهـا زياده كوزه  
چاربيور . هر حالده شوتحقق ايدييوركه دولتك  
سنوی وارداتی حد وسطی اوله رق ۳۶۰  
میلیونـه بالغ اوليوردی . بوواردات دهـا اول  
دخی بیـان ایدلیدی اوزره واردات صافیه  
ایدی . حال بوكـه بر دولتك بو مقدارده  
واردات صافیه صاحبی اولسی نه اسکی ، نه ده  
یكی زمانلرده كورولوب ایشیدلامشدر .  
مكر روم و ایران دولتری حقتده بعضلرينك  
تصادفاً و مختصراً ایراد ایتدكـری روایتلـر نظر  
اعتبار و تصدیقه آله . روما دولتی تاریخی  
مؤلفی (ژییبون) مذکور دولتك دورسطوت  
و وسعتنده سنوی وارداتك مجموعی درت یوز  
میلیون درهم مقدارنده بولندیغنی ، بونك  
۱۳۵،۰۰۰،۰۰۰ درهمك آسیا (آناطولی)  
[۱] وارداتی تشکیل ایتدیكنی ذكر ایدیيور .  
(ابن خردادبه) دخی ایران دولتك (خسرو  
برویز) زماننده کی وارداتك ۴۲۰،۰۰۰،۰۰۰  
مقاله ، یاخود ۷۲۰ میلیون درهمـه بالغ اولدیغنی  
روایت ایلور . بو رقلرك محتئ تصدیق ایدر  
ایسه كه اوایی دولته مصارفك دخی نه مقدارده

(۱) Gibbon's Roman Empire

I.110

## دولت عباسیه وارداتك خلاصه سی

بالاده ذكری كچن معلومات شو صورته  
خلاصه اولنه بیلیر : دولت عباسیه وارداتی  
(مأمون) زماننده اك یوكسك مقدارده  
بولنیوردی . مشارالیه دن صكره واردات دولت  
آزالمغه باشلامش و بوتناقص ایلریده كوستره  
چكمز اسبابدن طولانی آنجق اوچنجی عصر  
هجری اورتلرندن صكره كوزه چارمیشدر .  
اوزمانلردن اول ایسه بودولتك وارداتی بالاده  
درج اولنان اوچ جدولدن آكلاشیلدیغنی وجه  
ایله پك زیاده چوق ایدی . آنف الذكر جد  
ولارك جله یكونلرینی شورایه نقل ایدم :  
درهم

( ۲۰۴ ایله ۲۱۰ سنه لری آرمـنده ) مأمون زماننده دولت عباسیه نك وارداتی	۳۹۶،۱۵۵،۰۰۰
معتمـم زماننده ، یاخود برآز زمان صكره ۲۲۵ سنه سنه قدر دولت عباسیه نك وارداتی	۳۸۸،۲۹۱،۳۵۰
اوچنجی عصر هجری اورـ ته لرنده دولت عباسیه نك وارداتی [۱]	۲۹۹،۲۶۵،۳۴۰

[۱] ذكر اولنان ازمه یی علی وجه التقریب تبیین  
ایلدك . مثلاً (ابن خردادبه) لك جدولده براقلیمك  
خراجی ( ابن خلدون ) ك ویا ( قدامه ) لك جد  
ولرنده ذكر اولنان مقدارله مطابق ، یاخود هكسی  
اوله بیلیر . بز اكثرخی نظر اعتباره آلپوروز . (مؤلف)

بالغ اولدینی ده آرمقلمغز لازم کلیر . زیرا احتمال که او دولتر بو وارداتک قسم اعظمه معادل صرفیاته مجبور ایدیلر . حال بوکه دولت عباسیه آئیده کورولهجکی اوزره اويله دکل ایدی . روما و ایران دولترلندن ماعدا سائر دولتره کلنجه بونلرک مقدار وارداتی ایله دولت عباسیه نك مقدار وارداتی آره سنده اولان فرق يك بیوکدر . از جمله دولت عثمانیه اونجی عصر هجری اورته لرنده سلطان سلیمان قانونی زماننده وسعتک الک بیوک درجه سنه واصل اولدینی صروده وارداتی ۸,۰۰۰,۰۰۰ دوقه آلتونندن [۱] ، یاخود ۶۵,۰۰۰,۰۰۰ درهمدن زیاده دکلدی . بو واردات ایله دولت عباسیه نك وارداتی آره سنده نسبت وارمیدر ؟ زیرا اوته کنک وارداتی بونککنک بر قاق مثلی تشکیل ایدر . عصر حاضر دولترینک خزینهلرنده فضله واردات اوله رق قالان مبالغ اعتباریله بونلری ده اويله جه قیاس ایدیکز .

شمدی دولت عباسیه وارداتنک صرف اولدینی جهتلر حقنده معلومات ویره لم .

### دولت عباسیه نك مصرفلری

اسکی مورخلرک عربجه ده یازدقلری شیلرده بو خصوصه دائر معلوماته تصادف ایتدک . بومورخلر بوسکوتی قصدآمی اختیار ایلدیلر ،

(۱) Porter's Const. Hist. of Turkey, Ms

مع مافیه مدنیت اسلامییه حقنده الده ایتش اولدینغز معلوماته بناء دیه بیلیرکه ذکر اولنان پارهدن بغدادده کی عسکر ، کاتبلر ایله دوائر حکومتده بولنان سائر ارباب مناصبک و برید - پوسته واستخبارات - مأمورلری وسائر کبی بعضاً بغداددن تعیین اولنوب مأموریتلری خارجه اولدینی حالده

۲۷۹ سنه هجريه سنده معتضد بالله زمانده  
يومي اوله رق

## دولت عباسيه نك مصارقاتي

دينار اوله رق  
كونده

۱,۰۰۰ نوبت آغلري و بونلره مسائل قيو  
اوغلانلرينك معاشاتي، جنباه لي و بصره لي  
بياض رنگيلرو باب عامه ده (طيش -  
قبوده) بولنان يساجيلر و سائر ايله  
سياهيلر و ناصرك كوله لرينك [۱] قسم  
اعظمي بوجمله يه داخلدر .

۱,۰۰۰ ناصر طرفندن آزاد ايديلوب غلمان  
خاصه ناميله معروف اولان ايچ آغلرينك  
معاشاتي

۱,۵۰۰ ممتاز حرلردن اولان سواريلرك معاشاتي  
۶۰۰ هر قوماندانلقدن انتخاب اولنوب  
مردلك و شجاعته معروف بولنان  
كزيده عسكرك معاشاتي

۵۰۰ ناصر زماننده خدمتده بولان سواريلرك  
معاشاتي

۱۱۰ سراي و محبرات خصوصيه ده مستخدم  
اولان اون يدي نوع مأمورلرك ،  
قرائت مأمورينك ، منقبه كويانك ،  
مؤذنلرك ، منجملرك ، موقتلرك ،  
علمدارلرك ، بوريزنلرك ، كولديرچيلرك ،  
داوولچيلرك و سائر نك معاشاتي .

۵۰ بغداد شهرنده و سائر ده ضابطه

[۱] بوراده كي ناصردن مراد (ناصردين الله موفق  
ابو حمد متوكل) در .

معاشلري بيت المالدن تأديه ايديلن [۱] مأمورينك  
معاشلري تسويه اولندقدن صكره هر نه قالير  
ايسه خليفه نك اجتهاد و امرينه تابع اولمق  
اوزره بيت المال خزينه سنده حفظ ايديلردى [۲].  
ديوانلرده عسكر ايله مأمورين سائرده  
صرف اولنان مبالغى صورت قطعيه ده تعيين  
ايتك امكان خارجنده در . چونكه بوصرفيات  
زمانك و احوال خلفانك اختلافه كوره . تبدل  
ايدردى . بوندن ماعدا نه برنجي دور عباسي ،  
نه ده سائر دورلرده بو خصوصه دائر صريح  
معلوماته راست كله مدك .

بونكله برابرارون (قره مر) كه همتيله (احمد  
بن محمد طائي) نك التزامدن طولايي بيت الماله  
تقديمي تعهد ايتديكي مبالغه دائر بر جدول  
الده ايتك موفق اولدق . بو جدول خلفاي  
عباسيه دن (معتضد) كه ايلك سنين خلافتي  
ايتاسنده - سنه ۲۷۹ هـ - بيت المال خز -  
ينه سي طرفندن تأديه اولنان مبالغى محتويدر [۳].  
معاشلري بيت المال طرفندن تأديه ايديلن  
مأمورين صنوفه و يريلن پاره لرك مقداد  
ريني حاوي بو جدوله كوره سننوي صرفيات  
۲,۵۰۰,۰۰۰ دينار راده سنده ايدى . مبلغ  
مذكور يومي ۷,۰۰۰ دينار اوله رق عسكره  
وداوين حكومت مأمورلرينه و خدم و حشم  
مقوله لرينه آتيده كي شكلده توزيع  
اولنوردى .

[۱] ابن خرداذبه ۱۰۳ [۲] ماوردى ۱۷۹

[۳] Einnahmebudget des Abbasiden Reiches



آت، دوه وحيوانات سائرهنك مبايعهسى	۶۶½	خدمتمنده بولسان . معاشلى عسكرى	
ايچون صرف اولنان پاره		تخصيصاتى	
آشجىلرك معاشاتى	۳۰	۳۰۰ كوله من وسائرهنك ما كولاتى ائمانى	
دوشمه جيلر و محلي جيلر و مفروشات	۳۰	مطابخ خاصه و مطابخ عامه نك و فرونلرك	
محافظلرى و حامللرك معاشاتى		مصرفلرى ايله حرم و سراى خلقتك	
اوزنكى ، يدك آت ، اكر خدمهسى	۵	اطعمهسى و سياهيلىرك فرونلرى مصرفى	
ايله پوسته حيواناتنه باقان خدمه نك		۱۰۰ خاصه و عامه ايچون مشروبات مخصوصاتى	
معاشاتى		و آلات و ادواتى ائمانى ، ملبوسات ،	
مصاحبلر و ايلرى كلن نديمبلر ايله	۴۴	خلعتلر ، عطريات خزينه لرى ، ابدست	
بوقيلدن سائر مأمورينك معاشاتى		ادواتى ، سلاح ، مفروشات الخ	
اطبا و معيتلرندنه بولنان معاونلرى الخ	۲۳½	خزينه لرى مصرفلرى	
معاشاتى		۴ سرايده خزينه لره ، فرونلره ، سراى	
بازيارى ( قوشجى باشى ) ، فهاد	۷۰	خانه لرينه ، اوطه لرينه ، مستخدمينه	
( آرسلا نجي باشى ) ، كلازرى ( آو		الخ قريهلر ايله صو طاشيان سقارلك	
كوپكلى آغاسى ) وسائرهنك معيت		معاشلرى	
آو مأمورلرينك معاشاتى		۱۶۷ خدمه خاصه و ( بيوك پايده حرم امو-	
طيابه ، شذه ، حراقه و امثالى مراكب	۱۶½	رلر مستثنى اوله رق ) او قيبيلدن	
بحريه نك خدمتمنده بولسان مأمورين		اولان ايچ اوغلانلرى و كوله منلر و بونلره	
وطافه		علاوه اولنان امكدار معيت خدمهسى	
مشعللر و نفط چراغلرى ايچون نفط	۴	معاشاتى	
وقيل ائمانى و بونلرك خدمتمنده بولنان		۱۰۰ مشروبات عامه و كسوه خزينه لرنده	
آدملرك معاشاتى		موظف اولان مأمورين و خدمه ايله	
هركون صباح نمازنده سياه بر چيقين	۱۵	قيوجى ، تىزى ، دوكمه جى ، پشمقچى ،	
دروننده كتيريلن صدقه		ديمى جى ، يامه جى ، كوركجى ، ايشلمه جى ،	
متوكلك اوغللرينه و يريلن معاشر	۳۳½	يورغانجى ، كاغدجى ، عطار ، مرانفوز ،	
واثقك اوغللرينه » »	۱۶½	طوغرامه جى ، چيقيريقچى ، سېتىجى	
ناصرك » » »	۱۶½	وسائرهنك صنايع اربابنك معاشاتى	
بنى هاشم مشايخى ايله اصحاب مرانب	۲۰	۱۰۰ حرم معاشاتى	
و مسجدلرده كى خطبايه و يريلن معاشات		۴۰۰ بش اصطبلده بولنان حيواناتك يم بدلى	

۱۰ بغدادده کی ایکی کوپرینک مصرفی ایله  
تبدیل اولنان دوبهلری ائمانی و محافظه لر-  
نده مستخدم مأمورلرک معاشاتی  
۱۵ بیمارستان صاعدی نك (خسته خانه نك)  
مصارفاتی (اوصره ده بوندن ماعدا  
خسته خانه یوق ایدی) و طبیلرک ،  
تخللارک، مختل الشعور خسته لرتیمار جیلر-  
ینک، قوجیلرک، جنازه تجهیز ایدنلرک  
وسائر نك معاشاتی و ماکولات، ادویه  
و مشروبات ائمانی

۶,۹۷۴ یكون

بالاده کی یكوندن آکلاشلدیغی اوزره  
(معتضد) زماننده (۲۷۹ سنه هجریه سنده)  
دولت عباسیه نك یومی مصرفی یدی بیک دینار  
راده سنده بولنیوردی . بونك سنوی مجموعی  
ایکی بقی میلیون (۲,۵۰۰,۰۰۰) دیناره بالغ  
اولور . دولت مشارالیه نك (مأمون)  
(و معتصم) زمانلرنده کی مصارفی بومقدارده  
اعتبار ایدر ایسه ک - که اوچنجی عصر هجری  
صوکلرنده غللمان و مالیکک - کوله منلرک -  
مقداری مذکور عصرک ابتدالرنده بولنلردن  
استخدام اولنان مقداردن دهافضله اولمسنه  
نظراً فکر مزجه مصرف اوعصرک نصف اولنده  
دها آز اولمق لازم کلیر - ، خلاصه (مأمون)  
ایله (معتضد) زمانلرنده کی مصارفات دولتی  
بربرینه مساوی فرض ایله رک ذکر اولنان  
دینارلری حد اعظم اوله رق یکرمی درهم  
اعتباریله درهملره تحویل ایدر ایسه ک یكونک  
۵۰,۰۰۰,۰۰۰ درهم طوتدیغی کوروروز .

۳۳۴ عباسیلردن و طالیلردن اولمق اوزره  
بنی هاشمدن بر طاقم ذواتک معاشاتی  
۳۳۴ عبیدالله بن سلیمان (وزیر) ک معاشی  
ایله اوغلی (قاسم) ه عسکری کچید  
رسمی ایچون ویریلن (شهی)  
بش یوز دینار

۱۵۶۲ بیوک کاتبلرک و دیوانلر رؤسائنک  
وخزینه دارلرک و قیو آغلرینک و مدیرلرک  
و معاونلرینک و دیوانلرده بولنان سائر  
مأمورلرک معاشاتی و دفتر ، کاغد ائمانی  
(تأدیات دیوانلرینک کاتبلری ایله توزیعات  
مجلسلرنده انلرک مقامنه قائم اولان  
مأمورلر و رفیق و معاونلرینک و بیت المال  
خزینه دارلرینک معاشاتی بوندن  
مستتاد . چونکه بونلر معاشلرینی  
کسیلن معاشاندن و آتلیینه اینی باقاییانلرک  
معاشلرندن جزا اوله رق وقوع بولان  
توقیفاتدن آلیرلردی )

۱۶۲ قاضی (اسحق بن ابراهیم) ایله خلیفه سی  
ابو عمرک پدری (یوسف بن یعقوب) ه  
و هرایکیسینک اوغللرینه و فقهدان اون  
ذاته ویریلن معاشات

۳۴ مسجیدنده بولنان مؤذنلر ایله تکبیر  
خوانلرک و قیملرک و اماملرک معاشاتی  
و قندیلر ایچون زیتون یاغی، قباحصیر،  
معصر حصیری و صو و یاز ایچون پرده  
و رمضان ایچون البسه و قندیل و سائر  
ائمانی

۵۰ حبس خانه لر مصرفی و محبوسینک نفقه لری

## ثروت مذکورہ نك بوكونكى

پارہ ایله تقدیری

دولت عباسیہ وارداتی مقدارینی دهاایی  
آ کلامق ایچون بوكونكى پارهیه تحویل  
ایدهلم . اوچنچی عصر هجری اوائلنده هراون  
بش درهم بر دینار طوتدیغنه کوره واردات  
مذکورہ نك یکریمی میلیون دیناره معادل  
اولدینی لدی الحساب آ کلاشیلور . هر دینار  
بوكونكى پارهیه نظراً یارم انگلیز لیراسنه معادل  
طوتولور ایسه مذکور دورده هر سنه دولت  
عباسیہ نك بیت المال خزینہ سنده اون میلیون  
انگلیز لیراسی قالدینی تظاهر ایدر .

برده نقودك قیمتی محصولات اتماننك وعمله  
اجرتنك اوجوز ویا بهالی اولمسنه کوره  
دکیشیر . بریده محصولات وعمله اوجوز ایسه  
نقود قیمتی وعکسی ایسه عکسی اولور . مثلاً  
برغدای چوالتك الی غروشہ صاتلدینی بر  
یرده بیک لیرالق آدم اوبغدای چوالتك یوز  
غروشہ صاتلدینی بریرده ایکی بیک لیرا صاحبہ  
معادلدر .

بو حال عین مملکتده بیله زمانك اختلافی  
ایله دکیشیر . مملکتلر مزده کچن عصرک ابداسنده  
برقاج بیک غروشك صاحبی زنکین عدایدیلیردی .  
چونکه اوزمانلرده احتیاجات معیشت پك  
اوجوزایدی . دها صکره نفوسك چوظلمسی  
وخلقك طرق معیشتده ترقی ایتلمی واسباب  
آسارهدن طولایی حوائج معیشت بهاجه یوکسلمکه

شمدی بومقداری واردات صافیہ اوله رق اولجه  
ذکر ایتدیکمز ۳۶۰ میلیوندن اجراج ایدر  
ایسه نك الده ۳۱۰ میلیون ، یاخود اون میلیون دها  
آته رق ۳۰۰ میلیون درهم قالیر . بیت المال  
خزینہ سنده بوقدر جسیم بر فضلہ وارداتی  
قالان بر دولت البته زنکینلکک منتهاسنده بر  
دولت عد اولنور . زیرا روما واسکی ایران  
دولتلی حقنده روایت اولنان کثرت وارداتدن  
ماعداهیچ بر دولتک خزینہ سنده دولت  
عباسیہ خزینہ سنده فضلہ واردات اوله رق  
قالان مبلغ ، یاخود نصفی ، یاخود ربی ویا  
عشری قدر پارہ قالدینی کورلماشدر .

فضلہ اوله رق دولت عباسیہ نك ذکر اولنان  
مصرفی وارداتنك کوچك بر جزئی ایدی .  
بو مصرف ( احمد بن محمد طائی ) نك التزام  
صورتیله آلدینی یرلرک خراج حاصلاتندن  
عبارت ایدی که بویرلر فرات ودجله نهرلرینک  
صولادقلری اراضی ایله جوخی ، واسط ،  
کسکر ، بوق نهری ، نواحیدی ، ذبیین ،  
کلوادی ، نهرین ، رذائین ، خراسان یولندن  
متشکل ایدی . ذکر اولنان یرلرک جمله سی  
عراقده واقع ایدی . حتی ( قدامه ) نك ۶۴ نجی  
صحیفده مندرج اولان جدولندن آ کلاشیله جنی  
اوزره بویرلر بتون عراق دکل ، عراقک بر  
قسمندن عبارت ایدی . شو حالده دولت  
عباسیہ مضارفاتنك ولایتلرینک بمضلرندن کلن  
خراج وارداتندن قابدلیدیغنده شبهه قالمیور .



باش-لادیقی جهته بوکون اومباغ اورته حالد  
بولان بر آدم طرفندن بر آی ظرفنده صرف  
اولسان اهمیتز بر پاره حکمنه کجیدی .  
شو صوگ سنه لراثناسنده مصرده آلتونک  
قیمتنده آچقندن آچقه بر فرق و قوعنی  
کوردک که مأمورلرینک معاشرینه تعلق جهته  
حکومتک نظر دقتی جلب ایتسه سزادر .

حوانج معیشتک و مساکن کرالرینک ترقیسی  
اوزرینه عائله لک مصرفی ده بش، یاخود آتی سنه  
اولکی زمانه کوره درنده برنسبتنده آرتدی .  
مثلا آیده بیک غروش ایله عائله سنی کچندیرن  
بر مأمور بوکون آنجق ۱۲۵۰ و یاخود ۱۳۰۰  
غروش ایله کچینه بیلور . حال بوکه حکومت  
مأموری ده اول بیک غروش آلور ایسه  
بوکون ده عینی معاشی آلمقده در . ایشه بو حال  
آلتونک قیمتنده دوشکونلک و قوعندن ایلری  
کمشدر . معین معاش آلانلرک بویله زمانلرده  
معاشرینک تزییدی لازم کلیر .  
دولت عباسیه ثروتنک بوکونکی نقودک قیمتته  
نظراً حقیقتی ایجه آکلامق ایچون محصولانک  
اوزمانکی قیمتی ایله زمان حاضرده کی قیمتی  
وهر ایکی زمانده کی عمله اجرقتی آره سنده  
بر مقایسه یا مقیاسز اقتضا ایدر . ده اول  
ویردی کمز معلوماتده کورلیدیکی اوزره (قدامه)  
زماننده بغدادی و آربه نک بر (کر) ی اوتوز  
دینار دکرنده ایدی [۱] . هر (کر) قرق  
(اردب) . معادلدر [۲] . بوکون بر (اردب)  
بغدادی و آربه بر انکلیز لیراسی قیمتندن آشانی

منصور زماننده بریای اوسته سنک یومیسی  
بر قیراط کوش و (روزکاری) نک، یعنی رنجبرک  
کونده لکی ایکی حبه [۱] ایدی . بر قیراط ؛  
دینارک یکرمیده بری [۲] و بر حبه کذلک  
دینارک آلمشده بری اولسنه کوره بر اوسته نک  
یومیسی اوچ ربع درهم و بوکونکی نقوده کوره  
اوچ غروش و رنجبرک کونده لکی ده قرق پاره دن  
عبارت ایدی . بو اجرت الیوم بوکمی عملیه  
ویرلمکده اولان اجرتک بر ثلثی قدردر . شو حالده  
اوزمانلرده کی نقودک شم دیکندن لاقلا اوچ قات  
فضله بهالی اولدیغنی و دولت عباسیه وارداتنک  
بوکونکی پاره نک قیمتته نظراً اوتوز میلیون  
انکلیز لیراسنه معادل بولندیغنی تسلیم ایتک  
لازم کلیر . بتون بوپاره بیت المالده خلیفه نک  
تسبیب ایتدیکی ، یاخود دولتنک منفعتته موافق  
کوریدیکی جهته ره صرف ایدلک اوزره اجتهاد  
وامرینه تابع طو تولوردی . بومعلوماته اطلاع  
حاصل اولدقدن صکره فلان خلیفه نک بر شاعره  
یوز بیک درهم ، یاخود اون بیک دینار عطیه  
ویردیکنی کورر ایسه ک اویسوک سخای شایان  
استغراب کور ماملی یز . بوکون بیله بر رسمی  
یوز بیک و بر آنتیقه یی یاریم میلیون لیرابه ساتون  
آلان زنکینلر کورولور . بوکمی حاللر دهشتلی  
برزنکینلک نتیجه سیدر .

وارداتی اوزرینه او قدر آرتیش ایدی که استقراض  
عقدینه مجبور اولمش ایدی . عجیباً دولت  
عباسیه نك بودجه سی ایله عصر حاضر دولتر-  
ینك بودجه سی آره سنده کی فرق نه دن نشأت  
ایدیور ؟ دولت عباسیه ثروتك اسبابی ذکر  
ایتمدن بوفر ق حقیله آ کلاشیله ماز . بناء علیه  
بواسبابی ذکر ایدم .

### ثروت عباسیه نك اسبابی

امور بدیهه دندر که او یله جسیم بر ثروتك  
بریکمسی ایچون هر حالده وارداتك چوق  
ومصارفاتك آز اولسی لازم کلیر . مبحوث  
عنه ثروت ؛ وارداتن مصرف چیققدن  
صکرة قالان فضله دن متشکل ایدی . او حالده  
هم منابع واردات ، همده ابواب مصارفاتی  
نظر تدقیقندن کچیره لم که وارداتك اسباب کثرتی  
ومصارفاتك اسباب قلی نظام و تین ایتسون .

### منابع واردات

اولجه دخی بیان ایتدی کمز وجه ایله  
هجرتك ایلک سنه لرند واردات دولت زکاته  
منحصر ایدی . متعاباً ( بدر ) غزوه کبرا-  
سندن صکرة غنائم ، ده صکرة حضرت  
نبی ایله صلح عقد ایدن جزیره العرب عیسوی  
وموسی لرندن جزیه وارداتی حاصل اولدی .

بوکونکی دولتلك منابع وارداتی ده  
زیاده تعدد وتنوع ایتدیکی حالده خزینه سنده  
برمیلوندن زیاده فضله واردات قالان بردولته  
راست کلنه من . مثال اوله رق الکبیوک و بزه ( یعنی  
مصره ) الک یقین دولتردن اولان انکلترونك  
بودجه سی نظر دفته آله لم . دولت مشارالیه نك  
۱۹۰۰ سنه سنده عائد وارداتی ۱۲۰ میلیون انکلین  
ایراسندن مرکبدر .

اوجمله دن :

لیرا

۲۲,۰۰۰,۰۰۰ مشروبات کتویه ، توتون ،

چای رسومی

۳۲,۰۰۰,۰۰۰ بو وامثالی مشروباتك بیعیه

رخصتی رسومی

۱۸,۵۰۰,۰۰۰ ایراد ویرکیسی

۱۳,۰۰۰,۰۰۰ پوسته وارداتی

۳,۰۰۰,۰۰۰ تلغراف ،

۸,۵۰۰,۰۰۰ عقود وسندات پول وارداتی

۹۷,۰۰۰,۰۰۰ یکون

بوپاره نك منابع وارداتندن بشده دردی  
دولت عباسیه نك اوائلنده بالکلیه مجهول ایدی .  
خلاصه عصر حاضر دولترینك خزینه لرند  
برمیایون لیرا فضله واردات قالمسی نادراً  
وقوع بولان حالنددر . علی العاده دولت  
خزینه سنده یا آز مقدارده برپاره قالیر ، یا خود  
محاربه وامثالی کبی احوالک ایجاباتی ایله مصار-  
فات فضله کله رك دولت استقراضه مجبور اولور .  
نته کیم انکلترون آفریقایی جنوبی محاربه سی  
اثناسنده معلوم اولدینی وجه ایله مصارفاتی

حضرت پیغمبر وفات ایتدیگی زمان منابع واردات دولت زکات ، غنائم و جزیه دن عبارت بولنیوردی . بالاخره شام ، عراق و مصر جهتلرینک فتی ایله اراضی اوزرینه خراج واعشار و تجارت اوزرینه ده کمرک رسومی وضع ایدلدی . خلفای راشدین زماننده منابع واردات ذکر اولسان حالده ایدی . دهها صکره حاکمیت امویلره انتقال ایدنجه بونلر مارالذکر ویرکیلرک جبایته دوام ایتمکله برابر غیرمشروع دهها برطاقم ویرکیلر وضع ایشلر و امور جبایته شدت واعتساف ایله حرکت ایتشلردر . امویلر زماننده یکیدن طرح اولسان ویرکیلر جمله سندن اوله رق ( محمد بن مروان ) ۷۲ سنه هجریه سنده ارمنیه ده والی بولندیغی انشاده بالقی اوزرینه ویرکی طرح ایشلدی [۱] . مراکب بحریه اوزرینه اعشار ، معادن اوزرینه خمس ناملریله عزبلردن ایلک ویرکی وضع ایدنلرک امویلر اولدیغی ظن ایدرز . منابع واردات ترقی وتشعب ایده ایده نهایت عباسیلر زماننده

(۱) صدقه وزکات ، (۲) جزیه ، (۳) خراج ، (۴) مکوس ( دنک ) ، (۵) مللحه لر وبالقلر ، (۶) مراکب بحریه اعشاری ، (۷) معدنلر خمس ، (۷) مراصد ( کمرک ) ، (۹) ضربنخانه وارداتی ، (۱۰) مستغلات ، (۱۱) اصناف عائداتی اولقی اوزره اون بره بالغ اولمشدر .

مع مافیة واردات دولتک اک بیوک منبى

[۱] ابن الاثیر ۱۹۶ ج ؛

## خراجک چوققانی اسبابی

خراج ؛ اراضی ، یاخود حاصلاتی اوزرینه وضع ایدیلن ویرکیدر . دولت عباسیه نک برنجی دورنده خراج وارداتنک چوققانی شو ددرت سبیدن نشأت ایدیوردی : (۱) مملکت عباسیه نک وسعتی ، (۲) اهالینک زراعتله اشتغاللری ، (۳) خراج ویرکیسنک آغیرانی ، (۴) جبایت اولنان وارداتک تحصیلنده و بیت المالیه ایصالنده والیرک استقامتی . شمدی بودرت سبب حقنده بر آز معلومات ویره لم .

۱ مملکت عباسیه نک وسعتی

مملکتک اک بیوک منبع وارداتی خراج اولور ایسه وارداتک چوق اولمسی اراضینک واسع و محصولدار بولمسنه توقف ایدر . عباسیلرک برنجی دورنده مملکت اسلامیه صوک درجه ده واسع ایدی . حق ( اسپانیانک داخل اولدیغی عدایر ایسه ک ) مدنیت



قدیمہ نك اك واسع مملكتى ایدی دینیله بیلیر .  
 یالکز اسکندر کیرک ممالکی بلكه بوکا یقین  
 برمساحه ده ایدی . مملکت عباسیه نك  
 مساحه سی آنجق بوکون انك یرینه قائم اولان  
 ممالکک مساحه سندن آ کلاشیلیر . او مملکتلر  
 شونلردور :

### اوچنجی عصر هجریده

#### مملکت عباسیه نك مساحه سی

مملکتک اسمی	الیوم تابع اولدینی دولت	میل اعتباری ایله مساحه سی
بتون ایران	ایران شاهی	۶۲۸,۰۰۰
افغانستان	مستقل	۲۱۵,۰۰۰
بلوچستان	انگلتره	۱۳۰,۰۰۰
سند	"	۴۸,۰۰۰
یالکز ترکستان روسی	روسیه	۲۵۷,۰۰۰
قافقاسیا (تفلیس)	"	۱۵,۳۰۰
ارمنیه و کردستان	ترکیه	۷۲,۵۰۰
عراق و الجزیره	"	۱۰۰,۲۰۵
سوریه و فلسطین	"	۱۰۹,۵۰۹
جزیره العرب	"	۲۰۰,۰۰۰
مصر	"	۴۰۰,۰۰۰
نوبه و سودانک بر قسمی	سودان	۳۰۰,۰۰۰
طرابلس غرب	ترکیه	۳۹۸,۰۰۰
جزائر	فرانسه	۱۸۴,۵۰۰
تونس	"	۵۱,۰۰۰
مراکش (فاس)	مستقل	۲۱۹,۰۰۰

۳,۳۲۸,۰۱۴ میل مربع

یکون

واعتساف تأثیر یله اهالی زراعتله اوغراشماغه باشلامش وبوسبدن بر چوق اراضی متروک وغیر مزروع بر حالده بر اقلمش ایدی . فارس ، عراقده ومملکت اسلامیه نك سائر جهتلرنده آرده صروده ظهور ایدن فتهلر واختلاللر دخی آسایش مملکتی زیر وزبر ایدرک زراعتی تا کوکندن قورومتش ایدی . فضله اوله رق اهالی کندی حکومتلرندن صوک درجه ده دلکیر اولدقلرندن بر طرفدن حکومتدن انتقام آلق ، دیکر طرفندن ده آرتق زراعتدن بر فائده قالمدیغندن بوئی بوشنه مشغولیتدن تخلیص نفس ایتک ایچون زراعتدن فراغت ایتشلر ایدی . بونجه چفتکلری و کوبلری حاوی اولان مملکت بر خرابه زاده دنوش ایدی [۹] . وقتاکه خلافت عباسیله کچرک بونلر هر طرفده اجرای معدلت وعرب اولیان مسلم وغیر مسلم اهالییه حسن معامله ایتدیلر ، هرکس جانندن ، مالندن وحقوقندن امین اوله رق زراعت ایله اشتغاله باشلادی . دولت عباسیه نك ایلک خلیفه لری مملکتده تقریر آسایش وراحته ، ترقی وعمرانه ، غیر مسلم اهالی ایله عربدن اولیان مسلمانلره حسن معامله ده بولمغه صوک درجه ده غیرت ایتشلردی . ایکنجی خلیفه عباسی (منصور) ظالم والیرک احوالی دائما تفتیش ولزومنده انلری عزل ایلدکدن ماعدا ماللرینی دخی ضبط ومصادره ایله ( بیت مال المظالم ) - مظالم اموالی خزینه سی - نامیله تسمیه ایتدیکی

ذکر اولنان جدولدن آکلاشلدی اوزره مملکت عباسیه نك مساحه سطحیه سی ۳,۳۲۸,۰۱۴ میل مربع مقدارنده ایدی که بووسعت بوکونکی اوروپانک بتون مساحه سنه قریبدر . مع مافیه الیوم اسلاملر اوروپانک خراجی جبایت ایتسدر بیله بوخراج ینه مملکت عباسیه نك خراجندن فضله بر یکون طوماز . حال بوکه بوکون اوروپاده جهانک الک بیوک والک مدنی ملتلی اقامت ایدرلر . اوروپا دولتلرینک وارداتی خراج اوزرینه مؤسس اولسه ایدی او دولتلر پک کوچ بر موقعده بولنه جقلردی . انلرک اساس وارداتی اولجه کورلیدی اوزره مشروبات کثولیه وکمرک رسومی تشکیل ایدر .

بونکله برابر مملکت عباسیه نك یالکزر وسعی ذکر اولنان درجه ده کثرت وارداتی ایجاب ایدمک بر سبب کافی دکل ایدی . زیرا ممالک عثمانیه سلطان سلیمان قانونی زماننده ممالک عباسیه نك وسعتیه یقین بر وسعت کسب ایتمش ایکن واردات دولت دیکر بریرده دخی کوسترلیدی اوزره ۶۵,۰۰۰,۰۰۰ درهمدن فضله یه بالغ اولمامش ایدی . عباسیلرک ایلک دورنده واردات دولتک چوق اولسنه اهالینک زراعت ایله اشتغاللری ، ویرکیلرک آغیرلنی ، اراضینک محصولدارلنی وسائره کی اسباب دخی یاردیم ایتمشدر .

## ۲ اهالینک زراعتله اشتغاللری

دولت امویه زماننده پاره جمع وتحصیلنده والیر طرفندن اهالی حقه ده کوسترلین ظلم

خزینہ ده حفظ ایدردی [۱]. مشارالیه هر طرفه امین آدمی کوندردہ را اہالیک بربرینہ ظلم وغدرده بولنلرینہ مانع اولمق ایچون محصور. لائک فیاتلرینہ ، قضاۃ طرفدن اصدار اولنان حکملرہ، والیلر طرفدن وقوع بولان اجرا آتہ و بیت المالہ وارد اولان پارہ لرہ و ہر خصوصہ دائر تحقیقات اجرا ایتدیریردی . فیاتلردہ تبدلات کوردیکندہ اسبابی آراشدیریردی . بر قاضی طرفدن شہہ لی بر حکمک صدور ایتدیکنی کورر ایسہ اوقاضی بی تحت استجوابہ آلیر و کندیسنی توبیخ ایدر ایدی [۲]. موالی - عربلردن اولیان اسلاملر - امویلر زمانندہ عادتاً اسیر کی ایکن عباسیلر دورندہ اعظم رجال دولت و حامی خلافت کسلمشلردی. حتی خلفای عباسیہ بولنر و بالخاصہ خراسان اہالیسی حقندہ رعایت و توجہ کوسترلمسی لزومی یکدیکرینہ توصیه ایدرلردی . بوقیبلدن اولہرق (منصور) اوغلی (مہدی) یہ شو وصیتیدہ بولنش ایدی : « موالیکہ - عربلردن اولیان اسلام رعایاکہ - توجہ ایلہ باق . کندیلرینہ اییلکدہ بولون . انلری سکا یا قلاشدیرمغہ چالیش . کندیلرندن چوق دوست اتخاڈ ایلہ . چونکہ بر صیقندی یہ دوشرسہ انلر درحال سنک معاونتکہ شتابان اولورلر. خراسان اہالیسنی صورت مخصوصدہ توصیه ایدرم . چونکہ انلر بو دولت اغورندہ ماللرینی ، قانلرینی فدا ایتش ال بیوک یاردیمجیلرک و طرفدارلر کدر» [۳].

[۱] ابن الاثیر ۱۳ ج ۶ [۲] طبری ۴۳۵ ج ۳

[۳] ابن الاثیر ۸ ج ۶

یدنجی خلیفہ عباسی (مأمون) ایلہ دیکر خلفا دخی عین حرکتدہ بولنمشلر ایدی . (منصور) بتیون کوتنی خراج ایشلرینہ ، دولتک مصفرلرینہ ، رعایانک مدار معیشتنی تأمین ایدن خصوصاتہ ، اہالی حقندہ حسن معاملہ کوسترمکہ و سکون و انتظام ایلہ یاشاملرینہ معاونت ایتکہ صرف ایدردی . (منصور) ک: «اوغلم، تقوی و صلاحیت سلطنت ایلری کیتمز. رعایا دخی پادشاہلرینہ اطاعت ایتزلر ایسہ انلردہ فلاح بولہ مازلر . مملکت ؛ عدالتک تعمیمی قدر هیچ برشی ایلہ معمور اولماز ، سوزلری اوغلی (مہدی) یہ توجیہ ایتدیکنی سوزلر جملہ سندندی .

دولت عباسیہ نک ایلک خلیفہ لرینک عدالت و تقوالرینی ارانہ ایدن ادلہ پک چوقدر . (مہدی) والیلر و قاضیلر و کندی اقربا و تعلقاتی حقندہ شکایتدہ بولنان اہالی بی کندیسنی بالذات استماع ایدر و حکم عدالتی اجرا ایلردی . (رشید) ک عدالتنہ دائر زبازد اولان مناقب عد و احصادن افزوندر . مشار - الہک حضورندہ بر ظلمک وقوعی حکایہ اولنسہ رقتدن آغلاردی . بوکا مثال اولہرق برکون (رشید) (ابوالعناہیہ) نامندہ کی شاعر مشہوری حبس ایدرک شاعرک حبسخانہدہ ندییہ جکنی کندیسنہ اخبار ایتک اوزرہ بر مأمور دخی تعیین ایلش ایدی . (ابوالعناہیہ) حبسخانہدہ کمال تأثرلہ وقت کچیریرکن حبسخانہ نک دیوارینہ : « حقیقہ ظلم شنیدرد . فالح پایان دائماً ظالم عد ایدیلیر. ہمیز حضورالہی یہ



فی ظل حشرجه الصدور  
فهنالك تعلم موقفاً  
ماكنت الا فی غمور

(رشید) ابیاتی ایشیدیرایشیمز آغلامه  
باشلامشدر. وزیر (فضل بن محی) (ابوالعناهی) به:  
«امیرالمؤمنین مفرح شیلر سویلیه سلك ديه  
سنی چاغیردی. سن بالعکس انی محزون ایتدک»  
دیه رك تکدیرایتمک ایسته مش ایسه ده (رشید)  
مانع اولمش. «بو آدمی تکدیره حقدن یوق.  
کوزمرك اوکنده برپرده عمی چکلمش کوردی ده  
بزی بوغفلتده براتق ایسته مدی» دیه رك  
ابوالعناهی نك ایقاپاتنی منونیتله تلقی ایلشدر [۱].  
(رشید) و (مأمون) ک بوکی حالری بر-  
کتابد صیغه میه جق درجه ده یک چوق ایدی.  
برملاکتک حکمدارلری بومرتبه ده عادل، بو-  
نسبتده مرحمتلی اولورایسه اوملکتده انلرک  
سایه سنده آسایش نصل حکمفرما اولماز؟  
همایه لری آلتده زراعت و تجارت نصل فیض  
وبرکت بولماز؟ هر طرفدن انلرک اطرافنده  
طوپلانهرق کندیلرینه نصل فداکارانه خدمت  
ایدلمز؟ نصل اولورکه برملاکت فیض عدالتله  
معمور اولسون؟ فیض عدالت که جناب حقک  
کندی عبادی میاننده برترایسیدر. عدالت  
اولدن هیچ بر معموریت، هیچ بر حیات  
اوله ماز. هیچ بر پادشاه عدالتسز بختیار وشوکتلی  
اوله ماز. چونکه پادشاهلق رجال ایله، رجال پاره  
ایله، پاردده معموریت ایله، معموریت ایسه عدالت  
ایله قائمدر [۲]. عدالت اساس ملکدر.

[۱] ابن الاثیر ۸۸ ج ۶ [۲] ابن خلدون

۲۴۰ ج ۱

ایکنجی جلد

۶

کیدم جکمز. هبمرك اوراده حاکم عادلزللهدر،  
مأئده اولان شو ایکی بقی یازمشدر:

اما والله ان الظلم لؤم  
وما زال المسى هو الظلوم  
الی الدیان يوم الدین نمضی  
وعند الله تجتمع الخصوم

بو ایکی بیت (رشید) اخبار ایدیلجه  
مشارالیه هونکور هونکور آغلامش. درحال  
(ابوالعناهی) نی تخلیه ایتش. کندیبی ایله  
حلاللاشمش. فضله اوله رق اکا بیک دینار  
عطیه ویرمش. (ابوالعناهی) (رشید) ایله  
بوندن دها غریب برحال کچیرمشدر. (رشید)  
بر ضیافتده بارلاق ونفیس برسفره ترتیب  
وبونک توصیفنی (ابوالعناهی) دن طلب ایلش  
ایدی. شاعر (رشید) ک احوال سعادت وصفاسنی  
توصیفه بدل عکسنه اوله رق شو. آلد بر قاج  
بیت سویلشدر:

«ایستدیکک قدر صحت وعافیتله وذوق  
وسعادتله، اک فرح افزا کاشانه لرده یاشا.  
هرشی سکا منقاد، هر آرزوک سکا نابغ  
اولسون. فقط وقتاکه نیچه اجل کوکسه که  
صاپلانوبده اوموقع هولنا که دوشرسک،  
ایشته اوزمان دنیانک سنی نه قدر آلداتدیغنی  
آکلایه جقسک»

عش مابدا لك سالماً  
فی ظل شاهقة القصور  
یسعی عليك بماشتهی-

متلدى الرواح وفى البكور  
فاذا النفوس تفقعت

ملک عباسیه نیک کسب عمران و ثروت  
ایتمه باعث اولان اسباب جمله سندن اوله رق  
خلفای عباسیه ده اول امویلر زماننده خراب  
برحاله کتیریلن کوی و چفتلکلی انلری اعمار  
واحیا ایده جک کیمسه لره ویرمکه کسب فیض  
و معموریت ایتملرینه صوک درجه ده بذل غیرت  
و همتدن کیری طور مازلردی [۱] . بوندن  
ماعدنهر صولرینی اوزاق مسافه لره ایصال  
ایله زراعتک تزیید و توسیعه خدمت ایتمک  
اوزره قنالر حفری و سدلر انشاسی و سائر  
کبی اسقایی اراضی به متعلق وسائلک اتخاذنده  
یک بیوک فداکارلقلر اختیار ایلرلردی .

(سواد قطعه سی) : — ایشته بوسایه ده  
مملکت معمور اولدی . حاصلات بیوک بر فیض  
وبرکت ایله چوغالیدی . باخصوص سواد  
(یا خود عراق جهتی) جهانک اک محصولدار  
برقطعه سی اولدینی جهته له بوراده کی کثرت  
محصولات ، فیض و برکت صوک درجه به  
وارمش ایدی . بوقطعه دن آلتان خراج اورالرك  
اوزمانلرده نه درجه کسب عمران ایتدیکنی کوستیر .

زیرا بوقطعه نیک خراجی ۱۲۰,۰۰۰,۰۰۰  
درهم ایدی . بومبلغ مملک عباسیه وارداتنک  
ثلثی تشکیل ایدر . مع مافیه بوقطعه نیک خراجی  
ایرانلیلر زمانلرنده حوق ایدی . عراق خراجی  
(کی قباد بن فیروز) زماننده ۱۵۰,۰۰۰,۰۰۰ [۲]  
و (کسری بن قباد) زماننده ۲۸۷,۰۰۰,۰۰۰  
درهم [۳] مقدارلرنده ایدی . دیگر ایران حکمدار

رلری دورنده دخی — اکاسره نیک سفره مصره  
فلری ایچون (وضائع) نامیه معروف صنف  
خلقدن آلتان ۳,۰۰۰,۰۰۰ درهمدن ماعدن  
— مذکور قطعه نیک خراجی ۱۲۰,۰۰۰,۰۰۰  
درهم طوتیوردی [۱] . بوخراج حوق اولمقله  
برابرینه اهالی به ظلم و اعتساف ایقاع ایدلر کسری  
تحصیل اولنوردی . چونکه قنالر حفری و سد  
و کوپرلر انشاسی ایله اسقایی اراضی به یک زیاده  
غیرت ایدیلریدی . معلوم اولدینی اوزره (فرات)  
وادیسی برحوق جهتلردن نیل وادیسه صوک  
درجه ده مشاهدیر . نیل وادیسی کبی اراضیسی  
فوق العاده منبت و محصولداردر . صوی بولدنه  
هرسنه فیضان ایدر . آرده برفرق واریسه  
اوده نیل جنوبدن شماله آقیدینی . حالده فرات  
ایله دجله نیک شمالدن جنوبه آقسی و نیل نهری  
یازین فیضانده بولنورایسه مذکور ایکی نهرك  
قیشین فیضان ایللریدر . بوقیش فیضانندن  
صکره عراق قطعه سی ، فیضانک تخریب ایتدیکی  
کوپرلری و سدلری ترمیم و تعمیر ایتمک مجبور  
اولور .

(دجله) نهری اسکیده شمیدیکی مجرا سندن  
بشق بر مجرا ده آقاردی . یعنی اسکیده بوکونیکی کبی  
بغداددن جنوبه طوغری (مداثن) ، (دیر)  
(عاقول) ، (جرجوایا) ، (جابل) دن  
چکدکن صکره (ماذرایا) به واریر و بورادن  
غربه طوغری بوکوله رك عمودی برشکلده  
(قم صلح) ه ، بورادن دخی (واسط) ه  
کلدکدن صکره فرات ایله ملاقی اولدینی (بطائح)

[۱] الفخری ۱۵۷ [۲] ابن خرداذبه

۱۴ [۳] مآوردی ۱۶۵

حاصل اولمشدر . ( پرویز ) . بویکی مجرالی  
قاباق ایچون بیوک بر غیرتله چالیشمش وحتی  
برکونده قرق قدر صوبندی انشا ایتدیرمش  
ایسهده صولری آلدقلى مجرالردن چویرمه  
مقتدر اوله مامشدر . بو حال اسلاملرک فتح  
ایچون عراق طرفلرینه کلرینه قدر بویهجه  
دوام ایلدی . بوسرهده ایرانایلر عربلر ايله  
محاربه ايله مشغول اولدیلر . آرتق بوسدلر  
ایله کیمسه اوغراشه میوزدی . صولر فیضان  
ایتدجه یکی یکی مجرالر آچیلماغه باشلامش  
وکوی صاحبلى بونی تلافیه مقتدر اوله مد-  
قلرندن صولرک بر چوق یرلره استیلاسیله  
بطاقلر بیوک برجسامت کسب ایتشدر [۱] .  
معافیه بوطاقلرک خراجی بیوک بر مقداره  
بالغ اولوردی . ( معاویه ) مک زمان خلافتده  
( عبدالله بن دراج ) طرفندن بو بطاقلردن  
۵۰۰۰۰۰۰۰ درهم خراج جبایت اوئمش [۲]  
ایسهده بوطاقلرک اصلاحنه و غرق ایتدیکی  
اراضی بی اعمار اهمیت ویرلماش ایدی . ده  
صکره ( حجاج ) عراقه والی اولنجه هیچ بر  
شیئه باقیه رق بالکز محاربه لرایله مشغول اولمشدر .  
حجاجک والیلکی زماننده دیگر مجراک  
آچلمسیله بوطاقلر ده بیوک برجسامت پندا  
ایلدیکندن ( حجاج ) خلیفه ( ولید بن عبدالملک )  
کیفیتی اخبار ایدرک صولری اسکی مجرالرینه  
چویرمک ایچون ۳۰۰۰۰۰۰۰۰ درهمک صرفی  
لزومنی بیلدیرمشدر . ( ولید ) بو باره بی  
چوق کوردیکندن برادرى ( مسلمة بن

نامنده کی بطاقلره منصب اولوردی . بورادن  
دخی بصره قربنده ( دجلة العورا ) یه ودها  
صکره ( عبادان ) قربنده بصره کورفزیسه  
آقاردی . ده صکره نهر مذکور شرقا ( ماذرایا ) دن  
مرور ایتدکدن صکره جنوب شرقی طرفه  
بوکوله رک بوکونکی مجرای تعقیب ایلشدر .  
( فرات ) نهری ایسه ایکیه آیرلش ایدی .  
بری کوفه نک یانندن کچردی . دیگرى انک  
شرق طرفدن آقاردی . ایکسی ده بطائحه  
منصب اولوردی .

( بطائح ) : — عراقک آلت طرفلرنده  
کوفه ايله بصره آره سنده برطاقم بطاقلردن ،  
یاخود صو آلتنده قالمش یرلردن عبارت ایدی .  
بو بطاقلرک حصولنه سبب ( کی قباد بن فیروز )  
زماننده ( کسکر ) قربنده ( دجلة ) نهرندن  
بیوک بر قسمک تحویل مجری ایتسی ایدی . یکی  
مجرانک اصل مجرایه اعاده سنه غیرت ایلدیکندن  
کیتدجه صولر بوجهندن آقغه باشلامش و او  
طرفلرده دجله یه یقین بولنان بر چوق معمور  
اراضی صو آلتنده قاهره خراب اولمشدر .  
بالاخره مشهور ( نوشروان عادل ) مقام سلطنته  
کچدیکنده حکمدار مشارالیه سدلر یاییله رق  
صولرک اسکی مجرایه اعاده سنی امر ایلش و یاییلان  
سدلر سایه سنده صو آلتنده بولنان یرلرک بر قسمی  
قورتاریله رق معمور یته چالیشلمشدر . ده صکره  
مشارالیهک اوغلی ( پرویز ) ک عهد سلطنتنده  
( هجرتک آتنجی سنه سنده ) ( دجلة ) ايله  
( فرات ) نهرلری مثلی کورلماش برشکلده  
کثرتله فیضان ایلدکلرندن یکی یکی بیوک مجرالر



عبدالمالك) : « سدler ایچون اقتضا ایدن پاره لری بن ویریم . فقط او شرط ایله که امین اولدینگ آدلر واسطه سیله پاره لر صرف اولندقدن صکره یالکز صو آلتنده قالان منحط یرلرک خراجی بکا ویریرسک » دیمش و (ولید) بوکا موافقت ایلشدر . بویولده صرف اولنان نقود و مساعی نتیجه سنده ولیدک الله بر چوق اراضی و نواحی کچمشدر . (ولید) ایکی قسال حفرایتدیره رک بونلره (سیدین) نامی ویرمشدر . (ولید) ه ودها صکره (هشام) ه بو بطاقلقدن بر چوق پاره لر کلردی . دولت امویه نك صوك زمانلرینه قدر بو حال او یله جه دوام ایتمشدر [۱] .

بالآخره خلافت عباسیلره بالانتقال بونلر مقر حکومتلری (سواد) ده تأسیس ایدنجه قنالر کشادی و سدler و کوپرلر انشاسی صورتیله اراضی ی احیایه صرف همت ایلیرک بونک نتیجه سنده بورالرده کائن اراضی زراعیه یکدیگرینه متصل چفتلکلر و کوی و قصبه لردن متشکل برقطعه حالی آلمش و حفر اولنان قنالر واسطه سیله فرائک صولری بوقطعه معموره نك هر طرفنه ایصال ایدلشدر [۲] .

عراق دیکر هرجهتی دخی او یله بر معموریه مظهر اولمش ایدی . عراق ، دولت اسلامی نك حاکمیتی آلتنده ، آنجق عباسیلر دورنده بو حال فیض و عمرانی اکتساب ایلشدر . چونکه بر طرفدن اهالینک ایشه میل و رغبتی ، دیکر طرفدن خلفانک مملکتک اعمارینه مصروف اولان همت و غیرتلینه انضمام ایدن اراضینک

قابلیتی او معموریه باعث اولمش ایدی .

(خراسان) : — خراسان جهتلرینه کلنجه بوقطعه دخی عباسیلر زماننده خراجی بیوک بر فضله ایله آرتان ممالک جمله سنندن ایدی . خراسان ولایتی واسع و محصولدار اولمقله برابر دولت عباسیه یه ظهیر اولق میلنی پرورده ایتش اهالی ایله مسکون بولنیوردی . بو اولمک خراجی ۴۰,۰۰۰,۰۰۰ درهم طوتمقد ایدی . بومبلغ عراقک خراجنه ضم ایدیلیرسه یکنون ، دولت عباسیه نك بتون وارداتنک نصفنه معادل بر مقداره بالغ اولور . بوجهتله عباسیلر هریردن زیاده بوایی یر ، یعنی عراق و خراسان ایله حجازه اهمیت ویررلردی . عراقه اهمیت ویرملری پاره ، خراسانه اهمیت ویرملری پاره و عسکر ، حجازه اهمیت ویرملری ده بیعت و خلافتی تأمین و تمکین ایچون ایدی . خراسانک اوصره لرده کی معموریتی شبهه کوتورور مسائلدن دکلدر . (مقدسی) عراق شهرلرندن بر طرز اطنابکارانده بحث ایتدیکي صره ده : « عراق شهرلری ایشه بونلردر . حال بوکه خراسان قطعه سنده او یله چوق کویلر واردرکه انلر بوشهرلردن دها بیوک ودها معموردر » دیبور [۱] . خلفای عباسیه علی الا کثر خراسانی مملکتک جمله سننه معادل طوتارلردی [۲] .

خراسان ولایتنه تابع طوتیلان ماوراءالنهر مملکتی ده صوک درجه ده محصولدار ایدی . (ابن حوقل) دیبورکه : « بلاد اسلامی ه دن هیچ بر شهرک اطرافنی بخارانک اطرافنی قدر

[ ۱ ] مقدسی ۱۲۲ [ ۲ ] یعقوبی ۵۵۵ ج ۲

معمور و کوزل کورهدم. بخارانك (قهندز)ندن، یعنی شهرك اورته سنده كائن قلعه سندن شهرك اطرافه باقیديغنده هر جهتن يشيليكی آسانك رنك ماويسنه اتصال پیدا ایتش مزروع ترالاردن، باغچه لردن بشقه برشی کوريله مز. صانكه سما کبودی برستره شفاف شکلنده يشيل بر بساط اوزرينه کريلشده جاجا سربيلن مباني آينه کي مستوی اولان او يشيل اراضیده آسانده کي يلدزلری تنظير ایدیور. ينه مشاراليه: «جهانده اك مشهور باغچه ل سمرقندك (سغد) نامی ايله معروف اولان فرحفرزا واديسي، (أيله) نهري وشامك غوطه دينلن باغچه لريد، ديور [۱]. او پارلاق عصرده سائر بلاد اسلاميه نك معموريتی ده اونو تمامق اقتضا ايدر. (بو جلده نثر اولنان مملکت اسلاميه خريطه سنه مراجعت اولنسون)

صمر لرده کي مقدار نفوسی بتون عرب مور. خرينك متفقاً روايتلرينه کوره ۲۰,۰۰۰,۰۰۰ ایدی. فقط بومقدار نفوس مؤلفين متأخرين وباخصوص کچن عصرك ابتداری مؤلفاری نظرنده مستبعد کوروليور. کچن عصر ميلادی مؤلفلردن دوقور قوت بك عرب مور خرينك مصر قطعه سی نفوسی حقنده متفقاً ذکر ايتدکلی بالاده کي مقداری نقل ايتدکن صکره: «بو روايتك حقيقت حاله مخالف اولمق لازم کله چکني، چونكه اراضينك قابليت واستعدادی روايت اولنان بکرمی ميلون اهالينك ثلثدن فضله آرتمنه مساعد اولمديغنی» [۱] يازيور. حال بوکه بوکونکی مصر اهاليسی او مقدارك ثلثی دکل، نصفی بيله تجارز ايتدکن ماعداد کوندن کونده آرتقمده در.

قوت بك بو ادعايی سرد ايتديکی زمان (۱۸۴۰ سنه سی) مصر قطعه سنك نفوسی ۳,۰۰۰,۰۰۰ دن عبارت ایدی. مشاراليه عربلرک فتوحاتی زماننده مصرك مقدار نفوسی حقنده عرب مؤرخلرينك ويردکلی معلوماتی مستبعد ايتديکی صره ده عاقله خديوينك برنجیسی محمد علی پاشا زماننده مصرك مظهر اولديغنی عدالت و اراضينك احراز ايتديکی معموريت سايه سنده مصر قطعه سی نفوسنك دها اول کوله منلر زماننده کي مقدارن فضله آرتمنه قارشى اظهار تعجب ايتمکدن ده کندني آله ميور. مشاراليه محمد علی پاشادن اول

کوله منلر زماننده مصر قطعه سی نفوسنک مقداری  
 ۳,۰۰۰,۰۰۰ ی کچمیوردی . اوصره لرده  
 زرع ایدیلن اراضی مقدارینک ده مصر لیلرک  
 اوکوله منلردن دوچار اولدقلری ظلم واعتساف  
 واستبداده نظراً ، بر میلیون ایله کسور فدائی  
 کچمش اولیه جغفی ظن ایدرز . کوله منلردن  
 صکره احراز حاکمیت ایدن محمد علی پاشا  
 ایله خلفلری زمانلرنده مصرده عدالت منتشر  
 اولمقله اهلینک نفوسی آرتدینی کبی اراضی  
 زراعیه مقداری ده آرتمشدر . الیوم مصرده  
 اکلمکده اولان اراضی ۵۰۵۰۰۰,۰۰۰ فدان  
 ومقدار نفوس اون میایون راده سنده در .  
 کرک اراضی ، کرک نفوس کوندن کونه  
 آرتقمده در . معلوم اولدینی اوزره واردات  
 دولت معموریت مملکت وازدیاد نفوس ایله  
 آرتار . بو معموریت و کثرت آنجق عدالت  
 حقیقه نك تعممی ایله ساحه آرای ظهور اولور .  
 مصر قطعه سنک هر دوره کوره وارداتی نظر  
 دقتدن کچیریرسه کز بوقاعده اوزرینه جریان  
 ایتدیکنی کور رسکیز .

مصر قطعه سنک خلفای راشدین زماننده کی  
 وارداتی دور اسلامیتده اورادن جایت اولنان  
 وارداتک اک یوکسک درجه سنی تشکیل ایدر .  
 حضرت عمر زماننده ( عمرو بن العاص ) طرفندن  
 تحصیل اولنان سنوی واردات ۱۲۰۰۰,۰۰۰  
 دینار ایدی . اوزمانکی والیرک تقدیر و مساجه سنه  
 کوره اراضی زراعیه ده ۳۰,۰۰۰,۰۰۰ فدان  
 مقدارنده بولنیوردی . ( عمرو بن العاص ) دن  
 صکره حضرت عثمان زماننده مصر والیسی اولان

( عبدالله بن سعد ) طرفندن سنوی ۱۴۰۰۰,۰۰۰  
 دینار واردات آلتش ایسه ده بو باره نك  
 تحصیلی آنجق شدت واعتساف استعمالی ایله  
 وقوع بولش ایدی [ ۱ ] . امویلر زماننده  
 والیر هر یرده ظلم واعتساف ایله حرکت  
 ایتدکلرندن واردات هر یرده تناقص ایتدیکی  
 کبی مصرده دخی تناقص ایلشدر . امویلر زماننده  
 مصرک سنوی جیایتی ۳,۰۰۰,۰۰۰ دیناری  
 کچمیوردی . یالکیز ( هشام بن عبدالملک ) ک  
 مصرده والیسی بولنان ( ابن الحبحاب ) زماننده  
 تحصیلاته صوک درجه ده صرف غیرت وخراج  
 بدلی تزیید ایدلدیکندن طولانی واردات  
 ۴,۰۰۰,۰۰۰ دیناره بالغ اولمشدی . عباسیلر  
 زماننده مقر خلافت مصردن اوزاق بولندی  
 جهته مصر وارداتی امویلر زماننده کندن  
 فضله آرتماشدر . دولت عباسیه بالاخره  
 انحطاطه اوغراینجه مصر خراجی ده انحطاطه  
 اوغرامشدر . اودرجه ده که اوچنچی عصر  
 هجرینک بعض سنه لرنده ۸۰۰,۰۰۰ دیناردن  
 فضله طوتمیوردی . ( احمد بن طولون ) ۲۵۷  
 سنه هجریه سنده مصره والی اولنجه صرف  
 ایتدیکی مساعی نتیجه سنده خراج ۴,۰۰۰,۰۰۰  
 دیناره ترقی ایتمشدر . حال بوکه اوصره ده  
 محصولاتده اوجوزلق واردی . بغدادیک هر  
 اون اردبی بر دیناره ایدی [ ۲ ] . ده صکره  
 حکومت طولونیه وحکومت اخشییدیته نك  
 انقضاسیله مصر ۳۶۳ سنه هجریه سنده فاطمیلرک  
 زیر حاکمیت کچنجه قائد ( سردار ) جوهر طرفندن  
 [ ۱ ] ابن حوقل ۸۸ [ ۲ ] مقریزی ۹۹ ج ۱



وقوع بولان جبایت ۷۰,۰۰۰,۰۰۰ دینار | بدلاتنک تزییدی سایه سنده ممکن اولمش ایدی.  
طوتمشدر [۱]. وارداتنک بو مقداری طوته - | دها صکره مصرک وارداتی زمانه ودولتره  
بیلمسی فدانلر اوزرینه موضوع اولان خراج | کوره گاه چوق ، گاه آز اولیوردی .

مصر وارداتنک الصوک انحطاطنی بالاده ذکر ایدلیدی اوزره اون سکزنجی عصر میلادی  
صوکلرنده کوله منلر دورنده کوریورز . بوسره لرده ویرکیلر غایت آغیر اولقله برابر تحصیلنده  
صوک درجه ده شدت استعمال اولندیغی حالده واردات حکومت پک زیاده آز ایدی .  
مصر حکومتک ۱۲۱۳ سنه هجریه سنه ( ۱۷۹۸ م ) عائد اولان بودجه سی شو ایدی :

## واردات

میده ، یاخود نصف

کویلردن و اوقافدن کلن اموال امیریہ	۸۰,۴۶۰,۰۶۸
ایراد دن کلن اموال امیریہ	۱۰,۸۷۰,۷۷۳
صنایع و ما کولاتدن	۲۲,۸۱۱,۸۰۵
باش اوزرینه واردات امیریہ ( یعنی شخصی ویرکی )	۲,۵۰۹,۰۸۱
	<hr/> ۱۱۶,۶۵۱,۷۲۷

## مصارفات

میده ، یاخود نصف

کبار مأمورینک معاشلری	۲,۹۳۹,۲۴۷
عسکر معاشاتی	۲۹,۸۷۲,۶۵۷
مختلف معاشلر	۲,۶۵۳,۵۸۵
علما ، تعلیم ، وقفیه لر معاش و مصرفی	۸,۴۳۸,۹۹۴
مأمورین دینیہ ، جوامع و سائرہ یه	۱۳,۸۹۲,۱۳۹
حج مصرفی	۴۲,۰۷۱,۶۵۴

بومصارفات بالاده کی وارداتدن اخراج اولنجه	<hr/> ۹۹,۷۶۸,۲۷۶
باقی یکون	۱۶,۷۸۳,۴۵۱

ذکر اولسان بقیه وارداته ( خزنه ) نامی ویریلیر و هر سنه استانبوله کوندریلیردی .  
بالاخره مصر امراسی دولت عثمانیه قارشی اظهار تمرد ایدنجه امرادن بعضلری بو پاره‌یی  
ویرمامکه چالیشدقلری کبی بعضلری ده تنزیل و تقلیل اتمکله اوغراشدیلر . نهایت مذکور  
پارهدن مصارفات فوق العاده نامی ایله مفرداتی آتیده کوستریلن ۹,۲۸۳,۴۵۱ نصف کسلدکدن  
صکره قالان مبلغ درسعاته ارسال اولنوردی :

میده ، یاخود نصف

۳,۰۰۰,۰۰۰ قاهره قلعه لرینک ترمیمی

۱,۵۰۰,۰۰۰ مصرک سائر قلاعنک ترمیمی

۲,۰۰۰,۰۰۰ شکر وسائر اثمانی

۲,۷۸۳,۴۵۱ شیخ البلد ( شهر متولسی ) نک امرینه تابع دیگر مصارف

۹,۲۸۳,۴۵۱ یکون

مبلغ مذکور خزنه نامی ایله بالاده ذکر ی کچن مبلغدن اخراج اولنور ایسه بقیه اوله رق  
۷,۵۰۰,۰۰۰ میده قالیر [۱].

بومقامده بزم ایچون الک مهم نقطه کوله منلر زماننده مصرک مجموع وارداتی ۱۱۶,۶۵۱,۷۲۷  
نصف ، یاخو میده اولسیدر . او زمانلرده ( میده ) تقریباً درت سانتیم دکرنده ایدی [۲] .  
یاخود هر ۲۸ نصف بر فرائق طوتاردی . شو حسابا کوره مصرک اوزمانکی واردات  
عمومیه سی ۴,۱۵۰,۰۰۰ فرائق دیمت ایدی . مع مافیه نقوک اوزمانکی دگری ایله بوکونکی  
دگری آره سنده فرق واردر . بو فرق مقدار ی اشیا و ما کولانک فیاتلرندن آکلاشیلیر .  
او صره لرده قیون اتنک رطلی یدی وبغدا یک اردبی ۲۴۰ نصف ایدردی [۳] . بو فیاتلری  
بوکونکی فیاتلر ایله مقایسه ایدر ایسه ک ( میده ) ویاخود ( نصف ) ک بوکونکی پاره یه  
کوره تقریباً یاریم غروش مصر پاره سی طوتدیغنی کورورز . شو حالده کوله منلر دورنده  
مصرک واردات عمومیه سی ۵۸,۰۰۰,۰۰۰ مصر غروشی ، یاخود ۵۸۰,۰۰۰ مصر لیراسی طوتدیغنی  
آکلاشیلیر . بالاخره خاندان خدیوی مقام حاکمیت کچهرک مصرک معموریتنه صرف همت  
ایدنجه مصر وارداتی آرتمغه باشلادی . مصرک کچن سنه یه عائد ( ۱۹۰۲ م ) اولان واردات  
عمومیه سی ۱۱,۸۵۰,۰۰۰ مصر لیراسنه بالغ اولمشدرکه بو مقدار واردات کوله منلر زماننده کی  
مقدار وارداتک یکریمی قاتندن فضلهدر . حال بوکه نیل ینسه اونیلدر . مواسم اربعه ینه عینی  
او مواسمدر . دیدیکمز کبی عدالتدرکه نفوسک مقدارینی ، محصولاتک فیض وبرکتی ،  
ثروت وسعادت مملکتی آرتدیریر . بو اوایله بر قانون التهدیرکه انی دیکشدریمزسک .

(زهیر بن ابی سلمی) نك شو بیتی صدق  
مدامزی تأیید ایدر :

تغل لکم ما لا تغل لاهلها

قری بالعراق من قفیز ودرهم

شوحالده قفیزی اوچ درهم اعتبار ایدر  
ایسهك سنده اوتوز درهم حاصلات ویرن  
جربیدن درت درهم خراج آلتدینی آکلاشلیبر.  
بوویرکی یوزده  $\frac{13}{4}$  دیمکدر . زرغ ایدلمدیکی  
حالده ویرکیسی تأدیه ایدیلن بر چوق اراضی  
قلمسه ایدی بوخرائجك مقداری آغیر برویرکی  
عد ایدلمزدی .

حضرت عمر زماننده بوقطعه فتح اولنده یعنی  
وقت مشارالیه ایرانیلر طرفندن نه یولده خراج  
آلتدینی آکلایه رق اراضینك مساحه ایدلمسنی  
امر ایدلی . اراضی مساحه ایدلدی . مزروعاته  
کوره خراجده بعض تعدیلات یاپلدی . بوتعدیلا  
تك خلاصه سندن آکلاشلدیغنه کوره حضرت  
عمر بغدادی اوزرینه ایرانیلر طرفندن نه مقدار  
خرایج آلتیوردی ایسه انی عیناً ، یعنی هر جریب  
اوزرینه برقفیز و بردرهم ، یاخود درت درهم  
اوله رق ابقا ایتدی . دیگر محصولاته کلنجه  
بونلردن هر جریب باغ اوزرینه اون ،  
هر جریب خرما اوزرینه سکز ، هر جریب  
قامش اوزرینه آلتی ، هر جریب یونجه اوزرینه  
بش ، هر جریب آرپه اوزرینه ده ایکی درهم  
خرایج وضع ایلدیکی کبی قادینلر و چوجقلر  
مستثنی اوله رق صنفنه کوره هر آدم باشنده ده ۱۲ ،  
یاخود ۲۴ ، یاخود ۴۸ درهم وضع ایلدی [۱] .

[۱] ابو یوسفك كتاب الخراجی ۲۰

۳ ویرکیلرك آغیرلنی

ممالك عباسیه ده اراضی اوزرینه وضع ایدیلن  
خرایج ولایتلر کوره مختلف شکلدرده ایدی .  
بعض یرلرد مساحه اوزرینه ، یعنی زرغ اولنسون ،  
اولنسون ، مقداری معلوم یر اوزرینه سنوی  
معین برپاره طرح اولنوردی . دیگر یرلرده ایسه  
خرایج مقاسمه شکلنده جبایت ایدیلردی .  
یعنی اویرده بیتشن محصولاتك بر قسمی خراج  
اوله رق آلتیوردی . اراضی زرغ ایدلمز ایسه  
بوویرکی ده آلتمازدی . کرک مساحه ، کرک  
مقاسمه اصوللرینك برطاقم نوع و درجه لری  
وارایدی که انلری ده صره سیله کوستره چکز .  
سواد اراضیسی ( فرات ایله دجله آره سی ) ده  
اول بیان ایتدی کمز اوزره خراج جهتیه دولت  
عباسیه نك الك مهم اقلیمنی تشکیل ایتدی کندن  
بوراده الك اول اندن باشلایه جغز .

(سواد) : — بوقطعه فتح اولندینی

صردده خراجی ( جریب ) حسابیه مساحه  
اوزرینه طرح ایدلمش ایدی . جریب ؛ طول  
وعرضی آلتشر آرشون اولان بر مربعدن ، یعنی  
۳،۶۰۰ آرشون مربعنده بولنان برقطعه ارضك  
مساحه نندن عبارتدر . عربلردن اول ایرانیلر  
بوراده هر جریب اوزرینه بر ( قفیز ) و بردرهم  
خرایج طرح ایتمشلرایدی [۱] . بر ( قفیز ) ارض  
عتباریه جریبك عشری و محصول اعتباریه سکز  
رطل و پاره اعتباریه اوچ درهم ایدی [۲] خراجك  
( قفیز ) حسابیه جبایت اولندینی عربلرجه  
تا ازمنه جاهلیله لرده معروف ایدی . اوجمله دن

[۱] ماوردی ۱۶۵ [۲] ماوردی ۱۴۱



حضرت عمر زماننده والی لر طرفندن  
سواددن جبایت اولنان ۱۲۰,۰۰۰,۰۰۰ درهم  
خراج ؛ اراضینک (۳۰) میلیون (جریب)  
مساحه سنده بولنسی اعتباریله ایدی . بوقطعه  
خلفای راشدین زماننده معمور وقسم اعظمی  
مزروع برحاله دوام ایش ایدی . دهاصکره  
حضرت عثمانک وقوع بولان شهادتی اوزرینه  
ظهور ایدن فتنه واختلال انناسنده اسلاملر  
امویلرک تأسس دولترینه قدر محاربیلر ایل  
ومتعاقباً امویلر زماننده معاویه وحجاج وسائر  
کی ذوات مملکتده کی منابع ثروتی سوزوب  
آلقله اشتغال ایلدکلرندن اهالی ده ده اول  
ذکر ایلدیکمز وجه ایل جان ومالدن امین  
اولیه رق وچالیشمقدن فائده کورمیه رک زراعتله  
مشغول اولماغه باشلامشلا در . مملکتک زراعتی  
وسائر اسباب ثروتی بودرکیه قدر انحطاطه  
اوغرامش ایکن ینه (حجاج) ک عراقده کی  
والیدکی زماننده خراج حضرت عمر زماننده کی  
مقدارده ، یعنی ۱۲۰ میلیون درهم اوله رق  
جبایت اولنیوردی . (حجاج) ک بو پاره لر  
تحصیل ایدر ایکن صوک درجه استعمال شدت  
ایتدیکنه شبه یوقدر . اراضی اصحابی اراضی یی  
اکسهر ، اکسهرده ، هرایکی حالده خراجی  
ویرمکه مجبور ایدیلر . برسنه ایچون بورجی  
ویره مین چفتی اوزرینه بو بورج سنه دن  
سنه یه تراکم ایدردی . بورجلر تراکم  
ایتدیکه اصحاب اراضی ده کوندن کونه دهاشدید  
فقر وسفالته دوچار اولیورلردی . بویله بویله  
اومعمور یلر خراب اولدی . اهالی ترک

دارودیاری ایتدیکدن بشقه برطریق نجات بوله میور .  
لردی . حجاجدن صکره عراقه والی اولان  
ذوات ده شدت واعتسافده حجاجک طوتدینی  
یولی طوتدیلر . اوقدر ایلری کیتدیلرکه بر  
قسم اصحاب اراضی ده اول بیان ایتدیکمز  
وجه ایل کوردکلری تضییقات واعتسافندن  
قورتولمق مقصدیله مالک اولدکلری اراضی یی  
خلفایه ، یاخود والیله منسوب ذوات نامنه  
قید ایتدیره رک بوسر آلتنده اجرای زراعت  
مجبور اولیورلردی . بوندن ماعدا امویلرک  
عربلقده صوک درجه ده متعصب اولملری  
وعرب اولمیانلره اسلام اولسهر بیل حقاترله  
معامله ده بولملری دولت امویه حقنده سواد  
اهالیسنک قلملرینه بیوک بر نفرت وعداوت  
حسنی القا ایش ایدی .  
وقتا که ۱۳۳ سنه هجریه سنده خلافت  
عباسیلره انتقال ایلدی ، بونلر صورت مخصوصه ده  
سواده اهمیت ویردیلر . عباسیلردن بوقطعه یه  
ایلك اهمیت ویرن ذات ایکنجی خلیفه (منصور)  
ایدی . بوسره ده (سواد) ذکر ایتدیکمز  
اسبابدن طولای هان خراب برحاله بولنیوردی .  
مشارالیه خراجک اوصورتده مساحه اوزرینه  
قلمسنی ظلم کوره رک عراقک بیوک محصوللری  
تشکیل ایدن بغدادی وآریه نک خراجی مقاسمه  
شکلنه تحویل ایلدی . مقاسمه اصولی ذکر  
ایتدیکمز وجه ایل خراجک اراضی محصولدن  
استیفاسی دیمکدر . اراضی زرع اولنور .  
ایسه خراج آلنیر ، زرع ایدلر سیه خراج  
آلماز . (منصور) ایکنجی درجه ده اهمیتده

خليفة عباسی (هادی) . یاخود (رشید)  
 بوخراج مقدارینه برده عشر طرح ایشدر .  
 بونک اوزرینه خراج محصو لك نصفی ایله بر-  
 عشرینه ، یعنی آلتی عشرینه بالغ اولمشدر .  
 بو حال ۱۹۲-سنه هجریه سنه قدر دوام ایلدی .  
 تاریخ مذکورده (رشید) عشری الغا ویا لکنز  
 نصف حاصلاتی خراج اوله رق ایقا ایتدی [۱] .  
 سواد اهالیسی ۲۰۴ سنه هجریه سنه قدر  
 اراضیدن آدقلری حاصلاتک نصفی خراج  
 اوله رق ویرمه دوام ایتدکن صکره تاریخ مذ-  
 کورده (مأمون) طرفدن خراج ایکی خمه  
 تنزیل ایلدی [۲] . خراجی ایکی خمه تنزیل  
 ایتک اسکی خراج مقدارنده یوزده یکرمی  
 تنزیلات اجرا ایتک دیمک ایدی . مشارالیه  
 (سواد) دن بشقه (ری) کی سائر بعض  
 ممالکک خراجنده تنزیلات اجرا ایلدی .  
 (مأمون) ۲۱۰ سنه هجریه سنه (ری) ه  
 کیده رک اوراده برمدت اقامت ایتدکن صکره  
 بوقطعه نک خراجنده تنزیلات اجراسنی امر-  
 ایتش ایدی . مشارالیه ری دن مفارقت ایتد-  
 کدن صکره (قم) اهالیسی ذکر اوانان تنزیلاتدن  
 خبردار اولنجه کندیلرینک ده خراجلرنده  
 تنزیلات اجراسنی طلب ایتدیلر . (مأمون)  
 موافقت ایتدی . (قم) اهالیسی بوعدم موافقه  
 قارشی تمرد وعصیانده بولنه رق دولته تأدیه  
 ایده کدکلری ۲,۰۰۰,۰۰۰ درهم مقدارنده کی  
 خراجی تأدیه دن امتناع ایلدیلر . بونک اوزرینه

[۱] طبری ۶۰۷ ج ۳ وابن الاثیر ۴۸ ج ۶

[۲] الفغری ۱۹۸ وابن الاثیر ۱۴۷ ج ۶ وطبری

۱۰۳۹ ج ۳

بولنان سائر حبوب و ذخائر ایله خرما وسائر  
 آغاجلقلرک خراجلری مساحه اوزرینه  
 براقیدی [۱] . مشارالیه ک ذکر اوانان مقاسمه  
 اصولی وجه ایله بیت المال خزینه سنه نه مقدار  
 عائدات تخصیص ایتدیکنی بیلیمور ایسه کده  
 اوغلی (مهدی) زماننده (۱۵۶ دن ۱۶۹ سنه  
 سنه قدر) بو مقاسمه دن آلتان حصه یی بیلوروز .  
 (مهدی) کندی کدینه اسقا اولنان اراضی  
 محصولاتک نصفی ، (دوالی) دینیلن قوه ایله  
 صوچکمک اصولیه اسقا ایدیلان اراضی  
 محصولاتک ثلثی ، دولابر ایله صولانان اراضی  
 محصولاتک ربعی خراج اوله رق تعیین ایتش  
 ایدی . خرماقلر ، باغبر و باغچه لرک خراجی  
 اسکیمی کی مساحه اوزرینه براقش ایدی .  
 یالکنز بونلرک بازار لرلرینه وصاتیش محللرینه  
 یقینقلری و اوزاقلقلری اعتباریه خراج مه اری  
 ده اچوق ویا ده آ از طرح اولنور ایدی .  
 خراجلرده بوصورتله تعدیلات اجراسی  
 مشارالیه ک وزیر (معاویه بن یسار) ک  
 توصیه سی اوزرینه وقوع بولش ایدی [۲] .  
 بوجهتله عراقک خراجی ، محصولاتک تقریباً  
 نصفندن عبارت ایدی . چونکه اورالرده  
 بولنان اراضینک قسم اعظمی کندی کدینه  
 صولانیر اراضیدن متشکل بولنیوردی . بو خراج  
 یک آغیر بر ویرکی اولدینی حالده اوصرده  
 اهالی بونی بیوک بر نعمت عدایلشدردی .

قرائن احوال دن آ کلاشیلورکه دردنجی

[۱] ماوردی ۷۷ و ۱۶۸ [۲] ماوردی ۱۶۸

والفغری ۱۶۴ و بلادری ۲۹۱

(مأمون) عاصیلره قارشى قوه جبریه استعمال ایدرك خلی محاربه لردن صکره انلری تحت اطاعته آلمش و خراجی جزا اولق اوزره اوسنه کندیلرندن ۷,۰۰۰,۰۰۰ درهم اوله رق تحصیل ایلشدر [۱].

بالاده کی معلوماتدن آکلاشلدیغی اوزره عباسیلر دورنده سوادک خراجی خلفای راشدین زماننده کی مساحه اوزرینه اولان مقدارینه نسبتاً آز ایدی. زیرا خلفای راشدین زماننده هر (جریب) ایچون درت درهم خراج آلئوردی. جریبک فدانه نسبتی (۱,۲۶۰) ک (۴,۲۰۰) ه، یاخود (۱۰۰) ک (۳۳۳) ه نسبتی کیدر. جریب ایچون درت درهم خراج آلئق برفدان ایچون ۱۳۴ درهم آلئق دیمکدر. بو خراج زرع اولئان اراضیه کوره آغیر بر ورکی دکل ایدی. فقط ایکینسزقالان اراضی نظر دفته آلئیرایسه ایشه اوزمان آغیر کورولور. معافیة احتمال که خراج هرایکی اصولده، یعنی کرک مساحه، کرک مقاسمه اصوللرنده اساس اعتباریله یکده یکرینه معادل ایدی. (سواد) دن خلفای راشدین زماننده مساحه اوزرینه آلئان واردات ایله عباسیلرک الکبارلاق زمانلرنده مقاسمه اصولیله جبات اولئان واردات مقدارلری آره سنده مهم برفرق بولنماسی بونی تأیید ایدر. بونکله برابر کرک مساحه، کرک مقاسمه اصولی ایله اولسون بوکونکی حاله قیاس ایدرایسه، حتی مأمونک زماننده بیله، سواد خراجنک پک آغیر بر ورکی

اولق اوزره دوام ایتدیکی آکلاشیلیر. بونک آغیرلغی آکلامق ایچون زرع ایدیله مین اراضی خراجنک یوزده (۱۳۴) ه انضمامی و ورکی اوله رق حاصلاتدن نصف، ثلث، ربعک آلئسفی نظر دفته آلئق بوکونکی عشرایله مقایسه اتمک کفایت ایدر. بوکون عراقده بریر یوقدرکه حاصلاتنک خسنندن، یاخود عشرندن فضله بر خراجیه تابع اولسون. الیوم عراقده بیوک بر قسم اراضی یالکز عشره تابعدر. جبل لبنانه خراج ظاهرأ مساحه اوزرینه در. فقط حقیقت حالده مقاسمه اصولی اوزرینه مؤسسدر. چونکه اراضینک مساحه سی اجرا ایدلدکن صکره غله و مغروساتی اعتباریله حاصلاتی نظر دفته آلئرق خراجی وضع اولمشدر. مثلاً حاصلاتی برکیله زیتون، یاخود بریوک طوت یا پراغی، یاخود بر (مد) تخم بغدای، یاخود ۳۶۰ غروش دکرنده سائر بر محصولدن عبارت اولان قطعه ارضه (سهم) نامی ویر. یله رک هر سهم ۲۲ غروش بر ربع اکسک خراجیه تابع طوتولمشدر.


شو حالده جبل لبنانه خراج یوزده آلتی دیمکدر.

(مصر) :- ممالک اسلامیة ایچنده عراقدن صکره محصولدار اولمقده ایکنجی درجه ده کلن مصرک خراجی (فدان) اوزرینه طرح ایدلمش ایدی. برفدان اسکی حسابیه کوره درت یوز قصبه - قامش - مساحه سنده بر قطعه ارضدن عبارتدر. بر قامش دولکر آرشونی اعتباریله بش وقاش آرشونی اعتباریله آلتی ذراع ایکی ثلث



بوينده در [۱]. اليوم مصر حكومتك حسابنه كوره  
 برفدان ۳۳۳ قماش و هر قماش ۳,۵۵ مربع  
 مترو دن متشكدر . بوحسابجه برفدان ۴,۲۰۰  
 مربع مترو ديمكدر . مع مافيه برفدان بومساحه دن  
 يا بر آز چوق، يا خود بر آز آفرق ايدر [۲] .  
 مصر اهاليسنك امويلر زماننده نه درجه  
 ظلم واعتسافه دوچار اولدقلريني ، وركيلرك  
 تزيبدي ايله نه مرتبه تضيق ايدللكلريني ده  
 اولبيان ايلش ايدك . عباسيلرك دولتي تأسس  
 ايتديكي زمان مصرك قسم اعظمي دولت امويه  
 واليلرينك خراجي تزيبدلري وتحصيل اموالده

وجه ايله هردينار اوزينه بر قيراط فضله وضع  
 ايلملكه مملكته بسوك بر عصيان واختلال  
 ظهورينه سبب اولمش ايدى . مصرده بخياميه  
 واليلرينك تضيقات ، ظلم واعتسافلرينه قارشى  
 عصيان واختلالر متواليا ظهور ايدردي .  
 عباسيلر دورنده خلفا مصر واليلريني تعيين  
 ايدرلردى ايسده عراق واليلرينك ومأمورين  
 حكومتك احوالي تحقيق ايتدكلري كي بووا .  
 ليلرك احوال وحركاتي يرك مركز خلاقلرينه  
 اوزاقلغدن ناشى تحقيق وتفتيش ايدميورلردى .  
 بوسبدن واليلرحتى دولت عباسيه نك اوائلنده بيله



شكل ۲ : اندلسه الحمرا سربانده آرسلان حوضنك اطرافى


مصرده خراجي تزيبدي وتحصيلنده استعمال شدت  
 ايدىيورلردى . نته كيم ۱۵۶ سنه هجريه سنده  
 (منصور) ك اواخر خلافتنده (موسى بن على)  
 و (مهدى) زماننده ده (موسى بن صعب) او  
 صورته حركت ايدر ك خراج مقداريني تزيبدي  
 وتحصيلنده شدت واعتساف استعمال

استعمال ايتدكلري شدت تاثيريله خراب بر حالده  
 بولنيوردى . او يولده معتسف واليلرك اك  
 مشهورى (هشام بن عبدالملك) زماننده (عبدالله  
 بن الحبحاب) ايدى . بو آدم ده اول يازلدغي  
 [۱] مقرئى ۱۰۳ ج ۱ [۲] مصرقواين عقاريه سى

ایلمش لردر [۱]. احتمال که یو ایکنجی والی خلیفه دن آلدینی امر اوزرینه حرکت ایتش ایدی . زیرا ( مهدی ) دهـا اول کورلدیکی اوزره عراق خراجی ده تزید ایتشدر .

مأمونک زمانه ، یعنی ثروت اسلامیه نک چوقاقی زمانه کانهجه بودورده مصر اوزرینه طرح ایدلمش اولان خراج هر فدان اوزرینه ایکی دینار مقدارنده ایدی [۲] . او زمانلر ایله یوزمانلرک فیاتلری آره سنده کی فرقی نظر دقه آلیرسق ذکر اولنان خراج مقدارینی عصر حاضرده جبات اولنان خراج

مقاسمه اصولندن کیشدر . چونکه مصر قطعه سی بر طاقم ناحیه لره تقسیم ایدلمش و هر ناحیه نک قابلیت انباتیه سنه کوره خراجی تقدیر اولمشدر . اک منبت و محصولدار عد ایدیلن نواحیده بر فدانک خراجی ۱۸۰ غروشدن فضله دکلدرد [۱] . فقط بو نسبتده خراج ویرن فدانلرک مقداری پک آزدر . اکثریتله فدانلر اوزرینه موضوع اولان خراج یوزر غروشددر . خراجی یکرمی ، یاخود اون غروش اولان فدانلرده وارددر . اراضیدن آلتان محصولاتی ویریلن خراجه نسبت ایدر



شکل ۳ : خرونده ( یعنی خلیل الرحمن ده ) مسجد الخلیل

ایسه ک خراجک تقریباً محصولاتک خمسنی کچمدیکی کورورز . چونکه مثلاً خراجی یوز غروش اولان فدان بش ویا آلتی انکلین لیراسی بدل ایله ایجار اولتمقدهدر . مصر خراجی فدانلرک مقدارینه کوره حساب ایدر ایسه ک هر فدانک حد وسطی

[۱] مصر قوانین عقاریه سی ۱۶۴

نسبه آغیر کورورز . بوکون مصر اراضی خراجیه سی<sup>۱</sup> اوزرینه ( که اراضینک قسم اعظمی تشکیل ایدر ) موضوع اولان خراج ارضک انباته قابلیته کوره مختلف مقدارلردهدر . واقعاً بوکون ویرکی مساحه اوزرینه جبات اولنیور . فقط بو اصول اساس اعتباریله

[۱] مقریزی ۳۰۸ ج ۱ [۲] مقریزی ۹۹ ج ۱

اوله رق خراجنك ۸۵ غروشی كچمديكنی  
 كورورز. اليوم مضرده قابل زراعت ۵,۵۰۰,۰۰۰  
 فدان موجوددر. بو اراضينك كچن سنه به  
 عائد اولان خراجی ۴,۶۵۲,۵۷۰ مصر ليراسی  
 ایدی [۱]. بوندن آكلاشيليوركه بربری  
 اوزرينه هرفدانك خراجی ۸۵ غروشندن  
 عبارتدر. ده اول بيان ايتديكمز اوزره  
 بوكونكي برغروش عباسيلر زماننده كي بر  
 غروشك ثلثه معادل ایدی. بوجهتله مأمونك  
 زماننده كي ايكي دينار خراج بوكونكي پاره به  
 كوره آلتی دينار، يا خود اوچ مصر ليراسی  
 ديمكدر. او حالحه مأمون زماننده مصردن  
 جبابت اولتان خراج بدلی بوكونكي مصر  
 خراجنك اوچ مثلندن فضله ديمك ایدی.

لكن قرائن احوالدين آكلاشيليوركه  
 مصر خراجی (مأمون) دن صكره ده فضله  
 تزيبدايدلمش ومصری فاطمیلر نامنه فتح  
 ايدن قائد جوهر مصره كلديكنده خراجی  
 اوچ بحق دينار مقدارنده كوره رك بونی يدی  
 ديناره ابلاغ ايلشیدی [۲]. بو درجه آغير  
 برويركي انسانه دهشت ویرير.

(مقدسی) نك (احسن التقاسيم) نامنده كي  
 كتباينده: «مصر اوزرينه طرح ايدلمش  
 خراج بوق ایدی. چفتجي اراضی يي حكومتدن  
 آلير، اكردی. محصول بچيلوب دوكلدكدن  
 وطوبلاندقدن صكره رشم تخته سيله مهرلنوب  
 براقيلردی. محصول بويله جه حاضر لاندقدن

چفتجيلردن يانقدآ، يا خود عينا آليردی.  
 (ديكر ممالك): — سواد ومصردن  
 ماعدا ده بر طاقم ممالك وار ایدی كه بونلرك  
 بعضلرينك خراجی مساحه، ديكر بعضلرينك كي ده  
 مقاسمه صورتيه طرح ايدلمش ایدی. مثلا  
 فارس قطعه سنك خراجی اوچ شكل اوزره  
 ایدی: (۱) مقاسمه، (۲) مساحه، (۳)  
 قوانين دينيلن مقاطعات. مع مافیه بو قطعه نك  
 اكثر يرلرينك خراجی مساحه اوزرينه ایدی.  
 خراج مقداری ده یره كوره مختلف ایدی.  
 بو قطعه ده اك آغير خراجلی اولان یر،  
 شیراز جهتلی ایدی [۱]. چونكه بوراده  
 بغدادی ویا آرپه جرينك خراجی ۱۹۰


[۱] مصرك ۱۹۰۲ سنه سنه عائد بودجه سی



خراجی دخی پك زیاده آغیر ایدی . اورالزده  
(عباس بن ابراهیم بن اغلب) زماننده فدائك  
خراجی ۱۸ دیناره بالغ اولش ایدی . ظن  
ایتمیزكه بویله آغیر ویرکیلر اصحاب اراضیدن  
دائما جیاسیت اولنه بیلسون . بو حاللر آنجیق  
بعض سنهله و احوال فوق العادهیه مخصوص  
اولسه كرك .

والحاصل خراج ، عباسیلرك برنجی دورنده  
آغیر اولقله برابر بو آغیرلقدن نه اهالی چوق

ویونجه وقاؤون وقاربوز جرینسك خراجی  
۲۳۷¼ درهم وپاموق جرینسك خراجی ۲۵۶  
درهم ايله دوت دانق ( هر دانق برسدس  
درهم ) و باغ جرینسك خراجی ۱۰۴۲۵  
درهم ایدی . آنجیق بوراده کی جریبك مساحه سی  
دها بیوك ایدی . یعنی هر جریب یتمش ذراع  
میریدن مرکب ایدی . بر ذراع میری طقوز  
قبضه ایدی [۱] . شمعی بوراده کی جریبی  
عرق جریبك ایکی مثل اوله رق فرض ایتسه ك



شكل ۴ : یلديزلرك موقع وارتفاعی تعیین ایتكه مخصوص بر عرب اسطرلابی (Astrolabe)

شکایت ایدردی ، نهده تحصیلنده مشكلات  
چکیلیردی . یدنجی خلیفه عباسی (مأمون)  
شامدن کچدیکی زمان وقوع بولدینی کبی  
بعضاً بر والی بر قاچ کون نظر فنده قولایلقله  
میلونلرجه درهم طوپالایه بیلیردی . مشارالیه ،  
برادری (معتصم) ك شامده والیلکی زماننده  
شهر مذ کوردن کچدیکی صرده نژدنده بولنان


بیله ینه بو خراجی پك زیاده آغیر بولورز .  
بو ، مذکور یرلرك دردنجی عصر هجری  
اورته لرنده تأدییه ایتدیکی خراج ایدی .  
(مأمون) زماننه عائد خراجی حقنده ایسه  
معلوماته راست کله مدك .

(بنی اغلب) زمانلرنده مغرب طرفلرینك



تحصيل اولئان سفائن رسمى مبلغ مذكورك  
برقاچ مثلى كچوردى .

ثانياً ( معدنلر كخمسى ) : — معادن ايكي  
نوع ايدى . برى روى ازضده بولندينى ايچون  
اخراجى بيوك زحمت اختيارينه محتاج اولميان  
معدنلردى : سورمه ، طوز ، زفت ، فقط معدنلرى  
بى . بونلر كيمسهيہ احاله ايدليهر ك صو كى  
هر كس ايچون مباح طوتولوردى . ديكرى



شكل : ۵ خليل الرحمنده حضرت ابراهيمك  
زوجه سى حضرت سارده نك قبرى

ير آلتنده بولنوب اخراجى حفریات عظيمه  
اجراسنه ويوك زحمت اختيارينه محتاج اولان  
معدنلر ايدى . ايسته حكومت بو معدنلرى  
خمس وارداتى كنديسنه عائد اولق اوزره  
طالبلرينه احاله ايدردى [۱] . مملكت عباسيه

[۱] ماوردى ۱۸۷

غایت واسع بر مملكت اولديغندن آلتون ، كموش ،  
باقر ، جيوه ، فيروز ، زبرجد وساثره داخل  
اولق اوزره مملكتده برچوق معدن اوجاقلرى  
ايشايديلردى .

بومعدنلر ك محللرينى ذكر ايدهل : خراسانده  
آلتون ، كموش ، فيروز ، مرمر ، طين مختوم ،  
نوشادر ، جيوه معدنلرى بولندينى كى [۱]  
ماوراءالنهرده آلتون وجوقلقده هيچ بر  
يرده مثلى بولمیان جيوه معدنلرى موجود  
ايدى [۲] . فارس ممالككنده كموش ، دمير ،  
قوشون وقلای ، كوكرد ، فقط ، طونج ،  
جيوه كى معادنك انواعى بولنمقده ايدى .  
اصهانك غربنده سورمه [۳] ، كرمان داخلنده  
( دمندان ) نامنده كى شهرده آلتون ، كموش ،  
دمير ، باقر ، نوشادر ، طونج معدنلرى  
كى پك چوق معدنلر موجود ايدى [۴] .  
آفريقاى شامى سواحلنده اويله چوق مرجان  
طالغيج يرلرى وار ايدى كه يالكز براوجاقدن  
چيقاريلان مرجان هر قايقده يكرمى رطل  
اولق اوزره اللى ويا دها زياده قاينك حمله سنى  
تشكيل ايدردى [۵] . سوريه قطعه سنده يروت  
جوارنده دمير ، حلبده وديكر بريرده ( جبال  
الحر ) نامنده كى طاغلرده اعلى مغره — آشى  
تعير اولئان قرمزى چامور — ، فلسطينده  
مرمر ، كوكرد معدنلرى موجود ايدى [۶] .  
مصرده صعيد جهتلرنده شاب معدنلرى وار

[۱] مقدسى ۲۲۶ [۲] ابن حوقل ۳۳۷

[۳] اصطخرى ۱۱۵ و ۲۰۲ [۴] ابن الفقيه ۲۰۶

[۵] ابن حوقل ۵۱ [۶] مقدسى ۱۸۴



عقیق معدنی ، ( ینبع ) ایله ( مروه ) آره سنده  
آلتون معدنلری ، عدن و حما سواحله ده غنیر  
حاصلاتی وار ایدی [ ۱ ] .

دولتک معدنلردن آلدینی خمس حقنده  
بر فکر و یرمک ایچون بالاده کی معلوماتی نمونه  
قیلندن ذکر ایلدک . مقاطعه و یا خود بر بدل  
معین ایله ایجار صورتلریله احاله اولسان بو  
معدنلرک بدلاتی بعضاً بیوک بریکون طوتیور  
ایدی . او جمله ن دردنچی عصر هجری اورتده  
لرنده نیسابورده بولان فیروز معدنی ۷۵۸,۷۲۰  
درهم بدل ایله ایجار ایدلش ایدی [ ۲ ] .

ثالثاً ( جزیه وزکات ) : — اوائل اسلامیتده  
جزیه وارداتی پک بیوک ایدی . ده صکره  
خلق اسلامیه داخل اولقله بو واردات آلامشدر .  
زکاته کلنجه اوائل اسلامیتده بونک اهمیتی  
پک بیوک ایدی . ده صکره او اهمیت آلامشدر .  
ایلریده بو خصوص حقنده معلومات ویره جکیز .  
رابعاً ( مکوس و مراصد ) : — کرک برآ ،  
کرک بحرآ نقل اولسان هر نوع مصنوعات  
و منسوجات و سائرده دن حتی اسیرلردن استیفا  
اولان کمرک رسومی و عائدات سائر دیمکدر .  
بو یوزدن خزینة دولته نه قدر واردات کیردیکی  
معلوم دکلسه ده هج تک دردنچی عصری اورتده  
لرنده مصرده هر نقصه ده و بازار یرلرنده درلو  
درلو ناملر ایله ستیفا اولتان کلیتی رسوم  
و عائدات ناقیلر اسسه بو یوزدن حاصل اولان  
وارداتک مهم بریکون طوتدیغنه حکم ایتمک  
لار کلیر . بو واردات زمان و مکانک اختلافی

ایدی که عربان طرفندن طوبلانهرق ( اخیم ) ،  
( اسیوط ) ، ( بهنسا ) طرفلرینه کتیریلیر  
ونیلک فیضانی زمانلرنده بورالردن اسکندریه یه  
نقل اولنوردی . هر سنه بوندن روم تجارینه  
هر قطاری [ \* ] درتدن آلتی دیناره قدر ۱۲,۰۰۰  
قطار ساتیلیردی . کذلک نیلک ساحل  
غریب سنده و مصرک سائر جهتلرنده ( نظرون )  
معدنی موجود ایدی . هر سنه بو معدندن  
۱۰۰,۰۰۰ قطار استخراج اولنوردی . بو  
معدن بعض سنه لرده ۱۰۰,۰۰۰ دینار بدل  
ایله ایجار اولنوردی [ ۱ ] . نوبه ده اصوانه موازی  
بر یرده مشهور بر آلتون معدنی موجود ایدی .  
( ابن حوقل ) دییسورکه : « بو معدن مصر  
اراضیسنده دکل ، مذکور قطعه مک بحر احمر  
سواحله ده ( بحه ) نامیله معروف اولان اراضیده  
واقع ایدی . معدن مذکور ( عذاب ) ه  
قدر امتداد ایدر . معدنک بولندیفی یر ، قوملق  
و چاقل طاشلغی اوله رق دوز اراضیدن متشکلدر .  
مبایعات ایچون کلن تجار ( علاق ) قصبه سنده  
اجتماع ایدرلردی » [ ۲ ] . مغرب بلادنده  
( سجلماسه ) نک آرقه سنده تاسودان اراضیسنه  
قدر آلتون و کموش [ ۳ ] ، مصرده صعبید  
قطعه سنده نیلک جنوبنده ( کذا ) اراضی  
معموره دن اوزاق بر قیرده زبرجد معدنلری [ ۴ ]  
موجود ایدی . بحرین طرفلرنده بصره  
کورفزنده اینجی طالعیج یرلری ، صنعاده

[ \* ] هر قطار یوز یکریمی رطل و هر رطل یوز  
اونوز درهمدر . ( ابن خلدون ترجمه سی )

[ ۱ ] مقریزی ۱۰۹ ج ۱ [ ۲ ] ابن حوقل ۱۰۷

ایله اشکال طرح و جیبائی مختلف ایدی . بعضاً عین شهرده زمانک و کذلک عین زمانده شهرلرک اختلافی ایله مختلف بولنوردی . بواختلافاتی حصر و احاطه ایتک امکان خار-جنده در . بوبابده ( شمس الدین مقدسی ) نک دردنچی عصر هجریده مصرده ( تنیس ) و ( دمیاط ) ده استیفا اواندیغنی بالذات مشاهده



شکل : ۶ خلیل الرحمن ده حضرت یعقوبک قبری

ایلدیکی رسوم و عادات حقنده و یردیکی معلو-ماتی یازمقله اکتفا ایده جکیز . مشارالیه دیورکه : « تنیس و دمیاطده و نیل ساحلنده اعلی اوزرینه طرح ایدلمش بولنان رسوم و عادات یک آغیردر . مصرده ( شطاة ) قریه سنه نسبتله معروف اولان ثیاب شطویهنی برقبطی اولجه حکومت طرفندن تمغالاتمدن نسج ایده مز . بوقاشلر مخصوص دلالردن

بشقه واسطه لر ایله صاتیله ماز . حکومت دادوستده نظارت ایدر . بولردن هر نه صاتیلیر ایسه بردفتر مخصوصه قید اولنور . امتعه دن برشی فروخت اولندیغنی زمان بونی دورده جک ، صاره جق ، سپت ایچنه قویه جق ، باغلایه جق آدمیره تسلیم ایدیلیر . بو آدمیرک هر بری بر رسم آلیر . اسکله نک باشنده ده بر رسم تأدیه اولنور . رسوم مأمورلری رسملری استیفا ایتدکجه سبتلرک اوزرینه اشارت مخصوصه قورلر . کیملر حرکت ایتدن اول برکره دها تفتیش اولنور . ( تنیس ) ده برطولوم زیتون یاغنک رسمی بر دیناردر . بوراده سائر اشیا و امتعه اوزرینه بونسبتده رسوم آلیر . نیل ساحلنده قسطاطده استیفا اولنان و یرکیلر دخی بویله جه آغیردر . تنیس ساحلنده برکمرک مأمورینی کوردم . بتون کون استیفای رسوم ایله اشتغال ایدردی . روایت کوره بو یرک بدل احاله سی هرکون بیک دیناردر . صعید واسکندریه ساحلارنده ده اوکی متعدد کمرک مرکزلی واردر . مغرب طرفلرینک کیملری ایچون اسکندریه ده ، شام کیملری ایچون ده ( فرما ) ده آیریجه کمرک دائره لری تأسیس ایدلمشدر . بحر احمرده هریوک ایچون برده هم کمرک رسمی استیفا اوانور » [۱] .

( ابن حوقل ) یالکز اذربجاندن ( ری ) جهتلرینه اصدار اولنان اسیر ، حیوانات و هر نوع اموال تجاریه نک کمرک رسمی و عادات سائرهنک سنوی ۱,۰۰۰,۰۰۰ درهم طوتد-یغنی ذکر ایدیور [۲] .

تحصیل ایتدکلری خراج بدللرینی ( عمرو بن العاص ) ک یابدینی کی ( چونکه حضرت علی علیه معاویه به ظہر اولقی اوزره مصر والیکنی یقالامشدی ) یاخلیفه نک اذن ومسا عده سیله ، یاخود حجاج زماننده واقع اولدینی کی محاربه اجراسی ایچون پاره به احتیاج ظهوری بهانه سیله ، یاخود عوامدن بر متردک آغزینی قاپاتقی داعیه سیله کندی جیلیرینه آنارلردی [۱] . یاخود والی - ( یزید بن عبدالملک ) ک خلافتی زماننده عراقده والی یولنان مشارالیهک برادری ( مسلمة بن عبدالملک ) ک یابدینی کی - طوبلادینی خراج پاره سنی بلا سبب تأدیهدن امتناع ایله بلع ایدردی [۲] . روایت کوره خلیفه ( یزید ) او پاره بی برادرندن طلب ایتمکدن اوتانمش ایمش . فقط حقیقت حالده اوتانقی مسأله سی سوزدر . ( یزید ) برادرینک تمرد وعصیانندن قورقش اولسه کرک . بنی امیه والیرینک فی غنائم اموالندن اختلاس ایتدکلری مبالغده بک چوق ایدی . معلوم اولدینی اوزره بویولده الده ایدیلن اموال بیت المالک حق ایدی . بعض والیر بویوزدن نه قدر اموال الده ایدلیکنی خلفایه یازارلردی . فقط ویرمزلردی . نه کیم ( یزید بن مهلب ) ۹۸ سنه هجریه سنده جرجانی فتح ایتدکدن صکره برچوق اموال غنائم اله کچیرمش وبوندن بیت الماله ۶,۰۰۰,۰۰۰ درهم قالمش ایدی . ( یزید ) کیفیتی خلیفه به

مع مافیه بوکرک وامثالی ویرکیلری دولت عباسیه نک دور اعتلاسنده بیوک بر رواجه مظهر اولدینی جهته بک بیوک بریکون تشکیل ایتز ایدی . بونوع واردات آنجق انحطاط دورنده چو ظالمشدر .

خامساً ( مستغلات و ضربخانه وارداتی ) :  
مستغلات وارداتی یرلری حکومتک اولدینی حالده اهالی طرفندن اوزرینه چارشو ، خانه ویادکرمن کی انشا ایدیلن اماکندن حکومته تأدیہ اولنان اجر تدر [۱] . ( ابن خرداذبه ) نک ویردیکی معلوماته کوره بغدادده بولنان چارشو ، دکرمن کی مستغلات ایله ضربخانه لک سنوی وارداتی ۱,۵۰۰,۰۰۰ درهمه بالغ اولمقده ایدی [۲] . ( سامرا ) نک غلات و مستغلاتنک سنوی مجموعی ۱۰,۰۰۰,۰۰۰ درهم ایدی [۳] .

مع مافیه دولت عباسیه دور اعتلاده بو ویرکیلردن بر چوق واردات آلیردی . فقط واردات اساسیه سنی بونلر دکل ، خراج حاصلاتی تشکیل ایدردی .

#### ۴ مأمورین حکومتک اموال دولتی تحصیل و تسلیمده صدق و استقامتلی


بنی امیه والیرینک ظلم واعتسافلری حقنده دهاول ویردیکنمز معلوماتدن آکلاشلد . یعنی اوزره امویلر زماننده کی والیر علی الاکثر

[۱] ابن حوقل ۲۱۷ [۲] ابن خرداذبه ۱۲۵  
[۳] یعقوبی ( کتاب البلدان ) ۳۸

[۱] ابن الاثیر ۱۴۳ ج ۲ [۲] ابن الاثیر  
۴۷ ج ۵



یازمش ایسه ده پاره یی ویرمیه رك كندیسی  
 میشر [۱] . ایشته بو و امثالی احوال خلفایه  
 صورت جبریه ده والیرك اموالی مصادره یی  
 سوق ایلمش ایدی .



شکل : ۷ خلیل الرحمن ده حضرت یعقوب  
 زوجہ سی حضرت لائقہ ( لیثہ ) نك قبری

خلفای عباسیه زمانه کنجه بودولتک ایلک  
 دورلرنده والیرك اکثری خلفانک اک یقین  
 اقرارلرندن ایدیلر . ده اصرکه خلفاظهرلری اولان  
 ایرانیلری استخدام ایدیلر . ایرانیلر دولت  
 عباسیه نك دوام و اعتلاسی هر کسدن زیاده  
 آرزو ایدرلردی . دیگر جهتدن دخی خلفا  
 والیرك معاشلرینی تزئیده قصور ایتزلردی .  
 او قدر که مأمون زماننده بر والینک معاشی  
 سنوی اوچ میلیون درهمه بالغ اولمش ایدی .

بومعاش شرق ولایتی والیسی (فضل بن سهل) ه  
 تخصیص ایداش ایدی [۱] . بخامیه والیرلرندن  
 بوندربیوک معاش آلان والی یوقدر . چونکه  
 امویلر زماننده بروالی به ویریلن اک بیوک معاش  
 ۶۰۰,۰۰۰ درهمدن فضله دکل ایدی . بومعاش ده  
 عراق والیلکنده بولنان ( عمر بن هبیره ) یه  
 تخصیص اولنش ایدی [۲] .

عباسیلرک اوائل دولترلنده بر طاقم دکرلی  
 وحسن رأی و تدبیر صاحبی وزرا وباخصوص  
 بر مکیلر کبی ذواتک موقع اقتداره کچملری  
 خلفانک انتظام ودرایتله اداره امور مملکت ایتلرینه  
 ووالیرك ارباب صداقتدن انتخاب اولملرینه  
 یاردیم ایتمش ایدی . فی الحقیقه بر مکیلر دولت  
 عباسیه نك محور انتظامی و غنچه مدنیقی ایدیلر .  
 بوندن ماعداعلی الاکثر ایرانیلر دولت عباسیه نك  
 بقا و اعتلاسی اغورنده هر درلو فدا کارلغی  
 اختیاردن چکینمزلردی . چونکه بونلر دولت  
 امویه نك عرب اولیانلر حقنده مسلك سیاسی  
 حکومت اوله رق زوا کوردیکی معاملات  
 تحقیریه واعتسافیه یی چکدکدن صکره اندن  
 قورتوله رق دولت عباسیه نك حاکمیتی آلتنده  
 بولغنی بیوک بر نعمت التیه عد ایدیورلردی .  
 ( مأمون ) زماننده محارباتک و فتنه وشو .  
 رشلرک آرزو و قوع بولسی کبی ثروتک ازدیادینه  
 باعث اولمش بر طاقم اسباب ده ا واردی . معلوم  
 اولدینی اوزره او کبی احوال دولته بیوک  
 مصرفلر آچقله ثروتی تنقیص ایتدیکی کبی

[۱] طبری ۸۴۱ ج ۲

[۲] ابن خلکان ۲۸۱ ج ۲

[۱] طبری ۱۳۳۴ و ۱۳۵۰ ج ۳

اهالی بی زراعت و تجارتدن آلیقومه له ثروت  
مملکتی ده پریشان ایدر .

## مصارفاتک آزلی اسبابی

شمدی به قدر یازدیغمز معلوماتده دولت  
عباسیه نك ایلک دورنده خراج وارداتنك امویلر  
زماننده کی خراج وارداتندن دهـا زیاده اولمسنه  
باعث اولان اسبابی کوستردک . بواسباب ثروت  
عباسیه نك قسم اولیدر . شمدی ایکنجی قسم  
اولان مصارفاتک آزلی اسبابی بحثه کلهـم .  
دولت عباسیه ده مصارفاتک آزلی اولان  
مأمورین دولتک آزلی ، ثانیاً حکومتک  
بورج آلتده بولنماسی ، ثالثاً ایلک خلیفه لرك  
اقتصاد و حسن تدبیر صاحبی اولمری کی  
باشلیجه اوچ سبیدن نشأت ایدیوردی .

## اولا مأمورین دولتک آزلی

بر دولتده مأمورلرك عددی او دولتک  
شکل تنظیماتنه تبعاً چوق ، یاخود آز اولور .  
هر حالده خلاصه دینله بیسیرکه حکومت  
مستبده حکومت مقیددن دهـا آز مأمور  
استخدام ایدرلر . چونکه حکومت مطلقده  
قیود و حساباتک انتظامنه ، هر شینک قانون  
دائرة سنده ضبط و ربطنه باقلمازه بوفرقی آکلامق  
ایچون محاکم عرفیه ایله محاکم نظامیه بی نظر دفته  
آلتق کفایت ایدر . محکمه عرفیه جنبه ،

جنایت ، حقوق کی انواعه و بدایت ، استیناف  
تمیز کی درجاته منقسم اولیه رق افرادی  
محدود بر هیئت ایله ایش کورر . حال بوکه  
محاکم نظامیه متعدد درجات و انواعه منقسم  
اولدیغندن اکا کوره رؤسا و اعضاسی ،  
مدعی عمویلری ، ضبط کاتبلری و سائره سی  
فضله اولور . سائر دوائر حکومتی ده اکا کوره  
قیاس ایدیکنز . بونلرده ده عینی سبیدن طولانی  
مأمورلر فضله ویا آز بولنور . مصرده بوکونکی  
مأمورین حکومتک عددی ایله تنظیماتدن دهـا  
اولکی مأمورلرینک مقداری آره سنده بر مقایسه  
اجرا اولنور ایسه بوفرقی برقات دهـا تظاهر  
ایدر .

اون سکیزنجی عصر میلادینک صوکلرینه  
طوغری (ناپولئون بوناپارت) ک استیلا سندن اول  
مصرده کی حکومت مأمورلرینک مقداری  
سلطان سلیم اول و اوغلی سلطان سلیمان  
طرفندن وضع اولنان تشکیلاته تبعاً پک محدود  
ایدی . رأس کارده درسعادتن نصب واعزام  
ایدیلیر بر والی (پاشا) و والینک معیتنده  
اون ایکسی اکمهم حکومت مأمورلری اولق  
اوزره یکریمی دوت پک بولنوردی که بو بکلر  
منصب آتیه بی اشغال ایدرلردی :

- ۱ کهایا - پاشانک (والینک) وکیلی و باش  
کاتبی ایدی .
- ۲ دفتردار - خراج ایشلرینه باقاردی .  
او زمانه کوره بوکونکی مصر مالیه  
ناظری دیمک ایدی .
- ۳ امیر خزنه - خزینه - بوزاتک مأموریتی دولت

عثمانیه نك مصردن آلدیغی خراج پاره‌سی  
در سعادتیه ایصال ایتك ایدی .

۴ امیر حج - حجازه کیدن موکب حجک  
قوماندانلغنی ایفا ایدردی .

۵ سویش ، دمیاط ، اسکندریه لیمانلرینک  
قوماندانلغنی ایچون اوچ قبودان

۶ جرجا ، بحیره ، منوفیه ، غریبه ، شرقیه  
مدیر لیکلری ایچون بش مدیر

بونلردن ماعدا قلیوبیسه ، منصوره ،

چیزه وفیوم ناحیه لریدن هر برنده (کشاف)

نامیله برردن درت مأمور بولنوردی که

بونلرک مأموریتی سائر اقالیمک مدیرلری

اولان بکلرک مأموریتی کبی ایدی .

قاضی ، ضربخانه امینی ، محتسب سائر

مناصب حکومتدن ایدی .

مصرده بولنان عسکر آلتی فرقه‌دن

عبارت اوله رق بونلره (اوجاقلر) نامی

ویریلیردی که شونلر ایدی :

۱ متفرقه اوجاغی : بوفرقه پادشاهک عساکر

خاصه سندن متشکل ایدی .

۲ چاوشلر اوجاغی : بوفرقه فی‌الاصل

سلطان سلیم اول اردوسنک ضابط

معاونلردن مرکب ایدی . خراجک

تحصیلی بونلره تودیع اولمش ایدی .

۳ هینیلیر اوجاغی

۴ تفنگچی اوجاغی

۵ یکپجری اوجاغی : بونلر دولت علیه‌یه

تابع قبائلدن منتخب وجنس‌لری مختلف

عسکر ایدی . ممالکک محافظه‌سی بونلره

تودیع ایدلرکی ایچون کندیلرینه مستحفظلر

نامی دخی ویریلیردی .

۶ عزب اوجاغی

بو اوجاقلردن هر بری (اوجاقلی) نامی

ایله یاد اولنور افراددن متشکل بولنوردی .

هر اوجاغک اوزرینه (آغا) اسمی ایله برضابط

قوماندان ایدردی . اوجاقلده آغا ایله برابر

کھیا ، دفتردار ، خزینسه‌دار ، روزنامه‌چی

بولنوردی [۱] .

سائر اوجاقلردن بو ضابطلرک اجتماعدن

پاشانک (والینک) مجلس شوراسی تشکل

ایدردی که والی بو مجلسک تصدیقه اقتران

ایتدیرمکسزین بر امر ویرمز ایدی .

مصر حکومت مرکزیه‌سی ایشته شو

ذکر ایتدیکمز شکلده ایدی . اردو ضابطانی

مستثنی اولق اوزره مرکزه باشلیجه مأمورین

حکومتک مقدارینی الیدن فضلّه بوله‌مازسکز .

شمعی بونلره الحاق ایدیلن کاتبلر ومعاونلرک

مقدارینی علاوه ایدر ایسه‌ک بلکه بتون مأمورین

حکومتک عدی ۲۰۰ ، یاخود حد اعظم

اوله رق (۴۰۰) ی تجاوز ایتمز . اوزمانلرده

بو مأمورلرک وظائفی آتیده کوروله‌جکی

اوزره مأمورینی ایکی بیکدن زیاده اولان

بوکونکی نظارتلرک ، مجلس نظارک ، معیت

خدیونک ، صحیه ، پولیس ، حبس‌خانه وسائر

اداره‌لرینک مقامنه قائم ایدی .

الیوم مصر حکومتده مستخدم اولان

مأمورین مأمور وخدمه اولق اوزره ایکی

صنفدر . مأمورلر امور حکومتی اداره ایدن



محافظة سواحل اداره سی	۲۱۸
دخولیات (سبزہ و میوہ و سائرہ نك	۱۴۰
شہرہ ادخالندہ انلردن آلنن	
دخولیات ( اداره سی	۴
بالقخانہ	
رسالہ (سیرسفان)	۱۳
دمیر یولی	۱۰۹۳۸
تلغراف	۳۲۷
اسکندریہ لیانی	۲۹
پوستہ	۵۵۰
فنارلر	۱۰۳
عموم لیانلر	۶
آلتون و کوش معمولاتی تمغا اداره سی	۱۵
معارف نظارتہ تابع مکتبلر	۳۰۱
کتابخانہ خدیوی	۱۱
موزہ	۴
مطبعہ امیریہ	۱۴
املاک امیریہ مستقلہ و مشترکہ	۹۰
بلدیہ قومیسونی	۲۲۷
یکون	۲۲,۴۵۴

بالادہ کی جدولدن آکلاشلدیغی اوزرہ  
 خدیویت مصریہ دوائر حکومتندہ مستخدم  
 اولان مأمورین رسمیه نك مقداری ۲۲,۴۵۴ درہ  
 باشلی باشنہ وارداتی اولان آتیدہ کی اداره لرك  
 مأمورلری - چونکہ بودوائر اداره امور  
 حکومتہ تعلق یوقدر - مذکور یکوندن طرح  
 ایدہ جك اولور ایسہك مأمورین حکومت اولمق  
 اوزرہ ۱۷,۷۷۱ قالیر . ذکر اولنان اداره لرك  
 شونلردر :

ذواتدر . ناظرلر ، دوائر رؤسائی ، قلمدیرلری ،  
 کاتبلر ، حساب مأمورلری بوجملہ دندر .  
 ایکنجی صفا و طہ جیلر و قوجیلر و سائرہ دن  
 تشکل ایدر . مصرده برنجی قسمدن اولان  
 مأمورین حکومتک نظارتلر ، دوائر حکومت  
 و قلملر اعتباریلہ مقداری آتیدہ کی جدولده  
 کوسرتملشدر [۱] :

خدیویت مصریہ نك ۱۹۰۲ سنہ سنده کی  
 مأمورین رسمیه نك مقداری

عدد	
۱,۱۲۱	معیت خدیویہ و توابعی
۱۸	مجلس نظار
۲۶	شورای قوانین مجلسی
۲۴	خارجیہ نظارتی
۴۱۹	مالیہ
۴۲۴	معارف
۱۸۶	داخلیہ
۲,۷۶۰	عدلیہ
۶۲۹	نافعہ
۳,۳۰۶	حربیہ
۱,۷۱۵	اقالیم (ولایات) اداره لری و مالیہ لری
۶,۶۴۴	پولیس اداره سی
۵۲۶	صحیہ
۱۰۵	حبس خانہ لر
۱۵	منع اسارت
۳۶	دفتر خاقانی
۵۱۰	کمرک

[۱] خدیویت مصریہ نك ۱۹۰۲ سنہ سنہ فائد

بودجہ سی صحیفہ ۱۲


عدد

دمیر یولی اداره سی	۱,۹۳۸
تلغراف	۳۲۷
اسکندریه لیانی	۲۹
پوسته	۵۵۰
فنار لر	۱۰۳
عموم لیانلر	۶
تمغا قلمی	۱۵
یکون	۲,۹۶۸

خدیویت مصریه نك اردودن ماعدا نظارتلرنده  
وسائر دوائر حكومتده استخدام ایتدیكى  
مأمورین رسمیه نك مقدارینی افاده ایدر .  
کوله منلر زماننده کی مأمورین حكومتك مقدارى  
ایله خدیویت مصریه نك بوکونکی مأمورین  
حكومتی مقدارى بیننده کی غایت بیوک اولان بوفرقی  
نظر دقتیه آله رق دولت عباسیه زماننده کی  
مأمورین حكومتك مقدارینی ده اکا کوره  
قیاس ایدیکیز .

بونکله برابر بوفرق دولت عباسیه نك ۷۱ نجی  
صفیه ده اول درج ایتدیکنیز مصارفاتی  
جدولندن دخی آکلاشیلیر . مذکور جدولده  
کورلدیکی اوزره معاش صاحبلرینک قسم اعظمی  
عسکر ، سرای خدمه سی ، خاصه محافظلری ،  
سرای آغالری ، بندکان ، اثوابچی ، دوشمه چی ،  
آومعیت آدم لرنندن وسائر دن متشکل بولنیوردی .  
بونلر حكومتك مأمورین اصلیه سی دکلدیلر .  
اصل حكومت مأمورلری مذکور جدولده  
« اکابر کتاب و دیوان رئیساری ، خزینه دارلر ،  
قوجیلر الخ . . وزیر عبدالله بن سلیمان ، قاضی  
اسحق بن ابراهیم ، سواریلر ، حبسه خانه  
مصرفی ، علوفه الخ . عبارده لریله کوستریلن  
جزئی قسم ایدی . هر حالده ذکر اولنسان  
دورده اصل حكومت مأمورلرینک معاشاتی  
ایله حقیقی دواثری مصارفاتنک مصارفات دولتك  
( یعنی ۲,۵۰۰,۰۰۰ دینارک ) نصفی کچه جکنی  
ظن ایتیز . حال بوکه بوکون مصر خدیویتنک  
یالکیز دواثر اداره و تحصیلات و ضابطه مصارفاتی  
۳,۲۵۰,۰۰۰ مصر لیراسنه بالغ اولمقده در .

بویکونه عدد مأمورینی ( ۱,۸۱۵ ) بالغ  
اولان اقلیملر ( قاهره حكومت مرکزیه سنك  
خارجنده کی دوائر حكومت ) اداره سی علاوه



شکل ۸ : خلیل الرحمن ده حضرت یوسفک قبری

ایدرایسه ک ایکسینک مجموعی ۴,۶۸۳ مقدارینه  
بالغ اولور . ایشته بومقداری اصلیکونندن تنزیل  
ایتدیکنیزده ۱۷,۷۷۱ عددی قالیرکه بورقلر

منتظم بر حساب طو تولق لازم ایسه معاشاری  
کسیلن کیمسه لرك معاشاتی ایله معاشلردن  
اجرا اولنان توقیفات واردات قسمنه کچملی  
واو کوچك مأمورلرك معاشلری ده مصارفات  
صره سنده کوسترملیدر. بونکله برابر ذکر  
اولنان واردات و مصارفاتک اووقت دولت  
دفاترنده قید ایدلماش اولسنی مستبعد کوریرز.  
بلکه قیدی اجرا اولنش ایکن اختصار مقصدیه  
ویا دیگر بر سببله درج ایتدیکمز مصارفات  
جدولنه کچیرلماشدر.

### ثانیاً دولتک بورجلی اولماسی

مدنیت حاضره نك سیئاتندن بری ده  
اوروپا حکومتلرینك بورج آلتنه دوشمیدر.  
حال حاضرده بورجلی اولمیان دولت یوق  
کبدر. دولتر هر سنه کی وارداتندن بورجلرینك  
فائضی، یاخود فائض ایله برابر بورجندن  
برقسمنی تأدیه ایدرلر. زمان حاضرده بو بورج  
دولتر ایچون آغیر بریوك اولدیغی کی دولت  
عباسیه زماننده غیر معروف ویاخود پك  
خفیف بولنان بر طاقم مختلف ویرکیلردن  
جایات ایدیلن بر جوق وارداته رغماً دولترك  
خزینه سینده پك آز فضله واردات قالمسینه  
باعث اولان بیوك بر سبب تشکیل ایتمکده در. ده  
اول یازدیغمز اوزره ۱۲۰ میلیون انکلین  
لیراسنه بالغ اولان انکلتزه حکومتك واردات  
سنویه سنك بشده دردی ازمنه اخیریه مخصوص

مصر ایسه اوقوجه مملکت اسلامیه به نسبتاً  
کوچك بر جزء عد اولنور. زمان حاضرده  
بویه فضله مصارفات اختیار اولنسی منتظم  
حکومت تشکیلی مقصدیه استخدامنه لزوم  
کوریلن مأمورلرك چوقلغندن نشأت ایدیور.  
مع مافیه دولت عباسیه نك ذکر ایتدیکمز  
دورنده مصارفاتک آزلغنه باعث اولان سبب  
یالکز حکومت مأمورلرینك آزلغی دکل  
ایدی. بعض مأمورلر معاشاتنك، الله ایدیلوب  
وارداته ادخال اولنمیان پاره لردن تأدیه ایدلسی  
کبی بر اصولک موجودیتی ده مصارفاتک آز  
کورلسنی موجب اولیوردی. دولت عباسیه نك  
ذکر ایتدیکمز مصارفات جدولنده یومی ۱۵۶۶  
دینار مصرف قلمنده کوستریان «اکابر کتاب  
ودیوان رئیسلی، خزینه دارلر الخ ..» بتون  
مأمورین دولت دیمك دکلدی. بونلر آنجق  
اکابر مأمورین دولت ایدیلر. اومصرف قلمنده  
صوك طرفلره طوغری «صرفیات دیوان  
کاتبلری ایله توزیعات مجلسلرنده کی نائبلری  
ومعاونلری، بیت المال خزینه دارلری بوندن  
مستنادلر. بونلرك معاشاتی؛ کسیلن معاشاتندن  
وآترلینه باقیانلرك معاشلرندن جزا اولق  
اوزره اجرا اولنان توقیفاتدن حاصل اولان  
پارهدن تأدیه اولنوردی» صورتیه ویریلن  
ایضاحات ده بونی کوستریور. بوندن ماعدا  
بو کوچك مأمورلره اوصورتله معاش تأدیه سی  
حسابات دولتک بوکون منتظم بر بقال دکاننده  
طوتیلان حساباته یاقیشدیر یله میه جق برطرزده  
مختصر طو تولدیغی ارانه ایدیور. چونکه



ویرگیلردن تشکل ایتمکده و مصارفات دولت  
بتون بووارداتی استهلاک ایلکده در. اوجهلدن  
اوله رق بووارداتک برربی دولتک مدیون  
اولدینی بورجک فائضه کیدیور. بو بورج  
اولسه ایدی بوکونکی وارداته کوره هر سنه  
انکلتزه خزینه سنده (۳۰) میلیون انکلیز لیراسی،  
یعنی ثروت عباسیه مقدارنده بر پاره قاله جق  
ایدی. انکلتزه یالکیز اوله رق بورجلی بر  
دولت اولیوب اوروپا دولترینک چوغی  
مختلف مقدارلرده بورجلی بولتمقددرلر. دول  
حاضره نك اون طقوزنجی عصرده کی بورجلرینک  
مقداری میلیونلرک کسورلردن صرف نظرله  
آئیده کی جدوله اکثریت اعتباریه ترتیب ایلدک:  
جهانک اک مشهور دولترینک بورجلری [۱]

#### انکلیز لیراسی

فرانسه	۱,۲۵۰,۰۰۰,۰۰۰
انکلتزه	۷۰۰,۰۰۰,۰۰۰
روسیه	۲۰۰,۰۰۰,۰۰۰
متفقہ آمریکا	۲۰۰,۰۰۰,۰۰۰
دولت عثمانیه	۱۲۸,۰۰۰,۰۰۰
اوستریا	۱۲۰,۰۰۰,۰۰۰
مصر	۱۰۳,۰۰۰,۰۰۰
آلمانیا	۱۰۰,۰۰۰,۰۰۰
فلمنک	۹۳,۰۰۰,۰۰۰
چین	۵۴,۰۰۰,۰۰۰
ژاپونیا	۴۸,۰۰۰,۰۰۰
ایتالیا	۲۲,۰۰۰,۰۰۰
اسپانیا	۱۲,۰۰۰,۰۰۰
یکون	۳,۰۳۰,۰۰۰,۰۰۰

(۱) Statesman's year book.

ذکر اولنان بورجلر بو دولتر اوزرینه  
عصرلرجه زماندن بری محاربه، بیوک انشات  
وتأسیسات کی برطاقم امور مهمه نك الجاسیله  
تراکم ایتمش در. دولت عباسیه دخی اوکی  
مصرفلردن آزاده دکل ایدی. شوقدرکه  
اعتلاسی زمانلرند بورج ایتمه محتاج اولمدن  
بوکی مصرفلری فضله وارداتدن بیت المال  
خزینه سنده تراکم ایدن پاره دن تأدیه ایدردی.  
فقط دهتا صکره انحطاط دورنده واردات  
آزالوبده مصارفات چوغالنجه محاربه لرده  
اختیار اولنان مصارفه قارشیلق اوله رق بیت المال  
خزینه سنده برشی قالدیفندن بیوک ارباب  
ثروتک وباخصوص دولت مأموریتلرندن  
ویا اختلاس وارثکاب طریقندن ثروت  
صاحبی اولان وزرا، ولایه و باش کاتبلر کی  
بیوک مأمورینک اموالی مصادره ایدلمک  
باشلامیشدر. بومعاملیه «مصادره» نامی  
ویرمشلردی. آئیده بوبخشه دائر معلومات  
ویره جکیز.

بونکله برابر دولت عباسیه بعض احوالده  
وعده سی حلول ایتیم برطاقم اوراق مالیه یی  
قارشیلق کوس-تره نك بعض بیوک تجارندن پاره  
استقراض ایدیوردی. بوپاره لرا کثرا موسو-  
یلردن آلینیوردی. موسوویلرک فائض جیلقد  
اک ماه برملت اولدقلری معلومدر. بو  
استقراضله مقابل تأدیه اولنان فائض یوزده  
یکرمی یه بالغ اولیوردی. اوجهلدن دردنجی  
عصر هجری اوائلنده (مقدر) ک وزیر  
(علی بن عیسی) پاره یه محتاج اولدنج

حکمت تاریخ اصطلاحنامه ( دور صباوت )  
 اطلاق اولتور . صباوت دوری نشوونما ایچون  
 ادخاری ایجاب ایتدیریر . بوندن صکره دولت  
 دور شباه واره رق نشوونماسنی اتمام ایدنجه  
 عمر انسانیده واقع اولدینی کبی کنجکلدن  
 اختیارلقه طوغری نصل برطریق سقووط  
 تمقیب اولتور ایسه دولت دخی اوپله بر رجعت  
 قهقریه یه اوغرار . ایسته بواساس اوزره  
 دولت عباسیه ( سفاح ) ک قوجاغنده بر طفل  
 نوزاد اوله رق تغذیه و تمیه ایدیلهرک ( رشید )  
 و ( مأمون ) زمانلرنده دور شباه وارمش  
 و بودوردن صکره دیگر خلفا زمانلرنده ایسه  
 آرتق بر رجعت قهقریه ایله صره ایله کهولت ،  
 شیخوخت ، هم دورلرینه اوغرامشدر .

( سفاح ) دوت سنه اجرای حاکمیت  
 ایتدکدن صکره بعض البسه دن بشقه برشی  
 براقه سزین وفات ایتش ایدی [۱] . بوذات  
 طمعکار بر آدم اولسه ایدی امویلرک اموالندن  
 کثرتله اله کچیریلن غنائمه انضمام ایدن واردات  
 دولت وسائر دن پک چوق پاره لر جمع وادخار  
 اید . بیلیردی .

مشارالهدن صکره مقام خلافت کچن  
 برادری ( منصور ) یکریمی بوقدر سنه مقام  
 حاکمیده بولنش ودها اول کوسترلدیکی اوزره  
 وفاقی صره سنده بیت المالد ۸۱۰,۰۰۰,۰۰۰  
 درهم براقشدر . ( منصور ) پاره یه فرط  
 حرصندن طولایی خست ایله اتهام اولتوردی .  
 حال بوکه مشارالیه خسیس بر آدم دکل ایدی .

ولایتلردن کلن و وعده سی حلول ایتین پولیچه لر  
 اوزرینه تجار دن پاره استقراض ایدردی .  
 استقراض ایتدیکی پاره ایچون ویردیکی فائض  
 هر دینار باشه آیده بر یجق ( دانق ) مقداریده  
 ایدی . شو حالده مثلا اون بیک دینار بورج  
 ایتسه ایدی فائض اوله رق شهری ۲,۵۰۰  
 درهم ویرردی . وزیر ( علی بن عیسی ) ک  
 کندیمی ایله بویولده معامله یابدینی بغداد  
 موسوی صرافلر دن اک مشهوری ( یوسف  
 بن فتحاس ) نامی ایله معروف اولان ( اهواز )  
 تجارندن بری ایدی . ( هرون بن عمران )  
 اسمنده دیگر بر موسوی صراف ایله ده اوپولده  
 معاملات مالیه یابیلیردی . بویکی آدم ایله سائر  
 صرافلر اون آلتی سنه امتدادنجه وزیر مشارالیه  
 صرافلق ایتشلردر [۱] . مع مافیه بواسستقراضلر  
 دولترک بوکونکی دیون عمومیه سی نوعندن  
 عد ایدیلهرمز .

## ثالثا ایلك خلفانك اقتصاد وحسن

### تدبیر صاحبی بولنملری

تاریخ سیاسیده امور مقرره دندرکه بردواتی  
 تأسیس ایدن حکمدارلر ایله معیتلرنده بولنان  
 حکومت آدملری علی الاکثر مقتصد ومدبر  
 آدملردن تشکل ایدرلر . بونلر بومناقبه مالک  
 اولسه لر ایدی دولتک تأسیسنه و تحکیم اساسنه  
 بلکه موفق اوله مازلردی . دولتک اودوره سنه

عسکریکی چوغالت . بوکونکی ایشکی صاقین یارینه بر اقه . چونکه بوکونکی ایشک یارینکی ایشکه قاریشیرده هانکیسنی یاپه جغکی شاشیروب قالیرسک . اوایشلرده حقيله یاپيله ماز . کیجه نه اوله جغنی اوکرتمک ایچون کوندوزدن وکوندوز نه اوله جغنی اوکرتمک ایچون ده کیجه دن مأمور لر حاضرله . هرایشی کندک بالذات رؤیت ایت . اوصانه ، اوشانه . حسن ظنی استعمال ایله . والیرکک وکاتیرکک حقنده سوءظنده بولون . ودائما متیظ طاوران » [۱] .

( منصور ) بتون مدت خلافتنده کندی خانه سنده اکلنجه ، اوپون ، حدیثسزک نوعندن بر حالک وقوع بولدیغنی کورمامشدر . یالکز برکون اوطورورکن برکورتی ایشیدیر . باشی اوچنده خدمتده بولنان ( حماد ترکی ) بی کورلتینک سبینی آکلامق ایچون کوندیر . حماد کیدر . ایشی تحقیق ایدر . مکر ( منصور ) ک خدمه سندن براوشاق طنبور چالیورده اطرقلده بولنان جاریه لر کولور . ( حماد ) عودت و ( منصور ) ه اخبار کیفیت ایدر . منصور طنبورک فصل شی اولدیغنی بیلمدیکندن : « بوطنبور دینیلن شی نه در ؟ » دییه صورار . ( حماد ) طنبورک نه اولدیغنی تعریف ایدر . منصور ( حماد ) خطاباً « سنده طنبور ی نه دن بیلیورسک ؟ » دییه صورار . حماد : « خراسانده کوردم » جوابی ویریر . بونک اوزرینه ( منصور ) یرندن قالقه رق جاریه لرک بولدیغنی یره کیدر . جاریه لر کندیسنی کورنجه تورقولرندن بر طرفه قاچوب طاغیلر لر .

یالکز کرم وسخایی محندن بشقه بریره صرف ایتک ایسته مز ایدی . ( منصور ) دولتک تأیید حاکمیتنه منفعت کورمیدیکی خصوصاتک هیچ بری ایچون پاره صرف ایتمز ایدی . اسلامیت حضرت عمر طرفندن فصل تأیید وتحکیم ایدلمش ایسه دولت عباسیه دخی ( منصور ) ک حزم ، شدت وعدالتی سایه . سندده اوله جه تأیید وتحکیم ایدلمشدر . مشارالیهک ، اوغلی ( مهدی ) یه یازدیغنی وصیتنامه ده سویلیدیکی سوزلر ، کندیسنک نه درجه ده مقصد ، نه درجه ده حسن تدبیر واصابت نظر صاحبی اولدیغنی کوسترمکه کافیدر . کندی اوغلنه ازجمله شو وصیتلرده بولنش ایدی : « سکا اوله بر ثروت ترک ایتدم که خراج وارداتی اون سنه قیریق جبایت اولونسه ینه بوپاره عسکر معاشاتنه ، مصارفات سائر یه ، خاندان خلافتک اعاشه سنه ، قوه عسکریه سوقی ایچون اقتضا ایدن مصارفاته کفایت ایدر . . . قادینلری صاقین امور حکومت قاریشدرمه . استبداددن ورعایانک اموالی کندی نفسکه حصر ایله اسراف وتبذیر ایتمکدن صاقین . حدودی عسکر ایله طولیدر . مملکتک هر طرفی تحت انضباطه آل . یوللرک آسایشنه دقت ایت . اهالیکنک تسهیل معیشت وراحتلرینه خاد و سائلطی اتخاذ وکنیدلرینه فذالق کتیره جک شیرک ازاله سنه چالیش . پارملری بوش یرلره صرف ایتیه رک انلری طویلا یوب صاقله . چونکه تقابات زمانیه کووه لیز . زمانک حالی بویه در . الکیدن کلیدی قدر آتلیکی ، آدم لریکی ،



هر بزینه اوتوز بيسك درهم ویردكدن ماعدا  
تزو بجلرینه ده چالیشیر . ( منصور ) بر كوده  
كندی خانه خلقنه و تعلقاته ۱۰,۰۰۰,۰۰۰ درهم  
طاغیت مشدر [۱] .

( منصور ) ك وفاتندن صكره مقام خلافته  
اوغلی ( مهدی ) كچدی . ( مهدی ) بر چوق  
جهتلردن و از جمله اك اوراق ایشلری بيله  
بالذات كورمك جهتندن پدرینه بکزر ایدی .  
بونك زماننده وزیر ( معاویه بن یسار ) ك  
همتیله دواوین حكومت ترتیب و اداره دولت  
تنظیم و قوانین اساسیه وضع ایدلدی [۲] .  
( مهدی ) رؤیت مظالم ( شکایات ) مجلسلرینه  
بالذات ریاست ایدردی . زهد و تقوی صاحبی  
اولقله برابر پدری کبی اقتصاد پرست دكل  
ایدی . ( مهدی ) دن صكره مقام خلافته  
( هادی ) كچمش ایسهده بونك زمان حاكمیتی  
اوزون سورمدی . ده صكره خلافت ( رشید ) ه  
انتقال ایلدی . اوزمانه قدر اداره امور دولت  
بر مکیلردن اولان وزرایه كچمش و معاشات  
و ثروت مملكت ده آرتمش بولنیوردی . بر مکیلر  
كرم و سخا صاحبی اولدقلرندن خلفاك ده بر قاق  
دها جو مرد اولملرینه باعث اولدیلر .  
بر مکیلر خلفای كوچك یاشدن اعتباراً بو  
یوله آلیشدریرلردی . نته كیم ( یحیی بن برمك )  
رشیدی او یله آلیشدریرمش ایدی . بر كون  
یحیی ( رشید ) ايله برابر بورركی بر آدم  
( رشید ) ه یاقلاشهرق « ای امیر المؤمنین !  
آتم سقط اولدی » دیر . رشید : « بو آدمه  
[۱] ابن الاثیر ۱۲ ج ۶ (۲) الفخری ۱۶۳

( منصور ) طنبور چالان خدمتکاری طودوره رق  
طنبور بارچه بارچه اولنجه یه قدر باشنه اورلسنی  
امرا ایدر . متعاقباً خدمتکاری معیتندن چیقاروب  
صاتار .

( منصور ) البسه کیمكده كندی نفسنه  
بخیل ایدی . البسه اولق اوزره هرات معمولاتندن  
برجه کیردی . كوملكنی یامه لار ایدی .  
كندیسندن پاره ایستللكجه صرفیاتك لزومه  
قانع اولدن كیمسه یه بش پاره ویرمز ایدی .  
بعضاً اولور كه كندیسندن بر درهم ایستیلیردی ده  
ویرمز دی . بونك عكسنه اوله رق بعضاً هیچ  
ایستلمدن بيسك درهم ویرردی . مثال اوله رق  
اسکی طانیق قیلرندن بری احراز خلافتدن صكره  
كندیسنه راست كلیر . بو آدم قیلرندن بحث ايله  
( منصور ) دن عطیه طلب ایدر . ( منصور ) او  
آدمدن « نه قدر عیال وار ؟ » دییه صورار .  
او آدم « اوچ قیز چوجنی ايله بر زوجیه »  
جوابی ویریر . منصور : « او حالده سن عربلرك  
اك زیاده زنكینی صاییلیرسك . چونكه او كده  
دردت ايك و نیور ، دییه راك اكا برشی ویرمز .  
دیكر طرفدن خاصه محافظلری رئیس  
( عیسی بن نهيك ) وفات ایتدیکی زمان  
( منصور ) عیسانك نه قدر پاره براقدیغنی انك  
خدمتكارندن صورار . خدمتكار : « بيسك  
دینار براقدی . انی ده زوجیه سی مأتمه صرف  
ایتدی » جوابی ویریر . ( منصور ) عیسانك  
قاچ قیز براقدیغنی سؤال ایدر . خدمتجی آلتی  
قیز براقدیغنی سویلر . بونك اوزرینه ( منصور )  
بر مدت دوشوندكدن صكره عیسانك قیزلرندن

ثالثاً اراضی اوزرینه طرح ایدیلن خراجك  
آغراغلی، رابعاً والیرك طوپلانان پاره‌ی  
بغداده ارسال ایتكده صدق واستقامت صاحی  
اولمرندن عبارت اولقی اوزره درت سبیدن  
نشأت ایدیوردی. مصارفك آزلغه كلنجه  
بوده. اولاً حكومتجه آز مأمور استخدا  
ایدلسی، ثانیاً دولت اوزرنده بورج بولنامسی،  
ثالثاً ایلک خلفاك مقتصد وحسن تدبیر صاحی  
اولمرندن ایلری کلیوردی.

## دور انحطاطده

دولت عباسیه‌نك ثروتی

اوانحطاطك اسبابی حقنده یرتمهید

هر دولتك، طفولیتدن شیخوخته قدر  
اولان ادوار حیاتییه مشابه، برطاقم دورلری  
واردر. دولت عباسیه دورهٔ شبانه عباسیرك  
اك پارلاق زمانی اولان (رشید) و (مأمون)  
زمانلرنده بالغ اولدقن صكره برطریق سقوط  
ایله كهولت و شیخوخت دورینه دوشمشدر.  
نته‌کیم دولت امویه دور شبانبی (عبدالملك  
بن مروان) ایله اوغلی (ولید) زمانلرنده  
بولمش ایدی. كذلك اندلسده‌کی دولت امویه  
(عبدالرحمن ثالث) و اوغلی (حکم) زمانلر-  
نده دور شبانه بالغ اولمش ایدی. سلطان سلیمان  
قانونینك دور سلطنتی ده دولت عثمانیه‌نك دور  
شبانی عد اولنور. وقس علیه.

(ابن خلدون) دولتك کچیردیکی دورلری

بش یوز درهم احسان ویرلسون» امری اعطا  
ایدر. بو امری ویریرکن یحیی کندیسنه  
برکوز اشارتنده بولنور. احسان طلب  
ایدن آدم کیتدکدن صكره (رشید) یحیایه  
خطاباً: «باباجم! پاره اعطاسنی امر ایتدیکم  
زمان بکا بر اشارتده بولندیکز. اندن نه  
مقصدکز واردی؟» دییه صورار. یحیی:  
«افندم! سزك کیلرک لسانه اوپله اوافق بر  
مبلغ یاقیشماز. بیوکلککزه کوره اللی بیک،  
یوز بیک دیمک لازم...» دیر. (رشید)  
«بردها اوپله بر موقعده بولنور ایسه نه دییه‌یم؟»  
دییه صورار. یحیی: «امثالی کبی کندیسنه آن  
مبايعه اولنسون دیملیسکز» جوابنده بولنور [۱].  
مع‌مافیه رشید فطرة کریم وسخی بر  
ذات ایدی. لکن یحیی نك بویولده‌کی ارشادات  
وترغیباتی کندیسنی برقات ده‌ا جو مرد یا یمش  
ایدی. بالاخره (رشید) بویولده افراطه  
واردیغندن کندیسنی بر حده طور دورمه  
مجبور اولمشلردی [۲]. رشیددن صكره کلن  
خلفا اسرافات و تبذیراتده افراط درجه‌سنه  
واردیلر. بو حال آتیده کوستریله‌جکی اوزره  
دولتک سقوط واضمحلالنی موجب اولان  
اسبابدن برینی تشکیل ایلدی.

خلاصهٔ کلام دولت عباسیه‌نك ازدیاد ثروتنه  
باعث اولان شی وارداتك کثرتی و مصارفك  
قلتی ایدی. وارداتك کثرتی ده اولاً مملکتك  
وسعتی، ثانیاً آسایش و راحتك استقراری  
سایه‌سنده اهلینك زراعت و تجارتله اشتغاللری،

[۱] سیرالملوک ۷۸ [۲] طبری ۱۳۳۲ ج ۳

عاجز قالدقلى حالد دولته برنظر حذر ورقا.  
 بتله باقغه باشلامشردى . برمكىلر زماننده  
 ايسه اك يوكسك مناصب دولت ايرانلىلره  
 كچديكنندن عربلك ايرانلىلر حقنده  
 وعه اولتلى برقات دهها آرتدى . عربلر  
 برمكىلرى - كرم وسخالرين - وحسن اخلاقرينه  
 رغماً - دوشورمكه غيرت ايلدىلر . احتمال كه  
 برمكىلر سخاده يك ايلرى كيمكى موقعلرينى  
 درافعه مقصديه اختيار ايدرلردى . بوكا رغماً  
 برمكىلر عربلره طرفدار اولان برطاقم  
 حاسدلردن قورتوله مىدىلر . ارباب حسد  
 برمكىلرى « كندى نفسلىرى ايچون ادعاى  
 سلطنت ايدم جكلر » ديه اتهام ايلمكه نهايت  
 ( رشيد ) انلرى اتلاف ايتدى . برمكىلر  
 حقنده ترتيب مفسدت ايدنلرك اك مشهورى  
 ( فضل بن ربيع ) ايدى . بوذات اصلاً  
 عرب دكلدى . يالكلر حضرت عثمانه منسوب  
 بر آزادلىك - عربلردن اوليان بر آدمك -  
 احفادندن ايدى . عربلره انتسابى ايشته  
 بوقدر ايدى [۱] .

وقتا كه برمكىلر دوچار نكبت وپريشانى  
 اولدىلر ، عربلر اسكى شان وشوكتلرينى  
 استراد ايدم جكلرينى ظن ايتمشردى . متعاقباً  
 ( رشيد ) وفات ايدوبده ايكي اوغلى ( امين )  
 ايله ( مأمون ) آره سنده خلافت اوزرينه اختلاف  
 ظهور ايدنجه بغداد اهالىسى و عرب عسكرى  
 ( حربيه ) والدهسى منصورك حفيدهسى زبيده  
 اولديغندن طولاي پدر ووالدهدن عرب اولان

[۱] ابن خلكان ۴۱۲ ج ۱

اولا فتوحات ومظفريات ، ثانياً استبداد ، ثالثاً  
 ايشمزلك وراحت ورفاهيت ، رابعاً صلح -  
 ورك و قناعت ، خامساً اسرافات وتبذيرات  
 دورلرينه تقسيم ايدىيور [۱] . بوتعريف اويله  
 برتعريف مجملدر كه برطاقم تأويلات ايله اكمل  
 ايدلر ايسه بلكه دولتلرك احوالنه تماماً مطابق  
 دوشمىز . دولتك دوره عمرى اعتباريله  
 ياييلان تقسيماته كلنجه بوتقسيمات يك صريح  
 وواضحدر . عباسيلرك دور انحطاطنده ثروت  
 عباسيه بخته كيرمدن اول بوجلك موضوعنه  
 تعلق جهتيله اوانحطاطه باعث اولان اسباب  
 حقنده بيان مطالعاتى مناسب كورورز .

( عربلر ايله ايرانلىلر ) : دهها اول  
 يازديغىزم معلوماتدن آكلاشلدينى اوزره دولت  
 عباسيه آنجق ايرانلىلرك وبالخاصه خراسان  
 اهالىسك نصرت ومظاهرتيله تأسيس ايتمشدى .  
 بونلرك بونصرت ومظاهرتلى عربلقده فرط  
 تعصب صاحبي اولديغندن طولاي - اسلام  
 اولسولربيله - عربلردن غيرى كنديلرينه تابع  
 اولان سائر اقوامه حقارتله معامله ده بولنان  
 امويلردن انتقام آلى مقصديه وقوع بولمش  
 ايدى . عباسيلر مقام حاكميه كچنجه ايرانلىلرك  
 بوخصوصده وقوع بولان خدمتلرينى تقدير  
 ايدرك كنديلرينى اداره دولتمده استيخدام  
 وانلردن وزيرلر ، واليلر ، باش كاتبلر وسائر  
 اتخاذ ايلدىلر . بوكى مهم امور دولت ايرانلىلرك  
 اله توديع ايديلنجه عربلك قوتى بالطبع ضعفه  
 اوغرامش وبونلر اسكى نفوذلرينى استرداددن

[۱] ابن خلدون ۱۴۷ ج ۱



(۱-ین) طرفه التحاق ایتدیلر . (مأمون) .  
 کلنججه بونک والدہسی ایرانلی اولدیغی کبی  
 کندیسیده اوصرمده خراسانده کندی داییلری  
 و طرافدارلری نزدنده بولندیغندن [۱]  
 خراسانلیلر . مأمونک اجدادینه نصل نصرت  
 و مظاهرت ایتدیلر ایسه مأمونه دخی اولهجه  
 نصرت و مظاهرتده بولندیلر . اخلاف واقع  
 (امین) نک مقتولیتی و (مأمون) ک مظفریتی  
 ایله نتیجه بولدیغی جهتله ایرانلیلر تکرار  
 موقع نفوذ و اقتداره کله رک عربلری تکرار  
 خیریه لامغه باشلادیلر . عربلر بوتفوقدن  
 و باخصوص مجوسی اصل اولوب یقین برزمان  
 اول اسلامیتی قبول ایدن (حسن بن سهل) ک  
 موقع اقتداره کچمسندن قما حالده کوجنهرک  
 مومالیهک اسلامیتی فاسد اولدیغی ادعا  
 و «مجوسی اوغلی مجوسی بی قبول ایتدیز»  
 دیهرک حکومت قارشلی اعلان قمر و عصیان  
 ایلدیلر سده قهرراً دائره سکون و اطاعته  
 ادخال ایلدیلر [۲] . (مأمون) بغداده کله رک  
 کندی نفسنه و طرافدارلرینه تماماً تأمین  
 حاکمیت ایلدکن صکره علوم و فلسفه ایله  
 اشتغال ایدرک بونک نتیجه سنده قرآن عظیم  
 الشانک مخلوق اولدیغی ادعا ایلدکندن عربلر  
 کندیسندن برقات دها نفرت ایتمکه باشلادیلر .  
 لکن انی بولدن چورمکه مقتدر اوله مدیلر .  
 (ترکر) : — مأمون ۲۱۸ سنه هجره سنده  
 وفات ایدنجه خلافت برادری (معتمد بالله) .  
 کچدی . معتمدک والدہسی ترکستانده سفد

[۱] ابن الاثیر ۹۲ ج ۶ [۲] ابن الاثیر ۱۲۹ ج ۶

ملکستدن اصلاً ترک ایدی [۱] . بوجهتله  
 (معتمد) ترکره محبت پرورده ایتش اوله رق  
 بیومش ایدی . برادری (امین) ی اولدور .  
 دکلرندن طولای کندی نفسی ایچون ایرانلیلر .  
 دن آرتق امین بولنموردی . ایرانلیلرک او  
 حرکتلری خلفا اوزرینه آچیقندن آچیغه  
 اولان جرأتلرینک ایلکی ایدی . دیگر جهندن  
 (معتمد) دها اولکی خلفا طرفدن قتلرنده  
 روا کوریلن اذلال و قهردن ضعیف دوشمش  
 کوردیکندن ط-ولای عرب عسکرینه  
 کوونه میوردی . فضله اوله رق برادری  
 (مأمون) وفاتی صرمسنده کندیسنه عربلره  
 دائماً قارشلی کلشنی و کندیلرینی قهر و تنکیل  
 ایلشنی وصیت ایلش ایدی . بوجهتله  
 (معتمد) عربلردن و ایرانلیلردن غیری  
 کندیسنه ظهیر اوله جق بر قوت صاحبی اولغه  
 محتاج ایدی . او وقته قدر فتوحات اسلامیه  
 ماوراءالنهره قدر وارمش ایدی . اورانده  
 بولسان و الیلر خلفایه کوردکلری هدایا  
 میاننده ترکلردن و فرغانه لیلردن بر طاقم  
 جوجقلر ارسال ایدرلردی . (معتمد) یازدیغمز  
 کبی والد جهندن ترک اولدیغندن بوکوله منلری  
 قولایقله اطرافنه طوبلادی . مشارالیه قسماً  
 مبايعه ، قسماً هدیه صورتیه بیکلرجه ترک  
 کوله منلری ایده ایتدی . بونلرک عدد چوغالدقجه  
 چوغالهرق اون سکز بیک مقدارینه واردی [۲] .  
 بغداد شهری آرتق بونلرک ازدحامی چکه مدکی  
 کبی اهالی دخی سوء معامله و تعدیات واقعه لرینه

[۱] ابن الاثیر ۲۱۵ ج ۶ [۲] فرمانی ۱۵۷

نحمل ایدہ مدکلرندن (معتم) بوکوله منلر ایچون  
(سامرا) شهرنی تأسیس ایتدیکه وکندیله  
اوراده اقامت ایتدیرمه مجبور اولدی [۱].  
(معتم) بوکوله منلره معاشلر تخصیص  
وکندیله رندن عسکر تشکیل ایلدی. قابل  
انکار دکلدرکه بوکوله منلر معتمک تأیید  
حاکمینه و ترک وروملر علیهنده کی محاربه لرده  
موفقیت و مظفریتنه یاردم ایتشلر ایسه ده دیگر  
جهتدن بازیه حرص وطمع لری و نفوذ دولتی  
اله کیرمکده کی فرط رغبت لری تأثیری ایله  
دولت عباسیه نک سقوط و اضمحلال نه ده  
سبب اولمش لردی. او دجه یه قدرکه دولت  
عباسیه ایله بیت المال و خلفای بونلرک پیچه  
آمال و تحریص اتندله اوونجاق اولمشدی.

(مأمون) عالم و حکیم بر ذات اولدینی  
کبی معیتی مأمورلری ایله همبزم الفتی اولان  
ذوات دخی ارباب علم و کلدن ایدیلر. بونکله  
برابر مشارالیه تراکت و تواضعی ایاده مشهور  
ایدی. بغداد قاضی القضاتی علم و فضلی ایله  
مشهور اولان (یحیی بن اکثم) مأمونک  
تواضع و تراکتی کوسترمک اوزره دیورکه:  
«کونک برنده مهدینک که عیسی (مؤنسه)  
نک باغچه سنده (مأمون) ایله برابر یورودم.  
بن کونش طرفندن یوربور وکولکم ایله انی  
کونشک حرارتندن ستر ایدیوردم. دوندیکمز  
زمان کونش طرفنه کچوب کونشه قارش  
ینه سپر اولمق ایستدم. (مأمون) بر اقدی.  
«خیر، اوله یامیکنز. شمدی صره بنمدر. سز

کونشه قارش بنم ایچون نصل سپر اولدیکنر ایسه  
شمدی بن ده سزه اوله جه سپر اوله جغم» دیدی.  
«فقط ای امیر المؤمنین! جهنم آتشدن سزی  
وقایه ایدیه بیله جگمی بیاسمه حیاتی اسیر که مم.  
کونشک حرارتندن سزی وقایه ایتمک که مم هیچ  
مرتبه سنده قالیر، دیدیکمده «خیر، آرقدل.  
شلفک آداب و نزا کتنه کوره بوجاز دکلدر،  
جوانی و یردی. کونش جهتدن یوریدی.  
کندیسنه بن نصل سپر اولدم ایسه اوده بکا  
اوله جه سپر اولدی» [۱].

ینه یحیی دیورکه: «برکیجه (مأمون) ک  
یاننده او یو یوردم. کیجه صوصادی. بنی  
اویا دیروب ازعاج ایدردیه اوشاغی چا یرمق،  
صو ایستمک آرزو ایتدی. یواش یواش  
قالقدی. صویک بولندینی یره قدر بارماق لری نک  
اوزرینه خفیف خفیف یورودی. بولندیغمز  
یر ایله صو ابریق لری نک بولندینی محل آرهنده  
اوج یوز آدیم قدر مسافه واردی. اوراده  
بر ابریق آلب صو ایچدکن صکره ینه  
بارماق لری نک اوج لری نه باصهرق عودت  
ایتدی. بولندیغم یتاغه یا قلاشنجه بنی اویا دیور.  
مسون دیسه ده خفیف و دقتی یورودی.  
بویله جه یتاغنه واردی».

(مأمون) معیتی خلقنه و رجال دولتنه  
قارش اوقدر تراکت و تواضع ایله معامله ده  
بولنوردی که بوحال انلرک بک زیاده یوز آل لری نه  
سبب اولمشدی. (عبدالله بن طاهر) دیورکه:  
«برکون (مأمون) ک نزدنده بولنیوردم. اوشاغی

نحمل ایدہ مدکلرندن (معتم) بوکوله منلر ایچون  
(سامرا) شهرنی تأسیس ایتدیکه وکندیله  
اوراده اقامت ایتدیرمه مجبور اولدی [۱].  
(معتم) بوکوله منلره معاشلر تخصیص  
وکندیله رندن عسکر تشکیل ایلدی. قابل  
انکار دکلدرکه بوکوله منلر معتمک تأیید  
حاکمینه و ترک وروملر علیهنده کی محاربه لرده  
موفقیت و مظفریتنه یاردم ایتشلر ایسه ده دیگر  
جهتدن بازیه حرص وطمع لری و نفوذ دولتی  
اله کیرمکده کی فرط رغبت لری تأثیری ایله  
دولت عباسیه نک سقوط و اضمحلال نه ده  
سبب اولمش لردی. او دجه یه قدرکه دولت  
عباسیه ایله بیت المال و خلفای بونلرک پیچه  
آمال و تحریص اتندله اوونجاق اولمشدی.

(مأمون) عالم و حکیم بر ذات اولدینی  
کبی معیتی مأمورلری ایله همبزم الفتی اولان  
ذوات دخی ارباب علم و کلدن ایدیلر. بونکله  
برابر مشارالیه تراکت و تواضعی ایاده مشهور  
ایدی. بغداد قاضی القضاتی علم و فضلی ایله  
مشهور اولان (یحیی بن اکثم) مأمونک  
تواضع و تراکتی کوسترمک اوزره دیورکه:  
«کونک برنده مهدینک که عیسی (مؤنسه)  
نک باغچه سنده (مأمون) ایله برابر یورودم.  
بن کونش طرفندن یوربور وکولکم ایله انی  
کونشک حرارتندن ستر ایدیوردم. دوندیکمز  
زمان کونش طرفنه کچوب کونشه قارش  
ینه سپر اولمق ایستدم. (مأمون) بر اقدی.  
«خیر، اوله یامیکنز. شمدی صره بنمدر. سز

چاغیرمق ایچون اوغلان! دییه باغیردی .  
 کیمسه گلدی . ایکنجی دفعه چاغیردی . بونک  
 اوزرینه بر ترک کوله سی ایچری کیره رک :  
 « اوغلان ییسوب ایچمزمی ؟ حضور کدن  
 چیققدجه یاغلام ، یاغلام ! دییه باغیریورسک .  
 نه وقته قدر بویله یاغلام باغیره جقسک ؟ »  
 جواب جراتکارانه سنده بولندی . ( مأمون )  
 اوزون مدت کوزلرینی یرمه دیکوب دوشوندی .  
 بو جراتکار کوله نك کله سنی کسمکلمکی امر  
 ایدم جکنسه هیچ شبهه ایتیموردم . ( مأمون )  
 کوزلرینی یردن قالدیردی . بکا باقدی : « ای  
 عبدالله ! برانسان حسن اخلاق صاحب اولورسه  
 اوشاقلرینک اخلاقی بوزولور . بوزوق اخلاق  
 صاحب ایسه اوشاقلرینک تربیه سی دوزلیر .  
 اوشاقلرمنک تربیه سی دوز کون اولسون دییه  
 حسن اخلاقمنک بوزولسنی آرزو ایتیز » سوزلرینی  
 ایراد ایلدی « [۱] .

ایشته مأمون بویله جه نزاکت وتواضع ،  
 حلم ، علم و عرفان ، ادب و فضیلت ، سعته صدر  
 کبی مناقب طایله ایله مشهور ایدی . کندیسندن  
 صکره مقام خلافته کچن ( معتمصم ) عکسنه  
 اوله رق علم و کاله بیسکانه ایدی . آنجق غایت  
 بسیط بر صورتده اوقویه بیلیردی [۲] . حدید  
 طبعی و شدتله انتقامجو بر آدم ایدی [۳] . بتون همقی  
 آتیه نینمک ، ضولجان ( چوکان ) ایله اوینامغه  
 مصروف ایدی [۴] . بوکا قوه بدنییه سی ده  
 مساعد ایدی . چونکه بیک رطل ملک (هر رطل

[۱] مستطرف ۹۶ ج ۱ [۲] قرمانی ۱۵۵

[۳] ابوالفدا ۳۷ ج ۲ [۴] ابن الاثیر ۲۱۶ ج ۶

۱۳۰ درهم ) بر آغیرلانی قالدیره رق بر قاج  
 آدیم یوروردی [۱] . رجال دولت ( مأمون )  
 ایله بویکی خلیفه ( معتمصم ) آره سنده نسبتسز  
 بر فرق کوردکلرندن بویکنجی یه فرط محبت  
 و اخلاص کوسترمه مدیلر . بوحال ( معتمصم ) ایچون  
 کندی کوله نلرینه و فرغانه لیلرینه ده افضله  
 میل ایتسنه باعث اولدی . برده ( معتمصم )  
 برادری مأمون کبی قرآنک مخلوق اولدیغه  
 قائل ایدی . حتی بومذهبی تأیید ایچون عنف  
 و شدت استعمال ایلدی . امام شهر ( احمد بن  
 حنبل ) ی برکون نزدینه دعوت ایدرک قرآن  
 حقنده کی رأینی صوردی . امام احمد قرآن  
 حقنده کی ادعای قبول ایتدیکندن ( معتمصم ) ک  
 امریله امامه شدتلی بر دایاق آتلدی . او قدر که  
 امام ( ابن حنبل ) دایاغک آجیسندن بایلمش ،  
 دریمی پارچه نلشدر . امام بو دایاقدن صکره  
 آیاقلرنده بوقاغی اولدینی حالدیه حبسه آتلشدر [۲] .

بو کبی احوالدن عموم اسلام ملک و بالخاصه  
 عربلرک نفرقی برقات ده ا آرتمش ایکن یه  
 ( معتمصم ) آلدیرمیوردی . چونکه مشارالیه  
 آنجق بر آرزمان اول اسلامیه و مدنیت  
 اسلامیه یه داخل اولان آسیای وسطی عسکرینه  
 کووه نیوردی . بو عسکر هنوز حال بد اوتمده  
 بولنان بر مملکتدن کلشدردی . اسلامیت و مدنیتدن  
 بی بهره ایدیلر . انک ایچون او مدنیت  
 اسلامیه یه قارشلی بر حائل کسلدیلر . بواحوال  
 مملکتده خلوص نیقی و انتظام اموری اخلاص  
 ایتدیکندن او آندن اعتباراً دولت اضمحلاله

[۱] الفغری ۲۰۹ [۲] ابن الاثیر ۱۸۱ ج ۶



طوغری آدییم آتمغه باشلادی .

(پاره) :- خلفای راشدین زماننده اسلاملرک غایه آمالی اسلامیتی تأیید و عربلرک شانی اعلا ایلدکن عبارت ایدی . متعاقباً امویلر احراز خلافت ایدنجه پارهیه محتساج اوله رق هر نه شکلده اولور ایسه اولسون پاره جمع و تبذیرینه حصر همت ایلدیلر . امویلر زماننده اسلامیتی نشر و تأیید ایتک غیرتی صغومش ایسه ده بونلر عرب بلقده تعصب اظهارینه دوام ایتمکه برابر بوکا برده عرب اولیان سائر اقوامه حقارت ایتکی علاوه ایلدیلر . امویلرک مطمح نظاری «عربلق ایله پاره» دن عبارت ایدی . دهاصکره عباسیلر مقام حاکیمته کچنجه عربلنی براقه رق اکا بدل علی العموم اسلاملره نصرت و مظاهرت طریقنی التزام و دولترلرینک اعتلاسی زمانلرنده ده علم و فلسفه ، تجارت و سائر کبی عوامل مدنیت ایله اشتغال ایتشلر و بو خصوصه ایرانیلری معین اتخاذا ایتشلردر . ایرانلیلر فوجات اسلامیه دن اول تأسیس مدنیت ایتمش ، مدنیه فطرة مستعد بر قوم ایلدیلر . بوندن ماعدا دولت عباسیه تأید و تعالی ایتدکجه کندی مملکتلرینک ده معمور اوله جفته قانع بولنیورلر ایدی . باخصوص مرکز خلافت - بغداد - کندی مملکتلرنده ایدی . بوجهته دولت عباسیه کمال خلوص و صداقته خدمت ایتدیلر . مملکت بوسایه ده معمور اولدی . منابع ثروت چوغاله رق هر طرفدن خلفانک و سائر رجال دولتک خزینهلرینه طوغری برسیل خروشان کبی آقوب کلدی . خلفا و رجال دولت بوفیض ثروته اسرافات

و تبذیراته دوکوله رک راحت و رفاهیه طالیدیلر . ( رشید ) و ( مأمون ) دوری کلنجه دولت شان و شوکتک ذروه علیسنه وارمش ایدی . دهاصکره ( معتصم ) ک دوری تعقیب ایدوب ده بوذات معیتسنه کثرتله ترک کوله منلرینی استخدام و مناصب دولدن برچوقلرینی بونلره تودیع ایدنجه آرتق رجال دولتک غایه آمالی کندی نفسلری ایچون ولوکه مملکتک تخریری ایله اولسون پاره طوبایلوب ادخار ایتمکن عبارت اولدی . چونکه نه مملکت بونلرک مملکتلری ، نه ده مملکت اهالیسی کندیلرینک تعلقانندن ایدی . بتون همت و غیرت لرینی پاره طوبایلوب کندی مملکتلرینه کوندلریمکه حصر ایتشلر ایدی [۱] . خلفا ایسه بواحوالک اوکئی آله میه جق درجه ده ضعیف دوش کلرندن ذکر اولنان کوله منلردن و سائر دن توره دن والیلر و وزرا بوضعتدن بالاستفاده مستبد اولغه و عموماً جمع ثروت ایچون بربرلریله مسابقه ایتمکه باشلادیلر . بونک اوزرینه ثروت عباسیه خلیفه یه و بیت المالک کیتمکه بدل وزیرلر ، والیلر ، باش کاتبلر ، قوماندانلر و سائر نه ک جیبیلرینه تحویل مجری ایلدی . فقط دیگر جهتدن خلفا دخی کندی حاکمیت لرینی تأمین ایتک ایستلردی . حال بوکه بو حاکمیت آنجق عسکر ایله ، عسکره مالکیت ده آنجق پاره ایله ممکن ایدی . پاره ایسه وزرا و ولایه و کتاب نزدنده بریکمش ایدی . بوسبدن خلفا اله پاره کچیرمک ایچون اووزرا ، ولایه و کتابک اموالنی ضبط و مصادره دن بشقه

چاره بوله بدیلر . حال بوکه مصادره اجرایی ده  
آدمه ( عسکره ) محتاج ایدی . بولمده  
آنحقیق پاره ایله ایش کوررلردی .

ایشته بوزماندن اعتباراً پاره دولتک وارلغی  
محافظه ایچون محور اصلی بی تشکیل ایتدیکی  
کبی خلفانک تأمین بیعت و تأیید خلافتلری ،  
دشمنلریله محاربه و حتی کندی سرایلری  
داخلنده تأمین حیاتلری ایچون یکانه واسطه  
کسیلیدی . امویله قارشی مکده تأسیس  
خلافت ایدن ( عبدالله بن زبیر ) ک برادری  
اولان ( مصعب ) ک اوغلی ( عیسی ) نک  
۷۱ سنه هجریه سنده کندی پدري اولان  
( مصعب ) ایله خلفای امویه دن ( عبدالملک  
بن مروان ) آره سنده وقوع بولان محاربه  
اتناسنده « اوغلم ! بنی یالکیز براق . شهید  
اولیم . سن جانکی قورنار ، دیسه پدري  
طرفدن ایراد اولنان نصیحت اطاعت ایتامسنه  
وقریشدن اوتانه رق حیاتی اولومه القا ایتسنه  
باعث اولان حمیت و حاسه قرشه دن هیچ بر  
اثر قالماش ایدی . هر فردی حقیقی قهرمانلغه  
بر نمونه تشکیل ایدن زبیر خاندانندن ( مصعب  
بن الزبیر ) مذکور محاربه ده برادری حضرت  
عبدالله ک خلافته اولان حقنی مدافعه ایدرکن  
کندی حیاتندن قطع امید ایتش ایدی .  
اوصره ده ( عبدالملک بن مروان ) ک برادری  
( محمد بن مروان ) یانسه کله رک تسلیم نفس  
ایده جک اولورسه حیاته امین اوله جنی حقنده  
کندیسنه تأمینات و یردی . ( مصعب ) کندی  
نفسی ایچون تکلیفی رد ایتدی . فقط اوغلی

عیسیایه - محافظه حیات ایچون - تسلیمه  
تشویق ائده بولندی . قهرمان دلقانی ایسه  
پدرینه : « باباجغم ، جانمی قورتاریم دیه سزی  
راقیرسم قریش قادینلری میاننده بدنام اولما .  
زمی یم ظن ایدیورسکز ؟ » خطابنده بولنور .  
( مصعب ) اوغلنه : « اوغلم ، آرقداش لرکله  
برابر مکیه عمجه کک یانسه کیت . عراق  
اهالیسنک نه یایدق لرینی کندیسنه آکلوت . بنی  
براق . زیرا بن هر حالده مقتول اوله جغم »  
نصیحتی تکرار ایدر . اوغلی : « قریشه سکا  
داثر اصلاخبر کوتورم . لکن باباجغم ، یامطیع  
بولنان بصریه ، یاخود امیر المؤمنینک - عبدالله  
بن الزبیرک - نزدینه التحاق ایدیکز » مطالعه سنی  
سرد ایلر . بوسفر پدري برقات دها حمیت  
و حماسه مغلوب اوله رق : « قریش فرار ایتدم  
دیمیه جکمی ؟ » دیدکدن صکره اوغلنه :  
« هایدی ایلری ، سنی ده بواغورده فدا ایدیم »  
دیر . بونک اوزرینه اوغلی ایلری به هجوم  
ایدر . هپ مقتول دوشونجه به قدر محاربه  
ایلرلر [۱] .

هر حالده دولتک ثروتی اود دولتک بولندی  
اعتلا ویا انحطاط دورلرینک تأثیراته نابعدر .  
دولت عباسیه ( رشید ) و ( مأمون ) زمانلر .  
نده مدنیت و عمرانک اک یوکسک مرتبه سنده  
ایدی . ثروت دولت دخی اک یوکسک مقدارده  
بولنیوردی . دها صکره ( معتم ) دورندن  
اعتباراً ثروت بردن بره انحطاط یولنی طوتدی .  
بری ( ابن خلدون ) ک ۲۰۴ - ۲۱۰ ، دیکری

قدر بونسبتده دوام ایشدر . بونکه برابر اوزمانلرده دولتجه منتظم بر بودجه طوتولماسندن، یاخود اوکی اوراق رسمیه نك داخلأ ظهور ایدن اختلالر ائناسنده محترق اولسندن طولای المزه نك از وئائق کچدیکنندن هر دور وعصره کوره او تناقص وانحطاطی صورت صریحه ده تعیین وائبات ایتک ممکن دکلدر .

### انحطاط دورنده

واردات دولتک مقداری


بودورده بیت المالدہ فضله واردات اولهرق قالان پاره لری نظر دقه الیر ایسه ک بوفضله نك ایلك خلیفه زماننده بیت المال خزینه سنده آرتان فضله واردات ایله قابل قیاس اولدینی کورولور . مع مافیه مقتصد ومدیر برخلیفه مقام خلافته کچهرک بیت المالدہ پاره آرتیدر دجه اندن صکره مسرف وتدیبرسز دیگر ر خلیفه کلوب اوفضله بی اسراف وتبذیر ایدردی . حتی مشهور ضروب امثال صر سنه کچمشدر : «سفاق، منصور . مهدی ، هادی ورشیدک طوبلادقلری پاره لری (امین) یدی (سنه ۱۹۳ - ۱۹۸) . مأمون ، معتم ووائقک طوبلادقلری پاره بی متوکل صرف ایتدی (سنه ۲۳۲ - ۲۴۷) . منتصر ، مستعین ، معتز ، مهدی ، معتمد ، معتضد ومکتفینک طوبلادقلری پاره لری ده (مقدر) خرج ایلدی (سنه ۲۹۵ - ۳۲۰) ، دیرلر .

(قدامه) نك ۲۲۵ ، دیگر ده (ابن خرداذبه) نك ۲۵۰ سنه لرینه عائد اولهرق دها اول درج ایلدی کمز اچ جدولنک مقایسه سندن ده اوجدوللردن اک اسکینس نك اک بیوک یکونی حاوی اولدینی ووارداتک کیتدکجه تناقص ایلدیکی آکلاشلمقده در .

جدوللرک خلاصه سی شوایدی :

۳۹۶,۱۵۵,۰۰۰	درهم	ابن خلدون
۳۸۸,۲۹۱,۳۵۰	د	قدامه
۲۹۹,۲۵۶,۳۴۰	د	ابن خرداذبه

خلاصه شوراسی آکلاشیلورکه اوچنجی عصر هجرینک ابتدالرنده واردات دولت اموال وامته وغله لردن ماعدا (۴۰۰) میلیون درهم



شکل ۹ : عربلرده دیش چکک ادواتی

مقدارنده ایدی . مذکور عصرک ربع اولی کچمدن واردات غله سز اولهرق ۳۸۸ میلیون ایندی . بوعصرک نصفنده ایسه (۳۰۰) میلیون درهمدن دها آزه دوشدی . وارداتده بوناقص دولت عباسیه نك صوک کونلرینه





## دولت عباسیه نك ۳۰۶ سنه هجریدسنه مخصوص وارداتی

( مقتدر ) ك وزیرى ( على بن عیسی ) طرفندن تنظیم ایدیلن جدولدر - ( فون قره مر ) ك  
اوقودینی وجهلهدر [۱]

۱ — سواد قطعهسی وارداتی

سواد قطعهسی و آتیده ذکر اولنان معمور ولایتلر قسمی

دینار	
۱,۵۴۷,۷۳۴	{ سواد ونواحیسنندن وبصرهده کائن مغرب اراضیسنك صدقاتندن وبصرهده مراکب بحریهده وسائردهن آلتان واردات }
( تفصیلاتی )	

بازوریا ، کلوادی ، نهر بین ۱۶۶,۲۸۳ درهم	
انبار ، قطربل ، سد	۱۹۸,۳۱۳
نهر سیر ، رومقان ، ایغار یقطین ، جازر ومدینه عتیقه	۷۵,۵۷۶
کوئی ، نهر درقیط	۲۵,۰۰۰
زاب اعلى ، نهر کشتاسب	۹,۵۲۶
فلوجه علیا ، ارحاء	۱۶,۷۳۶
فلوجه سفلی ، نهرین ، عین تمر	۱۳,۵۸۵
سیب اعلى ، سورا ، بابل ، خطرنيه ، باروسمالاعلى	۱۴۰,۲۵۹
نهرالملک ، مورجا ، نهر جویر ، اساسان ومالکیات	۳۸,۳۵۰
باروسمای اسفل	۴۶,۳۳۶
کوفه ناحیهلری ومخزنلری	۱۱۰,۱۵۴
یکون	۶۷۳,۸۳۵

[۱] بوجدول ( فون قره مر ) طرفندن پك قاریشیق اسکی بر یازیدن اوقوندینی وجهایله صورتی نشر  
ایدلش اولدیفندن ضبط وربط ، معنی جهتلرینه باقلامشدر. بوسیدن ترجمهده پك چوق زحمتلر چكدك .  
اصل عربی ایله بوترجه مقایسه ایدیلیر ایسه ترجمه ایدر ایکن نه قدر زحمت چكدیکنز آکلاشیلیر . مترجم

نقل یکون	۶۷۳,۸۳۵
( سرمن رأی ) ده کی عمارت لر	۵۰,۲۱۹
نهر بوق ، دیر اسفل	۲۰,۵۹۰
بزرجسا بور	۲۴,۳۰۰
راذانان	۳۰,۰۳۵
روستقباد	۱۳,۶۶۶
نهروان اعلى ، سمنطای	۴۶,۴۸۰
نهروان اوسط	۴۰,۳۲۷
نهروان اسفل	۶۰,۵۳۲
صلح و منازل	۱۵۹,۰۸۹
بادرایا ، با کسایا	۴۲,۴۹۹
واسط ( مصارفات مرتبه نك اخر اجندن صكره املاك خاصه و مستحدثه و عباسیه داخلدر )	۳۱۰,۷۲۰
بصره ایله دجله ناحیه لری	۱۲۱,۰۹۵
بصره ده مراکب بحریه دن آلتان واردات	۲۲,۵۷۵
التزاماتدن آلتان مبالغ ایله نهرلردن اسقا وارداتی ( آیریمجه مفردات جدولی وارد )	۴۲,۷۵۰
بهیت ده صو ویرکیلری	۸۰,۲۵۰
بغداد ، سرمن رأی ، واسط ، بصره و کوفه ده کی قیون بازارلری	۱۶,۹۷۵
بغداد ، سرمن رأی ، واسط ، بصره و کوفه ده کی ضربخانه لر	۶۰,۳۷۰
بغداد ده جبايت اولنان جزیه وارداتی	۱۶,۰۰۰
املاك ویرکیسی ، آغاچلر و مقاطعات اموالی اوله رق مقام خلافته تأدیه اولنان مبالغ	۱۳,۸۷۴
جمله یکون [۱]	<u>۱,۸۴۶,۱۸۱</u>

## ۲ — شرق ممالککنک ، یعنی فرانک شرقنده بولنان ممالکک واردات قسمی

۱,۸۴۰,۹۲۲ ابراهیم بن عبدالله مسبع و سائر ده نك التزام صورتیله عهده لرنده بولنان اهواز ناحیه لری

(۱) بویکون ایله جدولک باشند بولنان یکون آره سنده برفرق کوزه چارپیور . احتمال که بوفرقت اصلده بولنان رقلرک او قونمنسند و قوع بولش بر خطادن نشأت ایدیور . بز یا شده کی یگونه اعتبار ایدیورز . مؤلف



فارس قطعه سی وارداتی ایله مونس خادمك كندی ارا-یسی ایچون اعطاسی تنسیب ایتدیکی [۱] پاره لر و اطرافده کی مأمورینك اللرنده بولنان اراضی ایچون تقدیمه شكنده ویردکلی مبالغ ( بونك یالکزی یکونی آلمشدر )		۱,۶۳۴,۵۲۰
ذکر اولنان نواحیده کائن امرا چفتلکلی ایله سیرافده سفائن بحریه ویرکیسی		۲۵۸,۰۴۰
کرمان ایله امرا چفتلکلی وارداتی (عهد ، روح ویرکیلی ، چول قریه لری اموالی و مونس خادمك مخزنلر و صرافیه اموالندن اعطاسنی تنسیب ایتدیکی پاره ر حسابیه داخل دکدر )		۳۶۴,۳۸۰
عمان مقاطعه سی ( خلیفه یه تقدیم اولنان هدیه داخل دکدر )		۸۰,۰۰۰
		۳,۵۹۷,۸۶۲

شرق ممالکینك خراجی ایله بو طرفلرده بولنان اهالی کویلرینك مقالوله نامه لر موجبجه امانت و التزام صورتلریله واردات صافییه سی ۱,۵۷۰,۵۲۵ ( درهم )		
ری و دماوندك خراج ، اعشار ، اخماس وارداتی ( ابن داودان واحمد بن علینك استخراج ایتدکلی مبالغ داخل حساب دکدر )		۴۶۵,۰۷۸
اوراده کی چفتلکلی ( املاک سلطانیه )		۱۲۲,۶۴۴
قزوین ، زنجان و ابهر		
خراج		۱۱۵,۷۱۰
چفتلکلی ( املاک سلطانیه )		۵۸,۲۹۰
قم		
خراج		۱۹۷,۲۲۹
چفتلکلی ( املاک سلطانیه )		۸۰,۲۲۹
		۱,۰۳۹,۱۸۰
یکون		۴,۶۳۷,۰۴۲

[۱] مونس خادم ( مقتدر ) دورنده یتیشن امرای متقلبه دن ایدی . املاک و اراضیسی ایچون نه مقدار خراج اعطاسنی تنسیب ایدر ایسه دولتجه او قدر آله یلیدی آکلاشیلور . مترجم

## نقل یکون

## اصفهان

مجدداً مقاوله لرہ ربطا یدیلن یرلرک خراجی ایله کردلرک خراجی، ( ایفار اصولدن و املاک خاصه سلطانیہ دن استغلال اولنان واردات اصفہاندہ کی چقتلکمر ( املاک سلطانیہ )	۴۱۰,۱۷۸	۱۸۹,۳۳۴
--	---------	---------

## ماه البصرہ و ایقارین

خراج	۱۸۵,۶۳۶
چقتلکمر ( املاک سلطانیہ )	۲۶۷,۵۲۰

## همدان

خراج	۱۵۰,۴۸۰
چقتلکمر ( املاک سلطانیہ )	۵۵,۷۸۹

## ماسبدان

خراج	۵۷,۷۴۶
چقتلکمر ( املاک سلطانیہ )	۱۶,۷۵۰
ساوہ و اورادہ کی ضربخانه وارداتی	۱۷,۶۲۵

ماه الکوفہ نک خراج وارداتی ( اولجہ موجود اولان چقتلکمر ایله یکیمدن آلنان چقتلکمر و مأکل اولہرق احسان اولنان یرلر بو حسابہ داخل دکلدر )	۱۰۵,۶۷۸
--	---------

اورادہ کی املاک سلطانیہ ۸۹,۵۰۰

حلوان خراجی ایله املاک خاصہ سی ۳۰,۰۱۵ ۱,۵۷۶,۲۵۱

فیاتلر اوزرینہ تقرر ایدن بدل موجبنجہ اذریحان و ارمینیہ وارداتی ۲۲۶,۳۷۰

جلہ یکون ۶,۴۳۹,۶۶۳

۳ — غرب ممالکینک ( فراتک غربندہ کائن ممالکک ) وارداتی

غربندہ کی عامہ چقتلکمری و خراجی و اردو کاهلرینک بیانی ( اصول  
و قوانین مخصوصہ موجبنجہ والیلر طرفندن خراجدن اسقاط اولنان  
احتساباندن صکرہ مقاطعہ لر و انواع غنائم اثمائی و قبرص اہالیسی ایله  
مرسہ جزیرہ اوزرینہ اعطاسی تقرر ایدن ویرکی داخل حساب  
دکلدر ) . مذکور ولایتلر و واردات بروجه آتی کوسترلمشدر :

## مجموع اعتباریله

مغرب وارد و کاهلرینه متعلق وار ات

۴,۷۴۶,۴۹۲

## تفصیلاً بیانی

احتسابات قدیمه نك اسقاطندن صكره مصر واسكندریه	۲۹۰,۷۷۳
{ و ماذرائلرك [۱] مصادرہ سندن و بازارلرك حاصلات متنوعه سندن ، تجارت طریق ایلہ وقوع بولان ادخالاتدن و غنائم اتمانندن ماعدا	۱,۰۸۰,۰۰۰
احتساباتدن صكره فلسطین اردو کاهی	
مال ( نقود )	۸۰,۷۵۰
	۲۳۰,۶۴۷
احتساباتدن صكره اردن اردوسی	
مال ( نقود )	۴۰,۴۶۰
احتساباتدن صكره شام اردوسی	
مال ( نقود )	۱۱۳,۰۵۷
	۳۱۵,۳۰۰
احتساباتدن صكره حمص اردوسی	
مال ( نقود )	۲۰۰,۴۶۰
	۱۱۵,۱۱۴
بعدا لاحتسابات قنسرین و عواصم اردوسی	
مال ( نقود )	۱۳۳,۰۹۷
	۳۵۲,۵۷۰
دلوك ورعیان	۱۵,۷۶۵
يكون	۳,۰۷۰,۰۵۵

(۱) معرده مشهور بر عاٹله ایدی . مفردینه ماذرائی دیرلر .



نقل یكون	۳,۰۷۰,۰۵۵
ثغور شامیه ( کاتب احمد بن الحسین دن صاحباً آنان پاره لر داخل دکدر ) [۱]	۵۲,۹۸۵
شمشاط ، حصن منصور و کسوم ( ترک ، یعنی اسقونطو ایدیلن پاره لر دن صکره )	۵,۳۹۷
مال ( نقود )	
	۶۵,۳۳۲
احتساباتدن صکره سمیساط و ملطیه	
مال ( نقود )	۱۴,۵۰۱
	۳۴,۱۲۰
آمد و ارداتی ( احتساباتدن صکره و مقاطعاتدن و کاسه ده جمع اولنان اموال دن ماعدا )	
مال ( نقود )	۵,۴۷۸
	۸۲,۴۲۲
احتساباتدن صکره ارزن و میافارقین	
مال ( نقود )	۵۶,۷۵۰
	۸۲,۴۲۲
دیار مضر	
	۲۵۷,۲۲۵
احتساباتدن صکره دیار ربیعہ	
مال ( نقود )	۲۲,۸۹۷
	۳۰۴,۰۹۳
احتساباتدن صکره موصل ، ماردین ، بهدرا و نواحی جبلیہ	
مال ( نقود )	۱۷,۷۵۰
	۴۹۲,۴۳۰
طریق الفرات	۹۶,۵۸۴
جمله یكون [۲]	۴,۶۵۹,۳۴۱

[۱] او صره لرده بر حکومت مأوری اموال میریهدن ذمتنه رشی کچیردکدن صکره انکاره صه پار ، یاخود تأدیہ سندن اظهار بحج ایدرایسه او پاره اوزرینه صلحاً کندیبی ایله او شولوردی . یوراده کی معاند بو آکلاشلیور . مترجم

[۲] بو یكون ایله یقاریسندہ بولنان یكون آره سندہ بزمق کورولیور . بزبالاد کی یكونہ اعتماد ایدہ جکز . مولف

## ۴ — اموال خاصه وارداتی

آئیده ذکر اولنان ولایات ایله اموال خاصه و اموال موقوفه وسائرہ وارداتی

خاصه حقنہ جریان ایدن معاملہ به توفیقاً واسطک التزامندن صکرہ ضیاع  
 } مستحدثک (مجدداً آلنان چفتلککړک) وارداتی

۲۸۹,۰۳۶

اموال خاصه (واسط نواحیسنده بولنان اموال خاصه بورایه داخل دکدر . چونکه  
 } بونلر اموال عامه به علاوه ایدیلهرک واردات و مصارف آنجه انلره قاریشدیرلمشدر)

۵۱۶,۴۴۷

عبر (سواحل رسومی) ۱۸۵,۴۱۱

اهوار (بطاقلقلر وارداتی) ۱۱۶,۱۲۰

مشرق ۷۲,۶۶۶

مغرب ۱۰۴,۷۰۰

هیت و ملحقاتی . شکر کوبلری داخل دکدر .

۱۸,۷۷۸

عبر (سواحل رسومی) ۸,۲۴۰

مغرب ۵۸,۴۵۰

اهوار (بطاقلقلر وارداتی) ۵,۲۶۲

مشرق ۶۲,۲۰۰

عباسیلره عائد چفتلککړ . واسط ناحیه لرنده بولنان چفتلککړدن ماعدا

۱۴۴,۷۶۰

عبر ۱۴,۷۳۲

اهوار ۱۴,۲۴۶

مشرق ۳۰,۶۷۲

مغرب ۷۵,۱۱۶

مساجده موقوف اموال . واسطده کائن اولانلردن ماعدا

۴,۵۷۰

مشرق ۲۲,۸۶۹

مغرب ۱۲,۷۶۰

قرات چفتلککړی اموالی

۶۱۷,۱۲۶

عبر (سواحل رسومی) ۱۷۰,۳۲۶

اهوار (بطاقلقلر وارداتی) ۱۲۹,۷۲۴

فارس ۹۷,۳۳۶

مشرق ۹۵,۲۷۸

مغرب ۱۱۴,۲۲۵

یکون

۱,۵۹۰,۷۱۷

نقل یكون

۱,۵۹۰,۷۱۷

اوچ یوز اوچ سنه سنك متفرق چفتلكلر وارداتی

۱۰۰,۳۱۸

مخزنلر و صرافیه اموالی ( اصل اموال ایله برابر والیلرک جمع ایتدکلی

پارملر و فارس قطعہ سندہ مونس خادمک اورادہ کی املاکی ایچون اعطاسنی

۷۶,۹۸۰

تنسیب ایتدیکی مبالغ و واسط التزامنه داخل اولان وارداتد

جمله یكون

۱,۷۶۸,۰۱۵

## خلاصه


سواد وارداتی ۱,۵۴۷,۷۳۴

شرق ۶,۴۳۹,۶۶۳

غرب ۴,۷۴۶,۴۹۲

املاك خاصه و موقوفه وارداتی ۱,۷۶۸,۰۱۵

يكون دينار ۱۴,۵۰۱,۹۰۴





دینار

۳۱۵,۴۲۶  $\frac{1}{4}$  حرمین وطریق حج مصارفاتی

۴۹۱,۴۵۶ حدود شهرلری

۵۶,۵۶۹ مملکتده کی قاضیلرک معاشاتی

۳۴,۴۳۹ بتون مملکتده کی حسبہ ومظالم

مأمورلرینک معاشاتی

۷۹,۴۰۲ برید رئیسارینک

۹۷۷,۲۹۲  $\frac{1}{4}$  یکون

ذکر اولنان مصارفاتدن هیچ بری

( معترض ) زمانسه عائد واردات جدولنده

واردات مذکورہ نك برنجی عصر عباسیدہ کی  
واردات ایله مقایسہ سی

اون درت میلیون دیناردن زیادہ اولان  
بالادہ کی یکون درہم لہ تحویل ایدیلہ جک اولورسہ  
دولت عباسیہ نك دور اعتلاسی وارداتہ قریب  
برمبلغہ رسیدہ اولور . فقط دور انحطاطدہ کی  
وضعیت مالیہ دور اعتلا وضعیت مالیہ سنک  
بستون غیریدر . چونکہ شو صوک واردات  
چوقلغیلہ برابر دولتک مصارفاتہ کفایت  
ایتموردی . بوسرمدہ دولتک مصارفاتی آتیدہ



شکل : ۱۰ مدینہ منورہ نك منظرہ سی

موجود دکلدی . مشارالیه ( علی بن موسی )  
زمانندہ عساکرک مقداری وسائر مصرف  
قولری یك زیادہ آرتمش برحاله کلدیکنندن  
دولتک مصارفاتی دولتک وارداتی ۲,۰۸۹,۸۹۴  
دینار آچیق ایله کچمش ایدی [۱] .

[۱] بارون فون قرہ مرک Ein. Abbasiden

کتابندہ ذکر اولنان ( عنوان السیر ) کتابی .

ایکینچی جلد

کوستره جکمز اسبابہ بناء یك زیادہ چوغلمش  
ایدی . مشارالیه وزیر ( علی بن عیسی ) زمانندہ  
دولتک مصارفاتی جملہ سنہ کچن و ( عنوان السیر )  
نامندہ کی کتابدن نقلاً بارون ( فون قرہ مر )  
طرفندن علی العاده مصارفات جملہ سندن اولمیه رق  
صورت مخصوصده ذکر ایدیلن آتیدہ کی برقاچ  
قلم مصرف بومدعای تأیید ایدن دلیلردندر :

ماعداء صرف اسراف و تبذیر نوعندن اوله رق صرف ایتدیکی بار بک مجموعی (۷۰) میلیون دینار تخمین ایدلشد [۱]. بونکله برابر مشارالیه عسکر و غلمانی کندیسنه جلب و بند ایتک ایچون نهایت کویلرینی ، سرای مفرو - شانی و آتون وانیسنی صائمغه مجبور اولمش ایدی [۲]. ( مطیع ) زماننده - سنه ۳۶۱ - بیت المال خزینہ سی اوقدر فقیر دوشمش ایدی که بغدادده ظهور ایدن عصیان عسکری ائناسنده عسکر طرمندن کندیسندن طلب اولنان ۴۰۰.۰۰۰ درهمی تأدیه ایده بیلیمک ایچون کندی اثوابی و سراینک انقاضنی صائمش ایدی [۳]. ۳۲۲ سنه هجریه سنده (راضی بالله) ک زمان خلافتنده ایه خلیفه لک حال و موقعلری بسبتون دیکشه رک حاکمیت خلفانک الکن کیتمش ، سکه و خطبه لرده اسملرینک ذکرندن بشقه بر تأثیرلری قلامش ایدی [۴]. اعتلا دورنده موجود دکل ایکن انحطاط دورنده طرح ایدیلن برطاقم غیر مألوف ویرکیلرده دوات عباسیه مک تناقص ثروتنه باعث اولان اسبابک بعضارینی تشکیل ایلشدر .

### ایکنجی عصر عباسیده

#### ثروت عباسیه مک اسباب انحطاطی

برنجی عصر عباسیده ثروتک چوقلغنه وارداتک کثرتی ایله مصارفاتک آزلنی نصل [۱] ابن لائیر ۹۰ ج ۸ [۲] صلة تاریخ الطبری ۴۴ [۳] ابن الاثیر ۲۴۴ ج ۸ [۴] الفغری ۲۰۲ و ابن الاثیر ۱۴۲ ج ۸

کریک مقتدردن دها اول ، کریک دها صکره بیت المالك احوالنی ده - خلفا ، وزرا و زمان و احوالک اختلافی ایله کلی ، جزئی فرقلر بولمقله برابر - ینه اساس اعتباریله بالاده کی ایضاحات دائره سنده قیاس ایده بیلیرز . هر حالده شو جهت برقات دها ثابت اولور که دولت عباسیه یدنجی خلیفه (مأمون) دن صکره نصل دوچار انحطاط اولدی ایه ثروت دولت دخی اوله جه بر انحطاطه تابع اولمشدر . ینه تکرار ایدرز : ثروتدن مقصد وارداتدن مصارفات چیققدن صکره آرتان پاره در ، یالکیز واردات دکلدر . ( مأمون ) دن صکره توالی ایدن دورلرده بیت المال خزینہ سنده یک نادراً و بر طاقم احوال خصوصیه تأثیریه و آز مقدارده پاره قالیوردی . سائر اوقاتده خزینده پاره بولمازدی . ( معتصم ) بیت المالد ۸,۰۰۰,۰۰۰ درهم [۱] و ( مستعین ) - سنه ۲۵۱ - یالکیز ۵۰۰,۰۰۰ دینار براقشدر [۲] . یالکیز ( مکتفی ) - سنه ۲۹۵ - بیت المالد ۱۵) میلیون دینار براقش ایدی . ظاهر احوالدن آکلاشیلور که بوباره ( مکتفی ) دن دها اولکی خلفا زمانندن اعتباراً تدریجاً طو - پلانمش ایدی . مشار لیهدن صکره مقام خلافته کچن ( مقتدر ) بوباره بی صرف ایتدکدن ماعداء کندی زماننده اله کچن کریک خراج وارداتی ، کریک مصادره اموالنی ده صرف ایلشدر [۳] . ( مقتدر ) اوقدر اسرافات و تبذ - یرانده بولمش ایدی که مصارفات دولتدن [۱] الفغری ۲۰۹ [۲] طبری ۱۵۴ ج ۳ [۳] ابن الاثیر ۴ ج ۸

کبی فارس و ماوراءالنهر ولایتی و - اثره دخی  
تدریجاً مستقل اولدیله .

دردنجی عصر هجرینک ربع اولی کچمدن  
عباسیلرک اوممکت واسعه سی هربری بر حکومت  
اسلامیه عهده سنده اولمق اوزره اوندن زیاده  
اقسامه انقسام ایش ایدی [ ۱ ] . مع مافیه  
ذکر اولان حکومتلرک اکثری خلیفه عباسی بی  
رئیس دینلری عدا ایدرک اکا بعضلری ایجار  
بدلی ، بعضلری مصالحه ، دیگر بعضلری ده  
هدیه ناملریله ویا سائر صفتلریله باره لر ویریر .  
لردی . انلرک قسم اعظمی بوباره بی آنجق بر  
قاج سنده بر کره اعطا ایدردی . طبعی درکه  
مملکتک بوضوئله تشنت واقسامی وارداتک  
آزالمسفی ده موجب اولمش ایدی .

## ۲ خراجک تخفیفی

مملکتده وباخصوص عراق جهتلرنده ویرکیلرک  
آغیر بولمندی دولت عباسیه نکه اک پارلاق دورنده  
ثروت عباسیه نکه چوق اولمسنه باعث اولان  
اسباب جمله سندن ذکر ایش ایدک . چونکه  
( مأمون ) زمانه قدر محصولاتک نصفی مقاسمه  
صورتیله دولتک خزینه سنه آتیردی . بوعقللی  
خلیفه بر طرفدن بو ویرکینک آغیر اولدیغی ،  
دیگر طرفدن ده بیت المالد بول بول باره بولندیغی  
نظر دقته آله رق ویرکینک تخفیفی مناسب  
کوردی . محصولاتک نصفه بدل عراق خراجی  
ایکی خمسه تنزیل ایلدی [ ۲ ] . یعنی مشارالیه  
بوتنزیل ایله خراجدن یوزده یکرمینی تنقیص

[ ۱ ] برنجی جلدک ۸۶ نجی صحیفه سی [ ۲ ] الفغری

۱۹۸ و ابن الاثیر ۱۴۷ ج ۶ و طبری ۱۰۳۹ ج ۷

سبب ایدی ایسه ایکنجی دور عباسیه ثروتک  
انخطاطنده احوالک عکسی ، یعنی وارداتک  
آزانی ایله مصرفلرک چوقانی سبب اولمق لازم  
کلیر . بوایکنجی دورده وارداتک آزالمسی  
آتیده کی بش سبیدن نشأت ایدیوردی : ( ۱ )  
مملکت عباسیه نکه کوچولمسی ، ( ۲ ) خراج  
ویرکینسک تخفیفی ، ( ۳ ) والیرک واردات دولتی  
کندی جیلرینه کچیرملری ، ( ۴ ) اهالی نکه  
ایشی ، کوچی براقرق فته وفساد و تعدیات  
ایلّه وقت کچیرملری ، ( ۵ ) اراضی مملکتک قسم  
اعظمک رجال دولته عاندچفتدکلر حالتی آلمی .  
ایشته بو بش سبیدن واردات دولت کوندن  
کونه انخطاط و تناقصه اوغرادی .

## وارداتک آزالمسی اسبابی

### ۱ مملکت عباسیه نکه کوچولمسی

مملکت عباسیه ( رشید ) و ( مأمون )  
زماننده اک بیولو وسعتنه بالغ اولدقدن صکره  
شرح و تفصیلی موجب تطویل برطاقم اسبابک  
تأثیریلّه بعض ولایتلرک جسم دولتن انفضالی  
ایلّه مملکت کوچولمکه باشلادی . ایلک اعلان  
استقلال ابدن ولایت افریقیه - تونس - ولایتی  
ایدی . بو ولایت ده اول بیان ایدلیکی اوزره  
تا ( رشید ) زماننده کسب استقلاله باشلامش  
ایدی . ده صکره خراسان ولایتی ( مأمون )  
ومصر ولایتی اوچنجی عصر هجری اورته لرنده  
( معتمد ) زمانلرنده کسب استقلال ایتدکلری



ایلمش ایدی . بو ایسه غایت بی-ووک تزیلاتدن ایدی . تنقیص واقعدن صکره دولتک عراق وارداتنده درحال برفرق کورولدی . چونکه عراقک خراج وارداتی ( قدامه ) نك جدولنده ۱۱۴,۴۵۷,۶۵۰ درهم ایکن ( ابن خرداذبه ) نك جدولنده ۷۸,۳۱۹,۳۴۰ درهمه تنزل ایتشد . آکلاشلدیغنه کوره برنجی جدولده کی خراج ، محصولانک نصفی وایکنجیده کی ایکی خمسی اعتباریه تقدیر اولنشدی .

( مأمون ) دن صکره کلن خلفا ویرکیلرک تخفیفی خصوصنده مشارالیهک اترینه اقتضا ایلدیلر . ( واثق ) ۲۳۲ سنه هجریه -نده مراکب بحریه اعشارینی ابطال ایتدی [ ۱ ] . حال بوکه

ایلدی . بوتأخیر بر سبب اوزرینه مبنی ایدی . ایرانلیلر اسلامیتک ظهورندن اول خراجک تحصیلنه نوروزده باشلارلردی . ( نوروز ) انلرک نزدنده حزیرانک بشنه تصارف ایدردی . ایرانلیلر هر یوز یکریمی سنهده بر آی سنه کیسبه یه ادخال ایتکه مجبور اولورلردی که بو صورتله ( نوروز ) تکرار حزیرانک بشنه تصارف ایتدیریلردی . شو حالده هر یوز یکریمی سنه کچدیکه بر آی فصله آلهرق حزیرانک بشنی مایسک بشی اعتبار ایدرلر و بو تاریخدن بر آی کچمدن ، یعنی بو تکرار ایتدکلری آی ختامه ایرمدن نوروز بایرامی یامازلر و کندیلرندن خراج طلب اولمازدی .



شکل : ۱۱ شامده حضرت فاطمه نك تربیسی

اسلاملر طرفدن عراق وفارس قطعلری فتح ایدیلنجه خراج اسکیده هانکی زمانلرده تحصیل اولنیوردی ایسه تحصیلنه اویلهجه دوام اولندی . نهایت ( خالد قسری ) نك عراقده کی والیلکی زماننده او یوز یکریمی سنهک دور ختامه ایردیکندن ایرانلیلر والی یه مراجعت ویرآیک علی العاده دوشورلمسنی طلب ایلدیلر . ( خالد )

اولجه کورلدیکی اوزره بو ویرکی مهم برمنبع واردات ایدی . بوندن بیت المالله برچوق پارهلر کلردی . ( واثق ) دن صکره مقام خلافتنه کچن ( متوکل ) دخی اویولده حرکت ایدرک خراجک زمان تحصیلنی ایکی آی قدر تأخیر ایتکه اهالی حقنده اظهار رأفت و مرحت

بوايشدن واز كچلمسنى امر ايتدى . « اوله  
بر آيى حسابدن قاچيرمق بر آدم كنديسنه  
استيداع اولنان بر شينك ضبطنى عن قصد ترك  
ايلك ديمك اولان نسي نوغسندركه بونك  
حقنده نهي الهى وارد اولمشدر » ديدى .  
( خالد ) خليفه ( هشام بن عبد الملك ) ك بو  
بابده كي فكرينى صورنجه اوده واليسنك عين  
ذهابنه ذاهب اولهرق كبسك - سيويشك -  
ابطالنى موافق كوردى . بونك اوزرينه تحصيلات  
حسابى محصولاتك يتشمى اوزرينه مؤسس  
اولان حساب حقيقدين بر آي ايلرى برحالده  
دوام ايتدى . ايرانلىلر كبسك اجراسنه حكومتك  
موافقتنى استحصال ايچون صرف مساعيده  
دوام ايتديلر ايسهده موفق اوله مديلر . دها  
صكره ( رشيد ) جالس سرير خلافت اولنجه  
ايرانلىلر وزير ( يحيى بن خالد برمكى ) يه  
مراجعت وخليفه نزدنده بو بابده وساطتده  
بولمىنى استرحام ايلديلر . ( يحيى ) اهاينك  
بو حقلنى استرحاماتنى نظر دفته الهرق طرف  
خليفه دن بر امر استحصالى ايله حسابى دوزلمك  
ايسته مش ايسهده عليهنده فرصت بلكين رقيب  
ودشمنلرينك بو فرصتدن بالاستفاده كنديسنى  
( زردشت ) مذهبه ميل ايله اتهام ايدجكلرينى  
آكلادىغندن بو تشبثدن واز كچمكه مجبور  
اولدى . آنجق سنلر كچدكجه حسابده كي بو  
فرق بيوپور ايدى . حتى خليفه ( متوكل )  
زماننده نوروز مزروعاتيم يشيل بولنديكى  
نيسان آينده وقوع بولغه باشلادى . حال بوكه  
تحصيلات او زمانده وقوع بولور ايدى . او

صرده بالتصادف ( متوكل ) بر باغچه دن  
كچر ، مزروعاتى يشيل كورر . ياننده بولنان  
بر رقيقه : « مزروعات بويه يشيل بولنوركن  
طرف حكومتدن اهايدن خراج بدلاقى طلب  
اولنور . بو فصل اولور ؟ » ديه صورار .  
رقيق ايشك سبب وحكمتنى كنديسنه آكلادير .  
بونك اوزرينه ( متوكل ) نوروزك وقت لازمه  
تصادف ايتمى ايچون كيرى قالان كونلرك  
حسابه علاوه ايدلمسنى امر ايلر . كيرى قالان  
كونلر او زمانه قدر ايكي آي ايله بر قاچ كونه  
بالغ اولمش ايدى . ( متوكل ) نوروزك وقت  
لازمنده حلول ايتمى ايچون مذكور مدتك  
اسقاطنه دائر ۲۴۳ سنه هجريه سنده بر امرنامه  
اصدار ايلدى . اهالى بو امرنامه اوزرينه  
صوك درجه سونديلر [۱] . چونكه بو حسابك  
دوزلمسى يوزندن اوسنه اهالى اوزرندن خراجك  
خمسى تنزيل ايدلمش ديمك ايدى . فحول شعردان  
( بخترى ) نوروزك ازدشير طرفندن وضع  
اولنان اصوله ارجاع ايدلديكى مألنده اولان  
شو بيتده اسقاط واقعى افاده ايدىيور :

ان يوم النوروز عادى العم .

د الذى كان سنه ازدشير

مع مافيه بوندن برمدت صكره ( متوكل )  
مقتول اولهرق احوال دخى پك فنا قاربشمش  
اولديغندن ذكر اولنان امرنامه نك احكامى  
تماماً تنفيذ ايديله مدى . متعاقبا ( معتضد بالله )  
مقام خلافته كچنجه بومسأله ايچون كنديسنه  
وقوع بولان مراجعت اوزرينه ۲۸۱ سنه هجريه .

دور انحطاطده خراج منایبی (رشید) و (مأمون) زمانلرنده کی منایبه و مقدارلره نسبتاً آزالمش و بوحال واردات عمومیہ نك تناقصنه یارديم ایلشدر .

(جزیه ، زکات) : — اها لینگ کوندن گونه اسلامته داخل اولملری ایله جزیهده وقوع بولان تناقص دخی دولتش واردات عمومیہ سنك تناقصنه باعث اولمش ایدی . حق اوچنچی عصر هجری اورته لرنده بغداد پایتختده جزیه وارداتی ۱۲۰۰۰۰۰ درهمه قدر تنزل ایتش ایدی [۱] . وزیر (علی بن عیسی) طرفندن تنظیم اولنوب ده اول درج ایلدیکمز حدودله کوردلیکی اوزره بغدادك جزیه وارداتی ۱۶۰۰۰۰ دینار طوسیوردی . یعنی (ابن خردادبه) نك ذکر ایتدیکی مقدارك ایکی مثلی یدی . شوخالده اوصره لرده جزیه ؛ مقدار وسطیسی اوزرینه ، یعنی هر آدم باشه ۲۴ درهم اوله رق تقدیر اولندیغنی اعتبار ایدر ایسه ك اوصرهده بغدادده غیر مسلم یالکز ۹۰۰۰۰ آدم بولندیغنی تظاهر ایدر . شمسی بوعدد ذکوره قادینلری و چوچقلری علاوه ایتدی کمزده اوچنچی عصر هجری سنك اورته لرنده او پارلاق دورده بر میلیوندن زیاده اهالی بی حاوی اولان بغدادده غیر مسلم اوله رق ۴۰۰۰۰۰ نفوسدن زیاده قالمدیغنی آکلاشیلیر . دیگر شهرلری ده ا کا کوره قیاس ایدیکز .

جزیه مرور زمان ایله فصل تناقصه اوضراش ایسه زکات دخی اویله جه تناقصه

سك صوکلرنده نوروزك آلتش کون صکره به تأخیر ایدلسنه دائر بر امرنامه اصدار ایلدی . نوروز ۲۸۲ سنه سنده محرمك ابتدالرینه تصادف ایدیوردی . خلیفه نوروزك او سنه ربیع اولك ۱۳ نجی کوننده اولمسنی امر ایلدی . نوروز ده اول حزیرانك بشنه تصادف ایتدیریلیر ایکن مذکور تاریخدن صکره حزیرانك اون برینه تصادف ایتدیریلرک ایرانلیلرک هر درت سنه سنه بر کون علاوه سیله سنه کیسه یاپلسنه قرار ویرلدی [۱] . (متوکل) بونی اهالی حقنده مرصحت ورفاهیتلرینه خدمت مقصدیه یامش ایدی [۲] .

بوندن ده اول خلیفه (مهدی) — سنه ۲۵۵ — مساحه اوزرینه استیفا اولنان خراجدن اهالی ذمتده قالان بقایای الغا ایتش ایدی . اولجه بیان ایتدیکز وجه ایله (منصور) طرفندن عراقك خراجی مساحه اصولنده مقاسمه اصولنه تحویل اولندیغنی زمان اراضینك بر قسمی اسکسی کی مساحه اصولنده بر اقلمش ایدی . بو اراضینك خراجندن اصحابی اوزرینه هر سنه بر طاقم بقایا قالیردی . حکومت اهالیدن بو بقایای ایستردی . (مهدی) مقام خلافته کچنجه بو بقایای عفو ایتدکدن ماعدا امثالی بقایا ك تحصیلندن ده صرف نظر اولمسنی امر ایلدی . بو بقایا سنهده ۱۳۰۰۰۰۰۰۰ درهم قدر بر مبلغ طوسیوردی [۳] .

بالاده کی معلوماتك خلاصه سی کوستیریورکه



میلیون درهم و یرمك اوزره (سند) ولایتی  
(بشیر بن داود) ه مقاطعة صورتيله و یرمش  
ایدی [۱]. حال بوكه مذکور ولایتك واردات  
حقیقه سی ۱۱,۵۰۰,۰۰۰ درهم ایدی [۲].  
خليفة (راضی) زماننده (بریدی) دخی هر  
سنه مقسطاً ۳۶۰,۰۰۰ دینار و یرمك اوزره  
(اهواز)ی استیجار صورتيله آلمش ایدی [۳].  
حال بوكه بو قطعه نك خراج حقیقه سی  
مبلغ مذکورك درت مثلندن زیاده ایدی. بونكه  
برابر مستاجر و یا خود ملتزم لر تعهد ایتدكلری  
مبالغدن آنجق بر مقدارینی تأدیه ایدرلردی.  
شایه خلیفه مطالبه ده الحاح ایدرایسه او ملتزم لر  
الحاح واقعی بستیون استقلاله وسیله اتخاذ ایلر-  
لردی. بونك اوزرینه خلیفه عسكرك معاونت  
و مظاهرتنه مراجعت ایدردی. عسكرك تأمین  
مظاهرتلری ایسه پاره یه محتاج ایدی. او حانه  
پاره یی هر کیم و یررسه حاکمیتی اواله کچیریور  
وامور حکومتد، ایستدیکی کبی حرکت  
ایدیوردی.

۴ اهالینك ایشی، کوچی ترك و فتنه

و فساد ایله اشتغال ایتلری

انحطاط دورنده عسکر طوائفی بیننده  
و یا خود عسکر ایله والیلر آره سنده فتنه و شورشلر  
ثوالی ایدنجه اهالی ده تجارت و زراعتلرینی  
براقه رق محاربات داخله ایله مشغول اولدیلر.  
مملکتده دیگر هر درلو فعالیت آناری طورددی.  
مأکولات و مشروباتك فیاتلرنده بهالیلق حاصل

اوغرامش ایدی. حتی زکات وارداتی همان  
هیچ دینله جك درجه ده تناقص ایتمش ایدی.  
خلقدن زکات طلب ایتمك ده اهالینك شدتله شکایاتنه  
هدف اولیوردی [۱]. مصرده زکات بستیون  
اهال و ابطال ایدلمش ایدی. (صلاح الدین ایوبی)  
موقع حاکمیته کچنجه زکاتی تکرار اعاده ایلدی.  
بوراده کی اسلام لر زکاتدن شکایت و کندیلرندن  
زکات طلب ایدنلری تقبیح ایدرلردی. نهایت  
۶۷۸ سنه هجریه سنده (منصور قلاوون) مصرده  
مقام حاکمیتی اشغال ایدنجه زکاتی بستیون ابطال  
ایلدی [۲].

۳ والیرك اموال دولتی کندی جیبیلرینه  
کچیرملری

امویلر دورنده والیرك اموال دولتی فصل  
غصب و درجیب ایتدكلرینی، عباسیلرک زمان  
حکومتلرنده والیرك احوالی فصل انتظام بولدیغنی  
دها اول یزدیغمز معلوماتده کورمش ایدك.  
فقط عباسیلر دورنده والیرك بو انتظام و استقامت  
احوالی چوق دوام ایتدی. خلیفه لر ضعیف  
دوشونجه والیر بالعکس قوتلی کسیلرک  
حاکمیتده استقلال و اموال امیرییه کی کندی نفسلرینه  
حصص ایتمك چالیشدیلر. بونك اوزرینه خلفا  
والیر ایله او یوشمغه و تحصیل اولنان اموال دن  
اکسك اولسه بیله ایجار و یا مقاطعه نامی ایله بر مبلغ  
آلق ایله اکتفا ایتمك مجبور اولدیلر. نته کیم  
(مأمون) ۲۰۵ سنه هجریه سنده سنه ده بر

[۱] ابن الاثیر ۸۲ ج ۸ [۲] مقریزی


۱۰۶ و ۱۰۸ ج ۱

[۱] ابن الاثیر ۱۴۹ ج ۶ [۲] ابن خلدون ۱۵۰

ج ۱ [۳] ابن الاثیر ۱۲۶ ج ۸

تأثیری ایله چفتچی زراعتدن ، تاجر تجارتدن  
صنایع اربابی ده صنعتدن یوز چویریر . بونک  
وبالی هپ دو تک بویننه در . دولت رعایایله قائمدر .  
اهالینک احوالی تمالی اینز ایسه دولتک شان  
وسطوقی اولماز . مشهور معنایه کوره ظلم بر

اولدی . هاله آسایشک فسادنی ایله زراعت  
بستون طور دیغمندن واردات حکومتده بالکلیه  
تدنییه اوغرا دی . حال بوکه والیلر وقوماندانلر  
بوهرج مرج زماننده هر وقتدن زیاده پارهیه  
محتاج ایدیلر . پاره الده ایتمک ایچون ظلم



شکل : ۱۲ اسکی بر قرآن کریم محفوظه سی

مالی صاحبندن بلا سبب ولا بدل اخذ و غصب  
ایتمک دیمکدر . فقط ظلم معنی بوندن پک چوق  
دها زیاده شمولیدز . هر کیم که بلا حق بر  
مالی صاحبندن آلیز ، یا خود استفاده سنی غصب  
ایدر ، یا خود حقسنز اوله رق اندن مطالبه ده

واعتساف استعمالندن بشقه بر چاره بولمیدی  
جهتله مملکت ازدیاد مظالم ایله بر قات ده  
خراب اولدی . ذاتاً ظلم قدر معموریتی تخریب  
ایده جسک بر شی یوقدر . چونکه ظلم اللری  
باغلار ، خلقی چالیشمقدن ایقور . ظلمک

منسوب ارباب نفوذدن مرکب اولمق اوزره حکومت مأمورلرینبك عهدهلرنده بولموردی . ده اول کورلیدی اوزره وقتيله حضرت عمر حربه دائمهیا اولمق ایچون اسلامری زراعتدن و کوی صاحبی اولمقندن منع ایتدیکی کبی بیت-المالده پاره ادخاریده موافق کورماشدی . لکن بو ممنوعیت وعدم موافقت جوق دوام ایتدی . خلافت امویلر زماننده شکل دینیدن بحرای سلطنته کیردیکی زمان اسلاملر جمع ثروت ایتک و املاک و اراضی و کوشک و پلانقلر صاحبی اولمق ایچون صرف غیرت ایلکه باشلاملاردی . بولردن صکره کلن تابعین و تابعینک تابعلری دخی اوپولده حرکت یلدیلر . خلفای امویه بو طریق اختیار ایدنلرک اک اسکیلری ایدیلر . بولر پک چسوق کوی و چقلکلره و کوشک و پلانقلره مالک اولملاردی . حتی بولرک بعض اقربالری راست کله خلقلک اموال و املاکنی غصب ایدرلردی . اموال و اراضی صاحبلری ایسه عربلقده صولک درجهده متعصب اولان و اقوام سائرده نظر حقارت و نفرتله باقان حکومتده عرض شکایتدن برفانده کورمزلردی . بوندن ماعدا امویلر فتح ایتدکلری برلرک کندیلری ایچون برملک حلال اولدیغنی، بولردن ایستدکلرینی اخذ ، ایستمدکلرینی ترک ایتک حائز اولدکلری حقوق جمله سندن بولندیغنی عد ایدرلردی [۱] . بو مظالم و اعتسافات کال شدتله دوام ایدرکن ( عمر بن عبدالعزیز ) کبی عادل بر خلفه یتشهرک هیج

بولور ، یاخود قانونک قویمدیغنی بر حق وضع ایلر ، بولر هب ظلمدر . شو حالده حقسز پاره تحصیل ایدن تحصیل مأمورلری ، اموال ناسه اطاله دست تعدی ایدن غاصبلر ، اموال ناسی اخذ و اختلاس ایدن مرتکبار ، بولر معاوننده بولنان هر نوع مخلوقات ظالمدلر . برملکتهده ظلم حکمفرما اولور ایسه او مللکته انقراض و اضمحلال در حال چوکر .

او صرهلرده فلاکت و اضمحلالی برقات دهاتزیده خدمت ایدن شیلردن بری ده دولت عباسیه نك دور اولنده اصلاحکار و عمرانیور خلفا طرفندن اراضینک کثرتله حاصلات و واردات و یرمسی ایچون بیسوک فداکارلقلر اختیاریه حفر اولنان قنالر و نههرلرک او محاربات صره سنده قاپاندیریلوب تخریب ایدلسی ایدی . چونکه برق محاربین دشمن سفائنک مروری منع ایتک ایچون اکثریا قناللری و نههرلری سد و تخریب ایتکه مجبور اولورلردی [۱] . اسقالک بو صورتله تعطیلی ایله زراعت و مزروعات و یریلن مضرات عظیمه ایسه محتاج ایضاح دکلر . فضله اوله رق مأمورین حکومت طرفندن اظهار اولنان قیدسزاق و اهاال ثری اوله رق برچوق و سائط اسقا بوزولمش ، بر چوق اراضی خراب اولمش ایدی .

۵ کویلرک قسم اعظمینک رجال

حکومتک عهدهنه کچمسی

دولت عباسیه زماننده کویلر علی الاکثر خلفا ، یاخود اقربالری ، یاخود ولایه ووزرا ، یاخود کتاب دولت ، یاخود رجال حکومته



بر قانون وحق و عدالتله قابل تألیف اولمیان  
احوال واقعه یه مانع اولمق ایسته مش  
وخرستیانلردن و موسویلردن و سائر غیر مسلم  
اهالیدن غصب و ضبط اولنان اموال و اراضی یی  
حقیقی اصحابنه اعاده ایچون صرف نفوذ ایش  
ایسه ده بو اجرا آتدن منافعی مختل اولان اقربا  
و تعلقاتی او خلیفه عادل یاشاتمیه رق حیاته  
خاتمه چکدیلر . ارتحانندن صکره احوال  
اولکندن ده فنا بر مجرایه عودت ایلدی .

۱۳۲ - سنه سنده خلافت عباسیلره کنججه  
بونلر امویلری قتل و تنکیل ایله اوغراشدیلر .  
امویلر ماللرینی ، ملککاری بر اقه رق فرار  
ایلدیلر . عباسیلر او اموال و اراضی یه وضع ید  
ایدرک کندی عهدلرینه کچیردیلر . و بونلرک اخذ  
و تمکننده شروط خلافته مخالف بر مانع کورمدیلر .  
چونکه عباسیلر امویلره عائد اموال و املاک  
مصادره سنی کندی دولترینک تحکیم و تأییدی  
ایچون اجرایی ضروری بر تدبیر ، یا خود حاکمیت  
تابع بر حق عد ایله رک دیانت نقطه سندن  
بونی منع ایده جک احکام صریحه موجود  
اولمیدینه قائل بولنیورلردی . انسان امکان  
بولور ایسه دنیا مالنه کثرتله مالک اولمغه ،  
قوتی ادخار ایتمه فطره میالدر . بونلکه برابر  
عباسیلرک ایلك خلیفه لری اهالی حقنده عدل  
والصاف اجرایی ایله انلره امویلر زماننده کی  
حاللری ایله کندیلری زماننده کی حاللری آره سنده  
بر فرق کوسترمه غیرت ایتشلردی . هیچ  
بر کوی و یا بر مالی غصب ایتنیورلردی . یا لکر  
انلرک خدمته داخل اولان و یا انتساب پیدا ایدن

امرا و اکابر دن بعضلری اموال ناسه ال اوزا تمقدن  
چکنم یورلردی . فقط خلفا او یله بر تجا و زک  
و قوعنی آکلاد قیلرنده در حال اموال مقصوبه یی  
و یا مقصوب کویلری صاحب اصایلرینه اعاده  
ایدی یورلردی [ ۱ ] . مع مافیه بو حال رجال  
دولتک طمع و حرصلرینه مانع اوله میوردی .  
ولاة ، وزرا و سائر حقلی ، حقسز بر چوق  
کوی و ابنیه یه مالک اولدیلر . خلفا بونلری  
بو یولدن امکان دائره سنده منع ایتمه چالیشیرلردی .  
شاید بونلر ایدلکه او یولدن و از کچمز لر ایسه  
حال حیاتلرنده ، یا خود وفاتلردن صکره ماللری  
و ملککاری خلفا طرفندن مصادره اولنوردی .  
نته کیم ( رشید ) بصره و الیسی ( محمد بن  
سلیمان ) ک ثروتی او یله جه مصادره ایتش ایدی .  
محمدک کویلر ، عقارات و مستغلاتدن بشقه نقد  
اوله رق ثروتی ۵۰۰,۰۰۰,۰۰۰ درهم ایدی .  
هر کونکی وارداتی ده ۱۰۰,۰۰۰ درهم  
طوتیوردی [ ۲ ] . بو یولده وقوع بولان مصادره لر  
پک چوق ایدی . ایلریده بر چوق مصادره لرک  
تفصیلاتی یازمه جغز . بو صورتله مصادره اولنان  
کویلر خلیفه نک ، یا خود دولتک مالی کسلدیکندن  
ضبط و مصادره اصولنک توالیسی ایله بالذات  
خلفا دخی پک چوق کوی و چفتلکله مالک  
اولدیلر .

مع مافیه کویلر اکثریتله خلفانک معیتده  
بولنان سرای خلقی ایله اقربا و تعلقاتنک عهده لرنده  
بولنوردی . بو حال حکومات استبدادی ده  
و باخصوص حکمدار حسن اخلاق صاحبی

وياخود اقربا وتعلقاتی ومعیتی مأمور لرینك  
توسط واصرارى كندیسنه تأثیر ایدہ بیلہ جك  
درجہ دہ ضعیف بولنور ایسہ پك طبیعى عد  
اولنور . بناءً علیہ دولت عباسیہ دہ مرور زمان  
ایلہ رجال دولتك عہدہ سنہ پك چوق کویلر  
کچدی . او درجہ دہ کہ رجال دولت کویلری  
بر لرینہ ہدیہ وبرقصیدہ ویا برعریضہ ویا بر  
لطیفہ مقابلندہ دہ عطیہ صورتلریلہ ویرمکہ  
باشلامشردی . بریکلرہ اسناد اولنان حکایہ لردہ  
بوقیلدن اولان عطیہ واحسانلر پك چوق  
کورولور . بنوعدن اولمق اوزرہ عراق  
والیسی ( حسن بن سہل ) قیزی ( بوران ) ی  
( مأمون ) . تزویج ایتدیکی زمان کویلرینی  
ہرکوی برکاغده یازہ رق بوکاغدلری عطیہ  
قیلندن قوماندانلرک باشلری اوزرینہ سریدی .  
ہرکیمک النہ بوکاغدلردن بری کچدی ایسہ  
دروندہ محرر اولان کویہ مالک اولدی [ ۱ ] .  
سرای خلقتک ورجال دولتک - حتی  
دولت عباسیہ نك اوائلندہ بیلہ - پك چوق  
کوی صاحب اولملرینہ یاردیم ایدن احوال دن بری دہ  
دولت امویہ زمانہ دن معطل اولہ رق قالان  
اراضینک کثرتلی مقدار دہ بولنسی ایدی .  
خلفا کندی اقرباسندن ویا خواصندن بعضلرینی  
بونوع اراضی بی اعمار واحیایہ مأمور ایدردی .  
بونلر نہایت اراضی بہ صاحب اولورلردی .  
نتہ کیم ( منصور ) اہواز دہ بولنان بویلہ برطاقم  
معطل چفتلکلرک بوصورتلہ اعمارینی اوغلی  
( صالح ) . امر ایتیش ایدی [ ۲ ] . برارضی

[ ۱ ] ابوالفدا ۳۱۱ ج ۲ [ ۲ ] الفخری ۱۵۷

ہرکیم احیا ایدر ایسہ او برانک اولور .  
( الحاکم ) : - سرای ودولت آدملرینک  
عہدہ لرینہ برچوق کویلرک کچمسنہ یاردیم ایدن  
دیگر برحال دخی کوی صاحب لرینک خراج  
مأمور وتخصیلدارلرینک ظلم واعتساف لرینہ حائل  
اولمق اوزرہ کویلرینی وباغچہ لرینی خلفانک  
اقربا وتعلقاتی ، یاخود ولایہ ومنسوبینی ناملرینہ  
قید ایتدیرملری ایدی . اراضی اصحابی آنف .  
الذکر اعظم رجالہ مراجعت وکویلرینی انلرک  
ناملرینہ قید ایتدیرمکہ موافقتلرینی استحصال  
ایتدکن صکرہ کویلر اوناملرہ قید ایدیلنجہ  
تخصیلدارلر تحصیل خراج دہ آرتق شدت  
واعتساف کوسترہ منزل ونامدن قورقہ رق حتی  
بعضاً خراجک نصفی ویا ربعی ایلہ اکتفا  
ایدرلردی . ( الحاکم ) نامیلہ معروف اولان بومعاملہ  
اوزرینہ دفاتر حکومتدہ اصل کوی صاحب لری  
عادی چقتی مرتبہ سنہ اینرلردی . مال صاحب لری  
اولمق اوزرہ او ارباب نفوذ ذکر اولنوردی .  
نہایت او کویلر مرور زمان ایلہ مارالذکر ارباب  
نفوذک عہدہ سنہ کچردی [ ۱ ] . صاحب اصلی ایسہ  
یاکنز محمولات دہ شریک مرتبہ سنہ دوشردی .  
ہرہانکی زماندہ ہرہانکی بردہ استبداد چوکمش  
ایسہ اورالردہ بوحاکم عینی واقع اولمشدر .  
اسلامیتدہ بالجا اصولی امویلر زمانندن اعتباراً  
باشلامشدر . سواد قطعہ سی - فرات ایلہ دجلہ  
آرہ سی - اہالیسی کویلرینی ( ولید بن عبدالمک )  
خلافتی دورندہ برادری ( مسلمہ ) نك عراق دہ  
والیلکی اثناسندہ خراج مأمور لرینک تعدیاتنہ حائل

[ ۱ ] ابن الفقیہ ۲۸۲ وابن خلدون ۳۰۸ ج ۱

اولمق اوزره مومالیه (مسلمه) نك نامنه قید ایتدیرمشلردی . ده صکره بوکویلر مسلمه نك مالی اوله رق کندیسندن صکره اولاد واحفادینه انتقال ایلدی . بالاخره خلافت عباسیله انتقال ایدنجه امویلردن مصادره اولان اموال و اراضی میانده بوکویلرده ضبط و مصادره ایدیلرک (داود بن علی بن عبدالله بن عباس) ه اقطاع اولندی . ده صکره املاک خاصه سلطانیه دن اولدی [۱] . کذلک ( مروان بن محمد ) ارمینیه ه والی بولندی صره ده ( اذربایجان ) ده ( مراغه ) اهالیسندن بعضی کویلر بوالینک نامنه کچیرمشلردی . امویلرک اموال و اراضیی مصادره اولندی صره ده بوکویلرده او جمله دن مصادره ایلدی [۲] . ( الجا ) اصولی امویلر زمانندن عباسیله زمانه استمرار ایله امتداد ایلدی . ( زنجان ) اهالیسی املاک و اراضی به تجاوزده بولان آباق طاقلرینک و یا سرسریلرک تعجیزات و ازعاجاتندن قورقورلوق و ( رشید ) ک اوغلی ( قاسم ) ه انتساب پیدا ایتک مقصدیله کویلری مشارالیه قاسمک نامنه کچیرمشلر ایدی . بوکویلرده بالاخره املاک خاصه سلطانیه نامنه ضبط ایلدی [۳] . فارس قطعه سنده برطاقم کویلر و ارایدی که بوز ده الجا صورتیله سرای خلقی اکبری نامنه قید ایتدیرلمش ایدی . بونلر اوناملره یازلمش بولندی ایچون خراجک برربی دوشورلمش ایدی . مذکور کویلر عصرلرجه بو حوالده دوام ایدرک سرای

(۱) قدامه ۲۴۱ [۲] ابن الفقیه ۲۸۴  
(۳) ابن الفقیه ۲۸۲

اکابرینک مالی اولدی . آره لرده بیع و یارث طریقله تنقل ایدیوردی . اصل اراضی صاحبی ایه عادی چفتچی منزله سنه اینش ایدی [۱] .

والحاصل برنجی دور عباسی هنوز منقضی اولدن خلفا ایله اقرارلرینک و رجال دولتلرینک عهده لرینه غیرقابل تعداد درجه ده پک چوق کویلر و چفتلکیرکچمش بولموردی . حکومت بونوع کویلرک و چفتلکیرک خراج و اعشارینه باقق اوزره ( دیوان الضیاع ) - چفتلکیردیوانی - نامیه آیرجیه برداره احداثه مجبور اولمش ایدی . بو املاک او قدر چوغلمش ایدی که برچوق لرلرده سائر اراضیدن زیاده ایدی . ۳۰۶ سنه هجریه سی وارداتنه دایر اولمق اوزره وزیر ( علی بن عیسی ) طرفندن تنظیم اوله رق ده اول درج ایتدی کمز جدوله کورولدیکی وجهه ایل بونوع کوی و چفتلکیرک خراجی نظر دقتی جالدر . جدوله ذکر کیکن خاصه کوی و چفتلکیرینک جمله سی شرق مالکینده ، ری ، دماوند ، قزوین ، زنجان ، قم ، اصفهان ، همدان ، ماسبدان و سائرده کائن ایدی . بعض مالکیده بوکی اراضینک خراجی اراضی سائر خراجدن فضله کورولور . مثلاً ( ماه البصره ) و ( ایفارین ) ده املاک خاصه خراجی ۲۶۷،۵۲۰ دیناره بالغ ایکن اهالینک مالی اولان اراضینک خراجی یالکیز ۱۸۵،۶۳۶ دینار طوتیور . حال بوکه خاصه کوی و چفتلکیری استثنایته تابع اولیه رق

[۱] اصطخری ۱۰۸



تانيا املاك عباسيه : بواراضينك اصحابي  
على الاكثر خاندان عباسي افرادندن مركب  
ايدى . يدينجى خايغه عباسي ( مأمون )  
زماننده بوخاندانه منسوب افرادك مقداري  
( ۳۳,۰۰۰ ) ايدى [ ۱ ] . بونوع اراضينك  
خراجى ۳۰۶ سۈمۈ هجريه سنده . ( واسط ) ده  
بولنان اراضيدن ماعدا ۱۴۴,۷۶۰ ديناره  
وارمش ايدى .

ثالثاً املاك مستحدثه ( يكيدين الده ايديلن  
چفتلكلر ) : بونوع اراضينك مذكور سنهيه  
عائد خراجى ۲۸۹,۰۳۶ ديناره بالغ اولمش  
ايدى .

رابعاً املاك فرائيه : بواراضى فرات  
نهرينك كنارلرنده واقع اولديغى ايجون بونام  
ايله تسميه اولمش ايدى . اراضى مذكوردهك  
آنف البيان سنهيه عائد خراجى ۶۱۷,۱۲۶  
دينار ايدى .

ذكر اولنان املاك بغداد ، كوفه ، بصره ،  
واسط ، اهواز ، اصفهان اراضى زراعيه .  
سندن ايدى [ ۲ ] . بعضاً سنوى معين بربدل  
ايله ايجاره ويريلردى [ ۳ ] . بواراضينك  
اداره سنه مخصوص دائرلر ، كاتبلر ، مأمورلر  
واردى .

بونوع املاك مملكتك الحصوصلدار اراضيسندن  
متشكل اولديغى حالده صورت عموميهده خراجى  
از مقدارهده ايدى . چونكه خلفا وواليلر  
بونوع اراضيه ترتيب ايدن خراج مطلوباتنى

[ ۱ ] ابوالفدا ۲۴ ج ۲ [ ۲ ] ابن الاثير ۴۳

ج ۸ [ ۳ ] ابن الاثير ۶۸ ج ۸

اهالى اراضيسى كې خراجده عيى معامله  
كورسه ايدى ويرديكى خراج بدلنك برقاچ  
متلى تأديهه مجبور اوله جقدى . چونكه بو  
كوى وچفتلكلرك خراجى سائر اراضى  
خراجنه نسبة يك دون ايدى . بوندن ماعدا  
اكثريتله بوخاصه اراضيسنك خراجى اصحابك  
دولتجه اشغال ايتدكلرى موقع ونفوذ بنام  
سنه لرحه ايستلمز و آلتمازدى . بعضاً بوخراج  
بوصورتله سنه لرحه تراكم ايتدكدن صكره  
اصحاب اراضينك موقع اقبالدن دوشملريله  
حكومتجه طلب اولتوردى [ ۱ ] .

املاك سلطانيه

كوى وچفتلكلر باشليجه ايكي قسم ايدى .  
برى املاك عامه ايدى . بوقسم اراضى رجال  
دولتك واهاليدن وسائردهن اولان ارباب  
ثروتك مالى ايدى . ديكرى املاك سلطانيه  
ايدى . بوايكنجى قسم زيده كوسترلديكى  
اوزره هرقيم كندى نوعى مفيد اسملر ايله  
تسميه ايدلمش برطاقم اقسامه منقسم ايدى :  
اولا املاك خاصه : بواملاك هيچ برقيمه  
ايله مشترك اولمقـيزين بالذات خليفهك مالك  
اولديغى كوى وچفتلكلردن متشكل ايدى .  
وزير ( على بن عيسى ) نك جدولنده كوردليكى  
وجه ايله بوقسم اراضينك خراجى ۵۱۶,۴۴۷  
دينار طوقمده ايدى . ( جدولده واسط  
نواحي سنده بولنان املاك خاصه خراجى حسابيه  
ادخال ايدلماشدى . چونكه بواملاكك خراجى  
املاك عامه حسابنه قاريشديرلمشدى ) .

[ ۱ ] ابن الاثير ۱۸۲ ج ۷

تخصیصه اغراض عین ایدرلردی [۱]. بعضاً بومرتبات میریهنک استیفاستندن بستیون صرف نظر ایدیلیردی. بتون بواجواله رغماً واسطه وسائرده کائن اراضی سلطانیه دن ماعدا بالاده ذکر اولنان سائر مملکتلرده بولنان املاک سلطانیهنک خراجی بر بچق میلون دیناردن فضلهیه بالغ اولیوردی که بوايسه املاک مذکوردهنک نه قدر چوق ونه قدر واسع بولندیغنی کوستیریر. قرآن احوال دن آکلا- شیلورکه بونوع املاک سلطانیهنک توره مسی حکومت مستبدنهنک ایجابات طبعیه سندن در. دها اول یازدیغمز وجه ایله دولت عثمانیهنک سلطان سلیمان قانونی دورنده کی واردات عمومییه سی ۸,۰۰۰,۰۰۰ دوقه آلتونی ایکن بونک ۵,۰۰۰,۰۰۰ دوقه آلتونی یالکزر املاک سلطانیه وارداتی تشکیل ایدیوردی [۲].

(ایغار) : — خراجک استهلای ،

یعنی طویدن اعطاسی ویا قیردیرلمسی ایچون بر اصول جاری ایدی که اکا (ایغار) نامنی ویریرلردی. (ایغار) ک فی الاصل معناسی (استیفا) در. «والی خراجی ایغار ایتدی» دیجیه «والی خراجی استیفا ایتدی» دیمک ایستیرلر ایدی. دها صکره بو (ایغار) لکمه سی اراضی صاحبنک دفعه ویردیکی بر مبلغه مقابل او اراضینک خراجدن معفو طوتولمسی معناسه استعمال ایدلدی. شوایکنجی معنایه

کوره «پادشاه فلانک اراضیسی ایغار ایتدی» دینیر ایسه «پادشاهک او اراضی بی خراجدن معفو قیلدینی» دیمک ایسته نیلیردی. یاخود (ایغار) کوی ویا چفتلکیر احبابنک والیرک وسائر حکومت مأمورلرینک ظلمندن اجتناباً طوغریدن طوغری به خلیفهیه مراجعت وخراجی اکامق طوع بر صورتده دفعه اعطایتملری دیمک ایدی. کوی وچفتلک احبابی فرصت وامکان بولدیجه کوی وچفتلکیرینی ایغار ایدرلردی. دولت عباسیه زماننده (یقطن) نامنده کی ذاتک ایغاری مشهور ایغارلردن ایدی. بو ذاتک متعدد ناحیه لرده کائن برقاچ کوی وچفتلکی اوصورتله ایغار ایدلش ایکن کویلری الندن آله رق املاک سلطانیهیه حکمکه کیفیت شهرت بوله رق (ایغار یقطن) نامیله زبازد اولمشدی [۱].

### عباسیلرک انحطاط دورنده

مصارفات دولتک اسباب ازدیادی

۱ خلفانک وقادینلرینک اسرافاتی

بر دولتده واردات چوغالیرایسه حکمدارلرک اسراف وتیزیره میل ایتلری مجرای عمرانک نتائج طبعیه سندن در. بو حال باخصوص حکومت مطلقه ده وبالاخص دولت عباسیه ده یک طبعی عدایدملیدر. چونکه دولت عباسیه ده خلیفه بیت المالدیه تصرف مطلقه مالک ایدی [۲]. بونکه برابر اسکی زمانه کوره خلفا دائماً

(۱) Ein. Abb. 80

(۲) Porter's Const. Hist. of Turkey MS

(خلفا قادیلری نینک تروتلری) :- عباسلرک  
برنجی خلیفه سی اولان (سفاح) بردانه دن بشقه  
زوجه آلمدی [۱]. برادری ایکنجی خلیفه  
(منصور)، اوغلی اوچنجی خلیفه (مهدی) یه  
« قادیلری دولتک ایشنه قاریشدر مامسنی »  
وصیت ایتش ایدی [۲]. فقط بوکا رغماً  
(رشید) ک والدہ سی (خیزان) کرک (هادی)،  
کرک (مهدی) زمانلرنده بالجه امورک مرجع  
حل وعقدی اولدینی کبی مهدینک وزیری  
یحیی ده انک امری آلتنده بولنیوردی [۳].  
(خیزان) بونفوذ و تأثیر ایلہ پک بیوک برتروت  
طویلا مشدی . او قدرکه سنوی وارداتی  
۱۶۰,۰۰۰,۰۰۰ درهمه بالغ اولمش ایدی [۴].  
بو واردات اودورده دولت عباسیه نک بتون  
وارداتنک نصفنه معادل ایدی . حال بوکه عصر  
حاضرده الک بیوک زنکینلرک وارداتی واردات  
مذکورہ نک ایکی ثلثی کچمز . روایت اولندیغه  
کوره آمریقالی مشهور زنکین (روقفلر) ک  
سنوی وارداتی ۱۰,۵۰۰,۰۰۰ انگلیز لیراسی  
تخمین اولنیور . حال بوکه (خیزان) ک وارداتی  
۱۰,۵۰۰,۰۰۰ دیناردن فضلہ ایدی . دها اول  
بیان ایتدی کمزوجه ایلہ اوزمانکی نقودک فیاتی  
بوکونکی فیاتنک اوچ مثلی ایدی . اوکونکی  
دینار بوکونکی یاریم انگلیز لیراسنه معادل  
ایدی . بوکونکی یارم انگلیز لیراسی ایسه اوزمانه  
کوره بر بچق انگلیز لیراسی دیمک ایدی . شو حالده  
بوکونکی (روقفلر) ک وارداتی (خیزان) ک

رقیبلردن خالی قالمسقلرندن موقعلری نی تأمین  
ورقیبلری نی مغلوب ایتک ایچون طرفدارلر ایلہ  
عسکره مالک اولمغه و بناء علیه برچوق مصرفلر  
اختیار ایلککه مجبور ایدیلر . پاره ایلہ طرفدار  
پیدا ایدرک خصملری ضعیف دوشورمک  
خصملر ایلہ محاربه یامقدن دها آزه لکلی  
وده از یاده قولاید . اولجه ویردی کمز معلوماتدن  
آکلا شلدینی اوزره او دورلرده وبالخاصه  
(رشید) و (مأمون) زمانلرنده پاره بول بول  
موجود ایدی . بوجه تله مشارالیه مانک دولته  
ایصالی آرزو اولنان مضراتی دفع ایتک وارباب  
فته و فسادک آغلر نی قاباق یولنده برچوق  
پارہ لر صرف ایتلری غریب کور ماملیدر .  
مع مافیه خلفا صر فیاتجه بوراده ده قالمیدلر .  
انواع اسرافات و تبذیراته قاییلہ رق جاریہ لر،  
تفتیک ، دیبا و ایپک مفروشات و سیم و زر  
اوانی [۱] اتخاذایتدکلری کبی کندی نفسلری  
ایچون باغچه لر . کاشانه لر، شهرلر انشاوندیلر  
ایلہ برابر چالنی و ذوق و صفا بزم لری ای احداث  
ایشلر و ملبوسات و مأکولات و مفروشاتجه  
هردلو تبذیراتی روا کور مشلردر . عراق  
و فارس قطعہ لر نده ایرانلیلرک فتوحات اسلامیه دن  
بر آز زمان اول وقوع بولان اسرافات  
و تبذیراتندن هنوز بر چوق زمانلرک مرور  
ایتمه مش اولمسی ده خلفانک بویوله دوکوملری نی  
تسهیل ایش ایدی [۲] . بوندن ماعد اخلفا کندی  
زوجه لرینک و والدہ لرینک و معیتلری خلقنک ده  
بو بویوله دوکوملری نه مساعدہ ایتشلر ایدی .

[۱] اعلام الناس ۴۵ [۲] ابن الاثیر ۸ ج ۶

[۳] ابن الاثیر ۴۰ ج ۶ [۴] مسعودی ۱۸۸ ج ۲

[۱] اعلام الناس ۹۸ [۲] ابن الاثیر ۲۵۴ ج ۲



سنوی و زدناتك ايكي ثلثن فضلہ دكلدر .  
(خيزران) كنديسى ايچون محافظه نفوذ  
وادامه حاكميت خصوصيه او قدر حريص  
وشديد ايدى كه اوغلى (هادى) نك كنديسنه قارشى  
طورمغه باشلا دىغنى حس ايدنجه اوغلنك خسته  
بولنمندن بالاستفاده جاريه لر واسطه سيله يوزينه  
اورتولر قويدوره رق كنديسى بوغدرتدى [۱].  
(خيزران) وفات ايتديكى زمان (رشيد)  
انك ثروتنه وضع يد ايدرك كويلرني اهالى يه  
اقطاع ايلدى [۲].

مع مافيه (خيزران) صاحبات علم و درايث  
قادينلردن ايدى . بويله بر قادينك دولت  
عباسيه نك اعتلاسى دورنده او قدر زنكين  
اولمى اودرجه شايان استغراب عد ايدلمسه  
كر ك . اصل شايان استغراب اولان شى دولت  
عباسيه نك انحطاط و اضمحلالى دورنده بيت المال  
خزينه سى بوم بوش طورركن خلفا والده .  
لرينك پك بيوك ثروتلر طويلاملريد . زيرا  
خلفاى عباسيه نك اون اوچنجيسى اولان  
(معتز) ك والده سى (قيجه) نك بودروملرده  
وسائره صاقل اوله رق براقديغى ۲,۰۰۰,۰۰۰  
دينار نقدى ثروتدن ماعدا تقدير قيمتى غير  
ممكن بر چوق مجوهرات و اشياى نادره دخى  
ترك ايلمشدى . ازجمله بر مكوك ( برطاس  
طولوسى) قيمتمدار زمرد وياريم مكوك ايرى  
ايخى و بركيله ( بر ثلث طاس) قدر قرمى  
ياقوت براقتمشى كه بونارده ۲,۰۰۰,۰۰۰  
دينار قيمتمده تقدير ايدلمش ايدى . فقط بو

[۱] ابن الاثير ۴۰ ج ۶ [۲] سيرالملوك ۸۵

قدر بيوك بر ثروته رغما بوقادين - (قيجه) -  
كندى اوز اوغلنى، (معتز) ى ۵۰,۰۰۰ دينار  
ايچون قتله معروض براقش ايدى [۱].

بوندن دهيا غريبى خلفاى عباسيه نك  
طقوزنجيسى (وائق) ك زوجه سنك ثروتى در .  
(قراطيس) اسمنده بولنان مشاراليم نك سنوى  
وارداتى ۱۰,۰۰۰,۰۰۰ دينار مقدارنده ايدى [۲].  
بوقادين (خيزران) ك سنوى وارداتنه  
يقين اولان بو وارداتى كندى جاريه لرى اوزرينه  
صرف ايدىوردى . خلفاى عباسيه نك اون  
سكزنجيسى (مقتدر) ك (شعب) اسمنده  
اولان والده سنك تربيه سنده ۶۰۰,۰۰۰ دينار  
بولمشلردى . بوپارلر تربيه صاقلانمش  
ايدى . كيمسه نك بوندن معلوماتى يوق  
ايدى . حال بوكه اوصره لرده اوغلى (مقتدر) ك  
وبيت المالك مضايقه سى صوك درجه ده بولنيوردى  
[۳] . كرك عراقه ده، كرك ديكر بلاد اسلاميه ده  
سائر خلفا والده لر ينك احوالى ده اكا كوره  
قياس ايدى بيليرسكنز . بوقادينلر هر يردى اله  
كچيردكلرى نفوذ و تأثير سايه سنده عسكرك  
قوماندانلرى ايله بالاتفاق دولتك هر درلوا مور  
و خصوصاتنه قاريشيرلر و ثروت مملكتى كندى  
خزينه لر ينه چكركلردى . نته كيم خلفاى عباسيه نك  
اون ايكنجيسى اولان (مستعين) - ۲۴۹ هـ -  
والده سى ايله امرادن (اتامش) و (شاهك خادم) ك  
امور دولتده و بيت المال خزينه سنده ايستدكلرى  
كبي حركت ايتلمرينه مساعد ايلمش ايدى . اطرافدن

[۱] طبرى ۱۷۱۹ ج ۳ [۲] طبرى ۱۷۲۰ ج ۳

[۳] ابن الاثير ۷ ج ۷

نته کیم دردنجی عصر هجری اوائلنده (مقدر)  
زماننده (ام موسی) نامنده کی خزینه داراوسته  
اویله جه پک بیوک نفوذ مالک ایدی [۱].  
قهرمانه لرك خلفا سرایلرنده کی اسرافاتی  
سرایلرده پک چوق جاریه لرك وخدمه وسائر نك  
بولنسندن ایلری کلیوردی.

(جاریه لر و غلاملار): - ده اول کوردیکمز  
اوزره (منصور) زماننده بر کوله طنبور  
چالیدنی ایچون (منصور) ک امری ایله طنبور  
انک باشی اوزرنده پارچه لاندیرلیدنی کی کوله ده  
خدمتدن جیقاریلوب صائدیرلمش ایدی.  
فقط (منصور) دن صکره قرق سنه کچمدن  
خلفا سرایلری تغنیه و ذوق و صفایه برر صحنه  
کسلمش ایدی. روایت کوره (رشید) ک  
سراینده کیمی چنکی، کیمی عود، کیمی  
دف، کیمی قانون، کیمی مزمارچالغه، کیمی ده  
شرقی سویلنکه ورقص ایتنکه و سنطور چالغه  
مخصوص اوچ یوز جاریه موجود ایدی.  
سرایه منسوب اولان ندیملر ایله شاملی خوش  
اطوار (شیخ ابوالحسن) [۲] و (ابن ابی  
مریم المدنی) [۳] وسائر کچی نکته کوپان  
ولطفه پردازان ایسه بشقه در. بوجاریه لردن  
هربری بیک، یاخود اون بیک دیناردن [۴]  
یوز بیک دیناره قدر مبالغ عظیمه ایله صاتون  
آلینور ایدی. بوکی جاریه لرك ملبوسات  
و مجوهراتنه صرف اولنن مبالغه پک چوق  
ایدی. خلفای عباسیه نك اوچنجیسی (مهدی)

کلن پاره لرك قسم اعظمی بونلرك خزینه لرینه  
کیدردی [۱].

بردولنده بواحوال بولندقیجه زنکینلک  
قادینلره و سرای آغلرینه و قوماندانلره انتقال  
ایتمی غریب کورلمز. فصل استغراب اولنور که  
(مستعین) ک والدنه نك اشیای میانه  
طوقومسی و تزیینی ۱۳۰,۰۰۰,۰۰۰ دیناره  
(دها طوغریسی درهم اولسه کرك) مال  
اولش بر کلیم موجود ایدی. کلیمک اوزرینه  
برطاق حیوانات و قوش شکلری ترسیم اولنش  
ایدی. حیوانات و قوشلرك جسملری آلتوندن  
و کوزلری مجوهراتدن یا پلمش ایدی [۲].  
قادینلرده او زنکینلک بولندقیجه بر قادین بر  
شاعره ک آغزینی اینجی ایله طولدیرمش ده او  
شاعر او اینجی بی یکریمی بیک دیناره صاتمیش  
دینبرسه شایان استغراب کورولورمی ؟ [۳].  
کذلك (قطرالندی) وسائر خلفا قادینلرینک  
اعطا ایتدکلری هدیه لرك بیوککلکی ده مبالغه لی  
طن ایتاملی [۴].

کرك خلفای عباسیه نك، کرك سائر خلفانک  
سرایلرنده بولنن قهرمانه لرك - خزینه دار  
اوسته لرك - احوالی ده جدأ شایان مطالعه دره  
بو قهرمانه لر وزیر ایله، یاخود وزیرک یرینه  
قائم اولان ذات ایله سرایلرك اداره سنه و مصرفه  
باقارلردی [۵]. بو قادینلرك خلفا سرایلرنده  
وامور دولنده پک بیوک نفوذلری وار ایدی.

[۱] ابن الاثیر ۷ ج ۴۷ ص ۱۳۴ ج ۱

[۲] ابن خلکان ۱۹۹ ج ۲ ص ۴۶ مستطرف ۴۶

ج ۲ [۵] ابن الاثیر ۳۷ ج ۸

[۱] ابن الاثیر ۲۴ ج ۸ ص ۲ [۲] اعلام الناس ۹۷

[۳] طبری ۷۴۳ ج ۳ ص ۴ [۴] ترتیب الدول ۱۲۶

یوز بیک دینار ایله بر یوزوک مبیاعه ایتمش  
ایدی [۱] . وقس علیه .

خافانك كندی معیترنده بولسیردقلری  
کوله لر و غلاملر دخی پک چوق بر مقدارده  
ایدی . (مقدر) ک خدمتده بولسان یالکز  
روم و زنجی حرم آغلرینک مقداری (۱۱۰۰۰) ه  
بالغ اولمش ایدی [۲] . بونسبتده بیوک بر معیت  
خلقی ایچون نه قدر مبانی و مفروشات و ساثره  
لازم اولدیغی دوشونمکه لزوم یوقدر . آل بویه  
ملوکنک اوچنجیسی (مزالدوله) تبدیل آب  
وهوا ایچون بغدادده انشا ایتدیردیکی بر سرایه  
۱۳۰۰۰۰۰۰۰ درهم صرف ایتمش ایدی [۳] .  
(امین) دخی ۲۰۰۰۰۰۰۰۰ درهم صرفیله  
بغدادده (خیزرانیه) جهتلرنده قصرلر انشا  
ایتدیرمش ایدی [۴] . مشارالیه (دجله) نهرنده  
سیروسفر ایتمک اوزره بری آرسلان ، ایکنجیسی  
فیل ، اوچنجیسی قره قوش ، دردنجیسی ییلان ،  
بشنجیسی آت شککنده اوله رق بش حراقه  
- سفینه - انشا ایتدیره رک بونلر ایچون پک  
چوق پاره لر صرف ایتمش ایدی . او دورک  
فحول شعراسندن (ابونواس) امینک مدحنه  
داثر یازدیغی اشعارده بوسفینه لری اسملری  
ایله برابر ذکر ایدیور .

اوزمانکی اسراف و سفاخته نمونه اوله رق  
شووقعینی ایراد ایدلم : برکون مشارالیه (امین)

[۱] ابن الاثیر ۴۴ ج ۶

( اصلده ) مهدی) نک برینه سهوا رشید دیفیلور )

[۲] الفخری ۲۳۴ [۳] ابن الاثیر ۲۱۱ ج ۸

[۴] ابن الاثیر ۱۱۲ ج ۶

(منصور) طرفندن بنسا ایدلمش اولان (خلد)  
نامنده کی قصرده کندیس ایچون بر نشیمن  
اوزرینه مفروشات فاخره سریلرک و هر طرفی پک  
چوق اوانی سیم و زور و مجوهرات قیمتدار ایله  
تزیین ایدیلرک صنعتکار - آلاتی و مغنی - یوز  
جاریه نك اوزر اوزر تزدینه چیقوب پک آهنگ  
اوله رق بر رشرقی تغنی ایللرینی جاریه لرینک قیسه سنه  
- ریسسه سنه - امر ایلش و ریسسه تلقی ایتدیکی  
امری آرزوسی وجه ایله اجرا ایتشدی [۱] .  
خلفامک بو قیلدن اولان اسراف و سفاختلری  
حقننده کی تفصیلاتی کنا بمزک هیئت اجتماعیه  
مباحثه متعلق اولان جلدنده یازم جفر .

(کرم و سخا) : - مع مافیه اسرافاتک  
اک بیوک قسیمی کرم و سخا قیلندن اوله رق  
بذل اولسان پاره لر دن تشکل ایدیوردی . او  
جمله دن بر طاقم یومی صرفیات عادتاً بر بورج  
حکمنه کیرمش ایدی . (رشید) کندی اموال  
خصوصیه سندن زکاتدن ماعدا هر کون بیک  
درهم صدقه ویریدی [۲] . (مأمون)  
کندی تعلقات و خواصنه کونده ۶۰۰۰۰ درهم  
مصرف یاپاردی [۳] . بو یومی صرفیاتک  
سنه لکنی حساب ایدر ایسه ک (مأمون) طرفندن  
سنه ده او یولده ۲۰۰۰۰۰۰۰۰ درهم صرف  
اولندیغی آکلا شیلیر . مع مافیه بوپاره لر خلفانک  
هبه و عطیه قیلندن ویردکلی مبالغه نسبه بیوک  
رشی دگل ایدی . (منصور) برکونده کندی  
خانه سی خلقنه ۱۰۰۰۰۰۰۰۰۰ درهم توزیع

[۱] ابن الاثیر ۱۲۰ ج ۶ [۲] طبری ۷۴۰

ج ۳ [۳] الفخری ۲۰۷





بوندن ماعد صحتی شبهه کو تورمین بر طاقم  
 وقایعک سیاقی ده اوصره لرده امثالی مشهود  
 اولیان بر کرم و سخنانک حکم فرما اولدیغی  
 کوستریور . شاعر ( مؤمل ) ایله ( مهدی )  
 آره سنده وقوع بولان بر سر گذشت بوقیلدندره .  
 ( مؤمل ) مهدی ولی عهد بولندیغی صره ده  
 انک ایله اولان سر گذشتی شویله جه حکایه ایدیور :  
 « ( مهدی ) ولی عهد ایکن ( ری ) ده یاننه  
 واردم . کندیسنک مدخنه دأثر یازدیغیم بر طاقم  
 یتلره مکافاة بکا یکر می بیک درهم عطیه  
 ویردی . پدری ( منصور ) کیفیتدن خبردار  
 اولنجه ( مهدی ) یه مؤاخذه بی حاوی بر مکتوب  
 یازدی . بو مکتوبده اوغلنه « بوشاعر سنک  
 قپو کده بر سنه مسافر قالدقدن صکره ا کا یالکز  
 درت بیک درهم ویرمی ایدک ، او قدر کافی  
 ایدی » دیمش . دها صکره ( منصور ) بی  
 نزدینه جلب ایتدی . یاننه وار دیغمده :  
 « سویله باقم . تجربه سز بر چو جوق بولدکده  
 آلداتک ، دکلی ؟ » دییه صوردی . بن ایسه :  
 « اوت ، شان وشو کتکز مزداد اولسون ،  
 تجربه سز ، سخی و کر مبرور بر چو جغه عرض  
 افتقار ایتدم ، اوده آلداندی . آلداتق ایسه  
 کر مبرور لرك شاننددر » دیدم . ( منصور )  
 سولدیکم ابیاتی دیکلمک ایستدی . ابیاتی  
 سولدم . « ابیاتک کوزل . فقط یکر می بیک  
 درهم ایتز » دبدی . آلدیغیم پاره بی نه یابدیغمی  
 صوردی . « یانمده در » دیدم . حاجی ( ربیع ) ه  
 « بو آدمی آل . یاننده کی پاره دن درت بیک  
 درمی کندیسنه ویر . قالانی آل » دییه امر

ویردی . ( ربیع ) پاره دن بکا درت بیک  
 درهم ویره رک باقیسنی المدن آلدی » [۱] .  
 بو حکایه دن شو آکلاشیلیور که شعرک  
 قیمتی بیکلرجه درهم ایله تقدیر اولنیوردی .

خلفا کندی خصوصی ثروتلرندمی  
 بو اسرافاتی یاپارلردی ؟

فقط عجیباً خلفا عطیه و مکافات قیلندن  
 اوله رق بو ویردکلی پاره لری کندی اموال  
 خصوصیه لرندمی ، یوقسه حکومتک خزینه سی  
 اولان بیت المالدنی اعطا ایدیورلردی ؟ بوراسنی  
 آکلامق ایسترز . بو خصوصده وقوع بولان  
 تدقیقاتمزد مورخلرک بو مسأله ده دأثر قطعی  
 بیانانه : است کله مدک . هپ بو جهتی سکوت  
 ایله کهچشدیر مشلردر . بو سکوت اولسه اولسه  
 او پاره لرک بیت المال خزینه سندن تأدییه ایدلرکنه  
 دأثر اولان ظنی تقویه ایدر . آنحق خلفا بو  
 صر فیاتدن طولای مؤاخذه ایدیه مز . چونکه  
 اسلاملرجه خلیفه بیت المالك ولیسیدر . اجتهدینه  
 کوره اسلاملره نافع کوردیکی شیلره پاره بی  
 صرف ایدر . خلیفه بر شاعر احسان ، برعالمه هبه  
 اعطاسنده دولت ایچون بعضاً بر منفعت کوره .  
 بیلیر .

بونکله برابر خلفای عباسیه نک دردنجیمی  
 اولان ( هدی ) زماننده خصوصی بیت المالك  
 - خزینة خاصه نک - ذکرینه راست کلدک .  
 خلفا زمانلرنده وقوع بولان بعض حادثاتک

سیاق و ارتباطندن آکلاشیلور که خلفا بر شاعره  
و سائر به عطیه و احسان امر ایتدیکه او عطیه نک  
آنحق ( بیت مال المسلمین ) دن تأدیه ایدلمسی  
آرزو ایدرلردی . وزرا بر جوق دفعه او بولده  
وقوع بولان اسرافندن اوصالچ کتیره نک تأیاته  
دائر اولان او امری تنفیذ ایتزلردی . نته کیم  
( عیسی بن دأب ) . ( هادی ) طرفندن  
ویریلن احسان مماله سند او یله بر حال وقوع  
بولش ایدی . ( عیسی بن دأب ) حجاز ادباسی  
میاندن نظم و نثرده و کوزل سویلکده ممتاز بر  
ذات اولدینی جهتله ( هادی ) نزدنده کندیسندن  
دها اول هیج بر کیمسه نک نائل اوله مدینی  
بر حسن توجه احراز ایتش ایدی . ( هادی )  
بر کون کندیسنه دفعه اوتوز بیک دینار  
احسان اعطاسی امر ایدر . ( ابن دأب )  
ایرتسی کونی بو پاره یی آلمق آوزده قهرمانی  
- خزینه دارینی - حاجبه - سرای مابینه جیسنه  
- کوندیریر . حاجب خزینه داره : « بوامرک  
بکا تعلقی یوقدر . دیوان ناظری مهرداد  
مراجعت ایدیکز ، جوابی ویریر . خزینه دار  
عودتله کیفیتی ( ابن دأب ) . نقل ایدر .  
ابن دأب « بکی ، طورسون ، دیر . ( هادی )  
بر کون بر ( مستشف ) نده - اطرافه ناظر بر  
کوشکنده - اوطورور ایکن ( ابن دأب ) ک  
یالکز بر اوشاق ایله اورادن کچدیکنی  
کوره رک یاننه جاغیریر . ( ابن دأب ) حضوره  
وارنجه ( هادی ) کندیسنه خطاباً : « حالا  
یقانمش انواب کیدیکی کوریورم . حال بوکه  
شیمدی قیشدر . یکی البسه کیمک لازم ،

سوزلرینی توجیه ایدر . ( ابن دأب ) ایسه :  
« افندم ، قولاجم قیصه در ، جوابی ویریر .  
هادی : « بو فصل اولور ! احوالک انتظام  
ویرمک ایچون سکا اقتضا ایدن پاره نک ویرلمسی  
امر ایتدیکمی ؟ » دیر . ( ابن دأب ) « احسانکیزی  
آلهمدم ، جوابنده بولنور . بونک اوزرینه  
( هادی ) بیت مال الحاصه - خزینه خاصه -  
ناظرینی نزدینه جاغیرمق : « شمدی همان اوتوز  
بیک دینار کتیر ، امرینی ویریر . پاره لردر حال  
کتیر یلوب ( ابن دأب ) . ویریلیر ، [۱] . شو  
حکایه نک سیاقندن آکلاشیلدیغنه کوره خلیفه  
( ابن دأب ) . بیت المال عمومیدن بو پاره یی  
ویرمک ایسته مش ایکن اورادن ویرلمدیکندن  
کندی خزینه خاصه سندن تأدیه ایلشدر .

( رشید ) طرفندن وزیر ( یحیی بن خالد  
بن برمک ) « اصدار اولنان بر امر دخی اوقیلدن  
دیگر بر مثال تشکیل ایدر . ( رشید ) بر جاریه نک  
بدلی اولان ۱۰۰۰،۰۰۰ دینارک صرفی یحیایه امر  
ایتمش ایدی . یحیی مبلغی جسوق کوره رک  
پاره یی ویرمکده تعلل کوستیریر . ( رشید )  
تعلل واقعدن کوجنیر . بونک اوزرینه ( یحیی )  
دولته هیج بر منفعتی اولمیان بو نوع تبذیراته  
بیت المال خزینه سنک تحملی اولدینی محسوس  
بر مثال شکلنده کوسترمک ایچون یوز بیک  
دینارک درهم اعتباریله طوتدینی ۱۰۵۰۰،۰۰۰  
درهمی کموش مسکوکات اوله رق صایوب  
( رشید ) ک آبدست آلدینی زمان کذرکاهی  
اولان صوفیه وضع ایتدیریر . ( رشید )



پاره پی کورنجه استکثار ایدر . بو پاره نك  
جاریه نك بدلی اولدیغنی کندیسنه سویلدکلرنده ده  
سرافاتنك بیوکلکنی آکلار . شو قدرکه  
کندیسنه بویوله مقاومت اولنمشنك بر جرأت  
اولدیغنی و بوندن اسرافاته برحد وضع ایدلنك  
ایستندلیکنی آکلایه رق مغبر اولور . روایت  
کوره بو وقعه ( رشید ) ی بر مکیلری تنکیله  
سوق ایدن اسباب جمله سندن بری اولدی [۱] .  
خلفای عباسیه نك طقوزنجیی اولان ( واثق )  
ایله وزیر ی ( ابن الزیات ) آره سنده دخی  
بر جاریه نك اثمانی تأدیبه ده اولیه بر حال وقوع  
بولش ایدی . ( ابن الزیات ) جاریه نك اثمانی  
تسویه ده تعلل کوسترنجه ( واثق ) جزا اولق  
اوزره کندیسنه پاره پی ایکی قات اوله رق تأدیبه  
ایتدیرمشدر [۲] .

( رشید ) طرفندن بغداده کلکه دعوتی  
حاوی مجتهدیندن ( سفیان ثوری ) یه تحریر  
اولنان نامه یه جواباً سفیانك ( ابوذر ) طرفندن  
معاویه یه قارشى استعمال اولنان لسانه مشابه  
شدید برلسان ایله رشیده یازدیغنی مکتوبك  
مندرجاتندن ده ( رشید ) ك عطیه واحسانلری  
( بیت مال المسلمین ) دن تأدیبه ایتدیردیکی  
آکلاشیلور . ( رشید ) کوفه ده بولنان  
( سفیان ثوری ) یه بر مکتوب کوندرمش  
و کندیسنی بغداده کلکه دعوت ایلش ایدی .  
( رشید ) مکتوبنده : « هرکس کندیسنك  
زردینه قوشدیغنی و کندیسنك ده خزینهلری  
آچهرق احسان و هدایای سینه ایله انلری

تلطیف ایتدیکنی الخ . . . » بیلدیرمش ایدی .  
( سفیان ) بونامه یه نك شدتلی بر مکتوب ایله  
مقابله ده بولندی . یازدیغنی شیلر جمله سندن  
دیپوردی که : « سنکه هر درلو علاقہ پی قطع  
ایتدیکنی ، سکا قارشى آرتق هیچ بر حرمت  
بسله مدیکمی ، بیت مال المسلمینه هجوم ایله  
اموال مسلمینی ايجاب ایدن جهنلردن غیرى  
وحکم شرعك خلافی طریقلرده صرف  
ایتدیکنکه دائر مکتوبکده بالذات وقوع بولان  
اقرار و اعترافك اوزرینه بنی شاهد اتخاذا  
ایلدیککی سکا آکلاتق ایچون بوجوابی  
یازیورم . بندن اوزاق اولدیفك حاله شو  
یادقلرکه اکتفا ایتيورسكده یایدیفك شیلره  
بنی ده شاهد اتخاذا ایتك ایچون بکا مکتوب  
یازیورسك . کرک بن ، کرک مکتوبك  
قراائنده حاضر بولنان رفیقلم سنك اوزریکه  
شاهد اولدق . یارین عادل مطلق جناب حقك  
حضورنده بوشهادتی ادا ایده جکز . ای هرون !  
بیت مال المسلمینه مسلمانلرک رضاسی اولمقسزین  
هجوم و تجاوزده بولنمشك . عجا شو یایدیفك  
شیلره روی زمینده بولنان مؤلفه - قبلری  
تألیف ایدیلنلر - ایله اوپولده صرف مساعی  
ایدنلر وفی سبیل الله مجاهدین و ابنای سیلمی  
موافقت ایتدیلر ، یاخود حملة قرآن و اهل  
علمی ؟ یاخود یتیملر و طول قادیلرمی ؟ ...  
یاخود رعایا کدن خلقمی ؟ ... » [۱]

ایشته بو و امثالی وقوعات خلفانك بیت المال

عباسیه اوائلنده بونلرک ذکرى موجود دکدی . حکیملر ، مغیار ، ندیملر وسائر کبی معیت خاصه سائر انواع مأمورینک ازدیادینی ده اکا کوره قیاس ایلك اقتضا ایدر . فی الحقیقه دولت طریق حضارتده ترقی ایتدیکجه بوازیداد ، اسرافات ورفاهیتک برنتیجه طبعیه سیدر .

بوندن ماعدا دولتک بعض مصرفلری اولجه بیت المال خزینه سنک غیرندن تسویه اولنور ایکن کشنی امکان خارجنده اولان برطاقم سیاهدن طولانی بوبارلر بالاخره بیت المال خزینه سندن تأدییه ایدلمکه بانه لاندی . واقعا بوجهتی کوستریر معلومات صریحه مفقوددر . شوقدر وارکه کوریلن بعض معلومات ضمناً بوجهتی تأیید ایتدیکده در . نته کیم ( معتضد ) زمانه عائد اولان مصرف جدولی ایله وزیر ( علی بن عیسی ) نك ( ۳۰۶ هـ ) زمانه عائد مصارفات جدولی آرده سنده برفرق کوریوریز . ( علی بن عیسی ) زمانه عائد جدولده حرمین مصارفاتی و مملکتده قضاتک واحتساب امینلرینک وبرید رؤسائک معاشاتی وسرحدرل مصارفاتی نامرلیله ذکر اولنان مصارفاتک مثلی ( معتضد ) زمانه عائد مصارفات جدولده کوریلور . چونکه ده اول کوستریدیکمز اوزره بومأمور لر معاشلرینی جبات ایتدکلری وارداتدن طوغریدن طوغری به آلیرلردی . ده صکره خلفا ضعیف دوشوبده والیرلر قمر ایدنجیه دولت ، مأمورلرک معاشاتی بیت المالدن تأدییه به مجبور اولدی .

برنجی جلدده بیان ایتدیکمز وجه ایله


خزینمسی پاره سیله هدیه واحسانلرده و اسرافات وتبذیراتده بولندقلرینی کوستریور .

## ۲ دولتجه مصرف قبولرینک چوغالسی

عهد نبویه دولت اسلامیه ده امیر ، وزیر ، قاضی ، قوماندانلق حضرت پیغمبرک ذاتنه مختص ایکن ده صکره خلفای راشدین زماننده دولت مأموریتلرینک آلتی مقامه بالغ اولدیغنی ، متعاقباً امویلر وعباسیلر دورلرنده ازدیاد مدنیت واتساع مملکتله مأمورین حکومتکده اونبته چوغالدیغنی برنجی جلدک ۱۰۰ نجی صحیفه سنده ذکر ایتمش ایدک . مرور زمان ایله واردات دولت چوغالدقجه وخلفا واعاظم رجال حکومتک راحت ورفاهیتیه طوغری میل وانجذابلری تزیاد ایتدیکجه مصالح حکومت دخی چوغالمقدمه ایدی . بوجهتله مثلاً ( رشید ) ک زماننده ( منصور ) ک زماننده کندن و ( مأمون ) ک دورنده ( رشید ) ک دورنده کندن زیاده دولتجه مأمور استخدام ایدلمش ایدی . مشارالیه مادن صکره کلن خلفا زمانلرینی ده آکا کوره قیاس ایدیکمز . خلفای عباسیه نك اون آلتنجیسی اولان ( معتضد ) زمانه ( ۲۷۹ هـ ) عائد اوله رق ده اول نشر ایلدیکمز مصارفات جدولده سرای خلقتدن خاصه غلاملری وکوله لر ومطبخ امینلری ومصاحبان واوزنکی آغازی ( رکابداران ) کبی معاش وتعیینات آلان برطاقم مأمورین کوریلورکه دولت



سرحدلردن آلتان واردات محلی مأموریتك  
 معاشاتنه و مصارفات سائر سینه صرف ایدیلهرك  
 بو وارداتدن بیت المال بهرشی کوندرلمزدی .  
 معافیله دولت عباسیه نك اوائلنده اجرا اولتان  
 آقینلر ساییه سنده بویرلردن غنائم و سائر  
 حاصلاتندن پك چوق واردات آلمقده  
 چككمكه مجبور اولدی . سرحدلر مصرفی  
 تزايد ایدله نهایت ( مقتدر ) زماننده  
 ۵۰۰,۰۰۰ دیناره بالغ اولمشدی . حال  
 بوكه ده اول بمصرف ۱۰۰,۰۰۰ دیناردن  
 عبارت ایدی . سرحدلرك وارداتی حد ذاتنده  
 اومبلنی طوتاردی . برطرفدن آلتوب محلی



شکل ۱۳ : بر قرآن کریمک صون صحیفه سی

ایدی [۱] . دهنا صکره ایسه دولت دور  
 انحطاطه کیرمکه آقینلر آزالوب غنائم کلامکه  
 باشلا دیقندن بیت المال سرحدلر مصرفلرینی  
 مصارفاتنه ویریلیدی [۱] . عسکر و سائر  
 مصارفاتنه وقوع بولان ازدیادك درجه سنی ده  
 اکا کوره قیاس ایدیکنز .




### ۳ معاشاتك تزايدى

ايسه اهلينك چالشمغه اولان هوسلرني  
كسر ايدر . مملكت ده برقات دها فقر وسفالته  
دوچار اولور .

اسلاملر حضرت پيغمبر وابوبكر زمانلرنده  
اله بكن اموال غنائم ايله كچينيرلردى . هر كسك  
حصه سي غنائمك چوق ويا آز اولمسنه كوره  
مختلف بولنوردى . دها صكره حضرت عمر  
زماننده ديوان تأسيس ايديلنجه مشار ايله هر

دها اول موجود اوليان برطاقم مأموريتلر  
احداثي يوزندن مصارفاتك ازديادي ايله  
اكتفا ايدلمدى . اسكیده موجود اولان  
مأموريتلر معاشاتي ودوائر حكومتك مصارفاتي ده  
آرتديرلدى . ذاتاً واردات دولت چوغالدقجه  
حكومت مأمورلرينك تزايد معاشات وتعييناتي ده



شكل : ۱۴ قدس شريفده جامع عمرى

مسلم ايچون سنه ده معين بر معاش تخصيص ايلش  
وبومعاشلري كورولن ايش اعتباريله دكل ،  
حضرت نبي يه اولان قرابت درجه سنه واسلاميتي  
قبولده كي قدمه كوره تقدير وتعيين ايتش ايدى [۱] .  
اوصورتله كه برمسلم كاتب ، ياخود والى ، ياخود  
قاضى اولوردى ده معاشنده برفرق بولمازدى .  
دها صكره مصالح دولت تعدد وتشعب ايدنجه

امور طبعيه دندر . شو قدر كه بزيان دولت  
ضعيف برتمل اوزرينه قورولش ايسه برمدت  
صكره ثروت حكومت انحطاطه دوشه چكي حالده  
معاشلر اسكيسي كي بيوك مقدارلرده قاله بچندن  
بيت المال انلري تاديه ده اظهار عجز ايدر .  
بونك اوزرينه حكومت آغير ويركيلر طرح  
وبو ويركيلري تحصيل ايچون شدت استعمال  
ايله كه مجبور اولور . بويله بر حالك نتيجه سي

مامورلره ایفایتدکلری وظائفه و حائز اولدقلری مناصبه کوره معاشرلر تخصیصنه مجبوریّت حاصل اولمش وعسکره ، والیلره ، کاتبیلره ، مابینجی وتشریفاتچیلره ، قاضیلره وسائرله آیری آیری معاشرلر تعیین ایدلمشدر . عباسیلر دورنده وزارت رتبه سی احداث اولندیغی زمان سائر مستحدث مناصب کبی اومقامی احراز ایدن ذاتده آیریمجه بر معاش تخصیص اولنمشدر . بومعاشرلر دولتلرک وازمنه نك اختلافنه کوره مختلف مقدارلرده تعیین ایدلمشدی . شمدی مناصب مذکورهدن الك مشهورلرینه تخصیص اولنان معاشرلرک مقدارینی تدقیق ایدلم .

( والیلرک معاشاتی ) : — والی معاشی اوله رق حضرت عمر زماننده آیده ۶۰۰ درهم تخصیص ایدلدیکی حالده [۱] بالآخره بومعاش والیلرک وولایتلرک اختلافنه کوره مختلف مقدارلرده تعیین اولندی . از جمله حضرت عمر شام والیسی بولنان ( معاویه ) یه سنوی معاش اولمق اوزره ( ۱,۰۰۰ ) دینار تخصیص ایتمش ایدی [۲] . دهها صکره حاکمیت امویله انتقال ایدنجه والیلرک عادتاً بر آنارشی یه دوشدی . چونکه بر طاقم والیلر امویله مظاهرت ایتدکلرندن طولایی ولایتلری ماکل اوله رق یاقه لادقلری کبی دیگر بر قسمی ده علویلر ایله محاربه ایچون پاره نك لزومندن بحث ایله بولندقلری ولایتلرده ایستدکلری کبی حرکت و وارداتده کیف مایشاتصرف اجرا ایدرلردی . معافیله بومساعده یالکز عراقین ( عراق

عرب وعراق بحجم ) ، مصر ، خراسان والیلری کبی بیوک ولایتلر والیلری حقننده جاری ایدی . امویلر زماننده عراق امیری — والیسی — بولنان ( یزید بن عمرو بن هبیره ) نك معاشی سنوی ۶۰۰,۰۰۰ [۱] وینه اودولت زماننده بصره امیری ( خالد قسری ) نك سنوی وارداتی ۱۳,۰۰۰,۰۰۰ درهمه بالغ اولمش ایدی [۲] . معافیله خالدک بو وارداتی معاش قیلندن اولدیغی ایچون مقیس علیه اوله ماز .

ذکر اولنان والیلرک معیتلرنده بر طاقم کوچک والیلر — متصرفلر — بولنوردی که عراقده ( حجاج ) ومصرده ( عمرو بن العاص ) ک یابدقلری کبی والیلر بومعیت مأمورلرینی اقتضا ایدن یرلره تعیین ایدرلردی . بو کوچک والیلرک معاشرلری آیده اوچ یوز درهمی تجاوز ایتماک اوزره تحدید ایدلمش ایدی [۳] . مذکور معاشرلر ( مأمون ) ک زمانه قدر اومقدارلرده دوام ایتدی . مشارایله زماننده ثروتک چوغالسی وخراسانلیلردن ( مأمون ) ه ظهیر اولانلرک جلب ممنونتی مطلوب اولسی حسیله وزیر ذوالریاستین ( فضل بن سهل ) طرفندن تزئید اولنان معاشرلر جمله سندن اوله رق اوکوچک والیلرک ویا مأمورلرک معاشاتی ده تزئید ایدلدی . معافیله معاش مقداری ولایتلره کوره بشقه بشقه اعتبار اولنوردی . والی یالکز اوفاق برولایته تعیین اولنش ایسه معاشی ده اونسبتده آز اولوردی . متعدد ولایتلره ، یاخود بیوک

[۱] ابن خلکان ۲۸۱ ج ۲ [۲] ابن خلدون ۹۶

ج ۳ [۳] طبری ۴۳۴ ج ۳

[۱] سراج الملوك ۲۷۷ [۲] مقریزی ۹۰ ج ۱

برولایته نصب ایدلش ایسه محیط ماموریتک اهمیت ووسعتی وخلیفه نك والینك شخصی حقننده کی درجه توجهی نظر دفته آلتهرق اكا کوره معاش تقدیر ایدیلردی . اوجمله دن (مأمون) شرق ولایتی مشارالیه (فضل بن سهل) سنوی ۳۰۰۰۰۰۰۰ درهم معاش ایله توجیه ایتدیکی صرمد حربه سی ایکی شعبه لی برمزراق اوزرنده بریراق عقدایله کنديسنه تسلیم ایلش و(ریاست سیف و قلم) دیمك اولان (ذوالریاستین) لقبی دخی توجیه ایتشدی [۱] . بوندن ماعدا فضلک قلبجك برطرفه کوش ایله (ریاست الحرب) ودیگر طرفه (ریاست التدیبر) کله لری نقش ایتدیرمشدی [۲] . بوشرق ولایتی طولاً همدان طاغندن تیته وعرضاً فارس دگزندن (بصره کورفرزندن) بحر ديلم (بحر قزوین) وجرجانه قدر امتداد ایدیوردی . (مأمون) ک بوفوق العاده توجیهاتی مشارالیه (فضل بن سهل) ک (امین) . قارشی کنديسنه واقع اولان فوق العاده مظهرته مکافاة اختیار ایلش ایدی . طبیی دیگر والیر وازجمله مشارالیه (فضل بن سهل) ک مأمور اولدینی قطعه جسمیه ده معیتده بولنان اونی متجاوز والیر نائل اولماز . لردی . مع مافیه بومأمورلک مأموریتی ولایته کوره مختلف ایدی . (ابن حوقل) کوچك والیرک - متصرفلرک - خراسانده وماوراء النهرده حکومت سورن سامانیلرک آلتنجیسی (منصور بن نوح) (۳۵۰-۳۶۵) زماننده کی معاشلر - بنك ۳۰۰ ایله ۱۰۰۰۰ درهم آره سنده بولندیقی

[۱] ابن حوقل ۳۴۴

[۲] Ein. Abb. 80

[۳] Whitaker's Almanack 466

ذكر ایدیور [۱] . بونلرک سائر زمانلرده ده بومقدارده معاش آلدقاری قیاساً تخمین اولنه ییلیر . هر حالده طوغریدن طوغرییه خلیفه یه مربوط اولان بیسوك ولایتلر والیرلرینك معاشلری (فضل بن سهل) ک معاشنده کورولدیکی اوزره پك بیسوك مقدارلرده ایدی . دردنجی عصر هجری ابتدالرنده مصرده والی بولنان (حسن بن علی ماذرانی) نك والیلک معاشی آید ۳۰۰۰۰ دینار [۲] ، یاخود ۶۰۰۰۰۰۰۰ درهم ایدی . بوحساب ایله سنك معاشی ۷۲۰۰۰۰۰۰ درهمه بالغ اولور . دیگر مستقل والیرک معاشی ده اكا کوره قیاس ایدیکز .

[۱] ابن الانیر ۱۰۳ ج [۲] طبری ۸۴۱ ج ۳



(دیوان کاتب‌لرینک معا-اتی) : — (مأمون)ک زمانه قدر کاتب‌لرک (مکتوب‌بجیلرک ویا تحریرات مدیرلرینک) معاشاتی کوچک والیرک معاشاتی کبی آیده ۳۰۰ درهمدن فضلہ دکل ایدی . دهاول کورولدیکی اوزره (مأمون)ک وزیری (فضل بن سهل) طرفندن بومعاشلر تزید اولمشدی . آنجق وقوع بولان ضماٹک نه مقدارده اولدنی حقیقه معلومانه راست کله مدک . بوضاٹم امثاله قیاساً بیوک مقدار . لرده اولق لازم کلیر . معاشلردن ماعدا بوکاتبلره یومی اذراق تعییناتی ده ویریلیدی . (مقریزی) کرک بوکاتبلردن هریرینک وکرک عائله لری افرادینسک مصرده دولت فاطمیه زماننده کونده سبزه و بهارات و حلویات (طاتیلیر) واثمار و فوا کهدن و عطریات و سائر اطعمه دن و مفروشات و ملبوساتدن آلدق‌لری تعییناتی تعداد ایچون بوکتاب صحیفه لری حجمده ایکی ، اوج صحیفه طولوسی یازی یازمشدر . بزاخصار مقصدیلہ بوقدر سولیکله اکتفا ایدیورز . تفصیلاتی آرزو ایدنلر اورایه مراجعت ایتسونلر [۱] .

(وزیرلرک معاشاتی) : — وزارت دولت عباسیه نک احداث ایتدیکی مناصبدندر . بودولتده ایلک کسب شهرت ایدن وزرا برمکیلر ایدی . بونلرک مقدار معاشلرینی کوستریر معلومات بوله مدق . معافیه قرائن احوالدن آ کلاشیلورکه برمکیلرک آلدق‌لری معاشلر پٹ بیوک مقدارلرده ایدی . برمکیلر

[۱] مقریری ۳۹۹ ج ۱

امور دولته ایستدکلری کبی کسوب بچرلردی . عباسیلرک اون آلتنجی خلیفه سی اولان (معتمد) زمانه عاٹد اوله رق بوجلدک ۷۱ نجی صحیفه سنه درج اولتان مصارفات جدولنده خلیفه مشارالیه ک دورنده وزیرک یومی معا- شنک (۳۳۱) ، یاخود شهری معاشنک (۱۰،۰۰۰) دینار اولدیغنی کوریورز . آلتون وکوشک بوکونکی دکرلرینه باقار ایسه ک مذکور معاشک بوزمانه کوره ۱۰،۰۰۰ انکلیر لیراسندن فضلہ طوتدینغی آ کلاشیلیر . بوعصرده هیچ بروزیرک بوقدر معاش آلدیغنی یوقدر . دور استبداده دولت عثمانیه ده بروزیرک (ناظرک) معاشی آیده ۳۰۰ لیرا ایدی . یالکز صدراعظم بیک لیرا معاش آلیدی . مصرده برناظرک معاشی (۲۵۰) انکلیر لیراسیدر . انکلتره نک اک بیوک وزراسنک (ناظرلرینک) معاشی ایسه سنوی ۲،۰۰۰ لیرادن عبارتدر [۱] .

معافیه دول اسلامیه ده وزرانک معاشلری دولتلرک وزمانک اختلافنه کوره مختلف مقدارلرده بولنور ایدی . اندلسده (عبدالرحمن ثالث) زماننده وزیر سنه ده ۸۰،۰۰۰ دینار معاش وهدیه لر آلیدی [۲] . آلتنجی عصر هجری اورته لرنده خلفای عباسیه نک اوتوز برنجیسی اولان (مقتدی) نک وزیر (یحیی بن هبیره) نک سنوی معاشی ۱۰۰،۰۰۰ دینار مقدارنده ایدی [۳] . وزرایه ویریلن معاشلردن ماعدا اوغللرینه و برادرلرینه و خدم

[۱] ویتاقر ۱۷۰ [۲] نفح الطیب ۱۶۸ ج ۱

[۳] الفخری ۲۷۸

او زرينه معاشر تزيل ايدلديكندن ايكنجى خليفه (منصور) زمانده مصر قاضيسنك شهرى معاشى ۳۰ دیناره اينديرلمشدر . (منصور) ك خلفلى زمانده معاشر تكرار تزيد ايديلهرك نهايت (مأمون) زمانده (سنه ۲۱۳ هـ) مصر قاضيسنك معاشى آيد ۴,۰۰۰ درهم ، يعنى تقريباً ۲۷۰ دیناره ابلاغ اولمشدر . دها صكره (ابن طولون) زمانده مصر قاضيسنك معاشى تكرار سنه ده ۱,۰۰۰ دیناره تزيل ايدلمشدر [۱] .

بغداده كلنجه دولت عباسيه نك اوائلده قاضيلره نه قدر معاش تخصيص ايدلديكنه دأر معلومات بوله مدق . شو قدر كه خلفاى عباسيه نك اون آلتنجيسى (معتضد) زمانه عأد اولان مصارفات جدولنده قاضينك يومى معاشى معتبده بولنان فقهاون اون ذ ته قاضى و كينه ويريلن اجرتلرده داخل اولدينى حالده (۱۶۰۰) دیناره ، ياخود آيد ۵۰۰ دینار اولدينى كوستريلور . ذكر اولنان فقهايه و و كيله نه قدر اجرت ويريلر ايه ويرلسون يته بومعاش زمان حاضرده كي قاضيلره ويريلن معاشدن فضله ده . دولت عثمانيه ده استبداد دورنده درسه عادتده بولنان شيخ الاسلامك معاشى ۵۰۰ عثمانى ليراسى ايدى . اوزمانكى نقودك قيمتى ايله بوكونكى نقودك قيمتى يئنده كي فرق نظر تأمله آليرايسه آره ده كي فضله آكلاشيلير .

(خلفانك واقربالرينك معاشات) : —  
وزرا و كتابك اقربا و تعلقاته معاشرلر تخصيص

و منسوبينه ده آيريجه معاشرلر اعطا و كرك وزير ، كرك ذكر اولنان تعلقات و منسوبينه — باخصوص مصرده — برچوق ارزاق و آربه نقلر تخصيص اولنوردى . مصرده تأسيس حكومت ايدن دولت فاطميه ده وزيرك معاشى آيد ۵,۰۰۰ دینار و اوغلاريله برادرلرندن هر بيرينك شهرى معاشى ۲۰۰ الى ۳۰۰ دینار و تعلقاتدن عددلرينه كوره هر بيرينك معاشى ده ۳۰۰ الى ۵۰۰ دینار بولمقده ايدى . بومعاشرلر وزرا و تعلقاتنه ويريلن مقاطعهلر [۱] و ارزاق و ساثره تعييناتندن بشقه در . فاطمیلردن (عزيز بالله) زمانده وزير بولنان (ابن عمار) و حرمى خليفه ويريلن ات و بهارات تعييناتى آيد ۵۰۰ دینار ط، تيوردى . بردينار قيمتمده برسپت ميوه ، بردينار قيمتمده اون رطل موم ، ياريم يوك خرما دخى ويريليردى [۲] .

(قاضيلرك معاشاتى) : — خلفاى راشدين زماننده قاضينك معاشى آيد يوز درهم ايله احتياجات بيتيه سنه كفايت انده جك برمه عأدار معين بغداددن عبارت ايدى [۳] . بومعاش امويلر زماننده ساثر معاشرلر كي ترقى ايتديرلمش و ۸۸ سنه هجرية سنده مصر قاضيسنك سنوى معاشى ۱۰,۰۰۰ دیناره [۴] ، يعنى خلفاى راشدين زماننده كي مقدارينك اون مثله ابلاغ ايدلمشدر . متعاقباً خلافتك عباسيلره انتقالى

[۱] مقرئى ۴۰۱ ج ۱ [۲] مقرئى ۳ ج ۲

[۳] سراج الملوك (مقدمه نك هامشى اوزرنده) ۲۷۷

[۴] سيوطى ۱۱۵ ج ۲

ایدن خلفانك كندی نفسلری و كندی اوغللری  
واقربا و تعلقاتلری ایچون معاشلر تخصیص  
اولمسی اولی و احق بوله جققلری درکاردر .  
ذاتاً بیت المال خزینه سی خلفانك انده بولنوردی .  
بونكه برابر خلفانك كندی عائله لری افراینه  
غیر معطرد صورتده و لمسی امر ایتدکلری  
کوی و چفتکلر و باره دن ماعدا بو خصوصده  
صریح و قطعی معلوماته راست کلمه مدك . بوتأديات  
و تخصیصات علی الاکثر بر خلیفه نك جلوسی  
صره سنده اقرباسندن رقیبلری بولنور ایسه  
انلرک موافقتلری تأمین ایدلک ایچون اعطا  
اولنوردی . نته کیم ایکنهی خلیفه عباسی  
( منصور ) کندی اوغلی ( مهدی ) ایچون  
- کندیسی و اوغللری ایچون - ولی عهدلیکی  
برادری ( عیسی بن موسی ) دن ۱۱,۰۰۰,۰۰۰  
درهم ایله اشترا ایلش ایدی [ ۱ ] . کذلک  
( منصور ) کندی عمجه لرینک سعه حالنه خدمت  
ایتمک و کندیسه نصرت و مظاهر تلمی تأمین  
ایلمک ایچون انلرک هر برینه بیت المال خزینه سندن  
بر میلیون درهم اعطاسی امر ایتمش ایدی [ ۲ ] .  
تاریخ اسلامیده بونی ایلک یابان ذات ( منصور )  
ایدی . برده قرائن احوال دن آکلاشلدیغنه  
نظراً مذکور باره لر هر سنه مشار الیه مه تأدیه  
اولنوردی . ( منصور ) ک اوغلی ( مهدی )  
وفات ایتدیکی زمان عائله سی افراندن هر برینه  
سنوی ۶,۰۰۰ درهم معاش تخصیص ایلشدر [ ۳ ] .  
ظاهر حال دن آکلاشیلورکه دهاسکره خلافت

[ ۱ ] ابن الاثیر ۲۷۵ ج ۵ [ ۲ ] طبری ۴۲۰

ج ۳ [ ۳ ] سیرالملوک ۶۰

خاندانی افرادینه بونستبد معاش اعطاسنه دوام  
اولمشدر . بونلره ویا خصوص خلفا اوغللرینه  
و علی الاخص ولی عهدلره و بریلن بیوک هبدر  
داخل حساب دکلدر . دردنجی خلیفه عباسی  
( هادی ) ۱۷۰ سنه هجریه سنده اوغلی ( رشید )  
ولی عهدلکدن محروم ایتکی دوشوندیکی زمان  
( رشید ) ۵ بر میلیون دینار ایله خراجک نصفنک  
کندیسه اعطا اولمسی امر ایلش ایدی [ ۱ ] .  
( رشید ) ک ؛ خلافتی زمانده اقربا و تعلقا  
تنک معاشاتی تزید ایلدیکی قرائندن آکلا .  
شلمقده در . کذلک ( مأمون ) زمانده عموم معاشلر  
تزید اولندیغی صره ده خلافت خاندانی افرادینک  
معاشاتی ده تزید ایلش اولمسی لازم کلیر .  
او وقته قدر خاندان خلافت افرادی چوغلمش  
و بونلرک مقصداری ( مأمون ) ک زمانده  
۳۳,۰۰۰ نفوسه بالغ اولش ایدی . ( مستعین )  
۲۴۸ سنه هجریه سنده مقام خلافتی احراز ایدنجی  
متوکلک اوغللری اولوب ( متنصر ) طرفندن  
ولی عهدلکدن خلع ایلش بولشان ( معتز )  
و ( مؤید ) دن بتسون ماللرینی اشترا و او زر .  
لرینه بو خصوصده شاهد اتخاذا ایلش و ( معتز )  
سنده ۲۰,۰۰۰ و ( مؤید ) سنده ۵,۰۰۰  
دینار واردات کتیرر عقارات براققدن صکره  
ایکیسنی ده حبسه القا ایتشدر [ ۲ ] .

وقتا که دردنجی عصر هجری اوائلنده  
دولت عباسیه امیرالامرا ( ابن رائق ) ک تمرد  
و تغلی آلتنه دوشدی ، خلفانك بیت المال دن  
صرفاتنده کی صلاحیتلری کندیلرندن چیقهرق

[ ۱ ] ابن الاثیر ۴۰ ج ۶ [ ۲ ] طبری ۱۰۷ ج ۳



تخصیص ایتک عصر حاضر متلری میاننده  
دخی جاری بر عادتدر . دول متدنه ده بو  
معاشلر علی الاکثر دولتک بودجه سنده محرر  
بولنور . انکلترده عائله حکمدارینک کچن  
سنه یه عائد ( ۱۹۰۲ م ) سنوی معاشلری آتیده  
کو ترلشدر :

انکلترده خاندان حکمدارینک معاشاتی

انکلیز لیراسی

۱۱۰,۰۰۰ قرال ادواردک معاشی

۱۲۵,۸۰۰ سرای مستخدمینی معاشی

۱۹۳,۰۰۰ سرای مصارفاتی

۴۱,۲۰۰ دیگر مصرفلر و صدقلر

۴۷۰,۰۰۰ ( قرالک مجموع تخصیصاتی )

۱۶۰,۰۰۰ عائله حکمدارینک سائر افرادینک

معاشاتی

۶۳۰,۰۰۰ یکون

عائله خدیونک سنه مذکوریه عائد

معاشاتی ده بروجه آتیدر :

مصرف لیراسی

۱۰۰,۰۰۰ خدیوک معاشی

۹۷,۹۲۷ عائله خدیوی افرادینک معاشاتی

۵۷,۴۳۴ خدیوک معیتی مصارفاتی

۲۵۵,۳۶۱

دولت عثمانیه ده خاقان مخلوع عبدالحمیدک

مصارفات و مخصصات سائر داخل حساب

اولماق اوزره آید معاشی ۷۵,۰۰۰ یاخود

سنوی معاشی ۹۰۰,۰۰۰ عثمانلی لیراسی ایدی .

رجال دولته انتقال ایلدی . بیت المال خزینه سندن  
الچکدیریلن ایلک خلیفه ۳۲۹ سنه هجریه سنده  
وفات ایدن ( راضی بالله ) ایدی . بو تاریخدن  
اعتباراً سردارلر و سائر رجال دولت بیت المال  
خزینه سنی و بتون اموال دولتی اله کچیره رک  
ایستکلری کچی حرکتنه باشلادقلاندن اللرنده  
پاره و نفوذ قالمیان خلفا معاشه محتاج اولمشلر  
بوو احتیاج نتیجه سنده کندیلرینه اوافق بر  
معاش تخصیص ایدلمشدر [۱] .

آکلاشیلورکه بوزماندن ده اول خلفانک  
غنائمن شرعاً کندیلرینه تخصیص اولنان  
حصه دن ماعدا معین معاشلری یوق ایدی .  
یا لکتر حضرت ( ابوبکر ) بودیدیکمز دن مستثنی  
ایدی . چونکه مشارالیه کرک کندیسنک و کرک  
عائله سی خلقنک مصارفات ضروریه سنه قارش  
۶,۰۰۰ درهم معاش تخصیص ایدلمش  
ایدی [۲] . ( ابوبکر ) دن صکره مارالذکر ( ابن  
رائق ) ک زمانه قدر خلفایه مخصوص معاشاتک  
ذکرینی هیچ بر یرده کورمه دک . دیلی ( آل  
بویه دن ) معزالدوله ۳۳۴ سنه هجریه سنده  
بغدادی تسخیر ایتدیکی صروده خلیفه  
( مستکفی ) یه مصارفاته قارش اوله رق کونده  
۵,۰۰۰ درهم معاش تخصیص ایلدی . لکن  
بو معاش نادراً تأدیه اولنوردی . [۳] . بوندن  
صکره ایسه محلنده کوستره جکمز اوزره خلفانک  
فقرو فاقه دوری باشلار .

حکمدارلره و عائله لری افرادینه آیلقلر

[۱] الفغری ۲۵۴ [۲] مقریزی ۹۵ ج ۱

[۳] ابن الاثیر ۱۷۶ ج ۸

( خلفانك معيتمده بولنان مأمورين  
 وخدمه نك معاشاتی ) : -- خلفانك معيت  
 خلقندن مقصد حكيملر ، ماینه جیلر ، خاصه  
 محافظلری کبی وظیفه نری دولته دکل ، طوغریدن  
 طوغری یه خلیفه یه تعلق ایدن مأمورلردر .  
 بولنرك معاشلری خلیفه نك خزینه خاصه سندن  
 تأدیه اولنوردی . مع مافیه بولنره بعضاً خزینه  
 مالیه دن ده معاشلر تخصیص ایدیلوردی . بومه نسلر  
 ( رشید ) زماننده خاصه حکیم باشیمی بولنان

( جبریل بن بختیشوع ) ه تأدیه ایدیلن معا-  
 شلردن استدلال اولندیغه نظراً بیوک مقدارلرده  
 ایدی . مشارالیه ( جبریل ) ه بعضلری  
 رشید خزینه خاصه سندن ، دیگرلری ده بیت المال  
 خزینه سندن نقد اوله رق متعدد معاشلر  
 ویریلیوردی . ( جبریل ) ك كندی کاتبك  
 خط دستی ایله محرر کوریلن معاشلری دیگر  
 صحیفه ده کوسترلمشدر [۱] :

[۱] طبقات الاطباء ۱۳۶ ج ۱



( رشید ) ك حَكیم باشیسی ( جبریل بن بختیشوع ) ك سنوی مرتباتی

درهم	خزینة مالیہ دن	
	۱۲۰,۰۰۰	تقدی معاش
۱۸۰,۰۰۰	۶۰,۰۰۰	مسافر لرینہ اطعمہ پاروسی
	خزینة خاصہ دن	
	۵۰,۰۰۰	تقدی معاش
	۵۰,۰۰۰	قیمتندہ البسه
	۵۰,۰۰۰	خرستیانلر ك پرهیز یورطی ( Pâques ) کونندہ ہدیہ
	۱۰,۰۰۰	شعائین ( Dimanche des Rameaux ) یورطیسندہ ہدیہ
		ایدیلن قماش پاروسی
	۵۰,۰۰۰	عید فطر دہ نقداً ہدیہ
	۱۰,۰۰۰	البسه واقشہ اولہرق ہدیہ
	۱۰۰,۰۰۰	رشید دن سنہ دہ ایکی کرہ قان آلق ایچون ( ہر دفعہ سنہ دہ ۵۰,۰۰۰ )
۴۲۰,۰۰۰	۱۰۰,۰۰۰	رشیدہ سنہ دہ ایکی دفعہ ایچیریلن علاج ایچون ( ہر دفعہ سنہ دہ ۵۰,۰۰۰ )

رشیدك منسوبیندن نقد ، البسه و عطریات اولہرق

۵۰,۰۰۰	عیسی بن جعفر دن ( منصور ك حفیدی ، یعنی رشیدك عمر زادہ سی )
۵۰,۰۰۰	زبیدہ ام جعفر دن ( رشیدك زوجہ سی )
۵۰,۰۰۰	عباسہ دن ( رشیدك ہمشیرہ سی )
۳۰,۰۰۰	ابراہیم بن عثمان دن
۵۰,۰۰۰	فضل بن ربیع دن
۷۰,۰۰۰	فاطمہ ام محمد دن
۱۰۰,۰۰۰	البسه ، عطریات ، بینك حیواناتی

برمکیلر دن

۶۰۰,۰۰۰	یحیی بن خالد دن
۱,۲۰۰,۰۰۰	جعفر بن یحیاد ( وزیر )
۶۰۰,۰۰۰	فضل بن یحیاد

۲,۴۰۰,۰۰۰

چققلکلر نندن کلن واردات ۸۰۰,۰۰۰

مقاطعہ سنك فضلہ حاصلاتندن ۷۰۰,۰۰۰

یکون ۴,۹۰۰,۰۰۰



بالاده کی جدولدن آ کلاشدیغی وجه ایله  
(رشید) ک حکیم باشیسی (جبریل) ک سنوی  
مرتباتی ۴,۹۰۰,۰۰۰ درهم ایدی. (جبریل)  
یکرمی اوچ سنه (رشید) ک خدمتده بولندی.  
بمدتی نظر اعتباره آلهرق حساب یابهحق  
اولور ایسه ک طیب مومالیهک دولت عباسیه  
پاره سندن ۱۱۲,۷۰۰,۰۰۰ درهم آلدینی تظاھر  
ایدی. مبلغ مذکوردن (برمکیل) ک نکبت  
وفلاکتی سببیه صوک اون سنه ظرفنده کسین  
معاشلرینک بالغ اولدینی ۲۴,۰۰۰,۰۰۰ درهم  
طرح ایدیلیرایسه ۸۸,۷۰۰,۰۰۰ درهم قالیرکه  
بومبلغ (جبریل بن یحشیشوع) ک جسم عطیه  
واحسانلردن ماعدا دولت عباسیه دن قازاندینی  
پاره لری کوستیر. شمدی بوباره نک نره لره  
کیتدیکنی آ کلامق ایچون طیب مومالیهک  
مصارقاتی مین اولان آئیده کی جدوله ده نظر  
ایده لم :

درهم

۲۷,۶۰۰,۰۰۰ کندی نفسی و خانه سی خلقی

ایچون سنوی ۱,۲۰۰,۰۰۰ دن

۲۳ سنه لک مصرف

۷۰,۰۰۰,۰۰۰ خانه، باغچه، تزهکاهلر وینک

حیواناتی و کوله وسائر اثمائی

۸,۰۰۰,۰۰۰ آلات و ادوات اثمائی و صنعتکار

اجرتی وسائر

۱۲,۰۰۰,۰۰۰ کندی تعلقاتنه ساتون آلدینی

کوی و چفتلکله کیدن پاره لر

۵,۰۰۰,۰۰۰ مجوهرات و مدخرات اثمائی

۳,۰۰۰,۰۰۰ ایلک واحسان و عطیه یولنده

صرف ایتدیکی پاره

۳,۰۰۰,۰۰۰ ودیعه اصحابک انکار ایتدکلری

مبالغ

۱۲۸,۶۰۰,۰۰۰ (مجموع اصلی ۹۰۰,۰۰۰ دینار

و ۹۰,۶۰۰,۰۰۰ درهمدر )

اوضره لرده خلیفه نک معیتده مستخدم سائر

خاصه مأمورلرینک معاشاتی ده بوکا قیاساً

تقدیر ایتک لازم کلیر. زیرا (رشید) ک خاصه

محافظلر آغاسنک - صاحب الحرسنک - معاشی

سنه ده ۳۰۰,۰۰۰ و عسس باشی آغاسنک،

یعنی ضابطه ناظرینک - صاحب الشرطه سنک -

معاشی سنه ده ۵۰۰,۰۰۰ و ماینچی و تشریفا -

تجیسینک - حاجینک - معاشی سنه ده

۱,۰۰۰,۰۰۰ درهم ایدی [۱].

(عسکرک معاشاتی) : - اوائل اسلامیتده

بتون اسلاملرک نصل عسکر اولدقلرینی،

حضرت عمر طرفندن بونلره - جناب پیغمبره

درجه قرابت و اسلامیتده کی مرتبه قدملری

اعتباریه - نه مقدارلرده معاشلر باغلاندیغی،

بومعاشلرک امویلر دولتی اوائلنده نصل

آرتدیریلوب دولتک صوک زمانلرینه طوغری

نصل تنقیص ایدلیدیکنی، متعاقباً عباسیلرک

اوائل دولتلرنده بومعاشلر تکرار نصل تزئید

ایدیلوب دهها صکره (مأمون) زماننده پیاده

نفرک معاشی - جنک وجداله کیدر ایسه

اعطاسی طبیی اولان غنائم حصه سی مستثنی

اوله رق - ۲۴۰ درهمه وارنجیه قدر نصل

ایتدیکنی برنجی جلده یازدیغمز عسکر بختنده

[۱] طبقات الاطباء ۱۳۲ ج ۱

(معتصم) تركلردن ، فرغانه ليلردن ، مغاربه دن معيته آدم آلارق بونلری عسکر ياقمقله دها اول كوستردكمز اسبا بدن طولايي خلفا ضعيف دوشمش وهرشیده قوتك مرجعي عسکره انتقال ايلمشدی . (بابك خري) نك [\*]

(\*) (بابك) مأمون خليفه نك زماننده ظهور اتمش برزندقدركه قتل وزنا وساثر محرمانی مباح ايدرك يكي بر مذهب چقارمش ایدی . بر چوق خق كندهينه تابع اولوب (بابكيه) و (فرخيه) تميريله ياد اولورلردی . بابك (بذ) قصبه سنی ملجا و مركز اتخاذا ايدرك ۲۰ سنه قدر مقاومت ايتش واطرافه صارقندبلق ايدرك برچوق غنائم واسرا طولامشدی . هایت (معتصم) ك زمان خلافتنده و۲۲۳ تاريخنده (افشين) نام قائد طرفندن طوتيلوب بغداده (طوغريسي سامرادر) كوتورلكله اعدام اولمئدر . بوكا كندی طائفه سی (بابك فرخ) ديرلردی . قاموس الاعلام

(بابك) ۲۰۱ سنه هجريه سننده (اذريجان) ايله (اران) آرمه سننده كاڭ (بذ) ناحيه سننده ظهور ايلمشدی . بابك مذور ناحيه امیری (جاويدان بن سهل) ك روسی كندهينه انتقال ايتديكنی ادعا ايديوردي . نشر ايتديكي مذهب كوره بر انسانك كندی والده سی و همشیره وقیزی ايله نكاحده بولنسی جائز كوردلديكنندن طرفدارلری بومذهبه (مسرت مذهبي) نامی ويرلردی . بوندن ماعدا بومذهب طرفدارلری ارواحك برحوواند ديكرينه انتقاله ، يعنی مذهب تناسخه قائل ايديلر . (افشين) بابك اوزرينه احراز غايبه ايدنجيه طرفدارلری قلیچدن كچيرمشدی . (بابك) بومملوبيت اوزرينه فرار وروم مملكتنه التجا ايتك ايسته مش ايسه دهه وفق اوله ميه رق يوله در دست ايدلشدر . محاربه نيجه سننده (بابك) ك طرفدارلردن ۳،۳۰۳ كشي اسير ايلمش واسلاملردن فادين ، چوق چوق اولق اوزه نؤونده اسير بولنان ۷،۶۰۰ نفوس اسارتدن قورتارلشدر .

مترجم

۱۴۶ نجی صحيفه ده بيان ايلش ايدك . مع مافيه قرائن احوال دن آكلاشيلوركه دولت عباسيه نك اوائلنده غنائم حصه سی عسکره ويرلماكه باشلامش ایدی . ايشته بوسيبه مبنی عسکر ۱۹۸ سنه هجريه سننده خليفه (امين) ه مراجعت و جنت و قتاله كیدن عسکره اموال غنائم دن حصه ويرلمسنى استدعا ايلشدر و (امين) طلبلری رويج ايتديكنندن هر برينه آلتی دينار اصابت ايتمشدی [۱] .

رشيدك اوغللری مشاراليه (امين) ايله (مأمون) آرمه سننده خلافت ايچون محاربه لر باشلادینی زمان بونلردن هر طرف ، معيتنده بولنان عسكری عطيه واحسانلر ايله حربيه تشويق ايديوردي . نيجه ده (طاهر بن حسين) ك قومانداسی آلتنده بولنان (مأمون) ك اردوسی ۱۹۵ سنه هجريه سننده (علي بن عيسى بن ماهان) ك قومانداسی تحتده بولنان (امين) ك اردوسی مغلوب ايدنجيه (مأمون) طاهر ك اردوسی تشكيل ايدن عسكرك معاشاتی تزديد ايله رك هرنفرك آيلغنی سكرسان درهمه (سنه ده ۹۶۰ درهمه) ابلاغ ايتش [۲] ، يعنی برنجی خليفه عباسی (سفاح) زماننده كي مقدارينه اعاده ايلشدر . دها صكره نو محاربه لر بسبتون برطرف ايديلنجه نفرك سنوی معاشی تكرار ۲۴۰ درهمه تنزيل ايدلشدر .

(افشين و بابك) : - (مأمون) دن صكره ۲۱۸ سنه سننده مقام خلافتی احراز ايدن برادری

[۱] طبری ۹۷۲ ج ۳

[۲] طبری ۸۳۰ ج ۳

ارمنیه واذربایجانده کسب نفوذ و طغیان ایتیمی  
 اوزرینه تأدی بی ایچون عسکر سوقی اوقوت  
 و نفوذک مقدمه سنی تشکیله وسیله اولمشدر .  
 (بابک) تا (مامون) زماننده تقمص - تناسخ -  
 اساسی اوزرینه مؤسس یکی بر دینه خلقی  
 دعوت ایتک اوزره اورتهیه آتیلمش و خلیفه  
 مشارالیه طرفندن کوندریلن قوای عسکریه بی  
 دفعات ایله مغلوب ایتش ایدی . (معتمصم) زمام  
 خلافتی اله آلیر آماز بتون همتی (بابک) ی  
 استیصاله صرف ایتدی . چونکه (بابک) ک  
 کوندن کونه توسع ایتکده اولان نفوذی  
 خلیفه عباسینک موقعی تهلکهیه دوشوریوردی .  
 بوجهته (معتمصم) بابکی استیصال ایچون معیتنده  
 بولنان ترك عسکرینی استخدام و بونلری  
 ینه معیت خاصه امرای اترا کندن (افشین  
 حیدر بن کاوس) ک قومانداسی آلتنده اوله رق  
 ۲۲۰ سنه هجریه سننده سوق ایلدی . ده  
 صکره بوقوتی اموال و ارزاق لازمه ایله  
 برابر معیت امرای اترا کندن (بغالکبیر)  
 و (جعفر الحیاط) ک اعزاملریله تزید ایتدی .  
 متعاقباً عسکره مقتضی علوفه و نفقهیه صرف  
 ایدلک اوزره ینه کوله من امراسندن (ایتاخ) ه  
 تودیعاً (افشین) . ۳۰,۰۰۰,۰۰۰ درهم  
 کوندردی . (معتمصم) ک عسکری ایله (بابک)  
 و طرفدارلری آره سننده ایکی سنه دوام ایدن  
 محاربه لر نتیجه سننده (افشین) غالب کلیر . (بابک)  
 و برادری (عبدالله) اسیر ایدیلرک (سامرا) یه  
 کتیریلر . (بابک) اوزرینه احراز غالبیت ایدلمسی  
 مأمول دکل ایکن بو صورتله حصول بولان

مظفریت فوق العاده عد اولنور . (معتمصم) ک  
 اوغلی (وائق) ایله سائر اقربا و تعلقاتی شهرک  
 خارجه چیه رق اردویه پارلاق بر استقبال  
 اجرا ایدرلر . (بابک) یکریمی سنه مدت غصب  
 اموال و قتل نفوس ایله مملکتی هرج مرج  
 ایتش ، بومدت ظرفنده ۲۵۵,۵۰۰ نفوس  
 قتل ایلش ، (مامون) و (معتمصم) قوماندانلرینک  
 اکثرینی مغلوب ایتش ایدی . (بابک)  
 سامرایه کتیریلنجه (معتمصم) ک امری ایله بر  
 فیل اوزرینه ارکاب اولنورق خلقه تشهر  
 ایدیلر . بابک عظیم الجثه بر آدم ایدی . تشهر  
 معامله سی بیتدکدن صکره (بابک) خلیفه نک  
 سراینه کتیریلر . (معتمصم) بالنفس (بابک) ک  
 جلا دینه بابک قوللرینی و بجاقلرینی کسمسی  
 امر ایدر . جلا د امری انفاذ ایلر . (بابک)  
 یره سریلر . (معتمصم) جلا د بابک ذبحی  
 امر ایدر . جلا د بابکی ذبح ایلر . بو عملیه دخی  
 بیتدکدن صکره بابک قارنی یاریلر . (معتمصم)  
 بابک کله سنی لاجل التشهر خراسانه کوندیر  
 و بدنتی ده سامرا ده سلب ایتدیرر . (بابک) ک  
 برادری (عبدالله) حقنده عین معامله اجرا  
 ایدلک اوزره (بغداد) ه کوندریلر [۱] .  
 احوال مسروده نک وقوع بولدینی کون بیوک  
 بر کون ایدی . (معتمصم) بابک غائله سنی دفع  
 ایتکله کندی سلطنتی تأمین ایلش و (افشین)  
 ایله معیتی خلقنک بو خصوصه کی خدمت لرینی ده  
 تقدیر ایتشدر . (معتمصم) افشین محاربه یه  
 کوندردیکی کوندن تا عودتنه قدر هر کون



اولان ماوراءالنهر ده کائن ( اشروسنه ) یه کیزی  
 کیزی ارسال ایدردی . پاره لری نقل ایدنلر  
 خراسان دن کچمکه مجبور ایدیلر . بونلر اورادن  
 کچدکجه ( خراسان ) والیسی ( عبدالله بن  
 طاهر ) ایشدن خبردار اولور و کیفیتی معتممه  
 یازاردی . ذاتاً ( معتمم ) بو قیلدن اولان  
 احوال دن کنديسنه معلومات ویرلسنی امر ایتیش  
 ایدی . ( افشین ) بردفعه سنده کنری مملکته  
 يك چوق پاره لر کوندرمش و پاره لری -  
 کورونما مک ایچون - کمرله طولدیره رق  
 آدملر نیک بللرینه صار دیرمش ایدی . پاره یی  
 حامل اولان آدم لر ( خراسان ) دن کچنجه  
 ( ابن طاهر ) اوستلر نی یوقلا یه رق پاره لری  
 کورر . « بو پاره لر سزه زه دن کلدی ؟ »  
 دییه واقع اولان سؤالنه پاره مک ( افشین ) ه  
 عائد اولدیغنی بیسان ایلر لر . ( ابن طاهر )  
 ( افشین ) ک او یله بر شی یایمجه جنی ادعاسنده  
 کوزونه رک پاره حامللر نی خرسز عد و پاره لری  
 اللرندن اخذ و ضبط ایدر . بو دقیقه دن اعتباراً  
 ( ابن طاهر ) ايله ( افشین ) آره سنده بو  
 سبیدن طولای بر منافرت حاصل اولور .  
 نهایت ( افشین ) ( معتمم ) ک توجهی غائب  
 ایدر ک حبه آتیلر . محاکمه سی نتیجه سنده  
 اسلامیتی آنجق پاره یه طمعاً قبول ایتیش اولدیغنی  
 و کنديسنک حالا مجوسی مذهبنده بولندیغنی  
 تحقق ایلر [۱] .

( معتمم ) ک سائر عسکر نی ده اکا کوره  
 قیاس ایدیکز . زیرا بونلر آنجق پاره قازانمق

کنديسنه خلعت واحسانلر کوندرمکی  
 کسامش ایدی . ( معتمم ) ( بابک )  
 غائله سی ايله مشغول بولندیغنی بتون مدت  
 ظرفنده هر کون ( افشین ) ه بر خلعت و بر  
 آت کوندر دکن ماعدا حرب ایتدیکی هر کون  
 ایچون ۱۰,۰۰۰ و حرب ایتدیکی هر کون  
 ایچون ۵,۰۰۰ درهم تخصیص ایتیش ایدی .  
 ( ویریلن ارزاق و مسافر مصرفی و سائر  
 بشقه در ) . ( افشین ) محاربه دن عودت ایتدیکی  
 زمان ( معتمم ) بالذات کنديسنه مجوهرات  
 ايله مرصع ایکی وشاح - کردانلق - کیدیردیکی  
 کبی اون میلیون کندي نفسنه مخصوص اولمق  
 و دیگر اون میلیون عسکرینه طاغیتق اوزره  
 کنديسنه یکرمی میلیون درهم احسان ویرمش  
 و ( سند ) امارتی اکا تفویض ایلکله برابر  
 کنديسنی تکریماً شعرا نیک انک نزدینه کیره رک  
 حقنده مدحیه خوان اولمیرینه مساعده  
 ایتشد [۱] .

بوندن آکلاشیلور که ( افشین ) ک -  
 ( معتمم ) ک اثنای محاربه ده متادیا کوندردیکی  
 خلعت و پاره لر و محاربه دن عودتده ویردیکی  
 احسانلر ده کورلدیکی اوزره - ( بابک ) ايله  
 محاربه ده نیت کوسته می آنجق پاره تأثیری  
 ايله وقوع بولمشدی . ( افشین ) - حتی میدان  
 محاربه ده بولندیغنی صروده - آلدیغنی پاره لری  
 و هدیه لری هپ کندي مملکته کوندریر ایدی .  
 موما ايله کرک غنیمت ، کرک هدیه طریقندن  
 کلسون یاننده پاره بیریکدکجه کندي مملکتی

وقازاندقلری پاره‌لری شرقک منتهاسنده بولنان  
 کندی مملکتلرینه کوندرمک ایچون حرب  
 ایدرلردی - بر دولتک عسکری بو حالده  
 اولور ایسه ایشی فصل ایلری کیدر؟ - بونکله  
 برابر خلفا بو عسکرک نصرت ومظاهرتیه  
 محتاج ایدیلر. حال بوکه بونصرت ومظاهرتک  
 پاره‌دن بشقه بر شی ایله تأمیننه امکان یوق  
 ایدی. بو جهته خلفا بونلره - (معتم) ک  
 کندیلرینه یایدینی کبی - هبه ایتدکلری هدایا  
 وسائردهن ماعدا بیوک بیوک معاشلر تخصیص  
 ایدرلردی. (معتم) بونلر ایچون (سامرا)  
 شهرینی تأسیس وکندیلرینه بر چوق مقاطعات  
 اعطا ایتدکدن بشقه انلرایچون جاریلر ساتون  
 آله‌رق تزویج - وکندیلرندن چوجقلر توره -  
 یوبده بربرلرندن قیز آلوب ویرنجیه قدر  
 مولدیندن بر قیز ایله ازدواج ویاخود مولدیندن  
 برینی مصاهرته قبول ایتدکدن کندیلرینی منع  
 ایلشدی. (معتم) ترک جاریلرینه دخی  
 معاشلر تعین واسملرینی رسماً دواثر حکومتده  
 قید وتدوین ایلدیکندن بو کوله‌من عسکر  
 خاصه‌دن هیچ بری زوجہ‌سفی تطلیق، یاخود  
 اندن افتراق ایده‌مزدی [۹].

شمدی بو قادین معاشلریله ارکک معاشلرینی  
 وبونلرک محتاج اولدقلری مأکولات ومشروبات  
 وخرجلق نظر دقته آئیر ایسه بونک نه قدر  
 بیوک بریکون طوته‌جنی درحال تظاهر ایدر.  
 (طبری) ۲۵۲ سنه هجریه‌سنه عاٹد وقائی  
 ذکر ایدرکن دییورکه: «اتراک، مغاربه،

شا کریه عسکرینک بوسنه‌یه عاٹد معاشاتی تقدیر  
 ایدیلنجه سنه‌ده بونلرک محتاج اولدقلری مصرفک  
 ۲۰۰،۰۰۰،۰۰۰ دیناره بالغ اولدینی آکلاشلمشدر.  
 بو ایسه بتون مملکتک ایکی سنه‌ک خراج  
 وارداتی دیمکدر، [۱]. ظنمزه کوره طبری  
 بوراده (درهم) دییه‌جک ایکن (دینار) دیمش.  
 چونکه خراج وارداتدن ایکی سنه‌ده بوقدر  
 دینار کلسی مستبعددر. (طبری) نک روایت  
 ایتدیکي دینارلری هر دینار او زمانکی دکری  
 اولان یکریمی درمدهن حساب ایدر ایسه‌ک  
 مملکتک سنوی خراجی ۲،۰۰۰،۰۰۰،۰۰۰ درهم  
 اولمق لازم کلیر. حال بوکه ده‌ا اول کوستر -  
 لدیکی اوزره دولت عباسیه‌نک اک پارلاق‌زمانده  
 خراجدن سنوی وارداتی ۴۰۰،۰۰۰،۰۰۰  
 درمدهن فضله دکل ایدی. بونکله برابر دیناری  
 درهم اعتبار ایتسه‌ک بیله (طبری) نک روایتی  
 وجه ایله عسکره سنوی ۲۰۰،۰۰۰،۰۰۰ درهم  
 مصرف یایمق - باخصوص او زمانلرده پاره‌نک  
 فضله قیمتی نظر دقته آله‌رق - او دورلره  
 کوره پک بیوک برشی عد اولمیلیدر. آنجق  
 بو مصرف زمان حاضره مصارفات عسکریه  
 ایچون اختیار اولنان فداکارلقلره نسبة  
 برشی دکلدر. چونکه مدنیت حاضره برچوق  
 عسکر بسلیمک وپک چوق مه‌ات حربیه‌یه مالک  
 اولمق کبی صوک درجه‌ده احتیاطلی طاوارانمی ایجاب  
 ایتدیکندن مصارفات عسکریه - باخصوص دونما  
 مصارفی علاوه اولنور ایسه - پک عظیم مقدارلره بالغ  
 اولمقددر. مثلاً انکلتزه دولتی بری وبحری

ضمف اولدیغنی حس ایدر ایسه - خلفای عباسیه نك اون سکرنجیسی اولان (مقتدر) ك ۳۲۰ سنه هجریه سنده یابدیغنی کبی - اردوده « اسیر کتیرنه اون وکله کتیرنه بش دینار مکافات وار ! » دییه باغیره رق عسکری ترغیبات ایله سوق ایلردی [ ۱ ] .

#### [ ۱ ] ابن الاثیر ۹۰ ج ۸

مقتدر ك قتلی منتج اولان بوقمه حقنده (ابن الاثیر) ده شو معلومات کورولیور : ۳۲۰ سنه سنده (مقتدر) ایله امرادن (مؤنس خادم) آرمسنده برمنافرت ظهور ایتش ایدی . بونك اوزرینه (مؤنس) بغدادی ترك ایله موصله کیدر . موصله عسکر (مؤنس) ك اطرافنه طوپلانه رق کنديسنه « بزی خلیفه نك نزدینه کوتور . یازم معاشلری می ویرر ، یاخود کنديسی ایله حرب ایدرز » دیرلر . (مؤنس) عسکر ایله برابر بغداده حرکت ایدر . بغدادده کی عسکر مؤنسك عسکر ایله برابر کلکده اولدیغنی خبر آلتجه شورش چیقارده رق (مقتدر) دن معاشلرنك صرفی طلب ایلرلر . مقتدر بونلر برچوق پارلر طاغیدر ایسه ده انلری بردرلو دوپورماز . (مقتدر) مؤنسك قارشیسنه برقوة عسکریه سوق ایدر . فقط کوندردیکی عسکر حرب ایتکسزین هربری برطرفه طاغیلر . او وقته قدر مؤنسك عسکر ی بغدادك قپوسنه وارمش ایدی . (مقتدر) واسطه صاوشوب اورادن عسکر ایله برابر بغداد اوزرینه یورومك ایستر . معیتی خلق ایسه بوسورتله کیتسی فنا تأثیر حاصل ایدر دییه کنديسی قاندره رق میدان محاربه یه چیقارلرلر . برته اوزرنده اخذ موقع ایدر . ایسته بوشانده عسکرینه « کله کتیرنه بش ، اسیر کتیرنه اون دینار وار ! . . » دییه باغیرر . فقط معیتده بولنان عسکر تشویقات واقعه یه اهمیت و برمه رك کنديسی بر اقوب صاوشد قلدنن یالکز باشنه قالیر . مغاربه وبربر عسکرندن برطاقلری مشارالیهی اله کچیره رك قتل ایلرلر . (مقتدر) مرقوملرک کنديسی قتل ایدر جگرینی آکلادیغنی زمان « مرحمت ایدیکز ،

عسکر لکنه سنه ده ۴۰۰،۰۰۰،۰۰۰ انکلز لیراسی، یعنی ۱،۰۰۰،۰۰۰،۰۰۰ فرانک، یاخود درهم صرف ایدیور . فرانسه و روسیه نك مصارفات حربیه سی ده بوراده در . زمان حاضرده شومصارفات حربیه - نفودك او دوره نسبتاً بوزمانده کی اوجوزلغیله برابر - دولت عباسیه نك بالاده ذکر کی کچن مصارفات حربیه سنك تقریباً ایکی مثله معادلدر . بویله ایکن ینه او زمانك مصارفات حربیه سنی يك بیوك کوریورز . چونکه او زمانلرده عسکر ك نفقه و مصرفی بسبتون بشقه بر صورتده تعیین و تأمین اولتیوردی .


اوصرمده عسکره تخصیص اولنان مصارفاته ، عسکر ك ؛ اهلینك خانه لرندن و مغازه لرندن اك كوچك سبیلردن طولانی غصب ایتدکری پارلری و اشیا یی ده علاوه ایدیکز . عسکر شونك بونك امواله تعرض و غصب ایدرلردی . خلفا ایسه بوتعدیاته جرأتلرندن طولانی عسکری مواخذنه ایتزلردی . بلکه امتعه و اشیا لرینی عسکر ك کورده میه جکری برلرده صاقلایه مدقلرندن طولانی اموالی غصب ایدیلن بیچاره اهالی یی شایان مواخذنه کورلردی .

عسکری شیارمغه و طمعکارلقده ایلری کیتمهک تشویق و ترغیب ایدنلر بالذات خلفا ایدی . خلفا هر موقعده و حتی میدان محارباتده « بواشی یاپارسه ك سکا بوقدر مکافات وار ، کبی بر اصول ایله عسکری ایشه سوق ایدرلردی . او قدرکه مثلاً میدان محاربه ده خلیفه ، یاخود امیر - قوماندان - اردوسنك معنی دوچار



صحیفه ده درج ایتدی کمز جدولدن آکلاشیلدینی  
وجه ایله - سواری وکوله من وسائر معاشاتی  
داخل اولدینی حالده ۱,۵۰۰,۰۰۰ دینار، یاخود  
۳,۰۰۰,۰۰۰ درهمدن فضله دکل ایدی .

دولت عباسیه زمانده عسکره سنه ده  
معین برصوتده ویریلن معاشات - خلفای  
عباسیه نك اون آلتنجیسی اولان ( معتضد )  
( ۲۷۹ - ۲۸۹ هـ ) زمانه عاڈاوله رق ۷۱ نجی




شکل : ۱۵ : قدس شریفده جامع عمرینك داخلی

کلهسی ( مؤنس ) ه کو تورلدیکی زمان مؤنس آغلار  
و « خاشلر ! بویله یاپیکز دیمدم . هیمز مقتول  
اوله جفز » سوزی ایله اظهار تأثر و عاقبت احوالی  
انبا ایلر . فی الحقیقه مقام خلافت کچن ( قاهر بالله )  
طرفندن اوسنه قتل ایدیلنلر میاننده ( مؤنس ) دخی  
اعدام ایدیلرک بولنرک کلهلری تمیزلنمکدن صکره کله  
خزینه سنه ده حفظ اولنور . مترجم

خليفة یم « دیر ایسه ده قاتلر » خیر ، سن ابلیسك  
خليفة سی سك . سن کله ایچون بش ، اسیر ایچون  
اون دینار وعد ایدیوردك « مقابله سنه ده بولنورلر .  
قاتلر مقتدری قتل ایتدکدن صکره کلهسی کهرک  
برصیرینه طاقارلر . اوزرنده نه قدر ملبوسات وار  
ایسه جملهسی آلوب کندیسینی چیر چلاق براقیرلر .  
دها صکره اوراده برچقوره دفن اولنور . ( مقتدرک )

۲۰,۰۰۰ ایدی . بونلرک آیلقلری ۱۲۰,۰۰۰ دینار ایدی که بو حسابجه هر برینک آیلقی آلتی دینار دیمکدر . سواری عسکرینک مقداری دخی ۱۲,۰۰۰ و آیلق معاشلری ده ۵۰۰,۰۰۰ دینار ایدی . بو حسابجه هر سواری یه ۴۲ دینار آیلق تخصیص ایدلش ایدی . درهم حسابیه

فقط ذکر اولنان دوردن صکره مرور زمان ایله ترک عسکری بیوک برامیت کسب ایش و صنفلری و معاشلری حصر و تعیینی غیر ممکن درجه لرده تعدد و تزايد ایشدر . زمان دیکشدجه عسکر صنوفنده و معاشاتنده تغیرات وقوع بولیوردی . شو قدرکه مورخلر تصادفاً قید ایتدکلری



شکل : ۱۶ قدس شریفده جامع عمری مدخلک طاوانی

اعتبار ایدر ایسه که هر سواری سنه ده ۱۲,۰۰۰ و هر پیاده سنوی ۱,۴۴۰ درهم آلیوردی دیمکدر . معاشلر بومقدارده چوق ایکن ینه او عسکر چوق دفعه لر اختلالر چیقاره رق معاشلرینک تزییدینی طلب و شاید طلبلری

اوافق تفک معلوماتن ماعدا بوخصوص حقنده منتظم و صریح برشی یازمیورلر . ۳۱۷ سنه هجریه سنده ( مقتدر ) ک خاصه عسکرندن سرائیک خدمتسه مأمور اولان ( مصافیه ) نامنده کی پیاده فرقه سنک مقداری



ترویج ایدماز ایسه خلیفه بی قتل ایله تهدید ایدرلردی [۱]. عسکر کوندن کونه احراز ایتدکلی نفوذ ایله نهایت خلفانک سزایلری امورینه مداخله و مقام خلافتی پنجه تحکملرینه ادخال ایله رک ایتدکلی نصب و تعیین ایتدکه باشلادقاری کبی دولت خزینه سنه بر طرفدن برپاره کله جک اولور ایسه - ترک عسکری امراسندن (اتامش) و (شاهک) ک ۲۴۹ سنه سنده (مستعین) زماننده یابدقاری کبی - اوباره لردن آنجق غایت آزرهمقداری خلیفه یه و دیوان حکومه برافرق اوست طرفنی کندی آرهلرنده تقسیم ایدرلردی [۲].

امرای عسکریه خلفایی فصل خوار کورورلر و حقلرنده فصل مستبدانه معامله اجرا ایدرلر ایسه اویوله برحرکتی کندی معتلرنده بولنان عسکره دخی روا کوره رک پاره لری یالکیز کندیلری آیلرلردی. بوجهته برجوق دفعه عسکر کندی قوماندانلری علمنه دخی اختلالر حقه اهرق پاره ایستلر و تهدیداته بولنورلردی. شاید تهدیدلرینه قولاق اصلماز ایسه قوماندانلری قتل ایدرلردی. نته کیم ۲۵۳ سنه هجریه سنده ترک قوماندانلردن (وصیف ترکی) بی اویله جه قتل ایتشلردی. مذکور تاریخده (ترک)، (فرغانه) (اشروسنه) عسکری عصیان ایدرک درت آیلقلر - ینک تأدییه سنی طلب ایتشلردی. امرادن (بنا) (وصیف)، (سیما) عسکرک قارشیسنه

[۱] صله تاریخ الطبری ۱۴۲ - ۱۵۱

[۲] طبری ۱۵۱۲ ج ۲

حقیه رق بولنردن (وصیف) عسکر حقه نه سرت برلسان قولانمش و طویراق بیك .. پاره من یوق ... دیمشدی. بونک اوزرینه عسکر (وصیف) ک اوزرینه صیچرایه رق کندیسنی قتل ایلدیلر [۱]. عسکر پک چوق دفعه لر خلفایه مراجعت و قوماندانلرک مملکتده کی کوی و چفتلککاری و دولت خراجنی سکتهدار ایدم جک درجه ده مقطعات صاحبی اولدقنلردن واک بیوک قوماندانلرک ترتیبات قدیمیه بناء مصرف و معاشلرنده وقوع بولان ضامم ایله برابر قادینلره و بیانیچلره ویرلمکده اولان معاشلرک خراجک قسم اعظمی استغراق ایله جک برحاله بیوک مقدارلره واردیغدن بحثله عرض شکایت ایدرلردی [۲]. حتی قوماندانلردن اوقدر اوصاعمشلر ایدی که انلردن قورتولمق ایچون خلیفه نک برادرینک عسکره قوماندان اولسنی طلب ایتشلردی.

(زمان حاضرده عسکر معاشلری): — خلفای راشدین زمانندن دولت عباسیه نک صوک کونلرینه قدر کچن زمانلرک اختلافله برابر عساکر اسلامیه نک معاشاتی بوکون عسکره ویرلمکده اولان معاشلردن جدا پک فضله اولدیغنی کورورز. دهها اول ویردیکمز معلوماتدن آکلاشلدیغنی اوزره خلفای راشدین دورنده برنفرک معاشی سنده ۳۰۰ دن ۵۰۰ درهمه قدر ایدی. امویلر زماننده بومعاش ۱۰۰۰۰ درهمه ابلاغ ایدلش ایدی. عباسیلر

[۱] ابن الاثیر ۷۰ ج ۷

[۲] طبری ۱۷۹۶ ج ۳



دورنده اسبه مختلف شكلر آلهرق نهايت (مقدر) زماننده اولجه كوسترديكمز اوزره پياده ايچون سنهده ۱۰۴۴۰ و سوارى ايچون ۱۲۰۰۰ درهمه ابلاغ اولتمشدى . حال بوكه اليوم انكلترهده پياده نفرينه برشيلين وسو . ارى يه برشيلين ايله ۹ پنى يوميه معاش ويريلبور . بو حسانجه سنهده پياده يه ۴۵۵ فرانك ( يا خود درهم ) و سوارى يه ۸۰۰ فرانك اعطا اولتيور ديمكدر . بونكله برابر انكلتره حكومتده بومعاش كرك پياده لرك ، كرك سواريلرك منسوب اولدقلى فرقه لره كوره مقدارجه اختلاف ايدر . فقط هر حالده انكلترهده عسكره ويريلن معاشلر سائر

دولت لوجه عسكره ويريلن معاشلردن فضله در . بويله ايكن بيله انگليز عسكرينه اعطا ايدلمكده بولنان معاشلر دولت عباسيه عسكرينه ويريلن معاشلردن - باخصوص هر ايكني زمانده كي نقودك فياتي نظر دفته آيرسوق - ده كوچكدر . بوكون عسكرى مصارفاتك چوق اولسنه باعث اولان اسبابدن بريك اردولرده ضابطانك چوق مقدارده بولنمى وبولاره بيوك معاشلر تخصيص ايدلمش اولمى در . مارالذكر دول اسلاميه زمانلرنده عسكر ضابطانكي تشكيل ايدن قوماندان وسردارلرك نه قدر معاش آلدقلى بيلمورز . چونكه بوخصوصه دائر معلومات بوله مدق .

انگليز عسكرينك الك بيوك ضابطندن نفره قدر معاشلرى [۱] ايله عثمانلى ومصر ضابطان ونفرا تيك معاشلرى آتيده كوسترلمشدر :

انگليز عسكرينك انگليز ليراسى ، شيلين و پنى حسابى ايله يومى معاشلرى

	سوارى			پياده		
	پ	ش	ل	پ	ش	ل
جنرال ( مشير )	—	—	۸	—	—	۸
فريق	—	۱۰	۵	—	۱۰	۵
لوا	—	—	۳	—	—	۳
مير آلاى	۶	۱	۱	—	۱۸	—
قائم مقام	۶	۱	۱	—	۱۸	—
بيكباشى	—	۱۵	—	—	۱۳	۷
يوز باشى	—	۱۳	—	—	۱۱	۷
ملازم اول	۶	۷	—	—	۶	۶
ملازم ثانى	۸	۶	—	—	۵	۳
نفر	۹	۱	—	—	۱	—

## عثمانی عسکرینک آیلقلری

عثمانی غروشی

## مصر عسکرینک آیلقلری

مصر غروشی

مشیر	۲۵,۰۰۰	مشیر	۷,۵۰۰
فریق	۱۰,۰۰۰	فریق	۶,۵۰۰
میرلوا	۶,۰۰۰	میرلوا	۴,۷۰۰
میر آلا	۲,۵۰۰	میر آلا	۳,۰۰۰
قائم مقام	۱,۸۰۰	قائم مقام	۲,۵۰۰
بیکباشی	۱,۲۰۰	بیکباشی	۱,۵۰۰
قول آغاسی	۸۰۰	صاغ قول آغاسی	۹۰۰
یوز باشی	۵۰۰	یوز باشی	۶۰۰
ملازم اول	۲۵۰	ملازم اول	۵۰۰
» ثانی	۲۰۰	» ثانی	۳۰
نفر	۲۰	نفر	

(دیگر معاشرلر) :- او عصر لرده سلطنتی حسن اداره ایتمک خلفا جه قلملرندن، یا خود لسانلرندن، یا خود طرفدارلرندن قور قولان بعض کیمسه لرک کوکلی خوش ایتکی ایجاب ایتدیر یوردی . چونکه مملکت علویلردن ، خارجیلردن و سائر دن کندی نفسلری ایچون طلب خلافت ایدنلردن خالی اولمازدی - حکمدارلر انتقام آلق ایچون فرصت بکلین حاسدلردن آزاده قالمالار - او صر لرده خطابت و حماست افکار عمومییه اوزرنده بو کونکی مطبوعاتدن زیاده اجرای تأثیر ایدردی . حسن تدبیر صاحبی اولان خلفا کندیلرینه قارشی طوران او کبی کیمسه لرک فناقلرینه میدان بر اقامق ایچون انلر حقنده احسان و رفق ایله معامله ده بولمنی ترجیح ایدرک - بوزمانلرده بعض حکمدارلرک

مطبوعاه سکوتلرینی قازانق ، یا خود طرفدار یا عمیق ایچون معاش و یردکاری کبی - خلفا دخی قلم و نفوذ صاحب لرینی موقت عطیه ، یا خود دائمی معاشرلر ایله صوصدیر لرلردی . شعرا ، خطبا و امثالی ذوات او عصر لرده بو کونکی مطبوعاتک موقعی کبی بر موقع طوئیورلرایدی . بو جهتله خلفانک انلری ممنون ایتمک ایچون کندیلرینی اموال و عطیه لر ایله مستغرق ایللری شایان استغراب عد اولتماز .

اسلامیتده بو مسلکی ایلک اختیار ایدن ذات ( معاویه بن ابی سفیان ) ایدی . مشارالیه کندی قولانغی ایله کندی شخصی علمنده سوزلر ایشتدیکی حالده کندیسنه مقاومت ایدنلره عطیه و احساندن بشقه بر طریق مجازات اختیار ایتدردی . ایشته بونک ایچون شاعرک قطع

(کافر اخشیدی) زماننده سنهده ۵۰۰,۰۰۰ دیناره بالغ اولمشدی [۱]. دولت عباسیه زماننده دخی بونوعدن معاشر تخصیص ایدلش اولسی لابدر .

معاشری مصارفات دولت میاننده تأدیه ایدیل خاصه معیت مأمورلری وسائر کیلره تخصیص اولنان معاشرلری ده اونوتاملیدر . بو معاشرلر دیگر بر یرده کوسترلیدی اوزره بیوک مقدارلرده ایدی ینه بو قیلدن اولمق اوزره امرا ، ولایه ، وزرا وسائرک معیترنده بولنان مأمورینی ده نظر اهمیتدن دور طوتمامق لازم کلیر . زیرا بعضاً او کی اعظم رجال دولتن بعضلرینک معیتنده بر قاچ بیک ویا دهها زیاده آدم بولنوردی [۲] .

## آی کونلرینک مقداری

دولت عباسیه ، ثروتنک اک پارلاق زمانلرنده معاشرلری تزئیده باشلامش ایدی . او زمانلرده هر طرفدن بیت الماله باره لر آقوب کلیدی جهته اجرا ایتدیکی ضاممک آغیرلغی حس اتمیوردی . فقط بو دوردن صکره واردات آزلغه باشلادی . مأمورین حکومت ایسه خلفانک اثرینه تبعاً اسراف وتبذیرانه وخدمه وکوله صاحی اولغه آلیشمش ایدی . حکومت بو سببدن بونلرک معاشرینی تنقیص ایده میوردی . دیگر جهتن دخی معاشرلرک

اسانی اکا عطیه ویرمک دیمک ایدی [۱] . ( معاویه ) شعرایه وارباب وجاهت ونفوذ وسائره بو معاملهده بولنوردی . مشارالیه دن صکره کلن خلفا دخی بو بولی تعقیب ایدرک بنی هاشمدن وطالیلردن وسائره دن اولان فرقه رؤسانه معاشر تخصیص ایتدکلری کی نفوذ وتأثیرلرندن قورقدقلری سائر کیمسه لره ده عطیهلر واحسانلر ویرمکه باشلامشلردر . خلفانک عطیه واحسانلرینه اک زیاده مظهر اولانلر قاصدان وشعرا ایدی . بونلره ویرلن باره لر آنجق او مقصده خدمت فیکری ایله اعطا اولنورایدی .

خلفا بعضاً سلطنتده کندی رقیباری علیه نصرت ومظاهرتلرینی امید ایتدکلری بر طاقم کیمسه لره معاشر باغلارلردی . نته کیم خلفای فاطمیه دن (عزیز بالله) ۳۸۱ سنه هجریه سنده ( آل مغربی ) دن ( علی بن حسین ) بغداددن کندی نزدینه کلیدیکی زمان حقنده او یله بر معامله یامش ایدی . ( عزیز بالله ) ( علی بن حسین ) ده سنهده ۶,۰۰۰ دینار معاش تخصیص ایتدکن ماعدا کندیسنه مشایخ دولت پایه سنی توجیه ایلشدی [۲] . بوندن ماعدا ( اخشید ) ک مصرده دردنجی عصر هجری اوائلنده یایدینی کی ارباب احتیاجه ده معاشرلر تخصیص اولنوردی . ( اخشید ) عائله دوشکونلرندن ضعیف ومستور الحال ارباب فاقه یه و( ایچلرنده عسکر ، معیت خلایق ، مأمورین دولت بولنامق اوزره ) سائر محتاجینه معاشرلر تعین اتمشدی . بو معاشرلر




تزیلی ایله او مأمورلرک بر مفسده قالقیشلرندن قورقوردی .

معاشلری آچیقدن آچینه تنقیص و تنقیص ایدمه جکله ری آکلایان وزرای دولت کوزل بر حیلله توسلدن و بوصوله بر چوق پاره لری اقتصاد ایتمکدن بشقه بر چاره بوله مدیلر . اوده معاشلری آیلق حسابندن کون حسابنه تحویل ایتکدر . مثلاً تنقیص و تنقیصی آرزو اولنان معاشلر ۱۰،۰۰۰ دینار ایسه بومعاشلری ۸۰۰ دیناره تزیل ایتمکه بدل معاشلری حالی اوزره براقه رق آیک کونلری تزیید و آبی ۴۰ ، یاخود ۵۰ کون اعتبار ایتکدر . بو اصولک تطیقندن مأمورین حکومتدن هان هر صنف ایچون دیگر صنوفک کسندن بشقه معاش مدتی توره دی .

( معتضد ) زمانه عائد اوله رق بو جلده ۷۱ نجی صحیفه ده درج ایلدیکمز مصارفات جدو- لنده ذکر اولنان صنوف مأموریندن هر برینک معاش مدتی ده بوسورتده بشقه بشقه ایدی . ( ناصر ) طرفندن آزاد ایدلیدی ذکر اولنان خاص غلاملرک آیلقلری قرق کون ایدی . بونلر بر کون معاشلرینی طلب ایدرکن ادبه مخالف حرکاتده بولندقلرندن ( ناصر ) طرفندن بونلرک معاش مدتلی مجازات اولمق اوزره اللی کونه ابلاغ ایدلیدی . ده صکره ( معتضد ) مقام خلافته کچنجه اومدی آلتش کونه چیقاردی . حر و ممتاز سواریلرک آیلقلری اللی کون ایدی . ( معتضد ) بو مدتی طقسان کونه ابلاغ ایتدی . بوجهته بونلره ( تسعینه -

طقسانلق ) نامی ویریلیدی . ده صکره بونلردن بمضلرینک آیلق مدتلی ۱۲۰ کون یاقلدی . ینه مذکور جدوله کورلیدی اوزره هر فرقه عسکرینه دن سچیلوب آلتان و ( مختارین ) نامی طاشیان عسکرک معاش مدتی ایسه ۷۰ و ( ناصر ) زمانده خدمته بولنان سواری عسکرینک آیلق مدتی ده ۱۲۰ کون ایدی . بغداده کی شرطه ( ضابطه ) خدمته بولنان موظف معاشلی عسکرک وسقارک معاش مدتلی دخی ۱۲۰ کون اعتبار اولتیور ایدی . مذکور جدول ایله سائر جدولرده ذکر اولنان دیگر مأمورینی ده اکا کوره قیاس ایدیکمز . شو حاله کوره بیک دینار معاش آلتان بر مأمورک آیلنی ۱۲۰ کون اعتبار اولتیور ایسه بوسورت تأدیه ایله معاشک ربعه تزیلی آره سنده فرق یوق دیمکدر . بونکله برابر بیت المال خزینه سی بوقدر تزیلاته اوغرایان معاشاتی ده اکثراً وقت مینده ویره میور ایدی . معاشاتک تأدیه سی تأخراته اوغرا دقجه عسکرشورش و اختلال چیقارییورلر ایدی . بو اختلاللر یا خلیفه نک خللی ، یاخود قتلی ایله منتهی اولیوردی . وپاره یی کیم ویریر ایسه خلیفه مقامنه او کچیوردی .



#### ۴ بیعت مصرفی

اولجه ویردیکمز معلوماتدن آکلاشلدینی اوزره دولت عباسیه وائنده خلفا کندیلرینه ایدیلن بیعتی تأیید ایتک ایچون حرمین اهالیسنک

ممنونیتی قازانمغه محتاج ایدیلر . بو جهته  
انلره برچوق پاره لر کورتورولر ، کندیلرینه  
عطیله بڈل وهدیه لر توزیع ایدرلردی . سکر-  
نجی خلیفه عباسی (معتمد) ک دورندن سکره  
عربلر اهمیتدن دوشوب ده ترك عسکری  
کسب قوت ایدنجه حرمین اهلایسنه دها اول  
کوستریلن اهمیته کیمسه باقمغه باشلادی . بتون  
قوت ترك عسکرینه ، یاخود دها طوغریسی  
پاره یه انتقال ایلمش ایدی . چونکه عسکر کیمده  
پاره وار ایسه اکا مظاهرت وانک اغورنده  
حرب ایدردی . خلفایه . بت مسأله سی ده  
عسکرک کیف و آرزولرینه ، یاخود پاره یی  
ویرن کیمسه نك امر واراده سنه تابع برشکله  
کیرمش ایدی . بونکله برابر خلفایه بیعت ایدلجکه  
عسکری ممنون ایتمک وبرطافم هدایا ایله  
تلطیف ایتمک دولت عباسیه نك الملك تشکلی  
زمانندن اعتباراً جاری برعادت ایدی . عسکره  
بو یولده ویریلن پاره لره (حق المیعه) - بیعت  
پاره سی - نامنی ویریرلردی . آلتنجی خلیفه  
عباسی (امین) جالس سریر خلافت اولنجه عسکره  
یکرمی درت آیلق بردن طاغتمشدی [۱] . ذاتاً  
مشارالیه بویه یا پامسه ایدی برآی بيله خلیفه نك  
ایده میه جک ایدی . (مأمون) ۲۰۱ سنه  
هجریه سنده سلاله پیغمبریدن (موسی الکاظم) ک  
غذومی علی رضانک خلافته ولی عهد لکنه  
بیعت ، یعنی انی ولی عهد تعیین ایتدیکی زمان  
محصول یتشدیکنده متباقیسنی تأدیه ایتمک  
اوزره عسکره بر آیلق معاش طاغیتدی [۲]

عسکر بوکا راضی اولماشلردی . احتمال که  
(مأمون) بتون پاره یی همان یتشدیروب ویره بیلسه  
ایدی عسکر انک ایستدیکی آدمه بیعت  
ایده جک لردی . امویلر استحصال بیعته مقابل  
بر ولایتی برقاچ سنه مأکل اولمق اوزره  
ویرییورلردی . نته کیم بشنجی خلیفه اموی  
(عبدالمک بن مروان) ۷۲ سنه هجریه سنده  
(عبدالله بن خازم) حقننده او یله بر حالده  
بولمش ایدی . (عبدالمک) اوصره ده مکده  
(ابن الزبیر) ایله محاربه ایدیوردی . دیگر  
طرفدن (ابن خازم) دنده قورقیوردی .  
(عبدالمک) (ابن خازم) ه خبر کوندردی .  
کندیسنه بیعت اولمسی طلب وبوکا مقابل  
خراسانی یدی سنه آریه لق اوله رق ویره جکنی  
اکا وعد ایلدی [۱] .

خلفایه بیعت بر تجارت اولمق اوزره غد  
اولنمسنه کلنجه بو حال (معتمد) ک زمانندن  
سکره باشلادی . ایشته بوزماندن اعتباراً  
پاره یه ، یاخود عسکره هر کیم صاحب ایسه  
خلافته او نائل اولیوردی . پاره یه ، یاخود  
عسکره مالک اولمق هر ایکسی معنی بردر .  
عسکر پاره یه طمعاً خلفای خلع ایتمکده بر  
مسرت طویسورلردی . چونکه یکی خلیفه  
کلجکه اندن حق بیعت ایله برابر حرص  
وطمعلرینک درجه سنه کوره آلتی آیلق ، یاخود  
برسنه نك ، یاخود دها آز ویا دها چوق مدت  
معاشلرینی طلب ایدرلردی [۲] . بوقیلدن

[۱] ابن الاثیر ۱۶۸ ج ۴

[۲] ابن الاثیر ۷۵ ج ۸

[۱] ابن الاثیر ۸۹ ج ۶ [۲] طبری ۱۰۱۳ ج ۳

وقوع بولان مطالباته دائر حدسز ، حسابسز  
 مثالر واردر . تفصیلات آلتق ایستینلر  
 خلفای عباسیه تاریخنه مراجعت ایتونلر .  
 بونک نتیجه سنده خلفا اداره امور مملکته بدل  
 بوحالر ایله مشغول اولدیلر . امور دولت  
 مختل اولدی . خلفا آرتق کندی جانلرینی  
 وجفتلک لرینی محافظه دن بشقه برشی  
 دوشونه میورلردی . مملکت عسکرک ، یا خود  
 عسکری الده ایدنلرک الده بازیجه اولدی .  
 خلق زراعت و تجارتی بر اقدیلر . مملکتده  
 ایش ، کوچ صورت عمومیه ده سکتیه اوغرا دی .  
 مملکتک دوچار اولدیغی شو فلاکتی  
 تزئید ایدن احوال دن اوله رق عسکر قوماندانلری  
 پاره یه محتاج اولوب ده بیت المال خزینه سنده  
 احتیاجلری نسبتنده پاره بولماز ایسه پاره یی  
 اهلیدن اخذ وغصب ایتمکه باشلاملریدر .  
 بوحال علی الاکثر خلیفه اجلاسی مسأله سنده  
 عسکر فرقه لری آره سنده اختلاف و قتال  
 ظهوری زمانلرنده وقوع بولوردی . اوجمله دن  
 ( دیلم ) عسکری ۳۲۴ سنه هجریه سنده خلیفه  
 عباسی ( مطیع لله ) ک خلافتی مسأله سندن  
 طولای بنی حمدانن ( ناصر الدوله ) ایله  
 آل بویه دن ( معز الدوله ) آره سنده وقوع  
 بولان محاربه لر ائناسنده بغداد اهالیسنک  
 اموالی نهب ویغما ایتمشلردی . بونلرک بو  
 وقعه ده یالکیز معروف ذواتک اموالندن نهب  
 ویغما ایتدکلری شیلر ۱۰۰,۰۰۰,۰۰۰ دینار  
 قیمتنده ایدی [ ۱ ] . خلیفه ( مستکفی ) سنه

مذتورمه ده ( شیرزاد ) . امیرالامرا پایه سنی توجیه  
 ایدنجه ( شیرزاد ) اوکی تعینلر زماننده عسکره عطیه  
 و یرمک عادت اولدیغی کوره رک عسکر عطیه لرینی  
 پک زیاده آرتدیرمش ایدی . آنجق اومقدارده  
 پاره بیت المال خزینه سنده موجود اولدیغندن  
 یوپاره لری تقسیطلر ایله تأدیه ایدلک اوزره  
 والیر ، کتاب ( مکتوبجیلر ) و تجارت اوزرینه  
 طرح ایلش و تحصیلنده انواع مظالمی ارتکاب  
 ایتمشدز . بونک اوزرینه بغدادده برچوق اشقیا  
 توره یرک خلقک اموالی سرقت وغصب  
 ایلدکلرندن ارباب تجارت بغداددن فراره مجبور  
 اولمش و مملکت آناشی ایچنده قالمشدر [ ۱ ] .  
 بووامالی احوال فلاکتلرک مملکت اوزرینه  
 متوالیا یاغمسنی موجب اولمشدر . شهرلر اهالیسی  
 بوقاریش-قلر آره سنده تجارت و صنعتی ترک  
 ایتدکلری کی کویلرده بولنان ارباب زراعتده  
 اجرای زراعتدن واز کچمشلردر . بوسبدن  
 فیاتلرده بهاللیق وقوع بوله رق بتون عراق  
 شهرلری وبالخاصه بغداد سنه لرحه آجلق  
 چکمشدر . ایشسر لکدن و آجلقدن خرسزلرک  
 ویا نکسیه جیلرک و سرسر یلرک انواعی توره مشدی .  
 بونلر هر فرصته و باخصوص قاریشقلق ظهورنده  
 هر طرفه صالیدره رق خلقک اموالی نهب و سرقت  
 ایتمکدن بشقه برایش ایله اشتغال ایتزلردی .  
 خلفانک بو احوالک اوکی آلتق ایچون عسکر  
 استیجار ایتمکه پاره لری قلاماش ایدی . مع مافیه  
 بعض خلفا پاره یه مالک اولدقلری حالده بیله  
 نفوذک کندیلرندن بشقه لری الده بولندیغی



کوره رک بوفنا القلری ازاله ایچون یاره صرف  
ایتمکدن چکینیرلردی . نته کیم خلفای عباسیه نک  
اون سکزنجیسی اولان ( مقتدر ) ۳۲۰ سنه سنده  
بوصورته حرکت ایتمش ایدی . کندیسنده  
ووالده سنده یاره موجودایکن اعطاسندن چکینه رک  
بوسبیله ترک امراسندن ( مونس مظفر )  
ویا ( مونس خادم ) ک مساعیسی نتیجه سنده  
مقتول اولمشدر . ( مؤنس ) ک بو حرکتی  
اطرافده بولنان امرانک خلفا اوزرینه جراثیر-  
نی تزید وحتی خلفانک اموالی یغما وضبط  
ومصادر ایتملرینه تشویق ایتمشدی [۱] .  
ننه کیم خلفای عباسیه نک یکرمی اوچنجیسی  
اولان ( مطیع ) حقه ده بویله بر معامله روا  
کورلش ایدی . ۳۶۱ سنه هجریه سنده روملر  
الجزیره جهتمدن مالک اسلامیه ته تجاوز ایدرک  
( نصیین ) ه قدر وارمشر وکیردکاری برلرده  
اموال اهالی بی نهب وغصب وقادین وچو جقلری  
اسیر وشهرلری احراق ایلمشدری . ( نصیین )  
اهالیسندن بعضلری خلیفه دن وعسکرندن  
وبغداد اهالیسندن معاونت ومظاهرت طلب  
ایتمک اوزره بغداده کلشدردی . بغداد  
اهالیسی بر کورولتی قویاره رق روملرک دها  
زیاده یاقلاشملرندن قورقویه دوشدیلر . او  
صرده پدرندن صکره مقام امارته بولنان  
وبغدادده مرجع کافه امور اولان آل بوهدن  
( معزالدوله ) نک مخدومی ( عزالدوله بختیار )  
روملر ایله محاربه ایده جک غزاة اسلامیه ته  
مقتضی مصارفانک اعطاسی لزومی خلیفه ( مطیع ) ه

بسلامك ايجون اقتضا ایدن مصارفاتی تأدیه به منابع وارداندن محروم اولمشدی . حال بویه عسکره مالک املق بر دولتک بقاسمی ايجون صورت قطعیده لازمدر . آل بویه دن ذکرى کچن ( معزالدوله ) ( مطیع ) ک زمان خلافتده بغدادده استیلا ابتدی زمان عسکر کندیسنه قارشى بر کورلى قویاردیلر و کندیسنه آغیر سوزلر سویلدیلر . ( معزالدوله ) انلره معاشلری تأدیه ایده جکنى تعهد ایتدی . فقط بالاخره صورت مشروعهده استحصال اولنه جق واردات ایله بو معاشلری تأدیه ایده میه جکنى آکلادیغندن خلقک اموالی شرع وقانونک تجویز ایده میه جکى بر یولده ضبط ومصادریه مجبور اولدی . بو احوالک ارتکانی ایله ده عسکرک معاشاتی تأدیه ایده . مدیکندن کندیلری اکدیروب حاصلاتی آملق اوزره کویلری و چقلکلری عسکره تسلیم ایتمکدن بشقه چاره قالمدیغنى کوره رک خلافتده و املاک اصحابنه عائد کریلری عسکره تودیع ایتدی . بونک اوزرینه دیوانلرک ( دوائر دولتک ) اکثرینه لزوم قالماقله الغا ایدلدى . وایلمرده ایشدن کف ید ایتدیر . لدی . او زمانه قدر مملکت هپ خرابه زاره دوشمش ، معمور اوله رق یالکمز بر قاچ کوی قالمش ایدی . بو معمور کویلر قوماندانلرک الله یرک بونلرک نفوذی ایله برقات دهه معمور اولدى . خراب کویلر ایسه یرلرک حصه سنه دوشمکه برقات دهه خرابه اوغرادى . نقرلر او کویلری اعاده ایله یرینه دیکرلری

آلدیلر . اسسقا وسائطنه وطرق مواصله به باقلمدیغنى ايجون کویلرک بر چوقلرندن اثر بیه قالمامشدى . مقاطعات اصحابی آدمالرینک چقتجیلر حقنده روا کوردکلری مظالم واعتسافات فلاکتک برقات زیاده آرتمسنه یازدیم ایتمش ایدی . والحاصل ذکر ولسان احوالک تأثیریه ( معزالدوله ) بر غائله ویا حادثه نک وقوعنده صرف ایدمک ايجون هیچ بر احتیاط آقچه نی ادخاره موفق اوله مدی . مشارالیه خاص عسکرى اولان ترکاره فضله معاشات ایله برابر فضله مقاطعات اعطا ایتدیکندن بو حال بو عسکر ایله ( دیلم ) عسکرى آره سنده اوتهدن برى موجود اولان نفرت وعداوتک برقات دهه ترایدینه باعث اولمش ایدی [۱] .

## • رجال دولتک وارداتی

### کندی جیلرینه کچیرملری

بردوات، ثروتک الک عالی درجه سنه واریر، حکمدار راحت ورفاهيته، ذوق وصفایه طالار، امور مملکتی بالذات ادره ایتز ایسه اوزمان نفوذ حکومت وزیر، والی ، باش کاتب، ماینجی، قوماندان کبی او حکمدارک اطرفنده بولنانلره ، یاخود انک طرفندن اداره امور ایدنلره ، یاخود حکمدار ایله اهالی آره سنده وساطتی تشکیل ایلنلره انتقال ایدر . مملکتده امر ونهی بونلرک اللرینه کچر . بونک نتیجه سنده

وجه ايله - كندی یئرینی پریشان ایلدی [۱].  
 ( رشید ) دن ده ا اول ( مهدی ) دخی  
 وزیر ( یعقوب بن داود ) حقند . اوله  
 یامش ایدی . ( مهدی ) یعقوبی وزیر اتخا  
 ایتدیکی زمان اکابتن امور دولتی و دواثر حکومتی  
 ترك ایدرك ذوق و صفایه ، چالغی و شرق  
 دیکلمک طالیدی . فقط خلیفه مك بو حالی اصالیه  
 و باخصوص عرباره کران کلمکه ( یعقوب ) ی  
 هجو ایتدیله .

از جمله مشاهیر شعرای عربدن ( بشار  
 بن برد ) شوایکی بقی سولش ایدی :  
 « ای بنی امیه ! اويا نكز . اويا نكز اوزادی .  
 زمان استفاده زمانیدر . زیرا بو کون حقیقی  
 خلیفه ( یعقوب بن داود ) در . ای اهاالی !  
 خلافتکرمحو اولدی . آرتق خلیفه اللهی فی  
 وعود آردسند . آرایکمز »

بنی امیه ! هبوا طال نومکم

ان الخلیفه یعقوب بن داود

ضاعت خلا تكم یاقوم ! فالتسوا

خلیفة الله بین النای والعود [۲]

بو دیدی قودیلر ( مهدی ) یه اخبار

ایدیلنجه ( مهدی ) یعقوبی نزدینه چاغیره رق

دردست ایلش و حبسه القا ایتشد . ( یعقوب )

سنه لرحه حبس خانه ده قالمشدر .

( مأمون ) قاضی القضاة ( یحیی بن اکتهم )

تودیع امور مملکت ایدرك [۳] ( رشید ) ك

برمکیلر حقند کوسرتدیکی توجه و امنیت

[ ۱ ] طبری ۱۲۳۲ ج ۳ [ ۲ ] الفغری

۱۶۶ [ ۳ ] ابن خلکان ۲۱۷ ج ۲

بورجال دولت کلن وارداتی کندی جیلرینه  
 تحویل ایدرك اله کچیره بیلدکری کچیررلر ،  
 بولندقلری موقع و متصف اولدقلری اخلاقه  
 تبعاً کندیلری ده اسرافات و تبذیراته  
 طالارلر . بو حال آنحق امور و خصوصاتی  
 تفیشادن و حساب ویرمکدن آزاده اولان  
 حکومت مطلقه ده وقوع بولور . بونوع  
 حکومتلرک اسرافات و تبذیرات دورنده  
 حکمداره وکالت ایدن هر هانکی وزیر و یا  
 باشکاتب و یا خود ماینجی مطلقا اوله برنقوده مالک  
 اولور . باخصوص دولت عباسیه ده وزرانک  
 و باش کاتبلرک بوسورتله احراز ایتدکری  
 نفوذی طبیعی کورمیلیدر . زیرا دولت  
 عباسیه ده دولتک بونوع اعظم رجالی ایرانلیردن  
 ایدیلر . دولت عباسیه آنحق ایرانلیلر  
 ايله تأسس ایتدی . مدنیت عباسیه دخی  
 آنحق ایرانلی علما ايله پارلادی . ایشه بو  
 سببدن دولت عباسیه ده ، حتی الک پارلاق  
 زمانلرنده ، وزرانک موقعی ، سوزی پک  
 بیوک ایدی . دولت مشارالیه ده وزیرک نه قدر  
 بیوک و نفوذلی بر مقام اشغال ایتدیکنی آکلامق  
 ایچون برمکیلرک ( رشید ) زماننده کی موقعی  
 نظردقه آلمق کافیدر . ( رشید ) زماننده بتون  
 واردات دولت برمکیلرک نلده ایدی . حتی  
 ( رشید ) بعضاً آز بر پارهیه محتاج اولوردی ده  
 بوله مازدی [۱] . برمکیلر ( رشید ) ك آرزو  
 ایتدیکی تبذیرات و استبداده حائل اولمق  
 ایستینجه ( رشید ) ده - مشهور اولدبنی

[ ۱ ] مسعودی ۲۰۱ ج ۲



قدر کندیسی ده یحیی حقنده اوپله بر توجه  
وامنیت کوسترمش ایدی . فقط ده صکره  
یحیادن نمون اولدی . وفاتی ضره سنده برادری  
( معتم ) ه شو وصیتده بولندی : « صلاحیت  
واسعه ایله صاقین وزیر اتخاذا یمه . یحیی بن  
اکثم ) که خلقه روا کوردیکی معاملهلردن  
وکنیسنک سوء احوالندن چکدیکم فلا کتلی  
بیلیرسک » [۱] . عربلر وزرای ، باخصوص  
بونلر اکثریتله ایرانی اولدقلرندن طولای ،  
سومزلردی . وزرای قورققلق ، خست  
ورشوت قبولی ایله توصیف ایدرلردی . بر  
اعرابی نک - بدوینک - شواکی یتی وزرانک بو  
اوصاف ایله فصل زبازرد اولدقلرینی کوستیرر :  
« اوپله آدم که وجدانک عکسنه اوله رق  
اظهار زهد ایدر . هدیه لری پک زیاده سور .  
اطرافی آدملر ایله احاطه اولمش . کندیسنده  
وزیر اولدیغنه دلالت ایدن قورققلق ، خست  
کبی اوصاف کورپیورم . »

ومظهر نسک ماعلیه ضمیره

یحی الهدایا بالرجال مکور

احال به جنباً وبخللاً وشیمة

تخبر عنه انه لوزیر [۲]

مع مافیه بر جوق دفعهلر وزرا بر استفاده  
شخصیه ایچون دکل ، محضا بیت المال پاره سنک  
اسرافات وتبذیرات ایله هدر اولماسی مقصدیله  
پاره نی خلفادن اسیر کرلردی . نته کیم خلیفه  
( واثق ) ایله وزیری ( ابن الزیات ) آره سنده  
اوپله بر وقعه اولمش ایدی . ( واثق ) ( علم )

[۱] طبری ۱۱۳۹ ج ۳ [۲] طبری ۱۰۸۸ ج ۳

اسمنده بر جاریه نک تفتی ایلدیکی بر شرقی پی  
پک زیاده بکنه رک جاریه نک صاحبنه بش بیک  
دینار اعطاسنی امر ایتمش ایدی . وزیر  
( ابن الزیات ) پاره نک تأدیه سنی کجکدیردی .  
( واثق ) بو تأخیردن طولای طاریله رق  
پاره نک ایکی قات اوله رق اعطاسنی امر ایدی .  
بونک اوزرینه وزیر مجبوراً جاریه صاحبنه  
اون بیک دینار ویردی [۱] .

فقط اغلیت اعتباریله وزرا خلیفه لرده  
ضعف وعجز کوردکجه پاره ایشارنده ده زیاده  
نفوذ صاحبی اولق واللرندن کندیکی قدر  
پاره لری کندی جیلرینه تحویل ایتک ایچون  
چالیشیرلردی . ایشته بو سایه ده پاره نک قسم  
اعظمی انلرک الله کچمش ایدی .

( وزرا ) : — وزرا دولتک دور انحطاط .  
طنده ، دولتک پارلاق دورنده کی خلفانک ،  
یاخود بیت المالك ثروتنه معادل بیوک ثروتله  
مالك اولمشلرلردی . صانکه دولتک وارداتی  
وزرانک خانه لرینه تحویل مجری ایلدی . بونک  
اوزرینه وزیرلک آمال عظیمه اصحابنک  
مطمع نظری اولدی . بومنصبی الله ایتک ایچون  
رشوت وهدیه لر بذل ایدلکه باشلانندی .

بونکله برابر بر جوق دفعه وزارت عسکره  
معاش تأدیه ایده بیلنلره بدلسز اوله رق ده  
تکلیف وتوجیه اولنوردی [۲] . فقط اکثر  
یتله بو منصبه نائلیت بر جوق پاره لرک بذلی ایله  
ممکن اولیوردی . بوسورتله وزارت یاطوغریدن

[۱] ابن الاثیر ۱۳ ج ۷ [۲] ابن الاثیر ۸۳ و ۸۶

ج ۸ و صلة تاریخ الطبری ۷۹

او مأموریت به خلیفه حق اولدیفنه قرار ویردیلر .  
 اك صوك كلن اون طقوزنجی محل مأموریت به  
 کیتدی . دیکرلری وزیرک نزدینه عودت  
 ایتدیلر . وزیر بونلری دیکر مأموریتلره  
 تعیین ایلدی . ایشته بوسبدن شعرا دن بری  
 وزیر مشارالیه شو مآلده هجو ایتش ایدی :  
 « اویله بر وزیرکه حیا سزلقدن اوصانماز .  
 شمدی تعیین ایتدیکنی بر ساعت صکره عزل  
 ایدر . پاره ایله کلنلری یانه یاقلاشدیریر .  
 پاره سز مراجعت ایدنلره یوز چویریر . ارباب  
 رشوت نزدینه کیتدکلری زمان بونلردن اك  
 زیاده توجه کوردهك آدم اك زیاده رشوت  
 کوتورندر » [۱] .

وزير لا یمل من الرقاعه

یولی ثم یعزل بعد ساعه

ویدنی من تعجل منه مال

ویبعد من توسل بالشفاعه

اذا اهل الرشی صاروا الیه

فاحظی القوم اوفرهم بضاعه

والیلر وسائر مأمورین حکومت وزرانك

توجهلرینی استبقا ایتمك ایچون هدیه نامی

آلتنده هر سنه وزرایه معین بر پاره تقدیم

ایدرلردی .

بونکله برابر وزرادن بعضلری پك نادر

اولهرق نه رشوت قبول ، نه ده حق دن انحراف

ایدرلردی . اوننجی خلیفه عباسی ( متوکل

علی الله ) ك وزیر اولان ( عبید الله بن یحیی

بن خاقان ) بویلهجه عفیف ومستقیم بر آدم

طوغری به خلیفه دن ، یاخود خلیفه نك رجال  
 خاصه سندن بری واسطه سیله استحصال  
 اولنوردی . نته کیم هجرتك دردنجی عصری  
 اوائلده خطاط شهر ( ابن مقله ) بومنصبی  
 الد ایتمك ایچون خلیفه ( راضی ) به ۵,۰۰۰,۰۰۰  
 دینار ویرمشدی . كذلك ( قائم بامر الله ) ك  
 وزیر ( ابن جهر ) منصب وزارتق استحصال  
 ایچون خلیفه مشارالیه ۳۰,۰۰۰ دینار تأدییه  
 ایلشدی [۱] . خلیفه نك خواص رجال سندن  
 بری واسطه سیله استحصال وزارت دخی ینه  
 پاره بذلنه متوقف ایدی . وزرا بو ویردکلری  
 پاره لك بر قاچ قاتی اثنای مأموریتلرنده تعیین  
 ایده جکلری والیردن ، ناظرلردن ( متصرف  
 ویا مدیرلردن ) ، کاتبلردن ( مکتوبجیلردن )  
 وسائر دن آله جکلری رشوت ایله چیقاره .  
 جکلرینی بیلرک پاره یی ویریرلردی .

وزرانك ارتکاب وارتشالری غرائب  
 وقوعاتندن اولهرق روایت اولنورکه خلیفه  
 ( مقتدر ) ك وزراسندن ( خاقانی ) ارتکاب  
 وارتشاده او قدر ایلری کیتمش ایدی که بر  
 کونده اون طقوز کشیدن رشوت آلهرق  
 کوفیه ناظر تعیین ایلش . بونلر محل مأموریتلرینه  
 کیدرکن یوله بولوشمشلر ، اون  
 طقوز کشی عین زمانده عین محله عین مأموریت به  
 تعیین ایدلش ایدی . بونلر بریرده طولیلانلر  
 نه یابه جکلرینی دوشوندیلر . نهایت اك صوك  
 تعیین اولنانك ، چونکه اندن صکره یکرمنجی  
 اولوق اوزره دیکر برینك کلامسنه مبنی ،

ایدی. (الفخری) نك روايته كوره مصر واليسى  
دها اولكى وزرايه هديه تقديمى اعتيادينه  
(عبدالله) هديه اوله رق ۲۰۰,۰۰۰ دينار ايله  
اوتوز سفت - سپت - طولوسى مصر قشاشى  
كوندرمش ايدى. هديه وزيرك حضورينه  
كتيريلنجه وزير مصر واليسى طرفندن كلن  
آدمه: « بن بونى قبول ايدم ، والير  
اوزرينه اويله بار اوله مام » ديمش . پيتلىرى  
آچش . انلردن يالكنز بر منديل آلهرق ديزى  
آلته صوقش . بتون پاره لرك وقشاشرك  
ديوان خزينه سنه كوتوريله رك قيد ايدلسنى وبو  
پاره لر ايله مصر حكومتى نامنه خانلر مبايعه  
اولمىنى امر ايتمشدر [۱].

خليفه (مقندر) ك وزراسندن اولوب اولجه  
درج ايتديكمز خراج جدولنى ترتيب ايلين  
(علي بن عيسى) دخى عفت ، صدق واستقامتله  
اشتهار ايدن وزرادن ايدى . اودورلر بونلر كې  
عفت واستقامتله حركت ايتش ديكر وزرادن ده  
خالى دكلدى . فقط اجمالاً دينيله بيليركه عباسيلرك  
دور انحطاطنده على الاكثر وزرا منصب  
وزارته آتجق ثروت صاحبي اولمق ايجون  
كچرلردى . (مقندر) زماننده (ابوالحسن  
بن الفرات) اوچ دفعه وزير اولدى . برنجى  
دفعه ۲۹۶ سنه هجريه سنده ايدى . اوچ سنه  
وزارتده قالدى . بونك نتيجه سنده مشاراليهك  
تزدنده ۷,۰۰۰,۰۰۰ دينار بريكدى . هب  
مصادره ايدلدى . (ابن الفرات) ۳۰۴ سنه سنده  
تكرار وزارتده نصب و ۳۰۶ سنه سنده تكرار  
عزل ايدلدى . اوچنجى دفعه اوله رق ۳۱۱ ده

وزير تعيين و ۳۱۲ سنه سنده تكرار عزل  
اولدى . بو صوك ايكي دفعه ده وزارتده اوچ  
سنه قالمش ايدى . عزل ايدلديكى زمان ياننده  
بولنان ثروت ۱۰,۰۰۰,۰۰۰ دينار دن فضله  
ايدى . بوندن ماعدا سنده ۲,۰۰۰,۰۰۰  
دينار واردات كتيرير كوى وچقتلكلره مالك  
بولموردى [۱]. بويله ايكن بيله بو ذات بك  
سخى ومكرم بر آدم اولدينى ايجون هيچ بر  
عرب مؤرخى انك حقنده فائز شى يازمور.  
(ابن الفرات) مقام وزارتده كچدكجه قار ، موم  
وكاغد فائلىرى يوكسليردى . چونكه وزيرك  
خانه سنده بو اوچ شيدن چوق صرف اولموردى .

انك خانه سنده فصول ثلاثه ده - ربيع ، صيف ،  
خريف - صو ايجن هر كيم اولور ايسه  
اولسون اكا ساده صويه بدل قارلى صو  
ايچيريلردى . كذلك وزيرك خانه سنده غروب دن  
صكره هر كيم چيقسه بيوك ، تميز بر موم ايله  
مفارت ايدردى . مشاراليهك خانه سنده (كاغد  
اوطه سى) ناميله معروف بر اوطه وار ايدى كه  
بو اوطه يه كيرن كيمسه كاغه محتاج ايسه اندن  
ايسنديكى قدر آلفه ماذون ايدى [۲].  
محدثين - ارباب حديث - بىكرمى بيك ،  
شعرايه كذلك بىكرمى بيك ، آديابه ۲۰,۰۰۰ ،  
فقهايه ۲۰,۰۰۰ ، صوفيو نه ۲۰,۰۰۰ درهم  
تخصيص ايتش ايدى [۳]. اهل علم وديانتدن ،  
اشرافدن ، فقرادن بش بيك كشى به معاش  
ياغلامشى . بونلره ويرلن معاشرلك الكيوكى

[۱] ابن خلكان ۳۷۲ ج ۱ [۲] الفخرى ۲۴۰

[۳] ابن الاثير ۵۷ ج ۸



دینار واردات کثیر بر مقاطعه‌های واردی .  
وفاتند ترك ايتىيكي املاك و جفتلكلر و حيوانات  
وسائر ملك قيمتى ۴,۰۰۰,۰۰۰ دینار به بالغ  
اوله بدر . كرمه سنك جهازى ايچون صرف  
ايتىيكي ۲۰۰,۰۰۰ دینا بشقه در . مشاراليه  
خدمتكار جاريه لردن ماعدا ۸۰۰ حظيه قلفه و يا  
اوطه لى و ( طائفة وزيريه ) نامنى آلان ۵,۰۰۰  
كوله ترك ايلشدر [۱] . خلفاى فاطميه دن  
( مستنصر ) ك وزيرى ( افضل امير الجيوش )

\* امثالى ايشيدمين عظيم بر ثروت ، يعنى  
آلتون اوله رق ۶۰,۰۰۰,۰۰۰ دینار [۲] و ۲۵۰

[۱] مقرى ۶ ج ۲

[\*] اصل اسمى ( بدر ) اولان افضل اصلاً  
ارمنى ايدى . ( جمال الدوله بن عمار ) طرفندن كوله  
اوله رق صاتون آلتوب تربيه ايدلشدى . اصابت رأى ،  
مردك ، شدت عزم صاحبي رجالدن معدود ايدى .  
فاطميلردن ( مستنصر ) صاحب ترجمه بنى اول اميرده  
( صـور ) و ديكر بر روايتيه كوره عكايه قائم مقام  
تعين ايلش ايدى . فقط دها صكره دولت فاطميه نك  
امورى فنا كيتمكه باشلا ديفندن وقوع بولان توصيه  
اوزربنه ( مستنصر ) صاحب ترجمه بنى قاهره دعوت  
و عهد سنده وزارت منصبنى توحيه ايدى ( ۴۶۶ هـ ) .  
مشاراليه هم وزير ، هم سر عسكر اولديغندن كنديسنه  
( امير الجيوش ) لقي و برلش ايدى . اسكندريه ده  
عطارلر چارشو سنده كائن جامعى بنا ايدن كنديسيدر .  
سكسان ياشنى متجاوز اولدينى حالده ۴۸۸ سنه سنده  
قاهره ده وفات ايلشدر . ( ابن خلكان ) مترجم

[۲] اصلده آتى بوزيك بىك دینار ۶,۰۰۰,۰۰۰,۰۰۰  
دينيلور . حال بوكه اوقد بر باره نك برآمده بر يك مسى  
مستبعددر . ذرا بوقدر بر باره مصر خراجنك بوز  
سنه لكدن فضله در . بونك طوغيسى آلتش كره بىك  
بىك اولقى اقتضا ايدر . هم دره دن زياده دینار اولقى  
حقيقته دها قريبدر . چونكه مصرده ثروت پك نادرد  
اوله رق درهم ايله امداد اولتوردى . مؤلف

۱۰۰ دینار و لك كوچكى بش درهم اولوب سائر  
معاشلر ايسه بو ايكي مبالغ آرد سنده مختلف  
مقدارلرده ايدى [۱] دها اول بر مكيلر  
طرفندن اختيار اولنان سخا و كرم انلرك حرص  
و طمعلىرى و شايان مواخذة سائر احوالى فصل  
اورتوب قيتدى ايسه وزير مشاراليه كرم  
و سخاسى دخى افعال طمعكارانه سنى بر پوشيده  
مسامحه ايله اورتدى ، شعرانك لسانى كسدى ،  
مورخلرك ده قلملىرى قيردى .

بونلركي بيوك ثروتلر طوبلايه رق رفاهيت  
واسرا فانك هر نوعنه طلالان دها پك چوق  
وزرا كمشدر . طرز قديمده تشكىل ايدن  
حكومتلرده بو كي احوالك و وقوعى طبيعى  
كورمليدر . وزرا ، عراقده اولسون ، مصرده  
اولسون ، اندلسده اولسون ، هر یرده پك  
چوق پاره لر طوبلايورلردى . مصرده ( بنى  
طولون ) دولتى وزراسندن اولان ( ماردانى )  
كنديسندن دها اول بر آدمك عهده سنده پك  
نادركه بيلان اويله بيوك جفتلكلره مالك ايدى كه  
بونلرك خراجدن ماعدا سنوى حاصلات  
صافيه سى ۴۰۰,۰۰۰ دینار طوتيوردى . بو  
ذات پك چوق هبلر ، عطيلر ، صدقه لر  
ويرمشدى . ( ۲۷ ) دفعه حجه كيتمش ، هر  
دفعه سنده ۱۵۰,۰۰۰ دینار صرف ايلش  
ايدى [۲] . ينه بو جمله دن اوله رق فاطمىلرك  
ايلك وزيرى ( يعقوب بن كلس ) مالك اولدينى  
املاك و اراضى مياننده شامده سنوى ۳۰۰,۰۰۰


[۱] ابن خلكان ۳۷۲ ج ۱

[۲] مقرى ۱۵۵ ج ۲

احوال وقوع بولمىشدر. وزرا بو دولته دخى  
واسع چفتلكلره مالك اولورلردى . چفتلكلرك  
خراچىدن ، ياخود اعشارىدن كنىديلىرى  
قورنارمق ايچون وارداتك قسم اعظمى  
كندى وارنلرينه عائد اولمق شرطيله او  
چفتلكلرى بعض جوامع ومساجده وقف ايتك  
حيله سنه مراجعت سايه سنده وارداتى كندى  
نفسلرينه و وارنلرينه تأمين ايلرلردى [۱] .  
دولت عباسيه ده وزرانك بيوك ثروتلر  
بيركديرمك ايچون بولدقلىرى ابواب واردات

اوردب مقدارى نقود مصريه دن درهم ،  
۷۵,۰۰۰ طوب اطلس قاشى ، ۳۰ دوه يوكى  
عراق آلتوتدن معمول عطريات قابلىرى (؟) ،  
۱۲,۰۰۰ دينار قيمتنده مجوهرات ايله مرصع  
برآلتون ديويت - دوات - وحدسز حسابىز  
ملبوسات ، آت ، قاطر ، مواشى ، جاريه ،  
كوله وسائر براقشدر [۱] .

اندلسده بولنان وزرانك احوالى ده بوكا  
كوره قياس ايدىكز . وزير ( ابن شهيد ) ك  
تقديم ايتديكى هديه اورالده ده وزرانك نه




شكل : ۱۷ قدس شريفده جامع عمرى

اولا بالاده كوسترديكمز وجه ايله مأمور تعينندن  
آنان رشوت ، ثانياً عىنى يولده واليردن كلن  
هدايا ، ثالثاً حائر اولدقلىرى نفوذ قوتيله غصب  
ايتدكلىرى كوى وچفتلكلر ، رابعاً خراج  
اموالندن ارتكاب ايتدكلىرى اختلاسلردن تشكىل

قدر بيوك بر ثروته مالك اولدقلىرى كوسترير .  
( ابن خلدون ) و ( المقرئ ) بو هديه يي ذكر  
ايدىيورلر . ( المقرئ ) هديه مذكوره نك تفصيلانى  
اوج بيوك محيفه ده بك كوزل يازيور [۲] .  
دولت عثمانيه ده دخى ، ثروتنك ايك يوكسك  
زماقده واندن بر آرز زمان صكره ، بوكا مشابه

ایدردی. وزرا نفوذ وزارتله حدسز، حسابسر  
ترلا وجفتدکمر غصب ایتدکری کچی خراجدن  
کلن وارداتندن ایستدکری قدر سرقت  
ایدرلردی. دها اول بیان ایتدیکمز وجه ایله  
او زمانلرده طوتیلان دقتلرده اتخاذا ولسان  
طرز حسابات اختلاسی منع، یاخود اظهار  
ایده جک حالد دکل ایدی.

صکره خزینهدن تمام قبض ایدرلردی. فقهایه  
واشرافه ویریلن معاشاتی دخی اوپله جه  
قیرارلردی. بوايسه مأمورینک نصف معاشاتی  
آلمق دیمک ایدی. وزرا حوائج ضروریهدن  
اولان ارزاق وامتعهدن ماعدا برشهری، یاخود  
برخراچی التزام ایدنلردن ده رشوت، یاخود  
حصه قیلندن برپاره آلیرلردی. کذلک نفوذ



شکل : ۱۸ قدس شریفده مسجد اقصائک محراب و منبری

وزارتک استعمالی و خلفانک اغماض عین ایتمری  
سایه سنده ارباب تجارندن ده برچوق اموال  
غصب ایدرلردی [۱]. بوصورتله وزرانک  
قازاندقیری پاره لره مرافق وزرا - منافع وزرا -  
نامنی ویریرلردی. بوقازانج قبولری بین الناس  
مشهور ایدی. نقودک عیارینی تنقیص ایتک  
دخی وزرانک قازانجیری جله سندن ایدی.  
وزرا دینارلری اکسک اوله رق ضرب ایدرلر

بوندن ماعدا معاش قیرمق دخی وزرایه  
برمنبع واردات تأمین ایدردی. بعض مأمورلر  
مأموریتلری باشندن آیریه مازلردی. پاره  
محتاج ایدیلر. بو احتیاج ایله معاشلرینی هر نه  
شکلده اولور ایسه اولسون آلمق ایسترلردی.  
وزرا کنسدی طرفلرندن آدملر قورلردی.  
بو آدملر واسطه سیله او مأمورلرک معاش سند  
وقوچانلرینی یاریم بهایه آلیرلردی [۱]. دها



وبوندن پك بيوك برپاره قازانيرلردى [۱].  
 ايشته اوزمانلرده وزرانك حالى بويله ايدى .  
 بتون مهمامورد دولت بونلرك النده بولنور ايدى .  
 حال بويله ايكن عسكرمعاشاتنك تاديه سى ايچون  
 مطالبه اولانلر ، صيقيشديريلانلر خلفا ايدى .  
 ترك عسكرنك خدمت دولته فصل كيردكارينى ،  
 خلفا حقنده فصل مستبدانه حركانه قيام  
 ايتدكارينى ، معاش ومصرفلرينى فصل طلب  
 ايلدكلرينى يوقايرلرده ويرديكمز معلوماتده  
 كوسترشمش ايدك . بونك اوزرينه تضيق  
 كورن خلفا پاره مسأله سنده ووزرايى صيقيشيد .  
 يرمقدن بشقه چار . بوله مديلر . وزرا  
 طلب اولنان پاره يى قولايقله ويرمزلر ايسه  
 كنديلرندن صورت جبريده آليردى . ايشته  
 شوصورتله زور ايله پاره آلمسنه « مصادره »  
 نامنى ويريرردى . عباسيلرك انحطاطواضمحلال  
 دورنده بومصادره اصولى پك زياده حال رواجده  
 ايدى . چونكه بواصوله مراجعت ايتمكسزىن  
 مصارفات دولتى تاديه ايتك امكان خارجنده  
 ايدى . حتى اودورده وزير اولانلردن مالنك  
 مصادره سى ويا كنديسنك قتلى ، ياخود هم  
 اموالنك مصادره سى ، هم كنديسنك قتلى  
 عاقبتلرينه اوغرامامش وزرايه همان تصادف  
 ايدلر .

( مصادره ) : — مصادره اسلاميتده پك  
 اسكيدر . ناراشرين زماننده باشلادى . اك  
 اول ماللارى مصادره اولنان مأمورين حكومت  
 واليلر ايدى . اودورده بروالى كندى معاشندن

بشقه كرك برطريق تجارتدن ، كرك سائر  
 يوللردن برپاره قازاندينى كورولور ايسه خليفه  
 والينك قازاندينى پاره نك نصفى آلير وبيت المال  
 خزينه سى اموالنه علاوه ايلردى . حضرت  
 عمر ( كوفه ) ، ( بصره ) ، ( بحرين ) واليلرى  
 حقنده بويولده حركت ايتدى [۱] . اوصرده  
 بومعامله يه ( مقاسمه ) ويا ( مشاطره ) — بايلاشمق —  
 نامنى ويريورلردى . دها صكره حاكميت امويلره  
 انتقال ايدوبده واليلر مستبدانه حركت  
 واموال دولتى مستقلاً احرازه قويولمقلرندن  
 دولتك صوك زمانلرنده خلفا واليلرى عزل  
 ايتدكجه انلردن حساب صورمدن واموال  
 وئروتلرندن اله كچه بيلن شيلرى اخذ وضبط  
 ايتمدن يقهلرينى براقاازلردى . اوصرده  
 بومعامله يه ( استخراج ) نامنى ويرمشلردى .  
 دها صكره عباسيلر مقام خلافته كچنجه  
 بونلرك اوائل دولتلرنده واليلرك قسم اعظمى  
 كندى برادرلرندن وعمجهلرندن تشكىل  
 ايدىوردى . بوواليلردن بعضلرى فنا احوال  
 ارتكاب ايتسه لريله بوضرده اويله راستخراج  
 ويا مقاسمه اجراسنه لزوم كورولمزدى .  
 بالاخره ولايتلر خلفانك اقربا وتعلقاتنك  
 غيرى اولان رجال دولتك اله كچنجه بوواليلر  
 ( منصور ) زماننده بيله حرص وطمعه وپاره  
 قازانوب ادخار ايتك ايچون استعمال شدمه  
 باشلاديلر . ايشته بوسببدن ( منصور ) واليلرى  
 عزل ايتدكجه ثروتلرينى مصادره و « بيت مال  
 المظالم » ناميله تأسيس ايتديكى خزينه يه توديع

ایدردی [۱]. دها سکره (مهدی) زماننده  
 (۱۵۸ - ۱۶۹ هـ) والیرک ظلم واعتسافاتی  
 پک زیاده آرتدیغندن خلیفه خلقک شکایاتی  
 بالذات کورمکه مجبور اولدی . بوشکایتلر  
 آنجق والیر حقنده ایدی . دها سکره  
 (هادی) ، (رشید) ، (مأمون) و اوچنجی  
 عصر هجری اورتلرنده خلیفه (مهدی) یه  
 قدر بتون خلفا بونوع شکایتلری - مظالمی -  
 استماع و رؤیت ایتدیلر .  
 والیرک ظلم واعتسافاتنه خلفانک نظر  
 دقتی جلب ایدنلر وزرا ایدی . چونکه وزرا  
 وباخصوص برمکیلر خلفا طرفندن بالوکاله  
 رؤیت امور ایدرلردی . خلیفه بروالینک  
 تعیننده وزیردن استشاره ایتدیکی زمان وزیر  
 تعینی آرزو اولسان والی حقنده کی معلوماتی  
 بیان ایدردی . بوقیلدن اوله رق (رشید)  
 (علی بن عیسی بن ماهان) ی خراسانه  
 والی تعیین ایتک ایستدیکی وقت وزیری  
 (یحیی بن خالد بن برمک) ایله استشاره ده  
 بولندی . یحیی تعینی مناسب کورمندی .  
 (رشید) یحیائی دیکله میهرک (علی بن عیسی  
 بن ماهان) ی والی تعیین ایلدی . علی  
 (خراسان) د وارنجه اهالی حقنده انواع  
 مظالم واعتسافاتی روا کوردرک برچوق پاره لر  
 طوبلادی . (رشید) آت ، اسیر ، البسه ،  
 مسک و سایر اموالدن مرکب اوله رق مثلی  
 کورولماش برچوق هدایا کوندردی . هدیه -  
 لری رشید کورنجه بکندی . اوصرده (یحیی

بن برمک) یاننده طور بیوردی . (رشید)  
 یحیایه : « بو آدمی والی یایمه لم دیوردک .  
 سکا مخالفتد . نه قدر برکت وارمش ، کوریو-  
 میسک ؟ » سوزلرینی توجیه ایدنجه یحیی :  
 « افندم ، عمر و اقبال کز مزداد اولسون .  
 هر نه قدر فکر و رأیتک مصیب حقیقتینی  
 آرزو ایدر ایسه مده امیرالمؤمنینک رأیجه دها  
 عالم و فراستجه دها مصیب اولمسی جانندن  
 ایسترم . . فقط ایشده محذور اولماق  
 شرطیله . . . امین اولکنز که بو والی مملکتک  
 ایلری کلنلری و اهالی حقنده ظلم واعتساف  
 اجرا ایتسه و اکثرینی تعدی و غضب ایله آلمسه  
 ایدی سزه بوهدایانی کوندره مزدی . اهالی  
 حقنده او یله معامله لر اجرا سنه راضی اولور  
 ایسه کز همان بو اعتده بوهدایانک ایکی مثانی  
 کرخ (بغداد شهرینک برمحله سی) تبحارندن  
 بعضلرندن آله بیلیم « مقابله سنه بولندی .  
 رشید طرفندن : « نصل آله بیلیمسک ؟ »  
 دییه واقع اولان سؤاله دخی یحیی : « برآز  
 اول (عون) نامنده کی تاجر بزه برسیپتده  
 مجوهرات کتیردی . بازارلغه کیریشدک .  
 ۷,۰۰۰,۰۰۰ درهم ویردک . قبول ایتدی .  
 شمدی آرزو بیوررسه کز که یامی ایکا  
 کوندریم . مجوهراته برده باقق ایچون تکرار  
 کتیرمسی امر ایدیم . مجوهراتی کتیردیکنده  
 ایسه لندن آلب حریفی قبودن طیشاری ایدم .  
 کندیسنه او یله برشی کتیرمدک دییه انکا ایدم .  
 ایشه بوسورتله ۷,۰۰۰,۰۰۰ درهم قازانمش  
 اولورز . انک کی دیگر ایکی تاجر حقنده ده

اويله ياپارز ، هدايا قمتندن زياده المزه پاره  
واشيا كچر « جوابنده بولندي [۱] . يحيانك  
بوسوزلري شايان نظردقتدر. زيرا اوزمانلرده  
وزرانك وواليلركنى حساب پره اله كچيرمك  
ايچون نه قدر قدرت و قوت صرف ايدم. ييله جكلرينى  
كوستير .

يوقاريده كوسترديكمز اوزره واليلرده  
پاره صاحبي اولق ايچون حرص و طمع  
عباسيلرك الك پارلاق زمانلرنده دخى باشلامشدى.  
مع مافيه برمكيلر بو خصوصده حسن خدمتده  
بولنورلردى . بو سايله واليلرى اجراى  
مظالمندن منع ايتمشلردى . فقط برمكيلرك  
فلاكتبرندن صكره يرلرينه كلن وزرانك بعضلرى  
حسن نيت وصدق و اخلاص صاحبي اولدقلرى  
حالده ديكر بعضلرى ايسه منافع شخصيه .  
لرندن بشقه برشى دوشونمين كيسه لرندن  
اولدقلرندن واليلر فرصت بوله رق پاره طولامغه  
ودها اول كوسترلديكى اوزره تأمين موقع ايچون  
وزرايه رشوت و ير مكه باشلامش و بيوك بيوك  
ثروت صاحبي اولمشلردر .

( واليلر ) : — اوعصر لره كوره بروالينك  
زنكين اولمى حائر اولدنى استقلال و قدرته  
نظراً بك قولاي برشى ايدى . باخصوص  
هر شيدم ايسدكلرينى اجرايه مقتدر اولان  
استيلا واليلرى — تغلب ايله الى اولانلر —  
ايچون بك آز بر زمان ظرئنده زنكين اولق  
هيچ برشى دكلدى . واليلره پاره كتيرن منابع  
وارداتده بك جوق ايدى . او جمله دن بروالى

مرکز مأموریتنه مواصلت ایدر ایتمز اهالی کا  
هدیه کتیریرلردی . بو هدیله لر بینک حیواناتی ،  
جاریه لر ، پاره لر ، البسه و سائرده دن متشکل  
بك بيوك برمقداره بالغ اولوردي [۱] . والى  
بعضاً بو هدیله لر کندیسی آماز ، مأموریتی  
کندیسنه توجیه ایدن ، یاخود بوبابده معاونتده  
بولنان خلیفه یه ، یاخود وزیره ، یاخود سرای  
خزینهدار اوسته سنه ، یاخود باش کاتبه ، یاخود  
ماینجی یه ، یاخود سرای ارکانندن دیگر برینه  
ترك ایدردی [۲] . مع مافیه والیلر امتعه  
و کرسنه و سائر ايله تجارت کبی دیگر منابعدن  
دخی پاره قازانیرلردی [۳] . بوندن ماعدا  
پارویه احتیاجلری نسبتنده درلو درلو ویرکیلر  
ایجاد ایدرلر و بو ویرکیلرك بعضلرینی ایکی ،  
اوچ کره تحصیل ایلرلردی . چونکه برطرفدن  
وزرايه تأمین موقع ایچون پاره ویره جکلردی .  
دیگر طرفدن کندیلری ده معزولیت زماننده  
تأمین معیشت و رفاهیت ایچون پاره صاحبی اولق  
ایستبورلردی . والیلره الك زیاده واردات کتیرن  
شى تجارت اموالندن آلتان كرك رسومی  
ایدی . ( مقدسی ) نك روایتنه کوره یمن تجارینك  
اموالندن اوچده بری كرك رسمى اوله رق  
میری طرفندن آلیردی [۴] . یمنده بریوك  
بغدايك كرك رسمى یاریم دینار ایدی .

انشاآت و تعمیرات دخی والیلره بر قازانج  
منبعی تشکیل ایدردی . مثلاً والی بر حکومت  
قوناغی انشا ، یاخود بر کوپری ، یاخود بر قنال

[۱] ابن الاثیر ۵۱ ج ۶ [۲] Ein. Abb. 80

[۳] مقریزی ۱۰۹ و ۳۳۳ ج ۱ [۴] مقدسی ۱۰۴

[۱] طبری ۷۰۲ ج ۳



حفر ایتدیردیکنده بیک دینار صرف ایتمش ایسه مصارفاتی اون بیک ، یاخود یوز بیک دینار صورتند کوستره رک اختلاساتده بولنوردی . حتی بعضاً والیر صرف ایتدکری اون دیناری آلتمش بیک دینار شکنده کوستر برلردی [ ۱ ] . وزرا کی والیرلردخی اهایلیدن اراضی و چقتلکلر غصب ایله تأمین منفعت ایلرلردی [ ۲ ] . بوندن ماعدا اهایلیدن طوبلادقلری ویرکیلری کموشدن آلتونه تحویل ایله حسابی ویریرکن پاره فرقدن ده براسفاده تأمین ایدرلردی . بو قدر واسع وارداته مالک اولدقدن صکره ( رشید ) ک بصره ده والیسی بولنسان ( محمد بن سلیمان ) ک کوی و چقتلکلر ، خانه کی املاک وسائر مستغلاتدن ماعدا ثروتک ۵۰۰،۰۰۰،۰۰۰ درهمه بالغ اولمسی غریب کورلورمی ؟ بو والینک یومی وارداتی ۱۰۰،۰۰۰ درهم مقدارنده ایدی [ ۳ ] . دها اول ذکر کی کچن ( خراسان ) والیسی ( علی بن عیسی بن ماهان ) ک ثروتی ۸۰،۰۰۰،۰۰۰ درهمه بالغ اولمشدی [ ۴ ] . ایشته بوسیدن ( رشید ) بونلرک اموالی مصادره دن بشقه چاره بوله مامشدی .

دخی ثروتلری مصادره اولمغه باشلانندی . ته کیم ( رشید ) دها اول ذکر کی کچن خراسان والیسی ( علی بن عیسی بن ماهان ) حقننده او صورتده معامله یامش ایدی . ( رشید ) والی مومالیهی عزل ایله برابر اموالی ضبط و مصادره ایلدی . علی نک مصادره اولنان پاره سی و اموالی و اثاث و سائره سی ۱۰،۵۰۰ دوه یوکفی تشکیل ایتمش ایدی . مومالیهک اوغلی ( عیسی ) نک ( بلخ ) ده کی قوناغنک باغچه سفنده کومه رک مصادره دن قورتاردیغی ۳۰،۰۰۰،۰۰۰ درهم ایسه بشقده [ ۱ ] .

( وزرانک اموالی مصادره ایتک ) : — مع مافیه والیر برمدت صکره کسب استقلال ایتدکلرندن والیرک ثروتی مصادره زمانلری چوق سورمدی . علی الاکثر والیردن بیت المال خزینه سی طرفندن طلب اولنان شی التزام و سائره بدلی قیلنندن معین بر مبلغدن عبارت قلمش ایدی . ثروت و اغتصابات بوسره ده وزیریه تحویل ایلش ایدی . بوجهته خلفا بیت المال خزینه سنک احتیاحتی تلافی ایتک ایچون وزرانک ثروتلری مصادره ایتکدن بشقه برچاره بوله میورلردی . خلفا وزرانک الیه کچن ثروتی بیت المال خزینه سفنه عائد وارداتدن غصب و اختلاس ایدلمش پاره لردن عد ایتدکلی جهته مصادره اجرا سفنده بر اثر تعدی و اعتساف کور میورلردی .

دولت عباسیه ده وزرانک مصادره ثروتی تا اوائل دولته باشلامشدی . شو قدر که

ابتدای امرده اکثریتله والیرک ماللری وقوع و فتلرندن صکره مصادره اولنیوردی . ته کیم ذکر کی کچن بصره والیسی ( محمد بن سلیمان ) ک اموالی وفاتندن صکره ضبط ایدلمش ایدی . دها صکره والیر حال حیانه ایکن

[ ۱ ] Ein. Abb. 76

[ ۲ ] ماوردی ۷۸ [ ۳ ] مسعودی ۱۸۸ ج ۲

[ ۴ ] طبری ۷۱۳ ج ۳

[ ۱ ] ابن الاثیر ۸۱ ج ۶

دخی او کي اسبايدن ذات ايلش ایدی ذکر  
اولنان (فضل بن مروان) حقنده روا کوریلن  
عزل وحبسیدن پاره سنک مصادره سی آرزوسی  
خی واردی . چونکه (معتصم) وزیر موما .  
الیه ۲۲۱ سنه منده عزل وحبس ایتدیکی  
زمان قوناغندن ۱,۰۰۰,۰۰۰ دینار قیمتده  
نقد ایله برابرینه ۱,۰۰۰,۰۰۰ دینار قیمتده  
اثاث واونانی ضبط و مصادره ایلشدر [۱]. فقط  
دها صکره انحطاط دوری ایلریله دجه وزرانک  
مصادره سندن مقصد مجرد مالک اولدقوری  
روتی اله کجیرمکدن عبارت اولمشدر .  
خليفة (مقدر) زماننده (۲۹۵ - ۳۳۰هـ)

تفرغت یافضل بن مروان فاعتر  
فقبلک کان الفضل والفضل والفضل  
ثلاثة املاک مضوا لسیلهم  
ابادتهم الاقياد والحبس والقتل  
وانک قد اصبحت فی الناس ظالماً  
ستودی کا ایدی الثلاثة من قبل

ایستاده ذکر اولنان اوچ فضلدن مراد  
رشیدک وزیر (فضل بن یحیی برمکی) و رشید  
ایله امینک وزیر (فضل بن ربیع) و مأمونک  
وزیری (فضل بن سهل) در . دها صکره (معتصم)  
صاحب ترجمه (فضل بن مروان) ه طاربهوق  
کندیسی بش آی حبس ایلش و اموالی مصادره  
ایلمشدر . حبسیدن صکره کندی خانه سنده اقامته  
مأمور ایلشدر . (معتصم) صاحب ترجمه بی دردست  
و حبس ایتدیکی صرده «خی بمنون ایتک ایچون  
الهی دلکیر ایدیوردی . بوجهته الهده بی اکا  
مسلط ایتدی» دیمشدر . (فضل بن مروان)  
سکسان و بر روایتده طفسان اوچ یاشنده اولدینی  
حاله ۲۵۰ سنه هجریه سنده وفات ایلشدر .

ابن خلکان مترجم

[۱] ابن خلکان ۴۱۵ ج ۱

باشلانغجه مصادره تشکیل و مجازات شکلنده اجرا  
اولتوردی . اندن مقصد دخی سیاسی برجرمدن  
طولانی وزردن انتقام آلمق ، یاخود دیگر  
برسببه بناء اندن قوروتولمق دن عبارت ایدی .  
عباسیلرک ایلک وزیر (ابوسلمی الحلال) آنجق  
اوکی رباعث ایله قتل ایلش ایدی . (ابومسلم  
خراسانی) دولت عباسیه بی قلیجی ایله فصل  
تأسیس و تأیید ایتدی ایسه (ابوسلمی الحلال).  
دخی قوه مایه سیله او یله جه تأیید و تأسیس نه خدمت  
ایتمش ایکن دولتی عباسیلرک لندن چیقاره جق  
دییه (سماع) ه خبر ویرلدی . یونک اوزرینه  
(سفاح) (ابوسلمی) بی (ابومسلم) ه قتل  
ایتدیردی . فقط بالاخره عینی حال (ابومسلم) کده  
باشنه کلدی . زیرا (سفاح) عینی تهمت ایله  
(ابومسلم) کده حیاته قیدی . (رشید)  
زماننده برمکیلرک و (معتصم) زماننده (فضل بن  
مروان) ک [\*] باشلرینه کلن فلاکت ونکبتلر  
[\*] (مأمون) ک خلافتی او اخرنده (مأمون) ه  
ودها صکره جالس تحت خلافت اولان (معتصم) ه  
پک بیوک بر نفوذ ایله وزیرک ایتش بر ذاتدر .  
(مأمون) ک وفاتی اوزرینه (معتصم) ه تأمین  
بیعت ایدن بو ذات ایدی . بوندن ماعدا معتصمی  
کندی الله بیوتش ایدی . ایشته بوتأثیرلر ایله  
امور دولته مستقل حرکت ایدردی . اصلاً خرسیتان  
اولان بو ذات علوم و معارفدن پک جرق آکلاماز  
ایسه ده خلفایه خدمت اصولی پک کوزل بیلوردی .  
مشارالیهک برمکیوتات مجموعه سی و کوردیکی احوال  
و وقو عاته دائر (کتاب المناهات والاخبار) نامنده  
دیگر بر اثری واردر . «برکاتب (دولاب) چرخ کیدر .  
طورورسه قیریلر» سوزی مشارالیهکدر . روایت کوره  
(فضل) برکون کلن عرض حالره بافقله اشتغال ایدرکن  
درونده آتیده کی اوچ بیق حاوی برکاغده راست  
کلشدر :

(مقاله) ، (سليمان بن حسن بن محمد) ،  
 (عبدالله بن محمد كلواذی) ، (حسين بن  
 قسم) (مقتدر) ، وزير اولد [۱] . فقط  
 بونلوك ايچنده در دست اولنوب حبسه آتلامش ،  
 يا خود قتل اولنوب املاك و اموالی مصادره  
 ايدلامش كيمسه يوق كيدير . بو دورده يالكنز  
 وزرانك دكل ، قاضيلرك ، قاضييلرك و خدمه نك  
 اموالی ده مصادره ايدلمكده ایدی . (مقتدر) ك  
 و مصادره لر دن طوپلادني پاره لرك مجموعی  
 پاكه ۴۰,۰۰۰,۰۰۰ دینار دن فضله يه بالغ  
 اولمشدی . ديكر بر يره دخی بيان ايتديكمز  
 وجه ايله خليفه مشارايلك تبذيرات واسرافات  
 قيلندن اوله رق بوشنه صرف ايتديكي پاره لر  
 ۷۰,۰۰۰,۰۰۰ دینار دن زياده ایدی . محله  
 ولزومه بناء صرف ايتديكي پاره لر ايسه  
 بشقه در [۲] . سائر وزرانك احوال ده اكا  
 كوره قياس ايديكز .

مرور زمان ايله مصادره پاره الده ايتك  
 ايچون مراجعت ايديله جك اك مهم واسطه  
 كسلمش ایدی . واليلر رعایانك ، وزيرلر  
 واليلرك ، خلفا وزرانك و هر نوع اهاينك  
 اموالی مصادره ايدیيلرلرلر . مع مافیه بو  
 كون اوروپا دولتلری برحاربه ، يا خود بيوك بر  
 آشت صره سنده مصارفات مقتضيه ي تأديه ايتم  
 ايچون استقراض عقدينه نصل توسل ايدیيلرلر  
 ايسه خلفا دخی مصادره يي آتجق عسكرك  
 آيلقيری ، يا خود ديكر مصارفات دولتی تأديه

مصادره اك شدتلی دورينه وارمشر . خليفه  
 مشارايله اون اوچ ياشنده ايكن مقام خلافته  
 كچديكي جهتله وزرا اوكلرنده ميدانی خالی  
 بولمشرلردي . بوندن ماعدا بو خليفه نك زماننده  
 امور دولت خليفه نك والده سی و حرم لری  
 و خدمه سنك النده دونيوردی . بونك نتیجه سنده  
 دولت خراب اولدی . يت المال خزينه لر ی بوم بوش  
 قالدی . خليفه خلع ايدلدي ، تکرار اجلاس ،  
 ينه تکرار خلع ، نهايت قتل اولندی [۱] .  
 بو خليفه نك زماننده وزير تبديلی چوق وقوع  
 بولديني کي وزير اموالی مصادره سی ده چوق  
 تکرار ايتدی . (مقتدر) ك ايلك وزيری  
 (ابن الفرات) ایدی . کنديسنه اوچ دفعه  
 وزيرلک ايتدی . بو ذاتك نزدنده نه قدر  
 ثروت بريكديکني يوقايلرده كورمش ايدك .  
 بوباره لر هپ کنديسندن آندی . (ابن الفرات) دن  
 صكره (مقتدر) ك وزيرلکی مقامنه (خاقانی)  
 كچدی . دها اول كوسترلديكي وجه ايله بو  
 ذات صوك درجه ده سوء سيرت صاحبي ایدی .  
 دها سكره مقام وزارتقي (علي بن عيسى)  
 احراز ايتدی . فاضل و عفيف اولان بو ذات  
 امور مملكتی اصلاح ايله اوغراشمش ايسه ده  
 فساد ؛ دولتک طمارلرينه قدر ايشلمش اولديني  
 ايچون بر شی يامغه مقتدر اوله مدي . متعاقباً  
 (مقتدر) ه (حامد بن عباس) وزير اولدی .  
 بو آدم پاره چيقارمقده پك قاتی يوركلی ایدی .  
 بونلردن ماعدا (عبدالله بن محمد) ، (احمد  
 بن عبدالله بن الحبيب) ، خطاط شهير (ابن

[۱] الفخری ۲۳۹ - ۲۴۹

[۲] ابن الاثير ۹۰ ج ۸



ایچون پاره‌یه شدتله محتاج اولدقلری زمانلرده اجرا ایدرلردی .

دها اول کوسترلدیکی وجه ایله وزرانک اللرنده بولنان پاره‌لر بیت‌ل مال خزینه‌سی حقوقدن مقصوب اموال‌دن عدایدلیدیکی جهته اوپاره‌لرک مصادره‌سی عدالته مخالف بر حرکت صایلمازدی . او صروده اوپله بر اصولک مرعیتی دولق عصر حاضرده اوروپا دولترلرینک بار کرانی آلتنده ایکلمکده اولدقلری دیون عمومیه‌دن قورتارمشدر . بو کون بعض دولتلر واردات دولتک ربعی، یاخودنائنی بورجلرینک تأدیة فاضی، یاخود استهلای ایچون ویرمکده درلر . بو جهته مذکور دولتلر واز جمله انکلتزه بو یوکل آلتدن قالدیه‌یامک ایچون درلودرلو ویرکیلر ایجاد و تحصیلنه مجبور اولمقده و کچمنک ایچون انسانک توسل ایتدیکی هر ایشدن بیله بر ویرکی آلمقد درلر .

(کاتباز) : — دولتک اموالنه وضع ید ایدرک پاره‌لری جیبیلرینه چویرن دها بر طاقم صنوف مأمورین وار ایدی که خراج کاتبازی او جمله‌دن ایدیلر . بو مأمورلر اصل منابع وارداتده بولنه‌رق طوغریدن طوغری به معاد ملات تحصیلیه به باقدقلرندن پاره آشیرمقده کوجلاک چکمزلردی . بومأمورلر کرک امویلر زماننده ، کرک دها صکره خراج پاره‌لرینی درجیب ایتمکدن خالی قالماشلردی . شوقدرکه بونلرک ایشی آزدیمرلری و دولتک باشنه بر بلا کسملرلی آنجق دولت عباسیه‌نک دور انحطاطنده وقوع بولمشدر . بوجهته عباسیلرک

طقوزنجی خلیفه‌سی (وائق) ۲۲۹ سنه هجریه‌سنده بوکاتبلری حبس ایتدیره‌رک اختلاس ایتدکلری پاره‌لره مقابل اوزرلرینه بر پاره طرح ایلش واستعمال شدتله بو پاره‌ی کندیلرندن تحصیل ایتمشدر [۱] . اون اوچنجی خلیفه عباسی (معتر) دخی ۲۵۵ سنه‌سنده بو صنف مأمورلر حقنده عینی معامله‌ی تطبیق واجرا ایلشدر [۲] . صروده (ماردانی) عائله‌سی بو کتابت یوزندن زنکین اولمقله شهرت قازانان کاتبلردن ایدی [۳] . زنکینک یالکز خراج و سائر دواثر حکومت کاتبلرینه مخصوص دکلدی . خلفانک و اقربالرینک و سائر رجال دولتک خصوصی کاتبلری ده زنکین کسلیورلردی . بونلرک قازاندقلری پاره‌لرا کثرتله رشوت و اختلاس بولندن کلیردی . بوبولده اوقدر ایلری کیتمشلر ایدی که وزرا ظلم و اعتساف ایله نصل کسب شهرت ایتشلر ایسه بونلرده ظلم و تعدی ایله شهرت قازانمشلر و شرانک طعن و تشنیعلرینه اوغرا مشلردی .

والیلره و سائر مأمورینه مأموریت استحصالی ایچون وساطت اجراسیله رشوت آلق بوکاتبلره منفعت تأمین ایدن قازانج قبولرندن بری ایدی . نته‌کیم خلیفه (مأمون) ک باش کاتبی (احمد بن ابی خالد الاحول) موفقیة حصولنده ۳,۰۰۰,۰۰۰ درهم آلق اوزره (طاهر بن الحسین) ک خراسانه والی تعیین ایچون (مأمون) نزدنده توسطده بولنش ایدی [۴] . ولایتلرده کی دیوان کاتبلری — مکتوبخیلر — والیلره کلن

(۱) طبری ۱۳۳۰ ج ۳ [۲] ابن الاثیر ۸۵

ج ۷ [۳] مقریزی ۳۳۱ ج ۱ [۴] یعقوبی ۵۰۴ ج ۲

## خلاصه

یوقاریدن بری ویردیکمز معلوماتك خلاصه سی شودرکه دولت عباسیه عسکرک تحکمی و ترک قوماندانلرینک استبدادی آلتنه دوشونجه ثروت دولت دخی بیت المال خزینه سندن والیر ، وزرا ، کاتبلر ، مابینجیلر و سائره کبی خلیفه طرفندن بالنیابه ایش کورن ، یاخود خلیفه ایله اهالی آردسند واسطه تشکیل ایدن رجال دولته انتقال ایلدی . خلفا بو آندن اعتباراً ذکر اولنان مأمورینک ثروتلرینی ضبط و مصادره ایتکسزین ادامه حاکمیت امکان بوله میورلردی . حال بوکه بوصورتله استبقای حاکمیت برانسانک کندی اتندن ییهرک استبقای حیات ایتک ایستیه . مسنه بکزر . طبیعی بو حال دولتی منتهای ضعف و پریشانی یه اوغر اتدقندن صکره بسبتون انحلال واضمحلالنه باعث اولدی .

دولت عباسیه ده ویرکیلرک آغیرلنی دولتک سقوط واضمحلالنه باعث اولان باشلیجه اسبابدن اولدینی وارد خاطر اوله ییلیر . فی الحقیقه دولت عباسیه نک ثروت و عرفان دوری اولان اک پارلاق زمانلرده دخی ویرکیلر پک آغیر ایدی . فقط اوزمانلرده اهالی ویرکیلرک آغیرلغندن شکایت ایتدیلر . اهالینک فلاکتی ده صکره انحطاط دورنده ویرکیلر تخفیف ایدلیدی زمان باش کوستردی . واقعا ویرکیلرک تخفیفی حد ذاتنده اهالی یی فلاکت طوغری سور و کله یه مز . بالعکس ممنون ایدر . آنجق ذکر اولنان زمانلرده تخفیفک وقوعی بیت المال

هدیه لر و رشوتلرده والیر ایله اورتا قلا شیرلردی . بعضاً بو پارملری یاری یاری یه پای ایدرلردی [۱] .  
( حاجبلر - مابینجی و تشریفاتیجیلر ) : -  
ثروت مملکت اولیای امور نزدنده موقع صاحب اولانلرک جمله سنه وبالخاصه خلفانک قبوسنده طوران حاجبلره - مابینجی و تشریفاتیجیلره - مباح طوتلش ایدی . حاجبلر خلفا نزدنده نفوذ صاحب اولدقلرندن بونلر ده بونفوذی علی الاکثر پاره قازانمق ایچون صرف ایدرلردی . خلیفه نک حضورینه چیقمق ایستیلری تقدیم و تأخیر ، ادخال و یا منعه اولان صلاحیتلرینی سوء استعمال ایدرک مشکلات ایقاع ایتکسزین حضوره چیقارمق ایچون پاره آلیرلردی . بو حال راشدین زماننده دخی وقوع بولیوردی . ( مغیره بن شعبه ) : « حضرت عمرک حضورینه کیرمه می تسهیل ایتک ایچون ( یرفا ) یه ویرمک ایستدیکم درهم بمضاً آووجه ترلردی ، دیور [ ۲ ] . بو حاجبلر چوق دفعه لر رشوت ایله مناصب و مراتبک توجیه نه ده توسط ایدرلردی . نته کیم ایکینجی خلیفه عباسی منصورک حاجبی ( ربیع بن یونس ) ( یعقوب بن داود ) دن ۱۰۰,۰۰۰ دینار آلهرق کندیسنه منصب وزارتک توجیه نه توسط ایتمش ایدی [ ۳ ] . خلفا ، امرا نزدنده اک عادی خدمه دن اولسون موقع احرازینه موفق اولانلرک احوالی هپ بویله ایدی .

[ ۱ ] مقریزی ۹۹ ج ۱

[ ۲ ] ابن رسته نک ( الالعلاق النفسیه ) نامنده کی

کتابی ۱۹۵ ج ۷ [ ۳ ] الفخری ۱۶۶

خزینہ سنہ مخصوص اولان ثروت منابعی ثقلیل  
ایلیکله برابر رجال دولتن حرص و طمع  
صاحب لرنیک پاره اولان احتیاجاتی تزیید  
ایلش ایدی. ذاتاً اووقته قدر اولجه کوستردیکمز  
اسبان طولانی احوال دولت دخی اخلاقک  
فسادی ایله مختل اولمش ایدی. بونک نتیجه سنده  
جان، مال و عرض ایچون امنیت منسلب  
و مملکتک انتظام عمومی مختل اولدی.  
هر کس ایش کوچدن چکنمه باشلادی. کلیر  
آزالدی. رجال دولتک حریر اولان قارنلرینی  
طوپورده حق کیسمهده پاره قالدی. بونک  
اوزرینه رجال دولت پاره الده ایتمک ایچون  
شدت و اعتساف استعمالنه قویولدیلر. بونک  
نتیجه سنده اضطراب بیودی. اهلیده صیقندی  
قات قات زیاده لشدی. اودرجهده که اهالی زیر  
حاکمیتند یا شادقلری دولته جانلرینه و ماللرینه  
امین اولمداقلری ایچون آرتق حیادنن بیله  
بیقمشلردی.


ویرکیلرک چوقلنی ممالکی تخریب ایتمش  
اولسه ایدی کندی مملکتند عربلرک خاطر  
و خیالنه کلین پک چوق آغیر ویرکیلر طرح ایلش  
اولان انکلتزه نکه هر دولتن اول خراب و پریشا  
اولسی لازم کلیدی. انکلتزه هر درلو محصولات  
و ادرات اوزرینه طرح ایتمش اولدینی ویرکیلردن  
ماعداهر کس ایله وارداتی پایلا شیرجه سنه ایرادلر  
اوزرینه ویرکی قویمش، محامه - دعوی و کالتی -  
و طبیلکه ورنجهیه قدر بالجمله ارباب حرف  
و صنایعدن تعاطی صنعت ایتیرینه ماذونیت  
مقابل بر رسم استیفا ایتکده بولمیشدر. بو

ویرکیلر پک آغیر اولوب مثلاً حاکمک انواعک  
اختلافنه کوره حاکمردن ۲۰ لیرادن ۵۰ انکلیز  
لیرا سنه قدر ویرکی آلتقمدهدر. طبیلر،  
اجزاجیلر، دعوی وکیللری، خطیب و واعظلر،  
بانقهر، بانقنوطلر، سندات، زواج، طلاق  
وسائر اوزرینه موضوع اولان ویرکیلری ده  
اکا کوره قیاس ایدیکز. بو ویرکیلردن انکلتزه نکه  
خزینہ سنه پک چوق پاره لر تأمین ایدلمکدهدر.  
انکلیز لرده ایراد ویرکیلرینه کلنجه بو ویرکیلر  
عموم تجارت، صنائع، بانقهر و سائر انواعی  
ایله برابر واعظلره و خطیلره ورنجهیه قدر  
انسانلرک کار و کسب ایچون توسل ایتدکلری  
هر ایشه شامل بولنقمدهدر. انکلتزه حکومتی  
پارهیه محتاج اولدقچه ویرکیلری و بالخاصه ایراد  
ویرکیسی تزیید ایدرک بودجه سنی دوزلدیر.  
بو احتیاج اکثریتله حرب حالنده یوز کوستریر.  
دولت مشار الیها ۱۹۰۱ سنه سنده (ترانسوال)  
ایله محاربه ده بولندینی ائنده اوسنه کی بودجه سنده  
۱۱۷،۰۰۰،۰۰۰ انکلیز لیراسی وارداته مقابل  
مصارفات ۱۵۴،۰۰۰،۰۰۰ انکلیز لیرا سنه بالغ  
اولمش ایدی. آرده کی آجیق (۳۷) میلیون  
انکلیز لیراسی ایدی. انکلتزه حکومتی بو آجیقک  
قسم اعظمی ویرکیلره قویدینی ضامدن کلن  
واردات ایله قاتمشدر. انکلتزه ده ایراد  
ویرکیسی لیراده سکز (نی)، یعنی یوزده ۳/۱ ایکن  
لیراده برشیلینه، یعنی یوزده بشه ابلاغ ایدلمشدر.  
بو تزییددن کلن وارداتک مجموعی ۹،۰۰۰،۰۰۰  
لیرا طوتمشدر. بیرا ویرکیسی وزرینه طرح  
اولسان ضمیمه دن سنوی ۱۰۷۵۲،۰۰۰ لیرا



« عدالت اساس ملڪدر ، ديمشدر در .

دولت عبايه سكرنجي خليفه ( معتمد ) دن  
سكره بريغما وغنيمت مالي كي عسكرك  
ويبانجيلرك الله دوشوبده پاره لر عسكرك  
ويبانجيلرك مملكتلرينه كوندرلكه باشلانديني  
وزير لر ايله واليرك غايه آمالي ثروت طوبالامق  
پولنه دو كولدكي وخلفاك دخی مملكتده وحتى  
كندی سرايلرنده واوشاقلري وجاريه لري  
اوزرنده هيچ بر حاكميت ونفوذ لري قالمديني  
زمان بتون بوسيثات اهالينك باشنده پاتلادی .  
چونكه مصدر واردات اهالي ایدی . مملكت  
حسن اداره ايله تغدي ايتلي دركه حاصلات  
ويره بيلسون . حال بوكه رجال دولت اويله  
برغدا ويرمهن واردات المق ايستورلردی .  
غدا سنه و تربيه سنه باقلمقسزين صاغيلان براينك  
نه حاله كليرايسه مملكت دخی ايسته اويله برحاله  
كلهرك نهايت محو ومضمحل اولدی . بوكونكي  
دولتسره كلنجه بونلرك اس قوانيني حریت  
شخصيه وقواعد اقتصاديه اوزرينه مؤسسدر .  
هيچ بر كيمسه دن تأديه سي كنديسي ايچون بر  
بورج اولديغنه قانع اولمديني برپاره طلب ايديله من .  
طلب ايديلير ايسه شكاييت ايدر . بوشكايته ده  
همان ديكله نير . ديكر جلدلرده بوموضوعدن  
تكرار بحث ايدم جكر .



مملكت عباسيه نك ، يعني شهر لر

ايله اهاليسنك ثروتي

شمدي يه قدر يازديغمز معلومآده دولت

واردات جاييت اولمشدر . ساثر مشروبات  
كحوليه اوزرينه قونيلان ويركيدن سنوي  
۱۰۱۵۰۰۰۰ و توتون اوزرينه طرح ايديلن  
رسومدن ۱۰۱۰۰۰۰۰۰ وچاي اوزرينه وضع  
اولنان ويركيدن ده ۱۰۸۰۰۰۰۰۰۰ انكليز ايراسي  
طوبالانمشدر . محاربه ختامه ايرنجه ضميمه  
صورتيله طرح ايديلن مذكور ويركيلرك رفعنه  
غيرت ايديلهرك ايراد ويركيسندن درت پني  
تزييل ، يعني اسكي حالنه ارجاع اولمش وبوتزييل  
اوزرينه حكومتك ايراد ويركيسي وارداتي  
۸۰۵۰۰۰۰۰۰ ليرا آزالمشدر . حكومت  
محاربه دن سكره بغدادی وساثره ويركيلريني ده  
تنقيص ايشدر .

والحاصل انكلتره دولتي بوقدر چوق  
ويركيلري وبلني بوكن بونجه بورجلريله برابر  
بوكون جهانك اك پايدار واك زنكين دولترلندن  
معدوددر . هيچ شبهه يوقدر كه ويركيلرك تخفيفي  
اهالي ايچون بر رحمت وبركتدر . آنجق ويركيلرك  
چوقاني واغيرلني مملكتك اضمحلاننه باعث  
اولماز . بر مملكتك خراب واضمحلالی آنجق  
« ظلم » ايله اولور . چونكه ظلم بنای دولتي  
تاتلمدن ييقار ، محو ايدر . چونكه ظلم  
اهالي بي ايش كوچدن ، چاليشمقدن منع ايلر .  
ارباب زراعت زراعتدن ، اصحاب تجارت  
تجارتدن ، ارباب صنايع ده صنايعدن يوز  
چويرير لر . مملكته پاره كتيرن خلقدن . بونلر  
چاليشمازلر ايسه مملكتده پاره اولماز . پاره  
اولماز ايسه مملكت ، دولت پريشان ومضمحل  
اولور . ايسته بونك ايچوندر كه اولين و آخري

عباسیه ایله رجال دولتک ثروتلرندن بحث ایلش ایدک . بوندن صکره مملکتک ، یعنی شهرلر ایله اهایلسنی تشکیل ایدن ارباب تجارت وزراعت وصنائع وسائرہ کی ہر صنف خلقلک ثروتلری حقدہ معلومات ویرہ جکز . مملکت بری شهرلر ، دیکری کویلر اولمق اوزرہ ایکی قسمہ منقسم ایدی .

(شهرلر) : — مدینت ، او زمانکی قاعدہ مدینتہ تبعاً ، شهرلرہ انحصار ایدردی . کویلرہ آثار مدینت کورلمزدی . چونکہ او زمانلرہ کورہ اولیای امور ، یعنی خلیفہ ایله تعلقاتی ، سرای خلقی ، والیاری ، وزیرلری نرہدہ بولنورلرایسہ ثروت ورفاہیت ، شان وشوکت دخی اورادہ بولنوردی . بونلر ایسہ شهرلرہ وبالخاصہ بایتختلرہ اقامت ایدرلردی . بوجہتلہ ( بغداد ) ، ( بصرہ ) ، ( شام ) ، ( فسطاط ) ، ( قاهرہ ) ، ( قیروان ) ، ( قرطبہ ) ، ( غرناطہ ) وسائرہ شهرلری معمور اولمش وکویلر ایله چفتلکلر زراعتہ مخصوص یرلر شکندہ قالہرق شهرلرہ بولنسان مبانیدن ومدار بختمز اولان سائر آثار مدینتدن حصہدار اولمامشدر .

ایشتہ یالکیز او شهرلرہدرکہ منابع ثروت اسلامیه فیض نثار اولمش ، اہالی خلیفہنک ورجال دولتک اطرافندہ انلردن مکافاتلرہ ، احسانلرہ ، ہدیہلرہ ، خلعتلرہ نائل اولہرق یاخود کندیلرینہ مجوہرات ، اشیا ، قماشلر صاتہرق بوللق وزاحت ایله یاشامشدر . ایشتہ اوشهرلرہدرکہ علما ، شعرا ، مغنیلر ، ندیملر طوپلانیرلر وخلیفہنک ، یاخود امراسنک ،

یاخود سائر رجال دولتک فیض سخا وکرمیلر ایله کچینرلردی .

( رشید ) ک وزیر ی ( فضل بن یحیی ) نک شو سوزلری او صرہلرہدہ ہیئت اجتماعیه نک تشکیل ایتدیکی طبقات ناسی کوستریر . ( فضل ) دییورک : «خلق دوت طبقہدر . اولا پادشاہلر . درکہ استحقاق انلری او موقعہ اعلا ایلشدر . ثانیاً وزرادرکہ فطانت ودرایتلریلہ کنندی موقعلریخی احرار ایتمشلردر . ثالثاً خلقلک یوکسک قسمیدرکہ بونلر زنتکینلکلہ بوموقی طوتمشلردر . رابعاً وسط طبقہدرکہ بونلر دیکر طبقہلرہ علم وادب ایله التحاق ایشلردر . شودرت طبقہدن صکرہ کلن خلق ایسہ بوش ، دکر سز ، لایعقل مخلوقاتدن عبارتدر . بونلر ییوب یاتمقدن بشقہ بر شی دوشونمز لر » [۱] .

( ابن خلدون ) حکمداری عالمک بازار رواجی ومادہ عمرانکدہ منبع ومصدری عد ایتدیکی جہتلہ حکمدار طرفندن تخصیص اولسان معاشات ووقوع بولان صرفیات وویریلن عطیہ واحسانلری ، یعنی حکمدارک ودولتک عمومی صرفیاتی ثروت مملکتہ اصل ووارداتک کثرتنہدہ سبب وباعت اعتبار ایدیور . مشارالیه بو بابدہ مطالعات آتیہدہ بولنمقدہدر : « حکمدار پارہلری ، یاخود واردات دولتی کنندی نفسی ایچون بر طرفہ صاقلار ، یاخود پارہلر اورتہدن غائب اولوبدہ انی اقتضا ایدن یرلرہ صرف ایلز ایسہ معیت مأمورلری ایله ارکان دولتک ومأمورین حکومتک وعسکرک

درجه به اعلا ایلیری بریکلرک فطانت ودرایتلرینه بنه ایدی . اوچنجی درجه ده زنکیلر ودردنچیسند مرتبه لری علم وادب ایله تعالی ایدن متوسط طبقه کلیدی . بوایکی طبقه دن متشکل اولان خلق دیگر ایکی طبقه نک کیف و آرزوسنه تابع ایدی . بونلردن دهها آشاخی اولان خلق ایسه انسان مرتبه سنده عد ایدلیوردی . حالی بوکه هیئت اجتماعیه نک ذکر اولنان تقسیماتی حریت شخصی عصری اولان زمان حاضرده کی هیئت اجتماعیه نک تقسیماتنه مخالفدر . بوکون بشریتک هر فردی ایشجی اولسون ، کاتب اولسون ، ناچر ، یاخود حکومت مأموری اولسون کندی ایشنده مستقل یاشار وکنیدنی جمعیت بشریه ده وجودندن استغنا حاصل اولماز بر عضو عد ایدر .

عصر عباسیده شهرلرک اهاالیسی خلفا و امرا وسائر رجال دولته اطرافنده کچنیرلر ، انلرک سایه سنده یاشارلردی . خلفا و امرا وسائر رجال حکومت اله کچیردکلری واردات دولت ایله اناری مستفید ایدرلردی . واردات چوق کلیر ایسه بو استفاده ده او نسبتده چوق ، آز کلیر ایسه او نسبتده آز اولوردی . دولته وارداتی خراجدن کلیدی . خراج اراضیدن حاصل اولوردی . اراضی ایسه چفتجیلرک ایچنده چالیشدقلری کویلردن عبارتدی . شو حالده ثروت عباسیه نک مصدري کویلر ایدی وچفتجیلرک آلنک ترندن طویلانیردی . چفتجیلر هر عصرده وبالخاصه زراعت

الدرنده پاره لر آزالیر . بونلر بالطبع معیتلرند بولسان آدملره واقربا وتعلقاتلرینه معاش ویره مزلر . بونک اوزرینه بوقم خلقک مصرفلری آزالیر . حال بوکه خلقک قسم مهمی بونلر تشکیل ایدر . مملکتده اخذ واعطایی الک زیاده حرکت کتیرن و بازارلری جانلادان الک مهم شی دیگرلردن زیاده بونلرک خرج ایتدکلری پاره لردر . بونلر خراجیه جق پاره بوله مازلر ایسه او زمان مملکتده بازارلر کساده اوغرار . آلیش ویریش طورر . تجارتدن پاره قرائق کوجه شیر . بونک نتیجه سنده خراج و واردات دولت آزالیر . چونکه واردات دولت مملکتده معموریتک توالیسی ، آلیش ویریشلرک رواجی وقازانچ قبولرینک دوامی ایله قائمدر . اهالی قازانه جق قبولر بولمیدرلرکه ویرکی تأدیه ایده بیلسونلر . صرقات وقوع بولماسیله بو یوزدن وارداتده ظهور ایده جک تناقصدن طولایی مسئول اولان دولندر . چونکه دیدیکمز کی دولت واردات ومصارفاتجه خلقک الک بیسوک بازار رواجی ، یاخود رواج بازارلرینک جمله می واصلی وماده سیدر . دولته اخذ واعطایی کساده اوغرایوبده مصرفلری آزالیرسه دیگر بازارلرک وآلیش ویریشلرک اوکی ویاخود ده شدتلی بر سکتیه وتناقصه اوغرایه جفی طبعیدر .

اسلام شهرلری اصل اولان حکمدارلردن وایکنجی درجه ده رجال دولتن تشکیل ایدیوردی . حکمدارلرک ، رجال دولتی بو



مملکتلرنده ثروتک رکن اساسیسیدر . حال بوکه چفتجی باخصوص مدنیت قدیمه دورلرنده و او طرزده مدنیت ایله کچینن ممالکده علی اکثر ثروتدنک زیاده محروم اولان انساندر . چونکه او دورلرده و اوایل یرلرده ثروت وقوت حکمدارلرک ، یاخود حکمدارلر طرفندن بالنیابه اجرای حاکمیت ایدنلرک و کرک حکمدارلره ، کرک نائبلرینه منسوب اولان سائر رجالک النده بولنور . خلقک افرادی ایسه رجال حکومتک معیثلری ، یاخود معین ومظاهرلری ، یاخود اوشاق وقوللری اعتبار اولنورلر . بشریتک بو ایکنجی کتله سندن بر قسمی رجال دولتک محتاج اوله بیله جکلری انواع ابنه والیسه واثاث ومجوهراتی احضار ایتک ایچون صنائع ایله اشتغال ایدر . دیگر بر قسمی ینه رجال حکومته قوناقلرنده وکاشانه لرنده خدمت ایلک اوزره طبابت وکتابت صنعتلرینی اوکره نیر . دیگر بر قسمی فئه متغلبه حاکمه نک کیفی کتیرمک ایچون چالغی ، شرقی اوکرنمکه چالیشیر . بر قسمی ده ینه هیئت حاکمه نک ممنونیتی جلب ایلک ایچون نظم ونثر وسائر ایله اوغراشیر . یاخود اراضیده اجرای زراعتله مشغول چفتجی اولور . چفتجیلر هر زمان ومکانده مملکت اهالیسنک اکثریتی تشکیل ایدر . بو بحث حقنده ده زیاده تفصیلاتی کتابمژک آداب اجتماعیه دن باحث اولان جلدنده یازمجهز . شو حالده شهرلرک ثروتی ذکر ایتدیکمز اسبابدن طولایی حکومتک ، یاخود رجال حکومتک ثروتنه تابع ایدی . ( رشید ) ک

سرای و فود ( قاصدان ) - اطرافدن نزد خلیفه کلن مسافرلر - ایله ویت المال خزینه سی ده پاره ایله مالامال اولدینی وبرمکیلر طرفندن پاره لر آووج آووج بذل واعطایلدیکی زمانلرده بغدادده بولنان اوباب تجارت وبالخاصه مجوهرات ونفیس مفروشات تجاری بیوک بر سعادت وثروت ایچنده ایدیلر . چونکه مدنیتک رفاهیت و صرفیات دوری بو ایکی نوع تجارتک رواجنه خدمت ایدر . ده اول کوسترلدیکی اوزره بغدادده ( کرخ ) محله سنده بولنان تجارتدن برجواهرچینک برسپت ایچنده اراشه ایتدیکی مجوهرات ایچون ( یحیی برمکی ) طرفندن بازارلغه کیریشیلرک او مجوهراته ۷,۰۰۰,۰۰۰ درهم ویرلش ایکن جواهرچی بهایی موافق بولیهرق صتاممشدی [۱] . حال بوکه بو مجوهرات او تاجرک مغازه سنده بولنان مجوهراتک بر قسمی ایدی . اوایل بر تاجرک مجموع ثروتی پک بیوک تقدیر ایدلک لازم کلزمی ؟ بو مجوهرات تاجرنندن ماعدا ( ابن الجصاص ) نامنده دیگر بر جواهرچی وارایدی که بو آدمک ثروتی ۳۰۲ سنه هجریه سنده خلیفه ( مقتدر ) طرفندن مصادره ایدلش واثنای مصادره ده خانه سندن اخذ وضبط اولنان انواع اموال واشیانک قیمتی ۲۰,۰۰۰,۰۰۰ دیناری کچمشدر [۲] . بغدادده اشرافدن ( محمد بن عمر ) نامنده بر ذات وار ایدی که مالک اولدینی املاکک سنوی خراجی

[۱] طبری ۷۰۲ ج ۲

[۲] ابن الاثیر ۳۳ ج ۸

وادواتندن متشكل اولقى اوزره ۱,۰۰۰,۰۰۰ دیناره بالغ اولمش ایدی [۱]. شرق شهرلرینک اکثرنده بو کبی زنکینلکلرک امثالی پک چوق ایدی .

وزرا وباش کاتبلرووایلردن ماعدا دولتک زنکینلکی زماننده خلفایه انتساب واتصال پیدا ایدرک خلفانک احسان وعطیه لرینه نائل اولانلرک ، یاخود سرایلرده خلفایه خدمت ایدنلرک ثروتلرینده اکا کوره قیاس ایدیکز. وزیرلر، باش کاتبلر، وایلرک کلنجه بونلر وحق خلفانک مغیبلری وشاعرلری پک بیوک ثروت صاحبی اولمشلردی . (رشید) ک مغیسی اولان (ابراهیم الموصلی) وفات ایتدیکی زمان ۲۴,۰۰۰,۰۰۰ درهم مقدارنده بر ثروت ترک ایلشدی [۲]. کذلک (رشید) ک حکیم باشیسی بولنان (جبریل بن بختیشوع) وفاتنده چقتلکلر ، مجوهرات ونقوددن مرکب اوله رق ۹۰,۰۰۰,۰۰۰ درهم قیمتده بر ثروت برافمش ایدی .

سائر شهرلری واحوالی نظر دفته آله حق اولورسه ق اکثریتله ثروتک خلفا ايله انلره منسوب اولان ذواتک نزدنده بولندیغنی کورورز. حتی اوصره لرده تجاره وارنجیه قدر بالجله ارباب ثروت - بعض نادر مثاللر مستثنی اوله رق - آنجق خلفایه وسائر رجال حکومته انتساب ایتکلر ثروتلرینه امین اوله بیلیرلردی . (کویلر) : - کویلرک اهالیسی اهالی اصلیه دن (اهل الخراج) - خراج کذارلر -

[۱] ابن حوقل ۲۰۷

[۲] سیرالملوک ۱۱۳

۲,۵۰۰,۰۰۰ درهمه بالغ اولمشدی [۱]. بغدادده وسائر شهرلرده بولنان دیگر تجارتلری اکا کوره قیاس ایدیکز . (اصطخر) شهرنده (بنی حنظله) یه منسوب بر عائله وار ایدی که بو عائله افرادندن بری اولان (عمرو بن عینه) پک بیوک بر زنکینلکه مالکیتندن ناشی بر میلیون درهمله مصحفلر ساتون آله رق اسلام شهرلرینه مجاناً توزیع ایلشدی. مذکور عائله نک مالک اولدیغنی چقتلکلرک سنوی خراجی ۱۰,۰۰۰,۰۰۰ درهم مقدارنده ایدی . ینه بو زنکینلر جمله سندن اوله رق (مرداس بن عمر) ک اراضی وعقاراتنک خراجی ۳,۰۰۰,۰۰۰ درهم طوتمقده ایدی . بونک عمزاده سی (محمد بن واصل) دخی انک ثروتی قدر بیوک بر ثروته مالک ایدی [۲]. (سیراف) شهرنده پک زنکین اولیه تاجرلر وار ایدی که انلردن برینک ثروتی ۶۰,۰۰۰,۰۰۰ درمی تجاوز ایدیوردی. بو آدم او قدر بیوک بر ثروتی دکنر تجارتی طریقيله عود ، کافور ، عنبر ، مجوهرات ، خیزران ، فیل دیشی ، ابنوس - ابانوز - ، فلفل - سیاه بیبر - وسائرده دن قازانمش ایدی [۳]. بونلردن اولیه سی وار ایدی که بر قوناغک انشاسی ایچون ۳۰,۰۰۰ دینار صرف ایدردی [۴]. زنکینلردن بری ثروتک ثلثی بر جهته صرف اولمشنی وصیت ایتش ایدی . بونلک لدی الحساب مستقل سفائن بحریه والآت

[۱] ابن الاثیر ۲۰ ج ۹

[۲] اصطخری ۱۴۲

[۳] اصطخری ۱۵۴

[۴] ابن حوقل ۱۹۸

ناميله تسميه ايتدكلى چفتجیلردن متشکل ایدی . بونلر اراضی صاحبلى اولان خلفاء یاخود امرايه ، یاخود انلره منسوب بولنان ارباب نفوذ و بالخاصه قبل الاسلام عراقده وفارسده بيوك مقاطعات اصحابى اولوب (دهاقين) ناميله معروف اولانلره اجرت ايله ، یاخود اورتاقلقه چالیشیرلردی .

مملکتده اسلامیت انتشار ایدنجه بو دهقانلر مالک اولدقلری ثروت و مملکت اهالیسی بیننده حائز اولدقلری نفوذ و وجاهت تأثیری ايله حکومت آدملىرى نزدنده موقع

اکا راضی ایدیلر . هر حالده بونلرک اکثریتی شدتلى برفقر و احتیاج ایچنده وقت کچیرلردی . حتی مدت عمرنده دینارى کورمین آدملر بيله وار ایدی . تجلیات خلقت جدأ شایان حیرتدر . شهرلردمكى رجال دولت دینارلری آووجلر ايله صرف ، هبه ، احسان ایدرکن کویارده کی بیچاره خلق دهشتلى برفقر ، شدتلى برمحرومیت ، ایلیم بر سقالت ايله وقت کچیرلردی . حتی انلردن بڑی بر دینارک یوزینی کورسه سونینچندن انی دفعات ايله اوپوب باشنه قویه . جقدی . یاخود او بیچاره لردن برینه اون ویا



شکل : ۱۹ شامده جامع کبیرک حولیسی

یکرمی دینار ویرلسه سونینچندن چیلدیروب درحال وفات ایدمچکدی . نته کیم اويله بر حادثه رقت آمیز اوچنجی عصر هجرى اورتلرلنده مصر امیری بولسان ( احمد بن طولون ) ايله بر بالقجی آرده سنده وقوع بولمشدی . ( احمد بن طولون ) انشا ایتدیردیکی سرایلر وقورولقلر وباغچه لر واصطبلرلردن

صاحبی اولدیلر [۱] . اصل چفتجیلر ایسه دهها اول ذکر ایتدیکمز اسبابدن طولایى اراضیه و املاکه نادرأ مالک اولورلردی .

شو حالده کویلر اهالیسی چفتجیلر ايله اوصفدن اولان خلق تشکیل ایدیور ایدی . بونلر کینه چک درجه ده برشی بولورلر ایسه

[۱] ابن الاثیر ۱۰۱ ج .



اولدوره رك النده كي پاره يي آلدقلىنى ظن  
 ايتدى . چوجقدن كيفىي صوردى . چوجق  
 آغلايه رق : « بو آدم ( الى ايله ابن طولونك  
 پاره ورن اوشاغنى كوستره رك ) بابامه برشى  
 ويردى . بابام اوشئي النده چويره چويره نهايت  
 دوشوب اولدى ، جوابنى ويردى . ( ابن طولون )  
 اوشاغنه : « بو آدمى آرا ، پاره لر اوزرنده مى ،  
 كورهم ، ديدى . اوشاق آتدن ايندى . حريفك  
 اوزرىنى آرادى . پاره نك حالى اوزره طورديغنى  
 كوردى . چوجغه پاره يي آلسنى تكليف ايلدى .  
 چوجق رد ايتدى . « بوشى بابامى اولدوردى .  
 بن آكرسهم بنى ده اولدورر » ديدى . بونك  
 اوزرينه ( ابن طولون ) فرط رفته كله رك  
 ( مقس ) قاضيسنى ومشاينخى چاغيردى .  
 وارداتى چوجغه ويرلك اوزره بش يوز دينار  
 ايله ايرادلى برخانه نك مبايعه اولمىسنى انلره  
 امر ايتدكن ماعدا چوجفك اسمنى مخصصات  
 اربابى دفترينه قيد ايتديردى . « بوچوجفك  
 باباسنك وفاتنه سبب اولان بنم . زنكينك  
 تدريج ايله اولق لازمدر . بوبالقجى به دينارلرى  
 برر برر ويرمك اقتضا ايدىوردى . پاره يي اويله  
 متفرق برصورتده آلسه ايدى كوزينه اوقدر بيوك  
 كورنيمه جكدى ، مطالعه سنده بولندى [۱] .  
 بربايخت جوارى اهايلسندن برينك حالى  
 بويله اولورايسه دولتك اسرافات وتبذيراتندن  
 ومخصصات ومعاشرلندن اوزاق بولنان  
 كويلرده كي اهانك احوالى فصل اوله جغنى  
 آرتق سز دوشونكز .

طولاني . عا واسراف ايله مشهور ايدى . هر  
 آي فقر ايله بيك دينار تصدق ايدردى . مشار ايله  
 بذل وعطافه اوقدر ايلرى كيتمش ايدى كه  
 فقرايه صدقه توزيع ايدن وكيلى كنديسنه مراجعت  
 و « بعضاً اوسق چارشفلى ، پرمغنده آتون  
 يوزوك بولنان بر طاقم قادينلر كلوب صدقه  
 آلق ايجون ال اوزاديسورلر . بو كيلره  
 ويرمى ؟ » سؤالى ايراد ايتمى اوزرينه  
 ( ابن طولون ) : « صدقه ديله مك ايجون  
 سكا هر كيم ال اوزادير ايسه اكا وير »  
 جوابنى ويرمش ايدى [۱] . صفوق بركونده  
 ( ابن طولون ) آته بينه رك ( فسطاط ) جوارنده  
 ( مقس ) جهتلرنده طولاشمغه چيقمش  
 ايدى . ( نيل ) كنارنده نيم چلاق وپژمرده  
 بربالقجى ايله ياننده احوالده بولنان برچوجغه  
 راست كلدى . بالقجى آغنى نهره آتمش ايدى .  
 ( ابن طولون ) بالقجى ايله چوجفك صفوقده  
 احوال فقر وسفالتنى كورنجه متأثر اولدى .  
 ياننده بولنان ( نسيم ) نامنده كي اوشاغه :  
 « نسيم ! بوبالقجى به يكرمى دينار وير »  
 امرينى اعطا ايدوب كچدى . اوشاق بالقجى به  
 پاره يي ويردكن صكره افنديسنه التحاق  
 ايتدى . ( ابن طولون ) برآز طولاشه رق  
 ينه اورادن مرور ايلدى . بالقجى ترك حيات  
 ايتمش ، يره سرلش ايدى . چوجق ده ميتك  
 باشى اوچنده طورهرق آغلايور ، فرياد  
 ايلوردى . ( ابن طولون ) اول امرده كندى  
 معيتنده بولنان سياهيلردن بعضلرينك بو آدمى

## اسلام شهرلری

اسلام شهرلرندن مراد اسلاملرک کندی  
نفسلری ایچون تأسیس ایتدکلری شهرلردن  
عبارتدر . بوشهرلر اسلاملرک روم و ایران  
ممالکندن فتح و تسخیر ایتدکلری شهرلردن  
باشقردر . اسلاملر طرفدن (عراق) ، (شام) ،  
(مصر) ، (افریقیه) و (اندلس) قطعهلرنده  
وساثرده تأسیس ایتدکلری شهرلر متعدددر .  
بونلردن (بصره) ، (بغداد) ، (قاهره)  
کبی بعضلری بوکونه قدر معموریتلرینی محافظه  
ایتمش ایسهده مصرده (فسطاط) و اندلسده  
(زهراء) کبی دیگر بعضلری ده بسبتون منقرض  
اولدی . بوجلدک موضوعنه تعلق جهتیله تمه  
اولق اوزره اوشهرلردن اک مشهورلرینک  
مدنیت اسلامیه زمانلرنده بالغ اولدقلری درجه  
معموریت حقنده معلومات ویره جکز . فقط  
بومعلوماتی یازمیدن اول عربلرک ، یاخود  
اسلاملرک مذکور شهرلری تأسیس ایتلرینه  
باعث اولان اسباب حقنده مختصراً بر ایکی  
سوز سویلک ایسترز .

اوائل اسلامیتده اسلاملر خیمه نشین  
ومواشی و آت صاحبی عربلردن عبارت ایدیلر .  
بونلر سسور داخلنده و شهرلر ایچنده اقامت  
ایتمکی سومزلر ایدی . و قناکه اسلامیت قوت  
بوله رق عربلر (عراق) ، (شام) و (مصر)  
قطعهلرنده کی ممالکی فتح ایتمک ایچون برآرده  
طوبلانیدیلر ، برغزوهیه کیتدکجه قاریلرینی ،  
چوجقلرینی برابر آلبرلر و برشهری فتح ایدنجه

اوشهرک اطرافنده چادرلریله ، چرکه لریله اقامت  
ایدرلردی . بواقامتگاهلر انلرک اردوگاهلرینی  
تشکیل ایدر ایدی . حضرت عمر اطرافنده کی  
ممالکده مقیم اولان عساکر اسلامیه انلر  
ایله کندیسکی آره سنده صوبولمیان یرلرده  
اقامت ایتلرینی اوزرلرینه شرط اتخاذا یرلردی .  
تا که لزومنده دوه سنه بینهرک عسکره التحاق  
ایتمک ایسته سه آرده حائل برصوبولمسون .  
ایشته بوتوصیهیه مبنی (عمرو بن العاص)  
(فسطاط) ده و (سعد بن ابی وقاص) کوفه  
وبصره ده اختیار اقامت ایلشلر ایدی [۱] .  
عموماً بوشهرلر مملکتی فتح ایدن عسکرک  
قوناق یرلری ایدی . بوکبی یرلره (رابطه) ،  
یاخود (معسکر) نامی ویریرلردی . عربلر  
بویرلرده اوزون مدت اقامت ایده جکلرینی  
آکلادقلرنده اراضی بی جاده وزقاق و بازارلره  
تقسیم و کندیلری ایچون خانه و کوشکلر انشا  
ایدرلردی . اوائل اسلامیتده هب بویولده حرکت  
ایدرلردی . (بصره) ، (کوفه) ، (فسطاط)  
شهرلری ایشته بوصورتله تأسس ایلدی .

دها صکره عربلرک حاکمیتی کسب جسامت  
ایدرک دول اسلامیه تعدد ایلینجه شهرلری  
یابرقتجه یادکار اوله رق قالمق ، یاخود بردشمنه  
قارشی تحصنکاه بر محل اوله رق اتخاذا یتمک  
اوزره تأسیس ایتمکه باشلادیلر . نته کیم ایکنجی  
خلیفه عباسی (منصور) (بغداد) ی کندیسنه  
بر تحصنکاه اولق اوزره تأسیس ایلش ایدی .  
فاطمیلرک (قاهره) یی تأسیس ایتلری ده عینی

طرفندن تاسیس ایدلشدر [ ۱ ] . بصره نك  
موقی بادی امرده مكه ايله انك آرمه سنده  
صو حائل اولماز براردوكاه اولق اوزره اتخاذ  
ایدلش ایدی . ( فرات ) ك جهت غریبه سنده  
تاسیس ایدیلن بوشهر ايله مكه آرمه سنده کی برلر  
قومساللر ، طاغلر ، اووه لردن متشكل ایدی .  
آره یرده هیچ برنهر موجود دكل ایدی . بصره  
اول امرده قامشدن بنا ایدلش ایدی . دها  
صكره یانغیندن قورقيله رق ( كوفه ) حقنده  
ویره جكمز معلوماتده كوريله جکی اوزره حضرت  
عمر دن استحصال اولئان مأذونیتله كر پیچ ايله  
انشا اولندی . شهر عسا كر اسلامیه یی تشكیل  
ایدن قبائله كوره هر قبیله بر خط داخلند  
اوله رق برطاقم قسملره تقسیم ایدلش ایدی .  
شهر ك اك بیوك جاده سنك كنیشلكنی آلتش  
آرشون یامیشلردی . بوجاده شهر ك مریدی -  
خرما سوروب قوروده جق محلی - ایدی .

ابو غزوان - قدمای صحابه دن اولوب قریشدن بنی  
نوفل بن عبد منافك خلقی واسلامه كلنلرك یدنجیسی  
ایدی . قرق یاشنده اولدینی حالده حبشه هجرت  
وبعد مككه عودت ایتش ومقداد ايله برابر وكرمه  
بن ابی جهل معیننده مسلمینه قارشى كیدن كفار  
قریشه قاتیلوب عبیده بن الحارثك معیننده کی سریه  
مسلمینه ثلاثی یدنججه مشارالیه مقدار ايله برابر عسا كر  
مسلمینه التحاق ایدرك مدینه به داخل اولش ، وبدو  
غزاسیله سائر غزواتك جمله سنده بولنش ایدی .  
خلافت جناب فاروقی عهدنده اهل فارسه قارشى بصره  
جهتنه مأمور اولوب خیلی خدمتی كورلش ، واك  
اول بصره شهرینك اساسی وضع ایدوب قامشدن  
اوراده برجامع شریف بنا ایتدیرن بوذات اولشدر .

قاموس الاعلام

[ ۱ ] ابن الفقیه ۱۸۸

سببك تأثیری ايله ایدی . برچوق دفعه خلفا  
خلقك باطیر دیسندن اوزاقلاشه رق دروننده  
راحتلنمك اوزره شهرلر تاسیس ایدرلردی .  
( سامرا ) ، ( متوكلیه ) ، ( زهراء ) وسائر  
كبی شهرلر اويله بر مقصد ايله تاسیس اولنان  
شهرلر جمله سندن ایدی . بونوع شهرلر حقنده  
فضله معلومات ویرمك بخی اوزاده جنى ایچون  
اك مشهور اسلام شهرلری ايله ثروت عصر نده کی  
معموریتی بحثه كله م .

عصر حاضرده کی سیاحین زیارت ایتدكلری  
شهرلری نصل تعریف وتوصیف ایدیورلرایسه  
اسلام مورخلری ده شهرلری اكثریته اويله تعریف  
وتوصیف ایتشلردر . یالكر اسلام مورخلری  
اوشهرلرك عدد نفوسنی ومقدار مساحه سنی  
بك نادر اوله رق یازارلردی . اسلام مورخلری  
اهمیتی آنحق تعریف وتوصیف ایتدكلری  
شهرلرده بولنان جامعلری وجماملری تعداده  
حصر ایدرلردی . بونكله برابر علی الاكثر  
آئیده كوريله جکی اوزره حوصله تصدیقه  
صیغیه جق درجه لره قدر بوخصوصده مبالغه یی  
التزام ایلرلردی . اك مشهور اسلام شهرلری  
قدم صره سیله شونلردر :

بصره

اسلاملر طرفندن تاسیس اولنان اك  
اسکی شهرلردن ، یاخود اك اسکی شهردر .  
بوكونه قدر پایدار طوران بوشهر هجرتك  
۱۶ نجی سنه سنده [ ۱ ] ( عتبه بن غزوان ) [ \* ]

[ ۱ ] ابن الفقیه ۱۸۸

[ \* ] ( عتبه بن غزوان ) - ابو عبدالله ، یاخود



اجرای تجارت ، یا خود اختیار اقامت ایتک  
ایچون هر طرفدن کلن خلقک کثرتی ایله شهرک  
ثروتی ده چوغلش ایدی . شهرده برچوق  
کاشانهلر ، باغچهلر ، میدانلر ، حوضلر انشا  
ایدلش ایدی . ( ابن حوقل ) : « بصره  
شهری کوزل اجتماعلر ، لطیف منظرلر ،  
عجیب میدانلر ، نفیس میوهلر ، کنیش حوضلر  
ایله مشهوردر . یوللری کلن کیدن ارباب  
تزهندن ، یا خود یولچیلردن بر آن خالی  
اولماز . . . دیور .

بصره لیمانی یوزلجه تجارت کیمیلرینک  
مرسای ایدی . حکومتک بصرهده یالکز  
برتاجردن آلدینی سنوی ویرکینک ۱۰۰،۰۰۰  
دیناره بالغ اولدینی دها اول ذکر ایتش ایدک .  
شهرک بیوک ، کوچک سائر تجارتینک او دورده  
نه مقدارلرده ثروت صاحبی اولدقلرینی ده اکا  
کوره قیاس ایتلیدر .

بصره اهالیسی تجارت مقصدی ایله هر طرفه  
اختیار سفر ایتمکله کسب شهرت ایتشلر وحتی  
بوخصوصده ضروب امثال صره سنه کچمشلردی .  
« جهانده تجارت آرقه سنده اک زیاده قوشانلر  
بصره لیلر ایله خوزستانلیردر . فرغانهده  
( اوزمانه کوره اقصای شرق ) ، سوس اقصی ده  
( اوزمانه کوره اقصای غرب ) ، هر زرده  
اولور ایسه اولسون اورالرده بر بصره لی به ،  
یا خود بر خوزستانلی به ، یا خود بر حیره لی به راست  
کلمامک ممکن دکلدر ، دیرلر ایدی [ ۱ ] .  
اوزمانلرده بصره لیلر ایله خوزستانلیر بویولده

دیگر جاده لری یکریمی وزقاقلری یدی آرشون  
کنیشلکنده انشا ایتشلردی . هر ایکی قبیله  
آره سنده کی خطک وسطنده بیوک برر میدان  
یری بر اقلمش ایدی که بویرلر آت باغلامغه  
وادلو دفن ایتمکله تخصیص ایدلش ایدی .  
خانلر ایسه یکدیگرینه بتشیک یاپلش ایدی [ ۱ ] .  
بصره عراق قطعه سنک اسکله سی وشام  
وفارس قطه لری آره سنده متوسط بر شهر  
اولق اعتباری ایله حائر اولدینی موقع تجارتی به  
بناء آز بر زمان ظرفنده معموریتجه پک ایلری  
کیتمش و امویلر زماننده عراقک مرکز اداره سی  
اوله رق اتخاذ ایدلش ایدی . بصره امویلر  
دورنده بیوک بر معموریته مظهر اولمش ایدی .  
حق ( خالد بن عبدالله القسری ) نک والیلکی  
زماننده طولاً ایکی وعرضاً کذلک ایکی فرسخ  
یعنی ۳۶ میل مربع مساحه سنه وارمش ایدی .  
شهرک بولندینی یر طاعنر ، دوز اراضیدن  
متشکلدر . بومساحه ایوم قاهره شهرینک  
کثرت مبانیسی ایله برابر اشغال ایتدیکی مساحه دن  
بیوکدر .

بصره شهری رباب تجارتک اجتماعهای  
کسلدیکی جهتله عباسیلر دورنده پک بیوک بر  
ثروت و بساره مظهر اولمشدی . بوشهرک تجارتی  
شرقاً هندستان وچینه وغرباً اقصای مغربه  
( مراکش واندلسه ) وجنوباً حبشستانه قدر  
امتداد ایدیوردی . سفائن تجارتیه بصره  
لیمانده دمیر آهرق قماش و عطریات وسائر دن  
مرکب اموال تجارتیه نک انواعی نقل ایلردی .

(بصره) دن بحث ایتدیکی صرمده بوسوزلرك  
عینئ سولبور [۱] . مشارالیهانك بیاناتی  
اودرجه قطعی ایکن ینه بز بوقدر جدوللرك  
بولنسنی چوق کوریبوردك . نهایت برچوق  
سنه لر بصره ده اقامت ایتمش مدقق برذاته  
راست كلدك . کنديسنه بوباده کی فکریمزی  
سویلرك . بوذات بصره ولایتك اوزمانلرده کی  
وسعتندن ، اهانلنك پك چوق جدوللر حفر  
ایتدکلرندن ، بوقیصه جدوللردن برشبکه  
حاصل اوله رق عدا بیوک برمقداره بالغ  
اوله بیله جکندن ، بوجداوللر اورالرده نهر  
اسمی اطلاق اولندیغندن بختله كرك (اصطخری)،  
كرك (ابن حوقل) طرفندن واقع اولان  
مطالعات آفتهك اوقدر مبالغه لی عد ایدلامسی  
فکرند بولندی . بوفکری مؤید اولان  
ادله جمله سندن اوله رق بصره دن مقصد دخی  
۳۶ میل مربع مساحه سنده بولندیغنی ذکر  
ایتدیکنز یالکز شهر دکل ایدی ، فارس  
دکزی (بصره کورفری) ساحلنده کائن  
(عبادان) . قدر بتون ترلار وارضی ده  
داخل ایدی . بو ترلار وارضی هپ مزروع  
ومعمور بولنیوردی . (ابن حوقل)  
و (اصطخری) دیبورلرکه :

«بصره قطعه سنك (عبدسی) موقعندن  
(عبادان) . قدر اللی فرسخ امتدادنده  
یکدیگرینه بتشك خرماقلر واردرکه انسان  
زده بولنسه کندينی برنخلستان وبر جدول  
اوکنده کوریر . یاخود نخلستان کوزی

نصل ایسه بوکونکی سوریه لیلرده عینی حالده  
جهانك هر طرفه قوشارلر . سوریه لیلرك بوحالی  
احتمال که تا فیکه لیلر زمانندن بری توالی  
ایدیور .

بصره شهرينك (بلال بن برده) ۹۱۸ -  
زماننده کی وسعتی ایله قنالرینك مقدارنی ،  
حتی قایق مرورینه مساعد اولان بوقنالررك  
(۱۲۰,۰۰۰) مقدارنده بولندیغنی ، هر کس  
کی (اصطخری) دخی بوقدر قنالررك  
بولنسنی شایان استغراب کوره رك بالذات دردنجی  
عصرده تحقیقات اجرا ایلدیکنی ونتیجه ده اوقدر  
قنال وجدوللری بالفس کوره رك مقدارده  
مبالغه بولندیغنی برنجی جلدده ذکر ایتمش  
ایدك . (اصطخری) دن اورایه نقل ایتدیکنز  
قره شو ایدی :

« بلال زماننده جدوللرك وقنالررك بوقدر  
چوق بولنسنه احتمال ویرموردم . فقط دها  
صکره بصره جهتلرینك برچوق اقسامنی بالذات  
طولاشدم . بعضاً براوق آتمندن زیاده مساحه سی  
اولمیان یرده متعدد جدوللر کوریور ایدم .  
بوکوچك قنالررك جمله سنده کوچك قایقلر  
ایشلیوردی . جدوللردن هر برینك ، حفر  
ایدن ذاتك اسمنه ، یاخود منصب اولدینی یره  
نسبتله براسمی واردی . بناءً عایه طولاً  
وعرضاً بوقدر بیوک اولان مذکور قطعه ده  
اومقدارده چوق جدوللر بولندیغنه احتمال  
ویرمکه باشلادم » [۲] . (ابن حوقل) دخی

[۱] ابن الاثیر ۹۳ ج ۵

[۲] اصطخری ۸۰

او کندن غائب اولماز .

شمدی طولاً او مقدارده بولنان مسافه یی  
عرضاً علی الاقل انک نصفی اعتبار ایتسه ای  
یعنی ۱۵۰ میل طولک ۵۷ میل مربع عرض  
ایله حسابی یالسه ق مدار بحث اولان اراضی  
معموره نك مساحه سی ۱۱،۲۵۰ میل مربعه  
بالغ اولورکه او حالده هر میل مربعده اون  
کوچک جدول بولنوردی دیمکدر . بوا یسه  
عقلاً مستبعد عد ایدلز . والله اعلم .

### کوفه

بوشهر بصره نك تأسیسندن بر قاج آی  
صکره ( سعد بن ابی وقاص ) طرفندن  
تأسیس ایدلشد . سبب تأسیس ده  
شو ایدی : ( سعد ) عراقی فتح و ایرانلیری  
مغلوب ایتدکن صکره ایرانلیلرک پایتختی  
اولان ( مدائن ) ده اختیار اقامت ایتمش  
و فتح و مظفریتی اخبار ایتک اوزره مدینه ده  
خلیفه حضرت عمره بر هیئت مخصوصه اعزام  
ایلش ایدی . هیئت مخصوصه یی تشکیل ایدن  
ذوات نزد خلیفه یه وارنجیه حضرت عمر  
بونلرک رنک لرنده و حال لرنده بر نوع تغیر وقوع  
بولدیغنی کوره رک سببی صوردی . ذوات  
مشار الیهم « مملکتک و خامت هواسی بزده  
بوتبدلی حاصل ایتدی » دیدیلر . بونک اوزرینه  
حضرت عمر - عربلرک دوه لرینه موافق کلین  
یرلر کندیلرینه ده موافق کلیه جکی جهتله -  
اسلاملرک اقامتی ایچون مناسب بریر انتخاب  
اولمنسی امر ایلدی . حضرت عمر ( سعد بن  
ابی وقاص ) « شو یولده بر امر یازدی : « سلیمان

ایله حذیفه یی کوندر ، آراسونلر ، هم بری ،  
هم بحری اولق و سزک ایله آره مده بردکز و یا  
برکوپری بولنماق اوزره مناسب بر اقامت  
یری بولسونلر ، [۱] . ( سعد ) آلدینی امر و جه  
ایله حرکت ایتدی . ( فرات ) ک آره سنده  
( فرات ) ایله ( حیره ) آره سنده بریر انتخاب  
ایلدیلر . خانه لر چادرلر یقین اولسون  
دییه اول امرده ( بصره ) ده اولدینی کبی  
( کوفه ) دده قامشدن یاپلش ایدی . فقط  
چوق کچمدن بو اولر محترق اولدی . کریبچ  
ایله انشا اولمنسی حضرت عمر دن استیذان  
ایلدیلر . حضرت عمر هر آدم اوچ اودن فضله  
انشا ایتماک و بو اولر چوق اوزون یالماق  
اوزره مأذونیت و یردی . حضرت علی شهادتی زمانه  
قدر ( کوفه ) شهرینی پایتخت اتخاذا ایتدیکندن  
شیعیلرجه بوشهرک بک بیوک بر اهمیتی و ار ایدی .  
فسطاط

مصرده اسلاملر طرفندن تأسیس اولنان  
ایلک شهردر . شهر مذکور ۱۸ نجی سنه  
هجریه ده ( عمرو بن العاص ) طرفندن بوکونکی  
( قاهره ) ایله مصر عتیق آره سنده تأسیس  
ایدلشدی . عمروک جامعی ایله انک اطرافنده  
بولنان و ( مقطم ) طاعنه قدر امتداد ایدن  
خرابه لر و انقاض شهر مذکور دن بوزمانه  
انتقال ایدن بقایا دندر . عربلر بوکون مصر  
عتیقه ( دیرالنصاری ) - خرستیان مناستری -  
و یا ( دیرمار جرجس ) نامیله معروف اولان  
بابل قلعه سنی فتح ایتک ایچون کلدکری زمان



عسکریه براقه رق سائر مجاهدین ایله برابر  
 بابل قاعه سنه عودت ایلدی . بورایه کلدکری  
 زمان براقدقلى اوتاغی اسکسی کبی قورولمش  
 وایچی کوکرجین ایله طولش بولدیله . عساکر  
 اسلامیه اوتاغک اطرافنده کوچلرینی ایندیردیله .  
 و اوتاغی اردوگاهلرینه مرکز اتخاذا ایلدیله .  
 بو موقعه تا او زماندن ( فسطاط ) - اوتاغ -  
 نامنی ویرمشلردی . ده صکره قبائل بربرینه  
 انضمام ایدرک عسکرک اقامتی ایچون اولراناشانه  
 باشلادیله . بونک اوزرینه ( عمرو بن العاص )  
 حصن بابل - بابل قلعه سی - نک شمانده  
 شهرک تقسیماتی یاپوب اکا ( فسطاط ) نامنی  
 ویردی . بو اساسه کوره شهر یکریمی محله یه  
 تقسیم ایدلش ایدی . محله لره ( خطط ) نامی  
 ویرلشدی . ( عمرو ) خلقی فرقه لرینه  
 وقیله لرینه کوره بو محله لره یرلشدیرمک ایچون  
 معیتده بولنان اعظم رجالدن درت ذاتی مأمور  
 ایش ایدی .

متعاقباً اسلاملرک مصرده موقع ونفوذلری  
 تزايد ایتدکجه ( فسطاط ) ک معموریتی ده او  
 نسبتده آرتدی . او درجه ده که بر جوق  
 چهلردن ( بصره ) و ( کوفه ) شهرلرینه  
 تفوق ایدیوردی . ( فسطاط ) ک ( نیل )  
 بونجه طولی اوچ میله بالغ اولمش ایدی [۱] .  
 عرب مورخلری بو شهرک درجه معموریتی  
 کوسترمک مقصدیله ایچنده ۳۶,۰۰۰ مسجد ،  
 ۸,۰۰۰ شارع مسلوک - ممرناس چیقار یول - ،  
 ۱۰,۱۷۰ حمام بولندیغنی ذکر ایدیورلر . بو

( فسطاط ) محلی اردوگاه اتخاذا ایتشلردی .  
 قلعه یی فتح ایدنجه اسکندریه یی فتح ایلک  
 ایچون اورادن مفارقت ایتک ایتستدیلر .  
 ( عمرو بن العاص ) کندی اوتاغک سوکیلوب  
 کوتورلمسنی امر ایلدی . اوتاغی ییقمق  
 ایتدکلرنده ایچنده بریان کوکرجینک یاورو  
 یامش اولدینی کورولدی . ( عمرو ) : « بو  
 حیوان بزه صیغندی . اکا فئالق کتیریه من »  
 دیدی . اوتاغک حالی اوزره براقلمسنی امر  
 واوراده قالان قبیللری اوتاغی محافظه یه  
 مأمور ایتدی . ( عمرو بن العاص ) اورادن  
 اسکندریه یه کیتدی . شهری فتح ایلدکدن  
 صکره مدینه ده بولنان خلیفه حضرت عمره  
 بوبابده حاصل اولان موفیقی یازدی . محل  
 اقامت ایچونده استشارده بولندی . حضرت  
 عمر مکتوبی کوتورن آدمدن : « بنم ایله  
 اسلاملر آره سنده حائل برصو وارمیدر ؟ »  
 دییه سورنجه او آدم « اوت ، ای امیرالمؤمنین !  
 نیل نهری فیضان ایدر ایسه صو حیلوات  
 ایدر ، جواخی ویردی . بونک اوزرینه  
 حضرت عمر ( عمرو بن العاص ) . شو مآلده  
 بر امر یازدی : « کرک قیشین ، کرک یازین  
 اولسون ، اسلاملری کندیلری ایله بنم  
 آره مزده بر صو حائل اوله جق بر موقعه  
 اقامت ایتدیرمکی آرزو ایتم . اویله بر یرده  
 بولنلرینی ایسترمک دومه بینوب یانکره کلک  
 ایسته سم کله بیله ییم » [۱] . ( عمرو بن العاص )  
 امر عمری یی آلیر آماز اسکندریه ده بر قوه

روایت مستبعد کورولور . مع مافیه او کھی  
مباینک او یله مبالغه ایله ایرادی شهرک پک  
بیوک بر معموریته واردیفنی کوستیر .

فسطاطده اهالی اوقدر چوغالمش ایدی که  
بونلری استیعاب ایچون خانه لری قاتلی یامش لر  
وبونلردن بعضلرینک قاتلرینی درده وحشی  
یدی به ابلاغ ایلش لردی . بعضاً بر بناده ۲۰۰  
نفوس اقامت ایدردی . بونلردن بر بنانک  
انشا آت مصرفی ۷۰۰,۰۰۰ دیناره بالغ اولمش  
ایدی . اوده ( احمد بن طولون ) ک اوغلی  
( خارویه ) ک حرم قوناغی ایدی [۱] .

مذکور بنالردن بیوکلیک و صاحب لرینک  
زنکینلکی ضرب مثل اولمش مشهور بر قوناغ  
وارایدی که اکا ( دارعبدالعزیز ) - عبدالعزیزک  
قوناغی - دیرلردی . ( نیل ) اوزرنده کائن  
اولان بو قوناغ اوقدر بیوک و ایچنده  
بولسانلر اوقدر چوق ایدیلر که هر کون اکا  
درت یوز راویه - طولوم - صوکوتورولوردی .  
بعضلرینک روایتیه کوره نیل کنارنده بولنان  
اولرک نچرهلرندن نیلک اوزرینه مقاره وایب  
ایله اوزادلمش اولان قووه لرک مقدادی  
( ۱۶,۰۰۰ ) ه بالغ ایدی . اوچنجی عصر  
هجری صوکلرنده ( احمد بن طولون ) ک اوغلی  
( خارویه ) زماننده ( فسطاط ) ی زیارت  
ایدن بر آدم شهرک معموریت و ثروتندن بحث  
ایتدیکی صرده دیورکه : « خدمتمه باقق  
ایچون بر اوشاق آرادم ایسه ده بوله مدم . » بو  
شهرده اوقدر چوق خدمتچی قوللانیرلر که بر

اوشاق ایکی ، اوچ کشی به بردن خدمت ایدر  
دیدیلر . « شهرده نه قدر اوشاق وارد ؟ »  
دییه صوردیغمده « یتش (؟) اوشاق وار .  
بونلردن هر بری لاقل اوچ کشی به خدمت  
ایدر . بو صنعتدن پاره قازانوب ترک خدمت  
ایدنلر مستثنی اولق اوزره بو اوشاقلردن هر  
بری اوچ کشی به بردن خدمت ایدر ، جوابی  
ویردیلر » [۱] .

ذکر اولنان مطالعه فسطاط شهرنده مقیم  
اهالینک زنکینلکینی وتتم ورفاهیتینی کوستیر .  
بو قیلدن اوله رق ( فسطاط ) اهالیسی پک  
چوق یتاق قوللانیرلردی . بعضاً بر آدمک  
بردن بیک ، اون بیک یتاغی اولوردی .  
( فسطاط ) اهالیسندن برینک هر یتاغی بر  
اوطه لق جاریه به مخصوص اولق اوزره اوچ  
یوز یتاغی بولندیفی مرویدر . البسه و سائرده  
دخی بویله یاپارلردی . بعضاً بو شیلرک ائمانی  
یک بهالی اولوردی ده زنکینلکدن ناشی او  
بهالیق تأثیر ایتزدی . ( قضای ) دیورکه :  
« ( خارویه ) ک قیزی ( قطرائندی ) نک  
جهازی جمله سندن اوله رق هر بری اون دینار  
قیمتنده بیک اوچقور وار ایدی که بونک مجموع  
ائمانی اون بیک دیناره بالغ اولمش ایدی . »  
بیه جک وایچه جکده آرادقلری نفاست واختیار  
ایتدکلری صر فاتی ده اکا کوره نسبت ایدیکزه .  
بونک تفصیلی اوزون سورر . ( مقریزی )  
وسائر مورخین فسطاطدن بحث ایتدکلری  
صرده بو جهت لری مفصلاً یازمشلردر .

شهردن نفرت ایتکه باشلایه رق اوزرینه مستحکم  
بر شهر تأسیس ایلک ایچون بریر آرامغه  
قویولدی . بغدادك موقعی کوستردیله ، اك  
مناسب یردر دیدیلر . (منصور) اوراده بر شهر  
تأسیس ایدرك اكا (بغداد) نامی وردی . بو  
شهر (مدینه المنصور) - منصورك شهری -  
اسمی ایله معروف اولدی .

(منصور) بغداد شهرینی (دجله) نهرینك  
غرب طرفنده مستدیر برشکلده تأسیس واطرافنی  
سرای خلقنه وموالیسنه واتباعنه مقاطعه  
صورتنده تخصیص ایتدی . ده صکره مقام  
خلافته اوچنجی خلیفه (مهدی) کچنجه عسکر  
اردوگاهنی (دجله) نك شرق جهته نقل وبورای  
(عسکرالمهدی) - مهدی اردوگاهنی - نامیله  
تسمیه ایلدی . متعاقباً ارباب نفوذ ورجال دولت  
بو طرفه کچمکه باشلایه رق بر جوق ابدیه انشا  
ایتدیله . ده صکره خلیفه دخی بو طرفه  
کچدی . خلفا سیرایلری و بانچه لری بو طرفه  
نهر بونجه امتداد ایتکده ایدی . (بغداد) ك  
ذکر اولنان شرق طرفه (رصافه) و غرب  
طرفه (کرخ) نامی ویرمشلردی .

بغداد شهری (مأمون) ك زماننده معمور  
ریتك خدا عظمنه بالغ اولمش ایدی . روایت  
کوره اوصرده بغدادك مبانیسی و بانچه لری  
۵۳،۷۵۰ جریب مساحه سنی اشغال ایتکده

حبس ایدیلنلری چیقارمشنر ، تجاوزاته باشلامشلردر .  
بونك اوزرینه شدت استعمالنه لزوم کوریلرک  
راوندیلرک جمله سی اتلاف اولمشدر .

ابن الاثیر (مترجم)

۱۴ ایکنجی جلد

بغداد

عباسیلرک بانتختی ایدی . ایکنجی خلیفه  
عباسی (منصور) طرفندن ۱۴۵ سنه هجریه سنده  
تأسیس ایدلمشدر . موقعی دفعات ایله دیکشیدیکی  
حالده شهر حالا پایدار طور . تأسیسنه سبب  
شو ایدی : برنجی خلیفه عباسی (سفاح)  
احراز خلافتله عراقده وفارسده طرفدارلرینی  
چو غالتقدن صکره برادری (منصور) ایله  
برابر (کوفه) ده اختیار اقامت ایلدی . ده  
صکره (سفاح) (انببار) شهری قربنده بر  
شهر تأسیس ایدرك بوشهره عباسیلر ایله علویله  
آرسنده کی رابطه یه اشارت اولق اوزره (هاشمیه)  
نامی وردی ، برادری ایله برابر بورایه نقل مکان  
ایلدی [۱] . (سفاح) بوشهرده ارتحال ایتدی .  
قبری بوراده در . (سفاح) دن صکره مقام خلافت  
کچن برادری ایکنجی خلیفه (منصور) بوشهرده  
برقاچ سنه اقامت ایتدکن صکره (راوندیه)  
جماعتك وقوع بولان مهاجراتی (\*) اوزرینه

[۱] ابن خلکان ۱۵۱ ج ۱

(۰) خراسان ولایتی داخلسده (راوند)  
شهری اهالیسندن آلتی یوز کشتی قدر برجاعت ۱۴۱  
سنه هجریه سنده ارواحك تاسیخنه وحضرت آدمك  
روحی (منصور) ك حرس (محافظلر) رئیس (عثمان  
بن نهیک) ده تجسم ایتدیکنه وکندیلرینه حیات  
ورزق ویرن خالک (منصور) اولدینه قائل اولق  
کپی بر مذهب ایله اورتیه آتیه ره هاشمیه ده (منصور) ك  
قوناغنه کیتمشلر و اللهمزی کورمك ایستز «دیه  
باغیرمه باشلامشلردر . (منصور) بونلرک رؤسایسندن  
ایکی یوز کشتی قدرینی حبس ایدرك دیکر لرینی  
طاغیتق ایسته مش ایسه ده حریفلر بوش برتابوت  
اوموز لایه رق حبس خانیه کیتمشلر ، کندلرلندن



ایدی . بومساحه دن ۳۶،۷۵۰ جریب مقداری  
 شرق و ۲۷،۰۰۰ جریب مقداری ده غرب  
 جهتلرنده ایدی [ ۱ ] . معلوم اولدینی اوزره  
 بر ( جریب ) ۳،۶۰۰ ذراع مربعمسده در .  
 ( فدان ) ه نسبتی ده ( ۱۰۰ ) ك ( ۳۳۳ ) ه  
 نسبتته معادلدر . احواله كوره بتون بغدادك  
 مساحه سی ۱۶،۰۰۰ فدان قدر دیمكدر ( هر  
 فدان ۴،۲۰۰ مربع متره ) . بوايسه بك بيوك  
 برمساحه در . معافیه قرائن احوال دن آكلا -  
 شلدیغه نظراً بـه اد یكدیكرینه ملاصق متعدد  
 شهرلردن تشكیل ایدیوردی . ( خطیب بـه ادی )  
 بندی تاریخده بغدادك قرق شهر دن مرکب  
 اولدینی و ( مأمون ) زماننده بغدادده بولنان  
 حاملرك ( ۶۵،۰۰۰ ) مقدارنده بولندیغنی ذكر  
 ایدیور [ ۲ ] . ( سیرالملوك ) نامنده کی کتاب  
 مؤانی ده ( بغداد ) ك بالغ اولدینی معموریتی  
 كوسترمك ایستدیکی صرهده شومعلوماتی ویریور:  
 « اوصرهده بغدادده ۶۰،۰۰۰ حمام وار ایدی .  
 هر حمامده لاقل بر حمامچی ، برقالفه ، برچوبچی ،  
 بر آتشچی ، برسقا اولق اوزره بش كشی بولنور .  
 شوخالده بو حماملرده ۳۰۰،۰۰۰ آدم اشتغال  
 ایدیوردی دیمكدر . هر حمامك اطرافنده بش  
 مسجد موجود ایدی . بو حسابه كوره بغدادده اوج  
 یوز بیک مسجد واردی . هر مسجدده بشر  
 مأموردن آشانی بولنیه جفنه نظراً ذكر اولنان  
 مسجدلرده بیک كره بیک و بش یوز بیک

[ ۱ ] سیرالملوك ۵۵

[ ۲ ] ابن خلدون ۲۸۷ ج ۱

( ۱،۵۰۰،۰۰۰ ) كشی مستخدم اولدینی  
 آكلاشیلیر ، [ ۱ ] .

بالاده ویریلن معلومات معموریتك بو  
 كونکی بیلدیكمز احوال وقواعیدنه مطابق  
 اولدینی جهته انی احوالی ایله قبول ایدهمیه جكز .  
 شو قدر كه بومبالغه لر اوحیرتفرامدنبت زماننده  
 ( بغداد ) ك خارق العاده بر معموریت واصل اولدینی  
 ارائه ایتمك دن مالی دكلدر . ( طبری ) ك  
 بغدادده ۲۵۵ سنه هجریه سنده ظهور ایدن  
 اختلال دن بحث ایتدیکی صرهده ویردیکی  
 معلومات ده بالاده کی مطالعاتی تأیید ایلکده در .  
 مشارالیه « روایت كوره فتنه اثنا سنده اهلیدن  
 قایقلر ایله ایکی كوپری بی كچنلرك مقداری  
 ۱۰۰،۰۰۰ كشی ایدی ، دیور [ ۲ ] . قاجانلر  
 بوقدر ایسه قاجایانلرك مقداری طبیعی ذهـا  
 زیاده بك چسوق اولق لازم كلیر . شو حالده  
 بغداد شهرینك اوصرهلرده کی مقدار نفوسنی  
 بر بقی میلیون ، یاخود ایکی میلیون اعتبار ایدر  
 ایسه ك بالغهده بولنش عد ایدلیر .

بغدادك اطرافنده وفرات ایله دجله  
 آره سنده بولنان یرلرك او زمانلرده احراز  
 ایلدیکی معموریتی ده اونوتـمـاـمـلـیـدر . دردنجی  
 عصر هجری صرهلرنده او یرلری رأی العین  
 كورن ( ابن حوقل ) : « بغداد ایله كوفه آره سی  
 یكدیكرینه ملاصق وحدودی فرق اولنماز  
 اراضی معموره دن متشكلكدر . بو یرلر عموماً

[ ۱ ] سیرالملوك ۵۵


[ ۲ ] طبری ۱۷۳۰ ج ۳

ایلمش اولان (شام) ، ( قرطبه ) ، ( غرناطه ) ،  
 ( طلیطله ) ، ( اسکندریه ) کبی شهرلر اسلاملر  
 زماننده دها زیاده بیوش ، اسکینندن دها  
 بیوک مهوریتہ مظہر اولمش ایدی . آئیده کی  
 جلدلرده بوشهرلرک احوال اجتماعی سی - قنده  
 بحث ایدہ جکمز صرہ ده آثار و احوال مدنیہ سنہ  
 دائر اقتضا ایدن تفصیلاتی یازہ جعفر .

فراتدن کشاد اولنان قنالر ایله اسقا اولنور...  
 الخ ، دیبور .

بالاده ذکر کی کچن شهرلردن ماعدا مغربده  
 - تونس ده - ( قیروان ) و عراقده ( واسط )  
 و مصر و شام و فارس قطعہ لریده - اثر شهرلر  
 کبی اسلاملر طرفندن تأسیس اولمش برطنام  
 مهم شهرلر دها واردر . برده دها اول تأسیس

## ایکینچی جلدک صوکی



## اخطار

بوجلدك ٦١ نجی صحیفه‌سینه درج اولنان ابن خلدون جدولنده ( سنجستان ) وارداتی حداسنه علاوه ایدیان اموال وامته میاننده اصلده ( و ٢٠ رطل فانیس ) ، یعنی ( ایران معمولاتندن بونام ایله معروف حلوادن یکریمی رطل ) دینلیدیکی کبی ینه بوجدولده ( ارمینیه ) نك اموال و ذخائر وارداتی میاننده ده ١٠,٠٠٠ رطل صونج ( قورو باق و امشالی کبی برشی اولوق لازم کلیر ) ذکر اولنیور . مقدمه ابن خلدونك ترکیه ترجمه‌سینه بوایکی قلم موجود اولمادیکی کبی بونلرك اساس بحته تعلقلری ده کورمديکمزدن جدولدن طی ایلدك .

کذلک ذکر اولنان جدولده ( ارمینیه ) نك وارداتی آره‌سینه ( و ٥٣٠ رطل رقم ) دینلیدیکی کوردك . ( رقم ) چوقلی آلاجه نوعندن برقاش اولسینه نظراً رطل ایله تعیین مقداری برائر سهو اوله بیله جکندن رطل یرینه قطعه قویه رق تصحیحنه مجبور اولدق .

ینه بوجلدك ٥٠ نجی صحیفه‌سینه مؤلف ایرانده بولنان کردلری ذکر ایتدیکی صره ده هر چادرده یکریمی نفوس بولندیغی تقدیر ایتک کبی برائر ذهول کوستردیکی کورولدی . بزیسه هر خانه خلقنی حد وسطی اوله رق بش نفوس اعتبار ایدرك اکا کوره تصحیح ایلدك .

کذلک بوجلدك ٧١ نجی صحیفه‌سینه مندرج اولان مصارفات جدولنك ٧٣ نجی صحیفه تصادف ایدن قسمنده ( بیمارستان صاعدی ) نك خدمتنده بولنان مأمورین و خدمه صحیفه ( مائین ) نامنده برنوع مأمورلر ذکر اولنیور . کله نك معناسنی هیچ بریده بوله مدیغمز جهته مؤلف کتابدن صوردق . آدیغمز جوابده لفظ مذکورک اوموقده بولمسنه نظراً خسته خانه ده موظف برنوع مأمورلرك اسمی اولوق لازم کله جکی وشوقدرکه انلرك نه کبی خدمتلا ایفا ایتدکلرینی صورت قطعیه ده تعیین و ترجمه ایتک ممکن اولمادیکی بیان ایدلدیکندن بزده ترجمه‌سندن صرف نظر ایتک مجبور اولدق .

ینه مذکور مصارفات جدولنك ٧٢ نجی صحیفه تصادف ایدن قسمنده ( مشروبات عامه و کسوه خزینهلرنده ) موظف اولان ارباب صنایع میاننده اصلده ذکر اولنان ( مشهرین ) ک - تشهر ایدیخیلر - کده اصل معناسنی بوله مدیغمز ایچون مؤلفندن صوردق . مؤلفندن : ( عطار کبی برشی اولسه کرک ) کبی غیر معین بر جواب کلدیکی کورلیدیکی جهته بونکده ترجمه‌سندن صرف نظر ایلدك . معافیله ذکر اولنان شیلرك جمله سی اساس بحته تعلقلری یوقدر . بونلری بورایه اخطار صورتنده علاوه ایتمه مز حائر اولدقلری اهمیت ایچون دکل ، ترجمه ده دقتی نه قدر التزام ایتدیکمزی کوسترمک ایچوندر .



كذلك ( ابن خلدون ) ك جدولنده ٦١ صحيفه ده ( ريان ) ك ايكي يردده تكرر ايتديكي  
 كوريلهرك عينا ابقا ايدلش ايسهده بالاخره ( ترجمه مقدمه ابن خلدون ) . مراجعتزده  
 برنجيك ( رويان ) وايكنجيسنك ( ريان ) شكلنده كوسترلديكي كورلدي . بونك طوغريسلي  
 برنجيسي ( رويان ) وايكنجيسي ( ريان ) در . مهربري آبري اقايددر .

ينه ذكر اولسان صحيفه ده كوريان ( رمانين ربي ) ( رب الرمانين ) ك ترجمه سيدر . نار  
 بكمزي ويا خلاصه سي ديمكدر . مقدمه ابن خلدون ترجمه سنده ( رمانين ربي ) صورتنده  
 ترجمه ايدلديكي كورولديكندن بزده عيني تعبيرى قوللاندق .

بوندن ماعدا دولت عباسيه نك مأمون زماننده كي وارداتي ابن خلدونك جدولنده  
 ٣٩٠,٨٥٥,٠٠٠ درهم كوسترلش ايكن ٦٩ نجى صحيفه ده مندرج اولان خلاصه ده  
 ٣٩٦,١٥٥,٠٠٠ درهم شكلنده كوسترلشنك ٦٣ نجى صحيفه ده مندرج اولان ( كرج ) و ( جيلان )  
 نامنده كي ايكي مملكتك ٥,٣٠٠,٠٠٠ درهم طوتان وارداتنك علاوه ايدلش اولسندن نشأت  
 ايتمكه اولديغنى سويلكه لزوم كوريبورز . تاكه آرده كي فرق وهله ياكلش عد اولنسون .

#### خطا

٦٣ نجى صحيفه نك برنجى ستوننك صوك سطرنده ( شوخالده ) دنيله جك يردده مرحالده  
 ديتلمش . اكا كوره تصحيح ايدلميددر .

٨٩ نجى صحيفه ده كي سرلوحه ده ( خراج ويركيسنك آغيراني ) دنيله جك ايكن سهواً  
 ويركيلرك آغيراني ديتلديكي كې بوخطا احتمال كه كتابك ديكر بر ايكي يرنده دهها تكرر  
 ايتمشدر . صوابي قرينه ايله دخی آكلاشمقده در .



# مدنیت اسلامیہ تاریخی

ایکمنجی جلدك فهرستی

۳	مقدمہ مؤلف
۷	مدینتک ظوهر و حقیقتی
۹	دولت اسلامیہ نك ثروتی : حضرت نبی زمانی
۹	» » » خلقای راشدین دوری
۱۹	» » » نبی امیه دوری
۳۲	برنجی دور عباسی
۳۸	عباسیلرک برنجی دورنده دولت عباسیه ثروتی
۴۳	مأمونك دورنده مملکت اسلامیہ نك جغرافیہ سی
۵۳	ولایات عباسیه نك پایتخت ایله علاقہ و مناسباتی
۵۶	برنجی دورده دولت عباسیه نك واردات عمومیہ سی
۶۹	برنجی دورده دولت عباسیه نك وارداتك خلاصہ سی
۷۰	دولت عباسیه نك مصارفاتی
۷۱	معتضد دورنده دولت عباسیه نك مصارفاتی
۷۴	ثروت مذکورہ نك بوکونکی پاره ایله تقدیری
	❦ خراجك چوققلنی اسبابی ❦
۷۷	مملکت عباسیه نك وسعتی
۷۹	اهالینك زراعتله اشتغاللری
۸۹	خراجك آغیرلنی
۹۷	سائر منابع واردات
۱۰۱	• مأمورین حکومتك اموال دولتی تحصیل و تسلیمده صدق و استقامتلری
	❦ مصارفانك آزلنی اسبابی ❦
۱۰۳	مأمورین دواك آزلنی
۱۰۷	دولتک بورجلی اولماسی
۱۰۹	ایلك خلفانك اقتصاد و حسن تدبیر صاحبی بولمئلری
۱۱۲	دور انحطاطده دولت عباسیه نك ثروتی

۱۱۲	بوانخطاطك اسبابی
۱۱۹	انخطاط دورنده واردات دولتك مقدارى،
۱۲۰	دولت عباسیه نك ۳۰۶ سنه مى وارداتى
۱۲۹	واردات مذكوره نك برنجى عصر عباسیده كى واردات ايله مقایسه مى
	❦ ايكنجى عصر عباسیده ثروت عباسیه نك انخطاطى اسبابى ❦

۱۳۱	مملككت عباسیه نك كوچولسى
۱۳۱	خراجك تخفیفى
۱۳۵	واليلرك اموال دولتى كندى جيبلىرىنه كچيرملرى
۱۳۵	اهالىنك اينى ، كوچى ترك وفتنه وفساد ايله اشتغال ايتلملىرى
۱۳۷	كويلرك قسم اعظمك رجال حكومتك عهده سنه كچمى
	❦ عباسيلرك انخطاط دورنده مصارفات دولتك اسباب ازديادى ❦

۱۴۲	خلفانك وخلفا قاديىلرينك اسرافاتى
۱۵۱	دولتده مصرف قبولرينك چوغللى
۱۵۳	معاشاتك ازديادى
۱۷۲	خلفايه بيت مصرفلرينك آرتمى
۱۷۸	رجال دولتك واردات دولتى كندى جيبلىرىنه كچيرملرى خلاصه
۱۹۳	خلاصه
۱۹۵	مملككت اسلاميه واهالىسنك ثروتى
۲۰۲	اسلام شهرلىرى







# فہرستِ اسلامیات

دولت اسلامیہ تک منشائی ، دوائرِ اداریہ و سیاسیہ و مالیہ و حربیہ سی ، ممالک اسلامیہ تک  
مقداری و مساحہ سی ، عدد نفوسی ، ثروت و مدنیتی ، شان و شوکتی ، خلفائیک احوالی ،  
مجلسری ، علوم و معارف ، ادبیات ، آداب اجتماعیہ ، عادات ، اخلاق ، مدنیت اسلامیہ  
ایلہ عصر حاضر مدنیتی آرمہ بندہ مقایسہ کی مباحث مہمہ بی محتویدر .

مترجمی :

زکی مغاضن

مؤلفی :

(الہلال) صاحب و محرری

جرجی زیدان

طابع و ناشری

قعات کتب خانہ سی صاحبی

الیاس

اوچنچی جلد

علوم و فنون و ادبیات ایلہ قبل الاسلام عربلردہ بولانان علوم و معارف و ادبیات ،  
اسلامیتک ظہوری اوزربنہ افکارده حاصل اولان انقلاب و ترقیات ، السنہ اجنبیہ دن  
عربچہ یہ نقل و ترجمہ ایدبان علوم و فنون ، مدنیت اسلامیہ تک ذکر اولان خصوصاتک  
جلہ سنہ اجرا ابتدکی نائبراتی حا کیدر .

« اقدام » غرتہ سنہ تفرقه ایدلکدن صکرہ کتاب صورتندہ باصلمشدر .


درسمارت « انرام » مطبعہ سی

۱۳۲۹

قَالَ الْحَكِيمُ كَيْفَ تَجَانِبُ وَمَطَّيْعَتَا

بَابُ الْإِلَهِ جَاهِدَ سَنَدَهُ نَوْمُهُ ٢٠





## مقدمه

مدینتک الک بیوک واک قوتلی تملی علم و معرفت ایسه تاریخلری یازلمق. یستیمان اقوامک علوم و آدابندن بحث ایتمک ده بر مورخ ایچون الک مهم وظائفدن عدا و امور. اسلام تاریخنده علوم و آداب بختی صورت مخصوصه ده حائر اهمیتدر. چونکه علوم اسلامیہ اسلام دولترینک احوالی و امور اداره سیله بیوک بر ارتباطی حائر در. بوجهتله مدینت اسلامیہ نک علوم و آدابندن باحث اولان بوجلد؛ محتوی اولدیفی بختلرک اهمیت اعتباریله؛ دیگر جلدلردن دهسا مهم عند اولماید. باخصوص اسلامیته علوم و مارف تاریخک اسلامیتنن دها اولکی ازمه ایله اولان تسلسل ارتباطی بخته برقات دها اهمیت ویریر. زیرا اسلاملر مبدأ مدینتن کندی زمانلرینه قدر کرک عقلیات، کرک نقلیات دائر عقول بشریه نک زاده مساعی و اجتهاداتنک قسم اعظمی کندی لسانلرینه نقل ایتدکلرندن کلدانیلرک، فیکه لیلرک، اسکی مصر لیلرک، ایرانیلرک، یونانیلرک و هندیلرک وارثی و خلفی و ملشلردی. عربلرک ذکر اولنان اقوامک علوم و ترقیاتندن نقل و اقباس ایتدکلری شلری تدقیق و تحریر ایلدیکمز صرده ده بعلوم و ترقیاتک اواقوامک هر برنده کچیردیکی صفحات تاریخیته ده یازمغه مجبور اولدق. بناءً علیه مدینت اسلامیہ تاریخه عائد اولان بوجلد اسلامیته کی علوم، حکمت و ادبیات تاریخندن ماعدا علوم، حکمت و ادبیاتک مدینت بشریه نک ایتداسدن اسلامیته ک ظهورینه قدر کچیردیکی ادوار تاریخیه نک خلاصه سنیه ده محتوی کبیدر. غرب و سائر مؤلفلرندن بعضلری اسلاملرک، یا خود عربلرک علوم و معارفه یلک آز خدمت ایتدکلری، چونکه بعلوم و فنونی یونانیلرندن نقل ایدرک اکا برشی عسلاوه ایلدکلری فکر و اعتقادنده بولمقده درلر. حتی برطقلری بوفکر

ایله اکتفا ایتیمه رک اسلاملرک علوم یونانیه بی حالی اوزره نقل الیوب اوعلومی برطاقم تحریفات ایله چرکیلشدی. دکترینی ادعایه قدر ایلری وارمشلردر. غریبدرکه بوزهاب تمصب دورنده ظهور ایدرک تواتر ایله عصر حاضرک ابترالینه قدر کلمش ایکن بونک تحقیقنه، یاخود تنقیدینه عریلردن ویا اسلاملردن هیچ بری اقدام ایتدی.

مع مافیہ برجهت قابل انکار دکلددرکه غرب مستشرقلردن منصف اولانلر مدنیت اسلامیہ نک علوم و ترقیاتہ ایتدیکی خدمتلری بیاندن کیری طور میورلر. بونلرک بر قصورلری واریسه اوده او خدمتلری مختصر یازمقدن عبارتدر. مستشرقین برطاقملری ده او مدنیت حقنده اوبله معلومات جملہ ویرمشلردرکه بر عرب انی او قورایسه نشوہ سی کلیر، فقط تحقیقاتہ کیریشیر ایسه مساعیسنن چوغی بوشنه کیدر. مدنیت اسلامیہ متعلق خصوصانک صحتی اوشیلرک اسکی عرب مؤلفلرینک آئارنده محرر اولسننه توقف ایدر. چونکه اسلامیت و مسلمین و آداب اسلامیہ تاریخنک یکانہ مرجعی او آئاردن عبارتدر. ذاتاً فرنگلرک ده بوباده یازدقلری شیلرک اکثری عرب مؤلفاتنه مستنددر. شوالده اوروپالیلرک کتابلرندہ عربلره متعلق بر منقبت کوروب ده انک ذکرینی عرب مؤلفاتندہ بولمازسه ق او منقبتک صحتی حقندہ کی اعتقادیمز متزلزل اولور. چونکه او شی بعض اوروپالیلر طرفدن قرون وسطادہ تحریر اولنان سیاحتنامہلردن منقول اوله بیلیر. حال بوکه مثلاً موسوی بنیامین التودلی (بنیامین دوتودل Benjamin de Tudèle) ک سیاحتنامہ سنده ارلدینی کبی او سیاحتنامہلرک مندرجاتی اکثریتله تحقیق و تدقیقه محتاجدر. مومالیہ اون ایکنجی عصر میلادیدہ قسطنطنیہ، مصر، سوریه، ایران و چین حدودینه قدر اجرا ایتدیکی سیاحتہ دائر یازدینی سیاحتنامہ ده اویله وقوعات واحوال ذکر ایدیورکه وهله اولاده کوزہ چاریان مبالغه لر و غرابتلردن ماعدا اوشیلر تاریخہ بالکلیہ مخالفدر. فی الاصل عبرانیجه یازلمش اولان بوسیاحتنامہ اون آلتنجی عصر میلادیدہ لاتینجهیه واون سکزنجی عصرده فرانسیزجهیه واون طقوزنجی عصرده ده انکلیزجهیه ترجمه اولمشدر.

مذکور سیاحتنامہ ده روایت اولنان اصلسز شیلره مثال اولاق ارزره

فاطمیہ دورندہ اسکندریہ دہ یکرمی مدرسہ علمیہ وقاہرہ دہ مقداری پک  
چوق دارالفنونلر بولدیغی بیان ایدلمکده در . حال بوک ایلریدہ مدرسہلرک  
تاریخی حقندہ ویرہ جکمز ایضاحاتدن آکلاشیله جنی وجہ ایله مصرده مدرسہلر  
آنحوق دولت فاطمیہ نك انقضای حاکمیتدن صکرہ بنا و تأسیس اولمشدر .  
حقیقت بویله ایکن مؤلفلر مزدن بعضلرینک ذکر اولنان معلوماتی حادہ تدقیقندن  
کچیر مکسزین نقل و بوکی اصلسز شیلری مآثر مفخرتدن عدا یتمکدن چکنم دکارینی  
کور یورز . حال بوک بومؤلفلر تحقیقات اجرا ایتسہلر ایدی اویله دیپسز مآثر  
ذکرندن واز کچر لردی . مکتوبندن برخلاصہ یی بوندن اولکی جلدک مقدمہ سنده  
درج ایتدیکنم زہندستان علماسندن دوستمز ( شبلی نعمانی ) اقدی بوخصوص  
حقندہ نظر دقتمز ی اک زیادہ جلب ایدن ذواتدن ایدی . مشار الیہ  
تحریر ایتمکده اولایغمز شو کتاب ایچون ماخذ یاپدیغمز کتابلرک صحیفہلرینی  
ذکر ایله مزیدہ توصیه ایتش ایدی . بزده بوفکری مناسب کورہرک اکا  
کورہ حرکت ایلش ایدک . ذاتاً تدقیقات و تحقیقاتمز انسانندہ مورخلرک بوقیلدن  
اوقدر چوق خطالرینہ راست کلدک کہ نصوص صریحہ تاریخیہ ، یا خود  
او مرتبہ قوتلی برقرینہ یہ استناد ایله تأیید اولنان مواددن بشقہ هیچ برشیدہ  
اعتماد ایتماککہ باشلادق .

مع مافیہ ( هرون الرشید ) طرفندن قرانمز ممالکی قرالی و غرب  
ایمپراطوری ( شارلمان Charlemagne ) ہ اہدا ایدلیدی روایت اولنان ساعت  
ایله اوروپالیرک ( رقاص ) ی [ ۱ ] اندلس عربلرندن تعلم واقتباس ایتلری کچی  
انلرک تاریخنہ متعلق اولان خصوصات حقندہ ویردکاری معلوماتہ اینامقلغمز  
اقتضای ایدر . کذلک کیمیا تاریخندن بحث ایدن اوروپالیر طرفندن مثلاً  
« عربلر شوت ترکیبی و فلان مادہ یی کشف ایدیلر » دیہ ویریلن معلوماتی دہ  
قبول ایتلی ز . فقط بوجہت لرک غیرینہ کلنجه بونلر ایچون یالکز تاریخ و علوم  
ادبیہ ولسانیہ دأر اولان عرب مؤلفاتنہ مراجعت و استناد ایتک ضرور پدر .  
اوکی عرب مؤلفاتی پک چوقدر . انسان بونلری مطالعہ و تدقیق ایدر  
[ ۱ ] ( رقاص ) جالار ساعتک ماکنہ سنک حرکتی تبدیلیہ مخصوص اولهرق .  
معدن مختلفہ دن مرکب کفجہ شکلندہ آلتکہ ایشلکچہ افق حرکتدہ بونلور .



ایسہ پک چرق فوائد مهمہ بولور . بونکہ برابر اوروپا مستشرقینک عرب کتابلرینک طبع و نشرندہ بذل ایتدکاری همت و غیرتی انکار ایتدہ جائز دکلدر . حتی اذلر اولسہ ایدی او کتابلر یا ضایع اونہ جقدی ، یا خود کوشه اہلادہ قالہ جقدی . موضوعمزه متعلق و فوائد کثیرمین جامع اولارق مستشرقلر طرفندن طبع اولنان بر کتابی صورت مخصوصہ ذکر ایدہ جکز ؛ بو کتاب ( ابن النديم ) ک ( کتاب الفهرست ) نامندہ کی اثریدر . کتاب مذکور مستشرق ( غوستار فلوغل ) ک همتی ایله طبع اولمش و طابع مومالیہ طرفندن اکا بر جلد طولوسی مطالعات مفیدہ و تدقیقات مهمہ علاوہ ایدلشدز .

ایشته اسباب مشروحہ بناء بو کتابدہ قید و تحریر ایتدیکمز معلومات تاریخیہنی تدقیقات مخصوصہ اجرا سندن صکرہ مؤلفات عربیہدن استخراج ایلدک . مع مافیہ بحثلرمزک توسیع و تمیمنہ خادم اولق اوزره فضلالی مستشرقینک انکلیزجه ، فرانسیزجه و آلمانجه آثارینہ مراجعتندہ کیری قائمقد . بالادہ ذکر کی کچن ( شبلی نعمانی ) افندیکن اردو لسانی ایله یازمش اولدینی ( رسائل شبلی ) نامندہ کی اثری دہ مطالعہ ایتدک . عربلرک مدرسهلری ، خستہ خانہلری ، کتبخانہلری ، کتابلری حقدہ معلوماتی حاوی اولان بواثر ، قیمتدار کتابلردن معدوددر . علمانک بو موضوعه دائر ویردکاری معلوماتی کوزدن کچبردکن صکرہ عربجه مأخذلرہ خودتله بونلری تدقیق و امعان ایله مطالعہ ایلدک . بو مأخذلردہ شو جلدده مفصلاً کوریلہ جکی اوزره اومدیتک بیوکلکنہ و خاصه علوم و ادبیانہ دائر شاشیلہ جق درجه دہ چوق و قیمتدار معلومات بولاق .

### برہلرک مرضرعی

بونجلدده بحثی ( قبل الاسلام عربلرک علوم و معارفی ) و ( بعد الاسلام عربلرک علوم و معارفی ) قسملرینہ تقسیم ایتدکن صکرہ زمان جاہلیتدہ عربلرک علوم و آدابی تشکیل ایدن نجیوم ( هیئت ) ، انواء ( تقلبات هوائیہ ) ، اساطیر و خرافات ( میتولوژی ) ، کہانت و عرفات ( معرفت غیب ) ،

طب ، شعر ، خطابات ، مجالس ادب ، انساب و تاريخه متعلق معلوماتی ذکر ایله علوم مذکورہ نك عربلره زردن انتقال ایتدیكنی حکمت تاریخ نقه نظرندن تدقیق ایلدك . متعاقباً بعدالاسلام عربلرك علوم و آدابی بحثنه كچدك . بوعلمی شوصورتله تدقیق ایتدك : اولاً اسلامیتك ایجاب ایتدیكنی علوم . بوكا علوم اسلامیه نامنی ویردك . ثانیاً زمان جاهلیتده بولوب دور اسلامیده ترقی ایدن علوم . بوده آداب عربیه جاهلیه دن عبارتدر . ثالثاً سائرلسانلردن نقل واقعیاس اولئسان علملر . بولنلری ( علوم دخیله ) نامی آلتنده یازدق .

اقسام مذکور حقهده بیان مطالعاتدن اول برطاقم مقدمات تمهیدیده بولندق : اولاً اسلامیت و علوم اسلامیه ایله عربلرك بوعلمی تدریجاً نصل وضع ایتدكلری و بوعلملرك بكدیكری نصل استلزام ایلدیكنی ، ثانیاً عربلر ، قرآن ، اسلامیت بحثلری ، قرآنك عربلر اوزربنه نصل برتأثیر اجرا ایدرك انكه نصل اکتفا ایلدكلری ، ثالثاً بواکتف نك سائر اقوامك مخلفاتندن اللربنه کچن کتابلرك و باخصوص اسکندریه کتبخانه سنك احراقنی نصل انتاج ایتدیكنی ، رابعاً رومالیلر ، اسلامیت ، علوم بحثی ، اسباب مدنیت امرنده رومالیلر ایله عربلر آردسنده مقایسه اجرا ایده جك اولانلرك عربلر حقهده حقمر حکم ویردجكلری ، بومقایسه نك رومالیلر ایله یالکن عربلر آردسنده دكل ، بلکه رومالیلر ایله اسلاملر آردسنده اجرایی اقتضا ایده جکی ، خامساً اسلامیتده همه علمك ( ارباب علوم و معارفك ) علی الاكثر عربلرك غیرى اولدینی و بونك سببی ، ساساً اسلامیتده علوم و معارفك قید و تدوینی و عربلرك برنجی عصر هجرینك صوكنه قدر بوتدویندن چك نملربنه سبب اولان احوال ، سابعاً خط عربی و تاریخی ، حرکه و نقطه لرك وضعی و بولنلری ایجاب ایدن اسباب حقهده معلومات ویردك .

بومقدماتی ببتردکن صکره علوم اسلامیه بحثنه کچدك بولنلری اولاً علوم شرعیة اسلامیه ، یعنی دینیہ ، ثانیاً علوم لسانیہ ، یاخود لغویہ ، ثالثاً علوم تاریخیه قسملربنه تقسیم ایتدك . علوم شرعیه بحثنده اولاً قرآن عظیم الشاندن و تاریخ جمع و تدوین و قرائت و تفسیرندن واسلوبنك خلق اوزرنده اجرا ایتدیكنی تأییردن باشلا یه رق حدیث بحثنه کچدك . حدیثك وضع و اسنادینه باعث

اولان اسباب ایله عدد احادیث حقنדה معلومات مقتضیه یی ویردک . دها صکره  
فقهیدن بحث ایتدک . فقهک منبع ومصدرینی ، فقهایی ، رأی وقیاسی ،  
فقهانک خلفا نزدنده احراز ایتدک لری موقع ومنزاتی ، اوعلومک یکدیگرینه  
اولان ارتباطی جهتیه بربری اوزرینه فصل ترتیب وتنظیم ایدلیکینی  
کوستردک . بونی متعاقب علوم لسانییه نقل کلام ایدرک علوم مذکورہ نک



اسلامیتک ایجاب ایتدیکی  
شیلردن اولدیغنی کوستر-  
دکن ونحوک وضع  
وتدوینی موجب اولان  
اسبابی ده صورت  
مفصله ده یازدقن صکره  
ادبیات ولسانک بصره  
وکوفه ده یکیردیکی  
صفحات تاریخیه یی  
وبونلرک امور اداره  
مملکت ایله اولان علاقه  
سنی بیان ایلدک . بلاغت  
اشا وتاریخ بلاغت  
و یکیردیکی احوال  
ایله اسباب فلسفیه یی  
حقنדה آیریجه بر بحث  
یازدق . دها صکره


عرب معمولاتندن فیل دیشی ایله قاپارتمه لی برصندوقچه

علم تاریخ و علم جغرافیه بختنه کچهرک بوایکی علمک وضع وتدوینه باعث اولان اسباب  
ایله بو علملرک لسان عربیده سائرالسنده کندن زیاده حائر اولدقلری مزیت  
مخصوصه حقنדה معلومات ویردک . ادبیات عربیه جاهلیه یی تشکیل ایدن  
خطابت وشعردن بحث ایتدی کمز صروده اسلامیتک بوایکی صنعت ادبیه اجرا  
ایتدیکی تأثیراتی بیان ایله برابر اسلاملرده کی خطابت ایله ملل سائرہ نزدنده کی



خطابت آره سنده بر مقایسه یابدق . شعر ایله درجانی ، اسلوبی ، راویلی ،  
دوئندگی تأثیری ، شعرانک عددی ، اشعاری حقه دده معلومات ویردک .

بالاده کی بختلری بیتردکن صکره اسلاملرک خارجدن لسان عربییه نقل  
ایتدکلری علوم دخیله یه ( علوم و فنونه ) کجک . بختک قولایلقه آکلا شلمسی  
ایچون اوعلملر هانکی لسانلردن نقل اولمش ایسه او لسانلر صاحبی اولان



سلطان ( محمد بن نلاون ) ک کوش ایشلملی  
طونچدن معمور ماصه سی

ملتلرک تاریخ ، علوم  
وادبیاتی حقه دده برطاقم  
تمهیدات ایله سوزه  
باشلادق . او ملتلرک  
باشلیجه لری یونانیلر ،  
ایرانلیلر ، هندلیلر  
وکلدانیلر ایدی . بو  
جهتله یونانیلرک علوم  
و فنونی کلدانیلر ایله  
اسکی مصرلیلر و فنیکی  
لیلردن اقتباس ایتدکلری  
تاریخدن اعتباراً  
کندیلری طرفدن تاریخ ،  
فلسفه ، نجوم ( هیئت )  
وسائر علومی وضع  
ایدلدیکی زمانه ودها  
صکره اسلامیتک  
ظهورینه قدر لسان

یونانیلرک تاریخ علوم و ادبیاتندن بحث ایلدک . مذکور لسانده فلسفه نک تاریخی  
و ( سقراط ) ، ( افلاطون ) ، ( ارسطو ) زمانلرینه قدر کچیردیکی صفیاتی  
وارسطونک مؤلفاتی صورت مخصوصده مفصل یازدق . دها صکره اسکندریه  
کتبخانه سنک فتوحات اسلامیه قدر یونان و روما دورلرنده کی احوال

تاریخیه‌سی کوس‌ستردک . کذلک لسان فارسی‌نک علوم و ادبیاتی یازهرق علوم و ادبیات یونانی‌نک ( جندیسابور ) مرسته‌سنده و مدارس ایرانیه سائرده لسان فارسی اوزرینه اجرا ایتدیکی تاثیرات حقنده معلومات ویردک . بونک کی دخی بر طقم اسباب متسلسله مترابطه ایله هندیلرک و سریانیلرک علوم و ادبیاتندنده بحث ایلدک .

متعاقباً عربلر و خارجدن نقل ایتدکلری علوم ( علوم دخیله ) و علوم مذکور دینی نقل ایتلرینه باعث اولان اسباب ایله دولت عباسیه‌دن اول عربلردن بوعلملر ایله ایلک اشتغال ایدن ذوات حقنده کی بحثلره کچه‌رک ایکنجی خلیفه عباسی ( منصور ) ک علم هیئت و علم طبی هندیلردن و ایرانلیلردن نقل ایله نصل اشتغال ایتدیکنی و مشارالیهک بو یولده صرف مساعی ایتسنه نه کی اسباب باعث اولدیغنی و کندیسندن صکره ( مهدی ) و ( رشید ) زمانلرینی ذکر ایتدک . خلفای عباسیه‌نک یدنجیدی اولان ( مأمون ) ایله فلسفه و منطق علملری و مشارالیهک بو ایکی علمی عربجه‌یه نقل ایتسنه یاردیم ایدن اسباب حقنده معلومات مفصله ویردک . دور عباسیه‌یه یتین نقلیه علوم ( مترجمین ) ایله مختصراً ترجمه حاللرینه دائر بر فصل مخصوص یازدق . بونلر خرسسیان ، موسوی ، صائی ( \* ) مجوسی ، سامری ( \* ) و سائر اولمق اوزره عمودیتله غیر مسلم ایدیلر . بدضلری یونانیدن ،

( \* ) یونان قدیم اساطیرینه مشابه اولهرق سیاراته و سائر اجرام سماویه عبادتدن عبارت اسکی بر مذهبه تابع آدم که بومذهب باشلیجه جزیره و شام و عراق جهتلرنده بولنوب ( حران ) ده بعدالاسلام دخی طول مدت باقی ایدی .

( \* ) ساماریا Samarie فلسطینک غرب جهتنده ( مناس ) سیبطی مملکتنده و افراغیم حدودنده اسکی بر شهر ایدی . بروقت اسرائیل دولتنک وبعده ( ساماریتیده ) اسمیله تشکیل ایدن حکومت مخصوصه‌نک مرکزی ایدی . میلاد عیسیدن ۹۱۲ سنه اول تأسیس اولنوب قبل‌المیلاد ۷۱۸ تاریخنده ائور حکمداری سامانصر طرفندن ضبط واهالیسی فراتک اوتسنه سوق اولنهرق آئوریادن نقل اولان بر قوم ایله اسکان ایداش ایدی . ساماریالیلرک ائوریلر و سائر اقوام اجنبیه ایله اختلاطلردن آیدنلرینه بت پرستلک قاریشمش ایدی . یاکیز تورانه معتقد اولوب سائر کتب یهوده اعتبار ایتلردی . کندیلرینه مخصوص پک اسکی بر خطلری وارد . ساماریلردن الیوم نابلس و یافهده بعض افراد بولنوب بشقه‌لری ایله اخلاط و امتزاج ایتزلر . قاموس الاعلام

بعضی فارسیدن ، یاخود هند لسانندن ، یاخود لسان نبطیدن کتابلر ترجمه ایشلردر . کذلک سوریه لیلر حقهده بر فصل مخصوص یازدوق بوفصلده سوریه لیلرک ائک اسکی زماندن بری اقوام آرمه سنده علوم و معارفی نقل و نشر ایتمکله نصل اشتغال ایلدکلرینی کوستردک .

آئف الذکر بختزدن صکره صدندنه بولندیغمز ائبناه عالمی دورنده عربجهیه ترجمه اولنان مؤلفاته کچدک . هر لساندن نه قدر کتاب ترجمه اولندیغنی آری آری و مفصلاً کوستردکله برابر موضوعلرینی و مؤلفلرینی و بونلرک حذاسندهده مترجملرینی ذکر ایلدک . یونانجهدن ، فارسیدن ، هندجهدن ، نبطیدن ، عبرانیدن ، قبطیدن ترجمه اولنان و یوزلر ایله صاییله بیان مؤلفاتی کوستردک . بو مؤلفات او ایله برسرعتله نقل اولمشدی که هیچ برملک تاریخنده بوکا مشابه بر مثال کوریه من . بوجهته اوسرعتک و قوعنه یاردیم ایدن اسبابی تحقیق و ذکر ایلدک . خلفا طرفندن غیر مسلم علما حقهده کوستریلن آثار حمایه و خاطر نوازیئک ذکر اولنان سرعته باعث اولان اسباب جمله سندن اولدیغنی آکلاتدق . دها صکره علوم دخیلنک ممالک اسلامیهده نصل انتشار ایتدیکنی ، مملکت اسلامیهنک بر اوجندن او بر اوجنه قدر نه کبی حکما ، اطبایتشدیکنی ، خلفا و امرانک بالذات علوم و معارف ایله نصل اشتغال و ارباب علم و عرفانی نصل تشویق ایتدکلرینی و کتاب تألیفله کندیلرینه تقدیم ایدلسی ایچون نصل رغبتلر کوستردکلرینی ، بویوده نه قدر پاره لر صرف ایلدکلرینی تحریر ایتمکله برابر مؤلفلر ایله کثرتلری و یازدقلری آثارک عددی ایله بیوکلکی حقهده معلومات و یردک .

معلومات مذکوریه یی یازدقدن صکره مدنیت اسلامیهنک او علوم و فنونه اجرا ایتدیکی تأثیردن بحث ایتدک . بو مبجده فلسفه دن باشلایه رقی علم کلامک بونک نتیجه سنده نصل ظهور ایتدیکنی ، فلسفه نک شرق ممالکندن یردن یره انتقالی تاریخنی ، ائبناه عباسیدن صکره خلفانک فلسفه اربابی حقهده اجرا ایتدکلری تضیقاتی ، او تشدیدات و تضیقاتک بر طاقم جمعیات خفیه نک و از جمله ( اخوان الصفا ) جمعیتک تشکله نصل سبب اولدیغنی ، فلسفه اربابنک یازدقلری رساله لرک ( اندلس ) طرفنه نصل انتقال ایلدیکنی



واندلسده فلسفه‌نك ناریخی یازدق . ده‌ها صكره علم طبك تاریخی بختنه كچك . بونده طبابت اسلامیه ایله یونان ، ایران ، هند طبابتلری آره‌سمنده‌کی فرق‌لری یازدق . و طبابت اسلامیه‌نك ذكر اولسان طبابتلرك جمله‌سنی جامع اولدیغنی كوستردك . اسلام طیب‌لرینك مقصداریخی و دور اسلامیده تأسیس اولسان خسته‌خانه‌لرك ناریخی ، اسلاملرك فن طبه وانك شعبه‌لری اولان كیمیا ، اجزاجیلق ، نباتات و سائره فنلرینه كندیلرینك محصول اکتشافاتی اوله‌رق ادخال ایتدكلری ترقیاتی بسط و بیان ایلدك . متعاقباً اسلامیتده علم نجوم ، یاخود علم فاك (علم هیئت) ایله رصدخانه‌لرك تاریخلری ، علم تخم (بیلدیزلر واسطه‌سیله مقدرات و حادثاتی كشف ایتك) ایله علم نجوم آره‌سمنده بولنان فرق ، اسلامیتده هیئت شناسلر و بونلرك بوعلمده وجوده كتیردكلری ترقیات و اختراع ایلدكلری آلات رصدیه و بوعلمده مناسبی اولان حساب ، جبر ، هندسه كبی ریاضیات حقنده معلومات ویردك . ده‌ها صكره فنون جمیله (صنایع نفیسه) تاریخندن بحث ایدرك اكریتله ظن اولندیغنی وجه ایله اسلاملرك بونوننده كیری قالمقدقلرینی اثبات ایلدك . خاتمہ مقال اوله‌رق مدرسه‌لر (مكتبلر و دارالفنونلر) ایله تاریخ تأسیسلرندن و بونلرك تأسیسلرینه لزوم كوسترن اسبابدن بحث ایتدكدن صكره مكاتب (كتبخانه‌لر) بختنه كچكرك اسلامیتك او حیرتقرا مدنیت دورنده علوم و معارفك نه قدر بیوك و عالی برموقع طوتدیغنی كوسترن بوكتبخانه‌لر ایله انلرك محتوی اولدقلری مؤلفاتك متدارینه دائر مطالعانه بولندق . هرجه‌له‌نك و هر مطالعه‌نك صحته مقارنتی ایچون امكان و مكانك حوصله و سعتنده بولنان بالجمله مساعی‌بی صرفدن كیری طورمدق .

بویولده مصروف اولان مساعی‌زی ممنونیت و تقدیر ایله تلقی و كندیلرینه لایق ائنه و محامد ایله ذكر ایدن افضل علمایه بوسیلهدن بالاستفاده بیان تشكرات مخصوصه ایلرز . بونلردن بالخاصه اوروپا اعظم مستشرقینی ذكر ایده‌كجز . مشهارالهم كتابمرك برنجی و ایكنجی جلدلرینی كوردكدن صكره بزه مكتوبلر كوندردك تقدیرات و تشویقاتده بولندیلر . بعضلری كتابمرك حقنده تقریظلر یازه‌رق اوروپا رسائل موقوته‌سیله نشر ایلدیلر . تشویقات واقعه انلر

طرفندن احیای علوم و آدابنه بزدن اول غیرت ایدیان و بوسایهده بزم ایچون  
تدقیقات و تحقیقات یولی تمهیل اولنان بولسانه خدمت خصوصنده کندیلرینک  
اثرینه اقتدا ایلمکه بزم ایچون باعث شوق و غیرت اولدی . بزه بویولده مکتوب  
یازد رق تقدیرات و تشویقاتده بولنان ذواتک اسملرینی بوراده ذکر ایله بیان  
تشکرات ایتمکله کمزه مساعده مخصوصه لرینی رجا ایدرز . ذوات مشارالیه  
حروف هجا ترتیبی ایله شونلردر :

معلم	دوغوییه	de Guyé	لیدن ده
»	ددرانبورغ	Derenbourg	پارس ده
»	روزان	Rosen	پترسبورغده
»	غولدزیر	Goldzihr	پشته ده
»	غویدی	Guidi	رومانده
»	مارغولیوت	Margoliouth	اقسفوردده

مشارالیهکم کوندراکاری مکتوبلری ان شاءالله دیگر بر فرصتده نشر  
ایده جکیز . بو جلدکده نظر تقدیرلرینه مظهر اوله جغنی امید ایدرز .  
بوکتابک دردنجی جلدی بو جلدن صکره نشر اوله جق و موضوعی مملکت  
اسلامیهده طبقات ( صنوف ) ناس ایله آداب اجتماعیهدن متشکل اوله جقدر .  
والله الموفق فی کل حال .





## قبل الاسلام عرب بلرک علوم و معارفی

جزیره العرب ایله افالیسی مقننه بر نمرب

جزیره العرب عولرجه فقیر و ححرالر ایله طاعلرجه زنکین اولدینی جهتهله اراضینک محصولدار اولماسندن طولای اهایسی زراعت ایله اشتغال ایتمیشدر. انسان بولندینی موقعه کوره تکیون ایدر. بوجهتهله عربلر محصولسنر مملکتلرک ایجاب ایتدیکي احواله تبعاً دوه بسلیمکه تأمین معیشته واولاقلر آرامق ایچون سیار بر حیات کچیرمکه مجبور اولمشلر وبو مجبورت تأثیری ایله انلرده حسیات بداوت حسیات حضارته غالب کلمدیکي کبی اک زیاده همت و غیرتاری ده مواشی تربیه سنه انحصار ایلشدر. نزدلرنده بولنان مواشی انلرک بوکبی حیوانانه اولان احتیاجلری درجه سندن دهآ آشاغی اولدیغندن بو حیوانانه مالکیت امرنده آرهلرنده بر رقابت ظهور ایدرک بو رقابت نتیجه سنده کچه کوندوز بر سهای صاف آلتده یکدیگرلرینه غارت ایتمکه وخیمه لرله، حیوانلرله واولاقدن واولاغه وناحیه دن ناحیه یه کوچمکه مجبور اولمشلردر. بوبله یردن یره تبدیل مکان ایدن ابتدائی بر خلق یوللرک، واولاقلرک محللرینی تعیین ایتمکه محتاج ایدیلر. بونک ایچون یلدرلری وموقعلرینی او محللری تعیین ایتک اوزره رهبر اتخاذا ایلدیلر. دشمنلرینی تعیب ایچون او دشمنلرک کیزی یرلرینی کشف ایده جک ایزلری تحقیقه دخی لزوم کوردکارندن (قیافه الاثر) - ایز آکلامق - اصولانی ایجاد ایتدیلر. کذلک بو احوالک نتیجه سی اوله رق یاغمور، فورطنه وسائر کبی تقلبات جویه وهواشیه دن صاقتمق امرنده حاصل اولان مجبورت اوزرینه وقوعندن ازل یاغمور یاغه جغنی واسمه دن اول روزکار اسمه جکنی خبر ویره ک اصولانی احداث ایلدیلرکه بوکا علم انواء (تقلبات جویه) ومهاب الریاح (تقلبات هواشیه، روزکارلرک اسدیکي جهتلری بیلیمک) نامنی ویردیلر.



غزو و غارت ايله مائوف اولملرى طرفدار فرقلر تشكىل ايتميرينه لزوم كوستردىكى جهته يكدىكرلى آرمىنده ارتباط حصولى ايجون لسبب جهته اهميت و يرديلر . علم انساب ايشته بولزوم اوزرينه نشأت ايش ايدى . غزو و غارت و سائر اجراسى ايجون يردن يره كوچك ، اى سلاح يامق و اى آت يتشيديرمكى ده اقضا ايتديرير . عربلر اوزمانلرده مدنى بر حالده بولمىقلرندن سلاح جهتنى مكمل بايه مديلر . فقط آت تربيه ايتك ، ايدىنى سچمك ، خسته لقلربنى معالجه ايتك خصوصلرندى بك ايلرى كيتديلر .

عربلر ارکان مدنيت قديمه دن اولان كلدانيلر ايله بابليلر ، فيكيايلر و سائر مك قارداشلىرى اولدقلىرى جهته ذكا و عقلجه انلر معادلدرلر . انلر كى ( فرات ) ، ياخود ( نيل ) واديلرنده اقامت ايتمش اولسه لر ايدى انلر ، ياخود قومش و لرى بولان تب ابعه مك ( يمن دولتلىرى ) كوستردكلى آناز مدنيتك عىنى كوستره چكلىدى . عربلر سناسى صاف ، آفتابى براق برچولده امرار حيات ايلدكلىرى ايجون سنا و آفتابلىرى كى صاف و براق برزعه مالك اولديلر . قريحه لرى شعره تحول ايدى . وقائى ، نسبلىرى ، حسيات كونا كونلرىنى شعر ايله افاده و توصيف ايدرلردى . بلاغت ملكلىرى دىنى پك زياده ترى ايتديكندن نطق ايرادنده بيرك برمهارت كوسترديلر . بو نطقلر اهالىنى غيرته كيتيرمك ، ياخود بر محاربه و يا مصالحيه سوق ايتك ، ياخود مفاخره و يامانلره ( مسابقه رفوت و شان ) اجرا ايتك ايجون ايراد اولوردى . عربلر فطره مالك اولدقلىرى عقل و ذكا اولمسه ايدى بجر اهرك غرب ساحلنده اقامت ايدن اهاليدن زياده برمزيت كوسترميه چكلىدى . ذكر اولان ساحلده اقامت ايدن خلق مدنيتجه برچوق عصرلر اول نه حالده ايديلر ايسه اليوم احوالده بولمىقده درلر . عربلر ك زمان جاهليتده كى حاللىرى يونانلىلر ( هومر Homère ) دورانى كى حاللىرى قيبلىندىر . عربلر طريق مدنيتيه داخل اولنجه يونانلىلر كوستردكلى مدنيت كى برمدينيت كوسترديلر .

مع مافيه عربلر كهانت و عرافت ( غائبىدن خبر وىرمك ) ، زجر طير ( قوشلر ايله تفال و تشام ايتك ) [ \* ] ، خط لرمل ( رمل آتمق ) ،

[ \* ] ( زجر ) منع و نهى ايتك ، ياخود سس ايله طرد ايتك ديتكدىر . قوش ايله

وتعبیر رؤیایہ اعتقادہ کندیلرینہ معاصر اولان بیوک ملتیک صایدنلری یولہ صایمقدن قورتوله مدیلر . انسانیتده بوکی احوال طبیعت بشر مقتضاسی اوله رق هر شیئک اسبابی بیلنمک ایستلدیکی حالده بیله مامکدن نشأت ایدر . بوجهتله عربلرده کاهنلر وعرافلر وسائر اوکی آدملر چوغالمشدی .

جزیره العربده اسلامیتدن اول انتشار ایدن علوم ومعارف بواقلم ایلہ اهایسنک طبیعتلری اعتباریلہ ضروری شیلردن ایدی . یونلره علوم ومعارف نامنی ویرمه من دیکر ملنلرده علوم ومعارف عصرنده اکا نمائل بولمان علملره قیاسآدر . یوقسه عربلر بوعلملری نه مکتبلرده اوکرنمشلر ، نه یازیلل اوله رق او قوملشلر ، نه ده یونلره دائر برکتاب یازمشلردی . چونکه عربلر امی آدملر ایدیلر . نه اقوملری ، نه ده یازملری واردی . انلرجه بومعلومات آجق عصرلرک توالیسیلہ واقبباس

تقال ایدوب فالی فنا کورمکله قوشی حایقروب سورمک معناسنه در . ووعیافه دن بشقه در . کرچه بوده اوچله دندر . معلوم اوله که بعض اجلاف عرب شرعه وارده اولمیان بعض اشیا واحوال ایلہ تقال وتطیر ایدرلردی . عرافت وکھانت دخی انلره مخصوصدر . کذلک زجر وعیافه وطیره عندلرنده امر معتبادر . بواوچ شی وضاً پیدر . نوعلری مختلفدر . عرافت بعض براق شیلره وصو ایلہ قدحه وقرص آفتابه وجسم بلوره نظر ایدرلر . وزعملرنجه انده جینلری کوروب مغیباتدن خبر آلیرلر . حالا برطاقم صاف دل نسوانک آیا صوفیه حرمنده برقوبویه نظر ایلملری دخی اوچله دندر . حقیقی حیلہ کارانه براویوندر . پاره دوزاغیدر . وکھانت برقاج کونه در . ازجله مثلاً یدی دانه طاش اولوب هرزینہ نشانلر ایدرلر . وبعض کلمات سویلرلر . وآوجنی آچوب اول طاشلرک وضعندن وشکلندن خیر وشره حکم ایدرلر . وصنعتہ طرق دخی دیرلر . وزجر وعیافه رفتار وحوش وآواز مرغان ایلہ بعض حوادثک وقوعنه استدلال ایلکدن عبارتدر . مثلاً سفره ویا شکاره چیقسه لر اگر وحشی صاغ طرفدن کاور ایسه تقال وصولدن کلورسه تشأم ایدرلر . وآواز کلاغ - بیان قارغہ سی - ایکشر ایکشر اولسه شوم - مشئوم - و اوچر اولسه مسعود عد ایدرلر . خیر وشر کاهلرینک حرفلری عددلرینہ اعتبار ایدرلر . اگر کلاغ درخت سبز اوزره قونسه خیر وعاری اوزره قونسه شر وکریه عد ایدرلر . مؤلفک مشال مزبوردن مرادی مثلاً قارغہ برره قونقی صدندده ایکن انک وجه مذکور اوزره قونه جق محللره وقوندقدن صکره اومه سنہ بالنقال منتظر اولورلر . اگر زعملرنجه وجه مبارک اوزره اولور ایسه صفایاب اولوب اگر غیر مرغی اولور ایسه انفعاللردن آزار ایلہ ، یاخود طاش ایلہ اوپوروب طرد ایلدکرینه مبنیدر .

ترجمہ قاموس

ويا استباط طريقه حافط لرنده طويلاشمش ، اسلافدن اخلافه تناقل ايتمش ، مرور زمان ايله توسع و ترابد ايشدى . ظهور اسلاميت صرد لرنده بو علملر اون نوعدن زياده يه بالغ اولمش ايدى . بونلك بعضارى طبيعيات ، بعضارى رياضيات ، ياخود ادبيات ، ياخود كهانت ، ياخود بونلره مشابه شيلر نوعندن ايدى . بو علمى

تفصيلاً يازمق اوزون سوره چكى ايچون مختصر كچمكى ده ا مناسب كورورز .



عرب باقر معولاندن اسكى پروازو

علوم و معارف مذكوره ايمان ايله تدقيق ايديله جك اولورسه انلردن بعضارينك عربلره مخصوص اولديغي ، يعنى كنديلرى ايجاد ايتد- كارى ، ديكر بعضارى ايسه ملل سائردهن اقتباس ايدليكي تظاهر ايدر . عربلك كند- يلرينه مخصوص اولان

علملر علم انساب ، علم شعر و علم خطابتد .

دخيل اولان ، يعنى ديكر ملتلردن اقتباس اولنان علملر ايسه علم نجوم ، علم طب ، علم انواء ( احوال جويو ) ، علم الخيل ( آت و قسراقدن ) ، علم مهاب الريح ( نقلبات هوايه ) ، اساطير ( ميتولوژى ) ، كهانت ، عيافت [ \* ] ، عيافت ( ايز تبغى ) و سائردهن عبارتد .

[ \* ] عيافه قوش قسمى ايله تطير ايلك معناسته دركه اعراب عادتيدر . مثلاً قوشك اسنى و صوتى و نزول و مرورى مقولهسى اوضاع واحوالنى اعتبار ايدوب زعملرنجه



## اولا : عربلرده علم نجوم (علم هیئت)

کلدانیلر علم نجوم (هیئت) ده جه-انک معلملریدلر . چونکه بوعلمک تمامی قوان ، دیرکری قوران انلر ایدی . سالیسینک براقلمی ، هوالرینک قورولانی واققلرینک مستویلیکی بو خصوصده کندیلرینه یاردم ایلدیکندن بوندن قرق بو قدر عصر اول برطاقم آلات فلکیه (رصدیه) ایله یلدرلری رصد وموقعلرینی تعیین ایتدکلی کی برجلری ، منازل قمر وشمسی (آی وکونش فلکلرینی) ترسیم وخسوف قمر وکسوف شمسی ده حساب ایشلردر . مدنیت قدیمه ایله اشتهار ایدن یونانیلر ، هندیلر ، اسکی مصریلر وملل سائر بوعلمی کلدانیلردن ایشلردر .

کلدانیلر ، یاخود بابلیلر میلاد عیسادن سکنز عصر اولنه کلنجهیه قدر دولت وسלטت صاحبی اوله رق یاشامشلر ایکن عصر مذکورده آثوریلرک استیلای آلتیه دوشمشلردر . فقط هر ایکی قومک لساناً و دیناً یکدیگرینه مشابهی استیلای واقع کلدانیلرک آداب اجتماعیه سنه هیچ بر تأثیر اجرا ایتماشدر . بشنچی عصر هجریده ایسه کلدانیلر ایرانیلرک تجاویزه معروض اولدیلر . ایرانیلر کلدانیلرک مملکتی فتح ومعبودلری تبدیل ایتدکلی کی حقلرنده دخی ظلم واستبدادایله معامله ده بولندیلر . بو حال کلدانیلره پک زیاده آغیر کلرک جهانی طارکورمکه باشلادیلر . بونک نتیجه سنده بر چوقلری جوار ممالکه وبالخاصه بلادعربه مهاجرت ایلدی . بلاد عرب بر طرفدن صیجاق صحرالر ایله کلرک عسکره مسدود اولسی ودیگر جهتدن السنه سامیه آره سنده موجود اولان مشابعت کلیه تأثیری ایله اطرافدن کان مهاجرینک اورالرده قولایلقله کچینه بیلملری جهتیله عراق ، مصر وشام قطعه لرندن مهاجرت ایدنلرک منیع بر التیجا کاهی مقامنده بولنیوردی .

بو مهاجرلر میاننده بر طاقم کاهنلر وهیئت شناسلر وار ایدی . عربلر

موافق مقتضای اوزره تفأل وتشأم ایدرلر . بوفن بین الاعراب علم تعبیر وعلم قیافه کی علم مخصوصدر . بغایت اعتنا ایدرلر . ترجمه قاموس

ایسته بوهیئت شنالردن علم هیئت حقنده بر طاقم معلومات آشملر و یلدرلرک اسملرینی و برجلرک موقعلری و منطقهلرینی و آی و کونشک فلکالرینی بونلردن اوکرتمشلردر . احتمال که عربلر بوتارینخدن ده اول کندیلرینک اثر استنباطی و یا خود هندستان و سائر طریقه و وقوع بولان اقتباس نتیجه سنده علم هیئت حقنده بر طاقم معلومات صاحبی ایدیلر . آنجق اجمالا دینیلر که عربلر علم هیئتمده کلدانیلره مدیوندرلر . عربلرک کلدانیلره (صائبه) - آفتاب و اختر پرستلر - نامی ویرملری ده بونی مؤیددر . صائبه بالذات کلدانیلر دکل ایسه هر حالده انلرک خلفاری ، یا خود شاکردلری اولق لازم کلیر [۱] . بلاد عربده چوق صابئر واردی . عیسوی و موسویلر اورالرده نصل بر موقع صاحبی ایدیسهلر انلرده ویله بر موقع صاحبی ایدیلر . عربلر بونلردن علم هیئتی اصطلاحاتی و اسملریله برابر اقتباس ایتدیلر . بونکله برابر سیاراتدن قسم اعظمک عربجهده کی اسملری اصل کلدانیه ارجاع ایدیله بیله چک حالن چقمشدر . احتمال که بو حالی موجب اولان ابانی کوسترن معلوماتده ضائع اولمشدر . مع مافیه (مریخ Mars) کی سیاراتدن بعضلری حالا کلدانیهده کی اصللرینی کوسترمکدهدر . (مریخ) کلدانیه لفظاً و معنی (مرداخ) ه تقابل ایدر . آنجق او اسملرک چوقلری مشابیهت لفظیهی غائب ایدرک آردده یا کتر مشابیهت معنویه قالمشدر . مثلاً (زحل) ک عربجهده معنایی (ارتفاع و علو - یوکسکلک) اولدینی کی کلدانیهده کی اسمی اولان (کاوان) دخی اولاند عین معناده بولمقدهدر . برجلر ایله منازل قر (فلک قر) ه کلنجه بونلر کلدانیهده هانکی اسملرده بولنیور ایسه عربجهدهده لفظاً و معنی او حالده قالمشدر . منطقه بروجک عربلر ایله کلدانیلرده کی اسملرینی آئیده کوستریورز :

عربجه اسملری	کلدانی اسملری
حمل ، یا خود کبش	امر
ثور	ثورا
جوزاء ، یا خود توامین	تامی
سرطان	سرطان

اریا	اسد
شبنا	سنبه
ماسانا	میزان
عقربا	عقرب
قشنا	قوس ، یاخود رامی
کدیا	جدی
دولا	دلو
نونا [ * ]	حوت ، یاخود سمک

منازل قمر و منازل شمسہ کلہجہ سیارہ لک اسہ ملزندہ واقع اولدینی کی بولردن بعضلرینک اسہ ملزندہ تبدل وقوع بولشدر . آنجق بو علمک قواعدی ایله اصطلاحانده اکثریتہ اعتبار اولنور . ( منازل قمر ) و ( منازل شمس ) لفظلرینہ وارانجہ یہ قدر او قواعد و اصطلاحات کلدانیہ لردہ نہ حالہ ایسہ عربلر دہ او حالہ بولنیور . ( منازل قمر ) و ( منازل شمس ) تعبیرلری کلدانیلردہ بوموقعہ استعمال اولنان تعبیرلرک عینیدر . کلدانیلردن علم ہیئتق اقتباس ایدن سائر ملتیر بوتعبیرلری دیگر تعبیرات ایله تبدیل ایشلر ایسہده یالکز عربلر ایله یہودیلر دیکشدیر مامشلردر .

[ \* ] منطقه بروجک فرانسیزجہ مقابلی شولردر :

جل	Bélier
ثور	Taureau
جوزاء	Noix
سرطان	Ecrevisse
اسد	Lion
سنبه	Epi
میزان	Balance ou Fléau
عقرب	Scorpion
قوس	Arc ou Sagittaire
جدی	Chevreau
دلو	Urne
حوت	Poissones



عربلرک علم نجوم ایله اشتغاللاری مشهوردر . یوقاریده کورلیدیکی اوزره  
عربلر سیاره لری و برج لری اوکرنلرکدن ماعدانوابتک ( کواکب ثابتہ نک )  
بک چوقلرینی اوکرنمشلر و ملل سائرہ هیئت شناسلرینک رأی و مطالعلرلندن  
آیری اوله رق بوخصوصده برمسلك مخصوص طومشلردر [ ۱ ] . بویلدزلره  
لسان عربیده موضوع اولان اسملرک اسکیلیکی ده عربلرک اویلدزلری  
و موقعلرینی بک اسکلی زمانلرده اوکرنلرکدکالینسه دلالت ایدر . بنات  
نعلش الکبری Filles du Grand Cercuel ( یدیکر ) ، بنات نعلش الصغری  
Filles du Petit Cercuel ( دب اصغر شکلنده یدی یلدیزدن مرکب ) ، سہا  
( بنات نعلش صغری ایچنده کوچک بریلدیز ) ، ظبا [ ۲ ] ، ربع ،  
رایض ، عوانڈ [ ۳ ] ، ذبین [ ۴ ] ، نثرہ [ ۵ ] ، فرقد ، قدر ،  
راعی [ ۶ ] ، کلب الراعی [ ۷ ] ، اغنام ، راح ، سمک ، عصا الضیاع ،  
اولاد الضیاع ، سمک راح [ ۸ ] ، حارس سما ، اظفار ، فوارس ، کف مخضب ،  
خباء ، عیوق ، عنز ، جدین و سائرہ اونوعدن اولان یلدیز اسملرننددر .

- [ ۱ ] ( دمیرینک هامشی اوزرنده ) قزوینی ۵۰ ج ۱
- [ ۲ ] ظبا ، اولاد ظبا برطاقم بیلدیزلرک اسمیدر . ( قطار الحیط )
- [ ۳ ] عوانڈ فالکده درت کوکب معبوده اطلاق اولنورکة مختلف تربیع ایله مرکوز  
و وسطلرنده برکوکب دخی واردرکة اکا ربع دیرلر . ( ترجمہ قاموس )
- [ ۴ ] ذبین عوانڈ ایله فرقدان بیننده ایکی دانہ بیاض کوکبه اطلاق اولنور .  
عوانڈ قطب شمالی قریبده درت کوکبدرکة مختلف التریعدر . وسطلرنده ربع اطلاق اولنور  
برکوکب دخی واردر . و فرقدان ینہ قطب شمالی قریبده ( بنات نعلش صغری )  
نہایتینده ایکی کوکبدرکة دو برادران تعبیر ایدرلر . ( اظفار الذب ) ذکر اولسان  
عوانڈ و فرقدان اوکرننده برینجه خرده کواکبه اطلاق اولنور .
- [ ۵ ] نثرہ منازل قردن برمنزل اسمیدر . و اول ایکی کوکبدن عبارتدرکة میانلری برقارش  
مقدار اولوب جرملرنده بیاض بلوط پاره سنه شبیه آفاق اثری واردر . ( ترجمہ قاموس )
- [ ۶ ] راعی الجوزاء و راعی النعائم ایکی کوکب اسمیدر . ( قطار الحیط )
- [ ۷ ] کلب بر کوکب آیدر و بو بر کوکب دکلددر . بلکه ینجه کواکبدن منظم اولمش  
برکاب ضرورتیدر ، سرطان برجک جنوبینده ( شعاع جبار ) آره سنده و سفینہ نوحک  
قیچ قماره سنک اوست طرفینده واقع اولمشدر . باشنده والری اوکنده و بطینده و قالجہ سی  
اوزره برر کوکب براق واردر . عربلر بطننده اولان پک براق کوکبه کلب اطلاق  
ایلمرله مؤلفک مرادی اول کوکب اوله بقدر . ( ترجمہ قاموس )
- [ ۸ ] ( السماء الراعی ) فککة و قصعة المساکین دیدکاری صورت شبالیہ نک اوک طرفینده .

عربلر منازل قمری - آی منزلہ لرینی - ہندیلرک اصولنہ مخالف اولہرق  
یکرمی سکیزہ تقسیم ایتشلردی . حال بوکہ ہندیلرکہ منازل قمر ۲۷ دن عبارت  
ایدی . عربلرک بوتقیماندن مرادلری دہ ہندیلرک مرادلرندن بشقہ ایدی .  
عربلرک بوندن مقصدلری تبدلات ہوائیہ یی وفصول اربعہ دہ وقوع بولان تقلبات  
جویہ یی آکلامقدر . چونکہ امی ایدیلر . برشیئی اوکرتمک ایچون انی کوز  
ایلہ کورملری اقضا ایدیوردی . ایشہ بوسبدن انواء بحثہ کوریلہ چی اوزرہ  
بومنازلی او تحولات وتقلباتی آکلامق ایچون علامت قییلندن اتخاذا ایتدیلر .  
عربجہ دہ [ ۲۸ ] ہ تقسیم ایدلمش اولان منازل قمر شونلردر :

ثریا	جہہ	اکلیل	سعدالسعود
دبران	زہرہ	قلب	سعدالاحبیہ
ہقہ	صرفہ	شولہ	فرغ مقدم
ہنعمہ	عواء	نعائم	فرغ مؤخر
ذراع	سماک	بلدہ	بطن الخوت
نثرہ	غفر	سعدالذایح	شرطان
طرف	زبانیان	سعدباغ	بطین

عربلر منازل قمری تعداد ایتدککری زمان اقلیملرینہ متعلق اسبابدن  
طولانی شرطاندن باشلارلردی . دولت عباسیہ اوائلندہ عرب طرفدارلغندہ  
متعصب اولانلر عربلرک علم ہیئتہ صوک درجہ دہ براءت واتمدار صاحبی  
اولدقلرینی ادعا ایلشلردی . اوچلہ دن ( ابن قتیبہ ) عربلرک عرب اولیانلرہ  
لزوم ترجیحلری نامی ایلہ یازدینی کتباہدہ عربلرک کواکب ایلہ مطلع  
ومسقطلرینی بیلمکدہ جہانک بالجلہ ملتہلرینہ فائق اولدقلرینی بیان

برکوک اسمیدر . بونک اوکندہ برکوک دخی واردرکہ انک رحیدر دیرلر . اکا  
بناءً سماک راح اطلاق ایلدیلر وبومنازلدن دکلدر . وحذاسنده برکوک دخی واردرکہ  
( سماک اعزل ) دیرلر . اوکی بوش اولدینی ایچون . وسماک راح بغایت جہر تلودر .  
( ترجمہ قاموس )

ایتمشدی [۱]. اوکی سوزلر مبالغه‌لی اولمقله برابر عربلرک بوعلمه دائر معلومات واسمه صاحبی اولدقلرینه دلالت ایتمکدن ده خالی دکلدز .

بیلدیزلر عربلر ده یولجیلقلرنده وسائر احوالده جهت تعینی ایچون رهبر تشکیل ایتمکاری جهته بو بیلدیزلری وموقعلرینی بيلمکده عربلرک بیوک برمهات کسب ایتملرینی غرب کورماماک اقتضا ایدو. عربلر یوللری وجهتلری تعیینده بیلدیزلری اوقدر استعمال ایدرلر ایدی که بر آدم انلردن برشهره کیدن یولی صورسه «فلان وفلان بیلدیزلر طرفنه کیت ..» دیرلردی . او آدم او بیلدیز طرفنی طوتهرق وارمق ایستدیکی محله واریردی . بعضاً موقع تعینی ایچون روزکارلرک اسدیکی جهتلری ده قوللانیرلردی . بونلره ( جهات ) دیرلردی . اوجهلدن اوله‌رق (سایک بن سعد) (قیس بن مکشوح مرادی) دن کندی قومنک یوردلرینی تعریف ایتمسنی طاب وکندیسی ده کندی قومنک یوردلرینی تعریف ایایه‌جکینی وعد ایش ایدی ، متقابلاً موافقت ایتمشله، یالان سوبلامکه قرار ویرمشلردی . (قیس بن مکشوح) دیمش که : « جنوب ایله صبا روزکارلری آره‌سنده کیدرسک . آغاجک کولکه‌سی نروده‌در آ کلا یامیه‌جق حاله کتجه‌یه قدر یوررسک . صولر کسینجه درت کیجه کیدرسک . نهایت برقوملغه واریرسک . قوملگک اوته‌سندن کیدرک قوم (مراد وخشم) ه واصل اولورسک » (سلیک) ایسه شو تعریفانده بولنمشدی : « سهیل بیلدیزینک محل طلوعی ایله جوزاء بیلدیزینک صول طرفی آره‌سنده کی محلی طونارسک . بو جهته طوغری کیده کیده قوم (بنی سعد بن زیدمنه) ک یوردلرینه واریرسک » . عربلردن جاهلیته برطاقم قبائل علم نجومی اتی بیللمکه اشتهار ایتمشلدرکه (بنی ماریه بن کلب) ، (بنی مرة بن همام الشیبانی ) اوجهلدن ایدیلر [۲] .

(۱) بیرونی ۲۳۸

( ابو محمد عبدالله بن مسلم بن قتیبه المروزی ) مشاهیر نحو بوندن وعلما ی لغتدن ایدی . برمدت (دینور) ده قاضیک ایتمشدر . ۲۱۳ سنه هجریه‌سنده بغدادده تولد و ۲۷۶ سنه‌سنده وفات ایلمشدر . قرائت ، حدیث ، فقه ، نحو ، ادبیات وسائر ده دائر برچوق کتابلر یازمشدر . تاریخ ده یازدینی ( المعارف ) کتابی آنارینک الک مشهوریدر .

(۲) بیرونی ۳۴۱



## ثانیاً : انواء ومهاب الرياح

عربلرک علم انواءدن مرادلری بوکونکی علم احوال جویهدن مراد اولان یاغورلره وروزکارلره متعلق تبدلات و تحولاتی آکلامقدن عبارتدر . آجق عربلر تحولات و تبدلات مذکورہ نک حصولتی ییلدیزلرک طلوع ویا غروبنه اسناد ایدزلردی . بو جهته علم انواء علم نجومدن بر شعبه ایدی . منزله نک طلوعنه منزله نک نوئی ، یعنی نهوضی - قالقمسی - نامنی ویرمشلردی .

طلوعک تأثیرینی (بارح)

وسقوطک تأثیرینی ده

(نوء) تسمیه ایتمشلردی .

بونلردن برینک طلوع -

عنن انی تعقیب ایدن

دیگرینک طلوعنه قدر

اوچ کونلک مدت وارددر .

یا لکیز (جهه) منزله می

بومده مخالفدر . زیرا

بومنزله ایله انی ولی ایدن

منزله نک طلوعی آره سنده کی

مدت ۱۴ کوندر . انلرک

مشهور سوزلرینه

کوره : « زمان اساس

اعتباریله ارباعه وهرربع


اسباعه منقسمدر . هر

سبعده شرقده بریلدیز

چیقار وغربده بریلدیز

دوشر . برنجمک طلوعدن انی تعقیب ایدن یلدیزک قدر اون اوچ کیجه

مدت وارددر . »



قاهرده ( المؤید ) جامه نک داخلی

مع مافیه بو مسأله لرده خیلی اختلافا فاده بولمشلردی . بعضی لرینک ادعاسنه کوره بر منزله نك طلوعندن صکره انی ولی ایدن منزله نك طلوعنه قدر هر نه تأثیرات حاصل اولور ایسه طلوع ایدن منزله یه اسناد ایتک لازم کلیر . دیگر بعضی لرینک مطالعاسنه کوره ایسه هر منزله نك طلوعنی ایله سقوطنه مخصوص بر مدت وارد که بومدت ظرفنده نه وقوع بولور ایسه اکا اسناد اولور . بومدت منقضی اولدقدن صکره ایسه وقوع بولان تبدلات و تحولات اکا اسناد اولنه ماز . شاید اوزمانه مخصوص تأثیرات مشاهدده ایدلر ایسه اولدیز ، یاخود منزله سقوط ایتش دیمکدر . چونکه یاغمور ، حرارت ، صغوقلق



و روزگارک مسیبنی یلدیزلر ظن ایدرلردی [۱] . حتی برایش آرتنه سنده قوشوب اکا موفق اولمیانلره ضرب مثل اوله رق استعمال ایتدکاری « اخطأ نوؤک - ییلدیزک بوشه چیقدی » سوزی اودالات اعتباریله وضع اولمشدی [۲] . بیان ایتدیکمز وجه ایله یاغمور یاغنیجه بویاغمورک اوصرده حکمران اولان ییلدیزک تأثیرینه حمل ایدلرکی اوزمانک عریلرک برچوق سوزلرنده تصادف ایدلرکده در . « مجره ییلدیزی یاغموری یاغدی » ، « بو خریف دوشگون ییلدیزیدر . (شعری) یاغموریدر » مثاللرنده اولدینی کی . فیکرلرینه کوره

شامممولاتندن کموش مینالی باقردن پروازو

نوءدن مقصد منازل یلدیزلرندن غربده فجر ایله برابر بریلدیزک دوشوب اکا متابل ورقیب اوله رق شرقده بر یلدیزک چقمسیدر . بو جهته انلر

۳۸ نوہ ، یاخود یلڈیز موجود اولدیغنه ذاهب ایڈیلر . یاغمورلره ، روزکارلره ، صیجاقلره ، صغوتلره سببده بو یلڈیزلر عد اولنوردی . اوزمانلرده او قویوب یازمق پک نادر اولدیغندن حفظه قولایلق اولمق اوزره احوال جویهنک ویاخود فصول اربعه نك کواکب اقترانی ویاخود طلوعی ایله اولان مناسباتنی شعراً نظم ایتمشلردی . او جمله دن اوله رق شعراً « قر ثیا ایله اقترا ن ایتدیکی زمان قیش کچمش بولنور . کذلک (دبران) آیک اون دردی ایله اقترا ن ایلر ایسه جهانک هر یرنده قیش اولور . الخ . . » دیرلردی [۱] . بونکله برابر کلدانیلرده اولدینی کبی غریبلر دخی ییلڈیزلرک افعال بشریه تاثیر اولدیغنه اعتقاد ایدرلردی [۲] .

غریبلر اکثریا بلوطلرک شکل ورنکلری ایله یاغمور یاغوب یاغمیه جغنی استدلال ایدرلردی . انلرک اعتقادینه کوره اک آز یاغمورلی بلوط بیاض رنگلی ، اندن صکره دها چوق یاغمورلی قرمز رنگلی ، دها صکره اک چوق یاغمورلی سیاه رنگلی بلوطلردر . « بیاض بلوط بوشدر . قرمز بلوط آز یاغمورلیدر . سیاه بلوط ایسه اک چوق یاغمور یاغار » جملهلری زبازد سوزلردندی [۳] .

غریبلر یولجیقلرلرلرند یوللری وجهتلری بیامک ایچون روزکارلرک اسدیکی طرفلری بیامکه محتاج اولدقلرندن او یرلری کوستربر اسملر وضع ایلمشلر ایسه ده یالکمز عدندن اختلافده بولتمشلر ایدی . بعضلری روزکارلرک اسیم یرلرینی آلتی اعتبار ایتدکلری حالده دیگر بعضلری درت اعتبار ایلمشلردی . درت اعتبار ایدنلر اولا شمالدن اسن ( صبا ) ، نانیاً غربدن هبوب ایدن ( شمال ) ، ثالثاً جنوبدن اسن ( دیور ) ، رابعاً شرقدن هبوب ایدن ( جنوب ) اولمق اوزره درت روزکار واردر ، دیرلردی . آلتی اعتبار ایدنلر ایسه ذکر اولان روزکارلره ( شمال ) ک یانندن اسن ( نکباء ) وجنوبک یانندن هبوب ایدن ( محوه ) نامنده ایکی روزکار دها علاوه ایدرلر ایدی .

(۱) بیرونی ۳۳۶

[۲] Rawlinson's Ancient Monarchies 111. 426

[۳] میدانی ۱۰۹ ج ۱



## ثالثاً : علم اساطیر ( میتولوژی )

اوروپا لیلرجه ( میتولوژی ) نامیلہ معروف اولان علم اساطیر و خرافات علم نجوم مدن بر شعبه عد ایدیلر . میتولوژی اسکی دورلرده کندیلرینه صفت الوهیت ویریلن یلدیزلر آره سنده یونانلیلرک معبودلرینه اسناد اولتان بشریتہ مخصوص حالات قبیلندن وقوعی روایت اولتان محاربات ، یاخود زواج و سائر ددن عبارتدر . عربلر یونانلیلر کی اجرام جوہیه صفت الوهیت ویردرک انلری معبود اتخاذا ایشاردی . فقط عربلرده بوخصوص حقند اولان معلومات قید و تدوین ایدلمدیکندن ضائع اولدی . یالکیز صنمارک اسمارینه و بعض آمارک شکل عبادتارینه دأثر نظر اطلاعزه واصل اولان شیلردن عربلرده اوکی اساطیرک بولمديغنی آکلایورز . عربلرک زمان جاهلیتارنده ( لات ) [ \* ] صنمی ( زهره ) نامنه رکنز ایدلمش ایدی . بونک وکونش ، آی ، شعری [ \*\* ] نك عبادتی ایله پک چوق آدملر اشتهار ایشلردی . بومعبودلردن هانکیسی دیکرلرندن دهاعالی و خیرلیدر دییه آرلرلنده مناظرلر دخی توالی ایدردی . ادعالرینه کوره « ( شعری ) یه اک اول عبادت ایدن ( ابوکیشه ) ایش . بوآدم « شعری ؛ سمایی عرضاً قطع ایدیور . حال بوکه اندن بشقه سمایی عرضاً قطع ایدن برشمس ، یاخود برقر ، یاخود بریلدیز بوله مازسکز « دیرایش » [ ۱ ]

[ \* ] لات ، زمان جاهلیتده ثقیف قبیلہ سنه مخصوص مشهور برصنم ایدی . ( عربی ) ایله برابر عربلر آره سنده پک معتبر ایدی . طائفده مربع الشکل بر طاشک اوزونده مؤسس و اوستتده بر قبه موجود ایدی . جزیره العربک هر طرفندن زیارتنه کیدیلیدری . اسلامیتک ظهوری اوزرینه صنم مذکور امریقه بری ایله هدم و احراق ایدلمشدر .

[ \*\* ] شعری فلکده ایکی کوکب اسمیدرکه برینه ( شعری العبور ) ، دیکرینه ( شعری القمیصا ) دیرلر . عربلرک زعمنه کوره ( شعری ) ییلدیزلری ( سبیل ) نامنده کی کوکبک قیز قرداشلریدر . مترجم دیرکه اولکی ( شعرای یانی ) و ثانی ( شعرای شامی ) دو . ( سبیل ) یمن قطرلنده مرتفی بر کوکبدر . ( شعرای یانی ) یه عربدن ( بنی خزاعه ) پرستش ایدرلردی . ( ترجمه قانوس )

اجرام مذکورہ نك تشخیصی ایله انسان شکنه ادخال ایدلسی عربلرجه معروف و جاری ایدی . میتولوژی حکایاتندن اوله رق انلرجه تداول ایدن اساطیرده شویله روایت اولنوردی : « (دبران ) ثریایه نشانلارمق ایستهمش . قمرده بونلری تزویج ایتمکی آرزو ایتمش . فقط ( ثریا ) قبول ایتمه رك قاجمش . قره « پاره سی اولمیان بوزو کوردی نه یاپه جغم « دیمش . بونک اوزربینه ( دبران ) کوچنی طویلایوب انکله ثروت بولمغه قویولمش . ثریا نره یه کیدرسه دبران ده انک آرقه سنده قوشار و کوچنی مهر اولمق اوزره اوکنه سوق ایدر « . ینه بوجله دن اوله رق دیرلردی که : « ( جدی ) نعشی قتل ایتمش . ایشته بوسه بیدن نعشك قیزلری - بنات نعش - ( جدی ) ك اطرافنده حرکت ایدر ك آنی یقلامق ایستلر . ك ذلك نقل ایدرلردی که : « سهیل آیاغی ایله ( جوزا ) یی تمش . جوزا دخی انی آیاغی ایله تپه رك بولندیغی موقعه دوشورمش . فقط بوکا مقابل سهیلده انی قلیج ایله اوزره رق اورته سندن کسمش . ینه بوقیلدن دیرلردی که : « شعرای یمانی ( شعرای شامی ) ایله برابر یاشایوردی . ده ا صکره شعرای شامی شعرای یمانی یی براقه رق مجره یی ( کهکشان - حاجیلر یولی ) چکمش . شعرای یمانی انک افتراقنی کورنجه کوزلری چپاق طوتونجه یه قدر آغلامش . بوسه بیدن اکا ( الشعری القميصاء ) - چپاقلی شعری - نامی ویرلش « [۱] . عربلرنه پادشاهلردن ، یاخود قوماندانلردن ، یاخود سائر اسلافدن ك مشهورلرینك بعضارینه صفت الوهیت ویرماری و دیگر بعضارینه ده ملانکه ویا جنیلر نسلندن اعتبار ایتلری بوقیلدن عداولنور . مثلاً اسکی عربلرک اعتقادینه کوره ( بلقیس ) ك والده سی جنیلردندر . ( جرهم ) [\*] ایسه پدر جهتمدن ملک ، والده جهتمدن انسان ، یعنی ملک بر پدر و انسان بر والده دن طوغمش . ( ذوالقرنین ) دخی انلرک اعتقادنجه انسان بر والده دن و ملک بر پدر دن تولد

[۱] میدانی ۳۱۲ ج ۲

[\*] جرهم بونام ایله معروف اولان بیوک برقبیله منقرضه نك جد اعلاسی ایدی . بوقیله اصل عرب دیمك اولان (عرب عابیه) دن ایدی . اول امرده یمنده اختیار اقامت ایدیوردی متعاقباً حجازه مهاجرت ایلش ایدی . حضرت اسماعیل بونلردن بر قیز ایله ازدواج ایتکله نسلندن عرب مستعربه ظهور ایتشدر . اصل جرهم قبیله سی منقرض اوله رق یا لکز دیلدرده نامی قالشدر .

ایتش [ ۱ ] . بو اعتقاداتک اصللرینه کلنجه بونلر یا هندلیردن ، یاخود یونانلیردن ، یاخود مصرلیردن اقتباس ایدلمشدی . زیراکلدانیلر بوکی شیاره یلک آز اهمیت ویریلردی .

## رابعا : کهانت و عرافت

کهانت و عرافت بر معنایه دلالت ایدن ایکی لفظدن عبارتدر . بونکله برابر بعضلری بونلری آیری آیری اعتبار ایدرهک ( کهانت ) ک امور مستقبلیه و ( عرافت ) ک امور ماضیه مخصوص اولدیغنی سولشیلردر . دلالت کرک مستقبلیه ، کرک ماضیه اولسون هر ایکی لفظدن مقصد غائبدن خبر ویرمکدن بشقه برشی دکلدردر . فی الحقیقه عربلر کهانلرک هر شیده قادر اولدقلربنه ایناندقلرندن ایشلرنده کهانلره مراجعتله استشارده بولنورلر و آره لرنده اختلاف و مخاصمات وقوعنده انلرک حکمنه مراجعت ایدرلردی . خسته دوشدکاری زمان دخی مداوانلرینه عرض افتقار ایلرلردی . بر مشکل اوکنده بولنورلر ایسه انلرک مطالعلرینی صورارلردی . رؤیا کورنجه انلره تعبیر ایتدیریرلردی . استقباللرنده نه اوله جغنی انلردن آکلامق ایسترلردی . والحاصل کهانلر بابللیلر ، فبکه لیلر ، اسکی مصرلیرلر و سائره کی بتون اسکی اقوام نزدنده نصل بر موقع طوتمشلرایسه اسکی عربلرده دخی بونلر علم ، فلسفه ، طبابت ، قاضیلک ، دین آدملی صنفی ، یعنی علوم مذکوریه یی یدانحصاره آلمش رؤسای روحانیه یی تشکیل ایدرلردی .

کهانت عربلره خارجدن کندیلرینه مجاور اولان بمض اقوام واسطه سیله کلش علوم دخیله دندر . فکرمزه کوره کلدانیلر علم نجوم ایله برابر کهانتی ده عربلره کوتورمشلردر . بونی مؤید ادله دن اوله رق عربجه ده کهانه ( حازی ) ، یاخود ( حزاء ) نامی دخی ویرایلر . بو ایسه ( کوریحی ) ، یاخود ( باقیچی ) معناسنه بر لفظ کلدانیلر . بوندن ماعدا بو لفظ کلدانیلرده ( حکمتشناس ) و ( پیغمبر ) معناسنده دلالت ایدر . ( کاهن ) لفظنه کلنجه عربلر بونی بالآخره قدسده



و خصوصاً قدس ۷۰ سنه ميلاديه سنه درومايمپراطور لرندن طيطس ( Titus ) طرفندن تجريب ايدلدكدن صكره دوچار اولدقلى فلاكتر اوزرينه بلاد عربيه مهاجرت ايدن موسويلردن اقتباس ايتملردر . عربلر موسويلردن بو بحثه زه تعلق اوليان دها برچوق آداب وعادات آملشلردى .

اغلب احتماله كوره علم نجومى عربلره ايصال ايدنلر بالذات كلدانى كاهنلر ايدى . كهانتده اوچله دن انتقال ايتش اولميدر . عربلر ( حزاء ) كه سنى هم كاهنه ، هم منجمه اطلاق ايتلردى ده بونى تأييد ايدر [ ۱ ] . بابل اهاايه سى ظهور اسلاميتدن صكره كى زمانه قدر بلاد عربيه مهاجرت ده دوام ايتش و علم و تعللرى جهتيه عربلر نزدنده دائماً مظهر حرمت و رعایت اولمشلردر .

بالاده ديديكمز وجه ايله عربلر كاهنلر هر شىئى بيلدكلرينه و بو بيلدكلينك ارواح واه طه سيله كنديلرينه ايصال ايدليكته اعتقاد ايدرلردى . ارباب توحيددن اولانلر كاهنلر ملائكه دن غيبى آكلادىرق سويلدكلرينه و بت پرست بوئانلر ايسه صنملرده روحلر موجود اولوب بورو حلك كاهنلر و سادانلره - تجخانه قوجى و خادملرينه - اسرار طبيعى افشا و تلقين ايلدكلرينه ذاهب اولورلردى . عربلر اعتقادنجيه « صنملرده جنلر ( يعنى ارواح ) بولور . بوجنلر كاهنلر ايله قونوشور . جنى ، كاهنه سجاد نه اولور ايسه اكا دار معلومات كتيرير . » عربلر بوجنیه بعضاً ( هائف ) نامى ويريرلردى . « اخبار [ ۲ ] موسويلردن ، رهبان خرستيانلردن و كهان عربلردنر » ديرلردى .

كاهنك - رئيس روحانينك - ياديفى هر شىئك مرجعى علم غيب ايدى . برى كاهنه بررج - ( يل ) ويا برصداع ( باش آغرى سى ) ندن طولايى تداوى ايچون مراجعت ايتسه كاهن آنى رقى - افسون - ( اوقويوب اوفورمك اصولى ) ايله تداوى ايدرلردى . مشكل برايش حقنده مطالعه سنى صورسه كاهن رمل آتارق ، يا خود بر ايسده دو كوملر ياپوب اوزرينه اوفورمرك

( ۱ ) السيرة الحلبه ۴۸ ج ۱

( ۲ ) ( خبر ) و جى ( اخبار ) كبار علما ديك ايسده بوموقعده خاخر مناسنه استعمال ايداشدر .

کنديسنه مطالعه سوارلردی [۱] . ايکي دعواجي کاهني حکم اتخذايتسه لر کاهن قرعه اوقاريله فصل دعوی ایلردی . برسر قك کشفی ایچون کنديسنه مراجعت ایدلسه کاهن الله برقمعه - کوکم - آلهرق ایچنه اوفورمک ویا سائر بوکي حرکات وهمیه اجرا ایتک صورتيله خرسزی کشفه چالیشیردی . بررؤيانک تفسیری ایچون کاهنه کیدلسه کاهن آکلاشلماز سوزلر سوبایه رک وغیبدن استطلاعانده بولنديغنی کوستردک تفسیر ایلردی .

دها اول دیدیکمز وجه ایله کهنات ( بین النهرین ) دن عربلره انتقال ایتیش اولدیغدن عربلرده اسکي کاهنلرک اکثری ( عربلرک صابئه دیدکاری ) کلدانیلاردن عبارت ایدی . علوم و معارف بوکاهنلرک شخصنه انحصار ایتیش ایدی . دها صکره موسویلردن وسائردهن کاهنلر توره دیکی کبی عربلر دخی بوصنعتی اوکر نهرک انلردن ده کاهن یتشمکه باشلامشدر . بونکله برابر بعض عربلر کهنات علومندن یالکز بری ایله اکتفا ایلرلردی . اوحالده هربری طبابت ، یاخود تعبیر رؤیا ، یاخود قیافت - ایز تنبی - ، یاخود فصل دعاوی صنعتلرندن برینی تعاطی ایدردی .

بلاد عربده کاهن وکاهنه لردن برچوق کیمسلر اشتهار ایش ایدی . یونلرک الک قدیملری ( شق ) و ( سطیح ) در . نوایکی کاهن حقهده روایت اولنان حکایلر خرافات و افسانه قیلندندر . اسکي عربلره نظراً ( شق ) نامنده کی کاهن برانسان یاریغی ( یعنی اورتهدن بولنش انسان نصفی ) ایدی . بونک یالکز برالی و بر آياغی و بر کوزی واردی . کذلک عربلرک خرافاتنه کوره ذکر اولنان ( سطیح ) نامنده کی کاهن قشاش کبی دورولور برات بازچه سی ایدی . قفا طامندن بشقه کیمکی یوق ایدی . یوزی ده کوکسند بوانوردی . نوایکی کاهنک برقاچ عصر یاشادقاری وسائر کبی برچوق اوهام و خرافات دها مرویدر . ( خنافر بن توأم الحمیری ) و ( سواد بن قارب الدوسی ) دور انتباه عربی صرهلرنده ظهور ایدن مشهور کاهنلردن ایدیلر . بونلرک بعضاری

[ ۱ ] برابده دوکوملریابوب اوزرینه اوفورمکه عربلرجه ( نفت العقد ) دیرلردی . آیت کریمه ده کی ( ومن شر النفاثات فی العقد ) نصی بوصنعتی تعاطی ایدن کاهنه لردن استعاذه بی متضمندر .

منسوب اولدقاری مملکت ویا قبیله نامیله معروف ایدی . قریش کاهنی ، یمن کاهنی ،  
حضر موت کاهنی و سائرہ ناملری ویریلردی .

کاهنلر حقنہ بالاده ویردیکمز معلومات عرّافاره دخی شاملدر .  
چونکہ هرایکسی عینی صنعت اربابنه دن ایدیلر . بونلرده علی الاکثر منسوب  
اولدقاری مملکتک ویا قبیلهک اسمی ایله اشتہار ایدرلردی . ( عراف هذیل ) ،  
( عراف نجد ) کی . بونلرک الک مشهوری ( یمامه عراقی ) اولوب  
بوابده کی شهرتی ( عروہ بن حزام ) ک شو :

اقول لعراف الیمامة داونی فاک ان داویتی لطیب

بیتی تأمین ایش ایدی . اوصرده بیوک شاعرلرک مدوحلری بیوک  
بر شهرت آیلرلردی .

طائفة نسادن کاهنلره کنجه بونلر متعدد ایدیلر . یمن کاهنه سی  
( طریفه ) اوچله دن اوله رق کاهنلرک الک اسکیدیدی . بوکاهنلک ( مارب )  
سیدینک بیقپله جفتی و ( عرم ) سیلنک کله جکتی وقوعدن اول خبر ویرمش  
اولدغنی روایت ایدرلر . ( شجر ) و ( حضر موت ) آره سنده ( زراء )  
( سلمی الهمدانیة الحمیریہ ) و ( عفراء الحمیریہ ) و مکده ( فاطمة الخنعمیه )  
( زرقاء الیمامه ) و سائرہ دور جاهلیتده کسب شهرت ایدن کاهنلرجه سندن  
ایدیلر . بوکاهنلر منسوب اولدقاری شهر ، یاخود قبیله اسملری ایله یاد  
اولنورلردی . ( بنی سعد ) کاهنه سی کی . بوکاهنلک ( شق ) و ( سطیح ) دن  
دها اسکی زمانلرده یتشدیکنی و مذکور ایکی کاهنی کنديسنه خلف اتخاذ  
ایتدیکنی روایت ایدرلر [ ۱ ] . کھانت « لاکھانة بعد النوبة - نبوتدن صکره  
کھانت یوقدر » حدیث شریفی ایله ابطال ایدیلنجه یه قدر عربلرده دوام  
ایلشدی [ ۲ ] .

کاهنلرک کنديلرینه مخصوص مسجع ومتفی و تعقید و مهمیتله آلوده  
برلسانلری وارایدی که ( کاهن سجی ) نامی ایله معروف ایدی . احتمال که  
او کاهنلر او تسجیع و مهمیتدن مقصدلری الیوم بر طاقم منجملرک

[ ۱ ] السيرة الحلیه ۳۶ ج ۱

[ ۲ ] کشف الظنون ۳۲۹ ج ۲



وقال: ايلرك يالانلرى اورتيه چيقنجه تاويله وقصورى خلاق آكلاماسنه اسناده وسيله بولمق اوزره اختيار ايتدكاري ايكي معنالى سوزلر كي مخاطبلرنده بر وهم وتأثير حاصل ايتك وسوزلرينك عكسى اولور ايسه تاويله ميدان بولمقدن عبارت ايدى . يمن كاهنه سى ( طرفه ) دن منقول اولان سوزلر كاهنلرك استعمال ايتدكاري مسجع جمله لره بر نمونه تشكيل ايدر . مأرب اهالي سى ( مزقياء عمر بن عامر ) ك سلطنتى زمانده ( عرم ) سيلىدن قورقه رق بوكاهنه مه مراجعت ايتدكاري زمان كاهنه كنديارينه : « لاتؤموا مكة حق اقول ولم اعلمنى ما اقول الا الحكم المحكم رب جميع الائم من عرب وعجم - سزه كيدى كنز دنجيه قدر مكيه كيتي كنز ، ديجكى بكا او كردن آنجق حاكم محكم وعرب وعجم بالجملة ائمك ربى او كرتدى » سويلش ايدى . « مطالعهك ندر ؟ » ديهه صور دقلرنده ايسه « خذوا البعير الشدقم . فخذضوه بالدم . تكن لكم ارض جرهم . جيران بيته المحرم - شدقم جنسندن دودى آليكنز . انى قان ايله بوييكنز . بيت الله المحرم جوار نشينانى اولان جرهمك برى سزك اولور » [ ۱ ] ديشدى .

زيانت : — قيافت دخى كهنات قيلندندر . شو قدر كه علم قيافت ايزلرك تبهى ايله مؤثرلرينك كشف وتعينه مخصوصدر . قيافت برى ( قيافة الاثر ) ، ديكري ( قيافة البشر ) ناملرى ايله ايكي قسم ايدى . برنجيسى انسانلرك وحيوانانك قوم ويا طوپراق اوزرنده بولسان آياق ايزلرينى معينه وتبع ايله اوايزلرك اصحابنى كشف وتعينه ايتمه مخصوص ايدى . بوندن مقصد حال فرارده بولان انسانلرك ويا حيوانلرك نرديه كيتدكارينى آكلايوب بولمقدر . عربلر بو علمده او قدر كسب مهارت ايتشار ايدى كه حتى بعضلرى آياق ايزندن باصانك اختيار ويا كنجميدر ، اركك ويا قايئميدر ، قيز ويا ثيميدر ، نه اولديغى آكلامق درجه سنه قدر ايلرى كيتشاردى .

ايكنجيسى اولان ( قيافة البشر ) ايكي شخصك اعضاسى اشكالى بينندهى مشابهتى مقايسه ايله او ايكي شخصك نسب وولادته بر اولوب اولمديغى وسائر حاللرينى آكلامقدر . بو ، علم فراست نوعندندر .

علم قیافت عموم عرباں زردندہ منتشر وجاری ایکن بالآخرہ بعض قبائل بونیکلہ تخصص ایلدی . عربلردن قیافت اثر ایله الک زیادہ شهرت قازانانلر ( بنی مدجل ) و ( بنی لہب ) ایدیلر . بو معرفت قیافت نجد قبائلنک بعضلرنجه بونکونہ قدر معروف وجاریا ر . روایتہ کورہ مذکور قبائلدن بوعلمی الک ایییلنلر ( بنی مرہ ) در . بو خصوصہ او قدر فراست صاحبی ایمشکر کہ بر انسانک نہ اولدیغنی آغنک ایزندن آکلارلر ، حتی بعضاً بر دودنک آباق ایزندن او دودنک کیمہ عائد اولدیغنی کشف ایلرلر ، بر آدمک عراقلی ، یا خود شاملی ، یا خود مصرلی و یا مدینہلی اولدیغنی دہ بر کورشدہ تعیین ایدرلر مش .

علم فراست اسکی عربلرک استعمال ایتدکاری علومدندی . بونده پاک ایلری کیمشلردی . انسانک ہیئتدن وشکل ورنکندن واقوال و افعالندن اخلاق و مناقبی و حسنات و سیئاتی کشف ایلرلردی . فراست شدت ذکا ، سرعت انتقال نوعندن بر خاصہ فطریہ در .

عربلرجه شائع وجاری اولان تعبیر رؤیا علمی دخی کہانت قبیلندن برشیدی . عربلر رؤیا کوردجکہ تفسیری ایچون کاهنلرہ قوشارلردی . معافیہ کاهن اولمیانلردن بر چوق ذوات بو عالمی تعاطی ایدرلردی . بونلرک الک مشہوری حضرت ابوبکر ایدی [۱] .

زجر طیر ( قوشلر ایله تفال و تشام ایتک ) ، خط رمل ( رمل آتمق ) بویجہ داخل اولان علملر نوعندنبر . اختصار مقصدیلہ بونلر حقندہ بیان مطالعات ایتمکدن صرف نظر ایلورز .

### خامساً : زمان جاهلیتدہ علم طب

علم طب بابل کاهنلری اولان کلدانیلر طرفندن تمللری وضع ایدیلان علملر جملہ سندندر . چونکہ خستہ لقلرہ علاج بولمقلہ ایلک اشغال ایدنلر کلدانیلر ایدی . کلدانیلر خستہ لرینی زقاقلردہ و خلقک کچید محللرندہ شمہر ایدرلردی . تاکہ اورالردن مرور ایدنلردن اویلہ بر خستہ لغہ دوچار اولمش

بر آدم کچر ایسه نه ایله تداوی اولندیغی سویلسون ده اکا کوره خسته نك تداویسته بائلسون . کلدانیلر بویولنده استحصاا ایتدکاری معلومات و تجاربای لوحه لره یازدوق اولو حله لری عبادتخانه لرده تعلیق ایدرلردی . ایشته بوسبیدن انلرده طبابت کاهنلره مخصوص صنعتلردن عد اولنوردی . سائر اسکی ملتلر وازجه له عربلر علم طبی کلدانیلردن آلمشلردر . اسکی طبابتک مصرده ، فیککده و آتوریلرده بر برینه مشابه اولسی بوسبیدن نشأت ایدیور . ده اصرکه علم طب یونانیلره انتقال ایدنجه بونلر بو علمی ایلری کوتوردک تنظیم و ترتیب ایلدیلر . رومالیلره و ایرانلیلره بو علم یونانیلردن انتقال ایدی . عربلر بودولتلره معاصر اوله رق یاشادقلری جهته بونلرک علوم طبیه سندن اقتباساتده بولنه رق آلدقلری شیلری ده اول کلدانیلردن اقتباس ایتدکاری معلوماته و تجربه ایله کندیلرینک طوغریدن طوغری یه بولدقلری تداویاره علاوه ایلدیلر . ایشته بو معلوماتک طوپالامسیله زمان جاهلیتده علم طب دیدیکمز معلومات طبیه وجوده کلدی . بو معلومات طبیه دن یک چوق شیلر حالا چول قبائلنده معروف و مستعملدر . عربلرده طبابت ایکی اصوله تابع ایدی . بری کاهن و عرافلرک اصولی ایدی . دیگرکی حقیقی علاج شکلی ایدی . کاهنلر ؛ خسته لری اولجه بیان ایتدیکمز وجه ایله او قویوب او فورمک ، سحر یا مق ، یا خود کعبده قربان کسمک و دعاده بولمق ، یا خود مسخه ( نسخه ) یازمق و سائر بو کبی شیلر ایله تداوی ایدرلردی .

اوقومتی و اوقورمک ایله تداوی بتمون اقوام قدیمده شائع اولان اصوللردندر . اسکی مصر بقایای میاننده خسته لرک تداویسی ایچون توصیه اولسان بر چوق مسخه لر بولمشدر . انلردن انتقال ایدن معلوماتدن آکلاش لدیغه نظراً اوزمانلرده بر کاهن بر خسته نك تداویسی ایچون دعوت اولندیغی زمان کاهن معینده بری مسخه و دعا کتبی ، دیگرکی اجزای طبیه یی حامل اوله رق ایکی آدم بواندیردیغی حالده کیدردی . اسکی مصرلیلر هم مسخه و دعا ، هم علاجار ایله خسته لری تداوی ایدرلردی . کرک مسخه یازمقده ، کرک اوقومقده سوزی معبودلردن برینه و خصوصاً اسکی مصر



معبود لرندن ( ایزیس Isis ) [\*] و ( اوزیریس Osiris ) و ( رع Ra ) .  
توجیه ایدر لر دی . علاجی یاپار ایکن ، یاخود آنی خستهیه ایچیر رکن بر طاقم  
مخصوص دعالر اوقور لر دی . بونلره مثال اواق اوزره آتیده کی دعا خسته  
علاج ایچر کن تلاوت اولنوردی : « بتون خسته لر ایچون شفا کتابی بودر .  
ای ایزیس ! ( حوریس Horus ) ی برادری ( ست Set ) طرفندن پدری  
( اوزیریس ) اولدیر لیدیکی زمان آنک یوزندن دوچار اولدینی آلام و اواجندن  
شفایاب ایتدی کک کی بخیده شفایاب ایدر میسک ؟ ای ایزیس ، ای بیوک  
ساحره ! اوغلاک ( حوریس ) ی نصل قورتاردک ایسه بخیده مؤلم و مکدر  
وفنا و شیطانی شیلردن ، بکا عارض اوله بیلجک مزمن و اولدیر یجی و خبیث  
خسته لقارک جمله سندن شفایاب ایدوب قورتار . . . » [ ۱ ] انلرک زعمیجه  
انسانک ایچنه کیره رک خسته لقاری تولید ایدن ارواح خبیثینی چیقارمق ایچون  
مخصوص دعالر واردی . اسکی مصر لیارده بوکی شیلر فکر بشریته نصل  
مستولی اولمش ایسه عربلرده دخی عینی احوال وقوع بولمیشدر . عربلر  
خسته لقاری زماننده کندی صنم لرینه اوکی دعالر ایله خطاب ایدر لر دی .

[\*] ( ایزیس ) اسکی مصر لیلرک باشلیجه اله لر ندنر . ( اوزیریس ) ک همیشه  
زوجیه سی و حوریس ( اوریس ) ایله ( هارپورات ) ک و الهه سی ایدی . قاردشی ایله  
برلکده اوزون مدت مصرده اجرای سلطنت ایتش و هر ایکسی قطعه مذکورده  
زراعتک ترقیسنه خدمت ایتمیشدر . ( اوزیریس ) هندستانک تخیلی متعاقب  
قاردشی ( تیفون ) طرفندن اتلاف ایدیلنجه ( ایزیس ) ( تیفون ) علیه حرکت  
ایتمک اوزره براردو تشکیل و عکسک قومانداسنی ایکی شاربیه دشمنه قهرمانانه  
برصورتده غلبه ایدن اوغلی ( اوریس ) ه تودیع ایتشدی .

( ایزیس ) وفاتی عقبنده ، الهلر مرتبه سنه اصعاد ایدلدی . هر شیک پدری  
عد اولنان ( ایزیس ) بعضاً قر ، بعضاً شمس شکلنده تجسم ایدلمکده و بعضاً اوکوز  
( آپیس ) ایله مزاج اولنمده در . باشنده بونیوزلری و یاخود برکرة شمس بولندیغی  
حاله اوطومش و قرجاننده کی « اوروس » ی ارضاع ایدر بروضعیتده کنج برقادین  
دورتنده تصویر ایدلمکده در .

مصر لیلر ( ایزیس ) ک شرفته اوله رق مراسم مخصوصه ، آیدنلر اجرا ایدر لر دی .  
بتون بوشیلر بالاخره یونان و ایتالیا ده تعیم و انتشار ایتمشدر .

( فرانسزجه تاریخ و جغرافیه قاموسی )

انسانلره دخول ایتدکلرینه ذاهب اولدقلری شیطانلری ده او قومقله ، مسیحه یازمقله حیقارمق ایستیرلردی . او اعتقادات جمله سندن اوله رق بر و بادن قورقدقلری زمان مرکب کبی آکیرلردی . انسان مرکب کبی آکیرر ایسه و بادن قورقورلورمش . ینه او اعتقاداته کوره پادشاهلرک قانی نایج و کوتوروماکده دوا ی شافی ایمش .

عربلرک اجزای طیبیه ایله اجرای مداوات 'صـولنه کلنجه بو اصول ایکی مصرلیرلرده و سائر اقوام قدیمده نه حالده ایدی ایسه عربلرده ده اویله بر حالده بولنیور ایدی . عربلر بسیط اجزای طیبیه و شربتار و باخصوص بال کبی مواد ایله خسته لقلری تداوی ایدرلردی . انلرجه بال امراض بطینیه ایچون ک مؤثر دوا عد اولنوردی . بونکله برابر خسته لقلری تداویده اک بیوک اهمیت حجامت ( قان آلمق ) ، کی ( دیرر ایله داغلامق ) کبی جراحت جهتنه ویریلردی . « هر خسته لق نهایت کی ایله کیسيلمشدر . شو حالده طبابتده اک صوک چاره داغدر » جمله لری عربلرک مشهور سوزلرننددر . بر چوق دفعه اعضایی کسمک ایله تداوی ایدرلر و بو قطع عملیاتی آتش ایله وقوع بولوردی . چونکه آتش او زمانلرده بو کون بزده کی مضاد تعفن مواد یرینه قائم اولیوردی . انسانک اعضاسندن برینی کسمک ایستدکلری زمان آتشد بیوک بر بیجاق قیزدیردرق انکله او عضوی کسرلردی . نته کیم مشهور شاعرلردن ( خنسا ) نک برادری ( صخر بن عمرو ) ک آلدینی بر طعنه نک تأثیری ایله قارنده جکر کبی بر شیش ظهور ایدنجه بر بیجاق قیزدیردرق انکله او شیشی کسمشلردی [۱] .

عربلر کوز شاشیلغنی ، کوزی ، دونن دکرمن طاشنه نصب ایتدیرمکله تداوی ایدرلر و کوزک دکرمن طاشنه بو صورتله باقه باقه طوغروله جغنه ذاهب اولورلردی . او زمانکی ذهابلر جمله سندن اولوب بوکون خرافات نوعندن عد ایتدیکمز شیلردن اوله رق بر مجروح صـو ایچه جک اولور ایسه وفات ایدر زعمنده بولنورلردی [۲] . بر قادین بر شیدن قورقوب ده یورکی صغورایسه اکا صیجاق صو ایچیرلردی [۳] .

طیبیلر — طیبیلرہ کلانچہ بونلر اول امرده کاهنلردن ایدیلر . دها صکرہ عربلردن روملر و ایرانیلر ایله اختلاط ایله بو عالمی انلردن اقتباس ایدن بر طاقم آدمار طیبیلرکی تعاطی و بو علم ایله کسب شهرت ایدی . بونلرک اکثری آلتنجی عصر میلادی صرملرنده اسلامیتدن اولکی ابتیاه عربینی تشکیل ایدن آدملردن ایدی . مع مافیہ او طیبیلردن بعضلری اندن دها پک چوق اسکی زمانلرده یتشدیلر . ( لقمان ) عربلرک اسکی طیبیلر بار . مشارالیه عینی زمانده عربلرک حکیم و فیلسوفیدر . ( لقمان ) ک اصلی ایله بولندیفی زمان حقنדה اختلاف واردر . مشارالیهدن صکرہ ( تیم الزباب ) دن ( ابن حذیم ) کلیرکہ بوذات طبابتده کی مهارت و حذاقتی ایله عربلر آره سنده ضرور امثال صرہ سنہ کچمشدی . عربلر بر طیبیلرک حذاقتی کوسه ترمک ایستدکلری زمان « ابن حذیم دن دها حاذق » دیرلردی . ( اوس بن حجر ) ک شویقی اوجمله دندر :

فهل لكم فيها الى فائى . بصير بما اعى انطاسى حذیما

( حرث بن کاده ) زمان جاهلیتک اک صوک طیبیلرندن ایدی . ( ۱۳ ) نجی سنہ ہجریہده وفات ایتدی . ( بنی ثقیف ) دن وطائف اہالیسندن اولان بو ذات ایران ممالکنہ کیدرک ( جندیسابور ) ده علم طبی اوکرندکدن واورلرده بوصعتی تعاطی ایله بارہ قازاندقدن صکرہ کندی مملکتہ عودت و ( طائف ) ده اختیار اقامت ایش و بو صنعتده بیوک بر شهرت کسب ایتمش ایدی . اسلامیتک ظهورینہ یتشدی . حضرت نبی هرکیمده خستہلق اولور ایسه بو ذاتہ کیدوب کندینی تداوی ایتدیرمسنی توصیه ایدردی . ( ابن ابی رومیہ التیمی ) ، ( نضر بن حرث بن کاده ) دخی زمان جاهلیت اطباسندن ایدیلر .

ذکراولنان طیبیلردن اکثری طبابتی ایران و روم مملکتلرلرندہ اوکرنشلردی . مناسترلرده و عبادتخانہلرده و سائرده بولان کاهن و خاخاملردن طبی تلقی ایدنلرده وار ایدی . بونلر علم طبی تلقی ایدرکن بعضاً اسکی فلسفہدن برطاقم معلوماتده اقتباس ایدرلردی . نہ کیم مارالذکر ( نضر ) اوپولده اقتباسانده بولنش ایدی . قرائن احوالدن آکلاشلدیغنه کوره طبابتی تعاطی ایدنلرک بعضلری امور جراحیہ یه تخصیص نفس ایدرک طیبیب لقبندن زیاده جراح لقبی ایله اشتهار



ایدرلردی . زمان جاهلیتک الک مشهور جراحی بالاده ذکرى کچین ( ابن ابی رومیة التیمی ) در . جراحاق ایله اشتغال ایلردی [۱] .

بوندن ماعدا عربار آلره و دووه لره پک زیاده اهمیت ویردکارندن اطباءدن بمضلری بو کونکی بیطارلر قیلندن اوله رق حیواناتک تدوایسنه تخصیص نفس ایدرلردی . ( عاص بن وائل ) زمان جاهلیت بیطارلردن ایدی [۲] .

### سادسا : زمان جاهلیتده شعر

عربلرجه شعرك تعریفی مقفی و موزون سوزدن عبارتدر . حال بوکه بو تعریف نظم ایچون اطلاق اولنه بیلیر . اصل شعرك تعریفی بودکلدر . چونکه نظم شعرك غیریدر . بر انسان شاعر اولورده نظم بیلمز . کذلک بر انسان ناظم اولورده نظم ایتمیکی سوزلرده شعر اطلاقنه سزا بر شی بولماز . بونکله برابر نظمک شعره نه قدر طلاوت و لطافت و یردیکى وانک حسیانه اولان تأثیرینی نه قدر تزئید ایتمیکی قابل انکار دکلدر . هر حالده نظم شعرك بر قالبندن عبارتدر . منهای عمومیسى ایله شعره کئنجه بونی شامل اولایغی اسالیب افاده و نثرک فوقنده اوله رق حسیانه اجرا ایتمیکی تأثیرات جهتله مختصر بر عبارتله تعریف ایتمک قابل دکلدر . نثر ایله شعر آردسنده کی فرق شودر که نثرده افعال حیاتدن کوردیکمز ، یاخود استنتاج ایتمیکمز شیلری قیاسه ، یاخود دلیل و برهانه بناء افاده ایدرز . شعرده ایسه انفعالات نفسیه ایله تولد ایدن حسیاتمزی قیاس و دلیل آرامقسنزین تصویر ایلرز . شو حاله کوره نثر « عقل لسانیدر » و شعر « روح ، یاخود قلب لسانیدر » دیمک چیقار . بمضلرینک تعریفنه کوره شعر « غیر ظاهری حقائقک صور ظاهره سیدر » .

بو سببدن شعر پک قدیمدر . اسکیده اولسون ، یکیده اولسون عالمده هیچ بر ملت شعردن خالی قالمامشدر . شعر اقوامک مرات آدابی و دیوان اخلاق

[۱] طبقات الاطباء ۱۱۶ ج ۱

[۲] ابن قتیبه نك ( المعارف ) کتابی ۱۹۴

ووقائع وادیانیدر . زیرا انسان عملاً ترقی وادراکجه انتظام کسب ایتهدن اول حسیاتجه تعالییه وقلباً حرکتیه مظهر اولهرق علم ایله تکلم ایتهدن اول شعر ایله تکلم ایلشدر . وقائع بشریه نك اك اسكيسنك خیالات قبیلدن اولمسی وشعر کتابلرینک مدونات امدن محفوظ قالان شیلرک اك قدیمی بولمسی او سبیدن نشأت ایلور . بوشعر کتابلرنده اسلاف مراسم دینه وادبیه وحماستکارانه لرینی ویاخود صور انفعالات نفسیه لرندن سائر شیلری قید وتدوین ایلشلردر . هندلیلرده (مهابهاراتا Maha-Baharata) و(رامایانا Ramayan) یونانیلرده (ایلیاد وودیسسه L'Iliade et l'Odyssée) ، رومالیلرده (ایاده Enéide) ، یهودیلرده تورانک بعض اسفاری وایرانیلرده شهنامه اوملتلرک باخصوص عبادات ومعبودات جهتدن عادات ، اخلاق ووقائفی متضمن شمردن بشقه برشی دکلدردر . چونکه بیان ایتدیکمز کی شعر لسان حسیاتدر . روحده حاصل اولان انفعالاتی تصویر ایدر . نفس انکله مقصودینه ایرمک ایستر . انده قیاس ودلیل آرماز . دین ایسه تسلیمیت وعالم خیانه جولان ایچون روحه اك زیاده خادم غدارلردنر .


شعرعبرانی :- اقوام سامیه خیالاته اك چوق منجذب اقوامدن اولدقلری ایچون حواس ایله تماس ایتین اعتقادانه سائر مللدن زیاده میل ایتدکلری کیینه بوسبیلله تصورات شاعرانه ده اقوام سائرلردن زیاده ایلری کیتمشلردر . اقوام سامیه نك براتدقلری آثار شعریده بونی پك آجیق کوردسکیز . سامیلرک بوقیلدن اك اسکی اثری توراندردر . تصورات شاعرانه تورانک اك اسکی اسفارنده کورلمشدر . (سفر تکوین - کتاب تکوین) (ص ۴۳۷) ده (لامک) ک کندی ایکی زوجهمسی (عاده) و (صله) یه توجیه ایتدیکی سوزلر ؛ تمامی ضائع اولوب یالکیز مطلعی قالمش اولان واصل عبرانیسی موزون ومقفی شعر اولدیغی کوسترمکده بولمان برنشیده (منظومه) نك برقسمندن بشقه برشی دکلدردر [\*] .

[\*] ذکر اولنان عبادنك نفسی شودر :

۲۳ ولامک زوجهلری عاده ایله صلهیه ای لامک زوجهلری سوزیمی ایشیدوب کلامی دیکلرکیز زیرا یاردم ایچون بر آدم وبرم ایچون بر حیوان قتل ایلدم ۲۴ ایدمی قاین ایچون یدی قات انتقام آنور ایسه لامک ایچون یتش یدی قات [آنور] دیدی . تورانک ترکیه ترجمه سی

بو سوزلر عبرانیاردہ منظومآک ک قدیمی و علی الاطلاق بتون عالمده قافیلی اشعارک اسکینی تشکیل ایدر .

توراتده تصورات شاعرانه قیلندن دها یک چوق مثاللر واردر . حضرت موسی النده ایکی لوحه شهادت بوندیغی حالده طاغدن ایندیکی زمان ( خروج



اندلسده اشبیلیهده القصر سرائیک برصالونی

٣٢ : ١٧ ) یسوع  
حضرت موسایه اردوده  
بر محاربه سسی واردر  
دیجه حضرت موسی :  
« اوسسن مظفریت ،  
یاخود هزیمت سسی  
دکلدر . ایشیتدیکم  
تغنی سسیدر » جوانی  
ویرمشدی [\* ] . بو  
فقر دنک بریت اولدیغی  
و حضرت موسی انی بو  
موقعده صرف ایلدیکی  
ظن اولنیور و قس علیه .  
توراتده ( سفر ایوب )  
کی بر طاقم اسفار دها  
واردر که بونلر بستانون

شعردر . حتی ( سفر ایوب ) ک فی الاصل بر شعر عربی اولدیغی ده روایت اولنیور . ( سفر اشعیا ) ، ( مزامیر دارد ) وسائر هپ شعردر . شعر عبرانی حضرت ( سلیمان ) زماننده حکمران ارلان آ-ایش وانتظام ، وسعت ملک ،

[٥] عبارت اصلی شودر :

« ١٧ وقوم چاغرشدقلرنده یسوع صدالریغی ایشیدوب موسایه اردوده محاربه صداسی وار دیدی - ١٨ او دخی بو غالب اولانلرک صداسی ( عبرانیجه چاغرش صداسی ) دکل ومغلوب اولانلرک صداسی دکلدر . بن ترنم صداسی ایشیدورم دیدی »  
توراتک ترکیه ترجمه سی



اهاليك معيشتجه حاصل اولان بولاق ورفاهيت سايه-مند، اك عالي دورينه وارمش ایدی . عربلرجه (مأمون) ك زمانی نصل بر دور زرین ايسه موسویرلجاده حضرت سايانك دوری اویلهجه بر دور زرین عد اونور. برده (مأمون) نصل حكیم وشاعر ایدی ايسه حضرت سايان دخی حكیم وشاعر ایدی .

شعر عربی : — عربلر عربانلر كی اقوام ساميه دن اولق حسیله شعر سويككده، وعالم خیاله طانقد، انلر كی براسه مدد فطری به مالكدردلر . نضله اوله رق عرب لسانی حائر اولدینی الفاظ مترادفه ومتوارده واسالیب معانی و بیان جهتيله تصورات شاعرانه یی افاده یه عربانیدن ها زیاده مستعددر . اقلیم واحوال معیشتی نظر رق آله حق اولور ايسه ك عربلر ك چوللرده، امرار حیات ایللرندن وحرکات ، فکرو سائر احوالده حر ومستقل بولملرندن طولایی تصورات شاعرانه یه عربانلردن زیاده لیاقت صاحبی اولدقلرینی کوروروز . بوجهتيله عربلر ك اکثر انعارینی حاسیت وفروسیت قیابندن اولان شیلر تشکیل ایدردی . عربانلر ك اشعارینه کلنجه بونك خواص ممیزه یی ذلت ، انكسار وتدین دن عبارت ایدی .

شعر ك نظمی کیفیتده، اقوامك طوطقاری اصولار مختلف اولمقيله برابر شعر علی الاكثر منظوم اولور . بعض ملتار شعر ك منظم اولمسی ايله اکتفا ایدردك قافیه یه اهمیت ویرمدیار . بعضلاری انك عكسی اوله رق شعری غیر موزون ، قط مقفی یا بدیار . بعضلاری ايسه شعر ك هم موزون ، هم مقفی شكانده اولمسی التزام ایلدیار . عربلرده شعر ، منظوم وقافیه لی اولق شرطدر . یوقسه اوکی سوزلر ، یعنی منظوم ومقفی اولیان جمله لر شعر نوعندن عد ایدلر . حل بوكه قاردشاری اولان سریانیلر ايله عربانلرده اشعار ك شكلی انك عكسیدر . اسکی سریانیلر ( افرام سریانی ) و ( اسحق انطانی ) نك شعرلرنده اولدینی كی شعرده قافیه التزام ایتكسزین یالکیز نظم ايله اکتفا ایدرلردی [ ۱ ] . عربانلر ك اشعارنده ايسه نه وزن ، نه ده قافیه آرانیردی . بلکه یالکیز قافیه جهتی التزام اولورددی . بوسبیدن عربانلر قافیه ايله برابر تصورات شاعرانه دینی یی حاوی

اولان آیات قرآنیہ فی ایشہ تدکری زمان کہندی لسانلرندہ کی شعرہ قیاساً انی شعر ظن ایتملردی .

هیچ شبهه یوقدرکه قافیہ و وزنک برطنائیتی واردرکه بوطنائیت معنای شاعرانهک نفسہ اولان تأثیرینی تزیید ایدر . فقط هیچ بروقت یالکز وزن وقافیہ سوزی شعر یاپہ ماز . خطابت موزون ومقفی اولمدینی حالده انسانہ تأثیر وحسیاتی تهییج ایلپور . بوده تصورات شاعرانه نوعندندر . لکن مقفی وموزون دکدر . خطابت حقنہ بحث مخصوصندہ معلومات لازمی ویرہ جکر .

نظم اصولنی فصل بولمبار ؟ : — بیان ایتدی کمز وجہ ایلہ عربلردہ تصورات شاعرانه فطری برشی ایساده نظم صنعی اوله رق صکرددن حادث اولمشدر . احتمال کہ اول امرده شعری ضروب امثال قبیلندن حفظ وتداول ایدلک اوزرہ مختصر عبارلردن تشکیل ایتلشدر . امثال حکمیہ ده بوقبیلنددر . قرائن احوالندن آکلاشیامورکہ شعراو حالده ، یعنی امثال قبیلندن اوله رق برچوق عصرلر کچیرمشدر . بوندن صکرہ بری مثل سویلرکن سوزی بالتصادف بر ، یاخود بربرینہ یقین معنادہ ایکی ضرب مثل شکندہ مسجع ایکی قسم یامش . بوسجملرک ظهوری ایلہ سوزده برطنائیت کورمکله انی بر مقام ایلہ ترنم ایتش . خلق بونی انک آغزیدن ایشیدینجه اندن اقتباس ایلہ سونج زمانلرندہ ، یاخود دوهار آرقه سنده تغنی ایتمکله باشلامشار . معلوم اولدینی اوزرہ لسان تغنی ؛ براسان طیبیدر . بوصورتلہ وزن وقافیہک طنائیتی خالقک خوشنہ کیدرک برقافیہ اوزرینہ بر ویاخود ایکی مصراع علاوه ایتملر . بونک اوزرینہ الک بسیط حالده ( رجز ) وزنی ظهور ایتش . بر مفاخرہ ، یاخود مشائمہ ، یاخود معافره ( جاہ و رفعت مسابقہ سی ) ایچون برشاعرک قریحہ شاعرانه سی تهیجه کلدیکہ ( رجز ) دن ایکی ، اوچ بیت شعر سویلہرک عصرلر کچمش . مرور زمانلہ بیوک برشاعریتشدیکہ شعرده تدریجاً ترقیات وقوع بولمش . اوقبیلدن ( عجاج ) و ( اغاب عجلی ) نامندہ کی شاعرلر ( رجز ) ده ترقیات واصلاحات اجرانہ موفق اولانلر جمله سنده ذکر اوانیورسده بواسلاحات وترقیاتک زمان وقوعی حقنہ معلومات ویرایور .

قصیدہ لرہ کلنجه بوكا كشایش ویرنلرك اك مشهورلری امام الشعراء (امرو القیس) ایله بشنجه عصر میلادی رجالتدن اولان بیوك پدری (مهلهل) در . روایتہ کوره عربلرده ایلك قصیده سویاین بو (مهلهل) و قصیده لری ایلك اوزون یاپان ، شعرده ایلك تنوع و تفنن کوسه تن ، شعره کشایش ویرن ، آغلایان (امرو القیس) ایدی . آنلری سریع الحركه قره قوشلره ، کیکاره ایلك تشبیه ایدن ینه (امرو القیس) در [ ۱ ] . (امرو القیس) كذلك عربلرده ایلك رقیق غزل و سائره یاپان ذاتدر . احتمال که (امرو القیس) روم ممالکته وقوع بولان سیاحتلرنده انلرك ، یاخود یونانیلرك اشعارینی ایشیده رک شعر عربیده بوترقیاتی وجوده کتیرمکی دوشونمشدر . ذاتاً ذکای نظری اختلاط ایله برقات زیاده پارلار . مشار ایله قریحه شاعرانه سنی او تکملاتی کورمکدن حاصل اولان معلومات ایله تقویه ایدرك شعر عربییه ادخال ایتدیکی تجدداتی یاممشدر . دور جاهلیت شعراسی روم ممالکته پک نادر اوله رق آفاق باصارلردی . بونار بلاد عربدن چیقسه لر بيله پک نادرلری مستثنی اوله رق ( بنی نسمان ) یاننده ( بلقا ) دن و ( آل منذر ) یاننده ( حیره ) دن اوتیه کچمزلردی .

عربلر من الازل طبیعت شاعرانه ایله مفوظدرلر . چونکه اولافطرة خیال صاحبی اولان اقوام سامیه دندرلر . ثانیاً چوللرده اقامت ایدرك حریت واستقلاله آلیشمش بر قومدرلر . ثالثاً امور و خصوصات بداوتکارانه لری ، آردلرنده مخاصمات و مفاخراتک حدوشنه سبب اولمش . بویکی احوال ذهنی ، قریحه یی آجغه خدمت ایدر . رابعاً اسانلریك نظمه پک زیاده قابلیتی واردر . عربلر پک اسکی برمات اولدقلری ایچون اك اسکی زمانلرده شعر تنظیم ایتمش اولملری اقتضا ایدر . حال بوکه عربلرك آثارندن کوردیکمز اك اسکی شعرلر اسلامیتدن اول ایکی عصردن اوتیه یی کچمبور . عجباً عربلر اوزمانلردن دها اول شعر سویاه میورلرمی ایدی ؟ فکر مزه قالیر ایسه عربلر اوزمانلرده عبرانیلر کی شعر تنظیم ایلشیلر ایدی . یوقاریده ذکر کی کچن ( سفرایوب ) ک او اسکی عرب اشعار ی بقایانندن اولسی و بونک لسان عبرانیده محافظه ایدیله رک اصل عربیسنک ضایع اولمش بولنسی احتمال داخلنده در . بوشعر عبرانیده حفظ



ایدلماش اولسه ایدی عربلرک اوقویوب یازمه بیلما ملرندن و اوقویوب یازمق بیان ملترلر دن اوزاق بر حالده یاش-املرندن طولانی سائر اسکی عرب اشعار ی کبی ضائع اوله-بقدی .

عربلر ده شمرک کترنی : — عربلرک اسلامیتدن اول وقوع بولان صوک انتباهلری صره لرنده کی زمانه عائد اوله رق بزه ترك ایتدکاری اشعارک چوققلنی دها اسکی زمانلرده ده کثرتله شعر یابدق لرینه دلیل تشکیل ایدر . عربلر او صوک بر ، یاخود ایکی عصر ظرفنده اوقدر چوق شعر تنظیم ایتشملر دررکه دیگر ملترلرده ، باخصوص بداوت زمانلرنده ، برقچ عصر ظرفنده اوقدر شعر یالماش-سدر . ( هومر ) ک ( ایلداد و اودیسه ) سی یونان زمان جاهلیتته منسوب اشعارک قسم اعظمی تشکیل ایدیور . حال بوکه او ایکی اثر منظومک عدد اییاتی ۳۰,۰۰۰ ی کچمز . کذلک هند لیلرک ( مهابه-اراتا ) سی ۲۰,۰۰۰ و ( رامایانا ) سی ۴۸,۰۰۰ [ ۱ ] بیتدن فضله دکلر . عربلر ده کانهجه قبل ال-سلام صوک انتباهلری انساننده تنظیم ایتدکاری اشعاره دائر کوردیکمز معلوماته کوره بونلر ذکر اولان مقدارلر دن قات قات فضله شعر سویلشاردر . عربلر منظوم-لرینی بیت ایله دکل ، قصیده لر ایله تعداد ایدرلردی . روایت-ه کوره ( کتاب الحماسه ) مؤلفی ( ابو تمام ) زمان جاهلیت شعر اسنه منسوب اولمق اوزره قصائد وه قاطیع دن ماء-دا ۱۴,۰۰۰ ارجوزه حفظ ایدردی [ ۲ ] . ( حماد راویه ) [ \* ] حروف هج-ادن هر حرفک قافیه-سندن بیسک قصیده اولمق اوزره ۲۷,۰۰۰ قصیده ازبر ایتش ایدی [ ۳ ] .

خلیفه ( رشید ) زماننده یتیشن عرب تاریخ و ادبیاتی علماسندن ( اصمعی ) ۱۶,۰۰۰ ارجوزه [ ۴ ] و ( ابو ضمضم ) ده جمله-سنگ اسمی ( عمرو ) اولمق اوزره یوز شعرک اشعارینی حفظ ایتشملر ایدی [ ۵ ] . بوروایت-لرده مبالغه

[ ۱ ] Litt. Hist. of India 213

[ ۲ ] ابن خلکان ۱۲۱ ج ۱ [ ۳ ] النجوم الزاهرة ۲۰ ج ۱ [ ۴ ] ابن خلکان

۱۲۱ ج ۱ و طبقات الادبا ۱۵۱ [ ۵ ] الشعر والشعرا ۴

[ \* ] حماد راویه — اصلاً دلیلی اولان بوذات اسکی عرب محاربات مشهور-سنی،

اشعار ی ، انسانی ، تاریخی حقنده خارق العاده احاطه و معلومات صاحب اوله رق کر-قه ده یتیشن اک بیوک علامدن ایدی . عصر-ینک علامه بنی مدانیسی اولدینی ایچون بنی امیه

بولندینی مظلون اولمقلہ برابر ینہ بونلر عربلردن قالان منظوماتک پک چوق اولدیغنه دلیل تشکیل ایتمکدن خالی قالماز . باخصوص دور اسلامیتده کی شعر راولیرینه انتقال ایدن شیلرک آنجق زمان جاهلیت اشعارندن برقمی اولدیغنی نظر دقته آلیرسق . چونکه زمان جاهلیت شعرلی راولیرندن برچوقلری فتوحات اسلامیہ اثناسنده مقتول اولملار ایدی . بوجهتله بونلرک حافظه لرنده بولنان اشعارده انلر ایله برابر ضائع اولوب کیتدی . (ابو عمرو بن العلام) دیورکه : « عرب اشعارندن سزه آر برشی قالدی . او شعرلر تماماً سزه انتقال ایتمش اولسه ایدی دها پک چوق معلومات و اشعار کوردیکیز » [ ۱ ] .

فضله اوله رق عربلر پک چوق اشعار تنظیم ایتدکلری زمان یونانیلری و هندیلری شعر تنظیمنه سوق ایدن دولت ، اتحاد ، دین و سائر صاحبی اولق کبی بر باعث و مشوقه نابع اولمیه رق همان حکومتسز و ذکر اولنان سائر اسباب تشویقده دن محروم بولنورکن محضاً فطرتلرنده مندمج اولان طبیعت شاعرانه یه تبعاً شعر سویلکه قویولملاردی . اولیه اولسه ایدی رومالیلرده وقوع بولدیگی کبی شعر تنظیمی ایچون دولت تشکیلی ایله قریحه لری آچیلنجیه قدر بکلیه جکلردی .

ملوکی آره صره کندینی نزدلرینه دعوت و مالماسدن استفاده ایدرلردی . برکون ملوک امویه دن ( ولید بن یزید ) حماد دن ( راویه ) اسمعی هانکی استحقاق ایله احراز ایتدیکی صورار . حماد شوجوابی ویریر : « چونکه طایفدیکیز ، یاخود نامی ایشیتدیکیز نه قدر شاعر وار ایسه جمله سنک اشعارینی حافظه مده طوطقدن ماعدا نامی طایف یفکیز ، ایشیتدیکیز اندن دها پک چوق شعرانک اشعارینی ده حفظ ایدرم . اوکده هیچ بری بر شعر سویلرکه او شعرک اسکی ، یاخود یکی اولدیغنی درحال آکلایه مایم . » ( ولید ) : « او حالده نه قدر شعر حفظ ایدرسک ؟ » دییه توجیه سؤال ایدنجه حماد : « پک چوق . سزه اشعار جاهلیه دن اولق اوزره قطعه لردن ماعدا حروف هجاءن هر حرف اوزرینه یوز بیوک قصیده ایزردن سویله بیلیرم » دییه جواب ویریر . بونک اوزرینه ( ولید ) سنی امتحان ایدمکک دیر . ( حماد ) انشاده باشلایه رق ساعتارجه شعر سویلر . ( ولید ) آرقه سی کلین بواشعارک کثرتدن ملال کتیردیکندن کندیسنه امنیت ایتدیکی برذاتی کندی طرفندن وکیل اتخاذا ایدرک براتیر ، کیدر . ( حماد ) متادیأ ایزردن شعر سویلر . ایکی بیسک طقوز یوز قصیده سویلینجه او ذات « طور » دیر . بومدار کافی کورولور . حافظه نک بودرجه وسعتی طوغریبی شایان حیرتدیر . ( حماد ) ۹۵ سنه هجریه سنده تولد و آلتش یاشنده اولدیغی حالده ۱۵۵ سنه سنده وفات ایتشدیر . ( ابن خلکان ) مترجم


چونکہ رومائیلر شعری دولت تشکیلندن برقاج عصر صکرہ تنظیم ایلشلردر .  
 لائن شعرى آنجق رومانك تأسسك سكرنجی عصرى صردلرنده ( برنجی عصر  
 میلادیده ) اوغسطس ( اوغوست Auguste ) و طیباربوس ( تیبه Tibère )  
 زمانلرنده دور زريننه بالغ اولمش ، دها صکره دور انحطاطه دوشمشدر .  
 بوکونکی اوروپا اقوامنده عین حال وقوع بولمشدر . چونکہ بونلرده شعر  
 آنجق دولت تشکیل ایتدکن و علوم و معارفده ایلری کیتدکن صکره دور  
 تکمله ایرمشدر .

شعرک اقامی : — شعر موضوع اعتباریله ایکی بیوک قسمه  
 منقسمدر . برنجیسی شاعرک کندی حسیاتی ، یاخود کندیسنه تعلق ایدن  
 اشخاصک ( قبیله و ملتک ) حسیاتی متضمن اولور . ایکنجیسی شاعرک  
 سائرک احوالی توصیف ایتدیکی اشعاردن عبارتدر . برنجی قسمه اوروپالیلر  
 Lyric یعنی شرقی ، یاخود موسیقی نامنی و بریرلر . بواسم ( عود ) معناسنه  
 اولان Lyre دن کلیور . محبت ، اشتیاق ، عشق ، مرثیه ، حماسه ، فخر ،  
 انتقام نوعندن اولان نفسک تحسسانی ایله امثال وحکم و سائر کبی کثرت  
 تجربه و تعقل ایله حاصل اولان شیلر بوقسمه داخلدر . ایکنجیسی شعرک  
 سائر انواعی شاملدر . اوروپالیلرجه Epic نامی ویریلن شعر قصصی ( وقعه  
 تصویرینی متضمن اشعار ) و Drama نامی ایله معروف اولان شعر وصفی  
 و تمثیلی ( تیاترویہ دائر اشعار ) بوقسمه تابع اولان انواع جمله ساندندر .  
 اقوام سامیهک و باخصوص عبرانیلرک اکثر اشعاری برنجی قسمدندر .  
 عبرانیلر مرثیه خوانلقده ، آغلامقده ، اعلان شکایاتده جهانده کایلری موقعی  
 طوتارلر . توراندهکی ( مزامیر ) و ( مرثی ) و سائر تحسسات قیلندن  
 و ( امثال ) و ( جامعه ) ایسه حکم نوعندنر . اجمالاً دینیه بیایرکه عبرانیلرده  
 تخیلات شاعرانه تعبد ، تشکی ، تسلیعیت کبی حسیات دینیه منصرفدر .

عبرانیلره اطلاق اولنان بومطالعات عربلر حقیقه دخی اطلاق اولنه بیایر .  
 شوقدرکه عربلرده تخیلات شاعرانه کندیلرینک حال و موقعلرینک ایجاب  
 ایتدیکی مفاخره ، حماسه ، غزل ، قلیج و آت توصیفی کبی شیلره منصرف  
 اولمشدر . عرب اشعارنده اوندن زیاده انواع شعر تعداد ایلشلردر . بونلرک



اکثری غزل ، فخر ، مدح ، هجاء ، عتاب ، اعتذار ، زهد ، رثاء ، تهنیت ، وعید (تہدید) ، تحذیر ، حماست کی تحسیناتی مصور اولان (شعر موسیقی) قبیلندن و بعض لری زہریات و خمریات (چیچک و شرابہ دار اشعار) کی وصف ، بعض لری دہ اخلاق و حکمت کی مواظف نوعدنددر . بونلرک معنلری تدقیق اولنور ایسه شاعرک حیات شخصیه سنی ، یاخود منسوب اولدینی قبیلہ نك حسیاتی مصور شیلردن عبارت کورولور .



اصفہانہ جامع کبیر

شعر وصفی ، یاخود شعر قصصی یہ کنجہ بونک اساس اعتباریہ لسان عربیہ موجود اولمدیغنی سوبلیہ مزسہ کده شعر عربیہ و باخصوص زمان جاہلیہ عائد اشعار میانندہ بوکی شعرلرک آز بولندیغنی اعتراف ایتمکہ مجبورز . بو نوعدن بولنه بیان اشعار عربیہ بعض آلات وادواتک ، یاخود بعض حیواناتک ، یاخود بعض قیصہ و قائلک توصیفاتی حاوی شیلردن عبارتدر . (هومەر) ک (ایلداد) ی و (فردوسی) نک (شہنامہ) سی طرزندہ اولان

شعر قصصی یہ کنجہ عربلر دہ بو نوعدن آثار شعریه یوقدر . بونکلہ برابر اوطرزندہ اثر بولنمہ امسی عربلرک اوکی اثرلر نظم ایتدکلرینی کوسترمز . قویاً ظمنزہ کورہ عربلر کندی قبیلہ لری آرمہ سندہ وقوع بولان مشہور محارباتک

صفحاتی نظم ابتدکاری حالدہ عدم قید وتدوین یوزندن اوشعرلر ضائع اوله رق اندردن یالکیز هر قصیده سی بر وقعه نك تمامنی ، یاخود بر قسمنی ناطق بر طاقم پارچه لر قالمش وظهور اسلامیتدن صکره شعر قید وتدوین ایدلدیکی زمان اثر اولین اولمق اوزره بوبارچه لر قید اولمشدر . طوتدیغمز اختصار مسلدیکی بوبابده دها زیاده ایضاحات اعطاسنه مساعد دکلدر .

عربلرده شاعریب فطری وعمومی ایدی . ایچلارنده شعر سوبله بهینلر يك نادر بولنوردی . حتی مجنونلر وخرسزلر بیله شاعر ایدیلر [ ۱ ] . ارککلر نصل ایسه قادینلر دخی فطرت شاعریب ایله مفعول اولدقلرندن بوناردن ده يك چوق شاعرلر یتشمش ایدی . عربلردن شاعر اولمیلر شعر انشادینه مخصوص اجتماعکاء عمومیلره دوام ایدرک شعردن مستفید اولورلردی . چوق دفعه ار قادینلر دخی شعر انشاد ، شعرائی یان و تذکار ، شعرلری تنقید ویا نقیدر ایتک وشعراک یکدیگرینه تفوق ورجحانی تعیین ایلک ایچون مجلس قورارلردی [ ۲ ] . بر چوقلری هنوز سن طفولیتده ادبیات وشعر حقنده هییچ معلومات آلماش ایکن شعر تنظیم ایدرلردی [ ۳ ] . عربلردن قریحه سی شعره منطالق اولمدن هرکیم بیورسه بو حال انک ایچون برنقمان ومنسوب اولدینی قبیله ایچون برعیب عبد اولنوردی .

شعراک مرقعلری : — بوجهتله عربلر شعر تنظیمنه وکوزل سوزسویلیکه چوجقمالریک غیرتلیخی تحریک وانجذابلریخی نزیده صرف مساعی ایلرلردی . چونکه زمان جاهلیتده شعرا عرض حامیلری ، وقایع وآثار حافظلری ، معلومات ناقللری ایدیلر . بامکه عربلر کندیلرندن بیوک بر شاعر یتشمسنی بیوک بر قوماندانک یتشمسنه ترجیح ایدرلردی . بوجهتله برقبیلده بر شاعر یتشدیکه سائر قبائل اوقبیلنک نزدینه کلهرک بیان تهئت ایدرلر ودوکونلرده یایدینی کبی یمکلر پیشیریلرک وقادینلر طوبالانوب عود چالهرق اظهار شادمانی اولنوردی . بیوکلر ، کوچکلر یکدیگریخی تبریک ایدرلردی . چونکه اوایله برشاعره مالکیتک عرضلریخی سائر شعراک هجومندن همایه ، نسب وحسبلریخی

(۱) البیان والتبیین ۱۶۴ ج ۲

(۲) اغانی ۱۵۰ ج ۱ (۳) ابن خلکان ۲۳ ج ۲

وقایہ، قبیلہ، عائد احوال ووقائی تخلیدہ وناملری اعلایہ خدمت ایدمچکنہ قانع ایدیلر [۱] . فی الواقع دور جاہلیت عربلرینک وقائع و آداب وعلوم و اخلاقنہ دائر بزہ واصل اولان شیرلر آنجق او شعرلردن منقولدر .

دور اسلامیت عربلری سلفلری اولان دور جاہلیت عربلرینک زمانہ متعلق وقوعات و محاربات و سائر دی انلرک متروکات شعریہ سندن استخراج ایدیلر . ( سجستانی ) آنجق او سایہ ( کتاب المعمرین ) فی یازہ بیلدی . ( ابن قتیبہ ) و سائرہ کبی علما دخی اسکی شعرانک احوالی آنجق انلرک شعرلردن آکلایہ رزق احوال شعرایہ دائر اثرلر وجودہ کتیردیلر . شہرلرک ، طاغلرک ، درہلرک ، اراضی منخفضہنک تعریفات و توصیقاتی ہب او شعرلردن آئندی . ( جاحظ ) ک ( کتاب الحيوان ) ی و ( ابو حنیفہ دینوری ) نک ( کتاب النبات ) ی کبی حیوانات و نباتاتہ دائر یازیلان مؤلفانک اساسی دہ او شعرلر تشکیل ایتدی . عربلرک جاہلیت زمانلرندہ تابع اولدقلری ادیانک نہ اولدینی او شعرلردن اوکر ندیکی کبی ضیافتلردہ ، فروسیتدہ ، دوگونلردہ ، ماتملردہ و سائر دہ نہ کبی عادات و آدابہ رعایت ایتدکلرینہ دائر ہر نہ بیلنمش ایسہ ینہ ہب او شعرلر سایہ سذر اوکردنلدی .

عشیرتلرینک عرض و نامی بلاغت شعریہ لریاہ مدافعہ و حمایہ ایدن بعض شعرا ذکر ایدیلور . ( زیاد اعجم ) ک ( عبدالقیس ) قبیلہ سنی ( فرزدق ) ک لسان ذمندن و ( عتبہ بن ربیعہ ) نک ( بنی قصی ) ی صیانت ایتملری کبی . بو یولده حرکت ایدن دہا پک چوق شاعرلر واردر [۲] .

اسکی زمانلردہ عربلر شعر و شعرایہ اظہار حرمت و تعظیمدہ او قدر ایلری کیمشئر ایدی کہ اسکی شعردن یدی قصیدہ انتخاب ایدرک بونلری آلتون مرکب ایلہ قباطی ( مصر قماش ) اوزرینہ طولامبا جلی برشکلده یازدقن صکرہ کعبیہ آصمشلردی . معالقات ایشته بونلردر . معلقاتہ بوجہتہ مذہبات دخی اطلاق اولنور : ( امرؤ القیس ) ک مذہبسی ، ( زہیرک ) ک مذہبسی کبی [۳] .

[۱] مضرہ ۴۲۶ ج ۲

[۲] بلوغ الارب ۹۱ ج ۳

[۳] العقد الفريد ۹۳ ج ۳



مع مافیه بعضاری مذهباتك معلقاادن بشقه اشعار اولدیغنی ادا ایدر . زمان جاهلیتك الكزیده شعری قرق طقوز شاعره منسوب ۴۹ قصیده دن عبارتدر . بوقصیده لر هربری یدی قصیده یی حاوی اولمق اوزره یدی مجموعه یه منقسمدر . هر مجموعه شو صورتله بر نام مخصوص ایله یاد اولنور : معلقات ، مجهرات ، متقیات ، مذهبات ، مرثی ، مشوبات ، ملحمات . بونلر ( ابو زید انصاری ) نك ( جهره اشعار العرب ) نامنده کی کتابنده جمع ایدلمشدر .

شعرك : تأمیری : - شعرك عرض ونامك حمایه سنه تأثیرینك سببی عربلرك منطور اولدقاری حس حماسه وخیال جهتیله بلیغ سوزلردن يك زیاده متأثر اولملری وبله یه یالکیز بر بیتك کندیلمی آیقلااندیروب اوطورتمغه کافی بولمسی در . بوسببله شعراك هجولردن قورقارلر و مدحاری ایله افتخار ایدرلردی . حتی حضرت عمر ایکی شاعر آره سنده وقوع بولان بر اختلاف کندیسنه عرض اولنسه ایشه کیریشمکدن چکینیردی . اختلافك حافی ( حسان بن ثابت ) کی ذواته حواله ایدردی [۱] . حضرت عمر بر ده خالق زباندرازلقده بولنور - ایسه اخطار وتکدیره مراجعت ایتمکسزین شدتلی جزایه دوچار ایتك اوزره ( خطیبه ) نامنده کی شاعره اوچ بیک درهم ویره رك بردها فناشیلر سویله میه جکینه دائر کندیسندن بر تعهد آلمش ایدی [۲] . عربلر اخلافه قالدیرده تداول ایدر دییه هجودن اوقدر قورقارلر ایدی که قبائل آره سنده وقوع بولان محاربه لرده بر شاعر اسیر دوشر ایسه کندیلمی هجو ایتیه جکینه دائر اندن تعهدلر آلیرلردی . بعضاً ینه بو مقصد ایله شاعرك لسانی بر پارچه قایش ایله باغلارلردی . نته کیم ( بنی تیم ) یوم کلاب ایله معروف کونده ( عبدیغوث بن وقاص ) نامنده کی شاعری اسیر ایتدکلری زمان انك لسانی اوילה باغلامشاردی . شاعر مومالیه بو حالی مفید اوله رق شو ایکی یقی سویلش ایدی :

اقول وقد شدوا لسانی بنسعة  
وامعشر تیم ! اطلقوا من لسانیا  
واتضحك منی شیخة غبشمة  
کأن لم تر قبل اسیراً یمنیا [۳]

[۱] البیان والتبیین ۹۷ ج ۱

[۲] فوات الوفات ۹۹ ج ۱

[۳] البیان والتبیین ۱۷۱ ج ۲

عرب بلر شعرا طرفندن مدح اولنق ایچون الدن کان هر درلو فدا کارلخی اختیار ایدرلردی . چونکه او زمانه کوره شعرا هر کیمی مدح ایتسه لر او آدمک موقع و اعتباری یوکسلیردی . مدوحک قیزلری وار ایسه قولایجه قوجه بولورلردی . نته کیم ( الاعشی الاکبر ) نامنده کی شاعر ( عکاظ ) بازار ادبنده ( محلق ) اسمنده کی ذاتی برقصیده ایله مدح ایدنجه ( محلق ) بوقصیده ایله شهرت قازانش وودر حال قیزلری نشانلانمشدی . شعرادن ( مسکین دارمی ) دخی سیاه یشماق قویان کوزل برقادیغی ایکی بیت ایله مدح ایتمکله کسماده اوغرایان سیاه یشماقلرک سورومنه سبب اولمش ایدی . او ایکی بیت شونلر ایدی :

قل للملیحه فی الحمار الـاود      ماذا اردت بناسک متعبد  
قد کان شعر للصلاة ثیابه      حتی قعدت له بباب المسجـد

بونک اوزرینه خاق سیاه یشماقلره رغبت ایدرک یشاق صاتان ناچرک یاننده بولنان سیاه یشماقلرک جمله سی صاتمشدن [۱] . دور اسلامیده شعرک تاثیر حقا یازه جغمز بحث صره لرنده بوموضوعه دائر اولان سوزی اکال ایده جکز .

شاعرلرک الثقی : — اسکیده شعرادن هر بری کندی شعرنده وارد اولان برسوز ایله تلقیب اولنوردی . ( عوف بن سعد بن مالک ) ، کنديسنک : الدار قفر والرسوم کما ( رقص ) فی ظهرا لادیم قلم

ییتندن طولای ( ارقش ) — بنکلی — اقبی ایله تلقیب اولنمش ایدی . کذلک ( جریر بن عبدالمسیح ضبعی ) نامنده کی شاعر دخی کنديسنک :

وذاك اوان العرض حتی ذبابه      زنا ییره والازرق المتلمس

ییتنده وارد اولان ( متلمس ) لفطندن طولای بولقب ایله معروف اولمش ایدی . ( زیاد بن معاویه الذببانی ) ده او یله بریتک بر لفظی اولان ( نابغه ) ایله تلقیب ایدلمشدی . ( محرق ) ، ( افنون ) ، ( تابط شرا ) ، ( اعسر ) ، ( متوعر ) ، ( اعسر ) ، ( طرفه ) ، ( ذوالرمه ) ، ( مزرد ) ، ( عوبق ) ، ( جران العود ) ، ( عجاج ) ، ( موسی الشهوات ) ، ( رقیات ) ، ( صریع الغوانی ) ، ( غبار العسکر ) ، ( مقبل الريح ) وسائر القاب شعرا او یله برر وسیله نك نتیجه می ایدی [۲] .

عرب قبائلی درجات شاعریتده متفاوت بولنیوردی . قبائلدن مزیت شاعریت ایله اڤه زیاده ممتاز قبیله ( ربیعہ ) ایدی . کبار شعرادن ( مهلهل ) ، ( مرثی اکبر ) ، ( مرثی اصغر ) ، ( طرقة بن العبد ) ، ( عمر بن قیثه ) ، ( حارث بن حلزه ) ، ( ملمس ) ، ( اعشى ) ، ( مسیب ) عمومأ بوقبیله یه منسوبدرلر . دها صکره شعر ( قیس ) قبیله سنه انتقال ایلدی . فحول شعرادن ایکی نابغه ( نابغه ذبیانی و نابغه جمعدی ) ، ( زهیر بن ابی سلمی ) ، ( ربیعہ ) ، ( لید ) ، ( حطیثه ) ، ( شماخ ) و سائرہ بوقبیله دندره . بالآخره شعر ( تمیم ) قبیله سنه کچرک بوراده یرلشدی . ( مضر ) شاعری ( اوس بن حجر ) بوقبیله شعراسندندر . ایکنجی درجه ده ( هذیل ) قبیله سی و سائرہ شاعرلری کایر . همیریلردن ده برطاقم شعرا وار ایدی [ ۱ ] . شایان استغراب شایلدندرکه عربلر قریش قبیله سنک هر بشیده کندیلرینه تقدم ورجحان صاحبی اولدینتی تسایم ایتدکلری حامده یالکیز شعرده اکا بوحق فائیتی ویرمزلردی [ ۲ ] . قرائن احوال دن آکلاشیلدیغنه کوره عربلرک عرب اولمیانلر ایله اختلاطاری قریحه لرینه کشایش ویره رک کندیلرینی نظم اشعاره سئوق ایدردی . بوجهتله عراق طرفلرینه اڤه زیاده یقین بولان قبائل اڤه چوق شاعریت صاحبی ایدی . اڤه شاعرلری ده ایرانیلر ایله اختلاط ایدنلر ایدی . بونلرک ایکیسندن ده دها شاعر اولانلر ایسه هم ایرانیلر ، هم روملر ایله اختلاطده بولانلر ایدی .

خلاصه کلام شعر عربلرجه پک زیاده منتشر ایدی . هیچ بر قبیله کنیدیسی مدافعه ایدن وحمیاته ترجمان اولان بز ویا متعدد شاعرلردن خالی دکل ایدی . شعر زمان جاهلیتده وقائع وحوادثک محفظه سی و آداب و اخلاق و عاداتک خزانه سی ایدی . بوسبیله « شعر عربلرک دیوانیدر » دینلمشدر . ضروب امثال دخی ملنک عادات و اخلاق و آدابنک آینه سی اولمق اعتباریله شعر قبلندندر . عربلرک جاهلیت زماننده کی آداب و اخلاقدن بر چوقلری اوزمانه متعلق ضروب امثال دن استخراج اولنمشدر .



## سابعاً : زمان جاہلیتہ خطابت

خطابت خیال و بلاغتہ محتاجدر . ایشته بوسیدن انی شعر قبیلدن عد ایلورز . یاخود ، ہر ایک قسمک موقعی آیری اولقلہ برابر ، شعر قسمی شعر منظوم و خطابت قسمی شعر منشور صایلیر .

خطابت حماسہ محتاجدر . خطابتک تأثیری علی الاکثر فروسیت عصرندہ عزت نفس صاحبی ، استقلال و حریت پرستشکاری اولان اقوامدہ کورولور . شعرندہ ایسہ بویلہ شرطلر یوقدر . بوجہتلہ عربلرک جاہلیت دوری یونانیلرک جاہلیت دورینہ بونقطہدن بکزیور . چونکہ ہر ایک ملت شعر و خطابت ، عزت نفس و استقلال صاحبی ایدیلر . ینہ بوسیدن رومالیردہ شعر برحال تأخردہ قالدینی حالہ خطابت بیوک بر رواج و ترقیہ مظهر اولمش ایدی . عین سیدن طولانی دہ عبرانیلردہ شعر مظهر اعتلا اولمش ایکن خطابت پک کری قالمش ایدی . چونکہ عبرانیلردہ ضعف و ذلت بر طبع غالب ایدی . بونک ایچون انلردہ کی خیالات شاعرانہ شکایت و تضرعہ منقلب و قریحہلری مرثیہلر و حکمیات نظامنہ منصرف اولدی .

عرب قومی ، محیطی داخاندہ بولندقلری موقعک تأثیری ایلہ حریت و حماستہ مألوف ، خیالات شاعرانہ صاحبی اولان سائر ملتلرکی حساس بر قوم اولدقلرندن خطابت انلرچہ پک بیوک بر موقع و تأثیر طوتمشدی . بعضاً بلیغ بر سوز اوایندیردینی نخوت و تمہیج تأثیری ایلہ انلری آیاقلاندیریدی . موقع و طرز معیشت تأثیری ایلہ آرہ لرنده ظهور ایدن منازعلر بر برلرینہ قارشی رقابت و مفاخرہ اجراسنی استلزام ایلدیکندن بلیغ سوزلر ایلہ خصمی اقناع ایتک و طرافدار الدہ ایلک ایچون خطابتہ محتاج اولمشلردی . خطبہلرک موضوعی اکثریتلہ عمومی و خصوصی اجتماعکالہردہ حسب و نسب و اخلاق و تربیہ ایلہ مفاخرہ لردن تشکل ایدیوردی . عرب خطیبلری موقع خطابتہ چیقہرق سوز سولدلکاری زمان باشلرنده صباریق اولدینی والارندہ بولندیرد . قلری بر دکنک اوزرینہ دایندقلری حالہ قائماً نطق ایراد ایدرلر و بعضاً

دکنک یرینہ اوزرینہ دایاندقیری اوق ویا مزراق ایله سوزہ کورہ اشارت مخصوصہ یاهرق سولدنکری نطقک سامعین اوزرینہ دها زیادہ اجرای تاثیر ایتسنہ غیرت ایلرلردی . بعضاً دخی دوه اوزرینہ ینمش اولدقیری حالده نطق ایراد ایلرلردی [۱] . شعر ایله خطابتک یکدیگرینه مشابہتی کوسترین احوالین بری ده شعرادن اکثرینک خطابتله وخطیبیلردن قسم اعظمک ده نظم ایله اوغراشماریدر . خطیب وشاعرلردن اکثری هم خطیب ، هم شاعر ایدیلر . هر ایکی صنعت ایله اوغراشیرلردی . دها صکره هانکی صنعت دها غالب کاسه اکا کورہ صاحبنه ( خطیب ) ویا ( شاعر ) نامی ویریلردی . خطیبیلری چوق اولان قبائل علی الاکثر شاعرلری ده چوق اولان قبائل ایدی . عربلر شعر وخطابت تاریخنه متعلق سولدنکری سوزلر جمله سندن دیرلرکه : ( عبدالقیس ) قبیلہ سی ( ایاد ) محاربه سندن صکره ایکی فرقہ یه آیرلمش . بونلردن بری ( عمان ) و ( شق عمان ) ی مقرر اقامت اتخاذا ایلش . عرب خطیبیلری بوفرقة ایله برابر بولمشلر . دیگر فرقہ ( بحرین ) و ( شق - البحرين ) طرفلرنده یرلشمش . عربلرک اک مشهور شاعرلری ایشته بونلردن چیقمش . حال بوکه بونلر چولک کوبکننده وفصاحتک منبعده ایکن بویله دکل ایدیلر [۲] . بوده کوستریورکه دها اول دیدیکمز وجه ایله اجنبیلر ایله اختلاط وقوعنده حاصل اولان مبادله افکار ترقی یه باعث اولیور . یننده برچوق خطبا یتشمسی ده بوسبیدن نشأت ایدبیوردی . زیرا ین اهالی سی عربلر کبی خطابت اربابی اولان ایرانیلر ایله اختلاطده بولمشلر ایدی .

خطیبلرک مرضی علمری : — عربلر اوقومه یازمه بیلمیه رک امی بولنورکن ییله اک بایغ وفصیح عبارلر ایله نطق ایراد ایدرلردی . چونکه شعر فصل ایسه خطابت دخی انلرده فطری ایدی . فضله اوله رق چوجقلرخی کوچک یاشده ایکن نطق ایرادینه آلیشدیریرلردی [۳] . زیرا نسلبرک محافظه وسررض مدافعه سی ایچون شعرا یه فصل محتاج ایدیلر ایسه وفود ( قاصدان ) — مرخصلر — کوندرمک ایچون خطیبلرده اونسبتده محتاج ایدیلر . بونکله برابر زمان

[۱] البیان والتبیین ۲۰ ج ۲

[۲] البیان ۴۲ و ۱۳۹ ج ۱ [۳] البیان ۵۸ و ۹۸ ج ۱

جاهلیتہ شاعر لر خطیبلرہ ترجیح ایدیلیوردی . فقط دها صکرہ اسلامیت  
ظہور ایدنجه اقتاعہ و طرفدار جالبہ دها زیادہ یاراد قلمری ایچون خطیبلر شاعر لرہ  
ترجیح اولنمہ باشلانلدی . عربلرک مرخص و یامبعوث کوندر مک ایچون خطیبلرہ  
فرط احتیاجلرندن طولای برقیبلہدہ برخطیب اوقیبلہنک الکیوکی ورئیس اعتبار  
اولنوردی . بوصورتلہ بر آدم برقیبلہیہ و برلسان برجوق اسانلرہ معادل دیمک  
ایدی .


او عصرہ کورہ مبعوث و مرخصلر کوندر مک ہر طرفدہ جاری بر عادت  
حکمنده ایدی . روم ، ہند ، چین ، ایران دولتری آرہدہ مناسبات مودتکارانہ بی  
تأیید ایتک ، یاخود مفاخرہ اجرا ایتک اوزرہ بربرلینہ مرخصلر - ہیئات  
مخصوصہ - کوندر لرلی . عربلرک او صرہ لردہ مرخصلر کوندرہ جک بللی  
باشلی بر دولتری یوق ایدی . شوقدرکہ عراقہ بولنان عرب ملوکی (مناذرہ)  
- آل منذر - اکاسرہنک (ایران حکمدار لرلرینک) و خصوصاً (کسری نوشران) ک  
حضورندہ بولند قجہ عربلرک فصاحت و بلاغلرینی ذکر ایتکدن خالی قالمد قلمندن  
(نوشروان) او ارباب بلاغت و فصاحتی کورمک ایچون دائماً میل اظہار  
ایدردی . (آل منذر) ملو کندن (نعمان) برکون (نوشروان) ک حضورندہ  
بوخصوصدن بحث ایدنجه (نوشروان) او بلغا و فصحاں برینی کورمکی آرزو  
ایتمش و (نعمان) عرب خطیبلرندن ہر قبیلہدن ایکیشر ، یاخود اوچر خطیب  
انتخاب و (نوشروان) ک نزدیکہ احضار ایشدر . عربلرک حقیقی حکما و اکابر  
اولان بو خطیبلر میانہدہ (تمیم) قبیلہ سندن (اکثم بن صبی) و (حاجب  
بن زرارہ) و (بکر) قبیلہ سندن (حرث بن ظالم) و (قیس بن مسعود) و (بنی  
عامر) قبیلہ سندن (خالد بن جعفر) و (علقمہ بن علانہ) و (عامر بن طفیل)  
وسائرہ کبی ذوات بولنمقدہ ایدی . بولنر (کسری نوشروان) ک حضورینہ  
چیقہ رق ہر بری بر نطق ایراد ایلدی . (ابن عبد ربہ) (العقد الفرید)  
نامندہ کی اثرینک اوچنچی جلدندہ بو نطقلری مفصلاً یازیور .

بونکالہ برابر (یمین) عربلری ایلہ (جزیرۃ العرب) ک شرقندہ مقیم عربلر  
کندی مملکتلرندہ حاکم بولنان ایران والیارندن شکایت ایتک و دیگر بعض  
عربلر ایسہ (معاویہ) نک پدری (ابو سفیان) ک یابدیگی کی آت وسائرہدن



مرکب هدیه‌لر تقدیمی ایله بر خصم و دشمن اوزرینه معاونت طلب ایلک ایچون ایران حکمدارلرینک نزدلرینه کیدرلردی .

عرب ملوکنه کیدوب مسافر اولوق ، یاخود مرخصلر وهیئت مخصوصه لر اعزام ایتک دخی مرعی بر عادت ایدی . نته کیم شاعر مشهور ( حسان بن ثابت ) ( حیره ) ده ( آل نذر ) و ( باقا ) ده ( آل جفنه ) - آل غسان - ملوکنه کیدوب مسافر اولوردی . ( سیف بن ذی یزن ) یمن قطعه سنی استیلا ایدن حبشیلری قتل ایله مملکتی قورتاردیغی زمان ( قریش ) اکابری برهیئت مخصوصه شکلنده مشارالیه کیدرک بیان تبریکاتده بولمشلردی . جد نئی ( عبدالمطلب ) بوهیئتک خطیبلری میاننده بولمقده ایدی . اسلامیتک انتشاری اوزرینه قبائل طرفندن نزدی به کلن قاصدان دخی بوقیلدن ایدی . اسلامیت



اندلسده قرطبه جامنک داخلی

تأید ایدنجه قبائلک اک کزیده خطبایی و اکابری دائرة اسلامیة دخول ایتک ، یاخود بعض خصوصاتی صور مق وسائر ایچون نزد پیغمبری به کشاردی . ( آل غسان ) ملوکندن ( حباة بن ایهیم ) و یمن اعاضمندن ( عمرو بن معدی کرب ) ک حضرت ( عمر بن الخطاب ) ک و ( یمامه ) اهالیسنک حضرت ( ابو بکر ) ک نزدلرینه کملاری و ذکرلی تطویل به باعث سائر کبی عرب قاصدانک

سلا ملاقی ، یا خود تهنیت و تبریکانده بولمق ایچون نزد خلفایه کلمری ده بو قیلدندر .

**خطیبیئر :** — والحاصل زمان جاهلیتده وقوع بولان انتباه دورنده خطیبیئر شعرا کی کثرتله یتشهرك بونلر اکثریتله قبائل رؤسای ، یا خود اکابری ، یا خود حاکمری ایدیلر . هر قبيله نك بر ویا دهها زیاده خطیبی واردی . خطیبای جاهلیه نك اك مشهوری ( بنی ایاد ) دن ( قیس بن ساعده ) ایدی . حضرت نبی بو ذانك زمانه یتشهرك کندیسینی ( عکاظ ) بنایرنده قرمزی بر دوه اوزرنده کورهش و خلقه خطاباً : « ای ناس ! کایکیز ، دیکله یکیز ، تأمل ایدیکیز . هر کیم یاش-ار ایسه اولور . هر کیم اولور ایسه کیمش بولور . برشی که مطلقاً واقع اوله جقدر ، ار ، کچ کلوب چانه جقدر » دیدیکنی ایشیتمشدن [۱] . فصاحت لسانیه سندن طولای « سحبان وائلدن دهها خطیب » دینلهرك ضررب امثال صردسنه کچن ( سحبان وائل باهلی ) ، او زمانك بیوك خطیبلرندن ایدی . مشارالیه نطق سویار ایکن اوزرندن تر آقار ، هیچ بر کلمی تکرار ایتمز ، هیچ بر یرده شاشیروب طورماز و نطقی اکل ایتدن اوطورماز ایدی ( حمیر ) دن ( دوید بن زید ) ، ( زهیر بن خیاب ) ، ( مرند اخیر ) کی بر چوق خطیبیئر وار ایدی . دیگر قبائلدن ( حارث بن کعب المذحجی ) ، ( قیس بن زهیر عبسی ) ، ( ربیع ضبیع فزاری ) ، ( ذوالاصبع - آتی پارمق - عدوانی ) ، ( اکثم بن صیفئ تمیمی ) ، ( عمرو بن کلثوم تغلی ) وسائرده برر بیوك خطیب ایدیلر . عرب خطیبلری نطقلرنده رقیق لفظلری ومألوف معنایری اختیار ایدرلردی . ایراد ایلدکلری نطقلر اوزون وقیصه اوله رق ایکی نوع ایدی . قیصه نطقلر قولایقله حفظ اولندینی ایچون بونلر عددأ اوزون نطقلردن دها چوق ایدی . عربار نطقلره پك زیاد اهمیت ویردکلرندن بونلری اسلافدن اخلافه میراث صورتیه حفظ ونقل ایدرلر و هر نطقه بر اسم مخصوص اطلاق ایلرلردی . نته کیم ( آل رقیه ) نك بر نطقنه ( عجوز ) و ( قیس بن خارجه ) نك بر نطقنه ( عذراء ) و ( سحبان وائل ) نك بر نطقنه ( شوهاء ) - بد چهره - ناملری ویرلمش ایدی [۲] .

## نامنا : ادب مجلسلری وسوق عكاظ

عربلر شعر انشادینه ، فکر وحوادث تعاطیسنه و مسامریه ، یاخود عمومی خصوصات حقننده مذاکره مخصوص اولمق اوزره بر طاقم مجلسلر عقد ایدرک بو مجلسلره ( اندیه ) - مجلس وانجملر ، قلوبلر - نامنی ویریرلردی . ( قریش نادیس ) ایله کعبه جوارنده بولنان ( دارالندوه - استشاره مجلسی ) بو نوع مجلسلردن ایدی . بونکله برابر عربلر ایشیدن بوش وقت بولوبده بر یرده اجتماع ایتدکجه ، باخصوص ( اسواف ) نامیله معروف اولان پنایرلرده ، مناشدات ومفاخرات ومسامرات ایله وقت کچیریرلردی .

اسواف - برابر : - سوق ( بازار ، یاخود پنایر ) دن مقصد شهر ویا کوی اهالیسک آلیش ویریش یایمق ، مداوله افکارده ، یاخود مبادلانده بولمق ایچون اوقات معینهده اجتماع ایتدکری ، محلدی . بوکی بازارلر ویا پنایرلر مدنیت حاضرده دن اوزاق بولنان کویلرده وشهرلرده حالا قورولمقدی . بونکله برابر قاهره کی بیوک شهرلرک بعضلرندده الیوم هفتهک بعض کونلرنده بر طاقم بازارلر قوریلیرق او کونلرک اسملری ایله یاد اولنورلر . قاهرده قوریلان سوق السبت ، یاخود سبتیه ( جمعه ایرتسی بازاری ) ، سوق الثلاثاء ( صالی بازاری ) ، یاخود سوق الاربعاء ( چهارشنبه بازاری ) کی . خالق اطرافدن بو بازارلره کلهرک آلیش ویریش ایله اشتغال ایدرلر .

بو بازارلردن هر هفته قورولانی اولدینی کی آیده ، یاخود سنهده یالکنز بر دفعه انعقاد ایدنیده واردر . بعضلری ایسه بر قاج سنهده آنجق بر کره قورولور . هندیلرک هر سنه کنج ( غانر Gange ) نهری کنارنده و ( دلجی ) ولایتده واقع هر دوایر ( هاردوار Hardwar ) شهرنده قوردقلری بازارده ، یاخود پنایرده ۳۰۰,۰۰۰ کشی طولانور . کذلک هندیلر هر اون ایکی سنهده بر کره مذکور یرده حج قورورق بورایه کیدن زاتلرک مقداری بر میلیون مقدارینه بالغ اولور . جهانده الک بیوک پنایر بو پنایر دیمکدر . کرک روسیهده ، کرک ممالک عثمانیهده ، کرک آلمانیا ، انکلتره و آمریقاده الیوم بوکی بازارلر



موجود در . روسیہ ہ نو فکرو د ( نووگورود Novgorod ) دہ سئدہ ایکی کرہ  
پنایر قورولور . بو پنایرہ روسیہ نك ہر طرفدن واور دپانك ممالك شرقیہ سندن  
كليلك مقدارى ۱۲,۰۰۰ كشی وروسیہ پنایرلرندہ سئدہ صاتیلان امتعہ وسائرہ نك  
قیمتى ۱۲,۰۰۰,۰۰۰ روبل تخمین اولنور . سائر بیوك پنایرلى دہ اكا كورہ  
قیاس ایدیكنز .

اسكى دورلدہ بوكی پك چوق پنایرلر و بازارلر وار ایدی . آنجیق  
او دورلرہ كورہ حج كبی بروسیلہ دینہ اولماز ایسہ خلق بوكی پنایرلرہ  
كثرتہ طویلا نمازدی . شو حالده خاق بویله یرلرہ اساساً حج ایچون طویلانہ رق  
عددجه چوغالتجه كندیلرینہ یینه جك ، ایچہ جك وسائرہ یی صاتہ جق کیمسہ لرہ  
محتاج اولورلر و بونك نتیجه سئدہ بازارلر و پنایرلر قورولوردی . زمان جاهلیتده  
عربلرہ ، قورولان ( سوق عكاظ ) ایله سائر پنایرلر ایشته بویولده وجودہ  
كلشدی .

عرب پنایراری : — زمان جاهلیت عربلرینك سئدہ نك ہر آئندہ آری  
یردہ قورولور برطاق پنایرلری وار ایدی کہ بر محلدہ پنایر مدتی بیتدكجہ دیکر  
محلہ كیدیله رك اورادہ پنایر قورولور و عربلر اوزاق و یقین یرلردن بو پنایرلرہ  
كله رك آلیش وریشدہ بولنورلردی . بویله جه بر پنایر قاپاندقجه دیکری آچیلردی .  
مثلاً نجدك یوقاری طرفلرندہ كائن ( مومۃ الجنادل ) موقعندہ ربیع اول ابتدا سئدہ  
پنایر قورولارق آلیش ویریش پاییلردی . دها صكرہ ( حجر ) موقعنہ كیدیله رك  
بورادہ برآی بازار قورولدقن صكرہ ( عمان ) ہ نقل مكان ایدیله ، بورادہ  
دخی پنایر قورولارق آلیش ویریشدہ بولونولور ایدی . دها صكرہ ( حضر -  
موت ) و ( عدن ) ہ كیدیله ردی . پنایر جیلر ك بعضلری ( صنعاء ) یه واریرلردی .  
بورالردہ پنایر قورولارق آلیش ویریشدہ بولندقن صكرہ اشهر حرم دہ  
( ذوالقعدہ ، ذوالحجه ، محرم ، رجب ) عكاظ پنایرینہ كیدرلردی . عربلر  
( صغار ) ، ( شجر ) ، ( مجنہ ) ، ( حباشہ ) ، ( مشقر ) وسائر مواقعندہ دخی  
پنایر قورولردی [ ۱ ] .

سومہ عكاظ : — زمان جاهلیت عربلرینك اك مشهور پنایری ( طائف )

ایله ( نخله ) آره سنده کائن اولان محله قورولان ( سوق عكاظ ) ایدی . عربلر حجه کیتدکلری زمان ذوالقعدنك ابتداسندن یکر میسنه قدر بوینایرده قاله رق آلیش ویریش بایقدن صکره مکیه کیدرلر و بوراده مناسك حجی اجرا ایتدکن صکره یرلی یرلینه عودت ایدرلردی . اشراف قبائل ذکر اولئان سائر پنایرلر صره سنده هرکس کندی شهرنده قورولان پنایره کلمکه اکتفا ایدردی . فقط ( عكاظ ) پنایری مـستثنی بر بازار ایدی . هرکس هر طرفدن اورایه کیدردی . بو پنایر اتناسنده کیمك اسیری وار ایسه فدیله ایله قورتارمغه چالیشردی . کیمك فصله محتاج دعواسی وار ایسه رؤیت دعاوییه مأمور ذاته مراجعت ایدردی . پنایرلرده بودعاوییه باقائلر ( تبیم ) قبیله سندن ایدیلر . کیمك برندن انتقامی اولوب ده آرادینی آدمك یرینی بیلمز ایسه انی ( عكاظ ) پنایرنده آراددی . هرکیم عربلرجه بیلمسنی آرزو ایتدیکی برایشی یا بمق ، یا خود یا بهجنی ایشه عربلری شاهد اتخاذایلک ایستر ایسه او ایشی ( عكاظ ) ده یاپاردی [ ۱ ] . هرکیم عموم حضـورنده بر دیگرى ایله مفاخرده بولمق آرزو ایدر ایسه اوراده مفاخرده بولنوردی . عربلر هر مزیتك وحقى دوچار اولدقلری فلاکتلرک بیوکلکیله مفاخرده ویا ریشلرده بولنورلردی . روایت کوره مشهور شاعره لردن ( خنساء ) [ \* ] ایکی برادرینک مقتولیتدن طولانی دوچار

[ ۱ ] اغانی ۲ ج ۱۳

[ \* ] خنساء ، عرب شاعره لرینک الک بیوکی وال مشهوره سی ایدی . جاهلیت واسلام دورلینه یتشهرك ایکی دورده بونك کی شاعره کلامشدر . اسمی فحول شعرای عرب صره سنده مذکوردر ، حتی کندینی ( حسان ) و ( جریر ) کی اعظم شعرا یه تقدیم ایدلر دخی واردر . زمان جاهلیته فوق العاده سودیکی برادرلری ( صخر ) و ( معاویه ) نك قتلی اوزرینه بولنر حقتده مرثیه لر سوبلکه باشلامش و بومرثیه لری شهرت بولوب بین العرب شهرینه سبب اولمش ایدی . بعده قبیله سنك مبعوثانیله برابر نزد حضرت پیغمبری یه کلرک شرف اسلام ایله مشرف وصحایات عدادینه داخل اولمشدر . حضرت نبی خنسانه کندی اشعارینی او قودده رق فوق العاده متلذذ اولورلرمش . درت اوغلی اولوب حضرت عمرک زمان خلافتنده برابرلرنده قادسیه غزاسنه عزیمت ایدرک کندیلرینی حربیه تشویق وتشجیع ایتمش ودردی دخی اوراده شهید اولمقله جانب فاروقیدن صاحبیه ترجمه ایکی یوز درهم میشت باغلامش ایدی . بعده ( معاویه ) زماننده وفات ایتمشدر .

قلموس الاعلام

( خنساء ) سوق عكاظه کندیسنه قرمنی چادر قورولررق حکم اتخاذاوانان

اولدیغی فلاکت اوزرینه عربلرک اک بیوک فلاکتلیسی اولدیغی اعلان ایلمش ایدی . کندی نفسی دها بیوک فلاکتلی عد ایدن ( هند بنت عتبہ ) [ \* ] اعلان واقعدن خبردار اولنجه دوه سنه بینهرک واوزینه بربراق رکزایدرك ( عکاظ ) بنایرینه کیتمش . بنایرده کندی دوه سنک ( خنسا ) نک را کب اولدیغی دوه سنک یاننده طور دیرلمشی آرزو ایدرك طای وجه ایله دوه سی خنسا نک دوه سی یاننه کوتورلمش . ( خنسا ) برقادینک یاننه یاقلاشدیرلدیغی کورنجه کان قادینه خطاباً : « همشیره جکم ! سز کیمسکر ؟ » دییه صورمش : ( هند ) : « عربلرک اک بیوک فلاکتلیسی ( هند بنت عتبہ ) یم . عربلرک انچنده سنک قدر فلاکتلی کیمسه بولمادیغی اعلان ایتدیکیکی ایشیتدم . اک فلاکتلی انسان اولدیغی نه ایله اثبات ایدیورسک ؟ »

شاعر مشهور نابغه یه معاصر ایدی . بتون شعرا نابغه نک نزدینه کلرک حضورنده شعرلری انشاد ایدرلردی . عکاظک برهوسمنده ( نابغه ) شعرای دیکلمک ، ارباب دها واقتداوی تقدیر اتمک ایچون خیمه نشین بولنور ایکن مشاهیر شعرای جاهله دن ( اعشی ) نابغه نک نزدینه کلرک اشعارینی انشاد ایتدکن صکره ( حسان بن ثابت ) کلوب شعرینی دیکلدر . نابغه حسانه خطاباً « سندن اول اعشی کلوب اشعارینی انشاد ایتسه ایدی سکا جینلرک و انانلرک اک شاعر یسک دیه جکدم » مقابله سنده بولنور . ( حسان ) بوسوزلردن حدت ایدرك « والله بن سندن وباباک وده کدن دها شاعریم » دیر . بونک اوزرینه ( نابغه ) حسانک الی طوتهرق اکا « آبرادر زاده ! ایلمی کیتمه ، سن نه قدر پارلاق شعر سوبله - اک ( اعشی ) نک :

فانک کللیل الذی هومدرک وان خلت ان المتأی عنک واسم  
ییتی کبی شعر سوبله صرسک « جوابنده بولنور . متعاقباً ( خنسا ) اشعارینی انشاد ایدر . ( نابغه ) موما البهایه « قادیلردن سنک کعبکه یتشه جک شاعر کورمدم » دیر . ( خنسا ) « خیر اویله سوبله . ارککارندن ده کورمدم دی » مقابله - ده بولنور .  
( الشعرو الشعراء ) مترجم

[ \* ] ( هند بنت عتبہ بن ربیعہ بن عبد شمس بن عبد مناف ) ابوسفیان بن حربک زوجہ سی وملوک امویہ نک برنجیسی ارلان معاویہ نک والدہ سی ایدی . ابوسفیاندن اول ( فاکه بن المغیره المخزومی ) یه وارمش ایدی . قبل الفتح اسلامه قارشى بغض وکینی زیاده اولوب ( احد ) غزاسنده کفار قریشی برطاقم اشعار ایله تهییج وتشجیع ایدردی . فتح مککه ده زوجندن برکون صکره حضرت نبی یه بیعت ایدوب اسلامه کلش و فیما بعد اسلامده ثبات وحسن حرکت ایتش ایدی . عقل وراى وتدبیر صاحبہ سی برقادین ایدی . ( یرموک ) غزاسنده زوجی ایله برابر حاضر بولوب اهل اسلامی رومله قارشى تهییج ایدردی . خلافت جناب فاروقی زمانده حضرت ابو بکر صدیقک پدری ابو خانه ایله برکونده وفات ایتشدر .  
( قاموس الا - لام )



دیه صورمش . ( خذساء ) « پدرم ( عمرو بن شریذ ) ایله برادرلرم ( صخر ) و ( معاویه ) نك ضیاعندن طولانی عربلرك اك بیوك فلاکتلیسی بم . سن نه ایله کندیکي اك بیوك فلاکتلی کوریورسك ؟ » جوانی ویرمش . هند « بابام ( عتبه بن ربیعہ ) ایله عمجم ( شیبہ بن ربیعہ ) و برادرم ( واید ) ضیاعی فلاکتلیه .. » دیمشدر . بونك اوزرینه ایکی شاعر آره سنده شعراً برمفاخره و وقوع بولمشدر [۱] . برقوم مصیبت و فلاکتلر ایله بویله مفاخره و یاریشلرده بولنور ایسه حسب و نسب ، شجاعت و اقدام ، فضیلت و سائره ایله مفاخره و مسابقه لرده نذر یاماز ! .. بوسیدن برچوق دفعه ( عکاظ ) پنایرنده مجادلر وقوع بولوردی . بوراده شو جهتی بیان ایتك ایسترتزكه عربلر اوقات مخصوصه ده قبائلك اجتماعی وسیله سندن بالاستفاده انشاد اشعاره و مفاخرات و مسابقاته مخصوص اجتماعلر عقد ایدرلردی . بو مجلس ادبلرده شعرا کندی شعرلرینی اوقورلر ، خطباً نطق ایراد ایلرلردی . آره لرنده بو بابد و وقوع بوله حق اختلافاتی حل و فصل ایچون اعظمدن برینی حکم تعیین ایدرلردی . عکاظ پنایرنده حکم اتخاذ اولنان کبار شعرادن ( نابغه ذبیانی ) موسم زماننده بو پنایره کلدیکی وقت کندیسنه دریدن قرمزی بر چادر قورولور ایدی . هر طرفدن شعرا بو ذتک نزدینه کیدرک محضول قریحه لری اولان اشعاری نظر تقدیر و تنقیدینه عرض ایدرلردی [۲] . روایت کوره بو پنایرده بر قصیده نك پارلاقغه حکم اولننجه اوراده ، یاخود کعبه ده بر موقع احترامه تعلیق اولنوردی . ( معالقات سبع ) ایشته او نوع قصائدن ایدی .

عربلرك بو حاللری اسکی یونانلیلرك جمناسیوم Gymnasion ( ژیمناز ) ددی اجتماع ادیبلرینه بکزر . ( ژیمناز ) تمرینات بدنیه اجرایی ایچون اجتماعه مخصوص بر بنا ایدی . بو وسیله ایله تالاسفه و علما دخی بوراده اجتماع ایدرلر ایدی . بو ذوات بوراده کی اجتماعاری وسیله سندن بالاستفاده عربلر سوق عکاظده نصل یاپارلر ایسه بولرده بوراده مباحثه ، مناظره و مفاخره ایله اشتغال ایدرلردی . بو کی اجتماعات و اشتغالاتك حقائقك ظهورینه وارباب

[۱] اغانی ۳۵ ج ۴

[۲] شعر و شعرا ۱۹۷

مزیتك تشویقہ ولسانك تنقیح وترقیسنہ ایتدیكى خدمت ایسه محتاج ایضاح دكلدر. (قریش) قبیله سی افرادی او اجتماعلر اثناسنده سائر قبائل ایله اختلاط ایدوك انلرك تكلم ایتدكلری لسانلری دیکلرلر و مناسب کوردكلری الفاطی کندی لهجه لرینه مال ایدرلردی. ایشته بو سایه ده اهل قریش عربلرك اك فصیحی اولشلر ایدی. لسانلری ده سائر قبائل لسانلرنده بولنان کلمات مستهجنه وغریبه دن تجرد ایلش ایدی [۱].

### تاساً جاهلیتده علم انساب

ازاب: — اسکی ملتلك دور جاهلیتلرنده بك بیوك برموقع اشغال ایدر. چونكه نسب احوالده بولنان افراد بشر آزه سنده قوتلی بر رابطه در. خالق بو رابطه ایله بر ایشه رك دشمنه قارشى یكدیكلر لرینه ظهیر اولورلردی. آباواجداد ایله تفاخر ایچون نسب باشدیجه بر وسیله در. یونانیلر الهلرینك نسب لرینی و بكدیكلر لرندن نصل تسلسل ایتدكلرینی قرناً بعد قرن حفظ وتداول درجه سنه قدر بو خصوصده ایلری کیتمشلر و کندی نسب لرینی بوالآهلرك نسب لرینه برلشدیرمشلردی. بوجهته یونانیلرك دور جاهلیتلرنده خاندانن بیوك عائله لرك و رجال حکومتك نسب لری مطلق او آلهلردن برینه مربوط بولنوردی. حتی بعضاری حضرت عیسانن برقاج عصر اول بونسب ایله افتخاری شعراً نظم ایتمشلردی. رومالیلر دخی اك اسکی زمانلرنده اویله ایدیلر. انلرجه بطارقه (رؤسای عسکریه Patricius) نامیله معروف اولان طبقه اشرف بشریتك فوقده آباواجداده منسوب عد اولنوردی. عبرانیلرك بك اسکی آباواجداده و پیغمبرانه منسوب بولندقلرینی و بو انساب ایله سائر اقوامدن تمناز اولدقلرینی ادعا ایتلری ده بو قیلندی. مع مافیله عبرانیلر افراد بشرك نهایت هپ بر پدر ووالده، یعنی حضرت آدم وحوادن طووغدقلرینی اعتراف ایتمکله اوامتباری بر درجه یه قدر تعدیل ایدرلردی. عبرانیلرك بر پدر ووالده ن نشأت ایتدكلری حقنده کی

بواءتقادلری سائر اقوام سامیه کی فطرةٔ وحیده میال بولملرندن ایاری کلیور.

عربلرک نسبیری : — عرب بلر نسب جهتدن عبرانیلرک بر شعبه لریدر .  
چونکه عربلرک عدنائیلری ( حجاز ونجد اهاالیسی ) اسکی آبا واجداد جهتدن  
حضرت اسماعیل بن ابراهیم منسوبدرلر . قحطانیلر ( یمن اهاالیسی ) ایسه  
( یقطان بن عابر ) ک



قاهرده اقبور جامی

نسلیدرلر . عربلر  
اجنیدلر ، یاخود  
یکدیگرلری علیهنه  
اقربا و تعلقاتلر -  
ینک مظاهرت  
و معاونتی تأمین  
و تحکیم ایتک  
مقصدیله نسب  
مسأله سنه فوق -  
العهاده اهمیت  
ویرمشلردی .  
انساب عرب ؛  
آلتی درجه ،  
یاخود طبقه  
اوزرینه تأسیس  
ایدلمشدی .  
بونلرک برنجیسی

شعب ، ایکنجیسی  
قبیله ، اوججیسی

امارت ، دردنجیسی بطن ، بشنجیسی فیخذ ، آلتنجیسی فیصله در . شعب نسبجه  
اک اوزاق منشأدر . عدنان ، قحطان کی . ( شعب ) بر طاقم اقسامه انقسام  
ایدر . بوقسملرک هر برینه ( قبیله ) اطلاق اولمور : ربیعه ، مضر قبائلی کی .



اوجنچی درجہ دہ اولہرق بوقبائلک انقساماتہ (عمارہ) دینیلیر : (قریش) ، (کنانہ) کی . بونلر نسباً بر قبیلہ ایلہ بر شعبہ منہیدر . دردنجی درجہ دہ (عمارہ) بطنہ انقسام ایدر: بنی عبد مناف ، بنی مخزوم کی . بونلر آبا واجدادجہ عمارہ وقبیلہ وشعبہ برلشیرلر . بشنچی درجہ دہ (بطن) دن (فیخذ) لشعب ایدر: (بنی ہاشم) ، (بنی امیہ) کی . فیخذدن صکرہ ایسہ (فصیلہ) کلیر : بنی طالب ، بنی العباس کی . شو صورتلہ نسب فصیلہ دن باشلایہرق شعبہ منہی اولور [۱] .

عربلر ہر شینک آبا واجدادہ اسنادی خصوصندہ اوقدر ایلری کیتمشلر ایدی کہ شہر ومملکتلرک اسملرینی بیلہ کندی جدلرندن بعضلرینہ نسبت ایدرلردی . بواجداد علی الاکثر توراتہ منہی آبا بشردن ترکب ایلردی . مثلاً عربلرک برندن : « (اندلس) ی تأسیس ایدن کیمدر ؟ » دیہہ صورولسہ درحال : « اندلس بن یافت بن نوح طرفندن تأسیس اولمشدر » جوابی ویریردی [۲] . عربلرہ نسب علماسی (نسایون) قبائلک اسملری ایلہ تفرعاتی یک مدققانہ برطرزہ حفظ ایتمشلردی . اودرجہ دہ کہ بری کندیلرینہ مراجعت ومثلاً « بنی تمیمدنم . نسبی سویلیکنز » سؤالی توجیہ ایتسہ نسب شناس (تمیم) قبیلہ سندن باشلایہرق تفرعاتی اولان عمار و بطون وافیخازی تعداد ایتدکن صکرہ فصیلہ یہ کلیر وفصیلہ دن سائلک پدری ویاخود بالنفس کندیسنی بولہرق سویلردی . زمان جاہلیتہ نسب شناسلرک عددی یک زیادہ چوغالمش ایدی . ہر قبیلہ ویا عمارہ ویا بطن بر ویا دہا زیادہ نسب شناسدن خالی اولماز ایدی . (بنی شیبان) دن (دغفل سدوسی) و (بنی تیم اللات) دن (عمیرہ ابو ضمضم) و (ابن لسان الجرد) ایلہ (زید بن کیس نمری) ، (نخار بن اوس قضاعی) ، (صعصعہ بن صوحان) ، (عبد اللہ بن عبد الججر بن عبد المدان) وسائرہ زمان جاہلیتک الک مشہور نسب شناسلری ایدیلر [۳] . اسلامیتک اوائلندہ نسبہ اعتبار دوام ایتدیکندن بو دورہ دخی بر چوق نسب شناسلر یتشمش ایدی . دہا صکرہ دولت اسلامیہ موالیہ (عربلرک غیر ی اولان اسلاملرہ) ومصطفیعہ (عربلرک

احسان و تربیه و تمیسه سیله یثوب میدانه کلن ذواته ) انتقال ایتمه خلق کندی  
افندیلرینه واحسان صاحبیلرینه انتساب ایتمه باشلامشلدردر .

## عاشرا : تاریخ

زمان جاهلیت عربلری نزدنده الیوم بو لفظدن آکلا دیغمز معنایه مطابق  
بر تاریخ علمی موجود دکلدی . شو قدرکه بعضلری کندی مملکتلرنده وقوع  
بولش ، بعضلری ده سائر ملتلردن کندیلرله اختلاط ایدنلر طرفندن نقل  
وحکایه اولمش برطاقم متفرق خبرلر وحدائتی حفظ وتداول ایدرلدی .  
( ایام عرب ) نامیله معروف اولان قبائل محاربائی ، یمنده مأرب سدی  
حکایه سی ، یمنک تبابعه دینیلن ملوک قدیمه سندن ( تبان اسعد ابو کرب بن  
ملکیکرب ) ک یمنه وقوع بولان استیلا سی ، اکا خلف اولان کیمسه لری  
بعضلری ، یمن ملوکندن ( ذونواس ) واحباب اخدودک حکایه سی ( یعنی ملوک  
یمندن ذونواسک نجران اها لیسندن یکریمی بیک کشی بی خرسیتیانلقدن موسویله  
تبدیل دین ایتدک لری ایچون خندقلرده احراق ایتمی حکایه سی ) ، حبشلیلری  
یمنه وقوع بولان استیلالری ، اصحاب فیلک ( استیلا ایچون فیللر ایله کعبه یه  
کلن حبش عسکرینک ) حکایه سی ، ( سیف ذی زن حمیری ) نک محاربیلری ،  
یمنده ایران حاکمیتک انقضاسنه قدر جریان ایدن وقوعات ، ( عمرو بن لخی ) ک  
حکایه سی ، عرب اصنامی - بتلری - ، ( جرهم ) ک حکایه سی ، زمزمک  
قابانمسی ، کعبه نک ( قصی بن کلاب ) ک زماننه قدر اولان تاریخی ، حج  
مقولیلکی ، ( عامر بن الظرب ) وقعه سی ، ( قصی ) ک مکه حاکمیتی اله  
کچیرمسی ، حلف المطیین وحلف الفضول حکایه لری ، زمزم قیوسنک حفری ،  
فجّار محاربیه سی وکعبه نک انشاسی اوصره لرده عربلرجه تداول ایدن وقائع  
وحادثات تاریخیه جمله سندن . منقرض اولان وبوجهته ( بائده ) تسمیه ایدیلن  
دها اسکی عربلردن ( عاد ) و ( ثمود ) وسائر قبائلنه متعلق معلومات ایله توراتدن  
مقبول اولان ( بلقیس ) و ( سلیمان ) وسائر نک حکایه لری واسلامیتک


ظہوری صرہ لرنده تداولده بولنان سائر وقائع ومعلومات دخی اوجمله دن ایدی .  
بولنرك تفصیلاتی عرب تاریخچرنده محررور [ ۱ ] .

مخصوصه : — نتیجه كلام اسلامیتدن اول عرب علمی نامی ايله تسمیه  
ایتدی کمز علملر اونه یقین ایدی . اسلامیت ظهور ایدنجه بولنردن کهانت ،  
عیافت و قیافت کبی بعضلری اہمال وابطال اولندی . بعضلری ایسه اربابی  
عندنده دوام ایلدی . اسلاملرك مدنیتی زماننده بولنرك یرینه قائم اولمق اوزره  
علم نجوم ، علم انواء (تقلبات جوبه) ، علم مہاب الریح (تحولات ہوائیہ) ،  
علم طب ، علم خیل (آلرك احوالندن باحث علم) کبی برطاقم علملر پیدا  
اولدی . زمان جاہلیتدہ بولنان شعر ، خطابت ، بلاغت کبی علملر ایسه دور  
اسلامیدہ قرآنک یاردیمی ايله ترقی ایتدی .

[ ۱ ] تفصیلاتی آرزو ایدنلر ابن الاثیرک برنجی جلدینک ۱۴۶ ، ۱۴۹ ، ۱۵۱  
الخ صحیفہ لری ايله ایکنجی جلدینک باش طرفلرینہ مراجعت ایتسونلر .







## اسلامیتدن صکره عربلرک علوم و معارفی

اسلامیتدن صکره عربلرک علوم و معارفندن مقصدمز اسلاملرک ظهور اسلامیتدن اعتباراً مدنیت اسلامیةک اعتلاسی دورینه قدر مدار اشتغاللری تشکیل ایدن علوم و معارفندن عبارتدر . عددآ چوق اولان بوعلوم و معارف اوچ مجموعهیه حصر ایدیله بیلیر .

اولا اسلامیتک استلزام ایلدیکی قرآن ، حدیث ، فقه ، لسان ، تاریخ علملریدر . بونلره ( علوم اسلامیة ) ، یاخود ( آداب اسلامیة ) نامنی ویریورز . ثانیاً دور جاهلیتده معروف اولوب عصر اسلامیده مظهر ترقی اولان شعر و خطابت علملری . بونلره ( آداب جاهلیة ) ، یاخود ( آداب عربیه ) - ادبیات عربیه - دییورز .

ثالثاً طب ، هندسه ، فلسفه ، هیئت و سائر علوم طبیعی و ریاضیه کبی السنه سائر ددن عربجهیه انتقال ایدن علملر . بونلری ( علوم دخیله ) و یاخود ( علوم اجنبیه ) تسمیه ایدیورز .

علوم مذکوره ایله بونلرک مدنیت اسلامیة ایله اولان ارتباطندن بحث ایتدن اول بعض مقدمات تمهیدیه یازمق ضروریدر .

---

### مقدمات تمهیدیه

#### اولا اسلامیت و علوم اسلامیة

عربلر ده اول ذکر ایتدی کمز حال و موقع و اخلاقده و درجه علم و معرفتده بونلورکن قرآن عظیم الشان نازل اونقله قرآنده کندیلرنجه مألوف اولمیان برطرزده کوردکلری فصاحت و بلاغته قارشى شاشالادیلر . چونکه قرآن کریم

انلرك بیلدكاری (كاهن سجعی) ویاخود موزون ومقفی شعر نوعندن دكلدی .  
 بلكه هرايكیسنه مخالف ایدی . قرآن عظیم الشان شعر وسجع مخرجلرینه موافق  
 برنثر مقفی طرزنده در . نه شعر ، نه نثر ، نه ده سجعه بكزر . بونكه برابر  
 اوقدر بلاغت مؤدی واسالیب عالیہ بیانی حاویدركه عربجه ده دها اول اولیه بر  
 طرز افاده كورلماش ایدی . بوجهمله عربلر قرآنك حاوی اولدینی بلاغت بیان ايله  
 شرائع واحكام واخباره مقفون وعاشق اولدیلر . متعاقباً عربلر اسلامیتی قبول  
 ایدنجه قرآنی اوقومغه واحكامی ، یعنی اوامر ونواهیسنی اوكرنمكه صرف غیرت  
 ایتدیلر . زیرا قرآن ؛ دین ودنیانك تملى وحاكمیت وخلافتك مؤیدی در .  
 احكام قرآنییه آكلامغه چالیشیركن بعضاً مشكلاته وتفسیرده اختلافه دوشهرك  
 بونك اوزرینه حضرت نبی ذی شادن منقول احادیث شریفه به بالمراجعه ازاله  
 مشكلات وحل اختلافاته لزوم كوردكلرندن احادیث شریفه فی فهم نبویدن ایشیدنلردن ،  
 یاخود انلردن نقل ایدنلردن متسلسل بر اسناد ايله جمع اتمكه باشلادیلر .  
 احادیثی طویلار ایكن روایتلرده اختلاف كوردلی . بونك اوزرینه ده حیشلرك  
 صحیحنی غیر صحیحندن تفریق اتمك لزومی تحققالیهرك مستنداتی تدقیق وحیث  
 راوی وناقللرینك احوالی تحقیق اتمكه مجبور اولدیلر . بموجبریت ؛ كندیلرینی ؛  
 طبقات محدثینی - حدیث ناقللرینك حضرت نبییه قریب ویا بعید اولملری واجتهاد  
 مرتبهسنی حائز علمادن بولملری وسائر اعتباریله درجهلرینی - ونه کی احوال  
 وضعیتده ایكن او احادیثی تلقی ایتدكلرینی تدقیق ومعالعهیه سوق ایلدی .  
 دهاصكره دولت اسلامیه كسب قوت ایدنجه اسلاملر فتح ایتدكلری ممالك اوزرینه  
 ویركیلر طرح وجبات اتمكه باشلادیلر . بوویركیلر فتوحاتك شكل وطرزینه ،  
 یعنی قهر واجبار ویا صلح وامان طریقلرینه كوره شكل ومقدارجه مختلف ایدی .  
 بنساء علیه او ویركیلری اكا كوره طرح ایده بيلمك ایچون فتوحات ومغازی  
 وقایعنی ضبط وتدوینه مجبور اولدیلر . ( بنی امیه ) زماننده اداره دولت فناالشنجه  
 ارباب علم وعرفان صحابه نك وبا خصوص خلفای راشدینك مناقبنی موعظه  
 شككنده ایراد ايله احوالی تلافییه چالیشدیلر . ایشته بومعلوماتندن ده حضرت  
 نبی ومحابه وتابعینه دائر اولان تاریخ وجوده كلدی .  
 قرآن عظیم الشانك احكامی ايله سنت شریفه فی آكلامق عباره نك فهم

وتدقیقه متوقف ایدی . ایشته بوندن ( علم تفسیر ) وآیات کریمه نك اسناداً نقل وروایتندن و اوقویانرك قراشته اختلافده بولمزلندن ( علم قراءات ) وسنتك حضرت نبی به اسنادی ایله احادیث شریفه ومحدثین طبقاتی تفریق ایتمكدن ( علوم حدیث ) نشأت ایلدی .

ذكر اولنان احكامی اصللرندن استنباط واستخراج ایتك وبواستخراجك فصل وقوع بولدیغنی کوستریر منتظم بر اصول طوتمق ضروری کورلمكده بوصورتلده اصل فقه علمی وبوندن علم فقه ، علم عقائد ودها صكره علم كلام ظهور ایتدی .

اسلاملر قرآن ذی شان ایله احادیث شریفه بی اوقومغه وتفسیر ایتك باشلاقلری زمان عربلردن اولیان مسلمانلر لسان عربییه وقوفلری ناقص اولمق حسبیلله قواعد کوره درست اوقومقده مشکلات چككدكلرندن لسانك قید وتدویننه وقواعد لسانیه نك وضعنه وکلماتك تعیین معانیسنه مجبوریت حاصل اولدی . عرب علوم لسانیه سی ایله اشتغال ایدنلرك اکثرینك عربلرك غیرندن اولملری ایشته بوسیددن نشأت ایدیور . الفاظك تعیین معانیسی ایله صورت تلفظك ضبط وقیدی اسلاملری قرآن عظیم الشانك نازل اولدیغنی ( قریش ) لسانی تدقیق وتبعه سوق ایلدی . ده اول بیان ابتدیکمز وجه ایله لسان حقنده تتبعات اجرا ایتك ایچون یکانه مرجع شعر ایله ضروب امثالدن عبارت ایدی . بونك اوزرینه لسان علماسی ( بادیة العرب ) ه - چوله - کیدهرك بادیه نشین عربان ایله اختلاط و - قیدوضبط ایله لزومنده اکا مراجعت ایتك ایچون - انلرك آغزندن شعرلر ، سوزلر ، ضروب امثال طویلامقله اشتغال ایلدیلر . حال بوکه بوشعرلر ایله اقوال وامثالی ایجه آکلایه بیلمك عربلرك نسبلیغنی ، وقائع تاریخیه لرینی ، آداب وعاداتی بیلمك توقف ایدیوردی . بونك نتیجه سنده ذكر اولنان خصوصاتك جمله نی تتبع ایتك اقتضا ایلدی . ایشته بومعلوماتدن ( علم ادب ) دیدکلری علم وجود . کلدی . اسلاملر عرب اشعارینی تدقیق وتبع ایدرکن معنالرنده اختلافه دوشدکلری کی شکلرنده وبلاغتلرنده ده برطاقم اختلافات وتفاوت کوردکلرندن شعرائك طبقاتی ، یتشدکلری یرلری ، شعرلرینی ، قبیلهلرینك احوال تاریخیه سی ده تدقیقه مجبور اولدیلر .



لسان و شعری عربی، آغزیدن طویلامق ایچون انک چادرلرینه قدر کیدن علما علم نجوم، علم انواء، علم خیل، علم انساب و سائرہ متعلق معلوماتلرینہده واقف اوله رق عودتلرنده بومعلوماتی دخی قید و ضبط ایلدیلر . بوجهته ذکر اولسان علومده تخصص ایدنار علی الاکثر لسان علماسی ایدی . اسلاملر بو طویلاقلری شیلر میاننده امثالی نادرأ وارد اولان بر طاقم الفاظ و اشعاره راست کلدکلرندن بونلری ( نوادر ) نامی آلتده ایریجه قید و تدوین ایلدیلر . و الحاصل اسلامیتک اوائلنده اسلاملرک اشتغال ایتدکلری علملرک مرجعی قرآن عظیم الشان ایدی . علوم دینیهدن ماعدا علوم ادبیہ و لسانیہنکده محوری ( قرآن ) ایدی . ایشته بوسبیدن علوم مذکورہده ( علوم اسلامیہ ) نامی ویردک .

## ثانیاً عربلر ، قرآن کریم ، اسلامیت

اسلامیت ابتدای امرده نصل بر انتباه عربی ایدی ایسه اسلاملر دخی عربلردن عبارت ایلدیلر . اسلاملر، عربلر عین معاده عد اولنوردی . چونکه عرب دینجه اسلام و اسلام دینجه عرب آکلاشیلردی . ایشته بومقصده بناء ذرکه حضرت عمر اسلام اولیانلرک جزیره العربدن حیقارملرینی امر ایدهرک بتون جزیره العرب اهایسی اسلاملردن ، یعنی عربلردن متشکل اولدی . معلوم اولدینی وجه ایله اسلامیتک اساسی و مدار قیمی قرآن کریمدر . شو حالده قرآنک تأیید و تقویہسی اسلامیتک ، یاخود عربلرک تأیید و تقویہسی دیمکدر . صحابه کرام فتوحاتده ایلرلیهرک روم و ایران ممالکنی قبضه تسخیره کچیرنجه بواعقاد انلرده دها زیاده یرلشمش و عربلردن غیری کیمسهنک حاکم اولماسی و قرآن عظیم الشاندن بشقه کتاب اوقونماسی لزومنه ذاهب اولملرلدی . بو ذهاب عربلرده وبالخاصه امویلر دورنده اوقدر تعمم و تزیایدایش ایدی که عربلردن اولیان ملل سائرہ کوردکلری محرومیت و ظلم و اعتسافه بناء عربلره دشمن کسلمملرلدی .

اسلامیتک اوائلنده « اسلامیت کندیسندن دها اول کلن شیلری هدم ایدر »

اعتقاد عمومی حکم سور یوردی [۱] . بوجهتله هرکس قرآن عظیم الشان اندن ده اول نازل اولان بالجهله کتابلری ابطال ایتدیکندن قرآندن بشقه برکتبه باقی لزومنه قائل بولنیوردی . فی الواقع شریعت اسلامیة سلاملر آرسنده اتحاد حصولی و بو اتحادک اسلامیته مربوط اولس مقصدیه اوصرده قرآن ذی شانندن غیر ی اولان کتب منزلهیه باقلمسنی منع ایتمش ایدی . « اهل کتابدن اولانلره (خرستیان و موسویلره) نه اینانکنز ، نه ده تکذیب ایدیکنز . بزه و سزه نازل اولان اوامرالهییه معتقدز ، اللهمز بردر دیکنز » . ائلسنده



اکبر رجال عربدن بری

بولنان حدیث بوکا دلیل اولان احادیث شریفه دندر . برکون جناب نبی حضرت عمرک النده تور اتدن بر کاغد کوردی . ذات نبوتیناهی بونی کور مکدن اوقدر کوجندی کهوجه نبویه کوچنمک آناری بلیردی . حضرت عمره خطاباً : « اوامر الاهییه بیاض و تمیز اولهرق سزه کتیرمدمی ؟ حضرت موسی بر حیات اولسه ایدی بکا تابع اولمقده بر آن تردد ایتزدی » یوردیلر [۲] . « سزدن

اول اولان شیلر ایله بوندن صکره قوع بولهجق احوال وزمان حاضرده

[۱] النجوم الزاهره ۳۷ ج ۱

[۲] ان خلدون ۳۶۴ ج ۱ وکشف الظنون ۲۵ ج ۱ وایجد العالم ۱۰۹

شفاء شریفک جلد نائنده محرر اولان « قال رسول الله صلی الله علیه وسلم - وحي بکتار فی کتف - کفی بقوم حقاً ( اوضلاً ) ان یزلبوا عما جاء به نبیهم او کتاب غیر کتابه فزالت اولم یکفهم انا انزلنا علیک الکتاب یثقی علیهم الآیه » حدیث شریفی ایله آیت کریمه سی مؤلفک مدعاسنی تأیید ایدن دلیللردندر . حدیث شریفک مفادی شودرکه او وؤز کیکنه یازمش تور اتدن بر قاچ سطر حضور حضرت پیغمبرییه کوتورلش

آرہ کزدہ انتظامی تائین ایدہ جک احکام ہب کتاب اللہدہ موجوددر « سوزلری دہ اوصردہ خلق آرہ سندنہ احادیث جملہ سندن انتشار ایتش ایدی [۱] .  
 بونک تأثیریلہ اسلاملر قواعد اسلامیہ رسوخ واستحکام بولدن قر آندن بشقہ دیکر علملریلہ اشتغالی جائز کورمدیلر [۲] . بونک نتیجہ سی اولہرق روم و ایران کتابلرندن الہ کچن شیلرک محوینہ تشبث ایدلدیکی کبی دول ساقہنک آثار باقیہ سندن کسمرانک ایوانی و اہراملر و سائرہنک ہدمندہ غیرت اولدی . شو حالہ کورہ عربلرک اسکی خزائن علومدن اسکندریہ کتب خانہ سی ، یا خود ر دیکرینی یافدقلری ادعا اولنور ایسہ بوادعا مستبعد کورلما لیدر .

### ثالثاً اسکندریہ و سائرہ کتابخانہ لرینک احراق

اسکندر کیرک وفاتندن صکرہ معیندہ کی رؤسانک تشکیل ایتدکلی طوائف ملو کدن مصرہ حکم سورن ( بطالسمہ Ptolémées ) میلاد عیسادن اول اوچنچی عصرہ اسکندریہدہ بر کتابخانہ تأسیس ایدرک او صرہدہ مدنی بولنان اقطار عالمدن کتب علمیہ یی جلب ایلہ بو کتابخانہ یہ وضع ایتلش ایدی . بونک تفصیلاتی ایلریدہ کوستریلہ جکدر . بو کتابخانہ فتوحات اسلامیہ زمانہ قدر رومالیہ لر دورندہ بر چوق احراق و تقلاباتہ دوچار اولہرق احراق ونہب و غارت کبی عارضہ لر آرہ سندنہ تلف و ضائع اولدی . عربلردن و سائرہ دن اولان مورخلر بو کتابخانہنک فصل محو و پریشان اولدیغنی بیساندہ مختلف روایتلردہ بولنقدہ درلر . بولاردن بعضلری بو کتابخانہنک حضرت عمرک امری ایلہ ( عمرو بن العاص ) طرفندن احراق ایدلدیکنی ادعا وبونی بر طاقم نصوص عربیہ دن استدلال ایلورلر .

ابدی . کو رن ذاتک حضرت عمر ، یا خود حضرت حفصہ ، یا خود حضرت عائشہ اولدینی مرویدر . جناب پیغمبر « بر قومک کندی پیغمبرلرینک اتیان ایتدیکی شیدن اعراض و دیگر کتابہ رغبت ایللری کندیلری ایچون کافی بر حماقت و ضلالتدر » بیوردی . بونک اوزرینہ « اولم یکفہم انا ازلنا علیک الکتاب بتلی علیہم » آیت کریمہ سی شرف نازل اولدی .

[۱] المقد الفرید ۱۰۸ ج ۱ [۲] کاتب چلبینک ( میزان الحق ) کتابی ص ۶



بوصف الك مشهور لری (ابوالفرج ملطی) [\*]، (عبد اللطیف بغدادی) [\*\*]، (مقریزی) [\*\*\*]، (حاجی خلیفه) نك سوزلریدر. دیگر بعضاری ایسه عربلری اولیه بر حرکتی تجویز دن ده‌ا عالی عد ایدرك روایات واقعیهی رد و جرح ایلکده درلر. بز دخی بوندن تقریباً اون سنه اول نشر ایتدیگمز (تاریخ مصر الحدیث - یکی مصر تاریخی) نده یازدیغمز وجهه ایله بو ایکنجی فرقه ایله عین فکرده بولئور ایدك. فقط ده‌ا صکره اسلامیت و مدنیت اسلامییه تاریخی حقنده دوام ایدن تتبعاتمز نتیجه‌سینده حقیقه خدمت مقصدیله آئیده کوستره جگمز اسبابدن طولایی برنجی فرقه‌نك فکر و مطالعه‌سنی اوته‌کندن ده‌ا مرجع بولدق. تتبعات لاحقه‌مزی بیان ایدلم. شویله که:

اولا یوقاریده ویردیگمز معلوماتدن آکلاشلدیغی اوزره عربلر اسلامیتک اوائلنده وارد اولان احادیث شریفه و کبار صحابه‌نك اقوال صریحه‌سنه استناداً اسلامی تأیید ایتمک مقصدیله قرآن عظیم الشانندن ماعد بالجمله کتابلرک محاسنه چالیشمشرلدرد.

[\*] (جمال‌الدین ابوالفرج بن تاج‌الدین مارون) مشاهیر مورخیندرد. عربی و سریانی لسانلرنده متعدد آثار ی و بعض اشعاری وارد. پدری یهودیدن خرسقیان اولمش اولدیغندن (ابن‌العربی) اسمیله شهرت بولمشر. اووواجه (ابوالفرج) کنیه‌سیله شهرتی غالبدر. ۶۲۴ تاریخنده ملاطیه‌ده طوغوب ۶۸۵ ده مراغه‌ده وفات ایتمشر. پدری طیب ایدی. صاحب ترجمه ابتدا علم طب ایله توغل ایش ایسه‌ده بعده سریانی و عربی و یونانی قدیم لسانلریله علوم ریاضیه و فلسفه تحصیلنه قویوله‌رق انطاکیه‌ده علمای یمقوبیه بننده تمیز و مؤخرأ مناسب‌ترک برینه جکیلوب دنیا‌دن انقطاع ایش ورمهانلنک بطریق‌لکندن برترتبه آشاغی اولان جائلیق پایه‌سنی احراز ایش ایدی. آثار-ک اک مشهوری آری آری سریانی و عربی لسانلرنده یازمش اولدیغی بر تاریخ عمومیدر که ابتدای خلقتدن زمانه قدر اولان وقایعی جامع بیوک بر اثردر. لایتنبجهیه دخی ترجمه و طبع اولنمشر. عربی اوله‌رق (زبدة الاسرار)، (دفع‌الهم)، (کتاب‌العافی) عنوانلی تألیقاتی و سائر بعض آثار ی دخی وارد.

[\*\*] (ابن‌الباد شهرتیه معروف اولان (موفق‌الدین عبداللطیف بن یوسف بغدادی) مشاهیر علما و حکمای اسلامدن ایدی. لغت، ادبیات، حدیث و سائر علوم و فنونک کافه‌سنده عالم و علم طبعه دخی ماهر ایدی. ۵۵۵ تاریخنده بغدادده تولد و ۶۲۹ ده اوراده وفات ایتمشر. پک جوق اثرلر یازمشر.

[\*\*\*] (تقی‌الدین احمد مقریزی) اعظم مؤرخین اسلامدن ایدن. ۷۶۴ تاریخنده طوغمش و ۸۴۶ ده وفات ایتمشر. مقریزی موتوق و محقق بیوک بر مورخ اولدیغندن فرنکر تألیفاتنه پک زیاده اهمیت ویره‌رك کندی لسانلرینه ترجمه ایتمشرلدرد.

ثانیاً ( ابو الفرج ماطی ) نك ( تاریخ مختصر الدول ) نامندہ کی کتابندہ ( عمرو بن العاص ) طرفندن مصر ك فتحی ذكر اولندی صرہده شو معلومات ویریلور : « اسکندریہ مشاہیر علماسندن اولوب اعتقادات مذہبیہده کی مخالفتندن طولای روملر طرفندن قهر و مقاومت کورن ( غراماطیق یحیی - یوانیس ) [ \* ] اسکندریك ( عمرو بن العاص ) طرفندن فتح اولندی زمانہ قدر یاشایه رق ( عمرو ) ك حضورینه کیردی . ( عمرو ) یحیاك علم و عرفانی بیلدیکندن انی حسن قبول ایتدی . ( عمرو ) عاقل و مددك بر ذات ایدی . یحیاك عربلرجه معروف اولیان مطالعات فلسفیہ سنی بکنه رای کندیسنی یانندن آیر مامغه باشلادی . برکون یحیی ( عمرو ) : « اسکندریہده کی واردات وسائرہی اله کچیردیکنز . سز فائده سی اولان شیلره قاریشمه یز . فقط سزه فائده سی اولیان شیلری بزه ویرملی دکیسکنز ؟ » دیر . ( عمرو ) نه ایستدیکنی صورار . یحیی کتابخانہ قرالیده بولنان کتب علمیہ نك ویرلسنی طلب ایدر . ( عمرو ) « امیر المؤمنین عمر بن الخطابدن استیدان ایتمکسزین بونلری ویرم » جوابی ویریر . ( عمرو ) یحیاك سوزلرندن بحثله کیفیتی حضرت عمره یازار . بونك اوزرینه حضرت عمردن آئیده کی مکتوب وارد اولور : « بیان ایتدیك کتابلره کلنجه بونلر کتاب الله موافق شیلردن ایسه اللهك کتابی بزی انلردن مستغنی قیلمشدر . اللهك کتابنه مخالف شیلر ایسه انلره احتیاج یوقه . بونلری یاق » . ( عمرو بن العاص ) بو کتابلری اسکندریہ حاملرینه طاغتمغه وکلخانلرده یاقدر مغه

[ \* ] یحیی النحوی ( الاسکندرانی ) یونان قدیمک اسکندریہده یتیشن حکماسنك اك مؤخرلرندن اولوب دور اسلامه یتشمش و فاتح مصر ( عمرو بن العاص ) ك حرمت و التفاتنه مظهر اولش ایدی . یہ نانلیلرجه واورویانجه یوانیس فیلوپونوس ( ژان فیلوپون Jean Philopon ) اسمی ایله معروفدر . او وقتك بتون علماسی کبی لسان یونانیك نحو و فصاحتیله مشغول اولوب مع هذا طب ، منطق ، فلسفه ، حکمت ، علوم ریاضیه وسائرہ ایله دخی اوغراشهرق ارسطونك وسائر حکماء سالفه نك برچوق تألیقاتنی شرح و تحشیه ایتش ایدی . هان کاهه تألیقاتی عربی به مترجمدر . ( ابن ابی اصیبه ) نك طبقات الاطباستنده تعدادلری برقچ صحیفه ضبط ایدیور . کندیسنی رؤسای روحانیہدن اولدینی حالده تشبیه قائل اولوب کندینه مخصوص بر اعتقاد پیدا ایتش ایدی . بوندن طولای محکوم اولمش ایسهده مجرد علم و فضلنه اولان احتیاج عمومی به بناء اوحکم اجرا اولمزوب مجازات کورماشدی . ۶۶۰ تاریخ میلادیسنده وفات ایتشد . بعض آثاری وروپاده طبع اولمشدر .

باشلامش و انی آی طرفده کتابلر توکلمشدر . بو وقعہ یی ایشیدوب حیرته  
دوشماک قابل دکلدر ، [۱] .

بالاده کی عبارتک نص و مفادنده هیچ بر التباس موجود اولما مقبله برابر  
عربلری بو کتابخانہ یی احرار ایتمکدن دها عالی عد ایدنلر روایت مذکورہ یی  
رد و جرح و قائلنی تعصب دینی ایله اتهام ایدرلر . بر جوق اوروپا مورخلری ده  
بو روایتی رد و جرح ایدنلر جمله سندندر . بونلر بو روایتی ابطال مقصدیلہ  
بر جوق رسالہ لر و کتابلر یازمشلردر . معترضلر خلاصہ شویله دییورلر : اسکندریه  
کتابخانہ سنک احرارقی ( عمرو بن العاص ) . ایلك اسناد ایدن ذات ذکر اولنان  
( ابوالفرج ) ایدی . بو آدم آنجق خرسثیانلقده اولان تعصبی تأثیریلہ واسلامیتہ  
اهانت یایمق مقصدیلہ بو اسنادده بولنمشدر . فضلہ اولہرق بو آدم یدنجی عصر  
هجری رجالنندن ایدی . پدری موسوی ایدی . خرسثیان اولدی . ( ابوالفرج )  
خرسثیان مذهبندہ بیویہرک و پاپاسلقده قطع مراتب ایلمہرک اسقف ( ایسقفوس )  
اولدقدن صکرہ یونان ، ایران ، عرب ، سریانی کتابلرندن اقتباس صورتیلہ  
سریانجیحدہ بر تاریخ کتابخی وجودہ کتیرمش و بو تاریخندن عربجه بر خلاصہ  
یازہرق بو خلاصہ یی ( مختصر الدول ) نامی ویرمشدر . دییورلرک : « بو حکایہ یی  
محتوی اولہرق ایلك یازیلان و بو وقعہ حقدہ اورویاہ انتشار ایدن معلوماتی  
ایلك ویرن اثر بو کتاب ایدی . اسلام مورخلرندن ( عبداللطیف بغدادی )  
( مقریزی ) و ( حاجی خلیفہ ) طرفندن بو خصوص حقدہ ویرلن معلوماتہ  
کلنجہ بونلرک سوزلری مستقل بر منبع تاریخی عدایدیلہ منزه چونکہ ( مقریزی )  
بو معلوماتی ( عبداللطیف ) دن عیناً نقل ایلمشدر . ( حاجی خلیفہ ) ایسہ ویردیکی  
معلوماتندہ اسکندریه شہرندن بحث ایتیمہرک یالکمز « عربلرک اوائل اسلامیتدہ  
کندی اسانلرندن و شریعتلرندن بشقہ هیچ بر علمہ اہمیت ویرمدکلرینی » بیان  
ایدیور و نہایتدہ : « روایتہ کورہ ممالکی فتح ایتدکلری صرہدہ بولدقلری  
کتابلری یاقشلردر » دییور . ( عبداللطیف بغدادی ) یہ کلنجہ بو ذات اسکندریه دہ

[۱] کتاب مختصر الدول صحیفہ ۱۸۰ ( ۱۶۶۳ سنۃ میلادی سندہ اوقسونیادہ  
( اوقسفورد ) پوقوک Pocock باصمہ سی ) بیروتدہ کی جزویت مطبعہ سندہ بامیلان  
نسخہ سندہ بو فقرہ بیلمدی کمز بر سبیدن طولانی تماماً طی ایلمشدر . مؤلف



بولنان (عمود السواری) - فمار قله سی - ندن بحث ایتدیکی صرهدده اسکندریه کتابخانہ سنک احتراقی مسأله سنی بلا تحقیق ذکر ایلشدرد . کتابخانہ نک عربلر طرفدن یاقلمدیغی فکرندده بولنانلرک مطالعه سنه کوره اسکندریه کتابخانہ سی اسلامیتدن اول رومالیر طرفدن یاقلمشدرد . زیرا عربلر طرفدن احراق ایدلمش اولسه ایدی اسلام مورخلری وبخصوص فتوحات ومغازی محررلری بووقعه یی ذکر ایدرجکوردی . بولنر ایسه اوایلہ بر وقعه یازمیورلر « انتہی

مذکور کتابخانہ نک اسلامیتدن اول قسماً محترق اولدیغی انکار ایتیوروز . لکن بونک بر قسم نک اسلامیتدن اول یانمسی باقیسنک اسلامیتدن صکره احتراقه مانع تشکیل ایتیز . بو خصوص حقندده وارد اولان معلومات تاریخیه کلنجه بونک ایلاک ناقلی ظن اولندیغی کی ( ابوالفرج ) دکلدرد . ( ابوالفرج ) طوغمدن یکرمی سنه قدر اول ( عبداللطیف بغدادی ) مصرده سیاحت اجرا ایدرک مصرک مناظری و آناری حقندده بر کتاب یازمش واسکندریه کتابخانہ سنک عربلر طرفدن احراق اولندیغی ذکر ایلشدی . ( ابوالفرج ) ۱۲۲۶ سنه میلادیه سنده ( ۶۲۲ هـ ) طوغمشدر . ( عبداللطیف بغدادی ) نک مصرده سیاحتی ایسه آلتنجی عصر هجری اواخرندده وقوع بولمشدر . ( عبداللطیف ) ک بوخصوص حقندده کی عباره سی شودر : « ( عمود سواری ) نک اطرافندده بو دیرکوردن ایشه یارار بر طاقم بقایا دخی کوردم که بونلرک بعضلری صاغلام ، بعضلری قیریق ایدی . بودیرکلرک وضع وحاللری کوستریبورکه اوزرلرندده وقیلہ طاوان واردی . بو دیرکار طاوانی طاشیردی . ( عمود سواری ) اوزرندده بر قبه موجود ایدی که بوعموده استناد ایدردی . بو محملک ( ارسطوطاليس Aristote ) ک وکندیسندن صکره فرقه سنک علوم وقنونی تدریس و تعلیم ایتدکلری رواق - قبه آتی - واسکندر طرفدن اسکندریه تأسیس اولندیغی زمان انشا ایدیلن ( دارالعلوم ) اولدیغی ظن ایدرم . حضرت عمر رضی الله عنہک اذنی ایله ( عمرو بن العاص ) ک یاقدیغی کتابخانہ اشته بونک ایچندده ایدی » [ ۱ ] .

اوت ، ( عبداللطیف بغدادی ) نک بو عباره سی مختصرده . برصورت مخصوصده اولمیه رق بحثه کیرمشدر . مع مافیه بو عبارہ یازانک ( ابوالفرج )

دیگرندن فصل نقل ایتمن ایسه او عصرده موثوق به وشایان اعتماد بر مأخذدن  
آتش کی هخنده هیچ شبهه ایتمدیکنی کوسترمیورمی ؟

( ابو الفرج ) . کلنجه بو ذات عربجه ( مختصر الدول ) نامنده کی کتابی  
حیاتنک صوک زمانلرنده اکمال ایتمشدر . ( وفاتی ۶۸۴ سنه هجریه سنده ایدی ) .  
بو کتاب مؤلف مومالیهک سریایجه یازدینی تاریخک یالکیز فتوحات اسلامییه  
متعلق معلومات اعتباریله بر خلاصه سیدر . چونکه عربی تاریخه اسلامیت ،  
مغوللره و روم و عرب تاریخ علوم و ادبیاتنه دأر اوله رق عبرانی تاریخده موجود  
اولیان بر چوق معلومات علاوه اولمشدر . سریانی نسخه ایسه یالکیز فتوحات  
اسلامیه دن باخبردر . شو حالده سریانی نسخه ده اسکندریه کتابخانه سنک احرار  
مسئله سنک ذکر اولنامسی بونک عربجه ده کی نسخه نک اصلنده یازمش اولمامسنه ،  
یاخود بعضلرینک ظن و توهملری وجه ایله متأخریندن بری طرفندن اورایه  
صوقوشدیرلش بولمسنه دلالت ایتمز . بالاده بیان ایتمدیکنمز وجه ایله مؤلف نسخه  
عربییه روم و عرب ادبیاتنه متعلق بر چوق شیلر علاوه ایتمش . بوندن طولایی  
بر مناسبت حاصل اولمش . ایشته بومناسبتله مؤلف بوراده اسکندریه کتابخانه سنندن  
بخجه لزوم کوره رک احرارقی یازمشدر .

بو بایده اجرا ایتمدیکنمز تتبعات و تدقیقات نتیجه سنده ( ابو الفرج ) ک بو  
معلوماتی کندیسندن قرق سنه اول وفات ایدن مسلمان بر مورخدن نقل ایلدیکی  
تیین ایلمور . بوزات قاضی اکرم نامیله معروف اولان حلب وزیر ( جمال الدین  
ابوالحسن علی بن یوسف بن ابراهیم قفطی ) دره مشارالیه ۵۶۵ سنه هجریه سنده  
مصر صعدنده کأئن ( قفط ) بلده سنده تولد و ۶۴۶ سنه سنده حلبده وفات  
ایلمشدر [ \* ] . مشارالیهک جمله مؤلفاتندن اوله رق قاهرده کتابخانه خدیویده  
۱۱۹۷ سنه هجریه سنده یازمش ال یازیسی اولق اوزره ( تراجم الحکماء ) نامنده  
برکتبانی کوردک . بوکتابده غراماطیقی ( نحوی ) یحیی نک ترجمه حالندن

[ \* ] جمال الدین بن القفطی مشاهیر مورخیندن ایدی . ملوک ایوبیه زماننده مصرده  
مسند صدارته نائل اولمشدی . قبطی لک مکمل بر تاریخی یازمش اولدینی کبی ملوک  
سلجوقیه نک دخی تاریخی و ( تاریخ الحکماء ) اسمی ایله پک معتبر بر اثر یازمشدر .  
اشبو تألیف اخیر اکثر کتبخانه لرده موجود اولوب نشر و ترجمه شایان برادرر . ۶۴۶  
تاریخنده وفات ایتمشدر . ( قاموس الاعلام )

بحث اولدینی صرده (ابوالفرج) طرفدن ویریلن معلوماتک عینی معناسنده فقط دها مفصل معلومات ویرلدکدن ماعدا اسکندریه کتبخانه سنک تأسیسی تاریخندن اعتباراً کچیردیکی حواله دأرده بیسانانده بولنیلیور . مذکور کتابده کوردیکمز معلومات عیناً شودر :

« محوی یحی ( عمرو بن العاص ) طرفدن مصر واسکندریه فتح اولدینی زمانه قدر یاشامش ایدی . قطعۀ مذکورہ اسلاملر طرفدن فتح ایدلدیکی متعاقب ( یحی ) ( عمرو ) ک حضورینه کیردی . ( عمرو بن العاص ) یحیاک علم و عرفانده کی موقعی ، اعتقاداتی ، خرسیتیلر ایلہ وقوع بولان سرگذشتی بیلدیکندن کندیسنه بر موقع ممتار تخصیص ایتدی . یحیاک تشلیک ابطالی



عقیدن معمول نظراق

کردانلق

و عالمک انقضایی  
حقنדה کی مطالعاتی  
دیکلیرک بکندیکی  
کبی عربلرجه او آنه  
قدر معروف اولمیان  
قیاسات منطقیه و اقوال  
حکمیہ سنده مفتون  
اولدی . ( عمرو بن  
العاص ) عاقل ، سوز  
آکلار ، صاحب  
فکر سلیم بر ذات  
ایدی . یحیایی

یانه آلدی . انی کندیسندن همان آیرمیوردی . برکون یحی ( عمرو بن العاص ) ه دیرکه : « اسکندریهده کافۀ وارداتی اله کچیردیکز . بولدیغکز هرشیئک اوزرینه وضع ید ایلدیکز . بونلردن سزه فائده سی اولانلره قارشمق ایسته م . فقط برشی که سزه فائده سی یوقدر ، بزم اولوق لازم کلمی ؟ بوکیلری بزه ویریکز . » ( عمرو ) « نه بی ایستیورسک ؟ » دییه صورار . یحی : « کتابخانۀ قرالیده موجود اولان کتب علمیہ یی آرزو ایدیورم . بونلری



محافظه آلتنه آدیکنز . حال بوکه بز بونلره محتاجز . سزک ایسه بونلردن  
 فائده‌گزیوقدر « جوانی ویریر . ( عمرو ) » بوکتابلری کیم طویلاادی ؟ حکایه‌سی  
 نه در ؟ « دیه صورار . یحیی کتابخانه‌ک تاریخی شویولده نقل ایدر : « اسکندریه  
 ملوکنندن ( بطولوماوس فیلا دلفوس Ptolémée Philadelphie قبل المیلاد ۲۸۵ )  
 علم و علمایه رغبت ایدرک هر طرفدن کتب علمیه آرادی . جعنی امر ایتدی .  
 بونلره یرلر تخصیص ایلدی . بوسایه ده یک چوق کتابلر طویلااندی . کتابلره  
 باقی مأموریتی ابن مره ( زمیره ) نامیله معروف برآدمه حواله ایتدی . بونلرک  
 جمع و جلبی ، هر نه فیثانه اولور ایسه اولسون مبابیعه ایدلمسی ، صاتان کیمسه لره  
 تشویقات اجرایی خصوصاً صلونده بوآدمه مأذونیت ویردی . ( ابن مره )  
 آلبغی اوامری انفاذ ایدرک بوسایه ده برمدت ظرفنده الی یک یوز کرمی کتاب  
 جمع اولندی . پادشاه بوکتابلرک طویلااندیغنی ، مقداریخی آکلانجه ( زمیره ) دن :  
 « بزده بولنمان دنیاده دهاکتاب قالمشیدر ؟ » دیه صورار . ( زمیره ) : « اوت ،  
 ( سند ) ، ( هند ) ، ( ایران ) ، ( جرجان ) ، ( ارمان ) ، ( بابل ) ، ( موصل )  
 ممالکنده وروملرک زدننده دهاکر کتابلر واردر » جوانی ویریر . پادشاه  
 بوکا تعجب ایدر . ( زمیره ) یه « کتاب طویلامقده دوام ایت » امرینی ویریر .  
 پادشاه وفات ایدنجه یه قدر بو حال دوام ایلدی . جمع ایدیلن کتابلر پادشاه  
 مشار الیهک وفاتندن صکره ده محفوظ قالدی . بوکونه قدر کلن پادشاهلر  
 هپ بو کتابلرک حسن محافظه سنه اهمیت ویردیلر . ( عمرو بن العاص ) یحیانک  
 بوبیاناتی استعظام ایتمکه برابر شایان حیرت بولور . یحیایه : « فقط امیرالمؤمنین  
 عمر بن الخطابدن استیدان کیفیت ایتمکسزین بوخصوص حتمده هیچ برامرویره م »  
 دیر . ( عمرو ) یحیی طرفندن وقوع بولان بیاناتدن بحثله بوبابده نه یاقمق لازم  
 کله جکنی حضرت عمردن استیدان ایدر . بونک اوزرینه حضرت عمردن شو  
 جواب وارد اولور : « بیان ایتدیکنک کتابلره کلانجه بونلر کتاب الله موافق  
 شیلری حاوی ایسه کتاب الله بزى انلردن مستغنی قیلمشدر . اللهم کتابنه  
 مخالف شیلر ایسه انلره احتیاج یوقدر . بونلری یاق » . ( عمرو بن العاص )  
 بوکتابلری اسکندریه حاملرینه طاعیمغه وکلخانلرنده یاقدیرمغه باشلاادی .  
 اوصره ده اسکندریه ده بولنان حاملرک مقداریخی بیلیرایکن خاطرمدن چیقدی .

روایتہ کورہ بوکتاہر اوصورتہ کلخنلرہ ویرملکلہ آلتی آی ظرفندہ توکلمشدرہ .  
 بونی ایشیندوب حیرتہ دوشامک قابل دکلدر » . ( ابن قفطی ) نک ویردیکی .  
 معلومات ایشته بورادہ ختام بولیور [ ۱ ] .

بوفقرہ ( ابوالفرج ) ک سوزلری ایله مقابلہ ایدیلیر ایسه ( ابوالفرج ) ک  
 ( ابن قفطی ) نک بوجتہ دائر اولان سوزلری مختصراً نقل ایتیش اولدینی تین  
 ایدر . هرایکی کتاب ، یعنی ( ابن قفطی ) نک کتابی ایله ( ابوالفرج ) ک کتابی  
 مطالعہ اولنور ایسه ( ابوالفرج ) ک - ( حجاج ) ک طیبی ( تیدوق ) حقندہ  
 ویریلن معلومات کی [ ۲ ] - عربجه تاریخنه علاوه ایتدیکی مطالعات علمیه نک  
 اکثرینی مشار الیه ( ابن قفطی ) دن نقل ایتدیکی کورولور . چونکہ طیب  
 مومالیه حقندہ ویریلن معلومات ( ابن قفطی ) نک ( تراجم الحکماء ) سندہ کی  
 معلوماتک حرفیاً عیندر .

شمسی ( ابن قفطی ) نک بو معلوماتی نرہ دن الدیغنی تدقیق ایتک قالبور .  
 ظن اغلبہ کورہ بونک مأخذی ( عبداللطیف بغدادی ) نک اتخاذ ایتدیکی  
 مأخذک عینی در . چونکہ هر ایکسی برعصر آدمی ایدیلر . شوقدرکہ عبداللطیف  
 اندن دها اول یتشمسیدی . زیرا بوذات ۵۵۷ سنه سنده تولد و ۶۲۹ سنه سنده  
 وفات ایلشیدی . فقط شایان تأسفدرکہ او مأخذلر ضائع اولان کتب عربیه  
 جملہ سندن اوله رق ضائع اولوب کیتمشدر . مع مافیه ( ابن الندیم ) ک ( فهرست )  
 کتابندہ فلاسفۃ طبعیوندن بحث اولنور کن اسکندریه کتابخانہ سنک تأسیسی  
 حقندہ ویریلن معلومات نظر دقتہ آلنیر ایسه مذکور کتابخانہ نک احوال  
 تاریخیه سی ایچون او صرہ ده مأخذ تشکیل . ایدن کتابلر جملہ سندن اوله رق  
 ( اسحق الراهب ) نامندہ بر آدمک یونانیلردن و رومالیلردن و بونلرک علوم  
 و ادبیات و عادات و اخلاقندن باحث بر تاریخ کتبابی بولندی تین ایدر . عرب  
 مورخلرینک اسکندریه کتابخانہ سنک ( زمیرہ ) واسطه سیلہ تأسیس اولندی  
 حقندہ یازدقلری شیرایشته بوتاریخندن نقل ایتدکلری معلومات جملہ سندن ایدی .  
 اسکندریه کتابخانہ سنک کیفیت تأسیسی بوتاریخ کتابندہ شوصورتہ بیان اولنیور :  
 » اسکندریه ملوکندن ( بطولوماوس فیلا دلفوس ) مقام حکمداریه دیک

زمان علم کتابلرینی آراغنه قویوله‌رق (زمیره) نامنده ر آدمی بو ایشه مأمور ایتیش. روایت‌ه کوره بو آدم اللی دوت بیک یوز یکرمی جلد کتاب طویلا دقدن صکره برکون پادشاهه: «افندم! جهانده (سند)، (هند)، (ایران)، (جرجان)، (ارمان)، (بابل) و (موصل) ده و روملرک نزدنده دهاک چوق کتابلر واردر، دیش «[۱]». بوققره (ابن قفطی) نک ایراد ایتدیکی فقره نک عینیدر. اغلب احتماله کوره (ابن قفطی) کتابخانه نک تأسیسی ذکر کیچن (اسحق راهب) دن واحترافی بر دیکرندن آلمشدر. (ابن الندیم) ک فلاسفه (حکما) حقنده کی معلوماتی (اسحق راهب) دن آلامش اواسه ایدی اسلام مورخلرینک (عمر و بن العاص) واسطه سیله اسکندریه کتابخانه سنک یاقلدیغنه دائر برشی یازمدقلرینی فصل ظن ایتدک ایسه بواسحقک وجودندن و یازدیغی معلوماتندن خبرمز اولیه جقدی.

بالاده کی ایضا حاتدن تبیین ایدییورکه اسکندریه کتابخانه سنک احراقی مسأله سی (ابوالفرج) طرفندن تعصب دینی اثری اوله‌رق ایجاد ایدلمدیکی کی کنديسندن صکره بر دیکری طرفندن کتابنه صوقوشدیرلمش اویدورمه برشی ده دکلدر. (ابوالفرج) بومسأله یی (ابن قفطی) دن اقتباس ایشدر. (ابن قفطی) ایسه قضاة مسامیندن برقاضی وفقه، حدیث، علوم قرآنیه، لسان، نحو، اصول، منطق، هیئت، هندسه، تاریخ، جرح و تعدیل علملرنده ید طولی صاحبی محترم برذات ایدی. قاضی موما الیه برچوق کزیده اثرلر جمع ایتیش ایدی. هر طرفدن کنديسنه قیمتدار کتابلر کتیریلیردی. اللی بیک دینار دکرنده بولنان کتابخانه سی قدر جهانده هیچ برشیدن حظ ایتزدی. علم و عرفانه اولان محبت عظیمه سنه دائر برچوق تحف حکایه لر روایت اولنور. بلاولده وفات ایلدیکندن کتابخانه سی حلب امیری (ناصرالدوله) یه وصیت ایتشدر. تاریخ، نحو، لسانه دائر متعدد اثرلری واردر. مصرک مبدأ تاریخندن (صلاح الدین ایوبی) زمانه قدر وقوعات تاریخیه سی حاوی آتی جلددن مرکب (کتاب اخبار مصر) نامنده کی اثری [۲] ایله موضوع بحشمز اولان (تراجم الحکماء) کتابی او اثرلر جمله سندنذر. کذلک بوده آکلاشیلورکه (ابن قفطی) ایله (عبد اللطیف



بغدادی) اسکندریہ کتابخانہ سنک احراقی حقیقہ کی معلوماتی دہا صکرہ ضیاء اوغرامش بر مأخذدن آتشلردر . فتوحات اسلامیہ کتابلرینک بو حادثہ نك ذکرندن خالی بولمنسی بختہ کلنجه بونك البتہ بر سببی واردر . فیکرمنجه فتوحات نویسار بو حادثہ نی ذکر ایتشلردی . فقط دہا صکرہ اسلاملردہ مدنیت ایلرلیہرک علوم و معارف ایلہ انتقال و کتابلرک قدری تقدیر ایدیلنجه راشدین دورندہ بو حادثہ نك وقوعی مستبعد عد ایدرک او کتابلردن طی و حذف ایتشلردر . مع مافیہ احتمال کہ بو حادثہ دیگر بر سبیدن طولانی فتوحات کتابلرنده ذکر اولنماشدر . فقط ہر حالہ ( ابوالفرج ) طرفندن بو بابہ ویریلن معلوماتک صحیحی بزجہ مرجع کوروندی .

ثالثاً اسلام تاریخلرینک برچوق یلرنده ایران و سائرہ کتابخانہ لرینک احراق اولندیغی مختصراً ذکر اولنیور . ( کشف الظنون ) مؤلفی علوم اقدمیندن بحث ایتدیکی صرہدہ او معلوماتی شو شکلده تلخیص ایلنیور . دیورکہ : « اسلاملر ایران ممالکینی فتح ایلہ ایران کتابلرینی حوزہ تملک لرینہ کچرنجه ( سعد بن ابی وقاص ) بو کتابلر حقیقہ ایدیلہ چک معاملہ نی واسلاملرہ نقل و ترجمہ اولمنسی حضرت عمردن استیدان ایتمشدر . حضرت عمر شو جوانی یازوب کوندرمشدر : « بو کتابلری صویہ آتیکز . چونکہ بونلرک محتویاتی راہ صواب ایسہ جناب حق انلردن دہا زیادہ حق یولنی کوستیرر بر کتاب مبین بزہ بخش ایلشدر . ضلالت ایسہ اللہ بزنی اندن قورتارمشدر » . بونك اوزرینہ اسلاملر او کتابلری صویہ ، یاخود آتشہ آتمشلر و ایرانلیلرک علومی انلر ایلہ برابر محسو اولوب کیتمشدر » [۱] .

( کشف الظنون ) صاحبی اہل اسلام ایلہ علوم و معارفندن بحث ایتدیکی صرہدہ دخی : « اسلاملر ممالکی فتح ایتدکبری اثنادہ بولدقلری کتابلری احراق ایتشلردر » دیو [۲] . ہیچ شہہ یوقدرکہ ( کشف الظنون ) صاحبی بو معلوماتی بر مأخذدن آتمشدر . نتہ کیم ( ابن خلدون ) بونی مؤید اولہرق : « فتوحات اثناسندہ حضرت عمر طرفندن احما اولمنسی امر ایدیلن ایرانلیلرک متروکات علمیه سی زہدہدر ؟ » دیور [۳] .

رابعاً او عصر لرده بردشمندن انتقام الملق ایچون کتاب یاقق جاری برعادت ایدی. بر فرقه ویا بر ملت خلقی دیگر بر فرقه ویا بر ملک کتابلرینی یاقاردی. نته‌کیم (عبدالله بن طاهر) مجوسیلرک مؤلفاتندن کندی زمانی اولان ۲۱۳ سنه هجریه سنه قورقلش بولنان برطاقم کتابلری صویه آندیره‌رق احوالیدیکی کبی مجوسیلرک مؤلفاتندن کتابلر اله کچیردکجه احوالیدیکی لزومنه دائرده هر طرفه اوامر کوندرمش ایدی [۱].

تاتار هولاکو (هلاکو) دخی ۶۵۶ سنه هجریه سنده بغدادی فتح ایتدیکی زمان بو پایتختده غایت عظیم مقدارده بولنان کتابلری وقیله عربلر قوحتاک ایلک دورلرنده ایران کتب وعلومنی فصل یاقشیلر ایسه زعمنجه اکا بر مقابله اولمق اوزره (دجله) نهرینه آندیره‌رق اتلاف ایشدر [۲]. بعضلرینک روایتنه کوره (هلاکو) بو کتابلری کرییج برینه قوللانورق بونلردن آتلینه اخورلر ویم محالری یاپدیرمشدر [۳]. اغلب احتماله نظراً (هلاکو) بو کتابلری اهل سنتدن انتقام الملق مقصدیه صویه آتورق احوالیشدر.

فرنکار محاربات صلیبیه اثناسندن طراباس شامی فتح ایتدکلری زمان قونت (برترام سنت جیل) ک امری ایله شهرده بولنان کتابخانه‌ی احراق ایشلردره. (برترام) ایچنده قرآندن بر جوق نسخه‌لر بولنان براوطیه کیروب کتابلری کورنجه بتون کتابخانه‌نک احراقی امر ایشدر. زعملرینه کوره بو کتابخانه‌ده اوچ میلیون جلد کتاب وار ایدی [۴]. اسپانیایلر اندلس قطع‌ه‌سنی اون بشنجی عصر میلادیده اسلاملردن آلدقلری زمان عین حرکتده بولنشلردی.

خامساً او عصر لرده ادیان صاحب‌لری اسکی معبدلرک هدمی ایله احبابنه‌عائد کتابلرک احراقی یکی ادیانی تأیید ایدن خصوصاًتدن عدایدرلردی. روم ایمپراطورلری خریستیانانی قبول ایتدکلری زمان بتپرستلیک عائد اوله‌رق مصرده بولنان هیاکل و معابدک؛ محتوی اولدقلری کتابلر وسائر ایله برابر احراق ایدلمسنی امر ایتمشلردی. خلفای مسلمین معتزله و فلسفه اربابی حقنده شدت استعمال

(۱) Bravn's Lit. Hist. Persia, 347

(۲) ابن خلدون ۵۳۷ ج ۳ و ۵۴۳ ج ۵ (۳) ابن السامی ۵۲۷

و ابن خلکان ۱۲۸ ج ۲ Gibbon's Roman Empire II. 505 (۴)

ایتمک ایستہ نیجہ بونلرک کتابلرینی یاقارلردی . معتزلہ و صـورنلہ کوردکلری تصدیقات و شدت اوزرینہ کورنمکدن چکینرلر و کیزلیجہ اجتماع ایدرلردی . بو احترازہ رغماً اینہ خلفاک تعقیباتندن قورتولمازلردی . بو قبیلدن الک مشہور وقائع جملہ سندن اولمق اوزرہ سلطان محمود غزنوی ۴۰۰ سنہ ہجریہ سندہ (ری) شہرینی فتح ایتدیکی زمان باطنیہ پی [\*] قتل و معتزلہ پی نفی ایتدیکی کبی فلسفہ ، اعتزال و تنجیمہ دائر اولان کتابلری دہ احراق ایلشدر [۱] .

سادسا تاریخ اسلامدہ ائمہ مسلمیندن برطاقم ذوات واردرکہ کندی کتابلرینی کندی کنیدیلرینہ احراق ایلشدر . اوجملہ دن اولان ( احمد بن ابی الحواری ) تحصیل علومی اکمال ایتدکدن صکرہ بر کون قلبنہ وقوع بولان الہام کبی بر حالہ بناء کتابلرینی ( فرات ) ک کنارینہ کوتورمش واورادہ برساعت قدر آغلادقدن صکرہ کتابلرہ خطاباً : « اللہی طہانیتحق ایچون بکا ای رہبرلک ایتدیکنر . شمدی مدلولی بولدم . آرتق دلیل - رہبر - ایلہ اوغراشمق عبشر » دیہرک کتابلرک یازیلرینی یقہ یایوب ازانہ ایلشدر . رواستہ کورہ ( سفیان ثوری ) مالک اولدینی کتابلرک وفاتندن صکرہ طوبراق آلتندہ دفن اولنسنی وصیت ایتشدر . کذلک ( ابو عمرو بن علاء ) طـاوانہ قدر بر او طہ طولوسی کتابلرہ مالک ایدی . تنسک و تزہد ایدنجہ بونلری یاقشدر [ ۲ ] .

[\*] باطنیہ ( سبعیہ ) نامی ایلہ معروف واسماعیلیہ و قرامطہ نک عین مذہبنہ سالک ، شیعہ دن مغرط بر فرقہ اسلامیہ ایدی . بو فرقہ نک ذہابنہ کورہ شریعت صاحبی اولان پیغمبران عظام آدم ، نوح ، ابراہیم ، موسی ، عیسی ، محمد ، محمد مہدی اولمق اوزرہ یدیدن عبارتدر . بو پیغمبران دن ہر ایک یسی آرمہ سندہ یدی امام بولنور . چونکہ ہر دیندہ کنیدیلرینہ اتباع اولنور یدیشر ذاتک ظہوری لابدر .

معتزلہ کانجہ بو دخی ( قدویہ ) فرقہ لرندن بر فرقہ اسلامیہ ایدی . بو نام ایلہ تسمیہ ایدلرینہ سبب ایسہ انلرجہ ایکی فئہ ضلالت عد ایدیلن اہل سنت و خوارجدن اعتزال ایملری ، یعنی بر طرفہ چکیلوب آیرلملری ایدی . یاخود دیگر روایتہ کورہ ( واصل بن عطاء غزالی ) ایلہ آرقداشلمی حضرت حسندن آیریلہرق جامعک دیرکی یانندہ ایمان ایلہ کفر آرمہ سندہ متوسط بر درجہ بولندیفنہ ، یعنی بیـوک بر کناہ ویا برجرم صاحبک نہ مطلق کافر ، نہ دہ مطلق مؤمن صایلہ میہ جفنہ دائر بیان افکارہ باشلادقلری زمان حضرت حسنک « واصل بزدن اعتزال ایتدی » دیمسی بواسمک مذکور فرقہ بہ اطلاق اولنسنہ سبب اولمش ایدی .

( محیط المحیط )

(۱) ابن خلدون ۷۸۴ ج ۴ [ ۲ ] کشف الظنون ۱۴۰ ج والیان ۱۲۳ ج ۱




بالاده کی ایصاحاته بناءً عربلرک اوائل اسلامیتده راست کادکلی اسکي  
کتب علمیه یی اسلامیتک تأییدی مقصدیله یافدقلرینی مرجع کورور . فقط  
دها صکره حاکمیتلری تأید ایله علوم و معارفله مشغول اولنجیه ایلریده  
کوریه جکی اوزره احراق ایتدکلی کتابلرک بر قاج مثنی علم و عرفانه اهدا  
ایله بوبابده کی زبانی قات قات فضله ایله تلافی ایشلردر .

## رابعاً : رومالیلر ، اسلامیت ، علوم و فنون

عربلره اسناد اولنان قصورلر جمله سندن اوله رق دیرلر که : « عربلر مدینتیلرینک  
اک پارلاق زمانارنده بیله کندیلری علوم و معارف ایله اوغراشمیدیلر .  
اوصره لرده علوم و معارف ایله اشتغال ایدنلر آنجق ایرانلیلر ایله عربلرک  
حاکمیتی آلتیه کیرن ملل سائره افرادی ایدی . حال بوکه اسکي مدنی دولترلر  
یونانلیلر ایله رومالیلرده حال اوپله دکلدی . چونکه انلر کندیلری بالذات  
علوم و معارفله اوغراشمیشلر ، علملر ایجاد ایتیشلر ایدی . بوعلملر کندیلرندن  
اقوام سائرهمه انتقال ایشدی . عربلرده ایسه علوم و معارفک اکثری دیگر  
اقوامدن کندیلرینه انتقال ایتیش شیلردن عبارتدی . »

بوفکرده بولنان ذواتک روما دولتی ایله عرب دولتی بیننده مقایسه یاپه رق  
بومطالعاتی سویلرلر . حال بوکه بوسورتله مقایسه اجرایی طوغری دکلدر .  
بومقایسه یی رومالیلر ایله اسلامیت آرمسند یایمق اقتضا ایدر . چونکه رومالیلر  
روما دولتی فصل تأسیس ایتدیلر ایسه عربلرده اسلام دولتی تأسیس ایشلردی .  
اسلامیت بر چوق اقوام داخل اوله رق عربلر ایله اختلاطده بولنقله بولنلردن  
امت اسلامییه تشکل ایتمشدی . نته کیم رومالیلرک فتح ایتدکلی ممالکده بولنان  
اقوامک یکدیگرلریله اختلاطی ایله روما ملتی نامی آلتنده یکوجود بر ملت  
تشکیل ایلری کبی . ایشه بونقطه دن اسلاملر ایله وومالیلر آرمسند بر مقابله  
یاییلر ایسه ک اسلاملرک رومالیلردن زیاده علوم و معارف ایله اشتغال ایتدکلی  
کورولور . چونکه کرک رومالیلر ، کرک عربلر علوم و معارفی یونانلیلردن

اقتباس ایتھلردی . رومالیلرده علوم و معارف ایله اشتغال ایدنلرک کافهسی روما اهاالیسندن اولمدقلى کبی عربلرده دخی علوم و معارف ایله اشتغال ایدنلرک جملهسی ( جزیره العرب ) اهاالیسندن دکل ایدی . شو قدرکه روما ممالکنده بولنان اقوام رومالی نامی آلتنده طوبلاندقلى حالده مملکت اسلامیده بولنان اقوام عرب نامی آلامشلردی . بوکا سبب شو: رکه عربلرک فتح ایتدکلری یرلر اسکیدن بری اهاالیسی مدنی بولنان برطاقم ممالکدن متشکل ایدی . بواهایی عرب یایمق ، قومیتلری انلره اونوتدیرمق کوچ ایدی . فضله اولهرق مملکتده برچسوق ادايانک بولنمی و عربلرک کندیلرینه تابع اولان اقوامدن کندی نفسلری عالی و ممتاز طوتمقده پک زیاده ایلری کیتملری او کوچلکی برقات دها آرتدیرمش ایدی .



مدینه منورهده بر خانه

یونانیلر کلهجه  
بونلرک فطرة حائر  
اولدقلى اقتداره  
بناء علم و فلسفه نك  
موجدی اولدقلى رنده  
شبهه یوقدر . بونكله  
برابر یونانیلرک علم  
و فلسفه لرینی بعضلری  
اسکی مصر لیلردن  
ودیکر بعضلری کلدای

نیلردن و سائر دین آلدقلى تمللر اوزرینه تأسیس ایتدکلری انکار ایتهمکده اقتضا ایدر . فقط هر حالده یونانیلر علم و فلسفهده موجد عد اولدورلر . بونقطه دن رومالیلره و عربلره فائقدرلر . معافیله یونانیلر دولت تأسیسنده و قوانین وضع ایتک خصوصنده کرک رومالیلردن و کرک عربلردن آشاغی عد اولدورلر . زیرا یونانیلر منتظم و پایدار بردولت تأسیس ایدمیوب آره لرنده خصومت و رقابت حکم سورن آنحق برطاقم کوچک کوچک حکومتلره منقسم ایدیلر .

علم وفلسفه یی یونانیلردن اقتباس ایدن رومالیلر آلدقاری شیلری پک چوق  
 تزئید ایدمه مدیلر سده یونانیلرک مقتدر اوله مدقاری برطرزده بیوک بردولت  
 تأسیس و پک چوق قوانین و نظامات وضع ایشلردی. شوخالده رومالیلر فتوحات  
 و حاکمیت اربابی ایدیلر. یونانیلر ایسه تصور و خیال اهلی ایدیلر. عربلره  
 کلنجبه بونلر هر ایکی مزیتی برآرده جمع ایشلر ایدی. یعنی هم فتوحات  
 و حاکمیت، هم ده تصور و خیال صاحبی ایدیلر. بوجهته عربلر پک بیوک بر  
 دولت تأسیس و برچوق قوانین و نظامات (فقه) وضع ایتدکلاری کی یونانیلردن  
 علم نقلی وانی احوالده ابقا ایله اکتفا ایلهرک آلدقاری علوم ایجه تدقیق و کرک  
 کندی عقل و قریحه لرینک محصولی و کرک ایران، هند، کلدانیلردن و سائردهن  
 اقتباس ایتدکلاری علوم و معارف ایله تزئید ایشلر و علوم اسلامییه و لسانییه کی  
 برطاقم علوم دخی کندیلری وضع ایشلر دی. شعرده کی تفرد و تمیزلری ایسه  
 بشقه ایدی. بوراسی بوبابده دها زیاده تفصیلات ویره جک محل دکلدر.

### خامساً اسلامیتده علما اکثریتله عربلردن دکلایلر

بالاده کوسترلدیکی اوزره مدنیت اسلامییه دورنده مدار اشتغالی تشکیل ایدن  
 علوم و فنون بری علوم اسلامییه، دیکری علوم دخیله اولق اوزره ایکی نوع  
 ایدی. علوم اسلامییه ایله اشتغال ایدنلرک چوغی عربلردن دکل ایدیلر. بونک  
 سببی شودرکه اسلامیتی نشر و ممالکی فتح ایدن عربلر او قومیه سی یازمه سی اولمیان  
 چول خلقدن مرکب اولدقاری جهته اوائل اسلامیتده نشر دیانت و تأسیس  
 دولته حصر مساعی ایدرک علوم و فنونه اهمیت ویرماملردی. چونکه بونلر علم  
 نامنه قرآندن بشقه برشیته محتاج دکلایلر، انک ایچون قرآنی اذیرلمک و احکامی  
 نشر ایتمکه اکتفا ایلورلردی. فی الحقیقه ظهور اسلامیتدن اعتباراً یکرمی سنه  
 یکمدن شام، عراق، مصر، ایران، آفریقا و سائر نک اسلاملر طرفدن  
 فتحی میسر اولمشدی. اوصرده اسلام عسکرینی عربلر تشکیل ایدیوردی.  
 فتوحات ائناسنده بونلردن برچوقلری شهید اولمشدی. حال بوکه ممالک



مفتوحہ نك حاكمیت اسلامیہ آئندہ بقاسی او جہانگیر اردودن برحیات قالانلرك  
 همت وغیرتنہ متوقف بولنیور دی . بوسبیدن عربلر عسکرلکدن وحکومت  
 مأموریتندن بشقہ برشیئہ باقہ مامشلردی . بردہ فطرۃ خیالہ میال برقوم اولدقلرندن  
 فکر وقریحہلری زمان جاهلیتندہ علوم ادبیہ یی تشکیل ایدن شعر ، خطابت  
 وامثالہ منصرف اولہرق کندی چوجقلرینی بوعلوم ادبیہ ایلہ ریاضیات بدنہ  
 وفروسیئہ وآنہ باقہ آیشدیرمقلہ وقت کچیرمشلردی . عربلر اساساً بوقوت ایلہ  
 دیانتک نثرینہ وممالکک فتحنہ موفق اولمشلردی . بناءً علیہ متخلق اولدقلری  
 غیرت وهمت وآرہ لرندہ کی رابطۃ اتحاد بوزولسون دیہ مدنیشمکدن  
 قورقویورلردی . اسلامیتک الک بیوک آدمی حضرت عمر اسلامیتک استقبالی  
 نظر دقہ آلہرق اسلاملری زراعتلہ وسائر امور حضارتلہ اشتغالدن منع ایلش  
 ایدی . حضرت عمر اسلاملری برسویک اوتہ سئندہ بولمقدن منع ایتدیکی  
 حالہ بالاخرہ دکزلردہدہ اجرای حرکات حربیہ یی لزوم کورنجه اسلاملرہ  
 وصایادہ بولندقجہ سباحتک دہ ( یوزمہ نك دہ ) تعلیمی لزومنی توصیہ ایتمکہ  
 باشلامشدی . حضرت عمرک بوبولده کی مکتوبلرندن برندہ شویلہ دینیلیور :  
 « چوجقلرکزه یوزمکی ، آتہ ایی ینمکی اوکر دیکز . الک ایی ضروب امنالی ،  
 کوزل شعرلری کندیلرینہ ازبرلديکز » [ ۱ ] .

دھا صکرہ لسانک بوزولسی ایلہ قراشترده اختلاف کورلسی اوزرینہ خلفا  
 قرآنک جمع وتدوینہ قرار ویردکلری زمان کتاب مبینی حفظ وتلاوت وعلوم  
 اسلامیہ ایلہ اشتغال ایدنلرك اکثری موالی ( اصلاً عرب اولمیان اسلاملر ) وبو  
 جملہ دن بالخاصہ ایرانلیلر اولمشدی . ایرانلیلر اوصردہ مدنیت وعلم اربابی ایدیلر .  
 « علم کوکدہ بولنسه ایرانلیلرینہ اکا یتیشیرلر » [ ۲ ] مآلندہ اولان حدیث شریفدن  
 آکلاشدیفی اوزرہ عربلر ایرانلیلرك بومزیتنی بیلورلردی . بوکا مقابل ایرانلیلر  
 دخی عربلرك حاکمیت ، نبوت وهیبت فتوحات ایلہ کندیلرینہ فائق اولدقلرینی  
 کوردکلرندن اسلامیتک اوزمانکی احتیاجاتنہ موافق اولان علوم ومعارف ایلہ  
 عربلرہ یاقلاشمغہ صرف غیرت ایلشلردی . عرب دولتنک ایلک تشکلی زمانندہ  
 دواج بولان علوم ومعارف قرآنک قرائت وحفظ وتفسیرندن واحادیث شریفہ نك

استاد و حفظه عبارت ایدی . بوجهته حفظه ، قراء ، محدثین ، فقها و مفسرینک اکثری عرب اولمیانلردن تشکل ایتشد . بونلرک ایچنده عرب کورولور ایسه علی الاکثر ( اصمعی ) نک منسوب اولدینی قبيله کی فتوحانده موقع و اهمیتی اولیان برطاقم کوچک قبائله منسوب برطاقم آدملر ایدیلر . علوم و ادبیات عربیه متبحریندن ( اصمعی ) اصلاً عرب ایسهده خست ایله مشهور اولان و شعرادن برینک :

لوقیل للکلب یا باهلی عوی الکلب من لؤم ذاک النسب

ذمه اوغرایان ( باهله ) قبيله سی کی هیچ موقع و اهمیتی اولیان بر قبيله نک افرادندن ایدی [\*] . بو کی بر اقلیتدن صرف نظر حفظه ، قراء ، محدثین ، فقها و مفسرینک اکثری اصلاً عجم - عرب اولیانلر - دن ایدیلر . اک اسکی حدیث راویلرندن و مفسریندن ( وهب بن منبه ) ایرانی اولدینی کی مشاهیر قراءدن ( نافع بن ابی رؤیم ) دخی دیلملیدر . سائر علمایده اکا کوره قیاس ایدیکزه اک بیوک واک اسکی فقهادن بصرده ( حسن بن ابی الحسن ) ، ( محمد بن سیرین ) ، مکده ( عطاء بن ابی رباح ) ، ( مجاهد بن جبر ) ، ( سعید بن جبیر ) ، ( سلیمان بن یسار ) ، مدینهده ( زید بن اسلم ) ، ( محمد بن المنکدر ) ، ( نافع بن ابی نجیح ) ، قباده ( ربیعہ الرأی ) ، ( ابن ابی زناد ) ، یمنده ( طاوس ) و اوغلی و ( ابن منبه ) ، شامده ( مکحول ) و سائر یرلرده سائرلری هب موالدین ، یعنی عرب اولیان اسلاملردن ایدیلر [۱] .

لسان بوزولوبده قواعدک قید و ضبطنه و الفاظک جمعنه لزوم کورولدیکی زمان عربلردن اولیانلر بوکا دها زیاده محتاج اولمشلردی . چونکه عربلر لسانده حائر اولدقلری ملکه فطریه سایه منده قواعد اوکرنمکدن و کلمه ازلرلمکدن مستغنی ایدیلر . بوسبیدن عرب علوم لسانیه سی ایله عرب اولیانلر مشغول اولمشلردی . ادبیات و ان علماسندن اکثری بونلردن ایدی . مثلاً ( حماد راویه ) دیلمی

[\*] مؤلفک بو عبارده منده بر سهو وارد . زیرا ( ابن خلکان ) : « اصمعی به باهلی نامی و یرلیر ایسهده انک باهلیه هیچ بر انتسابی یوق ایدی » دیور . شوخالده مؤلفک بالاده کی مظالمه سی محتاج تصحیحدر . مترجم

اولدینی کبی (خلیل) ، (سیبویه) ، (اخفش) ، (فارسی) ، (زجاج) و سائرہ دخی ایرانی و یا خود دیگر بر عنصرہ منسوب ایدیلر .

دیگر علملر ایله فلسفہ دن متشکل اولان علوم دخیله کلمجہ عربلر ایچون بونلر ایله اشتغال ایدیلر یالکیز عربلرک دکل ، اسلاملرکده غیری ایدیلر . چونکہ عباسیلر یونان ، ایران و هند کتابلرینک عربجہ یه نقلی آرزو ایتدکلی زمان ترجمہده بو لسانلره واقف اولان کلدانیلر ایله سریانیلری ویرانیلری و سائرہ یی استخدام ایلشلر ایدی کہ بونلرک اکثری ایلریده کوریلہ چیکی اوزره خرسیتان ایدیلر .

عربلر ده اول بیان ایتدی کمز اسبابه بناءً دولترینک اوائلنده ریاست و امور ادارہ ایله اوغراشہ رق علم ایله اشتغال ایتماشلر و دولت رجالی ، حامیلری ، مدبرلری اولہ رق کچیندکاری ایچون مرور زمان ایله کنیدیلرنده برغرور حاکمیت حاصل اولہ رق علم ایله اشتغالی بر تنزل عد ایتمکہ باشلامشلردی . چونکہ او زمانہ کوره علم اصنافاق کبی بر صنعت عد اولنیوردی . ذاتاً ریاست و حاکمیت ایله مألوف اولانلر حرف و صنائع ایله اوغراشمقدن استنکاف ایدیلر . بوجهتله عربلر کنیدیلرندن یوینی اسان علومی ، یا خود تعالیم ایله مشغول کوردیکہ انی تعیب ایدرک : « موالی - عرب اولیانلر - ک صنعتلریله اشتغال ایدیور » دیرلردی . « قریشہ منسوب بر آدمک تاریخن ماعدا بر علم ایله اشتغال ایتسی جائز دکلدر . سائر علملردن ایسه آز بر شی کافیدر » جملہ لری او زمانک سوزلرندن ایدی . قریشدن بر ذات (سیبویه) ک کتابی مطالعہ ایله مشغول (عتاب بن اسید) اوغللرندن بر دلیقانی یه راست کلہ رک : « تو سزه ! علمی احتیاج وذات ایله تحصیل ایتمک و انکله کچنمک ایستیورسکوز . نه چرکین شیدر ! » دیمشدی [۱] . دیمک ایستیوردی کہ عربلره ریاست ایله اشتغال یاقیشیر . اولیله تعلم و تعلیم ایله کچنمک انلره یاقیشماز .

موالینک اسلام اولملری اعتباریله علوم اسلامیہ ایله اشتغال ایتملری غرب کورولمز . بونکله برابر دولت عباسیہ زماننده مدنیشن عربلری وحق خلفانی - مصاهرت ، معاشرت و مساکنت (قومشولق) ایله موالی و کوله منلر ایله اختلاطده



بولندقلرندن طولای - خالص عرب صایمیز . چونکه خلفانک علی الا کثر والدلری عرب دکلدی . دیگر جلدلرده بوخصوص حقنده دها زیاده معلومات ویره جکز .

### سادسا : اسلامیتده علومک ضبط وتدوینی

دها اول بیان ایتدیکنمز وجه ایله خلفای راشدین عربلرک نشاط ، همت و بداوتلرینی محو ایدر دییه مدنی اولملرندن چکندهکلی جهته انلری علومک ضبط وتدوینندن منع ایتشمه-لردی . اوزمانلرده معروف اولان علوم ؛ قرآن کریم ، تفسیر ، روایت حدیثه انحصار ایدیوردی . صحابه وتابعیندن سوزی معتبر اولان ذواتک پیغمبر ذی شان زمانه یقین بولملری حسبیه هرشی حقنده انلردن طوغری معلومات آلق ایچون مراجعتده سهولت بولندیغندن ومنقولات و روایاتده پک آز اختلاف وقوع بولدیغندن ذکر اولنان علومک قید وتدویننه لزوم کولمزدی . صحابه دن ( ابو سعید خدری ) نک روایتندن استدلال اولدیغنه نظراً مشارالیه علمک یازی ایله قید وتدوینی حضرت پیغمبردن استبدان ایتدیکی حالده جناب نبی بوبابده اکا مأذونیت ویرمالمشدی . صحابه کرامدن عمرزاده نبی ( ابن عباس ) یازی ایله علمک تدوینی منع ایدرک « سزدن اول یازی ایله تدوین علوم ایدن اقوامه پ طوغری یولدن چیقمشدر » دیدیکی مرویدر . برکون بر ذات مشارالیه مراجعت ایلیه رک « برکتاب یازدم . سزه کوسترمک ایسترم » دیمش وکتابی کندیسنه کوسترمشدی . ( ابن عباس ) کتابک یازیلرینی صو ایله بوزمشدر . مشارالهدن « بویه نیچون یایدیکز ؟ » دییه واقع اولان سؤاله « علم یازی ایله انتشار ایدر ایسه یازی به اعتمادیدیلیر وحفظ ترک اولنور . کتابلر برعارضه یه اوغرایه بیلیر . او حاده علم ضایع اولور » جوابی ویرمشدی [۱] . بوندن ماعدا اوزمانک فکربنه کوره کتابلرده فضله ، اکسیک شیلر وقوع

بولہ رق اساس تغیر ایدر . محفوظانده ایسه تغیر وقوعی ممکن دکلدرد .  
 بواعتقاد صحابه وتابعینجه حکمفرما ایدی . کبار صحابه دن بر چوقلری بو  
 اعتقادہ تمسک لرینه بناء کندیلرندن حائز اولدقلری معلوماتک قید وتدوینی طلب  
 ایدلجکه ابدن نفرت واستنکاف ایدرلردی . برذات تابعینک علمای اعلامندن  
 (سعید بن جبیر) دن قرآنہ برتفسیر یازمسی طاب ایدنجه مشارالیه طلب واقعدن  
 غضبه کلش و « بر طرفم کسیلوب دوشسه بنجه اویله برشی یامققدن دها ایدر »  
 جوانی ویرمشدی [۱] .

بناء علیہ عربلر بدوی بر عرب حکومتی شککنده بولسان امویلر دواقی  
 دورینی بدواوته شوق ومحبتله کچیرمشلر ورنجی عصر هجری ایلہ ایکنجی عصرک  
 بر قسمی امتدادنجه عالمی تلقین وحفظ ایلہ تناقل ایدرک اسبابی آتیده ایضاح  
 ایدیلجکی اوزره قرآندن بشقه هیچ بر عالمی قید وتدوین ایلامشلردر . حتی  
 قرآنک جمع وتدوینی صمره سنده حضرت ابو بکر اول امرده تردده بولنه رق  
 « حضرت پیغمبرک یامدانی ویاپلسنی وصیت ایتدیکی بر شیئی بن نصل یاپیم؟ »  
 دیمش ایدی [۲] .

قرآندن بشقه تفسیر ، حدیث ، اشعار ، وقوعات تاریخیه ، ضروب امثالده  
 ازبردن نقل وحفظ ایدیلردی . ناقللرک وراویلرک چوغی اوقومق بیایوردیسه ده  
 یازی یازمازلر ایدی . بعضاً بولردن بری اوقومق یازمق بیلمدیکی حالده حافظ  
 اولوردی . نته کیم زمان جاهلیتده عربلر اوقومق یازمق بیامز ایکن شاعر  
 وخطیب اولورلردی .

بالآخره اسلامیتک انتشاری ایلہ ممالک اسلامیہ کسب وسعت ایلدیکی  
 وصحابه کرام اطرافه داغیلهرق فتنه وشورشک وقوعی ایلہ مطالعاتده اختلاف  
 وقوالر ایلہ کبرایه مراجعت تزیاید ایتدیکی زمان اسلاملر حدیث ، فقه وعلوم  
 قرآنیهنکده ضبط وتدوینه لزوم کورمشلر وتدقیقات ، استدالات ، استنباط  
 ایلہ برابر قواعد واصولی تمهید وابواب وفصولی ترتیب ایلہ مشغول اولمشلردر .  
 بو اشتغالاتدن حاصل اولان نتایجی بکندنکارندن علوم اسلامیہ یی تألیف  
 وتدوینه باشلامشلر و (انس بن مالک) طرفندن روایت اولنسان « علمی

یازی ایله بنسید ایدیکیز [۱] ، « علم بر آودر . یازی بوقاغیدر » حدیث شریفلرینک احکامنه رجوع ایتشلردر [۲] .


بونکه برابر محدثین وفقها کندی ال یازیلریله علمی تدویندن استکفاف ایتمکده دوام ایلدکلرندن تألیف ایتدکلری کتابلری ویا تقریر ایلدکلری درسلمری کاتبلره وطلبیه املا طریق ایله تلقین ایدرلردی . محدث ، یاخود فقیه یازدیرمق ویا الفا ایتک ایستدیکی شیلری سویلدکجه طلبه انی درییه ، یاخ د کاغده یازاردی . طلبه کاغذک اولنسه : « شیخمز فلان طرفدن فلان جامعده فلان کونده وقوع بولان جلسهده یازدیرلمشدر » دییه باشلایه رق بو صورتله یازدیران ذاتک ومحلاک اسملرینی وتاریخی قید ایتدکدن صکره املا ایدن ذات ؛ تقریر واملای ایلدیکی شی حدیث اولسون ، یاخود بر وقعه تاریخیه اولسون آنی مأخذیله برابر یازدیره رق تفسیره محتاج کله لر وار ایسه انلری شرح وتفسیر وتأیید مدعی ایچون عرب اشعار واقوالی ایله استشهد ایدر وشعرلری مصدر ومأخذلری ایله ذکر ایلردی . عبارده لرده کی نکات اسانیه حقنده کی مطالعاتده ایسه ایستر ایسه مأخذ کوستریر ، ایسته مز ایسه کوسترمزدی [۳] . « بو ؛ فلان محدثک ، یاخود لسانشناسک ( امالی ) سیدر » دیملرندن مراد ایشته بودر . یعنی انواع علومدن املا طریق ایله یازدیردینی شیلردر .

عربلر تألیف وتحریر ایله اشتغال ایتدکدن صکره دخی خلقی ازبرلمکه وسماعه اعتماد ایتمکه تشویقده دوام ایلشلردر . بو طرز تلقیه اک زیاده احتیاج کوسترن علملر علوم دینه ایله شعر ایدی . چونکه شعر برچوق الفاظ غریبه ومختلفه یی ، وحشی سوزلری ، آغاج ونباتات وصو محمللری اسملری حاویدر . اسلامیتک ایلک عصرلرنده یازیلر نقطه سز ایدی . بوجهتله مثلاً ( هذیل ) قبیله سی شعراسنک شعرلرنده وارد اولان وهر بری بریر اسمی بولان ( شباهه ) : ( سایه ) یی یازیده بربرندن تفریق ایتمک مشکل ایدی . نقطه سز بولندیغندن طولانی یکدیگرینه مشابه اولان سائر اوکی کلماتی طوغری اوقومق ایچون برانسانک علم ودرایت صاحبی اولمسی کافی دکل ایدی . برکون



( اصمعی ) نك حضورنده ( ابن ذؤب ) ك اشعارى قرائت اولنوركن بر مصراع « باسفل ذات الدير افر دججشها » صورتندہ اوقونمشدر . اورادہ حاضر بولنسان بر اعرابی - بدوی - مصراعك ياكلش اوقونديغنى كوره رك اوقويان آدمہ : « ياكلش اوقودك . ( ذات الدير ) دكل ، ( ذات الدير ) در . بو بزده بر يوقوشك اسميدر » دمش ، دھنا صكرہ ( اصمعی ) بوتصحيحہ اعتماد ايلشدر . ( معذل ) ك برآت وصفی حاوی اولان :

من السح جوالاً كان غلامه      يصرف سبداً في العنان عمردا  
بيتني نقطه سز بر حالده كوروبده بوراده كي ( سيد ) كلمه سنى قورد معناسه



اولان والكاول خاطره كلن  
( سيد ) شكلنده اوقوماق  
قابل دكلدر . بوبيقي اوقو -  
يانلرك ا كثرى بويولده  
ياكلش اوقومشلردر [۱] .  
والحاصل اسلاملر ،  
آره لرندہ يازى يازمق معروف  
وشائع ايكن قرآندن ماعدا  
جمع و تدوين ايدلش كتابه  
مالك اولقسيزين بر عصر  
قدر زمان كچيرمشلردى .  
اوصرلرده بر چوق قرآن  
مفسرلرى ، حديث راويلرى ،  
نحو و لغت عالملى ، شعر  
ناظم و راويلرى يتشمش  
ايسده عربجه يازى آنجق  
قرآن عظيم الشانك كتابتندہ ،  
ياخود قوماندانلره كوندر يان

تونس دد ( قيروان ) شهرندہ سكرنجى عصر هجريده  
انشا ايدلش ( سيدى عقبه ) جامعك مناره سى

نامه لرده و معاملات رسميه عرجهيه تحويل ايدل ايدن صكره دفاتر حكومته حسابانك قيد و تحرير رنده استعمال اولنوردى . سائر علملره كنانجه بونلر سماعاً تناقل و صدرده حفظ ايديليردى . احتمال كه بو علملردن بعضلرى غير منتظم صحيفه لره يازلمش ايدى . شو قدر كه اودورده كتاب تأليف و تحريرى عربلرجه معروف دكل ايدى .

اسلاميتده كتاب تأليف ايدن ايلك ذات حقنده مؤرخين اسلاميه نك بياناننده اختلاف موجوددر . بعضلرينك روايته كوره ايلك مؤلف ۱۵۵ سنه هجريه سنده وفات ايدن ( ابن جريج بصرى ) در [۱] . ديكرلى ايسه يشقه معلومات ويريورلر . آنحق بتون بومورخلر اسلاميتده ايلك مؤلفاتك ايكنجى عصر هجرى اورته سنده يازلمش بولنديغنى واك اول تدوين اولنان علمك علم حديث اولديغنى متفقاً روايت ايديلورلر . بزم بوبابده اجرا ايتديكمز تدقيقات ايسه اسلاميتده ذكر اولنان زماندن ياريم عصر اول كتاب تأليف ايدلديكى وقر آندن صكره ايلك تدوين اولنان علمك علم تفسير اولديغنى كوستريور . بو كون بيلديكمز اك اسكى تفسير كتابى ۱۰۴ سنه هجريه سنده وفات ايدن ( مجاهد بن جبر ) طرفدن تأليف ايديلن اتردر [۲] . عربلر تفسيردن صكره تاريخ وبا خصوص مغازى - غزاتك مناقب وداستانلرى - يازمقله اشتغال ايتشلردر . بو نوعدن اك اسكى بيلديكمز كتاب وقائع تاريخيه حقنده معلومات واسعه سيله مشهور اولان ( وهب بن منبه ) ك كتابيدر . يمنه كيدن ايرانليرك اوراده طوغان احفاددن اولان بو ذاتك تاريخ وقاتى ۱۱۶ سنه هجريه سنه مصادفدر . مشاراليه هميرلرك ملوك تاجدارانى ، وقايع تاريخيه - لرى ، شعرلى و حكايله لرى حقنده بر كتاب تأليف ايتلشدر . ( ابن خلكان ) بالذات بو كتابدن بر نسخه كورديكى بيان ايله حتمده مدح و ثناده بولنور [۳] . ذكر اولنان كتابدن صكره قدجه ۱۴۱ سنه هجريه سنده وفات ايدن ( محمد بن

[۱] ابن خلكان ۲۸۶ ج ۱

( ابن جريج ) قرشى واموى اولوب ۸۰ تاريخنده طوغمش و ۱۴۹ ده مكده وفات ايتلشدر . اسلامده اك اول كتاب تأليف ايدن بو اولديغنى مرويدر . مؤلفك ( بصرى ) ديمى براثر سهودر . [۲] كشف الظنون ۲۱۴ ج ۱ وابن الاثيرك ۱۰۲ سنه سى وقعاتى

[۳] ابن خلكان ۱۸۰ ج ۲

مسلم الزہری ( نك ) ( كتاب المغازی ) نامندہ کی کتابی کلیر [۱]۔ ایک نجی عصر  
 ہجری اور تہ لرنده اسلاملر حدیث وفقہہ دائر کتابلر یازمغہ باشلاہرق ( ابن  
 جریر ) مکدہ ، ( سعید بن ابی عروبہ ) و ( حماد بن سلمی ) وسائرہ بصرہدہ  
 اثرلر تحریر ایتدکلری کی امام ( ابوحنیفہ ) دخی فقہ ورأیہ دائر کوفہدہ کتابلر  
 تألیف ایتمش ، ( اوزاعی ) شامدہ تصنیفانده بولتمش ، ( امام مالک ) مدینہدہ  
 ( موطأ ) کتابی جمع ایش ، سائرہ لری دہ اثرلر یازمش [۲] وبوتاریخندن صکرہ  
 آتیدہ کوستریلہ جکی اوزرہ مؤلفات چوغااشدر ۔

### سابعاً : خط عربی -

اسلامیتک ظہورندن بر آز زمان اول حاصل اولان انتباه دوری مستثنی  
 اولمق اوزرہ اندن دہا اول عربلرک یازی یازمق بیلدکلریخی کوستریر حجازدہ  
 هیچ بر اثر تاریخی موجود دکلدہر ۔ حال بوکہ حجاز عربلری شمالاً وجنوباً بر  
 چوق نقوش کتابیہ ( خطیہ ) براقش بر طاقم اقوام عربیہ ایلہ محاط ایدیلر ۔  
 اقوام مذکورہ نك اک مشہوری ارلان یمنده حمیرلر ( حرف مسند ) ایلہ وشمالدہ  
 بولان نبطیلر ( حرف نبطی ) ایلہ یازی یازارلردی ۔ نبطیلرک آثار خطیہ سی  
 ( حوران ) و ( بلقا ) جوارندہ بوکونہ قدر پایدار طورور ۔ حجازویا ( مضر )  
 عربلرینک بو خصوصدہ کیری قالمترینہ سبب بدوتک انلرک فطرتلرینہ غالب  
 بولمسیدی ۔ معلوم اولدیغی اوزرہ یازی یازمق حضارتہ مخصوص صنعتلردندر ۔  
 بونکہ برابر حجاز عربلرندن اسلامیتک ظہورندن بر آز زمان اول عراق  
 وشام جہتلرندہ سیاحتدہ بولنانلر حضارت اخلاقی ایلہ متخلق اولمقلہ برابر او  
 ایکی مملکت اہالیسندن یازی بی دہ اقتباس ایلشلر بولنلردن بعضلری عربیجہ بی  
 حرف نبطی ویا عبرانی ویا سریانی ایلہ یازمغی اوکرتمش اولدقلری حالہ عودت  
 ایتشلردی ۔ بو خطلردن خط نبطی وسریانی عربلردہ اسلامیتک ظہورندن

[۱] کشف الظنون ۳۰۱ ج ۲ وابن خکان ۴۵۲ ج ۱

[۱] النجوم الزاهرہ ۳۷۸ ج ۱



صکرمیه دوام ایدرک برنجیدن خط نسخی و ایکنجیدن (کوفه) شهرینه نسبتله خط کوفی ظهور ایلدی. قبل الاسلام خط کوفی به (حیره) شهرینه نسبتله (خط حیری) نامی ویریلردی. او دورلرده عراق عربلرینک شهرری اولان (حیره) نک جوارینه ده صکره اسلاملر کوفه شهرینی تاسیس ایلشلردر.

بو نقطه‌یی ده آجیق ایضاح ایدلم. عراقده بولان سریانی‌لر سریانی لسانی متعدد شکلدرده یازارلردی. اوجله دن (خط سطرنجیلی) نامی ویردکاری بر خط وار ایدی که کتاب مقدسی بونکله یازارلردی [۱]. عربلر بویازی بی اسلامیتدن اولکی برنجی عصرده اقتباس ایلدیلر. بو اقتباس ده صکره ظهور ایدن دور انتباهه باعث اولان اسبابدن برینی تشکیل ایتدی. ایشته بویازیدن (خط کوفی) توره دی. هر ایکی خط آره‌سندنه بولان مشابهت بو کونه قدر پایدار طورر.

(خط سطرنجیلی) بی عربلره نقل ایدنلرک کیملر اولدنجی حقنه اختلاف واردر. اک مشهور روایت کوره بو خط عربلره (انبار) اهالیسی واسطه‌سیله انتقال ایلشدر. شویله که: (انبار) اهالیسندن (بشر بن عبدالمکک الکندی) نامنده بری - که (دومة الجندل) امیری (اکیدر بن عبدالمکک) ک برادری ایدی - بویازی بی (انبار) ده اوکرندکدن صکره مکده کیدرک اوراده (معاویه) مک پدری (ابو سفیان) ک همشیره‌سی اولان (صهباء بنت حرب بن امیه) ایله ازدواج ایلدی. بومناستله مک اهالیسندن برقاق کشی به بویازی بی اوکرتدی. متعاقباً اسلامیت ظهور ایتدیکی زمان مکده قریشدن یازی بیلنلر چوغاش. ایدی [۲]. عربلره یازی بی ایلمک نقل ایدن ذاتک (ابو سفیان بن امیه) اولدیغنه دائر بعض مؤرخلرجه حاصل اولان یاکلش ذهاب ایشته بوندن نشأت ایدیور.

والحاصل هر حالده شو ثابت اولیور که عربلر هجرتدن بر آز زمان اول (خط نبطی) بی شاه تجارت ایچون عزیمتلی اثناسنده (حوران) دن و (خط کوفی) بی ده عراقدن اوکرنیلر. هر ایکی یازی اسلامیتدن صکره‌کی زمانلرده دخی انلرجه معروف قالدی. اک مرجع تخمینه کوره عربلر بویاکی.

یازی بی قولاً لامقدمه دوام ایدرک (خط کوفی) نك سانی اولان (خط سطرنجیلی) فصل سریانیار طرفندن کتب مقدسه عیسویه نك تحریرینه تخصیص ایدلمش ایسه (خط کوفی) ده عربلرجه قرآن وسائر نصوص دینه نك تحریرینه و (خط نبطی) دخی مراسلات و مکاتبات عادیه به تخصیص ایدلمشدر. ایہی خط آره سنده شکلاً موجود اولان مشابهتدن ماعدا (خط کوفی) نك (خط سطرنجیلی) دن توره مش اولدیغنی کوسترن ادله جمله سندن اوله رق (الف) حرفی کلمه نك اورتہ سنده (حرف مد) کلیر ایسه حذف اولتمق سریانی یازیده مطرد برقاعده حکمنده اولسیدر. اوائل اسلامیته عرب یازیسنده وبالخاصه قرآنک کتابتندہ بوقاعده جاری ایدی. عربار (کتاب) ی (کتب) و (ظالمین) ی (ظلمین) شکلرندہ یازارلردی.

اسلامیت ظهور ایتدیکی زمان حجازده یازی سینلر موجود ایدی ایسه ده پک چوق دکل ایدیلر. یازی سینلر، اکثری کبار صحابه دن اولمق اوزره، اون بش، یکریمی کشیدن عبارت ایدیلر. او صروده یازی یازانلر شونلر ایدی: (علی بن ابی طالب)، (عمر بن الخطاب)، (طلحه بن عبیدالله)، (عثمان بن سعید بن خالد بن حذیفه)، (ابان بن سعید بن خالد بن حذیفه)، (یزید بن ابی سفیان)، (حاطب بن عمر بن عبدشمس)، (العلاء بن الحضرمی)، (ابو سلمی بن عبدالاشهل)، (عبدالله بن سعد بن ابی سرح)، (حویطب بن عبدالعزی)، (ابو سفیان بن حرب) و اوغلی (معاویه)، (جهیم بن الصلت بن مخزومه) ... ده صکره دیکرلری یازی یازمغی اوکرنه نك بونلردن خلفای راشدین دیوان کاتبلریله مخبرات و قرآن کاتب و میضلری یتشمشدر. کاتبلر کرک خلفای راشدین دورنده، کرک امویلر زماننده قرآن عظیم الشانی خط کوفی ایله یازمشلردر. بو دورده (قطبه) نامنده برخطاط یتشه نك خط کوفیده درت نوع یازی ایجاد ایلدی. بویازیلر برلرندن اشتقاق اتمش ایدی. (قطبه) کندی زماننک اک ماهر خطاطی ایدی. امویلر ایچون مصحفلر یازمقله اشتغال ایدردی. مومالیهدن صکره دولت عباسیه نك اوائلنده (فخاک بن عجلون) نامنده بر خطاط ده یتشه نك (قطبه) طرفندن وضع ایدیلن یازیلره بر طاقم تکملات ادخال ایلدی. ده صکره (اسحق بن حماد) وسائرہ کی خطاطلر

ظهور و موجود خطلرده تکملات و اصلاحات اجرا ایتدیله. بونک نتیجه سنده عباسیلرک اوائل خلافتلری صرهمده خطوط عربیه آتیده کوريله چکی اوزره اون ایکی قلمه بالغ اولمشدی : (۱) قلم الجایل ، (۲) قلم السجلات ، (۳) قلم الدیاج ، (۴) قلم اسطورمار کیر ، (۵) قلم الثلاثین ، (۶) قلم الزنبور ، (۷) قلم المفتح ، (۸) قلم الحرم . (۹) قلم المدامرات ، (۱۰) قلم العهود ، (۱۱) قلم القصص ، (۱۲) قلم الحرفاج ... دهاصکره (مأمون) زماننده کاتبلر کوزل یازی یازمقده بربرلریله رقابت ایتدیکه باشلادیله. بونک نتیجه سنده ده (قلم مرصع) ، (قلم نساخ) و مختری وزیر ذوالریاستین (فضل بن سهل) نسبته (قلم ریاسی) ، (قلم رقاع) ، (قلم غبار الخلیه) نامنده کی خطوط دخی وجوده کلدی [ ۱ ] .

بوتاریخدن صکره خطوط عربیه جملة خط کوفی تفرعاندن معدود اولمق اوزره یکریمی شکلدن فضلیه بالغ اولمشدی . (خط نسخی) ، یاخود نبطی یه کلنجه بویازی مخطوطات رسمیه نك غیرنده استعمال ایدلمکده ایدی . بالآخره ۳۲۸ سنه هجریه سنده وفات ایدن خطاط مشهور وزیر (ابن مقله) ظهور ایدنجه بوخطده اصلاحات و تزینات اساسیه اجراسیله بوکونکی حالنه افراغ و معاملات رسمیه ده قوللالمق اوزره دوائر حکومتده ادخال ایلدی . مورخلرجه مشهور اولدیغنه کوره (ابن مقله) (خط نسخی) بی خط کوفیدن آمشدر . بزم ترجیحاً اعتقادیمزه نظراً ایسه ده اول بیان ایتدیکمز وجه ایله کرک خط کوفی ، کرک خط نسخی اسلامیتک تا ابتداسندن اعتباراً عربلرجه معروف ایدی . (خط کوفی) مصحف و اوکی شیلرک یازلمسینه و خط نسخی (یاخود نبطی) مخبرات و سائرتهک تحریرینه تخصیص ایدلمش ایدی . (ابن مقله) آنحق خط نسخی بی مصحفلری یازمغه یارار صورتده کوزلشدیرمشدر . قاهرده کتابخانه خدیونده اسکی عرب یازیلرینک تشهر اولندیغی محله ۲۴۶ سنه هجریه سنده مستطیل برجیلان دریمی اوزرینه یازمش برنکاح عقدنامه سنی مشاهده ایلدک که عقدک صورتی درینک بالاسنه منتظم قلم کوفی و شاهدلرک خط دستلری عقدک زیرینه غایت پریشان و بوزوق قلم نسخی ایله محرردر . (ابن مقله) ایشه بو بوزوق خط نسخی بی کوزلشدیره رک مصحف یازمغه یارار برحاله قویمشدر .



ذکر اولسان خط نسخی ده صکره مرور زمان ایله برچوق شعبه لره  
آیرلشدرد. مع مافیه خطوط عربیه یه اصل ومنشأ اولان خطلر بری (کوفی)،  
دیگری (نسخی) اولق اوزره ایکیدر. تشعب ایدن خطوط بوایکی یازیدن  
توره مشدر. یدنجی عصر هجریدن صکره اک زیاده شهرت آلان خطوط عربیه  
آتی قلم ایدی: ثلث، نسخی، تعلیق، ریحانی، محقق، رقاع... برچوق خطا طر  
دخی یتیشهرک بوقته دائر برچوق مؤلفات یازمشلردرد. بومؤلفانک بعضلری  
قلم، قلم یونتمق، یارمق، کسمک، دوبت، مرکب، کاغد و سائره کبی یازی  
ادواتنه دائردر [۱]. عربی خطوط بوکونه قدر دال بوداق صالمقده دوام  
ایتمکده در. قانون نشوونمایه تبعاً بوندن صکره ده الی ماشاءالله دال بوداق  
صالحه جفته شهه یوقدر.

### حرکه لر

اسلامیتک ابتدالرنده قرآن عظیم الشان قراءتک (حافظ لرنک) ازبرنده  
محفوظ بولندیغی ایچون تلاوتنده اختلاف ظهورندن قورقو یوق ایدی. بوندن  
ماعددا قرآنک جمع وتدوین ایدلدیکی واهل اسلامک چوغالدینی زمانه قدر قرآنک  
نقل آیاتنده والفاظنک ضبطنده صوک درجه دقت ایدیلوردی. برنجی عصر  
هجرینک نصف اولی کچدیککی حالده قرآن هم حرکه سز، هم نقطه سز ایدی.  
یازیده اک اول وجودینه احتیاج کوریلن شی حرکه لر اولدینی کبی بوحرکه لر  
ایلک رسم ایدن ذات ده ۶۹ سنه هجریه سننده وفات ایدن نحو عربینک واضع  
قواعدی (ابوالاسودالدؤلی) ایدی. مشار الیه کله لر آیرمغه، یاخود  
حرکه لر کوسترمکه مخصوص برطاقم نقطه لر وضع ایلدی. عربی الفبای  
نقطه لی یاپان ذاتک مشار الیه اولدیغنه دائر حاصل اولان توهم ایشته بوحرکه  
اشارتلیغی قویتمقدن نشأت ایدیور. حقیقت حالده (ابوالاسودالدؤلی)  
طرفندن یازی یه وضع اولسان نقطه لر بای تادن، یاخود جیمی حادن تفریق

ایچون دکل ، اسمی فعایدن وفعلی حرفدن ( ادادن ) تفریق ایچون ایدی . ظن  
 غالبه کوره مشارالیه بوصورت تنقیطی عراقده قومشولری بولنان کلدانیلردن ،  
 یاخود سریانیلردن اقتباس ایلشدر . چونکه اقوام مذکورهده برطاقم بیوک نقطه‌لر  
 وار ایدی که بونقطه‌لر حرفک مخرجنی تعیین ایتک ، یاخود بولندیغی کلمه‌نک  
 اسم ، یاخود فعل ، یاخود ادات اولدیغی کوسترمک ایچون او حرفک آلتنه ،  
 یاخود اوستنه وضع اولنوردی . سریانیلر مثلاً ( کتب ) کلمه‌سنى یازدقلى زمان  
 بوکله ( کتاب ) ک جمعی اولان اسم اوله‌یله‌جکی کبی ماضی معلوم ویا مجهولده  
 اوله‌ییلیر . ایشه بوجه‌لری تفریق ایتک ایچون او نقطه‌لرک استعمالنه لزوم  
 کورمشلردی . بوندن ماعدا بونقطه‌لرک استعمالندن برآز زمان اول خرکه  
 یرینه قائم اولق اوزره علمای سریانیه‌دن ( یعقوب الرهاوی ) طرفندن برطاقم  
 نقطه‌لر ایجاد اولمش ایدی که [ ۱ ] بونلر اول امرده حرفلرک ایچنه  
 صوقوشدورولور نقطه‌لردن عبارت ایکن بالآخره حرکات ثلاثه ( فتحه ، ضمه ،  
 کسره ) یرینه قائم اولق اوزره نقطه مزدوجه - چفت نقطه‌لر - شکانه تحول  
 ایلدی . بونلر حالا سریانی‌لر ایلله کلدانیلرده مستعملدر . بونی مؤید ادله‌دن  
 اوله‌رق ( ابوالاسودالدؤلی ) حرفلره حرکه قویمق ایستدیگی زمان معینه ویریلن  
 کاتبه : « حرفی تلفظ ایدرکن آغزیمی آچار ایسه‌م نقطه‌ی حرفک اوزرینه ،  
 آغزیمی بوزر ایسه‌م نقطه‌ی حرفک ایچنه ، آشاغی‌یه طوغری قیارسه‌م نقطه‌ی  
 حرفک آلتنه قورسک » دیه‌رک او صورتله تنقیطده بولمش اولمیسیدر [ ۲ ] .  
 ده‌ها صکره عربلر بونقطه‌لری استعمال ایتکه باشلایه‌رق علی‌الاکثر یازینک  
 رنکندن بشقه بررنک ایلله یازارلردی . کتابخانه خدیویده بوشکلده تنقیط  
 ایداش کوفی یازی ایلله برمصحف کوردک . قاهره ج‌سوارنده عمرو جامعدن  
 آلتان بومصحف الک اسکی مصحفلردن معدوددر . بیوک قطعه‌ده جیلان دریلری  
 اوزرینه وسیاه مرکب ایلله محرردر . حاوی اولدیغی نقطه‌لر قرمزى رنکده‌در .  
 ( ابوالاسود ) ک تعریفاتی وجه ایلله بومصحفده حرفک اوزرنده بولنان نقطه  
 فتحه‌ی ، اورتسند ، بولنان نقطه ضمه‌ی و آلتنده بولنان نقطه کسره‌ی کوستریور .

## اعجام (نقطہ قویق)

خط عربی عربیہ طرفین سربانیلردن و نبطیلردن اقتباس ایدلیدی زمان نقطہ لردن خالی ایدی . - سربانی یازیلر بوکونه قدر نقطہ سزطورور - نقطہ لرك صکرردن علاوه ایدلیدی مسلم ایسهده هانکی تاریخنده نقطہ قونواغه باشلانیدی صورت قطعیهده معلوم دکلدر . فقط هر حالده نقطه وضعی اسکیدر . قرائن احوالدرن آکلاشلدیغنه کوره اسلاملر بالاده ذکر یکن حرکتلری استعمال ایتدکن صکره حرفلرک بربرندن تفریق ایدیه مامشسندن یا کلش اوقوندیغی وبرجوق تردد والتباسلره دوشولدیکنی کوره لرك نقطه وضعنه لزوم کورمشلردر . چونکه مرور زمان ایله عرب اولیان اسلاملرک مقداری چوغالمش ایدی . لسان اصلیلری عربی اولیان بوتوع اسلاملر حروف هجادر شکلای یکدیگرینه مشابه اولان جیم وحا ، سین وشین ، با ونا ونا حرفلری بربرندن تفریق مسألهلرنده مشکلاته دوشمشلردی . بومشکلاتی ملوک امویه دن (عبدالملک بن مروان) زمانده عراقده والی بولنان (هجاج) ایملک ذات اولقی اوزره نظر دفته آلهرق چاره ساز اولقی ایستدی . (ابن خلکان) دییورکه : « هجاج معیتده ، بولنه ان کانبلری نزدینه جلب ایدرک یکدیگرینه شکلای مشابه اولان حرفلرک اوزرینه بربرندن تفریق ایچون علامات مخصوصه وضعی لزومی اخطار ایلدی . روایت کوره بواشی ررعهده ایدن ذات (نصر بن عاصم) ایدی . (نصر) نقطه لری مختلف یرلرده اولقی اوزره برر ، ایکیشر وضع ایستدی . خلق اوزون مدت بوشکلاری استعمال ایدیلر . نقطه سزیازی یازمازلردی . فقط بونقطه لرك استعمالی ایله دخی یازیده تصحیف وتوعنک اوکی آله مدیغدن اعجایی احداثه مجبور اولدیلر . یازیده نقطه لری ایله برابر اعجایی ده استعمال ایدرلردی » [ ۱ ] . (ابن خلکان) ک بوعبارده سنده اولیه برمهیمیت واردرکه بوندن نه دیمک ایستلیدیکی و (تنقیط) ایله (اعجام) آره سنده نه کی برفرق بولندیغی آکلاشیه میور . چونکه (تنقیط) ایله (اعجام) عینی معناده در . بوندن ماعدا (تنقیط) دن



مقصد حرکه لر اولمق ده مستبعددر . زیرا حرکه لرک وضعه لزوم کوستن حال  
تصحیفک چوقلنی ، یعنی نقطه لرک اختلافی ایله قرائتء حاصل اولان اختلافدن  
عبارتدر . شو حاله کوره ذکر اولنان نقطه لر خروف متشابهی برندن تفریق  
ایتمک ایچون ( اعجام ) قیلندن اولمق اقتضا ایدر . مع مافیہ شوراسی آکلاشیایورکه  
مومالیه ( نصر ) بتون الفبایه نقطه لر وضع ایتمشدر . یالکز کثرتله ورود  
ایدن والتباسه سببیت ویرمسندن قورقولان برقاج حرفی نقطه لی یامشدر . ده  
صکره درست او قومق آنجق بوکونکننده اولدینی کی بتون حرفلری نقطه لی یایمق  
ایله ممکن اوله بیله جکی آکلاشلمقله اکا کوره نقطه لر قونولمش وبوکا ( اعجام ) نامی  
ویرلمشدر . کتتا .



عرب کاری معدنی بر وازو

بخانه خدیویده  
یازیلرک تشمیر  
اولدینی محله  
۹۱ سنه هجریه سی  
تاریخی حاوی  
اوزرنده عربجه  
یازیلی سازدن  
( باپروس ) بر  
حقیقه منظورمن

اولدی . بویازیده نقطه لر موجوددر . شوقدرکه نقطه لر بعض خروف متشابهیه  
منحصردر . مثلاً یا وتادن تفریق ایتمک ایچون بایه نقطه قونلش . کذلک سیندن  
آیرمق ایچون شینک اوزرینه مستوی برشکده اوچ نقطه وضع ایدلمش .  
بوتشمیر کا هده کوچک قطعه جیلان دریمی اوزرینه یازلمش مصحفلر دخی  
کوردک . بونلرده ده حرکه لری کوستن نقطه لر قرمزی ، اعجام ایچون وضع  
ایدیان نقطه لر سیاه مرکب ایله یازلمشدر . مع مافیہ یازیده بو حال مطرد کل  
ایدی . بعضاً اسکی اولدینی سالحه نقطه لی وحرکه لی یازی بواندینی کی بعضاً ده  
دها یقین بر زمانده یازلمش ایکن وحرکه نقطه سی اولمیان یازیلرده تصادف  
ایدلمکدهدر .

ہوندن آکلاشیلیورکہ عربلر برنجی عصر ہجرینک اورتہ سندن اعتباراً ہم حرکہ لری، ہم نقطہ لری قولاندق لری خالدہ ہونلرک استعمالندن خوشلانمازلردی۔ مصحفلر وسائرہ کی ضبط ودقی مستلزم اولان کتاہلردن بشقہ شیلردہ حرکہ ونقطہ لرک استعمالی ایستہ مزلردی۔ نقطہ سز یازی پی، باخصوص مرسل الیہ عالم برذات ایسہ، مرجح عدایدرلردی۔ روایتہ کورہ دولت عباسیہ امراسندن (عبداللہ بن طاهر) ہ بریازی کوسترلیدیکی زمان مشار الیہ: «نقطہ لری اولسہ نہ کوزل یازبدر» دیمشدی۔ «مکتوبہ نقطہ لرک چوقاقی مرسل الیہک علم وعرفانی حقنہ شہیہ بی مضمندر» دیرلردی۔ بعضاً نقطہ لری یوزندن مضرتلر وقوع بولوردی۔ روایتہ کورہ خلفای عباسیہ دن (جعفر متوکل) والیرلندن برینہ: «اسلام اولیانلرک تحریر نفوسی اجرا ایدرک مقدارلرینی بزہ بیلدر، دیسہ برامر کوندرمش وامرنامہ احصا ایتک فعاتک صیغہ امری اولان (احص) کلہ سنی قولانمش ایدی۔ کلہ دہ ہونان حاک ارزرنده نصابہ برنقطہ حاصل اولدیغندن والی امری (احص) - طواشی یاپ - صورتندہ تاقی ایدرک داخل ولایتندہ ہونان غیر مسلم لری طوپالایوب طواشی ایتمش وانلردن ایکی کشیدن ماعداسی عملیات واقعہ دن ہلاک اولمشدر [۱]۔

کانلر مدنیت اسلامیہ نک کچیردیکی دورلر اناسندہ یازی پی نقطہ لری ویا نقطہ سز یازمقدہ مخیر قالمشلردی۔ فقط اکثریا نقطہ سز یازارلردی۔ ہونک نتیجہ سندہ برچوق احوالہ وخصوصاً غریب محللر اسملرنده وسائر الفاظ غریبہ دہ التباس وقوع بولمشدر [۲]۔ ادبا علوم وفنونہ دائر اولان کتاہلردہ نقطہ استعمالی لارم وموافق کوردکاری خالدہ مخبراندہ نقطہ قولانمشنی چرکین بولدقلرندن انشا وحسن خطدہ کی اقتدار وغرورلرینہ بناءً یالکز سوزک فصاحتی وخطک کوزل لکنہ اہمیت ویرہ کتخیردہ مختصر براسلوب اختیار واوافق بلیغ جملہ لری ایلہ اکتفا ایدرلر وفصلہ ایضاحات اعطاسنی ونقطہ وحرکہ وضعی کتاہندہ برعجز وتقصیر عدایلرلردی [۳]۔

[۱] کشف الظنون ۶۸ ج ۲ [۲] کتاب تاریخ اللغة العربیة ۱۸ [۳] ادب الدین

والدین ۵۲


## یازی آلات وادواتی

یازی آلات وادواتنه کلنجه کتسابمژک برنجی جلدنده بونلر حقنـده کافی معلومات ویرمش ایدک . اسلاملر دولت امویه نـک صوـک زمانلرینه قدر یازیلری دری وبومیانده جیلان دریسی اوزرینه یازه رق بودریلری طومار شـکلنده یابدقـلرندن حکومت دفاتری برطاقم طومارلردن عبارت ایدی . بالآ خره خلافت عباسـیلره انتقل ایدرک برنجی خلیفه عباسی ( سفاح ) طرفندن ( خالد بن برمک ) وزیر اتخـاذ ایدیلنجه وزیر مشار الیه دفاتر حکومتی طومار شـکلندن ینـه دریدن اولق اوزره الیوم بیلدیکمز کتـاب شـکلنه تحویل ایتدی . وزیر خالددن صکره بشنجی خلیفه عباسی ( رشید ) دورنده ( جعفر بن یحیی برمکی ) نک زمان وزارتنه قدر دفتـرلر بو حالده دوام ایلدی . ( جعفر ) منصب وزارتـه کـنجه دریلره بدل کاغد قوللانـدی . بونـکله برابر خلق خیلی عصرلر امتـدادنجه کاند ایلـه برابر دریـده استعمال ایشـلردر . او زمانلرده استعمال اولنان کاغدلر قرطاس نامنده کی کاغد ایلـه چین ، تـهامه ، خراسـان کاغدلری ایدی [۱] . ( کاغد ) اسمی ایلـه معروف دیگر بر نوع کاغد دها وار ایدی . بوندن کراسـلر ( جزـلر ) ودفترلر یابارلردی . معافیـه بعض مؤلفرکاغد موجود اولمقلـه برابر ینـه دری پارچه لری اوزرینه یازی یازمنی ترجیح ایدرلردی . نـه کـم حکیم شـهر ( فارابی ) مؤلفاتی علی الاکثر دری اوزرنده یازاردی [۲] .

## علوم اسلامیـه

علوم اسلامیـه دها اول بیـان ایدلـیکی اوزره اسلامیـتک ومدنیت اسلامیـه نک اقتضا ایتدیکی علملردن عبارتدر . بوعلملر اوچ قسمه انقسام ایدر: اولاً علوم دینیـه اسلامیـه بی تشکیل ایدن علوم شرعیـه ، ثانیاً قرآن عظیم الشانک ضبط قرائتی ، تفسیر وتفهمی الله حدیثک تفهمی ایچون اسلامیـتک ضمناً ایجاب ایتدیکی علوم لسانیـه ، ثالثاً تاریخ وجغرافیـه .





## اولا علوم شرعیة اسلامیه

قرآنہ کریم

جمع وتدوینی

قرآن عظیم الشان اسلام لرحہ دین و دنیا امورندہ مرجع اصلی اولدینی ایچون اسلام لک قرآنی جمع و حفظه صوک درجه اعتنا ایلمرینی پک طبیعی کورمک اقتضا ایدر . قرآنک محافظه سنه خدمت ایدن برنجی شی انی برآرده طویلالمق و کتاب شکله وضع ایتکدر . قرآن عظیم الشان بر دفعه ده نازل اولیه رق دعوت نبویه ناک ظهورندن حضرت پیغمبرک وفاتنه قدر بعضی مکده و بعضی مدینه ده احوالک مقتضیاننه تبعاً یکریمی سنه اثناسنده تدریجاً تنزیل بیورلمشدر . حضرت پیغمبر بر آیت ویا بر سوره تلاوت ایتدکجه کاتبلر انی او زمانلرده مستعمل اولان یازی صحیفه لرینه یازارلردی . او صره لرده یازی دری پارچه لرینه ، اوموز و قبورغه کیمکلی کبی کنیش کیمکله ، خرمادن اودون پارچه لرینه و ( لحاق ) دینلن برنوع کنیش بیاض طاشلره یازیلیردی . حضرت نبی ۱۱ نجی سنه هجریه ده وفات ایتدیکی زمان قرآن عظیم الشانک بر قسمی بو نوعدن اولان صحیفه لر اوزرندہ مخطوط ، دیگر بر قسمی ده حافظه لرده محفوظ بولنمده و قرآنک حافظه لرینه ( قراء ) نامی ویرلمکده ایدی .

حضرت پیغمبرک حال حیاتنده قرآن عظیم الشانک قید و تدویننه اک زیاده اعتنا و همت ایدن ذوات حضرت ( علی بن ابی طالب ) ، ( سعد بن عبید بن النعمان ) ، ( ابوالدرداء ) ، ( معاذ بن جبل ) ، ( ثابت بن زید ) ، ( ابی بن کعب ) و سائرہ ایدی . وفات پیغمبری بی متعاقب حضرت ( ابو بکر ) ک خلافتی زماننده جزیره العرب اهالیسی اسلامیتدن ارتداد ایدنجه خلیفه مشارالیه انلری طریق ارتداددن چویرمک اوزره غسکر سوق ایتکجه مجبور اوله رق وقوع بولان

محرر بائده و باخصوص (یمامه) غزوه سنده صحابه دن يك چوق ذوات شهید اولمشدی .  
 یالکیز ذکر اولنان ( یمامه ) غزوه سنده یدی یوزی قراءدن ( حافظلردن )  
 اولق اوزره اسلاملردن ۱۰۲۰۰ کشی شهید دوشمش ایدی . ضایعات واقعه دن  
 مدینه اهالیسی و بالخاصه اسلام و مسلمانلرک بیوک آدمی اولان حضرت عمر  
 خبردار اولنجه صوک درجه اورکیدیلر . حضرت عمر حافظلرک وفاتیله قرآندن  
 بر شی ضایع اولسون دبییه درحال قرآن عظیم الشانک جمعی لزومنی حضرت  
 ابوبکره سوبلیدی . حضرت ابوبکر بر مدت ترددده بولندی . « جناب پیغمبرک  
 بامدینی و یاپلسنی وصیت ایتدیکی بر شیئ بن نصل یاپیم ؟ » دیدی . حضرت  
 عمر بولزومی اثبات ایده ایده نهایت حضرت ابوبکر ی اقتناع ایلدی . بونک اوزرینه  
 حضرت ابوبکر کتبه وحیدن ( زید بن ثابت ) ی نزدینه چاغیره رق صحابه نک  
 نزدنده بولنان سوره لری جمع ایتدیردی . بو جمع اثناسنده بعض سوره لردن  
 ایکی ، اوچ و یا دها زیاده نسخه بولدیغی حالده ( توبه ) سوره سی کبی بعض  
 سوره لردن ایسه یالکیز بر نسخه بولندی . ( توبه ) سوره سندن یالکیز بر نسخه  
 ( ابو خزیمه الانصاری ) نک نزدنده بولنمشدی [۱] .

( زید بن ثابت ) قرآن عظیم الشانی آف الذکر مخلوط اتدن و قراءک  
 ( حافظلرک ) از برندن جمع ایدرک حضرت ابو بکره تسلیم ایلدی . بو صحیفه لر  
 حضرت ابو بکرک نزدنده مشارالیه ک ۱۳ نجی سنه هجریده وقوع وفاتنه قدر  
 محفوظ قالدی . دها صکره حضرت عمر مقام خلافته کچنجه او صحیفه لری آله رق  
 خلافتنک صوکنه قدر نزدنده محافظه ایتدی . حضرت عثمان مقام خلافته کچنجه  
 او صحیفه لر کندی قیزی حضرت پیغمبرک زوجه لرندن حضرت ( حفصه ) یه  
 انتقال ایلدی .

حضرت عثمان زماننده فتوحات اسلامیه کسب وسعت ایدرک اسلاملر -  
 میانه لرنده بر چوق قراء اولدیغی حالده - مصر ، شام ، عراق ،  
 ایران و آفریقا طرفلرینه طاغلمش لردی . بوقراءدن بعضلرینک نزدنده  
 قرآندن نسخه لر واردی . هر حافظ قرآنی بر ترتیب مخصوص ایله ترتیب  
 ایتمش ایدی . بونک اوزرینه هر مملکت اهالیسی او مملکتده بولنان حافظلرک

ترتیبہ اعتماد ایتدیلر. مثلاً شام و حمص اہالیسی قرآنی کبار صحابہ دن (مقداد بن الاسود) دن و (بصرہ) اہالیسی صحابہ دن (ابو موسیٰ الاشعری) دن تلقی یدیلر [۱]. (ابو موسیٰ الاشعری) نك مصحفنه (لباب القلوب) نامی ویریلوردی. حافظلر قرآنك حفظ و ضبطنه صوك درجه اعتا ایتدکری حالده بعض سورهلرینك قرائتده اختلافدن خالی قالماملردر.

تصادفادن اوله رق اوائلده صحابہ دن حذیفه بن الیمان (ارمنیه) و (اذر بجان) غزوہ سنده بولنلر جمله سنده حاضر بولنلر قرآن اسلاملر طرفندن بعض آیتلرک قرائتده اختلاف وقوع بولدیغنی کوردیکی کبی برینك دیکرینه: « بنم قرائتم سنك قرائتکدن ایدر » دیدیکنی ده ایشیتدی. (حذیفه) مدینه یه عودت ایتدیکی زمان کیفیتی حضرت عثمانه بیان و بو حال تلافی ایدلمزسه صوکی فنا اوله جغنی اخطار ایلہ برابر « موسویلرایله خرسیانلر کندی کتابلرنده نصل اختلافاته دوشدیلر ایسه اسلاملرده بویله اختلافه دوشمدن اول بوامتی قورتارمغه مسارعت ایتلمسك » دیدی. حضرت عثمان حضرت (حفصه) یه: « قرآنك صحیفه لر یی بزه کوندر، مصحفله استنساخ ایدوب تکرار سکا اعاده ایدلم، دیه خبر کوندردی. حضرت (حفصه) نزدنده محفوظ بولنان صحیفه لر یی ارسال ایلدی. حضرت عثمان کبار صحابہ دن (زید بن ثابت) ایلہ (عبدالله بن الزبیر)، (سعید بن العاص) و (عبدالرحمن بن الحارث بن هشام) یی نزدینه دعوت ایدرک قرآن عظیم الشانی استنساخ ایللرینی کندیلرینه امر و « زید بن ثابت ایلہ برشیده اختلافده بولنور ایسه کز انی قریش لسانی ایلہ یازیکز. زیرا قرآن کریم قریش لسانی ایلہ نازل اولدی » دیه توصیه ایتدی. مشارالیم آلدقلری او امر و تعلیمات دائره سنده حرکت ایدرک [۲] ۳۰ نجی سنه هجریده، آلتی مصحف یازدیلر. حضرت عثمان بونلردن دوت مصحفی امصار اربعیه (ممالک اربعیه)، یعنی مکہ، بصره، کوفه و شامه کوندردی [۳]. بری اہالی یه، دیکری کندینه مخصوص اوله رق مدینه ده ایکی مصحف ابقا ایتدی. حضرت عثمانك مصحفنه « امام » نامنی ویرلرلر. مشار الیه بوندن دها اول موجود اولان مصحفلرک و صحیفه لرک جمع و احراق ایدلمسنی امر ایلدی [۴].

[۱] ابوالفدا ۱۷۶۱ ج [۲] فهرست ۲۵ [۳] نفح الطیب ۲۸۷ ج [۴] ابوالفدا ۱۷۶۱ ج ۱




بوتار یحٰمدن صکرہ اسلام لر حضرت عثمان طرفندن یازیلان مصحفه اعتبار ایدر ک هر  
 یرده آنی استساخ ایله مشغول اولمشار و آز بر مدت کچمدن بر چوق مصاحف شریفه  
 استساخ ایلشلردر. (مسعودی) حضرت علی ایله (معاویه) آره سنده وقوع بولان  
 (صفین) وقعه سندن، حضرت علینک ابتدای امرده فصل غالب کلدیکندن،  
 مصحف لر یوقاری قالدیرلمسی حقنده (عمرو بن العاص) طرفندن اتخاذه لزوم  
 کوسه تریلن تدبیردن بحث ایتدیکی صره ده «معاویه نك عسکرندن بش یوز  
 قدر مصحف یوقاری قالدیرلمشدر» دیور [۱]. شیه یوقدر که بومصحف لر  
 اووقته قدر اسلام لر طرفندن استساخ اولان مصحف لر کافه سی دکل ایدی.  
 حضرت عثمان طرفندن قرآن کریمک مصحف شکیلنه وضعندن (صفین)  
 وقعه سینه قدر یالکیز یدی سینه کچمش ایدی. بو مدت طرفنده اسلام لر  
 طرفندن نه قدر چوق مصحف یازلدیغنه ذکر اولان مقدار بر مقیاس تشکیل  
 ایدر.

صحابه کرام یالکیز حضرت عثمانک مصحفه اعتبار ایدلمسی ودیکر  
 مصاحفه نظر اهل ایله باقمه سی لزومی کمال شدله توصیه ایتدیکری حالمه یته  
 بعض اسلام لر نزدنده سائر مصحف لرندن نسخه لر قالمشدی. بونلرک المشهوری  
 حضرت علی مصحفیدر. شیعیلر حضرت پیغمبرک وفاتی انباشنده مصحفی  
 ایلک یازانک حضرت علی اولدینی ویازدینی مصحفک کندی شیعه سی آره سنده  
 تناقل ایدرک آل جعفر نزدنده محفوظ قالدینی اعتقادنددرلر. (ابن الندیم)  
 (ابوعلی حمزه الحسینی) نک یاننده حضرت علینک خط دستق ایله یازلمش بر  
 مصحف کوردیکنی وبو مصحفک حضرت حسنک اولادی آره سنده ارثا  
 تناقل ایتکده بولندیغنی (فهرست) نامنده کی کتابنده ذکر ایدیور [۲].  
 (عبدالله بن مسعود) ایله (ابی بن کعب) ک مصحف لر ی دخی اوقالان  
 مصحف لر جمله سندن اولوب هر بری سوره لرجه بر ترتیب مخصوص ایله ترتیب  
 ایدلمشدی [۳].

بونکله برابر خلفا و امرا (والیلر) دخی اسلام لر ی حضرت عثمانک  
 مصحفی اوزرینه توحید ایتک واکا مخالف دیکر مصحف لر ی ابطال ایلک

خصوصندہ صوك درجہده بذل مساعیدن كیری طورمامشردی . از مساعی  
جمله سندن اولقی اوزره امرا حضرت عثمانك مصحفدن نسخهلر یازهرق خلق  
طرفندن كوریلوب الارنده بولنان مصحفلر اكا كوره تصحیح اولنق مقصدیه  
بولندقلری یرلرده کی جامعلره وضع ایندکاری کی بعضاً ینه عین مقصدله  
ممالك اسلامیةك سائر طرفلرینهده كوندیرلردی . فقط بیرك جامعنده بر  
والینك مصحفنی قبول ایتك اویرده اووالینك حاکمینی طائیف قیلاندن عد  
اولنوردی . ( حجاج ) مصحفلر یازدیروب اطرافه كوندرن والیرك ایلری



پردەلك قماش

كانلردن ایدی . مومالیه  
یازدیرقی مصحفلردن برینی  
مصره كوندرمش ایدی .  
اوصرده مصرده والی بولنان  
خاندان امویدن ( عبدالعزیز  
بن مروان ) مصحفك وروندن  
خبردار اولنجه غضبه كلهرك  
» بنم بولندیغم بر اردویه  
مصحف كوندرك انك  
حدیدر ؟ دیدی . هان  
بر مصحف یازلمسینی امر

ایتدی . مصحفك خطاسمز اولسنه صوك درجه دقت ایدرك بونده هرکیم بر  
یاكلش بولور ایسه کندیسنه قریانلق بر قوچ ایله اوتوز دینار مکافات ویره -  
جکئی اعلان ایلدی . کوفه قراسندن ( حافظلردن ) بری بو مصحفده  
» نعبه « - دیشی قیون - کله سنك » نعبه « شکلنده یازلمش اولدیغنی کورمکله  
موعود اولان مکافات آلدی [۱] .

## قرآن کریمک قرائتی

اوائل اسلامیتده اوقومه بیلنلرک مقداری آز اولدینی ایچون اوقومه نك بیوک بر اهمیت واری ایدی . اوصرده سائر اسلاملرک اوقومه سی ، یازمه سی اولدیغدن قرآن عظیم الشانی قرائت ایدنلره دیگر اسلاملردن فرق و تمیز ایدلک اوزره « قراء » نامی ویرلمشدی . دها اول بیان ایتدی کمز وجه ایله حضرت عثمانک قرآن کریمی جمع و تدوین ایتسنه باعث اولان شی مهابه کرامک قرائته اختلافده بولندقلرینی ایشتمی ایدی . مشارالیه هر طرفه مصحفلر کوندرلرک قرائته اختلاف ظهورینه مانع اولوق ایستدی ، فقط بوتدایر اختلاف وقوعنک بسبتون اوکی آله مدی . چوق زمان کچمدن هر ولایتده بر قرائت مخصوصه ظهور ایلدی . بو ولایتلردن هر بری صدق و اقتدارینه اعتماد ایتدکلری قراءدن (حافظلردن) برنک طرز قرائته تابع اولیور و اوقرائت اوراده شیوع و شهرت بولیوردی . فقط نهایت بو قرائتلردن قرآن عظیم الشانک تلاوق ایچون مدار اعتماد اتخاذا بیدیلن یالکیز یدیمی پابدار اوله رق دیگرلری اهمال ایدلمشدر . بعضلری قرائتلری اونه ابلاغ ایدرلر .

پابدار قالان اون قرائتک صاحب لری مدینه ده ( نافع بن ابی رؤیم ) ، ( یزید بن القعقاع ) ، مکه ده ( عبدالله بن کثیر ) ، بصره ده ( ابو عمر بن العلاء ) ، ( یعقوب حنری ) ، شامده ( عبدالله بن عامر ) ، کوفه ده ( عاصم بن ابی النجود ) ، ( حمزة بن حبيب الزيات ) ، ( علی الکسائی ) ، ( خلف البزاز ) در . ذوات مشارالیه من بشقه اقطار عالم اسلامیه پک چوق کیمسه لر قرائت ایله کسب شهرت ایتمش ایدی . بولردن بعضلری ، خصوصاً فرق اسلامیه ظهور و تفسیر و تفهیمه فیکر و مطالعه لری تشعب و تکثر ایتدیکی زمانلرده ، پک غریب قرائتلرده بولنشلردی . مع مافیه خلفا - میلادک قرون اولاسنده نصرانیت رؤسانلک یابدقلری کبی - بین المسلمین تفرقه وقوعندن قورقه رق اوقیلدن اولان شاذلرک تعقیب و مجازاتنده استعمال شدتن کیری طور میورلردی . دین اسلام ، باخصوص اوائل انتشاری صردلرنده ، حریت فیکر و کلامه خرسیتانلقدن زیاده مساعد ایدی .



دیانتک بخش ایتدیکی بوحریت وصلاحیت سایه‌سندہ هرکس رأی و مطالعہ‌سی خلیفہ‌نک فکر و مطالعہ‌سنہ مخالف اولسه بیلہ سرد و ایراددن چکنمیوردی . ایشته اوایلہ برحریت کلامک نتیجہ‌سی اولمق اوزره اوصره‌لرده اسلام فرقه‌لری چوغالہرق اصحابنک قراشده و تفسیر و فقہده و هر شیده طوطدقلری اصول و مطالعہ تعدد ایتمش و حتی بعضلری (سورہ یوسف) ک قرآندن اولمدیغنی ، چونکہ حکایہ‌لردن برحکایہ قبیلندن اولدیغنی ادعا ایتک درجہ‌لرینہ قدر ایلری کیتمش ایدی . بونی ادعا ایدنلر (عجاردہ) فرقه‌سی ایدی [۱] . حتی دیگر برفرقه دخی حضرت عیساک الوہیتہ متعلق قضایادن برینک وروز قیامتہ مخلوقدن حساب صورانک حضرت عیسی اولدیغنک اثباتنہ قائلیشمق کبی بر فکرده بولنمش ایدی [۲] . بعضلری دولت عباسیہ‌نک اورته زمانلرینہ قدر غریب قراشلره دوام ایلش‌لردی . اوجہلہدن اولہرق ۳۵۴ سنہ ہجربہ‌سندہ وفات ایدن (یعقوب العطار) غریب قراشلره دوام ایتدیکنندن خلیفہ زمان طرفندن جلب ایدیله‌رک توبہ ایتدیرلش و قراء و فقہا حضورندہ توبہ سنہ دائر بر محضر یازیله‌رق حاضر بولسانلر اوزرینہ شاهد اتخاذا و لنمشدی [۳] .

شاذ برصورتده قراشده بولنانلرک الک مشہوری ۳۲۸ سنہ‌سندہ وفات ایدن (ابن شنبود بغدادی) درکہ بو آدم (ابن النديم) و (ابن خلدان) طرفندن

#### [۱] شہرستانی ۹۵ ج ۱

عجاردہ خوارج رؤسا سندن عبدالکریم (وہر روایتہ کورہ عبدالله و دیگر روایتہ کورہ عبدالرحمن) بن العجردک اصحاب و طرفدارانندن متشکل ایدیلر . بونلر خوارجدن (نجدہ بن عامر الحنفی) نک اصحابندن اولقلہ نجدات نامی آلان دیگر برصنف خوارجک اعتقاداتنی تماماً قبول ایتدکدن ماعدا فضلہ اولہرق دخی بر چوجقی بالغ اولوب ادعای اسلامیت ایتدن اول اوچوجفی اوغل دیہ قبول ایتک جائز اولمدیغنی ، چوجقی بالغ اولنجہ دخی افی اسلامیتہ دعوت ایتک لازم کلہجکئہ ، مشرکارک اطفالی ہپ جہنمہ کیدہجکلرینہ ذاہپ اولشلر ایدی . اون فرقه ایدیلر . (میمون بن عمران) ک طرفدارانی اولقلہ (میمونہ) تسمیہ ایدیانی خوارج فرقه‌سی ایسہ قدرہ معتقد اولدقلرندن استطاعت و قدرتک فعلدن دھا اول اولدیغنی و جناب حقک یالکدن خیر ایتیبوب شر ایسہ مدیکنی ، کفارک اطفالانندن وفات ایدنلرک جنتہ کیدہجکلرینی ، قاروشلر آرمہ‌سندہ نکاح جائز اولدیغنی ادعا ایدرلر و سورہ یوسنی طائمازلردی .

(محیط المحيط)

#### [۲] شہرستانی ۴۲ ج ۱ [۳] طبقات الادبا ۳۶۱

شکلی تعریف اولنان بر طاقم شاذ قرائتله ایلله جامعلرده قرآن تلاوت ایتمکده ایکن وزیر (ابن مقالة) ۳۲۳ سنه هجریه سنده کیفیتدن خبردار اوله رق کندیسینی دردست وجبسه ایلمدی . (ابن شنبود) برمدت حبسخانه ده قالدیغی حالده عبرت آلوب قاعده خلافه او قومقدن واز کچمديکندن وزیرک امری ایلله دایاق آلتنه آلدی . ایشته بونک اوزرینه (ابن شنبود) توبه ایدرک حضرت عثمانک مصحفی ایلله واسلاملرک قبول ایتدکلی شکل وطرزده او قویه جغنی تعهد ایلدیکندن توبه سنه دائر بر محضر یایلوب بو صورتله شاذ قرائتده بولمسنه نمانعت ایلدی [۱] .

احضای دهها اول ذکر ایتدیکمز اون طرز قرائتک جمله سی اسلاملر نژنده جائز وائمه نظرنده بونلرک جمله سی طوغریدر . بر مملکت بوقرائلردن برینی ویا ایکیسینی ودها زیاده سنی اختیار ایدمیلله جکی کبی جمله سینی ده قبول واستعمال ایدمیلیر [۲] .

اسلاملر قرائتک حجتی اثبات خصوصنده اسناد متسلسله اعتماد ایدرلر و حضرت پیغمبره دایاخجه قدر مثلاً « یعقوب بن اسحق (سلام) دن ، اسلام (عاصم) دن ، عاصم (ابو عبدالرحمن) دن ، ابو عبدالرحمن (علی بن ابی طالب) دن ، علی ده حضرت پیغمبردن بویله او قومشلردر » دیهرک بوتسلسلی برطرز مبرهن ایلله قبول ایلرلر ایدی [۱] .

## قرآن عظیم الشانک تأثیری

قرآن کریمک حفظی ، باخصوص اوائل اسلامیتده ، اسلاملرک برنجی وظیفه سی عد ایلدیکندن قرائت وحفظده صرف اولنان اعتنا وغیرت تأثیریه قرآن عظیم الشانک وامر ونواهی سی اسلاملرک قلبلرینه منطبع اولدیغی کبی عبارلری بتون ادبایک لسانلرینه مرتسم اولدی . قرآن عظیم الشان شریعت ،

[۱] ابن خکان ۴۹۰ ج ۱ [۲] مقدسی ۲۹ ونفح الطیب ۱۰۴ ج ۱

[۱] ابن خکان ۳۰۸ ج ۲

دیانت ، لغت ، وهرشیده مرجع ایدی . اسلامیتی قبول ایدن اقوام اصل ولسان و مملکت اعتباری ایله بربرندن آیری واوزاق ایکن قرآن کرم بونلرک جمله سنه عین تأثیرده بولندی . اسلاملر خطابتده قرآنک اسلوب بیاننی تقلیده چالیش قلمری جهته یازد قلمری آئارده آیتلر ایله استشهاد ایتمهک باشلامش لر و اخلاق و عاداته وارنجیه قدر هرشیده قرآن کریمک تأثیراتنه تابع اولمش لدر . علوم شرعیه شویله طورسون علوم لسانیده دخی نصوص قرآنییه مراجعت اولنیوردی . عرب نحو و صرفنک علامه بی مدانیسی مشهور ( سیدویه ) ک بوایکی علمه دائر اولان کتابنده ۳۰۰ قدر آیت وارد . اصحاب بلاغت و فصاحت ایلریده « اسلامیتده خطابت » و « اسلامیتده بلاغت » بختلرنده کوریله چکی اوزره آیات قرآنییه ایله ترصیع و تزین ایتمهک سزین برنطق و یا سائر برشیئی ایراد ایتمهک و یازمقدن خوشلانمازلردی . بتون نطقلرده ، مکاتباتده ، توقیعلرده آیات کریمه استعمال اولنوردی .

قرآن عظیم الشانک قرائت ، حفظ و تفهمنه اوقدر چوق اهتمام و اعتنا ایتمهک لری ایدی که بر آیتک برحرفی و یا برکلمه سی ذکر اولنسه بتون آیت درحال خاطرلرده تجسم ایدردی . بوجهته بک چوق دفعه بر آیتک عمومی افاده ایتمهک ایچون یا لکیز برکلمه سنک ذکر و یا تحریری ایله اکتفا اولنوردی . ارباب ذکا درحال مقصدی آکادزلردی .

بوقیلدن اولان مثاللر جمله سندن ارله رق مشهور سلطان ( محمود غزنوی ) بغدادده کی خلیفه یه مراجعت ایدرک اسمنک بغدادده خطبه ده ذکر و آلتون ، کموش سکه لری اوزرینه نقش ایدلمسنی طلب ایلش ایدی . خلیفه بوندن امتناع ایتدیکندن سلطان محمود خلیفه یه تهدید آمیز بر مکتوب کوندره رک از جمله : « بغدادک طاش ، طوپراغنی قیللر ایله ( غزنه ) به نقل ایتمک ایسته سه م بوکا اقتدارم وار » دیمش ایدی . بولک اوزرینه خلیفه سلطان محموده قبالی و مهرلی بر مکتوب یازوب کوندردی . سلطان محمود نامه یی آچینجه ایچنده بسمله دن صکره برالف ممدوده واورته سنده برلام و نهایتده برهم ونی اوزرینه صلوات واللله حمددن بشقه برشی بوله میهرق تعجبه دوشدی . سلطانک مجلسنده بولانلر دخی مقصدی آکلایه میهرق تعجبه بولندیلر . نهایت علمای زمانه دن ( ابوبکر قهستانی ) کلوب



برمدت تفکر کردن صکره مقصدی آکلادی . سلطان محمود ( قهستانی ) یه : « نه دیمک ایستلیدیکنی سویله . نه ایسترسهك ویریم » دینجه قهستانی « سز انلری فیلر ایله تهدید ایتیش ایدیکز . انلرده بوجوابی کوندریدیلر . مکتوبده کی الف ولام ومیم » ربکک فیل صاحبیلرینی نه حاله قویدیفنی کورمدکمی ؟ ، مفادنده اولان « الم ترکیف فعل ربک باحباب الفیل » آیت کریمهسه اشارتدر « جوابی ویردی . سلطان محمود جوابدن اورکدرک قلبنه قورقو ویشیانی عارض اولمش وخایفه ایله کوزل کچنمکه باشلامشدر [ ۱ ] .

کذلک روایت اولندیغنه کوره یدنجی خلیفه عباسی ( مأمون ) آل طاهرندن ( عبدالله بن طاهر ) ه طاریله رق قتل ایچون مجلسنده بوانان مقربین ایله استشاره ایتدیکی صررده ( ابن طاهر ) ک دوستلرندن بری حاضر بولمش . بودوست ( ابن طاهر ) ه برمکتوب کوندرهك ایچنه بسملهدن صکره یالکز « یاموسی » یازمش . ( ابن طاهر ) مکتوبی آچوبده یالکز بسمله یی ویا موسایینی کورنجه تعجب ایتیش . فقط مکتوبک مقصدسز یازلمدیغنی بیلیدیکندن دوشونه دوشونه مقصدی آکلامش . مقصد « ای موسی ! خلق سنی اولدورمک ایچون عقد مشورت ایدیورلر » مانفی متضمن اولان « یاموسی ان الملاء یأتمرون بك لیقتلوك » آیت کریمه سنی افهام ایدی [ ۲ ] .

( سدیدالملک ) ک و ( ان ) اداتی تشدیدینک حکایه سی ده ا بلیغدر . بو حکایه برنجی جملده ذکر ایدلیدیکندن بوراده انی برده ا تکراره لزوم یوقدر . اسلاملر قرآن کریمک تعظیم واستساختنده پک ایلری کیدرک انی آتون وکמוש وفیل دیشی لوحه لری اوزرینه یازدقلری کی ایپک و دیبا اوزرنده آتون وکמוש صرمه ایله ایشلیهرك انکله محفللرینی تزین ومسجدلرک ، کتابخانه لرک ، مجلسلرک دیوارلرینی آیات کریمه ایله توشیح ایدرلردی . اسلاملر قرآن کریمی هر نوع یازی ومربک ایله جیلان وسائر دریلری وکاغذ اوزرنده طومار وجزء شکنده یازهرق آیتلر آره سنده یالذیزلی مرکب قوللانیرلردی . اسکیده خلفا ، امرا وسلاطین کندی اللریله مصحف یازمغی بیوک بریم و برکت عد ایدرک بالذات کندیلری مصحف یازارلر ویازدقلری مصحفلی جامعلرده وسائر اوکی

اماکن مبارکده حفظ ایدرلردی . بوکا مثال اولمق اوزره قاهرده کی دتایخانه خدیویده خط کوفینک اکثر اشکالی ایله یازلمش حرکه ونقطه دن خالی ، یاخود تمام حرکه لی ونقطه لی ، یاخود هرایکیسنک اورته سی اوله رق برچوق مصحف لر موجوددر .

اسلام لر قرآن عظیم الشان حقنده کوستردک لری اعتنا وتعظیم آتارندن اوله رق سوره ، آیت ، کلمه وحرقلرینک مقدارینی تعداد ایتدک لری کی قرآن کریمده الف وبادن یایه قدر حروف هجانه هر برندن نه قدر حرف بولندیغنی ده تعداد وتحریر ایشلردر .

### تفسیر قرآن

عربلر اسلامیتک اوائلنده حضرت نبی طرفندن برسوره ویا برآیت تلاوت بیورلدیجه او سوره ویا آتی کرک مفردات الفاظ ، کرک ترکیب کلام اعتباری ایله آکلایه رق معنی نه یه شامل ایسه اوجهتلری ده ادراک ایدرلردی . چونکه اوسوره وایتلر کندی لسانلری ایله وکندی لسانلرینک طرز بلاغتی ایله نازل اولمقده ایدی . فضله اوله رق او سوره وایتلرک اکثری اوله برطاقم احوال اتناسنده نازل اولمش ایدی که احوال مذکوره نازل اولان آیتلری آکلامق ایچون قرینه تشکیل ایدیوردی . بونکله برابر برآیتک فهمنده مشکلاته دوشونجه حضرت نبی یه مراجعت ایدرلردی . جناب پیغمبر انلره آکلایه مدقلری شیلری تفسیر ایدر وایتلردن منسوخ برشی وار ایسه ناسخی کوستره رک مشکلرینی حل ایلردی . ایشته صحابه کرام حضرت پیغمبردن بواضا حاتی تلقی ایله حفظ وتساقل ایشلردر . مشار الیهمدن صکره کلن تابعین وبونلرک تابعینی صحابه کرامدن علوم قرآنیه نی تلقی ایشلردر .

بالآخره اسلامیت دولت شکله کیره رک نظامات وقوانینه احتیاج حاصل اولنجه قرآن عظیم الشان قوانین ونظامات مطلوبه یه منبع ومصدر کورولوب قرآنک تفسیرینه برقات ده اهمیت برلمش وقراء (حافظلر) ومفسرلر اواحکامی

استخراج واستنباطده اسلاملك مرجعی كسلمشدر . شو حالده قراء وفسرین ایلک ازمئه اسلامیهده فقها دیمك ایدیلر . اسلاملر برنجی عصر عجرینك صوکارینه قدر تفسیری شفاهاً تلقی وناقلاً ایتمشلردر . تفسیری یازی ایله ایلک تدوین ایدن ذات ۱۰۴ سنه هجریهسنده وفات ایدن (مجاهد بن جبر) ایدی . دها صکره پك چوق ذوات تفسیره دائر اثر یازمشلر ونهایت ۲۰۷ سنهسنده وفات ایدن (واقدی) [\*] و ۳۱۰ سنهسنده وفات ایدن (طبری) [\*] و سائر دیتشمشاردر . بالادهی ایضاحاندن آکلاشلدیغی اوزره تفسیرك استنادگاه اساسیی حضرت نبیدن ودها صکره صحابه و تابعیندن تواتر واسناد ایله تقلیدن عبارت ایدی . اوصردهه عربلر علی الاکثر اوقومق یازمق بیلمز لردی . اسباب کائنندن و بدء واسرار خلقتدن بیلمدکری شیلری آکلامق ایستدکجه میانه لرنده مقیم و کندیلرندن اول اهل کتابدن اولان موسویلردن وخرستیانلردن صورارلردی . بونلرایسه علی الاکثر موسویلیکی قبول ایدن یمن حمیریلرندن تشکل ایدیورلردی [۱] . بوموسویلر وخرستیانلر او صردهه هر نه قدر اسلام اولمشلر ایسهده شفاهاً تناقل وکتابه توارث صورتیله شریعت اسلامیهه تعاقی اولیان بر طاقم اعتقادات و اعتیادانك

[\*] واقدی مشاهیر مورخین عربدن ایدی . ۱۳۰ سنه هجریهسنده مدینه منورهده تولد و ۲۰۷ ده بغدادده وفات ایشدر . مشار الیه (مأمون) ك زماننده بغدادك (عسکر مهدی) ونام دیگر ایله (رضافه) دینلن قسم شرقیسی قاضیلککنه نصب اولنش ایدی . فتوحه دائر برفاچ کتابی واردر . علی الخصوص (فتوح الشام) ی پك مفصل یازمشدر . (کتاب الرده) عنوانی ایله برتألیفی واردر که ارتحال جناب نبویدن صکره ظهور ایدن (طایحه بن خویلد الازدی) ایله (مسيلمه الکذاب) و سائرتهك خروجی ایله عربلرک ارتداد واقعلرندن باحدر . حدیثده شایان ونوق دکادی . (مأمون) ك نزدنده توجهه و بیوک احسانلرینه نائل اولمش ایدی .

[\*\*] (ابن جریر) طبری اسمیله معروف اولان مورخ مشهوردر که فقه وحديث و تفسیر وعلوم سائرده ید طولی صاحبی ایدی . بیوک برتفسیر کتابی یازمشدر . اثرتألیفی اولان تاریخ دخی پك مفصل و بی طرفانه معلوماتی حاوی و خلقت عالمندن ۳۰۰ تاریخ هجرینه قدر اولان وقوعاتی شاملدر . ترکیجهده بولنان ترجمهیی (تاریخ جعفری) تسمیه ایتدیکی اصل تاریخنك ترجمهیی اولیوب کندییسی طرفندن ترتیب اولنان بر مختصرندن مأخوذدر . طبری ۲۴۴ سنهسنده طبرستانك (آمل) شهرنده طوغوب ۳۱۰ سنهسنده بغدادده وفات ایتشددر .



تأثیرندن بسبتون قورتوله مامشلردی . بناءً علیه بونلردن بر شی صورلدنجه تلمود وتوراتدن خاطرلرنده قالمش اولان حکایه لری نقل ایدرلردی . بوسیدن تفسیر کتابلری بو نوعدن اولان مقولات ایله طولشدی .

حضرت عمر زماننده اسلامیت ایله کسب تشرف ایدرک (کعب الاحبار) نامی ایله معروف اولان (کعب بن مافع) ذکر اولنان موسویلرک اک مشهورلرندن ایدی [۱] . کذلک حضرت نبینک مدینه یه هجرتی صرهنده اسلام اولان (عبدالله بن سلام بن الحارث) دخی او ذوات جمله سندن معدوددر [۲] . بوندن ماعدا صابئلردن و مجوسیلردن وسائرهدن ده بر چوق کیمسه لر داخل دائرة اسلامیت اولمشلردی . بعضلری بیوک بر موقع احراز ایتمش ایدی . بونلردن دخی بر مشکل

حقنده سؤال صورلدنجه مذهب قدیملرندن حافظه لرنده بولان معلوماتی نقل ایدرلردی . بوقیلدن اولان ذوات اک مشهوری (وهب بن منبه) ایدی . مشارالیهک بیوک پدری یعنی استیلا ایدن حبشیلری مملکتدن چیقارمق ایچون ایران حکمداری طرفسندن قطعاً مذکوریه کوندریلن قوه عسکریه معاونه افراندنن بر ایرانی ایدی . بو ایرانیلر یمنده اقامت ایدرک چوجق چولق صاحب اولمشلر و (ابناء) - اوغللر - یعنی ایران اوغللری نامیه کسب معروفیت ایتمشلر ایدی . مشاهیر تابعیندن (طاوس بن کیسان) دخی بو ایرانیلردن

ایدی .

عرب کادی بروازو الیوم الخمره موزه سنده عفوئلدر

مشار الیه (وهب) ک آبا واجدادی ایران دیانتنه (مجوسیلک ویا زردشتیلک) تابع ایکن یمنده موسویلر آره سنده اقامت ایلیه رک بونلردن موسویلره عائد بر



چرق عادات و معلومات اقباس ايتدكاري كې ديكړ جهتدن حبشيلر ايله اختلافده بولدنلرندن بونزدن ده نصرانيته متعلق بر چوق شيلر او كره شيلر ايدى . ذكرى كچن ( وهب بن منبه ) لسان يونانيه آشنا ايدى [ ۱ ] . بو سايله كرك يونانيلرك ، كرك سائر اقوامك احوال و عاداتى قولايقله او كره نرك تاريخ اعصمه و احوال انبياده و اصول اداره جهانده و حكمدارانك ترجمه احوالنده بر وقوف واسع صاحبي اولمش ايدى . « كتب منزله دن ۷۲ كتاب اوقودم » سوزى كنديسندن منقول اولان اقوالندرد . عربلر بو زانه پك چوق اعتماد ايدرلردى . چونكه هر نه صورسلر محفوظاتندن كنديلرينه مفصل جواب ويرردى .

بو جهته اسلاميتك ايلك عصرلرنده يازيلان تفسير كتابلرى بو نوعدن بر چوق معلوماتي احتوا ايديبور . بو معلومات جزيره العربده ويا اطرافنده انتشار ايدن ديانتلردن منقول بر چوق شيلردن متشكل ايدى . نته كيم نصرانيت دخى ايلك عصرلرنده بو كې احواله درچار اولمقدن قورتوله مامشدى . چونكه نصرانيت دخى ايلك انتشار ايتديكي عصرلرده اعظم نصرانيت طرفندن صرف اولنان مساعى عظيمه يه رغماً داخل ديانت عيسويه اولان بتپرست اقوامك معتقدات و عاداتي تاثيرندن رهاياب اوله مامش ايدى .

فقط بالآخره علوم لسانيه ظهور ايدرك اسلاملر بو علوم ايله اشتغال و كتب منطقيه و فلسفيه دخى اطلاع ايدنجه دليل و قياس آرامغه آليشه رق تفسيره دائر اولان كتابلرى نظر تدقيقدن كچيرمشلر و روايتلرينى جدى و اساسلى تتبعات ايله آراشدير رق عقل و منطقه موافق بر حاله قويشمشلردر . بو يولده تتبعات موشكافانده بولنان ذواتك اك مشهورلرى ( ابن عطيه ) [\*] ، ( قرطبي ) و ( كشاف ) صاحبي ( جلاله زحشرى ) و سائرهدر .

تفسيره دائر اوله رق تاليف ايدلمش اولان آثار پك چوقدرد . ( كشف - الظنون ) مؤلفي اوج يوزى متجاوز تفسير كتابى ذكر ايتديكي حالده تفسير

[ ۱ ] مسعودى ۱۰۹ ج ۲

[ \* ] ابو محمد عبدالحق بن عطيه ، فقه ، حديث ، تفسير ، نحو و لغتده انديلسنده يتيشن الكيوك علماء دن ايدى . ۴۸۱ سنه سنده تولد و ۵۴۶ سنه سنده ( لورنه ) شهرنده وفات ايتمشدر . ( الوجيز ) عنوانى ايله مشهور و مهتبر بر تفسيرى واردرد .

کتابلرندن آنجق بعضارینی ایراد ایلدیکئی سوبلیور . فی الحقیقه تفسیره دائر اولان مؤلفات بو مقداردن یک جوق فضله ایدی [۱] .

### حدیث

اسلاملر قرآن عظیم الشانک معانیسنی آکلامق ایچون اشتغال ایتدکری زمان بو مقصده خدمت ایتک اوزره محتاج اولدقلری شیر جمله سندن وله رق اقبال نبیه عرض افتقار ایتشلر و بونلره « احادیث نبویه » نامنی ویرمشلردر . احادیث شریفه یی فم نبویدن اک اسکئی ایشیدن ذوات صحابه کرام ایدی . صحابه احادیث شریفه یی ازبر ایده رک آیات کریمه دن برینک فهم و تفسیرینده ، یاخود حاوی اولدینی احکامک برنده اختلافه دوشدکری زمان مختلف فیه نقطه لرک ایضاحی ایچون حدیثلره مراجعت ایدرلردی . ده اصکره فتوحات اسلامییه میسر اولنجه اصحاب کرام ممالک اسلامییه نک اطرافنه طاعلیدلر . حال بوکه حدیثلر بو ذواتک ازبرنده محفوظ ایدی . هر صحابه یده بعض احادیث واردی . حتی ایچلرنده بعضلری وار ایدی که کندیلرندن بشقه کیمسه طرفدن ایشیدیلین حدیثلر حفظ ایدرلردی . بونک اوزرینه مثلا شاملی بر حدیث طالبی ( مکه ) ، ( مدینه ) ، ( بصره ) ، ( کوفه ) ، ( ری ) ، ( مصر ) و سائره یه سیاحت وارباندن تاقی ایتدن احادیث شریفه یی اطرافلی بر صـورتده اوکرندمنی . کذلک مذکور شهرلرده مقیم دیگر حدیث طالبلری سائر شهرلری طولاشمدن مقصدلرینه نائل اوله مازلردی . علم ایچون اختیار سیاحت تعبیری ایشته بو حالدن نشأت ایلشدی . مع مافیه تحصیل علم اغورنده اختیار سیاحت ایتک اسلاملر طرفدن ایجاد ایدنش بر شی دکلدی . بو حال مواصلا تک و وسائط نشریه نک آزلغه بناء اک اسکئی زمانلرده معروف ایدی . مورخین یونانیه دن هیرودوتس ( هـرودوت ) و یونان جغرافیونندن ( استرابون Strabon ) و سائره نک یابدقاری کئی اواسکی دورلرده بر انسان تاریخ ، یاخود جغرافیه دایر معلومات



الدیتمک ایچون الاوزاق یرلره کیتمکه مجبور بولمقده ایدی . بوجهتله اسلامار یالکیز احادیث شریفه یی تلقی ایتمک ایچون دکل ، سائر علوم و معارفک اکتسابی ایچون ده اختیار سیاحت ایدر لر دی . ازمئه اسلامیه ده ممالک اسلامیه ده بولنان خرسیتیانلر علوم دینییه یی اکمال ایتمک اوزره روم ممالکنه عزیمت ایلر لر دی [۱] .

## وضع احادیث

حضرت عثمانک شهادتندن صکره ظهور ایدن فتنه اثناسنده اسلامار خلیفه انتخابنده اختلافه دوشدکری و بردن زیاده ذوات طرفندن طلب خلافت ایدلرکی زمان ذوات مشار الیه مه منسوب هر فرقه کندی ادعای نبی تأیید و تقویه ایچون دلیل اقامه سنه و حدیث استخراجنه چالیشیر دی . حتی بعضاری رسوزی تأیید ، یا خود بر دعوائی اثبات ایچون بر حدیث ایرادینه لزوم کورونجه بلا تردد در حال بر حدیث اویدورب سولر لر دی . بوکا ممائل احوال ذکر اولنان آنارشی زماننده چوغالمش ایدی . مثلاً مشاهیر تابعیندن (مهلب بن ابی صفره) خوارج علیه اسلاماری قوتلندی مرک ایچون کندندن حدیثلر ایجاد ایدر دی [۲] . بونکله برابر (مهلب) ارباب درایت و صلاحدن بر ذات ایدی . اسلاملرده بو حدیثلرک اویدورمه اولدیغنی بیایر لر دی . مع مافیه بو ذاتک حسن نیتنه اعتماد و بویله بر وسیله یه توسل اولمسنی بر خدعه حربیه قیلندن عدایتکاری ایچون بوندن طولایی کنندیسنی معذور کورور لر دی . سائر بر طاقم مقاصد مختلفه اغورنده (مهلب) کبی اصلسز حدیث وضع ایدن ده بر چوق آدمار واردی . ایلك تشکلندن اعتباراً خلافت مسأله سنده حدیثک بیوک بر تأثیری کورلرکی جهتله بالخاصه شرائط خلافت بحثنده هر کس اصلسز حدیث وضعنه قوشمقده ایدی . ده اول بیان ایدلرکی اوزره حضرت پیغمبر وفات ایتدکی زمان خلافت مسأله سنده اسلاملر مهاجرین و انصار قسملرینه آیریلهرق هر طرف کنندی خلافت حقیقی عدایتمش و انصار بومسأله ده ادعالرنده اصرار ایلر لر دی .

اختلاف اہمیت ملی بر شکل آلمش ایدی . نہایت حضرت ( ابو بکر ) « الائمة من قریش - ائمہ قریشدندر » [ ۱ ] حدیث شریفی ایراد ایدنبجہ بو حدیث ہرکسی صوصدیرمش ایدی . بر حدیث اوقدر تاثیر ایدر ایسہ فتنہ اٹناسندہ ہربری برطرفی التزام ایدن فرقلرک الزام خصم ایچون حدیثلرہ نہ قدر محتاج اولہ جقلرینی اکا کورہ قیاس ایدیکز . حقوق فتح وسائرہنی تعین واثبات ایتک وظہوری بکلہنن ( مہدی ) نک اوصاف وعلامتاری ایلہ نہ کی احوالہ ظہور ایدہ جکئی بیامک وکرک اداره ، کرک قضا جہتلیرنہ نظامات وقوانین وضع ایلک ایچوندہ احادیث شریفہ فرط احتیاج موجود ایدی . یدنجی خلیفہ عباسی ( مأمون ) متعینی تجویز ایتک ایستدیک زمان-کندیسنی بو تشبہدن جویرن آنجق اکا ایراد اولنان برحدیث شریف ایدی [ ۲ ] .

شو ایضاحات نظر دقتہ آلدقدن صکرہ بر طاقم ثروت واقبال پرستانک جلب منفعت ایچون حدیث نامنہ عندی سوزلر وضع واشاعہ ایللرینی غریب کورمامک اقضا ایدر . بویلہ غیرصحیح حدیث ایجاد ایدنلردن بر قاج کیمسہ ذکر اولنور . بونلرک اک مشہورلری مدینہدہ ( ابن ابی یحیی ) ، بغداددہ سالف الذکر ( واقدی ) ، خراساندہ ( مقاتل بن سلیمان ) ، شامدہ ( محمد بن سعید ) اولمق اوزرہ درت کشی ایدیلر [ ۳ ] . بوکی احادیث راویلری بر چوق دفعہ بر صیقیہ کلدکلری زمان ارتکاب ایتدکلری کذب وبہتانی اعتراف ایتمکدن چکنمزلردی . نتہ کیم کوفہدہ محدث ایکن کوفہ والیسی ( محمد بن سلیمان ) طرفندن ۱۵۳ سنہ ہجریہ سندہ قتلی امر اولنان ( ابن ابی العوجاء ) ہر حالہ اعدام اولنہ جغنی آکلانجہ « واللہ درت بیک حدیث اویدوردم . بونلر ایلہ حالالی حرام وحرامی حلال کوستردم . اوروج طوتمکیز لازم اولان کوندہ سزی مفطر یایدم . مفطر اولمکیز لازم کلن زماندہ ایسہ سزہ اوروج طوتدوردم » دیہرک اعتراف جرم ایلش ایدی [ ۴ ] .

( احمد جویباری ) ، ( ابن عکاشہ کرمانی ) ، ( ابن تیمیہ فریابی ) دہ غیر صحیح حدیث سویلنلردن ایدیلر . ( سہل بن السری ) : « بو اوچ آدم کندیدی

[ ۱ ] شہرستانی ۱۲ ج ۱ [ ۲ ] ابن خلکان ۲۱۸ ج ۲ [ ۳ ] ابن خلکان ۱۱۳ ج ۲

[ ۴ ] ابن الاثیر ۷ ج ۶

طرفلرندن اویلدوره اوله رق اون بیک غیر صحیح حدیث وضع ایلملردر . دیور [۱] . سنیلرجه معتبر اولان احادیث ایله شیعیلرجه معتبر اولان حدیثلر آرسنده کوریلان فرق ایشته بوکی اسبابدن نشأت ایلمشدی . فقط بالاخره فتنه واختلال کسب سکون ایدوبده اسلاملر تحقیقات وتدیقاته ابتدار ایلینججه غیر صحیح احادیثک چوغلمش اولدیغنی کوره رک بونلرک صحیح ومعتبرینی غیر صحیح وغیر معتبرندن تفریق ایله اشتغال ایلملر وبو علمه دائر بر جوق کتابلر تألیف ایدهرک حدیثی درجه لره تصنیف ایتملردر . احادیثک روایتی مبدادن منتهایه قدر متصل اوله بیلدیکی کی اورتده بعض راویلرک اسمی بیلنمه یهرک منقطع نوعندن ده اولور . بعضلرنده اسنادات مورث ضعف اسبابدن عاری اوله بیلدیکی کی دیگر بعضلرینک اسناداتی ضعیف بولنور . احادیث شریفه ایشته بووامثالی نقطه لر اعتباریله درجه لره تقسیم ایدیله رک نوعلرینه کوره صحیح ، حسن ، ضعیف ، مرسل ، منقطع ، معضل ، شاذ ، غریب وسائر ناملری ویرلمش وراویلرک قرائت ، یاخود کتابت ، یاخود مناوله ، یاخود اجازت صورتیله برلرلرندن فصل روایت ایدیه یله جکلری وبو روایتلرک درجه لری اصول وقاعده یه ربط ایداشدر [۲] .

### اسناد حدیث

بالاده کورلیدیکی اوزره غیر صحیح برطاقم احادیثک ظهوری علم حدیثه اهمیت ویرلمسنه واحادیث حقنده مدققانه طاورالسنه باعث اولمش ایدی . اسلامیتک ایلمک عصرلرنده صحت نقل آنجق حفظ ایله ومحمفوظاتی تسلسل طریق ایله منبع اصلسنه اسناد ایله ممکن اوله بیلیردی . ایشته بوکا (اسناد) اصولی دیرلر . بو اصول ابتدای امرده مثلاً «فلان ذات فلان ذاتدن بزه شونی اعلام ، یاخود اخبار ، یاخود املا ایتدی ، شکلنده مختصر ایکن ده صکره مرور زمان ایله راویلرک عددی چوغالنججه راویلردن ساسله تشکیلنه لزوم



کوریلہ رک بوسلساۃ اسناد « فلان ذات فلان ذاتن وفلان ذات فلان ذاتن وفلان ذات ده فلان ذاتن نقل ایله دیورکه بو صوکه فلان ذات فلان ذاتن شونی بونی سویلدیکی ایشیتمشدر » شکلنه کیرمشدر . بونک نتیجه سنده فلان ایله تعبیر ایتدیکمز محدثانردن شایان اعتماد اولانلری اعتماد لایق اولمیاناردن تفریق ایده بیلیمک ایچون محدثینک طبقاتی حقنده نتبعات اجراسنه لزوم کورلمش وارباب حدیث طبقه اته تفریق ایدلمشدر . صحابه کرام ، تابعون ، تابعونک تابعینی ، رتبه اجتهادی احراز ایتمش اولان علما ، احادیث جمع و حفظی ایله اشتغال ایدنلر ، حدیث ناقللری ، حدیث شارحلری وسائر درجه درجه ذکر اولان طبقه لری تشکیل ایدرلر [ ۱ ] . محدثین وبونلردن حدیث روایت ایدنلرک طبقه اته دائر پک چوق کتابلر تألیف ایدلمشدر .

هر مملکت اهالیسی اصول اسنادده دیگر مملکت اهالیسنک اصول اسنادندن فرقلی بریول تعقیب ایتمشدر . حجاز اهالیسی راویلرک عدالت و ضبطلرینه متعلق شروط نقلده پک زیاده دقت و اهتمام ایتدکلرندن بو خصوصده تعقیب ایتدکلری طریق سائر ممالکک طریقلرندن ده یوکسک وصحتجه ده ایتدکلر . بونلرک صحابه کرامدن صکره سند ومعتدلری مدینه منوره عالمی اولوب ۱۷۹ سنه سنده وفات ایدن امام ( مالک ) واندن صکره امام ( شافعی ) و امام ( ابن حنبل ) واهالی کی انک اصحابی اولان ذوات ایدی . امام ( مالک ) احادیث شریفه یی کتاب شکلنده ایلك تحریر وتدوین ایدن ذاتدی . مشارالیه طریقت حجاز اوزره موطن کتابی تألیف ایده رک معاصرین واصحابنک تواطؤ و اتفاق ایتمش اولدقلری احادیث صحیحهدن احکام شرعیه ده دائر اولانلری انده درج ایله ابواب فقه اوزره ترتیب ایلشدر . دیگر بروایته کوره حدیثه دائر ایلك اریازان ذات ( ابن جریج ) در . امام مالکدن صکره حدیث حافظلری اهل حجاز وعراق ایله سائر محدثین میاننده مضبوط اولان طرق واسانید مختلفه نک ضبط و معرفتده اهتمام واعتنا ایتشلردر . ده صکره کندی عصرنده امام محدثین اولان ( محمد بن اسماعیل بخاری ) ظهور ایدنجه دائره روایتی توسیع وطریقت حجازیه وعراقیه وشامیه یی جمع ایدرک احادیثی ( جامع صحیح ) نامنده کی اثرنده ابواب

فقه اوزره ترتیب الی شدر . متعاقباً امام (مسلم بن حجاج قشیری) مسند صحیحی تألیف ایتمشدر . (صحیحین) نامی ویریلن بو ایکی کتابه خلق صوگ درجه ده اعماک کوسترمشلردر . ده صا صکره محدثیندن دیگر بر طبقه ده ایتشه رک امام (بخاری) و امام (مسلم) ک طریقلرندن ده وسعتلی بر طریق آچمشلر و یازدقلری آنارده کرک رتبه عالی ده بولنان احادیث صحیحیه ی و کرک بومر تبه یه بالغ اوله میان احادیث حسنه و سائرینه ذکر ایلمشلردر . بونک نتیجه سنه ، مؤلفلرینک اسملری آتی ده ذکر اولنان مشهور (کتب سه) وجوده کلشدر . بو مؤلفلرک برنجیسی ۲۵۶ سنه هجریه سنه ده وفات ایدن (امام بخاری) ، ایکنجیسی ۲۶۱ سنه سنه ده نیابورده وفات ایدن (امام مسلم) ، اوچنجیسی ۲۷۵ سنه سنه ده بصره ده وفات ایدن (ابو داود سجستانی) ، دردنجیسی ۲۷۹ سنه سنه ده (ترمذی) ده وفات ایدن (ابو عیسی ترمذی) ، بشنجیسی ۳۰۳ سنه سنه ده وفات ایدن (عبدالرحمن نسائی) ، آلتنجیسی ۳۸۵ سنه سنه ده بغداد ده وفات ایدن (دارقطنی) در [۱] .

علم حدیث بو صورته تحریر و تدوین ایلمش بر علم حالنه کیرنجه بو علم ایله اشتغال ایدنلر تحریر و تدوین ایلمش اولان امهات کتبی تصحیح و مؤلفلرندن نقل و روایتله ضبط ایتمک و مؤلفلرینه ایصال و اسنادلری کیفیتنی فن اصول حدیثه بیان اولنان قواعد و اصوله تطبیق ایله جهت اسنادلرینه دقت و اهتمام ایتمک صرف غیرت ایلمشلردر . مثلاً احادیث شریفه یی اصول و قاعده ایله اوکره نن بر ذات بخاری و سائر کبی ائمه حدیثدن برینه اسناد ایدنجه یه قدر صحت نقلنی « حدیثی فلان ذاتن اوکرندم . فلان ذات فلان ذاتن اوکرندی . فلان ذات ده (بخاری) دن یا خود دیگر بر محدث معتبردن اوکرندی » صورتنده تعریف ایدردی . دیگر بر مثال اولمق اوزره (ابن خلکان) صحیح بخاری یی فصل او قودنی شو صورته تعریف ایدیور : « صحیح بخاری یی (اربل) شهرنده ۶۲۱ سنه سنه ده احباب صلاحدن شیخ (ابو جعفر محمد بن هبه الله بن مکرم بن عبدالله صوفی) دن او قودم . بو ذات بخاری یی ۵۵۳ سنه سنک ربیع اولنده بغداد ده نظامیه مدرسه سنه ده شیخ (ابو الوقت) دن او قودی . شیخ (ابو الوقت) ده بخاری یی ۴۶۵ سنه سنک ذوالقعه سنه ده (ابوالحسن عبدالرحمن

بن محمد بن مظفر داودی ( دن اوقودی . بو ذات دخی بخاری بی ۳۸۱ سنہ سنک  
صفر بندہ ( ابو محمد عبدالله بن احمد بن حمویہ سرخسی ) دن اوقودی . ابو محمد  
بخاری بی ۳۱۶ سنہ سنده ( ابو عبدالله محمد بن ابی یوسف بن مطار فریری ) دن  
اوقودی . بو ذات دہ بخاری بی بالذات مؤلفی حافظ ( ابو عبدالله محمد بن اسماعیل  
بخاری ) دن بری ۲۶۸ و دیگر بری ۲۵۲ سنہ لرنده ایکی دفعه اوقودی . جمله سنہ  
الله رحمت ایلسون » [۱] .



معنی بر آینه نك آرقه سی

اسلامر مشهور اولدینی اوزره  
بو اسناد اصولی حدیثدن تاریخ  
و ادبیات کبی علوم نقلیه دخی  
تشمیل ایلشیر و علوم اسلامیہ دن  
بر چوققرینک تدقیق و تبعنده سائر  
ممالکده ویا سائر اقوامده امشالی  
سبق ایتمین بر طرزده اسناد متسلسل  
یولی طوتمشیردر . بو علملردن  
هرهانکیسنده متخصص اولور ایسه

اولسون بر عالمی ذکر ایتدکاری زمان او عالمک کیمن تحصیل علم ایتدیکنی ،  
او عالمک واضعنه دایانجهیه قدر معلملرینک متسلسلاً اسملرینی ذکر و تعداد  
ایدرلردی . مثال اوله رق ( ابن خلکان ) ( فخرالدین بن الخطیب ) ک ترجمه  
حائنده « ( فخرالدین ) علم اصولی پدری ( ضیاءالدین ) دن ، ضیاءالدین ده  
( قاسم سلیمان بن ناصر انصاری ) دن ، بوده ( امام الحرمین ابوالعالی ) دن ،  
بوده استاد ( ابو اسحق اسفراینی ) دن ، بوده شیخ ( ابوالحسن باهلی ) دن ،  
بوده شیخ سنت ( ابوالحسن اشعری ) دن اوقومشیردر . ( ابوالحسن اشعری )  
اول امرده بو علمی ( ابو علی جبانی ) دن تحصیل ایتش ایکن انک مذهبندن  
رجوع و اهل سنت و جماعت مذهبنی التزام و مدافعه ایلشدر « دییه رک بو  
اسنادک شکلی کوستریور .



## حدیث نرک مقداری

بالاده بیان ایتدی کمز اسبابدن طولایی حدیثلر چوغالنجیه مقدارلری یوز بیکلره بالغ اولمشدی . روایت کوره امام (احمد بن حنبل) (۱۵۰) بیکی مستندات و متونه مبنی اولمق اوزره بر میلیون حدیث روایت ایتشد [۱] .

ائمه محدثیندن (یحیی بن معین مری) « کندی الم ایله ۶۰۰,۰۰۰ حدیث یازدم » دییور . بومعلوماتی ویرن ذات « محدث نرکده مشارالیه ۶۰۰,۰۰۰ و ده ۶۰۰,۰۰۰ حدیث یازدقلرینی ظن ایدرم » مطالعه سنده بولنیور . (یحیی) یوز قاطر (کتاب محفظه سی) طولوسی کتاب ترک ایتشد [۲] . حدیثه دائر (مسند صحیح) کتابی صاحبی امام (مسلم) بو کتابی احادیث مسموعه دن ۳۰۰,۰۰۰ حدیثدن استخراج ایلشدی [۳] . امام بخاری « صحیح کتابی ۶۰۰,۰۰۰ حدیثدن قلمه آلم » دیتشد [۴] . احادیثک نه قدر چوق اولدیغی اکا کوره قیاس ایدیکز . صحیح اوله رق ائمه اسلاجه قبول اولنان احادیث شریفه کتجه بونلرک مقداری ذکر اولنان مقداردن یک آذر . حتی رأی و قیاس طرفدارلری اولان ذوات و ازجمله انلرک پیری امام (ابوحنیفه) بو خصوصده اقلال جهتی التزامده یک ایلری کیتمشلردی . امام (ابوحنیفه) یه کوره صحتنده هیچ شبهه اولیان احادیثک عددی (۱۷) دن عبارتدر . امام (مالک) . کوره دخی احادیث صحیحه (۳۰۰) دن فضله دکدر . (صحیح بخاری) کتابی (۳۰۰) ی مکرر اولمق اوزره (۹۲۰۰) حدیث احتوا ایدر . امام (احمد بن حنبل) ک کتاب مسنده (۵۰,۰۰۰) حدیث وارد [۴] . و قس علیه

[۱] ابن الساعی ۶۶ [۲] ابن خلکان ۲۱۵ ج ۲ [۳] ابن خلکان ۹۱ ج ۱ [۴] ابن خلکان ۴۵۶ ج ۸ [۴] ابن خلدون ۳۶۹ و ۳۷۱ ج ۱



## منبع و مصدری

اسلامیت دولت شکفته کیردیکي زمان امرای میسلمین و سائر رؤسای حکومت احوال شخیصیه و معاملات مدنیّه ده رعایا آردسندہ تکیون ایدن اختلافاتی فصل و انتظام مملکتی تأمین ایتک ایچون قانونلر وضعنه مجبور اوله رق قرآن کریمه و احادیث شریفیه مراجعت ایشلر و بونلردن استخراج ایتدکلری احکامدن مرکب بر قانون ایله مملکتی تنظیم و رعایا اوزرنده کی حاکمیتلرینی تحکیم ایتشلردر . بیوک دولترلده او یولده قوانین و نظامات وضع ایتک پک طبیعی بر شیدر . یونانیلر قیصه بر مدتدن ماعداسائر زمانلرده بیوک بر دولت تشکیل ایدمدکلرندن قوانین و نظامات دولیه و اداریه و عدلیه وضعنه پک آز اهمیت ویره رک فعالیت فکریه لری و قریحه لری فلسفیه و تفرعاتنه مصروف اولمش ایدی . رومالیلره کلنجه عربلرک مالیکی فصل کسب وسعت ایتمش ایسه بونلرک مالیکی ده اوله جه کسب وسعت و حاکمیتلری هر طرفه انتشار ایدرک شان و شوکت صاحبی اولدقلری جهتله قوانین و نظامات وضعنه مجبور اولمشلردی . مع مافیه رومالیلرده قوانین و نظامات آنجق دولت تشکیکندن برقاچ عصر صکره ۵۳۳ سنه سنده مشهور قانون واضعی ( ژوستینیئن ) زماننده تکمیل ایدمیلشدی . بو قوانین و نظامات ( لاتین ) و ( سابین Sabins ) و رومایه تابع اولان سائر اقوامک مرور زمان ایله تجمع و توالی ایدن بر طاقم عادات و اعتقاداتندن عبارت ایدی . تدریجاً طویلانان بو عادات و اعتقادات مشارالیه ( ژوستینیئن ) ک زماننده مکمل بر قانون اولمشدی .

اسلاملر ایسه احکام قانونیه لری قرآن کریم ایله احادیث شریفه دن اقتباس ایتشلردر . اسلاملرک ظهور اسلامیتدن اعتباراً کرک قرآن کریمی ، کرک

احادیث شریفه فی حفظ و تعلیم نه قدر اهمیت ویردکاری ده اول کوسـترمش ایدک . بناءً علیه اوزماندن صکره ایکی ، اوچ عصر مرور ایتمدن قوانین و نظامات اسلامییه مرتبه تکمله بالغ اوله رق تلم فقه وجوده کلمشدر . فقه دنیاک اک عالی احکام قانونیه سنی جامعدر . اسلام لر فصل سرعتله تأسیس و نشر دیانت ایتدیلر ایسه بونده ده اویله بر سرعته موفق اولمشلردی .

قرآن عظیم الشانک فقه اسلامیک اساسی اولدیغنی ، حضرت نبی زمانده اسلاملرک احکام قرآنییه بی بالذات جناب پیغمبردن تلقی ایتدیکارینی ، حضرت نبی دخی او احکامی انلره شفاهاً شرح و تبیین ایلدیکی جهتهله بو خصوصده تدقیقات اجراسنه و قیاس آرامغه احتیاج کورلمدیکنی ده اول کوسترمش ایدک . حضرت پیغمبروفات ایدنجه صحابه کرام عرشیده کتاب وسنته (قرآن واحادیثه) مراجعتیه مجبور اولمشلردر . بونک اوزرینه قراء (حافظلر) ایلک فقههای اسلامییه ، یاخود حمله شریعت مقامنده کورلدیکاری جهتهله فتواده واحکام سائرده بوزواته مراجعت ایدلمشدر . اولجه دخی بیان ایتدیکمز اوزره اوصرده اوقوموسی ، یازمه سی اولانلرک مقداری پک آز ایدی . ده صکره ممالک اسلامییه کسب وسعت ایدرک امیت (اوقوبوب یازمامق) عارضه سی مندفع وفقه احراز تکمل ایل بر علم وصنعت حالنه بالغ اولنجه بو علم ایل تمیز ایدناره (قراء) بدل فقها و علما نامی ویرلمشدر .

### فقهها

شوخالده اسلامیتده ایلک فقهها صحابه اولین وبونلرک ایدلکلی خلفای راشدیندر . راشدیندن صکره ایلک فقهـادن اولمق اوزره عشره مبشره دن (عبدالرحمن بن عوف) ، صحابه دن (ابی بن کعب) ، قدمای صحابه دن (عبدالله بن مسعود) ، کبار صحابه دن (معاذ بن جبل) ، قدمای صحابه دن (عمار بن یاسر) ، صحابه دن (حذیفه) ، کبار صحابه دن (زید بن ثابت) ، (سایمان) ، صحابه دن (ابوالدرداء) و (ابوموسی الاشعری) کلیر [ ۱ ] . متعاقباً فتوی وفقه تابعینه



انتقال الیہ لکھ بونلردن مدینہ یدى ذات کسب شهرت ایتشدرد . اویدی ذات دہ شونلردرد: (سعید بن المسیب)، (ابوبکر بن عبدالرحمن)، (قاسم)، (عمیداللہ)، (عروہ)، (سایان)، (خارجہ) ... علمادن بری مشار الیہمک اسمارینی شو ایکی بیتده جمع ایتشدرد :

الاكل من لا یقتدی بأئمة      فقسمة ضئری عن الحق خارجہ

فخذهم (عمیداللہ) (عروہ) (قاسم)

(سعید) (سایان) (ابوبکر) (خارجہ) [۱] .

بعض مورخلر بعض اسملری تبدیل ایتمکله برابر بونلری اون عدایدیور [۲] .  
عالم اسلامیده فقه وقتیا ایشته بوذوات واسطه سیله انتشار ایتشدرد .

اسلامیتک ابتداسندم فقه ، قرائت ، تفسیر ، حدیث هپ برعلمدن عبارت ایکن دها صکره بو علملر ارتقا قانونه تبعاً یکدیگرندن آیرلمغه وکسب استقلال ایتمکله باشلامشلدرد .

فقه اوصورتله برعلم مستقل اولنجه یوقاریده کورلیدیکی اوزره بونک اربانه (فقه) نامی ویرلشدرد . فقه طرفندن ویریان فتوالرک عزل ، نصب ، اعدام ، عفوکبی امور مهمه یه شمولنه مبنی فقهانک دولت اسلامیده موقع وتأثیرلری پک بیوک ایدی .

بنی امیه زمانده فقه وقتیاده مرجع اولان ذوات مدینه علماسی ایدی . خلفای امویه بونلردن رأی صورمدن مهم برایشه تشبث ایتزلردی . برنجی وایکنجی جلدلرده کورلیدیکی اوزره امویلر عربلقده صوک درجهده متعصب اوله رق اسلام اولسون ، یاخود اولسون ، عرب اولیانلر حقنده نظر استحقار ایله باقارلردی . مدینه اهالیسی اهل بیت طرفدارى بولندقلری وامویلرک خلافتنی حقسنز کوردکاری حالده ینه امویلر عربلقه طرفدار اولقی اعتباریله بونلرک خاطرلرینی اوقشامغه وکندیلرینی ممنون ایتمکله چالیشیرلردی . باخصوص خلفای امویه دن (عمر بن عبدالعزیز) کی ارباب صلاحدن اولانلر بویولده دها ایلری کیدرلردی . مشار الیه مدینه علماسندن استشاره ایتمکسزین هیچ

بر مهم ایش حقدہ امر ویرمزدی . دها صکره خلافت عباسیلره انتقال ایله  
ایکنجی خلیفه عباسی (منصور) عربلرک اهمیتنی دوشورمک و دولتک ظهیری  
ورجالی اولدقلری ایچون ایرانیلری اعلا ایلک ایستینجه اسلاملرک حرمین ایله  
اولان رابطه لرینی قطع ایتک مقصدیله صرف ایتدیکی مساعی جمله سندن اوله رق  
حج مقامنه قائم اولق اوزره عراقده (قبه خضرا) - یشیل قبه - نامنی ویردیکی  
بر بنا انشا ایتش و دکردن حرمین ارسال اولنان ارزاقی کسمش ایدی [۱] .  
اوصرمده مدینه فقیهی مشهور امام (مالک) ایدی . مدینه اهالیسی امام مشارالیه  
مراجعت وکندیسندن بوخصوصده کی رأی و مطالعه سنی استفسار ایدنجه (منصور) ک  
خلعه فتوی ویردی . بونک اوزربنه مدینه اهالیسی (منصور) ی خلع و سلاله  
علیدن (محمد بن عبدالله) بیعت ایلدیله (۱۴۵ سنه هجریه سنده) .. (محمد بن عبدالله)  
برچوق طرفدارلر قازانه رق بیوک براهیمیت آلدی . (منصور) کندیلسنه رقیب  
چیقان بوذات ایله محاربه ایدرک یک چوق مشکلاتی اقتحامدن صکره نهایت  
غالب کلدی . مدینه اهالیسی آرتق قهرآ (منصور) ک بیعتنه عودت ایلدیله .  
حال بوکه امام مالک عباسیلرک خلافتی علینده مصرآ دوام ایدیوردی . اوصرمده  
مدینه والیسی بولنان (منصور) ک عمجه سی (جعفر بن سلیمان) امام مالکک  
بو حاتی استخبار ایله غضبه کلش و امامی یاننه جلب ایدرک چبلاق یابدقدن  
صکره اکا دایاق آتمش و اوموزینی یرندن چیقارمشدر [۲] .

## رأی وقياس

او وقته قدر علوم قرآنیه عراق وایرانده انتشار ایدرک بوایکی قطعیه  
اهالیسندن فقه وفتیاده اصحاب اقتدار ذوات یتشمش ایسه ده بوخصوصده مدینه  
اهالیسندن استغنایه امکان بوق ایدی . چونکه مدینه اهالیسی حدیثک حفظی  
و قرآنک قرائتده دها زیاده صاحب اختصاص و جمله دن زیاده شایان اعتماد ایلدیله .  
باخصوص عراقده حدیث پک آز ایدی . اورالرده عربلرک غیرى اوله رق

بولنان اسلامك اكرى ايرانليردن تشكىل ايديوردى . بونلر اسكى برمدينيت صاحبي اقوامدن اولدقلرندن قرآن عظيم الشان واحاديث شريفه دن احكام فقهييه ي استخراجده قياس عقلى استخدا منه قويولمشلر وبوخصوصده مدينه علماسنك طوتدقلىرى بوله مخالفت ايتمشلردر . چونكه مدينه علماسى تقليد ايله اكتفا ايدرك قياس آرا مازلردى . خلفاى عباسيه دن (منصور) ، باخصوص امام (مالك) طرفندن خلعه فتوى ويرلدكن صكره ، (مدينه) اهاليه نى وفقهاسنى نظر اهميتدن دوشورمك ايتردى . بوخصوصده صرف ايتديكى مساعى جمله سندن اولمق اوزره قياس طرفدارى اولان عراق فقهاء سنه مظاهرتده بولندى . اوصرده عراق فقهاء سنك بيوى امام (ابو حنيفه النعمان) ايدى . كوفه ده بولنوردى . (منصور) امام مشار اليه بغداده جلب ايدرك كنديسنى مظهر احترام و اكرام ومذهبه نصرت ومظاهرت ايلدى . امام (ابو حنيفه) نه عربلىرى ، نده عربجه ينى سومز ايدى . حتى اعراب قواعدينه تطبيقاً قونوشوب اوقوبه ماز وبوحاله اهميت ويرمزدي [۱] . بوسبیدن (منصور) ك حاجى - مابن جيسى - (ربيع) حضرت امامه قارشى كلردى . چونكه ربيع عربلره انتساب ايدردى . ايرانليلىرى سومزدي . (ربيع) ك اوغلى (فضل) برمكيلرك قهر وتنكيانه چالیشان ذات ايدى [۲] .

(منصور) امام (بو حنيفه) ايله اصحابنه مظاهرت ايدنجه امام (مالك) ده كندي مذهبنه برقات زياده تمسك ايلدى . ارباب حديث اولان حجاز فقهاءى كنديسنه تابع اولديلر . بونك اوزرينه فقهاء برى اهل حديث ، ديكرى اهل رأى وقياس اولمق اوزره ايكي فرقه يه آيرلديلر . ربجي قسمك رئيسى امام (مالك) ايدى . اهل تقليد دن اولان حجاز علماسى ايله امام (شافعى) نك اصحابى ، (سفیان ثورى) نك اصحابى ، امام (احمد بن حنبل) ك اصحابى وسائر امام (مالك) ه پيرو اولانلردن ايدى . بونلره (ارباب حديث) نامى ويرلمشدر . چونكه بونلر احاديث شريفه نك حنظ و نقلنه واجكامى نصرا اوزرينه بنا وتأسيسه اهميت ويريرلردى . برخبر ويا برائر موجود اولدقجه جلى ويا خفى قياسه مراجعت ايتزلردى . امام (شافعى) نك : « مذهبمه مخالف بر نص شريف



کورسسه کز او نص نه ایسه بنم ده مذهب اودر « سوزلری مشار الیهکم نه درجه یه قدر بومذهب متمعك اولدقرنی کوستیر .

اهل رأی و قیاسك ریسی امام اعظم ( ابوحنیفه ) ایله اصحابی ؛ عراق فقهانی تشکیل ایتکده ایدیلر . ( محمد بن الحسن ) ، ( قاضی ابو یوسف ) ، ( زفر بن هذیل ) ، ( حسن بن زیاد ) ، ( ابن سماعه ) ، ( ابو مطیع ) ، قاضی ( عافیه ) و سائر اوجهلدن ایدیلر . بونلر ( اهل رأی ) نامی ایله معروف اولمشلردر . چونکه بونلر وقائع متجددك جمله سنه نصوص قطعیه ده نص و صراحت بولنه مدیغندن بوجه ایله منصوص و مصرح اولمیان احکام ایله حکم منصوص بیننده درکار اولان مناسبت و مشابته بناء قیاس طریقی ایله حکم غیر منصوصی حکم منصوصه حل ، یعنی بویولده کی قیاسی تجویز ایلرلردی . حتی بومذهب طرفدارانی قیاس جلی بی نصه ترجیح ایدرلردی [ ۱ ] .

امام مالکدن صکره انك مذهبی طرفدارلردن بولسان ( محمد بن ادریس المطلبي الشافعی ) یتشهر ك عراق جهتلربنه کیتدی . امام ابوحنیفهك اصحابی ایله کوروشدی . انلردن اخذ و تعلم ایلدی . طریقی اهل حجاز ایله طریقی اهل عراقی جمع و مزج ایدرك بر مذهب مخصوص اختیار ایلدی . چوق برلرده امام ( مالک ) مخالفت ایتدی . اندن صکره امام ( احمد بن حنبل ) ظهور ایلدی . مشارالیه کبار محدثین ایدی . کرک کندیبی ، کرک اصحابی علم حدیثه بک چوق معلومات صاحبی اولدقلری خالد امام ( ابوحنیفه ) نك اصحابندن علم حدیث او قویه رق دیگر بر مذهب اتخاذ ایلدیلر . بو دوت امام عموم ماتك حسن ظننه مظهر اولدقلری کی سائر مجتهدلرک اتباع و مقلدین ده منقرض اولدیغندن هر برده تقلید و تبعیت مارالذکر دوت امام طرفندن وضع ایدیلن مذاهب اربعه یه انحصار ایلدی . اوتاریخدن اعتباراً باب اجتهاد قاندى . معلوم اولدینی اوزره مذاهب اربعه حنفی ، مالکی ، حنبلی ، شافعی ناملریله معروفدر .

فقهك برچوق تفرعات و شروخی واردرك بونلرک بوراده سرد و ایرادینه مقام مساعد اولدیغندن کرک بوجهتلر و کرک علوم سائر تفرعاتك تفصیلاتنی عربجهك تاریخ علوم و ادبیاتی حقنده یازه جغمز ائرده نشر ایده جکر .

## علمائک خلفا نزدنده موقعلری

علوم اسلامیہ دن بحث ایتدیگمز صرہده آکلاشلمش اولهجنی اوزره علمادن مراد حدیث ، قرآن ، فقه عالملرندن عبارتدر . علوم مذکورہنک خلافت نظرندہ نه قدر مهم برموقع طوتدیغنیده ده اول تعریف ایلش ایدک . ایشته بو اهمیتہ بناءً خلفای مسلمین فقہا واصحاب حدیث وارباب زهد وصلاح و علمایہ فرط اکرام و حرمتده بولنورلردی . اولجه بیان ایتدیگمز وجه ایله خلفای امویہ مدینہ فقہاسندن استشاره ایتیکسزین مهم برخصوص حقندہ



باقیردن معمول قدیم بر طباق

امر ویرمزلردی . ارباب صلاحدن اولان خلفا برچوق دفعه علمایہ مراجعت واکاکوره حرکت ایدمک اوزره عدالت وحقانیتک تعمیم ونشری ایچون نه کی وسائط وشرائطه توسل ایدمک لازم کلهجکینی انلردن سؤال ایدرلر ومظاهرت

فكریهلرینی طلب ایلرلردی . او جمله دن اوله رق صلاح و نقوایی ایله مشهور اولان ( عمر بن عبدالعزیز ) کبار تابعیندن و مشاهیر اتقیادن ( حسن بصری ) بهر نامه یازد رق : « برخلیفه نه یامایدركه عادل برخلیفه اولسون ؟ » دییه سورمش و ( حسن بصری ) مشار الیه بو خصوصه دأثر مفصل بر جواب یازوب کوندرمشدی [ ۱ ] . ( عمر بن عبدالعزیز ) جوابی آنجه حاوی اولدینی مواعظ و وصای عالیله عبرت بین اولمش ایدی .

خليفة مشار اليك بو حرکتی احتمال که انك صلاح و ورعه پك ایلری کیتمش اولسنه حمل اولنور . حال بوکه بویولده حرکت یالکیز خلیفه مشار الیه مخصوص برشی دکل ایدی . شدت و حزم و دهاء ایله مشهور اولان ایکنجی خلیفه عباسی ( منصور ) عین حرکتده بولنور ایسه بوکا نه دیرسکنز ؟ ( منصور ) کندی اوغلی ( مهدی ) بی ولی عهد تعیین ایتدکن صکره صلحادن ( عمرو بن عبید ) انك حضورینه داخل اولور . ( منصور ) بوذاته : « ای ابو عثمان ! بو ( یعنی مهدی ) امیر المؤمنینك اوغلی و مسلمینك ولی عهدیدر ، فکرک نه در ؟ » خطابنی توجیه ایدر . عمرو : « کور یورم که حاکمیتی کندایسنه حاضر- لادیکیز . مقام خلافته کچه جکدر . فقط ای ، فنا هر نه یامه جق ایسه انك مسئولیتی سزه عاندر » جوابنی ویریر . ( منصور ) : « ای عمرو ! بکا وعظ و نصیحتده بولون » دیجه ذات مشار الیه ( منصور ) ه بر چوق مواعظ و نصائحده بولنور [ ۲ ] . ( عمرو بن عبید ) وفات ایدنجه ( منصور ) انك حقنده مرتبه اوله رق برقاج بیت سویلر [ ۳ ] . کذلک بوقیلدن اولق اوزره ( منصور ) بر کیجه کعبه معظمه ده طولا شیر ایکن بر عابد صلاح پرورک دنیاده ظلم و اعتساف وجود و فسادک ظهور و انتشارندن شکایت ایتدیکنی ایشیدیر . ( منصور ) عابد صلاح پروردن شکایت ایتدیکی ظلم و فساد حقنده معلومات طلب ایدنجه عابد بو ظلم و فسادک کندیسندن ، یعنی منصوردن و حکومتدن صدور ایتکده اولدیغنی آچیقدن آچیقه بیان ایله ( منصور ) ه غایت شدتلی وعظ و نصیحتده بولنور . ( منصور ) بو نصیحتلری دیکله مکدن استکاف ایتز [ ۴ ] . ( اوزاعی ) ، ( ابن السماع )

[ ۱ ] ملك سعيدك ( العقد الفرید ) ی ۵۳ [ ۲ ] مسعودی ۱۷۳ ج ۲ [ ۳ ] ابن

خلکان ۳۸۵ ج ۱ [ ۴ ] العقد الفرید ۲۸۷ ج ۱




(سفیان ثوری) ، (شیب بن شیبہ) نک (منصور) ، (مہی) و (ہادی) یہ وقوع بولان مواعظ و نصائحی دہ اکا کورہ قیاس ایدیکر . (سفیان ثوری) نک (رشید) ہ توجیہ ایدرک ایکنجی جلدہ درج ایلدیکم نسیحتنامہ سنہ مراجعت اولنسور . بر جوق دفعہ بومواعظ خلفای آغازلردی . چونکہ خلفا علمایہ یک جوق حرمت و تعظیم و اکرامدہ بولنورلردی . اوقدرکہ خلفا بر حرمت و تعظیمدہ آنجق بر خدمتجنک افندیسنہ پایہ بیلہ جبکی درجہ لردہ یکدیگرلریلہ مسابقہدہ بولنورلردی . خلفای عباسیہ دن (رشید) فضالی علمادن (معاویۃ الضریر) ک اللربنہال بیقار ایکن صو دوکشدی [۱] .

استدای امردہ حرمت و تعظیم فقہا و محدثینہ مخصوص و منحصر ایکن دہا صکرہ علمای نحو ، علمای لسان و امثالی سائر علوم اسلامیہ اربانہ تشمیل ایدلمشدر . مشارالیہ خلیفہ (رشید) مشاہیر ادبا و نحاتدن (کسائی) ایلہ کبار فتمہادن (محمد بن الحسن) ی کنندی حضورندہ اوطودہرق چیقوب کیردکچہ کنندیسی ایچون آیاقہ قالمق ایلہ منزج اولماملرینی انلرہ امر ایدردی [۲] . مشارالیہما عینی کوندہ (ری) دہ وفات ایدنجہ (رشید) : « فقه اسلامی ایلہ لسان عربی بی ریدہ دفن ایتدم » دیمشدر [۳] . (رشید) ک اوغلاری (امین) ایلہ (مأمون) ائمہ نحاتدن (فرا) نک آیاق قابلرینی کنیدیلرندن ہانکیدی تقدیم ایدہ جبکی مسالہ سنندہ اختلافہ دوشہرک نہایت ہر برینک بر آیاق قابی تقدیم ایتسنہ قرار ویرمشلردی [۴] .

خلفا علمایہ بویلہ اکرام و حرمتہ بولندقچہ عوام خلق بو حالی کوردک انلر دخی علمایہ اظہار تعظیم و تجلیلہ مسارعت ایشلردر . امام (احمد بن حنبل) وفات ایتدیکی زمان جنازہ سنمد ۸۰۰,۰۰۰ ارکک و ۶۰,۰۰۰ قادن بولمشدی [۵] . بو مثال علمایہ خاتق نہ قر تعظیمدہ بولندقلرینی یک آجیق کوستریر . خلفای عباسیہ دن (مقتدی) مشاہیر فقہای شافعیہ دن (ابواسحق شیرازی) ی (ملک شاد) ک زردینہ اعزام ایتدیکی زمان بو ذات ہر زردن مرور ایتس ایسہ اہالی فوج فوج رھکذرینہ قوشہرق اللربنہ ، اتکلرینہ ، آنہ یوز سورمکک تبرک ایدرلردی [۶] .

[۱] الفخری ۱۷۵ [۲] مژہر ۲۱۱ ج ۲ [۳] ابن خلکان ۴۵۴ ج ۱ [۴] طبقات الادبا ۱۳۰ [۵] ابن خلکان ۱۷ ج ۱ [۶] ابن خلدون ۴۷۴ ج ۳



## علوم لسانیہ

### علم نحو

معنای حقیقیسی اعتباریہ نحو ؛ تکلم ایدن هر انسانک والدہسی ویا مرضی قوجاغندہ یک طبیعی بر صورتہ تلقی ایتدیکی برشیدر . چونکہ انسان لفظی اوکرہ نیر ایکن نحوی د، برابر اوکرہ نیر . نحوی اوصورتہ تلقی ایتمز ایسہ فکریی افادہ ایدہ من . مع مافیہ انسان اجنبی برلسان اوکرئمک ایستر ایسہ اواجنبی لسانک نحویی اوکرئمسی اولسانک تحصیلی تمہیل ایدر . بناءً علیہ بر ملت نحو قواعدینی قید وتدوین و بر علم شکلندہ وضع ایتدن اول اوزون عصر لرجه تکلم ، خطابت ایدرک ، شعر سولیه رک وقت کچہرہ بیلیر . یونانیلرک کندی لسانلری قواعدینی ضبط وتدوینہ باشلاملری آنجق قبل المیلاد بشنجی عصرده وقوع بولمشدی . و بولده ایلک صرف مساعی ایدن ذات میلاد دن اول ۴۱۱ سنہ سندہ وفات ایدن پروتاگوراس ( Protagoras ) ایدی . مشارالیه مذکر ، مؤنت ایله بعض اسملر حتمندہ تدقیقات ومطالعاندہ بولمشدیر . دها صکرہ ینہ عینی عصرده ( پرودیقوس Prodicus ) الفاظ مترادفہ دن بحث ایتمشدیر . متعاقباً ( ارسطو ) وسائرہ یتیشہرک یونان علم نحویی اکمال ایلشلردر . نحو یونانیلرک نحو عزینک ادوار تاریخیہ سنہ مشابہ بردور تاریخیسی واردر . کذلک رومالیر لاتین نحوئندہ عینی طریقده حرکت ایدرک کندی نحو قواعدینی آنجق قبل المیلاد برنجی عصرده روماقونسوللرندن بومپیوس ( پومپہ Pompée ) زمانندہ تدوین ایلشلردر . رومالیرده نحو دیونیسیوس تراکس ( دنیس تراکیا Denys de Thrace ) طرفدن یونانیلرک اثرینہ اقتفاء قید وتدوین ایدلمشدیر [\*] .

[\*] دنیس تراکیا قبل المیلاد ۱۰۰ تاریخلرندہ اسکندریہ ده طوغمش واک اول لسان یونانیلرک (؟) صرف و نحویی وضع ایلشدیر . ( پومپیوس ) زمانندہ روماده معلمک ایدردی . یازدینی صرف و نحو کتابی موجوددر . ( قاموس الاعلام )

شو حالہ کورہ یونانیلر دہ کندی لسانلر ندہ نحو قواعدی قید و تدوین ایدلمدن اول انلردن بر چوق شعرا ، خطبا ، ادبا و فلاسفہ یتشمشدی .  
 هومیروس ( هومر ) نحو و صرف قواعدی او قومسزین ( الیاد ) و ( اودیسه ) سنی نظم ایتمش و قواعد او قومامسی او پارلاق اثرلری وجوده کتیر مسنه مانع اوله مامشدی . چونکه لسان هومیروسده بر مالکۀ طبعیه ایدی .  
 بو مالکۀ ایله قاعده او کرئمکه لزوم یوق ایدی . کذلک نحو و صرف قواعدی وضع و تدوین ایدلمدن اول اشیلوس ( ایشیل Eschyle ) تیاترو پیهسلرینی یازده رق یونانیلری سحر بیانی ایله مسحور ایتمش ایدی . ینسه او زمانلرده فریسیدس ( فیره سید Phérécide de Cyrus ) ، اناکسیمندر ( آناقسیمندر Anaximandre ) ، طالیس ( نالس Thalès ) کبی فیلسوفلر یتشمش ایدی .  
 رومالیلر دده عینی حال واقع اولمشدر . بونلرده دخی صرف و نحو قواعدی وضع و تدوین ایدلمدن اول بر چوق شعرا ، خطبا و ادبا یتشمشدر .

### نحو عربی نیک وضعی و واضعی

یونانیلر و رومالیلر دہ نصل اولمش ایسه عربلرده دخی عین حال وقوع بولمشدر . عربلردهده صرف و نحو قید و تدوین ایدلمدن اول بر چوق شعرا ، خطبا و ادبا یتشهرک شعر نظم ایتمشلر ، نطقلر ایراد ایشلر ، مناشدات و مراسلاتده بولمشلردر . چونکه لسان مالکۀ سی انلر دده بر مالکۀ طبعیه ایدی .  
 نظم ایچون ، نطق ایرادی ایچون قواعد او قومغه محتاج دکلدیلر . مع مافیه عربلر قرآن عظیم الشانک دلالت ایتدیکی معانی بی دقتله ضبط ایتک مقصدیله کندی لسانلرینک قواعدینی ضبط و تدوینه یونانیلر ایله رومالیلرک حس ایتدکلری مجبوریتدن دها سریع بر مجبوریتله توسل ایشلردر . بناءً علیه عربلر دوات تأسیس ایتدکن صکره یاریم عصر کچمکدن نحوک تدویننه مجبور اولمشلردر . قویاً ظن ایتدی کمزه کورہ عربلر نحو عربینک ترتیب و تبویینده سربانیلرک طوندقلری اصولده حرکت ایتشلردر . سربانیلر کندی لسانلرینک



نحوینی میلاد عیسایك بشنجه عصرینك اورتلرنده قید و تدوین و بو علمه دائر کتابلر تألیف ایلمشلردر . سریانیلرده قواعد نحویهنك ضبط و تدوینه ایلك مباشرت ایدن ذات (مفسر کتب) لقبیه معروف اولوب ۴۶۰ سنه میلادیه سنده وفات ایلین اسقف (یعقوب رهاوی) ایدی [۱] . قرائن احوالدن آکلاشیلیور که عربلر عراقده سریانیلر ایله اختلاطده بولندقلری زمان انلرک علوم اسمانیه سنه و از جمله نحولرینه مطلع اوله رق بکنمشلر ودها صکره کندیلری نحو قواعدینی وضعه مجبور اولنجه - هر ایکی لسان قاردهش اولمق اعتباریه - لسان سریانیك قواعد نحویه سی منوالی اوزره نحو عربینی وضع و ترتیب ایلمشلردر . عربلرک عراقده سریانیلر ایله کلدانیلر آره سنده بولندقلری بر زمانده نحو عربینی وضعه باشلاملری و عربجه ده اقسام کلامک سریانیده کی اقسام کلامک عینی بولمنی دیدیکیمزی تأیید ایدر . عربلرک نحو قواعدینی وضع و تدوینه مسارعناری فتوحانده و نشر دیانته کی سرعتلرینه تبعیت ایلمش ایدی . چونکه فتوحات عرب اولمیانلر ایله اختلاطه ، اختلاطده لسانک بوزولمنه باعث اولمش ایدی . خلق آرتق اعرابه (کلمه لرک صوکلرینه عارض اولان حرکه لره) دقت ایتمکسزین قونوشمنه باشلامشلردی . حال بوکه عربلر اسلامیتک ظهوری صدرلرنده قرآن عظیم الشان نصل او قونویور ایسه اوله جه اعراب ایله قونوشورلردی . عربلرک غیری اولان موالی و اجنبیلردن اولوب ده عربلاشان ذوات بوندن مستثنی ایدیلر . چونکه بونلر ، حتی حضرت نبی زماننده ، فونوشور ایکن اعرابده خطا ایدرلردی . روایت کوره بر آدم حضور نییده سوز سویارایکن لنده - حرکه خطاسنده - بولمنش . بونک اوزرینه حضرت نبی « ارشدوا ایاکم فقد ضل » بیورمشدر . حضرت (ابو بکر) : « لحن ایله او قومقدن ایسه دوشوب قیرلمنی ترجیح ایدرم » دیمشدر [۲] . فقط فتوحاتک توسعی ایله عربلرک هر طرفه انتشارلردن صکره لحن چو غالدیغندن والیلر شونک بونک آغزندن ایشیتدکلری و خصوصاً قرآن عظیم الشانک قرائتنده کوردکلری لحندن جانلری صقیله رق لسانک قواعدینی ضبط و تدوینه شدتلی بر احتیاج حس ایتمشلردر .

عرب علم نحوینک واضعنه کلنجه بولک ۹۶ سنه هجریہ سنده وفات ایدن (ابوالاسودالدؤلی) اولدینی متفق علیهدر. مشار الیه سادات تابعیندن ایدی. حضرت (علی بن ابی طالب) ک شرف حقیقی ایلہ مشرف اولدینی کبی (صفین) واقعه سنده دخی حضرت علی ایلہ برابر محاربه ایتمش ودها صکره بصره ده اختیار اقامت ایلشدی. احتمال که مشار الیه اوراده سریانیجه یی او کړندکدن ونحو سریانی یی کوردکدن صکره نحو عربی یی او منوال اوزره ترتیب ایتک ایسته مشدر. (ابوالاسودالدؤلی) نحو عربینک وضع و تدوینی ایچون او سروده عراقده والی بولسان (زیاد بن ابیه) د مراجعت ایتمش ایسه دهدها اول بیان اولئان اسبابدن طولانی (زیاد) بو فکری تره یی ایتامشدی [۲]. فقط بالآخره برمشکی (زیاد) د بالمراجعہ «اصلح الله الامیر توفی (اباننا) وخلف لنا (بنون) - الله امیره توکنمز عمر لر احسان بیورسون. بابامزی وفات ایتدی. بزه چو جقلر ترک ایلدی «جمله لریله غایت قبیح خطا لر ارتکاب، یعنی (ابونا) و (بنین) یرینه (ابانا) و (بنون) استعمال ایدنجه (زیاد) حنی چرکین کوره رک (ابوالاسودالدؤلی) یه خبر کوندرمش واولجه قواعد نحویه نک وضع و تدویننه مساعد ایتامش ایکن بوسفر بونی بالذات کنندیسی طلب ایلشدر.

دیگر برروایت کوره نحو عربینک وضعنه سبب شوایدی: (خویداسدی) نک قیزی برکون (معاویه) نک حضورینه داخل اوله رق (اماله ایلہ): «ان ابوی ماتا وترکا لی مالا - ابویم وفات ایدرک بکا پاره براقیدیلر» دیمش [\*]. کیفیت حضرت علینک مسموعی اولونجه حضرت امام (ابوالاسود) د (ان)، اضافت و اماله بابلرینی تعریف ایتمش. دهها صکره (ابوالاسود) بر آدمک «ان الله بری من المشرکین ورسوله» آیت کریمه - نی اوقور ایکن (رسوله) ده کی ها ضمیرینی مکسور اوقودینی کوره رک حروف عطف و صفت بابلرینی ترتیب ایلش. بووقعه دن صکره (ابوالاسود) ک بالذات قیزی برکون کنندیسه خطاباً واستفهام طرزنده: «ما احسن السماء؟ - سماءه اک کوزل شی نه در؟» جمله سنی ایراد

[۱] ابن خلکان. ۴، ج ۱

[\*] اماله فتحه یی کسره یه والی یایه یا فلاشدره رق تلفظ ایتکدر. مثلاً باب کله - بی بهب Beb شکنده تلفظ اولنور ایسه بوکا اماله دیرلر.

ایدنجه ( ابوالاسود ) « یلدرلریدر » دیمش . قیزی : « خیر ، باباجغم . انی صورمیورم . سمانك لطافتندن بحث ایدیورم » دینجه « پدری اوحالده سمانك صوك حرفنی فتحه ایله تلفظ ایت » جوابنده بولمشدردر . مشار الیهك قیزی ینه برتون اوتهکی جملهده اولدینی کبی « ما اشدالحز - نه قدر صیجاك ! » جمله تعجیه سنی رفع ایله استفهام شکلنده ایراد ایدنجه ( ابوالاسود ) تعجب بابی وضع و تحریره مجبور اولمشدردر [ ۱ ] .

مورخلر بوروایاتك شکلنده اختلافده بولمهرق هربری آیری شکللرده ذکر ایتمش ایسهده بوعبارلر معنی و مال اعتباریله بردر . بتون مورخلر ( ابوالاسود الدؤلی ) نك اوکی اسبابدن طولانی نحوی وضع و تدوین ایتدیکنده متفق بولمقدهدرلر . ( ابو الاسود ) بوعلمی حضرت علیدن تالق ایتدیکنی بیان ایدیور . شوخالده ( ابوالاسود الدؤلی ) نك عربی علم و نحو و واضی ، یاخود علی الاقل مباشری اولدینی ثابت بر قضیهدر . ( فهرست ) کتابی مؤلفی ( ابن النديم ) ك اسکی دورده مستعمل دری و کاغد و سائر انواعی اوزرینه یازاش اولق اوزره بر کتابخانهده ۳۰۰ کتاب محفظه سنده کوردیکی کتابلردن بحث ایتدیکی صردهه بالذات مشاهده اوزرینه ویردیکی معلوماتده بونی تأیید ایلدور . مشار الیه ذکر اولئان کتابلر و کاغدلر میاننده مشاهده ایتدیکی درت کاغد ایچون : « بوکاغدلر چین کاغدلرندندر ظن ایدرم . ( ابوالا- سو: الدؤلی ) رحمة الله علیهم املاسی و ( یحیی بن یعمر ) ك خط دستی ایله محرر اولان بوکاغدلر ( فاعل ) و ( مفعول ) ه متعلق مباحتی حاویدر . ( یحیی بن یعمر ) ك یازسی آنتهده اسکی یازی ایله « بو ، علان نحوینك خطیدر » ، دها آلت طرفه « بو ، نصر بن شمیلك خطیدر » اشارتلی محرردر . متعاقباً ( نصر بن شمیل ) وفات ایدنجه محفظه بی غائب ایتدك « دیور .

مع مافیه ( ابوالاسود الدؤلی ) طرفندن عربی نحو حقنده وضع اولئان قواعد قرائتک ضبطی ایچون حس ایدیلن لزوم عاجلی ازالهیه کافی دکلدی . مشار الیه مرفوعک منصوبدن واسمک فعلدن تمیز و تفریقنه مدار اولق اوزره برطاقم اشارتلی ایله قرائتک ضبطنه لزوم کورهرك ( خط عربی ) بحثده بیان



ایتدیکمزوجه ایله سریانیلرده رفع ونصب وجرى کوسترمک ، یاخود فعلی اسمدن تفریق ایتمک ایچون استعمال اولنان علامتلى استعمال ایلشدر .

والحاصل عربلر عروض علمنک وضعندن اول نصل شعرنظم ایدیورلردی ایسه نحو علمنک وضع وتدوینندن اول اعرابی ده بیلورلردی . بوبیلیکی انلرده برمکه طبعیه ایدی . فقط دها صکره عرب اولمیانلرایله وقوع بولان اختلاطلری وعرب اولمیانلرک قرآن کریمی آکلامق ایچون عربجه ده اوپله برمکه لسانیه مالک اولمدقلری حالده اسلام اولملری وزیرنه لسانک قواعدنی ضبط وتدوینه لزوم کورمشلردر . بو علم ایله ک زیاده اشتغال ایدنلر فی الاصل عرب اولمیانلر ایدی . علم نحوک وضعنه بالاده کورلدیکی اوزر ( ابوالاسود الدؤلی ) باشلامشدی . دها صکره ظهور ایدن بصره وکوفه علماسی بو علمای کمال ایتمشلردر ( ابوالاسود الدؤلی ) دن علم نحوی ایلک تعلم ایدن ذات ( غنسه بن معدان مهری ) ایدی . نحو ؛ مشار الیه ( غنسه ) دن قرائت وتعلم ایله ( میمون قرن ) ه ، بوندده ( عبدالله حضرمی ) یه ، حضرمی دنده ( عیسی بن عمر ) ه انتقال ایلشدر . علم عروض ولغت امامی ( خلیل بن احمد ) بوصوک ذاتدن علم نحوی تحصیل ایتمشدر . علم نحوک استادی مشهور ( سیبویه ) ده بو علمای ( خلیل بن احمد ) دن تلقی ایلشدر [ ۱ ] . ایشته علم نحو ذکر ایتدیکمز شکلده مشارالهم میاننده برذاتدن دیکرینه انتقال ایتدیکمه ارتقا قانوننه تبعاً تنمو و ترقی ایدرک نهایت ۱۸۰ سنه هجریه سنده وفات ایدن ( سیبویه ) زمانده مرتبه کماله بالغ اولمشدر . ( سیبویه ) نحوه دأثر او مشهور کتابی اوصره ده یازمشدر . دها صکره نحو عربییه دأثر هر نه یازملش ایسه ( سیبویه ) ک بو کتابی ایله آتیده ذکر ایده جکمز ( کتاب العین ) نامند ، کی کتابه باقیله رق تألیف ایدلشدر . ( سیبویه ) ک کتابی اوقدر شهرت آلمش ایدی که ( کتاب ) دینلدیکی زمان مشار الیهک کتابی آکلاشیلردی واک قیمتمدار هدیه اولمق اوزره بو کتابی بربرلینه هدیه ایدرلردی .

## ادبیات ولسان

دها اول بیان ایدلیدی اوزره اسلاملر قرآن عظیم الشانی تفسیره باشلادقلری زمان انک معانی الفاظنی ضبط ایتمک و عبارت لرینک اسلوبلرینی آکلامغه محتاج اوله رقی بوجبوریتله عربلرک اسالیب بیانلری ایله سوزلرینی ، شعرلرینی ، ضرب مثلرینی ده تدقیق و تتبعه لزوم کورمشلردر . عربلره متعلق اولان بو خصوصاته اجنبیلک قاریشماق ایچون زمان جاهلیتمده لسان نقطه سندن قریشک مدار اعتمادی اولان بادیه عربلرندن طوغریدن طوغری یه تلقی ایتمکدن بشته چاره یوق ایدی . بناءً علیه علمای اسلامیه دن برچوق ذوات چول عربلرینک آغزندن اشعار و ضروب امثالی تلقی ایتمک و الفاظک معایینی واسالیب بیان حقنده معلومات صحیحه آلیق ایچون چوله قدر سیاحت ایدرک بویولده طوبلادقلری معلوماتی قید و تدوین ایلمشلردر . بونوع اشتغالدن حاصل اولان معلوماته - بوکا تابع اولان صرف ، نحو ، بلاغت داخل اولمق اوزره - ( علم ادب ) نامی ویرلمشدر .

عربجه نك ضبط و تدوینی ایچون لهجه و معلوماتلرینه مراجعت ایدیلن قبائل عرب ( قیس ) ، ( تمیم ) و ( اسد ) قبیله لری ایدی . لسان حقنده قید و تدوین ایدیلن معلوماتک اکثری بو اوچ قبیله دن تلقی ایدلمشدر . علمای لغت الفاظ غریبه نك تفسیر معانیسی ، اعراب و تصریفه دائر هر نه یازمشلر ایسه بونلرک معلوماتنه مراجعتدن صکره قید و تدوین ایلمشلردر . ذکر اولنان اوچ قبیله دن صکره لسانده وقوف و معلومات جهتیله ( هذیل ) قبیله سی ایله ( کنانه ) قبیله سنک بر قسمی ، ( طی ) قبیله سنک بر قسمی کلیر . بونلردن ده او بولده معلومات استحصال ایدلمشدر . لسانه دائر سائر قبائل عربدن هیچ برشی نقل ایدلمدیکی کبی شهرلرده اقامت ایدن عربلر ایله سائر ملتله مجاور یرلرده اقامت ایدن قبائلدن ده برشی آلتامشدر . مثلاً ( لحم ) و ( جذام ) قبیله لرندن لسانه دائر هیچ برشی تلقی ایدلمامشدر . چونکه بوا یکی قبیله مصره مجاور یرلرده اقامت ایدرلردی . او یله بر مجاورت ایله لسانلرینک بوزولمش اولمسی ملحوظ ایدی . ( قضاغه ) ؛ ( غسان ) ، ( ایاد ) قبائلنک ده معلومات و لهجه لرینه مراجعت

ایدلما مشدر. چونکہ بونلر شامہ مجاور یرلردہ اقامت ایتدکن ماعدا علی الاکثر خرسیتان ایدیلر . سریانی و عبرانی بیلیرلردی . بوجہتله لسانلرینک صحتہ اعتماد ایدیلہ مزیدی . ( بکر ) قبیلہ سندن دہ اقتباساتہ بولنلما مشدر . چونکہ بوقبیلہ ایرانیلرہ ونبطیلرہ مجاور اماکنده اقامت ایدیوردی . ( عبدالقیس ) ، ( ازد ) ، ( عمان ) ، قبائلندن دہ برشی آلمانا مشدر . چونکہ بونلر ( بحرین ) دہ مقیم بولنق جہتیلہ ہندیلیر و ایرانیلیر ایلہ اختلاطدن خالی قالمازلردی . کذلک یمن اہالیسندن دہ برشی اقتباس ایدلما مشدر . زیرا بونلردہ ہندیلیر و حبشلیلیر ایلہ اختلاطدہ بولنیورلردی . ( بنی حنیفہ ) ، ( یمامہ ) اہالیسندن وثقیف قبیلہ سی ایلہ طائف اہالیسندن اقتباساتہ بولنلما مشدر . چونکہ بونلر یمن تجاری ایلہ اختلاطدن خالی اولمازلردی . حجاز قطعہ سنک پایتختی لساندہ اعتماد ایدلما مشدر . چونکہ لسان علماسی لسان عربی وضع وتدوین ایتک ایستدکاری زمان او پایتخت اہالیسنک دہ عرب اولمیانلر ایلہ اختلاطہ و لسانلرینک بوزولمغہ باشلا دیغنی کورہ رک لہجہ لرینہ اعتماد کوسترمہ مامشلردر . بردہ لسانی و اسالیبنی ذکر اولنان قبائلدن نقل ایلہ کتابلرہ تحریر و علم شکلنہ وضع ایدن ذوات آنجق بصرہ و کوفہ علماسی ایدی [۱] . بوندن ماعدا عرب اولمیانلر علوم لسانیہ و ادبیہ یہ عربلردن زیادہ محتاج اولدقلرندن علوم مذکورہ ایلہ اے زیادہ اشتغال ایدنلر اصلاً عرب اولمیان اسلاملر ایدی .

### بصرہ و کوفہ دہ علم ادب علماسی

لغت و ادبیاتہ متعلق معلومات جمعی ایلہ اک اسکی اشتغال ایدنلردن ( ابو عمرو بن العلاء تمیمی ) حفظ و روایتدہ وسعت معلوماتی ایلہ اک ممتاز بر موقع اشغال ایدر . مشارالہ ۱۵۴ سنہ ہجریہ سندنہ کوفہ دہ وفات ایلشدر . محل تولدی مکہ ایدی . فصیحای عرب حقدہ کی کتابلری اوینی طواوانہ قدر طولدیرمش ایدی [۲] . بونکہ برابر مشارالہ : « عربلرک اقوالندن الہ ایدہ بیلدیککنر معلومات او اقوالک قسم اقلندن عبارتدر . اقوال عربدن دہا زیادہ معلومات الہ .



ایدلمش اولسه ایدی دهها پک چوق علملر و شعرلر کورردیکیز» دیور .  
 هجرتك ايكنجی عصرنده عراقده ادب و لغت علملرنده تخصص و اشتہار ایدن  
 پک چوق ذوات یتیشمشدر . بونلرك الك مشهورلری (ابوزید انصاری)، (ابوعبیده)،  
 (اصمعی)، (خلیل) اولمق اوزره درت ذاتدرکه عین عصرده یتشمشلردر .  
 ادب و لغت علملری بودرت ذاته منحصر ایدی . بونلردن (ابوزید)، (ابوعبیده)،  
 (اصمعی) لغت ، نحو ، شعر ، قرائت علملرینی دهها اول ذکر ی کچن (ابوعمر و)  
 دن تحصیل و تعلم ایشلاردی [۱] .

ذوات مشار الیهمن (ابوزید) انصاره منسوب ایدی . ۲۱۴ سنه هجریه سنده  
 وفات ایلدی . حدیث راویلرندن و لغت، کبار ثقافتدن ایدی . (سیدویه)  
 بوذاتدن تحصیل علم ایتمشدی . (ابوعبیده) یه کلنجه بوذات عربلرك وقائع  
 تاریخیه سنی و علومنی بیلمکده اک واسع معلومات صاحبی ایدی . مشار الیه  
 وسعت اطلاعاتنی افاده ایتک ایچون : «کرك زمان جاهلیتده ، کرك دور اسلامیده  
 ایکی آت بربرینه ملاقی اولمدی ، الاکه او آنلری و سواریلرینی طانیدم» دیردی .  
 ۲۰۹ سنه هجریه سنده وفات ایلدی . ۲۱۳ سنه هجریه سنده وفات ایدن (اصمعی)  
 ایسه لغت بیلمک ، شعر ازبرلمک و شعرنی تنقید ایتمکده صورت مخصوصه ده  
 تمیز و تفرد ایتش ایدی .

۱۷۰ سنه سنده وفات ایدن (خلیل بن احمد) کلنجه بوذات سائر علمادن  
 دهها اول اظهار اقتدار و مزیت ایلدیکندن مشار الیهه (سید علم ادب) نامی  
 ویرلمشدر . (کتاب العین) نامنده کی کتابنده [\*] حروف هجاء اوزرینه  
 لسانی ایلک تدوین ایدن ذات ایدی . کتابک بواسم ایله وجه تسمیه سی حروف  
 هجاءک صره ایله حلقدن ، لساندن ، دیشلردن ، دوداقلردن مخرجلری  
 اعتباریله ترتیب ایدلمش اولمسندن ایلری کلیور . مؤلف ؛ کتابنه (عین) حرفی .  
 ایله باشلامشدر . کتابک ترتیبی شو صورتله در : ع ح ه خ غ ق ک ج ش ص  
 ض س ر ط د ت ظ ذ ث ز ل ن ف م و ا ی . احتمال که (خلیل) بوخصوصه

[۱] منزه ۲۰۲ ج ۲

[\*] (کتاب العین) ک مشار الیهک اولمدینی حقنده کشف الظنونده مطالعات مخصوصه  
 واردر . کشف الظنونک ایکنجی جلدینک ۲۹۰ نجی صحیفه سنه مراجعت بیوریله .

ہندیلرک کندی لسانلری اولان سانسقریت لساننک حروف ہجاسی ترتیبہ تبعاً کتابی ترتیب ایشدر . چونکہ ہندیلر حروف ہجاده خلیک یابدیگی کبی حروف حلقدن باشلاہرق حروف شفویہیہ منتهی اولورلر [ ۱ ] .

کتابک ایلک لفظی ایله کتابی تسمیہ ایتک عربلرجه عادت ایدی . ( ہروی ) نک ( کتابالجیم ) ی کبی . بوکتاب مؤلفی طرفدن حروف ہجا ترتیبی اوزره ترتیب ایدیلرک جیم حرفی ایله باشلامشدر [ ۲ ] . ( ابو عمرو شیبانی ) نک ( کتابالجیم ) ی ده بوقییلندر [ ۳ ] . حرفلر دائر اولان ( کتابالغین ) ایله ( کتابالجیم ) وسائرہ دخی بنوعدن عداولنور . ( کتابالعین ) ده حروف ہجانک طرز ترتیبک تدقیقاتندن وقتیلہ ( جیم ) حرفنک بوکونکی کاف فارسیہ صورتندہ تلفظ اولندیگی کبی حروف ہجادن برچوقلرینک ده ایوم آدقلری اشکال تلفظہ مخالف شکلدرہ تلفظ ایدلدیگی آکلاشیلیور .

حافظلر وراویلر چول عربلرندن نقل ایتدکلری ، یاخود معنالرینی ایشیتدکلری امثال ، سوز وسائرہ حقندہ فوق العادہ تدقیقات اجرا ایدرلردی . چونکہ قرآن عظیم الشانک طوغری تفسیر ایدیلہ بیلمسی ذکر اولنان معلوماتک صحتہ توقف ایدیوردی . بو جہتلہ حدیثک نقل وروایتندہ اسناد متسلسل طریق نصل اختیار اولنمش ایسہ لسانہ متعلق معلوماتک نقل وروایتندہ دخی اسناد متسلسل طریقنی اختیار ایشلرلردر . احادیثک حفظ ونقلنہ نصل اہمیت ویراش ایسہ لسان خصوصندہ اویلہ جہ اہمیت ویرلشدی . انلرجه لسان ناقل وراویسنک ده حدیث ناقل وراویسی کبی طوغری وعادل اولسی لازم کلیر . چونکہ حدیثک واسطہ تفسیر وتاویلی لساندر . معافیہ بوندہ تماماً موفق اولہمدیلر .

بصرہ وکوفہ ایکنجی عصر ہجری ایله اوچنجی عصرک بر تسمی انناسندہ پارلاق بردور کچر مشلردر . چونکہ ہر ایک شہردہ برچوق بیوک نحو عالملری ، راویلر ، حافظلر ، ادیبلر ، شاعرلر یتشمشدر . بصرہ شہری بویولدہ موقع سرفرازی اشغال ایتیش ایدی . کوفہ علماسی بصرہ علماسندن تحصیل علم

ایدرلردی . بصره علماسی ایسه کوفه‌لیلرک محقق اولمدقلری اعتقادیه انلردن نقل و تحصیلده بولمازلر ایدی . ( ابو زید انصاری ) دن ماعدا بصره‌لیلر میاننده کوفه‌لیلردن تحصیل علم ایدن کیمسه کورلماشدر [۱] . مع مافیه شعر عربی بصره دن زیاده کوفه‌ده دها چوق موجود ایدی . فقط بونک چوغی ساخته ایدی . یعنی صکرده دن نظم اولنه رق اسکی عربلره اسناد اولنمشدی . کوفه‌نک الک مشهور عالمی ۱۸۲ سنه هجریه سنده وفات ایدن ( کسائی ) ایدی [۲] . مشارالیه دن صکره علم نحو ایله شهرته ۲۰۷ سنه سنده وفات ایدن شا کردی ( فرا ) ، دها صکره ( علی الاحمر اللجیانی ) وسائر کثیر . نته کیم بصره‌ده دخی ( سیدیویه ) ایله دها اول ذکر ایتدیکمز سائر علمای نحو و اهل ادب اشتهار ایش ایدی .

## بغدادده علم ادب عالم‌لری

بصره و کوفه شهرلری بغداد شهرینک تأسسی و علوم و معارفک اورایه انتقالی زمانه قدر علوم اسلامیة‌نک منبع و مصدری اولق اوزره دوام ایلدی . بوتاریخنن صکره کوفه علماسی علی الاکثر موقعاً یقین اولق حسیله بغداده کیدرلردی . بونلر بغداده کلدکجه خلفای عباسیه کندیلرینه حرمت و اکرامده بولنورلردی . چونکه عباسیلر طلب خلافتیه قیام ایتدکاری زمان کوفه علماسی انلره مظاهرتده بولنمشلردی . بوسیدن خلفای عباسیه کوفه علماسی بصره علماسندن دها بیوک بر موقع و لیاقت صاحی عد ایدرک کندیلرینی بغداده دعوت ایدرلر و بر چوق احسان و اکراملره مستغرق ایلرلردی . خلق هر طرفدن بوذواتک نزدینه قوشه رق کندیلرندن روایات شاده ، نوادر و مسامحات شعریه ولسانیه وسائر نقل و تعلیمی ایله مباحاتده بولنورلردی . بوشیلره اهمیت و یرمک اصلی بر اقوب تفرعات ایله اشتغال ایتک دیمک ایدی . بالاده ذکر کیچن ( فرا ) نک عصرنده ( عبدالله بن سعید اموی ) ، ( ابوالحسن الاخفش ) ، ( ابو-



عکرمۃ الضبی ) ، ( ابو عمرو شیبانی ) و سائرہ کوفہ علماسندن بیوک شہرت صاحبی اولان ذواتدن ایدیلر .

علم ادب دور عباسیہ مرتبہ کمالہ بالغ اولدقدن صکرہ درت بیوک علمده تجلی ایلشدر . بودرت ذات علم ادبک ارکانی صایلیرلر . بونلر بوعلمہ متعلق حائر اولدقلری معلومات واسعهی بر شہرت عظیمہ قازانان آتیدهکی درت کتابده جمع و تحریر ایتملردر : اولاً ( ابن قتیبہ ) نک ( ادب الکاتب ) کتابی ، ثانیاً ( مبرد ) ک ( کتاب الکامل ) ی ، ثالثاً ( جاحظ ) ک ( کتاب البیان والتبین ) ی ، رابعاً ( قالی ) نک ( کتاب النوادر ) ی ... ایشته بوکتابلر عربلرده بوکونه قدر علم ادبک منبع ومصدری صایلیر . دهها صکرہ تألیف اولنان کتابلر علی الاکثر بونلردن اقتباس صورتیلہ یازلمشدر [۱] .

خلفای عباسیہ کوفہ لیلرہ بویله ممتاز ویوکسک برموقع ویرنجہ کوفہ لیلر کندیلرینی بیوک کورهرک بصرہ علماسی ایله مسابقہ ومفاخرہ ایتک ایستدیلر . بونک اوزرینه ایکی شهر علماسی آره سنده نحو ، ادب ، لغتہ متعلق برچوق مسائلده مباحثلر ومجادلہلر ظهور ایلدی . بومسألہلرک اک مشهوری بصرهدن ( سیبویه ) وکوفهدن ( کسائی ) آره سنده آتشی شدتلہ الولانان ( زنبور - اشک آریسی ) ایله ( نخلہ - بال آریسی ) مسألہسی ایدی . ( کسائی ) رشیدک اوغلی ( امین ) ک معلمی اولدینی جهتلہ ( امین ) بوذانه مظاہرت ایدیوردی . کویاکہ بر شهرده یتیشن بر نحو عالمنک بر مسألہده مظفریتی منسوب اولدینی بتون شهر اہالیسنک مظفریتی استلزام ایلیه جک ایتمش . معافیہ بومسألہ خلفانک مسائل علمیه ایله نہ قدر اشتغال ایتدکلرینی کوستردیکی ایچون انی بوراده خلاصہ ذکر ایدلم . ( کسائی ) بغدادده اقامت ایدیور و ( امین ) . معلمک ایاوردی . بالتصادف ( سیبویه ) بصرهدن بغدادہ کلیر . ( امین ) هر ایکسینی بر مجلسده جمع ایلر . ( کسائی ) ایله ( سیبویه ) آره سنده بر چوق مسائل وازجلہ ( زنبور ونخلہ ) مسألہسی حقتده مناظرلر ومباحثلر وقوع بولور . ( کسائی ) امثال عربدن برمثلی : « کنت اظن الزنبور اشدلسعاً من النخلۃ فاذا هو ایاها - اشک آریسنک

صوقسنی بال آریسنگ صوقسندن دها شدتلی ظن ایدیوردم . مکر هرایکی-ی  
 بردر « شکنده روایت ایدر . ( سیدویه ) « خیر ، بومثل بو شکنده دکلدر .  
 ( فاذا هو ایاها ) دیزله من ، ( فاذا هو هی ) دیمک لازمدر « دیر . ایکی علامه  
 نحو بیننده بوخصوصه دأثر اوزون اوزادی به مجادلر وقوع بولور . نهایت  
 داخل دائرة مدیت اولان عربلرک لهجه لریله لسانی بوزولماش خالص بر بادیه  
 عربنه مراجعته قرار ویریرلر . ( امین ) معلمی بولنان ( کسائی ) طرفی  
 شدتله التزام ایتدیکندن اوپله براعرابی احضار ایدرک اندن هانکی افاده نك  
 طوغری اولدیغنی صورار . اعرابی « ( سیدویه ) ک دیدیکی طوغریدر .  
 ( فاذا هو هی ) دیمک لازمدر « جوابی ویریر . ( امین ) اعرابی به « فقط بز  
 ( کسائی ) نك حقلی جیممسنی ، انك دیدیکی کبی دیمکی ایستوروز « دینجه  
 اعرابی « دیم ( کسائی ) نك سویلیدیکی کبی سویلمکه وارماز . چونکه  
 خطاسز سویلمکه آیشمشدر « جوابنده بولنور . حاضر اولانلراعرابی به : « اوپله  
 ایسه بز سکا ( کسائی ) بویله دیور ، ( سیدویه ) ده بویله سویلیور .  
 هانکی سکیکی طوغریدر ؟ دیهرک صورارز . سن ده کسائینکیکی طوغریدر  
 دیرسک ، اولمازمی ؟ « دییه سویلدکلرنده اعرابی : « بکی ، بومکندر « دیر .  
 بونك اوزرینه مجلس قورولور . ( کسائی ) و ( سیدویه ) بولندیریلور . بر  
 چوق علما ورجال حاضر اولور . اعرابی ده اورایه کتیریلیر . ترتیب ایدیان  
 سؤال وجه ایله صورولنجه اعرابی « کسائینکیکی طوغریدر ، عربلر بویله  
 سویلر ، جوابی ویریر . ( سیدویه ) ایشده حق آرائیه رق ( کسائی ) نك  
 طرفی التزام اولدیغنی کورمکه متأثر اولمش و صوک درجه ده دلکیر اولدیغنی  
 حاده بغدادی ترک ایدرک ایران مالکنه کیتمشدر .

بوحادثه حد ذاتنده بر مقصد سیاسی محتوی اولقله برابر اوصره لرده  
 رجال دولتك مسائل ادبیه ایله نصل اشتغال ایتدکلرینی کوسترمکدن ده خالی  
 دکلدر . فی الواقع عربلر امویلر زمانندن اعتباراً علوم ادبه اهمیت ویرمکدن  
 کری قالماملریدی . روایت کوره ملوک امویه دن ( عبدالملک بن مروان ) مذاکرات  
 و مسامرات ادبیه ایچون مجلسلر قوراردی . برکون مشارالیه اوکی علما  
 مجلسنده بولندینی صروده یاننده بولنان ذواته : « جسم انسانده بولنان اعضایی

حروف ہجا صرہ سیلہ سزدن کیم تعداد ایدہ بیلیر ؟ ، یعنی الفدن یاہ قدر  
 ہر حرف ہجا ایچون بر عضو تعدادیتہ مقتدر آدم وارمیدر ؟ سؤالی ایراد  
 ایلش ایدی . مجلسدہ حاضر بولنالنردن ( سوید بن غفلہ ) آیاغہ قالقہرق  
 اعضای بدن ( عبدالمک ) ک آرزو ایتدیکی وجہ ایلہ سرد ایدر . حاضر وندن  
 بر دیکری آیاغہ قالقوب اعضایی اوصورتلہ ایکی دفعہ تعداد ایلر [۱] .  
 ( عبدالمک ) ہر ایکسینہ مکافادہ بولنور .

علوم لسانیہ ابتدای امر دہ بر برینہ قاریشمش ایکن دہا صکرہ یکدیکنردن  
 آریلہرق تعدد وتشعب ایلشدر . بوشعبلر علم نحو ، علم صرف ، علم لغت ،  
 علم معانی ، علم بیان ، علم اشتقاق ، علم عروض ، علم قوافی ، علم اخبار  
 عرب ، علم امثال ، علم جدل وسائرہ کی بر بردن مستقل و آیری  
 بر علم حالی اکتساب ایتشدر . بعضاً بوعلملرک مجموعہ ( علم ادب ) نامی ویریلر .  
 ذکر اولئان علومدن ہر برینک تاریخی وتعریفاتی واردرکہ بوجہتلرک اشریحی  
 لسانک علوم ادبیہ سی تاریخنہ غاندر .

### بلاغت انشا


انشادہ بلاغت قرآن عظیم الشانک استلزام ایتدیکی خصوصیاتندر . چونکہ  
 قرآن کریم اسلاملرچہ نمونہ بلاغت وفصاحتدر . اسلاملر نطقلرنده ، مکتوبلرنده ،  
 انشالرنده قرآن کریمک بلاغت وفصاحتی رہبر اتخاذ ایدرلر . قرآنک بلاغت  
 وفصاحتی عمداً رہبر اتخاذ ایتسہلر بیلہ قرآن کریمک حفظی انلرہ برملکہ  
 بلاغت بخش ایلردی ، دولتری ، انناسندہ حماس و عزت نفس کی مزایا ایلہ اتصافلری دہ  
 بلاغت صاحبی اولملرینہ آریچہ بر باعث تشکیل ایدردی . بوجہتلر ایلہ لسان  
 عرب اسلامیتدن صکرہ بلاغت وفصاحتدہ یکی بر طرز وطورہ کیرمشدر . بوانقلاب  
 کرک خطابت ، کرک کتابتدہ اولسون ہر عبارہ وافادہ دہ مشہود اولور . بلاغت  
 خطابت حقندہ محل مخصوصندہ بحث ایدہ جکز . بورادہ کتابتہ دائر معلومات



ویرم. کتابک متعدد اقسامی وار ایسهده بونلرک جمله سی تحریر مراسلات ،  
تحریر کتب قسملری آلتنه داخلدر .

## تحریر مراسلات

مراسلاتده استعمال ایدیلن عبارلر - تهدید ، وعید ، نصیحت ، تشویق  
و ترغیب ، استعطاف و بونلره مشابه معانی شاعرانهده تجلی ایدن طرز خیالده  
صنعت جهتلریله - خطابنده استعمال اولان عبارلر کی ایدی . اسلامیتک ابتدالرنده  
« اوتیت جوامع الکلم واختصر لی الکلام اختصارا » حدیث شریفنه تبعاً  
بو عبارلرده امکانک مساعده سی درجه سنده اختصاری التزام ایتدکلرندن بیوک  
معنایی آز الفاظده جمعه صرف غیرت ایدرلردی . او قدرکه انسان عبارلرده کی  
معنایی الفاظدن مجرد کی کورر .  
بونوعدن اولان مراسلات بلیغ  
نطقلر قدر اجرای تأثیر ایلردی .  
صانکه اسلاملر فتوحات زمانندن  
صکره بلیغ کاتبلری بلیغ خطیلره  
بدل طوتمشلردر .



شام کاری بر چکمه

(رماده) سنه سنده حجاز بیوک  
برقحط و غلا ایچنده بولندینی ائنده

حضرت عمر طرفندن مصر والیمی (عمرو بن العاص) ه یازیلان مکتوب محررات  
مختصره بلیغه بر نمونه تشکیل ایدر . مکتوبک صورتی شودر : « امیر المؤمنین (عمر) دن  
(عمرو بن العاص) ه .. سلام علیک . ای عمرو ! سن وسنکه برابر بولسانلر  
قارنکیزی طوبورمغه باقارسکیز . بن و بنله برابر بولسانلر هلاک اولسه قده اهمیت  
ویرمزسک . امداد ! امداد ! . بونک اوزرینه (عمرو بن العاص) حضرت عمره  
شو جوابی تقدیم ایتش ایدی : « امیر المؤمنین عمره (عمرو بن العاص) طرفندن .  
لیک ! امیک ! سکا ارزاق و ذخائر یوکلای او یله بر قافله یوللادم که بونک براوجی  
سکا ، براوجی بکا منتهیدر . والسلام علیک ورحمة الله » .

مراستات بلیغہ نک اجرا ایتدیکی تأثیرات نمونہ لرندن اولمق اوزره خلفای امویہ دن (عبدالملک بن مروان) قدسہ کنندی اسمنه نسبتله برقبو انشا ایتدیردیکی کبی (حجاج) ده کنندی نامی ایله برقبو یاپدیرمش ایدی . تصادفاتدن اوله رق برصاعقه دوشدی . (عبدالملک) . منسوب اولان قپو محترق اولدی . مشارالیه بو حالدن محزون اوله رق تشأم ایتمه ک باشلادی . بونک اوزرینه (حجاج) شونامه یی یازوب (عبدالملک) ، کوندردی : « ایشیتدم که سمان بر آتش دوشوب امیر المؤمنینه منسوب اولان قپو یی یاقش ده حجاجک قپوسنی یاقامش . بو خصوصده ایکیمزک حالی حضرت آدمک ایکی اوغلنک حاله بکزر . چونکه هر ایکیسی جناب حقه برر قربان تقدیم ایتش ایکن الله برینککنی قبول بیورمشن ، دیکرینککنی قبول بیورممش . » (عبدالملک) نامه یی اوقویونجه محزونیت ومراقی زائل اولدی .

خلفا ؛ کاتبه کلرینه اک بلیغ منشیلری انتخابه ومخابر اتده بلاغله برابر امکناک مساعدده سی درجه سنده اختصاره صرف غیرت ایدرلردی . بوقبل مثاللردن اولمق اوزره یدنجی خلیفه عباسی (مأمون) باش کاتبی (عمرو بن مسعود) یی توصیه یی متضمن اوله رق والیرلندن برینه (عمرو) « شو مکتوبی یازدیرمش ایدی : « سزه اعتماد برکال اولدینی وتوصیه ایتدیکم ذاتی صوک درجه ده التزام ایلدیکم حالده بونامه یی یازیورم . بوقدر اعتماد والتزام بولندقجه توصیه وامید ضائع اولماز . » کلن مکتوبلره دخی برچوق دفعه ، باخصوص تهید واکا مائل شیلر آرزو ایدلیدیکی زمان ، غایت مختصر برعباره ایله جواب ویریرلردی .

نته کیم بشنچی خلیفه عباسی (رشید) روم پادشاهی (نقفور) - نیکفور - « اوبله مختصر بر جواب تسطیر ایتش ایدی . روم قرالیچه سی (ایرینی Irène) هرون الرشیده حرمت وتعظیمده بولنوردی . کندیسنه ویرکی نامنه برچوق هدایا کوندیر ایدی . (ایرینی) خلع وانک یرینه (نقفور) اجلاس ایدیلنجه یویکی حکمدار (هرون الرشید) « بر نامه یازه رق ایرینیک (رشید) ی حکمدار وکنندی نفسی آحاد ناس موقعنده طوتدیغنی ، کندیسی ایسه (هرون الرشید) ی حکمدار طانیماقده اولدیغنی ، او قادین طرفندن رشیده کوندریلن هدایانک جمله سنک اعاده اولنسی لازم کله جکنی ، اعاده ایدلمیه جک اولورسه بلاد اسلامییه هجوم وتجاوز ایده جکنی بیلدیرمش ایدی .

( رشید ) با هی آدینی زمان غضبه کلدی . ( نقفور ) . شو مختصر جوابی یازدی : « امیر المؤمنین هرون الرشیددن روملرک رئیس ( نقفور ) . مکتوبکی او قودم . جوابی قولانکله ایشیده جک دکل ، کوزکله کوره جکسک . مغرب حکمدارلرندن ( یوسف بن تاشفین ) کندیسنه تهدیداتی حاوی برنامه کوندرن اسپانیا قرالی ادفونش ( آلفونس Alphonse ) . او قیلدن اوله رق : « نه اوله جغنی صکره کوره جکسک » مال مختصر نده بر جواب یازمش ایدی .

### توقیعات

توقیعات دخی بوقیلدن اولان محرراتدن معدوددر . توقیعات بوکون دوائر حکومتده اوراق رسمیه ومستدعیات اوزرینه یازلمقده اولان شرحلر ودرکنارلر کبی خلفا طرفندن محررات رسمیه ومستدعیات اوزرینه تحریر ایدیلن شرحلر ودرکنارلر دن عبارت ایدی . بودرکنارلر غایت صنعتلی ومتنوع یازیلیدی . علی الاکثر آیات کریمه ، یاخود احادیث شریفه ، یاخود اشعار مشهوره دن تشکل ایدردی . کبار صحابه دن وعشره مبشره دن ( سعد بن ابی وقاص ) بر بنانک انشائی حضرت عمر دن استیدان ایش ایدی . حضرت عمر استیدان نامه نک زیرینه : « کونشک صیجاغیدن و یاغمورک تأثیراتندن سنی وقایه ایده جک قدر بر بنا یایمق کافیدر » درکناری یازمشدی . حضرت عثمان عمرزاده سی ( مروان بن الحکم ) دن شکایتی حاوی و بیونلرینک اورلمسنی امر ایتدیکندن باحث اوله رق بر طاقم اشخاص طرفندن تقدیم اولنان بر استدعا یه : « سکا اطاعت ایتملر ایه یابدقلر کزدن مسئول دکل دی » ، مألنده بولنان « فان عصوک فقل انی ری » مما تعملون ، آیت کریمه سی تحریر ایشدی . کبار صحابه دن ( سلمان فارسی ) طرفندن « روز قیامتده خلقدن نه صورته حساب صور یله جق ؟ » سؤالی متضمن حضرت علی یه تقدیم اولنان نامه یه حضرت علی « انله نصل رزق ویریلور ایه کندیلرندن او یله جه حساب صور یله جقدر » توقیعی یازمشدی . عمه نبی ام حکیمک اوغلی و حضرت عثمانک دایی زاده سی صحابه دن بصره



والیسی (عبدالله بن عامر) معاویه به برخصوصدن طولای معاتبه یی حاوی بر مکتوب تقدیم ایتش ایدی . ( معاویه ) مکتوبك زیرینه : « زمان جاهلیته کی امیه خاندانی زمان اسلامیتده کی حبیب خاندانندن دها شرفیلدر . بونی سن ده تسلیم ایدرسك » توقیعنی یازمشدی [\*] . ( ربیعہ بن حسن یربوعی ) نك انشا ایتك ایستدیکی برخانه ایچون اغانه صورتیله کندیسنه اون ایکی بیک دیرك اعطاسی استرحامنی حاوی ( معاویه ) یه تقدیم ایتدیکی مکتوبك آلتنه ( معاویه ) « بصره ده برخانه می ، یوقسه خانه کده بصره بی می انشا ایده جکسك ، آکلایه میورم » عباره سنی تحریر ایشمادی . عراق والیسی ( حجاج ) خلیفه ( عبدالملک بن مروان ) ه بر نامه یازه رق عراق اهلایسنك اطاعت سز لکنندن و بویوزدن چکدیکی زحمتلردن بحث ایتش ویرلی اشراقك قتلی ایچون مأذونیت طلب ایلمش ایدی . ( عبدالملک ) حجاجك تحریر اتنه « اداره آدمی یملی و مبارک اولور ایسه اختلاف کیران اتحاد و الفت پیدا ایدرلر ، مشئوم ایسه متحدرلریله یکدیگرلرلرندن آیریلرلر » درکنسارینی یازوب کوندرمشدی . ( عبدالملک ) کندنی زماننده عصیان ایدن ( عبدالرحمن بن الاشعث ) طرفندن کلن نامه یه « پریشان اولسون دینه کیکی جبر ایتك ایستدیکم آدمك حماقت وردائتندن بی نه دن قیرمق ایستر » مألنده اولان شوایت ایله جواب ویرمشدی :

فما بال من اسعی لاجبر عظمه حفاظا وینوی من سفاهته کسری

( عمر بن عبدالعزیز )؛ حقنده شکایتلر توالی ایدن بروالی یه : « مشتکیلرک چوغالدی ، سندن نمون اولان آزادلی . یا عدالتله حرکت ایدرسك ، یا چکیلیرسك والسلام » توقیعنی یازمشدی [۱] . والیلردن بری مشارالیه بر شهرک بناسی ایچون استیدانی حاوی کوندردیکی تحریراته ( عمر بن عبدالعزیز ) « شهری عدالت تمللری اوزرینه بناسایت . یوللرینی ظلمدن تمیز طوت » درکنسارینی یازوب ارسال ایشدر .

[۰] عبدالله بن عامر ( حبیب ) ك احقادندن ایدی . حبیب ایسه ( امیه ) نك قاروشی ایدی . معلوم اولدینی اوزره امیه خاندانی زمان جاهلیته نصل نامدار برخاندان ایدی ایسه بعدالاسلام بنه نامدار قالمش ایدی . ( معاویه ) بوسوزلر ایله عبدالله « سندن دها خاندانم واصلیم » دیمك ایستور . [۱] مسعودی ۱۲۱ ج ۲

امویلك وعباسیلك سائر توقیعلری ده اكا كوره قیاس ایدیكیز. بوتوقیعلر يك چوق و اوچنجی خلیفه عباسی (مهدی) نك آتیده کی توقیعی کی هی بلیغ ایدی. (مهدی) خراسان والیسی حقیده بر خصوصك اسنادندن طولایی مذکور والیه «بن اویاغ، سن اویویورسك» توقیعی یازمش ایدی. بشنجی خلیفه عباسی (رشید) مصرده کی والیسنه : «خزینہ می و برادریم حضرت یوسفك خزینہ سنی تخریبیدن صاقین. صكره اندن واللهدن جزا کی بولورسك» ماننده بر دركنار تحریر ایلش ایدی. یدنجی خلیفه عباسی (مأمون) بر خصوصدن تظلمی حاوی (ابن هشام) طرفندن تقدیم اولنان نامه نك زیرینه : «مرد و شرفلی آدم مافوقنه ظلم ایدر. مادونندن ظلم چكره. بو نوع آدملردن هانکیسیسك؟» توقیعی یازمشدر.

امرا و وزرا دخی کنیدیلرینه تقدیم اولنان محدرات اوزرینه خلفانك یازدقلری توقیعلر کی توقیعات یازارلردی. (معاویه) زماننده عراقده والی بولنان (زیاد بن ابیه) معیتده کی مأموریندن بری طرفندن تقدیم ایدیلن تظلم نامه یه : «سننكه برابریم، جمله سنی تحریر ایلشدر. خلفای امویه دن (عبدالمك) دورنده عراقده والی بولنان (حجاج بن یوسف) کوفه متوالیسندن مذکور شهر اهالیسنك اطاعتسزلیکندن و بویوزدن چكیمكده اولدینی زحمتلردن باحث اوله رق كلن تحریرات اوزرینه : «پرستش ایتدكلری ذاتی (یعنی حضرت علی) اولدیرن بر خلقدن نه بکلسك !» درکنارینی یازمشدر. اوچنجی خلیفه عباسی (مهدی) نك وزیر (یحیی بن خالد بن برمك) ه برنامه تقدیم ایدیله راء بو نامه ده غریب الدیار بر تاجرك و فائندن و كوزل بر جاریه ایله هنوز موده بر چوجق و يك بیوك بر ثروت ترك ایتدیکندن بحث و بونلرك وزیرك نامه مصادره سی توصیه اولنش ایدی. یحیی نامه نك بالاسنه «تاجره رحمت، جاریه ایله چوجقه سعادت و سلامت، ثروته برکت، نامه نك صاحبی اولان بد. خواهه ایسه قهر و اعنت اولسون» ملاحظه سنی تحریر ایلشدر [۱]. (رشید) ك وزیر (جعفر بن یحیی) بر محبوسك استدعاسی آلتنه : «لكل اجل كتاب - هر شبك وقت مرهونی واردر» و دیگر بر محبوسك استدعاسنه : «جرم انی

حبس خانہ آتدی . توبہ اطلاق ایدہ جکدر « توقیع لر نی تحریر ایشدر .  
عربلر بو یولده توقیع لر تحریر نی ایرانلیلردن اقتباس ایشلر ایدی . چونکہ  
ایرانلیلر دها اول بو طرزده درکنارلر یازارلردی .

عربلر طریق مدنیتہ کیرہ رک مصاہرت و معاشرت ایله ایرانلیلر ایله اختلاط  
ایدنجه یه قدر مراسلات و مکاتباتده بالاده کورلدیکی اوزره هر شیدن اول  
اختصاره اهمیت و بریرلردی . بالاخره ایرانلیلر ایله اختلاط ایدنجه انلردن  
تفخیمات و تعظیبات و مبالغات منشیانہ نی اقتباس ایشلر بو طرزده یازی یازمغه  
ایکینجی عصر هجری ابتدلرندن اعتباراً باشلامشلردر . مراسلاتی ایلك اوزون  
یازان ، بونلرده تحمیداتی ایلك استعمال ایدن ، ایلك بلاغت غنچه لر نی آچان  
ذات ۱۳۲ سنه هجریه سنده وفات ایدن مشهور ( عبدالحمد الکاتب ) ایدی .  
ملوک امویہ نك صوکنجیسی ( مروان ) ک کاتبی اولان بوادیب شام  
اهالیسندن ایدی . اصلاً عرب دکلدی [۱] . مشاعرالہدن صکرہ کلن منشیلر  
و کاتبلر انک آجدینی چیغیرده حرکت و طرز انشاسنی تقلید ایتدکدن ماعدا  
بوچیغیری توسیع ایشلردر . ایچلرنده بر چوق وزرا و امرا بولمق و اکثریتله  
عربلرک غیرندن اولمق اوزره دها صکرہ بر چوق مشاہیر بلغا یتشمشدر .

بو یولده یتیشن بیوک ادیبلر و بلغا جملہ سندن اوله رق اوچنجی خلیفه  
عباسی مہدینک وزیر ( یحیی بن خالد برمکی ) ایرانلی ، ( هرون الرشید ) ک  
زمان خلافتنده مقام وزارتده بولسان ( فضل بن ربیع ) موالیدن ، مأمونک  
وزیری و عسکر سرداری اولان ( فضل بن سهل ) کذلک ایرانلی ، آل  
بویهدن مؤید الدوله نك و بعدہ برادری فخر الدوله نك وزیر اولان ( صاحب  
بن عباد ) طالقانی ، آل بویه دولتی اعظم رجالندن اولوب ۳۶۰ سنه هجریه سنده  
وفات ایدن ( ابن العمید ) خراسانی ، ۵۹۷ سنه سنده وفات ایدن اعظم علما  
و منشیوندن ( عمادالدین الکاتب ) اصفهانی ایدی . بو صوک ذاتک توسیعات  
و اطنابات منشیانہ سی دیکرلرک کندن زیادہ ایدی .

[۱] ابن خلکان ۳۰۷ ج ۱



## کتاب تحریری

کتاب تحریرندن مراد ادبی، علمی، تاریخی و سائر موضوعلره دأر تألیف ایدیلن کتابلردر. بونلرک نوعنه کوره طرز انشا بلاغت و فصاحت نقطه سندن مختلف بولنور. مثلاً ادبیاته متعلق کتابلرده طرز انشا بلیغ اولوق لازم کلیر. چونکه زمین بحث تخیلات شاعرانه یه، کنایه لره، صنعت ایله اجله قلمه پک مساعددر. ذاتاً بونوع آثاری یازان ادبا علی الاکثر ارباب فصاحت و بلاغت ایله اختلاط ایدرک ادبیات عربیه نی مکمل تحصیل ایلدکن وبوسایه ده بر چوق شعرلر، نطقلر، اقوال بلیغه حفظ ایله اسالیب بلیغه بیانه وقوف حاصل ایتدکن صکره یازی یازدقلرندن اثرلرینی کنسیدیلرنده حاصل اولمش بر اسلوب عالی بیان مایکسیله تألیف ایدرلر. حال بوکه فقها و علوم طبیعیه اربابی بونک عکسیدر. بونلرک اسلوبی علی الاکثر خاصه بلاغتن محروم اولور. چونکه بونوع علمانک مدار اشتغاللرینی تشکیل ایدن علملر خیالک جولانته مساعد دکلدر. بوجهتله بونلر ادبا وبلغانک اسلوب بیانلرینه مخالف برطاقم عبارات وضعیه ایله افاده مرامه آلیشیرلر. بوطرز بیان انلرده بر عادت حکمنه کچر. اوقدرکه بو ذواتدن بری ادیبانه بر اسلوب ایله بر شی یازمق، یاخود اشعار نظم ایتمک ایسته سه ضعیف ورکیک شیلردن بشقه بر اثر وجوده کتیره من.

بناء علیه عربلرده فقهک ظهورندن و علوم طبیعیه نک عربجه یه نقانندن ده اول کاتب و منشیلرک طرز افاده لر ی علوم مذکورنک ظهور و نقانندن صکره کی اسلوب بیانلرندن فصاحت و بلاغته دها زیاده قریب ایدی. چونکه ده اول طرز بیان قرآن عظیم الشانک منوالی اوزره اصاغه و تمیق اولنوردی. قرآن کریم ایسه غایه بلاغتی جامعدر. بونکله برابر قرآن کریم کلام مرسلدن زیاده تعبیرات شاعرانه نی اوقشار. ایسته بوسایه درکه اسلامیتک ابتدلرنده قرآنی مشق تقاید اتخاذایدن کاتبلر و خطیبلر هم نطقلرده، همده مراسلانده پک بلیغ اثرلر وجوده کتیرمشلردر. اساساً او صروده کاتب و خطیبلر اولیه

بر اسلوبہ محتاج ایدیلر۔ چونکہ او اسلوب بیان مخاطبہ صوڪ درجہدہ اجرای تأثیر ایدر۔ دہا صکرہ اسلاملر کتاب تألیفہ باشادقلری زمان مؤلفلرک اکثریتی ایرانیلر تشکیل ایتدکلرندن ایران طرز بیاندن بعض تأثیرات عربجہیہ کیرہرک بونک نتیجہ سندنہ عربجہدہ کلام مرسل متناسق ظہورہ کلمشدر۔ (ابن المقفع) ک (کلیلہ ودمنہ) نامندہ کی کتابندہ قوللادینی طرز بیان (کلام مرسل متناسق) ہ اک پارلاق بر نمونہ در۔ چونکہ ادیب مشارالہک او طرز انشاسی بوکونہ قدر بلاغت وسہولت افادہیہ بر مثال تشکیل ایدر۔

(ابن المقفع) :- ابن المقفع ایرانی ایدی۔ لسان وادبیات فارسیہدہ



عرب کاری بلور بر باردق

ید طولی صاحبی ایدی۔ چونکہ بولسان کندیسنک وآبا واجدادینک لسانی ایدی [۱]۔ بوندن ماعداد پہلوی ویونانی لسانلریندہ بیلیردی۔ (ابن المقفع) ایکنجی عصر ہجرینک نصف اولندہ بصردہدہ یتشمشدر۔ بصرہ شہری اوصرہ لردہ برچوق ادبا وشعرانک مقری بولندیغندن مشارالہ عربجہدہ وادبیات عربیہدہدہ بیوک بر اقتدار ومہارت اجرازینہ موفق اولمش ایدی۔ اساساً کندیبی ذوق سلیم وبرقریحہ منشیانہیہ مالک بولنیردی۔

بناء علیہ (کلیلہ ودمنہ) کتابی لسان فارسیدن عربجہیہ بلاغت وسہولتی جامع

(۱) ابن مقفع مشاہیر فصحا وبلغادن ایدی۔ ابتدای حالندہ فارس مجوسلرندن ایکن خلفای عباسیہنک برنجیبی اولان (سقاح) ک عمجہسی (عیسی بن علی) یہ مراجعتلہ اسلام اولمش ومشارالہک خدمت کتابتندہ بولنش ایدی۔ علم وفضل صاحبی اولوب لسان ہندیدن نوشیروان زمانندہ فارسیہ ترجمہ ایدلش اولان (کلیلہ ودمنہ) کتابی عربیہ ترجمہ ایتشدر۔ بصرہ والیسی (سفیان بن معاویہ) ایلہ اکنوب استہزا ایتدیکندن مرقوم صاحب ترجمہیہ غرض باغلامش ایدی۔ (ابن مقفع) فساد عقیدہ ایلہ اتہام اولندرق توقیفی ایچون طرف خلیفہدن امر ویرلدیکنندہ سفیان فرصتی قاجیرمیہرق کندیسنی طوعش واعضای بدتی برر برر کسدیروب کوزینک اوکندہ قیزغین بر فرونہ آنہرق نہایت بتوتی دخی فرونہ آتوب یاقشدر۔ (ابن مقفع) ۳۶ یاشندہ اولدینی حالہ ۱۴۵ تاریخندہ بویلہ بر موت فجیع ایلہ وفات ایتشدر۔

براسلوب کزین ایله ترجمهیه موفق اولمشدر. (ابن المقفع) ک آثاری موضوعات ادبیه دأثر حفظ اولنان الک اسکی آثاردن اولدیغندن دهها صکره کان منشیلر کندیسنی بوخصوصده رهبر اتخاذ ایشلدر. (ابن المقفع) ۱۴۳ سنه هجریه سنده وفات ایشدر.

مع مافیه اوزمانلرده یتیشن ادبا و منشیلر کندی قریحله رینک محصولی اولق اوزره همان برشی یازمازلردی. چونکه یازدقلری شیلرک اکثری چرل ختندن، یاخود بلیغ خطیلردن نقل ایتدکلی برطاقم فقره لر دن عبارت ایدی. بعضاً کندی طرفلرندن بعض فقره لر علاوه ایدرلردی. شوتدرکه بوجهلر «فلان ذات دیدی که، یاخود فلان ذات بزه اخبار ایتدی که، یاخود فلان ذات نطقنده بویه سویلدی، یاخود فلان ذات شویه دیدی، یاخود شویه یازدی» کبی شیلردن تشکل ایدردی. بوجهلر بالطبع (انشاء مرسل) نوعندن عیدیه من. حتی اوچنچی عصر هجری اورتلرنده (جاحظ)، (مبرد)، (ابن قتیبه) وسائر کبی اقطاب علم ادبک یازدقلری شیلر دخی بوقیلدن صاییلر. چونکه بوذواتک یازدقلری آثار صاحب اصلیرینه اسناد اولمش احوال عربدن برطاقم فقره لر دن وروایتلردن متشکلدر. علمای علم ادبک بویولده طوتدقلری اصول (حماد)، (اصمعی)، (ابوعبید)، (محمد بن اسحق) کبی مغازی، فتوح، سیر، اخبار و اشعار مؤلفلرینک طوتدقلری طرز و اصولک ده عینی ایدی. چونکه بونلر دخی یازدقلری شیلری علی الاکثر اهل بادیه دن اولان راوی و ناقلره اسناد ایدرلردی. علوم مذکوردهی بردن جامع اولان کتابلر دخی بونوعدن عید ایدیه ییلر. (ابن عبدربه) نک (العقد الفرید) ی، (ابوالفرج اصبهانی) نک (کتاب الاغانی) سی وسائر کبی. زیرا بوکتابلرک محتویقه ده صاحبیرینه اسناد اولمش برطاقم فقره لر ووقوعاتن متشکلدر. بونلرده مؤلفک اثر قریحیسی اوللرق کلام مرسله پک نادر تصادف اولنور. هر حالده (کلیله و دینه) کتابی نک بر آدمک محصول خامه سی اولق اعتباریه المزه کچن الک اسکی انشاء مرسل عید ایدیلر. ذکر اولنان کتابک اسلوب بیانی اوصرده، یاخود دهها صکره تألیف ایدیلن کتب ادبک طرز انشا و تحریری فوقنده بر سلاست و لطافت ایله امتیازینی کورد بده بوسلاست و لطافتک مترجمک بیلدیکی سائر السنه نک محصول



تأثیری اولدیغنه ، یاخود مترجم بلیغك اویله بر اسلوبده یازی یازمبیلیمك ایچون بر قریحۀ فوق العادهیه مالک بولندیغنه ذاهب اولماق قابل دکلدر . فی الحقیقه (ابن المقفع) دن صکره او اقتدار ایله یازی یازانلر پک از یتیشدی . بونکله برابر بوییشملردن هیچ بری - عباسیلر دورنده علومك ترقیسنه وبرچوق مشاهیر محررینك یتیشمسنه رغماً - بویولده مشارالیهك احراز ایتدیکی موقعدن دها یوکسك بر موقع طوتهمدی . بوايسه قریحۀ انشانك قریحۀ شعرکی بر موهبۀ مخصوصه ارلیدیغی ، نوادر دن صرف نظر بوقریحۀ نك زمان ، یاخود مکان ایله مقید اوله میه جغنی کوستیر .

هر علم وفنده مؤلفات عربیه چوغالنجیه قدر عربجهده نه قدر کتاب تألیف ایدلمش ایسه بونلرک جمله سی اسناد وروایت طرزیه تألیف اولمقده دوام ایتمش ایدی . نهایت مؤلفات چوغالوبده مؤلف و محرر لر آنتجی ، یاخود یدنجی عصر هجریده او مؤلفاتی تاخیص واختصاره باشلانجه کتابلری تولدیران اسانیدی - تاریخ بحثنده کوریه جکی اوزره برطاقم اسباب خصوصیه بناء ابقاسی لازم کلن موقعلردن بشقه - حذف ویا اختصار ایلشاردر .

### مسجّع

مدنیت اسلامیہ مرتبۀ کاله واردیغی زمان ادبا و شعرانك عددی چوغالهرق شعر هر صنفدن طبقات ناس آردسندۀ انتشار ایلش ایدی . هرکس شعر بیلیر ، هر یرده اشعار سویلنیردی . خلق قافیه نك طنائیق ایله بر الفت مخصوصه پیدا ایتمش ایدی . قافیه دن خوشالانیورلردی . بونك اوزرینه ادبا قافیه نی مکانبات و مراسلاندۀ قوللانمی مناسب کوردیلر . ایشته بوندن کلام مسجّع حصوله کلدی . کلام مسجّع اول امرده پک آز استعمال اولندیغی و مبذول طوتولمادیغی ایچون مقبول عد اولنوردی . بونوعدن عباردلر یالکیز مراسلاتده استعمال اولنور ایکن دردنچی عصر هجری نهایتلرنده کتاب تحریرینه ده تشمیل ایدیلهرک اؤ طرزده مقامات کتابلری یازلمشدر . بو طرزده ایلک اثر یازان ذات ۳۹۸

سنه هجريه سنده وفات ایدن مشهور مقامات صاحبي ( بدیع الزمان همیدانی ) ایدی . احتمال که مشار الیه او یولده جهایلر تنسیقی ۳۹۰ سنه هجريه سنده وفات ایدن ( احمد بن فارس رازی ) دن اقتباس ایشدر [۱] . مشهور مقامات صاحبي ( حریری ) بدیع الزمانک اثرینه تبعاً حرکت ایش ايسه ده سهولت وطلاوقته اندن کیری قالمشدر . مقامات طرزنده یازیلان یازیئر هر طرفه انتشار ايله خلقک رغبتی جاب ایلدیکندن ارباب قلم سجعلی یازی یازمغه برقات دها هوس ایشلردر . بونک نتیجه سنده اسلامیتک قرون وسطا سنده کلام مسجع او قدر چوغالمشدر که بودرجه ابتدالندن هر کس اندن نفرت ایتکه باشلامشدی . چونکه بوسجّع؛ زمان جاهلیته کاهنلرک اغزنندن چیقان و (سجّع کهان) ناميله معروف اولان معناسز و طائسز برشکه کیرمش ایدی .

کتابلرده و باخصوص تمیق ، اطساب ، طنائیت ، خیاله محتاج اولیان کتب تاریخیه و علمیه ده عبارات مسجعه استعمالی مراسلاتده کی سجعدن زیاده سمعه کران کایر . هله تاریخه دائر سجعلی کتاب یازمق قدر صغوق و ثقیل برشی تصور اولنه ماز . بوقیلدن اوله ق ۵۳۵ سنه هجريه سنده وفات ایدن ( فتح بن خاقان ) ک تاریخه دائر یازمش اولدیغی ( قلائد العقیان ) ی ، یاخود بالاده ذکر ی یکن ( عمادالدین اصبهانی ) نک ( الفتح القسی فی الفتح القدسی ) نامسده کی تاریخ کتابی ، یاخود ینه مشار الیه ( عمادالدین ) ک اثر خامه سی اولان ( تاریخ آن ساجوق ) ی هر کیم او قورایسه کتب تاریخیه ده سجّع استعمالک سمعه و ذوق سایمه نه قدر آغیر و تحملفرسا کلدیکنی در حال حس ایتکدن کندیغی آله ماز . اوت ، سجّع بعضاً مراسلاتده و نطقلرده خوش دوشر . مقبولدر . لکن علمی و تاریخی مؤلفاتده پک ثقیل و عادات طائسز و معناسز حشویات قیلندن دوشدیکی ایچون مردود اولور .

ایشته بوسبیدن او یولده سجعلی یازی یازان عرب مؤلفلری اذلیقی تشکیل ایدرلر . اکثریت هر عصرده نثر مرسل ايله یازی یازاردی . بونلردن ( ابن خلدون ) ، ( ابن الاثیر ) ، ( مسعودی ) و سائره کی برچوق کبار مؤلفین بویولده بارلاق اثرلر وجوده کتیردیلر . بومشاهیرک بعضلری حتی مراسلاتده .

بیله عبارات مسجعه استعمالی پک چرکین کورمشلر وبرمؤلفک عبارات  
مسجعه ایله یازی یازمسی ملکه انشاده کی ضعف وعجزندن ایلری کلدیکی  
سویشلردر [۱] .

### ۳ تاریخ وجغرافیه

علم تاریخ

انسانلر برچوق زمانلر یازی یازمق بیلیمکسزین وقت کچیره رک تاریخ وضع  
وتدوین ایتماشلردر. بشریت ایلمک ادوارد غایت ساده برحالد بولنیوردی. تدوین  
وقایعه احتیاج وامکان یوق ایدی. انسان بتون همت وفعالیتنی حوائج ضروریه  
معیشتی تدارک حصر ایتمش ایدی. بوصورتله برچوق عصرلر کچدی. دیرکن  
انسان طوفان، قحط، محاربه وامثالی کی بیوک حادثات ووقوعاته دوچار اولدی.  
بوحادثات انسانک احوال معیشتنه تأثیرده بولندیغی ایچون علی الاکثر حافظه سنده  
یرلشوب قالدی. حادثات واقعه عصرلرجه سلفدن خلفه انتقال ایتدی.  
برنسلدن دیگر نسله انتقال ایتدکجه شکل وکیفیتی بیویوردی. چونکه طبیعت بشریه  
مبالغات غریبه دن حظ ایدر. افراد بشره وقوعات عجیبه سرد ایتمک قدر مؤثر  
برشی یوقدر. ایسته اونوع وقوعات قبل تاریخ ذکر ایتدیکمز صورتده تداول  
ایتدکن صکره حقائقدن زیاده خرافاته مشابه شیلر قیلندن اولدیغی حالده تاریخ  
زمانته انتقال ایلمه رک بونلرک برقسمی برنک دینی اکتساب ایتدی، برقسمی ده  
برنک حماسکارانه آلدی، دیگر برقسمی دخی برکسوه شاعرانه ویا خیالکارانه  
بروندی. رنکلرک بو اختلافی اقوامک وعصرلرک اختلافندن نشأت ایتدکده در.  
ایسته بومقولاتک مجموعندن (هومر) ک (ایلاد) نده کی یونان میتولوژیسی،  
(مهابهاراتا) ددکی هندستان وقایع قدیمه سی، (شاهنامه) ددکی ایران احوال  
سالفه سی، عربلرک انقراض بولان اسکی قبائل حقنده تداول ایتدکلی معلومات  
کچی (خرافات قدیمه) نامیه معروف اولان شیلر وجوده کلدی. عربلرک قبائل



بأئذ (منقرضه) دن (عاد) ؛ (ثمود) ؛ (ظنم) ؛ (بریس) ؛ ه انما ایتدکری  
وقایع غریبه بر اصل تاریخیستن خالی دکلدر . شوقد که بو اصل تاریخی  
مرور زمان ایله یک چوق بیودیکی کبی کذلک ینسده وقوعی روایت اولنان  
(عمر) سیلی ایله (باقیس) حکایه سی وسائر دخی او یولده مبالغات واعظاماته  
دوشمکدن قورتولامشدر .

ذکر اولنان وقوعاندن صکره ؛ مهاجرات ومحاربات قدیمه وبو جمله دن  
قبل الاسلام عربلرک علوم ومعارفی بحثنده ذکر ایتدی کمز عربلرک اسلامیتدن  
دها اولکی وقایع ومحارباتی وعام الفیل - قیل سنه سی - وقعه سی وامثالی کبی .  
ازمنه تاریخیه ده یقین بر طبقه وقوعات کلیر . متعاقباً اسلامیت ظهور ایدنبجه  
عربلرده موسوی خااملردن وعیسوی پاپاسلردن (تورات) و (تلمود) ده  
ذکر ایدلمش اولان وقوعات دأر ایشیتدکری حکایه لردن ماعدا کندی نسبلیینه  
وبالاده ذکر کری کچن وقایع وخرافات متعلق بر طاقم مختصر معلوماتدن بشقه بر  
شی موجود دکل ایدی . ملل سائر حقنده کندبلرینه تعلق ایتین احوال  
وخصوصاتدن معلوماتلری یوق ایدی . ذکر اولنان مختصر معلومات دخی نا تمام  
و منفرد وقعه لری وخصوصاتی حاکی ایدی . اوصورتده که بر وقعه یه دأر اولان  
معلومات دیگر وقعه یه تعلق ایتزدی .

بناءً علیه عربلر قبل الاسلام علم تاریخیجه اقوام متمذنه نك الك ضعيفلرندن  
معدود ایدیلر . فقط بالآخره اسلامیتک ظهوری اوزرینه فتح ومحاربلر ایله  
مشغول اولدقدن وهیرده احراز حاکمیت ایدرک فتوحاتی ا کمال ایلدکدن صکره  
سائر علوم اسلامییه یی وضع وتدوینه فصل توسل ایتشلر ایسه تاریخ یازمعه ده  
اهمیت ویرمشلردر . علم تاریخی علوم اسلامییه میاننده ذکر ایتجه مزه سبب بعاملک  
اسلامیه مخصوص بر علم اولدینی ایچون دکل ، آتیده کوروله جکی اوزره  
اسلامیتک ؛ تاریخک وضع وتدوینه باعث اولدینی ایچوندر .

« اسلامیتده علمانک اکثری عربلردن دکلدیلر » بحثنده دها اول  
کوستردیکمز وجه ایله عربلر علم تاریخن ماعدا سائر علملر ایله اشتغاله  
تنزل ایتزلردی . عربلر یالکیز وقوعات تاریخیه وباخصوص اسبسوارلقده  
ماهر اولانلره ، ارباب شجاعت وبسالته ، اصحاب فصاحت وبلاغته ، خطبا

وشہرہ پر مشتمل معلومات - حسن مثل تشکیل ایتدیکی ، حسیات حماسی غلبانہ کتیردیکی ، بیوکک و مردک اوکرتدیکی ایچون - پک زیادہ اہمیت ویردرک بوقبیلدن اولان معلوماتی حافظہ لرندہ نقش و نقل ونداوندہ بیوک بر مفخرت ولدت حس ایلرلردی .

خلفانک اک داهیلری وقوعات تاریخیہ یی ایشیتمک اک زیادہ هوس و آرزو اظهار ایدنلر ایدی . بنی امیہ نك داهیبی اولان ( معاویہ بن ابی سفیان ) هر کیجه یاتسیدن صکره کیجه نك نشتہ قدر اولان وقتنی تاریخ راویلرینه تخصیص ایتش ایدی . مشارالیه هر کیجه تاریخ شناساندن مرکب بر مجلسده اوطوردرق عربلرک ، ایرانلرک ، ایران حکمدارلرینک ، بو حکمدارلرک رعایا حقنده کی اصول اداره سنک ، اقوام سائرہ پادشاهلرینک ، حیلہ و دسیسہ - لرک وقوعات و حادثاتی حقنده سرد اولنان معلوماتی دیکلر ایدی . ( معاویہ ) کیجه نك برثلثی اوصورتله کچیردکن صکره اوپور ایدی . بدمه اویاندیغی زمان دخی معین و مرتب بر طاقم غلاملر ، محافظہ و قرائتہ مأمور اولدقنری کتب تاریخیہ یی حاملأ ، حضورینه کیردرک حکمدارانک تراجم احوالنه ، محاربانہ ، حیل حربیہ یه ، اصول اداره ملله دائر او کتابلرده بولنان معلوماتی کندیسینه اوقورلردی [۱] . فکرمزجه اغلب احتمالہ کوره ذکر اولنان کتابلر عربجه دکل ایدی . هر حالده یونان ، یاخود لاتین لسانلری ایله محرر ایدی . محتویاتی ده اسکندر کبر ، یولیوس قیصر ( ژول سہزار ) ، هنیبال ( آنیبال ) کی یونان و روما قهرمانلرینک مناقب و وقائعندن باحث ایدی . غلاملر بو وقائی مذکور لسانلردن عربجه یه نقل ایدرلردی . زیرا عربی کتابلر ( معاویہ ) نك زمانندن صکره تألیف ایدلمشدر .

اعظم رجالک تراجم احوالی بیامک انلرک اثرینه تبعیت ایچون همت و غیرتی تحریک ایتدیکندن کرک عربلردن ، کرک اقوام سائرمدن بر مقام عالی و نامدار احرازینه چالیشان بیوک قوماندانلرک اکثری کندیلرندن دها اول یتیشن اعظم رجالک مناقب و وقایعی اوقوتدیروب دیکلرلردی . بوذواتدن بری سیاسی برمشکلہ دوشسہ دها اول دیکرلرینه اونوعدن وقوع بولان

احوالی در خاطر ایدرك قطعی بر تشبیه قرار و یرمك ایچون بر سهوات بولوردی. روایت کوره ایکنجی خلیفه عباسی (منصور) ابومسلم خراسانی بی قتل اتمکی دوشوندیکی زمان ابومسلمك دولت عباسیه بی تأسیس امرنده وقوع بولان خدمات کزیددسته بناء بو خصوصده بعض ذوات ایله استشاره ایدوب ایتمامکده تردد ایلش ایدی. بر کیجه او قدر اندیشه یه دوشمش ایدی که اویقو یوزینی کور مامشدی. ایرتسی صباحی (اسحق بن مسلم عقیلی) بی نزدینه چاغیردق: «بکا حکایه سنی سوبلیدیکك حرانده کی پادشاهك حکایه سنی تکرار سوبله» دیدی. (اسحق) حکایه بی تکرار ایتدی. خلاصه سی شوایدی: «ایران حکمدار لرندن (شاپور) اهالی بی کندی حاکمیتنه دعوت اتمك ایچون وزیرینی (خراسان) کوندرمش. وزیر کیمش. فقط اهالی بی حکمداره جلبه بدل کندی حاکمیتنه دعوت ایلش. وزیرك غائبه سی اهمیت پیدا ایدنجه (شاپور) انك عودتنده خراسان ایلری کلنلرینك کوزلری اوکنده همان قتلنی تصمیم ایتش. وزیر خراسانلیر ایله برابر عودت ایدنجه (شاپور) درحال وزیرك کله سنی کسدرمش. خراسانلیر کوزلرینی آچار آچاز وزیرك کله سنی اوکلرنده کورمشلر. بونك اوزرینه همان (شاپور) عرض اطاعت ایتشلر.» (منصور) ابومسلمك حالی ایله مشابهتی اولان بو حکایه بی دیکه دکن صکره کوزلرینی یره دیکهرك اوزون برمدت دوشوندی. کوزلرینی یردن قالدیردینی زمان ابو مسلمك قتله قطعی قرار و یرمش ایدی. متعاقباً مشار الیهی بالا تردد اولدورمشدر [۱].

موصل امیری (بدرالدین اولؤ) رمضان حلول ایدنجه کندیهی ایچون برچوق تاریخ و سیر کتابلری کتیریلرک احوال علمی کندیسنه او قورلردی. بوجهتله علم تاریخ پادشاهلرک و سائر اصحاب حاکمیتك اشتغال ایتدکلی علمی علملردن اولمش ایدی. اسلامیتك ایلک دورلرنده شو سوزلر ضروب امثال صره سنه کچمش ایدی: «نسب و تاریخ علمی پادشاهلره، وقایع روزمره و اعظم رجالک تراجم احوالی علمی حرب قوماندانلرینه، کتاب و حساب علملری ده ارباب تجارته مخصوص علملردندر» [۲]. بالاخره خلافت عباسیه نك شان و سطوتی ضعفه




دوچار اوله برق وزیرا امور دواتده کیف مایشا حرکت ایتیکه باشلاخیه بزمستین وزیرلر بتون غیرتلیخی خلیفه لری تاریخ کتابلری مطالعه سندن منعه حصر ایشلردر. بومعدن مقصدلری خلفانک دایما کوزی قالی قالملی و احوال عالمدن خبردار اوله برق وزیرانک استبدادینه حائل اوله جق معلومات اکتساب ایتاملری ایدی . روایت کوره خلفای عباسیه دن ( مکتفی ) وقت کچیرمک ایچون کندیسنه برقاچ کتاب کتیرلمنی وزیرندن طلب ایتیش . وزیر معیتده بولسان معاونلره بوکتابلرک تدارکنی و خلیفه یه کورتورمه دن اول کندیسنه کوسترلمنی امر ایش ، مأمورلر بعضملری حکمداران و وزیرای اقدمینک احواله واهالیدن چوقجه پاره تحصیل ایچون اتخاذه لازم اولان و سائطه دائر شیلردن متشکل برطاقم کتابلر بولوب کتیرمشلر . وزیر بوکتابلری کورنجه غضبه کیش . معاونلره : « مکر سز جهانده بنم اک دهشتلی دشمنلرم ایمشکنز . بن سزه خلیفه بنی و سائر دینی اونوتسون دییه اکا اککنجه کتابلری بولیکز دیش ایدم . سز ایسه اوپله کتابلر کتیردیکز که بونلری اوقور ایسه وزیرانک احوالی ، ضعیف نقطه لرینی ، خلقدن چوقجه پاره تحصیل ایتک یولارینی ، مملکتک معموریت و خرابی آکلامغه باشلار . بوکتابلری کری کورتوریکز . خلیفه یی اکندیره جک حکایه لر ، سوندیره جک شعرلری حاوی کتاب بولوب کتیریکز » جوانی ویرمش [۱] . بونک اوزربنه وزیرک آرزوسنه موافق کتابلر بوله رق تقدیم ایتشلر .

## تاریخ اسلامک منبعلری

تاریخ اسلامک احوالک مقتضاسنه تبعاً تدریج ایله اکتساب ایتدیک برچوق منبعلری واردر که بونلر شوصورتله ایضاح اولنور :

اسلاملر قرآن عظیم الشانک جمع و تفسیری واحادیث شریفه نک جمعی ایله اشتغال ایتدکاری صروده آیات کریمه نک نازل اولدیغی ، یاخود احادیث شریفه نک

سویلیندیکى یرلرک واسئوالک تحقیق رتدقیقته لزوم کورنیزلرندن وجهتلىرى  
حاوی اولان سیرت نبویهی جمعه غیرت ایدرک بونی برمدت حفظ و نقل  
صورتلریله تداول ایندکدن صکره کتاب صورتنده تدوین و تحریر ایشلر ایدی.



طیطة:ه عیرانی — عرب طرز معمارینده انشا اولمش اسکی سیناغونک برقصی الیوم ( الترانیتو ) کیداسیدر

اک مشهور روایتیه کوره سیرت نبویهی ایلاک تحریر ایدن ذات ۱۵۱ سنه هجریه سنده  
وفات ایلین ( محمد بن اسحق ) ایدی . مشارالیه سیرت نبویهی خلفای عباسیه دن  
( منصور ) ایچون تألیف ایتمش ایدی . مع مافیہ ( کشف الظنون ) کتابنده

۱۲۴ سنہ ہجریہ سنہ وفات ایدن (محمد بن مسلم زہری) نک مغازی یہ دائر کتاب تالیف ایتش اولدینی حقندہ برفقرہ کوریورن [۱] . بومعلوماتدن (زہری) نک (محمد بن اسحق) دن یکرمی بوقدر سنہ اول وفات ایتدی آکلاشیلور . (ابن خلکان) ک (وفیات الاعیان) کتابندہ مندرج اولان ترجمہ حالارندن مشار الیہمانک یکدیگرینہ معاصر اولدقلمری مستفاد اولمقدہ در . مغازی وسیرہ دائر ایلک اثر تحریر ایدن ذواتک ۹۳ سنہ سنہ وفات ایدن (عروہ بن الزبیر) ایلہ ۱۱۴ سنہ ہجریہ سنہ وفات ایلین (وہب بن منبہ) اولدقلمری دە روایت ایدیلور [۲] . فقط ہرحالہ شوراسی محققدرکہ ذکر اولتان ذوات طرفندن مغازی وسیرہ دائر یازلدیغی روایت اولتان اثرلرک جملہ سی ضیاعہ اوغرامشدر . سیرت نبویہ حقندہ اسلافدن خلفہ انتقال ایدن ک اسکی کتاب ۴۱۳ سنہ ہجریہ سنہ وفات ایدن (ابو محمد عبدالملک بن ہشام) ک (سیرۃ ابن ہشام) نامیلہ معروف ارلان سیرت کتابیدر . بو کتاب بالادہ ذکر کی کچن (محمد بن اسحق) ک کتابندن نقلاً یازلمشدر . (ابن ہشام) ک کتابی دفعات ایلہ طبع اولمشدر .

اسلاملر مملکتلر اوزرینہ خراج وضعی ایلہ اشتغال ایتدکلری زمان او مملکتلرک قہر ایلہمی ، یوقسہ صلح ایلہمی ، امان ویرمک صورتیلہمی ، یوقسہ قوت استعمالی ایلہمی فتح اولندقلمری ونہ کبی شرائط صلحیہ ویا شرائط امان تقرر ایلدیکی مسالہلرندہ اختلافہ دوشدکلرندن فتوحانہ دائر اولار معلوماتی مملکتلرک کیفیت فتحلرینہ کرورہ قید وتدوینہ مجبور اولہرق ہر مملکتک فتحی آیریجہ کوسرتیر کتابلر تالیف ایلشلردر . ۲۰۷ سنہ ہجریہ سنہ وفات ایدن (واقدی) نک (فتوح الشام) کتابی [\*] اوجملہدن ایدی . شوقدرکہ بو کتاب حکایات خیالیہ مشابہ بمض مبالغات ایلہ طولودر . ۲۵۷ سنہ سنہ وفات ایدن (امام ابوالقاسم عبداللہ بن عبدالحکم) ک (فتوح مصر والمغرب) نامندہ کی کتابی ایلہ (ابو حذیفہ اسحق بن بشر) ک (فتوح

[۱] کشف الظنون ۳۹ و ۳۰۱ ج ۲ [۲] کشف الظنون ۴۷۰ ج ۲

[\*] بو کتابک محمد بن محمود بن آجا الترکی طرفندن اون ایکی بیک بیتدہ ترکیبہ نظماً ترجمہ ایدلش اولدینی کشف الظنونہ ذکر اولنیور .



بیت المقدس) و اشالی ده اوقیلندیر . ده صکره اسلامیر - ۲۷۹ سنه سنه وفات ایدن ( بلاذری ) نك ( فتوح البلدان ) ، یاخود ( فتح الامصار ) کتایبده اولدینی کبی - ممالکک فتحنه دأر ارلان معلومات مدونه بی بر کتایبده جمع ایتمشلردیر . ( بلاذری ) نك ذکر اولسان کتابی فتوحاته دأر الك زیاده شایان اعتماد و ( واقدی ) نك کتایبندن صکره اونوع مؤلفاتدن الك اسکی اوله رق المزه کچن کتایبلردندر .

### طبقات ومغازی

قرآن عظیم الشان ، احادیث شریفه ، نحو و سائر علوم لسانییه بختلرنده کورلیدی اوزره علمای اسلامییه بوعلملره متعلق اولان مسائلی تحقیق و تدقیق ایده بیلمک ایچون اسانیدی آراشدیرمه و اواسانیدک ضعیفی متینندن تفریق اتمکک مجبور اولمشلردی . بوجبوریت علمای اسلامییه بی اواسانیدک راویلرینی ، راویلرک ترجمه حاللرینی و خصوصات - اثره سنی تحقیق و تدقیقه سوق ایلش ایدی . حتی بویولده اوقدرایلر کیتمشلر ایدی که منقولاتی متن و سندی ایله بیلمک و ناقل و راویلرینک عدالت ، موثوقیت ، مطعونیت و مردودیت نقطه لرندن حاللرینی و ابو منقولاته خاص اولان و قائلی احاطه ایتمش اولمق فقهده اجتهاد شرطلری جمله سندن اولمش ایدی [۱] . بونک نتیجه سنده هر علم و فنک ناقل و راویلرینی برطاقم طبقه لره - صنفلره - آیردقلرندن ( طبقات ) نامی ایله افاده ایتدکلری علما ، ادبا ، فقها ، نحو یون و سائر نك تراجم احوالی میدان کلمشدر . شعرا طبقاتی ، ادبا طبقاتی ، نحو یون طبقاتی ، فقها طبقاتی ، قهرمانلر طبقاتی ، محدثلر طبقاتی ، لغتشناسلر طبقاتی ، مفسرلر طبقاتی ، حافظلر طبقاتی ، علم کلام اربابی طبقاتی ، نسبشناسلر طبقاتی ، اطبا طبقاتی ، حتی ندیملر و مغنیلر و سائر طبقاتی بوجمله دن ایدی . علمای اسلامییه ذکر ی کچن هر طبقه حقهده متعدد کتایبلر تألیف ایتدکلرندن اسلامیر اعظم رجالک تراجم احوالنه دأر الك چوق کتایبلر یازمش ملتندن عد اولنورلر .

طبقاتہ متعلقہ اسلامیان بنو واصل اولان الك اسکی کتاب ۲۳۰ سنہ ہجریہ سنہ وفات ایدن کاتب الواقدی نامیلہ معروف ( محمد بن سعید ) ک اثر خامہ سی اولان ( کتاب طبقات الصحابہ ) اسمندہ کی کتابدر . اونی متجاوز جلد تشکیل ایدہ جک درجہ دہ بیوک اولان بوائر مؤلفک زمانہ قدر صحابہ کرامک وتابعینک وخلفانک تراجم احوالی محتویدر [۱] . کتاب مذکور ہر قسمی جہانک بر کتابخانہ سنہ وازجملہ ایکسچی جلدی مصردہ کتابخانہ خدیویدہ اولمق اوزرہ پریشان بر حالہ بولمقدردر . بزبو کتابنزی یازدیغمز صرہ دہ بر آلمان جمعیتک انی طبع ایتمک قرار ویردیکنی وبرنجی جلدی نشر ایتدیکنی اوکرنک . ذکر اولسان کتابدن صکرہ طبقاتہ دائر الک اسکی کتاب اولمق اوزرہ ۲۳۶ سنہ سنہ وفات ایدن ( ابن قتیبہ ) نک ( طبقات الشعراء ) نامندہ کی اثری کلیر . کتاب مذکور هولاندا مشاہیر مستشرقیندن معلم ( دوغویہ ) نک ہمت ونظارتی ایلہ بوسنہ ( لیدن ) دہ طبع اولنشدردر .

بوایکی مؤلفدن صکرہ خلق طبقاتہ دائر مختلف زمانلردہ بر چوق اثرلر تحریر ایدرک بولردن آنیدہ کورولہ جکی اوزرہ ( وفیات الاعیان ) ، ( الوافی فی الوفیات ) و ( قوات الوفیات ) وسائرہ کی بیوک تراجم احوال کتابلری استخراج ایدلشدردر . ( ابن عساکر ) ک سکسان جلدن متشکل اولان ( تاریخ دمشق ) و ( خطیب بغدادی ) نک ینہ اومقدار جلدلردن متشکل اولان ( تاریخ بغداد ) نامندہ کی کتابلری کی تاریخ ممالکہ دائر اولان آثارک حاوی اولدینی تراجم احوال ایسہ بشقہ در . بو نوع تاریخ کتابلرنده یک چوق تراجم احوال موجوددر .

چول خلقی آغزندن لغت وشعر حقندہ معلومات استحصالی ایچون بادیلرہ قدر اختیار سیاحت ایدن علم ادب علماسی اولجہ بیان ایتدیکمز اوزرہ

[۱] ابن خلکان ۵۰۷ ج ۱

( محمد بن سعید ) مشاہیر علما ومحدثیندز ایدی . ( فتوح الشام ) مؤلفی ( واقدی ) یہ برمدت کاتبک ایتدیکندن ( کاتب الواقدی ) دیشکلہ شہرت بولشدردر . صحابہ وتابعین ایلہ کندی زمانہ قدر اولان خلفانک تراجمی حاوی ۱۵ جلد اوزرہ بر کتاب یازوب اختصار دخی ایلشدردر . فقہ وحدیثدہ تالیفاتی وارددر .

عربله متعلق حکایات و وقوعات تاریخیه یی ده آداب لسانیه یه دائر یازدقلری کتابلرده قید و تدوین ایدرلردی. او یولده الله ایدیلن شعرلرده بالخاصه بک چوق و وقوعات تاریخیه موجود ایدی. ( ابن یونس ) : « قرزدق اشعاری اولسه ایدی و وقوعات تاریخیه نك نصفی ضائع اولوب کیده جکدی ، دیبور [۱] . وقتا که امویلر خلافتی احراز و ایستدکلری کبی حرکتله خلفای راشدینک اداره عالیه و حقیرستانه سندن اکر ی بر یوله صایدیلر ، خلق خلفای راشدینک مناقب و احوالی و عدل و احسان و رأفت اوزرینه مؤسس اولان افعالی در خاطر ایتکه و چوقجه ورد زبان ایلکه باشلادیلر . بر اداره عادل کورولدکن صکره اکا مخالف دیگر بر اداره نك تأسسنده افکار عمومیه نك اویله بر مجری آلمی بک طبعیدر . بونک اوزرینه بعض مؤلفلر خلفای راشدینک و مؤخرأ بالجمله خلفانک تاریخلری حقه ده کتابلر تحریر ایلشلردر . بو موضوعه دائر کتاب یازان مؤلفلرک اک اسکیمی ۲۸۱ سنه هجریه سنده وفات ایدن ( دینوری ) ایدی . بونوع مؤلفات فصل وجوده کتیرلش ایسه وزرانک تراجم احوالی ، ضابطه مأمورلرینک تاریخ ، ارباب خست ، عاشقلر و سائر تاریخلری حقه ده مؤلفات ده زمین وزمانک کوستردیکی احتیاج نتیجه سنده وجوده کلشیدی .

## عمومی تاریخ

هجرتک ایلکنجی عصری ایله اوچنجی عصرینک نصفی کچدیکی حالده اسلاملرده تاریخ کتابلری یوقاریده کوسترلیدیکی وجه ایله طبقات ، مغازی ، سیر ، فتوح کتابلرندن عبارت ایدی . اسکی ، یکی ملتلرک ، ممالکک تاریخلری کبی عمومی تاریخلره کلنجه اسلاملر بونلر ایله آنجق ذکر اولنسان زماندن صکره اشتغال ایتشلردر . تاریخ عمومی یه دائر کتاب یازانلرک اک قدیمی ( یعقوبی ) نامیله معروف اولان ( ابن واضح ) ایدی . مشارالیه طرفندن



تحریر اولنسان تاریخ عمومی کتابی بری موسویلر ، هندیلر ، یونانلیلر ، روملر ، ایرانیلر وسائرہ کی اقوام قدیمہ ، دیکریدہ ظہور اسلامدن اعتباراً ۲۵۶ سنہ ہجریہ سندہ مقام خلافتی احراز ایدن خلفای عباسیہ دن (معمد) ک زمانہ قدر اولان تاریخ اسلامیہ دائر اولق اوزرہ ایکی جلدن متشکل ومطبوعدر . مشارالہدن صکرہ اسلاملردن تاریخ عمومیہ دائر کتاب یازان الک اسکی مؤلف ۳۱۰ سنہ سندہ وفات ایدن مفسر شہر (ابن جریر طبری) کلیر . بوذاتک یازمش اولدینی تاریخ کتابی ۳۰۴ سنہ ہجریہ سنہ قدر اولان وقوعات تاریخیہ ی - وقوع بولدینی سنہلر ترتیبی ایلہ - محتوی بیوک بر اندر . (فرغانی) ، (طبری) نک ذکر اولنسان تاریخ کتابنہ بر ذیل یازدرق ۳۱۲ سنہ ہجریہ سنہ قدر اولان وقوعات تاریخیہ ی بوذیلہ علاوہ ایتشد . کرک (طبری) نک تاریخی ، کرک ذیلی مطبوعدر . مشارالہمدن صکرہ قدم صرہ سیلہ (مروج الذهب) مؤلفی (مسعودی) کلیر . ۳۶۶ سنہ ہجریہ سندن وفات ایدن مؤلف مشارالہک ذکر اولنسان تاریخ کتابی وقوعات تاریخیہ دن ماعدا ممالک ، دکنلر ، حیوانات وسائرہ یہ متعلق معلوماتی دہ حاوی اولوب دولتلر ویا اقوام اعتباریلہ بابلرہ تقسیم ایدلمشدر . بوہ مطبوعدر . (مسعودی) نک (اخبارالزمان) نامی ایلہ تسمیہ ایتدیکی دیگر بر تاریخ کتابی دہا وار ایدی کہ بوکتاب نصلسہ ضائع اولمش ، ہیچ بریردہ اندن بر نسخہ یہ راست کلنہ مامشدر . آنجق مؤلفی طرفندن (مروج الذهب) دہ ویریان معلوماتدن انک پک زیادہ مطول ویوک بر اثر اولدینی آکلاشیلور . ذکر اولنسان مؤلفلردن صکرہ قدیمہ (حمزہ اصفہانی) کلیر . مشارالہ حکمداران جهانک سنین حاکمیتلرینہ دائر یازدینی (تاریخ سنی ملوک الارض) ک تحریرینی ۳۵۰ سنہ ہجریہ سندہ اکمال ایتشد .

اسلاملر دول اسلامیہ عربیہ (بغداددہ دولت عباسیہ ومصردہ دولت فاطمیہ واندلسدہ دولت امویہ) منقرض اولدینی یدنجی عصر ہجریہ قدر آتف الایان کتابلر ایلہ پک آز سائر کتب تاریخیہ ایلہ قالمشدر . عرب دولتلردن صکرہ ترک ، کرد ، بربر حکومتی تأسس ایلش ایدی . بونک اوزرینہ اسلاملر یکی بردوردخول ایتدکارینی کوردہ رک کچمش اولان عصرلرک تاریخی تدوینہ باشلامشدر .

تاریخ نویسر مارالیان تاریخ کتابلرندن استعانه ایدرک اوزون یازلمش اولانلرینی اختصار وقاریشیق برصورتده تحریر ایدلمش بولنانلرینی تبویب وبخشلری یکدیگرینه تقریب ایتدکلری کبی مؤلفین اقدمینک نظر اطلاعنه واصل اولمیان وقوعات ومعلومات تاریخیهنی طوبالایوب علاوه ایلمشادر. بودورده کی تاریخ علماسی متعدد بیوک ومطول تاریخلر یازمشلادر. بوتاریخلرک اک مشهور ومفصلی واک زیاده دقت وتحقیق ایله یازلمش بولنانی ۶۳۰ سنه هجریه سنده وفات ایدن (ابن الاثیر) ک (کتاب الکامل) ی در. (ابن الاثیر) بو کتابنه (تاریخ طبری) نک محتوی اولدینی عموم معلوماتی اسانیدی حذف ومطول نصوصی اختصار ایلمک صورتیه الدقندن ماعدا (طبری) زمانندن صکره وقوع بولان حادثات تاریخیهنی و (طبری) زماننده (اندلس) وسائرده جریان ایدن احوال ووقائعی علاوه ایلمش وکتابی (طبری) نک کتابی کبی سنه ترتیبی اوزره ترتیب ایتشدر. اون ایکی بیوک جلددن متشکل اولان بو کتاب مطبوعدر. (ابن الاثیر) دن صکره ۷۳۲ سنه هجریه سنده وفات ایدن حما میری (ابوالفدا) یتشهرک (کتاب الکامل) ی اختصار ایتمک صورتیه بر تاریخ عمومی کتابی وجوده کتیرمشدر. مشارالیه بو اختصار ایله برابر کتابنه ادبا وعلما یه دایر برچوق معلومات علاوه ایلدیکی کبی زمان جاهلیت عربلری حقندهده وسعتلی معلومات ویرمشدر. اوچ جلددن مرکب اولان بواثر دخی مطبوع ومنتشردر. دهاصوکره یتیشن (عمر بن الوردی) ابوالفدانک تاریخنی اختصار ایتشدر. (ابن الوردی) نک تاریخ وفاتی ۷۴۹ سنه هجریه سیدر.

متعاقباً ۸۰۸ سنه هجریه سنده وفات ایدن علامه نامدار (ابن خلدون) یتششمشدر. اووقته قدر عرب حکومتلری بسبتون زوالپذیر اوله رق حقائق تاریخیه واندن آلمه سی لازم کنن عربلر اورتیه چیقمش بولندینی کبی حد ذاتنده مشارالیه دقائق بین ومحاکات مستقیمه صاحبی علمادن اولدیغندن مشهور اولان تاریخنی قلمه آله رق بواثرده وقوعاتی سنه لر ترتیبیه بدل دولتلر اعتباریه ترتیب ایلمش ووقایع تاریخیه وباخصوص مغرب واندلس ممالکی حقنده کندیسندن دعا اول غیر مسبوق بر یولده تفصیلات مکمله ویرمشدر. (ابن خلدون) ک تاریخنی کندیسندن ده اولکی علما وحقی یونان وروما وسائر اقوام قدیمه علماسی

طرفندن مثلی یازیله ماش بر مقدمه فلسفیه ، یعنی حکمت تاریخیه دائر اوزون بر مقدمه ایله او وقه قدر یازیلان کتب تاریخیه نك فوقنده ممتاز بر موقع طوتار . ذکر اولنان مقدمه نك شهرتی حسـیلـه حقنده دها زیاده معلومات ویرمك فضله در .

دیگر بعض مورخلر یازدقلری کتب تاریخیه ده بشقه بریول تعقیب ایدرك اثرلرینی بر شهرك تاریخنه و او شهرده یتیشن اعظمك تراجم احواله حصر ایلشلدرد . بونوعدن تحریر اولنان آثارك مك مفصل ویوکلری ۶۳۳ سنه سنده وفات ایدن ( خطیب بغدادی ) نك ( تاریخ بغداد ) و ۵۷۱ سنه سنده وفات ایدن ( ابن عساکر ) ك ( تاریخ دمشق ) ناملرنده کی سکسار جلددن متشکل کتابلر بدر . بونلرك ذکر یوقاریده ده بکمشدر . هر ایکی اثر هنوز طبع ایدلماشدر . ( تاریخ دمشق ) ك نسخ خطیه سی ( تاریخ بغداد ) ك نسخ خطیه سیندن دها زیاده بولنور . ( ابو عمر بن یوسف کندی ) ، دها صکره ( قاضی ابو عبدالله محمد بن سلامه قضای ) ، دها صکره ( مقریزی ) طرفندن تحریر ایدلش اولان ( خطط مصر ) ه - مصر شهر و خطه لرینه - دائر مؤلفات تاریخیه دخی بونوع آثاردندر . ( مقریزی ) نك بونامده کی کتابی مشهوردر [\*] . ( جلال الدین سیوطی ) نك ( حسن المحاضره فی اخبار مصر والقاهره ) نامنده کی اثری ده بونوعدندر .

## تراجم احوال و معجمات

اسلامیتك قرون اولاسنده تراجم احوال اولجه ذکر ایتدیکمز وجه ایله هر صنف آیری اولمق اوزره صنعت و یا علم اعتباریله ترتیب ایدیلن طبقات کتابلرنده تحریر اولنوردی . بالاخره علوم و معارف دور کاله کیروب ده علمای اسلامیہ یازدقلری آئارده حسن ترتیب و تبویبه دها زیاده صرف دقت ایتمک باشلانجه مورخلردن برطاقم ذوات یتیشهرك طبقات و سائر کتابلردن تراجم احوال [\*] مذکور کتابك ۹۶۹ سنه سنده علمادن بری طرفندن ترکیبه ترجمه ایدلش اولدیفی ( کشف الظنون ) ده ویریلن معلوماتدن آکلاشلمقده در .



کتابلرینی استخراج و بونلری حروف معجم - حروف هجا - اوزرینه ترتیب  
ایشلردر. بونوعدن یازلمش اولان مؤلفاتک اک مشهورلری ۶۸۱ سنه هجریه سنه  
وفات ایدن ( ابن خلکان ) ک ( وفیات الاعیان ) ی ایله ایکنجی درجه ده ۷۶۴  
سنه هجریه سنه وفات ایدن ( صلاح الدین کتب ) نک ( فوات الوفيات ) یدر .  
( صلاح الدین کتب ) نک کتابی ( ابن خلکان ) ک کتابنده بولمسی لازم اولدی  
حاله یازیله میان تراجم احوالی محتویدر . هر ایکی کتاب مطبوعدر . ۷۶۴  
سنه سنه وفات ایدن ( صلاح الدین صفدی ) نک ( الوافی فی الوفيات ) نامنده کی  
کتابی ده بونوعدن اولان مشهور آثاردندر . بو کتاب هر نه قدر بیوک ایسه ده  
هیچ برکتانخنده تمام اوله رق بولنه مدینی کی شمعی یه قدرده هپسی برآرده  
جمع ایدیله منیکندن طبع اولنه مامشدر . کتاب مذکور دن اورو پا کتابخانه لر نه  
متفرق صورته اجزا موجوددر . ۶۵۴ سنه سنه وفات ایدن ( سبط ابن الجوزی )  
نک - ابن جوزی حفیدینک - ( مرآة الزمان فی تاریخ الاعیان ) نامنده کی کتابی  
بونوعدن اولان آثار جمعه سندندر . کتاب مذکور قرق جلدن متشکل و طاغنیق  
برحاله بولمقدردر . اندلس مشاهیر رجالی حقنده ده برچوق تراجم احوال  
کتابلری وارددر . ۵۸۸ سنه هجریه سنه وفات ایدن ( ابن بشکوال ) ک  
( کتاب الصلح ) سی ایله ( ابن الابار ) ک ( المعجم ) نامنده کی اثری و سائر  
بو قیلدندر .

بومعجمات تاریخیه - قوامیس تاریخیه - دن برقمی وارددر که برجماعته ،  
یاخود طبقات ناسدن برطبقه یه - صنفه - مخصوصدر . ( کتاب الکامل ) ک  
مؤلفی ( ابن الاثیر ) ک « اسد الغابه فی اخبار الصحابه » کتابی کی . بش بیوک  
جلدن متشکل اولان بواثر صحابه کرام حضراته تخصیص ایدلمشدر . مطبوع  
و منتشردر . ( ابن قفطی ) نک ( تراجم الحکما ) نامنده کی کتابی ده بونوعدن .  
بو کتاب مطبوع دکلددر .

بونکله برابر یک چوق تراجم احوال و وقایع تاریخیه یی ( اغانی ) ، ( العقد  
الفريد ) ، ( کشکول ) ، ( مستطرف ) ، ( البیان والتبیین ) کتابلری کی  
علم ادبه دائر اولان کتابلرده مندرج کورورسکز . برطاقم مباحث تاریخیه یی ده  
( دمیری ) نک ( حیات الحیوان ) کتابی کی علوم طبیعیه دائر مؤلفانده یازلمش

بولورسکز. (دمیری) نك مذکور کتابندہ اویلہ مهم مباحث تاریخیہ وارد کہ اوکی معلوماتہ تاریخ کتابلرنده بیلہ نادراً تصادف اولنور .

عربلرده تاریخ علمی عربلردن اول طریق مدنیتہ سالک اولان اقوام سائر نك مؤلفات تاریخیہ سنہ اکثری قاموسلر شکندہ یازیلان تراجم احوال کتابلرنك چوقلخی ایله تفوق وتمیز ایدر. بویولده ایلك اثر یازانلر عربلرده دها صوکره عالم مدنیت بویولده قوامیس تاریخیہ یازمخی عربلردن اوکر نمشدر. عربلرده اویلہ قوامیس تاریخیہ وارد کہ تاریخ، جغرافیہ، ادبیت، علوم دأثر برر دینه در. از جمله (وفیات الاعیان) کتابی حروف هجاء ترتیبی اوزرینه ۸۲۰ دن زیاده تراجم احوالی حاوی بر قاموس تاریخیدر. بو کتابده تراجم احوال سرد اولور کن سائر مشاهیر حقندہ ده معلومات ویریلور. (ابن خلکان) ك بو کتابندہ مندرج اولان اسماء خاصه نك طوغری اوقونمسی ایچون حرکه لری کوسترلدیکی کبی تراجم احوال اصحابك ولادت و وفات سنه لری ده تحریر اولمش و تراجم احوال میاننده سائر کتابلرده نادراً تصادف ایدیلن بر چوق فوائد ادبیه و علمیه ذکر ایدلمشدر. (وفیات الاعیان) کتابی حقندہ روا کورولن ستایشك عینی (فوات الوفيات)، (الوفای فی الوفيات)، (اسدالباه فی احوال الصحابه)، (تراجم الحکما) کتابلری کبی دیگر تراجم احوال قاموسلری حقندہ ده روا کورلملیدر. (فوات الوفيات) (ابن خلیکان) ده بولنمان ۴۵۰ ترجمه حالن زیاده تراجم احوالی محتویدر. (شعرا طبقاتی)، (فقها طبقاتی)، (اطبا طبقاتی) کبی حروف هجاء اوزرینه ترتیب ایدلمش اولمان تراجم احوال کتابلری ایسه بشقه در. بو نوعدن اولان ك ایی کتابلردن بری ۶۶۸ سنه هجریه سنده وفات ایدن (ابن اصبیعه) نك (طبقات الاطبا) سیدر. کتاب مذکور عرب واسلام طبابت واطباسی ایله برابر یونانلیلرک، ایرانلیلرک، هذلیلرک، کلدانلیلرک طبابت واطباسی، علم و علماسنی، فلسفه و فیلسوفلرنی جمع ایتش وعصرلر و مملکتلر صرہ سیله ترتیب ایدلمشدر. بو کتابده تراجم احوال و علوم و معارف ذکر اولندینی صرده عادات و احوال اجتماعیه حقندہ ویریلن معلومات ده شایان ذکر در. (طبقات الاطباء) کتابی مطبوع و منتشر در .



## تاریخ کتابلرینک مقداری

اسلاملر تاریخه دائر تعداد واحصا ایدیلهمیه جک درجهده پک چوق کتابلر یازمشلردر . مدنیت حاضره زمانندن اول هیج بر ملت یوقدرکه اسلاملرک بو علمده واصل اولدقلری مرتبهیه وارمش اولسون . یالکیز ( کشف الظنون ) کتابنده علم تاریخه دائر ( ۱۳۰۰ ) دن زیاده کتاب ذکر اونئور . تاریخ کتابلرینی اختصار ویا شرح صورتیه یازیلان مؤلفات ایله ضائع اولملرندن طولانی اسملری ذکر ایدلین کتب تاریخیه ایسه حسابیه داخل دکلدر . حال بوکه او یله اختصار ویا شرح صورتلریله یازیلان ، یاخود ضائع اولان تاریخ کتابلری پک چوقدر . بوکا دلیل اولهرق تاریخ ، یاخود جغرافیهیه متعلق کتابلردن بعضلرینک مقدمهلرنده مؤلفک کندی اری ایچون مرجع وایتنادگاه اتخا ایتدیکی بر چوق کتابلرک اسملرینی تعداد ایدیلکینی کوررسکیز . لکن بو کتابلری آراسه کز قسم اعظمک ضائع اولمش ، حتی ( کشف الظنون ) وامنالی کبی فهرست کتابلرنده اسملری بیله قید ایدلماش بولندیغنی آکلارسکیز . ازجه ( مسعودی ) ( مروج الذهب ) ک مقدمه سنده کندی زماننده ایدی تداولده بولنان بر چوق کتابلرک اسملرینی ذکر ایله برابر بو کتابلردن اقتباسانده بولندیغنی بیان ایلکدهدر . حال بوکه ( کشف الظنون ) صاحبی او کتابلرک آنجق پک آز بر قسمی قید ایده بيلمشدر . شو حالده عملر طرفندن تاریخه دائر تحریر اولنان مؤلفاتدن پک چوق اثرلر ضائع اولمشدر . او مؤلفانک جمله سی قلمش اولسه ایدی بونلرک مقداری بش ، اون بیکی کچه جکدی . بو میانه قرق ، الی ، سکسان جلدن متشکل بیوک تاریخ کتابلری بولندیغنی کبی ارن ، بش ، یاخود ده آ ز ویا ده زیاده جلدن متشکل اولانلریده واردر .

تاریخ عمومی کتابلرندن بر قسمی ( طبری ) ، ( ابن الاثیر ) ، ( ابوالفدا ) تاریخلری کبی سنه ترتیبی ایله اک مکمل یازیلان تاریخ کتابلردن معدوددر . دیگر قسمی ( مسعودی ) ، ( الفخری ) ، ( ابن خلدون ) ک تاریخلری کبی اقوام ، یاخود دولتلر اعتباریه قلمه آلنان اک مکمل مؤلفاتنددر . بر قسمی ده



شہرلر، یاخود حکمدارلر وسائرہ ترتیبی ایله تحریر ایدلمشدر. عرب مؤلفات تاریخیہ سنک او قدر چوق انواعی واردرکه تعدادی قابل دکلدر. ذکر اولان آثار تاریخیہ نك اکثری کوزل و بایغ بر افاده ایله یازلمش ایسه ده بعضاً موضوع کتابک خارجنه چیقہ جق درجہ ده اسمہات و تطویلاتدن خالی دکلدر. اسلام مورخلری برنجی عصر هجریده عربلر هنوز صاف و ساده ایکن بعض اقبال پرستانک و یا هوسکارانک تاثیراتیلہ تاریخیہ کچمش اولان بعض روایات و وقایع مستثنی اوله رق وقایع تاریخیہ یی تحریر ایدرکن اسناد اصولانه رعایتدن طولایی یازدقلری شیلرده علی الاکثر طوغر یلقدن آیرلمازلردی.

### اسلام مورخلرینک قصورلری

اسلام مورخلرینک شایان تنقید قصورلرندن بری یازدقلری تاریخ کتابلرنده، یاخود تراجم احوالده معلومات و وقوعات تاریخیہ یی نه شکلده کندیلرینه واصل اولمش ایسه او شکلده و بعضاً بر ویا متعدد راولره اسناد ایتک صورتیلہ نقل ایله بالا کتفا ار معلوماتی تحقیق و تنقید جهتنه یاناشما ملریدر. مؤرخین مشارالیم اولجه بیان ایتدیکمز وجه ایله بر طاقم مقاصد سیاسیہ نتیجه سنده غیر صحیح بک چوق احادیث نصل وضع ایدلمش ایسه اسناد ایله نقل اولمان معلومات تاریخیہ دن بعضلرینک ده اسلامیته صدر اولنده ویا اندن صکره عینی مقصدلر ایله اویدورلمش اولدیغندن خبردار دکلردی.

اسلام مورخلرینک نظر دقتی جالب دیگر بر قصورلری ده ها واردرکه اوده بتون همت و غیرت لرینی محاربه لره، فتوحاته، عزل و نصبه، ولادت و وفاته متعلق معلوماتک ذکرینه حصر ایله تصادف قیلندن اوله رق متفرق صورتمده کوریلن بعض معلوماتدن ماعدا ادبیات، علوم و معارف، دولته احوال و اسباب مدنیاتی تاریخی، وقوعات تاریخیه نك اسباب و حکمتی، نتیجه اعتباریلہ نه کی احوال تولد ایتدیکی، وقوعات تاریخیه نك یکدیگرینه مقایسه سی حقنده بر شی یازما ملریدر. بو جهته حتی خلیفه نك کوچنیمه جگنی و بلکه ممنون

اوله جنى احوالده بيله بر اسلام مورخنك بر وقعه تاريخيه حقنده بر مطالعه مخصوصه سینه، ياخود بر خليفه نك ويا اميرك احوالنه دائر تنقيديه، ياخود بر نكته يه دائر بيانات ذاتيه سینه پك نادر اوله رق تصادف اولنور. نته كيم دولت عباسيه زمانده دولت امويه دورينك وقايع تاريخيه سنی يازان مؤرخلرك حالى بويله ایدی. خلفای عباسيه نك امويئر حقنده استعمال ايتدكلرى فرط شدت معلومدر. بويله ايكن بيله دولت عباسيه دورنده اموييرك تاريخنى يازانلر تصادفا قيد ايتدكلرى بعض متفرق معلوماتدن بشقه اموييرك مساويسنه دائر بر شى يازما مشلردر. احتمال كه بوسكو نك سببى شو ایدی: تاريخ اسلامى وقوعاتى اكثريتله بر فرقه ايله ديكر بر فرقه، ياخود بر مذهب ايله ديكر بر مذهب آردسنده تكون ایدن بر طاقم اسباب دينيه ويا شرعيه يه متصل ایدی. بوسائقه ايله ايكي خليفه، ياخود ايكي مسلمان امير آرسنده بر حرب ظهورنده برى ظالم، ديكرى مظلوم بولنوردی. مورخ ايسه دينك مقامنه حرمة ظالمى تنقيد ايتمكدن چكيني ردی. احوالده وقوعاتى اى فنا هر نه حالده ايسه اولدينى كي نقل ايله اكتفا وحكم اعطاسنى قارئلره ترك ايلردی. مدنيت اسلاميه حقيقتلرينى تاريخ كتابلارندن استخراجده چككمكده اولديغمز زحمتار ايشته بوسبدن نشأت ايديبور. بعضاً بعض امرانك مساويسنى يازماق ايجون اختيار اولنان سكوت مؤلفلرك او امرايه يارائمه چالشمزى واحسان وعطيه لرينه نائل اولق ايجون انلرى مدح و ثنا ايله چكمنلرى كى بر سببدن ايلرى كليوردی. بر چوق دفعه لر بالذات خلفا، امرا، ياخود سلاطين مؤلفلره مراجعت وكندى دورلرينه عائد تاريخ كتابلرينى يازمه لرينى تكليف ايدرك بويولده يازيلان كتابلر ايجون مؤلفلرينه مكافات ويريرلردی. مؤلفلر بوكتابلرى تحرير ايدر ايكن تكليفده بولنان ذانك خوشنه كیده جك يولده قلم يوروتمكه باقارلر وبيله بيله حقيقته مخالف شيلر يازارلردی. كاتب شهر (ابو اسحق صابى) نك سوزلرى شو ديديكمزى تأييد ایدن الك خوش دليللردندر. (آل بويه) دن اسلاميته (ملك) خطابى ايلك احراز ایدن (عضد الدوله) دولت ديلىميه - بويهيه - حقنده بر كتاب يازلمسنى (ابواسحق) ه تكليف ايلش ایدی. (ابواسحق) [\*] تكليف واقع اوزرينه عضد الدوله نك حازر اولدينى

[\*] ابو اسحق ابراهيم صابى دردنجى عصر هجرينك الك مشهور منشى وشاعرلرندن

القاب جملہ سندن اولان ( تاج الملہ ) لقبہ نسبتہ ( تاجی ) نامیلہ تسمیہ ایتدیکی تاریخ کتابی یازمش . ( ابو اسحق ) بو کتابی تحریر ایدرکن دوستلرندن بری بانه تصادف کندیسنی زیارت ایدرک نه ایله مشغول اولدیغنی صورمش . ( ابو اسحق ) « یالانلر ابدوروب باللائدیر مقله اوغراشیورم » جوابی ویرمشدی [۱] .

بعضاً مؤلف ایله ترجمه حال صاحبی آردسندہ موجود بر عداوت تأثیری ایله ترجمه حالی یازیلان ذات حقنسدہ بی طرفانہ وحقکویانہ معلومات ویرلیہ رک ترجمه حال صاحبی حائر اولدیغنی متامدن پک دون کوستریلیر . ۵۲۹ سنہ سندہ وفات ایدن ( قلائدالعقیان ) کتابی مؤلفی ( فتح بن خاقان ) ک اندلسلی حکیم شہیر ( ابن باجہ ) حقنسدہ یازدیننی ترجمه حال ایشته بو نوعنددر [۲] .

بعض اسلام مورخلری بالخاصہ خافا ، امرا و سائرہ کی اولیای امورک مساویسنی ذکر ایتکدن چکنیرلردی . رؤسای رجال حکومتک تنقید احوالہ دائر الک حقوق معلوماتہ ( الفخری ) نک ( الآداب السلطانیہ ) کتابی ایله ( ابن خلدون ) ک تاریخنسدہ راست کلدک . ( الفخری ) آل علی بہ طرفکیرکک تأثیریلہ خلفانک بعض مساویسنی اظهار ایتکدہ در . مشارالیه بشنجی خلیفه عباسی ( رشید ) ایله او عصرده یتیشن مشاہیر شعرا دن ( ابونواس ) آردسندہ جریان ایدن بر وقعہ مناسبتیہ شاعرک رشید حقنسدہ کی :

قد کنت خفک ثم امنی من ان اخافک خوفک الله

یتنی ایراد ایتکدن صکرہ « رشید شاعرک دیدیکنک عکسی اولہرق اصلا

ایدی . بغدادده ہم خلیفه عباسیہ ، ہم آل بویه دن ( عزالدوله بختیار بن معزالدوله ) یه کاتبکک ایدردی . ۴۳۹ تاریخنسدہ رسائلہ ( محررات رئیسلمکنہ ) مأمور اولمش ایدی . بو منصبده ایکن یازدیننی مؤثر مکتوبلرله ( عضدالدوله بن بویه ) دلکیر ایتدیکندن ؛ عزالدوله قتل اولنوب بغداد عضد الدوله نک ضبطنه کچنجہ ؛ ۳۶۷ ده صاحب ترجمه بی حبس ایتش وفیلاک آیاغی آلتندہ ازدیرمک ایستہمش ایسدهده بعض ذواتک شفاعتی اوزرینسہ دولت دلیلہ نک تاریخی یازمق شرطی ایله عفو واطلاق ایلش ایدی . صاحب ترجمه نک فصاحت و بلاغتیلہ مشهور مکتوبلری ولطیف اشعاری واردر . ابراہیم صابی مشرک ایدی . عزالدوله کندیسنی اسلامہ کتیرمکک جہد اعش ایسدهده دینندہ پک متعصب اولدیغندن موفقی اولہ مامشدر . ۳۸۴ سنہ سندہ ۷۱ یاشندہ اولدیننی حالدہ وفات ایتشددر . وفیات الاعیان



اللهدن قورقمازدی . چونکه حضرت نینک کریمه سی مخدوملری اولان آل علی اکبری حقنده بالا ذنب روا کوردیکی افعال میدانده در « دیور . بعضاً شیعیلرک سذیلر وسذیلرک شیعیلر حقنده وقوع بولان مطالعاتی مستفی طوتولور ایسه هیچ براسلام مؤرخنک بوکا مشابه بیانات صریحه ده بولندیغنه راست کله مدک دیه بیلیر . ( ابن خلدون ) ه کلتجه مشارالیه بعض دولتلرک ویاخود خلفانک احوال وحرکاتی محاکات صحیحه وبر نظر حکیمانه سائقه سیله تنقید ایشدر .

اسلام مورخلرینک بوکونکی تربیه وادبه نظراً شایان مواخذه بر حاللری وارایدی که وقوعات تاریخیه یی ذکر ایدرکن کندیلرینک نظر ویا سمع اطلاعاتینه واصل اولان معلومانده بر تربیه لی انسانک سماعندن حیا ایده چکی یوله کوردکلری قبیح المنطی ویا چرکین حادثه لری سائر الفاظ وحادثاتی ذکر ایدرکی لفظ ومعنا سیله یازمقدن چکما ملری ایدی . بوجهتله بر چوق اشعار بی ابلانه اوجله دن تاریخ کتابلرینه چکمشدر . بویه شیاره احماض - اکشیلک ( طوروشی ) - نامنی ویرلردی . اوکی الفاظک ذکر ی اوزمانک مقتضیاتندن ، یاخود اوصره لرده عیب ومستکره عد ایدلین اموردن اولدینی وارد خاطر اوله بیلیرسه ده حقیقت اوله دکلدی . چونکه مورخلردن جسدی تربیه وادب صاحبی اولانلر واز جمله ( ابن خلدون ) تربیه مخالف اوله شیلری یازمقدن چکینیرلردی . مشار الیه مورخلر ایچنده چرکین تعیرات والفاظ تحریرندن قلمنی اک زیاده منز طوتان ذواندن عد اولنور . بوذاتک ادب کلامه نه درجه یه قدر رعایت ایتدیکنی ارئه ایابن دلیللردن اولمق اوزره شعراء مشهوردن ( بارع ) نامیله معروف اولان ( حسین بن محمد ) ک ترجمه حالی یازدینی صره ده بختک سوقی ایله برینک ( بارع ) ه یازدینی بر قصیده ایله ( بارع ) طرفندن اکا جواب اوله رق یازیلان دیگر بر قصیده نک ذکرینه وارنجه قصیده نک یالکز ایلمک بتنی آلمقلا اکتفا ایتدکن صکره « قصیده نک حاری اولدینی چرکین وبی ادبانه الفاظدن طولای نقاندن صرف نظر ایدیورم » مطالعه سنی یازیور .




## جغرافیه ، یاخود تقویم بلدان

یاالکز (جغرافیه ) لفظی بوعلمک عربلر طرفندن ایجاد اولندیغنی کوسترمکه کافیدر . جغرافیه علمی بوراده ذکر ایتمه من علم تاریخه اولان تعلقنه وعربلرک جغرافیه علمی لسان اجنبیدن عربییه نقل ایتمه دن اول اسلامیه خاص برطاقم اسبابدن طولانی یوللر ، مملکتلر ، شهرلرک تعریفاتی ، یعنی جغرافیه حقنده اثرلر وجوده کتیرمش بولملرینه بناءدر .

انسانلر هیچ برعلم ویافنی ، انی ایجاده کنیدیلرینی اجبار ایدن اسباب واحوالک تضییقی اولمق سزین ، اختراع وتدوینه توسل ایتماشلردر . انسانلر احوال وافعالده احتیاجک سوقوفه تابعدرلر . احتیاج ندریه سوق ایدر ایسه اوجهته طوغری کردانداده اولورلر . بونک ایچون احتیاج اختراع وایجادک مادریدر دیرلر . انسانلرک جغرافیه علمنه احتیاجلری بردن بره ظهوره کلیهرک تدریجاً حاصل اولمش وبشریتک بوصورتله تدریج ایله اکتساب ایتدیکی معلومات قانون نشو وارقایه تبعاً نمو وتوسع ایتمشدردر . بوعلمک نشأت ایتسنه باعث اولان اسبابک باشلیجه سی انسانلر طرفندن تجارت ویافتوحات اجرایی مقصدیه طرق ومعارک ، ممالکک ، آره لرنده کی مسافهلرک بیلنمسی لزومنه من القدیم حاصل اولان احتیاجدی . انسانلر ارباب تجارت وجهانگیرلر واسطه سیله توالی ارمان ایله بوعلمه دائر استیصال ایتدکبری معلوماتی - اندن مستفید اولمق اوزره - تداول وتدرس ایتدکدن صکره نهایت بومعلومات بوعلمک موجد وپیری اولان ذواتک اله کچمش وبونلر معلومات مستحصله یی قسملره وبابلره تقسیم وریشان اولان جهتلرینی ضبط وتوحید ایدرک برعلم مخصوص شکلنه وضع ایتلشردر .

بوعلمک ایلك تمنای وضع ایدنلر فیکه لیلر ایدی . چونکه فیکه لیلر جهانک

الك اسكى ارباب تجارتى واك چوق سفر وسياحت اجرا ايدن قومى ايدىلر .  
 فيكه ليلر اوتوزى متجاوز عصر دن اول بحر سفيد سواحلى طولاشه رق بعضلىرى  
 مستعمرات شكلنده كندى ممالك تلى نه الحاق ايشلردى . اوصره لرده ( صور )  
 شهرى عالم تجارتك مركزى ايدى . بتون اقوام جهانك حاصلات و مصنوعاتى  
 بومر كز تجارتده طولاندق دن صكره بورادن هندستانه قدر هر طرفه طاغىلردى .  
 فيكه ليلر هندستاندن فيل ديشى ، مسك و عنبر كى انواع عطريات ، مامون  
 وسائر جلب ايدرلردى . بوايمه نك حالا فيكه و عبرانى لسانلرنده باقى طوران



عربستانك بطره الحجرية قسمنده واقع ذهب واحه سى

اسملىرى فى الاصل هندجهدن آلدقلىرى كوسترييور . ايشته بوصو تله فيكه ليلر  
 اثنای سياه تلى رنده برچوق ممالكك احوالنه واقف اولمشلر ، آرهلرنده كى مسافهلر ،  
 اهايلينك احوال و اخلاقى حقنده كسب معلومات ايتمشلر ايدى .  
 اسكندر كبر قرق بيك پياده و بش بيك سواريدن متشكل اردوسى ايله  
 هندستانه قدر آسيابى برا و بجرأ قبضه جهانكيرانه سنه كچيرنجه معيتنده بولنان  
 آدملىر آسيابى وسطاده ودها اوتله سنده بولنان ممالكك واهالينك احوالنه مطلع



اولہرق ممالک واقوام مذکورہ حقندہ غرابندن طولانی معلومات طوبلامقہ اشتغال ایتدکلری کی مصرده کی ( بطالسه ) دخی حبشستانہ قدر بحر احمر سواحلی حقندہ معلومات جغرافیہ استحصال وجمع ایله اشتغال ایشلر ایدی . دها صکرہ وومالیر وسائرہ بوعلم ایله اوغراشمشلدرد .

ایشته ذکر ایتدیکمز وسیلہلر ایله استحصال اولان معلومات مرور زمان ایله تراکم وتزاید وخلق بومعلوماتی متفرق وکسیک برصورتده تناقل وتداول ایتدکن صکرہ فکر بونلری برآرده جمع وترتیبہ لزوم کورمشدی . جغرافیہ متعلق معلوماتی ایلک جمع وترتیب ایدن ذات قبل المیلاد ۱۹۶ سنہ سده وفات ایلین یونانی اراتستین ( ثراتوستن Eratosthène ) ایدی [۱] . مشار ایله مارالذکر ( بطالسه ) زمانندہ یتشہرک جغرافیہ دائر برکتاب یازمش وفیکہ لیلر طرفندن جمع اولان معلومات جغرافیہ یی واسکندر کبیر قوماندانلرینک وسائرہ نک نظر اطلاعہ واصل اولان معلوماتی بواثرندہ جمع وتحریر ایشلدر . بوذاتدن صکرہ مشاہیر سیاحیندن ( استرابون ) ، جغرافیوندن ( بلیڈیوس Plinius ) کی [۲] برچوق علما یتشمشدر . نہایت ایکنجی عصر میلادی اورتلرندہ - ارضک مرکز کائناتدہ واقع برجسم غیر متحرک بولمديغنه دائر وضع ایتدیکی مذهب فلکی بالآخرہ ( قوبرنیک ) طرفندن رد وابطال ایدیلن - مشہور ہیئتشناس ( بطلمیوس قلوذی Ptolémée Claude ) ظهور ایدرک جغرافیہ دائر بیوک بر اثر یازمش [۳] وبواثرندہ مواقعی حسابات فلکیہ

[۱] ( ثراتوستن ) اسکندریہ دارالعلومندہ یتیشن مشہور حکمادن ایدی . آفریقای شمالیہ ومصرک غربندہ یونانیلر طرفندن تشکیل ایدلش اولان ( سیرن ) مستعمرہ سنہ میلاد عیسادن ۲۷۶ سنہ اول طوغمشدر . سکیان یاشندہ اولدینی حالده آجقلہ انتخار ایتشدر . ( لاروس )

[۲] ( پلین قدیم Pline l'Ancien ) روما طبعونندن ایدی . ۳۷ جلدن متشکل بر تاریخ طبیعی یازمشدر کہ غایت قیمتدار بر مجموعہ فنون تشکیل ایدر . بواثر ارضک احوالی ، جویات ، جغرافیہ ، ہیئت ، نباتات ، حیوانات ، مادان ، مقررات طب وحی رسم وھیکل تراشلق حقندہ برچوق مباحثی حاویدر .

[۳] بطلمیوس قلوذی مشاہیر فلکیون ورباضیوندن ایدی . ایکنجی قرن میلادی اوائلندہ اسکندریہ تولد ونشأت ایتشدر . کندیسی یازدینی فنونک هیچ برندہ ارباب کشفدن دکل ایسده اسلافک آثارندن برچوق معلومات وحقائق فنیہ جمع ایشل ایدی .

ایله تعیین ایلدیکی کبی حسابات ریاضیه ایله خریطه لر تنظیم و جغرافیه اقسامی ایله محللریخده اوعصرده کی علوم و معارفک مساعده ایتدیکی درجه ده ضبط و تحقیقه غیر ایتمشدر. مشار ایله کندی زماننده (۴,۳۵۰) عدده بالغ اولان شهرلری برر برر ذکر و تعداد ایتدکن ماعدا او زمانه کوره (۲۰۰) مقدارنده بولنان طاغلرک داخلنده موجود اولان معادن و روی زمینده یاشایان اقوام و سائرینی یازمشدر. اسلامیت ظهور ایتدیکی زمان (بطالمیوس) ک بوکبابی تقویم البلدان (جغرافیه) علمنه دائر یکانه مراجعتکاه اثر ایدی. ده صکره عربلر عباسیلر دورنده علوم و معارفه متعلق کتابلری کندی لسانلرینه ترجمه ایتکه باشلائیجه نقل و ترجمه ایتدکاری کتابلر جمله سنده بوکبابی ده عربجه ترجمه ایدرک اکا (جغرافیه) اسمنی ویرمشلر و مشار الیه ک علم هیئته دائر اولان دیگر کتابی ده ترجمه ایلیرک (مجسطی) نامیله تسمیه ایتمشلردر. عربلر طرفندن جغرافیه علمنه دائر یازیلان آثارک اکثرنده ذکر اولنان ایکی کتاب اساس اتخاذ ایلمشدر.

### اسلاملرده جغرافیه

شو قدرکه اسلاملر یونانلیلری ویا سائرینی جغرافیه یی وضع و تدوینه اجبار ایدن (تجارت، فتوحات) ایکی سببندن ماعدا اوچ سبب سائقه سیله (بطالمیوس) ک کتابنه مطاع اولدن اول جغرافیه یی وضع و تدوینه باشلامشلردی. عربلر جهانگیر ملتدن ایدیلر. اسلامیتک ظهورندن صکره دنیانک هر طرفنه طاغلمشلردی. اساساً عرب قومی وبالخاصه حجاز اهالیسی زمان جاهلیتدن اعتباراً ارباب تجارتدن ایدیلر. بالآخره مملکتلری بیویجه تجارتلری ده توسع ایلش ایدی.

عربلری جغرافیه علمی وضع و تدوینه صورت مخصوصه ده سوق ایدن آثار مذکوره ده صکره بولنه ماز اولدیفندن کشفیات فیه کدینه برچوق وقت یوزانه اسناد اولمشدر. بطالمیوسک بری علم حسابیه، دیگرکی جغرافیه یه دائر پک مشهور ایکی اثری وارد. قاموس الاعلام

اوج سبب شونلر ایدی : برنجیمی حج ایدی . چونکه اسلاملر هر هانکی اقلیمده ، هر هانکی مملکتده بولنورلر ایسه بولنسونلر فریضه حجی ایفا ایچون مکّه کیدرلر . برمسلم هندده ، یاخود چینده اولسه بیله حجه کیتمک انک اوزرینه فرضدر . مکّه قدرکک ایسه یوللری ، قوناق یرلرینی بیلیمکه توقف ایدر . ایکنجیمی علم احرازی اغورنده سیاحت اجرا سیدر . دیگر بر یرده دخی بیان ایتدیکمز اوزره اسلاملر ممالک اسلامیہنک هر طرفنه طاغیلان کبار صحابه دن سنت شریفه یی وبادیه عربلرندن غوامض لسان عربی تلقی ایتمک ایچون بلاد اسلامیہنک هر طرفنه اجرای سیاحت مجبور ایدیلر . بوسیاحتلرک اجرایده کیدیله جک یرلرک ومنطقه لرک بیلنمنسه احتیاج کوسه تیرر . بوجهنله عربلرک جغرافییه دأر کندی کندیلرینه ایلک یازدقلری شیلر عربلرک اقامتکاهلرندن وقبائل بدویهنک قوناق یرلرندن تشکل ایدیوردی . بوشیلره متعلق ایلک اثرلری یازان ذوات ( ابو سعید اصمعی ) و ( ابو عیید سکونی ) کبی ادب وشعر راویلری ایدی . متعاقباً بتون بلاد عرب حقنده معلومات جغرافییه یی حاوی اثرلر وجوده کتیرلشدر . ( حسن بن احمد همدانی ) نک جزیره العرب و ( ابو اشعث کندی ) نک ( تهمامه طاغلی ) وسائرهنک سائر حقنده وجوده کتیردکلری اثرلر ایشته بونوعدن ایدی [۱] . اوچنچی سبب عربلر جهانی فتح ایتدکن صکره ممالکتلرک کیفیت فتحه کوره احکام وضعنه مجبور اولملری ایدی . چونکه فی ، جزیه ، خراج ، مقاطعات ، مصالحات ، تسویفات واقطاعات [۲] احکامی کیفیت فتحه کوره آری آری ایدی . صلح ایله فتح اولنان بر مملکت قهرآ فتح ایدیلن مملکتدن بسبتون بشقه بر معامله یه مظهر ایدلک طبعی ایدی . امرا وفقهانک بوجهتلری بیلملری امور ضروریه دن ایدی . حق بونقطه لر احکام دینه تفرعاتندن عد ایدیلردی . حال بوکه بومعلوماتی الده ایتک آنجق تاریخ وجغرافیه علملرینک بیلنمنسه توقف ایدردی .

(۱) معجم یاقوت ۷ ج ۱ [۲] اقطاعه حکمدار طرفندن کندی عسکرینه حاصلاتی ایله کچنمک اوزره ویریلن اراضیه اطلاق اولنور . جمی اقطاع کلبر . مقاطعاته کلنجه اقطاعات عینی ایسه ده اصحابی النده طول مدت قالمسی سببیه تحت تملک کیرمش بولنور . تسویفات دخی اقطاعات انواعندن بریدر .



ذکر اولان دوردن صکره جغرافیه عربجه ترجمه ایدیلوبده عربلر انی کورنجه او طرزده کتاب یازمغه باشلایه رق ترجمه ایله اقباس ایتدکلری معلوماته دها اول بیلدکاری شیلری علاوه ایلدکن صکره نقل و سماع ایله اکتفا ایتیه رک کندیلری ده بالذات شرقاً و غرباً ، جنوباً و شمالاً دکلری ، اقطار جهانی طولاشوب مشاهدات ذاتیه و تحقیقات مخصوصه ایله طولادقلری معلوماتی قید و تدوین و ( بطلمیوس ) ک بر چوق یا کلسلرینی تصحیح ایلشارد . آکلاشلدیغنه کوره عربلرده جغرافیه عامی مرتبه کماله آنجق دردنچی عصر هجریده بالغ اولمشدر . عصر مذکورده علما تاریخ عمومییه دائر اثرلر وجوده کتیرمه فصل صرف غیرت ایتشملر ایسه جغرافیه علمنه دائره آثار معتبره یازمغه بذل همت ایلشارد .

عربلرده بوعلمه متعلق یونانیلرک طرزنده ایلک اثر یازان ذات ( شیخ - ابو زید بلخی ) ایدی . مشارالیه دردنچی عصر هجری ایتدالرنده تألیف و ( صورالاقایم ) نامی ایله تسمیه ایتدیکی جغرافیه کتاینده ممالک اسلامییه یکریمی قسمة تقسیم و هر قسم حقنده معلومات اطا ایتدکن صکره جغرافیهیه متعلق خیلی شیار یازمش ایسهده اختصاری التزام ایتسندن طولایی بر چوق بیوک شهرلری ذکر ایتماشدر . ینه او عصرده ( کرخی ) نامی ایله معروف اولان ( ابو اسحق فارسی اصطخری ) اسمنده ایران علماسندن بر ذات یتشمش ایدی . ( اصطخری ) سیاحت اجراسنی سودیکندن کندیلیی بالذات اقطار جهانی طولاشهرق بر چوق مملکتلر ، دکلر و شهرلر حقنده تبعات و تدقیقانه بولندقرن صکره الده ایتدیکی معلوماتی ( بلخی ) نک کتاینده موجود اولان سائر معلومات ایله مزج ایدرک بر کتاب وجوده کتیرمش و بو کتابه ( مسالک الممالک ) نامی ویرمشدر . بو کتاب مطبوع و منتشردر . ( بلخی ) نک کتابی ایسه ضائع اولمشدر [۱] .

[۱] قاموس الاعلامده ( اصطخری ) نک ترجمه حائده بالاده کی مطالعاته مخالف اوله رق اسلامیتده جغرافیهیه دائر یونانیلر طرزنده ایلک کتاب یازان ذات ( اصطخری ) اولدینی و یازدینی کتابی ( صورالاقایم ) نامیله تسمیه ایلدیکی بیان ایدیلور ایسهده بومعلومات خطادر . ( فهرست ) ک اورواده مطبوع اولان نسخه سنک ۱۳۸ هجری صحیفه سنده ویران معلومات مؤلفک بالاده کی مطالعاتی تأیید ایتکدهدر . ( کشف الظنون ) ه مراجعتزده دخی ( صورالاقایم ) کتابک ( شیخ ابوزید احمد بن سهل بلخی ) نک اولدینی کوردک . بوده مؤلفک افاده سنی تأیید ایدر .

(اصطخری) تقسیمات جہتہندن (بلخی) نک طوئدینی طریق طوہرق ممالک اسلامیہ بی یکرمی قسمہ تقسیم ایلشدر . بو قسملر دیار عرب (جزیرہ - العرب) دن باشلاہرق ماوراء النہرہ (ترکستانہ) منہی اولور . مشارالہ اقسام مذکورہ بی آری آری ذکر وتوصیف ایتکله برابر مملکتلری ، ہر مملکتک صنایع وتجارتی وسائرسنی یازمشدر . ینہ او دورده (ابن حوقل) یتیشہرک (المسالک والممالک) کتابی تحریر ایلشدر . بوذات دخی سیاحتلرہ بولندقدن صکرہ بو اثری وجودہ کتیرمش ایدی . (ابن حوقل) کتابنک مقدمہ سندہ : « ۷ رمضان سنہ ۳۳۱ تاریخہ مصادف اولان پنجشنبہ کونی بغداددن مفارقتلہ سیاحتہ ابتدار ایلدم » دیور . مؤلف ایشہ یوسیاختی یتیرنخہ آف الذکر اثرینی یازدق انی بر چوق خریطہلر ایلہ توضیح ایش وەر اقالم اسلامی ایچون بر خریطہ تنظیم ایتدکدن ماعدہ شہرلری ، نہرلری ، طاغلری ، دکرلری ، آطہلری وسائرہ بی ترسیم ایلشدر . (ابن حوقل) کندی کتابندہ (اصطخری) نک تقسیماتی عیناً قبول ایلشدر . حتی بر چوق یرلردہ عبارہلر همان بر برینک عینی کیدر .

مذکور ذواتدن صکرہ (ابن الفقیہ ہمدانی) ، (مقدسی) ، (مسعودی) وسائرہ یتیشہرک جغرافیہ دائر کتابلر یازمشلردز . بولردن (مسعودی) براقچ دفعہ سیاحتلرہ بولہرق ہندستانک اقضای حدودینہ قدر وارمش وکوردیکی وتحقیقات ایلہ آکلادیغی شیلری جغرافیہ وناریخہ دائر یازدیغی کتابلردہ ذکر ایلشدر . ذکر اولٹان مؤلفلرک جملہ بی دردنجی عصر ہجری آدلرندن یدیار . بولرک کتابلری یالکیز خریطہلر داخل اولقسزین ہپ بو عصرده طبع ایدلشدر . خریطہلر ایسہ عموماً ضایع اولہرق کتابلردہ ذکرلرندن بشقہ بر اثر قالمشدر .

اسلاملر یرلی یرندہ کوستردیکمز وجہ ایلہ علمای اسلامیہ طرفندن تاریخ عمومیہ دائر اثرلر یازلمغہ باشلانیدی زمانہ قدر بالادہ ذکر کیچن جغرافیہ کتابلری و ذکر ایتدیکمز دیگر بر ایکی کتاب ایلہ قالمشلردی . بوتاریخدن اعتباراً تاریخ عمومیہ دائر اثرلر وجودہ کتیرلمسنہ نصل صرف ہمت ایلشدر ایسہ جغرافیہ حقندہ دخی بیوک اثرلر تحریرینہ بذل غیرت ایتشلردز . دہا صکرہ

حروف هجا اوزرینه معجمات جغرافیه - قوامیس جغرافیه - یازلمشدر . بو یولده کتاب یازان ذواتک الک مشهوری ۶۲۶ سنه هجریه سنده وفات ایدن ( یاقوت حموی ) ایدی . ( یاقوت ) چو جق ایکن روملردن اسیر ایدیلرک بغدادده بر تاجر طرفدن اشترا و تربیه اولنش ایدی . بیودیکنده تجارت طریقله بر جوق ممالکی بالنفس طولاشدقدن صکره بیوک حجمده ازلق اوزره ( معجم البلدان ) نامنده اثرینی یازمشدر . ( یاقوت ) بواترده مملکتلری ، طاعلری ، دره لری ، اووه لری ، کوی لری ، قوناق یر لری ، یورتلری ، دکز لری ، نهر لری ، هیکل لری ، بئخانه لری ، بتلری تعریف و توصیف ایتدیکی کبی هر شهر ی ذکر ایتدکجه اوشهرده تولد ایدن ، یا خود اکا انتساب ایلین مشاهیر حقداء معلومات ویرمک صورتیه کتابنه بر جوق تراجم احوالده علاوه ایشدر . بنابرین ( یاقوت حموی ) نک بو کتابی هم جغرافی ، هم تاریخی ، هم ادبی بر قاموس عد اولنور . ( تاریخ ابوالفدا ) نامی ایله معروف اولان ( کتاب المختصر فی احوال البشر ) اسمنده کی تاریخ عمومی مؤلفی حمدا امیری ( ملک مؤید عمادالدین اسماعیل ابوالفدا ) نک دخی تقویم البلدانه ( جغرافیه ) دائر بر کتابی وسائر ذواتکده بر جوق مؤلفات مهمه سی واردر . جغرافیه علمنک ترقیسنه خدمت ایدن بر جوق عرب سیاحتنامه لرخی اونوتمقده جائز دکلدرد . بوجه تلری اختصار ایله کچورز و تفصیلاتی لسان عربک تاریخ آدانه دائر آریجه بر کتابه ترک ایدیورز .







## زمان جاهلیتده علوم ادبیه

### اسلامیتده صکره خطابت

خطابت ایله شعر اسلامیت ایله برقات دها رونق ، بلاغت ، ترقی به مظهر اولان علوم جاهلیه دندر . او صره ده عربلر حال بداوتده بولنیورلردی . کرک خطابت ، کرک شعر قالبنده اصاغه اولنسون ، تصورات شاعرانه دن پک زیاده متأثر اولمقله برابر فتوحات ومحاربات اجرایی ایچون خطابتده دها زیاد ، محتاج ایدیلر . بوسبیدن خطابت دور اسلامیده شعردن اول ترقیاته مظهر اولمش ایدی . معلوم اولدیی اوزره خطابت شاعر لکدن دها قولای اله کچر . بوندن ماعدا قرآن عظیم الشانده شعردن وشاعر لکدن خلقک نفرتی موجب وزرد اولان نصرلکی خطابت حقنده نصر وارد ایلماشدی . زمان جاهلیتده شعرايه اولان احتیاجه بناءً شاعر خطیبلردن دها معتبر عند ایدلیدی حالده دور اسلامیده خطیبلره دها زیاده احتیاج کورلمی جهتیله خطیب شاعر دن دها زیاده معتبر طوتولوردی . چونکه زمان جاهلیتده مناقب ومآثرک تخلیدی ، دشمنه ترهیات اجرایی اسان شعر ایله وقوع بولور ایدی . دور اسلامیده ایسه همت وغیرتی تحریک وتهیج اتمک ، طرفدار قازانق ، دشمنلری قورقوتق اسان خطابتده ممکن اولیوردی [۱] .

زمان جاهلیتده کی خطابت ایله دور اسلامیده کی خطابت آردسند کی فرق خطیباتک قرآن کریمک طرز بیانی تقلید وآیات قرآنییه اقتباس ایتملری سایه سنده خطابتک اسلامیت ایله برقات دها بلاغت وحکمت کسب ایتمی ایدی . شعر دخی قرآن کریمک بوفیض بلاغت وحکمتندن مستفیض اولمش ایسه ده

خطابتده مجال دهها زیاده واسع اولدیغندن بوعامك تفیضی بالطبع دیگرینکیمکندن دهها چوق اولمش ایدی . ظهور اسلامیتدن صکره یتیشن خطبا مثال ، کنایه ایرادی ، یاخود تهدید اجرایی مقصدیه لفظلرینی آیات قرآنییه ایله ترصیع و تزین ایلرلردی . حتی بعضلری بتون برنطقی آیتلردن تشکیل ایدرلردی . نته کیم ( مصعب بن الزبیر ) عراقه کیده وک بوقطعه اهالیسنی برادری ( عبدالله بن الزبیر ) ه عرض انقیاده تشویق ایتمک ایستدیکی زمان بویله یامش ایدی . ( مصعب ) منبره چیقهرق شو نطقی ایراد ایلش ایدی : « بسم الله الرحمن الرحيم . طسم تلك آيات الكتاب المبين تنزلو عليك من نباء موسى وفرعون بالحق لقوم يؤمنون ان فرعون علا في الارض وجعل اهلها شيعاً يستضعف طائفة منهم يذبح ابناءهم ويستحي نساءهم انه كان من المفسدين ( بورایه وارنجه الی شام طرفنه اشارت وضعنده بولنیردی ) ویزید ان نمن علی الذین استضعفوا فی الارض ونجعلهم ائمةً ونجعلهم الوارثین ( بوراده الی ایله حجاز طرفنه اشارت ابتد ) ونمكن لهم فی الارض وزی فرعون وهامان وجنودهما منهم ما كانوا يحذرون ( بوراده دخی الی ایله عراقه اشارتده بولندی ) [۱] .

عربلر اسلامیتدن صکره جهانگیرلکه تشبث ایله محارباتک اکثرنده مظفر اولنجه بوقتوحات اثناسنده یکی مملکتلر ، یکی اقوام ، یکی السنه کورملری تأثیری ایله عزت نفسلری ، آمال ومطلبلری آرتهرق بلاغت ذوق ادبیلریده یوکسلمش ، قریحملری برقات دهها پارلامشدی . عربلرده خطابت ؛ بلاغت ، ایقاع وتأثیر جهتلریله لو درجه مظهر ترقی اولمش ایدی که حتی یونانیلر ورومالیلریله داخل اولدقلری حالده کندیلرندن دهها اول تاریخ مدنیتده اثبات وجود ایدن اقوامدن پک آزلیری بومقامه یتیشه بیلمشدر . یونانیلر ایله رومالیلرک خطابتده احراز ایتدکلری مقام عالی بی و یونانیلردن دیموستنیس ( ده موستن Démosthène ) ، اشینس ( ئە شین Eschine ) ، هبریدس ( هیپه رید Hypéride ) ورومالیلردن شیشرون ( چچرون Cicéron ) ، یولیوس قیصر ( ژولسه زار Jules César ) ، سالوستس ( سالوست Salluste ) ، لوکیرتس ( لوکرهس Lucrece ) کی کعبلرینه وارایله میان بیوک خطیبلر یتشمش اولدیغنی

انکار اتمپورز . شوقدرکہ عربلرک بلاغت و تأثیرده انلردن کبری قالمدقلری . بیان اتمک ایستپورز . هرایکی مات آرمسندہ لسان ، اخلاق و آداب نقطہلرندن موجود اولان فرق نظر دقتہ آنمقلہ برابر احتمال کہ اسلامیت دورندہ دها چوق خطیلر بتمش ، دها بارلاق و بلیغ سوزلر ، دها چوق نطقلر سولنمشدر . یونانلیرک اک بیوک خطیبی اولان ( ده موستن )ک نطقلری ۶۲ نطقدن تشکل ایدر . یونلرک یاریسی یا کاشلقلہ مشارالہہ اسناد اولنمشدر . حال بوکہ امام علینک نطقلری یوزلر ایلہ تعداد اولنور . خطیلرک چوقلغنه کانجه عربلر اوائل اسلامیتده خطیلری اک چوق اولان ملتلردن ایدیلر . چونکہ خلفا و امرانک ، قوماندانلرک چوقلری خطیب ایدی . زاهدلربیلہ خطبادن ایدیلر [ ۱ ] . بونی غرب کورماملیدر . عربلر خیال صاحبی ، حساس بر قوم ایدیلر . کنیدیلرینہ بلاغت بیوک بر تأثیر اجرا ایدردی . اودرجهده کہ بر سوز ایلہ آياقلانیرلر ، ینہ بلیغ بر سوز ایلہ حال سکونه کلیرلردی . بو حال اسلامیتک عربلر آرمسندہ انتشارینہ یاردیم ایدن اسباب جملہ سندن اولمش ایدی . او قوجه فتوحات اثناسندہ علی الاکثر برشهرک ، یا خود بر قلعه نک ضبط و فتیحی قوماندان طرفندن عسکرہ ایراد اولنان بلیغ بر نطقه توقف ایدردی . بونطق عسکرہ الکتیریک کبی تأثیر ایلردی . عسکر نخوت و حماسه ایلہ برر قهرمان کسیلر ، کرک هجوم ، کرک مدافعهده اولومی هیچ کورردی . تاریخ فتوحات اسلامیهده بودیدیکمزی مؤید یک چوق مثاللر واردر . بونلری بوراده ذکر اتمک مقام مساعد دکلدرد . او یلہ قوماندانلر بیلیرزکہ مظفریت و موفقیتلری آنحق طلاقه لسان و بلاغت بیانلری و ایراد ایتدکلری نطقلرک عسکرہ اجرا ایتدیکی تأثیرانک یاردیمیلہ وقوع بولمشدر .

اوجلهدن ( حجاج بن یوسف ) بلیغ بر خطیب ایدی . خطابت انی عظمت و سطوتجه نظرده برقات دها بیوتمش ایدی . عراق خلفای امویهدن ( عبدالملک )ه قارشى حال عصیان و تمردده بولنیوردی . خلیفه اوتمرده قارشى عاجز قالنجه اورایه ( حجاج ) ی والی کوندردی . ( حجاج ) کوفیه کیرهک طالمماق ایچون کوزلرندن ماعدا بوزینی اورتمش اولدینی و یانی اوموزینه آلمش و باش



پارماغنی آغزینه قویمش بولندی حالد منبره چیقدی . خلق کندیسنی کورنجه دها اول کیدن والیر حقده یادقلری کبی اکا نظر حقارت واستخفاف ایله باقارق ازقالدی کندیسنی طاشلایه جقلردی . ( حجاج ) منبرده بیوک بر متانتله طوردی . یوزینی آجدی . مطلبی :

انا ابن جلا وطلاع الثنایا      متى اضع العمامة تعرفونی

بیتندن متشکل اولان اومشهور نطقی ایراد ایتدی .

( حجاج ) نطقنک نهایتده شویله دیمش ایدی : « امین اولکنز ، شر ، نه قدر آغیر ایسه انی آو اغیراغیله طاشیمقدن عاجز دکلم . هر کسی فـالغنه کوره تعقیب وهرفالغه برفالقی ایله مقابله ایدم جکم . سزده برچوق کله لر کوریورم که یچوب کسمک زمانی کلمشدر . صاربقلرکنز ایله صقاللرکنز آرمسند قان آقپور کورر کبی یم .

« معلومکنز اولسون که امیرالمؤنین ( عبدالملک بن مروان ) اوق قبورینی ( محفظه سنی ) دوکدرک اوقلرینی برر برر یوقلادی . بنی او اوقلردن الک قاتی وقوتایسی کورونجه سزه کوندردی . چونکه سز بنی ، مخالفت ، شقاق ونفاق صاحبسـکـز . دائما طریق ضلالتله صاپوب کیدیورسـکـز . دائما بنی وتجاوز یوللرینی ایجاد ایدیورسکـز . والله دکنکک قبوغی نصل صییریلیر ایسه سزی ده او یله صییریم . آناج نصل طوغرانیر ایسه سزی ده او یله جه طوغرارم . چاقاق طاشنه نصل اورولور ایسه باشکزه او یله اورورم . مرعاده یاشایان دودله نصل دایاق آتیلیر ایسه سزده او یله دایاق آتارم . هر نه زمان یمین ایدرسـمـ درحال کسکین قلیج کبی یمینچی یرینه کتیریم . هر نه زمان وعد ایدر ایسـمـ وعدیمی درحال انفاذ ایدرم . . . الخ » [۱]

( حجاج ) بو نقطه یی بیتیرنجه خاق کندیسـنـدن قورقـهـرق عرض اطاعت ایلدیلر . ( حجاج ) عراقی بک شدتله اداره ایتمش ایدی . افعال وحرکات ظالمانه سی مشهوردر . مع مافیه بو والی منبره جیقبوده عراق اها ایسنه ایتدیکی ایلدیکلری ، کندیسـنـه یادقلری فـالـقلـری نصل عفو وصفح ایلدیکنی سو یادکجه دیکله ینک

کندیسنک طوغری سو یلدیکنه ، ظلمک عراق اہالیسی طرفندن انک حقندہ روا کوردلیکنه حکم ایدہ جکی کلیر . ایشته بوسبیدن خلفا شعرادن قورقدقلری کبی خطابدن دخی - سوزلری اہالینک حساسیتہ یک زیادہ تأثیر اجرا ایتدیکی ایچون - قورقارلردی .

فتوحاتہ ، طرفدار فرقلہ لاتخاذ وجمعہ ، اختلال وشورشلرک تسکین واطفاسنہ حائد اولان وقائی کوزدن یکیریر ایسہ کز سوزک اجرا ایتدیکی تأثیر اعجاز کارانہ یہ قارشی حیرتہ دوشمکدن کندیکزی قورنارہ مازسکز ، اسلامیتہ آتشلانغہ ، ہان استعداد کسب ایدن ایلک اختلال حضرت پیغمبرک وقائی عقیندہ وقوع بولمش ایدی . مدینہ اہالیسی حضرت پیغمبرک ارتحالی استخبار ایدنجہ بیوک برہیجانہ دوشمشلردی . اودر جہدہ کہ صحابہ کرام عاقبتک وخامتندن قورقغہ باشلامشلردی . بونک اوزرینہ ( حضرت ابوبکر ) خلقہ : « ای ناس ! محمد وفات ایتدی ایسہ اللہ حی وباقیدر ، اللہ وفات ایتدی » دیدکن صکرہ نطقنہ شو آیات کریمہ ایلہ نہایت ویرمش ایدی : « وما محمد الا رسول قد خلت من قبلہ الرسل افان مات او قتل انقلبتم علی اعقابکم ومن ینقلب علی عقبیہ فلن یضر اللہ شیئا وسیجزی اللہ الشاکرین » . ایشته بوبرقاج کلہ ذکراولنان اختلالی تسکینہ کفایت ایتمش ایدی [۱] حضرت ابوبکرک مدینہدہ ( سقیفہ ) نام موقعہدہ ایراد ایتدیکی نطق ایاہ مشارالہدن صکرہ مقام خلافتہ کچن سائر خلفای راشدین طرفندن ایراد اولنان نطقلری دہ اکاکورہ قیاس ایدیکز . خلفای مشارالہمک اک زیادہ خطیب اولانی ہیچ شہہ یوقدرکہ حضرت علی ایدی . امام مشارالہمک نطقلرینی حاوی طبع ونشر ایدیلوب آرہ مزیدہ متداول اولان ( نہج البلاغہ ) کتابی مدعامزی تأیید ایدن دلیلر دندر . مذکور کتابدہ بولنان نطقلرک بر قسمی حضرت علینک اولدینی قطعی صورتدہ ثابت دکلسمدہ ہر حالہدہ قیم اعظمتک امامک نطقلرندن متشکل بولدیغنہ شہہ یوقدر . مجموعہدہ ہر نوع نطقلر دن نمونہلر واولہدن دین ، ادب ، علم ، حماسہ ، فخرہ دائر نطقلر

[۱] البیان والتبیین ۱۲۲ ج ۱ وشہرستانی ۱۱ ج ۱

البیان والتبیین دہ بوسوزلرک قتلی ( سہیل بن عمرو الاعلم ) کوستریلور . ابن الاثیرہ مراجعتزدہ ایسہ وبردیکی معلوماتی مؤلف کتابک سوزلرینی مؤید کوردک . بناء علیہ ابن الاثیرک روایت ایتدیکی شکک اعتبار ایدیورز .

موجوددر . ایلک ادوار اسلامیهده یتیشن خلفانک اکثری ، بلاغت وطلاقتده اقتدارلری مختلف ، برر خطیب ایدی . اسلاملر فتوحاتی اکیال ایله ترفه وسکون وامرافاته طالعجه ، بلاغت وطلاقت قوتی دوچار ضعف اوله رق نطقلر حماسه مصروف ایکن مواعظه ودها صکره شکایت وتظامه تحویل ایلشدر . بالآخره عرب دولتی شرقده دوچار انقراض اولنججه علم خطابت دخی بورلرده اضمحلاله اوغرامشدر . اندلسده عرب دولتی قوت وشوکت صاحبی اولدینی زمانلرده ایسه خطابت کومولش اولدینی مزاردن چیقاریله رق اکا یکیدن حیات ویرلش وانلس خلفاسی خطبا وشعرايه اهمیت ویره رک انلری کندیلرینه یاقلاشدیرمشلردر . مع مافیسه اووقته قدر بداوت وفتوحات دورلری کچه رک خطابت اولان احتیاجده زائل اولش اولدیغندن غیرت وهمتی تحریک ویاخود فتنه واختلالی تسکین مقصدیله خطابتک استخدای پک آز وقوع بولوردی . آنجق بر خلیفه نك نصبنده ، یاخود بر مظفریتدن عودتده ، یاخود بر بیوک آدمک استقبالی مراسمنده خطیبلر طورلر ، استقبال وتکریم وتعظیمه وخلیفه ایچون موفقیت وسطوت وشان تینسنه دائر نطقلر ایراد ایدرلردی [۱] .

امرا وقوماندانلره کلنججه بونلر دشمنه هجوم اجرا ایتمدن اول عسکر آرمهنده طورهرق انلری اقدام وثبات کوسترمهک تشویق وترغیبی متضمن نطقلر سویلرلردی . چوق دفعهلر - ( یرموک ) واقعه سنده ( خالد بن الولید ) ک ( قادیسیه ) واقعه سنده ( مغیره ) نک و ( فارس ) غزو سنده ( خلید بن المنذر ) ک ( اندلس ) ک فتحنیده ( طارق بن زیاد ) ک ایراد ایتدکلری نطقلر کی - نطق مظفریتک باعئی اولوردی . مظفریته سبب اولان نطقلری ذکر ایتمک ایسته سه ک جلدلر طولیمی یازی یازمقلغمز لازم کلیر . زمان جاهلیتده نصل ایسه دور اسلامیده دخی هرهانکی یرده اولور ایسه اولسون قبائل آرمهنده خطابت جاری ومنشدر ایدی . اسلاملرک یاختلری اولان مدینه ، شام وبغداد وسائر دیه ممالک اسلامیه نک هر طرفدن خلیفه یه عرض تبریکات ، یاخود برحرب ایچون طلب نجات ، یاخود نقداً تمئی معاونت مقصدلریله وفود ( قاصدان ) - هیئت مبعوثلر - کلیردی . یاختلره بوکی هیئتلر کلدکجه کنجیلردن اولان ارباب



فلم خطابتہ اولان محبت و میلری تاثیریلہ هیئتک بولندی محله قوشارلر و هیئتلر ایله برابر کلش اولان خطیبلرک نطقلری دیگله یه رک بلاغمده استعمال ایتدکلری اسلوبلری اقتباسه چالیشیرلردی [۱].

مراسلات و مکاتباتده بی بلاغت دخی عربلرده خطابت نوعدن عداولنوردی. خلفا باخصوص اوائل اسلامیتده برامیر ایله مکتوبلش دکلرنده عادتاً منبرده طور و ب لفظ ایراد ایدیورلرکی بلیغ سوزلریازمنی اختیار ایلرلردی. خطابتده بلاغت و طلاقت صاحی اولانلر علی الاکثر کتابتدهده بلیغ اولورلر. بونقطه یی ده اول دخی بیان اینلش ایدک .

## اسلامیتدن صکره شعر

### شعر رامریلر

اسلامیتک ظهوری اوزرینه عربلر قرآن عظیم الشانک اسالیب بلیغه سنه ، قوت و تاثیر نبوت و وحیه قارشى مهوت و غزو و فتوحات و نشر اسلامیت ایله مشغول اولنجه بودورده مجاهدینک همت و غیرتی تحریک ایله جهاده اولان رغبتلری تزیید ، هرکسی عبادات و طاعاته تشویق اینک ایچون خطابتده ده زیاده احتیاج کورلدیکی جهتله شاعرلکه اولان اسامعده فطریلری خطابتده منصرف اولمشدر . بوجهتله عربلر شعره باقمیه جق برحالده خلفای راشدین دوری کچمشدر . بودوری متعاقب امویلر خاندان نبویدن خلافتی طلب ایدن ذواتک کثرتنه رغماً خلافتی اله کچیرمکه کوز دیکدکلرندن کندیلرینه مظاهرت و معاونت ایده جک طرفدارلره محتاج اولمشلر ، خاقی کندیلرینه مظاهرت تشویق و ترغیب اینشلر و طرفدار فرقه لری پاره ایله صاتون آلمشدر . وبوطرفدارلری اوسته لق و قورنازلقله ا تحصال آمال اغورنده قوللاشمشدر . شعر حسیه اولان تأثیری اعتباری ایله برقوت اولدینی ایچون بونی ده یاردجی اولورق اتخاذا ایتدکلری وسائط جمله سنده اتخاذا واستخدام ایتشمشدر . بنی امیه خلفاسی ،

خاقی کندی حاکمیتلرینه ترغیب ، یاخود ذملرنده سکو تلیری اکتساب ایتمک ایچون شعرانک اکرانمده ؛ پک چوق ایلری کیدرلردی . بوجهته شاعره عطیه واحسان ویرمهک « قطع لسان » تعبییری استعمال ایدرلردی .

ایشته بوسبدن خلفای امویه خلقی شعره ترغیب وشعرایه سویلدکلری اشعارک کوزلککنه واجرا ایده بیله چکی تأثیره کوره بیوک بیوک عطیه واحسانلر اعطا ایلرلردی . کندی چوجقلرینی ده شعر ازیرلمک ووقایع تاریخیه بیلمک ایله مکلف طونارلردی . مع مافیه هرکسی کندی چوجقلرینه شعر اوکرتمهک تشویق جهتی اولجه یازلدینی اوزره تا حضرت عمر زماننده باشلامش ایدی . شوقدرکه او دورده یالکیز تشویقات اجرایی ایله اکتفا اولنوردی . بی امیه ایسه بویولده یالکیز تشویقات دکل ، پاره ومساعی عظیمه دخی صرف ایدرلردی . دولت امویه مؤسس ( معاویه ) « اک زیاده اهمیت ویردیکیز شی وعلم وعرفانکیز اکثری شعر اولسون » دیردی [۱] . مشار ایله شعرایه اکرام والتفاده - ذم ایتسهر بیله - پک ایلری کیدردی . ( معاویه ) دن صکره مقام خلافتی احراز ایدن خلفای امویه ایله والیلری وازجمله ( حجاج ) دخی عینی بولی طوتمشلدرد . ( حجاج ) شعرایه پک زیاده اهمیت ویریردی . ادبای زمانه دن اک بیوک شاعر کیمدر دبییه صوراردی . شعرانک یکدیگرینه تفوقی بختلرنده بولنوردی . بوخصوصاتی مباحثه صورتیله اجرا ایده مسدیکی زمان ( قتیبه بن مسلم ) ایله یاپدنی کبی علم وعرفان صاحبیلره مکتوبلشیردی [۲] . خلفای امویه ووالیلری شعرانک کندی قبولرنده طولاشدقلرینی کورمزله ایسه انلری کندی نزلرینه وزیرتلیرینه دعوت ایدرلر واحسان وعطیه لره مستغرق ایلرلردی . ملوک امویه دن ( عبدالملک بن مروان ) شعره پک زیاده اهمیت ویرن خلفادن ایدی . بونک زماننده خلق هر نرهده اجتماع ایتسهر دائما شعردن وشعرادن بحث ایدرلردی [۳] .

شعره میل ورغبت عربلرجه برسنجیه فطریه اولمق وامویلرک دولتی صرف برعرب دولتی بولمق اعتباریله بی امیه طرفدن شعر حقنده اظهار اولسان میل وتوجه ، ادبیاته هوسلرندن وشعر اهلی تشویق وترغیب ایتمک ایسته ملرندن

[۱] ابن خلکان ۱۰۷ ج ۲ [۲] منهاج ۴۲۰ ج ۱ [۳] لطائف المعارف ۷۰

نشأت ایلدیک یی وارد خاطر اوله بیلیر . واقعا بوجهتک تأثیری اولوق مستبعد دکلدر . لکن اک طوغریمی امویلر بومیل ورغبتی خاندان نبوی ارکانه قارش ی شاعرلرک دیلارینی بر سلاح شکننده استعمال ایتک مقصدیله اظهار ایدرلردی . چونکه امویار خلقک خلافتک خاندان نبوی ارکانسه عاند اولدیغنی اعتقاد ایتدکارینی بیلیرلردی . حتی بر چوق دفعه بنی امیه نک الطاف وانعامی ایله پرورده اولان شعرا بعض احوالده بو نقطه یی آچیه دن آچیه س سویلکدن چکنمز لردی .

اوجله دن مثلاً شاعر مشهور ( فرزدق ) امویلری مدح وبر چوق عطیه واحسانلارینی اخذ ایتدیکی حالده باطناً بنی هاشمه طرفدار ایدی . امویلر بونی بیلیر ایکن ینه بوشاعری ممنون وخشنود ایتک ایسترلر ایدی . روایته کوره ( معاویه ) طرفندن ( مدینه ) ده والی بولسان ( مروان بن الحکم ) والیلکی اثناسنده ( فرزدق ) ک مستلزم مجازات بر طاقم سوزلر سویلدیکی ایشیدیر . ( فرزدق ) ی آرار . شاعر یقای اله ویرمامک ایچون بصریه قرار ایدر . خلق ( مروان ) ه : « بویایدیغک شیده خطاییتک . چونکه بوحر کتله کندیک مضر برشاعریک هجوینه معروض یایدک » دیرلر . بونک اوزرینه ( مروان ) ذم و هجو اولتماق ایچون ( فرزدق ) ک آرقه سنده بر آدم کوندیرر . آدمله برابر یوز دینار ایله برینک دوه هذیه یوللار . فقط بوکی حالاره رغماً ینه بوشاعری خاندان نبوی به مظاهرتدن واز کچمزدی . روایته کوره مالوک امویهنک طقوزنجیسی ( هشام بن عبدالملک ) حجه کیتمش ایدی . طوافده ایکن حضرت حسینک مخدومی حضرت علی یی کورر . نصلسه طانیاز . بوآدم کیمدر دیه صورار . ( فرزدق ) اوصرده اوراده حاضر بولنور . بوحالی کورنجه اهل بیت نینک مدخنه دائر اولان :

هذا الذي تعرف البطحاء وطأته      والبيت يعرفه والحل والحرم

مطالع ی او مشهور و بلیغ قصیده یی نظم ایدرکه بوقصیده شعر عزینک اک بارلاق نمونه لرندن معدوددر .

امویلرک شعرا یه اهمیت ویردرک کندیلرینه یاقلاشدرملری کند ی حاکمیلرینی تقویه مقصدیله وقوع بولدیغنی شوده کوبستریور : خلفای امویهنک اک عادل



والک متقی اولان (عمر بن عبدالعزیز) تقوی و زهدده خلفای راشدینک طوتدینی یولی طوتیق ایستدیکی زمان شعرایی کندی قپوسنی چالقدن منع ونه شعرى ، ندهده شاعرلری قبول ایتدیجکی اعلان ایتیش ایدی [۱] . فقط بو سبیدن زمان خلافتی امتداد ایدمامشدر . کندیسندن صکره کلن خلفا شعرايه اکرام وعطيه واحسانلره مستغرق ایتک طریقنه عودت ایتشلردر .

### شعر وعباسیلر

دولت امویه نك انقضاسندن ویرینه دولت عباسیه نك تشککندن صکره ایکنجی خلیفه عباسی (منصور) شعرايه التفات واکرامدن عدول ایتشدر . حال بوکه شعرا خلفایه مراجعته وعطيه واحسانلرینه نائلته آیشمشلردی . بونلر (منصور) ک قپوسنه کلدجکه حضورینه کیرمکدن کونلرجه منع اولنورلردی . بکلهیه بکلهیه اللرنده ، آووجلرنده بولنان خرجلق بیتردی . بکلمکدن ده اوصانیرلردی . (منصور) ک حاجی هرکون بوشاعرلرک وجودندن معلومات ویردیکی حالده (منصور) بونلرک کندی حضورینه قبوللرینی تأخیر ایلردی . (منصور) شعرایی برچوق انتظارلردن صکره حضورینه قبول ایلسه خلفای امویه یی مدح ایتدکلی کی کندینی مدح ایتاملرینی شرط اتخاذایدردی [۲] . مشار الیه بخیل برذات ایدی . بوجهمتله شعرا کندیسندن دلکیر اولمشلردی . شعرانک بوصورتله دلکیر اولملری عربلرک (منصور) دن اوزاقلاشمالرینه وعلوبلره میل ایتلرینه یاردم ایتشدر . (منصوره) ه قارشى مدینهده اعلان خلافت ایدن (محمد بن عبدالله) اک موقعی بیوک بر اهمیت آتش و (منصور) بو آتش اختلالی اطفا ایدنجهیه قدر پک چوق مشقت وعذابلر چکمشدر . (منصور) دن صکره کلن خلفای عباسیه بو خالدن عبرت بین اولهزق شعرایی اغضابدن چکنمکه وکندیلرینی عطيه واحسانلره مستغرق ایتمکه باشلامشلردر . شعرا بویله احسانلره مظهر اولدقجه باخصوص

(رشید) زمانندہ علویلرہ طرفدارلق شوپلہ طورسون انلری هجو ایلہ خلفایہ خوش کورنمکہ چالیشمشاردہ ازجملہ (رشید) ک زمانندہ یاشایان مشاہیرشعرادن (مروان بن ابی حفصہ) خاندان حضرت علی بی هجو و ذم ایلہ خلیفہ مشار۔ الیہ یارانمغہ چالیشمیردی [۱]۔ امویلر زمانندہ شعرایہ سوال - دینلنجیلر - نامی ویریلر ایکن (رشید) ک وزیر (جعفر) انلرہ قدرلرینی تعظیماً زوار - زائرلر - نامی ویرمشدر۔ یدنجی خلیفہ عباسی (مأمون) شعرایہ اکرام والتفائدہ اوقدر ایلری کیتمش ایدی کہ کنیدیسنی ذم وهجو ایتسلر بیلہ انلرہ عفو ومساحہ ایلہ معاملہ ایدردی۔ روایتہ کورہ خزاعہ دن شاعر مشهور دعبل اوچنجی خلیفہ عباسینک اوغلی (ابراہیم بن المہدی) بی هجو ایدر۔ ابراہیم کیفیتی خلیفہ (مأمون) ہ عرض ایلہ شاعرک مجازاتنی طلب ایلر۔ (مأمون) ابراہیمہ : «نم یابدیغم کبی سن دہ مساحہ ایلہ معاملہ دہ بولون۔ بو آدم بنی دہ هجو ایتدی۔ باق، نم حقمدہ نلر سویلیور :

ایسومنی المأمون خطہ جاہل  
انی من القوم الذین سیوفہم  
اوما رأی بالامس رأس محمد  
قتل اخاک و شرفک بمقعد  
سادوا بذکرک بعد طول خمولہ  
واستقذوک من الحضيض الاوہد[\*]

جوابی ویرر۔ ابراہیم «ای امیرالمؤمنین ! حقیقہً یک حلیمسکز، دیر [۲]»۔

خلفای عباسیہ دن (مہدی)، (رشید)، (مأمون) ک قبولری شعرانک ازدحامکاهی ایدی۔ اودورده (بشار بن بردعقیلی)، (ابونواس)، (ابوالعاتھیہ) وسائرہ کی بیوک شاعرلر یتشمشدر۔

[۱] ابن خلکان ۸۹ ج ۲

[\*] «(مأمون) جاہل بر آدم کی بکا معاملہ ایتکمی ایستور؟ دہا دون برادری محمدالامینک باشی نصل یووارلاندیغنی کورمدیمی؟ ای مأمون! قلیجاریلہ قازدشکی اولدیرن وسنی بو مقامہ اصعاد ایلہ سکا شان و شرف ویرن قومدن اولدیغنی بیلملیسک۔ اوقومکہ نامک یوق ایکن نامکہ شان و شرف ویردیلر۔ وسنی خاک مذلتدن قورنارہرق بومنصبہ اتلا ایلدیلر»

[۲] ابن خلکان ۱۷۹ ج ۱

## شعرا وعرب دولتلىرى

اولجە ذکر ايتديكمز وجہ ایلہ شعر علوم عربیہ دندر . عربلرجه پک معتبر ایدی . بالا آخرہ دولت عباسیہ دہ عرب اولیان عنصرک تغلبی ایلہ امور حکومت ترکلرک الہ پکنجہ شعر وشعرانک اہمیتی ضعفہ اوغرامش و بو حال ( بنی حمدان ) دولتک تأسسنہ قدر دوام ایتمشدر . دولت مشارالہانک ملوکی عرب اولدولرندن بونلرک دورندہ شعر عربی تکرار رونق و حیات بولمشدر . شعرا ( آل حمدان ) دن مشہور ( سیف الدولہ ) نک قبوسنی پناہ اتخاذا ایتمشلردی . مشارالہک اطرافندہ او قدر شعرا طوبلانمش ایدی کہ روایتہ کورہ بوقدر اعظم شعر ونوادر زمان خلفادن صکرہ ملوکدن ہیچ برینک قیوسندہ اجتماع ایتامشدر [\*] . ( سیف الدولہ ) کندییی بالذات ادیب وشاعر ایدی . انک دورندہ اعظم شعرادن ( ابو نراس حمدانی ) ، ( متنی ) ، ( سری ارفاء ) ، ( ابو عباس النامی ) ، ( ابو الفرج البغواء ) ، ( وأواء ) وسائرہ یتشمشدر .

فقط دولت مذکورہ منقرض اولنجہ شرقدہ شعر تکرار خمول و اہمالہ اوغرامشدر . حال بوکہ آتیدہ کوستریلہجکی اوزرہ شعر اوصرہ لردہ اندلسدہ کی اویلر دولتندہ مظهر رواج واعتلا اولمش و وسعت وانواعی چوغللمشدی .

عربلردن اولیان اسلام دولتترینہ کلنجہ بونلردن موقع اقتدارہ کلن حکمداران ایچندہ شعری سون ، شعرایہ اکرام والتفات ایدن ذوات بولنمش ایسہدہ اکثریت اعتباریلہ بونلر کندی مدحلیزہ دائر اوقونان شیلری آکلامدقلى حالدہ اعظمی تقلید ویا فخر ومباهات اظهار ایتک مقصدیلہ شعر وشعرایہ التفاتدہ بولنورلردی . بوقیلدن اولان احوال دن اولمق اوزرہ

[\*] اصلدہ « ہیچ برخلیفہ نک قیوسندہ اجتماع ایتامشدر » دینلبور . ابن خلکاندہ بوعبارہنی « خلفادن صکرہ ملوکدن ہیچ برینک قیوسندہ ... » شکندہ کورہ رک اکا کورہ تصحیح ایلدک .



بر طاقم شعرا مغربہء برابرۂ لتونیہ دن [\*] (یوسف بن تاشفین) ك [\*\*]  
 نزدینہ کلہرك مدحنہ دائر تنظیم ایتدکاری قصائدی (معتمد بن عباد)  
 واسطہ سیلہ کندیسہ تقدیم ایتشردی . شاعر لر قصیدہ لرینی انشاد ایلہ عطیہ لرہ  
 نائل اولدقدن صکرہ (معتمد) (یوسف بن تاشفین) دن : « امیرالمسلمین  
 بونلرک نہ دیدک لرینی آکلادیی ؟ » دیہ صورار . (ابن تاشفین) : « خیر ،  
 آکلایہ مدم . یالکیز خیر ایتدک لرینی آکلایورم » جوانی ویریر . (معتمد)  
 کندی مملکتہ کیدنجه (ابن تاشفین) ہ برمکتوب کوندرہرك مکتوبہ شو  
 ایکی بیتی یازار :

بنتم و بنا فما ابتلت جوانحنا      شوقاً الیکم ولا جفت ما قینا  
 حالت لفقدم ایا من افقدت      سوداً و کانت بکم بیضاً لیا لینا

« بربریزدن آیرلدیغمز کوندن بری شوقز سوئمدیکی کی الم فرقتدن  
 کوزلرمزده قورومدی . غم و یأسک استیلا سندن کونلر کوزمزده اوقدر

[\*] (لتونہ) ارضیسنده ساکن بربریلردن دیمک ایتتیلور .

[\*\*] ابویعقوب یوسف بن تاشفین مغربہء حکومت سورون ملتین ونام دیگرلہ  
 مرابطین دولتک اوجنچی واک قوتلی حکمداری ایدی . ۴۷۸ تاریخندہ تخت حکومتہ  
 کچمش و مراکش شہرینی تأسیس ایدرک پایتخت ایتخا ایتشدر . مغربہء دولتی تأمین  
 و بیوک براردو تشکیل ایتدکدن صکرہ اندلس طوائف ملوکدن (محمد المعتمد بن عباد) ک  
 دعوتی اوزرینہ ۴۷۹ دە سبتہ بوغازینی تجاوزلہ قستیلہ قرالی آلتنجی الفونسہ قارشى  
 (زلاقہ) مظفریت عظیمہ سہ نائل اولدقدن واسپانیانک برچوق یرلرینی فتح ایتدکدن  
 صکرہ مراکشہ عودت ایتش ایسہ دە اندلسہ (سیر بن ابی بکر) ک قوماندانی  
 آلتندہ قالان عسکری واسطہ سیلہ اندلسک بتون طوائف ملوکنی ازالہ و بوقطعہ بی کندى  
 مملکتہ الحاق ایتشدر . کندیبی ای ولسان عربی بی دخی آکلماز بربریری ایدی سہ دە  
 مدبر و عادل بر حکمدار ایدی . (قاموس الاعلام) دە یوسف بن تاشفین ک ۴۸۱ تاریخندہ  
 ایکتنجی دفعہ اولہرق اندلسہ کچدیکی و بو سفر عودتدن صکرہ عسکر کوندرہرك  
 طوائف ملوک ازالہ و اندلس قطعہ سنی ممالکک الحاق ایلدیکی ذکر اولنور ایسہ دە  
 صاحب ترجمہ نك مفصل ترجمہء حالنی حاوی اولان (ابن خلکان) دە بوجہ تدریکر برروایت  
 اولقی اوزرہ ذکر اولنور . (ابن خلکان) اصل اولقی اوزرہ کوستردیکمز وجہ ایلہ یوسف بن  
 تاشفینک بردفعہ اندلسہ کچدیکی و عودتدن صکرہ مذکور قطعہ دە قالان عسکری  
 واسطہ سیلہ طوائف ملوک اسلامیه بی ازالہ و اندلس قطعہ سنی ضمیمہ ممالک ایتدیکی  
 یازور .

دکشمشدر که قریبگذره کیجهلری کون کی بیاض و براق کچیریرکن شمدی کونلر  
بیله کوزمزده سپه سیاه کسلدی »

مذکور بیتلر ( ابن تاشقین ) ه اوقوندیغی زمان مشارالیه کاتبیدن : « معتمد  
بزدن بیاض و سیاه جاریه لرمی ایستور ؟ » دییه صورار . کاتب « خیر افندم ؛  
دیمک ایستور که امیرالمسلمین ک قریبنده بولندیغی زمانلرده انک کیجهسی کوندوز  
ایدی . چونکه مسرت کیجهلری بیاض اولور . شمدی اوشرفدن اوزاق  
بولندیغی ایچون کوندوزلری بیله سیاه کورییور . چونکه فرقت و حزن و کدر  
کیجهلری سیاه اولور » جوابنده بولور . بونک اوزرینه ( ابن تاشقین ) « والله  
کوزل . اکا یازه جغک جوابده » کوزلرمک یاشی کندیسی ایچون دوکولیور .  
باشلرمزده انک فرقتی دوشونمکدن آغرییور » دییه یاز « جوابی ویریر [۱] .

### شعرک جمعی وراویلی

اسلاملر قرآن عظیم الشانک تفسیرینه ابتدار ایدوبده الفاظک تحقیق  
معاینه محتاج اولنجه شعرى بوخصر صده مراجعت ایدیله جک و سائط جمله سندن  
کوره رک راویلرندن تاقی واخذ ایتک صورتیله جمعه مجبور اولمشلردی . شعرک  
جمعه برنجی عصر هجریده باشلانمشدر . بوجع ایله اک زیاده اشتغال ایدنلر  
عراقک بلاد عربیه یقین بولسان قسمی ، یعنی کوفه و بصره اهالیسی ایدی .  
بونکله برابر کوفه اهالیسی بصره اهالیسندن زیاد ، شعر جمع ایلشلردر [۲] .  
عرب شعرلرینی ایلك جمع ایدن ، اشعاره متعلق حکایاتی ایلك نقل و تدوین  
ایلین ذوات ۱۵۵ سنه سنده وفات ایدن دیلی - کوفلی ( حماد روایه ) [۳] ،  
( ابورده ) نک مولاسی فرغانلی ( خلف بن حیان الاحمر ) [۴] . ( ابو عمرو  
بن العلاء ) ، ( ابو عیبه ) ، ( اصمعی ) و سائر ایدی . اشعار راویلرندن اکثری  
ادب و لغت راویلرندن ایدیلر . فصل مخصوصنده بوکا دائر معلومات و برمش  
ایدک .

[۱] نفح الطیب ۷۸۱ ج ۲ [۲] مزمهر ۲۰۶ ج ۲ [۳] ابن خلکان ۱۶۴ ج ۱

[۴] طبقات الادبا ۶۹

زمان جاهلیت شعرلرندن جمع اولنان آثار منظومه بیکلرجه قصیدلره بالغ اولمشدر . بوقدر چوق شعر صاحبی اولوق هیج برملنده امثالی کورلماشدر . مع مافیہ بعض شعر راویاری برطاقم اسبابک سوقی ایله کندیلری شعر نظم ایدرک بو اشعاری زمان جاهلیت عربلرینه اسناد ایلرلردی . لیکن هر حالده بوکبی اشعار مصنوعه و مسندهک مقداری بر قاج بیتدن فضله دکل ایدی . ( خلف بن حیان احمر ) دییورکه : « کوفیه کلهرک علما سندن شعر نقل و اقتباس ایتک ایستدم . اعطاده امساک ایتدیلر . کندم شعر نظم ایدرک اسکی شعر دییه انلره ویرمک و بونک مقابلنده کندیلرندن عرب اشعارینی آلفه مجبور اولدم . یعنی ساخته یی و یروب طوغری یی آلیوردم . بو حال خسته دوشدیکم زمانه قدر دوام ایتدی . خسته دوشدیکمده ایسه انلره : « یازیقلر اولسون سزه ! ایشته بن حضور الیه توبه ایدیورم . ویردیکم شعرلر هپ بنذر . جاهلیت شعری دکلدر » دیدم . سوزیمه اینانمیلر . ایشته بوسبیدن ویردیکم اشعار اسکی عربلره منسوب قالدی » [۱]

مارالذکر شعر جامعلرندن ( ابو عمرو بن العلاء ) ده : « جاهلیت اشعارینه شوییتدن ماعدا برشی علاوه ایتدم :

وانکرتی وماکان الذی نکرت  
منالحوادث الا الشیب والصلبا

بونیده ( اعشی ) نک ابیاتی ایچنه صوقوشدوردم « دییور . ذکر ی کچن جامعلردن ( حماد ) دخی اوکبی برحرکتده بولنمشدر [۲] . شوقدرکه عربلر احادیث شریفه نک تدقیق و تفریقنده اعتیاد ایتدکاری ملکه تمیز و تنقید ایله چوق کچمدن اشعارکده زمان جاهلیته منسوبیتی مسأله سنده روایانک اسانیدینی تدقیق و تحقیق ایله صحیحی غیر صحیحدن تفریق ایلشلردر .

شعر نقل و روایتده عربلرک بر عادت ی واردی . نا زمان جاهلیتدن اعتباراً عربلردن برشاعر یتشه کندیسنه بر آدم رفاقت ایدر ، اشعارینی حفظ و قرائت ایلردی . یا خود او شاعره دیگر شعرانک اشعارینی مثال و یا سائر قیلندن نقل ایدردی . ( راویه ) نامیله تسمیه اولنان بوشاعر یارداغنه علی الاکثر شاعر لکه نامزد اولان آدم لردن بولنوردی . صانکه برشاگردکی معلمنک معیتده تمرین



وتجربه کوره رک بالا آخره استاد اولوردی . جاهلیت زمانلرنده اوقومق یازمق بیلمدکلرندن بتون قوت واهیتی حفظه ویریرلردی . مشاهیر شعرا وعشاق عربدن کثیر عزة ( جمیل بئنه ) نک وجمیل بئنه مشاهیر شعرا دن ( هدیه بن خشرم ) ک وهده ( حطیه ) نک وحطیه دخی ( زهیر ) ایله اوغلنک راویلیری ایدیلر [۱] . کرک زمان جاهلیته ، کرک اسلامیتک ایلک دورلرنده برراویه یالکیز برشاعره اختصاص ایدرک انک اشعارینی نقل وروایت ایدر ، اوشاعره رفاقتده بولنور ، برشاکرد کندی معلمی ایله نصل اظهار فخر ومباهات ایدر ایسه رفاقت ایتدیکی شاعرک اشعارى ایله اولهجه فخر ومباهات توسیر ، انى مدافعه وسائر شعرايه ترجیح ایلردی . فقط بالا آخره عربلر شعرک جمعنه محتاج اولنجه بوانحصار عادتی قالقهرق راویلر ، یاخود جامعلر جوغلمشدر . بودورده شعر جامعلرندن هریری کندیسنه تعلق ایدن برمقصد ایچون شعری جمع وروایت ایدردی . مثلاً نحو یون اعرابده مثال ودلیل اتخاذا ایدیهجک اشعاره اهمیت ویریرلردی . شاعرلر غریب برافظی ویا غریب برمعانی حاوی وتفسیره محتاج کوچ اشعاره رغبت ایلرلردی . شعر جامعلری میاننده دلیلرک ، بدوی خرسزلرینک اشعارینی ، بدویلرک قیسه رجزلرینی ، یهودیلرک اشعارینی نقل وروایت ایله اشتغال ایدنلرده واردی . مع مافیه بوقیلدن اولان جامع وراویلر شعر جامع وراویلرندن عد ایدلزلردی . هرنوع اشعار جمع وروایتنده تفرد ایدنلر اصل شعر راویلیری عد اولنورلردی . بالاده ذکر ایتدیگمز ( حماد ) ، ( خلف ) وسائر کبی ذوات او جمله دن ایدیلر . اولجه بیان ایلدیگمز اسبابدن طولانی اودورلرده یازی ایله تدوین آئاردن احتراز ایدلدیکنندن قرآن عظیم الشانک واحادیث شریفه نک از برلنمی سایه سنده حافظه لرده حفظ ایچون پک بیسوک براستعداد حاصل اولمش ایدی . بوسیدن شعرک روایت وحفظنده خارق العاده وغریب برملکه واردی . ایشته اوسایه ده شعر جامع وراویلیری ایچنده یکرمی ، اوتوز بیسک قصیده یی از بر ایتش ، بونلری اسانیدی ومعانیسی ایله روایته مقتدر آدملر بوانوردی . شاعرلر لسان عربیده کی ملکه لرینی تزئید ایتک ایچون زمان جاهلیت اشعارینی از برملکه صوک درجه ده اهمیت ویریرلردی . چونکه

بیوک برشاعرک اشعارنی بیلمک انک کی اشعار جیدہ نظمہ باعث اولہ جغہ  
 ذاہب اولورلردی . بوندن ماعدا شعرا کندیلرینہ توجیہ اولتان سؤالره جواب  
 ویرہ بیلمک ایچوندہ جاهلیت اشعارنی حفظہ مجبور ایدیلر . چونکہ کرک  
 دولت امویہ زمانندہ ، کرک دولت عباسیہ نک ایلمک دورلرندہ خلیفہلر ووالیلر  
 اشعار جاهلیہ یہ پک زیادہ اہمیت ویریرلردی .

### طبقات شعرا

عربلردہ شاعرلک فطری برخاصہ ایسہدہ زمین وزمانک اختلافی ایلہ شعر  
 عربی معنی واسلوب جہتلیریلہ مختلفدر . چوللرک اورتہ سندنہ دوسنی سورر  
 ایکن قصیدہ تنظیم ایدن بدوی قوملردن ، یوردیرلرندن بشقہ برائر حیات  
 کوسہ ترمین برحیطک ایچندہ بولنیوردی . کوانشک محرق صیجاغنسہ ، یاخود  
 کیجہ نک کثیف ظلمتہ  
 معروض اولدقیجہ قیلدن ،  
 یاخود یوندن معجول  
 چادرینہ التیجا ایدردی .  
 یکاہ مونس یولداشی  
 دوسہ سی ، آتی ایدی .  
 ییہ جک اولہرق سوت  
 وخرمادن بشقہ برشیئہ  
 مالک دگل ایدی . یاتمق  
 ایستدکجہ بردشمنک بردن  
 برہ هجومندن ، یاخود  
 حشرات مضمرہ نک کندہ  
 یسفی صوقسندن قورقہرق



شامدہ بربرایک جامی

نیم اویانق یاتاردی . سودیکی ایلہ سوزلشدکجہ (رقتین) ، یاخود (عقیق) ی

محل ملاقات آنجا از ایدردی که او داده برتبه‌ک و یا بر دره‌ک کنارنده بولوشورلردی . طاشدن ، یاخود آغاچدن معمول آلهیه طاپاردی . یاخود کندی الی ایله خرمایان بر معبود یا بهرق فقط آج قالنجه انی یر ایدی . بوحالده ، بویله بر محیطده باشایان بر بدوینک خیالات شاعرانه‌سی مزین کاشانه‌لرده و مفرح باغچه‌لرده بیویه‌رک ایپکلی البسه کیمکه و قطیفه‌لی یتاقلره یا تمغه آیشمش ، شان و شوکت دولتی کورمش ، خلفا و وزیرایه مصاحبت ایشمش ، ناز و نعیم ، راحت و رفاهیت ایچنده یا شامش اولان بر آدمک خیالات شاعرانه‌سی ایله البته بر اوله‌ماز . ایشته آرده بویله فرقلر بولندقجه موقع وزمانه کوره بر ملتک شعرنده اختلاف بولمق طبعی‌در . بوجه‌تله زمان جاهلیت اشمارینی تزینات لفظیه‌دن و انواع کنایه و مجازدن خالی اولمقله برابر معنی ده‌ا خشن و لفظاً ده‌ا متین کوررسکز .

دها صکره اسلامیتک ظهوری اوزرینه قرآن عظیم‌الشان ایله احادیث شریفه‌ک حفظ و تناقلی تعمیم ایتدیکی کی علوم لسانیه و ادبیه متعلق معلوماتک و امثال و حکمک جمعنه و شعرک جیدینی غیر جیدندن تفریق و تمیزده صرف همت ایدیلنجه خالقده کی طبیعت شاعرانه و قوه ذکا پارلایه‌رق شعرانک بلاغته‌کی ذوق سلیم‌لری ترقی ایلش و ملکه‌لری برقات ده‌ا رسوخ پیدا ایدرک شعر و خطابتده کی تخیلات و تصورات کسب و سعت ایلشدر . بودورده وجوده کتیر بیان آثار منظومه و منثوره زمان جاهلیتک محصولات فیکریه‌سندن مرتبه‌جه ده‌ا یوکسک ، رونق و براقته ده‌ا صاف و ضیاداردر . عرب‌لر بوسره‌لرده ایراندیلردن اطنابات و تطویلات اسلوب‌لرینی اقتباس ایلشلردی . بناءً علیه دور اسلامیده یتیشن شعرا بلاغت و ذوق بلاغته‌ده شعرا جاهلیه‌ک فوقنده بر طبقه تشکیل ایدرلر . مثلاً شعرا ی اسلامیه‌دن ( حسان بن ثابت ) ، ( عمر بن ابی ربیع ) ، ( حطیئه ) ، ( جریر ) ، ( فرزدق ) ، ( نصیب ) . ( ذوالرمة ) و ( احوص ) ک اشعاری بلاغته‌جه ، طرز تعبیر و افاده‌ده مهارت و تنوع‌جه ، صنعت‌جه شعرا جاهلیه‌دن ( نابغه ) ، ( عنتره ) ، ( ابن کلثوم ) ، ( زهیر ) ، ( عاقمه ) و ( طرفه ) نک شعرلردن ده‌ا یوکسکدر [ ۱ ] . نه‌کیم دور اسلامیده یتیشن خطیب‌لر دخی عباره نسیقنده و طرز افاده‌ده جاهلیت



خطبا سندن دها بلیغ ودها یوکسک بر موقع اشغال ایتشلردر .

عربلر ددایلك شاعر لر جاهلیت شعر اسندن متشکلا ر . بوطبقه دن صکره دور اسلامی شاعر لری کایر که بونلر ظهور اسلامیتدن دولت امویه نك صوکارینه قدر اولان زمانلر ده یتیشن شعرادر . بوطبقه شعرایه ( مخضر مین ) نامی اطلاق اولنور . اوچنجی طبقه اوله رق دولت عباسیه دورنده یتیشن شعرای کایر که بوطبقه یه ( مولدین ) نامی ویریلیر . بونلردن صکره ظهور ایدن شعرای ( محدثین ) طبقه سنی تشکیل ایدر لر . بونلکه برابر ذکر اولن ان شعرای طبقه لرندن بری ایله انی ولی ایدن طبقه آره سنده کی زمانی تسمای تمامنه تعیین ایتک ، آره لنده قطعی بر حد وضع ایلك ممکن دکدر . زیرا بر چوق شاعر لر واردر که بر طبقه نك صوکارنده وانی ولی ایدن طبقه نك ایلك دورلنده بولنمشلردر . زمان جاهلیت شاعر لرندن بعضلری دور اسلامی یه یتیشدکلری کی شعرای مخضر میندن بعضلری ده مولدین دورنده یاشامشلردر . وقس علیه .

بزشعرایی بوطبقه لره اختصار مقصدیله تقسیم ایدیورز . برنجی طبقه - که شعرای جاهلیه دن متشکلدر - بوندن مقصد بسبتون زمان جاهلیت شعرایی ، یاخود اشعارینک قسم اعظمی اسلامیتدن اول نظم ایدن شعرای طبقه سیدر . زمان جاهلیت شعرینک خاصه میزه سی ساددک وقبالقدر . بر حسی نظم وتوصیف ایتدکلرندن حال طبیعی سی نه ایسه نظم لری ده اوقدر اولوردی . بر آرسلائی ، یاخود بر چادری ، یاخود بر کیکی توصیف ایلینجه دخی سوزلرنده بر تکلف ، طبیعی که مخالف برشی ، بر مبالغه بولنمازدی . بوطبقه نك اک مشهور شاعر لری اصحاب معاقندر .

( مخضر مون ) نامیله معروف اولان ایکنجی طبقه ایسه انی تشکیل ایدن شاعر لک امویلر دورنده حال بد اوته قالمش بولنلرینه بناء برنجی طبقه شعرایه بکزر . شوقدر که بوطبقه شاعر لری بالاده بیان ایتدیکمز اسبابدن طولانی بلاغتجه شعرای جاهلیه نك فوقده بر مقام احراز ایتدکلری کی شعر لری ده مدنی خاصه دن خالی دکدر . شاعر نجی ( حسان بن ثابت ) ، قصیده برده صاحبی ( کعب بن زهیر ) ، کبار شعرادن ( جریر ) ، ( اخطل ) ، و ( فرزدق ) بوطبقه نك اک مشهور شعر اسندندر لر .

طبقه، ولدینه کلنجه بو طبقه یی تشکیل ایدن شاعرلر عباسیلرک الک بارلاق دوری اولان (رشید) و (مأمون) ک زمانلرنده، بوللق، تنم، راحت، اسرافات ورفاهیت دورنده یتیشدیکاری جهتله معاشرت و محالعت تأثیری ایله بوشاعرلرک طبیعت شاعرانه سی اینجهلشمش، ذوق ادبیلری ده ترقی ایلش ایدی. بوانجهلک، بوترقی درحال شعرده کورولشدر. شعرا شرابک، بزم انس و طربلرک، کاشانهلرک، باغچهلرک، کلسه تانلرک نظماً توصیفنه قویوشلردی. شعرای مولدینک اشعار ی رقت حس و پرده بیرونانه معانی جهتلریله ذکر اولنان دیکر ایکی طبقه دن آیری بر موقع طوتار. مولدینک الک مشهور شاعرلری (بشار عقیلی)، (ابو العتاهیه)، (ابو نواس)، (ابو تمام) و (بحتری) در.

دردنجی طبقه شعرا اولان محدثین ایسه یونان فلسفه و علومنک عربلره نقل و عربلرده علم کلام منتشر اولدقدن صکره ظهور ایدن شاعرلردن متشکلدر. (متنبی)، (ابوالعلاء المعری)، (شریف رضی)، (صفی الدین حلی) نک اشعارنده کورولدیکی وجه ایله بو طبقه یی تشکیل ایدن شاعرانک شعرلرنده فلسفی، حکمی، جدلی برنک موجوددر.

### اسلامیتده شاعرلر و شعرلری

ایلك قرون اسلامیه ده بازار شعر حال رواجده بولندیفی ایچون ازمنه جاهلیه ده فصل چوقجه شاعر یتیشمش ایسه بودورلرده دخی اویله جه پک چوق شاعرلر یتیشمش ایدی. شوقدرکه شعرا یه متعلق معلوماتک اکثری ضائع اولدیغندن عربلردن یتیشش شاعرلرک مقدارینی تماماً بولوق ممکن دکادر. معافیله اله کین برطاقم معلومات واردرکه عربلردن جداً پک چوق شاعرلر یتیشدیکنی کوستریر. (ابن خلدکان) : « بغدادلی منجم (هرون بن علی) نک شعرای مولدین حقنده (کتاب البارع) نامیله برکتاب یازهرق انده ۱۶۱ شاعرک ترجمه حاتی جمع ایلدیکنی، ایلك ترجمه حالک (بشار عقیلی) یه

وصوك ترجمہ حالك ده ( محمد بن عبدالمالك بن صالح ) ه متعلق بولنديغى ، ذكر ايلبور . ( بشار ) ايله ( محمد بن عبدالمالك ) آردسندە مرور ايدن مدت بك قيصة ايدى . بوندىن ماعدا اترك مؤلفى ( هرون بن على ) بوكتابده يالكنز اك كزيده و مشهور شعرايى يازمقلە اكتفا ايتديكنى بيان ايدىيور . بويلە جزئى بمرمت ظرفده ۱۶۱ بيوك شاعر يتشير ايسە ايكنجى طبقه يى تشكيل ايدن مخضر ميندن و دردنحى طبقه دن اولان محدثيندن نه قدر شاعر يتشمش اولديغى اكا كوره تخمين ايتليدر . اندلسده يتشهر ك عددلرى يوزلر ايله صاييله بيلن شعرايى ده اونوتمامليدر .

بودرجه چوق متدارده يتيشن عرب شاعرلرينك نظم ايتدكلرى تقصيدهلر و ديوانلرە كنجه بوللرى احصا و تعداد ايتك امكانك خارچنده در . باخصوص اوقصيده و ديوانلرە قسم اعظمى اسلاميتك قرون وسطاسنده ظهور ايدن فته واختلاللر اثناسنده ضائع ارمشدر . بنابرین ( كشف الظنون ) مؤلفنك بوخصوص حقنده ويرديكى معلوماتى بورايە نقل ايله اكتفا ايدە جكرە . مشاراليه هر برى مشاهير شعرا دن برينك محصول قريحه سى اوله رق آلتى يوز قدر ديوان - شعر مجموعه سى - ذكر ايدىيور . ديوانلرى ذكر ايدر كن شاعرلر ك اسمارنى ، قبلرني ، وفات سنه لرني ده يازىيور . بوشاعرلر عراق ، شام ، فارس ، خراسان ، مصر ، اندلس و سائر اهايسندن ايدلر . ذكر اولنسان ديوانلرە جمللرى مختلف اولديغى كېي حيفه لرى مقدارى ده بيكدن يوزه ويوزدن دها آشاغى يه قدر مختلفدر . انلرە اصطلاحنجه برپا پراق ايكي حيفه و هر حيفه يكر مى سطر دن تشكىل ايدر . مثلاً ( بشار عقيلى ) نك ديوانى بيك ياپراق ، يعنى ايكي بيك حيفه در . هر حيفه نك يكر ميشر سطرى حاوى اولمسنه كوره حيفه لر ك مجموعه ۴۰،۰۰۰ سطرى ، ياخود بيتى محتوى ديمك اولور . شاعر مشهور ( ابن هرمة ) نك ديوانى ده ۵۰۰ يپراق دن مركبدر . او حالدە ۲۰،۰۰۰ بيتى حاوى ديمك چيقار . كذلك مشاهير شعرا دن ( مسلم بن الوليد ) ك ديوانى ۲۰۰ يپراق دن متشكلدر . او حسابجه ۸،۰۰۰ بيتى شاملدر . سائر ديوانلرى ده اكا كوره قياس ايدىكنز [۱] .



تقابلات زمان موجه لری آردسندده ضائع اوله رق (کشف الظنون) مؤلفنک دائره اطلاع و ذکرینه واصل اوله میان دیوانلر ایله شعرلری و جمع اولندیغی ایچون دیوان صاحبی اوله میان شاعرلری نظر دقته آلیر ایسه کز کرک ازمئه جاهلیه ده، کرک دور اسلامیده هیچ برلساندده امثالی کورلمه جک درجده ده شعر عربینک کثرته و عرب شعراسنک تعددینه قارشى اظهارحیرتدن کندیکزی آله مازسکنه.

### شعرک عروضی

مشهور روایتیه کوره شعر عربینک عروضی ایلمک وضع ایدن ذات ۱۷۰ سنه هجریه سنده وفات ایدن (خلیل بن احمد) در . مشار ایله علم عروضی ایجاد و عالم وجوده اخراج ایدرک اقسامی اون بش بحری (وزنی) حاوی بش دائره یه حصر ایشدر . ده صکره (اخفش) بواون بش بحره (خب) نامیه تسمیه ایتدیکی بر بحر علاوه ایشدر [۱]. لیکن اغلب احتمالیه کوره شعر بحرلری خلیل دن و اخفشدن ده اول معروف ایدی . زیرا بو بحرلر معروف اولسه ایدی عربلر - ده اول تنظیم ایتدکاری شعرلرده کورمکده اولدیغمزوجه ایله - منظومه لرینی دقتله ضبط و تنظیم ایده مزلردی . قرآن عظیم الشانک شعر اولدیغی سویلنلرک سوزینی رد ایتک اوزره صحابه دن (ولید بن مغیره) طرفندن سویلتن : « قرآن شعر دکدر . زیرا انی شعرک انواع اوزان و قوافیسنه ، هجز و رجزه ، شوکا بوکا تطبیق ایتدمسده بونلرک هیچ برینه بکزه دیکنی کورمدم » سوزلری ده مدعایزى تأیید ایدر [۲] . مشار ایله اشعارک بحرلرینی بیلمامش اولسه ایدی بوسوزلری فصل سویلیه بیلیردی ؟ دیمک اولیورکه (خلیل بن احمد) بحرلری ایجاد ایتمش دکل ، آنجق ایلمک اولق اوزره عروضی علم شکنه قویه رق بو ترتیب ایله ترتیب ایش و عرب اوزانندن اولیان برطاقم وزنلری عرب اوزان شعریه سنه علاوه ایتشدر [۳] . احتمالیه عربلر ده صکره یونان بحور شعریه سندن واسالیب نظم لرندن اقتباسانده بولتمشدر . چونکه او عصرلرده عربلردن

[۱] ابن خلیکان ۱۷۲ ج ۱ [۲] مژهر ۱۷۷ ج ۲ [۳] مژهر ۲۰۳ ج ۲

یونان لسان وادیاتہ اہمیت ویرنلردن بعضلری عرب شمرلری ایله یونان اشعارى آره سنده مقایسلر اجرا ایدرلردی . هجرتك بشنچی عصرى اوانلنده یتیشن مشاهیر علمادن ( ابن الهیثم ) ك عرب و یونان ادبیاتك بربرینه مزجی ایله قلمه آلمش صنعت شعر حقیقه بررساله سی [ ۱ ] واردر . بورساله بی کندیئز کورمده . یونكله برابر ( ناشی اکبر ) نامیله معروف اولوب ۲۹۳ سنه هجریه سنده وفات ایدن ( ابن شرییر ) اسمنده کی شاعر قواعد عروضی تدقیق ایدرك برچوق شبهه و ترددلر کرسترمش و ( خلیل بن احمد ) ك کوستردیکی شكله مخالف برشكده کوسترمشدر [ ۲ ] .

قابل انكار اولمیان موادندركه عروض شعر خاثر حیات اولان اجسام واشیاك تابع اولدقلری قانونه تبعاً دهاصكره توالی قرون ایله ترقی وتشعب ایدیکندن نظامه اصمعیات ، شعر بدوی ، شعر حورانی وامثالی کی برطاقم انواع قصائد توردمشدر .

اندلسه كلنجه بوراده شعر؛ دیگر اقوام اسلامیه جه اهمال ایدلكدن صكره مظهر رواج واهتمام اولدیغندن بر تاریخ مخصوصه مالكدر . اندلسده کی اسلاملر شعر عربییه اهمیت ویردرك اقسام وانواعی تهذیب واصلاح ایلشدر واشعارك اصاغه وتقیقده بك ایلری کیتمشلردی . اندلسیلر شعرده ( موشح ) طرزینی ایجاد ایدرك مشهور اندلس موشحاتی او اصولده نظم ایلشلردر .

بوطرر شعر اندلسلی ( مقدم بن معاذ فریری ) [ \* ] طرفندن اوچنچی عصر هجری و اخرنده ایجاد اولتمشدر [ ۱ ] . اندلسده اصول توشیح سلاستی وتقیق كلامده لطافتی واجزاسنك سهولتله مصراع یابیلیمی جهتیله هر طرفه منتشر ومظهر قبول اولنجه عوام ناس او طرزده شعر سولكله قویوله رق اعراب ایله مقید اولقمسزین شهر لسانی ایله اشعار نظم ایتمشلردر . بوصورتله

[ ۱ ] طبقات الاطباء ۹۴ ج ۲ ( ۲ ) ابن خلیكان ۲۶۳ ج ۱

[ \* ] نفح الطیبه بوذالك اسمی (مقدم بن معاذ القبری) شكندك كوستریلیوركه طوغریسیده بوشكدر . شوالده اصلده یامواف برائر ذهول ایله اسمی یاكش یازمش ، یاخود انهای ترتیبه یاكش دیزیلرك تصحیح اولنور ایكن فرقته وارلامشدر . مقدم اندلسده حكومت سورن آل مرواندن امیر عبدالله بن محمدك شعرا سندن ایدی ( نفح الطیب ص ۱۹۵ ج ۲ ) [ ۱ ] ابن خلدون ۵۱۸ ج ۱ وابن الاثیر ۲۸ ج ۸ .

وجوده کان شعره ( زجل ) نامی و برلشدر . ( زجل ) شکنده بایلان اشعار امام الزجالیان نامیله معروف اولان قرطبه‌لی ( ابوبکر بن قرمان ) [ \* ] ک اجزال لطیفه‌سیله طائشدر .

ذکر اولنان شعر نوعندن صکره مغرب اها الیسی اعاریض مزدوجه و شهر لسانی ایله یاپیش برنوع شعر دها ایجاد ایتشلردر که بوکا ( عروض البلد ) نامی ویرمشلردی . بونی استنباط ایدن ( ابن عمیراندلسی ) ایدی . زمان حاضرده مصرده ( زجل مصری ) ، نک انواعی و سوریه قطعه‌سنده ( قریض لسانی ) و ( معنی ) فصل منتشر و متداول ایسه فاسده ( عروض البلد ) دخی او یله جه انتشار و تداول ایدرک متعدد انواعی یاپیش و بونوعلره ( مزدوج ) ، ( کاری ) ، ( ماعبه ) ، ( غزل ) و سائرده ناملری ویرمشدر .

بغداد عوامنک برنوع شعری وار ایدی که بوکا ( موالیا ) اسمی ویریلیردی . بونوعک برحق اقسامی واردی . ( قوما ) ، ( کان کان ) بوشعرك اقسامندن ایدی [ ۱ ] . ( موالیا ) بهضری بریتدن ، بعضری ده ایکی بیت ویا دها زیاده اییادن تشکل ایدردی . بونوع اشعار بالاآخره عراقدن اقطار سائرده انتقال ایدرک درلو درلو شکلره کیرمشدر . الیوم سوریه ، عراق و مصرده معروف و منتشردر .

## شعر و دولت


زمان جاهلیته شعر حقنده معلومات ویردیکمز صرده خالق‌ددی فرط حساسیت و سرعت تأثره بناءً شعرك نه درجه اجرای تأثیر ایتدیکنی کوسترمش ایدک . عربلر دولت تشکیلندن صکره عقلاً دها زیاده ترقی ایلینجه حسلری برقات دها اینجه‌ک و نزاکت کسب ایدرک شعرك تأثیرینه دها فضله معروض اولمشلردی . دها صکره دولت اسلامیه کسب وسعت ایتیمی و اسلاملر حاکمیتده

[ \* ] بوذات اسمی دخی ( ابوبکر بن قرمان ) دکل ، ( ابوبکر بن قرمان ) در .

[ ۱ ] ابن خلدون ۵۰۳ ج ۱ .



دها ایلری کیملری اوزرینه شعرک دائرۀ تأثیری ده اونسبتده کسب وسعت ایلش ایدی . باخصوص عرب دولترلنده بوتأثیر دهها زیاده نمودار بر زمین بولش ایدی . چونکه بودولترلده خلفا بالذات شعر ایله مشغول اولورلر و شعر



خلفایه مخصوص برسرای

ایله شعرایه بیوک براهیمیت ویریرلردی . خلفای امویه نك شعرایه نه قدر اهمیت ویردکلرینی ، شعرایی نصل کندی زدلرینه جلب واعزاز ایتدکلرینی دهها اول

کوسترمش ايدك . بو حال دولت عباسيه نك ايلك دورلرنده وعرب دولتلرينك جمله سنده دوام ايلشدر . شاعر نزد خليفه ويا اميره كلدجه حضوره قبولي استيدان ايدر وحضوره كيرنجه قصيده سني انشاد ايلردى . خليفه انشاد اولنان قصيده يي ديكلر [۱] وحاضر بولنانلر ابياتي ايله ترنم ايدرلردى . شاعر قصيده سني بيتيرنجه خايفه ، ياخود امير شاعره مكافات ويرليني امر ايدرردى . بو عطيه بعضاً يوز بيك درهمي متجاوز ، بلكه ده بيك بيك ( ۱۰,۰۰۰,۰۰۰ ) درهمه قدر بالغ اولوردى [۲] . شاعره بعضاً آيلق معين برمعاش باغلانير ، خلعتلر ايله اعزاز اولنور ، كنديسنه مأموريت ده ويريايردى [۳] . خلفاي عباسيه دن ( مهدي ) و ( رشيد ) واندلس خلفاي امويه سندن ( ناصر ) - عبدالرحمن ثالث - و ( منصور ) شعرايه الك چوق بذل واحسانده بولنان خلفادان و دولت امويه زماننده عراقينده والي بولنان ( خالد قسرى ) ايله بنى حمدانن ( سيف الدوله ) شعرايه الك چوق التفات واحسانده بولنان امرادن ايديلر .

مع مافيه خلفا و امرا - يك نادرلري مستثنى اولمق اوزره - عموماً شاعرلره بذل اموال واحسان ايدرلردى . بو خلفا و امرا هفتده ، ياخود آيده ، ياخود سنده شعراي قبول ايچون بريوم مخصوص تعيين ايلرلر و اوكون صانكه شعر وادبياتدن بشقه برشى ايله اوغراشق ايسسته ميورلرمش كچي حضورلرينه شعردن بشقه كيمسه يي ادخال ايتزلردى [۴] . شعرا حضور خلفا ويا امراده عقد اولنان بوجلسلرده مناظره و مباحثه لرده بولنورلردى . او كي مناظره لرك قريحه لرك پارلامسنه و همت و اقدامك تعاليسنه نه قدر خدمت ايده چكي خفي دكلدر . اندلسيلر بو خصوصه سائرلرندن فضله اهميت ويريرلردى . بشنجهي قرن هجريده اشبيليه ده حكيم سورن بر سلاله نك برنجي حاكمي اولان ( معتضد بن عباد ) ك شعرا نك راحت و اكرام ايله اقامتلرينه مخصوص بردائره سي وار ايدى كه هر هفته بازار ايرتسي كوني اولدقجه شعرا مشاراليه ك حضورينه كيررلر و كنديلرندن بشقه كيمسه قبول اولتمازدى . اندلسده شعرا نك موقع ورتبه لرى

[۱] ابن خلكان ۷۲ ج ۱ [۲] ابن خلكان ۱۹۸ ج ۱ [۳] نفح الطيب ۷۲۹ ج ۱

[۴] اغاني ۴۴ ج ۹ و ابن خلكان ۱۶۹ ج ۱

ورئیس‌لری واردی . رئیس‌ی سلطان تعیین ایدردی [۱] . شعرانک اسمعلری  
 مأمورین دولت کی سجات حکومتده بردقتر مخصوصده قید اولنورد [۲] .  
 اندلس امراسندن بری بر قتحدن عودت ایدنجه خلقق قبولی ایچون بر مجلس  
 قوراردی . مجلسده ایلک اوکجه حافظلر آیات قرآنیہی تلاوت ایدرلردی .  
 متعاقباً شاعرلر آیاه قالدقرق قصیده‌لرینی انشاد ایلرلردی . ظن و تخمینمه  
 کوره اندلسیلرک شعرایه بودرجه اکرام واحسانده بولملری بغداد خلفاسنه  
 اقتدا مقصدیه ایدی . نته‌کیم اندلس حکمدارلری بغداد خلفاسنک آداب  
 و عاداتک ، احکام و قوانینک و سائر احوالنک اکثرنده انلره اوقفا  
 ایتشلر ایدی .

### شعر ایلہ خلفا وامرا

شعر صنعتک دول عربیده رواجنه باعث اولان اسبابدن یریده خلفانک  
 بالذات اشعار نظم و شعر ایلہ اشتغال ایللری ایدی . حتی بعض خلفانک پک  
 پارلاق قصائد و مقاطعی ( قطع‌لری ) واردر . ملوک امویہنک ایکنجیسی  
 ( یزیدبن معاویه ) خلفای شعرانک اک مشهورلرندن ایدی . مشارایهک اشعاری  
 اوچ کراسده - جزده - جمع ایدلمشدر . ( ابن خلکان ) بواسعاری پک چوق  
 سودیکی ایچون جمله‌سی اوقویوب ازبر ایتدیکنی سوبلیور [۳] . بونی غریب  
 کورمامک اقتضا ایدر . چونکه ( یزید ) چولده بیومش ایدی . والده‌سی بنی  
 کامبدن ( میسون بنت‌بحدل ) معاویه‌نک زوجہ‌سی ایکن انک شامده‌کی سرائلرینی  
 بکنمیه‌رک چوله اولان اشتیاق و محبتی اظهاردن چکنامش و مطلبی :

لیت تخفق الارواح فیہ	احب الی من قصر منیف
ولبس عباءة و تقر عینی	احب الی من لبس الشفوف

[۱] نفع الطیب ۱۱۹ ج ۲ [۲] نفع الطیب ۸۹۵ ج ۲ [۳] ابن خلکان ۵۰۸ ج ۱

[\*] ( میسون ) عمجه زاده‌سی سودیکندن زوجی معاویه‌نی سوه‌مامشدر . بالاده

ذکر اولان ابیات تمه‌سی شودر :



« هر طرفی روزگار معروض بر چادر نیجه یوکسک بر سر ایدن دها خوشه در .  
بر عبا کیوب ممنون یا شامق اینجه و مزین البسه کیوب نا خوش بر حیات یکیرمه  
مر جدر »

بیلرندن متشکل اولان اومشهور ایاتی انشاد ایتمش ایدی ( معاویه ) یسونک  
یو ایاتی ایشیدنجه « بنی بسلی بر طانه یه بکرتمک درجه سنه قدر واردی ها ! »  
دیه رک میسونی تطلیق ایلشدر . ( میسون ) یزیدی قارنده حامل اولدینی حالد  
نجدده کی عااله سنه کیتمش ، اوراده یزیدی طوغورمش ، اوراده اکا ایکی سنه ممه  
ویرمشدر [۱] . ملوک اموبه دن ( ولید بن یزید بن عبدالملک ) ايله خلفای عباسیه دن  
« هرون الرشید » دخی خلفای شعرادن ایدیلر . بونکه برابر خلفای عباسیه نک  
اکثری شعر نظم ایدر لر دی . بونلرک ایچنده بلا استثنایک شاعر لر ی ۲۹۶  
سنه هجریه سنده وفات ایدن ( عبدالله بن المعتز ) ایدی . مشارالیه مقام خلافتده  
یالکیز بر کون بر کیجه بولنمشدر . ارباب علم واقعداردن ایدی . بر دیوان  
اشعاری واردر [۲] . مصرده طبع ایدلشدر . خلفای عباسیه دن ا صوک شعر  
نظم ایدن ذات ۳۲۹ سنه هجریه سنده وفات ایدن ( راضی بالله ) ایدی . مشارالیه  
شعری قید و تدوین اولنان ک صوک خلیفه عباسی اولدینی کی منبرده خطبه ( نطق )  
ایرادیدن و ندیم لر ایه مجالسه و مصاحبه ده بولنان و علمای کننسیسه یا قلاشیران  
اک صوک خلیفه عباسی ایدی [۳] .

اندلس ملوک وامراسنه کلنجه بونلردن ( عبدالرحمن اوسط ) و ( مستعین  
بالله شعر نظم ایدنلردن ایدیلر . ( صولی ) خلفای عباسیه نک اشعارینه دائر  
مستقل بر کتاب تألیف ایتمش ایدی . اندلس ملوک امویه یی بو خصوصده  
عباسیلره غبطه ایلشیلر ایدی . بو جهتله اندلس ملوکندن ( حکم ) ک بتون  
هر اغی ( صولی ) طرفدن یازیلان کتابک عباسیلرک اشعارینی احتواسی کی

واکل کسیره فی کسریقی	احب الی من اکل الرغیف
واصوات الریاح بکل فیح	احب الی من تقر الدفوف
و کلب ذبح الطراق دونی	احب الی من قط الوف
و خرق من بنی عمی نحیف	احب الی من علیج عیف ( علیف )

[۱] دیمیری ۲۱۸ ج ۲ . [۲] ابن خلکان ۲۵۸ ج ۱ [۳] الفخری ۲۵۲

اندلسندہ یتیمین خلفای امویہ نك اشعارینی حاوی انك كچی بر کتہائی یازہ جق  
بر مؤلف بولمغہ منصرف ایدی [۱] .

بالادہ ویردیکمز معلوماتی دقت ایله نظر تأملہ آلیر ایسه کز شعره اك زیاده  
اهمیت ویرن خلفا وامرانك شعرك نظمته اك زیاده قدرت صاحبی اولان خلفا  
وامرادن اولدقلرینی کوررسکمز . زیرا بونوع خلفا وامرا شعری حقیله تقدیر  
ایدرلردی . بو حال حکومات مظالمه نك ایجاباتندندر . چونکه بونوع حکومتارده  
رواج بولان صنایع ، فنون ، علوم ، وادبیات آنجق پادشاهلرک وامرانك  
رغبت کوستردیکی شیلره انحصار ایدر . خلفای امویہ دن ( ولید بن یزید بن -  
عبدالمملک ) کندی مدحنه دائر ( یزید بن منبه ) طرفسدن نظم ایدیلن بر  
قصیده نك هر بیتق ایچون بیک درهم عطیه ویرمشدر [۲] . مشار الیه قصیده لرک  
ابیاتی تعداد وهر بیت ایچون بیک درهم احسان ایدن ایلک خلیفه ایدی .  
سائر خلفا وامرای شعرائی ده اکا کوره قیاس ایتلیدر . بنی حمداندن ( سیف الدوله ) -  
نك دورنده شعرك رواج بولمسی آنجق مشار الیهک بالذات شاعر اولمشندن  
نشأت ایلش ایدی [۳] .

( عبدالمملک بن مروان ) برکون شعرا وادبا ایله مصاحبت ایتدیکی صروده  
هم مجلسلرینه :

اهیم بدعد ماحییت فانامت فواحر با من یمیم بها بعدی  
بیتق حقننده فکرکز نه در ؟ دییه صورار . مصاحبلری « معناسی کوزل  
بریت » جوانی ویررلر . عبدالمملک : « خیر ، بوبیتک صاحبی زوزکدر . معنی  
کوزل دکل . بشقه برمعناده سوبلملی ایدی » دیر . مصاحباندن بری بیتق شو  
شکله افراغ ایدر :

اهیم بدعد ماحییت فانامت اوکل بدعد من یمیم بها بعدی  
عبدالمملک بومعنائی دها چرکین کورده رک حتی بونی سوبلیه جک عاشقی حسسز ،  
ناموسسز عد ایلر . او حالده نصل اولملیدر ؟ دییه صورارلر . عبدالمملک شو  
شکله اولملیدر دیر :

(۱) نفح الطیب ۱۰۰۳ ج ۲ (۲) ابن الاثیر ۱۳۷ ج ۵ (۳) ابن خلکان ۳۶۵ ج ۱

اهم بدعد ماحیت فان اوت فلاصاحت دعد لذی خلة بعدی [۱]

یوقاریدن بری و یردیکمز ایضا حاتدن آکلاشیلدینی وجه ایله دولت امویه نك  
ابتدالرنده شعرايه بره مقصد سیاسی به بناء اهمیت و یریلوردی . بالاآخره بواهمیت  
خلفا و امراجه شعر و ادبیات ایله تلذذ سسوق ایله کوستریلن بره مقصد ادبی به  
انحصار ایلدی . خلفا و امرا شعرا ایله مجالسه و قصائد ویا ابیات نظامی انلره  
تکلیف ایدرلردی . یاخود معاسنی حل ایتدکلی ویا برقصمنی اونوتدقلمی  
بریتی صورمق ایچون شهرانی کندی نزدلینه جلب ایدرلردی . بعضاً خلفا  
ایله جای آرزو اولنان شعرانك اقامت ایتدکلی محللر آردنده بیوک برمسافه  
بولوردی . نته کیم خلفای امویه دن ( هشام بن عبدالمک ) پاجتی اولان شامده  
مقیم بولورکن عراقده والیسی بولنان ( یوسف بن عمر ثقی ) به برامرنامه  
کوندره رک ( حماد راویه ) به ۵۰۰ دینار ایله برهین اعطاسیله کندینی شامه  
کوندرمنی امر ایلر . ( حماد ) عراقدن حرکتله ۱۲ کونده شامه مواصلت  
ایدر . حضور خلیفه به کربوب احضارینک سببنی صوردینی زمان ( هشام )  
حماده : « بریت خاطریمه کلدی ده کیمک اولدینی بیله مدم . اوبیت ده شوایدی :

ودعوا بالصبح یوما فجاءت قینة فی یمنها ابریق

« برکون صباح عیش ونوشنه طاله لم دیبه قرار و بردیلم . درحال برمغنیه  
دل آشوب صاغ انده برابریق باده بی حامللاً مجلسه کلدی » دیر .

( حماد ) بوییتک ( عدی بن زید عبادی ) نك اولدینی بیان ایله برابر بیتی  
محتوی اولان قصیده نك جمله نی ( هشام ) ه انشاد ایلر [۲] . برچوق دفعه

[۱] الفخری ۱۱۲

[۲] ( ابن خلکان ) بوفقره بی ( مقامات ) صاحبی مشهور ( ابو محمد حریری ) نك  
( درة الغواص ) نامنده کی اثرندن نقل ایتشدر . فقره شو شکلده تصویر اولنیور :  
حماد راویه دیورکه : « ( یزید بن عبدالمک بن مروان ) مقام سلطنتده ایکن اکا  
انتساب ایتدیکمن برادری هشام بوسیدن بکا نظر خصوصته باقاردی . بالاآخره یزید  
وفات ایدوبده برادری هشام کرسی سلطنته جلوس ایدنجه انتقامندن قورقه رق خانه مده  
برسنه صافلاندم . دوستلرمدن اخلاقنه امین اولدینم کیمسه لر ایله کیزی کیزی  
کوروشمکدن ماعدا هیچ بر انسان ایله کوروشم یوردم . برسنه مدت بویه کچدیکی  
حاله کیمسه نك بنی آرامدینی کورنجه جسارت آله رق برکون جمعه نمازنی قیامق اوزره



خلفا ہو کی شیلری شرعك تجویز ایتدیکی بزم ذوق و سفاده بولنور ایکن اجرا  
ایدرلردی . از جمله ( حبابه ) نك مقتونی اولان وعشفند کی رسوایلق ایله ترك

جامعه کیتدم . نمازی رصافه جامنده قیلوب بیتیردیکم صروده ایدی که ایکی پولیس  
مأموری یانمه کدیلر . « والی یوسف بن عمر ثقفی سنی ایستیور » دیدیلر . کندی  
کندی « ایشته قورقیدیم شی باشمه کندی » دیدیم . پولیسلره « مساعده ایدیکز . عائله مه  
کیدیم ، وداع ایدهیم . بلکه انلری بردها کورمک نصیب اولماز » دییه رجا ایتدم .  
« بوقابل دکل » دیدیلر . کندیی انلره تسلیم ایتدم . والی ( یوسف بن عمر ثقفی ) نك  
حضورینه چیقاردیلر . قمرزی ایوانده اوطوریوردی . سلام ویردم . سلامه قارشیلق  
ویردی . قورقوتقیزین بنی جلب و بش یوز دینار ایله پردوه اعطا ایدرک شامه  
اعزامی واون ایکی کونده شامه وارمی لزومنی . بین ( هشام ) دن کلن امرنامه یی  
کوستردی . دوهده حاضر لائش ایدی . پاره یی آله رق یوله چیقتم . اون ایکی کونده  
شامه واردم . حضوره قبولی استیذان ایدنجه ( هشام ) بنی قبول ایتدی . خلیفه  
مشارایله مرمرطاشی ایله مفروش وهرایکی طاش آره سننده آلتون بر جیوق منقوش ،  
حولیسی واسع برسر ایده بولنیوردی . کندیسی قمرزی بر خالی اوزرنده اوطوریوردی .  
ایپکدن قمرزی البسه کیمش ، مسك و عنبر سورونمش . ایدی . سلام ویردم .  
سلامه قارشیلق ویردرک کندیسنه یقین بربرده اوطورتدی . آغانی ایدم . برده  
یاننده نه کوریم . ایکی جاریه وارکه عمرمده بو کوزلاکده انسان کورمامشدم .  
جاریه لرك قولاق لرنك هر برنده نور کبی پارلایان ایکی انجی ایله بر کوپه واردی .  
هشام بکا : « فصلک ؟ احوالك فصل ؟ » دییه صوردی . « حمد اولسون ، ایدر »  
دیدیم . « سنی نه ایچون کتیردیکمی بیلیرمیسک ؟ » دیدی . « خیر » دیدیم . « خاطریه  
بر بیت کلدی ناطه نی بیله مدم . ایشته بونك ایچون سنی جلب ایتدم . اویت شوایدی :

ودعوا بالصبح يوماً فجاءت

قینة فی یمنها ابریق

دیدمی . « بویق (عدی بن زید العبادی) بر قصیده ده سولشدر » جوابی ویردم .

بتون قصیدی سویله دیدی . قصیده یی شو صورتله سویلکه باشلادم :

بیح یقولون لی اما تستفیق

بکر العاذلون فی وضح الـ

« والقلب عندک موهوق

ویلومون فیک یا ابنة عبدالـ

اعدو یلومنی ام صدیق

لست ادری اذ اکثر المنل فیها

نهایت طوغروکلن :

قینة فی یمنها ابریق

ودعوا بالصبح يوماً فجاءت

دیک صنی سلافها الراوق

قدمته علی عسار کعین الـ

مزجت له طعمها من بدوق

مرة قبل من جهها فاذا ما

قوت حمر یزینها التصفیق

وطفا فوقها ففایق کالیا

لاحری آجن ولا مطروق

ثم کان المزاج ماء سحاب

بیتلری سولینجه ( هشام ) صوک درجه نشوه دار اولدی .

حیات ایدن ( یزید بن عبدالملک ) برکیجه ( حبابه ) ایلہ ایچوب ذرق و صفا  
ایدیوردی . ( یزید ) حبابه نك المدن باده یی ایچوب کیفلند کدن صکره ( حبابه )  
شویتی تغنی ایلر :

اذا رمت عنها سلوة قال شافع من الحسن معاد السلو المقابر  
« محبوبه فتانمی دوشونامک ، اونوتقمق ، اندن واز کچمک ایستدکجه انک  
کوزلکندن برشفاعتکار قارشى طورهرق بوقلب آزاده لیکی آنجوق قبره کیرلیدیکی  
زمانده اوله بیلیر دیر . »


( یزید ) حبابه دن بوبیتک قائلنی صورار . ( حبابه ) بيلم دیر . ( یزید )  
هان مشاهیر تابعیندن و افضل علمادن ( زهری ) نك جلای ایچون آدم کوندیرر .  
حال بوکه وقت کیجه یاریسنی کچمش ایدی . ( زهری ) قورقوسندن تتره یه  
تتره یه نزد خلیفه یه کلیر . جلای سبنی آکلایجه قورقوسی زائل اولور [۱] .  
مع مافیه شعرا ایلہ بحالسه خلفای عباسیه دن ( هادی ) نك یاپدینی کی  
برمنظره نك ، یاخود بر آلتک توصیفی کی علی الا کثر ادبی بر مقصد ایچون وقوع  
بولوردی . مشار الیه شاعر لری کندی نزدینه جلب ایدرک ( مهدی ) طرفندن  
کندیسنه اهدا ایدلمش اولان ( عمر بن معدی کرب ) ک ( صمصامه ) نامنده کی  
سیف مشهورینک توصیفی طلب ایلدی . شعرادن ( ابن یامین بصری ) او سیف  
صامری جمله دن زیاده کوزل توصیف ایتدی کندن خلیفه نك مکافاتنه نائل  
اولدی [۲] .

شعر و شعرادن اک زیاده بحی سون خلفادن ( رشید ) برکون نزدنده منعقد  
اولان بر مجلس ادبده «باحثانده بولندینی صروده حاضر بولنانلردن » و من یسأل  
الصعلوک این مذاهبه « نصف بیتک ایلک مصراعنی صورار . حاضر بولنانلردن  
حریری بوقترده هشامک او ائشاده جاریه واسطه سیله حماده برقدح باده ویردیردیکی  
ذکر ایدیورسوده طوغری دکادر . چونکه ( هشام ) مسکرات ایچمزدی . بوندن ماعدا  
بوقترده ایکنجی بر خطا ده وار . ( یوسف بن عمر ثقفی ) نك عراق والیلیکی  
اوزمانه مصادف دکادر . ( هشام ) زمانده عراق والیسی ( خالد بن عبدالله قسری )  
ایدی . ( ابن خلکان )

[۱] حلیة الکمیة ۶۰ [۲] مسعودی ۲۷۸ ج ۲ اصلده سهرآ ( ابن یامین مصری )

دینلمشدر .

هیچ بری نیلمز . مشاهیر ابدادن ( اصمعی ) اوسرده کلهینه جک درجه ده  
خسته بولندیغندن ( رشید ) اسحق موصلی یی اصمعی نیک نزدیکه اعزام واصمعی به



قاهرده مقابر خلفا

ویرمک اوزرده بیک دینار ارسال ایلر . ( اصمعی ) سوریلان بیتک تمای :  
وسائله این الرحیل وسائل ومن یسأل الصعلوک این مذاهبه  
صورتنده بولندیغنی جواباً بیان ایدر [۱] .



(رشید) چوق دفعه لر بر بیتک معناسنی حل ایتک ایچون مجلس لر عقد ایدردی . مشار الیه برکون اوپله بر مجلسده بولور ایکن :

قلوا ابن عفان الخلیفة محرماً ورعاً فلم ار مثله مخذولاً

بیتک معناسنی سورمش ایدی . مجلسده (کسانی) و (اصمعی) بولمقده ایدی . آره لرنده حضور خلیفه ده (محرم) کلمه سنک تفسیری حقنده بر مناقشه و مجادله ظهور ایدرک بولکله نك بوموقعده (قباحتسز) معناسنده بولندیفی (اصمعی) طرفدن اثبات ایدلدی [۱] . (رشید) عربلرک قورد حقنده سولیدکلری اک ای بیت ایچون مکافات اوله رق مشاهیر شعرا دن (فضل بن عبدالصمد رقاشی) یه ۱۰۶۰۰ دینار قیمتده بر یوزوک اهدا ایتدیکی کبی [۲] اونلی (مأمون) دخی مشاهیر شعرا دن (علی بن الجهم) ی بر بیتک نظم ایچون والی تعیین ایشدر [۳] . شعر محبلری اولان خلفا الیه امرادن (سیف الدوله) و سائر نك مجلسلرنده جریان ایدن بویولده کی احوالی ده اکا کوره قیاس ایدیکنز .

### دولته شعرک تاثیر

خلاصه دینله بیلیرکه شعر عربلرک بتون علوم ادبیله رینی تشکیل ایدیور ایدی . هر زمان ، هر زرده بولنسه لر شعر ناشداتی ، مسامراتی ، مباحثات و مذاکراتی الیه اشتغال ایلرلر ایدی . بواشتغال خلفا ، امرا و ادبایه مخصوص برشی اولیوب ارکک ، قادین عموم خلقه شامل ایدی . شعر الیه کثرت اشتغاله او قدر ایلری کیتمشلر ، اودرجه چوق اشعار حفظ ایتمشلر ایدی که بر موقعده بر معنایی متضمن بر بیت ایراد ایتک لازم کلسه او موقعده . یالکنز شاعرک اسمنی ذکر ایدرلردی . شاعرک یالکنز اسمی هانکی بیتنه اشارت ایدمک ایستلیدیکی کوسه ترمکه کافی کورولوردی . روایت کوره برکون بغداد کو بریسنده بر آدم طور ییورمش ، دابر و حسننا بر قادینک (رصافه) جهنندن کله رک او کندن کچدیکیکی ، اوصرده بر دلیقانلینک ده قادینه قارشى قارشى به کله رک اکا خطاباً

[۱] - منزه ۲۷۸ ج ۱ [۲] - النجوم الزاهرة ۴۶۲ ج ۱ [۳] - اغانی ۱۶ ج ۱۳

«الله علی بن جهمه رحمت ایتسون» دیدگنی، قادینک ده «الله ابوالعلا المعری یه ده رحمت ایتسون» جوابنده بولندیغنی، بونر طوریه رق هر بری برطرفه یولنه دوام ایتدیکنی کورر. بونک اوزرینه اومتجسس آدم قادینک آرقه سندن قوشه رق کندیسنه یا قلا شیر. «قادین! تعاطی ایتدیکنر سوزلردن نهدیمک ایتدیکنر بکا سوبایکنر. یوقسه سزی رسوای ایدرم» دیر. قادینجغز «دلیقانی» «الله ابن جهمه رحمت ایتسون» دیدیکی زمان بو سوزدن شاعرك :

عیون المها بین الرصافة والجسر      جابن الهوی من حیث ادری ولا ادری  
بیت مشهورینی افهام ایتمک ایستدی، بنده اکا جواباً «الله ابوالعلا المعری یه ده رحمت ایتسون» دیدیکم وقت بوسوزدن مقصدم ابوالعلاک :

فیا دارها بالخیف ان مزارها      قریب ولکن دون ذلك احوال

بیت مشهورینی افهام ایتدی «جوابنده بولنور [۱].

شعره بوقدر اهمیت ویریلر ایسه بریت شعرك بر محاربه نك ظهورینه، یاخود بر جعاعتك قتلنه، یاخود بالعکس قتلدن تخلیصلرینه سبب اولمق درجه سنه قدر اشعارك دولت وملتك اعظم رجالی اوزرنده يك شدتلی بر تأثیر اجرا ایتیمی يك طبیعی کورولزمی؟

شعرك اودورلرده نه قدر بیوک بر تأثیر اجرا ایلش اولدیغنی کوسترین مثاللردن اولمق اوزره برنجی خلیفه عباسی (سفاح) احراز حاکمیت ایتدکن صکره امویلردن و آدمیلردن برحیات قالانلرك ایزینی تعقیب ایلیرك بونلری قلیجندن کچیرمش ایدی. امویلرك بیوکلرندن برطاقم ذوات (سفاح) ه عرض دخالت واستیحصال ایلدکلی عفوه بناء بغدادده اختیار اقامت ایدرك خلیفه مشارالیهک مجلسنه مدعومت ایلدکده ایدیلر. تصادفانن اوله رق انلردن (سلیمان بن هشام بن عبدالملک) برکون (سفاح) ك حضورنده بولنه رق خلیفه نك التفات واکرامنه مظهر اولور. اوصرده شاعر (سدیف بن میمون) سفاحك حضورینه کیروب شو ایکی بیتي انشاد ایدر :

لا یغرنك ماترى من رجال      ان تحت الضلوع داءاً دویا  
فضع السیف وارفع السوط حتى      لاترى فوق ظهرها اویا

( سلیمان بن هشام ) بویانك نه درجه ده تأثیر اجرا ایته دیکنی حس ایدرك  
شاعره « قتلتی یا شیخ ! » دیر. فی الحقیقه بر لحظه کچمدن ( سلیمان ) حضوردن  
قالدیر یله رق اعدام اولنور .

کذلک برکون ( سفاح ) امویلردن یتش قدر ذات نزدنده بولندیغی حالده  
یمکه اوطور رق اوزره بولنور . اوصرده بر شاعر کیر :

اصبح الملك ثابت الا ساس      بالهاليل من بنی العباس  
بقي ايله باشلايه رق امویلرك مظالم واعتسافاتی تعداد ایدر . نهایت شو  
ایکی بیتی سویلر :

واذكروا مصرع الحسين وزید      وقتیلاً بجانب المهراس  
والقتيل الذي بجران اضحی      ناویاً بین غربة وتناس

( سفاح ) بویاندن غلیانه کلرک حضورنده بولسان امویلرك قلیچدن  
کچیرلملرینی امر ایدر . بو امویلر عموماً قلیچ ضربه لری ايله اولدقلری یرده  
اتلاف ایدلیرلر . اوزرلرینه یرده بولسان مندرلر اورتولور . ( سفاح ) مندرلرك  
اوزرینه اوطورر ، اتلاف اولسانلرك بعضلرینك انین مختضرانه سنی ایشیده  
ایشیده یمکنی یر . مقتوللرك هیچ برنده اثر حیات قالمینجه یر قدر اوزرلرنده  
اوطورمش قالیر [۱] .

غدرالذی اعطاك تقفور      فعلیه دائرة البوار تدور

بیتندن متشکل اولان و ( رشید ) ی روم پادشاهی ( تقفور ) ه اعلان  
حربه سوق ایدن قصیده دخی شعرك اجرا ایته دیکنی شدت تأثیره دیکر بر مثال  
تشکیل ایلر [۲] .

بر چوق دفعه انسان خلیفهك تقدیرینه مظهر اولان بریت سایه سنده  
حیاتی قتلدن تخلیصه موفق اولوردی . دولت عباسیه امراسندن ( مالک بن -  
طوق ) ك ( رشید ) ايله وقوع بولان سرکنستی مشهوردر . ( مالک بن طوق )



دولتہ قارشى اعلان عصياندن طولايى اعدامه مستحق اوله رق اعدام ايديله جكلره  
مخصوص سختيان دوشك اوزرينه ديز چوكدورلدكن صكره مطلبى :

ارى الموت بين النطع والسيف كامناً يلاحظنى من حيث ما اتلفت


بيتندن متشكل اولان قصيده يى انشاد ايله بونده اولومدن قورقديغنى ،  
چونكه اولوم هر نه زمان اولسه كله جكنى ، يالكىز يتيم براقه جنى چوجقلرى  
دوشونديكنى تصوير ايلر . ( رشيد ) بو آجىقلى تصويردن رفته كلهرك آغلار .  
( مالك بن طوق ) : « عزت نفس ايله سكوت ايتدك ، علم وحكمت ايله  
سوز سويلدك . سنى عفو ايديور وچوجقلريكه باغشلايورم . عالمكه التحاق  
ايت . صاقين بر دهـا اويله بر حالده بولمه » ديهرك سبيلنى اطلاق ايدر .  
مالك اطاعت و صداقتنى تأمين ايله خانه سى خلقنه التحاق ايلر [۱] .


نيجه قوماندانلر واردركه ميدان محاربهدن فرارى اختيار ايتك اوزره بولنور  
ايكن خاطرلرينه كلن بريتك اجرا ايتديكى تاثير حماست ايله بر آشپاره جلادت  
كسيلهرك هزيمت و فرار قرارينى عزم واقدامه تحويل ايشلردر . دولت امويهك  
مؤسسسى ( معاويه ) خاقى حفظ اشعاره تشويق ايتديكى صره لرده شو سوزلرى  
سويلشدر : « شعر مناقب اسلافكزى حاوى اولدينى كى سزى ارشاد ايده جك  
بك چوق حكمتلرى ده شاملدر . بر چوق دفعه ميدان محاربده فرار وهزيمتدن  
بشقه اختيار ايديله جك بريول بوله مديغ زمالرده ( ابن اظنابة انصارى ) بك :

ابت لى عفتى و ابى بلائى واخذى الحمد بالثمن الريسح

ييتى خاطريره كلير ، عار فرارى ارتكابدن بى منع ايلر « [۲] .  
كرك جاهليت ، كرك اسلاميت زمانلرنده وقوع بولان بوكا مشابه بر چوق  
احوالى ده بوكا قياس ايده بيليرسكيز .

[۱] فوات الوفيات ۱۴۳ ج ۲ [۲] ابن خلكان ۱۰۷ ج ۲





## علوم دخيله

مدنيت اسلاميه نك اقتضا ايتديكى علوم اسلاميه ايله بو علومك ظهور و ترقيسسه باعث اولان اسباب ، علوم ادبيه جاهليه ايله او علومك دور اسلاميه . كچيرديكى ادوار و احراز ايتديكى تكملات حقنده يوقايردن برى يازديغمز مطالعاتي . بيتيردكن صكره شمدى آرتق اسلاملك عربجه نقل ايتدكلى علوم دخيله دائر معلومات ويرهلم . علوم دخيله دن مراد اسلاميتك ظهورى صره لرند . اسلاملك طانيدقلى ممالكده منتشر اولان علوم قديمه دن عبارتدر . بو علوم و معارف ايسه ازمنه تاريخه نك ابتداسندن اعتباراً مدنيت اسلاميه نك ظهورينه قدر توالى ايدن ادوارد طربق مدنيت سلوك ايدن اقوام مختلفه نك رجال علم و فلسفه و ادبياتى طرفدن وجوده كتيريلن معارف بشريه نك خلاصه سندن متشكلدر . آثوريلرك ، بابلييلرك ، فينيكه لييلرك ، مصرييلرك ، هندلييلرك ، اسكى ايرانييلرك ، اسكى يونانييلرك زبدۀ علوم و معارف ده اوجله ده داخلدر . بوسوزلر مز ايله عربلرك هرملتك علمى اوملتن اخذ و اقتباس ايتدكلى ديمك ايسته ميورز . يالكلر شونى بيان ايتك ايسته يورزكه عربلر عالم مدنيتده اثبات وجود ايتدكلى زمان علوم و معارف بشريه عصرلرك تواليسى و عناصرك تفاعلى ايله سوزوله سوزوله قسم اعظمى يونانييلردۀ طوبالانمش ايدى . يونانييلر بوعلملرى منتظم ترتيبات و تصنيغات تابع طوته رق ترقى ايتديرمشلر ايدى . متعاقباً خريستيانلق ظهور ايدنجه علوم و معارف آريجه برتاثير اجرا ايتمش ايدى . بو علوم و معارف دن رقسى بالآخره اسلاملك حاكميتى آتته و سلك خدمته كيرن ايران ، هند و ساثره كى حكومات قديمه دن قاله اقوام نزدنده قالمش ايدى . عربلرايسته بو اقوامك عمومندن اقتباس مدنيت ايتشلردر . مدنيت اسلاميه نك علوم و معارف .

بشریہ یہ ایتدیکی خدمت لرك بیوکی علوم و معارف طاعتیق برحالده بولنور ایکن یونلری یونانیلردن ، ایرانلیلردن ، کلدانیلردن عربجهیه نقل ایله برآرده طوپلادقدن صکره آتیده کوروله جکی اوزره برقات دهما مظهر ترقی ایلمی ایدی .

شوحالده اولاسلاملرك طانیققلری ممالکده علوم و ادبیاتك احوالندن بحث ایدم . بوبخت یونانیلرك ، ایرانلیلرك ، کلدانیلرك علوم و ادبیاتی احتوا ایدرکه بونی مقامك مساعدسی دوجه سنده کوستردکدن صکره عربلرك اوعلوم و معارفدن کندی لسانلرینه نقل ایتدکلی شیلر ایله نقله باعث اولان اسبابی ده ایضاح ایلیه جکزر .

### یونانیلرك علوم و معارفی

یونانیلر ازمئه قبل التاریخده هندستانك یوقاری طرفلردن مهاجرت و آطه لر دکنده کی آطه لر ایله بو آطه لرك قارشیسنده کائن آسیای صغری (آناطولی) سواحلنده اختیار اقامت ایلین اقوام آریه دندرلر . اقوام آریه نك مشترك و متشابه برطاقم آداب و عاداتی واردر . بو جهته یونانیلر ذکر ایتدی کمز محللرده یرلشدکلی زمان هندستانده یرلشن برادرلری آریلرك اورایه کندیلر ایله برابر کوتوردکلی و قسم اعظمی تاریخك الك اسکی دورلرنده کتب دینیة سانسقریته ( برهمیه ) لرنده قید و تدوین ایلدکلی معتقدات و عاداتدن سلفلردن کندیلرینه انتقال ایدن يك چوق شیلر برابر کتیره شلردی .

( هه لاس Hèllas ) ، یاخود ( هه لهن Hèllènes ) نامی ایله معروف اولان بویونانیلر ( یونیون Ioniens ) ، ( ایولیون Eoliens ) ، ( دوریون Doriens ) اسملر ایله اوچ قبیله دن متشکل بولینورلردی . ( یونیلر ) آناطولی سواحلنده ، ( ایولیلر ) له سبوس Lesbos ( مدلی ) جزیره سی ایله اطرافنده ، ( دوریلر ) ده ( موره ) و ( وسیچلیا ) و سائرده یرلشمشلردی . اوصره ده مدنیت قدیمه هم نیل ، هم ( فرات ) وادیلرنده فیلز ، یاپراق و یرمش ایدی .



فنیکیلر برآ یونیلره و بحرآ دوریلره قومشو بولمقله برابر آناطولی سواحلدن کندی مملکتلرینه جوار اولان یرلری مستعمره شکلنده زیرحاکمیتلرینه آلمشلردی. (یونیلر)، یاخود آسیا جهتنده بولنان یونانیلر فنیکیلره بوسورتله یقین بولندقلرندن ایکی قوم آرمسندده وقوع بولان اختلاط تأثیریه فنیکیلیسلردن یونانیلره برچوق آثار مدنیت انتقال ایلشدر. بو آثار مدنیتک اکثری بابلیلردن، آنوریلردن، اسکی مصرلیلردن اقتباس ایدلمش ایدی. یونیلر بوسایهده علم هیئت، طبابت و سائر دیه متعلق برطاقم مبادی علوم و ادبیات اقتباس ایدرک بحر ایجیه (آطه لر دکزی) نک جهت غربیه سندده بولنان قاردهلرینه نقل ایلشلردر. یونانیلر علی الاحمال ذکی و چالیشقان ایدیلر. بوجتهله چوق زمان کچمدن صرف کندی محصول قریحه فطریه لری اولق اوزره اشعار نظم و نطقلر تألیف ایلدکلی کبی برچوق شعرا و خطبا و متعاقباً برچوق علما و فلاسفه و اطبا یتشدر مشلردر. یونانیلر علوم و معارف برطاقم قواعد اوزرینه ترتیب ایلشلردر که برچوق جهتدن بوقواعدک احکامی بوکونه قدر مرعی بولمقددهر.

لسان یونانینک آدابی (ادبیات و علومی) تاریخی وچ دوره انقسام ایدر: اولاً آداب یونانیه قدیمه دوریدر که بودور ازمئه تاریخیه دن اول باشلایه رق میلادک ۵۲۹ سنه سندده منتهی اولور. بوتاریخ شرقی روما ایمپراطوری یوستنیان (ژوستینیئن) طرفدن روم مالککندده بولنان مدارس و ثنیه (بتهرسنلک دورنده تأسیس اولنان مکتبلر) ک قاپادیه رق تعطیل اولمسنه دأر امر اصدار ایتدیکی سنه یه تصادف ایدر [۱].

ثانیاً بیزنتی (بیزانس) و یا قسطنطینی دوریدر که بودور میلادک ۵۲۹ سنه سندن باشلایه رق عثمانلیلرک ۱۴۵۳ سنه میلادیه سندده استانبولی فتح ایلرله ختام بولور.

ثالثاً یکی عصر لر در که بودور فتح مذکور دن باشلایه رق بوکونه قدر دوام ایدر.

[۱] بومکتبلی قاپادان، یونان آثار علمییه سنی یونان مدنیتیله برابر طبیات اجمال و نسیانه آنان اوصرده حکمفرما اولان حمات الله خرسیتیانی ایدی. چونکه خرسیتیانلک روما مالککندده انتشاری و شرق ایمپراطورلنک بر خرسیتیان دولتی حالته کچسی اوزرینه مدنیت یونانییه و حکما و ادبای یونانیه نک آثارینه علامات کفر و الحساد نظریله باقیله رق منع و تحریبلرله اوغراشلشدر.

بوموقعده بخدمزه تعلق ایدن دورلر برنجی دورایله ایکنجی دورک برقسمندن عبارت اولدیغندن یونانیلرک اوزمانلره عاڈ علوم وادبیاتندن بحث ایله اکتفا ایده جکیز .

## آداب یونانیة قدیمه


قبل الزمانه قدره ۵۲۹ سنه سنه قدر

بوجئت ، یعنی آداب یونانیة قدیمه بختی ده اوج دوره آریلیر : برنجیسی شعر دوریدرکه قبل المیلاد ۵۷۵ سنه سنه ختامه ایرر . ایکنجیسی تیاترو ، تاریخ و فلسفه دوریدرکه قبل المیلاد ۴۷۵ سنه سنندن ۳۰۰ سنه سنه قدر ۱۷۵ سنه امتداد ایرر . اوچنجیسی علوم و معارفک کاله ایردکن صکره دوری ، یاخود اسکندریه دوریدرکه بوده بری یونان ، دیکری روما اولق اوزره ایکی دوره آریلیر .

### ۱ - شعر یونانی

عربلر علوم اسلامیه یی و آداب عربیه یی هیچ برملتی تقلید ، هیچ برملتنن اقتباس ایتیمه رک کنندی کندیلرینه فصل ایجاد ایتشلر ایسه یونانیلر دخی آداب خیالیه و تصورات شاعرانه لرینی ، یعنی ادبیات لسانیه لرینی اویله جه هیچ برملتی تقلید ، هیچ برملتنن اقتباس ایتیمکسزین کنندی کندیلرینه ایجاد و ابداع ایدن اقوامدن معدوددرلر . یونانیلرک اک قدیم علوم و ادبیاتی شعردن متشکل ایدی . اک اسکی زمانلردن اعتباراً شعرده بیوک برمهات ، بیوک برتعالی کوستر مشلردی . چونکه انلردن هر قبیله شعرک برنوعی ایله اشتغال ایلهرک انی مظهر اعتلا و ترقی ایلشیدی . ( یونیلر ) شعر قصصی ( نقلی ) ایله ، ( ایولیلر ) بسیط شعر موسیقی Poésie lyrique ایله ، ( دوریلر ) کذلک بوشعر موسیقی ایله و توسیعی ایله مشغول اولشلردی . متعاقباً یونیلرک برشعبه سی اولان اتیون ( آتیکلر

Attiques) شعرتیمی (تیازو) وسائر صنائع خیالیه ایله اشتغال ایشلردی. یونانیلر بو اشتغالات نتیجه سنده تاریخ وفاسفه وسائرده کی صنائع نثریه واصل اولشلردر. زمان جاهلیتده عرب قبائلک لسانلری بربرندن فصل فرقلی ایدی ایسه ذکر اولنان قبائلک لسانلری ده یکدیگرندن اوپلهجه فرقلی ایدی.



ایراندی شیراز شهری کدرکاهنده برقیو

اغلب احتماله کوره یونانیلر، قبیله لری دوچار تشقت و تفرق اولدن اوله شعر نظم ایشلردر. یونانیلرک الک اسکى شعرلری اناشید الفصول (مواسم نشیده لری Chansons des saisons) ندن متشکل در. ایکنجی درجه ده



قدیمہ کسیمیک حکایہ لر شکلندہ آلمہک ، یاخود محاربانتک توصیفی حاوی اولان اشعار کلیرکہ بواسعارای آلات موسیقیہ ایله ترنم ایدرلردی . فقط بالآخره قبائل مذکورہ طاعیلنجہ یونیلر شعر قصصی ایله تخصص وانسکہ بیوک محاربانتک حکایہ لرینی نظم ایلمشدر . بیوک محاربہ لک صحائف وقائعی مصور نظم ایدیلن اک اسکی شعر طرواده ( روا Troie ) شہری محاصرہ سنک صوک اون کوننک وقائعی حاوی اولہرق قبل المیلاد طقوزنجی عصرده ( ہومیروس ) طرفندن نظم اولنان ایلیاد وادیسہدر . ہوشہر یونانیلیرک محاصرہ سنہ اون سنہ مقاومت ایدہرک شاعر مشار الہک ذکر اولنان اثر منظومی ایله تاریخیجہ لایموت برنام قازانمشدر .

یونانیلیرده ( شعر قصصی ) مآثر ملیہ و وائع حربیہ لرینک حفظ وتداولنہ خدمت ایتدیکی ایچوز شعرک سائر انواعندن اول شمشعہ دار اولمش ، بیوک برترقی احراز ایلمشدر . یونانیلیر ایلمک دورلرندہ عرب قبائلی کبی ایدیلر . رؤسا وامرالی سلفلرینک قہرمانلرینہ وقہرمانلغہ وآلمہ ومعبوداتہ متعلق حکایات ومناقبی ایشیمکی سودکلرندن قریحہ اصحابی اونوعدن اولان حکایات ومآثرک نظمہ تشویق ایلرلردی . قبل المیلاد سکزنجی عصرده مملکتلرندہ حاکمیت مطلقہ ومستبدہ دوجار افول اولغہ باشلاہرق حاکمیت جمہوریہ تأسیسی ایچون استعداد کسب ایتک اوزرہ حریت شخصیه نائل اولدقلرندن استقلال شخصیہ اولان محبتلری کوندن کونہ آرتمش ، ہرکس کندی وارلغی آکلاغہ باشلامشدی . قیود اسارتدن بوصورتلہ قورتولان ذہنلر آرتق برکشایش بولہرق ہرکس کندی حسیاتی تعریف وتوصیفہ قوبولمش وبوتأثیرایلہ وجودہ کتیریلن آثار شعرہدن ( شعر موسیقی ) میدانہ کلشدر . بونوع شعرایلہ اک زیادہ اشتغال ایدنلر ایولیلر ایلہ دوریلر ایدی . مع مافیہ بونلردن برقبیلہ عائد اولان شعر دیکرینک شعرندن بعض جہتلرجہ فرقلی ایدی . یونانیلردن شعر موسیقیہ یتیشن شعرانک اک بیوکلری قبل المیلاد ۵۵۶ - ۴۶۷ سنہ لرنده یاشامش اولان ( سیمونیدس Simonide de Céos ) ایلہ ۵۲۱ - ۴۴۱ سنہ لرنده یتیشمش اولان امیر شعر موسیقی ( پندار Pindare ) در . بونلردن برنجیسی اصلاً یونی ونظمآ دوری ایدی . منظوماتنک اکثری یونانیلیر ایلہ ایرانلیلر آرہ سندنہ

وقوع یولان محاربانك توصیفی حاکیدر . ایکنجیسی مولد ومنشأجه واسلوب ونظمجه دوری ایدی .



## ۲ - یونانلیلرده آداب لسانیه و علوم و فلسفه

قبل المیلاد ۴۷۵ سنه سنه ۳۰۰ سنه سنه قبر

### ادب و تاریخ

بودوره - یونان مالکنده کائن واهالیسی یونیلر ایله دوریلردن متشکل اولان اتیکا ( آتیک Attique ) قطعہ سنه نسبتله - ( دور آتی ) ، یاخود ( دور اتیکی ) اطلاق اولنور . یونیلر ، ایولیلر ، دوریلر شعر نظمی ایله اشتغال ووقوعات تاریخیه و حربیه لرینی ، حسیات شخصیہ لرینی ، ملتیرینک حسیات عمومیه سنی شعر ایله توصیف و تدوین ایلدکن صکره پارلاق وفعال اولان قریحه لری وقائع و حسیات مذکورہ بی خالق کوزی اوکنده تجسم ایتدیرمک ، عین وقوعات و حسیات ایچنده یاشامش کی خلقی متحسس ایتک طریقہ دوکوله رک بونک نتیجه سنده تمثیل ( دراما - تیاترو ) فنی وجوده کتیرمشلردر . تراجیدیا ( تراژدی ) وکومیدیا ( قومه دی ) اوجله دن نشأت ایلشدی . یونانلیلر کرک درام ، کرک تراژدی و قومه دیده ظہار اقتدار ایتدکاری کی تیاترو صنعتده بیوک آدملرده یتیشدیرمشلردر . تیاترو فنک یونانلیلرده واصل اولدینی مرتبہ ترقی و اودورلرده یتیشن اعظم مثلین ( بیوک آرتیستلر ) حقنده معلومات ویرمک بجئی اوزادیر . ذاتاً بومعلومات موضوعمیزکده خارجنده در . یالکز اجمالاً شونی سویلکله اکتفا ایدرنکه یونانلیلر ( شعر قصصی ) نک وجودی ایله نثر مرسله ( مطلقه ) عدم احتیاجلرندن طولانی نثرمرسله اهمیت ویرمدن اول شعرك بالجله انواعنده اقتدار و مهارت کوسترمشلردر . یونانلیلر اک اسکی واک مکمل آثار مشورہ لری میلاددن ۴۰۶ [۱] سنه اول وفات ایدن سیاح شهیر

هیرودوتس (هرودوت) ك یازدینی آناردر. یونان اشعارینه كوره (هومروس) ك (ایلیاد) ی نصل بر موقع ممتاز اشغال ایدر ایسه (هیرودوتس) ك مکتوبات نثریه سی ده یونان آنار منشوره سی میاننده او یله جه عالی و ممتاز بر موقع اشغال ایلر. آناتوپاینك آطه لر دكزی ساحلنده كائن (هالیقارناس) شهرنده تولد ایدن سیاح مشار الیه بر جوق سیاحتلرده بولنه رق طوپلادینی معلومات صحیحه یی یازدقن ماعدا زیارت ایتدیکی اقوامدن ماصال قیلندن اوله رق ایشیتدیکی شیلری ده انلره اینانمدیغنی کوستره رك قید ایتدی اهل ایلامشدر. (هیرودوتس) تاریخك اسکی دورلرینه عائد معلومات ایچون سوزینه اعتماد اولنان اك بیوك بر مورخدر.

بونكه برابر مشار الیه یونانیلرده ایلك نثر مرسل ایله یازی یازان ذات عد اولماز. زیرا کنديسندن ده اول یونانیلرده بر طاقم علما یتیشه راي علوم نثریه دن فلسفه، میتولوژی، تاریخ و سائر یه دائر اولان معلومات و فکرلری نثر ایله تحریر و تدوین ایلشدر. (هیرودوتس) طرفدن یازیلان نثرك دیگر نثرله قائق و غالب کلمی اختیار ایتدیکی اسلوبك کرزلیکی و یازدینی موضوعلرك اهمیت سیبیلهدر. مشار الیه کندی ناهنه نسبتله معروف تاریخن متشکل اولان سیاحتنامه سنی قبل المیلاد ۴۳۱ سنه سندن اول تحریر ایدرك بوسیاحتنامه ده قبل المیلاد آلتنجی عصر ایله بشننجی عصر ك ابتدالرنده ایرانلیلر ایله یونانیلر آره سنده وقوع بولان محاربات عظیمه نك وقایع واسبابی کوسترمشدر. بو کتاب بوکونه قدر کندی نوعنده ممتاز بر موقع طوتار. ایشه بوسیدن مشار الیه (ابو التاریخ)، یاخود (شیخ المورخین) نامی ویرلشدر.

(هیرودوتس) دن بر آز زمان صکره آتینه اهالیسی آره سنده قبل المیلاد ۴۳۱ سنه سندن ۴۰۴ سنه سنه قدر دوام ایدن و (موره)، یاخود (پلپونز) محاربه سی نامی آلان دهشتلی بر محاربه ظهور ایلش و بونك تاریخی قبل المیلاد ۴۶۰ - ۳۱۵ سنه لری آره سنده یاشایه رق محاربه لری بالذات مشاهده ایدن یونانیلرك اك مشهور مورخی توسیدس (توسیدید Thucydide) طرفندن یازلشدر. بومورخ (هیرودوتس) ه معاصر فقط یاشیجه ده كوجك ایدی. اودورده خینوفون (اقسه نوفون Xnophon) و سائر کبی بر طاقم مورخلر ده ایتیشمشدی. بوندن بر آز صکره یونانیلر خطابت ایله اشتغال ایدرك



کنندیلرندن دیموستنيس (دهموستهن) ، اشينس (ئەشین) ، هېرىدس (هېیرید) وسائرە کەبى بيوك خطيبلىر يتشەدىكى كې (سولون) كى برقسم ارباب ذکا دخى قوانين ونظامات وضعى ايله ، دىكرلىرى ده لسانك قواعدى ايله وبوراده بخمزه عايدى اولميان سائر علوم ايله اشتغال ايلشلردر .

## علم و فلسفه

يونانلىلرده علم و فلسفه بالاده ذكرى كچن آتېك دورينك محصولى ايدى . يونانلىلر شعر ، تاريخ ، ادبيات ايله خيلى زمانلر كچيردكن صكره نهايت مارالبيان موره محاربهسى نتيجهسنده ظهور ايدن برانتباه ايله اسرار موجودات وعلل ومعالمولاتى تدقيق و اظهار ايچون ذهنآ بر كشايشه مظهر اولمشلردر . ۲۸ سنه امتداد ايدن بو محاربه نتيجهسنده آينه شهرى لقدمونيلرك (لاقده مونيلر Lacédémoniens) حوزة تحكمرينه و آينهليلر موقع عز و اقبالدن حضيض ذلت و محكوميتسه دوشونجه دوچار اولدقلىر حاللن الدقلىرى عبرت سوقيله موجوداتك اسباب و حقائقى تدقيقه ميل ايدرك ملتارى ايچون بر فلسفه انتباه دورينى كساد ايلشلردر . بوانتباه دورينك رئيس وؤسسى قبل الميلاذ (۴۶۸—۴۰۰ ياخود ۳۹۹) سنه لرنده باشامش اولان فيلسوف شهر (سقراط) ايدى . اولجه دخى بيان ايتديكمز وجه ايله محاربهلىرى على الاكثر ادبى ، ياخود علمى ، ياخود سياسى بر انتباه دورى تعقيب ايلر .

بونكه برابر يونانلىلر ذكر ايتديكمز دور انتباهدن دها اول ايرانلىلر ايله اجر ايلدكلىرى محاربهلىر انساننده افكارك احتكاك و تماسى نتيجهسنده موجودات طبيعیه و احوال كائنات حقنده تتبعات اجر اسنه باشلامشلردى . آنجق او تتبعات بوكونكى اصطلاحه كوره حكمت طبيعیه نامى ايله اسميه ايتديكمز معلومات قبيلندن هيئت و رياضيات وسائرە كى موجودات طبيعیه قواعدى آ كلامغه منحصر ايدى . حكماى طبيعئوندن اك اسكى اولمق اوزره طانيديغمز ذات قبل الميلاذ ۶۴۰ سنه سنده يونيا (Ionie) قطعه سنده كائن مليطه (ميلهت

(Milet) شهرندہ تولد ایدن میلہ تلی طالیس (Thalès) در . طالیس یونی مکتب حکمتی فیلسوفلرندن ایدی . علوم و معارفنی فنیکہ ، مصر ، کرید و یونیدن اخذ و تلقی ایتدکن صکرہ علم ہیئت و هندسہده صورت مخصوصہده اختصاص کو سترمشدر . مشارالیک خلقت و موجودات ، عناصرک اصلی حقندہ مطالعات مخصوصہسی واردر . بوندن ماعدا کسوف شمس و خسوف قمرک استخراجی ، اجسام مرتفعہنک ، کولیکہ لرینہ نظراً تعین مساحہسی ایچون بر چوق قواعد ریاضیہ وضع ایشدر . (طالیس) دن صکرہ کرک کندی شا کردلرندن ، کرک شا کردلرینک شا کردلرندن بر طاقم حکما یتیشمشدر کہ میلاد عیسادن اول بشنجی عصر فیلسوفلرندن مشهور ارخیلاوس (آرقہ لاؤس Archélaüs) او جملہدن ایدی . مشارالیہ طبیعیاتی (یونی) قطعہسندن آتینہ یہ نقل ایدن ذات ایدی . آتینہ ده (سقراط) ک استادی اولمشدر . بو ذاک زمانہده ذکر اولنان (پہلپونہز) ، یاخود (مورہ) محاربہسی وقوع بولدیغندن بونک نتیجہ سندہ طبائک اختلاط و امتزاجی و افکارک احتکاک و تماسی ایلہ قریحہلر و حسابات غلیانہ کلمش ، خلق یکدیگریہ خصم و رقیب بر حالہ دوشمشدر . اوقدر کہ انسان کندی قبیلہسندن واقربا و تعلقانندن بر دشمندن خالی قالیوردی .

آتینہ لیلر بالادہ بیان ایتدی کمز اوزرہ بیوک بر شان و شوکتدن صکرہ خاک مذلتہ دوشونجہ کندیلرینہ اضطراب و انکسار عارض اولمشدی . انسان دفعہہ مقتدر اولہ مدینی بر فلاکتہ دوشر ایسہ او فلاکتک کندیمی اوزرینہ اولان تأثیرنی تخفیف و تمہین ایتک ایچون خلقت و افعال انسانہنک ماہیتی ، حادثات و وقایعک سبب و حکمتی حقندہ تعلیلات و مطالعات فلسفیہ ایلہ اشتغال ایلہ ایچندہ بولندینی حالی اونو تمغہ چالیشیر . ایشته آتینہ لیلر بالخاصہ اویلہ بر تسلی یہ محتاج ایدیلر . چونکہ عزیز و شانلی ایکن ذلیل و حقیر اولمشلردی . ماضی یہ باقجہ اسف خوان اولیورلردی . آتی یہ باقجہ خوف و خشیتہ دوشیورلردی . بتون مفاخر قدیمہلری سونمش ، کیتمش ایدی . منتظم یکی بر حکومت تشکیل ایدہ مامشلردی . بونک نتیجہسندہ بتون فکر و قریحہلری انسانرک وبالخاصہ کندیلرینک احوال و خصوصانک تدقیق و تحقیقہ منصرف اولمش ایدی . انتباهلرینک محوری ادبیات و فلسفہ اطرافندہ دونیوردی .

قبل المیلاد دردنجی عصر کیردیکی زمان یونانستانده خالق متقدمیندن بعض  
عدانک مطالعاتی کندی حاللرینه تطبیق ایدرک او صورتله تداول ایدیورلر  
ودها زیاده علوم و معارفه اشتیاقلرینی اظهار ایلورلردی .

سقراط : — خالق او حالده امرار اوقات ایتدکلری بر صروده ( سقراط )  
ظهور ایلشدر . یالکزلنی ، تنهانی سوه رک هیچ بر صنعت تعاطی و هیچ بر  
کتاب تحریر ایتمین بو ذات او کی بر موقع وحالده حکمت طبعیه ایله اشتغالک  
برفائده بی منتج اوله میه جفنی تقدیر ایدرک حکمت ادبیه ( فلسفه اخلاقیه )  
اهمیت و یرمش و فلسفه بی اساسلی بر صورتده تدقیق و احاطه ایتدکن  
صکره ایچنه قاریشان بر طاقم رموز و مهماتدن تخلیص و آینه لیلرک او زمانکی  
احواله تطبیق ایلشدر . حکمت اخلاقیه یه دأثر وضع ایتدیکی قواعدی بری  
انسانک انسان ، دیکری پدر ، اوچنجیسی عائله رئیس و مدیر و مدبری ، دردنجیسی  
جمعیت بشریه دن بر فرد اولق اعتباریله کنديسنه تعلق ایدن وظائف قسملرینه  
تقسیم ایتشدر . ( سقراط ) روحک خلودینه قائل ایدی . یونانلیلر مشارالیه  
عملی فلسفه ادبیه نک ( حکمت اخلاقیه نک ) موجدی ، یاخود فلسفه قدیمه نک  
خیالاتدن حقیقه محولی عد ایدرلر . رومانک اک بلیغ خطیبی اولوب میلاد  
عیسایان ۱۰۶ سنه اول تولد ایدن شیشرون ( چیچرون Cicéron ) سقراط  
فلسفه بی سمان روی زمینه ایندیرمشدر « دییور . سقراط مسلك حکمتی  
وافکار و مطالعاتی خلقک اجتماعکاهلرنده ، عمومی پنایرلرده ، ژیمنازلرده اعلان  
و اشاعه دن بر لحظه کیری طورمازدی . بتون حیاتی ارشاد ایله کچیرمشدر .  
مسلك فلسفیی ؛ اک ای شاگردی اولان افلاطون ( Platon ) ک محاوره  
شکلنده بولنان آناری ایله طائلشدر . ( سقراط ) ک مسلك فلسفیی انسانک  
امیال و انجذاباتی حال طبعیسنده نضل ایسه اوله جه تربیه ایتک ،  
او حالدن خارجه چیقماق محوری اطرافنده دوز . بناء علیه بوفلسوف  
سفسطه و مغالطه نک ، ساخته فصاحتک ، شارلاتانلغک شدتلی دشمنی ایدی .  
جهانده بیوک علما ، یکی افکار موجدلری حاسدلردن و کنديلرینه اذیت  
ایصالنه چالیشانلردن پک نادر قورتوله بیایرلر . سقراطک هجو آمیز استهزالی  
و طعنه اشلرینک کندی حقنده عداوت بسلملرینه باعث اولمش ایدی . نشر



ایته یکی قواعد فلسفیه ده آتینه لیلرک اعتقاداته مخالف شیلر ده واردی .  
 بناءً علیه اهالی بر بهانه بوله رق بر نام لایموت صاحبی اولان بو بیوک فیلسوفک  
 حیاته قیملر دره مشارالیه علم اخلاقک ( Science morale ) ک موجودیدر .  
 افراطونه : — سقراط بالاده بیان ایتدی کمز وجه ایه حال حیاته سده  
 کتاب یازمادیغدن وفاتندن صکره کندی فلسفه سینه دایر هیچ بر کتاب  
 بر اقامشدر . مشارالیه افکار ومطالعاتی کن دیسندن صکره شا کردلری تحریر  
 وتدوین ایشلر دره . فقط بو شا کردلر معلملرینک افکار ومطالعاتی نفسیر ایدرکن  
 اختلافه دوشدکلرندن بری سقراطک شا کردلرندن ( آریستپ Aristippe )  
 طرفندن تملی قورولان وسعادتك حظوظاندن عبارت اولدیغنی کوسترن کیرینه  
 Cyrenaïques ، دیکری کلییه ( Cynique ) ، اوچنجیسی اشراقیه ناملرله اوچ  
 فرقه یه آیرلمشدر . قبل المیلاد ۳۲۸ سنه سنده تولدایدن ( افلاطون ) ه نسبتله  
 ( افلاطونیه ) نامی ایه دخی تسمیه ایدیلن صوک فرقه دیکر ایکی فرقه دن  
 زیاده شهرت قازانمشدر . ( افلاطون ) ک افکار فلسفیه سی اوچ اسکی مسالک  
 فلسفیدن مقتبس ایدی . چونکه مشارالیه طبیعیاتده هیرقلیطس ( هه راقلید  
 Héraclide ) ، ماوراء الطبیعه ومنقولانده ( Métaphysique ) فیثاغورسی  
 ( پیتاغور Pythagore ) ی ، فلسفه ادبیه واخلاقیه ده ( سقراط ) ی رهبر  
 اتخاذ ایتمشدر . ( افلاطون ) هر شیئی ( اله ) ، ( ماده ) ، ( ادراک ) اولمق  
 اوزره اوچ اصله حصر ایشدر . فکرینه کرره آلهه علیون ( اک یوکسک  
 طبقات سماده بولنانلر ) ، ( متوسطون ) ، ( سفلیون ) اوله رق اوچ طبقه دن  
 تشکیل ایدرلر . بوندن ماعداتناسخ ارواحه دخی ذاهب ایدی . ( افلاطون ) ک  
 بالجمله کتابلری محاوره شکلنده یازلمشدر . اسلاملر طرفندن فلسفه یه دایر  
 عربجه یه ترجمه اولنان کتابلر بحثنده مشارالیهک آثارینی ده ذکر ایدم جکزه .  
 ارسطو : — افلاطونک شا کردلری ده بر قاج فرقه یه آیرلمشدر .  
 بوفرقلرک اک مهمی ( ارسطو ) ، یاخود ( ارسطاطالیس ) طرفندن تأسیس  
 وتشکیل ایدیان ( مشاؤون Péripatéticiens ) فرقه سی ایدی . فلاسفه  
 قدماکک مقتدری اولدیغنی علماجه متفق علیه اولان وعربلرجه استاد اول  
 ( ایلک استاد ) نامی ویریان بوخارقه عقل وذاکا قبل المیلاد ۳۸۴ سنه سنده تولد

و ۳۲۳ سنه سنده وفات ايشدر . عربلر فلسفه و منطق كتابلرينك چوقلريني ارسطودن نقل ايتمشلردر . مشاراليه تحرير ايتديكي آثارده يونان ممالكنده علمانك فلسفه و علمده كندى عصرنده يتشه بيلدكلري معلوماتك زبده سنى طوللامشدر . ( ارسطو ) فلسفه يي - مباحث منطقيه و عقليه و نفسيه و سياسيه او ميانده داخل اولمق اوزره - استادى اولان ( افلاطون ) دن اخذ و اقتباس ايلش ايسده رياضيات ، طبيعيات و سائره كبي مشاهدات و تجارب اوزرينه مؤسس حقايقى متضمن اولان علومى كندى كنديسنه علوم اولينى تدقيق و بالذات كندى طرفدن وقوع بولان نتيج و تجربه نتيجه سنده احراز ايتمشدر . مشاراليهك غايه اجتهاداتى فلسفه يي علوم و فنون ايله ايضاح و تأييد ايتك ، هر مبحث عقلى و يافى نظرى يي احكام و قواعد طبيعيه يه تابع قيلمق جهته مصروف ايدى . عباردهك مزين و طمطراقلى اولسنه اهميت و ير مزدى . يالكز موضوعك مقصد اصليسنه اهميت و يرزدى . بوجهته عبارده لر ينى ( افلاطون ) ك فلسفه سنه قارىشان خيالات شاعرانه دن تجريده چاليشيردى .

( ارسطو ) نك فلسفه سى خلق آره سنده انتشار ايدنجه بيوك بر انجذاب و توجه نائل اولمشدر . ( ارسطو ) تعاليم فلسفه سنى افلاطونك آقاده ميسى قربنده بولو ( آبوللون Apollon ) ك هيكللى ( معبدى ) اطرافنده رواقلرده القا ايدردى . درس لر ينى اوراده يورويه رك القا ايلديكندن شا كردلرينه ( مشاؤون ) ، يا خود ( رواقيون ) نامى و يرلشدر . ( ارسطو ) نك حسن طالعتدن كندى زماننده اسكندر كبر ظهور ايدرك كنديسنه شا كرد اولش و علم طب ، علم حيوانات و علوم سائره حفته تدقيقات و تتبعانه دوام ايتك اوزره كنديسنه معاونات ماليه ده بولمشدر . اسكندر جهانكيزلكه چيقدينى زمان ( ارسطو ) آينده قالمشدى . بالاخره اسكندر ك خبر وفاقى كلنجه اسكندر ك آينده كي طرفدارانى و اوچله دن ( ارسطو ) اهميتدن دوشمشدر . مع مافيه ده اول ( موره ) محاربه سى نصل بر نيجه انتباهى متيج اولش ايسه صانكه اسكندر ك فتوحاتى ده يونان ذهن و قريحه لر ينى اويله جه هيچان و خلجابه كتيره رك يونانليرده عقل و ذكا ده مستعد ، تدقيق و تبعه ده مقتدر بر حالده ايكنجى بر دور انتباهك ظهورينه باعث اولمشدر . اسكندر كبر ك آينده

کوستریله جکی اوزره او صره لرده فنیکه ، بابل ، اسکی ایران علومندن بعضلرینی آتینه یه نقل ایتیش اولمسی وارسطونک بوعلومی کندی فلسفه سنه ادخال ایلش بولنمسی پک محتملدرد . ( ارسطو ) هر نوع عقلی ، طبیعی ، فلسفی ، منطقی ، لغوی موضوعلره دائر اثر یازمیشدرد . اثرلری پک چوقدر . کندیسنک اولمدقلری حالده کندیسنه اسناد اولنان بر طاقم کتابلرده واردرد . انک اولدینی ثابت اولان مؤلفاتک عددی ۱۹ در . بونلرک اکثری ایلریده کوریله جکی اوزره اسلاملر طرفندن عربجه یه ترجمه ایدلمشدر .

یا کلشقله ( ارسطو ) یه اسناد اولنان کتابلره کینجه بونلرک قسم اعظمی میکانیک ، بلاغت ، ادبیات و ریاضیاته دائردرد . بونلری بوراده تعداده لزوم یوقدر . یالکنز انلردن ایکی مشهور کتابک ذکر ی ایله اکثفا ایده جکزد . بویکی کتابدن بری منطقه دائر اولان کتاب المقولات ( Catégories ) ، دیکری ( کتاب التفسیر ) در .

( ارسطو ) یونان اعتلا دورینک صوکلرینه طوغری یتیشدیکندن عقول و ذکای یونانینک او زمانه قدر علوم و فلسفه ده تدقیق و تتبعات نتیجه سنده وجوده کتیردیکی معلوماتی طویلا یه رق بر طاقم کتب تدریسیه ده ترتیب و عبارده ده آچیقق و قولایانگی التزام ایلش وایشته بو سایه ده افکار و مطالعاتی عصرلرجه یاشامشدر . کرک یونانلیلر زماننده ، کرک دها صکره طریق مدنیه سلوک ایدن رومالیلر ، ایرانلیلر ، عربلر و سائره کبی هیچ بر ملت ( ارسطو ) نک افکار و مطالعاتی اخذ و اقتباسدن مستغنی اوله مامشدر . بو افکار و مطالعاتک بر جوخی بو کون بیله مرعیدرد .

ارسطونک مؤلفاتی : — ارسطو طرفندن تألیف ایدلمش اولان آثارک بر سر گذشت غریبی واردرد که خلاصه سی شودر :

( ارسطو ) اجلنک تقریبی حس ایدنجه آثارینی و مسوداتی شا کردلرینک اک بیوکی اولان ثیوفرستوس ( ته او فراست Théophraste ) ه تودیع ایلشدر . ( ته او فراست ) استادینک وفاتندن اوتوز بش سنه صکره وفات ایتشدر . وفاتندن اول کرک یداماتنده بولنان ارسطونک کتابلرینی و کرک کندی آثارینی نیلیوس ( نله اوس Nélus ) — Nélée — نامنده بر شا کردینه بر ایشدره .



نیلیوس آسیای صغرا ده (آناطولیده) مسقط رأسی اولان (سبسیس Seepsis) ه عودت ایتدیکندن آثار مذکورہی برابر کوتورہ رک وفاتہ قدر یانندہ محافظہ ایتمشدر . وفاتندن صکرہ بمخلفات ورثہ سنہ انتقال ایشدر . ورثہ ایسہ آثار مذکورہ نک او زمانکی برغامس (برغمہ Pergame) حکمدارینک ید ضبطہ کچمسندن قورقہرق بونلری بر مغارہ ده صاقلامشدر . بو آثار ذکر اولنان مغارہ ده ۱۸۸ سنہ مدفون قالدقن صکرہ نہایت میلاددن اول ایلک یوز سنہ نک باشندہ بولہرق مدفن مظلمندن چیقارلمش ایسہ ده بعضارینک عفونت ورطوبتنن چورو یوب یارچہ لائمش ، دیگر بر قسم نک ده قورد وکوه طرفندن ینلمش اولدینی کورولہ رک ابلیکون (آپلیقون Apellicon) اسمندہ بر کتابچی بہ (قولہ قسیونجی بہ) طویدن صائلش و بو کتابچی واسطہ سیلہ آتینہ بہ نقل اولنمشدر . متعاقباً رومالی سولا (سیلا Sylla) قبل المیلاد ۸۶ سنہ سندہ آتینہی قبضہ استیلایہ کچرنجہ ذکر اولنان کتابچینک کتابخانہ سی اموال غنائم میانندہ ضبط اولنان مؤلفات جملہ سندن رومالیلرک انہ دوشہ رک رومیہ کوتورلشد . اوصردہ رومادہ مقیم بولنان بعض یونانیلر مذکور آثاری کورہ رک استنساخ وتصحیح لریلہ اوغراشمشدر . آثار مذکورہ ایلہ ایلک اشتغال ایدن ذات (چیچرون ک دوستی اولان (تیرانیون Tirannion) ایدی . متعاقباً بونلرک تصحیح وترمیمی ردوسلی (آندرونیقوس Andronicus) طرفندن اجرا ایدلکدن صکرہ خلق آرہ سندہ انتشار وتداول ایشدر . (ارسطو) نک مؤلفاتندن عالمک نظر استفادہ سنہ انتقال ایدن نہ قدر آثار وار ایسہ جملہ سی آنجق ذکر ی کچن (آندرونیقوس) طرفندن قبل المیلاد برنجی عصرک اورتہ لرندہ تصحیحی اجرا ایدلمش اولان کتابلردن عبارتدر .

(ارسطو) نک بو آثاری میدان تداولہ چیقیدینی زمان هر طرفدہ مظهر رغبت اولہرق تعلم ، استنساخ ، ترجمہ ، اختصار ، شرح وتفقید ایلہ اشتغال ایدمشدر . بو اشتغالاتہ بالذات یونانیلر باشلامشدر . دہا صکرہ صرہ ایلہ رومالیلر ، اسکی ایرانلیلر ، عربلر ، اوروپادہ قرون وسطی ایلہ مدنیت حاضرہ نک ابتداری خلقی وبخصوص قرون اولاسی حکما سی ہپ بو مؤلفات ایلہ اوغراشمشدر . غرابدن اولہرق ارسطونک آثاری مدفون بواندینی صرہ ده .

آئیدہ ذکرى کله جک اولان اسکندريه مدرسه سى (دارالفنونى) فلسفہ ي حکيم مشاراليہ منسوب کتابلر ايله تدريس ايدردى . بوحال روماليرک مصرى فتح ايتدکلى زمانه قدر دوام ايتمش ايدى . رومالير اسکندريه يى فتح ايدنجيه ( اندرونيقوس ) دن قالان ارسطو مؤلفاتى بوشهره نقل ايلشلردر . بونک اوزرينه اسکندريه ده بومخلفاته اهميت ويرلمش ، ديکرلى اهل ايدلمش و کرک روماده ، کرک اسکندريه ده تدريسات فلسفیه عبنى مأخذده برلشديرلشدر . بالاآخره خرستياناق ظهور ايدنجيه روماده ارسطونک مؤلفاتنک تدريسى منع و ابطال ايدلمش ايسه ده اسکندريه ده تدريساته دوام اولمشدر . خرستيانلغک انتشارندن صوکره روم قيصرلى کندى مملکتلردن بترستلىکى قالديرمه چاليشدقلى زمان بترستلک دورنده تدريس اولنان علومى ابطال ايتدکلى کي اوجله دن - منطقه دائر کتابلردن ماعدا - ارسطونک آثارى ده منع ايلشلردر . فقط حکيم مشاراليهک آثارى ينه خلق آره سنده کيزلیدن کيزلى يه تدريس وتداولدن خالى قاليورددى . متعاقباً اسلاميت ظهور ايدنجيه فلسفه تدريساتى ( عمر بن عبدالعزيز ) واسطه سيله اسکندريه دن ( انطاكيه ) يه انتقال ايلشدر . تدريساتک انطاكيه يه انتقالى ايله ارسطونک آثارى دخى اورايه انتقال ايتمش ايسه ده بونلرک مطالعه سندن عموم خلقک ممنوعى دوام ايتمشدى . بوصره ده يالکر بعض يهوديلر و حرانيلر ( صابئه ) ارسطونک آثارى خرستيانلغه قارشى مدافعه و مناظره لرى تقويه ايتمک ايجون مطالعه ايدرلردى .

### علم طب و علم نجوم

علم طب دخى ( موره ) محاربه سى نتیجه سنده ظهور ايدن اتباهک محصولى ايدى . يونانيلر بواتباهدن اول امراضک شيطانلردن و علاجلرک آلهلردن کلديکى فهاينده بولندقلردن خسته لرى کهانت اصولى ايله تداوى ايدرلردى . يونان حکما سى ده اول علم طبيدن بحث ايتمشلر ايسه ده بختلرى بوعلمک ( علم طبيعى ) دن برشعبه اعتباريله ايدى . انلردن هيچ برى علم طبک مستقل برعلم اولديغنه دائر

بحث و تدقیق شده بولنامش ایدی . بوعلمی مستقل بر علم شکفته ایلاک ترتیب  
و تبویب و صحیح تمللر اوزرینه بنا ایدن ذات قبل المیلاد ۳۵۷ سنه سنده وفات  
ایلین ابقرات ( Hippocrate ) ایدی . ایشته بوسیدن اکا ( ابوالطب )  
نامی ویرلشدر . ( ابقرات ) موره محاربه سی اثناسنده نشأت و محاربه نك ختامنده  
بوعلم ایله کسب شهرت ایتدکن صکره سوریه سیاحت ایتشدر . احتمال که  
مشار ایله بوسیاحتی اثناسنده بابلیلرک و مصر لیلرک طبایتنه مطلع اوله رق  
بورالردن اکتساب ایتدیکی معلوماتی طب یونانی یه علاوه ایله علم طبه دائر یازدیغی  
آثاری وجوده کتیرمشدر . ( ابقرات ) ک طبابتی طبیعت اساسی اوزرینه مؤسس  
ایدی . قان آلق ، کی ، حقن ایتک اصول معالجاتی جمله سندن ایدی . خسته لقلری  
سماعه ( جسمک معاینه سنده دو قورلرک قولاندقلری آلت Stéthoscope )  
ایله تشخیص و تداویده مسهلات نباتیه و معدنییه یی توصیه ایدردی . ( ابقرات ) ک  
طبه دائر اولان مؤلفاتی پک چوقدر . کندیسنه منسوب اولمق اوزره ۷۸ کتاب  
تعداد ایدرلر . آنجق انک اولدیغی قطعاً ثابت اولان مؤلفاتک مقداری یالکز  
یکرمی راده سنده در . اسلاملر طرفندن علم طبه دائر عربی یه ترجمه ایدیلن  
کتابلر بختنده بونلرک ده ذکری کله چکدر . ( ابقرات ) ک آثار طبیه سی دور  
جدید مدنیته قدر بالجمله اطبانک مدار اعتمادی اوله رق دوام ایلشدر . اطبا  
طرفندن بو آثاره شرحلر ، تفسیرلر و حاشیهلر یازلدیغی کبی برچوق لسانلرده  
ترجمه اولمشدر . فلاسفه عظامدن ( ارسطو ) و سائر کبی برطاقم ذوات یونانیلرده  
( ابقرات ) دن صکره علم طب ایله اشتغال ایدنلر جمله سندن صایایلرلر . بالآخره  
( بطالسه ) دورنده اسکندریه دارالفنونی تأسیس ایدیلنجه علم طب - ایلریده  
کوریه چکی اوزره - بوراده غایت پارلاق بر موقع احراز ایلشدر .

علم نجوم ، یاخود علم هیئت کله نجه قبل الاسلام عربلرک علوم و معارفی بختنده  
کوسترلیدیکی وج، ایله بوعلم سائر اقوام نزدنده پک اسکی ایدی . یونانیلر  
بوعلمک مبادیسی کنیدیلرندن ده اول عالم مدنیته اثبات وجود ایدن اقوامدن  
فیکه لیلر واسطه سبله اقتباس ایتدکن صکره توسیع و تزئید ایلشدر . علم نجوم  
ایله اشتغال ایتک همان یالکز حکمایه مخصوص برشی کبی ایدی . بوعلم ایله انک  
اسکی اولمق اوزره اشتغال ایدن ذات ده اول ذکری کچن ( طالیس ) ایدی .



دها صکره یتیشن یونان فلاسفہ سی ایچندہ بو علمدن بحث ایتمیز همان پک نادر در .  
 انکسیمندر ( آناقسیمندر Anaximandre ) ، انکسیمینس ( آناقسیمین )  
 Anaximène ) ، انکساغوراس ( آناقساغور Anaxagore ) علم هیئت ایله  
 اشتغال ایدنلرک اک مشهورلریدر . یونان ممالکنک ایتالیا قسمی ده بو علمه پک  
 بیوک براهیمیت ویرمش ایدی . قبل المیلاد ۵۰۰ سنه سنده وفات ایدن بو قسم  
 حکما سنک سرفرازی مشهور ( فیثاغورس ) علم هیئتدن برطاقم معلوماتی مصردن  
 اخذ و اقتباس ایتدکن صکره تدقیقات و تتبعات ذاتیه سیله توسیع ایشلدر . ده اصره  
 یتیشن برچوق علما بویولی تعقیب ایدرک بو علمه دائر اکتشافات و تتبعاتده  
 بولمشلردر . بالاده بیان ایدلدیکی اوزره یونان حکما سیندن علم هیئت حقنده  
 اشتغالات و مطالعاتده بولنمیان همان کیمسه یوق کیدر . آنجق بو علم اک عالی  
 و پارلاق مرتبه یی اسکندریه مدرسه سنده بولمشلدر . علم هیئت حقنده ویردیکمز  
 معلوماتک عینی حساب و هندسه کی سائر علوم زیاویه حقنده ده اطلاق ایدیلر بیلیر .  
 زیرا یونان حکما سی بتون بو علملر ایله اشتغال ایشلر ایدی . شوقدر ورکه بو علوم  
 مرتبه اعتلا و کمالی آنجق اسکندریه مدرسه سنده اوقلیدس ( Euclide ) طرفندن  
 صرف اولتان مساعی عالمانه سایه سنده احراز ایشلردر .

### ۳ - اسکندریه دوری


#### اسکندریه مدرسه سی ابد کتبخانه سی

یونانلیلر (موره) محاربه لرینک استاج ایتدیککی مصیبت و فلاکتلردن کندیلرینی  
 هنوز قورتاردقلری برصره ده ماکدونیا لی بیوک اسکندرک هجوم وصولته  
 اوغرایه رق اکا کردنداده انقیاد اولدیلر . اسکندر بونلری معیتنه الهرق اوزمانک  
 عالم مدینتی تشکیل ایدن ممالک اوزرینه یورودی . مصری فتح واسکندریه یی  
 تأسیس ایتدی . هند ممالکنه قدر شام ، عراق و فارس قطعه لرینی بیجوب قبضه  
 ضبط و تسخیره کچردی . ایشته بو محاربات نتیجه سنده وجود عالمده براهتزاز ،  
 برهرج و مرج حاصل اولدی . عناصر بشریه یکدیگرینه قاریشدی . یونانلیلر

فنیکی‌لر ایله ، مصری‌لر ایرانیلر ایله ، کلدانیلر همدیلر ایله قارشی قارشی‌یه کلدیلر . افکار و آمال بربرینه چارپشدی . منافع یکدیگرندن آیرلدی . بوحال علی‌الاقل یونان علوم و ادبیات و مدنیتک سائر اقوامه و یوکا مقابل فرس و کلدان و سائر علومک ده یونان ممالککنه ، یاخود مصره انتقالی کی بر نتیجه ویردی . روایت کوره ( اسکندر کبر ) ایرانیلرک پایتختی اولان ( اصطخر ) شهرینی فتح ایتدیکی زمان شهرک ابنیه‌سی و نقش و قبارتملرینی تخریب ایتمکله برابر دیوانلرده و خزائن کتبه راست کلدیکی آثار علمیهدن لزومی مقدارینی یونان و قبطی لسانلرینه ترجمه و نقل ایتدیردکن صکره لسان فارسی ایله یازیلی اوله‌رق نه‌قدر آثار بولمش ایسه جمله‌سی احراق ایلش و علم هیئت ، علم طب ، حکمت طبیعی و سائر علومه دائر اوصورتله الله ایتدیکی کتابلر ایله اموال و خزائن و علمایی مصره کوندرمشدر [۱] .

اسکندرک میلاد عیسادن اول ۳۳۳ سنه‌سند و قوع و قاتی اوزرینه مملکت قوماندانلری آره‌سند و تقسیم ایدیلنجه یونان علما و حکما‌سی بویونان مستعمره . تنده ( مصر ، شام ، عراق قطعهلرنده ) اقامت ایتک اوزره کندی مملکتلرنندن بوجهتله مهاجرت و ( اسکندریه ) ، ( انطاکیه ) ، ( بیروت ) و سائرده مدرسه‌لر ( دارالفنونلر ) تأسیس ایلشدر . مصر ملوکی اولان ( بطالسه ) نک اسکندریه‌ده علوم و فلسفه‌نک ترقیسنه خدمت خصوصنده کی مظهریتلری اسکندر دن صکره شرقده تأسیس حکومت ایدن سائر یونان طوائف ملوکیکنندن ده بیوک اولمشدر . بطالسه‌نک ایلکی اولوب میلاد عیسادن اول ۳۰۶ سنه‌سندن ۲۸۵ سنه‌سند مصرده حکومت سورن سوتر ( سوتر Soter ) عادل و علم و معارف محی حکمدارلر دن اولدیغی جهته یونان ممالکندن مختلف قبائل و اماکندن بر جوق علما و حکما کندیسنک اطرافنده طویلانشدر . ( سوتر ) بونلری حسن قبول ایتدیکی کی علوم و فنونک ترقیاتنه خدمته دواملری ایچون کندیلرینه ترغیبات و تشویقاتده بولمش و معاش و عطیه‌لر ایله معاونتی‌ده دریغ ایلامشدر . بوصورتله مظهر حایه اولان علما و حکما حکمدار معارف‌پرور حقنده عظیم بر حرمت بسلاک‌لری حالد تدقیقات علمییه برقات ده صرف غیرت ایتمشدر .

اوصردہ ( دیمتریوس فالیروس Demétrius Phalérus ) نامند  
آئینہ لی بر خطیب ( سوتر ) ک مقربانی میاںندہ بولمقدہ ایدی . بوذات بر



کتابہ مطبوعہ

کتابخانہ نک تأسیسی ایله جهانک هر طرفدن کتب علمیه جاب ایدیله رک  
اوراده جمع اولمسنه ( سوتر ) ی تشویق ایش و تشویقات واقعہ حکمدارجه



تصویر اولمشدر . ایشته کتابمژك بوجلدنده دهـا اول احتراقندن بحث ایتدیكمز اسـکندریه کتابخانهسی بوصورتله تأسس ایتمشدر . ظاهر احوالـدن آکلاشیلورکه اسکندر کبرک ( اصطخر ) دن وسارندن کوندردیکی کتابلر بوکتابخانهیه وضع ایدلمشدر . ذکر اولنان ( دیمتریوس ) ( ابن قفطی ) نك ( زمیره ) نامی ایله تسمیه ایتدیکی ذات اولوب ایکی اسم آرهـسـنده کوربان فرق ایسه استساختده وقوع بولان تحریفدن نشأت ایلکدهـدر . کذلک ( دیمتریوس ) نك توصیهسی اوزرینه ( سوتر ) علما ، ادبا وحکمانك اجتماع ومباحثه ودرسـلر القا ایتلرینه مخصوص اولق اوزره اوروبا دارالفنونلری شکلنده ( متحف - موزه ) ویا ( نادى - مجلس وانجمن ) دیمك اولان ( Museum ) ی تأسس ایلشدرکه اسکندریه مدرسهسی نامی ایله مشهور اولان دارالفنون ایشته بو ایدی .

بو حکمداردن صکره بطالسـهـدن کرسی حکمدارییه جالس اولانلر دخی ( سوتر ) نك بوخصوصده طوتدیغی عین طریق تعقیب ایدرك علم و علمایى حمایه ایلشدر . بونلردن باخصوص ( بطلمیوس فیلادلفوس ) - قبل المیلاد ۳۸۵ سنهـسـندن ۲۴۷ سنهـ قدر - بطالسـه آرهـسـنده بر موقع مخصوص اشغال ایلر . بو ذات اسکندریه کتابخانهسـنده بولنـیان یونان وسائر اقوام متمدنهـنك مؤلفات علمیهـسنى مبیاعه ایدرك کتابخانهده موجود آثاره علاوه ایتمشدر . اوجلهـدن آرسطونك آثارى مبیاعه ایتدیکی کی کتابخانهك هیچ برا کسیکی قالمسون دیه یهودیلرده واسکی مصر لیلرده بولان کتب علمیهـیی ده صاتون آلمشدر . مشارالیه خلف اولان ( بطلمیوس اورجینس Ptolémée III Evergète ) دخی - قبل المیلاد ۲۴۷ سنهـسـندن ۲۲۲ سنهـ قدر - او یولده حرکت ایتمشدر . بو ذات ادبیات ، شعر ، تیاترویـه دائر اولهـرق آیتـهـده بولان برچوق کتابلری مذکور کتابخانهیه علاوه ایتـمـکـه برابر ارباب علم ومعارفـدن اسکندریهـدن هرکیم مرور ، یاخود بوشهرده اقامت ایدر ایسه انی مالک اولدیغی کتابلردن برر نسخهـسنى کتابخانهیه ترك وتبرع ایتـمـکـه مکلف قیلـمـشدر . علوم ومعارفـلـلری اسکندریهـده بویهـجه متین ومحکم وضع ایدیلانجهـ چوق زمان کچمـسـدن بو شهر منبع علوم ومعارف کسـیـلمـش وهر عام وفهـ مخصوص اعظم علما یتشمشدر . حق اسکندریهـشهری علوم ومعارفـده اوقدر ایلری کیتـمـش ایدی که کرك اندن دهـا اول ، کرك او

عصرہ علم و عرفان مرکزی اولقلہ اشتہار ایدن مدنیت قدیمہ نك بتون شہر لرینی کولیکدہ براقش ایدی . بوشہر اسلامیتك ظہورینہ قدر ، یعنی طقوز عصری متجاوز بر زمان انسانندہ علم و علمایہ مقر اولہرق دوام ایلشدرد . مدت مذکورہ بری (سوتر)ك حکمدار لغندن باشلایہرق مصر ك قبل المیلاد ۳۰ سنہ سندنہ رومالیلر طرفدن فتحی ایلہ منتهی اولان (یونان دوری) ، دیکری سنہ مذکورہ دن باشلایہرق مصر ك ۶۳۰ سنہ میلایہ سندنہ ( عمرو بن العاص ) طرفدن فتحی ایلہ ختامہ ایرن ( رومادوری ) ناملریلہ ایکی دورہ انقسام ایدر . اسکندریہ دارالفنونك ایلک دورلرنده تعقیب اولنان مقصد اصلی بسبتون علمی و ادبی ایدی . یعنی مقصد علوم یونانیہ نك ترقی و توسعی ایدی . حتی ایکنجی عصر - میلادینك صوکلرینہ قدر علوم مذکورہ نك یکانہ مرجع علمیسی بودارالفنون ایدی . فقط دہا صکرہ حکومتك فساد احوالی ، احکامك تذبذب و اختلالی و سوریه ، ردوس و سائرہدہ بونوعدن دارالفنونلر آچلمسی کی باشلیجہ سبیلردن طولای بودارالفنون سقوط و تقہقرہ اوغراد یغندن و حریت و عدالت ایلہ مسعود اولیان ممالکدہ نہ علم ، نہ علما یاشایہ میہ جغندن او دورك علما و حکماسی اورادن یوز چویرہرك حریت و عدالتك انکشاف و انجلاسنہ دہا زیادہ مساعد اولان ممالکہ چکلمکہ باشلامشلدرد . بالآخرہ اسکندریہ رومالیلر ك قبضہ استیلالرینہ کچنجہ بونلر ك حائر اولدقلری شان و شہرت تأثیری ایلہ بوشہرك شان و شہرتی اعتلا ایتیش ایسہدہ او صرہدہ ارباب علم و معرفت رومایی محط . رحال رغبت اتخاذا ایتدکلرندن مرکز علم و عرفان اسکندریہ بدل رومایہ تحوّل ایتیش ایدی . بوزمانلر خرسیتیانلغك ظہورینہ و خلقلک بویکی دینك صحت و یا بطلانی ایلہ اشتغالنہ تصادف ایدیوردی . اسکندریہ شہری متوسط برمحلدہ و مجادلات واقعہ میداننہ قریب بر موقعدہ بولنسنہ مبنی دارالفنونی یکی جریانہ قابیلہرق دینی برطرز فلسفہ اتخاذا ایلشدرد . بناء علیہ اسکندریہ دارالفنونی ، برنجیسی علمی و ادبی یونان ، ایکنجیسی فلسفی و دینی روما دورلری اولق اوزرہ ایکی دور کچیرمشدر .

## اسكندريه نك يونان دورى

قبل الميهور ۳۰۶ سەنەسە ۳۰ سەنەسە قەدەر

اسكندريه شەھرى ؛ استقالاللىرى غائب ايتىدكەن صكرە مملەكتەلىرىنە استىلا ايلىن ذلت و مأىوسىت تائىرىلە ترك ديارە مجبور اولان يونان مەھاجرىنى - وبطالەسە طرفىدن جمع اولنان كىتابلارنى ماعدە - بومەھاجرىنە كەندى مملەكتەلەردىن فلسفە ، طب ، شعر ، ادبىيات ، لسان و تارىخە دائر برابر كىتەپلەرنى مؤلفات علمىيە ايلە ايلە دورەلدە پە پارلاق زمانلار كىچىرىشىدۇ . بۇ يونان مەھاجرىنى بورادە بىر يونان حەكۇمەتنە جىناح حەيەسى آلتىدە بىر يونان مەھاجرىنى داخلىدە باشامىشلايسەدە لطف و توجەھى دالقا و قىلەر و مەسئۇلىيە مەھجۇر اولان بىر حەكۇمەت مطلقە و مەسئۇلىيە اولجە كەندەدە ائىقباد اولمش بولمەلرىنە كەندى حەسەيات و حەركەتتە اجرا ايتىدىكى تەقىيد و تائىر نەتىجەسى اولەر قى عزت نفس ، حەب استقالال ، حق و حەرىيە بىر تەشكىبى انسانەك حەسەياتى اعلا ايدىن مەناقب مەمنازەبى غائب ايتىش بىر حالە كەمش اولدۇقلىرى جەھەتلە قەرىيەلەرى بوزولمش ، عقل و ذكالىرى طارلاشمىش ايدى . بولمەل بورادە شعر ، خطاب ، مەتولۇزى ايلە مەشغۇل اولمشلار ايدى . قەمۇ بولمەلەك هەيچ بىر نەدە - سەلفلەرنەك آئىنە ، مورە و ساقس ( ساقىز ) و سائرەدە اظهەر ايتەكلەرى مەزىت درجەسەندە - بىر مەزىت و اقتدار كوستەرمە مەمەشلىرىدۇ . اوصەرەلدە علوم طەبىيە و رىياضيە ايلە دىخى اشتغال ايدىرەك كەندىلەردىن علم هەيئەت ، علم طب ، هندسە ، جەغرافىيەدە بىر چوق علمىيە يەتمەشلايسەدە بولمەلەك مؤلفاتى على الاكثەر علمىيە اقدمىنەك قوردۇقلىرى اساسلار اوزرىنە بنا اولمش ، ياخود وائارە شرح صورىيەلە يازلش شىلەردىن عەبارتەدى . اثر ايجاد و ابداع اطلاقە سزا بىر شىئى حەوى اولمازدى .

رىياضيەت : — قبل الميلااد ۳۲۳ سەنەسەدە تولد ايدىن اوقليدس ( اوقليد ) يونان مەمەكەندە اكەل تەحصىل و علوم رىياضيەدە صورت مەخسۇسەدە كەسب شەھرت و مەھارت ايلەرەك يەتمەشلىكى زمان اسكندريەدە حەكۇمەت بطالەسەنەك الەدە ايدى . مقام سەلئەندەدە ( بطالمىوس فىلادلفوس ) بولمەل ايدى . ( بطالمىوس ) علم



و معارف محبی حکمدارلردن اولدینی جهتله یونان ممالکندن کندنی مملکتنه بر طاقم علما و او جمله دن اوقلیدسی جاب ایدرک کندیسنه بول بر معاش باغلامقله برابر اسکندریه دارالفنوننده هندسه تدریساتی ایکا تودیع ایلش و هندسه بی اندن تلقی و تحصیل ایدن ایلک شا کرد اولمشدر . ( اوقلیدس ) اصول اوقلیدس نامی ایله معروف اولوب بو کونه قدر هندسه علمنده مرجع تشکیل ایدن کتابی بوراده یازمشدر . بو کتاب عالم مدنیتهک بالجمله لسانلرینه مترجمدر .

( اوقلیدس ) دن صکره علوم ریاضیهده ارخمیدس ( Archimède ) یتشمشدر . ( ارخمیدس ) قبل المیلاد ۲۸۷ سنه سنده سیچلیاده طوغمشدر . اسکندریه به کیدرک اوراده ریاضیاتی تحصیل ایتدکن صکره وطنه عودت ایلش و مملکتک حکمدارندن التفات و اکرام کوره رک مقرینی صره سنه کیرمشدر . اوصره ده بو حکمدار رومالیرایله محاربه ده بولنیوردی . ( ارخمیدس ) بو حزب اثناسنده حکمداره علم و عرفانی ایله قوماندانلرک سیف جلادتله یامغنه قادر اوله میه جقلری بیوک خدمتیر ایفا ایلشدر . لیکن بومساعی نتیجه سنده کندیسنی قربان اولوب کیتمشدر . اختراع ایتدیکی آلات حربیه سایه سنده مسقط رأسی اولان ( سیراقوسه Syracuse ) بی رومالیرک اوچ سنه متمادی وقوع بولان مهاجمانه قارشى مدافعه ایلدکن صکره نهایت شهر رومالیرک الله کچدیکنندن مظفریتله داخل اولان روما عسکرندن بر جاهل نفرک کندیسنی طایمبه رق صاللا دینی بر قلیج ضربه سی ایله بوقوجه عالمک حیاته خاتمه چکلمشدر . ( ارخمیدس ) ک هندسه و حسابه متعلق قوانین طبیعیهده برچوقا کتشافات مهمه سنی واردر . کندیسنه منسوب اوله رق بری کره واسطوانه ، دیکری تربیع و تسینع دائره ، دوائر مماسه ، مثلثات ، خطوط متوازیه ، مأخوذات و مفروضاته دائر ایکی کتاب ذکر ایدرلر [۱] .

( ارخمیدس ) دن صکره علوم ریاضیهده ( اپولونیوس Apollonius de Pérge ) یتشمشدر . قبل المیلاد ۲۵۰ سنه سنده تولد ایدن بو ذات قطع مخروط حقیقه کی تدقیقاتی ایله مشهوردر . موما الیهدن صکره ینه قبل المیلاد ۱۲۵ سنه سنده وفات ایدن ( هیپارخوس Hipparque ) یتیشه رک ارضک اعتدالین

نقطه لرنده کی حرکت رجعیه سنی *Précession des équinoxes* کشف ایلمشدر. اوصرم لرده جغرافیة ریاضیه ایله دخی اشتغال ایدیلهوردی. بوعلمه دائر کتاب یازان ایلك مؤلف میلاد عیسان اول ۱۹۵ سنه منده وفات ایلین اراتستین (نه راتوستن *Eratosthène*) ایدی. بو ذات ملوک فراغه نك اسملریخی حاوی جدول ترتیب ایدن ایلك مؤلف وارضك مساحه سنی ایلك اجرا ایلین عالم ایدی.

میلاد عیسان صکره ایکنجی عصرک اورته لرده مشهور (بطلمیوس قلوذی) یتشمشدر. (بطلمیوس) هیارخوسك اکتشافات و مطالعاتی اساس اتخاذ ایدرك علم هیئتہ دائر اولان (محسوطی) کتابی یازمشدر. بو کتاب یقین زمانه قدر بتون عالم مدنیت مکتبلرنده مرجع و اساس تشکیل ایدردی. عربلرجه بو کتاب پک مشهوردر. دکرک اسکیده، کرک یکیده برعلمه دائر او علمی تمامیه جامع یالکز اوچ کتاب یازمشدر. بونلر علم هیئت و حرکات نجومه دائر اولان (محسوطی)، (ارسطاطاليس) ك علم منطقه دائر اولان کتابی و (سیدویه) ك علم نحو دن بحث ایدن کتابندن عبارتدر، دیرلر ایدی [۱].

اسکندریه علماسی اجرام سماویه نك رصدی وزیجلر ترتیبی ایله [\*] صورت مخصوصه ده اشتغال ایتشلردی. اجرای ترصنات ایچون برصدخانه لری وار ایدی که بورصدخانه اسلامیتك ظهورینه قدر دنیاده بولنان یکانه رصدخانه نی تشکیل ایلمش ایدی.

علم طب: — علم طبه کلنجه بوعلم اول امرده برغامس (برغمه) دارالفنوننده تدریس اولنمقده ایدی. بالاخره اسکندریه دارالفنونی کسب شهرت ایدنجه انظار رغبت بوجهته توجه ایتمش و بوراده طب تحصیلی ایله اوغراشان طلبه نك مقداری چوغلمشدر. اسکندریه دارالفنوننده بوعلمه دائر اولان تدریساتك اساسی (ابقراط) ك مؤلفاتی تشکیل ایدردی. مع مافیه بوراده فن تشریحه صورت مخصوصه ده اهمیت ویرلمش ایدی. اودرجه ده که بوراده بوفن جهانك سائر مکاتب طبیه سنه تفوق ایتمش ایدی. اسکندریه ده دور یونانی انساننده

[۱] تراجم الحکماء (ال یازیسی). [\*] ذیج حرکات کواکب احوالی مبین اولان کتابه اطلاق اولنور. تقویملر بونوع کتابلردن آلیر.

علم طب و علاج‌ارده هر بری برمسلك مخصوص صاحبی ایکی بیوک طیب یتشمشدر . بولردن بری (هیروفیلوس Hérophile)، دیگرری (اراستراتس Erasistrate) در . برنجیسی خلکیدونیه‌لی ایدی . یونان مکتبلارنده تحصیل علوم و باحاطه تشریح ایله اشتغال ایتش و یازدینی آنارک اکثرنده (ابقرات) ک عینی فکرنده بولنشدر . بو ذات ابقراتدن صکره برنجی درجه‌ده برطیب عد اولنور . اصلاً انطاکیه‌لی اولان ایکنجی‌ایسه برنجی‌یه معاصر ایدی . اسکندریه دارالفنوننده فن تشریحی تحصیل ایتش ایسه‌ده یازدینی آنارده (هیروفیلوس) ک افکار و مطالعاتنه مخالف برمسلك اتخاذ ایلشدر . هر ایکی طیبک آیری آیری شاکرلری واردی . (هیروفیلوس) ک شاکردلری (ابقرات) ک افکار و مطالعاتنه مظاهرت ، دیگرلری ایسه عکس‌رأی و مطالعاتی ترویج ایدرلردی . بوا یکی مسلك طبابت ایکنجی عصر میلادی‌یه قدر دوام ایلشدر . ده‌ها صکره کذران اولان قرون مظلومه رواج بولش اولان یالانجی طیب‌یکه یولی تمهید و تسهیل ایدنلر بورا ستراتسلیلر ایدی .

اسکندریه‌ده یتشن اطبا بویله‌جه هر بری دیگرینه مخالف ایکی مسلك طبابت‌ه سالک ایکی فرقه اولدقلری حالده اسکندریه‌نک یونان دوری ایله روما دورینک بر قسیمی کذران اولمشدر . بو صروده ۱۳۰ سنه میلادی‌ه‌سنده (برغاموس) ده تولدایدن (جالینوس Galien) یتشمشدر . (جالینوس) علوم و فونی‌کندی پدرندن تاقی و تحصیل ایتدکن صکره علم طبک تحصیلنه باشلامش و یوز الی سنه‌سنده ازمیره سیاحت اجرا ایلدکن صکره فن تشریح‌ده اکمال معلومات ایتک اوزره اسکندریه‌یه کیتمشدر . مشارالیه اکتساب معلومات مقصدیله سائر برطاقم شهرلرده‌ده طولاشمشدر . (جالینوس) ۱۵۸ سنه‌سنده بو سیاحتدن (برغاموس) ه عودت و ۱۶۴ سنه‌سنده روم‌یه رحلت ایلشدر . او صروده روما شهری علما و حکما ایله آبادان بولنیوردی . (جالینوس) بوراده برطاقم اکابر و اعظمک تدویننه باقهرق ایی ایتمه موفق اولدیغدن بیوک بر شهرت قازانمش و کندیسنه (خطیب عجیب) نامی ویرلشدر . بو شهرت مسلک‌داشلرینک حسدنی دعوت ایلش ایدی . (جالینوس) ۱۶۸ سنه‌سنده رومانی ترکه مجبور اولمش ایسه‌ده ده‌ها صکره تکرار اورایه کیدرک



۲۰۰ سنه سنده وقوع وفاته قدر روما ایمپراطورلرینک خدمتنده امرار حیات ایلشدر . ( جالینوس ) علم طبه دأثر متعدد کتابلر یازمشدر . بونلرک الک مشهورلری اون آلتی کتابه بالغ اولان اثرلریدر . بعضلری موضوعنه کوره براسم مخصوص ایله یاد اولنان بو کتابلری علم طبه دأثر عربییه ترجمه ایدیلن مؤلفاتی ذکر ایتدیگمز صروده یازمچغز . ( جالینوس ) صدندزه بولندیغمز اسکندریه نك یونان دوری آدملرندن دکل ایدی . انی بوراده ذکر ایتمه من محضا علم طب تاریخی حقنده فضله معلومات ویرمک مقصدیله در .


## اسکندریه نك روما دورى

قبل المیهور ۳۰ سنه سنره بعد المیهور ۶۴۰ سنه سنه قدر

اسکندریه نك ایکنجی دورینی تشکیل ایدن بودور حقیقت حالده روما لیلرک مصره وقوع بولان استیلالرندن یاریم عصر اول ، یعنی قبل المیلاد برنجی عصرده آتینه نك روما لیلرک قبضه تسخیرینه کیرمسنندن اعتباراً باشلار . چونکه رومالی قوماندان ( سیلا ) آتینه نی فتح ایدنجه اولجه بیان ایدلدیکی اوزره بو شهردن رومایه فلسفه و علوم سائریه دأثر یوکلر ایله کتاب نقل ایدرک بوسبیلله علوم و معارف روما پایتختنه انتقال ایلش ایدی . بعده روما ایمپراطورلرندن ( اوغسطس قیصر ) روماده مشهور کتابخانه نی تأسیس ایتدیکی زمان یونان و روما اولمق اوزره انی ایکی قسم یامش ایدی . روما یونانیلرک یالکز علوم و معارفنک دکل ، علما و حکما سنک ده وارثی اولمش ایدی . علوم و معارفده او قدر احراز اعتلا ایتش ایدی که اوتاریخندن اعتباراً بالذات یونانیلر بیله هر هانکی برعالمده اولور ایسه اولسون توسیع معلومات ایتک ایستدکلری زمان رومایه کیتمه کججور اولورلردی . روما مدینتی حقنده بوراده ده زیاذه معلومات ویرمک بختمزک خارجنده در .

والحاصل اسکندریه دارالفنونی روما لیلرک حوزه حاکمیتلرینه داخل اولدن

اول انحاطه یوز طوتمش ایدی . روما حاکمیتی آلتنه کیرنجہ ایسه ضعف و انحاطی  
برقات دها مزداد اولمشدر . بودارالفنونده تدریس اولنان علوم دخی بودورده



عرب سرائیلرینه مخصوص آناختارلر

بشقہ بر مجری آلہرق یالکز فلسفہیہ انحصار ایتمشدر . اسکندریہ شهری تاریخ  
تأسسندن اعتباراً برطاقم یهو یلره مقراقامت تشکیل ایلش ایدی . بونلرکنمک،

یاخود کدى مملکتلرنده کوردکلری اعتسافات وتضدیتلر قور تولق مقصدیه شهر مذکوره التجا ایتشلر و بوراده حسن قبول و راحت مظهر اولقله مقدارجه چوغالمشلا ایدی. یهودیلرک بوصورتله یونانیلر ایله وقوع بولان اختلاط و امتزاجلری اسکندریه ده فلسفه و دیانتجه بیوک برتغیرک حصولنه باعث اولمش ایدی. چونکه یهودیلر توحید، وحی، تقلید اصحابی ایدیلر. یونانیلر ایسه فلسفه، منطق، خرافات اربابی ایدیلر. وقوع اختلاط ایکی جهتیکدیگرینه یاقلاشدیرمشدی. بالاخره خرستیانلق ظهور ایدنجه بوتقارب برقات دها آرمشدر. متعاقباً خرستیانلق کسب قوت ایدرک یونانیلر بو دینی قبول ایلنجه بونلر فلسفه یی دینه تطبیق اتمک باشلامشلردر. ایسته بوتطبیقاتدن یکی فلسفه افلاطونیه Néo-Platonie و یکی فلسفه فیثاغوریه Néo-Pythagorie ناملریله تسمیه اولنان مذاهب فلسفه توردمشدر. والحاصل اسکندریه نك ایکنجی دوری فلسفه دینه مباحثی ایله کچمش اولدیغندن علوم و معارفک ترقیاته پک آر خدمت ایتشدر.

اسکندریه دارالفنوننک ترقی و تکملانه بالخاصه خدمت ایتدیکی علوم و معارف: اولاً علم تشریح ایدی. چونکه مصر لیلر تخنیط اتمک (مومیاهانه قویق) ایچون جسم میت اوزرنده عملیات تشریحیه اجرا ایدرلردی. بوسایه ده علم تشریحک تحصیلی قولایلاشمش ایدی. ثانیاً علم کیمیا. چونکه مصر، یونانیلرک حاکمیتی آلتیه کیرمدن اول، بو علم اوقطعه ده موجود ایدی. بنابرین اسکندریه دارالفنونی تأسس ایتدیکی زمان بومدرسۀ عرفانه منسوب علما بو علم ایله اشتغال و کرک یونانیلرده، کرک مصر ایلرده علم کیمیایه دائر موجود اولان معلوماتی برآرده جمع ایدرک بر علم شکلنده یامشلردر.

اسکندریه دارالفنونی هجرتک برنجی عصرینک صوکلرینه مصادف اولان (عمر بن عبدالعزیز) ک زمان خلافتیه قدر بتون شرقده تدریسات علمییه نك مرکزی اولق اوزره دوام ایتش ایدی. خلیفه مشارالیه مقام خلافتیه کلنجه بوتدریساتی اسکندریه دن اوزمانکی دارالفنونلردن اولان انطاکیه، حران و سائر دارالفنونلرینه نقل ایتدیرمشدر [۱].

[۱] طبقات الاطبا ۱۱۶ ج ۱



## بیزانس دوری

۵۲۹ سنہ مندر ۱۴۵۳ سنہ مندر قرر

بودوره بیزانٹیومہ ( قسطنطنیہ ) نسبتہ بیزانس نامی ویرلمشدر . چونکہ یونان علوم و ادبیاتی بورادہ بر انجلائی مخصوصہ مظهر اولمش ایدی . بوانجلادن بحشمزہ تعاق ایدن بعض معلوماتك اعطاسفی فائده دن خالی کورمہ یز . خلاصہً دینیہ بیایرکہ اسکندریہ کتابخانہ لری کتابلرایلہ نصل مالامال ایدی ایسہ بوایتختك کتابخانہ لری دہ ، باخصوص ( ژوستینیہ ) ك وفاتندن صکرہ ، اویاہجہ پك چوق مؤلفات علمیه ایلہ طولی بولندیغی حالہ یونان علوم و معارفی بورادہ همان همان برائر اعتلا و ترقی کوستردمامشدر . بورادہ ایقونہ لر Icones ایچون قویان مازعہ لر و خصوصتہ لر کتابلر ك احساسہ و علوم و معارفك اہمالنہ باعث اولمش ایدی . یتیشن علما دخی فطرت خارقیہ ، تدقیقات و تتبعات مخصوصہ یہ محتاج اولیان شیلر ایلہ اشتغال ایدرلردی .

موقع حکمداری یہ کلن قیاصردن بری علوم و معارفی حمایہ دہ اسکی دورلردہ یتیشن حکمدارلرہ بکژمہ ك ایستہ دجہ خاکی مطالعہ یہ و کتاب تالیفہ تشویق ایدردی . شو قدرکہ بودورلردہ تحریر و تالیف موجدلك خاصہ سنی غائب ایش ایدی . مؤلفار اسکی علومی شرح و تفسیر ، یا خود قاموس علوم شکندہ کتابلردہ جمع ایتیکدن بشقہ برمزیت کوستردمیورلردی .

بعضاً ایمپراطورلردخی مؤلفلك ایدرلردی . نتہ کیم ۹۰۱ ایلہ ۹۵۹ سنہ لری آرسندہ یاشامش اولان یدنجی قسطنطین علوم و معارف محی ایدی . کتاب تالیفی ایلہ اشتغال ایدردی . حکومت و نظاماتی حقندہ برسلسلہ آثار یازمشدر . بو حال تاریخ ، شعر ، لسان کبی علومدہ دخی عیناً جاری ایدی . دہا صکرہ عرب مدنیتك زوالی متعاقب عرب مؤلفلری احوال مماندہ نصل یابدیلر ایسہ بیزانس دوری علماسی دہ تتبعات و تنقیدات مخصوصہ اجرا ایتکسزین اسکی پی تکرار ایلہ وقت کچیرمشلردر . فلسفہ یہ کلنجہ بو علم بودورده حکمت دینیہ دیمك اولان ( علم لاهوت ) شکلہ تحول ایشدر . زیرا یکی فلسفہ افلاطونیہ بحثہ

سویلدیگمزوجه ایله علمای نصرانیت ادله فلسفیهی موضوع لهندن حقه ردرق مناقشه و مجادله لرنده ، یاخود نطق و وعظ لرنده بعض عقائد مذهبییه و مطالعات دینهی اثبات و تأیید یولنده استخدام ایلمش لردی . دین و فلسفهیه دائر کتر مؤلفاتی ایله معروف اولان یوحنا ( ژان ) الدمشقی ( ۷۰۸-۷۴۱ سنه میلادیه سی ) ایله ذکرینه لزوم اولیان سائر برطاقم علما بویولده اشتهار ایدنلردن ایدیلر .

## قبل الاسلام ایرانلیلرک علوم و ادبیاتی

ایرانلیلر هندلی و یونانلیلرک قارداشلی اولان اقوام آریه دن ؛ پک اسکی برقوم اولوب میلاد عیسایان برقاچ عصر اول یونانلیلره قارشى آچدقلى محاربه ده جمع و تحشیدی وارزاق و مهماتیله برابر آسیانک اورتلرندن بحرسفیده نقلی بوکون بیلله جهـانک اک بیوک دولترینک کاری اولیان قوجه بر اردو سوقـ ایتشلردی . بوندن یکریمی عصر اول اولیه براردونک سوق و اداره سی ایرانلیلرک نه درجه قوی الشکیمه بردولت تشکیل ایتش اولدقلى کوستیریر . بومرتبه ده سطوت و قدرت صاحبی اولان برقومده علوم و ادبیات بولنامسی ممکن دکادر . باخصوص ایرانلیلر عقل و ذکا ، قبول مدینه بر استعداد مخصوص صاحبیدرلر . قارداشلی اولان هندلیلرک ( مهمهارانا ) و سائر لرنده اولدغی کبی نظام اشعارده خارقه لر کوسترمش اولدقلى نه شبهه ایدلر . آنجق او منظومات قدیمه ایرانیه دن اخلافه پک آزشیلر قاله بیلمشدر . ایرانلیلر بابلیلر ایله انوریلرک وارث و خلقی اولمشلر ، یونانلیلر ایله اعتلالری زمانلرنده تماسده بولمشلر و قومشولری بولنان هندلیلر ایله ده اختلاط ایتشلردی . پهلوی نامی ایله معروف بریازیلری وار ایدی که بویازی بی طاشلر و هیکلر اوزرینه حک ایدرلردی . شو حالده صنعت شکردن بشقه نجوم و علم انواء ( تقلبات جویه ) کبی علوم طبیعییه و ریاضیه نوعندن برطاقم علوم قدیمه ده بر موقع مخصوص احراز ایتش اولملری ده پک طبیعیدر . اسکندر کیرک ایران مالکنه استیلا ایتدیکی ، اشاده ایرانلیلرک اوزمانکی پاتختلری اولان ( اصطخر ) شهرنده برچوق کتابخانه لرده بولنان کتابلری دهـا اول یازدیغمز وجهه ایله استنساخ ایتدکن صکره احراق ایتسی دیدیکمزی تأیید ایدن .

ادله دندرد. اسکندر طرفندن احما ایدیلن بومؤلفات یچنده ایرانلیلرک اودورلر. هندستان وچین علومندن نقل و اقتباس ایتش اولدقلری شیلرده داخل ایدی. مع مافیہ ایرانلیلرک بتون مؤلفات علمیہ سی اوقدر جق دکل ایدی. دردنجی عصر ہجری نیک ابتدالرنده فارس ممالکینده (جی) رستاقده (کوی ویاچقنلکنده) زیر زمینده طاشدن مبنی مستطیل الشکل براوطده (توز) آغاجنک قبوغی اوزرینہ یازلمش برچوق کتابلر بولمش ایدی. بو کتابلر اسکی لسان فارسی (پهلوی) ایله محرر ایدی. بونلرک مطالعہ سندن «علم و علما محی اولان حکمدار (طهمورث) ک یاغورلرک تأثیراتندن تلف اولسون دیہ اوکتابلری براوطده صاقلادینی» آکلاشلیمشدی. بو کتابلر ایرانلیلر ایله روملر وکلدانیلرک علم ہیئتہ متعلق کشفیات و مطالعاتی حاری برطاقم مؤلفات نفیسہ دن متشکل ایدی [۱]. کذلک اوزمانلرده زیر زمینده اوکی دیگر بر حجرہ نیک یقیلوب اورتہ یه چیقمسسی اوزرینہ ایچنده برچوق کتابلر بولمش ایدی. فقط اوکتابلری اوقویوب آکلایه جق کیمسه بولنہ مامش ایدی. بوندن آکلاشیلیورک اوکی مغارہ ده کتاب صاقلامق اوازمندہ جاری برعادتدی. (فهرست) صاحبی (ابن النديم) بوقیلدن اولق اوزرہ دیورک: «رأی العین مشاہدہ ایتدم: (ابوالفضل ابن العمید) ۳۴۰ سنہ سنہ بغدادہ پارچہ لائمش برطاقم کتابلر کوندرمش ایدی. لسان یونانی ایله محرر اولان بوکتابلر اصفہانده شہرک سوری داخلندہ برطاقم صندوقلرده بولمش ایدی. بونلری (یوحنا) وسائرہ عربجہ یه ترجمہ ایتشلردر. عسکرک اسملرینی ومماشانی الخ... حاوی ایدی».

بونکله برابر ایرانلیلرک علوم و معارفی میلادک اوچنجی عصری اورتہ سنہ دن تحت حکم داریده بولنان ملوک ساسانیہ دن (سابور بن اردشیر) ک [\*] دورینہ

[۱] فهرست ۲۴۰

[\*] سابور بن اردشیر (شابور بن آردشیر) اوتوز بر سنہ ایران تحتہ جالس اولمش کوزل چهرہ لی، حزم پروو بر حکمدار ایدی. مانی زندیق بونک زمانندہ ظهور وادعای نبوت ایتش وکندیسنہ پک چوق خلق التحاق الیش ایدی. بومذهبی قبول ایدنلرہ (مانویہ) نامنی ویررلر. (سابور) سلطنتک اون برنجی سنہ سنہ عسکری ایله برابر حرکت ایدرک نصیبینی روملرک الندن آلدقن صکرہ روم ممالکی ایچنہ کیرمش



قدر و جوده کتیریان برطاق اشعار . وقوعات و عقائد وادیان کتابلرندن عبارت ایدی . (مانی) مذهبی ایله طرفدارانی بو حکمدارک زماننده ظهور ایلش ایدی . (سابور) روماره قارشی محاربهده، بولنه رق نتیجه سنده غالب کلش و مملکتته عودتنده روملردن بر جوق اسیر برابر کوتورمشدر . بواسیرلره (اهواز) قطعه سنده کندی اسمنه نسبتله (جندیسابور) نامیله بر شهر تأسیس و کندیلرینه لطف و احسان ایله معامله ایتمشدر . بواسیرلر (سابور) ه علوم و معارفی سودر دکارندن صورت مخصوصهده آدملر کوندره رک یونان ممالککندن فلسفه کتابلرینی جلب و بولنلرک لسان فارسییه ترجمه سنی امر ایلشدر [۱] . بو اثرلر ترجمه اولندقدن صکره ایران پایتختنده برکتبخانهیه وضع اولنش واستساخلریله تعلیم و تدریسلری ایچون خلقه مآذونیت ویرلشدر .

متعاقباً میلادک ۵۳۱ سنه سندن ۵۷۸ سنه سنه قدر سریر حکمداریده بولنان نوشیروان عادل مقام سلطه کلنجه بودور روم امپراطوری برنجی (ژوستینین) طرفدن اسکی معابد و مدارسک قاپادلیغی زمانه تصادف ایلش ایدی . روم ممالککنده حکما و علمایه تحملفرسا تضییقات و شدت کوستریلوردی . بو حال ایرانلیر ایچون علوم و فلسفهده یکی بر منبع آچمشدر . اوصرمده (یکی فلسفه افلاطونیه) کاله ایرمش برحاله بولنیوردی . بوفلسفه اربابندن بعض علما روم ممالککنده کوردکاری تضییقات اوزرینه جهانک مختلف طرفلرینه طاغلمغه و بولردن یدیی (نوشیروان) ک ممالککنه التجا ایتکه مجبور اولمشلردر . (نوشیروان) بو ملتجیلری زیر جناح حمایه سنه آلمش و فلسفهیه دائر کتاب تألیف و ترجمه سیله مکلف قیلمشدر . حکمدار طرفدن بوصورتله مظهر حمایه اولان بو علما منطق و طب یونانییی فارسییه نقل وهر ایکی علمه دائر فارسیده کتابلر تحریر ایلشلردر [۲] . (نوشیروان) بالذات بو مؤلفاتک مطالعه و سوریه قطعه سندن متعدد شهرلری حرباً فتح و اهالیسنی قتل عام ایتمشدر . متعاقباً یونانستانه طوغری توجیه وجهه عزیمت ایلیره رک روم حکمدارینی تحت اطاعته آلمشدر . (سابور) یونان فلسفه سنک لسان فارسییه نقلنه بیوک همترده بولمشدر . روایت کوره (عود) نامی ایله معروف اولان موسیقی آلتی بونک زماننده ایجاد اولمشدر . (تاریخ ابی الفدا)

وتعلمی ایلہ اشتغال ایتدکن ماعدا بونلری مطالعہیہ خلقی ده ترغیب و تشویق ایتمشد. علم و فن محبی اولان بو حکمدار - کندیسندن ایکی و کسور عصر صکره کلن (مأمون) ک یابدیغی کی - بحث و مناظره اجراسنه مخصوص مجلسلر تشکیل ایلشدر. (نوشیروان) علوم و معارفی احراز و جمایه ده اوقدر ایلری کیتمش ایدی که کندیسبی ایلہ کوروشن یونانیلر انی (افلاطون) ک شاگردلرندن ظن ایدرلردی. ظن اولندیغنه کوره ایرانده بو صورتله انتشار ایدن فلسفه بالاخره اسلامیت دورنده ظهور ایلین مسالک صوفیهیه اساس تشکیل ایلشدر.

(نوشیروان) یالکیز یونان علومنی کندی لساننه نقل و ترجمه ایلہ اکتفا ایتیه رک هندیلیرک علومنی ده سانسقربت لسانندن لسان فارسی به نقل ایتدیر. مشدر [۱]. مشارالیه خستهلری تداوی و علم طبی تدریس و تعلیم ایتکه مخصوص اولوق اوزره (جندیسابور) ده بر بیمارستان (خسته خانه) تأسیس ایدرک هندستان و یونانستاندن جلب ایتدیکی برطاقم اطبایی بو خسته خانهیه مأمور ایلش ایدی. بوراده طب هندسی و طب ابقراطی (یونانی)، ایکسی بردن تدریس اولنوردی. فن طبسده اک زیاده ترقی ایتمش ایکی قومک معلومات طبیه سنی بویله برآره ده تدریس ایتک جدأ جامع المحسنات بر اصول ایدی. بو خسته خانه او دورده مثلی سبق ایتماش برشهرته نائل اولدیغی کی بالاخره اسلامیتک ظهورندن صکره دخی ایلریده کوستریله چیکی اوزره بیوک بر موقع طوتمشدر.

والحاصل ایرانلیلر اسلامیتک ظهورندن اول فلسفه و سائر علوم و معارف ایلہ اشتغال ایدرک عقل و ذکالری کشایشاب ایلش ایدی. کرک کندی سلفلرندن توارث و کرک قومشولرندن نقل ایتدکاری معلومات سایه سنده علم نجوم و قوانین فلکیه ده صورت مخصوصه ده ترقی ایتشلردی. (نوشیروان) ک دوری کانجه بودورده مملکتک مظهر اولدیغی حریت و عدالت سایه سنده ایرانیلرده علوم و معارف بیوک بر اعتلا احراز ایلشدر. ذاتاً علوم و معارف آنحق بو فیض ایلہ اعتلا بولور.

(۱) E. Browne's Literary History of Persia 167.

## اسلامیتدن اول سریانیلرده علوم و ادبیات

سریانیلر اسکی کلدانیلر ویا بابالیلرک بقایاسی ایدیلر . کلدانیلر میلاد عیسادن برقاچ عصر اول سالک طریق مدنیت اوله رق برطاقم مهم علملری ایجاد ، اجرام سماوییهی رصد ، کونشک حرکتیه اوقاتی کوسترن ساعتلری اختراع ایشلر و علم طبک تملارینی قومیشلردی . سریانیلر دولت صاحبی ایکن کرداب سقوطه و بالاخره ایرانیلرک استیلا و حاکمیتلری آلتیه دوشمکه استقلال و حریتلرینک ضیاعی ایله علم و مدنیتلری ده ضیاعه اوغرا مشدر . نهایت خرستید نلغک ظهور و انتشاری اوزرینه بو مذهبه دعوت ایچون هر طرفه واعظلر کیتدیکی و خرستیانلرده فرقه و مذهبیلر توره دیکی زمان سریانیلر بو خصوصاتک جمعه سنده بو بوک بر موقع اشغال ایدرک خرستیانلق تاریخنده مهم بر تاثیر اجرا ایشلردر . بزم بوراده سریانیلره متعلق نظر دفته آلدیغمز جهت علم و فلسفه ده هانکی مرتبه یی احراز ایتدکلرینی آکلامقدن عبارتدر . رومالیلر فلسفه ، علم طب و علوم سائرینی یونانیلردن نصل اقتباس ایتدیلر ایسه سریانیلر دخی بو علموی یونانیلردن آلدقلرندن رومالیلرکی بونلرده علوم و فلسفه ده یونانیلرک شاگردی صاییلرلر . ایرانیلر دخی بو علموی یونانیلردن اقتباس ایشلردر . کذلک عربلر ده اصره عینی یولی تعقیب ایدرک یونانیلرک شاگردی اولمشلردر . سریانیلر ذکا و همت صاحبی اقوامدن ایدیلر . او ظلمت آباد دورلرده مستبد حاکملرک ظلم و اعتسافندن ، خونریز شمشیرلریله کسوب بیچن فاتحلرک تسلط و ازعاجانندن راحت بولدجه علوم و معارفک ترقیسنه صرف ذهن ایدرلردی . بوسایه ده لاهوت ، ناسفه ولسان تدریساتی ایچون مکتبلر آچمشلر ، یونان علمونی کندی لسانلرینه ترجمه ایشلر ، ترجمه ایتدکلری کتابلردن بعضلرینی شرح و توضیح ، بعضلرینی ده اختصار ایشلردی . ایلریده کوریه جکی اوزره عباسیلره علوم و فنونی عربییه ترجمه ایدنلر ایسته بوانتباه علمینک یتشددیردیکی ذواتدن متشکلدر . چونکه دور عباسینک اکثر مترجمینی نسطوری [۱] ایدیلر .

[۱] نسطور Nestorius خرستیانلغک الیوم نسطوریه دینان مذهبک موجدیدر . ۴۲۸ تاریخنده قسطنطنیه بطریقاً بکنده بولمشدر . اریوسک مذهبی ایله سائر مذهبی رد و کندیسی



نسطوریلرک بوبولده وقوع بولان خدمتلرینی برلی یرنده ذکر ایدم جکیز. بوراده



اسطرلاب آلتنک یوزی

یکی بر مذهب ایجاد ایتدیکندن ۴۳۱ سنه سنده اجتماع ایدن آیانلوغ مجلس روحانیسی طرفندن عزل ونفینه قرار ویرلشدر. (نسطور) مصر چوللرینه چکیلوب ۴۳۹ سنه سنده وفات ایتشدر. تألیفاتی احراق ایدیلهرک یالکر بعض نطقلریله مکاتباتی موجوددر. مذهبی جزیره وعراق ایله هندده انتشار ایتشدر. الیوم موجود اولان نسطوریلر بومذهبه سالکدرلر.

یالکیز کندی لسانلرنده کی اشتغالات عالمیه لرینک بیانی ایله اکتفا ایلیه جکیز .  
 سریانیلرک مابین التهرینده اللی قدیر مکتبلری وار ایدی که بونلرده علوم  
 وفنون سریان و یونان لسانلریله تدریس اولنوردی . بو مکتبلرک اک مشهوری



اسطراب آلتک آرقه طرفی

رها ( اورقه ) ده کی دارالفنون ایدی . سریانیلر بشنجی عصر میلادیده  
 بودارالفنونده ارسطونک فلسفه سی ایله اشتغاله باشلامشلردی . عصر مذکورک

اور تہ سہندہ منطق لسان سریانی یہ نقل اولمش ، دہا صکرہ طیب مشہور ( سرجیس رأس عینی ) طرفندن بو علمک تدریساتی اکمال ایدلمشدر۔ لوندر دہ بریتانیا موزہ سہندہ ( ایساغوجی ) نک سریانی یہ ترجمہ سنی حاوی بعض نسخ خطیہ موجود اولدینی ہی کذلک ( ارسطو ) نک ( فروریوس Porphyre ) ہ مقولاتی و کتاب النفس و سائرہ کتابلری دہ محفوظدر ۔ بونلردن بعضلری یقین زمان اول نشر اولمشدر ۔

یہنجی عصر میلادی ابتدالزندہ ایسہ فرات اوزرندہ کائن ( قنسرین ) دارالفنونی یونان فلسفہ سنی لسان یونانی ایلہ تدریس ایتککہ شہرت قازانمش ایدی۔ سریانیلردن بر طاقم علما و اوجملہ دن ایدیسقوپوس ( سویرس ) بودارالفنوندہ تحصیلدہ بولنمشلردر ۔ ( سویرس ) فلسفہ ، ریاضیات و لاهوتہ وقف نفس ایتش ایدی۔ بو علملردہ احاطہ لی بر وقوف احراز ایدنچہ بونلرک بعضلری سریانی یہ نقل ایلمشدر ۔ مشارالہک فلسفہ یہ دائرہ بعض ترجمہلری حالا بریتانیا موزہ سہندہ محفوظدر ۔ ( سویرس ) ک ترجمہ ایتدیکی آثار کندیسندن صکرہ شا کردی و سریانیہ علم نحوک واضعی ( یعقوب رهاوی ) ایلہ ( اطناسیوس بلد ) طرفندن اکمال ایدلمشدر ۔ ۶۸۶ سنہ سہندہ یتیشوب ( اسقف العرب ) نامیلہ اشتہار ایدن ( اطناسیوس جورجیوس ) دخی مار لذکر ( سویرس ) ک شا کردانندن ایدی۔ بو ذات ( ارسطو ) نک بعض آثارینی ترجمہ ایتمشدر ۔ ( افلاطون ) و ( فیثاغورس ) و سائرہ نک آثارینی ترجمہ ایلہ اشتغال ایدن سائر بر طاقم علما دہا وار ایدی کہ بونلرک تفصیلی اوزون سورر ۔ بونککہ برابر طلبہ سنک مقداری سکیز یوز قدر اولان و بالجلہ علوم عقلیہ و نقلیہ یی تعلیم و تدریس ایدن ( نصیبین ) دارالعلوم کی اورالردہ اشتہار ایتش بر طاقم مکتبلر دہا وار ایدی۔

علم طبہ کلنچہ چندیسابورک مارستانی ( خستہ خانہ و مکتب طبیسی ) تأسیس اولندقدن صکرہ سریانیلر بو علمدہ پک ایلری کیتمشلردی۔ علم طبہ کی مہارت و معلومات واسعہ سیلہ اشتہار ایدن برچوق سریانیلر یتیشمش ایدی کہ دہا اول ذکر کی کچن ( سرجیس رأس عینی ) ، ( اتاتوس امدی ) ، ( سمعان طیوتی ) ، اسقف ( غرغوریوس ) ، بطریق ( تیودوسیوس ) ایلہ دولت عباسیہ دورینہ یتیشوب خدمتندہ بولنان سائر سریانی اطبا اوجملہ دن ایدیلر ۔



سریان اطباسی، حتی طب کتابلرینی عربییه ترجمه ایله اشتغال ایتدکلی  
 انشاده بیله، برچوق آثار طبیهیی لسان یونانیدن سریانییه نقل و ترجمه  
 ایتشلردر. چونکه انلر او کتابلری علی الا کثر یا یالکیز لسان سریانییه، یا خود  
 هم سریانییه، هم عربییه ترجمه ایدرلردی. از جمله (سرجیس) جالینوسک بعض  
 کتابلرینی سریانییه نقل ایتشدر. دور اسلامیده ایسه بو کتابلری (موسی بن خالد)  
 سریانیدن عربجهیه ترجمه ایتشدر [۱]. (طیبوتی) میلادک یدنجی عصری صوکارنده  
 علم طبه دأثر بر کتاب تألیف ودها سائر بر طاقم کتابلری ترجمه ایتدیکی کبی (بختیشوع)  
 و (حنین) عائله لرندن یتیشن اطبا ایله سائر مترجملر طرفندن ده پک چوق اثرلر  
 وجوده کتیرلشدر.

علم نجوم سریانیلره آبا واجدادلری اولان کلدانیلردن تسلسل صورتیه  
 انتقال ایتش بولندیغی ایچون بو علمه دأثر پک چوق کتابلر یازمشلردر.  
 (بردیصانی) ضایع اولوب یالکیز اسمی قالمش اولان نجومه دأثر بر کتاب  
 تألیف ایتدیکی کبی (رأس عینی) دخی قمرک تأثیری و حرکت شمس و (سبکتی)  
 بروجک اشکالی حقنده تألیف اتده بولمشلردر. اولجه ذکری کچن علمای  
 سریاندن (یعقوب رهاوی)، (داود بیت ربانی)، (موسی بن کیفا)،  
 (عمونیل برشهری) و سائر ده دخی علم هیئت حقنده اثر یازانلردن ایدیلر.

سریانیلر کندی لسانلرینک قواعد و حرکدلرینی ضبط و تنظیم ایله اشتغال  
 ایتدکن ماعد اکیما، حساب، ریاضیات ایله دخی اشتغال ایتشلردر. مشهور  
 روایت کوره سریانیلر کندی لسانلرینک نحو قواعدینی یونانیلردن اقتباس  
 ایتشلردر. کلمه لره قویدق لری حرکه اشارت لری حرفلرک اوستنه، یا خود  
 آلتنه قونولق اوزره بر طاقم کوچک حروف یونانیه دن عبارت ایدی.  
 سریانیلر لسان یونانینک علوم و ادبیاتی تحصیل و تتبعده پک ایلری کیتمشلر  
 و ایلیاد و ادیسه یی کندی لسانلرینه ترجمه ایتشلردر. بواثرلر میلادک ۸۷۵  
 سنه سنده (تیوفیل رهاوی) طرفندن ترجمه ایدلش ایسه ده ترجمه ضایع اوله رق  
 ایکی بیتدن بشقه برشی قالماشدر. روایت کوره مترجم موما ایله (ایلیاد)  
 سریانییه نظماً ترجمه ایدر ایکن اصلده بولنان اسم علملرک طوغری اوقونمسی

ایچون بر رابطه آلتہ قونولسنی آرزو ایتسی سریانیلرده حرکه یرینه حروف یونانیہنک قوللانلسنه سبب اولمش ایدی . بواشارتئر دها اول حرکه یرینه قائم اولق اوزره خط سریانیده استعمال اولنان نقطه لردن بشقه ایدی . خط عربینک حرکه لرینه دائر اولجه یازدیغمز بچده بونقطه لر حقنده معلومات ویرمش ایدک . بوکونه قدر سریانیلرده حرکه لر هم نقطه لر ، هم حروف یونانیلرده تشکل ایدر . بولردن برنجیسی شرق وایکنجیسی غرب سریانیلری عنندنه مستعملدر .

### قبل الاسلام لسان هندیکنک علوم وادیانی

هندیلر اسکی بر ملتدرلر . بولرک طبقه علیاسی ( اسلاف اقدمینی ) ایرانک و یونانیلرک قاردهشلریدر . هندیلر اک اسکی زمانلرده بیوک محارباتی و وقایع سائرہ تاریخیلرینی شعراً نظم ایتمشلردر . تاریخلرینی واحوالنی تتبع و تدقیقندن بوقومک توالی قرون ایله وجوده کلمش علوم و معارف مخصوصه لری ، تاریخ مخصوصلری اولدیغی آکلاشمقده در . حتی پک چوق دفعه لر ایران پادشاهلری ، نته کیم ( نوشیروان ) ک جنیدیسابور خسته خانه و مکتب طبیبی اداره ده و خلفای عباسیه نک اعتلا و انتباه عباسینک ایلک دورلرنده یابدق لری کبی ، هنداطباسنه عرض احتیاج ایدرلردی . کرک ایران حکمدارلری ، کرک خلفای عباسیه بر خسته لغه دوچار اولوبده معیتلرنده بولنان ایران و سریان اطباسنک معلومات و مداواتی کافی کلینجه هندستاندن اطبا جلب ایدرک کندیلر یله استشاره ورأی و تجربه لرندن استفاده ایلرلردی . چونکه هند طبابتک یونان و ایران طبابتلرندن آیری برطاقم اصول مخصوصه مداواتی واردی . هندیلردن متعدد طبیبلر یتیشه رک بیوک بر شهرت قازانمشلر و هند لسانیه طبه دائر کتابلر یازمشلر ایدی . اسلاملر ایلریده کوروله جکی اوزره بو کتابلرک بعضلرینی عربی به ترجمه ایتمشلردر . ( کنکه ) ، ( صنعهل ) ، ( شاناق ) و سائرہ او جمله دن هند اطباسندن ایدیلر [۱] .

[۱] کنکه - کتب عربیه ده بواسمه اعظم حکماء هنددن بری ذکر اولنوب هیئت

هندلیلر یلدیزلر ایله موقعلری و برجلری حقنده کوزل معلومات صاحبی ایدیلر. بوموقع و برجلك کندی لسانلرینه مخصوص اسملری واردی. هندلیلر علم نجومده بری ( ارجهیر ) ، دیکری ( ارکند ) ، اوچنجیسی سانسقریت لسانده ( سدهنتا Siddhanta ) اصولاری اولق اوزره اوچ مسلكه مالک ایدیلر . ( سدهنتا ) هندلیلرک حرکات کواکب حقنده کی معلومات و مطالعهلرینی حاوی

و نجوم و طبده یدطولی صاحبی اولدینی ذکر اولئور. عربییه ترجمه 'ولئش کتابلری بوجه آتیدر : « کتاب النوذار فی الاعمار » ، « کتاب اسرار الموالید » ، « کتاب القرانات » کبیر و صغیر ، « کتاب الطب » ، « کتاب التوهم » ، « کتاب فی احداث العالم ولدور فی القران » . ( قاموس الاعلام )

( کتبه الهندی ) هندستان اکبر و سر آمدان اطباسندن برطبیب حاذق ایدی . فن طب ، قوای ادویه ، طبائع مولدات و خواص موجودات حقنده کتشافات مخصوصه سی واردر . هیئت کائنات ، ترکیب افلاک و حرکات نجوم حقنده هرکسندن زیاده معلومات صاحبی ایدی . ( ابو معشر جعفر بن محمد بن عمر بلخی ) کتاب الالف ثمانده کی اثرنده « کتبه علم نجومده هندستانک الک بیوک عالمی عد اولئور » دیور . بالاده ذکر اولان آثارندن طبه دائر اولان « کتاب الطب » ی بو علمه متعلق هر نوع معلوماتی جامع بر شکلده یازلمشدر .

( صنعهل ) كذلك هند مشاهیر حکما و اطباسندن ایدی . ( هارون الرشید ) و مأمون زمانلرده بر جوق تألیفاتی عربییه ترجمه اولئمشدر . باشلیجه آثار مترجمه سی بوجه آتیدر : « کتاب شرک الهندی » که ابتدا فارسی به و عبدالله بن علی طرفندن فارسیدن عربییه ترجمه اولئمشدر . « کتاب سسرده » که امراضک علاماتی ایله مداواتلری حقنده معلوماتی حاوی اولوب ۱۰ مقاله دن مرکب اولدینی حالده ( یحیی بن خالد بن برمک ) ک امریله عربییه نقل اولئمشدر . « کتاب بدان » که درت بیک درت خسته لفک تشخیصی اصولی حاویدر . « کتاب سندهشان » ، « کتاب فی ماختلف فی الهند والروم فی الحار و البارد » ، « کتاب تفسیر اسماء العقار » ، « کتاب اسانکبر الجامع » ، « کتاب علاجات الحبالی للهند » ، « کتاب رأی الهندی فی اجتناس الحیات و سمودها » ، « کتاب التوهم فی الامراض والممل » .

( شاناق ) دخی هند قدیم حکما و اطباسندنر . بعض تألیفاتی عباسیلر زمانده فارسی به و فارسیدن عربییه نقل و ترجمه اولئمقله اسمی بین الاسلام شهرت بولمشدر . باشلیجه آثار مترجمه سی « کتاب السموم » ، « کتاب البیطره » ، « کتاب فی النجوم » ، « کتاب منتخب الجوهر » . بو تألیفات برنجیسی ( خالد بن برمک ) طرفندن ابو خاتم بلخی به هندجه دن فارسی به ترجمه ایتدیرلمش و ( مأمون ) خلیفه نک امری ایله ( عباس بن سعید الجوهری ) طرفندن فارسیدن عربییه نقل اولئمشدر .

( طبقات الاطباء )



بر زیچدن عبارتدر . عربلرک الہ کیچن و ترجمہ سندہ ( سند ہند ) نامی ویریان  
ہند کتابی ایشتہ بوزیچ ایدی . معلوم اولدینی اوزرہ رقلری ایجاد ایدنلر ہندلیلر  
ایدی . عربلر رقلری انلردن اقتباس ایتشلردر . ہندلیلرک علم حسابدہ دخی  
کندیلرینہ مخصوص بر طاقم اصوللری واردی . عربلر بو اصوللری دہ  
انلردن آلمشلردر . کذلک ہندلیلر فن موسیقیدہ معلومات و مؤلفات صاحبی  
ایدیلر . اسلاملر بو مؤلفاتک بعضلرینی عربیہ ترجمہ ایتشلردر . بونلرک ذکر ی  
ایلریدہ کلہ جکدر .

### ذمیرہ

اسلاملر علوم و معارفی عربیہ ترجمہ ایتک ایستدکلری زمان ممالک اسلامیہ دہ  
علوم و معارفک حالی یوقاریدن بری بیان ایلدیکمز مرکزدہ ایدی . اولجہ  
کوستلدیکی اوزرہ بو علومک اکثری یونانی الاصل ایدی . یونانلیلر علوم مذکورہ ی  
بتپرستدکلری زمانندہ کندیلرندن اول راہ مدنیتہ سالک اولان اقوامدن اقتباس  
ایتدکلری شیلر ایلہ برابر وضع ایتشلردی . بالآخرہ خرتیانلق ظهور وانتشار  
وبو علوم ایرانلیلر ایلہ سریانیلرہ انتقال ایدنجہ علوم مذکورہ بوایکی ملتک آداب  
وعاداتنہ تبعاً تنوع وتشعب ایلشدر .

بالخاصہ عراق قطعہ سی میانہلرندہ سریانی ، ایرانی ، روم ، ہندی داخلی  
اولدینی حالہ ایرانندن وماہین النہرینندن طویلانان برچوق اطبا ، فلاسفہ ،  
منجملر ، حسابشناسلر وسائر علما ایلہ آبادان بولمقدہ ایدی . بناءً علیہ خلفا  
علوم مذکورہ ی کندی لسانلرینہ نقل و ترجمہ ایتک ایستدکلری زمان اطرافلرندہ  
بو خدمتی حسن ایفا ایدہ جک آدملری پک قولایلقلہ بولمغہ موافق اولمشلردر .

## عربلر وعلوم دخيله

عربلرک برعلوم رغبتلرک سببی

« عربلر ، قرآن واسلامیت » بخشنده کورلدیکی اوزره اسلاملر ایلک صدر اسلامیده « اسلامیتک » کندیسندن دها اول اولان شیلری هدم وابطال ایتمش اولدینی « و » قرآن کریمدن بشقه هیچ برکتابک مطالعه سی جائز اولدینی « اعتقادنده ایدیلر . ایشته بو اعتقاد سائقه سیله اسلاملرکک اسکندریه ده ، کرک فارس ممالککنده بولدقلری یونان و فرس کتابلرینی یاققده بر بئس کورمامشلردی . اوصره لرده اسلاملر اجرای فتوحات وتشکیل دولت ایله مشغول اولدقلرندن علوم سائرینی آکلامق ، آرامق ، الده ایتکه احتیاج کوره . دکاری کبی او منلو شیلره وقت ده بوله مامشلردی . بوجهته قرآن عظیم الشان ایله احکامی وقرآدن تولد ایدن فقهه ، لغت ، مغازی ، فتوحات وسائر کبی یالکز علوم اسلامیه اهمیت ویرمشلردی . مع مافیه اوئانده مملکتک روم و فرسدن متشکل اهالی اصلیه سی خلفایی علوم قدما وباخصوص طب وفلسفه ایله اشتغاله تشویق وترغیدن خالی قالماملرلدی . فقط خلفا بو ترغیباته روی التفات کوسترمیورلردی . روایت کوره ملوک امویه نک دردنجیسی ( مروان بن الحکم ) ه معاصر اولان مشاهیر اطبادن سریانی الجنس ویهودی المذهب بصره لی ( ماسرجویه ) راهب ( اهرن بن اعین ) طرفندن سریانیده کناش [۱] شکلنده تحریر اولمش بر اثر معتبر طبیبی عربجه به ترجمه ایتمش ایدی . متعاقباً ( عمر بن عبدالعزیز ) مقام خلافت ککنجه شامده کی کتابخانه لرده بو کتابه راست کمش . بعض مقرین کتاب

[۱] برعلمه دائر اطرافلی . معلوماتی حاوی یازیلان مؤلفانه سریانیده ( کناش ) نامی ویریلردی . عربیده علوم وفنون مترجملری سریانیلردن تشکیل ایتدیکی ایچون بوکله لسان عربیده عیناً استعمال اولنشدی . بالاخره عربیده مقابلی اولان ( حاوی ) کله سی بولندیندن انکیرینه استعمال ایدلمکه باشلاشدر . رازینک طبه دائر ( کتاب الحاوی ) سی ایشته بوکناش مقابلدر . ( قاموس الاعلام ) ده ( ماسرجویه ) ک مختصر ترجمه حالنده بونقطه به دقت ایدلمکندن ( اهرن ) ک کناشی آریجه برکتاب ظن اولدینی کبی ( کناش ) ک ده بشقه برکتاب اولدینی ذهابه دوشولشدر .

مذکورک بولندینی خزانہ کتبیدن چیقاریلہرق بین المسلمین تعمیم فوائدی ایچون خلیفہ مشار الہیہ تشویقاتندہ بولمشلر . ( عمر بن عبدالعزیز ) قرق کون اللہیہ استخارہدہ بولندقدن صکرہ کتابی چیقاروب نظراکہ استفادیہ وضع ایلش [۱] . بوکتاب صرف بر اثر طی ایدی . حکمت وفلسفیہ دائرہ دکلدی . اویله اولدینی خالدہ خلیفہ زمان ہونی چیقاروب نشر ایتک ایچون او قدر تردد ایتشدی . سائر مؤلفانک انتشارینہ نہدرجہ اظہار تردد ایدلدیکنی آرتق سز دوشونکیز .

فقط بالآخرہ اسلاملر نطابق دولتلرینی توسیع وعلوم اسلامیہنی وضع واتمام ایدنجه بالطبع حال فطرت وغفلت زائل اولہرق صنایع ، مدنیت ، علوم ومعارفہ اظہار رغبت ایتکہ باشلامشلردر . ذاتاً او وقتہ قدر ابیسقوپوسلردن وراہیلردن علوم فلسفیہ حقندہ ایشیدہ کلدکاری شیلر دخی اوعلومہ اطلاع ایچون کندیلرندہ بر شوق ورغبت اویاندیرمش ایدی . بین المسلمین تناقل ایدن : « الحکمة ضالة المؤمن يأخذها ممن سمعها ولا يبالي في اي وعاء خرجت » و « خذوا الحکمة ولو من السنة المشركين » [ ۲ ] و « طلب العلم فریضة على كل مسلم و مسالمة » و « اطلبوا العلم ولو بالصين » [ ۳ ] احادیث شریفہسی علوم مذکورہیہ اولان رغبت ومیل تسہیل ایلش ایدی . بونکله برابر اسلاملر علوم فلسفیہنی دقتہ احرازہ اقدام ایتیوب احوالک الجآتہ تبعاً تدریجاً احرازہ توسل ایتشلردر .

### بر عملہم ایدر ایلک اشتغال ایدر ندر

عربلردن علوم مذکورہ ایلہ ایلک اشتغال ایدن ذات ( نضر بن حارث بنی کلدة الثقفی ) ایدی . حضرت پیغمبرک خالہ زادہسی اولان بوذات - پدری زمان نبوی مشاہیر اطبا سندن ( حارث بن کلده ) کبی - فارس ممالککنہ وممالک سائرہیہ کیدرک اورالردہ علما ایلہ اختلاط ایتش ، خاخاملر وراہیلر ایلہ کوروشمش ، علوم قدیمہدن یک مهم معلومات استحصال ایلش ، علوم فلسفیہ وشعبات علم

[۱] تاریخ الحکماء ( ال یازیسی ) [۲] العقد الفرید ۱۶۰ ج ۱ [۳] کشف الظنون



حکمته مطلع اولمش و بدرندن صنعت طبي اوکرنمش ایدی . ( نضر ) بنی امیه متفق اولان ( ثقیف ) قبیله سندن اولدینی ایچون حضرت نبی به اظهار عداوتده ( ابوسفیان ) قدر ایلری کیدردی . ( نضر ) حضرت نبی به ایصال اذیتدن کیری طورماز و ذات پیغمبری بی مکه اهالیسی نزدنده قدر و اعتباردن دوشورمک ایچون حقیقه پک چوق فنا شیرل سویلر ایدی . بالاخره ( بدر ) وقعه سنده اسلاملرک الله اسیر دوشمکه حضرت نبینک امریله اعدام ایدلمش و بوضو رتله نام و نشانی قالمامشدر [۱] .

مع مافیه نضر علوم مذکورده یی یالکیز تحصیل ایله اکتفا ایدرک بونلردن عربجه به هیچ برشی نقل و ترجمه ایلمامشدر . علوم دخیله یی عربی به نقل ایله ایلمک اشتغال ایدن ذات بیوک معاویه نک حفیدی اولوب ۸۵ سنه هجر به سنده وفات ایمین و ( حکیم آل مروان ) نامی ایله یاد اولسان ( خالد بن یزید اموی ) ایدی [۲] . مشارالیه برادری ایکنجی معاویه نک وفاندن صکره مقام خلافته کلمکه کوز دیکمهش ایکن کرسی خلافته ( مروان بن الحکم ) کچمکه خلافت بوضو رتله ( ابوسفیان ) ک عالمه سندن ( مروان ) ک عالمه سنه انتقال ایشدر . خالد خلافتدن امیدسز قانجه قابنی طولدیران آمال و مفعطور اولدینی ذکا و اقتدار سوقی ایله

[۱] ( نضر ) پدری کبی چوق سیاحتلر اجرا ایتش و موسوی و خرسیدان خاخم و پاپاسلریله کورو شوب خیلی معلومات استحصال ایتدکن ماعدا پدری نک حائر اولدینی معلومات طبیه یی ده اندن تاقی ایش ایدی . انصار نصل اسلاملرک متفق ایسه منسوب اولدینی ( ثقیف ) قبیله سی ( بنی امیه ) نک متفق بولندیقی و اساساً کندی علم و اقتدار یله مغرور اولدینی ایچون حضرت پیغمبره اظهار عداوتده ( ابوسفیان ) کبی ایلری کیدردی . ( بدر ) واقعه سنده اسلاملرک الله اسیر دوشورک پیغمبرک امری ایله اعدام ایدلمشدر . همشیره سی ( قتيله بنت الحرث ) برادرینک قتل اولندیقی ایشیدنجه غایت پارلاق بر قاچ بیت ایله سر به خوان اولمشدی . ایات مذکوره طبقات الاطباءه نضرک ترجمه حالنده مندرجدر . روایت کوره ( قتيله ) مذکور ابیانی نظم ایدوب حضور پیغمبری به ایصال ایتدیردیکی زمان جناب پیغمبر او ابیاتی تقدیراً « اگر قتلدن اول کوره ایدم قتل ایتدیرمزمدم » بیورمشدر . ( طبقات الاطباء )

[۲] ( خالد بن یزید ) قریشدن الک اول تحصیل فنونه رغبت ایدن و بین الاسلام فنونک تداولنه بر نمونه کوسترن ذات ایدی . علی الخصوص فن طب و کیمیا به بد طولی صاحبی ایدی . بو علملری ( مریانس ) نامنده بر راهبدن اخذ و تعلم ایتمشدر . بو ایکی فننه دائم بر قاچ تالونی وارددر . شعرده و ادبیات عربیه ده دخی مهارت تامه صاحبی ایدی .


کسب معالیٰ فی تحصیل علوم سایہ سنده آرامشدر . اوصردہ علم کیمیا اسکندریہ دارالفنونندہ حال رواجده بولنقدہ ایدی . ( خالد ) شهر مذکورده یتیشن اساتذہ کیمیا کراندن برقاج کشی بی وازجمله ( مریانوس ) نامندہ بر روم راہبی نزدینہ جلب ایدرک بوراہیدن کیمیا عامی اخذ و تاقی ایتش و علم مذکورک عربی یہ نقلی امر ایشدر . ( اصطفان قدیم ) نامندہ بری خالدک امریلہ کیمیایی عربی یہ نقل ایتشدر [۱] . تاریخ اسلامیدہ برلساندن دیکرینہ اجرا اولنان ایلاک نقل و ترجمہ ( اصطفان ) ک ایشته بونقلیاتی ایدی .

( خالد ) علم نجومک تحصیل و نقلی ایلہده اشتغال ایدرک بواغورده و آلات و ادوات رصدیہ استحضاری یولندہ یک چوق پارہ لر صرف ایتشدر . قویاً ظن اولندیغنه کورہ مشارالیهک امری ایلہ عربی یہ بوعامہ دائر بعض شیلر ترجمہ اولندیغی حالده ضایع اولہرق بزہ یتیشماشدر . چونکہ دردنجی عصر ہجری اشاسندہ قاہرہ کتابخانہ سنی زیارت ایدنلردن بعضلری بو کتابخانہده ( بطلمیوس ) طرفندن معمول واوزرنده « بوکرہ امیر خالد بن یزید بن معاویہ طرفندن کوندلشدر » عبارہ سی محرر طونجندن برکرہ کورمشلردی [۲] .

( خالد ) صنعت کیمیایی عربی یہ نقل ایتشدکن صکرہ اولجہ ذکر کری بکن ( ماسرجویہ ) ، یاخود ( ماسرجیس ) اہرونک طبعہ دائر اولان کناشی عربی یہ ترجمہ ایشدر . بو کناش فی الاصل اوتوز مقالہ دن متشکل ایدی . ( ماسرجویہ ) عربی یہ ترجمہ ایدر ایکن اکا ایکی مقالہ علاوہ ایتشدر [۳] .

[۱] فہرست ۲۴۲ و ۲۴۴ [۲] تراجم الحکما [۳] طبقات الاطبا ۱۰۹ ج ۱





## دور عباسیہ د علوم دخیلہ نك ترجمہ سی

منصور ایلہ علم نجوم و علم طب

خلفای عباسیہ نك برنجیسی (سفاح) ایدی . زمان خلافتی آز سوردیکی ایچون  
هیچ بر علمه اهمیت ویره مدی . کندیسندن صکره خلافت ۱۳۶ سنه سندن ۱۵۸  
سنه سنه قدر مقام حاکمیتده بولنان برادری (منصور) ه انتقال ایلدی . (منصور)  
شدید وحزم ودرایت صاحبی خلفادن ایدی . زماننده برچوق فننه وشورشلر  
ظهور ایتدیکندن برچوق محاربه لر اجرا سنه مجبور اولمش ایدی . مدت خلافتی  
اوزون سورمش ایسه ده بومدتك قسم اعظمی دولتك تحکیم بیانی و بغداد شهرینك  
تأسیسی اغورنده صرف ایدلمشدر .

علم نجوم

(منصور) علم فقهده قنار و مهارت صاحبی اولقله برابر علم نجیمه دخی  
بك زیاده میل اولدیغندن منجملردن استشاره ایتمک نرین همان هیچ برایشه تشبث  
ایتمزدی . منجملره التفات و توجهده بولنوب احکام نجوم ایله عمل ایدن ایلک  
خليفة کندیسیدر [۱] . مع مافیه دها صکره کان خلفانك اکثری بو خصوصده  
انك اثرینه اقتفا ایتملردر . اوصره لرده صنعت تنجیم ایرانلیلردر حال رواجده  
بولندینی کبی بو صنعتله تمیزلرندن طولایی خلفایه انتساب پیدا ایدن برطاقم  
ایرانلیلرده یتشمش ایدی . بومنجملرك الك مشهوری (نوبخت) در . مومالیه  
مجوسی ایکن (منصور) واسطه سیاه اسلام اولمشدر . کواکبک اقترانات و سائر



حرکات و احوالی بیلیمکده مهارت صاحبی ایدی. (منصور) هرزومه کیتسه (نوبخت) اکا رفاقت ایدردی. بالاآخره اختیار لایوب ده خدمته اقتداری قالمایجه خلیفه مشارالیهک امر و تنسیبی ایله اوغلی (ابو سهل بن نوبخت) پدوری یرینه منجم باشیلغه تعیین اولمشدر [۱]. نوبخت عائلهسی متسللاً خلفای عباسیهک خدمتمده بولمش و انلرک نامنه علم نجوم و قواعد فلکیه حقدده برطاقم کتابلر ترجمه ایتمشدر. مذکور عائله دن یتیشن علما ارباب فضل و عرفاندن اولوب علوم قدیمه ده مسلک و کشفیات مخصوصه لری واردی.

منجم (ابراهیم فزاری) ایله اوغلی محمد، (علی بن عیسی الاسطرلابی) دخی منصورک معیتنده بولان منجملردن ایدیلر [۲]. خلیفه مشارالیه بالاده بیان ایدلدیکی اوزره احوال و حرکات نجومه غایت مراقلی اولدیغندن فارس، هند و روم محالکنندن برچوق منجملر یانسه کلهرک خدمته داخل اولمشلردی. بومنجملر جمله سندن اولق اوزره اولجه ذکر یکن (سدهنتا) حسابنده استاد اولان بر شخص ۱۵۶ سنه هجریه سنده هندستاندن (منصور) ک نزدیکه کش و علم نجوم ایله برابر هند اصولاری اوزره یابیش تعادیلی [۳] حاوی کندیسنه بر کتاب تقدیم ایش ایدی. (منصور) مذکور کتابک عربجه ترجمه ایدلمنی و حرکات کواکب ایچون اصل و اساس اتخاذا ایدلک اوزره بو علمه دائر بر کتاب یازلمنی امر ایتمشدر. (محمد بن ابراهیم فزاری) بوایشی درعمده ایدرک مذکور کتابدن بر اثر وجوده کتیرمشد. منجملرجه (سند هند کبیر) نامی ویریلن بو کتاب (مأمون) ک زمانه قدر بو علم ایچون یکانه مرجع تشکیل ایلشدر [۴].

ایشته بوزماندن اعتباراً خلق علم نجوم و متعلقاته اهمیت ویرمهک باشلامشلردر. فلکیات ایله بویلهجه اوغراشیلیر ایکن بالضروره هندسه علمهده احتیاج کورلشدر. بونک اوزرینه (منصور) روم حکمدارینه بر مکتوب یازدق علوم

#### [۱] ابوالفرج ۲۱۶

[۲] مسعودی ۲۶۴ ج ۲ [۳] علم التعدیل کیجه ایله کوندوز آره سنده کی تفاوتی، یعنی قیش، یاز کون و کیجه لرینک قیصالوب اوزامسی فرقلرینی کوسترن علمه اطلاق اولور. یاخود تعادیل و یا تعدیلاتدن مراد زیجلردن تقویملری چیقارمغه مخصوص دستورلرده مستعمل اولان مقایسه لردر. زیجلرده بو علمه دائر جدوللر بواور (کشف الظنون) [۴] تراجم الحکما (ال یازیسی).

وفتونه دائر موجود اولان كتالری طلب ایتیش . روم پادشاهی ده اقلیدسك كتابی ایله طبیعیاته متعلق بعض كتابلر کوندرمشدر [۱] . احتمال که (مجسطی) . بوکلن كتابلرك ایچند، ایدی . چونکه بوكتاب علم نجومه دائردر . آکلاشدیغه کوره او صروده بوكتابلر مکمل ومنتظم ترجمه ایديله میوردی . زیرا اقلیدسك كتابی ایله مجسطینك رشید ومامونك دورلرنده ترجمه اولنان كتابلر عددانده . ذکر اولندیغنی کورییورز . والحاصل ( منصور ) ك علم نجومه میل وهوسی بو علم ایله تفرعاتنه متعلق بعض كتابلرك عربی یه ترجمه ایدلسنه باعث اولمشدر .

### علم طب

( منصور ) ك دورنده علوم طبیعیه دن عربی یه نقلنه اهمیت ویریلن شیلردن . بری ده علم طب ایدی . بونقله باعث ده شوایدی : مشارالیه ۱۴۸ سنه هجریه سی صدرلرنده خلافتك صوك کونلرنده معده سنده برخسته لغه درچار اوله رق یمکه . اشتهاپی کسلمش ایدی . معیتنده بولنان اطباطرفندن هر نه قدر تداوی اولتمش . ایه ده مداوات واقعه بر فائده پی منتج اولمامشدی . ( منصور ) كونك برنده بواطبانی بر آرده طوبیایه رق : « سائر شهرلرده ماهر بر طبیب طانیر میسکز ؟ » . دییه صورار . « بوعصرده جنیدیسابور رئیس الاطباءی ( جورجیس ) قدر ماهر طبیب یوقدر » دیرلر . طببانك بوذکرایتدکلری ذات سریانی ( جورجیس بن بختیشوع ) ایدی . جورجیس ذکا واقتمدارجه پك یوکسك مزایایه مالک اولدیغندن اودورك اك مشهوردارالفنون طبیسی اولان جنیدیسابور خسته خانه سنك سرطیبیلکئی احراز ایتیش ایدی . ( منصور ) طبیب مومالیهك سرعتله احضاری ایچون آدم کوندریر . کیدن آدم جورجیده واریر . امرخلیفه پی تبلیغ وهمان عزیمت ایتیمی لزومی اخطار ایدر . ( جورجیس ) بغداده کیتمك ایچون برقاچ کون مهلت ویرلمنی طلب ایلر ایه ده طای ترویج ایدلر . خلیفه نك آدمی قتل ایله کندیسنی تهدید ایلر . آراق ناچار ( جورجیس ) امره اطاعت وخسته خانه پی اوغلی ( بختیشوع ) ه تودیع ایدرک بری ( ابراهیم ) ، دیگرکی ( عیسی بن شهلا ) ناملرنده بولنان ایکی معاونی ایله برابر بغداده کیدر . بغداده واصل

اولنجه (منصور) کندینی نزدینه چاغیریر . (جورجیس) حضور خلیفه یه کیره رک دعایي متضمن فارسی و عربی ایکی نطق ایراد ایدر . طیب مومالییه هیئت ووقار و فصاحت لسان صاحب اولدیغدن (منصور) ک نظر اعتبار و توجهنه مظهر اولور . (منصور) مومالییه اوکنده اوطورتدورر . کندیسندن بعض سؤاللر سورار . (جورجیس) توجیه اولنان سهـؤاللره سکون و رزانت ایله جواب ویریر . خلیفه ویریلن جوابلری بکنه رک مومالییه دهـا زیاده نظر رعایت والتفات ایله باقغه باشلار . خسته لغی و باشلانغجندن اعتباراً کچیردیکی ادواری نقل و حکایه ایدر . (جورجیس) : « ممنونیتکزی موجب صـورتده خسته آنکزی تداوی ایدرم » دیر . (منصور) طیب مومالییه خلعتلره مستغرق اتمکله برابر خصوصی بر سرایه مسافر ایدلسنی و حقنده اکرام و رعایتده بولنلمسنی امر ایلر . (جورجیس) ایرتسی کونی صباحلین (منصور) ی زیارت و بولنی معاینه دن صکره معالجه مقتضیه یی ترتیب ایدر . خلیفه بومعالجه اوزرینه خسته لقدن قوتوله رق اسکی حاله صحتنه عودت ایتدیکنندن جورجیسندن فوق العاده ممنون اولور ویر دهـا کندی مملکتنه عودتی ایچون مساعده ایتمز . (جورجیس) غایت عقیف و منسوب اولدیغی دیانتک احکامی ایله پک متمسک ایدی . بو حال (منصور) ک نظرنده برقات دهـا اعتلاسنه خدمت ایتمشدر . (منصور) جورجیسک کندی قاریسی (جندیسابور) ده براقدیغی ، بغدادده کندیسنه خدمت ایده جک نزدنده قاری بولندیغی آکلایه رق روم قیزلردن اوچ جاریه ایله اوچ بیک دینار هـدیـه کوندیریر . (جورجیس) یالکز اوچ بیک دیناری قبول و جاریه لری ایسه تکرار اعاده ایدر . ایرتسی کونی حضـورده بولنور ایکن (منصور) جاریه لرک ردندن طولای کندیسنی مواخذه ایلر . (جورجیس) : « بزخرستیانلرک بردن زیاده زوجه آتق عادتمز دکلدیر . زوجه لریمز بر حیات اولدقجه دیکری یی آلهـما یز » جوابی ویریر [۱] . بوجواب طیب مومالییه عفته و تابع اولدیغی دیانتک احکامی ایله عامل بولندیغنه دلیل تشکیل ایتدیکی ایچون (منصور) ک ممنونیتی موجب اولور . آرتق خلیفه؛ مومالییه کندی اوطه لقلری و حرملرینه کیرمسنه و تداویلرینه باقسنه مساعده ایدر . و بوعفت و صلاحدن طولای کندیسنی پک زیاده سور .




(جورجيس) كتاب تأليفى سوردى . سريانى ، فارسى و عربىدن ماعدا لسان يوناني يده بيليردى . (منصور) ك اودرجه توجه و محبته مظهرىتى كورنجه سريانيده يازديغى مؤلفاتدن بشقه خليفه مشاراليه نامنه يونانيدن عربى يه برطاقم كتب طبيه ترجمه ايلشدر . آنحق اولجه كورليكي اوزره عرييده طبه دائراليك مؤلفات امويلرك دورنده اسلاملك خدمته داخل اولان اطبا طرفندن نقل و تحرير ايدلمش ايدى . خلفا خدمتنده بولنان بونوع اطبا اثنائى خدمتلىرندى كندى نفسلىرى ، ياخود اوغللىرى ، ياخود شاگردلىرى ايچون برويا دها فضله كتاب يازمى عادت ايتمشلردى . بو كتابلر على الاكثر كناش شكلنده يازبيليردى . عراقى واليسى (حجاج بن يوسف) ك طيبي اولوب ۹۰ سنه هجرىه سنده وفات ايدن (تيادوق) طرفندن كندى اوغلى ايچون يازيلان كناش كى . موما اليه كندى اوغلى ايچون ادويه و كيفيت استعماللارى حقنده ديكر بر كتاب دها يازمش ايدى . مدار بختمز اولان بختيشوع عالمه سنه منسوب اطبا متوالياً عباسيلرك خدمتلىرندى دوام وسايه حمايه لرندى علم طبه و علوم سائر يه نافع خدمتلىر ايفا ايلشملردى . شوحانه كوره ايكنىجي خليفه عباسى (منصور) علوم قديمه يى عربى يه نقل و ترجمه ايتديرمكه اهميت و يرن ايلك خايغه ايسه ده او علومدن يالكر نجوم ، هندسه ، طب ايله اكنفا ايتشدر . (ابن المقفع) ايشته بوخايغه نك زماننده (كايلاه و دمنه) كتابنى عربى يه ترجمه ايلشدر . فلسفه ، منطق و سائر علوم عقليه يه كلنجه بونار (مأمون) ك زماننده نقل اولمشدر . مع هذا (فهرست) صاحبي (ابن النديم) ايرانيلىرك يونانيدن كندى لسانلرينه نقل ايتمش اولدقلى منطق و طبه دائر برطاقم كتابلرك (ابن المقفع) طرفندن عربى يه ترجمه اولنديغى ذكر ايدىيور . احتمال كه (ابن مقفع) بو كتابلرى صورت خصوصيه ده كندى نفى ايچون ترجمه ايتشدى .

### مهرى ورشدر

۱۵۸ سنه هجرىه سندن ۱۶۹ سنه سنه قدر مقام خلافتده بولنان اوچنچى خليفه عباسى (مهدى) كندى زماننده ظهور ايدن بدع دينه نك اوكنى آمله اشتغال ايتديكندن علوم دخيله نك عربى يه نقلنه باقه مامشدر . زيرا بودورده

(ابن مقفع) و سائر طرفندن (مانی) ، (ابن دمیان) و (مریقون) مذهبلینه  
دائر فارسی و پهلویدن عربی یه برچوق کتابلر ترجمه اولندیگی کی بومذهبلی  
تأید ایچون آریجه برطاقم کتابلر دخی یازلدیغندن زندقه اربابی چوغالمش و فکر



اسطرلاب آلتی

ومطالعہلری نمالک اسلامیہنک هر طرفنه انتشار ایتمش ایدی . بناءً علیہ  
(مہدی) بواحوالی تلافی یه مجبور اولهرق علم کلام علماسنی بومذاهبک ابطالی

ایچون کتابلر تألیفنه مأمور ایشدر . دردنجی خایفه عباسی ( هادی ) یه کاجه بونک زمان خلافتی اوزامامش وکندیسی شایان ذکر برشی یامامشدر .

مشار الہدن صکره خلافت ۱۷۰ سنہسندن ۱۹۳ سنہسنہ قدر کرسی حکمرانیدہ بولنان ( رشید ) . انتقال ایدنجه اووقته قدر بغدادده سریان ، فرس و ہنددن یرچوق اطبا و علمانک طوپلانمش بولنمی تاثیریلہ افکارده تکامل و علوم اقدمینہ کرکی کبی بر میل و محبت حاصل اولمش ایدی . بغدادی محط رحال و مہبط آمال اتخاذایدن اوزمرء کزیدہ علما آز برمدت ظرفندہ عربجہی او کر نرک اسلاملر ایلہ اختلاط ایدرلر و کندیلرلہ علوم مذکورہ حقندہ مباحثاندہ بولونورلردی . علوم دخیلہ نک دینہ مخالف شیلر اولدیغنه دائر اوصردلردہ اسلاملردہ بر اعتقاد موجود ایدی . بوعلملر ذکر ایدلجکہ اورکرلردی . بولردن یالکز کتب طبیہ مستثنی ایدی . اسلاملر یالکز بو آثارک مطالعہسنہ رغبت کوسرتیرلردی . اودورده اطبا اسلاملرک غیرندن وعلی الاکثر فلسفہ و منطق محی ذواتدن متشکل ایدی . بولر صنعتلری اقتضاسنجه خلفانک خدمتلرندہ وایلریدہ کوریلہ جکی اوزرہ عادتاً اقربالرندن بری کبی مجلس و محبتلرندہ بولونورلردی . ایشہ بومعاشرت و صاحبترلری سایہسندہ خلفا فلسفہ نک ذکریلہ بر آشنالق پیدا ایدرک آرتق برشہری فتح و او شہردہ کتابلر الدہ ایدلجکہ اسکیدہ اولدینی کبی احراق و یا سائر صورتلر ایلہ احسانی امر ایتیموب بالعکس حسن محافظہ سنی و لسان عربی یہ ترجمہ ایدلک اوزرہ یاختلرینہ نقلانی امر ایتیمکہ باشلامشدر . نته کیم ( ہرون الرشید ) انقرہ ، عموریہ و سائرہدہ اجرا ایتدیکی محاربہلر اٹانسدہ برچوق کتابلرہ راست کلدیکنندن بولنری بغدادہ نقل و طبیبی ( یوحنا بن ماسویہ ) ی ترجمہ لرینہ مأمور ایشدر [۱] . شوقدرک بولرک ایچندہ فلسفہ یہ دائر کتابلر یوق ایدی . ہپ طب یونانی یہ متعلق ایدی [۲] .

( رشید ) ک دور خلافتندہ ریاضی شہیر ( اوقلیدس ) ک ( کتاب اوقلیدس ) نامیلہ معروف اولان اثری ( حجاج بن مطر ) [۳] طرفندن ایلک ترجمہ اولمق

[۱] طبقات الاطبا ۱۷۵ ج ۱ [۲] ابوالفرج ۲۲۷ [۳] حجاج بن مطر اوائل

خلافت عباسیہدہ یونانی و سریانیدن عربی یہ کتب طبیہ و حکمیہ ترجمہ ایدلردن اولوب



اوزره عربییه ترجمه ایدیهرك (مأمون) ك زماننده عین مترجم طرفندن  
 یاییلان ایکنجی ترجمه دن تفریق مقصدیله (هارونیة) نامی ویرلشدر .  
 (مأمون) ك نامه یاییلان ترجمه یه (مأمونیة) دینلمشدر [۱] . كذلك  
 (هرون الرشید) ك زماننده (بطلمیوس) ك بحسطلی کتابی عربییه ترجمه  
 اولمشدر . بوكتابك ترجمه سنه اهمیت ویرن ایلك ذات (رشید) ك وزیر  
 (یحیی بن خالد برمکی) ایدی . فقط کتابی ترجمه ایدلر ترجمه یی ای یاپه مدقلرندن  
 یحیی کتابك دقتلی برصورتده ترجمه سنه (ابو حسان) ایله بیت الحکمه صاحبی  
 (کتابخانه ناظری) سلم ی مأمور ایتش و بویکی ذات طرفندن اعتنای مخصوص  
 ایله ترجمه سی یالیشدر .

### مأمونیه ایله فلسفه و منطق

اسلاملر (مأمون) ك بالذات کنندینه متعلق برسبیدن طولانی کتب  
 فاسفییه یی ترجمه یه آنجق خلیفه مشارالیهك زماننده اقدام ایده ییلشمشدر . بوسبب  
 شو صورتله ایضاح اولنور : اسلاملر اسلامیتك ایلك کونلرندن اعتباراً حریت  
 فکر و کلامه ، مساوانه آلیشمشلردی . برینك برخلیفه ویا بروالی حقنده بر  
 فکر و مطالعه سی اولنجه هیئت حاکمیتدن قورقمیه رق فکرینی آچیقدن آچیغه  
 سویلردی . شئون عمومیه ده بوبله جه فصل سر بسست و بی پروا ایدیلر ایسه  
 امور دینییه و مسائل مذهبییه ده دخی او مرتبه ده احترازش و حر ایدیلر . بری  
 بر آیت ویا حدیثدن دیکرینك آکلادیفی معنی و تفسیره مخالف بر معنی و مفاد  
 آکلار ایسه فکرینی سویلکدن و مدعانی اثباته چالیشمقدن چکنمزدی .  
 بناءً علیه خلفای راشدین دوری منقضى اولور اولماز اسلاملر مذهبلرجه آیرلمغه  
 باشلامشلا وایکنجی قرن هجری کیرنجیه - (معترله) اوجله دن اولمق اوزره -  
 اسلام فرقه لری تکرر و تشعب ایتش ایدی . بر جوق شعبه لر دن متشکل اولان  
 (معترله) فرقه سنك اساس مذهبلری نصوص دینییه احکام عقلیه یه تطبیق  
 (مأمون) ك نامه اقلیدسك کتابی ترجمه ایتمشدر . بعده ترجمه سی (ثابت بن قرة)  
 طرفندن تصحیح اولمشدر .

ایتمکله قائم ایدی . فی الحقیقه بوفر قمنک مذهبنی نظر تدقیقیدن کچیریرسه کر  
بعضلرینی - تدقیقات دینه بونجه عصرلردن بری اجرا ایدلیدی حالده - دینه  
دائرک صوکه درمیان اولنان مطالعاته موافق بولورسکز . بوسیدن انلره  
( عدل وتوحید اربابی ) نامی ویریلوردی .

## مأمون ایله اعتزال

اعتزال مذهبی برنجی عصر هجرینک صوکلرنده ظهور ایتمش ودلیلرینه  
عقل منجذب اولقله طرفدارانی سرعتله چوغالمشدر . فقه بحثنده بیان  
ایتدی کمز اوزره ایکینچی خایفه عباسی ( منصور ) رأى وقیاس طرفدارانه  
مظاہرت وامام اعظمی بغداده جلب ایدرک کندیسنه تشویقاتده بولمش ایدی .  
مشار الیهدن صکره مقام خلافته کلن عباسیلرده دخی قیاسه میل وانجذاب  
دوام ایتمشدر . اعتزال مذهبی رأى وقیاس مذهبنه اک یقین برمذهب تشکیل  
ایدیوردی . زیرا معتزله نکه کندی مذهبلرینی تأیید ایچون مدار اعتماد اتخاذ  
ایتدکاری شی ده برهان عقلیدن عبارت ایدی . بوجهله ارسطونک منطقنه ،  
یاخود جدل وسائر حقهده کی مطالعانه واقف برکیمسه یه راست کلدکجه  
کندی مذهبلرینی تأیید وتقویه مقصیده اک معلوماتندن استعانه ایدرلردی .  
بالخاصه ( مهدی ) نکه زماننده ظهور ایدن بدعه وزندقه اریابنک مدعیاتی  
رد وجرح ایتک ایچون او کی معلوماته احتیاج واردی . اسلاملر ایشته  
بوسائقه ایله یونان منطق وفلسفه سینه براحتیاج حس ایدرک علم کلامی وضعه  
باشلامشلردر . دولت عباسیه ده خلفادن صکره اک یوکسک موقعی اشتغال  
ایدن برمکیلر رأى وقیاسه طرفدار ، فطرة ذکی وعلم ومعارفه میال اولدقلردن  
( مأمون ) ک زمانندن اول کتب قدیمه یی ترجمه ایله اشتغال ایتشلردی [۱] .  
برمکیلر کندی خانه لرنده مباحثه ومذاکره اجرایی ایچون مجلسلر عقد  
ایدرلردی . لکن قرائن احوالندن آکلاشیلورکه ( رشید ) بونوع مجلسلرک

عقدنندن ممنون اولیوردی . انک ایچون بوجلسلر علنی انعقاد ایتزدی .

۱۹۸ سنه سندن ۲۱۸ تاریخنه قدر مقام خلافتده بولنان ( مأمون ) مقام اقتداره کئنجه مشار الیه فطین وسعه علمی حائر اولمقله برابر قیاس عقلیه شدتله میال اولدیغندن مسأله انک شکلی بسبتون بشقه لاشمشدر . ( مأمون ) منتظم تحصیل کورمش ، فکری پارلامش ، کتب قدمادن کنندی زماننه قدر عریجه یه ترجمه ایدلمش بولنان مؤلفاتی اوقومش ایدی . بناء علیه بو علم و عرفان سوقیه قیاسه اولان رغبتی واحکام عقلیه یه اولان میل وانجذاب برقات دها آرتورق اعتزال مذهبه تمسک وبومذهب مشایخندن ( ابوالهذیل العلاف ) [۱] و ( ابراهیم بن سیار ) کبی ذواتی کنندیسنه تقریب ایتمکه برابر علم کلام عالماسیله مجالسه لرده بولنه رق اعتزال مذهبه دائر اساسلی معلومات صاحبی اولدقدن صکره طرفدارانی زیر جناح حمایه سنه آلمش وفقه انک غضب ومقاومتلرندن احترازا او وقته قدر بیان و ادعاسنه جرأت ایدیله مین برطاقم اقوال ومطالعاتی علناً سویلمکدن چکنم امشدر . اوجه لهدن اولمق اوزره ( مأمون ) قرآن کریمک مخلوق ومحدث ، یعنی غیر منزل اولدیغنی ادعا ایتمشدر . اسلاملر تا ( رشید ) ک زماننده ( مأمون ) ک اویوله سالک اوله جغنی تخمین ایدرک مقام خلافته کلسنی ایسته مزلردی . چونکه اوزمانلرده دخی ( مأمون ) ک بوفکرلره خادم اولدیغنی حس ایدلمش ایدی . حتی اعظم صوفیوندن ( فضیل بن عیاض ) مأمونک بو افکارینی آکلادیغنی ایچون ( رشید ) ک اوزون زمان معمر ومقام خلافتده مستقر اولسنی تمنی ایلر ایدی .

( مأمون ) بویه جه اعتزال مذهبی و قرآنک مخلوقیتی ادعاسی ایله اورتیه آیلنجه فقه انک قیامت قویمش ومعتزلهدن اولمسانلر کدیلرینی عظیم بریدعت قارشیسنده کورمشلردر . بونلر مقیدارجه اعتزال طرفدارانندن زیاده ایدیلر .

[۱] ( ابوالهذیل العلاف ) اکابر علمای معتزلهدن اولوب بصره ده کی ارباب اعتزالک امامی ایدی . مناظرده و ایراد ادله ده قوت ومهارتی پک زیاده ایدی . بوبایده مشهور مقالاتی واردر . ۱۳۱ تاریخنده تولد و ۲۲۶ ده ( سرمن رأی ) ده وفات ایتمشدر . اواخر عمرنده قولاقلری صاغر و کوزلری کور اولمش ایسه ده ینه مناظرده دن خالی قالمشدر .



(مأمون) ایسه اوپله بر مذهب وادعا ایله میدانله آتدقدن صکره بویولدن رجوع ایچون آرتق امکان کوره مدیکندن بو مذهبی ادله وبراہین ایله تأیید ایتک اوزره مناظره و مباحثه لر اجرایی ایچون مجلسه لر عقد و تشکیله باشلامش [۱]، جدل و مناظراتک اصول و قواعد صحیحه سیله تأمین حسن جریانی ایچون فلسفه و منطق کتابلرینک لسان یونانیدن عربی یه ترجمه ایدلمسنى امر ایتمشدر. مشار ایله کندیسى بالذات بو کتابلری مطالعه ایله ادعائى تقویه و اعتزال مذهبنه برقات زیاده تمسک ایلش ایسه ده دوشوندیکی کی خلقی ادله و براہین ایله بو مذهب اتباعه مقتدر اوله مدیغی کوردیکندن شدت استعمالنه قویولمشدر. (مأمون) بو عنف و شدت طریقنى طومغه زمان خلافتک صوکنه سنه بغدادک خارجده بولندیغی بر صروده باشلامشدر. مشار ایله اثنای غیوبتنده بغدادده وکیل بر اقدیغی شرطه صاحی (ضبطیه ناظری) اسحق بن ابراهیم مصعبی یه برنامه یازرق قاضیلرک و شهودک و بالجمله قرآن علماسنک جلی ایله بولاردن قرآنک مخلوق و محدث اولدیغی هر کیم اقرار و اعتراف ایدر ایسه سیلنک تخلیه سنى و هر کیم ابا و استنکاف ایلر ایسه اسمنک اشعارینی امر ایتمشدر [۲].

فکر ارجه کوره (مأمون) سعه علم و حریت فکرینه و قیاس عقلی یه فرط رغبتنه بناءً یونان علومنک عربی یه ترجمه ایدلمسند بئس کورمامش و اول امرده اعتزال مذهبنی تأیید ایتک مقصدیله فلسفه و منطق کتابلرینک نقل و ترجمه سیله ایشه باشلامش ایکن بالآخره ترجمه یی ارسطونک فلسفه یه دائر اولان کتابلریله علوم سائر یه متعلق سائر مؤلفاته تشمیل ایلشدر. مشار ایله بو کتابلرک ترجمه سنه ایکی یوزنجی سنه هجریه سندن صکره کی بش، اون سنه ایچنده باشلامش ایدی. معتزله صوسزلقدن یا نازل اله صو کچیردکاری زمان فصل شوق و تمالك ایله صوبک اطرافنده اوچوشورلر ایسه ترجمه اولان فلسفه نک اطرافنده اوپله جه اوچوشورق تدقیق و مطالعه سیله اشتغال ایلشدر و بوسایه ده قوه اقتدایه و علمیه لری برقات ده مزید اولمشدر [۳]. اسلاملرک فلسفه ایله بواشتغاللردن علم کلام ظهور ایلشدر. خرسینلرک فلسفه ایله اشتغاللردن

(یکی فلسفہ افلاطونیہ) فصل تولدایتدی ایسه اسلامک فاسفہ ایلہ اشتغالرندن  
دخی علم کلام ظهور ایتدی [۱] .

## مأمون ایلہ کتاب ترجمہ سی

(مأمون) ک علوم و فنونه دأر اولان کتابلری عربی یه ترجمه ایتدیر مسنه بر جوق  
سبیلر ذکر ایدلمکده در. (کتاب الفهرست) صاحبی (ابن النديم) سبب اولمق اوزره  
معلومات آیهی ویریور: « مأمون رؤاينده (ارسطو طاليس) ی کوردرك  
کندیسندن بعض سؤالر صورمش و اویانجه حکیم مشارالیهک آثارینی عربی یه  
ترجه ایتدیرمک ایسته مشدر . روم حکمدارینه برنامه یازهرق علوم یونانیه یه  
دأر بلاد رومده بولان کزیده آثارک عربی یه ترجمه ایدمک اوزره ارسالی  
رجا ایتش . روم حکمداری بوندن بر مدت امتناع ایتش ایسه ده نهایت  
موافقت ایدرك کتابلری کوندرمش . (مأمون) مؤلفات واردمک ترجمه سی  
(حجاج بن مطر) ، (ابن البطريق) ، صاحب بیت الحکمه (کتبخانه ناظری)  
سلم و سائر کبی ذواته تودیع ایتش . بونلر کتابلری تدقیق ایتشلر .  
کزیده لرینی تفریق ایدوب مأمونه کوتورمشلر . (مأمون) ترجمه ایدملرینی  
امر ایتمکه امری وجه ایلہ ترجمه ایدلمشدر » [۲] .

(طبقات الاطبا) مؤلفی (ابن اصيبه) ایلہ مختصر الدول مؤلفی (ابوالفرج)  
ودها سائر برطاقم مؤلفین دخی بو خصوصه دأر بوکا مشابه روایاتده بولنشلردر.  
ترجیحاً ظنمزه کوره مشارالیهم بوروایاتی سالف الذکر (ابن النديم) دن نقل  
ایلشلردر . فقط سبب هر نه اولور ایسه اولسون شوراسی محققدرکه خلیفه  
مشارالیه مذکور کتابلر ایلہ سائر مؤلفاتی عربی یه نقل ایتمک ایچون مترجملر  
استخدامنه وسع واقداری داخلنده بولان باجمله مساعینی صرفدن کیری  
طور مامشدر . حتی بویولده او قدر فرط سیخا و کثرت عطا کوسترمشدرکه  
ترجه اولنان آثارک آغیرلغنیجه آلتون ویرمکده ایدی . آثار مترجمیه پک


زیادہ اہمیت و یردیکندن کندی نامنه ترجمه و تقدیم اولسان کتابله کندی علامت مخصوصه سنی وضع ایدردی . ( مأمون ) خلقی بو آنارک مطالعه سینه تشویق ایتمکه برابر کندیسی بالذات حکما و علما ایله خلوت کزین اولور ، مباحثه و مناظره لریله استیناس ایدر و مذاکره لرنده بیوک برلنت بولوردی [۱] . ( مأمون ) ک رجال دولتندن برچوققیری و بغدادک وجاهت و ثروت اربابندن برطاقلری دخی بو یولده خلیفه نرینک اثرینه تبعاً علوم و فنونک ترویج و حمایه سینه قویولمقلرندن عراق جزیره سیله شام و فارس قله لرینک هر گوشه - سندن نسطوری ، یعقوبی ، صابی ، مجوسی ، روم ، برهمن و سائرده دن مرکب اولمق اوزره برچوق مترجم بغداده قوشه رقی یونانی ، فارسی ، سریانی ، سانسقریت ، نبطی ، لاتین و سائر لسانلرندن کتابلر ترجمه سیله مشغول اولشاردده . علوم و معارف بو صورتله مظهر حمایه و رواج اولنجه بغدادده کتابچیلر ایله کاغذچیلرک مقداری تزاید ، ادب و مناظره مجلس و انجمنلری تعدد ایتمش ، خلقک مراقی هب تدقیق و مطالعه یه مصروف اولمشدر . ( مأمون ) ک دورنده ذروه علیایه بالغ اولان بوانتبه علمیه دهها صکره برقاچ خلیفه نک زمانلرنده مستمر اوله رق السنه اجنبیه ده بولنان کتب علمیه نک اک مهملرینک عربیه ترجمه سینه بوسایده موفقیت حاصل اولمشدر .

### دور عباسیہ مترجم

سربانیلرک قبل الاسلام برانتبه علمیه به مظهر اوله رق کتب یونانیه یی کندی لسانلرینه ترجمه یه باشلا دقلرینی ، علوم یونانیه دن برچوققلرینی و بالخاصه فلسفه وطبی مطالعه و تدقیق ایدره ک جن دیسابور دارالفنون طیبسنده سرطباتی احراز ایده جک درجه ده علم طبعه مهارت و حداقت احراز ایتدکلرینی ، لسان یونانی یی کندی مکتبلرنده تدریس و تعلیم ایتدیردکلرینی مطالعات متقدمه ده بسط و بیان ایلدک . متعاقباً کرسی خلافتک کندی مملکتلری اولان عراقه



انتقالی و بغداد شهرینک ممالک اسلامیہک هر طرفدن وسائر ممالکدن کلن  
قاصدان و مهاجرینک وصول و ازدحامی ایله مغبوط بلاد جهان اولنجہ سریانیلر



اسکی بر عراب بیراغی

دخی اوچلاردن اوله رق سعه معیشتہ مظهریت اولیله بغدادی دارالامان هجرت  
اتخاذ ایتشاردر . بوکون ینه عینی سببه مبنی انکلیزجه بی نصل او تر نیور

ایسہک [۱] انلر دخی بغدادده لسان عربی اوکرنهرك عربلر ایله وقوق بولان اختلاطلرندن ممنون اولمشلردی . چونکه عباسیلر ایلك دور حکومتلرنده عدالتی ورعایا آرهسنده حریت مذهبی رهبر حرکت اتخاذا ایتمشلردی . رعایای غیر مسلمہ کندی خلیفهلرینه اوقدر اعتماد حاصل ایتمشلر ایدی که ملتلی ، یاخود ملتلی ایله رؤسای روحانیہ سی آرهسنده براختلاف ظهور ایتسه چوق دفعهلر بواختلافک ازاله سنه اسلام اولان خلفانک توسطی استرحام ایلرلردی . فارس قطعہ سندن برچوق ایرانیلر دخی عینی سائقه ایله بغدادده مهاجرت ایتمشلردی . ایرانیلر مدنی بردوات رعایاسی اولدقلرندن خلفا بونلری حکومت مأموریتلرنده استیخدام ایلمشلردر . بونلرک میاننده برچوق علما وادبا موجود ایدی . فضله اولهرق خلفای عباسیه علم وتجربهلرندن استفاده ایدلک اوزره هند مالکنندن برطاقم اطبا جلب ایتمشلری .

بناءً علیہ خلفا کتب علمیہ وفقیه عربیہ ترجمه ایتک ایستدکلری زمان بوخصه ووص ایچون عراق ، شام ، فارس وهند علماسنندن بشقه واسطه بولندیغندن بومترجملره برچوق پارهلر صرف وبعضهلرینه معین معاشلر تعیین ایلمهرك وحقلرنده لطفکارانه وکرهپورانه معاملهده بولنهرق کندیلرینی بوخدمته ترغیب ایلمشلردر . علی الاکثر نسطوری سریانیلردن اولان بومترجملر کندیلرندن طلب اولنان خدمتی ایفا ایتک یچون هرطرفدن قوشوب کلشلردر . سریانیلر ملل سائرديه منسوب علمادن زیاده ترجمهیه مقتدر و یونانیلرک فلسفه وعلوم سائردهنه دها زیاده مطلع ایدیلر . یوناسیدن ترجمه ایچون سریانیلر نصل استیخدام ایدلمش ایسه فارسی وهندیدن کتب علمیہ نقل ایتک ایچوند ابرانی وهندلی علما قوللانمشدر . بومترجملرک اکثری وظیفه ترجمه ایفا ایدر ایکن اولاد واحفادی مترجم یتشدریمشلردر . بناءً علیہ بونلرک وظیفه سی کندیسندن صکره اولاد واحفادیته استقال ایدردی . دور عباسیہ کتب علمیہ وفقیه عربیہ نقل ایدن مترجملرک اک مشهورلرینی آتیده کوستیریورز :

اولا بختیشوع الشری : — بونلر نسطوری سریانیلردن ایدیلر . ایلمکلری (منصور) ک حکیم باشیسی (جورجیس بن بختیشوع) درکه دها اولدکری

[۱] مؤلفک سوزی مصره کورهدر .

کچمشدر. (جورجیس) دن صکره خلفای عباسیہ نك خدمتہ اوغلی (بختیشوع بن جورجیس) کیرمشدر. (منصور) دھا اول (جورجیس) ی فصل جلب ایتش ایسہ (رشید) دخی (بختیشوع) ی جنڈیسا بوردن جلب ایلشدی. (بختیشوع) رشیدك حضورینہ داخل اولنجه فارسی و عربی ایلہ بر دعا ایراد ایدر. (رشید) وزیر یحیایہ بختیشوعك امتحان ایدلسنی امر ایلر. یحیی (ابو قریش عیسیٰ) ، (عبدالله طیفوری) ، (داود بن سربایون) دن مرکب بر ہیئت اطبا تشکیل ایدر. بو ہیئت (بختیشوع) ہ ملاقی اولنجه ہیئت ارکانندن (ابو قریش) رشیدہ : «ای امیر المؤمنین ! اطبا ایچندہ بو ذات ایلہ یاریش ایدہ جک کیمسہ یوقدر. بو آدم عالمہ بی مدانیدر. کندیسسی ، باباسی ، جنسی. ہب فیلسوفدر» دیر. بو سوزلر بختیشوع عالمہ سنك علوم و فلسفہ نہ رتبہ عالی و نامدار بر موقع احراز ایتدکلرینی کویسترمکدہ در. بونك اوزرینہ (رشید) بختیشوعی حکیم باشلغنه تعین ایلشدر. کندیسندن صکرہ اوغلی (جبریل) بو حکیم باشلقدہ پدرینہ خلف اولمشدر. (جبریل) خلفای عباسیہ تزدندہ يك خاطرلی. بر موقع صاحبی ایدی. انلردن آلدینی عطیہ واحسانلردن ماعدا کتابمزك ایکنجی جلدندہ تفصیلاً ذکر ی کچدیکی اوزرہ عظم معاشرلردہ نائل اولمش ایدی. کندیسنہ خلف اولہرق حکیم باشلیق مسندینی احراز ایدن اوغلی (بختیشوع بن جبریل) شان و شرفندہ ، علومنزلدندہ ، کثرت ثروتندہ کنندی. زمانندہ ہیچ بر طبیبہ میدر اولمیان بر موقع بلند و مستثنی احراز ایتش ایدی. خلفای عباسیہ دن (مقتدر) ك حکیم باشلغندہ بولنان (جبریل بن عبدالله بن بختیشوع) ، بوکا خلف اولان (عبدالله بن جبریل) دخی بو عالمہ ارکانندن ایدیلر. بختیشوع عالمہ سندن اولوق اوزرہ بالادہ ذکر اولسان آلتی طبیبك جمہسی الكماہر اطبا دن معدود ایدیلر. لکن بونلرک برنجیسی اولاز (جورجیس) ن ماعدا کندیلرندن ترجمہ ایلہ کیمسہ اشتغال ایتماشدر. مومالیم ہی بومبختندہ ذکر ایتہ منر کندیلرندن بعضلرینك علم طبندہ غایت مهم اثرلر یازمش اولملرینہ و بعضلرینك دہ برطاقم کتب طبیبہ نك سریانی بہ ترجمہ سی ایچون مترجملر استخدام ایلمش بولملرینہ بناء در [۱].



نایا منین عائده : — بوعائله نك ایلکی شیخ المترجمین ( حنین بن اسحق عبادی ) در . حیره خرسیتانلرنندن ایدی . تاریخ ولادت ۱۹۴ سنه هجریه . سیدر . پدری صراف ایدی . کنندیسی سن بلوغه ایریشمنجه بصریه کبدرك اوزاده لسان عربی یی اوکرندکدن صکره تحصیل طب ایچون بغداده عزیمت ایتشدی . بالعموم اطباء بالخاصه جندیسا بوزلیلر تجار چوققلربنك مسلك طبابته کیرملرنی چکمامک عادت ایلله مألوف اولدقلرنندن ( حنین ) تشبث واقعنده پك بیوک مشقت وصعوبته دوچار اولمش ایدی . اوصرده بغدادده بولان طب تدریسخانهلربنك اك مهمی جندیسا بوز مکتب طبیسی مأذونلرنندن ( یوحنا بن ماسویه ) ك حلقه عرفانی ایدی . ( حنین ) بو مجلس استفاضیه دوام ایتمکه باشلادی . موما الیه برکرن اوقودینی درسلردن بر مسأله حقنده استادی ( یوحنا ) به بر سؤال ایراد ایلدیکی ایچون استادی کوجنهرك غضبه ککش و ( حنین ) ه : « حیره اها لیسى زرده ، فن طب زرده ! سن اهلی اولمدیغك بر علمی تحصیل ایچون بوشنه وقت کچرمکدن ایسه اقربا کدن فلان کیمسیه کیت . اندن الی درهم آل . بر درهم ایلله اوفاق سپتیلر وایچ درهم ایلله زرنیخ ودرهملرك باقیسی ایلله کوفه وفارس پوللری مبیعه ایت . قادسیه پوللرینه اوسپتیلرد . زرنیخ اور . یل اوزرینه او طور . » صدقه ونفقه ایچون کوزل پوللر ! « دییه باغیر . پوللری صات . ایشته بو صنعت سنك ایچون طبابتدن . دها کارلیدر » دیهرک کنندیسی حضورندن چیقارمشدر .

( حنین ) یوخناك حضورندن آغلایه رق و بیوک برکدر و محزونیتله چیقوب کیتمش ایسه ده بوحال کنندیسی ایچون موجب یأس وفتور ازالق شویله طورسون بالعکس لسان اصلیمی ، یعنی لسان یونانی ایلله علم طبی تحصیل کنندیسنه برقات دها موجب تشویق اولمشدر . موما الیه بغداددن ایکی سنه غیوبتن صکره تکرار بوشهره عودت ایتدیکی زمان اسکندریه ده لسان وادبیات یونانی یی اوکرنمش ، ( هویروس ) ك اشعارینی ازبرلمش [ ۱ ] ، عربجه ایلله برابر سریانی ، یونانی وفارسیده زمانی رجالك فوقنده بر موقع ممتاز احراز ایتمش بولنیوردی . عصرینك اطباسی ، حتی بالنفس ( یوحنا بن ماسویه ) بیله کتاب

ترجمه سی ایچون کندیسنه عرض احتیاجه محبور اولشلردر. ( یوحنا بن ماسویه ) اسکندریه لیلک اثرینه تبعاً سؤال، جوابی صورتیه ( جالینوس ) ک کتابلردن بعضلرینی سریانییه و بعضلرینی عربییه ترجمه ایچون ( حنین ) ی استخدام ایتشدرد [ ۱ ] . ( حنین ) ( جبریل بن بختیشوع ) ، ( جالینوس ) ک تشریحه دأر اولان کتابینی ترجمه ایتشدرد . ( جبریل ) حنینه پک زیاده تکریم و تعظیمده بولنوردی . کندیسنه خطاباً « ربن حنین » دیردی که سریانیده « استادمن حنین » دیمک ایدی . خلیفه ( مأمون ) فلسفه کتابلرینی یونانییدن عربییه نقل ایتمک ایچون مقتدر بر مترجم آرایجه کندیسنه ( حنین ) ی توصیه ایتشلردرد . اوصرده ( حنین ) کنج ایدی . ترجمه ده انک اقتدارنده آدم یوق ایدی . ( مأمون ) مترجم اولق وزره ( حجاج بن مطر ) ، ( ابن البطریق ) ویت الحکمیه صاحبی - کتبخانه نظری - ( سلم ) و سائرینی انتخاب ایدرک ترجمه لرینه باقق اوزره ( حنین ) ک معینه ویرمشدرد . خلیفه مشارایه ( حنین ) ؛ ترجمه ایتدیکی شیلرک آغیرلغجه آلتون ویریردی . بوسبیله ( حنین ) یازدینی آناری غایت بیوک حرفلر و سیرک سطرلر ایله پک قالین کاغذ اوزرینه یازاردی که اکا کوره حجم و ثقلی زیاده اولسون ده آغیرلغجه آلتون آلسون . روایت کوره ( حنین ) ترجمه ایدمک اوزره کتاب تحری و جلی ایچون بالذات روم ممالکته کیتمشدرد . موما الیه آتیده ذکر ی کله جک اولان ( بنی شا کر ) و سائرله ایچون دخی کتاب ترجمه ایدردی .

( حنین ) ک بری ( داود ) ، دیکری ( اسحق ) اسملرنده ایکی اوغلی وار ایدی که بونلر ایچون معلومات ابتدائیه و ندویسه دأر برطاقم کتب طبیه تألیف ایتدیکی کبی ( جالینوس ) دن بر جوق کتاب دخی ترجمه ایتشدرد . بو ایکی اوغلندن ( داود ) پدرینه خیر الخلف اوله رق انک کبی یونانیدن عربییه به کتاب ترجمه سیله اشتغال ایش ایسه ده ( ارسطاطالیس ) و سائر حکمانک آناری کبی یالکیز فلسفه کتابلرینک ترجمه سنه حصر همت ایتشدرد . حال بوکه پدری علی الا کثر فن طبعه دأر اولان مؤلفاتک وبالخاصه ( جالینوس ) کتابلرینک ترجمه سیله مشغول اولمش ایدی . عربیده ( جالینوس ) ک مؤلفاتندن ( حنین ) طرفندن ترجمه

و یا تصحیح ایلش اولمان آناره بك نادر تصادف اولور . ذتاً ( حنین ) ك  
قلم ترجمه و یا تصحیحندن كچمین آثار معتبر دكل ایدی . چونكه ( حنین )  
هم لسان عربیده ، هم طبابتده امتداز و مهارت صاحبی اولدیغندن ترجمه و یا  
تصحیحی معتبر طوتولوردی . موما ایله ۲۳۳ سنه هجریه سنده مقام خلافت  
كلن ( متوكل ) ك زماننده دخی ترجمه ایله مشغول اولمشدر . خلیفه مشار ایله  
كندیسی مترجم ریاسته انتخاب ایدرك معینهده ( اصطفان بن بایل ) ، ( موسی  
بن خالد ) كبی مترجم ویرمشدر . ( حنین ) مترجمك ترجمه لرینی تصحیح  
و تنقیح ایدردی . اوزمانکی خرسیتیانلرجه عادت اولدیغی اوزره قوشاق باغلاردی .  
۲۶۴ تاریخ هجریه سنده وفات ایتمشدر . دیگر اوغلی ( اسحق ) دخی بین المترجمین  
شهرت قازانمش ایدی . بونك اكثر نقلیاتی فلسفه یه دأر اولان ( ارسطو ) ك  
آناری ایله شرحلرندن متشكلا . ( اسحق ) كندی پدری ایله برآرده  
چالیشمدن صكره ( معتز ) ك وزیر ( قاسم بن عبدالله ) ك خدمته كیرمشدر .  
وزیر كندیسنه بتون اسرارینی تودیع ایدردی . ( اسحق ) ك آثار مترجمه دن  
ماعداً طب واجزاجیلق حقنده تألیف اولق اوزره برطاقم آناری دخی واردر .  
۳ . بیس اعلم رمقی : — ( حنین بن اسحق ) ك همشیره زاده سی .  
اولان ( حبیش بن الحسن دمشقی ) فن طی دایسی ( حنین ) دن تحصیل ایتدكن صكره  
دایسنك تعاطی ایتدیكى ترجمه صنعتی تعاطی ایلشدی . روایتیه كوره ( حبیش ) ك  
رفاقتی ( حنین ) ایچون بر بختیارلق تشکیل ایتشدی . چونكه ( حبیش )  
طرفندن ترجمه اولان مؤلفاتك اكثری ( حنین ) ك نامنه نسبت ایدلشددر .  
زیرا بر چوق دفعه خالق ( حبیش ) ك قلمی ایله ترجمه اولمش آناره راست  
كلكجه ایکی اسم ارسنده کی مشاهیدن طولانی او آنارك ( حنین ) ك اولدیغی  
واسمه تصحیف وقوع بولدیغی ظن ایدرك ( حبیش ) ك اسمنی حك ایله ( حنین ) ك  
نامنه تصحیح ایدرلردی [۱] .

۴ . قسطا بن اوقا البعلبکی : — شام خرسیتیانلرندن اولان بوذات حاذق .  
برطیب و بیوك بر فیلسوف ایدی . روم مال كنده تحصیل علم ایلش ایدی .  
یونانی ، سریانی و عربی یه وقوف نامی واردر . یونانیس دن عربی یه برچوق



کتابلر ترجمہ ایتشدرد . ترجمہ سی ای وبارلاق ایدی . برچوق آثار مترجمی دخی تصحیح ایتش وفن طبعه دائر متعدد رسالهلر تألیف ایتشدرد . عبارہ سی کوزل وقریحه سی پارلاق ایدی . ترجمہ ایتدیکی آثاردن بشقہ طب ، تاریخ ، فلسفہ ، علم ہیئت ، جبر و مقابله ، هندسہ ، منطق ، ادبیات و دیانت حقدہ یوزی متجاوز اثر تألیف ایتشدرد . ( ابوالفرج ملطی ) بوآملک تعریفده : « طوغری سویلک لازم ایسه ( قسطا ) حائر اولدینی علوم و معارف واسعه و اختصار الفاظ و جمع معانیده احراز ایتدیکی اقتدار و مهارت اعتباریلہ بتون مؤلفلرک افضلیدر دیمک اقتضا ایدر » دیتشدرد .

۵ ماسر جوبہ عالمسی : — بو عائلہ نکل ایلکی بصرہ اطیاسندن ( ماسر جوبہ ) اولوب موسوی المذهب و سریانی اللسان ایدی . سریانیدن عربی یه ترجمہ ایدردی . بونک ذکر ی اولجه کچمشدر . کندیسندن صکره اوغلی ( عیسی بن ماسر جوبہ ) یتیمشهرک بوضعده پدرینه التحاق ایتشدرد . هرایکیسنک طبعه دائر مؤلفاتی واردر .

۶ کرخی عالمسی : — بو عائلہ نکل ایلکی ( کرخی ) اهلایسندن ( شهدی ) کرخی ) اولوب متوسط اقتدارده بر مترجم ایدی . اوغلی دخی مترجم ایدی . فقط بو ؛ اول امرده پدری کبی وسط بر مترجمدن زیاده اقتدار کوسترمامش ایسهده او اخر حیاتنده اقتدارجه پدرینی کچمشدر . بونکله برابر ( شهدی ) نکل اوغلی ده وسط بر مترجم عد اولنور . سریانیدن عربی یه ترجمہ ایدردی .

۷ ثابت عالمسی : — بو عائلہ نکل ایلکی ( ثابت بن قره ) در . ( حران ) صابہ سندن اولان بو طبیب حکیم ابتدای امرده صرافلق ایله وقت کچیردکن صکره طب ، فلسفہ و علم هیئت تحصیل ایله اشتغال ایتشدرد . علوم مذکورہ ایله برابر لسان سریانی بی ده پاک مکمل بیلیردی . عربی یه ترجمہ سی دخی پارلاقدر . عربیده ریاضیات ، طب و منطقہ دائر پاک چوق آثاری اولدینی کبی صابہ مذهبنه دائر سریانیده دخی برکتسابی واردر . صاحب ترجمہ خلفای عباسیہ دن ( معتضد ) ک خدمتده بولنهرق الک یوکسک بر مقام احراز ایتش ایدی . حتی هروقت حضور خلیفهده اوطوروب اوزون اوزادی یه کوروشور وانکله کولوشوردی . ( ثابت ) خلیفه مشار الیهک نزدنده بولونجه خلیفه وزرا وسائر

خواصی براقہرق کندیسی ایله مصاحبه ایدردی . صاحب ترجمه نك اوغلی  
( سنان ) قاهر باللهك سرآمدان خواصندن ایدی . برحق آاری واردر .  
مومی اليك اوغلی ( ثابت بن سنان ) پدری کبی علم واقبالده بر موقع عالی احراز  
ایتمش ايسهده كرك کندیسی و كرك پدری کتاب ترجمه ایتما مشلدر .

۸ مباح بن مطر : — خلیفه ( مأمون ) ه کتاب ترجمه ایدن مترجملردن  
ایدی . ( مجسطی ) و ( اقلیدس ) کتابلرینی عربی به ترجمه ایتمش و ترجمه سی  
بالاخره سالف الذکر ( حرانی ثابت بن قره ) طرفندن تصحیح ایدلمشدر .

۹ ابن ناعم صمصی : — احل اسمی ( عبدالمسیح بن عبدالله حمصی  
ناعمی ) اولان بوذات متوسط اقتدارده بر مترجم ایدی . مع مافیه ترجمه لری  
ایلیکه ده ایقین ایدی . ( زوربا بن مانحوه ) دخی بوناعمه حمصی عائله سنه  
منسوب اولوب ترجمه لری موما الیه عبدالمسیح ککندن ده اضعیف ایدی .

۱۰ اصطفا بن باسیل : — بوذات ( حنین بن اسحق ) قدر کوزل  
ترجمه ایدردی . آنحق ( حنین ) ك عبارت لری بونکی کندن ده ا طائلی و فصیح  
ایدی .


۱۱ موسی بن فائز : — ترجمان نامی ایله معروف اولان بوذات  
( جالینوس ) ك اون آتی کتابندن برچوقلرینی ترجمه ایتمشدر . اقتدارجه  
( حنین ) ك دوننده ایدی .

۱۲ سرمیس الرأبی : — عراق جزیره سنده کائن ( رأس العین )  
اهالیسندن ایدی . برچوق کتاب ترجمه ایتمشدر . متوسط اقتدارده بر مترجم  
ایدی . ترجمه لرینی ( حنین ) تصحیح ایدیوردی .

۱۳ یوهنا بن یخنیثوع : — اولجه ذکر ی کچن ( یخنیثوع ) عائله سنك  
تیری برعائله یه منسوب ایدی . یونانی دن عربی یه دکل ، یونانی دن سریانی یه  
ترجمه ایدردی .

۱۴ بطریق : — ایکنجی خلیفه عباسی ( منصور ) ك زماننده یتشوب  
خلیفه مشار ایله طرفندن بعض کتب قدیمه نك ترجمه سنه مأمور ایدلمش ایدی .  
مومالیك برچوق ایی ترجمه لری وار ايسهده اقتدارجه ( حنین ) ك دوننده ایدی .

- ۱۵ یحیی بن البطریق : — ( مأمون ) ك دورى اعظم رجالتن ( حسن بن سهل ) ك معیتى اركاندن ایدی . موما اليه كرك عربى ، كرك يونانی . كركى كى بيلموردى . يالكر لانیجه یی ای بیلوردى [ ۱ ] .
- ۱۶ ابو عثمانه دمشقى : — عربى یه ترجمه ده اك مقتدر مترجلردن ایدی .
- ۱۷ ابو بشر متی بن یونس : — بغداددن اون آلتی فرسخ مسافه ده




مسجد اقتصاده محراب زکریا

- ونهر وان توابعدن بولنان ( دیرقنى ) اهالیسندن ایدی . ( مارمارى ) مکتبند . بیوك استادلردن تحصیل ایتشدی . عصرینك بی محبا رئیس المنطقینی ایدی .
- ۱۸ یحیی بن عری : — دردنجی عصر هجرینك منطق علماسندن اولان



بوذات (مقی بن یونس) و (ابو نصر فارابی) مک رحله تدریس لرنندن



خول

یتشمشدر . سریانی مترجم لرننک اکثرینک خلافت اوله رق یعقوبی المذهب

ایدی . بریکجہدہ یوز یاپراق طولدی رہجق درجہدہ غایت سرعتملہ یازی یازاردی [۱] .

ایشتمہ یونانیدن ، یاخود سریانیسن عربی بہ کتاب ترجمہ ایدن مترجملرک الک مشہورلری بونلر ایدی . اختصار ایچون بو قدر ایلہ اکثفا ایدلر ورز . السنۃ سائرہ دن عربی بہ کتاب ترجمہ ایدنلرہ کلنچہ بونلردن ( ابن المقفع ) ونوبخت عائلمسی افرادی کبی بعضلری لسان فارسیدن اثر ترجمہ ایتمشلردی . نوبخت عائلمسنک سرفرازیخی دها اول ذکر ایلدک . اوغلی ( فضل بن نوبخت ) دخی نجوم وسائرہ دائرہ فارسیدن عربی بہ کتاب ترجمہ ایتدیکی کبی ( موسی بن خالد ) وبرادری ( یوسف ) کذلک مذکور لسان مترجملرندن ایدیلر . موما الیہما موسی ایلہ برادری ( داود بن عبداللہ بن حمید بن قطبہ ) نک خدمتمندہ بولنیورلردی . کندیسمنہ فارسیدن عربی بہ کتابلر ترجمہ ایدرلردی . ( ابوالحسن ) کنیہ سیلہ تکئی ایدن ( علی بن زیاد تمیمی ) دخی فارسی مترجملرندن اولوب عربی بہ ( زیج الشہریار ) ی ترجمہ ایتشدی . ( حسن بن سہل ) فارسی مترجمین ومنجمینندن و ( بلاذری احمد بن یحیی ) ، هشامک کاتبی ( جبہ بن سالم ) ، ( اسحق بن یزید ) ہپ فارسی مترجملرندن ایدیلر . موما الیہمدن ( اسحق ) فرسک ( اختیارنامہ ) عنوانیلہ معروف اولان سیرت کتابی عربی بہ ترجمہ ایتشدی . ( محمد بن جہم برمکی ) ، ( ہشام بن القاسم ) ، ( موسی بن عیسی الکوردی ) ، ( عمر بن فرخان ) وسائرہ دخی فارسی مترجملرندن ایدیلر .

سانسقریت ( ہند ) لسانندن عربی بہ کتاب ترجمہ ایدن مترجملرہ کلنچہ ہندلی ( منکہ ) اوجلہدن ایدی . موما الیہ خاندان عباسیدن ( اسحق بن سلیمان بن علی ہاشمی ) نک رجالی میانندہ بولنہرق ہندجہدن عربی بہ کتاب ترجمہ ایدردی . برمکیلرک احیا کردہ سی اولان ( مارستان برامکہ ) نامندہ کی خستہ خانہ نک ریاستندہ بولنان ( ابن دہن ہندی ) دخی ہندجہ مترجملرندن اولوب مذکور لساندن عربی بہ کتاب ترجمہ ایتشدی [۲] .

عربی بہ لسان نبطیدن ( کلدانیدن ) دہ کتابلر ترجمہ ایدلشدی . آئیدہ

ذکری کله جک اولان (ابن وحشیہ) لسان مذکور دن عربیہ یت کتاب ترجمہ  
ایدنلردن ایدی . موما الیه نبطیدن عربیہ یت برچوق کتاب ترجمہ ایتشدیر .

## سوریہ لیلر ایله نقل و ترجمہ علوم

یوقاریده ذکری کچن علوم و معارف مترجم و ناقلا لری ایله مسقط رأسلری  
و ملتلری حقنده و یردیکمز معلومات نظر امعان ایله تدقیق اولنور ایسه بونلرک  
قسم اعظامنک شام ، جزیره و عراق اها لیسندن اولمق اوزره سوریہ لی اولدقلری  
کورولور . فی الحقیقه سوریہ لیلر علوم و معارف بشریه نك بین الامم ، یا خود بر  
ملتدن دیگر ملتہ ، یا خود بر لساندن دیگر لسانہ نقل و ایصال خصوصندہ  
تاریخنک نا ازمئہ قدیمہ سندن اعتباراً بیوک بر موقع اشغال ایدرلر . سوریہ لیلرک  
مفطور اولدقلری چالیشقانلق ، فرط ذکا ، اقدام و جرأت ایله برابر اقامت  
ایتدکلری مملکتک شرق ایله غرب آره سندہ متوسط بر محل تشکیل ایتسی  
کندیلرینه بو خصوصده مشوق و یاردیمچی اولمشدر .

قبل المیلاد بر قاج عصر اول حروف هجائی عالمده نشر ایدنلر سوریہ لیلر  
( فنیکه لیلر ) اولوب تجارت مقصدیله اجرا ایتدکلری سیاحتلر ائسانسندہ بو  
حرفلری یونان وکلیدن مالکنکه کوتوردرک اورالرده نشر ایتشلر ایدی .  
حروف هجائنک عالم مدینتک ملل سائرہ سی نزدندہ پایدار طوران شکل واسملری  
حالا بوکا شاهده در . مصر لیلر ایله کلدانیلر آره سندہ علوم و ادبیاتک انتقال  
و انتشارینه توسط ایدنلر کذلک سوریہ لیلر اولدیینی کبی اولجه کوسترلدیکی  
اوزره دها صکره علوم و معارفی یونانیلره ایصال ایلنلر دخی ینه سوریہ لیلر  
ایدی . الیوم سوریہ لیلر اقوام متمدنہ حاضرہ لسانلردن انکلیزجه ، فرانسه  
و سائرہ بی فصل تحصیل ایدیورلر ایسه نشر معارف ، یا خود اجرای تجارت  
ویا دولت خدمته انتساب ایتک ایچون اوزمانکی اقوام متمدنہ نك لسانلری  
اولان یونان ، قبط ، بابل لسانلرینی اویا جه تحصیل و تعلم ایدرلردی .  
یونانیلرک نتیجه فیض اعتلا لری اوله رق استنباط ایتدکلری فلسفه و منطق



وسائرہ احرار کمال آیتدکن صکرہ اسکندرک وقوع بولان فتوحاتی ایلہ عراق و شام قطعہ لرینہ انتقال ایدنجہ سوریه لیلر درحال اوعلومی اقتباس و کندی لسانلرینہ نقل و ترجمہ ایشملر و خرسیتیانلغک ظهورندن صکرہ اکا آداب نصرانیہ یونانیہ بی علاوہ و فلسفہ یونانیہ ایلہ برابر کندی مناسرتلرنده محافظہ ایشملردر . علوم و ادبیات یونانیہ فارس ، هند و سائرہ ممالکنہ ایشته بورادن ، یعنی سوریه دن انتشار ایشمادی .

فرس دولت ساسانیہ سی زماننده یونان علوم و معارفی ایرانیلرہ نقل ایدن الکبیرک واسطہ ینہ سوریه لیلر ایدی . اولجہ بیان ایدلدیکی اوزرہ ( کسری نوشیروان ) طب و فلسفہ تدریسی ایچون ( جندیسہ ابور ) مارستانی انشا ایتدیکی زمان بوتدریساتی اجرایہ مقتدر علمایی علی الاکثر آنجق عراق و جزیرہ خرسیتیانلری میاننده بولہ بیلمش ایدی . ( حران ) شہرنده شکل بتپرستانہ سندہ محافظہ اولبان علوم و ادبیات سامیہ دخی بالخاصہ ذکرہ شایاندر . چونکہ بوشہر اہالیسی خرسیتیانلقدن صکرہ دیانت قدیمہ لرینی محافظہ دہ دوام ایشملردی . بونلر کی عراق اہالیسی دخی اسکی کلدانیلرک علوم و ادبیاتندن خیلی معلوماتہ مالک ایدیلر .

اسلامیتک ظهورندن صکرہ خلفا علوم و فنونی عربیہ ترجمہ ایتک ایتدکلری زمان اوکتابلری اوازمندہ معروف اولان السنندن نقل ایتک ایچون کندیلرینہ اک زیادہ یاردیم ایدنلر سوریه لیلر اولدی . زیرا اوصردلرده بوعلوم و فنونی عربیہ ترجمہ ایلنلر علی الاکثر حصلی ، بعلبکیلی ، شاملی ، حیرہ لی ، حرانی و بصرہ لی کیمسہ لردن تشکل ایتکده ایدی . علوم و فنون کتابلرینی ترجمہ ایدہ بیلماک شہسز اوعلوم و فنونده اختصاص صاحبی اولمغه و محرر اولدینی السنہ بی ایی بیلماک توقف ایدر . بناءً علیہ اوکتب علمیہ و فنیہ بی عربیہ نقل ایدن مترجملرک اکثری ترجمہ ایتدکلری علوم و فنونده معلومات واسعہ صاحبی ایدیلر . انلرک میاننده فلسفہ ، منطق ، طب و علوم سائرہ نک اکثرندن باحث و تألیف صورتیلہ کتابلر یازان برچوق ذوات واردی . سوریه لیلر اسکیده علوم و فنونک نقل و نشرنده هانکی موقعی طوتمشلا راسہ عصر حاضر علوم و فنونی نقل و نشرده دخی ایوم عین موقعی اشغال ایتکده درلر .

عصر حاضرده اوروپاڭ السنه مختلفه سندن عربی یه کتاب ترجمه سیله اك زیاده اشتغال ایدنلر یته سوریه لیلدر . بو خصوصده صرف ایشدکاری مساعی هرکسك معلومیدر .

## خلفانك غيرى ايچون علوم و معارفك نقلی

یوقاریده ویردیکمز معلوماتدن آ کلاشیلدیغی اوزره علوم و فنونك مترجملر واسطه سیله عربی یه نقلنه چالیشانلر بالذات خلفا ایدی . ترجمه اولنان کتابلرک بعضی بغدادده اهلینك نظر مطالعه سنه و اصل اولوب بکنلدیکندن کبرادن دخی بعض ذوات بویولده خلفانك اثر سنه تبعاً کتاب ترجمه سی ایچون مترجملر استخدام ایتك ، ترجمه یه لایق کتابلر بواق اغورنده برچوق پاره لر صرف ایتشلردر .

بو اغورده صرف همت و بذل اموال ایدن کبرانك اك مشهورلری (موسی بن شاكر) ك اوغلاری اولان ( بنی شاکر ) ، یاخود ( بنی موسی ) نامیله اشتهار ایلین اوچ ذات ایدی . کندیلرندن صکره بویولده اشتهار ایدن اوغلاری ( بنی المنجم ) نامیله معروف اولشلردر . ( بنی شاکر ) ك پدرلری اولان ( موسی بن شاكر ) مأمونك صحبتی ایله مشرف و بو اوغلارندن طولای نزدیکده حائز قدر و منزلت اولمش ایسه ده عالم و ادیب بر کیمسه دکلدی . بالعکس کوچکله کنده خرسز ایدی . عسکری البسه کیهرک یوللاری کسردی . جسور ، کار آزموده بر آدم ایدی . آقشام باتسی نمازی قومه شورلیله قیلدقدن صکره تبدیل قیافله ( خراسان ) یولی اوزونده بر خیلی فرسخ مسافه قطع ایدردی . آل بر آته بیتردی . کیجه لین سکلیلی کورلسون دیبه آتک آیاقلرینه بیاض بزلر باغلاردی . برجاسوس مخصوصی وار ایدی که پاره لی اوله رق یوله چیقان یولجیلری کلوب اخبار ایدردی . ( موسی ) بعضاً متعدد اشخاص اوزرینه هجوم ایدر و نتیجه ده غالب کلردی . یولجیلری صویدقدن صکره همان سرعتله بغداده عودت ایدر و نمازی جامعه ده جماعت ایله قیلاردی . ( موسی ) بو صورتله برچوق دفعه آدم

صویدقدن صکرہ حقندہ شکایتلر چوغالہرق انہام ایدلش ایسہدہ قومشولری کندیسنک یاتنی صباح نمازلرینی بلا اقطاع کندیلرلہ برابر جامعہدہ قیلدیغنه شہادت ایتدکلرندن حقندہ توجیہ اولنان اتہامات اثبات ایدیلہمامش، فقط کندیسی شہہ آلتندہ قالمش ایدی. دہا صکرہ (موسی) توبہ ایدرک وفات ایلش و آنف الذکر اوچ اوغانی کوچک یاشدہ براقشدر. (مأمون) بو اوچ چوجنی بغداد ضبطیہ ناظری (اسحق بن ابراہیم مصعبی) نک وصایت واعتناسنہ توداع و (یحیی بن منصور) ایلہ برابر بیت الحکمہ منسوبینی میانہ ادخال ایلشدر. خلیفہ مشارالہ بر سیاحتہ چقدقوجہ موما الیہ (اسحق) خبر کوندردرک چوجقلرہ دقت ایلشنی توصیہ ایدردی. حتی (اسحق) بودقت وتوصیہ نک کثرتندن «خلیفہ مأمون بن موسانک چوجقلریتہ دادی یاپدی» دیرایدی. (موسی) نک اوغللری یوقلق ایچندہ بیودلر. چونکہ معاشلری جزئی ایدی. فقط علوم ومعارفدہ وسعت اقتدار صاحبی اولہرق یتیشدیلر. اک بیوکلری اولان (محمد بن موسی) علم واققدارچہ دخی انلرک اک بیوکلری ایدی. ہندسہدہ بر اقتدار مخصوص ایلہ تمیز ایش ایدی. فذکیات، طبیعیات وریاضیاتہ دائر (قلیدس) اک آثاریلہ (محسبی) وسائر دینی مکمل بیلوردی. برادری (احمد بن موسی) علی العموم علوم ومعارفدہ قاردشندن آشاغی بر مرتبہدہ ایدیسہدہ صناعۃ الحیلدہ (میکانیکیاتدہ) اکا تفوق ایش ایدی. اوچنجی برادرلری اولان (حسن) ایسہ ہندسہ علمندہ تخصص ایش وبوعلمدہ شایان حیرت بر صورتدہ عمومہ تفوق ایلش ایدی. حال بوکہ بوذات ہیچ رکیمسہ نک رحلہ تدوینندہ بولنمہرق ہرنہ اوکرشمش ایسہ کندی کندی نہ اوکرشمش وعلم ہندسہیہ دائر (قلیدس) دن آتی مقالہدن ماعداد ہیچ برشی اوقومامش ایدی [۱].

(شا کر) ویا (موسی) اوغللری علوم قدیمہ نک تحصیل اغورندہ ہر درلو فدا کارلغی اختیاردن چکنماملردر. کتب علمیہ یی جلب ایچون روم ممالکنہ آدملر کوندردکلری کی بر چوق پارہلر صرفیلہ اطرافدن مترجملر بولوب کتیرمشلردر. مشہور (حنین بن اسحق) وسائرہ کتب علمیہ انتخاب وجاہی ایچون مشارالہم طرفدن روم ممالکنہ اعزام اولنان ذواتدن ایدی [۲]. (بنی موسی)



ترجمه ايچون كيتابلر الده ايلدكن صكره بونلك ترجمه سى ايچون بر طاقم مترجملر وازجمله موما اليه ( حنين بن اسحق ) و ( ثابت بن قرد ) نى استخدام ايدرلك ترجمه و ملازمت ايچون آيده بش يوزدينار صرف ايلرلردى [۱]. مشاراليهمك فلكيات ، حيل ( ميكايكيات ) و هندسه يه دائر يك چوق مؤلفاتى و هندسه ده اكتشافات مخصوصه لرى واردر . رعد و سارنده كي مهارت لردن ماعدا محيط ارضك ۳۴۰۰۰ ميل اولديغنى ادله فعليه ايله يعنى مساحه اجر اسيله ( مأمون ) اثبات ايتمشلردى .

سكزنجى خليفه عباسى ( معتصم ) ك وزيرى فضلاى ادبا و باغدان ( محمد بن عبدالملك بن الزيات ) دخى خلفانك غيرى اوله رق علوم دخيله كيتابلرينك ترجمه سى اغورنده پاره بذل ايدنلردن ايدى . مشاراليه طرفدن مترجملر ايله ناسخلره آيده ۲۰۰۰۰ دينار و يرلمكده ايدى . نامه متعدد كيتابلر ترجمه ايدلمشدر . ( مأمون ) نى كيتابلردن اولوب ( ابن المنجم ) نامى ايله معروف يولنان ( على بن يحيى ) دخى كتاب ترجمه ايتديرمكه اوغراشان ذواتدن ايدى . موما اليه ك نامه طبه دائر برچوق كيتابلر ترجمه ايدلمشدر . ( محمد بن موسى بن عبدالملك ) دخى او يولده صرف وقت و نقد ايدن ذواتدن معدوددر .

( ابراهيم بن محمد بن موسى الكاتب ) دخى كتب يونانيه يى عربى يه ترجمه ايتديرمكه يك مراقلى و بو اوغورد ، پاره صرفنه يك - نجي بر ذات ايدى . ( كرخ ) - ده مقيم ( تادري الاسقف ) ده بونوع ذواتدن معدوددر . موما اليه كابلره يك مراقلى ايدى . كتاب مترجملر يك جلب ممنونيتنه چاليشيردى . خرسيتيان اطبا بو آدمك نامه برچوق كتاب ترجمه ايتمشلردر .

عراق اها ليسندن كاتب و حساب شناس ( عيسى بن يونس ) دخى يوزمردن اولان ذواتدن معدود اولوب كتب قديمه و علوم يونانيه يك مراقلى ايدى . كذلك ( جنديسابور ) اها ليسندن اولان ( شيرشوع ) ( كذا ) بن قطرب ) او جمله دن اوله رق مترجملره بر چوق پاره لر اعطا و كيتابلر الده ايتك ايچون مبالغ كليسه صرفتى اختيار ايدر ايدسه ده كيتابلرى عربيدن زياده سريانى يه ترجمه ايتديرمك ايتردى . مشاهير اطبان ( يوحنا بن ماسويه ) ، ( جبريل بن بختيشوع ) ،

( داود بن سراہون ) ، ( سلموہ ) ، ( ابن طیفوری ) وسائرہ کبی خلفانک خدمت طبابتندہ بولنان ذوات دخی عربی یہ کتاب ترجمہ سی ایچون صرف غیرت و مقررت ایدنلردن معدوددرلر . مستقلاً اجرای حاکمیت ایدن بر جوق امرای مسلمین دہ خلفانک اثرینہ تبعاً علوم دخیلہ یی عربی یہ ترجمہ ایتدیرمشلردر . آل حمداندن مشہور ( سیف الدولہ ) بک معتندہ بولنان ( عیسی الرقی ) نامندہ کی طیب امیر مشاور الیہ سرانییدن عربی یہ کتاب ترجمہ ایدیور و بوت ترجمہ ایچون آریجہ بر معاش آلیوردی [۱] .

### انتباہ علمی عباسی اثناسندہ ترجمہ اولنان کتابلر

انتباہ علمی عباسی اثناسندہ و ایدن بر آرز زمان اول علوم قدما یی عربی یہ ترجمہ ایتدیرمکہ خلفایی سوق ایدن اسبابی و او علومی السنۃ مختلفہ دن عربی یہ ترجمہ ایلہ اشتغال ایدن ذواتی بالادہ کوستردک . شمدی اوصرہ لردہ ترجمہ ایدیان و دہا صکرہ علمای مسلمین طرفندن تألیف اولنان آثارہ مرجع تشکیل ایلین کتابلری ذکر ایدلم . فقط شوراسنی اعتراف ایتک لازمدرکہ ترجمہ اولنان کتابلر پک چوق اولقلہ برابر بونلر حقندہ ویریلن معلومانک پریشان بر حالہ بولنسنہ و فضلہ اولہرق او کتابلرک اکثری ضیاعہ اوغرامش اولسنہ بناءً جملہ سنی احاطہ و تعداد ایتک کوجدر . مع مافیہ بز امکان دأر دسندہ بونلری کوسترمکہ چالیشہ جغز .

ذکر اولنان کتابلرک ہانکی علملردن باحث و ہانکی لساندن مترجم اولدیغنی قولایقلہ کوسترہ یلمک ایچون انلرک ترجمہ اولندیغنی لسانلر اعتباریلہ تقسیم ایدہ جکیز . اولسانلر یونانی ، فارسی ، ہندی ( سانسقریت ) ، نبطی ، عبرانی ، لاتینی و قبطیدن متشکلدر . السنۃ مذکورہ نک ہر بزندن ترجمہ ایدیلن آثار ی باحث اولدقلری موضوعلر اعتباریلہ و مقامک مساعدہ سی درجہ سندہ برطاقم اقسامہ دہا تقسیم ایتک اقتضا ایدر :

## ۱ - یونانیدن ترجمه ایدیلن کتابلر

ذکری چکن ابتداء انساننده عربیه اکثریا بولساندن اثر ترجمه اولمشدر .  
 بو آثارک اکثری فلسفه ، طب ، ریاضیات ، علم هیئت و حکمت طبیعیہ تفرعانه  
 متعلق ایدی . علوم مذکورہ نك هر برندن ترجمه اولسان آناری مؤلفلری  
 اعتباریله هر بری آیری اوله رق و هر کتابک مترجمی هر کیم ایسه اسمی کتابک  
 حذاننده یازلق صورتیله بروجہ اتی درج ایدیورز :

## ۱ - فلسفه و ادبہ دار کتابلر

افراطونک کتابلری

- |   |                          |  |
|---|--------------------------|--|
| ۱ | کتاب السیاسه [۱]         | حنین بن اسحق طرفندن ترجمه ایدلمشدر     |
| ۲ | » المناسبات              | یحیی بن عدی » » »                      |
| ۳ | » النوامیس [۲]           | حنین و یحیی » » »                      |
| ۴ | » طیمائوس [۳]            | ابن البطریق ترجمه و حنین تصحیح ایتمشدر |
| ۵ | » افلاطون الی اقريطن [۴] | یحیی بن عدی طرفندن ترجمه ایدلمشدر      |
| ۶ | » التوحید [۵]            |  |
| ۷ | » الخس و الذه            |  |
| ۸ | » اصول الهندسه           | قسطنین لوقا طرفندن ترجمه اولمشدر       |

## (۱) سیاست مدنیہ La Politique

(۲) طبقات الاطباء و یریلن معلوماته نظراً (افلاطون) نك بواثری فلسفیه دائر  
 اولوب اون ایکی کتابدن متشکدر . (کشاف اصطلاحات الفنون) ه کوره نبوت  
 و شرائعہ دائر اولان علمه (علم النوامیس) اطلاق اولنور .  
 (۳) (طبقات الاطباء) ده و یریلن معلوماته کوره (افلاطون) نك بونام ایله ایکی  
 کتابی وارددر . بری (کتاب طیمائوس الروحانی) ، دیگرکی (کتاب طیمائوس الطبیعی) .  
 برنجیمی عالم ربوبیت ، عالم عقل و عالم نفسدن وایکتنجیمی عالم طبیعتک ترکیبندن باحثدر .  
 (افلاطون) بو ایکی کتابی (طیمائوس Timée de Sacre) نامنده بولسان  
 شا کردی ایچون یازمشدی .

(۴) کتاب اقريطن Le Criton یاخود وظائف اولاد وطن

(۵) توحید مخلوقات ، یعنی اصل واحده ارجاع



ارسطاطالیسك كتابلىرى

- ۱ قاطیغوریاس ای المقولات [۱] حنین بن اسحق طرفندن ترجمه ایدلمشدر
- ۲ کتاب العبارة [۲] حنین سریانی یه واسحق عربی یه ترجمه ایتمشدر
- ۳ تحلیل القیاس [۳] تبادورس ترجمه وحنین تصحیح ایتمشدر
- ۴ کتاب البرهان [۴] اسحق سریانی یه و متی عربی یه ترجمه ایتمشدر
- ۵ « الجدل [۵] اسحق « ویحی «
- ۶ « المغالطات او الحکمة المموهه [۶] ابن ناعمه و ابوشمر سریانی یه ویحی، عربی یه ترجمه ایتمشدر
- ۷ « الخطابه [۷] اسحق و ابراهیم بن عبدالله طرفندن ترجمه ایدلمشدر .
- ۸ « الشعر [۸] ابوشمر سریانی یه عربی یه ترجمه ایتمشدر
- ۹ « السماع الطبیعی ابوروح الصابی، حنین، یحیی و قسطا طرفندن ترجمه ایدلمشدر
- ۱۰ « السماء و العالم ابن البطریق ترجمه و حنین تصحیح ایتمشدر

{۱} Les catégories قاطاغوریاس

{۲} Le traité De l'interprétation ارمینیاس

{۳} Les premiers analytiques انالوطیقیا الاولى

{۴} Les seconds analytiques انالوطیقیا الثانية

{۵} Topique طوبیقا

{۶} Les Sophismes سوفسطیقا

{۷} La Rétorique ریطوریه

{۸} La Poétique فویطیقا

قاموس الاعلامده (ارسطو) نك ترجمه حالنده بو حكيمك هيچ بر كتابى ترجمه يه ترجمه ايدلمه يكي ذكر اولنيوركه بودرجه تكاسل حقيقه شايان تاسقندر .

- ۱۱ » الکون والفساد  
حنین سریانی‌یه واسحق ودمشقی  
عربی‌یه ترجمه ایتملردر
- ۱۲ » الآثار العلویه  
ابوبشر ویحیی طرفندن ترجمه ایدلمشدر
- ۱۳ » النفس  
حنین سریانی‌یه واسحق عربی‌یه  
ترجمه ایتملردر
- ۱۴ » الحس والمحسوس  
ابوبشر متی بن یونس طرفندن  
ترجمه ایدلمشدر
- ۱۵ » الحیوان  
ابن البطریق طرفندن ترجمه ایدلمشدر
- ۱۶ » الحروف اوالالهیات  
اسحق، یحیی، حنین ومتی طرفندن  
ترجمه ایدلمشدر
- ۱۷ » الاخلاق  
اسحق طرفندن ترجمه ایدلمشدر
- ۱۸ » المرأة  
حجاج بن مطر » » »
- ۱۹ » اثولوجیا

(ارسطو) نك آثارینه كندی شاگردلری ودها صكره یتیشن علما طرفندن برطاقم شرحلر یازلمشدر . ناوفرسطس (ته اوفرست) ، دیدوخس ، یرقلس ، اسکندر افرویدیسی ، فرفریوس (پورفید) ، آمونیوس ، تامسپیوس . (ته میستیئوس) ، نيقولاوس ، فلوطرخس (پلوتارك) ، یحیی النحوی وسأثره حكيم مشاراليهك آثارینه شرحلر وحاشیهلر یازانلردن ایدیلر . ذكر اولنان علمادن بعضارینهك - جمله سی فلسفه وتفرعاتنه دائر اولمق اوزره - برطاقم مؤلفات خصوصیهلری دخی واردركه برچوقلری عربی‌یه ترجمه ایدلمش ايسهده . مترجملری مجهول قالمش اولدیغندن ذكرندن واز كچدك . فهرست صاحبی بو آثای یازمشدر .

(جالینوس) ك طبه دائر آتی البیان كتابلری میاننده اولمق اوزره فلسفه وادبه دائر برقاچ كتابی ذكر اولنیور . اوجهلندن (كتاب مايعتقده رأيا) دركه بوكتاب (ثابت بن قره) طرفندن ترجمه ایدلمشدر . كذلك (كتاب تعريف المرء عیوب نفسه) دخی اوجهلندن اولوب (توما) طرفندن ترجمه و (حنین) طرفندن تصحیح اولمشدر . طیب مشاراليهك (كتاب الاخلاق) یدده .

اوجہ دندر . بونی ( حبیش ) ترجمہ ایتشدر . كذلك ( کتاب انتفاع الاخيار  
 باعدائهم ) دخی اونوعدن اولوب بوده ( حبیش ) طرفندن ترجمہ ایدلمشدر .  
 ( جالینوس ) ك ( الحرك الاول لايتحرك ) نامندہ کی اثری دہ اوجہ دندر . بونی  
 ( حبیش ) ، ( عیسی ) وسائرہ ترجمہ ایتشلردر .

## ۲ - طب و تفرعاتہ دائر کتابلر

### ابقراتك كتابلری

- ۱ کتاب عهد ابقرات [۱] حنین سریانی یه و حبیش و عیسی  
 عربی یه ترجمہ ایتشلردر
- ۲ الفصول [۲] محمد بن موسی ایچون حنین طرفندن  
 ترجمہ ایدلمشدر
- ۳ الکسر » محمد بن موسی »  
 ترجمہ ایدلمشدر
- ۴ » مقدمة المعرفة [۳] حنین و عیسی بن یحیی طرفندن  
 ترجمہ ایدلمشدر
- ۵ الامراض الحاده » عیسی بن یحیی طرفندن ترجمہ ایدلمشدر
- ۶ ابیذیمیا ( امراض وافده ) » » » » »
- ۷ الاخلاط » احمد بن موسی ایچون عیسی بن  
 یحیی طرفندن ترجمہ ایدلمشدر
- ۸ قاطیطیون [۴] احمد بن موسی ایچون حنین طرفندن  
 ترجمہ ایدلمشدر

[۱] ابقراتك طب حقندہ کی فکرومطالعاتی

[۲] موسوع مقالات ضمنہ تعریف جل الطب لتسكون قوانین فی نفس الطب .

[۳] هو ثلاث مقالات ضمنہ تعریف العلامات التي يقف بها الطبيب على احوال مرض  
 امراض فی الازمان الثلاثة الماضي والحال والمستقبل . ( طبقات الاطبا )

[۴] بوکتابك اسمی ( طبقات الاطبا ) ده ( کتاب قاطیطریون ) شکلندہ  
 کوسترلکندہ در . « حانوت الطیب - طبیک دکافی » دیمکدر .



- ۹ » الماء والهواء حنین وحیدش طرفندن ترجمہ ایدلمشدر  
 ۱۰ » طبیعة الانسان [۱] حنین وعیسی » » »

### جالینوسك كتابلری

(جالینوس) كاك مشهور مؤلفاتى «كتب سسته عشر» ناميله معروف اولان كتابلريدركه شونلردر : كتاب الفرق، الصناعه، كتاب النبض، شفاء الامراض، المقالات الخمس، الاسطقات [۲]، كتاب المزاج، القوى الطبيعىه، العلل والامراض، تعرف علل الاعضاء الباطنه، كتاب النبض الكبير، كتاب الحمايات، البحران، ايام البحران، تدبير الاحياء، حيلة البرء، بونلردن يالكين (كتاب تعرف علل الاعضاء الباطنه)، (كتاب النبض الكبير)، (كتاب تدبير الاحياء)، (كتاب حيلة البرء) مستثنى اولمق اوزره ديكركلرى هپ (حنين) طرفندن ترجمه ايداشمدر، سائر درت كتاب ايسه (حنين) طرفندن ترجمه اولمشدر، (جالينوس) ك ديكرك كتابلرينه كلنجه مترجملرينك اسملريله برابر زيرده كوسترلمشدر :

کتابك اسمی	مترجمك اسمی
۱ التشریح الكبير	حنينش الاعسم
۲ اختلاف التشریح	» »
۳ تشریح الحيوان الحى	» »
۴ » » الميت	» »
۵ علم ابقراط بالتشریح	» »
۶ الحاجة الى النبض	» »
۷ علوم ارسطو	» »
۸ تشریح الرحم	» »
۹ آراء ابقراط واغلاطون	» »

[۱] طبائع وتركيب ابدانندن باحثدر .

[۲] صو، ارض، هوا وآتشندن متشكل اولان عناصر اربعه ديمكدر

العادات	١٠	جيش الاعسم
خصب البدن	١١	»
المنى	١٢	»
منافع الاعضا	١٣	»
تركيب الادويه	١٤	»
الرياضه بالكرة الصغيره	١٥	»
» » الكبيره	١٦	»
الحث على تعليم الطب	١٧	»
قوى النفس ومزاج البدن	١٨	»
حركات الصدر	١٩	مترجم اصطفاان ومصحيح حنين
علل النفس	٢٠	»
حركة العضل	٢١	»
الحاجة الى النفس	٢٢	»
الاملاء	٢٣	»
المرة والسوداء	٢٤	»
علل الصوت	٢٥	حنين
الحركات المجهوله	٢٦	»
افضل الهيئات	٢٧	»
سوء المزاج المختلف	٢٨	»
الادويه المفردة	٢٩	»
المولود لسبعة اشهر	٣٠	»
رداءة النفس	٣١	»
الذبول	٣٢	»
قوى الاغذية	٣٣	»
التدبير الملطف	٣٤	»
مداواة الامراض	٣٥	»
ابقراط في الامراض الحاده	٣٦	»

- ۳۷ الى تراسوبولوس حنين  
 ۳۸ الطيب والفيلسوف »  
 ۳۹ كتب ابقراط الصحيه »  
 ۴۰ محنة الطيب »  
 ۴۱ افلاطون في طيماوس » واسحق  
 ۴۲ مقدمة المعرفة عيسى  
 ۴۳ القصد »  
 ۴۴ صفات لصبي يصرخ ابن الصلت  
 ۴۵ الاورام »  
 ۴۶ الكيموس [۱] ثابت وحيدش  
 ۴۷ الادوية والادواء عيسى  
 ۴۸ الترياق ابن البطريق

طُب وتفرعاته دائر برطاقم كتابلر دها واردر كه بونلر هر نه قدر (فهرست) صاحبي (ابن النديم) طرفندن تعداد ايدلمش ايسه ده مترجملى كوسترلما مشدر. بونلر ك مؤلفلى ايسه (افسس Ephèse) شهرى اهالى سندن اولوب (جالينوس) دن اول يتيشمش اولان يونان قديم مشاهير اطبا سندن (روفس Ruphus) ك يكرمى وكسور كتابى او جمله دندر. احتمال كه بونلر هپ ترجمه ايدلما مشدر. مترجمى كوسترتيلن كتابلردن اولق اوزره كذلك يونان قديم مشاهير اطبا سندن (اوريباسيوس Oribase) ك برقاچ كتابى ذكر اولنيور كه بونلر (اصطفان بن باسيل) طرفندن ترجمه اولنان (كتاب الادوية المستعملة) و (حنين) و (عيسى بن يحيى) طرفندن سريانى يه نقل ايديلن (كتاب السبعين مقاله) و (حنين) طرفندن عربى يه ترجمه اولنان (كتاب اوريباسيوس الى ابنه اسطاث) و (كتاب اوريباسيوس الى ابيه اوناقيس) ناملرنده كي اثرلردن متشككدر. عقاير و نباتات طيبه نك تحريمى ايجون سياحتلرده بولنديغندن طولاني (سائح) نافى آلان (ديسقوريدس عين زربى Discoride) ك نباتات طيبه يه دائر بر كتابى واردر كه عربى يه زمان ترجمه سى ايلريده كوسترتيله جكدرو.

[۱] الطعام بعد هضمه فى المعدة



( اسکندروس Alexandre de Tralles ) ك ( كتاب البرسام ) نامندہ کی کتابی ( ابن البطریق ) طرفندن ترجمہ ایدلشدر . سائر علمانك برطاقم مؤلفاتی دخی ترجمہ اولنمش ایسده مترجماری معروف دکلدر .

### ۳ — ریاضیات ، نجوم و علوم سائرہ دائر اولان کتابلر

بویحث علم نجوم ، هندسه ، حساب ، موسیقی و میکانیکیاتی شاملدر . شو صورتله خلاصه اولنور :

۱ اقلیدسك آثاری : — مشار الیهك کتابلری جملہ سندن ( اصول الهندسه ) سی ( حجاج بن مطر ) طرفندن بری ( هارون الرشید ) نامنه نسبتله ( هارونیه ) و دیگر ی ( مأمون ) ك نامنه نسبتله ( مأمونیه ) اسملری آلتده اولهرق ایکی دفعه ترجمہ ایدلشدر . بوکتاب ( اسحق بن خنین ) طرفندن دخی ترجمہ و ( ثابت بن قره ) طرفندن تصحیح ایدلدکن ماعدا ( عثمان دمشقی ) طرفندن دخی آریجہ ترجمہ اولنمشدر . ( اصول الهندسه ) کتابی الیوم موجوددر . مذکور کتابدن ماعدا ( کتاب المظاہرات ) ، ( کتاب اختلاف المناظر ) ، ( کتاب الموسیقی ) ، ( کتاب القانون ) ، ( کتاب الثقل والحفہ ) نامندہ کی مؤلفات دخی ( اقلیدس ) ك عربیہ ترجمہ اولنان آثارندن ایسده مترجماری معروف دکلدر .


۲ ارخمیدس Archimède ك آثاری : — یونان علوم و ادبیاتی بچشدہ بوآثار حقدہ معلومات ویرمش ایدك . مشار الیهك عربیہ نقل اولنان مؤلفاتی اونه بالعدر . فقط مترجماری معروف دکلدر .

۳ اپولونیوس Apollonius de Perge ك آثاری : — کتاب المخروطات ، کتاب قطع السطوح ، قطع الخطوط ، النسبة المحدوده ، الدوائر المماسه مشار الیهك عربیہ ترجمہ اولنان آثارندن ایسده مترجماری معروف دکلدر .

۴ منالاروس Ménélas ك آثاری : — اسکندریہ ده یتیشن ریاضیوندن اولان

بوزاتك ( كتاب الاشكال الكرويه ) و ( كتاب اصول الهندسه ) نام لرند ايكى كتابى واردر . بولردن ( كتاب اصول الهندسه ) ثابت بن قره طرفندن عربى به ترجمه اولمشدر [۱] .

ه بطلميوس فلورى نك كتابه رى : — مشهور ( مجسطى ) كتابى بو آدمكدر . بواترك ( يحيى بن برمك ) ك تشويقاتى ايله عربى به ترجمه اولنديغنى ده اول بيان ايتدك . ( بطلميوس ) ك ( كتاب الاربعه ) ناميله ديكر بر كتابى ( ابراهيم



عرب تزئيناتندن بر نمونه

بن الصلت ( طرفندن ترجمه و ) ( حنين ) طرفندن تصحيح ايدلمشدر . مشار اليك ( جغرافيه المعمور وصفه الارض ) كتابى ايسه ( ثابت بن قره ) طرفندن بك مكمل بر صورتده عربى به ترجمه اولمشدر . ( بطلميوس ) ك جغرافيه وسائره به [۱] ( مناس ) اسكندريه ده بيتش يونان رياضى بونندن برى اولوب برنجى قرن ميلادى اواخرنده ياشامش و دواثر حقنده بر كتاب براقشدر كه اصلى مفقود ايسه ده ترجمه عربى به بولوب لاتينجه به ترجمه و نشر اولمشدر . قاموس الاعلام

دائر اونی بش کتابی دهاوارد رکہ بونلرک جملہ سی عربیہ ترجمہ ایدلمش ایسہدہ مترجماری مجهول قالمشدر .

۶ ابرضی Ipparque ک آثاری : — مشارالیک ( کتاب الحدود ) نامیلہ معروف اولان ( کتاب صناعة الجبر ) و ( کتاب قسمة الاعداد ) اسملرنده ایکی اثری اولوب هر ایکیسى عربیہ ترجمہ ایدلمش ایسہدہ مترجماری معروف دکلدر .

۷ زبوفنطس Diophante ک آثاری : — بو ذک ( صناعة الجبر ) نامندہ یالکز بر کتابی واردرد . بو اثر عربیہ ترجمہ ایدلمش ایسہدہ مترجمی معروف دکلدر .

ریاضیات ، علم هیئت ، ازیاج و سائرہ دائر عربیہ دها بر چوق کتابلر ترجمہ اولندیفی ( ابن النديم ) طرفندن بیان اولنیور ایسہدہ مترجماری ذکر ایدلیور . ( ابیون البطریق ) ک ( کتاب العمل بالاسطرلاب المسطح ) و ( ارستارخس Aristarque ) ک ( کتاب جرم الشمس والقمر ) ناملرنده کی کتابلریله اسکندریہ لی ( ثاون Théon ) ک ( کتاب العمل بذات الحلق ) ، قانون المسیر نامیلہ معروف اولان ( کتاب زیج بطلمیوس ) ، ( کتاب العمل بالاسطرلاب ) کتابلری ( ابن النديم ) طرفندن تعداد اولنوب مترجماری کوسترلین کتابلر جملہ سندندر . علوم ریاضیہ دائر اولوب دها اول فلسفہ کتابلریخی ذکر ایدرکن مؤافلرینک ذکرى مناسبتیلہ بتون اثرلریخی کوسترمش اولوق اوزره بیان ایتدیکمز کتابلر ایسہ بشقہدر . یونانیده بولنان موسیقی کتابلرنندن ( نیقوماخس جهراسینی Nicomaque ) نک ( کتاب الموسیقی الکبیر ) ایله ( اقلیدس ) منسوب اولان ( کتاب الموسیقی ) دخی عربیہ ترجمہ ایدلمشدر . بوایکنجی اثرک ذکرى دها اول کچمشدر . ( فیثاغورس ) ک و سائرہ نک موسیقی به دائر بر طاقم مباحث و مطالعاتی یونانیدن بوقه ( بوریہ ) دائر ترجمہ اولنان آثار جملہ سندندی . ( ارستوکلس Aristoxène de Tarente ) ک ( کتاب الریموس ) و ( کتاب الايقاع ) ی ، ( مورطس ) ک ( ارغن بوقی ) و ( ارغن زمری ) — بوری و دودوک اورغلری — ناملریله معروف آلات



موسیقی یہ دائر اولان ( کتاب الآلات المصوتہ ) سی دخی یونانیدن عربی یہ ترجمہ ایدیلن کتب موسیقیہ دن ایدی .  
 ( ارخمیدس ) ک یوقاریده ذکر اولنان کتابلرندن ماعدا ( ایرن ) ک میکانیکیاتہ دائر اولان ( کتاب الحیل الروحانیہ ) . ( کتاب شیل ) الانتقال ناملرندن کی کتابلری ایله ( بادروغوغیا ) نک ( کتاب استخراج المیاء ) ی و ( مورطس ) ک ( کتاب الآلات المصوتہ علی ستین میلا ) اسمندن کی اثری دخی عربی یہ ترجمہ ایدلش ایدی .

## ۲ - فارسیدن عربی یہ ترجمہ اولنان کتابلر

انتباه عباسی اثناسندہ فارسیدن عربی یہ ترجمہ ایدیلن کتابلر ک اکثری آداب ، اخبار ، سیر ، اشعارہ متعلق ایدی . بعضلری دخی توبخت عالہ سنہ منسوب علما ایله ( علی بن زیاد تمیمی ) وسائرہ طرفندن ترجمہ اولنان مؤلفات جملہ سندن اولمق اوزرہ علم نجومہ دائر ایدی . لسان مذکوردن عربی یہ ترجمہ اولنوب باقی طوران آثار ، مترجملرینک اسملریلہ برابر آتیدہ کوسترلشدر :

کتابک اسمی	مترجمک اسمی
۱ کتاب رستم واسفندیار	جلہ بن سالم
۲ » بہرام شوس	» »
۳ » خداینامہ فی السیر	عبدالله بن المقفع
۴ » آییننامہ	» »
۵ » کلیلہ و دمنہ	» »
۶ » مزدک	» »
۷ » التاج فی سیرۃ انوشروان	» »
۸ » الآداب الکبیر	» »
۹ » الصغیر	» »
۱۰ » الیتیمہ	» »

۱۱ » هزار افسانہ مترجمی ذکر ایدلماشدر

۱۲ » شهر زاد مع ابرویز »

۱۳ » الکارناج انوشروان »

۱۴ » دارا والصنم الذهب »

۱۵ » بهرام و نرسی »

۱۶ » هزار داستان »

۱۷ » الدب والتعلب »

۱۸ » سیرملوک الفرس. بونام ایله سیره دائر ترجمه اولئان کتابلر بردانه دن

زیاده ایدی. برینی (محمد بن جهم برمکی)، دیکرینی (زادویه بن شاهویه اصفهانی)، بردیکرینی (محمد بن مطیار اصفهانی) ترجمه ایتشلردر [۱].

(فردوسی) نك ۳۸۴ سنه سنده سلطان (محمود غزنوی) نامنه نظم ایلدیکی

شهنامه کتانی ایرانلیلرک مدنیت اسلامیهدن صکره یازدقلری مؤلفاتدن اولقله برابر بوبخنده ذکر ایدلک ایجاب ایدر. (هومیروس) ک (ایلیاد) ی طرزنده


(۶۰,۰۰۰) بیتدن متشکل اولان بو اثر منظوم فرس تاریخ قدیمی متضمندر.

بو کتاب (فتح بن علی بنداری اصفهانی) طرفندن ملوک ایوبیه دن ملک معظم

عربی ایچون نثرأ عربییه ترجمه ایدلش و ترجمه سی ۶۹۷ هجریه سنده اکمال

اولمشدر [۲]. شبهه یوقدرکه عربلر لسان فارسیدن تاریخ وادیاته وبالخاصه

اسکی فرس دیانتلری وسائریه دائر دهاسائر کتابلر ترجمه ایلشلردی.



### ۳ - هندلسانندن ترجمه اولئان کتابلر

عربلر هندلسانندن (سانسقریت) طب، نجوم، ریاضیات، حساب، مسامرات

و تاریخ کتابلرندن برچوق مؤلفات ترجمه ایتشلردر. بولساندن پک چوق آثار

طیبه ترجمه ایدلش ایسه ده بونلرک چوغی ضایع اوله رق بوخصوص حقنده

پک آز معلومات قالمشدر. بغداد یایتختی اعتلای عباسی اثناسننده هرملتدن

[۱] هندستان لسانی ایله محرر رسائل شبلی [۲] کشف الظنون ۷ ج ۲

علماء، اطباء، تجار و سیاحینک محط رحالی ایدی . بر مکیلر هندستاندن  
اطبا جنبه پک بیوک همترده بولورلردی . (یحیی بن خالد برمکی) هندستاندن  
(منکه) ، (بازیگر) ، (قلیرفل) ، (سندباز) و سائره کی بر زمره  
کزیده اطبا جلب ایلمش ایدی [۱] .

اسلاملرک ادبیات، طب، صیدله (اجزاجیلق)، سیره دأر دور عباسیدن  
صکره یازدقلری شیلردن؛ مأخذ اوله رق اتحاد ایتدکلری مؤلفات میاننده  
فی الاصل هندجه اولان کتابلره مراجعت ایلدکلری آکلاشلمقدردر . مثلاً  
(ابن سینا) نک (قانون) ، یاخود (رازی) نک (ملکی) کتابلرینی  
وسائره نک فن طبه دأر اولان بیوک مؤلفاتی نظر تدقیقدن کچیریرسه کز  
بومؤلفلرک بعض خسته لقلری ذکر ایتدکلری زمان هندیلرک اوخسته لقلره  
شو بو ناملری ویردکلرینی وشو بو علاجلری ایله تدای ایلدکلرینی  
یازدقلرینی کوررسکز . ادبیاته دأر مؤلفات مهممدن اولان (ابن عبد ربه) نک  
(العقد الفريد) نی ، یاخود (طرطوشی) نک (سراج الملوك) نی وسائره نی  
اوقورسه کز بونلرده دخی مؤلفلرینک بعض آداب ویا اخلاق و بوکا مسائل  
سائر شیلری ذکر ایتدکلری زمان « هند کتابلرنده شو بو معلوماتی ویریلیور »  
دیدکلرینی مشاهده ایلرسکز .

### طب و منهلقاته راءر کتابلر

بونکله برابر (طبقات الاطباء) مؤلفنک ویردیکی معلوماتدن دور عباسی  
صره لرنده طب ، نجوم ، فلسفه و سائرده برطاقم هند علماسنک کسب شهرت  
ایتدکلرینی آکلایورز . (کنکه الهندی) اوچله دن ایدی . مومالییه طب  
ایله برابر علم نجومده هند اعظم علماسندن معدوددر . پک چوق آثار  
یازمشدر . (کتاب النموذار فی الاعمار) ، (کتاب اسرار الموالید) ،  
(کتاب القرانات الکبیر) ، (کتاب القرانات الصغیر) ، کناش نوعندن اولان  
(کتاب فی الطب) ، (کتاب فی التوهم) ، (کتاب فی احداث العالم والدور  
فی القران) ناملرنده کی آثار عالم مومالییه ک جمله مؤلفاتسندر . (صنجهل)



و (باکھر) و سائرہ دخی عربیہ آرمہ سندنہ اشتہار ایدن ہند علماسندن ایدیلر . بونلرک نجوم و طبہ دائرہ بر چوق اثر لری یا طوغریدن طوغری بہ لسان ہندیدن عربیہ ، یا خود فارسی لسانہ ترجمہ ایدلکسندن صکرہ عربجہ بہ ترجمہ ایدلشدر . ( کتاب سیرک الہندی ) ہندجہ دن فارسی بہ وفارسیدن عربیہ ترجمہ اولٹان کتابلردن ایدی . بونی عربیہ ( عبداللہ بن علی ) ترجمہ ایتشدر . علائم امراض و کیفیت تدویرلرینہ دائرہ اولان ( کتاب فی علامات الامراض و معرفۃ علاجہا ) نامندہ کی اثر دخی اوصورتلہ ترجمہ ایدیلن مؤلفاتدن ایدی . ( یحیی بن خالد برمکی ) نک امریلہ عربیہ ترجمہ اولنشدی . کذلک ( کتاب فی ما اختلاف فیہ الروم و الہند فی الحار و البارد و قوی الادویہ ) اسمندہ کی کتاب ایلہ شعبات طبہ متعلق سائر برطاقم کتابلر اوصورتلہ عربیہ ترجمہ ایدلش ایدی .

عربیہ کتاب ترجمہ ایدن مترجملر بختندہ اسمی کچن ( منکہ الہندی ) دخی ہند مشاہیر علما و اطبا سندن اولوب ( رشید ) ی تدویر ایتک اوزرہ ( یحیی بن خالد برمکی ) نک تنسیبی ایلہ بغدادہ جلب اولنمش ایدی . ( منکہ ) رشیدی ابی ایتکہ موفق اولدیغندن خلیفہ مشارالہ مکافات اولمق اوزرہ کندیسنہ بیوک بر معاش باغلامش ایدی . طیب مومالیہ ہندجہ دن ماعدہ فارسی یی دخی مکمل بیلیوردی . ہندجہ ن فارسی بہ ترجمہ ایدردی . برطاقم سوزلری واردرکہ ( طبقات الاطبا ) دہ محرردر [۱] .

ہندلی ( صالح بن بہلہ ) دخی ہند مشاہیر اطبا سندن ایدی . خلیفہ ( رشید ) ک زمانندہ عراقہ کلہرک بیوک بر شہرت قازامش و عراق اطباسیلہ اختلاط و معاشرتدہ بولنمش ایدی . عربلر اگر بو ذاتک آنارندن برشی ترجمہ ایتامشار ایسہ ہند علوم و معارفدن کندیسندن بعض معلومات آلامش اولملری امکان خارجندہ در .

( شناق ) دخی ہند مشاہیر اطبا سندن ایدی . بش مقالہ دن متشکل اولہرق زہرلر حقندہ ( کتاب السموم ) نامیلہ بر اثری واردر . بوائر - الف الذکر ( منکہ الہندی ) نک قلمی ایلہ فارسی بہ ترجمہ اولنشدر . متعاقباً ( مأمون ) ک


دورنده آرادلیسی (عباس بن سعید جوهری) طرفندن ایکنجی دفعه اوله رق خلیفه مشارالیه نامه عربییه ترجمه ایدلمشدر . هند حکما سندن (نچودر) (کتاب الموالید) ی دخی هندجه بن عربییه ترجمه اولنان مؤلفات جمله سندن ایدی .

بالاده ذکر ی کچن کتابلردن ماعدا آتیده کوسترین کتابلر دخی دور عباسیده طبعه دأر اوله رق هندجه دن عربییه ترجمه اولنان مؤلفاتنددر [۱] .

- |    |                                   |  |
|----|-----------------------------------|--|
| ۱  | کتاب سمرقند فی الطب               | منکه طرفندن ترجمه ایدلمشدر                     |
| ۲  | عقاقیر الهند                      | اسحق بن سلیمان ایچون منکه طرفندن ترجمه اولمشدر |
| ۳  | استانکر الجامع                    | ابن دهن  |
| ۴  | صفوة النجیح                       | »  |
| ۵  | مختصر الهند فی العقاقیر           | مترجمی ذکر اولنیور                             |
| ۶  | علاجات الحبالی للهند              | »  |
| ۷  | روسا الهندیه فی علاجات النساء     | »  |
| ۸  | السكر الهندی                      | »  |
| ۹  | التوهم فی الامراض والعلل          | »  |
| ۱۰ | رأی الهند فی اجناس الحیات وسمومها | »  |

### نجوم و ریاضیات متعلقه کتابلر

ریاضیات و کواکب علملرینه کلنجه هندلیر بو علمومه بیونک بر موقع اشغال ایشلردی . عربییه ترجمه اولنان (سندهند) کتابخی دها اول ذکر ایلدک . بوزیجک عربییه نقلی عربلرده علم نجومک توسع و ترقیسنه بیونک بر خدمتیده بولنش ایدی . زیرا عربلر بوزیجی تقلیداً کتابلر یازمغه باشلادیلر . (محمد بن ابراهیم فزاری) ، (حبش بن عبدالله بغدادی) ، (محمد بن موسی الخوارزمی) و سائر علم نجومه دأر او طرزده کتاب یازانلردن ایدیلر [۲] . بونلردن (فزاری) اسلاملردن اسطرلاب یاپان ایلک ذات ایدی [۳] . اسلاملردن علم هیئتده توسیع



معلومات ایتک ایستین  
 ہیچ بر ہیئت شناس  
 یوقدرکہ ہندلیلرک  
 بوقہ داثر ہندلسانیلہ  
 یازلمش، یاخود عربی یہ  
 ترجمہ ایدلمش اولان  
 کتابلریخی مطالعہ  
 ایلسون . مسلمانلر  
 ایچندہ بوخصوصہ  
 انزیادہ صرف مساعی  
 و ہمت ایدن، ہندلیلرک  
 علوم و آدابہ انزیادہ  
 مطلع اولان ذات ۴۴۰  
 سنہ ہجریہ سندہ وفات  
 ایلین مشاہیر حکمای  
 اسلامدن ( ابوریحان  
 بیرونی) ایدی. مومالیہ  
 ہندمالکنی طولاشہ -  
 رق اہالیسنک علوم -  
 عادات و اخلاقہ مطلع  
 اولدقدن صکرہ  
 ( الآثار الباقیہ عن  
 القرون الخالیہ )  
 نامندہ کی اثرینی  
 یازمشدر . ( بیرونی)  
 نک عشرات ایلہ تعداد



اولنه بیلیر آناری واردر . بونلردن برچوقلری هندعلومی حقنده ترجمه ، یاخود تصحیح ویاتقیقده صورتیه یازلمش آناردن . متشکدر . حکیم مومالیه صدندنه بولندیغمز موضوعلره دأر یازدیغی کتابلر حقنده شویولده معلومات ویریور :

«سندخنده دأر بر کتاب یازدق اکا ( جوامع الموجود لطاظر الهند فی حساب التنجیم ) نامنی ویردم که تحریری اکال اولنان قسمی ۵۵۰ یاراغه بالغ اولدی . ( ارکند ) زیبجی اصلاح والفاظنی اختیار ایلدیکم الفاظ ایله تبدیل ایلدم . زیرا بو کتابک موجود اولان ترجمه سی آکلا شلماز بر عبارت ایله یازلمش اولدیغی کبی الفاظ هندیه دخی اصلی اوزره بر اقلمش ایدی . ( مدارین متجدین ومتساوین ) ه دأر بر کتاب یازدق بوکاده ( خیال اکسوفین عندالهند ) نامنی ویردم . بو معلومات فنیه هندلیلرجه معروف ومشهوردر . هیچ برزیمجلری اندن خالی دکدر . فقط عربلرجه غیر معروف ایدی . بوندن ماعدا اوتوز یاپراق اوزرینه حسابیه وسندهند رقولوبله تعداده دأر بر مخطره یازدم . کذلک حسابک تعلمی ایچون هندلیلرک اصول ترقیملرینی مبین بر کتاب یازدیغم کبی عربلرک مراتب عدد حقنده کی اصوللرینک هندلیلرک اصوللردن ده ا زیاده موافق صحت اولدیغنه دأر بر مخطره تحریر ایلدم الخ . . . » . ( بیرونی ) نک ویردیکی معلوماتدن هندلیلرک علم نجومده مطالعات واکتشافات مخصوصه صاحبی اولدقلری واسلاملرک انلردن پاک چوق شیلر ترجمه ایتدکلری آکلا شلمقدهدر .

### ادبیات کتابلری

هندلیلرک عربییه ترجمه اولنان ادبیات ، تاریخ ، منطق ، مسامرات وخرافات کتابلرینه کلنجه بونلرک برنجیسی ( کلایه ودمنه ) کتابانی ایدی . بواثر ده اول بیان ایتدیکمز وجه ایله فارسییه نقل ایدلدکدن صکره فارسیدن عربییه ترجمه اولتمشدر . فارسییه ترجمه سندن صکره فارسییه نظماً یازدیغی کبی عربیده دخی نظم ایدلمشدر . ( ابان بن عبدالحمید بن لاحق بن عفر رقاشی )

ایله (علی بن داود) کلیله و دمنه کتابی سلك نظمہ آلانلردن ایدیلر . هندجہدن عربی یہ ترجمہ اولنان ایکنجی کتاب (کتاب سندباد الکبیر) ، اوچنجی کتاب (کتاب سندباد الصغیر) ، دردنجی کتاب (کتاب البد) ، بشنجی کتاب (کتاب یوذاسف) ، آلتنجی کتاب (کتاب یوذاسف مفرد) ، یدنجی کتاب (کتاب ادب الهند والصین) ، سکزنجی کتاب (کتاب هابل فی الحکمہ) ، طقوزنجی کتاب (کتاب الهند فی قصه هبوط آدم) ، اوتنجی کتاب (کتاب الطرق) ، اون برنجی کتاب (کتاب دیک الهندی فی الرجل والمرأة) ، اون ایکنجی کتاب (کتاب حرود منطق الهند) ، اون اوچنجی کتاب (کتاب سادیرم) ، اون دردنجی کتاب (کتاب ملک الهند القتال والسباح) ، اون بشنجی کتاب (کتاب بیدبا فی الحکمہ) ایدی [۱] .

موسیقی به داتر هندجہده (بیافر) تسمیه ایدیلن بر کتاب دخی عربلرک هندایلردن ترجمہ ایتدکری مؤلفاتدن ایدی . بیافر - ثمار الحکمہ - دیمکدر . کتاب مذکور اصول الحان وجوامع ترتیب الغامدن باخشد [۲] .

#### ۴ - لسان نبطیدن ترجمہ اولنان کتابلر

یوقاریده ویردیکمز معلوماتدن آکلاشلدیغی اوزره فلسفه وطبه داتر برچوق کتابلر یوناسیدن نبطینک قاردشی ، یاخود بالذات نبطی لسانی اولان سریانی واسطه سیله عربی یہ ترجمہ اولمش ایدی . بو کتابلردن بوراده بحث ایده جک دکلز . بختمز یالکیز لسان کلدانیده ، یاخود نبطیده یازلمش اولدقلری حالده رأساً عربی یہ ترجمہ اولنان وبو ترجمہ اولسه ایدی ضیاعه اوغرامسی لابد بولنان کتابلره حصر ایده جکیز . لسان مذکوردن ترجمہ اولنان کتابلرک اهمی چفتنجیلکه داتر اولان (کتاب الفلاحه النبطیه) نامنده کی اثر ایدی . فی الحقیقه بو کتاب کندی نوعنه کوره ممتاز بر موقع طوقتمده اولوب عربی یہ ۲۹۱ سنه هجریه سنده (ابن وحشیه) نامیه معروف اولان (احمد بن علی بن

مختار نبطی) طرفندن ترجمه ایدلمش و یقین زمانه قدر ارباب زراعتک مراجعه گاهی اولمشدر. اوروا لسانلرینه دخی ترجمه اولنان بو کتاب وقتیهله عربییه ترجمه ایدلماش اولسه ایدی مقدمه سنک مطالعه سندن آکلاشیلدینی اوزره ضائع اوله جق و عالم مدنیت اندن ایتدیکی استفاده دن محروم قاله جقدی. کتابک مترجمی. (ابن وحشیه) ترجمه یی (علی بن محمد بن الزیات) ه املا ایدر ایکن شو بیاناتده بولنیور:



اوزنکی

« اوغلم ! معلومک اولسون که بو کتابی کسدانیلر (کلدانیلر و یانبطلر) ک کتابلری میانده بولدم. عربیده ترجمه یی (چفت سسورمک، اکیلری و آغاج و میوه لری اصلاح ایلک، نباتانه عارض اولان خسته لقلری دفع وازاله ایتمک کتابی) دیمکدر. بو کسدانیلر بو کتابک حاوی اولدینی معلوماته کنیدیلرندن

بشقه کیمسه مطاع اولسون دییه انی صوک درجه کیزی طومغه غیرت ایدرلردی. جناب حقل لطف و عنایتیه اسانلرینی اوکرندی کمدن بوسایه ده آرزو ایتدیکم. کتابلره مطلع اولدم. بو کتاب معروف و معتبر بر آدمک نزدنده بولنیوردی. بو آدم کتابی کیزیور، بکا کوس-ترمیوردی. بالآخره کتابه مطلع اولنجه کنیدیسی مواخذه ایتدم. « بوعلمی بویه صاقلارسهک ضائع اولوب کیدر. اسلافکه هیچ بر ذکر جمیل قالماز. انسان اوقومدیغی، کیمسه یه اوقومدیغی. کتابلردن نه استفاده ایدر؟ بونلرک عادی طاش و چاوردن فضله قیمتلری اولورمی؟ » دیم. سوزلری مصیب کوردی. یاننده بولنان کتابلری چیقاروب نظرگاه استفاده وضع ایتدی. بن ده انلری برر برر ترجمه ایتمک باشلادم. ایلک ترجمه ایتدیکم کتاب (کتاب دوانای البابلی فی معرفه اسرار الفلک والاحکام علی حوادث النجوم) ایدی که بو کتاب غایت بیوک بر اهمیتی حائزدر. شو (کتاب الفلاحه) زده تمامیه ترجمه ایتدم الخ ... [۱].



دیانت کتابلریله اسکى کلدانیلرک احوال تاریخیه سنه دأثر معلوماتی حاوی  
اوله رق عربی یه ترجمه ایدلمش اولمسی لابد بولنسان کتابلردن ماعدا آتیده  
کوستریلن آتاردخی لسان نبطیدن عربی یه ترجمه اولنن مؤلفات جمله سندن ایدی .  
بونلرک اکثری سالف الذکر ( ابن وحشیه ) طرفندن ترجمه ایدلمشدی [۱] .  
۲ کتاب طرد الشیاطین و یعرف بالاسرار ، ۳ کتاب السحر الکبیر ، ۴  
کتاب السحر الصغیر ، ۵ کتاب دوار علی مذهب النبط ، ۶ کتاب مذاهب الکلدانیین  
فی الاصنام ، ۷ کتاب الاشارة فی السحر ، ۸ کتاب اسرار الیکواکب ، ۹ کتاب  
الفلاحه الصغیر ، ۱۰ کتاب فی الطلسمات ، ۱۱ کتاب الحیة والموت فی علاج الامراض ،  
۱۲ کتاب الاصنام ، ۱۳ کتاب القرایین ، ۱۴ کتاب الطبیعه ، ۱۵ کتاب  
الاسماء .

## ۵ - عبرانی ، لاتینی و قبطیدن ترجمه اولنسان کتابلر

موسویلرک تلود وسائر کتابلرنده مدون اولان احکام شرعیه ایله ادبیات  
لسانیه لرنندن برچوغلنک عربی یه ترجمه ایدلمش اولدیغنه شبهه یوقدر . واقعا بونلردن ؛  
مترجم کتاب شکلنده بر شیئ مالک دکلز . آنجق اساساً بو معلومات دها اول  
کوسترلدیکی اوزره صحابه یه شفاهاً ترجمه اولنیوردی . مع مافیه احتمال که بعض  
آتار ترجمه وتدوین ایدلیدیکی حالده ضائع اولوب کیتیمشدی . عبرانیدن منقول  
اولمق اوزره نظر اطالعمره واصل اولان کتاب ؛ ( اسفار تورات ) ترجمه سیدرکه  
بونى ۳۳۰ سنه هجریه سنده وفات ایدن ( سعید فیومی ) ترجمه ایتیمشدی .  
بیله یکمزه کوره توراتک عربی یه اسکى ترجمه سی بودر . مترجم مومالیه  
تورات ایچون برطاقم شرحلر و تفسیرلرده یازمیشدی [۲] .

لاتین لسانی بر چوق علوم فلسفیه و تاریخیه و سائر دی حاوی  
اولدینی جهتله بولسانندنده عربی یه بعض کتابلرک ترجمه ایدلمش اولمسی مستبعد  
دکلدر . احتمال که مذکور لسانندن ترجمه اولنسان آتار مورخلرک نظر دقتی

جلب ایتدیکی ایچون ذکر ایدلماشدر . مع مافیه عربی یه کتاب ترجمه ایدن مترجملرک اسملری آرسند (یحیی بن البطریق) ی کوریورزکه بومترجمک لاتینجه دن بشقه اجنبی برلسان بیلمدیکی حالدده متعدد کتابلر ترجمه ایتدیکی بیان اولنیور . قرائن احوال دن آ کلاشیلدیغنه کوره بو کتابلرک لاتینجه دن ترجمه ایدلمش اولمسی اقتضا ایدر .

لسان قبطی یه کلنجه عربلر بولساندن طوغریدن طوغری یه کتاب ترجمه ایتدکلرینی فرض ایتسه کیله مصر لیلرک برچوق علومنی وبالخاصه مهارتله بیلدکلری کیمیای قدیم و سائرهنسی لسان یونانی واسطه سیله عربی یه نقل ایتدکلرینه شبهه ایدلمز . علم کیمیا خاندان امویدن ( خالد بن یزید ) ک امریله قبطی ویونانیدن عربی یه ترجمه اولمشدری [۱] .

#### مزمومه

اجمالاً دینلیرکه اسلاملر اوزمانک سائر ملل متمدنه سنجه معروف بولان . علم و فلسفه ، طب و نجوم ، ریاضیات و ادبیاتک الکبیرک قسمنی کندی لسانلرینه ترجمه ایتدیلر . بونقلیاتک قسم اعظمی یونانی ، فارسی و هندیدن وقوع بولدی . بونکله برابر اوزمانلرده معروف اولان لسانلردن کتاب ترجمه ایتدک برلسانده . راقامشلردی . شو حالدده اسلاملر هر ملتدن اوملتک حائر اولدیغنی علوم و معارفک اک کوزلنی آلدیلر دیمک ، چیقار . مثلاً فلسفه ، طب ، هندسه ، موسیقی ، منطق ، نجوم علملرنده یونانلیلرک ، نجوم ، سیر ، ادبیات و حکم ، تاریخ و موسیقیده ایرانلیلرک ، طب ( هندی ) ، عقاقیر ، حساب ، نجوم ، موسیقی و اقاصیص ( مصالیر ) ده . هندلیلرک ، فلاحت و زراعت ، تنجیم ، سحر و طلسماتده نبیطیلر ایله کلدانلیلرک ، کیمیا و تشریحده ایسه اسکی مصرلیلرک آثار علمیه سندن استفاضه ایتدیلر . صانکه اثوری و بابللیلر ایله مصرلیلر ، ایرانلیلر ، هندلیلر و یونانلیلرک علوم و معارفدن اک مهملرینک وارثی اولمشلردی . اسلاملر یالکیز نقل و ترجمه ایله اکتفا ایتدیلر . برچوق کشفیات و ترقیات دخی وجوده کتیردیلر . بونلری او علوم و فنونه قاریشدیروب یوغوردرق مدنیت اسلامیه نک علوم و معارفنی ( علوم دخیله یی ) اورته یه چیقاردیلر .

دیانت کتابلریله اسکی کلدانیلرک احوال تاریخیه سنه دأثر معلوماتی حاوی  
اوله رق عربی یه ترجمه ایدلمش اولسی لایند بولنان کتابلردن ماعدا آتیده  
کوستریلن آتاردخی لسان نبطیدن عربی یه ترجمه اولندن مؤلفات جمله سندن ایدی.  
بونلرک اکثری سالف الذکر ( ابن وحشیه ) طرفندن ترجمه ایدلمشدی [۱].  
۲ کتاب طرد الشیاطین و يعرف بالاسرار ، ۳ کتاب السحر الکبیر ، ۴  
کتاب السحر الصغیر ، ۵ کتاب دوار علی مذهب النبط ، ۶ کتاب مذاهب الکلدانین  
فی الاصنام ، ۷ کتاب الاشارة فی السحر ، ۸ کتاب اسرار البکواکب ، ۹ کتاب  
الفلاحه الصغیر ، ۱۰ کتاب فی الطلسمات ، ۱۱ کتاب الحیاة والموت فی علاج الامراض ،  
۱۲ کتاب الاصنام ، ۱۳ کتاب القرایین ، ۱۴ کتاب الطبیعه ، ۱۵ کتاب  
الاسماء .

## ۵ - عبرانی ، لاتینی و قبطیدن ترجمه اولنان کتابلر

موسویلرک تلود وسائر کتابلرنده مدون اولان احکام شرعیه ایله ادبیات  
لسانیه لرندن برچوغلنک عربی یه ترجمه ایدلمش اولدیغنه شبهه یوقدر . واقعا بونلردن ؛  
مترجم کتاب شکلنده بر شیده مالک دکلز . آنجق اساساً بو معلومات ده اول  
کوسترلیدیکی اوزره صحابه یه شفاهاً ترجمه اولنیوردی . مع مافیه احتمال که بعض  
آتار ترجمه وتدوین ایدلیدیکی حالده ضائع اولوب کیتیمشدی . عبرانیدن منقول  
اولمق اوزره نظر اطالع مزه واصل اولان کتاب ؛ ( اسفار تورات ) ترجمه سیدرکه  
بونو ۳۳۰ سنه هجریه سنده وفات ایدن ( سعید فیومی ) ترجمه ایتیمشدی .  
بیلدیگیمزه کوره توراتک عربی یه اکی اسکی ترجمه سی بودر . مترجم مومالیه  
تورات ایچون برطاقم شرحلر و تفسیرلرده یازمیشدی [۲] .

لازین لسانی بر چوق علوم فلسفیه و تاریخیه و قانونیه و سائر دینی حاوی  
اولدینی جهتله بولسانندن ده عربی یه بعض کتابلرک ترجمه ایدلمش اولسی مستبعد  
دکلدر . احتمال که مذکور لسانندن ترجمه اولنان آتار مورخلرک نظر دقتی




جلب ایتدیکی ایچون ذکر ایدلماشدر . مع مافیه عربی یه کتاب ترجمه ایدن . مترجملرک اسملری آردسند (یحیی بن البطریق) ی کوریوورزکه بومترجمک لاتینجه دن بشقه اجنبی برلسان بیلمدیکی حالدہ متعدد کتابلر ترجمه ایتدیکی بیان اولئور . قرائن احوال دن آ کلاشیلدیغنه کوره بوکتابلرک لاتینجه دن ترجمه ایدلش اولسی اقتضا ایدر .

لسان قبطی یه کلنجه عربلر بولساندن طوغریدن طوغری یه کتاب ترجمه ایتدکلرینی فرض ایتسه کیله مصر لیلرک برچوق علومنی وبالخاصه مهارتله بیلدکلری کیمیا ی قدیم و سائرهنسی لسان یونانی واسطه سیله عربی یه نقل ایتدکلرینه شبهه ایدلر . علم کیمیا خاندان امویدن ( خالد بن یزید ) ک امریله قبطی و یونانیدن عربی یه ترجمه اولمشدی [۱] .

#### مزمومه

اجمالاً دینلیرکه اسلاملر اوزمانک سائر ملل متمدنه سنجه معروف بولان . علم و فلسفه ، طب و نجوم ، ریاضیات و ادبیاتک الکیوک قسمنی کندی لسانلرینه ترجمه ایتدیلر . بونقلیاتک قسم اعظمی یونانی ، فارسی و هندیدن وقوع بولدی . بونکله برابر اوزمانلرده معروف اولان لسانلردن کتاب ترجمه ایتدک برلسانده . راقامشلردی . شو حالدہ اسلاملر هر ملتدن اوملتک حائر اولدینی علوم و معارفک . اک کوزلنی آلدیلر دیمک ، چیقار . مثلاً فلسفه ، طب ، هندسه ، موسیقی ، منطق ، نجوم علملرنده یونانلیلرک ، نجوم ، سیر ، ادبیات و حکم ، تاریخ و موسیقیده ایرانلیلرک ، طب ( هندی ) ، عقاقیر ، حساب ، نجوم ، موسیقی و اقاصیص ( مصالیر ) ده . هندلیلرک ، فلاحت و زراعت ، تنجیم ، سحر و طلسماتده نبطیلر ایله کلدانلیلرک ، کیمیا و تشریحده ایسه اسکی مصرلیلرک آثار علمیه سندن استفاضه ایتدیلر . صانکه اثوری و بابللیلر ایله مصرلیلر ، ایرانلیلر ، هندلیلر و یونانلیلرک علوم و معارفدن اک مهملرینک وارثی اولمشلردی . اسلاملر یالکیز نقل و ترجمه ایله اکتفا ایتدیلر . برچوق کشفیات و ترقیات دخی وجوده کتیردیلر . بونلری او علوم و فنونه قاریشدیروب یوغوره رق مدنیت اسلامیه نک علوم و معارفنی ( علوم دخیله یی ) اورته یه چیقاردیلر .

اوصرملرده ترجمه اولنان مؤلفاتی نظردقته آیرایکن شونقطه کوزه چاریمقده در. عربلر یونانیلردن بک چوق آنار ترجمه ایتدکلری حالده انلرک کتب تاریخیه وادبیهلرندن ویا اشعار یونانیه دن هیچ برشی ترجمه ایتدیلر. حال بکه ایر انلیلر ایله هندلیلرک اوکی مؤلفاتی ترجمه ایشلردی. مثلاً ایرانلیلرک کتب تاریخیه سندن اییجه کوزل اثرلر و او جمله دن (شهنامه) یی عربی یه نقل ایتشلردی. فقط نه (هیرودوتس) ک تاریخی، نه (استرابون) ک جغرافیه سنی، نه ده (هومیروس) ک (ایلیاد) ویا (اودیسه) سنی ترجمه ایتدیلر. بونک سبی شودرکه اسلاملری کتاب ترجمه سنه سوق ایدن اک بیوک مؤثردها اول بیان اولنان اسبابدن طولانی فلسفه، طب، نجوم و منطق علملرینه اولان رغبت و میللری ایدی. تاریخ وادبیات کتابلری ایسه او رغبت و میله مظهر اوله مدیغندن ترجمه سی مترجملرک همته متوقف قایلوردی. مترجملریا کندی آبا واجدادلری ویا خود قومشولریله اظهار فخر



و مباحات ایچون بعضاً بونوع مؤلفاتی ترجمه ایدرلردی. بوسایه ده ایرانلی مترجملر فرس تاریخ وادبیاتندن برطاقم اثرلر ترجمه ایتدکلری کی سریان و هندلی مترجملر دخی ادبیات

فیل دیشندن کوش قاپلامه چکهجه

و تاریخ میللرینه دائر بعض مؤلفات ترجمه ایشلردی. شبهه و قدرکه او مترجملرک ایچنده یونانی بر ویا بر قاج مترجم بولونمش اولسه ایدی کندی ملتلرینک تاریخ و اشعارینه دائر بر چوق شیلر ترجمه ایتمش اوله جقلردی. بونکله برابر (ایلیاد) ده بر چوق آله و اصنامک ذکر میوجود اولسی عربلرک بو اثری ترجمه ایتلرینه مانع طور دیغنه شبهه ایدلر. مع مافی (شهنامه) ده دخی او یله بر چوق آله و اصنامک اسمی وارد. بویله ایکن ینه بو اثرک ترجمه سنه بر مانع کورلماشدی.

بو بحثده نظر دقته چاربان دیگر بر نقطه دها وار. اوده عربلرک بر عصر و بر قسم عصر ظرفنده ذکر می کچن اقوامک علوم و معارفندن کندی لسانلرینه اوقدر چوق آنار ترجمه ایتکه موفقیتلریدرکه رومالیلر او آنارک بر قسمی بیلله بر قاج عصر ظرفنده نقل و ترجمه یه مقتدر اوله مامشلردی. ایشته

اسلاملر او حیرت افزا مدیتلرینک اکثر خصوصاً تنده بوصورتله خارقلر  
کوستر مشلردی .

## خلفانك غير مسلم علمایه الثقات ونوازشرلی

انتباه علمی عباسینک سرعتله احراز مرتبه کمال ایتسنه و او مدت قلیله  
ظرفنده برچوق کتابلرک ترجمه سنه موفقیت حاصل اولسنه باعث اولان الک مؤثر  
عواملدن بری ده وانتباه علمی بی حایه مخصوصه لریله اعلا ایدن خلفانك کتاب  
ترجمه سی ایچون هر درلو فدکارلنی اختیار ایلری وهرهانیکی دین و مذهبیدن  
اولور ایسه اولسون استخدام ایتدکری مترجملری دین و مذهب تفریق ایتدکسزین  
بی حساب اموال و عطایایه مستغرق ایتدکله برابر حقارنده مکرمانه و خاطر -  
نوازانه معامله اچراسنده قصور ایتاملری ایدی . ایچلارنده برچوق خرسیتان ،  
موسوی ، صابی ، سامری ، مجوسی بولتان او مترجملره خلفا طرفندن فکر  
اعتدال و حریت مذهبییه الک کوزل بر نمونه وهر عصرک رجال حکومتی ایچون  
الک پارلاق بر حسن مثل تشکیل ایتدکله سزا بر صورتده رفق واکرام ونوازش  
ایله معامله اولوردی .

ایکنجی خلیفه عباسی ( منصور ) کندی طیبی اولان ( جورجیس بن یحشوع )  
حقنده لطف و خاطر نوازیده او قدر ایلری کیتمش ایدی که کندیس هیج  
مسکرات استعمال ایتدیکی و شرابک استعمال ایتدنه محرم اولدیغی حالده  
محضا طیب موما الیهک اعتیادی بوزولوبده محتججه بر احراف حاصل اولسون  
دییه بالذات مابینجیسی کوندروب کندیسنه شراب کتیر مشدی . خیفه  
مشارالیه ( جورجیس بن یحشوع ) ی ( جندیسابور ) دن کتیر دکن صکره الک  
بغدادده اقامتی سبیلله یوزینک رنگی دکیشدیکنی کوردیکندن مابینجیسی ( ربیع ) ده  
« بو آدمک یوزنده بر تبدل کوریورم . صاقین برشی ایچمک معتادی ایدی ده  
اندن منع ایدلش اولسون » دیر . ( ربیع ) : « اقامت ایتدیکی خانه یه شراب ادخال  
ایتسنه مساعده ایتدک » جوانی ویریر . خلیفه ( ربیع ) ی تکدیر ایدر و « مشروباندن



هر نهيه محتاج ايسه انلری بالذات كيدوب كتيرمليسيك ، ديهرك شراب  
 احضارينه مأمور ايلر . (ربيع) تلقى ايتديكى امر اوزرينه (قطربل) ه  
 كيدر ، الله ايدلسى ممكن اولان اك اى شرابى آلوب (جورجيس) .  
 كتيرير [۱] . خليفه مشار اليه اطبا سنك اكثرى حقهده دخی  
 اويولده معاملهده بولنوردی . حتى اطبا سنك بعضليها لك مهم مسائل حقهده  
 استشاره ايدردی . خراسانليار (منصور) دن اوغلي (مهدي) نك ولى عهد ليكه  
 تعيينى طلب ايتدكلى زمان خليفه مشار اليها معيتدهكى اطبا مياننده (فرات  
 بن سحانا) اسمنده موسوى برطيب واردي . او صروده حاضر بولندي .  
 (منصور) كنديسندن : « بوخصوص حقهده سنك فكرك ندر » ديه صورنجه  
 اوده مطالعه مخصوصه سنى بيان ايتدی .



طور سينانك منظره عموميه سى


بشنجى خليفه عباسى (رشيد) حكيم باشيسى بولنان (جبريل بن نجاشوع) سى  
 اوقدر سور ، اك او رتبه حرمت ورايت ايدردى كه حتى اثنای مجنده  
 مكده موقوفه طوردينى زمان انك ايچون پك چوق خير دعالده بولمش

ايدى . هاشمىلر خليفه نك بوحركتنى غريب كوردرك « يا سيدنا ! بو آدم خرسيتياندر » ديخه ( رشيد ) : « اوت ، اويله در ، فقط جسمك صحت وسلاقي انك وجوديله قائمدر . اسلاملك صلاح حالى ايسه بيم صلاح حالمه

قائم اولديني ايجون اسلاملك صلاح حالى ده بو طيبك صلاحى ايله قائم ديمكدر » جوانى ويرير . بونك اوزرينه بنى هاشم : « بك طوغرى سويلورسكز ، اى امير المؤمنين ! ) ديهرك خليفه نك حركتنى موافق كوررلر . يدنجي خليفه عباسى ( مأمون ) ك علما حقنده كوسترديكى لطف و اكرام ايسه ذكر و تعريفه حاجت براقيه جق درجه ده معروف و مشهوردر .

برچوق دفعه خلفا اطبايه كندى سرايلرنده سربست حركت ايتلرينه مأذونيت ويرمكه برابر اك مهم امور اداريه و سياسيه ده كنديلريله استشاره ايدرلر و بعضاً انلر كندى يرلرينه امر اصدارينه و امضا وضعنه صلاحيت ويريرلردى . خرسيتيان اطبادان ( سلمويه ين سان ) ى طيب خاص اتخاذايدن سكرنجي خليفه عباسى ( معتصم ) طيب موماليه او قدر

توجه و امنيت كوسترمش ايدى كه حضورينه امر اصدارينه و امضا وضعنه محتاج بر كاغد كلوبده ( سلمويه ) اوصرده ياننده بولتور ايسه او كاغده كندى يرينه



مكة مكرمه ده اتناى فريضة جديده اهاليك زخيم قوم بوسنده آبدست آلى

خط دستی ایله توقیع یازمسی امر ایدردی . خلیفه مشار الیه طرفدن والیر و قوماندانلره کیدن اوامر و توقیقات هب (سلمویه) ک خط دستی ایله محرر بولنودی . خلفای عباسیه ک اون آلتنجیسی اولان (معتضد) ک طبیی (داود بن الدیلم) دخی بوخلیفه نزدنده اوپله جه بر موقع احراز ایتش ایدی [۱].

(معتصم) ک (سلمویه) حقنده کوستردیکی توجه و اعتماد دلائلندن اوله رق انک برادری (ابراهیم بن سنان) ی مملکتده کی بیت الماللر خزینهدارلغه تعیین ایتش ایدی . خزینهدارک مهری خلیفه نک مهری ایله برابر کاغذلره قونولوردی .

خلیفه مشار الیه ک نزدنده (سلمویه) ایله برادری قدر هیچ برکیمسه بیوک بر موقع احراز ایتماشیدی . (معتصم) (سلمویه) ه «باباجم» دیردی .

خرستیانلرده فصیح بیرامی (Pâques) و سائر بیراملر تقرب ایدنجه خلیفه مشار الیه (سلمویه) ه مسقط رأسی اولان (قادسیه) شهرینه کیدرک کایساننده اجرای فرائض عبادت ایتسه مأذونیت ویریر و کیدر ایکن کنیدیسه کسوه ، مسک و بخوردن مرکب هدایاده بولنوردی . طیب موما الیه خسته اولنجه (معتصم) انک عیادته کیدرک یاننده آغلامش و «سندن صکره کنیدی هانکی طیبیه باقدیرهیم ؟» دییه صورمش ایدی . (سلمویه) کنیدی اوغلی (یوحنا بن سلمویه) ی توصیه ایتدی . وفات ایدنجه (معتصم) کمال تاثیرندن اوکون ییوب ایچمکن امتناع ایتدکن ماعدا جنازه سک سرایه کتیریلرک خرستیانلرک عادتی اوزره موملر و بخورلر ایله صورت مکملده دعا و مراسمنک اجراسنی امر ایلدی . کنیدیسی بودعا و مراسمی کوره بیلیر بر موقعده طوروب بوتوجه واعزازده بولندیغندن طولای مسرور و مباهی اولدی [۲] . خلفای عباسیه نک اونجیسی اولان (متوکل) و اون دردنچیسی بولان (معتدی) و سائر دخی طیبیلرینه اوپولده اکرام و التفات و احسان و انعامده بولنورلردی . اطبا خلفای مشار الیه مک حضورنده بولندقلری زمان خلفا ایله برابر سده سلطنت اوزرنده اوطورورلردی [۳] . (معتضد بالله) ک صابئدن حکیم و طیب شهر (ثابت بن قره) حقنده یابدینی کی چوق دفعه لر وزرا و امرا حضور خلیفه ده آیاقده طور دورلدینی حالده اطبا اوطورتدورولوردی [۴] . اطبانک حرکت آایلری

(۱) طبقات الاطبا ۲۳۴ ج ۱ (۲) طبقات الاطبا ۱۶۵ ج ۱ (۳) ابوالفرج

۲۴۹ (۴) طبقات الاطبا ۲۱۶ ج ۱



عیناً وزرا و امرانک حرکت آلایلری کبی ایدی . خلفا اطبا ایله لطیفه وشقه ایدرلردی . اڤک اول حضوره اطبا کیرردی . اطبا خلفانک صحتیه ، ییه جک ، ایچمه جک لرینه نظارت ایدرلردی . خلیفه طیبینک اذن و مساعده سی اولقسزین بر علاج استعمال ایده مزدی . شاید ایچرسه طیبی کوجنیر ، انک کولکلی خوش ایتمک لازم اولوردی . روایت کوره ( متوکل ) طیبی اولان ( اسرائیل بن - الطیفوری ) دن اذن آلمقسزین قان آلدیرمش ایدی . طیب مومالیه خلیفه نک بوحر کمنه قارشی کوسدیکندن کنديسنه ۳,۰۰۰ دینار ایله سنه ده ۵۰,۰۰۰ درهم واردات کتیریر بر کوی احسان اولنه رق کولکلی خوش ایدلمش ایدی [ ۱ ] . خلیفه ( مأمون ) ک حضر رینه صباح نمازندن صکره اڤک اول کحال ( جبرائیل ) کیرردی . خلیفه نک کوز قاپاقلرینی ییقلار ، کوزلرینه سورمه سورردی . ( مأمون ) اوکلهدن صکره او یقودن او یا نچه دخی کحال مومالیه طرفندن کنديسنه عینی عملیه یاپیلیردی [ ۲ ] .

بر انسانک ، باخصوص او عصر لرده کی سرایلرده ، کندي طیبی ایله انسیت پیدا ایدرک انی مظهر اعزاز و اکرم ایلمسی بک طیبی برشیدر . زیرا اودورلرده مقام خلافت کوز دیکن بک چوق رقیلر موجود ایدی . نائل امل اولمق ایچون خلیفه یی زمر کبی واسطه لر ایله اتلاف ایدرک وجودینی اورتهدن قالدیرمقدن ده ا قولای بر واسطه یوق ایدی . طیب ایسه او یله بر فعلی باعغه اڤک زیاده مقتدر کیمسه ایدی . چوق دفعه لر خلفا او یله بر تسمیمک روم حکمدارلری طرفندن استعمال اولنان و سائط ایله ایقاع ایدلمسندن قورقارلردی . انک ایچون خلفا کندي معیتلرنده بولنان اطبانک باردیه و یا موقع و منصبه طمعاً او یله بر فعله اقدام ایتملرینه میدان بر اقامق اوزره جیلرینی ، کوزلرینی و قلبلرینی ثروت و منصب ایله طولدیرمغه غیرت ایدرلردی . ( متوکل ) حنین بن اسحق طیب خصوصیلکنه آلق ایستدیکي زمان یاپدینی کبی چوق دفعه لر اطبانک صداقت و امنیتلری تجربه اولنوردی . خلیفه مشارالیه ( حنین ) ی نزدینه چاغیره رق کنديسنه کوزل مقاطعه لر اعطا و معاش تخصیص ایتدکدن صکره : « بر دشمنی کیزلیجه اولدیرمک ایستوروز . بونک ایچون بزه بر علاج یاپمیلیسک » دیر .



( حنین ) : « سحت بشره نافع دوالردن بشقه برشی اوکرنمدم . امیرالمؤمنینک انلردن غیرى علاج طلب ایدہ جکئی بیللمزدم . امر ایدرسہ کز کیدیم ، اوکئی علاجلری اوکرنیم » جوانی ویریر . خلیفہ : « بواوزون سورر » دیہرک طیب مومالیہی شدلہ تہدید وتخويف وفائدہ ویرمینجہ برسمنہ قلعه لک برندہ حبس ایتدکدن صکرہ تکرار حضورہ کتیرہ رک طلبنی تکرار ایدر . قلیچ واعدام دوشکئی احضار ایتدیریر . قتل ایله تہدید ایلر . وجدان وصنعتک ناموسنہ جدأ رعایتکار اولان ( حنین ) جنایت ارتکاب ایتکدن ایسہ اولومی کوزہ آلہرق و : « بسم اللہم وار . اکاصیغیرم . روزقیامتدہ البتہ بسم حقمی آلیر » دیہرک نافع علاجلردن بشقه علاج بیلمدیکئی بنہ صورت قطعیدہ بیان ایدر . بونک اوزرینہ خلیفہ رقتہ کلہرک تبسم ایدر واولیہ برعلاج ایستہ مسنی وحقنیدہ او معاملہ لری روا کورمسنی کنیدسنی تجربہ ایتک مقصدیلہ اختیار ایلدیکئی آکلادیر [۱] .

خلفا ایستہ بواسبابہ مبنی درکہ خدمتلرندہ بولنان خرسیان اطبانک کندی دیانتلریلہ عامل اولملرینی اوزرلرینہ فرض اتخاذ ایدرلر ومحض او طیبیلرک خاطری ایچون اودیانتلر خلقنہ التفات وتوجہ کوستیرلردی [۲] . اعظم حکما واطبای عربدن وصابئہ دن ( ثابت بن قرہ ) خلیفہ ( معتضد ) ک نزدندہ موقع صاحبی اولنجہ انک سایہ سندنہ بغداددہ صابئہ مذہبی ایچون تکرار بر ریاست روحانیہ تأسس ایتدی . حکیم مومالیہک اوغلی ( سنان بن ثابت ) ہ خلیفہ ( قاهر بالله ) طرفدن اسلامی قبول ایتدی ایچون تکلیف وقوع بولسی ، ( سنان ) ک قاجمی ، دہا صکرہ اسلامی قبول ایلسی کبی صابئہ یه پک نادر اولہرق اسلامیت تکلیف اولنوردی . دردنجی عصر ہجرینک اک مشہور منشی وشاعرلردن اولان ( ابو اسحق ابراہیم صابی ) آل بویہ ملوکندن ( عزالدولہ - بختیار بن معز الدولہ ) نک زمانندہ یاپدینگی کبی صابئلر بر چوق دفعہ رمضان آیندہ اسلاملر ایلہ برابر اوروج طوتارلردی . فقط ( ابواسحق ) دینزہ پک متمسک بر آدم اولدیفندن عزالدولہ اکا تکلیف اسلامیت ایدنجہ قبول ایتدی .

موما اليك وفاتي اوزرينه بغداد نقيب الاشرافى فحول شعراى قريشـدن  
( شريف رضى ) كندیسی ایچون :

أرأيت من حملوا على الاعواد أرأيت كيف خبا ضياء الوادى

مطالعلى قصيده سـيله مرثبه خوان اولمش واسلاميتده مقام بلند شرافتى هر  
هانكى دين دنده بدن اولور ايسه اولسون برصاحب دها و ذكا ایچون مرثبه يازمسنه  
مانع كور مام شدی . بوده كوسترييور كه بر ملتده آصعب ويا آساھل دينك منبعی  
اوملتك حكمدار ويا حكومتدن عبارتدر . حكمدار ويا حكومت متعصب  
ايسه ملتده متعصب ، بالعمكس مسامحهكار ايسه ملتده مسامحهكار واعتدال پرور  
اولور . بوجهتله دور عباسيك انتباه علميسى صره لرنده تسامح دينى بالخاصه  
خلفا و متعلقا بنجه ، ارباب و جاهت بنجه ، علماجه التزام اولنوردی . هيچ بر اسلام  
علمی بر خرستياندن تحصيل علم ايتكمكدن چكمنمزدی . حتى اعظم حكماى اسلامدن  
( فارابی ) كتب معتبره عربيه ده مندرج اولان ترجمه حائنده كورولديكى اوزره  
احراز ايتديكى علوم و معارفك بر قسمنى ( ابو بشرمقى بن يونس ) و ( يوحنا بن -  
حيلان ) كې خرستيان علما و حكمايك رحله تدريس لرنده تحصيل ايتمش  
ايدى [۱] . اسلاملر طرفندن خرستيانلره و سائر ارباب مذاھبه قارشى كوستريلن  
بو حسن معاملات مقابل خرستيانلر دخى تورات ويا ايچيلي بر اسلام فقيهندن اوقوبوب  
اكرنكمدن استنكاف ايتمز لردى [۲] .

اطبايه پك چوق پاره لر صرف واحسان اولنمى بختنه كلنجه بو حقيقت اوقدر  
مشهور در كه ذكرى بيله فضايه در . خليفه ( رشيد ) ك حكيم باشيسى ( جبريل بن  
بختيشوع ) ك كتابمذك ايكنمجي جلدنده مندرج اولان ثروتى بو باده بر فكري  
اعطاسنه كايدر . اطبا كنديلر بنه تعيين اولنان معاشرلردن بشقه آريجه بر چوق  
پاره لرده قازانير لردى . خليفه ( مأمون ) هر كيم بر مأموريت آليز ايسه محل  
مأموريتنه كيتمدن اول طبيي ( جبريل بن بختيشوع ) ي كوره ك اكا اكر امده  
بولنمى امر ايتمش ايدى . آتيده كي ايكي بيت ( مأمون ) طرفندن ( جبريل )  
حقنده بايلا مش ايدى :

أَفِي طَبِّكَ يَا جَبْرِيلَ مَا يَشْفِي ذَوِي الْعِلَّةِ  
غُرَالِ قَدْسِي عَقْلِي بِالْأَجْرَمِ وَلَا زَلَّةَ [۱]

بوکی مساعده کار، عاقل خلفانك سایه حمایت لرنده علوم و معارفك بارلاق بردور  
کچیرمسی وشعرك اعتلا و رونق بولسی پك طبعی دکلیدر ؟

علما و فضلاء هر هانکی دین و مذهب دین اولور لر ایسه اولسون لر حقلرنده  
نوازش و اکرام معامله سی بائلق یالکتر ائباه علمی عباسی دورینه مخصوص برشی  
اولیوب اسلام لر دین هر هانکی دولنده علوم و معارف مظهر اعتلا اولمش ایسه او  
دولنده دخی عینی حال و حرکت کورلمشدر . مصرده تأسس ایدن دولت فاطمیه نك  
اکثر طبیبی خرسیتان ، موسوی و سامریلر دین متشکل ایدی . دولت عباسیه ده  
اطبا فصل بر موقع ممتاز اشغال ایتدی لر ایسه بودولنده دخی اطبا اولیه بر موقع احراز  
ایلمشدر دین . خلفای فاطمیه طبیبیه بر چوق پاره لر و احسانلر اعطا ، کندیلرینی  
مأموریت و منصبلر تعیین ، مهم امورده انلر ایله استشاره ایلمکله اکرام  
و اعزاز ایتدکن ماعدا کندیلرینه ( سلطان الحکما ) ، ( امین الدوله ) کی  
القاب شرف و یریرلر [۲] و امرا و وزیرایه توجیه اولنان انقاب ایله انلره خطاب  
ایدلرلر دین . خلفای فاطمیه دن ( عزیز بالله ) ک طبعی ؛ ( منصور بن مقشّر ) نامنده  
بر خرسیتان ایدی . بردفعه برخسته لقدن طولایی خلیفه . اشار الیهک آلاینه  
بولنه مامشدی . خسته لقدن افاق ایدنجه خلیفه کندیسنه آتیده کی نامه یی کندی  
خط دستی ایله یازوب کوندردی :

« بِسْمِ اللَّهِ الرَّحْمَنِ الرَّحِيمِ . جناب حَقِّكَ حَفْظَ وَعَنَايَتِ صِدْقَانِيهِ سِيلَهُ مَحْفُوظَ  
اُولَانِ طَبِيبُكُمْ بِاللَّهِكَ سَلَامٌ طَبِيبِي وَالْعَامُ وَالطَّافُ بِيْ بَائِيْ مَبْذُولِ اُولَسُون .  
طَبِيبُكُمْ نَائِلٌ عَاقِبَتِ اُولَدِيْغِيْ مُرْتَدَةِ سِيْ وَاَصْلُ سَمْعِ ابْتِهَاجِزِ اُولُنْجِهْ وَاللَّهِ الْعَظِيمِ  
بُوْرْتَدِهْ يِ كَنْدِيْ جِسْمُكُمْ مُرْتَدِهْ نَائِلِ اُولَدِيْغَمَزِ صَحْتِ وَعَاقِبَتِهْ مُعَادِلِ كُوْرْدِكْ . جناب  
حق طَبِيبُكُمْ يِ هِرْدِرْلُوْ اَلَامْ وَا كِدَارْدِنِ مَصُوْنِ وَكَلِّ صَحْتِ وَمُسْرَتِ وَرِفَاقِيْتِهْ  
مَظْهَرِ بِيُوْرْسُوْنِ » [۳]

کذلک اندلس دولت اسلامی سی بویولده عین حرکتده بوانوردی . اطبا  
خلیفه ( رشید ) ک دورنده هانکی موقع عز و اقبالده بولندیلر ایسه اندلسده

حکومت سورن . ملوک امویہ نك طقوزنجیسی اولان ( حکم ) ك زمانده دخی - هر ایکی حکمدار ك دورنده حایة علوم و معارف ایچون صرف اولنان همتلر ك مشابهنه مبنی - عینی موقع اقبال و اعزازی اشغال ایدیورلردی . ( حکم ) ك آتیده کوستریله چکی اوزره علم و علمایه فرط محبتی و کتاب جمعنه میل و رغبتی واردی . بونکله برابر علمانك احوالی هر وقت بر اطرادده کیتمیوب خلفانك وزمانك اختلافریله دکیثیوردی .

## ممالك اسلاميه ده علوم دخيله نك انتشاري

علوم دخيله عربییه ترجمه ایديلنجه اسلاملر در حال انلر ك مطالعه و تعلیمی ايله مشغول اولدیلر . اسلاملر ك بو علملرایله ایلک اشتغالاتی اختصار و یا تحشیه یازمقی شکلنده باشلامش ایسه ده بالآخره مدنیت درجه کماله بالغ اولوب ده آتیده کوستره چکمز اسبابه بناءً مملکتده علوم و معارف انتشار ایديجه کندي زاده قریحه و ذکالری اوله رق اثر تحریر و تالیفنه اقدام ایلدیلر . اسلامي ك ایلک ایکی عصرنده علوم و معارف حافظه ده حفظ و ادخار اولنور یا آنکز بر طاقم علوم نقلیه دن عبارت ایکن مذکور ایکی عصری تعقیب ایدن ایکنجی ایکی عصرده ودها صکره تدقیقات ، تحقیقات ، قیاس ، تحلیل و ترکیب اساسری اوزرینه مؤسس اولان علوم عقلیه یه منقلب اولدی . بغداد پایتختی انتباه عباسی اناسنده و بالخاصه ( مأمون ) ك دورنده کعبه علم ، حیج علما ، منبت اهل فضل و عرفان ، مقرر ترجمین علم و فن ایدی . خلیفه مشار الیه دن صکره مقام خلافته کلن برادری ( معتصم ) ك پك چوق مقدارده استخدام ایتدیکی ترکلر طرفدن بغداد اها ایسنه تجاوزات و تمذیات اجرا ایدلمسی یوزندن خلقة ده نفرت و تفرقه حاصل اولمش ایسه ده ( معتصم ) برادری ( مأمون ) کبی اعتزاله میل و شیعه یه اکرام و انفات ایتك مسلکنده بولندیغندن ( بغداد ) علوم و معارفه ( مأمون ) ك دورنده نه حالده ایدی ایسه ( معتصم ) ك دورنده ده او حالده قالدی . ( معتصم ) دن صکره مقام خلافته کلن اوغلی ( واثق ) دخی مأمون ك اثرینه اقتدای سودیکی جهته ( مأمون ) کبی فقها و متکلمین



آرہ سندنہ انواع علوم عقلیہ و نقلیہ دہ مباحثہ لہر اجراسی ایچون مناظرہ مجلس لہرینی عقد ایدردی [۱] .

( وائق ) ۲۳۳ سنہ ہجریہ سندنہ وفات ایدنبجہ برادری ( جعفر متوکل ) کندیسنہ خائف اولدی . ( متوکل ) شیعه و معتزلہ یہ صوگدرجہ شدتلہ مخالف ایدی . حضرت علینک اوغلی حضرت حسینک قبری ایلہ اطرافندہ بولنان منازلاک ہدمنی امر و خلقي قبر حسیني زیارتدن منع ایتک درجہ سنہ قدر بوبولتہ ایلری کیتدی . حضرت علی ایلہ پک زیادہ استہزادہ بولنور [۲] و حضرت امامہ بغض و عداوتلہ اشتہار ایدنلر ایلہ مجالسہ و صحبت ایدردی . ( متوکل ) مأمون و معتصم و وائک اعتقادلرینہ بستیون مخالف بریولتہ حرکت ایتدی . قرآنک مخلوق اولدیغنہ دائر اولان قولی ابطال و امور دینیہ دہ مباحثہ و مناظرہ لہر اجراسنی منع ایتدیکی کی بوابطال و منعیہ مخالف حرک ایدنلرہ دخی مجازاندہ بولنہرق تقلید یوانہ عودتی امر و سنت و جماعتہ مظاہرت ایلدی . مشایخ و محدثینہ نقل احادیث ایلہ اکثفا ایلملرینی امر ایتدی . ( رشید ) ایلہ خلفلری زمانلرنده اک پارلاق بردورہ اعتلایہ بالغ اولان علم کلام ( متوکل ) ک دورندہ بو اوامر و تضدییقات تأثیریلہ انحطاط و تقہقرہ اوغرادی . ( متوکل ) رأ و قیاس طرفدارانی ایلہ فلسفہ اربابنہ و سائر علوم دخیلہ یہ شدتلہ دشمن ایدی . مقام خلافتہ کلیرکلہز ہان عامایہ اعلان خصوصت ایتدی . عامانک برطاقلرینی اہلاک ، دیگر طاقلرینی تذلیل ایلدی . بتون علوم و معارفہ و اربابنہ مسلط بر بلا کسیلدی . غیر مساملر دخی بو خلیفہنک زمانندہ قیافت دیکشدرمک ، تحقیر و تذلیلہ دوچار ایدلمک خصوصلرنده پک چوق فلاکتلرہ دوچار اولملشردی [۳] . ( متوکل ) ک ( بنحیشوع بن جبرائیل ) ہ غضب ایدہ رک اموانی مصادره و کندیسنی ( بحرین ) ہ نفی ایلدی ، اعظم ادبا و علم لغت ائمہ سندن ( ابن السکیت ) نامیلہ معروف اولان ( ابو یعقوب بن اسحاق ) ی دیانی قوبارمق شکل فجیعی ایلہ قتل ایتسی [۴] ، اعظم کتابدن ( عمر بن مصرح راجی ) یہ طاریلہرق اندن بر چوق پارہ وجواہر آلدقندن ماعدا کندیسنہ ہر کون دایاق آتلسنی امر

[۱] مسعودی ۲۶۱ و ۳۶۷ ج ۲ [۲] ابوالفدا ۴۰ ج ۲ [۳] تاریخ المشرقہ

( ال یازیسی ) [۴] ابوالفدا ۴۳ ج ۲

ايملىسى ونواوريانلار ضربهلر صابايدىغنده آلتى بيك سله آتلىدىغلك تيرين ايتىمى [۱]  
 علوم ومعارف اربابنه كوسترديكى خصوصت وقاينكلك مشهورلر ندىندىر .  
 ( متوكلك ) ۲۴۷ سنه هجرىه سننده اوغلانك تشويقاقى ايله كنىدى آدملىرى  
 طرفدىن مقتولاً وفات ايتدىكىندن احوال خلافت مضطرب وپريشان اولدى .  
 تركلرك غائله سى ده يك زياده بيومش ايدى . بو حاللار اكثرىته ايرانى وعربلردىن  
 متشكل اولان ارباب علوم ومعارفه فنا برتائير اجرا ايلدى . بونلر آرتق  
 بغداددىن نفرت ايتىمكه ويواش يواش ممالك اسلاميه نك اطراف سائرده سنه طاعلمه  
 باشلاديلر . دردنجى عصر هجرىده ودها صكره علوم ومعارف احراز تكمل ايتدىكىدىن  
 صكره طيب ، فيلسوف ، هيئتشناس ، مهندس ، علم كلام عالمى ، منطق اربابى ،  
 فقها ، لغويون وسائر دىن اوله رق يتيشن علماندىن اكثرىتك بغدادك خارجنده  
 يتيشملرى بيان ايتدىكىمىز اسبابه بناء علوم ومعارف منسوبىنك بوضورتله  
 بغداددىن طاعلملردىن نشأت ايتىش ايدى .

شوخالده اسلاميتك ظهورى صره لرندىه طب ، طبيعيات وفلسفه مركزى  
 ا- كنىدىرىده ايكن برنجى عصر هجرىنك صوكلارندىه ( عمر بن عبدالعزيز ) ك  
 زمان خلافتنده ( انطاكيه ) يه انتقل ايتىكى كچى علوم اسلاميه مركزى دخى  
 اسلاميتك ظهورى صره لرندىه ( مدينه ) ده ايكن بالاخره ( بصره ) يه وبو .  
 شهردىن ( كوفه ) يه انتقال ايلشدى . ده صكره ( بغداد ) شهرى تأسيس  
 ايدىلدىجه علوم دخيله دخى . اك انضمام ايتدىكىندن شهر مذكور علوم وادبيات ،  
 فلسفه وطب وسائر علوم عقليه ونقله ده امدان كسلمشدى . ( متوكلك ) ك  
 زماننده احوال خلافت مختل وپريشان اولدىدىن صكره ممالك اسلاميه نك  
 شوراسنده بوراسنده نفع وتشعب طريقه نشو وارتقا قاونونه تبعاً يكي دولتلر  
 تشكيل ايدىنجه ارباب علوم ومعارف هر طرفه طاعيله رق علوم ومعارف ايچون  
 بربرينه حائز رجحان ونفوق متعدد مركزلر وجوده كلىشدى . علوم ومعارف  
 تدريج ايله شرقاً عراق عجمى يه ودها صكره خراسان وماوراء النهر ، غرباً  
 قاهره واطرافنه واندلسه انتقال ايلشدى .

بلكه اندلس قطعه سى ادبيات وشعرده ديكر قطعه لرى كچمشدى . چونكه

اندلس ادبیات و شعر در شرق دول اسلامیہ سنک و ارثی اولمش ایدی .  
 بوجهتله (قرطبه) شهری دولت مروانیہ زمانندہ قبہ اسلام و مجتمع علما  
 کسالمش ایدی . شعر روایت و انشادی ایچون هر طرفدن بو شهره  
 قوشولوردی [۱] . بونکله برابر (قرطبه) کرک شعر و ادبیاتده ، کرک سائر  
 علومده و بالخاصه علوم دخیلده بغداددن فیضیاب اولمش ایدی . موسیقی بورایه  
 بغداددن کتیدی . بونی اندلسده حکومت سورن ملوک امویہ نك اوچنجیدی اولان  
 ( حکم بن هشام ) ك زمانندہ اندلسه کیدن ( زرقون ) ایله ( علون ) نقل  
 ایلدیلر [۲] . فلسفه ککنجه بو ، ( مأمون ) ه معاصر اولان ( عبدالرحمن اوسط )  
 زمانندہ اندلسه چکش و ( حکم بن الناصر ) ك دورنده رواج و اتلا  
 بولمشدی [۳] . علم طب ایسه بغداددن مغرب بلادینه انتقال ایتدکن صکره  
 ( اسحق بن عمران ) واسطه سیله اندلسه انتقال ایتشدی . اصلاً بغدادلی اولان  
 طیب مومالیه اوچنجی عصر هجرینك ابتدالرنده اندلسه کیدرک نوعامی اورایه  
 برابر نقل یلشدی [۴] . بونکله برابر اندلس و مصر اطبائی برزمانلر علم  
 طبه و یا علوم دخیله نك دیگر برندنکی معلوماتلرینی توسیع و اکمال ایتک ایسته نیجه  
 بغداده کیدرلردی . حتی اندلس موسویلری کندی دیاتلرینه متعلق اولان  
 فقهی بغداد موسویلرندن اقتباس ایدرلردی [۵] . دیگر مملک اسلامیہ اندلس  
 کبی هپ بغداددن مستفیض اولیوردی .

والحاصل انتباه عالمی عباسی خلفاسی طرفندن بغدادده صاحبان علوم  
 و معارف تخمی خراسان ، ری ، خوزستان ، اذربایجان ، ماوراءالنهر ، مصر ،  
 شام ، اندلس و سائرده دخی میوه ویردی . علوم و معارف مذکور قطعهلرده  
 پارلاق دورلر کچیرر ایکن بغداد شهری دخی استمرار قوتی و مرکز خلافت  
 اولمق حسیله ایچنده بولان اسباب ثروتک تأثری ایله علمایه مقرر قالدیغندن  
 بوراده دخی خلفنك خدمت طبابتده و مترجملکده استیخدام اولان خرستان  
 اطبادن ماعدا اسلاملرندنه برطاقم علما یتیشمشدی .

مع مافیہ انتباه عالمی عباسیدن صکره بغدادده یتیشن غیر مسلم علمانك

[۱] نفع الطیب ۱۷ ج ۱ [۲] نفع الطیب ۷۵۳ ج ۲ [۳] طبقات الاطبا ۶۲ ج ۲

[۴] طبقات الاطبا ۳۶ ج ۲ [۵] طبقات الاطبا ۵۰ ج ۲

اکثري خلفانك خدمته داخل اولق ايچون عراق جزيره سندن وسائردهن  
بغداده کيدنلردن متشکل اولديغي کي اسلاملردن اولان علمانك اکثريده  
عراقك خارجنده يتشيردي . چونکه دولت عباسيه دن تشعب ايدن يکي دولتلرک  
حکمدارلردن اکثري ارباب علوم ومعارفه ترغيات وتشويقات اجراسيله کندی  
پایتختري اولان قاهره ، غزنه ، شام ، نيسابور ، اصطخر وسائرده جلب ايتک  
ايچون اتباع علمي عباسي خلفانك ائرينه اقتدا ايتمشلردی . اوسايه ده علي الاکثر  
علما بورالرده يتشيرلردی . اعظم اطبا وحکماي اسلامدن (ابو بکر رازی) .  
ريده ، عالم اسلامك ارسطو وبقراطي اولان (ابن سینا) ترکستانده کائن بخاراده ،  
مشاهير حکماي اسلامدن (ابورحان بيروني) سنده واقع (بيرون) ده ،  
اندلسك دردنجي قرن هجري واسطی اطبا سندن اولان مشاهير نباتيوندن .  
(ابن جليل) اندلسده يتشدکاري کي اعظم حکما واطباي اسلامدن (ابن باجه) .  
مشاهير المبادن (ابن زهر) واقرباري اولان (آل زهر) ، حکيم شهر (ابن  
رشد) ، مشاهير نباتيوندن (ابن روميه) دخی اندلسدن ايدیلر .

مصره کانجه بوقطعانك اکثر مشاهير اطباي خريستان ، موسوي  
وسامريلردن ایدی . فلسفه وطبيعات علماسندن (ابن الهيثم) ، طيب شهر  
(علي بن رضوان) ، رئيس الاطبا (الشيخ السديد) ، طيب حکيم (رشيد الدين  
ابو حليقه) ، نباتي شهر (ضياء الدين ابن البيطار) بوقطعه ده يتشمش لردی .  
شام قطعه سنده دخی برچوق اعظم علما واطبا ظهري ايتمش ایدی . اعظم  
حکماي اسلامدن (فارابي) يله طب وفلسفه وعلوم رياضيه ايله سائر فنونده  
عصرينك فريدي اولان (ابوالمجد بن ابی الحکم) ، مشاهير حکماي اسلامدن  
(شهاب الدين سم وردی) ، سياح مشهور (موفق الدين بغدادی) بوقطعه ده  
يتشکلردن ايدیلر . شام قطعه سنده بتيشوب طب وفلسفه ايله خلفا وامرايه  
خدمت ايدن وقدارلري چوق اولان خريستان علما واطبا سنی ده اونوتماق  
اقتضا ايدر .

علوم مذکورده علماسي حقنده ايراد ايديان مطالعاتك عيني فقها ، محدثين ،  
لغويين ، شعرا کي علوم اسلاميه علماسي حقنده قابل اطلاقدر . زيرا بغداد  
شهری بونوع علمايه مالک قالدیغي حالده خارجنده دخی بوعلومده بيوك علما



یتیمشدی . بغدادك خارجندہ یتیمشن علمانك حائز اولدقلری . (بخاری) ،  
(نيسابوری) ، (سجستانی) ، (فرغانی) ، (بلخی) ، (خوارزمی) ، (فیروز-  
ابادی) ، (حموی) ، (دمشقی) ، (فیومی) ، (سیوطی) ، (قرطبی) ، (اشیلی)  
وسائرہ کي القاب یتیمشدکاری اما کئی کوسترمکددر .

## خلفا ، امرا و علم

خلفا و امرا نك علم ايله اشتغال ایدی

خلفا و امرا بالذات علوم و معارف ايله اشتغال ایدن ارباب علم و ذكادن تشكیل  
ایتدیکي ایچون علوم و معارف اهله توجہ و التفات و نوازش-کارانه معاملانده  
بولملری پك طبعی برشی ایدی . برملککک پادشاهی و پادشاهی عالم بر آدم ايسه  
علوم و معارف اولملککده فیض و اعلا بولور و اربابی مسعود اولور . معلوم  
اولدینی اوزره اسلامیتده خلیفه نك امور شرعیه ده عالم اولسی شروط خلافتدندر .  
بناءً علیه خلفا علی الاکثر بوعلومده و قوف و احاطه صاحبی بولنورلر و علوم  
شرعیه دن بحث ایدلک ایچون مجلسلر عقد و فقها و محدثینی مظهر حمایه ایدرلردی .  
فقه و حدیث ايله بوصورتله وقوع بولان اشتغال - آرده موجود اولان  
ارتباطه بناءً - نحو ، لغت ، تاریخ ايله اشتغاله باعث اولمشدی . ذاتاً علوم  
و معارف یکدیگرینه مربوط اولوب دائماً بر برینی چکر . دیگر جهتدن ؛ اسلاملر  
عراقده اقامت ایدنجه سریان و فرسدن مرکب اولان علوم طبعیه و فلسفه و نجوم  
اربابی ايله محاط اولمشلردی . ایشته بوسایده علوم دخیله دن بعض معلوماته  
مطلع اوله رق اوعلومه بر شوق و انجذاب حس ایتشلر و متعاقباً علوم مذکورہ  
ایله مشغول اولمشلردی بواشتغال خلفا و امرا نك تنورینه خدمت ایتدیکندن  
اوزماندن اعتباراً خلفادن برطاقم ذوات علوم ادبیہ دن ماعدا علوم طبعیه ده دخی  
عالم اوله رق یتیمشدلردی .

خلفای عباسیه نك اك عالمی ( مأمون ) ایدی . مشار ايله علوم شرعیه و لغویه ،  
نجوم ، فلسفه و منطقده ید طولی صاحبی ایدی . ایلکده ۳۶۶ سنه هجریه سنده

وفات ایدن (حکم بن ناصر اموی) ، مصرده ۴۱۱ سنه -نده وفات ایدن (حاکم بامرالله فاطمی) سائر دول اسلامیة ده (مأمون) ه مقابل علمادن اوله رق یقینشن حکم دارلردن ایدیلر . مشارالیه مادن (حکم) علم تحصیلنه و کتاب جمعنه پک مراقلی اولدیغندن هر طرفدن کتاب جایی ایچون پک چوق پاره لر صرف ایدردی . (حاکم) ایسه علم هیئتده معلومات واسعه یه مالک ایدی . آئیده کوستره جکمز اوزره بر رصدخانه انشا و بر کتبخانه تأسیس ایشدی . ۲۳۸ تاریخنده وفات ایدن اندلس امیری (عبدالرحمن اوسط) دخی علمادن ایدی [۱] . مشارالیه اندلس ملوکی ایچنده کنديسنه اک اول فلسفه کتابلری واصل اولان ، انلری مطالعه ایدن ، (مأمون) ک زماننه یقین بر دورده یتیشدیکی ایچون انک اثرینه تبعاً افکار فیلسوفانه اظهار یلین ایلک ذات ایدی . بویکی حکمداردن اول خلفادن هیچ بری فلسفه بیلمزدی . بالفرض بیلسه بیله بیلدیکنی کیمسه یه کوسترمه که جسارت ایده مزدی . اولکی خلفا (منصور) و (رشید) کبی علوم دخیله دن یالکوز علم نجومی بیلیرلر و انکله مشغول اولقله اکتفا ایدرلردی . بمض خلفانک فلسفه و علم طبعی ایله کوزکملری اتباه عباسیدن صکره وقوع بولمشدی .

ادبیات و شعره کئنجه خلفا بویکی شیده معلومات واسعه یه مالک ایدیلر . شعر بختنده ادبیات و شعرایله اشتغال ایدن خلفایی کوسترمش ایدک . برنجی خلیفه عباسی (سفاح) محادثات ایله (نزار) و (یعنی) دن اولان عربلرک مفاخراتندن پک زیاده خوشالانیردی . ایکنجی خلیفه (منصور) عربلره دائر برچوق معلومات تاریخیه و ادبیه بیلیردی . حتی بوکا دائر بر کتابی وارد [۲] . دردنجی خلیفه (هادی) کنديسنه وقائع تاریخیه و اشعار نقل ایدن ادبا ایله مصاحبه لرده بولنوردی . خلفای عباسیه دن (معتز بن متوکل) ک اوغلی مشاهیر ادبا و شعرادن (ابن المعتز) علم بدیعه دائر ایلک کتاب یازان ذات ایدی . خلیفه (مهدی) نک اوغلی (ابراهیم) ادبیات و شعر اعظم رجالندن معدوددر . کذلا - حلبده اجرای حکومت ایدن (بنی حمدان) ، اندلسده حکومت سورن (بنی عباد) ، بغدادده . اجرای حکومت ایلین (بنی بویه) ادیب و شاعر ایدیلر .

خلفا و امرا ارباب علم و ذکاوت ایلری بر موقعدہ طوتہرق انلردن وزرا انتخاب ایدرلردی . ( رشید ) ک وزیر ( یحیی بن خالد برمکی ) ، مصرده کی ملوک فاطمیه دن ( عزیز بالله ) ک وزیر ( یعقوب بن کلس ) علمای وزرادن اولدقلری کبی دول عباسیه و دول سائرہ اسلامیہ نک اکثر وزراسی ده علمادن انتخاب اولنوردی .

بر دولتک حکمداری ارباب علم و معارفدن ایسه انک دورنده علمانک چوغاله جنی و سایه سنده علوم و معارفک شعشعه دار اوله جنی شه سزدر . چونکه خاق ، باخصوص حکومات مطلقه ده ، پادشاهلرینک احوال و حرکاتنه تابع اولورلر . افکارک حکمدارک خوشنه کیدن یوله دوکولور . علوم ادبیہ علماسندن ( اسامه بن معقل ) : « سفاح خطبه لره و رسائله رغبت ایتدیکندن اربابی حمایه مخصوصه سی آلتنه آلهرق انلره مکافات و احسانلر و یریردی . ایشته بوسبیه . مبنی انک توجهنه نائل اولاق ایچون بیک رساله و بیک خطبه حفظ ایلهرک بوسایه ده توجهنه نائل اولدم . مشارالهدن صکره مقام خلافت ککن ( منصور ) مسامراته و اخبار وایام عربیه اهمیت و یریردی . و بو علملرک اربابی مظهر التفات و مکافات ایدردی . بو خلیفه نک توجهنه مظهر اولقی ایچون ده مسامرات و اخباردن حفظ ایتدک برشی براقدم . ( موسی الهادی ) یه کلنجه بو خلیفه شعره مراقلی ایدی . چوق شعر بیلنلره میل ایدردی . بونک توجهنی قازانقی ایچون دخی حافظه مه تودیع ایتدک نادر بریت ، فاخر برشعر ، دیلدن دیله سیار برنسیب ( غزل ) براقدم . برانسان علوم ادبیه ده ید طولی صاحبی اولقی ایچون خلفانک او علملره میل و اربابی مظهر حمایه و مکافات ایللری قدر برعامل مشوق یوقدره دیورکه [۱] . بو مطالعات بوباده کی ادعائری مؤید اولان ادله جمله سننددر .

### خلفا و امرا انک نامنه کتاب تألیفی

مار الذکر عوامل و مؤثرات هر عصر و هر دولته نافذ الحکم ایدی . خلیفه

(مأمون) ك علمه محبتى و بر طبق معلومات مكتسبه سى اولمه ايدى كتاب ترجمه - نه اقدام ايتزدى . مشاراليه مسائل علميه ايجون مناظره و محاوره انجمن و مجلسلريني عقد ايدردي . ائمه نحو بوندن (فرا) به اصول نحو ك جعنى امرايدن و بومقصد و وصول ايجون امام مشارالهي بر او طهده او طور ددرق مدار معيشتي دوشونمسون ديه كنديسه بول بر معاش باغلايان كنديسي ايدى [۱] . ايشته بوسايهده خليفه مشاراليه زماننده علوم و معارف و بالخاصه فلسفه - چونكه فلسفه يي سويوردى - بيوك برفيض بولدى . معارف پرور هيچ بر حكمدار ويا امير بوله مازسكز كه علما انك اطرافنده بالا اجتماع شعبات علومدن سوديكي شيلره دائر كنديسه كتاب يازوب مكافانه مظهر اولمسونلر . بوسائقه ايله مورخيندن و مدينه نك قدماي اعيان علما - نندن (محمد بن اسحق) خليفه (منصور) ك نامنه حيرهده بولنديني صرده (كتاب المغازي) يي تاليف ايتديكي كي [۲] (ابن بكار) دخي (موفق بالله) ك نامنه (الموفقيات) اسميله معروف اولان (كتاب الاخبار) يي تحرير ايلش ايدى [۳] . ينه عين سائقه ايله (رازي) خراسان اميري (منصور بن اسحق بن اسمعيل بن محمد) ك نامنه (المنصوري) اسمنده كي كتابني يازمش ايدى . آل بويه دن (عضدالدوله بن بويه) بغداده استيلا ايتديكي زمان ارباب علم و معارفه توجه و ميل كوسترديكندن علما هر طرفدن نزدينه كيدرك نامنه (كتاب الايضاح في النجوم) ، (كتاب الحجج في القراءات) ، (كتاب المللكي في الطب) ، (كتاب التساجي في تاريخ الديلم) و سائر كتابلريني يازوب كنديسه تقديم ايتشلردى [۴] . كذلك عيني تأثيره بناءً مشاهير اطبا دن (سعيد بن هبة الله) دخي خلفاي عباسيه نك يكرمى يذنجيسى اولان (مقتدى بامر الله) ك نامنه طبعه دائر (كتاب المغني) يي تحرير ايلش ايدى [۵] .


علما بعضاً وزرا و امرايك نامنه دخي كتاب تاليف ايدرلردى . نته كيم (تريزي) مقاماتني خلفاي عباسيه دن (مسترشد) ك وزرا سندن (انوشروان بن خالد بن محمد قاشاني) نك نامنه يازديني كي [۶] دولت عباسيه دورنده يتيشن مشاهير

[۱] طبقات الادبا ۱۳۷ [۲] ابن خلكان ۴۸۳ ج ۱ [۳] مسعودي ۲۴۱ ج ۱

[۴] ابوالفدا ۱۲۹ ج ۳ [۵] طبقات الاطبا ۲۵۵ ج ۱ [۶] الفخرى ۲۷۴



اطبادن ( جبریل بن عیدالله بن بختیشوع ) دخی آل بویه وزراسدن و مشاهیر  
ادبادن ( صاحب بن عباد ) ک نامنه - اکا اولان محبتنه مینی - تألیف ایتمش  
ایدی . سائر خلفا ، امرا و وجہا ناملرینه کتاب تألیف ایدن برچوق علمایی ده  
اکا کوره قیاس ایدیکز . اعظم نامنه بوصورتله کتاب تألیف ایدلمسی علی الاکثر




قاهرده بر زقاق

او اعظمک بیوک احسانلرینه نائل اولوق مقصدیه وقوع بولوردی . علما بو  
یوزدن یک چوق پاره لره نائل اولمقده ایدیلر . اندلس ملوک امویه سندن  
( هشام بن حکم بن عبدالرحمن ) ک وزیر ( محمد بن عبدالله بن ابی عامر المنصور )  
کندی نامنه مشاهیر ادبادن ( ابوالعلاء صاعد بن الحسن بن عیسیای ربی  
بغدادی ) طرفندن تألیف اولنان ( الفصوص ) کتابی ایچون ۵۰۰۰ دینار

مكافات و یرمش ایدی [۱] . ( فردوسی ) شهنامه سنی سلطان محمود غزنوی  
نامه هریقی ایچون بر دینار و یرمك اوزره نظم ایتش ایدی که آلتی بیک بیتی  
حاویدر .

مع مافیه كرك خلفا و وزرا ، كرك امرا و سائر اءظم كندی ناملرینه تالیف  
اولسان كتابلر ایچون قولای قولای مكافات و یرمز لردی . بالعكس او  
مؤلفاتی مطالعه و تدقیق ایدرك نافع و قیمتدار آتاردن ایسه مؤلفلرینی شایان  
مكافات بولورلر و دكل



ایسه کتابلره اهمیت و یر -  
مدكدن ماعدا بعضاً  
مؤلفلرینی جزایه بیسله  
چار پارلردی . حکیم شهر  
( ابوبکر رازی ) بالاده  
ذکری کچن ( منصور بن  
اسحق ) ك نامه صنعت  
کیمیایه دائر بر کتاب  
یازدرق مكافات اولسق  
اوزره اندن بیک دینار  
آلش ایسه ده ( منصور )  
کتابك ایچنده بولان قواع  
و مطالعاتك فعلیاته تطبیقی  
طلب ایتش ، ( رازی )  
فعلیاتی کوستر مکدن  
اظهار عجز ایدنجه  
( منصور ) کندیسنه :  
» بر حکیمك حکمت نامی

عربلر طرفندن سیچلیا اطمینده پالرمو شهرنده انشا  
اولنان ( حیزه ) قصرینك جبهه اصلیه سی

آئنده یازه جنی کتابلرده یالان شیلر تخلید ایده جکئی و بو یالانلر ایله خلقلک بوش

یرہ اوغراشم لرینہ سبب اوله جغنی امید ایتیموردم . بکا مراجعتک ونورغونلغک ایچون سکا مکافات ویردم . شمدی یالان شیر یازمغه جراثکدن طولایی سکا مجازات ویرمک اقتضا ایدر ، دیهرک یازدیغی کتابک پارچه پارچه اولنجیه قدر باشنه اورلمنی امر ولوازم سغریه نی ویرمک کندینی بغداده اعاده ایلشدی [۱] .

بعض امرا وسلاطین - باخصوص اندلسده دولت امویانک انقضاسندن صکره تشکل ایدن طوائف ملوک زماننده - علمایی کندیلرینہ یاقلاشدیرہرق کندی ناملرینہ انلره کتاب یازدیرمقله فخر ومباهاتده یولورلردی وکندیلری جاعل اولدقلری حالده محضا معارفورور کورنمک اوزره علم امانی حمایه ایدرلردی . چوققلری ، باخصوص ابتدای حاکمیتلری صرهلرنده ، کندیلرینہ معارفورور برامیر ویا سلطان شهرتی اطلاق اولنسون دیه علما وادبا ایلہ مجالسه ومباحثهلرده یولورلردی [۲] . « فلان عالم فلان امیرک یاننده » و « فلان شاعر فلان سلطانک معیندهدر » دینلمی انلرجه وسائل فخردن عد اولورودی . علما وشعرا کندیلرینہ اوصورنله اهمیت ویرلدیکنی کورنجه امرا وملوکه قارشى ناز کوسترمکه باشلایهرق معین ویشین اولق شرطیله یاره المقسزین امرا وملوکه مدحنه دائر برشی یازمازلردی . امرا وسلاطین انلره ایست کلرینی ویرلردی . بعضاً دخی برامیر علمادن برندن کندی نامنه برکتاب یازلمنی طلب ایتدیکی ونونک ایچون بیوک برمکافات ویرمک ایستدیکی حالده اوعالمک موافقتی استحصال ایده مزدی . روایتہ کوره ۴۳۶ سنه هجریه سننده وفات ایدن اندلسک مشاهیر ادباسندن ( ابو غالب تمام بن غالب بن عمر قرطبی ) لغته دائر اولا ( تلقیح العین ) کتابی یازدیغی زمان اندلس طوائف ملوکندن ( دایه Denia ) شهرى امیری ( ابو الحسن مجاهد عامری ) [۳] کندیننه بیک دینار وبرینک حیوان وکسوه کوندره رک یازیلان کتابک کندی اسمنه نسبت ایدلمنی ، یعنی نهایتنه : « بوکتاب ابو غالب طرفندن ابو الحسن مجاهد نامنه تألیف ایدلمشدر » دینلمنی طلب ایتش ایدی . ( ابو غالب ) تکلیف وهدیهلری رد ایتدی . « بوکتابی [۱] ابن خلکان ۷۸ ج ۲ [۲] فتح الطیب ۱۰۱ ج ۱ [۳] اصلده ابوالجیش دینیابور .



خلفك استفاده سنه خدمت ، سعی و همتی تخلید ایتك ایچون یازدم . کتسابك کوکسینه غیرك اسمنی قویوب بوشرفی اکا نصل ویررم ؟ » دیدی . (ابوالحسن مجاهد) عالم مومالیمك بوجوابنه مطلع اولنجیه ابا واستکافنی تقدیر ایدرک هدایانی برقات دهاتزید و « ضرری یوق . بنی کتابنده ذکر ایتسون . نصل ای- تراپسه اویله یابسون » سوزلرینی ایراد ایلدی [۱] .

بونکله برابر بعض علما کندی اوغللری و برادرلری و دوستلری ایچون کتاب تالیف ایدرک بویوزدن هیچ برمکافات بکلمزلردی . بعضاً دخی کندی نفسلری ایچون کتاب یازارلردی . مشاهیر علمادن (دمیری) نك (کتاب الحیوان) نك مقدمه سنده وارد اولان لطیف سوزلردن اوله رق مؤلف : « بو برکت-تاب که کیمسه بدن تالیفنی طلب ایتدی » دیور .

والحاصل مدنیت اسلامیه خلفا سرائلرندن باشلا یه رق مسجدلره ، امرا و عوامک خاندلرینه ، شرقی و چالنی محللرینه قدر هر یردن و مرصنفدن علما و فضلایله مالامال ایدی . او مدنیت اهلی هر نوع علوم و معارفدن و ادبیاتک بالجه قروع و شعباتندن ، شعر و سائردهن بحثلر و مناظرلر اجرایی ایچون مجلسلر عقد ایتدک لری کبی اوغللرینی ، برادرلرینی ، کوله لرینی ، جاریه لرینی و اوطه لقلرینی تحصیل علمه مجبور ایلرلردی . جاریه لره تحصیل علم ایتدیردکن ، تربیه و تهذیب لرینه باقدقن ، کندیلرینه قرآنک حفظی ، اشعار ، تاریخ ، نحو ، عروض و لغتی بی اوکرتدکن صکره بربرلرینه هدیه ایدرلردی . (هرون الرشید) ک زوجیه سی و اوغلی (امین) ک والده سی (زبیده) نك یاننده قرآنی حفظ ایتش یوز جاریه وار ایدی که قرائتدن مشارالیهانک سرایندن آری کورلدیسی کبی برکورولدی ایشیدیلردی [۲] . او دورلرده تحصیله او قدر اهمیت ویرلردی که حتی مختلرک بیله تحصیل و تربیه سینه باقیلردی . (قرطبه) ده هجرتک بشنچی عصری ابتدالرنده مختلر دن علم ادبده ید طولی صاحبی بر طاقم کنجبار وار ایدی که بوعلمه دائر کتابلر یازمشلردی [۳] .

بوندن ده غریبی کتاب مؤلفلری شویله طورسون کتاب مطالعه و حفظ ایدنلره دخی برحق پاره لک بذل و اعطا ایدلمسی ایدی . دولت ابویه ملوکندن



شامده حکومت سورن ( ملک اشرف مظفرالدین موسی بن یوسف ) علوم ادبیه به یک زیاده مراقلی اولدیغندن ( زحشری ) نك ( کتاب المفصل ) نى هرکیم ازبر ایدرسه اکایوز دینار ایله برخلعت ویره چکنی وعد ایتیش وپک چوق کیمسه لر کتابی ازبر ایدرک مکافاتی آلمش لردی [۱]. بوايسه مثلی ایشیدلماش مناقبدن عد اولنور .

### مؤلفلر و یازدقلری آثار

علوم و معارف او رتبه رواج و اعتلا بولدقدن صکره مؤلفلر ایله آثارک چوغالمسی ، تتبعات و مطالعاتلرینک بیوک بر وسعت کسب ایتسی ، اوصره لرده اسلاملرک تحت حاکمیتلرنده بولنان ثمالک متعده دن شام ، مصر ، عراق ، فارس ، خراسان ، ماوراءالنهر ، هند ، مغرب ، اندلس و سائرہ قطعہ لرینک عرب ، فرس ، روم ، یهودی ، سریانی ، هندی ، ترک ، دیلملی ، قبطیلردن اولقی اوزره ملو کدن ، امرادن ، وزرادن ، اغنیادن ، فقرادن بر چوق مؤلفلرک یتیشمسى غریب کورلمز . بومؤلفلرک مؤلفاتی طبیعیات ، الهیات ، عقلیات ، ریاضیات ، ادبیات و نقلیاتہ دائر قریحه و ذکای بشرینک اوزمانه قدر کشف و تدوین ایتدیکی باجمله معلوماتی احقوا ایلش ایدی . مؤلفین اسلامیه طرفندن اجرا ایدیلن تدقیقات و تتبعات واسعه علوم و معارفک تنوع و تشعبه باعث اولدیغندن اعظم علمای عثمانیه دن ( طاشکیری زاده ) نك ( مفاتیح العلوم ) نده ذکر ایدلدیکی اوزره بوشعبلرک عددی بیش یوزی آشمش ایدی . لسان عربی به مخصوص اولان علوم اسلامیه ایله آداب اسلامیه دن ماعدا بوشعبات علومدن اقتصاد سیاسی ، حکمت تاریخیه ، موسوعات تاریخیه و جغرافیه ( انسیقلوپدی ) کبی بعضلری واردرکه اسلامیتدن اول موجود دکل ایدی .

اسلاملر او قدر چوق کتاب یازمشلردی که تعدادلری اون بیکلره ایریشیر . اون برنجی عصرهجری به قدر نامی قاله بیلوب ( کشف الظنون ) کتبابنده ذکر

اولنان آثار اسلاملرک نه قدر چوق کتاب یازدقلىرى کوسـترمکه کافیدر . شرح وهامش صورتيله یازیلان شـیلردن ماعدا مذکور کتـابده کوسـتریلن مؤلفاتک مجموعی ( ۱۴,۵۰۱ ) ه بالعدر . فرق اسلامیه آرمسندۀ ظهورایدن فننه واختلاللر وسائر فلاکتلر اثناسندۀ دوچار ضیاع اولملری سببيله نام ونشانلری قالمیان اثرلرایله آتیده کوسـتریله چکی اوزره والیرلر طرفدن منسویینی قهر وتنکیل ایتک مقصديله فلسفه وتفرعاتنه متعلق یاقیلان کتابلر حسابیه داخل دکلدر . فی الحقیقه اوظالم والیرلر فلسفه وتفرعاتنه دائر اوقدر چوق کتابلر احما ایتشلردر که اعتلا دورنده بونجه امکلر صرفیه ترجمه ویاتالیف اولنان کتابلرک قسم اعظمی یوق ایدلمش ، بونوع آثاردن یالکیز یک آزرشی قاله بیلیمشدر .

مؤلفات اسلامیه دن ضیاعه اوغرایان کتابلر باقی قالان آثارک بر قاج مثلی اولدینی شهیه کوتورمز بر حقیقتدر . ( مسعودی ) ، ( طبری ) ، ( ابن الاثیر ) وسائر کبی اسـکی مؤلفلردن بعضلری ، تحریر ایتدکاری آثارک مقدمه لرندۀ ، مأخذ ومرجع اتخـاذ ایلدکاری بر چوق کتاب اسمنی ذکر ایتدکاری حالده فهرست کتابلرندۀ ارمؤلفاتدن یک آرلرینک اسمنی بوله بیلیمککمزمده امزی مؤید ادله دندر .

اسلام مؤلفلری ایچسندۀ بیکه قدر یوزلرجه کتاب یازانلر واردی . مثلاً مشاهیر ائمۀ ادبدن ( ابو عبیدۀ ) نک آثاری مختلف علملره دائر اولمق اوزره ( ۲۰۰ ) ، ائمۀ فقهادن ( ابوالعباس بن سـریج ) ک مؤلفاتی ( ۴۰۰ ) ، اندلسک کبار علما و ادبا سندن ( ابن حزم ) ک یازدینی کتابلر ( ۴۰۰ ) [ ۱ ] \* ، ( کندی ) نک آثاری ۲۳۱ ، صلاح الدین ابونینک وزیرى اعظم ادبا دن ( قاضی فاضل ) ک اثرلری ( ۱۰۰ ) ه بالغ اولمش ایدی . ( رازی ) ، ( سیوطی ) ، ( ابن سینا ) کبی بر چوق علمانک مختلف موضوعلره دائر تحریر ایتدکاری آثارک مقدارینی ده اکا کوره قیاس ایدیکز . حتی اندلس عالمی ( عبدالملک بن حبیب السـلمی ) کبی بعض علما بیکر کتاب یازمشلر ایدی [ ۱ ] . اعظم علمادن ( جمال الدین . الحافظ ) طرفسندن تألیف اولنان آثار مدت عمری اوزرینه تقسیم ایدیلنجه هر کون ایچون طقوز کراسه دوشدیک کورلمشدر [ ۲ ] .

[ \* ] قاموس الاعلامده سهواً ۴۰۰۰ اثر دینلیور . [ ۱ ] نفع الطیب ۳۳۱ ج ۱

[ ۲ ] ابن خلکان ۲۹۷ ج ۱

مؤلفات مذکورہ نك بیوکلکندی ده نظر مطالعہ یہ الملق اقتضا ایدر . چونکہ او آنارک بعضلری وبالخاصہ کتب تاریخیہ اونلرجه جلدن متشکلدر . مثلاً (سبط ابن جوزی) نك (مرآة الزمان) ی اللی ، (ابن عساکر) ك (تاریخ دمشق) ی سکسان ، (خطیب بغدادی) نك (تاریخ بغداد) ی ۱۴ ، (اغانی) ۲۰ ، (ابن الاثیر) ۱۲ جلدہ بالعدر . علوم ادبیہ نك غیرى علومہ دائر اولان مولفات دخی بیوکل یازیلیردی . نته کیم (دینوری) نك (کتاب النبات) ی آلمش جلدن مرکبدر [۱] . کتابلرک حجمی زمانک اختلافی ایلہ مختلف طوتولوردی . جلدلرک حجمی (ابن الاثیر) و (اغانی) نك جلدلرینه قیاساً تعیین ایتک لازم کلسہ هر جلدی ایکی یوز ویا ده زیاہہ صحیفہ دن عبارت عد ایتک اقتضا ایدر . فقط بعض نصلردن جلدک اون یپراقدن تشکل ایتدیکی مستبان اولمقدردر [۲] . احتمال کہ جلدک حجمی کتابلرک موضوعلرینه کورہ مختلف طوتولوردی .

عربلرده بیوکل حجمده تألیف اولان کتابلر علی الا کثر یازلدینی موضوع ایلہ او موضوعہ قریب اولان سائر شیلری حاری اولمق اوزره موسوعات (انسیقلوپدی) طرزنده یازیلیردی . مثلاً (یاقوت حموی) نك (معجم البلدان) نك موضوعی فی الاصل جغرافیہ دائر ايسه ده علما وادباى اسلامدن بیوکل برقسمک ترجمہ احوالی ده احتوا ایتشدرد . (اغانی) کتابی دخی فی الاصل تغنی به دائر برائر ايسه نه جاهلیت واولل اسلامیتده عرب تاریخ وادبیاتنه دائر برچوق مهم مطالعات و فوائدی شاملدر . کذلک (العقد الفريد) کتابی علوم ادبیہ به دائر برکتاب اولدینی حالده شعر ، عروض ، اخلاق ، تاریخ و سائرہ به متعلق برچوق فوائدی جامعدر . تراجم احوال و مطول تاریخ کتابلری و (ابن سینا) نك (قانون) ی ایلہ (رازی) نك (ملکی) ویا (ملوکی) کتابی کبی علم طبہ دائر اولان مؤلفات دخی او طرزده یازیلیردی . ذکر اولنان (قانون) کتابی تشریح ، فیسولوژی (وظائف اعضا) ، پاتولوژی (علم امراض) نباتات ، صیدله (اجزایک) و سائرہ کبی فنون طبیہ نك کافه سنی شاملدر . بعضاً او بیوکل کتابلر ، (دمیری) نك (حیاء الحیوان) ی کبی ، بربرینه اوزاق اولان موضوعلری

[۱] نفح الطیب ۸۸۴ ج ۲ [۲] ابن خلکان ۲۳۰ ج ۲ و طبقات الادبا ۱۰۵

بیله محتوی اوله رق یازیلیردی . مذکور کتاب علم حیوانه دأثر ایسه ده تاریخ ، ادبیات ، اخلاق ، طب ، صیدله و نباتانه متعلق یک چوق معلوماتی ایشلدن . کذلک ( کشکول ) کتابی ادبیات و حکمیاته دأثر بر کتاب اولدینی حالد جبر ، هندسه ، منطق ، نجوم ، فلسفه . تاریخ ادبیات ، لاهوت ، فقه ، حدیث و سائرده کی بر برینه ضد بر طاقم فصللری و بحثلری ده جمع ایتشدن .

## مدنیت اسلامیة نك علوم دخیله یه ایتدیکی تأثیر

مدنیت اسلامیة مظهر اعتلا اولوب ده علوم دخیله ممالك اسلامیة ده انتشار ایلینجه اسلاملر بو علومک تحصیلنه اهمیت ویره رک اصحاب اصلیه سنه احراز تفوق ایتمش بر طاقم علما و ارباب ده ایتشدیردکاری کی او علومه کندیلرندن اکتشافات جدیده دخی علاوه ایلدکلرندن علوم مذکوره اسلامیت و آداب اسلامیة نك اقتضایی و دیگر اقوامک علوم و معارفی ايله امتزاجی تأثیر یله تنوع و ترقی ایلیرک مدنیت اسلامیة یه مخصوص بر شکل آلمدی . اور و پالیر یونان علوم و معارفی احیایه آشت ایتدکاری زمان قسم اعظمی بویه جه رنگ اسلامی ايله مزوج اولدینی حالد عربیدن نقله مجبور اولمشلردی . شو حالد اسلامیتک مدنیت قدیمه علوم و معارفه اجرا ایتدیکی تأثیر حقنده معلومات ویردم .

## ۱ - اسلامیتده فلسفه

اسلاملر فلسفہ یی ( افلاطون ) و ( ارسطو ) نك کتابلرندن و یونانیلر طرفندن بو آثاره یازیلان شرحلر ايله علاوه ایدیلن مطالعاتدن اوقومشلردی . یونان فلسفہ سی منطق ، طبیعیات ، الهیات و اخلاقیاتی شامل ایدی . اسلاملر اول امرده بو کتابلری مطالعه ، متعاقباً شرح و تائخیص ایتدکلن صکره کندی



قریحه لرندن اوموضوعلره دائر مؤلفات وجوده کتیرمکه صرف همت ایلشلردی .  
 علما بالجلله علوم ایله مشغول اولورلردی . انک ایچون اسلام علماسندن مثلاً  
 طب وهیئته اهمیت ویرمکسزین فلسفه ایله ، یاخود فلسفه وهیئته باقمسزین علم  
 طب ایله ویاخود عکسی ایله اشتغال ایدنلر پک نادر بولنوردی . هله ( حنین ) ک  
 « طیب فیلسوف اولوق کرکدر » سوزی علم طب ایله اشتغال ایدنلرک فلسفه ایله ده  
 اشتغال ایللری لزومنی بر فرض کبی کوستریوردی . مع مافیہ برعالم هانکی علمده  
 دها زیاده اقتدار و مزیت کوستیرر ایسه او علم اکا لقب اولوردی .

### شرقه اسلام فیلسوفلری

اسلام حکما سنک الک بیوک ، الک مشهور واک قدملینی سائر حکمای  
 اسلامیہ نیک خلافتیه اوله رق اصلاً عرب اولان ونسبی (کنده) ملوکنه متصل  
 بولنان ( یعقوب بن اسحق بن الصباح الکندی ) ایدی . بوسیدن مشار الیه  
 ( فیلسوف العرب ) نام مفخرتی ویرلمشدر . ایشته عربلر اوائل اسلامیته  
 حتی علوم اسلامیہ دخی داخل اولدینی حالد ، علوم و معارف ایله اشتغالدن  
 استنکاف و مدنیت قدیمه علومندن مصر و فارس قطع لرند بولدقبری آناری  
 احیا و افنایه غیرت ایله وقت کچیرمش ایکن دها صکره مدنیتلری زمانده ،  
 حتی اجنبی علوم فلسفیه سی دخی داخل اولوق اوزره ، علوم و معارفک جمله سیله  
 اشتغاله جان آتمشلردر . شایان دقتدر که کندیلرندن بوعلم ایله ایلمک اشتغال  
 ایدنلر پادشاه زاده لر ایدی . حکیم مشار الیه ( متوکل ) ک زمانه قدر ( مأمون )  
 و ( معتصم ) ه معاصر اولوب انلرک نزدنده بیوک بر قدر و اعتباری و طب ،  
 فلسفه ، حساب ، منطق ، الحان ( موسیقی ) ، هندسه ، طبائع اعداد و علم نجومده  
 اقتدار و مهارت فوق العاده سی وار ایدی . ( کندی ) یازدینی آثارده ( ارسطو ) نک  
 مسلکنی تعقیب و برجوق آثار ترجمه ایلشدر . اک مقتدر مترجملردن ایدی .  
 اسمنک مترجملر میانده ذکر ایدلماسی ترجمه یی پاره قازانق ایچون صنعت

اتخاذ ایتامسندن ایلمی کایور. علوم دخیله ک اکثری حقهده پک چوق کتایلمی واوردر. آثار مذکورده مک مقدارینی ، باحث اولدقلری علوم اعتباریله ، (فهرست) کتابندن نقلاً آتیده کوستریورز :

۲۲	کتاب فلسفه یه داتر	۲۳	کتاب طبعیاته الخ داتر
۱۱	« حسابیه »	۸	« کریاته »
۱۹	« نجومیه »	۹	« منطقیه »
۲۳	« هندسه یه »	۷	« موسیقی یه »
۱۶	« فلکیاتیه »	۱۰	« احکامیه »
۲۲	« طبیه »	۵	« نفسیه »
۱۷	« جدله »	۸	« ابعاده »
۱۲	« سیاسته »	۵	« تقدیمه لمعرفیه »
۱۴	« احداثیه »	مجموعی ۲۳۱ کتاب	

( کندی ) نک ذکر اولنان کتابلرینک قم اعظمی ضائع اولمشدر .  
آنحق اسملرینک تدقیقندن حکیم مشار الیهک او علوم وفنونه واضعلرینی  
انتقید وتخطئه ایدیه یله ک اقتدار ومهارت صاحبی اولدیغنی کوسترمکده در .  
( کندی ) نک مسالکنی تعقیب ایتمش شاگردلری واوردر .

( کندی ) دن صکره ۳۳۹ سنه سنده وفات ایدن ( ابو نصر فارابی )  
یتشمشدر . ( فارابی ) اصلاً ترکستانده واتع ( فاراب ) شهرندن ایسه ده ایرانلی  
ابوبندن طوغمشدر [۱] . حکیم موما الیه شامده یتشمش واوراده تدیس  
علوم ایله وقت کچیرمشدر . بر حکیم کامل ایدی . ( کندی ) نک تحصیل  
ایتدیکی کافه علوم ومعارفی احراز ایتدکدن ماعدا بر چوق علومده وبالخاصه  
منطقده اکا تفوق ایتمش ، فلسفه وتحلیل قیاسده پک درین کیتمش ، قواعد  
منطغیه یی غایت واضح برشکله قویمشدر . فارابی ( احصاء الموم والتعریف  
باغراضها ) و ( السیاسة المدنیة ) کتابلری کبی بعض آثار یازمشدر که  
کندیسندن اول هیچ بر عالم او یولده کتاب یازماشدی . مذکور کتابلردن

برنجیسی قاموس علوم و معارف ( آنسیقلوپدی ) شکیلندہ محرر در . دہا اول  
اوپرزده تحریر ایدلمش بر کتاب یوقدر . ایکنجیمی ایسه مدنیت حاضرہ  
اختراعاتندن عد ایدلمکده اولان ( اقتصاد سیاسی ) یہ دائر در . حقیقت خالدہ  
بوعلمک ووجدی بوندن بیک سنہ اول یتیشن ( فارابی ) ایدی . دہاصکرہ کلن  
( ابن خلدون ) دخی مقدمہ سندہ بوعلمدن بحث ایتمش ایدی . ( فارابی ) علم  
موسیقیقہ دخی راقندار خارق العادہ یہ مالک ایدی . آئیدہ موسیقیقہ بحثندہ  
کورولہ چکی 'وزرہ قانون آلتی کندیسی اختراع ایتشدور . زمانہ قدر غیر  
مصحح قلمش اولان ترجمہ لری تصحیح ایتدیکی ایچون حکیم مشار الیہ  
( معلّم ثانی ) نامی ویرلشدور [۱] .

علمای اسلامیہ میانندہ فلسفہ ایلہ تمیز ایدن علمادن بری دہ ۴۲۸  
سنہ سندہ وفات ایدن ( ابن سینا ) ایدی . مشار الیہک یوز مقارندہ اولان  
آثارینک ۲۶ می یالکز فلسفہ یہ دائر در . ( حجة الاسلام ) لقبی حائر اولوب  
۵۰۵ تاریخندہ وفات ایدن اعظم علمای اسلامدن واکبر فقہای شافعیہ دن  
( ابو حامد غزالی ) دخی فلسفہ ایلہ پک زیادہ اشتغال ایدن علمای اسلامیہ دن  
ایدی . مشارالہ ارباب تصوفک امامی ایدی . اندلسدہ ظهور ایدوب آئیدہ  
ذکر لری کلہ چک 'اولان حکمای اسلامیہ ایسہ بشقہ در . حکمانک تراجم احوالی  
ایلہ کتابلرینی و مسالک و مطالعہ لرینی مفصلاً یازمق « لسانک تاریخ علوم  
و معارفہ » عائد بر بحث اولدیفندن بورادہ یالکز اسلامیہ فلسفہ نک تاریخی  
وانک دیانت و علوم و معارفہ اجرا ایتدیکی تأثیرات حقدہ معلومات ویرمکلہ  
اکتفا ایدہ جکاز .

اسلاملرک کندی آردلرندہ ظہور ایدن مجادلات مذہبیہ یا قارشی دلیل و برهانلرینی  
تقویہ ایتک ایچون علم کلامی فلسفہ نک تملی اوزرینہ تأسیس و تأیید ایتملری  
فلسفہ نک اسلامیت دورندہ اجرا ایتدیکی تأثیرات جلہ سندن ایدی . عقائد  
دینیہ نک ادله ایلہ اثباتندن عبارت اولان بوعلم میدانہ کلنجہ بین المسلمین شہرت  
بولارق اسلاملردن پک چوق ذوات وازجلہ معتزلہ انکلہ اشتغال ایتمش و ساداتدن  
و مشاہیر علما و شعراءدن ( شریف مرآضی ) ، مشاہیر علما و ادبادن ( زنجشیری ) ،

مشاهیر متکلمیندن ( ابو بکر باقلانی ) وسائرہ کی اکابر مسلمانین بو علم الیہ شہرت قازانمشلردر .

دور اسلامیدہ صرف فلسفہ وعلوم عقلیہ اربابی کفرایلیہ اتہام اولنورلردی . فلسفیہ انتساب ایدنلر ماحدکی عد ایدیلیردی . حتی تراجم احوالہ « فلان ذات - اللہ کنیدیسنی اصلاح ایلسون - دینمزلکله متہم ایدی ، چونکہ علوم عقلیہ اکا متغلب ایدی » [۱] دیرلر ایدی . ارباب فلسفہ حقندہ بوتہامات بغداددہ، حتی ( مأمون ) ک زمانندہ بیلہ، عوام آردسندہ شیوع بولمش ایدی . انک ایچون بعضلری خلیفہ مشارالیه ( امیر الکافرین ) نانی ویرمشلردی [۲] . بونکله برابر اسلاملر فلسفیہ انتسابلرینی کوستره مزلردی . ( مأمون ) ، ( معتصم ) و ( واثق ) ک دورلری کچوبده ( متوکل ) مقام خلافتہ کلنجبہ علوم فلسفیہ مذسوبینی بودورده آرتق بسبتون کورونماک وحتی کنیدیلرینہ فیلسوف دینایسہ بوسوزی رد وانکار ایتمک باشلامشلردی . فلسفیہ میل وانجذاب بسلین حکما علناً فلسفہ الیہ اشتغالہ امکان کوردمینجه کیزلیجه اشتغال ایلک ارزره کیزلی جمعیتلر تشکیکنہ مجبور اولمشلردی .

## اخوان الصفا جمعیتی

بغداددہ دردنجی عصر هجری واسطندہ فلسفہ الیہ اشتغال ایتک ایچون تشکیل اولان ( اخوان الصفا جمعیتی ) او یولده تشکیل ایدن جمعیتلردن بری ایدی . بوجمیتک اعضاسدن اولق اوزره بش کشی ذکر ایدیلورک بونلر ( مقدسی ) نامیہ معروف اولان حکمای اسلامیدن ( ابو سلیمان محمد بن معشر بستی ) ، ( ابو الحسن علی بن هارون زنجانی ) ، ( ابو احمد مہرجانی ) ، ( عوفی ) ، ( زید بن رفاعہ ) دن عبارت ایدی [۳] . موما الیہم کیزلی کیزلی اجتماع ایدرلر

[۱] ابن خلکان ۱۳۴ ج ۲ [۲] یعقوبی ۵۴۶ [۳] تراجم الحکما ( ال یازیسی ) ( کشف الظنون ) ده ( ابو سلیمان محمد بن معشر بستی ) ابوسلیمان محمد بن نصر بستی شکندہ کوسترلکده اولدینی کی ( ابو احمد مہرجانی ) دخی ابو احمد مہرجوری شکندہ ذکر ایدیلور . ینہ مذکور کتابدہ مبحث عنه رسالہلر ایچونده الی بررسالہ دینیلور .



وفلسفہ نك انواعى حقتده تبعاتده بولنورلردى . بولك نتیجہ سہ شدہ بوجمعیۃ منسوینی حکمای اسلامیه نك یونان ، فرس و ہند علوم و معارفہ اطلاع واسلامیتك مقضاسنہ كورہ تعدیل ایدلكدن صكرہ حاصل ایلدكاری افكار ومطالعات فلسفیہ نك خلاصہ سنی حاوی اولق اوزرہ برمسلك مخصوص وجودہ كتیردیلر . جمعیۃ منسوب حكمايك مطالعات اصلیه فلسفیہ لرینہ نظرأ « اسلامیت جہالت ایلہ دامن آلودہ اولمش . برچوق اوہامہ قارلشمش . اسلامیتی بوشیلردن یبقایوب تمیزلك آنجق فلسفہ ایلہ ممكندر . چونكہ فلسفہ حكمت اعتقادیه ومصاحت اجتہادیہ بی حاویدر . بوجہ تله فلسفہ یونانیہ وشریعت عربیہ برآریہ كالیر ایسہ بولنردن كال ظہور ایدر » .

مذكور جمعیۃ منسوب افراد بوفلسفہ لرینی ( رسائل اخوان الصفا ) عنوانی آلتندہ الی رسالہ دن متشكل برکنابده یازدرق اسملرینی مکتوم طوتمشلردی . بورسالہ لز فلسفہ اسلامیه نك تكمیلده بواندینی دورلرده نہ حالده بولندیغنی كوسترمكدہ اولدینی کبی مبادی موجودات واحوال كائنات ، هیولی ، شكل وماہیت طبیعت ، شكل وماہیت ارض وسما ، روی ارض وتغیراتی ، كون وفساد ، آنازلویہ ، سما ، عالم ، علم نجوم ، تكوين معادن ، علم نبات ، طبائع حیوانات ، نطفہ نك سقوطی وروحك اكا کیفیت ارتباطی ، ترکیب جسم انسان ، حاس ومحسوس ، عقل ومعقول ، صنائع علمیہ و عملیہ ، عدد وخواصی ، ہندسہ ، موسیقی ، منطق وتفرعاتی ، اختلاف اخلاق ، طبیعت عدد ، عالمك برانسان صغیر وانسانك برعالم صغیر اولدینی ، اكوار وادوار ، ماہیت عشق ، بعث ونشور ، اجناس حرکات ، علل ومعلولات ، حدود ورسوم ... مباحثی شامل ایدی . والحاصل حکمای موما الیہم طبیعیات ، ریاضیات ، فلسفیات ، الہیات وعقلیاتہ متعلق یالجلہ علوم ومعارفی بورسالیہ ادخال ایتشلردی . نزد مزده دو قنور ( دوتریشی ) نك ہمتی ایلہ ( لپسینگ ) ده ۶۵۰ بیسوك صحیفہ ده مطبوع مذکور رسالہ لك برخلاصہ سنی موجوددر . امان ایلہ تدقیقندن یازانلرك پك چوق دوشونوب تدقیقاتده بولندقدن صكرہ تلمہ آلقلری آکلاشلہ قده در . چونكہ ایچنندہ اولیہ مطالعلر واردركہ بوعصرده بیلدها كوزلی یازیلہ ماز . كتابك نہایتندہ بربحث واردركہ اخوان الصفا نك کیفیت صحبت

و معاشر تلريڻي ، صادق مودت و شفقت ايلہ يکديکريڻه معاونت لريڻي ، بوجھيتدن مقصد دينده تعاقد و تعاوندن عبارت اولديڻي ميندر. اخوانک هانکي شرط لرايلہ بوجھيته قبول ايديله بيله جڪلري وساثره دخی کو ترلشدر .

ڪرڪ معتزله ، ڪرڪ امثالي فرق اسلاميه بورساله لري تداول ايدرك مطالعه و تدريس لرايلہ مشغول اولشلر وساثر ممالڪ اسلاميه کيزايجہ برابر کوتوروب اور لرده انتشارينه غيرت ايتشلردی . رسائل مذڪوره تحريرندن صڪره يوز سنه ڪچمدن اندلسه مشاهير مهندسيندن ( ابو الحکم عمرو بن عبدالرحمن ڪرمانی ) واسطه يله انقل ايلدی . موما اليه ( قرطبه ) اهاليسندن اولديڻي حالده اندلس ليرڪ عاڌتي وجه ايلہ اڪال معلومات ايتڪ ارزره شرقه رحلت ايتش ایدی . ممالڪ تنه عودتندہ بورسالي ايلک ابلق ارزره اندلسه نقل ايلدی [۱] . تاريخ مذڪوردن هان چوق زمان ڪچمدن اندلسه بحث و تدقيقه ميال ارياب عقول . بورساله لري مطالعه و تدقيق ايلہ مشغول اولديلر .

## اندلس حکماي

دها اول ڪورولديکي ارزره فلسفه ( عبدالرحمن اوسط ) ڪ زمانده اندلسه داخل اولش ایدی . اندلساير علوم فلسفيه ڪ بمضاريلہ اشتغال ايدرك علوم دخيله و علم نجومده صاحب شهرت علما يتشديد ريلر . بونلرڪ ايلکي ( صاحب القبله ) ناميله معروف اولوب اوچنچي عصر هجرينڪ صوکلرنده وفات ایدن ( ابو عبيده مسلم بن احمد ) ایدی [۲] . موما لهندن صڪره اندلسه ( ابن السمينه ) ناميله معروف اولوب ۳۱۵ سنه سنده وفات ایدن مشاهير اطبادن ( يحيى بن يحيى قرطبي ) ايلہ ( مرحيطي ) ، ياخود ( مجريطي ) ناميله معروف اولوب ۳۹۸ تاريخنده وفات ایدن واندلسده عصرينڪ امام الرياضيني اولان ( ابوالقاسم مسلم بن احمد ) علوم مذڪوره ايلہ ڪسب شهرت ايتديلر . بوصوڪ ذات اوچ ڪزیده شاڪرد يتشديد مشدرڪه ڪ مشورلري مهندس .

( ابن سنج غرباطی ) ایدی . قرطبهده عصرینک استاد ریاضیاتی اولان ( ابن - الصفا ) ایله ( کتاب الزکون فی المعاملات علی طریق البرهان ) ک مؤافی حساب ، هندسه وطب علماسندن ( ابوالحسن علی بن سلیمان زهراوی ) ودها اول ذکر ی کچن ( ابوالحکم عمرو کرمانی ) دخی علوم دخیله ایله اشتهار ایدن اندلس علماسندن ایدیلر . بوصوک ذات شرقه سیاحت و( حران ) ده اقامت ایدرک اوراده هندسه وطبی اوکرندهکن صکره نزدنده ( أخوان الصفا ) رسائی بولندیغی حانده اندلسه غودت و ۴۵۸ سنهسنده ( سرقسطه Saragosse ) ده وفات ایلشدر .

مع مافیہ بوعلما علوم قدمادن یالکیز ریاضیات ، هیئت هندسه وامثالی شیلرک تحصیلی ایله اکتفا ایتشلردی . معنای حقیقیسی ایله فلسفهیه کانیجه بوکا آنجق ( اخوان الصفا ) رسائنک دخولندن صکره اهمیت ویرمشلردی . واقعا اندلس ملوک امویهسندن ( حکم بن الناصر ) ده اول شرقدن فلسفه کتابلربی جلب ایتش ایدی . لیکن اندلس حکما می آنجق مذکور اثرک دخولندن صکره یتشه بیامشلردی . ( ابن الصنائع ) نامیله معروف اولوب ۵۳۳ تاریخنده وفات ایدن حکیم شهیر ( ابوبکر بن باجه ) ایشته بو حکمت دورینک یتشه دیردیکی اعظم فلاسفادن ایدی . اعظم حکمای اسلامدن قرطبهلی ( قاضی ابوالولید - ابن رشد ) حکیم مشارالیک جمله تلامیذندن ایدی . ( ابن طفیل ) ، ( ابن - هود ) و سائر ده دخی مذکور قطعهده یتشهن اعالم حکما دن اولوب بونلر ایله ( ابن باجه ) و ( ابن رشد ) طرفندن زیلان آثار مفصله اوروپالیرک اوئل اتباعندهکی فلسفه لرینه اساس تشکیل ایتشدی .

بونکله برابر بو حکما ، حکمای متقدمینک هر عصرده احوال نمائنده کوردکلری معامله کبی ، عوام خلقدن حقارت و تزیفاته دوچار اولورلردی . حکمدارلر دخی کندی حاکمیلربی تقویه ایتک مقصدیله بوبولده عوام ناسیه مماشاتده بولورلردی . هجرتک آلتینجی عصری اواخرنده ( مشام بن حکم ) ک زماننده امور حکومتی ید تصرفه آلان وزیر ( منصور بن ابی عامر ) ک حکما حقنده کوستردیکی شدت اثری اوله رق ( ابن رشد ) ، ( ابو جعفر ذهبی ) ، ( بجایه Bougie ) قاضیسی ( ابو عبدالله محمد بن ابراهیم ) داخل اولدیغی

حالمده بتون حکمانی اندلسدن نفی و تبعید الیمسی [۱] و منطق و فلسفهیه دائر اثر بر اقامق فکر یله مملکتده بوقبیلدن بولان کدابلرک یا قلمسنی امر ایتمی اونوعدن اولان وقایعک الک مشهور لرندندر . حتی اودورلرده هر کیم ایچون : « نو آدم فلسفه ویا تجیم ایله اشتغال اییدیور » دینلمسه عوام طرفندن اکا در حال ( زندیق ) نامی طاقیله رق اوچچا اردنک حیاتی تهلیکهیه دوشر وایلاک ظهر وور ایدن شبهه ویهانه اوزرینه یارجم ویا احراق صورتیله اتلاف ایدیلردی . خواصه کلنجه بولر علوم فلسفهیه نی کیزلیجه مطالعه ایدرلردی . بوضاً حکمدارلر بالذات حکمت محبی ایکن محضا عوامک جلب محبتی ایچون بعض حکمانک قتانی امرایرلردی [۲].

## ۲ - اسلامیتده علم طب

### طب اسلامی

طب اسلامی علم طبک ملل قدیمه متمدنده بالغ اولدنی ترقیانک خلاصه سندن متشکلدور . چونکه اسلاملر بونان اساتذده اطبا سندن ( ابقراط ) ، ( جالینوس ) و سائر نك آثارینی کندی لسانلرینه ترجمه ایتدکن ماءا اسکی کلدانیلرک طبابتی ایله ممزوج بر حالده سر یانیلرک نزدنده بولان طب یونانی به ده مطلع اولمشلردی . جندیسابور دارالفنون طبیسی اعظم اطباسی ده طب یونانی نك فارسیمی ایله کندیلرینه نقل ایتمشلردی . اسلاملر عربلرک دور جاهلیتدن دور اسلامی به انتقال ایدن معلومات طبیه سندن بشقه بغداده کلن هند اطبا سندن طب هندی به دخی واقف اولمشلرایدی . ایشته بو عناصرک تفاعل و تماز جندن علوم و معارف کماله ایردکن صکره ( جالینوس العرب ) نام مفخرتی احراز ایتش اولان ( رازی ) نك ( ملکی ) ویا ( ملوکی ) نامندکی کتابنده تجلی ایدن ( طب اسلامی ) شکل ایتش ایدی . رازی ؛ آل بوهرتن ( عضدالدوله ) نك نامنه یازدیغی بو کتابنده ؛ ازمئه قدیمه دن کندی زمانی اولان دردنجی عصر هجری اورتهمنه قدر انواع امراض و اشکال مداواته دائر بواذیغی بالجله معلوماتی

[۱] طبقات الاطبا ۷۶ ج ۲ [۲] نفح الطیب ۱۰۴ ج ۱




جمع ایلمش ایدی . حکیم مشارالیهک طب و فلسفه و سائرہ دأر پک چوق کتابلری وارددر . (ملوکی) کتابی (ابن سینا)ک (قانون) کتابی ظهورایدنجه قدر خلقة مرجع تشکیل ایلمش ایدی . بوایکنجی کتاب ، یعنی (قانون) کتابی مطبوع و مشهوردر . انی تدقیق ایدرایسه کز بعضلرینک توهم ایتدکری کبی بالکدر طب یونانی بی دکل ، یونان ، کلدان ، هند ، فرس و عرب اطباسنک امراض و معالجاتی ، عقاقیر و خواصی حقهده کی تبعاتلرینک خلاصه سنی ده حاوی برقاموس



طنجهده برزقاق

طب و صیدلهدن متشکل اولدیغنی کوررسکیز . چونکه کتابک برچوق یرنده هندایلرک امراض و تداولیلری حقهده کی فکر مخصوصلری و بو مطالعات اوزرینه مؤلفک برچوق تئقداتی محرردر . (ابن سینا) او مطالعات جمله سندن اوله رق مثلاً هندایلرک سـلـوـکـک انواع و اشکالی و هر برینک خواصی حقهده ویردکری معلوماتی ذکر ایتدیکی کبی [۱] هندایلرک فکر مخصوصه کوره

سوتك حوامض ويا باقى ايله اكلى بىض خسته لقلرى واز جله جذام خسته لغنى توليد ايتديكى سويليور . يوغوردك طورب ويا قوش اتى ايله وسويك [۱] يوغوردلى پلاو اوزديشه ينيامامسى وامشلى كې مطالعات دىنى هنديلردن منقولدر [۲]. مذكور كىتابده اسملى اول هنديلرني كوسترمكده بولنان برچوق عتقىرك (نباتات طبيه) ناملى ده ذكر ايدىلىكده در .



قىروانده اسكى برجامع

هجرتك بشنچى عصرى رجالتدن اولان اندلسى (ابوالقاسم خاف بن عباس زهراوى) نك (كتاب التعريف لمن عجز عن التأليف) نامده كى اثرى اوروپاليلرك اتباهلرى ائسانده جدا مستفيد اولدقلرى كىطب طبيه اسلاميه ن ايدى . بو كىتاب برقاموس طبى اولوب حازى اولدينى قيم جراحى ايله سائر بونوع آتارك فوقده برموقع ممتاز اشغال ايدر . كىذلك اندلس اعظم اطبا سندن

[۱] سويق قاوردولش جيوپات وياديقدن ويا قوردولش ميره اونندن بارت اسكى عىبلر طرفندن يوللرده يىلن برنوع يك . [۲] فانون ۸۴ ج ۱

( ابو مروان عبدالمالك بن ابی العلاء بن زهر ) كالتنجي عصر هجري اور تہ سندہ ( ابن رشد ) ك نامہ تالیف ایٹدیكى ( كتاب التيسير في المداواة والتدبير ) ى دخى اور وپاليلرك ترقیات طبیه سنہ يك بيوك خدمتہ بولنش ایدی . اطباى اسلامیه نك ؛ ذ كرى تطويل مقاله باعث دها يك چوق آنار مهمه طبیه لرى وارد ر .

### الحياة اسلاميه

مؤلفات طبیه السنه اجنبیه دن عربیہ ترجمہ اولندقدن صکرہ انتباه عباسینك انتهای و دور انحاط و تقهقر ك ابتدائیه قدره یعنی اوج ، دوت عصر ظرفندہ ظهور ایدن اطباى اسلامیه تعداد ایدلسه يالكز كتاب مؤلفلرندن اولوب اسملرينه مطالع اولديغمز اطبانك مقدارى برقچ يوزہ بالغ اوله جغه شبهه يوقدر . بونلرك چوقلرى سائر علوم دخيله ايله دخى اشتغال ايدرك اولعلملره دائر متعدد كتابلر يازمشلردى . اطباى موما المهمك تحرير ايتدكلرى آنار ( ابن ابى اصيحه ) نك ( طبقات الاطبا ) سى ايله ( ابن قفطى ) نك ( تراجم الحكماء ) سى ( وكاتب چلبى ) نك ( كشف الظنون ) نده وسائر دده مفصلاً محرر ر . على لاطلاق اطبانك مقدارينه كلنجہ بونى صورت قطعده تعيين ايتك - بوبادہ كى معلوماتك مرور زمانله ضياعنه بناءً - امكان خارجندہ در . آنجق بمض قرائندن اودورلردہ يك چوق اطبا يتيشديكى آكلاشيلىور . دردنجى عصر هجرينك ابتدائيه خليفه ( ممتدز بالله ) ك زماننده يالكز بغدادده بولمان اطبا تعداد ايديلنجہ شهر تلرندن طولاي امتحانن مستغنى كوريلن اطبا ايله خليفه نك خدمتده بولنان طبيبلر داخل اولماق اوزره مذکور شهرده اجراى طبابتہ مأذون اولقايچون امتحان ويرمكه اجبار ايديلن ۸۶۰ طبيب بولندينى تحقق ايتش ایدی [۱] . شوالده بغدادده عين زمانده بولنان بتون اطبانك مقدارى بيكدن آناغى اولماق اقتضا ايدر . اوچنجى عصر هجرينك اورتهلرندہ يالكز خرسيتيان اطبانندن اولق اوزره خليفه ( متوكل ) ك خدمتده ۵۶ طبيب موجود ایدی [۲] . ( بنى

حمران) دن (سیف الدوله) یمکه اوپوردینی زمان کنیدی ایله برابر ۲۴ طبیب بونوردی که بونلرک بعضلری ایکی علم تعاطی ایتدکارندن طولانی ایکی ، بعضلری ده اوچ علم تعاطی ایلدکاری ایچون اوچ معش آلیرلیدی [۱] .

اطبا ایچون بر قانون ورئیس مخصوص واردی . بورئیس اطباءک امتحانلرینه باقهرق اثبات اهلیت ایدنلری تعاطی طبایته مأذون ایلردی . مشاهیر اطباءن (سنان بن قره) و (امین الدوله ابن التلمیذ) بغدادده واعظم اطبای اسلامدن (مہذب الدین الذخوار) مصرده بورؤسانک اک مشهورلردن ایدیلر . اطبا نصل چوق ایدی ایسه اجزاجیلر دخی بک چوق مقدارده ایدیلر . علاجلره بر چوق حیلہ قاریشدیرلدیغدن اجزاجیلرک اجرای امتحانلریله اثبات اهلیت ایدنلره شهادتنامه ویراسنمه وعکسی ظهور ایدنلرک بیلرینه مجبوریت حاصل اولمش ایدی . بواجرا آده اک اول بولان ذات خلفای عباسیه دن (معتصم) اک معیتده استخرام ایدیلن امرای اتراکدن (افشین) اولوب بوایشه مشاهیر طبباءن (زکریا بن الطیفوری) نین مأمور ایتمش ایدی [۲] . اطبا واجزاجیلردن بعضلری زمان حاضرده اولدینی کبی اردونک خدمتمده بولنهرق معین معاشلر آلیرلیدی . بونلره مرتزقه نامی ویریلیردی . سائر اطبا ایسه اهلینک مداواتی ایله اشتغال ایدرلری که بونلرک معاشلری یوق ایدی .

اطبا هر نوع علوم طبیه یی حائر طبیب ، بوکونکی ارباب اختاص کبی جراح ، قان آلیجی ، کحال ، دیشجی ، یالکز قادین و خالایق طبیی ، دلایل طبیی اولق ارزره بر طقم صنوف وطبقاته منقسم ایدیلر . مصر قطعه سی دیگر قطعه لردن زیاده کوز خسته لقلرینه معروض اولدیغدن بوراده سائر لرلردن زیاده کحال (کوز حکیمی) موجود ایدی . بونلر امراض عینیه دن آق صو خسته لغنی بوکونکی کترکتا (قانارقت) عملیه سنده یاپلدینی کبی او صوی کوزدن چیقارمقله نداوی ایدرلیدی .

کذلک او دورلرده علم طبله بر طاقم قادیسلر دخی کسب شهرت ایتمش ایدی . انداس مشاهیر طببا سندن (الحفید ابو بکر بن زهر) اک همشیره سیله یونک قیزی اندلسده بیتشن مشهور طبیبه لردن ایدیلر . موما الیها قادیسلرک



تداویسی ایلہ اشتغال ایدرلر و مغربده حکومت سورن موحدین دولتی ملوکندن (منصور) لقبی آلان (یعقوب ابو یوسف) ک حرملیله متعلقانک مداوانلریته باقارلردی . (منصور) حرمه موما الیهمادن بشقه طیب صوقازدی [۱] . شام قطعہ سنده دخی امویلرک زماننده بنی هود قبیله سندن (زینب) نامنده برقادین طب و جراحان و کوز تداویسینده مهارت مخصوصه ایلہ شهرت آلمش ایدی [۲] . علوم سائرہ و ادبیات ایلہ دخی (شہدہ الدینوریہ) ، (بنت دھین اللوز دمشقیہ) و سائرہ کبی برچوق قادیلر دها یتیشمش ایدی .

او عصرلرک اطباسنه نظراً معاینه طیبہ خسته نك بولی ایلہ نبضنك معاینه سندن عبارت ایدی . خسته طیبہ مراجعت ایتدیکی زمان بولتی حاوی برشیشه برابر کوتوردرک طیبہ تسلیم ایدردی . طیب خسته نك بولتی معاینه ایلہ ایچنده بولان حوامض و یا قوابض و یا شکری آکلامق ایچون آغزی ایلہ طاسدقرن و نبضی معاینه ایتدکن صکره خسته نك خسته لغی حقنده بر حکم ویربردی . چونکه اوزمانکی اطبانک اعتقادینه کوره قلبک مزاجی نبضدن و جکر و اخلاطک [\*] مزاجیده بولدن آکلاشلیر . بواعقداک ترقیات طیبه حاضرده عدم موافقی درکار اولقله برابر بوکون دخی نبض و بولک معاینه سی طبابتده مهم بر موقع طوئینی ده انکار اولنه ماز .

### اسلام طرفندره فوعلیمده و صوره کنیرلر ترقیات

شمدی آرتق اسلاملرک فن طبده وجوده کتیردکلری اختراعات جدیده و مطالعات مبتکرینی تدقیق ایتک قالیور . فقط بو خصوصده معلومات مکملہ ویرہ بیلیمک بومقامک مساعده سی فوقنده دور و دراز تدقیقات اجراسنه محتاج اولدیغندن اختصار طریقنی طومغه مجبورزه اسلاملر دها اول کوسترلدیکی وجه ایلہ فرس ، هند ، کلدان و عرب علوم طیبه سی برآزده جمع ویربرینه مزج ایتک خدمتی یاپدقدن ماعداد یازمش اولدقلری آثارک مطالعه سندن

(۱) طبقات اطبا ۷۰ ج ۲ (۲) طبقات الاطبا ۱۲۳ ج ۱

[۳] اخلاط اسکی طبابتہ کوره صفرا ، سودا ، دم و بلغمدن متشکل اولان امزجه اربعه یه اطلاق اولنوردی .

آکلاشیله جنی اوزره کندی اثر تدقیق و تجربه لری اوله رق فن طبده برچرق  
اکتشافات مهمه و مطالعات مبدعاه وجوده کتیرمکده موفق اولملر ایدی .  
مؤلفات طبیه اسلامیه یی مطالعه ایدر ایسه کر اطباء اسلامیه نك علوم طبیه  
اساتذہ قریباً رأی و مطالعاتی ایله اکثراً ایتیه رك انلری تحقیق و تدقیق  
و تنقید ایلدک لرینی کورر سکز . مثلاً ( ابقراط ) و ( جالینوس ) ك آثارینی  
او صورتله حاده تدقیقیدن کچیره رك خطا و صواب لرینی تفریق ایتملر دی [۱] .  
اطباء اسلامیه نك - مشاهیر اطباء و حکمای اسلامدن ( احمد بن ابی الاشعث ) ك  
( جالینوس ) ك آثارنده یابدیغی کی - السنه اجنبیه دن ترجمه اولان کتب طبیه نك  
حسن ترتیب و تبویب مندرجاتی ایچون صرف ایتدک لری مساعی مخصوصه دخی  
آریجه شایان تذکاردر . طبیب موما الیه او آثارك مطالعه سنی تسهیل ایتك  
اوزره دهها منتظم و دهها مکمل برشکلده ترتیب و تبویب ایتش ایدی [۲] .  
اطباء اسلامیه طرفدن قدما نك مؤلفات طبیه سنه یازیلان شرحلر و ذیللر دخی  
علم طبیه بك بیوک برخدمتده بولنش ایدی . مثلاً ( دیسقوریدس ) ك نباتاتنه  
دائر اولان کتابنه اندلس مشاهیر اطبا سندن ( ابن جلجل ) ك یازدیغی ذیلده  
اولیه نباتات طبیه نك اسملری واردر که اطباء اقدمین انلری یلمزلردی .  
اسلام لر ك فن طبده طوغریدن طوغری به وجوده کتیردک لری ترقیات  
یجته کنجه بونی تماماً بولوب چیقارمق اك کوچ واک مشغلی مسائلدنر .  
یوجه تله محقق بیلدیکمز بعض معلوماتی نمونه قییلندن اوله رق یازمقله اکتفا  
اید، جکز . اسلام لر ك طوغریدن طوغری به وجوده کتیردک لری ترقیات جمله سندن  
اوله رق خسته لقلر ك تدوینسند اسمکی اطباء ك طرز مداوا لرینه مخالف یکی  
اصوللر کشف ایتملر ایدی . هر نه قر بو اکتشافاتك اکثری ضائع اولمش  
ایسه ده الده بولان برطاقم معلومات بوخصوصده بر فکر ایدیکه کفیات ایدر .  
اسلام اطبا دن اول فلج ، لقوه [۳] ، استرخا خسته لقلری و ساره کی برطاقم

[۱] قانون ۲۱ ج ۲ [۲] طبقات الاطبا ۲۴۶ ج ۱

[۳] لقوه یوزه غرض اولان برخسته لقلر که بوخسته لغه دوچار اولان کیمسه نك  
آوردی بیونك برطرفنه اکیلوب توکوروک و بانم آغزك برطرفسندن چیقار و دوداقلری  
جو بری اوزرینه قاپانمدیغی کی کوژك بری ده قاپانماز اولور .

بوخسته لغه فرانسه جه ده فلج و جمی Paralysis faciale نامی ویریلیر .

امراض اوزمانلرک اصوللرینه کوره ادوۃ حازه ایله تدای اولنوردی . اسلام اطباسی ایسه بوخسته لقلرک تدایینی بالعکس ادویۃ باردیه تحویل ایشلر ایدی . اسلاملردن بواصولی اولدوشونوب خستهلره تطبیقی ایلمک توصیه ایدن ذات مشاهیر ایلان شریخ ابو منصور صاعد بن بشر اولوب امراض مذکوره ایله ملول اولانلری فصـد ( قان آلق ) ، تبرید وترطیب ایله تدای ایدردی . طیب موما البهک بواصولی موفقیت کوستردیکندن کندیسـی بغدادده ( مارستان عضدی ) لک ریاضتـه تعین اولمش ایدی . ( صاعد بن بشر ) مذکور خسته خانهک زمام امورینی اله آنجه معاجین حازه وادیۃ حاره یی بسـبتون قالدیره رق خستهلرک مداواتی آرپه وتخم صولرینه حصر ایش و بو اصول تدایدن حیرت بخش نتیجه لر استحصـال ایدلمشدی . کندیسندن صکره کلن بالجله اطبا انک اثرینه اقتداء بواصول مداواتده دوام ایشلردی [۱] .

عالم طبابتده ابطال حس ایچون مرقد - او یودیجی Soporifique - ی ایلمک استعمال ایدنلر عربلر ایدی . روایت کوره بونک ایچون قره بوغی استعمال ایدرلردی . طباجه معروف اولان ( خلال ) ی [۲] ایلمک استعمال ایدنلر دخی کذلک عربلر ایدی .

کاوایاتی ( کی ایدیجی مادهلری ) بوکونکی طرزده موافق برصـورتده ایلمک استعمال ایدنلر ایله تدرن رئوی معلولینک طرناقلرینک شکله اک اول نظر دقتی جلب ایلینلر ، صاریاق وقولرا خسته لقلری ایچون اک اول علاج ترتیب ایدنلر ، دلیلرک مداواتنده افیونی کلتلی مقدارده ایلمک قولالانلر ، نرف دمی کسمک ایچون صغوق صودوکه کی ایلمک توصیه ایدنلر ، اوموز جبقی قلعنی طبابتده معروف اولان شـکل تدایینی وجه ایله بردن بره رد مقاومتله رینه کتیرمک اصولی برنجی اولاق اوزره اتخاذا ایلینلر ، کوز خسته لقلرندن آق صو ابردنی ایلمک تعریف وتوصیه ایدنلر ، مثانده پیدا اولان طـاشی پارچه پارچه یاتق اصولانی ایلمک کوسترنلرک عربلر اولدینی اوروپا مدقینجه ثابت اولان مواددنره

[۱] طبقات الاطبا ۲۳۲ ج ۱

[۲] خلال طباجه بیونک آرقه سنده فیل ایله ایشلایان یاردیه اطلاق اولنورکه هر

کون فیل چکلدکجه یارندن تراکم ایدن جراحت آقار .

بوندن ماعدا عربلرک نامنه فن طبک بعض شعبه لرینه دائر دها اول هيچ برکيمسه طرفدن يازيله مامش برطانيه قلم انار تحرير اولمش ايدى . جندام خسته لغى حقهده اک اول يازى يازانلر عربلر و بوموخسوعه دائر ايلک کتايى تأليف ايدن ذات ده خلفاى عباسيه نك خدمتندره بولانان مشاهير اطبا دن ( يوحنا بن ماسويه ) ايدى [۱] قيزامق ، جدى خسته لقلرني ده ( ابوبکر رازى ) اک برکتابنده تعريف و تشریح ايدلديكى وجه ايله اک اول تعريف و توصيف ايدنلر کذلک عربلرايدى . اسلام لرك علوم طبيه ده دائر يازدقلى بيوك انساقلوبه ديلر دخی بوعلمه پک بيوك بر خدمتده بولمش ايدى .

### اجزاجيلاک ، کيميار نباتات

طب شعباتندن اولان اجزاجيلاک ترقيدنه ه عربلرک پک بيوك خدمتلى اولمش ايدى . چونکه عربلرکک هندستاندن ، کرک اطراف سائر دن اجزاي طبيه جاي اغورنه ه پک بيوك همملر صرف ايتمشلر ايدى . دها اول بيان ايتديکمز اوزره بو همملرک صرفه نا ( يحيى بن خالد برمكى ) زمانندن اعتباراً باشلانمش ايدى . دها صکره عربلردن يتيشن برچوق اطبا واجزاجيلر اجزاي طبيانک تدقيقنه صرف اعتما ايدرک بوفته دائر لسان يوناني و هنديدن ترجمه ايديلان کتابلر ايله توسيع معلومات ايلنججه اجزاي طبيه نك جمع و اعمالى ايله بالذات مشغول اولمشلردى . اوروباليلر اويانوبده فن صيدله نك ( اجزاجيلاک ) تاريخنى تدقيق ايتدکلى زمان ؛ يکي ايجاد ايتدکلى ادويه دن ماعدا بوفک ايلک تملا رني وضع و علاج لرك ترتيب و ترکيبى ايله اک اول اشغال ايدنلرک عربلر اولديغنى کوردکلى کي بزه واصل اولديغى شکلده اقر باذن ( ادويه مفرده ) حقهده اک اول اثر تأليف ايلنلرکده کذلک عربلر اولديغنى آکلامشلردر [۲] . عربلر انتباه عباسى دورنده کرک مارستاندرده ، کرک اجزا خانه لرده ۲۵۵ سنه هجريه سنده وفات ايدن مشاهير اطبا دن ( سائور بن سهل ) طرفدن تأليف اولان اقر باذنه اعتبار ايتمشلردى . بالاخره ۵۶۰ سنه سنده وفات ايدن ( امين الدوله

[۱] طبقات الاطبا ۱۸۳ ج ۱

[۲] Encyclopaedia Brit art. « Medicine »



ابن التلمیذ (ك اقر باذنی ظهور ایدنجه اوتدکنی بر اقره رق بریکنه اعتماد ایدیلر . اجزاخانه لری شمیدیکی شکله ایلک تأسیس ایدنلر دخی عربلر ایدی . اوروپا لیلر طرفدن عربلردن اقتباس اولنوب حالا اولسانلرده اصل عربی ، یاخود فارسی ویا هندیسینی محافظه ایتمکده اولان اجزای طیبیه ک اسملری مدعامنری مؤید الک یقین بر دلیل تشکیل ایدر .

اسلاملرک اجزایا یکده وجوده کنیر دکاری ترقیات علم کیمیا و علم نباتده حاصل ایتدکلی ترقیاته نابع اولمش ایدی . شمیدیکی علم کیمیایک تمللری کنیدی تجارب و مستمضر اتلریله ایلک قورانلرک عربلر اولدنی شیهه کوتورر مسائلدن دکدر . دهها اول دخی بیان ایدلیدی اوزره بوعلمک عربییه نقلی ایله ایلک اشتغال ایدن ذات ( خالد بن یزید ) ایدی . بونی اسکندریه دارالفنونندن نقل ایتمش ایدی . ۱۴۸ سنه هجریه سنده [۱] وفات ایدن ائمه ائی عشردن ( جعفر صادق ) کیمیایی مشارالیه ( خالد ) دن تحصیل ایتدیکی کئی مشاهیر حکمای اسلامدن ( جابر بن حیان ) دخی بوعلمی ( خالد ) دن و دیگر بر روایته کوره ( جابر ) دن اوکرمش ایدی . مشارالیه مدن صکره یتیشن ( کنیدی ) ، ( ابو بکر راری ) وسائر دخی علم کیمیاده ( خالد ) ایله شاگرداننک فیض علمیلریله پرورشاب اوله رق بؤکونیکی علم کیمیایک تمللری وضع ایتشلردر . بالذات اوروپا محققیننک بیاناتنه نظراً ماء لاضه نی ( حامض نیتریک Acide nitrique ) ، زاج یاغنی ( حامض کبریتی Acide sulfurique ) ، ماء الذهب ی ( حامض نیترو هیدروکلوریک Acide nitrohydrochlorique ) ترکیب و استحضار ایدنلر عربلر اولدقلری کئی پونا یایی ( پوناس Potasse ) ، نشادر روحی و طوزینی ، جهنم طاشنی ( نیترات الفضة Nitrate d'argent ) ، سلیمانیی ( کلورید زینق Chlorhyd de mercure ) ، راسب احمری ( اوقسید زینق Oxyaye de mercure ) ، ملح الطرطیری ( Tartrate ) ، کهرچله نی ( نترات البوتاسا Nitrate de potasse ) ، زاج اخضر ی ( کبریتات الحدید Sulfure de fer ) ، القلی یی ( سوده Alcali ) ، زرنجی ، بورق ( بوره ) و دائرة اطلاعزه واصل اوله میان دهها سائر برچوق مرکباتی اکتشاف

[۱] اصلده سهواً ۱۴۰ سنه سنده دینیلور .

ایدینلر دخی عربلر ایدی . فی الحقیقه عربلرک زماننده کشف اولمش اویله بعض مرکبات کیمیاویه کورئیورد که چکن عصرک صوکندن اول تاریخ کیمیاده انلره مشابه برشیئه تصادف ایدلر . مثلاً موردخ شهر ( ابن الاثیر ) ک عراقده مقیم زنجیلرک عصیانی ازاله و تنکیل ایتک ایچون ۳۶۹ تاریخنده وقوع بولان محاربات انساننده عربلرک تحتلره طلا ایدیلنجه تختی عمتغ الاحترق برحاله کتیرن برطاقم مادهلرک استعمال اولندیغنی ذکر ایدیور [۱] . فقط اومادهلرک نه اولدیغنی سوبله مبور . مواد کیمیاویه دن معدود اولان بارودک موجودی دخی عربلر اولدیغنی تدقیقات واقعه مزانه مرجح کورمکده یز [۲] . تقطیر، ترشیح، تصعید، تبلور، تذویب ایلک تعریف و توصیف ایدنلر ده عربلر ایدی . عربلر کیمیا ی قدیمک بطلاننه دائر برطاقم کنابلر یاز شلردی . بویولده ایلک اثر یازان ذات اوچنجی عصر هجرینک اورتهلرنده حکیم وفیلسوفلری اولان ( یعقوب کنندی ) ایدی [۳] .

علم نباتاته کلنجه عربلر بوعلمک تحصیل و تحریرنده پک یوکسک بر موقع اشغال ایدرلر . عربلر بوعلمی انتباه عباسی انساننده ( دیسقوریدس ) ایله ( جالینوس ) ک آثاردن و کتب هندیه دن اقتباس ایتشلردی . ( دیسقوریدس ) ک علم نباتانه دائر اولان کتابی انتباه عامی عباسی کتاب مترجلرندن ( اصطفتان بن باسیل ) طرفندن یونانیدن عربییه ترجمه ایدلش ایدی . مترجم کتسایده بولان نباتات طیبیه اسملرندن عربیده مقابلی بوله دیغنی اسملری لفظ یونانیسی اوزره برافه رق مقابللرینک بولنوب یازلمسنی کندیسندن صکره کله جک ارباب اقتدارک همتته ترک ایتش ایدی . ترجمه اوحالی ایله اندلسه منتقل و خلق انک مطالعه سیله مستفید اولدی . نهایت هجرنک دردنجی عصری اورتهلرنده قسطنطنیه ایمپراطوری ( عبدالرحمن ثالث ) ایله نامه لر تعاطی و کندیسنه برطاقم کابلر هدیه ایتدی . بوکتابلرک ایچنده ( دیسقوریدس ) ک لسان یونانی ایله محرز و باحث اولدیغنی نباتاتک روملرک حیرتفزا تصاویریه مزین کتابی بولئیوردی . اوصرده اندلسده لسان یونانی یی ایی بیلیر کیمسه یوق ایدی . ( عبدالرحمن [۱] ابن الاثیر ۱۰۱ ج ۷ [۲] الهالاک اوننجی سنه سی صحیفه ۸۷ [۳] کشف الظنون

ثالث) روم امپراطورينه برنامہ يازہ رق کتابك لسان يونانيدن لاتينجه يہ ترجمہ سى  
ايچون بوايكي لسانى ابي بيلىر بر آدمك اعزامنى التماس ايتدى . چونكه اندلسده  
ابى لاتينجه بيلنلر وار ايدى . بونك اوزرينه روم امپراطورى طرفدن اعزام  
اولنان (نقولا) اسمندكى راهب ۳۴۰ تاريخندہ (قرطبه) يہ واصل اولدى . ايشتہ  
بوراهبك معاوتى ايلہ (اصطفان بن باسيل) ك مذکور كتابة محرر اولان  
نباتات وادويه طيبه دن عربنده مقابلى بولہ مدينى و تفسير ايدہ مدينى شيرك  
عربى مقابللرى بولنوب تفسير ايدلى . دها صكرہ دردنجى عصر هجرينك  
اواخرندہ اندلسك مشاهير اطبا سندن (ابن جلجل) يتيشجه (ديسقوريدس) ك  
يازہ مدينى نباتات طيبه وادويه به دأثر بر كتاب يازہ رق بونى (ديسقوريدس) ك  
كتابه ذيل يابدى .

بالآخره يدنجى عصر هجرينك اورتہ لرنده متفنن ونبأ شہير (ابن بيطار  
مالق) يتيشدى . (ابن بيطار) مذکور كتابى مطالعه و تدقيق ايمككه برابر يونان روم  
ممالكنه سياحت واورالرده علم نباتات علماسيله اجتماع ايدرك انلردن نباتات اوزرينه  
تطبيقات شكندہ برچوق معلومات اكتساب ايدلى . مغرب ممالكنه وسأثر يہ  
دخى كيتدى . بورالرده برچوق نباتيون ايلہ برلشہرك توسيع معلومات  
ايتدى . معلوماتى هب بالذات نباتات اوزرينه تطبيقات اجرا سيله اكتساب  
ايدىوردى . شامه دخى كيدرك بورالرده يونان نباتاتى تدقيق ايدلى . متعاقباً  
ملوك ايوبيه دن (ملك كامل محمد بن ابى بكر) ك خدمتده اولدينى حالده مصره  
كيتدى . حكمدار مشاورايہ صاحب ترجمہ نك نباتات طيبه وادويه مفردہ  
(بسيطه) ددى اقتدار عظيمى تقدير ايش ايدى . كنديسى مصرده نباتيونہ  
رئيس يابدى . (ابن بيطار) ايشتہ اوقدر تجربہ و تدقيقاتن صكرہ ادويه  
مفردہ ونباتاتہ دأثر اولوب (مفردات ابن البطار) ناميله معروف اولان  
(كتساب الجامع فى الادويه المفردہ) ي يازدى كه بوكتاب بوعلمہ دأثر تحرير  
اولنان آثار آرہ سنده جداً بر موقع ممتاز اشغال ايدر [۱] . اوروباليلر صوك انتباه  
عامى يي وجوده كتير دكبرى زمان كتاب مذکور علم نباتاتده كنديلرينه مأخذ  
واساس تشكيل ايدلى .

۶۳۹ تاریخده وفات ایدن مشاهیر اطباءدن ( کتاب الادویه المفردة ) صاحبی ( رشیدالدین بن الصوری ) دخی اعظم نباتیون اسلامدن واک بیوک مدققلردن ایدی . طبیب موما ایله برابرنده قورچه لری وهرنوع بویالری حامل برسام بولندیغی حالده ( جبل لبنان ) ده وسوریه نك سائر طرفلرنده نباتاتک بیتدیکی یرلره کیدرک نباتاتی بالذات آرار ، رسامه کوستیرر ، رنگلریله ، یاراق ودالارینک عددلریله کمال دقله رسم ایتدیرر وهر نباتک رسمنی بری طراوته بولندیغی ، دیکری کاله ایردیکی ، اوچنجیمی قورودینی زمانلرده اوچ دفعه یاپدیریدی [۱] . بوکونکی علمای نباتک بونجه تکملات علمیهدن صکره یاپدقلری ده بودر . ایشه مدنیت اسلامیه بوکونکی ترقیات علمیهدنک یتشیدیردیکی علما کی بیوک بیوک مدققلر یتشیدیرمش ایدی .

### ۱- لاملرده مارستانلر ( خسته خانه لر )

مارستان ، یاخود بیمارستان کلمه سی ( خسته محلی ) معناسنه برلفظ فارسیدره عربیده بوکونکی مقابلی ( مستشفی ) در . آحقق مارستانلر مدنیت اسلامیه زمانلرنده علم طبک تدریس ایدلیدی محلی دخی اولدیغندن عبی زمانده هم مکتب طی ، هم خسته خانه شکلنده ایدیلر . عربلر مارستان تأسیسی ایرانایلردن اقتباس ومارستانلری ده اول ذکر کیچن جندیسابور مارستانی شکلنده انشا ایتشلردی .

اسلامیتده ایلک مارستانی انشا ایدن ذات ملوک امویهدنک آلتنجیمی اولان ( ولید بن عبدالملک ) ایدی . مشارالیه ۸۸ تاریخ هجریسنده شامده برخسته خانه انشا ایدرک برطاقم اطیانک نظارتنه تودیع وجذام ایله مصاب اولان خسته لرک حبسلریغی امر ایله لره کندیلرینه ارزاق ومعینات تخصیص ایلدی [۲] . دولت امویه منقضی ازلدیغی زمان عالم اسلامده مذکور خسته خانه دن بشقه خسته خانه یوق ایدی . عباسیلر موقع حاکمیت کلتجه ایکینچی خلیفه لری ( منصور ) ده اول کورلدیکی وجه ایله ایلک اولمق اوزره جندیسابور مارستانندن اطبا جلب



ایتمش ایسه ده خسته خانه تأسیس ایتدی . یالکیز اعمالر ایله ایتم و عاجز قادینلره مخصوص برؤسسسه یاپدیردی [۱] . برده یا کندیمی ، یا خود خلی طرفندن دلیلرک تداویلرینه مخصوص تیمارخانه لرده تأسیس ایلدی [۲] .

دولت عباسیه ده مارستانلری ایلك تأسیس ایدن ذات ( هارون الرشید ) ایدی . خلیفه مشار الیه جندیسابور مارستانی اطبا سندن زردینه کلنلرک مهارت و حذاقتی کورنجه ( بغداد ) شهرینک ده او یله بر شرفی احراز ایتمنی آرزو ایدرک مذکور پاتخنده بر مارستان انشاسنی طیبی ( جبرائیل بن بختیشوع ) ه امر ایلدی . او صروده ( دهشتک ) اسمنده هندلی برطیب ( جندیسابور ) مارستاننک ریاستنده بولمقده ایدی . ( رشید ) طیب موما الیه یکی مارستانک ریاستنه تعین ایتمک ایتدی . ( دهشتک ) عرض اعتذار ایدرک بو وظیفه ایچون مشاهیر اطبا دن ( ماسویه ) ی توصیه ایتدی [۳] . ( ماسویه ) رشید طرفندن بغدادده انشا اولنان مارستانک ریاستنده بولندیگی کبی کندیسندن صکره اوغلی ( یوحنا بن ماسویه ) دخی بوریا - استده پدرینه خاف اولمشدی . ( رشید ) ک و زراسندن اولان بر مکیز دها اول کوسترلرکی اوزره علم و عرفان اربابندن وطب هندلی ایله اطبا سته رغبت ایدن ذواتدن اولدق لردن بونلر دخی کندی ناملرینه منسوب بر مارستان تأسیس ایدرک ریاستنی ( ابن دهن ) اسمنده هندلی برطیبیه تودیع ایلدیلر . ( ابن دهن ) دور عباسیه هندلسانندن طوغریدن طوغرییه عربییه اثر ترجمه ایدن ذواتدن ایدی [۴] .

بغدادده ( رشید ) طرفندن تأسیس اولنان مارستان شهرت آنجه دیگر شهرلر سائر اسباب مدنیتده بغدادی نصل تقلید ایتدیلر ایسه مارستان انشاستمدهده بغدادی تقلید ایلدیلر . خلفای عباسیه دن ( متوکل ) ک و زراسندن ( فتح بن خاقان ) ( مارستان المغافر ) نامنی آلان بر مارستان تأسیس ایتدیگی کبی ( احمد بن طولون ) دخی مصره والی اولنجه قاهرده ۲۵۹ تاریخ هجری سنده کندی نامله معروف ارلان بر مارستان تأسیس و انشا آتیه ۶۰,۰۰۰ دینار صرف ایلدی . ( ابن طولون ) مذکور مارستانده عسکریدن و کوله منلردن

[۱] ابن خلیکان ۴۹۵ ج ۱ [۲] کشکول ۲۱۳ [۳] طبقات لاطبا ۱۷۴ ج ۱

[۴] فهرست ۲۴۵

کیمسه تدای اولمیهرق اهالیدن خسته وخنون اولانلرک تدایولرینه حصر ایدلنی شرط اتحاد اتمش وخسته خاننک تأمین دوامی ایچون کافی بر ایراد تخصیص ایش ایدی . مشار الیه برخنوندن فنا برمعامله کورنجهیه قدر هر هفته جمعه کونی بوخسته خاننی بالذات زیارت ایدردی . مخنونک فنا معامله سینه هدف اولنجه زیارتی کسیدی [۱] .

اوچنجی عصر هجری منقضى اولور اولماز مکه ، مدینه وسائرده دخی مارستانلر انشا اولمش ایدی . دردنجی عصر هجری کیردیکنده ایسه خلیفه ( مقتدر ) ایله وزراسی بغداد واطرافده مارستانلر انشاسنه مسارعت ایلدیلر . او جمله دن ( مقتدر ) ک وزیراسندن ( علی بن عیسی ) کندی پاره سیله ۳۰۲ سنه سنده بغدادک حریه جهتمده برمارستان انشا ایدرک طیبی مشاهیر اطباء ( ابو عثمان دمشقی ) یه تودیع ایتدی [۲] . ینه او جمله دن مشاهیر اطباء ( سنان بن ثابت ) ۳۰۶ تاریخنده بغدادک ( سوق یحیی ) جهتمده ( مارستان السیده ) نامیله برمارستان کشاد ایلدی . بوخسته خاننک آلیق مصرفی ۶۰۰ دیناره بالغ اولمقده ایدی . ( سنان بن ثابت ) سنه مذکورده خلیفه ( مقتدر ) ، کندی نامیله یاد ایدیلرک ، برمارستانک انشاسنی توصیه ایتمکله ( مقتدر ) دخی بغداد قبولرندن ( باب الشام ) جهتمده ( مارستان مقتدری ) نی انشا ایتدیردی . مذکور خسته خانه ایچون خلیفه مشار الیه طرفدن آیده ۲۰۰ دینار صرف اونیوردی . کذلک ( مقتدر ) ک وزیراسندن و مشاهیر کتابدن ( ابن القرات ) دخی اوصره لرده بغدادده ( درب الفضل ) جهتمده کندی نامیله یاد اولنان بر مارستان تأسیس ایتدیکی کبی [۳] سائر ذواتده ( ری ) ، ( نيسابور ) وسائرده دیکر مارستانلر انشا ایلدیلر . دردنجی عصرک اورتلرنده قاهرده اخشیدیان ملوکنک دردنجیسی اولان ( کافور الحصى ) یه نسیله ( مارستان کافوری ) تأسیس اولندی . آل بویه دن ( عضد الدوله ) ۳۶۸ تاریخنده بغدادک جهت غریبه سنده کوپرینک کنارنده ( مارستان عضدی ) نی انشا و بوخسته خانه یه جراحلر ایله کچاللر ، چیققچیلر ، قان الیجیلر داخل اولمق اوزره ۲۴ طیب

[۱] مغربی ۴۰۵ ج ۲ [۲] طبقات الاطبا ۲۳۴ ج ۱ [۳] طبقات الاطبا

تعیین ایلدی. بوجهتله مذکور خسته خانه ده ا اول انشا اولنان سائر خسته خانه لره تقوق ایتدی. خسته خانه لرده اطبا اوزرینه بررئیس بولنوردی که اکا (ساعور) نامی ویریلردی.

(مارستان عضدی) موصل و جزیره جوار لرلنده حکومت سورن آتابکان دوائتک آلتنجی حکمداری اولان (نورالدین زنکی) طرفدن آلتنجی عصر هجرینک اورتلرلنده (شام) ده انشا اولنان بیوک مارستانک تأسیسنه قدر بالجه خسته خانه لره سرفرازی اوله رق دوام ایتش ایدی. بویوک مارستاندن صکره (صلاح الدین ایوبی) قاهرده (مارستان عتیق) ی وسائر برطاقم خسته خانه لری انشا ایلدی. مماليك بحریه مصرده تأسیس حکومت ایدنجه بونلرک یدنجیسی اولان (ملك منصور قلاوون) ۶۸۳ تاریخده شام مارستانی طرزنده قاهرده (مارستان منصوری) یی تأسیس ایتدی. (مقریزی) خطط نامیه معروف اولان (المواعظ والاعتبار بذكر الخطط والآثار) اسمده کی کتابنده بو خسته خانه یی تعریف ایتکده در. مذکور خسته خانه نك انقاضی حالا قاهرده (شارع النحاسین) ده طور ییور. مماليك چرا کسه نك دردنجیسی اولان (ملك مؤید) دخی قاهرده ۸۲۱ تاریخده (مارستان مؤیدی) یی تأسیس ایلدی. اسلاملر طرفدن فارس، خراسان، موصل، شام، اندلس وسائر ممالکده ذکر ی تطویل کلامه باعث ده ا برچوق خسته خانه لر انشا ایدلش ایدی. اندلسی مشاهیر ادبادن (ابن جیر) ک سیاحتنامه سنده مؤلفک آلتنجی عصر هجریده ممالك اسلامیده بالذات مشاهده ایتدیکی خسته خانه لره دائر ایضاحات مقتضیه مندرجدر.

دور اسلامیده تأسیس اولنان سالف الیان خسته خانه لر غایت منتظم برحاله بولندیریلوب هر جنس و مذهب دن خسته لره تدایسنه باقیلردی. هر خسته لق ایچون آیریمجه برصالون تخصیص ایدیلردی. طیب؛ یاننده خسته باقیدیلری اولدینی حالده خسته لری طولاشه رق هر خسته ایچون اقتضا ایدن علاجی یازاردی [۱]. خسته خانه ده شفایاب اولانلره یول ویریلر و وفات ایدنلر تکفین

ودفن اولنوردی . مارستانلرده طب و صیدلویه دائر درس لر ویریلر وهرایکی صنعتک تطبیقاتی کوستریلردی .

اوزمانلرده معروف اولان خسته خانه لردن اولمق اوزره بوکونکی سیار خسته خانه لر کبی دوه ویا قاطر اوزرینه نقل اولنور بر نوع سیار خسته خانه لر موجود ایدی . ساچوقیان ایراندن ( سلطان محمود بن محمد بن مالک شاه ) ک اردوسنده برمارستان سیار واردی که عسکر هر نره یه کیتسه بومارستان قرق دوه اوزرینه یوکلدیله رک اردو ایله برابر کوتورولوردی [۱] .

### ۳ - تجیم و نجوم ، یاخود علم فلک

قدماجه علم نجوم بری یلدزلرک مواقع وحرکاتسندن و خسوف وکسوف اعتباریله احکامندن باحث بر علم طبیعی ، دیکری اسکی اعتقاداته کوره یلدزلرک محاربه ، صلح ، ولادت ، وفات ، نیکبختلک ، نحوسست ، یاغمور ، کوک آچیقانی وامشالی کبی حادثات عالم ایله اولان علاقه سندن باحث بر علم وهمی اولمق اوزره ایکی نوع ایدی . بوراده بختی قولا بجه آ کلامتی ایچ ون برنجیسنه علم نجوم ( علم هبئت ) ودیکرینه علم تجیم ناملری ویرهلم . دنا اول بیان ایتدی کمز معلوماتدن آ کلاشدیغی اوزره عربلر بو علملرک هر ایکیسنده وقوف صاحبی ایدیلر . بالآخره عربلر داخل طریق مدنیت اوله رق علوم دخیله پی کندی اسانلرینه ترجمه ایدنجه یونان ، فرس ، هند ، کلدانیلردن بو علملره دائر اقتباس ایتدکلری معلوماتی دها اول بیلدکلری شیره علاوه ایلدیلر . ایشته بونک نتیجه سنده دور اسلامیتده کی علم تجیم و علم نجوم وجوده کلدی .

#### علم تجیم

انتباه عباسی اثناسنده تجیم و نجومه اک اول اهمیت ویرن ذات ایکنجی خلیفه عباسی ( ابو جعفر منصور ) ایدی . اولجه بیان ایتدی کمز وجه ایله

[۱] ابن خلکان ۲۷۴ ج ۱ و تراجم الحکما



خليفة مشارالیه (سند هند) کتابی ترجمہ ایدلمش ایدی. دها صکره موقع اقتداره کلن خلفا بویولده (منصور) ک اثرینه اقتدا ایلدکلرندن - حتی دور عباسینک اک پارلاق زمانلرنده بیلہ - تجیم پک بیوک بر موقع اهمیت طوتمش ایدی. طیب، کاتب، محاسبلر نصل معاش و تعینات آیر مأمورین دولتن ایدیلر ایسه منجملر دخی اوصورتله مأمورین دولتن بر صنف تشکیل ایدیورلردی [۱].



عربلرک نباتات طیبیه یی تقطیر ایلہ اشتغاللری

خلفا برچوق خصوصات اداریه و سیاسیه لرنده منجملر ایلہ استشاره ایدرلردی. بر خلیفه بر تشبثی دوشونوبده عاقبتدن قورقارایسه منجملردن مطالعه سوراردی. منجملر فلکک احواله و یلدرلرک اقتراناتنه بافرق اوتشبینک موافق اولوب اولدیغنی کشف و بیان ایلرلردی. بوندن ماعدا خسته لری ده یلدرلرک احواله کوره تداوی ایدرلردی. احوال کواکب دائما نظر دفته آلنهرق هر تشبث و حتی یمک، الحکم و زیارت زمانلری یلدرلردن استخراج اولوردی. بونکله برابر علوم شرعیة اسلامیة علماسی بواعقاداتک فساد و بطلانی سویلکدن و بویوله صاپالری شدتله تحطئه اتمکدن خالی قالمازلردی. فقط خلق ینه بیلدکلرینی باپارلر، علمایی دیکلمزلردی. بوکون بیلہ عین اعتقادده پک چوق آدم یوفیدر؟



ومراكز كواكبى مبدأ هجرت اتخاذا ايلدى [۱]. زيج كتابى اولجه دخى  
 بيان ايدلىكى اوزره يلديزلك حرکاتى مبین جدوللری حاوی برکتابدیر.  
 تقویملر بوجدوللردن استخراج اولنور.

دها اول ذکرى کچن شاكر ويا موسى اوغللری نامنده کی اوچ قارداش  
 دخى علم نجوم ايله کسب شهرت ایدن اعظم هيئتشناساندن ايدیلر. بونلر خلیفه  
 (مأمون) ه خط نصف النهارك درجه سنى تعیین اچچون محیط ارضى مساحه  
 ایتیلردی. (مأمون) نصف النهار دائره سنك، یعنی محیط ارضك ۲۴,۰۰۰  
 میل طولنده اولدیغك اثباتى خصوصنده تردد ایدرك بونی اثبات ضمنتده بو اوچ  
 برادره مراجعت ایلش ایدی. بونلر واسع بریر طلب ایتمکله کندیلرینه  
 (سننجار) صحراسی کونستردلی. اورایه کیتدیلر. برقازیغه اوزون برایپ  
 باغلا یوب شماله طوغری چکدیلر. ایپک بیتدیکی یرده ارتفاع آدیلر. جنوبه  
 طوغری دخى عین عملیه یی اجرا ایدرك بوراده ده ایپک بیتدیکی یرده ارتفاعی  
 اولچیلر. ایپک بونی ايله ارتفاع درجه لرینك فرقنى حساب وکره ارضك  
 او وسعتده بواندیغنى اثبات ایلدیلر. دها زیاده اطمشان کلك اوزره بوتجربه یی  
 (کوفه) ححراسنده دخى موقع اجرایه قویدیلر. (ابن خلکان) وسأرده  
 بو خصوص حقتده معلومات مقتضیه موجوددر. شاكر اوغللری علم هیئت  
 وهندسه یه دائر يك مهم و قیمتدار کتابلر تألیف ایتدیلر. موما الیهمك  
 زماننده ۲۷۲ سنه سنده وفات ایدن مشاهیر منجمیندن (ابو معشر بلخى)  
 یتیمش ایدی. حکیم شهر (ابو یوسف یعقوب بن اسحق کندی) کندیسنه  
 معاصر ایدی. (ابو معشر) ابتدا علم حدیث ايله اشتغال ایتدیکنندن  
 علوم عقلیه وفلسفیه بغض وتعصب کونستریوری. عوامی (کندی) نك  
 علیه تجربه تجریك وعلوم فلاسفیه تابعیتله انی تعیب وتشیع ایدردی.  
 (کندی) بر واسطه ايله (ابو معشر) ه علوم ریاضیه تحصیلنه ترغیب  
 ایتدیرمکله (ابو معشر) ۴۷ یاشنى متجاوز اولدینی حالدده ریاضیات  
 وهندسه یه وقف نفس ایلدی. بو علومدن هیئتده کچدی. علم هیئت دائر  
 يك جوق اثرلر یازدی. (کندی) دخى بوسایه ده انك تشیع وتعرضندن

قورتولدی . مترجم شهر ( حنین بن اسحق عبادی ) ایله ۲۸۸ تاریخنده وفات ایدن اعظم اطبا و حکمای عربدن حرانی ( ثابت بن قره ) ، اوروپا ایلرجه ( آفرانغان Alfragan ) ، یاخود ( آفرانغانیوس Alfraganus ) شهرتیه معروف اولان مشاهیر منجمین و ریاضیون اسلامدن ( احمد بن کثیر فرغانی ) ، فضلالی علمادن ( سهل بن بشر بن هانی ) اودورده یتیشن اعظم فلکیونندن ایدیلر . بوصوک ذات دولت عباسیه اعظم رجالدن خراسانده حکومت سورن بنی طاهر دولتک مؤسس ( طاهر بن الحسین ) ک خدمتده بولمقده ایدی . کذلک ( محمد بن عیسیٰ ماغانی ) ایله ( بتانی ) نامیه معروف اولان ( محمد بن جابر حرانی ) اوصورلرده ظهور ایدن بیوک هیئتشناساندن ایدیلر . بونلردن ( محمد بن جابر حرانی ) صابئه دن ایدی . ( زیج صابی ) نامی آلان برزیج یامش ایدی . ایکی نسخه اوزرینه یازیلان بوزیجک ایکنجی نسخهی دیگرندن ده طوغری ایدی . ( محمد بن جابر حرانی ) ۲۶۴ تاریخندن ۳۰۶ سنه سنه قدر رصد ایله اشتغال ایدرک نتیجه تدقیقاتی ۲۹۹ سنه سنه یازدیغی زیجده کوستردی . علم هیئته عصرینک فریدی ایدی . ۳۱۷ سنه سنه وفات ایلدی [۱] . مذکور عصرده ده برجوق بیوک هیئتشناسلر یتیشمش ایدی . موما الیهمدن صکره دردنجی و بشنجی عصر هجریلرده دخی علم هیئته مشاهیر حکمای اسلامدن ( ابو الوفاء بوزجانی ) ایله ( ابوالریحان بیهونی ) کبی برجوق داهیلر یتیشمش ایدی . یدنجی عصرک هیئتشناسانک سرفرازی ایسه اعظم حکمای اسلامدن ( نصیرالدین طوسی ) ایدی . موما الیهک دورنده مشاهیر فلکیونندن ( مؤید عرضی ) ، اوغلی ( محمد ) ، موصلده ( فخر مراغی ) ، قلیسده ( فخر خلاطی ) ، ( نجم الدین قزوینی ) یتشدیکی کبی [۲] سائر عصرلرده دخی دها یک چوق هیئتشناسلر یتیشمش ایدی . کرک بوفلکیونی ، کرک یازدقلری آناری تعریف اتمک « لسانک علوم و معارفی تاریخی » نه عائد بر بحث اولدیغندن بوراده یالکز مدنیت اسلامیه نك علم هیئته وجوده کتیردیکی ترقیات ایله اجرا ایتدیکی تأثیرات حقنده معلومات ویرمکه اکثفا ایده جکر .

بوخصوصده اک اول نظر دقتمزه چاربان نقطه عربلرک ( یاخود مسلمانلرک )



وہمہ مبتنی اولان صنعت تخیمک باطل بر مذهب اولدیغنی کوسترمش اولمایدیر [۱]  
احتمال کہ بوفکرری اور تہیہ ایلمک سورن دہ کندیلری ایدی . فی الواقع عربلر صنعت  
تخیمک ابطانہ مقتدر اولہ مامشلردی ؛ لیکن علم کیمیادہ نصل یاپدیلر ایسہ  
علم ہیئتہ دخی اوہام و خیالاتہ مستند اولان صنعت تخیمدن زیادہ مشاہدہ  
و تجربہ اساسلری اوزرینہ مؤسس اولان حقائقہ اہمیت ویرمشلردی . عربلر  
افلاکی رصد ، ازیاچی تألیف ، ارضی مساحہ ، سیاراتی رصد ایتمککہ برابر  
بو علمک تحصیل اچون ہند و فارس مالکنہ سیاحت ایتشلر بوفنہ دائر اسکیدہ  
یازلمش اولان آناری تدقیق ، اکسمیک اولان جہتلیزنی اکال ، ہر ملککک  
اصول و معلوماتنی جمع ایتک اغورندہ یک چوق مساعی صرف ایتشلردی .  
علم ہیئتک عربلردہ اولیہ بیوک بر تاریخی واردر کہ انی احاطہ ایتک بوقامک  
و وسعتی فوقیدہ در . شو حالہ بورادہ اولہ اسلام رصد خانہلرینی ، تعاقباً  
بوفندہ وقوع بولان اکتشافاتی ذکر ایدہ چکز .

#### رصد خانہلر

رصد علم ہیئتک اساسی در . چونکہ یندیزلرک موقعلریلہ حرکاتی رصد ایلہ  
تعیین اولنور . رصد دہا اول یونانیلردہ یک بیوک بردور کچیرمش ایدی .  
یونانیلر یندیزلری رصد ، آلات رصدیہنی اختراع ایتدکلری کی قبل المیلاد  
اوچنچی عصرہ اسکندریہدہ بر رصد خانہ تأسیس ایتشلردی . بورصد خانہ ،  
( بحسطی ) کتابک مؤلفی ( بطلمیوس قلوذی ) نک زمانندہ اک پارلاق دورینہ  
وارمش ایدی ، عربلر او یانوبدہ آئیدہ کوریلہ چکی اوزرہ بغداد ، شام ، مصر ،  
اندلس ، مراغہ ، سمرقندہ و سائرہدہ رصد خانہلر انشا ایدنجہیہ قدر اسکندریہ  
رصد خانہسی جہانک یکاہ دارالرصدی اولق اوزرہ دوام ایتش ایدی .

رصد آلہلری : — یندیزلری رصد ایتک اچون بر طاقم آلات و ادوات  
قوللانیرلردی کہ مدنیت اسلامیہ دورلرندہ ، استہمال اولندقلری موقعلرہ کورہ  
شکلاً مختلف ، اونیش ، یکرمی قدر آلات رصدیہ معروف ایدی . اکمہملری  
شونلر ایدی :

۱ ابنه آتئی : — بو آلت مربع دمه-وی برجسمدن متشکل اولوب  
بونکله میل کئی ، ابعاد کواکب و مملکتلرک عرضی آکلارلردی .

۲ حلقه اعتدالیه : — بو آلت تحویل اعتدالی بیلک ایچون دائرة معدلک  
سطحینه تعایق اولنور بر حلقه دن عبارت ایدی .

۳ ذات الارزاق : — درت مربع اسطوانه دن مرکب ایدی . میل شمسینک  
تحولاتی بونکله آکلایلیردی . بو آلت بوانور ایسه ( حلقه اعتدالیه ) یه  
حاجت قالمادی .

۴ ذات الطایفه : — شکلجه و کوردیکی خدمت لرجه آلات رصدیه ککیبویکی  
اولان بو آلت آتیده کی حلقه لر دن ( دائرة لر دن ) تشکل ایدردی . اول منطقه  
بروجک یرینه قائم اولق اوزره بر حلقه . ثانیاً ایکی قطبدن مرور ایدن دیگر  
بر حلقه . نو ایکی دائرة تنصیف و تقطیع صورتیه ، یعنی دائرة بروج دیگر  
دائرة دن قطبلر دن عینی بعدده بولنق شرطیه بر یرینه کجیر یایر ایدی . ثانیاً  
بری دائرة طول کبری و دیگر ی دائرة طول صغری اولق اوزره ایکی دائرة .  
بولر دن برنجیسی دائرة بروجک محدب و دیگر ی مقعر جهتلر نده وضع اولنوردی  
را بما نصف النهار دائرة سی . بونک مقعرینک قطری محدب حلقه طولک قطرینه  
مساوی بوانوردی . حلقه ارضک قطر محدب ده مقعر حلقه طول صغرامک  
قطری قدر ایدی . بو آلت بر کرسی اوزرینه اوطور تدیری لوردی [۱] .

۵ ذات السمیت و الار تفاع : — قطری متوازی السطوح بر اسطوانه دنک  
بر سطح ندن عبارت بر یاریم دائرة ایدی . بونکله سمیت و ارتفاعی آکلارلردی .

۶ ذات الشعبتین : — بر کرسی اوزرینه وضع اولنمش اوچ جدول دن  
متشکل ایدی . بونکله ارتفاع آلنیردی .

۷ ذات الجیب : — بو آلت ذات الشعبتین آتی شکل نده ترتیب اولونمش  
ایکی جدول دن عبارت ایدی .

---

[۱] ذات الخلق طونجیدن بش دائرة دن تشکیل اولنوردی . برنجیسی طول النهار  
دائرة سی اولوب یره رکز ایدیلیردی . ایکدنجیسی دائرة معدل النهار ، اوچدنجیسی دائرة  
منطقه بروج ، دردنجیسی دائرة عرض ، بشنجیسی دائرة میل شمس ایدی .  
(کشف الظنون)

۸ المصنوع بالناظر : — ایکی ییلدیز آره سنده کی اوزاقلنی تعین ایچون استعمال اولنوردی . اوچ جندولدن مرکب ایدی .

۹ المصنوع : — بو آلتک بر چوق انواعی وار ایدی . تام ، مسطح ، طوماری ، هلالی ، زورقی ، عقربی ، آسی ، قوسی ، جنوبی ، شمالی ، مبطح ، مسرطق ، حق القمر ، مغنی ، جامعه ، عصا موسی نامرلیله متنوع ایدی . بوزلردن ماعدا مریعاتدن تشکیل اولنان آلات رصدیه شکلاً ونوعاً اوقدر چوق ایدی که بونلری تعداد ایتک قابل دکلدر [۱] .

۱۰ المصنوع رصده فائز : — خلیفه (مأمون) علوم دخیله یی عربی به نقل ایله مجسطی کاتبنده بر طاقم آلات رصدیه تک تعریفاتی کورنجه بونلرک تطبیقاتی آرزو ایدرک عصرنده بولنان مشاهیر فلکیونی بر آرده جمع و (مجسطی) مؤلفی (بطلمیوس) ک یادیغی کی آلات رصدیه اعمال وتدارک و یلدیزلری رصد ایتلری امر ایلمش ایدی . هیئتشناسلر تلقی ایتدکاری امره امثالاً اقتضا ایدن آلات رصدیه یی تدارک ایله ۲۱۴ سنه سنده بغدادده (شاسیه) موقعنده وشامده (جبل قیسون) ده کواکی رصد ایله اشتغال ایتشلردی [۲] . فقط خلیفه (مأمون) ۲۱۸ تاریخنده ارتحال ایدنجه رصدشناسلر بو ترصدتی تعطیله مجبور اولمشلردی . آنجق اختیار تعطیلدن اولرصددن استحصال ایتدکاری نتایجی بر کتایده جمع ایدرک کتایه (رصد مأمونی) نامی و یرمشلردی . مذکور ترصداتی اجرا ایدن ذوات عصرینک الک بیوک هیئتشناسی اولان (یحیی بن ابی منصور) ایله مشاهیر منجمیندن (خالد بن عبدالملک مروزی) ، (سند بن علی) ، (عباس بن سفید جوهری) دن متشکل ایدیلر . منجمین مومالیهمدن هربری ترصدات و تنبغات واقعه سی نتیجه سنده کندی نامنه نسبتله یاد اولنور برزیج دخی یازمشدی . ایشه بو ذواتک رصدلری اسلامیتده ایلک اجرا اولنان رصد ایدی [۳] .

دها صکره شاکر ویا موسی اوغللری بغدادده کوپرینک طاق قبوسنه متصل اولان طرفنده بر رصدخانه تأسیس ایلهرک یلدیزلری رصد وعروض قمردن عروض اکبرک حسابی استخراج ایتشلردی [۴] . آل بویه دن (شرف الدین

[۱] اجماع العلوم ۳۴۲ [۲] تراجم الحکما (ال یازیبی) [۳] فوات الوفيات ۱۵۱ ج ۱

[۴] ابوالفرج ۲۰۷

بن عضدالدوله ( دخی بغدادده دارالملک باغچہ سی کنارند، بر رصدخانه تأسیس ایتمش و مشاہیر ہیئت شناساندن ( ابو-ہل و یحٰن بن رستم کوهی ) بورادہ کواکب سبعہ یی رصد ایش ایدی [ ۱ ] .

بغدادده خلافت دوچار انحطاط اولوب ده مملکت برطاقم انقسامانہ اوغرایجہ اہمیت تشعب ایدن اقسامہ تحول ایتمش ایدی . بواقسامک الکبیر کی فاطمیلر زمانندہ خطہ مصریہ ایدی . فاطمیلر ( مقظم ) طاعی اوزرندہ - ۴۱۱ سنہ ہجریہ سندنہ وفات ایدن ملوک فاطمیہ دن ( حاکم بامر اللہ ) ک نامنہ نسبتلہ ( رصد حاکمی ) نامنی آلان - بر رصدخانہ انشا ایشلردی [ ۲ ] . بورصدخانہ خراب اولقلہ ملوک فاطمیہ دن ( مستعلی بن مستنصر ) ک وزیری اولوب ۵۱۵ سنہ ہجریہ سندنہ وفات ایدن ( افضل بن امیر الجوش ) طرفدن مجدداً انشا ایدلش ایدی . ( مقریزی ) بوتجدید انشائی مفصلاً یازمقددر . ( بنی اعلم ) دخی بغدادده ۴۲۵ سنہ سندنہ کندی ناملربلہ معروف اولان بر رصدخانہ تأسیس ایتشلردی . ( فوات الوفيات ) مؤلفی شام قطعہ سی حدودندہ ینانی ( کذا ) نامیلہ بر رصدخانہ ک تأسیس ایدلش اولدیغنی ذکر ایتمکده در [ ۳ ] .

بالادہ ذکر اولانان رصدخانہ حاکمی تانار ( ہلاکو ) نک زمانندہ اعظم حکمای اسلامدن ( نصیرالدین طوسی ) یتیشوب ( مراغہ ) شہرندہ ۶۵۷ سنہ سندنہ بر رصدخانہ تأسیس ایدنچہ قدر رصد شناسانک مرجعی اولیق اوزرہ دوام ایتمش ایدی . طوسی ہلاکویہ مذکور رصدخانہ یی انشا ایتدیرمکلہ برابر کړک بونک و کړک آلات وادوات رصدیہ ایچون پک چوق باردلر صرف ایتدیرمش و ۴۰۰,۰۰۰ جلد کبابی حازی بر کتبخانہ تأسیس ایش ایدی [ ۴ ] . دہا صکرہ کلان ( تیمورلنک ) دخی ( سمرقند ) دہ بر رصدخانہ انشا ایتدیکی کبی سائرلری دہ اصفہان ، مصر ، اندلسدہ تفصیلاتی بزہ واصل اولہ میان عمومی وخصوصی رصدخانہ لر انشا ایتشلردی .

[ ۱ ] ابن خلکان ۳۷۵ ج ۱ [ ۲ ] فوات الوفيات ۱۴۹ ج ۲ [ ۳ ] کشف الظنونندہ ( رصدخانہ بنائی ) شکلندہ کوستریلووور . [ ۴ ] فوات الوفيات ۱۴۹ ج ۲



## علم نجوم و اسلاميت

اسلاملر ايشته بورصداخانهلرده كواكبك رصدى وزيجلرك ترتيب و تحريريله اشتغال ايتملردى . بوزيجلرك الك بيوكى يوقايرده ذكرى كچن ( ابن يونس ) طرفندن نرت جلدنه تحرير اولغان زيج كتابى ايدى . بغدادده دهها اول يازيلان زيجلردن صكره بو زيج اسلاملرجه مرجع تشكيل ايتكمده ايدى . مشاهير فلكيونندن ( ابو اسحق ابراهيم بن حبيب فزارى ) نك ( كتاب الزيج - على سنى العرب ) نامنده كى زيجى ايله ( محمد بن موساى خوارزمى ) واصفهان رصدخانهسى ناظرى ( ابو حنيفه دىنورى ) و ( ابو معشر بلخى ) نك زيجلرى الك مشهور زيجلردن ايدى . بونلردن ( ابومعشر ) دهها اول بيان ايتديكمز اوزره زيجى فرس اصولنده ترتيب ايتمش ايدى . ۴۲۶ سنهسنده وفات ايدن اندلسك مشاهير رياضيونندن ( ابو السمع غرناطى ) ، ( ابن حماد اندلسى ) نك [۱] زيجلرييله ( نصير الدين طوسى ) نك فارسى لسانيله يازيلان ( زيج ايلخانى ) سى، ۷۷۷ سنهسنده وفات ايدن ( ابن شاطر انصارى دمشقى ) نك و سائر نك زيجلرى دخى الك مشهور زيجلردن معدود ايديلر [۲] . اسلاملر بوزيجلرده يونانلارك برچوق نتايج رصدلرني تصحيح ايتملردى .

اسلاملر رصدده برچوق يكي اصوللر كشف ايتدكلرى كچى دهها اول ذكر اولغان ذات السمعت و ذات الارتفاع آلات رصدلريله [۳] ذات الاوتار، مشهه بالناطق آلنلرى كچى برچوق آلات رصدده دخى ايجاد ايتلمشلردى . بوصوك آلات رصدده ( تقي الدين راصد ) ك اثر ايجادى ايدى [۴] . آنتيجى عصر هجرينك ابتدالزنده وفات ايدن مشاهير حكماى اسلامدن ( بديع اسطرلابى ) اختراع ايتديكى جدول و پركارلر و سائرردن ماعدابونجه سنه تا تمام قالمش اولان كره ذات الاكترسينك نواقصى اكال ايله بو اكالان باحث برائر تحرير ايتديكى كچى ( خجندى ) طرفندن برعرضده اختراع اولنوب متعدد عرضلرده اوله ميهجنى

[۱] مؤلف بواسملرى سموأ ابرالسمع وابوحماد شكننده قيد ايتمشدر . [۲] كشف الظنون ۱۳ ج ۲ [۳] مؤلف بوايكى آتى ۳۸۱ نجى صفحهده برآت شكننده كوسترمش ايكن بورادمايكى آت شكننده كوسترمكدهدر . [۴] ابجد العلوم ۴۴۳

ادعا ایدیان ( آلت شامله ) لك ده نواقصنی آتمام ایلش وانی متعدد عرضلرده یایمش ایدی [ ۱ ] .

عصرینك سرفراز فلکیونی اولان ( نصیرالدین طوسی ) دخی اسطرلابده برطاقم تکملات وجوده کتیرمش ایدی . کره واسطرلابه برخط علاوه ایدرك بوخطه ( عصا ) نامنی ویردیکی کبی بوبخه دائر غایت پارلاق بررساله دخی یازمش ایدی . بونی ایلك کشف وایجاد ایدن کندیبی ایدی . اعظم حکمای اسلامدن ( ابو عبدالله محمد بن جابر بتانی ) دخی ارضك نقطه منتهاسنی توضیح ایتکله برابر مدارین اعتدالینك وخط استوا اوزرنده دائرة البروجك میللری حسابلرینی طوغرولتدینی کبی مثلثات وزوایانك مساحهسنده ایلك اولمق اوزره جیوب وواتاری استعمال ایلش ایدی [ ۲ ] .

مشاهیر حکمای اسلامدن ( ابوالریحان بیرونی ) دخی تسطیح کرهیی ایلك کشف ایدن ذات اولوب بوکشفنی ( آلائار الباقیه عن القرون الخالیه ) نامنده کی کتابنده منصلاً یازمش ایدی [ ۳ ] . ( بیرونی ) نك مذکر کتابی ایله بوکتابك مقدمهسنده ذکر ایدلمکده اولان سائر آثارینك مطالعهسندن حکیم مومالیهك ریاضیات و علم هیئت متعلق دهاپك چوق اکتشافی اولدینی آکلاشیلیور . [ ( بیرونی ) یونان علومنی هندستانه و هندلیرك علومنی ده عربلره نقل ایتشدركه بوخدمت بیله کندیسنك تخلید نامی ایچون کفایت ایدر . مومالیه ( سلطان محمود غزنوی ) نك سایهسنده هندستانه عزیمت واوزالرده متعدد سنه لر اقامت ایدرك علوم هندیینی علمای هندن اوکرندیکی کبی بوکا مقابل یونانلیرك علوم فلسفیهسنی انلره اوکرتمش ایدی [ ۴ ] . نته کیم ( نصیرالدین طوسی ) علم هیئتی تاتار ( هلاکو ) نك سایهسنده ناتارلر آرمسنده و مشاهیر ریاضیوندن ( عمر بن ابراهیم الحیامی ) دخی ساجوقیلر آرمسنده نشره موفق اولمشلردی . آنجق بوموفقیتلر هپ اسلامیت سایهسنده وقوع بولمش ایدی .

اسلام هیئتشناسلری بوعلمده او درجه بیوک برافتدار و مهارت صاحبی اولمشلر ایدی که اودورده بتون جهانك استادی کسلمشلردی . جهانك هر نردسنده اولور ایسه اولسون اك مشکل مسأللر فلکیون اسلامیهیه مراجعتله

[ ۱ ] ترجم الحکما [ ۲ ] القبة الزرقاء [ ۳ ] بیرونی ۳۵۷ [ ۴ ] ابوالفرج ۳۲۵

حل اولنوردی . اوروپا حکمدارلری فلکیاتده مشکل بر مسألهیه دوشدکجه کندیلرینه دها یقین بولنان یالکیز اندلسه دکل ، شرق ممالک اسلامیہسنه دخی مأمورین مخصوصه کوندیرهک او مشکل مسألهلری اسلام علمایه حل ایتدیریرلردی . ( طبقات الاطبا ) مؤلفی ( ابن ابی اصیبعه ) بوقیلدن ویردیکی معلومات جملهسندن اولق اوزره افرنج پادشاهی ( ابزور ) ک؛ موصلده آتابکلر نامه حکومت سورن ( بدرالدین اؤلؤ ) ک زردینه علم هیئتہ متعلق حلی آرزو اولنان بعض مسألی حاملأ بر مأمور مخصوص کوندردیکی و ( بدرالدین ) کده بومسألری حل ایچون ۶۳۹ تاریخنده وفات ایدن اعظم علما و حکمای اسلامدن ( کمال الدین بن یونس ) ه مراجعت ایتدیکنی اوزون اوزادییه یازمقدمه در [۱] . اسپانیالیر اوقاتی تعیین ایتک ایچون رقاصی ( باندول Pendule ) عربلردن اوکرندهکرنی اعتراف ایدیورلر . دها صکره رقاص اساسی اوزرینه پایلان آلات رصدیه وسائر دنک اهمیتی ایسه محتاج ایضاح دکلر . بوندن ماعدا عربلر دها اول ساعته اعمالده بیلورلردی . روایتہ کوره ( هرون الرشید ) طرفندن ( شارلمان ) ه غایتله مصنع بر ساعت اهدا اولمش ایدی . فرنکلرجه بوهدیه مسألهسی پک زیاده مشهوردر .

عربلرک علم هیئت و ریاضیاتده دأثر یونانیدن ترجمه ایتدکری بر طاقم کتابلرک اصلی ضائع اولهق ترجمه عربیه سنک یادار قالمسی ذکر اولنان علوم و فنونه ایفا ایتدکری بیوک خدمتلردن معدوددر . ( تموخارس ) ایله ( ارستلاس ) ک آناری ، ( منلاوس ) ک کرویاتی ، ( ثاوون ) ک کرویاتی ایله مجسطی شرحی اصل یونانیلری ضائع اولوب ترجمه عربیهلری قالمش اولان آثار جملهسندندر [۲] . بو خدمت یالکیز علم هیئت و ریاضیاتده منحصر دکلدی . کتب ادبیهیه قدر بر چوق علومه شامل ایدی . مثلاً ( ابن المقفع ) کلبله ودمنه کتانی فارسیدن عربیهیه ترجمه ایتش ایدی . فارسیسی ضائع اولدیغندن اوروپالیر بالاخره بوکتانی کندی لسانلرینه ترجمه ایتک ایتدکری زمان اصلی بوله میهرق عربیدن ترجمهیه مجبور اولمشلردی .

## حساب ، جبر و هندسه

اسلاملر اوائل الامیقه علم حسابی اهل ذمه (اسلاملره تابع غیرمسلملر) وموالیدن متشکل اولان خراج مأمورلرینک تعاطی ایتدکلی عادی برصنعت عدایلدکلری جهته اندن استنکاف ایتشلر وخضرت عمرک وصایاسنه تبعاً چوجقلرینه اشعار ، فروسیت ، سیاحت وضروب امثال اوکرتمکله اکثفا ایتشلردی . بالآخره شهره مدینته کیروبده حسابیه احتیاجلرینی حس ایدنجه بو علمه میل ایلیرک ( ابن توأم ک ) « اوغلکه یازیدن اول حسابی اوکرت ، سوزینه اهمیت ویرمکه باشلامشلردی [۱] . ده صکره بالجه علمک تحصیل وکندی لسانلرینه ترجمه سنه شتابان اولنجه علم حساب دخی علوم دخیله جمله سندن اوله رق عربلرک اشتغالانه واسع برمیدان آچمش ایدی . علم حساب بالخاصه هیئتشناسلر ایله مهندسلرک وامثالی علمانک اشتغال ایتدکلی علملردن ایدی . یاکنز حسابیه وقف حیات ایتش علما بک نادر ایدیلر .

مدینت الامیه نک ریاضیاتیه ایفایتدیکی اک بیوک خدمتلردن بری اسلاملرک هند اصول حسابی ایلهرقلرینی هندستاندن جهانک هر طرفه نقل وایصال ایتلری ایدی . عربلر رقلره ارقام هندیه دیرلردی . چونکه هندلیردن اقتباس ایتشلردی . ازروپالیردخی رقلره ارقام عربیه نامنی ویریرلردی . چونکه انلری عربلردن آلمشلردی [۲] . عربلردن بورقلری ایلک اقتباس ایدن ذات ( ابو جعفر محمد بن موسی الخوارزمی ) ایدی [۳] اوروپالیرایشته بو آدمک اسمندن Algorisme کله سنی چیقارمشلردی .

علم جبره کلنجه عربلر بو علمی ایجادده ، یاخود اکا دائر اثر تحریرنده بک بیوک خدمتلری وقوع بولمش ایدی . یونانلیردن عربی به ترجمه اولان علوم وفنون بختده کورلدیکی وجه ایله عربلر بری ( ذیوفاتوس ) و دیگرلی ( ابرخس ) ک اولمق اوزره جبره دائر ایکی کتاب ترجمه ایتشلردی . حال بوکه مدینت حاضره مدقیقینی اجرا ایتدکلی تدقیقات نتیجه سنده مومالیهمانک

[۱] البیان والتبیین ۲۱۳ ج ۱ [۲] فلسفه لغویه نامنده کی اثریزک ایکنجی طبعنک

۱۱۶نجی صحیفه سنه مراجعت بیوریله [۳] تراجم الحکما



یازدقلمی شیلرک جبر نوعندن اولیوب ضعیف برطاقم اصولردن عبارت بولدیغنی کورمکده وبوعلمک موجدی عربلر اولدیغنه قناعت کوسترمکده نرلر. فکرمنه کوره ایسه عربلر هند حسابنه مطلع اولدقدن صکره بویولدن اقتباس ایندکلری معلوماتی بوعلمه دائر یونانیلردن نقل ایتدکلری معلوماته علاوه ایلیرک ایشته بویکی اساس اوزرینه علم جبری بنا ایتشلردی. اسلاملرک جبره دائر یازدقلمی اک مشهور کتابلردن بری ذکر یکن (ابوجعفر محمد بن موسی الخوارزمی) نک (کتاب الجبر والمقابله) نامنده کی اثری ایدی. قرائن احوال دن آکلاشیایورکه (خوارزمی) یازدیغنی زیجده هند، فرس و یونان اصوللارینی فصل جمع ایتش ایسه حسابده دخی یونان، هند و ایرانیلردن اله کچیردیکی اصول جبریه یی جمع ایدرک بولردن جبر عربی یی و حوده کتیرمش ایدی. عربلر (خوارزمی) نک بو کتابی دفعاتله شرح ایتشلردی. مشاهیر ریاضیون اسلام دن (ابو کامل شجاع بن اسلم) ایله (ابوالوفاء بوزجانی) علم جبره دائر اثر یازان علمان ایدیلر. (بوزجانی) نک اکثر آناری حسابه دائر ایدی. ۲۸۱ سنه سنده وفات ایدن (ابو حنیفه دینوری) ایله ۲۸۶ تاریخده ارتحال ایلین (ابوالعباس سرخسی) وسائر دخی جبره دائر کتب یازان ریاضیون اسلام دن ایدیلر. بالآخره اوروپالیر مدنیت حاضرہ یی تأسیسه تشبث ایدنجه علم جبری عربلردن اقتباس ایلشلردی.

عربلرک قواعد هندسیہ یی قیاسات منطقیه تطبیق ایتلمی هندسه ده وجوده کتیردکلری تجدیدات جملہ سندن ایدی. بو تطبیقاتی ایلک اجرا ایدن ذات بشنجی عصر هجرینک اوائلنده (ابن الہیثم) ایدی. عالم موما ایله یازدیغنی اثرده (اقلیدس) و (ابولونیوس) دن اصول عددیہ و هندسیہ یی جمع ایدوب برطاقم انواع واقسامه آیرمش ومومالیہ مائی تنقید ایتدیکی حاله او انواع واقسامی قیاسات تعلیمیہ وحسیہ ومنطقیه ایله اثبات ایتش ایدی. عالم مومالیہ تحلیل هندسی وتقدير عددی نقطه سندن مسائل حسابیه نک استخراجی ایچون جبر وحساب قواعدینه برطاقم یکی اصوللر علاوه ایتش وبو خصوصده علمای جبرک طوندقلمی اصوللار ایله استعمال ایتدکلری الفاظه مخالف اصول والفاظ استعمال ایلش ایدی [۱].

مشهور موسی ویا شاگر اوغلارندن بری اولان ( حسن بن موسی بن شاگر ) دخی زاویه نك متساوی اوج قسمه تقسیمی وسائرہ کی مهندسین قدماجه حل ایدیلہ مین برطاقم مسائل مهمہ بی حله موفق اولمش ایدی [ ۱ ] .

### صنایع نفیسه

بوزمانکی عربلرجه ( فنون جمیله ) تعبیر یله افاده ایدیلن صنایع نفیسه منفعت ومانته دکل ، کوزلاک ورنقنه انسانک منجذب ومنبسط اولدیفی صنعتلره اطلاق اولمش یکی تعبیر لردندر . بونام ایله تسمیه اولنان صنایع ایکی قسمدر . بری حفر ( اویمه جیلق ) ، تصویر ( رساملک ) ، نحت ( هیکل تراشلق ) ، تمثیل ( تیاترو ) کی بر شکل محسوسده تجلی ایدر . دیگر کی شعر و موسیقی کی محسوس و مرئی اولماز و بلکه خیال نوعندن اولور . یاخود تعبیر دیگرله صنایع نفیسه عمومیتله تصویر نامی آلتده اجتماع ایدر . چونکه بوسنایعک بعضلری هیکلر و تصویر لر کی تصاویر محسوسده و بعضلری ده شعر و موسیقی کی تصاویر خیالی ده تجسم ایلر . ظهور اسلامیتدن اول طریق مدنیت داخل اولان اقوامک جمله سی مهارتجه متفاوت درجه لرده اولقی ازره بوسنایع ایله اشتغال ایتمشلردی . بالخاصه یونانلیلر ایله رومالیلر صنایع نفیسه ده بیوک بر مهارت کوسترن ملت لردن ایدیلر . چونکه انلر هیکل لر نحت و اعمال ، رسم لر ترسیم و تصویر ، وقایعی تیاترو شکلنده تشخیص ، اشعار نظم و موسیقی بی ضبط و تنظیم ایتمشلردی .

مدنیت اسلامیہ یونانلیلرک ، یاخود رومالیلرک ترک ایتدک لری ابنیه ، هیکلر ، رسم لر وسائرہ کی آثار نفیسه ترک ایتدیکی ایچون بوسنایعده پک کیری قالدیفی حقسنده هر طرفه سرایت ایتمش براعتقاد موجوددر . حال بوکه امعان ایله تدقیقات اجرا ایده جک اولور ایسه ک اسلاملرک ، یاخود عربلرک صنایع نفیسه یه اک زیاده مستعد ملت لردن اولدقلرینی و بو صنایعده اظهار مهارتده یونانلیلردن و رومالیلردن کیری قالمیوب بلکه بعضلرنده انلرده تفوق ایتدک لرینی

کورورز . محسوس کوزللك نوعسندن اولان معمارلقده اسلاملر پك بيوك بر مهارت ابراز ايتمشلر وكنديلرينه مخصوص برطرز معماری وجوده كتيرمشلردی . اندلسده كي ( الحمرا ) سرایي ايله قاهره ، شام ، ایران وهندستانده بولان جوامع اسلاملك معمارلقده وموزاییق وسائره كي تزئینات معماریده كي مهارت واقتدارلرني کوسترن اك بيوك دليللردندر . صنایع نفیسه دن قیومحلیق ، طوقو- یوجیلیق وامثالنده دخي اسلاملر بيوك بر مهارت کوسترمشلردی . یالکزرساملق ايله اشغال ایتماشمشلردی . چونكه معلوم اولدیغي اوزره بوضعت مذهبلرنده تحریم ایدلمشدر .

شعره کلتجه دهاول بیان ایتدیكمز وجه ايله عربلر فطرة شاعر اولمق ، کوزل شعر سويلك ، اك چوق اشعار واك واسع خیال صاحبي اولمقده پك ایلری کیدن ملتردن ایدیلر .

### موسیقی

عربلر موسیقیده بستهلر تنظیم وآلات طرب ایجاد واعمال ایتکده ملل سائره ني کچمشمشلردی . فن موسیقی عربلرده پك بيوك بردور کچیرمشدی . مشهور اولدیغنه کوره عربلر اسلامیتدن اول سادی وخشونت جاهلیه لرینه موافق برطاقم بستهلره مالک ایدیلر . بالآخره اسلامیتك ظهوربله روملر وایرانلیلر ايله وقوع بولان اختلاطلری نتیجه سنده مذکور ملتردن سائر علوم دخیله دن اول موسیقی بي اقتباس ایتشمشلردی . چونكه بوفك اقتباسی ترجمه کلفته محتاج دکلددر . بواقتباسده بولنان ایلک ذات ( سعید بن مسحج ) نامنده کوزل سلی ، موسیقی به هوسکار مکهلر برکواه ایدی . امویلر برنجی عصر هجرینك صوك نلشنده ( عبدالله بن الزبیر ) ك زماننده مکهمکرمه ني محاصره ایتدکلری زمان مومالیه ( سعد بن مسحج ) مکده بولمقده ایدی . اوصره لرده ( عبدالله بن الزبیر ) کمبه نك ترمیماتنده بعض ایرانلیلری استخدام ایتمش ایدی . ( سعید بن مسحج ) ترمیمات ايله مشغول اولان ایرانلیلردن برینك فارسی ايله تغنی ایتدیکی برشرقی ني ایشیده رك نشوه دار اولور ونغمه لرني درحال اقتباس ایدر . بعده شام وایرانه کیدرك الحان رومیه وفارسیه ني اوکرنیر .

یوالتان وانغامدن عرب ذوقنه موافق کلامین شیلری آتار . و بوضورتله ترتیب ایتدیکی اصولده تغنی به باشلار . عربلرده بویولده شرقی سویلین الیمک کیمسه بو آدم ایدی . دهاسکره ظهورایدن مغنیلرک جمله سی بواصول تغنی پی کندیسندن اقتباس ایتمشلردی . دولت اسلامیه ثروت وسفاخته ایلر بلدکجه تغنی تکمل واعلا بولمقده و مغنیلرک مقداری ده اونسبتده چوغالمقده ایدی . بوجهتله دولت امریه نك اواخریله دولت عباسیه نك واسطده پک چوق مغنیلر تیشمش ایدی . ارککلردن ( ابن سریح ) ، ( غرابض ) ، ( معبد ) ، ( حکم الوادی ) ، ( فلیج - بن ابی العوراء ) ، ( سیاط ) ، ( نشیط ) ، ( عمر الوادی ) ، ( ابراهیم موصلی ) ، اوغلی ( اسحق ) وسائرله ایلر قادیلردن ( جمیله ) ، ( حبابه ) ، ( سلامه ) ، ( عقیله ) وسائرله اودورلرده یتیشن الک مشهور مغنی و مغنیلردن ایدیلر .

اسلاملر علوم دخیله نك عربی به ترجمه سیله اشتغال ایتدکلری زمان یونانلیلر ایلر هندیلرک آتار موسیقیه سی اوجمله دن عربی به ترجمه ایلرلر و بو آناری مطالعه و تدقیقندن صکره یونان و عرب موسیقیلری جامع برفن موسیقی وجوده کتیررک بونی اصول وقواعد تابع ومدنیت اسلامیه به مخصوص بر علم نکلر وضع ایتمشلردی . بو علم اومدنیت دورنده ذروه کاله بالغ اولمش ایدی . اسلاملر بر چوق انغمهلر و موسیقی آلاتی ایجاد ایتدکدن ماعدا بوفنه دائر بر چوق مطول آنارده یازمشلردی . خلفا موسیقی به پک زیاده اهمیت ویردکلرندن اربابی شوبق مقصده پک چوق بازه لر صرف ایدرلردی . مغنیلرک شعر ونوادر ادبیه حافظلردن ونحو واعراب بیللردن اولمش شرط ایدی . بوجهتله دولت عباسیه ده مغنیلر ؛ ایچلرنده ( ابراهیم بن اسحق موصلی ) وسائرله کبی ادبیات ولغت شوبله طورسون فقهده دخی یدطولی صاحبی کیمسلر بولنق اوزره الک کزیده ادبادن تشکل ایلردی [۱] . بمضلری ده منی ( زریاب ) کبی علم هیئده ده معلومات واسعه صاحبی ایدیلر . برچوق دفعه خلفا مغنیلری موسیقیده مسابقه به دعوت ومهارت اظهار ایدنلر مکافات اولمق اوزره بول معاشلر و جاریه لر احسان ایدرلردی [۲] . مغنی ( ابراهیم موصلی ) خلفه ( هادی ) نك دورنده آلدینی معاش عطیه واحسانلر و چفتلک ایرادی داخل اولماق اوزره ۱۰,۰۰۰ درهم ایدی [۳] .

[۱] ابن خلکان ۶۶ ج ۱ [۲] حلیه الکیت ۱۰۸ [۳] حلیه الکیت ۶۳




مغنی (زریاب) عراقندن اندلسه مواسلت ایتدیکی زمان اندلس ملوک امویه سندن (عبدالرحمن بن الحکم) بالذات استقبانه چیقمش ایدی [۱] .

اسلام موسیقیشناسلری فن موسیقی به دها اول موجود اولمیان بر چوق الحان (ازکیلر) اخیال ایتدکلری کبی تأثیرده امثالی ایشیدلماش دیگر بر طاقم نغمه لر ایجاد ایلشیلردی . روایتسه کوره اوله الحان یامشیلردی که بونلرک بعضیلرینی قارنی طوق اولانلر ایله قریبه یی حامل سقار ، بعضیلرینی ده یان اوزانانلر او طور مدن و او طورانلر آیاهه قالمقدن تغنی ایده مزلردی [۲] .

موسیقی آلاتی — : عربلر آلات موسیقیدن اکثرینک ایرانیلر، نبطیلر، روملر وهندلیلردن آلمشیلردی . بوملتلرک هر برینه مخصوص آلات موسیقی واردی . ایرانیلر آلات موسیقیدن عود و صنج (چنگ) ایله [۳]، خرا-انلیلر چنکه مشابه نغمه ویرن یدی تللی زنج آلتی ایله ، طبرستان و دیلملیلر طنبور ایله ، نبطیلر و جرامقه [۴] طنبوره مشابه (عیروارات) دینیلن آلتلر ایله تغنی ایلرلردی . روملرک آلات موسیقیسی ۱۶ تللی اوعر ، ۲۴ تلدن متشکل سلبان، رباب کبی تختهدن یاییلوب بش تللی اولان لوزا ، ۱۶ تللی قیثاره (کیتاره) ، بوزاغی دریسندن یاییلان صلیح ، دریدن معمول کوروکلردن متشکل اولان ارغن (اورغ) آلتلردن عبارت ایدی . هندلیلر برقباق اوزرینه کیرلمش برتلی حاوی وعود وچنگ یرینه قائم اولان (کیلکه) نامنده کی آلت ایله تغنی ایلرلردی . عربلرک آلات موسیقیسی دف (دائرة) و مزهر (عودویا . لاغوته) دن متشکل ایدی . ایشته اسلاملر بومتعدد آلتلری واقوام مذکورهنک فنون موسیقیه سی بر آرده جمع ایدرک ایلرینی سهچوب آلمشیلر وقانون آلتی کبی طوغربدن طوغری به ایجاد ایتدکلری آلات موسیقیدن ماعدا سائردهن آلتکلری آلات و معلوماتی ترقی ایتدیرمشیلردی . ذکر اولسان قانون آلتی ایجاد و بوشکلده ایلمک ترتیب ایدن ذات حکیم شهر (ابونصر فارابی) ایدی . بو آلت حالا اوشکلده بولمقده در .

[۱] نفع الطیب ۱۶۳ ج ۱ [۲] اغانی ۲۰ ج ۱ [۳] عربلر زیله دخی صنج نامنی ویربرلر . [۴] جرامقه اوائل اسلامیتده موصله عربلرک غیرندن بولسان قومه اطلاق اولنور . مغردی (جرمقانی) در .

( فارابی ) بر طقم آغاچ پارچه لرندن دیگر بر آت دها ایجاد ایتش ایدی که قورولوب چالندیغنده قورولدینی طرزه مخصوص نعمه لر ویریر و غایت غریب بر تائیراجرا ایلردی . روایت کوره حکیم موما الیه بنی حمداندن (سیف الدوله) نک برچالنی و شرقی بزمنده بولنور . حاضر و کنیدی-نی طسائیازلر . ( فارابی ) مغنیلری بکشمز . ( سیف الدوله ) شرقی و چالغیدن برشی بیایوب بیامدیکنی کندیسندن ضررار . ( فارابی ) برهیا بنجه چیقارده رق ایچندن او آلتی اخراج



هندستانده اغره شهرنده ( تاج محل ) جامی

ایدو . آلتی قوروب چالار . مجلسده حاضر بولنانلر هپ کولمکه باشلارلر . موما الیه تکرار آلتی سوکوب دیگر برطرزده قورار . چالدیغنده مجلسده بولنانلر هپ آغلامغه باشلارلر . موما الیه تکرار آلتی سوکوب دیگر برطرزده قورار . بوسفر حاضر و قیوجی به وارنجه به قدر هپ اویقویه طالارلر . ( فارابی ) حاضر و نی بویله جه اویقوده بر اقره رق چیقوب کیدر [۱] .

اسلاملره انتقال ایدن عود آلتی اسکی اصوله کوره طبایع اربعه به مقابل  
عد ایدیلن دت تلدن مرکب ایکن اسلاملر اکا برتلدها علاوه ایتشلردی.  
بوئلی مغنی (زریاب) اندلسده بولندیغی صروده قمرزی رنگده اولمق ودیکر  
تلرک اورته منده بولمق اوزره عوده ادخال ایلش ایدی. عودک مضرابی ده  
اول آغاجدن اعمال اولنور ایکن قره قوش قادیک تویندن ایلک اتخاذا ایدن  
ذاتده بو (زریاب) ایدی. اندلسک مشاهیر حکماسندن (ابوالقاسم عباس  
بن فرناس) اوقاتی آکلامق ایچون (مقال) نامنده کی آلتی ایجاد ایتش  
ایدی [۱].

## اسلامیتده مدرسهلر

### تعلیم و تدریس

دها اول ویردیکمز معلوماتدن آکلاشیلدیغی اوزره قرآن عظیم الشان  
علوم اسلامیته نیک اساسی ایدی. شو حالده قرآنک تعلیمی تدریسات اسلامیته نیک  
اساسی دیمکدر. قرآنک ایلک درسلی قرائتی ایدی. بناء علیه اسلامیتده  
ایلک معلم حضرت نبی ایدی. حضرت نبی قرآنی صحابهیه اوکرتمش ایدی.  
صحابه دخی قرآنی اکا بنا اولنان، یاخود اندن تشعب ایدن علملر ایله برابر  
خلقه اوکرتمشلردی. خرسیتانلرده مکتبلر فصل مناسیر و مکتبلرده ایدی ایسه  
اسلاملرده دخی مکتبلر ذکر اولنان سببه مبنی جامعلرده ایدی. جامعلرده بر  
علمک تلقیدی ایچون برعلمک اطرافنده طوپالان طلبیه «حلقه» نامی  
ویریلردی. اسلاملرده علوم و مهارت مرور زمان ایله تشب و توسع ایلدیکندن  
برعلمک متعدد حلقه لری اولوردی. حلقه لر علی الاکثر معلمک نامی ایله  
تسمیه اولنوردی. مثلا «منصورک جامعده ابو اسحق شیرازینک حلقه سی»  
وامثالی دیرلردی. مطالعه و استنساخ ایچون هر جامعده برکتبخانه تأسیس  
اولنوردی.

مع مافیه تعلیم و تدریس یالکیز جامعلره مخصوص برشی دکلدی . پک چوق دفعه مارستانلرده ، کاربانسرایلرده ، تکیهلرده ، عمارتلرده ، خانهلرده وسائرده دخی تدریس حلقه لری تشکیل اولنوردی . زنگینلر کندی چوجقلرینی تعام و تربیه ایچون معلملری کندی خانهلرینه کتیریرلردی . خلفا ، امرا هب بوصورتله ، علم کتیره رک چوجقلرینک تحصیل و تربیه سنه باقارلردی . عصر حاضرده ارباب ثروت حالا بواسولده حرکت ایدرلر .

تعلیم و تدریسه علی الاطلاق جامعلرک الک مشهوری ( قاهره ) ده کائن ( جامع ازهر ) در . جامع مذکور ( قاهره ) شهرى ایله برابر دردنچی عصر هجرى اورتهلرنده انشا ایدلمش وجوامع سائره کبی بوراسی دخی قرآن وفقه تدریسنه تخصیص اولنمش ایدی . طلبه نك برقمی جامعك داخلنده اقامت ایتدکلرندن کنیدلرینه « مجاورین » نامی ویریلردی . ترکستان ، هند ، زیلع ، سنار وسائر داخل اولدینی حالده ممالک اسلامیه نك الک اوزاق طرفلردن بورایه طلبه کلیردی . مصر صعیدی طلبه سنه مخصوص رواقلردن ماعدا شام رواقی ، مغاربه رواقی ، زیالجه ، سناریه ، یتیه ، هندیه رواقلری نامی آلتنده هرملکتک طلبه سی ایچون بر رواق مخصوص بولوردی . طقوزنجی عصر هجرینک ابدالرنده جامع ازهرده بولسان طلبه نك عددی مختلف مملکتلره منسوب اولمق اوزره ( ۷۵۰ ) نه بالغ اولمش ایدی . بونلر هب صندوقلریله وسائر اشیارلیله برابر جامعك دروننده اقامت ایدرلر وفقه ، حدیث ، تفسیر ، نحو ، منطق تحصیل ، وعظ مجلسلری و ذکر حلقه لریله مشغول اولورلردی . بعضاً تبرک ایتک ، یاخود محل اقامت اتخاذا ایلک مقصدیله طلبه دن غیری برچوق کیمسه لرده جامعده بیتوت ایدرلردی . جامع مذکورک اوزون بر تاریخی واردرکه بونک تفصیلنی ( خطط مقریزی ) و ( خطط توفیقیه ) ده کورر سکز . مع مافیه بوجامعك حالی بر اطرادده کتیموب مصرده حاکم اولان مذهب ایله حکم دارانک اختلاف احوالنه کوره مختلف شکللر آلیوردی . خاندن خدیوی زماننده جامع ازهرک طلبه سی اون ، اون بشیکه بالغ اولمشدر . ایوم جامعك تدریساتنه بعض قنون حاضره نك علاوه سنه چالیشیلور .



## مرور

مدنیت اسلامیہ دور لرزنده تعلیم و تحصیل مسالہ سنده بر نقطه نظر دقتمزہ چارپیور کہ اودہ اوزمان لرزده علوم مختلفه اعتلا بولدیغی و یک چوق علما ، فقہا ، اطبا ، حکما یتیشیدیکی حالده بوکونکی مکتبلر کی مستقل بر مکتب یوننامی ایدی . اسلامیتده مدرسه لر ایلاک تأسیس ایدن ذاتک بشنجی عصر هجرینک اورتہ لرزنده سلجوقیان ابراندن ملکشاھک وزیر ی ( نظام الملک طوسی ) اولدیغی همان بتون مورخین اسلامجه متفق علیهدر . بونجه کتابلر ترجمه ایدلمش ، علوم و معارفک هر نوعی مظهر اعتلا اولمش ایکن اسلاملر طرفندن هیچ بر مدرسه تأسیس ایدلمکسزین دور عباسینک منقضی اولمسی جدأ شایان استغراب کورولور . مع مافیہ اوروپا لیلرک ویردکلی معلوماتدن ( مأمون ) ک خراسانده والیدیکی انناسنده اوراده بر مدرسه تأسیس ایتدیکی آکلاشیلور [۱] . عجباً اوروپا لیلر بومعلوماتی زده دن نقل ایتدیلر ؟ زیرا مطالعه ایتدیکمز کتب عربیہ ده بو خصوصه دائر هیچ بر قیده ظفریاب اوله مدق . بونکله برابر ( خراسان ) ولایتک مقرر اداره سی اولان ( نيسابور ) ده مارالذکر ( نظام الدین طوسی ) نک زمانندن اول متعدد مدرسه لر انشا ایدلیدیکی و ۴۰۶ سنه سنده وفات ایدن مشاهیر علمادن ( ابن فورك ) ک مدرسه سیله [۲] ۴۵۰ سنه سنده وفات ایلین مشاهیر محدثین و فقهای شافعیه دن ( ابوبکر بیهقی ) یه نسبتله ( مدرسه بیهقیه ) ، مشهور ( سلطان محمود غزنوی ) نک برادری ( نصر بن سبکتکین ) طرفندن انشا اولان ( مدرسه سعیدیه ) ، مشاهیر صوفیوندن واعظ ( اسماعیل استرابادی ) طرفندن انشا ایدیلان مدرسه یله ۴۱۸ سنه سنده وفات ایدن کبار فقهای شافعیه دن استاد ( ابو اسحق اسفراینی ) ایچون تأسیس اولان مشهور مدرسه [۳] اوجمله دن اولدیغی مؤلفات اسلامیہ نک مطالعه سندن مستبان اولمقده در . ذکر اولنان مدرسه لرک جمله سی ( نظام الملک ) طرفندن بغدادده تأسیس ایدیلن ( مدرسه نظامیه ) دن ده اول انشا اولمش ایدی . حتی بالذات

Encyclopaedia Brit.art Al-Mamun (۱)

[۲] ابن خلکان ۴۸۲ ج ۲ [۳] سیوطی ۱۸۵ ج ۲

( نظام الملك ) دخی بغدادده کی مدرسه نظامیه یی تأسیس ایتمدن اول ( ملک شاه ) ک پدری ( آلب آرسلان ) ک زمان سلطنتده اعظم ائمه شافعیه دن ( امام الحرمین ابوالمعالی عبدالملك جوینی ) ایچون ینه ( مدرسه نظامیه ) نامیله ( نیشابور ) ده بر مدرسه تأسیس ایتمش ایدی [۱] . احتمال که مزارالیه ک اسلامیتده ا ک اول مدرسه لر انشا ایتمیشکی حقنده آلدینی شهرت بغدادده ایلک بیوک مدرسه یی انشایله تعلیم و تدریسی مجانا یا یمنسندن و طلبیه معاش و ارزاق تخصیص ایلمسندن نشأت ایتمکده در .

فقط هر حالده شو آ کلاشیلور که عالم اسلامده مدرسه لری ایلک تأسیس ایدنلر عرب اولیان امرا ایدیلر . ( مأمون ) ک خراسانده ( وینایسا ورده ) بر مدرسه تأسیس ایتمیشکی حقنده ویریلن معلومات طوغری چیقار ایسه ، بو مدرسه عرب اولیان بر ملک کتده عربلرک غیرینه متعلق بر مقصدایله انشا ایدلمش دیمک اولور . یوقسه ( مأمون ) مقام خلافته کلوب علوم دخیله یی ترجمه ایتمیشکی زمان ایچون بغدادده اولیه بر مدرسه تأسیس ایتمشده یی ؟ برده مدرسه لرک خلفانک غیری طرفندن تأسیس ایدلمش اولمنسک سبی نهدر ؟ بونی آرایه لم .

یوقاریدن بری ویردیکمز معلوماتدن آ کلاشیلدی اوزره اسلاملرده امور سیاسییه نک امور دینییه مربوط بولمنشی و علمانک علوم دینییه نک حافظ و رهبری عد ایدلمشی جهتیله بونلرک خلفا نزدنده کی موقعلری پک بیوک ایدی . حتی اوائل اسلامیتده علما خلق آره سنده حائز اولدقلری موقعک تأثیری ایله اداره مملکتده خلفانک عادتاً معینی کبی ایدیلر . بالاخره امور خلافت ضمه اوغرایه رق نفوذ حاکمیت ایرانلی ، ترک ، دیلملی . کرد و سائرده دن اولان سلاطین و امیرانک انه کینجه بوسلاطین و امرا خلفانک نفوذ دینیلری مقامنه قائم اولمق اوزره خلقک میل و محبتنی جلب ایده جک بر نفوذه محتاج اولمشلردی . خلقک بوسورتله میل و محبتنی جلب ایتمک ایچون فقرایه ایلک ایتمک و علما وفقهایه حرمت واکرامده بولمقدن ده ا قولای بروسيله یوق ایدی . بوجهته عاقل و مدبر بر سلطان ویا امیر بر شهرک حاکمیتی اله آلدینی زمان ک اول علما وفقهایی کندیسنه یا قلاشدرمغه وجامعلر ، کاربانسرایلر ، تکبیلر ، عمارتلر ، مارستانلر و سائر

انشائی ، علما ، فقہا ، فقرا و سائرہ معاشلر و معینات تخصیصی ایلہ ثواب  
 اخیرویدن ماعدا بالخاصه عوام و خواصک میل و محبتنی جلب ایتمکه چالیشیردی .  
 ( احمد بن طولون ) مصرده ، ( عضدالدوله ) بغدادده ، ( نورالدین زنکی )  
 شامده ، ( صلاح الدین ایوبی ) مصرده بویولده حرکت ایتیشلردی . عینی طریق  
 اک صوگ اوله رق اتخاذایدن ذات عائله خدیوی مؤسسسی محمد علی پاشا ایدی که  
 بوخصوصده صرف ایتدیکی مساعی مصر و سوریه قطعهلرنده برانتباه علمینک  
 ظهورینی متیج اولمش ایدی .


( نظام الملک طوسی ) دخی مدرسه لری عین اعث ایلہ انشا ایتیش ایدی . چونکه  
 مشار ایلہ ( آلب آسلان ) - سلطانک عادنا پدری مقامنده و سلطنتک اک بیوک  
 نفوذینی حائز بر موقعده - اون سنه وزیرک ایتدکدن صکره ( آلب آسلان ) ک  
 وفاتی اوزرینه اوغللری احراز سلطنته قوشدقلری زمان النردن ملکشاهی  
 مقام سلطنته اجلاس ایدرک بونک دورنده دخی یکرمی سنه بتون نفوذ سلطنتی  
 اله آلمش ایدی . سلطان یالکز تخته اوطورر ، آودن بشقه برشی ایلہ مشغول  
 اولمازدی . اودورده باطنیه فرقهسی پک بیوک برنفوذ کسب ایتیش و حاکمیت پک  
 چوق کوزلر دیکلمش ایدی . ( نظام الملک ) عاقل و مدبر برذات اولدینی ایچون  
 دشمنلرک مودتنی و دوستلرک صداقتی استحصال و تأمینه صرف غیرت ایدرک  
 دوست ، دشمن تفریق ایتمکسزین هرکسی کثرت احسان و عطایایه مستغرق  
 ایلدی . بویولده صرف ایتدیکی مساعی جماعه سندن اوله رق فقهایه دارالعلملر ،  
 علمایه مدرسه لر ، عباد ، زهاد و ارباب صلاح ایلہ فقرا ایچونده تکیهلر ،  
 عمارتلر انشا و طلبه علوم و سائرده نفقه و ارزاق تخصیص ایتدی . مشاوارلیه  
 شام ، دیار بکر ، عراقین ، خراسان و سمرقنده قدر بتون مملکتی بوفیضه مظهر  
 ایتیش ایدی . اودرجه ده که برعالم ویا بر طالع علم ، یاخود بر متعبد ویا زاهد  
 بولمازدی که وزیر ( نظام الملک ) ک فیض انعام و احساننده غریق اولسون .  
 مشاوارلیه سنده بواغورده ۶۰۰,۰۰۰ دینار صرف ایدی یوردی . وزیرک  
 رقبا سندن بعضلری بوفضله صرفیاتی وسیله اتخاذا ایتک ، کنه دیسنی ملکشاهاک  
 نظرندده دوشورمک ایستیه ریک ملکشاهاه : « نظام الملکک او یولده صرف  
 ایتدیکی باره لر براردونک تجهیزینه صرف ایدلسه بواردو لوای مظفریتنی استانبولک

سورلری اوزرینه رکز ایدمیلیر ، دیدیلر . ملکشاہ وزیرینی مواخذہ ایتدی .  
 ( نظام الملک ) اکا مقابل شو جوانی وردی : « اوغلم ! بن اعجی براخیارم .  
 صائیغہ چیقارلسم بش دیناردن زیادهیه مشتری چیقماز . سنده برترک  
 اوغلانندن عبارتسک که صائیغہ چیقارلسک بلکه اوتوز دیناردن فضاه  
 کتیرمزسک . سن کیجه کوند ز ذوق وصفایله مشغولسک . اللهم قارشى  
 یابدیغ شى طاعتدن زیاده معاصیدن متشکل . . حادثات زمانه قارشى حاضر لادیغ  
 اردولر سنی آجیق ایکی آرشون طولنده قلیجلر و اوچ یوز آرشوندن زیاده  
 ایلری کچمز اوقلر ایله مدافعه ایدمیلیرلر . بونکله برابر بو عسکر معاصی ،  
 ایچکی . اکنجه ، دودوک و طنبور ، هر درلو ذوق و صفایه طامش . حال بوکه  
 بن سنک ایچون برکیجه اردوسنی تشکیل ایتدم . سنک اردوک کیجه او یونجه  
 اوکیجه اردولری آیانده اللهم حضورنده صف صاف طورده رق اشک طاعات  
 نثار ایلمک ، عثمیه احدیته رفع لسان و اکف عبودیت ایتمک ، عمر و شوکتک  
 ازدیادی و اردولرک مظفریتی ایچون دعا ایلمکه مشغول اولورلر . ایشته سن  
 و اردولرک بونلرک خیر دعاسیله یاشایورسکیز ، برکت و بمنلریله جناب حق  
 الطاف و انعامنه مظهر اولیورسکیز . » . ملکشاہ بوجوانی ایشیدنجه غیرقابل  
 اعتراض کوره رک سکوتی اختیار ایلش ایدی ، [ ۱ ] . ( نظام الملک ) ۴۸۵ سنه  
 هجریه سنده مقتولا وفات ایتدی .

عربلردن اولیان امرانک مدرسه و جامع انشاسنه اجر و ثوابه نائلیتدن ماعداسوق  
 ایدن اسبابدن بری ده و امرانک سلطانک سراینده یتیشماری و علی الاکثرانک نان  
 و نعمتی ایله پرورده اولمش کیمسه لردن و یا خود سلطانک ولاء و یا رق حقنی  
 طاشیانلردن اولملری ایدی . بونلردن بری وفاتنده بر ثروت و یا املاک و اراضی  
 ترک ایدوب ده سلطان انلری ضبط و متوفانک اوغلارینی میرندن محروم ایلمک آرزو ایتسه  
 یابه بیلیردی . بناء علیه اودورلرده بری اله برامارت و ثروت کچر بوبده کندی  
 ذریتندن ترک ایدمجهکی وارثلره سلطانک وقوع تعدیسندن قورقونجه مدرسه لر ،  
 خانقاهلر ، عمارتلر انشا و مالک اولدینی املاک و اراضی بی انلره وقف ایدرک شرائط  
 وقفیه ده اوقافک تولیتی ایله وارداتندن برقسمنی چوجقلردن برینه تخصیص



و بصورتہ انلرک سفالت و ضرورتہ دوشملربنہ حیولت ایلردی .  
سلطان ویا امیرک تابع اولدینی مذہبک تقویہ و تأییدی دخی مدرسه لرک  
انشاسنہ باعث اولان اسباب جملہ سندن ایدی . قاهرہ شهری تاریخ تأسیسندن  
اعتباراً شیعی بر شهر ایدی . ( جامع ازهر ) ده القا اولنان درس لرده شیعی مذہبی



پورتکیزده ( بلام ) شهرنده عرب - اسپانیول طرز معماری سنده پالیش برقله

اوزره القا ایدیلردی . ( صلاح الدین ایوبی ) مصرده موقع اقتداره کنجہ  
بومذہبی ابطال و مالکی و شافعی مذہبلرینی احیا ایتدی . بویکی مذہبی تعلم

وتدریس ایتک اوزره مدرسه لر تأسیس ومذهب شافعی ایچون ۵۶۶ سنه هجریه سنده (مدرسه ناصریه) بی انشا ایلدی . مصرده احادیث شریفه ایراد وتدریس ایله اشتغال ایدن ایلک مدرسه بومدرسه ایدی . مشارالیه دن صکره کرد وترکردن موقع اقتداره کلن سلاطین بویولده کندیسینه اقتدا ایلدیلر . مدرسه لرک تأسیسینه باعث اولان اسباب هر نه ارلورایسه اولسون شوراسی محققدرکه ( نظام الملک طوسی ) بشنجی عصر هجریده مدرسه لر تأسیسی ایله عالم اسلامیده ایلک اشتهار ایدن ذات ایدی . مشارالیه بغداد ، اصفهان ، نيسابور ، هرات وسائرده جمله سی کندی نامنه نسبتله نظامیه اسملریله مدرسه لر تأسیس ایتش ایدی . بونلرک اک مشهوری بغدادده تأسیس اولنان ( مدرسه نظامیه ) ایدی . مذکور مدرسه ( ابوسعید صوفی ) نك همت ونظارتی آلتنده ۴۵۷ تاریخنده دجله نك کنارنده انشا ایدیلرک بالاسنه ( نظام الملک ) ك اسمی یازلمش واطرافنه وارداتی مدرسه یه عائد اولمق اوزره برطاقم چارشولر بنا ایدلدیکی کبی ینه ( ابوسعید صوفی ) نك نظارت ودالاتی ایله برطاقم چفتلکار ، خانلر ، حماملر صانون آلهرق مدرسه یه وقف اولمش ایدی . مدرسه نظامیه نك انشآت مصرفی ۶۰۰۰۰ دیناره بالغ اولمش ایدی .

( نظام الملک ) ك بومدرسه سی تاریخ اسلامده بیوک بردور کچیرمش وشهرتلری جهانی قاپلایان برطاقم بیوک علما ایتشیدیرمشدر . مدرسه نك ایلک مدرسی مشاهیر فقهای شافعیه دن ( ابو اسحق شیرازی ) ایدی . متعاقباً ( شامل ) ك مؤلفی كذلك مشاهیر فقهای شافعیه دن ( ابونصر بن الصباغ ) [۱] ، ( ابوالقاسم دبوسی ) ، ( ابوحامد غزالی ) ، ( فخر الاسلام شاشی ) ، ( کیا هراسی ) ، ( سهروردی ) ، ( کمال الدین انباری ) وسائره کبی اقطاب علم وعرفان صره ایله هب بومدرسه ده مدرس ایدیلر . اوکی اعظم اساتذه نك کرسی تدریسه کچملری مدرسه نك پك پارلاق دورلر کچیرمسنه باعث اولمش ایدی . مذکور مدرسه ده علوم دینی و فقهیه ولسانیه تدریس اولتوردی .

وزیر مشار الیه دن صکره کلن سلاطین وامرا ممالک اسلامیه نك هر طرفنده

[۱] اصلده سهواً ( ابونصر الصباغ ) و ( قاموس الاعلام ) ده الصباح شکلرنده

کوستربیلور .

بوصورتیه مجاناً مدرسه لر انشا سنده ایلک طو تدینی یولده حرکت ایتشلردی .  
 عینی طریق اتخاذایدن ذوانک تاریخ ترتیبی ایله اک مشهوری ۵۷۷ سنه سنده  
 وفات ایدن شام آتابکی ( نورالدین زنگی ) ایدی . مشارالیه شام ، حلب ،  
 حما ، حمص ، بلعلک ، منبج ، رحبه شهرلری کبی شام قطعه سنک هر طرفده  
 واما کن سائرده بنا ایتدیکی مارستانلر ایله جامع ، مسجد ، دارالحدیث  
 و عمارتلردن ماعدا اورالده مدرسه لر دخی انشا ایتش ایدی . ( نورالدین  
 زنگی ) نک زماندن صکره شهرتجه ۵۸۹ سنه سنده وفات ایدن ( صلاح الدین  
 ایوبی ) کلیر . اصلاً کرد اولان سلطان مشارالیه قاهره ، اسکندریه ، قدس  
 وسائرده مدرسه لر تأسیس ایلشدی . مشار الیه دن صکره ۶۳۰ سنه سنده وفات  
 ایدن ( اربل ) آتابکی ( ملک معظم مظفر الدین ) بویولده اشتهار ایلیه رک برچوق  
 مدرسه لر ، یتیم ، لقیطه ( طفل متروک ) و طول قادینلر ایچون دارالشفقه لر وسائر انشا  
 ایتش ایدی . ( صلاح الدین ایوبی ) دن صکره کندی ذریقتدن مصرده مقام حاکمیه  
 کلن ذوات دخی مشارالیه ک اثرینه اقتفا ایدرک مدرسه لر تأسیسی امرنده بیوک  
 همتلر صرف ایلشلردی . ایوبیلرک حاکمیتی منقضى اولدینی زمان بونلرک مصرده  
 تأسیس ایتش اولدقلری مدرسه لرک عددی ( ۲۵ ) ، بالغ اولمشدی . متعاقباً  
 مصر حاکمیتی کوله منلره انتقال ایدنجه بونلر دخی ایوبیلرک اثرینه تبعاً حرکت  
 ایتشلردی . مملکتک ارباب ثروقی ده عینی اثره اقتفا ایدیورلردی . بوجه تله  
 مذکور کوله منلر زماندن ( مقریزی ) نک زمانی اولان طقوزنجی عصر هجرینک  
 اورته سنه قدر مصرده ( ۴۵ ) مدرسه تأسیس اولمش و ایوبیلر طرفدن انشا  
 ایدیلن مدرسه لره علاوه سنده ایسه مصر مدرسه لرینک عددی ( ۷۰ ) ه بالغ اولمش  
 ایدی . سائر ممالکده دخی مدرسه لرک انشاسی عین احوال و مؤثراته تبعیت  
 ایلش ایدی . دولت عثمانیه ده مدرسه لر ایلیک انشا ایدن ذات ۷۶۱ تاریخده  
 وفات ایدن سلطان ( اورخان ) ایدی . ده صکره مقام سلطنته کلن سلاطین  
 دخی مشارالیه ک اثرینه اقتفا ایلشلردی . سلاطین مشارالیه مک تأسیس  
 ایتدکاری مدرسه لرک اک مشهوری سلطان سلیمان طرفدن تأسیس ایدیلن سکر  
 مدرسه ایدی [ ۱ ] .

آلتنجی عصر هجریده ممالک اسلامییه یی طولاشان اندلس مشاعیر ادبانه‌دن (ابن جبیر) مشهوداتی حاوی یازدینی سیاحتنامه‌ده شامده ۲۰ و بغدادده ۳۰ مدرسه کوردیکنی بیان ایدیور. اندلسه کلنججه هندلی (امیرعلی) انکلیزجه یازدینی (تاریخ اسلام) ده عربلرک قرطبه، اشبیلیه، طلیطله، غرناطه، مالقه و سائرده مدرسه‌لر تأسیس ایتدکارینی و یالکیز غرناطه مملکتنده بولنان مدرسه‌لرک مقداری ۱۷ بیوک و ۱۲۰ کوچک مدرسه‌یه بالغ اولدیغنی نقل و حکایه ایدیور [۱]. شوخالده اندلس مدرسه‌لری مدرسه نظامیه‌دن بشقه برطرزده تأسیس ایلدیش اولسه کرب. زیرا (نفح الطیب) مؤلفی (احمد مقری): «اندلسیلرک تحصیل علم ایچون آریجه مدرسه‌لری یوق ایدی. خلق جامعلرده اجرتیه درس اوکورلردی. بونلر نفقه و معینات آلمق ایچون دکل، محضا تحصیل علم ایچون جامعلره دوام ایدرلردی» دیور [۲]. (مقری) نک بوسوزلری اندلسده مدرسه تأسیس ایلدیکنی صورت قطعیه‌ده افاده ایتدکده در. بنابرین احتمال که (امیر علی) بوخصوصه دائر ویردیکی معلوماتی اوروپالیلردن نقل ایتددر. اوروپالیلرک ذکر ایتدکاری بومدرسه‌لر (مقری) نک بحث ایلدیکی جامع مدرسه‌لرندن عبارت اولمق اقتضا ایدر.

اسلاملرده مدرسه‌لر علمانک کندی خانه‌لرند، عقد ایتدکاری تدریس مجلسلرندن ماعدا بعضلری جامعلر، کاربانسرایلر، تکیه‌لر و عمارتلرده تشکیل اولنان درس حلقه‌لری، بعضلری علوم اسلامییه‌نک تدریسی ایچون کشادایدیان اجرتسز بیوک مدرسه‌لر، بعضلری ده مارستانلرده تأسیس اولنان طب و فلسفه مکتبلری اولمق اوزره براقچ شکلده ایدی. درسه دوام ایدن طلبه‌نک مقداری مدرسک تدریس ایتدیکی علمده‌کی شهرته تبعاً مختلف بولنوردی. (فارابی) نک اون بیکلرجه طابه‌سی واردی. بعضاً مدرسک شاگردانک شاگردانی‌ده اولوردی. روایت کوره طیب شهیر (ابوبکر رازی) درسه اوطوردی. زمان اطرافنده کندی شاگردانی، بونلرک اطرافنده کندیلرینک شاگردانی، بریکیلرک اطرافنده اوچنجی درجه‌ده کلان شاگردلر اخذ موقع ایدرلردی.

Ameer Ali's Short History of the Saracens 627 [۱]

[۲] نفح الطیب ۱۰۴ ج ۱



بری برمسآله صورمق ایسته سه اولا اکایقین اولادن، شاید بوجواب ویره مزایسه دها یوکسککنندن صوراردی . بونلرمسآله بی طوغری حل ایده مزلر ایسه اوزمان ( رازی ) سوبلردی [۱] . بر مدرسك طلبه سی مزداد اولدقجه مدرسك شهرتی ده اونسبتده آرناردی . مدرس یورودیکی زمان طلبه سی اطرافنده یورر وبعضاً حیوانه بیندیکنده شاگردانی اطرافنده آیاقده کیدردی . اعظم علما و حکمای اسلامدن ( فخرالدین رازی بن خطیب الری ) خانه سندن را کبآدرسه کیدر ایکن هروقت رکابی اطرافنده فقها وسأرددن اوچ یوزی متجاوز طلبه یوروردی [۲] . هرکیم اويله بر استاد مدرس اوزرینه بر کتاب اوقور ایسه مدرس کتابك کندیسی طرفندن تدریس اولدیغنی کوسترن علامت مخصوصه سیفی وضع ایدردی . ( شیرازی ) ، ( فارابی ) ، ( رازی ) ، ( ابن خطیب الری ) ، ( ابن سینا ) ، ( غزالی ) عالم اسلامیده اک چوق طلبه سی اولان اعظم علمای مدرسیندن ایدیلر . تعلیم وتدریس کوله منلر ، جاریلر ، کوله لر ، مختلر وسأره یه وارنجه یه قدر صنوف ناسك جمله سنه تشمیل ایدلش ایدی .

### کتبخانه لر

انسانلر کندی افعال ، تاریخ و علملرینی قید وتدوین، باشلادقلری زماندن اعتباراً تدوین ایتدکلری شیئرک محافظه سنه لزوم حس ایتمه - لردی . چونکه اوشیلری آنحق بقا بولسون دییه تدوین ایشلردی . کتابلرک محافظه اولندیغنی محله کتبخانه نامی ویریلیر . عالمده کتبخانه لر ایلك تأسیس ایدنلر میلاد عیسادن ۱۰۷۰۰ سنه اول بابلیلر ایدی . کچن عصرک علماسی طرفندن بابل واشور خرابه لرنده بابلیلرک بر کتبخانه سی کشف اولمشدر . بونک کتابلری خط اسفینی ایله محرر کیره میدلردن متشکلدر . بابلیلردن صکره کتبخانه تأسیسنده قدیمه اسکی مصر لیلر کلیر . یونان قدیم مشاهیر مورخینندن ( دیودوروس - Diodore de Sicile ) مصر ملوککندن ( اوسیمندیاس ) اسمنده بر حکمدارک

قبرندہ بولن۔ ان برکتبخانی ذکر ایتمشدر . بولنردن صکرہ بویولده قدیمجہ یونانیلر کلیر . عمومک استفادہسنہ خدمت ایتک اوزرہ عمومی کتبخانہ لری ایلک تأسیس ایدنلر بولنلر ایدی . یونانیلردن ایلک عمومی کتبخانہ یی تأسیس ایدن ذات قبل المیلاد آلتینچی عصرک اورتہسنده ( بیسیستراتوس ) ایدی . وقیلہ ( برغمہ ) ده ۲۰۰,۰۰۰ جلدی حاوی برکتبخانہ نک بولنرینی ( پلوتارخس ) ک یازدینی معلوماتدن آکلاشلیمقدہدر . بطالسہ دخی مشهور اسکندریہ کتبخانہسفی تأسیس ایتمشلردی . بولنردن صکرہ قدم صردسی رومالیلرہ کلیر . رومالیلرک ایلک تأسیس ایتدکلری کتبخانہ قبل المیلاد ۱۶۷ سنہسنده مایکدونیان رومیہ نقل ایتدکلری کتبخانہ ایدی . رومالیلرینہ قبل المیلاد ۱۳۳ سنہسنده مارالذکر برغمہ کتبخانہسفی الہ کبیر مشلر ۸۶۰ سنہسنده آئینہده بولنان کتبخانہ لری رومیہ نقل ایتمشلردی . بالآخرہ امپراطور قسطنطین قسطنطینیہده سطوت وقوت بولونجہ شہر مذکورده ۳۵۵ تاریخ میلادیسنده برکتبخانہ تأسیس ایدی . مغارہ لردہ وسأزردہ مدقون کورلیدیکی اولجہ ذکر اولنان کتبخانہ لری ایرانلیلر تأسیس ایتمشلردی . دہا صکرہ اسلاملر طریق مدینتہ کیروبده کتبخانہ لری . تأسیس ایدنجہ یہ قدر کتبخانہ تأسیسی دوجار تعطیل اولمش ایدی .

### اسلام کتب خانہ لری

اسلامیتک ظہوری اوزرینہ اسلاملر فتوحاہ قویولدقلری زمان اثنای فتوحاتده راست کلدکلری کتابلری دہا اول ذکر اولنان اسبابہ بناء یاقشلردی . فقط چوق زمان کچمدن کندیلری دہ طریق مدینتہ داخل اولہرق علم وعرفانک طادینی آلتجہ کتاب ایدنک ، کتابلری محافظہ ایتک خصوصندہ جہانک اک غیرتلی ملتزلندن کسشمشلردی . دہا اولکی بحثلرمزردہ کورلیدیکی اوزرہ اسلاملرک برنجی عصر ہجری ایلہ ایکینچی عصرک نصف امتدادنچہ علوم ومعارفی علوم اسلامیہدن عبارت ایدی . بولنری دہ آنحق ذکر اولنان زمانک صوکلرینہ طوغری قید وتدوین ایتمشلردی . اسلاملرک بوایلک کتابلردہ جمع ایتدکلری معلومات اشعار ، وقوعات تاریخیہ ، ضروب امثالدن عبارت ایدی . بولنری جیلان دریسی ، یاخود عادی دری ، یاخود قباش وامثالی شیلر اوزرینہ

یازارلردی . روایتہ کورہ قراء سبعہ دن و مشاہیر علمای لغتدن ( ابو عمرو بن العلاء ) ک کتابلری اونی تا طاوانہ قدر طولدیریوردی . مشاہیر علما وادادن ( اصمعی ) ، ( حماد ) ، ( ابو عیینہ ) نک اولری دخی کتاب طولی ایدی . مع مافیہ بو کتابلر آنحق حکمدارلر ، امرا و سائر ارباب ثروت طرفندن تأسیس ایدیله بیلن عمومی کتبخانہلر نوعندن عد ایدیله مز . عالم اسلامده کتبخانہلری الیمک تأسیس ایدنلر ابتاہ عباسی خلفاسی ایدی . وقعا دها اول ( عمر بن عبدالعزیز ) ک شام کتبخانہلرندن ( اھرون ) ک طبعہ دائر اولان کتباخی چبقار رق نشر ایتسی کی کتبخانہلرہ دائر بزکر کورولیورسده یو کتبخانہلر اویله عمومی کتبخانہلردن اولیوب دولت امویہ نک خدمتده بوانسان اطبا ویا حکمانک خصوصی صورتده کندی نفسلری ویا چوجقلری ایچون تأسیس ایتدکلری کتبخانہلردن عبارت اولق اقتضا ایدر .

بغداد کتبخانہلری : — دولت عباسیہده کتبخانہلر تأسیسی دولت مشار الیہانک اغلاسی اسبابندن برینی تشکیل ایتش ایدی . عباسیلر بغدادده برکتبخانہ تأسیس ایدرک اکا ( بیت الحکمہ ) ناہنی ویرمشلردی . اغلب احتمالہ کورہ بو کتبخانہنی ( رشید ) تأسیس ایتش وایچنہ او وقته قدر طب وعلوم سائرده دائر عربیہ ترجمہ اولنان کنا بلر ایله علوم اسلامیہ دائر تالیف ایدیلن آناری ، ( یحیی بن خالد برمکی ) طرفندن هند مؤلفاتندن جمعه چالیشدنی کتابلری ، بالذات ( رشید ) ک انقرہ و سائرده اله کیچردیکی کتب رومیہنی وضع ایتش ایدی . متعاقباً ( مأمون ) مقام خلافتہ کلہرک ترجمہ ہیئتلری تشکیل ایدنجه برحق کتب عریبہدن بشقہ یونانی ، سریانی ، فارسی ، ہندی ، قبطی لسانلرلہ محرر آثار داخل اولق اوزرہ اجنبی لسانلرلہ یازلمش اولان کتب علمیہنی ده جمعه صرف غیرت ایتش ایدی . خلیفہ مشار الیمک کتاب جمعه و غبغی خلق آرہ سندہ شایع اولنجه هرکس کنديسنہ — ایچنہ جد حضرت نبی ( عبدالمطلب بن ہاشم ) ک خط دستی ایله محرر و برآلہ جغنی مین سند کی برقیمت علمیہنی حائر اولمیان اوراق داخل اولق اوزرہ — مختلف موضوعلرہ و متنوع یازیلرہ کتاب کتیروب تقدیم ایشلردی . ( مأمون ) ک کتبخانہ سندہ بولندینی ( ابن الندیم ) طرفندن اخبار اولنان مذکور سند

« صنعا اهااليسندن فلان بن فلان حمیری مکة اهااليسندن عبد المطلب بن هاشمه تام الوزن بيك درهم كوشله مديون ومطالبة وقوعنده در حال دينی تأديه مجبوردر . بوكا الله وايكي ملك شاهد اولسون ، مألنده ایدی [۱] .

ذكر اولان ( بيت الحكمة ) ترجمه ، استنساخ ، تدريس وتأليف مقری ایدی . ناسخ ، مترجم ، مؤلف آری آری محملرده اوطور ورق یا اجرتله بشقه لری ، یا خود کندی نفسلری ایچون کتاب استنساخ ، ترجمه وتألیفی ایله اشتغال ایدرلردی . مطالعین ایچون دخی بر محل تخصیص ایدلمش ایدی . دور انتباه عباسینک بخش ایتدیکی حقیقی بر سر بقی فکر وکلادمن بالاستفاده همان بالجمله آثارینی عربلرک اظهار معاینه حصر ایدن ( علان شعوبی ) مذکور بیت الحكمة مستسخزلندن ایدی . ( علون ) اصلاً ایرانی ایدی . انساب ومفاخرات نسبیه واسع بروقوفی واردی . ( رشید ) ، ( مأمون ) وبرمکیلر ایچون کتاب استنساخ ایدردی . تألیف ایتدیکی آثارده عربلره اسناد ایلدیکی مطاعن ومعایب بر قدامشدی [۲] . مشاهیر منجمیندن ( محمد بن موسی الخوارزمی ) ایله ( مأمون ) ك زمانده رصد ایله اشتغال ایدن هیئتشناندن ( یحیی بن ابی منصور موصلی ) ، مشاهیر منجمیندن ( فضل بن نوبخت ) ، شاکر ویاموسی اوغللری ارلان اوچ قاردش وسائر کتاب مطالعه ویا تألیفی ایچون ( بیت الحكمة ) یه دوام ایدن ذواتدن ایدیلر . مذکور کتبخانهك برمدیری وار ایدی که اکا ( صاحب بیت الحكمة ) نامی ویریرلردی . ایرانلیردن وعربلره قارشى خصومت وعداوت کوسترن شعوبیلردن ( سهل بن هرون ) یو کتبخانهك المشهور مدیرلندن ایدی . موما الیه دخی عربلرک معاینه دائر برچوق کتاب یازمش ایدی . بوندن آکلاشیلورکه مذکور دارالکتب ایرانلیرک معرفتیه تأسیس اولندیکی کبی اکثری عربلردن نفرت ایدن شعوبیلردن اولوق اوزره مأمورلری ومدامینی ده ایرانلیردن مرکب ایدی . کتابزک رنجی وایکنجی جلدلرنده ذکر ایتدیگمز اسبابه بناء خراسانلیرک ( امین ) ك علیه ( مأمون ) ه معاونت ومظاهرت ایتلرینه بومنافرت برسبب تشکیل ایتمش ایدی . ده صکره بغدادلیر ( بیت الحكمة ) طرزنده بر طبق کتبخانهلر تأسیس



ایلدیلر . بونلرک اک مشهوری آل بویه ملوکندن ( بهاء الدوله ) نك وزیرى ( سابور بن اردشیر ) طرفندن ۳۸۱ تاریخده بغدادده ( کرخ ) محلهسنده ایکی سور آرهسنده تأسیس ووقف ایدیلوب ائمہ معتبره نك خط دستى ایله اون بیکدن زیاده جلد احتوا ایدن کتبخانه ایدی . مؤلفلر بو کتبخانهیه کندی کتابلرندن بعض نسخهلر وقب ایدرلردی . مذکور کتبخانه ملوک سلجوقیه دن طغرل بکک ۴۴۷ سنهسنده بغداده کلدیکی ائشاده ( کرخ ) محلهسنده محترق اولان اماکن میاننده محترق اولدی [۱] . ۴۰۵ سنهسنده وفات ایدن مشاهیر علمای لغتدن ( ابو احمد عبد السلام بصری ) بودار الکیتک مدیرلکننده بولان ذواتدن ایدی [۲] . ۶۲۲ تاریخسده وفات ایدن ( ناصر بن مستغنی ) کتاب جمعی ایله اشتهار ایدن خلفای عباسیه دن ایدی [۳] .

اندلسی کتبخانه لری : — بغدادده خلیفه ( مأمون ) ممالک اسلامیده برانتهام علمیه ک وجوده کلشنه صرف همته فصل بر نمونه تشکیل ایتش ایسه کتبخانهلر تأسیسنده دخی بر حسن مثال تشکیل ایتش ایدی . ۳۵۰ سنهسندن ۳۶۶ سنهسده قدر تحت ساططده بولان اندلس ملوک امویهسندن ( حکم بن ناصر ) مأمونک اطوار معارفپورانسنی رهبر اتخاذا ایتش ایدی . علم و عرفانه محبتی ، علمایه و فضلالیه اکرام والتفاتی ، کتاب جمعنه رغبتی شهرتکی آفاق ایدی . حمایه ونشر علومده عباسیلر ایله مسابقه ایتک اوزره برچوق باردلری حامله هر طرفه آدم کوندردرک بواغورده بیوک مصرفلر اختیار ایدردی . الی سنهک امکله وجوده کلدیکی روایت اولنان وعرییده بر مثلی یازلمدینی متفق علیه بولنان ( اغانی ) کتابی مؤلفی ( بوالفرج اصبهانی ) حکمدار مشارالیه معاصر ایدی . مؤلف حکمدار کی امویلردن ایدی . ( حکم ) مؤلف مومالییه خبر کوندردرک مذکور کتاب عباسیلره کوسترلمدن اول کندیسنه ارسالی طلب وبونک ایچون مؤلفه بیک دینار بذل واحسان ایلدی . کذلک ( ابن عبدالحکیم )ک ( مختصر ) کتابنه شرح یازان فقهای مالکیه دن قاضی ( ابوبکر ابهری ) ایله کتاب تألیف ایدن سائر مشاهیر علما حقتده عینی معاملهده بولندیغندن تاریخ اسلامده

[۱] ابن الاثیر ۱۴۵ ج ۱۰ . ومجم یاقوت ۷۹۹ ج ۱ [۲] طبقات الادبا ۱۲۴

وابن خلکان ۳۵۰ ج ۲ [۳] ابن خلدون ۱۴۶ ج ۴

اعتالی کورلین مقـداردء پک چوق کتابلر طویلا دی . بو کتابلر ( قرطبه ) سراینده خصوصی صاونلره وضع و محافظه و اداره سنه باقق اوزره برناظر ایله براداره مأموری تعیین ایدلیکی کبی کتابلرک باحث اولدقلری علوم اعتباریله آیری آیری فهرستلری ده ترتیب اولندی . ویریلن معلوماته کوره مذکور کتبخانه ده جمع اولنان یالکیز شعر دیوانلرینک فهرستلری هربری یکریمی یاپراقدن متشکل اولق اوزره قرق درده بالغ اولمش ایدی [۱] . هر صفحه ده ( ۲۵ ) کتاب اسمی بولندیغنی فرض ایدرایسه ک جمع اولنان دیوانلرک ۴۴,۰۰۰ مقدارنده اولدیغنی لدی الحساب تبیین ایدر . یالکیز دیوانلر بومقدارده اولور ایسه سائر کتابلرک نه قدر چوق اولدیغنی اکا کوره قیاس ایتلیدر . شو حالده مذکور کتابخانه ک ۴۰۰,۰۰۰ جلد کتابی حاوی اولدیغنه دائر ( ابن خلدون ) ( مقری ) طرفندن ویریلن معلومات مبالغه لی عدایدیه من [۲] .

( حکم ) ک رجال دواتی ایله اعظم مملکتی ده حکمدارلرینک بویولدکی اثرینه تابع اوله رق اندلس قطعه سنک سائر بلادنده کتابخانه لر تأسیسنه صرف همت ایلدیلر . او قدر چوق کتبخانه لر تأسیس ایدلمش ایدی که روایت کورده یالکیز ( غرناطه ) ده یتمش قدر عمومی کتبخانه موجود ایدی . کتابلره میل و محبت اندلسلیلرجه برسیجیه و طبیعت و کتابلره مالکیت ده بر دلیل ریاست و وجاهت کیشمش ایدی . بر چوق جاهل ارباب ریاست کورلمشدر که علم و عرفان ایله هیچ بر مناسبتلری اولدیغنی حاده محضا : « فلانک یاننده بر کتبخانه واردر . . . فلان کتاب فلانک حوزه مالکیتنده در . . . او کتاب بشقه یرده بولماز . . فلان ذات فلان عالمک خط دستی ایله محرر کتابنه ظفر یاب اولمشدر . . » دینلسون دییه کندی خانه لرنده کتبخانه لر تشکیل ایدرلردی . ( حضرمی ) دییور که : « بردفعه قرطبه ده اقامت و بکا لازم اولان بر کتابی الده ایتک ایچون بر مدت کتابجیلر چارشوسنه مداومت ایش ایدم . نهایت برکون آرادیغ کتابک آچیق بریازی ایله محرر و کوزل برتقسیرایله مزین اولدیغنی حاده صابغه حیقارلیدیغنی کورده رک سونیدم . مزایده سنه کیریشدم . فقط بن بهایی آرتدیردقجه منادیینه آرتیش بر بها ایله عودت ایدیوردی . فیثات او قدر یوکسک کیشمش ایدی که کتابک بها

حقیقہ سنی قات قات کچمش یدى . بهائی بودرجه یوکسلدن کیمسه بی منادیدن  
 صوردم . ارباب ریاسته مخصوص البسه کیمش بر آدم کوستردى . یانسه یاقلاشدم .  
 وکندیسنی فقهادن ظن ایدرک : « استاذ ! بوکتابه جدأ احتیاجکنز وار ایسه  
 آرتدیرمقدن واز کچهم . چونکه آرتدیرمقله بهائی پک زیاده یوکسلتدک » دیدم .  
 مخاطبم : « بن فقیه دگلم . فقهندن ده آ کلامام . فقط مملکتک اکابرندن کیری  
 قلاماق ایچون خانه مده برکتبخانه تأسیس ایدرک اکالنه صوگ درجه ده غیرت ایلدم .  
 کتبخانه ده یالکیز بوکتابی صیغه بیله جک قدر بوش بربرقادی . بوکتابی کوزل  
 بریازی ایله یازلمش ، کوزل تجلید ایدلمش کورنجه بکندم . بهاسی قاقه چیقار  
 ایسه جیقسون وظیفه ایتیم . زیرا حمد اولسون بیوک برتروتم واردر » جوابی  
 ویردی . بونک اوزرینه آرتق دایله مدم : « اوت ، بیوک ثروت سزک کبی  
 آنملرده بولور . ذاتاً جویر دیشسرلره قسمت اولور . بن که بوکتابک  
 محتویاتی بیلهیم ، اندن مستفید اولق ایستیمده ثروتمک آزلخی کتابی اقتنایه  
 مانع اولسون ، بوروای انصافیدر ؟ » دیمکدن کنیدی آله مدم [١] .

( اشبیلیه ) اهالیسی نصل اندلسک اک زیاده ذوق وصفایه میال خلقی ایدیلر  
 ایسه هر حالده ( قرطبه ) اهالیسی ده کتابلره میل ورغبتده مذکور قطعنه ک  
 اک ایلری کیدن خلقی اولق اوزره دوام ایتشلردی . ( اشبیلیه ) به برعالمک  
 وفاتنده کتبلری صلیغه چیقارلدیقه فروخت ایدلمک اوزره ( قرطبه ) به نقل  
 ایدلدیکی کبی ( قرطبه ) نه بر مغی وفات ایدوبده ترکه سی صالمق ایستلدیجه  
 ( اشبیلیه ) نه کوتورولوردی . قرطبه سراینده کی کتبخانه ده بولان کتابلرک چوغی  
 آفریقادن ادلسه تجاوز ایدن بربریلرک شهرى محاصرهلری انساننده صالمش ،  
 باقی قالان قسمی ده اسپانیولرک انه کچمشدر .

مصر کنخازری : — مصرده تأسیس حاکمیت ایدن ملوک فاطمیه دخی  
 بویولده بغداد واندلس خلفاسنک اثرینه اقتفا ایتشلردی . فاطمیه بونک ایکنجیسی  
 اولان ( عزیز بالله ) مذکور خاندندن بویولده حرکت ایدن المک حکمدارایدی .  
 مشارالیه ۳۶۵ سنه سنده کنسج بریاشده موقع حاکمیته کلنججه ارباب اقتدار  
 ودرایتدن و علم مجلرندن ( یعقوب بن کلس ) ی وزیر اتخاذا ایتدی . ( یعقوب )

عزیز باللهه حکومت دیوانلرینی تأسیس ایتمکله برابر هر نوع و صنفدن علمایی کندیسنه یا قلاشیدیدی . بونلره معاشلر تخصیص ایتدی . حکمداره کتاب جمعی ایچون تشویق‌تاده بولمادی . (عزیز باللهه) بک چوق کتابلر طویلاادی . بونلری سراینک صالونلرینه طولیدر درق مجموعنه (خزانة الکتب) نامی ویردی . حکمدار مشارالیه تاریخ ، ادبیات ، فقهه دأثر اولان مؤلفات مهمه یه مالک اولمق ایچون بک چوق یاردلر صرف ایتیش ایدی . برکتابدن اون ، یاخود یوز ، یاخود بیک نسخه طویلاشمش اولسه بیلله ینه اکا پاره صرف ایتمکدن چکنمزدی . روایت کوره مذکور دارالکتبده ائمه نحاتدن علم عروضک موجودی (خلیل بن احمد ک) (کتاب العین) ندن اوتوز نسخه دن زیاده طویلاشمش ایدی . بونسخه لر دن بری الذات (خلیل ک) خط دستی ایله محرر ایدی . (تاریخ طبری) دن دخی یکریمی نسخه موجود ایدی . هر نسخه یوز دیناره مبیاعه ایدلمش ایدی . مشاهیر ابدادن (ابن درید ک) لغته دأثر اولان (جمهره) کتابندن دخی یوز نسخه جمع اولمش ایدی . بومکرر نسخه لر مرور زمان ایله آرتیش ایدی . (صالح الدین ایوبی) مصرده مقام حاکمیت کلدیکی زمان مذکور کتبخانه ده (تاریخ طبری) دن ۲۰۲۰۰ مکرر نسخه و آلتون ایله مزین و یازان ذواته منسوب اولمق اوزره ۳۰۴۰۰ ختم شریف بولمقده ایدی . بونی نظر دفته آلدقن صکره مذکور دارالکتبده فقه ، نحو ، لغت ، حدیث ، تاریخ ، تهجیم ، روحانیات و کیمیایه دأثر اولمق اوزره ۱۰۶۰۰۰۰۰ جلد کتاب بولندیقی حقاده مورخلرک ویردکلری معلومات مبالغه لی عدایدلار [۱] . بو کتابلرک ۱۸۰۰۰ ی - بونلردن ۶۰۵۰۰ ی نجوم ، هندسه و بالخاصه فلسفه یه دأثر اولمق اوزره - علوم قدیمه دن (دخیله) باحث ایدی [۲] . کتبخانه ده برچوق آلات هندسیه و رصدیه دخی موجود ایدی .

مع مافیه بز بو کتاب عددینی مبالغه لی کوروروز . ذاتاً بعضلری مذکور کتابلری ۲۰۰۰۰۰۰۰ دیکر بعضلری ده ۱۲۰۰۰۰۰۰ تقدیر ایتشلردی . ظنمه کوره بونقدیرلرده کتبخانه ایله کتبخانه لر نقطه سندن برالتباس وقوع بولمشر . چونکه (عزیز باللهه) کندی سراینده مذکور کتبخانه نی تأسیس ایتدکن صکره



اقرباسندن بعضلری انک اثرینه بالاقففا سرائیلرده کتبخانهلر تأسیس ایتشلردی. بوندن آکلاشیلیورکه کوچک تقدیر بالخاصه (عزیز بالله) ک کتبخانهسنه وییوک تقدیر بتون سرائیلرده بولنان کتبخانهلره شاملدر. شواعتباره کوره مذکور سرائیلرده بولنان کتابلرک مجموعی ۱,۰۰۰,۰۰۰ جلد ویاکتابدن آشاغی اولماق لازم کلیر.

(عزیز بالله) کندی کتبخانهسنه پک زیاده صرف اعتنا ایدرک زمان زمان بالذات کزوب تفتیش ایلردی. کتابلره نظارت ایتک ایچون برمدیر تعیین ایتش ایدی. مدیر (عزیز بالله) ه کتابلر اوکور، ندیمک ایدردی. ۳۹۰ سنه سنده وفات ایدن کاتب (ابوالحسن شایستی) مذکور کتبخانه مدیرلرندن ایدی [۱]. رومالیلر زماننه اسکندریه کتبخانهسی فصل تخریب وفلاکتلره اوغرامش ایسه ذکر اولنان کتبخانهلر دخی فتنه واختلاللرک توالیسی یوزندن اولیه فلاکتلره دوچار اولمش ایدی. کتابلرینک برقسیمی نیله القا ایدیلرک احیا اولمش، دیگر برقسیمی چوله آتیش ایدی. روزکارلر بوکتاب کومه لری اوزربنه قوم بیغهرق تپهلر تشکیل ایلدیکندن بوتپه لره «کتاب تپه لری» نامی ویرلمش ایدی. کوله لر کتابلرک دریلرینی آلوب آیاق قابی یاپیورلردی. بونک تفصیلی اوزون سورور. خلاصه کردلر آلتینچی عصر هجرینک اورتیه سنده مصرده تأسیس حکومت ایتدکلری زمان مذکور کتبخانهلرده هر نه قالمش ایسه صاتیلغه چیقارلمشدر. سرائیلردن چیقاریلان کتابلرک مقداری ۱۲۰,۰۰۰ کتابه بالغ اولمش ایدی. (صلاح الدین ایوبی) بونلری وزیر اعظم بلغادن (قاضی-فاضل ابوعلی عبدالرحیم بیسانی) یه ویردی [۲].

مصرده (دارالحکمه) نامیله برکتبخانه تأسیس ایدلمش ایدی که (عزیز بالله) ک و اقرباسنک کتبخانهلرندن بشقه ایدی. بو کتبخانه (حاکم بامرالله) طرفندن ۳۹۵ سنه سنده قاهرده (قصر غربی) جوارنده تأسیس اولنهرق سرائیلرده کی خزائن کتبدن بورایه کتابلر نقل ایداش وبرطاقم اماکن وقف ایدیلرک وارداتی بو کتبخانهیه تخصیص اولنش ایدی. بو (دارالحکمه) پک کوزل تفریش وتزین وقبو وکذرکاهلرینه مکلف پردهلر تعلیق ایدلمش ایدی.

ناظر و حافظ کتبلری واردی . عباسیلر ( بیت الحکمه ) بی استفادۀ عمومیّه  
نصل تخصیص ایتش ایدیلر ایسه بو ( دارالحکمه ) دخی استفادۀ عمومیّه ایچون  
تأسیس اولنش ایدی . بو طرزده عمومی کتبخانه‌لر تأسیس ایتک قدماک  
تسهیل تحصیل ایچون اتخاذ ایتدکلری وسائط جمله سندن ایدی . چونکه او  
دورلرده کتابلر پک بهالی ایدی . زنکین اولیسانلر ایچون کتاب تدارکی پک  
کوچ ایدی . بناءً علیه عباسیلرک بغدادده ( بیت الحکمه ) بی و بطلالسه‌نک  
اسکندریه کتبخانه‌سی تأسیسلرنده یابدکلری کی بر حکمدار رعایاسی آرده سنده  
معارفی نشر ایتک ایستینجه عمومی بر کتبخانه تأسیس و قولرینی ارباب استفادیه  
کشاده ایدردی . ( حاکم بامرالله ) دارالحکمه یه برطاقم قراء ، منجمین ،  
نحو یون ، لغویون ، اطبا تعیین و کندیلرینه معاشلر تخصیص ایتدیکی و کتبخانه‌ی  
کافۀ ارباب مطالعه و مستسخین و مؤلفینه آچیق بولندیردق انلره لازم اولان  
کاغذ ، قلم ، مرکب و سائرهی مجانا تهیه ایتدیردیکی ایچون بعضلری بو کتبخانه‌ی  
مدرسه نوعندن عد ایتشلردر . ( مأمون ) بغدادده مناظرات علمیّه مجلسلرینی  
نصل تشکیل ایدیور ایدی ایسه ( حاکم بامرالله ) دخی بودارالکتبک علماسنی  
حضورینه جاب و مباحثات علمیّه اجراسنی کندیلرینه امر ایلردی . بوندن  
ماعددا مذکور کتبخانه یه مداوم اولان علمایه اوراده مناظرلر اجراسنه مساعده  
ایتش ایدی . بناءً علیه علما اوراده مناظره مجلسلرینی عقد ایدرلر و بعضاً  
مناظرلرلر مخصوصه لره منجر اولوردی . بعض بدعلر اصحابی بو مناظراتی کندی  
فکر و مذهب مخصوصلرینی نشر و اعلان ایچون وسیله اتخاذ ایتدکلرندن وزیر  
( امیرالجیوش ) آلتنجی عصر هجرینک اوائلنده سببی کسمک مقصدیله بو مناظراتی  
منعه مجبور اولمش ایدی . اوغلی افضل وفات ایدنجه ( آمر باحکام الله )  
مناظرانک اعاده‌سی وزیری ( مأمون بن الطائحی ) یه امر ایتش ، وزیر دخی  
بونی ۵۱۷ سنه سنده احکام شرعیّه موافق اولوق و نظارتی دیندار بر آدمه تودیع  
ایدلک شرطلریله اعاده ایتش ایدی . مذکور کتبخانه‌ده بولنان کتابلرک  
مقدارینی ۱۰۰,۰۰۰ کتابدن ده آ ز ظن ایتیز . مصر حکومتی ( صلاح الدین  
ایوبی ) یه انتقال ایدنجه مشار الیه بودارالکتبی بیقه‌رق اکا بدل یرینه شافعیلر  
ایچون بر مدرسه تأسیس ایلدی [۱] .

شام کتبخانہ لری : — دولت امویہ حکم دارلری علوم و فنونہ رغبت ایتماش اولدقلرندن بونلرک حاکمیتی مدنجه شام قطعہ سنده هیچ بر مؤسسہ علمیہ وجودہ کتیرلمدی . خلافت عباسیله انتقال ایدنجه بونلر بغدادہ اہمیت ویردرک شامہ باقادیلر . مع مافیہ دولت فاطمیہ زمانندہ بوقطعہ طرابلس شامدہ بولنان برکتبخانہ ایلہ شہرت قازانمش ایدی . صلیبیون ۵۰۲ سنہ ہجریہ سندنہ مذکور شہری فتح ایتدکلری زمان کتبخانہ سنی یغما ایتشلردی [۱] . ( ژیبون Gibbon ) مذکور کتبخانہدہ ۳,۰۰۰,۰۰۰ جلد کتاب بولندیغنی ، بونلری صلیبیون احراق ایلدکلرینی بیان ایتکددر [۲] . ( تورالدین زنگی ) شام قطعہ سندنہ زمام حاکمیتی الہ آلوبدہ شہرلرنندہ مدرسہ لر تأسیس ایدنجه مدرسہ لردہ کتبخانہ لر تأسیس ایلدی . بو کتبخانہ لرہ ( خزائن نوریہ ) نامی ویریلوردی . دہا صکرہ ( صلاح الدین ایوبی ) دخی اوصورتلہ حرکت ایتمش ایدی .

فارس بلادینہ کلاجه قبل الاسلام دری وامثالی شیلر اوزرینہ خط پہلوی ایلہ یازلمش اولدیفنی حالہ مغارہ و بودروملردہ وسائرہدہ صاقلی بولنان کتبخانہ لری دہا اول ذکر ایلدک . مدنیت اسلامیہ بغداددہ دور اعتلاہ و ارنجہ ایرانیلر او مدنیتک ترقیسنہ اک بیوک عامل کسیلرک یوقاریدہ بیان ایتدیکمز اوزرہ بویولدہ صرف ایتدکلری مساعی تأثیریلہ ( بیت الحکمہ ) و دیگر کتبخانہ لر تأسس ایتمش ایدی .

سائر بلاد اسلامیہ دن اول خراسان شہرندہ مدرسہ لر کشاد ایلدیکی جہتلہ بو شہر بر مرکز علوم و ادبیات ایدی . اورادہ تأسیس اولنان مدرسہ لر حقندہ خیلی معلومات موجود ایسہدہ کتبخانہ لرہ دائر قالمش اولان معلومات یک آزدور . ( یاقوت حموی ) « خراسان قطعہ سنک اوصردہ اک مشہور شہری اولان ( مروالشاہجان ) دن ۶۱۶ تاریخ ہجریہ سندنہ مفارقت ایتدیکی زمان مذکور شہردہ استفادہ عمومییہ وقف ایدلمش اون کتبخانہ بولندیغنی » ( معجم البلدان ) نامندہ کی اثرندہ ذکر ایتدکدن صکرہ جہلمک هیچ بریرندہ کتابلری کریدہ وجوق بوکی کتبخانہ لر بولندیغنی ، واقفلرینک مفصلاً ترجمہ حاللرینی ، بونلرک برندہ ۱۲,۰۰۰ جلد کتاب بولندیغنی ، کندیسسی بالذات

بوکتبخانه‌ده تحصیل علم ایلدیکنی بیان و تشریح ایلکد در [۱].

ماوراءالنهر قطعه‌سینه کانبجه بوراده (ابن سینا) مک تحصیلانه خدمتله اشتبار ایتمش برکتبخانه‌دن بحث اولنمشدرکه بوکتبخانه (بخاری) سلطان (نوح بن منصور) ک ایدی. بالذات (ابن سینا) بوکتبخانه حقنده: «بوکتبخانه‌ده اویله آتاره راست کلدیم که اسملری بیله برچوق کیمسه‌نک نظر اطلاعه وارماشدی. بن‌ده دها اول کورمامشدم» معلوماتی ویریور. تاتار (هلاکو) تاتارلرک بغداد، شام و جزیره‌ده یغما ایتدکلری آناردن متشکل اولمق اوزره (نصیرالدین طوسی) ایچون مراغه‌ده برکتبخانه تأسیس ایتمش ایدی.

مدرسه‌لر، مارستانلر و جامعلره تابع اولان کتبخانه‌لردن ماعدا خلافا و سلاطین طرفدن منافع عمومیه ایچون تأسیس اولنان کتبخانه‌لر حقنده بوله بیلدیکمز معلومات ایشته بوقدردر. مدرسه، مارستان و جامعلره تابع اولان کتبخانه‌لر دخی پک چوق ایدی. بونلرک بعضلری عمومی کتبخانه‌لر قدر چوق کتاب حاوی بولنور و متشکل اولدیغی کتابلرک محتواتسه کوره اقسامه منقسم و مدیر و خدمه‌نک عهدسنده بولنوردی. علمانک خصوصی صورتده تشکیل ایتدکلری کتبخانه‌لرک مقداری دخی پک چوق ایدی. روایت کوره (صاحب بن عباد) ک ۴۰۰ دوه ایله نقل اولنور برکتبخانه‌سی واردی. مصرلی طیب (افرایم بن الزفان) وفاتنده ۲۰,۰۰۰ جلددن متشکل برکتبخانه ترک ایتمش ایدی. (موفق الدین بن المطران) وفات ایتدیگی زمان استنساخ ایتدیگی آناردن ماعدا کتبخانه‌سنده ۱۰,۰۰۰ جلد کتاب بولمقده ایدی. موما الیهک استنساخ ایله مشغول اوچ مستسخی وار ایدی. (امین لدوله) نک نزدنده ۲۰,۰۰۰ جلد کتاب بولمقده ایدی. (فتیح بن خاقان)، (ابن قفطی) و سائر پک چوق علمانک خصوصی کتبخانه‌لرنده بولان آنارک چوقلغنی‌ده اکا کوره قیاس ایدیکز.

او دورلرده بولنان کتبخانه‌لرک بیوکلک و اهمیتی آکلامق ایچون او عصر ایله شمیدیگی عصر آره‌سنده کی فرقی، مطبعه جیلغک انشارینی، کتابلری از برپاره ایله الده ایده بیلیمک سهولتی و شمیدیگی کتبخانه‌لرک تأسیسندن بری بونجه



زمانك مروړي نظر دفته آلهرق او كتابخانهلر ايله عصر حاضرده موجود اولان كتابخانهلر آره سنده بر مقايسه يا مق اقتصا ايدر . حاوی اولدینی كتابلرك مقدارینه مطلع اولدیغمز بیوك اسلام كیتبخانهلرینی اوروپا نك المشهور كیتبخانهلر یله مقایسه ايله اکتفا ایده جکز :

مریت اسلامیہ دورنده الك مشهور اسلام كیتبخانهلری  
جلد مقداری

بغدادده بیت الحکمه	۰۰۰۰۰
سابور کیتبخانهسی	۱۰,۰۰۰
قرطبهده ( حکم ) ك کیتبخانهسی	۴۰۰,۰۰۰
قاهرده سربلرك کیتبخانهلری	۱,۰۰۰,۰۰۰
دارالحکمه	۱۰۰,۰۰۰
طرابلس شام کیتبخانهسی	۳,۰۰۰,۰۰۰ ؟
مراغه	۴۰۰,۰۰۰

اوررپا نك الك بیوك یا یختلرنده الك مشهور كیتبخانهلر  
جلد مقداری

پارسلده کیتبخانه ملی	۲,۷۰۰,۰۰۰
لوندرده بریتانیا موزه سی کیتبخانهسی	۱,۶۴۸,۰۰۰
پترسبورغده کیتبخانه قیصری	۱,۳۶۰,۰۰
برلینده کیتبخانه ملی	۱,۲۳۰,۰۰۰
ویانهده کیتبخانه ملوکی	۹۲۴,۰۰۰
رومده کیتبخانه ملی	۶۷۷,۰۰۰

متفقہ آمریقاده ایچنده کی کتابلرك مجموعی ۳۳,۰۵۱,۸۷۲ کتابه بانغ اولان ۲,۰۲۶ کیتبخانه موجودر .

والاصل اسلاملر تأسیس ایتدکری عمومی وخصوصی کیتبخانهلرده مختلف موضوعلرده اولمق اوزره میلیونلرجه کتاب جمع ایتمشلردی . مؤلفات کزیده مذکورده نك قسم اعظمی قرون وسطاده او پارلاق مدنیت ايله برابر ضایع اولهرق او آناردن جدا پك کوچك بر جزء قاله بيلمشدیر .

مذکور آناردن بوعصره قالان کتابلرک اکثری قرون مذکوره انناسنده اسلام پاتختنده، یعنی استانبولده تجمیع ایتیش ایدی. (کتاب الفهرست) و (کتاب کشف الظنون) ناشری مستشرق (غوستاو فلوغل Gustav Flügel) شرقده ظهور ایدن صوک ابتداء علمیدن و مطبعه جیلکک انتشارندن اول مؤلفات عربیهی حاوی اولان کتبخانه لرک فهرسه تلخیصی اله ایتمه موفق اوله رق بو کتابلرک موضوعلرینه کوره اسملرینی (کشف الظنون) کتابه تذیل ایلشدی. مستشرق موما الیهک و یردیکی معلوماته کوره موجود کتبخانه لرک عددی یکریمی بش، اوتوز مقدارنده در. بونلردن ۲۱ کتبخانه استانبولده بولنیور و ایچنده بولنان مؤلفات (۲۷،۴۵۰) کتابه بالغدر. دیگر کتبخانه لر قاهره، شام، حلب، ردوسده بولنمقددر. بونلرک ایچنده بولنان مؤلفات دخی ۲،۴۰۰ کتابدن عبارتدر. شو حاله کوره مدنیت اسلامیه زماننده یازیلان کتابلردن شمدیکی عمومی کتبخانه لرده یالکیز ۳۰،۰۰۰ کتاب قدر قالمش دیمک اولیورکه بونلرک بولندینی لرلر اعتباریه تفصیلی زیرده کوسترلشددر:

قرونه وسطی صرکلمده اسلام کتبخانه لرله کتابلری

جلد مقداری		
استانبولده سلطان محمد ثانی کتبخانه سی	«	۱،۵۳۷
« سلیمان «	«	۸۰۳
طوپخانه ده قلیچ علی پاشا کتبخانه سی	«	۸۵۲
« حافظ احمد پاشا «	«	۴۱۲
« کوپرلی زاده «	«	۱،۴۴۸
« شهید علی پاشا «	«	۲،۹۰۶
« ابراهیم پاشا «	«	۸۳۱
« والده سلطان «	«	۷۳۲
« بشیر اغا «	«	۵۵۲
« عاطف افندی «	«	۱،۳۳۶
« آیاصوفیه «	«	۱،۴۴۵
« غلطه سرایی «	«	۵۵۶

«	سلطان عثمان ثالث کتبخانہ سی	۲,۴۲۱
«	محمد راغب پاشا	۱,۰۷۷
«	لالہ لی دفتر اول	۹۸۰
«	« « ثانی	۱,۹۴۷
«	سرای ہایون	۹۱۶
«	ولی الدین افندی	۱,۷۶۹
«	عاشر افندی	۱,۸۷۷
«	داماد زادہ محمد مراد افندی	۱,۱۰۹
«	سلطان عبد الحمید	۱,۲۸۳
«	حالت افندی	۶۵۶
( استانبولہ بولنان کتابلرک مجموعی )		۲۷,۴۴۵
	قاہرہ دہ الازہر کتبخانہ سی	۱,۰۹۹
	شامہ عبد اللہ عظم پاشا کتبخانہ سی	۴۲۳
	حلبہ مدرسہ احمدیہ	۲۶۹
	رودس کتبخانہ سی	۶۰۹
( عمومک مجموعی )		۲۹,۸۴۴

بدیہ بدرکہ بوکتابلر مؤلفات عربیہ دن بوعصرہ واصل اولان کتابلرک  
جملہ سی دکلدز . چونکہ خصوصی کتبخانہ لردہ دخی پک چوق اسکی کتب عربیہ  
موجوددر . فقط ہر حالہ بوعصرہ کرک عمومی ، کرک خصوصی کتبخانہ لردہ  
بولنان آثار مدنیت اسلامیہ دورلرنده عمومی وخصوصی کتبخانہ لردہ بولنان  
کتابلرہ نسبتہ شایان اہمیت برشی عد ایدیلہ من . باخصوص زمانک توالیسی ایلہ  
کتابلر مقدارینک تزايد ایتسی لازم کلہ جکی قاعدہ سنی نظر دقتہ آلبرسہق  
قرون وسطادہ مؤلفات عربیہ نک مقداری آزمایسی دکل ، پک چوق آرتمسی  
اقتضا ایدردی . فقط ہرشیئک برصوکی اولمق مقدرات الہیہ دندر . بومقدرات  
اولیہ برقانون الہیہ درکہ دکشدیرمک ممکن دکلدز .

اوپنچی جلدک صوکی

## فهرست

صفحه	
۳	مقدمه
	<b>قبل الاسلام عربلرک علوم و معارفی</b>
۱۴	جزیره العرب ایله اهالیسی حقنده بر تمهید
۱۸	عربلرده علم نجوم ( علم هیئت )
۲۴	« اواء و مهاب الریاح
۲۷	« علم اساطیر ( میتولوژی )
۲۹	« کهنات و عرفات
۳۴	زمان جاهلیتده علم طب
۳۹	« شعر
۵۴	« خطابات
۵۹	ادب مجلسلری و سوق عکاظ
۶۴	جاهلیتده علم انساب
۶۷	« تاریخ
	<b>اسلامیتدن صکره عربلرک علوم و معارفی</b>
۶۹	اسلامیت و علوم اسلامیة
۷۲	عربلر ، قرآن کریم ، اسلامیت
۷۴	اسکندریه و سائر کتبخانهلرینک احراقی
۸۸	رومالیلر ، اسلامیت و علوم و فنون
۸۹	اسلامیتده علما اکثریتله عربلردن دکلدیلر
۹۳	اسلامیتده علومک قید و تدوینی
۹۸	خط عربی
۱۰۲	حرکدیلر
۱۰۴	اعجام ( نقطه قویق )
۱۰۷	یازی آلات و ادواتی



علوم شرعیہ اسلامیہ	
قرآن کریم - جمع و تدوینی	۱۰۸
قرآنی « «	۱۱۳
ناثیری « «	۱۱۵
تفسیر قرآن	۱۱۸
حدیث	۱۲۲
وضع احادیث	۱۲۳
اسناد حدیث	۱۲۵
حدیث لکھ مقداری	۱۲۹
فقہ - منبع و مصدری	۱۳۰
فقہا	۱۳۱
رأی و قیاس	۱۳۳
علماء خافا نزدندہ موقعلری	۱۳۶
علوم انسانیہ	
علم نحو	۱۳۹
نحو عربیك وضعی و واضعی	۱۴۰
ادبیات و لسان	۱۴۵
بصرہ و کوفہ دہ علم ادب علمایی	۱۴۶
بغداد دہ علم ادب عالملری	۱۴۹
بلاغت انشا	۱۵۲
تحریر مراسلات	۱۵۳
توقعات	۱۵۵
کتاب تحریری	۱۵۹
سجع	۱۶۲
علم تاریخ	۱۶۴
تاریخ اسلامك منبعلری	۱۶۸

طبقات و مغازی	۱۷۱
عمومی تاریخ	۱۷۳
تراجم احوال و معجزات	۱۷۶
تاریخ کتابلرینک مقداری	۱۷۹
اسلام مورخلرینک قصورلری	۱۸۰
جغرافیه ، یا خود تقویم بلدان	۱۸۴
اسلاملرده جغرافیه	۱۸۷

### زمان جاهلیت علوم ادبیه سی

اسلامیتدن صکره خطابت	۱۹۲
« شعر - شعر وامویلر	۱۹۸
شعر و عباسیلر	۲۰۱
شعرا و عرب دولتلری	۲۰۳
شعرک جمعی و راویلری	۲۰۵
طبقات شعرا	۲۰۸
اسلامیتده شاعرلر و شعرلری	۲۱۱
شعرک عروضی	۲۱۳
شعر و دولت	۲۱۵
شعرا یله خلفا و امرا	۲۱۸
دولتده شعرک تأثیری	۲۲۵

### علوم دخیله

یونانیلرک علوم و معارفی	۲۳۰
آداب یونانیة قدیمه - شعر یونانی	۲۳۲
ادبیات و تاریخ	۲۳۵
علم و فلسفه	۲۳۷
علم طب و علم نجوم	۲۴۴
اسکندریه دوری - اسکندریه مدرسه سی ایله کتبخانه سی	۲۴۶

اسکندریہ نك يونان دورى	۲۵۱
« روما «	۲۵۵
بيزانس دورى	۲۶۸
قبل الاسلام ايزانليلىك علوم وادبياتى	۲۵۹
« « سريانيلىرى علوم وادبيات	۲۶۳
« « لسان هندیك علوم وادبياتى	۲۶۸
خلاصه	۲۷۰
عربى وعلوم دخيله - عربلىك بو علومه رغبتلىرىك سببى	۲۷۱
بو علملىر ايله ايلك اشتغال ايدنلىر	۲۷۲

### دور عباسيده علوم دخيله نك ترجمه سى

منصور ايله علم نجوم و علم طب	۲۷۵
مهدي و رشيد	۲۷۹
مامون ايله فلسفه و منطق	۲۸۲
مامون ايله اعتزال	۲۸۳
مامون ايله كتاب ترجمه سى	۲۸۶
دور عباسيده مترجملىر	۲۸۷
سوريه لىلىر ايله نقل و ترجمه علوم	۲۹۹
خلفانك غبرى ايجون علوم و معارفك نقلى	۳۰۱

### انتباه علمى عباسى اثناسنده ترجمه اولنان كتابلىر

يونانيدن ترجمه ايدىلىن كتابلىر - افلاطونك كتابلىرى (فلسفه)	۳۰۵
ارسطونك كتابلىرى (فلسفه)	۳۰۶
ابقراتك كتابلىرى (طب)	۳۰۸
جالينوسك كتابلىرى (طب)	۳۰۹
رياضيات ، نجوم وعلوم سائره يه دائر كتابلىر	۳۱۲
فارسيدن عربى يه ترجمه اولنان كتابلىر	۳۱۵

هند لساندن ترجمه اولنان کتابلر	۳۱۶
لسان نبطیدن ترجمه اولنان کتابلر	۳۲۲
عبرانی ، لاتینی و قبطیدن ترجمه اولنان کتابلر	۳۲۲
خلاصه	۳۲۵
خلفانك غير مسلم علمایه التفات و نوازشلری	۳۲۷
ممالك اسلامیه ده علوم دخیله نك انتشاری	۳۳۵
خلفا ، امرا و علم	۳۴۰
خلفا و امرانك نامه كتاب تألیفی	۳۴۲
مؤلفلر و یازدقلری آثار	۳۴۸
مدنیت اسلامیه نك علوم دخیله یه ایتدیگی تاثیر	
اسلامیتده فلسفه	۳۵۱
شرقده اسلام فیلسوفلری	۳۵۲
اخوان الصفا جمعی	۳۵۵
اندلس حکماسی	۳۵۷
اسلامیتده علم طب	۳۵۹
اطبای اسلامیه	۳۶۲
اسلاملر طرفدن فن طبده وجوده کتیریلن ترقیات	۳۶۴
اجزاجیلک ، کیمیا و نباتات	۳۶۷
اسلاملرده خسته خاتلر	۳۷۱
تنجیم و نجوم ، یا خود علم فلك	۳۷۵
رصدخانهلر	۳۸۰
علم نجوم و اسلامیت	۳۸۴
حساب ، جبر و هندسه	۳۷۸
صنایع نفیسه	۳۸۹
موسیقی	۳۹۰
اسلامیتده تعلیم و تدریس	۳۹۴



اسلامیتہ مدرسہ	۳۹۶
کتبخانہ	۴۰۴
اسلامیتہ کتبخانہ	۴۰۵
بغداد کتبخانہ	۴۰۶
اندلس کتبخانہ	۴۰۸
مصر کتبخانہ	۴۱۰
شام کتبخانہ	۴۱۴

۳۸۴ نجی صحیفہ نك ۱۱ نجی سطرندہ (ابوالسمع غرناطی)

یرینه (ابن السمع غرناطی) یازیله جقدر .

۴۰۷ نجی صحیفہ نك ۱۰ نجی سطرندہ علون کلمہ سی (علان) اولق لازمدر .

۴۱۴ نجی صحیفہ ده Gibbon کلمہ سی ایکی یرده یاکلش دیزلمشدر . اکا کوره

تصحیح ایدلملیدر .



# مَدَنِيَّةُ اِسْلَامِيَّةٍ مَحْمُودَةٍ

ددرنجی جلد

دولتک مسلك سياسی واداریسی ورجالتک احراز حاکمت ایچون یکدیگرینه  
خصوصت ورقابتلری

صره ایله خلفای راشدین ، امویین ، عباسیین ، اندلس ، فاطمیین دولتلریله هربرینک  
تأیید نفوذ و حاکمت ایچون التزام ایتدیکی اصول سیاست و ادارهیی ، بو دولتلرک  
وبالحاصله دولت عباسیه نلک رعایا حقنده کی طرز معامله سی ایله کندیلرینه معاصر و عربلرک  
غیرندن متشکل بولان امارتلر و سلطنتلر ایله ازمنه مختلفه ده اولان مناسباتی متضمندر

مترجمی :

زکی مغامر

مؤلفی :

(الهلال) صاحب و محردی

جرجی زیدان



صاحب و ناشری : الیاس

هرحق محفوظدر

درسفادت — فناءت مطبعه سی

قَالَ كَتَبْتُ بِحَاجَتِهِ وَمَطْبَعَتِهِ

بَابِغَالِي جَارِدَ سَنَدِهِ نَمُور ٢٥



### مقدمه

بوکتابی یازمنه باشلادیغمز زمان موضوعنک  
اهمیتی بیلور و لسان عربینک بویله بر اثره  
درجه احتیاجنی حسن ایدیور ایدک . فقط  
اولکی اوچ جلدک انتشاری اوزرینه بونک کرک  
السنه سائرده ایله متکلم بتون عالم اسلامجه و کرک  
اوروپا اعظم مستشرقینجه مظهر اولدیغی  
حسن قبول و تقدیر درجه سنده بر حسن قبول  
و تقدیره نائل اوله جغنی هیچ امید ایتیمور ایدک .  
مذکور اوچ جلد انتشار ایدر ایتمز ممالک  
مختلفه ده بولان بعض علمای اسلام ایله فضلی  
مستشرقین کرک طوغریدن طوغری یه بزه ،  
کرک کندی مملکتلرنده منتشر جرائد و رسائل

موقوفه یازدقنلری تقدیرات مشوقنادن ماعدا اثری هنوز اکمال ایتدیکمز  
حاله انی کندی لسانلرینه ترجمه و وطنداشلی آردسده نشره باشلادیلر .  
کتابتیزک برنجی جلدی هندستانک اک مشهور جرائندن اولان ( وکیل )  
غزته سی محرر فاضلی ( شیخ محمد غلام ) طرفندن ترجمه اولنه رق مذکور قطعده  
نشر ایدلدی . فارسی یه ترجمه سی ده ( تربیت ) جریده فارسیه سی صاحبی ( ذکاء الما )



طرفندن اجرا اولیور . یقینده انتشار ایدہ جکدر . ( اوقسفورد ) دارالفنون  
معلملرندن واعظم مستشرقیندن معلم ( مارغولیوت ) محرراجزہ خطاباً یازدیغی  
خصوصی بر مکتوبده برنجی جلدک ترجمہ سیلہ مشغول بولندیغی ، ترجمہ یی بو  
یازک صوکلرینہ طوغری اکال وئسر ایدہ جکنی اشار ایلدی . ( موسقوہ ) ده  
مقیم روس مستشرقلرندن معلم ( دانیلوف ) دخی زہ خطاباً کوندزدیکی بر مکتوبده  
برنجی جلدی روسجہ یه نقل ایتدیکنی ، ایکنجی جلدک ترجمہ سیلہ مشغول بولندیغی  
بیلدیردی . دیگر بعض مستشرقلر کتابی فرانسیزجہ و سائر دیہ ترجمہ ایچون  
بزملہ مخابراتده بولندیلر .

ایشته بودرجه تقدیراته مظهریت ؛ الدن کلن بالجله مساعی یی صرف ایله  
شمدی یه قدر عربلرجه اتخاذا اولمیان بر اسلوب ایله مدنیت اسلامیہ نک مکنوناتی  
استخراج واسرارینی کشف و اظهار ایچون تتبعات و تدقیقات اجرا سہ دوامزده  
موجب تشویق و ترغیب اولدی . تتبعاتمزدہ طوئدیغمز مسلك ؛ تاریخ ، ادبیات  
وسائر دیہ دائر اولان آنارده غایت بسیط بر طرزده محرر بولنان وقایع تاریخیہ نک  
اصل ومنشأ ایله سبب وحکمتی ، یکدیگرینہ کیفیت ارتباط وتلقی تحری  
وتحقیق وبیولده استحصال ایلدی کمز نتایجی احکام عقلیہ وقوانین اجتماعیہ تطبیق  
ایتمکدر . کچی بویوزندن ماده سکریہ نصل چیقاریلیر ایسه بزده ساده بر طاق  
وقایع ومعلوماتدن اومدنیک حکمتی استخراجہ چالیشدق . زیرا اسلام مورخلری  
وقایع تاریخیہ نک تحقیق ومنابعک تدقیقنه پک چوق همتلر صرف ایتشار ایکن  
اووقایعک یکدیگرینہ اولان ارتباطی ایله منشأ واسبابی تحری یه پک آزامیت  
ویرمشلردی . هله دولتک مسلك سیاسی واداریسی ایله حاکمیتک بر خانداندن  
دیگر خاندانه ، بر قومدن دیگر بر قومه ، یاخود بر جماعتدن دیگر بر جماعته  
انتقاله متعلق وقایعده هیچ بر تنقید وتحلیله یا ناشمسزین اووقایعی ایشیدکلی  
ویاکوردکلی شکلده نقل ایله اکتفا ایتمشلردی . بوکا سبب ایسه شوایدی : او  
وقوعاتک تحلیل وتنقیدی بعض خلفانک اقوانی تزییفه ، یاخود بعض مذاهبک  
تخطئه سہ مؤدی اوله جقدی . حال بوکه مورخلر دینه ورجال دینه حرمة بوندن  
تحاشی ایدیورلردی .

بناءً علیہ بوجلک موضوعی اوزون اوزادی یه دوشونمکه ، قیاس تشکیلی  
ایله نتیجه لر استحصانه ، نایجکده . قدماته تطبیقنه درکار اولان احتیاجی جهتیله

يكن اوچ جلدك موضوعلارندن دها کوچ بر موضوع تشكيل ايدييور . زيرا  
بو جلد او مدنيت دورينه مخصوص حكمت تاريخ اسلامدن عبارتدر .

### برجلدك موضوعى

كتابمزلك برنجى جلدنى دولت اسلاميه نك منشأى ايله وسعت مملكتى و دوائر  
اداريه ، سياسيه ، ماليه ، عسكرىه ، عدليه و سائردهسى تاريخنه حصر ايتديكمز  
كې ايكنجى جلدى ده دولت اسلاميه نك ثروتى ايله رباب ثروتى واو ثروتك  
اعتلا دورنده منابع استحصالهسى ايله سقوط دورنده انحطاطى اسبابنه تخصيص  
ايلدك . اوچنجى جلدى ايسه بالخاصه علوم و معارف و ادبياته حصر ايليرهك  
عربلرلك ازمنه جاهليه لرندة علوم و ادبياتدن نه كې شيلره مالك اولدقلىرى ،  
اسلاميتك قريجه و عقلمره نصل بر تأيىرا جرا ايتديكنى ، السنه اجنبيه دن عربى يه  
هانكى آثار ترجمه اولنديغى و بونلرلك جاهله سنه مدنيت اسلاميه نك نه كې بر تأيىرده  
بولنديغى تدقيق و بيان ايتدك .

ايشته مذكور مدنيتى دولتك اصول نشكلى ، ثروتى ، علوم و معارفى  
نقطه لرندن مطالعه دن صكره شمىدى بو جلدده مسلك سياسى و اداريسندن بحث  
ايدجكمز . نقطه تكرار ايدر زكه بو كې حقائق سياسيه نك ، باخصوص حاكمتك  
بر دولتن ديكرينه انتقالى ، حكمدارانك حاكمتى كندى نئسلىرينه حصر  
ايتك ايچون كوستردكلرى تهالك ، بوخصوصلرده مذهب ويا عنصر اختلافاتك  
اجرا ايتديكى تأيىراتك اسبابى كشف ايتك جدا پك كوچدر . چونكه بيان  
ايتديكمز وجه ايله اسلام مورخلىرى بو كې نقاط مهمه يي يازمقندن چكندكلرى  
ايچون تاريخ كتابلرى بو معلومات و محاكاتدن خاليدر . معافيه بز اوقراكلغك  
ايچنده ضعيف برايشيق بولدى . بو ايشيغك نورينه طوتونه رق حقائق تاريخه يي  
نخري ووقايعدن برچوغلنك سبب و حكمتى كشفه موفق اولدى . بو معلوماتى  
الدن كلديكى قدر حقيقتى التزام ايتك اوزره تدقيق فلسفى ، حكم عقلى ، قياس  
تمثيليك احباب ايتديكى يولده يازدى .

آتجق بو جلدك موضوعنى تقسيم و تبويب ايتك ايسستديكمز زمان او  
مشكلاتدن آشاغى قالميان بر مشكله دها دوشمكدن ده قورتوله مدق . بو مشكل  
وقايع تاريخه نك بربرينه قارشمش اولمى ، بربرينه يقين حادثاتك اسباب .

قطعہ سندن پک اوزاق ایکن نتیجہ اعتباریہ مشترک بولمسی، بونلرک دین، جنس، مکان، زمان اعتباریہ شکل ورنکیجه متنوع صفحہ لر عرض ایتمسندن نشأت ایدیور. بناءً علیہ امان ایله دوشوندکدن صکرہ اسلامیتمد مقام حاکمیتہ کلن عناء مرکا تلافی ایله مدنیت اسلامیہ نیک عرض ایتدیکی صفحہ لر نظر دقتہ آلمق اوزره عناء لر حاکم ایله بونلرک یکدیگریه کوستردکری خصوصت ورقابت اعتباریہ تقسیمات یا منعی موافق کوردلرک بو جلدک موضوعی ایکی بیوک قسمه تقسیم ایلدک. برنجی قسم صد دندہ بواندیغمز مدنیت دوریدرکے بودوراسلامیتک ظهوریہ باشلایدرق دوات عباسیہ نیک عراقدن چکلمسی، مملکت اسلامیہ نیک انحطاطی و مغوللرک اکا استیلا لریہ منتهی اولور. ایکنجی قسم ایسه او انحطاطدن صکرہ بر طرفدن دولت عثمانیہ نیک ظهور و مظفریتیله سنیلری توحید و خلافت اسلامیہ بی احیایتمسی، دیگر طرفدن دولت صفویہ نیک ظهوری ایله شیعیلری لوای حاکمیتی آلتندہ طریلامنی نتیجہ سنده ظهور ایدن انتباه اسلامی دورندن متشکلدر. او برنجی قسمی عناءر اسلامیہ دن برینک دیکرینه غالب کلی اعتباریہ ده یش دورہ تقسیم ایتدک. مع مافیه خفی اولیان اسبادن طولای بو دورلرک آرمسندہ صورت قطعیه ده بر حد فاصل وضع ایتک ممکن دکلدر. چونکه علی الاکثر بر دورک صوکی انی تقیب ایدن دورک باشلانجی ایله قاریشمش یوانور. بو بش دور دخی شونلردر:

۱ برنجی دور عربی: بو دور ظهور اسلامدن باشلایدرق ۱۳۲ سنه سنده دولت امویہ نیک انقضاسیله منتهی اولور.

۲ برنجی دور فارسی (ایرانی): بودور ۱۲۲ سنه سنده دولت عباسیہ نیک تأسسی یاه باشلار و ۲۳۳ تاریخندہ (متوکل) ک خلافتی ایله ختامه ایرر.

۳ برنجی دور ترکی: دور مذکور متوکلک خلافتدن ۳۳۴ سنه سنده دیلیلرک زمام حکومتی اله کچیرملرینه قدر ممتد اولور.

۴ ایکنجی دور عربی: بودور دولت فاطمیہ نیک تأسسندن باشلایدرق انک انقضاسیله منقضی اولور.

۵ دور مغربی: بودور (جنکیزخان) ک ظهورندن (تیورانک) ک وفاتنه قدر سورر.

ایکینچی دور ترکیه کالجیه یو دور دولت عثمانیه نك دور حاکمیتی تشکیل ایدر. ایکینچی دور فارسی ده ایرانده دولت صفویه نك دوری ایله اقتصادندن صکره ایرانده شکل ایدن دولتلرک دورندن عبارتدر.

بو ایکینچی دورلردن ایکینچی بر دور اسلامی دهها تشکیل ایلرکه بوندن بحث ایتک کتابمیزک موضوعی خارجنده در.

بالاده ذکر ایتدیگمز بش دوری مقامک ایجابنه کوره بر طاقم فصل و بابلره تقسیم ایتدک. قبل الاسلام عربلرک احوال اجتماعیه سنه دائر بر تمهید یازدرق بو تمهیده چول خلایق ایله شهر خلقی، عربلرک انساب، قبائل و بعلوتی، امومت (والدهک) و خوولت (طایبانی) اوجهلدن اولمق اوزره نسبک انلر نزدنده نه قدر مهم بر موقع طوتدیننی، حلف، استلحانی، خلع کبی او عصیتک تفرعاتی، جاهلیتده کوله و موالی ایله انواع و احکامنی، قبل الاسلام جزیره العربده اجنبی مهاجرینی ایله بالخاصه ینده بولان ایرانلیلری تعریف ایتدک. و تمهیده دولتک مسلك سیاسیدی ایله عربلرک اوصاف و مناقبی حقنده بر فصل ایله خاتمه ویردک.

بعده برنجی دور عربییه کچرک بونی خلفای راشدین و دولت امویه دورلری اولمق اوزره ایکی دوره تقسیم ایتدکدن صکره اسلامیتک اختلاف قبائل و بطونه رعماعربلری لوای اسلامیت آئنده جمع ایدن اتحاد اسلامی اوزرینه نصل تأسس ایتدیکنی، ظهور اسلامیتدن صکره اسلاملر نسب جهتدن مساواته و بالکمز اسلامیتده قدم، یاخود جهادده خدمت اعتباریله امتیازاته نائل اولملری اوزرینه مهاجرین، انصار، اهل بدر، اهل قادسیه کبی دهها اول موجود اولمیان بر طاقم یکی صنوف اسلامیه نك نصل ظهور ایلدیکنی بسط و بیان ایلدک. خلفای راشدینک طرز سیاست و اداره سندن بحث ایدرک بونک تقوی، حقانیت، عدالت اساسلری اوزرینه مؤسس اولدیغنی کوستردیکمز کبی خلفای مشارالیمدن هر یرینک مزایا و مناقبی ده ذکر ایتدک. حضرت عمرک مسلك سیاسیی خلافتک اوائلنده اسلاملری جزیره العرب ایله شام و عراق قطعهلرینه حصره مصروف ایکن طبیعت عمرانک سوقی ایله قوماندانلرینه جهانک سائر طرفلرنده توسیع قوتوحاته مساعده ایتکه نصل مجبور اولدیغنی و بونک نتیجه سنده عربلر قوتوحات و یامهاجرت طریقله هر طرفه انتشار ایدرک پک کثرتلی بر تناسل ایله نصل چوخالدقلرینی



تفصیلات لازمہ سیلہ یازدق . و بوبرنجی قسمی اسلامیتمده کوله لر، موالی واحکامی .  
حقنده بر فصل ایله اتمام ایلدک .

متعاقباً برنجی دور عربینک امویلرک زمان حاکمیتلرندن متشکل اولان  
ایکنجی قسمه کچدک . اولا خلافتک نه کی سبیلر ایله بونلره انتقال ایتدیکنی .  
قبل الاسلام ( هاشم ) ایله ( امیه ) آردسندہ جریان ایدن احوالی ، امویلرک ؛ بنی  
هاشم عدد وقوتجه کندیلرندن دها آز اولدقلری حالده نبوت تأثیریه دها بیوک  
بر موقع احراز ایتهلرینی نصل چکمدکلرینی ، بو سائقه ایله اوغراشه اوغراشه  
نهایت هاشمیلره نصل غالب کلدکلرینی ، معاویه نک ذکا و دها و طرفدارانه منفعت  
ارائہ سیلہ خلافتی حضرت علیدن نصل آلدیغنی یازدق . امویلرک مسلک سیاسیلری  
هانکی واسطه ایله اولور ایسه اولسون آرزوی تغلبدن عبارت ایدی . اسلامیت  
عصیت نسیه یی اسلامیتمده قدیمه و جهادده حسن خدمه تحویل ایتش ایدی .  
هاشمیلرک خلافت دها زیاده حقلی اولدقلری درکار ایدی . ایشته امویلرهاشمیلره  
قارشى کله بیللمک ایچون عصیتی تکرار احیایه مراجعت وانکله کسب قوت  
ایلدیلر . ذاتاً اووقته قدر اسلامیتک ایلک تأثیری اونودولمش ، تکرار عصیته  
رجوع قولایلاشمش ایدی . امویلر عصیتی زمان جاهلیتمده کی حانه ارجاع  
ایتدیلر . بو عصیت برنجی درجهده قریش قبیلہ سی ایله بتون حجاز عربلری ،  
ایکنجی درجهده ( یمن ) و ( مضر ) عربلری آردسندہ جایگیر ایدی . امویلر  
عرب اولیانلر حقنده پک متعصب طاورانلیلر . موالی تسمیه ایتدکلری ایرانلیلر  
ایله اقوام سائرده حقارت ایله ، تضییقات اجرا سیلہ معامله ده بولندیلر . امویلرک  
زماننده عربلرک بر قسمی شهرلرده توطن ایدرک مدنی اولمشلردی . ایشته  
بونلردن بصره ، کوفه ، شام وسائرده انتساب کی برده مملکت عصیتی توره دی .  
امویلر قبائلدن واهالیدن طرفدار یامیق ایچون چوق پاردلر صرفه حس ایتدکلری  
مجبوریت سوقیه مسلم ، غیر مسلم بتون رعایایی ویرکیلر ایله ازمشلردی . خلق  
آرتق بونلرک حاکمیتدن اوصانمش ایدی . والحاصل امویلر احکام شریعتہ  
مخالف حرکتلریله ، خفت اخلاق و مشرب شوخانه لریله ، ظلم و خونریز لکلریله ،  
عرب اولیانلری استخفاف واستحقار لریله ، غیر مسلملره تضییقات اجرا سیلہ  
خلقک نفرتی قازانمشلردی . بتون بو بحثلری بو قسمده مفصلاً یازدق . اسلام

اولیان رعایانک حضرت عمر زماندن امویلرک صوگ زمانلرینه قدر کوردکاری  
معامله لر حقه ده دخی اوزون بر بحث علاوه ایتدک .

متعاقباً برنجی دور فارسی به کچدک . اولاً امویلره کین و نفرت بسلین موالینک  
( عرب اولیان اسلاملرک ) مظاهرت ونصرتلریله خلافتک بنی امیه دن عباسیلره  
نصل انتقال ایتدیکنی کوستردک . بو مظاهرلر حضرت علی شیعہ سندن ایدیلر .  
انتقاله چالیشدقلری خلافتک مشترکاً علویلر ایله عباسیلرک عهدده سنده تقرر  
ایده جکنی ظن ایدیورلردی . چونکه عباسیلر علویلره بو تعهدده بولنه رق  
کندیلرینی اسکات ایتشلردی . ایشه ( ابومسلم خراسانی ) ویاردیمجیلری ایشی  
اولیه بیهلرک مملکت اسلامییه بی امویلرک الدن اخذ و عباسیلره تودیع ایشلردی .

فقط عباسیلر زمام دولتی

اله کیرنجبه علویلره

اولان تعهد و بیعتلرینی

طاییدقدن ماعدا کرک

علویلردن و کرک سائرده دن

خلافت و حاکمیتده

رقابتلردن قورقدقلری

کیمسه لر حقنده غدر


ایله معامله ده بولندیلر .

حتی بالذات ( ابومسلم

خراسانی ) داخل اولدیغی

حاله کندیلرینی مقام

حاکمیته اصعاده پک چوق



اسکی عربلرک دوه اوزرنده آثوریلر ایله محاربهری

خدمت ایدن ان بیولک مظاهرلردن برطاقم آدملری قتل و محو ایدیلر . ایشه بوجهلتری  
هپ کوستردکدن صکره عباسیلرک مسلک سیاستلرینی ایکی یه تقسیم ایتدک . برنجیمی  
کندی حاکمیتلرینی تأیید و تقویه ایچون اتخاذا ایتدکلری مسلک سیاستدر . بومسلک  
غدارلق ، قتل و تکییل اساسی اوزرینه مؤسس ایدی . دولت عباسیه نیک تأسیسنه  
خدمت ایدن ایرانلیلر بوشدتی کورنجه قورقدیلر و ( ابومسلم ) ایله آرقداشلرینک  
دوچار اولدقلری فلاکتلره دوشمامک ایچون اختیار سکوت ایدیلر . بونک .

اوزرینہ عباسیلر امور دولتی ایرانلیلرک انہ تودیع وکندیلرندن وزرا انتخاب وتعیین ایتدیلر . ایرانلی وزرائک ائ مشهورلری برمکیلر ایدی . برمکیلر نفوذ وزارتله ثروت وقوت صاحبی اولنجه خلافتی یا حضرت علی ذریقته ارجاع ، یاخود دولتی ایرانلیلره تسلیم ایتمک مقصد خفیسایه خلقک میل ومحبتی قازانمق ایچون پک چوق پاردلر صرفته قویولدیلر . ( رشید ) بونی حس ایدرک برمکیلری منکوب وپزیشان ایدی . بونلرک مقدمات نکبتی ایله اسبابی مفصلاً یازدق . ایرانلیلرک کین وعداوتلری بومنکویت اوزرینہ متضاعفاً آرمش ایدی . ( رشید ) وقات ایدنجه ایکی اوغلی ( امین ) ایله ( مأمون ) اختلافه دوشدیلر . ایرانلیلر ( مأمون ) ک خایلری اولدیلری ایچون اکا نصرت ومظامرت ایدرک کندیسندن صکره ائمۃ الثعائیرک سکزنجیدی اولان ( علی رضا بن موسی کاظم ) ی دلی عهد تیین ایتمک ، ینی دولتی عباسیلردن حضرت علی سالالهسنه نقل ایامک شرطیه کندیسینی ایله برابر حرب وبرادری ( امین ) ی قتل ایله کندیسینی منام خلافته اجلاس ایلدیلر . ( مأمون ) کندیسندن صکره بونقل خلافت شرطنی قبول ایتمش ایدی . فقط وقتاکه مقام حاکمیتی احراز ایله مرادینی استحصال ایلدی ، وعد وتعدینی طوتمدی .

ایکنجیسی رعایاتک مسلماسنده عباسیلرک اتحاد ایتدکلری مسالک سیاستدر . بومسالمک برنجی مسالکک عکسنه اوله رق عدل ، حقانیت ، خاطر نوازلق اساسی اوزرینہ مؤسس ایدی . بویحثلرده غیر مسلملر حقنده تطبیق اولانسان احکام ایله یقین برزمانه قدر بونلره روا کورولن ظلم وتندیاتک اسبابی متضمن برقاج فعل یازدینمزکی حربت ادیان وافکار ، عناصر مختلفه آردسند وقوع بولان -صومت ورقتلر ، ( امین ) ک انقضای خلافتی ایله برابر عرب عصیتک نعل زوالپذیر اولدینی ، ایکنجی عصر هجرینک ختاسنده بادیلر مستثنی اولق اوزره آرتق خالص عرب قانی پک نادر بولنه جق درجه یه قدر انسابده وقوع بولان اختلاط حقنده معلومات ویردک .

بعده برنجی عصر ترکی یه کچدک . بویحثده ( مستصم ) ک دورندن اعتباراً ترک عصرینک امور دولته مداخله ایتسنه باعث اولان اسبابی ، خلیفه مشار الیه ک ترک کوله منلرینی طوپلایوب عسکر یاپدقدن صکره انلر ایچون ( سامرا ) شہرینی نعل نأسیس ایلدیکنی ، بونلرک تدریجاً نفوذ کسب ایدرک نہایت

خلفایی تحت تحکمه نصل آلدقیرینی ، بونک نتیجه سی اولق اوزره خلفانک حرملره چکیلوب سرای خدمه سیاه نصل وقت کچیردکلرینی ، بوخدمه حقنده حاصل ایتدکلری اعتماد تأثیریه سردارلق وامیرالامراق وسأئرده وارنجهیه قدر خدمه وطواشیلری الک یوکسک مناصب دولته نصل ترفیع ودیکر طرفدن قادینلرک دخی اموردولته ایتدکلری کبی قاریشملرینه نصل مساعده ایتدکلرینی ، بواحوالک اثری اوله رق امور دولت واحوال مملکت مختل وپریشان وهیت خلافت منقزی وزائل اولدینی زمان اطرافده بولنان والیلرک اعلان استقلاله وسیله بوله رق دولت عباسیه نک جمله سی خلیفه عباسی بی خلیفه طانیر برطاقم تفرعات وشعبات ایرانیه ، ترکیه ، عربیه وکردیهیه نصل تشعب ایتدیکنی بیان ایتدک . بوبخشلری یازار ایکن اسلامیتک ابتداسندن بوآنه قدر خلافتک معناسی وسلنت ایله آردسندک کی فرقه ده کوستردک .


الک صوکرده ایکنجی عصر عربیه کلدک . بوراده عباسیلرک دیوانده (دفترخانه ده) عربلره مخصوص اولان مناشاتی کسدکلری وکندیلرینی دولت مأموریتلرند قولاآتمدکلری تاریخدن اعتباراً عربلرک عباسیلره نصل دشمن کسدکلرینی ، بوکا علوی واموبلرک عداوت وکیلری نصل انضمام ایتدیکنی ، دولت عباسیهیه مقاومت ایتک ایچون اندلسده دولت امویه و مصرده دولت فاطمیه نک نصل تأسس ایلدکلرینی یازدق . علوبلردن اولان فاطمیلر همان عباسیلره غلبه ایده جکلردی . فقط سلجوقیلر بونلرک یوللارنده طوروب خالیتلرینه مانع کسدیلر . معافیه فاطمیلر چوق زمان کچمدن کردلرک غلبه سیاه مضمه حل وپریشان اولدیلر . بوکرد حکمداراننک برنجیسی (صلاح الدین ایوبی) ایدی . مشارالیه موقع اقتداره کلنجه بیعتی تکرارعباسیلره ارجاع ایلدی . بودور منقزی اولنجه مملکت اسلامیه پریشان برحاله دوشدی ، هر طرفده انقسامات سیاسییه دوچاراوله رق بوانقساماتدن برطاقم کوچک کوچک حکومتلر توره دی . مملکت بوضورتله ضف وپریشانییه دوشونجه اطرافده بولنان دشمنلرک نظر حرص وطمعنی جلب ایتمی پک طبعی ایدی . ایشته ممالک اسلامیه بو حالده بولنور ایکن مغوللرک بلای استیلا و تخربیلرینه اوغرایه رق برقات ده اضعیف وپریشان اولدی . بودور مغول دورینی تشکیل ایدر . ایشته بونکله بوجلد ختامه ایرییور .



اے معتبر مآخذ لڑے والے صحیح روایاتہ اعتماد ایتک صورتیہ حقائقک تحلیلی  
و وقائعک تحقیقی ایچون ممکن اولان هر درلو مساعی بی صرف ایدرک امعان  
وتدقیقندن صکره وقائعک علل واسبابندن حقیقتہ اے یقین ظن ایتدیکمز معلوماتی  
چیقاروب یازدق . بتون یازدق لرمزده صدق ، اخلاص و انصافی رهبر اتحاد  
ایتدک . والله حسبنا ونعم الوکیل .

بشنجی جلدک موضوعی مملکت اسلامیہ نک آثار حضارت ومدنیتی، دولتک  
شکوه وشوکتی ، آداب اجتماعیه سندن متشکل اوله جق وانکله بوکتاب ختام  
بوله جقدر . سنه ۱۹۰۵





## بِسْمِ الْحَمْدِ دَوْرِ عَسْرَتِي

اسلاميتك ظهورندن ۱۳۲ سنه سنه قدر

بودور دولت اسلاميه نك منحصرأ عربارك النده بولنديني مدتدن تشكـل  
ايدر . دور مذكورده دولتك سياستى ، قوماندانلىرى ، والىلىرى هپ عرب  
اولدينى كچى كافه حاكميت ده عنصر عربيه مخصوص ايدى . حيات سياسيهسى  
اسلاميتك ظهورندن اعتبارأ باشلايوب دولت امويه نك اقتضاسى ايله منقضى  
اولان بودور برى راشدين ، ديكرى امويين اولمق اوزره ايكي دولته منقسمدر .  
بودولتلدن هر برينك سياست واداره دولته بر طاقم قواعد مخصوصهسى وار  
ايدى كه بونلرك بياني ايلريده كوروله جكدرد . بوراده بحثه باشلامدن اول  
عربلرك قبل الاسلام احوالندن موضوعمزه تلىق ايدن بعض مهم نقطه لر حقتده  
برتمهيد يازمق ضرورىدر .

قبل الاسلام عربلره دائر برتمهيد

بربرلر و شربلر

بدويلر چول ، شربلرلرده شهر اهالىسندن متشكلدردلر . بداوت ؛ فطرت  
طبيعيه ده ا يقين بولندينى ايجون شربللكدن ده ا سكيدر . انسان  
ابتداى حالته بدوى ايدى . حاصلاتيله كچمك اوزره زراعت و فلاحتله ،  
ياخود صيغير ، قيون ، كچى ، آرى ، قورتدن متشكل حيوانات بسلملكه

اشتغال ایدردی . کرك زراعت و كرك حیوانات قیر و مرعاه محتاجدر . شهرلرده زراعت اجراسی و حیوان تربیه سی قابل دكدر . بناءً علیه ایلک انسانلر اووه و قیرلره دوکولملشلردی . چالیشوب چابالادقلری شی حیاتی محافظه ایده جك قدر ییه جك ، ایچه جك ، بیتوت ایده جك ، ایصینه جق بولمقدن عبارت ایدی . انسانلر بوحالدن یوکسلوب ثروت و رفاهیته خادم و سائله مالک اولانجه سکون و راحتیه میل ایدهرک دها کوزل یمک ، دها کوزل کینمک ، دها کوزل یاشامق ایچون شهرلر تأسیس و ایچنده اختیار اقامت ایشلردی .

شوحالده بداوت یافلاحت و زراعت ، یاخود تربیه حیوانات ایله قائمدر . زراعت ایله اشتغال ایدن ارباب بداوت اکیانرینک محصولاتنی طوپلامق ایچون بریرده مستقراً اقامته مجبوردرلر . بونلر صحرا ، کوی و طاغ اهاالسنی تشکیل ایدرلرکه بادیه العربده بویله بریرده مقیم وزراعتله مشغول پک آزاهاالی موجود ایدی . ارباب بداوتدن بونوع اهاالی علی الاکثر آفریقانک شمانده ( بربر ) بلادی ایله مصر ، فارس ، شام و سائر قطعه لرنده کائن مسمور شهرلره جوار یرلرده بولنورلر . حیوانات بسلامکه اشتغال ایدن ارباب بداوتک عادتلی حیوانلرینه مرعی و صوبولمق ایچون یردن یره کوچکدر . بونلرده بری مواشی ، دیکری دوه اصحابی اولمق اوزره ایکی صنف تشکیل ایدرلر . مواشی اصحابی قیون و صیغیر بسلامکه کچینلردرکه بونلرچولک ایچرلرنده ایی مرعالر بوله میه جقلری ایچون چول داخلنده اوزاق یرلره کیتملر . بوصنف ارباب بداوته قیون معناسنه اولان ( شاء ) ه نسبتله ( شاویه ) نامی و یریلیر . بونلر شمالی آفریقاده ساکن بربریلر ایله ( ترکستان ) و ( خراسان ) چوللرنده و سائرده بولان ترکلر و برادرلری ترکمنلر ، صقاله ( اسلاولر ) کبی درلر .

دوه بسلین ارباب بداوته کلنجه بونلرک اک مشهورلری عرب بدوبلریدر . بونلر مواشی اصحابندن زیاده صیق صیق یردکیشدیرلر وچولک اک اوزاق یرلرینه کیدرلر . چونکه قیرلرک ، تپهلرک اوتی ، آغاچی دودلرک قوام حیاتی ایچون چوللرده کی چالی ، آغاچ مرعالریله طوزلی صولرک یرینه قائم اوله ماز . باخصوص چوللرک قیشین صیجاق هوا سی و قومی دودلرک قیشی کچیرملری و طوغورملری ایچون پک لزوملیدر . چونکه دوه طوغورمسی کوچ ، طوغورور ایکن ایصینمغه پک محتاج بر حیواندر . بوجهته اوکی حیوانات اصحابی اوزون

کوخمار یا نمغه و چوللرک اوزاق یرلرینه کیتسکه مجبوردرلر . بونوع ارباب بداوت جمعیت بئریدن بعید یا شایارق کونک حل انفراددن و کونک مدافعت نسیسه مجبوریتدن اخلاق وحشیه ایله متخلاق اولدقلرندن بونلر شهر اهالیسی اولان مدنی خلقه کوره مغلوب اولماز برجانور و خونریز برحیوان مرتبه سنده معدوددرلر . بونلر دائماً سلاح طاشیدقلری ، دائماً اویایق طاوراندقلری ، آنجیق دوه اوزرنده و اوطوردقلری یرلرده آز او یودقلری ، کندی قوت و شجاعتلرینه کووندنرک ایصسر چوللری طولاشدقلری ایچون قوت و شجاعت انلرده بر طبیعت کسیر . بوجهتله چوللرک اک اوزاق یرلرنده اک زیاده طولاشان بدویلر بدویلرک اک جسوری و مشاقه اک زیاده متحملی درلر .

جزیره العربک اک چوق اعالیسی سیار ارباب بداوتدن تشکل ایتدیکی جهتله بوقطعه ده و بالخاصه اورتلرنده پک آز شهر موجود ایدی . اسلامیتدن اول عرب شهرلرینک اک مشهورلری حجازده ( مکه ) ، ( مدینه ) ، ( طائف ) و یمنده ( مأرب ) و ( صنعاء ) شهرلری ایدی . بوشهرلرک اهالیسی عرب ، ایرانی ، موسوی و سائر ددن مختلط اعالیدن تشکل اولوب چوللردن کلن بدویلر ایله یابدقلری آلیش و یریشدن کینیزلردی .

### قبل الاسلام عرب عصیتی

عربلرده اکثریتک ارباب بداوتدن تشکل ایتدیکنی دها اول سویلدک . چول خالقنده عصیت بولمق برامر طبیعی در . چونکه انسانلر حرص و طمع ایله مجبول و بربرلرینه رقابت و خصومتله مفظورددرلر . شهر اهالیسی حکومت و عسکره مالک اولدقلرندن انلردن بری دیکرینه تمدی ایدر ایسه حکومت ضعیفک حقیق قویدن آلیر . شاید خارجدن بردشمن تجاوز ایدر ایسه حکومت انشا ایلدیکی سور و استحکاملر و بسا دیکی عسکر واسطه سیله اودشمنه قارشی کلیر . حال بوکه اهل بداوته او یله حکومت و عسکر یوتدر . بونلرک آردلرنده براختلاف ظهور ایدر ایسه شیخلری و بیوکاری ، افراد قبیله ایچنده حائز اولدقلری موقع حرمته بناء ، او اختلافی حل و تسویه چالیشیرلر . اختیارلرله



حرمت بدویلرده عادتدر . شاید خارجدن بر دشمن قبیلهیه تجاوز ایدر ایسه امر مدافهیه قبیلهنك دلیقانلیلری و جنك آورلری درعهده ایدرلر . بونلرك اردلرنده کندیلری ایچون موجب قوت و دشمنلره قارش باعث رهبت بر عصیت بولماز ایسه مدافهیه حقیقه مقتدر اوله مازلر .

بر شهر اهالیسك ، یا خود منفعتلری مشترك هر هانکی بر خلقك کندیلرینی بر آرده طویلایه جق بر رابطه اقتصادی مالک اولملری ضروریدر . اقوام آردسده رابطه اتحاد او اقوامك اختلاف احواله کوره مختلف اولور . بعض اقوام جامعه وطن ، دیکرلری رابطه دین ، دیکر بعضلری ده وحدت نسب و یا



نمونه بونلرك بعض نقودی

وحدت لسانایه بر برلرینه مربوط بولنورلر . ویردیکمز ایضا حاتدن آکلاشدیرینی اوزره بدویلرك وطنلری یوتدر . اسلامیتدن اول دینلری ده یوق ایدی . احواله نسب و لساندن بشقه بر رابطه مالک دکلدیلر . ذالما بوا یکی رابطه بالخاصه بدات دورنده بر بردن آیرماز . اشته بوسبیه بناء عزبلر نسب جهته پك زیاده اهمیت ویرهرك انكه افتخار ایشلر و آباء اولینه وارنجیه قدر تسلسل و تشعبنی ضبط و محافظه ده پك ایلری کیتمشلدی

بدویلزجه اك یقین وسائل نسبه اخوت ( برادرلک ) ، ابوت ( پدرلک ) ، عمومیت ( عمجهلک ) در . اشته بونلردن عائله و عائله دن ، مثلاً آل ابی طالب ، آل

عباس کی، فصیلہ لر تشکل ایدر . کرک آل ابی طالب ، کرک آل عباس جملہ سی  
بنی ہاشمدن اولمق اوزرہ بر طاقم عائلہ لری حاوی برر فصیلہ در . فصیلہ لر دن  
( بنی ہاشم ) ، ( بنی امیہ ) کی افخاڈ تشکل ایلر . بونلرک ہر ایکسیسی ( بنی  
عبد مناف ) دندر . فخذلردن ده ( بنی عبد مناف ) ، ( بنی مخزوم ) کی بطلر



یمن دولتری زمانده جزیره العرب

قبل المیلاد اون دردنجی عصر دن بعد المیلاد آلتنجی عصره قدر

تشکل ایدر . بونلرک ہر ایکسیسی ( قریش ) دندر . بطوندن ده ( بنی قریظ ) ،  
( بنی کنانہ ) کی عمارہ لر حاصل اولور . بونلرک ہر ایکسیسی ( مضر ) قبیلہ -  
سندن در . عمارہ لر دن دخی ( زبیعہ ) ، ( مضر ) کی قبیلہ لر تشکل ایلر . بونلرک

ہر ایکسی (عدنان) دندر . قبیلہ لردن شعب - قبیلہ عظیمہ - تشکیل ایدر کہ  
بو؛ (عدنان) و (قحطان) شعبلری کی نسبک الہ اوزاق مصدری صایلیر .

### عرب انہالی

نسبشناسلرک متفقاً بیاناتہ نظرآ قبل الاسلام جزیرۃ العرب اہالیسی  
اصل جہتیلہ عرب باندہ (عرب منقرضہ) و عرب باقیہدن متشکل اولمق  
اوزرہ ایکی قسمدن عبارت ایدی . قبائل باندہ (عاد) ، (ثمود) ، (طسم) ،  
(جدیس) ، (عملیق) ، (جرهم) ، (جاسم) کی اسلامیٹک ظہورندن اول  
کندیلری منقرض و وقائع تاریخیہلری ضائع اولان قبائلدن مرکب ایدی . بو  
قبائلک اصلی حقمندہ (الہلال) ک بشنجی سنہ سنک یکر منجی نسخہ سندہ بر بحث  
تحلیل یازدق کہ انک بورایہ مناسبتی یوقدر . عرب باقیہ کمنجہ بونلر اسلامیٹک  
ظہورینہ قدر پایدار قالہرق اسلامیتی تلقی و ہر طرفہ نشر ایلہ دولت اسلامیہنی  
تأسیس ایدن قبائل ایدی . بو قبیلہلر ہر بری بر پدر و مقرہ راجع و منسوب  
اولمق اوزرہ ایکی فرقہ تشکیل ایشلردی . برنجی فرقہ نسب جہتندن (قحطان)  
و بونک نسبدہ آباء توراتندن (ارفکشد) ہ منہی اولور . قبائل قحطانیہنک  
مقری یمن قطعہ سی اولدیغندن بونلرہ (قبائل یمنیہ) ، یاخود (یمن عربلری)  
نامی ویریلیر . ایکنجی فرقہ ایسہ حضرت (اسماعیل بن ابراہیم الخلیل)  
ذریقتدن بولسان (عدنان) ہ منسوب قبائل عدنانیہ ایدی . (اسماعیلیہ) ،  
یاخود (بنی اسماعیل) نامیلہ معروف اولان بو قبائل علی الاکثر حجاز  
ونجددہ اقامت ایتدکلرندن بونلرہ (حجاز قبائلی) ، یاخود (حجاز ونجد  
عربلری) دخی دینیلیر .

کرک قحطانیلر و کرک عدنانیلرک قبائل ، عمار ، بطون ، افخاذ و فصائلدن  
متشکل اولمق اوزرہ او قدر چوق تقرعات و تشعباتی وارد کہ بونلری تعداد واحصا  
غیر قابل اولدیغی کی بورادہ تفصیلندہ لزوم یوقدر . یالکز بچمنزہ کورہ  
اہمیتلی اولان بعض جہتلی ذکر ایدہ جکز . قحطانیلر عدنانیلردن دہا  
اسکیدرلر ، یاخود علی الاقل عدنانیلردن دہا اول شہراہ مدینتہ کیرمشلردر .  
یمندہ مدنیت تأسیس ایدن حمیریلر قحطانیلردن اولدقلری کی ملوک تباعہ

دخی بونلردن ایدی . بونلرک ( حضر موت ) و ( یمن ) ده ترک ایتدکلری  
 آنارک قسم اعظمی اوزرلرنده قلم مسند ایله بقشلمر موجود اولدینی حالده حالا  
 قوملر آلتنه کومولی بولمقدهدر . مستشرقیندن برقاچ ذات بوخلداتی آراشدیر-  
 مشر سده اواراضی خایلهده سیاحتک صعوبته مبنی برچوق شیلر کشف  
 ایدهمامشلدرد . بونکله برابر مستشرقلردن بعضلری بوموضوعه دائر کتابلر  
 یازدهرق یمن مدنیتک مصر مدنیتدن دهاسکی اولدیغنی ، فراعنهک مدنیت  
 تخمین اوعرب قحطانیهدن آدقلرینی ادعا ایتمکدهدرلر . ظن اولدیغنه  
 کوره قبل المیلاد اونجی عصر صرهلرنده حضرت ( سلیمان بن داود ) ی زیارت  
 ایدن ( سبأ ) قرالیچهسی بودولتک حکمدارلرندن ایدی .

یمن عربلری ( عرم ) سیلنت وقوعنه و ( مارب ) سدی ایله معروف  
 اولان سدک پاتلایوب آقسنه قدر ( یمن ) و ( حضر موت ) ممالکسنده اقامت  
 ایتمشلردی . بوسد ایکی طاغ آرمسده انشا اولنش بردیواردن عبارت ایدی که  
 ایکی طاغ بیننده آقان صولرک جریانته مانع اولدیغندن صولر بریکوب یوکسله رک  
 طاغلرک یوقاریلرینه قدر اتکلرینی صولاردی . ملوک قحطانیهدن بری طرفدن  
 انشا اولنان سد مذکور متعدد عصرلر امتدادنجه صویک تضییقاتنه وهوانک  
 تأثیرینه طایانش ایدی . نهایت تقریباً ایکنجی عصر میلادی یاقلاشدیغنی صردهده  
 سدک قرب انهدامی حس ایدیلرک دولت ایسه تعمیرات اجراسنه غیرمقتدر  
 اختیارلامش برحالده بولندیغندن اهالی عظیم برسیلدن وقحط وغلادن قورقهرق  
 اورالردن مهاجرت ایتشلر وقبیله و بطنلرینه کوره مختلف ممالکه طاغلمشلدی-  
 شام قطعهنسده بولنان ( بنی غسان ) ، عراقده اقامت ایدن ( بنی لخم ) ، مدینه یی  
 محل اقامت اتخاذایلین ( بنی اوس ) و ( بنی خزرج ) ، مناده ساکن اولان  
 ( ازد ) ، مکه جوارنده اقامت ایدن ( خزاعه ) لیلر یمندن طاغیلان قحطانیلردن .  
 ایدیلر . بومهاجرتک وقوعدن صکره سد پاتلایوب ییقلدیغندن اوراده  
 قالمش اولان قبائل دخی هجرت یوانی طومشلدی . بشنجی عصر میلادی  
 صرهلرنده حبشیلر یمن ممالکهنه استیلا ایتدیلر . دهاسکره ایرانلیلر کلوب .  
 حبشیلیری اورادن چیقاردیلر ویمنی کندی مملکتلرینه الحاق ایدیلر . اسلامیت  
 ظهور ایتدیکی زمان یمن قطعهنس ایران ممالکهنه تابع برولایت ایدی .  
 بنابرین اسلامیت ظهور ایتدیکی صرهلرده شهر ومدنیت اهالیستندن .



متشکل اولان قحطانیلرک دولتی مضمحل و پریشان اولمش بولدی. قحطانیلردن اولان بدویلرہ کلنجہ بونلر حجاز و یمن شہرلردن مدینہ و سائرہدہ قالانلردن ماعدہ اکثر تلی مقدارده ایدیلر. اسلامیتک ظہوری صرہلرندہ قحطانیلرک اک مشہور قبائلی (سبأ)، (حمیر)، (کھلان)، (ازد)، (مازن)، (غسان)، (اوس)، (خزرج)، (خزاعہ)، (بحیہ)، (خشم)، (همدان)، (طی)، (لحم)، (کنده)، (قضاعہ)، (کلب)، (تنوخ)، (مراد)، (اشعر) و سائرہدن متشکل بولنیوردی.

عدنان قبائلی، یا خود حجاز و نجد عربلرینہ کلنجہ بونلر اسلامیتدن اول نیک آز براہمیت احراز ایتدکری کبی دولت تشکیلده آنجق اسلامیتدن صکرہ موفق اولمشلردی. عدنانیلر متعدد قبائلدن متشکل ایدیلر. قریشدن ماعداسی سیار قبائلدن اولق اوزرہ علی الاکثر نجد، حجاز، عراق، تہامہ جہتلرندہ اقامت ایدیورلردی. شہرلی اولان قریش قبیلہسی (مکہ)دہ توطن ایتمش ایدی. (طائف)ک بعض اہالیسیدہ قرشی ایدیلر. قبائل عدنانیہنک اک بیوکی (معد) قبیلہسی ایدی. سائر قبائل عدنانیہ بوندن تسلسل ایتمشدی. (عدنان)ک پیغمبر حضرت (ارمیا) یہ معاصر یاشادینگی روایت اولنور [۱] (معد) دن (ایاد) و (نزار) قبائلی تشعب ایدرک بونلردن (ایاد) عراقده اختیاری اقامت ایتمش و اندن برطاقم بطون و افخاذ توردهمشدی. (نزار) ایسہ حضرت نبی ذی شانک مہد ظہوری اولقلہ قبائلک سرفرازی و عموم عربلرک افسر افتخار و امتیازیدر. بوقیلہ (ربیعہ) و (مضر) قبائلنہ منقسم اولہرق بونلردن (ربیعہ) عراقده توطن ایتمش ایدی. (ضبیعہ)، (اسد)، (عترہ)، (جدیلہ)، (نمر)، (تغلب)، (بکروائل) و سائرہ (ربیعہ) قبیلہسی بطونلنددی. (مضر بن نزار) قبیلہسنہ کلنجہ حجازده سائر بنی عدناندن زیادہ کثرتلی و مظفریتلی ایدی. مکہده ریاست (حاکمیت) بونلرک الئدہ ایدی. (مضر) دن متعدد عمارلر تشعب ایتمش و (قریش) دن دہ ۲۵ یطن تشکل ایتلشدی. (بنی عبد مناف) او بطنلردن ایدی. حضرت نینک اقربا و تعلقاتی تشکیل ایدن بنی ہاشم مذکور (بنی عبد مناف) بطنلندن تشعب ایتمشدر. اسلامیتدن صکرہ (مضر) قبیلہسنک کرک قحطانی، کرک

عدنانى اولسون سائر عربلر ك كافه سندن ممتاز و شرفلى عد ايدلمسى بنى هاشمى،  
احتوا ايتديكى ايجوندى .

يوقا ريده ذكر اولنان قبائلدن ماعدا قبائل عدنانيه نك اك مشهورلى  
( خزيمه ) ، ( كسانه ) ، ( نصر ) ، ( شيان ) ، ( قيس ) ، ( هوازن ) ،  
( سليم ) ، ( غطفان ) ، ( ذبيان ) ، ( ثقيف ) ، ( كلاب ) ، ( عقىل ) ،  
( تميم ) ، ( هلال ) ، ( باهله ) ، ( مخزوم ) ، ( اميه ) ، ( عبد قيس ) و سائر .  
ايدى . بونلر ك بعضارى ديكر بعضلرينك شعباتندى . هر قيله ويا عماره نك  
احوال مخصوصه ، حكومت مخصوصه ، علامت مخصوصه سى اولديغى كى  
هر رينك انكله طائيلر ، بيراغنه قونولور ، دوه لرينه باصيلر بر نقش مخصوصى ده  
واردى . دوه لره قيزغين دمير واسطه سيله نقش اولنان بو علامته ( ميسم ) نامى  
ويريلردى [۱] . هر قيله بر مزيت مخصوصه ايله اشتهار وانكله اظهار فخر  
ومباهات ايلردى [۲] . مثلاً ( مضر ) قيله سى بلاغت وفصاحتله ، ( ربيعه )  
قيله سى فروسيت و بهادرلر ك ايله مفتخر ايدى . عدنانيلردن ( بهدله ) قيله سى  
غزو و سطوت ايله سائر قبائلدن زياده كسب شهرت ايتش ايدى . روايته  
كوره عزت و قوت صره ايله ( معد ) ، ( نزار ) ، ( مضر ) ، ( خندف ) ،  
( تميم ) ، ( سعد ) ، ( كعب ) ، ( عوف ) دن تسلسل ايدرك ( بهدله ) ده  
مستقر اولمشدى .

### نسب عصبىتى

قبائل ، افخاذ ، بطون ، عمار آره سنده بر عصيت نسب بولنوردى كه بو  
عصيت انلر ك بر برينه نسب ايقين اولانلر نى اوزاق بولنانلر ك عليه نه برلشدير ايدى .  
هپ بر بطندن اولسهر بيايه بر فخذك ايكي فصيله سى قوه عصيته ديكر بر فخذك  
عليه نه اتحاد ايدردى . كذلك هپ بر قيله دن اولسهر بيايه : « بن وقاردمش  
عمجه زاده مك و بن وعمجه زاده م يابانچينك عليه نه برلشيرز » ضرب مثله  
ماصدق اوله رق بر عماره دن ايكي بطن ديكر بر عماره نك عليه نه برلشيردى .  
بر قحطانى عدنانى عليه نه قحطانيلر ك طرفدارلغى كودردى . قحطانى و عدنانى  
عصيتلرى عصيتلر ك اك واسى ايدى . قيله لر ك بعضلرى ديكر بعض قبائلك عليه نه .

عصیت طوتدقلری کبی برقیله دن اولان عمارت لر دخی یکدیکری علمینه عصیتله اتحاد ایدرلردی . بو حال عیناً فصیله وعائله لر وارانجهیه قدر برعمارده دن اولان بطنلرده ، یاخود بر بطندن اولان افخاذده ده جاری ایدی . مثلاً عباسیلر و طالیلر هرایکسی بنی هاشمدن ایکن یکدیکرینه خصم و دشمن کیلیمشلردی . کذلک بنی هاشم و بنی امیه هر ایکسی بنی عبد منافدن ایکن بربرلرینه رقیب و خصم اولمشلردی . وقس علیه .

قبائل ، بطون و افخاذدن هر بری دیگر قبائل و بطون و افخاذه قارشی کندی قومنک مناقبی ایله افتخار و سائر نک معاینی ذکر و اظهار ایلردی . بویولده تفصیلی موجب تطویل برچوق مفاخره لر و واردر . بونکله برابر عربلر بینده وقوع بولان اک مشهور رقابت و خصومت و قایمی قبائل قحطانیه ( یمیه ) ایله قبائل عدنانیه ( قبائل حجازیه و نجدیه ) آرسنده تحدت ایدن رقابت و خصومتلردن متشکل در . فقط تاریخ اوقویانلر بونوع وقایعک ذکرینه راست کلدکبری زمان علی الاکثر فرقه واره مازلر . چونکه مورخلر قبائلک او ایکی عصیتدن برینه انتسابی مسأله سنی اکثریا ذکر ایتیه رک مثلاً : « قیس ایله کلب قبیله لری بینده محاربه وقوع بولمشدر » دیمکله اکتفا ایلرلر و قارئلر بیلیر اعتقادیه ( قیس ) ک عدنانیلردن و ( کلب ) ک قحطانیلردن اولدقلرینی قیده لزوم کورمزلر . « قحطان نزار ایله ، یاخود معد یمین ایله ، یاخود مضر حمیر ایله ، یاخود هوازن کهلان ایله ، یاخود قیس همدان ایله مفاخره ایتمشدر » و امثالی شیلرده دخی عینی عصیتک سوقی موجود ایدی .

### اسلامیسنده اول عرب اولیانلر

عرب قحطانیه و عدنانیه یکدیکرینه رقابت و خصومتدن خالی قالمازلر ایکن لزومنده ایرانلی ، ترک کبی عرب اولیان اقوام علمینده درحال برلشوب کندی آرلرنده کی عداوتی برمدت ایچون اونودورلردی . عربلر عرب اولیانلره ( عجم ) نامنی ویریرلر و انتساب و لسان ایله انلره اعلان فخر و رجحان ایلرلردی . فضله اوله رق عرب اولیانلرک اسمندن دیلسزلره اطلاق اولتان ( اعجم ) کله سنی اشتقاق ایتمشلردی . یاخود ( عجم ) لفظی ( عجمه ) دیلسزلکدن

مشتقد. عربلرجه (عجمی) عرب اولیان کیمسه و (عجم) دیلسزدیمکدر [۱]  
 كذلك عربلرجه (اخزر) کوزی طار و کوچک کیمسهیه اطلاق  
 اولنور که عرب اولیانلری بولقب ایله تلقیب ایدرلردی. (اخزر) اولق  
 عربلرجه بیوک برقصور عد ایدلدیکندن برعربه (اخزر) دینیلر ایسه  
 یونی بیوک براهانت عد ایدردی. چونکه یونی دیمک اوعربه سن عرب  
 دکلسک دیمکه برابر ایدی. مع مافیه فی الاصل (عجمی) ایرانلی و (عجم)  
 ایرانلیله اطلاق اولنمش ایدی. چونکه ایرانلیلر لسانی عرب لسانندن آیری  
 اوله رق عربلر ایله اختلاط ایدن ک اسکی ملتدر. دها صکره عربلر بو (عجم)  
 لفظنی عرب اولیان بالجه اقامه اطلاق ایلشلردر.

عربلر ایله ایرانلیلر آردسندده رقابت وخصومت پک اسکی زمانلرده  
 باشلامشدر. چونکه ایرانلیلر؛ دولتلری زماننده پک چوق دفعه قلیچ قوتیه  
 عربلری کندی مملکتلرندن اخراج ایله اوغراشمشلردی. عربلر دخی  
 اسلامیتدن برقاچ عصر اول (شاپور) ک زماننده بیله ایران مالکنه غارتلرده  
 بولنورلردی. بو حکمدار عموم عربلره وبالخاصه (ایاد) قبیله سنه ایصال  
 مضرت و مملکتندن اخراج ایتمک طریقنی التزام ایتمش ایدی. شاعرک شوبیتی  
 بو (شاپور) ه قارشى سويلنمشدى :

على رغم سابور بن سابور اصبحت قباب اياد حولها الخيل والنعم  
 لكن (شاپور) قوت وعسکری سایه سنده (ایاد) قبیله سنه قارشى کله بیله رک  
 پک چوق عرب اولدورمش ایدی. قتلدن قاچه بیلنلر روم مالکنه التجایه  
 مجبور اولمشلردی. (شاپور) عین معامله وقتالی بحرینده مقیم اولان (بنی تیم)  
 قبیله سی حقنده ده روا کورمش ایدی. عربلر ایله ایرانلیلر بیننده بوسورتده  
 خصومت وعداوت دوام ایتمک حالدده میلادک بشنجی عصرنده یمن عربلری  
 کندی مملکتلرنده حبشیلیرلی اخراج ایتمک اوزره کسرادن طلب معاونه  
 مضطر قالدقلرندن کلن ایران عسکری حبشیلیری یمندن اخراج وبوقطعه بی  
 اشغال ایدرک اسلامیتک ظهورینه قدر اوراده مقام حاکمیتده بولمشلر ایدی.  
 لکن اسلامیت ظهور ایدنجه حاکمیت عربلره انتقال ایتدی. ایرانلیلر بالعکس



عرب حاکمیتی آلتہ دوشدیلر. بوانقلاب، باخصوص عرب اولیانلر حقتده متعصب طاورائمش اولان بنی امیه زماننده، ایرانلیله پک کران کلدیکندن عربلری طعن و ذم ایچون آتیده کوستریله جکی اوزره شعوبیه فرقه سی توره دی .

## امومت و خوؤوات

عربلرده اصل نسب عصیتی سائر اقوام مترقیه ده اولدینی کی ابوت ، یعنی پدره انتسابدن متشکل ایدی . معافیة امومتکده ( والدک طرفی ) پک بیوک



یمک آثار قدیمه سندن


یملی بر چفتجینک چفت سورمی

براهیتی واردی. عمومیت اعتباریله اودورده قادینلر یوکسک بر موقع طوتد- قلرندن دکل ، محضا والدہ اولق حثیتیه علی الاکثر مزاجه ، یاخود مصاهرت عصیت تشکیله بیوک بر وسیله تشکیل ایدیوردی . عربلرده صنف نسا والدہ اولنجه یه قدر هیچ بر موقع

صاحبی اولمازلردی . فقط والدہ اولنجه اهمیت کسب ایدرک بر رابطه اتحادک حصولنه باعث اولورلردی . والدہ یی زوجه یه ترجیح ایتمک عربلرجه عادت ایدی . چونکه والدہ زوجه دن دها محب و دها وفاکار عد اولتوردی . یوکا مثال اولق اوزره مشاهیر شاعرات عربدن ( خنسا ) نک برادر ی ( صخر بن عمرو بن الشرید ) بنی اسد محاربه سنده بولندینی ائاده ( ربیعہ بن ثور اسدی ) طرفندن اوریلان طعنه ایله زرنهک حلقه لری بوکرینه کیره رک بر سنه یی اک شدید اوجاع ایله کچیرمش ایدی . او حالنده کندیسنه باقان والدہ سی

ایله زوجه سی ( سلیمی ) دن یالکز زوجه سی اوصانج کتیرمش ایدی . برکون اقامتگاهنک اوکندن برقادین کپر . ( صخر ) ک زوجه سندن قوجه سنک حاتی صورار . ( سلیمی ) : « نه دیری صایلیرکه اندن خیر امید اولنسون ، نه ده اولو عد اولنورکه اونودولسون » جوانی ویریر . ( صخر ) قاریسنک بونی سویلدیکنی ایشیدنجه :

أری ام صخر لا تمّل عیادتّی      وملت سلیمی مضجعی ومکانی  
وای امری ساوی بام حلیلة      فلا عاش الا فی شقی وهوان [۱]  
ابیاتی حاوی برقصیده نظم ایدر .



یمنک آثار قدیمه سندن  
صنعا ده عمدان قصری

عربلر ایشته بو  
سیدن والده اولیان  
برقادینک وفاتندن  
طولای بربرلینه بیان  
تعزیت ایتمزلردی [۲] .  
بو حال یالکز عربلره  
مخصوص دکلدی .  
عینی حال یونانلیلر ده  
دخی جاری ایدی .  
یونانلیلر قادیسلری  
جاریه نوعندن عد  
ایدرک کرک ازدواجدن  
اول وکرک ده صکره

انلری ارککلر ایله کوروشمکدن منع وطوقومه ، اورمه کبی خانه ایشلرنده ویا خسته لره باقق خدمتده استخدام ایلرلردی . ایرانلیلرک قادینلر حقنده کی معامله لری ده عینی شکله ایدی . ایرانلیلر ده برقادین والده اولدن اول هیچ برموقع وقدری اولمازدی . فقط والده اولنجه موقعی بیور و خانه سنده امر مطلق کسیلردی . چول خلقنده بو عادت حالا بردوامدر . ایشته بوندن عربلر ده

[۱] ابن خلکان ۱۳۲ ج ۱ [۲] العقد الفرید ۲۶۴ ج ۲

خوولت (طایلق) عصیتی، یعنی والده طرفی عشرتنك والدهنك چوجقلرینه، یاخود تعبیر دیگرله زوجنك عشرتنه مظاهرت ونصرتی توره مشدی. پدر. یمن قبائلندن و والده قبائل عدنانیه دن ویا بالعکس اولسه لر بیله بونی نظر دقته المازلردی.

اسلامیتدن اول عر بلرده خووله نك پك بیوك براهیتی وار ایدی. حضرت نبی مدینه یه مهاجرت ایتدیکی زمان مدینه اهالیسنك کنديسنه وقوع بولان نصرت ومظاهرتلری بوکا اك یقین دلائلدن برینی تشکیل ایدر. زیرا خوولت بومظاهرته بیوك برسبب اولمش ایدی. حضرت نینك والده سی برقیله قحطانیه اولان (خزرج) دن بنی النجاردن و پدرلری ایسه برقیله مضریه اولان قریشدن ایدی. پدری وفات ایتدیکی زمان والده سی کنديسنی آلوب طاییلری اولان وعددرلی چوق بولنان بنی النجاره التجا ایتك اوزره مدینه یه کوتورمش ایدی. بنی النجار تدینه اك زیاده مستعد ذواتدن ایدیلر. حتی انلردن بری زمان جاهلیتده ترهبا ایدرك چول وپلاس کیمش، اصنامك عبادتندن اوزاقلاشمش، خرستیانیلنی قبول ایتك ایسته مشن ایسه ده اندن چکنمش و خانه سنی مسجد اتخاذاش ایدی. والده نبی قارده شلرینك نزدنده راحت ورفاهیتله برمدت اقامتدن صکره ذات پیغمبری بی مستصحیا عمجه سنه کوتورمك اوزره مکیه عودت ایدر ایکن اثنای راهده ارتحال دار آخرت ایلشدر. بالاخره حضرت نبی اعلان نبوت ایدوبده عمجه لرندن پك چوق مقاومت وجفا کورنجه مدینه ده مقیم طاییلرینسك نزدینه هجرت ایتدی. مدینه اهالیلنی حضرت محمدك ادعای نبوت ایتکده اولدیغنی یلیدکلری حالده بیله بیوك برحسن قبول ایله کندينی قبول ایلدیلر. زیرا بنی النجارك طاییلنی بتون خزرجلری کنديسنه طایپامش ایدی. جناب نینك مدینه یه مواصلتی اوزرینه اسلامیتی اك اول قبول ایدنلرده طاییلری ایله انلره برقرابتله مربوط اولان ذوات ایدی [۱]. بونلردن صکره مدینه اهالیسی قبول اسلاميته مسارعت ایتشلردی. حضرت پیغمبر اثنای محارباتده محاربه شدت کسب ایدنجه انصارك سنجاغی آلتنده اطورردی [۲]. انصار وبالخاصه بنی النجار جناب نبی اغورنده جان فدا ایدرلردی. انصارك دشمنلری کنديلرینی هجو و ذم ایتدکلری زمان بویولده فدا کارلقده سائر اهل مدینه دن زیاده ایلری کیتدکلری

ایچون بالخاصه بنی النجارى ذکر ایلرلردی. (عمرو بن العاص) كه هنوز اسلام اولمده  
اول (احد) كوندنه نظام ایتدیكى برقصیده نك آتیده کی اوچ بیتی اوجمله دندی:  
خرجنا من الفیفا علیهم کأنا مع الصبح فی رضوی الحیات المنطق  
تمت بنو النجار جهلاً لقاءنا لدى جنب سلع والامانی تصدق  
فأراهم بالشر الافجاء<sup>۱</sup> کرا دیس خیل فی الازقة تمزق [۱]

خؤولت اسلامیتدن صکره دخی دوام ایدرک عصیت قومیه و سیاست دولته  
بیوک بر تأثیر اجرا ایلمش ایدی. (معاویه) حضرت (عثمان بن عفان) كه  
انتقامی آلمق ادعاسیله احراز خلافته توسل ایتدیكى زمان یمن قبائلندن (بنی کلب)  
کندیسنه مظاهرت ایتمش ایدی. چونکه وقعه شهادتده پارماقلى قان یاله ملمع  
اولان حضرت عثمانك زوجه سی (نائله) انلردن ایدی. بونلرک بو مظاهرت  
ونصرتلری (معاویه) نك موفقیتنه پك چوق خدمت ایتمش ایدی. (معاویه)  
بونلردن کندیسنه (یزید) ی طوغوران بر زوجه آله رق بورابطه یاله ده مظاهرتلری  
تأمین ایلدی. وقتا که خلافت (یزید) ه انتقال ایتدی، (بنی کلب) طایلری  
اولمق اعتباریله کندیسنه ظهیر اولدیلر. تاریخ اسلامده بو نوعدن مثاللر پك  
چوقدر. (مأمون) ایرانلی بروالده دن طوغدینی ایچون ایرانلیلر اکا مظاهرت  
ایتدکلی کی رقیبی اولان برادری (امین) دخی عرب بروالده دن طوغمش  
اولدیغندن عربلرده انك طرفدارى اولمشلردی. (مأمون) ایرانلیلرک مظاهرتی  
استحصال ایتک مقصدیله (خراسان) قطعه سنه التجا و (مرو) شهرنده  
طایلری نزدنده اقامت ایلدی. طایلری خلافتی برادرندن آله رق کندیسنه  
تسلیم ایتدیلر. (معتصم) ترك بروالده دن تولد ایتدیكى جهته تركلره پك چوق  
میل ایتمش ایدی. بونلردن عسکر تشکیل ایتدی. بو ترك عسکری کندیسنه  
ایرانلیلرک علیه نه ظهیر اولدیلر. ایلریده تفصیلاتی سرد ایدیله جك اولان  
والده لکک دولته تأثیراتی ده اکا کوره قیاس ایدرسکز. حسن سیاست وتدبیر  
صاحی اولان حکمدارلر ایله قوماندانلر مختلف قبائلدن زوجه لر آلمق له طرفدار  
فرقه لرینی قوتلشدیرلر و بو صورته زوجه لرینک منسوب اولدقلى قبائلک  
عصیتى قازانیرلردی.



## عصیت عربیہ نك توابعی

### ملف

عربلرک ، اوزرینہ کووندکلی اصل عصیت پدردن ، ایکنجی درجہده والدہ طرفندن کلن عصیت ایسدهده (حلف) کبی بر طاقم وسائط ایله دخی آرہلرنده رابطہلر تشکل ایدردی . حلف ایوم بینالدول عقد ایدلمکده اولان معاهدات کبی ایکی ویا دها زیادہ قبائلک یکدیکرینہ نصرت و مظاهرتہ عہد و پیمان عقد ایتملرندن عبارت ایدی . زمان جاهلیتده ایام مشہورہ عرب نامیلہ معروف اولان قبائل محاربہلرینک برچوغنده بوکبی مخالفہلرایلہ یکدیکرینہ ظہر اولورلردی . (عبد مناف) ک اوغللرینک (بنی عبدالدار) دن حجک رفادہ (یمک توزیمی) و سقایتی آلمق ایستہملری اوزرینہ قریش طوائفی آرہسندہ عقد ایدیلن (حلف المطیین) ایله [۱] بعض قریش بطونک مکدہ کرک اہالی اصلیدن و کرک غربادن هیچ بر کیمسہی مظلوم بر اقامغہ عہد و پیمان ایتملری متضمن اولان (حلف الفضول) زمان جاهلیتده عقد اولنان اک مشہور مخالفہلردندی [۲] . ایشته بو حلفلر قحطانی ، عدنانی اولسون نسللری اوزاق اولان قبائلی بیلہ برلشدیریوردی . بعضاً بو حلف عربلر ایله عرب اولمیانلردن کندیلریلہ بر آرہده یاشایان جماعتلر آرہسندہده انعقاد ایدردی . لکن بو حلفلر ولا نوعندن عد اولنوردی . (بنی النضیر) و (بنی قینقاع) دن مدینہده توطن ایدن یہودیلر و سائرہ ایله (اوس) و (خزرج) قبائلک حلفلری (معاهدلری) بو قیلدندی . (مدینہ) ایله (شام) آرہسندہ کاٹن (وادی القری) اہالیسی بنی ہاشم حلفاسدن ایدیلر . بونلرک ذکرلری آتیدہ موالی بحثدہ کلہ جکدر .

مخالفہ ویا حلف بر طاقم شروط و اسبابہ تابع ایدی . اسیر بولنوب فدیہ نفس اعطاسنہ قدرت صاحب اولماق او اسبابدن برتی تشکیل ایدردی . اوکبی اسیرلر منسوب اولدقلری قبیلہ نك داغی ایله تمغالانہرق او قبیلہ نك حلفلری

عد اولئورلردی [۱]. بر قبیله ده فرد اصلی نصل میراث آلبرایسه بر حلیف ده عینی مقدرده میراثه نائل اولوردی [۲]. فقط قتل ایدیلیر ایسه بونک دیتی فرد اصلینک نصف دیتدن عبارت ایدی [۳].

### استلحاق

بر آدمک دیگر بر آدمی کندی نسبته الحاق ایتمی، یعنی انی کندی عائله سندن طائمسندن عبارت اولان (استلحاق) دخی قبل الاسلام عصیت عربیه نک تفرعاتندن برینی تشکیل ایدیوردی. الحاق اولنان کیمسه کوله، اسیر، مولی مقوله سندن ایسه الحاق ایدن آدم انی مولی نامی آلتنده کندی نسبته ادخال ایلردی. زمان جاهلیته وقوع بولان اک مشهور استلحاق وقایعندن اولمق اوزره بنی أمیه نک جدی (امیه) نک (ذکوان) اسمنده بر کوله سی واردی. (امیه) بو کوله یی کندی نسبته الحاق واکا (ابو عمرو) کینه سی اطلاق ایتمکه اسمی (ابو عمرو بن امیه) اولمش ایدی. حضرت (عثمان بن عفان) ک والده جهتدن برادری سخابه دن (ولید بن عقبه) موما الیه (ابو عمرو) ک ذریتدن ایدی.

دور اسلامیده جریان ایدن اک مشهور استلحاق (زیاد بن ابیه) نک دهاته عربدن برنجی خلیفه اموی (معاویه) نک پدری (ابو سفیان) ک نسبته الحاقی مسأله سی ایدی. بو استلحاق کیفیتی احکام شرعیه یه مخالف عدایدلدیکی ایچون کتب تاریخیه ده پک مشهوردر. (زیاد) ک والده سی (سمیه) اسمنده برجاریه ایدی. موما الیهی (ثقیف) ک موالیسندن (عبید) اسمنده بر غلام رومیدن طوغورمش ایدی. بو مناسبت عربلرجه مشهور اولمديغندن (زیاد) ی مجهول الاب عد ایدرک اکا (زیاد بن ابیه - کندی باباسنک اوغلی زیاد) نامی ویرمشلردی. (معاویه) خلافتی احراز ایتک مقصدیه مظاهرله محتاج اولنجه دهاته واذکیای عربدن بر طاقم آدملری وازجمله مومالیه (زیاد) ی خواص ومقربینی زمهره سنه ادخال ایلدی. فضله اوله رق (زیاد) ی کندی نسبته الحاق ایله کندیته بند ایتدی. بونک ایچون (طائف) اهالیسندن

( ابو مریم سلولی ) نامندہ برمیخانہ جی شاهد اتحاد ایدلدی . ( ابو مریم )  
 « ابوسفیانک کنديسنه کله رک فاحشه ايستديکنه ، ( سمیه ) ني اکا کتيرديکنه ،  
 ( سمیه ) نك بو مقارنتدن کبه قالدیغنه » شهادتده بولندی . حال بوکه ثقاة  
 مورخين ( ابوسفیان ) ايله ( سمیه ) آره سنده اويله براقتانک وقوعنی صحیح  
 کورمیه رک بوروايتک ( زياد ) ک تأمین نصرت ومظاهرتی مقصدیله ( معاویہ ) طرفدن  
 اويدورولمش برشی اولدیغی اعتقادنده بولمقدہ درلر . فقط بونکله ( معاویہ ) ايستديکنه  
 نائل اولدی . ( زياد ) اوزمانه قدر ( زياد بن ابیه ) ، ياخود ( زياد بن سمیه )  
 ناميله معروف ايکن [ ۱ ] ( زياد بن ابی سفیان ) نامی ويرلدی . ( زياد ) ک  
 ذریتی خلفای عباسیهدن ( مهدي ) طرفدن ۱۶۰ سنه هجریه سنده ذکر اولنان  
 ( عید ) ک نسبته ارجاع و ( ثقیف ) ک موالیسندن عد ایدیلجهیه قدر ( قریش )  
 قبیلہ سنه انتساب ايله کچنمشلردی [ ۲ ] . ( ابوبکره ) نك ذریتی دخی بوقیلدن  
 اولوب بونلر حضرت پیغمبرک موالیسندن ايکن ( ثقیف ) ه الحاق اولنمشلردی .  
 مهدي هرايکسینی اصلیرینه ارجاع ایلدی .

الحاق اولنان کیمسهیه ( دعی ) نامی ويریلردی . بعضاً دعی کنديسی کبی  
 دعیلره ملحق بولنوردی . یعنی ( ابن هر مه ) کبی کنديسی برهطه ( جماعته ) ،  
 اوجماعتده برقبیلہیه ملحق اولوردی . ( ابن هر مه ) خلیج اسمنده برجماعته ،  
 بوجماعتده ( قریش ) قبیلہ سنه ملحق ایدیلر . برچوق دفعه ( بصره )  
 اهالیسندن ( بنی العم ) — عم زاده لر — نامنی آلان خلق حقنده یاپلیدیغی کبی  
 برجماعتی ، ياخود برعشیرتی — کنديلریله برابر بریرده اقامت ، ياخود کنديلرینه  
 مظاهرت ونصرت ایلدکلری ایچون — دفعه الحاق ایدرلردی . بونبی العم  
 ( بصره ) اهالیسندن برطاقم خلق ایدی [ ۳ ] . حضرت عمر زماننده ( بنی تمیم )  
 قبیلہ سی نؤزدنده اسلامتی قبول واسلاملر ايله برابر محاربه ایتمشلردی .

[ ۱ ] ابن الاثیر ۲۵۰ ج ۳ [ ۲ ] ابن الاثیر ۲۰ ج ۶

[ ۳ ] مؤلفک بنی العم ایچون بصره اهالیسندن دیمسی ( اغانی ) نك عبارده سنه دقت  
 ایتلمیشدن نشأت ایدیور . بنی العم بصره اهالیسندن اریوب فرسدن برطاقم خلق ایدیلر .  
 بونلر فارس مالکدن بصرهیه کلدرک ( بنی تمیم ) قبیلہ سی نزدنده اقامت ایتشلر ومؤلفک  
 نقل ایتدیکی شکله ( بنی العم ) نامنی آلمشلردی . ( اغانی ) نك اوچنچی جلدینک ۷۶ نجی  
 صحیفه سی ايله ( فوات الوفيات ) ک برنجی جلدینک ۱۶۹ نجی صحیفه سنه مراجعت بیوريله .

اسلاملر بونلره : « سز عربلردن اولسه کز بيله قاردشلمز واقربامز سکز .  
مظاهرمن وعمزادلرمز سکز » ديمشلردی . ايشته بوتاريخدن اعتباراً بونلر  
( بنی‌العم ) نامنی آلهرق عربلر صرده سنه کيردیلر [۱] .

عربلر دعی کنديلردن عد وکنديلرينه منسوب اوز اوغل کبی ميرانده  
حصه دار ایلرلر [۲] ووفاتنده کا وارث اولورلردی . برچوق دفعه ميرانلرينه  
قونمق اوزره کنديلرينه منسوب موالينک استاحاقی آرزو ایدرلردی . بعضاً  
مولی سبی آکلایه رق استاحاق قبول ایتزلردی . ته کیم شاعر مغنی مشهور  
( نصیب بن رباح ) ک ولادارلری انی کنديلرينه الحاق ایتک ایسته مشلردی .  
( نصیب ) قبول ایتمه رک : « لیاقتی مولی قالمی دعی لاحق اولمغه ترجیح  
ایدرم . بن آکلایورم . پارده کوزدیکيورسکز » دیمش ایدی [۳] . حال -  
بوکه موما الیه هر نه قازانسه ایدی مولالریله پای ایدرک کنديسی یالکز بر پای  
آیردی . ( نصیب ) سیاهی ایدی . ( جریر ) بونک شعری ایشیدنجه « سن  
سیاهلرک اشعريسک » دیمش ایدی . ( نصیب ) بوکا جواباً « بیاضلرک ده  
اشعریم » ادعاسنده بولتمش ایدی . موما الیه خلیفه ( عمر بن عبدالعزیز ) ک  
حضورینه کیره رک « برقاچ قیزجغزم وار . سیاهلکمى انلرک اوزرينه سیلکدیکم  
ایچون کساده اوغرا دیلر . سیاهلره بن ویرمک ایسته میورم . بیاضلر ایسه  
کنديلری آلمیورلر » دییه عرض حال ایتمش ، قیزلرينه معاشلر باغلاشمشدی .  
حلفه مشابه اولان اسباب عصيتيدن بری ده ( مواخات - قاردشلاشمق )  
ایدی . بو مواخات قبائل آردسنده عقد اولنديکی کبی افراد آردسنده ده  
انعتاد ایدردی . بو عادت بو گونه قدر بدویلر بینده جاریدر . بر عرب ایله  
اولمجه مواخات عقد ایدر ایسه کز عرب سزک ظهیر ومدافعه کارکز اولور  
وضاتکه برادری ایتشسکز کبی سزی حمایه ومدافعه ایلر .

## خلع

عربلرده جاری اولان ( خلع ) عادت ( استاحاق ) ک بستیون عکسی  
ایدی . بری اوز اولسون ، دعی اولسون اوغلنده فنا برحال وحرکت کورر




ایسه انی خلع، یعنی اندن تبرئه نفس ایدرک انک ارتکاب ایدم بیه جکی افعال مکروهه نك مسئولیتدن بو سایه ده قورتولوردی. بعضاً قبیله ویا عشرت دخی کندی افرادندن بری او صورتله خلعه مجبور اولوردی. شویله که: بوکا احتیاج کورن قبیله دن بر قاچ کشی خلعی مراد اولان شخصی (عکاظ)



عدنان فبائنك طاغلمسندن صكره جاز ، نجد ايله شام و عراق قطعه لرى اعارفك خريطه سى

سرکيسنه کي تورہ رکاني خلع و قبيلہ لرندن اخراج ايتدکليرينه شاهد اتحاد يلد کدن  
صکره منادی واسطه سيله کيفيتي اعلان ايدرلردی . بو معاملہ ياپلدقدن صکره  
او شخص هر نه قتالو ارتکاب ايتسه ، اکا هر نه قتالو ياپلسه قبيلہ سي مسئول  
اولمديغي کي انک نامنده هيچ بر حق آرامازدی ، ايشته ( خزاعه ) قبيلہ سي

شعراى جاعليه دن ( قيس بن الحداديه ) يي اوصورتله خلع ايتمش ايدى [۱].  
يعضاً خلعي حاوى بر برائتنامه يازيليردى .



قاهره مهنوعانندن قاقمه ايله مزيرين برماعه

صحابه دن ( عمرو بن العاص ) ك كندى عشيقتى طرفدن خلعى قبل الاسلام وقوع بولان ك مشهور خلع وقايعندن ايدى. مشاراليه جاهليت دورنده (عمارۀ ابن الوليد مخزومى) ايله برابر برأى تجارت حبشستانه كيمش ايدى. يولده ايكن (عمارۀ) عمروك زوجه سنه كوز ديكديكندن آرهلرنده خصومت حاصل اولور. (عمارۀ) عمروك كمينك كسارنده طورديغنى كوره رك دكزه آتار. عمرو يوزوب كى يه چيقار. (عمرو بن العاص) بنى سهم دن ايدى. (عمارۀ) دن انتقام آلمنه قرار ويرديكندن كندى پدرينه بر مکتوب يازهرق مسؤليتدن قورتولق ايچون كنديسنى خلع ايتمىنى طلب ايدر. بونك اوزرينه كرك (عمرو) ك، كرك (عمارۀ) نك قيله لرى هرايكيسنى خلع ايدر ك كيفيتي مكدده برمادى واسطه سيله اعلان ايلرلر [۲].

چولده ارباب شردن پك چوق خلعيا بريكمش ايدى. بونلر بر آرده طويلانهرق يوللرى كسمك و قبائله تجاوز ايتك اوزره بر طاقم اشقيا جه ايرى تشكيل ايدرلردى. بالاخره اسلاميت ظهور ايدنجه بونلر ك تجاوز و مضرتلر حكومتك عليه منصرف اولدى. دولت امويه شعرا سندن (يعلى الا - ) بر خلع ايدى. (ازد) قبيلاسنك فقرا و خلعاسنى اطرافه طويلايهرق قبائله تجاوز و يوللرى قطع ايلردى. اسير تيارندن بعضلرى خلعاي صا دن آلهرق روم ممالكنه كوتورلردى.

## جاهليتده كولهلر

### اسيرلر

انسانلر استبداد ايله مفتخور اولدقلرى و قوى ضعيف زبون ايدده كلديكى ايچون استرقاق انسانك قدى كى پك قديمدر. انسانلر عمرانك ادوار اولاسنده دشمنلرينى مغلوب واسير ايدنجه اسيرلرى كوله اتخاذا ايتيوب بالعكس انلرى اعدام ايلرلردى. بر آزدها ترقى ايتدكلرى زمان محاربه لرده اله كچن اسيرلر چفت



سورمك ، حيوان كودمك وامثالی ايشلرده قوللا تلىق اوزره كوله اتخاذايدلمكه باشلاندى . بونلر عادی امتعه كې ساتيليردى . اسكى مدنيت دورلرنده مصر ، اشور ( آثور ) وبابلده اسيرلره ايشته بوصورته معامله ياپيليردى . رومادولننده رواجلى بر اسير بازاري وار ايدى كه بورايه يوزلر وبيكلرايله اسيركتيريلير ، مواشى كې ساتيلير ، حيواناته ياپيلان معامله‌نك عيني بونلره روا كورولوردى . فقط بالاخره دولت مشارايله حال ترقى وانتظامه كيرنجه كوله واسيرلر حقتده كوستريلن بو معاملات وحشيانه تعديل ايدلدى . جاريه‌لر ايله تزوجه جواز ویرلدى . دها اول بر رومالى كوله‌سنی ايتديكى كې ضرب و قتل ايدى بيلير ايكن كوله‌لره جزا ترتيبي افراددن تزع ايديلهرك حكامه ویرلدى . بر كوله صاحبي كوله‌سنه فضله ظلم ايتسه حاكمك جزاسنه دوچار اولوردى .

بونلكه برابر روما ممالكنده ينه پك چوق كوله‌لر موجود ايدى . هيسچ برخانه كوله‌لردن خالى اولمازدى . بونلر كچوغنى حرب اسيرلردن ويا چوققيلردن متشكل ايدى . كنديلرينه هر درلو صنايع اوكردهرك خانه‌لرنده استخدام ايدرلر واسيرلره مخصوص بازارلرده ساتارلردى . كوله‌لرك اثمانى ۲۰ روما ريالندن ۴۰۰۰۰ ريالده قدر مختلف ايدى . سائر ممالك قديمه ده دخی حال بو منوالده جريان ايدىوردى . از جمله ايرانلير محاربه‌لرده تركلردن اسيرالديقه بربرلرينه هديه ايلرلردى . بعضاً بو اسير هديه‌سى امرا زادلردن متشكل بولنوردى . تاريخك بو قيلدن ذكر ايتديكى معلوماتدن اولمق اوزره ( ابرويز ) — خسرو پرويز — ك روم پادشاهى ( موريقس ) — مورييس — ه كوندرديكى هدايا جملة‌سندن اوله‌رق ترك امرا زادلردن قولاقيلرنده اينجى ايله مزين آلتون كوپه‌لى يوز غلام كوندرمش ايدى . بوكا مقابل روم پادشاهنكده ارسال ايلديكى هداياى فاخره مياننده كندى ممالكنه مجاور اولان برجان [۱] ، جالاقه [۲] ،

[۱] خرساينلنى قبول ايدن اقوام جملة‌سندن اولان (برجان) شمالده مقيم و جنگاور بر چوق ملتوردن متشكلدرلر . اخلاق وحشيه‌لرله مملكترلنك بعدينه مېنى بونلر ايله حكمدارلرى حقتده فضله معلومات موجود دكلدر . ابوالفدا ۹۳ ج ۱ (معجم ياقوت) ده اقوام مذكوره‌نك ( بحر خزر ) اطرافنده مقيم اولدقلى بيان ايديلور .

[۲] ( جلانته ) اسپانياك شمالنده غالچه طعمه‌سنده مقيم غالچه‌لره عربلر طرفندن ویريلن اسير .



صقاله ( اسلاولز ) ، وشكنس [۱] ملوكى قيزلردن باشلىرى جواهر ايله مرصع  
تاجلى يكرمى جاريه موجود ايدى [۲] .

### عربلرده كولر

عربلر دخی حرب اسیرلردن ، یاخود حبش مملکتی ايله اطرافنده بولان  
اقوام متوحشه کبی جزیره لرینه مجاور اولان ملترلردن صاتون آلدقلى رقیقدن  
متشکل کوله استخدام ایدرلردی . اسیر تاجرلى کوله وجاریه لری ممالک مذ-  
کورده دن واما کن سائرده دن جزیره العربیه کتیره دک موسملرده قورولان بازارلرده  
فروخت ایلرلردی . قریش اموال تجاریه دادوستادی ايله اشتغالی کبی کوله تجارتی  
ایله ده اشتغال ایدردی . فجار محاربیه سنده قریشک رئیسى بولان ( عبدالله بن  
جدعان تیی ) زمان جاهلیتک اک مشهور اسیر تجارندن وجاریه صایجیلردن  
ایدی [۳] . بری کوله صاتون آنجه بوینه بر ایپ طاقه زق حیوان نصل  
کوتورولور ایسه انی اویله جه خانه سنه کوتوروردی [۴] . کوله حرب اسیری ایسه  
کا کانی کسره ک فدیة نجات ویرنجیه تدر کا کانی اوق قبورینه وضع ایدرلردی .  
کوله صاتون آله رق بر برینه هدیه ایتک عادت ایدی . کوله لر اتمه کبی ارث  
طریقیه انتقال ایدردی . فقط کوله صاحبی کوله یی وقتندن صکره آزاد ایدر  
ایسه حر اولوردی . کوله لر بتضاً کلین مهری میاننه ادخال ایدیلیردی .  
مشهور شاعر اسلامى ( بشار بن برد ) مهر میاننه ادخال اولنان کوله لر دن ایدی .  
( بشار ) ايله والده سى ( ازد ) قبیله سندن بر آدمک مالی ایدیلر . بو آدم ( بنی  
عقیل ) دن زوجه آنجه ( بشار ) ايله والده سنى مهر جمله سندن اوله رق  
کوندرمش ایدی [۵] .

شو ویردی کمز معلوماتدن عربلرده کثرتله کوله قولانلیدینی آکلاشیلور .  
هله احرا و ملوک تزدنده یوزلر و بیکلردن زیاده کوله بولنوردی . حمیر ملوکندن

[۱] وشكنسك ( بشگرد ) لفظندن محرف اولاسی محتملدر . معجم یاقوتده ویرلن  
معلوماتدن بونلرک مجارلر اولدینی آکلاشیلور . معجم مذکور ايله ( قاموس الاعلام ) ه  
عراجعت بیوريله .

[۲] مسعودی ۱۱۹ ج ۱ [۳] مسعودی ۲۸۲ ج ۱

[۴] ابن قتیبه نک ( المعارف ) کتابی ۱۱۹ [۵] اغانی ۲۰ ج ۳

( ذوالکلاع ) حضرت ( ابو بکر ) ک نزدیکه کاندیکی زمان معیتده کندی  
 عشرتی رجالندن ماعدا بیک کوله واردی [۱] .. عرب اشراف واکابرندن  
 خانه سی کوله دن خالی آدم بولمازدی : بوکوله لر خانه خدمتلرنده قوللانیلردی ..  
 محابه دن ( عبدالله بن ابی ربیعہ ) هر نوع صنایعه آشنا پک چوق حبشلی کوله لر  
 مالک ایدی [۲] . کوله لرک صداقته چوق اعتماد اولمازدی . بعضلری محاربه -  
 لرده استخدام اولنورلردی . اسلامیتدن صکره کوله لر دن تشکیل ایدیلن عسکر  
 دولته بیوک بر تاثیر اجرا ایشدر . برکوله نك جزاسی حرك جزاسنك نصفی  
 ایدی [۳] . برکوله محاربه ده بولنور ایسه غنائمدن حصه آله مازدی [۴] . انک پانی  
 افندیسه ویریلردی .

بوندن ماعدا عربلرده ( قن ) نامیله برتوع کوله لر ده واز ایدی که بونلر  
 روما مالکنده بولان Serf قیلندن اوله رق زراعتله اشتغال ایدرلر و اراضی  
 ایله برابر فروخت اولنورلردی . تحفی شودر که کوله لر دن بعضلری قار ایله کوله  
 اولمشلردی . نه کیم مشهور ( ابو لهب ) ایله ( عاص بن هشام ) هر کیم غائب  
 ایدر ایسه دیکرینه کوله اولمق شرطیله قار اوینامشلردی . ( ابو لهب ) غالب  
 کلدیکنسندن ( عاص ) ی کوله یاپه رق کندیسنه دودسنی رعی ایتدیرمش  
 ایدی [۵] . بورجیلر دخی بورجلرندن طولانی کوله ایدیلیوردی .

عربلر جاریه لر ایله تزوج ایتدکلرنده انزدن کلن چوجقلری اسیر عد  
 ایدرلردی . آنجق او چوجقلردن بری نجیب و ذکی چیقار ایسه انی طانیه رق  
 کندی نسلرینه الحاق ایلرلردی . او یله چیقمايانلر ایسه کوله قالیرلردی ..  
 مشاهیر شعرا و جنک آوراندن ( عنتره العیسی ) نک پدری ( شداد ) ه الحاق  
 او صورتله وقوع بولان اسلحاق و قایعنک اک مشهوریدر . ( عنتره ) شدادک  
 جاریه مستقر شه سی اولان ( زبیه ) نک اوغلی ایدی . ( شداد ) کندیسینی  
 اولجه نفی ایتمش ایکن اقتدار و نجابتی کوردک کندی نسبه الحاق ایلدی [۶] .  
 ( عنتره ) نک حکایه سی مشهوردر . قبل الاسلام عربلر مهم بر سبب کورمینجه  
 کوله آزاد ایتمزلردی . کوله دن بری ربقه عبودیتدن قورتولمق ایستر ایسه

[۱] مسعودی ۲۸۷ ج ۱ [۲] اغانی ۳۲ ج ۱ [۳] اغانی ۱۲۴ ج ۱۴

[۴] المعارف کتابی ۱۱۰ [۵] اغانی ۱۰۰ ج ۳ [۶] اغانی ۱۴۸ ج ۷

صاحبندن فروختی طلب ایدردی. صاحبی راضی اولور ایسه بر دیگرینه صاتاردی. اسلامیتدن صکره ایلریده کوستریله چکی اوزره بر حکمت سیاسیة دینییه بناء عتق چوغالمشدر.

### جاهلیتده موالی

عربلرده موالی کوله لر ایله حرلر آره سنده بر وسط تشکیل ایدرلر. علی الاکثر مولی آزاد اولمش کوله نوغندن بولتور. هر هانکی کوله آزاد ایدیلیر ایسه مولی اولور. بو موالی روما دولتنده Libertines نامنده بولان آزادلی کوله لره مشابه ایدیلر. هر هانکی بر کوله ویا اسیری صاحبی آزاد ایدر ایسه آزادلی صاحبک مولاسی اولور. واکا، یاخود قبیله سنه، یاخود جماعته انتساب ایلردی. مثلاً عم نبی (عباس) ک مولاسی (بنی هاشم) ایله (قریش) و (مضر) کده مولاسی عد اولنوردی. بعضاً مولی آزاد ایدن صاحبک شهرینه انتساب ایلردی. فلان (مدینه)، یاخود (مکه) اهالیسک مولاسیدر دیرلردی. عربلرده مولی اقربا کی صاییلردی. اوز قرابت قرابت صریحه و مولانک قرابتده قرابت غیر صریحه نامی ویریلردی. مولی لفظی دوست، اقربا، عمنزاده، قومشو، حلیف، اوغل، عمجه، مسافر، محب، تابع، داماد و سائرده دخی اطلاق اولندیگی کی بونلرک چوغی مجاز طریقاه مولایه ده اطلاق ایدیلردی. حقیقت حالده ایسه عربلرده موالی عتق، عقد، رحم مولالری اولق اوزره اوچ نوع ایدیلر.

### عتقه مولاسی

عتق، یاخود عتاقه مولاسی اسیر ویا کوله ایکن آزاد ایدیلن شخصه اطلاق اولتور. بر اسیری ایفا ایتدیگی مهم بر خدمتن طولای آزاد ایتک عادت ایدی. بر آدم کندی کوله سنه مثلاً «شونی یاپارسه ک حرسک» دیردی. کوله او خدمتی ایفا ایدر ایسه آرتق حر اولور و صاحبک مولاسی صاییلردی. اسلامیتک اوائلنده بر چوق دفعه کوله لر آزاد ایتک طریقله صاحبلری علیه معین و ظهیر اتخاذا ایدلکلری ایچون کوله عتقی بیوک بر تأثیر اجرا

ایلمشدی. مثال اولمق اوزره اسلاملر سکزنجی سنه هجریه ده ( طائف ) ی محاصره ایتدکاری ائنده شهری همان تمتع الفتح کورنجه حضرت نبی برمنادییه « هر هانکی کوله شهری ترك ایدر ایسه حر اولور. ولا بی اللهک و رسولک در » دییه باغیرمسنی امر ایلدی . بونک اوزرینه پک چوق کوله لر شهری ترك ایتدیلر [۱]. عتق بعضاً سائر سیدلر ایله ده اجرا اولورودی .

اعتاقی آرزو اولنان کوله لر حرب اسیری ایسه کا کللری کسپلرک سیللمری اطلاق اولورودی . کا کل هر کیمک زیر تملکنده بولنور ایسه اسیرک ولایسی انک اولورودی. حضرت نینک شاعری ( حسان بن ثابت ) ک احد وقعه سندن صکره ( هیرة بن ابی وهب ) ه جواباً نظم ایتدیکی شو بیتلر بو مدعای مؤیددر :

الا اعتبرتم بخيل الله اذ قتلت      اهل القلب ومن الفينه فيها  
کم من اسير فككنساء بلائمن      وجز ناصية كنا مواليها [۲]

مطابق : — بعضاً عتق کوله ایله صاحبی آردسنده حاصل اولان براتفاق اوزرینه بیع صورتیه وقوع بولورودی که بوکا ( مکاتبه ) نامی ویریلیردی . کوله نك بهاسی تقدیر اولنور وکوله نك بو مبلخی چالیشوب تأدیه ایدنجه آزاد اوله جغه دائر بر سنه تعاطی ایدیلیردی . بعضاً تأدیات تقسیطلره باغلا نیردی . کبار تابعیندن ( ابو سعید مقری ) جندع قبیله سندن بر آدمک کوله سی ایدی . قرق بیک درهم ایله هر قربان بیرامنده بر قربان ویرمک اوزره صاحبی ایله مکاتبه لشهرک استحصال حریت ایلدی [۳].

دها اول کورلدیکی اوزره هر کیم برکوله آزاد ایدر ایسه اوکوله نك ولایسی انک اولورودی . یعنی آزادلی آزاد ایدنه انتساب ایدر . وفاتنده آزاد ایدن اکاوارث اولور . مع مافیه بعضاً کوله نك ولایسی آزاد ایدن دکل ، مکاتبه بدلنی ویرن کیمسه عائدتی شرط اتخاذا ایدیلیردی . کذلک بعضاً عتق ( سائبه ) شکنده وقوع بولورودی . یعنی ولایسی هیچ بر کیمسه یه عائد اولماق اوزره آزاد ایدیلیردی . بر آدم کندی کوله سنه « سن سائبه سک » دیر ایسه ولایسی آزاد ایدنک اولماز و بو نوع آزادلی مالی ایستدیکی یره قویه بیلیر . صحابه دن

[۱] العقد الفرید ۲ ج ۳ [۲] ابن هشام ۱۰۵ ج ۲ [۳] المعارف ۱۰۴



واسلامده سابقیندن ( ابوحنیفه بن عتبه ) نك مولاسی ( سالم ) سائبه صورتيله آزاد ایدیلن اك مشهور کیمسه لردندی . عن اصل ( اصطخر ) دن اولان بو آدم ( ابوحنیفه ) نك زوجہ سی ( بئنه ) نك کوله سی ایدی . ( بئنه ) انی سائبه شکنده آزاد ایلدی [۱] .

آنحق اسلامیت ظهور ایتدیکی زمان ولانك آزاد ایدنك غیرینه عائد اولسنی منع ایلدی . ثقیفدن و صحابیاتدن ( بریره بنت مسعود ) ام المؤمنین حضرت ( عائشه ) نك حضورینه کیره دك مکاتبه ايله آزاد ایدلسی خصوصنده معاونتی طلب ایتمش ایدی . بدل اوله رق بش سنه ده بش تقسیطده تأدیه ایدلک اوزره بش اوقیه کموش تعین ایدلمش ایدی . حضرت ( عائشه ) : « طوبدن بوپاره یی بن ویرسم سنی صاتون آلوب آزاد ایتکلکمه وولا کی کندیجه محافظه ایلهمه صاحبلك راضی اولورلرمی ؟ » دیه صوردی . ( بریره ) صاحبلرینه کیدوب بوصورت تسویه یی کوستردی . « خیر ، مطلق ولاك بزم اوله جقدر » جوابی ویردیله . حضرت ( عائشه ) دیرکه : « حضرت رسول الله صلی الله علیه وسلم ک حضورینه کیره دك وقوع حالی عرض ایتدم . جناب نبی « سن صاتون آلدده آزاد ایت . ولا آنحق آزاد ایدنکدر » بیوردی » [۲] . فقط ولا بر دیگر شخص طرفدن صاحبندن صاتون آلتیرایسه مشتریك اولوردی . نته کیم اصحاب حدیثدن ( ابو معشر ) اولیه برحال خیرمش ایدی . مومالیه ( بنی مخزوم ) دن برقادینك کوله لکندن قورتولمق اوزره اوقادین ايله مکاتبه یامش ایدی . بدل مقرری تأدیه ايله آزاد اولدقدن صکره حمیریلردن ( ام موسی بنت منصور ) نامنده کی قادین ولاسنی صاتون آلدی [۳] .

بوندن ماعدا ( تدبیر ) دینیلن بر اصول ؛ عتق و سائطندن برینی تشکیل ایدیوردی . بو اصول کوله صاحبك کوله یه « سن وفاتمدن صکره حرسك » دیمسندن عبارت ایدی . کوله صاحبی وفات ایدنجه بوصورتله آزاد اولان کوله متوفانك عائله سنه میراث ايله برابر انتقال ایتزدی .

### عقمر مولاسی

حلف ، یاخود اصطناع مولاسی دخی اطلاق اولنان بومولالک بر شخصك

دیگر بر شخصہ ہر نہ نوعدن اولور ایسہ اولسون بر خدمت ایلہ ، یاخود مخالفہ ویا مخالطت و ملازمتلہ انتساب ایتمی و بوانتسابک عصر لرحہ دوام ایلسندن حاصل اولور . اسلامیتدن اول یثرب ( مدینہ ) دہ بولنان یہودیئر بومخالفہ ویا مخالفہ مولالرینہ بر مثال تشکیل ایدرلر . بولنر اسلامیت ظہور ایدنجہیہ قدر انصارک منسوب اولدقلری ( اوس ) و ( خزرج ) قبیلہلرینک موالیسی ایدیلر . ولالری حلف نوعندن ایدی . بویہودیئرک ولالری تاریخی اوزوندیر . خلاصہسی شودرکہ : مبحوث عنہ یہودیئر مارالذکر ( اوس ) و ( خزرج ) قبائلی ینمدن انتقال ایتمدن مقدم میلاد عیسادن بر قاچ عمر اول ( مدینہ ) یہ کلہرک اورادہ توطن ایتمشلدی . بالآخرہ قبائل مذکورہ مدینہ طرفنہ کچنجه بتون اراضی و مواشی بی یہودیئرک اندہ بولہرق یوقلق و طارلق ایلہ وقت کچیرمکہ مجبور اولدیلر . نہایت بولردن ( مالک بن عجلان ) اسمندہ بر امیر شام قطعہسندہ غسان امیریہ مدینہ یہودیئرلی ایچون استشارہ دہ بولندی . یاخود احتمال کہ مظاهرتی طلب ایتدی . بونک اوزرینہ ایکسی دہ انلرک محاربہسنہ اذاق ایلدیلر . غسان امیری مدینہ یہ کلہرک یہودیئرلہ اعلان خصومت ایتدی و نتیجہ دہ انلری . ذیل دوشوردی . یہودیئرلر آرتق بیوک بر قورقویہ زبون اولمشلدی . اوتاریخدن . اعتباراً ( اوس ) ویا ( خزرج ) قبیلہلرندن بر شخص کندیلرینہ تجاوز ایتسہ اولجہ یاپدقلری کبی تأمین مظاهرت ایچون بر برلرینہ قوشمیوب ہر بری ینہ اوقبائلدن آرہلرندہ بولندیغی قومشولرہ کیدرک حمایہ و امداد ایستردی . ایشتہ بوضورتلہ مدینہ یہودیئرلرندن ہر فرقہ ظہیر و حامی اتخاذا تمک اوزرہ ( اوس ) ویا ( خزرج ) بطونندن برینہ التجا ایتمش ایدی [ ۱ ] . مدینہ یہودیئرلی بطون مذکورہ ایلہ مولالری اولدقلرینہ دائر مخالفہلر عقد ایدیورلردی . حضرت پیغمبرک طاییلری اولان بنی النجار ، یاخود مدینہ عربلرندن دیگر بر فرقہنک مولالری کبی ہر فرقہ یہ مخصوص موالی ظہور ایلمش ایدی .

اسلامیتدن صکرہ عربلرہ موالی اولان اقوامک ولاسی علی الاکثر مذکور شکلدہ حاصل اولمشدی . چونکہ عربلر مملکتک ارباب حاکمیت و شوکتی ایدیلر . مملکت اہالیسی ایسہ خدمت ، یاخود مخالفہ و معاشرتہ عربلرہ ملازمت .

ایتدکلرندن عربلره منسوب اولورلردی. بویولده حاصل اولان رابطہ (ولاء الموالاة) نامی ویریلوردی. موالات بر شخصک دیکرینه «سن مولامسک. وفات ایدر ایسه بکا وارث اولورسک. صاغ قالیرایسه بنی مدافعه وحمایه ایلرسک» دیمسی و دیکر شخصک «قبول ایتدم» دیهرک تکلیفی قبول ایتسیله حاصل اولوردی. عربلرک هر صنفی بر صنف موالییه مالک ایدی. برمکیلر (رشید) ک، دها آشانغی طبقه دن اولان ایرانلیلر عرب امراسنک ودها آشاغلر، دها آشانغی عرب طبقاتنک موالیسی ایدیلر.

زمان جاهلیتده مولی بعضاً خرستیان، یهودی، مجوسی بولنوردی. بونده دینک تأثیری یوق ایدی. حضرت نینک برمولاسی اصلاً حبشی، دیکری یونانی، دیکری قبطی، دیکری ایرانلی ایدیلر [۱]. (عتبه بن ابی ربیع) نک مولاسی محابه دن (عداس) دخی (نینوی) اها یلسندن بر خرستیان ایدی. خرستیان اولدینی حالده (بدر) وقعه سنده بولنه رق مقبول اولدی [۲]. بالآخره اسلامیت ولایی یالکز اسلاملره تخصیص ایدی. چونکه قرآن کریمده «یا ایها الذین آمنوا لاتتخذوا الیهود والنصارى اولیاء الخ» آتی وارد اوله رق یهودی وخرستیانلردن مولی اتخا ذی منع ایدلدی. یهودی وخرستیانلر اسلامیتدن صکره «اهل ذمه» دن ضایغه باشلادیلر.

### رحم مولاسی

رحم ولاسی بر قبیله نک موالیسندن زوجه آلمقدن حاصل اولور. دولت امویه نک صوکاریه دولت عباسیه نک اوائلنده یایشن حجاز شعرا سندن (سدیف بن میمون) بوکا بر مثال تشکیل ایدر. موما الیه (خزاعه) قبیله سنک مولاسی ایدی. بالآخره بنی هاشمدن (آل ابی لهب) دن بر مولایله تزوج ایتدیکندن بنی هاشمک ولاسنی ادعا ایلدی [۳].

عربلرده ولا عمومی وخصوصی بر طاقم احکام و قواعد تابع ایدی. عمومی احکامه کوره مولی حردن آشانغی وکوله دن یوقاری عد ایدیلیردی.

[۱] ابن الاثیر ۱۵۱ ج ۲ [۲] مسعودی ۳۱ ج ۱ [۳] اغانی ۱۶۲ ج ۱۴

مولی کولہ کبی صاتیله مازدی . لکن کرک زواج ، کرک میراندہ حر کبی معاملہ ایدلمزدی . مولی حر بر قیز ویا بر قادین آلہ مازدی . مولانک دیتی صانک کولہ ایش کبی حرک دیتنک نصفی ایدی [۱] . قصصا صلردہ دخی او بولدہ معاملہ کوردہ حرک نصف جزاسیله مجازات ایدیلردی .

خصوصی احکامہ کلنجه بو ؛ ولانک نوعنہ کوردہ مختلف ایدی . بوا حکامہ کوردہ اک مهم نقطہ میراث مسألہسی ایدی . عتاق مولاسی موروث اولور ، وارث اولہ ماز . عقد مولاسی نہ موروث ، نہدہ وارث اولور . رحم مولاسی بالعکس ہم موروث ، ہم وارث اولور [۲] . هرکیم بر کولہ آزاد ایدر ایسہ آزادلینک ولاسنہ صاحب واکا وارث اولوردی . بوسیدن اکا ( مولی النعمہ ) نامی ویریلردی . رومایلر کندی آزادیلرینک ثلث میراثی ، یاخود چالیشمقدن وسائر ددن قازاندقلری پاردنک ثلثی آلیرلردی . بوندن ماعدا شاید بو آزادیلرک وارثی اولماز ایسہ آزاد صاحبیری بتون میراثہ صاحب اولورلردی [۳] .

قبل الاسلام عرب عصیتتدہ مولی بیوک بر تأثیر یاپدقلری کبی اسلامیت دورلرنده دخی مملکتدہ انقلاب وجودہ کتیرمک ، حاکمیتی بردولدن دیکرینہ نقل ایتک درجه سنہ قدر بیوک بر موقع طوتدیلر .

## زمان جاهلیتدہ اجنبی مهاجر لر

جزیرۃ العربک اک چوق اہالیسی قبائل عدنانیہ و قحطانیہ دن اولان عربلر ایلہ بونلرہ تابع اولان کولہ لر ، مولی ، حلفا و امثالندن متشکل ایدی . یونلردن ماعدا حبشستان ، شام ، عراق ، مصر ، فارس ، ہند قطعہ لرندن کلش بر طاقم حبشلی ، یہودی ، روم ، کلدانی ، ایرانی ، ہندلی وسائر ددن مرکب مهاجرلردہ واردی . بومہاجرلردن کلدانی ، سریانی وسائرہ کبی بعضلری اورالردہ تولد ویریللردن تزوج ایتدکلرندن بو صورتلہ وقوع بولان اختلاط

[۱] اغانی ۱۷۶ ج ۲ [۲] المقد الفرید ۲۶۲ ج ۲ [۳] Gibbon, s Roman

Empire II, 427



تأثیر یہ بونلرک اصل ونسب لری ضائع اولش ایدی . بعضری ده یهودیلر وخرستیانلر کبی عربلر ایله مخالفه وانلره انتساب ایدرلردی . بعضری ایسه حبشیلر ، ایرانیلر ، هندیلر کبی عربلرک کوله و موایلری زمره سنه داخل اوله رق اصللری غائب ایلرلردی . بوجھتله اسلامیت ظهور ایتدیکی زمان ( بنی قینقاع ) و ( بنی النضیر ) وسائرہ کبی بعض یهودیلر ایله روم خرستیانلر تدن آز مقدارده جماعتلر و انشاء نامیله معروف اولان ایرانیلر تدن بر طائفه دن ماعدل بتون جزیره العربک اھالیسی صرف عرب ایدی .

### انباء

انباء یمن قطعہ سنی حبشیلرک حاکمیتدن قورتاران ایرانیلرک اولاد واحفادنن متشکل ایدیلر کہ جزیره العربده مقیم ایرانلی موالیدن تمیز ایچون بونلرہ ( انباء الفرس الاحرار ) ، یاخود سادہ جہ ( انباء ) نامی ویرلش ایدی . بونلرک آبا واجدادی یمنہ استیلا ایدن حبشیلرلی مملکتدن چیقارمق ایچون کسرایہ التجا ایلین ( سیف بن ذی یزن حمیری ) ایله یمنہ کلہرک حبشیلرلی مملکتدن اخراج وکندیلرلی مقام حاکمیتی احراز ایتشلردی . ( سیف بن ذی یزن ) حبشیلرک دفندن صکرہ ایرانہ خراجکدار اولمق اوزره یمنده اون بش سنہ حکم سوردی [ ۱ ] . اثنای حاکمیتندہ تذلیل ایتدیکی حبشیلر تدن معیتہ بر طاقم خدمہ آلمش ایدی . برکون بو سیاهییلر کندیستی تنہا بریرده بولہرق انی قتل وطاقلرہ فرار ایلدیلر . ہرنہ قدر ( سیف بن ذی یزن ) ک آرقداشلری بونلری تعقیب ایله کافہ سنی قتل ایتدیلر سده عربلر تدن بر حکمدار انتخاب ایدلمدیکندن مذکور قطعہ اسلامیتک ظهورینہ قدر بسبتون ایرانیلرک حاکمیتی آلتندہ قالدی . اسلامیت ظهور ایتدیکی زمان یمن ایران قوماندانلر تدن بری ( فیروز دیلمی ) ، دیکری ( راذویہ ) ناملر تده ایکی والینک حاکمیتی آلتندہ بولنیوردی . بونلرک ایکسی ده اسلام اولدیلر .

یرلی اھالینک مظاہر تیله حبشیلرلی یمندن دفع ایدن ایران عسکری مذکور قطعہ ده توطن ایتدکلر تدن اورادہ ازدواج و تناسل ایلہرک بالادہ

بیان ایتدیگمز اوزره (ابناء) نامنی آلان اولاد و احفادی وجوده کتیردیلر. اعلام تابعیدن (طاوس بن کیسان) ، (وهب بن منبه) ، شاعر (وضاح الیمن) و سائر صدر اسلامده بو اولاد و احفاددن اشتهار ایدنلردن ایدیلر. شام ، عراق ، جزیره قطعه لرنده دخی بوکی ایرانیلر موجود ایدی . بونلره بعدالاسلام بولندقلری محارک اختلافی حبیله مختلف اسملر ویرلمش ایدی . یمنده بولسان ایرانیلره بالاده کورلدیکی اوزره (ابناء) دینلیدیکی کبی بالخاصه (صنعا) ده بولسان ایرانیلره (بنی الاحرار) ، کوفه ده کیلره (احمره) ، بصره ده کیلره (اساوره) ، جزیره ده کیلره (حضارمه) و شامده بولسان ایرانیلره ده (جراجه) اسملری اطلاق اولنوردی [۱]. (ابناء) ظهور اسلامیت صرهنده بیوک بر دور ایفا ایتشلردی. بونلر اسلاملرایچون عسکر اوله رق اسلامیه نصرت و مظاهرت ایشار و عرب اولیان سائر اسلاملردن موالیکنک غیری اولقله ممتاز بر موقعده قلمشلردی.

### زمان جاهلیتده د لنگ سیاستی

یمنده تأسس ایدوب بمحمره داخل اولیان تبایعه دولترلندن ماعدا عربلرک بللی باشلی بر دولتلری یوق ایدی. بناء علیه بو بوشده عربلرده کی سیاست دولندن مقصدیمز ملل متمدنده جاری اولان قوانین اداریه و سیاسییه و دولیه یرینه عربلرده روابط سیاسییه و آداب اجتماعیه ننگ محافظه سی ایچون نه کی احکام و معاملات جریان ایتدیکنی آکلامقدن عبارتدر .

عربلرده ریاست ویا امارت عصیت و نفوذ اصحابنه مخصوص ایدی ؛ عینی عصیت و نفوزده ایکی ویا ده ا زیاده اشخاص بولنور ایسه الک زیاده باشلی اولان ترجیح اولنوردی . عربلرده (شیخ) کله سنک هم اختیار ، هم رئیس هر ایکسینه بردن دلالت ایتمی ریاستده اختیارلغی ده آرادقلردن نشأت ایاش ایدی . رئیس انتخابنده هر هانتکی سبیدن اولور ایسه اولسون مشکلاته دوشولور ایسه قرعه اصولنه توسل اولنوردی . کذلک برقچ قبیله محاربه اجرایی ایچون معاهده عقد ایدرک عموم ایچون بر رئیس انتخابی لازم کنجه موجود اولان

رۇسا آرەسندە قرە چكىلىردى. قرە كىمە اصابت ايدرايسە رۇس او اولوردى. عربلردە اكثرىتى تشكىل ايدن بدويلردەكى حال حكومت ايشتە بوشكلدە ايدى. مكەدەكى عرب شەرلىلرئىنە كلنجە بونلردە رياست كعبە سادىنە (خادىمە) مخصوص ايدى. بونلر كى شكل و مناصب حكومتى برنجى جلدە ذكر ايلدىك .

زمان جاهلىتدە هر قىلەدە شرف و رياستلە تمىز و تخصص ايتىش برطاقم خاندان عائلەلر وار ايدى . قريشدىن ( هاشم بن عبد مناف ) عائلەسى ايله قىسدىن ( آل حذيفە بن بدر فزارى ) ، تيمىدىن ( آل زرارە بن عدى ) ، شىباندىن ( آل ذى الجدىن بن عبدالله بن همام ) ، يمن قبائلىدىن اولان بنى الحارثدىن ( بنى الرىان ) عائلەلرى او يولەدە خاندانلىق و رياست ايله تمىز ايدن عائلەلردن ايدىلر. بونلر كى سائر افراد قىلە اوزرىنە تمىز ايتىسى آبا و اجدادىدىن لا اقل اوچ كىشىنىك بربرىنى متعاقب رياستى احراز ايلسۇدىن ايلرى كلىش ايدى . بو خاندان عائلەلر كى منسوب اولدقلىرى قبائلك افرادى اوزرىنە پك بىوك برنفوذلى واردى . اسلامىتك ارباب سياست و درائىتى مناصب توجىپەندە بونفوذى نظر دقتە آليورلردى . بوكا دليل اوله رق عزادە نى ( ابن عباس ) حضرت علىنىك مخدمى حضرت ( حسن ) : « خاندان عائلەلردن مأمور نصب ايت كە عشيرتلىرىنىك احوالى ايلشسۇن » دىيە توصىە ايتىش ايدى .

بدوى برامير بر حاكميت مطلقە ممالك او مقلە برابر پك آزمىستبدانە حركت ايدر و على الاكثر اطرافدە بولان اركان و خواص ايله استشارەدە بولنوردى . بونوع امرا كىزنوب صاقلانمازلر و كىمسەنى خوار و حقير كورمىزلر . يوقارى ، آشاغى هر هانكى صنفدىن اولور ايسە اولسون خلق ايله برآرەدە او طورلر . تفخيم و تعظيم ، دالقا و وقلق القابنى بىلمىزلر . بر بدوى كندى اميريله قونوشمق اىستر ايسە اسمى ايله خطاب ايدر و بر طلبى وار ايسە عزت نفس و استقلال شخصىيە ، يا خود بداوتە مخصوص اولان استكاف و امتناع حرىتكارانەيە دال عباردىلر ايله انى طلب ايلردى . بونكلە برابر احوال بداوتدە سن و نسب بر نوع القاب توليد ايدىيوردى . امير رعاياسىنە توجىە خطاب ايتمك ايستەد كجە القاب تكريمدىن اولمق اوزرە مخاطبك شخصە كوره پدر ، عمجە ، طابى ، اوغل ، برادر زاده سوزلرئىنى استعمال ايلردى . عربلر صدر اسلامدە بو حالدە دوام ايتدىلر . خليفەيە لقب استعمال ايتمك سىزىن مجرد

اسمیلہ خطاب ایدرلر و امور حکومت حقندہ ایستدکلری کبی کندیسندن حساب صورارلردی . فقط بالاخرہ طریق مدنیتہ کیرنجہ خلفا پردہ و دیوار آرقہ سنہ چکیلرک تکبر وعظمت طریقی التزام ایتدکلرندن محکوم ایلہ حاکم آردسندہ کی مسافہ توسع ایلدی .

## جاہلیتہ عربلرک منقبی


### وفادارلر

بونکہ برابر عربلر ارتکاب سیئاتہ مانع و حاکمک حکمندن مستغنی قیلان بر طاقم مناقب جمیلہ ایلہ مفظور اولدقلرندن رؤسا و حکامہ پک چوق محتاج اولمازلردی . یومناقبک سرفرازی وفادارلق ایدی . وفادارلق بر ملتدہ برلشیر ایسہ او ملتی حکامک حکمندن مستغنی قیلار . زیرا حکومت وفادارلق بیلمین کیمسہلر ایچون لازمدرد . عہدہ وفا عر بلردہ بر خلق فطری ایدی . بر عرب چولہ طوغری شہرلردن نہ نسبتدہ اوزاقلاشیر ایسہ وفادارلقدہ او نسبتدہ فضلہ ایلری کیدر . چونکہ غدارلق وعہدہ وفاسزلق مفرح باغچلردہ طرح ایدلمش مدبذب کوشکلردہ یاشار .

وفادارلق چول خلقک سوزلرندہ ، ضروب امانلدہ ، عادات و اخلاقندہ ، ہر نوع افعال و حرکاتندہ جلی کورولور . بوزلردہ بو مزیت برسجیہ فطریہدر . سائلردہ ایسہ تصنع و تکلفدر . ( طی ) قبیلہسندن ( حنظلہ بن ابی عفرا ) ایلہ ۶۰۴ سنہ میلادیہسندہ وفات ایدن ملوک مناذرندن ( نعمان بن المنذر ) آردسندہ کذران ایدن وقعہ بو وفادارلغہ الک پارلاق بر مثال تشکیل ایدر . ( نعمان ) بر حادثہدن طولایی سنہدہ بری یوم برکت ، دیکری یوم نحوست اولقی اوزرہ ایکی کون تخصیص ایتمش ایدی . یوم نحوستدہ ایلک کوردیکی آدمی قتل ویوم برکتدہ ایلک تصادف ایتدیکی آدمہ ایسہ یوز دود احسان ایلردی . ( حنظلہ ) بو حالدن بی خبر اولہرق زیارت و احسان و معاونت طلب ایتک ایچون ( نعمان ) کیدر . و بالتصادف او نحوست کونندہ ( نعمان ) ک ایلک کوردیکی آدم اولور . ( نعمان ) کندیسنی قتل ایتک ایستر . ( حنظلہ ) چوجقلرینک



آج طور دقلرندن بخٹله انلری کورمک و استقبالیلری بر یوله قویق ایچون بر سنه امهالنی طالب و مهلك خنامنده عودت ایده جکنی تمهد ایلر. (نعمان)



عرب آثار مہاریہ سندن طایطلہ ده بر تپو

کندیسندن کفیل ایستر. (حفظله) نعمانک ندیمی اولان (شریک بن عدی) نی کفیل کوستریر. (شریک) بدویلرک عہده وفادارقلری بیلیدی ایچون کندی حیاتی تہلککیه آتہرق بو کفالتده بولنور. (حفظله) وقت معین حول

ایدنجه هیچ بر عسکر وضابطه طرفندن تحری و سوق ایدلدن کندی کندیته کلوب تسلیم نفس ایلر. (نعمان) بودرجه عهده وفادارلغه قارشی مندهش اوله رق (حفظله) یی عفو ایدر. و او عادت سینهدن واز بکیر. بوسر گذشت یک زیاده مشهوردر [۱].

زمان جاهلیته محکم بر موقعه اقامت ایدن رؤسای عربدن موسوی (سموأل - صموئیل - بن عادیا) نك كوستردیکی وفادارلق ده اندن ده از زیاده حیرت آورددر. شاعر شهیر (امرؤ القیس) بیو ك قیمتده یولنان اسلحه و امتعه سنی مومالیه تودیع ایدرك روم ممالکنه کیتمش و اوراده وفات ایلش ایدی. (کنده) امیری (سموأل) ه خبر کوندیرر، اسلحه و امتعه یی ایستر. (سموأل) تسلیم ایتمز. امیر اصرار ایدنجه (سموأل) : « امانت تودیع اولنان بر مالی ویره م. خیانت و وفاسزلق ایده م » جوابی ویریر. (کنده) امیری عسکر کوندیرر، (سموأل) ك قله سنی محاصره آلتنه آلیر. اثنای محاصره ده تخلصه (سموأل) ك اوغلی امیرك الله اسیر دوشر. امیر؛ اوغلی اولدوره جکندن یخله (سموأل) ی تهدید ایدر. (سموأل) : « خیانت و وفاسزلق ایله یدنام اولمغی قبول ایتم. هر نه ایستر ایسه ك یاپ » جوابی ویریر. کنده امیری معصوم چو جنی پدرینك کوزی اوکنده قتل ایدر. محاصره دن فائده کورمینجه یراقوب کیدر. (سموأل) ایسه وفادارلق اغورندد بو فلا کته تحمل ایدرك بالآخره اسلحه و امتعه یی (امرؤ القیس) ك وارثلرینه تسلیم ایلر.

برملتده بوکی مناقب و اخلاق بولندبجه اوملت قوانین و نظامات وضابطه یه یک آز محتاج اولور. باخصوص بومناقبه علو همت، صفوت وجدان، مذلته عدم تحمل، ساحت و کرم، سینتدن نزاهت کی مزایای ده علاوه ایدرایسه ك.. ایشته شوذ کر ایتدی کمز مزایا چول خلقك متصف اولدقلری مناقبدن ایدی.

### مبار (قومشواوه و ملیتی صمایی حقوقی)

عربلرده قومشولق حقوقی عهده وفا و حقوق پرورلك کی مقدس و واجب الرعایه عد اولنور. بر بدوی کندی حیاتی حمایه و محافظه ایتدیکی قدر قومشوسنی

حمایہ و محافظہ ایدر۔ اساساً قومشولق حقوق ، یعنی انسانک کنديسنه يقين بولنالري محافظه ايتمى تعاون طبيعى مقتضياتنددر . يقين يقينه معاونت ايلر ، بوبك طبيعى برشيدر . حتى مشهور سوزہ كورہ : « يقين قومشو کہ اوزاق برادرکدن زياده اهميت وير » ديرلر . لکن عربلر بوخصوصده پک زياددايلري کيدرك جلهسى حمایہ و محافظه معناسنه اولمق اوزره « اجاره » ، « استجاره » ، « جوار » کلهلرينى اشتقاق ايتشلردى . حال بوکه « جار » کلهسى لغه او معنالك ضدي افاددايدر . عربلرده « جوار » کلهسى على الاطلاق حمایہ و صيانت ايچون استعاره ايدلمش ايدى . برکيمسه باشنه کلهجک بر قنالقدن قورقهرق حمایہ ايددهجک بر آدمک زرينه کيدر واکا « اجرني - بنى حمایه ايت » ديه رک حمایهسى آلتنه کيرر ايسه حامى هر درلو قوت و نفوذيله انى حمایه ايلردى . ايلک اسلام مهاجرلري حبشستاندن عودت ايدنجه مشرکينک انتقامندن قورقهرق يا کيزليجه ، ياخود اويله برحمایه آلتنده مکيه داخل اولمشلردى . حضرت (عثمان بن عفان) ابواحيحه سعيد بن العاص بن اميه نك ، (ابوحذيفه) کندی پدرينک ، (عثمان بن مظعون) دخى (وليد بن المغيره) نك جوارلرينه التجا ايتشلردى [۱] . بعضاً کنديسنه التجا اولنان آدم ملتجى ي صيانت ايتمک ايچون کندی خانهسى خلقي واقربا و تعلقاتى تهلكيه قوردى ده ملتجى ي قورتايردى .

مشهور التجالردن اولمق اوزره مشاهير شعراى جاهليه دن (اعشى) زمان نبويده يمن و نجران جهتلرنده ادعاى نبوت ايدن (اسودعنى) ي مدح ايدرك اندن البسه فاخره و عنبردن مرکب برطائم هدايا آيلر . انسانى عودتنده (بنى عامر) قيلهسى يوردرلردن کچر ايکن صويولمقن قورقديغندن اشراف بنى ربيعهدن و صحابه دن (علقمه بن علائه العامرى الکلابى) يه التجا ايدر . (اعشى) علقمه يه : « بنى حمایه ايددهجکيميسک ؟ » ديه صورار . (علقمه) : « اوت ، حمایه ايددهجکم » جوابى ويرير . (اعشى) : « جنيئر و انسانلردن حمایه ايددهجکيميسک ؟ » ديه صورار . علقمه : « اوت » جوابنده بولنور . اعشى : « اولومدن ده حمایه ايددهجکيميسک ؟ » ديه صورنجه (علقمه) انسانى اجل مقدردن صيانت ايتمک قدرت بشر فوقده بولنديغنى نظرتأمله آلهرق : « خير » جوابى ويرير . اعشى اورادن صاووشهرق کذلک صحابه دن (عامر بن طفيل بن

(الحارث) ه کيدر. اکا: « بنی حمایه ایدہ جکمیسک؟ » دیہ صورار. (عامر)  
 « اوت » دیہ رک التجاسنی قبول ایدر. (اعشی): « جنیلر و انسائردن بنی  
 حمایه ایدہ جکمیسک؟ » دیہ صورار. عامرینه: « اوت » جواخی ویریر.  
 (اعشی): « موتدندہ بنی حمایه ایدہ جکمیسک؟ » تکلیفی سردایدر. (عامر)  
 بوکادہ « اوت » دیر. (اعشی): « بنی اولومدن نصل حمایه ایدہ بیله جکسک؟ »  
 دیہ صورنجہ (عامر): « شاید جوارمده اولورایسک دیتی عائلہ که کوندریرم »  
 جواخی ویریر. بونک اوزرینه (اعشی): « حقیقه بنی حمایه ایدہ جکمیسمدی.  
 آکلادم » دیہ رک حمایه سنی قبول ایلر [۱].

بر آدم دیگر بر آدمه التجا ایتک ایچون چادریتہ واروبده انی چادرده  
 بوله ماز ایسه اثوابک براوجنی چادرک ایپنه باغلامسی کافی ایدی. ملتجی بونی  
 یاپارایسه چادر صاحبک حمایه سنی کسب ایدردی. بحیر ملتجی بی حمایه وصیانتہ  
 وجوقتی مطالبه ومدافعه یه مجبور دوشردی [۲].

عربلرده جوارک نه قدر مقدس ومرعی طوتولدیغنی کوسترن وقوعات  
 جمه سندن اوله رق مشار الیه (عامر بن الطفیل) وفات ایتدیکی زمان قیله سی.  
 اولان (بنی عامر) کندیسنک حال حیاتندہ جوار حقوقی نه درجه تقدیس  
 ایتدیکنی کوسترمک ایچون قبرینک اطرافنده بر میل مسافه یه قدر اولان یرلری  
 دیرکار ایله تحدید ایدرک اورالرده مواشی امرار ورعنی وکرک پیساده، کرک  
 سواری اولسون انسانلرک مرورینی منع ایلمش ایدی [۱].

جوار واستجاره حقوقی عربلرده - بلاد مفتوحده اقوام سائرہ ایله  
 اختلاط ایدنلر مستتی اولمق اوزره - بعدالاسلام دخی دوام ایلمش ایسه ده  
 دولتک تأیید حاکیتی غیرتی بو حقوقی ضعفه اوغراتمش ایدی. عرب ارباب  
 نقوذی اسلامیتدن صکرده دولتک اعظم رجالی اولمشلردی. ملتجیلر ایسه بونلردن  
 برینک علینه دیکرینه التجا ایتک ایستلردی. رؤسا بریری علینه ملتجی  
 قبول ایتکی مناسب کورمیورلر ایدی. بوتاریخندن صکرده ملتجی ارباب نقوذدن  
 برینه التجا ایدر ایسه « بر انسانک کندی قیله سی علینه التجاسی قبول اولنور.  
 فقط سلسانی علینه التجا قبول اولماز » دیہ رک رد اولونوردی. دور اموی  
 اوائلنده یتیشن آتشربان شعراذن (یزید بن ربیعہ بن مفرغ) دولت امویہ



اعظم رجالدن خراسان والیسی ( عباد بن زیاد ) ایله پدری ( زیاد بن ابیه ) یی شدتلی هجولر ایله هجو ایتدکدن صکره کرک ( عباد ) ، کرک برادری عراق والیسی ( عبدالله بن زیاد ) ک انتقامندن قورقهرق بصره والیسی کبار تابعندن ( احنف بن قیس ) ه التجا ایتک ایستدی . ( احنف ) عزل اولمقدن قورقهرق التجایی قبول ایتدی . « قبیلهم بنی سعددن سنی حمایه ایده بیلیرم . امیرم علیه ایسه کیسه بی حمایه ایدم » جوانی ویردی . ( ابن مفرغ ) عرب اعیان و اکابرندن دیکرلرینه دخی کیدرک عرض دخالت ایلیش ایسه ده عینی سبیدن طولانی دخالتی قبول ایدلماشدی [۱] .

### اریحیه ( بیوکک و عالیجنابلار )

عربلرک کرم و سخا و اییلکده و سائرده نجوت و معاونتده بولمقدن حظ و فخر طویق دیمک اولان اریحیه اخلاقی ایله اتصافلری کندیلرینی قوانین قهریه و قوه حاکمدهن مستثنی قیلمش ایدی . بو اخلاق عصور جاهلیه بدویهک ، یاخود او قیلدن اوله رق فرنکلرک Chevalerie دیدکلری فروسیت احوالک ایجابات طبعیه سندن صاییلر و شیجاعت و اقدام ، کرم و سخا ، حسن صیت ایله تفاخر حسنندن تولد ایدر . سخا ، بیوکک ، عالیجنابلقدن حظ طویق عرب اخلاقده عظیم بر موقع طوتمش ایدی . چونکه عربلر وسعت خیال ، رقت حس ، سرعت تأثر ایله مفظور ایدیلر . بر بیت ایله هیجانه ، ینه بر بیت ایله حال سکونه کلیرلردی . بعضاً بر کله قبائی آیاقلاندیریوردی . بعضاً بر عرب دوشوندیکی بر کله بی سویک ویا دیکرینه بر سوز سویلتمک اغورنده حیاتی فدا ایدردی . ایشته بوسیه مبنی عربلرده خلقک اجتماع ایتدیکی ایام مخصوصده ، یاخود سائر اجتماعکارلرده محاسن و فضائلک ویا سیئات و معایبک اظهارینه خادم اولان مفاخرات و مباهلاتک انواعی چوغلمش ایدی .

عربلرک جو مردلک ، علو همت کبی دها پک چوق منقبه لری وار ایدی که بو موضوعمه تعلق ایتمز .



## خلفای راشدین دورنده دولتک سیاستی

۱۱ سنه سندن ۴۱ سنه سنه قدر

اتحاد اسلامی

دها اول کورولدیکی اوزره عربلر زمان جاهلیتده عصیت ایله احراز  
تقدم و رجحان و انساب ایله اعلان فخر و مباهات ایله کچنهرک تفرقه ایچنده  
بولنور ایکن اسلامیت انلری انساب و مقرلرینک اختلافه رغماً بر دائره  
اتحاد داخلنه آلهرق عمومنی یکوجود بر شکله افراغ ایلدی . یمنلی حجازلی  
ایله ، مضری حمیری ایله وسائر سائر ایله قبائل ، بطون ، افیاض مفاخراتی  
ایله ادعای تقدم و رجحان ایدیوردی . اسلامیت بونلرک جمله سنی « اسلام »  
لوای اتحادی آله طوبلادی . حضرت نبی عموم اسلامره خطاباً : « المسلمون  
اخوة » دیه رک بین الاسلام قانون اخوتی اعلان ایتدیکی کبی مکئک یوم  
فتحنده القا ایلدیکی نطقده دخی : « ای قریش خلق ! جناب حق سزدن  
نخوت جاهلیتی ، جاهلیتک آبا و اجداد ایله تمظمی ازاله ایلدی . عموم انسانلر  
حضرت آدم دندر . حضرت آدم ده طور اقدندر » دیمشلردی [۱] . حجه وداع  
نطقنده ده : « ای ناس ! اللهکز بردر . باباکز بردر . هیکز آدمک  
اولادیسکز . آدم ایسه طور اقدندر . اللهک نزدنده اک مرجحکز اک زیاده  
تقوی صاحبی اولانلرکزدر . هیچ بر عرب اک اولمیانه تقوی و صلاحدن  
بشقه بر رجحان و امتیازی یوقدر » بیورمشلردی [۲] .

حضرت نیدن صکره خلفای اولین وبالخاصه حضرت ( عمر بن الخطاب )  
جناب پیغمبرک بویولده کی اثرینه اقتفا ایلدیلر . غسان امیری ( جبلة بن الایهم )  
اسلام اولدقدن صکره برکون کعبده طواف ایدر ایکن بنی فزاردهن بر آدم  
انک ازارینه ( فوطه سنه ) باصره قازار چوزولور . ( جبلة ) فزاری یه بر  
شمار آتار ، بروتی قیزار . فزاری حضرت عمره شکایت ایدر . جناب فاروق  
( جبلة ) یه مضروبی ارضا ایتسنی اخطار و عکس حالده مضروبک بالمقابله ..

برون قیرمغہ حقی اولہ جغنی بیان ایلر . جبہ : « بونصل اولور ؟ اوآحاد ناسدندر . بن ایسه امیرم » دینجہ حضرت عمر : « اسلامیت انکله سنی مساوی قیلدی . تقوی وصلاح و عافیتدن بشقه انک فوقنده بر یرک اولہ ماز » جوابی ویریر . ( جبہ ) بو حکمہ تحمل ایتمه رک روم ممالککنه فرار ایدر [۱] .

بوندن آکلاشیلورکه اک بیوک رابطہ اتحاد اسلامیت ایدی . بونکله برابر عربلر اسلامیتک رکن اصلسی عد ایدلدکلری ایچون کندیلرینه سائر اقوام اسلامیہ نک فوقنده بر موقع امتیاز ویرلمش ایدی . حضرت عمر عربلر ایله اسلامیتک اصل ومنبعی صاییلان چول عربلرینه حرمت و رعایت اولنسنی توصیه ایتدیکی کبی [۲] « صاقین عرب اولیانلرک اخلاق ایله متصف اولیکز » دییه عربلقدن اوزاقلاشمقدن ده تحذیر ایش ایدی . فی الحقیقه اسلامیت عرب اولیانلرعلینہ عربلری توحید ایدن بر انتباه عربیدن بشقه بر شی دکلدی . حضرت عمر عربلری عرب اولیانلره ترجیح ، فضله مزیت صاحبی عد و عربلردن جاریه و اسیر آلمسنی منع ایدن ایلمک خلیفه ایدی . « جناب حق عربلره بونجه اعاجم ممالکنی فتح ایله بخش ایتدیکی حالده عربلرک یکدیگرلرینی اسیر اتخاذا ایللری پک چرکیندر » سوزلری مشارالیهک جمله اقوالندن ایدی . حضرت عمر زمان جاهلیتدن کنسدی دورینه قدر عرب اولیانلرک نزدنده عرب قومندن نه قدر جاریه و اسیر وار ایسه « لاسبأ فی الاسلام - اسلامیتده اسارت یوقدر » حدیث شریفنه تبعاً فدیہ ویردرک جمله سنی تخلص ایش ایدی [۳] .

حضرت عمر عرب اولیانلردن هیچ برکیمسه بی مدینه یه ادخال ایتزدی [۴] . جزیره العربک عرب اولیانلردن تخلیه سی مقصدیله ( خیبر ) جهتلرینی اسلاملر آردسندہ تقسیم و یهودیلری اورادن اخراج ایدن کنیدیسی ایدی . کذاک عین مقصدله ( وادی القری ) بی ده اسلاملر آردسندہ تقسیم و ( نجران ) یهودیلرینی ( کوفه ) یه اجلا ایش ایدی [۵] . خلیفه مشارالیه اتحاد عربی یه پک زیاده اهمیت ویردیکی ایچوندرکه عصیتلری ضائع اولماق مقصدیله عربلره نسلرینی محافظه ایتلرینی توصیه ایدر و بویولده انلره توجیه ایلدیکی وصایا

[۱] اغافی ۴ ج ۱۰ ، [۲] ابن الاثیر ۲۵ ج ۳ [۳] ابن الاثیر ۱۸۶ ج ۲

[۴] مسعودی ۲۹ ج ۱ [۵] ابن الاثیر ۲۸۰ ج ۲

میاننده : « نسبکزی او کونکیز . برندن اصلی سؤال اولنسه فلان کویدم  
دین سواد قطعه‌می انبالی کبی اولیکیز » دیردی [۱] .

### اتحاد عربی


حضرت عمر اتحاد عربی‌یه و جزیره العربی عربلره تخصیصه پک زیاده  
حریص و طرفدار اولمقده برابر اسلام عربلری شام و عراق قطعه‌لرنده اقامته  
دخی تشویق ایش ایدی . مشارایه عربلره : « حجاز سزه آنجق اوتلاق  
آرامق ایچون بر مقرر اوله بیلیر . جناب حق کتاب میننده سزی صاحب  
قیلمغی وعد بیوردینی ممالکده انتشار ایدیکنز » دییه توصیه ایدردی [۲] .  
چونکه شام و عراق قطعه‌لرنده دخی عربلر واردی . اسلام عربلر انتشار  
ایدنجه بوراده کی عربلر ایله برایشه جککلر و یکدیگریکنک ظهیر و معینی اوله جقلردی .  
عراق قطعه‌سینده بولان عربلر اوتدن بری ایرانلیلردن کوردکلری مظالم  
و تعدیادن ایرانلیلره دشمن کسلمشلردی . کرک عراق ، کرک شام عربلری  
خرستیان ایدیلر . بولنر اسلام عربلری کورنجه اختلاف دیانتیه باقیه رق  
سومشلر و عصیت قومیه سوقیه انلره ظهیر اولمشلردی . بالخاصه عراق  
عربلری ایرانلیلرک علیه اسلاملر ایله برلکده حرب ایدرک دشمنک ضعیف  
تقطه‌لرینی اسلاملره اراه ایلدیلر . از جمله ( ابو زید طائی ) خرتیان اولدیغی حالحه  
آنجق عرب عصیتی سائقه سیله جسر وقعه‌سینده عربلر ایله برلکده حرب  
ایدرک مقتول اولدی . کذلک واقعه البوب کونی نمر قبیله‌سی امیری ( انس بن  
هلال ) ایله قبیله‌سی اولان بنی نمردن متشکل بر جم عظیم خرتیان اولدقلری  
حالحه اسلاملرک نزدینه کلشلر و « کندی ملتیز ایله برلکده محاربه ایده جکیز »  
دیبه رک ایرانلیلرک علیه حربه اشتراک ایشلردی [۳] . کذلک ( تغلب )  
و سائر قبائل عربیه عیسویه دین و مذهبدن صرف نظر محضاً عصیت عربیه  
سوقیه اسلاملر ایله برلشهرک یان یانه حرب ایتمشلردی .

شام و عراق عربلری محاربه‌لرده اسلاملرک ظهیری اولدقدن ماعدا پک  
چوق دفعه انلره یول اوکرده دیرلر ، نصیحت و یریرلر و دشمنک احوال

[۱] ابن خلدون ۱۰۹ ج ۱ [۲] ابن خلدون ۱۱۲ ج ۱ [۳] ابن الانیر ۲۱۵ ج ۲




وحرکاتی اخبار ایلرلردی . صحابهدن ( ولید بن عقبه ) روملرک اوزرینه



اندلسده الحمرا سراينده يوكسك قاتده كي ابي همشيره سالوننك بر طرفي

غزايه چي قمش ایدی. روملر ايله حربہ طوتوشديغی صمرده خرستيان بر عرب

انك نزيهه كله رك كنديسنه : « بن سرك دينكز دن دكلم . فقط آره مزده بولنان نسب و وحدت مليه سوقيه سزه نصيحتد، بولمغني وظيفه عد ايدرم .



عرب مصنوعاتندن طونجندن معمول كوش مينالي برماصه

روملر اوكله يه قدر سركله حرب ايده جكاردر . سزده ضعف كوررلر سزه  
مخوكزه يورويه جكار و بالعكس صبر و متانت كوررلر ايسه سزي براقوب.



قاجہ جقلردر . اکاکورہ تدبیری طاورانیکز « سویش و بو نصیحت پاک  
قیمتدار فوائد تأمین ایش ایدی [۱] .

ایستہ حضرت عمر بو رابطہ بی بیلدیکی ایچون اسلامری شام و عراق  
قطعه لرینک فتحه تشویق وائناى فتوحاتده عرب خرستیانلرینک اسلامله  
وقوع بولان مظاہرت ومعاونت لرینی تقدیر ایش ایدی . اسلاملر ( اهل ذمه ) ،  
یعنی عرب و اسلام اولیان اہالی اوزرینہ جزیه وضع ایتمک ایستدکلری زمان  
خرستیان مذهبده بولنان ( تغلب ) ، ( ایاد ) ، ( نمر ) قبائل عربیہ سی اوزرینہ ده  
جزیه طرح ایتمک ایستہ مشلردی . فقط قبائل مذکورہ جزیه اعطاسندن  
استکاف ایلدیلر . بو استکاف حقتده حضرت عمرہ معلومات ویریلنجہ  
مشارالیه اصحابی طوپلایہ رق استشارده بولندی . مستشارلردن بری : « بولر  
عربدر . جزیادن استکاف ایدرلر . شدتلی وخصومتلی آدملردر . کندیلرینی  
کوجندیره رک عرب اولمان دشمنلرک اندہ آلت اولملرینہ باعث اولمق جائز دکلدلر »  
مطالعہ سنی بیان ایلدی . مطالعہ واقعہ حضرت عمرک حسیات ذاتیہ سنده موافق  
کادیکندن کندیلرندن طوغه حق چوجقار خرستیان یاہلماق شرطیہ عینی  
اسلاملر کبی انلرک اوزرینہ یالکز صدقه فرض اولمقلاہ اکتفا ایلدی [۲] .  
حضرت عمر بو شیلرک جملہ سنی اتحاد عربی بی محافظہ ایچون یاہلی  
واجب بر وظیفہ عد ایدیوردی . مشارالیه ( ولید بن عقبہ بن ابی سفیان )  
عراق والجزیرہ بی فتحہ کیتدیکی زمان اورالرده بولنان خرستیان سرب قبائی  
کندیسنہ التحاق ایتمش ایسہ ده یالکز ( ایاد ) قبیلہ سی ترک دار ایدرک روم  
مالکسنہ التجا ایش ایدی . ( ولید ) کیتتی حضرت عمرہ یازدی . حضرت  
عمر روم حکمدارینہ شو نامہ بی کوندردی : « آلدیغم معلوماتہ کورہ عرب  
قبائلندن بری مملکت می ترک ایله طرفکزه کچمش . اللہ قسم ایدرم کہ اگر  
او قبیلہ بی کندی مملکت کزدن چیقاروب بزه اعادہ ایتمز ایسہ کز بزدہ بولنان  
بتون خرستیانلری مملکتدن اخراج وسزه ارسال ایلرز » . بونک اوزرینہ روم  
پادشاهی مذکور قبیلہ بی مملکتندن چیقارمغه مجبور اولدی [۳] . حضرت  
عمرک بو قبیلہ بی فرط اعتنا ایله آرامی ده اتحاد عربی حقتده کی فکرینہ  
بر دلیل تشکیل ایدر .

## روی زمینه انتشار

حضرت عمر اتحاد عربینک توسیعنه خدمت و بواتحادی روملر و ایرانلیلرک علیهنه قوت و ظهیر اتحاد ایلک اوزره عربلری شام و عراق قطعهلرینک فتحنه تشویق ایتیش ایسهده ده اوتوده بولنان ممالکی فتحه آنجق عجرتک اون دردنجی ویا اون سکزنجی سنهسنده مساعده ایش ایدی. فتوحاتک بوصورتاه توسعه «روی زمینه انتشار» نامی ویرلشدر. اسلاملر اوتاریخنه قدر نائل اولدقلری مظفریات و غنائم نشوه سیله نشوودار اولهرق ممالک مفتوحهک اوتهسنده بولنان ممالکیده ملک اسلامه ضمیمه ایتک ایستیورلردی. فقط حضرت عمر دن بونک ایچون مساعده طلب ایتدجکه خلیفه مشارالیه مأذونیت ویرمیوردی. مصرک فاتحی (عمرو بن العاص) ده اول جاهلیت دورنده مصری کوروب آکلامش ایدی. شام و عراق قطعهلری فتح ایدیلنجه مشارالیه حضرت عمرده کله رک مصرک فتحه تشویق و ترغیبده بولنش و «اک زنگین وخریدن عاجز اولان بوقطعه فتح اولنور ایسه اسلاملر ایچون قوت و معین اولور» دیش ایدی. حضرت عمر اول امرده بوکا موافقت ایتامش ایسهده (عمرو بن العاص) طرفدن امرار وقوع بولسی اوزرینه کال تردد ایله فتحه موافقت ایتدی. (عمرو بن العاص) یوله روان اولهجنی سردلرده حضرت عمر اکا: «کیت، موفقیتکی اللهدن دیلم. یولده ایکن سکا مکتوبم کله جکدر. مصره داخل اولدن مکتوبمی الیرده مکتوبده مصردن واز کچ امرینی کورر ایسهک فتحدن واز کچرسک. مکتوبمی آلمدن اول مصره داخل اولمش بولنور ایسهک او حالد ایلری کیدرک اللهدن نصرت و موفقیت دیلرسک» ویتنده بولندی. (عمرو بن العاص) حضرت عمر دن رجعه دائر مکتوب کلمسندن قورقهرق معیتدهکی آدملر ایله برابر کال سرعتله قطع مراحل ایتیش و (عریش) ده یقین و مصرک حدودی خارجنده بولنان بر بلدهیه واردینی زمان حضرت عمرک مکتوبی کننسینه یتشمش ایسهده غازی مشارالیه یوله دوام ایدرک مکتوبی آنجق مصر حدودی داخنده بولنان عریشه واصل اولنجه آچوب او قومشدر. حضرت عمرک مکتوبی شو مألده ایدی: «بسم الله الرحمن الرحیم. (خلیفه عمر بن الخطاب) دن (عمر بن العاص) ده...



اللہک سلام وبرکاتی اولسون . بو مکتوب مصر قطعه سنہ داخل اولدن  
اول سکا واصل اولور ایسه قتحدن واز کچہرک کیری یه عودت ایت .  
مکتوب مصرک ایچریلرینه ، یاخود بر قسم اراضیسنہ داخل اولدیغک حالدہ  
سکا یتیشیرایسه ایلری یه طوغری حرکتہ دوام ایله . سکا امداد یتیشدیرہ حکم .  
( عمرو ) اورادن حرکت ومصری فتح ایلدی .

( اهواز ) فتح ایلدیکی زمان حضرت عمر : « کاشکی فارس مملکتی ایله  
آرہ مزده آتشدن بر طاغ بوانسہیدی . تاکہ نہانلر بزه وارہ ییلسونلر . نہ ده  
بز انلرہ وارہ بیلہلم » دیمش ایدی . مشارالیهک دکڑی کچمکدن اسلاملی  
منع ایتسی ده بو قیلدن ایدی . اسلاملر بر شهرہ نازل اولمق ، یاخود بلاد  
مفتوحہ دن برنده اردوکاه تأسیس ایتک ایستدجک حضرت عمر - آرزو ایتدیکی  
زمان دودہ سنہ بینہرک اورایہ کیدہ بیلہلمک ایچون - اویر ایله مرکز خلافت  
اولان ( مدینہ ) آرسندہ حائل بر صویک بولنامسنی توصیه ایدردی . بودخی  
خليفة مشارالیهک مرکزی بلاد عربده اولمق اوزرہ عصیت عربیہ چالیشدیغنی  
ارائہ ایلر . بونکله برابر حضرت عمر عربلرک روی زمینہ اتشارلرینی لابده  
کورنجه قوماندانلرینه فوجا حده ایلری کیتملرینه مساعدہ ایش ايسدهده بالخاصہ  
قرشیلر حقندہ اسکی فکرندہ دوام ایدرک انلری مدینہده ابقا و کندیلرینه :  
« بوملت ایچون اک زیاده قورقدیم شی سزک هر طرفہ یاینلمکزدر » دیہرک  
مدینہدن چیقمکلرینه ممانعت ایتمش ایدی . هر کیم اولورایسه اولسون قریشدن  
بری خليفة مشارالیه بالمراجعہ محاربه یه کیتمکی التماس ایتدجک حضرت عمر :  
« جناب پیغمبر ایله برلکده اجرا ایتدیکنک غزالرک شرفی سکا کافدر . سنلک  
ایچون بوکون غزایہ کیتمکدن ایسه نهنس دتیایی کورہ سک ، نده دنیا سنی  
کورسون » دیر ایدی . خليفة مشارالیه بومنی یالکز قریشدن اولان مهاجرینه  
روا کوریوردی . دها صکرہ حضرت عثمان مقام خلافتہ کانجه مهاجرین  
مشارالیهی سربست بر اقدیغندن بوناردن بر قسمی شامہ کیدرک ( معاویہ ) یه  
التحاق ایتمش ، دیگر قسمی ده اطراف ساثرہ یه طاغلمشدر [ ۱ ] .

شو حالدہ حضرت عمرک اوائل خلافتندہ فکر سیاسی عربلرک منحصرأ  
جزیرة العرب ایله کاجوار اولان شام ، عراق جهتندہ اقامت ایتلملرینه ومدینہنک،

مرکز اسلام و قرشیلرک اسلامیتک اساس و منشأی اولمق اعتباریله بوزلرکده مدینه دن آیرلاملرینه مصروف اولمش ایسه ده یکدیگری تعقیب ایدن فتوحات و مظفریاتی طور دورمغه امکان اولمدیغندن عربلرک توسیع فتوحات ایله روی زمینده انتشارلرینه احوالک سوقیله بالجبوریه مساعده ایلش ایدی . اسلامیتک قائم اولدیغی عصیت؛ اتحاد عربیدن عبارت اولدیغی ایچون او زمانلرده هر ایکی لفظ ، یعنی عرب ، اسلام لفظلری ، باخصوص اسلاملرک حاکمیتنه منقاد اولان اقوام آردسند ، الفاظ مترادفدن ایدی . اسلام دینجه عرب و عرب دینجه اسلام آکلاشیلردی . بوسبیه بناء سریانیلرده ( طیبوتا ) لفظی هم عرب ، هم اسلاملر ، متساویاً ایکسینه دلالت ایدر [۱] . عربلر آردسند قبل الاسلام وبعد الاسلام جایگیر اولان روابط اتحادده شوفرک وار ایدی که زمان جاهلیتده انسابک اختلافی ایله مختلف متعدد عصیتلر تابع ایدیلر . اسلامیتدن صکره ایسه روح اسلامیتک اقتضاسی وجه ایله آبا واجدادک ذکرینی ترک ایدرک عرب نامی آلتنده اسلامیتله برعصیتله تابع اولدیلر . عربلر زمان جاهلیتده انساب ایله تفاخر و تناضل ایدرکن اسلامیت دورنده تقوی و دین اغوزنده جهاد ایله احراز تقدم و رجحان ایتمکه باشلادیلر . بونک اوزرینه عربلر آردسند اولجه ذکرى موجود اولیان بر طاقم اسلامی فرعی روابط اتحادیه وجوده کلدی .

### طبقات عربیة اسلامیه

حضرت نبی نشر اسلامیه تثبث ایتدیکی زمان دعوتی قبول و کنديسنه مظاهرت اینله جک آدملره محتاج اولدی . کندي قبیله سندن اطرافنه بر طاقم ذوات طوبالاندی . بونلر جناب پیغمبرک نشر ایتدیکی دینته ایمان کتیره رک کنديسنه نصرت و مظاهرتده بولندقدن ماعدا بعضلری دین سببندن حبشستانه ، دیگر بعضلری ده حضرت پیغمبر ایله برلکده مدینه یه مهاجرت ایلدکاری ایچون بونلر ( مهاجرین ) نامی ویرلدی . مهاجرین طبقات اسلامیه نك الك اسکيسدر .

[۱] الالهال بموعه سنك ۱۳ نجی سنه سنك ایکنجی نسخه سنه مراجعت بیوريله .

حضرت نبی (مدینہ) یہ ہجرت وانامت ایدنجه بوشہراہالیسی کندیسہ نصرت ومظاہرتدہ بولمقلہ برابر اسلامیہ دہ ایمان کتیردکلرندن جناب پیغمبر بونلرہ (انصار) نامنی ویردی . (انصار) دیگر بر طبقہ اسلامیہ تشکیل ایتدیلر . (انصار) ایلہ (مہاجرین) ہ (صحابہ) اطلاق اولندی . صحابہ حضرت نبی یہ یار وهمدم اولانلر ، یاخود طانیانلر دیمکدر . بوایکی طبقہ دن ، ہر بری بر طاقم احوال مخصوصہ نک نتیجہ سندہ بر اسم مخصوص ایلہ یاد اولنور بر طاقم جماعتلر تورہ دی کہ بونلر اسلامیہ مظاہرتدہ ویا نشرنندہ بیوک بر تاثیر اجرا ایلدیلر . مثلاً ( بدر ) وقعہ سی اسلامیٹک تأییدینہ عظیم بر تاثیردہ بولندیغدن او وقعہ دہ بولنان اسلاملر سائر اسلاملردن ممتاز طوطیلہرق اکا نسبتلہ بونلرہ ( بدریون ) ، یاخود ( اہل بدر ) نامی ویردی . کذلک عراق و فارس ممالکنک فتحنی تمہید ایدن ( قادسیہ ) محاربہ سندہ بولنانلر ( اہل قادسیہ ) نامیلہ معروف اولدیلر . اسلاملر بو طبقہ ویا جماعتلردن ہر بزینی بر امتیاز مخصوص ایلہ ممتاز قیلہرق ( اہل بدر ) و ( اہل قادسیہ ) یہ سائر اسلاملردن فضلہ معاشر تخصیص ایلدیلر .

مکہ نک فتحندہ بولنانلر ، یاخود اسلام فرقہ لرنندہ بیوک بر تأیری اولان ( جمل ) ، ( صفین ) وقعہ لری کبی سائر محارباندہ اثبات وجود ایدنلر حقندہ دخی اوکی امتیازات ویریلوردی . حضرت علینک شیعہ سی کندی فرقہ لرنندہ ( جمل ) وقعہ سندہ بولنانلری ممتاز طوتارلردی . چونکہ او وقصہ دہ مظفر اولمشلردی . انلرہ ( اصحاب الجمل ) نامی ویریلوردی . ( بنی امیہ ) طرفدارلری دہ بالعکس ( صفین ) محاربہ سندہ بولنانلری ینہ عین سبیدن ممتاز طوتارلردی . ( معاویہ ) بونلرہ سائر طرفدارانندن زیادہ معاشر تخصیص ایتیش ایدی .

مع مافیہ صحابہ کرام ہجرتہ ویا بیعتہ سبق جہتیلہ دخی یکدیگریہ احراز رجحان ایدرلردی . عقبہ بیعتی اصحابی ، غار اصحابی او جملہ دندی . بیعتہ الرضواندن اول حضرت نبی یہ یار وهمدم اولانلر دہا صکرہ صحبت پیغمبری ایلہ مشرف اولانلردن دہا ممتاز ایدیلر . ایشتہ بو وامثالی وسیلہ لر ایلہ تمیز ایدن دہا بر چوق طبقات وار ایدی . بونک شرحی اوزون سورر . حفاظ ، قراء ، قلبلری تألیف ایدیلنلر ، والیلر ، قضیلر ، تابعین ، تابعینک تابعینی و سائرہ کبی احوال دینیہ ویا ادارینہ نک ایجاب ایتدیکي مراتی دہ اونوتماق لازم کلیر .

عرب‌لرده نسب عصیتی اسلامیتدن صکره بسبتون زائل اولیوب یالکیز او شکدن بر شکل دینیّه تحول ایله یکنندن حضرت نینک قبیله‌سنه (قریشه) اک زیاده یقین بولنان نسب نسلرک اک شرفلیسی صاییلدی. قریش نسی نسلرک اک عالیسی عد ایلدیکی کبی مناصب، مراتب و ممالرده تمیز و تقدیم‌ده، باخصوص «الائمة من قریش» حدیثی اشتهار ایتدکدن صکره، قرشیاره ویرلدی [۱]. قرشیلر هرشیده وحتی احوال حیات وولادته کافه ناس فوقنده بر موقعده طوتوله‌رق «آلمشده قادین حامل اولماز، مکر قرشی اوله. انی یاشنده بر قادین حامل اولماز، مکر عرب اوله» دینیلدیکی کبی [۲] کذلک «قریشدن بر قادینک قیزی جاریه اوله‌ماز» [۳]، «قرشی منافق و ایمانیز اولماز» [۴]، «قریشدن بر آدم تاریخدن بشقه هیچ بر علمه کنندی ویرماملیدر» دینیلدی [۵]. ایسته بوسایه‌ده ریاست (خلافت) خارجدن هیچ بر رقابته «عروض اولمقسنزین یقین زمانه قدر قریشده استقرار ایلشدی.

مهاجرین و انصاردن متشکل اولان صحابه صنوقدن هر برینک باخصوص بنی‌امیه زماننده بر مقام مخصوص و بر فرقه مخصوصه سی واردی. امویلر زماننده دهشت نبوتک زوالی اوزرینه خلق عصیت جاهلیه رجوع ایلدکلرندن مهاجرین ایله انصار یکدیگرینه خصم و رقیب کسیلهرک اسکیده عدنانیلر ایله قحطانیلر آره‌سنده تکون ایدن مفاخراتی درخاطر ایتدیلر. مهاجرین عدنانیلردن (مضردن) و انصار ایسه قحطانیلردن (اوس و خزرجدن) ایدیلر. آرده حاصل اولان رقابت تأثیریه بونلردن هر بری علی الاکثر اوصره‌لرده تورده‌ین فرقه‌لردن برینک طرفه کچدی. انصار حضرت علینک فرقه‌سنه و مهاجرینک قسم اعظمی (معاویه) نک طرفدارلغنه داخل اوله‌رق بینلرند اسکیمی کبی شعر و سائر ایله هجو و مفاخره‌لره عودت ایلدی.

مدینه اهالی‌سندن واک جسور آدم‌لردن متشکل اولان انصار کرام اهل شورایی تشکیل ایدیورلردی. اصدار ایتدکلری حکملر ملت اوزرینه نافذالحکم ایدی. بونلر حضرت علی ایله سائر اهل بیتک طرفدارانی ایدیلر. (معاویه) کنندی نفسی ایچون خلافتی طلب ایلینجه انصار اکا قارشی شدتله

[۱] العقد الفرید ۴۰ ج ۲ [۲] اغانی ۸۸ ج ۱۵ [۳] اغانی ۱۱۰ ج ۱۴

[۴] اغانی ۶۰ ج ۱۴ [۵] البیان ۱۵۱ ج ۱



مقاومت ایتدیلر. بوسیدن ( معاویہ ) نك آدملى انصاردن نفرتله كندیلرینی تذلیله چالشیپلر و چوق دفعه لر انصاره « انصار » لقبی ویرمكدن استكاف ایدرلردی. روایت کوره انصاردن بعضاری اثنای خلافتده ( معاویہ ) نك حضورینه کیرمك ایچون استیذان ایتشاردی . حاجب (معاویہ) نك حضورینه کیرهرك : « انصارك دخوانه مأذونیت ویریلیورمی ؟ » دییه صورمش ایدی . او صرده ( عمرو بن العاص ) معاویه نك نزدنده بولنیوردی . « ای امیرالمؤمنین ! بولقب نهدر ؟ خلی کندی نسبلرینه ارجاع ایلکیز » دیدی .

### خلفای راشدینك سیاستی

خلفای راشدین زماننده اسلامیتك سیاسی بر دولتی اولیوب او صرده دولت هیچ بر عصرده مثلی ایشیدلماش برشکلده تقوی ، عدالت ، رفق و ملایمت اساسلری اوزرینه مؤسس بر خلافت دینه دن عبارت ایدی . او دورك وبلکه علی الاطلاق بتون ادوار اسلامیه نك اك بیوك آدمی حضرت ( عمر بن الخطاب ) ایدی . خلیفه مشارالیهك مروی اولان افعال و مناقبی بشریتده پك نادر تجل ایدر . مناقب عمریه کتابلرده مدون و مشهوردر . ( ابو بكر ) ه كنجه دور خلافتك قیصه لری اولسه بیوكلكده حضرت عمردن کیری قالماز . ( ابو بكر ) ك ارتداد اهلنه اعلان جهاد ایله انلری حوزه اسلامیه ارجاع ایتیمی اسلامیت نظرنده اك پارلاق خدمتلردن معدوددر . حضرت نینك وفاتندن صکره خلق اسلامیتی ترك ایتدکلرندن اسلاملر هنوز دور طفولیتده بولسان دولتلرینك زوال بولمسندن اندیشه یه دوشدیلر . حضرت ( ابو بكر ) درحال بر غیرت خدایسندانه ایله مرتدلر ایله حرب و دینی تأید و تحکیم ایلدی . خلفای راشدیندن حضرت علی و حضرت عثمان دخی اوکی مناقب عالیله متصف ایلر .

### حضرت ابو بكر

خلفای راشدینك دوری فی الحقیقه اسلامیتك دور زرینی ایدی . خلفای

مشاراليهك زهد، تقوى، عدالتدهكى مناقبى مشهوردر. حضرت (ابوبكر) اسلام اولدينى زمان اودورلرده بيوك برثروت ديمك اولان قرق بيك درهمه بالغ بر ثروت خصوصيه مالك ايدى. كرك بو ثروتى و كرك تجارت طريقى ايله قازاندينى اموالى اسلاميت اغورنده صرف ايلدى. (ابوبكر) ك زماننده بر بريت المال موجود ايدى. فقط بورايه كيرن پاره لر هپ اسلاملره صرف اولئوردى. مشاراليه ارتحال ايتديكى زمان مذكور خزينه ده بر دینار دن بشقه پاره بولمىدى. (ابوبكر) ك خانه سى مدينه نواحي سندن (سنج) ده [۱] كائ ايدى. مدينه دن بوراده كى خانه سه ياي ا كيدر و كندى آتته يك نادر بينردى. مدينه يه كلدكجه خلقه نماز قيدير يردى. ياتسى زمانى اولنجه (سنج) ده عودت ايلر ايدى. بونكه برابر خليفه مشاراليه هركون چارشويه قوشه رق آليش و يرش ايله، تجارت ايله مشغول اولوردى. (ابوبكر) ك برسورى قيونى واردى. تاجندن منتفع اولوردى. بعضاً بالذات كنديبى بوسورى يي كودمكه چيقاردى. مشاراليه خليفه اولدن اول خلقه قويونلرني صاغاردى. خليفه اولنجه بر جاريه نك: «شمى ابوبكر آرتق طاوارلر مزي صاغماز» ديديكنى ايشيدير. «خير، طاوارلر كزى صاغمه دوام ايدجكم. نائل اولديغم منصب بنى دكيشديره مز» جوابى ويرير. حضرت (ابوبكر) مقام خلافته كچكدن آلتى آتى صكره مدينه يه تحويل مكان ايدرك: «تجارت ايله اشتغال ايله برابر امور مسلمين اداره اولته ماز. هر حالده اسلاملرك خدمته حصر وجود ايتمك لازمدر، ديمش و تجارتدن فراغت ايلشدر. بو تاريخدن اعتباراً بيت المالدن كنديسسه تخصيص اولنان سنوى ۶,۰۰۰ درهم ايله كچنيردى. بالاخره وفاتى كلنجه كنديسسه عائد بر قطعه ارضك فروخت اولته رق ائمانى ايله اموال مسلميندن آلديقى معاشك تسويه سنى وصيت ايلدى.

### عمر بن الخطاب

حضرت عمره كلنجه مشاراليهك زمان خلافتنده فتح ممالك ميسر و اموال

[۱] سنج هم سين و سكون نون ايله مدينه نك محلات سندن اولوب (ابوبكر) ك خانه سى بو محله ده ايدى و خانه نبويدن برمبل اوفاق ايدى (معجم البلدان). اصله خا ايله ضبطى خطادر.

غنائم مزداد اوله رق خزان کسرويه و قيصريه اسلام رجال دولتنگ اللرينه کچمش ايکن جناب فاروق بو فيض ثروت و سامانه رغماً زهد و يوقلق ايله کچنمکده پک ايلرى کيتمش ايدى . حتى درى و سائرہ پارچه لريله يامه لى بر ازار ايله نمازه ، خطابه طوروردى . کنديسنه مخصص اولان معاشى خرج ايتدکن صکره پارهيه محتاج اولدقجه بيت المال ناظرينه کيدرك بالاخره معاشندن قطع ايدمک اوزره پاره استقراض ايلردى . اموال مسلمينک صيانته پک حريص اولديغندن او پاره لرى اسلاملرک منافعه غير متعلق اموره صرف ايتزدى . کرک دى ، کرک سياسى بالجمله امور مسلمينى بالذات رؤيت ايدردى . نشر اسلاميت مقصديه چارشولرى طولاشير ، قرآنى تلاوت ايدر و خلقى تقوى و حسناته تشويق ايلردى . بر شى ايچون ترغيب ايتسه او شى ايله اک اول کنديسى عامل اولوردى . حضرت عمر شراب ايچنلره سکسان دکنک جزا وضع ايتديکى کي چول خلقنه قرآن اوکرتمک ايچونده حافظلر بونلرک آرقه سندممتخلل اعزام ايدردى . قرآن دن هيچ بر شى حفظ ايتين بولنورسه ممتحن طرفندن ضرب ايله جزا و يريلردى . بعضاً بوداياقده افراطه کيدلمکله مضروب هلاک اولوردى [۱] . خليفه مشاراليه والير ايله قوماندانلر حقنده شدتلى طاورانه رق انلردن دقتله حساب صورار ، افعال و احوالى تحقيق ايدر و انلردن هر کيمده اکريلک کورور ايسه خاطر و موقعه باقيه رق اکريلکنى طوغرودور ايدى . از جمله سردار اسلامى نامدار ( خالد بن الوليد ) شعار صلاح و تقوايه مخالف بر کارده بولنش ايدى . حضرت عمر مشاراليه همان نزدينه احضار و ضانکه بر کوله ايمش کي شدتلى تويخات و تهديداته دوچار ايلدى . ( خالد ) بوکا قارشى آغيز آچه مدي [۲] . حتى بعضاً حضرت عمر واليرى دره ( طوره ، قامچي ) ايله ضرب و شدتلى تويخاته گرفتار ايلردى ده او واليلردن هيچ برى اکا قارشى برسوز ، براعتراضه بولنمازدى . چونکه جناب فاروق عفتى ، عدالت و حقانيتى ، فرط زهد و قساعتى کنديسى او واليرک نظرنده پک مهيب و محترم بر موقعه اصعاد ايتمش ايدى . حضرت عمر شراب ايچنلر ايله اموال مسلمينه کوز دیکنلر حقنده غايته شديد طاوراندينى خالده خلقه قارشى بر پدرك اوز اولادينه معامله سى کي رحيمانه

و شفیقانه معامله ده بولتوردی . فقرا و محتاجینه مهمانداری مبدول ایدی . خلقك اطعامی ایچون قوردیغی سفره لرده اوئر اوئر چاقلر ایله یك ویریردی . قوماندانلری خانه لرندن غیوبت ایتدکلی زمان عائله لرینی یوقلار ویر شیئه محتاج کورنجه انی اعطا وتلافی ایدردی [۱] . حضرت فاروقك عموم خلقه قارشى عدالتی و غیر مسلملره رفق ، مرحمت و ملایمتی تأثیریه علی العموم رعایا کندینه حسن اطاعتله متحسین ایدیلر . ایستین اسلام اولیور و ایسته مین کندی . آرزوسی و کمال راحت ایله رایت اسلام آلتنه کیریوردی . فی الحقیقه حضرت عمر زمام امور دولت و حکومتی آهین بردست حکمت و درایتله طوتیوردی . فقط و تئاکه شهید اولدی ، دولتک تمللری صارصیلدی ، برچوق ممالک و بالخاصه مرکز خلافتدن اوزاق بولنان خراسان ، سجستان و سائر دأرء اطاعتدن خروج ایلدی [۲] .

### عثمان بن عفانه

حضرت عثمان، دها اول بیان ایتدی کمز اسابدن طولایی سائر مسلمینک و بالخاصه مدینه اهالیسینک خصوصتی دعوت و شهادتی انتاج ایدن رقت وضعی و بنی امیه دن اولان اقرباسنه استسلامی اولسه ایدی علو مناقبه سائر خلقای راشدین کبی عد ایدیه چکدی . مشارالیهک شهادتی امویلرک کندی نفسلری ایچون طلب خلافت ایللرینه وسیله اولدی . حضرت عثمان کندی نفسی ایچون پاره جمع و ادخار ایدن ایلاک خلیفه ایدی . روایت کوره شهید ایدلدیکی کون خزینه دارینک نزدنده ۱۵,۰۰۰ دینار ایله ۱,۰۰۰,۰۰۰ درهم نقد بولندی . ترک ایتدیکی آت و دودولردن بشقه ( وادی القرى ) ، ( حنین ) و سائر ده ۱۰۰,۰۰۰ دینار قیمتده کوی و چفتلکلر دخی براقش ایدی . کندیبی کبی صحابه دخی انک دورنده کوی و چفتلک صاحبی اولملر و قوناقلر اتشا ، ثروت جمع و ادخار ایلیه رک زنکینک و رفاهیه آلیشمش لردی [۳] . بناء علیه حضرت علینک ، جناب فاروقك زهد و قناعت و محرومیتده عین مناقبی ایله متصف اولدیغی حالده ، حضرت عثماندن صکره مقام خلافت کلمسی ائلرک ایشنه موافق کلدی . او صروده ( معاویه ) نك ادعای خلافت ایتسی و حضرت علینک مسالک

[۱] کتابمک ایکنجی جلدی [۲] ابن الاثیر ۶۰ ج ۴ [۳] مسعودی ۳۰۱ ج ۹



زاهدانہ و محرومیتکارانہ سنہ بستیون مخالف بریولده صحابہ بی پاره و منصب ایله  
اطماع ایلیسی انزك حضرت علی یه قارشی امتناعلرینه یاردیم ایتیش ایدی.  
یونك تفصیلاتی ایلریده کوریلده جکدر .

### علی بن ابی طالب

زهد و تقواده کی مناقبی شهرتکیر آفاق اولان حضرت علی اسلامیه صوك  
درجه متمسك اولمقلاہ برابر سوزی ، اوزی پك طوغری بر ذات ایدی .  
هیچ بر ایشده حیله و قورنازلق استعمالی بیلمزدی . كافه حرکاتنده احکام  
دینی ، صدق و حقیقتی رهبر اتخاذا ایلردی . یوقلق و احتیاج ایله یاشامنی بر  
فضیلت صایاردی . مشارالیه کریمه نجییه نبی حضرت فاطمه ایله تزوج ایتدیکی  
زمان یتاق اولمق اوزره بر قوچ پوستندن بشقه برشیئه مالک دکل ایدی . کیجه لین  
بو پوست اوزرینه یاتارلردی . کوندوزلری صو طاشیدقلری حیوان ایچون  
اوزرینه یم قورلردی . حضرت علینك اوشاغی ، خدمتکاری یوق ایدی .  
ائشای خلافتنده کندیسنه اصفهانندن بر مال کتیرلش ایدی . مشارالیه بومالی  
علی السویه یدی پای یاپدقندن صکره برکرده اکمك فضلہ کورنجه انی ده یدی  
پای یاهرق دیگر پایله علاوه ایلدی . صغوقدن وقایه وجود ایدمهین خاوی  
یرقققان کیردی . حضرت علی برکون بر درهم ایله خرما آلهرق بر چارشف  
ایچنده کوتوررکن بر ذات کندیسنی کوروب : « ای امیرالمؤمنین ! ویریکز ،  
بن طاشیهیم » دیر . حضرت امام : « عائله صاحبی انی طاشیمغه ده زیاده  
وظیفه داردر » جوابی ویریر . مشار الیهك : « قارنی آچلقدن ایچنه کچمش ،  
دوداقلری صوسزلقدن قورومش ، کوزلری آغلامقندن چاپاق طوتمش اولمیدر »  
ایدی [۱] . حضرت علی عدالت و حقانیتک پرستشکاری ایدی . برکون کندیسنه  
عائد بر زرهی بر آدمک یاننده کوردهك استردادای ایچون صحابه دن قاضی  
( شریخ ) ه مراجعت ایدر و خلیفه اولدینی حالده ائشای محاکمه ده محضامساوات  
وعدالتی تقدیساً خصمی ایله حضور حاکمه یان یانه طورر . حضرت امام

محاربه به عسکر اعزام ابتدا بجه خلق حقه دفعه و ملائمت ایله معامله ده بولمتری .  
وقادینلره طوقونمندن چکنملریخی انلره توصیه ایدردی .

حضرت عمر جریان عدل و حقانیتی تأمین ایچون رجال دولتی نصل شدید  
بر حساب و مراقبه به تابع طوتمش ایسه حضرت علی دخی بو خصوصه عینی یولی .  
طوتمش ایدی . حضرت امام دور عمریده اولدینی کی خلق دهشت نبوت  
تأثیرله صدق تدینده بولندقلری بر زمانده مقام خلافته کلش اولسه ایدی دور  
حاکمیتی ده زیاد امتداد ایدرجک و تدبیر ملکده کی اجرا آتنده ضعف و نقصان  
کورولیه جکدی . لکن نه چاره که حضرت علی مقام خلافته کلدیکی زمان نیتلر  
فساده اوغرامش ، رجال حکومت مأموریت و منصبلره کوز دیکمش  
و ( معاویه ) کی حریص جاه و داعی بر آدم میدان رقابته آتش بولنیوردی .  
فی الحقیقه ( معاویه ) برداهی ایدی . ده و ذکایله ، حیاه و قورنازلق ایله ، بذل  
اموال ایله ایشه یارار آدملری ، قوتلی فرقه لری اطرافنه طوپلامش ایدی .  
حال بوکه حضرت علی وایلریله قوماندانلرندن حساب صورمقده و دین و تقوی  
احکامنی محافظه ده پک زیاده ایلری کیتدیکندن کوندن کونه طرفدارلرینی غائب  
ایدیوردی . <sup>معاویه</sup> اکثری حضرت علیدن آیرمش ایدی . حتی عمر زاده سی .  
( عبدالله بن عباس ) بصره وایلدیکنده ایکن وجود تابعیندن و مشاهیر فقه او محدثیندن .  
علم نحو و واضعی ( ابواسود الدؤلی ) نک سعایتی ایله کوجونوب چکلمش ایدی .  
( ابوالاسود ) نزد حضرت امامده ( ابن عباس ) حقنده سعایتده بولنور .  
حضرت امام ( ابن عباس ) ه اسناد اولنان احوالی یازدرق مخبرک اسمنی ذکر  
ایتمز . ( ابن عباس ) حضرت علی به : « سزه ویریلن معلومات طوغری دکلدزم .  
امور مأموره می بحق ایضا و اموال دولتی محافظه و صیانت ایدیورم . ظنیاته  
قولاق آصه مکنز اقتضا ایدر » جوابی یازار . حضرت امام کان جوابه اهمیت  
ویرمیه رک تکرار ( ابن عباس ) ه : « جزیه یارده سندن نه قدر آلدیغکی ، نرده دن  
آلدیغکی ، نرديه صرف ایتدیکی بکا بیلدیرملیسک » مألنده بر امر نامه  
کوندیریر . بونک اوزرینه ( ابن عباس ) حضرت علی به : « بوملکت اهل سندن  
برچوق یاردرلر آلدیغنه دئر سزه ویریلن معلوماته پک چوق اهمیت ویردیکزی .  
آکلا یورم . یریمه ایتدیکیکنز آدمی والی کوندریکنز . بن چکیلوب کیدیورم  
والسلام » یازدرق استغفاسنی بیلدیردکن صکره ( بنی هلال بن عامر ) دن .

اولان طایلرینی دعوت ایدر. بتون قیس قبیلهسی اطرافہ طوپلانیر. ( ابن عباس ) پاره لر طاشیہ رق : « ایشته بو ، طوپلانان رزقلمزدر » دیر. بصرہ اہالیسی مشارالیک آرقہ سندن مکہ قدر کلیرلر [۱]. حضرت علی بوسبدن ( ابن عباس ) ایله طرفدارانک مظاهرت ونصرتلرینی غائب ایتمش ایدی . فی الواقع حضرت امامک کندی عمزادہ سی حقندہ روا کوردیکی بو طرز معاملہ حضرت عمرک کندی والیرلی حقندہ اجرا و تطبیق ایتدیکي نوع معاملہ دن بشقہ برشی دکلدی. فقط ہیات! اووقہ قدر زمان بستیون دیکشمش، احوال بشقہ بر شکل آلمش ایدی . ( معاویہ ) کبی برداهی دخی اورتہ یه آتیله رق پاره لر ایله طرفدارلر طوپلامقدہ وزها و ذکا ایله اسلام قوماندانلرینی کندی طرفدارلغہ جلب و جذب ایکنده ایدی .

فضاہ اولہ رق حضرت عمرک آدمیری خلیفہ لری کبی غیرت وحیت صاحبی اولدقن ماعدا دور بداتہ مخصوص حسیات فضیلت ، عزت وعفت نفس ، حریت بداتکارانہ ، وفادارلق مزایاسی ایله ده متصف ایدیلر . اسلامیتک ظہوری دخی اتحاد ، انتباه وقوت اسبابی اکمال ایتمش ایدی .

معافیہ شونی ده اعتراف ایتک لازمدر کہ خلفای راشدینک علی الاجال طوتدقلری طرز اداره و سیاست طبیعت عمرانہ و سیاست ملک و دولتہ موافق بر طرز اداره دکل ایدی . انلرک حاکمیتی آنجق بردورده یتشمسی نادرادن اولان بر طاقم ذواتک ہمتی واتحاد اسلامی ، حیت دینیہ ، انفت بدویہ واریحیہ عربیہ کبی احوالک یاردیمی ایله تأسس ایتمش برخلافت دینیہ دن عبارت ایدی . ایشته او احوال ، او خواص بردورده ، برآردہ اجتماع و یکدیگریلہ امتزاج ایتدیکي ایچون بر طاقم وقایع اعجازکارانہ وجودہ کتیردی. اسلامیتک ہر طرفہ انتشاری و معلوم اولدینی اوزرہ اون بش ، یکریمی سنہ ظرفندہ جهانک فتعی ایشته

### [۱] ابن الاثیر ۱۹۶ ج ۳

• مؤلف بورادہ ( ابن الاثیر ) ک عبارتہ سی نقل ایدر ایکن اوافق برسمودہ بولنیور . زیرا ( بصرہ ) اہالیسی پاره لری آلمق ایچون ( ابن عباس ) ک آرقہ سندن ( مکہ ) یه دکل ، بلاد عرب ایله عراق آرقہ سندن کائن اولان ( طف ) چولنہ قدر کیتمشلر ایدی . و قیس قبیله سی قارشی کلارک ( ابن عباس ) ی حمایت ایتدکلرندن نائل امل اولمفسزین عودتہ مجبور اولمشلر ایدی . ( ابن عباس ) سالملاً مکہ یه کیتمش ایدی .


اوسایهده میسر اولمش ایدی [۱]. هر حالده طبیعت عمران نظرندن، خلفای مشارالیهک ادارهء مالکده اتخاذ ایتدکلری طرز سیاست اوحیرتقزا دوردن یشقه زمانلرده ادارهء ملک ودولت ایچون موافق دکلدی واولخافت دینهک حاکمیت سیاسیه تحولی لابد وضروری ایدی . قانون طبیعی بودر .

### عربلرک روی زمینده انتشارلری

شمدییه قدر ویریلن معلوماتدن آکلاشدیغی اوزره اسلامیتک بیک آدمی (عمر بن الخطاب) عربلری برکتله متحده حالنه کتیرمک وقبائل آره سنده رابطهء اتحادی تقویه ایتک ایچون چالیشدیغی جهتله شام وعراق قطعهلرنده بولنان عربلرک حجاز ویمن عربلریله برلشه رک اسلامیتک تزايد قوت وسطوتی مقصدیله عربلری شام وعراق قطعهلرینک فتحنه تشویق وترغیب ایتش ایسهده مذکور ایکی قطعهنک اوته سنده توسیع فتوحات ایتمکدن منع ایتدیکی کبی شهر تأسیس ایدلجکه اوشهر ایله مدینه آره سنده حائل برصو بولنماسنه دقت اولتمسینهده امر ایش ایدی . حضرت عمرک بوندن مقصدی توسیع ممالک نتیجه سننده اتحاد عربییه سکنه کبامک وممالک مفتوحه نک وارداتی حجاز اهالیسنه برمعاش تشکیل ایتک اوزره مرکز خلافت حضرت پیغمبرک مزارعی جوارنده قالمقدن عبارت ایدی . بوسبیدن دخی « صبان دمیری هیچ برقومک خانه سنه کیرمدی ، الا که ذلت ومسکنت اورایه داخل اولدی » مآلندن اولان حدیث شریفه بناءً اسلاملری زراعت ایله اشتغالدن منع وبو ممنوعیتک محافظه احکامنده اختیار شدت ایتش ایدی [۲]. چونکه زراعت ایله اشتغال اسلاملرک جهاده دواملرینه مانع اوله جقدی . حال یوکه حضرت عمر خراج وجزیه نک تحصیلی وحاکمیتک اسلاملرده بقاسی ایچون اسلاملرک برقوة عسکریه شکلنده قالملرینی آرزو ایدیوردی . اسلامیتک ایلک دورنده اسلاملر طرفندن تأسیس اولنسان (بصره) ، (کوفه) ، (فسطاط) کی شهرلر محافظه ویا اشغال عسکری ایچون اقامتگاه اولق اوزره اماکن



مستحکمہ ویا اردو کاہلردن بشقہ برشی دکلدی [۱]۔ کذلک عینی سببہ بناء




اندلسہ الحمراء جانی محرابك یوقاری قسمی

[۱] کتابك برنجی جلدی



حضرت عمر حضرت نينك « جزيرة العربده ايکي دين براقلماملدر » [۱]



اندلسده الحمرا سراينده ايکي همشيره سالوننک اقسام داخليره سندن  
سوزلرياه مشرکيندن حجه کيمسه کباهسى [۲] فکرينه تبعاً غير مسلملرى جزيرة

[۱] ابن هشام ۱۹۵ ج ۲ [۲] ابن هشام ۵۰ ج ۳

العربدن اخراج ایٹش ایدی . حضرت فاروق غیر مسلملری جزیرة العربدن چیقارمه قله تهلهکلرندن قورتولمش ایدی . چونکه بونلر غیر-مسلم اولدقلری حالدده اورالرده قالمش اولسه ایدیلر ، آسایش و راحت مملکتی اخلاادن کیری قالمیه جقلر وبلکه - ایلریده کوروله جکی اوزره دهاصکره شام وعراق قطعهلرنده بولنان خرسیتیانلر روملره نصل مظاهرتده بولنملشر ایسه - انلرده غیرمسلملره ظمیر اوله جقلردی .

والحاصل صدر اسلامده جاری اولان فکر سیاسی اسلاملرک بلاد عرب ایله اطرافنده قالدق جهات سائرهمه طاعلماملرینه مصروف ایدی . آنجق بوفکر محافظه ایدیهمدی . چونکه شام وعراق قطعهلرینی فتح ایدن قوماندانلر فتح لذتی طاده رق موفقیّت جهانگیرانه بی آسان کورمهک باشلامشلردی . توسیع فتوحات ایچون حضرت عمری تضییق ایلدیلر . جناب فاروق ده اول ذکر ایتدیکمز اوزره اصراره قازشی طورده میهرق عراق وشام قطعهلرینک اوته سنده بولنان ممالکی فتح ایله توسیع ملک اسلامه مأذونیت ویردی . حضرت عمر مدینهده او طور دینی حالدده دولّتک اطرافنی طوتوب بولندینی یره طوغری چکیوردی . قوماندانلری ایسه او اطرافنی شرق و غربه طوغری چکوب کوتورمک ایستیورلردی . نهایت حضرت فاروق طایانهمدی . او قوماندانلرک فکرینه تبعاً عربلرک روی زمینده انتشارلرینه مساعده ایلدی . بونک اوزرینه عربلر اطرافه طاعیله رق مصر ، فارس ، افریقیه وسائرهمی فتح ایتدیلر . ده صکره حضرت عثمان مقام خلافته کلنجه قریشه مدینهدن چیقمالری ایچون مأذونیت ویردیکندن بونلردنخی مدینهدن چیقدیلر . عربلر روی زمینه طاعیله رق مصر ، شام ، عراق ، فارس قطعهلرلیله بو قطعهلرک اوته سنده بولنان ممالکده یرلشدیلر . او صرهلرده عربلرک مقداری ۲۰۰,۰۰۰ نفوسی کچمیوردی [۱] . عساکر اسلامیہ بی تشکیل ایدن بونفوس فتح ایتدکلی ممالکی محافظه ووارداتی جبات ایله مکلف ایدیلر . حال بوکه بونلرک قبضه فاتحانه لرینه کچن ممالکک نفوسی یوز میلیوندن آزدکل ایدی . روم دولتی کبی سطوت وقوت صاحبی بردولتده کندیلرینه قازشی مهیب برهیکل کبی طورده رق فرصت بکلمکده ایدی .

## تناسل ایله ازدیاد

زمان جاهلیتده کی عربلر بعدالاسلام بالغ اولدقلری مقدارده نسبتاً عددآ آز ایدیلر . روایت کوره زمان جاهلیتده برآرده طوبلانان اک بیوک اردونک افرادی سکز بیک کشیدن فضله دکلدی . اوده ( یوم الصفقه ) اردوسی ایدی . ایران عسکری ( بحرین ) ک مرکز ادارهسی اولان ( هجر ) شهری جهتلرنده ( بنی تمیم ) قبیله سنی اورده رق حیوانلرینی ضبط ومصادره ایتشلر واله کچیردکاری چوجق چولقلر ایله قیز وقادینلری اسیرآلمشاردی . بوکا مقابل تمیم قبیله سنی ده مسک ، غنبر ومجوهراتی حامل بر ایران قافله سنه هجوم ایله صویدقدن صکره سائر قبائل طرفدن صویدولقدن قورقه رق چولده بر موقعده صاقلانمشلر ایسه ده حاللری کشف اولنوب سکز بیک کشیاک بر قوتک هجومه معروض اولمشلردی . ایکی طرف بئنده وقوع بولان محاربه ده ( یوم الصفقه ) ، یاخود ( یوم کلاب الثانی ) نامی ویرلمش ایدی [۱] . کذلک اسلامیتک صدر اولنده اسلامیت ایچون عسکر اوله رق دینه نصرت ومظاهرت ایدنلر دخی ده ها اول کورولدیکی اوزره آز مقدارده ایدیلر . حال بوکه ممالک اسلامیه کسب وسعت ایتمش ایدی . ملکیتک محافظه و اداره سی فضله آدمه محتاج اولدیفندن تناسل ایله چوغاللق مجبوریتی حاصل اولمش ایدی . ذاتاً تناسل ایله تریید نفوس تازمان جاهلیتده دخی ارکان عصیت سریه دن معدود ایدی . جد حضرت نبی ( عبدالغالب ) قریش طرفندن زبون ایدلیدیکی زمان اون ارکک اولاده مظهر اولوب انلر ایله کسب قوت ایدر ایسه برینی الله ایچون قربان کسه جکنی نذر ایتمش واون اولاده ممالک اولنجه کسب قوت ایتمش ایدی .

بنابرین اسلاملر بر طرفدن آز مقدارده اولملرینی ، دیگر طرفدن دخی انشای حربده روم ، فرس وقبطیلردن برچوق قیز وقادین اسیرلرینی الده ایتلرینی نظر دفته اله رق زوجه لردن بشقه چوجق والده لرینی چوغالتدقلردن

[۱] العقد الفريد ۸۷ ج ۳ ( ابن الاثير ایسه یوم الصفقه ایله یوم کلاب ثانی آری محاربه لر شکلنده کوسترمکده وسکز بیک کشیاک قوتک یوم کلاب ثانی ده اجتماع ایلدیکنی بروایت ایلکده در . ابن الاثير ۲۲۷ ج ۱ )



نسملری تزیاید ایتمش ایدی . ذاتاً دولتك اوائلنده کی نعمت وحضور ورفاهیت دولتك قوتی کثرت تناسل ایله تزیید ایلر . عربلر بوتاریخدن اعتباراً پک چوق جاریلر استفراس ایتمکه باشلامشردی . حتی بعضلری سکسان قاری آلمقده ایدی . مثلاً صحابه دن ودهاة عربدن ( مغیره بن شعبه ) کندی خانه سسندده دُرَت زوجه ایله ۷۶ اوطهلق جلایه جمع ایتمش ایدی [۱] . شوخاله کوره بر آدمک الی ، یاخود یوز ، یاخود دهها زیاده چوجقلری طوغارسه شایان استغراب کورولمز . روایته کوره مشاهیر تابیندن ( مهلب ابن ابی صفره ) نک صلبندن ۳۰۰ اولاد طوغمش ایدی [۲] . اندلس ملوک امویه سندن ( عبدالرحمن بن حکم ) ۱۵۰ ذکور و ۵۰ اناث اولاد ترک ایلشدی [۳] . مغربده حکومت سورن ( بنی زیری ) ملوکندن ( تمیم بن معز ) یوزدن زیاده ذکور و ۶۰ قدر اناث اولاد براقش ایدی [۴] . شام ملوک امویه سندن ( ولید ) ک اوغلارندن ( عمرو ) ک [۵] طقسان اولادی واردی . بونلرک آلتشی آتیه بینرلردی [۶] . بصره رواتندن وتابعیندن ( ابن سیرین ) ک برزوجه دن ۳۰ ذکور و ۱۱ اناث اولادی طوغمش ایدی [۷] . شرح و ذکر ی موجب تطویل اولان سائر تناسلری ده اکا کوره قیاس ایدیکز . عباسیلر ، ایوبیلر وسائر کبی اولاد ، برادرلر وعمجهلر دن متشکل بر عصیت ملک ایله دولتك قیامنه دائر تاریخنده پک چوق مثاللر واردر .

### نقومات ایله عربلرک انتشاری

زمان جاهلیتده عربلر جزیره العرب ایله اکا جوار اولان عراق وشام طرفلر نده منحصراً ایدیلر . اسلامیتک ظهوریله بودینه مظاهرت ایچون عربلر آردسندده حاصل اولان اتحاد عمومی اوزرینه فتح ممالکک تشبث ایله هر طرفه

[۱] اغانی ۱۴۳ ج ۱۴ والمعارف ۱۰۰ [۲] ابن خلکان ۱۴۷ ج ۲

[۳] نفع الطیب ۱۶۴ ج ۱ [۴] مؤلف ؛ ( تمیم بن معز ) ی سهواً ملوک فاطمیهدن

( تمیم بن معز ابوعلی ) ایله قاریشدرمشدر . طوغریسی تصحیح ایتدیکز وجه ایله دره ابن خلکانک برنجی جلدینه مراجعت بیوریله .

[۵] اصلده سهواً ( عمر ) شکله کوستریلیور . طوغریسی تصحیح ایتدیکز

اوزره ( عمرو ) دره . [۶] العقد الفرید ۲۵۸ ج ۲ [۷] ابن خلکان ۲۵۳ ج ۱

قوشدیلر . اوکرینه کلن ممالك برر برر حاکمیت اسلامیہ آلتنه کیردی . حضرت عمر بوسیل خروشان فتوحاتی توقیف ایدمدی . عربلر فتوحات ایله هر طرفه یاییله رق رایات اسلامیہ یی شرقاً ( غالج ) نهری وغرباً بحر اتلانتیکی سواحلی اوزرینه رکز ایدیلر . جهانی فتوحات ومظفریات ایله طولدوردرق کسری وقیصرک ممالکنی اشغال ایتدکن صکره شهرلرده اقامت ومدنیت ورفاهیه میل ایتدیلر . بونک نتیجه سنده توالی عصور ایله نسبری غائب اوله رق عصیتلری دوچار ضعف اولدیغدن حاکمیتلری ده غائب ایدیلر . اسلامیتک نصرت ونشرینه چالیشان قبائل مضر قبائلی ایله عدنانیه وقحطانیه دن اولان سائر قبائل معاونه دن متشکل ایدی . اسلامیتک ابتداسدن اعتباراً فتوحات ایله دولت اسلامیہ نیک اساسلری تمهید و دین اسلامی یی نشر ایدن قبائل آتیده کوسترلمشدر :

عدنانیه دن		قحطانیه دن	
مضر	ربیعہ	کهلان	حمیر
قریش	تغلب بن وائل	اوس وخزرج	قضاعه وبطنونی
کنانه	بکر » »	غسان	کلب
خزاعه	شکر	ازد	سلیح
اسد	حنیفه	همدان	تنوخ
هذیل	عجل	خثعم	بهره
تمیم	ذهل	بجیله	عذره
غطفان	شیمان	مذحج	
سلیم	تیم الله	مراد	وسائر
هوازن	نمرین قاسط	زبید ونخع	
ثقیف	وسائر	اشعریون	
سعد بن بکر وعامر		لخم وکنده	

قبائل مذکوره فتوحاتک اوائلنده شهرلرده اقامت واهالی ایله اختلاط ایتمز لردی . دشمنه قارشى تحشید ایدلمش بر قوه عسکریه دن عبارت ایدیلر . دها صکره بونلر اهالی ایله اختلاط وهر طرفه انتشار ایتدیلر . دولت اسلامیہ

عربیه دن معاشر آلدقلى حالدہ حدودلرده ، اوزاق مملکتلرده اختیار اقامت ایلدیلر . محاربه لرده چورودیلر ، پریشان اولدیلر . عصرلرک توالیسی ایله نسیبلى ضائع اولدی . نهایت دولتی ده الدن غائب ایتدیلر .

### مهاجرته عربلرک انتشاری

بونکله برابر عربلرک روی زمینده انتشارلری یالکز فتوحات طریقله وقوع بولامش ایدی . دهها واسع برمعشته نائل اولمق فکریله یکی ممالک مفتوحه لرندن معمور یرلره خانه خلقلریله ، چادرلریله ، حیوانات ومواشیلریله مهاجرت ایله دخی منتشر اولملرلری . اسلامیتک صدر اولنده ( خزاعه ) قبیله سنه منسوب برطاقم بطنلر کندی یوردلرنده قوراقلغه دوچار اولدقلرندن صومرعی بولمق ایچون مصر وشام قطعه لرینه مهاجرت ایشلردی [۱] . بوکی قوراققلره دوشدکجه یرلرینی براقوب اطراف سائرده کیتمک عربلرجه عادت ایدی . حتی « اغوام الجلاء - کوچ سنه لری » نامیله معروف برطاقم سنه لریده واردی . اوسنه لرده مصر وشام قطعه لرینه کوچرلردی [۲] . قبل الاسلام دخی بوکوچلر وقوع بولیوردی . عربلر قوراققلق سنه لره دوچار اولدقجه عراق وفارس قطعه لرینه کیدوب فرسدن خرما وآرپه آلیرلردی . آنجق عرب اولیان بردولتک حاکیتی آلتنده ذلیل اولمق قورقوسیله اورالرده اقامت ایتیه رک تکرار کندی مملکتلرینه عودت ایدرلردی [۳] . اسلامیتدن صکره ایسه احوال بستیون دیکشمش ایدی . اومملکتلری بابالری ، عمجه لری ، طاییلری فتح ایتیش ایدی . زایات عربیه اورالرده موج ایلوردی . واردات مملکت کندیلرینک ایدی . بنابرین آرتق بورالرده اختیار اقامت کندیلرینه خوش وموافق کلیوردی .

معافیه عربلرک کندی مملکتلرینی وقوناق یرلرینی براقوب شهرلره ویاخود شهر اطرافنه هجرت ایتلری - باخصوص دولت امویه زماننده قحطان ایله عدنان ، یاخود مضر ایله قیس قبائلی آرمسندده عصیت نسیبه تکرار میدان آلدقدن صکره - علی الاکثر بعض خلفا ویا امرانک تشویقی ایله وقوع

بولوردى . برخليفه ويا امير مقام اقتداره كلوب ديكى برعصيته مالك ديكى  
براميرك رقابتدن قورقدقجه كندى قيله سندن ، ياخود حلف وامثالى روابط  
ايله قيله سنه منسوب كيمسه لردن برطاقم جماعتلر كتره درك عندالحاجه مظاهر تلمردن  
مستفيد اولمق اوزره بولنديغى شهرك اطرافنده يرلشديرير وانلره مرعاز  
ومعاشلر تخصيص ايلردى . نته كيم ملوك امويهدن ( هشام بن عبدالملك ) ك  
زمان خلافتنده مصره والى اولان ( وليد بن رفاعه ) نك بوماموريتى ضره سنده  
اويله جه يالمش ايدى . ( هشام ) عدنانيه دن قيس قيله سنى توجه والتفات  
مخصوصه مظهر ايلمش ايدى . چونكه بونلر كنديسنه خدمت وخلافتى تحكيم  
ايتمشلردى . قيله مذكوره برطاقم قبائل ، بطون وافخاذى حاوى بيوك  
برقيه ايكى مصرده بونلردن يالكز بعض بطلر واردى . بوبطلر اوراده  
( هشام ) ك تأييد حاكميتى ايجون كافى دكلدى . خليفه مشاراليهك بوخصوصه  
نظر دقتى ايلك اولمق اوزره مصر واليلردن ( عبيدالله بن الجحباب -  
الموصلى ) جلب ايلدى . موما اليه مصردن ( هشام ) ك زدينه كلش  
وكنديسى ايله قونوشدنى ائنده قيس قيله سندن برقاچ خانه خلقنى مصره نقل  
ايجون مأذونيت ايسته مشدى . قيله مذكوردن اوج بيك نفوسك مصره  
تحويل اقامتى ايله معاشلرينك مصر خزينه سندن تسويه سى خصوصه طرف  
خليفه دن مأذونيت يرلمش ايسده بونلرك ( فسطاط ) ده اقامت ايتديرلملرى  
توصيه ايدلمش ايدى . ( ابن الجحباب ) نفوس مذكوردنى خوف شرق  
( شرقيه ودقهليه ) وبالخاصه ( بليس ) جهتلرنده يرلشديره درك زراعت ايله  
اشتغال ايتلمى امر ايلدى [۱] . دها صكره قيله مذكوردن برچوق نفوسك  
كندى كنديلرينه مصره مهاجرت وهمقيه لرى افرادينه التحاق ايتلمردن  
قيسيلرك مصرده كى مقدارلى چوالمشدر .

بنى سليم وبنى هلال : — بعضاً برخليفه ويا براميرك قبائلدن برينك  
شرندن قورتولمق ايسته مسى اوقيله نك شهرلره جلب ومدنيت اداخله باعث  
اولوردى . نته كيم ملوك فاطميه دن ( عزيز بالله ) مضر بطونندن اولان ( بنى  
سليم ) و ( بنى هلال ) حقتده اويله بر باعث ايله حركت ايتمش ايدى . مذكور  
ايكى بطن مشاراليه ( عزيز بالله ) ك زمان حاكميتى اولان دردنچى عصر



هجریہ قدر سیار اہل بادیدہ دن اولہرق امرار حیات ایتشلردی . محل اقامتلی حجازک آرقہسندہ ونجد قطعہسک بری طرفندہ ایدی . ( بنی سلیم ) نجدک مدینہ جہتندہ و ( بنی ہلال ) دخی ( طائف ) ک یانندہ نجدک جبل غزوآن طرفندہ اقامت ایتکدہ ایدیلر . قیش ، یاز یابدقلى کوچلر اناسندہ عراق وشام قطعہلری اطرافندہ طولاشہرق کوی وقصبہلرہ غارتلر اجرا ، یوللری قطع وآسایش مملکتی اخلال ایدیورلردی . حتی بعضاً ( بنی سلیم ) موسم کونلرنده ( مکہ ) دہ وزیارت ایامندہ ( مدینہ ) دہ حجاج مسلمینہ دخی تعرض ایلورلردی . دہا صکرہ ( قرامطہ ) نامیلہ ظہور ایدن جماعتہ بالالتحاق قرمطیلر ایلہ برلکدہ مملکتہ قتالقی یاغدیدقلى حالہ خلفای عباسیہ بونلرک تنکیلندن عاجز قالمشلردی . مصر حاکمیتی مشارالہ ( عزیز باللہ ) ہ انتقال ایتدیکی زمان شام قطعہسی قرامطہنک پنچہ تغلبہ کچمش ایدی . ( عزیز باللہ ) شام قطعہسنى قرامطہنک الندن استرداد وکندیلرینی بحریندہ کائن اولان کویلرینہ اجلا ایتدی . ( بنی ہلال ) و ( بنی سلیم ) دن اولان طرفدارلرینی دہ دفع شر مقصدیلہ مصرہ نقل وصعیددہ نیل نہرینک جہت شرقیہسندہ اسکان ایلدی . فقط بونلر بورادہ دخی راحت طورمدیلر ، برچوق قتالقلر ارتکاب ایتدیلر . خلفای فاطمیہ یو قتالقلری کوردکلری حالہ ناچار مدارات ایلہ قتالقلرینک منعنہ چالیشیرلر وکندیلرندن قوتولمق ایچون فرصت آرادلردی . یرقاج سنہ صکرہ فاطمیلرک ( افریقہ ) دہکی والیرینک اعلان عضیان ایلہ دولت عباسیہیہ التحاق وخلیفہ فاطمینک اسمنی خطبہ ، طراز وراپادن اخراج ایتدیکی خبری قاہرہیہ واصل اولدی . بوخبر اوصردہ مقام حاکمیتدہ بولنان ملوک فاطمیہدن ( مستنصر باللہ ) ہ بیوک بر تأثیردہ بولندی . اودورک وزیری ( حسن بن علی ) مارالذکر بنی ہلال وبنی سلیم مشایخنک انعام واحسانلر ایلہ کوکللری خوش ایدیلرک افریقہ ولایتی امور حکومتک انلرہ تفویض اولمسنی مناسب کوردی . چونکہ اوولایت ذاتاً الدن حقیقمش ایدی . بوباغیلر اورالرہ کیدوب موفق اولورلر ایسہ ہم مصردن اوزاقلاشدیرلمش ، ہم ولایت اعادہ ایدلمش اولہجقدی . موفق اولہمازلر ایسہ بونلرک دفعی ہر حالہ برکار ایدی . خلیفہ بوفکرہ موافقت ایتدیکنندن وزیر بالذات ۵۴۱ ھ سنہ ہجریہسندہ انلرک یوردلرینہ کیدہرک مغربہ حرکتلری ایچون ترغیباتدہ

بولندی . مرقوملر بوترغیادتدن مننون اولدیلر . در حال نیلی کیدیلر . (برقه) یه واردرق فتح ایتدیلر . بونلرک حرکتلرندن صکره ( دیاب ) و ( زغب ) قبائلی بطونندن دیکر عربان الہ اموال غنائم کچیرمک فکریله کندیلرینه التحاق ایلدیلر . ایشته بوتاریخندن صکره مذکور قبائلک مقری افریقیه اولدی . بتون اویرلری کندی آرهلرندہ تقسیم ایلدیلر [۱] .

اندلس قطعہ سنک ا کمال فتحندن صکره اورالرہ مهاجرت ایدن عربلری ده اکا کوره قیاس ایدیکز . قطعہ مذکورہ منبت و هوادار برقطعہ اولدیغندن شام و سائرہ عربلری او طرفلرہ مهاجرتہ قوشمشلردی . عدنانی و قحطانی برطاقم قبائل اومیانده داخل اولق اوزره آحاد و اشرافدن برچوق عربلر اندلسہ مهاجرت ایتشلر ، مملکتی اولاد و احفادلرینه ترک ایلشلردی [۲] . هر قبیله اقلیم و مرعاده اسکیده بولندیغی یرہ مشابہ موقعلرہ قوناردی . امویلرک زماننده وقوع بولان محاربات اثناسنده برطرفہ مظاهرت و امثالی کبی مقصدلر ایلہ بریردن دیکر یرہ پک چوق قبائل و بطونک مهاجرتی ده نظر دقتدن دور طوتماق اقتضا ایدر .

## اسلامیتده کوله‌لر و موالی

کوله‌لر و موالی دولت اسلامیه ده بیوک بر موقع طوته‌رق دولتک امور سیاسیہ و عسکریه سی ایلہ علوم و معارف و ادبیات کبی احوال سائرده بر تأثیر مخصوص اجرا ایلدکاری جهتله بونلر حقنده برطاقم خصوصی فصللر یازمق اغمز لزومسز عد ایدلما لیدر .

## اسلامیتده استرقاق ( اسارت )

زمان جاهلیتده عربلرده بولنان استرقاق اکثریتله حرب و یامبایعه ایلہ وقوع بولان اسارتدن عبارت ایدی . اسلامیتدن صکره ایسه ، باخصوص فتوحات اسلامیه اثناسنده ، استرقاق علی الاکثر حرب ایلہ وقوع بولیوردی . چونکه اوفتوحات اثناسنده جریان ایدن محاربه‌لرده اسلاملرک الہ پک چوق

[۱] ابن خلدون ۱۴ ج ۶ [۲] نفع الطیب ۱۳۷ ج ۱

اسير دوشويوردی . اسلاملر بر اردويي مغلوب ، ياخود بر شهری فتح ايتدجه آدمليخی ، قادينلرخي ، چوجقلىرخي اسير ايدرلر و بونلری اموال غنائم ايله برابر کندی آرلرندە تقسيم ايدرلردی . اسيرلرک مقداری پک چوق ایدی . حتی بعضاً يالکز بر محاربه ده اون بيکلردن زياده اسير آلييردی . بواسيرلر الله کينجه بويونلرينه مهر باصيله رق حصه حصه تقسيم اولنوردی . بعضاً بر عرب سوار يسته يالکز بر محاربه ده يوزر اسير و جاريه حصه دوشردی . بوسايه ده بر آدمک نزدندە مرور زمان ايله بيک ويا ده ا زياده کوله اجتماع ايدردی [۱] . امرانک نزدندە بالطبع ده ا زياده کوله بولنوردی . کولهلر بالخاصه خلفای راشدينک دورندن صکره چوغالمشدی . حضرت عثمان بيک کوله يه مالک ایدی [۲] .

محاربه لر ده الله کچن اسيرلرک مقداری پک چوق اولدینی زمان علی الاکثر اموال غنائم حصه لره تقسيم ومستحقينه توزيع ايدلمدن اول اسيرلر طوبدن صايليردی . هر اسيرک قيمتي يوز ويابيك درهم ويا ده ا زياده ويا ده ا نقصان اولق اوزره مزايديه چيقاريلردی . بعضاً يالکز بر محاربه اسيرلرينک فروختی بر قاچ آی سورردی . اسيرلری و اموال غنائمی الک چوق اولان فتوحات اندلسده وقوع بولمشدر . روايته کوره مذکور قطعده اسلاملر طرفندن احراز اولنان بر مظفریت نتيجه سنده الله کچن اسيرلر ايله اموال غنائمک فروختی آنحقی آلتی آيدە اکال ايديله بيلمش ایدی [۳] . آناطوليدە کائن اولوب خلفای عباسيه دن ( معتصم ) طرفندن ۲۲۳ سنه هجريه سنده فتح اولنان ( عموريه ) Amorium محاربه سندن صکره اسلاملرک الله او قدر چوق اسير دوشمش ایدی که بونلری بازار دادوستادده سرعتله الدن چيقارمق ايجون بشر ، اوتر صايلغه چيقارلمش ایدی [۴] . کذلک اندلسده ۵۹۱ سنه هجريه سنده وقوع بولوب اهميته ( زلاقه ) محاربه مشهوره سندن کیری قلميان ( اراک ) محاربه سنده اسلاملرک الله او درجه چوق اسير و اموال غنائم کچمش ایدی که اسيرک قيمتي بر وتليجک بهاسی ياريم درهمه تنزل ايتمش ایدی [۵] .

اسلاملر قهراً فتح ايتدکلی شهرلری ؛ حاوی اولدقلى انسانلر ، حيوانات ، باغچلر ، نهرلر ، آغاچلر ايله برابر فاتحلرک مالی عد ايدرلردی .

[۱] ابن الاثير ۱۴۷ ج ۴ [۲] دمیری ۴۹ ج ۱ [۳] نفح الطيب ۲۱۳ ج ۱

[۴] ابن الاثير ۱۹۹ ج ۶ [۵] نفح الطيب ۲۰۹ ج ۱

امویلر بو قاعدهیه کوره تطبیق حرکته پک ایلری کیتمه شلردی . حضرت عثمان زماننده بصره والیسی اولان صحابه دن ( سعید بن العاص ) ک : « سواد قطععه سی قریشک بوستانیدر » و مشهور ( عمرو بن العاص ) ک دخی مصرده کائن ( خربنا ) امیرینه : « سز بزم خزینه من سکنز الح . » دیملری مدعایمزی مؤیددر . ( عمرو بن العاص ) مصری قوؤ قاهره ایله فتح ایدلمش عد ایلوردی . امویلر دخی بو خصوصده عین فکرده ایدیلر . « مصر قوؤ قاهره ایله فتح ایدلمشدر . اهالیسی کوله لر مزدر . انلره نه ایستر ایسه ک یاپه ییلر » دیورلردی [۱] .

عسا کر اسلامیه نك نفرات قسمی اموال غنائم دن حصه قیلندن آلدقلى اسیرلری بسانمکدن علی الاکثر عاجز بولندقلرندن انلری صا توب ائمانی آلیرلردی . او حالده حرب اسیرلری اقربالری طرفدن فدییه ایله تخلیص ، یا خود صاحب لری طرفدن بر سبب اوزرینه آزاد ایدیلنجه یه تدر کوله اوله رق امرادن بشقه کیمسه نك نزدنده بقا ایدلردی .

بعض والیرک و بالخاصه افریقیه ، ترکستان و مصر والیرینک بولندقلری ولایتلرک خراجندن بر قسمی اسیر ایله تأدییه ایلری اسلاملرده حرب اسارتندن بشقه بر منبع اسارت تشکیل ایتمکده ایدی [۲] . بریرلردن بعض غیر مسلملر و امثالی جزیه یه بدل کندی اولادلرندن اسیرلر تقدیم ایلورلردی [۳] . فی الاصل اسیر اولوب اثنای محارباتده اسلاملرک انله اموال غنائم ایله برابر بکن اسیرلر ایسه بشقه در .

اسلامیتده حرب اسیرلرینک احکامنه کانجه خلیفه ( یا خود انک مقامنه قائم اولان ذات ) درت شیده مخیر ایدی : اسیرلری قتل ایتمک ، یا خود کوله اتخاذا اینک ، یا خود بر فدییه و یا دیگر اسیرلره مقابل اسارتدن قورتارمق ، یا خود فدییه سز سیلرینی اطلاق و حریتلرینی اعاده اینک . اسیرلر قبول اسلامیت ایدرلر ایسه آرتق قتلاری جائز اولمازدی . فقط ینه خلیفه دیگر اوچ شیده مخیر قالیردی [۴] . اوشیلرده زمان و احوالک مقتضیاتنه کوره حرکت ایدیایوردی . حرب اسارتی و یا مبالعه و سائر صورتلریله کوله یه مالک اولان کیمسه .

[۱] ابن الاثیر ۲۷۹ ج ۲ [۲] مقریزی ۲۱۳ ج ۱ [۳] ابن الاثیر ۱۳ ج ۳ [۴] :



اوکولہنی کندی خدمتندہ ابقا ایتک ، یاخود صاتمق ، یاخود آزاد ایتک حقوقہ مالک ایدی . هرکیم کولہ آزاد ایدر ایسه کولہنک ولایسی انک اولوردی . آزاد ایتک ایچون برچوق اسباب واردی . اسلامیتده کولہ آزاد ایتک ایچون اک مهم سبب کولہلرک صلاح و تقوی صاحبی اولملری و احکام دینی محافظهیه غیرت کوسترملری ایدی . برکولہ اسلامیتی قبول ایله صلاح حال و آثار تقوی کوستیرر ایسه افندیسی انی آزاد ایدردی . حضرت ( عمر بن الخطاب ) ک مخدومی ( عبدالله ) بوصورتله بیگ کولہ آزاد ایتدیکی کبی [۱] محمد بن سلیمان دخی ۷۰,۰۰۰ کولہ وجاریه آزاد ایلش ایدی . بعضاً بریمینی ابطال ، برندری ایفا ، برثوابه نائلیت ، برنعمت الہیہنک قدرینی تقدیر ایتک و امثالی مقصدلر ایله کولہ آزاد ایتک عادت ایدی . ارباب تقوی و صلاحدن بعضلری اللہک حسن رضاسنی استحصال ایتک اوزره کولہ صانون آلوب آزاد ایلورلردی . مشاهیر شعرادن ( عمر بن ابی ربیعہ ) اختیارلادیغی صرهلرده شعر سوزیلکدن توبه ایتش و توبه سندن رجوع ایتماک اوزره نظم ایده چکی هریت ایچون برکولہ آزاد ایتمکک یمین ایلش ایدی . برقاق دفعه بویمینی طوته میهرق شعر سوزیلکندن هریت ایچون برکولہ آزاد ایتش ایدی [۲] . کولہلری جهاده تشویق مقصدیلہ آزاد ایتک دخی عادت ایدی . نته کیم ملوک امویہدن ( هشام بن عبدالملک ) ک زماننده خلیفه مشارالہک زوجه سی ( ام حکیم بنت یحیی بن الحکم ) ، وبالذات خلیفه یه اهدا ایتدیکی ایکی کردانلق سایه سنده ( خراسان ) د والی اولان ( جنید بن عبدالرحمن ) ترک خائفی ایله ( شعب ) موقعنده اجرا ایتدیکی محاربه ده قتال کسب شدت ایلدیکی ائناده « هر هانکی کولہ محاربه ده یارارلق کوستیرر ایسه اوکولہ حردر » دییه باغیرمشدی . کولہلر شایان حیرت برشجاعته حرب ایتشلر ، نتیجه ده دشمن فراره مجبور اولمشدی [۳] . برچوق دفعه دشمنک نزدنده بولنان کولہلر آزاد ایدلک وعدی ایله نصرت و مظاهر تلبری تأمین اولنوردی . نته کیم حضرت نبی ( طائف ) ک محاصره سی کونی او یله یاپدی . « هر هانکی کولہ تحت حصارده بولنان دشمنی بر اقوب یانمه کلیرایسه حردر » دیدی [۴] . اسلاملر ممالکی فتح ایتدکلری صرهدده او مملکتلرده بولنان کولہلرده - اسلام

[۱] ابن خلکان ۲۴۷ ج ۱ . [۲] اغانی ۶۴ ج ۱ [۳] ابن الاثیر ۷۸ ج ۵

[۴] المعارف ۹۷

اولورلر ایسه - آزاد ایده جکلرینی وعد ایدیورلردی. کوله لرک بر قسمی حربک ختامنده تکرار دین اصلیرینه رجوع ایتمک اوزره اسلام اولیورلردی. فقط بالاخره بونلر اسکی دینلرینه دونمک ایسته نجه مرتد عد ایدیله رک حربلری واجب صاییلوردی.

مع مافیه اسلامیت کوله لر ایچون بیوک بر نعمت ایدی. حضرت پیغمبر «کوله لر ی طاققلری فوقده شیلر ایله مکلف قلمیکز. سز نه ییورسه کز کوله لر کزده اویمکن ییدیریکز» دییه رک کوله لر حقنده شفقت و مرحتی و حسن معامله یی توصیه ایلشدر [۱]. «سزدن بر کیمسه کوله م و جاریهم دیمسون. اوغلم، قیزم دیسون» سوزلری ده اقال شریفه نبویه دندر.

قرآن عظیم الشانده: «واعبدوا الله ولا تشركوا به شیئاً وبالوالدين احساناً وبذی القربى والیتمی والساکین والجار ذی القربى والجار الجنب والصاحب بالجنب وابن السبیل وما ملکت ایمانکم ان الله لایحب من کان مختلاً فخوراً» ییوریلور که الیهات عبادته ترغیب و شرکدن تحذیردن صکرده بوینه، اقربایه، ایتمه، مساکینه، قومشولره، یقین دوستلره، یول مصارفنی تدارکدن عاجز یولچیلره، کوله و جاریلره رفق و احسان ایله معامله اجرایی، تکبر و تجبردن حذر ایدنسی توصیه ایدیور. اسلامیت کوله انتخابنه بویله جه رفق و احسان ایله معامله یی توصیه ایتدیکی حالده دیگر طرفدن کوله لره دخی صلاح و تقوایی، حسن عبادتی توصیه ایلیور [۲]. بالخاصه اسلام عربلر «الاسبأ فی الاسلام و لارق علی عربی فی الاسلام — اسلامیتده اسارت یوقدر (اسلام اسلامی حرباً) اسیر یاپاماز». هیچ بر عرب اوزرینه اسلامیتده اسارت تحمیل ایدیله مز. حدیث شریفی ایله اسارته دوشمکدن قورتارباش-در. کوله لر حقنده جاری. اولان احکاه کوره کوله لر حرلره یاپیلان معامله نک نصفی ایله معامله اولنورلردی. مثلاً کوله ضرب جزاسنی موجب بر قباحت یاپار ایسه اکا؛ عین قباحتده حرلره آتیملان شرعی دایاغک نصفی آتیلردی [۳]. بالعکس باعث مکافات بر فعلده بولنور ایسه مکافات؛ صاحبک اولوردی. فتوحات اثاسنده ممالک مفتوحه اهایلسندن اسلاملرک الله اسیر دوشن کوله لر خرستیان، یهودی، مجوسی، صابی، سامری و سائر ددن متشکل بولنوردی. بونلر یا اقربا و تعلقانلری.

طرفدن فدیہ ایله اسارتدن قورتاریلردی ، یاخود اسلاملر طرفدن بعض اسیر تجارینه ساتیلردی . یاخود اوه اشیا آتمق ، دوه ویامواشی رعایتمک ، یای یوتمق ، اوق آتمق ، محاربہلر ائناسنده یرلر دوشن اوقلری طوبلامق ، شعر حفظ وروایت ایتمک ، قرآن ویا حدیث حفظ ایتمک وسائر خدمتلرنده قوللاقم اوزره اسلاملرک معیتلرنده براقیلردی . برکوله نك قیمتی بیلدیکی صنعت وحائر اولدینی مهارته کوزه مختلف بولنوردی . هیچ برصنت بیلمین کوله یوز دیناردن فضلہ دکزدی . دوه رعینه مقتدر وبوصنعتده ماهر برکوله ۲۰۰ دینار قیمتندایدی . اوق ، یای یا بمق ، مهارتله اوق آتمق بیلن کوله نك قیمتی ۴۰۰ دینار ایدردی . شعر حافظ وراویسی ایسه آلتی یوز دیناره ساتیلردی . ایشته بنی امیه دورینک اورتلرنده کولدرک اثمائی بوراده لرده ایدی [۱] .


( قن ) نامیله معروف اولوب اراضینک زراعتیله اشتغال ایدن کوله لره کلنجه بونلر کویلره مخصوص ایدیلر . کویده مقیم چقتمچی یه ( فلاح فرار ) نامی ویریلردی . چقتمچینک اراضیسی مقاطعه صورتیله برکیمسه یه ویریلر ، یاخود برینه ساتیلر ، یاخود فتح وسائر صورتلریله برکیمسه نك عهدده سنه انتقال ایدر ایسه او اراضیده بولنان چقتمچی اراضی یه تابع اولور و ( عبدقن ) - دائما کوله - حکمنه کیرردی . بونوع کوله لر - صاحب لری آرزو ایتسه لر بیله - فروخت ویا آزادایدیله مزلردی . مادامت الحیاة بونلر کوله قالیردی . کندیلرندن صکره چوجقلری ده کوله اولورلردی . اراضی کیمک ایسه ، کیمه مقاطعه ویرلمش ایسه انک کوله لری عد ایدیلرلردی . جاهلیتده کوله لر حقنده دها اول یازدیغمنر بحددهده بوخصوصه دائر بعض معلومات ویرمش ایدک .

### اسلامیته موالی

اسارتده قالمش اولانلر اسلامیتی قبول ایدرلر ایسه علی الاکثر اسارتدن تخلص کریبان ایلرلردی . چونکه اسلاملر اسلامیته داخل اولان کوله لری ، یوحسن حرکت مکافاة ، علی الاکثر آزاد ایدرلردی . هرهانکی کوله آزاد


اولنورایسه « مولى » اولوردی . عربلرک اسارتیدن استنکاف ایدیلکی ایچون موالی عربلردن اولیان اسلاملردن تشکلی ایلوردی . دها صکرده امویلر « مولى » لفظی عرب اولیان هر مسلمنه اطلاق ایتدیلر . « موالی » دیدکلرنده مجوسی و یا ذمی ایکن اسلام اولان ، یا خود و قتیلر عربلره التجا ایدن فرسیدن و سائر ددن اولان اسلاملری مراد ایدرلردی . بونلره « حمرا » نامنی دخی و یریورلردی . « حمرا » لفظندن موالی دیمک ایسترلردی . قاموسده « حمرا » لفظی عجم طائفه سنه ، یعنی عرب مقابلی اولان جنس انسانی یه اطلاق اولنور . اسلامیت دورلرنده موالی هیئت اجتماعیه ده بر صنف مخصوص تشکیل و تاریخ اسلامده بیوک بر موقع اشغال ایلشردر . « مولى القوم منهم - برملتک مولالری او ملتندر » [۱] و « من ادعی الی غیر ابیه او تولى غیر موالیه فعليه لعنة الله والملائكة والناس اجمعین - هرکیم کندى پدرندن بشقه سنی ادعا ، یا خود کندى مولالرینک غیرینی اختیار ایدر ، اکا اللهک ، ملائکهک و ناسک عمومأ لعنتی اولسون » [۲] اقوال نبویه سنه نظراً موالی بی عصیت عربیه نوعندن عد ایتک جائزدر . عربلرده بر آدمک اقربا و تعلقانی موالی و ذراری ( نسل و اولاد ) دن عبارتدی . بر انسان کندى اوز اوغلنه اعتماد ایتدیکی قدر آزادلیسنده اعتماد ایده بیلوردی . چونکه انی سودیکی ایچون آزاد ایتش ایدی . آزادلیده افندیسنک عتقی بر منت و نعمت بیلرک کندى اصل نسبى براتیر ، افندیسنه انتساب ایدر ، آرتق اکا فلان فلانک مولاسی ( آزادلیسی ) دینیلردی . اکا فلان فلانک اوغلی دینلمزدی . یا خود آزادلی؛ افندیسنک قبیله سنه انتساب ایدردی . مثلاً اوائل اسلامده اک مشهور مغیلردن اولان ( ابن سریج ) ، بنی نوفلک مولاسی ، ( محرز ) عبدالدارک مولاسی ، ( حکم الوادی ) یه ولیدین عبدالملکک مولاسی ، ( ابن عباد ) د بنی مخزومک مولاسی دیرلردی . وقس علیه . بناء علیه بر آزادلینک کندیسنی آزاد ایدن افندیسنه ارتباطی - باخصوص افندیلرینک خانهلرنده یا شایان آزادلیلرک ارتباطی - پک قوتلی ایدی . مع مافیه علی الاکثر موالی افندیلرینک خانهلری خارجنده برر ایش ایله مشغول اولورلردی . فقط حرب ظهور ایدر ایسه بو آزادلیلر افندیلرینک بیراغی آلتنده اجتماع ایدرلردی .





اندلسہ الجہرا سراہی مناظر نندن

موالینک اسلامیہ وقوع بولان خدمتاری پک بیوکدر . زیرا قرآن



(عرب — اسپانیول طرز معماریسندہ) اسپانیادہ سقوطیہ شہرندہ (القصر) سرائی

حفظلریہ تفسیر ، لغت ، شعر و سائرہ علماسنک و تابعینک اکثری بونلردن



تشکیل ایتش ایدی . عربلر بوعلملره بدل سیاست وریاستله ، احراز حاکمیت ایچون بربرلرینه رقابت وخصوصتله مشغول ایدیلر [۱] . اسلامیتک صدر اولنده عربلره خدمت ایدن موالینک قسم اعظمی فارس و سائر ممالکیندن آنسان فی وغنائم حربیه میانده کی چوجقلردن ایکن اسلاملرک الدنه تربیه کورمش ، کنیدیلری ویا چوجقلری اظهار اقتدار ایشلاردی . اعیان صحابه دن و مشاهیر غزاة اسلامدن ( خالد بن الولید ) کوفه نك غرب جهتنده و انبار قربنده کائن اولان ( عین الثمر ) قصبه قدیمه سنی فتح ایتدیکی زمان مذکور قصبه نك کلیساسنده قرق قدر چوجق انجیلک حفظی ایله اشتغال ایتکده ایدی . ( خالد ) بوچوجقلری اغنام ایدرک ( مدینه ) ده حضرت ( ابوبکر ) ه کوندردی . ( ابوبکر ) بونلری حربده حسن خدمتلری کورولنلره اموال غنائم جلا سنده توزیع ایدی . اسلامیتی قبول ایتدکن صکره صاحب لری طرفدن آزاد اولنان ایشته بو قرق مولانک اولادندن بر طاقم ذوات یتشدی که سیاست ، حرب ، علم و دینده اسلاملرک پک بیوک مظاهرلری اولمشلاردی . مغرب و اندلس فاتحی مشاهیر غزاتدن و کبار تابعیندن ( موسی بن نصیر ) اویبوک مظاهرلر جمله سندن ایدی . چونکه پدری او قرقدن ایدی . کذلک تعبیر رؤیاده مهارت صاحبی اولان بصره رواتندن و تابعیندن ( محمد بن سیرین ) دخی او جمله دندر . چونکه پدری انلردندی . حضرت ( عثمان بن عفان ) ک آزادلیسی ( حران ) دخی او قرقک اولادندن ایدی [۲] . بونلردن ماعدا سیرت نبویه نی اک اول ضبط و تحریر ایدن مورخین اسلامدن ( محمد بن اسحق ) دخی او ذواتدن ایدی . چونکه انک بیوک پدری ( یسار ) او قرقدن ایدی [۳] . اصللری فتوحات اسلامیہ صرہ سنده ویا دها صکره اسلاملر طرفدن اسیر ایدیلن چولق چوجقدن اولان سائر مشاهیر موالی ده اکا کوره قیاس ایدیکز .

مثلا مشاهیر تابعیندن اولوب ( عبدالملک بن مروان ) ک زمانده خراسان وایلکنده بولان ( مهلب ) ک پدری ( ابو صفره ) [۴] عاتده کائن ( دبا ) ده حضرت ( ابوبکر ) ک زمانده مرتدار ایله وقوع بولان محاربه لر ائناسنده اسیر آنسان چولق چوجقدن ایدی . مشاهیر علمادان و شعر راویارندن

[۱] کتابتک اوچنچی جلدی . [۲] ابن الاثیر ۱۹۲ ج ۲ [۳] ابن - ملک ۴۸۳ ج

۱ و المارف ۱۶۸ [۴] ائله سهوا ( ابوصفر ) دینیلدور

اولان (حماد راویه) نك پدری صحابه‌دن (مكثف بن زيد الخيل) طرفدن اله  
 كجیریلان جوقاق چوجق اسیرلردن اولوق اوزده اصلای دیللی ایدی [۱].  
 مدینهده ایلک عود چالان الك بیوک اسلام مغیبلردن (سائب خاثر) ک اصلای  
 فارس ممالکندن آلان اونوع اموال غنائمدن ایدی. مشاهیر شعرادن (مروان  
 ابن ابی حفصه) نك پدری دخی (اصطخر) اسیرلردن یهودی ایدی [۲].  
 مشاهیر لغویوندن (هروی) بادیدهه یتیشمش برطاقم عربلرک حصه‌سنه دوشن  
 براسیر ایدی [۳]. قدمای نحو یونك سرآمدانندن اولان (ابن اعرابی) نك  
 پدری ده سندلی برکوله ایدی. اعظم شعرای عربدن (ابودلامه) کوفه‌لی ،  
 اسوداللون برآدم ایدی . بنی اسد قبیله‌سندن برآدمک کوله‌سی ایکن آزاد  
 ایدلمش ایدی [۴]. اسلامیتده سائر علوم و معارف اربابی‌ده اکا کوره قیاس  
 ایدیکز . (کتابمژک اوچنجی جلدینک ۹۱ نجی صحیفه‌سنه مراجعت بیوریله )  
 کبار تابعیندن و مشاهیر اتقیدان (حسن بصری) نك پدری دخی حضرت  
 (ابوبکر) ک زماننده ایرانلیلر ایله وقوع بولان (نئی) محاربه‌سی انناسنده  
 اسلاملرک انه کچن اموال غنائمدن اوله‌رق خرستیان برکوله ایدی [۵].  
 بضاً مولی خاندان واصل برعائله‌دن ایکن اسارتله کوله اولمش ، فدیة  
 ویرمه‌که موفق اوله‌مامش کیمسه‌لردن ده اولوردی. خلفای عباسیه‌دن (منصور)ک  
 بعض آزادلیلری (مرازبه) نامیله معروف اولان ایرانلی رؤسا و بکلرک  
 اولادندندیلر [۶]. کذلک کندیسندن احادیث شریفه روایت اولنان (ابو علی  
 بن بذیمه) ایله (مطلب بن زیاد) ک بیوک پدری (ابوزهیر) ک اصللری  
 (مدائن) محاربه‌سنده اسیر ایدیلوب فاتح نامدار (سعد بن ابی وقاص)  
 طرفندن صحابه‌دن (سمرة بن جنادة) یه اهدا و سخائی مشارالمه‌ک اوغلی  
 (جابر) طرفندن آزاد اولنان ایران شهزاده‌لردن ایدیلر [۷]. صحابه‌دن  
 و قدمای مهاجریندن (ابوموسی الاشعری) فارس قطعه‌سنده کائن (پیروز)  
 محاربه‌سی غنائمدن (دهاقین) نامیله معروف اولان کوی رؤسای اوغللردن  
 آلتمش چوجق سچهرک بونلرک بعضلرینی اسلاملره توزیع ایتمش ایدی .

[۱] المعارف ۱۸۳ [۲] اغانی ۲۶ ج ۹ [۳] ابن خلکان ۵۰۱ ج ۱

[۴] اغانی ۱۲۰ ج ۹ [۵] انزالنیر ۱۴۸ ج ۲ [۶] اغانی ۸۰ ج ۲۰

[۷] المعارف ۱۰۳




بونوعدن چوجق اسراسندن اولوب اقربا وتعلقاتلری طرفدن فدیہ ایله قورتاریلانلر ایسه بشقه ایدی [۱] .

خلفا کندی آزادلیرینه پک زیاده اعتماد ایتدکلری ایچون انلره بتون ایشلری تودیع ایلرلردی . خلفای راشدینک حاجبلری (مابینجیلری) نک، اکثری - اصللرینک فارسی ، دیلی ، حبشی ، رومی اولسی نظر دقته آلمقسزین - آزادلیلردن متشکل ایدی . حضرت (ابوبکر)ک آزادلیلردن برنجیسی (بلال بن رباح) ایدی . مکملی برآدمک حبشلی برکولهسی ایدی . (ابوبکر) انی بش اوقیه کموش ایله [۲] صائون آلهرق آزاد ایش ایدی . (بلال) مدینه ده ایلك اذان اوقویان ذاتدر . اسلامیتده بیوک بر مقامی واردر . حضرت (ابوبکر) ک دیگر آزادلیلری اولان (عامر بن قهیره) ، (ابونافع) ، (مرة بن ابی عثمان) وسائر دخی هپ اوپله ایدیلر [۳] . خلفادن حضرت (عمر) ، حضرت (عثمان) ، حضرت (علی) ایله سائر کبار صحابه نک، آزادلیلری ده اکا کوره قیاس ایدیکز . بونلر هپ افندیلرینک اغورنده فدای جانه حاضر ایدیلر . چونکه انلره قارشى بیوک برحس منت ایله متحسس ایدیلر . تاریخده هر عصرده وقوع بولمش بونوعدن پک چوق مثاللر واردر . اوجمله دن (امین) ایله (مأمون) آرسنده محاربه وقوع بولدیغی زمان اهواز والیلکنده بولان (محمد بن یزید مهلبی) امینک طرفنی التزام ایتمش و (اهواز) شهرینی (مأمون) ک قوماندانی اولان (طاهر بن حسین) ک استیلا سندن قورتارمق، امینه صادق و طرفدار براقق ایسته مش ایدی . فقط هنوز استحکامات یامدن (طاهر) ک اردوسی بردن بره اوزرینه هجوم ایدرک کندیسنی صیقیشدیردی . بونک اوزرینه (محمد بن یزید) آزادلیلرینی طوپلایه رق « فکرکز ندر ؟ ... معیتده بولان عسکرک هر بری بر طرفه قاچدی . انلردن هیچ بر خیر یوقدر . اللهمک مقدراتی نه ایسه یرینی بولنجهیه قدر کندم بالذات میدان محاربهیه آتیلوب حرب ایتمکه قرار ویردم . هرکیم یانمندن کیتمک ایسترسه کیده بیلیر . اولمکه بدل بر حیات قالمکزی آرزو ایدرم » دیدی . آزادلیلری ایسه : بزى اسارتدن آزاد ، قدرمزی اعلا ، یوقلق چکر ایکن رفاهیت و بولالغه مظهر ایتدکدن صکره سنی بو حالده بر اقوب کیدر ایسه ک

[۱] ابن الاثیر ۲۳ ج ۳ [۲] بن اوقیه یدی مثقال ، یاخود قرق درهمدر [۳] المعارف ۵۸

انصافسزلق، کفران نعمت ایتمش اولورز. سندن صکرده اوله جق دنیایه، یاشایشه لغت اولسون « دیهرک قاحماق ایچون آتلینک آیاقلرینی کسدکن صکره میدان محاربه یه آتدیلر. وجملة تلف اولنجه یه قدر افندیلرینک اطرافنده حرب ایتدیلر [۱]. »

مع مافیه موالی بو قدر مهم و بیوک بر موقع اشغال ایتمش ایکن ینه عربلردن آشاغی عدایدیلورلردی. اسلامیتک صدر اولنده آزادیلرله علم و دیانتله برابر اعتماد و امنیته محتاج اولان مناصب دولتن برچوقلری توجیه و کندیلرینه بیوک معاشلر تخصیص اولنورسه ده [۲] مثلاً قاضیلری کبی شان و شرفه، عصیته محتاج اولان مناصب عالیله توجیه ایدلمزدی. چونکه بوکی مناصب موالینک درجه لری فوقنده عد اولنوردی. حضرت عمر اعظم علما و فقهادن (مکحول) ی قاضی نصب ایتک ایسته مشدی. (مکحول): « حضرت نبی شرف و نفوذ صاحبی اولانلردن بشقه بین الناس کیمسه قاضیلر ایتسون بیورمشدن. بن ایسه آزادی یر آدم « دیهرک منصب قضایی قبول ایتما مشدی [۳]. »



امویلرک دورنده دولتک سیاستی

۱۴۱ سنه سندن ۱۲۲ سنه سنه قدر

یوقاریدن بری ویردیکمز معلوماتدن آکلاشدیغی اوزره خلفای راشدین زماننده دولتک سیاستی: اتحاد عربی ایله عدالت ، رفق و بیوکک اوزرینه تأسیس ایدلیدیکندن جهانک فتحی ، دولت اسلامیه نک تأسیسی ویکرمی ، اوتوز سنه ظرفنده ربع مسکوندن قسم اعظمک دائره اطاعته ادخالی سهولتله میسر اولش ایدی . بودورده کی اسلاملرک رهبر حرکاتی دین ایدی . سلاحلری تقوی ، حقانیت ، کتاب وسنت احکامی ایله عملدن عبارت ایدی . غایه امللری دین اسلامک نشری ایله آخرتده ثوابه نائلتیه مصروف ایدی . حکومتلری انتخاب وهشورت ایله تشکل ایدردی . امویلرک سیاستنده ایسه بوکامن کل الوجوه مخالف برطرز سلطنت کورده چکسکمز .

خلافتک امویله انتقالی

امویلر خلافته کوزدیکدکلری زمان خلافت اسلامیه حضرت نینک دامادی و عمزاده سی حضرت علینک عهدده سنه کچمش ایدی . حضرت علینک جناب پیغمبره اولان قرابته ، تقوی ، شجاعت و علم و عرفانه ، اسلامیتده کی سبقنه ، دین اسلامک تأییدی امرنده وقوع بولان خدمات عظیمه سنه بناء اسلاملرجه خلافته ک حقلی ذات عد ایدلکده ایدی . بو حقه رغما ( معاویه بن ابی سفیان ) حضرت علی به رقیب چیقدی . دین اسلام ظهور ایتدیکی زمان ( معاویه ) نک پدری ایله برادرلری بودینه ک شدتلی دشمنلردن ایدیلر . بونلر

اسلاميه آنجق سكرزنجى سنه هجرى ده مكنك فتحندن صكره داخل اولمشلردى. اسلاميتى قبوللردى ده جزيردا العربده اسلاميتك كسب قوت ايتديكنى واكاتارشى طور مقامكان خارجند بولنديغنى كوردكدن صكره بالجبوريه وتوع بولمايىدى. ( معاويه ) نك پدرى ( ابو سفیان ) مكه اهالىسنك رئيسى ايدى. حضرت نجيه قارشى برقاق موقمده محاربده بولمش، علناً اظهار عداوت ايتمش، ذم و طعنده بولمش ايدى. اسلاملر اجرا ايتدكلى غزوه لرده احراز مظفريتله قوت كسب ايتدكدن صكره مككى فتح ايتك ايچون شهرده ياقلاشد. قلى زمان ( ابوسفیان ) ايله قریش ايلرى كلنلرندن بعضلى اجراى تجسس ايچون مكنك خارجه چيقمشلردى. حضرت نيك عمجهسى ( عباس ) بولره راست كلدى. ابو سفیان ندامتن المرى اوغوشدورده رق حضرت ( عباس ) د: « برادر زادك حقيقه بيوك براحميت آلدى » ديدى. حضرت ( عباس ) ابو سفیانه دخالت ايتمى لزومنى كوستردى. ( ابو سفیان ) بشقه برچاره بوله مينجه جناب نجيه دخالت وعرض استيان ايلدى. متعاقباً مكه شهرى اسلاملر طرفدن فتح اولدى. بونك اوزرينه ( ابو سفیان ) اسلاميتى قبولدن بشقه برطريق نجات كوردمديكندن كنديسى و ( معاويه ) داخل اولديغنى خالد اوغللى اسلام اولديلر. حضرت پيغمبر اسلاميتده ثابترنى تأمين ايتك اوزره كثر بذر واحسان ايله بولرك كوكلرينى تأليف وتسخير ايتدى [۱].

### اميه وهاشم اوسنده كى زنايت

( معاويه ) نك طلب خلافت ايتمى سببى زمان جاهليت متصدر. ( بنى عبد مناف ) قریشك اك نامدار، اك كثرلى، اك قوتلى بطونندن ايديلر. بونلر بنى اميه و بنى هاشم اولق اوزره ايكي فخذ تشكيل ايديورلردى. ( بنى اميه ) عدوجه بنى هاشمدن ده زايده ايديلر. بونلر قبل الاسلام ( ابو سفیان ) ك پدرى و ( معاويه ) نك جدى اولان ( حبيب بن اميه ) يه منتهى بيوك ومعروف برشان و شرفلى وار ايدى. موماليه ( حبيب ) فجار محاربه سنده رئيسلى اولديغنى كى ايكي فخذ آرسندهده بيوك برجاه وشوكت صاحبي ايدى. حضرت



بنی ہاشمدن اولدینی خالدہ اسلامت ظهور ایدنجہ بنی ہاشمک نفوذ اسلامیۃ احرارز ایتدکلی اعتلا امویلرہ کران کلدی۔ امویلر اسلامیۃ قارشى بتون نفوذلرینی صرف ایتدیلر ایسده موفق اولہمایلر۔ بو مقاومت تأثیریلہ حضرت نبی مکئی ترک و مدینہیہ التجایہ مجبور اولمش ایدی۔ مدینہدہ قحطانیہدن اولان انصار جناب پیغمبرہ نصرت ومظاہرت ایلہرک نائل موفقیت اولسنہ خدمت ایتدیلر۔ عمجہسی (ابو طالب) ک وفاتی اوزرینہ اوغللری حضرت نبی ایلہ برابر مدینہیہ مهاجرت ایشلردی۔ بونلردن صکرہ (ابو طالب) ک برادری (حمزہ)، دہا صکرہ (عباس) ایلہ بنی عبدالمطلبدن دیکرلری و بنی ہاشمک جملہسی مدینہدہ حضرت نبیہ التحاق ایتمک اوزرہ مکئی ترک ایتدکلرندن امویلر مکدہ رقبسز قالہرق قریش آرسندہکی موقع ریاست ونفوذلری بیومش و (بدر) واقعہسندہ قریشک سائر بطونندن اولان اعظمک اکثری مقتول دوشدیکندن بالخاصہ مذکور واقعہدن صکرہ نفوذ وسطوتلری دہا زیادہ آرتمش ایدی۔ (ابو سفیان) مکدہ بنی امیہنک اک شرفلی وممتازی وقریشک اک ایلری کانی ایدی۔ (احد) واقعہسندہ انلرک رئیس و (احزاب) واقعہسی ایلہ دہا صکرہ جریان ایدن وقعهلردہ قوماندانہ نبری ایدی۔ بالادہ بیان ایدلدیکی اوزرہ اسلاملر کسب شان وشوکتلہ مکئی فتح و (ابو سفیان) استیمان ایدنجہ حضرت نبی قریشی قوۃ جبریہ ایلہ مغلوب ایتمش ایکن عمومہنہ ایلکدہ بولمغنی حسن سیاستہ دہا موافق کورہرک سبیللرینی اطلاق ایتمش وکندیلرینہ « اذهبوا فاتم الطلقاء » دیش ایدی۔ (معاویہ) انلرک میانندہ ایدی۔ عموماً اسلام اولدیلر۔

حضرت نینک وفاتندن صکرہ حضرت (ابو بکر) مقام خلافتہ کلنجہ چوقلری بنی امیہدن اولان قریشیلر مشارالہہ مراجعت ومہاجرین وانصاردن دہا آشانخی طوتولمش اولملرندن شکایت ایلدیلر۔ (ابو بکر): « اسلامیۃ کچ داخل اولدیکیز؛ جہاددہ اخوانککزرہ یتیشکیز » جوابی ویردی۔ قرشیلر مرتدلرک محاربهلرندہ بولندیلر۔ متعاقباً حضرت عمر مقام خلافتہ کلنجہ بونلرک باطناً نہ دوشوندکلرینی حس ایدرک مدینہدہ قلملرندہ محذور کوردی۔ روملر ایلہ محاربهیہ، شام قطعہسندہ اقامتہ کندیلرینی ترغیب و (ابو سفیان) ک اوغلی (یزید) ی شامہ والی تعیین ایلدی۔ (یزید) ک شامہ انتقالی ایلہ سائر قرشیلر

کندیسه برابر کتیدیلر ، شامی و میودلری خوش بولدرق اوراده اقامت ایتدیلر. ( یزید ) وفات ایدنجه حضرت عمر انک یزید برادری ( معاویه ) بی شامه والی تعیین ایلدی . حضرت عثمان ۲۳ سنه هجریه سنده خلیفه اولنجه ( معاویه ) بی شام والیکنده ابقا ایتدی . ایشته بو صورتله ؛ زمان جاهلیتده نصل ایسه دور اسلامیده دخی قریش اوزرینه ریاست ؛ بنی امیهه چکدی . بنی هاشم ایسه امور دنیایی ترک و فیض نبوتله اشتغال ایتدکه ایدیلر .

### معاویه و حضرت علی

امویلر بنی هاشمک شرف نبوتله نائل اولدقلری شان وشوکتله نظر غبطه وحسد ایله باقرق زمام سلطنتی اله کچیرمک ایچون فرصت آریورلردی . حضرت عمر اثنای شهادتنده شورایی امر ایدنجه صحابه کرام حضرت عثمانی خلیفه انتخاب ایلدیلر . حضرت عثمان بنی امیه دن ایدی . مقام خلافتله انتخابی بردیسسه امویه دن خالی دکلدی . حضرت عثمان تدبیرامورده ضعیف الرأی ایدی . اقربا وتعلقاتی وظائف دولته تعیینده دیکرلرینه ترجیح ایدیوردی . امویلر یوسفدن بالاستفاده مأموریتلره چکدیلر . وواردات مملکتی قبضه استیلارینه چکیردیلر . بو حال سائر صحابهیه کران کلدیکندن حقنده حاصل ایتدکلری خصومت تأثیریه کندیسنی شهید ایلدیلر .

امویلر ؛ حضرت عثمانک شامده والیسی اولان ( معاویه بن ابی سفیان ) ک ریاستی آتنده اوله رق ، خلیفه مشار الیهک شهادتی خلافتی اله کچیرمکه وسیله یابدیلر . قریش ارکان معاویه ایله برابر ایدی . مدینه اهالیسی اکثریتله انصاردن متشکل اولمق اوزره حضرت علییه بیعت ایتدکلرندن بونک نتیجه سنده اسلاملر ایکی باشلیجه فرقهیه آیرلمشلردی . برنجی فرقه انصار فرقهسی ایدی . بونلر حضرت نبویه هجرتی زماننده نصرت ومظاهرت ایتش بولملرینه تبعاً خلافتی خاندان نبوییه تخصیص ایتک استیورلردی . ایکنجی فرقه ایسه شامده کی قریش فرقهسی ایدی . بونلر خلافتی زمان جاهلیتده رئیسلی بولنان ( ابو سفیان ) ک اوغلی ( معاویه ) ایچون طلب ایدیورلردی . صحابه نکه اکثریتی حق حضرت علیک اولدیغی کوریوردی . بناءً علیه ( معاویه )

خلافگیرانہ قارشى نائل امل اولق ایچون دها وذا وحسن تدبیر استعمالندن .  
 بشقه بر یول بولهمدی . ذاتا گندیسی زماننك اك داهی وذا کیسی ایدی .  
 ( معاویه ) هر عصرده سیادت وحاکمیتی آرزو ایدنلرك طوتدقلری یولده  
 خلافتی علاقہ دینہدن مجرد بر صورتده استحصاله صرف غیرت ایتدی .  
 رقیبی حضرت علینك ، خلافتی بر منصب دیندن عبارت عد ایتسی ، زهد  
 وتقواسی ، ثواب و حسناتدن بشقه بر آرزوسی اولماسی کندیسنك مظهر  
 موفقیت اولسنه یاردم ایلدی . فضلہ اولهرق ( معاویه ) نك آدملری دینك  
 حرمتی ، نبوتك دهشتنی اونوتمشلر ، ثروت و بوللغك طادینی آملشلر ، سیادت  
 وحاکمیتہ آلیشهرق امل و آرزولری توسع ایتش ایدی . ( معاویه ) احراز  
 خلافت ایتدکدن صکره برکون ( عمرو بن العاص ) ایله قونوشور ایکن :  
 « خلق ایله آرمده واسطه اتصال قیل قدر اینجه اولسه بو قیل بیلہ قوپماز »  
 دیمش ایدی . ( عمرو ) : « ای امیر المؤمنین ! بوندن نه دیمک ایستیورسکنز ؟ »  
 دییه سورنجه : « انلر چکدکجه کوشدیرم ، انلر کوشتدکجه چکرم » جوابنده  
 بولنمش ایدی . ایشته ( معاویه ) بوقاعده اوزرینه حرکتله طرفدارلر  
 قازاندی و بو یولده صرف ایتدیکی مساعی نهایت مشر موفقیت اولدی .

( معاویه ) نك نائل امل اولق ایچون اك اول یاپدیغی شی مورخرلجه  
 عربلرك اك داهیسی عد ایدیلن اوچ ذاتی کندیسنه معین ومظاهر اتخاذ ایتسی  
 ایدی . کندیسی ده بالذات او داهیلردن زیاده داهی وذا کی ایدی . او اوچ  
 ذات ( عمرو بن العاص ) ، ( زیاد بن ابیه ) ، ( مغیرہ بن شعبه ) دن متشکل ایدیلر .  
 اساساً بونلر اولسه ایدی ( معاویه ) احراز خلافتہ موفق اوله میه جقدی .  
 ( صفین ) محاربہ سنده حضرت علینك اردوسی مظفریت احراز ایتدکدن  
 صکره محاربہ نك طور دیرلمسی ایچون مصحفلرك قالدیرلمسنی ، تحکیمی تنسیب  
 وحضرت علینك وکیل ( ابو موسی الاشعری ) بی تحکیم مسئلہ سنده بالاغفال  
 علی بی خلع ومعاویہ یه بیعت ایدرك ( معاویه ) بی او مشکل موقعدن حیلہ ایله  
 قورتاران ( عمرو بن العاص ) ایدی . ( عمرو ) بو خدمته مقابل مادام العمر  
 کندیسنه اکملکک اولق اوزره مصر والیکنه نائل اولدی [۱] . ( زیاد بن  
 ابیه ) یه کلنجه بو ذات باباسی غیر معروف بر آدم ایدی . ( معاویه ) بونك

ذکا و اقتدار بی کورنجه دها اول خلاصه یازدیغمز اوزره کندیسنه یا قلاشدره درق . قاردشی اولدیغنی ادعا و کندیسنی نسنه الحاق ایله ( زیاد بن ابی سفیان ) نامنی ویردی . ( زیاد ) که بو صورتله ( ابوسفیان ) ه الحاقی شریعت اسلامیته نک احکامنه مخالف علناً اجرا اولسان ایملک حرکت جرأتکارانه ایدی [۱] . ( زیاد ) عراق و فارس قطعه لرینک محافظه سی امرنده ( معاویه ) یه پک بیوک بر معین اولدی . ( مغیره بن شعبه ) ایسه اسلامیتده قلب مسکوکات ضرب ایدن ، رشوت آلان ایملک ذات ایدی [۲] . معاویه یه اوغلی ( یزید ) ی ولی عهد اتخاذا اتمکه ، خلافتی کندی نسلنده ارثی یاپمغه تشویق و کندیسنه بوخصوصده یارديم ایلینده ( مغیره ) ایدی .

( معاویه ) ایشته بونلرک و بیوک قوماندانلردن متشکل اولان دیگر ذواتک معاونت لرینی دها و ذکا و منفعت اراءه سیله تأمینه موفق اولدی . ( عمرو بن العاص ) مصری ، ( مغیره ) یه ده فارس قطعه سی و الیلکنی اکیمک ویردی . ( زیاد ) ی رسماً کندیسنه قاردش یابدی . و الیلرندن حساب صورمقده سوء حال لرینی آرا مقده مستاحمه کارانه طاورانیزدی [۳] . بالعکس انلره التفات واکرامده پک ایلری کیدردی . حال بوکه بونلر ( معاویه ) دن کوردکلری بو التفات و منفعتک بر قسمنه حضرت علیدن نائل اولسه لر ایدی ، شبهه سز ، حضرت علینک طرفنی التزام ایده جکلردی . فقط حضرت علی طرفدارلرندن حساب صورمقده پک دقتی طاورانیور ، کندی رأی و فکرینه شدتله تابع اولیور ، وجداننک کوستردیکی یولدن انحراف ایده میوردی . حضرت ( ابوبکر ) و ( عمر ) ده او یولی طومتشلردی . آنجق انلرک زماننده اسلاملر حمیت دینه و فضائل فطریه ایله متصف ایدیلر . خلیفه لرینه برسوز ایله مطیع اولیورلردی . حضرت علینک دورنده ایسه احوال و اخلاق دیکشیدیکی ایچون امام مشارالیهک افعال و حرکتانی بر ضعف و اداره سزلک عد ایدلدی . بعض ذوات امامک طرفداری ایکن بو اداره سزلکی کوردلرک کندیسندن افتراق و معاویه یه التحاق ایدیلر . بونلردن ایملک آیریلان ذات ( مغیره بن شعبه ) ایدی . ( معاویه ) رقیب طوردیغنی حالدده حضرت علی یه بیعت اولدیغنی کون ( مغیره ) نزد امامه کله رلک ( معاویه ) یه حسن معامله ده بوللمسنی ، موقعنی بستیون تحکیم



و تقویہ ایدنبجہیہ قدر انی شام والیکندن عزل ایتماسنی ، عزلك انحق تأمین موقعدن صکره اختیار ایدلمسنی توصیه ایتمش ایدی . حضرت علی بو فکری قبول ایتدی . ( مغیره ) سوزلرینک فائده سزلکنی کورنبجه ایرتسی کونی نزد امامه کیتدی ، یالاندن امامک فکرینی تصویب و ( معاویہ ) نک عزانی توصیه ایتدی . صکره حضرت علیدن آریلارق معاویہ نک طرفنه کچدی وانک اک بیوک معینی اولدی .

حضرت علینک کندی عمزاددسی ( عبدالله بن عباس ) حقنده کوستردیکی معاملہی ، کندیسندن حساب ایسته مکله دلکیر ایدرک انی کندی طرفدارلغندن نصل چیقاردیغنی ده اکا کوره قیاس ایدی کز . حضرت علینک شهادتی اوزرینه اکا خلف اولارق مقام خلافته کلن حضرت حسن ( معاویہ ) یه قارشى باشه چیقهمیه جغنی آکلایه رق ۳۱ سنه هجریه سنده ( معاویہ ) یه قالمی اوزره خلافتدن فارغ اولدیفندن ( معاویہ ) مقام خلافتده موقعی بسبتون تقویہ و تحکیم ایتدی . ( معاویہ ) دن صکره مقام اتداره کلن مارک امویه هپ انک یولنی طوتدیلر . علویلر ایسه حضرت علینک اثرینه تبتاً حرکت ایدیورلردی . موفقیت دأماً دها سیاست اصحابنه توجه ایلوردی . بونک نتیجه سنده علویلر حیاتلرینک قسم اعظمی قورقو ایچنده ، پریشان برحالده کچیردیلر . چوقلری مقتولاً وفات ایتدی . حال بوکده بونلر تقوی ، صلاح و دیانت اصحابی ایدیلر . دیگرلری ایسه بو مزایانک عکسی ایله متصف ایدیلر . بوده کوستریمورکه توادردن صرف نظر ، سیاست ایله دیانتک برآرده اجتماعی امثالی پک آرزووقع بولان خصوصاتنددر .

بونکله برابر بز خلفای راشدین دولتی بر حکومت سیاسیة عد ایتیمورز . او آنحق برخلافت دینیه ایدی .

### بنی امیه نک سیادت و حاکمیتہ رغبتلری

امویلرک محور سیاستی ، غایه مقصوددلی ، یولک کوچلکنه ، وسائطک عدم مشروعیتنه باقیه رق خلافتی احراز ایتک وزمان جاهلیتده مالک اولدقلری سیادت و حاکمیتی نصل اولور ایسه اولسون دور اسلامیتدهده اله کچیرمکدن

عبارت ایدی . مراملرينده واصل اولدیلر . مملکت اسلامیه بوزلرک زمانده . .  
 پک زیاده کسب وسعت ایدرک شان وشوکتی مزداد اولدی . دها صکره  
 عباسیلرک دورنده ممالک اسلامیه اوقدر وسعت بولهمدی [۱] . امویلر سلطنت  
 وحاکیمته اشتراک ورقابتی اصلا چکه میورلردی . بویولده انلردن اک شدتلی  
 وخونریز طاورانان (عبدالملک بن مروان) ایدی . «برچالیلقدہ ایکی ارکک آسران  
 اجتماع ایدمز» دیردی [۲] .

احراز حاکیمته کندیلرندن دها زیاده حقلی کیمسلر بولندینی حالده .  
 امویلرک بیان ایتدی کمز صورتده طلب سیادت وحاکیت ایلری کندیلرینه .  
 موجب ذم وطعن بر طاقم احوالی ارتکاب ایتلرینه مؤدی اولمش ایدی . .  
 بودولتک ظهوری واو صروده خلافتی طلب ایدنلرک جلهسنه غلبه سی بری  
 عصیت قرشیه نی احیا ، دیکری عصیات سائرینی ویاخود سائر طرفدارانی .  
 معاشر ایلہ الدہ ایتکدن عبارت اولمق اوزره ایکی شی ایلہ تأمین ایدلمش ایدی . .  
 ایلریده کوروله چکی وجه ایلہ امویلرک سیاست امورده کوزده چاربان بالجمله .  
 اجرا آتی ایشته بویکی اساس اوزرینه مؤسس ایدی .

### امویلرک زمانده عصیت عربیه

عربلر وقربش قبیله سی

زمان جاهلیتده قبائل ارسنده عصیت عربیه انسابه کوره ایدی . اسلامیت .  
 ظهور ایدنجه اوعصیت اونودولدی . بتون عربلر اسلامیت نامی ، یاخود اتحاد  
 اسلامی آلتنده برلشدیلر . اتحاد اسلامی خلفای راشدین زمانی امتدادنجه .  
 قبائل وبطونلرینک اختلافه رغماً بالخاصه عربلر شامل ایدی . بالآخره امویلر  
 زمام امور خلافتی اله کیرنجه حکومتده مستبد وعربلرک لهنه متعصب طاورانهرق  
 بدولتک مقتضای ایلہ عادتدن آیرلمق ایسته مدکلرندن بدویلرک دها اول ذکر  
 ایتدی کمز مناقب ومحاسنندن اثر قالماش اولدینی حالده چول قابالغی شکل .  
 حکومتلرینه غالب واجراآت سیاسیه لرندن ظاهر اولهرق دوام ایش ایدی . .

امویہ عادات جاہلیہ لرندن آنجق کندی قبیله لرینی (قریشی) التزام ایتک، کندی اقربالرینی سائرلره ترجیح ایلک عادتیی محافظه ایتشلردی. بوحال زمان جاہلیتده موقع واهمیت صاحبی اولوب اسلامیتدن صکره اهمیتلرینی ضائع ایدن قبائل ایلہ بالخاصہ بصرہ، کوفہ وشام اہالیسنک حسدلرینی غلیانہ کتیردی. چونکہ بویرلره قونان عربلرک اکثری وحشی وقبا ایدی. حضرت نینک رفاقندن چوقجه بولنامشیر، سیرت نبویہ ایلہ تہذیب اخلاق ایتماشلردی، زمان جاہلیتده هانکی قبائلق وعصیتده ایدیلر ایسه بعدالاسلام دخی اویله جه قالمشلردی. دولت اسلامیہ کسب سطوت ایدر ایتز بونلر کندیلرینی قریش، کنانہ، ثقیف، ہذیل قبائلندن اولان مهاجرین وانصار ایلہ حجاز ومدینہ اہالیسنک قبضہسندہ مسخر کورہرک بوحالندن متغیر ودلگیر اولدیلر. زیرا یونلر خاندانلقجه، کثرت عددجه، فرس وروم ایلہ اجرا ایتدکلی محاربہلر ایلہ کندیلرینی سائرلردن زیادہ حق تقدمہ مالک عد ایدیوزلردی. بونلر ربیعہدن (بکر بن وائل) و (عبدالقیس)، یملی (کنده) و (ازد)، مضر دن (تمیم) و (قیس) کبی قبائلدن متشکل ایدیلر. قبائل مذکورہ قریشی چکمامک، علینده بولمغه باشلادقلردن عصیت زمان جاہلیتده هانکی حالده بولنیورایدیسه اوحالہ عودت ایلدی.

بوعصیت؛ ذکر ایتدیکمز وجہ ایلہ قریشک سائر صحابہ وتابعینہ رغماً حاکمیتده اظهار استبداد وتفرّد وفی اموالی کندی نفسنہ تخصیص ایللری اوزرینہ عموم عربلرک سابقہ حرص وحسدله قرشیلره قارشیی متعصبانہ حرکت ایللری تاریخنندن اعتباراً باشلادی. یعنی وعدنانی قبائلدن انعام واحسان ایلہ (معاویہ) یه جذب وطرفدارلغنه ادخال اولنانلرایسہ مستثنی ایدیلر. بین المسلمین بونوعدن تحدث ایدن ایلک اختلاف حضرت (عثمان) زمانسده وقوع بولدی. شویله کہ: (سعيد بن العاص) خلیفہ مشارالیه طرفندن (کوفہ) یه والی نصب ایدیلنجہ بر طاقم کبرائی، اهل قادسیہیی، کوفہ قراسنی مصاحبته انتخاب ایلدی. هر قبیله دن آدملری حاوی اولان بوذوات هر کیجه (سعيد)ک نزدندہ مسامرات ایلہ وقت یکیریرلردی. اووقته قدر امویلر ایلہ صحابہ دن برطاقلری اراضی وعقار صاحبی اولمغه وابنیہ انشا ایتک باشلامشلردی. امویلر خلیفہ نک اقربا وتعلقاتی اولدقلری ایچون بو خصوصده هر کس دن زیادہ اقتدار وقوت صاحبی ایدیلر.

ذکر اولنان ذوات کيجه نك برنده (سعيد بن العاص) نژدنده مسامره ايله وقت کچيريرکن انلردن بری قدمای صحابه دن وعشره مبشره دن (طلحه بن عبدالله تيمي) نك سيخاوتندن بحث ايتدی . (سعيد) : «نشاستيج کي چيفتليکي اولان بر آدمک سخی اولمسی پک طبعيدر. نهمده اويله برچفتلکم اولسه ایدی سزکله برابر فراح فراح ياشاردق» دیدی . (نشاستيج) طلحه نك کوفه ده کائن پک چوق وارداتلی برچفتلکی ایدی . مشارالیه بو چفتلکی حجازده مقیم کوفه لیلردن (خير) ده مالک اولدینی برپاره ايله ساتون آلهرق اعمار ایلدیکدن وارداتی چوغالمش ایدی [۱] .

(سعيد) بو سوزلری سويلينجه حاضر وندن بر چوقی آياغه قالدی . کنديسنه: «کاشکی بو ملطاطده سنک اولسه» دیدی . (ملطاط) (کوفه) . نك بريسنده وفرانک ايکی طرفنده کائن واکسره يه عائد اراضی ديمک ایدی . حاضر وندن بری چوجنی تکدير ايتدی . چوجنک باباسی: «چوجقدر ، طوقونمکیز» ديه رنک اعتذار ایلدی . حاضر بولسانلر: «سواد اراضيسنک انک اولسنی نه صلاحیت ايله تمنی ايدر؟» ديه سويلنديلر . سواددن مقصد عراقک اراضی زراعيه سی ایدی . (سعيد): «نه دن اولسون . سواد قريشه عائد بر باغچه دن بشقه بر شيميدر؟» سوزلريه ايشی قيزيشديردي . حضرت علينک شدتلی طرفدارانندن اولان شجعان تابعيندن ومنيهدن (اشتر نخعی) ده حاضر وندن جمله سنده ایدی . بو سوزلری ايشيدنجه حدته کلدی . (سعيد) ه: «قليجمنز سایه سنده بزه واردات تشکيل ایدن سواد سنک وقومک ايچون فصل بر باغچه اولور؟» دیدی . (سعيد) ک ضابطه رئيسی اولان (عبدالرحمن اسدی) ده: «اميرک سوزلرينه قارشیمی کليورسکيز؟» ديه رنک سرتلکه سوزده قارشیدی . (اشتر) رفيق لرينه اشارت ايتدی . (عبدالرحمن) ک اوزرينه صيچراديلر وآياق آلتنه آلهرق بايلنجه يه قدر شدتله تپه لديلر . صکره آياغندن چکوب اوزرينه صو دوکديلر . (عبدالرحمن) آياينجه (سعيد) ه توجه انظار ايدرنک: «محبت ايچون ايتديکک آدملر يني اولديرديلر» دیدی . (سعيد) : «بوندن صکره هيچ برکيمسه يي مسامره يه آلام» ديه رنک کيمسه ايله مسامره ايتماکه عهد ایلدی [۲] .



ایستہ او تاریخدن اعتباراً قریش ایلہ قبائل سائرہ وبالخاصہ قریش ایلہ  
 یمین قبائلی و اوجلہدن انصار آردسندہ نفرت وعداوت حکمفرما اولدی .  
 انصار اسلامیک ابتدالرنده اقبالرندن قاچہرق کندیلرینہ التجا ایتدیکی زمان  
 حضرت پیغمبرہ نصل نصرت ومظاہرت ایلدیلر ایسہ اہل بیت نبویہ دخی  
 کندی قیلہلری اولان قریشہ قارشى نصرت ومظاہرتده ثبات ایتدیلر .  
 ۳۷ سنہ ہجریہسندہ حضرت علی ایلہ معاویہ آردسندہ ( صفین ) محاربہسی  
 وقوع بولنجه انی یمیلر انصار ایلہ قریش بیندہ بر محاربہ کی صایدیلرہ  
 مذکور محاربہ شدت کسب ایتدیکی اثنادہ حضرت علینک مظاہرلرندن بر  
 آدم دشمنہ خطاباً : « ای ناس ! مزاراقلرک آلتندہ اللہک حضورینہ کیتمک  
 ایستین وارمی ؟ حیاتمہ مالک اولان جناب کربایہ قسم ایدرمکہ قرآنک تأیید  
 تنزیلی ایچون سزکلہ نصل جرب ایتدک ایسہ تأیید تأویلی اغورندہدہ سزکلہ  
 حرب ایلہجکز » دیمش ، آتیدہکی ابیاتی سویلدیکی حالہ میدان مبارزہیہ  
 آتشدن :


نحن ضربناکم علی تنزیلہ والیوم نضربکم علی تأویلہ  
 ضرباً یزیل الہام عن مقلیلہ ویذہل الخلیل عن خلیلہ

اویرجع الحق الی سبیلہ [۱]

قبائل یمینہ ومضربہ

دھا صکرہ قبائل یمینہنک اکثری حضرت علینک فرقہسندن ونصیر  
 ومظاہرلرندن اولدیلر . دیگر قسمی ایسہ معاشرہ طمعاً ( معاویہ ) نک طرفہ  
 کچدی . زیرا ( معاویہ ) یالکز قریش وسائرہنک نصرتی کافی کلیہجکئی  
 آکلایہرق قبائل مذکورہ دن ( کلب ) ی کندینہ یاقلاشیدردی . انلردنہ  
 اوغلی ( یزید ) ک والدہسی ( بحدل ) ایلہ تزوج ایتدی ، حضرت عثمانک  
 قاتلرندن انتقام آلق ایچون مظاہرتلرینی ایستدی . ذاتاً حضرت ( عثمان ) ک  
 زوجہسیدہ کلب قیلہسندن ایدی . پارہ قوتی ایلہ انلری تسخیر ایتدی .  
 بتون محاربہلردہ قوللانیدی . ( معاویہ ) اجرا ایتدیکی محاربہلردہ احراز

موفقیتاه مقام خلافتده موقعی تحکیم ایدنجه مضر و یمندن بر چوق  
قبائل کندیسنه یاقلاشدیلر . کلب قبیلهسی ( معاویه ) دن صکره اوغلی  
( یزید ) نده مظاهرتنه دوام ایتدی . چونکه ( یزید ) طاییلری ایدیلر .



اندلسده الحرام مرابنده برصالون

مکدہ (ابن الزبیر) احراز خلافت ایچون اوغراشدیغی حالده (یزید) وفات ایلینجه امویلر هر ایکسی بنی امیه دن اولان (خالد بن یزید) ، یاخود (مروان بن الحکم) ی مقام خلافته اجلاسده اختلافة دوشدیلر. (ابن الزبیر) ک طرفدارانی ایله امویلرک طرفدارلری آردسندہ مخاصمات شدتله حکمفرما اولمغه باشلادی. (ابن الزبیر) ک طرفدارانی مضریدن اوله رق قیسیلردن متشکل ایدی. بونلر (ابن الزبیر) ک تأیید خلافته چالیشیورلردی. (بنی امیه) نک مظاهرلری ایسه یمینده دن اولان (بنی کلب) ایدی. بونلر همشیره زاده لری اولدیغی ایچون (خالد) ه نصرت ایدیورلردی. امویلردن بر طاقلری (خالد) ک صغر سننی اورتیه سوردرک مقام خلافته سعودینه اعتراض ایتدکلرندن کنديسندن صکره خلافت (خالد) ه انتقال ایتک اوزره (مروان) مقام حاکمیتہ اجلاس ایلدی. متعاقباً (مروان) ک طرفدارلری ایله (ابن الزبیر) ک طرفدارانی، یعنی کلب ایله قیس آردسندہ (مرج راهط) محاربه سی وقوع بولدی. (مروان) بو محاربه ده مظفر اولدی، خلافته کی موقعنی تحکیم ایلدی. آنجق (مروان) خالده قارشی اولان تعهدینی ایفا ایتدی. وفاتنده مقام خلافته شدت افعال وحرکاتی ایله معروف اولان اوغلی (عبدالمک بن مروان) کچدی. (کلب) قبیله سی (عبدالمک) ه طرفدار قالمش ایسه ده (قیس) بالعکس اکا دلکیر اولدیغندن ممالک اسلامیہ نک هر طرفنده بولنان عربلر قیسی، کلبی، یاخود مضری، یمنی، یاخود نزاری، قحطانی اولمق اوزره ایکی قسمة آیرلدیلر. بوا یکی فرقه آردسندہ شامده، عراقده، مصرده، فارسده، خراسانده، افریقہ ده، اندلسده منازعه لر حکمفرما اولدی. بومالکک هر برنده وسائر یرلرده خلفا، امراء، ولاتک اختلافی ایله قوتلری بربرندن مختلف مضری ویمنی اولمق اوزره ایکی فرقه موجود ایدی. مضردن اولان والیلر مضریلری، یمندن اولان والیلرده یمینلری موقع اقتداره کتیریورلردی. بونفوذ احوالک اختلافنه کوره متنوع صفحه لر عرض ایدیور، فقط هر شیده تأثیری کورولیوردی. حتی خانفا و امرانک نصب و عزلنده بیله بو تأثیر مشهود اولیوردی. چوق دفعه لر نصب و عزل بوا یکی فرقه دن برینک طرفدار اولسی ایله وقوع بولیوردی.

(عبدالمک بن مروان) ک علینده بولنان قیس قبیله سی انک وفاتندن صکره

کرسئ سلطنتہ کھن اوغلی (ہشام) ۵۰۰ زیادہ نصرت و مظاهرت ایدنلردن اولدی. (ہشام) مذکور قیلہ یی کنڈینسہ یا قلاشدیردرق دیوانہ الحاق، یعنی افرادینہ معاشلر و مرتبات تعین ایلدی. مشارالہک دور سلطنتدہ مذکور قیلہ نک برچوق بطون و افخاذی ممالک اسلامیہ و بالخاصہ مصر و شام قطعہ لرینہ نقل ایدیلوب اورالردہ یرلشدیرلدی. بودوردہ و بالخصوص والدہ سی قیسیلردن اولان (ولید بن یزید) ک دورہ حکومتدہ قیسیلر نفوذ و اعتلا بولمشلر، سائر مضریلردہ بنی امیہ طرفدارانی اولمشلردی. (ولید) ک قتل اوزرینہ ملوک امویہ نک صوکنجیسی اولان (مروان بن محمد) قیسیلری کنڈینہ طرفدار ایدرک بوسایہ دہ کسب قوت ایتک مقصدیلہ (ولید) ک قاتلرینی تعقیبہ قیام ایدنجه بتون مضریلر کنڈینسہ ظہیر اولدی. بونلر صوک کونلرینہ قدر (مروان) ۵۰۰ مظاهرت ایدیلر. عباسیلرک طرفدارانی اورتہ یہ آتینجه یمینلر انلردہ ظہیر اولدی. ذکر اولسان ایکی بیوک فرقہ نک تحتندہ بربرینہ خصوصتہ وقت کچیر برطاقم فرعی فرقہ لردہ موجود ایدی. مع مافیہ شرف و نفوذجه قریشک موقعی سائر قبائلک موقعی فوقدہ ہر حالہ محفوظ قالمش ایدی. بعض ولایتلرک؛ والیرل اوزرینہ اعلان عصیان ایتسندن قورقولدینی زمان اوولایتلرہ بنی قریشدن والی تعین اولنوردی. اہالی قریشدن اولان والی حسن قبول ایدرلر، اکا اظہار اطاعتدن کیری طورمازلردی.

سائر عربلر کی قریش دخی انقساماتہ اوغرامشدی. بوانقساماتک اک مہمی (امیہ) و (ہاشم) فرقہ لری ایدی. خلق امل مخصوص و یاخود منافع وطنہ لرینہ کورہ انلردن برینک طرفدارانخی کودرلردی. چوق دفعہ لر بو طرفکیلرک مسألہ سندہ آلوب ویرمکہ وقت کچیرلر، ایشی مناظرہ و مفاخرہ دن مخاصمہ یہ تحویل ایدرلر، یکدیکیلرینک قانتی دوکرلردی. (بنی ہاشم) ک قوتی حجاز و عراقدہ و (بنی امیہ) نک کی دہ شام قطعہ سندہ ایدی. مع مافیہ بوتحدید عصرلرہ کورہ دکیشیوردی. چوق دفعہ لر بوخاصات شعرا آردہ سندہ باشلاردی. شعرادن بعضلری اوپولدہ طعن و ذملر ایلہ شہرت آلمش ایدی. اک مشہور مناظرہ لری بنی ہاشمہ ولا ایلہ منسوب اولان و طرفکیلرکلرینی کودن شاعر (سدید) ایلہ بنی امیہ طرفدارلغندہ بولنان شاعر (سیاب) آردہ سندہ جریان ایدن مناظرہ لری ایدی. مذکور ایکی شاعر مکہ نک خارجہ



چيقارلر ، هر بىرى خصم طرفىك نقائص ومعاينى ذكر ايدردى . خلق دىخى ايكي طرف اوليوردى . بوندن بىرى (سديفيه) ، ديكرى (سيابيه) ناملريله ايكي بيوك عصيت توره مشدى . بوجريان عباسيلرك زمانلرينه قدر دوام ايلهرك بونلرك دورنده دىخى ميدان آلمش ايدى . شوقدركه عباسيلرك زماننده اسملر ديكشمش ، (سديفيه) و (سيابيه) يرينه (حاطين) و (جزارين) نامى وىرلمش ايدى [۱] . (سديف) خلفاى عباسيه دن (سفاح) ك حضورنده بر شعر سويلهرك ملوك امويه دن (هشام) ك اوغلى (سلان) ك قتلنه سبب اولان شاعر ايدى .

### عربلرك عرب اولميا نلرك عليهنده كى عصيتلرى

قرشيلار بنى اميه زماننده باجمله قبائل عرب فوتنده نصل طوتولش ايسه على العموم عربلرده اسلاملرك حاكميتى آلتنه كىرن اقوام سائرهنك فوتنده طوتوليوردى . اقوام سائر بوندن استىكاف ايتيورلردى . بلهكه بو دىنى نشر و تأييد ايدنلرك ، دىنك اركان اصله سنك عربلر اولديغى بيلدر ك تقدم و رجحانلرينى حقى كورييورلردى . عربلرى كندى افنديلىرى عد ايتمكدن ، كندىلرينى انلرك موالىسندن صايتمكدن چكنميورلردى . بلهكه: «من ابغض العرب ابغض الله - هر كيم عربلره بغض ايدر ايسه الله ده اكا بغض ايدر» [۲] حديث شريفنه تبعاً عربلره اطاعت و محبتى بر فرض واجب عد ايدىيورلردى . چوق دفعهلر عربلرك عقل ، حزم و سائر مناقبده كندىلرينه فائق اولدقلرينى اعتراف دىخى ايلرلردى . نسب فارسىسى معروف اولان منشى شهر (ابن مقفع) بصره ده فرس كبراسندن برينك خانه سنده بر مجلسده بولنش ايدى . مجلسده اشراف عربدن بر قاچ ذات موجود ايدى . كندىسى سوزه باشلايرق حاضر وندن برينه : «اك عقللى ملت هاتكيسيدر ؟» ديه سوردى . كندى ملتى مراد ايتدىكى ظن ايديلهرك اكا «فارس» جوابى وىرلدى . (ابن مقفع): «خير ، ايرانلير هر نه قدر جهانى فتح ايدرك بيوك بر دولت صاحبي

[۱] اغافى ۱۶۲ ج ۱۴

[۲] العقد الفريد ۴۲ ج ۲

اولمشلر سده کندی عقل و ذکالریله بر شیئی ایجاد و اختراعه موفق اولدمدیلر « دیدی . » او حالدده روم ملتیدر « دیدیلر . بوکاده « خیر » دییه جواب ویردی . حاضر و او عصرده طائش اولان ملتلی برر برر صایدیلر . ( ابن مقفع ) بونلرک جمله سنه « دکدر » دیوردی . تعداددن اوصانج کترینجه : « پکی ، سن سویله » دیدیلر . ( ابن مقفع ) : « اک عقللی ملت عربلردر ، دیدی . انلردن اولمق بختیارلغنه نائل اوله مدم ایسه ده انلری ای طانیق بختیارلغندن محروم قالم . عربلر جهانگیرلکده ، دولت تشکیانده هیچ بر ملتک اثرینه اقتضا اتمدیلر . کندیلرینه مخصوص بر جهانگیرلک ، بر دولت وجوده کتیردیلر . عربلر دوه وقیون احبابیدر . قیادن ودریدن مصنوع چادرلرده اقامت ایدرلر . بر عرب قوتیله نصرتدن ، موجودیله سخاندن چکنمز ، سعادت وفلا کتنه سائرلرینی تشریکدن ابا ایتمز . عقل و ذکاسیله بر شیئی تعریف و توصیف ایدنجه او شی مقتدی به اولور . او شیئی اجرا ایدنجه غیر قابل اعتراض عدا و انور . کوزل کوردیکی شی کوزل ، چرکین کوردیکی شی چرکین اولور . عربلر کندی نفسلرینک تأدیی ایله تربیه لی اولمشلر ، کندی همت ، تاب و لسانلریله بر موقع عالییه اعتلا ایشلردر . اللهک فیضنه مظهر اولمشلر ، او فیض ایله تهذیب و اعلائی نفس اتمشدر . بوسایه ده الله انلرک فخر و ذکالرینی اعلا ، سطوت و دولترینی مزدداد ، کندیلرینه و سائرلره خیر و سعادت اولمق اوزره دین و خلافتی انلرایله نشر و تحکیم بیورمشدر . »

### عربلر و موالی

عربلر اوکی سوزلر ایله سائر اقوام و بالخاصه انلردن اسلام اولانلر اوزرینه اظهار افتخار ایدرلر . عربلر عرب اولمیان مسلمانلری کندیلرندن ده اشنای کورلر ، اولجه بیان ایتدیکمز اوزره انلره « موالی » نامنی ویریرلر . عربلر عرب اولمیانلری آزاد ایتک ، سائر ایملکلرده بولنش اولمق شویله طورسون ظلمت کفردن اخراج ایله صبح منیر ایمانه ادخال ایتش اولقله ده انلره بیوک بر منت تحمیل ایلرلر .

عربلر عرب اولمیانلرک آرقه سننده نمازه طور مقدن چکینیرلر . عرب اولمیانلرک آرقه سننده نماز قیلرلر ایسه بو تنزیل الله قارشلی بر تواضع عد

ایرلرلردی . مشاہیر تابعیندن ( نافع بن جبر ) اوکندن جنازه کچدکجه: « کیمک جنازه سی ؟ » دییه سوراردی . « بر قرشینک جنازه سی » دیرلر ایسه « واد هم قوم ! » ، « عربی » دیرلر ایسه « واد هم شهرم ! » دیر ایدی . « مولی » دیرلر ایسه « اللهک مالیدر ، ایستدیک ی زمان آلیر ، ایستدیک ی زمان براقیر » دییه سولینیردی [۱] . « اشک ، کوپک ، مولادن بشقه کیمسه نمازینی کسمز » سوزلری عربلرجه زیانزد ایدی . عربلر مولایی کینهلر ایله تسمیه ایتمزلردی . یالکز اسم ولقبیلر ایله چائییرلردی . مولای ایله بر صروده یورومزلردی . آلایلرده مولای عربلرده تقدیم ایدمزلردی . عربلر بر یرده یمکه اوطورلرلر ایسه مولای آقاده طورلرلردی . مولیدن برینی سننه حرمة برابرجه یمکه آلیرلر ایسه کورنلرجه عربلردن اولمدینی آکلاشلسون دییه انی اکمکچینک کله چکی طرفده اوطورتدورورلردی . بر جنازه ده عربلردن بری بولنورایسه جنازه نمازینی مولایی قیلدیرتمازلردی . مذکور دورده مولای حقیقه جاری اولان احکام ایلریده کوستریله جکدر .

عربلر بودولت دورنده کرک مولیدن ، کرک اهل ذمتدن اولسون عرب اولمیان بالمله اقوامی خوار کورلر ، کندیلرینی فطرت وخلقته ، فضل و عرفانجه انلرک فوقده عدایدرلردی . یوقاریده کورلدیکی اوزره انلره « حمرا » نامنی ویریرلردی . احتمال که « حمرا » لفظندن بالخاصه « مولای » یی مراد ایدرلردی . عربلر کندیلرینی عرب اولمیانلرک افندیلری عدایتدکلری کچی کندیلرینی افندیلکه و دیگرلری خدمتچیلکه یارادلش فرض ایلرلردی . ایشته بو سائقه ایله عربلر اسلامیتک اوائلنده سیاست و حکومتدن بشقه هیچ بر شی ایله مشغول اولمازلردی . سائر ایشلری و بالخصوص صنایع و حرفی سائرلره ترک ایشلرلردی . « حماقت چولهاجیلر ، معلملر ، ایپلک اکریمیلرده تجسم ایدر » سوزلری ضرور امثاللرندن ایدی . چونکه بو ایشلر غیر مسلملره مخصوص صنایع و حرفندی [۲] . عراق امیری ( عبدالله بن عامر ) ک حضورنده برعرب ایله بر مولی دعوی ایتملرلردی . مولی عربی : « الله سنک کیلرینی ایچمزده چوغا تمسون » بددعاسنده بولندی . عرب مولایه : « الله سنک کیلرینی

[۱] المقد الفرید ۷۳ ج ۲

[۲] البیان والتبیین ۱۰۰ ج ۱

ایچمزدده چوغالتسون» دعاسیله مقابله ایلدی . عربیه : « اوسکا بد دعاده بولنیور . سن اکا حسن دعاده بولنیورسک . بو نصل اولور ؟ » دییه سوردیله . عرب : « اوت ، حسن دعاده بولنیورم . چونکه انلر یوللرمزی تنظیم ایدرلر ، آیاق قابلمیزی دیکرلر ، بزه البسه طوقورلر » جوابی ویردی [۱] .

عربلر سیادت و فتحه لزوملی اولدیغی ایچون شعر و تارینجدن بشقه هیچ برعلمه اهمیت ویرمز لر دی . حساب و یازی موالی ایله غیر مسلملره مخصوص صنایعدن ایدی . بونک ایچون بنی امیه دورنده عرب طرفکیرلکی افراط ایله حکمران اولدیغی حالده معاملات مالیه و قیدییه ایله قائم اولان دیوان ریاستی عربلره توجیه ایدلمزدی . چونکه عربلر اوصره لرده یازی ، حساب بیلمز لر دی [۲] .


امویلر ( معاویه ) نك زمان سلطنتده دخی موالی بی خدمتکار واسیر مرتبه سنده عد ایدر لر دی . او دوره قدر بونلرک مقدارلری چوغالمش ایدی . ( معاویه ) موالینک چوغالمسنی دولت عربیه ایچون برتهلکه کی تلقی ایلدیکندن جمله سنک ، یاخود بر قسمک قتل و امحاسنی تصور ایتمش ایسه ده او یله دهشتلی و غریب بر ایشه مباشرتدن اول ( احنف بن قیس ) ( سمره بن جندب ) کی معیتی رجانندن اولان کبار امرا ایله بوخصوص حقنده استشاره بی موافق کورمش . و مستشارلرینه : « بو حمرا ، یعنی ( موالی ) نك اسکیده کی مقداردن فضله آرتدقلرینی کوریورم . بونلرک بر کون عربلره و حکومتلرینه هجوم ایتلرندن قورقولور . قسماً قتل ایتمک ، قسماً تجارت ویول تنظیمی ایله اشتغال ایتلک اوزره صاغ بر اقمق ایستیورم . سز نه دیرسکنز ؟ » دییه صورمش ایدی . ( احنف ) موالینک عربلره قاردش ، طایی ، آزادلی اوله رق نسلرینه اشتراک ایتمش بولملرندن بحثله او یله بر تشبئی مردود کوردیکی حالده ( سمره ) بالعکس موالینک قتلنی موافق بولمش و حتی بو ایشه کندیسنک مأمور ایدلمسنی طلب ایتمش ایدی . فقط ( معاویه ) احنفک مطالعه سنی حزم و بصیرته ده موافق کوردیکندن بو فکر خونریزانه دن واز کچمش ایدی . بر خلیفه نك موالی بی هیچ بر قباحث یا پمدن قویون کی کسمک ایستمسی اوصره ده عربلرک عرب اولیان

[۱] العقد الفرید ۷۳ ج ۲

[۲] مسعودی ۱۱۴ ج ۲



اهالی بی نه درجه ذلیل و حقیر کوردکلرینی کوسستمک ایچون دیگر دلیملر  
سردینه لزوم براقاز .  
سانکه عربلر ححرانوردلک و دوه رعی حیساندن بر قاپ سنه ظرفده



بردن برده ذروه شکوه و سلطنته اعتلایندن حاصل اولان برغرور جبارانه و خود-  
کامانه قاپیلر قدها اول رومالیرک و عصر حاضرده بمض اقوام حاکمه نك توهم  
مغروران و ملیت پرستانلری وجه ایله اقوام سائر دی پك آشانی کورمکه باشلامشیر  
و کندیلرینک فطرت انسانیه فوقنده بر خلقت خارقه و مزایای منفرده ایله  
یارادلش اولدقلرینه ذاهب اولمشیردی . عربلر بو سائقه ایله فکرآ ، مزبه ،  
علمآ کندیلرینی بالمسوم اقوامدن ممتاز کوردکن ماعدا جسم و مزاججه دخی  
کافه مخلوقاته فائق عد ایتدکلرندن اولجدهده بیان ایلدیکمز اوزره طائفه نسادن  
آتمشده کبه قالان قادینک مطلق قرشی والیده حامل اولان قادینک ده  
آنحوق عربی اولمق لازم کله جکنه ذاهب اولدقلری کبی علت فلجکده خالص  
عرب قاتی طاشیان کیمسه لرده اصابت ایتیه جکنه و عکسی کورولورایسه مصابک  
قانی بهمه حال والد طرفدن روم ، اسلاو و سائر قاننه قاریشمش اولدیغنه  
اعتقاد ایدرلردی [۱] . امویلرک دورنده عربلرده حکمفرما اولان بوملیت پرستلک  
عرب انسابنک شدتله محافظه سنی و انساب سائرده ایله اختلاطدن اجتنابی ایجاب ایتمش  
ایدی . « قضایغه عربلردن بشقه می یاراماز » [۲] دینلهرک عرب اولیانلرک قضایق  
کبی مناصب مهمه دینیه تعینلری منع ایدیلور و حتی والدلری جاریه اولان  
شهزاده لرک پدر جهتدن قریش نسبندن اولملری نظر اهمیته آلمیه رق مقام  
خلافته کبلرینه مساعده اولمیوردی . از جمله حضرت حسینک حفیدی ( یزید  
بن علی ) طلب سلطنته تشیث ایتدیکی زمان ملوک امویهدن ( هشام بن عبدالمک )  
مشارایله : « احراز خلافته چالشدیغکی ایشیدیورم . سن خلافته اثبات  
اهلیت ایده مزسک ، چونکه بر جاریهنک اوغلیسک » دیه رک والدہ سی عرب  
اولیانلرک خلیفه اوله میه جقلرینی آکلا تمق ایسته مشدی [۳] . حال بوکه  
( یزید ) ک والدہ سی عادی جاریه مقوله سی دکل ، اکاسره فرسدن برینک کریمه سی  
ایدی . بونکله برابر یو تعصب جاریه لرده طوغش شهزاده لری جالس تخت  
سلطنت اولمقدن منع ایده مامشدی . جاریه زاده لرده مقام خلافتی احراز ایدن  
ایلک ذات ملوک امویهدن ( یزید بن ولید ) ایدی ( ۱۰۱ هـ ) . جاریه لرده

[۱] طبقات الاطبا ۲۵۰ ج ۱ و اغافی ۸۸ ج ۱۵ [۲] ابن خلکان ۲۰۵ ج ۱

[۳] ابن خلدون مقدمه سنک هامشده سراج الملوك ۲۸۸

مولود عربلرہ (ہجین) نامی ویریلوردی [۱] . اسلام بر اجنبی امرادن و بر عرب قیزی احقر قبائلدن اولسه بیلہ عرب قیزی ایله ازدواجنه مساعده ایدلمزدی . ایشته بوسائقه ایله ، (دهاقین) نامیلہ معروف اولان ایرانلی کوی رؤساسندن بری بعض ترک سرایلرندہ بولسان (باہلہ) قبیله سندن بر قیز ایله ازدواجہ رغبت ایتمش ایکن قیزانی رد ایتمش ایدی . عربلرک اسیر اولملری هیچ بروجه ایله تجویز اولنمازدی [۲] .

عربلرک اوائل اسلامیتدہ بر تأثیر خود پرستانہ ایله عرب اولمیانلرک فوقدہ طوتمق ایستدکاری بوموقع تفوق هر حال وحرکتلرندن اوقدر آشکارایدی که بوبایدہ دلیل ایرادی زائد عد اولنور . امویلر بوخصوصده اقراط کار برطریق التزام ایتدکلرندن اہمالی ملکندن عرب اولمیانلری فنا کوجندیرمشلردی . بر مدت دہشت نبوتلہ اداره اولنہ بیلن بو خلق اوہیتک زوالپذیر اولسی اوزرینہ موقع ذیلانہلری آکلادقلرندن تظلم و شکایتہ شتابان اولمشلر و خاندان علویدن دولت امویہنک علینہ قیام ایدنلر ایله خوارچہ مظاہریدن کیری قالدقلری کبی انساب وخصائل عربک تفوقی حاوی یامیلان فخریہلرہ جواب ویرمکندنہ چکنامامشلردی . بونک نتیجہ سندن بالآخرہ عربلرک غیرندن (شعوبیہ) نامنی الآن بر فرقہ مخصوصہ ظہور ایتمش ایدی کہ بونلر عربلرک اقوام سائرندہک فوقدہ بر خلقت راجحہ ایله یارادلش اولدقلرینی قبول ایتمورلر ، رد ایدیورلردی . معافیہ بوفرقة امویلرک دور سلطنتندہ اورتہیہ حیقوب سوز سویلکہ جسارت ایدہ مامش ایدی [۳] . بونلر آنجق دولت عباسیہ دورندہ (مأمون)ک (امین) اوزرینہ مظفریتنی متعاقب عربلر موقع اقبالدن

[۱] ہجین امیر وزنندہ لثم و فرومایہیہ دینور و پدری عربی و والدہ سی جارہی اولان ، علی قول پدری جہتی والدہ سی جہتندن خیر واصل اولان آئمہ دینور . شارحک بیاننہ کورہ بونلر محاسن و ملاح قبیلندندر . شارح دیرکہ بوجنسہ عربک ہجین اطلاق روم و سقالبہ جنسک بیاضلغنہ قصد الہدور . (ترجمۃ قاموس)

ہجین لثم کیمسہیہ ، یاخود پدری اصلتجہ والدہ سندن دہا یوکسک اولان شخصہ اطلاق اولنور . (ازہری) یہ کورہ ہجین پدری عربی و والدہ سی ازدواج ایله نکاح ایداین جارہیہ دن طوغمش اولان کیمسہیہ دینیلیر . جارہیہ نکاحلی ایسہ چوجقنہ ہجین دینلمز . (محیط المحيط)

[۲] ابن الاثیر ۴۴ و ۱۳۱ ج ۵

[۳] اغانی ۱۲۵ ج ۴



دوشدکاری زمان میدان انتقامه چيقمشله وایلریده کوستريله چکی اوزره  
عربلرک معایب و نقائصی حقده بر چوق آثار یازمشلردر .

## امويلرک اسلاميتده کي اثرلری

دولت امویه عربلره موقع تفوق و امتیازی محافظه یه حریص ، انساب  
عربیه نك خلدن صیانتیه فرط غیرتله ساعی اولدیغی جهتله بو مقصدی تأمین  
ایچون هر یرده دوائر رسمیه ده بر سـجل قلمنی تأسیس ایدرک بلاد مفتوحه  
اسلامیه ده مقيم اولان عربلردن اولاد طوغدجه انلری بوسـجللرده قید  
ایتدیریدی [۱] . اسلامیتی ریاست دینه شکندن دبدبلی و احتشامی سلطنت  
شکلنه تحویل ایدنده بو دولت ایدی . اسلامیت خفای راشدین دورنده دین  
وساده برحاکمیت دینه دن عبارت ایکن امویلر ابتدالری انی عصیت و قلیچ ،  
صکر دلری سلطنت شکلنه افراغ ایشلر و دولت اسلامیه نك دوائر رسمیه سنده  
استعمال اولان قبطی ، رومی ، فارسی لسانلرینه بدل عربینك لسان رسمی  
حکومت اولق اوزره مملکتده نشر و تمیمی ایله بنیان دولتی تحکیم و ترصین  
ایتشلردر . بوسایه ده مصر قطعہ سی اهالیسی قبطی و شام قطعہ سنککی روم ،  
عراق اهالیسی ده کلدانی و نبطیلردن متشکل بولنور ایکن بواهای توالی قرون  
ایله عموماً عرب بلاشهرق السنه اصلیه لرینی اونوتمشلردر . بومملکتلر الیوم ممالک  
عربیه دن عد اولنور . بر ترک ، بر اوروپالی ویا هر هانکی عنصره منسوب  
برکیمسه اورالرده اغامت و تناسل ایتسه اولاد واحفادی محیطك تأثیریه درحال  
عربلاشوب عربلره قزیشیرلر .

بنی امیه زماننده عربلر روم و ایرانلیردن بر چوق عادات مدنیتکارانه  
اتباس ایتدکلری حالده ینه اخلاق و خشونت بدویهلرینی محافظه ده دوام  
ایتشلردی . خلفا لسان عربی کوزلجه تحصیل و اخلاق و عادات بداوتی تلقی  
ایتمک ایچون چوجقلرینی — بوکون اوروپایه طلبه کوندردیکمز کی — چوله  
اعزاء ایدرلردی [۲] . مفاخره ، مشامه ، عمومی مجلسلرده مناشده اشعار کی  
زمان جاهلیتک بر چوق عادات و احوالی باقی قالدیغدن کوفه نك اشراف



و اکبری ایام مخصوصه ده شهرک خارجه حقه رق مناشده اشعار ، مصاحبات و محاورات ایله وقت پکیردکلی کبی بصره نك خارجند کائن و (مرید) نامیه معروف بر موقعه ده بصره اهالیسی و سائردهن بر چوق خلق طویلانرق دورجاهلیته (سوق عکاظ) ده یاپدینی کبی بوراده ده مناشده اشعار و مصاحبه لرده بولنورلردی [۱] . بو موقعه ده علما ویا شعرا ایچون آریجه حلقه لر تشکیل اولنوردی که بو حلقه لرده طلبه ویا مریدلر استادلی اطرافنده طویلانیرلر ، بارقه علم و ادبلیله مستنیر اولورلردی . (مرید) ک یوقاریسند اعظم شعرای اسلامدن (راعی الابل) ایله (فرزدق) و هم مجلسلرندن تشکی ایدن حلقه ادب اوچله دندی [۲] . او نوع یرلرده صانکه قبل الاسلام عربلر آرسند حکم فرما اولان عصیته رجوع ایدلش کبی وقوع بولان مفاخره و مباحثه لری ده اکا کوره قیاس ایدیکز . عربلر بو دولت زماننده اوپله بر شان حاکمه ، اوپله بر عزت تفوقکارانه احراز ایتشلردی که هیچ بر دولت زماننده بو مرتبه شان و عزته نائل اولمامشلردر . بو دورده عربلرک مقداری ده آرتمش ، دنیانک هر طرفه انتشار ایتشلردی .

### امویلرک دورنده وطن عصبیتی

عربلر صحرا نوردلک و برحیات سیار بداوتکارانه یه مغلوباً تالانکرلک اجراسی ویا مرعی تحریسی ایچون یردن یره رحلته آلیشمش بر قوم اولدقلرندن محتاج محافظه و مدافعه بر رابطه وطنه مالک دکلدیلر . بالآخره داخل اولدقلری دین اسلامینک فیض اعتلاسیله مالکی فتح و شهرلر تأسیس ایله ثابت مساکنده اختیار اقامت ایدنجه محیط جدیدک تأثیرینه تبعاً طبیعیه مدنیلشمشلر ، بو وطنلری دوشونمکه ، مدافعه وطن حسیله متحسس اولغه و وطن طرفکیرلکنی کودمکه باشلامشلردر . ایشه بز بوکا عصبیت وطنیه دیوروز .

## فتوحادن سكره عربلرک مدنیشماری

ابتدالرده عربلر مدنیشه جگبارنی خاطر و خیاله کتیرمدکاری حالده قانون اعتلا و تکامل سوقیله تدریجاً قبول مدنیته مجبور اولشلردی. اوائل اسلامیتده همان حال بداوتمده بولنان عربلر بر مملکتک فتحه عازم اولدقلری زمان دور جاهلیتمده متادلری وجه ایله چولق چوجقلریله، دوه و مواشیلریله کیدرلر و بر موقعی فتح ایدنجه چادرلری او موقعک مرکز خلافت اولان (مدینه) یه متوجه کنارنده رکز ایلرلردی. حضرت عمر عربلری زراعت ایله اشتغالدن منع ایتمشایدی. بر قومی زراعتدن منع ایتمک مدنیتمدن منع ایتمک دیمک ایدی. سانکجه حضرت عمر هر میدان رزمه آتلمه حاضر جست وچالاک عسکرشکلنده براقق فکریله عربلری آرایش و رفاهت مدنیته قاپلقدن منع ایتمش ایدی. عساکر اسلامیه فتح ایتدکلری ممالکده عصر حاضرده کی عساکر اشغالیه کی شهرلرک اطرافنده قورولان اردوگاهلرده اقامت ایدرلردی که بوقوای عسکریه یه (حمیه)، یاخود (رابطه) نامی ویریلردی. خلفای راشدین زماننده اسلاملر بر طاقم فرقهلره منقسم و هر فرقه بیوک شهرلردن برینک اطرافنده مقیم ایدی. هر فرقه یه (جند) اطلاف اولنوردی. شام قطعه سنده بولنان عساکر اسلامیه (شام)، (حصص)، (اردن)، (فلسطین) ک اطرافنده بولمق اوزره دوت «جند» د، یعنی اردوگاهه منقسم بولنوردی که بو دوت اقلیمه «اجناد» اطلاق اردو مرکزلی اولمقدن ایلری کلیوردی. عراق قطعه سنده اقامت ایتدیریلن عساکر اسلامیه ده (فرات) ک جزیره العرب طرفلرنده ایکی اردوگاهده اقامت ایدرلردی. بو اردوگاهلر بالاخره بری (بصره)، دیکری (کوفه) اولمق اوزره ایکی شهره تحول ایلشدر. مصر قطعه سنده بولنان عسکر ایسه (مقطم) طائی اتکنده نیل نهرینک جزیره العرب طرفی کنارنده اقامت ایدیوردی. بالاخره بوراسی دخی (فسطاط) نامیله بر شهر اولمشدر.

عربلر (یاخود اسلاملر) ابتدالرده کوی اهالیسی ایله اختلاط ایتکمیزین. عائله لریله برلکده بو اردوگاهلرده اقامت ایدرلر و بهار کلدیکنده آتلینی چایره- چیقاریرلردی. آتلی قیالیدن برطاقم ذواتک نظارتی آلتنده کوله لر واسطه سیله-

چاہرہ سوق اولنوردی . وچایر بیتجہ چادرلرہ عودت اولنوردی . اوزمانہ قدر عربلر حال بداوتدہ قالدقلى کبی پایتخت دولتلى ده خلیفہ نک مقری وعنداللزوم اسلاملرک مرجی اولان مدینہ منورہ شہری ایدی .

اسلاملر بو اردوکاھلرہ مدت مدیدہ اقامت ایتدکن صکرہ امویلرک احراز خلافت و حجازہ بدل شامدہ اختیار اقامت ایلدکلرینی کورنجه کندیلری ده مدینہ وسائر حجازدن واز کچکرک شامدہ وسائر طرفلرہ اقامتی دها موافق بولدیلر . حضرت عمرک تعاطی زراعتی مانع اوامری آرتق نظراهمیتہ آلمیوردی . زیرا اسلاملر بو زماندن صکرہ برچوق اراضی وچفتلکثرہ مالک اولور ، زراعت ایلہ اشتغال ایدیورلردی . ایشته بونک نتیجہ سی اوله رق بواردوکاھلرک اک مشهورلری (بصرہ) ، (کوفہ) ، (فسطاط) ، (قیروان) اولق اوزرہ برر بیوک شہر اولدی . زراعت ایلہ اشتغال تجارت و صنایع ایلہ ده اشتغالہ منجر اولمش ایدی .

اسلاملرک زراعت ، تجارت و صنایع ایلہ اوغراشمغه باشلاملری ایچون اوزون سنلر کچمش ایدی . چونکه اسلامیتک ایلک دورندہ اسلاملر عراق وسائر ممالک مفتوحہ دن خزینہ دولته برسیل خروشان کبی اقوب کلن فی وغنائم اموالنه عادتا برر حصہ دار اولدقلرندن تأمین معیشت ایچون واردات سائرہ آرامغه محتاج دکلدیلر . نرہ ده بولنور ایسه بولنسون هر مسامک فی دن بر حصہ یه حق واردی . مثلاً مدینہ وشام اھالیسی عراقدن کلن فی اموالی ایلہ تأمین معیشت ایدرلردی . خلفای راشدین دورینک صوکلرینہ طوغری اسلاملر شہرلرہ اختیار اقامتہ باشلا یه رق اویرلرک وارداتی کندی نفسلرینہ تخصیص ایتدکلرندن وارداتہ اوصورتلہ وضع ید ایدلک مدینہ اھالیسنک حقوقہ بر تجاوز عد ایدلدی . چونکه پایتخت اسلام اھالیسنک معاشلری ممالک مفتوحہ وارداتی ایلہ تأمین اولمش ایدی . وارداتک تحولندن متضرر اولان ادباب معاشات اوزمانک خلیفہ سی حضرت (عثمان) ہ بالمراجعہ عراق وارداتندن کندیلرینہ تخصیص ایدلش اولان عادتای طلب ایدیلر . حضرت عثمان بو پارہ یه بدل عراقیلرک حجاز ، یمن و بلاد عربک سائر جہتلرندہ مالک اولدقلى یرلرک وارداتی تخصیص ایتدی [۱] .

## اسلام شهرلرنيك بكمديكري علمينه طرفكيرلگي

اوصرلرده شهرلرك اختلافي اعتباريله فرق اسلاميه آرسنده حاصل اولان انقسامات اسلاملك عصبيت وطنيه رغبتلريني برقات دها آرتديرمش ایدی . ايكي اسلام شهری بينده وقوع بولان ايلك اختلاف حضرت عثمان زماننده شام و كوفه شهرلری آرسنده تكون ایدن اختلاف ایدی [۱]. مشاراليهك وفاقتي متعاقب اساسی اوئانده خلافت طالبي اولانلردن برينه ميل واتسايدن عبارت اولان انقسامات وطنيه سياسيه ظهور ایلدی. طالب خلافت اولان ذوات حضرت علی ، معاويه ، طلحه و زبیردن متشكل ایدیلر. شام اهالی اسلاميه سی علی الاكثر قريشدن بولندقلری و ( معاويه ) ده امیرلری اولدینی ایچون ( معاويه ) یه طرفدار اولدقلری حالده انصاردن اولان مدینه اهالیسی کندیلرینه التحاق ایدن مصر ایله برابر حضرت علی یه مظاهرت ایدیورلردی . كوفه اهالیسی ( زبیر ) ده ، بصره اهالیسی ده ( طلحه ) یه طرفدار ایدیلر .


هجرتك ۳۶ نجی سنه سنده وقوع بولان ( جل ) محاربه سنده طلحه و زبیر شهید اولدقلردن عراق اهالیسی مدینه اهالیسنه ضمیمه حضرت علی فرقه سنه التحاق ایدیلر . شام اهالیسی ایسه ( معاويه ) یه طرفدار قالمشردی . متعاقباً ۳۷ نجی سنه سنده وقوع بولان ( صفین ) محاربه سی ائانسنده ظهور ایدن تحکیم مسأله سنده ( عمرو بن العاص ) ك حيله و خدعه سی نائل موفقیت اولمسی اوزرینه ( معاويه ) یه بیعت و مصر ( عمرو بن العاص ) ده ترك ایدیلنجه بوقطعه ( معاويه ) نك طرفه كچدی . حضرت علینك ۴۰ نجی سنه سنده وقوع بولان شهادتی و بعده حضرت حسن و معاویه نك وقاتلردن صكره یزیدك زمان سلطنتنده حضرت حسین طلب خلافته تشبث ایله عراق اهالیسنك مظاهر تلرینی تأمین ایچون حجازدن عراقه کیتمیسی اوزرینه حجاز اهالیسی ( ابن الزبیر ) ده بیعت ایلدی . بونك اوزرینه انقسامات اسلاميه حجاز ابن الزبیره ، عراق حضرت حسین ، شام و مصر یزیده طرفدار اولمق اوزره اوج فرقه ده تمثیل ایدیوردی . مختلف ازمه و احوالده بو شهرلرك خلفایه طرفکیرلکلی بو منوالده



دوام ایش ایسه ده توالی سنین ایله هر شهر کندينه مخصوص وديکرتدن ايری برطاقم عادات و خواص ایله تمیز ایش ایدی. حتی بو خواص، بو عادات (معاویه) نك زماننده بيله نظر دقتی جلب ایتمکدن خالی قالموردی. (معاویه) کوفه دن زردینه کلن هیئت مخصوصه ارکانندن (ابن الکوا) دن هر مملکت اهاالیسنك اخلاق و خواصنی صوردينی زمان موما ایله شو صورتله تعریفده بولمیش ایدی: «مدینه اهاالیسی شر وقتنه یه اك حریص و فقط اجر اسندن اك عاجز خلقد ر. کوفه لیلر قته یه طویدن قوشرلر، طاغنیق صورته دوترلر. مصر لیلر اك قته جو خلق ایسه ده ایلک عدم موفقیته در حال روپراه پدامت اولورلر. شاملیلره کانه جه بونلر حاکم لینه مطیع، محکوم لینه عاصی آدم لردر». عصیت نسیه دن غیری اولمق اوزره عصیت وطنیه ایله افاده ایتدی کمز بو شهر عصیتلرنده او شهرلر اهاالیسنك منافع مخصوصه سیاسیه لری مندمج بولنوردی. هر شهر کندی عصیت وطنیه سنده بر مقصد سیاسیه یه تابع ایدی. (بصره)، (کوفه)، (شام)، (فسطاط) کی هر شهر اهاالیسی مختلف قبائلدن متشکل ایکن بر مقصد ایچون برلشیور، بر وحدت ایله معروف اولیوردی. بی امیه دورنده هر شهر حائز اولدینی رابطه اتحادیه ایله سلاحه سازیلوب حرب ایدیوردی. حال بوکه او شهرلر یمن، مضر، ربیع و قبائل سائر داخل اولمق اوزره نسباً، عصیه مختلف قبائلدن متشکل ایدی. هر قبیله بولندینی شهرک بر قسمی اشغال ایدیور و هر قسم احتوا ایتدیکی قبیله نك اسمی ایله معروف اولیوردی. مثلاً (بصره) اخماس ایله معروف بش قسمدن مرکب ایدی. هر خمسه بر قبیله اقامت ایدردی که او قبائل (ازد)، (تمیم)، (بکر)، (عبد قیس)، (اهل عالیه) دن عبارت ایدی. (اهل عالیه) دن مراد (قریش)، (کنانه)، (ازد)، (بحیله)، (خثعم)، (قیس عیلان) قبائلنك کافه بطونی ایله (مزینه) قبیله سیدر [۱]. سائر شهرلرک اهاالیسنی ده اکا کوره قیاس ایدیکنز.

ایکی شهر بربری علیه اعلا ن حرب ایدنجه بر شهرده بولنان قبائلدن هر بری دیگر شهرک حاوی اولدینی قبائلدن عین قبیله یه قارشی طورردی. (کوفه) ایله (بصره) اهاالیسی آرمسنده وقوع بولان (جل) محاربه سنده

بصره قبائل یمیه سی کوفه قبائل یمیه سنده، بصره منیریسی کوفه قبائل منیریسی سنده،  
بصره نیک ریه سی کوفه نیک ریه سی قیله سنده قورشی گیش ایدی. قوماندانلری



غریطه ده الحرا جامه نیک جبهه سی

( معاویه ) اولان شام اهالیسی ایله حضرت علینک قومانداسی التنده بولغان  
عراق اهالیسی آردسندده وقوع بولان ( صفین ) محاربه سندده عین ترتیب ایله  
حرکت ایدلش ایدی. حضرت علی معاویه نیک اردوسن تشکیل ایدن قبائل

حقنہ استعلاعاتہ بولندقدن وھر قبیله نك موقعی تحقیق ایتدکدن صکره کندی اردوسنده بولان اقسام قبائلی قارشیکی اردوده بولان عین قبائلک اقسامه قارشى قویق صورتیه تعیمده بولمش ومقابلی اولیان قبائلی ده قبائل سائرہ ایله محاربیه مأمور ایلش ایدی [۱]. اتحاد وطنیک اتحاد نسبی یه بو صورتله نملیه چالمسی شایان تأمل بر نقطه در . بو ظالیقی احوال ایجاب ایتش ایدی . چونکه اتحاد وطنی آمال سیاسیه ومنافع شخصیه یه اتحاد نسبیدن زیاده خدمت ایلوردی .

عصیت نسبیہ بختنده بیان ایتدیکمز اوزره بر شهرک اهالیسی تابع اولدقلری امیر ویا خلیفه نك اختلاف عصیتنه نظراً عدداً ، نسباً مختلف برحالده بولندقلری کبی مقصدلری ده او احوالک اختلافی ایله غیر مطرد بر صورتده اختلافه تابع اولوردی . ایکی شهر آرسنده محاربیه نصل وقوع بولیور ایسه ایکی قبیله بیندهده محاربیلر واقعدی . صدر اسلامده شهرلر آرسنده تحدث ایدن الک مشهور اختلاف بصره و کوفه اهالیسی بینده ظهور ایلین اختلاف و مفاخره لر در . حضرت علی و خوارج زمانده بصره شهری حضرت عثمان طرفدار کچینر ایکن کوفه علوی ، شام قطعہ سی اموی ، جزیره خارجی ، حجاز ایسه سنی ایدی [۲] . مع مافیه بو احوال تعاقب ایدن دولتلرک اختلافیه بر چوق انقلاباته اوغرامش و تقلبات سیاسیه نك توالیسیله متعدد اتحادلر ساحه ظهوره کیش ایدی . بولردن برنجیسی مضر و یمن آرسنده کی اتحاد عصیت ، یاخود اتحاد نسب ، ایکنجیسی عراق ، مصر ، شام بینده کی اتحاد وطن ، اوچنجیسی فرق اسلامیہ آرسنده کی سنه ، شیعه ، معتزله کبی اتحاد مذهبدن عبارتدی . بعضاً بو فرقلرک کافه سی ایکی آدمده اجتماع ایدردی [۳] .

حجاز اهالیسنک حرمین شریفینده بالاجتماع اسلامیاتک حرمیندن عدم استغناسیله حضرت علی طرفداراننک حرمینده و بالخاصه مدینه ده اولملرینی ایلری سوردرک حرمین ایله مفاخره لرده بولملری اتحاد وطنیک توره مسنه یاردیم ایدن باشلیجه اسابدن ایدی . امویلر حضرت علی طرفداراننه فرط عداوتله متحسین اولقله برابر ینه حرمین شریفینی زیارت واهالیسنه اظهار حرمته مجبور ایدیلر . بوا یسه - باخصوص ( ابن اثیر ) کعبه معظمه ده تحصن و امویلر ایله

[۱] ابن الاثیر ۱۲۱ و ۱۴۹ و ۱۷۱ ج ۳ [۲] العتدالفرد ۲۷۷ ج ۳ [۳] ابن خلکان



طرفدارلرینی حجازدن اخراج ایتدکدن صکره - امویلرک نفوذ سلطنتلرینی سکتیه اوغراد یوردی . امویلر ایشته بو محکومیتک قید آهنینی آنحق کعبه معظمه یی منجیقلا ایله تخریب ایدرک قیرده بیلمشلردی . ینه عین سائقه ایله منبر نبوی یی مدینه دن شامه نقل ایتک و بو سایه ده حاکمیت سیاسی و دینی یی معاً قبضه تملک آلمق ایسته مشلردی . دها صکره کعبه معظمه نک اهمیتی تقلیل مقصدیله (منصور) طرفندن بغدادده (قبة خضرا) نامیله کعبه یی بر نظیره نصل یاپلش ایسه (عبدالمک بن مروان) ک عراق والیسی مشهور (حجاج بن یوسف) ک ده واسطده بر (قبة خضرا) انشا ایتدیرمسی احتمال ینه بو مقصده خدمت فکرینه مستنددر [۱]. بتون بواجرا آتدن مراد اسلاملرک خطه حجازیه اولان انجذاب و تعلقلرینی دیگر بر طرفه تحویل و علویلرک اهمیتی تقلیل ایتک ایدی . نه چاره که مساعی واقعه فائده ویرمدی .

### امویلر دورنده طرفدار فرقه لر قازانمق

#### معاویه نک سیاسی

برنجی خلیفه اموی (معاویه) عمرو بن العاص ، زیاد بن ابیه ، مغیره بن شعبه کبی اعظم رجالی کندینه نصل مظاهر و طرفدار یاپلش ایسه بالجلله ملوک امویه زمام خلافتی ید اداره لرینه آله بیللمک ایچون اختیار ایتدکلری طریق تغلبده بیوک آدم لر یی لطف و عاطفتلرینه اسیر ایتکه ، قوتلی فرقه لر یی کند یی طرفلرینه جلب و جذبه محتاج اولمشلردی . (معاویه) مذکور ذواتی حسن اداره قوتی ایله جذب و منفعت رابطه سیله کندینه بند ایتلش ایدی . کندیسندن صکره مقام خلافته کلن امویلر کریمه نینک اولاد و احفادندن متشکل اولان علویلرک رقابته قارشی موقع سلطنتلرینی تحکیم ایچون عینی یولی تعقیب ایتشلر ایسه ده انلردن هیچ بر ی حسن اداره و سیاستده (معاویه) نک کعبه وارده مامشدر . (معاویه) نک افعال و اجرا آتی عصر حاضر مدنیتی و سائر مدنیتر اعظم رجالتک افعال و اجرا آتی ایله مقایسه ایدر ایسه ک — باخصوص حضرت نینک عمجه لرندن ،



عمرزادہ لرندن، کریمہ سی مخدوم لرندن متشکل اولان خلافت طالبیرینہ و حق خلافتک بوذواتہ عائد اولدیغنه، (معاویہ) برطریق اولوب خلافتہ حق اولدیغنه، اسلامیتی آنجق زور ایله قبول ایتدیکنه دائر اسلاملرده حکمفرما اولان اعتقادہ [۱] قارشى موقعتک نراکتی دوشونولور ایسه — کندیسنى تعقلاً، حکمە، دها و سیاستاً انلرک چوغنه فائق کورورز. (معاویہ) بتون بواحوال مشکک یه رغماً پک چوق قان دوکمه دن بالجله رقیبیرینہ غلبه چالغه، ازمه سلطنتی اله آله رق انی کندی نسلنده ارثی یامغه موفق اولمشدی. (معاویہ) بتون بو موفقیتی آنجق سعه صدر، حسن سیاست و اداره، بذل اموال سایه سنده احراز ایتمش ایدی.

(معاویہ) اودرجه حلم و سعه صدره مالک بر داهی ایدی که اهل بیت نبوی ارکانی طرفندن کندی حضورنده ییله اختیار و اظهار اولسان اک درشت معاملاتہ حلم و مسامحه ایله مقابله ایدر و انتقامه بدل انلری معاشرله، توجه و التفاتلره مستغرق ایلردی. بعضاً (معاویہ) کندی امرا و خواصی آردسندہ بولنور ایکن خاندان مشارالیه منسوب بر آدم حضورینه بالدخول سلطنتی غضب ایتدیکنی اک آغیر الفاظ ایله یوزینه چارپار و حضرت علی یی آچقندن آچیغه کندیسنه ترجیح ایدردی ده ینه (معاویہ) معتاد اولدینی حلم ایله مقابله و انی انعام و احسانه مظهر ایلردی. اوزات حضرت علینک اقباسندن اولسه ییله کوردیکی معامله و نائل اولدینی احساندن طولایي معاویه نك طرفدارلغنه کچردی. روایت ایدرلرکه حضرت علینک برادری (عقیل) برادرینک حال حیاتنده (معاویہ) نك نزدینه کیدر. (معاویہ) کلن مسافرک کندی برادرینی ترک ایله یانته کلمسندن پک زیاده مسرور اولور. اثنای مصاحبتده (معاویہ) عقیلدن: «علی یی نه حالده بر اقدک؟» دییه صوراره عقیل: «اللہی و پیغمبری خشنود ایدر بر حالده بر اقدم. فقط سنی بالعکس اللہی و پیغمبری دلکیر ایدر بر حالده کوریسورم» جوابی ویریر. (معاویہ) یو جواب درشتانه دن متأثراً: «مسافریمز اولسه ایدک سنی کوجندیرده جک بر جواب ویره بیلیردم» دیرایسه ده دها زیاده ایلری کیدلمسیله مسافرینی کوجندیرمکدن چکینه رک محاورده یی کسر و اورادن چیقار. عقیلک مهمانخانه یه قبولی ایله حقنده اعزاز و اکرام ایله

معامله اولمسی امر و کنديسنه بر چوق پاره لر ارسال ایلر . ایرتمس کونی  
( معاویه ) عقیل زردینه دعوت و : « علی یی نه حالده براقده ؟ » سؤالی تکرار  
ایدر . بوسفر عقیل : « علی یی کندی نفسنه سندن دهاخیرلی بر حالده براقده .  
فقط سن بکا اندن زیاده خیرلیسک » جوابی ویریر [۱] .

( معاویه ) نک فرقه علی رجال و مریدیندن ( صمصعه بن صوحان عبیدی )  
و سائر حقه کوستردیکی معاملات حلیمانه و احسانکارانه پک چوقدر . جله سی ،  
( معاویه ) نک حلم و ذکاسنه دلالت ایدر . مشاریه یالکز حلم استعمالک  
کفایت ایده میه جکنی آکلادینی زمان حیه و پارهیه مراجعت ایلردی .  
تهلک سندن قورقدینی هر هانکی بر آدم حضورنده بولنسه مطلق منون اوله رق  
عودت ایلردی . ( معاویه ) عطیه و احساننه نائل اولق ایچون زردینه کلن  
کیمسه لک بعضاً یالانلرینی بیله قبول ایدر ، کوکلرینی تطیب ایلردی .  
ذکر ایدر لرکه ( عبدالله بن الزبیر ) کندی نفسی ایچون ادعای خلافت ایتمه دن اول  
( معاویه ) نک همشیره زاده سی ( عبدالرحمن ابن ام الحکم ) دن فرار ایدرک  
( معاویه ) یه التجا ایتش ایدی . ( عبدالرحمن ) عبداللهک خانه سنی یاقش ایدی .  
( ابن الزبیر ) معاویه یه : « عبدالرحمن خانه می یاقدی » دیهرک تظلمده بوانور .  
( معاویه ) : « خانه ک نه قیمتده ایدی ؟ » دیه سورنجه ( ابن الزبیر ) : « ۱۰۰,۰۰۰  
درهم ایلردی » جوابی ویریر . ( معاویه ) شاهد ایستر . ( ابن الزبیر )  
دوستلرندن برینی شاهد اقامه ایدر . ( معاویه ) پاردنک تأدیه سنی امر ایلر .  
( ابن الزبیر ) پاره یی آلوب کیتدکن صکره ( معاویه ) مجلسنده بولنان ذواته :  
« مدعی یی می دهایانچی ظن ایدر سکز ، یوقسه شاهدیمی ؟ خانه سنی بن پک اعنی  
بیلیرم . قامشدن بر طاقم او طه لردن عبارت ایدی . فقط انلر سسویلرلر ،  
زردیکله رز ، بزى آلدادیرلر ، بزده آلدانیرز » دیهرک بیله بیله آلدانمی قبول  
ایتدیکنی آکلادیر [۲] . ( معاویه ) طرفندن التزام اولنان بو وامثالی معاملات  
ملایمانه و اداره خاطر نوازانه کندی زماننده ( ابن الزبیر ) و سائر ذواتی طلب  
خلافتدن آلیقویمش ایدی .

( معاویه ) بویله جه حلم و سماحتله طاورانه رق خلقک قلوبی تسخیره  
چالیشیرکن حضرت علی بو مسلکک عکسنه والیرندن موشکافانه حساب

صوریور ، چوقلرینی کوجندیردک طرفداراغندن قاجیریوردی . او جله دن  
عمزاده سی ( عبدالله بن عباس ) حضرت امامک اک بیوک مظاهری ایکن یوقاریدم  
ذکر ایتدیکمزوجه ایله اهمیتسز براخبار سعایتکارانه ایله مظاهرتی غائب ایدلمش  
ایدی . حال بوکه اوتة طرفده ( معاویه ) کندی طرفدارانه قوجه ولایتلری  
اکمکلک ویرمکدن چکنمدیکی کبی اعظم رجالدن بری زردینه کلدجکه انی  
فوق العاده اعزاز واکرامندنده کیری طورمازدی . ازجمله محاسبه دن و بیوک  
سردارلردن ( معاویه بن حدیج ) شامده معاویه نی زیارت کلدجکه مقامنه حرمت  
و تعظیمه علامت اولق اوزره کذرکاهنده چیچکلردن متشکل طاق ظفرلر  
قورولوردی [۱] .

( معاویه ) بالخاصه قبائل رؤسای ، اشراف ، فرقه رؤسای طرفندن اک  
آجی برلسان ایله کندیسنه توجیه اولنان طعنلره ، انتقادلره کمال حلم ایله تحمل  
ایدردی . حضرت علی ایله همفکر اوله رق ( صفین ) محاربه سنده جناب حیدرم  
مظاهرت ایدن سادات تابعیدن واریاب نفوذدن ( احنف بن قیس ) خلافتی احرار  
ایتدکدن صکره کونک برنده ( معاویه ) نک زردینه کلش ایدی . ( معاویه ) احنفه :  
« والله احنف ! ( صفین ) وقعه سنی ذکر ایتدجکه الی یوم القیامه قلبمده برتأثیر الیم  
حس ایدرم » دیر . ( احنف ) : « والله ( معاویه ) ! سندن نفرت ایدن یورکلرمز حالا  
کوکسمزده ، سکاقارشی حرب ایدن قلیجلرمزده حالا قلیقلرمزده طورییور . حرب  
برسره قدر یاقلا شیرسهک بزاکا برقاریش یاقلا شیرز . سن حربه یوروویه رک کیدرایسهک  
بزاکا قوشه رق کیدرز » جوابی ویریر و حضوردن چیقوب کیدر . ( معاویه )  
اکا مقابله برشی سویلمز . پرده آرقه سنده ( احنف ) ک سوزلرینی دیکلکین  
( معاویه ) نک همشیره سی کمال حیرتله : « ای امیر المؤمنین ! تهدیدده ، وعیدده  
بولنان بو آدم کیم اولیور ؟ » دییه صورار . ( معاویه ) : « بواو آدم که غضبه  
کلنجه تمیم قبیله سندن یوزبیک کشتی انک نه ایچون غضبه کلدیکنی آکلامق سزین  
غضبه کلیرلر » جوابی ویریر [۲] .

بونکله برابر ( معاویه ) بردشمندن قورقوبده انی مال و احسان ایله ارضا  
یاخود قوه قاهره ایله ارغامه مقتدر اوله میه جغنی آکلادیغی زمان ( عبدالرحمن  
بن خالد بن الولید ) ه یادیغی کبی انی برحیله ایله تسمیم ایتدیرمکده ترددا تمزدی .

(عبدالرحمن) بر طرفدن پدری (خالد بن الولید) ك شهرت شععه داری ، دیگر طرفنده بالذات مالك اولدیغی ثروت بی پایان و اطوار دل آورانه سیله شام قطعه سنده بیوك بر نفوذ صاحبی اولمش ایدی . ( معاویه ) بو نفوذدن قورتدیغی جهتله (عبدالرحمن) ك تسمینه قرار ویردرك بو مقصدله طیب (ابن الاثال) ی استخدام و بو خدمته مكافات اولق اوزره مادم الحیاة اندن خراج آلاماقله برابر حصص خراج ناظرلغنه تعیین ایتکی ده وعد ایلدی . (ابن الاثال) بو تشویق و اغرا ایله زهرلی بر بال شربتینی (عبدالرحمن) ك کوله لرندن بری واسطه سیله (عبدالرحمن) د ایچیره رك حیاته ختمه چکدی [۱] . (معاویه) عین طریق انتقامی شجعان تابعیندن (اشتر نخعی) یه دخی روا کوردی . (اشتر نخعی) حضرت علینك اك جنك آور و شدتلی آدم لرندن بری و بلکه بو خصائلده برنجیلری اولوب (صفین) محاربه سنده پك بیوك غیرت و فعالیت کورلمش ایدی . او زمانه قدر حضرت علی یه طرفدار قالمش اولان مصر قطعه سی (معاویه) طرفدن آلتدن آلتله اعمال اولنان دسائس و تحریکات ایله مختل و مذبذب اولمه باشلادیغندن مفاسد واقعه یی حکمسز براقق اوزره حضرت علی (اشتر نخعی) یی اورایه والی تعیین ایش ایدی . (اشتر) نه بو مأموریتده احراز موفقیت ایده جکی و برکوه ایش باشنه کچر ایسه مصرک (معاویه) یه قارشی طوره جنی محقق ایدی . یونی درحال تقدیر ایدن (معاویه) بحر احمر ساحلنده کائن (قنزم) شهری - که مصر یولی اوزرنده وقوعندن طولانی اشترک ضروری کذرکاهی ایدی - خراج رئیسنه : «اشتر مصره والی تعیین اولمش . اندن بی قورتاریرسه ك سن و بن صاغ قالدقجه سندن خراج آلام» دیسه خبر کوندردی . بونك اوزرینه خراج رئیس (اشتر) ك یولتی بکلمش ، مواصلت ایدنجه کنیدیسی استقبال و نزدینه مسافرلکه دعوت ایش ، میكدن صکره زهرلی بر بال شربتینی ایچیره رك حیاته ختمه چکمشدر . (معاویه) شام اهالیسنه : «حضرت علی اشتری مصره والی تعیین ایش . اکا بد دنا ایدیکنز» دیدیکندن شام اهالیسی هرکون اشتره بد دعاده بولنورلردی . (اشتر) ی تسمیم ایدن شخص (معاویه) نك نزدینه کله رك اشترک وقتای اخبار ایدنجه (معاویه) منبره بالارتقا : «علینك ایکی صاغ قولی واردی . بری (یعنی عمار



بن یاسر (صفینده ، دیکری (یعنی اشتر) بکون مقطوع اولمشدر « دیمشدر [۱] ».



مصنوعات اسلامیہ دن جامدن منجول مینالی پر قندیل

اشترك خبر وفاقی (عمرو بن العاص) ه واصل اولنجبه مشاراليه: « اللهمك بالندنه اردوسی واردر » دیمکدن کندینی آله مامشدر [۲] .

[۱] ابن اثیر ۱۷۹ ج ۱ [۲] مقریزی ۳۰۰ ج ۱

## عمر و بن العاص

كرك (معاویه)، كرك طرفدارانی اشته بوصورتله هیچ بر فرصت قاجیر میهرق تأمین مقصد اغورنده جنایت و سائر ارتکابندن بیه چکنم دکلری حالده حضرت علی و طرفدارانی بو مسلک بستیون عکسی اولهرق اوامر و نواهی دینه دن، علوجابدن آیرملق ایسته میورلردی. حتی حضرت علی و طرفدارانك بوعلو جنبی (معاویه) نك موفقیتله پاك بیوك برمعین اولمش ایدی. مثلاً (صفین) محاربه سنده شاهد مظفریت حضرت علی یه متوجه بولمقده ایدی. محاربه نك ادامه سیاه حضرت علی غالب کاسه ایدی، (معاویه) نك آمال اقبال پرستانه ورقیانه سی بستیون پریشان اوله جق، بنی امیه نك شان و شوکتی قالمیه جق، خلافت ده حضرت علی و خاندانده مستقر اوله جقدی. نه چاره که (عمر و بن العاص) ک حیله سی همان یتیشوب او موفقیتی زیر و زبر ایتدی. (معاویه) ایکی اردونك یکدیگرینه مصادمه سیاه کندی اردوسنك ضعفی بر نظر حزن و تحسیر ایله مشاهده و عاقبتك و خاتمتی حس ایدنجه کنديسیله بالاتحاد برابر حرب ایدن (عمر و بن العاص) ده مراجعت واکا: «ای عاصزاده! ذکا و اقتدار زمانی اشته بودر. الیم و خطرناک بر موقعده یز. محو اولیوروز. یرده صحر و الیلکنی اونوته» دیهرک بو مخاطره یه چاره ساز اولمسنی طلب ایلدی. (عمر و بن العاص) عسکرک مصحفلری یوقاری قالدیرملری و «کتاب الله آرده مزده حاکم اولسون. بز بر بریمزی بویه قیرار ایسه ک روم، ترک و کفاردن اولان دشمنلره قارشی شام حدودنده شاملیلردن، عراق حدودنده عراقیلردن بشفه کیملر طورده جق؟» دیه سویملری مناسب کوردی. حضرت علینک<sup>۱</sup> رجال و طرفدارانی ایسه مصحفلرک یوقاری یه قالدیرلدیغنی کوروب او سوزلری ایشیدیر ایشیتمز حیله یه قاپله رق محاربه یی طور دیردیلر و متعاقباً تحکیمه رضا کوستردیلر. اشته بو تحکیم ایله عاصزاده حیله سی بالا کمال حضرت علی یی خلع و (معاویه) یه بیعت ایلدی. شو حالد شبه یوقدر که (عمر و بن العاص) او صرده بولمسه ایدی (معاویه) پریشان و مضمحل اوله جق و حضرت علینک ده او میدان رزمده کوستردیکی علو جناب اولمسه ایدی (عمر و بن العاص) <sup>۲</sup> اویله بر حیله و دیسه یولدن اول مقتولین زمره سنه کچه جک

ایدی. زیرا ( عمرو بن العاص ) اوجیلہنی کشف واجرادن اول میدان مبارزہیہ آتش و جناب حیدر دہ اکا قارشی چیقمش ایدی. ایکی مبارز قارشی قارشی یہ کلدیکی زمان حضرت علی ( ابن العاص ) ی طانیہ رق بر ضربہ شمشیر ایلہ وجودینی اورتہ دن قالدیر مق ، بردشندن قور تولق ایستہ مش ، حتی اور مق ایچون قلیجی دہ قالدیر مش ایدی. حیدر کرارک حد سیفندہ ملک الموتک غضوب صولندن لرزان اولان ( ابن العاص ) موت محققدن قور تولق مقصدیلہ یوزندہ کی نقابی آچہ رق بروضع خائفانہ و معذرانہ ایلہ : « مکرہ اخاک لا یطل۔ قاردشکک حرکتی اختیاری دکل ، اضطرا ایدر » دیش و کویا آرزوسنہ رغماً میدان مبارزہیہ داخل اولدیغنی آکلا تمقلہ حضرت علینک طبع عالیجنابانہ و مردانہ سندن استفادہ ایتک ایستہ مشدی. فی الحقیقہ حضرت امام درحال خصلت عالیجنابانہ سنہ تبعاً یوزینی عاصرا دہ دن چویرہ رک اکا یالکز: « نہ فنا آدمسک ! » دیمکلا کتفا ایدی. فقط ( ابن العاص ) بو حیلہ ایلہ کندینی اولومدن قور تاردی. ( ابن العاص ) ک بو حرکت خائفانہ سی شاعرک آتیدہ کی بیتندہ کورلیدیکی اوزرہ قور قاتلقدہ ضروب امثال صرد سنہ کچمشدر :

ولاخیر فی صون الحیاء بذلک کما صانہا یوماً یذلته عمرو

فضلہ اولہ رق حضرت علی طرفدار اتک احوال و حرکتی دہ علو جنابدہ ، تقوادی ، صدق و استقامتدہ جناب امامک اطوار و حرکتی کبی ایدی. آمال دنیویہ یہ مقتویات سوقیلہ ( معاویہ ) یہ التحاق ایدنلردن ماعدا او عصر زریئندہ اسلامیتک وعموم اسلاملرک احوال و اطواری دہ ہپ اولیلہ عالیجنابانہ و مردانہ ایدی. حضرت امامدہ ایسہ بو مناقب اک قوتلی و پاولاق برشکلدہ تجسم ایتش ایدی. حضرت علی بو مناقبہ بر آز مسامحہ کار طاور ایتش اولسہ ایدی بر جوق قنالقارک اوکنی آلہ جقدی. حیفاکہ او حضرت طبع مردانہ سندن آریلہ میوردی. بو سببدن قرشیلر : « ابن ابی طالب شجاع و جنگ آور بر آدمدر. فقط محاربہ دہ حسن رای و تدبیر صاحبی دکلدر » دینورلردی [۱].

والحاصل ( معاویہ ) دہا و ذکا ، حسن رای و تدبیر و سائرہ سایہ سندنہ خلافتی احراز و کندی اوغلنہ توریشدہ موفق اولمش و اوغلندن صکرہ خلافت

امويلردن مروان زاده لره كچمش ايسه ده عددلری چوق اولان واك اعتمیئلیری حضرت علیك اولادنن متشكل بولنان خلافت طالبلرینك رقابت و مقاومتی استیصاله مقتدر اوله مامشدی . مع مافیه ( معاویه ) مسالمتجویانه معامله اظهاری و پاره لر بذل و احسانی ایله انلری اسكات ایدیوردی . انلرده ( معاویه ) نك ارتحالندن صكره خلافتك كنديلرینه رجوع ایده جكي امیدیه ( معاویه ) دن چكینرلر ، سیاست و تدبیرینه اعتقاد کوستریرلردی . فقط وقتا كه مشارالیه اوامید وانتظار خلافتنه اوله رق خلافتی اوغلی ( یزید ) ن نقل ایتدی ، خلافت طالبلری حجاز ، عراق و سائرده آياقلاندیلر . رقیلردن هر بری خلافتك كنديسینك حق اولدیغنی ادعا ایدیوردی . بوجهته ۶۸ سنه هجریه سنده عرفاتده هر بری کندی نفسی ایچون طلب خلافت ایدن درت رئیسدن برینه عائد اولمق اوزده درت سنجاق بر آرده ککش ایدی . سنجاقلردن بری بی امیه یه ، ایکنجیسی ( محمد بن الحنفیه ) نامه علویلره ، اوچنجیسی ( عبدالله بن ازیز ) ، دردنجیسی خوارجدن ( نجده حروری ) یه مخصوص ایدی . بونلردن صكره دها سائر بعض ذوات استحصال خلافت اغورنده صرف مساعدیدن کیری طور مامش ايسه ده عصیت عربیه یی ایفاظ ایله طرفدار جلبنه جمله دن زیاده ماهر اولان امویلردن ماعدا هیچ بری پایدار برسلطنت تأسیسنه موفق اولمامشدر . ( معاویه ) نك دها و ذکا و حسن اداره سی و حضرت علیك ضعف رأی و تدبیردن بشقه امویلرك طرفدار الد ایتلرینه خدمت ایلین سائر باشلیجه اسبابی ده بروجه آتی ذکر ایدیورز .

### امويلر دورنده معاشرلر تخصیصی

#### بيت النادره معاشر

معاشرلر تخصیص ایتك امویلرك طرفدارلر الد ایلرینه و شوكت اعدایی كسره موفق اولملرینه یارديم ایدن اك بیوك عواملین ایدی . دولت معاشانی عسكرك ، یاخود اسلاملرك معاشرلر دیمك ایدی . اوائل اسلامیتده اسلاملر عموماً عسکر اولدقلرندن جمله سنه برر معاش تخصیص اولمش ایدی . شو قدر كه-



بو معاشر حضرت عمر طرفدن تشکیل اولنان دیوان (دفترخانه) بچندہ بیان ایتدیکمز اوزره نسباً حضرت نبیہ یقینلق، یاخود اسلامیتده قدم و سائرہ اعتباریلہ مختلف مقدارلرده ایدی. وفی الاصل فی پارسندن تأدیہ اولنوردی. بونلردن ماعدا حربہ کیتمک اقتدارینی حائز اولدقلرندن طولایی فقرای صنفی عد ایدیلن دیگر بر طبقہ اسلامیہ دهاموجود ایدی که بونلر معاشرینی زکات دیمک اولان صدقه اموالندن آلیرلردی. کرک فی، کرک صدقه اموالندن هر برینک بر دیوان مخصوصی وحساب مخصوصی واردی.

بیت المالہ هرکیم وضعید ایدرایسه رقاب المسلمینہ واضع الید دیمک اوله جغندن اسلاملرک اکا خوش کورونمکه چالیشملری پک طبعیعدر. بیت المال (معاویہ) کبی ماهر ونصل وکیمه ویرملک لازم کله جکنی مدرک بر آدمک ید تصرفنده بونلور ایسه بو قوته قارشی هیچ بر عقدہ مشکله جلسز قالماز. (معاویہ) بیت المالی قبضہ اقتدارینه آلدینی زمان حسب الایجاب معاشرلی تزید، تنقیص ویا قطعده کیفمایشاختارایدی ایسه ده تنقیص و قطعده بدل - کوزتدیککی مقصد ومنفعته کورده - علی الاکثر قات قات تزید ایلردی. انشای خلافتنده خاندان نبویدن اولان علویلرک و سائرہ نک ادعای خلافتہ قیام ایتملرندن قورقدینی ایچون بو خاندان ارکاننه فرط سخا ایله بیوک معاشر تخصیص ایدردی. حضرت عمر طرفندن ترتیب اولنان معاشاته نظراً حضرت حسن وحسینک معاشرلی (۵,۰۰۰) درهمدن عبارت ایکن معاویہ بو معاشرلی (۱,۰۰۰,۰۰۰) درهمه ابلاغ، یعنی ۲۰۰ کره تضعیف ایتدیککی کبی عمراده نبی اولدینی وکندیسندن قورقدینی ایچون (ابن عباس) ده دخی بو مقدارده بیوک بر معاش تخصیص ایش ایدی. حضرت علینک برادر زاده سی (عبدالله بن جعفر بن ابی طالب) کبی مدینه ده مقیم کبار صحابه اوغللرندن و بین المسلمین بیوک بر نفوذ ایمانندن اولان ذواته و سائرہ ده ده بیوک معاشر باغلامشدی. (معاویہ) نک بو افراط سباحندن مقصدی بر طرفدن کوکلرینی جذب وانلری دریای نعیمر وفاخته غرق ایله کندیلرینه طلب خلافتی اونوتدورمق و دیگر طرفندن ده مدینه اهاالیسنک کوکلنی اوقشامق ایدی. چونکه بو ذوات (معاویہ) دن آلدقلى پاره لری راحت ورفاهیت دنیویه، ذوق و صفا اغورنده مدینه اهاالیسنه صرف ایدرلردی. حتی بعضلری بتون معاشرینی مغنی وشاعرلره ویریزلردی. اومیانده اک چوق

سخی اولان ذات حضرت حسن وحسینک عمزاده لری اولان (عبدالله بن جعفر) ایدی که مشارالیه شامده (معاویه) بی زیارته کیدوب معاشنی آلدقجه مدینه یه عودتله بتون بو پاره لری مدینه اهالیسنه طاغیدردی .

روایتله کوره مشارالیه؛ (یزید بن معاویه) نک نزدینه سریر سلطنته جالس اولدقن صکره کیدر. (یزید) اندن: «معاشک نه قدردر؟» دییه صورنجه عبدالله: «بیك بیک ۱,۰۰۰,۰۰۰ درهم» جوابی ویریر. (یزید): «بز بو معاشی برقات تزید ایدیورز» دیر. عبدالله مقام تشکرده: «بایم، آنام سکا فدا اولسون. بو سوزی سندن بشقه کیمسه یه سویلش دکم» مقابله سند بولنور. بونک اوزرینه (یزید): «بومقداری ده ایکنجی دفعه تضعیف ایدیورز» دییه رک مشارالیهک معاشی ۲,۰۰۰,۰۰۰ درهمه ابلاغ ایلر. اکابر دولتدن بعضلری برآدمه درت میلیون درهم معاش اعطاسنی غرب کوردکلرندن (یزید) انلر: «سزیمیورسکمز. بوپارده بی برآدمه دکل، بتون مدینه اهالیسنه ویریوم. چونکه بو آدمک بونده الی برعاریتدن بشقه بر شی دکلدر» جوابیه عبداللهک مدینه یه واریر وارماز بتون بوپاره لری اهالی یه طاغیده جفنی افهام ایدر [۱].

(معاویه) قبائلی کندی طرفه جلب وجذبده دخی عین طریق سماحن اختیار ایدر و روابط نسبییه می کندی روابط نسبییه سندن اوزاق اولسه بیله کندیسی ایله برلکده حرب ایدن هر هانکی قبیله اولور ایسه اولسون اکا معاشلر باغلاردی. ازجمله ین قبائلک سطوتندن قورقدینی ایچون انلره معاشلر تخصیص ایلش ایدی. (معاویه) ینیلره معاشلر باغلادینی حالدده نسباً کندیسنه یقین بولان (قیس) قبیله سنه معاش ویرمزدی. چونکه بو قبیله نک قوت و سطوتندن قورقمیوردی. حتی بو قبیله رؤساسندن بعضلری بالذات (معاویه) یه بالمراجعه معاش طلب ایتدکلری حالدده مسؤلاری ترویج ایدلماشدی. ازجمله (قیس) قبیله سنه منسوب مشاهیر شعردن (مسکین داری) (معاویه) دن بر معاش نائل اولق ایچون خاطرنی استعطاف ایتدیکی حالدده جواب رد آلدیغندن اکا خطاباً عتابی حاوی بر شعر یامش، بو شعرده آرلرنده بولسان روابط نسبی ذکر ایدرک او جمله دن شو بیتلری سویلش ایدی:

أَخَاكَ أَخَاكَ أَنْ مِنْ لَا أَخَا لَهُ      كَسَاعَ إِلَى الْمَيْجَا بِغَيْرِ سِلَاحٍ  
وَأَنْ ابْنَ عَمِّ الْمَرْءِ فَاعْلَمْ جَنَاحَهُ      وَهَلْ يَقْنَصُ الْبَازِي بِغَيْرِ جَنَاحٍ  
وَمَا طَالِبُ الْحَاجَاتِ إِلَّا مَغْرُورٌ      وَمَا نَالَ شَيْئًا طَالِبُ كُنْجَاحٍ

فقط ( معاویہ ) نہ ہوشعرہ ، نہ دہ شاعرہ الدیرمشدی . چونکہ ( معاویہ )  
منفعت شخصیه سندن بشقہ هیچ بر شئیہ اہمیت ویرمزدی . بو سایہدہ معاشرہ  
نائل اولان یمینلر مظهر سطوت واعتلا اولہرق دولتدہ نفوذ صاحبی اولمشلر ،  
( قیس ) و سائر قبائل عدنانیہ ایسہ بالعکس ضعیف و پریشان دوشمشلردی .  
( معاویہ ) برکون یمینلردن برینک : « آرزو ایتسم شامدہ بر مضری برافام .  
حتی البسہ می ، قوشاغمی چوزمکہ قالمز ، عمومنی شامدن چیقارمش بولنورم »  
دیدیکنی ایشیدنجہ یمینلرک حیات دولتدہ عظیم بر غائہ تشکیل ایدہ جککرینی  
آکلادینندن یمینلر ایلہ مضریلر آردسندہ بر موازنہ احدائی لابد کورہرک  
( قیس ) و سائر قبائل عدنانیہ دن دوت بیک کشیدن مرکب بر قوت بالتشکیل  
انلرہ معاش تخصیص ایتدیکی کی اولجہ معاشدن محروم ایتدیکی ( مسکین دارمی )  
یہدہ معاش باغلامش ، یمینلری محاربات بحریہ و قیسیلری محاربات بریہیہ مأمور  
ایتشد [ ۱ ] . کرک قبل الاسلام ، کرک دہا صکرہ بر برلینہ متوارث و مستمر  
بر عداوت ایلہ دشمن اولان عدنانلی و قحطانلیری بو صورتلہ بر آردہ حسن  
ادارہ ایتمک ( معاویہ ) نک دہای سیاسینک اک بیوک موفقیاتندن عداولنور.  
( صفین ) محاربہ سی کی امویلر ایلہ رقیلری آردسندہ وقوع بولان  
محاربات مہمہدہ امویلرہ تأمین نصرت ایدنلرک معاشاتی دہ تزید ایدلمشدی .  
حضرت عمر ( قادیسیہ ) محاربہ سندہ بولنان جنود اسلامیہ نک معاشاتی نصل  
تزید ایتمش ایسہ ( معاویہ ) دخی اوبیوک محاربہ لردہ کندیسکی ایچون حرب  
ایدنلرک معاشاتی تزید ایلشدی . ( معاویہ ) دن صکرہ جالس اورنک سلطنت  
اولان ملوک امویہ عینی یولی تنقیب ایتدکلرندن کندی طرفدارلینہ بولبول  
معاشر تخصیص ایدیور ، شعرایہ بیلہ لسان ذملرندن قورتولمق ، یاخود  
واسطہ لرلہ خافک توجہلرینی جذب ایتمک ایچون معاشر ویریورلردی .  
حال بوکہ اسلامیٹک احکامی ایلہ عامل اولان ارباب صلاح و دیانت نظرندہ

فی اموالندن وقوع بولان بوکی صرفیات بیت المالك حقوقنه بر تجاوز اعتبار ایدیور، چونکه فی اموالی مال الله، یا خود مال مسامین عد اولنیوردی. حضرت علی طرفدارانک (صفین) محاربه سنده (معاویه) یه دشمن کسملرینه بو صرفیاتک ده کلی دخلی اولمشدی [۱]. دها صکره مقام خلافته کلن (عمر بن عبدالعزیز) خلفای راشدینک اثرینه تبعاً شاعرلره معاش واحسان اعطاسنی منع ایتیش ایسه ده وفاتندن صکره مقام سلطنته کچن حکمدارلر بو منعی ابطال و کافی السابق معاش واحسان اعطاسنه دوام ایتشلردر.

امویلر بر بدوی اولسه بيله چول خلقتدن کندیلرینه مراجعت ایدنلرک جمله سنه معاش باغلا دقلرندن بر چوق دفعه بادیه نشینلر دودلرینی صاتئرق شهرلره کلیرلر، معاش ایستلردی. معافیته عزت نفس صاحبی اولانلر حقسنر بر مقصد ایچون وجدان صاتمغه، یعنی اهل بیته قارشی کلن رقیبلره آلت اولمغه بدل بو معاشرلرک ویرلمکده اولدیغنی ادراک ایدرک اولیه بر معاشه نائلیتدن نفرت ایلرلردی. حکایه ایدرلرکه چول خلقتدن (صهای اشجعی) نک زوجیه سی زوجنی مدینه یه کیدوب دودلرینی صاتمغه و معاش ايله کچنمکه تشویق ایلر. زوج بو تشویقاته قاپیله رق دودلرینی اوکنه قاتدیغنی خالده مدینه یه پابراه عزیمت اولور. مدینه یه یا قلاشنجه صولامق ایچون دودلری بر حوضه صوقار. دودلردن بری او صرده سورودن آیریلر، قاقچغه باشلار. سائر دودلر انک آرقه سندن قوشوب کیدرلر. بدوی انلره یتیشمک، جویرمک ایسترسه ده موفق اوله ماز. بونک اوزرینه زوجیه سنه: «کوردک آ. دودلر بيله کندی وطنلرینه منجذبدر» دیکرک وطننه عودت و معاشلی اولمق فکرندن فراغت ایدر [۲].

ملوک امویه دن (عبدالمالك بن مروان): «جهانده اک مسعود انسان کافی مقدارده مدار معیشتی، طبعنه موافق بر زوجیه سی اولان، خیانت آلود قپولرمزی طانیوبده اذی وجفاسنی کورمین کیمسه در» دیردی [۳]. مدینه اهالیسی انصار کرام و کبار قریش او میانه اولمق اوزره حضرت علی یه طرفدار اولملری امویلر طرفسندن کندیلرینه پک بیوک بر اهمیت ویردیریوردی. بناء علیه مدینه ده بولنان والی اموی اطرافدن صدقاتدن مال

[۱] مسعودی ۱۵۷ ج ۲ [۲] اغاف ۱۴۷ ج ۱۶ [۳] ابن الاثیر ۱۸۳ ج ۱۰



صندوقہ پاره کلدجہ قریشدن آرزو ایدنلره سندلره مقابل پاره اقراض ایدردی. مدیونلر بو تأثیر ایله بالطبع والی یه اسیر اولورلر، یانته کیدوب کلمکه باشلارلر، اکا مدارات و نماشاتہ چالیشیرلردی. والی او مدیونلردن برینه کوجنسه درحال دینک تحصیله قالدیشهرق مدیونی مشکلاته دوچار ایلردی. الک مؤثر بر واسطه تهریب و اسکات اولان بو حال بشنجی خلیفه عباسی (رشید) ک زمانه قدر دوام ایتدیکی حالده او قیلدن برطام سندلرک قالمش اولدینی (عبدالله بن مصعب بن زبیر) طرفدن اخبار ایدلمکله (رشید) انلری پارچه لاشدر [۱].


اسلاملردن هر کیم اولور ایسه اولسون، حتی بتون بر شهر اهالیسی اولسون امویلره اظهار مخالفت ایدر ایسه معاشی درحال قطع اولنوردی. نته کیم ولید (زید بن علی) قیام ایتدیکی زمان بتون حرمین اهالیسنک معاشلرینی کمش ایدی [۲]. بوندن ماعدا ولید (حزم) عائله سی افرادینک معاشلرینی قطع و اموال و چقلکلرینی ضبط ایش ایدی. چونکه مدینه ده حضرت عثمانی شهید ایدنلر بونلرک خانهلرندن کچهرک حضرت عثمانه واصل اولملرلردی. آل حزم (منصور) ک زمانه قدر بو حالده دوام ایتدکن صکره خلیفه مشارایه جالس سریر خلافت اولور اولماز انلرک محرومیتلرینه ختام ویرمشدر [۳]. امویلرک زماننده انصارده بر چوق دفعه معاشسز قالرلردی [۴]. بونلرک اهل یته نصرت و مظاهرتدن بشقه هیچ بر قباحلری یوق ایدی. (عبدالمک بن مروان) کندیبی کی اموی اولدقلری جالده محضا ( خالد بن یزید بن معاویه) یه طارلدینی ایچون (ابو سفیان) عائله سنه منسوب بالجمله افرادک معاشلرینی قطع ایش ایدی [۵].

امویلرک واردات دولتدن ایستدکلری کیمسه لری مستفید، ایسته مدکلرینی محروم ایتک خصوصنده کندی نفسلرینه ویردکلری بوصلاحیت عظیمه اوزرینه خلک حق چکنه دکلرینی بیله بیله انلره یارانغه چالیشملرینی، بونکله برابر بعض دفعه بو حقیقتی بربرلرینه سویلکدن چکناملرینی غریب کورمامک اقتضا ایدر. آتیده کی وقعه بوکا بر مثالدر. (کوفه) والیسی (مغیره بن

[۱] اغانی ۱۴۷ ج ۱۶ [۲] اغانی ۱۱۱ ج ۶ [۳] العقد الفرید ۴۱ ج ۳

[۴] اغانی ۶۲ ج ۱۰ [۵] العقد الفرید ۱۰۲ ج ۱

شعبه) مأموریتدن عزل اولنه جغنی حس ایدر ایتمز (معاویه) و اوغلی (یزید) ده یارایمق و بو سایهده محافظه موقع ایتمک اوزره اجرا ایتمدیکی



اندلسده انجرا مرایی انسادن

تشویقات تأثیریه (معاویه) طرفندن اوغلی (یزید) ولی عهد

نصب ايدىلنجه (يزيد) قرمزى برچادرده اوطورتديرلش، خلق فوج فوج  
كلهرك خليفهيه وولى عهدده عرض تبريكات ايلش ايدى. تبريكاتده بولنان ذواتدن  
برى وظيفه تبريكه يي ايفادن صوكرده (معاويه) نك زردينه عودتله: «اى امير المؤمنين!  
مخدومكى ولى عهد تعين ايتسه يدك اسلام برپريشان اوله جقلردى» كلام متبصصانه سنى  
صرف ايدر. (معاويه) او ائناده حاضر بولنان كبار تابعيندن (احنف بن قيس  
تميمي) يه: «سن نه يه بر شى سويليورسك؟» ديه صورنجه (احنف):  
«يالان سويلر ايسهم اللهدن، طوغرى سويلر ايسهم سزدن قورقارم» جوابنده  
بولنور. (معاويه) احنفة: «الله سكا دولته اطاعتكك حسن. مكافاتى ورسون»  
ديهرك اكا عطيه احسان ايدر. (احنف) اورادن چيقدىنى زمان او منافق  
ادم قارشيسنه چيقه رق: «اى احنف! ايله اوغلى جناب حقك  
اك شيرير مخلوقلى اولدقلىنى بيليرم. فقط نه چاره كه بولنر دولتك پارديرى  
اله كچروب قوبلر آرقه سنده كليدلر آلتنده صاقلاديلر. بوپارهدن بر حصه  
آله بيلمك ايجون بندن ايشيتديكك صورتده اداره كلامدن بشقه چاره يوقدر»  
ديهرك بيانات منافقانه سنك حكمتنى آكلامق ايستر [۱].

### حضرت عليك مسكلمنرلى، ابن الزبيرك ضمتى

امويلرك رقيبلى اولان اهل بيت ايله (عبدالله بن زبير) ك كرك خست  
طبعدن، كرك ديانت وورعدن نشأت ايتش اولسون، پاره صرف وبذلنده  
ومعاش اعطاسنده پك مسك بولنملرى امويلرك احراز موفقيت ايتلمرينه خدمت  
ايتش ايدى. حتى خلق: «انسانلر ايجنده اهل بيت وعبدالله بن زبيردن  
دهاخيلى آدم كورلماشدر» ديمكه باشلامشلدى [۲]. مشاراليهمك بوامسا كلرى  
برجوق دفعه كنديلرينك خيتلرينى وخلقك امويلر طرفه كچملىرىنى منتج  
اوليوردى. بوكا مثال اوله رق حضرت على طرفندن (ازدشير خرده) واليككنده  
بولنان (مصلحه بن هبيرة شيبانى) جناب امامك آدملىردن برى طرفندن اله  
كچيرلش بش يوز قدر اسير كورهرك سائقه شفقت وانسانيتله خزينه نك پاره سندن  
انلرى ۵۰۰،۰۰۰ درهم ايله بالمبايعه سيللرينى اطلاق ايتش ايدى. حضرت على

( مصقله ) دن بو پاره لری ایستدی . ( مصقله ) نصفی ویردک نصف دیکرینی اعطادن امتناع ایتدی . حضرت علینک آدم لری طرفدن بتون پاردنک تأدییه سی ایچون اصرار وقوع بولنجه ( مصقله ) : « والله بوموقعده هندک اوغلی ( یعنی معاویه ) اولسه ایدی بو نصفی بندن ایسته مزدی . هله حضرت عثمان اولسه بتون بو مبلغی بکا هبه ایدردی » دیدی . حضرت علینک آدم لری : « فقط حضرت علی بر پارددن واز کچمز » دییه رک مقابله ده بولندقلرندن ( مصقله ) او کیجه اورادن صاووشوب ( معاویه ) یه التحاق اینشدر [۱] .

( ابن الزبیر ) ک بتون مساعیسنی عقیم براقان خسته مثال اولمق اوزرد برادری ( مصعب ) عراقک وجوه واکبرینک معاونت جانسپارانسیله ( مختار بن ابی عیید ) ی قتل ایله بتون عراق قطعه سنی برادری نامنه منقاد ایتدکدن صکره او وجوه واکبر ایله برلکده مکده کعبه نک داخلنده مقیم برادرینک نزدینه کلدرک : « ای امیرالمؤمنین ! عراقک وجوه واکبرینی یانکه کتیردم . اورانک اک یوکسک صنف خلقی بونلردر . کندیلرینه خزینه دن معاشلر تخصیص ایتلیسک » تکلیفنده بولنش ایدی . ( عبدالله بن زبیر ) بوکا جواباً : « اللهمک اموالی کندیلرینه ویرهیم دییه عراق اهاالیسنک کوله لرینی می بکا کتیریورسک ؟ والله انلره هیچ بر پاره ویرم » دییه رک تکلیف واقعی رد ایتدی . بورد وسوء معامله دن خبردار ودلگیر اولان عراقلیلر اورادن مفارقت و ( عبدالله بن زبیر ) ک علیه ( عبدالملک بن مروان ) ایله اجرای مخبراته توسل ایلدیلر و ( مصعب ) ه خیانت وغدرده بولندیلر [۲] . بو حادته ( ابن زبیر ) ک اضمحلال دولته سبب اولمشدی .

علویلرک اهل تقوی و دیانت وامشالی ذواتدن ماعداسنه معاشلر تخصیصنده اختیار ایتدکلری سائر خست نتایجی ده اکا کوره قیاس ایدیکز . حال بوکه امویلر بو مسلکک بسبتون عکسنه اوله رق معاشه مظهر ایتدکلری آدم لرک عائله وچو قق لری نه ده معاشلر باغلا یورلردی . از جمله ( عبدالملک بن مروان ) عامر شعبی یه رجال حربدن اولمدیقی خالد بر حدیث روایت ایتدیکی ایچون ایکی بیک درهم معاش تخصیص ایتدکدن بشقه انک اوغللرندن و عائله سی افراندنن یکرمی کشی یه ده ایکیشر بیک درهم معاش تعیین ایلش ایدی [۳] . شعرا یه دخی عطیه

[۱] ابن الاثیر ۱۷۸ ج ۳ [۲] العقد الفرید ۱۱۹ ج ۱ [۳] اغانی ۹۹ ج ۱۰



واحسانلردن ماعدا ایکی بیک درهم و یادها آزویا ده چوق مقدارلرده معین معاشلرده ویزیلردی . شعرا امویلر حقنده مدحیه خوان اولدقجه معاشلری تزئید اولتوردی . مملکتک سائر طرفلرنده بولنان والیلرده عین حرکتی اختیار ایدرلردی . بونکله برابر امویلردن تقوی و صلاح اربابندن اولان خلفا شعراک بیت المالدن معاش آلملرینی جائز کورمزلردی [۱] . مثلاً (عمر بن عبدالعزیز) شعراک برینک مراجعت و امراری اوزرینه انی صاومغه مقتدر اوله مدیننی زمان احسانی کندی خصوصی پاره سندن اعطا ایدردی [۲] .

ملوک امویه شعراک برینک کندی آرزولرینه مخالف برحرکتده بولندی کورلر ایسه معاشنی کسمکدن چکنمزلردی . دور اسلامیده قریش شعراک سر فرازی اولان (عبدالله بن قیس الرقیات) مصعب بن زبیری ده پارلاق برشعرا یله مدح ایتیش اولدینی حالد ملوک امویه دن (عبدالمک بن مروان) ه بالالتجا بر شعر ایله مدح ایلش ایسه ده (عبدالمک) اکا معاش باغلانمنه مساعده ایتماش ایدی . (عمر بن الخطاب) حضرتلری شعرا شویله طورسون قرآن حافظلرینک پیله کندی کندی لرینی کچنیدرک خلق اوزرینه بار اولمالرینی توصیه ایدردی [۳] .

### امویلر دورنده چوق پاره صاحبی اولتی

طرفدار فرقه لر قازانمق ایچون پاره صرفنه حاصل اولان مجبوریت امویلری پاره جبایت و صرفی حقنده خلفای راشدین طرفندن وضع ایدیلن قاعده و اساسلرک بر چوغنی بوزمغه سوق ایتشدی . بیت الماله وارد اولان اموال اسلاملرک مال و ملکی عد اولتور و خلیفه سائر مسلمین کبی معین بر معاشدن فضلہ برشی آله مازدی . بتون او اموال اسلاملره و مصالح مسلمینه صرف ایدی لیردی . ده اول یازدیغمز اوزره حضرت (ابو بکر) وفات ایتدیکی زمان خزینۀ دولته بر دیناردن بشقه پاره بولتماش ایدی . حضرت عمر کندی معاشندن زیاده پاره یه محتاج اولدقجه معاشندن محسوبی اجر ایدلمک اوزره بیت المالدن استقراض

[۲] غنی ۱۱۸ ج ۱۷ [۲] الفرج بعدالشد ۲۲۳ ج ۲ واغنی ۱۰۹ ج ۴

صورتياه آيirdي . مشاراليه خزينه دولته پاره آرتماسي طرفداري اولديني  
 کي پاره ادخاريده منع ايتمش ايدى . بوفكرک غرابتي کتابمرك ايکنجي  
 جلدنده کوستردک . بوندن ماعدا حضرت عمر اسلامرك وعائله لرينک معيشتلري  
 بيت المال طرفندن تأمين ايدلمش اولمسنى نظر دفته آله رق اسلاملى زراعتدن ،  
 چفتلك صاحي اولمقدن ده منع ايتمش ايدى . بو منعدن مقصدى اسلاملى متهي  
 حرکت عسکر حالنده برابق ، عساكر اسلاميه طرفندن فتح ايدلمش اولان  
 ممالك وارداتنى ده بوعسکرک معاشاته مقابل طومتقندن عبارت ايدى . وارداتي  
 تشکيل ايدن خراج ، جزبه و صدقه نك تحصيل و صرفى شرع شرينه مستند بر  
 طاقم قوانينه ربط ايدلمش ايدى [۱] .

### بنى اميرنك راببرى

فقط امويلر آدم طرفدار ايتمه ، طرفدار فرقه لر طوپلامغه ، قبائلى  
 نمون و شهرلر انشا ايتمه مجبوريته کورنجه او احکامدن بر چوغنى اهمال  
 ايتمشلر ، ( معاويه ) نك واليسى ( زياد ابن ابيه ) ، ( يزيد ) نك واليسى ( عبيدالله  
 بن زياد ) ، ( عبدالملك بن مروان ) نك واليسى ( خالد قسرى ) و نسائه کي  
 مراملرينه خدمت يولنده ديانت و احکام شريعت و اهميت ويرمين شدتلى و خونريز  
 واليرلر استخدامنه موفق اولمشلردى . خلفا کندی واليرينه پاره تحصيل و جمعنى  
 امر ايدرلرى . واليرده هر نه صورتله اولور ايسه اولسون پاره تحصيلنى جائز  
 کوررلردى . ( معاويه ) زياده : « آلتون و کموش اوله رق تحصيل اولنان اموالى  
 بنم ايچون افراز ايت » ديسه امر کوندرمش ايدى . ( زياد ) تلقى ايتديكى  
 امرى معيتمده بولنان مأمورلره تبليغ و نقداً تحصيل اولنان پاره لردن هيچ بر  
 کيمسه يه معاش و يرلماسنى امر ايلدى [۲] . ديگر جهتن واليرلر تحصيل اولنان  
 پاره لردن بر قسمنى کنديلرى درجيب ايدرلردى . واليرده آرانيلان اهم اهم اوصاف  
 خليفه يه صداقت و صداقتده ثباتدن عبارت اولدينى ايچون پاره لرى اختلاسدن  
 طولاني کنديلردن حساب صورمق شويله طورسون بلکه صداقتده دواملرى  
 ايچون قضااً اغماض عين ايديليردى . بوسايده جمع ثروته ميدان بولان واليرلر  
 اودرجه چوق زنکين اولمشلر ايدى که يالکز برينک سنوى وارداتي ۱۰,۰۰۰,۰۰۰

درہمہ بالغ اولمش وبتون ثروتی ده ۱۰۰,۰۰۰,۰۰۰ درہمی تجاوز ایلش ایدی [۱] .

والیلر بوقدر چوق وارداتہ مالک اولنجه مصر فلری ده اونسبتده آرتمش، آرتق والیدکے مخصوص معاشک هیچ بر اہمیتی قلماش ایدی . حتی ( عبدالملک بن مروان ) زمانندہ ( خراسان ) والی تعیین اولسان ( امیہ بن عبداللہ ) خلیفہ مشارالہ : « خراسان خراجی مطبخمک مصارفہ بیلہ یتیشمیور » دینہ یازمش ایدی [۲] . خلفا والیلرک اموال دولتہ بو صورتلہ وضع ید ایتدکلرینی کورنجه ماللرینی مصادریہ باشلادیلر . بر والیدہ ثروت بریکدیکنی آکلادقلری زمان ثروتی ووالیلکنی النسدن آلق اوزرہ دیگر برینی والی تعیین ایدوب کوندریرلردی . هرکسک کوزی پاره جمع وادخارینہ دیکلمش ایدی .

والیلر قوہ قاهرہ ایلہ حرباً فتح ایدیلن ممالک اہالیسندن چوق پاره تحصیلندہ بأس کورمزلردی . چونکہ دہا اول کوسترلدیکی اوزرہ او نوع ممالکی کندیلرینہ مخصوص بر منبع واردات عد ایدرلردی . بوکا دلیل اولہرق بنی امیہنک عراق والیسی : «عراق اراضیسی قریشک باغچہ سیدر . ایستدیکمزی آلیر ، ایستہمدیکمزی براقیرز » دیدیکی کبی ( عمرو بن العاص ) دخی نہ مقدار جزیه ویریلہجکنی سؤال ایدن مصرده کائن ( اخنا ) امیرینہ : « یردن طاوانہ قدر اولان بوشلق طولوسی پاره ویرسہک بیلہ نہ مقدار جزیه ویرہجکی سکا سویلہم . سز آنجق بزم بر خزینہ مزسکز . چوغہ محتاج اولورسقد چوق ، آزہ محتاج اولورسقد آز آلیرز » دیمش ایدی [۳] . بونی دینلر مصری قوہ جبریہ ایلہ فتح ایدیلن ممالکدن عد ایدرلردی . دیگر بری ده : « صعد امیر المؤمنینک باغچہ سیدر » دیمشدی .

### اسلامیت رضیہ

والحاصل والیلر ہرنہ واسطہ و شکلده اولور ایسہ اولسون پاره جمع وادخارینہ صرف مساعی ایدرلردی . منابع واردات ایسہ جزیه ، خراج ،

[۱] اغانی ۶۲ ج ۱۹ وابن خلکان ۳۶۱ ج ۲ [۲] اغانی ۵۶ ج ۱۳


[۳] مقریزی ۷۷ ج ۱

زکات ، یاخود صدقه و اعشاردن متشکل ایدی . اسلامیتک ایلاک دورنده بو منابع وارداتدن الک مهمی جزیه ایدی . چونکه او سردهده ممالک اسلامیهده غیر مسلملر پک چوق ایدیلر . امویلرک والیلری غیر مسلملره مخصوص اولان بو ویرکینک تحصیلنده التزام شدت ایلدکلرندن غیر مسلملر اسلام اولمغه باشلا دیلر . فقط بونلر تبدیل دین ایتمکلهده بو ویرکیدن یقهی قورتاره میورلردی . زیرا والیلر اهالی غیر مسلمه نك قبول اسلامیت ایتملرینی دیانتیه رغبت سوقیله دکل ، جزیه دن قورتولق مقصدیه اختیار اولنان حیله قیلندن عد ایدرک اسلامیتی قبول ایلدکلدن صکره دخی انلردن جزیه تحصیلنه قالدیشمشلردی .

اسلام اولان اهل ذمتدن جزیه تحصیلنه تثبیت ایدن ایلاک ذات ( حجاج بن یوسف ) ایدی [۱] . بنی امیه نك افریقیه ، خراسان ، ماوراءالنهرده بولنان والیلری ده حجاجک بویولده کی اثرینه اقتضا ایتدکلرندن ممالک مذکوردهده قبول اسلامیت ایدن بر چوق خلق اسلامیتده ثباتی آرزو ایتدکلری حالده محضاً جزیه تحصیلنه دوام ایلدیکنی کوردرک مرید اولدیلر . باخصوص خراسان و ماوراءالنهر اهالیسنی دولت امویه نك صوک زمانلرینه قدر داخل دائرة اسلامیت اولمقدن منع ایدن سبب اسلام اولمقدن صکره کندیلرندن جزیه تحصیلنه دوام اولمئسندن بشقه برشی دکلدی . وقتاکه ۱۱۰ سنه هجریه سنده ( اشرس ) خراسانه والی تعیین اولندی ، ( سمرقند ) اهالیسی ترک اسلامیت ایتمش بولنورلردی . ( اشرس ) اورایه ( ابوالصیدا ) اسمنده بر مأمور کوندرمک ایستدی . ( ابوالصیدا ) : « اورایه کیدرم . فقط اوشرطله که هرکیم اسلام اولور ایسه اندن جزیه آلمیه جقدر » دیدی . ( اشرس ) بو شرطی قبول ایتدیکندن ( ابوالصیدا ) سمرقنده کیدرک اسلام اولانلردن جزیه آلمیه جغنی اعلان ایتدی . اهالی فوج فوج قبول اسلامیه مسارعت ایلدیلر . بونک نتیجه سنده بالطبع جزیه وارداتی تناقضه اوغرادی . ( سمرقند ) متصرفی تناقض واقعی ( اشرس ) ده ا شمار ایدنجه ( اشرس ) ویرمش اولدینی سوزدن نکول ایلهرک متصرفه : « خراج اسلاملرک مهم منبع وارداتیدر . ایشیتدیکمه کوره ( صغد ) اهالیسی و امثالندن متشکل بر طاقم خلق اسلامیه رغبت سائقه سیله دکل ، آنجق جزیه تأدیه سندن قورتولق ایچون دین اسلامی قبول



ایتمشلدرد. تحقیقات اجرا ایدرک انلردن هرکیمی سنت اولمش، قرآن اوقومش، فرائضی ایفا ایدیور کورسهک اندن. جزیه تحصیل ایلمه. بو اوصافی حائز اولیانلردن ایسه جزیه تحصیلی اقتضا ایدر « امرینی ویردی. بونک اوزرینه خلق سنت اولمغه، قرآن اوقومغه، فرائضی ایفا، جوامع و مساجد انشا ایتمک باشلادیلر. بوحالی کورن مأمورین حکومت کیفیتینی ینه والی یه بیلادیلر.



عرب مصنوعاتندن تک آیاتی بر ماصهک یوزی

هر حالده پاره تحصیلی آرزو ایدن والی هرکیمدن خراج آلیور ایسه انلردن تکرار خراج جبایته دوام ایدلمسینی امر ایتدی. اسلام اولانلردن تکرار جزیه آلمغه مباشرت ایدلدی. جزیه کذار ایدلمک ایستیلن اسلاملری بیك کشیدن متشکل اولدقلری حالده (سمرقند) دن بر قاچ فرسخ مسافهده

طوبلانہرق حکومتہ قارشى اعلان عصيان ايتدکارندن بو عصيان تأثيريه ( صغد ) ، ( بخارا ) اھالیسى اسلاميتدن مرتد اولمشلر ، ترکار دخى حربہ حاضر لائمشلردى . اھالى مذکورہ ( نصر بن سيار ) ک خراسان واليلکنہ تعيينى زمانہ قدر حال عصيان و ارتداددہ قالدیلر . ( نصر ) مقام ولایتہ کلنجہ ارتکاب اولنان خطایى آکلایہرق اسلام اولانلردن جزیه آلمیہجغنى اعلان ایتدی . بو اعلان اوزرینہ بر ہفتہ کچمہدن جزیه گذار ایدیلن ۳۰.۰۰۰ اسلام کندیسنه مراجعت و حکومتہ عرض اطاعت ایلدی [۱] .

امویلرک خراجى تزئید و انواع مکلفات و رسموى طرحده ارتکاب ایتدکلری مظالم و اعتسافات حد تعریفک فوقدہدر [۲] . فی دن کلن اموالده کیفمايشا اجرای تصرف ایتدکده ایدیلر . ( عمر بن عبدالعزیز ) دن بشقہ امویلردن هیچ بر خلیفہ بواحوالک منعه تشبث ایلدی . خلیفہ مشارالیه جالس سریر خلافت اولنجہ خزینہ دولتدن کندی نفسی ایچون برپارہ اخذ ایتدیکی کبی [۳] اقربا و تعلقانہ ، یعنی خاندان اموی ارکان و افرادیتدہ او یولده حرکتی توصیه ایش ایدی . فقط بو توصیه کیمسه اصفا ایتدی . والیرینہ : « جناب حقک حضرت محمدی خلقہ طوغری یول کوسترینی اولدورق ارسال بیوردیغنى ، پارہ تحصیلداراغنه کوندردمیکنی » یازدورق قبول اسلامیت ایدنلردن جزیه آلمامسنى امر ایدزدہ بو خلیفہ فاروق خصلت ایدی . حیفا کہ مشارالیهک زمان مسعود خلافتی چوق سورمدی [۴] . ولید زاده ( یزید ) دخى حضرت ( عمر بن عبدالعزیز ) ک اثرینہ اقتفا ایتک ایتدی ایسہدہ عین موفقیتسزلکہ اوغرامشدی . معاھدک نصف دیتی خلیفہنک آلمسى امویلر طرفدن طرح اولنان غیر مشروع ویرکیلر جملہسندن ایدی . ( عمر بن عبدالعزیز ) مقام خلافتہ کلنجہ بو ویرکی بی دہ ابطال ایش ایدی [۵] .

### صدقہ ، رشوت

امویلر پارہ صرفیانہ ویردکلری وسعت سوقیہ عساکر اسلامیه یلندہ تقسیم ایدیلن فیئ ، غنائم ، جزیه اموالندن بشقہ اسلام زنکینلردن

[۱] ابن الاثیر ۲۱۶ ج ۴ و ۶۸ و ۱۱۱ ج ۵ [۲] کتابزک ایکنجی جلدی

[۳] القد الفرید ۲۶۲ ج ۲ [۴] مقریزی ۷۸ ج ۱ [۵] اغانی ۱۳ ج ۱۵

تحصیل و اسلام فقراسنہ توزیع اولئان صدقہ و نام دیگرلہ زکات اموالندہ۔  
 ال اوزائمہ مجبور اولمشلردی۔ خلفای امویہ پک چوق دفعہ شعرائہ صدقہ  
 اموالندن مکافاتلر، احسانلر ویریرلردی [۱]۔ حال بوکہ حقانیت دوشونولور  
 ایسہ او کبی مکافات و احسانلر یا خلیفہنک اموال خاصہ سندن، یا خود  
 او مکافاتلر دولت اسلامیہنک تأییدینہ خادم وسائط اعتباریلہ فی و امثالی  
 اموالندن تأدیہ اولملی ایدی۔ خلفانک شعرائی فقرا صنفندن عد ایدرک او چہتلہ  
 کندیلرینہ صدقہ مالندن احسانلر اعطاسنی جائز کوزمش اولملری وارذ خاطر  
 اولہ بیلیر۔ حال بوکہ بوعباردہ طوغری دکدر۔ چونکہ شعرائک احسانلرم  
 لیاقلری خلیفہنی مدح ایتمش اولمقدن عبارتدی۔ بناءً علیہ خلفا شخصی  
 خدمتہ مقابل اولان بو مکافاتلری کندی جیلرندن چیقاروب ویرملری ایجاب  
 ایدرلردی۔ فضلہ اولہرق خلفای امویہ پک چوق دفعہ سائر اسلاملر دہ صدقہ  
 اموالندن معاشلر باغلارلردی۔ آنجق حرب آدملری صدقہدن معاش آلمقدن  
 استسکاف و او یولده ماش اخذینی کندی موقع و حیثیتلرینہ بر تحقیر عد  
 ایدرلردی۔ تہکم (عبدالملاک بن مروان) فریضہ حجی اینا ایتمک اوزرہ مدینہ دہ  
 بولندینی ائنادہ مدینہ اہالیسنہ معاش طاغیتقم ایستہ مشدی۔ معاشلر «صدقہ»  
 اشارتنی حاوی چیقینلر درونندہ اولدینی حالده طاغیدلمغہ باشلائنجہ اہالی مدینہ  
 او چیقینلری آلمقدن استسکاف و حضرت علی طرفدارانی اولمق اعتباریلہ بونی  
 (عبدالملاک بن مروان) طرفندن کندیلری حقندہ اختیار اولنان بر تحقیر عد  
 ایتمشلردی۔ بونک اوزرینہ (عبدالملاک) بر ضرب مثل ایراد ایدرک اہل مدینہ  
 ایلہ امویلر آرسندہ حضرت عثمانک شہادت و (حرہ) وقعہ سندن بری بردوام  
 اولان نفرت وعداوتی احساس و اظهار ایلشدی۔

امویلر پک چوق دفعہ، باخصوص دولتلری ضعف و انقراضہ اوغرا دینی  
 ہنکاملردہ پار دیہ محتاج اولدقجہ ولایتلری رشوتلہ صائمقدن چکتمزلردی۔  
 (ولید بن یزید) جالس سریر سلطنت اولنجہ خلقک صداقت و اطاعتنی تزید  
 ایتمک مقصدیلہ معاشلری آرتدیرمق ایستہ دی۔ آنجق خزینہ دہ مقدار کافی پارہ  
 بولہ مدیننی کبی کندیسنہ درحال پارہ یتشدیرہ جک شدید واعتسافکار والیردہ دہ  
 مظهر اولہ مدیغندن پارہ تدارکی ایچون اختیار ایتدیکی وسائط جملہ سندن اولمق

اوزرہ خراسان ولایتی ایلہ ملحقاتی (یوسف بن عمر) ہ صائدی . بونک .  
 زمانندہ بتون ولایات خلیفہ وارکان دولتنہ رشوت ویرمکہ توجیہ اولنوردی [۱].  
 حال بوک (ولید) ک سلفلری زمانندہ ولایتلرک تفویضی بر خدمت و نصرتہ  
 مقابل ایدی . نتہ کیم (معاویہ) مصر ولایتی (عمر و بن العاص) ہ حضرت  
 علی علیہنہ وقوع بولان نصرتہ مکافاة ویرمش ایدی . (معاویہ) نک خلفلری  
 عینی بولی طودققرندن طرفدار فرقلرہ محتاج اولدقجہ فرقلرہ رؤسانی ولایت  
 توجیہی وعدیلہ طرفلرینہ جلب ایدرلردی . حتی بو حال او قدر معروف  
 و معتاد اولمش ایدی کہ رؤسادن ہر ہانکیسی بر خلیفہ نک مظاہرتہ دعوت  
 ایدیلنجہ اجرای مظاہرت ایچون معین بر مبلغ ویا بر ولایتک اعطاسنی شرط  
 اتخاذا ایلردی . روایتہ کورہ (عبدالمک بن مروان) عراقدہ (مصعب بن زبیر)  
 ایلہ محاربہ ایتدیکی ائادہ بصرہ وکوفہ رؤسانہ خبر کوندرہ رک نصرت  
 و مظاہرتلرینی طلب ایتشدی . رؤسای مومالیہم دعوتہ اجابت ایتشرلسدہ  
 بر طاقم شرطلر درمیان و بعض ولایتلرک توجیہی التماس ایلشلردی . وقوعات  
 غریبہ دندرکہ او رؤسادن قرق کیشی ہپ اصفہان والیلکنی ایستہ مش ایدی .  
 (عبدالمک) بوتہاجہ قارشی کال تعجیلہ : «بواصفہان نصل شیدرا !» دیمکدن  
 کندینی آلامامشدی [۲] .

## دین و اہلی حقندہ استخفافکارانہ طاورنامق

امویلر اہل بیت نبوینک خلافتہ دہا زیادہ حق صاحبی اولدقلرینی  
 و بو حقت صحیح و غیر قابل اعتراض براساس اوزرینہ مؤسس بولندیغنی بیلدکاری  
 حالدہ کندی نسللری ایچون طلب خلافتہ قیام ایدنجہ فقہا ، علما و سائر رجال  
 دینک اکثری اہل بیتک حقنی تسلیم و طرفدارلغنی التزام ایلشلردی . نہ چارہ کہ  
 عصیت عربیہ امویلرہ یاردم ایتمش ، ہر زمان مظفر اولان قوت او ہنکامدہدہ  
 غالب کلش ایدی . مع مافیہ فقہا و سائر ارباب تقوی فرصت دوشدکجہ اہل  
 بیتی ترجیح ایتمکدن ، امویلرک طریق تغلبہ ارتکاب ایتدکاری ظلم و تعدیاتی .



کندیلهینه اخطار والہدن قورقق لزومنی نصیحت طرزندہ انلرہ تذکار ایلکدن اجتناب ایتیمورلردی . برنجی ( معاویہ ) فرط حلم و ذکا ایلہ متصف اولدیغدن بویولده وارد اولان تنقیدات و اخطاراتہ حلم و مسامحہ ایلہ مقابلده بولنور و کندیسنہ توجیہ ایدیلن زبان مواخذہیی حسن معاملہ و احسانلر ایلہ قطع ایلردی . خلق ( معاویہ ) نک بو معاملہسنہ باقہرق اخطارات و تنقیداتده ایلری کیمکہ آیشمشلردی . خلافت ( عبدالملک بن مروان ) ہ انتقال ایدنجه مشارالیہ سلفلرینک عکسنہ اولہرق غنف و شدت استعمال ایلدی . ( عبدالملک ) عبداللہ بن زبیرک شہادتدن صکرہ ۷۵ نجی سنہ ہجریہ سنیدہ حجه کیتدی . اہل بیتک طرفدارانتی محتوی اولان مدینہیہ مواصلت ایتدیکی زمان انلرہ قارشی ایراد ایلدیکی نطقده شو بیاناتده بولندی :

« اداره امور دولتده عاجز خلیفہ ( یعنی عثمان ) اولمديئم کبی مداهن وریا کار خلیفہده ( یعنی برنجی معاویہ ) دکلم . عقلسز ، تدبیرسز ( یعنی یزید بن معاویہ ) خلیفہیہده بکزدئم . بو ملتک تأمین اطاعتی ایچون استعمال ایدہجکم یکانہ مداوات تلیجدن عبارتدر . مهاجرین اولینک مناقبی حفظ ایدرسکزدہ انلر کبی هیچ برایش کورمزسکز . بزہ تقوی ، صلاح توضیہ ایتدیکز خالدہ کندیکز بو وصایا ایلہ عامل اولمازسکز . اللہہ قسم ایلہ تأمین ایدرمکہ بو دقیقہدن صکرہ ہرکیم بکا تقوانک لزومنی اخطار ایدرسہ انک کلہسنی کسہجکم » . ( عبدالملک ) ایشته بو تہدید ایلہ امر بالمعروفی یساق ایدن ایلاک خلیفہ اولمش ایدی [۱] . بو یولده استعمال اولان شدت امویلرک دشمنلرینہ کران کلہرک ( معاویہ ) نک زمانی آرامغہ و ( ابن الزبیر ) معاویہنک خبروفاتی آنجه : « اللہ معاویہیہ رحمت ایتسون . انی آلداتیوردق . اودہ بزہ آلداتمی یولنی طوتیوردی » دیدیکی کبی دیمکہ باشلامشلردی .

### قرآنہ دصرمینہ صرمسزلک

فیالحقیقہ عبدالملک احکام دینیہیہ مخالف اولسہبیہ طریق شدتی و آچیقدن آچیغہ قوت و غنف ایلہ تغلبی مسلك اتخاذ ایلش ایدی . مشارالیہک بویولی والی و مظاهری و مؤید حاکمیتی اولان ( حجاج بن یوسف ) ہ اقتداء اختیار

ایلدیکی وارد خاطر اولورسده بز اوپله براقیدانی واقع ظن ایتوروز . چونکه  
( عبدالملک ) احراز خلافتدن اول پک زیاده متدین واحکام شریعت ایله عامل  
کورو نورکن کرسی نشین سلطنت اولور اولماز اقبال دنیا به مفتونیتی و دینه  
حرمت سزلیکی اعلاندن چکنا مشدی . روایت کوره ( عبدالملک ) قرآن عظیم  
الشانی اوقوم قله مشغول ایکن خلافتک کندیسنه انتقالی خبرینی آلیز آماز  
قرآنی قابیه رق کلام قدیمه خطاباً : « سکه بواک صوک مناسبتدر » ، یا خود :  
« بوآندن اعتباراً سندن افتراق ایدیورم » دیمشدی [۱] . مشارالیه بوسوزلری  
علماً سویلدکن صکره کعبه معظمه یی منجیق ایله دوکمه ، کعبه نک مسجدی  
داخلنده ( ابن انزیر ) ی قتل ایله باشی کندی ایله قوپارمغه والینسی حجاجه  
مساعده ایتسنی غریب کورماک اقتضا ایدر [۲] . معلوم اولدینی اوزره کعبه  
اوپله بر مقام مقدسدرکه نه داخلنده ، نه ده اطرافنده قتال ومحاربه اجرایی  
جائز دکلدر . امویله اسلامیده بو امثالسر جرمی ارتکاب ایتدیلر . کعبه ده  
اویچ کون متوالیاً آدم اولدورمکه وقت کچیردیلر . کعبه نک بناسنی یقیدیلر .  
احجار واستاری آردسند آتش یاقیدیلر [۳] . حریمندن بری اولان مدینه منوره ده  
داخل اوله رق اهالیسنی قلیجدن کچیردیلر . اثنای قتالده هر کیمک قپوسی  
قابلی کورمش ایسه خانه سی ؛ ایچنده بولان بتون اشیا ایله برابر احراق ایدلای .  
حتی قبطیلر ونبطیلر خانلره کیره دک قلیجلرینی اوموزلری اوزرند طاشیدقلری .  
وقرآنی آیاقلری آلتند تپه لکلری حالده قریش قادیلرینک یاشاقلرینی یوزلرندن  
صیروب آتمشله ، آیاقلرنده بولان خلخاللری سوکوب آلمشلردر [۴] .

امویله صحابه وتابعیندن و اهل تقوادن پک چوق آدم اعدام ایتمشلردر .  
بو اجراءات خوزیزانه دن مقصدلری کندی سلطنتلرینک تحکیمی ایچون حضرت  
علی و طرفداراتی تحقیر وتکیل ایتکدن عبارت ایدی . ینه بوسیه مبنی حضرت  
علیه جوامع منبرلرنده لغت اوقودیلر . لغت خوان اولمق له خلقی مکلف  
ایلدیلر . لغت ایتیلری ده اعدام ایتدیلر . بو اوغورده ایلك اعدام اولسان  
ذات ( حجر بن عدی کندی ) ایدی که ( معاویه ) نک زماننده قتل اولندی [۵] .

[۱] بوالفدا ۲۰۵ ج ۱ و سراج الملوك ۹۶ [۲] العمد الفرید ۲۵۶ ج ۲

[۳] بن الاثیر ۳۶ ج ۵ [۴] ابن حلیکان ۲۷۴ ج ۲ [۵] مسعودی ۲۹ ج ۲

حضرت علی به لعنت ایتک (عمر بن عبدالعزیز) که زمان خلافتنه قدر دوام  
ایتمشدی. مشارالیه خلیفه اولنجه بو عادتق ابطال ایلدی.

### مذہب و نبوت

امویلر احکام دینییه مخالف بریولده کندیلرینه تبصص و تمظیمده بولنان  
بر طاقم جبار والیلره مظهریتله طریق شدت واستبداده پک بیوک بر وسعت  
ویرمشلردی. بویولده ایلاک جرأت (عبدالملک) که والیسی مشهور (حجاج  
بن یوسف) طرفدن وقوع بولمشدی. (حجاج) خلیفه به (خلیفه الله) لقبی ایله  
خطاب ایتدکن ماعدا نبوتک فوقنده طوتمق درجه سنه قدر خلافتی بیوک غد  
ایتمش ایدی. «سماوات ایله ارض، دیردی، آنجق خلافت ایله قائمدر.  
تزد الهیده خلیفه ملائکه مقربین، انبیا و مرسلینه مرجع در. چونکه جناب  
حق کندی ایله حضرت آدمی یارادد رق ملائکینی اکا سجده ایتدیردکن  
و جتنده اسکان ایلدکن صکره ارضه ایندیرمش، انی خلیفه یامش، ملائکینی ده  
رسل (ایاجی) قیلمشدر». (حجاج) بویانانته اعتراض ایدنلر کورر ایسه انلره:  
«سزجه بر آدمک کندی عاٹله سی آرده سنده و کیلمی ده ما معتبردر، یوقسه  
بر ایش ایچون کوندردیکی آدمی؟» سؤالی توجیه ایدرک اسکا ته تصدی  
ایلردی. (عبدالملک) بو محاورات متبصصانه یی ایشدکجه پک زیاده خشنود  
اولیوردی [۱]. (هشام بن عبدالملک) که والیسی (خالد قسری) کبی  
(حجاج) دن صکره موقع اقتداره کلن سائر شدتلی والیلر دخی (حجاج) که  
بویولده کی اثرینه تابع اولیور، انک سوزلری تکرار ایدیورلردی. (خالد  
قسری) بر کون مکده بر نطق ایراد ایتمش، انده: «ای ناس! سزجه  
بر آدمک کندی عاٹله سی اوزرینه منصوب و کیلمی او آدمک نظرنده ده  
بیو کدر، یوقسه عاٹله سنه کوندردیکی آدمی؟» دیمش و بوسوزلر ایله هشامک  
موقعی حضرت پیغمبرک موقعدن ده بیوک اولدیغنی کوسترمک ایسته مشدی [۲].  
ایچلرنده صرف منافع مادیه دن مستفید اولمق فکریه اسلام اولان بر طاقم آدملر

[۲] المقدانفرید ۱۸ ج ۳ و مسعودی ۱۰۴ ج ۲

[۲] ابن الاثیر ۲۵۷ ج ۴ و ۱۱۰ ج ۵ و اغانی ۶۰ ج ۱۶

بولنديني حالده دولتک سائر منافقين رجالی ده والیرک بویولده کی عین حرکاتیه عامل اولدقلندن امور دولت برقات ده فساد اوغرامشدی. والیر بوکی افغاله جرأت ایتدیکه اطرافدن تشویقات کوریور و دینه تجاوز ایلدیکه کندیلرینه مظاهرلر بولیورلردی. روایت کوره (خاله قسری) قرآن کریمک حفظه پک آز اهمیت ویردیکندن برآیت تلاوت ایتک ایستر ایسه یا کلش او قوردی. بر کون بر نطق ایراد ایتک ایسته مش، فقط یا کلش سویلیه رک شاشلامش ایدی. (تغلب) قبیله سنه منسوب دوستلرندن بری (خاله) خطاباً: «ای امیر! صیقلیمیکز. بونک اهمیت یوقدر. قرآنی حفظ ایتش هیچ بر صاحب عقل و اذعان کورمدم. انی آنجق احمقلر حفظ ایدرلر» دیمش، خالده بوکا جواباً: «حقیقه پک طوغری سویلدک» مقابله سنده بولنمشدی [۱].

دینه بو درجه حرمتسزلک کوسترلدکن صکره بنی مروانک شرا بنحواری (ولید بن یزید) ک سرخوشلنی، ذوق و صفاسی هنکامنده قرآنه اوق آتمسی پک بیوک بر جرأت کورلما ملیدر. روایت کوره (ولید) کیجه نک برنده انده بر مصحف اولدیننی حالده عودت ایدرک انی آچش، تصادفاً: «واستفتحوا وخاب کل جبار عنید من ورائه جهنم ویسقی من ماء صدید» آیت کریمه سنی کورمشدی. هان مصحفک آلمسنی امر ایتدی. انه یای، اوق آلدی. اوزرینه اوق آته آته مصحفی پارچه لادی. وشو بیتلری سویلدی:

أتوعد کل جبار عنید      فها انا ذاك جبار عنید  
اذا لاقیت ربك يوم حشر      فقل لله مزقنی الواید [۲]

«هر عنادجی جباری تهدیدی ایدیورسک؟ ایشه بن اوجبار عنادکارم. يوم محشرده ربك ایله ملاقی اولدیغکده کیت اکا ولید بنی پارچه لادی دیه شکایت ایت.»

امویلر اسلامیتک تشرینه اهمیت ویرمیورلردی. انلرک مقصدلری انجق فتح، تغلب، حشد اموالدن عبارتدی. زمان حکومتلرنده سند، ترکستان کبی ممالک بعیده ده بولنان اهالی قبول اسلامیه خواهشکر ایکن بیله اورالرده انتشار




اسلامیت سکتہ یہ اوغرامشدی . ممالک مذکورہ اہالیسی امویلرک شدت وطمعکارلقلرندن طولانی اسلامیتدن نفرت ایتمشلردی . مظهر اولدقلری حسن معاملہ ویا شدتہ تبعاً کاه اسلام ، کاه مرتد اولیورلردی . فقط وقتا کہ خلیفہ تقوی شعار ( عمر بن عبدالعزیز ) مقام خلافتہ کلرک ہمنامی اولان ( عمر بن الخطاب ) ک اثرینہ تابع اولدی ، سند حکمدارلرینہ وسائرہ نامہلر یازہرق مملکتلرینک حاکمیتی کندیلرینہ عائد واسلاملر ایلہ عین حقوقہ مالک اولمق اوزرہ قبول اسلامیتہ دعوت ایلدی . ذاتاً خلیفہ عالیجاہک مناقب فاروقانہسی حقندہ او ممالک اہالیسنجہ معلومات آئمشدی . درحال دعوتہ اجابتلہ اسلام اولدیلر واسکی اسملرینی عربی اسملرہ تحویل ایلدیلر . فقط ۱۰۱ سنہ ہجریہسندہ ( عمر بن عبدالعزیز ) شہید ایدیلوب دہ امویلر اولکی سیرتلرینہ عودت ایدنجہ او اہالی اسلامیتدن ارتداد ایتمشلردر [۱] .

امویلرک تابعیندن واهل صلاحدن اعدام ایتدکلری ذواتدن ماعدا حضرت علینک اولاد و احفادینک قتل ، صلب وکونا کون اشکال فجیعہ ایلہ اعداملرندہ ارتکاب ایلدکلری افعالی دہ اکاکورہ قیاس ایدیکز . والیلری مشہور ( حجاج بن یوسف ) ایسہ بویولده اک ایلری کیدن کیمسہ ایدی .

### امویلر دورندہ کی شدت و خونریزک

اسلاملر خلفای راشدین زمانندہ خلیفہیہ اطاعتی بر فرض عد ایدرک اداره امور مملکتہدہ حیله ویا شدت اختیارینہ حاجت کورمزلر وکړک قولاً ، کړک فعلاً طریق حقندن آیرمازلردی . اسلاملردن بری بر قباحت ویا جرم ارتکاب ایتسہ درحال قباحت وجرمنی اعتراف و خلیفہ طرفندن ترتیب اولنان مجازاتی بلا تردد قبول ایلردی . بناءً علیہ امور واحکام تدقیق ، نقض ، حیلهیہ محتاج اولمدینی کبی تنفیذی دہ شدت و غنفہ لزوم کوسترمزدی . بعضاًدہ توییح و مواخذہ ایلہ اکتفا اولنوردی . بالذات خلیفہ یاکلش برایش یاپسہ رعایادن بری حقندہ او موقعدہ نصل بر حکم ویرمسی لازم ایسہ کندی نفسنی دہ اویلہ

بر محکومیه لایق کورردی . او سردهده حبسخانلر یوقدی . اسلامیتده  
حبسخانلری ایلك تأسیس ایدن ذات ( معاویه ) در . نته کیم عسا کر خاصه  
تشکیل ایدن ایلك ذاتده کندیسیدر [۱] . اندن دها اول حبسخانیه لزوم



قرطبه جامی محرابنک جبهه سی

کورلیوردی . چونکه مثلاً حنرت ( عمر ) صحابه دن اک بیوک قوماندانه بر خبر  
کوندرسه او قوماندان - امتناعی تقدیرنده خلیفه نك کندیسنی قوه جبریه ایله جلب  
ایده میه جکنی بیلدیکی حالده ینه - کمال تواضع و اطاعتله خلیفه نك امرینه منقاد  
اولور، نزدینه کلیردی . خلیفه هر کیمه دایاق مجازاتی روا کورسه مجرم همان

حکمہ کردن داده اولوردی . حضرت عمر بیوک قباحتلک ارتکابنه باعث جسارت اولور دیه اک کوچک قباحتلری جزاسز برافازدی . انک ایچون جناب فاروق حزم و شدت ایله کسب شهرت ایتمش ایدی .

اسلاملر مردلک ، علو جناب ، عزت نفس ، مناقبی هنوز ضائع ایتماش اولدقلری برصردده ( معاویه ) مقام سلطنته کلوبده عراق ، فارس ، مصر وسائرہ والیکلرینی کندیسنه تأمین نصرت ایدن داهیلره تودیع وخلقہ قارشى بیوک برحلم وسعہ صدر اراۛه ایلنجه والیر خلقک سربستی لسان وحرکاتندن ایلریده مشکلات ظهورندن قورقهرق استعمال شدته توسل ایلشلردی . ( معاویه ) نک والیرندن طریق شدتی ایلک اختیار ایدن کیمسه؛ عراق والیسی ( زیاد ابن ابیه ) ایدی . انک زعمنجه کویا حضرت عمره اقتداء شدت و حزم ابله اداره امور ایدیوردی . فقط مومالیه بو یولده فضلہ غیرت کوسترمش ، حدودی تجاوز ایتمش ایدی . ( زیاد ) معاویه نک تأیید سلطنتی اغورنده حاکمیتک شدتی ایلک کوسترن ذات اولدینی کبی ظن و شبهه اوزرینه جزا ترتیب ایدن ایلک آدمده کندیسی ایدی [۱] . ( زیاد ) دن صکره اوغلی ( عبیدالله بن زیاد ) یزید بن معاویه نک دورنده عراقه والی تعیین ایدلمشدی . بونک زماننده حضرت حسین خلافت ادعاسیله ( یزید ) ک بیعتی نقض و عراقه طوغری هجوم ایدنجه ( یزید ) ابن زیادہ : « تهمت اوزرینه آدم حبس ایت . ظن و شبهه اوزرینه مجازات ترتیب ایله . فقط سکا قارشى اعلان عصیان ایدنلردن بشقه کیمسه بی قتل ایله » دیه یازمش ایدی [۲] .

( عبدالملک بن مروان ) ک دورنده عراق والیکى ( حجاج بن یوسف ) ه کچنجه ( ۶۵-۸۶ ه ) خلافت مدعیرلرینک عددی ده چوغلمشدی . ( حجاج ) زیاد ایله اوغلی عبیدالله طرفندن استعمال اولسان شدت و غنف طریقتی طومتق ایستمش ایسهده بویولده دها ایلری کیتدیکندن افعال و اجرا آتی اهاک و تدمیردن عبارت اولمش ایدی [۳] . بونکله برابر ( حجاج ) حد ذاتنده زیاد ، یاخود اوغلی عبیداللهدن دها شدید وجبار دکلدی . شو قدرکه زیادک ظلمی ( معاویه ) نک حلم ویموشاقلغی ، اوغلی عبیداللهک اجراآت شدتکارانه سنی ده

[۱] ابن الاثیر ۲۲۸ ج ۳ [۲] ابن الاثیر ۱۸ ج ۴ [۳] ابن خلکان ۱۰۴ ج ۱

والبیان ۱۷۵ ج ۱ والمقدفرید ۲ ج ۳

(یزید) ك؛ قتل آتجق كندی علیه قتاله تثبت ایدنلره حصر ایتسی حقنده کی اوامری تعدیل ایدیوردی . (حجاج) ك شدتی ایسه تعدیل ایدهك بر قوتدن محرومدی . بالعکس (حجاج) ك شدتنه (عبدالمک بر مروان) ك ده شدتی انضمام ایدیوردی . بوضورتله شدت شدت اوزرینه ییغیلور، حجاجك جبارلقده يك ایلری کیتمنسه باعث اولیوردی . ایشته بوسبیه مبنی اسلاملر مظالم واقعه یی تحمل فرسا کورهك دولت امویه به دشمن کسلمشلردی . ارباب عصیان يك زیاده چوغالمشدی . خلفای امویه بی دینه قارشی افعال و حرکاته جرأت ایله اتهام ایدیورلردی . و «امویلر او یله برکروه متغلبه درکه اك خونریز و جبار بر شکلده قتل و اعدامه منهکدرلر . ظن و شبهه اوزرینه مجازات ترتیب ایدرلر . کیفی احکام ایله حکم ایدرلر . آتجق غضبه کدکدرنده بیله آدم اولدورلر » دیورلردی [۱] .

### بسر بن ارطاة ، قتل اطفال

فی الحقیقه ابتدالرده امویلرک اصول اداره سی او زمانک طرز اداره سنک مقتضیاتنه تبعاً حزم و شدت اساسی اوزرینه قورلمش ایدی . آتجق امویلر او حدده قالمیوب تنکیل اعدا و تحکیم موقع یولنده ظلم و خونریز لکده يك ایلری کیتمشلردی . والیرینه ایستدکلری کبی حرکت ، خلیفه به مراجعت ایتکسزین کوردکلری لزوم اوزرینه آدم صلب و قتلنه مأذونیت ویریورلردی . حال بوکه خلفای راشدین زمانده بوکبی احواله مساعده اولمازدی . چونکه اوصره لرده خلیفه مسلمین مدینه ده اقامت ایدرایکن اطراف سائرده بولسان رعایانک امور و خصوصاتنه بالذات نظارت ایدردی . (عمر بن عبدالعزیز) زمان خلافتنده ایشته بو طرز اداره بی تطبیق ایتک ایسته مش ایسه ده اجلک عدم مساعده سیله موفق اوله مامشدی [۲] . خلیفه مشارالیه ارتحال ایدنجه یرینه مقام خلافته کلن (یزید بن عبدالمک) اسکیده جاری اولان شدت و تنکیل اصولنه عودت اولنسنه دائر والیرینه امر کوندرمشدی [۳] .

والحاصل ملوک امویه بر طر فدن کندی منفعتلری تأمین ایتک، دیگر طر فدن والیره جسارت و یرمک اوزره انلره واسع بر صلاحیت ویریورلردی .



حتى بالذات كنديلرى معاويه نك زمانندم بيله بعضاً واليرى آچيقدن آچيغه خوزيزلكه تشويق ايدرلردى. (معاويه) حكيمينك تحكيمندن صكره حضرت على حال حياتده ايكن (بسر بن ارطاة) ى بر اردو ايله اعزام ايتمش ايدى. روايته كوره او اردويه مملكتى طرامه ليرنى ، حضرت على طرفدارلغنى كودن هر كيমে راست كديرلر ايسه انى قتل ايتليرنى ، حتى قادين وچوجقلىق قتلندن چكنامليرنى توصيه ايتاش ايدى . (بسر) اك اول مدينه يه كيتمش ، اوراده حضرت على طرفدارلرندن بر چوق آدم قتل و خانه ليرنى هدم ايتمش ، متعاقباً مكه و سائرده كيدرك اورالرده قتل و هدم ايله وقت كچيردكن صكره يمنه چمئشدى. اوصرده حضرت على طرفندن يمن واليلكنده عمزاده سى (عبدالله بن عباس) بولئوردى . عبدالله (بسر) ك ورودى ايشدير ايشتمز قتلدن قورقه رق بر طرفه صاووشمش ايدى. (بسر) ابن عباسى بوله مينجه برى (عبدالرحمن) ، ديكرى (قم) اسمنده ايكي اوغلنى طوته رق حامل اولديغى يحاق ايله كندى اليه ذبح ايلشدر [۱]. روايته كوره بو ايكي چوجق باديده (كنانه) قيله سندن بر آدمك ياننده بولئورلردى. (بسر) چوجقلىق قتل ايتمك ايسه نجه كنانه لى آدم اكا : « قباحتمز ، معصوم بو ايكي چوججنى اولدورمكى ايسئورسك ؟ انلرى قتل ايدى جاك ايسه ك بىده برابر اولدور » ديش. (بسر) چوجقلىق ايله برابر انى ده اولدورمش ، بونك اوزرينه كنانه دن بر قادين (بسر) ك يوزينه قارشى باغيره رق : « آظالم حريف ! بيوكلىرى اولدرييورسك . بونى آكلادق . فقط چوجقلىق بويه قيليرمى ؟ والله نه زمان جاهليتده ، نده دوراسلاميده بويه جانيئر ارتكاب ايدلدى. اى ابن ارطاة ! امين اول : بر پادشاهلىق كه كوچك اطفالك ، اختيارلك قتلى ايله ، شفقت و مرحمتى چكنه مكه ، اقربا و تعلقاته غدر و ظلم اجراسيله قائم اولور . او سلطنت جهانك اك بدبخت ، اك فنا بر پادشاهلغيدر » ديمشدى . چوجقلىق والده سى دخى بر شعر تنظيم ايدرك ايام مخصوصده وقوع بولان اجتماعلرده محزونانه انشاد ايلردى .

بونكه برابر بو كى افعال و حشكارانه (معاويه) نك مشهور اولان ذكا

وحلمی ایله قابل تألیف اولدیغندن مشارالیه رضا و موافقتیه وقوع بولدیغنی ظن ایتیمورز . احتمال که ( معاویه ) بسری اعزام ایتدیکی زمان اکا بیوک بر صلاحیت ویرمش ، فقط بوصلاحیه بر حد تعیین ایتماشدی . ( بسر ) اساساً خونریز و ظالم بر آدم اولدیغندن کذر کاغنده چوجق ، اختیار تفریق ایتیه رک راست کلدیکی قتل و اعدام ایشدی . حضرت علیک و فالتندن صکره ( بسر ) طرفندن ( زیاد ابن ابیه ) ک چوجقلرینه عین معامله یا بلیق ایستلیدیکی . خالد ( معاویه ) طرفندن وقوع بولان ثمانعت بو بایده کی خنمزی تأیید ایدر صانیز . ( معاویه ) فارسده والیسی بولان ( زیاد ) ک کندیسنه قارشی بر فئالق اجرا ایتمسندن قورقدیغنی جهته زیادک کندی نزدینه جلبنه مومالیه ( بسر )ی مأمور ایش ایدی . ( بسر ) ( زیاد ) ک چوجقلرینی در دست ایتمش و ( زیاد ) ه : « چوجقلرک المدهدر . یا چابوجق امره اطاعتله کیرسک ، یا خود چوجقلرکی اعدام ایدرم » دییه یازمش ایدی . فقط ( معاویه ) کیفیتن خبردار اولنجه ( بسر ) ی چوجقلری اتلافدن منع ایش ایدی [۱] .

( معاویه ) نک حلم و تانیسنه رغماً والیرینک افعال و حرکاتی بو مرکزده اولور ایسه شدت و خونریزلكله معروف اولان ( عبدالملک بن مروان ) زماننده بولان والیرک نه درجهده ظالم و غدار اوله جقلرینی آکلامق مشکل دکلدر . ارتق ظلم و اعتسافه ، شدت و خونریزلكه او صورتله وسعت ویرلدکن صکره ( حجاج ) طرفندن اعدام اولان اشخاصک ۱۲۰,۰۰۰ و وفاتی صر دسنده حبسخانه سنده بولان اشخاصک ده ۵۰,۰۰۰ ارک و ۳۰,۰۰۰ قادین مقدارنده اولسی غریب کورولورمی؟ [۲] . فقط انک افندیسی ( عبدالملک ) اندن قات قات ظالم ، اندن قات قات زیاده خونریز و غدار بر آدم ایدی . حتی تاریخ اسلامیده امان ویردکن صکره غدرده بولان ایلك کیمسهده ( عبدالملک ) ایدی . ( عبدالملک ) امراسندن ( عمرو بن سعیداشدق ) کندی نفسی ایچون سلطته کوز دیکدیکنندن عبدالملک ۶۹ سنه هجریه سنده عراقده ( مضعب بن زبیر ) ایله محاربه ایتک اوزره شامدن همارقنی فرصت عد ایدرک شامه کمش ، شهری تسخیر ایش ایدی . ( عبدالملک ) انئی راهده کیفیتن خبردار اولونجه درحال شامه عودت و ( عمرو ) ایله بر قاچ کون محاربه ایش ایسهده هیچ بر صورتله تأمین غالیبت

ایده مدیکندن حاکمیت کندی لندن چقمسندن قورقغه باشلامشدی . بونک  
اوزرینه عبدالملک عمروه عقد صلح تکلیف ایدر . ( عمرو ) صلحه راضی  
اولور . ایکی طرف آردسند ( عبدالملک ) طرفندن ( عمرو ) ه امان ویرلدیکی  
محتوی بر صلحنامه تحریر اولنور . ( عمرو ) امانه نائل اولدقن صکره  
قورقهجق بر شی قالدیغنی کورنجه اسبسوار اولدیغنی حالد ( عبدالملک ) ک  
چادرینه قدرکله رک حضورینه داخل اولور . بعده ( عبدالملک ) شامه کیدر .  
بو وقعه دن درت کون صکره عبدالملک ( عمرو ) ی نزدیکه چاغیریر .  
عمرو یاتسی وقتده کلهجکفی سویلر . یاتسی اولونجه برابریده موالیسندن یوز  
کشی بولندیغنی حالد ( عبدالملک ) ک نزدیکه کله رک حضورینه داخل اولور .  
( عبدالملک ) ک یاندیخی مرواندن بر جماعت موجود ایدی . ( عمرو ) ک  
آزادیلیری ایسه سرایک خارجنده قالمشردی . ( عبدالملک ) عمروی ، حسن  
صورتله قبول ایدر و قربنده اریکه اوزرنده اوطورتدورر . کنیدیسی ایله مصاحبه  
قویولور . اثنای محبتده اکا : « بنله برابر قلیجله اوطورمق جائز می؟ » دیه رک  
قلیجی اوشاقلره ویرمسی سویلر . ( عمرو ) قلیجی چقاروب ویریر . بیده  
( عبدالملک ) عمروه خطاباً : « باق بن نه یایدم؟ بکا قارشى اعلان عصیان ایتدیك  
زمان یمین ایتدمدی . تکرار بکا ابراز صداقت ایدوبده بر آرده بولنور  
ایسه ک سنی بر طوتساغه قویمق عهدم اولسون دیدمدی . شمدی بو یمینی  
خاطر لایورم . یرینه کتیرمک ایسته یورم » دیر . بنی مرواندن حاضر بولنازلر :  
« صکره اطلاق ایده جکسک دکلئ ؟ » دیه سورارلر . عبدالملک : « طبعی  
دکلیدر؟ عمروه قنالق یاپه ییلیر می؟ » جوابی ویریر . مروان زاده لر ( عمرو ) ه :  
« شو حالد امیر المؤمنینک یمینی یرینه کتیرمیسک » دیرلر . ( عمرو ) خاطرینه  
قنالق کتیرمکسزین بر طوتساق ایله اللرینک بوینه باغلانمسنه موافقت ایدر .  
و خلوصکارلقده ایلری کیده رک : « ای امیر المؤمنین ! بنی بو حال ایله خلقتک  
حضورینه ده چقار » دیر . ( عبدالملک ) دشمن مدهشنى اوصورتله باغلادقن  
صکره تلف ایتدن اول خلقه کوستره جک اولور ایسه طرفدارانک انتقامندن  
قورقدیغندن او حال ایله خلقتک حضورینه چقارلق ایسته مسنی بر حیه عد  
ایدرك : « ای عمرو ! اولومک یاقلاشدیغنی زمانده ده حیه کارلق ، اوپله می ؟  
سنی اوپله باغلی اوله رق خلقتک حضورینه چقارمه ز » مقابله سنده بولنور .

و عمروی شدتلی بر چکیش ایله دوشورور. ( عمرو ) ک آغزی اریکیه کایر ، اوک دیشلرندن ایکسی قیریلیر . ( عمرو ) ( عبدالمک ) ه خطاباً : « ای امیرالمؤمنین ! اللهدن قورق . بر کمیکم قیرلدی . اندن دهاییوکنه کیتمه » رجاسنده بولنور . عبدالمک : « بکا غدر وخیانته بولنیه جفکه ، قریشه حسن خدمت ایده جککه امین اوله بیلسه یدم سنی بر اقایردم . فقط هیچ بر یرده بزم کبی ایکی رقیب بر آرده باشایه ماز . مضاق بری دیکرینی محو ایدر » جوابی ویریر . ( عمرو ) عبدالمک کندیسنی قتل ایده جکنی آ کلا نیجه : « سنده خائلك و غدارلرده وارها ! » دیه رک ستمده بولنور . عبدالمک ( عمرو ) ی هان اولظه ده قتل ایدر [۱] .


بووقعه دن آ کلا شیلورکه ( عبدالمک ) ی عهددن نکول و غدارلغه سوق ایدن شی احراز سلطنته خواهشکر بر چوق رقیبنرک ظهوری ایدی . اودورده دین و تقوی حسیاتی بستون مختل اولدینی ایچون حاکمته کوز دیکنلر وجداناً هیچ بر مانعه تصادف ایتیمورلردی . آرتق قوی ضعیفی یوتیوردی . هرکیم رقیبنک وجودینی ازاله ایده بیلرسه حکمدارده او اولیوردی . ایشته بوکا قتل و اتلاف سیاستی دینیلیر . بو اصول سیاست امویلرک تأیید حاکمیتلرینه منفعت بخش اولدینی کبی دهها صکره مقام خلافتی احراز ایدن عباسیلر و سائردهده مرعی بر طاعت حکمنه کیرمشدی . بو قیلدن اک صوک وقوع بولان حادثه مصر و لیبی محمد علی پاشانک کوله منلری قتل و استیصال ایتمی ایدی . امویلر بو اصولی سرعته احراز موفقیت ایتک و رقیب و دشمندن قورتولمق مقصدیه اختیار ایشلردی . حکومتلرینه قارشی هرکیم اعلان عصیان ایتسه بتون غیرتلیرینی قتله صرف ایدرلردی . زیرا انک قتلی آرقداشلرینک و طرفدارلرینک طاغلمسینی موجب اولوردی . شاید او رئیسک قتلی ایله آرقداشلری و طرفدارانی طاغلماز ایسه امویلر انلرک کوکلرینی پاره و سائر قوتیه جلب ایدرک کندیلرینی طاغیدرلردی .

### کله ضربیه سی

امویلر کندیلرینه قارشی اظهار عصیان ایدن خارجیلری قتل ایتمکه قالمیه رق انلرک طرفدارلرینی ترهیب مقصدیه مقتولینک جسدلرینی ده پارچه لارلردی .



خوارج رؤساندن برینی قتل ایدنجه کلهسنی کسهرك انی شهردن شهره طولاشدیریرلر وجسدی مجمع ناس اولان یرلرده صلب ایدرلردی. بو معاملهیی علی الخصوص فرقه رؤساسی وبالحاصله علویلر حقنده روا کورلردی. اموی والیر دولته قارشى عصیان ایدن رؤسانك کلهلرینی کسهرك شامده چارشى



اسپانیا قرالی ایکنجی فیلیک قالانی

وبازارلرده تشهر ایدمك اوزره خلیفهیه کوندریرلردی. تاریخ اسلامده بر شهردن دیگر شهره نقل ایدیلن ایلك کله حضرت عثمانك قاتلیرندن اولان (عمر بن حق خزاعی) نك باشی ایدی [۱]. كذلك تاریخ اسلامده چارشو وبازارلرده ایلك تشهر ایدیلن کله حضرت (ابوبکر) ك مخدومی محمدك باشی [۲]

اولديني کي خلفايه ايلک کو تورولن کله لدخی حضرت حسينک طرفدارانندن اولان (هانی) و (ابن عقيل) ک باشلری ایدی. حضرت حسينک سرمظلومی ده مذکور ايکي باشند صکره کوفه واليسی (عبيدالله بن زياد) طرفدن شامده (يزيد بن معاويه) يه کوندرلش ایدی. (محمد بن الحنفیه) نامنه استحصال خلافته قیام ایدن (مختار بن عبيد ثقفی) دخی عینی یولده حضرت حسينک قاتلری کله لری کسه رک (محمد بن الحنفیه) يه ارسال ایلدی کي [۱] (حجاج) ده (عبدالله بن زبير) ايله آرقداشلرينک باشلری کسدکن صکره بونلری مکدن شامده (عبدالمک بن مروان) ده یوللا مشدی. کذلک (عبدالمک) مصعب بن زبيرک باشی الده ایدنجه کوفه دن شامه کوندردرک بوراده بر مزراق اوزرنده تشهير ايتدير مشدی [۲].

وقوعات غریبه دن اولقی اوزره نقل ایدرلرکه (عبدالمک بن مروان) کوفه ده بر دیوانده اوطور مقده ايکن (مصعب بن زبير) ک کله سی کنديسنه کتير بلیر. اوصرده ياننده بولنان (ابن عمير الحنفی) کله یی کورر کورمز تتره مکه باشلار. (عبدالمک) اوقدر قورقسنده کی سببی کنديشندن صورار. (ابن عمير): «الله صاقلاسون، ای امیر المؤمنین! بو دیوانده (عبيدالله بن زياد) ايله برابر بولنور ايکن حضرت حسينک باشی بورايه کتير بلوب تقدیم ایدلدى. ده صکره ينه بوراده (مختار بن عبيد ثقفی) ايله اوطور ورکن بوسفر (عبيدالله بن زياد) ک کله سی کتيرلدى. متعاقباً ينه بو دیوانده (مصعب بن زبير) ک ياننده بولنور ايکن مختارک کله سی کلدى. شمدی ده صره ايله (مصعب) ک کله سنی حضور کزده کوریمورم» جوانی ويرير. (عبدالمک) بو حکايه دن یک زياده تشأم ایدرک درحال اورادن قالقار وديوانک هدمنی امر ایلر [۳].

بو تاريخدن اعتباراً کرک امويلر، کرک ده صکره عباسيلر دورنده او صورتله باش کسمک برعادت متحکمه حکمنه کچدیکی کي خلافت سراينده کله لرک حفظله مخصوص آيریجه بر خزينه دخی تأسيس ایدلش ایدی. هرکله آيریجه بر سېته حفظ اولنوردی [۴]. جسدلری، ياخود کله لری صلب ایتمده عادت اولمشدی. آنحق يالکز خوارجک کله لری ديکرلردی. بو

[۱] ابن الاثير ۱۱۹ ج ۴ [۲] ابن الاثير ۱۶۲ ج ۴ [۳] ابن خلکان ۲۸۶ ج ۱

[۴] الفخری ۲۸۴ ج ۲

کھلر بر مزراق اوزرنده کزدیریلردی . امویلر علویلری خوارجدن عند ایتدکارندن انلردن برنی قتل ایتدکجه جسدینی صلب ایلرلردی .  
 بوقیلدن امویلر قتل ایتدک ایستدکلری آدملری قتلدن اول اشکنجهلره دوچار ایتدکندن ده چکنمزلردی . احتمال که بنوع اشکنجهلر حجاج طرفندن دشمنلرینی تهریب و عنف و شدتله اخضاع ایتدک مقصدیله ایحاد اولنشدی .  
 بووالی ظالم بوولده غایت وحشیانه افعال ارتکاب ایتشدی . او جمله دن عجم قامشنی کتیروب یادریرردی . اشکنجه ایله اتلاف ایتدک ایستدکی آدمی چیس چلاق اولدینی حالده بوقامشلر ایله باغلاردی . صکره او قامشلری برر برر چکدیردرک طمعۀ دندان انتقامی اولان آدمک وجودینی بو صورتله پارچه لاردی . بونی متعاقب او آدمک اوزرینه سرکه و طوز دوکدیردرک انواع آلام ایچنده حیاته خاتمۀ ویرردی [۱] . ( حجاج ) دولت امویه علیهنه اعلان عصیان ایدن ( ابن اشعث ) ایله برابر کندیسيله محاربه ده بولمان بوض آدملری سائرده عبرت اولمق اوزره ذکر اولنان صورت فیجعه ده اعدام ایتشدی .  
 فقط بودرجه شدتلی تنکیلات کورن خوارج دخی دشمنلردن اله آدم کیردکجه انتقام اولمق اوزره او کبی افعال وحشتکارانه بی ارتکابدن کیری قالمازلردی . حتی بضاً معصوم چوجقلری بيله مقابله بلل ، انتقام ، یاخود ازهاب مقصدیله قاینایان قازانلره آتهرق تلف ایدرلردی [۲] .

## امویلر دورنده موالی واحکامی

### موالینک چونالمسی

برنجی عصری هجرینک اورتہ سنده موالینک مقداری فتح ایله حاصل اولان موالاته ، اسیر الملق ویا اهدا ایتدک صورتیله ازدیاد ایدن رقیق سایه سنده چوغالمغه باشلادینی حالده خلافت اسلامیہ امویلره انتقال ایتش ایدی . والیر بر چوق دفعه هدیہ طرزنده ، یاخود خراج وامالی شیلره بدل اولهرق خلیفه یه یوزلرجه ، بیکلرجه بیاض وزنجی اسیرلر تقدیم ایدرلردی [۳] .

خلفا بواسیرلری سرایلری خلقنه و قوماندانلرینه، بونلر دخی اطرافلرنده بولان آدماره توزیع، یاخود فروخت ایتدکلرندن بو سایدده اسیرلر هر صنفدن خلقه انتقال ایلوردی. اسیرلردن هر کیم اظهار ضربت ایدر، یاخود بر سبیدن طولانی آزاد اولور ایسه «مولی - آزادی» حکمه کیرردی. بوکجی احوال او سرده ده پک چوق وقوع بولوردی. عقد و سائر ایه دأره ولایه داخل اولانلر ایسه بشقه ایدی. ایشه بو سبیدن امولرک زماننده موالینک مقداری پک زیاده چوغالمشدی. بو موالی عرض خدمته عربلری ممنون ایتدکلرندن عربلرکندی نفسلرینه ریاست و سیاست امورینی تخصیص ایدرک سائر خصوصات صناعیه، زراعیه، دینه و علمیه ده انلری استخدام ایلرلردی. اودورلرده قراء، شعرا، مغنین، کتاب و حجابک اکثریتله موالیدن اولماری ایشه بو سبیدن نشأت ایتشد.

بعضاً مولی کندیسى دخی زنکین اوله رق کوله اشترا و آزاد ایتدیکندن بونک ده آزادیلری اولوردی. بو آزادیلرندن بری ویا بعض اولادی کوله اتنا و عتقنه مقتدر اولور ایسه بوده موالی صاحبی کسایلردی. ایشه بو صورته بعضاً برآدم برآزادینک آزادلیسنک آزادلیسی ویا ده بویک بر آزادی سلسله سنک آزادلیسی اولوردی. مثلاً مشاهیر فقهای مالکیه دن (عبدالله بن وهب) یزید بن رمانک ویزید دخی (یزید بن انس فهری) نک آزادیلری ایدیلر. کذلک (حماد بن سامه)، (لیث بن سعد)، (ابواسامه) و سائر دخی برر آزادینک آزادیلری ایدیلر. شاعر معروف (ابن منذر) سایمان قهرمانک، (سایمان قهرمان) ده عبدالله بن ابی بکر دنک، عبدالله ایسه حضرت نبی آزادیلرندن ایدیلر [۱]. بوندن ده غیری مذکور عبدالله کثیفدن، سایمان قهرمانک ده تیمدن، ابن منذرک دخی (بنی جیرین یربوع) دن عرب اولدقلرینی ادعا ایلری ایدی. چونکه او حاله کوره ابن منذر هم بر آزادینک آزادلیسنک آزادلیسی، هم ده بر دعی آزادینک دعی آزادلیسنک آزادلیسی بر دعی اولیوردی. عربلرده آزادلیک بش درجهیه بالغ اولور ایدی. مثلاً اهل حدیثدن (داود بن خالد بن دینار) ایه برادرلری هپ (ال حنین) آزادیلرندن ایدیلر. (ال حنین) دخی (مقب) ک، (مقب) ده (مسحل) ک، (مسحل) ده (شاس) ک.



۱ (شماس) ايسه (عباس بن عبدالمطلب) ك موالي سندن ايديلر [۱]. شو حاله كوره (داود بن خالد بن دينار) بر آزادليكن آزادليسنك آزادليسنك آزادليسنك آزادليسى ديمك ايدى. اوعصرده پك زياده چوغالان سائر انواع ولايت ده اكا كوره قياس ايديكز. آزادليلر بالخاصه ايرانى ، فرغانه لى ، ترك ، ديالى ، خراسانى ، روم ، بربرى ، سىندى وسائر دن متشكل اولوب عربلر ك محتاج اولدقلى حرف ، صنايع وعلوم ادبيه ايله اشتغال ايدولرلردى .

محرابه لرده استخدام اولنان آزادليلر ايسه آريجه شايان قيدردى . هر قبيله ده بعضاً اوقيله نك افراد اصليه سندن ده زياده بيوك مقدارده آزادليلر بولنوردى . قبيله بر محرابيه كيدنجه بو آزادليلر ده برابر كيدرك قبيله نك احراز مظفرى اغورنده حرب ايدرلردى . دولت اسلاميه ده آزادليلر ك مقدارى ايله اصل عربلر ك مقدارى آره سنده كى نسبت كنجه بو نسبت زمانك اختلافه كوره مختلف ايدى . حضرت على دورنده محرابه لرده اشتراك ايدن موالي نك اصل عرب محرابلرينه نسبتلى برك بيه نسبتى كى ايدى [۲] . ده صكره امويلر ك زمانده آزادليلر ك مقدارى چوغالمش ، اصل عربلر ك مقدارندن ده زياده بى بالغ اولمشدى . بونكه برابر امويلر موالى يه حقارتله معامله ده بولنورلردى . موالى ايسه اومعماله محقرانه يه قارشى صبر و تحمل كوسترييور ، ياخود بو تحقير وتذليله هدف اولماق اچون دولت امويه نك نافذالحكم اولمدينى اطراف بعديه چكيلورلردى . مغنى مشهور (ابراهيم موصلى) نك بيوك پدرى اولان (ميمون) امويلر ك ظلم واعتسافندن چكيلوب كيدن آدملردن ايدى [۳] .

### موالي نك عربلر عليه نمره نفرت و كينه لرى

موالى مملكتده چوغالوبده امويلر ك عربلق لهنه وبالخاصه موالى عليه ن اولان تعصبلىرى ، حتى معاش و يا غنائم و فئدن حصه دار ايتمكسزين كندليرنى پياده اوله رق محرابه لرده قولانمق درجه سنه قدر بو تعصده ايلرى كيتدكلرى كورنجه بو حالى كران بولمشلر و كندى نفسلرنده بر قوت بولنديغنى حس ايتمديله بى اميه دن نفرت ايدرك علويلردن ، ياخود خوارجدن هر كيم اعلان

[۱] المعارف ۱۹۷ [۲] ابن الاثير ۱۷۳ ج ۳ [۳] اغافى ۲ ج ۵

عصیان، یاخود طلب خلافتہ قیام ایتسه اکا ظہیر اولمغه باشلامشلردی. بوسبیدن امویلرله محاربہ یه هرکیم تثبت ایتسه فئه مظلومه اولان موالی وکوله لر ی معین اتخاذا ایلر ایدی. عراقده ۶۶ سنه هجریه سنده حضرت حسینک قاتلرندن انتقام آلمق اوزره اعلان عصیان ایتدکن صکره (محمد بن الحنفیه) نامنه استحصال خلافتہ چالیشان (مختار بن ابی عبید) موالی وکوله لرایله برابر امویلرک علیهنده محاربہ اجرا ایدن اک مشهور کیمسه لردندی. مومالیه عراق موالیسنی اموال غنائم ایله اطباع و آتله ارباب ایدنجه افندیلرینک سوء معاملهلرندن حس انتقام پرورده ایتمش بر چوق موالی هر طرفدن کوکالی اوله رق قوشوب کلدکری کچی افندیلرندن قاجش اولان و بعضلری امویلره قارشی حس ایتدکری کین و نفرندن طولانی ترک اسلامیت ایدن بر چوق کوله دخی اطرافنه طوبلانمشدی. بو جهته (مختار) ک اردوسنده بولنان موالی مذکور اردوده بولتمش اولان عربلرک مقدارندن بر قاج قات فضله ایدی [۱]. بولنر بیان ایتدیکمز اوزره بر صورت مخصوصده بر حس کین و انتقام ایله متحس اولدق لری ایچون وقوع بولان محاربهلرده عربلردن زیاده یارارلق و شجاعت کوسترمشلر، اک چوق تلفات ویرمشلردی. زیرا ۶۷ سنه سنده وقوع بولان محاربده (مختار) ک اردوسی ۶,۰۰۰ تلفات ویرمشدی که بو تلفاتک یالکزیدی یوزی عرب و باقیسی موالی ایدی [۲]. مختار بوسایده حضرت حسینک انتقامنی آلمغه موفق اولمش، قاتلرینی قتل ایتمشدی. کوفه وجود و اعیانی کندی موالی وکوله لرینک مظاهرتیله مختارک احراز نصرت و موفقیت ایتدیکنی کورتجه آزادیلرینی آتله بیندیرمک وفی اموالی انلره ویرمکه کندیلرینه ایصال مضرت اولندیغنی مقام شکایتده بیان ایتمشلردی. مختار انلره: «آزادیلرکزی براقیر وفی اموالی سزه ویریرسه منی امیه و ابن زبیر علیهنده بنماه برابر حرب ایدرمیسکز؟ سوزیکزی ویمینکزی طوته جغکزه دائر اطمئنان بخش تأمینات ویره بیلیرمیسکز؟» جوابی ویرمش، انلر ایتسه راضی اولمامشلردی. مختار موالیدن عسکر تشکیلی ایله محاربهلرده موفقیت تأمین ایدن ایلاک کیمسه ایدی. ایشته بو موفقیت موالی یه دولت علیهنده جرأت ویردیکندن دولتی استخفاف ایتمکه و دشمن دولت اولانلره ظہیر اولمغه باشلامشلردی. آرتق عاقل خلفا بولنره معاش و سائر تخصیص.

ایدرك جلب بمنویتلرینه مجبور اولیورلردی . امویلردن موالی یه معاش تعین ایدن ایلک ذات ( معاویہ ) اولوب مشارالیه دولت اردوسنده حرب ایدن هر مولایه آیده ۱۵ درهم تخصیص ایتش ایدی . متعاقباً ( عبدالمالك ) بو معاشی ۲۰۰ درهم ، ( سلیمان ) یکریمی بش درهم و ( هشام ) ۳۰ درهم یامیشلردی [۱] . مع مافیہ بو معاش پک نادر اوله رق کندیلرینه ویریلیوردی . چونکه وایلر علی الاکثر انلری معاشسز ، ارزاقمز استخدام ایدیورلردی [۲] .

آزادلی کندی افندیسندن منونیت وحسن معامله آناری کورر ایسه اکا صداقت وفداکاری ایله خدمت ایده جکی وافندیسی ده اکامقابل انی شایان اعتماد کوره جکی درکاردر . بالذات خلفای امویه آزادلیلرندن بعضلرینی کندیلرینه یاقلاشدیره رق برچوق مهمام اموری انلره تودیع ، یاهلرینی اعلا و ترفیع ایدرلر و کندیلرینه متعلق خصوصات حقه ده استشاره ده بولنورلردی . بودرجه یه قدر مظهر اعتماد اولان موالی کندی افندیلری اغورنده پک صادق وفداکار طاورانیلردی . نته کیم بنی هاشمه منسوب اولان موالی افندیلرینه پک محب و وفاکار ایدیلر . هرایکی فرته طرفدارانی ، یعنی امویلر ایله هاشمیلر آردسندہ مفاخره و مناقشه لر ظهور و توالی ایدیوردی که اک مشهورلری اولجه ذکرایتدیکم اوزره ( سدید ) و ( سیاب ) آردسندہ تکیون ایدن مفاخره لر ایدی .

امویلر زماننده موالی حقنده روا کورولن اعتساف و حقسز لغه رغماً فی الاصل بیوک موقع و یاخود فطرهً بیوک بر استعداد صاحبی اولان موالی بضاً بیوک بر اقتدار و نفوذ کو ستر مکندن ده خالی قنازلردی . اهل الحشاش آزادلیسی اولان ( فیروز ) بویولده بیوک بر موقع و نفوذ کو سترن عراق موالیسنک اک مشهوریدی . مومالیه برقاچ پرده والیک ایتدکن صکوه ( ابن الاشعث ) ایله برابر حجاجک علیمه اعلان عصیان ایتش ایدی . ( حجاج ) فیروزک عصیان کورنجه انک کلهسنی کتیرنه اون بیک درهم مکافات ویره جکنی اعلان ایتش ، ( فیروز ) ده بوکا مقابل حجاجک کلهسنی کتیرنه یوز بیک درهم مکافات اعطاسنی تعهد ایتش ایدی . بالآخره ( ابن اشعث ) مغلوب اولنجه فیروز خراسانه فرار ایتش ایسه ده اوراده ( ابن مهلب ) طرفندن در دست اوله رق حجاجه کوندرلش

وحجاج طرفدن یوقاریده ذکر ایتدیکمز قامش اشکنجه سیاه تعذیب ایدلدکن  
صکره قتل اولمشدر [۱].

### مرالینک عرب قیزلریله ازدواجی


هرحالده امویلر دورنده عمومیت اعتباریله موالی دولتک دشمنی ایدیلر .  
عرب عصبیتی یوزندن دوچار اولدقلری ظلم و تحقیردن طولایی انتقام آلمق  
سائقه سیله دولت علیهنده بولان عاصیلره کمال سهولتله التحاق ایدیورلردی .  
امویلرده انلرک بوحالدرینی کوردلرک کندیلرندن برقاتدها نفرت ایدیورلردی .  
حضرت نبی : « مولی القوم منهم - بر قومک آزادلیسی اوقومنددر » دیدیکی  
حالده قبل الاسلام عجملر عربلره قیز ویرمدکلری کبی عربلرده موالینک عرب  
قیزلریله ازدواجلری منع ایتمشلردی [۲] . بناءً علیه آزادلیلردن بری  
بر عرب قیزی ایله ازدواج ایدوبده بو ازدواجی والیه اخبار ایدلسه والی  
همانقادیقی تطایق ایتدیریردی . نته کیم بنی سلیم ( روحا ) موقنه نازل اولدقلری  
زمان اوراده بولان موالیدن بری مذکور قبیله دن بر قیز ایسته مش ، او قیز  
ایله ازدواجی اجرا اولمش ایدی . فقط عرب غیرتنی کودنلردن بری مدینه  
والیسنی کیفیتدن خبردار ایلدیکندن والی زوجه نی زوجندن تفریق ایتدکن  
بشقه زوجه ایکی یوز دکنک اوردورمش ، باشنی ، صقالنی ، قاشاریخده ترائ  
ایتدیرمشدی . والینک وقوع بولان بو حرکتی عربلرجه تقدیر اولئیوردی .  
دلیل اولمق اوزره اودور شعراسندن ( محمد بن بشیر خارجی ) اسمی ( ابو الولید )  
اولان او والینک اجرا آتی مدح ایدلرک ابیات آیه نی سویلش ایدی :

حی حدبا لحوم بنات قوم	وهم تحت التراب ابو الولید
وفی المتین للمولی نکال	وفی سلب الحواجب والحدود
اذا کفأتمهم ببنات کسری	فهل یجد الموالی من مزید؟
فای الحق انصف للموالی	من اصاب العید الی العید [۳]؟

بو کبی معاملات حتی اهل مناصب علیه ویا ارباب علم و تقوی اولان موالی  
حقنده بیله روا کورلمکده ایدی . کرام تابیندن ( عبدالله بن عون ) موالی



اولدینی حالده بر عرب قیزی ایله تزوج ایتش ایدی . ( بلال بن ابی بردہ )  
 کیفیتدن خبردار اولنجه اکا دایاق جزاسیله مجازات ایلدی [۱] .  
 بونکله برابر بو ممنوعیت اسلامیتدن اول دخی موجود ایدی . عربلر



سالف الذکر حدیث شریفک واحوال سائر دنک بوباده اجرا ایتدیکی تعدیلاته رغماً  
 بعدالاسلام دخی عادت سابقه لرندن واز سکه میهرک قیزلرنی عربلرک غیرتیه تزویجیدن

استنكافده دوام ايشلوردى . حجابۀ كرامدن ( سلمان فارسى ) حضرت نبى زمانندن اعتباراً بتون محاربه لرده اسلاملرك مظفريتته چالشمش ، اسلاميتك تمايلسنه پك بيوك خدمتلرده بولمىش ذواتدن ايدى . مشارايه حضرت عمردن قيزينى تزوج ايتك ايستر . حضرت عمر قيزينى اعطاده بأس كورمز وويره چكنى وعد ايدر . فقط حضرت فاروقك اوغلى عبدالله ايشدن خبردار اولنجه غضبه كلير . ( عمرو بن العاص ) ه شكائتده بولنور . ( عمرو ) عبداللهه : « مراق ايمه . بن ايشك اوكنى آليم » جوانى ويرير . ( عمرو ) سلمانك عزت نفس صاحبي بر آدم اولديغنى بيلديكندن ياننه كيدرك كنديسنه : « امير المؤمنين الله قارشى بر تواضع كوسترمش اولمق اوزره قيزينى سزده ويره چكدر . سزى تبريك ايدرم » دير . سلمان بو سوزلردن متأثر اولور . « اويله ايسه بن انك . قيزيله اصلا ازدواج ايدهم » جوانى ويرير [۱] .

شو ويريكمز ايضاحلادن آكلاشلايغنى اوزره امويلر عربلنقه وعربلر لهنه تعصب سائقه سيلاه مواليك عرب قيزلريله ازدواجلرينى تقبيحده پك زياده ايلري كيدرك مواليك عرب قيزلريله ازدواجلرينى عربلرك ملل سائر قيزلريله ازدواجلرندن دها چركين كورمشلر ايسهده بوتقيسيح ومنوعيت ديات احكامى ايله مؤيد دكلدى . بالعكس ديات اسلاميه اوكلر ازدواجلرده بأس كورميوردى . ارباب صلاح وتقوى دخى بو فكرده ايديلر . ائمه اخى عشردن وسادات تابعيندن اولوب ( زين العابدين ) ناميله معروف اولان ( على بن حسين بن على ) نك والدهسى ايران حكمدارانك صوكننجيسى اولان ( يزدرجدر ) لك كريمهسى ( سلامه ) ايدى . مشارايه پدريتك وفاقى متعاقب والدهسى پدريتك آزادلىسى اولان ( ثريد ) ه تزويج ايلديكى كبي كنديسى دخى بر جاريه سنى آزاد ايدرك انكله تزوج ايش ايدى . بونك اوزرينه ( عبدالمالك بن مروان ) زين العابدينه بو حركتنى مواخذه وتعييبي حاوى برمكتوب يازوب كوندرمش ، زين العابدين دخى اكا . مقابل شو جوانى يازمش ايدى : « حضرت رسول اللهك افعالى سزك ايچون بر حسن مثال تشكيل ايدر . جناب پيغمبر ( صفيه بنت حى بن اخطب ) ي آزاد ايدرك تحت نكاحنه آلايى كبي ( زيد بن حارثه ) ي دخى آزاد ايلدكدن صكره اكا خاله زاددهسى ( زينب بنت جحش ) ي تزويج ايلشدر » .

والحاصل اسلامیت مولانك موقعی آسانی طوتموردی . آنحق امویلر موالی یہ عرب اولدقاری ایچون نظر حقارتله باقیورلر وبو سرء معامله برعادت حکمنه کچموردی . ایشته بو اعتیاد تأثیرله خلق موالی یہ قیز ویرمکدن ابا ایدیورلردی . قبائل عربدن موالی یہ قیز ویرنلر شایان تقییح کورولیور ، شعرانك دیانه دوشهرك طعن وتعیبه اوغرایورلردی .

بو اعتقاد خلقك ذهنده او قدر چابکیر اولمش ایدی که موالی کندیلری دخی بر عرب قیزی ایله ازدواجدن چکنیورلردی . موالیدن مغنی شهر (نصیبك) اوغلی وفات ایتمش اولان افندیسنك قیزی سودهرك قیزك دست ازدواجی عمجه سندن طلب ایتمش ، عمجهده تکلیف واقعه موافقت ایلش ایدی . (نصیب) کیفیتدن خبردار اولنجه محله خلقی طوبلایه رق افندیسنك برادرینك یانه کیدر . « برادرک قیزی اوغلمه ویرمکه راضی اولدکی ؟ » دیسه صورار . عمجه : « اوت ، راضی اولدم » دینجه نصیب زنجی بر کولهیه اوغلمه بر کوزل دایاق آتسنی امر ایدر . بودایانی آتدیردقدن صکره قیزك عمجه سنه خطاباً : « سکاقلیق ایتک ایسته میورم . یوقسه اوغلمه یابدیغم معامله نك عینی سکا دیه جقدم » دیر . متعاقباً عشیرت دلقانلیلردن تصادف ایتدیکی بر آدمه او قیزی نکاح ایدر . مصرفی کندی پاره سندن تأدییه ایلر [۱] .

مع هذا آزادلیلردن هیچ بری کرک کندی نفسی ایچون زوجه انتخابنده ، کرک قیزی بر آدمه اولندیرمکده افندیسنك رأی ومطالعه سنی صورمدن بر قرار تطبی ویردمزدی . بناء علیه بر آدم موالیدن برینك قیزی نه نشانلانمق ایسته نجه تیزک باباسنه ویا برادرینه کیتمیوب انك دست ازدواجی آنحق اقدیلرندن طلب ایلردی . افندیسی راضی اولور ایسه قیزك ازدواجی ممکن اولور ، موافقت ایتزسه تیز تزویج ایدلمزدی . حتی قیزک پدر ویا برادری افندیسندن اذن آلمسزین قیزی برینه تزویج ایدر ایسه قیزک نکاحی فسخ اولنور واکر زفاف وقوع بولمش ایسه زفاف واقع سفاح قینلندن عدایدیلردی [۲] .

والحاصل امویلرک عربلره وعربلق لهنه اولان تعصبلری عموم عرب اولمیانلری وبالخاصه موالی یی خوار وذلیل کورملرینه باعث اولمشدی . مملکتده بولنان

عناصر سائرہ ہو جaldن پک دلکیر وکیندار اولدقلرندن امویلردن حاکمیتک انتقاله خدمت ایدن الک بیوک عواملدن اولمشلردی .

## امویر دورنده اهل ذمت واحکامی

### اسلامیتک اولدندره غیر مسلملره ویریلن عهدهنامه

ذمت لغتده عهد ، امان وضمان دیمکدر . اهل ذمتده ممالک اسلامیهده متوطن غیر مسلملردن عبارتدر . غیر مسلملره « اهل ذمت » اطلاق اولنسی بونلرک جزیه اعطاسنه مقابل جان ، عرض و ماللرینک محافظهسی اسلاملر طرفندن فريضه ذمت عد ایدلمسی سبيلهدر . اکثریتله خرستیان وموسویلردن تشکل ایدن بو غیر مسلملر قرآن کریمده ( اهل کتاب ) تعیری ایله تعریف ایدلمشدرکه تورات وانجیل اربابی دیمکدر . قرآن عظیم الشانده اهل کتاب حقتده مدح وثنالر وارد اولمش ، ایلیک ایله معامله ایدلملری توصیه ایدلمشدر . اهل ذمت وبالحاصله مصر قبطیلرینه حسن معامله کوسترلنسی لزومنه دائر بر چوق احادیث شریفه موجوددر . « مصری فتح ایتدیککزده قبطیلره حسن معاملهده بولنکیز . چونکه انلر عهد ورحم صاحبیدرلر » مفادی بر حدیث شریندر . بورادهکی رحمن مراد ابوالعرب حضرت اسماعیلک والدهسی قبطیلردن اولدیغنه اشارتدر . کذلک : « اهل ذمته حسن معامله ایدیکیز . . . اسلاملره نسب ومصاهرتلری واردر » سوزلری دنخی اقوال نبویهدندر .

خلفای راشدین حضراتی فتوحات اجرایی ایچون اردولر اعزام ایتدیجه غیر مسلملره وبالحاصله خرستیانلر ایله راهبرلینه حسن معامله وایلیکده بولنلمسی قوماندانلرینه توصیه ایلرلردی . شهر اهالیسی خلفای مشارالیهکم وقوماندانلرینک یانلرینه کلهرک صالح تکلیف ایدرلر ایسه تکلیفلری قبول اولنور ، مقدار نفوسه کوره تعیین اولسان ویرکییه مقابل حمایه وصیانتلری درعهده ایدیلریدی . ویرکینک ، یعنی جزیهک مقدار ایله نوعی احوالک اختلافی واهل کتاب ایله اسلاملر آردسنده وقوع بولان اتفاق وراضیه کوره مختلف بولنوردی . هر صلحک مملکتک اختلافه نظراً برطاقم شروط



مخصوصہ سی واردی . فقط جملہ سندن اہل ذمتک حمایہ وصیاتی ، علیہلرینہ وقوع بولہ جق تعرضک دفع وازالہ سی شرطی اسلاملرہ تحمیل اولنوردی . شاید اہل ذمت جزئیہ بی اعطادن امتناع ایدرلر ایسہ اسلاملرہ انلرک حمایہ سندن امتناع ایلردی . کذلک اسلاملرہ اہل ذمتی حمایہ وصیات ایتمکہ مانع برحال عارض اولور ایسہ اہل ذمتک جزئیہ اعطاسندن امتناع ایتلری دہ جائز کورولوردی [۱] .

حضرت نینک ہجرتک طقوزنجی سنہ سندن وقوع یولان تبوک محاربہ سی اثناسندن ( عقبہ ) دہ ایلہ امیرینہ واذرح اہالیسنہ ویردیکی عہدنامہ لر کی فتوحات اسلامیہ تاریخندہ جزئیہ مقابل اسلاملر طرفندن حمایہ لرینی وتسمیل معاملہ لرینی متضمن اہل ذمتہ یازلمش بر چوق عہدنامہ لر موجوددر . حضرت نبی طرفندن ( ایلہ ) امیرینہ یازیلان نامہ شو مآلدہ ایدی :

« بسم الله الرحمن الرحيم . الله وپیغمبر محمد رسول الله طرفندن یحیی بن روبیہ وایلہ اہالیسنہ ویریلن اماننامہ در . دکرزدہ کی کیلرینہ ، قردہ کی کروانلرینہ کیمسہ طرفندن تعرض اولنمہ جقدر . اللهم ، پیغمبر محمدک عہد وحمایہ سی حقنرندہ جاریدر . برابرلرندہ یولنان شام ، یمن ودکرز اہالیسی دہ بو عہد وحمایہ دن مستفید اولہ جقدردر . انلردن ہرکیم بو عہد نامہ یہ مخالف حرکتدہ بولنور ایسہ انک مالی جانی قورتاردمیہ جق و ہرکس ایچون مباح اولہ جقدر . برآ ، بحرآ آرزولرینہ ، یوللرینہ قارشی ممانعت ایتمک جائز دکلدر » [۲] .

طرف پیغمبریدن ( اذرح ) و ( مقنا ) اہالیسنہ یازیلان عہد نامہ دخی بروجہ آتیدر :

« بسم الله الرحمن الرحيم . اللهم رسولی محمد طرفندن بنی حبیبہ و ( مقنا ) اہالیسنہ . سزہ سلام سلامت انجام اولسون . بکا نازل اولدی کہ قریہ کزہ عودت ایدیورسکز . بونامہ سزہ واصل اولدیغندہ امانہ واللہک و رسولنک عہد و میثاقنہ نائل اولمش بولنہ جقسکز . رسول الله قباحکز ، علیہ کزہ کودولن قان دعوالرینی عفو ایدیور . کویکززدہ رسول اللہدن بشقہ سزلرہ شریک یوقدر . سزہ ہیچ برکیمسہ ظلم وعدواندہ بولنمہ جقدر . رسول الله

کندی نئسنى نهدن صیانت ایدر ایسه سزیده اندن صیانت ایدر جکدر .  
 قاشلرکز ، کوله لرکز ، حیواناتکز وزره لرکز - اندن رسول الله ، یاخود  
 انک رسولی طرفدن عفو و ترک ایدیلن شیلر مستثنی اوله رق - رسول الله کدر .  
 بوندن ماعدا خرما قلرکز ربع محصولی ایله صاغدیغکز سوتک و قادینلرکز  
 اکیردیکی ایپاکارک ربعی ویرمکه مکلف اوله جقسکز . اندن صکره زنکیین  
 اولورسکز . رسول الله سزی سائر هر نوع ویرکیلردن و انغاریه لردن مستثنی  
 طوته جقدر . شرائط مسروودیه روی قبول و اطاعت کوستیرر ایسه کز  
 رسول الله ای آدمکرزه اعزاز ایله و اسائده بولان آدمکرزه ایسه عفو  
 وصفح ایله معامله ده بولنه جقدر . اسلام لردن هر کیم بی حییه دن و مقناها لیسندن  
 ارزاق مایعه ایتمک ایسترایسه حسن رضایری استحصال ایتمکه مجبور اوله جق  
 وانلره فالق یا بمق ایستر ایسه شدتلی مجازات کوره جکدر . علی ابن ابی طالب  
 یونامه بی طقوزنجی سنه ده یازمشدر » [۱] .

شام ، مصر ، عراق و فارس قطعه لرنده وقوع بولان فتوحات اثناسندن  
 اسلام قوماندانلری ده حضرت نینک اثرینه بالاقتدا جزیه یه مقابل اهل ذمته  
 او یولده عهدنامه لر ویرمشلردر . ( خالد بن الولید ) طرفدن شام اهالیسنه خطاباً  
 یازیلان عهدنامه او جمله دن اولوب شو مألده ایدی :

« بسم الله الرحمن الرحيم . خالد بن ولید طرفدن شام اهالیسنه یازیلان  
 عهدنامه در . خالد بن الولید شامه داخل اولدیغنده اهالی یه جان ، مال و کلیسارینک  
 مصون قاله جغه دائر امان ویره جکدر . شهرلرینک سوری هدم اولنمه جق  
 و خانه لرینه کیمسه یرلشمیه جکدر . اللهک عهدی ، رسولنک و خلفانک و مؤمنینک  
 ذمت و میثاقی اولسون . جزیه ویردکلرنده حق لرنده حسن معامله دن بشته بر  
 حال روا کورلیه جکدر » [۲] .

( ابو عبیده ) طرفدن بعلبک اهالیسنه خطاباً یازیلان عهدنامه دخی  
 شو یولده ایدی :

« بسم الله الرحمن الرحيم . اشبو عهدنامه فلان ابن فلانه وروم ، ایرانی ،  
 عرب عموم بعلبک اهالیسنه ویرمشدر . کرک شهر اهالیسنک ، کرک خارجنده  
 بولسانلرک جان ، مال ، کلیسارلی و دکرمنلری مصون قاله جقدر . روملر

سورولری کندیلرندن اون بش میل مسافده رعی ایدیه بیه جکدر ، معمور قریه لره نازل اوله میه جکلردر . ربیع و جمادی الاولی منقضی اولنجه ایستدکلری یرلره کیده بیه جکلردر . انلردن هر کیم مسلمان اولور ایسه بزم حائر و مکلف اولدیغمز عینی حقوق و تکلیفه نائل و مکلف اوله جکلدر . تاجرلری جزیه و خراج کذارلق ایله لوای اسلامی آلتیه داخل اولان باجمله ممالکده ایستدکلری یرلرده سربست سیر و سفر ایدیه بیه جکلردر . بوکا جناب حق شاهد اولسون » [۱] .

( عمرو بن العاص ) ، ( سعد بن ابی وقاص ) و سائرہ کبی دیگر اسلام فاتحلری طرفسندن مصر ، عراق ، فلسطین ، فارس ، افریقیه ، اندلس و سائرده و یریلن عهدنامه لر دخی هپ بومالردده ایدی . شو قدر که جزیه نیک قبولی اهل ذمتک تماماً عرض اطاعت ایتمولیه مشروط ایدی .

شرائط صلحیه نیک شکل و نوعنه کمنجه فتح اولنان ممالک و احوالک اختلافنه تبعاً شدت و یا رفق و ملائمت اعتباریه مختلف بولنیوردی . مثلاً مصر مصالحه سی شام مصالحه سندن مختلف ایدی . شام مصالحه سی ده عراق مصالحه سندن بشقه ایدی .

### عمر نامه بیری

خلقک ایدی تداولنده بر عهدنامه موجوددرکه حضرت نبی طرفندن خرسیتیانلره و راهبلیرینه یازلدینی ادعا و عهد نامه نبوی تسمیه اولنیور . بو عهد نامه دن موجود اولان نسخه لر هر نه قدر لفظاً بعض اخلافاقی حاوی ایسه ده معنی اعتباریه عین مألده بولمقددر . روایت کوره عهد نامه مذکور ایکنجی سنه هجریده حضرت علینک خط دستق ایله یازیلهرق مسجد نبیده وضع اولمش و اندن بعض نسخه لر استخراج اولنوب ممالک سائرده ارسال ایدلمشدر . بو نسخه لردن بری طور سینا مناسترنده محفوظ قالدیغندن عثمانی پادشاهی سلطان سلیم اون آلتنجی عصر میلادینک اوائلده مذکور نسخه نی علمادن مرکب بر مجلسه عرض و ترجمه ایتدیردکن و ترجمه ترجمه نیک بر نسخه سی ایله اصل عربینک بر صورتی و عهدنامه نبویه وارد اولان حقوق

وامتيازاتى مؤيد بشقه جه فرمانبرى مذكور مناسقه ترك واعطال استدكدن  
صكره نسخه اصله عربيه استانبوله نقل ايشدر [۱]. مذكور عهدنامهك  
بسمله دن صكره متنى فريدون بكك (مشتات سلاطين) دن نقل آت يه  
نقل ايديورز :


« بوكتاب محمد بن عبداللّٰه كافه نصارايه ويردىكى عهدنامه صورتيدر كه  
حق تعالى انى رحمتيه بشارت ايدوب عذاييله خلقى قورقومتغه كوندرمشدر .  
والله تعالى انى خلقك اوزرنده اولان امانته امين ايشدر . اول محمد بوكتابى  
جمله اهل ملت نصرايه منتسب اولانلره عهد ايچون ويردى . هر كيم كه  
اول عهدى بوزه ، حق تعالىك عهدىن بوزمش اولور ، ودينى استسزا  
ايتش اولور ، والله تعالىك لعنته لايى اولور . بوعهده مخالفت ايدن كرك  
سلمان و كرك غيرى اولسون . بر راحب ، يا بر سياح بر طاغده ، يا بر دردهده ،  
يا بيابانده ، يا آبادانلقده ، يا آچق يرلرده ، يا قيرم ايچنده (مقيم بوانسه) [۲]  
انلردن هر كوجى حاووم تقسميه ، اعوانله و اهل ملت ايله و اتباعمله . زيرا انلر بنم  
رعيتمدر . و اهل ذمتمدر . بن انلرى سائر معاهدهلردن اولان مؤنتلرى اذاسندن  
عزل (معفو) ايدم . خراج و ير مسوئلا كوكللرى خوش اولدنى مرتبه و ير سوزار .  
انلره جبر و اكرد اولمسون . و بر اسقف ، يعنى رئيس نصارى استقلندن تغير  
اولمسون . و بر پاپاس پاپاسلندن تغير اولمسون . و صومعه يايوب صومعه سنده  
معتكف اولانلر صومعهلردن چيقارمسون . و سياحت اوزرده اولانلر منع اولمسون .  
و كيشلاك و كلاسلارندن نسنيه ماسون . و كنيسه لر ماللرندن مال آلنوب مسلمينك  
مسجدلرى بناسنه صرف اولمسون . هر كيم كه بوكا مخالف ايش ايشار ايسه  
اللّٰهك عهدىن بوزمش اولور . و كسب ايتيوب عبادته مشغول اولان اسقفلىنه  
جزيه و غرامه تحمیل اولميه . هر قده كه اوله لركرك بر و بخرده و مغرب و مشرقده  
وشال و جنوبده انلرك ذمت بن حفظ ايدرم . انلر بنم ذمتده مشاقدهدر ،  
امانلهدر . و طاغلرده اولوب عبادتله منفرد اولانلرك زراعت ايتدكلرندن  
خراج و عشر آلتاز . مشاطره اولتازلر . يعنى بر قاچ پاى اولنوب كيمي

[۱] الهلاك يدنجى سنه ۱۵ و ۱۷ نجى نسخه لرى

[۲] قوس آره سنه آلان جمله ر تمام معنى آكلاشلمسى ايچون اصل عربيه باقىلار ق



کندیلره ویریلوب کیمی میری به آتماز. زیرا انلرک زراعتلری کندی بوغازلری  
ایچوندر، تجارت ایچون دکادر. ودخی حرب ایچون آدم اخراج اولنق  
لازم اولسه انلره بیله تکلیف اولماز. وجزیه آلتق لازم کلسه ندر اموال



وعقارات صاحی اولور ایسه اولسون بیلده اون ایکی درهمدن زیاده نسنه آتماز  
وزمعت ومشقت تکلیف اولماز. ومجادله اولنسه رفق ایله، وجه احسن ایله  
مجادله اولنور. مرحمت وشفقت قنادی آلتنده حفظ اولنورلر. وهرقده

اولورلر ايسه وهرقنده واردرلر ايسه. و مسلمانك تحت نكاحنده اولان نصرانيه جبر و اكراه اولتماز. ولوازم دين رعايت ايتمه كه مانع اولتماز. و كايسالرنده واروب عبادت ايتدن منع اولتماز. هر كيم كه اللهك بو عهدينه مخالفت ايتمش اولسه و ضديه عمل ايتمه قصد ايله حق تالانك و رسولنك ميثاقه عصيان ايتمش اولور. و كايسالري مرمت اولتمقده معاونت اولورلر. (انلردن كيمسه سلاح طاشيمغه اجبار اولتماز. بلكه اسلاملر انلري مدافعه و صيانته مكلفدرلر). بو عهدنامه قيامتهك باق اولوب دنيا منقضى اولنجه مؤبد اوله. مخالفت اولنجه. بالاده كي عهدنامهك بعض عباردرلري اوائل اسلاميتده و باخصوص ايكنجي سنه هجريده غير معروف بر شيوه و طرزده يازلمش اولدقدن ماعدا كرك فوحتا نويسلر، كرك اسلاميك ايلك دورلرنده يتيشن مؤلف و محررلر طرفندن او كي بر عهدنامهك وجودندن بحث ايدلماش اولسنه نظراً اكر في الحقيقه حضرت نبى طرفندن عموم خريستيانلره و رهبانه بر عهدنامه و يرلمش ايسه اونك بو عهد نامهك غيرى اولمق لازم كله چكنى، يا خود، احتمال، او عهدنامه مختصر برشى ايكن اوزادليغنى، يا خود اونودولوب اصلى ضائع اولدينى حالده ثم التدارك اويله بر عهدنامه يازلديغنى، يا خود خريستيانلرك بر مقصد سياسى يه بناء بو عهدنامه يي كندى كنديلرندن اويدوردقلىنى مرجح كوروزر.

### حضرت عمر ك عمر نامى

بوندن ماعدا حضرت عمر طرفندن شام اهاليسنه خطاباً يازيله رق « عهد نامه حضرت عمر » نامى الان بر عهدنامهك وجودندن دخى بحث اوليور. بو عهدنامه برقاج اسلام مورخى طرفندن ذكر ايدلمش و انلردن بعضلري طرفندن عهد نامهك تمامى ايراد اولمشدر. او جمله دن ۵۳۰ سنه هجريه سنده وفات ايدن (ابو بكر محمد بن محمد بن وليد فهرى طرطوشى مالكي) سراج الملوك كتابنده مذكور عهد نامه يي ۷۸ نجى سنه سنده وفات ايدن (عبدالرحمن بن غنم اشعري) دن تقلاً قيد و ثبت ايتكده در. موما اليه (ابن غنم) ك روايته مستند اولان عهدنامه مذكورك ترجمه سى بروجه آتيدر. (ابن غنم) ديوركه :

« حضرت عمر شام خريستيانلريه مصالحه عقد ايتديكى زمان كنديسنه شو

عهد نامہ یی یازدق: (بسم الله الرحمن الرحيم) بو عهد نامہ الہک قولی امیر المؤمنین عمرہ فلان شہرک خرسیتیانلری طرفدن تقدیم ایدلمشدر . سز مملکت مزہ کلدیکنزده سزدن کندی نفس مزہ ، عائله لر مزہ ، اموال مزہ ، اهل ملت مزہ امان ایستدک . و کرک شہر لر مزہ ، کرک اطرافده یکیدن مناستر ، کلیسا ، کشیشخانہ ، منفرد مناستر انشا ایتماکی ، اوکی مبانیدن خراب اولانلری ده تعمیر و ترمیم ایتماکی ، مؤسسات مذکور دنک قہولرینی یولجیلرہ کشاد ایتماکی ، اورالردن مرور ایددجک مسلمانلری اوچ کون مہمان یامنی ، نہ کلیسالر مزہ ، نہ خانہ لر مزہ جاسوس صاقلامانی ، اسلام لرہ مضر تشبات خفیہ ده بولنماغنی ، چو جق لر مزہ قرآن اوقوتماغنی ، آیینلر مزی علنی یامناغنی ، دیا تمزک قبول نہ کیسه یی دعوت ایتماکی ، اقربا مزدن ہر کیم قبول اسلامیت ایتک ایستر ایسہ انی اسلام اولمقدن منع ایتماکی ، اسلام لرہ حرمت ایتماکی و کلدکار ندہ قیام ایدوب اوطور مق ایستدکار ندہ ایسہ کندیلرینی یرمزہ اوطور تمنی ، اسلام ملبوساتندن کلاہ ، صاریق ، نعلین کی شیلر اکتسابیلہ اسلام لرہ بکزمہ مامکی ، زلف صالیور مامکی ، اسلام لسانیلہ قونوشماغنی ، اسلام کنیہ لر یلہ تکنی ایتماکی ، اکرلی حیواناتہ بینماکی ، قلیج طاشیامنی ، هیچ بر سلاح اتخا ایتماکی ، یوزوکر مرزک اوزر ندہ عربجہ نقش یامناغنی ، شراب و سائر مسکرات صاتمناغنی تعہد ایلدک . کذلک زلفلر مزی کسمکی ، زردہ بولنور ایسہ ک قیاقتمزی محافظہ ایتماکی ، بلمزہ قوشاق صارمغنی ، اسلام لرک کذرکاہلر ندہ و چارشو و بازار لر ندہ خاچلر مزی و کتابلر مزی اظہار ایتماکی ، کلیسالر مزہ کی چاکلری خفیف چالغنی ، کلیسالر مزہ اسلام لرک حضور ندہ یوکسک سسلہ دعا ایتماکی ، (شعائین) و (باعوث) بیراملری مراسمنی محلہ لر دہ طولاشدیر مامغنی ، جنازہ مراسمنده یوکسک سسلہ دعا یامناغنی ، اسلام کذرکاہ و بازار لر ندہ آتشاہ کز مامکی ، اسلام مقبرہ لری جوار ندہ مقبرہ لر اتخا ایتماکی ، اسلام لرک الہ کچن کولہ لری قوللنماغنی ، اسلام خانہ لرینک داخلنہ باقماغنی دخی اوزر مزہ شرط اتخا ایلدک . بو عهد نامہ یی حضرت عمرہ کوسترنجہ مشارالہ : « اسلام لر دن هیچ بر کیسه یی ضرب ایتماکی ده تعہد ایلدک . بو شرائطی اهل ملت مز ایلہ برابر تعہد و بو شرائط ایلہ امانی قبول ایتدک . شرائط مذکور ددن برینہ مخالف حرکتدہ بولنور ایسہ ک اسلام لرک بزہ قارشو هیچ بر تعہدلری قالماز . وارباب

عناد و عصیان هر نهیه مستحق اولورلر ایسه بزده اویله بر مقابله یه مستحق اولورز « جلهلرینی علاوه و عهد نامه‌نک امضا اولمسنی امر ایتدکن صکره : « اسلاملرک اله کچن قادین و چوجق اسراسندن برشی مبابیه ایتماملری و هر کیم عمداً بر اسلامی ضرب ایدر ایسه اسلاملر ایله اولان عهد و میثاقنی ابطال ایتش اوله جغنی ایکی شرطنی ده کندی طرفندن وضع ایلدی » اه [۱] .

بوندن بشقه حضرت عمر طرفندن وضع اولنوب مذکور عهدنامه یه الحاق ایدیلن بر طاقم احکام دها واردرکه بونلر کایسارله متعلقدر. حضرت عمر اسلامیتدن اول موجود اولمیان نه قدر کایسا وار ایسه جمله سنک هدمنی امر و اسلامیتدن صکره کایسا انشاسنی منع ایتدیکی کبی بر کلیسادن چارطاق و خاچ کورلماسنی و خاچ کورلدیکنده صاحبک باشنه قیرلمسنی امر ایلش ایدی [۲] . مذکور عهدنامه‌نک مفادنده اسلامیتک اوائلنده ویریلن سائر امان و صلح عهدنامه لرینه و حضرت عمرک مشهور انام اولان عدالت و رفق و شفقتنه مخالف بر یولده خرسیتیانلر حقنده بر چوق تضییقات و تذلیلات اختیار ایدلیدیکی کورلمکده در. معلوم اولدیغی اوزره حضرت عمر فکرأ، فعلاً عدالت و استقامت، صاحبی بر ذات ایدی. بر مسلم کبار صحابه دن اولسه بیله بر خرسیتیه برحقسزلق یاپدیغنی کوردرسه اکا ترتیب جزاده تردد کوسترمزدی. نصل که عمرو بن العاص ایله اوغلندن او قبطینک انتقامنی آله رق ( عمرو ) د : « ای عمرو ! خلق والدلرندن حر اوله رق طوغدقلری حالد انلره نه حقله اسیر معامله سنی یاپورسکز ؟ » دیمشدی [۳] .

ایشته مناقب مشارالیه ایه ذکر اولنان عهد نامه احکامی آزده سنده بر تناقض کوزه چارپه جغنی جهتله بو عهد نامه‌نک ده - عهد نامه نبوی حقنده بیان ایتدی کمز کبی - حضرت عمرک دورندن صکره ترتیب و وضع ایدلیدیکی و هله اولاده وارد خاطر اولور. حال بوکه بو عهد نامه ایله عهد نبوی آزده سنده بر فرق موجود درکه بو فرق بو ایکنجی عهد نامه‌نک دیکری کبی صکره دن ترتیب و وضع اولمندیغنی مرجح کوستریور. شو حالد مذکور عهد نامه‌نک حضرت عمره منسوبیتی و احکامی ایله مناقب عمریه بیننده کورولن تناقض نقطه لرینی تدقیق ایده لم .



### مذکور عمر نامہ نیک حضرت عمرہ منسوبی

ترجیحاً اعتقادیمزہ کورہ حضرت عمر شام خرسٹیانلرینہ بر عہد نامہ ویرمش ایدی کہ بالادہ کی عہد نامہ نیک عینی دکلسمہ علی الاقل عینی مغنادہ احکامی محتوی ایدی۔ بو ترجیحده بولمقلغمزی موجب اولان اسبابی آتیده ذکر ایدیورز :

اولا مذکور عہد نامہ کتب اسلامیہ نص اصلیمی واسناد طریق ایلہ وارد اولمشدر۔ مثلاً (طرطوشی) ہرنہ قدر ہجرتک آلتنجی عصری آدملرندن ایسده اوائل اسلامیتمده یتیشن محقق مورخلرک طوطدقلمری طرزده اسناد طریقہ مذکور عہد نامہ نی راوی اصلیمی کوسترہ رک نقل ایشدرکہ بوايسہ اسکی برکتابدن اقتباس ایتدیکنی کوستریور۔

ثانیاً عہد نامہ مذکور ی احتوا ایدن (سراج الملوك) کتابی ادب و سیاست دائر اولان کتب مهمہ دن اولوب اکلنجه و حکایہ کتابلرندن دکلدر۔

مؤلفی ده (ابوالولید باجی) یه ملازمت و اندن مسائل خلاقی تحصیل ایدرک اجازت آلمش، فرائضی، حساب و ادبیاتی مکمل تحصیل ایتمش، بغداد و مصرہ کلہرک (ابوبکر شامی)، (علی بن احمد جرجانی) کی فقیہان علم فقہ و قومش، بالآخرہ شامده اختیار اقامت و تحصیلہ دوام ایش اندلسک اک بیوک علماسندن فقیہ، عالم، عامل، زاهد، ورع بر امام ایدی۔ بونکہ برابر مومالیہ خرسٹیانلرک علیہندہ متعصب اولوب تحقیر و تذلیللری جائز کوردی۔ بوکا دلیل اولہرق مومالیہ برکون بالتصادف مصرده (امیرالجیوش) اک اوغلی (افضل شہنشاہ) ک حضورینہ داخل اولمشدی۔ (افضل) ک یاننده بر خرسٹیان بولنیوردی۔ (طرطوشی) افضلہ آغلادنجه یه قدر وعظ و نصیحتده بولندی۔ متعاقباً :

یاذا الذی طاعته قرۃ      وحقہ مفترض واجب!

ان الذی شرفت من اجلہ      یزعم هذا انه کاذب

«ای طاعتی قرب رحمہ وسیاہ، حق عموم مسلمین اوزرینہ بر فرض واجب اولان ذات! سنی بو مقام شرفہ ایصال ایدن بو اعتقاد بو آدمک فکر و مذهبنجه کاذب عد اولنور»۔

بیتلرخی سویله رک اوطوران خرستیانه الیه اشارت ایتدی . بونک اوزرینه  
( افضل ) اوخرستانی یرندن قالدیروب چیقارمغه مجبور اولدی [۱].  
احتمال که مومالیه بو تعصبی سوویه بو عهدنامه‌یی کتابنه درج ایشدر .  
زیرا کندیسندن دها اول یتیشن مؤلفلرک چوغی بو عهدنامه‌ده وارد اولان  
احکام ایله خلفای راشدین حضراتنک متصف اولدقلری مناقب عدالتکارانه  
آرەسندە بر مبانیت بوله رق نشرخی موافق کورمامشدردی . ( طرطوشی ) نك .  
بو عهدنامه‌یی یوقدن اویدوروب نشر ایتدیکی ادعا اولسه ماز . چونکه زهد  
وتقواده اولند موقعی جائز اولان بر ذات بویه بر ساخته کارلق ارتکابندن .  
البته تنزیه نفس ایدر .

ثالثاً عهدنامه مذکورده وارد اولان احکام اکثر کتب فقهیه‌ده اهل  
ذمت حقنده قید وتدوین اولنان [۲] وچوغی ( طرطوشی ) نك زمانندن اول .  
یازیلان احکامه حرفیاً موافق اولدینی کی سیاست واداره کتابلرنده بو قیلدن  
وارد اولان احکامکده عینی معناسنده بولتمقددر . حتی سیاست واداره .  
کتابلرینک بعضلرنده بو عهدنامه‌دن آچیقدن آچیغه بحث ایدلش وبعض عبارتلی  
حرفیاً نقل اولمشدر . مثلاً ۴۵۰ سنه هجریه‌سندە ( یعنی طرطوشیدن یتمش بش  
سنه اول ) وفات ایدن ( ماوردی ) نك ( احکام سلطانیه ) نامنده کی کتابنک  
( جزیه وخراج ) فصلنده شو معلوماتی کوررسکمز : « خرستیانلر زدلرندن .  
مرور ایدن مسلمانلرده میمانلق ایتمک شرطی اوزرینه مصالحه اولورلر ایسه .  
حضرت عمر طرفندن شام خرستیانلرینه شرط ایدلدیکی وجه ایله اوچ کون  
مسافر قبول ایتملی لازم کایر . فصله کون تکلیف ایدیله مز . اوچ کون ظرفنده  
یمکلی نه ایسه مسافرلرینه ده اویمکدن یدیررلر . مسافرلر کندیلرینه قویون ،  
طاووق کسلیمسی طلب ایده مزلر . حیوانلرینه ده آرپه ویرلمز . حضرت عمر  
بو شرطی کوی اهاالیسنه تحمیل ایتمش ، شهر اهاالیسنی ایسه بوندن معفو قیلمش  
ایدی » . بو معلوماتن صکره مذکر کتابده تفصیلات آتیه کورولور : « خرستیانلر  
ایله جزیه اوزرینه مصالحه عقد ایدلمک لازم کالنجه انلر حقنده بر قسمی  
مستحق ، یعنی واجب ، بر قسمی ده مستحب ، یعنی جائز برطاقم شرطلر اتخاذه

اولنور . واجب اولان شرطلر آلتیدن عبارتدر : (۱) کتاب الہی طعن و تحریف ایله ذکر ایتمک ، (۲) رسول اللہ (صلعم) ی تکذیب و استہزا ایله ذکر ایتمک ، (۳) دیانت اسلامیہ ی ذم و قدح ایله آغزه آلماق ، (۴) بر اسلام قادینی ایله زنا ویا نکاحده بولنماق ، (۵) بر اسلامی دیندن چیقارماق و مال و جاننه تعرض ایتمک ، (۶) اسلاملر ایله محارب اولان دشمنلره معاونت ایتمک و جاسوسلرینی یانلرینه قبول ایتمک ... ایشته بو آلتی ماده غیر مسلملره بلا قید و شرط فرض ایدیلیر . بو مادهلرک شرط قیلندن اتخاذای آنجیق غیر مسلملرک عهد و میثاقلرینی تقویه و تأکید اچوندور . عهدک اعطاسندن صکره بو شرائطدن برینی اخلاال ایتک تقض عهد عد اولنور . مستحب شرائطه کلنجه بونلرده آلتیدن عبارتدر : (۱) غیار (غیر مسلملره مخصوص علامت اولوق اوزره کوکسده بشقه رنکدن یامه) کیمک و قوشاق صارمقله تبدیل قیافت ایتک ، (۲) اسلاملرک ابنیه سندن دها یوکسک ابنیه انشا ایتمک ، (۳) اسلاملره چاک سسی ایشیتدیرماک ، (۴) اسلاملرک اوکنده مسکرات اچماک و خاچ اظهار ایتمک ، (۵) موتالرینی کیزلی دفن ایتک ، (۶) آت و هینلره بینماک الخ» [۱] . ایشته کورولورکه (ماوردی) نک بالاده کی سوزلری - ترتیب و تبویب اجرا ایدلیدکنده - هان حضرت عمرک سوزلرینک عینی کیدر . مذکور عهدنامه (سراج الملوک) کتابندن اولده معروف ایدی . بوایسه (ابن الاثیر)ک بوعهدنامه دن - مآلنی و حضرت عمره منسوبیتنی بیلدیکنی کوستیر بر یولده - بحث ایتسی ایله نابتدر . مورخ مشارالیه ۴۸۴ سنه سی وقوعاتی صره سنده : «غیر مسلملرک غیار و امیر المؤمنین عمر بن الخطاب طرفدن تعیین اولنان لمباسی اتخاذایلرینه دائر طرف خلیفه دن فرمان صادر اولمشدر» دیورکه بوایسه ذکر ایتدیکمز عهدنامه نک وجودینی صریحاً تصدیق ایدیور .

رابعاً اسلامیتک قرون اولاسنده مقام حاکمیته کلن خلفا غیر مسلملر و بالخاصه خرستیانلر ایله تجدید عهود ایتک ایستدکجه خرستیانلره قیافت دکشدرمک و امثالی شیلر ایله مکلف قیلارلردی که بوده عهدنامه مذکورک ایلک عصر هجریده وضع ایدلمش اولدیغنی کوستیر . خرستیانلری بویله برطاقم شرائط تضیق آلتنه الان اک اسکی خلیفه اموی همنامی و والده سی جهتندن

جدى (عمر بن الخطاب) ك ائرينه اقتضا ايله شهرتكير اولان خليفه تقوى شعار (عمر بن عبدالعزيز) ايدى. مشاراليهك زمانه قدرمذكور عهدنامهك برحق شرائطى وبخصوص البسيه متعلق اولان احكامى اهل ايدليكي جهته خريستانلر صاريق صارمقا اسلاملره البسهده بكمزه مكه باشلاملردى . (عمر بن عبدالعزيز) خريستانلرك صاريقى چيقارملرينى ، باشلرينه عادى كسوه قويملرينى ، اسلاملره بكمزه دهجك قيافته بولناملرينى امر ايدرك حضرت (عمر بن الخطاب) طرفندن بو خصوصده وضع اولنان شرائطى موقع تطبيقه وضع ايدن ايلهك خليفه اموى اولدى . خريستانلرى شدت وتضييق آلتنده طومتغى رواكورن سائر خلفانك اجرا آتتده اكا كوره قياس اتمك اقتضا ايدر . بونلر هپ آتيدده كورولهجكي اوزره بو تضييقات وتشديداتده حضرت عمر ك موضوع بحث اولان عهدنامه سنى اساس اتخاذا ايدىيورلردى .

### حضرت عمر ك عهدنامه سنى ، مناقب عمر به

بو عهدنامهك حاوى اولديغى احكام معتسفانه ايله حضرت عمر ك مسلم انام اولان مناقب عدالتكارانه وحقانيتپورانه سنى آرسنده كورلمكده اولان تناقض ومباينت مسأله سنده نظر دتته آلهجق بر طاقم نقطه لر وارددر. ايشته بو نقطه لرى كوسترمك ايجون مناقب عمر به ايله مذكور عهدنامهك مفادى بيننده بر مقابله ومحاكه يورومتك ايجاب ايدر :

حضرت عمر ك مزايامناقبى : — جناب فاروقك اك زياده چارپان مناقبى فرط عدالت ، حریت وجدان ، حزم وشدت ، اسلاميت و تأيد ونشر اسلاميت يولنده فرط غيرت ايله برابر صلاح وتقوى ايدى . مشاراليه او قدر عدالتپور بر ذات ايدى كه كندى اوغلنى ، حتى كندى نفسى عدالتك اك آغير احكامنه چارمقدن چكمنديكندن عدالته بر مثال مجسم تشكيل ايدىيوردي . بو جهته اسلاملر بوكونه قدر مشاراليهك اجراآت عدالتكارانه سنى زبازد ايدرك او اثره اقتضا اتمك ايسترلرسده هيچ بر وقت انك غبارينه يتشه مزملر . مع هذا حضرت عمر اسلاميت ايجونده امثالمر بر غيرت صاحبي ايدى . اسلاميتك انتشار وتعاليسنى ، اسلاميته مظاهرت يولنده عربلرك اتحادينى نظر



دقہ المفسرین هیچ بر ایش ، هیچ بر سوزہ تشبث ایتمزدی . بناءً علیہ حضرت فاروق متصف اولدینی عدالت تأثیریلہ غیر مسلملرہ انصاف وحسن معاملہ کوستر مکہ وجداناً مجبور اولورکن دیگر جہتدن اسلامیتک انتشاری حقندہ کی فرط رغبتی سائقہ سیلہ برطاقم تدابیر شدیدہ وتضیقکارانہ اتخاذندن دم



آثار معماریه اسلامیہ دن اصپانده بر جامع شریف

کندنی قورتارہ میوردی . مشارالیه ممالک اسلامیہدہ حریت مذہبیہی التزام ایتمش ، غیر مسلملری اسکیدہ هانکی دین ، هانکی آیین ، هانکی پاپاس و کلیسالرہ تابع ایسلر اوحالده سربست براقش ایدی . آنجق خرستیانلغی بردائرہ محدوده داخلندہ براقه رق اسلامیتک تغلیله خرستیانلغک تدریجاً محوینه خدمت ایتمک فکریله خرستیانلری یکیدن کایسا انشامندن منع ایش ایدی . کذلک مفطور

اولديغى حس عدالت خرستيان عربلرينه عراقده اسلاملره وقوع بولان  
مظاهرت ونصرتلرينه مكافاة ايلكده بولمى استلزام ايتديكى ايچون انلرى اسلاملر  
كې جزيه يرينه صده اعطاسيله مكلف قيلمش ايدى . فقط ديكر جهتن بتون  
عربلرى لواى اسلاميت آلتنده جمع و توحيد ايتك فكرينه خدمت ايتمى  
انلرك طوغه حق چوجقلرينى خرستيان ياپاملرينى اوزرلرينه شرط اتخاڟينه  
كنديسى مجبور ايلش ايدى [۱].

عمرنامه عمر بنك منادى : — مذكور عهدنامه اساس اعتباريله درت  
ماده ايله خلاصه ايديله بيلير : (۱) خرستيانلرك يكي دن عبادتخانه احداث  
ايتاملرى ، (۲) كنديلرينه مسافر كلهك اسلاملى اوچ كون مسافرلكه  
قبول ايتلرى ، (۳) كليسالرنده جاسوس صاقلامللرى واسلاملره قارشى  
ترتيبات خفيه ده بولناملرى ، (۴) البسه ده ، حيواناته بينمكده ، قرآن اوكرنمكده ،  
اسملى يوزك اوزرينه نقشده اسلاملره بكمه ماملرى . ايشته بو شرطلره  
رعايت ايدلمكجه خرستيانلرك جان ، عيال وماللى ايچون امان يوق ايدى .  
ذكر اولنان شرطلردن برنجيسى بالاده كوسترلديكى اوزره حضرت عمر ك  
نشر وتأييد اسلاميت حقنده كى آرزو ورغبتك نتيجه سيدى . بو شرطى او  
سائقه ايله اختيار ايلمشدى . ايكنجى شرط ايسه ممالك مفتوحه ده اسلاملرك  
حال وموقعى ايجابانندن اوله رق اتخاڟ ايدلمشدى . فطرة مسافر پرور اولان  
عربلرائى فتوحاتده مسافر پرورلكه آيشمامش اولان غير مسلملر مالككنده  
غريب بولنورلردى . حضرت عمر ايشته بونقطه نى نظر دفته آله رق اسلاملرك  
محاربات وسائر خصوصات ايچون عزيمت وعودتلى ائناسنده يوللرده سولتله  
مظهر اولمق اوزره بو شرطى وضع ايتمشدى . اوچنجى ودردنجى شرطلره  
كنجه بونلرى حضرت عمر ك اخلاقه تطبيق ايدم بيلمك ايچون اوفاق برمقدمه  
ايراد ايتك اقتضا ايدر :

### نام ضمتيانلرى رقبه روم

مذكور عهدنامه ده اك اول نظر دفته چارپان شى حضرت عمر ك بونى

شامده بولتان عموم غیر مسلملر ، یاخود بتون ممالك اسلامیهده مقیم خرسیانلر ایچون دکل ، صورت مخصوصهده یالکز شام قطعهسی خرسیانلری ایچون وضع ایتمش اولمسیدر . مذکور عهدنامه نک احکامی نه مصر قبطیلری ، نهده عراق نبطیلری حقنده جاری دکلدی . کذلک فارس مجوسیلرینه وهرهانیکی شهرده بولنور ایسه بولنسون یهودیلرده شمولی یوق ایدی . شو حالده عهدنامه نک حاوی اولدینی احکام شدیدینی ایجاب ایدن برخصوصی سبیک بولمنسی لابد ایدی . اوایله بر سبب موجود اولمسه ایدی عهدنامه نک احکامی بالجمله ممالك اسلامییه شمولی اولق اقتضا ایتزمیدی ؟ موسویلر ایله صابئه وسائر غیر مسلملر نهدن عینی احکام ایله مکلف دکلدیله ؟ فضلله اوله رق حضرت عمر طرفندن عموم غیر مسلملره شامل اولق اوزره ویرلدیکی روایت اولسان دیکر بر عهد نامه دهها واردرکه [۱] بو عهد نامه دهها اول ذکر ایتدیکمز عهد نامه نبوینک اکثر احکامنه مشابه بر شکلده غیر مسلملر حقنده مسامحه کارلق ، حسن معامله ، صیانت وحمای متضمن وتضیق وشدتن معرادر . اولجه ذکر ی کچن عهد نامه نبوینک موضوع اولدیغنی نصل مرجع کوریور ایسه ک بوایکنجی عهد نامه عمری حقندهده عینی فکرده یز . چونکه بونکده عباردهسی اوائل اسلامیتده مستعمل اولان عربجه طرز وشویه سنه یکره مدیکی کبی اسکی اسلام مؤلفلرندن هیچ برینک بو عهدنامه دن بحث ایتدیکنهده تصادف ایتدک . مع هذا بو عهد نامه او زمانلرده عقد اولنوب یعضلرینی دهها اول ذکر ایتدیکمز عهد نامه لرک چوغنه مشابهتی و او دورلرک حالت روحیه سنه معنی ومأل اعتباریله مشابهت وتوافق جهتیله حضرت عمرک متصف اولدیغنی عدل ورفق ایله متناسب بر طرزده غیر مسلملرک عمومیه شامل اولق اوزره او کبی بر عهد نامه نک ویرلمش اولمسیده مستبعد صایلاز .

صد دنده بولندیغمز عهد نامه نک یالکز شام قطعهسی خرسیانلرینه صورت مخصوصهده تضیقاتی حاوی اوله رق ویرلمش اولمسنه نظراً هر حالده بوشدتی ایجاب ایدن بر سبب مادی نک موجودیتنه کانجه فکر مزه کوره حضرت عمر بوشدتی احکامی اتجق شام ممالکنک ؛ یرلی خرسیانلرینک مظاهرت ومعاونتیله روملره تکرار کچمسنه حائل اولق مقصدیله روا کورمش اولمسیدر . چونکه

[۱] قاموس الاداره والقضاء ( بطریقخانه ماده سی ) منشآت سلاطیندن نقلاً .

شام اهل‌النسك روملره اولان رابطه دینه‌لری سوقیه اسلام‌لرک علینده روملر ايله برلشملى پك محتمل بر شى ایدی . معلوم اولدینی اوزره رابطه دینه شرقده الك اسكى دورلردن برى الك قوتلى رابطه‌یى تشكيل ایدر . بتون ملل شرقیه عادل اولسه بيله اجنبی بر هیئت حاکمیه ظالمده اولسه دینه تابع بر حاکمیه کردنداده اولمى مرجع کورمک معتادیدر . اسكى تاریخلرده بو سوزمزی مؤید پك چوق ادله واردر . حتی عصر حاضرده بونجه مسامحات دینه‌یه آیشلمش ایکن ینه بو حسیات حالا موجوددر . شمديكى دورلرده دخی بر خریستان خریستان برحکومه ، بر اسلامده اسلام برحکومه تابع اولمى ایستر . دیانت سیاست وادارندن بستیون آیراش یولندینی بر دورده ، دور حاضرده روابط دینه‌نك تأثیراتی بو صورتله محسوس بر شکلده نصل تجلی ایتدیکنی نظر دقه آله‌رق دیانت ايله سیاست بر آرده حکمفرما اولدینی او اسكى دورلرده روابط مذهبییه نك نه درجه قوتلى بر عامل تشکیل ایتدیکنی اکاکوره قیاس ایتلیدر .

شام قطعەسى خریستانلری هر نه قدر حاکمیت اسلامیه آلتنه داخل اولمشلر ایسه‌ده مذهبجه ، این روحانیلرنجه اسکیده نه حالده ایسه‌لر اوحالده سربست قالمشلردی . کایسالرده قبل‌الاسلام هانکی آیین روحانیلر اجرا ایدیلور ایسه بعد‌الاسلام عینی آیینلرک اجراسنه دوام اولمشدی . پاپاسلری ، پستپوسلری قسطنطنیه ویا انطاکیه‌دن کیلوردی . لسانلری روحجه ، مذهبلری ده روم مذهبی ایدی . اولجه یازدیغمز وجه ايله صدر اسلامیتده وقوع بولان فتوحات اسلامیه بر اشغال عسکریدن عبارت اولوب خریستانلرک آیین روحانیلرینه ، احوال شخصیله‌رینه ، احکام قضائیه‌لرینه طوقونولور واستانبول حکمدارینک شام خریستانلرینک امور مذهبییه‌سنه اولان ریاستی ده تسلیم اولنیوردی . بوریاست روحانییه‌باخصوص کایساره متعلق خصوصاً تضرع ایدیلر ایسه روم قیصری درحال ایشه مداخله واعلان شکایت ایدیوردی . اوائل اسلامیتده مقام حاکمیه کلن خلفا دخی بو خصوصلر حقنده عقد ایتدکلری معاهداتک احکامنه رعایت ایلورلردی . فقط بالآخره امویلر قوت پیدا ایدنجه خلفای راشدین طرفندن وضع ایدلمش اولان برچوق احکام عینی بوزدقلری کبی بو عهدی ده چکنه مشلردر .

روایت کوره ملوک امویه‌دن ( ولید بن عبدالملک ) کونک برنده بر چاک



سنی ایشیدہ زک بونک نہ اولدیغنی صورمش و جواباً بر کلیسانک چاکی اولدیغنی کندیسنه افاده ایدلمکله هان کایسانک هدمنی امر ایتمش ایدی. خلق هپ کلیسانک هدمنه قوشه رق حتی کندیسی بالذات هدم عملیاتنه اشتراک ایتمش ایدی. خرستیانلر وقوع حالی قسطنطنیه قیصرینه عرض ایتدیلر. قیصر روم (ولید): «بو کلیسانک بقاسنی سندن اول کلن خلفا جائز کورمشلردی. انلرک بوتقطه نظرلری مصیب ایسه سنک یاپدیغک خطا اولمق لازم کایر. سنک یاپدیغک مصیب ایسه انلرک یاپدقلری خطادر دیمکدر» مألده بر نامه یازد رق [۱] اعتراضده بولندی ایسه ده مراجعتی هیچ برفاندی متیج اولدی. قیصر رومک بوصورتله وقوع بولان اعتراض و مراجعتی بعض اوروپا دولترینک عصر حاضرده شرق بعض ملل عیسویه سنک حمایه سنی ادعا ایتملری کبی اودورلرده شام خرستیانلرینک قیصر رومک حمایه روحانیه سی آلتنده بولندیغنی، یاخود قیصر رومی کلیسالرینک حامیسی عد ایتدکلرینی اراده ایتمز می؟ روم پاپاسلرینک تلقیناتی تأثیرله مذکور خرستیانلرک روم دولته خصوصی بر میل و انجذاب حس ایلملری ایسه پک طبیعی ایدی. شام قطعیه سی خرستیانلری هر نه قدر بر طایف اعتقادات مذهبیه ایچون ابتدای امرده روم دولتندن نفرت ایتمشلسه ده بالاخره عرب حاکمیتی آلتنه کیروبده حسیات دینه لرینه طوقونولدیغنی کورنجه حال سابقلرینه عودتی، یعنی تکرار روم حاکمیتی آلتنده بولمغنی تمی ایتمک باشلامشلردی. بشقه اقوامک بیوندوروغی آلتنده یاشامغه آلیشان ملتلرده بوحسیاتک توره مسی طبیعی بر شیدر. هیچ بر حالدن ممنون اولمیان بوتوع ملتلرک دولته انجذاب و اطاعتلرینی تأمین ایچون دیندن ده مؤثر بر واسطه یوقدر. روم حسیاتی ایله پرورده اولان پاپاسلر ایله سائر رؤسای دینه اهالینک قسطنطنیه قیصرینه تأمین انجذاب و تعلقلری ایچون صورت مخصوصه ده صرف مساعی ایدیورلردی. اوسره لرده فتح اسلامی هنوز یکی ایدی. روم حکمداری ده اورالرده مقیم خرستیانلری طرفدار و ظهیر الملق قوتیه له ممالک مذکورده تکرار کندی. حاکمیتی آلتنه آلمقدن قطع امید ایتماش ایدی.

بر طرفدن دخی شام خرستیانلرینک بعضلری بویولده صرف مساعیدن کیری طور مامقده ایدیلر. بونلر اسلاملرک احوالی آکلایه رق روملره ایصال ایدیور

و روملر طرفندن جاسوسلر کلدجه انلری خانه لرنده اخفا و مقصدلرینک استحصالنه ایفای معاونتدن چکنمیورلردی. حتی بو مقصدی تأمین ایچون بعضاً بر خرستیان اسلاملر کی البسه کیه رک، اسمنی یوزک اوزرینه عربجه حک ایتدیردک، قرآندن بعض پارچهلر اوکردنرک اسلام اردو کاهلرینه کیریور، عربلرک احوالنه واقف اولیوردی. او صرده شام قطعه سنک کاملاً فتیح هنوز میسر اولمامشدی. حضرت عمر قطعه مذکورده نک مرکز خلافته اولان بعدی نظر دفته آله رق اهالیسنک روملرلهنه بر اختلال چیقارملرندن بحق اندیشه ایدیوردی. ایشته بو محذورلره منی حضرت فاروق اورالرده بولان خرستیانلری اسلاملر طرفندن کیلن ملبوسات، بینلن حیوانات و سائر استعمالیه اسلاملره بکزه مکدن، روم جاسوسلرینه یاتاقلق ایتمکدن، اسلاملره مضر ترتیبات خفیه ده بولمقندن منعه لزوم کورمشدی.

ینه عینی سبب ایچون حضرت عمر رشوت آلرلر و همذهلرینه طرف کیرلرک ایدرلر دیه اهل کتابدن مأمور استخدام ایدلارمنی والیرینه امر ایتشدی. روایت کوره بو ممنوعیت ایچون (بدر) وقعه سی اثناسنده حضرت نبی طرفندن وقوع بولان برطاقم بیانات اساس انخاذ ایدلشدر [۱]. مع هذا بالخاصه اوائل اسلامیتده دیوانلرده معاملات رسمیه ممالکک السنه محلیه سی ایله جریان ایتدیکی دورلرده حساب و یازی بیلنلر دفرط احتیاج موجود اولدیغی ایچون بو ممنوعیت حکمسنر قلمشدی.

فکر ارجحه کوره حضرت عمر شام خرستیانلرینه متنی بالاده کی عین عباره اوشمده هر حادثه اومعنده بر معاهده نامه یازمش (یا خود یازدیرمشدر). احتمال که ده صکره مذکور عهدنامه نک متننده بعض تبدیلات وقوع بولمشدر. عهدنامه نک محتوی اولدیغی احکام شدتکارانه یه سبب ایسه شام خرستیانلرینک استانبول کایسانه سائر شرق خرستیانلر ککندن ده یقین معتقداتده بولنلرینه بناءً روملرک لهنه بر حرکت اختلال کارانه یه اقدام ایتلرندن قورقولدیغدن ایلری کلیوردی. حال بوکه مصر خرستیانلری اولان قبطیلر بوتضیقندن آزاده ایدیلر. چونکه بونلر استانبول کایسانک دشمنی ایدیلر. بو عداوت سوقیه روملرک علیهنه عربلر ایله برلشه رک عربلره مصر قطعه سنک فتحی تسهیل ایشلردی.

حضرت عمر ہر حالہ بوتشدیدیاتی اسلامیہ تعصبہ، یاخود خرسٹیانیلغہ عداوتہ بناءً خرسٹیانیلر حقندہ روا کورمامشدر . بلکہ ذکر ایتدیکمز فکر سیاسی سوقیلہ یالکز شام قطعہسی خرسٹیانیلری حقندہ اتخاذا ایتشدر . فقط دہا صکرہ اسلاملر مذکور عہدنامہ نک احکامی عموم غیر مسلملرہ تشمیل ایلدیلر .

### امویلر و غیر مسلملر

خلافت اسلامیہ امویلرہ انتقال ایتدیکی زمان غیر مسلملر حقندہ جاری اولان احکام بالادہ عرض ایتدیکمز مرکززدہ ایدی . امویلر مرکز سلطنتلریخی شام قطعہسندہ تأسیس و ساحلری فتح و اشغال ایتدکدن صکرہ دکزدن دخی روملر ایلہ محاربہلرہ کیریشمک درجہلرینہ قدر قوت صاحبی اولدقلری جیتلہ روملر طرفدن مذکور قطعہ نک تکرار استیلاسی قورقوسی قلاماش ایدی . بو دورده امویلر طرفدن غیر مسلملر حقندہ روا کوریلن تضییقات آرتق بالخاصہ پارہ تحصیل وجایتندہ وقوع بولیوردی . امویلر مکرراً بیان ایتدیکمز اوزرہ برطرفدن طرفدار الدہایدرك کسب قوت ایتک، دیگر طرفدن ذوق وصفایہ طالمق ایچون کلیتلی پارہ تحصیل و صرفنہ مجبور اولمشلردی . بناءً علیہ جزبہ و خراجک مقدارلریخی تزیید ، تحصیلندہ التزام عنف و شدت ایتدیلر . حتی اسلام اولانلردن دخی جزبہ آلمقدن چکنمیدیلر . دیانت اصلیلرینی محافظہ ایدن عموم اهل کتاب مسلم و عرب اولدقلری ایچون طاقفرسا انواع مظالم و تحقیراتہ دوچار اولیورلردی . عرب اولمیان اسلاملری بیلہ حقیر کورن امویلردن اهل کتاب حقندہ دہا منصفانہ بر معاملہ اجراسی بالطبع بکلنہ مزیدی . امویلر رنجیسی عرب ، ایکنجیسی موالی (عرب اولمیان اسلاملر) ، اوچنجیسی غیر مسلملر اولمق اوزرہ خلق اوچ صنف اعتبار ایدرلردی . ( معاویہ ) نک مصر اہالیسی حقندہ کی تعریفاتی بونی مؤیددر . مشارالہ شوبیانادہ بولیوردی : « مصر اہالیسنی اوچ صنفدن متشکل کوردم . انلرک برنلنی انسندر . ایکنجی ثانی انسانہ بکزر . اوچنجی ثلث ایسہ انسان نوعندن دکلدر . بونلردن انسان اولان ثلث عربلردن عبارتدر . انسانہ بکزرہین ثلثدہ موالی در . هیچ انسانہ بکزرہمین اوچنجی ثلث ایسہ مسالہ کروہیدر » یعنی قبطیلردر [۱] .

امویلر دورنده قبطیلر اسلام اولقلهده جزیه ویرمکدن و شدت و تضییقاته معروض قالمقندن قورتولوش اولدیغنی کورنجه اوزمانه تدر جزیه دن معفو طوتیلان رهبان سلکنه رغبت ایتدیلر سده امویلر درحال مقصدی آکلایه رق راهلر اوزرینه ده جزیه وضع وحقلرنده برقاتدها غیظ وکین اظهار ایلدیلر. حتی بعضلری اولولرک ویرکیلری دیریلر تحمیل ایدلک صورتیه دیریلر شویله طورسون امواتدن دخی جزیه تحصیلنه قالقیشدی [۱]. امویلر زماننده بوکی احوال پک چوق و قوع بولدی. بونلرک بر چوغنی و غیر مسلملردن پک چوقجه پاره سوزوب چکمکده بی امیه والیلری طرفدن استعمال اولنان وساطتی کتایمزک ایکنجی جلدنده ذکر ایلدک.

امویلر بتون غیرتلیخی پاره جبابت و استحصالنه صرف ایتدکلری ایچون حضرت عمر طرفندن غیر مسلملر حقنده وضع ایدیلن قواعد و احکامه اهمیت ویرمدیلر. فقط (عمر بن عبدالعزیز) مقام خلافته کلنجه بیوک پدری واستادی اولان حضرت عمرک اثرینه افتقاء یابدیغنی اجرا آت جمله سندن اوله رق عهدنامه عمری بی احیایه تثبیت ایلدی. والیرینه شویولده اوامر کوندردی: «اسلام اولیانلری صاریق صارماغه، عادی کسوه استعمال ایتمکه، هیچ برشیده اسلاملره بکزمه امکه مجبور ایدیکز. کفاردن هیچ برینک بر مسلمی استخدام ایتسنه قطعاً میدان ویرمیکز. کندی معیتکزده دخی غیر مسلملردن کیسه سه استخدام ایتیکز» [۲]. (عمر بن عبدالعزیز) اذان اوتوندیغی زمانلرده کیسارده چاک چالمنی ده منع ایتشدی.

امویلرک اولجه بیان ایتدیکز اسبابدن طولانی پاره تحصیل و جعنه پک زیاده اهمیت ویردکلرینه و غیر مسلملرک حساب و کتابتده کی مهارتلیرینه کوره کوریلن احتیاجه بناء انلری خواه نا خواه امور حسابه و تحصیل اموال ایشلرنده استفاده مجبور اولشلردی. مع هذا امویلر اسلامیتک انتشاری ویا خرسیتانلغک تضییق و محوی کی بر مقصد سیاسی تعقیب ایتمورلردی. زیرا اولیه بر مقصد تعقیب ایتش اولسه لردی والده سی روم خرستیان اولان (خالد قسری) بی عراقینه والی تعیین ایتزلردی. (خالد) والده سنه اولان حرمتی تأثیریه خرستیانلر حقنده پک لطفکار طاورانیردی. انک زماننده خرستیانلر





اسکی بر قرآن شریف قابینک تزییناتی

قوت و راحت کورمشلردی. (خاند) والدسه تکلیف اسلامیت ایدرک قبول ایتدیره مدیکندن کوفه ده کی بیوک جامعک قبله طرفده انک ایچون برکایسا یایدیرمشدی. جامعه مؤذن اذانه چیقدجه دیگر طرفده کایسادن ده چاک چالینوردی [۱]. بوندن ماعدا مومالیه (عمر بن عبدالعزیز) ک ویردیکی اوامرک عکسی اوله رق اسلاملر اوزرینه خرستیانلردن و مجوسیلردن مأمورلر تعیین ایتمش، انلره واسع برصلاحیت ویرمش ایدی. انلرده کال استبدادایله اسلاملره حکومت ایدیورلردی. شاعر مشهور (عمر بن ابی ربیع) نک والدسی دخی خرستیان ایدی. وفاتی اثناسنده بوغازنده خاچ بولنیوردی [۲]. خرستیانلر امویلر زماننده کال سربستی ایله جامعه کیریور، کیمسه کندیلهینه طوقونموردی. مشاهیر شعرای عربدن (اخطل) کوکسنده خاچ طاشیدیغی، سرخوش اولدیغی حالده بلا استیدان (عبدالمک بن مروان) ک حضورینه کیریوردی. کیمسه کندیسه مانع اولموردی. شاعرک او حالده خلیفه نک حضورینه کیرمسندن بر بآس کورلمیوردی. چونکه شاعر مومالیهی انصاری ذم ایتدیرمک ایچون استخدام ایدرلردی [۳].

بونکله برابر ملوک امویه خرستیانلردن و یاهودیلردن برکیمسه بی داخل دائرة اعتماد و توجهلرینه آلدقیری زمان قبول اسلامیتی کندیسه تکلیف ایدرلردی. او آدم قبول ایتمز ایسه اصرار ایدلمزدی. لکن خلیفه بی اغصاب ایدهنجک بر حالده بولنور ایسه اوزمان حیاتی تهلیکیه دوشردی. ایرانلی خرستیانلردن (شمعه) نامنده بر آدم ملوک امویه دن برینک حضورینه کیرمش ایدی. خلیفه طرفدن اسلام اولسی تکلیف ایدلدی. (شمعه): «بوصورتله اصلا اسلام اولمام. آنجق ایتدیکم زمان آرزوم ایله اسلام اولورم» دیدی. خلیفه بو سرت جوابدن غصه کادی. انک بالیدیردن بر پارچه ات کسیدردی. آتشدن کباب ایتدیره رک کندیسه ییدیردی. (عبدالمک) بر دفعه (اخطل) ه: «نهیه اسلام اولمورسک؟ سکا فی دن پای، اون بیک درهم ده آیلق ویریز» دیمش ایدی. (اخطل) شراب ایچمکه کندیسه مساعده ویریلوب وریله میه جکنی صوردی. (عبدالمک): «آجانم! بو ایچکی بی نه یابه جقسک. آجی برشی ایچمکه باشلایور، سرخوشلقله بیتور، واز کچ»

[۱] اغانی ۵۹ ج ۱۹ [۲] اغانی ۲۲ ج ۱ [۳] اغانی ۷۴ و ۱۷۸ ج ۷

جوانی ویرنجہ (اخلط) : «افندم ، بویله ظن ایتیکز . او باشلانغچ ایله منتهی آردسندہ اویله برزمان لذت واردکه انک یاننده سزک اوقوجه سلطنتکز بیله هیچ کلیر» مطالعه سندہ بولندی . عبدالملک شاعر شراجخوارک بوانهما کنه کولمکدن کندی آله مامشدی .

بنی امیه والیرینه کنجه بونلر پاره تحصیلی ایچون خرسیتیانلره تضییقات اجرا ایدیورلر ، خرسیتیانلردن انلره پاره تحصیلنی هرکیم تسهیل ایدر ایسه اکا حرمت واکرامده بولنورلردی . اموی والیرک تضییقاتی نتیجه سندم مصر قبیطیری طرفندن چیقاریلان اختلالره دائر (مقریزی) نک خططندم بر طاقم فصللر واردر . اورایه مراجعت بیورلسون .

### خلاصه

والحاصل دولت امویه هر نه صورتله اولور ایسه اولسون تغلب واحراز حاکمیت وسلطنت اساس سیاستی اوزرینه مؤسس بر دولت عربیه اولدینی ایچون ملوک امویه بویولده تأمین موفقیت ایتک اوزره عصیت عربیهی اویادیرمغه ، انعام واحسانلر ایله طرفدار الده ایتکه صرف غیرت ایشلردی . عصیت مذکورده نک میدان آلمسی عربلرک - زمان جاهلیتده اولدینی کبی - قبیله قبیله آیرلملرینه ، بوقبائلک بر طاقم عصیات وطنیه ده انقساملرینه باعث اولمش ایدی . امویلر عربلق وعربلرک لهنه تعصبده وموالی (عرب اولمیانلر) ایله غیر مسلملره تحقیر وتذلیل ایله معامله ده درجه افراطه وارمشلردی . طرفدارلره مظهر اولوق اوزره نفوذ اربانه صرف ایدیله جک کلیتی پاره لرالده ایتک ایچون حس ایتدکاری احتیاج انلری تحصیل اموالده اجرای مظالم واعتسافاته سوق ایتدیکی کبی صدقه اموالنه ال اوزاتملرینه ، فی اموالی کندی نفسلرینه تخصیص ایلرینه ده باعث اولمش ایدی . امویلر کندیلرینه قارشی رقیب طوران علویلرک دیانت وتقوی سلاحی ایله طلب خلافت ایتکده اولدقلرینی ، حقلی اولدقلری ایچون انلره مناظره ایله احراز غلبه ایدیله میه جکی کورنجه ارباب دیاتی نظر اهمیتدن دوشورمک ایچون دینه حرمتسزک کوسترمشلر ، قورنازلق وحیه استعمالنه قویولمشلر ، علوجنابلق ومردلکه



اهمیت ویرماملار و شدت و اعتسافده پک ایلری کیتملاردی. امویلرک بومساوی احوالی او قدر مشهوردرکه بتون مورخلر ، حتی انلرک احفادنن اولان مؤلفلر طرفدن بیله تصدیق ایدیلور. مثلاً (اغانی) مؤلف مشهوری (ابوالفرج) . نسباً اموی ایدی [۱] . حال بوکه امویلرک مساویسنه دأر اولان معلوماتک اکثری مشار الیهک بوکتابندن منقولدر .

امویلرک دوام دولترلی ذکا ودها، حسن سیاست و تدبیرایله کسب شهرت وهر بری یکریمی سنه قدر اجرای سلطنت ایدن اوچ خلیفه نك سایه سنده . میسر اولمشدی . بو اوچ ذاتک برنجیسی ۴۱ سنه سندن ۶۰ سنه سنه قدر مقام حاکمیتده بولنان ( معاویه بن ابی سفیان ) ، ایکنجیسی ۶۵ دن ۸۶ سنه سنه قدر اجرای سلطنت ایدن ( عیدالملک بن مروان ) ، اوچنجیسی ده ۱۰۵ سنه سندن ۱۲۵ سنه سنه قدر کرسی نشین خلافت اولان ( هشام بن عبدالمک ) ایدیلر . ایکنجی خلیفه عباسی ( منصور ) ، دور سلطنتی ائانسنده ، مشارالیه ( هشام ) ک اصول اداره سنه تطبیق حرکت چالیشردی [۲] . خلفای امویه دن ( عمر بن عبدالعزیز ) ه کلنجه مشارالیه تقوی و صلاحده ملوک امویه نك سرتاجی ایدی . فقط کندیسنه غیر مناسب بر زمانده خلیفه اولدینی ایچون دور خلافتی امتداد ایدمدی . سالف الذکر اوچ سیاسی ذات ظهور ایتهمش اولسهیدی دولت امویه نك حاکمیتی هان درحال زوال پذیر اوله جق وامویلردن ذوق و صفادن . بشقه بر ایش ایله مشغول اولیان بر طاقم سفیه خلفایه حاکمیتک انتقالی میسر اولمیه جقدی . ملوک امویه دن اکلنجه لره ، ذوق و صفایه منهمک اولان ایلک . خلیفه ۶۴ سنه هجریه سنده وفات ایدن ( یزید بن معاویه ) اولوب آوه ، آو جناورلرینه ، کوپکلره ، میمونلره ، آرسالانلره پک زیاده منهمک ایدی . چالنجی ، ایچکی ، بزم صفالری ده چوق سوردی . بونک زماننده والیلر خلیفلرینی بوخالده کورنجه انلرده اکلنجه یه ، ایچکی یه طالیدیلر . مکهمدینه ده . شرقی و موسیقی بوخلیفه نك زماننده ظهور ایتدیکی کبی سائر یرلرده اکلنجه ایله اشتغال دخی یته بونک دورنده وقوع بولدی . ده اول اسلاملر بوکبی شیولی بیلملزلردی [۳] .

[۱] ابن الاثیر ۲۲۹ ج ۸ [۲] مسعودی ۱۳۲ ج ۲

[۳] مسعودی ۶۸ ج ۲



۱۰۵ سنہ ہجریہ سندہ وفات ایدن و بنی امیہنک عاشق شوخ مشربی نامی  
 آلان ( یزید بن عبدالملک ) دخی اویولده اشتہار ایدنلردن ایدی . مشارالیہ  
 ( عمر بن عبدالعزیز ) دن صکرہ مقام سلطنتہ کلدیکی خالدہ سافنک طوتدینی  
 طریق زهد وصلاحک عکسنہ بر یول طومش ، بری ( سلامہ ) ، دیگرى  
 ( حبابہ ) ناملرنده ایکی جاریہ سوهرك بتون اوقاتی بونلر ایله کچیرمشدی .  
 ( حبابہ ) بر کون شو بیتی تغنی ایتشدی :

بین التراقی واللہاء حرارۃ ماتطمئن ولا تسوغ فترد

« اشتداد آتش عشقن بوغازده اویله بر حرارت واردرکہ برآن سکون وراحت  
 بولدینی ایچون بردرلو سرنلکک . مظهر اولیور »

( یزید ) بوییت اوزرینہ آیاغہ قالقہرق اوچق ایستدی . ( حبابہ ) :  
 « ای امیرالمؤمنین ! نرہہ کیدیورسک ؟ سکا احتیاجزوار » دیدی . ( یزید )  
 فرط صفادن « واللہ اوچہ جنم » جوابی ویردی .

حبابہ : — ملتی کیمہ براقہ جقسک ؟

یزید : — سکا .

دیہرک ( حبابہ ) نک الی اوپدی .

( یزید ) بر کون ( حبابہ ) ایله برابر ( اردن ) ناحیہ سندہ تنزہہ چیقمش  
 ایدی . بورادہ ایچکی ایله وقت کچیرمکده ایکن حبابہ یہ براوزوم دانہسنی آتدی .  
 اوزوم حبابہنک بوغازندن ایچری کیردی . ( حبابہ ) نک بوغازی طیقانوب  
 قالدی . بوندن خستہ اولہرق وفات ایتدی . ( یزید ) جاریہنک جسدینی اوچ  
 کون آلیقویدی . دفن ایتدیرمدی . جسد قوقدینی خالدہ انی قوقلامقدن ،  
 اویمکدن ، اکا باقہرق آغلامقدن واز کچمیوردی . نہایت اطرافدن کلدیلر ،  
 رجا ، اصراردہ بولندیلر . جسدک دفنہ مساعدہ ایتدی . بعدہ کندی سراینہ  
 بیوک بر یأس و محزونیت ایچندہ چکیلہرک قاپاندی . ( حبابہ ) نک وفاتندن  
 صکرہ سرایدہ بر جاریہنک :

کفی حزناً بالهائم الصب ان یری منازل من یهوی معطلۃ قفرا

« بر عاشق آوارہ ایچون خانہ یاراننی ابدیاً خالی کورمکدن دها آجی بر فلاکت قابل  
 تصورمیدر ؟ »

بیتی ترنم ایتدیکنی ایشیدنجه (یزید) هونکور هونکور آغلامغه .  
باشلامش . مشارالیه (جابه) دن صکره یدی کون سرایده قاپانه رق کیمسه نك .  
یوزینه چیقمدی . خلق آره سنده موجب قیل وقال حرکاتده بولمئسندن  
قورقولدینی ایچون برادری مسلمه نك توصیه سی اوزرینه سرایده قاپانمش  
ایدی [۱] . بو حکمدار یالکز درت سنه حکم سوردی .

۱۲۶ سنه سنده وفات ایدن (ولید بن یزید بن عبدالمالك) دخی سفیه  
وشر بنحوار خلفای امویه دن بری ایدی . شوخ مشربلکه ، ذوق وصفایه ،  
ایچکی به ، آوه فوق العاده منه مک ایدی . شرابدن حوضر تشکیل ایدیور ،  
ایچنه طالهرق شناورلك ایلور ، حوضلرده یوزدرک باده ایچیوردی [۲] . مقام  
خلافته کلدیکی زمان ایلک یاپدینی شی مک و مدینه ده بولنان مغیلری ، سائر  
طرفلردن ندیملر و شوخ مشربلری یانته کتیرمک ، انلر ایله برابر ذوق وصفایه ،  
سفاهته ، سرخوشلغه طالمقدن عبارت اولمشدی . فقط زمان سلطتی بر سنه دن  
زیاده امتداد ایتدی .

عربلر تا (یزید بن معاویه) زمانندن اعتباراً امویلرک حرکات خفت .  
مشربانلرینی تقییج و تعیب ، مشارالیه وقوع بولان بیعتی ده مواخذ و تخطئه  
ایتمش ایکن امویلردن فحشیات و مسکراتده پک ایلری کیدن (یزید بن عبدالمالك) ،  
و (ولید بن یزید) و سائرده کورنجه دها شدتلی تقبیحات و مواخذاتده  
بولنملر ، حتی بعض شعرا خلفانک بویولده دواملری انقضای دولترینه مؤدی  
اوله جغنی ، صوک پشیانلق فائده ویرمیه جکنی اخطاردن چکنا مشلردی .

بوسفیه خلفا ایله مسکراتدن نفرت ایدن ، جدیتدن آیرلیان سائر ذکر  
ایتدی کمز خلفای امویه آره سنده نه قدر بیوک فرق واردی ! از جمله (هشام  
بن عبدالمالك) دولت امویه نك صوک زمانلرنده یتیشن خلفادن ایکن نه کنده سی  
مسکرات استعمال ایدردی ، ناده حضورنده مسکرات استعمالنه مساعدده ده .  
بولنوردی . حتی مسکرات استعمالی چرکین کورر و ایچکی ایچنلری جزایه  
چرپاردی [۳] .

ایشته امویلر بو صورتله ذوق وصفایه ، سفاهته طالمقله برابر عربلق و عربلر  
لینه کوسر دکاری تعصب و طرفکیرائک نتیجه سنده اصلاً عرب اولیان اسلاملره .

۱۰۵ سنہ ہجریہ سندہ وفات ایدن و بنی امیہ نك عاشق شوخ مشربی نامی  
 آلان ( یزید بن عبد الملک ) دخی اویولده اشتہار ایدنلردن ایدی . مشارالیہ  
 ( عمر بن عبدالعزیز ) دن صکرہ مقام سلطنتہ کلدیکی خالدہ سافنک طوتدینی  
 طریق زهد وصلاح عکسنہ بر یول طومش ، بری ( سلامہ ) ، دیکری  
 ( حبابہ ) ناملرنده ایکی جاریہ سوورک بتون اوقاتی بونلر ایله کچیرمشدی .  
 ( حبابہ ) بر کون شو بیتی تغنی ایتمشدی :

بین التراقی واللہاء حرارۃ ماتطمئن ولا تسوغ فترد

« اشتداد آتشی عشقن بوغازده اویله بر حرارت واردرکہ بر آن سکون وراحت  
 بولدینی ایچون بردرلو سربلکک مظهر اولور »

( یزید ) بو بیت اوزرینہ آیاغہ قالقہرق اوچق ایستدی . ( حبابہ ) :  
 « ای امیر المؤمنین ! نرہہ کیدیورسک ؟ سکا احتیاجزواری » دیدی . ( یزید )  
 فرط صفادن « واللہ اوچہ جنم » جوابی ویردی .

حبابہ : — ملتی کیمہ براقہ جقسک ؟

یزید : — سکا .

دیہرک ( حبابہ ) نك الی اویدی .

( یزید ) بر کون ( حبابہ ) ایله برابر ( اردن ) ناحیہ سندہ تنزہہ چیقمش  
 ایدی . بورادہ ایچکی ایله وقت کچیرمکده ایکن حبابیہ براوزوم دانہسنی آتدی .  
 اوزوم حبابہ نك بوغازندن ایچری کیردی . ( حبابہ ) نك بوغازی طیقانوب  
 قالدی . بوندن خستہ اولہرق وفات ایتدی . ( یزید ) جاریہ نك جسدینی اوچ  
 کون آلیقویدی . دفن ایتدیرمدی . جسد قوقدینی خالدہ انی قوقلامقندن ،  
 اویمکدن ، اکا باقہرق آغلامقندن واز کچمیوردی . نہایت اطرافدن کلدیلر ،  
 رجا ، اصراردہ بولندیلر . جسدک دفنہ مساعدہ ایتدی . بعدہ کندی سراینہ  
 بیوک بر یأس و محزونیت ایچندہ چکیلہرک قاپاندی . ( حبابہ ) نك وقاتندن  
 صکرہ سرایدہ بر جاریہ نك :

کفی حزناً بالهائم الصب ان یری منازل من یهوی معطلۃ قفرا

« بر عاشق آوارہ ایچون خائے یارانی ابدیاً خالی کورمکدن دها آجی بر فلاکت قابل  
 تصور میدر ؟ »

بیتنی ترنم ایتدیکنی ایشیدنجه (یزید) هونکور هونکور آغلامغه باشلامش . مشارالیه (حبابه) دن صکره یدی کون سرایده قاپانه رق کیمسه نك یوزینه چیقمدی . خلق آره سنده موجب قیل وقال حرکاتده بولمئسندن قورقولدینی ایچون برادری مسلمه نك توصیه سی اوزرینه سرایده قاپانمش ایدی [۱] . بو حکمدار یالکز درت سنه حکم سوردی .

۱۲۶ سنه سنده وفات ایدن (ولید بن یزید بن عبدالمک) دخی سفیه وشرابخوار خلفای امویه دن بری ایدی . شوخ مشربلکه ، ذوق وصفایه ، ایچکی به ، آوه فوق العاده منه مک ایدی . شرابدن حوصلر تشکیل ایدیور . ایچنه طاهر رق شانورلک ایلور ، حوصلرده یوزدرک باده ایچیوردی [۲] . مقام خلافته کلدیکی زمان ایلک یاپدینی شی مک و مدینه ده بولان مغیلری ، سائر طرفلردن ندیملر و شوخ مشربلری یاننه کتیرمک ، انلر ایله برابر ذوق وصفایه . سفاهته ، سرخوشلغه طالمقدن عبارت اولمشدی . فقط زمان ساطتی بر سنه دن زیاده امتداد ایتدی .


عربلر تا (یزید بن معاویه) زمانندن اعتباراً امویلرک حرکات خفت مشربانه لرینی تقبیح و تعیب ، مشارالیه وقوع بولان بیعتی ده مواخذ و تحطئه ایتش ایکن امویلردن فحشیات و مسکراتده پک ایلری کیدن (یزید بن عبدالمک) و (ولید بن یزید) و سائرده ی کورنجه ده شدتلی تقبیحات و مواخذاتده بولمشلر ، حتی بعض شعرا خلفانک بویولده دواملری انتضای دولترینه مؤدی اوله جغنی ، صوک پشیانلق فائده و یرمیه جگنی اخطاردن چکنما مشلردی .


بوسفیه خلفا ایله مسکراتدن نفرت ایدن ، جدیتدن آیرلیان سائر ذکر ایتدیکمز خلفای امویه آره سنده نه قدر بیوک فرق واردی ! از جمله (هشام بن عبدالمک) دولت امویه نك صوک زمانلرنده یتیشن خلفادن ایکن نه کندی می مسکرات استعمال ایدردی ، نده حضورنده مسکرات استعمالنه مساعددهده بولنوردی . حتی مسکرات استعمالنی چرکین کورر و ایچکی ایچناری جزایه چارباردی [۳] .

ایشته امویلر بو صورتله ذوق وصفایه ، سفاهته طالمقله برابر عربلق و عربلر لهنه کوستردکاری تعصب و طرفگیرلک نتیجه سنده اصلاً عرب اولیان اسلاملره .



استخفاف وحقارتاہ وکړک شهر ، کړک کوی اهاالیندن اولسون علی العموم غیرمسلمارہ ظلم واعتساف ایله معاملہدہ بولنجه - چونکہ دولت امویہ نك صوك دورلرنده عسا کر اسلامیہ بر کویدن مرور ایتدکلی زمان او کوی یغما ایدرلردی [۱] - هرکس بو دولتک یقینده مضمحل و محو اوله جفی سویاکه باشلامشدی . فی الحقیقه بو تاریخدن اعتباراً بر قاچ سنه کچمدن دولت امویہ مضمحل اولمش ، یرینه دولت عباسیه تأسس ایتش ایدی .





## سَیْرُ نَجْمِی دَوْرِ فَاَرْسی


۱۳۲ سنه سنده (سناح) ك خلافتدن ۲۳۳ سنه سنده

(مؤكل) ك خلافتدن

بودور دولت عباسیه نك زمان حاكمیتدن بر قسمی تشکیل ایتش ایکن  
اكا دور فارسی اطلاق ایلمه مزه سبب دولت مشارالیه نك خلفا ، لسان ، دیانت  
اعتباریه عرب اولدینی حالد سیاست و اداره جهتیله ایرانلی اولمسندن ایلری  
کلیور. چونکه بودولتک تشکیله خدمت و مظاهرت ، امور حکومتی تنظیم  
و اداره ایدنلر ایرانیلر ایدی . دولتک وزرا و امراسی ، کاتبلی ، مابینجیلری  
ایرانیلردن متشکل ایدی . اساساً ایرانیلری بودولتی تشکیله سوق ایدن باشلیجه  
عامل امویلر طرفدن عرب اولسان عناصر حقدده روا کوریلن حقارت ،  
اعتساف و مظلمدی . مع هذا شیعیدک مظاهرت ده بوخصوصده مهم بررول  
اوینامشدی . ایرانیلر حضرت پیغمبرک دامادی ، یاخود کریمه نینک مخدوملری  
نامنه استحصال خلافت چالیشان شعیلرک مسلک لری ، مساعیلری حقلی  
کورریورلردی . انک ایچون امویلرک مرکز سلطنتلردن اوزاق اولان عراق ،  
فارس و خراسان کبی یرلرده دولت مذکوره علیهنده و علویلر لهنده وقوع  
بولان تحریکات دائماً برچوق مظاهره نائل اولیوردی .

عرب اولیانلرک ذکر ایتدی کمز صورتده کندی دولتلری حقدده دشمن  
کسلمش اولملردن ماعدا دیگر طرفدن یمن عربلرینک ده دولته مظاهرتدن  
چکنملری و بوسبیله عربلر آردسند تترقه وقوعی ایله دولت امویهنک مضریلردن  
بشقه عربلردن هیچ برظهر و معینی قالماسی دولت مشارالیه پای فنا برضعف  
واضح حاله اوغرامش ایدی . ایشته بوسبیدن بالاخره عباسیلر ( ابو مسلم

خراسانی) واسطہ سیلہ تشکیل دولۃ تثبث ایدنبجہ اجزای اصلہ سی بیلہ  
تفرقیہ اوغرایان دولت مذکور دنک ازالہ وجودی ایچون پک بیوک مشکلاتہ



اندلسہ سرقسطہ ( ساراغورہ ) دہ جعفریہ سرانندہ برکتر

دوچار اولئامش لردی . ( ابو مسلم ) آئیدہ کورولاجکی اوزرہ دولت امویہ  
قارشی یمن عربلرینی ظہیر ومعین اتحاد ایتش ایدی .

## خلافت اسلامیہ نك عباسیہ صررت انتقالی

مُیَعَّنٌ عَلَیْهِ

امویہ دولت تشکیکنه و کمال دبدبه ایله اجرای سلطنته موفق اولمشلر سده علویله ده انلره رقیب طور مقدن و احراز خلافته چالیشمقدن خالی قالماشلردی. حضرت علیدن صکره علویلردن احراز خلافته چالیشان ایلك ذات اوغلی حضرت حسن ایدی. مشار الیه تشبثاتنده باشه چیقهمیه جعنی آکلانجه ۴۱ سنه سننده (معاویه) یه ترك خلافت ایتدی. علویلرک کوفه ده بولسان ظمیر و طرفدارانی بوفراغدن هیجانه کلوب اختلال چیقاردیلر. او صرهلرده کوفه و ایلمکنده بولسان داهی مشهور (زیاد بن ابیه) اختلالی کمال شدتله باصدیردی، (حجر بن عدی) وارقداشلری داخل اولمق اوزره حضرت علی طرفدارانندن برزمره مجاهدینی قتل ایتدیردی. بو صورتله شدتلی تشکیلاته اوغرایان علویلر ظاهرأ التزام سکون ایتدیلر ایسه ده (معاویه) نك وفاتیله وقوع بوله جق انتخابات نتیجه سننده حضرت علی مخادیمندن برینك مقام خلافته صعود و بو صورتله خلافتك اهل بیته انتقال ایده جکنی امید ایتشلر و (معاویه) نك؛ خلافتی کندی اوغنه تحویل ایده جکنی خاطره کتیر ماماشلردی. بالآخره مشار الیه خلاف مأمول اوغلی (یزید) ی ولی عهد تعیین ایدنجه علویلر پرغیظ و کین کسلمه شلردی. (معاویه) نك مبالا تسمزانی، احتشام و داراته قایللی، آو ایله وقت کیرمسی علویلرک غیظانی برقات ده ایزید ایدیوردی.

حضرت حسندن صکره علویلرک سرفرازی حضرت (حسین بن علی) ایدی. (معاویه) نك ۶۰ سنه هجریه سننده وقوع وفاتی اوزرینه (یزید) مقام سلطنته کانجه حضرت حسین اکا بیعت ایتدی. ارباب دیانت و تقوادن اولوب ده اوصرهلرده نضالسه (یزید)، بیعت ایدنلرده کندی حرکتلرینی دینه حرمتسزلک عد ایتشلردی [۱]. حضرت حسین (یزید) ك خلافتی طانیانجه مدینه تی ترك



و مکہ کیہ التجایہ مجبور اولمشدی . طرفدارانک اے چوغنی تشکیل ایدن کوفہ لیلر حضرت حسینہ نامہ لر یازہ رق بتون قوتلریلہ کنڈیسنہ مظاهرت ایدہ جکلرینی وعد و اورایہ کلکسی طلب ایلدیلر . حضرت حسین دعوت واقعہ یہ اجابت ایدرک کوفہ یہ کیتدی ایسده اورایہ یاقلاشیر یاقلاشاز کوفہ لیلر وعد ایتدکاری مظاهرتی ایفاده تراخی کوستردیلر . کوفہ والیسی ( عیدالله بن زیاد ) طرفدن سوق اولنان قوۂ عسکریہ یہ حضرت حسین کنڈی تنسی وعالہ سنی مدافعہ یولنده پک بیوک برشجاعتلہ مقاومت ایتدی ایسده نہایۃ الامر مشهور اولدینی اوزره ۶۱ نجی سنہ ہجریہ سنده عاشورا کونی شہید اولدی .

حضرت حسینک شہادتق اهل شیعہ یہ پک کران کلش ایدی . شہید مشارالہ عدم مظاهرتده ارتکاب ایتدکلری خطایہ پک زیادہ نادم اولمشلردی . ۸۴ سنہ سنده ( یزید ) ک وفاتی و ( مروان بن الحکم ) ک مقام سلطنتہ صعودی اوزرینہ اهل شیعہ شہید مظلومک انتقامنی آلمق داعیہ سیلہ آیقلا نہ رق کنڈی نفسلرینہ « توایون » نامنی ویردیلر . حادثہ شہادتده کوفہ دہ والی اولان ( عیدالله بن زیاد ) ینہ عینی موقعده بولنیوردی . بوسفر اهل شیعہ مومالہ یی کوفہ دن چیقارده رق یرینہ کنڈی آدملرندن برینی والی تعیین ایدہ یلدیلر ایسده نتیجہ دہ ینہ ( ابن زیاد ) غالب کادی ، کوفہ یی تکرار زیر دست حاکمیتہ آلدی . فقط بونائرۂ عصیان هنوز اطفا ایدلمش ایکن او دورلرده حکم فرما اولان عظیم کشمکش و بحران انسانده برثروت الہ کجیرمک فکریلہ احراز حاکمیت ایچون اورتہ یہ آتیلان ارباب قیامدن اولمق اوزره ( مختار بن ابی عبید ثقفی ) برزمرۂ اهل قیام ایلہ ظہور ایلدی . ( مختار ) حضرت حسینک انتقامنی آلمق و پدر جہتندن حضرت حسینک برادری اولان ( محمد بن الحنفیہ ) نامنہ استحصال خلافت ایتمک داعیہ سیلہ اورتہ یہ چقمش ایدی . کوفہ یہ کلدیکنده شیعہ در کنڈیسنہ برچوق آدم التحاق ایلدی . ( مختار ) « شرطۃ الله - اللهمک ضابطہ سی » نامنی ویردیکی معیتی عسکریلہ ( عیدالله بن زیاد ) اوزرینہ حرکت ایدرک انک عسکرینی پریشان وکنڈیمی ایلہ حضرت حسینک قاتللرندن اکثرینی قتل واعدامہ موفق اولدیسده ( محمد بن الحنفیہ ) مختارک کنڈی نامنہ استحصال خلافت ایچون تشبثاتده بولمنہ راضی اولمہ رق انی طانیہ جغنی اعلان ایلدیکندن ( مختار ) خلافتی ( عبدالله بن ازییر ) نامنہ تحویل ایلشدی . ( عبدالله بن ازییر ) ک پدری ( زبیر بن العوام )

اولجہ بیان ایتدی کمز اوزره حضرت عثمانک شہادتتی متعاقب کندی نفسی ایچون استحصال خلافتہ تشبث ایدن ذواتدن اولدینی کبی اوغلی عبدالله دخی حضرت حسین طلب خلافتہ تشبث ایتدیکی زمان کندی نفسی ایچون عینی تشبثده بولالمش ، مکده خلقه کندی خلافتہ بیعت ایتدیرمکه باشلامشدی . فقط (مختار) حقیقت حالده نه (محمد بن الحنفیه) ، نه ده (عبدالله بن زبیر) ایچون چالیشموردی . او آنحق کندی نفسی ایچون چالیشموردی . عبدالله - بن زبیر (مختارک منوی ضمیرنی آکلاینجہ برادری مصعبی برقوہ عسکریہ ایہ عراقہ کوندردی . مصعب ۶۷ سنه سنده مختاری مغلوب و مقتول اتمکه موافق اولدی .

شیعہ علویہ به کمنجه حضرت حسینک شہادتندن صکره بری خلافتک حضرت علینک کریمہ نبی حضرت فاطمہ دن اولان چوققلرینک حتی اولدیغنی ، دیکری ایسه خلافتک حضرت حسن و حسیندن صکره برادرلری اولان (محمد بن الحنفیه) یه تحول ایتدیکنی ادعا ایدرایکی فرقه اولمشلردی . بوایکنجی فرقیہ کیسانیه نامی ویریلردی . لکن اک زیاده فعال و متشبث اولانی برنجی فرقه ایدی . فرقه مذکورہ منسوبینی حضرت حسیندن صکره (زین العابدین) نامیله معروف اولان اوغلی علی یه بیعت ایتمشلردی . اندن صکره خلافت ینه کندی ذریتده تعاقب ایتدیکندن خاندان مشارالهدن فرقه نک بیعتنه نائل اولان ائمہ نک عددی اون ایکی یه بالغ اولمشدی . بونلرده حضرت علی ، حضرت حسن ، حضرت حسین ، زین العابدین ، محمد باقر ، جعفر صادق ، موسی کاظم ، علی الرضا ، محمد تقی ، علی تقی ، حسن عسکری ، محمد مهدی دن عبارت ایدیلر . فرقه علویہ دن (زید بن علی بن الحسین) ه نسبتله زیدیه و (اسماعیل بن جعفر صادق) ه نسبتله اسماعیلیه و سائرہ ناملرلیه بر طاقم فرقه لر دها تورده ریک حضرت علی احفادنندن بعضیلرینه بیعت ایتمشلردی که بونلرک بوراده تفصیلنه لزوم یوقدر .

امویلر علویلردن هر هانکی برینک استحصال خلافت ایچون صرف مساعی ایتدیکنی ایشیتدکجه انی نه صورتله اولورسه اولسون اعدام اتمکه صرف غیرت ایلرلردی . بو سایده امویلر احفاد علیدن بعضلرینی قتل ، بعضلرینی تسمیم ، بعضلرینی ده صلب ایتمشلردی . امویلر طرفدن شدتلی

تنکیلاتہ اوغرایان اهل شیعه پنجه هلاکه معروض قلامق ایچون طریق اختفایه صامیشلردی. حضرت علی خاندانی امویلر زماننده پک بیوک برسفالت و محرومیت چکه شلر، آجلق واضطرابات ایله وقت کچیرمشلر، کندی عائله لرینک قوت لایموتندن بشقه برشی دوشونیه جک بر حاله دوشمشلردی. فقط ۱۲۶ سنه سننده وفات ایدن ( خالد قسری ) عراقه والی اولنجه خاندان مشارالیه ارکاننه پارهلر ویره رک رفق و ملایمتله کنیدلرینه معامله ده بولندی. علویلر بوصورتله بر آزقوت پیدا ایدنجه ینه تکرار طلب خلاقه تیشبث ایشلردی [۱]. ( خالد قسری ) جدآ غریب الاطوار بر ذات ایدی. حضرت علی به لغت ایدنلردن ایکن بر طرفدن احفاد علی به معاونت و مظاهر تدن کیری طور میوردی. بر طرفدن دخی اولجه بیان ایتدیکمز وجه ایله امور حکومتده غیر مسلملری استخدام ایدیوردی.

### شیعه عباسیه

حضرت نینک اقرباسندن طلب خلافت ایدنلر جمله سنندن اولان عم نهی ( عباس ) ک اولاد واحفادی دولت امویه قوتلی بولندیغی مدتجه علناً اورتیه چیقهمیه رق کیزلیدن کیزلی به اهالی به اجرای تأثیر ایله اکتفا ایدیورلردی. ایکسی ده بی هاشمدن، ایکسی ده اسلامیتدن اول دخی امویلره دشمن اولان علویلر ایله عباسیلر بی امیه دورنده دوچار اولدقلری شدت واعتساف ائساننده یکدیکرینه دوست کسلمشلردی. مغلوب و مظلوملرک همحال اولق اعتباریه متفق و دوست کسلملری پک طبعی بر نتیجه ایدی.

شام ولایتی داخلنده ( بلقیا ) به تابع ( حمیمه ) قصبه سننده اقامت ایدن عباسیلر بالاخره دولت امویه بی حال ضعف و پریشانیده کورنجه همان فرصتدن بالاستفاده ساحه فعالیتیه چیقهمشلردی.

( محمد بن الحنفیه ) نامنه طلب خلافت ایدن کیسانیه فرقه سی اوصره لرده مشارالیهک مخدومی ( ابو هاشم ) نامنه طلب خلافت ایتمکه باشلامش ایدی. ( ابو هاشم ) زیارت ایچون مدینه دن شامده بولنان ملوک امویه نک نزدینه کلک وائشای راهده ( حمیمه ) دن مرور ایتک معتادی ایدی. مشارالیه بردفعه

( هاشم بن عبد الملك ) ی زیارت ایدرکن ( هاشم ) ابو هاشمی بیوک بر فصاحت ،  
واسع بر فکر و معلومات صاحبی کوردرك واستحصال خلافته چالشدیغی  
نظر نأمله آلهرق اندیشهیه دوشمش ، هر نه صورتله اولور ایسه اولسون امحای  
وجودی ایله ازاله رقابتیه لزوم کورمش ایدی . ( ابو هاشم ) مدینهیه عودت  
ایدرکن آئناى راهده ( هاشم ) طرفندن مأمورایدیلن بر آدم سوته زهرقویهرق  
کندیسنی تسمیم ایتدی . ( ابو هاشم ) تسمیم اولندیغی آ کلا نیجه ( حمیمه ) به  
یولنی چویردی . اوصره لرده عباسیلر نامنه ( محمد بن علی بن عبدالله بن عباس )  
ادعای خلافت ایدیوردی . ( ابو هاشم ) مشارالیه مسافر اولدی . بوراده  
اجلنك تقریبی حس ایدنیجه عائله سندن اوزاق بر موقعده وفاتندن طولای  
بیعتك ضیاعندن قورقه ررق کندیسندن صکره خلافتك مشارالیه محمد انتقالی  
وصیت ایتدی . معیتده بولنان طرفداراتی ده محمد تودیغ وحقارنده لطفکار  
طاوورالسنی توصیه ایلدی . ( ابو هاشم ) وفات ایدنیجه بتون کیسانیه فرقه سنك  
مظاهرتی اکتساب ایدن محمد احراز خلافته موفق اوله جغه آرتق مطمئن اوله ررق  
هر طرفه کیزلیدن کیزلیه مأمورلر کوندردی . متعاقباً محمد دخی وفات ایدنیجه  
کندیسندن صکره خلافتی اوغلی ابراهیمه وصیت ایتدی که بو ذات بالا آخره  
( امام ) نامیه معروف اولدی .

ابراهیم پدرینك وفاتندن صکره کندیسنه تأمین بیعت ایچون مأمورین  
مخصوصه کوندرمکدن کیری طورمدی . اك اول خراساندن باشلادی . چونکه  
سائر قطعه لر دن زیاده بو قطعه اهالیسنه کووه نیوردی . علویله دفعات ایله  
مظاهرت ایدن کیسانیه فرقه سنك اکثری خراسان و عراقده اقامت ایدیوردی .  
ابراهیم ابو هاشمك معیتده بولوب کندی پدرینه توصیه مخصوصه ایله تودیغ  
اولنان کیسانیلری ( آل محمد ) ه خلقك بیعتی استحصال مأموریتیه مذکور  
ایکی قطعهیه اعزام ایلدی . ( آل محمد ) خاندان نبوی دیمك اولوب بونده  
هم علویله ، هم عباسیلر داخلدی . ابراهیم بونلردن هیچ برینی تعیین  
ایتماشدی . خراسانلر او زمانه قدر امویلردن پك زیاده بیقمش ، اوصامش  
اولدقلرندن حکومتك هرایکی خاندان آره سنده مشترک اوله جغنی ظن ایدرك  
خاندان نییه پك سهولته بیعت شتاب ایشلردی . ( ابراهیم امام ) او انشاده



سردار عجیب (ابومسلم خراسانی) یہ مظهر اولمشدی . (ابومسلم) مشہور اولدینی اوزره دولتی استحصال وعباسیلره تودیع ایلدی .

### منصورك علویه بیعت ورفلغی

هر ایکسی هاشمی اولان علویلر ایله عباسیلر امویلرک مشرف زوال واضمحلال اولمغه باشلاقلرینی کورر کورمز مکده عقد اجتماع ایدرک دولت مذکوردهن صکره اهل بیتدن مقام خلافته کلهجک ذات حقنده مذاکرده بولندیلر . بو اجتماعده (ابوالعباس سفاح) ایله برادری (عبدالله بن محمد بن علی بن عبدالله بن عباس) - که (ابو جعفر منصور) در - و عباسیلردن دها برطاقم ذوات موجود ایدی . مذاکرات واقعه نتیجهسنده علویلرک او سردهده اک خاندان و نامداری اولان و (نفس زکیه) ایله ملقب بولنان (محمد بن عبدالله بن مثنی بن حسن بن علی) مقام تقدمه و علم وفضل ورجحانه بناء مقام خلافته انتخاب اولندی . (ابو جعفر منصور) دخی سائرلری کبی مشارالیه بیعت ایتمش ایدی [۱] . احتمال که عباسیلر احراز خلافت ایچون صرف مساعی ایتدکلری زمان علویلر طرفندن اختیار سکوت اولغسی بو بیعته اعتماداً ایدی . چونکه عباسیلر نه ابراهیم امامک ، نهده دیگر بر عباسینک نامنه طلب خلافت ایتمورلری . آل بیت ایچون ایستورلردی . بودعوت هر ایکی خاندانه شامل بر دعوت ایدی .

خاندان عباسییه خلافت انتقال ایتدن اول خاندان علوییه استحصال خلافت ایچون عراق ، فارس وخراسانده چالیشان ذواته کلنجه بونلر بالآخره خلافتک عباسیلره انتقاله ایسترایسته مز موافقت ایتشلردی . کوفه اطرافنده (حمام اعین) ده مقیم اولان ایرانلی مشهور زنکینلردن (ابوسلمه الحلال) علویلره طرفدارلقده پک ایلری کیدنلردن اولوب بو یولده پاردسنی ، بتون قوت و نفوذینی صرف ایتمش ایدی . مومالیه بیعتک عباسیلره تحول ایتدیکنی ایشیدنجه بونک افکار عمومیه اوزرنده هانکی تأثیر حاصل ایدهجکنی آکلامق ایچون بکلمکی موافق کورمش ایدی . متعاقباً (ابو مسلم خراسانی) نک ابراهیم امام طرفندن «هر کیمدن شبهه ایدرسهک قل ایت» امرینی حاملماً

خراسانہ کوندردلیکنی ، اورادہ بتون نقبا کندینہ عرض اطاعت ایتدیکنی  
آکلا نجہ او جہلہدن اولہرق کندیسیدہ عرض اطاعت ایش ایدی . شوقدرکہ  
بیعتک ایکی خاندان آرسندہ شوری شکندہ اولہجغنی امید ایدیوردی [۱] .  
متعاقباً ملوک امویہ تک صوکتجیسی اولان ( مروان بن محمد ) طرفدن ( ابراہیم  
امام ) مقتول اولنجہ ( ابوسلمہ ) علویلرک بیعتنہ عودتی قورمش ایسہدہ [۲]  
ابراہیم امامک برادرلری و او میاندہ ( ابو العباس السفاح ) ایلہ برادرلی و عائلہسی  
خلقی کندیسینک نزدینہ کلدکارندہ بیعتک ( سفاح ) نامنہ وقوع بولدیغنی ،  
آرتق دیگر بر ذات نامنہ صرف ایدیلهجک مساعینک مشمر اولہمیہجغنی نظر  
تأملہ آلہرق بو امر واقعہ قارشلی اخفای مافی الضمیر ایتیش ، انلری کمال  
اعزاز و اکرام ایلہ خانہسندہ مسافر یامیش ایدی . او صردہ ( ابو مسلم  
خراسانی ) ایلہ سائر نقبا و سردارلر خراسان ، فارس و عراقدہ اموی عسکرینی  
مغلوب ایدیورلدی . خراساندہ امویلری مغلوب ایدنجه عراقہ کلہرک  
( ابو العباس السفاح ) ی سریر خلافتہ چیقاردیلر . علویلرک طرفدارانی  
بو خصوصہ بیوک بر حقسزلق یا بلدیغنی کوزدیلر ایسہدہ اوکارندہ عظیم بر  
قوتک ، دہشتلی برشورش و بحرانک بولندیغنی نظر تأملہ آلہرق محافظۃ حیات  
ایچون اختیار سکوتدن بشقہ بر طریق بولہ مامشلدی . مع هذا خلافتک ایکی  
خاندان آرسندہ شوری اولہجغندن قطع امید ایتیمورلدی .

عباسیلر چوق زمان کچمدن ( ابوسلمہ ) تک علویلر ایچون اضمار ایتدیگی  
طرفدارلقدن خبردار اولہرق کیفیتدن کیزلیجہ ( ابوسلمہ خراسانی ) یی خبردار  
ایشلدی . ( ابو مسلم ) طرفدن مأمور ایدیلن بر آدم واسطہ سیلہ ( ابوسلمہ )  
پک غدارانہ بر صورتدہ قتل ایدلش ، فقط بو جنایت منفورہ خلق آرسندہ  
سوء تأثیر حاصل ایتماک ایچون خوارجدن بری طرفدن ارتکاب ایدلیکی  
اشاعہ ایتدیرلش ایدی . عباسیلرک تأسیس حکومتنہ چالیشانلر ؛ عباسیلرہ  
صداقتدن امین اولمدقلری دہا بر چوق آدملری بو صورتلہ کردباد عدمنہ  
کوندرمکدن چکنما مشلدی .

مدینہدہ کندیلرندن بری اولان ( محمد بن عبداللہ ) بیعت ایدن حضرت  
حسن بن علی خاندانی - کہ سائر بنی ہاشم و ازجملہ منصور دخی اکا بیعت

ایتمشدی - دولت امویہ نك انقضاسنی و ۱۳۲ سنه سنده خلافتك (ابوالعباس السفاح) ه انتقالنی كورر كورمن كوفه یه كیتمشلر ، كندیلرینه وقوع بولان بیعت نامنه (سفاح) ك تزدنده مطالباتده بولتمشلردی. (سفاح) بونلره پاره لر



اندلسده طلیطلاده سانیاغو کایساسنك عرب قلاسی

و معاشلر و مقاطعه لر ویردرک كندیلرینی اسكات ایتدی . بونلر ایله برابر اصل صاحب بیعت اولان محمدك پدری (عبدالله بن حسن) یّده كوفه یه گلش ایدی .

(سفاح) انی حرمت واعزاز ایله قبول ایدرك کنديسندن : « نه قدر پاره ایسترسك ؟ » ديه صورار . (عبدالله) : « بيك بيك درهم ایسترم . چونكه شمدي يه قدر بوقدر چوق برپاردي برآرده كورمدم » جوانی ويرير . (سفاح) اوسرده اوقدر پاره يه مالك اولمديغندن ( ابن ابومقرن ) نامنده بر صرافدن استقراض ایدرك کنديسنه ويرير . مشاراليه ( عبدالله ) بركون سفاحك نزدنده يولندي ائنده عساكر عباسيه طرفدن اك صوك خليفه اموي ( مروان بن محمد ) دن اغتنام اولتان مجوهرات حضوره كتيريلير . ( سفاح ) انلری اله آلهرق چويرمكه باشلار . ( عبدالله ) مجوهراته باقوب آغلار . ( سفاح ) اندن آغلامسك سببی صورنجه ( عبدالله ) : « مروانك قيزلری بوقدر مجوهراته مالك ايدلر . حال بوكه عمجهكك ( يعني کنديسك ) قيزلری اويله بر سعادت كورمديلر » جوانی ويرير . ( سفاح ) اومجوهراتی کنديسنه ويرير . بعده بر صراف واسطه سيلاه انلری کنديسندن سكسان بيك دينار ، ( يعني تقريباً بر مليون درهمه ) ساتون آلير . ( عبدالله ) كوفه ده بولنديني مدتجه صوك درجه ده حرمت واعزاز كوريوردی . ( سفاح ) اندن قورقيور ، حالا خلافتی دوشونوب دوشونمديكنی آكلامق ایستيوردي . حرکاتی تجسس ايتك ايچون مأمور ايتديكي خفيه لر واسطه سيلاه انك او خيالدن واز كچمديكنی آكلانجه آتش حرص وطمعنی سوندورمك مقصديه انی دها بك چوق پاره لره غرق ايلدی . ( عبدالله ) بر چوق پاره لره مالك اولديني حاله مكيه عودت ایدرك بو ثروتی بيوك بر فقر وسفالت ايچنده بولتان عائله سی افرادينه وتلقاشنه طاغيدي . عائله سی وتعلقاتی بو پاره لری كورنجه فوق العاده ممنون ومسرور اولشلردی .

بونكه برابر ( عبدالله ) وقوع بولان بيعت مقتضاسنجه خلافتی كندی اوغلی ايچون ايسته مكدن واز كچميور [۱] ، ( سفاح ) ده بونی بيلديكي جهته ، كرك كنديسني ، كرك افراد عائله سنی پاره ايله اسكاتدن خالی قالميوردي . فقط كندی جا كيتی تأييد يولنده اجراءآت شديد سيلاه مشهور اولان برادری ( ابو جعفر منصور ) ۱۳۶ سنه هجريه سنده برادرينك يرينه مقام خلافته كانجه اك اول دوشونديكي شی حضرت حسن اولاد واحفادينك كندی تفسلری ايچون



استحصال خلافتی دوشونوب دوشونمدکلرینی آکلامقدن عبارت اولدی . انلرک احوالی تجسس وتحقیق ایتک اوزره بر طاقم خفیهلر تبین ایلدیکی کبی علنی بر تحقیقه معروض قیلحق ایچون دخی مدینه والیسنه، کافی السابق مدینهیه مخصص اولان معاشرلی کوندردیکی زمان، اکا : « هرکیم سکا مراجعت ایدر ایسه انک معاشنی ویر . بالذات کلین اصحاب معاشاته برشی ویرمه . بنی هاشم ایله کلینلر حقنده تحقیقات اجرا ایت . ( عبدالله بن حسن ) ک مخدوملری محمد و ابراهیمه قارشلی احتیاطلی بولون » دییه یازدی . والی تلقی ایتدیکی امره توفیقاً بالذات مراجعت ایدنلره معاشرلر توزیع ایتدی . یالکز مشارالیهما محمد و ابراهیم معاش آلمق ایچون مراجعت ایلدیلر . والی کیفیتی ( منصور ) یازدی . ( منصور ) مشارالیهماک بوعدم مراجعتلرینی برادرینک زماننده کی سکوتلرینه رغماً کندی زماننده استحصال خلافته چالیشه جقلرینه دلیل اتخاذ ایتدی . برادرینک یابدیغی کبی ، رقیبلرینی پاره ایله صوصدیرمق پولتیقه سنی ده موافق کورموردی . بناء علیه مشارالیهما حقنده تصدیقات اجراسنه باشلادی . بو حالدن دلکیر اولان محمد و ابراهیم دولت عباسیه علیه قیامه قرار ویره رک خراسان وسائر ممالکده بولان طرفدارلری واسطه سیله اجرای تلقینانه وتأمین بیعته توسل ایلدیلر . ( منصور ) تشبثات واقعه یی استخبار ایدنجه یوللرده آدملر قویه رق مشارالیهما ایله طرفدارلری آردسنده تعاطلی اولان نامه لری ، قورولان ترتیبانی اله کچیردی . ( عبدالله بن حسن ) تحریر ایتدیکی بر مکتوبله ده کندیسنی ایکی اوغلی ایله برابر زردینه دعوت ایتدی . ( عبدالله ) ؛ اوغللرینک نرده بولندقلرینی بیلمدیکنی ادعا ایلدی . بونک اوزرینه ( منصور ) آرتق نصل اولور ایسه اولسون کرک مشارالیهما دن ، کرک طالب خلافت اولان سائر علویلردن وبالخاصه مدینه ده مقیم حسن زاده لردن قورتولمغی قوردورق اوراده کی والیسنه بر مکتوب یازدی . حسنلرک دردست اولمغنی امر ایلدی . ده صکره بونلرک عراقه اعزامی یازدی . حسنیلر آیقلرنده بوقاغی ، بیونلرنده دیمیر طوقه اولدینی حالده دوشکسز سمرلی دوزلر اوزرنده عراقه نقل ایلدیلر . فقط بونلرک ایچنده اصل آواییلان ته محمد ، تهده ابراهیم موجود دکلدی . چونکه بونلر اختفا ایتشلردی . اون یش ، یکر می کشیدن متشکل

اولان بوزمره احفاد نبي (منصور) ك حضورينه كوتورولنجه قتلريني امر ايتدی . بونلردن يالكز بر قاجي تيغ انتقامدن قورتوله بيلمشدی .

نامنه طلب خلافت اولسان محمد ايسه طوزاغه دوشمامشدی . (منصور) مدینه ده كي واليسنه مكرراً اوامر مشده كوندردی . دردست اولنسنی مصرأ طلب ايتدی . هر طرفدن آرانلديغني كورن (محمد بن عبدالله) آرتق ميدان علانته چيقمقدن بشقه چاره بوله ميه رق مدینه ده اعلان دعوت ايلدی . مدینه اهالیسی (منصور) ه بیعت ایتش اولدقلردن شمدي (محمد بن عبدالله) ه بیعتده بولنوب بولنماقده تردد ایتدیلر . وامام (مالك بن انس) دن استقتایه لزوم کوردیلر . حضرت امام : « منصوره وقوع بولان بیعت غیر اختیاری اولدیغنی ، محمد ايسه دها اول بیعت وقوع بولدیغنی و بناءً عليه برنجی بیعت ايکینجیدن دها طوغری ودها حقلي اولدیغنی » سويلدی [۱] . بونك اوزرينه مدینه اهالیسی (محمد بن عبدالله) ه بیعت ایلدیلر . امام (ابوحنیفه) دخي بوفکر ومطالعده بولنیور ایدی . اوده محمدی افضل واحق کوریوردی . ايشته بو سیدن هرايکی امام (منصور) ك محنت وانتقامنه اوغرامشاردی . (منصور) ۱۴۵ سنه سنده مشاراليه محمدك قهر وقلته موفق اولنجه ايکی امامك ده اك ييوك دشمنی كسلمش ، مشهور اولدیغنی اوزره امام مالكي طلاق مكره فتواسندن طولانی ضرب وامام ابوحنيفه ني ده منصب قضای قبول ایتدیكي ايچون حبس ایتشدی .

دها اول بیان ايتديكمز اوزره (منصور) (محمد بن عبدالله) ه بیعت ایلش ایدی . مشاراليهك بوصورتله بردن بره وقوع بولان نكث عهد وانتقامی علویله بر صاعقه نك سقوطی كي شدتلی برتأثیر یامیشدی . چونكه بو قیلدن غدارانه افعال امویلره مخصوص ظن اولنیور ، اهل بیت نییدن صدورې مأمول ایدلیوردی . بونك اوزرينه علویلر بی امیه زمانه رحمت اوقومغه ، اوزمانك عودتی تمی ایتمكه باشلامشاردی . روایته كوره مشاراليه (محمد بن عبدالله) منصوره قارشی تشبث ایتدیكي قیام انناسنده برشاعرك اغزندن امویلر حقنده برمرثیه ایشیده رك آغلامغه باشلار . عمجه سی کنديسنه خطاباً : « عباسیلرك عليهنده قیام وانلردن انتقام طلب ایتديكك حالده امویلر ايچون آغلامق نصل .

«اولور؟» سوائی توجیہ ایدر . عبداللہ جواباً : «عمجہ ! بنی امیہ دن جدآ دلکیر ایدک . حال بوکہ عباسیلر دہ انلردن دہا زیادہ اللہ قورقوسی یوقدر . فضلہ اولہرق عباسیلر بزہ قارشئ امویلردن دہا زیادہ مدیوندلر . امویلرک بر طاقم اخلاق و مکارمی ، فضائل و مناقب دہ وارایدی کہ ( ابو جعفر منصور ) دہ بونلرک ہیچ بری یوقدر » دیہرک اہل بیت حقندہ وقوع بولان مظالم امویہ بی علویلر حقندہ دروا کورولن مظالم عباسیہ دن اہون کوردیکی بیاندن کندینی آلہماز [۱] .

## عباسیلرک تأیید حا کہتدہ تطبیق ایتدکاری سیاست

### بہرہ ازربنہ قتل واعدام

ویردیکمز ایضاحاتدن آکلاشلدیغی وجہ ایلہ عباسیلر کندیلری نامنہ طلب خلافتہ تشبث ایتدکاری زمان بری بنی امیہ ایلہ طرفدارانی مغلوب ایتک ، دیکری دہ طلب خلافتدہ کندیلرینہ رقابت ایدن علویلرک مساعیسی عقیم برامق دن متشکل ایکی بیوک تہلکہ نک اورتہ سندہ بولئورلردی . وقوع بولان تجربہ لردخی دولت وحا کہتک ، راشدین دورندہ اولدیغی ، یاخود حضرت علی اولادینک ایستدیکی کی ، دیانت وصلاح و تقوی ایلہ قائم اولہمیہ جغتئ ، علویلرک احراز خلافتہ موفق اولماملری دہ مشارالہمک یالکز خاندانلق و دیانت و صلاحہ کوونملردن ایلری کادیکی ، ( معاویہ ) احراز سلطنتہ آنجق دہا و ذکا و حیلہ ایلہ موفق اولدیغی ، ( عبدالملک بن مروان ) دخی آنجق خونریزک و شدت استعمالی ایلہ تأمین حا کہت ایدہ بیلدیکی کندیلرینہ اوکرتمش ایدی . ( ابو ہاشم بن محمد بن الحنفیہ ) نک ( محمد بن علی بن عباس ) ہ وقوع بولان بیعتلہ حق خلافت علویلردن عباسیلر دہ ، ( محمد بن علی بن عباس ) دن صکر دہ اوغلی ( ابراہیم امام ) ہ انتقال ایدوب دہ بریکی ( ابو مسلم خراسانی ) بی بواغوردہ استخدامہ موفق اولنجہ مومالیہی شدت طبع ایلہ برابر ذکا و دہا

صاحی کوره رک انی بتون نقبا و سردارلره قوماندان تعیین ایتمش و اکا آئیده کی اوامری اصدار ایش ایدی که بو اوامر عباسیلرک تأمین حاکمیت ایچون تطبیق ایتدکلری اصول سیاستک محوری تشکیل ایدر :

« سن بزم خاندانمزدن بر آدمسک . توصیه لریمه دقت ایت . شو یمنیلره . اهمیت ویر . جناب حق بو ایشی بونلر ایله موفق ایده جکدر . ربیعینی انلره قارشی متهم طوت . مضره کلنجه بونلر اقامتگاهلری بزه اک یقین اولان دمنلردندر . هر کیمک صداقتندن شبهه ایدرایسه ک انی اعدام ایت . خراسانده عربجه قونوشور آدم بر اقامغه مقتدر اولور ایسه ک هیچ تردد ایتیه رک بو خصوصده هر شیئی یاپ . بش قاریش بوینه بالغ اولان هر هانکی بر اوغلانک بزه صداقتندن امین اولماز ایسه ک انی همان اعدام ایت ... » [۱] .

ایشته (ابومسلم خراسانی) ابراهیم امامک نزدندن چیقدیغی زمان بو اوامری حامل بولنیوردی . هر موقعده بو اوامر تطبیق حرکت ایدرک عباسیلره صداقتندن شبهه ایتدیکی کیمسه لری بلا رحم اعدام ایدیوردی . (ابومسلم) ک - محاربه لرده کی تلفات مستثنی اولمق اوزره - بر قاق سنه ظرفنده یالکیز بو یولده اعدام ایتدیکی نفوس بشریه (۶۰۰,۰۰۰) ه بالغدر [۲] . موما الیهک دوچار تیغ انتقامی اولان بو مقتولین میاننده کبار شیعه دن بر طاقم ذوات واز جمله برطاقم نقبا و (ابوسلمه الحلال) کبی اعظم دخی داخلدی . (ابومسلم) دولت عباسیه نک تأسیسه قلیجی ایله نصل خدمت ایتمش ایسه (ابوسلمه) دخی ثروت و سامانیله اوله جه خدمت ایلدیکندن (ابو مسلم) ه (امیر آل محمد) دینلیدیکی کبی دیکرینه ده (وزیر آل محمد) اطلاق اولنوردی . فقط (سفاح) ابو سلمه نک عدم صداقتی ، علویله میانی (ابومسلم) ه سوبلینجه ابو مسلم انک قتلنه لزوم کوسترمکده تردد ایتماش ایدی . بونک اوزرینه (ابوسلمه) قتل اولندیغی کبی اطرافده بولنان مأمورلری ده اعدام ایدلش ایدی .

(ابو مسلم) دن اول دولت عباسیه نک اک بیوک مظاهر لرندن اولان (سلیمان بن کثیر) حقنده دخی عین جزا ترتیب اولنش ایدی . (سلیمان) محترم بر اختیار ایدی . دولت مشارالیه انک تأسیسه هر درلو فدا کارلقلری



ابرازدن چکنامش ایدی . ( ابو مسلم ) ابو سلمه یی قتل ایتدیردکن صکره مومالیهکده عین فکر وحسیاتده بولندیغنی استخبار ایلیه رک نزدینه چاغرمش ، کندیسنه : « هرکیمک صداقتدن شبهه ایدر ایسهک انی اعدام ایت دییه امامک بکا ویرمش اولدینی اوامری درخاطر ایدیورمیسک ؟ » سؤالی توجیه ایتمش ایدی . بیچاره اختیار بو خطابدن فنا حالده اورکهرک : « الله ایچون اولسون مرحمت ایدیکز » دیمش ایسهده ( ابو مسلم ) : « خیر ، سن بو دولته صادق دکلسک » دییه رک هان انی اعدام ایتدیرمش ایدی [۱] . ایچلرنده بر طاقم امرا و سردارلر داخل اولدینی حالده بواغورده شیعه نک غیرین اعدام اولنانلر ایسه بشقه ایدی . ( ابو مسلم ) بونلرک بعضلرینی حیلله ایله ، بعضلرینی ده آچقندن آچیغه برطرز غدارانه قتل ایتمش ایدی که ( کرمانی ) نامیله معروف اولان مشاهیر رؤسا وجنک آوراندن ( جدیع بن علی ازدی ) ایله مخدوملری ومعیتی کبار رجالی ودها پک چوق خلق او جلهدن ایدیلر [۲] . ( ابو مسلم ) او قدر چوق خونریزلیک ایتمش ، او قدر چوق قان دوکش ایدی که آرتق خلق انک ظالمانه افعالنندن ، افراط ایله قان دوکلندن اوصانمش ایدی . کندی آدملری دخی داخل اولدینی حالده ( ابو مسلم ) ، کوروشمک ایچون ، هر هانکی کیمسه یی نزدینه چاغیرسه ، او آدم ، عائله سته وصیتی یاپه رق ، کفنی حاضر لایه رق کیدردی . عباسی سردارلردن بوخونریزلیکی چکه مین بعضلری : « ایله قان دوکولسون ، حق سزلق یاپلسون دینه آل محمد عرض اطاعت ونصرت ایتدک » دییه رک اعلان عصیان ایتمش وانلره اوتوز بیک آدم التحاق ایش ایسه ده ( ابو مسلم ) بونلره قارشی بر قوه عسکریه کوندردک جمله سنی تلف ایتدیرمش ایدی .

### متصور دولت عباسیه

ایشته ( ابو مسلم خراسانی ) بو وامثالی اجراآت ایله عباسیلره تأمین خلافت ایتمش ایدی . مومالیه اولاه خلافتی امویلردن اهل بیت نجیه نقلنه مظاهرت ایتمش ،

[۱] ابن الاثیر ۲۰۸ ج ۵ [۲] ابن الاثیر ۱۸۳ ج ۵


متعاقباً (ابوالعباس سفاح) ده بیعت و بی امیه ملوکنک صوکنجیسی اولان (مروان بن محمد) ک قتل ایه اکتفا ایتمه‌رک امویلردن بر حیات قالانلرک قتلنه دخی ، اغرا و تشویق و یا تهدید و تحویف اجرایی و یا خود لسان شعرانک واسطه اتخاذهی صورتیه ، عباسیلری مجبور ایلش ایدی . (عبدالمملک) ک حفیدی (سلیمان بن هشام) ، سفاحک امان ، التفات واکرامنه مظهر اولدیغی ، سائر امویلرده امان ویرلدیکی حالده شاعر مشهور (سدیف) ده ، (سفاح) ک حضورنده امویلرک قتلنه تشویقاتی متضمن اولان :

لا یغرنک ماتری من رجال ان تحت الضلوع داء دویا  
فضع السیف وارفع السوط حتی لاتری فوق ظهرها امویا

بیلرخی سولتدیرن ، (سلیمان) ک قتلنه سبب اولانک بالذات (ابو مسلم) اولدیغی روایت اولنور . کذلک برکون بی امیه‌دن یتمش قدر ذات (سفاح) ک مجلسنده بولنور ایکن دیکر بر شاعر حضوره کبردرک او بولده صرف ایتدیکی بر قاج لفظ موزون ، بو امویلرکده درحال کافه قتللری ، اوزرنده قتل اولندقلری مندرلرک آلتنه آغلری ، (سفاح) مقتولینک جشه‌لری اوزرینه اوطوره‌رق اینن مختصرانه‌لرخی ایشیتدیکی حالده یمک یمسی کی فجع وخونریز بر صحنه‌نک وقوعنه کفایت ایتمش ایدی [۱] . مع‌هذا بو امویلرک قتل بی امیه حقنده شدت عداوت وانتقامجولنی ایه مشهور اولان سفاحک عمجه‌سی (عبدالله بن علی) نک تشویقاتی ایه وقوع بولدیغی ده مرویدر . فقط هر حالده شوراسی محققدرکه کچن عصر میلادینک اوائلنده مصرده کوله‌منلر نصل اتلاف ایدلش ایسه بو امویلرده امانه مظهر اولمش ایکن ۱۲۲ سنه هجریه‌سنده غدر و عهد شکنک ایه قتل اولمش ایدی .

شاعر (سدیف) ، امویلرک قتلنه ، عباسیلری سودیکی ایچون دکل ، آنجق امویلردن نفرت ایتدیکی ، آل علی نامنه انتقام المق ایتدیکی ایچون واسطه اولمشدی . چونکه شیعه علویه‌دن ایدی . خلافتک ایکی خاندان آره‌سنده شوری اوله‌جغنی امید ایدیوردی . مومالیه بالآخره (منصور) ک ، خلافتی

بستون کندی نفسہ و خاندانہ حصر ایتدیکنی کورنجه ، عباسیلرده دشمن  
کسلمش ، انلری ده برطاقم اشعار ایله ذم و قییح ایتدیکه باشلامشدی . ( منصور )  
بو هجویاتدن خبردار اولنجه ( سدیف ) ك دردستی ایله دیری دیری دفن



هندستانده اغره شهرنده هند - ایران - عرب طرز معمار یسنده انشا ایدلش  
اولان ( تاج محل ) ترهسنگ داخلی

ایدمك اوزره حیاته خاتمہ چکمنی والیسنه یازمش ، والی ده تلقی ایتدیک  
امروجه ایله شاعری اعدام ایشدی [۱] .

[۱] المقدالفرید ۲۲ ج ۳

عباسیوں قبضہ امانلرندہ بولنان امویوںی اتلاف ایستدکن صکرہ سائر یرلرندہ بولنان امویوںی ده استیصالہ صرف غیرت ایتمشلردی . عباسیوںک تیغ انتقامندن پک آز اموی تخلص جان ایدہ بیلمشدی . قورتوله بیلنلرک اک نامداری ( عبدالرحمن بن معاویہ بن هشام ) ایدی که مشارالیه ، ایلریده کوروله جکی اوزره ، اندلسه فرار واوراده بنی امیه دولتی تأسیس ایتمشدی . امویلردن اثر برامامق مأموریتنی سفاحک عمجہسی ( عبدالله بن علی ) درعهده ایتمش ایدی که مشارالیه آل علی ائمہ بنی و بالخاصہ ( زید بن زین العابدین ) حقندہ اولجہ روا کورولن مظالم امویہنک انتقامنی آلمق اوزره امویلرک مزارلرینی قازمق ، جسدلردن باشلری کسمک درجہ سنہ قدر تنکیلاتده ، وحشده پک ایلری کیتمش ، ملوک امویہدن ( هشام بن عبدالملک ) ک هنوز چوروماش اولان جہسنی ، مزاردن چیقارہ رق ، جسده سکسان دکنک اوردوردقن صکرہ یاقش ایدی [۱] .

( منصور ) امویلرک ازالہ وجودینہ موفق اولدقن صکرہ ، ( ابومسلم ) بتون غیرتی ، خلافتی سائر عباسیلردن واو جلهدن اولوب خلافتہ کوزدیکن آنف الذکر ( عبدالله بن علی ) دن تخلص و ( منصور ) حصہ صرف ایتمش ایدی . ( عبدالله ) کندی نفسی ایچون استحصال خلافت داعیہ سیلہ اعلان عصیان ایلدیکندن ( ابومسلم ) منصورک امریلہ اکا قارشی حرب ایدرک غالب کش ، اردوسنده بولنان ارزاق ، غنائم واسلحہ بنی ضبط ومصادره ایلش ایدی . ( منصور ) بوصورتله عباسیوںک رقابتی ازالہ یه موفق اولنجه حضرت حسن خاندانک ده ازالہ رقابتہ حصر مساعی ایتمک ایستہ مش ایسهده ( ابومسلم خراسانی ) نک دولته پک بیوک بر موقع وننوذ صاحبی اولدیغنی نظر دقته آله رق بوسفر مومالیهدن قورقعه باشلامش ، علویلر ایله اوغراشه بیلماک ایچون اول امرده بو آدمک ازالہ وجودینی ضروری کورمش ، ابو مسلمی دولتی عباسیوںک لندن آلمق تهمت ایلہ اتهام ایدرک ( ابراهیم امام ) ک : « هرکیمک صداقتندن شبهه ایدرایسهک انی قتل ایت » یولنده موقع تطبیقه قونولان اوامرینہ توفیقاً کندیسنی قتله مستحق بولمشدی .



(منصور) برادری (ابوالعباس سفاح) زمانندہ بیلہ (ابومسلم) دن احتراز  
ایتمکہ باشلایہ رقی لزوم قتلنی دوشونمش ایدی . فقط برادری بو ایشہ تشبث  
ایدلمسنی موافق کورمامشدی . (سفاح) وفات ایدوبده انک یرینه (منصور)  
مقام خلافتہ کلنجہ انک اول (ابومسلم) ک قتلنی تصمیم ایتمش ایسده او صرده  
عمجہ سی (عبدالله) طلب خلافتہ قیام ایلدیکندن مومالیہی عمجہ سیلہ محاربہ ده  
استخدامہ مجبور اولمشدی . (منصور) ابومسلمی عمجہ سی (عبدالله) ک محاربہ سنہ  
مأمور ایتمکہ ایکی دشمنی بریرینه مسلط ایتمش بولنیوردی . بونلردن هانکیسی  
مقتول اولورایسہ دیکری تک بردشمن قاله حق ، انک قتلنی آرتق قولایلاشمیش  
اوله جقدی . ابو مسلم (عبدالله بن علی) ایله محاربہ بی ختامہ ایردیرنجہ (منصور)  
شرحی تطویل مقاله باعث بر صورتله مومالیہی (خراسان) دن نزدینہ کتیرمش ،  
برده لر آرقه سنده مسلح آدملر قویدینی حالده کندینسی پک امین ومطمئن بر  
زائر کی حضورینه قبول ایتمش ، اوسته لقاہ قلیجی کندینسندن آلمش ، کندیمی  
ایله قونوشه رق اولا معاتبہ ، صکرہ توبیخ طورینی طاقمش ، متعاقباً وقت  
معین کلدیکی زمان اللری بربری اوزرینه اورمش ایدی . پرده آرقه سنده  
اشارته منتظر اولان مسلح آدملر همان میدانہ حیقہ رق ابو مسلمی اتلاف  
ایتملردی (۱۳۷ هـ) . (منصور) ابومسلمک جسدمقتولنی بر کلیمہ صاردیردقندن  
صکرہ خواص رجالندن بمضلرینی نزدینہ چاغیره رق مومالیہی قتل ایتدیکنی  
انلره حس ایتدیرمکسزین قتلنی حقنده فکر ومطالعہ لرینی صورمشدی .  
اوذواتدن بری : «اگر باشندہ بر قیلہ طوقونوبده حرص انتقامی او یاندرمش  
ایسہ ک هر حالده اصلا میدان ویرمیه رک انی قتل ایتلمسک» مطالعه سنده بولمش  
ایدی . بونک اوزرینه (منصور) کلیمی آچیدیرمش ، او یولده بیان مطالعه  
ایدن ذات ابومسلمک فی الحقیقه اعدام ایدلمش اولدیغنی کوزیاه کورنجہ  
(منصور) ه : «بوکونی دور خلافتکک ایلک یوم حقیقینی عد ایتلمسک»  
دیش ایدی [۱] .

(منصور) بو صورتله (ابومسلم) ک ایشنی بیتیرنجہ انی اعدام ایتمکہ بیوک  
بر تهلکہ قیوسنی آچدیغنی نظر تامله آلہ رق آدملرندن و طرفدارلرندن بر  
حرکت وقوع بولمسنه منتظر اولمشدی . فی الحقیقه چوق زمان کچمدن ابو

مسلمك طرفدارانیدن (راوندیه) نامیله معروف برکروه (منصور) ه قارشى  
 براختلال چیقارمشلردى . بوشورش ائناسنده مشاهیر رؤسادن (معن بن  
 زائده) یتشوب مدافعه ایتامش اولسه ایدی (منصور) ك حیاتی بیوک بر  
 تهلكهده بولنهجقدى . (منصور) بو وقعهده (راوندیه) دن اولان بتون  
 ارباب شورشى استیصاله موفق اولمش ایسهده دیگر براختلالك ظهوریله حیاتك  
 تهلكیه معروض قالمیجغندن امین اوله‌مدیغندن اوکی وقایعك ظهورنده بر  
 ملجأ مستحکم تشکیل ایتك اوزره (بغداد) شهرینی انشا ایتدیرمش ایدی .  
 متعاقباً خلافتی خاندان علویدن بسبتون قورتارمغه تشبث ایدرک عسکر سوقی  
 ایله (محمد بن عبدالله) ى قتل ایشدی . مشارایله بر طرفدن علویلر ایله  
 اوغراشیر ایکن دیگر طرفدن از جمله عمجه‌سی عبدالله داخل اولدینی حالده  
 عباسیلردن دخی خلافته کوز دیکنلر بولندیغنی کوردرک بونلرکده ازاله  
 رقابتلرینه لزوم کوریوردی . (ابو مسلم) هر نه قدر مشارایله عبداللهه  
 غالب کلمش ایسهده قتلنه موفق اوله‌مامشدی . (منصور) مشارایله امانی  
 حاوی بر نامہ‌یی حاملأ ایکی اوغلانی اکا کوندرمك حیلہ‌سیله نزدینه کتیرمکه  
 موفق اولنجه حبس‌خانه‌یه آتمش ایدی . متعاقباً عمجه زاده‌سی اولوب کوفهده  
 والی بولسان (عیسی بن موسی) نكده احراز خلافته طالب وقریبأ اعلان  
 عصیانه عازم اولدیغنی صورت خفیہ و محرمانهده آکلادیغندن ایشی بیلمه‌مزلیکدن  
 کلهرک خواص رجالدن مکتوم طوتدیغنی بر طوزاغه دوشورمك ایچون کندی‌نی  
 نزدینه جلب ایتمش ، وصولنده اکا فوق‌العاده التفات و توجهده بولمش ،  
 حضورده بولندیغنی زمان موجود اولان بالجمله رجال دولتی خارجه چیقاردرق  
 انك ایله یالکز قالنجه : «ای عمجه زاده ! سنکله اویله بر ایش ایچون  
 کوروشه‌جکم که انی یاپه‌بیله‌جک وبکا بو خصوصده معاونت ایده‌جک سندن  
 یشقه کیمسه بوله‌میورم . سنک دوام اقبالک تم بقای خلاقم ایله قائمدر . شو  
 حالده ایکیمزکده موقعمزی تأیید و تحکیمه خادم بو خصوصك اجراسنده سکا  
 کاملاً اعتماد ایده‌بیلیرمیز ؟ » دیه صورمش و (عیسی) : «امیر المؤمنینك  
 قولییم . هر نه امر ایدر ایسه اجراسنه حاضرم » جوابی ویرمش ایدی .  
 منصور : « او حالده نی دیکله . عمجه‌مز (عبدالله) ك حمزمده اولان حسن

نیتی بوزولمش.. اوله خائنه تشبثانده بولنیورکه اعدامه چوقدن مستحق اولمشدر. وجودینی ازاله ایتمز ایسهك دولتمز ایچون راحت یوقدر. انی برابر آل. کوفیه کوتور. صکره کیزلیجه اعدام ایت « مطالعه سنده بولنش ایدی. (عیسی) امر واقع اطاعت ایده چکنی تأمین ایلدیکندن عمجه سی ( عبدالله ) کندیسنه تسلیم اولنش، برابر آلوب کوفیه کوتورمش ایدی. ( منصور ) بوايشده پک غدارانه بر مقصده خدمت ایدیوردی. عمجه سی ( عبدالله ) ی عمزاده سی عیسیاه قتل ایتدیره چکدی. صکره ویردیکی امری انکار ایده چک، عیسیای قاتل عد ایله چک، ارتکاب ایتدیکی جنایتهمقابل قتل ایدمک اوزره ( عبدالله ) ک برادرلری اولان عمجه لرینه انی تسلیم ایده چکدی و بو حیلله ایله ایکی رقیبکده وجودینی اورتدن قالدیره چقدی. ابراهیم امام طرفندن شک وشبه اوزرینه آدم اعدامی حقنده و قتیله وضع اولنان اصول خلق آره سنده حقلی، حقسر برچوق اتهامه، برچوق جنایاته وسیله اولور ایکن ( منصور ) طرفندن ( عبدالله ) ک قتلنه دائر بوصورتله صادر اولان امر عیسیای تردده دوشورمش، ایشده فنا بر مقصد تعقیب ایلدیکی کندیسنه حس ایتدیرمش ایدی. بونک اوزرینه عیسی، اخلاق لرینه، اصابت فکریه لرینه اعتماد ایتدیکی بعض ذوات ایله بو خصوص حقنده استشاره ده بولنش وعاقبتک پک وخیم اوله ییله چکنی متضمن تلقی ایتدیکی نصیحته بناء عمجه سنک قتلندن چکینه رک یالکنز انی حبس ایله اکتفا ایتمش ایدی. بر مدت صکره، ( منصور ) قوردینی پلانک اجرا آتته باشلامق ایستر. عیساندن عمجه سنک تسلیمنی طلب ایدر. عیسی عبداللهی حیاً تسلیم ایدنجه ( منصور ) هر نه صورتله اولور ایسه اولسون ازاله وجودینی لازم کوردیدی عمجه سنی تملی طوز اوزرینه قورولمش بر اوطه ده اعدام ایلر [۱].

( منصور ) کندی نفسی ایچون تأمین حاکمیت ایتمک مقصدیله قوللاندینی بو کبی حیلله و خدعه لرک، ارتکاب ایتدیکی شدت وخوزیرلکلرک پک چوق امثالی واردر. عمجه سی ( عبدالله ) حقنده یاپدینی کبی امان ویردکن صکره نکث عهد ایدیوردی. او کبی برعه ده شکنلکی ( واسط ) ده بنی امیه والیسی بولنان ( ابن هییره ) حقنده دخی روا کورمش ایدی. ( سفاح ) احراز بیعت ایدنجه برادر ی ( منصور ) ی موما الیهک محاربه سنه کوندرمش ایدی. ( منصور ) ایله ( ابن هییره ) آره سنده مذاکرات ومخابرات جریان ایتمش، ( ابن هییره ) نک

عباسی‌لر طرفدن امانه مظهریتی تقرر ایلهرک (منصور) طرفدن کندیسنه برامانامه تسطیر ایدلمش ایدی. (ابن هییره) امانامه‌یی آلمش ایکن ینه اکابر درلو امنیت ایدهمدیکندن قرق کون بو امانامه حقنده علما ایله استشاردهده بولمش وصحته قانع اولنجه قبول ایدرک امضا اولمق اوزره (منصور) ه اعاده ایش ، (منصور) ده (سفاح) دن آلدیغی مأذونیه بناءً امانامه‌یی امضالامش ایدی. (منصور) ابتدالرده بو امانامه‌نک احکامنی محافظه ایتک ، عهد شکنلکده بولنماق ایستیوردی. لکن (اوصردهده برحیات بولنان) ابو مسلم ایشه قاریشه‌رق : «دوزکون بریوله طاش قورسه‌کز مرور وعبور کوچلشیر. (ابن هییره) بریوله طاش اولدقجه اویول امین وایی بریوک اوله‌ماز» مطالعه‌سنده بولمش ایدی. (ابن هییره) امانی احراز ایدرک (منصور) ک نزدیک کلدیکی حالده عهد شکنک ایله قتل ایدلمش [۱] وبوخصوصده ینه «شک وشبهه اصولی» دائره‌سنده تطبیق حرکت اولمش ایدی. کذلک اولجه کورلدیکی اوزره‌بالذات (ابو مسلم) ه دخی امان ویرلمش ایکن «شک وشبهه قانونی» نه تطبیقاً بونک ده اعدامندن چکنلماشدی. (منصور) ک عهد شکنکی عموم آره‌سنده پک بیوک برشهرت آلمشدی. خاندان علویدن (محمد بن عبدالله) ده اول ذکر ایتدیکمزوجه ایله استحصال خلافته قیام ایلدیکی زمان (منصور) قیام واقعدن قورقه‌رق مشارالیه امان ایله برابر بعض منافع تکلیف ایتش ایدی. محمد : «عجبا هانکی امانی ویره‌جکسک؟ (ابن هییره) یه، عجه‌ک (عبدالله) ه، (ابو مسلم) ه ویردی‌کک امانلر کبی می؟» جوابی یازوب (منصور) ه کوندرمش ایدی [۲].

کرک (ابو جعفر منصور) ، کرک (ابو مسلم) طرفدن تأیید حاکمیتده استعمال اولان حیله وخونریزک انلردن صکره موقع اقتداره کلن خلفای عباسیه طرفدن دخی مابه‌التطبیق برقانون حکمنده استعمال ایدلمش ایدی. مع هذا بو شدتلی وعهد شکنانه اجراآت حاکمیتده انلره قارشی رقیب طوران ذوات حقنده تطبیق اولنیوردی. حال بوکه عباسی‌لرک سائرلره قارشی اولان اجراآت ومعامله‌لری ایلریده کوروله‌جکی اوزره صوک‌درجه‌ده حقانیت وعدالت



دائرہ سندہ وقوع بولوردی. استحصال خلافتی قورانلر، یاخود انلرہ معاوت ایدنلر غیر قابل عفو بیوک بر مجرم عد اولنور، حیاتلری دائماً تہلکہ دہ بولنوردی. بولنردن ہرکیم نزد خلیفہ چاغیریلیر ایسہ کندینی اولومہ محکوم عد ایدرک کیتمدن اول موت حاضرقلرینی یاپاردی.

(منصور)، اندلسدہ دولت امویہ نی تأسیس ایدن (عبدالرحمن بن معاویہ) ایچون دخی مابہ الاقدا بر مثال تشکیل ایتمش ایدی. (عبدالرحمن) اولومدن قورتولمق اوزرہ عراقدن فرار ایدرک شام و آفریقا طریقہ اندلسہ داخل اولمش ایدی. اورایہ واریر وارماز کندیسینہ صادق اولان آدملرینک وبالخاصہ (بدر) نامندہ بولنان بر آزادلیسنک مظاهرت ونصرتلرینہ مظهر اولمش، (ابومسلم خراسانی) دولت عباسیہ نک تأسیس نہ نسبتدہ بیوک بر خدمتدہ بولنمش ایسہ (بدر) دخی (عبدالرحمن) ہ استحصال حاکمیت یولندہ او نسبتدہ بیوک بر خدمتدہ بولنمش ایدی. فقط (عبدالرحمن) موقع اقتدارہ کلیر کلز (بدر) ک بتون اموالی ضبط و مصادرہ، کندیسینی خپس، متعاقباً نفی وتبعید ایتمش ایدی. (بدر) صوک دم حیاتنہ قدر مفادہ قالمشدی. (عبدالرحمن) عین معاملہ نی کندیسینہ مظاهرت ایدن فرقہ رؤسای حقتدہ دخی روا کورمش ایدی. بو بابدہ ایلریدہ معلومات ویرہ جکز.

خلفای عباسیہ تأسید حاکمیتدہ مظاهرت ونصرت ایدنلرک دوچار اولدقلری سوء عاقبت وخونریزلک او قدر شہرتکیر وزبازرد اولمش ایدی کہ خلفا دخی لزومندہ انی سویلکدن چکنمز لردی. خلفای عباسیہ نک آلتنجیسی اولان (امین) دولت عباسیہ سردارلرندن (طاہر بن حسین) ک (مأمون) ہ مظاهرتدہ پک فدا کارانہ بر یول طوتہرق خراسان اردوسنک قوماندانلغی درعہدہ ایلدیکنی، (امین) ک عسکری غلوب ایلدیکنی، دولتک زوانہ رمق بر اقدیغی کورنجہ کندیسینہ بر نامہ کوندرہ رک خلفای عباسیہ نک تأسید خلافتنہ ہرکیم بیوک بر فدا کارقلہ مظاهرت وصادقانہ خدمت ایتمش ایسہ قتل واعدامدن بشقہ بر مکافات کورمیدیکنی، بناء علیہ یا اولیہ بر عاقبتی کوز اوکنہ آلہرق صرف مساعیدہ دوام، یاخود بو طرفدارلانی ترک ایتمنی لازم

کله‌جکئی حاوی بر مکتوب یازوب کندیسنه . کوندرمش ایدی [۱] . فی‌الواقع (مأمون) موما ایه طاهرک سیف مظاهرت وفدا کاریسی ایه زمام خلافتی بستیون اله آنجه ابومسلمک قتلده منصور طرفدن توسل اولنان عین سبب وبهانه ایه اعدامنه چالیشمش ، تربیه کرده‌سی اولان برکوله واسطه‌سیله ائی تسمیمدن چکنامشدی [۲] .

## عباسی‌لرک رعایا حقه‌ده کی طرز سیاستلری


### ایرانی موالی

دولت عباسیه ، او میانه موالی ، غیر مسلملر داخل اولوق اوزره ، ایرانیلر وسائرک مظاهرتلریله تأسیس ایتمش ایدی . بونلر بی امیه دولتندن پک دلکیر اولدقلرندن اندن انتقام آلق مقصدیه اهل بیته نصرت ایشلردی . عناصر مذکوردهک اله مهچی ایرانیلر ایدی .

### اسلامیتدن اول ایرانیلر ایه عربلر

ایرانیلر ، سیاست و حاکمیت صاحبی اولوب تالاسکی زمانلرده دولت تشکیل ، خلقی اداره ، قوانین و نظامات وضع ایتشلردی . حاکمیت ودولتلی ، شان وشوکتلی اوقدر بیومش ایدی که یونان و روما حکومتلی کی جهان قدیمک الک بیوک ایکی دولتیله محاربات متوالیده بولمشلر ، بر چوق بیوک قوماندانلر ، علما ، حکما یتیشدیرمشلر ، علوم وفلسفه قدیمه‌نی کندی . لسانلرینه ترجمه ایشلردی . فی‌الحقیقه ایرانیلرک تاریخک قرون اولاسنده ، اشغال ایتدکلی موقع بیوکدی . سلاله حاکملردن ، دهاقین واساورده‌دن ماعدا ایران حیات سیاسیه‌سنده بر طاقم خاندان عائللر کسب شهرت ایتمش ایدی که بونلرک الک مشهوری یدی خاندان ایدی . مصر فرعونلری ، یونانیلر ، رومالیلر وسائره نصل نقوش کتابیه ترک ایتشلر ایسه اسکی ایرانیلرده اسکی پایتختلری اولان (اصطخر) شهرینک وسائر مدن قدیمه‌لرینک خرابه‌لری اوزرنده مدینتیلرینی ، شان وشوکتلرینی کوستیراوکبی نقوش کتابیه براقشلردر .

فارس ممالکی داخلندہ حدود اوزرنبدہ عراق و جزیرہ نیک بین النہرین اراضی سندہ بر چوق عرب قبائلی موجود ایدی کہ بونلر ایرانلیلرک حمایہ سی آلتندہ اولہرق بر عرب حکومتی تشکیل ایتشلردی . بو حکومت مرکز ادارہ سی (حیرہ) شہری اولان (آل مندر) ، یاخود (منادرہ) حکومتی ایدی .



سیچلیادہ زیزہ نیک عرب قصرینک داخل

بو مناسبتہ بناء ایرانلیلر ، حتی پادشاہلری بیاہ ، علی اکثر عربجہی اوکرنمکدن ، عربی شعر تنظیم ایتمکدن چکنمزلردی . روایتہ کورہ ملوک فرسدن ( بہرام بن یزدجرد بن سابور ) جرہ دہ بیومش ، عربجہی اوکرنمش ، عربی شعر

نظم ایتمش ایدی [۱]. ایرانلیلر کنندی دیوانلرنده کتابت ، یاخود —  
 باخصوص ( کسری نوشروان ) دورنده یمن قطععه‌سی ایرانلیلرک حاکمیتی  
 آلتنه داخل اولدقدن جنکده — حجاز ، یمن ، نجد عربلردن کسیرانک  
 نزدینه کلنلرایله کنیدیلری آردسندده ترجمه وظیفه‌لرنده عربلردن مأمور استخدا  
 ایدرلردی .

ایران دیوانلرنده استخدام اولنان عرب کتابتک الک مشهورلری مضریلردن  
 ( عدی بن زید ) عابله‌سی ایدی . او ضررلرده عربلردن یازی یازدیلر  
 یک نادر ایکن کرک مومالیسه عدی ، کرک پدر و جدی الک ماهر ارباب  
 قلمدن ایدیلر . ( عدی ) نک بیوک پدری ( حماز بن زید بن ایوب ) حیره ده  
 ملوک نمازده دن ( نعمان ) ک کاتبی ایدی . بو وسیله ایله ایرانلیلر نزدنده خاطرلی  
 بر موقع صاحبی اولمش ایدی . اوغلی ( زید ) ی ، کوچک بر یاشدده ایکن ،  
 دوستلردن و فرس رجال دولتندن بر دهقانک دست حمایت و وصایتده تودیع  
 ایتدی . ( زید ) دهقانک اعتناسی سایه‌سندده ایکی لسانی ، یعنی عربی و فارسی‌نی مکمل  
 اوکرندی . دهقان ، تربیه کرده‌سی اولان کنجک اقتدارینی کوردلرک ( زید ) ، مأمور  
 ایدلمسنی کسران استرحام ایتدی . حال بوکه ایران دولتنده بو مأموریتده مرارته  
 زاده‌لردن بشقه کیمسه نائل اولمازدی . ( زید ) بو مقامی اشغال ایتدکدن  
 جنکده یارارلق واققدار کوستردی . دولتنده او قدر بیوک بر مقام صاحبی  
 اولدی که کسری بیله مهمامور دواتنده کنیدیسی ایله استشاره ایدردی . موما  
 الیه ( عدی ) نامنده بر اوغله مالک اولمش ایدی . انی مکمل بر تربیه ایله  
 بیوتدی . اساوره زاده‌لرکی اکاسلاحشورلنی ، اسب‌سوارلنی اوکرتدی . کسری  
 ( عدی ) نی معیتده آلدی . ( مرائن ) ده دیوانسده کاتب یاپدی . ( عدی )  
 یاواش یاواش بیوک بر نفوذ صاحبی اولدی . ( کسری ) انی خواص  
 رجالی ایله برابر حضورینه قبول ایدیور ، مهم مسائلک حلی ایچون روم  
 حکمدارینه بر هیئت مخصوصه اعزام ایتک ایستدجه انی برابر کوندربییور ،  
 عربلر ایله ایرانلیلر آردسندده مناسبات مختل اولوبده عربلر طرفندن عصیان  
 وقوع بولدقجه انی اصلاح بینه مأمور ایلور ، ( حیره ) ده کی عرب امیری  
 وفات ایتدجه ده کنیدیسی ایله استشاره ایلکسزین انک . یرینه خلف تعیین



ایتموردی . حیره ملوکی ، یملی ، (عدی) ایسه مضری اولدقلرندن مومالیهک بوقدر بیوک بر نفوذ صاحبی کسلمسی حیره ملوکنک نأرؤ حسدینی اشعال ایلشدی . حقنده ایقاع ایتدککری مفسدتلر نتیجه سنده نهایت (عدی) کسری طرفندن اعدام ایدلدی . مومالیهکن صکره یرینه اوغلی (زید) کسری طرفندن عرب ملوکنه اصدار اولنان محررات کاتبکنه و خاصه مستشارلغنه تعیین اولندی . عربلر هر سنه کسرایه معین بر ویرکی ویردکلرندن بونک وسأئرؤنک نظارتی (زید) ه تودیع ایدلش ایدی [۱] .

والحاصل عربلر بعدالاسلام دولت تشکیل ایتدککری زمان ایرانلیلر عربلرک خدمتده فصل بولمشلر ایسه ایرانلیلرده قبلالاسلام دولت صاحبی اولدقلری زمانلرده عربلر انلره خدمت ایتمشلردی . کذلک عربلر بالآخره صاحب حاکمیت و سیادت اولنجه غرور ملتپرستانده فصل ایلری کیتدیلر ایسه ایرانلیلر دخی اسکی دور اقبال و اعتلالرنده عین غرور ملتپرستانه و متحکمانه یه زبون اولمشلردی . کندیلرینی حر ، اقدی ، اقوام سأئرؤ افرادینی ایسه کوله واسیر عد ایدرلردی . مقام حاکمیتی احرازه موفق اولدقلر صکره شأبؤ غرور و تحکمه دوچار اولان و اقوام سأئرؤنی دون کورن ملتله بوکی بر حال دأئاً عارض اولمشلر .

بالآخره اسلامیتک ظهوریه دولت اکسره یرینه خلفای راشدین دولتی قائم اولنجه بو انقلاب ایرانلیلره - باخصوص بنی امیه دن کوردککری تضییق و تذلیلدن صکره - پک کران کلش ایدی . ایرانلیلر هر فرصتده دولت امویه علیه اعلان عصیاندن کیری طورمازلردی . امویلر ارباب عصیانه قارشی عسکر سوق ایدرک تأدیب و تنکیللرند . پک ایلری کیدرلر ، انلری هر درلو ظلم و اعتسافه لائق کوررلر ، شهرلرینی منجنیقلر ایله دوکرلر ، اهایلسنی قلیچدن کچیرلرلردی . بوتکیلات نتیجه سنده (اسطخر) ه التجا ایدن ایران خاندانلرینک قسم اعظمی ایله اعیان اساوره نک اکثری اتلاف ایدلش ایدی [۲] . بودرجه افنای حیاتنه کیدیلن بر عنصرک آرتق دولت عاصیلرینه متادیاً بر عنصر التحاق تشکیل ایتسی پک طبعی ایدی . مع هذا اولجه ویردیکمز ایضاحاتدن آکلاشلدینی اوزره ایرانلیلر عباسیلرنامه وقوع بولان قیامدن بشقه هیچ بر عصیانده موفق

اولما مشلردی . عباسیلره مظاهرت ایتلری ده یالکزامویلرک ظلم واعتسافندن ، نصیبت عربیه نك تحکم تفوقکارانه سندن قور تولق ایچون دکل ، بلکه کافي السابق کندی عنصرلینه استرداد حاکمیت ایچون ایدی .

.والی فرسك امور دولته استخدای

عباسیلر ازمه سلطنتی اله کچیرنجه پایتخت دولترینی عراقده کندی طرفدارلری آرمسندہ اتخاذ ایدرک اولاکوفدهده ، بعدہ هاشمیہ ده اقامت ایشلر ، بالآخره ( منصور ) طرفندن دجله نهری اوزرنده بغداد شهری تأسس ایدنجه بوراسنی مقر خلافت اتخاذ ایتشلر ، کندیلرینه ظہیر اولان ایرانیلری ، بخصوص خراسانیلری وبالخاصہ ( ابو مسلم خراسانی ) نك معیتندہ ناملرینه استحصال خلافت اغورنده فداکارانه خدمتده بولنان آدملری سزاوار اعتماد وتلطیف کوردرک بولری کندی معیتلرنده ومناصب مهمه دولته استخدامده تردد ایتما مشلردی . دولت عباسیہ ده مناصب عالیہ اشغال ایدن ایرانیلرک مشہوری وزرای برامکدنک جدی ( خالد بن برمک ) ایدی . مشارالیه ( ابو مسلم ) ک معیتندہ حرب ایدن اردو قوماندانلرندن اولوب محاربات واقعه نك جمله سنده حاضر بولمش ، اهل بیتہ مظاهرتده بیوک بر بسالت وبارارلق کوسترمش ایدی . انک پدری بلخ مجوسیلرندن اولان ( برمک ) شهر مذکورده ( نو بہار ) نامیلہ شہر تیاب اولان بر آشکده نك متولی وناظری ایدی . کرک کندیسنی ، کرک اوغللری بو عبادتخانہ نك ساداتی ایله کسب شہرت ایتشلردی . ( برمک ) ایرانیلر آرمسندہ بک بیوک بر مقام صاحبی ایدی . اوغلی ( خالد ) قبول اسلامیت ایله رک ( ابو مسلم ) ک معیتندہ عسکرلک ایتدکدن صکرہ عباسیلره انتساب ایش ، عقل وحزم صاحبی بر آدم اولدیغندن انلرک جلب امنیتنه موفق اولمش ، ( ابو مسلم ) کبی نائره احتراز وانتقاملرینی اشعاله میدان برامامش ایدی . ( سفاح ) خالده کوردیکی درایت واقداره بناء کندیسنی وزیر ( صدراعظم ) تعیین ایتدیکی کبی مشارالہدن صکرہ مقام خلافتہ کلن ( منصور ) دخی ینہ کندیسنی وزیر اتخاذ ایش ایدی . ( ابو مسلم ) ک قتلندن صکرہ فارس ممالکنی استیلا ایدن کردلر ایله اجرا اولسان محاربه اثناسندہ خالد

۱) (منصور) ه حسن خدمتده بولمیش ایدی [۱]. مشارالیه دن صکره وزارت انک اولاد واحفاندنده توالی ایدرک اولا اوغلی (یحیی) یه ، بعده اوغلیک اوغلی (جعفر) ه انتقال ایتیش وایلریده بیان ایده جکمز اسبا بدن طولای بی برامکدنک منکوبیتی بو صوکنجی ذاتک زمان وزارتنده وقوع بولمیشدر .

عباسیلر کندی معیت خاصه لرنده دخی ایرانلیلری استیخدا مه رغبت ایتیشلردی . ایرانلی موالی وغلما نی معیت خاصه سننده ومهام امورنده ال اول استخدام ایدن خلیفه عباسی (منصور) ایدی . مشارالیه بونلری عمر بلك فوقده طوتمش ایدی . کندیسندن صکره کلن خلفا - دولت عربیه نك سقوطنه قدر - بویولده اکاپیرو اولمشلردی . (منصور) ارتحاله یاقلاشنجه اموانک ثلثی ایرانلی موالیسنه وصیت ایتدیکی کبی [۲] انلره حرمت ورعایت اولمسنی ده آیریجه توصیه ایلش ایدی . اوغلی (مهدی) یه توجیه ایتدیکی وصیتنامه ده ازجهله شو اخطار اده بولمیش ایدی : « موالیکی نظر دقتدن دور طوتمه . انلره حسن معامله ، لطف والتفاتده بولون . انلری سکا یاقلاشدیر ، مقدارلری نی چوغالت . چونکه انلر فلاکت زمانلرنده سننک قوتک ومدار اعتماد کدر .... بالخاصه خراسان اهالیسنه اهمیت ویر . زیرا بونلر بو دولتک تأسیسی اغورنده مال وجانلری بزدلن چکمنین اکصادق ظهیر و طرفدارلر کدر . بونلرک سکا اولان ارتباط ومحبترلری تحکیم ایتک ایچون دائماً کندیلرینه ایلکده بولون . قصورلری عفو ، حسن خدمتلیرنه مکافات ایله . انلردن وفات ایدنلرک رینه اوغللری نی واقربالری نی خدمتکده آل » [۳] .

خراسان اهالیسنک کندی همقوملرینه ترجیحاً خلافتی عباسیلرک نامنه استحصال اغورنده هر درلو فدا کارلقلرده ، محاربیلرده بولمیش اولملرینه مقابل عباسیلرک انلره فرط حرمت ورعایتده بولملری پک طبعی ایدی . آنجق عربلر وهله اولاده ایرانلیلرک بودرجه یوکسلملرینک سبب وحکمتی آکلایه مامشلردی . بونلر خلیفه نك یانه وارد قجه خراسانلیلرک کال سربستی ایله کلوب کیندکلری نی ، عادتاً خلیفه نك اقربا وتعلقاتی کی حضورینه کیروب چیققلری نی ، عربلرک ایسنه بالعکس خلیفه قپوسنده طول مدت بکلتدیریلرک آنجق بیوک زحمت وانتظار دن صکره حضور خلیفه یه قبول ایدلکلری نی کوردرک دلکیر اولیورلردی . روایت

[۱] ابن خلکان ۱۰۶ ج ۱ [۲] الفخری ۲۱۰ [۳] ابن الاثیر ۷ ج ۶

کوره عرب شعراسندن (ابونخيله) منصورك قپوسنده اوزون زمان بکلديكي خالده حضور خليفهيه دخول ايچون مأذونيتنه نائل اوله مامشدى . (منصور)ك حضورينه سربست سربست كيروب چيقان خراسانيلر خليفهك قپوسنده اوستى باشى پڙمرده بر اعرابي شكنده اولان بو شاعرك حالنه، قيافته باقه رق كنديسنى استهزايه آيلرلردى . بو صروده شاعرك دوستلرندن برى كنديسندن حال دولتى صورنجه (ابونخيله) «ايواه ! مكر كوله وموالينك دولتى ايتش» جوابى ويرمش ايدى [۱] .

(منصور)ك اوغلى (مهدى) بر امر مهمك مذاكرهسى ايچون خواص رجالنندن مركب بر مجلس مشورت عقد ايتدكجه اك اول مولى سوز سويلردى [۲] . ايرانييلر سائر خصوصاتدهده بو صورته بر موقع تقدم صاحبي ايديلر . خليفهك معيت خاصه مأمورلرى ، رجال دولتى ، ارکان و اكابر حكومت هپ ايرانييلردن تشكىل ايتمش ايدى . دولتى، دوائر حكومتى تشكىل و تنظيم ايدنلر ايرانييلر ايدى . وزرا ، سردارلر ، واليلر ، باش كاتبلر ، مابينجيلر ايرانييلردن انتخاب اولنوردى . مناصب مذكره منصب خلافت كې على الاكثر پدردن اولاده انتقال ايتديكي ايچون ايرانييلر بودولنده كنديلرينى يابانچي كورميورلر ، عادتاً برايران حكومتنده بولندقلرينى عد ايديسيورلردى . بر طاقم ايراني عائللر وزيرك ويا واليك ايله اشتهار ايتمش ايدى كه برمك ، وهب ، قحطبه ، سهل ، طاهر وساثره عائللرلى او جمله دندى .

بتون امور دولت وزرانك رأى وتديرينه مربوط ايدى . وزرا ايستدكلرينى نصب و عزلده سربست ايديلر . وزارت هر كيم نائل اولور ايسه واليكلره كندى دوستلرينى ويا آدملرلى تعيين ايدردى . عباسيلرك بو زماننده اصول اداره مملكت عدله مقرون بر انقلابه مظهر اولديغى ايچون خلق امنيت واطمئنان بوله رق ساحه تجارت ، صنايع وزراعتده صرف مساعيه شتابان اولمشلر ، بنى اميه زماننده كچيردكلرى تضيق واستبدادى اونو تمغه باشلامشلردى . حریت قول و فعل ، حریت دين و مذهب اطلاق اولنش ، عرب عصبيتى دخى اورته دن قالدیرلمش ايدى . بناءً عليه اهالى راحت و آسایش ايچنده دمكذار اولمقده ايديلر .



بالآخرہ ترک عنصری ایلریدہ کوستریلہ جکی اوزرہ ( مأمون ) ک دورندن صکرہ امور دولتہ استیلا ایدنجه ایرانلیلر ہرنہ قدر اسکی شوکت ونفوذلری غائب ایشلرسدہ دولتجہ ینہ بر نوع موقع وتأثیر صاحب قالمشیر ، خلفانک خدمت خاصہ سندنہ و دولتک مہام عمومیہ سندنہ کاتبک وقوماندانلق کبی مأموریتلری اشغالہ دوام ایشلردی . بوتاریخدن اعتباراً دولتک مناصبی آرتق ایرانلیلرہ انحصار ایتیموردی . مأموریتلر ہر نوع مسلمانلرہ تعمم ایتیش ایدی . بونلرک جملہ سی « موالی » نامی ایلہ معروف ایدی . خلفا ویا امراہ کال خلوص وفداکاری ایلہ خدمت ایدرلردی .

### دولت عباسیہ دورندہ غیر مسلملر

ایرانلیلر دولت عباسیہ نی تنظیم ودوائر حکومتی تأسیس وترتیب ایتک ایستدکلری زمان حساب ، کتابت وجبات اموالہ اقتدار ومہارت صاحب بولنان عراق وشام قطعہ لرینک اہالی غیر مسلمہ سنہ بو خصوصہ محتاج اولدقلری کورہ رک انلری بیوک معاشر ، احسان وعطیلر ، نوازش والتفانلر ایلہ کندی خدمت لرینہ دعوت ایشلردی . بو غیر مسلملر دولتجہ سربستی مذہب اصولی جاری اولدیغی ، اختلاف مذہبدن طولانی کیمسیہ جبر وتضیق اجرا ایدلمدیکنی ، ہر ہانکی دین و مذہبدن اولور ایسہ اولسون ارباب اقتدار ومزیت تقدیر ایدلمدیکنی کورہ رک ہر طرفدن عباسیلرک خدمتہ قوشمشلردی . فی الحقیقہ عباسیلر بو ارباب معلومات واقلامہ دیوانلری ، چقلکلری تودیلدن چکنہامشاردی .

دولت عباسیہ دورندہ یتیشن صرافلرک اکثری یہودی اولدینی کبی دولت کاتبلری میانندہ بر چوق خرسیتانلر موجود ایدی . بعضاً بر خرسیتان حربیہ ناظریہ اولیوردی . حتی بو نظارتدہ بولندینی اثنادہ بعضاً او قدر بیوک بر مقام ونفوذ صاحب اولیوردی کہ اسلاملر دن اولان اکابر رجال دولت انک الی اوپک ایچون اطرافہ قوشارلردی . ( مالک بن ولید ) دولت عباسیہ دورندہ حربیہ نظارتہ تعین اولنان خرسیتانلر دن ایدی . بو مقامہ ( معتمد باللہ )

طرفندن اصعاد ایدلمش ایدی . ( اسرائیل نصرانی ) دخی دولت مشارالیهانک حربیه ناطرلغنده بولان خرسیانیلردن اولوب بو منصبی کندیسنه ( ناصرلین الله ) توجیه ایتمش ایدی . بعض خرسیانیلرده وزیر اعظملمغه قدر ترفیع ایدلمشلردی . او جمله دن ( ابوالعلا صاعد بن ثابت ) متقی بالله زماننده وزیر اعظم پایه سنی احراز ایتمش ایدی [۱] .

دولت عباسیه ده حکمران اولان بو اعتدال وتساح دینی مصرده تشکل ایدن دولت فاطمیه سرایت ایتدیکندن بوراده دخی غیر مسلملر بیوک بر موقع اشغال ایشلردی . بو دولته ده بر چوق غیر مسلملر وزیر اعظم ، باش کاتب اولمشلر ، امور حکومتده بیوک بر نفوذ احراز ایشلردی . ملوک فاطمیه دن ( عزیز بالله ) خرسیانیلردن ( عیسی بن نستورس ) ی وموسویلر ( منشا ) ی وزیر اعظم یامش ایدی . کرک خرسیانلر ، کرک موسویلر بو ایکی وزیرک دورنده اهمیت ونفوذ صاحی اولمشلردی [۲] . ( حاکم بامرالله ) زماننده نائب سلطنت وزیر اعظم اولان ( برجوان ) ک کاتبی ( فهد بن ابراهیم نصرانی ) دولت فاطمیه ده پک بیوک بر نفوذوتأثیر صاحی اولان غیر مسلملر جمله سنددی . ( فهد ) برجوان نامنه امرلر اصدار ایدر ، کندیسنه رئیس لقبی اطلاق اولنور ، امور دولته پک بیوک بر نفوذ کوستریردی . خرسیانلر بو آدمک زماننده اوقدر بیوک واعهتلی بر موقع آلمشلر ایدی که بتون امور حکومت همان انلرک الله کچمش ایدی [۳] . فی الحقیقه کرک ( حاکم بامرالله ) ، کرک ( حافظ بن محمد ) دورنده امور دولت هپ خرسیان وموسویلرک النده بولنیور ایدی [۴] . اک چوق زمانلرده اردو مکتوبجیلککرینه موسویلر تعیین اولنیوردی .

علی العموم خرسیان وموسوی وبالخاصه شام قطعه سی خرسیانلری اطباء ، حکماء ، مترجم وارباب قلمندن اولوب خلفا طرفندن کندی معیتلرنده صورت مخصوصده استخدام اولان ذواتی ده نظردقتدن دورطوتمامق اقتضا ایدر . اوچنجی جلده بیان ایتدیکمز اوزره شام قطعه سی خرسیانلری علوم وفتونی یونان ، فرس و سریان لسانلردن عربی یه نقل وترجه ایتمکه مدنیت اسلامیه نك اعتلاسنه

[۱] تاریخوزرا ۹۵ والفرج ۱۴۹ ج ۲ [۲] ابن الاثیر ۲۲ ج ۹ وسیوطی ۱۷ ج ۲

[۳] مقریزی ۴ و ۳۱ ج ۳ [۴] مقریزی ۴۰۶ ج ۱

پاك بيوك بر خدمتده بولمشلردى . بونلر ممالك اسلاميهده حكمفرما اولان سربستى اديان ، خلفا ورجال دولترلندن كوردكلرى قدر شناسانه التفات وتوجه سوقيايه ، خريستان ، موسوى ، مجوسى ، سامرى ، صابى وسا اوردن



مصرده حكومت سوره ممالك بحريه دن سلطان ( قلاون ) ك شمعدانى

مركب اولدقلرى حالده ، معارفپرور خلفا وامرانك اطرافه اوچوشه رق سايله رنده كال رفاهيت واسودكى ايله امرار حيات اياشلىر وعلم وفنونه بى بها خدمات كزیده ايناسنه موفق اولمشلردى .

دولت عباسيه نك اولنده خلفا رؤسای روحانيه حقنده دخى پك ملتفت وتوجه كار بولنورلر وانلرا يله محبت ومجالسه دن چكنمزلردى . خلفای عباسيه نك

دردنجیسی اولان ( هادی ) پک چوق زمانلرده اسقف ( تیموتاوس ) ی زردینه دعوت ایدر ، انکه مباحثات دینه ده بولنور ، اکا برچوق مسائل مشکله طرح ایلردی . ( هادی ) ایله ( تیموتاوس ) آره سنده جریان ایدن بر چوق اوزون مناظره لر مذکور رئیس روحانی طرفدن یازیلان برکتبده محرردر . ( رشید ) [ ۱ ] وسأره دخی مومالیه ایله عین معامله ومباحثه لرده بولنورلردی . خلفای مشارالیه ، بو حرکات مسامحه کارانه لریله ، خرستیانلرک یکی کلیسا انشاسدن [ ۲ ] ، ایام مخصوصه ده علناً این روحانی اجرا سندن ، خدمت دولتدن منعلری کبی حضرت عمر عهدنامه سنده وارد اولان تضییقات وتشدیداتک بعضلرندن صرف نظر ایتمشلر ، انلر ایله الفت واختلاطی تسهیل ایشلرلدی . اودورلرده عیسویلرک مذهبیه اودرجه حرمت اولنوردی که خرستیانلر طرفدن خلفایه بعض اعزا رسملری اهدا اولنجه خلفا او تصاویری قبولده بأس کورمزلردی .

#### عباسیلرک دورنده غیر مسلمان حقنده اجرا اولنان تضییقات

بونکله برابر عباسیلردن بعض خلفانک بالاده عرض اولنان احوال مدنیته کارانه می سائر بعض خلفای عباسیه نک عهد نامه عمریه تبعاً خرستیانلر حقنده تضییقات اجرا وکلیسارینی هدم ایتلرینه مانع اولمامشدی . معلوم اولدیغی اوزره عباسی خلفا بر حاکمیت مطلقه ایله فرمان فرما اولیورلردی . او کبی حکومتلرده احکام حکمدارک اخلاق واطوارینه تابعدی . حکمدارلرک بعضلری لسبب ، یاخود سببیز خرستیانلر حقنده توجهکار وملفت طاورانقلری حالده دیگر بعضلری ده ( هرون رشید ) ، ( متوکل ) ک یابدقلری کبی عکس معامله التزام ایده بیلیرلردی . از جمله ۲۴۷ سنه سنده وفات ایدن ( متوکل ) خرستیانلر حقنده پک شدتلی بر خلیفه ، بلکه ده بو خصوصه ده خلفای عباسیه نک اک شدتلیسی ایدی . مشارالیه ظهور اسلامیتدن حکره انشا اولنان کلیسارک هدمنی امر ایتدیکی کبی خرستیانلرک خدمت دولته استخاملرینی وایام مخصوصه ده خاچ چیقارملرینی منع ایتمش ، خرستیانلرک قبولرینه تخنه دن بر شیطان رسمنک قونولسنی ، بالرنکنده صوندومه کیملرینی ، قوشاق باغلاملرینی ،



تختہ دن معمول اوزنکیلی اکرلرہ بینملرینی ، ارککلرک، اصل البسہ نکرکنہ مخالف آیری آیری رنکدرہ ، هربری درت پارمق قدر ، ایکی یامہ یی حامل بولملرینی ، خرستیان قادیلرینکده بال رنکنده چارشف کیملرینی امر وخرستیانلری کمر قوشامقدن وسائردهن منع ایلش ایدی [۱] .

مع هذا ( متوکل ) طرفندن اجرا اولنان بو تضیقاتی غریب کورمامک اقتضا ایدر . زیرا مشارالیه بوکبی تضیقاتی داخل قلمرو حکومتده بولنان عموم خلقه تشمیل ایتمش ، شیعه حقنده پک ظالمانه طاورانمش ، علما وارباب قلمی تشکیل وتدمیر ایلش ایدی . هله اهل شیعه حقنده پک متعصب طاورانلیغندن انلری شدتله قهر وتعذیب ایتمشدی . خرستیانلر بوخلیفه نکر زماننده انواع محنت وفلا کتله دوچار اولمشلردی [۲] . مع مافیه ( متوکل ) ک خرستیانلر حقنده بودرجه شدتلی طاورانمسی بستیون سببیز دکلدی . حصص اهالی اسلامیہ سی ۲۴۱ سنه سنده شهر والیسنه قارشی اظهار عصیان ایتدکلری زمان وطنداشلری اولان خرستیانلرده بوتمرده انلره ظهیر اولمشلردی . والی کیفیتی ( متوکل ) ه یازنجہ ( متوکل ) خرستیانلرک شهردن تبعیدلرینی ، کلیسالرینک هدمنی امر ایتشدی . ایشته بو عصیانه مظاهرت خلیفه مشار الیهک خرستیانلر حقنده شدتلی طاورانمسنه باعث اولان اسبایدن برینی تشکیل ایتمشدی [۳] .

کذلک (هارون الرشید) زماننده حدود اوزرنده کائن اولان شهرلرده کی کلیسالرک هدمنه ، کرک البسده ، کرک خصوصات سائردهه غیر مسلملرک اسلاملره بکزمه ماملرینه دائر صدور ایدن اوامر دخی اوکبی تأثیراتدن نشأت ایتمش ایدی [۴] . ( رشید ) بو تضیقاتی ، ( صفین ) ک قرب غریبسندہ بولنان والیوم همان انقاضدن بشقه اندن بر اثر قلاماش اولان ( هرقله ) شهرنده روملر ایله اجرا ایتدیکی محاربه دن عودتدن صکره اختیار ایلش ایدی . قرائن احوالدن آکلاشیلیورکه روم ممالکی ایله ممالک اسلامیہ آرسندہ کی حدود اوزرنده مقیم بولنان خرستیانلر اسلامارک احوالی تجسسده

[۱] ابن خلدون ۲۷۵ ج ۳ وابن الاثیر ۲۰ ج ۷ ومقربزی ۹۴ ج ۲

[۲] تاریخ المشرق ( ال یازیسی ) ۱۴۶ [۳] ابن الاثیر ۸۲ ج ۶

[۴] مقربزی ۵۱۱ ج ۲

هممذهبری اولان روملره معاونت و کلیسالی ده بو تجسساته واسطه اتخاذ ایتیلردی . ایشه بوسبیه مینی ( رشید ) انلردن انتقام آلق اوزره تضییقاتی محتوی امرلر اصدار ایتیش ، شو قدرکه بو اوامری یالکیز حدودده مقیم خرستیانلره تخصیص ایلش ، اسلاملرک احوال و حرکاتی تجسس ایدمه مامک ایچونده انلرک اسلام قیافتدن بستیون آیری برقیافته بولملری حقدده بالخاصه شدتلی طاورانتش ایدی . یوقسه خلیفه ( رشید ) حد ذاتنده غیر مسلمانلر حقدده اک عادل و شفقتکار طاورانان خلفای عباسیه دن ایدی . بوکا دلیل اوله رق برادرلی ( هادی ) نک والیرندن بری مصرده بعض کلیسالی هدم ایتیش ایدی . ( رشید ) مقام خلافته کلنجه او کلیسالرک تکرار انشاسنه امر ویرمش ایدی [۱] .

مصرده دخی خرستیانلر بالاده بیان ایتدیکمز وجه ایله حریت مذهبه سایه سنده نفوذلی و خاطرلی دورلر کچیردکلی کی دیگر بعض دورلرده برطاقم اسبابه بناء آنک عکسنه اوله رق یک محتلی و ظالمانه معاملاته ده معروض اولمشلردی . این روحانیلر نده ، کلیسالر نده تضییقات کوردکلی دورلرک اک اسکیزی ۳۹۵ سنه سنده ملوک فاطمیه دن ( حاکم بامرالله ) ک زمان حاکمیتی ایدی . بو تضییقاتک سببی حکمدار مومالیه دورنده ذکر ایتدیکمز اوزره امور دولته خرستیانلرک یک بیوک بر موقع اشغال ایتلرندن ایلری گلش ایدی . خرستیانلر مناصب دولته ترقی ایده ایده وزرا کی بیوک بر موقع و نفوذ ، بیوک بر ثروت صاحبی اولمشلر ، کرک ( عیسی بن نستورس ) ، کرک ( فهد بن ابراهیم ) زماننده هر شیده اسلاملره یاریش یاپمغه ، انلر ایله پنجه لشمکه باشلامشلردی . حدت ایتدیکی زمان جنت درجه سنده آثار شدت کوسترمک معادی اولان ( حاکم بامرالله ) نهایت غضبه کله رک مومالیهما عیسی وفهدک قتلنی امر ایتدیکی کی بتون خرستیانلر حقدده شدتلی تضییقاتده بولندی . خرستیانلری عیار وقوشاق کیمکه اجبار ، شعانین یورطوسنده آیین روحانی اجرا سندن منع ایتدی . کلیسالر ده بولان اوانی سیم وزر وسائرینی مصادره ایدرک بیت الماله مال ایلدی . خرستیانلری کوله و جاریه صاتون آلمقدن منع ، کلیسالرینی هدم

وکندیلهی قبول اسلامیته اجبار ایتدی . انلره بوکبی دها بر چوق تضییقات شدیدہ روا کوردی [۱] که خرسیانیلر دها اول هیچ بر زمانده اوقدر ظلم واعتساف کورماشلردی . احتمال که مدنیت اسلامیته اعتلاسی دورلرنده خرسیانیلرک دوچار اولدقلری تضییقاتک اشدتلیسی ده بوایدی . بونکه برابر بوظم واعتساف او پارلاق مدنیتک شان بلندینه تقیصه ویره مر . چونکه بو تضییقاتی ارتکاب ایدن آدم انی بیلهرک دکل ، حماقت ویا جنت سوقیه یامش ایدی .

اسلاملر ایله روملر آردسندہ او صردلرده بر حربک وقوعی ایله روملرک بعض جوامع اسلامیہی واز جمہ استانبولده بولنان بر جامعی ہدم وتخریب ایلری ( حاکم بامرالله ) ک بیان ایتدی کمز صورتده خرسیانیلر حقدہ شدتلی تضییقات اجرا ایتسنہ باعث اولمش ایدی . ( حاکم ) روملردن انتقام آلمق مقصدیلہ قلمرو حکومتی داخلندہ تخریب ایلدیکی کلیسالر میانندہ قدسده کائن اولان قیامہ کلیساسنی ده یقیدیرمش ایدی . فقط مشارالہدن صکرہ مقام حاکمیتہ ( ظاہرلاعزاز دین الله ) کنگجہ روملر ایله ۴۱۸ سنہ ہجریہ سندہ بر معاهدہ صلحیہ عقد اولندی . استانبول جامعی ایله قیامہ کلیساسنک اعادہ انشاسی ، ( حاکم ) زمانندہ قبول اسلامیته اجبار ایدیلن کیمسہلردن آرزو ایدنلرک تکرار خرسیانیلغہ عودت ایتلرینہ مساعده اولمنی بومعاهدہ احکامنجه ہر ایکی طرفجہ قبول ایدلی . بونک اوزرینہ پک چوق کیمسہلر خرسیانیلغہ عودت ایلدیلر [۲] .

احتمال کہ بو تضییقاتی اتخاذ وتطبیقہ ( حاکم ) ی سوق ایدن اسباب پک اہمیتسز بر شی ایدی . فقط حاکم متصف اولدینی تعصب وحماقت سوقیلہ او اسبابی بیوتمش ، کلیسا ہدمی ، آدم قتلہ قدر ایلری کیتمش ایدی . مشارالہک افعال مجنونانہسی اسلام اولان رعایاسندہ طوقونوردی . چوق دفعہلر آثار جتدن بشقہ برشی ایله قابل تاویل اولمان مضحک بر طاقم تکالیفی اسلامارده تحمیل ایدیوردی . ( حاکم ) اسلاملری ملوخیا ، جرجیر نامیلہ معروف اولان سبزہ یمکدن ، شربت یاپوب صائمقدن منع ایتدیکی کی قادینلری ده

شیق کیوب چارشولردن مرور ایتکدن منع ایش ایدی . ینه او آثار جتدن اولق اوزره مشارایه اسلافه لغت اوقومنی ، بو لغتلك جوامع ومساجدك ، دكانلك ، مقابرك قبولرینه یازلمنی امر ایش ایدی . هر حالده یو وامشالی افعال ( حاکم ) ك اختلال عقلنه دلیل ایدی . مع هذا بو اوامر ولوکه پك ضعیف اولسون سبیدن خالی دکلدی . مثلاً ملوخیانك اکلنی منع ایتنی شیعه علویه نك دشمنی اولان ( معاویه بن ابی سفیان ) ك پك زیاده سودیکی بریمك اولدیغندن ایلری کیوردی . چونکه دوات فاطمیه شیعی بردولت ایدی . كذلك ( جرجیر ) نامیاه معروف اولان سبزدنك منعی ده انك ام المؤمنین حضرت عائشه یه منسوب اولسنه بناءً ایدی . خلفای عباسیه دن ( متوکل ) ك نامه منسوب بر نوع یمك دخی مشارایهك شیعه دشمنی اولسنه بناءً منع ایدلمش ایدی . شربتك منع اعمال واستعمالنه كنجه حضرت علینك بو شربتن نذرت ایش اولسی منعی موجب اولمشدی [۱] . حاکم ارتکاب ایتدیکي سائر انواع حماقت وغرابی ده اکا کوره قیاس ایدیکز . خرسیتانلر حقنده روا کورولن تضیقات ایله کلیسالینك هدمی دخی اوقیلدندی . مع هذا ( حاکم ) کلیسالی یقیدردقدن صکره پك اهمیتسز بر سبب ایله ویابلا سبب تکرار اوکلیسالك انشاسنی امرایتدکن ماعدا [۲] اسلامیتی قبوله اجبار ایدیلنلك تکرار اسکی دینلرینه دونملرینه ده مساعدده ایش ، بونك اوزرینه بر چوق کیمسه اسکی دیننه عودت ایش ایدی . بو امر ومساعدده یوقاریده کورلدیکی اوزره اوغلی ( ظاهر ) ك زماننده وقوع بولمشدر . بو قیلدن اولان افعال غریبه دن اولق اوزره ( حاکم ) بر طاقم مدرسه لر انشا وبومدرسه بر طاقم فقها ومشایخ عین ایتدکن صکره ومشایخ وفقهای قتل وبو مدرسه لری ده هدم وتخریب ایش ، چارشو وبازارلری کوندوز قاپاتیدردرق کیجه آچدیرمش ایدی . خلق بو بالالری اوزون مدت چکمش ایدی [۳] . احوال وحرکاتی ، افعال واجراآتی بو درجه غریب وغیر معقول اولان بر آدمك روا کوردیکی شدت و تضیق بر دولت ویاملت ایچون البته شین حیایله ماز .

[۱] مقریزی ۳۴۱ ج ۲ [۲] ابن الاثیر ۸۶ ج ۹ [۳] سیوطی ۱۷ ج ۲



بونکله برابر کرک خرستیان، کرک موسویلرک دوچار اولدقلری اک شنیع ومدهش تضییقات قرون اسلامیه وسطاده دور انحطاط وتقهقرده وبالخاصه حروب صلیبیهدن صکره وقوع بولمش ایدی. چونکه حروب صلیبی هر ایکی ملت آرسنده نأثره تعصبک آلولانمنسه پک بیوک برسبب تشکیل ایلشدی. بر طرفدن خرستیانلر بو وسیله ایله اسلاملرک کندیلرینک فوقده بر موقع تقدم ورجحان طوتدقلرینی، اسلام رجال حکومتک کندی دینلرینه تعرض وتضییقات اجرا ایتدکلرینی حس وتقدیر ایلشدر، دیگر طرفدن ایسه اسلاملر خرستیانلرک فرنکلره کیزلیجه ایفا ایتدکلری معاوتی نظرتأمله آلهرق انلری تشکیل وتدمیره قالدیشمشلردی. مثلاً شام ایله محض آرسنده کائن (قارا) بلدهسی خرستیانلری حرب ایله مشغول اسلاملرک چوجقلرینی سرق ایدرک کیزلیجه فرنکلره فروخت ایلشلردی. بناءً علیه وقتاکه ملک ظاهر ۶۶۴ سنه سنده بر محاربه دن عودتی ائناسنده اورادن مرور ایتدی، مذکور بلده نك نهب وغارت ایدلمسی، ارککلردن بیوکلرینک قتل، کوچکلرینک اسیر اتخاذا اولمنسی امر ایلدی. او صورتله الله ایدیلن کوله لر مصرده ترکلر آرسنده بیویه رک او تاریخن بر آرزمان صکره عثمانیلر طرفدن تشکیل اولنان یکیچیریلرک عسکرلکی کبی انلردن عسکروامرای عسکریه تیشدیرلدی [۱].

مذکور محاربه لر دن صکره ممالک اسلامیه ده اسلاملر ایله غیر مسلملر آرسنده بغض وعداوت اوقدر آرتمشدی که هر طرف دیگر طرفه ایصال اذیت ومضرتدن بشقه بر شی دوشونماکه باشلامشدی. مملکتده کی حکومت اسلام اولدیغدن خرستیانلر بالطبع مغلوب اولیورلردی. بر شهرک بر اسلام محله سنده بر حریق وقوع بولدقجه خرستیانلر ایله موسویلر بویانغنی ایقاع فعلی ایله اتهام ایدیلرک حکومت طرفدن انلرک ویاخود کلیسالرینک احراقی امر اولنوردی [۲]. اساساً بودرجه تعصب اوقرون مظلومه نك مقتضیاتندن ایدی. چونکه دول عیسویه دخی اسلاملری کندی مملکتلرنده عین معامله، یاخود ده شتلیسنه دوچار ایدرلردی. بر چوق دفعه، خرستیانلرک الله دوشن اسلام اسیرلری خرستیانلغی قبول ایتک ایچون قتل ایله تهدید اولنورلردی [۳].

[۱] ابوالفدا ۴ ج ۴ [۲] مقریزی ۸ ج ۲ و ابوالفدا ۱۱۷ ج ۴ و سراج الملوك ۱۸۴ [۳] ابن الاثير ۲۹ ج ۷

خرستیانلر قوه جبریه ایله بر اسلام شهرینی فتح ایتدیکجه چاکلرینی جامعلرده چالارلردی [۱]. اندلس خرستیانلری اسلاملر اوزرینه غلبه چالدقلری زمان انلری یهودیلرک طاشیدقلری برعلامت مخصوصه یی طاشیمغه مجبور ایتدکلیری کبی الک صوگ غالیترندهده اسلاملری ، یا خرستیانلغی ، یا اولومی قبولده مخیرقلمشیر ، اسلاملرده عموماً خرستیان اولمشلردی [۲] .

#### عوامک خرستیانلر حقنده تصملری

دها اول ویردیکمز معلوماتدن آکلاشدیغی اوزره اسلام خلفا وامراسی الکزیاده حاکمیت وریاسته اهمیت ویردکلرندن مدنیت اسلامیه نک اعتلاسی دورنده علوم قدیمه یی عربیه نقل وبالحاصه طبابت ، حساب وکتابت ایچون غیر مسلملره احتیاج حس ایدرک انلری امور دولته استخدام وانواع حرمت واعزازده مظهر ایلدکلری حالده دیگر طرفدن اسلاملری انلره ترجیح وتقیدمدن ده کیری قالماملری . نصل که دولت امویه عربلری عرب اولیان اسلاملرک فوقده طوتمقده ایدی . ایشته بو سببدن اسلاملر ایله خرستیانلر آره سنده حسد ، رقابت تورده مشدی . ایکی ملته ، یاخود ایکی مذهبه مقرر اولان بالمله ممالکده اوکی بر رقابت ، بر محاسبده نک ظهوری پک طبیعی برشی ایدی . بو تحاسد ورقابت الی یومنا هذا اوشکلده دوام ایتکده دز .

بو رقابت اولا خلفا وامرانک اطرافنده کچین علما ، شعرا ، مغنین ، کتاب ، محاسبین کبی حرف علمیه ویاخود حرف صنایعیه اربابی آره سنده ظهور ایتمشدی . شرفا ، اغیا ، رجال دولت آره سنده ایسه پک نادر اوله رق تعصب ، یاخود رقابت وقوع بولوردی . بونلر هرکسه دین ومذهب دکل ، آنجق اقتدار ولیاقت نقطه سندن باقارلاردی . مثلاً شرف موقع وسمو نسبی کوسترمک اوزره خلیفه عباسی (قادر) ه :

عطفاً امیر المؤمنین فانا	فی دوحه العلیاء لانتفرق
ما بیننا یوم الفخار تناوت	ابدأ کلانا فی المعالی معرق
الا الخلافه میزتک فانی	انا عاطل منها وانت مطوق

ابیاتی یازہرق خلیفہ نك خلیفہ اولمقدن بشقہ کند یسندن فضله هیچ بر شرفی  
حائز اولدیغنی سولین نقیب الاشرف (شریف رضی) مشاہیر ادبادن (ابو اسحق  
صابی) یی صائبہ دن اولدیغنی بیله بیله !

أرأیت من حملوا علی الاعواد أرأیت کیف خبا ضیاء الوادی  
مطلعی ایله باشلایان پك پارلاق برقصیده ایله اكا مرثیه خوان اولمقدن



مصرده حکومت سورن ممالیک بحریه دن سلطان ( قلاون ) نك شمعدان

چکنا مشدی . مع مانیه برطاقم عوام ناس احقاد نییدن بر شریفك صائبہ دن  
بر آدمك وفاتنه مرثیه یازمسی او موقع شرافتله متناسب کورما مشدی . فقط  
( شریف رضی ) بو سرزنشه قارشى : « بن انك دینه دکل ، آتجق فضل

وعرفاته مرثیه سویلدم » جواب صوابی ویردک فضل و عرفان هر زرده کورولور ایسه کورلسون اکا حرمت ایدمک لازم کله جکئی قطعی برافاده ایله آکلاتمشدی [۱].

عوام خلق وامثالی ویا انلرک قوتیهله بر موقع ویا منصب صاحبی اولان کیمسه لره کانجه بونلر خرسیانیلره قارشئی تعصب کوستریور ، ولاته اموز نزدنده انلری اضراره چالیشیورلردی . رأس کارده بولنان ذات ارباب حزم ودرایتدن ایسه بونلرک مفسدتلیینه قولاق آصمازدی . روایت کوره ۲۸۴ سنه سنده بغداد اهالی اسلامیه سی بر خرسیانی حضرت نبی سوکمک تهمتی ایله اتهام ایدرک اوصره لرده ( معتضد ) ک وزیر اعظمی بولنان ( قاسم بن عیدالله ) دن اوخرستیان حقنده جزای شرعینک اجراسنی طلب ایلمشلردی . فقط وزیر اعظم متهمک براتنه قناعت حاصل ایتمش اولمیدرکه طلب واقعی ترویج ایدی . مسأله خلیفه ایصال ایدلمش ، بیوک بر اهمیت کسب ایتمش ایدی . کنذک اوچنچی عصر هجری ابتدالرنده اندلس ملوک امویه سندن ( حکم ) والیرندن بری غیر مسلملر حقنده ظلم ونعدی ارتکاب ایتدیکندن طولانی صلب ایلمش ایدی [۲].

فقط وقتاکه دولت سن شیخوخته یاقلاشمغه باشلادی بوتعصب عوامدن خواصه انتقال ایدی . چونکه بوصره لرده استحصال منفعت ایچون اولیای امورک نظر توجه والتفات آتار اقتدار ویاقت ابرازندن زیاده منافق ، تبصص ، مفسدت اجراسیله قازانیله بیلوردی . دولت اسلامیه دین ایله سیاست آیری آیری شیلر اولمیدیغدن بویولده استخدام اولنان وسائطک مؤثری دیندن عبارت اولمش ایدی . بناء علیه بعض منافق کندیلرینی صوگ درجه ده متدین کوسترمک ایچون ادیان سائره یی ذم و تقییح ایدرلردی . رأس کارده بولنان ذات ده صاف دل وجاهل ایسه بوتلقیناته قاپیله رق ادیان سائر اربابی حقنده ظلم واعتسافده بولنور ایدی . ایسته بوسببه مبنی دولت شیخوخته یاقلاشدجه غیر مسلملر وبالخاصه خرسیانلر علیهنده کی تعصب ده اونستده آرتیوردی . قرون اسلامیه وسطاده وقوع بولان محاربات صلیبیه یی متعاقب بوتعصب برشکل حاد آلدیغدن آرتق رجال حکومت و مناصب علمیه وسائر اربابی بو دوردن

[۱] ابن خلکان ۱۲ ج ۱ و ۲ ج ۲ [۲] ابن الاثیر ۱۵۷ ج ۶



اعتباراً غیر مسلمملری علناً تحقیر ایتمکه ، تذلیلارنده پاك ایلری کیتمکه ، انلره عادتاً دشمن معاملهسی یایمغه باشلامشلردی . دیناً مختلف و فقط وطناً مشترک اولان ایکی طرف آردسده نفرت و عداوت اوقدر یرلشمش ایدی که خرسیتیانلر آرتق هر نه صورتله اولورایسه اولسون دولترلرندن قورتولمخی تمی ایدیورلردی . بئاً عایه ۶۵۶ تاریخ هجر یسند تاتارلر بغدادک فتحه کلدکری زمان غیر مسلمملرک میلی انلره متوجه بولنیور ایدی . بونفرت ، بوعداوت بالخاصه انقلاب اخیردن ، یعنی بر عصر و کسور زماندن بر آز اول باخصوص مدنیتدن اوزاق اولان جهتلرده حتی معاملات رسمیه ده بیله پاك زیاده بیومش ایدی . ( دیاربکر ) ده وفات ایدن یر خرسیتیانک دفنی ایچون مساعده یی متضمن محلی محکمه شرعیه سندن صادر اولان بر رخصتنامه یه علمادن بر دوست واسطه سیله مطلع اولدق . غرباته بئاً بوجه آتی نشر ایدیورز :

« دیار بکرده جانب شرع شریفدن کفره سریان مطرانسه . ای نظر و معتقدجه مکروه اولان کیمسه ! طائفه منفوره کزدن یعقوب نامنده کی کافر ملعون کبروب هلاک اولدیفندن جئه کریهه سنک زیر زمینه ادخالی ایچون محله سنک مختاری طرفندن وقوع بولان استرحام اوزرینه خراجی استیفا اولنمش و هر نه قدر زیر زمین بیله مسفورک جئه خبیثه سی قبولدن استنکاف ایدرایسه ده . طوپراق اوزرنده براقلمسی ده افساد هوایی موجب اوله رق غیر جائز بولنمش اولدیفندن کندی محله مخصوصه کزده مذهب باطلکیز وجه ایله زمره جهنمه دفن اولدیفنده کیمسه طرفندن مماثلت ایدلاماک اوزره اشبو رخصتنامه اعطا قلندی » « فی ۲۶ جمادی الاولی سنه ۱۲۰۳ »

شمدی شو عصر حاضرده هانکی اسلام ، هانکی خرسیتیان بوکا مطلع اولورده نایت چرکین و مستغرب کورمز ! بو رخصتنامه یی بزه اخبار ایدن ذاتک صدق افاده سنه اعتمادمز اولسه ایدی تعصبک بودرجه غلیظ و مستکبرانه ترینه بزه اینانماز ایدک . فقط قاهره ده مقیم دیگر بر دوستمزده مصرده کی بطریق خانلرده بوکا مشابه عباردلر ایله محرر برچوق رخصتنامه لرك محفوظ بولدیغی بزه تأمین ایدرک بوبابده کی استغراب و حیرتمزی بر درجه یه قدر تخفیف ایلدی . مع هذا بوتعصب عصر حاضر انقلابی متعاقب یاواش یاواش زائل اولمغه باشلادی .

ملکتر من مدینه احراز کمال ایتدیکه بوکی احوالک بستانون زوالذیر اولاجنی  
تطعياً مأمولدر .

### خرستیانلرک یکدیکرلرینه حسد و رقابتلری

بونلکه برابر مدنیت اسلامیة نك اعتلاسی ائسانده خرستیانلره روا کوریلن  
اذی و تضییقاتک اسباب حقیقیه سی تدقیق ایدجک اولورسه کز بر چوق  
مسائلده سبب حقیقینک عراقده کی نسطوری، یعقوبی کی طوائف عیسویه نك  
بربرلری حقنده ایقاع ایتدکلری مفسدتلر و افترا لردن ایلری کلدیکنی کوررسکز .  
حتی پک چوق دفعه لر بالذات خرستیانلردن موقع و نفوذ صاحبی اولانلر  
کندی هم مذهبلری حقنده اسلام رجال حکومتدن زیاده ظالم و غدار  
طاورانیرلردی . نته کیم ایکنجی خلیفه عباسی ( منصور ) ک طیبی عیسوی  
المذهب ( عیسی بن شهاب ) سرای خلیفه ده بومقامی احراز ایدنجه فرصتدن  
بالاستفاده متردپولید و ایستقوپوسلره پنجه صالهرق پاردرلینی، ماملکلرینی صویغه  
باشلامشدی . حتی ( نصیین ) متردپولیدینه یازدینی بر مکتوبده کلیمساده  
بولان ذات قیمتمدار اوانینک کندیسنه اعطاسنی مصرأ طاب و تهدید مقامنده  
اولهرق دخی « سن بیلیمورمیسک که پادشاهک حیاتی المدهدر . ایسترسهم  
آنی خسته ایدر ، ایسترایسهم تختده براقیرم » دییه تحریر ایشدی . فقط  
متردپولید مکتوبی خلیفه نك مابینجیسی اولان ( ربیع ) ه کوندردیکندن  
خلیفه کوستریله رنک طیب سرایدن طرد و تبعید اولنمق صورتیه جزا دیده  
ایدلشدی .

دولت عباسیه دورنده یتیشن مشاهیر اطبادن ( بختیشوع بن جبرائیل )  
ایله مترجم شهر ( حنین بن اسحق ) آردسند جریان ایدن بر حال دخی او  
نوعدن وقوع بولان اک چرکین احوالدن عدد ایدیلیر . ( حنین ) خلیفه  
( متوکل ) ک نزدنده پک خاطرلی و نفوذلی بر موقع احراز ایتمش ایدی .  
( بختیشوع ) انک بو اقبالنی چکمدیکندن سائقه حسدله انی دینی بر واسطه  
ایله اوموقندن دوشورمک ایستر . بو مقصده وصول ایچوند قوجاغنده  
حضرت عیسایی حامل حضرت مریمک یاغلی بویادن بر رسمنی پادیردوق  
تعین ایتدیکی برزمانده هدیه قیلندن خلیفه یه تقدیم ایلک اوزره آدم لرندن برینه

تودیع ایتدکدن صکرہ خلیفہ نک نزدینہ کیدر. اوشاق تصویری حضور خلیفہ یہ کوتورنجہ (بختیشوع) اورادہ حاضر بولنور. تصویری کندی ایسہ آلیر، (متوکل) ک اوکنہ قور. خلیفہ رسمہ باقنجه پک زیادہ بکنیر. (بختیشوع) اواننادہ تصویری دفعات ایلہ اوپمکہ باشلار. (متوکل) رسمی یچون اوپدیکنی کندیسندن سورار. (بختیشوع) : « سیده العالمین ک رسمی اوپمزسم بشقه هانکی رسمی اوپرم ؟ » جوانی ویریر. (متوکل) : « عموم خرسیتانلر بویله سنک کبی یاپارلرمی ؟ » دییه صورنجہ (بختیشوع) : « اوت ، بلکہ ده دها زیادہ آثار حرمت کوستیرلر. حضور کزده بولندیغم یچون اویولده بن دها ایلری کیده مدم. فقط بز خرسیتانلر بو تصویرہ بودرجه آثار تعظیم کوستیرر ایکن سزک نان نعمت و لطفکز ایلہ یاشایان بر آدم واردرکہ بوکا قارشی حرمتسزلک کوستیرر، تصویرک اوزرینہ توکورر. اویله بر زندیق ملحددر. وحدانیت الہیہ قائل اولدیغی کبی آخرتک وجودینہ ده ایناماز. دین ، پیغمبر طائیدیغی حالدہ خرسیتان نامنی طاشیر » جوابنده بولنور. (متوکل) : « بودیدیکک آدم کیمدر ؟ » دییه رک واقع اولان سؤلنہ ایسہ (بختیشوع) : « حنین بن اسحق اولدیغی » اخبار ایدر. (متوکل) : « حنینی نزدیمہ چاغیرہ جغم. حقیقت دیدیکک کبی حقیقه جق اولور ایسہ کندیسنی حبسہ اترق حقدہ اشکنجه وتضیقات اجراسنی امر ایدہ جکم » دیر. (بختیشوع) انک درحال جلب ایدلامسنی ، بر ساعت صکرہ چاغیرلسنی استرحام ایدر. (متوکل) استرحام واقعی قبول ایلر. بونک اوزرینہ (بختیشوع) اورادن چیه رق (حنین) ک نزدینہ کیدر. خلیفہ یہ بر تصویر مقدس اهدا ایدلیدیکندن، خلیفہ نک اوتصویری بکنیدیکندن ، تصویر خلیفہ نک یاننده قاله جق اولور ایسہ ایکیدہ برده « ایشته بوسزک اللہکز ووالده سی دکلیدر ؟ » دییه رک خرسیتانلری تحقیر ایدہ جکندن بحث ایتدکدن صکرہ : « خلیفہ بو تصویری نصل تلقی ایدیورسکز ؟ » دییه واقع اولان سؤلنہ « بوکبی تصویرلر حاملره ، کلیسالره وسائرہ یہ قونیلور . بونلره هیچ اهمیت ویرمہ یز » جوانی ویردیکنی ، خلیفہ « اوحالدہ اوزرینہ توکور » دیسی اوزرینہ رسمہ توکوردیکنی بیان وشاید کندیسی ده خلیفہ نک نزدینہ چاغیرلوب اوکبی بر تکلیفہ معروض اولور ایسہ عین حرکتده بولنسنی طب و توصیه ایلر . (حنین) انک دیدکارینہ اینانیر

و خلیفه کندیسی چاغیروب تصویره توکورمسی امر ایدنجه بالتردد رسمه توکورر. خلیفه در حال (حنین) یی رآلنده کی زندانه کوندریر. متعاقباً اوزمانك، جائلیق (بطریق) اولان (تیودوسیوس) یی احضار ایدر. جائلیق تصویری کورر کورمز آغلایه رق اوزون اوزادییه اویمکه باشلار. بعده تصویری اله آله رق خلیفه نك ازدیاد عمر و شوکته دائر قائماً اوزون بر نطق ایراد ایدر. خلیفه انی اوطورمغه دعوت ایلر. جائلیق تصویری قوجاقلامش اولدینی حالده اوطورر. رسمك کندیسنه احسان اولمسی استرحام ایدر. خلیفه بورسم اوزرینه توکورن. برکیمسه نك هانکی جزایه مستحق اوله جغی کندیسندن صورنجه جائلیق : « بونی بابان کیمسه موازنه عقلیه سی یرتده. خرستیان بر آدم ایسه انی کلیسایه. کیرمکدن، جسد مقدسی تناولدن محروم ایتدکدن ماعدا خرستیانلرک اکا؛ مناسبده بولملرینی ده منع و حقنده تضییقات اجرا ایلرم » جوابی ویریر. خلیفه برعطیه ایله برابر تصویری جائلیقه ویریر. جزا اولق اوزرده (حنین) ك دکنك وقامچیلر ایله ضرب اولمسی، خانه سنك تخریبی، قعر زندانه آلمسی، امر ایدر. (حنین) خیلی مدت زندانده قالیر. نهایت (متوكل) ك خسته دوشمسی و مداواتی ایچون کندیسنه لزوم کورمسی اوزرینه زنداندن اطلاق اولنور [۱].

### حریت ادیان

كرك خرستیانلر، كرك مذاهب سائرّه ازبابی حقنده شدت وصولیه. مشهور اولان (متوكل) ك بو موقعده کی حال وطوری بو شكده اولور ایسه. اعتدال و مسامحه ایله معروف اولان سائر خلفا ازباب دیاناتك معتقدات و آیینلریته. البته دهها زیاده مساعده پرور و حرمتكار طاوارا مشلردی. (حنین) حقنده. کتابمرك دیگر پریرنده ویردیکمز معلوماتدن مستبان اولدینی اوزره خلفا خرستیانلری قبول اسلامیه اجبار ایتك شویله طورسون کندی دینلریته متمسك اولملرینی کمال شدته آرزو ایدرلر و میلاد عیسی، شعانین کبی بیوك بایراملرده. اجرا اولنان آیینلره اشتراك ایله برابر صانکه انلر ایله بر ملت کبی تزکا هلمه.



برابر چبقارلردی [۱] . بو حال یالکز عراق وشام قطعہ لرینہ مخصوص دکادی . مصر لیلر دخی خرستیانلرک سنوی بایراملرینہ خرستیانلر قدر اهمیت ویریرلردی . بوراده کی خلفا میلاد عیسی و غطاس Fête de l'Épiphanie یورطیلرندہ خلقہ ہدیہلر طاعیدیرلر ، بتون مصرلیلر برلکدہ اظہار سرور وشادمانی ایدرلردی [۲] .

حکومت بر مؤسسہ خیریہ ، باخصوص خستہ خانہ وامثال کی مؤسسات انسانیه تأسیس ایدنبجہ بو مؤسساتدن اسلاملر قدر غیر مسلملرندہ حصہ دار ایدیلردی . حکومت بو مؤسساتی مسلم ، غیر مسلم ہر ایکسی ایچون تأسیس ایدردی . فقط ہر ایکسی ایچون کافی کورلینجہ اوزمان اسلاملر ترجیح اولتوردی [۳] .

بونکجہ برابر اسلاملر مدنیتلرینک اعتلاسی دورندہ ہر ہانکی دین ومنذہبن اولور ایسہ اولسون کندنی رعایالری آرمندہ حریت ادیان قاعدہ سیلہ عامل اولشلردی . بنی امیہ دورندہ پارہ تحصیلی ایچون عرب اولمیانلر حقندہ بونجہ شدت وتضییقات اجرا ایدلدیکی ائنادہ بیلہ دیندہ تعصب سوقیلہ ادیان سائرہ اربابندن بر جماعتک اسلامیتی قبولہ اجبار ایدلدیکی ایشیدلماشدر .

بالعکس عراق والیسی ( خالد قسری ) وسائرہ حقندہ ویردیکمز معلوماتدن آکلاشلدیغی اوزرہ غیر مسلملر بر التفات وتوجہ مخصوصہ مظہر ایدیلردی . خلفای عباسیہ کلنجہ بونلر سائر خلفادن زیادہ اعتدال مسلک و حریت ادیان طرفدار ی اولدقلرندن زمانلرندہ محوسیلر وسائرہ طرفندن تلقین ایدیلن بر چوق بدع دینیہ میدان آلدیغی کی بر چوق فرق اسلامیہ دخی توردمشدی . خلفای عباسیہ آرمندہ حریت ادیانہ اک زیادہ طرفدار اولان ( مأمون ) ک سربستی فکریسنہ بائیکیزکہ کندییی شیعی ایکن وزیر اعظمی ( یحیی بن اکثم ) سنی ، دیگر وزیر اعظمی ( احمد بن ابی داود ) متزلی ایدیلر [۴] . خلیفہ مشارالیک خلق قرآنہ قائل اولان معتزلہیہ ظہیر اولمس سربستی ادیانہ ندرجہ طرفدار اولدیغی کوسترمکہ کافیدر . قرآن عظیم الشانک مخلوق اولدیغی اسلامیتندہ ایلک ادعا ایدن کیمسہ حضرت نبی ی سحر ایتدیکی روایت اولنان ( لیلہ اعصم ) نامندہ

[۱] ابن الاثیر ۱۱۳ ج ۸ و الفرج ۱۵۶ ج ۲ [۲] مقریزی ۴۹۴ ج ۱


[۳] طبقات الاطبا ۲۲۱ ج ۱ [۴] ابن خلکان ۲۲۲ ج ۲

بر موسوی ایدی. بو آدم تورات ایچون ده مخلوق، یعنی صکره دن موضوع دیر ایدی. بعده بو ادعای قرآن حقنده ایراد ایلدی. ادعای مذکور (ایید) دن برادر زاده سی (طالوت) ده، بوندن ده (ابن سمعان) ده، بوندن دخی (هشام بن عبدالمک) زمانده یتیشن (جعد بن درهم) ده منتقل اولدی. بوصوک کیمسه قرآنک مخلوق اولدیغنی، بشریتک فوقنده برشیدی محتوی اولمدیغنی، فصاحت و بلاغتیه قارشى انسانلر عاجز بولمقدقلرینی، انسانلرک او بلاغتیه، بلکه ده فوقنده آثار فکریه و قلمیه وجوده کتیره بیلجهکلرینی سویلمکدن چکناشمسیدی [۱]. (هشام) جعدک بو جرأتکارانه ادعالرینه قارشى غضبه کلدیکندن قتل ایدمک اوزره انی عراقین والیسی (خالد قسری) یه کوندیریر. فقط (خالد) انی قتل ایتیموب حبس ایتمکه اکتفا ایلر. (هشام) مطلقاقتانی امرایدیر. بونک اوزرینه (خالد قسری) قربان بایرامنده (جعد) ی حبسدن چیقاردیق نماز قیلدقدن صکره: «بوکون جعد بن درهمی قربان کسمک ایستیورم. چونکه جناب حقک حضرت موسای مخاطب و حضرت ابراهیمی یار و خلیل انخاذا ایتدیکنی ادعا ایدیور» دییه رک انی قربان کبی ذبح ایلر [۲]. اک صوک خلیفه اموی (مروان بن محمد) مقام خلافتیه کلتجه اوده جعد کبی قرآنک مخلوق اولدیغنی ادعا ایدیوردی [۳]. خلفای عباسیه دن (مأمون) خلق قرآنه قائل اوله رق معتزلیه مظاهرت ایدیک کبی ده صکره جالس سریر خلافت اولان (وائق) ده بویولده عیسی علیه السلام ده تابع اولمشدی. احتمالک (مأمون) ک مذهب معتزلیه میلی معلمی (عبدالله بن مبارک) ک اثر تلقینساتی ایدی. (وائق) ک بو ذهانی عامه (عبدالله بن مبارک) ک کران کلدیکندن (مأمون) ده (امیر الکافرین) دینلیدیک ده (کافر) لقبی اطلاق اولنوردی [۴]. روایتیه کوره مشاهیر (عبدالله بن مبارک) (عباده مخت) برکون (مأمون) ک حضورینه کیره رک: «افرمز یعنی صاغ اولسون!» دیر. (مأمون) «کیم وفات ایتدی؟» دییه سورر. عباده: «قرآن وفات ایتدی؟» انک ایچون مخلوق دیمورمیسکمز؟» بویانده بولنور. (مأمون) لطیفه طرزنده واقع

[۱] مغربی ۳۴۶ ج ۲ [۲] ابن الاثیر ۱۲۳ ج ۵ و ۲۸ ج ۷

[۲] ابن الاثیر ۲۰۴ ج ۵ [۳] ابن الاثیر ۱۳۱ ج ۶ [۴] ابن الاثیر ۸ ج ۷

اولان بو جراتی خوش بولیہ رق (عبادہ) یی قپو طیشاری ایتدیریر [۱] .  
(متوکل) زمانندہ ایسہ بالعکس بوکی افکار و مسالک حقندہ شدتلی تضییقات  
وتشکیلات دوری باشلادی . اسلاملر ایکی فرقہ یہ آیرلمشلردی . خلفا معتزلہ نک



جزایر دہ کی جامع کبیرک جہہ سی

وخلق قرآنہ قائل اولانلرک علیہندہ فوق العادہ التزام شدت ایدرلردی . ارتق  
مخلوقیت قرآنی ہرکیم ادعا ایدر ایسہ کافر عد اولنور ، طعن و ذمہ ، جزایہ  
لایق کورولوردی .

والحاصل دولت عباسیہ نک اوائلندہ ، باخصوص مدنیت اسلامیہ نک اعتلاسنہ

مصادف اولان زمانلرده، افکار عمومییه دیانتلر حقنده فوق العاده سربست ایدی. هیچ برکیمسه تابع اولدینی بر دیانتدن ویا بر فکر دیندن طولانی شایان تکدیر ویا واجب الاجبار کورلمزدی. بعضاً برخانده هر بری بر مسلک دینییه سالک برقاج قاردش بولنور، کوزل کوزل کچینرلردی. مثلاً (ابوجمد) ک آلتی اوغلی واردی. بونلردن ایکسی شیعی، ایکسی مرجئی، دیگر ایکسی ده خارجی ایدیلر [۱]. هر حالده دولت عباسیه نك کرک مسلم، کرک غیر مسلم بالجمله رعایا حقنده کی طرز سیاستی خاطر نوازلق، عدالت، رفق اوزرینه مؤسس ایدی. بو کتابک ایکنجی جلدنده عباسیلرک ایلك خلیفه لر ی طرفندن رعایا حقنده کوستریلن معاملات عدل و رفقندن بر طاقم مثاللر ذکر ایتشدک عباسیلر ایرانیلرله و علی الخصوص ارباب نفوذدن اولان سائر موالییه - بالخاصه حکومت بونلرک الله کچدکن صکره - خاطر نوازلق ایله معامله ایلرلردی. خلفا بونلری مناصب عالییه، هر نوع الثفات واکرامه لائق کوریور، امور حکومتده ایستدکاری کی اجرا آتده بونلرینه مساعده ایدیورلردی. فقط ولوکه مفسدت طریقاه اولسون انلردن برینک صداقتدن شبهه ایدنجه برنجی دور عباسی وزراسندن اولان برمکیلر و سائر حقنده یاپلدینی کی کمال شدله انی محو و تکیلدن چکنمیورلردی.

### عباسیلرک دورنده عصیت عربیه

#### نفره برلیقه سی

(منصور) عربلرک عصیت صاحبی اولدقلرینی، برآرده برلشیرلر ایسه دولتی اله اله رق ایستدکلرینی یا به بیله جکلرینی، حق طلبده، ظلمی علناً ققیجدهم جرأت اربابی اولدقلرینی، تعدی و تحقیره متحمل اولدقلرینی نظر دفته اله رق انلره پک بیوک براهمیت ویریوردی. مشارایله دها اول کورلیدی اوزره تحکیم بنیان سلطنت اغورنده بر طاقه افعال غدارانه و خونریزانه ارتکابندنده کبری قالماش ایدی. فکر عدالت و حیثیت ذاتیه صاحبی اولانلر بالطبع



بواجرا آتدن ممنون اولمورلردی . عربلرک حقسزلق وتعدییه قارشى سکوت ایتدکلرینه دال اوله رق انلردن ایشیتدیکی بعض اختارات ده کندیسنى . دها زیاده اندیشه دار ایتش ایدی . ( منصور ) برحیج اثناسنده کیجه لین کعبه ده طواف ایدرکن برینک : « اللهم ! روی ارضده ظهور ایدن بنی وفساد ، حق ایله اهلی آره سنده ارباب حرص وطمع طرفیدن وضع اولنان موانعدن طولایى سکا عرض شکایت ایدرم » دیدیکنى ایشیدیر . اورادن مسجد طرفنه کچر . بو سوزلرک قائلنى نزدینه چاغیردرق کندیسندن ایضاحات ایستر . اعلان شکایت ایدن شخص ( منصور ) دن امان آلیقدن صکره : « حقه مانع اولان سزسکز » جوابنى ویریر . ( منصور ) : « هر نوع ثروت وسامانه ، اسباب سعادت ورفاهیه مالکم . وسائط استغنائک جمله سى المده ایکن بنده حس طمع بولمسنى نصل تصور ایدوبیلورسک ؟ » دییه سورار . مشکى : « جناب حق اسلاملر ایله اموال مسیلمینى . یدکزه امانت ایتش ایکن سز کندیکز ایله اسلاملر آره سنده حائل اولق ایچون طاشدن دیوارلر ، دمیردن قپولر ، مسلح یساقجیلر وضع ایلدیکز . انلره حضوریمه یالکز فلان وفلان ذاتلری ادخال ایدیکز امرینى ویردیکز . مظلوملرک ، حق صاحبلرینک ، آچلرک ، چلاقلرک ، ضعفا وفقرانک حضورکزه دخوللرینه ایسه مساعده ایتدیریکز . حال بوکه هر مسلمک الکزده کی یارندن برحق واردر الح » جوابنى ویریر .

ایشته بو وامثالی وقوعات عربلرک جرأتلرینه ( منصور ) ک نظر انتباهنى جلب ایتدیکی ایچون تذلیللرینى دوشونمکه ، تذلیله خادم حیللر ایجادیه اشتغال ایتمکه باشلامشدى . عربلرک یمنى ومضریرلر داخل اولق اوزره نسلبرینه ، رتبه ومقاملرینه کوره معاشرینى حاوی دولته بر دیوان مخصوصلری واردی . ( منصور ) علویلر ایله خوارج وسأردهی مغلوب ، بغدادى بنا وتحکیم ، داخل شهرده عسکر ایچون اقامتگاهلر انشا ایدرک دولتی تأیید ایلینجه عرب مسأله سى ایله اشتغاله لزوم کوردی . او صرده عساکر دولت یمنى ، مضرلى ، خراسانى اولق اوزره اوچ بیوک فرته دن متشکل ایدی . بالتصادف عسکرک بر قسمی ۱۵۱ سنه سنده بر اختلال چیقاردرق ( منصور ) ه بغدادده کی ( باب الذهب ) قصرى اوکنده قارشى کادیلر . ( منصور ) دولتک عسکر قوتيله تأسس ایتدیکنى ، عسکر برآردیه کله جک اولور ایسه خلافتی لندن

آله بیله جک لرخی ، عسکری فرقه لر دن هر برینک طلب خلافت ایدن علوی لر دن و سائر مدن برینه میل پرورده ایندیکنی ، عمومی بر اتفاق ایله دولتی عباسی لر دن آلق کوچ برشی اولمدیغنی کمال اندیشه ایله کوز اوکنه آلدق اوکی عصیانلرک تکرر ایده بیلمسندن خوف و تلاشه دوشدی .

اوصرده عباسی لرک اک منسی اولان ( قثم بن عباس بن عبیدالله بن عباس ) خاندان عباسی ارکانی اوزرنده تقدم مطلق واک بیوک نفوذ و تأثیر صاحبی ایدی . ( منصور ) عسکرک اطاعتنزلکنندن ، بونلرک دولت علینده وقوع اتناقلری احتمالندن بخله بو خصوصده اتخاذه ایجاب ایدن تدابیر حقنده ( قثم ) ک فکر و مطالعه سنی صورتی . قثم : « بر تدبیرم وار . اجرادن اول سکا سویلر ایسه م اندن فائده دن زیاده مضرت کورولور . سکا سویلدن اجراسنه مساعده ایلر ایسه ک هم مقام خلافتک تحکیم اولونور ، همده عسکر سندن قورقغه باشلار » مطالعه سنده بولنور . ( منصور ) : « بنم دورمده بکا معلومات ویرمکسزین برشی یامغنی جائز کوررمیسک ؟ » دییه صورنجه ( قثم ) : « یا بکا امنیت ایدرسکز ؛ یا ایتمزکز . امنیت ایتمورسه کز بنمله استشاره ایتمایلیسکز . امنیتکز وار ایسه اوخالده ایستدیکمی یامغه بنی سر بست براقکز » جوابی ویریر . ( منصور ) قتمه بویولده دوشندیکی تدبیری یامغه مساعده ایدر . ( قثم ) حضور خلیفه دن چیقارق کندی خانه سنه کیدر . کوله لر دن برنی یانته چاغیریر : « یارین بنزن اول خلیفه نک سراینه کیت . . بنم سرایه کیروبده رتبه و پایه صاحب لرینک بولندقلری موقعک اورتیه سنه واردیغمی کورنجه همان یانمه کل ، بئندیکم قاطرک کمنه آصیل . » پیغمبر باشی ابور ، عباسک باشی ایچون ، امیر المؤمنینک باشی ایچون طوروب مسوسه سی دیکله یکز » دییه باغیر . سکا باغیرده جنم ، سنی تکدیر ایده جکم ، اوزر بنم سینه آلدیرمه ، آصیل مقده ، سؤالده دوام ایت : « هانکیلری سوزنور ؟ ینلیلری ، مضریلری ؟ » صور . سکا بو سؤالک جوابی ویریر . صرار ایت . جواب ویریر ایسه م اوزمان براق ، کیت . بومأموریتی سوزنور ایضا ایدرایسه ک کندیکی آزاد ایدلش عدايله « تعلیماتی ویریر . کوله آلدیر . ایت وجه ایله حرکت ایدر . نهایت ( قثم ) : « طبیعی مضریلر دهامتار و شرفلیدرلر . چونکه حضرت پیغمبر مضریلر دن ایدی . کعبه معظمه مضریلرک ایچنده بولنیور . خلیفه الله ده مضریلر دندر »

بواجرا آتدن ممنون اولمورلردی . عربلرک حقسزلق وتعدییه قارشى سكوت ایتدکلرینه دال اوله رق انلردن ایشیتدیکی بعض اخطارات ده کندیسنى ده زیا ده اندیشه دار ایتمش ایدی . ( منصور ) برحیج ائناسنده کیجه لین کعبه ده طواف ایدرکن برینک : « اللهم ! روی ارضه ظهور ایدن بنی وفساد ، حق ایله اهلی آره سنده ارباب حرص وطمع طرفدن وضع اولنان مواعدن طولایى سکا عرض شکایت ایدرم » دیدیکنى ایشیدیر . اورادن مسجد طرفه کچر . بو سوزلرک قائلنى نزدینه چاغیردرق کندیسندن ایضاحات ایستر . اعلان شکایت ایدن شخص ( منصور ) دن امان آلیقدن صکره : « حقه مانع اولان سز سکز » جوانى ویریر . ( منصور ) : « هر نوع ثروت وسامانه ، اسباب سعادت ورفاهیه مالکم . وسائط استغنایک جاهسی المده ایکن بنده حس طمع بولمسنى نصل تصور ایده بیلورسک ؟ » دییه صورار . مشکى : « جناب حق اسلاملر ایله اموال مسلمینى یدکزه امانت ایتمش ایکن سز کندیکز ایله اسلاملر آره سنده حائل اولق ایچون طاشدن دیوارلر ، دمیردن قپولر ، مسلح یساقجیلر وضع ایلدیکز . انلره حضوریمه یالکز فلان وفلان ذاتلری ادخال ایدیکز امرینى ویردیکز . مظلوملرک ، حق صاحبلرینک ، آچلرک ، چلاقلرک ، ضعفا وفقرائک حضورکزه دخوللرینه ایسه مساعده ایتدیرسکز . حال بوکه هر مسلمک الکزده کی پاردن برحقى واردر الخ » جوانى ویریر .

ایشته بو وامثالی وقوعات عربلرک جرأتلرینه ( منصور ) ک نظر انتباهنى جلب ایتدیکی ایچون تذلیللرینى دوشونمکه ، تذلیله خادم حیللر ایجادیله اشتغال ایتمکه باشلامشدى . عربلرک یمنى ومضریرلر داخل اولق اوزره نسلبرینه ، رتبه ومقاملرینه کوره معاشلرینى حاوی دولته بر دیوان مخصوصلری واردی . ( منصور ) علویلر ایله خوارج وسائرینى مغلوب ، بغدادى بنا وتحکیم ، داخل شهرده عسکرا یچون اقامتگاهلر انشا ایدرک دولتى تأیید ایلنجه عرب سائله یى ایله اشتغاله لزوم کوردی . او صرده عساکر دولت یمنى ، مضرلى ، خراسانى اولق اوزره اوچ بیوک فرقه دن متشکل ایدی . بالتصادف عسکرک بر قسمى ۱۵۱ سنه سنده بر اختلال چیقارده رق ( منصور ) ه بغدادده کی ( باب الذهب ) قصرى اوکنده قارشى کادیلر . ( منصور ) دولتىک عسکر قوتیه تأسس ایتدیکنى ، عسکر برآردیه کله جک اولور ایسه خلافتی لندن

آله بیله جکلیری ، عسکری فرقه لر دن هر برینک طلب خلافت ایدن علوی لر دن و سائر دن برینه میل پرورده ایتدیکنی ، عمومی بر اتفاق ایله دولتی عباسی لر دن آلق کوچ برشی اولمدیغنی کمال اندیشه ایله کوز اوکنه آلدق اوکی عصیانلرک تکرر ایده بیلمسندن خوف و تلاشه دوشدی .

اوصرده عباسی لرک اک منسی اولان ( قثم بن عباس بن عبدالله بن عباس ) خاندان عباسی ارکانی اوزرنده تقدم مطلق واک بیوک نفوذ و تأثیر صاحبی ایدی . ( منصور ) عسکرک اطاعت سرلکندن ، بونلرک دولت علیهنده وقوع اتفاقلری احتمالندن بخله بو خصوصده اتخاذی ایجاب ایدن تدابیر حقنده ( قثم ) ک فکر و مطالعه سنی صورتی . قثم : « بر تدبیرم وار . اجرادن اول سکا سویلر ایسه م اندن فائده دن زیاده مضرت کورولور . سکا سویلدن اجراسنه مساعدده ایلر ایسه ک هم مقام خلافتک تحکیم اولونور ، همده عسکر سندن قورقغه باشلار » مطالعه سنده بولور . ( منصور ) : « بنم دورمده بکا معلومات ویرمکسزین برشی یامتی جائز کوررمیسک ؟ » دییه صورنجه ( قثم ) : « یا بکا امنیت ایدرسکز ؛ یا ایتمزکز . امنیت ایتمورسه کز بخله استشاره ایتمایلیسکز . امنیتکز وار ایسه اوخالده ایستدیکمی یامغه بنی سربست براقکز » جوابی ویریر . ( منصور ) قثمه بویولده دوشندیکی تدبیری یامغه مساعدده ایدر . ( قثم ) حضور خلیفه دن چیقارق کندی خانه سنه کیدر . کوله لر دن برینی یانه چاغیریر : « یارین بندن اول خلیفه نک سراینه کیت . . بنم سرایه کیروبده رتبه و پایه صاحب لرینک بولندقلری موقعک اورتیه سنه واردیغمی کورنجه همان یانه کل ، بیندیکم قاطرک کمنه آویل . » پیغمبر باشی ابور ، عباسک باشی ایچون ، امیر المؤمنینک باشی ایچون طوروب مع وسه نی دیکله یکز » دییه باغیر . سکا باغیره جنم ، سنی تکدیر ایده جکم ، اور بنم سنینه آلدیرمه ، آصیل مقده ، سؤالده دوام ایت : « هانکیلری مریز ؟ » فایده ندر : « یمنیلر می ، مضریلر می ؟ » صور . سکا بو سؤالک جوابی ویریر : « بر ضرار ایت . جواب ویریر ایسه م اوزمان براق ، کیت . بو مأموریتی سکا ایضا ایدر ایسه ک کندیکی آزاد ایدلمش عدايله » تعالجاتی ویریر . کوله آلدیر ایت وجه ایله حرکت ایدر . نهایت ( قثم ) : « طبیعی مضریلر ده مامتار و شرف لیدرلر . چونکه حضرت پیغمبر مضریلر دن ایدی . کعبه معظمه مضریلرک ایچنده بولانیور . خلیفه الله ده مضریلر دندر »



جوانی ویریر. ینلیر بوجو ابدن فنا حالده کوچنیرلر. چونکه (قثم) انلر ایچون هیچ برمرتت ذکر ایتمامشدی. ینلی قوماندانلردن بری: « ینلیرک هیچ برمرتیلری اولسون، حقیقت هیچده او یله دکلدر » دیه رک کوله لرندن برینه: « قالمق. شواختیارک قاطرینک دیزکینی چک » امرینی ویریر. کوله قاطرک دیزکینی اوقدر چکرکه حیوانک آرقه آیقلری اوزرینه یره دوشمنه رمق قالیر. مضریلر « ریسمره بویله یاپسونلر ها! » دیه رک بو جرأتدن حدت ایدرلر. انلردن بری کوله سنه امر ایدر. کوله دیزکینی چکن کوله نک السه اورر، کسر. بونک اوزرینه ایکی طرف آره سننده دهشتلی برنفرت و عداوت پیدا اولور. اوآندن اعتباراً عرب عسکری بری مضر، دیکری یمن فرقه لری اولق اوزره بربرینه ضد ورقیب ایکی فرقه یه آریلیرلر. ایرانلیردن مرکب اولانه فرقه خراسانیه ایسه طبیعتیه آیری بفرقه ایدی. (قثم) منصورک حضورینه کیره رک: « ایشته مقصد حاصل اولدی. عسکریکی طارمه طاغین، فرقه فرقه یادم. هر فرقه بر قسالق یامق ایسته نجه امرک ایله دیکر فرقه نک قوتی ایله تنکیل ایدلمکدن قورقار » دیر [۱]. ایشته بوتفرقه پولتیقه سی ایله عرب قوتی بربرینه ضد ایکی فرقه اولمشدی.

اوصره لرده (منصور) ک اوغلی (مهدی) خراساندن عودت ایدیوردی. اقربا و تعلقاتی شام، کوفه و بصره دن کله رک سلامته عودتندن طولای کندیسنه عرض تبریکات ایتمشیر، عطیه و کسوه لرینه نائل اولمشلردی. عین احسانلر (منصور) طرفندن دخی بذل ایداش ایدی. (قثم) بوفرستدن بالاستفاده منصوره: « شمدی بر تدبیر دها قالدی. اوغلك (مهدی) ایله دجله نک اویر طرفنه کیملیسک. اورای اوغلك اقامتگاه اتخا ایتلیسک. اردونک بر قسمی ده اورابه کچیرمیلیسک. اوطرف دخی بو طرف کبی بر شهر حانی کسب ایتلی. اوراده کی عسکر اختلال چیقاریرلر ایسه انلری بوراده کی عسکر ایله، بوراده کی عسکر عصیان ایدر ایسه بونلری ده اوراده کی عسکر ایله تسکین و تأدیپ ایدرسک. قبائلدن بعضلری عای اولور ایسه انلری ده دیکر قبائل ایله دائره اطاعته آلیرسک » دیه رک تفرقه پولتیقه سنک بو صورتله اکالتی توصیه ایلر. (منصور) بو مطالعاتی ده موافق کوره رک اکا کوره تطبیق حرکت و بو

سایه‌ده‌کندی نفسی ایچون تأمین سلطنت ایدر . مهدی دخی ( دجله ) نك دیگر طرفنده ( رصافه ) شهرینی تأسیس ایلهرک حاکمیتی تفرقه پولتیقه سیله تحکیمه موفق اولور .

فقط دولت عباسیه‌ده بو صورتیه تفرقه‌یه اوغرا دیلان عرب قونی زمان مرور ایتدیکجه ضعه اوغرایور ، بوکا مقابل ایرانلی قوت و نفوذ ایسه بالعکس آرتیوردی . نهایت ( رشید ) دورنده دولت بری عرب ، دیگری ایرانلی اولق اوزره ایکی بیوک تأثیر و نفوذ آلتنه کیرمش ایدی که هربری حاکمیتی کندی نفسنه حصر ایتمه صرف مساعی ایدیوردی . خلیفه‌نک سرای ومعیت خاصه مأمورلری بری ( رشید ) ک اوغلی ( امین ) دن طولای عربلره ، دیگری دیگر اوغلی ( مأمون ) دن طولای ایرانلیلره منسوب اوله رق ایکی فرقه‌دن متشکل بولئورلردی . چونکه ( امین ) ک والده‌سی ( زبیده ) خاندان هاشمیدن عرب ایدی . ( مأمون ) ک والده‌سی ایسه ایرانلی بر جاریه ایدی . ( زبیده ) حامله‌ده کیکدیکندن ( رشید ) چوجق کتیرسون‌دییه او جاریه‌نی اشترا ایلشیدی . فقط بو جاریه ( مأمون ) ی طوغوردقن صکره ( زبیده ) حامله‌ده رق ( امین ) ی دنیا یه [ ۱ ] کتیردیکندن وقتیه حضرت ابراهیمک زوجهلری ( ساره ) و ( هاجر ) آردسند نصل بر حسد ورقابت تورده‌مش ایسه یوایکی والده آردسندده عین حسد ورقابت حاصل اولمشدی . ایشته بو حسد ورقابت بورادن سرای مأمورینی ایله رجال خاصیه ، بونلردن ده سائر رجال دولته سرایت ایتش ایدی . هاشمیلر ایله سائر عربلر ( امین ) و ایرانلی وسائرده‌دن اولان سائر رجال دولت ایسه ( مأمون ) و طرفدارلق ایدیورلردی . عرب فرقه‌سنگ رئیس و پیشداری‌ده ( ربیع بن یونس ) ک عائله‌سی ایدی .

( ربیع ) ک نسبی حضرت ( عثمان بن عفان ) ک آزادلیسی اولان ( حرث ) ک آزادلیسی ( کیسان ) و متصل اولدیغندن جدی بر آزادلینگ آزادلیسی دیمکدی . ( ربیع ) منصور طرفندن آزادلیلر میاننه آله‌رق اکا اولاباش مابینجی ، صکره وزیر اعظم اولمشدی . ( منصور ) اکا فوق‌العاده میل و محبت ، حسن اعتماد کوستیریدی . برکون کندیسنه : « بندن نه ایستر ایسه ک دیله » دیمش ، ( ربیع ) : « اوغلم فضلی سومه‌کی دیلرم » جوابی

ویرمشدی. (منصور): «نچون اکا محبتی هر شیئک فوقنده طوتدک؟»  
 دیه. صورمسی اوزرینه ده (ربیع): «چونکه انی سور ایسه ک کوچک  
 ایلکنی بیوک واک بیوک فناغنی کوچک کوررسک» جوابنده بولنش ایدی.  
 (ربیع) ک وقاتی (هادی) نک دورنده ۱۷۰ سنه هجریه سنه تصادف ایدر.  
 بالاخره (رشید) مقام خلافت کله رک برامکینی وزیر اتخا ایدنجه ربیع  
 اوغلی فضل ک موتقی وزارتک بشقهلرینه انتقالدن طولانی کوچولمش ایدی.  
 (فضل) بوسقوطی تلافی ایچون برمکیلر کبی آثار مردکی وسخا کوسترمک  
 ایستمش ایسده قدرت و ثروتجه انلره یتیشه مدیکدن سائقه حرص وحسدله  
 انلره دهشتلی دشمن کسلمش، رشیدک نزدنده انلر حقنیه اجرای مفسدندن  
 خلی قلاماشدی. نهایت انلرک فلاکت ونکبتلرینه بیوک بر تأثیری اولمشدی.

امینک انقضای دوریله عصیت عربیه نک انقراضی

(مأمون) والدهسی جهتندن نسباً ایرانی اولدتدن ماعدا بالاخره ولی  
 عهدلکنه چالیشان (جعفر بن یحیی برمکی) نک آغرش اعتناسنده تربیه  
 آلهرق [۱] ایرانیلره محب و میال بیومشدی. نته کیم (امین) ک ولی عهدلکی ده  
 (فضل بن ربیع) ک مساعی مصر و فسیله تأمین ایدلمش ایدی. برمکیلرک  
 تشکیل وقتلندن صکره (رشید) ک وقاتی اوزرینه (امین) سریر خلافت  
 جالس اولنجه (مأمون) ی ولی عهدلکدن اخراج (امین) ده اجرای تأثیر  
 ایدنده ینه (ربیع) ایدی [۲]. بونک اوزرینه ایکی قاردرش آرسنده خلافت  
 ایچون بیوک بر اختلاف و عداوت ظهور ایلمشدی. او صرده ده (مأمون)  
 خراسانده طاییلری نزدنده، (امین) ایسه بغدادده اقربا و طرفدارلری  
 اولان عربلر آرسنده بولنیورلردی. اختلاف ایکی طرف بیننده خونریزانه  
 محاربه لرده باعث اولمشدی. فقط حقیقت خالده بو محاربه لر ایکی قاردرش آرسنده  
 دکل، دولته بربرینه رقیب اولان ایکی عنصر، یعنی عربلر ایله ایرانیلر  
 بیننده وقوع بولاش ایدی. چونکه ممالک عباسیه ده بولتان عربلرک قسم اعظمی  
 (امین) ک طرفدارای ایدیلر [۳]. خراسانیلر (فضل بن سهل) ک تشویق  
 وحسن تدبیریله (مأمون) ده تأمین مظاہرت ایلمشلردی. بوکا مقابل بغدادده


بولان ( امین ) ده ( فضل بن ربیع ) واسطه سیاه عسکرینک مظاهرتی تأمین  
ایدیوردی. عرب عسکری اوزمانه قدرمدنیت وراحتہ آلیشہرق اسکی خواص  
فطریہ جنک آورانہی نوعاًما غیب ایتمش، ( منصور ) ک زماندن اعتباراً دوچار  
ایدلیکی تفرقه سببیلده برقات دها ضعیف دوشمشدی. بناء علیه ایکی اردو  
قارشی قارشی یه کلدیکی زمان عرب بار حقیله مدافیه مقتدر اوله مامشلردی.  
( امین ) اثنای محاربه ده صبیق یه کلوبده عسکر جمع و تسلیحی ایچون باره  
قلمدیغنی کورنجه بغداد اسافل ناسنک معاونت و مظاهرتنه مراجعت ایتمش  
ایدی. یان کسجیلر، خرسزلر وهرنوع ارباب جنج و جنایاتی محتوی اولان  
بوکروه اسافل پک بیوک بر مقدارده ایدیلر. ( امین ) عسکر تجہیزینه صرف  
ایملک اوزره ارباب ثروت و یسارکده اموالی ضبط و مصادره ایلش ایسهده  
بوتدایرک هیچ بر فائده سی کورلماش و نہایت محاربه لر ( مأمون ) ک مظفرتی  
ایله ختام بولمش ایدی. بونک تفصیلاتی ایلریده کله جکدر. ایشته خراسانلر  
دھا اول خلافتی امویلردن آلوب ( مأمون ) ک اجدادینه نصل تودیع ایتدیلر  
ایسه بوسفرده خلافتی عربلردن آلہرق ( مأمون ) ه تسلیم ایشلردی.

عربلرک مغلوبیت و ایرانیلرک غالیبتی سایه سنده کرسی خلافتہ ارتقا  
ایدن ( مأمون ) ک دورنده ایرانیلر پک بیوک بر نفوذ و موقع احراز ایتشلر،  
بتون قوتی الہ آملشلردی. عربلر ایسه بالعکس دھا زیاده ضعفه اوغرامشلردی.  
حتی جوق دفعلر عربلر ایرانیلرک بوتوق و نفوذلرینی، کندیلرینک ضعف  
و سقوطلرینی چکمیہرک سوقتلرده ( مأمون ) ک مروینی بکلرلر و کچدیکنده :  
« ای امیرانؤمنین ! خراسان ایرانیلرینه باقدیغک کبی شام عربلرینهده بر نظر  
التفات دریغ ایله » کبی تظلم و شکایتلرده بولنورلردی [۱].

متعاقباً ۲۱۸ سنه سنده مقام خلافتہ کلن ( معتصم ) طرفندن ترک  
و فرمانلیردن عسکر تشکیل ایدلمسی دولت عباسیهده عرب نفوذینه بستون  
خاتمہ چکمشدی. ( معتصم ) دولت دفاترنده مقید اولان عربلرک اسملرینی  
طی وابطالہ، انلره ویریلن معاشات وخصصاتک قطعنه دائر عموم والیلرہ امرلر  
کوندرمش، والیلرده چارناچار بواوامری تنفیذ ایشلر ایدی. آرتق اولاندن



اعتباراً عربلرک هیچ اہمیتلری قالماش ایدی [۱] . ولایتلره عربلردن والی تعیینده منع ایدلمش ایدی . عربلردن اولمق اوزره مصره والی اولان الکصوک ذات (عتبہ بن اسحاق) ۲۴۲ سنہ ہجریہ سنہ مذکور مأموریتدن عزل اولمش ایدی [۲] . عربلرک بوسقوطی ایرانیلرک امور دولتده بستیون صاحب نفوذ کسلملرینہ ودولتی بالکلیہ عربلرک اندن آلمنی دوشونملرینہ باعث اولمش ایدی . ایشته بوسائقہ ایله اصفہانده (مرداویج) ہندادی الہ کچیرمک ودولتی ایرانیلرہ نقل ایله عرب دولتی بستیون لغو وابطال ایتمک



قاهرہده المؤید جامعنک ستفی

اوزره ۳۲۳ سنہ سنہ دولت عباسیہ علمینہ اعلان عصیان ایش ايسهده [۳] تشبثده موفق اولمامشدی . بونکله برابر امور دولتده موقع ونفوذ ایرانیلرک اندہ قالماش ، ایلریدہ کوستریله چکی اوزره تدریج ایله سرای آغالریلہ خدمتہ سنہ انتقال ایتمشدی .

[۱] مقریزی ۲۹۴ ج ۲ [۲] انخری ۲۶۳

[۲] مقریزی ۹۵ و ۳۱۱ و ۳۱۳ ج ۱ وابن خلدون ۱۳۰ ج ۱

## شعوبیلر و عربلر

شعوبیلر عربلرک تقوق فطریسنی ادعا ایدنلره قارشى بو فکری جرح ورد ایتک اوزره عربلرک غیردن متشکل اولان فرقه دیمکدی . بونلر عربلرک علیمنده تفوهات و ثشریاتده بولمغه آنجق ( مأمون ) ایله ده صکره کان خاغا زمانلرنده جرأت ایده بيلمشلردی . ( مأمون ) بو عرب دشمنلرینی لطف و توجهنه مظهر ایلیور ، معیتده مأموریتلره آلیور ، احسان و عطیهلره لائق کوریوردی . کتبخانه خلافت اولان ( دارالحکمه ) ناظری عربلرک علیمنده کی شدت تمصبی ایله مشهور ( سهل بن هارون ) ، مشاهیر ابدادن ( ابو عبیده نحوی ) ، ( علان شعوبی ) بوفرقة نك الك مشهور ارکانسندن ایدیلر . شعوبیلر عربلرک نقایص و معاینه ، ملل سائرده تفوقلرینک رد و ابطالنه دائر برچوق کتابلر تحریر ایدیورلردی .

شعوبیلر بتون انسانلرک برفطرتده یارادلش اولدقلرینی ادعا ایتدکلرندن کندیلرینه ( اهل التسویه - ارباب مساوات ) نامیده ویریلوردی . عربلره قارشى ردیهلری جمله سندن اوله رق شو صورتله بیاناتده بولنورلردی : « بالذات حضرت نبی ( اسلاملر قارشدلرلر . قان قیمتلری بربرینه معادلدر . الک اشاعیلری الک یوکسکلرینه حقوق و وظائفده مساویدرلر . اسلاملر رابطه اتفاق ایله سائرلرک فوقده بولمیلدرلر ) ووداع جنده ایراد ایتدکلری نطقده ده ( هیچ برعربک عربلردن غیرى برى اوزرینه تقوی و صلاحدن بشفه برمزیت و رجحانی یوقدر ) دییه رک هر هانکی عنصردن اولور ایسه اولسون اسلاملر آره سننده مساواتی اعلان و تأسیس ایتشد . قرآن کریمده دخی : ( نزد الهیده سزدن مظهر لطف سبحانی اوله حق کیمسه لر تقوی و صلاحده بولنازلرک زدر ) مالى وارد اولمشدر . » شعوبیلر<sup>۱۷</sup> یوافکار و مطالعات ایله اودورلرده عربلردن ماعدا بتون اقوام جهانک مدافعی دیمک ایدیلر . کندی حکمدارلریله اظهار فخر ایدنجه فرعونلری ، نمرودلری ، عمایقلری ، کمرالری ، قیصرلری ذکر ایلرلر ، حضرت سلیمان ایله ، اسکندر کیرایله ، هند حکمدارلریله فخر و مباهاذه بولنورلردی . عربلر شعوبیلره قارشى پیغمبرلر ایله افتخار ایتدکجه شعوبیلرده حضرت آدم زمانندن کندی دورلرینه قدر ظهور ایتش اولان

انیسانی ذکر ایدرك بونلردن هود ، صالح ، اسماعیل ، محمد دن عبارت اولمق اوزره درتدن بشقه دیکرلرینک عرب اولدیغنی سویلرلردی . کذلک عربلر علم ، صنعت وفلسفه ایله فخر ایتک ایستدجکه شعوییلر سطرنج اویوتنی ، قطار طوینی ، اسطرلابی ذکر ایدرك یونان فلسفه ، اشعار وسائر علومی ، هند ، فرس وسائر دنک علوم ومعارفی ایله افتخار ایملرلردی . فقط شعوییلرک بعضری جرأته پک ایلری کیدرك : « عربلر نه ایله افتخار ایده بیلیرلر ؟ عرب قومی بربری ین ، بربری نهب و غارت ایله وقت کچرن بر طاقم متجاوز قورتلردن ، وحشی جناورلردن بشقه بر شیمی درلر ؟ ارککاری زنجیر ایچنده اشقیاء قادینلری دوهلره محمول اسرادن عبارت دکیدر ؟ » دیمکه قالدیشمشلر [۱] ، عربلرده عرض غیرتنک ضعیف اولدیغنه دال اسکی اشعار عربدن بعض اییات بولهرق استشهاد مقامنده ایراد ایتشلر ، « بر عرب برابرنده بر پیغمبر بولمازسه هیچ بر ایشده ایلری کیده مز » دیمشلر [۲] ، دغیری اسلحاق ایله عربلری تعیب وتقییح ایتدکاری کبی عربلرک ذم وقدحنه دائر بر طاقم اشعارده نظم ایتشلردی . مشاهیر شعرادن ( حسن بن هانی ) ، ( بشار بن برد ) وسائر عربلر حقنده طعن وتشیعی حاوی اشعار نظم ایدنلردن ایدیلر . مع هذا ( بشار ) برمسلكده ثبات ایتزدی ، کاه عربلرک علینده ، کاه لهنده بولنوردی .

بونک اوزرینه عرب طرفدارلری میدانه آتشلر ، شعوییلرک رد مدعیاتنه دائر کتابلر تحریرینه مسارعت ایتشلردی . ( ابن قتیه ) نک ( تفضیل العرب ) نامنده کی کتابی بویولده یازیلان اک مشهور آثاردن ایدی . شعوییلر بوکتاب علینده برحقوق یازیلر یازمشلردی . والحاصل هر حاده سیاست وطبیعت عمران عرب دولتک انقضاسنی موجب اولمشدی .

## ایرانی و زرانک منکوبیتی

## برآمدنه اول ایرانی وزرا

ایرانلیلر دولت عباسیه ده اک مهم مناصب حکومتی اشغال ایدنجه اسکیده اکاسره زماننده اولدینی کبی دولتی بسبتون ایرانی یامیق فکرینه دوشمشدر ایسهده اسلامیت مملکتک هر طرفنده پک قوتلی اساسلر اوزرینه تعمم ایتمش اولمسنه قارشى بو انقلابک لوی خلافت آلتنده بر رنک دینیدن بشقه بر واسطه ایله احداثی ممکن اولهمیه جغنی تقدیر و تفرسدن کیری قالماملردی .

ایرانلیلرک امویلر زماننده اهل بیته طرفدار اولملرینه وانلر نامه استحصال خلافت مظاهرت ایللرینه باعث اولان اسبابدن بری ده احتمال که بوامید ایدی .

بیعتک علویلردن عباسیلره انتقالندن ، خلافتک عباسیلره انحصارندن ، حضرت حسن اجدادینک وابو مسلم وسائر دنک قتلندن صکر دایرانلیلر (منصور)ک دهشتلی انتقامندن قورقورق بائجیوریه سکوت وسکونی اختیار ایتمشر ایسهده مذهب شیعهده دوام ایتمکدن و دولتی بر شکل ایرانیه قلب و یاخود یکیدن ایرانی بر حکومت تشکیل ایلک ایچون فرصت بکلمکندن ده واز کچماماملردی .

مع هذا خلفا ایرانلیلرک بو تمایلات ملیه سیاسیه لرندن غافل دکدیلر . بو تمایلاتی بیهلرک ایرانلیلری امور دولتهده استخدام ایدرلر ، فقط انلردن دائمی محترز بولنورلردی . برندن اوکی بر میل اثرینی کورورلر ایسه انی عزل و یاقتل ایدرلردی . ایشه بو سببدن ایرانی وزرا شیعیلکلرینی غایت کیزی طوتارلر ، خلفاده انلرک خانه لرنده خفیهلر قویهرق حال و حرکتلرینی نظارت آلتنه آلیرلردی . نته کیم ( مهدی ) اصلی عرب موالیسندن اولان وزیر اعظمی ( یعقوب بن داود ) ده اوصورتله معامله ده بولمش ایدی . ( یعقوب ) ابتدای حالنده ، مدینه ده ادعای خلافت ایدرک ( منصور ) طرفندن قتل ایدلمش اولان ( محمد بن عبدالله ) ک برادری ( ابراهیم بن عبدالله ) ک کاتبی ایدی . یعقوب محمد ایله برابر ( منصور ) ده اعلان عصیان ایتمش ، بعده ندامت ایدنلر میاننده حکومته التجا ایلش ایدی . علویلره اولان میل وانجذابنی کتم ایله ( مهدی ) به انتساب ایتدیکنندن ( مهدی ) انی کندی معیتنه آلمش ، کندیسینی فوق العاده



سومش، انکله عقد اخوت ایتک و بو اخوتی دواثر حکومتہ تبلیغ ایلک درجه سنه قدر حقدہ آثار اعتماد و محبت کو سترمش ایدی .

( یعقوب ) خلیفہ زمانک بو خارق العاده توجه و اعتمادینہ مظهر اولدقدن صکرہ اداره دولتدہ غایت واسع و عظیم بر نفوذ کسب ایتمش ایدی . ( مہدی ) یی ایستدیک کی چویرمکہ باشلامش ، اکا اسباب اسرافاتی تسهیل وامور دولتدن بیشقه شیار ایله اشتغالنه خدمت ایتمش ، کندسی یالکز باشنه تدویر مهام دولته حصر وجود ایلش ایدی . عربلر دولتک بتون قوت و نفوذینک بو ذاتہ انحصارینی چکمه دکلرندن کرک اشعار ، کرک وسائط سائرہ ایله سوء تعریضاتده یولتمقدن کیری قالماملاردی . فقط ( مہدی ) بو تعریضاتہ اہمیت ویرمیوردی . روایتہ کورہ خلیفہ مشارالیه حجه کیتمک اوزرہ یولده بر محلدن کچرکن بر کتابہ یہ راست کلش ایدی . کتابہ شوییتدن عبارت ایدی :

لله درک یامہدی من رجل لولا اتخاذک یعقوب بن داود

« یعقوب بن داودی استخدامک اولمسییدی نہ بیوک ، نہ عالی بر خلیفہ اولہ جقدک ! »

( منصور ) یتک آلتنه : « بونی یازانک انف حسودانہ سنہ رغماً . . فلاح یولسون . . » عبارہ لرینی یازدیرمشدی .

( یعقوب ) ک دشمنلری بودرلو حیل و وسائط ایله انی ( مہدی ) نک نظر توجہندن دوشورہ میہ جکلرینی آکالاینجہ خلیفہ نک مطلق نظر دقتی جالب حساس بر طماری اوزرینہ باصمق ، او یولدن غمازلقدہ یولتمقدن بیشقه چارہ کورہ میہ رک یعقوبک علویلرہ میل بسلمکده اولدیغندن ، ( منصور ) ہ قارش ی اعلان عصیان ایدن علویلر ایله وقتیلہ توحید مساعی ایتمش بولندیغندن بحثله خلیفہ نک فکر اعتماد کارانہ سنی چلمکہ چالیشمشلاردی . ( مہدی ) وزیر اعظمنک بوکی بر میلندن دہا اول خبردار اولدیغندن اخبارات واقعہ اوزرینہ اندیشہ یہ دوشہ رک حقیقت حالی بالذات آکلامغہ لزوم کورر . برکون لاجوردی البسہ کیہ رک ینہ اورنکده اثات ایله مفروش بر سالونده اوطورر . یانی باشندہ غایت دلربا بر جاریہ طور دورر . ( یعقوب ) ی بوسالونده قبول ایدر . انک خدماتندن فوق العاده ممنون اولدیغندن بحث ایدرک سالونی بتون مفروشاتی و جاریہ ایله برابر کندیسنه ہبہ ایلرہ . بو توجہ واحساندن صکرہ اکامہم بر خدمت

تکلیف ایدر. احفاد حضرت علیدن بر ذات واردی. (منصور) اندن. قورتولق ایستیوردی. قتل و ازاله وجودینی (یعقوب) دن طلب ایلر. (یعقوب) اوعلوی بی قتل ایده جکنی وعد و بو وعدینی یمن ایله تأمین ایتدکن صکره کندی خانه سه کدر. علوی بی نزدینه چاغیریر. علوی فاضل، ادیب بر ذات ایدی. جاننه قیلمامسی ایچون نیازلرده، استرحاملرده بولنور. (یعقوب) اکا آجیه رق قتلدن اعفا ایتدکن ماعدا اکا فراری توصیه و بونک تسلی ایچون تقدأ معاونت ایدر. اساساً بوایشده خفیه لك ایتک مقصدیله احسان اولنان جاریه اوصرده اوطه نك برکوشه سنده صاقلانمش، (یعقوب) ایله علوی آرمه سنده وقوع بولان محاوره لر آکلامشدی. وقعه نصل جریان ایتش ایسه انی عیناً (مهدی) یه نقل ایلر. (مهدی) آدم کوندره رك علوی بی دردست و اخفا ایتدیردکن صکره (یعقوب) ی جلب ایدر. (یعقوب) وقوع حالی اعتراف ایلر. بونک اوزرینه (مهدی) یعقوبی عزل و بر قاچ سنه امتداد ایتک اوزره زیر زمین زندانه القا ایدر. یعقوب رشیدك آلتجی سنه خلافته قدر زندانده قالدقن صکره نهایت (یحیی بن خالد برمکی) نك التماس و شفاعتی ایله - چونکه ایکسی ده بر طینت و مذهب دن ایدیلر - اطلاق اولنور. (یعقوب) آرتق بر پیر سالدیده و ناتوان حاله کئش اولدیغندن (رشید) اکا ایستدیک یرده اقامتده سربست براقیر. (یعقوب) مکده اقامتی آرزو ایدر. رشید کندیسنی مکیه کوندریر. (یعقوب) اوراده ۱۸۷ سنه سنده وفات ایلر. یوسنه برمکیلرک نکبت و فلاکت لینه تصادف ایتکده در.

### وزرای برامکه

#### دولته موقع و نفوذلی

(مهدی) ایله (هادی) دن صکره (هرون الرشید) جالس اورنک. خلافت اولنجه برامکه بی وزیر آتخا ایتشدی. چونکه بونلرک جدی اولان. (خالد برمکی) ابو مسلم اردو سنده قوماندانلقده بولنه رق عباسیله تأمین موفقیت ایچون مساعی جانسپارانه صرف ایتش، ده اول بیان ایدلیدی


اوزره (سفاح) طر قندن وزارتہ تعیین و متعدد محاربہ لردہ دہ استخدام ایدلش ایدی. (خالد) پک بیوک درایت، خارق العادہ حزم و بصیرت، وسعت صدر، مسانت طبع صاحبی ایدی. انک اولاد و احفادن هیچ بری کرم و سخا، اصابت رأی، جرأت و اقدام، علم و درایتہ اکا یتیشہ مامشدی. اوغلی (یحیی) دخی و فرت عقل، سداد رأی ایلہ شہرت آلہ رق (مہدی) نک توجه و اعتمادینہ مظهر اولمش، امور مہمہ دہ عادتاً مستشار خاصی کسلمشدی. مہدینک زوجہ سی (خیزران) رشیدی طوغورمدن یدی کون اول (یحیی) ۱۴۸ سنہ ہجریہ سنہ (فضل) تسمیہ ایتدی ارکک اولادہ مالک اولمشدی. ایکی نوزاد برابر بیومش، (خیزران) فضلی ارضاع ایتش، ایکسی بربرینہ سوت قاردش یاپش ایدی.

متعاقباً (رشید) بر آز بیونجہ (مہدی) انی یحیانک دست تعلیم و تربیہ سنہ تودیع ایلشدی. (رشید) یحیانک آغوش اعتنا و تربیتندہ نشوونما بولہ رق اکا دأما «باباجم!» دیردی. (مہدی) ۱۶۹ سنہ ہجریہ سنہ (جرجان) دہ [۱] ارتحال ایتدی صرہ دہ دولتک اک بیوک و اک نفوذلی آدملری مشارالہ یحیی بن خالد) ایلہ (ربیع بن یونس) دن عبارت ایدیلر. پدرینک وفاتی اثناسندہ (ماسبدان) دہ برابر بولنان (رشید) خلیفہ نک خبر وفاتی عسکر آرمہ سنہ انتشار ایدر ایسہ فنا نتیجہ لر وقوع بولمسندن قورق دیغندن یحیادن مطالعہ و تدبیر طلب ایتش، یحیادہ او موقعہ غایت مصیب رأی و تدبیردہ بولمش ایدی. بونلر بغدادہ عودت ایدنچہ اہالی یی ہيجانہ کورمشلردی. (رشید) و (ہادی) نک بغدادہ بولنان والدہ سی (خیزران) احوال حاضر دیہ قارشی اجراسی اقتضا ایدن تدابیری مذاکرہ ایتک اوزرہ (یحیی) و (ربیع) ی تزدینہ چاغیرمش ایسہ دہ بونلردن یالکز (ربیع) دعوت واقعہ یہ اجابت ایتش، (یحیی) ایسہ (ہادی) نک قیصقا نجلغنی نظر تأملہ آلہ رق (خیزران) ک یانہ کیتامشدی. (ہادی) یحیانک بویولہ حرکت ایتسندن پک زیادہ ممنون اولمش، پدری (مہدی) نک زمانندہ اولدینی کبی انی (ہرون) ک یانندہ براقمش، (ربیع) دہ تویخندہ بولمش ایدی.

(هادی) زمام سلطنتی اله آلیز آلاز ال اول دوشوندیکی شی برادری (رشید) ی ولی عهدلکدن چیقارمق ، کندی اوغلنی ولی عهدلکه تعین ایله دیگر برچوق خلفانك یابدقلمی کی خلافتی کندی نسلنه تحویل وحصر ایتمکدن عبارت اولمشدی . (هادی) بو عزمی خواص رجال دولته بیان ایدنجه بونلر درحال بوخصوصه موافقت ایدرك (رشید) ی خلغ و (هادی) نك اوغلی (جعفر) ه بیعت ایلدکلمی کی (رشید) ی ذمه بیله باشلامشردی . ولی عهدلر بریره چیققدیجه اوکلرنده بر حربهدار یورومسی مراسم معتاده دولدن ایدی . (هادی) رشیدك اوکنده حربهدار یورومسی منع ایتدیکندن خلق رشید ایله کوروشمکدن ، کندیسنه سلام ویرمکدن چکنمش ، (رشید) ده بو حاله راضی اولمشدی . فقط (یحیی) بو حقمنزلغه راضی اولمیهرق (رشید) ی مدافعه حقوقه تشویق ایتمشدی . بونك اوزرینه بعضلری یحیانك بو حرکتی (هادی) یه اخبار ایدرلر . (هادی) یحیادن : « اجرا آتمه نهیه قارشى طور ییورسك ؟ » دییه صورار . یحیی : « بر قول ولی نعمته قارشى آنحق حسیات عبودیت و صداقت پرورده ایدیهیلیر » جوابی ویریر . (هادی) : « او حالده بنله برادرمك آردسنى بوزوب انی نیچون بکا اطاعتسز لکه تشویق ایدیورسك ؟ » سوزلرنی توجیه ایدر . یحیی : « بن کیم که آره کزی بوزایم . (مهدی) بنی رشیدك کتخدالغه تعین ایتش ایدی . دها صکره بو مأموریتده قالمقلمی سز امر ایلدیکنز . بونکچون بوکون افدمزك معیتده امرینه تابع بر مأمور صایلیرم » جوابنده بولنور . (هادی) بو جوابدن منون اولور . (یحیی) هادینك بو منونیتی فرصتعد ایدرك : « ای امیر المؤمنین ! سز اهالی بی نکث عهده آلیشدریرسه کز صکره انلر یمین طوماتمغه باشلارلر . برادر کزی ولی عهد براقهرق اندن صکره داوغلکز (جعفر) ك ولی عهدلکنه خالقه بیعت ایتدیریرسه کز اوغلکز دهاقوتلی بر ولی عهدك تأمین ایدرسکر » مطالعهسنده بولنور . (هادی) : « مطالعه کز يك دوغری » دییهرك کندیسنى صاوار . بعدد رشیدی خلغ ایدن قوماندانلر ایله کوروشنجه بونلر (رشید) ك خلغنده ثبات اولمسنی توصیه ایدرلر . (هادی) (یحیی) ی حبس ایلر . (یحیی) - بس خانه ده ایکن « نصیحتم وار » دییهرك (هادی) یه خبر کوندریر . (هادی) انی حضورینه کتوروب نصیحتك نه اولدیفنی صورار .



(یحییٰ) : « آرزو ایتدیکمز و وقوعندن اول کندی و قاتمزی تمنی ایندیکمز امر عظیم ( یعنی هادینک و فاتی ) لاسمح الله واقع اولور ایسه خلقک هنوز مرتبه رشده بالغ اولمایان اوغلکز (جعفر) ی مقام خلافتہ اصعاد ایدہ جکلرینی ،



طنجهده کی جامع کبرک منارده سی

نماز و حجهده ، محاربه لرده انک رفاقته راضی اوله جکلرینی ظن ایدر میسکزی ؟ «  
دیه سورار . ( هادی ) : « ظن ایتیمورم » دیر . یحییٰ : « خاندانکزک اکابرندن

فلان کبی ذواتک خلافتہ کوز دیکمیه جکلرنندن ، دیکرلرینک ده عین طمع و حرصه دوشمیه جکلرنندن ، خلافتی پدریکزک ذریتندن آلمیه جکلرنندنده امینیسکز ؟ حقیقت شوکه پدرکز (مهدی) رشیدی ولی عهد تعین ایتامش اولسه ایدی بیان ایتدیکم محذورلره مبنی بوتعینی سزک یامقلغسکز اقتضایدردی . حال بوکه سز بو محذورلری نظر دقته آلمیه رق پدریکز طرفندن یاپیلان غایت مصیب بر شئی بوزمق ایستورسکز . اوغلکز بیونجهیه قدر برادریکز رشیدی ولی عهد براقی ایجاب ایدر . اوغلکزک بیودیکنی ، خلافتی احراز واداره ایدمیه بیه جکنی کوردیککزده اوزمان رشیدی چاغیررسکز . ( رشید ) کندی نفسی خلع و اوغلکره بیعت ایدر . ( هادی ) یحیایک بو فکر و مطالعه سنی مصیب بوله رق موجبجه عمل ایدر [۱] .

فقط ( هادی ) بر سندن زیاده اجرای حاکمیت ایتکسزین وفات ایلدیکندن . خلافت ( رشیده ) ه انتقال ایتش ، خلافتک انتقالی مژده سنی ، خاتم سلطنتی اوقوده ایکن ( رشیده ) ه نقل و تسلیم ایدنده ( یحیی ) اولمشدی . ( رشید ) یحیایک حسن مساعیسی تقدیر ایدرک کندیسنه : « باباجم ! سن برکت و یمک ایه ، حسن تدیرک ایله بنی بو موقعه چیقاردک . اموردوائی سکا تودیع ایدیورم » دیش ، مهر سلطنتی ده اکا تودیع ایشدی . ( رشید ) یحیایه پک چوق آثار حرمت کوستریر ، اکا توجیه خطاب ایتدکجه « باباجم ! » دیردی .

( یحیی ) بر قاچ اولاده مالک اولمش ایدی که سیخا و نزاهتده انلرک ایسی ( فضل ) ، کتابت و فصاحتده ( جعفر ) ، غیرت و همتده ( محمد ) ، شجاعت و اقدامده ( موسی ) ایدی . بونلرک یوکمک مناصب دولته ترقی ایتشلر ، امور حکومتده باخصوص ( جعفر ) و ( فضل ) پک بیوک بر نفوذ صاحبی اولمشلردی . سخاده ایسه شهرتکیر آفاق اولمشلردی . پدرلری دخی کندیلری کبی غایت کریم بر ذات ایدی . بونلرک سخاسی ضروب امثال صره سنه کچمش ، حتی اسملرنندن بر صیغه تشکیل ایدلش ایدی . بری آثار سخا ابراز ایتدیک زمان « فلان بر مکیشمشدر » دیتیلیوردی .

( رشید ) یحیی حقنده فوق العاده بر اثر توجه کوسترمک ایستیه رک ایکی

اوغانى اك بيوك مأموريتلره تعيين ايلشدى . ملكتى ايكيلى آرەسندە ايكي قسمه تقسيم ايتمش ، انباردن افريقيه قدر بتون غرب واليلكنه ( جعفرى ) ، ( شيروان ) دن ترك ملكك صوك حدودينه قدر شرق واليلكنه ( فضل ) نصب ايلشدى . ( فضل ) بو توجيه اوزرينه ۱۷۶ سنه هجريه سنده خراسانه كيدرك اوزالرده حكمفرما اولان مظالمى ازاله ، برچوق مسجد ، حوض ، كروانسراى ، تكيه ، حدود اوزرنده قره غوللر تأسيس ايتش ، بقايا دفترلىنى احراق ، عسكرى مقدارىنى تزويد ، مأمورين حكومتى ورؤساى عسكرىيى احسانلر ايله تلطيف ايتمش ايسه ده محل مأموريتنده چوق قالمه ريق ۱۷۹ سنه سنده يرينه بشقه سنى مأمورايتدكن صكره بغداده عودت ايتمش ايدى . ( رشيد ) فضل مظهر اعزازايدرك كنديسى وزير اعظمغه تعيين ايتش ايسه ده آزمدت صكره وزارتى برادري جعفره تحويل ايتك ايستديكندن پدرلىنه : « وزارتى فضلدن جعفره تحويل ايتك ايسته يورم . فقط فضله بونى يازمقدن اوتايورم . بو خصوصى كنديسنه سز يازيكز » ديتش ايدى . ( يحيى ) فضله : « اميرالمؤمنين افندمن خاتم سلطنتى صاغ الكدن صول الكه تحويل ايتمه كى امر بيورمشلردر » ديه يازمش ، ( فضل ) ده : « اميرالمؤمنين انندمرك برادرم ايچون صادر اولان امرىنى كمال اطاعتله تلقى ايلدم . برادريه انتقال ايدن بر نعمت بدن كيتمش ، اكا پرتونشار اولان بر رتبه بدن افول ايتمش صايلماز » جوابى ويرمش ايدى [ ۱ ] .

( جعفر ) رشيدك دور خلافتنده بوتون نفوذ دولتى يد اقتدارينه حصر ايتمش ، نزد خايغه ده كيمسه نك يتشه مديكى بر مقام ممتاز احرار ايتش ايدى . ( رشيد ) ايكي كشى يه مخصوص يتيشك برالبسه ياپديره ريق اتى ( جعفر ) ايله برابر كيردى . ( جعفر ) امور دولتى ايستديكى كچى اداره ايدى يور ، هر نه يى مناسب كورسه اوشى دولتك نصفى باغشلامق ويا خليفه نك قيزنى خود بخود برينه ويرمك اولسه بيله ينه ( رشيد ) طرفدن ترويچ وتصديق اولنيوردى .

خاندان هاشميدن ( عبدالملك بن صالح ) ك حكايه سى ( جعفر ) ك نه قدر واسع بر صلاحيتله تدويرامور ايتديكىنى پك صريح برشكلده كوسترير . ( رشيد ) ك عمزاده لرندن اولان بو ( عبدالملك ) خلافته كوز ديكندردين ايدى . ( رشيد )

بوندن طولای اکا مغبر اولمشدی . ( عبدالمک ) برکون ( جعفر ) ک بر بزم شرابنده بولندی ایچون ( جعفر ) اکا رشید ایله آرسنده متحدث اغبرارک ازاله سنی ، ۴,۰۰۰,۰۰۰ درهمه بالغ اولان بورجک تسویه سنی ، اوغلی ابراهیمک رشیدک قیزی ( عالیه ) یه تزویجی ایله مصره والی تعیینی — رشیددن استیدان ایتمکسزین — صورت قطعیه و وعد ایش ایدی . ( عبدالمک ) جعفرک یانندن چیقوب کیتدیکی زمان اوزم خصوصیه حاضر بوانانلر ( جعفر ) ک بودرجه اهمیتلی شیلری کندی کندینه وعد ایتک خصوصنده کی جرأته قارش حیره دوشمشلر ، بوندن طولای ( رشید ) ک غضبه اوغرامسندن قورقمشلردی . فقط جعفر ( رشید ) ک حضورینه کیره رک بیان اولان خصوصاتی عرض ایدنجه جمله سی ایچون خلیفه نک موافقتی استحصال ایش ایدی [ ۱ ] .

( جعفر ) ک خزینۀ دولتن صرفاتی بی پایان اولدینی کی حکومته و خلقه متعلق اموره ده مطلق التصرف ایدی . فقط بو وسعت نفوذه رغماً ( رشید ) سلطنته صداقتسزلکنی حس ایدنجه انی قتل ایتدیکی کی بتون خاندانی ارکان وافرادی نه ده منکوب و مقهور ایشدی . برامکه نک بوفلا کتی مشهور بر وقعه اولوب اسبابی حقنده برچوق روایات تداول ایتمشدی .

### برمکیلرک نکت زلفه کنی

رشید و شیعه

برمکیلر اهل شیعه دن اولدقلری کی بیوک پدرلری ( خالد ) ده سائر خراسان و فارس اهالیسی مثللو وقتیه علویله بیعت ایتیش ایدی . ( خالد ) عباسیلرک مظفریتلرینی ، خلافتک علویله ده اولمسنی آرزو ایدن ( ابوسلمه ) ایله ( ابومسلم ) و سائر دنک باشنه کلن فلاکتلری کورنجه بوفکردن واز کچمکی ده موافق بوله رق اولو ( سفاح ) ده و متعاقباً ( منصور ) ده ابراز صداقت و ایفای حسن خدمت ایتیش ایدی . اوغلی ( یحیی ) و بونک اوغللری ده او یولده حرکت ایتیشلر ایه ده شیعه علویه یه میل و انجذاب بسلمکدن قورتوله مامشلردی . بونلر بالخاصه علویلر ایله طرفدارلرینه پک شدتلی



طاورانہرق تعقیب وقتلرندن چکنامش اولان ( رشید ) ك زمانده بومیلرینی بك کیزی طوتارلردی [۱] . ( رشید ) چوجقلنی زماننده بیله شیعلردن نفرت ایدردی . شیعلرده اندن حتی خلافتدن اول قورقارلردی . ( رشید ) مقام خلافته کلنجه ( بغداد ) ده بولنان طالیلرك كافه سنی مدینه یه اجلا وتبید ایتشدی [۲] .

( رشید ) ك علویلره کین وعداوتی هرکسجه معروف اولدیغندن شعرا انك نظر توجه والتفاتنه مظهریت ایچون علویلر حقنده طعن وذمی حاوی قصیده لر تنظیم ایله کنديسنه تقدیم ایدرلردی . بوکا مقابل علوی شاعرلرده ( رشید ) حقنده عجویه لر یامقندن کیری طورمازلردی . آنجق بونلر انك حال حیاتنده میدانه چقمغه جسارت ایده مزلردی . وقتا که ( رشید ) ترك دغدغه حیات ایدرك طوسده دفن اولندی ( دعل بن علی ) کبی علوی شعرا اتی اك شدتلی عجویه لره هدف ایتشلردی .

برمکیلر ایسه ( رشید ) ك علویلر حقنده کی بغض وعداوتدن نفرت ایدیور ، او خاندانه روا کوردیکی تدمیرات وتنکیلاتی حرام عد ایلور [۳] ، منعه عدم اقتسدارلرینی نظر دقته آلهرق ناچار سکوته مجبور اولیورلردی . مع هذا اهل شیعه یه امکان مساعد اولدیغی قدر کیرلیدن کیزی یه ایصال معاوتندن ده کیری طورمیورلردی . کبار اهل شیعه برامکدن اك ایلری کلن و ( رشید ) ك نزدنده اك زیاده نفوذ وتأثیر صاحبی بولنان ( جعفر ) ك یاننده طوپلانیرلر ، ( رشید ) طرفندن حقلرنده وقوع بولان تضییقات وتنکیلاتی نقل وحکایه ایدرلردی . ( جعفر ) علویلر ایله اولان بو مناسباتنك ( رشید ) ه ایصال و اخبار ایدیله مامسی ایچون لازم کلن تدابیر احتیاطیه یی اتخاذ ایلور ، فقط بو تدابیره رغماً سرای رجال ومأموریتندن اولوب اکثریا عربلردن ویا انلره انتساب ایدنلردن اولان حاسدلری بواحوالی تجسس ایدرك آن بآن ( رشید ) ه ایصال ایتمکدن خالی قالمیورلردی . ( جعفر ) ك اك بیوك واک مقتدر دشمنی بالذات ( رشید ) ك زوجه سی واوغلی ( امین ) ك والده سی

[۱] العقد الفرید ۱۴۲ ج ۱ [۲] ابن الاثیر ۴۷ ج ۶

[۳] ابن الاثیر ۴۷ ج ۶

( زبیده ) ایدی . چونکه ( جعفر ) انک اورتاغنک اوغلی ( مأمون ) ی کندی اوغلنه ترجیح ایشدی .

( امین ) و ( مأمون ) ک ولی عهدلکلرینی حاوی اولان بیعتنامه‌نک کعبه درونده تعلیق اولندیفی صره‌لرده ( زبیده ) جعفردن پک زیاده کوچمیش ایدی . امین علی‌العاده یمین ایتدکدن صکره کعبه‌دن چیقہ جنی زمان ( جعفر ) انی چویرمش ، « قاردمه خیانت ایدر ایسم الله بنی قهر ایتسون » مألنده بر یمینی اوچ کره تکرار ایتمسی تکلیف ایشدی . والده‌سی ( زبیده ) بو تکلیفی پک کران کورده رک اکا کین باغلامش ، بالاخره اسقاط وتنکیلی ایچون ( رشید ) ی تشویق ایدنلر جمله‌سندن بولنمش ایدی [۱] . ( زبیده ) ایله ( جعفر ) آره‌سندم موجود اولان عداوت جنسیه‌ده آریجه حائز تأثیر ایدی . باخصوص ربیع عائله‌سی ، مزید شیبانی عائله‌سی کبی برمکیلرک عرب امراسندن دخی پک چوق حاسد ورقیلری واردی . برامکه بو امرانک نفوذ وموقعلرینی کوچولتمش ، ( رشیدی ) ی انلرک علیهنده بولنمغه سوق ایشلردی [۲] . بونلردن بشقه برمکیلرک حتی عمجه‌لری ( محمد بن خالد ) داخل اولمق اوزره ایرانلیلردن ده برچوق دشمنلری واردی . ( محمد بن خالد ) برمکیلرک حاسدلرندن واضرارلرینه چالیشانلردن ایدی [۳] .

بونلر هب ( جعفر ) ی ( رشید ) ک نظرندن دوشورمک ایچون کاه شیعلکندن ، کاه نفوذ دولتی کندی نفسنه حصرندن ، کاهده کندیسنک واقربا وتعلقاتنک اموال دولته استیلالرندن دم اورییورلردی . ( رشید ) بوسعیاتلری ایشیدوب آکلايور ، لکن یحیانک کندیسنه ایفا ایتدیکی حسن خدمتلری ، اوغللرینکده دولتک تنظیماتنده وقوع بولان همت وغیرتلرینی نظر تقدیردن دور طوته‌میه‌رق ( جعفر ) ک بعضاً علویله مظاهرتی کبی احواله رغماً بو امکدار عائله‌ینی پریشان ایتمکه جسارت ایده‌میوردی . فی‌الواقع ( رشید ) ( جعفر ) ی مغرب والیلکنه تعین ایدنجه ( جعفر ) کندی یرینه والی وکیلی اولمق اوزره بر شیعی‌یه تقویض امور ایش ایدی [۴] . ( رشید ) بو احوالک جمله‌سنه صبر وتحمل کوستیریور ، قارشی کلمک ایچون مناسب بر فرصتک ظهورینی بکلپوردی .

[۱] مسعودی ۱۹۵ ج ۲ [۲] ابن‌الاثیر ۵۷ ج ۶ [۳] ابن‌الاثیر ۷۱ ج ۶

[۴] سیوطی ۱۰ ج ۲

### خراساندہ شیعہ علویہ

عباسیہ احرار خلافتہ تشیث ایتدن اول حضرت علی شیعہ سندن اولان خراسانیلر ایله انلره التحاق ایدن طبرستان ودیلم اہالیسی بالآخره عباسیہ کلافتی آنجق (ابومسلم) ۛ مماشات ایتک ویانندن قورقق تأثیریلہ طائمشلردی . فقط چوق زمان کچمدن (ابومسلم) غدر وحیلہ ایله قتل اولندی کی آرقداشلیری اولان راوندیلر دخی قتل وپریشان ایدلدیکی حالده خراسانیلر انتقام آلمغه امکان بولہ مامشلردی . متعاقباً (منصور) بغدادی تأسیس ایدره ک ایچنده تحصن ایتمش ایدی . فقط خراسانیلر انتقام ایچون فرصت آرامقندن ینه واز کچمورلردی . (منصور) بوسفر علویلر ایله حرب ایدره انلری قتل وتکیل ایدلکندن حضرت علی احفادنندن برحیات قالانلر مملکت اسلامیہ نک اک اوزاق جهتلرندن اولان خراسان ومغربہ فرار ایتشلر ، اورالرده خلقی کندی خلافتلرینه کیزلیجه دعوت ایتکه باشلامشلردی . خراسانیلرک (ابومسلم) ک انتقامنی آلق ایچون (منصور) حقننده حس ایتدکلری نفرت کندیلرینی علویلرک اک بیوک مظاهری یامیش ایدی .

عباسیلر کندی دولتلری ایچون آنجق خراسانیلردن قورقارلردی . چونکه بو قطعه اہالیسی علویلرک شیعہ سندن اولدقندن ماعدا جسور وجنک اور وخلافتی امویلردن عباسیلره نقل ایتدکلری کوندن بری هرکس نظرندہ بر مقام ہییت ورهبت صاحبی آدملردن متشکل ایدیلر . (رشید) ک زماننده اوراده کی شیعہ نک رئیس (منصور) طرفندن قتل اولتان (محمد بن عبدالله) ک برادری (یحیی) ایدی . مشارالیه ۱۷۶ سنہ سنده دیلم مالکنده کندینی خلیفه اعلان ایتمش ، پک چوق طرفدارلر طوپلایه رق بیوک برقوت صاحبی اولمشدی . (رشید) بوغائلہ دن قورقدیغندن استیصالی ایچون براردو ایله (فضل بن یحیی) نی اعزام ایلشدی . (فضل) مشارالیه ایله مذاکراتده بولندقدن صکره (رشید) ایله اجلہ بنی هاشم طرفندن ممضی برامانامه ایله انی صلحاً دائرہ اطاعتہ آلہ رق بغدادہ برابر کتیرمش ، (رشید) اکا حرمت ورعایتده بولنہ رق کندیسنه معاش باغلامشدی .

بعده (رشید) خوف و اندیشه تأثیریه ویا شیعه دشمنلرینک القآت و تشویقاتی ایله (یحیی) بی حبس ایتمکی دوشومش ایسهده اله و یرمش اولدینی اماننامه دن طولانی بو فکری قابل اجرا کورمامش ، کبار فقهانک رأی و مطالبه سنه مراجعت ایش ایدی . فقهادن بری اماننامه نك صحت احکامنی ادعا ایتمش ایسهده (رشید) بو ادعای شایان قبول کورمامشدی . دیگر بر فقیه ، یعنی قاضی (ابوالبحتری) ایسه بونک فلان نقطه دن طولانی بر اماننامه متقض اولدیغنی سوبلیدیکندن (رشید) اماننامه بی یرتمش ، یحیائی جعفره تسلیم ایدرک حبسه اله ایتدیرمش ایدی . (جعفر) یحیانک مظلوماً حبسه آنلیدیغنی ، انک امان ایلله تسلیم نفس ایتمش اولدیغنی ، رشیدک نکث عهد ایتدیکنی کوریوردی . بناءً علیه دولته حائز اولدیغنی نفوذ و قوته کووده نرک و (رشید) طرفدن ده صکره سؤال واقع اولیه جغنی ظن ایدرک یحیائی حبسخانه دن صالیورمکی موافق بولمشدی . (جعفر) آدم واسطه سیله (یحیی) ایله کوروشه نرک علوی اولمق دن بشقه یکیدن برقباحت ایشله مدیکنی آکلانجه حاله آجیه رق اوزاق بر یره صیغیمق اوزره سیلینی تخلیه ایتمش ویوللرده طانیلوب دردست ایدلما می ایچون امین بریره وارنجه یه قدر کندیسنه بر آدم نزقیق ایش ایدی [۱] .

#### رشید و جعفر

پدری (ربیع) ک وفاتندن صکره مقام وزراته صمودی بکلز ایکن برطاقم عجملردن عبارت اولان بر مکیلرک او موقعی اشغال ایتلرینی چکه مین (فضل بن ربیع) اک باشده اولدینی حالده بر مکیلرک حاسد و دشمنلری (جعفر) ک واحوال و حرکاتی دائماً انظار تجسس آلتسده بولندیرمقده ایدیلر . (جعفر) ک (یحیی بن عبدالله) ی اطلاق ایتدیکنی استخبار ایلنجه همان (رشید) ه اخبار ایتشلردی . (رشید) وزیرینک خود بخود بویه برجرأته بولمئسندن حیرته دوشمش ایسهده هنوز ایشک حقیقتی آکلادن کندینی ووزیرینی کوچک دوشورمامک ایچون یحیانک کندی امر و موافقیته اطلاق اولندیغنی سوبله نرک (فضل) ه سرت جوابلر و یرمش ایدی . بعده (رشید) جعفری برلکده یمک یمکه دعوت ایتمش ، سفره یه برابر او طورمش ، اکا



لقمہ یدیردرک قونوشمغہ باشلامشدی . او ائنادہ یحیانک نہ حالده بولندیغنی  
جعفردن صورمش ، ( جعفر ) ده : « حبس خادہ بیلدیکنز حالدهدر » جوانی  
ویرمشدی . ( رشید ) « باشم ایچون داوغری سویله » دینجه ( جعفر ) در حال  
ایشک فرقه واردرق وقوع حالی تمامیلہ نقل ایتش ، یحیانک هیچ برقنا فکر  
ومقصدی اولدیغنی آکلادینی ایچون اطلاق ایلیکنی اعتراف ایلمشدی . بونک



بلوردن اسکی بر عرب قدحی

اوزرینه ( رشید ) « پک اعلا یاپدک . بنده بویله برشی دوشونیوردم ) دیش  
ایسده او آذن اعتباراً جعفر حقنده بر نفرت طویش ، اتلاف وتکیلنی  
دوشونمکه باشلامش ایدی . حتی ( جعفر ) اورادن آیرلینی زمان ( رشید )  
کندی کندینه : « سنی اولدیرمزسم الله بنی اولدورسون » دیش ایدی .  
( رشید ) آرتق جعفری تنکیل ایچون فرصت آرایور ، تدیرلر دوشونیوردی .

چونکه بر مکیلر هر صنف خلقه وحتى بالذات هاشمیلره پك چوق پاردر احسان ایتدکلی ایچون فوق العاده بر نفوذ و اقتدار صاحبی ایدیلر . فقط ( رشید ) وقتی کلدن جعفره بر شی حس ایتدیرمك ایسته مدیکندن انی خراسانه والی تعیین ایده جکئی بهانه ایدرك مهر وزارتق کنديسندن آلوب پدری یحیایه تودیع ایتمش ، کنديسنی خراسان وسجستان والیکنه نصب ایلش ایسه ده یکریمی کون کچمدن بو والیکدن عزل ایتمش ایدی [۱] . جعفرک بوتعینی یا برکوستریش ایدی ، یاخود ( رشید ) انی والی تعیین ایتدکدن صکره قورقهرق عزل ایله تلافی مافات ایلشدی .

برمکیلرک حاسدلیرلی جمله سندن اولان ( علی بن عیسی بن ماهان ) دخی انلرک علینده اجرای سعایتدن کیری طورمیه رق جعفرک برادری ( موسی بن یحیی ) یی خراسان ولایتی عصیانه تشویق ایتمکله اتهام ایتشدی . ( رشید ) موسایی حبس ایتدیردکدن صکره سیلنی اطلاق ایلشدی . فقط ( رشید ) آرتق عموم برمکیلر حقدنه معامله یی دیکشدرمش ، بویولده بعض آثارظاهره کوسترمکدن ده خالی قالمامشدی . مثلاً ( یحیی بن خالد ) - که رشید اکادها اول باباجم دیردی - بلاستیدان ( رشید ) ک حضورینه کیردی . ( رشید ) بویله اذنسز دخولی چرکین کوردیکنی اخطار ایدنجه آرتق اذنسز کیرمکدن واز کچمش ایدی . کذلک یحیی ( رشید ) ک حضورینه کیردکجه غلاملر آیاغه قالقلارلردی . ( رشید ) خدمه آغاسی ( مسرور ) ه امر ایدرك انلرک قیاملرینی منع ایلش ایدی . رشیدک معاملاتنده وقوع بولان بوتبدلی یحیی حس ایتمش ایدی . خلق آره سنده دخی دیلدن دیله تداول ایتمش ، برمکیلرک باشنه ار ، کچ بر فلاکت کله جکی آ کلاشلمش ایسه ده کیمسه انلری ایقاپه جسارت ایده میوردی . حتی بعض مغیلر برمکیلرک یاقینده بر مصیبتنه اوغرایه جقلرینه ضمنی اشارتی حاوی شریقلر تغنی ایتملرلردی .

( رشید ) برمکیلرلی تشکیل ایدر ایسه طرفدارلرندن بر مقاومت وقوع بولمندن قورقدیغندن سرایه منسوب ذواتک بوخصوصده نه دوشوندکارینی ، اویله بر حادثه نك خلق اوزرنده نه کبی بر تأثیر حاصل ایده بیله جکئی آ کلامنی موافق کورمش و خلق ایله ک زیاده اختلاطده بولنان مغیلرک افکار عمومییه فضله وقوفه

مالك بولنه جقلمىنى ، بونلرك ايجكى وسر خوشلق حالنده هر شىئى سويليه چكارىنى نظر دفته آلهرق مقصدى بالى ايتدير مكسزىن انلرى سويلتمك ايسته مشدى .  
مغنى ( اسحق موصلى ) بركون حضور خليفه ده بولنور ايكن ( رشيد ) اكا  
« خلق نه سويليور ؟ » سؤالى توجيه ايتمش ، ( اسحق ) ده « برمكىلرى منكوب  
و فضل بن ربیع ) ی وزراته نصب ايده چكى سويلورلر « جوابنده بولمىش  
ايدى . ( رشيد ) بوجوابدن كوجنير كى كورونهرك اسحقه : « خيث ! بوليه  
شيلرى نه قاريشدير رسك ! » ديه باغير مشدى [۱] .

( رشيد ) برمكىلرك خانه لرنده وديوانلرنده صورت مخصوصه ده خفيه لر  
تعين ايتمش ايدى . برمكىلرك باجمله احوال وحرركاتى ( رشيد ) اخبار اولتيور ،  
اخبار ايديلير كن ده سائقه حسد ايله اعظام ايديلوردى .

( رشيد ) طرفندن تربيه ايديلوب ( جعفر ) ه اهدا اولنان ايكي خزرلى  
اوشاق اوخفيه لر جمله سندن ايديلر . بونلر هر كون ( جعفر ) ك مجلسنده هر نه  
جريان ايديلور ايسه انى كاملا ( رشيد ) ه اخبار ايديلورلردى . ( جعفر ) ك  
هفته ده بركون عقد اولنور بر بزم انس و طربى وارايدى كه ايرانلى رجال دولت  
وا كابر اوراده طوپلانيلر ، جعفر طرفندن تقديم ايديلن يكرنك البسه كيهر  
عين رنكده البسه يى لباس اولدينى حالده جعفر ايله برابر وقت كچيرلردى .  
بركون بو بزم طربده قونوشولور ايكن ( ابو مسلم خراسانى ) دن ، دولت  
اسلاميه يى يالكز باشنه بر خاندان دن ديكر برخاندانه نصل نقل ايديه بيلديكندن  
بحث آچلديغى سندن ( جعفر ) : « بوى غرب ، بيوك برشى عدا ايتمايلير .  
چونكه بوكا آنحق ۶۰۰,۰۰۰ آدم اعدام ايتمكه موفق اوله بيلمشدى . بيوكلك ،  
مهارت قان دوكمكسزىن بر دولتى بر ملتدن ديكر ملتة نقل ايديه بيلمكده در »  
سوزلرني آغزندن قاچير مشدى [۲] . خفيه لك ايدن ايكي خزرلى كوله بو  
سوزلرى ايشدير ايشتمز ( رشيد ) ه ايصال ايتمشلر ، بوندن دولتى عباسلردن  
ايرنيلره وياخود علويلره نقل ايتمكى مراد ايلديكنى آكلاتمشلردى . بونك  
اوزرينه ( رشيد ) جعفر دن ده ا زياده قورقغه باشلامشدى .

برمكىلر تنكيل اولندينى ۱۸۷ سنه سنده ( رشيد ) جعفر ك قتلنه صورت  
قطعيه ده قرار ويرمش اولدينى حالده حجب دن عودت ايديلوردى . ( رشيد ) عزمنى

بالی ایتدیر مکسزین (جعفر) حقنده محب و توجہکار کورنش، مهر خلافتی الدہ ایتک مقصدیلہ انی خراسانہ والی تعیین ایدرک خلعت واحسانلرہ مظہر ایش، معیتہ بر قوۃ عسکریہ ویرمشدی. جعفرک اک کزیدہ طرفدارلرینی حاوی اولان بوقوۃ عسکریہ نہرواندہ اردوکارہ قوردرق سفر حاضرقلرینی تدارکارہ مشغول اولمش، (جعفر) دہ انلرہ التبحاق ایتک اوزرہ بعض تدارکات سفریہ ایچون بغداددہ قالمش ایدی.

جعفرک ہاشمیلردن (اسماعیل بن یحیی) نامندہ مخلص و وفاکار بر دوستی (رشید)ک بر مکیلر حقندہ دوشوندیکی عزم وقراردن خبردار اولدیغندن بر قتال و قوعندن اول اصلاح ذاتالبین ایچون توسطہ لزوم کوردہرک جعفرک خراسانہ عزیمتہ حاضرلاندیغی اثنادہ نزدینہ کلش، انکلہ کیزلیجہ بر چوق شیلر حقندہ قونوشدقندن صکرہ: «افندم! وارداتی پک چوق، اطرافی پک واسع بر مملکتہ کیدیورسکزر. مالک اولدیغکز بعض چفتلکارلی امیر المؤمنینک اوغللرینہ ترک ایتسہ کز خلیفہ نک نظرندہ کی موقعکزر دہا زیادہ بیور» مطالعہ سندہ بولنش ایدی. (جعفر) بوسوزلری ایشیدیر ایشتمز (رشید)ک بر مکیلر حقندہ نہ کی بر عزم بسادیکنی خاطرینہ کتیرمیہرک پک زیادہ قیزمش، مخاطبہ: «واللہ اسماعیل! سنک عمزادہک (یعنی رشید) برا کمک یدیسہ اودہ بنم سایہمدہ ییدی. بودولتدہ آنجق بزم غیرت و ہمتمز ایلہ قائم اولدی. انی کندی نفسی، اوغللری، معیتی رجا، رعایاسی ایچون راحت، خزینہلری دہ پارہ ایلہ طولو بر حالدہ براق، مہام امور دولتی اوزریمہ آلمق کفایت ایتیورمی کہ کندم، اولاد واحفادم ایچون طوبلادیغم ثروتدہ کوز دیکسون، بنی ہاشمک متخلق اولدقلری حس حسد، بغی وطمعہ دوچار اولقدن قورتولسون، (رشید) بندن اویلہ برشی ایسترایسہ باشنہ فلاکت اولور» جوابی ویرمش، سانکہ بوسوزلرایلہ (رشید)ی خراسانک استقلاللی ایلہ تمید ایتک ایستہ مشدی. اسماعیل (جعفر)ک بوتہدید وحدتی کورنچہ نزدندن چیقرق ہم (جعفر)ہ، ہم دہ (رشید)ہ کورنمامک ایچون اختفا ایتمش ایدی. چونکہ ہر ایکسنک نظرندہ متہم دوشممشدی.

فقط (رشید)ک خفیہ لرندن بری بو محاورہ بی ایشیدہرک کندیسنہ اخبار ایلدیکندن (رشید)ک حس انتقامی مشد اولمشدی. احتمال کہ (رشید)



جعفرک یالکز در دست و حبسی ایله اکتفا ایده جکدی . فقط بو تهیدی  
ایشیدنجه اوغرمی تبدیل ایدرک قتلہ لزوم کورمشدی . ( رشید ) جعفری  
قتل ایتدن اول زوجہ سی ( زییدہ ) ایله استشارہ ایتش ، ا کا : « بونلر  
خراسانده قوت پیدا ایدرلر ایسه خلافتی المدن آلملرندن قورقورم » دیمش ،  
( زییدہ ) ایسه همان قتلہ ایچون کندیسنه تشویقانده بولنش وروایتہ کورہ جعفرک  
رشیدک حرم دائرہ سنده همشیره سی عباسہ ایله ارتکاب ایتدیکی برطاقم فناقلری ده  
( رشید ) ه اخبار ایلشدی [ ۱ ] . ( رشید ) جعفرک ( نہروان ) ده کی اردودہ  
خیمہ نشین اولان آدملرندن اوزاق بر موقعده بغدادده بولنسنی بیوک بر فرصت  
عد ایدرک خدمتکاری وعین زمانده جلاد خصوصیتی بولنان ( مسرور ) ی  
ارسال ایله کله سنی کسدرمش وهمان کیجه لین یحیانک وسائر اوغلرینک واز  
جمله فضلك خانہ لرینی قوشاده رق کندیلرینی حبس ومال واملا کارینی ضبط  
ومصادریه مسارعت ایتشدی . ( رشید ) هر طرفه امرلر کوندره رک برمکیلرہ  
عائد ہرنه اموال وکولہ ووکلا وارايسہ جمله سنی مصادره ودر دست ایتدیرمش  
ایدی . ( یحیی ) نک برادری ( محمد بن خالد ) برادری و برادر زادہ لری  
علینده بولنان دشمنلردن اولدینی ایچون برمکیلرک بو منکوبیت عمومیه سی  
انسانده اکا ایلشلامشدی . ( رشید ) برمکیلری بوصورتہ تشکیل وپریشان  
ایتدکن صکرہ مقام وزارت عظمایہ ( فضل بن ربیع ) ی تعیین ایشایسہ ده  
برمکیلر حقنہ روا کوردیکی انتقام شنیدہ بالا خره پشیمان اولمش ایدی .  
حتی انلری آکد قجه کوزلرندن اشک حسرت دوکولوردی [ ۲ ] . ( جعفر ) ک  
رشیددن بولدینی سرانجام دها اول وزیر ( بزرجہر ) ک ( خسر پرویز ) دن  
دوچار اولدینی سرانجام قیلندن ایدی . چونکہ ( خسر پرویز ) دخی بزرجہری  
زندیقق ایله اتہام ایدرک انی قتل ایلدکن صکرہ یابدیغنه پشیمان اولمشدی [ ۳ ] .  
والحاصل ( رشید ) برمکیلرک ؛ سلطنتی لندن اخذ ایتلرندن قورقدینی  
ایچون هرکیمک صداقتندن شبہ اولنورایسہ قتلنی واجب کورن قانون معہودہ توفیقاً  
( جعفر ) ی اولدیردیکی کبی برمکی عائلہ سنی ده منکوب وپریشان ایتش ایدی .  
مع هذا عباسیلرک رعایا حقنہ کی طرز معاملہ وادارہ لری بوکا بکزدہ مزدی .  
رعایا علی الا کثر احکام شریعت دائرہ سنده حق وعدالت ، رفق وملایمت ،

احسانپرورك و خاطر نواز لقايه معامله اولنورلردى. هله (رشيد) بو خصوصه بر موقع ممتاز اشغال ايدردى. مؤثر موعظه لره قارشى رقتدن كوزلرى ياشارب، استعطاف و استرحامه قارشى طايانه ميهرق عفو ايدر، لطف و احسانه عرض احتياج اولننجه آثار سخا كوستيردى. بوكي افال و مناقبي مشهور ايدى. فقط يالكز علويلر ايله انلره معين و ظهير اولانلره قارشى فوق العاده شدتلى و خونريز طاورانيردى [۱].

### امین و مأمون

ياخود عربلر ايله ايرانليلر

برمكيلرك بالاده كي شكلده قتل و تنكيلى خراسان اهالي سنك دولت عباسيه عليهنده كي حرص انتقاملرينى تشديد ايتديكندن ايلك فرصته متحداً بر حرکت اجراسنه قرار و يرملردى. (مأمون) دها اول بيان ايتديكمز اوزره ايراني بر والددن طوغمش، (جعفر برمكى) نك قوجاغنده شيعه علويه ميل و محبت پرورده ايدرك بيومش اولدينى ايجون خراسانليلر مشاراليهك موقع اقتداره كلسنه تبليق اميد ايتملردى. اوصرده شيعيك زمان حاضره اولدينى كبي دينى بر مذهب دكلدى. شيعيك آنجق علويارك طرفدار و انصارى اولان ايراني وساژددن مركب بر فرقه سياسيهدن عبارت ايدى. (مأمون) كوچكلكندن اعتباراً ايرانيلره و اميال سياسيهرينه بر محبت مخصوصه بسايدكي حلاله بيومش ايدى. (خالد بن يحيى) انك خدمته (فضل بن سهل سرخسى) ي انتخاب ايتمش ايدى. بو ذات فى الاصل خراسان مجوسيلردن ايدى. اسلاميتى آنجق ۱۹۰ سنه هجريره سنده (مأمون) ك دلالتى ايله قبول ايتمش [۲] و شيعيك ده خراسان ايرانيلرينه مظاهرت ايتك فكريه اختيار اياش ايدى. (فضل) ايشكدار بر آند اولدينى ايجون يحيى انى كندى مهيتمده خدمت دولته آلهرق نهايت كندى امورينه و كيلخروج يامش ايدى. (فضل) مأمونده آثار عقل و نجات كورديكندن بركون خلافتك اكا انتقال ايدهكجنى كسديرهرك خدمتمنده بولمى آرزو ايتمش و خدمته كچهرك توجه و اعتماديى قازانمش ايدى. (مأمون)

فضل حقندہ يك زيادہ آثار خرمیت كوستیر ، ( فضل ) ده مأمونك دور خلافتندہ لاقفل وزیر اعظمالغہ نائل اولہجغنی دوشونوردی . روایتہ کورہ ( مأمون ) ك خلافتدن اولکی زمانندہ معلمی بولنان ذات انك ( فضل ) حقندہ کی فرط توجہنی کورنجہ فضلی نمایان تبریک کورمش وکندیسنہ : « بوسایہدہ بر کون بر میلیون درہم صاحبی اولہجغنی اوزاق کورم » دیمشدی . ( فضل ) بوسوزلردن حدت ایدرک : « آز ویا چوق پارہ قازانمق ایچون انك خدمتہ داخل اولدم . بو مہریمک حکمی شرق وغربدہ جاری اولسون دیہہ کیردم » جوابندہ بولمش ایدی [۱] .

( رشید ) کندی اوغللرینی ولی عہد تعیین ایتدیکی زمان کندیسندن صکرہ مقام خلافتہ کلہجک اولان ( امین ) ہ عراق ومغربہ قدر شام والیلکنی ودیکر اوغلی ( مأمون ) ہدہ برادری ( امین ) دن صکرہ مقام خلافتہ کلک اوزرہ خراسان وسائر ممالک شرقیہ والیلکنی توجیہ ایش ایدی [۲] . بوتعیین وتوجیہ ( جعفر ) ایلہ شیعہ فرقہلرندن دیکر ذواتک واوجملہدن ( فضل بن سہل ) ك مساعیمی ایلہ وقوع بولمش ایدی .

( رشید ) ۱۹۲ سنہسندہ ( خراسان ) ہ کیتمک ایستدیکندن عودت ایدنچہیہ قدر اوغلی ( مأمون ) ہ بغداددہ قالسنی امر ایش ایدی . ( رشید ) اوصردہدہ خستہ ایدی . ( فضل ) رشیدك اثنای راہدہ وفاتنك وقوعی ایلہ کندی مساعیسنك بوشنہ کیتمسندن قورقدیغندن ( مأمون ) ك نزدینہ کلہرک : « باباک ( رشید ) ہ نہ حال عارض اولہجغنی بیلمزسک . خراسان سنك ولایتکدر . ( امین ) ك سندن اول مقام خلافتہ کلکی مشروطدر . ( زبیدہ ) کی بر والدہیہ ، بنی ہاشم کی طاییلرہ ، ( زبیدہ ) نك ثروتنہ مالک اولدینی ایچون اویلہ بر حالہدہ يك قولایلقلہ سنی ولی عہدلکدن اخراج ایدہ بیلیر . ( رشید ) ایلہ برابر کیتمکی ایستہ » توصیه سندہ بولمش ایدی . بونك اوزرینہ ( مأمون ) برابر رفاقتی پدرندن ایستہمش ، ( رشید ) اول امردہ بوندن امتناع ایش ایستہدہ بعدہ موافقت ایش ایدی . ( رشید ) ك بو امتناعی البتہ سبیدن خالی دکلدی . ( رشید ) اجلنك تقربی حس ایدیور ، اطرافندہ اوغللرینہ منسوب بر طاقم

جریص جاہ آدملرک وخفیہلرک کنبدی صولوقلرینی صایار ، حیاتی اوزون کوررجهسنه طولاشوب طوردقلرینی کوردرک متأثر اولیوردی [۱] .


( مأمون ) پدری وفضل ایله برابر خراسانه متوجهاً حرکت ایتمشدی .  
( فضل ) یول انناسنده ( مأمون ) ک تأمین موقعنه صرف غیرت ایدرک بتون قوماندانلره ولی عهدلیکی تصدیق ایتدیرمش ، النده بولنان امواله صاحب بولندیغنهده ( رشید ) ک موافقتی استحصال ایلشدی . ( مأمون ) مروودهو ( رشید ) طوسده بولندقلری برصرهده ( رشید ) ک خستهلغی مشتد اولمشدی . ( امین ) ایسه او ائشاده بندادده بولنیوردی . ( رشید ) ک اطرافنده پک نفوذلی آدملر وار ایدی . کنبدیسی ایچون بونلرک اک غیرتلیسی برمکیلردن صکره مسندوزارتی اشغال ایدن ( فضل بن ربیع ) ایدی . ( امین ) پدرینک خستهلغک اشتدادندن خبردار اولنجه ربیع زاده وسأرديه کنبدیسنه بیعت اولغمی ایچون تشویقاتی حاوی مکتوبلر کوندرمش و متعاقباً ۱۹۳ سنهسنده ( رشید ) اوراده وفات ایدنجه ربیع زاده ( مأمون ) ک مرووده غیوبتندن بالاستفاده هان بغداده عودت ایچون عسکره تشویقاتده بولمش ایدی . عسکرلر بغدادده عائله صاحبی اولدقلرندن تشویقات واقعه آرزوی عمومی موافق کلهرک هرکس عائله وتعلقاتنه قاووشمق اوزره بغداده عازم اولمش ، ( مأمون ) ه وقوع بولان تعهدات بالکلیه اونودولمش ، ( رشید ) ک اردوسنده نهقدر اموال واشیا وارایسه کافه ( امین ) ه کوتورولوب تسلیم ایدلش ، هرکس ( امین ) ه بیعت ایچون قوشمش ایدی . ده صکره ( فضل بن ربیع ) ( امین ) ه برادری ( مأمون ) ی ولی عهدلکدن چیقارمق ایچون تشویقاتده بولندیغندن ( امین ) بوتشویقاته اویهرق برادرینی ولی عهدلکدن چیقارمش ایدی .

فضل بن سهل و علی رضا

( مأمون ) پدرینک وفاتی ، رجال دولک اردوده بولنان خزینهلریوکلر ایله برابر برادرینه عودتی ، ولی عهدلکدن استاطنی استخبار ایدنجه کنبدی حیاتی ایچون قورقغه باشلامش ، ( مرو ) ده خواص رجانی طویلایهرق کنبدی ضعیفی وبرادرینک قوتندن بختله فکرومعالعهلرینی صوردمش ، بونلره ییچ یأس



کتیر مامسنی توصیه ایتدکبری کبی (فضل بن سهل) ده : « طاییلرکک نزدنده بولنیورسک . بیونلرنده حق بیعتک وار . برآز صبرایت . خلافتی سکا تأمین ایده جکم » دیمش ایدی . (مأمون) (فضل) طرفندن وقوع بولان بوتأمینات



قاهرده سلطان قلاون جامعنک پنجره سی

صریحیه قارشی مطمئن اوله رق اکا بالجمله اموری ، یعنی وزیر اعظم لئی تفویض ایتمش وسیف وقلم ریاست لری مفید اولمق اوزره اکا ذوالریاستین لقبی ده توجیه ایش ایدی .

مأمونه مظاہرت ایتمکه کندی نفسنه و وطن و ملتندہ مظاہرتدہ بواندیغی  
تقدیر ایدن ( فضل بن سهل ) مأمونه نصرت ایچون بتون قوت و نؤذنی صرف  
ایدرک خلّک فعلاً میل و مظاہرتی تأمینہ موفق اولمشدی . ایکی قارداش  
آرسندہ عداوت مزداد اولمش ، بغداد ایله خراسان آرسندہ مخبرات  
و مناقلات کسبلمش ، هربری قارداشک اسمنی خطبہ دن اسقاط ایتمش ایدی .  
ایکی طرفدن تحشید اولنان اردولرینندہ وقوع بولان متعدد مصادمات خونریزانه  
نتیجہ سنده ( طاهر بن حسین ) ک قوماندا سی آلتندہ بولنوب ایرانلیردن متشکل  
اولان ( مأمون ) ک اردوسی غالبیت قطعیہ بی احراز ایتمش و بو محاربه لر ۱۹۸  
سنہ سنده بغداد ک فتحی و ( امین ) ک قتل ایله ختامہ ایرمشدی . ( امین ) ک  
باشی بغداد دن خراساندہ بولان ( مأمون ) د کورتورمش ایدی . مأمون فضل  
طرفدن هر نه وعد ایلمش ایسه جله سنک حیز فله چیقدیغی کورنجه اکا  
هر خصوصده بر آلت کبی اطاعت ایتمکه باشلامش ، ( فضل ) ده فرصتدن  
بالاستفاده چرخ دولتی ایستدیکی کبی تدویره باشلایه رق جبال ، عراق ، فارس ،  
اهواز ، حجاز ، یمن و الیکنی بغدادده اقامت ایتمک اوزره برادری ( حسن بن  
سهل ) د توجیه ایستدیکی کبی کذلک بو نفوذ و قوتدن استفاده ایله خلافتی  
عباسیلردن علویله نقل ایتمک ده ایسته مشدی . او ائنادہ خراساندہ علویلرک  
داعیسی ؛ علی رضا نامیله معروف اولان ( علی بن موسی الرضا بن جعفر بن علی  
بن حسین ) ایدی . فضل ( مأمون ) دن صکره مشارایه ( علی رضا ) نک ولی  
عهد تعینی ، یعنی خلافتک عباسیلردن علویله تحویلی ایچون ( مأمون ) د  
نه قدر تسویقات اجرایی ممکن ایسه اکا بتون قوتیله چالیشمش ایدی . احتمال که  
فضل ( مأمون ) د استرداد خلافت ایلر ایکن بونی شرط اتخاذ ایتمش ، یاخود  
شرط صورتیله وضع ایتمکسزین او یله بر تحویله قاندرمش ، ( مأمون ) ده  
یا او شرطی ایضا ایتمک ، یاخود بالآخره ( فضل ) دن انتقام آلق فکریله بر  
ماشات قیلندن اولمق اوزره بوکا موافقت ایلش ، یاخود علویله حسن ظن و میل  
و محبتہ بناءً بو تحویله بؤس کورما مشدی . چونکه ( مأمون ) دها اول بیان  
ایتدی کمز اوزره اوان طفولیتدن اعتباراً شیعه محبتی ایله پرورشیا ب اولمش ،  
شیعلکنی اظهاردن چکنامشدی [۱] . والحاصل ( مأمون ) ۲۰۱ سنه هجریه سنده

علی رضایہ بیعت و کندیسندن صکرہ خلافتہ نامزد ایلدیکی کبی اکا (الرضامن آل محمد) لقبی ویرمش و عباسی لک رنک مخصوصلری اولان سیاه البسه یی چقاروب یشیل البسه کیملری امر ایتمش ، بو مقرراتی هر طرفه رسماً اشعار ایلمشدی .

(مأمون) ک بو حرکتی بغداد ایشیدیر ایشیتمز بتون هاشمیلر ایله طرفدارلری متفقاً آیقلا نه رق مشارالیه علی رضانک ولی عهدلکنی طایماشلر ، « خلافت عباسیلردن آنه ماز » دیمشلر ، بویعتک (فضل بن سهل) طرفندن ترتیب ایلمش بر دسیسه اولدیغنی آکلادقلرندن برادری (حسن بن سهل) ک بغداده والیلکنی طایماغه قرار ویردکلری کبی نهایت (مأمون) کده خاعنه قرار ویردک عمجه سی (ابراهیم بن مهدی) نی مقام خلافتہ اجلاس و کندیسنه (مبارک) لقبی اطلاق ایتمش لردی . بوندن ماعدا هاشمیلر شاید بو عزمه ثبات ایده جک اولور ایسه کندیسنی قتل ایده جکلری نی سویلمک ایچون (مأمون) ک نزدینه مخصوص آدملر کوندرمشلردی .

(فضل بن سهل) مأمون وقوعات جاریه دن خبردار اولور ایسه یاپدیغنه پشیمان اوله جغندن ، علی یی ولی عهدلکدن خلع ایده جکندن و بناءً علیه مساعی مصر و فسنک بوشنه کیده جکندن قورقدیغنی ایچون اکا بو خصوصه معلومات ویرماش ایدی .

بغدادده جریان ایدن وقوعاتدن تمامیه خبردار اولان (علی رضا) ایسه کندی سببیه بو احوال حادث اولدیغنی حالده (مأمون) ک اندن خبردار اولماسنی وجدانه صیعدیره مدیغندن بالذات (مأمون) ک نزدینه کیدرک بغدادده جریان ایدن وقوعاتی ، (ابراهیم بن مهدی) نک خلیفه اعلان ایلمش اولدیغنی آکلا تمشدی . (مأمون) افادات واقعه یه استغراب ایله مقابله ایدرک اکا اینتاماش ، « انی غیو بتم ائناسنده موقت قویمشلر . فضل بکا بویه سویلیدی » جوابنده بولمش ایدی . فقط (علی رضا) بو کا مقابله : « فضل سزه یالان سویلیدی » دینجه (مأمون) فضلک بو خصوصه براویون اوینادیغنی ، کندیسنه ایفا ایتدیکی خدمتک انجق بومقصد ایچون وقوع بولدیغنی آکلا به رق صداقتی شبهه دار و بناءً علیه قتلنی واجب کورمش و ترتیب ایتدیکی برطاقم آدملر

واسطه سیاه (سرخس) ده همامده بولنورکن انی آپانسرین قتل ایتدیرد کدن صکره قاتلرین ده کویا انک انتقامنی آلیورمش کبی اعدام ایش ایدی [۱].

بعده علی رضایه وقوع بولان بیعتی دوشونمکه باشلامش . نکولی کهرینه یدیرمدیکی کبی بونکول حالده ده خراسانلیرک اختلال جیقارملرندن وکندیسنی قتل ایتلرندن ده قورقدیغی ایچون غدر واتلاف بولتیقه سنه صایمغه لزوم کورمش ومأمور ایتدیکی بر آدم واسطه سیاه زهرلی اوزوم یدیردک (علی رضا) ینی ده تلف ایتمشدی [۲]. بغدادیلیری (مأمون) ک علینده تحریک ایدن اسباب علی رضانک بوضورتله وقوع بولان وفاتی ایله زائل اولدیغندن بغدادده (ابراهیم بن مهدی) درحال خلع اولنهرق کماکان (مأمون) ک بیعتنه عودت ایدلمش ، ابراهیم ایله (فضل بن ربیع) و (امین) ه مظاهرت ایدن سائر رؤسا طریق فراری اختیار ایتمشلردی . (مأمون) ۲۰۴ سنه هجریه سنده بغداده مواصلت ایدرک بو پایتخت خلافتده مستقر اولمش وابوطالب خاندانی افرادینه اولان محبت مشهوره سنک مبدل عداوت اولدیغنی کوسترمک اوزره بوخاندان حقنده استعمال شدت ، انلری کندی حضورینه کیرمکدن منع وسیاه البسه کیمکه اجبار ایلمشدی [۳].

بتون نفوذ؛ شعیلکلرین کتم ایدن ایرانلیرک النده قالدیغی حالده بوتاریخندن (وائق) ک منتهای خلافتنه قدر بغدادده شعیلک پریشان برحاله قالمشدی . شاملی شعراذن (علی بن جهم) ، بنی امیه موالیسنندن اولوب علویلر حقنده هجویه لر نظم ایتمکه (رشید) ه یارانمغه جالیشان شاعر مشهور (مروان بن ابی حفصه) نک اوغللرندن (ابوالسقط) کبی عصیت عربیه ایله متحس وایرانلیر ایله شیعه دن متفر آدملر آردسنده بیومش اولان (متوکل) ۲۳۲ سنه سنده مقام خلافت ککنجه شعیلر حقنده پک شدتلی اجرا آتده بولمش ایدی . اوکبی آدملر (متوکل) ی اهل شیعه دن تحذیر ونفی وتبعیدلرینه تشویق ایله اکتفا ایتیره رک دیاننده محترم بر موقع طوتان اجدادلرینک ده تحقیرینه سوق ایدرلردی . ده اول (مأمون) برمکیلرک النده بیودیکی ایچون نصل شیعه محبی اولمش ایسه (متوکل) ک آلدیغی تربیه دخی انی بالعکس شیعه یه وکندیسنندن



اول کلوب شیعہ یہ مظاہرت ایدن (مأمون)، (معتمم) و (وائق) ه دشمن قيلمشدی [۱] .

(متوکل) موقع اقتداره کلیر کلز حضرت (حسین بن علی) نك قبری ایله اطرافنده بولنان مبانی ییقدیره رق خلنی بوزیارتکاهی زیارتدن منع ایشم، حضرت علی یه واعقابنه بغض وعداوتده پك ایلری کیدرک حتی حضرت علی نی مسخره یه چویرمشدی . روایتہ کوره (متوکل) ك ندیملری میاننده بولنان (عباده) نامنده بر مخت اثواب آلتنده قارنی اوزرنده بریاصدیق قویه رق و طاز اولان باشنی آچه رق (متوکل) ك حضورنده رقص ایدر ، « قارنی بیوک » باشی طاز اولان خلیفه مسلمین کلپور! . » (یعنی حضرت علی) سوزلرینی تکرار ایلردی ، (متوکل) بوکا باقه رق ایچوب اکذیردی [۲] . بوتاریخندن اعتباراً مذهب سنی آئیده کوروله چکی اوزره ترکلرک مظاہرتیله بالجمله مذاهب اسلامیہ یه غالب کلمش وبغدادده شیعیلکک سقوطی ایله ایرانلیرک نفوذی ده زوال بولمش . ایدی . برنجی دور فارسی (متوکل) ك خلافتی ایله منتهی اولور .

### دولت عباسیه ده محافظه اسرار

بالخاصه عباسیلر سر محافظه ایتک ونه یاپه جقلرینی کیمسه یه سویله مامک ایله شهرت بولمشلر و آزادلیلری ایله سرایلری خلقنی کتم اسرار ایله مکلف قيلمشلردی . (منصور) ایله بالذات عمجه لری و ابو مسلم وسائرہ ، (رشید) ایله برمکیلر ، (مأمون) ایله فضل بن سهل ، علی رضا ، طاهر بن حسین آره سندم جریان ایدن احوالده کورلدیکی کی بالخاصه تأیید حاکمیتہ متعلق مسائلده فوق العاده سر صاقلامق بودولتک تاریخ تأسسندن اعتباراً جاری بر عادت ایدی . (قثم بن عباس) ك (منصور) ه سویلمک ایسته مدیکی بر تدبیر ایله عسکر آره سندم تفرقه دوشورمسی کی بر شیئی یامدن اول انی غایت کیزلی طوتمق اوایشده احراز موفقیت ایچون اساس عد ایدیلردی . خلفامعیتلرنده بولنان وزرا ، قوماندانلر وسائر اعظم دولتک احوال و افعالی آکلامق ایچون خقیلر استخدام ایدرلردی . اوشاقلر ایله جاریلر جاسوسلقد بپوک بر رول

اوینارلردی . خلفا کندی اوغللری ، برادرلری اوزرینه خفیہلر قولاندقلری کچی (امین) ایله (مأمون) ک کندی پدرلری (رشید) ه یابدقلری مثللو ولی عهدلرده خلفانک اطرافنده جاسوسلر قورلردی . مسرور خادم (مأمون) ایچون وطیب (جبرائیل بن بختیشوع) امین ایچون (رشید) ک حرکاتی تجسس ایدرلردی . بونلر ده اول ذکر ایتدیکز اوزره دقیقه بدقیقه (رشید) ک موتی بکلرلردی [۱] .

(مأمون) احراز خلافتله بغدادده اقامت ایتدکدن ضکره (ابراهیم بن مهدی) جد ، هزل هر نه سویلر سه کندیسنه عیناً اخبار ایتک اوزره اوزرینه برخیه تعیین ایلش ایدی [۲] . سائر خلفا - باخصوص دولتک صوک زمانلرنده - عین خط حرکتی اختیار ایدرلردی . چونکه جاسوسلق و غمازلق دولت سقوط و شیخوخته یاقلاشدیغی صرهلرده پک زیاده چوغالیر . وزرا طرفندن خلفا اوزرینه خفیہلر قوللانلیدی کچی خلفانک ده والیلر اوزرینه بریدرؤساسندن و رسمی خفیہلردن عبارت جاسوسلر استعمال اولنوردی . اوشاقلر ، کولهلر ، مغنیهلر ، جاریهلرده بو خدمتده پک چوق قوللانیلردی . خلفا بو طریق تجسسی تأیید حاکمیت مقصدیله اختیار ایدرلر وبو یولده آلدقلری معلوماتی ، یابهجقلری شیلری غایت کیزلی طوتارلردی . (مأمون) رجال دولت وارباب نفوذدن هر بری اوزرینه برخیه تعیین ایتمش ایدی . سلطنت ، عرض علیهنده کی سوزلری ، افشای سری اصلا عفو ایتزدی [۳] .

اسرارک کتم و محافظه سند بودرجه شدت اختیار اولندیغی ایچون اودورلرده جریان ایدن بر چوق وقائعک اسباب حقیقه سی بالکلیه مستور قالمشدر . مثلاً برمکیلرک منکوبیتی یازان مورخلر بوظلام مستوریتده دوشدکلرندن سبب اولمق اوزره هر بری دیگرینه اویماز بر مطالعه مخصوصه قید و تدوین ایلشدی . تاریخ عباسیده نیجه مقتوللر واردرکه قاتللری معروف دکلدلر . حبسخانهده ویا سائر بریده اوزوم ، خرما کچی شیلر یمکدن وفات ایدن بر چوق آدم کوررسکزر . بونلر هر حالده عادی وفات دکلدی . خلفا ، قوماندانلر ، ولی عهدلر طرفندن

[۱] ابن الاثیر ۷۳ ج ۶ [۲] اغانی ۸۲ ج ۲ [۳] مسعودی ۲۲۵ ج ۲

برر دسینہ ایله طینب مخصوصلری ویاوکیلخرجلری واسطه سیله بونلرک تسمیم ایدلدکازینه شبهه یوقدر [۱] .

### اسلامینده صکره انسابک قاریشمسی جاریه لردن طوغان چوجقلر

عربلر نسه فوق العاده اهمیت ویره رک عرب والدیندن طوغمش اولمیانلری حقیر کوردکارندن پدری عرب اولمیان (مذرع) ووالدهسی عرب اولمیانده (هین) نامنی ویریرلردی . والدهسی جاریه اولان چوجقلردن آثار نجات و اقتدار کوسترن اولور ایسه انی اولادلغه قبول ایدرلر ، دیکرلرینی ایسه کوله بر اقیرلردی . عربلر (هین) ، میراث ویرمز لردی . بوده عرب اولمیانلری حقیر کورملرندن ایلری کایوردی .

فقط اسلامیتهک ظهوری اوزرینه عربلر طرفدن ایرانلی ، ترک وسائردهن متشکل اولان اقوام شرقیه مغلوب وفتوحات اثناسنده قیز ، قادین ، چوجقلدن متشکل برچوق اسیرلر اغتنام ایدیلنجه بونسوان طاقندن طایلر ، سوت آنالر اتخاذا اولدینغی کبی جاریه لردن ده اوطه ققلر آلمش ایدی . عربلر باخصوص عصیت عربیه نک مرکزی اولان حجاز قطعهنده ابتدای امرده بونوع قیز وقادینلرایله ازدواجدن چکیئرلر وانلردن کلن چوجقلره نظر حقارتله باقارلردی . دها صکره اک کزیده رجالدن اولان (علی بن حسین) ، (قاسم بن محمد) ، (سالم بن عبدالله) دن متشکل اوچ بیوک ذات جاریه زاده لکدن یتیشه رک فقه ، علم وورعده بتون مدینه اهالیسی فوقنده بر موقع ممتاز احراز ایدنجه خلق جاریه لر ایله ازدواجه رغبت کوسترمشدی [۲] .

بونکله برابر امویلر عرب اولمیانلرک علیهنده عربلقده تعصب سائقه سیله جاریه زاده لری حقیر کورمکده دوام ایتمشلرلدی . (عبدالمک بن مروان) حضرت حسینک مخدومی علی نک بر جاریه آزاد ایدرک تحت نکاحنه آلدیغی استخبار ایدر ایتز اکا مؤاخذه یی حاوی بر مکتوب یازمشدی . (علی) بوکا جواباً : « جناب حق دنائت اصلی اسلامیت ایله ازاله بیورمشدی . برمسلمک بر جاریه ایله ازدواجنده هیچ بر عیب یوقدر . بالذات حضرت پیغمبر کندی

جاریه سی وکوله سنک زوجه سی ایله ازدواج ایش ایدی « مدافعه سنده بولمیش  
وعبدالملک جوانی اوقویونجه : « علی بن حسین هرکسی آشانخی دوشورن بر  
شی ایله شرفیاب اولمق ایستور » دیمشدی . مع ذلك عربلر شاعرك :


لا تشتين امرءاً من ان تكون له ام من الروم او سوداء عجماء  
فانما امهات القوم اوعية مستودعات وللاحساب آباء

یتلرنده ذکر اولندیغی اوزره نسبه والدله له اهمیت ویرمیه رك پدر طرفنی  
طایف قیلندن اسلامیتک اتشارندن صکره هینلری خوار کورما مکه باشلامشلردی .  
آنجق امویلر دولترینک انقضاسی تاریخته قدر بو حسه اشتراك ایتما مشلردی .  
ایشته بوسبدن ، ( هشام بن عبدالملک ) زماننده ( زید بن علی بن حسین )  
طلب خلافته قیام ایدنجه ( هشام ) انی تعیب معرضنده : « بر جاریه زاده  
اولدیغك حالد خلیفه اولمق سوادسنه دوشورسك . بو نصل شی ! » دیمش  
و ( زید ) بوکامقابل : « ای امیرالمؤمنین ! والدلر انسان ایچون احراز معالییه  
مانع دکلدرلر ، حضرت اسماعیلک والدہ سی حضرت اسحقك والدہ سنک  
جاریه سی ایدی . بر حال حضرت اسماعیلک جناب حق طرفدن پیغمبر ذی شان  
اوله رق ارسال بیورلمسنه ، عربلرک پدری اولقله انک صلیدن خیر البشر حضرت  
محمدك چیقمنه مانع اولمامشدی » جوانی ویرمشدی [۱] . بوندن ددا کلاشیلورکه  
علویلر امویلرک عربلقده کی تعصبلرندن چکینه رك عرب اولیانلر ایله قولایقله  
اختلاط ایدیورلردی . ایشته اکثر موالینک شیعه علویه دن اولمسی ده بوسبدن  
ایلری کلش ایدی .

هر حالد صدر اسلامده عربلر بو خصوصده ایکی فرقه تشکیل ایدیورلردی .  
خلقک بر قسمی وباشده امویلر جاریه زاده لری حقیر کوریورلردی . دیگر قسمی  
ایسه والدہ جهتنی شایان اهمیت کورمیه رك جاریه زاده لری بلا فرق سائر  
عربلر کی عد ایلورلردی . آنجق طبیعت عمران امویلرک بو خصوصده کی  
تعصبلرینه غالب کلش ، عرب اولیانلر ایله اختلاط عرب انسابنک محافظه سنه  
امکان بر اقامشدی . انساب مرور زمان ایله اوقدز قاریشمش ایدی که جاریه  
زادلر خاندان سلطنتده بیله چوغالمشدی . دولت امویه نك صوك زمانلرنده



مقام خلافتہ جاریہ زادہ لر کلکہ باشلامشدی . امویلردن سریر سلطنتہ جالس اولان ایلاک ۱۲۶ ھجین سنہ سنبہ مقام خلافتہ کلن ( ولید بن عبدالمک . ) ایدی .



الجمرا سراينده البركه حوايسى

مع هذا مشاراليهك والدهسى بر جاريه دكلدى . ملوك فرسدن ( يزد جرد بن كسرى ) نسلندن بر قادين ايدى . ( قتيبه ) انى ( صفد ) ممالكنده حرب

غنائمی میاننده اله جبردرک (حجاج) د کوندرمش، (حجاج) ده انی (ولید بن عبدالمملک) د ارسال ایش ایدی. (ولید) انکله ازدواج ایدرک ایدن (یزید) د مالک اولمش ایدی [۱]. برروایت کوره جاریه زاده لک مقام سلطنته کچملرینه امویلرک ممانعتلری جاریه زاده لری حقیر کوردکلرندن دتل، بلکه دولترلرینک بر جاریه زاده نک الیه منقضی اوله جغه ذهاب حاصل ایتش بولملرندن ایلری کایوردی. مشارالیه (یزید) مقام سلطنته کلنجه انک الیه دولتک زوالپذیر اوله جغنی ظن ایتشلردی. فقط (یزید) یدی ایدن زیاده یاشایه میدرق وفات ایلدیکندن والده سی کرد بر جاریه اولان (مروان بن محمد) کرسی سلطنته کچمش وبونک زماننده امویلرک دولتی منقرض اولمشدی.

## والده لری عرب اولیان خلفا

دولت عباسیه موالی، یعنی عرب اولیانلرک سایه سنده تأسس ایتدیکی کبی بودولت دورنده اقوام سائر ایه کثرت اختلاط تأثیریه عصیت عربیه دخی دوچار ضعف اولدیغندن آرتق زوجه لک عرب اولوب اولماسنه اهمیت ویرلیوردی. (ابراهیم امام) دن اعتباراً بودولته موقع اقتداره کان خلفانک اکثری ایرانلی، ترک، روم، کرد، بربری، حبشی، زنجی و سائر ددن اولمق اوزره جاریه زاده لردن متشکل ایدیلر. جاریه زاده لردن اولان خلفای عباسیه نک بعضلری آئیده کوسترلمشدر:

خليفة نك اسمی	والده سنك جنسی
ابراهیم امام	بربری
منصور	بربری
رشید	حرشی [ موصل جهتلرنده اقامت ایدن بنی حریش قبیله سندن ]
ابراهیم بن مهدی	زنجی
مأمون	ایرانلی
متنصر بالله	حبشی رومی
مستعین بالله	اسلاو


معتر	جاریہ ؟
مہمدی	رومی
مقتدر	ترکی
مکتفی	ترکی
مستضیٰ	ارمنی
ناصر	ترکی

سائر دول اسلامیہ خلفاسنی دہ بوکا کورہ قیاس ایدیکیز . دولت فاطمیہ ملو کندن ( مستنصر باللہ ) ک والدہ سی زنجی برجاریہ اولدینگی کبی اندلس دولت امویہ سی مؤسس اولان ( عبدالرحمن داخل ) ک والدہ سی دہ بربری برجاریہ ایدی . اسلامیتک صدر اولی صردلرنده و دها صکرہ کی زمانلرده کرسی سلطنتہ حکمین خلفا زادلری دہ اونو تماملیدر . مثلاً ( محمد بن الحنفیہ ) نک والدہ سی سندلی سیاه برجاریہ ایدی .

خلفا عالمہ لرنده نسب بودرجه اختلاطہ اوغرامش اولور ایسہ خلقک صنوف سائر دسندہ انسابک نہ قدر قاریشمش اولدینگی آکلامق مشکل دکدر . فی الحقیقہ انساب عربیہ یالکیز زمان جاهلیت و اوائل اسلامیتدہ و دولت امویہ نک دور حاکمیتک نصفہ قدر محافظہ ایدیہ بیلیمشدی . خالص عرب قانی ایشته بوزمانلرده موجود ایدی . اندن صکرہ ایسہ انسابک یالکیز پدر طرفی محافظہ ایدلمش ایسہ دہ والدہ طرفی پک زیادہ قاریشمش ایدی . بوکون امور ثابتہ دندرکہ بر چوجق پدرندن نصل وارث ایسہ والدہ سندن دہ اویله جه وارثدر . بلکه اخلاق و امیال نقطہ سندن پدرن زیادہ والدہ دن آلیر . هجرتک ایکنجی عصرندن صکرہ عربلرده خالص عرب قانی پک زیادہ آزالمش ایدی . یالکیز چوللرده - اجنیلر ایله اختلاط پک آز وقوع بولدینگی ایچون - خالص عرب قانی قالمش ایدی .

والحاصل هجرتک اوچنجی عصرندن یاشایان شهرلی عربلر صدر اسلام دہ کی عربلرک شیرای ایدیلر . بو حقیقتی نظر دقتہ آلهرق بونجه اختلاط وقوع بولدقن صکرہ بوکونکی شهرلی عربلر حقندہ نہ حکم ویریلہ جکینی اکا کورہ تقدیر ایدیکیز . انساب ضائع اولدقن صکرہ عرب دکل ایکن عربلاشہرق عربلرک ایچنہ قاریشانلری دہ اونو تمامق اقتضا ایدر . ایشته انساب بو صورتہ

اختلاط ایتدیکی جهته عصیت نسیده عصیت وطنیه تحول ایتیش ایدی .  
مثلا شام ، مصر ، عراق و مغرب قطعه لری اهالیسی عرب صاییلرلر . فقط  
حقیقت حالده بونلر عرب ، ترك ، دینلی ، چرکس ، روم ، ایرانلی ، ارمنی ،  
کرچی و سائر ایلر قاریشمشلدردر . بر اجنبی بو مملکتلردن برینه کلدیکی زمان  
ابتدالرده اجنبی عد اولنور . بوراده اقامت ایدرک چوجق صاحبی اولور ایسه  
اوغللری مولد اولور . ذریقی اوزرینه عصرلر کچرسه او زمان بستیون عرب  
نامنی آلیر .







## سَرِیَی دَوَرِیَی

( متوکل ) ک ۲۲۲ سنه سنه مصادف اولان خلافتندن دلیلیک ۳۳۴ سنه سنه  
وقوع بولان تسلطینه قدر

ترکک، یعنی عسکرک امور دولتی قبضه استبدادلرینه آلدقلى بودوری،  
ایرانلیک، یعنی وزرای ایرانیه نك حکومتی ید تصرفلرینه بولندیردقلى دوردن  
تفریق مقصدیه بونام ایله افاده ایدیورز. بوايکی دور آره سنده برینک اتهما  
ودیکرینک ابتداسنی مشعر برحد فاصل موجود دکدر. بلکه بوايکی عصرندن  
برینک اتهماسی دیکرینک ابتداسی ایله قاریشمشدر .

### اسکی ترکک

ترک ملتی بر چوق قبائل ، بطون وافخاذدن متشکل پک اسکی بر قومدر.  
بونلرک محل اقامتی آسیانک اواسطنده هندستان ، چین وسیبریا آره سنده کان  
الطای و آلتون طاغلی اوزرنده ایدی . رومالیر مؤسس دولتری اولان  
( رومولوس Romulus ) ه دائرنصل برطاقم خرافاته معتقد ایدیلر ایسه ترکلرده  
ایلك قوماندانلری حقدده او کی برافسانه نقل ایدرلردی . کویا ترکک ایلك  
قوماندانی اولان ( برتینا ) بر قورت طرفندن ارضاع ایدلمش ، بیودیکی زمان  
حال بد اوته بولسان ترکلی چادرلییه ، مواشیلریه محاربدره ، غارتلره  
کوتورمش ، کندیلرینه مجاور اولان اقوام وخصوصاً چینلیر ایله محاربته  
بولتمش ایش . ( برتینا ) وفاتندن صکره برقاچ اولاد ترک ایش ایدی .  
بونلر اثنای محاربته چین شهرلینی کوردکلرندن او اولادن بری او شکله

شهرلر تأسیس ایتمک ایسته‌میش ایسه‌ده معیتده بولان بر قوماندان کنیدی‌نی بوفکردن واز کچیرمیش ایدی . بوقوماندان پادشاهنه بو خصوصده ویردیکی نصیحتلر جهل‌سندن : « افندم ! دیمش ایدی ، بز مقدارجه چینلیلرک برعشری قدرز . بز قوتمز آنجق سربست قالقلغمز ایله در . کندی‌مزی قوتلی کورر ایسه‌ک دشمنه هجوم ایدرز ، قوتلی بولمازسه‌ق چوله چکیلیرز . حال‌بوکه شهر اهالیسی قفسده یاشار کبی سور داخلنده محبوس قالیرلر . » پادشاه بومطالعه‌یی متعیب کوره‌رک شهریلشمکدن واز کچمشدی . اسلامیتک ابتدالرنده عربلرک حالی ده بویه ایدی . بونلرکده حال بداوتلری جهاننه تغلیلرینه باعث اولان انک مهم اسبابدن اولمش ایدی .

ترک‌لر چول ، غارت ، چادر ، خلقی قالدقلری حالده قوت و مقدارجه چوغله‌رق نهایت ۴۰۰،۰۰۰ کیشیک برقوؤ محاربه وجوده کتیرمیشلر وبوقوت ایله چین ، ایران ورومالیلر ایله اللی سنه محاربه‌لرده بولندرق بو محاربه‌لرک چوغنده مظفر اولمشلردی . ترک‌لر ( ژوستینیئن ) زماننده رومالیلر ایله بر مصالحه عقد ایتیشلر ، انک خلفلری ایله مناسبات صلحیه‌یی محافظه ایشلر وایکی ملت آرمسده دفعات ایله سفیرلر کیدوب کلش ایدی . ترک خاقانی ( دیزابول ) زماننده رومالیلر آلتون طاغنده خاقان مشارالیه‌ک نزدینه بر هیئت مخصوصه کوندردرک کسری ( نوشیروان ) زماننده ایرانیلرک علیهنده کنیدی‌سی ایله بر معاهدۀ عسکریه عقد ایتیشلر ایسه‌ده ( نوشیروان ) ی مغلوب ایدمه‌میشلردی . او زمانه قدر ترک‌لر ترکستانک هرطرفه یاییلمیشلر ، بعضلری ده شهرلرده اختیار اقامت ایتیشلر ایدی .

### اسلامیتدن صکره ترک‌لر

اسلامیت ظهور وعربلر اقطار عالمه انتشار ایدنجه شمشیر فاتحانه‌لری‌نی ترکستانده صالیرمیشلردی . ترکستانه عربلرجه ( ماوراء النهر ) نامی ویریلیر . بی امیه زماننده ترکستاندن بخارا ، سمرقند ، فرغانه ، اشروسنه وسائر برر برر اسلام فاتحلرینک قبضۀ تسخیرلرینه کچمیش ایدی . دولت اسلامیه امویلردن عباسیلره انتقال ایتدیکی زمان بوشهرلر اسلاملرک حاکمیتی آلتنده بولنیور ، اهالیسی خراج وجزیه تأذیه ایلوردی . بونلر تأذیه ایتدکلی جزیه جهل‌سندن اوله‌رق علی الاکثر اموال غنائمدن ویا حرب اسیرلردن متشکل بر طاقم

چو جققلر تقدیم ایدرلردی. ترکستانک چول اھالیسی اولاندن آلنان بو چو جققلر اسیر کی فروخت اولنوردی. محاربہلر ائناسنده دخی اسلاملرک الہ غنائم قیلندن بوکی بر چوق اسیرلر کچردی. ایشته عربلر بو اسیرلرہ (ممالیک) نامنی ویریرلر و خلفانک سرایلریلہ امرانک قوناقلرینہ توزیع ایلرلردی. اودورلردہ عربلرک حاکمیتلرینہ بیون اکن سائر اقوام کی بونلردہ اسلام اولورلر ویر صنف کولہ وموالی تشکیل ایدرلردی.

ترکر اوصرهلردہ قوت بدنیہ وشجاعتدہ، مهارتلہ اوق آتقدہ، آت اوزرنده یول مشاق ومزاحمہ تحملدہ، محاربہلردہ ثبات کوسترمکدہ سائر اقوامدن ممتاز بر موقع صاحبی ایدیلر. علوم ومعارف ایلہ، باخصوص فلسفہ وعلم طبیعی ایلہ اشتغالہ ایسہ همان هیچ اھمیت ویرمزلردی. ترکلردن مدنیت اسلامیہ دورلرنده علوم ومعارف ایلہ اشتغال ایدنلر پک نادر ایدی. حتی بو حال بیوک برشہرت آلدینی ایچون بر ترکک علم طبیعی ایلہ اشتغالی موجب حیرت اولیوردی. مثلاً (ابن الاثیر) سلجوقیان رومک جدی اولان (قلمش) ک علم نجومہ آکاه اولدیغنی ذکر ایتک ایستدیکی زمان: «شایان حیرتدرکہ بوقلمش ترک اولدینی حالہ علم نجومی اوکرمش، کرک بوندہ، کرک علوم سائر دہ مہارت صاحبی اولمشدی» دییور. ترکر اصل منشألری، تفرع وتشعبلری اعتباریلہ تاریخ اسلامدہ بر چوق اسملر ایلہ یاد اولنورلر. عرب قبائلی فصل چوق ایدی ایسہ انلرک قبائلی دہ پک چوق ایدی.

### دولت عباسیدہ ترک عسکری

معتمد ایلہ ترکر


ترکری عسکرلکدہ استخدام ایدن ایلک خلیفہ عباسیلردن (منصور) ایدی. فقط بونلر او دوردہ دولتجہ حائر اھمیت اولمیان بر شرمہ قلیلہدن عبارت ایدیلر. اک بیوک نفوذ و اھمیت خراسانلیلر (ایرانلیلر) ایلہ عربلردہ ایدی. (رشید) ک زمانندہ عربلر ایلہ ایرانلیلر آرہ سنده نفوذ وتأثیردہ بیوک بر رقابت حکمفرما اولدقدن صکرہ (امین) ک انقضای سلطنتی ایلہ عربلرک شوکت وسطوتلرینک زوالی اوزرینہ (مأمون) ک طرفدار و طاییلری

اولان ايرانليرك امور دولته پك بيوك بر نفوذ كسب ايتدكلرى دور كلنجه اوزمانه قدر آرايش ورفاه مدنيت اسلاملك شعله عزم و متانتلريني سونديرمش، متصف اولدقلىرى قوه تغلب و فتوحات ده دوچار انحلال اولمش ايدى. (مأمون) ك برادرى اولان (معتم) دهها مقام خلافته كلدن اول بو انحلال غيرت و همى نظر دفته آلهرق تلافيسنى دوشونمكه باشلامشدى. مشاراليهك والدسى ترك ايدى. (معتم) تركلك بوذكر ايتديكمز اوصاف و مزاياسنك چوغنه بالذات مالك و تركلره بر انجذاب مخصوص ايله متحسس ايدى. چونكه تركلر انك طايلىرى ايديلر. (مأمون) ايرانليره نصل ميل ايتدى ايسه اوده تركلرى سوردى. (معتم) برادرى (امين) ك قتلدن صكره قاتللرى اولان ايرانليرك جرأت و تجاوزلردن قورقغه، حياتدن امين اولماغه باشلامشدى. عصبيت اتفاقكارانه و جنك آوراندلىرى آرتق دوچار زوال اولمش، شوكت و صولتلىرى قيرلمش، مناقب عزم و غيرتلىرى، ايچنه طالدىقلىرى لجأ راحت و مدنيتها سكتيه اوغرامش اولان عر بلرده كوودنه ميوردى. تركلر ايسه اوصردلرده جنك آورلك، شجاعت و اقدام ايله متصف، معيشتده يوقلغه متحمل بر حال يداوند بوليورلردى. ايشته (معتم) بو نقاط مهمه يي نظر دفته آلهرق تحكيم موقع ايجون تركلك استخدافنى موافق بولمش، عراقده كوچلى، بوبلى نه قدر ترك كولهسى وار ايسه انلرى صاتون آلدغى كې تركستان و سائر ددن دخى بر چوق ترك كولهسى جاب ايتمش، بوسايده معيتمده بر قاچ بيك ترك طوپلامش ايدى. كنج. دينج، حسن و آن صاحبي بر كته شپاندن متشكل اولان بوكوله منلر (معتم) طرفدن ايكلى ايسه، صرمهلى قوشاق، صرمهلى قليج آصقيسى و سائر كيدريلهرك عساكر سائر ددن ممتاز بر قيافته عساكر خاصه خدمته آلمش ايدى [۱]. بونلك چوغى فرغانه و اشروسنه تركلردن ايديلر.

و قتاكه (معتم) مقام خلافته كلدى تركلر انك ظهيري ايديلر. ترك عسكرينك مقدارى يواش يواش پك زياده چوغالمش، بغداد شهرى بونلره طار كلمكه باشلامشدى. بونلر سوقاقلردن كچدكه خلقه تجاوزده بوليور، راست كلن ضعفاي، چولق چوجقلرى اتلريله تهليوب كچيورلردى. بو



وقوعات تکرر ایدرک یول اورته سنده صره ایله بوصورتله مقتول اولمش برقاچ انسانه تصادف اولمغه باشلامشدی . بر بایرام کونی ( معتم ) سلطنت آلائیله سرایندن چقمش ایدی . یولده بر اختیار معتممه توجیه خطاب ایدرک « یا ابا اسحق ! » دییه باغیریر . عسکر اختیاری دوکک ایسترلر . ( معتم ) عسکری



تیورلنکک تربه سی قپوسی اوزرنده کی مینالی چینی

منع ایدرک انی یانه یا قلاشدیریر . « اختیار ! نه ایستورسک ؟ » دییه صورار . اختیار : « حقوق جوار ی بودرجه آیاق آلتنه آلدیغکن طولانی الله سکا مستحقکی ویرسون . جوار مزده اختیار اقامت ایتدکن مکره ترک کوله منلرک اولان بو یابانجیلری ده کتیردرک یانمزده اسکان ایتدیردک . بونلرایله چوجقلرمزی

یتیم ، قادیانلرمزی طول ، آدملرمزی مقتول ایلدك » تظلمنده بولنور .  
 ( معتم ) بتون بوشكایتي دیکله دکن صکره سراینه عودت ایدر . تام بر سنه  
 اسبسوار اوله رق آلاي ايله حقیقماز . ایرتمی سنه بایرام کونی کلنجه آلاي  
 سلطنت ايله سرایدن چیقار . خلق ايله برابر بایرام نمازینی قیلار . بعده بغدادی  
 براقه رق عسکرینه اردوکاه اتخا ایتك اوزره بریر تحری ایدر . ( سامرا ) یی  
 بولور . بورایي بکنه رك اردوکاه اتخا واسمنده ( سرمن رأی ) اطلاق ایلر .  
 ( معتم ) سامرایي برطاقم اقسامه تقسیم ایدرك ترك عسکرینی کندی مملکتلرنده  
 منسوب اولدقلری قبائلك یکدیگرینه قرابت ومجاورتلرینه کوره بوراده  
 یرلشدیردیکی کي ارباب صنایع وتجارت ایچوند آیری آیری چارشولر تخصیص  
 ایدر . بونک اوزرینه یوکسک یوکسک بنار ، سرایلر یاییلیر . برچوق خانلر تأسیس  
 اولنور . صولر کشف ایدیلیر . مقررسلطنتك اورایه انتقالی خلق آردسنده شایع  
 اولدیغندن ارباب تجارت وصنایع احتیاجات عمومیه یه خادم برچوق امتعه واشیا  
 ايله اورایه قوشارلر . وسائط معیشت بوسایه ده بیوک بروسعت آلیر . ( سامرا )  
 شبری ۲۲۱ سنه هجریه سندن ( معتمد ) ك دور خلافتنه قدر دولت عباسیه نك  
 پایتختی اوله رق دوام اینش ایکن معتمد ۲۷۹ سنه هجریه سنده شهرمذکور ی ترك  
 وبغداد عودت ایتمشدی . ( سامرا ) نك انشاسندن صوکره بغداده ایلك  
 عودت ایدن خلیفه مشارالیه ایدی [۱] .

( معتم ) بو ترك کوله منلری او زمانلرده مرعی اولان فنون عسکریه یه  
 توفیقاً تنظیم وبرطاقم فرقلره تقسیم ایتمش وقوماندانلقلری انلردن منتخب  
 امرایه تودیع اینش ایدی . ( معتم ) ترکلردن عسکر تشکیلی ایچون یالکز  
 مبايعه ویا هدیه اصولی ايله اکتفا ایتماشدی . ترك امراسنه وشهزاده لره یانه  
 کلوب اختیار اذمت ایتملی ایچون تشویقاتده بولمش ایدی . ( فرغانه )  
 شهزاده لرندن ( جف بن بلتکین ) بویولده صرف ایدیلن تشویقات سایه سنده  
 ( معتم ) ه التحاق ایدن ترك امراسندن ایدی . ( معتم ) بو شهزاده نك  
 محاربهلرده اقدام وشجاعته شهرتی ایشیددرك سائر برچوق امرایه زاده لر  
 ايله برابر نزدینه کتیرمش ، بونلری التفات واکراملره مظهر ایتشدی .  
 سرمن رای ( ویاسمرا ) یی تأسیس ایتدیکی زمان بونلره برچوق مقاطعه لر

و یرمیش ایدی . ( جنف ) کُ مَقاطعَه نری اورالرده عسکرلرجه ائک نامنه نسبتله معروف قاتیش ایدی [۱] .

( معتمد ) بو ترکمری اطرافنه طویلادینی زمان چوقلری مملکته لرلنده منشی اولان مجوسیتک و بترسندکده تابع ایدیلر . یالکیز بر قسمی دها اول سلامتی قبول ایتیش ایدی . غیرمسم اولانلردنخی خلیفه نك خدمت عسکریه سنه ۸۰۰ و اسلام تربیه سنه ۸۰۱ اولدقدن صکره اسلام اولمشلردی . معافیله مصلوبی سلفیه بارشقی مقصدله اسلام وایوردی . تنه کیم مرای مشهوره ترکمر ( قشیر ) باطناً مجوسیتکی محضه ایتیش ائکین شام حریبه دن سترده ائکین مقصدله ایدر اسلامیت ایتیش ایدی [۲] .

( معتمد ) دوتله اولان ترکمرک حریبه لردن ، نوه سائرده ایه اختلاط ایدرک عسکریه نری ، فدا و بجزایری عاقب اعرابن قورقادینی بچون حال بدوتمه قاترخی آرزو ایدردی . ایشته بو فکره خدمت ایتک اوزره انز بچون صورت مخصوصده ترک جزیره نری مبدیه ایدرک بوجزیره نری ایه تزویج ایدرکی کچی کندیلردن نسل توزیه نك نسل سائرده دن مستغنی اولججهیه قدر موافقت برپا ن جبری ایه ردواج ایتکدن وایرموادی داما آلدن ائری منع ایتیش ، بوجزیره نرده معین و ثابت معاشره تخصیص ایدرک اسملرینی دقاتر دوته سیکریش ایدی . بوسیلدن بوترک سکرلردن هیچ بری زوجه نی تطیق وایترک ایدرمیوردی [۳] .

### ترک عسکری و صالح دولت

ایشته بوسایه ده ترکمرک شوکت و نفوذلری مزداک اوش و - باخصوص ( بابک خرمی ) عاقبه عضداسدن مملکتی تحلیص ، ( عموزیه ) یی فتح ایه رایت اسلامی علا ایترکدن صکره - بستون امور دوتی قبضه تسخیرلرینه آلمشردی . اولجه بتون نفوذ ایراندیلرک ائده ائکین بوسفر ترک امر اسنک ائده سیکمش ، یاخود بو نفوذ قسماً وزرای فرسده قلعق ، قسماً ده ترکلره انتقل ایتککه احوال دولت آندرشیه دوشمش ایدی . اوددت ائسانده ( ابن

[۱] ابن سکرک ج ۲ ، ۲۰۱ (۲) ندرک اکر هر جلدی

[۲] ایدرکی ائله ل ۲۰۱



وهب ) ، ( ابن الفرات ) ، ( علی بن عیسی ) ، ( ابن مقله ) و سائر ده کبی اعظم رجالدن بر طاقم وزرا کسب شهرت ایدرک آئیده کورولهجکی اوزره نفوذ حکومتی اله کچیرمک ، مصادرده و سائر انواع مظالم ایله پاره صاحبی اولوق خصوصلرنده ترک امراسیله عادتاً یاریش ایتشلردی .

او زمانه قدر دولت دور شبانی کچیره رک اوان تقهقره کیرمش ، خلفا دخی ذوق وصفایه ، اسراف و سفاهته طالهرق اداره امور دولتن عاجز بر حاله دوشمشلرایدی . خلفا ؛ عسکری ( ترکاری ) معین اتخاذا ایتدن مقام خلافته نائل اوله میورلردی . ترکار ایسه پاره آلمدن هیچ بر ایش یامیورلردی . بناء علیه عسکری هرکیم الله ایده بیلور ایسه احراز حاکمیت ایلورودی . آرتق عصیتک ، جنسیتک ، اتحاد دیننک ، وطنپرورلکک هیچ تأیری قالمشدی . محور حاکمیت ترکار ایله دونیوردی . ترکار ایسه ده اول بیان ایتدی کمز اوزره ارباب شجاعت و جلدتدن ایدیلر . بناء علیه حاکمیتک مدار استنادی شدت و خونریزک ایله قائم اولیوردی .

والحاصل دولت عباسیه تأسس ایتدیکی دورلرده قوه عسکریه سی مضر و یمندن اولان عربلر ایله ایرانلیلردن متشکل بولنیور ایدی . ( ایرانلیلردن مراد عراق ایله خراسانک شرق جهتلرندن اعتباراً جیحون ( اندوس ) نهینه قدر امتداد ایدن یرلردن مرکب اولوب خوزستان ، فارس ، کرمان ، مکران ، سجستان ، کوهستان ، خراسان و سائر دینی محتوی اولان قطعه لر اهالیسی ایدی ) . بواهالی دولت امویه دن انتقام آلمق ، یا خود استرداد حاکمیت ایتک مقصدیله اسلاملره نصرت و مظاهرت ایتشلردی . بونلرک قسم اعظمی بیع و عتقه معروض اولماش حر عسکر ایدی . کندیلرینه موالی اطلاق ایدلمسی ایسه او دورک اصطلاحه کوره عرب اولمدقلرینی افاده ایتک ایچون ایدی . خلفا بونلردن بر طاققلرینی انتخاب ایدرک مصالح دولنده قوللاندقلرندن انلردن برچوق وزرا ، امرای عسکریه ، علما یتیشمش و بوییشنلر والیلکرده تعیین اولونجه چوق کچمدن اعلان استقلال ایدرک ایلریده کورولهجکی اوزره خلافت عباسیه نك نفوذ معنویسه تابع برر دولت مستقله تشکیل ایشلردی . ( معصم ) مقام خلافته کلرک تشویق و یا مبايعه صورتیه ترک کوله منلره مالک اولنجه دولتك قوه عسکریه سنک قسم اعظمی بو کوله منلردن تشکیل



( معتمد ) بو ترکری اطرافنه طوبلادیفی زمان چوقلری مملکت لرنده منتشر اولان مجوسیلک وبتپرستلکه تابع ایدیلر . یالکز بر قسمی ده اول اسلامی قبول ایتش ایدی . غیرمسلم اولانلردخی خلیفه نك خدمت عسکریه سنه داخل واسلام تربیه سنه نائل اولدقن صکره اسلام اولشلردی . مع مافیه بعضلری خلفایه یار اتمق مقصدیه اسلام اولیوردی . نته کیم امرای مشهوره ترا کدن ( افشین ) باطناً مجوسیلکی محافظه ایتش ایکن غنائم حربیه دن استفاده اتمک مقصدیه اظهار اسلامت ایتش ایدی [۲] .

ترك عسکری و صالح دولت

[۱] ابن خلیکان ۴۱ ج ۲ . [۲] کتابہزک ایکہی جلدی

[۳] یعقوبی (تقویم بلدن) ۳۳

وهب) ، ( ابن الفرات ) ، ( علی بن عیسی ) ، ( ابن مقله ) وسائر ده کبی اعظم رجالدن بر طاقم وزرا کسب شهرت ایدرک آتیده کوروله جکی اوزره نفوذ حکومتی اله کچیرمک ، مصادره وسائر انواع مظالم ایله پاره صاحبی اولمق خصوصاً صرلنده ترك امراسیله عادتاً یاریش ایتیشلردی .

او زمانه قدر دولت دور شبابی کچیره رک او ان تقهقره کیرمش ، خلفا دخی ذوق وصفایه ، اسراف و سفاهته طالهرق اداره امور دولتن عاجز بر حاله دوشمشلرایدی . خلفا ؛ عسکری ( ترکلری ) معین اتخاذا ایتدن مقام خلافته نائل اوله میورلردی . ترکلر ایسه پاره آلمدن هیچ بر ایش یا میورلردی . بناءً علیه عسکری هر کیم الده ایده بیلور ایسه احراز حاکمیت ایلوردی . آرتق عصیتک ، جنسیتک ، اتحاد دینیک ، وطنپرورلیکک هیچ تأثیری قالمامشدی . محور حاکمیت ترکلر ایله دونیوردی . ترکلر ایسه ده اول بیان ایتدی کمز اوزره ارباب شجاعت وجلادتدن ایدیلر . بناءً علیه حاکمیتک مدار استنادی شدت وخونریزلیک ایله قائم اولیوردی .

والحاصل دولت عباسیه تأسس ایتدیکی دورلرده قوه عسکریه سی مضر و یمندن اولان عربلر ایله ایرانلیلردن متشکل بولنیور ایدی . ( ایرانلیلردن مراد عراق ایله خراسانک شرق جهتلرندن اعتباراً جیحون ( اندوس ) نه ریسه قدر امتداد ایدن برلردن مرکب اولوب خوزستان ، فارس ، کرمان ، مکران ، سجستان ، کوهستان ، خراسان و سائر دهی محتوی اولان قطعله ر اهالیسی ایدی ) . بواهایلی دولت امویه دن انتقام آلمق ، یا خود استرداد حاکمیت ایتک مقصدیه اسلاملره نصرت ومظالمهرت ایتیشلردی . بونلرک قسم اعظمی بیع وعتقه معروض اولمامش حر عسکر ایدی . کندیلرینه موالی اطلاق ایدلمسی ایسه او دورک اصطلاحنه کوره عرب اولمقلرینی افاده ایتک ایچون ایدی . خلفا بونلردن بر طاقلرینی انتخاب ایدرک مصالح دولته قولاندق لردن انلردن بر جوق وزرا ، امرای عسکریه ، علما یتیشمش وبویشلر والیلکله تعیین اولونجه چوق کچمدن اعلان استقلال ایدرک ایلریده کوروله جکی اوزره خلافت عباسیه نک نفوذ مغویسنه تابع برر دولت مستقلا تشکیل ایشلردی . ( معتصم ) مقام خلافت کله رک تشویق ویا مبیعه صورتیه ترك کوله منلره مالک اولنجه دولتک قوه عسکریه سنک قسم اعظمی بو کوله منلردن تشکل

ایتمشدی. خلفا یوعسکرک نصرت ومظاهرتہ کوونمکہ باشلامشر، بعضاری سرای خدمتہ، محافظلق وسلاحشورلق کبی معیت خاصہ مأموریتلرینہ آلمشلردی. بونلردن بر قسمی ده مناصب دولتده قطع مراحل ایدزک اردو قوماندانلری اولمشلر، نفوذ دولتی ایستدکلری کبی استعمال ایتمکہ باشلامشلردی. بونک اوزرینہ سیاست دولت علی الا کثر شیعه دن اولان ایرانیلردن علی الا کثر سنی اولان ترکلرہ انتقال ایتمشدی. اک باشدہ (متوکل) اولدینی حالده خلفای عباسیہ طرفدن شیعه حقندہ استعمال شدت اولدینی تاریخدن اعتباراً سنیلک ترکلرده یرلشمشدی. ترکلر اوزماندن اعتباراً مذهب سنیہ تمسک ایتمشر، الی یومنا هذا بومذہبده دوام ایلمشلردر.

ترکلرک خلفا سرایلرندہ استبداد ایلہ حرکتکلری (متوکل) ک زمانندہ باشلامشدی. چونکہ (متوکل) ۲۳۲ سنہ سندنہ مقام خلافتہ کلہرک اهل شیعه حقندہ انواع شدت وتضییقاتی روا کورنجه بوحال ترکلرک دہا زیادہ کسب قوت ایتملرینہ، نفوذ دولتی بسبتون قبضہ تحکملرینہ آلمغہ دہا زیادہ کوز دیکملرینہ خدمت ایتمش ایدی. متعاقباً (متوکل) ک اوغلی (منتصر) پدرینک قتلہ انلری (یاخود انلر کندیسینی) تشویق ایدنجه (متوکل) ی قتل ایتمشر وبووقعہ محزنہ انلرک خلفایہ قارشی ایلک جرأتلرینی تشکیل ایلمش ایدی. ترکلر (متوکل) دن صکرہ (منتصر) ی کرسی خلافتہ اجلاس ایتمشر سده مشارایہ بر قاچ آیدن زیادہ حکم سورمہرک ارتکاب ایتمکی جنایتدن طولانی بیوک بر عذاب وجدانی چکدیی حالده ترک عالم فانی ایتمش ایدی. (منتصر) دن صکرہ ۲۴۸ سنہ سندنہ (مستعین بالله)، ۲۵۱ ده (معتز بالله) مقام خلافتہ کچمشلر ایسده او زمانہ قدر ترکلرک استبدادی هر درلو حد معروفی کچمش ایدی. ترکلرک خلفا حقندہ روا کوردکلری معاملات استبدادکارانہ دہ دائر نقل اولسان حکایہلردن اولمق اوزرہ (معتز) مقام خلافتہ کلدیکی زمان عالمسی ومعیتی خلئی منجملر کتیردک: «خلفہنک نہ قدر یاشایہ جغنی ومقام خلافتده نہ قدر قالہ جغنی» صورمشلردی. اورادہ حاضر بولنان ظرفادن بری کندینی طوتہ میہرق سوزہ قاریشمش، «بونلردن صورمیکز. بندن صوریکز. بن دہا ایی بیلیرم» دیمشدی. «پکی او حالده نہ قدر یاشار؟ زمان سلطنتی نہ قدر امتداد ایدر؟» دیہ صورملری اوزرینہ اوزات:

« تركلر نه قدر امتداد ايتديررلرسه » جوابى ويرمش ، بو جوابه قارشى حائر وندن خنده ريز اوليان كيمسه قلاماشدى [۱].

تركار بو ( معتز ) ى پك فجييع برشكلده قتل ايتمشلردى . آياغندن چكرك اوطنه نك قپوسنه كوتورمشرلر ، طوبوزلرايله ضرب ايدرك كوملكنى پارچه لامشرلر ، كونشده طور دورمشرلردى . زواللى آدم حرارتك شدته طايانه ميه رق بر آياغنى اينديروب ديكرينى قالديريوردى . عاھيلردن بعضلرى بوخالده دخى اللرايله اكاسلرلر آتورلردى [۲]. تركلر خليفه ( مستكفى ) نك كوزلرينه ميل چككدن صكره اولونجه يه قدر حبسه آتمشلردى [۳]. ( قاهر بانه ) اوقدز فقير دوشمش ايدى كه تركلر كنديسنى زندانه آتدقلىرى زمان اوزرنده البسه اولق اوزره برجه نك پامونى ايله آياغنده تختهدن برنعلندن بشقه برشى موجود دكلدى . ترك عسكرى بودرجه قوت ونفوذ كسب ايتدكن صكره خلفائى اللرينه اويونچاق آلملرى ، عسكر آرمسندنه نفوذ حاكميت ايچون اختلال و قتاللر وقوع بولدقجه هانكى قسم غالب كليرايسه خليفه نك اوقسه ، تابع اولمغه باشلامسى [۴] ، دها اول عسكر خليفه يه محافظه صداقت ايچون تحليف اولنور ايكن عسكرك شمارمسندن صكره بوسفر بالعكس خليفه نك عسكره صادق قاله جغه دائر يمين ايله مكلف اولمى [۵] ظهورى پك طيعى اولان نتيجه لرندى .

تركار دولت عباسيه ده بوموقع نفوذ ومكنتى آلنجه اسكى مملكتلرنده بولان و طنداشرلردن يوزلرجه ، بيكلرجه مى عسكرلاك ايله تأمين معيشت ايتك ايچون بغداده كلكه ، اسلام اولمغه ، بيكلرايله عسكرلكه كيرمكه باشلامشرلردى . بوسائقه ايله ۳۵۰ سنه هجريه سنده تركلردن دفعه ۲۰۰,۰۰۰ خرگاه خلقى اسلام اولمش ايدى . خرگاه چادر ديمكدر . هر برچادر خلقى بش نفوسدن آشاغى اوله ميه جغندن بو دفعه اسلام اولانلرك مقدارى برميلون قدر ديمك ايدى . كذلك ۴۳۵ سنه هجريه سنده ( بلاساغون ) و ( كاشغر ) اھاليسندن بر دفعه ده ۱۰۰,۰۰۰ خرگاه خلقى اسلام اوله رق يكرمى بيك قيون قربان كسمشلردى [۶]. او صروده دولت عباسيه نك خدمتده بولنان ترك عسكرى روماليلرده

[۱] الفخرى ۲۲۰ [۲] ابن الاثير ۷۷ ج ۷ [۳] ابن الاثير ۱۱۷ ج ۷

[۴] ابن الاثير ۱۷۳ ج ۸ [۵] ابن الاثير ۲۶۴ ج ۹

[۶] ابن الاثير ۲۱۰ ج ۸ و ۲۱۶ ج ۹



پولنوب Prætorian نامیہ طانیلان عسکر ویا دولت عثمانیہ دہ وقتیلہ بولنان باشی بوزوقلر قیلندن ایدی. هر کیم ایسترسه انلری پاره ایله استخدام ایدہ بیلیردی. بناءً علیہ هر کیمک انله بر حاکمیت کچسه مبایعه ویا اجرتله استخدام صورتیله ترکلردن کوله منلر تدارک ایدردی. بولنلردن مرور زمان ایله فرقه لر تشکیل ایتیش ایدی. هر فرقه ؛ صاحبک نامی ایله شهرت آلیردی. مثلاً ( ابوالساج ) ه نسبتله ( ساجیه )، ( صلاح الدین ) ه نسبتله ( صلاحیه ) فرقه لری کبی. ( اسدیہ )، ( نظامیه ) و امثالی فرقه لری ده اکا کوره قیاس ایدیکز. دیلیلر بنی بویه دورنده بغداده استیلا ایتدکلی زمان ترکلر و دیلیلر ایله خلفانک کوله منلری، یاخود موالی آردسندہ محاربہ لر توالی ایلش ایدی. او عصر لژده شیعی ویا سنی اولسون هر هانکی دولت تأسیس ایتیش ایسه ترکلری خدمت عسکریه سسندہ استخدام ایتیش ایدی. ترکلر بغداده و سائر مدن مشهوره اسلامیہ یه فوج کتیریلوردی. بولنلر علی الاکثر بورالرده اولنک، چولاق چوجق صاحبی اولق ایستہ منز لردی. دائماً ترکیه قونوشورلردی. بعضاً عربجه بی اوکر نیرلر، فقط تکبر سائقه سیله عربجه قونوشمق آرزو ایتمز لردی.

امرا و قوماندانلر معیتلرندہ بولنان ترک عسکرینک فرائض دینہ دن ماعدہ حرکات عسکریه دده کسب مهارت ایتملری ایچون تعلیم و تربیه لرینہ فوق العاده اهمیت ویریرلردی. فرائض دینہ بولنلرہ پک کوچک بر یاشده ایکن تعلیم اولنوردی. بر اسیر تاجری ترکلردن بر کوله کتیردیکی زمان امیرہ ویا سلطانه عرض ایدردی. امیر ویا سلطان او اسیری بکنیرایسه انی صاتون آلیر، کوله لری آردسندہ اکا مناسب اولان صنفه الحاق ایدر و یازی اوکر تمک ایچون طواشی یه تسلیم ایلردی. یکی کوله یه الاول قرآندن کافی درجه ده شیلر اوکر دیلیردی. مصر کوله من حکومتمندہ کوله منلرک هر صنفی ایچون بر فقیه تعیین اولنیش ایدی که بوفقیه هر کون انلرک یانته کلیر، قرآن، حسن خط اوکر دیر، آداب شریعت اسلامیہ و نمازہ آلیش دیریردی. کوله منلر بر آزیو بنجه فقیه انلرہ فقیدن بر طاقم معلومات اوکر دیردی. کوله من سن بلوغه وارنجه اکا فن حرب، تیراندازلق، قارغی قوللانلق و امثالی شیلر تعلیم اولنوردی. ترکلر اوق آتمق، یاخود قارغی ایله اوینامق ایچون تمرینہ چیق دقلری زمان هیچ بر عسکر ویا امیر انلر

ایله قونوشمق ویا انلره یا قلاشمغه جسارت ایده مزیدی . کوله من فنون حربیه ده کسب مهارت ایدر ایسه عسکرلکده تدریجاً قطع مراتب ایدر ، نهایت امرای عسکر ییدن اولوردی . بوصول رتبه یه واردینی زمان آرتق اخلاق و تربیه ده ده تکمیل ایتش بر حالده بولنوردی . بعضاً بوکوله منلردن فقیه ، ادیب ، شاعر ، حسابشناس ذوات ده یتیشیردی [۱] .


مع ذلك اهالی مملکت ترکلردن ، ترکلرک شدت وصوللرندن قورقلرلردی . ترکلر بر شهره کلنجه اوشهرک اها یلینه بر قورقواستیلایدردی . چونکه بونلر علی الاکثر اها یلنک خانلرنده جبراً مسافر اولورلر [۲] ، حرملره ، چوجقلره تعرضده بولنورلردی . بونک ایچون بغداد اها یلیسی ترکلره پک شدتلی بر نظر نفرته باقارلردی .

### سرای خدمه سی و دولت عباسیه ده نفوذلری

دولت عباسیه ده یتیشوب الک اسکی بیایدیکمز سرای خدمه سی ( رشید ) ک خادم مخصوصی ( مسرور ) ایدی . مع مافیه بونک اوقدر بیوک بر نفوذ و اهمیتی یوقدی . سرای خدمه سنه اهمیت و یرن ، انلردن اطرافنه بر چوق کشی طوبالان ایالت ذات ( امین ) ایدی . مشارالیه مقام خلافته کلنجه طواشیلر مبابیه و خاوتنه مأمور ایتش ، کیجه کوندوز یتکده ، بزم طربده ، امر و نهیده بتون بونلری قوللانمشدی . بونلرک بر طاقه لرینه ( جرادیه ) ، حبشیلردن اولان بر طاقنه ده ( غرابیه ) ناملرینی ویرمش ایدی . ( امین ) بو خادملری محافظه نفس ، یا خود امور دولتی تدویر ایچون استخدام ایتما مشدی . ( امین ) بونلرک استخدامنه آنجق منهمک اولدینی ذوق و صفاده افراطه وارمق سائقه سیله رغبت ایلمش ایدی . مشارالیه ک هر شیئی ترک ایله غلمان ایله خلوت نشین اولیشی و ( نوفل ) ، ( بدر ) ، ( معصمی ) ، ( حسن صغیر ) ناملرندکی اوغلانلر ایله سفاهت ایدیشی مشهوردی . صنف نسایی شایان التفات کورمدیکی ده روایت اولنور [۳] . ایشه ( امین ) اخلاقجه بو حال سفالت و سفاهتی سقوط و فلاکتیه باعث اولان الک بیوک سبیلردن اولمشدی .

خدمه نك نفوذ واهميت صاحبي اولمرينه سبب

سرای خدمه سی نه (مأمون) ، نه (معتمد) ، نده (وائی) ك زمانلرنده برنفوذ مخصوص صاحبي دكل ایدیلر. فقط (متوكل) ك دوری ايله انی تعقیب ایدن دورلرده تركلر بيوك برنفوذ وقوت كسب ایدرك خلفادن ایسته مدكلرینی عزل ، ایستدكلرینی نصب ، یاشاتمق ایسته مدكلری خلفایی ده قتل ایتمكه باشلايچه خلفایی زیرقبضه تحكملرنده بولندیرمق ایچون اتخاذه لزوم كوردكلری وسائط جمله سندن اولمق اوزره دها شهزاده ایكن انلری سرایلرده حبس وخلق



عرب اسلحه قیلغلری

ایله اختلاطدن منع ایلرلر وبوصورتله انلری پاك جاعل وضعیف براتیرلردی . بوندن ماعدا بالذات خلفا دخی تركلر ايله برلشهرك خلع ویا قتللرینه تشبث ایتمسونلر دییه كندی اوغللرینی ویا اقبالیزینی حبس ایتمك ایستلردی [۱] . خاندان سلطنت افرادی محبس واتروا كاهلرنده خدمه وطواشیلردن بشقه معاشرت ایده جك كیمسه بوله مدقلرندن انلری بالضروره انیس وجلیس اتخاذا ایدرك اخلاقلرینی اقتباس ایدرلر وتجربه وطول خدمت ايله انلری وبالخاصه هیچ برعصیتیه میلی اولمیان طواشیلری دنیا ده كندیلرینه اك صادق كیمسه لر

عدایلرلردی. بناءً علیه ولیعهدلر مقام خلافت کلدیجه ترک‌لر قارشى معین وظیفه  
اتخاذ ایتک مقصدیه خدمه‌نک کندیلرینه اولان صداقت و فدا کارلقلرینی  
پاردر اعطا ومنصلر توجیهی ایلر برقات دها تأمین ایتک ایستلرلردی. بونک نتیجه‌سی  
اوله رق خلفا پک چوق خدمه قوللانیرلردی. بونلر مناصبه، اکرام واعزاز  
مظهر اولیور، خلفایه عادتاً مستشار خاص کسلدیورلردی. سرای خدمه‌سی  
وطواشیلر بوسایه ده اوقدر بیوک برنفوذ احراز ایتشلردی که ترکار بیلر بونلردن  
قورقهغه باشلامشلردی. دور ترکیده بونلردن برچوققلری سرای وقوناق  
خدمتکارلغندن قوماندانلنه ووالیلکه اعتلا ایشلردی.

### خدمه فرقه‌لری و منفعلی

خلفا سرایلرنده خدمه‌نک مقداری چوغالنج بونلرک بر طاقم صنف  
و فرقه‌لره تقسیمه لزوم کورلمش ایدی. هر برینه بر اسم مخصوص اطلاق  
اولان بوفرقلر اصلاً روم، ترک، حبش، ارمنی، سندلی، بربری، اسلاولردن  
متشکل ایدی. بونلر عادتاً عسکری فرقه‌لر کبی ترتیب و خدمه‌دن هر برینه  
معاش و معینات تخصیص اولنمش ایدی.

فی‌الاصل خدمه‌دن مراد خلفا وامرانک خانلرنده خانه‌یه متعلق خدمتلرده  
قوللانیلان اوغلانلر ویا کوله‌لردن عبارت ایدی. مباحه اولان بو کوله‌لرک  
ایچنده طوقیجیلیق، ساییسک، حجاملق، فرونجیلک و سائر ده مهارت  
صاحبی اولانلرده بولنوردی. بالاآخره بو مقصددن آریلرلر هجوم وتعرض  
زمانلرنده سرایلرک وقوناقلرک محافظه ومدافعه‌سی ایچون بو کوله‌ملر استخدام  
اولنغه باشلامشدی. ارباب نفوذ وحاکیمتک، ثروتلرینه کوره، کوله‌ملری  
اولوردی. برکوله‌نک اثمائی یوز دیناردن بیک دیناره قدر، یاخود بومقداردن  
دهاآز ویا ده‌چوق ایدی. بعضاً برامیرک یاننده بش یوز، بیک، یاخود ده‌ها زیاده  
کوله بولنوردی. مثلاً دولت عباسیه‌نک امرای اترا کندن (بغای شرابی) نک  
کوله‌لری بش یوز مقدارنده بولندقلری کبی مصرده دولت فاطمیه وزراسندن  
(یعقوب بن کلس) ک خدمتده (۵,۰۰۰) کوله موجود ایدی.

خلفا سرایلرنده بولان کوله‌لره کلنج بونلر غلمان اصغر، غلمان حجریه،  
رجال مصافیه، رجال رکابیه و سائر کبی هر بری بر اسم مخصوصی حائر بر



طاقم فرقه‌لردن متشکل ایدیلر . بونلر ایله ترك كوله‌من عسكری فرقه‌لری آره‌سنده کی فرق شو ایدی که عسکر كوله‌منلری بیت المالدن مخصص معاشلی دولتک رسمی عسکری ایدیلر . بر قسمی كوله ایدی . دیگر قسمی كوله‌دکلدی . غلمان ایسه امرا و یا خلفانک خدمت خصوصیه‌سنده ، یا خودسرای و قوناقلرینک محافظه‌سنده مستخدم كوله دیمک ایدی . معاشلری صاحب‌لرینک جیندن تأدیه اولنوردی . مع هذا بعضاً خدمه فرقه‌لری کورولن لزومه كوره عسا کر شكنه تحول ایدیلور ، یا خود خدمت دولتد عسا کر حکومت ایله برلشدریلوردی . بعضاًده خلیفه دشمنلرینه قارشی قوتلی اوله‌ییلیمک ایچون غیر معین صورتلر ایله كوله‌لر مبايعه ایدردی . چوق دفعه‌لر خدمه فرقه‌لری تابع اولدقلری خلفا و یا امرای قبضه تحکملرینه آله‌رق ایستدکلری کی اجرای حرکت جرات ایدرلردی . خلفا بعضاً بومتمر دلری دیگر فرقه‌لرک مظاهرتی ایله محو و اتلافه مجبور اولوردی [۱] .

بونلردن ماعدا خلفا سرایلرنده بر صنف طواشی خدمه موجود ایدی که بونلر علی‌الاکثر حرم دائرلرنده استخدام اولنوردی . پک کلیتی مقدارلرده استخدام ایدیلن بونوع خدمه‌نک چوغی سیاه طواشلردی . بغداد اهالیسی بو طواشیلره نظراسته‌زا ایله باقلرلر ، زی و قیاسقلرینه کولرلر ، یوللرده انلره تعرضده بولنورلر و « یا عقیق ! صب ماء و اطرح دقیق ! » ، « یا عاق ! یا طویل الساق ! » کی متهکمانه و مستهزیه خطابلره دوچار ایدرلردی . بو بیچاره‌لر اوکی معامله‌لره هدف اولدقجه خلفایه مراجعت و عرض شکایت ایلرلردی . ( معترض ) زماننده بو سیدن خلقک باشنه بر بلا کلش ایدی . بغداد اهالیسندن بعضلری ۸۰۸ سنه هجریه‌سنده بر معتاد سیاه طواشیلردن بر قاچ کشی به تجاوزات و تعریضاتده بولنشلردی . طواشیلر عموماً بالاتفاق ( معترض ) ه مراجعت و دوچار اولدقلری بو سوء معامله‌لر و تزییفاتدن طولانی عرض شکایت ایتشلردی . بونک اوزرینه ( معترض ) طرفدن صادر اولان امره توفیقاً اهالیدن برطاق اشخاص دردست و دایاق ایله مجازات ایدلشلردی [۲] . بونکله برابر طواشیلر چوق دفعه‌لر دولتده امرا پایه‌سنه قدر ترقی ایدرلردی .

## خدمه دن يتيشن قوماندانلر ووزرا

بك چوق خدمه قوللانان ، قدر و مرتبه لرني اعلا ايدن ايلك خليفه (مقتدر بالله) ايدى . مشاراليه ۲۹۵ سنه سنده سرير خلافته جالس اولديني زمان معيتمده روم و سياهيلردن اولق اوزره خدمه و طواشيردن ۱۱۰۰۰ كشي موجود ايدى [۱] . بر چوق پازدرده ، مجوهراته ده مالك ايدى . ايشه بوسايله (مقتدر) ۲۵ سنه اجراي حكومه ، خلافته اسكي حيثيت و نفوذى اعاده موفق اولمشدى . مشاراليه خدمه يي بوكسك موقعلرده طوتور ، مهم امورده معين اتخاذايديسور ، قوماندانلق و سائر مناصبي ازلره توجيه دن چكتميوردي . (مونس خده) بوخايغنه نك زمانده يتيشن مشاهيردن ايدى . (مقتدر) مونسه بوكسك بر مقام ويردك عادتاً مستشار اتخاذايتش ايدى . (مونس) بوتوجه و اعتمادن بالاستفاده امور دولته كيفايشا اجرا آتده بولمغه باشلامش ، سردارلق و اميرالامرائق پايدارلر نه نال اولمش ، خزينه دولت و اردات و صرفياته نظارت ايتش و الحاصل دولتك هر ايشنه نچه سالمشدى . بونكه برابر (مونس) مقتدره بر چوق مهم خدمتلرده بولمش ايدى . فقط بالاخره خليفه اياه (مونس) ك آرسنده بربرودت تحصيل و تكرر ايدر ك محاربه لر مؤدى اولمش و بو محاربه لر (مقتدر) ك مقتوليتي اياه ختامه ايرمشدى . (مقتدر) ك سرمقطوعى (مونس) ك كوتور و لوب كوسترلنجه (مونس) حزن و تاثرندن آغلامغه ، يوزيني اورمغه باشلامشدى .

والحاصل خانما كندى حياتلرني محافظه و يانفوذلرني استرداد و احيايتك ، يا خود ترك عسكرينك تحكيم و استبدادينه قارشى طورده بيلمك اوزره خدمه و طواشيرلى موقع اقتداره كتيرمكه مجبور اولمشلردى . بو حال يالكز دولت عباسيه يه مخصوص برشى اولموب او عصرلرده ياشايان بالمله دول اسلاميه ده عين حال وقوع بولمش ايدى . كذلك بو حال مخترعات اسلاميه دن ده دكلدى . سراي خدمه سى بتون دول قديمه ده بيوك بررول اوينايمشدى . مثلاً روما دورنده آزادلى (استفان) امور دولتي قبضه تصرف و استبدادينه آلهرق قتل ، نصب و عزلده ايسستديكني يابديغي كبي طواشى سايمان و سائر دخی اويله جه برنفوذ احراز ايتمشلردى .

دولت اسلامیہ دہ سرای خدمہ سندن ایکن قوماندانلق ، والیک ، مالہ ناظرانی کی مناصب عالیہ یہ ترقی ایدرک بیوک برشہرت آلان برچوق ذوات واردہ . ازجلہ خلفای عباسیہ دن ( معتضد ) ک کولہ سی اولان ( بدر ) سردارلغہ اعتلا ایدرک اسمنی قالقانلر ایلہ بایراقلرہ وضع ایئتدیرمش ، افندیسنک خدمتندہ فداکارانہ بر غیرت ابراز ایتمش ونہایت ۲۸۶ سنہ سندنہ افندیسنک اغورندہ مقتول اولمش ایدی [۱] . اصلی بونوع غلماندن اولان ( بحکم ) دخی دولت عباسیہ نک اک یوکسک رتبہ سی اولان امیرالامرالغہ قدر اعتلا ایتمش ایدی [۲] . دولت فاطمیہ نک سرداری اولوب ہجرتک دردنجی عصری اورتہ سندنہ فاطمیلر نامنہ مصری فتح وقامردی تأسیس ایدن ( جوہر ) دہ برملوک رومی ایدی . خاندان فاطمی ارکانی بو آدمہ او قدر چوق آثار تعظیم ابراز ایدرلردی کہ مشارالیہ مصری فتح ایتک ایچسون مغربدن مفارقت ایتدیکی زمان خلیفہ ( معز ) ک اوغللری ایلہ اقربا . وتعلقاتی آتدن اینہرک ( جوہر ) ہ برائر احترام فوق العادہ اولمق اوزرہ اطرافندہ یایا اولہرق یورومشلردی [۳] . ( جوہر ) دن اول طواشی بر سیاہی اولان ( کافور ) مصر دہ امور حکومتی الہ آلمش و ۳۵۵ سنہ سندنہ اعلان استقلال ایتمش ایدی . اصلی ( مونس خادم ) ک کولہ سی اولان طواشی ( یانس صقلی ) دہ مراتب دولتندہ قطع مراحل ایدرک والی اولمش ، امور ادارہ حکومتی تدویر ایلمشدی . سرای ناظری ( بر جوان ) دخی بیاض بر طواشی ایکن ملوک فاطمیہ دن ( عزیز باللہ ) ایلہ ( حاکم بامراللہ ) ہ وزیر اولہرق دولت مشارالیہادہ ایلک اولمق اوزرہ ( امین الدولہ ) لقبی احراز ایلمش ایدی [۴] . ( صلاح الدین ایوبی ) نک وزیر اعظمی اولان مشہور طواشی ( قرہ قوش ) حکومت ایوبیہ دہ اک یوکسک مناصب دولتہ یوکسلمش ایدی . بیوک ترک قوماندانلرندن اولان ( عمید الملک ) بر طواشی اولدینی کی بنی طولون حکومتی دورندہ مصر وشامک پوستہ ناظری اولان ( شقیر خادم ) دخی اونوع خدمہ دن ایدی . دولت فاطمیہ دہ ( مؤتمن الخلافہ ) دخی طواشی برکولہ ایدی . اندلس دولت امویہ سندنہ اسلاولرک ، دولت سلجوقیہ ایلہ بنی بویہ دولتندہ

[۱] ابن الاثیر ۲۰۵ ج ۷ [۲] ابن الاثیر ۱۳۳ ج ۸ [۳] مقررزی ۲۷۷ ج ۱

[۴] ابن الاثیر ۴۹ ج ۹

واو عصرده یاشایان سائر دول اسلامیهده سائر سرای خدمه لریله طواشیلرینک مناصب دولته احراز ایتدکاری موقعلریده اکاکوره قیاس ایدیکز .

### دولتک اداره سنده قادیلرک تأثیری

قادیلرک ، هانکی صنفدن ، هانکی عصرده ، هانکی ملتده اولور ایسه اولسون ، ارککلرک ایشنه بیوک بر نفوذ و تأثیرلری واردر . مع مافیه ملتیرک عادات و اخلاقلرینه کوره بوتأثیر مقدارجه اختلاف ایدر . بر دولت بر حکومت مطلقه شکلنده ایسه او دولته قادیلر مطلقا بیوک بر تأثیر اجرا ایلرلر . اسلاملرده قادیلرک عقلی بکنلمدیکی ، قادیلر ایله استشاره ایتک بر دلیل عجز ، برباعث فساد امور عدایدلرکی حالدده دول اسلامیه یینه قادیلرک تأثیر نفوذندن قور تولماشدی . اسلاملردن نه قدر بیوک آدملر یتشمش ایسه جمله سی قادیلر ایله استشاره ایدلماستی ، ایشلره قاریشدرلما لرینی توصیه ایتشلردی . ( منصور ) اوغلی ( مهدی ) یه خطاباً یازدیغی وصیتنامه ده : « صاقین قادیلری ایشلر بکه قاریشدرمه » دیمش ایدی . قدما ی فقها و محدثیندن ( شریک نخعی ) دخی : « قادیلره اطاعت قیامتک یاقلاشدیغنه دلالت ایدر » دیدیکی کبی حضرت ( ابوبکر ) ده : « ایشنی قادینه تودیعی ایدنک صوکی ذلت و خسراندر » فکرندده بولمیش ایدی . قادیلر ایله استشاره ایدلما سنه دائر حضرت علینکده بر چوق سوزلری واردر . فقط بونجه تحذیراته رغماً قادیلر اداره دولته بیوک بر تأثیر اجراسنه موفق اولمشلردی .

### خلفا ک والدلری

قادیلرک امور دولته تأثیرلری اسلامیهده والدلرک تأثیری نوعندن ایدی . ده اول امومت بختنده والدلرکک تأثیرینی کوسترمش ایدک . قادیلرک امور دولته کز یاده تأثیرلرینک آثار ی خلفا والدلرینک کندی اوغللری اوزرندده - باخصوص خلفا سرایلرده قاپانه رق خدمه و طواشیلرک سوزلریله قالقوب و طورمهغه باشلا دقلری زمانلرده - اجرا ایتدکاری نفوذده کوزه چارپار .

عباسیلر دولتلرینک ایلک دورلرندده بیله قادیلرک سوزینی دیکله دکارندن سرای قادیلری و بالخاصه مهد علیای سلطنت اولان خلفا والدلری بودولت



دورندە بيوك بر نفوذ احراز ايتىلاردى . دولت عباسىدە پك بيوك بر نفوذ كوسترن ايلك قادين ( هادى ) و ( رشيد ) كوالدهسى اولان ( خيزران ) ايدى . اصلى حشرى ير جاريه اولان بو والده سلطان پك بيوك بر حكم و نفوذ صاحبي ايدى . اوغللرى كنديسندن قوزقارلردى . بونلردن هر كيم كنديسنه قارشى كلسه انى قتل ايدردي . ( خيزران ) زوجى مهدينىك زماننده امر ونهي صاحبي ايدى . ( مهدي ) انك سوزيني قيرمازدى . دها صكره اوغلى ( هادى ) مقام خلافته كلنجه مشار اليها زوجك زماننده ياپدينى كبي بونك زماننده امور دولتي اله الملق ايسته مش و درت آي كچمه دن قوسنى مرجع انام يامىشدى . ( هادى ) بو حالدن پك چوق دلكير اولمش ايدى . بركون ( خيزران ) برايش ايچون كنديسنه مراجعت ايتمش ، ( هادى ) ايسه اوايشى ترويجه امكان بوله مامىشدى . ( خيزران ) اوغله : « مطلق بو ايشى ياملىسك . چونكه بونك ايچون ( عبدالله بن مالك ) « سوز ويردم » ديه رك اصرار ايدنجه ( هادى ) حفته كله رك : « بو خيىث آدمه ويل اولسون ! ذاتاً ايشك اك متعلق اولديغنى آكلامىشدم . قطعاً اجرا ايتم » جوانى ويرمىشدى . بونك اوزرينه ( خيزران ) اوغله : « سندن بردها برشى ايسته م » ديش ، ( هادى ) ده : « وظيفه بيله ايتم » مقابله سنده بولمش ايدى . ( خيزران ) كوچنمش اولدينى حالده قالقوب كيتمك ايستينجه ( هادى ) والده سىنه باغوروب : « طور كيتمه . اكر قوماندانلرمدن ويارجال خاصه مدين برينك سكا مراجعت ايتديكىن ايشيدوب ده انى قتل واموانى مصادره ايتمايسم رسول الله اولان قراجمدن محروم اوله يم .. قپوكه كلوب كيدن بو بر سورو خلق ندر ! سنى مشغول ايدىجك بر ايكك ، وظائف دينه كي سكا اخطار ايدىجك بر مصحفك ، سنى صيانت ايدىجك بر خانه ك يوقى ؟ قپوكى بر مسلم وياغير مسلمه آچديغكى زهار كورمه يم » تهديدنه بولمش ايدى . ( خيزران ) غضبندن عقلنى غائب ايتمش كبي اورادن قالقوب كيتمش ، دها صكره بردها اوغله كلوب قونوشمامىشدى . ( هادى ) بركون رجال دولت و خواص بندگانى زردنده بولنديريغى بر صر ددانلره : « بنى دها زياده محترم ، سزى ، والدمى محترمدر ، والده لر كزى ؟ » سؤالى توجيه ايتمش ، انلرده : « سن ايله والده ك دها محترمىسكز » جوانى ويرمىلردى . ( هادى ) : « هانكيكز والده سندن بحث اندلسنى ، فلانك والده سى شويلاه يادى ، بويلاه يادى ذيلمىسنى آرزوايدر ؟ »

سۇالندە بولنجه « هيچ برىز آرزو ايمەز » دىمىشلىرى . بونك اوزىنە ( هادى ) : « اوخالده نە حق ايله والدمەك يانە كيدوب سوزلىرىنى شورايە بورايە نقل ايدىيورسكز ؟ » اخطارندە بولمىش ، بوخطار آرتق كىمەنك ( خىزان ) ك قوسنە اوغراماسنە كفايت ايتىش ايدى . ( خىزان ) بوسىيدىن طولاي ( هادى ) نك حقندە بىوك بركىن وغرض باغلامىش ودها صكرە برادىرى ( رشيد ) ى ولى عهدلكدن اخراج واوغلى ( جعفر ) ى ولى عهد تعين ايتمك ايسىدىكى آكلانجه جاريلىرى واسطەسىلە يوزىنە اورتو قويەرق ويوزى اوزىنە اوطوردىرق انى قتل واخناق ايتدىرمىشى [۱] .

خلافت ( رشيد ) ە انتقال ايدىنجه ( خىزان ) تكررار حكەم ونفوذى الە آلهرق بىوك برثروت طوبلامشى . مشارالېهانك سنوى وارداتى ۱۶۰ مىليون درهمە باغدى . بوايسە اوصردلردە دولت عباسىە خراج وارداتىنك تقريباً نصفى قدر ايدى . ( خىزان ) وفات ايدىنجه ( رشيد ) بوثرونى آلهرق توسيع صرفيات ايتىش ايدى . سائر خلفا والدىلرىنك ثروتلىرىدە اكا كورە قياس ايدىكز [۲] . نفوذ جەتتە كلنجه اصلى ترك بزجايە اولان ( مقتدر ) ك والدىسى اوغلنك خلافتى دورندە زجال دولت اوزرىندە دىشتلى برسطوت ونفوذ صاحى ايدى . مشار الېها مابىنخىلر وسراى خدمەسىلە بالاشتراك اوغلنە بدل ايسىتىدىكى كى امور دولتى تدوير ايدىيوردى . وزرا ائىن پك چوق قورقورلر وذكىنى ايشىدىنجه قورقودن تىرەيورلدى [۳] .

۲۵۱ سنە هجرىەسنەدە وفات ايدىن ( مستعين بالله ) ك والدىسى دىخى امور دولتىدە اويە بىوك برحكەم ونفوذە مالكدى . ( مستعين ) اصلى سچىلىلى اولان بووالدىسى ايله ترك قوماندانلردىن ( اتامش ) و ( شاھك خادەم ) ى امور دولتىدە ايسىتكلىرىنى اجرايە ماذون ايشىدى . اطرافدىن خزىنە دولت نامنە ورودايدىن پارەلرلك قسم اعظمى بو اوچ ذاتك خىنە كىدردى [۴] .

دولت عباسىەدە قايىنلارك حكەم ونفوذى ( مقتدر ) ك دورندە كىوكسك درجەسنە بالغ اولمشى . سببىدە مابىنخىلر ايله سراى خدمەسنىك بودورده پك بىوك برنفوذ وتحكمە مالك اولملىرى ايدى . مقتدر ك والدىسى ( سىدە ) ايله

[۱] ابن الاثير ۴۱ ج ۶ [۲] كتابك ايكىنجى جلدى [۳] تاريخ الوزرا ۶۷

[۴] ابن الاثير ۴۷ ج ۷

(خالہ) و سرائی خزینہ دار اوستہ سی (ام موسیٰ الهاشمیہ) اودورده شهرت آلان قادینلردن ایدیله. بو اوچ قادین خدمه خاصه دن (موسی) و ماینجی (نصر) و کاتبلر و سائر دایله بالاشترک رشوت آلیوز، ایستکلری و بریکلرک ایستدیکي وجه ایله



قاهره جامه لرینک برنده بولان بر قندیل

ایشلری یورودیورلردی. ذکر اولنان (ام موسی) اوقدر نفوذ ودها صاحبی ایدی که عباسیلردن و دامادلردن برینه مقام خلافتہ اعدادی ذرعده ایدرک

بومقصده قوماندانلره وسائر رجال دولته برچوق پاره لر ویرمک جرأتنه قدر ایلری کیتیش ایدی. فقط حرکت واقعه سی حس اولندیغندن (مقدر) انی دردت ایتدیرمش وکندیسندن پک چوق پاره لر آلمشدی. دولت عباسیه ده سائر سرای قادینلرینک نفوذلرینی ده اکا کوره قیاس ایدیکز. بونفوذ موالی نک نفوذ و تأثیری نوعدن صاییلر. چونکه اوقادینلرک اکثری عرب دکل ایدی.

### دولت عباسیه ده فساد امرا ل

#### نفوذ اوزرینه رقابت

دولت عباسیه ، دور زیرینه ، خانای اولینی وخصوصاً (رشید و(مأمون)ک زمانلرنده ایرانلی وزرا واخلاصه برمکیلرک همتیه بالغ اولمش ایدی . بونلرک دورنده دولتک شان و شوکتی توسع ایتمش ، رایت شکوه وسطوقی اوزمانک بتون ممالک متمدنسی اوزرنده توج ایلشدی. مملکت اسلامیه شرقاً هندستان، غرباً بحرمحیط اطلاسی ، شمالاً سیریا و بحر خزر ، جنوباً بحرمحیط هندی ایله نوبه ممالکنه امتداد ایدیوردی . مملکت اسلامیه نک اقسامی ایله جغرافیه سی کتابمزک ایکنجی جلدنده کوسترمش ایدک . فقط وقتاکه برمکیلر منکوب اولدی، دهاصکرده ترک عسکری امور حکومتی قبضه استحکام و استبداد لرینه آلدیلر، ایشته اوزمان احوال حکومت — باخصوص (ترکل)ک خلافتندن صکره — عظیم بر آنا رشییه دوشمشدی. چونکه ترکلرک مشارالیه قتل ایتلری دهاصکره کان خلفا حقنده ارتکاب ایتدکلری خلع ، نصب ، قتل ، سمل (کوزلره میل چکمک) کبی افعال و حرکاته اقدام ایچون ایلک جرأتی تشکیل ایتمش ایدی . بوسیدن خلفا دولتک صاحب مسؤولی اولدقلری ، کنسدی ناملریله امرلر ، منعلر صدور ایتدیکی حالده اداره امور حکومتن عاجز قالمشلردی. دولتک مهم امور سرایه منسوب وزرا ، قوماندانلر ، خدمه ، موالی ، قادینلر وسائر ددن اولان ارباب نفوذک ، یاخود علی الاجال وزرا وقوماندانلرک تأثیریه دونیوردی. خلیفه یی الک زیاده ممنون ایدن ، یاخود قورنازلق و حیه کارلقده الک زیاده مقدر اولان هرکیم ایسه نفوذ حکومتی اله کچیریور وزمام امور ی قبضه نصرقه آلیر آلماز همان ثروت طوپلامغه قویولوردی. چونکه نفوذنی



استعمال ایتدیکی خلیفه نك موقع اقتدارده قاله جغندن امین دکلدی . یاخود دشمنلرینك دسیسه وسعایتلریله عزل اولمقدن قورقاردی . شو حالده ثروت خصوصیه سی اولماز ایسه عزلدن صکره ذلت ویوقلق ایله یاشایه جقدی . بونکله برابر قوماندانلر تهیدد ایله ، یاخود غمازلق ایله دخی سرایلرده صاحب نفوذ اولورلر و بو تهیدد و غمازلق احوال و اشخاصك اختلافی ایله مختلف شکلرده وقوع بولیوردی .

والحاصل نفوذ ؛ وزرا ایله قوماندانلر آره سنده غائب اولمشدی . بویاکی صنف رجال دولت اعمال نفوذ ایده بیلدکلری ائنده طوپلادقلری پاردن بشقه خدمت وسیلیرینه مقابل بر مکافات بکلدملری . چونکه تاریخ تمییندن ایکی سنه صکره عزل ، حبس و یا قتل ایله حیات سیاسییه سنه خاتمه چکیله جکنی آکلادیقی حالده موقع اقتداره کلن بر وزیرك هرته واسطه ایله اولور ایسه اولسون پاره طوپلامقدن بشقه برشی دوشومیه جکی و اودورك اك بیوک وزیر ی اولان ( ابن الفرات ) ك : « امور حکومتی طوغری یامقی اوزره طور دیرمقدن ایسنه خطا آلود اوله رق یوروتمك اولادز » قاعده سنه توفیقاً [۱] ایلریده حاصل اوله جق شوء نتایجده اصلاً اهمیت و یرمیه جکی پك طبعیدی . خلفا وزرانك بومسلک حرص و ظمعلرینی آکلادقلرندن وزرادن برینی عزل ایتدکجه کتابمیزك ایکنجی جلدنده برتقصیل بیان ایتدیکمز اوزره انك اموالی ضبط و مصادره یه مسارعت ایدرلردی . ده اصرکه بومصادره اصولی بتون مأمورین حکومتیه حتی اهالییه تشمیل و تعمیم ایدلش و دولت ایچون باشلیجه بر منبع واردات کسلش ایدی : والی اهالیی ، وزیر والیری ، خلیفه وزرانی و هر صنف خلقی مصادره ایدرلردی . مصادراتك بوصورتله تعممی اوزرینه سائر دوائر حکومت کبی بومصادره اموالی ایچونده بر نظارت مخصوصه تشکیله مجبوریت حاصل اولمشدی [۲] . پاره عالم تجارتده نصل الدن اله دونیور ایسه مصادره ایله ده اوصورتله شخیصدن شخیصه انتقال ایدیپوردی .

مصادره لرك انواع و فتادیزی

( مقتدر ) ك وزراستدن اولان ( ابن الفرات ) : « خلیفه طرفدن بدن مصادره اولان پازهلری حساب ایتدم . ۱۰,۰۰۰,۰۰۰ دیناره بالغ اولدیقی

[۱] تاریخ لوزرا ۱۱۹ [۲] تاریخ الوزرا ۳۰۶

كوردم . جواهرجى حسين بن عبدالله ( يعنى ابن الجصاص ) دن آلدیغ پاره لرك حسابى يادىم . عینی او مقدارده بولدم « ديمشدى . بوندن آ كلا شيلوركه ( ابن الفرات ) ايشدن زيانله چيقماش ایدی . اوزمانك سائر رجال حكومتى كې بشقه لردن مصادره ايتديكى پاره لركنديسندن مصادره اولمىشدى . برآدمدن معين بر مبلغك مصادره سى تقرر ايدوبده او آدم بو پاردي در حال تماماً تأديه ايله مزسه تأديه ايدمه ديكي مقدار ايچون كنديسنه مهل ويريلير ومنصب ومقام سابقى اعاده ايتمك ، كوزل البسه كيديرمك ، مكملأ مفروش بيوك برقوناقده او طورتمق صورتيله باقى قالان مبلغى قازانمق ايچون كنديسنه معاونده بولونور ایدی . اوانسان بوموقع وكوستريش ايله خلقدن پاره چكه بيلير ایدی [۱] .

مصادره لرك اسبابى او قدر تعدد ايتمى ایدی كه هر صاحب ثروت ويا صاحب منصب اكا معروض اولمقدن قورتوله مازدى . ( راضى بالله ) ك خلافتى ائناسنده ( ابن الفرات ) طرفندن مصادره اولنان پاره لرك بر جدوالى انواع مصادرات ومقاديرينه نمونه اولمق اوزره حرفياً زيرده نشر ايدىورز [۲] :

دينار

احمد بن محمد بسطامينك ۳۰۰ سنه سنده وقوع بولان مصادره سنده ذمتنده قالان نصفه محسوباً آلنان	۷,۳۰۰
على بن حسن باذيني دن [ موصالده كي مأموريتدن طولاي اخذ اولنان ] محمد بن عبدالله شافعي دن [ على بن عيسايه عائد اوله رق يدتصرفنه چكيريديكى پاره دن ]	۱۱,۰۰۰ ۳۰,۰۰۰
محمد بن على مقتله دن [ اله چكيريديكى پاره دن ] ابوطاهر نامى ايله معروف محمد بن الحسين دن	۸۰,۰۰۰ ۱۰۰,۰۰۰
محمد بن ابى عيسى الناقد دن [ على بن عيسايه عائد اولديغى ادعا ايتديكى پاره دن ] بالذات كندى پاره سندن	۱۳,۰۰۰ ۴,۰۰۰
ابراهيم بن احمد مادرأى دن عبدالواحد بن عبيدالله دن [ پدرينك مصادره سى بقيه سى ]	۲۰,۰۰۰ ۳۶,۰۰۰

احمد بن یحیاد	۱۰,۰۰۰
صراف ابراہیم بن احمد بن [کنڈیسندن اویوشمق صورتیہ آلان]	۶,۰۰۰
محمد بن عبدالسلامدن [محمد بن علی و ابراہیم مادرائیہ عائد اولہرق امانت صورتیہ یانندہ بولنان پارہدن]	۴,۰۰۰
عبدالوہاب بن احمد بن ماشاءاللہدن [کنڈیسندن اویوشمق صورتیہ آلان پارہ]	۴۰,۰۰۰
محمد بن عبداللہ بن الحرثدن [اویوشمق صورتیہ]	۱۰,۰۰۰
محمد بن احمد بن [موصل و سائرہدن الہ کچیردیکی پارہدن]	۲۵۰,۰۰۰
ابراہیم مادرائیڈن [ذمتندہ قالان پارہدن]	۱۵,۰۰۰
ابوعمر بن الصباحدن [ابن العباس احمدك ذمتندہ قالان پارہیہ محسوباً]	۳,۰۰۰
ہرون بن احمد ہمدانیدن	۷,۰۰۰
عبداللہ بن زید بن ابراہیمدن	۲,۰۰۰
» » » [بالذات کنڈیسندن اویوشمق صورتیہ]	۱۵,۰۰۰
علی بن مأمون اسکافیدن [قتل اولنمشدر]	۶۰,۰۰۰
یحیی بن عبداللہدن [حامد ایلہ الہ کچیردیکی پارہدن]	۷۰,۰۰۰
حامد بن عباسدن [قتل اولنمشدر]	۱,۳۰۰,۰۰۰
محمد بن حمدون واسطیدن	۱۵۰,۰۰۰
حامد بن عباسك صرافی ابراہیمیدن	۴۲,۰۰۰
حسن مادرائیڈن	۱,۲۰۰,۰۰۰
کذا اندن	۱,۰۰۰,۰۰۰
محمد مادرائیڈن	۱,۰۰۰,۰۰۰
کذا اندن دیگر قلم	۱۰,۰۰۰
درہم	
ابوالفضل محمد بن بسطامدن	۱۰,۰۰۰
علی بن حسن باذینیدن [موصلدہ الہ کچیردیکی پارہیہ محسوباً قتل اولنمشدر]	۵۰۰,۰۰۰
ابن عمر بن صباحدن [ابو یاسرک مصادرہ سندن متباقی مبالغہ ایچون اوقوع بولان کفالتندن طولانی]	۱۰۰,۰۰۰

۱۰۰,۰۰۰ عیدالله بن احمد یعقوبیدن

حسن بن ابراهیم خرائطیدن [رئیسك پاره سندن قطع ایته کی مبالغه دن  
۱۰۰,۰۰۰ (طولانی صلحا)]

۱۰۰,۰۰۰ حسین بن علی بن نصیردن

۲,۰۰۰ یاغجی علی بن محمد بن احمد دن [قرقرک ورثه سی نامه]

۱۰,۰۰۰ ابوبکر جرجانی دن [ابن عیساک چفتلکلرندن]

۲۳۰,۰۰۰ حسین بن سعد قطربلیدن

۱,۵۰۰,۰۰۰ محمد بن احمد دن ...

۳,۰۰۰,۰۰۰ ابوالحسن بن بسطامدن

۵۰,۰۰۰ احمد بن محمد بن حامد بن عباسدن

۲۳۰,۰۰۰ سلیمان بن حسن بن مخلد دن

#### پاره استحصالی

وزیر منصب وزارتده برویا ایکی سنه قالدقدن صکره یاغزل اولنور ویا استعفا  
ایدردی . فقط مأموریتندن انضاک ایته کی زمان برچوق چفتلکلرندن ،  
عقارتلردن بشقه برقاچ میلیون دیناردن متشکل نقدی برثوتهده مالک بولنوردی .  
بتون برثوت رشوت وارتکاب وسائر انواع مضام ايله طولانلیردی . وزیر هر  
ترديه بوالی ویا دیگر بر مأمور تعیین ایتسه اندن رشوت قیلندن مطلق برپاره آلیردی .  
بورشوته « مرافق وزرا - وزیرایه مخصوص واردات » نامی ویریلیردی . رشوته  
مأمور تعیینی غرائب وقوعاتندن اولمق اوزره (مقتدرک وزیر اعظمی اولان خانانی  
برکونده بصردیه اون طقوز ناظر تعیین ایدرک هر برندن بر رشوت آلمش ایدی [۱] .  
تعیینی آرزو ایدیلن والی ویا ناظر رشوت صورتیه ویرلمسی لازم کلن مبلغک  
تمامنی عاجلا تأدیه ایدمه زسه ویره مدیکی بقیه نک تأدیه سی ایچون اکامعین ویا غیر  
معین بر مهمل ویریلیردی . خلفا هپ بواحوالی کوریور ، بونده بر بآس ، بر  
غرابت ، بر ظلم و غدر بولیورلردی .

رشوت ايله مأموریت آلان ، حتی بورشوتک بر قسمی ايله مدیون بولنان  
بروالی ویا سائر بر مأمور اهالینک پاره لرینی صویوب آلتی امور طبیعی دن کورر .



ذاتاً اہالی بی صومیق ایچون اوصورتله مأموریت ایستر. ایشته والیلر و سائر مأمورین حکومت بو سائقه ایله یالکز پاره جمع وادخارینه صرف غیرت ایدرلردی . بونلر دولتک امور و خصوصاً تنده بر دینار صرف ایدرلر ایسه انی اون دینار کوستردنک ساخته کارلقده بولنورلردی . دیگر طرفدن اہالی ایله اولان معاملہ لر ندره رشوتسز هیچ برایش یا بمدقن ماعدا شہرلرده ارباب تجارتہ ، بازار جیلرہ ، صایجیلرہ اک اغیر و برکیلری طرح وجایت ، کوپلرہ دخی چفتجیلرک بر قسم محصولاتی ضبط و اخذ ایدرلر و حتی بعضاً محصولک یاریسنی چفتجینک الدن آلوب کوتورلردی . والیلردن بعضلری آدملرینی خرمنلرہ کوندیرلر ، محصولاتی ایستدکبری کبی تقسیم ایدرلردی . شاید چفتجی آغزینی آچارسہ شتم و تحقیر ، ضرب اولنورہ ، صقالی تراش ایدیلردی [۲] . بعضاً بوکادہ قانع اولمازلر ، چنتجینک اراضیسنی ده کاملاً غصب ایدرلردی .

الغریب اشکال اغتصابدن اولمق اوزرہ والی ویاوزیر و یاسائر بر مأمور دولت بعض اہالینک مالی اولان بر چفتلکی بلابدل غصب و حاصلاتی کندی نفسنہ حصراً یتیمش ایکن خراج بدلاتنک تحصیل زمانی کلنجہ بوپاردنک غاصبک تملکنہ مدار ثبوت اولسون دییہ۔ صاحب اصلینی طرفدن تأدیہ سنہ دوام اولنمسی ایدی . چونکہ غاصب اراضی مغصوبہ نک خراجنی تأدیہ ایدرسہ تأدیات واقعہ انک نامنہ دفاتر دولتہ کچر ، صاحب اصلینک حق تملکی ساقط اولوردی [۳] . بوسبیدن صاحب اصلی ؛ ارباب عدالتدن بری موقع اقتدارہ کلیرده غاصبی استمرار غصبیدن منع ایدر امیدیلہ و یا خود برواسطہ و چارہ بولنجہ یہ قدر سنہ لر جہ خراج بدلنی تأدیہ ایلردی .

ظلمہ ولایہ و مأمورینک خراج بدلاتنی مضاعفاً ویا مکرراً تحصیل ایتمک سورتیلہ زواللی اہالیدن طوپلادقلری پاردہ لر ایسہ پک بیوک بریکون طوتیوردی . مع مافیہ بعضاً برظاقم اراضینک خراجنی ده صاحب لرینک دیگر بر منفعت شخصیہ کوسترملرینہ مقابل تحصیل ایتزلردی . بوصورتلہ ترک اولنان خراجک مقداری ده بعضاً پک بیوک بر مقدارہ بالغ اولوردی . ( ابن الفرات ) ک وزارتق ائناسندہ ( ابوزنبور ) نامندہ برینک یوز فرسخ طول و یوز فرسخ عرضندہ بیوک بر


چفتلکی واردی ، (ابن الفرات) بوآمدن خزینسه دولت نامنه برپاره خراج  
آلماشدی [۱] . رجال دولتك ، ارباب نفوذك ، خلیفه‌یه منسوب ذواتك  
چفتلکلرندن ده علی‌الاکثر خراج آرانمازدی .

### خفیه‌لک و فتوای شقاوت

اودورلرده پاره چکوب آلتی ایچون مراجعت ایدیلن اصوللر جمله‌سندن  
اولمق اوزره وزیراعظم‌لرک ویاانلرک مقامنه قائم اولان ذواتك ولایات ونواحی  
اهالیه‌سندن مقابلتی آدیرمق اوزرهدوئر حکومت رؤساییه قاضیلر و سائرده  
تقسیط‌لرایله وعلی‌الحساب صورتیه برطاقم پاره‌لر آملری ایدی [۲] . بونك  
زیاتی بالطبع اهالی چکردی . بوسبدن شهرلرده کی تجارت و صنایع اربابی ،  
کوبلرده و قضا‌لرده کی چتگیلر بیوك براضرابه دوچار اوله‌رق ابواب معیشت  
طارلاشمش ، مملکت برهرج و مرجه دوشمشدی . حق ، عدالت بی‌مسمی برراسم  
کسله‌مشدی . زرده برسنیل . برحیله‌کار ، برغائب واریسه سراً و علناً  
حقوق ناسی اختلاس ایچون بوکلرک وجودینی برآلت تزویر اتحاد  
ایدردی . شهرلرده یانکسیجیلر ، خرسزلر ، کوبلرده خرسزلر واشقیای  
دهشتلی برمقدارده چوغالمشدی . بواشقیای میاننده دولتك خدمت عسکریه‌سنده  
بولندقلری حالد و زرا طرفندن معاشلری ویرلماستندن طولانی ترك خدمت  
ایدرك یوللرده مارین و عابرینه تسلط و شقاوت اجراییله تأمین معیشت ایدن  
پك چوق آدلرده موجود ایدی . بونلر یاپدقلری فناقلردن طولانی معائب  
ویا محاکمه اولدجه معاشلرینك قطعی ایله بو طریقّه بالمجبوریه سوق ایدلکلرندن  
بحث ایدرك سرد ممدت ایلرلردی . بوندن ماعدن قطع طریق اموال تجارتینی  
حامل اولان قافله‌لره تعرض و اموال و اشیناسنی غصب ایتدیکجه شو افعال  
جانیته‌کارانه‌لرینی حلال و مشروع کوسترمک ایچون برطاقم بهانه‌لر ده‌ا ایجاد  
ایدرلردی . بونلرک زعمنه کوره کویا اواموال تجاریه زکاتی ویرلماشمش اموال‌دن  
اولدینی ایچون اموال مستهلکه‌دن معدود و بناءً علیه کنذیلری کی فقیر و محتاج‌لر  
طرفندن اخذی شرعاً حلال ایمش [۳] . ایشه اوائل اسلامیتده پك بیوك بر  
فعالیته موقع اجرایه وضع و دولت عباسیه دورینك اورتلرندک ترك واهمال

ایدیلن زکات بوسفر شو قطاع طریق طرفندن قافله لری صومیق ایچون برهانه،  
برفتوای زور، بر بهتان شکنه قلب ایدلمشدی .

بونجه فساد واضمحلاله معروض اولان مملکتده بالنتیجه عظیم بر بحران  
مالی، دهشتلی برغلائی اسعارک ظهوری پک طبیعی ایدی. فرق سیاسیہ و بالخاصه



اندلسده غرناطه ملوکندن برینه مخصوص دریدن معبول برسپر

شیعیلر ایله سنیلر آره سنده حکمفرما اولان فتنه و فسادلر، شورشلرده موقعی  
ترقات دهاوخیم یاممشدی. دسیسه، غمازلق، ژورنالچلیق بودورلرده فوق العاده  
رواج بولمش ایدی. خلفا سیرایلری، وزرا و سائر ارکان دولت قوناقلری،

دوائر حکومت خفیه لایله طولمش ایدی. بتون اسافل میدان اجرا آته آتیه رق مملکتده نه قدر ارباب ناموس و فضیلت وار ایسه انلری فاء، خائن کوسترمک، برطاقم معصوملرک جانی یاقق ایچون ژورناللر ترتیب و خایفهیه تقدیم ایدرلردی. بوکروه اراذلک یکانه هدف آمالی منافع شخصیهدن عبارت ایدی. بونلرک انک شدتلی هجوم و صولتلری ازواکاه معزولیتده بولنوب موقع اقتداره کللری منافع شخصیهدلرینه طوقونمسندن قورقدقلری ذواته متوجه ایدی. بعضاً خلیفه نیک نزدنده بوژورناللردن صندوقلر طولوسی کاغدلر بریکیردی. ژورناللر خلیفه نیک یاننده بر مدت بکله دکدن صکره چوغالدیغنده ویالزومسز بر حاله کلدکلرنده یاقیلردی [۱].

### مملکت عباسیه نیک شهبه ر صالحی

دولت عباسیه بالاده بیان ایتدی کمز شکلده ایرانلیر ایله ترکلر ویا وزرا ایله عسکر، یاخود خدمه ایله قادینلر آره سنده فساد و آنارشیه دوشوبده دوچار اولدقلری تضییقات و تحقیرات اوزرینه خلفانک هیبت و نفوذلری قالمینجه اطرافده بولسان والیر ایچون دولتمدن آیریه رق بولندقلری ممالکی ایستکلری کبی اداره ایتمک، وارداتی کندی تفسلرینه حصر ایلمک آرتق قولای بر ایش کسلمش ایدی. انک اول اعلان استقلال ایدن والیر مرکز خلافتدن انک اوزاق اولان ولایتلر والیرلری ایدی. دولت عباسیه ده ایلمک استقلال ایدن والی آفریقای شمالی والیسی (ابراهیم بن اغلب) ایدی. ۱۸۴۰ سنه هجریه سنده اعلان استقلال ایدن بووالینک استقلالی سوء اداره وضعف دولتمدن ایلری کلامشدی. چونکه بو استقلال (رشید) ک دورنده دولت ذروه اقبالده بولندیغی بر صررده وقوع بولمش ایدی. استقلالده ابراهیمه خدمت ایدن انک بیوک سبب بو ولایتک مرکز خلافتدن اوزاقلنی ایدی. امور دولتمک احتلالی، یاخود خلفادن بتون نفوذ فعلینک زوالی اوزرینه انک اول اعلان استقلال ایدنلر ایرانلیر، ده صکره ترکلر، ده صکره ده کردلر ایدی. تصلکه بونلرک خلفایه تغلب و تحکملری دهدها اول اوپله بر صردایله وقوع بولمش ایدی. بونلرک هربری اولا والیلکدن باشلامش، تدریجاً امیر، ملک ویا سلطان



اولش ایدی . ایرانلیلردن کسب استقلال ایدن والیلر اولا کوچک امارتلر ، دها صکره بیوک دولتلر تشکیل ایتشلردی . ترکر ایلہ کردلر دخی اوصورتلہ حرکت ایشلردی . شمدی اک اول دولت عباسیہ دن تشعب ایدن حکومت فارسیه یی ، متعاقباً ترک و کردلردن وقوع بولان تفرعانی ذکر ایدہ جکز . دولت عباسیہ دن تشعب ایدن عرب حکومتلری ایسہ ( ایکنجی دور عربی ) بخشده کوستره جکز .

عباسیہ ترک تابعیتلر برلنارہ حکومت فارسیه

کوچک حکومتلر

ایرانلیلر زمام خلافتی بالاسترداد ( مأمون ) ه تسلیم ایدنجه مشار الیہ قارشی خاطر و نازلری ، مناصب دولتی اشغالده کی حقلری بالطبع آرتمشدی . ( معتمد ) دن صکره ترکر خلفایی پنجه تحکم و استبدادلرینه آلهرق بتون نفوذلری قیرنجه ایرانلیلرده بو احوالک تاثیریلہ بیوک بر موقع و تأثیر غائب ایتشلردی . بناءً علیہ بونلر مرکز خلافتده غلب ایتدکلی نفوذی اللرنده بولن امارتلرده اعلان استقلال ایتک صورتیلہ تلافی ایلک ایستہ مشلردی . بونکله برابر ایرانی سردارلردن ویاوالیلردن اعلان استقلال ایدنلر عباسیلرک حاکمیت دینیلری طانیرلر ، او حاکمیت دینیه آلتنده اجرای سلطنت ایدرلردی . ایشتہ بوصورتلہ دولت عباسیہ دن قانون ارتقایہ تبعاً بر طاقم مستقل امارتلر توره مشدی . ایرانلیلردن تشکل ایدن حکومتلر ایلہ تاریخ استقلاللری و مؤسسیرینک اسملری اتیده کوسترلمشدر :

دولتک اسمی	مرکزادارہسی	مدت حاکمیتی	مؤسسعی
۱ طاهریه	خراسان	۲۰۵ - ۲۵۹ هـ	طاهر بن حسین
۲ صفاریه	فارس	۲۵۴ - ۲۹۰	یعقوب بن لیث
۳ سامانیہ	ماوراء النهر	۲۶۱ - ۳۸۹	نصر بن احمد
۴ ساجیه	اذریحجان	۲۶۶ - ۳۱۸	ابوالساج
۵ زیاریه	جرجان	۳۱۶ - ۴۳۴	مرداویج بن زیار

ایران ممالکی بالاده کورلیدیکی اوزره بر طاقم امارتلر شکلنده استقلال ایدنجه اهل شیعہ یکیدن حیات بولهرق علویلره اوتهدن بری ابراز ایتدکلی

مظاهرتله اسلامیتدن اول اولدیغی کی بیوک ایران دولتی تشکیل ایتک یولنده تعقیب ایلدکاری امیدلرک برقسمنه نائل اولمشلردی . فقط بو امارتله جدولده کوردلیکی اوزره چوق دوام ایتدن نهایت آل بویه دولتی تشکیل ایئشدی . آل بویه دولتی او مدنیت زماننده دولت عباسیه نك سایه سی آلتنده شرقده تشکیل ایدن ال بیوک ایرانلی حکومت ایدی .

### آل بویه دولتی

بودولتک رجال و مظاهرلری خراسانک اوته سسند کائن ( جیلان ) دن دیلی ایسه لرده پادشاهلری اولان ( آل بویه ) ایانی ایدیلر . بونلرک نسبلی اسکى ایران پادشاهلرینه قدر یوکسایر . ( آل بویه ) د دیلی دینلمسی دیلم مالکنده اقامت ایتدک لرندن نشأت ایدیور . علویلر مذکور مالکده ( رشید ) ک دورندن بری نشر دعوت ایئشلردی . بونلردن مساعیسنده اک صوک موفق اولان حضرت حسینک نسندن ( حسن بن علی اطروش ) اوچنجی عصرک صوکلرنده دیلم اعمالیسنی مذهبنه دعوت ایتش ، انلرده بو مذهبی قبول ایئشلردی .

دولت مشارالیهایی تأسیس ایدن آل بویه ک جد اقربنک اسمی ( بویه ) ، لقبی ده ( ابو شجاع ) ایدی . مالک اولدیغی اوچ اوغلدن بری ( عماد الدوله ) ایله تلقیب اولنان علی ، دیکری ( رکن الدوله ) لقبی آلان حسن ، اوچنجیسی ( معز الدوله ) لقبی احراز ایدن احمد ایدی . ( بویه ) ثروتسز بر آدم اولدیغندن اوغللری سلک عسکری یه انتساب ایتمشلردی . چونکه اودورلرده عسکرلک اک کنیش بر باب معیشت عد اولنوردی . ( عماد الدوله ) زیاریه دولتک موسسی اولان ( مرداویج ) ک معیتده بولنه رق ترقی ایتش ، ( کرج ) د والی تعیین اولمشدی . بو مأموریت اثناسنده ثروت ونفوذ صاحبی اولدیغندن ۳۲۹ سنه هجریه سنده وفات ایدن اودورک خلیفه سی ( راضی بالله ) د مکتوب یازد رق مرکز خلافته بر معتاد بر مبلغ معین اعطا ایتک اوزره فارس قطعهنده بولنان ولایتلرک کندیسنه اقطاع اولمشنی طلب ایتش ، ( راضی ) ده بوکا راضی اوله رق درحال اکا خلعت کوندرمش ایدی . دیکر طرفدن مشارالیه ک برادری ( رکن الدوله حسن ) خوارزم جهتلرینی پنجه حاکمیتته کچیرمش ایدی . هرایکی قاردش ( شیراز ) ده بولنان اوچنجی قاردشلی ( معز الدوله ) یه کله رک انکله .

یرلشمشدر و اوچی برلکده غربه طوغری توجیه وجهه عزیمت ایدرک ۳۲۴ سنه هجریه سنده (مستکفی) نك دور خلافتنده بغداده کیرمشلردی. خلیفه بونلره خلعتلر اکما و سالف الذکر القابی توجیه ایتمش، (معزالدوله) ینی ده امیرالامرا تعیین ایش ایدی. بونلر بغدادده درحال نفوذ حکومتی اله آله رق تحکم و استبداده قویولمشلر، خلفایی عزل و نصبه باشلامشلر، شیعیلری تقویه ایتمشلر، ترکلری ایسه بالعکس ضعیف دوشورمشلردی. خلافت عباسیه ینه بغدادده بولنیور ایدی. امیرالامراق منصبی (عضدالدوله) یه کچنجه اسلامیتده ایلنک اولق اوزره مشارالیه (ملک) لقبی اطلاق اولمشلدر. آل بویه دولتی ۳۲۰ سنه سنن ۴۴۷ سنه سنه قدر حکم سورمشدی.

### عبارتک سایه سی آتئمده نضل ایدرک نکلر حکومتلری کوچک حکومتلر

دها اول بیان ایتدیکمز اوزره دولت عباسیه ده ترکلرک شوکت وسطولتلیری بیویوبده خلفا انلردن قورقغه باشلاینجه بعض ولایتلرده ایرانلیلر نصل اعلان استقلال ایتمشلر ایسه ترکلردن بعضلری ده عین حرکتی اختیار ایشلردی. ایسه بو ولایتلرک استقلالی ایله دولت عباسیه دن فارس ممالکی خارچنده برطاقم حکومتلرکیه تشعب ایتمش ایدی. دور عباسیه تشکیل ایدن حکومتلرکیه ایله تاریخ تأسسی، مؤسسلیرینک اسملری، مرکز ادارلری آتیده کوسترلشدیر:

دولتک اسمی	مرکز اداره سی	مدت حاکمیتی	مؤسسینک اسمی
۱ طولونیه	مصر	۲۵۴-۲۹۲	احمد بن طولون
۲ ایلکیه	ترکستان	۳۲۰-۵۶۰	عبدالکریم سق
۳ اخشیدیه	مصر	۳۲۳-۳۵۸	محمد اخشید
۴ غزنویه	افغانستان و هندستان	۳۵۱-۵۸۲	البتکین

ایرانلیلر دها اول نصل تدریجاً ایشی بیوتمشلر ایسه ترکلر دخی کذلک تدریج ایله حرکت ایتمشلر، یعنی امارت ایله باشلایه رق ساطتته وارمشلردی. تاریخ اسلامده ایلک سلطان لقبی آلانر ترکلر، یعنی دولت غزنویه حکمدارلری ایدی. هندستانی فتح و اورالرده اسلامیتی نشر ایدن سلطان محمود غزنوی یوسلسله حکمدارانندن ایدی.

## دولت سلجوقیه و شعبه‌لری

سالف‌الذکر ترک حکومتلری هر نه قدر مستقلاً اجرای حاکمیت ایتمشلر ایسه ده اساس اعتباریله دولت عباسیه دن آیرلمش برر شعبه حکمنده ایدیلر . مؤسس‌لری اولان امرا ویا سلاطین دخی دها اول دولت عباسیه تابع برر والی ویا قوماندان ویا بوامارلرک کوچک بر قوماندانی ایدیلر . نصل که تشعبات فارسیه دخی اولجه او صورتله توره مشدی . ترکلر ایله ایرانلیلر عرق و مذهبجه بر برندن آیری اولدقلرندن ایکی ملت احراز نفوذ و حاکمیتده یکدیگرینه رقابتله وقت کچیریرلردی .

ترک امارت‌لرینک ظهوری سنیلکه بیوک بر قوت ویرمش ایسه ده دردنجی عصر هجرینک اورتلرنده عراق و فارسده ایرانلی اولان ( آل بویه ) دولت‌نک و عین عصرده مصرده شیعی اولان دولت فاطمیه نک تأسی عالم اسلامیتده شیعیلک نفوذینی بیوتدیکی حالده سنیلکی پک پریشان ایتمش ، مملکت عباسیه یی ده بیوک برتشتله اوغراشمادی . ایشته سنیلک بویه پریشان بر حالده بولنور ایکن بشنجی عصرک اورتلرنده مؤسس‌نک جدی ( سلجوق ) ده نسبتله دولت سلجوقیه نامنی آلان بیوک ترک دولتی تمام زماننده یتشه‌رک تأسس ایتمش ، طاعنق و بی مجال بر حالده بولان دولت عباسیه یی طویلا دیقی کبی مصر ، شام ، عراق ، فارس ، خراسان قطعه‌لرنده شیعیلرک مقاومتی ایله محو و اضمحلالنه رmq قالمش اولان سنیلکه ده بیوک بر قوتله نصرت و مظاهرت ایلشدر . دولت فاطمیه او صره ده بتون مغرب ممالکنه حاکم کسلمش ، بتون شرقی اله کچیرمسنه رmq قالمش ایدی . فقط سلجوقیلر اقصادی شرقدن یتشه‌رک دولت عباسیه یی اله آلمشلر ، حال پریشانیدن طویلا یه‌رق قوتلی یامشملر ، ایرانلی ، ترک ، کرد ، عرب امرایی‌لنده مستقل ولایتلردن متشکل ایکن خلیفه عباسینک حایه‌سی آلتنده کندیلرینه تابع بر دولت واحده شکلنه تحویل ایلشلردر .

دولت سلجوقیه نک مؤسسی ( سلجوق بن یکه ) بر ترک بکی ایدی . مشارالیه ترکستان خانلرندن برینک معیتنده بولنمقده ایکن مملکت عباسیه نک حال اضمحلال و پریشانیسی آکلا یه‌رق احراز حاکمیتده کوز دیکمشر و بوحاکمیتک اسلامیتدن بشقه بر دین ایله اله ایدیله میه جکنی تقدیر ایتدیکندن قییه‌سی ،



سائر عسکرى ورجال عصيتى ايله برابر دفعهٔ اسلام اولمش ، بتون بوآدملى ايله غربه طوغرى حرکت وجيخون نهرينى قطع ايله گذرکاھنده بولنان ممالكى برر برر فتح ايتمش ، ممالك عباسيه ي برباشدن ديكر باشه صولت استيلا کارانه سنه جولانکاه ياممشدى . سلچوقيلرك حاکميتلى افغانستانن بحرسفیده قدر ممتد اولمشدى . بو زمانلرده عالم اسلاميت اک بيوکى شرقده دولت سلچوقيه ، ايکنجيسى ممرده و آفريقاى شمالیده دولت فاطميه ، اوچنجيسى اندلسده بنى اميه دولتى اولقى اوزره اوچ دولت اسلاميه نك التده ایدی . بناءً عليه دولت سلچوقيه دها اول تشکل ایدن کوچک حکومات ترکیه کي برحکومت دکل ایدی . چونکه اوامارتلر دولت عباسيه دن نشأت وانك قوجاگنده تأسس ايتمشدى . حال بوکه دولت سلچوقيه مستقل اوله رق طوغمش ، خارجدن بر قوت وارديو ايله کله رک ممالك عباسيه ي فتح ایش ایدی . معافيه حکومت ايلکيه دخى مستقل اوله رق طوغمش ايسه ده ممالك اسلاميه ده سلچوقيلر کي بيوک بر تأثیر اجراسنه موفق اوله ماممشدى .

سلچوقيلرك تاريخ اسلامده يك بيوک بر موقعلى واردر . بونلرک زماننده فارس ، عراق ، شام قطعه لرنده اختيار ائامت ووطنداشلى اولان سلچوقيلر سایه سنده تأمین معيشت ايتمک اوزره ترکستانن ممالك اسلاميه يک چوق ترکلر مهاجرت ايتمشدى . ممالك اسلاميه ده بشنجى عصر هجرى اورته لرنده مکشاهک وزيرى ( نظام الملک ) ک همتى ايله اودور مدنيتک اک يوکسک درجهٔ تکملاتيله متناسب ايلک مدرسه لرى ( دارالفنونلرى ) تأسيس ايدنلرده سلچوقيلر ایدی . بونک تفصيلاتى ايله اسبابى کتایمزک اوچنجى جلدنده ذکر ايلدک . ( نظام الملک ) هر نه قدر دهقان زاده لردن فارسى الاصل ايسه ده تأسيس ايتديکى مدرسه لر ايله تکیه لرى ، خانقاهلرى ، مسجدلرى ، مارستانلرى پادشاهى اولان منکشاھک نامه ياممش ایدی .

سلچوقيلر بر اصلدن شعب ايتمش ، عموماً بر نام ايله معروف اولمش بر طاقم دولتر ایدی . برى ديکرندن حکم سوردیکی ممالك ايله تفريق اولور . بو دولترک اک بيوکى صلاحقهٔ عظام دولتى اولوب بونلر تشعبات سلچوقيه نك اصلى واک قوتلىسى ايدیلر . حکومات سلچوقيه ايله مدت حاکميتلى بروجه آتی کوسترایشدر :

۱	سلجوقه عظام	حاکمیتلی	۴۲۶ دن ۵۵۲	سنه سنه قدر
۲	قرمان سلجوقیلری	»	۴۳۳ دن ۵۸۳	» »
۳	سوریه	»	۴۸۷ دن ۵۱۱	» »
۴	عراق و کردستان	»	۵۱۱ دن ۵۹۰	» »
۵	اناطولی	»	۴۷۰ دن ۷۰۰	» »

دولت سلجوقیه علی الاجمال تقریباً اوچ عصر حاکمیت سورمش، مملکتنک وسعتی ده چین حدودندن شام قطعه سی حدودینک منتهاسنه قدر امتداد ایتشدی.

### مملکت سلجوقیه نك آتابکله انتقالی

سلجوقیلر موقع حاکمیتده بولندقلری اثناده ولایتلری کندی کوله لرندن مفردینه ( آتابک ) و عربی جمعنه ( آتابک ) نامی ویریلان بر طاقم قوماندانلره تفویض ایدرلردی . عربی ترجمه سی ( ابکیر ) دیمک اولان آتابک لفظی اولا وزیر معناسنه قولالانش ایسه ده بالاخره حکمدار و ملک معناسنه استعمال اولنمشدی. آتابکلر بولندقلری ولایتلرده برر برر استقلال ایتمه ک باشلا یه رق نهایت دولتی تقسیمه اوغراشمشلردی .

بالکز آناطولیده بولنان شعبه ؛ سلجوقیلرک النده قالمش ، یدنجی عصر هجرینک صوکلرنده عثمانلیلرک ظهورینه تدر دواء ایتشدی . بیوک حکومت سلجوقیه نك کوله لرلی اولان آتابکلره وسائریه تشعباتی و بوتشعباتدن هر برینک مدت حاکمیتی آتیده ذکر ایدیوروز :

۱	دولت بوریه	شامده	۴۹۷ دن ۵۴۹	سنه سنه قدر
۲	» زنکیه	الجزیره وشام	۵۲۱ دن ۶۴۸	» »
۳	» بکتیجینه	اربلا وسائر	۵۲۹ دن ۶۳۰	» »
۴	» ارتقیه	دیاربکر و ماددین	۴۹۵ دن ۷۱۲	» »
۵	شاهلر دولتی	ارمنیه	۴۹۳ دن ۶۰۴	» »
۶	اذربجان آتابکلری	اذربجان	۵۳۱ دن ۶۲۲	» »
۷	دولت سلغریه	فارس	۵۴۳ دن ۶۸۶	» »
۸	» هزار سبیه	لورستان	۵۴۳ دن ۷۴۰	» »

۹	»	خوارزمیہ	خوارزم	۴۷۰ دن ۶۲۸ سنہ سنہ قدر
۱۰	»	قطالغیہ	کرمان	۶۱۹ دن ۷۰۳ » »

ذکر اولنان مملکتلر مغول طغیانہ قدر دولت سلجوقیہ نك كوله لرندن اولان آتابکالر ایله قوماندانلرک قبضهء حاکمیتلرنده بولنش ایدی . مغوللر ممالک اسلامیہ طغیان ایدنجه بو ممالکک جمله سنی کسوب بچهرک پنجه استیلالرینه آلمشلردی .

#### آناطولی سلجوقیلری ویا سلجوقیان روم


آناطولیده محافظهء حاکمیت ایدن دولت سلجوقیہ دخی بر طاقم تشعباته اوغرامقدن قورتوله مامشدی . شوقدرکه بو توردهن حکومتلرده حاکمیت ینه سلجوقیلردن بر طاقم کوچک عائلهلرده قالمشدی . مذکور حکومتلر ایله مقام حاکمیتلرنی اشغال ایدن سلجوقی عائلهلر شونلردر:

امارتک موقعی	عائله نك اسمی
۱ میسیا	قرده سی خاندانی
۲ پسیدیا	حمید »
۳ فریجیا	کرمان »
۴ لیسیا	تکه »
۵ لیدیا	صاروخان و آیدین »
۶ قاریه	منتشا »
۷ بفلاغونیا	قزیل احمدلی »
۸ لیقونیا	قرمان » [۱]

بو امارتلر امرای سلجوقیہ نك التده بولندیخی حالده عثمانیلر ظهور و بو یرلره استیلا ایدرک سکنزنجی عصر هجرینک ابتدالرنده دولت عثمانیه یی تأسیس ایشلردر .

عباسی‌لرک هاکمیت منصوبه‌سی آلتنمه نیشل ابدیه  
 حکومت کردیه  
 کوچک حکومتلر

علی‌الاکثر حال بداوت و خوشونتده برطاقم قبائل و عشائر دن متشکل اولان کردلر مدنیلشمکه ؛ مدنیت اسلامییه دورلرنده اسلامیته منقاد اولان ایرانیلر ایله ترکلردن و سائر اقوام شرقیه دن دهآ آز قابیلیتیدرلر . مدنیت مذکور دنک



حضرت محمد ، ابوبکر ، عمر ، عثمان ، علی ، طلحه ، زبیر ، سعد ، عبدالله ،  
 عبدالرحمن اسملرینی حاوی بر خط کوفی

بر چوق زمانلرنده کردلرینه حال بداوتده قالمشلدی . موقع حاکمیته کلن هر دولت بونلری بادیه عربانی کبی اثنای محاربته غارتلر ایچون استخدام ایدردی . محل اقامتلی کردستان ، ارمنستان ، جزیره‌العراق ، موصل ، دیاربکر جهتلری ایدی . حالا ک چوق کردلرجهات مذکوردهن ساکندرلر . دولت عباسیه کردلرک بوحال بداوت و خوشونتلیینه بناء انلری امور دولته پک آز استخدام ایده‌بیلدیکندن مدنیت اسلامییه اوزرینه خیی زمانلر کچمه‌دن اول کردلردن هیچ بر مستقل والی ، برصاحب سیاست و تدبیر یتیشه‌مامشدر .



تاریخ اسلامده ایلک حکومت کردیه مستقله یی تأسیس ایدن ذات دردنجی عصر هجرینک اورتهلرنده کردستانده بعض کرد عشائری رئیس بولان (حسنویه بن حسین برزکانی) ایدی . مومالیهک حاکمیتی (دیناور) ، (نهاوند) ، (سرماج) وسائر داخل اولق اوزره کردستانک قسم اعظمی احتوا ایتکده ایدی . خلیفه عباسی بونک حکومتی طائیش ، کندیسندن صکره موقع امارته کلان اوغلنسهده (ناصرالدوله) لقبی ویرمشدی . حکومت مذکوره چوق یاشایه میهرق یالکیز ۳۴۸ سنه سندن ۴۰۶ سنه سنه قدر دوام ایده بیلیمش ایدی . دها صکره کردلردن (ابوعلی بن مروان) ۳۸۰ سنه سنه دیاربکرده اعلان استقلال ایتمش ، حاکمیتی (آمد) ، (آرزان) ، (میافارقین) ه قدر توسیع ایشیددی . (ابوعلی) نک خلفری بر مدت فاطمیلره عرض تابعیت ایتمشلر سده نهایت ۴۸۹ سنه سنه بونلرکده دولتلری منقرض اولمشدی .

#### دولت ایوبیه

بونکله برابر ۵۶۴ دن ۶۴۸ سنه سنه قدر امتداد ایدن دولت ایوبیه نک دور حاکمیتدن اول کردلرک اسلامیتده شایان ذکر بر اهمیتلری یوق ایدی . دولت ایوبیه نک مؤسسی مشهور (صلاح الدین ایوبی) ایدی . عقل و سیاست ، بسالت و اقدام ، حسن تدبیرده اسلامیتک الکبیرک آدملرندن معدود اولان بو حکمدار حکومتی مصر ده دولت فاطمیه نک اتقاضی اوزرنده بالتأسیس عباسیلرک خلافتی طائیش ، اهل صلیب ایله بر چوق محاربه لرده بولنه رق انلری سوریه دن دفع واللرنده بولان قدسی استرداد ایشیددی . مشار الیهک افعال و مناقبی پک زیاده مشهوردر . کردلر بو دولت دورنده شان و شرف بوله رق مصر ، شام ، کردستان ، یمن ، خراسان قطعه لرنده امارتلره ووالدیکلره کچمشاردی . فقط (صلاح الدین) ک وفاتی اوزرینه مملکت برادرلریله برادر زادلری آره سنده تقسیم ایدلایکندن حکومت ایوبیه چوق سورمامشدی . مملکتک الک چوق یرلری دها اول ساچوقیلر ایله آتا بکلری آره سنده واقع اولدینی وجهله بونلرک کوله منلرینک ید تغلبه کچمشدی . بونک اوزرینه ایلریده کوروله جکی اوزره مصرده (سلاطین ممالیک) نامیله ایکی کوله من حکومتی تشکل ایتشدر .

مهرمظ : — بوموقعده شونقعه یی ده ذکر ایتک ایسترز : اسلامیت اقوام

شرقیه اوزرنده صورت مخصوصه ده بر تأثیر اجرا ایدرك انلری تدریجاً مدنیته سوق ایلدیکندن اقوام مذکوره اسلامیه اسبقیتی و عالم اسلامی به یقیناً اعتباریه صره ایله دولت تشکیل و مملکت تأسیسه شتابان اولمشلردر . اڤ اول اسلام اولوب دولت تأسیس ایدنلر عربلره اڤ اول تماس ایلین و جزیره العربیه اڤ یقین بولانلر ایدی . بونک ایچون عربلرک غیرندن . اڤ اول حکومت تشکیل ایدنلر ایرانیلر اولمشلردی . بونلردن صکره فارس ممالکنک اورتیه سنده بولنان ترکار عربلر ایله تماس و اسلامیتی قبول ایدر ایتمز دولت تأسیسه و حکومت تنظیمه مسارعت ایشلردی . بالاخره کردلر کلهرك حکومت صاحبی اولمشلردی . واقعا کردلر اودورلرده عالم اسلامی به ترکاردن ده زیاده یقین ایدیلر . آنجق طریق مدنیته ترکاردن صکره سلوک ایشلردی . باخصوص ترکار دولت تشکیل و اداره سنه انلردن زیاده قابلیت و استعداد صاحبی درلر . اسلامیت ترکستان و ماوراسنده بولنان تاتار و یامغول مالککنده انتشار ایدنجه بوسفرده بونلر ایاقلا نه رق اسلام ممالکنه نهیب و غارتله هجوم ایتمشلردر . فقط مغوللر دخی عالم اسلام ایله احتکاک ایدر ایتمز احوال و حشیدن حال حضارت و انتظامه کلهرك دولتلر تشکیل ایشلردر . بوتأثیرک عینی بتون مغرب ممالککنده و بالخاصه شمالی آفریقاده مقیم قیائل بربریه اوزرنده ده مشهود اولمشدی .

### مهرافت و سلطنت

#### باخود دیانت و سیاست

اسلامیت ظهور ایتدیکی زمان اسلاملرک رئیس ، حاکمی ، قضیمی ، صاحب شریعتی ، امامی ، قوماندانی بالذات حضرت پیغمبر ایدی . نبی ذی شان احبابندن برینی برطرفه والی تعیین ایتدیکجه دینی و سیاسی ، هرایکی حاکمیتی اڤا تفویض ایدر ، عدالت ایله اجرای حکومت ایتمسنی ، خلقه قرآن اوکرتسنی توصیه ایلردی . مع هذا حضرت پیغمبر چوق طور میهرق اوایی وظیفه بی آیرمشدی . هجرتک سکنزنجی سنه سنده خلقی اسلامیه دعوت ایتک اوزره (ابوزید انصاری) ایله (عمرو بن العاص) ی اعزام ایتدیکی ائنده انلره : « خلق حق شهادتی قبول والله ایله پیغمبرینک اوامرینه عرض اطاعت ایدرلر ایسه (عمرو) والی اوله جق ، (ابوزید) ده نمازده امامت ، خلقی اسلامیه دعوت ایتک قرآن

وسنن شریفہ اوکرتک وظیفہلری ایله مکلف بولنه جقدر « دیمشدی . یعنی وظیفہ سیاسیہی وظائف دینیہ دن آیرمشدی .

مع مافیہ بو تفریق بر قاعدہ مطرده حکمنده دوام ایتمامشدی . زیرا علی الاکثر والی خراج تحصیلی ، محاربه قوماندانگی ، نمازده اماملق وظیفہلری برلکده درعهده ایدردی . نته کیم ملوک امویه دن ( سلیمان بن عبدالمک طرفندن ( یزید بن مهلب ) عراقه والی تعیین اولندیغی زمان بو وظائفک جمله سی انک عهده سنه تفویض ایدلمش ایدی [۱] . خلاصهً دنیله بیلیرکه دولت اسلامیہ نک امور و خصوصاتی کرک دینی، کرک سیاسی شکلرده اولسون حضرت نبینک ذاتنده بر وظیفه شکننده منحصر بولنور ایکن دهها صکره خلفا زمانلرنده مقداری عشراته بالغ اولان آیری آیری مناصبه تحویل ایلشدی . یالکیز منصب خلافت تعدده اوغرامامشدی . خلافت اسلامیہ بو کونه قدر وظائف دینیہ و سیاسیہی جامع اوله رق بردوامدر .

فقط اساس اعتباریله خلافت بر منصب دینیدن عبارت ایدی . خلفای راشدین آنجق حضرت پیغمبر طرفندن باشلانیلان ایشی، یعنی نشر اسلامیتله او اغورده جهادی اکیال ایتک اوزره بومنصبه ککشلردی . بونکله برابر مشارالیم ممالکی محافظه ایتک ایچون عسکر جمع وتنظیمی، والیر تعیینی، خراجک جباتی کبی جهادک استلزام ایتدیکی خصوصاتدن طولایی ممالک اسلامیہ نک امور اداره و سیاسیہ سنیده درعهده ایدرلردی . فقط بتون بواجراآت دینی برشکلده وقوع بولوردی . یعنی هر نه یاپلسه دین نامنه یاییلردی . عسکر جمعی ، مملکت فتحی هپ دین ایچون ایدی . فقط وقتاکه اسلامیت انتشار وتأید ایدرک جهاده اولان احتیاج زائل اولدی، ریاست دینیہ نک حاکمیت سیاسیہ دن مستقل اولمی، یاخود ریاستک خرستیانلقده وسأره ده وقوع بولدیغی کبی خلافت و سلطنته انقسامی جائز کورلدی .

مع مافیہ اسلامیتده دیانت ایله سیاست آره سنده بولنان رابطه خرستیانلقده دین ایله سیاست آره سنده کی رابطه دن مختلفدر . چونکه خرستیانلق اولاهالی بیننده انتشار ایتش ، دهها صکره رجال حکومته انتقال ایلشدی . اسلامیت ایسه بالعکس اولاهالی رجال حکومت آره سنده ظهور ، بولنردنه اهالییه انتقال

ایتمشدی . انک اسکی اسلاملر عد ایدیلن صحابه اسلامیتک عسکر و قوماندانلری ایدیلر . اسلامیتی نشر ایدنلر ، بویولده جهاده بولنلرده انلرایدی . اسلامیت تأید و دولت اسلامیه تشکیل ایتدکدن صکره قوماندانلر حاکمیت دنیوییه رغبت ایدنجه منصب خلافت - دینک اذهان عمومیه اوزرنده پک بیوک بر تأثیر اجرا ایتمی حسیله - بویولده احراز موفقیت ایتلرینه انک بیوک اسبابدن برینی تشکیل ایلمشدی . اودورلرده اهالی - باخصوص ممالک شرقیهده - دیندن بشقه هیچ بر سنجاق آلتنده اجتماع ایتلریدی . بوتأثیر حالا بوکون دخی حکمفرمادر .

او دورلرده ارباب دیانت و صلاحدن اولان اسلاملر خلافتی سلطنتدن باشقه کوررلردی . ایشته بونک ایچون ( معاویه ) سائر اقبالپرستلر کبی دها وقوتله احراز حاکمیت ایتک ایستدیکی زمان اودیانت و صلاح اربابی انک خلافتی تصدیق ایتامشلردی . متعاقباً حضرت علینک وقوع ارتحالی و حضرت حسنک ( معاویه ) نامه خلافتدن کف ید ایتمی اوزرینه اسلاملر پادشاهلرده وقوع بولان اقیاد قیلندن ( معاویه ) نک تصدیق حاکمیتنه مجبور اولمشلر سده انک ( خلیفه ) نامنی ویرمکدن ، یعنی ریاست دینیه سنی طایفدن استکاف ایدرک ( ملک ) نامنی ویرمشلردی . حال بوکه ( معاویه ) یالکیز حاکمیت سیاسی نک فائده ویرمیه جکنی بیلور ، مطلق ایکی ریاستی جمع ایتک ایستوریدی . روایته کوره ( معاویه ) احراز حاکمیت ایتدکدن صکره ( سعد بن ابی وقاص ) برکون انک حضورینه کیره رک : « السلام علیک ایها الملك ! » سوزلریله سلام ویرمشدی . ( معاویه ) بوسلامدن طولای کوله رک : « یا امیر المؤمنین دیمش اولسه یدک نه لازم کلیردی ؟ » دییه صورمش ، ( سعد ) ایسه : « بونی کوله رک می سویلیورسک ؟ والله سنک احراز ایتدیکنک شکنده بکا حاکمیت تکلیف اولنسه یدی قبول ایتزدم » جوابنده بولنش ایدی .

بوندن آکلاشیلورکه اوزمانکی اسلاملر خلافتی حاکمیت سیاسیهدن واستعمال حیله ودهادن منزّه طوتارلر ، امویلرک اسلامیتی شکل دیندن اولا عصیت وقلیج ، دها صکره صرف سلطنت شکارینه تحویل ایتدکارینه معتقد بولنورلردی .



## خلافتك حاكيت . طلقه يه لزومى

فكر مزه كوره حاكيت مطلقه آنجق دين، يا خود اوقوتده بر اعتقاد سايه سنده تأيد، توسع و دوام ايد بيلير. چونكه هيچ بر دولت مطلقه يوقدر كه پادشاهلرينه صنوف ناسك فوقنده بر موقع بخش ايدن و اوسايله او دولتي ارباب حرص و طمعك صولت استيلاكارانه سندن حفظ ايلين بر رنك ديني حاكيتنه قاريشدير مقسزين تمديد حاكيت و توسيع مملكت ايتش اولسون. امور دينيني امور اناردن آيرمق آرزو ايديلير ايسه او حالده حكومتى شورى ايله تقيد ايتك ضروريدر. شورى ايله اولان حكومت حكومتلك اك ايسى و عمرى اك اوزون اولانيدر. بويله اولمازسه حكومت در حال دوچار انحلال و انقراض اولور. زيرا او كي حكومتلك اضمحلالنه بر پادشاهنك تدبيرسز، تجربه سز، اقتدارسز اولسي كفايت ايدر. مطلق قوماندانلردن ويا وئراسندن برى انك الندن حكومتى غصب ايلر. دول اسلاميه تاريخى امان ايله مطالعه ايدرسه كز او حكومتلك دوام و توسعنه حاكيت دينه نك پك چوق خدمت ايتديكنى كوررسكز. مدنيت اسلاميه ائناسنده يراني، ترك، كرد و چركسلردن تشكىل ايدن بوييلر، سلجوقيلر، ايوبيلر و سائر كبي بيوك حكومتلرى نظر اعتباره آلكز. بونلك حكمدارلرى مياننده دهاته رجالدن و سياست قهرمانلردن آدمار بولندينى و خلافت عباسيه نك سايه سندن قوت آلدينى حالده ينه هيچ برى اوزون زمان حكم سورده مامشدر. حال بوكه عباسيلر، فاطمیلر، اندلسده كى اموييلر كبي خلافت ايله سلطنتى جمع ايدن دول عربييه بر چوق صدمات سقوط واضمحلاله دوچار اولمش ايكن ينه تحمل ايدرك اوزون زمان معمر اولمشلردر. عرب اولميان دولتلرى ده نظر اعتباره آلير ايسه كز انلردن دخی زمان حاكيتى اك زياده دوام، ممالكى اك زياده توسع ايدن دولتك حاكيت سياسيه و دينيه ي جمع ايلين دولت، يعنى دولت عثمانيه اولدينى كوررسكز. شام دولت امويه سى لقب خلافتى اتخاذا ايله رياست دينيه ي احراز ايتامش اولسه ايدى اجراى حاكيتنه موفق اوله ميه جقدى. اموييلر خلقه آنجق خلافتده كى رنك دينى قوتيله اجراى حاكيت و تحكيم سلطنت ايد بيلمشلردى. الده ايتدكلرى مظاهرلر دخی عوامك دين قدر هيچ برشى ايله محكوم اولميه جقلرينى آكلایه رق اولجه بيسان ايتديكمز اوزره علمانك اعتراضلرينه رغماً خلافتى پيغمبرلكك فوقنده

طوتمق ، خلیفه‌یہ ( خلیفۃ اللہ ) لقبی و یرمک ، « برانسانک عالمیسی نزدندہ کی خلیفہ‌سی برایش اچھون کوندردیکی آدمندن دھالایدر » دیمک درجہ‌ارینہ قدر خلافتک شان و شرفنی بیوتمکہ صرف غیرت ایتشلردی . اہالی بو شیر ایلہ و قوۃ ترہیبہ ایلہ تحت اطاعتہ آلینور ، علمانک اعتراضہ اہمیت و یرلموردی . خلافت اسلامیہ عالمی نبویہ دن و خلافت پیغمبریہ اک زیادہ صاحب حق ذواتدن اولان عباسیلرہ انتقال ایدنجہ اسلاملر بونلرہ امویلردن زیادہ عرض اطاعت ایتشلر و دولت عباسیہ‌نک ( سید مسیح ) ک دنیاہ کلسنہ قدر الی الابد دوام ایدہ جکنہ ذاہب اولمشلردی [۱] . خلیفۃ عباسی قتل اولنور ایسہ نظام عالم مختل ، آفتاب محتجب ، باران منقطع ، نباتات یابس اولہجنی دہ مرور زمان ایلہ ہرکسک اعتقادندہ یرلشمشدی [۲] .

خلفا خلقک بوتفخیم و تعظیمنی چرکین بولمازلردی . ( رشید ) بیلہ غایت درایتلی بر خلیفہ اولدیغی ، دورندہ علوم و معارف انتشار ایلدیکي حالہ بو تعظیماقی ایشتمکدہ بأس کورمزدی . روایتہ کورہ خلیفۃ مشارالیہ پیغمبرانہ مخصوص الفاظی حاوی اولارق کندیسنہ تقدیم اولسان مدحیہ‌لری غیر جائز کورمز ، رد ایتزدی . بوسبیدن شعرا دن بری انک حقندہ : « سانک پیغمبر ذی‌شاندن صکرہ بر پیغمبردر » دیشدی [۳] . اعتلا زمانلرندہ خلفا تفخیمات و تعظیما دن بویلہ خوشلانیرلر ایسہ اوہامت حقیقت یرینہ قائم اولدیغی ، منافق‌لرک و دالقاو و قیلرک چوغالیدیغی ، رجال حکومتک دہ فعلدن زیدہ سوز ایلہ وقت کچیردک‌لری انحطاط دورلرندہ یتیشن خلفانک اوکی خرافات و تفخیماتہ نہ درجہ اہمیت و یردجکلری محتاج ایضاح اولمیان موادنددر . ذاتاً بردولت اختیارلارایسہ انک رجالی جوہری براقوب عرض ایلہ اشتغال ایدرلر . بناء علیہ ( متوکل ) ک زمانندہ خلیفہ‌یہ « اللہ ایلہ قوللری آردہ سندنہ حمد ظل الہی » [۴] دینلمسنی ، یاخود شاعر مشہور ( ابن ہانی ) نک ملوک فاطمیہ دن ( معزی ) :

ماشئت لاماشات الاقدار فاحکم فانت الواحد القہار [۵]

« قدرلرک ایستدیکي دکل ، سنک ایستدیکک اولور . حکمران اول . چونکہ واحد قہار سنسک » .


باقی ایلہ مدح ایتسنی غریب کورمامک اقتضا ایدر .

[۱] ابن الاثیر ۱۹۷ ج ۵ [۲] الفخری ۱۲۵ [۳] اغانی ۱۸ ج ۱۲

[۴] مسعودی ۲۸۰ ج ۲ [۵] ابن الاثیر ۲۴۵ ج ۸

خلفا ایلہ فنہا

بونلر عموماً خلافتك اہالی آراسندہ نەقدر بیوك ومقدس بر موقع طوتدیغنی  
کوستیر . فقط بوتقدیس آنجق دینہ راجع ایدی . خلافت ایسہ انك بر  
فرعیدی . بوسبیدن خلفای اولین ایلہ حافظلر ، محدثلر ، فقیہلر آراسندہ  
متبادل بر علاقه و رابطه موجود ایدی . هر صنف دیگر صنف ایلہ کسب قوت



اندلسدہ اشبیلیہ شہرندہ کاش النصر سرایندہ برقبو

ایدیوردی . یعنی خلیفہ ہم دینی ، ہم دنیوی حاکمیتہ مالک اولدیغندن  
حضرت پیغمبر زمانندہ اولدیغی وجه ایلہ اہالینک صلح حالندہ امیرلری ،  
حرب زمانندہ قوماندانلری ، نمازدہ اماملری اولدیغی کبی انلرک قاضیلری  
وفقیہلری ایدی . دهاصکرہ وقتا کہ فتوحات اسلامیہ توسع ایدرک قانون  
نشو وتکملاہ تبعا تقسیم وظائفہ احتیاج کورلدی ، خلیفہ اووظیفہلری کندی

طرفدن بالوكالة ايضا ايلك اوزره بشقه ذواته توديعه مجبور اولمش ايدى . مثالا والى اداره سنى درعهده ايتديكى ولايتك امور وخصوصاتى خليفه طرفدن بالنياه تمشيت ايدردى . كذلك قاضى ، قوماندان اجراى حاكميتده خليفه وكالت صورتيه حركت ايلرلردى . سائر مناصب اداريه وسياسيه يده اكا كوره قياس اديكيز . مناصب دينيه دخى عينا بوقاعده يه تابع ايدى . حافظلر ، مفسرلر ، محدثلر هپ خليفه نامنه اجراى فعاليت ايدرلردى .

خليفه حاكميت دينويه سنى تقويه وتامين ايچون واليلىك ، قوماندانلىك ، قاضيليك نصرت ومعاونته نصل محتاج ايسه حاكميت دينيه سنى تحكيم ايچونده فقها وعلمايك مظاهر تليينه محتاج بولمقده ايدى . بوجهته حافظلر زمان نفوذى اولان اوائل اسلاميتده يتيشن خلفا علمايه وبالخاصه حافظلر پك بيوك براهميت ويرمشلردى . چونكه دينى ، قضائى ، فقهى اولسون بتون مسائل مشكله ومعضله نك مرجعى بونلرايدى . دين ، اتضا ، فقه ايسه دولت اسلاميه ده جارى اولان قوانين اساسيه نك تملى ايدى . خلق دينه فوق العاده متمسك ايدى . نفقا بوسيدن پك بيوك برنفوذ صاحبي ايديلر . هرخصوصه ده حتى خلفانك نصب وتعييننده ييله فقهانك راي ومطالعاه سنه لزوم كورولورايدى . فقها برخليفه نك خلافتى طائمازلر سه خلق دخى اوخلافتى طائيقدن چكينيئلردى . ايسته بوسيله مبنى دولت حال سادكده هنوز حيله وتورنازلىق ييلمديكى راشدين دورنده خلفا علماي اسلاميه يه پك چوق حرمت كوستيرلر ورأي ومطالعاه لرينه پك بيوك براهميت عطف ايدرلردى . علماخليفه يي هرهانكى شيدن منع ايتسلر خليفه انلك نصيحتلرينى رد ايدمه مزدى .

بالاخره امويلر حيله وخونريزلك طريقيه احراز خلافته قالكيشنجه علمايه اهميت ويرماملرلردى . چونكه بونلر علمايك سوزينى ديكلسلر ايدى احراز حاكميه موفق اوله ميه جقلردى . دولت امويه نك ايتدلر نده علماي اسلاميه پك بيوك اشكنجه لره ، مقاومتلره ، تضديقاته دوچار اولمشلردى ، بعض علما رجال دولتك خوشنه كيده جك يولده فتوالر ويرمش ايدى . بمضلرى ايسه اصلا حق وحقيقتدن آيرلامش ايدى . بوجهته امويلر بونلرى شدتلى تضديقات وتحقيراته هدف ايتماملرلردى . بو حال حضرت عثمان زماننده باشلامش ايدى . اوصرده واليلر هپ امويلردن انتخاب وتعين اولنيوردى . دولت



امویہ نك تشكيلي ايجون مملكته سائر منابع نفوذ و ثروتی ده بستمون اله آتغه صرف غیرت ایدیلوردی . صحابه دن ( ابوذر غفاری ) ایله ( معاویه ) آراسنده وقوع بولان حادثه علمانك خلفایه قارشی نه قدر بیوک برجرات صاحبی اولدقلرینی ، امویلرکده نصل بونلره قارشی طور دقلرینی کوسترمکه کفایت ایدر . بووقعه بی کتابمژک دیگر بریرنده تفصیل ایتمش ایدک .

دولت اسلامیہ امویلرک الله کچدیکی زمان درحال افکاروالسنه اسارت آلتنه آلمشدی . منافق ودالقاووقلردن ماعدا ناموسلی علمدان هیچ بری بودولتده بیوک برموقع اشغال ایدهمامشدی . خلفامدینه فقهاسندن رأی ومطالعہ صورمدن هیچ برهم ایش حقنده امر ویرمزله ایکن امویلر موقع اقتداره کایرکیز اوقتایه اصلا روی التفات کوسترمامشلردی . یالکیز ( عمر بن عبدالعزیز ) براسننا تشکیل ایدیلوردی . مشارالیه مدینه عاماسندن رأی ومطالعہ صورمدن مهم برایشه تشبث ایتزدی .

سربستی وجدانه مالک اولان فقها دور اموینک قسم اعظمنده کوشه اهلده وقت کچیرمشلردی . دها صکره عباسیلر احراز حاکمیت ایدرک سنت شریفه بی احیا ایدجکلرینی ، امویلر دورنده اکری کیدن امور دینیه بی طوغری یوله چویره جکلرینی ادعا ایدنجه افکار مستقله صاحبی اولان فقها ، علما وارباب صلاح هرطرفدن قوشوب ککشلر ، خلفای عباسیه نك مظهر التفاتی اولمشلردر . فقط بوصورتله نائل توجه واعزاز اولان علما وصلحا سوزلرینی دیکه ینلره قارشی درحال اسکی جرأتلرینی اله آلمشلردر . مثال اولمق اوزره ایکنجی خلیفه عباسی ( منصور ) کعبه معظمه ده طوافده بولنورکن برصاحب صلاح اکا قارشی توجیه ایتدیکی سوزلری دها اول کوستردیکمزکی ( سفیان ثوری ) طرفندن ( هارون الرشید ) ه یازیلان شدتلی مکتوبی ده ترجمه ایتمش ایدک .

( سفیان ) برکون خلیفه مهدینک حضورینه کیرمش ، اکا ( امیر المؤمنین ) دهرک سلام ویرمه مش ایدی . ( مهدی ) بوکاقیزمق شویله طورسون بالعکس سفیانی سزاوار تلطیف واستعطاف کورمش ایدی [۱] . دولت عباسیه نك ایلک دورلرنده یتیشن خلفانک اکثری برفقیه ویا برصاحب صلاح کوردجک ، کندیلرینه وعظده بولنسنی طلب ایدرلر ووقوع بولان موعظه لر اوزرینه صقاللری

يشارنجه يه قدر آغلارلردى . موعظه ديكهين خلفاى عباسيه نك اك مشهورلرى  
( منصور ) ، ( رشيد ) ، ( معتصم ) ، ( واثق ) ايدى .

بو يولده غايت مشهور حكايله لر نقل اولنور .

بنابرین خلفا ايله اهالى آراسينده كى حاكميت دينيه واسطه اولانلر فقها اولديغى كى اهالى اوزرنده حاكميت سياسيه يي ده واليلر وقوماندانلر تامين ايدردى .  
حتى بعضاً فقهانك نفوذى اوته كيلرك وجودينه بيله حاجت بر اقامازدى . چونكه  
خرستيانلارمده خلق نصل پاپاسلره تابع اوليورسه اسلاميتده دخى اهالى فقهانك  
سوزينه تابع اوليور ، هانكى طرفه سوق اولنورلرسه او طرفه عرض انقياد  
ايايورلردى . شو حالده خلفا اهالى اوزرنده اجراى تاثير ايتك ، خلقك  
محبتى جلب ايلك ايچون فقهايه فرط احتياجله محتاج ايديلر . كرك دولت  
عباسيه نك اواخرنده ، كرك دها صكره يتيشن امرا وسلاطين دخى عين ساقه  
ايله نقهيايه عرض احتياج ايتملرلردى . ايكي طرف ، يعنى ارباب حاكميت ايله  
بونوع علما آراسينده منفعت ده مشترك ايدى . خلفا فقهاى تاثير حاكميت ايچون  
نصل واسطه اتخاذا ايدرلر ايسه فقهايه او سايله ده ثروت و منصب صاحبي  
اولورلردى . آنجق خلفانك استفادهلر دها بيوك ايدى . ايشته بو تاثير ايله  
اهالى خلفا يه پك زياده تعظيم كوسترمكه باشلامش ، كوندن كونه بو تعظيم ده  
وا-ع بر شكل آلمش ، خلفا يه تعظيم كوسترمك بالذات دينه حرمت قيبيلندن  
عد اولنش ايدى .

خلفا اهالى اوزرنده دين ايله نصل اجراى تاثير ايتديلرسه اهالى دخى ينه  
دين ايله خلفا يه اجراى تاثيردن خالى قالماملرلردى . حتى چوق دفعه لر خلفا  
كندى فكر مخصوصلرينه وياخود حقيقت حاله مخالف اولان بعض اعتقادات  
دينيه محضا اهالى يه مامشات اولمق اوزره معتقد كورونورلردى . از جمله بر  
كون اوچنجى خليفه عباسى ( مهدي ) يه بر نعلين كتيريله رك حضرت نبيك  
نعلينى اولديغى ادعا ايدلمش ايدى . ( مهدي ) بونك يالان اولديغى بيلديكى حالده  
رد وتكذيبدن خلقجه اعتقادسزلك معناسى چيقارلمسون دينه قبوله وكتيرين  
آدمه مكافات اعطاسنه مجبور اولمش ايدى [۱] .

فضله اوله رق خلفا - ایچلرندہ اعتقادسزلر بولنسه بیلہ - اہالی نك تفرتندن وحا کیتلرینی طایما مالرندن قورقہ رق دائما متدین کورونورلر ووظائف دینیہ یی ایفادہ قصور ایتمکدن چکنیرلردی . روایتہ کورہ اعتقادسزلکیلہ ، شوخ مشربلکیلہ مشہور اولان ملوک امویہ دن ( ولید بن یزید ) نماز زمانی کلدیکہ اوزرندہ بولسان مزین وکوزل قوقولی البسہ سنی چیقارہ رق کوزجلہ آبدست آلیر وبیاض وتمیز البسہ کیمش اولدینی خالدہ غایت منتظم و مقبول بروضع و صورتدہ نماز قیلاردی [۱] .

### دول اسلامیہ و خلافت

ایشته بوسبیدندرکہ خلفانک ضعف و عجزندن بالاسـتفادہ دولت عباسیہ یہ قارشـی اعلان استقلال ایدن والیلر ہرنہ قدر امور ادارہ مملکتدہ کسب استقلال ایتـمشارسـدہ حاکمیتلرینی تقویہ و تأیید ایچون خلفانک حاکمیت مغویہ لرینہ احتیاجدن وارستہ قالماشلر وامور دینیہ دہ اعلان استقلالہ جسارت ایدہ مامشلردی .

والیلردن بری بولندینی ولایتدہ کسب استقلال ایتک ایستدیکہ ، یاخود بر مملکتی فتح ویا بر امارتی تشکیل ایلدیکہ بغداددہ بولان خلیفہ یہ عریضہ تقدیم و مملکتک کنـدیسـنہ رسا تقویضی ، یاخود حاکمیت اداریہ سنی طانیہ رق کندیسنہ لقب و پایہ توجیہنی طلب ایدردی . خلفاعلی الاکثر بوکبی مراجعتلری رد ایتزلردی . شاید رد ایدرلرسہ والی ویا امیر عسکر کوندرہ رک جبرا تصدیق حاکمیت ایتدیریردی .

دولت فاطمیہ نك تأسسندن اول فارس ، خراسان ، ترکستان ، ماوراءالنہرین ، شام ، مصر و مغرب قطعہ لرندہ وسائر دہ دولت عباسیہ دن آریلہ رق اعلان استقلال ایدن امارتلر ویا ممالک خطبہ لرندہ بغداددہ کی خلیفہ یی ذکر ایتـمـشـلر وھیچ بر سطوتندن ، بر تجاوزندن قورقماقلری خالدہ خلیفہ یہ سنوی معین بر بارہ کوندرمـشـلر دـی . بونی یا بمقدن مقصدلری دینک تأثیرینہ تابع اولان ہالی یی خشنود ایتمکدن عبارتدی .

دولت عباسیه دورنده یتیشن ترک عسکر یله ترک قوماندانلری دخی بو ضرورته سرفرو اولمقدن قورتوله مامشلردی .

بونلر خلفا حقه ده بونجه استبداد لر وسوء معامله لر روا کوردن قتل و خا لیرینه قدر وارد قلی حالدده مقام خلافتی برکون بیله منحل براقغه جبارت ایدم مامشلردی . چونکه خلیفه سز اهالی بی اداره ایتک ممکن دکدی . حتی بغدادی قبضه استیلانیرینه آلان ملوک و سلاطین هر شیئی ید تسخیرلیرینه آلمش ، خلیفه بی اللرنده عادتا بر او یونجاق کبی دوشیرمش ایکن بشقه درلو حرکت ایدم یورلردی . ( آل بویه ) و ( آل سلجوق ) خلیفه یه قارشی عسکر سوق ایدرک اونی مغلوب ایتدکاری حالدده اکا بیعت ایتمکدن و تعظیم و تکریمه لائق کورمکدن قورتولما مشلردی . از جمله ( آل بویه ) ملوککندن ( عضدالدوله ) خلیفه نك مذهبی خلافتده شیعیلکده صوک درجه متعصب و عباسیلرک خلافتی . ارباب استحقاقدن غصب ایتمش اولد قلیرینه معتقد ایکن بغدادی دست استیلانسه کچر درک کمال استبداد ایله حکمران اولدیغی زمان بغداد خلیفه سینه قارشی اظهار حرمت و تعظیمه کندیسنجه بر سبب اولمدیغی حالدده ینه اکا آثار تعظیم کوستر مش ، خلافته اسکی شان و شرفی اعاده ایتک اوزره دارا خلافتی و سرای منسوبلرینک قوناقلرینی تعمیر و توسیع ایتدیر درک دها دبده لی برحاله کلملیرینه خدمت ایتمش و خلیفه بی فوق العاده اعزاز و تکریم ایش ایدی [۱] .

دیگر جهتدن خلفا امرای مسامینک کندیلیرینه اولان بو احتیاجلرینی بیلدکلرندن امرادن بری کندیلیرینه قارشی بر سوء معامله ده بولند قجه بغدادی براقوب کیتک ایله تهدید ایدرلردی . امیر بو تهدید اوزرینه انلرک حسن رضالیرینی استیصاله مجبور اولوردی . چونکه خلیفه نك بغدادی براقوب کیتسی خلیفه بی مقدس و خطادان منزله عد ایدن خلک اغضابنه و حکومته قارشی عصیاننه باعث اوله بیلیردی [۲] . بو جهته بر خلیفه نك اسقاط حاکمیتی ، یاخود حاکمیتک تنقیدی آنجق دینی بر شکله وقوع بوله بیلیردی . خلفا علیه قیام ایدنلر ارباب صلاحه مخصوص یوکن البسه کیهرک ، خیر و صلاحه دائر و عظامر ویردرک ، بیونلیرینه مصحف آصرق [۳] ، افکار دینه

[۱] ابن الاثیر ۲۱۳ ج ۹ [۲] ابن الاثیر ۲۵۷ ج ۶

[۳] ابن الاثیر ۲۰۸ ج ۹



عمومیہ میں تمہیج ایدن سائر وسائطہ توسل ایدرک ایشہ کیریشیرلردی . خلفادن بری اہالینک میل ومحبتہ مظهر اولمق ایستدکجہ صلاح وتقوی ، تدین وعبادتی آلت اتخاذا ایدردی . ( مأمون ) ہ استحصال خلافت ایدن مشہور ( فضل بن سہل ) استرداد خلافتی مأمونہ تعہد ایتدیکی زمان قوماندانلرک محبت وانجذابلرینی تأمین ایتمک ایچون اکا صوک درجہ مدین و مہزہد کورنمکی توصیه ایلش ایدی [۱] . مشہور ( ابو مسلم خراسانی ) ینیلیری مکدہ کوردیکی زمان : « بونلر لسانی ظریف ، کوزلری طلیق بر آدمک الہ کچرلر ايسہ نہ جور عسکر تشکیل ایدرلر ! » دیمش ایدی . یعنی انلرک مواعظ دینیہ ایلہ ، اشک نثار اولمق ایلہ حسیات دینہلرینک تمہیجہ محتاج اولدقلرینی آکلاقمق ایستہ مشدی . والحاصل ممالک اسلامیہ دہ تأسیس حاکمیت و تأمین آسایش و انتظام ایچون بر خلیفہ نک وجودینہ بر ضرورت مبرمہ موجود ایدی . بناءً علیہ مستقل کچین امرادن بری بعضاً بغداددہ کی خلیفہ دن صوک درجہ دلکیر بولنور ایکن عرض تابعیت ایدہ جک دیگر بر خلیفہ بولمدن تابع اولدیغی خلیفہ یی خلغہ ، یعنی حاکمیتی طائیمغہ جسارت ایدہ مزدی . دولت فاطمیہ آفریقانک شمالندہ و مصر دہ تأسیس ایدنجہ بغداد خلیفہ سنک حاکمیت دینیہ سنہ تابع اولان برچوق یرلر دولت عباسیہ نک تابعیتی ترک ایدہ رک فاطمیارہ التحاق ایتشلردی .

( صلاح الدین ایوبی ) مصر دہ دولت فاطمیہ نک انقاضی اوزرنندہ تأسیس حاکمیت ایتدیکی زمان درحال قاہرہ جامعندہ بغداددہ بولان خلیفہ عباسی نامنہ خطبہ او قومش ، اندن منشور حاکمیت و خلعت سنیہ طلب ایتش ایدی . حال بوکہ اوصردلردہ دولت عباسیہ منہای انحطاطدہ بولنیور ایدی . کندیسیدہ انک تصدیقندن مستغنی ایدی . فقط اہالی مطلقا بر خلیفہ یہ تابعیتہ آلیشمش اولدیغندن خالقک انجذاب و منونیتی تأمین ایتمک ایچون بوکا لزوم قطعی کورمش ایدی .

دولت ایوبیہ دن صکرہ مصر دہ اجرای حاکمیت ایدن کولہ منلر دخی عین یولہ حرکت ایدہ رک عباسیلرک حاکمیت دینیہ سنی طائیمشلردی . بونلرک حاکمیتلرینی تصدیق ایدن فرمانلر ایلہ خلعتلر بغداددن مصرہ کلیوردی .

وقتا که تاتارلر بغداده کله رک ۶۵۶ سنه هجریه سنده خلیفه عباسی (مستعصم بالله) ی قتل ایلدیلر، تأثیر خلافت بر توقفه دوشمش و توقف واقعدن طولانی مصرک احوالی ده مختل اولمش ایدی. بوقطعه ده بولنان سلاطین بوحالی تلافی ایچون نصل اولورسه اولسون برخلیفه بولوب تعیین ایتک [۱]، حتی هیچ یوقدن بر آدم اویدوروب اوموقعه اصعاد ایلمکه لزوم قطعی کورمشلردی [۲]. ایشته بومجبوریت اوزرینه خاندان عباسیدن بر آدم آریوب طوررکن تاتارلرک پنجه ظلمندن قورتولوب بغداددن فرار ایدن عباسیلری بولهرق درحال انلری مصره جاب وکندیلرینه معاشر تخصیص ایلملر، مراسم استقبالرنده فوق العاده آثار تعظیم کوسترمشر ایدی [۳]. کوله منلر اوفراری خاندان افرادینک النده هیچ بر قدرت، هیچ بر قوت بولمیدیغی البته بیلورلردی. بوطرزدده حرکتلری خلافتک نفوذ دینسی اولقسزین حاکمیتلرینک مختل اولمسندن قورققلری نتیجه سی ایدی [۴]. کرک هندستانده، کرک سائر جهات بعیده ده بولنان ملوک اسلامیه دخی قاهرده تکرار تأسس ایدن خلافت عباسیه ی طایفه، کوله منلر واسطه سیله خلفادن سلطنت منشوری ایستمکه دوام ایتملری. بونلر اهالی اوزرنده بو واسطه ایله حاکمیتلری تقویه وتحکیم ایتک کبی بر استفاده تأمیننی دوشونمامش اولسه لر ایدی مقر خلافت اصلیه سندن قاجش، بی نفوذ و بی قدرت قالمش برخلیفه نک فرمان و خلعتی نه یابه جقلردی؟

بونکله برابر شوراسنی دخی اعتراف ایدرز که امرادن بعضلری خلیفه نک نفوذ معنویسنه صرف سائقه دیانت وصلاح ایله رغبت کوستریرلردی. فقط اکثرلری تأیید نفوذ و حاکمیت مقصدیله خلیفه نک سیادت دینه نی آرزو ایدرلردی.

### قرشیلرک غیرندن خلافت

نظر دقتی جلب ایدن اک مهم نقطه لردن بری ده ایرانیلردن، ترکلردن، کردلردن، بربرلردن وسائرده دن اولهرق عربلرک غیرندن تشکل ایدن حکومت اسلامیه نک مملکت، جنس، ولسانلری نه قدر مختلف اولورسه اولسون،

[۱] ابوالدا ۲۲۲ ج ۳ [۲] ابن الاثیر ۱۰۹ ج ۹

[۳] مقریزی ۳۰۱ ج ۲ [۴] ابن خلدون ۵۴۳ هـ ج ۳


نہ قدر واسع بر مملکت صاحبی بولنور ایسہ بولنسون اہالی اوزرنده نفوذ حاکمیت سیاسیہ بی تأیید ایتماک ایچون بر حاکمیت دینیہ بیوک براحتیاج ایله محتاج ایکن بولنردن هیچ برینک مغوللرک استیلا سندن صکرہ اسلامیہ ایکنجی دورہ انتقال ایتدن اول کندی نفسی ایچون طلب خلافتہ جرأتیاب اولماسی ، قریشدن ماعدا هیچ برینک ادعای خلافت ایتماسی ایدی . عربلرک غیرندن خلافتی احراز ایدن ایلک ذات عثمانلی پادشاهی یاوز سلطان سلیم ایدی . خلافت اسلامیہ الی یومنا هذا بو پادشاه عالیجاهک خاندان شوکتندہ مستقرر .

بحث ایتدیکنر مدنیت اثناسندہ عربلرک غیرندن بیوک برشان وشوکت صاحبی اولان امرا وقوماندانلر حاکمیت دینیہ ویاخلافتہ کوز دیکدجکے - ابومسلم خراسانینک دولت تشکیکنہ کندی نفسندہ قدرت کوردیکی زمان یاپدینگی کبی - نسباً قریشدن اولدق لرینی ادعا ومثلاً خاندان عباسیدن ( سلیط بن عبدالله بن عباس ) کبی برنسب ایجاد ایدرلردی [۱] .

دولت عباسیہ نک صوکلرینہ طوغری نفوذ حاکمیتلری بیومش اولان ملوک وسلاطین غیر عربیہ خلافتک انحطاط وضعفی کورهرک اندن بسبتون استغنائی آرزو ایتمشلر سده موفق اوله مامشلر وآنحق بوخلافت یرینہ دیگر برخلافی طایمقدن بشقہ برشی یاپه مامشلردی . بعضلری خلیفہ بی کنندینہ داماد یاپه رق بوصورتله بر نفوذ دینی صاحبی اولمق ایستمش ایدی . بونی ایلک یاپان ذات ۳۶۲ سنه سنده وفات ایدن ( آل بویه ) دن ( عضد الدوله ) ایدی . مشارالیه دنیایه کله جک اولادی خلیفہ تعیین ایتماک و خلافتی کندی قانی حاوی اولان نسلده محافظه ایلک اوزره [۲] قیزینی خلیفہ عباسی ( طائع لله ) ه تزویج ایشلایسه ده مرانمہ موفق اوله مامشدی .

دها صکره سلجوقیلر مقام حاکمیتہ کلدکاری زمان بویولده برآدیم دها ایلری کیدهرک سلطان طغرل بکک خلیفہ زمان اولان قائم بأمراللهک قیزیله تزویج ایتماک ایسته مشلردی . بوایشه ( ری ) قاضیسی توسط ایتش ایدی . خلیفہ خلفا قیزلرینک آنحق نسبجه کقولرندن ماعدا کیمسه یه ویرلمدکارینی نظر اعتباره آلهرق پک بیوک براضطراب وتردده دوشمش ایدی . اوصردده قوت ونفوذ سلطان سلجوقینک النده ایدی . خلیفہ نک النده ایسه

هیچ بر قوت ، هیچ بر نفوذ موجود دکدی . بونک اوزرینه خلیفه سلطانه یالوارمه ، بوندن عفوینی طلب ایتمهک باشلامش ، سلطان ایسه اصرار ایتیش ایدی . او آرده شرح و تفصیلی موجب تطویل برطاقم احوال وقوع بوله رق بوسبدن دولتک موقعی تهلیکیه دوشدیکندن خلیفه ناچار قیزی ویرمهک راضی اولمش و ۴۶۴ سنه سنده معامله عقد اجرا ایدمش ایدی . تاریخ اسلامیده او وقته قدر او یله بر حادثه نك امثالی وقوع بولمامشدی . چونکه مثلا آل بویه مذهبه خلیفه مخالف ایکن بویه بر آشفته جسارت ایدمیه رک خلیفه نك کندی خاندانلرندن بر قیز ایه ازدواجه تنزلی کافی کورمشلر ،



اشبیلیه ده القصر سرائی اقسامندن

خلیفه نك قیزی تحت نکاح لرینه آلمغه قدر ایلری کیتمک ایسته مامشلردی . طغرل بکدن ده اول هیچ بر ذات بویه بر شرفه نائل اولمامشدی . مع هذا طغرل بک ایکنجی سنه خلیفه قیزی نك حجره زفافه کیردیکی زمان آلتوندن براریکیه جالس و یوزی یاشاق ایه مستور اولان کلین یوزنی آچامش ، آیاغه قالمامش ایدی . طغرل بک بر چوق دفعه مشار الیه نك حضورینه بویه جه کیردیکی حالده هر دفعه ده عین معامله کورمش و او سنه ارتحال ایتدیکندن بویولده هیچ برامله نائل اوله مامش ایدی .



سلطان سلیم‌ن اول عرب اولمیان ہیچ بردولت حکمداری خلیفہ نامنی  
 آلہ‌ممش ایدی . سلطان سلیم مصری فتح ایدنجه کولہ‌من سلاطینی طرفندن  
 وقتیلہ مصرہ جلب اولنان خلفای عباسیہ‌نک صوکنجیسی سلطان مشارالہہ  
 ۹۲۳ سنہ -ندہ ترک خلافت ایلشدر .





## ايجى دورى

امارات عربيه و عنصر عربى

ايجى دورى عربىدن مقصدمز عربلك ايرانلىلرك تغلب واستبدادلىرىنه دوچار اولدقدن صكره تكرار كندى نفوذ و حاكميتلىرىنى استرداد و تجديد ايتدكلرى دوردن عبارتدر .

معروضات سالفه دن آكلاشديغى اوزره دولت امويه نك زوالى ايله دولت عباسيه نك تشكلى اوزرىنه ايرانلىلر يواش يواش نفوذ حكومتى اله آلهرق (امين)ك انقضاى حاكميتى ايله ده نفوذ دولته بستيون صاحب كسملشلىر، عربلر ايسه شان و شوكتجه فنا قيرلشلىر ايدى. دها صكره ( معتصم ) مقام خلافته كلنجه بويولده برقات دها ايلرى كيدر ك عربلره مخصوص اولان معاشرلى قطع و مناصب دولته عربلك استخدافنى منع ايتديكندن بوتوالى غدر و تحقيردن منفعل وسطوتلىر كليا منكسر اولان عربلر عباسيله قارشى بيوك برحس كين و انتقام ايله متحسس اولهرق اسكى شان و شرفلىرى استرداد ايتك مقصديله عراقده ، شامده ، مصرده ، هر زرده اولورسه اولسون وحتى كرد ، بدوى ، قمرطى هر نه جنسدين بولنورسه بولنسون هر كيم دولت عباسيه عليه نه قيام و اعلان عصيان ايتسه اكا در حال التحاق و مظاهرتدن چكنما مشلر سده تركلرك امور حكومتى اله آلهرق دولته ظهير كسلمش بولنلرىنه بناءً بو حرركات مقابله كارانه و اختلال پرستانه دن پك بيوك بر استفاده تا مين ايدمه مشلردى .

بونكله برابر بعض عرب قبائلى برطاقم اسباب مختلفه نك مساعده سيلاه مابين النهرين و شام قطعه لر نده خلفاى عباسيه نك همايه سى آئنده برقچ كوچك امارتلىر تاسيسنه موفق اولمشلردى . در دنجى عصر هجر يده خلفاى عباسيه ايله ايرانلىلردن اولان وزيرلر و تركلردن بولنان دولت عسكرى آراسنده ظهوره كلن اختلافات و محاربات بو امارات عربيه نك تشكلىنه باشليجه معين اولمش ايدى . ايرانلىلر ايله تركلرك بولندقلرى ولايتلرده اعلان استقلالدن چكندكلرىنى

کورن عربلر انلره اقتفا ایدرک موصل ، حلب و سائرده ۳۱۷ سنه سنندن ۳۹۴ سنه سنه قدر امتداد ایدن ( آل حمدان ) دولتی تأسیس ایلهمشلا ایدی . بنی تغلبدن صرف عرب اولان و ( دولت حمدانیه ) نامیله معروف بولغان بودولت عربلرک نفوذ و تأثیرینی و بالخاصه ادبیات عربینی احیایه همت ایتش ایدی . حکومت مذکورہ امراسنندن اک مشهوری اولان ( سیف الدوله ) اوعصرده یتیشن فحول شعرا دن ( متنبی ) نلک مدحیات بلاغہسی سایه سننده ابدی برشهرت قازانمشدر .

اوعصرده حلبده مضری اولان ( بنی کلاب ) قبیله سنندن ( اسد الدوله صالح بن مرداس ) ه نسبتله ( مرداسیہ ) نامیله معروف اولان دیگر برحکومت عربیہدها تشکیل ایدرک امراسنی تشکیل ایلین مشارالیه ایلہ اوغللری حلبده ۴۱۴ سنه سنندن ۴۷۲ سنه سنه قدر مقام حاکمیتده بولنمشلردی . موصلده ( بنی حمدان ) دولتنه خلف اوله رق مضریلردن کعب قبیله سنندن ( بنی عقیل ) حکومتی دخی تأسیس ایتش و ۳۸۶ سنه سنندن ۴۸۹ سنه سنه قدر حکم سورمشدی . بو ائنادہ ( اسد ) قبیله سنندن ( مزید شیبانی ) نامنه نسبتله ( مزیدیہ ) اسمنی آلان دردنجی برامارت عربیہدها ظهور و عراقده حله شهرینی تأسیس ایتش و ۴۰۳ سنه سنندن ۵۴۵ سنه سنه قدر اجرای حاکمیت ایلهمشدی .

برنجی دور عباسی ائناسنده عرب اولیان ممالکده عربلر طرفندن تأسیس اولغان دیگر ایکی دولت واردرکه بونلری عرب اولیان امارتلردن صایمق دها موافقدر . برنجیسی ( ابودلف عجلی ) طرفندن کردستانده تأسیس ایدیلن ( حکومت دلفیه ) ، دیگری ( حسن بن زید ) طرفندن ( طبرستان ) ده تأسیس اولغان ( حکومت علویه ) ایدی . دولت عباسیہ دن تشعب ایدن حکومتلردن اول مغربده کسب استقلال ایدن ( غالبه دولتی ) ایلہ آتیده مذکور اولان ( ادارسه دولتی ) فی ذکر اولغان حکومتلره علاوه ایدرسه ک ایکنجی دور عربی ائناسنده موجود اولان عرب حکومتات صغیره سننک عددی سکیزه بالغ اولور . بودولتسلرله مؤسسلی و مدت حاکمیتلری تاریخ تأسیسلی اعتباریله بروجہ آتی کوسترلمشدر :

۱	ادریسیه	مراکش	۱۷۲ — ۵۲۷۵	ادریس بن عبدالله
۲	اغلیه	تونس و سائرہ	۱۸۴ — ۲۸۹	ابراہیم بن اغلب

۳	دلفيه	کردستان	۲۱۰ — ۲۸۵	ابو دلف عجنی
۴	علويه	طبرستان	۲۵۰ — ۳۱۶	حسن بن زید
۵	حمدانيه	حلب و موصل	۳۱۷ — ۳۹۴	بنی حمدان
۶	مزیديه	حلب	۴۰۳ — ۵۴۵	مزیدشيبانی
۷	عقيليه	موصل	۳۸۶ — ۴۸۹	بنی عقيل
۸	مرداسيه	حلب	۴۱۴ — ۴۷۲	صالح بن مرداس

يمنده (زبيد) ده تشکلی ایدن (زياديه) و صنعاده تشکلی ایدن (يعفوريه) و سائر کي ظهور ايلين اوافق حکومت عربيه ايسه بشقه در .

حکومت مذکورهدن (ادرسيه) و (علويه) حکومتلری مستقی طوتولور ايسه ديکمرلری دولت عباسيه نك حاکميتنی طانيه رق کچنديکندن عنصر عربی نك احیای سطوتی ویا عربلرک استرداد شان و شوکتی امرنده پك آز خدمت ایده بيلمشلردی . بو حکومتلر اوکي مهم بر تأييد بولنه مامقدن طولاي معذور ايديلر . چونکه ايرانيلر ، ترکلر ، ديئيلر مملکت عباسيه نك اکثر ولايتلرنده مستقل کچندکمری حالده دولت عباسيه نك حضرت مسيحك دنيايه عودتنه قدر مستقر قاله جغه اهاليجه قوتلی بر اعتقاد حکمفرما اولديغدن شرقك هر نردسندده اولورسه اولسون تشکلی ایدن حکومتلرک جمله سی دولت عباسيه نك حاکمیت دينه سی طانيه رق سکدي انک نامنه ضرب ايتمکده ، بشقه بر نظر سیاسی تعقيب ايلامکده ایدی . آرتی عربلر بتون ايدلرني غربه طوغری توجه ايتملردی .

عصيت عربيه ايله متخلق اولقله برابر کرک ايرانيلره و کرک انلره مجاور سائر اقوام غير عربيه يه فرط عداوت ايله متحسس اولان امویلر ايلريده کؤستره جکمز اوزره ۱۳۸ سنه سندن اعتباراً اندلسده بر دولت عربيه تشکيل ايتملردی . دولت عباسيه نك رایت عجمانه سی آلتنده دولت عربيه نك زوالدن دلکیر اوله رق عنصر عربی نك تکرار احیای شوکت و نفوذنی دوشونمکدن خالی قالمايان عربلر آرتق غربه طوغری مهاجرت ايتمکده و دولت عباسيه دن اوزاق اولمق اوزره بر عرب حکومتک لوی نفوذی آلتنده اندلسده و يا خود آفریقای شمالیده اختیار اقامت ايللمکده ايديلر .

عباسيلر طرفدن شرقده نفوذ و تأثیرلری قيرلمش اولان شيعه علويه دولت



عباسیہ دن اک زیادہ نفرت ایدنلردن ایدیلر. عباسیلر خلافتی کندی نفسلرینه حصر ایتک، قارشیلرندہ رقیب براققامق اوزره اولنلرک نفوذ و قوتلرینی قیرمشلردی. عباسیلرک پنجه آنتنامندن قورتیلان بعض علویلر غربہ طوغری مهاجرت ایدرک دولت عباسیہ نك ایلک دورلری اثناسنده اوراده (ادریس بن عبدالله)، تسبتله (ادریسه) نامیله معروف اولان بر دولت علویہ تأسیسنه موفق اولمشلردی. مع هذا بو دولت ۱۷۲ سنه سنندن ۳۷۵ سنه سنه قدر اجرای حاکمیت ایتدیکی حالده امراسندن هیچ بری ادعای خلافتہ کوز دیکمامشدی. طرفدارلری اولان ایرانیلرک نصرت و معاونتیه احراز موفقتیت امیدینی بسلمکدن خالی قالمیان بر طاقم علویلرده شرقده قالمشلرایسدهده بونلر (امین) ایله (مأمون) آرسنده وقوع بولان حادثاتدن صکره ایرانیلرک بتون نفوذ دونتی اله کچیردکارینی ومتعاقباً دخی ترکلرک موقع نفوذہ کلهرک کرک ایرانیلرہ وکرک عربلرہ قارشى اظهار خصومت ایتمکه باشلادقلرینی کورنجه آرتق بونلردن بر قسمی بسبتون یأسه دوشهرک تدریجاً غربہ مهاجرت ایتش ایسدهده دیگر قسمی دولت عباسیہده کوریلہجک ایلک ضعف و پریشانی فرصتنده هر هانکی بر عنصرک مظاہرتیله اولورسه اولسون احراز نفوذ ایدہ بیلمک امیدیلہ یئنه شرقده قالمش ایدی. بونلر بعضاً ایرانیلری، بعضاً خراسانیلری، بعضاً کردلری، بعضاً دینلیلری، یاخود ترکلرہ دشمن اولان سائر ملتلیری ویا فساد احکام واستبداددن دلکیر اولان جماعتلری معین اتخاذا ایدرک دولته قارشى قویمقدن کیری طورمامشلرسدهده بالاده ذکرى کچن ومدت حاکمیتی چوق امتداد ایتمین دولت علویہ نك طبرستانده مؤسسى (حسن بن زید) دن بشقه اونلردن هیچ بری دولت تشکیلنه موفق اوله امشدی. بعضاً دوچار ظلم اولان بر قسم خلق دولته قارشى اعلان عصیان ایچون علویلرہ مظاہرتی بر بهانه اتخاذا ایدرلردی. نته کیم عراقده ظهور ایدن زنجیلر اختلالنده اختلالجیلرک باشنه کچن شخص اطرافه طوبلادینی قاچاق کوله وزنچیلرله اون بش، یکریمی سنه قدر دولت عباسیہ نك راحت و آسایشنی اخلاا ایدرک مقتوللری (۲,۵۰۰,۰۰۰)ه بالغ اولان بر طاقم محاربات ایله هر طرفی آل قانه بویادیغی حالده شو قیامی حضرت حسینک نساندن اولدیغی ادعا ایدن وحقیقت حالده بو انتسابی طوغری اولمیان (علی بن محمد) اسمنده کی رئیسلرینک تشویقیله خاندان علوییه مظاہرت

فكريله اختيار ايتديكى ادعاسنى ايلرى سورمىدى . بو اختلال داينك قتل و آدملىرىنىڭ پريشان ايدلمى صورتيله بر طرف ايدلمش ايدى .


بونكله برابرىشى اولان دولت بويىچەنىڭ شىرقىدە ظهوريله بغداددا ايتىلاسى و خلافتى نچە استبدادينه آلمى تارىخىنە قدر شيعە علويەنىڭ شايان ذكر بيوك بر اهميتى يوق ايدى . فقط بونلر مغرب بلادندە بر خلافت علويه تشكىلنە موفق اولنجە بوسايەدە بيوك بر قوت قازانمشلردى . علونلر مملكت عباسيه نى نچە تسخيرلر نە آلق اوزرە شىرقە طوغرى توجيە و جەھە عزىمت ايدرك يوللرندە تصادف ايتدىكارى مەتر قطعەنى دىر نچى عصر هجرى اورتلرندە فتح و مقرر اقامت اتخاذا ايتمشلردى . دولت فاطميه ناميله معروف اولان بودولت جسيم حكومتلردن ايدى . ايلرىدە ذكرى كلە جكدرد .

عربلر ايله نسباً عربى ادعاسندە بولنان بر بىرلىك مظاهرت و نصرتى ايله تشكىل ايدن دولت مشارالها دولت عباسيه رقيب كسىلمش ايدى . عنصر عربى اوائل اسلاميتدە نعل بر نفوذ و سطوت صاحبي ايسە تكرار اوسطوت و نفوذك بو دولت سايەندە استردادىنى اميد ايتدىكىندن عراق و ما بين النهرين داخل اولدىنى حالەد اودورده عالم عربى نى تشكىل ايدن مملكت قسم اعظمى دولت فاطميه نىڭ بيعتنە شتابان اولمش ايدى . ازجمله كوفە و موصل اھالىسى عباسىلر ك پايىختى اولان بغدادە يك يقين بر موقعدە ايكن دولت مشارالها يە بر مدت بيعت ايتمشلردى . مع مافى فاطمىلر آل بويه دولتنك انقراضى اوزرىنە ترك دولت ساجچوقىەنىڭ ظهور و عباسىلر ايله مذهب سنىيە مظاهرت ايتىمىسندن طولانى اميد اولدىنى وجە ايله او عنصر ك شان و شوكتى استردادە موفق اولە مامشاردى . شىرق ايله غرب آراسندە برى سنى ، دىكرى شىعى اولق اوزرە يكدىكرىنە معادل ينە ايكنى قوت متوازنە قالمش ايدى .

كردلر دولت فاطميه نى مغلوب ايدىرك صلاح الدين ابو بى يديله مصرى انك حوزە حاكىمىدن آلنجە قطعە مذكورە نى خلافت عباسيه نىڭ حاكىمىت دىنە سەنە منقاد ايتمشلردرد . اووقتە قدر مصر دەكى عنصر عربى ايلرىدە كوستريله جىكى اوزرە نفوذ دولتى الە آلان تركلر ايله ارمنىلر ك تحكيمات مستبدانە لرى تاثيريله بيوك برضعف و پريشانىيە دوشمش ايدى . بناءً عليه جزيرة العربدە بولنان

و بعضی بویکونه قدر موجود اولان بمض اوفاق امارت لردن بشقه عنصر عربی تکرار سقوط و ضیاعه دوشمش ایدی .

والحاصل ایکنجی دور عربی عنصر عربینک شرقده سقوط و انحلالدن صکره مغربده تکرار حیات بولدیغی دوردن عبارتدی . احیاسنه اک چوق خدمت و همت ایدنلر اندلس دولت امویہ سیه مصر دولت فاطمیہ سی ایدی . بویکی دولتک تشکلی بر انتباه عربی نتیجه سی ایسه ده انتباه واقع چوق زمان سورمدیکی کبی شایا ذکر بر تأثیر دخی اجرا ایتماش ایدی . عربلر اوتارینندن



آثار معماریه عربیه دن سفویه ده النصر نامنده کی شاتو

اعتباراً تشکل ایدن هیچ بر دولت اسلامیہ ده اسکی شان و شرفلری ن سبتده بر موقع اشغال ایتماشلردز .

نجدده و هایلرک ، سودانده درویشلرک قیملری کبی سیاسی و یادیغی سائقه ایله بلاد عربده و یا خود سائر لرده بمض قبائلک تشبث ایتدکری حرکات و یا تشکیل ایلدکری حکومت بالطبع شایان اهمیت عدایدله مز . خاندان خدیوی مؤسس محمد علی پاشا اون طقوزنجی عصر میلادی ابتدالرنده بیوک بر دولت اسلامیہ تشکیلنه تشبث ایتدیکی زمان بویولده تأمین موفقیت ایچون بر عصیت

اسلامیہ میں معین اتخاذ ایتك ایستہ مش ایدی . اوصردده مصرده اك قوتلی عصیت ترك وعربلردن متشكل ایدی . تركلر دولت عثمانیہ نك مالی اولوب بونلره اظهار اعتماد ایدیله مزیدی . بناءً علیه عربلرك عصیت اسلامیہ میں استخدام ایتك ایدی . عربلر - باخصوص مشارلیه وهابیلر ایله محاربه ومكده امیری وبرطاقم رؤسای قبائل ایله ملاقات ایتدكدن صكره - بیوك امیدلره دوشمشلر ایدی . فی الحقیقه محمد علی پاشا تأسیس ایتدیکی بر چوق مكتهلر ، مطبعهلر ، نشر ایتدیردیکی بر چوق كتابلر ایله عنصر عربی ایله عصیت عربیه میں احیا ایتك ایدی . عربلر بوصره ده بر انتباهه نائل اولمشلردی .

محمد علی پاشا آمان سیاسیہ سنده اوروپا دولتلرندن کوردیکی ممانعتلردن طولانی بو انتباهدن سیاست پك آز استفاده ایدہ بیلمش ایسه ده عربلرك اعتلای فکریسنه پك بیوك بر خدمتده بولمش ایدی . كرك یمن ونجدده ، كرك سائر یرلرده بعض قبائلك تمرد وعصیانندن ایسه بوراده ذکرینه لزوم کورمديکمن بر طاقم اسباب عمرانیه وسایسیه مبنی شایان اهمیت بر نتیجه بکله نیله من .

خلاصه کلام صدوزده بولنديغمز ایکنجی دور عربی انساننده ظهور ایدن انتباه عربی عنصر عربینك احیاسنه پك چوق خدمت ایدہ مامش ایدی . كرك اندلسده کی دولت امویه ، كرك مصرده کی دولت فاطمیه برطاقم تقلبات سیاسیہ واداریه کچیرمش ایدیلر . هر ایکی دولت اکثر احوالده دولت عباسیه نك مقلد وپیروی اولقله برابر بوتقلباتی بروجه آتی خلاصه ایتکی فائدهدن خالی کورمیورز .

### اندلسه کی دولت امویہ نك اصول سیاستی

۱۳۸ سده سندن ۴۲۲ سنه سده قدر

دولت مذکورده دولت عباسیه میں معاصر اولان ویاخود دها صكره تأسس ایدن سائر دولتلر کبی دولت عباسیه نك اثرینه اقتفاء حرکت ایتك ایدی . مؤسس اولان ( عبدالرحمن بن معاویه بن هشام بن عبدالملك بن مروان ) جدی عبدالملك کبی شدید انطیع و خونریز بر آدم ایدی . مشارلیه ۱۳۲ سنه هجریه سنده ( سفاح ) ك مجلسنده اموبلر علیهنده وقوع بولان قتل عامدن تخلیص جان ایدهرک ( بدر ) نامنده کی آزادلیسنك معاونت فداکارانه



وصادقانه سیلہ عراقی ترک و مغربہ فرار ایش ایدی. ( عبدالرحمن ) عباسیلرک تعقیباتندن طاقفرسا برطاقم مزاحم و مشکلات ایله کنیدی قورتاره بیلمش ایدی. چونکہ بتون مملکت اھالیسی امویلرک دشمن بی امانی بولنیور ایدی. عراق ایله ساحۂ سلامت اولان مغرب ممالکی آره سنده کی مسافه ده بعید ایدی. ایشته ( بدر ) بتون بوتلمک لره ، بتون بومشاق و مصاعبه قارشی هر درلو فدا کارلنی اختیار ایدرک افندیسنه طریق نجاتی تسهیلہ موفق اولمش ایدی. ( بدر ) مشار الیہی مغربہ ایصال ایتدکن صکرہ بوقدر خدمت و فداکاری ایله اکتفا ایتیمہ رک ھان ( جبل طارق ) بوغازندن اندلس قطعہ سنہ کچمش واوراده بولسان بش یوز قدر اموی بی ظہیر اتخاذا یتمکله برابر افندیسی ایچون تأمین حاکمیت ایتک اوزره آیرجہ طرفدارلر جمعہ ده غیرت ایتمش ایدی. مضریلر ایله یمیلری بر آرده جمع و متفق ایتک اوصرہ لرده اک مشکل مسائلدن ایکن ( بدر ) ایله طرفدارانک صرف ایتدکاری مساعی مؤثرہ نتیجہ سنده اومشکلات بر طرف ایدیلہ رک یمنی و مضریلر متفقاً ( عبدالرحمن ) ۱۰ مظاہرت ایتمشلر بر چوق محاربہ لرده صکرہ کنیدیسنه تمہید حاکمیت و اندلس قطعہ سنہ جلب ایله کرسی حکومتہ اصعاد ایشلردی. ( عبدالرحمن ) ۱۳۸ سنہ سنده اندلسه دخول ایدرک زمام حاکمیتی الہ آلدیغندن اکا ( عبدالرحمن داخل ) اسمی ویرلمش ایدی.

مشار الیہ مقام حاکمیتہ کلنجہ بر سنہ قدر عباسیلر نامنہ اجرای حاکمیت ایدرک خلیفۂ عباسی ( منصور ) ک نامنہ خطبہ او قومش و حضرت نینک بر و خلیفہ سنک ده براولق لازم کله جکنہ بناءً خلافت عباسیہ موجود ایکن دیگر بر خلافتک تشکیلنہ جسارت ایدہ مامش ایدی. ( عبدالرحمن ) ک ( عبدالملک بن عمیر بن مروان ) نامندہ بر عمزادہ سی وار ایدی کہ بو ذات امویلر ایچون غایت شدید بر عصیت و خلافتک امویلرہ اعادہ سی ایچون ده مقاوم تسوز بر میل وامل صاحبی ایدی. شجاعت و اقدامندن ، سرعتلہ حدت و خونریز لکندن طولایی اکا ( شہاب آل مروان ) نامی اطلاق اولنمش ایدی. ایشته بو ذات عمزادہ سی موقع حاکمیتہ کتیرمک ایچون بیوک بر فعالیت صرف ایتمش و محاربہ لرده بالذات بولنہ رق قهرمانانہ حرکاتی ایله کسب تمیز ایش ایدی.

( عبدالرحمن ) ک ابتدای حاکمیتندن اعتباراً هنوز بر سنہ کچمدن ( عبدالملک ) انی عباسیلر نامنہ آرتق خطبہ او قومامغہ تشویق ایتمش و عیجہ زادہ سندن

بوخصوصده اثر تردد كورنجه يوزينه باغيره رق : « يا خطبه يي كمرسك ، يا خود كندىي اولديريرم » ديمش ايدى . ( عبدالرحمن ) آرتق بوتهديد اوزرينه عباسيلر نامه خطبه يي ابطال ايتمكه مجبور اولمش ايسه ده كندىي خليفه اعلان ايلسكه ينه جسارت ايدمه مامش ايدى .

بناءً عليه اندلس دولت امويه سك ايلك حكمدارلرينه ( امرا ) ودها صكره اعلان خلافت ايتدكلرى زمان ( خلفا ) نامى ويرلمش ايدى .

دها اول ديكر بر يرده ذكر ايتديكمز اوزره وقتيله علويلره وقوع بولان بيعتى پايال ايتديكندن طولايي ( منصور ) ك خلعه فتوى ويرن مدينه امامى حضرت ( مالك ) ه اوصردلرده ( منصور ) طرفندن اهانتكارانه معامله لر روا كورلمش ايدى . امويلر درحال بو فرصتى بر غنيمت بيله رك امام مشار اليه ي كندى طرفدارلقلرينه جلب وجذب مسارعت ايشلردى . امويلر ك حضرت امامى كندى طرفدارلقلرينه آلملرى هم كنديلرى ، هم ده حضرت ( مالك ) ايچون موجب استفاده اولمش ايدى . چونكه حضرت امامى حاكميتلرني تأييد ايدميليير بيوك بر نفوذ دينى صاحبي بر آدم كوره رك عباسيلر ك اسقاط نفوذى ايچون استخدام ايتمشلردى . حضرت امام ايسه عباسيلردن كوردىكي معاملات اهانتكارانه سائقه سيلاه اندلس امويلرينه استناد ايتمكدن بشقه بر چاره انتقام بوله مامش ايدى . اندلسيلر شام اهالييسى كبي ( مذهب اوزاعى ) يه سالك ايكن بوتارينچدن اعتباراً مذهب مالكي يي قبول ودها صكره ( عبدالرحمن داخل ) ك حفيدى ( حكيم بن هشام ) ك زماننده ده فتوالرى مذهب مالكي يه تحويل ايشلردى [ ۱ ] .

تأييد حاكميت و تحكيم سلطنت خصوصلرنده ( منصور ) ك طرز سياسته اقتدا ايدن ( عبدالرحمن داخل ) ايله ( منصور ) آره سنده بر قاچ نقطه دن مشابهت موجود ايدى . اولاهرا ايكي سنك والده لرى اصلاً بر برى ايدى . ثانياً شدت ، عزم و حسن انضباطده عين تمايلات ه مالك ايديلر . ثالثاً هرايكي سى برادر زاده لرني اولدورمش ايديلر . چونكه ( منصور ) برادري ( سفاك ) ك و ( عبدالرحمن ) ده برادري ( مغيره بن وليد بن معاويه ) ك اوغلارني قتل ايتمشلردى [ ۲ ] . رابعاً ( منصور ) استحصال حاكميته معاونت ايدنلرى نصل قتل .

ایتمش ایسه (عبدالرحمن) دخی کندیسنه استحصال سلطنت امرنده مظاهرت ایدنلری شایان قتل و اعدام کورمش ایدی .

فی الحقیقه (عبدالرحمن) مقام سلطنتده کسب نفوذ و سطوت ایدر ایتمز کندیسنه قارشی پک نازلی کچین آزادلیسی ( بدر ) ه طاریلهرق حسن خدمت و صداقتی نظردهفته آلمقسزین بتون اموال و املاکنی ضبط و مصادره و کندیسنه اولنجه یه قدر منفی تشکیل ایدن بر موقعه نفی و تبعید ایلش ایدی . نته کیم ( منصور ) دخی دولت عباسیه یی سیف جلادت و مساعی خارق العاده سیله تأسیس ایدن ( ابو مسلم خراسانی ) یی پک نعمت ناشناسانه بر صورتده اولدورمش ایدی [۱] .

(عبدالرحمن) بونکله اکتفا ایتمه رک کندیسنه اک بیوک ظهیر اولانلردن یمن عربلری رئیس ( ابوالصباح بن یحیی ) یی ده عباسیلرک ( ابو سلمه ) و ( ابن کثیر ) و سائر حقه ده یابدقلمی کبی قتل ایتمش ایدی [۲] .

بونک اوزرینه ( ابوالصباح ) ک آدملمی اولان یمیلیر انتقام آلمق اوزره قیام ایتمش ایسه ده ( عبدالرحمن ) بونلره قارشی قوه قهریه استعمال ایلهرک پک چوقلمی اتلاف ایتدیرمش ایدی . فقط مشارالیه بوتاریخن اعتباراً عربلرک صداقته امنیت ایدمه دیکندن دشمنلرینه قارشی کله بیلیمک ایچون کوملر تشکیلنه لزوم کورمش ایدی . بونک اوزرینه اکابر رجال دولتن هر کیمک آزادلیلری وار ایسه جمله سنی مبايعه ایدرک کندینه ربط ایتدیکی کبی آفریقانک شمالندن برچوق بربریلر کتیره رک معیتته آلمش و آزر بر مدت ایچنده کرک کوله منلردن و کرک بربریلردن ۴۰,۰۰۰ کشیدن مرکب بر قوه عسکریه تشکیل ایله اندلس عرب قوتنه غالب کلش و دولت عباسیه خراسانلیر ایله نصل تأیید و تحکیم ایدلمش ایسه کندیسیده بوقوه عسکریه ایله تأمین حاکمیت ایتمش ایدی .

#### اسلولر

امویلر ده صکره معیتلرینه اسلولردن طواشیلرده آلمغه باشلامشلردی . بر طاقم اسیر تاجرلری واسطه سیله اوروپانک ممالک شمالیه سندن جلب ایدیلهرک هر طرفه سوق و فروخت اولنان بو صنف کوله لرک تجارتی او دورلرده بیوک

بر رواج بولمىش ايدى . اسلاو قبائلى ( يعنى روسلر ) ايلك دورلرنده بحرياسه ايله طونه نهرينك شمال طرفلرني بر مدت مقرر مهاجرت اخاذ ايتدكن صكره بالآخره ( اسلاو ) ، ( صرپ ) ، ( بوهم ) ، ( دالمات ) وسائر ناملرني آلان متعدد قبائل شكندده اولدقلرى حالده اوروپانك اورتلرينه طوغرى مهاجرت ايتشلردى . بونلر اثنائى راهده كذكراهلرنده تصادف ايتدكلرى ساقسونلر ، هونلر وسائر اقوام ايله محاربهلر اجراسنه مجبور اولدقلرندن محاربات واقعه اوزرينه ايكي طرفك انه بر چوق اسير دوشمش ايدى . او عصرلره كوره حرب اسيرلرني كوله كبي صامق عادت ايدى . ايشته بوندى اسير تجارتي ظهور ايدرك برطاق اسير تاجرلى پيدا اولمىش ايدى . بونلر اللرنده كلتي مقدارلرده اسيرلر بولنديغى حالده فرانسه واسپانيا طريقيله آفريقايه كچرلر واورادنده مصر و شامه كيدرلردى . ممالك مذكوره اسلاملك قبضه استيلاسنه كچجه بوتجارت اورالده بيوك بر رواج بولمىش ايدى . فرنك وسائر ددن اولان اسير تاجرلى اسلاو وژرمنلردن اولان اسيرلر ( رن ) و ( آلپ ) وسائر كنارلرنده كائن آلمان ممالكندن وطونه وبحرياسه سواحلىدن مبايعه ايدرلردى . - غره - غوريه نلر ايله چركسلر بوكونه قدر چوققلرني امتعه تجاريه كبي فروخت ايتكدهدرلر . - اسير تاجرلى ذكور وائادن متشكل اولان ويوك بر كوزللكي حائز بولنان بو اسيرلر جهات مذكوره ددن مبايعه ايتدكن صكره انلرى عاداتاقويون سوريى كبي اوكلرينه قاتهرق فرانسهيه كتيرلرلر و بورادن اندلسيه نقل ايدرلردى . اسلاملر بونلر ذكورينى خدمتجيلك و يا عسكرلك ، اناقىده استفراش ايچون مبايعه ايلرلردى . على الاكثر بو اسيرلر اسلاولرجه ( سقلاو ) ، صورتنده تلفظ اولنان اسلاولره منسوب اولدقلرندن عربلر طرفندن بو كله ( صقلاب ) شكندده تعريب ايديلهرك انلره ( صقلابي ) و ( صقالبه ) نامى و يرلمىش بوتائير ايله بياض رنگلى عموم اسيرلر بونام ايله معروف اولمىش ايدى . مع هذا مشاراليه ( عبدالرحمن داخل ) اسلاولردن يك چوق آدم استخدام ايتماش ايدى . بونلر استخدا منه يك چوق ميل ايدن ذات مشاراليهك حفيدى اولوب ۱۸۰ . سنه سندن ۲۰۶ سنه سنه قدر موقع حكمداريدده بولنان ( حكم بن هشام ) ايدى . . مشاراليه معيته يك چوق كوله من آلهرق بيوك بر شان ونفوذ كوسترمش ايدى . اندلسده معاشلى اولهرق عسكر تنظيم ايدن ايلك حكمدارده بو ذات ايدى .



(حکم) ک ۵,۰۰۰ مقدارینہ بالغ اولان بو کوله من عسکرینہ لسانلری اجنبی اولمقدن طولای (خرس - دیلسزلر) نامی ویرلش ایدی . (حکم) دن صکره موقع حا کیمته کلن ملوک امویه بو کوله منلری دها چوق قولانمغه باشلایه رق ۳۰۰ سنه سندن ۳۵۰ سنه قدر موقع حا کیمته بولنان (عبدالرحمن ناصر) زماننده بونلرک مقداری پک زیاده بیومش ایدی. خلیفه عباسی (معتمم) ترکلری کندى معیتنه و عسکرلکنه نصل آلمش ایسه (عبدالرحمن) دخی اسلاوردن معیت مأمورینی و عسکر تشکیل ایتمش ایدی . امویلر اوروپا قطعه سنده اندلسده اعلان استقلال ایتدکلری حالده آسیا و آفریقاده بولنان سائر ممالک اسلامیہ فی فتح واستیلا ایتک فکرینہ دوشمدکلری جهتله ممالک سائرہ ایله علاقہلرینی کسدکن ماعدا اندلس اها لسنی ده ایضای فریضه ججدن منع باشلر ایدی. کندیلرندن رینک عباسیلرک نیجه انتقامنه کچمسندن قورقدلرندن طولای اثنای دور حا کیمتلرنده هیچ بر کیمسه یه حجه کیمکه مأذونیت ویرماملر دی [۱] . بو ممنوعیت دولت امویہ نک اندلسده انقضایله یرینه عربلرک غیرندن تکرار طوائف ملوک تأسس ایدنجه یه قدر دوام ایلش ایدی .

#### اندلسده طوائف ملوک

اندلس دولت امویہ سی اک پارلاق ، اک محتشم دوره اعتلاسنه ۳۵۰ سنه هجریه سنده وفات ایدن (عبدالرحمن ناصر) زماننده بالغ اولش ایدی . کنیدی عاقل وجوانمرد و دوره خلافتی اندلس ایچون باعث فیض ثروت اولان بو حکمدارک دور سلطنتی رفاهیت ، راحت و سعادت نقطه سندن (هارون الرشید) ک بغدادده کی دوره خلافتنه پک زیاده بکزه یوردی . مشارالیه دن صکره مقام حا کیمته کلن اوغلی (حکم) هارون الرشیدک اوغلی (مأمون) کبی معارف پرور بر ذات ایدی . ایشه بوا یکی حکمدار دورنده اندلس دولتی پک ششعه دار بر دور مدنیت و اعتلا کچیرمش ایدی . دولت شان ، شکوت ، سطوت ، ثروت ، انتظام و رفاهیت ایچنده یوزمکده ایدی . فقط حیفاکه بودور منقضی اولور اولماز دولت بر کرداب سقوط و انحطاطه دوشه رک ارکان دولت و عسکر دن متشکل بر طاقم ارباب استبدادک قبضه تحکم و ظلمنه کچمش

و بونلرك ظالمانه افعال و تعدياتی ايله كوندن كونه دها شديد برضعف و پریشانی یه طوغری کیتمش ایدی . بواركان دولت ايله عسکر اصلاً بربری و اسلاوردن متشکل ایدیلر . ترك عسکری بغداد دولت عباسیه سنی فصل انقراض و اضمحلاله طوغری سوروكله مشلر ايسه بو نلرده بو دولت اسلامیه یی ظلم و استبدادلریله عین مجرایه سوروكله یوب کوتور مشلردی .

اندلسده نفوذ حکومت امویلرك النده بولندقجه بتون شان و شرف ، بتون مناصب عالیه عربلرده ایدی . فقط بالآخره اسلاولر ايله بربریلر احراز تفوق ايله نفوذ حاکمیتی پنجه تحکم و استبدادلرینه آنجه عربلرك شان و شوکتلری تدریجاً زواله یوز طومش ایدی . نهایت ( حکم بن ناصر ) ك وزیرى ( ابن ابی عامر ) دردنچی عصر هجرینك صوکلرینه طوغری ( هشام بن حکم ) ك دوره سلطنتنده بتون نفوذ دولتی اله آلدیغی زمان عادتاً بنای دولتک تملی ییقمشدی . ( ابن ابی عامر ) رجال حکومتك برقمعی برطاق حيله و دسیسه لریله دیگر رجال دولته دشمن یابدقن صکره انلری یکدیگرینه قتل ایتدیرمش و وزرای خلیفه یی کورمکدن و کنديسنه معروضات ایصال ایتمکدن منع ایش ایدی .

اصلی یمن عربلرندن اولان بو آدم اختیار ایتدیکی شوحرکات غدارانه نك برعکس انتقامندن قورقدیغی جبهته حکمدارك سراینده بولان اسلاو عسکرینی اورادن بر حيله ايله چیقاردق پریشان ایتدیکی کبی عربلردن اولان عسکر ايله رجال دولتی هر درلوفوذ و تأثیردن اسقاط ایتمش ایدی . بونلرك یرینه آفریقانك زناته بربریلرندن آدم کتیره رك بتون نفوذی انلره تودیع ایتدیکندن اندلسده نه قدر عرب نفوذ و شوکتی قلمش ايسه ايشته بوتاریخدن اعتباراً بسبتون منکسر و زائل اولمش ایدی .

اندلس دولت اسلامیه سی بو صورتله کوندن کونه مضمحل و پریشان اولمقده ایکن نهایت علی الاکثر بربریلردن متشکل اولان والیر طرفندن دولت عباسیه دن دها سریع بر زمان طرفنده تقسیمه اوغرا دلش ایدی . دولت عباسیه نك تقسیمى ایچون دها زیاده زمان کچمسنه و بالعکس اندلس دولت امویه سنك دها سریع بر صورتله تقسیمه باعث اولان باشلیجه سبب حضرت نبی یه قرا بلرندن طولانی عباسیلرك صحت خلافتنه اعتقاد عمومی

اسلامینک وجودی وبالعکس امویلرک خلافتنه او اعتقادک ضعف وترددی ایدی. ایشته بونک نتیجه سنده اندلس دولت امویہ سی بشتجی عصر ہجرینک ابتدالرنده عرب ، بربری و آزادلیردن متشکل اولان رؤسای اطراف آردہ سنده تقسیم ایدیہرک ہر والی بولندیغی ولایتده اعلان استقلال ایتیش و او قوجہ مملکت



اونجی عصر میلادینک عرب مصنوعاتندن قیا بلورندن معمول برصراحی (لور موزہ سنده)

بر طاقم کوچک حکومتلره تحویل ایش ایدی . طوائف ملوک نامی آلان بو حکومتلرک مشہورلری بروجہ آتی کوسترلمشدر :

حکومتک اسمی	مملکتک اسمی	مدت حاکمیتی
بنی حمود	مالقہ والجزیرہ	۴۰۷ — ۴۴۹ هـ
» عباد	اشبیلہ	۴۱۴ — ۴۸۴

حکومتك اسمی	مملكتك اسمی	مدت حاکمیتی
بنی زیری	غرناطه	۴۰۳ — ۴۸۳ هـ
» جمهور	قرطبه	۴۲۲ — ۴۶۱
» ذوالنون	طلیطله	۴۲۷ — ۴۷۸
» عامر	بلنسیه	۴۱۲ — ۴۷۸
» هود و توجب	سرقوسه	۴۱۰ — ۵۳۶

دها اول کوسترلیدی اوزره بو حکومتلرک زمان حاکمیتی دوام ایدمه‌یه‌رک اولاً (مرابطین) ودها صکره (موحدین) دولترینک قبضه استیلالرینه دوشمشلر ایدی . مملکتده انقسامات سیاسی ، محاربات داخلیه توالی ایدیوردی . بواضممالل دوام ایتدجه اسپانیوللر امرای مسلمین آردسند حکمفرما اولان رقابت وعداوتک نتیجه طبعیه سی اولان ضعف و پریشانیدن استفاده دن خالی قالمیه رقی ممالکی بربرر اسلاملردن استردادده باشلامشلر ونهایت نه اسلاملردن ، نه ده حکومتلردن اثر بر اقامشلردی . فرنکلرک پنجه استردادینه دوشن اک صوکه مملکت (غرناطه) ایدی . بومملکت ۶۲۹ سنه هجریه سندن اعتباراً (یوسف بن نصر) ه منسوب (بنی نصر) خاندانی امراسنک دست حاکمیتلرند بولمش و بونلردن یکریمی بش ، اوتوز قدر ذات مقام حاکمیه کلش ایدی . اسپانیوللر ۸۹۷ سنه هجریه سنده بو خاندانک صوکنجیسی اولان (ابو عبدالله محمد بن علی) زماننده بومملکتی خاتمه فتوحات اولمق اوزره استرداد ایتدکلرندن مشار الیه طریق فراری اختیار ایتش و بو حاکمیتک ییقلمسی ایله اندلس قطعده سنده آرتق حاکمیت اسلامییه کاملاً خاتمه ویرلش ایدی .

### دولت فاطمیه

۲۹۷ سنه سندن ۵۷۷ سنه قدر

#### مغربده شیعیلک

شام امویلری ایله عباسیلر زماننده وبالخاصه (منصور) ، (رشید) ، (متوکل) ک دورلرنده کوردکلری تنکیلات خونریزانه اوزرینه ممالک اسلامییه نک اطراف بعیده سنه مهاجرت ایدن علویلردن (ادریس بن عبدالله بن حسن) غرب ، یعنی



فاس قطعه سنی مقر هجرت اتخاذ ایتش ایدی . ( ادريس ) ( منصور ) ك بیعتی احراز ایدن ( محمد بن عبدالله ) ك برادری ایدی . مشار الیه اول امرده عباسیلره تابع اولان مصره کلهرك اوراده خنیا بر طاقم شیعیلر ایله کوروشدکن صکره شیعی اولان پوسته واستخبارات رئیسك رفاقتیله رشیدك دور خلافتی اثناسنده مغربه واصل اولمش واوراده بولنان شیعیلر طرفندن کنیسنه مظاهرت و بیعت ایدلمسیله فاس قطعه سنده ۱۷۲ سنه سندن ۳۷۵ سنه قدر اجرای حاکمیت ایدن ( دولت ادريسيه ) یی تأسیس ایلش ایدی . مع هذا بودولت حکمدارلری کنیدیلرینه خلیفه نامتی ویرمامشلردی . شیعیلرک جدأ بیوک بر نفوذ واهمیت صاحبی اولملری ایسه آنجق دولت فاطمیه سایه سنده وقوع بولمش ایدی . بودولته ( فاطمیه ) اسمك ویرلمسی مؤسس و حکمدارلرینك حضرت فاطمه احفادندن اولملرندن نشأت ایلش ایدی . مؤسس ( عبیدالله مهدی ) یه نسبتله بودولته ( عبیدیه ) دخی اطلاق اولنور . اووقته قدر ، یعنی دردنجی عصر هجری اورتلرنده شیعیلر ( بنی بویه ) ملوکی سایه سنده شرقده دخی کنیدیلرینی کوسترمکه باشلامشلردی .

بوییلر بغداده استیلا ایتدکلری زمان دولت فاطمیه مغربده بیوک بر قوت احراز ایتش ، مصرک فتحنه عزم ایلش بولنیوردی . ( آل بویه ) ك شیعیلکه تمسکلری و عباسیلرک خلافتی اصل ارباب استحقاقندن غصب ایتش اولدقلرینه دائر اولان اعتقادلری تأثیری ایله بعض رجال دولت ( معز الدوله ) یه خلافتك فاطمیلره ویاخود علویلردن دیگر ذواته نقلی توصیه ایتش ایسه ده دیگر ی بوفکره اعتراض ایدرک ( معز الدوله ) یه : « بوطوغری دکلدر . بوکون خلافتك صحتی تسلیم ایتدیکك بر خلیفه ایله یاشایورسك . آدملریکه امر ایتسك انی اولدورمکده تردد ایتزلر . چونکه قتلی حرام کورمزلر . حال بوکه علویلردن برینی مقام خلافته کتیریر ایسهك انك خلافتنه کرک سن وکرک آدملرک قانع اوله جقسکز . خلیفه سنك قتلیکی امر ایدرسه اوزمان آدملرک سنی اولدیرمکده تردد ایتزلر » مطالعه سنی در میان ایتدیکندن ( معز الدوله ) بوکبی بر عزم مدن وازکچمش ایدی [۱] . هر حالده شیعیلک شرقده بودولت سایه سنده بیوک بر شان و شوکت اکتساب ایتش ایدی . بوییلر برچوق مراسم دینیة شیعیه یی واز جمله حضرت

(حسین) ك شهادتی مأتمنی اخطار ایدن اون محرم مراسمی احیا ایتدكدن ماعدا [۱] خطبه ده (عضدالدوله) نك اسمنی ذكر ایتمكه خلیفه بی اجارا ایشلردی. اسمی خطبه ده خلیفه نك اسمنه تردیف ایدیلن ایلک ذات (عضدالدوله) اولمش ایدی. بونك نتیجه سنده ترکر ایله دیلمیلر آرسنده بیوك بر رقابت حکمفرما اوله رق سنیلر ایله شیعیلر بینده بر چوق فتنه و فسادلر یول آلمش ایدی. ترکر سنیلکك، دیلمیلر و یا ایرانلر شیعیلکك ظهیری ایدیلر. ترکر شیعیلرک بعض مراسمنه و کندیلرینه بر قارشیلق اولق اوزره بغداد اهالیسنی بعض بیراملری بر طاقم احتفالات و مراسم ایله کچیرمكه مجبور ایشلردی [۲].

#### مصرده شیعیلک

شرقه بوصورته شیعیلکک ظهوریله نفوذ کسب ایتسی دولت فاطمیه یه مصرک فتحی و ( مهدیه ) ده بولسان مرکز خلافتک اورایه نقلی تسهیل ایش ایدی. ملوک فاطمیه نك نسبی مورخرجه مختلف فیه در. عباسیلره طرفدار اولانلر حضرت ( حسین بن علی ) یه اسناد اولنان سلسلهٔ تسبیلرینی بر نسب صحیح عد ایتورلر. فقط بزم فکر مزجه خاندان مشارالیه ک نسب علویسی صحیح اولسی مرجحدر. بوخصوصه حاصل اولان شبهلر عباسیلر طرفندن انلری اهمیتدن دوشورمك ایچون صرف اولنان مساعی نتیجه سی اولق اقتضا ایدر [۳].

مصرلر اسلامیتک ابدالرندن اعتباراً حضرت ( علی ) یه بیوك بر میل ایله مربوط اولشلر و حضرت ( عثمان ) ك حادثهٔ شهادتندن صکره جناب ( حیدر ) ك طرفدارلری کسلمشلردی. مع ذلك مصرلر ده صکره شیعهٔ علویه ایله هیچ بر رابطهٔ فعلیه ایله مربوط اولماشلردی. چونکه علویلر ایضاحات سابقه دن آکلاشلمدیغی اوزره اك اول عراق و فارس اهالیسنک مظاهرتنه مراجعت ایتشلر ایدی. ده صکره دولت عباسیه تأسس ایدوب ده ( منصور ) طرفندن علویلر تنکیل و ( محمد بن عبدالله ) قتل ایدیلنجه ( منصور ) ك تعقیباتندن قاچان علویلر دن اولق اوزره مقتولک برادر ی ( علی بن محمد بن عبدالله ) مصره ککش و بوراده خلقی کندی خلافتنه دعوت ایتمكه باشلامش ایسه ده [۴]

[۱] ابن الاثیر ۲۱۶ ج ۸ [۲] ابن الاثیر ۶۵ ج ۹ [۳] مقریزی ۴۲۹ ج ۱

[۴] مقریزی ۲۲۸ ج ۲

چوق چکمکسزین دردست اولنوب (منصور) ه کوتورلمش ودها صکره نه اولدینی معلوم اوله مامش ایدی .

بغدادده کی خلفانک شیعیلکه قارشی شدتلی ویا مسامحه کار طاوورانلمرینه کوره مصرده کی شیعه علویه ده کاه قوتلی ، کاه ضعیف اولیوردی . وقتا که شیعه دشمنی اولان (متوکل) مقام خلافته کلدی ، مصر والیسنه بر امرنامه یازده رق (ابو طالب) خاندانه منسوب نه قدرذوات وارایسه مصردن اخراجلرینی امر ایتمش ، والی ده ۲۳۶ تاریخنده بو امری اجرا ایش ایدی . مصردن اخراج اولنان علویلر اولا عراقه ، اورادن ده مدینه یه کوندرلمشلردی . مصرده قاله بیلن علویلر ایسه کوشه اختفایه چکلمکه مجبور اولمشلردی . چونکه (متوکل) ك والیرلی متبوعلرینک انظار توجهنی جلب ایتک ایچون شیعیلکه پک بیوک بر نفرت وعداوت کوسترده ك علویلری تعقیدن کیری طور مامشلردی .

روایت کوره عسکردن بری ضرب جزاسنی مستلزم بر جرم ارتکاب ایتدیکندن اوزمانک مصر والیسی بولنان (یزید بن عبدالله) عسکرک ضربنی امر ایتمش ایدی . مجرم والی یه : « حضرت (حسن) و (حسین) باشی ایچون ! » دیه رک یالوارمغه باشلا نجه احفاد حضرت نینک ذ کړندن حدت ایدن والی بالعکس اوتوز دکنک فضله اورلق صورتیله تشدید جزاسنه مسارعت ایش ایدی . فقط دها غیری شوکه کیفیت برید رئیس طرفدن خلیفه (متوکل) ه عرض اولنجه بو دفعه (متوکل) اولاد کریمه نجی یه التجا ایتدیکندن طولانی فضله طایاق بین عسکره یوز دکنک دها اورلمسنی امر ایتمش ایدی . خلیفه سنک بو حسیات کینپرورانه سندن جسارت آلان بو والی علویلر حقنده شدتلی تعقیباتده بولنه رق طرفدار صاحبی اولان بر علوی بی بتون عالمی خلقی ایله دردست وعراقه سوق ایتدیکی کبی طرفدارلرینی ده طایاق آلتنه آلمش ایدی .

دها صکره (متوکل) ك اوغلی (منتصر) ۲۴۷ سنه سنده مقام خلافته کلنجه علویلره کوی التزاماتی ویرلامسی ، علویلرک آتہ بیناملری ، فسطاطدن مصرک هیچ بر طرفه کیتملرینه مساعده ایدلامسی ، بر کوله دن فضله کوله صاحبی اولاملری و بر علوی ایله اهالیدن بری آردسند بر دعوی تحذیر ایدر ایسه خصمک بینه ودلیل ابرازینه مجبور اولقمسزین علوی علمینده کی ادعاسنک قبول

اولمسی لزومنه دائر والیسنه او امر مخصوصه کوندرمش ایدی. بونک نتیجه سنده علویلر پک بیوک حقسزلقلره ، اذی و نجفالره دوجار اولمشلردی .

اصلاً ترك اولان واعتقاد و مسلکجه خلیفه عباسی کبی حال و اطوارده بولنان ( احمد بن طولون ) ۲۵۴ سنه هجریه سنده مصرده کسب استقلال ایدنجه بودخی علویلره آثار خصومت کوستردک تحقیر و تنکیلارندن چکناامش ایدی . فقط مصرده ( بنی طولون ) حکومتی ایله بغدادده کی دولت عباسیه ضعیف دوشوبده ( آل بویه ) دولتی کسب نفوذ و قوت ایدنجه مصرده کی شیعیلر یواش یواش حیات و قوت کسب ایتمکه باشلامش و ملوک فاطمیه دن ( معزالدین الله ) ک اردوسی سچلیالی سردار ( جوهر ) ک قومانداسی آلتنده ۳۵۶ سنه سنده مصرک فتحه کلدیکی زمان شیعیلکی قبوله افکار عمومیه ده بر استمداد حاصل اولمش ایدی . بناءً علیه ( جوهر ) بیوک بر سهولت ایله مصری فتح ایدردک علویلر نامنه خطبه اوقومش و عباسیلرک سنجانی یرینه علویلره مخصوص رایت ظفری رکز و قاهره دی تأسیس ایتمش ایدی . اقدیدی ( معزالدین الله ) قاهره یه کله رک بورای مقرر سلطنت اتحاد ایاش ایدی .

مصرده اجرای حاکمیت ایدن فاطمی خلفانک عددی اونه بالغدر . بودولنک افریقیه ده تأسسندن اعتباراً مصرده انقضای حاکمیتیه قدر موقع اقتداره کلن خلفانک عددی ایسه اون درت اولوب حاکمیتاری ۲۹۷ سنه سندن ۵۶۷ سنه سنه قدر دوام ایتمش و بونلردن صکره مصر حکومتی ایوبی کردلره انتقال ایاش ایدی .

### دولت فاطمیه نك مسلك سیاسیه

دولت فاطمیه امور دینیهدن ماعدا دولت عباسیه نك طرز حکومت و اداره سنی تقلید ایدن سائر حکومت اسلامیه دن بری ایدی . یالکیز امور دینیه ده شیعی مذهبنی ترویج و خاندان علوییه منسوب اولان ذواتی بالخاصه حمایه و تعظیم ایتمش ایدی . ملوک فاطمیه دن ( عزیزالله ) ک وزیر ( یعقوب بن کلس ) ( معزالدین الله ) ایله اوغلی ( عزیزالله ) دن تلقی ایتدیکی احکام فقهیه دائر ( صحیح بخاری ) کتابنک نصف هجمنده بر فقه کتابنی تألیف ایاش ایدی که بوکتاب فرقه اسماعیلیه نك فقهنی احتوا ایتمکده ایدی . دولت فاطمیه بومذهبک



اسلاملر آرسنده انتشار و تعممی ایچون فوق العاده صرف مساعی ایتیش ایدی. حتی بالذات وزیر مومالیه فقها، فضاة وادبان متشکل بر حلقه تدریسده بو مذهبی طلبیه او قودوردی. دولت فاطمیهدده احکام فقهیه مرجع تشکیل ایدن وزیر کتانی قاهرده عمر و جامعهده صورت مخصوصده تدریس اولنیوردی. وزیر حلقه تدریسده دوام ایدن ۳۵ فقه معاشلر تخصیص ایدلش ایدی. بو فقهده احراز مهارت ایدنلره عطیهلر، مکافاتلر و یریلوردی. (جامع ازهر) ک یانی باشنده بو فقهده مخصوص بردارالتدریس انشا ایدلش ایدی. بورادن اجازتنامه آلانلر قاطرلره بیدیریلرک اعزاز و تلطیف اولنیوردی. علوم شیعیه ک تدریسی ایچون سرایلرده دخی بر طاقم مدرسلر تعیین ایدلش ایدی. هپ بو وسائط شیعیلک تقویه سی ایچون اختیار اولنش ایدی. چونکه ده اول بیان ایتدی کمز اوزره اسلامیتده دیانت ایله سیاست برلشمش اولدیغندن شیعیلک تقویه سی بودولتک حاکمیت مادیه سنی تقویه و تحکیم ایتک دیمک ایدی.

وزیر مومالیه فی الاصل یهودی ایکن اسلام اوله رق دولت مشارالیه ک خدمته کیرمش و ایضاحات آنه دن آکلاشلدیغی اوزره بودولتک تأیید حاکمیتی اوغورنده پک بیوک خدمتلرده بولنش ایدی. (یعقوب) خسته اولدیغی زمان خلیفه (عزیز بالله) کندیسنی زیارت ایدرک اکا: «حیاتکی قورتارمق ایچون بتون ملکمی فدا ایتمکه حاضرم» دیمش ایدی [۱]. خلیفه ک بو سوزی بو وزیرک دولته نه قدر بیوک براهیت صاحبی اولدیغنی کوستیرر.

بتون خلفای فاطمیهد کندی مذهبلیرنی نشر و تعمیم ایچون بویولی کمال اعتنا ایله تعقیب ایتشلردی. مشارالیه (عزیز) ایله (حاکم بامرالله) کتب شیعیه ک مطالعه و استتساخی ایچون قاهرده بر طاقم کتبخانه لر، دارالاستنساخلر تأسیس ایتدکلری کبی [۲] ۴۱۱ سنه سنده مقام خلافت ک کلن (ظاهر) دخی فقه شیعی بی تأیید ایتک مقصدیله مصرده نه قدر سائر مذاهب فقهاسی واریسه جله سنی مذکور قطعه دن اخراج و اجلا ایلش ایدی. (دعائم الاسلام) کتبی ایله (مختصر الوزیر) کتبی حفظ ایدنلره بر مکافات تقدیه تعیین ایدلش ایدی [۳]. دولت فاطمیهد ک میرائلره متعلق احکام فقهیه سنه کوره میراث ذوی الارحامه انتقال ایتدیکندن بر آدمک بر قیزیندن بشقه وارثی بولماز ایسه میراث بو قیزه

[۱] ابن الاثیر ۳۲ ج ۹ [۲] کتاب عزک اوچنچی جلدی [۳] مقریزی ۳۳۵ ج ۱


عائذ اولور [۱]. بو قاعده فاطمیلرک خلافته حق وراثتلی نتیجہ سی ایدی . چونکہ کریمهؑ نبی حضرت فاطمیہ یه منسوب ایدیلر . حضرت فاطمه ایسه میراث پیغمبریده یکانه وارث ایدی .

### دولت فاطمیہ نك كچيرديكي دورلر

دولت فاطمیہ دولت عباسیہ نك كچيرديكي دورلر مشابه اوچ دور کچیرمش ایدی . دولت عباسیہ ده تأثیر و نفوذ اک اول عربلر ایله ایرانلیلر آراسنده مشترک ایکن دها صکره ایرانلیلر و متعاقباً ترکرلر نصل انتقال ایتمش ایسه عربلر ایله بربریلرک همتی ایله تأسیس اولنان دولت فاطمیہ ده دخی نفوذ و حاکمیت ابتدالرده عربلر ایله بربریلر آره سنده مشترک اوله رق بر مدت دوام ایتدیکی حالده بالاخره بربریلر و بونلردن ده ترکرلر کچمش ایدی .

آفریقای شمالیده مقیم و عربلر کبی بر چوق قبائلدن متشکل اولان بربریلر جنک آور عناصردن ایدیلر . ایرانلیلر شیعه یه شرقد نصل مظاهرت ایتشلر ایسه بونلرده غربده شیعیلر مظاهرت ایتشلردی . اسلاملر بونلری دائره اطاعته آنجه یه قدر پک چوق مشاق و مشکلاته اوغرامشلردی . بربریلر اون ایکی دفعه ترک اسلامیت ایتشلر و هر دفعه سنده اسلاملر هجوم ایتشلردی . بونلرک اسلامیتی آنجق برنجی عصری هجری اواخرنده (موسی بن نصیر) زماننده پایدار اولمش ایدی . عرب اولمیانلر حقنده فرط تعصبلردن طولانی امویلر علیهنده عمومی برکین حاصل اولدینی زمان بربریلر امویلر اعلان عصیان ایله طلب انتقام ایدن اقوام صرهنه کچمشلردی . دولت امویہ نك انقراض و زوالی بونلری نمون ایتمش ایسه ده بونام ایله بر دولتک اندلسده تکرار تشکلی کندیلرینی دلکیر ایش ایدی . بناءً علیه اندلسده دولت امویہ نك تشکلی اوزرینه محضا ملیتپرستلکینه بر ضربه انتقام اولق اوزره امویلرک پاره سی ایله کچینلردن ماعدا بتون بربریلر اسلامیتی براقه رق خرسیتانلغی قبول ایتشلردی . امویلرک بونکله برابر شوراسنی اعتراف ایتلی درکه هندستان و چینه قدر آسیانک اورتلرنده اسلامیتک انتشارینه ترکرلر طرفندن نصل بیوک همتلر صرف اولمش ایسه آفریقا قطعه سنک اورتلرنده اسلامیتک انتشاری ده بربریلرک همتی ایله

وقوع بولمیش ایدی . چونکہ بربریلر اسلامیتی صورت قطعیمده قبول ایتدکدن  
صکره ملکیتارینک ماوراسنده آفریقای غریبیده فتوحاته قویولدقلرندن بو  
فتوحات اثناسنده اورالرده اسلامیتی نشر ایشلردی .



قاهرده برونز دن معمول اسکی برجامع قندیلی

دولت فاطمیه مغربده حکمران اولدقجه عموم بربریلر وبالخاصه (کتامه) ،  
( صنهاجه ) ، (هواره) قبائلی اکا مظاهرت ایتمکده ایدیلر . بونلر اوچنجی عصر  
هجری اواخرنده (عیدالله مهدی ) طرفندن دولت فاطمیه نك تأسیسنه تشبث

اولدینی زماندن اعتباراً بودولتک اک بیوک ظهیرلری ایدیلر . مشار الیه ۲۹۷ سنه هجریه سنده دولتی تأسیس وتحکیم ایدنجه اکمهم مناصب حکومتی بربریلره تفویض ایتمش ایدی . بربریلر ۲۲۲ سنه سنده موقع حاکمیته کلن مشار الیهک اوغلی ( قائم بامرالله ) ایله ده صکره ۳۳۴ سنه سنده جالس سریر سلطنت اولان ( منصور بنصرالله ) و ۳۴۱ سنه سنده مقام خلافت کلن ( معزالدین الله ) دورلرنده دخی دولتک اکمهم مأموریتلری اشغالده دوام ایدرک دولت فاطمیهک بتون مغرب قطعه سنی استیلا ایتسنه وعباسیلره اورالده هیچ بر حاکمیت بر اقلمامسنه معاونت ایشلردی . فاطمیلر سالف الذکر ( معزالدین الله ) دورنده مصر قطعه سنی فتح و قاهره دی تأسیس ایدرک پایتخلری بو یکی شهره نقل ایشلردر .

۳۶۵ سنه هجریه سنده زمام سلطنت (معز) ک اوغلی (عزیز بالله) ه انتقال ایدنجه بوذات عباسیلری تقلید ایتک ایسته یه رک ترک و دیلمیلردن بر چوق آدم طویلامش وانلری ترقی ایتدیردرک معیت خاصه سنه آلمش ایدی . احتمال که مشار الیه بربریلردن قورقدینی ایچون بو واسطه یه مراجعه لزوم کورمش ایدی . آنجق چوق زمان کچمدن بربریلر ایله ترکلر آره سنده بیوک بر رقابت ، بیوک بر حسدکارلق حکمفرما اوله رق (عزیز بالله) ک وفاتنه قدر دوام ایتمش ایسه ده مشار الیه دن صکره مقام سلطنته کلن ( حاکم بامرالله ) بربریلرک دولته ایفا ایتدکاری حسن خدمتلی نظر اعتباره آله رق انلری کنديسنه تقریب ومناصب دولتی تکرار انلره تودیع ایتمش ایدی . بربریلر بربری اولان ( ابن عمار کتاشی ) نک کنديلیته رئیس تعیین ایدلمسنی طلب ایتدکلرندن مومالیه دولت مذکورده نک مناصبه کوره وزارتیه معادل عدایدیلن (وساطت) مقامنه تعیین ایدلمش ایدی . فقط چوق کچمدن بربریلر ( ابن عمار ) ی ترک ایدرک مناصب عالیه اشغالنه هوسکار ( برجوان ) نامنده اصلی سچلیالی بر رئیس لرینک اطرافنده طویلانمشلردی . ( برجوان ) بربریلر ایله ( ابن عمار ) ک آره لرینی بوزهرق بریکنک منصب واسطی بزاقوب بر طرفه چکلمه سنه چالیشدقن صکره کنديسی بومقامه کچمش فقط مقام اقتداره کلیر کلز بربریلر یینه ترکلر ایله دیلیلری ایلری سوردرک انلری سرای خلافتده کی مأموریتلره تعیین ایش ایدی . ( حاکم ) نصلسه ابن عمار ی قتل ایتکی قوردیغندن کرک مومالیهی وکرک پدر و بیوک پدرینک رجال حکومتندن



بر چوقلرینی اعدام ایتدیرمش و بونک نتیجه سنده ترکار کسب قوت ایتدکاری.  
حالد بر بریلر بالعکس ضعیف و پریشان دوشمشلردی .

(حاکم) ک وفاتندن صکره ۴۱۱ سنه هجریه سنده مقام سلطنته کلن اوغلی  
(ظاهر اعزاز دین الله) ذوق و صفایه ، سفاقت و اسرافه پک زیاده میل ایتمکه .  
برابر ترکاره و عموم شرق اهلایسنه دها زیاده التفات و توجه کوستردیکندن .  
بر بریلرک ضعف و پریشانیسی بودورده بر قات دها آتمش ایدی . والدہسی .  
سیاه بر جاریه اولان (مستظهر) ظاهر دن صکره ۴۲۷ سنه سنده کرسی خلافتہ  
جالس اولنجه بونک والدہسی هم جنسی اولان زنجیلردن معیتہ بر چوق آدم  
آلہرق اطرافندہ بیک قدر سیاهی طوپلامش ایدی . دیگر طرفدن اوغلی ده  
معیتہ ترکلردن بر چوق آدم آلدیغندن دولتک عسکری بری ترک ، دیکری  
سیاهی اولمق اوزره یکدیگریه رقیب و دشمن ایکی بیوک فرقیه آیرلمش ایدی .  
هر فرقه نفوذ حکومتی یالکز کندی نفسنه حصر ایتک ایستدیکی ایچون  
آرالرنده کی رقابت کوندن کونه کسب شدت ایلہرک بیوک بر اختلال عسکرینک  
ظہورینہ باعث اولمش ایدی . بو اختلال اثناسندہ خلیفہ تسکین شورشہ مقتدر  
اولہ مدیغندن شام قطعہ سندن امداد طلب ایتمش و بونک اوزرینہ اصلی ارمنی  
اولان امیرالجیوش ( بدرالجالی ) سوریه دن مصرہ کلہرک بتون رجال حکومتی  
قتل ایتدکدن صکره مصرده ارمنیلردن عسکر تشکیل ایش ایدی . بوتاریخدن  
اعتباراً مصر عسکری علی الاکثر ارمنیلردن متشکل بولنوردی . بر بریلر ایسه  
نفوذلرینی بسبتون غائب ایدرک عادی رعایادرکسنه دوشمشلر وابتدالردہ دولتک  
اعاظم رجالی والک بیوک مظاهری اولمق اوزره کجینیرلرکن بودوردن اعتباراً  
موقع حاکمیتده هیچ بر تأثیرلری قلامش ایدی [۱] .

بودورلر اثناسندہ سلچوقیلر عراق و فارس قطعہلرینی قبضه تسخیرلرینہ  
آلمش ، آل بویه دولتی منقرض اولمش ، اورالردہ شیعیلر ضعیف دوشمش ،  
سلچوقیلر کولہ منلری و قوماندانلری اولان آتا بکلری ولایتلره والی تعین  
ایتدکدن صکره بونلرده برر برر اعلان استقلال ایش بولنیوردی . شامده  
او آتا بکلردن اولان (نورالدین زنگی) اجرای حکومت ایدیوردی . مشارالیهک  
معیتده بولنان بر قاچ جنک آور کردلردن اولمق اوزره (نجم الدین ایوب) ،

وبرادری ( اسدالدين شيركوه ) ناملرنده ايكي قوماندان وار ایدی كه بونلر اقتدار وشجاعترلیه آتا بكك زرنده الیوكسك مقاملری اشغال ایتكده ایدیلر . مصرده کی خلافت فاطمیه او ائشاده ، یعنی ۵۵۵ سنه سنده غایت تدبیرسز ، اقتدارسز اولان ( عاضد بن یوسف ) د انتقال ایتدیكندن خایفه نك شو ضعف واقتدارسز لیکندن استفاده ایدن وزرا نفوذ حاکمیتده یکدیگرینه رقیب کسپلهر ك مملکتی بسبتون تخریب ایتدکاری حالده خلیفه بوکا قارشی بر شی یامغه مقتدر اوله میوردی .


بووزرا جمله سندن ایکن رقیبلرینه قارشی طورده میهرق موقع وننوذنی رتب ایدن ( شاور ) اسمنده بر وزیر امداد ومعاونت طلب ایتك اوزره ( نورالدين زنکی ) یه بالائتجا خصمی اولان دیگر بروزیرك علیهنده مظاهرتی استرحام ایش ایدی . ( نورالدين زنکی ) وزیرك بواللتجاسنی بتون مصر قطعه سنی قبضه نسخرینه دوشورمك ایچون بر فرصت عد ایلهدیكندن امداد اولمق اوزره ( اسدالدين شيركوه ) ك قومانداسنده كوله منلردن متشکل بر قوه عسکریه ویردك بو سایه ده وزارتق ( شاور ) د استرداد ایتدیرمش وتكرار موقع وزارتته كلن ( شاور ) مصرك ثلث خراجنی ( نورالدين ) د ویرمكه باشلامش ایدی .


'ووقته قدر اهل صلیب محارباتی بك شدتلی بر شکل آلمش بولنیوردی . بو محاربات ( نورالدين ) ك مصرك امور و خصوصاتنه دها زیاده مداخله سنه خدمت ایتش ایدی . ( نورالدين ) ك مصرده کی وکیلی ( شيركوه ) ایدی . بونك برادر زاده سی اولان و ( صلاحالدين ایوبی ) نامیله دها صكره بیوك بر شهرت آلان ( یوسف بن نجمالدين ) عمجه سنك رفاقنده بولمقده ایدی . بناءً علیه ۵۶۴ سنه هجریه سنده ( شيركوه ) مصرده وفات ایدنجه منصب نیابته ( صلاحالدين ) كچمش ایدی .

مراتب عالییه میال بر فطرت خارقه ایله مفطور اولان ( صلاحالدين ) وزارت مقامنه معادل بولنان نیابت موقعنه كچوب ده خلیفه نك اداره امور دولته کی ضعف وعجزینی کورنجه مصر قطعه سنی امیری ( نورالدين ) د دكل ، کندی نسنه تابع بر حکومت یامغه عزم ایتش ایدی . بناءً علیه ( عاضد ) وفات ایدر ایتز ( صلاحالدين ) همان زمان حکومتی اله آله رق قاهرده خلیفه

عباسی نامنہ خطبہ او قومش ، مصر حکومتک مذهب رسمینى ده شیعيلکدن سنيلکک تحویل ايتش ایدی . اهل صلیب احوالی اوصردلرده بیوک بر اهمیت کسب ایتش ایدی . ( صلاح الدین ) بونلره قارشى تاریخک اک مهم صحائفه کچن بر چوق پارلاق محارباتده بولنه رق تجاوزلرینى دفع ایتش وقسى اللرندن الهرق شام وسائرديه توسيع حاکمیت ايتش ایدی . مشار اليهک تأسيس ايتديكى دولت ايوبيه جنساً کرد ومذهباً سنى ایدی . بونلرک زماننده مصر قطعسى عباسيلرک يالکز حاکمیت دینه سنه عودت ایتش ایدی .

کرك ( صلاح الدین ) ، كرك دها صکره كندى اقرباسندن موقع اقتداره کلنلر اودورده نجارى اولان عادت وجه ايله عسکرلرک پک چوق ترك وچرکس آلدقلرندن مقدارلرى كوندن كونه چوغالان بو عنصرلر نهايت نفوذ حكومتى اله الهرق سلطنته كوز ديكمشلردى . دولت ايوبيه ضعيف وپريشان دوشونجه بونلر اعلان استقلال ايتشلر وكوله من دولتلرى نامنى آلان ايکى حكومت تشكيل ايتشلردى . برينه ( ممالیک بحريه ) ، ديكرينه ( ممالیک برجه ) ناملرى ويريلن بو ايکى دولتك برنجيسى ۶۴۸ سنه سندن ۷۹۲ سنه سنه قدر وديکرى ۷۸۴ سنه سندن ۹۲۳ سنه سنه قدر اجراى سلطنت ایتش ایدی . هرايکيسى بغدادده مقيم خليفه عباسينک حاکمیت دینه سنه تابع ایدی . تاتارلر ۶۵۶ سنه هجريه سنده بغدادده استيلا ايله خليفه عباسى ( مستعصم ) ى قتل ايدنجه عباسيلردن برحیات قالانلر بغداد دن فرار و سلاطين ممالیک بحريه دن ( ظاهر بيبرس ) ك دور حاکمیتده مصره التجا ايدرك سلطان سليمک مواصلته قدر اوراده قالمشلردى .





# مُغُولُ ، یَلْخُ نَابَا رُفُك

## مملکت اسلامیہ نك اضمحلالی

۶۰۳ سنه سنده چنکیز خاںک ظهورندن ۸۰۷ سنه سنده  
تیمورلنک وفاتنه قدر

آلتنجی عصر هجرینک انقضا سنه قدر مملکت اسلامیہ آرتق کاملاً انقسامه . اوغرامش ایدی . خلافت عباسیه دخی اطرافده کال استقلال ایله اجرای حاکمیت ایدن ملوک ، سلاطین و امرانک تأیید حاکمیتلرینه معنوی بر خدمت ایفا ایتک ایچون اسماً ابقا ایدلش ایدی . یوقسه حد ذاتنده او قدر ضعیف دوشمش ایدی که او یله بر منفعت نامنه طوائف ملوک طرفندن ابقا سنه معاونت ایدلمسه ایدی کندی کندی نه طوره بیهجک قدرته مالک دکدی . مملکت واسعةً اسلامیہ اوچ ملتک دست حاکمیتده بولنیور ایدی . صانکه بونلر او قوجه مملکتی آرهلرنده تقسیم ایتشلردی . انلردن برنجیسی شرقده ترک سلجوقیلری ایله قوماندانلری ، ایکنجیسی مصر و شام قطعه لرنده کرد ایوبیلری ، اوچنجیسی ایسه مغرب و اندلسده بربریلر ( دولت موحدین ) ایدی . یمن و سائرده برطاقم اوافق امارتلردن ماعدا عربلرک هیچ بر نفوذ سیاسیلری قالمش ایدی . دولت اسلامیہ نك حدودده بولنان دشمنلری ممالک اسلامیہ ده حکم فرما اولان بو انقسامات سیاسیہ یی ، بو ضعف و پریشانی یی کورنجه شمال ، غرب و شرقدن همان اوزرینه هجوم ایتشلردی . نهب و غارت ایچون ممالک اسلامیہ یه شمالدن تجاوز ایدن کرگیلر ایله ارمنیلر و آلانلر چوق دفعه اون بیکلرجه جنک آوردن متشکل بیوک برقوت ایله اذربایجان ایله جوار اولان سائر ممالکی . کسوب ییچهرک دهها اول عربلر ابتدای دولتلرنده یاپدقلری کبی کندی مملکتلرینه بر چوق اموال غنائم ایله برابر تیغ غدارانه لر یله مقتول اولانلردن .



ماعداءون بیکی متجاور اسلام اسیری ایله عودت ایلرلردی [۱] . مع هذا  
 یو اقوام ممالك اسلامیةك هیچ بر طرفنده حقیقی فتوحات اجراسیله حکومت  
 تشکیکنه اثبات ایتامشلردی .

غرب طرفندن ایسه اهل صلیب اولان اوروپالیر مقبر عیسائی اله کچیرمک  
 کچی بر مقصد دخی ایله مهاجمانده بولنمشلردی . بونلر ممالك اسلامیةنی فتح  
 واستملاک ایتک ایستیورلردی . اهل صلیب برمدت فلسطین ایله سوریةك برقسمنه  
 وقده استیلا ایتشلر ایسده آرملرنده حاصل اولان اختلاف ونفلقدن طولای  
 ده ایلری یه کیده مامشلردی . یوقسه اتفاق ایله حرکت ایتسهلردی سائرلری ده  
 فتح ایلیه جکلردی . اوصرده ( صلاح الدین ایوبی ) مشهور اولان شجاعت  
 واقدامی ، ذکا ودهاسی ، حسن تدبیر واداره سیله صلیبیونك اوکنه حقیقه رق  
 انلری مغلوب واللرنده بولنان ممالکی استرداد ایتش و ۵۸۳ سنه سنده انلری  
 قدسندنده اخراج ایلش ایدی . صلیبیون بوتاریخنن اعتباراً هیچ بر قوت  
 وتأثیر کوسترمامشلردی .

ممالك اسلامیة شرقندنده تاتار ویا مغوللرک طغیان استیلا ووحشتلرینه  
 معروض اولمش ایدی . حال بداوتده قوت بدنه و اوصاف جنک آوارانه یه مالمک  
 اولان مغول قبائی ( چنگیز خان ) کچی ظالم وخونریز بر قوماندانک معیتده  
 اولدقلری حالده یدنجی عصرهجری ابتدالرنده آسیانک اورتلرندن ممالك اسلامیةیه  
 هجوم ایدرک مملکتک اقصای حدود شرقیه سندن عراق قطع سدنک حدود  
 غربیه سنه قدر هریری آلقانه بویامشلر ، هرطرفنی بر خرابه زاره چورمشلردی .  
 او ائناده ممالك اسلامیة ارباب طغیانک صولت فاتحانه لرینی قیره بیله جنک  
 ( صلاح الدین ) کچی بیوک آدملردن خالی ایدی . ( چنگیزخان ) هندستان  
 وچیندن دخی بر چوق ممالك فتح ایتش وتشکیل ایتدیکی مملکتک وسعتی  
 ۴۰۰,۰۰۰ میل مربعه بالغ اولمش ایدی .

### مغوللر

سیریانک جنوبنده ( باقال ) کولنک اطرافنده مقیم تاتار قبائلندن بری  
 "اولان مغوللرک تاریخی صوک درجه مجهول ومبهمدر . مغوللر ( چنگیز خان ) ک

طغیانہ قدر عالم مدینتدن بعید قالان او مملکتلرده سائر قبائل بدویہ کی غزو و غارت ، صید و شکار ایله وقت کچیردکلرندن شایان اهمیت هیچ بر وارلق کوسترمه مامشلردی . حتی ( چنکیز خان ) ک زماننده دخی بونلرک مقدارلری ۴۰,۰۰۰ چادردن عبارتدی . هر چادرده حد اعظم اولمق اوزره اون نفوس بولندیغنی فرض ایتسه ک بیلہ انلرک مقدار ی ۴۰۰,۰۰۰ دن فضلہ طومار . ایشته ( چنکیز خان ) مغول بدویلرندن مقدارلری بو قدر آز اولان بر خلق ایله جوارده بولنان ممالک معموره یه طغیان ایدرک ده اول عربلر جزیره العربدن اطرافه نصل انتشار و اون بش ، یکر می سنه ظرفنده روم و فارس ممالکنه نصل استیلا ایتشلر ایسه بونلرده اوله آز بر زمانده او ممالک معموره یه قبضه استیلا و تسخیرلرینه کچیرمشلردی . هر ایکی حالده بداوت مظفر اولمشدی . چونکه اسلامیتک ظهوری صرملرنده روملر و ایرانلیلر نصل مدینتک رفاهیت و راحتنه قاپیله رق نفاق و شقاقه دو شمشلر ایسه اسلاملرده ( چنکیز ) ک ظهوری زمانلرنده اوله جه آرایش مدینته قاپش و اختلافات و انقساماته اوغرامشلردی . معلوم اولدیغنی اوزره تاریخ بر تکرردن بشقه بر شی دکلدر .

چنکیز خان — چنکیز خانک پدری تاتار خانان اعظمه تابع اون اوچ قبیله نك امیری ایدی . ۵۴۸ سنه هجریه سننده تولد ایدن چنکیز خان ( تموجین ) نامی ویرلمش ایدی . بو تاریخدن اون درت سنه صکره پدری وفات ایتدیکندن زیر اداره سننده بولان قبائل امارتی اله کچیرمک فکریله ( تموجین ) ی صغر سندن طولای هیچ صایه رق طریق تمرده صاپمشلردی . ( تموجین ) کوچک یاشنده بیلہ جسور و خوزیز بر مخلوق ایدی . تمرده واقی کورور کورمز درحال آدملرینی طوبیلا دی ، متمرذلری مغلوب وامرینه منقاد ایلدی . بوايک موفقیت اوزرینه هر کس کندیسندن قورقغه باشلامشدی . مع هذا ( تموجین ) خانان اعظمک امدادندن مستغنی اوله مامش ایدی . خانانک معاوتیلہ پدرینک موتغنی احراز ایلدکن صکره خانانک قیزی ایله ازدواج ایتدی .

دوره صباوتی اسب سوارلق ، تیراندازلق ، هر نوع جنگ آورلکده ممارسه ایله کچیرمش اولان ( تموجین ) اساساً قوه بدنیه مالک ، جسور ، آچلق ، صوسزلق ، صغوق و سائر مشاق و متاعبه متحمل بر مخلوق ایدی . عین اعتیاداته آلیشمش اولان آدملری کندیسنه بیوک بر صداقله منقاد اولمشلردی .

(تموجین) ك خاقان اعظم قیزی ایله ازدواج و دیگر امرانك فوقدمه بر موقع احراز ایتمی سائر مغول امراسیله رجال دولتنك نظر حسدلیری جلب ایتدی . (تموجین) بونی حس ایدرك امرأ و رجال دولت ایله خاقانك آرمه سی بوزمغه موفق اولدیغندن امرأ خاقانه قارشى اعلان عصیان ایلدیلر . خاقان امرایه قارشى مغلوب دوشمكه (تموجین) قائن پدرینك امدادینه یتشهرك



چین - عرب طرزنده برونزدن معمول پروازو

پیشان اولان تاج و تختی تکرار کنیسنه اعاده ایلدی . (تموجین) خاقانك دشمنلرینه قارشى فوق العاده وحشت و خونریزك استعمال ایتشدی . یتش قدرینی قاینار صو قازانلرینه دیری دیری آتهرق اتلاف ایلدی . بوافعال وحشت و خونریزانه قائن پدرینی کنیسندن اورکو یتش ایدی . (تموجین) بو حالی حس

ایدنجه کوزللك ايله تلافی ایتمک ایستدی . آنجق بویولده واقع اولان مساعی  
منتج موفقیت اوله مدی . آرده کی اختلاف طرفین بینده محاربه یه منجر اولدی .  
نتیجه ده ( تموجین ) غالب کله رک مغول کرسی سلطنته جلوس ایتدی .

( تموجین ) ده صکره اجرا ایتدیکی بر قاچ محاربه ده احراز مظفریت  
ایلدیکدن مغول امراسی آرهنده بیوک بر نفوذ کسب ایتدی . امرای مغولستانده  
( سلانغا Selenga ) نهری کنارنده عمومی بر اجتماع عقد ایدرک حکمدار لغنی  
آلغیشلادیلر . ( تموجین ) بو اجتماعده غایت بلیغ بر نطق ایراد ایتدکن صکره  
سیاه بر کچه اوزرنده اوطوره رق امرانک تبریکاتی قبول ایتدی . بوکجه او آندن  
اعتباراً مغوللرجه آثار مقدسه دن صاییلدی . بو اجتماع ائناسنده ارباب نفوذدن  
صلاح حال ايله مشهور بر آدم ( تموجین ) ه کله رک شو خطابده بولندی :  
« حکمدار ! نه قدر قوتلی اولورسه ک اول ، بو قوت اللهک بر اثر احسانیدر .  
الله سنک یاردیمچیک اوله جق وهر ایشده سکا موفقیت بخش ایده جکدر . صاقین  
افراط ايله حرکت ایتمه . الکده کی سلطنتی سوء استعمال ایدرسه ک شو سیاه  
کچه کی اولورسک . آدملرکده اطرافکدن طاغیلوریر لر » . ( تموجین ) ه خطاباً  
توجیه اولنان بو سوزلرده کی حریت و جرأت بداوتکارانه عربلرک اوائل  
اسلامده خلفا و امرالینه قارشی وقوع بولان سرستی و جرأتلرینه پک زیاده  
مشابه در . بو اجتماعده مغوللرجه کرامت و قدسیت صاحبی عد ایدیلن بر اختیار  
اوزرنده البسه اولمدیغی حالد ( تموجین ) ک حضورینه کله رک امرایه خطاباً  
شو سوزلرده بولمش ایدی : « قاردشیر ! رویامده کوکلر اللهنک ، عرش  
آتشین اوزرنده جالس اوله رق مخلوقاتندن حساب صوردیغنی ، بتون جهانک  
افندیمز ( تموجین ) ه تابع اولسنی فرمان و ( تموجین ) ه . ( چنکیز خان )  
یعنی حکمدار عمومی نامنی اطلاق بیوردیغنی کورر کی اولدم » . ایشته بو  
تاریخدن اعتباراً ( چنکیز خان ) بو اسم ايله معروف اولدی .

( چنکیز خان ) دولتی تحکیم و تقویه و عسکرینی کوزلجه تنظیم و تحشید  
ایتدکن صکره جهانگیرلکی کوزه آله رق اولای چیندن باشلادی . چین  
ایمپراطوری مغوللردن سنوی بر ویرکی آلیوردی . ( چنکیز خان ) قوت  
و نفوذ پیدا ایدنجه بو ویرکی کی کسمش ایدی . ویرکینک اعطاسنی کسمک  
اعلان حرب ایتمک دیمک ایدی . ( چنکیز خان ) معیتده کی اردو ايله چین



ممالکنه هجوم و مشهور چین سوری مروور ایدہرک اوکنہ کلن خلقی قتل و تنکیل و ماللرینی نہب و ایغما ایلدی . اوصردده جهانک اک مترقی ملنی اولان چینلیلر یونانیلرک عربلره قارشى استعمال ایتدکلری یونان آتشی بوطیغانه قارشى استعمال ایتدکلری کبی خیلی عصرلر صکره اوروپالیرک نظر اطلاعلرینه واران بارود طولو کوللہ لردہ قوللانڈیلر ایسده مغوللرک ایلر یلہ لرینی منع ایدہ مدیلر . ( چنکیز خان ) قتل و تالانکرلرک لکھ پکینہ واردق چین پایتختنی تسخیر ایتدیکی کبی چینک بتون شمال طرفلرینی قبضہ فاتحانہ سنہ کچیردی . فتوحات واقعه بوخونریز جهانکیرہ جسارت و یردی . بوسفر پای تجاوزینی غربہ طوغری ، یعنی ممالک اسلامیه توجیه ایتدی .

ممالک اسلامیه او ائنادہ دها اول ذکر ایتدیکمز ضعف و اضمحلال ایچندہ یووارلانیور و کرد ، ترک ، ایرانلی برطاقم حکوماتہ منقسم بولنیور ایدی . قربی جہتیلہ مغوللرک ایلاک حملہ تجاوزلرینہ معروض اولان قطعہ ایسہ ساجوقیلردن ( علاءالدین خوارزمشاه ) ک تحت حاکمیتندہ بولنان خوارزم مملکتی ایدی . مشار الہک حاکمیتی صوک زمان سلطنتہ طوغری عراق عجمینک قسم اعظمی ایلہ سجستان ، کرمان ، طبرستان ، جرجان ، جبال قطعہ سی ، خراسان ، فارس ، ماوراء النہرہ و افغانسان ایلہ ہندستانک برر قسملرینہ قدر توسع و امتداد ایتمش ایدی . پایتخت سلطنت ( خوارزم ) ایدی . علاءالدینہ ( خوارزمشاه ) اطلاقیہ بوسنیہ بناء ایدی . ایشته ( چنکیز خان ) معیتندہ ۷۰۰,۰۰۰ موجوددن متشکل براردو ایلہ ترکستان و ماوراسنی کسوب یچہرک قتل و نہبہہ تویلری اورپردہ جک افعول وحشتکارانہ ارتکاب ایاشدی .

( چنکیز ) ک بوافعال خونریزانہی ارتکاب ایتسنہ باعث اولان اسبابدن اولوق اوزرہ بوفاتح خونخوار اردوسی ایلہ برابر ترکستانہ واصل اولدینی زمان کندینسہ ملبوسات مبیاعہ سی ایچون برطاقم ترک تاجرلرینی برچوق اموال و آلتونلری حاملہ ترکستان شہرلرندن ( سمرقند ) و ( بخارا ) یہ کوندرمش ایدی . بوتجار قافلہ سی خوارزمشاهہ تابع ممالکک متہاسندہ بولنان ( اترار ) شہرینہ وارانجہ خوارزمشاهک اورادہ کی وکیلی بونلرک مواصلتلیلہ حامل اولدقلری باردلر حقندہ متبوعنہ معلومات ویزیر . ( خوارزمشاه ) بوآدملرک

قتلارنى واللىرى بولغان آلتون واموالك مصادره سيله كنديسنه ارسالى امر ايدر . وكيل تلقى ايتدىكى امره امثالاً تاجرلى قتل واموال واشىيانى خوارزمشاهه ارسال ايلر . خوارزمشاه بونلرى كنديسنه عائد بر مال مشروع ايش كې ( بخارا ) و ( سمر قند ) تجارينه صاندرق اماننى درجيب ايدر . ( علاءالدين ) ك مغوللره قارشى بومعامله يى ، انارك دها اول تركستاندى ( كاشغار ) ، ( بلاساغون ) وسائرديه واقع اولان تجاوزلرينه وعسكرينه تعرضاتده بولمغه باشلاملرينه برمقابله اولمق ، انلره ارزاق ومهمات وصولنى منع ايتك اوزره اختيار ايش ايدى .

فقط ( چنكيز خان ) ( خوارزمشاه ) ك وكيلى طرفدن آدملىرىنى قتل اولنديغى خبر آلتجه فوق العاده منفعل اولهرق معيتده بولغان عسكره ضميمه هر طرفدن عسكر جمع ودهاش بر قوت ايله ممالك اسلاميه هجوم و تجاوز ايلدى . سلطان سلجوق ( علاءالدين خوارزمشاه ) ده ده : « آدملىرى اولدورر . سكر ، اموال ونقودنى آيرسكر . شمدى حربه حاضر لانكز . اويله عظيم بر اردو ايله كليورم كه اكا قارشى طورده بيلمكز امكان خارجنده در » مائنده بر نامه يازوب كوندردى . ( خوارزمشاه ) چنكيز خانك نامه سنى آلتجه نامه يى حامل اولان سفير مخصوصى درجا اعدام و آرقداشلىرىنى صاقلالارنى تراش ايتدردر كمال تحقير و تذليل ايله ( چنكيز ) ده اعاده ايلدى . ( چنكيز خان ) ده ده : « بنده سكا قارشى چيقيورم . دنيانك اوبر اوجنده اولسه كينه سنى بولوب انتقام آله جتم . آدملىرىكى نصل قيليچدن كچردم ايسه سنى ده اويله جه قيليچدن كچره جكم » ديه خبر كوندردى . وقتيله عربلر طرفندن كوندريلن نامه لر اوزرينه روم ايمپراطورى ( هرقل Héraclius ) عربلى نصل هيچه صايهرق نتيجه ده نصل پریشان اولدى ايسه ( خوارزمشاه ) ده اويله جه مغوللره اهميت ويرميه رك فقط انجام كار مضحمل و پریشان اولمشدى . ( چنكيز ) تهديداتى بالفعل تماماً اجرا ايتدى . اردوسى ايله ممالك اسلاميه كيردى . تركستان ايله غرباً وراسنده بولغان ممالكى خاك ايله يكسان ايلدى . بو طغيان بلا بولنده راست كتيردىكى بتون مبانى يى ، بتون آثار عمرانى احراق و تخریب ، اهالى يى قتل عاملر ايله افنا ايدرك معموره زارلى خرابه لر شكله چويريوردى . بونلر ك پاي تجاوزلرينه اوغرايان يرلر هيچ بر تاريخده مثلى

کورلماش بریولده ایصسز، هر درلو آثار حیاتدن خالی بر رجول کسلیوی بریوردی. ایشته بونقطه دن مغول بدویلیری ایله عرب بدویلیری آراسنده بیک بیوک بر فرق وار ایدی. عرب بدویلیری بر مملکت فتح ایتدکجه او مملکتده بولان آثار عمران و مدیتیه طوقونمقدن ماعدا کندیلرینه قارشى استعمال سلاح ایتیم اهالییه امان ویریرلر، اماندن صکرده انلری دشمن تجاوزندن محافظه ایدرلر، کوندن کونه مدیتیلرینی اقتباس ایلرلر و بالاخره اومدیتیک تملی اوزرئده کندیلرینه مخصوص برمدیت تأسیس ایدرلردی. حال بوکه مغوللر اکی خونریز وحشیلر کبی قتل، نهب و تخریبدن بشقه هیچ بریشی دوشونمورلردی. بز بوراده بوقاچ خونخوارک مفصل ترجمه حالی یازمق فکرنده دکلز. یالکز خلاصه دینیه بیلیرکه (چنکیز خان) کندیسندن اول نه سبب کیر، نه (ژول سهزار)، نه (نادر شاه)، نه ده (ناپولئون بوناپارت) کبی هیچ بر فاتحک تأسیس ایدمه مدیکلی غایت بیوک بر مملکت تشکیله موفق اولمش ایدی. زیرا بونک مملکتی بحر محیط کیردن بحر سیاهه قدر متمد اولمش و چینیلردن، تونغوزلردن، افغانیلردن، هندیلردن، ایرانیلردن، ترکلردن و سائردهن میلیونلرجه خلق فرمان حاکمیتیه بیون اکمش ایدی.

(چنکیز) بوقوجه مملکتی تشکیل ایتدیکی حالده کندییی اوقومق بیلمدیکی کبی آدملرینک چوغی ده اوپله بر خاصه معرفتدن محروم ایدی. بناء علیه دهها اول عربلر دولت تشکیل ایتدکلری زمان الوای حاکمیتلری آلتنه داخل اولان ایرانیلر ایله روملری و سائردهنی قوانین وضعی و مملکتک ادارهسی ایچون نصل استخدام ایتدیلر ایسه (چنکیز) دخی عین احتیاجاتک تلافیسی ایچون زیر اداره سنه داخل اولان اسلاملرک همت و عرفانه عرض افتقار ایش ایدی. (چنکیز خان) یکرمی ایکی سنه اجرای سلطنت ایتدکدن صکره یمش آلتی یاشده اولدینی حالده ۶۲۴ سنه هجریه سنده وفات ایلدی.

(چنکیز) ک وفاتندن صکره مملکتی مغوللرک عادتق اوزره اوغللری آراسنده تقسیم ایلدی. انلرک اعتقادینه کوره مملکت صرف حکمدارک مالیدر. وفاتنده سائر اموال و اشیا کبی اوغللرینه انتقال ایدر. بونک نتیجه سنده مغول مملکتی (چنکیز) ک درت اوغلی آره سنده درت قسمه

آیرلیدی . دها صکره بواقسامدن شرحی باعث تطویل برطاقم شعبه‌لر دها توره‌دی . بز یالکز ایلك درت قسمك ذكريله اکتفا ایده‌جکیز .  
( چنکیز خان ) دن صکره مقام سلطنته کلن درت اوغلی ( اوکتاق‌آن ) ،  
( تولی ) ، ( جوجی ) ، ( چغتای ) اولوب عموماً ( خاقان ) نامنی آلمشردی .  
ملک‌تبری آتیده کوسترلمشدر :

۱	اوقتاق‌آن دولتی	زنگاریه وسائرده	۶۰۳ دن ۱۰۴۳	سنه‌سنه‌قدر
۲	تولی	مغول ممالک‌کنده	۶۵۴ دن ۷۵۰	»
۳	جوجی	قیچاق وسائرده	۶۲۱ دن ۹۰۷	»
۴	چغتای	ماوراءالنهرده	۶۲۴ دن ۷۶۰	»

بونلردن اوقتاق‌آن ( دولتی ) بتون بودولتلك اك بیسویکی ایدی . برنجی حکمداری بالذات ( چنکیز خان ) ایدی . بونك تاریخی تاریخمز ایله حائر علاقه دکلدر . فقط ایکنجی دولت ، یعنی ( تولی دولتی ) تاریخ اسلام ایله پک‌بیوک برعلاقه‌یه مالکدر . زیرا بودولتدن ( هلاکو ) کی برآفت تخریب وجوده کترین بردال ظهورده کله‌رك اسلاملوك باشنه بیوک فلاکتلر یاغدیرمش ایدی . ( هلاکو ) ( تولی ) نك اوغلی و ( چنکیز خان ) ك حفیدی ایدی . باباسنك دولتده برولایتیه والی اوله‌رق بوراده کسب استقلال ایتیش و بالآخره ۶۵۴ سنه‌سنده فارس قطعه‌سنی‌ده پنجه تسخیرینه کچیرمش ایدی . تشکیل ایتدیکی حکومت ( دولت ایلخانیه ) نامیه‌له معروفدر . ( هلاکو ) فارس قطعه‌سنده ( خوارزمشاه ) مملکتندن قاله اولان یرلرده استیلا و حکومتی تقویه ایتدکدن صکره اسلافدن هیچ برینك تصدی ایتدیکی عظیم و جرأتکار بر تشبته ، یعنی بغدادك فتحنه اقدام ایش ایدی .

( هلاکو ) و بغدادك فتی

بغدادك فتحنه بو حکمدار خونخواری تشویق ایدن باشلیجه سبب بغدادده یولان سنیلر ایله شیعیلر آردسند توالی ایدن اختلافلرله قتاللر ایدی . فی‌الحقیقه دولت عباسیه‌نك بغدادده کی حاکمیتك صوك زمانلرینه طوغری سنیلر ایله شیعیلر بیننده پک بیوک اختلافلر ، قتاللر وقوع بولیوردی . حکومتك مذهب رسمیه‌سی اولدینی‌ایچون حکومتجه سنیلره مظاهرت و شیعیلر تضییقات و تنکیلاته معروض



ایدیلوردی . شیعیلر بغدادك ( كرخ ) قسمندە اقامت ایدرلردی . بونلر علی الاكثر تضییقاته معروض قالدقلری حالده ینه حکومتجه مأموریتلره تعیین اولنیورلردی . ۶۴۰ سنهسنده ( هلاکو ) نك زماننده مقام خلافته كلن خلیفه عباسی ( مستعصم ) غایتله اقتدارسز وادارسز بر ذات ایدی . اونك وزیرى اولان شیعیلردن ( مؤیدالدین بن علقمی ) ایسه صوك درجه داهی وحیلهكار برآدم ایدی . هر وقت وقوع بولدینی کبی اوصرمده سنیلر ایله شیعیلر آردسندە بر فتنه وفساد ظهورهكلدی . خلیفه نك ( ابوبکر ) نامنده شیعیلره دشمن بر اوغلی وار ایدی . فتنه نك ظهوری اوزرینه خلیفه نك اوغلی بغداد-عسکری قوماندانیله بالاتفاق ( كرخ ) اوزرینه هجوم ایتدی . عسکر شیعیلری تنکیل ایتمکله قالمیهرق عرضرینهده تسلط ایشلردی . بو حال ( ابن علقمی ) یه پك کران وغیر قابل تحمل کلدیکندن کیزلیجه ( هلاکو ) یه خبر کوندردی . بغدادك فتنه تشویق ایتدی . برادرینی صورت مخصوصده ( هلاکو ) نك نزدینه اعزام ایلدی . ( هلاکو ) بیوک بر اردو ایله بغداد اوزرینه یورودی . ( مستعصم ) ( هلاکو ) نك حرکتی خبر آلتجه بغدادده بولنان عسکر ایله قوماندانی اکا قارشی چیقاردی . بوعسکرک مقداری ۲۰,۰۰۰ دن زیاده دکلدی . ایکی اردو بغداددن ایکی قوناق قدر اوزاق اولان بریرده مصادمهده بولندیلر . فقط نتیجهده خلیفه نك اردوسی مغلوب وپریشان اولمشدی .

( هلاکو ) شرق طرفدن بغداده یاناشهرق بر قوماندانی شهرک جانب غریبسندە دارالخلافه نك قارشیسندە یراشدی . ( مستعصم ) ابن علقمینک ترتیبات خفیة خائنه سندن بی خبر بولندیغی ایچون وزیرینه اظهار اعتمادده دوام ایدیوردی . کندیسنی مذاکرات صلحیهده بولمق اوزره ( هلاکو ) نك یاننه کوندردی . ( ابن علقمی ) بو سایهده حیله سنی اکماله موافق اولدی . ( هلاکو ) دن عودتله خلیفه یه : « هلاکو سلطان رومی مقام سلطنتده نصل بر اقدی ایسه سنی ده مقام خلافتده ابقا ایتمک ، فضله اولهرق کندی قیزی اوغلك ابوبکره ویرمک فکرندەدر » دیدی . بغدادك خارجنده ( هلاکو ) نی زیارته تشویق ایتدی . ( مستعصم ) بر چوق اکابر رجالی ایله برابر ( هلاکو ) نك نزدینه کیتدی . ( هلاکو ) بونلری آیریجه برچادره قویدی . وزیرک وقوع بولان دعوتی اوزرینه بغدادك بتون فقها وساداتی ده ( هلاکو ) اردوسنده


طوپلاندی . ( هلاکو ) بونلری کاملاً اعدام ایتدی . بعده خونخوار اردوسنی ده بغداده سالدی . ( هلاکو ) نك عسکری بغداد شهرینه وخلافت سرایلرینه دخول ایدرک چوجقلردن ماعدا هر کیمه راست کلدیلر ایسه جلهسنی قلیچدن کچیردیلر . چوجقلری یغما ایتدکاری اموال غنائم جلهسند سیر آلمشلردی . بغدادده قتل عام قرق کون بلا فاصله دوام ایتدی . قرق کوندن صکره امن اعلان ایدلدى . بغداد شهرى ۶۵۶ سنه هجریهسند ( هلاکو ) نك پنجه استیلاسنه کچدیکی کبی عرائده خلافت عباسیه دخی شیعه علویه نك مساعیسی ایله محو ومنقرض اولدی . ( منصور ) ، ( مهدی ) ، ( رشید ) دها اول اوکی بر عاقبتدن قورقهرق وزیرلری ایله قوماندانلرنی منکوب وپریشان ایتشلردی . نهایت وقوعدن قورقولان شی وقوع بولدی . مع مافیه خلافت عباسیه بونکله کاملاً منقرض اولدی . عباسیلردن ( هلاکو ) نك قتل عامندن قورتواغنه موفق اولانلر مصره ککشلر ، اوراده کوله من سلاطینی سایهسند خلافت عباسیه یی تکرار تاسیس ایتشلردی .

( هلاکو ) اودورک عالم اسلامیسی پایتختی پنجه استیلاسنه کچیردکن صکره اوتهسند بولان ممالکده کوز دیکرک ایوییلردن صکره مصر کوله منلرینک حوزه حا کیتلرینه کچن شام قطعهسنه هجوم ایلدی . فقط بوراده کوله منلر طرفدن شدتلی بر مقاومت کوردیکندن اله کچیردیکی ممالک ایله اکتفایه مجبور اولدی . ( هلاکو ) نك حاکمیتی هندستاندن شام قطعهسنه قدر امتداد ایتش ایدی . وفاتندن صکره بومملکت اوغللرینه انتقال ایلدی ایسه ده بر عصر کچمدن اول ( ۶۵۴ — ۷۵۰ هـ ) بر طاقم کوچک ولایتلره منقسم اولدی . بو ولایتلر اضطراب وپریشانی اینجسده دمکدار اولمقده ایکن نهایت تیمورلنک ظهور ایدرک تیغ حاکمیتنه منقاد ایلدی .

#### تیمورلنک

بویوک قوماندان ( چنگیزخان ) دولته منسوب ایسه ده انک نسلندن اولیوب عالمهسنه برصهریت ایله مربوط ایدی . بویوک پدری ( چنگیزخان ) ک اوغلی ( جغتای ) ک وزیرى ایدی . ۷۳۶ سنه هجریهسند تولایدن بوخونخوار صاحبقران ماوراءالنهرده بعض مأموریتلرده بولندقدن صکره وزارت پایهسنه اعتلا ایتکله

پادشاهلق وجهانگیرلکه کوزدیکمشدی . پادشاهی سلطان ( محمود ) ی مغلوب  
ایتدکدن صکره ( چنکیزخان ) کی جهانگیرانه برصولتله اطرافه طغیان ایلدی .  
روی زمینی قانه غرق ایدن برچوق محاربیلر نتیجه سنده فارس قطعه سنی امرینه  
منقاد ایتدی . یدی سنه کچمدن خراسان ، جرجان ، مازندران ، سجستان ،



مصر عرب امراسته مخصوص بالطله لر

افغانستان ، فارس ، اذربایجان و کردستان پنجه فاتحانه سنه کیرمش بولنیوردی .  
بعده بغداده کله رک ( هلاکو ) دن صکره جلایریلرک قبضه حکمنه داخل اولان  
بو پایتخت شهری حوزه حاکمیتنه آلدی . ( تیمورلنک ) بورادن شرقاً هندستانه  
طوغری پای تخریبینی تحویل ایدرک ( کشمیر ) و ( دهلی ) قطعه لرینی فتح  
ویغما ایلدکدن صکره غرباً آنا طولی یه طوغری کلدی . بوقطعه عثمانیلرک

حاکمى آلتىده بولنيور ايدى . حکمدار آل عثمانده سلطان بايزيد ايدى .  
 (تيورلنك) انقره يقدردى . سلطان بايزيد ايله جنك ايدرك پادشاه مشاراليسى  
 اسير ايتدى (۸۰۴ هـ) . (تيورلنك) شام قطعه سنك صوك حدودينه قدر  
 بتون شرق ممالكنى تخريب ايتمش ، مصر سلاطينى ده كنديسنه عرض ايتياد  
 ايله عقد صلحه مجبور ايتش ايدى . بو فتوحاتدن صكره (تيورلنك) چينك  
 فتحى ايجون ۲۰۰,۰۰۰ عسكر تهيه ايله او طرفه عزيمت ايتمش ايسه ده اثنای  
 راهده ۸۰۷ سنه هجرىه سنده حكومتى تنظيم ايتدن اول وفات ايله يكدن بتون



عرب - چين طرزنده برونزدن معمول وازولر

فتوحاتى ثمرسز قالمش ايدى . چونكه (تيورلنك) وفاتندن صكره بتون بو مملكتلر  
 اولكى پادشاهلرينه عودت ايتديكى كې احوال دخی اسكى مجرا سنه دوندى . بونكه  
 برابر (دولت تيموريه) ماوراءالنهرده (تركستانده) ۹۰۶ سنه هجرىه سنه قدر  
 دوام ايتمش ايدى . (تيورلنك) ك وقاتى ايله دور مغولى منتهى اولور . بودورك  
 اتهاسى ايله تاريخ اسلامك ايلك دورى ده ختامه ايرر .



## ایمانی دور

دولت عثمانیہ نك ظهورندن اعتباراً باشلار  
ودوام ایتکده در

ویردیکمز ایضا حاتدن آکلاشدیغی اوزره مغوللر ممالک اسلامیہ ده پایدار بر دولت تشکیل ایدمده مکلری کبی مدنیت اسلامیہ ایله هیچ برمناسبتلری ده اولمامشدی. انلر ممالک اسلامیہ کلدکلری زمان دولت اسلامیہ برنجی دورینک صوکلرنده، فرانقلر، کرچیلر، ارمیلر، آلانلر طرفندن وقوع بولان تجاوزات مغربه نتیجه سنده منتهای اضمحلال و پریشانیده بولنیوردی. مغوللر ایشته بومضمحل ممالکی برقاتدها ضعیف و پریشان ایتدکلری کبی بغدادده حال اندر اسده بولان خلافتی ده بستیون ازاله واحما ایشلردی. بوطغیان بلابورالردن چکلدیکی زمان مملکتک هر طرفی پک پریشان بر حالده جان چکشدیر یوردی. بولنری بر آردهده جمع و تقویه ایدمده جک جانلی بر حکومت مفقود ایدی. بالا آخره بوموقفیت ایکنجی دور ترکیده دولت عثمانیہ ایله ایکنجی دور فارسیده شاهلر دولته میسر اولدی. بویاکی دوردن تاریخ اسلامک ایکنجی دوری تشکل ایلر.


والحاصل مغوللر طقوزنجی عصر هجرینک اوائلنده ممالک اسلامیہ دن چکیلوب کیتدکلری زمان مصر قطعه سی احراز سلطنت و تقسیم منفعتده بر بر بنه رقابت ایله وقت کچیرن کوله من سلاطینی، شام قطعه سی قسماً بوسلاطین و قسماً هر شهر حد ذاتنده مستقل اولمق اوزره ایوبیلرک احفادی النده، عراق، فارس، مابین النهرین قطعه لری ایلخانیلر، جلایریلر، مظفریلر، قره قیونلیر و سائر نك ایدی رقابت و منازعه سنده، ماوراءالنهر ایله افغانستان مغول سلطنت تیموریه سنک قبضه حاکمیتده، آناتولی عثمانیلر ایله بقایای سلجوقیه نك ید تصرفده بولتمقده و شرقک سائر ممالکی تاتارلردن ویا آتابکلردن قالمه برطاقم کوچک حکومتلرک رقابتلری آرده سنده دمکدار اولمقده ایدی. افریقانک ممالک شمالیه سی ده مرینیلر ایله حفصیلر بیننده انقسام ایتمش ایدی. اندلس قطعه سنده ایسه (غرناطه) ده حکومت نصریه دن بشقه هیچ بر حکومت اسلامیہ قالمش ایدی. جزیره العربیه کلنجه بوراسی یکدیگرینه غزو و غارت ایله وقت کچیرن برطاقم کوچک امارتلردن تشکل ایتکده ایدی. صوکلدرجه ضعیف و پریشان اولان

بو حکومتلر کندیلرندن دها ضعیف و دها پریشان بر حالده بولنان مصر خلافت عباسیه سنک لوی دینسندن بشقه عمومی بر رابطه دن محروم ایدی . ایشته دولت عثمانیه لوی ظفرینی اعلا ایتدیکی زمان عالم اسلامیده اضطراب و پریشانی عرض ایتدیکمز حالد ایدی . دولت عثمانیه تمام زمانده یشمش ایدی . عثمانیلر دها اول اسلاملر طرفندن دفعاتله محاصره ایدلدیکی حالد قتحه موفقیت حاصل اوله میان قسطنطنیه نی فتح ایلدکاری کی اوروپانک الک بیوک حکمدار لرلیله محاربه وانلری مجارستانه قدر تعقیب ایتدیلر . اوروپاده نمچه قرانک یا تختی اولان (ویانه) یی محاصره ، ارشیدوق (فردینان) یی خراجکذار ، بحر سفیدک اسپانیایه قدر اولان سواحلی ضبط و تسخیر ایلدیلر . اوروپا مالکی بودولتک صولت جهانگیرانه سنه قارش ییوک بر تلاشه دوشمش ایدی . عثمانیلر شام ، عراق و مصر قطعه لرینی ده فتح ایشلاردی . مصرک قحی اوزرینه صوک خلیفه عباسی خلافت اسلامیه نی سلطان سلیمه ترک و تودیع ایتدی . دولت عثمانیه مالکی سلطان سلیمان دورنده (۹۲۶ — ۹۷۴ هـ) طونه نه ری کنارنده کائن (بودایشته) شهرندن نیل نه ری اوزرنده بولنان (اصوان) شهرینه و عراقده (فرات) نه رندن (جبل طارق) بوغازینه قدر تمتد اولمش ایدی . بتون غرب عالم اسلامیه سی دولت مشارالیه انک جناح شوکتی آلتنده اجتماع ایتمش ایدی . حالده بو جناح شوکت آلتنده مجتمعدر . دولت عثمانیه نک حاکمیت سیاسیه و دینییه نی بر آرده ده جمع ایتمی — حتی اوزون مدت اجرای حاکمیت ایدن دولت عباسیه دخی داخل اولمق اوزره — دها اول شکل ایدن دول اسلامیه نک کافه سندن زیاده طول بقایه موفق اولسنه خدمت ایتشدر . چونکه عباسیلرک اوچنچی عصر هجریدن صکره کی حاکمیتلری اسمی بر حاکمیت ایدی ، فعلی دکلدی .

دیگر جهندن صفویلر فارس و مابین النهرین قطعه لرنده ظهور ایدرک بیوک بر دولت شیعیه نک تأسیسنه موفق اولملاردی . بتون او ممالک شیعیه بودولتک لوی حاکمیتی آلتنده اجتماع ایتمش ایدی . بونلرک دولتی دها صکره قاجار خاندانه انتقال ایشدر . حالا بو خاندان باقیدر . دولت عثمانیه جهان سنی نی نصل جمع و توحید ایتدی ایسه او دولت شیعیه ده عالم شیعی نی اوله جه جمع و توحید ایش ایدی . شو حالده عالم اسلامیت بوکون ایکینچی دورنده بولنمقده

و بری شمال و غربده سنی اولان دولت عثمانیه و دیکری شرقده شیعی اولان شاهلر حکومتی اولق اوزره ایکی بیوک دولت اسلامیہ طرفندن اداره ایدلکده در . بونلرک اصول سیاست و اداره سندن بحث ایتمک ایسه کتابمزلک موضوعی خارجنده در .

دردنجی جلدک صوکی



## تصحیح

۹ نجی صحیفہ دہ کی رسم ایہ ۱۶ نجی صحیفہ دہ کی رسمک وضعیتلری سہوا  
 دکشدیرلمش اولدیغندن یاندن باقیلہرق تصحیح ایدلسی رجا اولنور .  
 كذلك ۳۶ نجی صحیفہ نك ذیلندہ ( وشکنس ) کلہسنی ( بشگرد ) لفظندن  
 محرف ظن ایتمش ایدک . فقط دها صکرہ اجرا ایتدیکمز تحقیقات تیجہ سندہ  
 ( وشکنس ) ک فرنکارجه Basque ورومالیرجه Vascones اطلاق اولنان قوم  
 اولدیغی وعربجه اسمک بوصوک لفظ اجنبیدن آلمش اولدیغی آکلاشلہغلہ بورادم  
 تصحیحہ لزوم کوردک .  
 ۳۲ نجی صحیفہ دہ مندرج اولان خریطہ نك آلتندہ کی تعریفادہ ( عدنان  
 قبائلنک ) یرینہ ( قحطان قبائلنک ) دیمک لازمدر .

کورہ بیلدیکمز دیگر بعض خطالر :

صحیفہ	سطر	خطا	صواب
۳۲۴	۲۷	بو سلسلہء حکمدارانندن	بوسلسلہ حکمدارانندن
۳۴۴	۲۳	طغرل بکک	طغرل بکی
۳۵۲	۸	سنوویہ	ستوویہ
۳۶۷	۲	حضرت فاطمیہ	حضرت فاطمہ
۳۶۷	۲۴	( امویلرک ) کلہسی زانددر .	



## فهرست

صفحه

مقدمه

۳

### برنجی دور عربی

بدویلر و شهرلیر	۱۳
قبل الاسلام عرب عصبیتی	۱۵
عرب انسانی	۱۸
نسب عصبیتی	۲۱
اسلامیتدن اول عرب اولیانلر	۲۲
امومت و خوات	۲۴
عصبیت عربیه نك توابعی	۲۸
جاهلیتده کوله لر	۳۴
« موالی	۳۸
« اجنبی مهاجرلر	۴۳
« دولتك سیاستی	۴۵
« عربلرک مناقبی	۴۷

### فهرست راسمین دورنده دولتك سیاستی

اتحاد اسلامی	۵۳
طبقات عربیه اسلامییه	۶۱
خلفای راشدینک سیاستی	۶۴
عربلرک روی زمینده انتشارلری	۷۱
اسلامیتده کوله لر و موالی	۸۱

### امویلرک دورنده دولتك سیاستی

خلافتک امویلره انتتالی	۹۴
بنی امیه نك سیادت و حاکیمته رغبتلری	۱۰۰
امویلرک زماننده عصبیت عربیه	۱۰۱
عربلرک عرب اولیانلرک علمپنده کی عصبیتلری	۱۰۸

امویلك اسلامیه ده کی اثرلری	۱۱۵
امویلك دورنده وطن عصیبتی	۱۱۶
« طرفدار فرقه لر فزائمتی	۱۲۳
« معاشرلر تخصیصی	۱۳۱
« پاره صاحبی اوراق	۱۴۰
دین واهلی حقنده استخفافکارانه طاوورأتی	۱۴۷
امویلك دورنده کی شدت و خونریزلك	۱۵۲
امویلك دورنده موالی و احکامی	۱۶۳
« اهل ذمت و احکامی	۱۷۱
خلاصه	۱۹۴

## برنجی دور فارسی

خلافت اسلامیه نك عباسیله صورت انتقالی	۲۰۱
عباسیلك تأیید حاکمیتده تطبیق ایتدکلی سیاست	۲۱۲
« رعایا حقنده کی طرز سیاستلری	۲۲۳
ایرانی موالی	۲۲۳
غیر مساحلر	۲۳۰
حربت ادیان	
عباسیلك دورنده عصیبت عربیه	۲۴۹

## ایرانی وزرائك منگوبینی

برامکهدن اول ایرانی وزرا	۲۵۹
وزرای برامکه	۲۶۱
برمکیلك نکبت و فلاکتی	۲۶۷
رشید و برمکیلر	۲۷۷
دوات عباسیه ده محافظه احرار	۲۸۴
اسلامیه-ن صکره انسابك قارشمسی	۲۸۶

## برنجی دور ترکی

دوات عباسیه ده ترك عسکری	۲۹۴
سرای خدمه سی و دوات عباسیه ده نفوذلری	۳۰۳
دولتک اداره مننده قادیلرك تأثیری	۳۰۹
دولت عباسیه ده فساد احوال	۳۱۳

# مملکت عباسیہ نیک منعمہ بر صالمی



عباسیہ نیک منعمہ بر صالمی	۳۲۲
« « « ترک حکومتی	۳۲۴
« « « کرد	۳۲۹
خلافت و سلطنت ، یا خود دیانت و سیاست	۳۳۱

## ایکینجی دور عربی

امارات عربیہ و عصر عربی	۳۴۷
اندلس دوات امویہ	۳۵۳
عصر دوات فاطمیہ	۳۶۱
مغربہ شیعہ	۳۶۱

## مغول ، یا خود تاتار دوری

مملکت اسلامیہ نیک منعمہ بر صالمی	۳۷۴
مغول	۳۷۴
ایکینجی دور	۳۸۶



# مَدَنِيَّةُ اِسْلَامِ مِثْلِ مَحْيٰ

بشنجی جلد

مملکت اسلامیہ نیک اعمال اجتماعہ سنہ ما کبیر

مؤلفی :

(الہلال) صاحب و محرری

جرجی زیدان

مترجمی :

زکی مغامز

کافہ حقوق محفوظ لدر



صاحب و ناشری : الیاس

درمعات — قناعت مطبعہ مدنی

۱۳۳۰




## علوم اجتماعیه و تاریخیه کتبخانه سی

نشر اولنان اجزائی

فیشاتی غروش	عدد
۱ — تاریخ سیاسی : عصر حاضرده اوروپا	۶۰
۲ — ترکیاوتنظیبات : دولت عثمانیه نك تاریخ اصلاحاتی	۳۰
۳ — مصور تاریخ اسلام	۲۰
۴ — مدنیت اسلامیہ تاریخی	۷۵
۵ — اصول انتخاب	۲۵
۶ — قاپتولاسیونلر	۲۵

### طبع اولنمقده

۷ — مصور تاریخ اسلام ابکتنجی جلد	۲۰
۸ — ناپولئونك شرق سیاستی — سایم ثالث و ناپولئون	۲۵
۹ — فرانسه اختلال کبیری تاریخی	۴۰



## مقدمه

بو جلد يازمقدمه اولديغيمز « مدنيت اسلاميه تاريخي » نك بشنجي وصوكنجى .  
قسميدر . جناب حقه حمد اولسون كه التزام ايتديكمز طرز تحقيق و تدقيقه  
نظراً ظهورى طبيعى اولان بونجه مشكلات و مصاعبه رغماً بواثرى اكاله موفق  
اولدق . هر مطالعه تاريخيه ايچون ندرجه صرف تنكرات ايتديكمزى و مأخذلى  
كوسترمك ايچونده صحيفه لرك ذيلنه قويدىغيمز اشارتلى او مأخذلردن آليركن  
نقددر وقت ضائع ايلديكمزى نظر امعانه آلانلر البته بوناچيز مساعيمزى  
تقدير ايدجكلردر . فى الحقيقه بويولده يازى يازمق پك چوق دقت و انتباهه ،  
يورغوناغه محتاجدر . چونكه موضوعك متفرق اقسامى طوپلايه بيلمك  
ايچون بشقه صورتله حركت ايتك غير قابلدردر . مأخذلى دائماً كوز اوكنده  
بولنديرمق بر چوق يرلرده موضوعدن برخلاصه يازدق تفصيلات ايچون  
مأخذله نظر دقتى جلبايله اكتفا ايتك كې بيوك بر منفعتده تأمين ايتدى .  
ذاتاً اويله ياپلسه كتابمك جمماً دهازياده بيومسى طبيعى ايدى .

بونكه برابر موضوعلرك كثر و تشعبي ويكدىكرينه قاريشق بولمى حسيله  
دها اول ديكر برجلده درج ايتديكمز . بعض نصوصى دها صكره كى جلدلرده  
تكرار ايتكه مجبور اولدق . فقط بو تكرارى ادله و براهينك تقويه و تأييدى  
و مقدمات ايله نتيجهلر آرسنده حسن مناسبت دوشورمك و قارئى سائر اجزايه  
مراجعت كلشتندن وارسته قيلسق مقصديه اختيار ايلدك . مع مافيه بوتكرارى  
شدتلى بر ضرورت كوريلن يرلردن بشقه موقعلرده اختيار ايتدك . مقصدمز

حقائق تاریخیہ پی آچیق براسلوب ایله یازدوق قارئک پیش نظرندہ بلا کلفت تجسیم ایتمکدر . بناءً علیہ لزومی اولمیان یرلردہ تکراری اختیار ایتیمیه رک دها اول کچن مطالعاته قارئک انظارینی الفات ایله اکتفا ایلدک .

شویازدیغمز جلد هر هانکی صنفدن اولورسه اولسون ، علم وعرفانلری هانکی درجهده بولنورسه بولسون قارئلرجه حسن تلقییه اک زیاده لائق و جان صیقمقسزین قابل مطالعه بر موضوع تشکیل ایتمکدهدر . زیرا قارئلر بوجلدی کندیلرینک الفت ایتدکری اخلاق وعاداتی ، احوال اجتماعیه پی ، احوال مدنیہ وعمرانیہ پی ، عائله حیات ومناسباتی مصور بوله جقلردر . بویله بر موضوع البته خوشه کیدر . ( حضارت ) ویا تعیر دیکرله ( مدیت ) نامی ویربان بوموضوعلر حقیقت حالده - اولکی جلدلرده ویردیکمز ایضاحندن آکلاشدیغی اوزره - مدیتک ظواهرندن عبارتدر .

هر حالده بوجلدک موضوعی قارئلر ایچون پک قولای کلیر ایسهده طوتدیغمز طرز واسلوبه کوره اسکی عرب مؤلفاتنک بوکبی مباحثی عدم احتواسندن طولایی مؤلف ایچون بالعکس پک کوچ ومشتیلدر . اسلاف کرامتک تاریخ ، ادبیات ، علوم وفنون وسائریه دائر یازدقلری کتابلری نظر معالعهدن کچیرسه کز هیچ برینک مثلاً تشکلات اجتماعیه ، خلقک صنوف وطبقاتی ، آداب وعادات اجتماعیه ، احوال وتقلبات مدنیہ ویاخود دولتک احتشامات ودیدبهنه دائر صورت مخصوصهده یازلمش برفصل ویا برفقریه راست کله مزسکز . بوکبی معلومات مؤلفات قدیمه مذکوردهه آنجیق نوادر ، حکم ، تراجم احوال ووقوعات تاریخییه متعلق مطالعات آردسندہ پک پریشان بر حالده بولنور . ایشته بز یازدیغمز حقائقه وصول ایچون اومعلوماتی اوپله پریشان یرلردن طوبلامقله اوغراشدق .

بوجلدک مبختلری درت بیوک قسمه منقسمدر : اولاً تشکلات اجتماعیه ، ثانیاً عادات وآداب اجتماعیه ، ثالثاً مملکتک احوال و آثار مدنیه پی ، رابعاً دولتک احتشامات ودیدبهنه پی .

تشکلات اجتماعیه نک اساسی صنوف وطبقات ناسدن مرکب اولدینی ایچون بوبیخی دیکر بحثلره تقدیم ایلدک . بوراده جزیره العرب ایله اطرافنده کائن شام ، عراق ، مصر فارس وآفریقیه قطعه لرندہ بولنان اهالینک صنوف وطبقاتی

یازدقدن صکره اسلامیتک ظهوری اوزرینه کرک راشدین ، کرک امویلر و کرکسه عباسیلر زمانلرنده بوصنوف آردسندده وقوع بولان تبدلاتی کوستردک . عباسیلرک دورنده تشکلات اجتماعیه حقنده معلومات ویردیکمز صردهده خلقی بری طبقه خاصه ، دیکری طبقه عامه اولمق اوزره ایکی بیوک صنفه تقسیم ایتدیکمز کبی طبقه خاصه یی ده خلیفه ، اقربا و تعلقاتی ، رجال دولتی ، شرفا و اعیان اولمق اوزره درت صنف اعتبار ایلدک . بوندن ماعدا بو طبقه یه (اتباع خاصه) نامی آلتندده برطاقم صنوف ناس دها الحاق ایلدک که بونلر عسکر، اعوان (یعنی مختصلر و دوست و ظهیرلر) و خدمه دن متشکلدر. بیاض و سیاه کولهلر ، جاریهلر ، طواشیلر خدمه صنفه داخلدر . بونلردن هر برینک مدنیت اسلامیه دورنده کی هیئت اجتماعیه ده هانکی موقعی اشغال ایتدیکمی کوستردک .

طبقه عامه یه کلنجه بونی ده ایکی قسمه تقسیم ایتدک . برنجی قسم مقربین صنفیدر که بونلر ادبیات ، شعر ، شرق و سائر کبی صنائع نفیسه اربابی ایله یوکسک صنوف تجارت و صنائع امحاجبندن متشکل اولوب ذکا و قریحهلری و سائر مزایای ممتازهلری سایه سنده خاصه صنفه التحاقه کسب استحقاق ایتشلردی . بوصنف خلقک خزینة دولتدن قازاندقلری پاره لری ده یازدق . عامه صنفندن اولان ایکنجی طبقه یه کلنجه ملتک الک بیوک قسمی بونلردن ترکیب ایدیوردی . بوده بری مملکت اهاالیسنک الک بیوک قسمی تشکیل ایدن کوی خلعتی ، دیکری شهرلرده کی عوام طاقمی اولمق اوزره ایکی صنفه منقسم ایدی . شهرلرده عوام صنفی ال صنعتلری اربابی و کوچک تجارت امحاجبی و سائر ددن متشکل اولوب سرسریلر ، عیارلر ، چاپقینلر ، حیلہ - بازلر ، دساسلر ، طولاندیریجیلر ، شوخلر ، کستاخرلر ، عارسزلر و بالدیری - چپلاقلر بو قسمه داخلدر . بونلرک بعضلری حقنده دها اول بعض معلومات ویرمشدک .

آداب و عادات اجتماعیه حقنده معلومات ویردیکمز صردهده دخی اخلاق و عاداتک زمان جاهلیتدن اعتباراً کچیردیکی صفحاتدن باشلایهرق عصیت ، کبر و نخوت ، وفادارلق ، کرم و سخا ، نجحت و معاونت ، عالیجنابلق ، عفت و ناموسپرورلک کبی حال بد او تک متصف اولدینی مناقب و مزایایه دائر معلومات



ویردکن صکرہ عربلرک مدارچ مدنیتده ترقی ایتدجکه بومناقبک تدریجاً نصل دوچار فساد اولدیغنی و بو اوصاف عالیۀ اخلاقیه نك قسماً راشدین ، قسماً امویلر و قسماً ده عباسیلر دورنده بوزلمسئه باعث اولان اسبابی ده کوستردک . دور عباسی به ادوار سائرده دن زیاده اهمیت ویردی کمز ایچون بودورک آداب و عادات اجتماعی سی حقنده مفصلاً معلومات ویردک . بحی بوراده برقاچ قسمه تقسیمه مجبور اولدق . اولاً عائله حیاتی و تشکلات و احوالی یازدق عرب قادینلرینک احوال و مناقب مخصوصه سندن بحث ایلدک . زمان جاهلیت عرب قادینلرینک متصف اولدق لری عفت و ناموس ، عزت نفس و نجابت حس حقنده معلومات ویردکن صکره اودورلرده شجاعت و اقدام ، عقل و تدبیر ، اصابت رأی ایله اشتهار ایدن قادینلردن ده بعضی مثاللر کتیردک . بعده ذوق و صفا ، سفاقت و رفاهیت دورنده ارککلر طرفدن برچوق جاریلر و اوطه لقلر آلمسیله زوج ایله زوجه آرسنده رابطه صمیمیه نك اختلالی و مابینهماده حاصل اولان سوء ظن و شبهه اوزرینه قادینلرک خانه لرده قاپادیلر ق انواع تضییقاته دوچار ایدملری نتیجه سی اولق اوزره او اوصاف ممتازده نك نصل مختل اولدیغنی تعریف ایلدک . ثانیاً اومدنیت دورنده اسکی عرب اصولی اوزره بر طاقم صنوف ناسک بر سلسله سیخا و جوانمردی سایه سنده نصل تأمین معیشت ایتدکلرینی کوستردک . ثالثاً عائله لرک احوال معیشتی حقنده معلومات ویردی کمز صرده یمکلری ، البسه یی ، خانه لری مدار بحث اتخاذا ایدرک بونلرک زمان جاهلیتده کی حال ابتدائی سنی کوستردیکمز کی مدنیت اسلامیہ دوره سی اثناسنده هر برنده وقوع بولان تبدلاته دائرده معلومات ویردک .


دها صکره مملکت اسلامیہ نك احوال و آثار مدنیه سندن باحث اولان اوچنچی قسمه کله رک بونی ده بری معموریت و یا عمران مملکت ، دیکری ثروت ، رفاهیت و بولوق اولق اوزره ایکی قسمه تقسیم ایتدک . معموریت هم شهرلره ، همده سرایلره شامل اولدیغنی جهته لره ایکی سندن بحث ایلدک . اک مشهور اسلام شهرلرنده وجوده کتیریلن مبائی عظیمه دن ، شام ، بغداد ، قاهره ، قرطبه ، غرناطه و سائرده بولان سرایلر ایله سائر محشتم بناردن مثاللر کتیردک . مملکت اسلامیہ نك ثروتندن بحث ایتدیکمز صرده ایسه خلفا ، امرا و سائر اعظم رجال دولتک ثروتی و بو ثروتک یمکلرده ، رفاهیت


وراحته ، شیعلقده ، مفروشات و تزینات بیتهدده ، مجوهراتده و امثالنده باعث اولدینی اسراف و مشکلیسندک حقنده معلومات ویردک . متعاقباً ذوق و صفا ، سفاغت و بونلرک نتیجهسی اولان اوطه لقلر و مستفرشلر ایله جنبش و صفا عالمیرینی ، چالنی ، شرقی و ایچکی بزمیرینی یازدقدن صوکرده کرم و جوامیردک بجنه سکرک بونک راشدین دورندن عباسیلر زمانه قدر کچیردکی صفحاتی و عطیه و احسانلر مقدارلرینک کوندن کونه نصل آرتدیغنی کوستردک . بوموضوعلره دائر بسط مطالعات ایدر ایکن شرقی و چالنی حقنده اجتماعی و ادبی نقطه نظرندن برطاقم معلومات تاریخیه یازدیغمز کبی مسکرات ایله اونک تحلیل و یاتحیریمی حقنده وارد اولان اقوال و مطالعات ، مسکراتک تاریخ انتشاری ، عوامدن بشقه خواصکده مسکراته انهماکی و بونک نتیجهسی اولیق اوزرده ظهور ایدن سفاغت ، آحیق صاحیققلق ، اسرافات و فحش و فجور حقنده برطاقم فصالحر تحریر ایلدک .

دولتک احتشامات و دبدبهسی حقنده کی بجنه کلنجه بونده دخی سائر بخلرده اولدیغنی کبی خلفای راشدین زمانندن باشلا بهره مشار الیمک هر خصوصده غایت ساددک و یوقلق ایله نصل امرار حیات ایتدکلرینی و عباسیلرک دورنده ایسه عکسی اوله رق عالم اسلامیت نصل طنطنه و داراته قاپلیدیغنی کوستردک . بوراددهده بحی برقاچ قسمه آیرمغه مجبور اولدق . خلفانک مجلسلری ، آلایلری ، احتفالات سائرهمی ، دول معاصره ایله اولان علاقهلری ، کیدکلری البسه ، وقت کچیرمک ایچون اتخا ایتدکلری اکلنجهلر و او یونلر حقنده آیری آیری معلومات ویردک . خلفا مجلسلرندن بحث ایدرکن عمومی مجلسلری ، شعر و ادب مجلسلرینی ، شرقی بزمیرینی و مناظره حلقهلرینی تعریف ایلدک . بومجلسلرک شکلنی ، انواع تقریشات و تزیناتی ، بورالرده اجتماع ایدن ذواتک نه کبی تشریفاته تابع اولدقلرینی ، کیرر ایکن نصل استیدان ایدلیکینی ، نصل سلام ویرلیدکینی ، اوطور و لیدیغنی صررده نه کبی آداب و عاداته رعایت اولندیغنی ، چیقادیغنی زمانلرده ایسه نصلر استیدان ایدلیکینی و سائر دینی کوستردک . خلفانک اکلنجهلرینی سیدوشکار ، آت قوشوسی ، چوکان او یونی ، کمان ایله بندق آتمق او یونی ، آرسالان بسلامک اکلنجهسی و سائر ناملری آلتنده برقاچ قسمه تقسیم ایدرک بوبابده لازم کلن مطالعاتی سرد و اتیان ایلدک .

ایشته بوبخلری کاملاً یازدقدن صکره مأخذلرمزی تشکیل ایدن واسملری  
 کتابمزك صحیفه لری ذیللرندده مذکور اولان کتابلر ایله مؤلفلرینی ، سنه  
 انتشارلرینی ، طبع اولندقلری محللری مبین آریجه برفهرست علاوه ایتدك .  
 ویردیكمز معلوماتك مطابق حقیقت اولسی ایچون امکان داخلنده بولنان  
 بتون مساعیمزی صرفده تردد ایتدك . اگر بومساعیمز منتج موفقیت اولمش  
 ایسه بزمده اقصای مقصدمز اوایدی . اوله مامش ایسه خلاف امل برنتیجه  
 ظهور ایتمش دیمك اولور . وماالعصمة الله وحده .

قاهره سنه ۱۹۰۶





- |                         |                               |                           |
|-------------------------|-------------------------------|---------------------------|
| ۱ قصر الذهب ، ياخود قبه | ۱۳ دارالقرار «قصر زبيده»      | ۲۳ دارالروم «بطريقخانه»   |
| ۲ خضرا                  | ۱۴ حميد بن عبد الحميد كقوناغى | ۲۴ برمكيلىك قوناغلى       |
| ۳ جامع المنصور          | ۱۵ معروف كرخى جامى            | ۲۵ باب الطاق              |
| ۴ زندان                 | ۱۶ مشهد على                   | ۲۶ مهيدينك سرايى          |
| ۵ بصره قپوسى            | ۱۷ جعفر برمكى نك سرايى        | ۲۷ رصانه جامى             |
| ۶ خراسان قپوسى          | «بالاخره خلافت سرايلر         | ۲۸ شماسيه قپوسى وقصر موسى |
| ۷ شام قپوسى             | ندن اولمشدر»                  | ۲۹ طاهرى حرم سرايى        |
| ۸ كوفه قپوسى            | ۱۸ تاج سرايى                  | ۳۰ زبيده سرايى            |
| ۹ مسيب جامى             | ۱۹ فردوس سرايى                | ۳۱ اسيرلر دائره سى        |
| ۱۰ صدقه ديوانى          | ۲۰ عيسانك قوناغى              | ۳۲ خلد سرايى              |
| ۱۱ شام قپوسى حبسخانه سى | ۲۱ ابن الحصيدك سرايى          | ۳۳ سراي باغچه لرى         |
| ۱۲ ميدان وياننده اصطبل  | ۲۲ معصمه ك سرايى              |                           |



بو بحثك موضوعى مدنيت اسلاميه نك اعتلاسى انساننده هيئت اجتماعيه نك تشكلاتى ايله بو هيئت اجتماعيه نى تركيب ايدن صنوف و جماعاتدن و بونلرك يكدىكرينه اولان علاقه و ارتباطلردن متشكلدر. بجمزى دها شمولى و واضح كوستره بيلمك ايچون اسلاملرك روم و ايران ممالكندن فتح ايتدكلرى يرلرده دها اول موجود اولان تشكلات اجتماعيه و اسلاميتك ظهور و انتشارى اوزرينه او تشكلاته اجرا ايتدىكى تاثيرات مخصوصه ايله برابر ممالك اسلاميه ده تشكلات و قوانين اجتماعيه نك خلفاى راشدين دورندن اعتباراً امويلى و عباسيلر دورلرنده تدریجاً كسب ايتدىكى ترقى حقنده بزتمهيد يازدقدن صكره دور عباسيده كى تشكلات و احوال اجتماعيه نى صورت مفصله ده تعريف ايتكى مناسب كورورز.

### اسلاميتنه اول تشكلات و احوال اجتماعيه

بودورده كى هيئت اجتماعيه نى تشكيل ايدن صنوف ناسى كوسترمك ايچون بحثى بش قسمه تقسيم ايدىورز : اولاً : شام و عراق ، ثانياً : مصر ، ثالثاً : آفريقا ، رابعاً : فارس ، خامساً : جزيرة العرب قطعه لرنده موجود اولان صنوف اهالى .

### شام و عراق قطعه لرنده صنوف اهالى

بو ايكى قطعه دن مراد شمالاً ( دجله ) نهري ايله جنوب غربيدن شام قطعه سنك صوك حدودى آرسنده كى ممالكندن متشكلدر . بو يرلرده مقيم اولان

اهالی تاریخک الک اسکی دورلرندن اعتباراً اقوام سائر دنک بر جوق صدمات استیلکارانه سنه اوغرادقلری ایچون جنسلری ، دیانتلری ، اخلاق وعادتلری بک زیاده اختلاط وتبدله اوغرامشدر . اهالی مذکورده حقنده ارباب تدقیق وتحقیقک بر جوق تبغات مخصوصه لری واردرکه بورادده ذکرینه لزوم یوقدر . اندن خلاصه دینیه بیلرکه بومالک اهالیسندن الک اسکی اولمق اوزره معروف اولان انسانلر بر طاقم قبائل سامیه دن متشکل ایدیلر . قبائل سامیه ، شمال شرقیدن مابین النهرین اطرافندن غرباً سوریه سواحلی ایله عربش وبجراحره ، جنوباً بمن سواحلی وحضر موته وشرقاً بصره کورفری وبجر عمانه قدر تمتد اولان ساحه وسیعه ده اقامت ایدرلردی . بوقطعه مابین النهرین ، عراق ، سوریه ، فلسطین ، طورسینا شبه جزیره سی وجزیره العربدن متشکل دیمکدر . سامیلر ، اوج بیوک شعبه ایدیلر . اولاً آرامیلردرکه بونلر مابین النهرین ، عراق وبر قسمندن ماعدا سوریه قطعه لرنده مقیم اولان شمال قبائل سامیه سی ایدی . ثانیاً عبرانیلردرکه بونلر فلسطین قطعه سیله سوریه سواحلی اقامتگاه اتخاذایدن وسطی قبائل سامیه سندن متشکل ایدی . ثالثاً جنوب قبائل سامیه سی اولان عربلردرکه بونلر جزیره العرب ایله بادیة الشام وعراقدن جزیره العربیه مجاور اولان یرلر وطور سینا شبه جزیره سنده اقامت ایدرلردی .

### آرامیلر

لسانلری لغات سامیه نک ( لسان آرامی ) اسمی ایله معروف بر شعبه سی اولان آرامیلر مرور زمان ایله تاریخجه نام قازانمش بر طاقم اقوامه انقسام ایشلردی . بواقوامک الک مهملری مابین النهرین وعراقده مقیم سریانیلر ایله سوریه نک یوقاری طرفلرینی قرارگاه اتخاذایدن کلدانیلر ایدی . بوسیله لسان دخی بری سریانی ، دیکری کلدانی اولمق اوزره ایکی شعبه یه آیرلمشدی . حضرت ابراهیمک اعقاب واحفازندن متشکل اولوب قبل المیلاد اوچنجی عصر صرهلرنده فلسطین قطعه سنی دارالقرار اتخاذایدن عبرانیلر دخی شعبات آرامیه نک الک مهملرندن ایدی . فیکه لیلر بونلرک تفرعاتندن صاییلر . فیکه لیلر عبرانی یه یقین برسان ایله تکلم ایدرلردی . عربلرله کلنجه بونلر السنه سامیه دن بری اولان عربجه فونوشورلردی . حمیر وحبش لسانلری عربجه نک تفرعاتندن

معدوددر . قبائل عربیہ دن شام قطعہ سنہ اک یقین اولان قبیلہ نبطیلردی .  
رومالیلر شام قطعہ سنہ استیلا ایتدکلی زمان نبطیلر بر موقع مخصوص اشغال  
ایتمشلردی . ایلریده بوخصوص حقندہ معلومات ویرہ جکر .

والحاصل ( مابین النهرین ) ، ( عراق ) و ( فلسطین ) قطعہ لری تاریخی  
اک اسکی دورلرنده نسب ولسانجه یکدیگری یقین بولنن اقوام سامیه ایله  
مسکون ایدی . سامیلردن اول بوقطعه لر اصلری مجهول بر طاقم اقوامه  
اقامتگاه تشکیل ایتشدی . آنجق سامیلر انلردن دها قوتلی بولندقلری جهتله  
انلره غلبه چالهرق میلاددن خلی عصرلر اول انقراضلرینه باعث اولمشلردی .  
سامیلرک بوقطعه لرده اشغال ایتدکلی موقعلر شمالدن جنوبه طوغری شو ترتیدہ  
ایدی : سریانیلر ، کلدانیلر ، فیکدیلر ، عبرانیلر ، نبطیلر . اہالی اصلیدن  
ماعدا فی الاصل اقوام سامیہ دن اولمیان بر طاقم اقوام دخی بوقطعه نک بعض  
یرلرنده اقوام سامیه ایله اختلاطدہ بولنمشلرسدہ سامیلر بولنرہ دخی غالب  
کلرک سامیلشدیرمشلر وکندی دینلریله اخلاق وعاداتلرینی پایدار ایشلردی .  
مع هذا بومالکک موقع جغرافیسی کنیدیسی ہیتیلر Hittites ، مصرلیلر ،  
آثوریلر ، ایرانلیلر کی اقوام قدیمہ دن اولان فاتحلرک انظار حرص وطمعہ  
معروض قیلمش ایدی . بولنر یکدیگری متعاقب بو ممالکی فتح ویغما ایتمشلر  
وبو فاتحلرہ منسوب اولان مهاجرلر بوقطعه یه کلوب یراشمشلردی . آنجق  
اسکندر کیرک خلفلری اولان یونانیلرک تأسیس ایتدکلی حکومتلر قدر سوریدہ  
ہیچ بر دولت پایدار بر موقع اشغال ایدہ مامشدر . بو بیوک جهانگیر قبل المیلاد  
دردنجی عصرده سورینک ہر طرفی قبضہ استیلاسنہ آلمش ، دها صکرہ کلن  
خلفلری ایسہ سورینی یونانیلشدیرمشلردی . یونانیلردن پک چوق مهاجرلر -  
باخصوص خرسیتیانلرک ظهورندن صکرہ - مذکور قطعہ یه کلوب یراشمشلردی .  
بونکلہ برابر یونانی عنصرک نفوذی سواحله منحصرا ایدی . ایجریلرہ طوغری  
کیدلکجہ بو نفوذ تدریجاً آزالیوردی . اک ایجری طرفلردہ ایسہ یونان نفوذی  
بالکلیہ موقوف ایدی .

مع مافیہ یونانیلرک بوکثرت مهاجرت واختلاطلرینہ رغماً اورالردہ مقیم  
اولان اقوام سامیه وباخصوص یہودیلر کندی اخلاق وعاداتلرینی ، لسانلرینی  
محافظہ ایدہ بیلمشلردی . زیرایہودیلر دوچار اولدقلری بونجہ صدمات تنکیلیہ ،

بونجہ تضییقات واسارتہ رغماً — بابل اسارتی صرہ سندنہ لسانلرینہ عارض اولان بعض تبدلاتدن ماعدا — اخلاق و عاداتجہ ، دیانت و اعتقاداتجہ حضرت داود و حضرت سلیمان زمانلرنده هانکی حالده ایدیلر ایسه او حالده قالدیللمشلردی . یہودی لک بابلدہ کی اسارتلری انساندہ لسانلری اولان عبرانی ؛ سریانی و کلدانی یہ قاریشدیغندن بوندن بر لهجہ ظهور ایدرک اکا ( لسان آرامی ) ویا ( لسان کلدانی ) نامی ویرلمش و تلود کتابی بولسان ایله یازلمش ایدی . عبرانیلر یہودی و سامری اولوق اوزره ایکی قسمہ آیرلمشلردی . دیگر اقوام سامیہ و بالخاصہ سریانیلرہ کلنجه بونلر خرسیتانلغی قبول ایدرک آداب و عادات ایله آیرلمشلر ایدی . بونلرک قسم اعظمی عراق ، مابین النهرین و فلسطینہ قدر سوریه نك یوقاری طرفلرنده مقیم ایدی .

### نبطیلر

شام قطعہ سنك بحرسفید سواحلدہ بولتان حدود غربیہ سی علی الاکثر یونان عنصری نفوذینہ وچول طرفلرینہ تصادف ایدن حدود شرقیہ سی ایسه عرب عنصرینك نفوذ و تأثیرینہ تابع ایدی . ایشته اوچول طرفلرنده قبل المیلاد دردنجی عصر ابتدالرنده ( انباط ) ، یاخود ( نبط ) اسمنی آلان برملت عربیہ بولنیوردی کہ بونلر فلسطینک غرب جنوبیسنده ( طورسینا ) شبہ جزیرہ سندن حورانہ قدر متمد و ( ممالک عربیہ صحریہ Arabia Petra ) نامیله معروف قطعہ ده آدومیلرک انقاضی اوزرنده اقامت ایتکده ایدیلر . بقایای قدیمہ سی بوکونہ قدر پایدار قالان ( پطرا Petra ) شہری خرابہ لرنده برچوق نقشلی ابنہ و یونتولش هیکلر و سائرہ آثاری کورلمکده در . یونانیلر قبل المیلاد ۱۳۳ سنہ سندنہ ( انتیغونوس Antigone ) ک قومانداسی آلتندہ اولدقلری حالده اوزنیک عسکردن متشکل اولان نبطیلر ایله محاربه ده بولنمشلردی . یونان مشاہیر مورخیندن ( دیودورس Diodore de Sicile ) طرفندن ویرلن معلوماتہ کورہ نبطیلر ؛ سہولتہ تبدیل مکان ایدہ بیلمک مقصدیله زراعتدن اجتناب ایدرلر ، ات و سود ایله کیمیرلر و مسکرات استعمالنی قطعاً منع و ایچنلرہ قتل جزاسنی ترتیب ایلرلردی . ایچدکبری شی ، اورالردہ مبدولیتہ یتیشن قدرت حلواسنی حاوی صودن عبارتدی . باشلیجه امتعہ تجاریدلرینی



تشکیل ایدن (مر صافی) وسائر مواد عطریہ فی بحر احمر سواحلی ایلہ بلاد عربدن وقرہ ساقزی (بحر لوط Mer Morte) دن کتیردرک مصرہ اخراج وایصال ایدرلردی . بوقرہ ساقز مصرلیلر طرفدن اولولری مومیا یامقده قولانلق ایچون مبایعه اولنوردی . مصر ایلہ سائر ممالک شرقیہ آرسندہ کی طریق تجارت منحصر آنبطیلرک اندہ بولنیور ایدی . سائر قوافل تجاریہ مهاجمہ ویغمایہ اوغرامقسزین بوزلرک اراضیسندن کچہ مزیدی . (اسکندرکیز) دن صکرہ مصرده حکمران اولان بطلمیوسلر بوزلرہ قارشی احراز غلبہ ایدرک کندیلرخی پنجه قهر وتذلیلہ آلق ایستدکلرندن حریتہ آلیشمش اولان بوقوم محکومیتی قبول ایتیمہرک ترک دیار ایلہ حوران جہتلرینہ التجا ایتش ایدی . قبل المیلاد برنجی عصر ائناسندہ نبطیلر دن یونانیلرجه آرتیساس (الحارث) تسمیہ ایدیلن بر حکمدار ظهور ایدرک شام والیسی ایلہ محاربہ اجراسندن صکرہ شہری قبضہ تسخیرینہ آتش ورومالیلرک حمایہ سی آلتندہ بورادہ قرق سنہ فی متجاوز بر زمان امتداد پنجه اجرای سلطنت ایتش ایدی . دها صکرہ نبطیلر میلادک برنجی عصر ندہ رومالیلرک دائرہ اتفاقلرینہ کیردیلر . نبطیلرک شان وسطوقی بوزمانلردہ جزیرہ العربک بحر احمر سواحله مجاور اولان یرلرینہ قدر توسع ایتش ایدی .

نیل اوزرندہ کائن ( فقط ) ایلہ ( قصیر ) طریق کشف ایدیلنجه قدر ( پطرا ) شہری شرق ایلہ مصر آرسندہ مرکز تجارت اولہرق دوام ایتش ایدی . فقط بویکی یول کشف ایدیلنجه اہمیت بالطبع اورایہ تحول ایتش و ( پطرا ) اہمیت دن دوشمکہ باشلامشدی . او وقتہ قدر نبطیلر طریق مدنیتہ سلوک ایلہ حرب وغارت اجراسندن عاجز قالدقلری جہتلہ زراعتلہ اشتغال وثابت اقامتکاہلردہ اقامتہ مجبور اولہرق ذوق وسفاهتہ طلمشلردی . ایشته بوزلر بو حالده ایکن ۱۰۵ سنہ میلادیہ سبندہ رومالی ( تراجان Trajan ) ک صولت استیلاکارانہ سنہ و ربقہ محکومیت وتذیلنہ اوغرا دیلر . عصیت رقتولری پریشان اولدی . مطیع اہالی کی مملکتک اہالی اصلیمسی اولان سریانیلر ، یاخود آرامیلر ایلہ اختلاط ایدرک سوریه وفلسطین قطعہ لرینک طور سینا شہہ جزیرہ سیلہ فرات نہری آرسندہ چولہ جوار اولان یرلرندہ منتشر اولدیلر وبوتارینچدن اعتباراً ہیچ بر قوت وسطوت کوستردمدیلر .

اسلام لر شام قطعه سنی فتح ایتک ایچون کلدکاری زمان نبیطلرک عراق و مابین النهرین اهالیسک لسانی اولان لسان آرامی و یالسان سریانی ایله متکلم اولدقلرینی کوردکارندن بونلر ایله عراق اهالیسینی بر ملت ظن ایدرک عمومته ( انباط ) نامنی و یردیلر . حال بوکه ارباب تدقیقک تأمیننه کوره ( بطرا ) ایله جوارنده بولان یرلرده مقیم اولان بواغالی اقوام عربیه دن ایدی . بونلرک لسان آرامی ایله متکلم اولملری دولترینک انقراضندن صکره شام و عراق اهالیسیله وقوع بولان اختلاطلری نتیجه سی ایدی . ( تورات ) علماسنک بیاناتنه باقیلیرسه نبیطلر آبای تورادن « نبایوط » ک احفادی عد اولنورلر . نبیطلر ، قوت و سطوتدن دوشنجه شام و عراق حدودی اوزرنده بونلرک یرینه عربلردن بر طاقم یکی اقوام ظهور ایتشدی . روملر ایله ایرانیلر چول خلقنک شام و عراق قطعه لرینه تجاوزلرینی منع ایتک ، یاخود بو ایکی دولت آرمسندده حرب ظهورنده ظهیر اتخاذا ایلک اوزره بونلری دائره اتفاقلرینه آلیرلردی . روملرک متفقلری اولان غسانیلر حوران و ایرانیلرک متفیقی اولان منذریلر فرات کنارنده کاشن حیرده اقامت ایدرلردی . روملر ایله ایرانیلر آرمسندده بر حرب ظهور ایدنجه غسانیلر روم و منذریلر ایران طرفنه کچرک هرطرف کندهی متفیقی ایچون طرف دیگر ایله حرب ایلردی . بونلر حال بداوتده ، بر جمعیت ابتدایه شکلنده بولندقلری حالده بیله بواکی بیوک و شوکتلی دولت ایچون مهم بر قوت تشکیل ایدیورلردی . ( ایاد ) و ( ربیعه ) قبائلی حاوی اولان عربلرک مابین النهرین و عراقده ایران و روم مالکی آرمسندده کی حدود اوزرنده اختیار اقامت ایلری ده بوکی برسیده مبتنی ایدی .

والحاصل اسلامیتک ظهوری صرهلرنده شام و عراق قطعه لرنده بولان اهالینک قسم اعظمی ؛ شمال و شرقده سریانیلر ، جنوبده یهودی و سامریلردن عبارت اولمق اوزره اصل آرامیلرک بقایاسیله غربده انباط بقایاسی ، بونلردن صکره عرب اولان غسانیلر و منذریلر و مابین النهرینده ( ایاد ) و ( ربیعه ) قبائندن متشکل ایدی . بونلرک ایچنه ( جبل لکام ) ده جراحه [۱] ، موصلده جرامقه [۲] ، ساحلرده یونان و رومالیردن قالمه برطاقم خلاق ایله شالده ایرانلی و کردلردن توردهمه بعض اهالی کی اقوام سلاژدن برطاقم متفرق

خلقِ دہ قاریشمش ایدی . رابطہٴ دینیہ ؛ نسب ، جنس ، لسان رابطہٴ لرینہ . غالب بر قوت ایله حکمفرما اولدیغندن اقوام آردسندہ هرشیدن اول خرسیتانلق ، یهودیک ، سامریک کبی روابط دینیہ اهمیت ویریلردی . خرسیتانلر (ملکی) ، (یعقوبی) ، (نسطوری) ، (مورانی) وسائرہ مذهب لرینہ آیرلمش لردی . دیانت ایله سیاست بر برینہ مربوط اولدیغی جہتلہ فرقہٴ دینیہ حکومتک تأیید حاکمیتہ خادم بر حزب سیاسیدن عبارت ایدی . استانبول کلیسای بالجلہ شرق کلیسالیکنک مادری عد ایدلکیکندن بو کلیسالرہ مربوط اهالی استانبولده تخت نشین اقبال اولان قیصر رومک تأیید حاکمیت مطلقہ سی ایچون اوبیوک کلیسایہ کردندادهٴ انقیاد اولوردی . بونک تفصیلی اوزون سورر .

#### ۱ شام و عراق قطعہ لرندہ تشکلات اجتماعیہ

اوزمانلرنندہ کی طرز حکومت ایله شم دیکی طرز حکومت آردسندہ - باخصوص هیئت حاکمہ اهالیٴ اصلیه نک غیرندن متشکل ولسان ، دین و جنساً مختاب بولنور ایسہ - موجود اولان عظیم فرقہ نظراً حکومت ایله اهالی آردسندہ کی مناسبات بوکونکی حکومتلر ایله اهالی بیندہ کی مناسباتہ مشابہ دکل ایدی . مثلاً رومالیر مملکت ایله اہالیسنی کیف مایشا امر وارادہ لرینہ تابع برملک ، بر عقارکی صایارلردی . بر چوق یرلردہ چفتجیلر اراضیہ تابع اشیادن عدایدلکی ایچون برکوی برالدن دیکر الہ صاندقجہ (سر Serf) نامی ویریلن اہالیسی ایله برابر انتقال ایلردی . عربلر بونوع اسیرلرہ جہی (اقنان) ومفردی (قن) ، یعنی (دائماً اسیر) اسمنی ویرمشلر ایدی . بونلردن بر صنعت مخصوصہ دہ یاخود شعر وادبہ ویاتجارتدہ اظهار اقتدار ایدنلر بومرتبہ دن یوکسلہ بیلیرلردی . آنحق اوصنفتدن بوکی ارباب مزیت نادر یتیشیردی .

هر حالده اهالیٴ مملکتی تشکیل ایدن خلق بری حکمدار ایله اقربا و تملقاتی ، مختصر ایله دوست و ظہیرلری (اعوان) ، رؤسای دینیہ وامثالی اولہرق خاصہ ، دیکری علی الاکثر چفتجیلردن متشکل اولان اهالیٴ اصلیهٴ مملکتدن عبارت عوامدن اولق اوزرہ ایکی صنفدن متشکل ایدی . شام قطعہ سنک

رومالیلر زمانندہ کی خواص صنفی رجال حکومت ، یعنی پطریقلردن مرکب ایدی . اولجہدہ بیان ایتدیکمز اوزره بوپطریقلر روحانی پطریقلر نوغندن دکلدیلر . بونلر روما شهری ایله برابر ظہور ایدن برطاقم اشراف و رؤسای عسکریہ ( Patrieuis ) ایدیلرکہ ( روما ) دہ غایت نفوذلی دورلر کچیردکن صکرہ دولتدہ وقوع بولان انقسام اوزرینہ نفوذلرینی غائب ایدرک موقتسز ، ایشسز قالمشلدی . بالآخرہ روملرک شان و سطوتی شرقہ قدر توسع ایدنجه مادر مملکتدن اوزاق بولان مستعمراتدہ حاکمیتک ارباب نفوذ و سطوت ایلدیمکن اولہینہجکی نظر دقتہ آلہرق بو اشراف و رؤسایہ لزوم کورلش و شرق



عرب — ایران طرز صنعتکارانہ سیلہ پالش برصندوق

مستعمراتنہ واو جملہدن شام و مصر قطعہلرینہ بونلردن والیلر تعین ایدلش ایدی . بتون شام قطعہسی ۱۱ اقلیمہ منقسم اولمق و ہراقلیمدہ بر قوۂ عسکریہ ایله برابر عاداتامستقل بروالی صلاحیتی حائز برپطریق بولمق اوزره برولایت اعتبار اولنوردی [۱] . مذکور قطعہنک قیود رسمییہ نظرأ حدودی شمال شرقیدہ ( فرات ) نہرینہ قدر امتداد ایدردی . عراق و مابین النہرین بوقطعہیہ داخل دکلدی . اہالیء مملکتدن بحث ایتدیکمز صردہدہ بر عد ایتہمز آنحق بونلرک اہالیسی ایله شام قطعہسی اہالیسنک اصلری بر اولدیغہ بناءدر .

[۱] برنجی جلدک ۱۲۴ نجی صفحہ سندہ وبریلن تفصیلاتہ مراجعت بیوریلہ



۲۰ مصرہ تشکلات اجتماعیہ

اقوام سائرہ ایہہ شام و عراق اہالیسندن دہا آز اختلاطدہ بولسان مصر قطعہ سی فراغہ زمانندن اول تاریخک الاسکی دورلرنده بیلہ مهاجرات متوالیہ یہ مقرر اولمقدن قورتولمامشدی . حتی فراغہ نک اکثری خارجدن کان فاتح واستیلا کارلردن متشکل ایدی . متغلبہ دن ہر ہانکیسی مصرہ کلوب مقام حاکمیتدہ یرلشدجکہ کندیسنہ منسوب اولان مات افرادی مملکت مفتوحہ یی استثمار ایتمک مقصدیلہ فوج فوج بورایہ کلکہ باشلارلردی . بونلر بر ثروت طویلا نیجہ یہ قدر موقت اوطور مق اوزرہ کلیرلرسہ دہ بورالردہ بر کرہ یرلشوبدہ اسباب معیشتی تأمین ایندکدن صکرہ علی الاکثر مملکتلرینہ عودت ایتمزلردی . قبل المیلاد ۲۳۱۰ تاریخلرنده مصری ضبط و ۱۷ نجی سلالہ حاکمہ یی تشکیل ایدہ رک ۲۶۰ سنہ حکم سورن عرب و عمالکہ قبائل رؤسائی ( ہیقسوسلر - رعایا Hysesos ) ایہہ قبل الاسلام مصری قبضہ استیلالرینہ آلان ایرانیلر ، یونانیلر ، رومالیلر وسائرہ زمانلرنده وقوع بولدی اوزرہ بو مهاجرلر بر قایع عصر اقامتدن صکرہ اہالی اصلیلہ ایہہ اختلاط و تدریجاً اصللرینی غائب ایدہ رک اہالی جملہ سندن اولورلردی . ہیئات حاکمہ ایسہ دیگر فاتحلرک تغلیبہ ارضیع حاکمیت ایدن نیجہ یہ قدر کندی اصللرینی ، لسانلرینی ، عصیت قومیلرینی محافظہ ایلرلر و محکوم دوشونجہ بو خواصی تدریج ایہہ اونودہ رق رعایا حکمنہ کیرلرلردی . مصر قطعہ سی من القدیم محصولدار وقازانجی بول بر قطعہ اولق اوزرہ طائلش اولدیغندن تجارت وسائرہ ایہہ بارہ قازانق ایچون اورایہ کیدن مهاجرلر ایسہ بشقہ در .

مصرہ استیلا ایدن فاتحلر موقع حاکمیتدہ بولندجہ علی الاکثر اہالی اصلیلہ مملکت ایہہ اختلاط ایتمزلردی . عسکر ، رجال دولت ، رؤسای روحانیہ وسائر اصحاب مناصبی تشکیل ایدن بو صنوف حاکمہ بیوک شہرلردہ اقامت ایدرلرلردی . مملکت اہالیسی جفتجیلک ، صنعتکارلق ، ہر نوع خدمتجیلک ایہہ مشغول اولورلردی . اوچ عصر امتداد نیجہ مصرہ موقع حاکمیتدہ بولنان بطلمیوسلر زمانندہ مصرک تشکلات اجتماعیہ سی شو عرض ایتدی کمز شکلہ مطابق ایدی . بونلرک دور حاکمیتلرنده پک چوق یونانی مهاجرلری بو

قطعه‌یه گلش ایدی . علی الاکثر عسکر ، ارباب تجارت و مأمورین حکومتدن متشکل اولان بومهاجرلر اسکندریه و سائر بیوک شهرلرده اقامت ایدرلردی . مصرده آلتی عصر حکمران اولان رومالیلر زماننده دخی هیئت حاکمه ایله اکا منسوب اولان عنصر یری اهلیدن آیری اوله رق وقت کچیرمش وشام قطعه‌سنده اولدینی کبی استحکام و قلعه‌لرده ویا بیوک شهرلرده اختیار اقامت ایش ایدی .

بناءً علیه دها صکره اسلامیت ظهور ایتدیکی زمان مصرده کی اهالی ایکی صنفدن مرکب بولنیوردی: (۱) رومالیلر ویا روملردرکه پایتختلری اسکندریه شهری ایدی . رجال دولت ، عسکر ، بر قسم رؤسای روحانیه بولردن ایدی . (۲) قبطی اولان اهالی اصلیه ایدی . بونلرک ایچنه یونانی ، رومالی ، شاملی ، عراقلی ، نوبلی و آفریقایی اولوب تجارت ویا سائر بر وسیله معیشت تعاطی ایتک اوزره مصره کلن مهاجریندن توردمش اولان بر قسم خلقدده قاریشمش ایدی . بوندن ماعدا هیئت حاکمه ایله اهالی آردسنده دخی اولمق اوزره دیگر بر فاصل دها موجود ایدی . زیرا روملر حکمدارک مذهبنده « ملکیلر » ی تشکیل ایتدکری حالده اهالی اصلیه اولان قبطیلرک غیری بولنان ( یعقوب براذعی ) مذهبنه سالک یعقوبی ایدیلر .

### ۳ افریقیه ده تشکلات اجتماعیه

عربلرجه افریقیه دن مقصد آفریقانک شمالنده واقع والیوم تونس ، طرابلس ، غرب ، جزایر ، فاس ممالکی ایله معروف اولان قطعه در . بو قطعه فی الاصل سامیلره منسوب بر مستعمره ایدی . چونکه میلاد عیسادن بر قاج عصر اول فیکه دن اورایه بر طاقم مهاجرلر کیده رک ( قرطاجه ) ویا ( قرطجنه Carthage ) شهرینی تأسیس و او قطعه ده اصلی اعتباریه شرقی بر دولت تشکیل ایتشلردر . بو دولت هر نه قدر موقعاً غربده بولنش ایسه ده مؤسسلری ساملی ولسانی دخی لسان عربینک قاردرلرندن بری اولمق اعتباریه ساملی صایق اقتضا ایدر . قرطاجه لیلر رومالیلر ایله بر جوق محارباتده بولنه رق دکنز و آلپ طاغلی طریقیه رومایه قدر کیتمشلر و او پایتخت قدیمی محاصره آلتنه آلمشلردی . حتی بونلرک صولت جنکاورانه لرینسه قارش روم دولتک انقراضنه هان بر رمق قلش ایدی .

بويله بر حادثه وقوع بولش اولسه ایدی روی زمینی بو کونکی کوردیکمز شکله کورمیه جکدک . فقط قرطاجه لیلر بوکا موفق اوله میهرق تکرار کندی مملکتلرینه عودت ایتدیلر . بو سفر رومالیلر بالمقابله انلره هجوم ، مملکتلرینی تخریب ، کندیلرینی محو واقفایلدیلر . بوتاریخدن اعتباراً قرطاجه مملکتی علی التوالی رومالیلر ، واندالار Vandales ، ایرانیلر و سائرہ نک حاکمیتلری آلتنه دوشدی . مذکور مملکتده کی اهالی اصلیه ایسه طاغلرده مقیم ونهب و غارتله مشغول برطاقم قبائل بربریدن مرکب ایدی .

رومالیلر بورالری قبضه استیلالرینه آلدقلری زمان اهالی مملکتی بری قاس ، جزائر ، تونس سواحلنده مقیم وتجارت وصنایع ایله مشغول شهرلی ، دیکری طاغ وچوللرده ساکن ارباب بداوت اولق اوزره ایکی صنفدن متشکل کوره رک برنجی صنف خلقه ( موریطانیالی Mauritania ) و دیکرینه ( نومیدیلی Numidia ) ناملری ویرمشلردی . نومیدیلر جنک آور قبائل سیارهدن متشکل اولدقلری ایچون رومالیلر بونلری دائره اطاعته آله مدیلر . بونلر فرصتلردن بالاستفاده ساحلده کی شهرلره تعرض ایدرلر وصیقیه کلدکلری زمان درحال طاغلر ایله چوللره چکیلرلردی . بو حال رومالیلردن صکره او مالکی تسخیر ایدن بتون فاتحلر زماننده دخی دوام ایتمش ایدی . اسلاملر آفریقا سواحل شمالیه سنی فتح ایتدکلری ائنده دخی بوراده کی اهالی ینه بری شهرلی ، دیکری بدوی اولق اوزره ایکی صنفدن متشکل ایدی . شهرلیر بالاده ذکر یکن موریطانیالیر وانلر ایله اختلاط ایدن روملر و واندالردن مرکب ایدی . بومدی خلق خرسیتیانلی قبول ایتمش ایدی . بدولره کلنجه بونلر هجرتک برنجی عصرینک صوکلرینه قدر طاغلره صیغینمش قالمشلر ، حال بداوتلرینی محافظه ایتمشلردی . عربلر ، بونلره ( قبائل بربر ) نامی ویریرلر . قبائل بربریه تاریخ اسلامده بیوک بر موقع اشغال ایدر .

#### ۴ فارس قطعه سنده تشکلات اجتماعیه

فارس قطعه سندن مراد ، غرب جنوبیدن ( دجله ) نهری ایله شرق شمالیدن ( جیحون ) نهری آره سنده کی قطعه در . ( خوزستان ) ، ( کرمان ) ، ( مکران ) ، ( جبال مالکی ) ، ( خراسان ) ، ( اذربایجان ) ، ( ارمنیه ) و سائرہ بوقطعه یه

داخلدر . بورالرده مقیم اولان اهالی بر چوق اقوامدن متشکل اولدینی ایچون بونلری بونجه زمان کچدکدن صکره عددجه حصر ویکدیگرندن صورت قطعیده تقریق ایتک ممکن دکلدر . بونکله برابر هر حالده بواقوام جنس ، لسان ، دیانت اعتباریه عراق و شام قطعه‌لری اهالیسندن پک چوق فرقلیدر . مثلاً فارس قطعه‌سندہ بولان اهالی علی‌الاکثر جنس آریه منسوب اولوب بو ایسه ده اول کوستردیکمز اوزره شام قطعه‌سییه ماوراسنده بولان مالکی اعمار ایدن جنس سامیدن بشقه‌در . لسان فارسی دخی اوروپا لسانلری قاردشلردن اولان السنه آریه‌دن بریدرکه بوده السنه سامیه‌نک غیریدر . قبل‌الاسلام اورالرده منتشر اولان دیانت ایسه بری نور وکوندوزدن ، دیکری ظلمت وکیجه‌دن عبارت و برنجیسی خیره ، ایکنجیسی‌ده شره مصدر اولق اوزره « ایزد » ویا « امرمن » اسم‌لریه ایکی عنصره اعتقادی تلقین ایدن ( زردشتیک Zorastre ) ویا ( مجوسیک ) مذهبی ایدی . حال بوکه عراق و شام قطعه‌لرنده منتشر اولان مذاهب خرستیانلق ویهودیک ایدی .

فارس مالکی قبل‌المیلاد دردنجی عصرده اسکندر کبیر طرفدن فتح اولنجه‌یه قدر بر چوق دولترک پنجه حاکمیتیه دوشمش ایدی .

اسکندر وفات ایدوبده مملکتی قوماندانلری آرسنده انقسامه اوغراقدن صکره بوقوماندانلر ، بو مالکی محافظه‌یه مقتدر اوله‌مدقلردن طوائف ملوک نامیه معروف اولان امرای محلیه آرسنده تقسیم ایدلشدی . نهایت ۲۲۴- سنه میلادیه‌سندہ ساسانیان دولترک مؤسسی اولان ( آردشیر بابکان ) ظهور ایدرک قلیچ قوتیه بومالکی طوپلایوب فرمان حاکمیتیه منقاد ایتدی . آردشیر خاندانی اسلامیتک ظهورینه قدر ایران تحت سلطنتی اشغال ایلدیلر .

ظهور اسلامیت صره‌سندہ ایسه بومملکت اهالیسی بری عوام ، دیکری خواص اولق اوزره ایکی صنفدن متشکل ایدی . عامه صنفی اولاهالی اصلیه ، ثانیاً قبائل آریه ایله قبائل تورانیه‌دن اولان ترک و دیلیلرک عصرلرجه اختلاطدن توردین خلقدن مرکب ایدی . چیفتجیلر ، ارباب صنایع ، خدمتکارلر کبی صنوف ناس اهالی اصلیه‌دن ایدی . اسلامیتک ظهوری زمانلرنده بوصفه ( طاجیه ) نامی ویریلوردی . فقط بوکله‌نک هانکی اصلدن کلدیکی معلوم



دکدر . ( طاجیہ ) دنیلجہ طائفہ عامہ آکلاشیلیدی . بواسم ایہ معروف اولان خلق ایری بویلی ، کوچلی ، قوتلی آدملر ایدی . خواص صنفہ کلنجہ بوصف حکمدار ایہ اقربا وتعلقاتی ، رجال حکومتی ، رؤسای دینیہ ، دول سابقہ دن قلمہ اشراف واعیاندن متشکل ایدی . تشکلات اجتماعیہ اعتباریہ حکمداردن صکرہ ( شہارجہ ) - شہریجان - ویا ( سہارجہ ) نامندہ کی اکابر صنفی کلیرکہ روملردہ بطریقہ نصل ایسہ بونلردہ ایراندہ اک یوکسٹ مراتب دولتی اشغال ایدرلردی . شہارجہ دن صکرہ دول سابقہ حکمدارلرینہ منسوب ( دہاقین ) صنفی کلیرکہ اراضی مملکت بونلرک النده ایدی . بواراضیدہ طاجیلری استخداام واراضی بی استعمار ایلرلردی . بش درجہ اعتباراولنان بودہقانلرامارتلردہ ، حکومت مأموریتلرنندہ بونلرلردی . نتہ کم اسلامیٹک ظہوری صرہلرنندہ ( بخارا ) و ( ہرات ) امراسی بونلردن ایدی . بونک عکسنہ بعض دہقانلردہ عوام ناسدن فضلہ بر موقع صاحبی دکدیلر .

ظہور اسلامیت ہنگاملرنندہ دولت ساسانیہ نک حاکمیتی آئندہ بولنان فارس مملکتی ہر برینہ ( مرزبان ) نامی ویریلن برامیرک ادارهسندہ بولنق اوزرہ بر طاقم ولایتلردن متشکل ایدی . ( مرز ) ایہ ( زبان ) لفظلردن مرکب اولان بولکہ نک معنای اصلیبی ( سرحد محافظی ) ویا ( سنور بکی ) دیمکدر . بونکہ برابر بووالیرک بعضلری وبالخاصہ پایتختدن اوزاق اولانلری قسماً ویا کاملاً مستقل بر حالہ ایدیلر . ہروالیہ بر اسم مخصوص اطلاق اولنوردی . مثلاً ( سجستان ) امیرینہ ( رتیل ) ، ( سمندجان ) امیرینہ ( رنجان ) ، ( طخارستان ) امیرینہ ( جیغویہ ) ، ( بلخ ) امیرینہ ( اصہبند ) ، ( مروالروز ) امیرینہ ( بازان ) ، ( طالقان ) امیرینہ ( شہرک ) و ( فرغانہ ) امیرینہ ( اخشید ) دینیلیدی . ( مرو ) ، ( سرخس ) ، ( طوس ) کبی بعض ولایتلر ایسہ مرزبانلرک النده ایدی .

خرستیانلرچہ مجوسیلر دینیہ معروف اولان ( زردشت ) مذہبی رؤسای روحانیہ سی - کہ مملکتک رجال دینیہ سی ایدی - حکمدارلردن والکیوک اعیان وواشرافدن زیادہ نفوذ وموقع صاحبی ایدیلر [۱] .

ایرانلیلر بورؤسای روحانیه نك مفردینه (موبذ) وجعنه (موبذان) دیرلردی . خرسیتیانلرده اییستقوبوسلر فصل ایسه انلرده اوپله بر موقع روحانی اشغال ایدرك اییستقوبوسلرك رئیس کی ازلرك رئیسده (موبذ موبذان) نامی ویریلیر و حاکمك ، حکومت ایله اهالی آردسندده تحدت ایدن خصوصاته نظارت ووظیفه لری بونلره مودوع بولنوردی . ذکر ایتدیکمز صنوف ناسدن ماعدا بصرده بولنان بر نوع ایرانلیلردن عبارت اولان (اساوره) ، سند ممالکندن بصرده کلن مهاجریندن اولوب حبسخانه غاردیانلقلرنده وعبادتخانه لرك خدمتنده استخدام ایدیلن (سابعه) ، هند چنکانه لرندن اولان (زط) لر ایله کوفه . کی عجم مهاجرینی دیمك اولان (احامره) کی دهها بر طاقم جماعتلر وار ایدی که بونلر یا بر صنعت وخدمت تعاطی ایتك اوزره بر یرده مستقراً اقامت ایدرلر ویاخود یردن یردن تحویل مکان ایله وقت کچیریرلردی .

#### ۵ دور جاهلیت عرب‌نډه تشکلات اجتماعیه

دها اول ویردیکمز معلوماتدن آکلاشلدینی اوزره جزیره العرب اهالیسنی تشکیل ایدن اقوام آرامیلر ایله عبرانیلرك قاردشی اولمق اوزره اقوام سامیه دن ایسه لرده مقیم اولدقلری قطعه نك اطرافی اردولرك نفوذینه مانع برطاقم چوللر ایله محاط بولنسندن طولایی شام و عراق قطعه لرنده مقیم اولان همجنسلرینك فاتح و جهانگیرلر طرفندن دوچار اولدقلری صدمات استیلاکاراندن آزاده قالمشلردی . آثوریلر، یونانیلر، رومالیلر وسائر بر شکل طبیعده مستحکم اولان بو قطعه نی نچه فاتحانه لرینه کچیرمك ایستدیلر سده هیچ بر موفقیته نائل اولمقسزین اورالردن رجعه مجبور اولمشلردی . فقط یالکز جزیره العربك قسم جنوبیسی ، یعنی یمن قطعه سی بشنچی عصر میلادی انناسنده حبشستانیلرك صولت فاتحانه لرینه اوغرادی . حبشستانیلر یعنی قبضه استیلالرینه آلدقن صکره حجاز قطعه سنی ده تسخیر ایتك ایستدیلر ایسه ده طالعلری کندیلرینه بونده یاردیم ایتدی . ینده دخی بونلرك حاکمیتی چوق سورمدی . زیرا یمانیلر ایران حکمدارندن آله بیادکلری امداد ایله حبشستانیلری یمندن اخراج ایلدیلر . فقط ایرانلیلر اورادن دشمن خارجی بی دفع ایدنجه انك یرینه کندیلری مقام

حاکمیتی احراز و اہالی اصلہ ایلہ اختلاط ایدرک (اہناء احرار) نامیلہ معروف اولدیلر .

بونسکہ برابر جزیرۃ العرب قطعہ سی؛ اطرافندہ بولنان شام، مصر، عراق قطعہ لرندن بر طاقم مهاجرلرہ ملجاً تشکیل ایتمکدن خالی قالمدی . او دورلرک غیر محدود استبداد خونریزانہ سندن ویا ارتکاب جرم و جنایتدن طولانی حکومتک مجازاتندن فرار ایدنلر جزیرۃ العربہ التجا ایدرلردی . ہلہ مصردن مفارقتدن اعتباراً رومالی (تیتوس Titus) زمانہ قدر سورہہ قطعہ سندہ انواع مظالم و استبدادہ هدف اولان یہودی لردن اورالرہ پک چوق مهاجر کیدردی . بونلردن ماعدہ یونانی لردن، رومالی لردن، ایرانیلردن، ہندیلردن، حبشی لردن و سائرہ دن بر طاقم مهاجرلر دخی ہیچ بر ظلم و استبدادہ معروض اولمدقلری حالہ جزیرۃ العربہ مهاجرت ایدرلردی . فقط عربلر کرک بو مهاجرتلرہ ، کرک تأثیرات سائرہہ رغماً استقلاللرینی ، نسب ، آداب و عاداتلرینی تماماً محافظہ ایدہ بیلمشلردی . عربلر نسب ویا وطن اعتباریلہ ( قحطانی و یامنی ) ویا خود ( عدنانی ویا حجازی ) اولق اوزرہ ایکی بیوک قسمدن متشکل ایدیلر . او اعتبارہ کورہ لسانلری دخی بری ( حمیری ) ، دیکری ( مضری ) اولہرق ایکی یہ آیرلمش ایدی . کتابمزک دردنجی جلدندہ عربلرک صنوف و طبقاتی ، قبائی ، متفقلری ، آزادیلری ، اسیرلری حقندہ معلومات مفصلہ ویردک .

### راہنہ تشریحات اجتماعیہ

اسلامیتک ظہوریلہ ( انصار ) ، ( اہل بدر ) ، ( اہل قادسیہ ) کی بر طاقم صنوف ناس تشکل ایتدیکی کی ( نسب ہاشمی ) ویا ( نسب قرشی ) دن دخی علویلردن وعباسیلردن اولان شرفا ایلہ انصار و مهاجرینک اوغللری کی بر طاقم عصیات و روابط جدیدہ وجودہ کلدی . حضرت عمر تاریخ اسلامدہ ایلک اولق اوزرہ دفترخانہ یی ( دیوان ) تأسیس ایتدیکی زمان بویکی صنوف و طبقاتی نظر اعتبارہ آلہرق اسلاملرہ اکا کورہ معاشر باغلادی . ( تابعین ) ( تابعینک تابعینی ) ایلہ ( آل زبیر ) ، ( آل ابی بکر ) و سائرہ کی مشاہیر صحابہ یہ منسوب اولان خاندانلر سالف الذکر صنوف و طبقاتہ ملحق ایدی .

ايسته اسلاميت وفتوحات تأثيريه تشکيل ايدن بو شرفا و اعيان صنوفي زمان جاغليته معروف اولان شرفا و اعيان صنوفدن غيري ایدی .  
 ممالك مفتوحه يه کانجه اسلاملر بورالره کلدکلی زمان کنديلريني حدودده ايلک قارشيلايانلر همجنس و همسانلری اولان عربلر اولدی . دهها صکره اسلاملر شام و عراق قطعهلرينک ايجريلرينه طوغری ياييلنجه بورالرده هيئات حاکمه يي تشکيل ايدن يوناني و ايرانيلرک لسانلريه کندي لسانلری آردسند بر مناسبت بوليان اهالی ؛ متکلم اولدقلى ( آرامی ) ويا ( سريانی ) لساننک عربجه يه ياقينلغنه بناءً يکی کلن فاتحلرک لسانيله پک قولای انسييت و الفت بولديلر . في الحقيقه بو لسان مسأله يی عربلرک مذکور قطعهلری سهولته فتح ايتلرينه پک چوق يارديم ايتدی . مع مافيه بو طرفلرده بولنان صنوف اهالی خلفای راشدين دورنده اهميتلی بر تبدله اوغرامدی . چونکه اوصرده اسلاملر اهالی اصلیه ايله اختلاط و امور دينيه ، اداريه و سياسيه لرينه مداخله ايتمه رک يالکز جزيه و خراجی آلق و اهل کتابدن تحت حاکميتلرينه کيرن اهالی يي حمایه ايتمکه اکثفا ايشلردی . عرب عسکری بلاد مفتوحه نک خارجنده اردوکاه و استحکاملرده اقامت ايدرلر و ممالك مفتوحه بر اشغال عسکری آلتنه آلتقدن بشقه بر تبدله اوغرامازدی . يالکز يغم ويا اسير حرب صورتيله اسلاملرک انه دوشن اسيرلر ايله آزاد ايتدکلی اشخاص کنديلرينه التحاق ايدردي . و الحاصل بو دورده جزیره العرب خارجنده اولق اوزره يکی يالکز بر صنف خلق تشکيل ايتمش ایدی که اوده عربلرک غيرندن اولان اسلاملر ایدی . دهها اول کوستردیکمز اوزره بولنره هيئت اجتماعيه ده عربلر قدر حقوق و موقع ویرلمزدی .

### امويلر دورنده تشکلات اجتماعيه

دولت اسلاميه امويلره انتقال ايدر ايتمز روضه نبی جوارنده ( مدینه ) بولنان پايتخت اسلام ممالك مفتوحه يه دهها يقين بولنديرمق مقديله شامه نقل ايدلدي . امويلر اللرينه انتقال ايدن ممالک قناعت ايتمه رک هر طرفه اردولرسوق و ممالك اسلاميه يي شرقدن ترکستانه قدر توسيع ايلدکلی کي غربدن دخی جبل طارق بوغازيني کچره رک اسپاني و ( تورس Tours ) نهرينه قدر ماوراسنده بولنان



فرانق ممالکنی قبضه استیلالرینه آلدیلر . لوای مظفریتلریخی ایران ، ترك ، اسپانیا و فرانق ممالکنك اك بیوك شهرلری اوزرنده ركز و ( قسطنطنیه ) شهرینی تهدید ایلدیلر . امویلر براشغال عسکری حائده بولان فتوحات اسلامیه یی حاکمیت دائمه شکلنه تحویل ایلدکلری کبی دیانت شککنده بولان اسلامیتی ده دولت حاله قلب ایتدیلر . شام ، مصر و عراق قطعهلرنده دوائر دولته لسان رسمی اولق اوزره استعمال ایدیلن یونان ، قبط و ایران لسانلرینه بدل عربجه یی لسان رسمی اتخاذایده رك بو انقلابی تقویه و تحکیم ایلدیلر . اوزمانه قدر ممالك اسلامیه ده تداول ایدن روم و ایران مسکوکاتی دخی قالدیر یله رقیرینه مسکوکات عربیه وضع اولندی . او اجنبی مسکوکات اوزرنده بر طاقم تصویرلر و رمزلر منقوش ایدی . امویلر بوتقشلیریرینه آیات فرآنیه قوللاندیلر . اکابر رجال دولت و منسوبین حکومت روم و ایران دولتلرینه مخصوص اشارتلی حاوی اقمشه دن البسه کیرکن امویلر بوتقشلی ده ابطال ویرینه عربله عائد علامات مخصوصه استعمال ایتدیلر . ایشه بو اجراءات سایه سنده عربلر هر طرفه کمال سهولته یاییله رق مقام حاکمیتی منحصرأ اشغاله و لسانلریك نشر و تعمیمنه موفق اولدیلر .

مع هذا امویلر عربلقده اولان فرط تعصبلی اسلاملری بری اصل عرب ، دیکری موالی ، یعنی عربلرک غیری اولق اوزره ایکی قسمه تقسیم ایتدیکی کبی نسب قحطانی و یا نسب عدنانی اعتباریله عربلر آردسندده بر طاقم تفرقه و انقساملر وجوده ککشدی . امویلر خشونت بداوتکارانه ایله ادبیات ، اخلاق و عادات جاهلیه نك ابقاسی طرفداری اولدقلی ایچون عربلر دور امویده او دائره خارجه چیقمه میدان بوله مدیلر .

والحاصل صنوف ناس امویلر دورنده زمان راشدینه نظراً بر آدیم ایلری آتمشدی . بودورده خلق بری مسلم ، دیکری غیر مسلم اولق اوزره ایکی بیوك قسمه منقسم اولدینی کبی اسلاملر دخی بری عرب ، دیکری موالی اوله رق ایکی قسم ایدی . غیر مسلملر ده اول او ممالکده بولان قبطیلر ، نبطیلر ، روملر ، ایرانیلر و سائردهن متشکل اولان اهل ذمت ایدی . اسلاملرک خدمته بر طاقم طبیبلر ایله کاتبیلر و مترجملر کیرمش ایدی که بونلرده اهل ذمتدن اولق اوزره اسلامیتدن اول موجود اولیان بر صنف مخصوص تشکیل ایدینورلردی .

بوندن ماعدا كرك فتوحات امويه و كرك اختلالات داخلیه اثناسنده بعض طوائف و جماعاتك مملكتك بر موقعندن ديكر موقعنه تحويل موقع ايتلری كبی بر طاقم تبدلات دها وقوع بولدی . نته كیم بصرده مقيم و ( سابعه ) ناميله معروف اولان سندلی بر طاقم مهاجرین ايله ( زط ) ناميله معروف اولان هند چنكانه لرندن بر طاقم جماعات ( معاويه ) نك زماننده شام سواحانه نقل ايدلیدی كبی ( عبدالملك بن مروان ) ك عراق والیسی اولان ( حجاج ) طرفندن دخی بو چنكانه لرندن بر طاقم خلق عراقه نقل ایدیلر ك ( كسكر ) ك آشانغی طرفلرندن اسكان اولندی . ك ذلك ( عیدالله بن زیاد ) بخارا اهاالیسندن بر چوقلریخی اسیرایدرك بصرده اسكان ایتدیردی . ( حجاج ) دخی واسط شهرینی تأسیس ایتدیكى زمان بخارا اهاالیسندن بر چوقلریخی بو طرفلره نقل ایلدی [۱] .

عسكرلر بر مملكتك فتحی ایچون عزیمت ایتدکری ائنده بر بریلرندن ، نبیطیلرندن ، قبطیلرندن ، جرامقه و جراجهدن بر طاقم خلق انلر ايله برابر کیدر ك یكى فتح اولنان ممالکده یرلشیرلر و اهالی اصلیه ايله بالاخلاط بر صنف مخصوص تشکیل ایدرلر دی [۲] .

خلاصه کلام امویلر زماننده کی ممالك اسلامیه اهاالیسی روم و ایران حالندن دور اسلامیه انتقال باشلانغچنده ایدی . بوانتقالك تماماً حصولی ايله اسلامیت و مدنیت اسلامیه مخصوص بر شکل اکتساب ایتسی ایسه آنجق عباسیلر دورنده میسر اولدی . امویلر ك عربلر ك غیری اولان اقوام ايله اختلاطه عدم تنزللری ايله برابر حال بد اوئده قلمنی ترجیح ایللری انلر ك زماننده اهالی آره سنده اوکی بر انقلابك وجوده کلسنه مانع طور دی .

امویلر ك رایات ظفرینی حامل اولان عساكر اسلامیه فارس ، خراسان ، تركستان ، مصر ، افریقیه و اندلس قطمه لرینك ایچریلرینه طوغری توسیع فتوحات ایتش ایکن بونلر اهالی ايله پك آز اختلاطده بولنولرلر ، انلر ك اخلاق و عاداتندده پك آز شی اقتباس ایدرلر دی . حتی شامده بونان خلیفه بیله عین طرز حرکتی اختیار ایلر دی . بوخلفا پاسبانلر ( حرس ) قوللامق ، پوسته و استخبارات تشکیلاتی قبول ایتك ، تحت سلطنت استعمال ایتك کبی یالکزر

بر طاقم محدود شیلرک اقباسیله اکتفا ایتشلردی . فقط عباسیلر بر طرفدن عرب اولیانلر ایله غیر مسلملرک مظاهرتیله احراز حاکمیت ایتلرینه و دیگر طرفدن ظہیرلری آردسندہ بولمق اوزره بغداد شہرینی ایرانلیلر ایله سریانیلر، یاخود آریلر ایله سامیلر و یاخود مجوسیلر ایله خرسٹیانلر آردسندہ کائن حدود اوزرندہ تأسیس ایتلرینه بناءً بسبتون اجنبی نفوذی آلتہ دوشہرک موقع اقتدارہ کتیردکاری ایرانلی وزرا واسطہ سیلہ دوائر حکومتلرینی دولت ساسانیہ تشکیلاتنہ تطبیق و ایرانلیلرک اخلاق و عاداتی تقلید ایتدیلر .

### عباسیلر زمانہء تشکلات اجتماعیہ

مملکت اسلامیہ نك تشکلات اجتماعیہ سی حقندہ شمدیہ قدر ویردیکمز معلوماتی عباسیلر دورندہ کی تشکلات اجتماعیہ بحثہ کیرہ بیلیمک ایچون برطاقم تمہیدات قیلندن اولق اوزره تحریر ایلدک . فی الحقیقہ تشکلات اجتماعیہ آنجق عباسیلر دورندہ اسلامیت و مدنیت اسلامیہ یه مخصوص برشکل اکتساب ایتدی . انک اک پارلاق و مکمل شکلی اودورک پایتخت اسلامی اولان بغداد شہر شہرندہ تجلی ایلوردی . او پایتخت خارجندہ دها منتظم ، دها ششعہ دار برہئت اجتماعیہ اسلامیہ آراماملیدر .

دور عباسیدہ خلق بری خواص ، دیگرکی عوام اولق اوزره ایکی بیوک صنفدن مرکب ایدی . ہر صنفک دخی زیردہ کوریلہ جکی اوزره برچوق تفرعات و تشعباتی وار ایدی .

### خواص صنفی

خواص صنفی اولا خلیفہ ، ثانیاً اقربا و تعلقاتی ، ثالثاً رجال حکومتی ، رابعاً شرفا و اعیان اولق اوزره درت قسمہ منقسم ایدی . بوقسملردن ہر برینک برطاقم اقسام و تفرعاتی دخی وار ایدی کہ بونلرک ذکر ایلریدہ کلہ جکدر .

خلیفہ ہم دینی ، ہم دہ سیاسی حاکمیتی حائز اولان حکمداردر . بوقدرتی حائز اولان بر ذاتہ سائر صنوف ناسک فوقندہ بر موقع صاحبی اولمی ، خلقک حرمت و تعظیمی ، اطاعت و تکریمینی احراز ایلمی پک طیبیدر .

خلیفه‌دن صکره اک یوکسان نفوذ و مقام خلیفه‌نک بنی هاشم‌دن منسک  
اولان اقربا و تعلقاتنه منحصر ایدی . بونلره اشراف، و شهزادلر ( ابناء الملوك )  
ناملری و یریلردی [۱] . بوشهزادلر خلیفه‌نک حضورنده کرسیلر اوزرنده  
اوطورورلردی . رجال دولت و مقربین ایسه مندرلر و کلیملر اوزرنده اخذ  
موقع ایدرلردی . خلیفه‌یه کلنجه عمومک فوقنده بر موقع صاحبی اولمق  
اعتباریه تحت سلطنت اوزرنده جالس اولوردی . شهزادلر خزینۀ دولتن  
یامعین معاشر و یا خلیفه طرفدن زمان زمان احسان اولتان عطیه و هدیله‌لر ایله  
یکینیرلردی . دولت عباسیه‌نک تشکلی صره‌سندۀ خاندان عباسی ارکانی و الیلک  
و قوماندانلقلری درعهده ایدرک ماده و معنی خلیفه‌یه معاونت و مظاهرت  
ایشلردی . فقط ده صکره بنیان دولت تحکیم و ترصین ایدیلنجه خلفا کندی  
اقربا و تعلقاتلرندن قورقورق انلره امنیت ایتماکه باشلادیلر . خلفا؛ خاندانلرندن  
رقابت و مضرتلرندن قورقدقلری ذواته برچوق پاردلر اعطا و منفعت ارائه‌سیله دفع  
مضرتلرینه چالیشیرلر و شاید بوکی تدابیر ازاله رقابت کفی کلز سه رقیبیلرینی  
اتلاف ایلرلردی . بو طرزده حرکتی اک اول (منصور) اختیار ایتدی . اندن  
صکره بتون خلفای عباسیه بویولی تعقیب ایلدیلر . حتی خاندان خلافتدن  
اولان رقیبیلرینک خلافتی دوشونملرینه میدان بر اقامق اوزره بسبتون سفاهته  
دوکوملرینه باعث اولمق فکریه انلره صورت مخصوصهده پک چوق پاردلر  
و یریلردی .

ایشته بوسبدن خاندان هاشمی‌یه منسوب ذواتک اکثری پک بیوک  
اسرافات ایچنده یاشارلردی . بونلرک خزینۀ دولتن پک چوق پاردلر آلهرق  
ایچکی ، چالغی و سائر انواع ذوق و صفایه صرف ایتمکدن بشقه هیچ برایشلری  
یوقدی . بتون همت و غیرتلی مطمئن و محتشم سرائیلر انشاسنه ، مفرح  
و نظار باغچه‌لر طرحنه ، برچوق جاریه مبايعه و احرازینه ، مغنی و مغنیله‌ر ،  
چالغیچیلر ، شعرا و ادبا جلب و جمعه مصروف ایدی . هر دولت مستبدده  
اولدینی کی اوزمانکی خلفا سرائیلری عادتاً برر مفسدت اوجانگی اولدینی ایچون  
خاندان خلافتنه منسوب اولان بو ذوات علی‌الاکثر اوسرایلردن اوزاق اولمق  
اوزره بغدادده بدل بصرهده اختیار اقامت ایدرلردی . بونلردن ( محمد بن سلیمان



بن علی) کبی بعضاری بیوک بر ثروت صاحبی کسلیرلردی . زیرا مشارالیهک چیقتلکیر وسرای و خاندلردن ماعدا یالکز ثروت تقدیه سی الی میلیون درهمه بالغ اولمش ایدی . یومی وارداتی ایسه ۱۰۰,۰۰۰ درهمدن اکسیک دکلدی [۱] . کذلک خاندان هاشمیدن ( عبدالرحمن ) ک قیزی ( خنه ) نک ثروت تقدیه سی ده بر دیوانک وسعتندن فضله ایدی [۲] . بونکه برابر بودوات بعضاً هیچ بر قباحت یامه دن بر طاقم سرای دیسه لریله منکوب ویاتلف اولمقدن قورتیله میورلردی .

رجال دولت صنفه کلنجه بونلر وزیرلر ، باشکاتبلر ، سردارلر وامثالی مناصب عالیہ احسابندن متشکل ایدی . دولت عباسیه نک اعتلاسی دورنده بونلرک اکثری ( برمک ) ، ( ربیع ) ، ( سهل ) ، ( وهب ) ، ( خاقان ) ، ( فرات ) ، ( خصیب ) ، ( طاهر ) عائله لرینه منسوب ذوات کبی موالی وبالحاصه ایرانلیلردن ایدیلر . درجه نفوذ وسطوتلری ده ازمه و خلفایه کوره مختلف بولنوردی . هر حالده الکقازانجل منصب دولت ؛ وزارت ایدی .

خاصه قسمنک دردنجی صنفی تشکیل ایدن شرفا ایسه هاشمیلرک غیری اولان عرب خاندانلری ایدی . بونلرک سلسله نسب لری یانلب نبوییه ویاخود قریش قبیلہ سنه مربوط بولنور ایدی . بونوع شرفا نزد دولته بیوک بر حرمت ورعایت کورورلر ، دولت طرفندن مخصص معاشلر ایله کچینیرلر وتشریفانلرده یوکسک موقعلرده بولنورلردی . مع مافیه امویلر زماننده عرباغه پک زیاده طرفکیرلک ایدلیکی ایچون بو خاندانلره ده اچوق اهمیت ویریاوردی . بونلرک اهمیتی عباسیلر زماننده تدریجاً زواله یوز طوته رق ( امین ) ک وفاتیله عنصر عربینک انحلال نفوذی اوزرینه ده زیاده مضمحل اولمش و ( معتصم ) ک دورنده ایسه بستیون انقراض بولمشدر .

## خواصک توابعی

خواصه انتساب وتقرب ایتکه عوام قسمندن موقعاً یوکسلن بر طاقم صنوف ناس وار ایدی که بونلری خواص صنفه الحاق ایتک اقتضا ایدر .

بونلر دوت صنف ایدیلر . برنجیسی عسکرلر ، ایکنجیسی مختصر و دوست  
وظهیرلر ( اعوان ) . اوچنجیسی موالی ، یعنی عربلرک غیرندن اولان آزادلی  
و محمیلر ، دردنجیسی خدمه .

عسکرلر دها اول کوسه تالدیکی اوزره جنس و تشکیلاتلری مختلف بر طاق  
فرقه لر دن مرکب ایدی . احتمال که بو کونکی عسکرلر نظر اعتباره آنه رق  
اوزمانلرده عسکرک صرف خلیفه نك امر و اراده نه تابع اولدیغی خاطره کایر .  
فی الواقع عسکرک بر قسمی خلیفه نك امرینه تابع بولنوردی . فقط عمومیت  
اعتباریه اوزمانکی عسکرک احوالی یو کونکی دولتلر عسکرینه بکزمه من . چونکه  
اوزمانک وزرا وولاتی کبی رجال خاصه دخی کندی لرینه تابع اولمق و معاشرلی  
کندی جیلرندن تأدیبه ایدمک اوزره عسکر تشکیل و استخدا منه صلاحیتدار  
ایدیلر . بعضاً وزرا ویا والیلر بوعسکرلی حال اسارتده بولنان چوجمترلری  
مبايعه و تربیه ایتمک صورتیه تشکیل ایدرلر و بونلردن وجوده کلن فرقه لره  
کندی ناملرینی ویردک لزو منده دشمن ورقیلرینه قارشى استعمال ایلرلردی .  
فرقه نك صاحی اولان وزیر ویا والی وفات ایدنجه بوعسکر اخذ ایتدیکی اسمی  
محافظه ایلدیکی حالدیه دیگر وزیر ویا والینک ممیتته انتتال ایدردی . بو  
جهتیه بغدادده ترک ، ایرانلی ، بربری ، حبشلی اولمق اوزره ( ساجیه ) ،  
( نازوکیه ) ، ( بیایه ) ، ( هارونیه ) کبی مؤسسلرینک اسملرینه منسوب  
پک چوق طوائف عسکریه تجمع ایتمش ایدی . مصرده تشکل ایدن ( عزیزیه )  
( اخشیدیه ) ، ( کافوریه ) کبی بی پایان فرق عسکریه دخی اونوعدن ایدی .  
بوفرقلر دن ( شا کریه ) و امثالی کبی فرقلر ضابطه و پوایس وظائفیه اشتغال  
ایتدیکی کبی دیگر فرقلرده سربایرک محافظه سی و سائر خدمتنده استخدام  
اولنوردی .

خواستک مختصلرله دوست و وظهیرلر دن متشکل اولان اعوانه کلنجه بونلردن  
مقصد بوکون آرقداش و دوست کله لرندن آکلادیغمز معنایه مطابق دکلدی .  
اوزمانلره کوره خلفا یله اعظم رجال دولدن سائر خواص ، شرفا و اعیسانک  
بر طاقم آرقداش لری واریدی که بونلر او خواصک رفقتلر نده ، مجلس  
و محبتلر نده بولنورلر ، خانلر نده یا شارلر ، انلردن آلدق لری معاشر ایه  
کچنیرلردی . او جهل دن اوله رق خلفانک محبت و مجالسه سنده بولنان جلسا ندیم

وشاعر لرك غيرى ايدىلز. بونلر خليفه ويا امير طرفدن ارباب عقل ودرائتدن انتخاب اولنان مقرين نوعندن ايدىلز. خلفا، امرا، شرفا و اعيان دائماً بونلر ايله وقت كچيرىلز، مسائل مهمده فكر و مطالعه لردن استفاده ايدىلز، هر خصوصده كندىلرينه اظهار اعتماد ايلردى. جليسلر خلفا و سائر تزدنده پك زياده خاطرلى و نفوذلى ايدىلز. بعضاً بوجليسلر منسوب اولدقلى خواصك اقربا و تعلقاتندن بولنورلردى.

موالى حقهده ايسه دردنجى جلده معلومات لازمه و يرلش اولديغندن بوراده ده زياده معلومات اعطاسى زائد عد اولنور.

### خدمه صنوفى


على الاكثر سياه و بياض كوله و جاريه لردن متشكل اولان بو خدمه صنفدن بياض اسيرلره (كوله من - ممالك) و سياهنه ده (كوله - عبد) اطلاق اولمىشدر. بونلر برى كوله ويا اسيرلر، ايكنجيسى طواشير ويا حرم آغلرى، اوچنجيسى جاريه لر اولق اوزره اوچ صنفدن متشكل ايدى.

### كوله لر و اسيرلر

اسلاميتده اسارت و منبع و مصدرلى ايله اسيرلر حقهده جارى اولان احكامه دائر دردنجى جلده برفصل مخصوص يازديغىمىز كى خدمه ايله صنف و مرتبه لرى و امور دولته كى نفوذلى و بونلردن نصل سردارلر و وزيرلر يتيشديكى حقهده دىكر برفصل تحرير ايش ايدك. شمدى بوصف مستخدميندن يالكىز تشكلات اجتماعيه نقطه نظرندن بحث ايدىمىز.

شام، عراق، مصر و فارس قطعه لرنده بولنان اهالى اصله دن عوام صنفى اسلاميتدن اولدها ش بركابوس استبداد آلتنده ياشامقده و بونلردن برقىمى فعلاً اسير بولمقده ايدى. اسلاميت بونلر اچون بر رحمت الهيه، بر نعمت احياكارانه قيلندن اولق اوزره يتيشمى ايدى. چونكه بونلر اسلاميت سايه سنده حال اسارتدن قورتيله رق حقوق انسانيه و طبيعه لرينه نائل

اولملرلردی . بونلردن اسلام اولانلر حر واسلاملرک حائز اولدقلری حقوقک کافه سنه نائل اولیورلردی . اسلام اولیوبده حاکمیت اسلامیه آلتنه التجا ایدنلر ایسه اسلاملرک عهد ومیشاقلری آلتنه کیریورلردی . بونلر جزیه بی تأدیه ایتدجه هر درلو تجاوز وتعدیدن محافظه اولنیور ایدی . فقط اسلاملره قارشى



مختلف زمانلره عائد اسلحه عربیه

حرب ایدنلر اثنای محاربه ده اسلاملرک اله اسیر دوشونجه کوله اتخاذا ایدیور واسلاملرک آرزو واراده لرینه تابع طوتولیور ایدی . اسلامیتک ابتدلرنده اسلاملرایله محاربه ایدنلر علی الاکثر اساساً مظلوم ومغدور اولان اهالى اصلیه دن



اولیوب مملکت محافظہ عسکریخی تشکیل ایدن روم ویا ایرانلیلر ایدی . بونلردن اسلاملرک الہ اسیر دوشنلر کولہ اعتبار اولنیور ایدی . شوخالده قوہ جبریہ ایله فتح اولنان ممالک اہالیہسنک کولہ واسیر وعرہلردن اولیان اسلاملرک ده آزادلی عد ایدلسی لازم کلدیکئمہ دائر اولان امویلرک ادعاسندن صرف نظر اولنورسہ اسلامیت صانکہ کولہلری حر وحرلری کولہ یامیش دیمکدی .

### اسیرلرک چوقلانی

فتوحات اسلامیہ اثناسندہ اسیرلرک مقداری اوقدر چوغالمشدی کہ بیکارلہ صایلمغہ واوز ، اوزر طوپدن صاتلمغہ باشلامشدی . اسلامیتک ایلک دورندہ وقوع بولان فتوحات ایله دها صکرہ امویلر زمانندہ توالی ایدن محاربہلر اثناسندہ پک چوق اسیرلر الہ ایدلمش ایدی . مشاہیر غزاتدن وکبار تابعیندن ( موسی بن نصیر ) طرفندن ۹۱ سنہ ہجریہسندہ آفریقا سواحل شمالیہسندہ اجرا ایدیلن محارباندہ اسلاملرک الہ ۳۰۰,۰۰۰ اسیر دوشمش ایدی . موسی ، مثلی ایشیدلماش اولان بوغنائم حربیہنک خمس اولان ۶۰,۰۰۰ اسیری خلیفہ (ولید بن عبدالملک) ، کوندرمشدی [۱] . روایتہ کورہ فاتح مشار الیہ اندلسدن عودت ایتدیکی زمان برابرندہ غوت اشراف واعیانی قیزلرندن اولمق اوزرہ ۳۰,۰۰۰ بکر ( قیز اوغلان قیز ) کتیرمشدی [۲] . مشاہیر غزاة اسلامدن ( قتیبہ بن مسلم ) ک ترک ممالکندن وسائرہدن اغتنام ایتدیکی اسیرلرک چوقلغنی دہ اکا کورہ قیاس ایدہ بیلیرسکزر .

( غزنہ ) امیری ابراہیمک ۴۷۲ سنہ ہجریہسندہ ہندستانک بر قلعهسندن اغتنام ایتدیکی اسیرلرک مقداری ۱۰۰,۰۰۰ نفسہ بالغ اولدینی کبی [۳] ۳۴۰ سنہسندہ ( ابراہیم بن یئال ) ک قومانداسی آلتندہ روم ممالککنہ وقوع بولان غزو و غارت نتیجہسندہ دخی اسلاملرک الہ یوک وینک حیواناتندن ماعدا ۱۰۰,۰۰۰ رأس اسیر دوشمش ایدی [۴] . حرب اموال غنائمی میانندہ ارککلردن اولان اسیرلردن ماعدا قادینلردن وچو جقلردن دخی بر چوق اسیر بولنوردی کہ بونلرک سوق و نقلاری کوچ اولدینی ایچون محلندہ اوزر ، اوزر

[۱] نفح الطیب ۱۱۳ ج ۱ وابن الاثیر ۲۵۹ ج ۴ [۲] ابن الاثیر ۱۷۲ ج ۴  
[۳] ابن الاثیر ۴۶ ج ۱۰ [۴] ابن الاثیر ۲۲۷ ج ۹

طوپدن صاتیلغه چیقاریلردی . اسلاملر طرفدن ( عموریه ) شهری ۲۲۳- سنه سنده فتح اولندیغی زمان او یولده حرکت ایدیلهرك كوله لر طوپدن بشر ، بشر و اوئر ، اوئر صاتاشدی . بعضاً قوجه بر انسانك بهاسی بر قاچ درهمدن فضله اولمازدی . روایت کوره ۵۹۱ سنه سنده اندلس قطعه سنده (ارك) محاربه سنده اسلاملر اله او قدر چوق اموال غنائم کچمشدی که اسیرلر برر ، قلیچلر یاریمشر و دودولر بشر درهمه فروخت ایدلمشدی [۱] . بعضاً اموال غنائمك فروختی معاملاتی بر قاچ آی اوغراشدیریردی . ترکسان و آفریقای شمالینك بمضیرلرنده جزیه به بدل اسیر ویریلردی [۲] . كرك حرب ، كرك بوصورتله ویرکی اسارتك اك بيوك ایکی متبعی تشکیل ایدیوردی .

#### اسیرلره ایدیلن معامله

اسلامیتك ابتدالرنده اسلاملر اله اموال غنائم کچدیکی زمان قوماندان اوغنائمك خمسنی بیت المال نامنه افراز وارسال ایتدکن صکره باقی قالان دوت خمسنی ضابطان وعسکره تقسیم ایلردی . دهاصکره دولترك وزمین وزماتك اختلافه بومعامله بشقه شکلر آلمشدر .

مثلا مصرده اجرای حاکمیت ایدن دولت فاطمیه زماننده اردو ؛ اسیرلری مستحجاً بر محاربه دن عودت ایدنجه سفائن حربیه داخلنده ( نیل ) نهری طریقله ( قاهره ) یه کایردی . اسیرلر قاهره یه چیقاریله رق شهرده طولاشدیرلدقدن صکره ( مناخ ) نامی ویریلن موقع مخصوصه کتیریلردی . بوکونکی ( اسماعیلیه ) جهته مصادف اولان بواسیر قرارگاهنده طوپلانان اسیرلر اوراده معاینه یه تابع طوتولوردی . اسیرلردن شبهه لی کوریلنلر قتل اولنوردی . کذلک ایشه یارامیان اختیارلر دخی اعدام ایدیلهرك جسدلری ( خرائب مصر ) نامنده کی موقعده بولنان ( بثرالمنامه — اویقو قویوسی ) اسمی ايله معروف بر قویویه آتیلردی . باقی قالان اسیرلردن ارککلری اوراده ابقا اولنور وقادینلرایله چوجقلر خلیفه نك سراینه کوتوریلوردی . خلیفه بواسیرلردن بر قسمنی وزیرینه ، دیگر بر قسمنی ده اکابر رجال دولته احسان ایدردی . کوچك یاشده بولنان اسیرلر تربیه ایدلمك ، اوقومه ، یازمه و تیر اندازلق اوگردمك اوزرد اسیرناظرلینه تودیع

اولنوردی . « ترابی » نامنی آلان بونوع صیان بعضاً امرا پایہ لرینہ قدر ترقی ایدہ بیلرلردی [۱] .

فقط اسیرلر حقدہ بوشکلده معامله یالکزی اسلاملره مخصوص برشی دکلدی . اوعصرده بالجله اقوام اسیرلر حقدہ عین معاملہ یی روا کورلرلردی . اسلاملرک غیردن اولان اقوام الہ اسلام اسیری کچیردکجه اسلاملر طرفدن قدیہ ایله تخلیص ایدیلنجہ قدرانی کولہ عد و حقدہ اسیر معاملہ سی اجرا ایدرلرلردی . بوجہ تله اسلام خلیفہ لری دشمن النده بولنان اسلام اسیرلرینی قورتارمغه پک بیوک براہمیت ویریرلردی . اسلام اسیرلری کاه بریدل تقدی تأدیہ ایتک ، کاه یرلرینہ اسیر مبادلہ سی یاغق صورتیله اسارتدن تخلیص ایدیلرلردی . اسلاملر ایله روملر آرسندہ کرک بحرآ ، کرک برآ علی الدوام محاربہ وقوع بولدینی وھرا بکی طرفک الہ علی التوالی اسیردوشدیکی ایچونک مهم اسیر تخلیص و مبادلہ سی اسلاملر ایله روملر آرسندہ وقوع بولوردی .

امویلر زمانندہ اسیرلر پک نادر قورتاریلرلردی . اکثریا شام ، اسکندریہ ، ملتبیہ و سائر بلاد حدودیہ دہ بریدل مخصوصہ مقابل برر ، ایکیشر تخلیص ایدیلرلردی . فقط الک مهم و منتظم اسیر تخلیصی عباسیلر دورندہ ۱۸۹ سنہ سندہ ( رشید ) ک دور خلافتندہ وقوع بولمشدر . بوتاریخدن اعتبارآ ۱۵۰ سنہ ظرفدہ اون بش ، یکرمی دفعہ منتظم بر صورتدہ اسیر تخلیص ایدلمشدر . اسلاملر اسیر تخلیصنہ پک زیادہ صرف اعتنا ایدرلرلردی . حتی ارباب صلاح و دیانت اسلام اسیری تخلیصی ایچون صورت مخصوصہ دہ پارہ وقف و تبرع ایلرلردی [۲] .

۳۳۱ سنہ سندہ روم حکمداری خلیفہ زمان اولان ( متقی ) یہ بر مأمور مخصوص کوندر درک اورفہ کلیسا سندہ حضرت عیسانک یوزینی سیلدیکی وبوصورتلہ رسمک منطق اولدیغی بر مندیلاک بولندیغدن بحثلہ بومندیل کندیسنہ ویرلیدی تقدیردہ اکا مقابل بر جوق اسلام اسیرینی اطلاق ایدہ جکنی تبلیغ ایلشدی . ( متقی ) فقہا و قضائی طوبیلا یه رق بولنردن رأی و مطالعہ طلب ایتدی . بعضلری اسیرلرک اطلاق اوکی بر مندیلاک ممالک اسلامیہ دہ بولنسندن ذھاخیرلی اولدیغنه دائر بیان مطالعہ ایتدیلر سہ دہ دیگر بر قسمی دہ مندیلاک اووقته قدر ممالک اسلامدہ محافظہ ایدلیدیکی حالده الدن چیقارلمسنی اسلامیت ایچون بزدل و اھانت کبی

تلقی ایلدی. زمانک وزیر اولان ( علی بن عیسی ) اسلام اسیرلرینک مضیقہ سارتن تخلیصنی مندیلك محافظه سندن دهاخیرلی کوردیکندن مطلوب اولان مندیلم روم حکمدارینه تسلیم اولنهرق اسلام اسیرلی اطلاق ایتدیرلدی [۱]. روملره کلنجه بونلر اسیرلرینی بربدل نقدیه مقابل وپک نادر تخلیص ایدرلردی. احتمال که بوحاله سبب اسلاملرک الله اسیر دوشنلرک علی الاکثر رعایا ویاخود اجرتله طوتیلان یابانجی عسکر قیلندن بونلرلی، اصل روملردن اولاملری ایدی. حال بوکه دائماً حال مهاجمده بولنان اسلاملر دکرلی عسکرلردن تشکل ایدردی. بناء علیه بونلردن ربقة سازته دوشنلر فدیة نجات ایله تخلیصه لیاقت صاحبی ایدیلر. باخصوص اودورده اسلاملر آره سنده بیوک بر رابطه قومیه و اخوت موجود ایدی. روملر ایله رعایالری و عسکرلری آره سنده ایسه اوکی قوتلی بر رابطه مفقود ایدی. بونکله برابر اسلاملر اللرنده بولنان اسیرلری بربدله مقابل اعادهیه علی الاکثر راضی اولمازلردی. بالخاصه دولت فاطمیه اسیر ویرمین بر حکومت اسلامییه ایدی. زیرا دولت مشار الیهانک بربدل نقدیه ویا بر اسلام اسیره مقابل اسیر اعاده ایتدیکی ایشیدلماشدر [۲]. بوحال دخی اسلاملرده اسیرلرک چوغالمسنه خدمت ایتشدی.

اسارت اونسبتده واسع بر مجری آلمش ایکن اسلاملرک نزدنده پک چوق اسیر بولمنسی وحتی بر آدمک اونلرجه، یوزلرجه ویا بیکلرجه اسیر صاحبی اولمنسی غرب کور مامک لازم کلیر. اوصره لرده عادی بر نفرک بیلهر ویا بر قاچ کوله سی بولنوردی [۳]. ایوبیلر زماننده برسواری نفرک خدمته اون ویا دها زیاده کوله تخصیص اولنوردی [۴]. امرانک و بیوک قوماندانلرک نه قدر چوق کوله استخدام ایتدکلرینی اکا کوره قیاس ایده بیلیرسکیز. اسیر مقداری اسلامیتک ایتدالرنده دخی چوغالمشدی. خلفای راشدین دوری زهد و تقوی، سادگی

## [۱] ابوالفدا ۹۱ ج ۲

[۲] ۴۲۹ سنه سنده مالک فاطمیه دن ( مستنصر بالله ) زماننده روم حکمداری حلیفه مشار الیه مراجعت ایدرک ( حاکم بامر الله ) طرفندن و قتیله تخریب ایدیلن قیامه کلیسائینک تکرار انشاسنه مساعد اولنور ایسه بوکامقابل بش بیک اسلام اسیرینی اطلاق ایده جکی تعمید ایلش ایدی. کلیسائک انشاسنه مساعد ایدلر بیکندن قیصر روم او قدر اسیری اطلاق ایتدیکی کبی بر چوق معمارلر و عمله ارسال وپک چوق یازدلر صرفه ایده ررک کلیسائی انشا ایتشدی.

ترجمه ابوالفدا ۱۶۲ ج ۲

[۳] مسعودی ۲۲ ج ۲ [۴] مقریزی ۹۵ ج ۱



یویوقلق زمانی ایکن حضرت عثمانك ۱,۰۰۰ کوله‌سی وارایدی [۱]. ده‌اصکره احتشام ودارات ، ثروت ورفاهیت دورینه کیلنجه اسیراستخدامی تزیادیتشدی. دولت‌امویه‌نك زمان حاکمیتده امرادن بری بریره حقیقدقجه آنك اطرافنده یوز ، ویاخود برقاق یوز ویا بیک قدر کوله یوروردی [۲]. ۲۷۹ سنه‌سنده خراسان والیکنده بولسان (رافع بن هرثمه) ۴,۰۰۰ کوله‌یه مالک ایدی. ده‌هاول خراسان والیرندن هیچ بری بوقدر چوق کوله‌یه صاحب‌اولم‌مشد.

### اسیرلرک انواعی

بر خانه‌نك خدمتده اسیرلرک مقداری چوغالنجه صاحب خانه انلرک امور وخصوصاتنه نظارت ایتک اوزره (استاد) نامیله انلره برناظر تعین ایدردی. فقط علی‌الاکثر کوله‌لر امرانك معیتده عسکر اوله‌رق استخدام ایدیلر ، کندیلرینه هرشیدن اول فنون حربیه تعلیم اولنوردی. مصر حکمداری (اخشید) ک معیتده ۸,۰۰۰ مملوک وارایدی. هرکیجه بولنردن ایکیشر بیکی انك محافظه‌سنه مأمور اولوردی. امرایه تابع اولان عسکری فرقه‌لرک چوغی کوله‌لردن متشکل ایدی. بولرک اصللری حربده اله یکن اموال غنائمدن ویاخود بومقصد ایچون مبايعه صورتیله الده ایدیلان اسیرلردن تشکل ایدردی. بعضاً بر کوله‌نك بهاسی ۱,۰۰۰ دیناره بالغ اولوردی.

خانه خدمتده استخدام اولنان کوله‌لره کلنجه بولره امور بیتیه ایچون لازم اولان خدمت‌لر تعلیم اولنوردی. بوجهتله بعضلری یورغانچیلیق ، بعضلری آشجیلیق ، بعضلری خزینه‌دارلق وکهایلق ایله اشتغال ایدرلردی. بعضلری ده قیوجیلیق ، قایقچیلیق ، رکابداریق و سائرده قوللانیلیردی [۳]. کوچک ویا بیوک یاشلرده ذکور و انانندن متشکل اولان بوکوله‌لر اصلاً روم ، ترک ، ایرانلی ، زنجی اسلاو ایدی. قسماً مملکتلرندن کتیرلمش ، قسماً ده ممالک اسلامیده طوغمش ، بیومش بولنوردی.

خانه خدمتی ویا شخص حراست و مدافعه‌سی ایچون مقتضی مقداردن زیاده کوله بریکدیکی کوریلورسه کنج ذکوری زینت و دبده قیلندن اولق اوزره

[۱] دیمیری ۴۹ ج ۱ [۲] ابن‌الاثیر ۱۴۷ ج ۴ وغانی ۲۷ ج ۱

[۳] طبقات‌الاطبا ۱۴۱ و ۱۴۵ ج ۱

خانه وصالونلرده استخدام اولنوردی. بونی بالطبع ارباب ثروت و یسار و بالخاصه خلفا یاباردی. حتی بعض خلفا بو کوله لره امثالی غیر مسبوق بر شکله غایت مزین و مکلف انواع البسه کیدیریرلردی. کوله لره بوکبی زینتلی البسه کیدیرن ایلک ذات خلفای عباسیه دن (امین بن رشید) ایدی. مشار الیه کوله و بالخاصه طواشی مبیاعه و اقتناسنده پک ایلری کیده رک بیوک بهار ایه مبیاعه ایتدیکی اسیر و طواشیلری خلوتگاهنه مأمور ایتمش و بونلره غایت مکلف جاریه البسه سنی کیدیرمشدی. بالآخره خلفا معیترنده پک چوق کوله استخدای عادت اولمقله سرایلرده بونلرک مقداری پک زیاده چوغالمشدی. خلفای عباسیه دن (مقتدر بالله) ک معیتده بیاض و سیاهی اولمق اوزره ۱۱,۰۰۰ کوله موجود ایدی. بونلر اصلاً ایرانلی، دیلملی، ترک، طبرستانی ایدیلر. سیاهی لری ایسه مصر، مکه و افریقیه طریقله نوبه و سودان مالکندن جلب اولنمشلردی. زنجیرینه کلنجه بونلر بصره جهتلرنده مملکتی فساد و یرن زنجیلر رئیسک آدلرندن ایدیلر. لسانلری غایت بوزوق، طبعاً لئیم و فرومایه، وحشی اولان بوزنجیلر انسان و لاشه اتی یرلردی. بونلر بو عادتدن طولانی دفعتاله جزایه چاریلیمش ایسه ده بوالفت و وحشیانه دن واز کچما مشلردی. زنجی فرقه سی منفرد یرحاله یشار، افرادی بیاضلر ایه اختلاط ایتزدی. کوله فرقه لری خلیفه نك معیتده محافظلق و سائر خدمتده نوبته قوللانیلردی [۱].

### طواشیلر

طواشیلک پک اسکی زمانلرده آثوریلر ایه بابلیلر و مصرلیلرجه شایع اولمش بر عادت شرقیه در. بو عادت اقوام مذکورده دن یونانیلره انتقال ایتمش، بونلردن دخی رومالیلره و فرانقلره سرایت ایلشدر. روایته کوره طواشیلکی ایلک ایجاد ایدن قبل امیلاد ۲,۰۰۰ سنه سننده مقام حاکمیتده بولسان آثوریه نك جهانگیر ملکه سی (سمیرامیس Sémiramis) ایدی. بر زمان طواشیلکک قوت رجولیتی ازاله ایده جکی ظن اولنمش ایدی. طواشی اولدقلری حالده شجاعت و اقدام، حسن سیاست و تدبیر ایه اشتهار ایده رک مختلف زمانلرده

اك مهم مقابلر اشغال ایدن بر طاقم ذواتك اسملرینی تاریخده کوربیورز . آلتنجی عصر میلادیده ایمپراطور ( ژوستینیئن ) زماننده یتیشن ( نارسس Narsès ) نامنده کی مشهور رومالی قوماندان ایله ( ارسطو ) طرفندن مزارینه قربان کیسلن وحقننده برطاقم مدایح منظومه سویلنن شمیدکی قره سی سنجاغنه مضاف ( میسیا Mysie ) مملکتنده کائن ( آتارنه Atarnée ) شهری حکمداری مشهور ( هرمیاس Herméias ) اوجله دندی . مصر حکمداری ( کافور اخشیدی ) دور اسلامیده اشتہار ایدن سیاہ طواشیلردن اولدینی کبی ( حاکم بامرالله ) زماننده مصرده نائب سلطنت اوله رق بر مدت امور حکومتی تدویر ایدن ( ارجوان ) دخی بیاض برطواشی ایدی . هند ، فارس ، چین قطعہ لرندہ دخی برطاقم طواشیلر بیوک موقعلر اشغال ایتمشلردی . روما دولتنک صوڪ زمانلرنده طواشیلر پک بیوک بر موقع وننوذ صاحبی اولمشلردی .

طواشیلکده برطاقم مقصدلر تعقیب ایدیلردی . حرملرده قیصانجلق سائقه سیله انلرک استخدامی اومقصدلرک اک باشلیجه سی ایدی . اسلامیتک ظہوری ایله تسترک غالب کلمی خانلرده طواشیلر استخدامنه باعث اولمشدی . اسلامیتده طواشیلری ایلک استخدام ایدن ذات ( یزیدبن معاویہ ) ایدی . مشارالیه مابین دائرہ سنہ ( فتح ) اسمنده برطواشی بی مابینچی اوله رق اتخاذا یتمشدی [۱] . دها صکرہ موقع اقتدارہ کلن خلایا بویولی تعقیب ایتدکلرندن اسلاملرده طواشی استخدامی پک زیاده چوغلمشدی . حال بوک ( ابن مطعون ) طرفندن روایت اولنان بر حدیث شریفک مفادینہ باقیلرایسہ شریعت اسلامیہ نک طواشیلکی اباحہ دن زیاده تحریم طرفنی التزام ایتدیکی کوربلور .

اسلاملرده تستر تعمم ایدہ رک حرملرده طواشی استخدامنه رغبت ایدیلنجه علی الاکثر یہودیلردن متشکل اولان اسیر تاجرلری برطاقم کولری طواشی ایدہ رک بیوک فیاتلرله صاتمغه باشلامشلردی . طواشی تجارتی بیوک بر رواج بولمشدی . دها صکرہ بوایش ایله پک چوق آدملر اشتغالہ باشلامشلردی . انسانلردن طواشی باقمق ایچون متعدد عملیاتخانہ لر تأسیس ایدلمشدی . بو عملیاتخانہ لرک اک مشہوری فرانسه ده ( اورن Orne ) ولایتده ( وەردون Verdun ) شہرندہ

[۱] مشاہیر النسا کتابندہ بوروایتک خلافتہ اوله رق اسلامیتده طواشیلری استخدام ایدن ابلاک ذاتک ( هشام بن عبدالملک ) اولدینی ذکر ایدیلور . مترجم

تأسیس ایدیلن طواشیخانه ایدی . حسیات انسانیه دن معری اولان اسیرجیلر برطاقم بیچاره چوجقلری بو عملیاتخانه لره کتیره رک اوزرلرنده اومدهش و وحشی عملیه نی اجرا ایدرلردی . اوزواللی اطفالدن چوغی بو عملیه نك نتیجه سنده هلاک اولوردی . صاغ قالانلر ایسه اسپانیایه کوندریلره رک اکابر واعاظمه بیوک فئاتلره فروخت اولنوردی . زمان کچدکجه طواشیلری آت ومفروشات بیتیه واوانی کبی بربرلینه هدیہ ایتمک برعاتت حکمنه کچمشدی . مثلاً فرائق حکمدارلری اندلس وسائرده کی اسلام حکمدارلری ایله خوش کچینمک ایستدکجه انلره هدایا ایله برابر برطاقم طواشیلرده کوندرلردی . ( برشلونه Berce lone ) و ( طرکونه Tarragons ) حکمدارلری اندلس خلیفه سی ( مستصر ) ایله تجدید صلح ایلتک ایستدکری زمان اکا اسلاو چوجقلرندن یکریمی طواشی ایله یکریمی قنطار سمور کورکی وسائرہ تقدیم ایلشلردی . خلفا سرایلرنده طواشیلرک مقداری تدربجاً پک زیاده چوغالدیغندن سائر ممالیک وکوله لردن نصل برطاقم فرقه لر شکل ایتمش ایسه خواصک محافظه وخدمته مخصوص اولق اوزره طواشیلردن دخی برطاقم فرقه لر تشکیل ایدلمشدی . بناءً علیه خلیفه ؛ ولی عهد تعینی ویا سائر خصوصات مهمه ده آلایلر تشکیل ایتدکجه کوله منلر ایله طواشیلر بو آلایلرک زینت و دبدبه سی جمله سدن بولنوردی .

مدنیت اسلامییه نك اعتلامنی دورنده اسلاولردن طواشی تجارتی بیوک بررواج بولمش ایدی . ممالک اسلامییه کتیریلن طواشیلر علی الاکثر اندلس قطعه سندن جلب ایدیلردی . چونکه بو بیچارلر اوقطعه یه یقین یرلرده طواشی یاپیلردی . بولنردن ماعدا خراسان جهتلرنده خراسانلیلر طرفدن دخی برطاقم اسلاو طواشیلر کتیریلردی . چونکه اسلاو ممالکی بیوک ایدی . غربده فرائقلرک صولت وغارتنه نصل معروض ایدی ایسه شرقده دخی خراسانلیلرک غارت ونهبنه معروض بولمقد ایدی [۱] . اندلس ملوک امویه سندن ( حکم بن هشام ) هر نرده کوزل براوغلانه راست کلسه انی هان طوتدیره رق سراینه کوندریر و طواشی ایتدیردکن صکره کندی نفسنه تخصیص ایلردی [۲] .



### ۳ جاریہ لر

#### چو قلقلری

مدنیت اسلامیہ تاریخنده جاریہ لرک اشغال ایتدکلری موقع وتأثیر کوله و آزادیلرک موقع وتأئیزدن آشاغی دکلدی . جاریہ لرک اصلی فالحلر طرفندن اثنای محاربده اغتنام اولنان قادینلر وقیزلردن عبارت ایدی . بواسیرلر فی الاصل حکمدارلر و اشراف و اعیان قیزلردن اولسه لر بیله یته فالحلرک مالی عدایدیلردی . بر مال صاحبی مالنده نصل حائز تصرف ایسه بو جاریہ لر اصحابی ده عین حقوق ملکیتہ مالک اوله رق جاریہ لرینی کندی خدمتلرنده قوللاقمق ، اوطهلق اتخاذا ایتک ، ایتدکلری کیمسه لره صائمده مختار ایدیلر [۱] . اسلاملرده احوال اجتماعیه اسراف و سفاهته ، ذوق و صفایه دو کولوبده خلفا و امرانک بیت الماللردن منتسبین و بندکانه سیل کبی پاردرلر آقغه باشلادینی زمان ملبوسات و مجوهرات نصل اهدا ایدیلرسه جاریہ لر دخی ذواتدن ذواته اوصورتله اهدا ایدلمکه باشلامشدی . هر کیم اعظمدن برینک نظر التفات و توجهنی احراز ایتک ایستسه اکا سودیکی فتون و صنایعدن برینه آشنا بر جاریہ اهدا ایدردی . مثلاً اودات کوزلرکدن خوشلانور ایسه اکا غایت نظر ربا بر جاریہ ، شرقی سویورسه سسی کوزل بر مغنیہ تقدیم اولنوردی . حتی بعضاً اوکی بر ذاته هربری بر صنعتده ماهر و متعدد جاریہ لر اهدا ایدیلردی . بعضاً اوکی جاریہ لر بر مدت صکره افندیلردن چوجق کتیره رک ایچنده بولندقلری خانلرک والده و صاحبه لری کسپیلرلردی . بومظهریتہ نائل اولان جاریہ خلیفه نک سراینده ایسه خلنای عباسیه نک چوغنک والده لری کبی ( والده سلطان ) اولوردی . روایتہ کوره صاریشین رنکلی غایت دلربا ( دنایر ) نامنده بر جاریہ اسکی شرقیلری ترنمده اقدار فوق العاده صاحبی ایدی . تعلیمنه مدینه اهالیسندن بری طرفندن اعتنا ایدلمشدی . وزرای عباسیه دن ( یحیای برمکی ) بو جاریہ نی کوروب بکندیکنندن صاتون آله رق کندی قوناغنه تخصیص ایتمشدی [۲] . خلیفه زمان اولان ( هارون الرشید ) وزیر مشار الیهک قوناغنه کیتدکجه ( دنایر ) ک ترنمات روحنوازانه سنی دیکلرک

[۱] ابن خلکان ۲۲۰ ج ۱ [۲] اصلده یحیایه بدل سهواً جعفر دینلیور . مزجم

دلشاد ونشوه دار اولوردی . بیت کیده ( رشید ) بوجاریه نك كوزل سسنة روحاً برانجذاب حاصل ایلدیکندن آرتق دائماً یحیانك قوناغنه کیده رك دانیری دیکلمکه وقت کچیریر واکا برچوق هدیه لر واحسانلرده بولوردی . ( رشید ) ك بوجاریه ایله وقت کچیرمسندن دلکیر اولان زوجہ سی ( زبیده ) انی عمجہ لرینه شکایت ایتشدی . فقط افسوس که قلباً منجذب اولان خلیفه اوجاریه دن بر درلو واز کچہ میوردی . ( زبیده ) مساعی واقعہ دن فائده کورده مینجه ( رشید ) ی جاذبه حسن ورقت صوتلریله جلب ایتك اوزره کنديسنه موسیقیده مهارتکار اون جاریه اهدا وتقدیم ایتشدی . ( هارون الرشید ) ك اوغلی معتصمك والده سی ( ماریه ) ایله دیگر اوغلی مأمونك والده سی ( مراجل ) ودیگر براوغلی صالحك والده سی ( فارده ) اوجاریه لردن ایدیلر [۱] .

برچوق دفعه والیر وسردارلر بوکي هدیه لر تقدیم ایدرک خلفانك نظر توجه والتفاتلرینی جلبه موفق اولورلردی . اوجمله دن ( ابن طاهر ) ، خلیفه ( متوکل ) ه ۲۰۰ اوغلان وجاریه نی محتوی برهدیه تقدیم ایتش ایدی [۲] . جاریه لر بودرجه حسن تلقی ورغبته مظهر اولور ایسه خلفا سرایلرنده وامرا وسائر ارکان دولت قوناقلرنده جاریه لړك پك زیاده چوغلمسنی طبعی کورمیلدر . یالکز شو نقطه وارکه چوق جاریه قوللانمق اسلامیتله ظهور ایتش بر حال اولیوب بلکه مدنیت قدیمه نك برآری ایدی . ده اول ایران وروم حکمدارلری بربرلرینه جاریه هدیه ایدرلردی . حتی اسکی اکسره دن برینك سراینده بولسان جاریه لړك مقداری ۶,۰۰۰ ه بالغ اولشدی [۳] . خاندان عباسی یه منسوب بعض ذوات بیکر جاریه یه مالک ایدیلر . بوخصوص حقنده ایلریده دخی معلومات ویردجکیز .

### جاریه لړك انواعی

خلق بوضورتله جاریه استخدامنه آلیشینجه اسیر تاجرلری جاریه لری ترک ، هند ، کورجی ، خطا ، ارمنیا ، روم ، بربر ، نوبه ، سودان ، حبش ممالکندن بیوک ، کوچک یاشلرده کتیرمه واستعداد ویا صباحت وملاحظتلیه متناسب بر شکلده تربیه ایتکه باشلامشلردی . ایشته بونلردن سود آنالر ،

[۱] اغای ۱۳۷ ج ۱۶ [۲] مسعودی ۲۸۰ ج ۲

[۳] مسعودی ۱۱۵ ج ۱ وترتیب الدول ۱۱۱

دادیلر ، ماشطہلر ، اوطہ اقلر ، خوانندہلر ، عودزنلر ، عالمہلر ، عجوز محتالہلر  
 وسائرہ یتیشمش ایدی . بیاض ، اسمر ، قرمزى ، بربرى ، زنجى رنگلرده  
 بولسان بو جاریہلردن بصرہ ، کوفہ ویا بغدادده طوغمش بولسانلر فصیح  
 عربجه تکلم ایدرلردی . طوغریدن طوغری یه اصل مملکتلرندن مبیاعه ایدیلن  
 ویا حرب ائناسنده اله کچیریلن جاریہلر ایسه لسان اصیلری اولان ترکجه ،  
 فارسى ، رومى ، هندی ، ویا بربرى لسانلرندن بشقه برلسان بيلمزلردی .  
 بونلر بالاخره عربجه اوکرنلرلر ایسهده لسانی دوزکون تلفظ ایدهمزلردی .  
 ممالک اسلامیده طوغوب عربی کوزلجه بیلن جاریہلرک ائمانی خارجدن کتیریلن  
 جاریہلرک ائماندن دها بهالی ایدی . خارجدن کتیریلن جاریہلر مذهبا خرستان ،  
 یهودی ویا مجوسى ایدی . بونلرک مذہبلرینه ایلیشلمزدی . مذہبلرینک  
 احکام وقواعدینی اجراده ویورطی کونلرنده خاج وسائرہ کبی اشیا طاشیمقده  
 سربست براقیلیر ایدی . ( احمد بن صدقه ) دیورکه : « بریورطی کونی  
 مأمونک حضورینه کیرمش ایدم . نزدنده روم ممالککندن جلب اولمش یکرمی قدر  
 دلرباجاریه واردی . جاریہلر مکلف ومزین قوشامش ، ایپکلی البسه کینمشلردی .  
 بیونلرنده خاچلر ، اللرنده خرما وزیتون داللری بولتیوردی » [۱] .

جاریہلرک هر نوعی برطاقم مزایای مخصوصه ایله ممتاز عد ایدیلیردی . حتی  
 بوبابده برطاقم کتابلر تألیف اولمشدی . بوکتابلرک مندرجاتی خلاصه لرینه باقیلیر  
 ایسه : « نجابت ایران ، خدمتکارلق روم ، عشوہ بازلق بربر . زورناجیلق مولد  
 - ملز - وزنجی ، محافظه جیلک وخزینہ کارلق حبش ، أشجیلق نوبه ، مرییلک  
 وسود آنالق ارمنی قیزلرینه مخصوص « ایش . ینه بوبابده کی مطالعات مخصوصه یه  
 کوره کوزل کوزلر ترک ، کوزل وجودلر روم ، کوزل صاحبخرطه وایران ،  
 کوزل کوزلر حجاز ، اینجه بللر یمن قیزلرنده بولنورمش [۲] . بصره وکوفده  
 طوغان جاریہلر طاتلی دیللی ، نهال بویلی ، اینجه بللی ، فتنه کار قاشلی ، قدرتن  
 سورمه کوزلی اوصافیه توصیف ایدیلیردی . خلاصه او فتان و سحرکار  
 جاریہلرک اوصاف ممتازمسی پک جاذبه پیرا تعیرات بلیغیه زمین اولیوردی .  
 جاریہلرک اک کوزلی ، اک ذکیسی ، اک عاقلی بغدادده کتیریلیردی . چونکه اک  
 یوکسک فیاتلرایله مشتریلر بویا تختده بولنوردی .

## جاریہ لک تعلیم و تربیہ سی

اوصردہ جاریہ لک تعلیم و تربیہ سی پک چوق قازانجلی بر شی ایدی .  
 او یولده پاره قازانمق ایستین کیمسه اسیر بازارینه کیدر ، ذکا واستعداد صاحبی  
 بر جاریہ مبیاعہ ایدردی . جاریہ شعر و ادبیات ، یاخود شرقی و چالغی ، یاخود  
 تلاوت قرآن ، یاخو وعروض ، یاخودخانہ اداره سنی اوکرتدکن صکرہ آلدیغی  
 فیأتک بر قاج مثلی ایله صاتاردی . بالخاصہ جاریہ تربیہ و تعلیمی ایله اوغراشانلر  
 ( ابراهیم موصلی ) و اوغلی ( اسحق ) کبی فن موسیقیدہ مهارت لرلہ نامدار  
 کیمسلر ایدی . بونلر بعضاً یوز دینارہ مبیاعہ ایتدکلی بر جاریہ یی کوزلجہ  
 تربیہ و تعلیم ایتدکن صکرہ بش یوز ویا بیک دینارہ صاتارلردی [۱] . مدینہ ،  
 بصرہ و بغداددہ یتیشن اک مشهور خوانندہ و سازندہ لر ایشته بوصورتلہ تعلیم  
 و تربیہ ایدلمش ایدی . بعض ذوات مبیاعہ و تعلیم و تربیہ ایتدکلی جاریہ لر  
 خلفایہ ہدیہ ایدرک بو وسیلہ ایله نزد خلیفہ دہ نفوذ و موقع صاحبی اولورلردی .  
 بوجاریہ لردن بعضلری خوانندہ لک ، شعر ویا ادبیاتدہ فوق العادہ مهارت  
 صاحبی یتیشہ رک بیکلرچہ دینارہ صاتیلیری . خلفای عباسیہ دن ( رشید )  
 ابراهیم موصلی طرفدن یتیشدیریلن ( ذات الحال ) نامندہ خوانندہ بر جاریہ یی  
 یتش بیک دینارہ صاتون آلمش ایدی . بوجاریہ رشیدک الک زیادہ خوشنہ کیدن ،  
 کندیسنہ الہامات شاعرانہ القا یلین اوچ جاریہ دن بری ایدی . او اوچ جاریہ  
 ( سحر ) ، ( ضیا ) و ( حنث ) نامندہ ایدیلر [۲] . سائر علوم و فنون دہ کسب مهارت  
 و تخصص ایدن جاریہ لر ایسہ دہا قیمتمدار عد ایدیلردی . بعض جاریہ لر شعر  
 و موسیقیدہ ، ادبیات و تاریخ دہ شہرت آلنجہ ادبا ، علما و ذوات سائرہ انک  
 نزدیکہ کیدرک علم و عرفان دین مستفیض اولورلردی . بعض جاریہ لر قرآن  
 عظیم الشان تلاوتندہ بیوک بر مهارت ابراز ایدرلردی . ( رشید ) ک زوجہ سی  
 ( ام جعفر ) ، یعنی ( زبیدہ ) نک سرایندہ ہریری بر عسقر قرآن تلاوت ایتککہ  
 مکلف یوز جاریہ وار ایدی کہ بونلر کلام قدیمی تلاوت ایدرکن سرایدن آری  
 ویزلتیسی کبی بر سس ایشیدیلردی [۳] .

( ہارون الرشید ) ک اوغلی امین مقام خلافتہ کلنجہ آواز روح نوازیلہ

[۱] اغانی ۱۵۴ ج ۱۹ [۲] اغانی ۸۰ ج ۱۵ [۳] این خلکان ۱۹۰ ج ۱



مشہور اولان ( بذل ) نامندہ خوانندہ بر جاریہ بی ایکی میلیون درہمہ ساتون آلمش واکا ہیچ بر قادینک یانندہ اجتماع ایتین بر چوق مجوہرات نادرہ ویرمش ایدی [۱] .

جاریہ لہرہ بودر جہ رغبت کوستریلنجہ اکابر واعاظمک قوناقلرندہ جاریہ لہرک عددی چوغالدینی کبی انلری سوسلی وکوزل کیندیرمک ایچوندہ ہر درلو وسائط تزینات واسرافاتہ مراجعت ایدلمش ایدی . جاریہ لہرک زینت وسوستہ پک زیادہ اہمیت ویرنلرک اک مشہوری سالف الذکر (ام جعفر) ایدی . مشارایہ اوغلنک برطاقم اوغلانلری قیزکی اتخاذا ایدرک انلرہ قادین البسہ سنی کیدیردیکنی کورنجه کنیدیسی دہ برطاقم جاریہ لہرہ صاریق صاریدرہرق ، زلفلر یاپدیرہرق ، قفتان وخرقہ کیدیرہرک ، بللرینہ قوشاقلر باغلادہرق ارکک قیافتہ صوقمش ایدی . اعظم واکابرک افعال وحرکاتی مادونلری ایچون مابہ الاقتدا اولہ کادیکی جہتلہ سائر خاندان عباسی زوجہلری واکابررجال دولتک قادینلری دہ جاریہ لہرہ قفتان و آلتون قوشاقلر کیدیرمشلردی . (ام جعفر) ارکک قیافتہ بولنان جاریہ لہرینہ (مقدودات - نہالقد) نامنی ویرمش ایدی . بو نوع جاریہ لہرہ (غلامیات) و (معلموسات) دخی اطلاق اولنوردی [۲] .

### جاریہ لہرک نفوذ و تاثری

ارباب حسن وآن اولان زنانک بولندقلری یرلردہ نافذ الکلم اولملری پک طبیعی برشی دکلیدر ؟ زیرا کوزللك برقوت ، عشق ایسہ کسکین برسلاحدر . بوسبیدن خلفا وامرادن دہا وعزم صاحبی اولانلر کنیدیلرینہ کوزل جاریہ لہر اہدا اولندقجہ انلرہ لزومندن فضلہ اہمیت ویرمزلردی . مثلاً برنجی حکمدار اموی ( معاویہ ) ، برنجی خلیفہ عباسی ( منصور ) ، اندلسدہ برنجی حکمدار اموی ( عبدالرحمن داخل ) کبی دوات مؤسسہ لہرینہ جاریہ لہر نفوذاجرا ایدہ مزلردی . (منصور) اککنجہ دن نثرت ایلہ مشہور ایدی . (عبدالرحمن داخل) کنیدیسنہ اہدا اولنان جاریہ لہری رد ایدردی [۳] . خال بوکہ دولنلرک واسطنہ مصادف اولان ذوق و صفا ، سفاہت دورلرنندہ یتیشن خلیفہ لہر و حکمدارلر انک عکسی

[۱] اغانی ۱۴۵ ج ۱۵ [۲] اغانی ۱۴۵ ج ۱۵ [۳] نفح الطیب ۷۰۹ ج ۲


حال و استعدادده بولنورلردی . بونلر جاریه لره عادتاً عاشق آواره کسلیلرلر و حتی بعضاً برجاریه ایچون عقل واذعانلرینی ضائع ایدرلردی . ملوک امویه دن ( یزید بن عبدالملک ) ک معشوقه سی « حبابه » مشارالیهی چایلغین ، امور سلطنته باقاز برحاله کتیرمشدی . دها اول ذکر ی بکن ( ذات الحال ) دخی رشیدی کندینه عادتاً اسیر یامیشدی . ( رشید ) بوجاریه نرک نفوذینه اوقدرطو تباش ایدی که کونک برنده کندیسندن هر نه ایسته سه یابه جغه یمین ایتمشدی . ( ذات الحال ) بومیندن بالاستفاده ( حمویه ) نرک یدی سنه امتداد نجه فارس قطعه سنک قوماندانلق و خراج ناظر لفته تعیننی طلب ایتمش ورشید مسؤل واقعی در حال اسعاف ایتمشدی . حتی بوخصوصده اصدار ایتدیکی فرمان خلافتده شاید کنیدیسی دها اول وفات ایدرایسه بومأمورک یدی سنه کمال مدتی ایچون ولی عهد طرفندن عزل اولنماسنی شرط قویمیشدی [۱] . بونلردن ماعدا دها برچوق خلفا و امرا امور سلطنتی براقه رق افتاده اولدقلری جاریه لره وقت کچیرمشلردی [\*] . خواننده و سازنده لر هر نوع جاریه لردن زیاده خلفایه اجرای تأثیر ایدرلردی . ایشته بونلرک بونفوذ و تأثیرلردن بالاستفاده اک مهم خفیه لک ایشلری ، یاخودرتبه و منصب استحصالی ایچون جاریه استعمال اولنوردی . خلفای عباسیه دن ( مأمون ) بر آدمک حقائق احوالی آکلامق ایستدیکی زمان خفیه لک ایتک اوزره اوآدمه کوزل برجاریه اعدا ایدردی [۲] . ( مهدی ) نرک زوجه سی و ( رشید ) ک والدیه سی اولان ( خیزران ) کی اصلی جاریه اولان خلفا والدله لری امور دولته دهشتلی برنفوذ اکتساب ایدرلردی .

[۱] اغانی ۸۰ ج ۱۶ [۲] العقد الفرید ۱۴۸ ج ۱

[\*] بوقبیلدن اولمق اوزره ( الفخری ) کتابنده اوقونیده نظرآ ( آل بویه ) ملوکندن ( عضدالدوله ) برجاریه نرک جاذبه ملاحظته طوتولمق مملکتک ایشی براقش ، جاریه ایله مشغول اولمش ایدی . بو اشتغالک امور اداره مملکته فنا بر تأثیر اجرا ایتدیکنی کورن وزیر ( عضدالدوله ) یه کیزلیجه حال وموقع وخامننی سویلکله برابر جاریه ایله اشتغالک دواى بسترین اضمحلالی منتج اوله ییله حکمنی افاده ایتمشدی . برقاچ کون صکره ( عضدالدوله ) دجله نهرینه ناظر بربالقونده اوطورر . سودیکی جاریه نی یانه چاغیره رق بالقونک کنارینه یقین برموقعده اوطوردر . جاریه ایله اکندیکی برصردهده ییجاره نی قالدیردینی کی دجله به آتیوریر . جاریه صولرک آلتنده غرق اولوب کیدر . ( عضدالدوله ) ایسه کندی قلبته آرق ببتون مالک اوله رق اموردوات ایله اوغراشمغه باشلار . خلق بوفلی قوت نفسه حمل ایدرلر . مترجم

## عوام صنوفی

خلقك عوام قسمی ہریرده اکثریتی تشکیل ایدر . بونلر مدنیت اسلامیہ اعتلاسی دورنده، باخصوص بغداد شہرندہ برچوق مختلف اقوامك اختلاطندن ظہورہ کلن بی حساب صنوف وطبقاتدن مرکب ایدی . ممالك اسلامیہنك ہرطرفندن کلن عرب ، قبطی ، ایرانی ، خراسانی ، ترک ، سندلی ، روم ، ارمنی ، قبطی ، بربری ، نوبہلی ، زنجی ، اندلسی وسائرہدن اولوق اوزرہ بغداددہ برچوق صنائع وتجارت اربابی کلوب یرلشمش ایدی . مختلف تجارت




ہمدانہ اسکی بر جامع

وصنعہلر تعاطی ایدن بوصنوف میانندہ الیو کسک انواع صنائع وتجارت اربابی بولندیفی کبی اسیرجی ، آشچی کبی آشانی حرف وتجارت اربابی دہ واردی . کذلک اومیاندہ بیوک جواہر جیلر ، قشاجیلر ، ادبا ، شعرا ، حکما ، خوانندہ وسازندہلر ، ندیملر وتعدادی غیر قابل برچوق صنعتکارلر دخی موجود ایدی . مع مافیہ بوموضوعمزی قولایجہ آ کلامق ایچون عوام صنوفنی بری بر صنعت ومزیت ایلہ خواصہ یا قلاشانلر ، دیکری صاتیجیلر وسائر ارباب حرف وبالگیری چیلاقلر وسائرہ اولوق اوزرہ ایکی بیوک صنف اعتبار ایدیورز .

## برنجی صنف

## خواصه منسوب بولالار

بوصفدن مقصد خواصه خوش کورونهرك توجه وحمایه لرینی احراز  
ایدن عوام قسمندن عبارتدر . بولار عقل و ذكالیله خواصه انتساب ایددرک  
معاش و عطیه لريله و یا خود انلره اشیا و امتعه صائمقه تأمین معیشت ایلرلردی .



اصفهانده چلستون دائرہسی

خواصك محمی و لطف دیدہ سی اولان بوقسم خلق صنائع نفیسه اربابی ، ادبا ،  
ارباب تجارت ، اهل صنائع اولمق اوزره درت قسم ایدی .

## ۱ صنائع نفیسه اربابی

مصورلر

عربلرجه ( فنون جمیله ) ویا ( آداب رفیعه ) ناملری ویریلن صنائع نفیسه  
رساملق ، شاعرلك ، فن موسیقی اولمق اوزره اوچ شعبه در . مدنیت اسلامیه  
دورنده رساملق بیوك بر موقع اشغال ایدمه دی . چونكه اسلامیتده بونك منعی  
حقنقه برطاقم احكام وضع اولمش ایدی . مع مافیه كرك امویلر ، كرك عباسیلر  
دورنده روم و ایران تصاویرینی تقلیداً برطاقم رسملر یاییلوردی . تركستان



وسطی مغول آثار صنعتدن سلچوقیلر واسطه سیله انتقال ایدن رسملردخی اسلام مصورلری ایچون موددل تشکیل ایتکده ایدی. بونکله برابر فن تصویر اومدیت دورنده عرض ایتدیکمز سبیدن طولایی پارلاق برترقیه مظهر اوله مامش ایدی. تصویر، ممالک اسلامیهده ال پارلاق دورینی (هلاکو) نك ۶۵۶ سنه سنده بغداده وقوع بولان استیلا سندن صکره ایرانلیلرک مغول حاکمیتی آلتنده طولاندقلری زمانلرده فارس ممالکنده کچیرمش ایدی. فن تصویر ایشته او آندن اعتباراً اتلا وترقی بولمشدر. چونکه مغوللر بغداده کلدکلیری زمان برابرلرده بر طاقم چینی مهندسلر کتیرمشلردی. بغداد محاصره سی ایشته بو مهندسلر طرفدن ترتیب اولنان پلانلر دائره سنده اجرا ایدلش ایدی. مغوللر ایله برابر بر طاقم صنایع نفیسه اربابی، ریاضیون و اینجه صنعتلر اعجابی دخی کلش ایدی. بونک اوزرینه ایرانلیلر بو ذواتک علوم و معارفدن استفاده شتابان اوله رق برچوق صائمه وازجهله فن تصویرده احراز مهارت ایشلر و فن تصویرک ممالک اسلامیهدن اطراف سائرهنه انتشارینه خدمت ایتشلردی. اسلاملر فارس، مصر، ترکستان و سائر قطعه لرده کتابلری، سرای دیوارلرخی، قاشلری بورسملر ایله تزیین ایدیورلردی [۱].

عالم مدینتک اک مهم مراکزنده بولنان بیوک کتبخانه لرده ایوم بورسملردن بر طاقم نمونه لر موجوددرکه غایت کوزل بویالر ایله یاپلش اولان بو رسملرک اکثری کتب تاریخیه، ادبیه و علمیه نك وقائع و اشکالی مصور بولمقددر. قاهرده کتبخانه خدیویده بونوعدن بر طاقم بویالی رسملر موجود اولوب فردوسینک مشهور (شاهنامه) سیله قزوینینک (غرائب المخلوقات) کتابی و سائرده عائد تصاویردن عبارتدر. اونوع متروکاتدن بر طاقم رسملر ده ا وارددرکه بونلر معراج نبی و امثالی کبی خیالی تصویرلر تشکیل ایتکده در. هر حالده مدینت اسلامیهدن اعتلاسی دورنده فن تصویر اربابی خواص نزدنده جای قبول کورمزلردی. یالکنز ابنیه مهندسلیکله اشتغال ایدن مصورلر، باخصوص اندلس قطعه سنده، مقبول ایدیلر.

شعر و موسیقیه کلنجه بو ایکی فن پک چوق رواج بولاشدی. شعرا و مغنیلر کرک خلفا، کرک سائر صنف خاصه نزدنده جای قبول بوله رق اقتدار

ومهارتلیله پك چوق پاردلر قازانیرلردی . شعر عربی ایله اصلی وكرك قبل الاسلام، كرك دها صوكره كچیردیكى تقلبات حقنده اوچنچي جلدده معلومات مفصله ویرمشدك. شعرانك خواص صوفندن الدقلری معاشلر وعطیه واحسانلر حقنده ایلریده معلومات ویره جكز. شمدی موسیقی واربابی اولان مغنیلره دائر معلومات ویردم .

## ۲ مغنیلر

### قبل الاسلام مغنیلك

شرقی سويلك انسانده فطری برخصتدر. چونكه تغنی لسان روح، ترجمان حسیاتدر . برملته تغنی ایدیلن شرقیلر اوملتك اخلاق وعاداتك برمر آتیدر. جاهلیت عربلری مواشی، دوه، چادر اهلی ایدیلر . بونك ایچون صنایع نفیسه دن شعردن بشقه هیچ بر شی انلرك نظر دقتلرینی جلب ایتماشدی . اك اسکی عربلر ترنم وتغنی ایتكسزین شعرك ایراد وتلاوتیله متلذذ اولورلردی . شعرك قاردشی اولان موسیقییه طوغری ایلک خطوولری ایشته بو صورتله باشلامشدی .

دها صكره دوه چوبانلری دوهلری كودر ایكن ویا عرب كنجلری صحرالرده طولاشیركن تغیلرینی تشكیل ایدن ( حداء ) ظهور ایلدی . برآز زمان صكره ایسه ترنم باشلادی . اسکی عرب ترنمائی ایکی نوع ایددی . بری، شعر تغنیسی دركه بوكا ( غناء ) ، یعنی شرقی نامی ویریلیردی . دیکری ، كلام مشورك ترنمی ایدی كه بوكاده ( تغیر ) دنیلیردی .

متعاقباً تغنی دهازیاده ترقی ایدرك ( نصب ) ، ( سناد ) ، ( هزج ) ناملریله اوچ ( ازکی ) ویا ( صوت ) اولدی .

( نصب ) یولجیلرك وكنجلرك ترنماتندن متشكل ایدی . جنازه لرده ترنم ایدیلن مرثیه لر بونوعدن ایدی . بوترنماته ( كلب ) قییه سندن ( جناب بن عبدالله ) نامنده بولنان برآدمه نسبتله ( غناء جنابی ) نامی ویریلیردی . ( حدا ) یی ایلک سویلین ذاتك بوآدم اولدینی روایت اولنور . ( نصب ) وزنی عروضك ( طویل بحرندن مستخر جدر . ( سناد ) ایسه نغمات ونبراتنی چوق اولان ذوالترجیع برلحن قییلدی . آلتی شكاده ترنم ایدیلیردی . ( ثقیل اول ) و ( خفیف )

و (ثقیل ثانی) و (خفیفی) اوشکلر جمله سندن ایدی. (هزج) ه کنگجه بوبروزن خفیف ایدی که رقص تغنیسی تشکیل ایدردی، دائره، نای و دودوک ایله ترنم اولنور و روحه بیوک برطرب و نشود ویریردی. تغنی اسلامیتک ظهورندن اول جزیره العربک الک بیوک شهرلری اولان (مدینه)، (طائف) و (خیبر) ده انتشار ایلشدی [۱].

اسکی عربلرده استعمال اولنان موسیقی آلاتنه کنگجه بونلرک الک مشهوری مدور، مربع شکلرده بیوک ویا کوچک حجملرده یاپیلان دائره ایله الک بسط وابتدائی حالتده بولنان دودوک و نای دن عبارت ایدی. قرائندن آکلاشلا دیغنه کوره بویکی آلت ایله بونلردن تشعب ایدن اوفورمه واورمه آلتلردن بشقه عربلرجه آلات موسیقی معروف دکل ایدی. عود، طنبور، ساز و امثالی کبی تللی آلات موسیقی ایسه ایران و روملره مخصوص ایدی. عربلر آنجق اسلامیتدن صکره بونوع آلاته آشنا اولملریدی.

#### اسلامیتدن صکره موسیقی

اسلامیتک ظهور و انتشارندن صکره خلفای راشدین زماننده عربلرک ریایات استیلامی هر طرفه موجه صالهرق روم و ایران ممالکی قبضه تسخیره آلتنگجه اسلاملرک بر طرفدن حال بداوتده بولملری و دیگر طرفدن دینه صوک درجه متمسک و متعصب اولملری سائقه سیله تأیید دیات و تأمین معیشته خادم اولیان بتون شیلردن نفرت ایدلیکی کبی موسیقیدن دخی نفرت ایدلمش و حتی زمان جاهلیتدن قالمه صرف عرب تغیلرینه بیله اصلا روی التفات کوسترلامش ایدی. یالکنز قرائتک ترجیع و تکریرندن و شعرك ترنم ایله ایرادندن لذت آلتیردی. فقط دها صکره امویلر ایله عباسیلر دورنده رفاهیت و راحت، روحی اکلندیره جک اکنجهلر و لذتلر آرانمشدی. اوزمانه قدر بر طاقم روم و ایرانلی خواننده و سازندهلر عربلرک حاکمیتی آلتنه کیردک بعضلری اسبرلر میاننده حجازه کورتورولورکن برابرلرند عود، طنبور، ساز، دودوک و نای کبی آلات موسیقی کتیر مشلریدی. عربلر بونلرک ترنات لطیفه سنی ایشیده رک اکاپک زیاده منجذب اولملریدی. بوتاریخدن چوق زمان کچمدن بومغیلر

ایران و روم طرز موسیقیسی اوزرینه بر طاقم عرب اشعارینی بستمکه باشلا یه رق یکی بر اصول موسیقی وجوده کتیر مشلردی . امویلر زماننده مدینه ده بر قاچ مغنی و موسیقیشناس یتشمشدر . اک مشهور روایته کوره ایران اصول موسیقیشنی عربلره ایلک نقل ایدن ذات ( سعید بن مسحج ) ایدی .

مکه کی و سیاهی اولان بو آدم ( عبدالله بن الزبیر ) زماننده امویلر طرفندن مکه شهری محاصره ایدلرکی زمان شهر داخلنده بولمقده ایدی . ( ابن الزبیر ) محاصره دن بعض یرلری خراب اولان کعبه معظمه یی ترمیم ایتک ایچون ایرانلیلردن بر طاقم قالفه لر کتیرمش ایدی . سعید بونلرک تغنی ایتدکاری ایران شرقیلرینی ایشیدرک نغمه لرینی اقتباس و او طرزده عربی شرقیلر ترتیب ایتمش ایدی . بو یکی ترنات عربلرجه پک زیاده بکنلر بکنندن موفقیت واقعه دن جسارت آلان بوموسیقیشناس فن موسیقیده اکال معلومات ایتک اوزره شام و فارس قطعهلرینه کیتمش ، بوفنه دائر تدقیقات و تتبعات مخصوصه ده بولندقدن صکره تکرار مکه یه کلهرک بوفنده مشار بالبنان اولمش ایدی . ده صکره مدینه و سائرده نه قدر خواننده و سازنده یتشمش ایسه بو آدمدن اقتباس معرفت ایتشدی . متعاقباً عالم اسلامیتده اسباب مدنیت و وسائط رفاه و ثروت تراید ایتدکجه ممالک اسلامیه نك هر طرفنده فن موسیقی اونسبتده رواج و ترقی بولمش ایدی . خواص صنوفی بوفنه رغبت کوستردکجه خواننده و سازنده لرک مقداریده اکا کوره چوغالیوردی . ایشته بو رغبت اوزرینه اوچنچی جلدده فصل مخصوصنده ذکر ایتدیکمز اوزره بر چوق اساتذّه موسیقیشناسان یتشدیکی کی بر چوق آلات موسیقیه دخی استعمال و ایجاد ایدلش ایدی . بوراده یالکز مغنلرک اسلامیتده انتشار و ازدیادلری تاریخندن و موسیقی ایله موسیقیشناسلرک اشغال ایتدکاری موقعدن بحث ایده جکمز .

#### موسیقی و دیانت

اسلامیتک ابتدالرنده تغنی حرام دکلسه هر حالده مکروه عد ایدیلردی . ائمه مسلمین بونی قسماً و یابسبتون تحریم و یا تحلیله ده اختلافه دوشمشلردی . فقط خلاصه دنیله بیلیرکه حجازلیلر تغنی بی جائز کوردکلری حالده عراقلیلر مکروه عد ایتشلردی . تغنی بی حلال کورنلرک دیلاری تغنیک اساس اعتباریله .



شعردن مرکب اولمسیدر . شعر ایسہ حضرت نینک امر ، تشویق ودعوتہ  
مقتن اولمش و مشرکین علیہنہ سلاح اتخاذا یدلمشدر . زیرا حضرت نبی  
شاعری اولان (حسان) ہ : « عبد مناف اوغلارینہ لسان آتشفشانکی مسلط  
ایت . سہنک شعرك انلرہ قراکلقدہ آتیلان اوقدن زیادہ مؤثردر » بیورمش  
ایدی . (حسان) ك اكثر اشعارى شرقى قیلندن ترنم اولنوردی . تغنی یی  
حرام کورنلرہ کلنجه بونلر تغینک روح و قلبی هیجانہ کتیرمسندن وانسانی  
اکلنجه وذوق وصفایہ سوق ایتمسندن طولای حرام ومن الاصل باطل  
کورلردی [۱] . برقم علما دخی شرقیلرک برقمی حلال ، دیگر قسمی  
حرام کورمشلردی . فقط تقوی وعقل واذعان صاحبی اولانلر ہر حالہ  
موسیقی یی ، یعنی خوانندہ وسازندہ لکی مکروہ عدایتشلردی . ایستہ بوسیدن  
موسیقی آنجق خلفای راشدین دورندن صکرہ ظهور ایلشدر . برنجی خلیفہ  
اموی ( معاویہ ) باخصوص اکابر و شرفادن موسیقی یہ رغبت کوسترنلری  
تعیب و تقییح ایدردی . حتی موسیقیدن پک زیادہ خوشلہن ( عبدالله بن جعفر  
بن ابی اطالب ) ی بومیلندن طولای عیلامشدی [۲] . (عبدالله) سائر مدینہ  
اکبری کبی موسیقیدہ بأس کورمینلردن ایدی . (معاویہ) ایسہ بالعکس  
موسیقی یی مکروہ کوریئوردی . برکون (جعفر) معیتدہ مشاہیر خوانندکاندن  
(بدیع) بولندی حالدہ (معاویہ) نك تزدینہ کیرہرك بر شرقی ترنم ایتسنی  
مغنی یہ امر ایلش ایدی . (بدیع) صوت روح نوازیلہ برشعر عاشقانہ ترنم  
ایدنجه (معاویہ) آثار مسرت وانبساط کوسترمکدن وحتى فرط طربندن  
آیاغنی یہ اورمقدن ضبط نفس ایدہ مامش ایدی . فقط (معاویہ) کندی حسابنہ  
موسیقی یہ نفرت کوستردیکی حالدہ کرک مشار الیہ (عبدالله) ك وكرك خاندان  
نبوی یہ منسوب سائر ذواتك خلافتی دوشونماامك اوزرہ موسیقی وسائر  
وسائط ذوق وصفا الیہ مشغول اوللرندن پک زیادہ حظ ایدردی . حتی  
اوزواتی بویولہ سوق ایچون کندیلرینہ برچوق پارہ لر ویریددی .

ذوق وصفا مجلوبلری اولان خلفا موقع اقتدارہ کلدجکہ ممالک اسلامیہ  
خوانندہك وسازندہك توسع وازدیاد ایدیئوردی . موسیقی یہ جواز ویرن ،  
انتشارینی تشویق ایلین ایلک خلیفہ (یزید بن معاویہ) ایدی . ۶۰-۶۴

سنة لرنده مقام سلطنتده بولنان حکمدار مشار الیه ذوق وصفایه میال بر آدم اولدیغندن زماننده مکده موسیقی میدان آلهرق اکلنجهیه رغبت کوسترلمش [۱] و بوتارینجندن اعتباراً بتون حجاز قطعه سنده و بالخاصه مدینه ده فن موسیقی انتشار و رواج بولمشدی . موسیقی ملوک امویه دن ( ولید بن یزید بن عبدالملک ) ک عهد سلطنته قدر مذکور قطعه یه منحصر قالمشدی . ایچکی ، اکلنجه و آجیق ، صاحبقلغه منهمک اولان بوذات مقام خلافته کلنجه ( ۱۲۵-۵۱۲۶ ) مدینه دن شامه برطاقم مغنیلر جلب و کندی خدمته تخصیص ایتمشدر . بوتارینجندن صکره فن موسیقی ممالک اسلامیة نك هر طرفه انتشار ایشدر .

### خلفانك موسیقی به مقاومتلری

بونکله برابر عقلی و احتیاطکار خلفا و امرا الدن کلدیکی قدر موسیقینک منعه چالیشدقلری کی مملکتک بعض وجوه و اکبری دخی خلفا و امرای بومنه تشویقندن خالی قالماملشردی . بومنوعیت او عصرک موسیقی مرکزی بولنان مدینه ده دخی تطبیق ایدلمک ایستیلوردی [۲] . برحوق دفعه مکه امیرلری ؛ ترنمات جاذبه دارلریله خلق باشند چیقمسون و فرائض دینه یه سکتہ کلمسون دینه مغنیلری حرمدن طرد و تبعید ایدرلردی [۳] . عرض ایچون فرط غیرت صاحبی اولانلرایسه هیچ موسیقی ایشیتکم ایستمزلردی . بونلرک فکرینه کوره خواندندلر عشقه برر رهبردن عبارتدر .

روایت کوره ملوک امویه دن ( سلیمان بن عبدالملک ) عسکرلردن برینک شرق سویلدیکنی ایشیدیر . عسکری یانه چاغیریر . سویلدیکی شرقی تی تکرار ایتسنی امرایدر . زوالی عسکر حکمدارک خوشنه کیدردیه شرقی کال اعتنا یله تکرارایلر . سلیمان : « نه طرب انکیز نغمه ! بونی برقادین ایشیدیرسه کندینی ضبط ایده بیلیرمی ؟ » دیه رک زوالی آدمی طواشی ایتدیریر [۴] . حکمدار مشار الیه ینه بوکی برسیدن طولای مدینه مختلریخه ده طواشی ایتدیرمشدی . روایت کوره برکیجه برطاقم مقریین یله برطام اوزرنده وقت کچیردکن صکره آبدست آلق ایستمشدی . کندیسنه لکن ، ابریق کترین

[۱] العقد الفرید ۲۶۹ ج ۲ و مسعودی ۱۲۳ ج ۲ [۲] العقد الفرید ۱۹۶ ج ۳

[۳] اغانی ۱۲۰ ج ۲ [۴] الکامل للمبرد ۳۷۷

جاریہ انک اللرینہ صور دوکرکن (سایان) جاریہنک اوزاقده سویلنن برشرقی ایله مشغول اولدیغنی کوردرك ایشک فرقه وارمامش کبی طاورانیر . ایرتسی . کونی حضورنده رجال دولت ومقرین طویلاندقلری زمان شریقیدن بحث آچار . موسیقیدن خوشالانیر کبی برطور آلیر . حاضر بولنانلر حکمداره یارانمق مقصدیله موسیقی واربابی حقنده برچوق معلومات ویریرلر . کوزل سسلی مغیلرک اسملریده سویلرلر . (سایان) آلدیغنی معلوماتدن جاریہنک ذهنی اشغال ایدن مغینک اسمنی آکلانجه انی ده طواشی ایتدیریر . بعده : « بوشرقیلر نرودن . چیقیور ؟ » دییه صورار . شریقیلرک مدینهده بولنان مختلردن صدور ایتمکده اولدیغنی آکلانجه اورادهکی والیسی (ابوبکر بن محمد بن عمرو انصاری) یه مدینهده نه قدر مخت مغنی وارایسه جمله سنک طواشی ایدلمسنی امر ایدر [۱] . بونکله برابر حکمدار مشارایه فوق العاده زن دوست و اوپور بر آدم ایدی . اوپورلق سبب وفاتی اولمشدی .

ذوق وصفا مجلوبی اولان خلفا و امرا موسیقی یه پک زیاده منهیمک بولنورکن بولنردخی خوانندلک و سازندلکک سفاهته باعث اولدیغنی سویلرلردی . ایلک اولمق اوزره مغیلری مدینهدن جلب ایتدیکنی بالاده ذکر ایتدیکنمز (ولید بن یزید) : « شریقدن صاقینکمز . چونکه شرقی حیا سزانه ، شهوته ، مروت سزلیکه ، ایچکی یه مشوق و باعثدر . انسانه عادتاً مسکرات کبی تأثیر ایدر . شریقیدن خوشالانیر ایه کز صاقین انی قادیلرک سمتنه اوغرا تمیکمز . چونکه تغنی زنانک وقوعی ایچون افسونکار بر سحر در . بونکله برابر شونی ده اعتراف ایدرمکه موسیقی هر شیدن زیاده خوشمه کیدر . فقط حقیقتده انکار اولنماز » دیمشدی [۲] .

مبتلای عیش و نوش اولان برخلیفه بویله سویلر اایسه جدیتله طانیلان (معاویه) ، (هشام) ، (منصور) ، (ابومسلم) ایله ارباب تقوادن اولان (عمر بن عبدالعزیز) و خلیفه عباسی (معتدی) کبی ذواتک موسیقی حقنده نه فکر و مطالعهده بولنش اولدقلریخی ارتق سز تقدیر ایدیکمز . ملوک امویهدن (هشام) مشهور لطیفه کو و مضحک (اشعب) ک اطوار واقوالی حقنده معلومات آلهرق کندیغنی اکندیرمک ایچون جلبنه دائر مدینه والیسنه بر امر نامه

يازماق ايسته مشدى . فقط نامه يازيلوب مهرلندكدن صكره (هشام) بر آزانمل ايله دوشونهرنك : « هشام بر مضحك و مسخره دنك جلبى ايچون بلده بيغمره بر مكتوب يازسون ها ! » ديمش و نامه نك ارسالنى طور ديرمشدى [۱] . ايكنجى خليفه عباسى (منصور) زير خاندانى افرادىنى موسيقي يه ميل و انجذابدن طولاني تعيب و تقييح ايلردى . مشار اليه بركون سراينده برطنبورك سسنى ايشيدنجه طنبورى ؛ چالان كوله نك باشنه قيرديرمشدى . خليفه تقوى شعار (عمر بن عبدالعزيز) قاضي لردن برينك سويلدن شرقي لردن كيفلنديكنى خبر آلهرق انى درحال عزل ايلشدى [۲] . مشار اليه اقتدا ايتك ايستين خليفه عباسى (مهتدى) ۲۵۵ سنه سنده مقام خلافته كلنجه اووقته قدر هر طرفده منشر بولنان خواننده لك و سازنده لكى منع ايتمشدى [۳] . (مأمون) كې بعض خلفا محدود بر زمان ايچون موسيقيدن امتناع ايدرلردى . مشار اليه خراساندن بغداده مواصلت ايتديكى زمان تأييد حاكميتدن بشقه برشى دوشونمه مكه قطعياً عزم ايتديكندن يكرمى آى على التوالى شرقى وچالنى ديكلامكندن امتناع ايلشدى [۴] . (خاند قسرى) عراقده والى بولنديكى ائنده ضابطه رئيسى واسطه سيله اورالرده شرقى وچالنى منع ايتديرمشدى [۵] .

#### خلفانك شرقى وچالنى ايله اشتغاللارى

فقط ممالك اسلاميه ده كوندن كونه مظهر انكشاف اولان مدنيتك جريان و توسعنه قارشى او كې ممانتلر موسيقي نك انتشار و ترقيسنه حائل اوله ماممشدى . اسلاملر مدنيت ، سكون و راحت دورينه كي رنجه بتون و سائط رفاهيت و تكمله واز جمله موسيقي يه مراجعتدن كرى طور مامشيلردى . بوتكمالاتك مشوقى حكمدارلر ، امرا و اعيان ايدى . چونكه بالخاصه حكومات مطلقه ده اهالى حكمدارلرينك احوال و حرركاتى تقليد ايدرلر . خلفا موسيقي يه ميل ايدنجه بتون رجال دولت اكاً منجذب اولمش ، خواننده لك و سازنده لك رواج بولايى كې موسيقي شناسلرده چوغلانمشدى . حتى خلفا ايله اركان خاندانلرى بالذات موسيقي ايله اشتغال ايدهرنك موسيقي آلاتى اوزرند چالغيجى كې اوكرنمكه

[۱] مسعودى ۱۲۱ ج ۲ [۲] مسعودى ۱۲۲ ج ۶ [۳] فوات الوفيات ۴۷۱ ج ۲

[۴] اغانى ۱۰۶ ج ۵ [۵] اغانى ۱۲۳ ج ۲ و ۶۳ ج ۱۹



غیرت ایتشلردی . خلفادن بسته یاپان ، بسته سی تدوین اولتان ایلك ذات حجازده والیلکی زماننده ( عمر بن عبدالعزیز ) ایدی . دها صکره موسیقی به کثرت میلی ایله مشهور اولان ( ولید بن یزید ) برخیلی مشهور بسته لر یامشدی . شرقی وچالغی ایله خلفای عباسیه دن دخی برقاچ ذات اشتغال ایتمشدی . بونلرک اک مشهورلری ( متصر ) ، ( معتر ) ، ( معتمد ) ، ( معتضد ) ایدی . خلفا زاده لره کلنجه بونلردن آثار صنعتلری ایلك تدوین ایدیلن ذوات ( ابراهیم بن مهدی ) ایله همشیره سی ( علیه بنت مهدی ) ایدیلر . مشار ایله ابراهیمک زمانته قدر شرقیلر اسکیده نصل تغنی اولنیورسه اوله جه تغنی ایدیلر وطرز قدیمده یکی تعدیلات اجرا سنه کیسه جسارت ایده مزردی . مشار ایله : « بن پادشاه زاده پادشاهم . ایستدیکم کی شرقی سوبلرم » دیهرک خواننده لکده یکی برانقلاب وجوده کتیرمشدی . بشنجی خلیفه عباسی ( رشید ) ک اوغلی اولوب صباحت وملاحت وجهیه سیله مشهور اولان ( ابو عیسی ) ایله دردنجی خلیفه عباسی ( موسی الهادی ) نک اوغلی ( عبدالله ) و آلتنجی خلیفه عباسی ( محمد الامین ) ک اوغلی کذلک ( عبدالله ) و اونجی خلیفه عباسی ( متوکل ) ک اوغلی ( ابو عیسی ) واون اوچنجی خلیفه عباسی ( معتر ) ک اوغلی ( عبدالله ) وسائرہ خلفا زاده لردن فن موسیقیده فوق العاده کسب اشتهار ایتشلر ، کفته وبسته لر وضع ایتشلردی . بونلردن ( موسی الهادی ) نک اوغلی ( عبدالله ) عود زنلکده وحسن و آنده زماننک فریدی ایدی . هنکام طریده پک زیاده عربده جو اولان بوخلیفه زاده نک معیتنده یتیشن ( قلم ) نامنده سیاهی بر موسیقیشناس کوله ( زییده ) طرفدن ( ۳۰۰،۰۰۰ ) درهمه صاتون آلتمشدی . امویلرک انحاط دورنده دخی موسیقی اهالی آره سنده پک زیاده انتشار ایتمشدی . حتی انهای سفردہ - ولووجهه عزیمت میدان محاربه اولسه - خواننده لری وموسیقی آلاتلرنی برابر آلوب کوتوررلردی . عباسیلر ۱۳۱ سنه هجریه سنده اصفهان جهتلرنده عساکر امویه بی مغلوب وپریشان ایتدکلری زمان اردو کاهلرنده بی حساب عود ، طنبورونای بولشلردی [۱] .

والحاصل مطرب وروحنواز برطرزده تغنی اسلاملرک فتح ایتدکلری ممالکدن اقتباس ایتدکلری شیلردن ایدی . دها صکره اسلاملر ایران و هند

لسانلرندن فن موسیقییه دأر کتابلر ترجمه و بوبابده کی معلوماتلرینی توسیع ایتشلردی . رفاهیت و سفاهت اسلاملری موسیقییه انجذاب وانکله اشتغاله سوق ایتدیکندن عوامدن بوفنده احراز مهارت ایدنلر بوسیله ایله خلفا و اعظمه تقرب ایتیش و جلسا میاننده بونلره اولدقجه مهم بر موقع ویرلمشدی . مغنیلر حقنده ایلریده دخی معلومات ویره جکز .

### ۳ علما ، ادبا و فقهها

بونلر عوام صنفندن بر طاقم ذوات ایدیلرکه وقایع تاریخیه و یانوادر ادبیه حفظ و ایرادی و یاخود دینی ، لغوی ، ادبی ، تاریخی علومدن متشکل اوزمانک علوم و معارفی ایله اختصاصلری ایله خلفانک خوشنه کیده رک بر موقع مخصوص اشغال ایتشلردی . ( اصمعی ) ، ( ابو عبیده ) ، ( کسائی ) و سائره کی نحو و ادب عالملریله محدثلر و سائره بوجهله داخل ایدی . خلفا بوکی ذوات ایله اوطوروب کورشکمدن حظ ایدرلر ، خاطرلرینی صایارلر ، کندیلرینه عطیه ، احسانلر و یریرلر و آیریجه معاشلر دخی باغلارلردی .

وزرا و امرادخی بویولده خلیفه لک اثرینه اقتفا ایتشلردی . بونلر بونوع علما و فضالایه بول بول پاره صرف ایدرلر و بوسایده علم و عرفانک انتشارینه معاونت ایلرلردی . ذاتاً اووقته قدر علم بروسيله معیشت اولمشدی . علوم قدیمه نی عربییه نقل ایدن غیر مسلم مترجملر و او جمله دن سریانی ، روم ، ایرانی و سائره مترجملری بوصنفدن معدود ایدی . چونکه بونلراهل ذمتدن اولدقلری حالده علم و عرفانلرینه بناء خلفایه انتساب ایدن بر صنف مخصوص تشکیل ایتکده ایدیلر .

### ۴ ارباب تجارت

ارباب تجارتدن مقصدمن مجوهرات ، آلتون و کوش مصنوعاتی . قیمتدار اوانی و تزینات بیتیه ، سوسلی البسه و کوله و جاریه لر کی ترقیات مدینه نک اقتضا ایتدیکی قیمتدار اشیا تجارلریدر . بونلر علی الاکثر خلیفه ، اقربا و تعلقاتی ،

رجال دولتی وجلسا واعواندن اولان سائر خواص سایه سنده کچنیرلردی . بغداد ، بصره وسائرده اقامت ایدن بونوع تاجرلر علی الا کثر اقوام مترقیه دن ایرانی ، روم وسائر مهاجرلرندن متشکل بولنورلر واعتلا دورنده دولت خزینه سندن آقان پاره لردن تأمین ثروت ایتک اوزره بغداده هر نوع اشیای تجاریه جلب ایله اشتغال ایدرلردی .

ایشته ذکر اولنان ارباب تجارت واسطه سیله یاقوت ، الماس و پرلانطه لر هندستاندن ، اینچی بحریندن ، عقیق وفیل دیشی حبشستاندن ، کوزل قوقولر و عطریات نیسابوردن ، کتان منسوجاتی شینیزدن کتیریلردی . کذلک خلیفه و اکابر رجال دولته مخصوص اولان اشارت ممتازلی و ایشلمه لی ایپک و یوک منسوجاتی ، یوکسک جینلکلر ، ایپک پرده لر (فسا) دن ، کلیملر ، سجاده لر ، خالیسلر (جهرم) دن ، پرده لر و قولتوقلر (دشت) دن جلب اولنوردی . کلیملرک ، اینجه اوچقورلرک ، سجاده لرک ، خالیرک اک ایسی (ارمینیا) دن کلیردی . بوقطعه ده استعمال اولنان قرمز ی بویانک هیچ بریده امثالی یوقدی . ایشلمه لی و صرمه لی ایپک ملبوساتی اصفهان دن جلب اولنوردی . چیچکللی البسه ریدن ، ایپکلی مندیل و تخته طابله لر (طبرستان) و (نیسابور) دن ، سیاه سمور ، تفتک ، سیاه تیلکی دریلری (روسیه) دن ، بز (بلخ) دن ، کاغد ، نشادر ، قیل ، سمور ، سنجاب و تیلکی دریلری (ماوراءالنهر) دن کتیریلردی . مسک دخی ماوراءالنهر دن جلب اولنوردی . فقط اصل مصدری (تیت) قطعه سی ایدی . (بخارا) دن کتیریلن اشیا کلیم ، نمازلق سجاده ، یوک قاشلرندن متشکل ایدی . (دیبکی) نامنده کی قاشلر مصرده کائن (تینس) و (دمیاط) دن ، مصر پرده و کلیملری (بهنسا) دن ، اینجه باش و بویون شاللری (کرمان) دن ، حصیر ، قاش کاغدی و قرطاس مصردن ، مقلم بیاض دیلم مندیللری (قومس) دن جلب اولنوردی . بعضاً بولنردن برمندیل ۲,۰۰۰ درهم ایدردی . تفتک و ایپک چارشافلر (جرجان) و (سوس) دن ، خرقلر ، طباقلر و طراقلر (ری) دن ، کسوه لر و چورابلر (قزوین) دن ، آیاق قابلری ، سمور کورکلری (همدان) دن ، مصنوعات زجاجیه و خزفیه (بصره) دن ، حصیرلر (عبادان) دن ، دیبا قاشلری و کلیملر (تستر) دن ، ایشلمش دریلر (یمین) طریقاه (حبشستان) دن و مسک ، کافور ، عود آغاجی (چین) دن جلب اولنوردی .

اسیرلره کانجه بونلرک بیاضلری (ماوراء النهر) دن کتیریلردی . بونلر فی الاصل اسلاولردن ویا ترکستان چولی ترکارندن بولنوردی . اک ای اسیرلر (سمرقند) و (خوارزم) ده تربیه اولنقدن صکره ممالک اسلامییه کتیریلر کوله لر ایدی . اصللری فرنک و غالیچه لیلردن ویا اسلاولردن اولق واناث و ذ کوردن مرکب بولمق اوزره اندلس طریقله دخی بیاض کوله لر کتیریلردی . خراساندن جلب اولنان بر نوع کوله لر واردی که غایت بهالی صاتیلردی . بعضاً بونلردن بر کوله ۵,۰۰۰ دیناره فروخت اولنوردی . سیاه کوله لر ایسه عموماً مصر ویا فاس طریقله سوداندن کتیریلردی .

اسیر تجارتی نقل ایچون قردهده کیروانلر، دکنزده کیلر تخصیص ایدیلردی . هر طرفدن جلب اولنان کوله صنوفی بغداد و سائر بلاد اسلامیهدده مؤسس اسیر بازارلرنده موقع فروخته وضع اولنوردی . قردهده اسیر نقلی ایله اک زیاده اشتغال ایدنلر عراقده کائن (راذان) سنجانی یهودیلردن بر صنف ارباب تجارت ایدی . بوصف تجار او عصرده اک زیاده مستعمل اولان عربی، فارسی، رومی، فرانسزجه، اسپانیولجه، اسلاوچه یی اوکرنکدن صکره - اسکیده فیکه لیلر دور اعتلارلرنده یاپدقلری کی - یانلرنده هر نوع اموال تجاریه بولندینی حالدده ممالک معموره یی اقلیم اقلیم طولاشه رق آلیش ویریش ایله وقت کچیریلری [۱]. مذکور دورلرده تجارت بحریه ایله اک زیاده کسب شهرت ایدنلر بصره کورفی ساحلنده کائن (سیراف) شهری اهالیتنی ایدی . بونلر چین، آفریقای جنوبی، هند آطه لری، یمن و سائر ددن بصره و بغدادده مجوهرات، فیل دیشی، آبانوس، بوبر، کافور، صندل، عود، عنبر و سائر رواج لطیفه، اجزای طویه و بهارات و سائرینی بحرأ نقل ایله اشتغال ایدرلردی [۲]. ایشته ارباب تجارت ذکر اولنان اشیای تجاریه یی بغدادده کتیره رک بوراده فاحش فیاتلر ایله فروخت ایدرلردی . تجار صنفندن معدود اولان صرافلر علی الاکثر یهودی ایدیلر . بونلر فاحش فائضلر ایله رجال دولته پاره اقراض ایدرلردی . اودورده بغدادده (فخاس)، (عمران) عائله لری کی برطاق بیوک بانکرلر طائش ایدی که بونلر دولت ایله معاملات مالیه اجراسیله تأمین منافع ایدرلردی .



### اسلام تاجر لری

مدنیت اسلامیہ واصل مرتبہ کمال اولدینی اثناده اسلاملر کندیلری بالذات تجارتلہ اشتغال ایتمکہ باشلانجه بویولده اقوام متمدنه سائرہدن کری قالمق شویله طورسون بوفده علماً و عملاً بیوک برتنوق ، بیوک برتکمل کوستردکاری کبی کرک قنون تجارتده ، کرک اقتصاد سیاسیده مکمل اثرلرده وجوده کتیرمشلردی .

زدمزده پشنجی عصر هجری رجالندن شاملی ( شیخ ابوالفضل جعفر بن علی ) طرفدن تألیف ایدیلن «الاشاره الی محاسن التجارده» نامنده برکتاب موجوددرکه بوکتاب مسکوکات ، اشیای تجاریه ، مال صامت ( آلتون وکون ) ، اعراض (اموال واشیا) ، اشیانک فیأتلری کبی عصر حاضر اقتصاد یونی طرفندن دهاجدی بر صورتده یازیلهمیان برچوق مباحث مهمه نی ودها اول کیمسه طرفندن موضوع بحث اولمیان نیجه شایان دقت نقطه لری حاویدر . بوا یسه اسلاملرک عالم تجارتده نه قدر یوکسک بوموقع طوطقلری ارائه ایدر . اوصرده عالم اسلامک یتشدیردیکی بیوک سیاحین دخی صورت مخصوصه ده ذکره شایاندر . بونلر دردنجی عصر هجریدن اعتباراً جهانی برآ و بحرآ طولاشه رق مفصلاً تحریر وتدوین ایتدکری سیاحتنامهلر ایله اسلام تجارتنه بیوک برانکشاف ووسعت ویرمشلر وبحر محیط کیرده ، بحر هندیده ، بحر احمرده و آفریقا و آسیانک ممالک مرکزیه سننده دها اول معلوم اولمیان برچوق طرق تجاریه کشفنه موفق اولمشلردی .

فی الحقیقه دکر سفرلرنده اسلاملر دکرلرک پادشاهی ایدیلر . سفائن تجاریه اسلامیہ بحرسفیدک بتون سواحلی کشت وگذار ایدرلردی . بحر احمر اسلاملرک برحوضه تجارتلری ایدی . اسلام کیلری بحر محیط هندیده غرباً (مداغاشقار) ، ( زنجبار ) ، (کافرلر مملکتی) ، شرقاً (قالبکوته) ، هند آطه لری وچین مالکی سواحلی طولاشیردی . اسلاملر شمالاً بحر قزوینی کچهرک خزر وروس ممالکنه داخل اولمشلردی . کذلک برآ هندستان ، ترکستان ، تبت ، چین ممالکنی طولاشه رق بوممالکک جمله سیله تعاطی تجارت ایتمشلردی . آفریقاده ایسه خط استوا یه قدر کیده رک اورالرینده طولاشمشلردی .

والحاصل دردنجی عصر هجریده اسلام ارباب تجارتی بالجمله ممالکک طرق بریه وبحریه سنه استیلا ایتمشلردی . بصره کورفری سواحلی ، آفریقا


سواحلى ، يمن ، چين ممالكى وسائر شرق قطعه لرى آردسندەكى مناسبات تجاريه عموماً اسلام لك الئده بولنيوردى . قرەدن تجارت قافلەلرى (خراسان)، (تركستان) ، (ارمينا) ، (افغانستان) ، (هند) ، (شام) ، (مصر) ، (سودان) ، (آفريقا سواحلى شاليه مى) ، (اندلس) آردسندە ھر نوع اموال تجاريه يى حامللاً دائماً كلوب كيدردى .

جهانك بتون تجارتى اسلام لك فعاليتە تابع كى ايدى . شرقك بجرأ الك بيوك مركز تجارتى (بصره) وبرأ الك بيوك مركز تجارتى (بغداد) شەرلرى ايدى . دردنجى عصر هجرىده (سیراف) اھالىسندن ماعدا تجارت بحريهده (عمان) سواحلى اھالىسىده عالم تجارتده بك بيوك برموقع طوتمش لردى . بونلك كميلرى (چين) ، (هند) ، (آفريقا) ، (يمن) و (حجاز) ساحللرىنى طولاشيردى . (مسعودى) « مروج الذهب » نده بونلر حقندە بر چوق معلومات ويرمكدهدر [۱] .

### ارباب تجارتك ثروتى

والحاصل تجارتك يوكسك انواعى بيوك استعداد صاحبي بولنان وياخود حسن طالع صاحبي اوله رق سرايلره واعاظم رجال دولته انتساب پيدا ايدن تاجرلر اچون بك واسع بروسيه استحصا ثروت تشكيل ايتكده ايدى . تجارتك نائل اولديغى وسعت وترقى سايه سنده ثروتلى ميلونلرجه ديناره بالغ اولان متعدد تجارت اولرى تأسس ايلشدى . بونلردن بعضلى عوام صنفندن وعادتا احمق كچين طاقمدن ايكن حسن طالع يارديميله خواص مرتبه سنه قدر يوكسه لرك بك بيوك بر ثروت صاحبي اولمش لردى . كچن عصرده (روحيد) عائلىسى وعصر حاضرده آمريقالى (روقفلر) زنكىنل كده نصل بيوك بر شهرت قازانمشلر ايسه عصر عباسيده مجوهرات تاجرى اولان (جصاص) عائلىسىده اوله جهه بيوك بر شهرت قازانمشدى . مذكور عائلدن ك اول كسب ثروت ايدن (حسن بن عبدالله) بو ثروتى نصل طوپلادىغنى بالذات شو صورته نقل ايدىيور :

«ئىروتم شىۋورتىلە باشلادى: (ئىمىن تولىن) كى اوغلى مىسىر ھىكمىدارى  
(ئىۋا جىش خىماروۋىيە) كى مەيلىدە مىجۇھرات مىسائىرە مەبەئەتە مەمۇر ايدىم .  
سەرايە فۇق العادە مىسۇبىتىم اولدىنى ايجۇن سەراى دەلىزىدن بىر لىظە آيرىلادىم .  
كۈنك بىرندە سەرايك وكىلىخىچ اوستەسى يۈز قىدىر اىجار قىمىتدارى ھاۋى  
بىر كىرەتلىك كىتەرەك المە وىردى . اولە قىمىتدار و كۈزل بىر كىرەتلىك مەئىنى نەدەھا



عرب آثار مىمىنارىيەسىدىن تەللىلەدە ( باب الشمس )

اول ، نەدە دىھا مىكرە كۆردىم . يۈز جىر قىمىتدارى ھاۋى ايدى . ھەرىشى  
۱۰۰،۰۰۰ دىنار ايدىردى . خىزىنەدار اوستە بۇتاشلىك چىقىرىقۇن كىرەلەر  
كۈچۈللىسىنى تەلپ ايتىدى . چۈنكى بۇنلار اۋقۇلدۇن مىكرە بۇتاقۇم اۋيۇنچاقلىك  
قۇلاقلىرىنى كۈپە ياپىلەجقۇدى . سۈنچىمدىن چىلىدىرەجق بىر ھالە كەلدىم . « پىكى »

دیدن صکره کردانغی آلهرق درحال بازاره کیتدم . مجوهرات تاجرلرینی طوپلادم . خزینه دار اوسته نك آرزوسنه موافق مختلف شکلدرده برطاقم طاشلر مبايعه ایتدم . آقشام اوستی سراه کلهرك خزینه دار اوسته یه اوطاشلری ویردم . (بتون طاشلری برکونده اوفالتمق ممکن دکلدر . بوکون یاپه بیلایکمزى کیتردم . دیگرلرینی برقاچ کون صکره کتیریرم ) دیدم . جاریه سوزلریمه اینانیدی کبی کتیردیکم طاشلری ده بکندی . برقاچ کون صکره باقیسنی ده مبايعه وتسليم ایتدم . ایشته هربری ۱۰۰,۰۰۰ دینار قیمتده اولان او ۱۰۰ طاش بکا یوزبیک درهمدن ازبرقیاته مال اولدی . دهاصکره سرایدن ۱,۰۰۰,۰۰۰ دینار قیمتده مجوهرات مبايعه ایلدم . بعده سرایده براوطه طوته رق معیتده وقت کچیردم . بو سایه ده بی حساب پاره لر قازانه رق ثروت صاحبی اولدم » [۱] .

ابن الجصاصك بغدادده مجوهراته مخصوص پك بیوك برتجارخانه سی وار ایدی . دردنجی عصر هجری ابتدالرنده خلیفه ( متوكل ) ك دورنده برچوق

#### [۱] فوات الوفيات ۱۳۸ ج ۱

(ابن الجصاص) كرك ثروتك بیوكلیك و كرك ابلهانه احوال و حرکاتی جهتیله اودورك جدأ شایان تدقیق برچهره سی ایدی . حقنده روایت اولنان احوال و حرکات متعقباته حقیقی اولمقدن زیاده جعلی اولسی مظنوندر . هیچ شبهه یوقدركه بو آدم ثروت عظیمه سنی عصرینك ارباب استبداد و اغصابنه قارشى مدافعه ایچون بلاهتی سپر اتخاذ ایدیوردی . نته کیم دهالریکی قرون مظالمده ارباب علم و عرفان ذکا و اقتدرلرینك قربانی اوله قیلرینی حس اینتدکلی زمان جبار حکمدارلره قارشو دینی سپر اتخاذ ایدرك عبادتخانه لره انتجالرلردی . (ابن الجصاص) ك بلاهت و شلنی بر مجموعه لطائفدر . ازجمله مومالیه برکون نمازیتی قیلاركن : « اللهم بیلایك ، بیلمدیک نه قدر كنهام واریسه عفوایت » تضرع اتنده بولنش . (ابن الجصاص) برکون ( مقتدر ) ك وزیرى ( ابن الفرات ) ك حضورینه کیرمش ، اوطوردرکن او بوفلاش . (ابن الفرات) کیجه او یوم یورمیسك ؟ دیه صورمش . « افندم ، محله مزده بولان کوپكلرك کورلتیسندن او یومه یوروز » جوابی ویرمش . ( ابن الفرات ) « غالباً محله کزده کی کوپكلر یارو اولسه كرك » دینجه (ابن الجصاص) : « خیر افندم ! اونلر اویله یارو دکل ، هر بری نیم ، سنك قدر بیوك شیلدر » جوابنده بولنش . ینه (ابن الجصاص) برکون آینه یه باقدقدن صکره اوراده بولنان برذاته : — آرقداش ! باقی ! صاقالم اوزامشعی ؟ دیه صورمش . اوزات ! — افندم آینه الکزده دکلیدر ؟ دینجه (ابن الجصاص) : — اویله اما حاضر اولان حاضر اولمایدن دهایی کوررجوانی ویرمش . ابن الجصاصك بوكی دهاپك چوق غریب احوالی واردی .



مصادره لرومنکو بیتلر وقوع بولدیغی زمان (ابن الجصاص)؛ اموالی مصادره اولنان ذوات جمله سندن بولنمشدی. مومالیهک مصادره سنه سبب (عبدالله بن المعتز) ی خانه سنده صاقلامه سی ایدی. چونکه عبدالله کرسیٰ خلافته اجلاس ایدلدکن صکره درحال اومقامدن دوشمی اوزرینه ابن الجصاصک خانه سنده اختفا ایتمشدی. محل اختفاسی براوشاق طرفندن اخبار ایدیلنجه (عبدالله) دردست اولندیغی کبی (مقتدر) طرفندن (ابن الجصاص) دن دخی ۱۶,۰۰۰,۰۰۰ دینار مصادره اولنمشدی. معافیہ بومبلغ آلتون، کموش واقمشدن عبارت ایدی. بویاره کیتدن صکره ینه (ابن الجصاص) ک تزدنده قوناق، قماش، اشیا و اموال سائر و چقلکلردن متشکل اولمق اوزره پک بیوک برثروت قلمشدی. حماقت و بلاهتله معروف بوکبی برآدم بوقدر بیوک برثروت صاحبی اولورسه ذکا و اقتدار صاحبی بولنان ارباب تجارتک نه قدر بیوک برثروت صاحبی اوله چقلری. اکا کوره قیاس ایدیکز.

بالخاصه بصره ده بولنان مفروشات و تزیینات بیتیه تجاری ده اکا کوره قابل قیاسدر. بونوع ارباب تجارتدن بعضلری پک بیوک برثروت صاحبی ایدیلر. بو ثروت علی الاکثر تجارت بحریه سایه سنده وجوده کلیوردی.

بعض تاجرلرک هر طرفه اشیا تجاریه نقل و جلیله مشغول یوزلرجه کیسی واردی. بصره ده (شریف عمر) نامنده برتاجر ذکر ایدرلرکه سنوی وارداتی ۲,۵۰۰,۰۰۰ درهمه بالغ ایدی [۱]. کذلک کبی صاحبی برذاتک ثروتی ۲۰,۰۰۰,۰۰۰ دینار مقدارنده ایدی [۲]. ینه ذکر اولنان ارباب ثروت جمله سندن اولمق اوزره (احمد بن عمار) اسمنده بری دخی بصره ده دکرمنجی. ایکن (معتصم) ک زماننده بغداده کله رک ثروت صاحبی اولدیغدن هر کون ۱۲۰ دینار صدقه ویرمکده ایدی. بوصدقه مقداری ذکر اولنان آدمک اموالک عشری فرض اولنسه کونده وارداتی ۱,۰۰۰ دینار اولمق لازم کلیر. (معتصم) بو ذاتی استقامتی ایچون وزیر اتخاذا ایتمشدی. فقط بو آدم حد ذاتنده جاهل ایدی [۳].

[۱] ابن الاثیر ۲۰ ج ۹ [۲] ابن حوقل ۱۹۸ [۳] الفخری ۲۱۳

## ۵ - ارباب صنایع

صنایع کلنجہ اسلامبر بوخصوصده دخی بیوک برترقی کوسترمشلردی . چونکہ تجارتده نصل ایلری کیتشلر ایسه صنایعدهده اوپلهجه ایلری کیتشلردی . صنائع مرور زمان ایله ممالک اسلامیہده اوقدر بیوک بر اعتلا بولمشدی که اسلامبر بر قسم صنایعده ممالک متمدنه سائرہی کچدکلری کبی بر طاقم صنایع مخصوصدهده دخی کسب امتیاز ایتشلردی . شکری علمده نشر ایدنلر اسلامبر ایدی . اسلامبر شکری اصل مصدری اولان هند ممالکندن فارس ممالککنه نقل ایدہرک اورالرده برچوق شکر فابریقهلری تأسیس ایشلر واوزمانهقدر مثلی کورلین برقاچ نوع شکر یامیشلردی [۱] . کاغدجیلق صنعتی ترقی ایتدیرن ، جهانک هرطرفه نقل ایدنلرده اسلامبر ایدی . اوروپالیر کاغد اعمالی آنجق اندلس طریقہ اسلامبردن اقتباس ایشلردی [۲] . اندلسک بعض شهرلری شرق عالم اسلامیسنه مخصوص صنائعہ فائق برطاقم صنائع ایله احراز اختصاص ایتش ایدی . ازجمله (مرسیہ Murcie) ده غایت صنعتکارانه برنوع صیرمہلی قماش یاپیلردی . ینہ بوشهرده کلیم وقالیچه اعمالنه مخصوص امثالسز بر فابریقه بولندینی کبی مرصع تحت وصدالیہ اعمالی ایچوندہ مهم بر اعمالاتخانه موجود ایدی . (مالقه Malaga) شهرنده طبیعی جام ، یالیزلی مصنوعات خزفیه، بر شکل مخصوصده کموشلی برنوع موزایق اعمالی ایچون فابریقهلر واردی . اندلسلیلر صنائع زجاجیہده کندیلرینه مخصوص برطاقم اختراعاتده بولنشلردی . روایتہ کوره طاشدن جام اعمالی ایلمک ایجاد ایدن ذات اندلس حکیم مشہوری (عباس بن فرناس) ایدی [۳] . برنجی جلدده ذکر ایتدیکمز اوزره مرمی آتمق ایچون بارودی ایجاد ایدنلرده اسلامبر ایدی .

شامجامعنده بولنان و (ابن جیر)ک آلتنجی عصر ہجریده کی سیاحتنامہسندہ توصیف ایدیان مشہور ساعت کبی اسلامبرک میکانیکیاتده پک پارلاق آثار

[۱] Encycl. Brit article Sugar [۲] کتابمک برنجی جلدی صفیہ ۲۳۶

[۳] نفح الطیب ۸۷۲ ج ۲

صنعتلری واردی . سیاح مشارالیه بالذات مشاهدہ اوزرینہ بوساعتہ دائر  
تعریفات آتیہدہ بولنیور :

« جیرون قوسندن چیقارسہ کز صاغکزہ قالدیرم دیواری کلیر کھانک قارشیسندہ  
بیوک و مستدر کمرشکلندہ بر او طہ واردر . کمرک اوزرندہ اوافق قپولی ، کوندوز  
ساعتلری عددنجہ ، غایت صنعتکارانہ یاپاش پنجرلر موجوددر . کوندوزدن بر  
ساعت کچدکجہ طونچدن معمول ایکی طوغان قوشی برنجی و صوک پنجرلردن حیقہرق  
آغزلرنده بولان طوپلری غریب بر سرعتلہ پنجرلرک آلتندہ بولان طونچدن  
ایکی تپسی اوزرینہ آتارلر . کمرلرک تپسیلرہ دوشمسندن حاصل اولان سس  
کوندوزدن بر ساعتک کچدیکنی اعلان ایدر . متعاقباً طوغانلریلہ تپسیلر کندی  
کندیلرینہ یرلی یرلرینہ کچرلر ، اوساعتہ مخصوص اولان پنجرہ دخی در حال قاپانیر .  
کوندوزدن ساعت کچدکجہ صرہ ایلہ عین حال تکرر ایدر . اک صوک ساعتہ  
بتون پنجرلر قاپانمش بولنور . صکرہ پنجرلر تکرار آچیلیر . کیجہ ساعتلری  
کوسترمک ایسہ دیگر بر اصول ایلہ وقوع بولور . پنجرلرہ متوجہ اولان کمرده  
طونچدن اون ایکی دائرہ واردر . دائرہیہ مقابل دیوارک آرقہ سندنہ جاملر  
قونولمشدر . جاملرک آرقہ سندنہ صوایلہ متحرک بر قندیل وار . پک زیادہ اینجہ  
بر حساب ایلہ حرکت ایتدیریلان اوقندیل کیجہ دن ساعت کچدکجہ اوساعتہ  
مخصوص جام ودائرہیہ قمرزی برضیا صاچار . کیجہ دن قاچ ساعت کچمش ایسہ  
اوقدر دائرہ ضیادار بولنور . کیجہ نک ساعتلری بیتنجہ بتون دائرلردہ قمرزی  
ضیا آثاری کوریلور . ساعتک بولندیغی او طہدہ مهارتلی بر مأمور مخصوص  
موجوددرکہ پنجرلری تکرار آچق ، دوشن کرہلری یرینہ قویمق ایلہ  
مکلفدر » [۱] .

اسلاملرچہ معروف اولان بکر ( مقرلر Poulies ) ، اکر ( کرلر  
Boules ) ، انابیب ( بورولر ) ، امخال ( مانولہلر Leviers ) و سائرہ دن متشکل  
ورفع ، جر و نقل ایچون مستعمل مائی وغیرمائی آلات مرکبہ دن برچوقلریغی  
اکا کورہ قیاس ایدیکز . بوکی آلاتہ دائر برچوق عرب مؤلفاتی واردرکہ  
قسم اعظمی ضائع اولوب کیتمشدر . اسلاملر علی الاکثر بوقفلردہ قبل المیلاد

اوپنجی عصرده یتیشن یونان هندسه و تعیه علماسندن (بیزانسیلی فیلون Philon de Byzance) ک (الحیل الروحانیه و مخانیقالماء) کتابی ایه قبل المیلادایکنجی عصرده یتیشن اسکندریه لی ریاضیون و طبعیوندن (هیرون Hérón l'Ancien) ک اثری اولوب (قسطنین لوقا البعلبکی) طرفندن عربییه ترجمه اولان (رفع الاشیاء الثقیله) کتابی کبی یونان آنارینی رهبر اتخاذ ایدرلردی . بوفنه دائر عربییه ترجمه ایدلمش ده ا برچوق آثار وارد که غرب انتباهی اثناسنده ، لاتینجهیه ترجمه ایدلمش ایکن کرک عربی ترجمه سی ، کرک اصل یونانیسی ضائع اولمشدر . مذکور کتابلرده مندرج آلاتک حرکت و قوتلرینی مصور بر چوق رسملر موجوددر .

اسلاملر طرفندن علوم و فنون مذکورده دائر یازیلان آثار معتبرددن اولمق اوزره ال یازیسی بر کتاب کوردک . (رئیس الاعمال بدیع الزمان ابوالعزیز اسماعیل بن الرزاز الجزری) طرفندن قلمه آلتان بواثر میکانیکیات ایه حکمت طبعیه دن ، ساعات مستویه وزمانیه نک ترکیبی ایه اجسامک اجسام ایه نقلی ایچون استخدام اولان آلات وادواتدن باحدر . مؤلف بو کتابی آلتنجی عصرهجری و اواخرنده (آرتق) خانداندن (ابوالفتح محمود بن محمد بن قیزلارسلان) نامه تالیف ایشدر . کتابده آلات ضاعطه ، رافعه و ناقه یی ، حرکات خفیه ایه متحرک آلاتی مصور بر طاقم رنکلی رسملر موجوددر . رسملر میاننده (ابن جیر) ک بالاده تعریف ایتدیکی ساعتیه مشابه بر شکل واردر . ایشته بو وسائر اسلاملرک فن میکانیکیده نه قدر ایلری کیتمش اولدقلرینی کوستریر . بو ترقیاتی مفصلاً کوسترمک ایسه آریجه بر کتاب تحریرینه محتاجدر .

### عوامک ایکنجی صنفی

بوصفدن مراد ملتک سائر صنوفیدر . بونلر ارباب زراعت و صایبی . عیارلری ، حیل و بازلری ، خرسزلری ، یانکسیجاری ، مختلری ، بالدری چبالقلر و سرسریلری و تعدادی مستحیل ده ا برچوق صنوفی حاوی اولمق اوزره اهلی مملکتک اکثریتی تشکیل ایدیورلردی . بوصنوفی سهولته احطه ایچون بری کوی خاق ، یعنی چمتجیلر ، دیکری شهر خاق ، یعنی ارباب صنایع ، صایجیلر و بالدری چبالقلر اولمق اوزره ایکی قسمه تقسیم ایلورز .



## ۱ کوی خلقی اولان چفتجیلر

چفتجیلر اوجلهدن اولمق اوزره زراعت ایلہ اشتغال ایدنلر مملکت اہالیسنک اکثریتی ، منابع ثروتک اساسی تشکیل ایتمکده وبونلرک قسم اعظمی کویلرده مقیم اهل ذمت ( غیر مسلملر ) دن مرکب بولمقده ایدی . بونلردن اسلام اولانلر کویلری براقهرق شهرلرده اختیاراقت ایتمکده ایدی . چفتجیلر مملکتک السنہ اصلیه سی اولان سریانی ، آرامی ، یونانی ، قبطی ، فارسی ، ترکیه قونوشورلردی . مثلاً عراق وشام قطعهلرنده سریانی ایلہ آرامی ویونانی ، مصرده قبطی ، فارس قطعهلرنده لسان فارسی ، ماوراءالنہر داخل اولمق اوزره ترکستانده ایسه لسان ترکی مستعمل ایدی . فقط عنصر عربی سائر عناصره ، لسان عربی سائر السنہ یه ، اسلامیتده سائر ادیانہ تغلب ایدہ ایدہ نہایت اسلامیت بتون اوغناصر اوزرینه تأمین مظفریت ایلش ، لسان عربی دخی دجلہ نہرینک غرب طرفنده کائن اولان ممالکده ، یعنی عراق ، شام ، مصر ، افریقیہ ، سودان قطعهلرنده غالب کلہرک بورادہ کی اہالی بی اکثریتہ اسلام اولمق اوزره عرب یامش وشام وعراقده مرکز تأثیراتدن اوزاق قالان بعض کویلرده مستعمل لسان سریانیدن برآز بقیہدن ماعدا قطعات مذکورہده دہا اول منتشر بولنان باجملہ السنہ منقرض اولمشدر . فارس ، ترکستان و ہندستانہ کلنجہ بورادہ دخی اسلامیت احراز سیادت و علوم و معارف اربابی آردہ سنده لسان عربی انتشار ایلش ایسہدہ مملکتک السنہ اصلیه سی بین الاہالی زندہ قالہرق بوکونہ قدر دوام ایتمشدر .

## ۲ شہرلرہدہ مقیم عوام صنفی

بوصنف ؛ تجارت ، عسکرلک ، شعر ویا ادبیات ایلہ تأمین موقع ویا احراز ثروت فکریلہ شہرلرہ کلنلردن اولدقلری حالہ طریق مساعیدہ ارباب دہا و ذکایہ ، بیوک ہمتلر اصحابنہ یتیشہ مدکارندن طولای عادی بر صنعت و معیشہ قناعت ایدن صنوف ناسدن متشکلدر . بغدادک عوام طاقنک اصلرینی آراشدیررسہ کز یونلرک عرب ، ایرانی ، ترک ، دیلملی ، روم ، نبطی ، ارمنی ، چرکس ، کرد ، کرچی ، بربری وسائرہنک اختلاط وتولدندن توردہن خلقدن عبارت کوررسکز . شو قدرکہ لسانلری عربیجہ اولدینی ایچون انلری عرب صایمق اقتضایدر .


شهرلرده مقيم عوام طاقى ايكي صنف ايدى . برنجيسى صنايع و تجارت ايله كچين صنف اولوب بوده ايكي قسم ايدى . اولاد ميرجى ، چولها ، ترزى ، بربر ، دولكر ، آوجى ، اتمكچى ، دكرمنچى وامشالى كچى ال صنعتى ايله اوغراشانلر ، ثانياً سبزه ، ات وساژه كچى انواع مأكولات وعادى منسوجات واشيا صايچىلىرى . بونلر زيتون ياغى صايچىلىرى ، بقاللر ، قصابلر ، قماش ، دقيق وسبزه صايچىلىرى وامشالى كچى برچوق اصنافدن متشكل ايدىلر .

ايكنجيسى فسق و فخور و خبائث ، خرسزلق ويانكسيجيلىك ايله كچينلر ايدى . ارباب دولت آره سنده ظهور ايدن فته و تفرقلر نتيجه سسند ممالك اسلاميه ده توردين و بك چوق انواعدن متشكل بولان بوصف خلقك بوعصرده امثالى تصور ايتمك ممكن دكلدر . چونكه انلر مألوفدن بسبتون بشقه برطاقم صنوف اسافلدن مركب ايدىلر . وقتيله ييروتده بولوب ( زعران ) ناميله طانيلان سرسرى كروهنى تخطر ايديه بيلنلر مارالذك صنوف اسافل حقنده بر درجه يه قدر برفكر ايديه بيليرلر . ( زعران ) بسپايه ضنى سرقت ، يانكسيجيلىك ، يوللرده شوكا بوكا تعرض ايتمكه كچينير ايشسر ، كوچسز آدملردن متشكل ايدى . آنجق بوصف اسافل عباسيلر دورنده يتيشن بالديرى چبلاقلره نسبةً پك كوچك بر مثال اوله بيلير . زيرا كرك بغدادده ، كرك سائر مدن اسلاميه ده عيارلر ، شاطرلر ( حيله بازلر ) ، صعلوكلر ( سرسرىلر ، بالديرى چبلاقلر ) ، زواقلر ( خرسزلر ) وامشالى كچى توردين برچوق صنوف اشرار واسافل او قدر بيوك براهميت آملشردى كه حكومت بونلرك اوكنى آلمقدن عاجز قاليوردى . بعضاً حكومت محاربه لرده بونلرك معاونته عرض اقتتار ايلردى .

ذكر اولان گروه اشرارك تورده مسنه سبب كچن جلدلرده وبالخاصه درنجى جلدده بيان ايتديكمز اوزره دولت عباسيه نك برنجى دورندن صكره خلفا تحكم و استبداد آلتنه آلتنه رفق نفوذ دولتك عسكرلره كچديكى و بونلرك پاره تحصيل وادخارندن بشقه بر شى دوشونميه رك نفوذ حكومتى احرازده بربرلر يله رقابت و منازعه ايله وقت كچيردكلى تاريخدن اعتباراً رأس كاره كچن مفسدلرك سوء اداره سيله دولتك دوچار اولديغى اضطراب و پریشانى ايدى . بر مملكتده فته و اختلاللرك دوامى ايشلره نصل سكته كتيره چكى ، فیا تله نصل بهاليلق

ایراث ایدہ جکی خفی دکادر . فضله اوله رق رجال دولت ارزاق و اشیایی  
احتکار ایدرلردی .

ایشته بوتأثیرایله اهلینک اوکنده ابواب معیشت طارارمشدی . آچ و محتاج  
دوشن خلق آرتق اغالییه تسلطایله کچنمکه قویولشلردی . بونلر تجار و سائرہ دن  
اولان ارباب ثروتک اموالی آشیرمق اوزره شہرلرده و بالخاصہ او دورده  
بتون بلاد اسلامیہ نک مادری اولان بغدادده چتہلر تشکیل ایتشلردی . ارباب



ایرانده سلطانیہ شہرندہ کائن شاه خواجه جامع و تربہ سی

خبائت بوصورتہ کوندن کونہ چوغالہرق خلقہ تجاوز و تعدیلری آرتقمقده ایکن  
رجال حکومت بشقہ شیلر ایله مشغول ایدیلر . حال بوکہ بونلرک اک بیوک  
مضرتلرینی اہالی چکیوردی . بو حال سنہ لرحہ دوام ایتش ، بوسیدن بغداد  
پایتختی خراب اولمش ایدی . بوصوف اسافلک جملہ سنی ذکر ایتمک ممکن  
اولمیدغندن اک مشہورلری حقندہ معلومات ویرہ جکنز :

## عیارلر

ایکینجی عصر هجرینک صوکلرینه طوغری بغدادده توردین عیارلر (امین) ایله (مأمون) آردسند و قوع بولان محاربه ائناسنده بیوک بر رول اوینامشلردی. چونکه (امین) بو پایتختده تحت محاصره یه آئوب عسکرینک عجزنی کورنجه عیارلرک معاونته مراجعت ایتشدی. عیارلر چبلاق اولدقلری، و سطرلنده فوطه لر و پشماللر بولندیغی، باشلرینه (خود) نامنی و یردکاری خرما یاراغندن معمول باشلقلر قویدقلری، وجودلرینه خرما یاراقلرندن و حصیردن معمول و چاقل طاشی و قوم مملو زرهلری سپر ایتدکلری حالده میدان محاربه یه حقیقه مشلردی. بونلر عسکر کبی ترتیب ایدلمش، هراون کشی یه بر (عریف)، هراون عریفه بر (تقیب)، هراون نقیه بر (قائد)، هراون قائد بر (امیر) نصب اولمش، هر صاحب رتبه یه معیتده بولان آدملرک مقدارینه کوره حیوان و یرلمش ایدی. بونلرک میانده بیونلرینه چاکلر، قرمزلی و صاری صدقلر، یولارلر، کملر، سپورکلر، قیلدن ایپلر آویللمش بولان بر طاقم چبلاق آدملرده موجود ایدی.

اوصرده مقدارلری اللی بیکه [۱] بالغ اولان بو کروه اسافل دشمن ایله صپان و طاش ایله حرب ایتمشلردی. صپان و طاش آتقمده ماهر اولدقلرندن محاربه ده بیوک یارارلقلر کوسترمشلی. فقط بونلرک منتظم عسکر و منجنیقلره قارشلی ثبات ایدمه جکلری درکار ایدی. نهایت عیارلر مغلوب اولمشلر، انلردن پک چوق آدم تلف اولمشدی.

عیارلر ۲۵۱ سنه هجریه سنده خلفای عباسیه دن (مستعین) ایله (معتر) آردسند و قوع بولان محاربه ده دخی اوکی بر رول اوینامشلردی. (امین) بغدادده نصل تحت محاصره یه آئمش ایسه (مستعین) دخی مذکور سنه ده ینه بغدادده محاصره آلتنه آئمش ایدی. (مستعین) دشمنه قارشلی عاجز قائلجه عیارلری معین اتخاذا و کندیلرینه معاشلر تخصیص ایلدیکی کبی اوزرلرینه (بینون) نامنده بر عریف تعیین ایتدی. وزقتلی حصیردن معمول قالقانلر، طاش قویمق ایچون طوربه لر ایله تهجه یز ایلدی. بو بسپایه حریفلر مملکتده



داخلی اختلالر ظهور ایتدکجه دولتک تسکین اختلال ایله اشتغالی فرصت عد ایله رک اولره ، مغازه لره مسلط اولورلر ، اهلینک اموالی سرقت وغصب ایدرلردی . بغدادده بوکجه اختلالر علی الاکثر اوچنجی عصر هجریدن اعتباراً ده صکره کی زمانلرده وقوع بولیوردی [۱] .

دولت عباسیه ضعف و اضمحلاله سقوط ایتدکجه بو صنف خلقلق قوتی آرتیور ، بغدادده یارجال دولت آره سنده احراز حاکمیت و استحصال ثروت و یاخود اهالی آره سنده مذاهب اسلامیهدن برینه و بالخاصه سنیک ، شیعیلک ، حنفیلک ، شافعیلکه مظاهرت سبیلرله اختلالر ظهور ایلدکجه تعدی و تجاوزلر مزداد اولیوردی . بو جهتله هجرتک بشنجی عصرینک نصف اولی منقضی اولور اولماز عیارلر بغدادده حاکم کیسه رک بازار و چارشولری خراج باغلامشیر ، حکومت آدملرینک طویلادقلری ویرکیلری کندیلری طویلادغه باشلامشیر و ضابطه و یا عسکر ترتیباتی کبی ترتیباته تابع اولمشلردی . عیارلر رؤساسندن او عصرلرده بری ( طقطقی ) ، دیکری مشهور ماصالک قهرمانی اولان ( زیبق ) ناملرنده ایکی کشی اشتهار ایتش ایدی [۲] .

عیارلر سائر اسلام شهرلرنده دخی توره یه رک بیوک بر اهمیت آلمشلردی . وزرا و سائر اعظم رجال دولت پک چوق دفعه لر بونوع ارباب خبائنک قازانچلردن پای آلیرلر ، افعال مجرمانه لرینه قارشی اغماض عین ایلرلردی [۳] .

#### شاطرلر

شاطرلر ؛ ارباب فسق و فجور و خبائندن دیگر بر نوع اولوب برقیافت مخصوصه ایله ممتاز ایدیلر . بو نوع بسپایه لر کوکسلری اوزرنده ( ازرة الشطار ) نامیه معروف بر پشمال حامل بولنورلردی . شاطرلر عیارلردن زیاده ممالک اسلامیهدن منتشر اولمشیر ، انلردن ده چوق پاپدار قالمشلردی . اندلسده دخی بو ارباب خبائن توره یه رک پک چوق احوال غریبه لری ، لطیفه کولقلری ، شارلاتانقلری کورلمشدی [۴] .

شاطرلر هر مملکته کوره بشقه بشقه اسملر ایله معروف ایدیلر . عراقده

[۱] ابن الاثیر ۲۴۴ ج ۸ و ۱۴۵-۱۵۰ ج ۹ [۲] ابن الاثیر ۲۴۶ ج ۹

[۳] ابن الاثیر ۴۱ ج ۱۱ [۴] اغانی ۹۱ ج ۶

( شطار ) ناميله طانلقلری حالده خراسانده ( سرآبداران ) ، مغربده ( صقوره — شاهینلر ) نامی ویریلردی . ( ابن بطوطه ) شاطرلره ( فتاك — چیره دستلر ) اسمنی ویره رک کندی زمانی اولان سکزنجی عصر هجریده هر طرفده کثرتله یولندقلرندن بحث ایتدکن صکره اجرای خبانت وقطع طریق ایله اشتغال ایتدکلرینی ، نيسابور جهتلرنده کائن ( سبزاوار ) نواحيسنده مقدارلری پک زیاده چوغالهرق ( بهق ) ه هجوم و شهری ضبط ایتدکن صکره دیگر شهرلره دخی استیلا ایلدکلرینی ، پیاده و سواری عسکری تشکیل ایتمکه برابر کندیلرندن برینی پادشاه انتخاب و نصب ایتدکلرینی ، افندیلرندن فرار ایدن کولهلره بو پادشاه طرفدن معاش و آت ویرلدیکنی وانلردن یارارلق کوسترنلرک پایهلری اعلا اولنهرق قوماندان نصب ایدلدیکنی ذکر ایلور [۱] . بونکه برابر کرک شاطرلر ، کرک سائر ارباب شروخبات خرسزلفی منفور بر جرم دکل ، بالعکس مشروع بر صنعت صایارلردی . چونکه ارباب تجارت و ثروتدن پنجه غصب و سرقتلرینه کپردکلری اموالی فقرایه اعطاسی فرض اولان زکات قیلندن عد ایلرلردی [۲] . ذکر اولنان ارباب جراثمدن اختیار اولانلر بعضاً خرسزلقدن توبه ایتدکلرندن حکومت بوکیلری سرققلری کشف ایچون خدمته آلیردی . دولت عباسیه نک خدمتده بونوع اختیارلردن برطاقم مأمورین وارایدی که انلره ( توابون — توبه کارلر ) نامی ویریلیوردی . فقط بونلر علی الاکثر اموال مسروقه دن حصه آلهرق خرسزلی اله ویرمزلردی [۳] .

#### بسپاهلردن دیگر جماعتلر

عوامک بسپاهلرندن وامثالی صنوفدن اولق اوزره مملکت عباسیه ده انحطاط دورنده مقدارلری تکثرایدن ( صعالیک ) ، ( زواقیل ) ، ( حرافیش ) وسائر کبی اسافلدن بر طاقم جماعتلر ده موجود ایدی که حاکمیت طالبلری یکدیگری علیه اجرا ایتدکلری محاربه لرده بیکلره بالغ اولان بو جماعتلری ظهیر اتخاذا ایلرلردی . دولت عباسیه امراسندن ( ابودلف ) ک معیتده ( صعالیک — فقرا ) دن یکرمی بیک سرسری وارایدی [۴] .

[۱] رحلة ابن بطوطه ۲۳۵ ج ۱ [۲] الفرج بمداشده ۱۰۶ ج ۲

[۳] مسعودی ۳۳۵ ج ۲ [۴] ابن الاثیر ۶۹ ج ۷

سیاہ کولہلر دخی ثروت و یسار اصحابنک اموالنه تسلط ایتمک اوزره جماعتلر تشکیل ایلین بوبسپایهلر جمله سندن ایدیلر . همان هر خانه ده سیاه کولہلر استخدام اولندیغی جهتله بونلرک مقداری پک چوق ایدی . مملکتک احوالی مختل اولدیغی صرده افندیلری ضعیف دوشونجه بو کولہلر شمارمغه و فرصت بولدقلرنده آیقلا نالرایله برابر آیقلا نمغه باشلامشلردی . بونلر - هجرتک اوچنجی عصری اورته لرنده زنجی سرکرده سنک یادیغی کبی - بعضاً آیقلا نمق ایچون دخی برهانه به توسل ایدرلردی . زنجی سرکرده سی بصره قربنده شیعه علویه نامنه قیام ایتمش ایدی . او ائاده بصره نك اطرافده اراضیده ایشلین بر طاقم سیاه کولہلر واردی . سرکرده بونلری اسارتدن ومتاعب ومشاقدن قورتارمق شرطیله قیامه تشویق ایتدی . سیاه کولہلر ده اول آرقداشلری اولان بیاض کولہلرک ( ترک مملوکارینک ) خلفایه قارشی اظهار ترمد ایتدکاریخی کوردکاریدن انلره بالاقفا طریق ترمد وعصیانہ صاپدیلر . طریق ترمدک آچیق اولدیغی آکلایان بالجله کولہلر عاصیلره التحاق ایدیوردی . عصیان واقع بیوک براهمیت آلمش ، کولہلر کندی افندیلری دکنک ایله دایاق آلتنه آلمغه قدر آزمشلردی [۱] . مقدارلری یوز بیکلره بالغ اولان بوسپاهییلر برآرده بالاجتماع دولت عباسیه ایله بر قاچ سنه محاربه ایتمشلردی . بو محاربیلر ائناسنده توبلری اورپرده جک برشکل وحشته مقتول اولان اطفال ، نسا ورجالک مقداری ( ۲,۵۰۰,۰۰۰ ) ه بالغدر . عصیان مذکور رئیس قیامک قتل ورجالک پریشان ایدملری ایله خاتمہ پذیر اولمش ایدی . ( بجه ) گروهی دخی سپاهییلرک عراقده یابدقلرینک عیننی مصرده یایمق ایستدیلر ایسه ده تشبثلرنده موفق اوله مدیلر . حشاشلری ( حشاشین ) ده بوصوف ناسدن عد ایتمک جائزدر . آتارشیستلردن و باشلیجه مقصدلری ارباب حاکمیت قتل و اتلافدن عبارت اولمق اوزره بشنجی عصر هجریده تورین بو گروه تاریخ اسلامده بیوک بر موقع اشغال ایدرلر [۲] . مختلر دخی عوام صنوفدن معدوددر . قبل الاسلام حجازده تورین اخلاقاً آچیق صاحبیق بونوع انسانلر مدینه ده اسلامیتدن صکره انتشار ایدن ذوق واکلنجه

[۱] ابن الاثیر ۸۲ ج ۷ وطبری

[۲] حشاشین دن مراد ( حسن بن الصباح ) ک آدملری اولان آنارشپستلردن عبارتدر . Assassin کلمه سنک ( حشاشین ) لفظندن محرف اولدینی روایت اولنور .

و ثروت و يسار دورنده چو غاله رق پك چوق دفعه لر ار كك لر ايله قادين لر آرسنده واسطه اتصال و محبت اولقه قادين لر ك اخلاقي افساد ايدر لر دي . اك كزیده مغییر بونلردن ظهور ایتمشدی . ملوك امویه دن ( سلیمان بن عبد الملك ) ك مختلری نصل طواشی ایتدیردیکنی ده ا اول بیان ایلدك . احتمال كه بو مختلر اوزاق اولیان بر زمان اول قاهرده بولان ( خول ) گروهنه مشابه ایدیلر . سائر ممالك اسلامیه ده چالغی و شرقی انتشار ایدنبه مختلر دخی موسیقی ايله برابر هر طرفه یاییش ، بغداد ، شام ، مصر ، اندلس و سائر مغرب بلادنده بر چوق مختلر توره مشدی . اندلسیلر ( مخت ) و ( مخانیث ) دینجه اسلاو کوله منلرینی مراد ایدر لر دی .

بونلردن بشقه شهرلرده حیل بهازلوق و شارلاتانلق و سائر ايله تأمین معیشت ایدن غیر قابل تعداد پك چوق صنوف عوام واردی كه هر صنف بر اسم مخصوصی حائز ایدی . ( مختاران ) ، ( كاغانی ) ، ( بانوان ) ، ( قرسی ) ، ( عواء ) ، ( مشعبد ) ، ( فلور ) ، ( اسطیل ) ، ( مزیدی ) و سائر كه احتمال كه بتون بو صنفلر ك عددی یك رمی بی متجاوز ایدی [ ۱ ] .

### عوامك اخلاق

وال حاصل شهرلرده کی عوام طاقی عناصر مختلفه دن متشکل و مختلف صنایعه سالك بر طاقم صنوف ناس واجلا فدن عبارت ایدی . بسبتون جاهل اولان بو صنف خلق ایی فندان تفریق ایتمکسزین ایلک مشوق و داعینك ارقه سنده قوشار لر دی .

حضرت علی عوام حقنده وقوع بولان بر سؤاله جواباً : « هر باغیر انك دعوتنه تابع اولور جهلا واجلا فدن عبارت آدم لر » دیمشدی . ( هرون الرشید ) دوری و زراسندن ( فضل بن یحیای برمکی ) صنوف ناسی شوصورتله تعریف ایدیوردی : « خلق درت صنفدن مرکبدر . استحقاق ايله تعالی ایدن پادشاهلر ، اصابت رأی و ذکا ايله احراز اعتلا ایلین وزرا ، ثروت و يسار ايله بر موقع ممتاز اشغال ایدن کبار طاقی ، علم و عرفان ايله موقع صاحبی اولان اورته حاللی آدم لر . بونلردن ماعدا نه قدر خلق وار ایسه ییوب یا تمقدن بشقه برشی



دوشوئین اجلاف واسافلن عبارتدر . ( معاویہ ) کبار تابعیندن اولان ( احنف ) دن خلقی تعریف ایتسنی طلب ایلشدی . احنف : « خلق حسن طالع ایله یوکسلن باشلر ، حسن تدبیر ایله احراز موقع ایدن اوموزلر ، ثروت ایله اعتلا ایلین قیچلر و علم و ادب ایله بوصفلره التحاق ایدن ادبادن عبارتدر . بونلردن بشقه نه قدر انسان وار ایسه هپ حیوانات و بهایم کیدرلر . قارنلری آجیقیر ایسه آیقلا نیرلر ، قارنلری طویار ایسه اویورلر » جوانی ویرمشدی . ایسته اوزمانکی خواص رجالک صنف خلق حقنده کی فکرلری بو شکلده ایدی .

مع هذا حاکیت طالبلری عوام طاقلرینک خاطرلرینی صایغه و خوشلرینه کیدن و سائط ایله و باخصوص الک بیوک رابطه اولان دین وسیله سیله کندیلرینه تقرب ایتمکه لزوم کورلردی . فی الحقیقه دیانت انلرک الک بیوک سبب سعادتلری ایدی . بوجهتله خلیفه دیندارلق ایله کورونور ایسه عوام اکا پک زیاده منجذب اولوردی . اساساً خلیفه نیک مقامنده بررنک دینی موجوددر . خلیفه اسلاملرک رئیس و اماملری اولدیغندن عوام طاقی خلفانک پک بیوک ظهیرلری ایدیلر . عوام قسمنک خلفایه بودرجه انجذاب و تعلقلری اولسه ایدی خلافت عباسیه بغدادده منقرض اولدیغی زماندن ده اول منقرض اوله جقدی . زیرا قوماندانلر ، وزرا خلفای خلع ایتک ایستدکجه عوام انلره قارشى آیقلا نیرلر ، خلفایه مظاهرت ایدرلردی . حال بوکه عوام طاقنک اکثری اسمندن بشقه دینندنده برشی آ کلامازلردی . برندن اعتقاداتی حقنده سؤال صورولسه طوغری بر جواب اعطاسندن عاجزدر . فضله اوله رق عوام ساده دل ، فکر محدود صاحبی ، ده یوکسک شیلری آ کلامقندن عاجز بولنور .

( معاویہ ) نیک خلقه مداراتده بولتمقده و عوامی کندی طرفنه جلب و جذب ایتمکده کوستردیکی ده و اقتدار و قایعندن اولمق اوزره ذکر اولندیغنه کوره ( صفین ) محاربه سنی متعاقب کوفه اهالیسندن بری بردویه را کب اولدیغی حالده شامه داخل اولور . شام اهالیسندن بری حریفی یاقه لایه رق : « بوئم دیشی دوه مدره ، ( صفین ) ده بدن آلمشدر » دییه باغیرمغه باشلار . مدعی و مدعی علیه ( معاویہ ) نیک حضورینه کوتورولور . شاملی دوه نیک کندی دیشی دوه سی اولدیغنه اللی شاهد اقامه ایدر . بونک اوزرینه ( معاویہ ) دوه نیک شاملی نیک اولدیغنه حکم و تسلیمنی کوفه لی یه امر ایلر .

كوفه‌لی : « فقط اقدم ، بوانلرك ديدكلرى كې دىشى دوه دكلدر . ارلك بردودر » ديه‌رك حكم واقعه اعتراض ايتك ايسترايسده ( معاويه ) : « هر نه اولورايسه اولسون ، بركره حكم و يرلمشدر » مقابله‌سنده بولنور . بده مدعى وشاهدلر طاغلقدن صكره ( معاويه ) كوفه‌لى بي كيزليجه نردينه چاغيردق دوه‌سى ايچون ايستديكى بهانك ايكي مثلى ويرير . آريجه احسان والتفاتده مظهر ايلر . وكنديسنة « كيت ، حضرت على يه سويله . هيچ برى دىشى دوه‌ي ارلك دوه‌دن فرق وتميز ايدمه‌ين يوز بيك عسكر ايله قارشيسنة چيقه‌جغم » دير .

( معاويه ) نك آدملى كنديسنة اوقدر مطيع ايديلركه ( صفين ) ه كيتكلرى زمان ( معاويه ) انلره جمعه نمازنى چهارشنبه كوننده قيلديرمشدى . هيچ دوشومدن انك سوزينه اويمشدر و ( عمار بن ياسر ) ك حضرت على طرفندن قتل اولنديغنه دائر ( عمرو بن العاص ) ك ترتيب ايتديكى افترايه دخى ينه عين سائقه ايله اينانمشلردى . متعاقباً اطاعتده او درجه ايلرى كيتمشلر ايدى كه حضرت على يه لغت اوقومنى كوچكلره تلقين اولنور ومخالفت ايدن بيوكلكر قتل واجب اولور برفرض حكمنه كيتيرمشلردى .

مدنيت اسلاميه نك اعتلاسى دورنده بغدادده بولنان عوام طاقنك انحطاط فكريسى حقنده ذكر ايديلن حكايات جمله‌سندن اولمق اوزره عوامدن برآدم علم كلام منسوبيتندن برذاتك سوء عقیده صاحبي اولديغنى متضمن ولانندن برينه بر تقرير تقديم ايتمش . والى زنديقلقله اتهام اولنان عالمك هانكى مذهبه سالك اولديغنى تقرير ويرن آدمدن صورنجه حريف : « اقدم ! مرجئدر ، قدريدر ، اباضيدر ، رافضيدر . ( على بن العاص ) ايله محاربه ايدن ( معاويه بن الخطاب ) ه اظهار بغض و عداوت ايدر » جوانى ويرمش . بونك اوزرينه والى : « بيلمم ، نه كه غبطه ايديمم ، مذاهب اسلاميه حقنده كى معلوماتكه مى ، يوقسه انسابه دائر اولان تدقيقاتكه مى ؛ » ديه‌رك مفتري جاهلى صاومشدر . ينه اوعصر علماسندن بر طاقلىرى بغدادده حضرت ابوبكر ، حضرت عمر ، حضرت على و معاويه حقنده مناظره لر اجراسى ايچون اجتماعلر عقد ايتمكده و عوامدن بعضلى سامعين صفتيله بو اجتماعكاهه دوام ايلسكده ايديلر . بركون سامعينك اك بيوك صقاليسى : « معاويه وفلان وفلان حقنده نه قدر اطناباتده

بونئیورسکز؟ « دیہرک مناظرہ یہ قاریشمق ایستہ . بونک اوزرینہ علمادن بری  
حریفک درجہ معلوماتی آ کلامق ایچون اکا : « پکی . حضرت علی بی سن  
نصل طانیرسک ؟ « سؤالی توجیه ایدر .

حریف : — فاطمہ نک پدری دکلیدر ؟

عالم : — هایدی اویله اولسون ، فاطمہ کیمدر ؟

حریف : — حضرت نینک زوجہ سی و معاویہ نک همشیره سی اولان  
عائشہ نک قیزیدر .

عالم : — حضرت علینک ترجمہ حالی بیلیرمیسک ؟

حریف : — « ( حنین ) غزاسنده حضرت پیغمبرایله برابر شہید اولدی .  
عبدالله بن علی مروانہ قارشى کلک اوزره شامہ حرکت ایتدی . مروانک  
احوالی و کیفیت قلی معلومدر . عبدالله بن علی شامہ مواصلت و شام خاندانلرندن  
بر طاقم رؤسائی ( ابوالسفاح العباس ) ک نزدیکه اعزام ایلدی . بونلر امویلردن  
ماعدای میراث نبی بی احرار ایدہ بیله جک اقرباى نبوی و اهل بیت نبوی  
بولمادیغنی ( ابوالعباس السفاح ) ه یمن ایله تأمین ایتدیلر . بونک اوزرینہ  
خلافت سزلره کچدی » [۱] .

ایشته عوام طاقی هر زمان و مکانده بویلهدر . حاکمیت مطلقه پیشینده  
قوشانلر هیچ بر زمان عوامک مظاهرتدن مستغنی اوله مازلر . چونکه رعایانک  
اکثریتی عوامدن تشکل ایلر . ویرکیلر ، عسکر بونلردن آلیر . عوام طاقنک  
محبت و اعتمادی هر کیم قازانه بیلیرایسه انی در حال موقع حاکمیتہ اصعاد ایدرلر .  
دین قدر قلوب عوامی جذب ایدن بر شی یوقدر . بو جهتله سیاست و دیانت  
بر آرده اجتماع ایدر ایسه حاکمیت مطلقه و سائطی اکال ایدلش دیمک اولور .  
اک چوق ذکا و دها صاحبی اولان ، عوامی تقوی ایله اک زیاده ممنون ایدہ بیلن  
هر کیم ایسه موقع حاکمیتہ او کچر .



مملکت اسلامیة ده

## آداب و عادات اجتماعیه

آداب و عادات اجتماعیه دن مراد هیئت اجتماعیه ده خلق آردسندده جریان ایدن معاملات ادبیه و امور اعتباریه ایله اخلاق و عادات و طبیعت اقلیم اعتباریه تعاطی اولنان عداقات و مناسبات عائلیه دن عبارتدر . قبل الاسلام عربلرده بولنان مناقب و عادات ایله قادیك حائر اولدینی موقع ؛ مدنیت اسلامیة دورینك آداب و عاداتنه اساس تشکیل ایدر . بنابرین بوخصوص حقنده بر تمهید ایله باشلایه جغز :

زمان جاهلیت عربلرینك ماضی

خلقك مناقب و عاداتی انواع معیشتلریله اطوار مدنیهلری و طبیعت اقلیملرینك اختلافنه کوره مختلف بولنور . چول خلقك بر طاقم مزایا و عاداتی واردر که شهر اهالیسنککنك غیری اولدینی کبی کوی خلقك اخلاق و آدابیه ده شهر خلقك اخلاق و آدابندن بشقه در . کذلک ممالک حاره اهالیسنك عادات و اخلاقی ممالک بارده اهالیسنك اخلاق و عاداتنه مخالفدر . بو حال قانون نشو و نمناک بر نتیجه سیدر . چونکه دوچار ضعف و بالنتیجه محو اولماق ایچون طبیعت انسان ایله طبیعت اقلیم آردسندده بر تناسب بولمق ضروریدر .

مثلا چول آدمی منفرد یاشادینی ، دائما بیابانلرده طولاشدینی ، ضابطه سز ، سورسز امرار حیاته محکوم و کندی الی ایله نفسی مدافعهیه مجبور اولدینی ایچون شهرلیردن زیاده شجاعته محتاجدر . بر بدوی دائما سلاح طاشیر ، بیابانلرده یالکز بولنور . کندی نفسندن بشقه کیمسهیه اعتمادی اولماز . بو سیدن شجاعت انده بر عادت و سجیه کسلیلر . حال بوکه کهواره راحت



اوزرنده یان یاتان ، آرایش نعمت ورفاهیتہ غرق اولان ، عرض ، مال و جانلرینک مدافعہ سنی والیریلہ عسکرہ بالتودیع سور واستحکام داخلندہ قورقوسز حیات کچیرن شهر اہالیسی ، ایچندہ بولندقلری محیطک اعتیادیلہ عصرلرجه سلاحسنز یاشایہرق امر مدافعہلری دیکرہ موکول نسا واطفال مرتبہ سنہ دوشدکلری جہتہ ، طبعاً قورقاق اولورلر . آتیدہ کوسترلدیکی اوزرہ بداوت مقتضیاتندن وبدوته مخصوص اولان عصیت ، کرم وسخا ، وفاکارلق ، عزت نفس ، نجات وسائرہ کبی اخلاق بدودہ تجلی ایدن سائر مزایا دخی او قیلدن بر طاقم اسبابک نتیجہ سیدر :

## ۱ — عصیت

عصیت بدویلرک اک کوزہ چارپان ، اک عمومی بر طبیعتیدر . بونک اسباب وشرائطی ایلہ سائر احوالی دردنجی جلدہ مفصلاً یازدق .

## ۲ — شجاعت

علی الاکثر غزو و غارت ایلہ وقت کچیرن بدویلر دائماً جنک وجدال تدارکانندہ بولندقلری ایچون اقدام وشجاعت انلرک شرائط بقالرندن برینی تشکیل ایدر . فطرتاً شجیع اولان بدویلر ارباب شجاعته حرمت وتعظیم وشجعان ایلہ افتخارایدہ ککشلردر . کرک زمان جاهلیتہ وکرک دور اسلامیدہ عرب ارباب بسالتندن بر طاقم ذوات ، بیوک بر شهرت آملشدرکہ ( عمر بن معدی کرب ) ، ( ربیعہ بن المکدم ) ، ( درید بن الصمه ) ، ( عروہ بن الورد ) ، ( عنترۃ العبسی ) ، ( ملاعب الاسنہ ) ، ( عامر بن الطفیل ) ، ( علی بن ابی طالب ) ، ( خالد بن الولید ) ، ( مقداد بن الاسود ) ، ( سعد بن ابی وقاص ) ، ( عبداللہ بن الزبیر ) ، برادری ( مصعب ) وسائرہ اوجہلدندر . آتیدہ قادین مجشده کوسترہ جکمز اوزرہ نسوان عرب دخی شجاعت ایلہ مشہور ایدیلر .

## ۳ — کرم وسخا

کرم وسخا چول خلقنک طبیعت اقلیملری تأثیریلہ اکتساب ایتدکلری مناقبدن بریدر . زیرا بریدوی دها اول ذکر ایتدیکمز اوزرہ چولده یالکنز

طولاشیر . بعضاً صودن ، ییه جکدن محروم برچولده کندی یوردندن کونلرجه اوزاق بولنور . شوخالده اوفضای عقیمده کیندیسنه یمک ، صوویره جک کیمسه بولماز ایسه اوبدوی ، شهه سز ، هلاک اولور . ایشته بواحتیاجدن مسافر قبولی ومسافر پرورلک ظهور ایش ومدنیتلرندن اول جرمنلرکی سائر اقوام بدویه ده اولدیغی کی عربلرده ده کرم وسخا الک کزیده مناقیدن عد ایدلمشدر . بوجهتله عربلر مسافر پرورلک ایله افتخار ایدرلر وبومنقبتده پک ایلری کیدرلردی . کیجه لین یولجیلر کوروب کلسون دییه چادرلرینک کنارنده آتش یاقارلردی که بوا آتسه ( نارالقری - مهمانلق آتشی ) نامی ویریلردی . بوفضیله خلقی ترغیب ایتک اوزره کرمپرورلره فوق العاده حرمت وتعظیم کوستریلیردی . ارباب سخا بویولده وارلینی ، یوقلرینی بذل ایدرلردی . مهمان آتشی هر طرفده کثرتله یاقیلیردی . شاید کثرت باران ویا شدت روزکاردن آتش ایقادینه امکان کورلر ایسه توحش ایلهرک اولومق و سسلریله مسافر جلب ایتک اوزره کوپکلری یورد اطرافنده قازیققره باغلارلردی . ایشته بوسبیدن کوپکه ( داعی الضمیر ، متمم النعم ، مشید الذکر ) ناملری ده ویرلمشدر . قازانلرک بیوکلک و یوکسکلکی ایله افتخار ایتک ده برعادت ایدی . ام المؤمنین حضرت عائشه نك عم زاده سی ( عبدالله ابن جدعان ) نك مهمان قازانی اوزمانک الک بیوک قازانلرندن ایدی . کولکسندنه برانسان طوره بیلیردی [۱] .

زمان جاملیتک الک مشهور جوانمردی ( حاتم طائی ) در . بونک نامی ضروب امثال صردسینه کیرمشدر . بر آدمی فرط سخا ایله توصیف ایتک لازم کایر ایسه « حاتم طائیدن دها سخی » دنیلیر . ( کعب بن امامة الایادی ) ، ( هرم بن سنان ) ، ( خالد بن عبدالله ) وسائر دخی الک مشهور جومر دلرلدندر . اوزمانکی عربلر بر حال سادکیده بولندقلرندن جوانمردلک ایله ویریلن شیلرماً کولات ، مشروبات وملبوسات کی حوائج انسانیه نك الک ضروریلرینه منحصر ایدی . مع مافیہ بعضاً دوه ومواشی دخی ویریرلردی . فقط بالآخره اسلامیتک ظهوری اوزرینه غنائم حربیه ومعاشرلرندن ثروت چوخالنجه ایلریده کوروله جکی اوزره نقود ، مجوهرات ، چفتکلر ، اسیر وسائر اعطاسنه باشلانمشدر .

## ۴ — وفا کارلق

بربدوی ارتکاب جرم ایدرایسه ضابطه سی اولیان چوله صاووشه رق پک قولایقله جزادن قورتوله بیلدیکی جهتله افراد وقبائل آره سنده انسلاب امنیته حائل اولق اوزره وفادارلغه اهمیت ویرلشدی . وفادارلق اسکی عربلرده اک بیوک مناقیدن عد اولنوردی . وفادارلق واهلی تقدیر و تکریم ایدیه ایدیه بو خصلت توالی ازمان ایله بر طبیعت حکمنه کیرمش ، وعده وفا ایتماک اک منفور معاییدن کسلمشدی . عربلردن وفاسزلنی کورولنلر لسان تشنیع ایله تشهیر ارلورلردی [۱] . بالعکس وفادار اولانلر لسان تحیل ایله یاد ایدیلرلردی .

## ۵ — استقلال

چول خلقی وبالخاصه سیار برحاله حیاتکدار اولانلرینک نظرندہ استقلال قدر قیمتدار برشی یوقدر . زیرا بو خلق فطرۃً حر طوغمش ، حتی مکان داخل اولق اوزره هرشیدن بی قید بولمغه آلیشمشدر . بونلر هیچ بر موقعده طورمازلر . خانه بردوش برحاله نردسی خوشلرینه کیدرایسه اورایه قونارلر . ذلت ، ظلمه اصلا تحمل ایتمزلر . چول خلقنک طبیعت وجبانتده مندمج اولان حریت واستقلال قول وفعالرندن دخی منعکس کورولور . ظهور اسلامیت دورنده عربلرک احاد ناسدن بری ایله قونوشورکی خلفایله قونوشوب کورشملری ، خلفانکده بوبی کلفت معاملہ بی پک طبیعی کورملری ایشته بوحریت طبعدن نشأت ایتمشدی . چونکه عموماً حر ، عزیز النفس ، تکلف و ترلفدن مبرا بیومشدردی .

## ۶ — نجبت

چول خلقنک اخلاقندن اولان نجبت حسی مهماندارلق کی حیات بدو تکارانه نک مقتضیاتنددر . ضعیف و محتاجه امداد و معاونت ایتمک اعتباریله مهماندارلق ایله حسن نجبت آره سنده اساساً مناسبت واردر . برشی ایچون بربدویدن معاونت و امداد طلب ایدر ایسه ک بدوی همان امدادیکه شتابان اولور

[۱] غدر و خیانت اسکی عربلرده مؤبداً شایان تلغین معاییدن معدود ایدی . عربلردن برینک قوم شوسنه قارشى غدر و خیانتده بولندی کورولور ایسه عادات قدیمه عربیه تبعاً حج زماننده ( منی ) ده غدر آتشی نامیله بر آتش یا قیله رق « بولانک غدرکارانی » دینیلر ، خائک اسمی تشهیر ایدیلرلردی . مترجم

ولزومنده بویولده حیاتی فدا ایتکدن چکنمز . بدویلرک نجبت و معاونتلی  
بالخاصه مجاورلری و آشنالری حقنده پک آشکار کوزده چاربار . بوخصوصی  
دردنجی جلدده ( ۵۰ ) نجی صحیفهده مفصلاً یازدق .

۷ — اریجه ( بیوکک و عالیجنابلق )

مذکور جلدک ( ۵۲ ) نجی صحیفهسنده مختصراً یازدیغمز بومزیت فرنکلرجه  
Chevalerie ایله افاده ایدیلن فروسیت و نجبت اربابنه مخصوص مناقبدن برینی  
تشکیل ایدر . بونک باشلیجه باغی حسن صیت و شهرت ایله اقتضار حسیدر .  
عربلر وسعت خیال ، رقت حس ، سرعت تأثر ایله مفظور بر قوم اولدقلری  
ایچون افعال مردانه و عالیجنابانه پک زیاده اهمیت ویریرلردی . درشت برسوز  
برعربی آياقلانديرمغه کافی اولدیغی کی طاتلی برسوزده انی الكغضوب حالنده دائرؤ  
سکونه کتیره بیلیردی . عربلر بعضاً کندی شجاعت ، کرم ویا وفادارلقلرینه  
توجیه اولنان برجهله طعن ایچون بیله اعلان حربه قدر ایلری کیدرلردی .  
بالخاصه قادیلرک مدح ویاذمندن پک زیاده متأثر اولدقلرندن قادیلر طرفندن  
نائل مدح و ثناوالمق ایچون هر فدا کارلی اجرا ایدرلردی . علی الاکثر بو حس  
عربلری ارتکاب سیئاتندن منع ایلردی . برقادینک برنظرؤ استهزا ویا استخفاقه  
هدف اولماق ایچون بعضاً جانلرینی تهلکهیه آتارلردی . زمان جاهلیت  
وقوعاتنده بوکا دائر پک چوق امثله واردر .

۸ — انتقام آلق

بربدوی امداد و نجده نصل قوشارایسه اکا یاپیلان فنا لگ انتقامی آلمغهده  
اولهجه قوشار . برقیلهیه منسوب برآدم دیگر برقیلهدن برآدم اولدورورسه  
قاتل و مقتولک منسوب اولدقلری قیلهلر آره سنده برعداوت انتقامجویانه باشلار .  
مقتولک قیلهسی قاتلک قیلهسندن مقتوله کفو برآدم اولدورمدن ، یاخود دیت ایله  
مصالحه ایدلمدن راحت طورده ماز . ( مهلهل بن ربیع ) طرفندن برادری  
( کلب ) ک انتقامی آلق اوزره اعلان اولنان محاربه دورجاهلیتده تکنون ایدن  
اکمشهور وقایع انتقامجویانهدن معدوددر . ( مهلهل ) نامی انتقامجولقده  
ضروب امثال صررسنه کچمشدر . برکیمسهنک انتقامجولغنی تعریف ایچون  
« مهلهلدن زیاده انتقامجو » دیرلر . ( مهلهل ) برادرینک انتقامی آلمغه قالدیغی



زمان نائل مرام اولمدن اول زرهنی چیقارمامغه ، شراب ایچمامکه ، باشنه کوزل قوقو سورمامکه ، قادینلرایله مناسبده بولنمامغه یمین ایتمشدی .

#### ۹ — اختیارلق

عربلر اختیارلغه پک بیوک براهیت ویریرلردی . اختیار معناسنده اولان ( شیخ ) کلهسی اساساً هم اختیار ، هم رئیس معنالرینه کلیر . عربلرجه موقع ریاسته اصعادلری آرزو اولنان ذوات آرهسنده اوصاف متساویه مشهود اولور ایسه ایکنجی فجار محاربهسنده یابلدیغی کی ایشلیسی ترجیح ایدیلیردی . ده صکره اسلامیتک ظهوریله بر طاقم مناقب و مزایای دینه تولد ایدنجه آرتق بو مناقب ترجیح ایدلمکه باشلامشدی . مع هذا بو مزایا نامزدلرده مساوی کورولور ایسه امامت حقنده وارداولان: « امامته کتاب اللهی اکی اوقویان ، بونده مساوات کورولور ایسه سنت شریفه یی اکی ایلان ، بونده مساوات مشهود اولور ایسه هجرتده اکی قدملی اولان ، بونده ده مساوات کورولور ایسه اوحالده اکی یاشلی بولنان تعیین اولنور » حدیث شریفه توفیقاً امارته ؛ اهلیتلی مساوی اولانلرک اکی مسنی ترجیح ایدیلیردی [۱] .

#### دور جاهلیتده قادینلر

دور جاهلیتده عرب قادینلرینک حال و موقعی حقنده مختلف فکر و مطالعه لر بیان اولنمقده ایسه ده علی الاجمال شوراسی محققدرکه دور مذکور عرب قادینلری هیئت اجتماعیه ده پک بیوک بر موقعه مالک ، عقیف ، نجیب ، شانلی ایدیلر . قادینلرک بو عفت و نجابتی اودورلرده حائز اولدقلری حریت ، استقلال و عزت نفس نتیجه سیدی . فی الواقع بر قادین عزت نفس ، حریت حرکات و استقلال فکرایله بیورایسه مهد ذلت و اسارتده بیوین ، تستر بیوندورغی آلتنده ازیلن قادینلرک ارتکاب ایدمیله جکلری سیئاتی اولیه قولای قولای ارتکاب ایتمز . اوزمانکی ارککلرک قیصقانچلغی ده ینه اوکی اعتیادات نجیبه نک محصولی ایدی . عفت ، عزت نفس ، حب حریت و استقلال ایله بیوین ارککلر

عَفِيفَ زَوْجِهِ لَرَه مَالَكِيْتَه آلَشِيرْلَر ايسه كَنَدِي عَرَضْلَرِيْنَه طَوْقُونَان بَرَسُوْز  
وَيَا بَرَفْلِي اَصْلَا چَكَمْزَلَر . بَاخْصُوصَ زَمَان جَاهِلِيْتِدَه جَارِيْلَرَكْ هَنُوز پَكْ آَز  
بُولُنْدَقْلَرِي ، قَادِيْنَلَرَه مَالَكِيْتِ پَكْ قَوْلَاي اَوْلْمَدِيْنِي دُورْلَرْدَه عَرَبْلَرْدَه اَوْلْمَدِيْنِي كَبِي  
بَرَارَكْ يَالَكْز بَرَزَوْجِيَه مَالَكْ ايسه ، بَشَقَه بَرَقَادِيْن سَوْمَنْ ايسه قِيَصْقَانْجَلْغِي  
بَالَطَبْع دَهَا فَضْلَه اُولُور . بُونْدَنْ مَاعْدَا بَدُوي ؛ خَانَه سَنِي اِدَارَه دَه ، كُوجْلَرْدَه  
وَايشْلَرْنَدَه زَوْجِه سَنَكْ مَعَاوَنْتَه پَكْ زِيَادَه مَحْتَاَجْدَر .

وَأَد ( قِيَزْجُوجْلَرِيْنَكْ اِتْلَافِي )

زَمَان جَاهِلِيْتِدَه بَعْضُ كِيْمَسَهْلَرَكْ قِيَصْقَانْجَلْغِي اَوْقَدَر اَيْلَرِي كِيْتَمِش اَيْدِي كَه  
بِيُوْنْجَه مُوجِبْ شِيْن وَعَار اِفْمَال اَرْتِكَاب اَيْدَه بِيْلَمْ لَرِيْنَه مِيْدَان بَرَا قَامَقْ مَقْصِدِيْلَه قِيَزْ  
چُوجْلَرِيْنِي پَكْ كُوجْ اِيَكْن اُولْدَرْمَكَه ، يَاخُود دِيْرِي دِيْرِي كُومَكَه بَاشْلَامْ شَلْرْدِي .  
بُونَكْلَه بَرَا بَر ( وَأَد ) تَسْمِيَه اَوْلْتَان بُو اَوْلَاد قَاتْلَلِكِي عَرَبْ قِبَائِلِي آَرْدَسْنَدَه عَمُومِي  
بِرْعَادَت اَوْلْمَدِيْنِي كَبِي پَكْ اَسْكِي دَه بَر شِي دَكْلَدِي . بُوْعَادَتِ آنْجَقْ اِسْلَامِيْتَكْ  
ظَهُورْنَدَنْ آنْجَقْ زَمَان اُول ( بَنِي تَمِيْمِ بَنِ مَر ) قِيْلَه سَنَكْ يَالَكْز بَعْضُ اِفْرَادَنْدَه  
بَر سَبِيْدَنْ طُولَايِي ظَهُور اَيْلَمْ شُدِي . مَذْكُور قِيْلَه مَنَازِرْدَنْ ( حِيْرَه ) اَمِيْرِي نَعْمَانَه  
وِيْرَكِي ( اَتَاوَه ) وَيِرْلَرْدِي . سَنَه نَكْ بَرْنَدَه وَيِرَكِي وَيِرْمَدَكْلَرْنَدَنْ ( نَعْمَان )  
بُونْلَرَكْ اَوْزَرِيْنَه عَسْكَر سَوُق اَيْدَرَكْ حَيَوَانَات وَمَوَاشِيْلَرِيْنِي ضَبْط ، قَادِيْنَلَرِيْنِي  
اَسِيْر اَيْلَدِي . بُو اَحَالْدَنْ فَوْقُ الْعَادَه مُضْطَرَب اَوْلَان اِفْرَاد قِيْلَه ( نَعْمَان ) دَه  
بَر هِيْئَتِ مَخْصُوصَه كُونْدَرْدَرَكْ حَيَوَانَات مَغْصُوبَه اَيْلَه قَادِيْنَلَرَكْ اِعَادَه سَنِي اَسْتِرْحَام  
اَيْتَدِيْلَر . فَقَطْ ( نَعْمَان ) حَيَوَانَات وَاَمْوَالَكْ اِعَادَه سَنِي قَبُول اَيْتَمَدِيَكْنَدَنْ « بَارِي  
قَادِيْنَلَرْمَزِي وَيِرِيَكْز » دِيْدِيْلَر . ( نَعْمَان ) : « عُوْدَت وَبَقَايِي اَخْتِيَارْلَرِيْنَه بَرَا قِيْرِم »  
جَوَابِي وَيِرْدَرَكْ : « اَبُوْنْتَه عُوْدَت اَيْتَمَكْ اَيْسْتِيْن قَادِيْنَلَر پَدْرْلَرِيْنَه كِيْدَه بِيْلِيْلَر ،  
صَاحِبْلَرِيْنَكْ يَانْنَدَه قَالَقْ اَيْسْتِيَانْلَر ايسه صَاحِبْلَرِيْلَه قَالَه بِيْلِيْلَر » دِيْيه اِعْلَان  
اَيْتَدِيْرْدِي . بَتُون قَادِيْنَلَر اَبُوْنِيْلَرِيْنَكْ نَزْدِيْنَه عُوْدَتِي تَرْجِيْع اَيْلَدِيْلَر . يَالَكْز  
( قِيْس بَنِ عَاصِم ) كْ قِيْزِي ( عَمْرُو بَنِ الْمَشْمَرْج ) ي سَوْمِش اَيْدِي . سُوْدِيَكْنَكْ  
يَانْنَدَه قَالَمِي تَرْجِيْع اَيْتَدِي . بُونَكْ اَوْزَرِيْنَه پَدْرِي ( قِيْس ) مَنْفَعْل اُولَه رَقْ  
قِيْز اَوْلَادِي طَوْغَه جَقْ اُولُور ايسه قَتْل اَيْتَمَكِي نَذَر اَيْلَدِي [۱] . اِحْتِمَال كَه

اقرباسندن ویا قبیله سی افرادندن بعضلری ده انک اثرینه بالاقتفا قتل اولادده بولنشلردر. بوندن ماعدا عربلردن عرض غیرتتی پک زیاده کودنلردن بعضلری قیصقانجلق تأثیریلہ قیزلرینی ترویجندن امتناع ایدرلردی. بونلرک الک مشهوری اولان (ذوالاصبع العدوانی) مالک اولدیغی درت قیزی آرزولرینه رغماً ازدواجندن منع ایتمش ایدی. بو منع کیفیت (المبرد) ک (الکامل) نده محرردر [۱]. لکن واد عادتق احکام عقلیه و محبت طبعیه پدرانہ و مادرانہ یه مخالف اولدیغندن عربلرده چوق زمان دوام ایدهمدی. چوق زمان کچمدن (صعصعه بن ناجیه) ظهور ایدرک قتل ایدلک ایستیلن قیز چوجملرینک بر فدیہ یه مقابل تخلیصی درعهده ایلدی [۲]. بالاخره اسلامیتک ظهوریلہ بو عادت بسبتون ابطال ایدلمشدر.

#### دور جاهلیتک مشاہیر نسوانی

بیوک بر موقع، اختیار واراده، عزت نفس، رأی و تدبیر صاحبی اولان دور جاهلیت قادینلردن، باخصوص ظهور اسلامیت صرہ سنده، افکارده حاصل اولان اعتلا و انتباه تأثیریلہ، سیاست، حرب، ادبیات، شعر، تجارت و صنایعده بر خیلی مشاہیر یتیشمشدر. علی الاکثر منشألری او دورک مقرر خلافتی اولان (مدینہ) اولمق اوزره پک یوکسک مزایا ایلہ ضروب امثال صرہ سنہ کچن بر زمره فواضل شهرت آلمش ایدی.

زمان جاهلیتده شجاعت و اقدام، یاخود شدت و خونریزک، یاخود بیوکک و اولولوق ایلہ زبازرد آفاق اولان قادینلردن بر قاچ مثال کتیردم. (بنی عدی بن النجار) قادینلردن و او دورک الک مشهور نسواندن (سلمی بنت عمر) پک نجیب و اصیل مناقب ایلہ متصف اولوب کندی اختیار واراده سنہ مالک قالمق وارککدن آروزوسنہ مخالف برطور و حرکت کوردیکنده انی ترک ایتک حقی حائر بولنمق شرطلرینی قبول ایتدیرمدن کیمسه ایلہ ازدواجه رغبت ایتزدی. ذاتاً جاهلیت دورنده ازدواج علی الاکثر قادینلرک موافقتی ایلہ وقوع بولوردی. بر پدر رضاسنی استحصال ایتکمزین قیزینی اولندیرمزدی [۳]. قریش قادینلردن تیمیه لر زوجلرنجه پک محترم اولمق،

ارککلرینہ قارشى متکبر و سرت بولمق ایلہ معروف ایدیلر [۱]. محاربہ لر ائسانسندہ جرأت و بسالت ایلہ اشتہار ایدن قادینلر جملہ سندن (عمرۃ بنت علقمۃ الحارثیہ) بر موقع مخصوص اشغال ایدر. (احد) غزوہ سندہ قریشک سنجاغی یرہ دوشوب قالمش ایکن مومالیہا بر عزم دلیرانہ ایلہ سنجاغہ واروب قالدیرمش، قوۃ مغنیہ لری منکسر اولان افراد محاربین اوتثال بسالتک دست زنانه سنده سنجاغک تموجنی کوردرک هر طرفدن قوشوب سنجاغک آلتندہ طویلا نیشلردی [۲]. (ابوسفیانک) زوجہ سی (هند بنت عتبہ) دخی مذکور محاربہ دہ ارککلرک یامدیغنی افعال



تلساندہ سیدی بومدین جامعنک داخلی

شجاعتکارانہ وانتقاجویانده بولمیش ایدی. مومالیہا اللرنده دف بولنان برطاقم قادینلری اطرافنہ طویلا یہرق ارککلرک آرقہ سنده نشیدلر ایرادیلہ انلری حربہ تشویق ایتدکن صکرہ محاربہ نک انتہاسندہ قادینلر ایلہ برابر مقتولمرہ کیددرک مقتولین میانندہ کوردیکی عم نبی حضرت (حمزہ) نک قارتنی یارمش، جکرنی چیقاردرق کال غیظ و بغض ایلہ دیشلریلہ چکنہ مش ویوتمغہ مقدر اولہ مدیغندن آغزندن آتمش، متعاقباً برقیلا اوزرینہ چیقہرق اسلاملرہ قارشى



احراز ایدیلن مظفریت ایله اعلان افتخاری متضمن بر طاقم اشعار انشاد ایلش ایدی [۱].

دور جاهلیت قادینلری ارککلر ایله برابر حربہ کیدرلر و مجروحینک مداواتنه باقق ، صو قریہ لرینی طاشیمق کبی خدمت لری ایفا ایدرلردی . انصاردن ( ام عمارۃ بنت کعب ) ، ( ام حکیم بنت الحارس ) ، صخرک همشیره می شاعره مشهوره ( خنسا ) وسائرہ شجاعت واقدا م ایله اشتهار ایدن نسوان عرب دندرلر [۲].

عربلردن رأی وحزم ایله معروف اولان قادینلرک اک مشهوری حضرت خدیجہ بنت خویلد ( در . مشارالہا فرط ذکا ، عقل و درایت ، شرف و جاہ ، ثروت و یسار صاحبی بر نادرۂ روزگار ایدی . صدق واستقامت ایله اشتهار ایدنلره اموالی تودیع ایدر و بر اجرت و یا حصہ مقابل مال لریلہ تجارت ایتدیریردی . مشارالہا اعلان نبوتدن اول حضرت پیغمبرک صدق واستقامت و کرم اخلاق ایله شهرتی ایشیدنجه جناب نبیہ اموالی تودیع ایدرک برای تجارت شامہ کوندرمش و بشقہ لرینہ ویرہ کلدیکی مکافاتک اک یوکسکنی ویرمکی تعہد ایلش ایدی . حضرت پیغمبر بوتجارت ایشندہ موفق اوانجہ حضرت خدیجہ جناب نبیہ تکلیف ازدواج ایتمش ، حضرت پیغمبر ذی شانده موافقتده بولنمش ایدی . احراز شرف اسلامده بتون رجال و نسوانہ تقدم ایدن بوزوجہ طاهرۂ نبوی نشر اسلامیہ جناب نبیہ پک بیوک بر مشوق و معین ایدی . حضرت پیغمبر اثنای دعوتده نفرتی موجب و محزونیتی جالب رد و تکذیبلره تصادف ایله بونلری حضرت خدیجہ حکایہ ایتدجکہ مشارالہا حضرت پیغمبرہ طریق حقدہ دوام وثباتی توصیه ایدر ، کدر و محزونیتی ازالہیہ چالشیردی . حضرت خدیجہ ارتحال ایدنجهیہ قدر بویولده دوام ایلنمش ایدی .

دور اسلامی عربیہ

آداب دعوات اجتماعیہ

بودور شام دولت امویہ سنک ۱۳۲ سنہ ہجریہ سندہ انقضاسی ایله منقضی اولور . دردنجی جلدده بودورک طرز سیاسی حقدہ ویردیکمز معلوماتدن

آکلاشدیغی اوزره دولت مشارالها مسلک و طور اعتباریله عربلق اوزرینه مؤسس اولدیغی کبی قوماندانلری ووالیرلری ده هپ عرب ایدیلر. بودورده بتون حاکمیت عنصر عربیه منحصر ایدی. کذلک آداب و عادات اجتماعیه بودورده عین مجراده بولایوردی. چونکه بوهنکامده دولت عربلق و بدویلکدن آیرلما. مشدی. یاخود تعبیر دیگر ایله بودور بداوتدن مدینته انتقال دوری ایدی. عربلر وفادارلق، جوار و حمایه، کرم و سخا، نجدت، شجاعت و عفت کبی ده اول ذکر ایتدیگمز مناقب ایله متصف قالدقلری حالده مدینتک لوازمندن اولان وسعت معیشت و راحت و رفاهیتک تأثیراتنه معروض بولمقده ایدیلر. بوتأثیرات اوصاف سالفه ایله پنجه لسه پنجه لسه نهایت دولت عباسیه نک اواسطنده اومناقبک چوغنه غالب گلش ایدی.

دور اسلامی عربی بری عهد راشدین، دیگر دور اموی اولوق اوزره ایکی قسمدن متشکل اولدیغندن هر قسمه متعلق آداب و عادات اجتماعیه بی آیری آیری ذکر ایده جکزر.

#### ۱ — خلفای راشدین دورنده آداب و عادات اجتماعیه

عربلری اسلامیت لواسی آلتنده توحیدایتمک کبی دیانت اسلامیه نک ایجاب ایتدیکی بر طاقم احوال مستثنی اولوق اوزره خلفای راشدین دورنده عربلرک مناقب بدویه سنده پک آز تبدلات وقوع بولمشدی. عربلرک اسلامیت لواسی آلتنده توحیدلری قبائل و بطون آره سنده اولجه جایگیر اولان رابطه عصیتی ضعفه اوغراشمش، کرک قحطان، کرک عدنان عربلرینی اسلامیت نامی آلتنده برلشدرمش ایدی. خلفای راشدین و بالخاصه حضرت عمر طرفندن اظهار اولان مأثر عدل و استقامت منقبه کرم و سخای اخلاص ایلشدی. چونکه حضرت عمر عدالت برولکده پک ایلری کیده رک وایلردن آقچه و پولک بیه حسابی صورار و بر والینک کندی معاشندن فضله بر پاره قازاندیغی ایشیدیر ایسه یاریسنی الدن آلوب بیت الماله ویریردی. حضرت علی دخی وایلردن وسائر رجالندن حساب صورمقده حضرت فاروق کبی ایدی. هر حالده خلفای راشدین ارباب خدمت و استحقاقدن بشقه کیمسه یه پاره ویرمدکلرندن عطیه و احسان ایله کچینلره قارشى اودورده بوصورتله کچنمک یولی قاپانمش ایدی.

زمانك صحابه كرامى دخی خلفای مشارالیهكم اثرینه اقتفاءً عین حسابجولوق یولنی تعقیب ایدیورلردی. حال بوکه بومسلك معتاد اولان مناقب کرم و سیاهی مخالف ایدی. حتی بوندن طولانی خلفای مشارالیههم بغیرحق بخل ایله اتمام ایدلمشلردی. فقط بو؛ بخل نتیجه سی دکلدی. هرکسه حقنی ویرمك حس واملندن ایلری کلیوردی.

عربلرك سائر مزایا و مناقبه کلنجه اسکیده نصل ایسه بودورده دخی حالی اوزره قالمش، وفادارلق، نجدة، عفت، عزت نفس کبی مناقب ایسه دها زیاده انکشاف ایش ایدی. چونکه اسلامیت امر ایتدیکی عدالت و تقوی ایله بو مناقبه بر قات دها رونق ویرمش ایدی. بر خلیفه هر نه وعد ایتسه، هر نه تعهد ایلسه انی حرص و طمع و یا خوف و خشیتدن بی پروا انجهاز و ایفا ایدردی. اسلاملك تابعیتی آلتنه داخل اولان غیر مسلملر حقنده کوستریلن وفادارلق بوکا الك بیوک شاهددر. اسلاملر جزیه تأدیه ایدن غیر مسلملرك حمایه سی تعهد ایتدکلرندن هر هانکی یرده بر غائله نك ظهوری ایله محمی اولان غیر مسلملری آرتق حمایه ایدمه جکلرینی آکلاینجه جزیه بی اعجابنه اعاده و بیان معذرت ایلرلردی. حال بوکه پاره بی اعاده ایتسه لر انی کیمسه کندیلرندن طلب ایتمه جکدی. فقط انلر سائقه وجدان ایله بونی قبول ایتمورلردی. اودورده محاربات و فتوحاته احتیاج موجود اولدیغنه منی شجاعت و اقدام بیوک بر موقع طوتیوردی. سائر مناقبی و بالخاصه حب استقلال و حریتی ده اکا کوره قیاس ایدیکز. بین المسلمین مساوات حکمفرما اولسنه خلفای راشدین طرفندن فوق العاده اعتنا ایدلدیکنندن حب استقلال و حریت دخی اسلامیتک ایلک دورلرنده اسلامیت ایله بر قات دها رونق و انجلا بولمش ایدی. اسلاملر او دورده کندی اقران و امثاللریله نصل قونوشورلر ایسه خلیفه ویا امیرلریله اویله جه جسارت و عزت نفس ایله قونوشورلر و انده بر اکریلك کوردکلری زمان تهدید ویا تکدیر ایله انی اصلاح ایدرلردی. شاید خلیفه قارشی طورور ایسه حضرت عثمانه یانقلری کبی انی قتل ایلرلردی. امرادن بری نطق سویلر ایکن اقوال و افعالنده خوشه کیمیه جک بر شی کوررلر ایسه علی الا کثر انی اوافق طاشلر ایله طاشلایه رق صوصدیرلرلر ایدی.

راشدین دورنده قادیلر

عرب قادیلری اسلامیتک ایلك دورلرنده عفت و عزت نفسلرینی محافظه ایله برابر بتون استعدادلرینی اکتساب عقل واذغانه ، ادبیات و شعره توجیه ایلدکلرندن طائفه نسواندن برچوق مشاهیر یتشمش ایدی، ام المؤمنین حضرت ( عائشه ) ذکا ودهاده ضروب امثال صرہسنه کچن الک نامدار قادیلردن ایدی . خارق العاده بر عقل ووقوه دهایه مالک اولان خاتون مشار ایله محابه دن متشکل بر فرقیه ریاست ایدرک دهشتلی بر محاربه آچش ، بر چوق احادیث مهمه روایت ایتشدر .

حضرت حسین ، عبدالله بن عمر ، عبدالرحمن بن ابی بکر ، عبدالله بن الزبیر معاویه نك خلافتی طایفاملری اوزربنه حجاز اهللسی معاویه یه بیعتدن امتناع ایدنجه ( معاویه ) بیک سوازی ایله بالذات حجازه کیدرک حضرت عائشه ایله مشارالیه حقهنده مذاکراته بولنمش ایدی [ ۱ ] .

حضرت ( عائشه ) حضرت علییه قارشى طوردیغدن طولای بعض شیعیلرک لسان انتقاددن قورتوله مامشدی . ایکنجی عصر هجریده بتیش شعراى شیعیه دن اولوب محابه نی فوق العاده ذم واهل بیتی پک زیاده مدح ایله کچین ( سید حمیری ) حضرت عائشه نی بر چوق لشمار ایله ذم ایتمش ایدی . حضرت ( عائشه ) نك حضرت علییه قارشى محاربه اجرا ایتک اوزره بصریه عزیمتنه دائر اولان آتیده کی بیت شاعر مومالیهک بویوله یازدینی ارون برقصیده دندر :

کأنها فی فعلها اوفیه ترید ان نأکل اولادها [ ۲ ]

صحابی شهیر ( طلحه بن عبیدالله ) ک کریمه سی ( عائشه ) دخی اودورک مشاهیر نسواندن ایدی . بر ملاحث خارقیه ، فرط عقل ودرایت ، وقایع و تاریخ قدیم عرب واحوال کواکب وسیارات حقهنده معلومات واسعه صاحبی اولان فاضله مشارالیه مدینه اقامت ایدردی . کندی نفسنده بیوک بر موقع احترامه مالک اولدیغدن ارککلره قارشى یوزینی ستر ایتزدی . پک چوق دفعه مشارالیه قصرنده اوطورر ایکن تیراندازلر انک حضورنده مسابقه لر اجر ایدرلر واطهار ایتدیکى تقدیر وتحسین ایله افتخار ایلرلردی . مشارالیه حجه

[ ۱ ] ابوالفدا ۱۸۸ ج ۱ [ ۲ ] ابوالفدا ۱۴ ج ۲

شامده ابراهیم بن یوسف مقصاتی ۷۴۴ سنه سنده صحابه و حضرت عائشه حقهنده عین بیانده بولدیغدن کفرینه حکم اولنرق اعدام ایلشدی . ابوالفدا ۱۴۱ ج ۴



چققدینی زمان نسواندن شاعرلر وسائرہ یانہ کلیردی . شاعرلر حضورینہ کیردرک کندیسندن بیوک عطیہلرہ مظهر اولورلردی . بری ماشطہسنہ ، دیکری خزینہ دارینہ و دیکرلری ده دیکر ارکان معیتسہ مخصوص اولق اوزرہ بر قاچ موکبدن متشکل واو عصرده امثالی کورلماش بر صورتده پک محتشم برآلانی واردی . کندی ذاتہ عائد موکب خصوصیتی ایسہ قبلر ومثللر ایله مزین اوچ یوز دوه دن متشکل ایدی [۱] .

حضرت حسین بن علی نك کریمہلری حضرت ( سکینہ ) دخی اودورک اک مشهور قادینلرندن ایدی . حضرت ( سکینہ ) مدینہده سالفہ الذکر ( عائشہ بنت طلحہ ) ایله عین زمانده یاشامش ایدی . ایکسینہ ( عقیلتا قریش - قریشک ایکی خانمی ) نامی ویریلوردی [۲] .

مشارالیا فوق العاده غنیف و پاک دامن ، چوق صاقلانماز ، قریشک اجلہ رجالی ایله مجالسہ وصحبیت ایدر ، زدیئہ کلن شعرائی قبول ایلر ، عموم خلقہ قپوسنی آچیق بولندیریردی . قوناغی مسافر ایله طولونجه سفرلر قوردوردرق انلری اطعام ایلردی . بعدہ شعرا یه شعرا وادبیاتہ متعلق برچوق سؤالرتوجیه ایتدکدن صکرہ شعرلرینی تنقید وکندیلرینی عطیہ واحسانلرہ مظهر ایدردی . مشارالیهانک بویولده کی احوالی مشهوردر [۳] .

کذلک ( ذات النطاقین ) نامیلہ معروف اولان ( اسماء بنت ابی بکر ) - که عبدالله بن الزبیرک والدہ مجله سیدر - اودورده یتیمشن الیبوک واولو قادینلردن بری ایدی . اوغلی مکده تحت محاصرده بولندینی صردهده احراز مظفریتدن دوچار یأس وفقر اوله رق کندیسنه مراجعت ایتدیکی زمان اکا سویلیدیکی سوزلر ، ناموس ایله اولومی ترجیح ایتسی ایچون اجرا ایلدیکی تشویقات مشارالیهانک مانت عقلنی ، قوت قلبنی ، حزم ودرایتی ، بیوککنی اثباتہ کافیدر [۴] .

مذکور دورده ( لیلی الاخلیة ) ، اولجهده ذکر یکن ( خنسا ) ، ( فارعه المریه ) کیخی بیوک شاعرلرده یتیمش ایدی . بونلردن ماعدا چولده کمال عفت و پاکدامنلک ایله ارککلر ایله بالاجتماع مناشده اشعار ویا

[۱] اغانی ۶۰ ج ۱۰ [۲] العقدالفرید ۳۰۴ ج ۱ [۳] اغانی ۱۷۳ ج ۱۴ [۴] ابن الاثیر ۱۹۱ ج ۴

تعاضی افکار ایله بر قاج عرب قادینی اشتهار ایتمش ایدی که بو نقی قادینلر برار ککدن جزئی بر مناسبتسزک کورنجه ائی در حال حلقه تختلرینه وصولدن منع ایلرلردی. نته کیم ( بنی جمح ) اشرافندن ( ابو دهبل جمحی ) ایله ینه عین قبیله ادبیه لرندن عمره الجحیه بینده اوپله بر حال واقع اولمش ایدی . ( عمره ) اصیل ، متین ، عاقل بر قادین ایدی . مناشده اشعار ایچون مجلسنه بر چوق ارککار دوام ایدردی . ( ابودهبیل ) مشارالیهانک مجلس و صحبتدن آیرلمازدی . ( عمره ) ابو دهبله صورت مخصوصه ده میل وتوجه کوسترییور ، بو میلک کتمی کندیسنه توصیه ایلوردی . بر کون ( عمره ) بر طاقم قادینلرک زیارتی قبول ایتدیکی صروده ( ابودهبیل ) ک کندیسی ایچون « بنم عاشقه مدر » دیدیکی زائرلرک افاده لرندن آکلادیغندن او تاریخدن اعتباراً ارککار ایله اختلاطدن امتناع ایدرک ادبا وشعرا ایله پرده آرقه سنده کوروشمکه باشلامشدی [ ۱ ] .

بالآخره مدنیت اسلامیه اوج شکوه و کاله بالغ اولدیغی صروده سیاست ، صلاح ، دها و ذکا وسائر ایله بر قاج قادین اشتهار ایتمش ایدی که بونلری کچن جلدلرده ذکر ایلدک .

## ۲ — امویلر دورنده آداب و عادات اجتماعیه

راشدین وامویلر دورلری آیری آیری شکللرده تجلی ایلمکه برابر دولت امویه دورنده مناقب و مزایای عربیه خلفای راشدین دورنده اوغرادینی تبدلدن بشقه بر تبدله اوغرامشدی . امویلر بتون همتلرینی زمان جاهلیته حائر اولدقلری . مقام حاکمیتی استردادده صرف ایلدکلری جهتله بومقصدک حصولنه مانع کوردکلری بالجمله خصوصاتی اهل و بالعکس مقصدلرینه خادم بولدقلری شیلری ایسه ابقا وتقویه ایلشاردی . کرم و سخا طرفدارلر جلبنه خادم بیوک بر وسیله اولدیغندن امویلر بونی آشویق وترویج ایدرک معاشلری تربید ، بر چوق آدملره عطیه واحسانلر تخصیص ، بر طاقم ضیافتخانهلر کشاد ایلشار و کرم و سخا بختنده دها اول کوستردی کمز اوزره فرقه رؤسای ایله شعرایه و سوطولرندن قورقدقلری حالده قتلرینه مقتدر اوله مدقلری ذواته قارش پک زیاده آثار سخا و سماحت کوسترمشلردی .

شجاعت و اقدامہ دخی فرط احتیاج کورلدیکندن امویلر بونک اهلنہدہ .  
 اہمیت ویرمشلردی . عصیت عربیہ دشمنلری اولان حضرت علی طرفدارانی  
 وسائرہ قارشى طورہ بیلیمک ایچون اک بیوک بر پناہ ایدی . امویلر راشدین  
 دورندہ بیوک بر ضعفہ اوغرایان ویرینہ اتحاد دینی قائم اولان عصیتی تکرار  
 احیا ایدرک اسلامیتدن اولکی حالہ ارجاع ایلشلردی .

وفادارلغہ کلنجہ امویلر کندی رقیبلرینک احراز خلافتہ دہا حقی ، دہا  
 قوتلی اولدقلرخی بیلدکلری ایچون وفادارلنی مقصدلرینہ مانع کورمشلر ، غدر  
 وخونریزلکہ قویولمشلردی . امویلرک سرآمدی ومؤسس دولتی اولان ( معاویہ )  
 بوافعالی کیزلیجہ یاپہرق ظاہراً حلم ، کرم وسخا ، دہا وحسن اسلوب ایلہ  
 کورونوردی . متعاقباً بنی مرواندن اولان خلفا عہدہ قارشى وفاسزلنی یواش  
 یواش آچیقندن آچیغہ ارتکاب ایتمکہ باشلادیلر . امویلردن عہدوییمانی آیاق  
 آلتہ آلان ایلک ذات ( عبدالملک بن مروان ) ایدی [۱] . دولت امویہنک  
 بویولده عین طریق تعقیب ایدن والیلری ایسہ بوخصوصہ افراطہ وارمشلر  
 ایدی . ( زیاد بن ابیہ ) ، اوغلی ( عبیداللہ بن زیاد ) ، ( حجاج بن یوسف )  
 وسائرہ عہدہ وفاسزلق ایلہ اشتہار ایتمشلردی .

#### امویلر دورندہ افکارہ ایقاع ایدیان تضییقات

امویلر استقلال ذاتی وحریت افکارہ قارشى طورہرق خلقی سربستی ایلہ  
 ادارہ کلامدن کمال شدتلہ منع ایلدکلرندن خلفای راشدین دورندہ یتیشوب  
 حق وحریتہ آلیشمش اولانلرہ بوتضییقات پک کران کلش ایدی . بوکی  
 ذوات حریت اقوال واستقلال افکارلرندن طولانی امویلردن اشکنجہلی جزالرہ ،  
 شدتلی تنکیلاتہ اوغرایورلردی . امویلر علناً مقاومت ایدہدکلری ذواتی سراً  
 قتل ایدیورلردی . بوافعال وحرکاتہ حضرت عثمان زمانندہ شامدہ هنوز  
 زمام حاکمیتی الہ آلمدن اول باشلامشلردی . خلیفہ مشارالہک ادارہ امور  
 دولندہکی ضعفی ، اقربا وتعلقاتی خشنود ایتمکہ رغبتی بوخصوصہ امویلرہ  
 باعث جرأت اولمشدی . ( معاویہ ) اوپولده برمظاہرت کورمامش اولسہ ایدی  
 رجال دولتک اموال مسلمینی یولسز صرف ایتدکلرینی سویلدیکندن طولانی

اصحاب حضرت نیدن (ابوذر غفاری) یه قارشی طورمغه ، نفی ایتدیرمکه مقتدر اوله میه جقدی [۱] .

و قتا که (معاویه) زمام خلافتی قبضه تصرفه آلدی، استقلال فکر و حریت کلام اصحابنه قارشی دها شدتلی تضييقات اجرا سینه مجبور اوله رق صلحای صحابه دن (حجر بن عدی کندی) ایله کذلک صحابه دن (عمر بن الحمق خراعی) نی و آرقدا شلرینی - منبرلرده حضرت علی نی تلغین ایتک جائز اولمدیغنی سربستی و وجدان ایله سویلدکلری ایچون - قتل ایتدیرمش ایدی [۲] .

بوشدندن اورکن خلق اوکی برجزایه دوشمکدن چکنمکه باشلا یه رق حقسنزله قارشی سکوتی اختیار ایتمکه و - (معاویه) طرفدن اوغلی (یزید) ولی عهد تعیین ایدلدیکی زمان عربلردن بری طرفندن وقوع بولان بیانات کبی - اک صریح حقسنزقلرده بیله ریا کارلرده بولمغه آلیشمشلردی . اولجه ده ذکر ایدلدیکی اوزره بو آدم تعیین واقعی فوق العاده تقدیر و تحسین ایدرک (معاویه) یه خطاباً : «یزیدی ولی عهد تعیین ایتسه یدک عهده که محول اولان خلافت اسلامیه نی پریشان ایلده جکدک» دیمشدی . مع هذا رجال دولته قارشی ریا کار کچنمکه اهمیت ویرمین (احنف بن قیس تیمی) کبی رؤساده فکر و وجدان حریتی ینه پایدار و قوتلی قالمشدی . احتمال که اوصرده دولت ؛ سائر آدملردن زیاده بوکی ذواتک مظاهرته محتاج ایدی . حق سویلمکدن چکنما مکه آلیشان تابعی مشارالیه (یزید) ک ولی عهد لکه تعیینی ائناسنده اجرا اولنان مراسمه حاضر بولنه رق شخص منافقک سوزلرینی ایشیتمش ایسه ده احوال جاریه نی مدحدن ایسه اختیار سکوتی دها موافق بولمش ایدی . (معاویه) درحال ایشک فرقه واره رق سکوتنک سببی صورمش، احنف ایسه : «بالان سویلر ایسه المهدن، طوغری نی سویلر ایسه سزدن قورقارم» دیمشدی [۳] .

(معاویه) یه معاصر اولان امرا ایله دها صکره موقع اقتداره کلن خلفا بو یولده (معاویه) نک اثرینه اقتفا ایتدکلریدن عربلردن حقه قارشی اختیار سکوتده بأس کورمین بر نسل جدید توره دیکی کبی ترلف وریا ازبانی ده چوغلمش و حریت کلام مرور زمان ایله دوچار زوال اولمشدی .

[۱] ابن الاثیر ۲۳۷ ج ۳ [۲] ابن خلکان ۲۳۰ ج ۱

[۳] ابن خلکان ۲۳۰ ج ۱



امویلر دو نجهت و مردلک

امویلر نجهت و مردلک مناقبه قارشى بعضاً بیکانه طاورانه مجبور اولمشلر سده بویکی خصالت دور اسلامى عربیده عربلرده ینه یرلشمش قالمشیدی. نجهت و مردلک، عمومیت اعتباریه، امویلرک الک مستبد و ظالم لر نجه بیله مرعى ایدی. اودورک وقوعاتی میانده بوکا دائر پک چوق مثاللر وارد. از جمله (صفین) کونی (معاویه) نک حضورینه عراقلیلردن بر اسیر کتیرلمشیدی. (معاویه) مظفریت واقعه دن ممنون اوله رق اسیره خطاباً: «سنی قبضه اسارتیه دوشیرن جناب حقه حمد ایدرم» دینجه اسیر: «معاویه! بونی سویله» جوابی ویریر. (معاویه): «اللهه نصل حمد ایتیم. بر ساعته آرقداشلرمدن بر قاجنی اولدیرن بر آدمی اله اسیر دوشوریمیور. اوغلان! بونک باشی کس» مقابله سنده بولنور. اسیر همان سایه توجیه خطاب ایدرک: «اللهم! ایشته کور. معاویه بنی سنک اوغور کده اولدور میور. سن قتلمه راضی دکلسک. بنی منافع شخصیه دنیویه سی ایچون قتل ایتک ایستور. بونی یاپار ایسه اکا مستحق اولدینی جزای البته ویره جکسک. اویله یامازسه شان الوهیتکه نه یاقیشیر ایسه انی یاپ» تظلمنده بولنور. بونک اوزرینه (معاویه): «ویل سکا! پک آجیقلى سوکدک. دعای کوزل یابدک.. حریفی براقیکز» دییه رک قتلندن واز کچر.

دولت امویه نك صوك زمانلری ایله دولت عباسیه نك ایلك دور حاکمیتی امراسندن بولنان (معن بن زائده شیبانی) دخی بر طاقم اسیرلرک قتلنی امر ایتمش ایدی. اسیرلرک اک کنجی (معن) خطاباً: «اسیرلری صومز قتل ایتک جائز میدر؟» دینجه (معن) اسیرلره صو ویرلمسنى امر ایلر. اسیرلر صوبی ایچرلر. اوکنج: «شمدی بو اسیرلر سنک مسافرلرک صایلیرلر. مسافرک قتلنی جائز کوررمیسک؟» دینجه (معن) اسیرلرک سیلانی اطلاق ایدر.

کذلک مشهور (حجاج بن یوسف) خوارجدن الده ایدیلان بر طاقم اسیرلرک بیونلرینک اورلمسنى امر ایتمش ایدی. اسیرلردن بردیقانی (حجاج) خطاباً: «امیر! بز قباحث ایتدک ایسه سن ده عفو ایله بیوکلک کوسترمیورسک»

سوزلرینی توجیه ایدر. بونک اوزرینه حجاج : « تفر بولاشلرد ! بونلردن بویله سوزلر سویلین یوقدی » دییه رک قتللرندن واز کچر . سائر بوکی وقوعاتی اکا کوره قیاس ایدیکز [۱] .

عربلر ، چوق دفعه - عشره مبشره دن ( زییر ) ک حفیدی عیسی پدری ( مصعب ) ایله برلکده عراقده ۷۱ سنه هجریه سنه ده ( عبدالملک بن مروان ) ایله حرب ایتدیکی ائنده یاپدیگی کی - حسن صیت و شهرت قازانق و بالخاصه منسوب اولدقلری قبائل قادیلرنجه تقدیر ایله زبازرد اولق مقصدیله کندیلرینی اولومه معروض ایدرلردی . مشارالیه ( مصعب ) هر حالده محاربه ده مقتول اوله جغنی آکلانجه اوغلنه کندینی ترک و حیاتی تخلیص ایتسنی توصیه ایلش ایدی . عیسی : « جانمی قورتارمق ایچون سنی براقوب صاووشدیغمی قریش قادیلرینه سویلتدیریرمی ؟ » دییه رک تکلیف واقعی رد ایتدیکی کی پدرینک تکرار : « آرقداشلرک ایله برابر مکده عمجه که کیت ، عراق اهاالیسنک نه یاپدقلرینی کندیسنه سویله . بنی براق ، مقتول اوله جغم » دییه رک وقوع بولان اخطارینه قارشی دخی : « قریشه سکا دائر معلومات کوتورم . فقط باباجغم ! یا اهاالیسی صادق و مطیع بولنان بصریه کیدیکز ، یا خود امیر المؤمنینه التحاق ایدیکز » مطالعه سنده بولمش ، لکن بوسفر پدر عالیبتاری دخی تسخیر جلادت و حماسه مغلوب اوله رق : « قریشه نم ایچون قاجش دیدیرتدیریرمی ؟ » دییه رک ایکسی ده میدان کیروداره آتمش ، ایکسی ده مقتول اولمشدی [۲] .

مردلک دولت عباسیه نک ایلک دورلرنده دخی مرعی و جاری قلمش ایدی . ( هرون الرشید ) ربیعه قبیله سنه منسوب بر آدمک تقدیم ایتدیکی بر قصیده ده . عفو طلبی ایله مردلک و علو جنبانی اوقشادینی ایچون مذکور قبیله افرادینی قتل ایتمکدن واز کچمش ایدی [۳] . ( مأمون ) عمجه سی ( ابراهیم بن مهدی ) نی قتل ایتک ایستدیکی زمان وزیر اعظم ( احمد بن ابی خالد ) ایله استشار ایتمش ، وزیر طرفندن : « اعدام ایدرایسه ک امثالک واردر . عفو ایلر ایسه ک امثالسر

[۱] العقد الفرید ۱۴۰ ج ۱ و ابن خلکان ۱۱ ج ۲

[۲] اغانی ۱۶۳ ج ۱۷ و ابن الاثیر ۱۵۹ ج ۴ [۳] اغانی ۲۳ ج ۱۲

صایلیرسک « مطالعہ سی بیان ایدیلنجہ علوجناب و مردلک سوقی ایلہ عمجہ سنی عفو ایلشدی [۱] .

فقط ترك عسکرینك تسلط واستبدادندن صکرہ دولت عباسیہ دہ عنصر عربی ضعف وانحلالہ دوجار اولہرق رجال دولتك غایہ آمالی ہر نہ وسیلہ ایلہ اولور ایسہ اولسون پارہ قازانمق یولنہ دوکولنجہ مردلک ، علوجنابلق ، نجدت مناقبی منقرض اولمشدی . معافیہ بو خصائصك انقراضی تا ( ابو مسلم خراسانی ) زمانندہ باشلامشدی . قاچ دفعہ بو آمدن مرحمت ، علوجنابلق دیلہ مشلردی . فقط ( ابو مسلم ) استرحاماتہ آلدیرمیور ، تعقیب ایتدیکی مقصددن بشقہ هیچ برشیئہ اہمیت ویرمیوردی .

اختیارلغہ کلنجہ عباسیلرک دوری ایلہ دہا صکرہ کی زمانلردہ بوکا رعایت و حرمت ایدلمشدی . بو حرمت بوکونہ قدر مستمردر .

#### امویلر دورندہ قادینلر

عرب قادینلری امویلر زمانندن اعتباراً اخلاق قرینی دیکشدر مکہ باشلامشلردی . چونکہ بودورده جاریہ و غلاملرک تکرری ایلہ بعض خلفانک ذوق و صفایہ انہماکاری ، چانی ، شرقی و ایچکینک انتشاری عفت و قیصقانچلغہ برضریہ ایندیرمشدی . شعرا بودورده عشوہ بازانہ غزللر سويلککہ جرأت ایتدکلری کبی شہرلردہ برچوق مختلر یتیشہرک ارککلر ایلہ قادینلر آردسندہ واسطہ محبت اولمقلہ کچنمشلردی . فساد اخلاق خلق آردسندہ یواش یواش چوغلغہ ، قادینلردہ وارککلردہ عفت ، عرض غیرتی ایسہ بالعکس آزملغہ باشلامشدی . دہا اول ویردیکمز معلوماتدن آکلاشلدینی اوزرہ دور جاہلیت ایلہ اسلامیتک ابتدالزندہ عرب قادینلری ارککلر ایلہ برآردہ اوطوروب کوروشورلردی . عربلر بو حالہ برچرکینلک کورمزلردی [۲] . عربلردن بری دیکر بر آدمک کندی زوجہ سنہ ویا ہمیشہ سنہ فنا بر نظر ایلہ باقدیغنی حس ایدہ جک اولور ایسہ آتی مبارزہ ، یاخود قامچیلشمغہ ویا مقاتلہ بہ دعوت ایدردی [۳] . بری دیکرینی اولدیرنجہ بہ قدر اوروشورلردی . ( خجار ) محاربہ سندہ وقوع

[۱] بن خذکان ۹ ج ۱ [۲] اغانی ۱۸۳ ج ۱ و ۱۸۴ ج ۷

[۳] اغانی ۲۶ ج ۱۹ و ۵۴ ج ۶

بولدینی اوزره سوء ادب ایله بر قالدینه توجیه اولنان بر نظره بعضاً قیبهله  
آرد-سندده محاربه ظهورینه مؤدی اولوردی [۱]. حتی اوزمانك شعراسی بو  
جدی اعتیادات سائقه سیله پك آز غزلیات سویلرلردی . روایت کوره  
شعرادن قادینلر حقنده ایلك غزل سویلین ( امرؤ القیس ) ایدی [۲] .  
بوروایتك صحتی تسلیم اولنسه بیله زمان جاهلیت عربلرینك عرض ایچون فرط  
غیرتلرندن طولای غزلیاتدن خوشلامدقلرینه بر دلیل تشکیل ایتمکدن خالی  
دکدر . عربلر اوزمانلردن صکره دخی سودکارندن ، یاخود نشانلیرلرندن  
بشقه قادینلر حقنده نادرآ غزل نظم ایدرلردی . قادینلر ایله معاشقه یامق  
دخی پك نادر وقوع بولوردی . بالتصادف بری بوکجی بر حرکتده بولنسه  
— صدر اسلامیتده بر طاقم عاشقلر ومجنونلر نصل شهرتیاب اولمشلر ایسه —  
اویولده حرکتده بولنان کیمسه دخی زیاتزد اولور ، احترام عمومیدن دوشردی .  
بعضاً بر طاقملری محضا قریحه لرینه انجلا ویرمك مقصدیه عاشقلغه اورلرلردی .  
فقط هر حالده اوزمانلرک تشبیهات عاشقانه سی آچیق صاحبقلق ، فحشیات  
آثارندن خالی ایدی [۳] .

عربلر عفت ایله ، ضبط نفس ایله فخر ومباهاتده بولنور بر قوم ایدیلر .  
ایکی عاشق بر چوق هجران زمانلرینی کچیردکدن صکره بیوک بر شوق وانجذاب  
ایله بر آرده بولوشدقلری زمان بیله کمال عفت ایله کوروشورلر ، صاف  
مصاحبه لرده بولندقدن صکره پاك دامن اوله رق بربرلرندن آیریلرلردی .  
معاشقات عقیفانه ایله اك زیاده شهرت آلانلر ( عذره ) قیبهله سی ایدی . عرب  
عاشقلرینك اك چوغی بونلردن ایدی .

## غزل

بر انسانك کندی نشانلیرسندن بشقه بر قیز حقنده شعرویلیسی صوكددرجه  
چرکین عدایدلدیکی جهتهل هر هانکی بر کیمسه نك نشانلامدن اول بر قیز ایچون  
غزل نظم ایتدیکي ایشیدیلیرایسه او قیزی آلمقدن منع اولنوردی [۴] .  
خلفای راشدین عرب آداب عمومیه سنی حسن محافظه یه پك چوق اعتنا  
ایتدکلرندن قادینلر حقنده غزل سویلیکی جزایه لائق افعالدن عد ایلشلردی .

[۱] اغانی ۷۴ ج ۱۹ [۲] اغانی ۶۷ ج ۲ [۳] مسعودی ۱۲۲ ج ۲

[۴] اغانی ۱۸۱ ج ۲۰



حضرت عمر بر شاعرک برقادرین ایچون غزل سویلیدیکنی آکلارسه اوشاعری ضربایله جزا دیده ایدردی [۱]. غزل بوضورتله ممنوع اولنجه تأثیری پک زیاده کورولیور ایدی. برقادرین حقنده غزل سویلنجه اوقادرین شهرت قازانیر، چابوجاق قوجه بولوردی. بوسبدن بعض پدرلر قیزلرینک ازدواجنی تسهیل ایتک ایچون بعض شعرايه قیزلری حقنده صورت مخصوصده غزل سویلیدیرلردی.

والحاصل عربلر مفظور اولدقلری طینت، بولندقلری اقلیم، تابع اولدقلری طرز معیشت تأثیریه عفت و ناموس صاحبی ایدیلر. ادب، عفت دائره سبنده قادینلرک ارککلرایله برآرده بولنلرنده بأس کورمز لرلدی. کعبه معظمه ده دخی قادرین، ارکک هپ برآرده طواف ایدیلردی. چونکه عفت، ناموس، تربیه هر شیک فوقنده حکم سوربیوردی. فقط دها صکره مدنیتله طریق سفاهته دوکوله رک اوطه لقلر، جاریلر آملقه سفاهته دوشونجه اواخلاق کزیده تبدله اوغرادی. ملوک امویه دن (سلیمان بن عبدالمک) ک زمانه قدر کعبه معظمه ده قادینلر ایله ارککلرک برلکده طواف ایتلرنده بأس کورلما مشدی. ایشته بودورده مکده (خالد قسری) نک والیلکی زماننده عرب شعراسندن بری: «موسم حج نه خوش بر اجتماعکاه! کعبه معظمه نه خوش بر مسجد! حجر اسوده ال آوزاندیغمز زمان بزده مزاحمه ایدن طائفه نسانه خوش قادینلردر!» مألنده ایکی بیت سویلیدی. بونک اوزرینه (خالد) قادینلرک ارککلرایله برابر طوافده بولنلرینی منع ایلدی [۲].

امویلر زماننده — باخصوص چالنی وشرقینک انتشارندن واهالینک ذوق واکلنجه یه میلندن صکره — مدینه ده شعرا، قادینلر حقنده غزل سویلکجه جرأت ایتشلرلدی. عربلری غزلیاتدن طولایی کزیده قیزدیران شی مغنیلرک شراب مجلسلرنده بوغزللری تغنی ایللری ایدی. بودور دغزل سویلکجه اکاول جرأت ایدنلر قشیلر ایدی. (ابوبکر صدیق) حضرتلرینک حفیدینک اوغلی (ابن ابی عتیق) اوغزلسر ایلرک طلیعه سی ایدی. مع مافیه مشارالیه عقیف، پاکدامن بر شاعر

[۱] اغانی ۹۸ ج ۴؛ [۲] [مسعودی ۱۱۶ ج ۲]: ذکراولمان ایکی بیت شولردور:

ياحبذا الموسم من موقف	وحبذا الکعبة من مسجد
وحبذا اللاتی یزاجننا	عند استلام الحجر الاسود

ایدی . غزل سویلسی عفته مخالف بر مقصد ایچون دکلدی . قریلردن ( ابن ابی ربیعہ ) انک اثرینه تبعاً پک چوق غزلار تنظیم ایتشدیر . بویوک شاعرک اشعارى مطالعه اولنور ایسه ختمه پک زیاده مهتمک بر آدم اولدینی ظن اولنور . فقط حقیقت اولیه دکلدی . بوشاعر مدت عمر نده حرام ارتکاب ایتماشدیر [۱] . قریش شعرا سندن ( عربی ) سالف الذکر شاعرک طوتدینی یولی طوته رق غزلیات ایله وقت کچیرمشدیر [۲] . سائر قبائلدن بر طاقم شاعرلر ده ایتیشمه ره رک قادیلر حق نده تدریجاً غزل سویلکه باشلامشلردیر .

خلفا ابتدای امر ده اخلاقاً تأثیر بد اوته تابع اولدقلری جریله بو حاله روی رضا کو ستر میورلردی . بتون قوتلریله خلقی طریق سفاهته دو کولمکدن منع ای دیورلردی . بونکله برابر طرفدار جنبه شعرانک پک بیوک خدمتی کورلدیکندن کندى عرضلرینه طوقونان احوال مستثنی اولمق اوزره انلره قارشى مسامحه کار طوارئمه مجبور اولیورلردی . ذکا و حسن تدبیر ایله اشتهار ایدن بعض خلفا شعرانک دفع مضرتی ایچون پک لطفکار حرکت ایدرلردی . بوقیلدن منقول حکایات لطیفه دن اوله رق شاعر نبوی ( حسان بن ثابت ) ک مخدومی ( عبدالرحمن ) معاویه نك قیزی حق نده خلافتنک اک پارلاق زماننده بر غزل نظم ایتمش ایدی . ( معاویه ) نك اوغلی ( یزید ) بو غزلدن خبردار اولنجه پک زیاده غضبه کله رک پدرینک حضورینه کیرمش ، شاعرک قتلنى طلب ایتمش . ( معاویه ) ایله ( یزید ) آردسنده شو محاوره وقوع بولمش :

معاویه : — نیچون قتلنى ایستیورسک ؟

یزید : — چئونکه همشیر دم حق نده عشو د بازارنه بر غزل سویلش .

— پکی ، غزلده نه دیمش ؟

— دیمش که « جیرون ده کیجه م پک اوزون سورده رک محزون کبی وقت کچیردم ، بوراده قالمق دن یقدم »

طال لیلی وبت کال محزون وملت الثواء فی جیرون

— اوغلم ! کیجه می اوزون کورمش ، محزون اولمش ایسه بزه نه ! براق ، شرینه لعنت اولسون .

— فقط باباجغم ! دیمش که «ایشته بوتک ایچون شامده اختیار غربت ایتدم .  
حتی اقربام بوغربتی درلو درلو تأویل ایتدیلر .»

فلذاک اغتربت بالشام حتی ظن اهلی مرجات الظنون

— پک اعلی ! هرکس انک غربتی سوء تأویل ایتمش ایسه بوتک یزم  
نه تعلقی وار ؟

— باباجغم ! اوپله دکل . دیمش که « اوپله بیاض ، کوزل ، پارلاق برقیزددرکه  
اک قیمتدار جواهردن معدود بر انجی کیدر »

هی زهراء مثل لؤلؤ الغو اص میزت من جوهر مکنون

— پک طوغری سویاش اوغلم ! همشیرهک اوپله کوزل دکیدر ؟

— فقط باباجغم ! اودیمش که : « اصالت و تحاببتی تدقیق ایدجک اولور  
ایسه کز اک عالی بر خاندان عزوشوکتہ منسوب اولدیغنی کوررسکیز »

واذا مانستها لم تجدها فی سناء من المکارم دون

— اوغلم ! بونی ده پک طوغری سویاش . منسوب اولدینی خاندان شانلی ،  
شوکتیدر .


— باباجغم ! باقکیز بشقه دهها نه دیمش : « صکره دوز مرمر اوزرنده  
قولارمزی بربریمزک بلنه صاره رق قبه خضرایه قدر برابر یورودک »

ثم خاصرتها الى القبة الخضراء تمشی فی مرمر مسنون

— پکی اوغلم ! فقط شدتک بودرجه سی ده چوقدر [۱] .

( یزید ) بوکا مقابل بر درلو حدتی ینه میور ، شاعرک دیدیکنی بربرر  
تکرار ایدیوردی . ( معاویه ) ایسه شاعری مدافعه ایدرک غزلنده مستلزم  
جزا برشی کوره مدیکنی کوستریوردی . ( یزید ) دن صکره بر طاقم خواص  
( معاویه ) نک حضورینه کیردیلر . شاعرک جسارتی بیوک کوره رک جزا دیده  
ایدلمسنی طلب ایتدیلر . فقط ( معاویه ) جزایه موافقت ایتدی . « بشقه برتدیر  
ایله انک حقدن کلیم » دیدی . کونک برنده بالتصادف ( عبدالرحمن ) معاویه نک  
نزدینه کلدی . شاعر ؛ خلیفه نک حضورینه سائر آدمردن صکره کیردی .

( معاویه ) شاعره فوق العاده التفاتده بولنه رق ياننده تحت اوزرنده اوطورتدی .  
 انکله قونوشورکن : « عبدالرحمن ! دیگر قیزم سکا کو جنمشدر » دیدی . ( عبدالرحمن )  
 « نه ایچون ؟ » دییه سورنجیه ( معاویه ) « چونکه همشیره سنی مدح ایتمش ایکن



عرب مصنوعاتندن قاهره ده اسکی برقیو

کندیسنی هیچ قاله آلاممشک . جوابی ویردی . ( عبدالرحمن ) معاویه نك  
 سوزینه آلدانه رق : « حتی وار . انی ده ممنون ایده جکم . کندیسی ایچون پك  
 پارلاق بر شعر یاپه جغم » جوابی ایله مقابله ده بولندی . ( عبدالرحمن ) دیدیکی



کبی ( معاویہ ) نك ايكنجی قیزی ایچون بر غزل سویلش . خلق بوشعری  
 کوردکاری زمان: « ( حسان ) زاده نك ( معاویہ ) نك کریمه سی حقنده کی غزلی  
 بیوک بر جرأت ظن ایدیور ایدک . مکر اوغزل ( معاویہ ) نك آرزو وامری  
 ایله سویلشمشدر « دیمکه باشلادیلر . ( معاویہ ) نك دیگر بر قیزی اولمیدیغی  
 بیلنلر ایسه مشار الیهک بو مسأله ده قورنازجه بر اویون اوینادیغی ، شاعری  
 عالمه قارشى یالانجی چیقارمق ایستدیکنی آکلادیلر . اودور شعراسندن  
 ( ابو دهل جمعی ) دخی ( معاویہ ) نك قیزی ایچون بر غزل سویلش ایسه ده  
 ( معاویہ ) بونك حقنده ده رفق ایله معامله ده بولنه رق دینك مضرتی عطیه  
 واحسان ایله دفع ایتشدی [۹].

سائر خلفای امویه ایله امراسنی ده اکا کوره قیاس ایدیکز . بوکبی حاللر  
 امویلرک طریق مدنیه داخل اولدقلری ، ملل سائر ایله اختلاطده بولندقلری ،  
 ذوق و صفا ، سفاهت واسرا نه اولدقجه طالدقلری حالده بدو ته مخصوص اخلاق  
 وعاداتدن وازیکه مدکاری کوستریر . غزل تنظیم ایدن شعرا اوصره لرده تلمسکدن  
 ازاده قالمالزایکن صانکهمقدماتی کورولن ذوق و صفا ، سفاهت واسراف دورینک  
 نشووه سی سوقیه غزل سویلکدن چکنمز لردی . قرشیلردن ماعدا غزل  
 سویلیکه جرأت ایدنلر پک نادر ایدی . غزل تنظیمه اک زیاده جرأتکار اولان  
 قریش شاعری ایسه بالاده ذکر ی کچن ( عمر بن ابی ربیعہ ) ایدی . شاعر مومالیه  
 مشاهیر خواندکندن ( ابن سربج ) ی یاننه آندرق بر دودیه را کبأ حجاجک  
 یولنی بکلرلر ، کوردکاری قادینلر حقنده شعر سویلرلر ، شعرلرینه هدف اتخاذ  
 ایتدکاری قادینلر خلیفه زوجہ سی ویا قیزی اولسه لر یاه هیچ نظر اهیته مالزلردی .  
 قرائن احوال دن آکلاشدیغنه نظراً شاعر لر بالذات قادینلر طرفدن کوردکاری  
 میل و آرزویه تبعاً اوغزللری تنظیم ایدرلردی . چونکه قادینلر کند ی ولیلرینک  
 واقربا و تعلقاتلرینک عدم رضالرینه رغماً شاعر لرک کند ی کوزلکلرینه دائر  
 شعر سویلرلردن خوشلانیرلردی . بوکادائر بر مثال ایراد ایدلم .

ملوک امویه دن ( عبداللک بن مروان ) حجه کیمک ایستین بر کریمه سنک انهای  
 حجه ده ( عمر بن ابی ربیعہ ) نك اسان غزلیاتنه دوشمسندن قورقمش ایدی . ( حجاج

بن يوسف ( واسطه سیله شاعر مومالیمه خبر کوندره دك اولیه بر تعرض لسانیده بولدیغی تقدیرده اكاامدرلو فناقلده بولنه جغنی بیلدیرمشدی .

(عبدالملك) ك كریمه سی فریضه جی ایفا ایتدكدن صكره شامه متوجهامكه دن مفارقت ایتدیكى زمان یولده بر آدمه راست كلارك نره لی اولدیغی صوردی . یولجی مكه لی اولدیغی سویله خیمه مومالیمه سكاوبتون همشهریلر كه لعنت اولسون ، دیدی . یولجی سببی صورنجه (عبدالملك) ك كریمه سی : « حجه كلدیكم ، كوزللكده مثلی كورلین برچوق جاریه لرایله برابر مكه یه كیردیكم حالده اوشاعر فاسق (عمر بن ابی ربیع) حقمزده اثنای عودتده یولده بزى اكلندیره جك برقاچ بیت سویلیدی » عتابنده بولندی . یولجی : « بوممكن دكلدر . اومطلقا حقكزده برشی سویلشدر » جوابی ویردی . (عبدالملك) ك كریمه سی : « او حالده كیت . برشی سویلش ایسه انی آل ، بزه كتیر . سكاامر بیت ایچون اون دینار ویریرز » دینجه یولجی شاعر فاسقك نزدینه قوشدی . فی الواقع (عمر) خلیفه نك كریمه سی حقنده برقصیده سویلش ایدی . آتی كان آدمه محرم بر صورتده اوقودی [۱] .

اودور شعرا سندن ( اخوص ) دخی قادینلره غزل ایله تعرضاتده بولنقله کسب شهرت ایتش ایدی . بوشاعر مکه ده اك خاندان قادینلری لسان غزلیاته آلدیغندن خلیفه زمان اولان (سایمان بن عبدالملك) کندیسى دردست ایتدیروب دایاق جزاسنه چارپدقن صكره نفی ایتمشدی [۲] .

مشاهیر شعرا دن ( وضاح الیمین ) دخی اونوع جر ائتکارلردن بری ایدی . (ولید بن عبدالملك) ك زوجیه سی اولان (ام البنین) حقنده غزل سویلیدی . (ولید) بونك قتلنه تشبث ایتش ایسه ده اوغلی (عبدالعزیز) اعتراض ایدرك : « بو آدمی اولدورر ایسه كزینی رسوای عالم ایدرسكز . چونكه خلق انك سویلیدیكى شیلری طوغری ظن ایدرك والدهم ایله انك آرمسنده بر مناسبت بولندیغنه ذاهب اولورلر » دینجه حقنده پك بیوك بر حس انتقام بسلدیكى حالده قتلندن واز كچمش ایدی . دهاصكره ( ولید ) وضاحك كندی زوجیه سنه تعرض ایله اکتفا ایتیهرك همشیره سی ( فاطمه بنت عبدالملك ) دخی - كه عمر بن عبدالعزیزك زوجیه سی ایدی - تعرضات غزلكارانه ده بولندیغی ایشیدنجه پك زیاده حدت ایدرك : « بوكاب حالا زوجهلر مزه وقیز قارداشلر مزه تعرضات لسانیده بولنقلدن

چکنمبور « دیدکن صکرہ بر قیو قازدیروب شاعری دیری دیری کومدیرہ رک حیاتنہ خاتمہ چکمش ایدی [۱] .

والحاصل امویلر دوری عفت و قیصقاجلق نقطہ سندن حال بداوتدن حال حضارتنہ انتقال دوری ایدی . ایشته بودور ختام بولنجه عربلرده نہ قدر اخلاق وعادات بداوتکارانہ قالمش ایسه جملہ سی زائل اولدی . ذوق و صفایہ ، سفاهتہ طالدیلر . قیصقاجلق پک بیوک بر ضعفه اوغرا دینی ایچون غزلیات غایت واسع بر زمین آلدی . حتی مدحیاتہ دائر اولان قصیدہ لرک ایلمک یتلری غزلدن عبارت اولمغه باشلادی . عباسیلرک ایلمک خلیفہ لری بداوت دورلرندن پک اوزاق بر زمانہ بولمہ دقلرندن غزلیاتی چرکین کورہ رک منع ایتشلردی . بویولده اک زیاده غیرتکارلری اولان ( مہدی بن منصور ) کندیسنک مدحنہ دائر مشاہیر شعرا دن ( بشار بن برد ) طرفندن تنظیم ایدیلن بر قصیدہ دہ غزل بولندیغنی کورنجه موافق بولمہ رق شاعری قصیدہ لرہ غزل قاریشدیرمقدن منع ایشدی . ( بشار ) ارتق خلیفہ نک مدحنہ دائر قصیدہ سویلدکجه غزل ایلمہ باشلامیہ رق طوغریدن طوغری یہ مدحیاتہ کیریشیردی [۲] .

بوجہ تلمہ ( رشید ) ک زمانہ قدر عباسیلرک ایلمک دورلرندہ غزل مکروہ ایدی . خلیفہ مشارایہ موقع اقتدارہ کلنجه غزل نظم ایتدیرمک ایچون اصرارلرده بیلہ بولنوردی [۳] . بو حال بالطبع قیصقاجلغک ضعفنہ باعث اولمش ایدی .

### عباسیلر دورندہ

#### آداب وعادات اجتماعیہ

ظہور اسلامیتدن صکرہ راحت وسفاهتہ دوشمک ، شہر اہالیسی ایلمہ اختلاط ایتمک وسائرہ کبی عوامل مدنیت ایلمہ مناقب عربیہ فطریہ دہ وقوع بولان تبدلات نتیجہ سیندہ عربلر راحت وسکونہ ، واسع ومرفہ معیشتہ ، حیات حیوانیہ نک آرزو ایتدیکی ہر نوع لذت ومحظوظیتہ زیون اولمشلردی . متعاقباً علوم ، فلسفہ ، طب ایلمہ اشتغاللری کندیلرینی بداوتک سادگی وخشونتندن بر

قات دها اوزاقلاشدیرمشدی . عباسیلر کندیلری نامه تأسیس دولته مظاهرت ایدن ایراندیلرک خاطرلرینی صایمغه، بالعکس عربلری پریشان و بی مجال قیلمغه سیاست لزوم کوردکارندن عصیت عربیه انقراضه اوغرامشدی . دردنجی جلده مفصلاً ذکر ایتدیکنم اوزره عباسیلر دولتی ، موقع حاکمیتی محافظه ایچون قتل و تدمیر ، خونریزک مسلکینی التزام ایتشلردی . بوسیدن عربلرک سائر مناقب مخصوصه سی ضایع اولمش ، وفاء ، شجاعت ، استقلال ، عزت نفس ، نصرت و نجدهت کی مزایادن بر طاقم ضعیف ، اهمیتسز بقایادن بشقه بر شی قالمامشدی .

### دور عباسیده قادینلر

بو دورده جاریه لرک چوغالمسی ایله اوطله قار و مستفرشه لر اتخاژینک پک کثرتله شیوع بولمسی ارککلرده قیصقانجلق حسنک زوالنه باعث اولمش ایدی . روم ، ترک ، ایران قیزلردن متشکل اولان بوجاریه لری بربرلینه هدیه ایتک عربلرجه عادت حکمنه کچمش ایدی . بو قیزلر عرب قیزلردن دها کوزل ، دها پارلاق چهره لی ایدیلر . عربلرده بر ارکک کندی زوجه سندن ، زوجه دخی کندی ارککندن بشقه کیمسه بی طانیماز ، دوشونمز ایکن ، قادینلر دخی زوجه لردن صوک درجه امین بولنور ایکن ارککلر بردن بره متعدد زوجه لر آرسنه آتیله رق حسیاتجه پریشان دوشمشلر ، آرتق قادینلر ایچون اسکیسی کی قیصقانجلق طویماغه باشلامشلردی . عقلی ، شان و حیثیتی یرنده اولان قادینلر مستثنی اولمق اوزره زوجه لر ارککلرینی بشقه قادینلر ایله مشغول کورنجه انلرده ارککلرینه لائق اولدیغی درجه ده اهمیت و یرماکه قویولمشلردی . بناءً علیه دور عباسیده مدنیت دور اعتلایه واردینی زمان شهرلرده قادینلرک موقعی بستیون اونودوله رق کندیلردن حریت ، قیصقانجلق حق سلب ایدلمش ایدی . آرتق قادینلر هیچ بر قیصقانجلق ، هیچ بر حیثیتسزک طویمقسزین بالذات کندیلری زوجه لینه جاریه تقدیم ایتمکدن ، جاریه لری آنلره سودیرمکدن چکنمیلرلردی [۱] .



عربلر دور جاھلیتده و اوائل اسلامیتده بر آدمک بر قیزایله معاشقهده بولندیقی. آکلادقلرنده او آدمک سودیکی قیزایله ازدواجنه حائل اولور ایکن دور عباسیده بالعکس عاشقک بر برینه قاووشدورلمسی بر مزیت ، بلکهده بر فضیلت صایلمغه باشلامشدی [۱].

ایشتهبتون بوحالار قادینک انحطاطنه ، عزت نفسی ایله استقلال فیکریسنک زوالنه باعث اولنجه ارککلر قادینلری حقیر کوردیلر . قادینلر حقنده سوء ظنده بولتق ، انلری دشمن عدایمک ، قادینلره امنیت ایدلماسنی توصیه ایلک بر عادت حکمنه کچدی . ارککلر قادینلر ایله احتراز و حذر ایله یاشامغه ، حریتلرینه قارشى قپوونچرلری ، یوللری ، جادلری قاپامغه ، خانه دن طیشاری چیمقدن ، سوز سوبلکدن منع اتمک باشلادیلر . حال بوکه قادینلرک انحطاطنه اصل سبب بالذات ارککلر ایدی . قادینلرک خائنلکی ، غدارلنی ، سوء نیتی او قدر زبازرد اولمش ایدی که بوکادائر برچوق حکایه لر ، ماصالار ، شعرلر یازلمش ایدی . قادینلر حقنده سوءظن اظهارینی ، قادینلردن حذر ایدلمسنی متضمن غایت بلیغ سوزلر ، یتلر ، ضروب امثال ترتیب ایدلمش ایدی . المزده بولنان « بیک برکیجه » کتابی قرون اسلامیة وسطاده او طه لقی الملق عادتک شیوعی واسلاملرک ذوق وصفایه انهما کندن صکره قادینلرک حال و موقعی پک صریح بر شکله کویستر مکده در . او جمله دن اوله رق عربلرک شاعر حکیمی اولان مشهور ( ابو العلاء ) باقمکز قادینلر ایچون نه دیور :

« برچوجق اون یاشنه کلدیمی ، حرمه کیر ماملیدر . بوکا مخالف حرکت ایدر ایسه که نه قدر عقلی اولور ایسه که اول احق صایلمقدن قور توله مازسک . اعلى ییلملیسک که قادینلر شرو فئالق طوزاغیدر . الکعالی شان و شرف قادینلر یوزندن ضایع اولور » [۲].

ینه بوتأثرایله منشیلردن بری دوستلردن برینه بر قیزینک وفاتندن طولایی بر تعزیتنامه یازمق لازم کورنجه ( ابوبکر خوارزمی ) نک یاپدینی کبی تعزیتنامه یه

[۱] تزیین الاسواق ۱۲۲ [۲] الفبا ۷۷ ج ۲

اذا بلغ الوليد لديك عشرًا  
وان خافتني واضعت نصحي  
الا ان النساء حبال غي  
فلا يدخل علي الحرم الوايد  
فانت وان رزقت حبا بليد  
بهن يضيع الشرف التليد

بدل عادتاً بر تبریکنامه یازاردی . ( ابوبکر خوارزمی ) دفن بنائی حسنات و مکرماتدن عد ایدیور ، قیزلر ایچون مقبری ال بیوک نعمت کوریوردی .  
« ال بیوک نعمت بر عرضنک قبر ایله ستریدر » سوزی بر بیت عربی مالی اولدینی کبی [۱] « قیزم حیاتمک امتدادینی ایستر ، بن ایسه شفقتمدن موتی آرزو ایدرم . حرم ایچون ال کدرلی نعمت اولومدر » سوزلری ده دیگر بر بیت عربی مالی تشکیل ایدر [۲] .

والحاصل قادینلرک تحقیر موقعنه دأر اولان بوکبی مغالره شعرلرک چوقدر . دردنبی و بشنچی عصر هجریده کی اسلاملر ایله اسلام شاعرلرینک قادینلر حقمنده کی فکر و مطالعهلری هپ بویله ایدی .  
بوجهتله دور عباسیده دولتک بقا و سلامتنه لازم کورولن سخا و کرمدن بشقه مناقب کزیده عربیه دن بر اثر قالمشدی . سخا و کرم اودورلرده ال مهم بر منبع معیشت تشکیل ایتدیکی ایچون بقا و استمراری ضروری ایدی .

### سخا و کرم ایله تأمین معیشت ایتک

عصر حاضرده پاره قازانمق قوای انسانیه ایله ثمره و نتیجهلری آرسسندده موازنه و نسبت اساسی اوزرینه مؤسس برطاقم قواعد اقتصادی عمرانییه تابعدر . انسان تجارت ، زراعت ، صنعت و سائرده اولسون ، هر هانکی قازانچ طریقده بولسون ، عقل و ذکاکی درجه سیله سعی و غیرتی مقدارینه کوره پاره قازانیر . اکا کوره کچنیر . مصرده شو صوک زمانلرده بردن بره ظهور ایدن غلای اسعار کبی برطاقم خصوصی احوال مستثنی اولمق اوزره پاره قازانمغه ، کچنیمکه خادم نه قدر و سائط و ارایسه جمله سی محدود ، معین قواعد آلتنه آلمشدر . هر حالده بر صنعتکارک اجرتی ایشنک مقدارینه کوره تقدیر اولدینی کبی بر تاجرک قازانچی دخی سرمایه سنک مقدارینه نظراً چوق ویا آز اولور .

[۱] ولم ارنة شملت کرباً کنة عورة سرت بقبر

[۲] رسائل الخوارزمی ۲۰

تهوی حیاتی واهوی موتها شفقاً

والموت اکرم نزال علی الحرم

مدنیت اسلامیہ دورندہ ایسہ ذکر ایتدی کمز اصول وقواعد یالکز  
 چفتجیلر ایله صاتیجیلر وازباب صنایعدن مرکب اولان عوام صنوفه شامل  
 ایدی. خواص ایله منسوبینہ کلنجه بونلر الیوم ممالک متمدنہده امثالی موجود  
 اولمیان دیکر بر طرزده پاره قازانمق ایله تأمین معیشت ایدرلردی. بو طرزک  
 اک مهم محوری خلفا ووزرانک، سرای اطرافندن ورجال دولتن کچین  
 موقعاً دها کوچک آدملرک متسلسلاً اطرافه صاحبدقلری «سخا وکرم» دن  
 عبارت ایدی. پارهلرک منبعی خزینہ دولت ایدی. خزینہ دولت یاخلیفهک  
 ویاخود انک مقامنه قائم اولان وزرا، قوماندانلر ایله امرانک امرینه  
 - هر برینک شکل نفوذی نسبتنده - تابع ایدی. بیتالماله پارهلر خراج  
 وجزیه حاصلاتندن کلیردی. ایکنجی جلدده کورلیدیکی اوزره دولت عباسیهک  
 برنجی دورنده ۶۰ میلیون درهمه بالغ اولان سنوی وارداتندن طوغریدن  
 طوغرییه دولت امورینه ۵۰ میلیون درهمدن فضلہ صرف اولنمازدی.  
 متباقی اولان ۳۰۰,۰۰۰,۰۰۰ درهم اکثری خراج وارداتندن متشکل اولمق  
 اوزره خزینہده قالیردی. اودورلرده خراج حاصلاتک نصف ویاثلثی آلمق  
 صورتیله استیفا ایدلیدیکی جهتله پک آغیر بر ویرکی ایدی. بو عصر آدملری  
 بونستنده بر ویرکی پک فاحش، پک ظالمانه عد ایدرلر. حالبوکه او عصر  
 آدملری بونی ظلم صایمق شویله طورسون بالعکس مرحمت، نعمت کی تلقی  
 ایتمشلر، او قدر آغیر کورمه مشلردی. چونکه دها اول خراج مساحه  
 اوزرینه ترتیب اولنمش مقطوع بر ویرکی شکنده ایدی. اراضی زرع اولنسون،  
 اولنسون خراج تماماً تحصیل ایدیلیردی عباسیلر دهازیاده عادلانه حرکت ایتمش  
 اولمق اوزره خراجی یالکز مزروع اراضییه منحصر وحاصلاتک برقسمندن  
 عبارت یامشلردی.

#### عربلرده قازانچ اصول

دولتک خزینہسندن آرتان پارهدن برقسیمی حکومت مأمورلرینک معاشاتنه  
 صرف اولندقدن صکره متباقیسی خواص صنوفه متسوب ذواته معاش وعطیه  
 شکنده توزیع ایدیلیردی. خواص صنوفی آلدقلری معاش ویا احسانلردن

زیاده اشغال ایتدکاری موقع ومنصب نسبتنده شرف و حیثیتجه بیودکاری  
جهتله شرف و حیثیتلری محافظه ایچون پک چوق پاردلر صرفه مجبور  
اولورلردی . بونلر پارهلری کندی اطرافلرنده بولنانلره صرف ایدرلردی .  
ایشته پارهلر بو صورتله خلیفه دن وزرا ، ولایه و سائر بیوک مأمورینه ،  
بونلردن کندی تعلقاتلریله معیت آدملرینه ، بونلردن دخی عوامدن اولان  
صایحیلره ، دکانجیلره و سائریه انتقال ایلردی . عوامدن ویرکی شکنده آنان  
پارهلر اشیا و ما کولات اثنائی اوله رق تکرار عوام ، ویرلدیکی ایچون کندیلرندن  
آلماش کی اولورلردی . بوشکلده قازانچ وهله اولاده مدنیت اسلامیه  
مخصوص بر حال ظن اولنور ایسه ده حقیقت حالده بتون اسکی مدیتلرده عیناً  
جاری ایدی . مثلاً یونانیلرده خواص صنوفی تشکیل ایدن آینه لیلر پاره  
قازانچ ، کچنمک ایچون هیچ بر صنعت تعاطی ایتزلردی . کچنملری  
منحصراً خزینه صرتدن ایدی . مقدار و زمانی معین معاشرلر ویا زمان  
و مقداری غیر معین عطیه واحسانلر و یاخود غنائم اموالندن وامثالندن حصه لر  
آله رق یاشارلردی . آینه لیلرک سعی و عمله بدل باشلیجه مشغولیتلری سیاسی  
ویاعلمی نطقلر استماع ایتک ، شهرک عمومی باغچهلرنده طولاشمق ، احتفالات  
رسمیه ده حاضر بولمقدن عبارت ایدی [۱] . فقط بو حال یالکیز ( آینه )  
وامشالی کی بیوک شهرلره منحصر ایدی . عمومی دکلدی . اسلاملره کلنجه  
بونلر عربلرک سخا ایله مفطور اولملرینه و تا زمان جاهلیتدن اعتباراً او شکلده  
کچنمکه آیشمش بولملرینه بناءً مدنیت قدیمه ده جاری اولان مازالذکر طرز  
ارتزاقه فضله وسعت ویرمشلردی . اسکیده بر عرب قیله رئیس قیله افرادی  
ایله غزو و غارتیه چیقاردی . بونلرک اله هر نه مواشی و اموال کچرایسه قیله نیک  
ایلری کلنلرینه توزیع اولنوردی . بونلرده او اموال غنائمی کندی اقربالرینه ،  
آدملرینه طایغیدرلردی . بو جهتله « چوق قاقمق ، چوق ویرمک » عربلرک  
قازانچ اصوللری جمله سندن ایدی [۲] . پاره ، اموال ادخاری عربلرجه چرکین ،  
منفور کورولوردی [۳] .



بو مزیتك عربلرده بقاسنه ، دیگر مناقبك زوالنه سبب ایسه مذکور عصرلرده ، باخصوص امویلر خلافتیه کوز دیکرک پاره قوتی ایله طرفدار جلب ایتک اوزره خلق عطیه واحسانلره آیشدیردقدن صکره ، دولترك بقا واستمرارینه خدمتی ایدی . بالاخره عباسیلر موقع حاکمیتیه کانجه بو یولی تعقیب ایتکدن بشقه چاره بولهمدیلر . حتی یالکز تعقیب دکل ، بعض وجوهدن ده ایلری کیمکه مجبور اولدیلر . بوجهته سخایه دولتك پایدار اولمسی ایچون بر مجبوریت کوریلوردی . امساک عسکر ایله رجال دولتك عصیان وتمردینی موجب اولیوردی .

راشدین عصرنده صحابه کرام عربلرک اعتیادات قدیمه سنه ویا ( قیس بن عاصم ) طرفندن روایت اولسان « نعم المال الاربعون والاكثر الستون وویل لاصحاب المئين .. = الك برکتلی ثروت قرق دوهدن عبارتدر . حد اعظم اوله رق آلمش دودیه مالکیتده جائزدر . فقط ویل او کیمسه لره که یوزلرجه دوهلری واریکن بو ثروتلرندن همجنساری مستفید اولماز » حدیث شریفنه تبعاً [۱] چوق اموال صاحبی اولغه ، رغبت ایتزلردی . بوجهته خلفای راشدین بیت المالدیه بریکمش پاره براقازلردی . اوصرده اسلاملر دهشت نبوت تأثیری آلتنده ، اله کچیردکلری اموال غنائم ایله مشغول ایدیلر . جهاده بیوک بر صدق و اخلاص ایله قوشیورلردی . خراج ده پک معتدل بر شکلده طرح اولیوردی . بونک ایچون خراج وارداتندن بیوک بر فضاله آتمازدی . فقط بالاخره امویلر سلطنته کوز دیکنجه بونلر پاره تحصیل ، وارداتک تزییدی ایچون هر واسطهیه مراجعت ایتدکلری کی عسکرک معاشاتیده تزیید ایلدیلر . برچوق عطیه واحسانلر ویردیلر . صحابه نک اوغللریله قرشیلردن سائر اصحاب نفوذک معاشاتی تضعیف ایتدیلر . بیت المالدن بو صورته کلیتی معاشلر آلمغه باشلایان بو ذوات پاره لری کاشانلر انشاسنه ، خدمتکار وجاریلر استخدانه ، شاعرلره ، ندیملره ، معیت خلقنه صرف ایدرلردی . بو پاره لر کلدیکی کی کیدزدی . عم نبی حضرت عباسک مخدومی ( عبیدالله ) ، ( عبدالله بن جعفر ) ، ( سعید بن العاص ) هپ بو صورته حرکت ایدرلردی [۲] . بونلردن بری

[۱] اغانی ۱۵۲ ج ۱۳ [۲] العقد الفرید ۸۵ ج ۴

(معاویه) ویا اوغلی (یزید) ك یانته كیندكجه خلیفه ائك معاشنی صرف ایدردی . بعضاً قیمتدار برهدیده ویریردی . بونلر بوارهلری آلهرق كندی مملكتلرینه عودت ایدرلر ، هپسینی كندی اقربا وتعلقاتلرینه توزیع ایلرلردی [۱] . خلفا بوحالی بیلدكیری ایچون بونلره ویریلن پارهلری بتون مدینه اهالیسینه ویرلش عد ایدرلردی [۲] . بو طرزده حرکت یالکیز بر قاچ ذاته مخصوص دكدی . اكثرتی شامل ایدی . حتی (سکینه بنت الحسین) و (عائشه بنت طلحه) وسائرہ کبی بحسابه قیزلری دخی او یولده حرکت ایدیورلردی . مشارالیهان (عائشه) بعضاً الی ، آووچی بوش اولنجہ خلیفه نك نزدینه کیدر ، احتیاجندن بحث ایدردی . خلیفه مثلاً اکا یوز بیک درهم عطیه ویریردی . مشار الیه حجازه عودت ایدنجه کندیسنه مراجعت ایدن ارباب استحقاقه بیکر ، بیکر عطیه ویریردی . یاننده هیچ بر پاره قالمزدی [۳] . اوزمانلرده شاعرلر بیلہ آلدقلری عطیه واحسانلری اطرافلرنده بولنانلره طاغیدرلردی . بوسیدن او دور آدملری يك چوق پارهلر آلدقلری حالده بورج آلتنده یاشارلر ، چوقلری فقر و ضرورت ایچنده وفات ایدردی [۴] .

دها صکره موقع اقتداره کلن عباسیلر کندی دورلرنده ثروت دها زیاده آرتدییی جهنله عطیه و معاش اعطا وتخصیصنده ، معاشاتی تزیدده بو قاعده وجه ایله حرکت ایتدیلر . عطیه و معاش اصحابی پارهیی آیر آلاماز طاغیدرلردی . مثلاً مدینه ده اقامت ایدن (موسی الکاظم) بغداده کدكجه (مهدی) اکا پك چوق پارهلر ویریوردی . (موسی) مدینه ده عودت ایدنجه پارهلری چیقینلره قویهرق خلقه طاغیدردی [۵] . والیر ، مکتوبجیلر ، شعرا ، مغنیلر هپ بو یولده حرکت ایدیورلردی . هرکس کندی حالته ، معاشنك مقدارینه کوره آلدیغنی ویریردی . بونلر خلیفه نك حضورینه قولایجه کیره بیلک ایچون بعضاً سرای مأمورلرینه و خدمه سنده پاره طاغیدرلردی [۶] .

عك ابله خلقی ممنون ایتك

والحاصل خلفا ، امرا عوام و خواص صنوفی حقنده کرم و سخای کندی .

- [۱] مسعودی ۱۱۱ ج ۲ [۲] المقد الفرید ۱۱۰ ج ۱  
[۳] اغانی ۶۱ ج ۱۰ [۴] اغانی ۱۷۰ ج ۵ و ۱۵۶ ج ۱۷  
[۵] ابن خلکان ۱۲۱ ج ۲ [۶] اغانی ۸۴ ج ۵ و ۱۱ ج ۱۲

حاکمیتلرینک تأیید و تقویہ سنہ خادم برفریضہ عدایدیورلردی . عوام صنفک  
ممنونیتی جلب ایچون سخانک اک سادہ شکلی اولان ضیافت طریق اختیار  
ایدیلریدی . خلفا ایلہ امرانک ضیافت قبولری خلق ایچون کشادہ ایدی . بر  
امیرک سفرہ سنده صباح ، آقشام بیکلرجه انسان یمک یردی . خلفای راشدین  
دورندن اعتباراً بو عادت توالی ایتمش ایدی . ابتدای امرده اسکی عرب  
عادی اوله رق التزام ایدلمش ، دها صکره مختلف قبائلک جلب ممنونیت ومظاهرتی  
ایچون اختیار اولنمشدی . بالاخره بویولده پک زیاده ایلری کیدیلهرک یوللرده  
سفرلر قورمق درجه لرینہ وارلمش ایدی . یوللرده ایلک سفرلر قوران  
(عبداللہ بن عباس) ایدی [۱] . اسلامیٹک ابتدلرندہ خلفای امویہ دن  
بیوک معاشر آلہ رق بو معاشرلی سخا یولندہ صرف ایتمکله اشتہار ایلین بر  
قاج ذات یشمش ایدی . بونلرک اسملری یوقاریدہ کچمشدر .

دولت امویہ والیلرندن ذکا و دها ایلہ شہرت آلانلر دخی بویولده حرکت  
ایدرک یوللرده سفرلر قورارلردی . اوجملہ دن (حجاج) رمضان امتدادنجہ  
هرکون بیک سفرہ ، ایام عادیدہ بش یوز سفرہ ترتیب ایتدیریردی . هربری  
اون کشی ایچون قورولان بو سفرلرده اون چشید یمک ، آتش اوزرنده  
یشمش تازہ بربالق ، شکرلی سودلاج بولنوردی .

(حجاج) برحفہ ایچندہ اولدینی حالده بالذات بوسفرلری برر برر طولاشیر ،  
سودلاجلردن بری اوزرنده شکر کورمز ایسہ درحال آشجینی چاغیرہ رق  
شکر قویمنی امر ایدر ، شاید شکر ایلہ عودت ایدنجه یہ قدر سودلاج ینیر  
ایسہ آشجی یہ ۲۰۰ دکنک اوردورردی . (حجاج) ک معیتدہ بولسان بیوک  
مأمورلر دخی مأمور اولدقلری شہرلرده عین طرزده حرکت ایدرک بعضلری  
اوکلہ ، آقشام کونده ایکی دفعہ سفرہ قوردورلردی [۲] . (ہشام بن  
عبدالملک) ک عراق والیسی (یوسف بن عمر) بش یوز سفرہ قوردورردی [۳] .  
(یزید بن ہبیرہ) دخی خلقک اطعامنہ مخصوص اوله رق بیک سفرہ ترتیب  
ایتدیریردی [۴] . سائر والیلر دہ اکا کورہ قیاس ایدیکز . مثلاً مصر والیسی

[۱] العقد الفرید ۸۳ ج ۱ [۲] العقد الفرید ۶ ج ۳ وابن خلکان ۸۲ ج ۱

[۳] العقد الفرید ۳۶ ج ۴ [۴] ابن خلکان ۲۷۲ ج ۲

(احمد بن طولون) عوام و خواص ايچون متعدد سفرلر قويدورردى [۱].  
مصرده دولت فاطميه زماننده يتيشن مشهور مابينجى (لؤلؤ) طرفندن يابديغى  
كبي بعضآده سفره قوردورمقسزين خلقه يك طاغيديلردى. موماليه هركون  
يك تجربه ليله برابر ۱۲,۰۰۰ كمك طاغيديلردى. رمضانده ايسه بومقدارى بر  
قات دهآ آرتديرير، توزيعنه كنديسى بالذات نظارت ايدردى [۲].

عوامك كوكانى خوش يايقى ايچون صدقه ناميله بذل ايديلن اموال ايسه  
بشقهدر. كسابمرك ايكنجى جلدنده ذكر ايتديكمز وجه ايله هر خليفهك  
صدقه ناميله بر مقدار يومى صرفياتى واردى. مع مافيه بعض خلفا بوسدقه  
پارده سنى مجرد ثوابه نائلت، ياخود جومردلك حسنه تبعآ صرف ايدرلردى.  
بونكه برابر عوام طاقنه بوسورتله يك ايديرمك يالكنز اسلامره مخصوص  
برشى دكلدى. بو، يك اسكى عصرلرك برعادتى ايدى. زيرا روماده عوام  
طاقى رجال دولت طرفندن اون، اتدن متشكل اوله رق توزيع ايديلن  
يكلردن چينيرلردى. اسكى ايران حكمدارلردن بعضلى هربرى اوزرنده  
ياريم قويون، بر سخن حلوى و يايال، اون كمك، بردستى شراب و ياسوت،  
بر بالق اولمق اوزره يومى ۵۰۰ سفره قوردورردى [۳]. ايشته اسلاملر  
برچوق شيلرده ايرانلىرى نصل تقليد ايتديلر ايسه بو خصوصده دخی انلرى  
تقليد ايشلردى.

بر مأموريت دولته بولتمقسزين خواص صنفندن عد ايديلن ذوات ايله  
او حكمده بولنان مقرينه كلنجه دهآ اول عرض ايتديكمز اوزره حريتلرينى،  
اراده و اختيارلرينى سلب ايچون بونلره خلفا طرفندن هبلر، معاشر  
ويريليردى [۴]. بوجهته عزت نفس صاحبي، پرستشكار حريت اولانلر كندى  
استقلاللرينى، وجدانلرينى اسير ايتماك اوزره خلفانك ويردكلرى احسانلردن،  
معاشرلردن نفرت ايدرلردى. بو يولده حركت ايدنلر - باخصوص برمكيلرك  
فلاكتندن صكره - على الاكثر چول خلقى ايديلر. برمكيلرك دوچار اولدقلىرى  
منكوبيت ديللرده داستان اولمشدى. خلفا طرفندن ويريلن پارلر ايله زنكين.

[۱] ابن خلكان ۵۵ ج ۱ [۲] مقرىزى ۸۵ ج ۲ [۳] ترتيب الدول ۱۲۰

[۴] اغانى ۱۵۴ ج ۱۷



اولانلرک حیاتی تہلکہ آلتندہ بولنہ جنی اعتقادی تعمم ایتمش ایدی. بونک ایچون برچوق چول خلقی خلفانک احساندن چکینیرلردی [۱].

### ہیہلر و دیانت

بونکله برابر دولت امویہ نک ابتدالزندہ ظهور ایدن فقہا ، ارباب صلاح خلفانک عطیہ واحسانلرینی رشوت عد ایدرک قبولندہ تردد ایلرلردی . فقط بونلر دخی چوق زمان کچمدن عطیہ آلمغہ آلیشمشلر ، حتی عطیہ واحسانہ نائلیتی بر مفخرت عد ایتمک باشلامشلردی .

دہاصکرہ خلق کچمنک فکریلہ پارہ صاحبیرینہ تصانف و تزلفہ قویولدیلر . بعضلری عطیہ واحسان ، بعضلری دہ معین معاش آملقلہ چکینیرلردی . معین معاش آلانلر علی الاکثر محتاجین ، عجزہ ایلہ ایتام و طول قادیلرلرندن [۲] ، قبائل ، فرقہلر رؤساسندن متشکل ایدیلر . معاشلرک مقداری خلفا ویا امرانک ارادہ و تقدیرینہ تابع ایدی . بعض خلفا ووزرا انصار و مهاجرینک اولاد واحفادینہ ، معاشلر تخصیصنہ میل ایتدکبری حالده بعض خلفا علویلرہ ویا طالیبلرہ ، دیگر خلفادخی قریش قبیلہ سنہ منسوب ذواتہ ویا یمیلیر ویا سائرہ معاشلر ویریرلردی . مثلاً خلفای عباسیہ دن ( مقتدر ) ک وزیر ( علی بن عیسی ) طالیبلر ایلہ عباسیلرہ ، انصارک احفادینہ [۳] معاشلر تخصیص ایتمش ایدی . وزرادن ( ابن الفرات ) حد اعظم آیدہ یوزر دینار ، وحد اصغر بش درہم اولمق اوزرہ فقہا ، علما ، فقرا و اشرافہ معاشلر باغلامش ایدی [۴] . مصرده حکومت سورن اخشییدیان ملوکندن ( کافور ) بغداد دہ بولن ان خلیفہ نک علیہندہ کندیسنہ التجا ایدن مخالفین وسہ رُمیہ ویرلمک ایچون بر پارہ تخصیص ایتمش ایدی [۵] .

ایستہ بوسیلرلدن طولابی خلفاشاعرلرہ بیت المالدن احسانلر اعطاسنی جائز کورورلردی . چونکہ بو صرفیاتی دولتک تأیید نفوذی ایچون ضروری بولورلردی . بونکله برابر خلفانک بوخصوصده مدافعتہ نفس ایچون علناً برشی دیدکبری یوقدی . فقط نفوذ دینی احبابندن بو صرفیات ایچون مواخذہلر

[۱] اغانی ۹ ج ۱۲ [۲] ابن الاثیر ۱۰۴ ج ۶ [۳] تاریخ الوزرا ۳۲۳

[۴] ابن خلکان ۳۷۲ ج ۱ [۵] الفرج بعدالشدہ ۱۴۲ ج ۲

کوردر ایسه سکوت ایدرلر . انلری منون ایتیمکه چالاشیرلر ، ( رسید ) ایله  
( مهدی ) نك ( سفیان ثوری ) یه قارشی معاملهلری کبی این ایله مدافعه نفس  
ایلرلردی [۱] .

### بیوک کوچکدن کچنمی


مدنیت اسلامیه دورنده کوچکلرک بیوکلردن کچنملری ذکر ایتدیکمز  
شکلده ایدی . بیوک کوچکدن کچنمنسه کلنجه بو ، سیخا ، فقط سیخا هدیه  
شکلنده ، وقوع بولوردی . بیوکلرک کوچکلره ویردکاری پاردرله نصل عطیه  
واحسان ناملری ویرلمش ایسه کوچکدن بیوکه ویرلن پاردرلرده ( هدیه )  
اطلاق اولنوردی . هدیه ویرمک باخصوص دور عباسیده پک زیاده شایع  
ایدی . بر والی برولايته تعیین اولندی زمان انک مواصلتی کونی اهلینک انک  
اول یاپدقلری شی پارده ، جاریه ، آت ، ابسه وسائردهن متشکل هدایا تقدیم  
ایتمکدن عبارت اولوردی [۲] . والی دخی کندیسینی والی تعیین ایدن خلیفه  
ویا وزیرده او یولده هدیهلر کوندرمکه مجبور ایدی . بر والی بر ولایتده اوزون  
مدت والی قالیر ایسه هر سنه مرکزده هدیهلر کوندرمک بر مجبورت شکلنی  
آلیردی . شاید والی هدایاده امساک ایدرایسه امساک برتمرد عد اولنوردی [۳] .  
والحاصل سیخا وکرم مدار بخدمت اولان مدنیت دورلرنده زمانک اختلافی  
ایله شکل و صورتی مختلف اولقله برابر هیچ بر زمان مستثنی اولماق اوزره  
عمومی بر قاعده ، بر عادت ایدی . امویلرک ایلاک دورلرنده احسانلر دوه ،  
آت و مواشیدن عبارت ایدی . خلفا کندیلرینه عرض احتیاج ایدنلره  
طوغوریجی بردیشی دوه ایله بر دامزلق دوه وچوبانی ، یاخود بر جاریه ، بر  
آت احسان ایدرلردی . معاشر ایسه آلتون ویا کموش اولهرق تأدیه اولنوردی .  
فقط امویلرک واسط حاکمیتی دورنده عطیه واحسانلر ایشلمهلی ابسه وسائرده  
حاوی جامدانلره ، کوزل جاریلره ، پاردرله تحول ایشدی . عباسیلر دورنده  
ایسه آلتون چیقینلره ، مجوهرات طاقلرینه ، ایپکلی قاش جامدانلرینه ، کوشک ،  
کوی وسائرده تشمیل ایدلمش ایدی .

## معاملہ ده خاطر نوازلق

معاملہ ده خاطر نوازلق اسلامبر ایله بوکونکی عرب مولدینجه بر طبیعت راسخه حکمنده ایدی . بعض مدققلر بو منقبتک عربلرک فطرتنده مندیج بر خصلت طبیعی اولدیغنی ادعا ایتشلرایسه ده فکر مزجه بوذهاب طوغری دکلدرد . بو خصلت توالی اخیال وقلب احوال ایله عربلرک اخلاقه عارض اولمشدر . چونکه ویردیکنمز معلوماتده کورلدیکی اوزره عربلر استقلال فکر وحریت کلام ایله مقطور ایدیلر . خلفای راشدین دورینک صوکنه قدر بو حالده دوام ایلشدردی . بالآخره امویلر تأمین حاکمیت اغورنده شدت وحیه استعمال ایتدکلری جهتله خلق تزلف و منافقلغه مجبور اولمشلر ، بودوردن اعتباراً فکر ، لسان شدتلی بر تضدیق آلتنه آلمشدی . تماماً حر بر ملت بودورده اسارت آلتنه آلیوردی . دیگر جهتدن دخی خلفا مظاهرت ونصرتلری جلب ایتک ، یاخود لسانلری کسمک اوزره خلقه خاطر نوازلق کوستریور ، بوکا « حلم » نامنی ویریورلردی . دیمک اولیورکه تزلف وتصلف هم حاکم ، هم محکوملرک اخلاقه کیرمشدی .

بو یولده حلم کوسترنلرک اک مشهور واک اسکیسی ( معاویه ) ایدی . دردنجی جلدده ذکر ایتدیکنمز وجه ایله مشارالیه اهل بیت نبی ارکانی ایله فرقه رؤسای طرفدن کندی شخصی وحکومتی علینده سویلنیلن مواخذهلره قارشی اختیارسکوت ایدر ، حتی بعضاً انلره ایلککرده ، احسانلرده بولنوردی . ( معاویه ) کعبه ده بولنان ( شعبه بن غریض ) ه قارشی اختیار ایتدیکی معامله کبی بعضاً مواخذه ودشناملره استخفاف ایله مقابله ایدردی . مشارالیه ، (شعبه) بنی زیدینه دعوت ایتک ایسته مشدی . کوندردیکی آدم (شعبه) یه : « سنی امیرالمؤمنین ایستیور » دیر . (شعبه) بوکا جواباً : « امیرالمؤمنین ارتحال ایتدیمی ؟ بشقه امیرالمؤمنین وارمی یا ! » مقابله سنده بولنور . مأمور مخصوص : « معاویه سنی ایستیور » دیر . (شعبه) معاویه نک یانه کیدر . فقط حضورینه کیرر ایکن خلافت سلامی ایله سلام ویرمز . ( معاویه ) بو آدمک طوغریدن

طوغری یه پاره قبول ائتمه جکئی بئیدیکی ایچون مالک اولدییی برقطعه ارضک  
مبايعه سی وسیله سیله اکا ایملک یاغنی ، عطیه ایله اسیرایمکی دوشونهرک :



ایران و عرب کاری نازکیاه عرب کاری کوش قاقه نازکیاه

— (تیم) ده کی یرک نه حالده در ؟ دییه سورار .  
— وارداتی ایله چلاقلر اکساء قومشولر اعاشه ایدیلور ، جوابی ویریر .



— اونی صاتارمیسک ؟

— اوت .

— قاقچہ صاتارسک ؟

— آلتش بیک دینارہ صاتارم . یورد خلقی برصیقیندیده بولمسه ایدی بو  
یری صاتمازدم .

— فقط بهانی پک یوکسک طوتیورسک .

— سزه اویله یوکسک کلیور . بو یر دوستلرکزدن ، طرفدارلرکزدن  
برینک اولسه ایدی هیچ چکنمه دن آلتی یوز بیک دینارہ صاتون آلیر ایدیگز .  
— دیمک که یرکزی صامق ایسته میورسکز . پدرکزک کندی نفسی حقندہ  
یاپدینی مرثیہ نی بکا انشاد ایدرمیسکز ؟

( شعبہ ) مرثیہ نی اوقور . ( معاویہ ) شعری بکنہ رک :

— بو مرثیہ پدرکزدن زیادہ بن لایق ایدم ، دیر .

— خیر ، ہم یالان سویلیورسک ، ہم آچاقلق ایدیورسک .

— یالان سویلیورم ، بلکه . فقط آچاقلق ایدیورم ، بو نەن ؟ . .

— چونکہ زمان جاهلیتدہ صل حق دشمنی ایدیگز ایسہ اسلامیتدن  
حکمرده حق دشمنی قالدیکز . زمان جاهلیتدہ جناب حق سزی مغلوب ومقهور  
ایدنجه یہ قدر حضرت پیغمبر ایلہ وحی الہیہ قارشی طوردیکز . هر فنالی  
ارتکاب ایتدیکز . اسلامیتدن حکمر ایسہ اولاد نبی نی احراز خلافتدن محروم  
ایلدیکز . سز بر طلیق اوغلی طلیقمکز . خلیفہ اولمغہ نہ حقکز واردی ؟

( معاویہ ) کمال استخفاف ایلہ :

— اختیار حقیقہ " بونامشدر . قالدیریگز ، دیر .

خدمہ ( شعبہ ) نی ( معاویہ ) نک حضورندن چیقاریرلر .

( معاویہ ) نک حدنی کوستن وقوعاتدن اولق اوزره هاشمیاتدن ( اروی بنت  
الحارث بن عبدالمطلب ) بک زیادہ اختیارلادینی صرہلرده ( معاویہ ) نک حضورینہ  
کیور . ( معاویہ ) :

— حوش کلدی ، خالہ ! نهالده سک ؟ دیہہ صورار .

اروی : — بکنم ! ائی حالدهیم . فقط سن کفران نعمت ایتدک . عمجه زاده که  
غداراق یاپدک . کندی ا—مکدن بشقہ بر اسم طاش—یور—ک . حقکدن فضله آلدک .  
بو دینک تأییدینہ اک زیادہ خدمت ایدن بز اهل بیت ایدک . حضرت نبی سعی

مشکور ، علی القدر اوله رق ارتحال ابتد کدن صکره تیم ، عدی ، امیه ایلر اوزرمنه  
 صیچرا دیلر . حقمری غصب ایتمیلر . ارزرمزه حاکم کسلدیکنر . بن آل فرعون  
 ایچنده بنی اسرائیله بکزه دک . ( علی بن ابی طالب ) حضرت پیغمبردن صکره حضرت  
 ( موسی ) یه کوره برادری ( هرون ) مقامنده در .

مجلده حاضر بولنان ( عمرو بن العاص ) :

— صوص ! عقالسز ، بوناق عجوز ! تکدیر یله سوزه قاریشیر . ( اروی ) صحابی  
 مشار الیهک پدری نامولوم بر آدم اولدیغنی آکلاتغه یاشلار . ( معاویه ) « عفا الله  
 عما سلف » دیهرک بر شیئه محتاج اولوب اولدیغنی صورار . ( اروی ) ایکی بیکی  
 ایله ( حارث بن عبدالطلب ) اوغلاری فقراسنک اعلاشهسنه تخصیص الیک ایچون قابل  
 اسقا بریر مبايعه ایداک ، ایکی بیکی ینه او سلاله فقراسنک تزویجنه صرف اولوق ،  
 اوچنچ ایکی بیکی ایسه کندی احتیاجانه حصرالیک اوزره آلتی بیک دینارک اعطاسنی  
 طلب ایدر . ( معاویه ) یو پاره نك صرفنی امر ایلر [ ۱ ] .

( معاویه ) فرقه لری پاره ، حلم ویا علناً قوه جبریه ایله کندی طرفنه  
 جلبدن عاجز قالدیغنی کورنچو ، مقصدینه حائل عد ایتمدیکی کیمسه لری کیزلیجه  
 حیلله ایله قتله تشبث ایدردی . مشار الیهک مظاهر لری کندیسنک بو اخلاقی ،  
 احراز غالبیت ایچون خاطر لری صایمقده اولدیغنی بیلیرلر ، پاره یه ، یاخود  
 بر موقعه نائل اولوق ایچون کندیسنه مظاهر ، مخلص کورونورلردی . دیمک  
 اولیورکه ( معاویه ) نك مسلک اساسی اداره سی منفعت کوسترمک ، خلق  
 آوومقدن عبارت ایدی . مشار الیه ، ذکا ودهامی ، حزم واقتداری سایه سنده  
 یومسلکی پک زیاده مهارت ایله اداره و نتیجه ده احراز موفقیت اینش ایدی .  
 ( معاویه ) نك فرط حلمی ، سعه صدری دیلدن دیله زباززد اولمش ، « الناس  
 علی دین ملوکهم » سوزینه ماصدق اوله رق هرکس انی مقتدی به یامش  
 ایدی . اوعصرده علی الاکثر رجال دولت آردسنده منفعت ، خلوص کوستردرک  
 کچنمک میلی پک زیاده آرمش ایسه ده بو اخلاقک بستمون حکمفرما اولسنه  
 عربلرک فطرتنده مندمج اولان مردلک وعالیجنابلق مانع اولیوردی .

بالآخره ایرانلیلر امویلرک علیه نده عباسیلر مظاهرت ایله ( ابو مسلم )  
 وفادارلق ، مردلک وعالیجنابلغه مخالف بر یولده تهمت وشبهه اوزرینه انسان  
 قتله تشبث ایدنجه اهالی هیچ بر قباحت یامدن بیله حیاتلرندن امین اوله مامغه

باشلا مشلر، خلوصکارلق، تبصص کوسترمکه دها زیاده احتیاج کورمشلردی. ایرانی سردار دنیایی آل قانه بویادقدن صکره احراز مظفریت ایله زمام دولتی عباسیلره تسلیم اتمکله خلافت عباسیلر ایله علویلر آره سنده منازع فیه برمسأله اولدی. بالاخره (منصور) موقع اقتداره کلیر کلز بو مسأله یی بسبتون حل اتمک، خلافتی کندی خاندانه حصر وتأمین ایلک ایستدی. بومقصده حائل، مضر کوردیکی (ابو مسلم) ایله بر جوق علویلری وسائرہ یی بیرحمانه قتل ایستیردی. (ابو مسلم) یوز بیکلرجه انسانلره آجیمیه رق ایچیردیکی جام هلاکی کنیدیسه ده ایچمش اولیوردی. فقط دولته ایرانلیغک اک بیوک تمثالی اولان بونامدار سردار ایله علویلرک اعدامی عباسیلر ایله ایرانلیلر وعلویلر آره سنده کی مناسباتی، امنیتی اساسدن صارصمشدی. حال بوکجه عباسیلر دولتک تنظیم ومدافعه سی ایچون ایرانلیلره محتاج ایدیلر. بو احتیاج سائقه سیله انلری دولت خدمتلرنده استخدام اتمشلر ایسه ده انلره قارشو دائماً محترز، امنیتسز طاورانمشلر، خفیہلرک نظارتی آلتنه آلمشلردی. خفیہلک ایکی نوع واسطه ایله اجرا اولنیوردی. بری (برید) مأمورلری ایدی. بونلر والیلرک حرکتی تجسس مأمور برر خفیہ ایدی. والیلر بونلرک بو مأموریتی حائز اولدقلرینی بیلیورلردی. دیگرکی خلفا طرفسندن وزرایه ووالیلره هدیہ اوله رق ویربان جاریه وغلاملردن مأمور ایدیلن سائر خفیہلردن متشکل ایدی. جاریه وغلاملر سیرایلرده بیویهرک خلفانک اعتماد وامینتلیرینی احراز ایتدکدن صکره وزرا وولاتک خانهلرینه کیدنجه اورالرده ندیم، مغنی، ساقی اوله رق وزیر ووالیلر هر نه یایارلر ایسه انی خفیاً خلفایه نقل ایدرلردی. بوکا مقابل وزرا دخی خلفا اوزرینه کیزلیجه خفیہلر قورلردی.

والحاصل خلق آره سنده کین وحسد ایله برابر جاسوسلغک بودرجه تعمم وانتشاری خلوصکارلق ومنافقلغک ازدیادینه باعث اولمش ایدی. هله عنصر عربی سقوط ایتدکدن، عنصر اجنینک تغلب وتحکمی ایله برابر دولت عباسیه نک اواسطنده رجال دولت جیلرینی طولدورمق حرصی ایله یکدیگرلرینه دشمن ورقیب کسیدکدن صکره عربلردن مردلک، علو جناب، عزت نفس کی مناقبک زوالی او ازدیاده برقات دها وسعت ویرمش ایدی. بوندن صکره بی پایان برظلم واستبداد چوکدی. قانون، عدالت طانییوردی. عرب اولمیانلردن

موقع حاکمیتہ کلن امرا لسانلری عربیجہ اولدینی حالده کندی حاکمیتلری آلتنه دوشن ، فقط حقیقت حالده خالص عرب اولیوب ملل سائردهن تورهین عربلره کال استبداد ایله تحکم ایدیورلردی . بونک نتیجه سنده بو محکوملر ایوم مشاهده ایتدیکمز کبی خلوصکارلق ، تبصص ، هر شیئی خوش کورمک طریقه صامشلردی . حاکمیتہ نائل اولان ، عصرلرجه قدرت ونفوذ صاحبی اولغه آلیشانلر بالطبع مستثنی طوتولمق لازمدر .

## مدنیت اسلامیہ دورندہ عائله

شیمدیکی حالده نصل ایسه مدنیت اسلامیہ دوری اورتہلرنده عین حالده بولنان ، الک بیوک رکئی قادینلر اولان عائله حقنده ده اول معلومات مقتضیهی ویردیکمزدن بوراده بو خصوصده اوزون اوزادییه بیان مطالعاتی زائد کورورز . بوراده یالکز تستر ، تعدد زوجات ، طلاق کبی عائلهیه مخصوص احوالدهن بحث ایده جکمز .

### ۱ - تستر

تستردن مراد یشماق وامثالی شیرلر ایله باش اورتمک ایسه بو ، اسلامیتک ایجاد ایتدیکی بر شی دکلدی . بو شکله تستر خرستیانلغک ظهورندن اولده موجود ایدی . خرستیانلق آکا هیچ بر تعدیل ادخال ایتدی . قرون وسطی ایله ده صکره کی زمانلرده آوروپاده او قدر تستر واردی . حتی بو کونه قدر اورالرده بونک آثاری کورلمکده در .

فقط تستردن مقصد قادینلرک خانه لرده - بس وخلق ایله منع اختلاطلری ایسه بو نوعی مدنیت اسلامیہ نک بر نتیجه سی ایدی . زیرا او مدنیتدن اول او کبی بر تستر موجود دکلدی . بونکله برابر تستر الک شدتلی ودقتلی حالنه مدنیت اسلامیہ ترقی ایتدکدن ، اسلاملر کندیلری بستیون مدنیت ، ذوق وصفایه ، رفاهت وراحت ویردکدن صکره بالغ اولمشدی . اولجه بدوی قادینلره دائر ویردیکمز معلوماتدن آکلاشیلدینی اوزره قادینلر ایله ارککلر مساوی



طو تولدیندن چول چادرلری آره سنده شجاعت و اقدام ، عقل و درایت ، علم و عرفان ، ادبیات و سائرہ ایله بر خیلی قادینلر ایشمار ایدی . فقط بالآ خرہ اسلامیٹک انتیشارندن صکرہ جاریہ لر چوغالہ رق اسلاملرجه او طہلق آلق بر عادت اولمسی اوزرینہ ارککلر ایله قادینلر آره سنده شہلرہ ، سوء ظنلر کیردی . ارککلر قادینلرہ لایقی وجہ ایله اہمیت ویرمامکک باشلادیلر . ارککلر کندیلرینی ہر حق حائر ، خانہ لرنده ہر شیئی اجرایہ مأذون ، عائلہ نک رئیس عہد ایتدککری جہتلہ قادینلری تضییق ، اسارت آلتہ آلدیلر . بو حال دولت امویہ نک ابتدالرنده اولا طواشیلرک ، دہا صکرہ اسلاو کولہ لرک استخدای زمانندن اعتباراً باشلامشدی .

شو حالده شرقده اسلام عائلہ لری آره سنده جاری اولان شدتلی تستر ارککلرک سوء ظنلری ، عائلہ لری خلقی حقنہ استبداد ایله حرکتلری ، ذوق وصفای یالکز کندی نفسلرینہ حصر ایتک ایستہ ملری کبی سبیلردن نشأت ایش ایدی . یوقسہ ظن اولندینی وجہ ایله احکام اسلامیتدن دکدی . زیرا قرآن کریمده تسترہ دائر وارد اولان آیات شریفہ یی تدقیق ایدہ جک اولور . ایسہ کز بونلرک تفسیری تسترہ ایلری کیتمک دکل ، بالعکس خفیفلتمک لازم اولدیغنی امر ایدر . لکن نہ چارہ کہ خلق آیات دینیہ یی مقصد اصلیدن زیادہ کندی عادتلرینہ ویا میل و منفعتلرینہ موافق بر شکلده تفسیرہ آلیشمشلردر . اربابی مدنیلشوبده کتابلری تفسیرہ لزوم کوریلن ہر دینده مدعا مزہ دائر مثاللر بولہ بیلیرسکز . مثلاً خریستیانلرک کتب دینیہ سنده بر آدمک ایکی ویا دہا زیادہ زوجہ آلسنہ مانع صریح بر نص موجود دکل ایکن رؤسای دیانت بر زوجہ آلقہ اکتفای عائلہ نک سعادت وانتظامنہ دہا زیادہ خادم کوردککری ایچون تأویل و تفسیر طریقہ بعض قرائنہ استناد ایدرک وحدت زوجہ یی قبول ایتمشلردی . اسلاملر دخی بر چوق جاریہ لره مالک اولدقدن ، کندیلر یلہ زوجہ لری آره سنده امتزاجسزلک ، عدم امنیت ظهور ایتدکن صکرہ قادینلری رام ایتک ، قاپاتمق ایستہ مشلردی . بونک ایچون تأویللر ، تفسیرلر بولق پک کوچ دکدی . ارککلر بوکا موفق اولنجه قادینلری حبس ، تضییقات آلتدہ وضع ایتمشلردی . ارککلرک کندیلرندن دہا ممتاز ، ایستدککریخی یا بمعہ

صلاحیتدار اولدقلرینه زمانک توالیسیله ذاهب اولان قادیلر ایسه ارککلرک جور و جفالرینه صبر و تحمل کوسترمکه ، ارککلردن قورقغه آلیشمشلر ایسه ده آنلری بحق سوده مامشلردی . بو جهتله ارککلر قادیلردن احترازه دوشهرک آنلری خانه لرده ، دیوارلر آرسنده قاپامغه ، لزوم کوردیلر . قادیلرک خدمه ، کوله ، جاریه لردن بشقه کیمسه ایله قونوشملری ، اوطورملری تحت ممنوعیته آلدی . ارککلر زوجه لرله بر سفرده اوطور مامغه ، پک آز قونوشمغه باشلادیلر . قادیلر حقنده ارککلرک عدم امنیتی ، سوء ظنی کیتدجه آرتدی . حتی مزاره کوتورلیدن بشقه خانه دن چیقماق ارککلرجه قادیلر حقنده پک بیوک بر فضیلت عد ایدلدی .

حال بوکه قادیلری حقیر کورمک ، حق لرنده بو درجه ظلم کوسترمک قرآن کریمک احکام شریفه سنه مخالفدر . چونکه قرآن عظیم الشان زوجین آرسنده مودت و رحمتی امر ایدر . ایشته آیات کریمه میدانددر : « ومن آیاته ان خلق لکم من انفسکم ازواجاً لتسکنوا الیها وجعل بینکم موده ورحمه » ، « ولهن مثل الذی علیهن بالمعروف » ، « وعاشروهن بالمعروف » . حیفا که ارککلر ، باخصوص علوم و معارف دوری منقضی اولدقدن صکره ، استبدادن واز کچه مدیلر . بو زمانلرده فقها بر طاقم مناظرات دینه ایله وقت کچیر یورلردی . خرسیتانلره هانکی حال عارض اولمش ایسه اسلاملرده غایت مظلم بر دورجهالته دوشمشلردی . اودورده اخلاق فساد ، مملکت دبیوک بر استبداده اوغرامش ایدی . علما آیات واحادیث وضع اصلییه ، قرائن تاریخییه باقیه رق او محیطه ، کندی میل و منفعتلرینه کوره تأویل و تفسیر ایدیورلردی . بو حال ییچاره قادیلرک باشنه بر فلاکت کسلدی . نتیجه ده حقیر ، اسیر دوشمشلردی . بر مملکتک حکومتی استبداد ایله عامل ایسه اخلاق مستبدانه نک محکوملرده سرایت ایتیمی بر امر طبعیدر . بر انسان بر حکومت مستبدده حاکمک ظلم و اعتسافنه تحمل ایتدکن صکره خانه سنه عودت ایدنجه چکدیکي ظلم و اعتسافک انتقامنی آلمش اولوق اوزره عالمه سی خلقنه عین معامله ده بولنور . مدنیت هانکی شکل ودرجه ده اولورایسه اولسون طبیعت بشریه نک مقتضاسی بودر . بر مملکتک حکومتی اهالی حقنده ظالم ایسه اومملکتده عالمه رئیس لری ده کندی زوجه لری ، چو جقلری حقنده اویله جه ظالم کسلیلرلر . بالعکس حکومت

عادل ، حق پرست ایسہ ہو کبی بر محیطہ قادینلر کندی حقوق طبعیہ لرینہ نائل اولورلر ، ارککلرده حاکمیتده عدل وانصافہ توفیق حرکندن ایریلہ مازلر . یعنی قادینلرک حقوقی ہرہانکی بر مملکتده پایمال ایدیلر ایسہ اومملکتده احکام سائرده او نسبتده ظلم واعتساف موجود دیمکدر . احوال عائلہ حکومتک کوچک بر تمثالندن بشقہ برشی دکدر . زیرا بر ملتده عائلہ کوچک ، حکومت ایسہ بیوک برر دولت حکمنده در .

اسلام قادینلری انتباه حاضر اوائلہ قدر او یولده ظلم وحقسزلق چکدکاری حالده اسلاملردن هیچ بری مدافعہ ایچون آغزینی آچوب بر سوز سویلہ مامشدی . نہایت کچن عصر اورتہ لرندہ بعض ارباب قلم بو بحثہ کیریشدیلر . صیقی تسترک فناغندن بحث ایلہ ترکی ملتداشرینہ توصیه ایدیلر . بیلدی کمزہ کورہ بو بحثہ ایلک آتیلان ذات (الجواب) محوری (احمد فارس الشدیق) ایدی . مرحوم استانبولده انتشارایدن مذکور غزتده تسترک علیہندہ بر قیچ بیوک مقالہ یازمشدی . مرحومدن صکرہ سائر بعض ذوات بو بحث حقندہ یازی یازمشر ایسہده هیچ بری مسألہ بی حقیلہ تشریح ایدہ مامشدی . نہایت کچن عصر میلادی صوکلرندہ مصر ارباب حقوقندن (قاسم امین) بکک (تحریر المرأة - قادینلرک رفع اسارتی) نامندہ کی کتابی انتشار ایلدی . بو کتاب اوقدر واقفانہ یازلمشدرکہ مؤلفی آلقیشلاماق قدر ناشناسلق اولور . متحکم بر طاقم عادات سخیفہ قارشی بو کتابک نشری شایان تجیل بر جسارت مدنیہ در .

## ۲ - تعدد زوجات

اسلاملرده عائلیہ سوء تأثیر ایدن احوالدن بری ده برارککک عین زمانده ایککی ویا درت زوجہ یہ مالک اولہ بیللمسی در . حال بوکہ شریعت اسلامیہ تعدد زوجہ بی اولیہ بر شرط ایلہ تقیید ایدیورکہ بوشروطہ حقیلہ رعایت ایدن برارکک بردن فضلہ زوجہ آلهماز . چونکہ تعدد زوجہ بی جائز کورن آیت کریمہ زوجہ لر آرمسندہ عدالتی شرط قومیور . بو عدالتی اجرا ایدہ مامکدن قورقان بر ارککک بر زوجہ ایلہ اکتفا ایسی احکام قطعیه قرآنیہ دندر . آیتک نصی

شود: «فانكحوا ما طاب لكم من النساء مثنى وثلاث ورباع فان ختمت الا تعدلوا فواحدة». قرآن كريمك ديكر بريرنده دخي: «ولن تستطيعوا ان تعدلوا بين النساء ولو حرصتم فلا تميلوا كل الميل فتذروها كالمعلقة» نص شريفی وارد اولمشدر. ايشته بو ايكي آيتي بر آريه كتيروب معانسي دوشونه جك اولور ايسه كز تعدد زوجهيي امردن زياده منعه خادم اولديغي كوررسكز. بونك ايچون عقللي، حقشناس اولان ار ككلر بردن زياده زوجة آمازلر. بردن زياده زوجة آلق جاريه، او طهلق اتخا اولنان اسكي زمانلرده قولاي ايدى. اودورده او طهلق جاريه لردن اولاد طوغوردى. ار ككلر بو نسلى ضايع ايتمك ايشته مدكاري ايچون تعدد زوجة كندى كندينه حاصل اوليوردى. حال بوكه حسيات بشريه نك تقيات نجيه سي سايه سنده اسارت بشريه الغا ايدلديكندن آرتق او طهلق اتخاى پك مشكل كسلى.

بر ار ككك عين زمانده وباخصوص بر آرده بردن فضله زوجة آلمسي انتظام عائلهي اساسندن صارصار بر عادت ايكن بو عادت - ولو پك آز اولسون - بو كونه قدر دوام ايتكدهدر. بو آزلق ايچنده بعض عقللي، درايلى آدملرده كوروليور. اسلاملردن بردن زياده زوجة لره مالك اولانلر تعداد ايديله جك اولور ايسه بونلرك مقداري بر زوجة صاحبي اولان اسلاملرك مجموعنه كوره يوزده بشدن فضله دكلدر. بونلر على الاكثر عوام طاقنددرلر. خواصدن متعدد زوجة آلانلر تعددى مطلقا بر مجبوريت ايله قبول ايتمشدر. تعدد زوجهيي جائز كورنلر «عدالت» ي محبته دكل، يالكر نفقه ده مساوات ايله تفسير ايدرلر. بونكله برابر قرون اسلاميه وسطاده حيثيت واعتبار اصحابندن بر چوق ذوات جاريه استفراشي ايله تعدد زوجاتي بر آرده جمع ايتمشدر. فقط على الاكثر نفوذ برنجي زوجيه مخصوص اوليوردى. عقللي، صلاحچورر بر طاقم قادينلرده زوجلرينه كوزل جاريه تقديمي فضيلتدن صايورلردى. نتهكيم (رشيد) ك زوجهي (ام جعفر) مغني جاريه (دناير) ي اونوتد ريق ايچون زوجنه او يولده جاريه لره اهدا ايتمش ايدى.

بعض قادينلر دخي مجرد ثوابه نائل اولق ايچون زوجلرينك ديكر بر زوجة ده آلمرينه معاونت ايتكده ايدلر. مصري مورخلردن (جبرتي) نك پدرينك زوجة لرندن برى حقنده ويرديكي معلوماته كوره بو قادين اويايه



صلاحپرور، زوجہ او قدر محب و وفاکار ایمش کہ کندی پارسندن کوزل جاریہلر مبیاعہ ایدرک انی کیدیروب قوشاتقدن صکرہ زوجہ تقدیم ایلور و بو فعل ایله بیوک بر ثواب ایشلیدیکنہ ذاہب اولیوردی . بوندن ماعدہ ( جبرتی ) نك پدری بر چوق زوجہ آلمش ایکن ذکر اولنن زوجہ صالحہسی بوندن هیچ مکدر اولمامش، سائر قادینلر کی اصلا قیصقانمامش ایدی [۱] ...

### ۳ - طلاق

تعدد زوجہیہ دائر سویلیدیکمز سوزلر طلاق حقندہ قابل اطلاقدر . بعض عقلا : « وان ختم شقاق بینہما فابعثوا حکماً من اہلہ و حکماً من اہلہا ان یریدا اصلاحاً یوفق اللہ بینہما » ، « فان کرہتموہن ففسی ان تکرہوا شیئاً ویجعل اللہ فیہ خیراً کثیراً » کی آیات کریمہیہ استناداً طلاق مکروہیتہ ذاہب اولورلر . حدیث شریفہ دخی : « ابغض الحلال عند اللہ الطلاق » وارد اولمشدر . مع هذا حضرت ( علی ) نك مخدومی حضرت ( حسن ) کی کبار صحابہدن بعضلری پك چوق تطلیقده بولنورلردی . مشار ایہ ۲۵۰ ودیکر بر روایتہ کورہ ۳۰۰ زوجہ ایہ تزوج ایتمش ایدی . بو حالردن پدرلری پك زیادہ جانی صیقیلردی . تطلیق ایدیلن قادینلرک اقربا و تعلقاتندن محجوبیت سائقہ سیلہ مخدومنه نفرت کوستیریدی . نطقلارندہ : « حسن چوق تطلیق ایدر . صاقین اکا زوجہ ویرمیکز » دیردی . صحابہدن چوق زوجہ تطلیق ایلہ اشتہار ایدنلردن ( مغیرہ بن شعبہ ) دخی اومقدارہ یقین زوجہ آلمش ایدی [۲] . بونکله برابر حضرت ( علی ) نك سوزلردن آ کلاشلیدینی اوزرہ طلاق دائماً مکروہ عد ایدلمشدر . عزت نفس ، فضیلت اصحابندن اولانلر بیوک برسبب ویا بر معذرت شرعیہ اولمینجہ زوجہلرینی تطلیق ایتمزلر . طلاق وقوعاتی علی الاکثر عوام بینندہ جاریدر .

تستردہ پك زیادہ ایلری کیدلمسی طلاقک چوغالمسنہ بیوک بر سبب تشکیل ایلمکدهدر . زوجہ سنک یوزینی کورمدن اولنن بر کنج ازدواجدن صکرہ رقیقہسنی طبعنہ موافق بولمینجہ انی تطلیق ایتمکده کوجلاک کورمز . چونکہ

اوکنج زوجہ سنی بکنمیدیکی تقدیرده سهولتله تطلیق ایدہ بیله جکنی آکلامامش اولسه او شرط ایله اولنمزدی . انسانک تزوج ایدہ جکی قیزی ویا قادینی اولمندن اول کورمامسی کی تسترده شدید تضییقات دین احکامندن منبعث دکلدر . زیرا انسانک رفیقہ حیات اتخاذا ایدہ جکی قادینی اولمندن اول کورمسنی تجویز ایدن متعدد احادیث شریفه وارد اولدینی کی مطلقا کورمک لازم اولدیغنه دائر دخی معناسی پک آحقیق حدیثلر وارد اولمشدر [۱] . ایشته بو احادیث شریفه ایله عمل اولنسه اسلاملرده طلاق وقوعاتی پک چوق آزالیر . بونکله برابر شرائط مشروعه وقانونیه مستند طلاقک فوائدی منکر دکلدر . بوجوازدن محروم اولان ملترلر بوفوائدن محرومیت چکرلر .

### معیشت عاالیه

۱ — طعام

قبل الاسلام عربلرک مأکولاتی سوت ، یاغ ، پنیر ، خرما ، حبوب ، اتدن عبارتدی . شمیدیکی چول خلقنده اولدینی کی بو مواد پک ابتدائی برشکلده طبخ واعمال اولنوردی . عربلرک علی الاکثر قوللاندقلری ات ، سوت دوه اتی وسوتی ایدی . بو مواددن (ترید) کی نسبت معلومه دن مرکب بر طاقم یمکدر یاییلردی . (ترید) ات ، سوت واکمکدن مرکب بر یمک ایدی . (رغیده) ، (رهیده) ، (عصیده) کی بعض یمکدر یالکز سوت واوندن یاییلردی . (بکاله) کی یاغ ودقیقدن یاییلان یمکدرده واردی . (وضیعه) کی بر طاقم یمکدر دخی دقیق ، بال ، یاغدن اعمال اولنوردی . والحاصل بالاده کی انواعه مشابه عربلرک قرق درلو قدر یمکلری واردی .

بونکله برابر بونوع یمکدر ارباب یساره ، مسافر قبول ایدنلره مخصوص ایدی . فقرا صنفنه کلنجه بونلر دوه ویا قیون اتی پک نادر بولورلردی . بونلر اکثریتله کلر ، چاکرکه ، قرده بوجک ، عقرب کی حشرات ایله کچینرلردی . حتی آجیققلری زمان یمک ایچون بو حشراتی بوله مازلر ایه دوه توینی طاش اوزرنده قان ایله یوغوروب یرلردی . قرشیلر بو حاله یقین بر معیشت ایله

یشارلردی [۱] . بعضاً دها زیادہ آچ قالدقلى زمان درى پارچہلرینى ، بوسنوز وحيوان طيرناغى قيرنيسينى ، قيل ايله قاريشيق دقيق اكل ايدرلرى . ايسسز چوللرده صوسز قالوبده صنو بولامينجه اشكنبه ايچنده بولنان طوار ترسك صيقلمش صوينى ويا دوه طمارلردن آلنان قانى ايچرلردى [۲] .

بالآ خره عربلر اسلاميتك ظهورى اوزرينه عراق ، ايران ، مصرى فتح ايندجه روم و ايران آثار مدنيتلرنده كوردكلرى تكملاته ، اسباب رفاهيته قارشى مندهش اولديلر . اويله يملكور كورديلر كه نه اولديغنى وهاء آ كلايه مديلر . بر عرب بو فتوحات انسانيده بر طوربه كافور بوله رق آرقداشلاينه كترمش ايدى . بونلر كافورى طوز ظن ايتمشلر ، يمكه قوميشلر ، فقط طوز طادينى بوله مامشلردى . كافورك نه اولديغنى آ كلايانلردن برى بونلره راست كلهرك بتون طوربه يي ايكي درهمدن فضله دكرى اولمايان اسكى ويرتيق بر كوملكله مبايعه ايتمش ايدى [۳] . او عربلردن برى دى بورك يوفقه سنى كورنجه يازى به مخصوص انجه درى ظن ايتمش ايدى [۴] . عربلر كوردكلرى پيشمش پرنجى زهرلى بر يمك عدايتلشردى [۵] . فقط بوچول خلتى مدنى اقوام مذكوره آره سنده اقامت ايتدكن صكره چوق زمان كچمدن او اقوامك وبالخاصه ايرانليرك يملكلى اوكرنهرك انلردن برچوق اخلاق وعادات اقتباس ايتدكلرى كجى بو يملكلى ده اقتباس ايتديلر . تحریمی حقنده نصوص صريحه وارد اولان شيلردن بشقه اى يملكلى اوكرنوب يمكه اسلاملر ايچون بر مانع دى يوقدى .

اسلاملر امويلر زمانندن اعتباراً طريق مدنيت وتكملة سالك اولمشلردى . اجنيلرى بو خصوصده ايلك تقليد ايدن ، ييه جنك ، ايچه جكده رفاهيت آرايان ( معاويه ) ايدى [۶] . مشار اليه دن صكره موقع اقتداره كلن خلفا ايله رجال دولت ومملكتك ايلرى كانلرى او يولى تعقيب ايتديلر . سركهلى ات صوينى ايله اتدن عبارت اولوب « سيدالمرق - ات صولرينك پادشاهى » نامى ويريلن ( سكباج ) ، برنوع حلوى اولان ( فالونج ) ، ايچى بادم وشكر ايله طولديريلان

[۱] ابن خلدون ۱۷۰ ج ۱ [۲] كتاب البخلاء ۱۸۳ [۳] الفخرى ۷۴

[۴] ابن خلدون ۱۴۴ ج ۱ [۵] همدانى ۱۸۸ [۶] دبرى ۵۵ ج ۱

( لوزینج ) ، جوز طاتالیسی ( جوزاب ) ، خشاف ، کلاب و سائرہ بر برد  
عرب مطبخلرینہ کیریوردی . طریق اعتلاہ ایلری کیدلجکہ آرتق ات ، سوت ،  
سبزہ ، بہارات ایله درلو درلو یمکار یاییلوردی .

## ۲ — ملبوسات

### زمان جاهلیتہ عرب لباسی

زمان جاهلیتہ عربلرک یمکلری ، سائر طرق معیشتلری نصل ایسه  
کیدکلری البسه دخی پک سادہ ، پک ابتدائی ایدی . بوکون چولادہ کی عربلرک  
ملبوساتی اسکی عربلرک ملبوساتہ معادلدر . بواثوابلر کوملک ، استارلی انتاری ،  
احرام ، عبا ، صاریق دن عبارت ایدی . طون ، شالوار ، قفتان عربلرجه معروف  
دکلدی [۱] . بونلر بالاخرہ ایرانیلردن انتقال ایتشددر . کذلک پاپوش ،  
چیزمہدہ قوللانلاردی . بونلری یالکز بعض زنکینلر کیردی . عربلر قیلیجلری  
اوموزلرینہ آصارلر ، علی العموم دیزدن آشانیہ قدر قیصہ البسه کیرلردی [۲] .  
عربلرک او زمانلردہ کیدکلری البسہ کی کوسترمک ایچون حضرت پیغمبرک  
کیدکی اثوابی ایراد ایتمکدن دھا ای بر مثال اولماز . روایتہ کورہ حضرت  
پیغمبرک اک زیادہ سودیکی البسه خرقة ایدی . قوللری بیلککہ قدر قیصہ ایدی .  
حضرت نبی بعضاً دیزدن آشانیہ قدر قیصہ ، قرمزی استارلی قفتان کیردی .  
پاپوش و چیزمہ دخی قوللانلردی [۳] . غرور کوسترمک ایچون یرلرہ  
سورونن اوزون اثواب کیلمسی حدیث شریف ایله منع ایدلمش ایدی .  
« اوزون انتارینک فضلہ سی جہنمہ عائددر » مآلی بر حدیث شریفدر [۴] .  
عربلر پاموق ویوکنن بشقہ منسوجات بیلمزلردی .

بونکله برابر عرب زنکینلرندن تجارت ویا سیاحت ایچون شامہ ویا عراقہ  
کیدنلر کوزل البسه کیمکدہ شاملیلر ایله عراقلیلری تقلید ایدرلردی . بونوعدن  
مزین ، کوزل البسه کینلر ، باخصوص اسلامیتک اوائلندہ ، قبائل آرہسندہ  
بیوک بر شہرت آیلرلردی . اک مشہور روایتہ کورہ عربلردن سیاہہ مائل .

[۱] البیان والتبیین ۴۳ ج ۲ [۲] سراج الملوك ۷۱ [۳] تہذیب الاسماء ۶۰

[۴] الکامل ( للمبرد ) ۲۶



ونكده تتيكدن ايلك اوله رق البسه كين ( عبدالله بن عامر ) ایدی . كذلك  
 عربلردن ايلك سياه فراجہ قفتان كين ( مختار بن عبيد ) اولدینی کبی  
 مدینہ دہ اک اول صوندورمه کین ذات دہ ( جیر بن مطعم ) ایدی [۱] .  
 عربلرک ظهور اسلامیتدن صکرہ ملل اجنیہدن اقتباس ایتدکری سائر البسه  
 انواعی دہ اکا کورہ قیاس ایدیکز . بو کبی تقلیدلرہ عادت وجه ایله اک اول  
 اکابر باشلار . صکرہ سائر خلق انلرہ اقتدا ایلرلر . کثرتلی صرفیاتده ،  
 استکمال اسباب راحتده اجنیلری تقلیدہ ایلک اقدام ایدن ذات دہا اول  
 بیان اولندیفی اوزرہ ( معاویہ ) ایله اکابر رجال دولتی ایدی . انک دور  
 خلافتنده عراقده والی بولنان ( زیاد بن ابیه ) ایرانیلری تقلیداً عربلردن  
 ایلک اولمق اوزرہ اطلاس قفتان کیمش ایدی [۲] . بصرہ دہ ایلک دوز چیزمه  
 کین دہ بو والی ایدی .

بالآخره امویلر رفاهت ومشکله پسندلکده ایلری کیدنجه ایپک منسوجاتنک  
 هر نوعی کیدکن ماعدا ایپکن پک مکلف البسه یادیرمشلر، صرمه لی منسوجاته  
 پک زیاده رغبت کوسترمشلردی . سائر خلق امویلری تقلیداً ایپکلی البسه  
 کیمکه باشلادیغندن صرمه لی البسه بیوک بر رواج بولمش ایدی . عربلر روم  
 یچمندہ البسه یادیرییورلردی . فقط حال بداوتندن ده ایرلمق ایستهمدکلرندن  
 صارینی دکیشدیرمدکلری کبی قلیجی ده اوموزہ باغلامقندن واز کچهمامشلردی .  
 کبار تابعیندن ( احنف ) « عربلر صاریق کیدکجه ، قلیجیلرینی اوموزلرینه  
 اصدقجه عرب قالیرلر » دیر ایدی [۳] .

#### مدنیت درنده ملبوسات

وقتاکه خلافت اسلامیہ ایرانیلرک تأثیر سیاسی آلتنده قالان ، تشکیلات  
 دولتی ، برچوق اخلاق وعاداتی ایرانیلردن اقتباس ایدن عباسیلرہ انتقال ایلدی ،  
 بوخاندان سلطنت دولتلرینک تشکلی تاریخندن اعتباراً البسه ده بستیون ایرانیلری  
 تقلید ایتدیلر . حتی بونی رسماً اعلان ایلدیلر . ایکنجی خلیفه عباسی (منصور)

[۱] ابن قتیبه نک المعارف کتابی ۱۷۷ [۲] اغانی ۱۰۴ ج ۹۴

[۳] الکامل للمبرد ۱۰۰

صاریق‌لره بدل داخله چوققلر ایله تقویه ایدلمش ایران کاری اوزون کلاه کیله‌رک اوزرینه کوچک بر صاریق صارلمسی، قیلج‌لرک بله آصلمسی، البسه‌نک عموماً سیاه رنگ‌نده اولمسی حق‌نده ۱۵۳ سنه هجریه‌سندنه بر امرنامه اصدار ایتدی . امویلرک علامت فارقه‌سی بیاض رنگ اولدینی کبی عباسیلرک علامت فارقه‌سی ده سیاه رنگ ایدی . دولت مشارالیه زماننده خلیفه‌نک حضورینه کیره‌بیلیمک ایچون « سواد » نامی ویریلن وسائر البسه‌ینی اورتن سیاه بر جبه کیمش اولمق ضروری ایدی . (منصور) رجال دولتی ایله معیتی خلقته صرتنده « فسیکفیکهم الله وهو السميع العليم » آیتنی حاوی فراجہ قفتانلر کیدیریوردی [۱] . اطراف سائرده بولنان والیلرینه معیتلرینی بو قیافته صوقلرینی یازمشدی [۲] .

روایت کوره مشهور دربردر شهرادن ( ابو دلامه ) مذکور قیافته کیردکدن صکره (منصور) ک حضورینه داخل اولور .  
 خلیفه آکا : « نه حالده‌سک؟ » دییه صوراره شاعر دربردر : — شوکت‌آب !  
 بوندن دها شنیع بر حال تصور ایدرمیسکیز؟ یوزم اورتمه ، قیلجم فالجهمه ، کلام‌الله آرقه‌مه کلش ، سیاهلره بویاعشم . بوندن دها فنا نه ایسترسکیز؟ جواجی ویریر .  
 (منصور) شاعر لطیفه پردازک سوزلرینه قارش کولرک کندیسینی بو قیافتدن عفو ایدر . « صاقین بونی کیمسه‌سندن ایشتمسون! » دییه تنبیه ایلر .

ایشته او آندن اعتباراً عربلر وبالخاصه رجال دولت ملبوساتده بستیون ایرانیلری تقلیده قویولدیلر . عوام وفقرا طاقی اسکی عرب قیافتنی محافظه ایتدکلری حالده رجال دولت ایله ارباب ثروت وسائر خواص قفتانلر، شالوارلر، صوندورمه‌لر، چیزمه‌لر ، چورابلر وسائر کیمورلردی . دها صکره هر صنف کندینه مخصوص بر البسه ایله تمیز ایتمکه باشلادی .  
 علی‌الاکثر خلفا کلاه ، سیاه فراجہ قفتان کیرلردی [۳] .


فقها ایله علمانک قیافتی بر شکل مخصوصده واستارلی سیاه صاریقندن ، سیاه صوندورمه‌دن عبارت ایدی . [۴] رجال علمیه صنفی بوشکله ایلک وضع ایدن ذات خلیفه ( رشید ) ک قاضی‌القضاتی فاضل مشهور ( ابو یوسف )

[۱] اغانی ۱۲۱ ج ۹ وابن‌الائیر ۲۸۹ ج ۵ والعقد الفرید ۷۴ ج ۱

[۲] طغر بردی ۴۳۷ ومقریزی ۳۰۷ ج ۱ [۳] ابوالفدا ۳۶۱ و ۳۷ ج ۲

[۴] اغانی ۱۰۹ ج ۵ و ۶۹ ج ۶ وطبقات الاطبا ۴ ج ۲

ایدی [۱] . قاضیلر اوزون کلاه ، ایجه صوندورمه کیرلردی . معافیہ بو قیافت دولتلیک وزمانلیک اختلافی ایله بعض تبدلاته اوغرایوردی . عوام صنوفسه کلنجه بونلرک صنعت ، حال و صنفلی اعتباریله و مملکت و عصرلره کوره قیافتلی مختلف ایدی . بو قیافتلی بر انضباط تام آلتیه آلق ممکن دکلدر . بونکله برابر خلاصه دینیه ییلیرکه عمومیتله بونلرک قیافتلی



قاهرده عرب مصنوعاتندن بر ماصه

صاریق ، فراجه قفتان ، شالوار ، کوملک ، عادى قفتان ، جبه ، چوراب ، پاپوش وچزمه دن عبارت ایدی . کچن عصرک ابتدا سنده مصرلیلر ایله سوریهلیلر بو قیافتده ایدیلر . بوکون بوشکل تلبسی محافظه ایدنلر عربستانده کی مشایخدره .

مئادمه‌یه مخصوص البسه ، عطریات سورونمک ، صاچ و صقال بویامق

رجال دولت ایله خواصدن او اعتبارده بولنانلرک ذوق و صفا عالمترینه .  
مخصوص « ثیاب المئادمه » نامیله اثوابلری وار ایدی . قرمزی ، صاری ، ییشیل ،  
کچی نظاربا رنگلرده بولنان بوالبسه پک پارلاق اولنجه‌یه قدر جلا ایدیلوردی .  
بوعالمیره اشتراک ایدنلر کوزل قوقولر سورونولوردی . خانه‌لرده کیجه‌لک کچی  
خفیف بر توع البسه استعمال اولندینی کچی سیاحتلر ایچون دخی دیگر برنوع  
البسه مستعمل ایدی .

عطریات سورونمک زنکیملک ، شرف واصلته بر دلیل عد اولتوردی .  
« نصل بر آدم اولدینی آکلاشیلنجه‌یه قدر انسانک شو اوچ خالدن برنده .  
بولنمی انک شرف واصلته حکم ایتدیریر : آته را کب اولمق ، فصیح سوز  
سویله مک ، کوزل قوقو سورونمش بولتمق » سوزلری عربلرجه بر ضرب مثل  
ایدی .

صاچ ، صقال بویامق عربلرجه مقبول بر عادت عد ایدیولوردی . صاچ  
بویامق فی‌الاصل هندیلره مخصوص بر عادت ایکن انلردن ایرانلیلره [۱] ،  
بونلردن دخی قبل‌الاسلام عربلره انتقال ایئش ایدی . روایتیه کوره مکه  
اهالیسندن صاچنی ، صقالنی قنا ایله ایلک بویایان ذات (عبدالمطلب) ایدی [۲] .  
دیگر بر روایتیه کوره ایرانلیلری بو خصوصده ایلک تقلید ایدن ( مغیره بن  
شعبه ) ایمش . فقط اسلامیتک ظهوری ایله عربلر هر طرفه انتشار ایدنجه  
صاچ ، صقال بویامه‌نک انواعنی اوکرنیدیلر . قمرال صاچلری زعفران ،  
قرمزی صاچلری قنا ایله بویادقدن ماعدا سیاه صاچ بویاسنی‌ده قولانیولوردی .  
صاچ ، صقاللری بیاض کوسترمک ایچون کوکورد استعمال اولنوردی [۳] .  
صقالنی زعفران ایله ایلک بویایان ذات شاعر مشهور ( جریر ) ایدی [۴] .  
شاعر نبوی ( حسان بن ثابت ) صقالنی بر طرز مخصوصده بویامقده ایدی .  
بیقلرینه ، دوداق آلتنده بیتن قیللره قنا اوروردی . وهله اولاده آغزی قانه  
بویانمش بر آرسالان ظن اولنوردی [۵] . ارککلر ایله قادیلرجه مستعمل

[۱] مسعودی ۱۱۵ ج ۱ [۲] لطائف المعارف ۸ [۳] الفبا ۳۴۴ ج ۲

[۴] المعارف لابن قتیبه ۹۹ [۵] اغانی ۳ ج ۴



اولان سائر صاچ بویامق اصوللرینی ده آکا کوره قیاس ایدیکز . بو عادت شرقدہ بو کونہ قدر جاریدر . چوقلری سیاہ بویا ایله ، بعضلری قنا ایله حالا صاچ ، صقال بویارلر . الیوم زعفران ایله صاچ بویایانلر پک نادردر . صاچلرینی کوکورد ایله آغاردان حالا آدم بولندیغنی بیلیمورز .

۳ — مسکن

عربلرک مسکنلری

زمان جاهلیت شهرلرندن ( مکہ ) ، ( مدینه ) ، ( طائف ) وسائرده اقامت ایدنلر مستثنی اولمق اوزره عربلر علی العموم قبائل سیارهدن متشکل ایدیلر . نزهیه کیتسهلر اقامتگاهلرینی دوه لرینک صرتلریله طاشیرلردی . بالاخره جهانگیرلکه تشبث ایتدکلری زمان بو سبکبارلق اسباب موفقیتلرندن برینی تشکیل ایتمش ایدی . ممالکی تسخیر ایتدکدن صکره دخی شهرلرده اوطورمقدن چکینه رک صانکه اوممالکی موقتاً اشغال ایتمشلر کبی شهرلرک خارجنده چادرلرینی قورمشلر ، یاخود قامشدن وسازدن کلبه لر یا پهرق ایچنده اقامت ایلشلردی . کندیلریله مقرر خلافت اولان ( مدینه ) آره سنده فاصل بر صو بولنماسنه فوق العاده دقت ایدیورلردی . شاید عملکرده لری اولان بو کلبه لر ییقیلر ویا یانار ایسه مصر ، شام وعراق قطعه لرنده فتح ایتدکلری شهرلرده اولدیغنی کبی طاشدن خانهلر انشاسنی خلیفه حضرت عمردن استیذان ایلورلردی . فقط حضرت خلیفه ذوق وسفاهته دوشملرندن قورقه رق عربلرک مدنیلشملرینی موافق بولموردی . بوسبیدن انلری زراعتدن منع ایلش ایدی . نهایت حضرت عمر طاشدن ابنیه یه مساعدہ ایتدی . فقط غایت اقتصادکارانه یابی یا پلسنی شرط قویوردی . مثلاً ( کوفه ) نک طاش ایله تاسیسی ایچون کندیسندن استیذانه بولندیغنی زمان « طاشدن بنالر یا پیکز . فقط هیچ بریکز اوچ اوطه دن فضله بنا یا پمسون . بنالری یوکسک یا پمیکز . دائماً سنت شریفه یی التزام ایدیکز که دولت سزک قالسون » [۱] مطالعه سنده بولنمش ایدی .

فقط قانون تکامل اسلاملرک اردوگاهلرده حصر اقامت ومعیشت ایتلری حقنده حضرت عمر طرفندن اظهار اولنان آرزویه غلبه چالیدی . چوق کچمدن

اسلاملر طریق مدنیه سالک اولقله تأسیس ایتدکری اردوگاهلر معمور برر شهره منقلب اولدینی کبی فتح ایلدکری اسکی شهرلرده اختیاری اقامت ایلهرک اورلرده ده اول تأسیس حکومت ایدن دولتری تقلیداً خانلر ، کاشانلر ، سرایلر کبی بنالر وجوده کتیرمکه مسارعت ایلدیلر .

### اسلاملرده طرز معماری

عربلرک ترک ایتدکری مبائی مخلده عصر حاضر معماریسی ایچون جداً جالب نظر دقتدر . اوروپالیلر ( الحمرا ) سراینک بعض اقسامی ایله قاهره و قدسده بولنان بعض جامعلردن ماعدا بومبائی هنوز بحق تدقیق ایدهماملردر .

اسلام معماریسی هر قطعهیه کوره بر طرز مخصوصده تجلی ایتشدی . مصر و شام قطعهلرنده بولنان مبائی اسلامیه یزانس طرز معماریسندن توره مش اولدیگی کبی فارس و خراسان قطعهلرنده نظر تقدیره چاربان مبائییه دخی ایران طرز معماریسی اساس اتخاذا ایدلمش ایدی . اسپانیاده و اطرافنده بولنان مبائی اسلامیه نك اساسی ایسه غوت طرز معماریسی ایدی . چونکه عربلر طریق مدنیه داخل اولدقدن صکره ابنیه انشا ایتک ایتدکری زمان یزانسلیلر ایله ایرانلیلردن مهندسلر استخدام ایتشلدی . فقط چوق زمان کچمدن عربلر بو صنعتی اوکر نه رک شرقلرک طبعنه و اسلامیه موافق بعض تعدیلات ادخال ایتمکه بوندن عرب معماریسی دینیلن بر طرز مخصوص ظهور ایش ایدی . بو طرز معماری قطعهلرک ، حکومتلرک ، زمانلرک اختلافنه کوره مختلف نوعلرده بولنمده ایسهده بو نوعلر اوچ بیوک دوره حصر ایدیه ییلیر :

اولا یزانس دور عربیسی : -- اساسی یزانس طرز معماریسی اولان بو دورک آثار معماریه سی اسلام اصول معماریسنگ اک اسکیسیدی . مدنیت اسلامیه اثناسنده بو طرز معماری بش شعبهیه آیرلمش ایدی : (۱) سوریه طرز معماریسی . قدسده بولنان ( مسجد اقصی ) ایله شامده کی ( جامع اموی ) بو طرزده انشا ایدلمشدر . (۲) مصر طرز معماریسی . فسطاطده کی ( جامع عمرو ) بو طرز دندر . (۳) آفریقا طرزسی . ( قیروان ) جامعی بو طرزده انشا اولنمشدر . (۴) سیچیلیا طرز معماریسی . ( زیزا Ziza ) و ( قوبا Cuba )

قلعہ لری و سائرہ بو طرز دندر . (۵) اندلس ( اسپانیول ) طرز معماریسی .  
قرطبہ جامعی ایله او تخی عصر میلادینک انقضاسندن اول ( طلیطلہ ) ده انشا  
اولئان بعض مبائی عربیہ بو طرزده انشا ایدلمشدر .

ثانیاً صرف عرب دوری : — اقتباس اولندیقی اساسلردن بستیون آریلہرق  
عربلغه مخصوص اشکالده تکون ایدن بو دور طرز معماریسی ایکی قسمدن  
متشکلدر : (۱) مصر طرز معماریسی . میلادک او تخی عصری ایله اون بشنجی  
عصری آره سنده مصر قطعہ سنده وجوده کتیریلن مبائی بو طرز دندر .  
قاہرہ ده کی ظاهر جامعی کی ممالیک دورنده انشا اولئان جامعلر ایشته بو نوعدن  
معدوددر . (۲) اندلس طرز معماریسی . او تخی عصر میلادیدن صکره  
اندلسده عربلر طرفندن یاپیلان بنالر بو طرز دندر . ( اشیلیه ) و . ( غرناطه ) ده  
موجود اولان اینیه کی .

ثالثاً مختلط دور : — انواع آتیہ بو طرز دندر : (۱) اسپانیول — عرب  
طرز معماریسیدرکه اسلاملرک اسپانیادن خروجلرندن صکره اسپانیوللر طرفندن  
اسپانیاده وجوده کتیریلن مبائی بو نوع دندر . (۲) اسرائیلی — عرب طرز  
معماریسی . طلیطلہ ده بولئان سیناغوغلرک انقاضی بو طرزده انشا ایدلمش ایدی .  
(۳) ایران — عرب طرز معماریسی . ایران ممالک کنده وبالخاصه اصفهانده اسلامیتک  
انتشارندن صکره ایرانلیلر طرفندن انشا ایدیلن جامعلر کی . (۴) هند —  
عرب طرز معماریسی . بو طرز هند و عرب اصول معماریه سنک بر برینه  
قاریشمسنندن وجوده کلشدر . کتاب قله سی ، بندرابند معبدی ، علاءالدین  
قپوسی بو نوع دندر . (۵) مغول — عرب طرز معماریسی . اک مشهوری تاج  
محل ، شاه سرائی ، بر چوق مسجدلر و امثالی اولق اوزره هندستانده مغول  
حاکمیتی زماننده تشید اولئان مبائی بو نوع دندر [۱] .

والحاصل مدنیت اسلامیہ دورلرنده اقامته مخصوص اولہرق وجوده کتیریلن  
بنالرک شکلی زمان و مکان اعتباریلہ مختلف اولدینی کی بیوکک و کوچک کی ده  
او اماکنی اشغال ایدن صنوف ناسک موقع و درجہ لیلہ متناسب ایدی . اک  
عادی برکلبه موجود اولدینی کی پک یوکسک و احتشاملی سرایلرده موجود ایدی .

آئیدہ کی مدینت بخندہ سرایلر ایله سائر بیوک مبانی اسلامیہ حقندہ بعض مثالر ذکر ایدہ جکر .

### مملکت اسلامیہ نیک مدینتی

مدینتدن مقصد اک یوکسک درجہ ترقیاتندہ دولتک بالغ اولدینی ثروت ، بوللق ورفاهیت ، اسراف و سعادتن عبارتدر . دولت اسلامیہ بو مرتبه یی عباسیلر زمانندہ ایکنجی عصر هجری اورته سندن دردنجی عصر هجری اورته سنه قدر بغداد ده ، امویلر زمانندہ دردنجی عصر هجریده اندلسده و فاطمیلر دورنده دخی دردنجی عصر هجری اورته سندن آلتنجی عصر هجری اورته سنه قدر اندلسده بالغ اولمشدی .

مدار بختمز اولان مدینت وساطتی ایکی بیوک قسمده تجلی ایدر : برنجیسی وساطط معموریت ، یعنی شهر ، کوی ، پلانقه ، قله ، سور ، کوشک و سرائی تأسیسی در . ایکنجیسی ثروت و ساماندن عبارتدر . ثروت ذوق و صفاء بوللق و راحت ، رفاهیت و سعادتہ انهماکک اساسیدر . او حالده اولا شهرلر و مبانی حقندہ معلومات ویردم . صکره ملتک احراز ایتدیکی ثروت و رفاهیتی کوستردم .

#### شهرلرک عمرانی

اسلاملر طرفندن مقر اقامت اتخاذا اولنان ، مدینت اسلامیہ نیک آلایش و دبده سنه مظهر اولان شهرلر یوزلر ایله تعداد اولنه بیلیر . آسیا ، آفریقا ، اروپا قطعہ لرندہ کائن اولان بو شهرلردن بر قسمی اسلامیتدن اول موجود و معمور ایدی ایسه ده دیگر قسمی طوغریدن طوغریه اسلاملر طرفندن تأسیس و اعمار ایدلمش ایدی . ایکنجی جلدده مدینت اسلامیہ دورنده اسلام شهرلریله احوال ثروت و عمرانندن باحث بر فصل مخصوص یازده رق اوشهرلرک اک بیوکری اولان بصره ، کوفه ، فسطاط ، بغداد ایله اکتفا ایتمش ، بحثک اکالی بو جلدہ برافش ایدک . او حالده تفصیلات ویردم :



بونکه برابر بز او معنلری معذور کورورز . چونکه انسان هر شیئی  
 امثاله قیاس ایدرک حکم ویریر . فی الحقیقه مصر قطعه سنک بوکونکی احوال  
 اقتصادیه سنی ، ثروتی کچن ایکی عصر ائسانده کی حالته قیاس ایدرک اولور  
 ایسه که مصر اراضی زراعیه سنک مدنیت اسلامییه دورنده بوکونکی مساحه نیک  
 اوچ مثلی اولدینی حقیقه عرب مورخلری طرفندن ویریلن معلوماته قولای  
 قولای اینانه میز . فقط بوکونکی انسانلره مصر اراضی زراعیه سنک اون سنه  
 صکره اون ویا اون ایکی میلیون فدانه بالغ اوله جغنی سویلر ایسه کز بو سوز  
 اینتامامده چوق اصرار ایتزلر . چونکه او اراضینک بر میلیون فداندن سکر  
 ملون فدانه واردیغنی بالفعل کورمشلردر . فقط بو سوز کچن عصرده

یتیشن انسانلره سویلنمش اولسه ایدی بونی محال، افسانه نوعندن عد ایده جکلرینه شبه یوقدی . چونکه او صره‌لرده مصرده قابل زراعت اولان بتون اراضینک مساحه‌سی ۷,۰۰۰,۰۰۰ فدانن زیاده تخمین اولتیوردی. بونی مؤید اوله‌رق دوقور ( قلو ت ) بک طرفندن ۱۸۴۰ سنه میلادیسنده [۱] فدان اعتباریه یاپیلان تخمینی آتی‌یه نقل ایدیورز :

اراضی مزروعه	غیر مزروعه	یکون
مصر سفلی ۲,۲۴۹,۰۰۰	۱,۵۵۱,۰۰۰	۳,۸۰۰,۰۰۰
« وسطی ۸۵۶,۸۲۶	۷۶۳,۱۷۴	۱,۶۲۰,۰۰۰
« علیا ۷۵۰,۴۰۰	۸۴۳,۶۰۰	۱,۵۹۴,۰۰۰
۳,۸۵۶,۲۲۶	۳,۱۵۷,۷۷۴	۷,۰۱۴,۰۰۰


شو حالده مصرده قابل زراعت اولان بتون اراضی ۷,۰۱۴,۰۰۰ فدانن عبارت ایدی . مصر اراضی زراعی‌یه‌سی مساحه‌سی بو مقدارده بیلن بر انسانه بو اراضینک اون ، اون بش سنه صکره اون ویا اون ایکی میلیون فدانه بالغ اوله‌جنی سویلنر ایسه طبیعی بو سوزه اینانه‌مازدی .

#### عدد نفوس

اراضی مساحه‌سی نصل ایسه عدد نفوس حقنده دخی عین حال واقعدر . چکن عصرک اورتلرنده بری چیقوبده مصر قطعه‌سند بولنان نفوسک مقداری اون ویا اون ایکی میلیون بالغ اوله‌جنی سویلسه ایدی سوزی افسانه نوعندن کوروله‌جک ، یاخود ( قلو ت ) بک دیدیکی کبی « شرقلیره مخصوص مبالغادن » عد ایدیله‌جکدی . چونکه ( قلو ت ) بک زمانده مصر قطعه‌سند بولنان اهلینک مقداری ۳,۰۰۰,۰۰۰ دن زیاده دکلدی . بونک درت مثلی آرته‌جغه نصل اینانیله‌بیلردی ؟ بو سوزلری تحکم ویا فرضیات قیلندن سویله‌میورز . بلکه او عصرک مورخی اولان ( قلو ت ) بک سوزلری نقل ایدیورز . موما الیه مصر قطعه‌سی حقنده یازدینی اثرده او صرده ، یعنی ۱۸۴۰ سنه میلادیسنده اوچ میلیوندن عبارت اولان مصر

اھالیسی حقندہ معلومات قید ایدر ایکن اسکی زمانلردہ مصرک عدد نفوسندن بحث ایدرک شو مطالعاتدہ بولمشدرد :

« یونان مورخلری طرفندن ویریلن معلوماتہ نظراً ( سیزوستریس ) وبطلمیوسلر زمانندہ مصر قطعہسی نفوسنک یدی میلیون مقدارندہ بولندیغی آکلاشامقدہدر . عرب مؤرخلرینہ کلنجہ بولر ( عمروبنالعاص ) زمانندہ بو قطعہدہ بولنان نفوسک یکرمی میلیون اولدیغی ادعا ایتمشلردرد . بو ادعا



جزائرده ( بلیدہ ) نام قصبہدہ بر تربہ

شرقلیلرک ہر یازدقلری شیدہ التزام ایتدکلری مبالغہیہ دلالت ایدر . . . چونکہ مصر قطعہسنی بشقہ یرلردہکی مقدار نفوس ایلہ اشغال ایتدکلری اراضی مساحہسی آرسنندہ موجود اولان نسبتہ قیاس ایدر ایسہک ہر درلو ترددک ازالہسنہ خادم بر نتیجہیہ واصل اولورز . مصرک مساحہسی فرانسه قطعہسی مساحہسنک آلتیدہ بریدر . نیل وادیسی نہقدر محصولدار اولور ایسہ اولسون ، قابل زراعت واعمار اراضیسی حقندہ ہرنہ دینیلیر ایسہ دنیلسون ، حتی قومی اراضینک قابل زراعت بر حالہ وضع اولنہبیلہجکی فرض اولنسون ؛ بتون بو

واسطه لر ایله برابرینه مصر قطعه سی اهالینک عربار طرفدن ذکر اولنان  
مقدارک ئلندن فضله یه وارمی، ( یعنی ۶,۳۳۳,۰۰۰ نفوسی کچمی ) محتمل  
دکلدر .

ایشته ( قلو ت ) بک بوفکر ومطالعه ده ایدی . حال بوکه بو کونکی مصر  
نفوسی اون میلیون کچمشدیر . بر قاج سنه صکره عدد نفوسک ۱۵ میلیونه ،  
یاخود ( قلو ت ) بک طرفدن حد اعظم اوله رق ظن اولنان مقدارک ایکی  
مثلنه بالغ اوله جغنی قرائن کوستیریور .  
شو دلائل کوز اوکنده ایکن مصرده عدد نفوسک ایلریده  
( ۲۰,۰۰۰,۰۰۰ ) ه بالغ اوله جغه بر مانع کورمیورز . احواله مدیت اسلامیه  
دورنده بو مقدارده بولمش اولمی حیرتی موجب بر شی دکلدر . باخصوص  
عرب مورخلرینک بو بایده کی نقلیاتی بر طاقم وثائق رسمیه مستند ایدی .  
عربلر جزیه ، خراج جبایتی بر اساس اوزرینه وضع ایتک ایچون معین  
زمانلرده اراضی یی مساحه ، نفوسی تعداد ایشلردی . ایلاک تعداد حضرت  
عمر دورنده مصرک فتحی متعاقب وقوع بولمش ایدی . ( مقریزی ) نک  
ویردیکي معلوماته کوره جزیه اعطاسیله مکلف نفوسک مقداری تعداد ایدیله رک  
۸,۰۰۰,۰۰۰ دن متشکل اولدیغی آکلاشلمش ایدی . بو مقداری بتون  
اهالینک ثلثی اعتبار ایدرایسدهک او صروده مصرده مقیم نفوسک مجموعی  
۲۴,۰۰۰,۰۰۰ اولمق لازم کایر . مصرده ایکنجی دفعه اوله رق تعداد نفوس  
۱۱۰ سنه هجریه سننده ( ولید بن رفاعه ) نک والیلکی زماننده وقوع بولمش  
ایدی . والی مومالیه تعداد نفوس ایچون کندیمی بالذات مصر قطعه سننده  
طولاشمش ، صعبه کیده رک ( اصوان ) ه قدر وارمش ایدی . معیتده بر  
چوق کاتبلر ، مأمورلر واردی . وجه بحری طرفنده ده اوچ آی طولاشمشلر ،  
تحریرده بولمشلردی . نتیجه تحریرده مصر قطعه سننده اک کوچکی جزیه اعطاسی  
اساننده بولنان ۵۰۰ انسانی حاوی اولمق اوزره اون بیک قریه موجود اولدیغی  
تحقق ایتمش ایدی . مذکور اون بیک قریه یی هپ کوچک اعتبار ایتسهک جزیه  
اعطاسی ایله مکلف اولان انسانلرک مقداری ۵,۰۰۰,۰۰۰ اولمق لازم کایر . شمدی  
چولوق چوجقلرک ، قادیلرک ، اختیارلرک وسطی بر حسابله مقدارینی علاوه ایدر  
ایسهک مذکور قطعه ده ۲۰,۰۰۰,۰۰۰ نفوس بولندیغنه اینامق بک طبیعدر .



## اراضی زراعیہ نك مساحہ سی

بو مطالعہ لر اراضی زراعیہ حقنہ دہ عیناً قابل اطلاق دہ . چونکہ بو اراضی نك خراجی تقدیر ایچون مساحہ سی رسمی جدول لر ایله استخراج ایتشلردی . (عبداللہ بن الحبحاب) طرفدن ۱۰۷ سنہ ہجریہ سندہ اجرا اولان مساحہ اوجہ دندی . اوزمانلر دہ نیل نہرینک اسقا ایتدیکی اراضی زراعیہ نك مساحہ سی ۳۰,۰۰۰,۰۰۰ فدانہ بالغ اولیوردی کہ بومساحہ ایوم حکومت مصریہ نك کوپری ، سد وسائر وسائط فنیہ یی حسن استعمال ایله قابل زرع بر حالہ کتیردیکی یرلر داخل اولمق اوزره موجود اولان اراضی نك درت مثلی قدر ایدی . عرب مورخلری طرفدن ویریلن معلوماتی اہمیتہ لائق کورمز . ایسہ ک بالادہ کی مطالعاتک یالان اولدیغنه بلا تردد حکم ایتہمز لازم کلیر . فقط مسألہ یی ایجہ تدقیق ایلر ایسہ ک حقیقتہ وصول اوقدر کوچ اولمدینی آکلاشیلیر . ذکر اولان مساحہ یی قید ایدن (مقریزی) ایله سائر مورخلر بو بابدہ ویردکاری معلوماتی اولہ کیفما تفق روایت ایتدکاری کبی التباس وابہامہ دخی محل برافہ مشلردی . دیگر بریردہ دخی اراضی زراعیہ نك مصر والیسی (ابن مدبر) زمانندہ ، یعنی ایلک مساحہ دن بر عصر وکسور زماندن صکرہ ۲۴,۰۰۰,۰۰۰ فدانہ تنزل ایتدیکنی ذکر ایله اکتفا ایتہرک اراضیدہ ایشلین عملہ نك مقداری دخی یازمشلردی . عملہ نك مقداری حاصلات ارضیہ نك مقیاسی ایدی . مقدارلری نہ قدر آزالیر ایسہ واردات دولت او نسبتہ تناقص ایتکدہ ایدی [۱] .

حقیقتی ایجہ آکلامق ایچون اوصرہ لر دہ مصر دہ موجود اولان اراضی معمور دہ نك یرلرین دہ آراشدیر مق اقتضا ایدر . فی الواقع ازمئہ مذکور دہ مصر اراضی معمورہ سی شمیدیکی حدود داخلندہ ، یعنی شرق وغربدن ایکی طاغ ایله شرق صحراسی وبحیرہ ایله محدود اولسہ ایدی معلومات سالفہ یی مستحیل کورردک . چونکہ واحلر ، نیل ایله بحر احمر وعیش آردہ سندہ کائن اولان چول داخل اولمق اوزره ایوم مصرک مساحہ جغرافیہ سی ۴۰۰,۰۰۰ میل مربعدن عبارتدر . بونک قسم اعظمی غیر منبت صحرادن متشکلدر . مصرک

الیوم قابل زراعت اولان اراضیسی ۱۷,۷۲۶ میل مربعدر . بونک ۴,۷۵۰ میلیں مسطحات نیلہ ، قنالر ، بطاقلر ، کولار وسائرہ تشکیل ایلر . قالان ۱۲,۹۷۶ میلدرکہ بوايسہ تقریباً ۸,۰۰۰,۰۰۰ فدانہ بالغ اولور . ایشہ شمیدی مصر اراضی زراعیہسی بوقدردر . دها فضلہ تریدی غیر ممکندر .

فقط کرک عربلر طرفدن مدیتلری زمانندہ ، کرک دها اولکی اسکی زمانلردن منقول معلوماتدن آکلاشیلورکہ مصر اراضی زراعیہسک حدودی ذکر اولسان حدوددن دها واسع ایدی . روایتہ کورہ اسکیدہ بوحدود اسکندریہ چولک آرقہسندن (برقہ) یہ امتداد ایتدیکی کبی [۱] شرقدن دخی سویس حدودی ایلہ (عریش) ہ منہی اولیوردی . حال بوکہ الیوم اورالک قسم اعظمی غیر منبت قومسالاردن متشکلدر . فقط اسکیدہ اوپرلر منبت و محصولدار ایدی . زعفران ، عصفر ، شکر قامشی کبی محصولات یتشدریردی . صوبی پک مبذول ایدی . حالا اوپرلردہ اسکی معموریت آثاری نظارہ چارمقدہدر . زیرا اورالردہ حفریات اجرا ایدیلنجہ سطح ارضی استیلا ایدن طبقہ رملیہنک آلتندہ منبت سیاه طورافدن بر طبقہ ارضیہ کورلمکدہدر [۲] .

#### [۱] مقریزی ۱۸۲ ج ۱

[۲] تدقیقات تاریخہ وارضیہدن شمیدی آکلاشیلورکہ آفریقہ مالک شمالیہسی اسکیدہ دها واسع اراضی منبتہ و معمورہ مالک ایدی . صحرای کیردن سواحله طوغری تہاجم ایدن قومی روزکارلر عصرلرک توایسی ایلہ اوکینہ کلن اراضی منبتہنک برقمینی تذیجا قاپلامش ، قومسال اراضی حالنہ کتیرمشد . جزائر وفاسدہ صحرا طرفندہ طبیعی بر دیوار کبی موجود اولان یوکسک طاغلر بو قوم استیلاسنہ مانع اولدینی کبی مصردہ دخی ہرسنہ نیلک فیضانی ایلہ اراضی اوزرنده حاصل اولان چامورلی طبقہ قوملرک تخریبانی ازالہ ایتکدہ ایسہدہ اوکی جبال وانہاردن محروم بولنان طرابلس غرب ممالک مذکورہ آرمہسندہ بالخاصہ الکزیادہ قوم استیلاسنہ معروض قالمش وقالمقدہدر . صحرای کبیر قوملرینک بوقطعہدہ اجرا ایتدیکی تخریبات پک مدہشدر . اورالردہ اراضینک قسم اعظمی قوملر آلتندہ قالمشدر . حتی فوق العادہ مساعی فنیہ صرفی ایلہ قوم استیلاسنہ مانعہ مبارعت ایدلیہجک اولورایسہ مذکور ولایتک ازمئہ مستقبلہدہ باشند باشہ بر قوم دریایی کیلہجکینہ شہبہ بوقدر . بوبادہ وبالخاصہ بتون آفریقہ قطعہسک احوال ماضیہ ومستقبلہسنہ دائر جدی معلومات آلتی ایستینلر یوز بائی (O. Meynier) نک L'Afrique noire نامندہکی کتابنہ مراجعت ایتلیدرلر . شو حالہ کورہ اون اوچ عصردن بری برجوق استیلارہ معروض اولقلہ سورہ وما بین النہرن قطعہلرنہ عارض اولان حال خرابی کبی مصرک دخی بلیہ اہمال واستیلای رمال یوزندن برجوق اراضی معمورہسک چول حالنہ دوغمش اولسی مستقبلہ دکلددر . مترجم

مصرک ( صعيد ) جهتي دخی معمور وشرق جهتندن بحر احمر ايله بجه اراضيته قدر تمتد ایدی [۱]. كذلك ( فيوم ) ك اراضی زراعيه سی شمديکی معروف اولان اماکن معموره نك آرقه سنده پك اوزاق يرلره قدر امتداد ایدیوردی . ايشته شو معلومات نظر دقته آلنیر ، اسكیده نیل نهرينك تفرعاتی ، صوبي ، فيضانی شمديکندن دها چوق فرض اولنور ايسه اسكیده کی اراضی زراعيه نك وسعتی حقدنه ويريلن معلوماتی مألوفردن بعید اولدینی ایچون غریب کوزر ايسه كده غير صحیح ، اصلسز بولمايز . ايلريده شرکتلر تشکل ايله قوملق يرلرده بولنن قوم طبقه سسنگ قالدیرلديغی ، اويرلرک قنالر واسطه سیله نیل صوبي ايله ، یاخود آبار ارتوازيه ايله صولانغه باشلادیغی کورر ايسه ك اوزمان ذکر اولنن معلوماتی پك معقول بولورز . اليوم بوجهتي تدقيق ايله مشغول ایش آدمیری واردر . اوحالده بوكی برمعموريتك حصولی پك بعید صایماز .

#### قاهره شهری

دوراسلامیده مصر قطعه سسنگ الك مشهور شهرلری ( فسطاط ) ايله ( قاهره ) ایدی . ( فسطاط ) حقدنه ايکنجی جلدده معلومات لازمه نی ویرمشدک . ( قاهره ) يه کلنجه بوشهر دردنجی عصر هجری اورتهلرنده سردار ( جوهر ) طرفندن افنديسی ملوک فاطمیه دن ( معزالدین الله ) ایچون اردوگاه اولمق اوزره تأسيس ایدلمش ایدی . قاهره شهری دولت فاطمیه زماننده توسیع معموریت ایدممامشدی . چونکه بتون همت اعمار ( فسطاط ) ايله ( قطائع ) شهرلرینه مصروف ایدی . ( مقریزی ) نك ویردیکی معلوماته کوره قاهره دن ماعدا مذکور ایکی شهرده هرخانه ده یوز ، ایکی یوز انسان بولمق اوزره ۱۰۰،۰۰۰ خانه واردی . چونکه خانلر بشر ، آلتیشر ، یدیشر قادن متشکل ایدی [۲] . بونکله برابر ( مقریزی ) نك تأمیناته کوره بونلر ( بغداد ) شهرينك بر نلشدن فضله دکلدی . عجا بغدادك معموریتی نه قدر بیوک ، پارلاق ایدی ؟ بالاآخره حاکمیت ( صلاح الدین ایوبی ) يه انتقال ایدنجه مشارالیه اوزمانه قدر اردوگاه حالنده بولنن ( قاهره ) ده اهاالینك اقامته مساعده ایلدی . بوتاریخدن اعتباراً ( قاهره ) بیومکه باشلادی . نهایت ( فسطاط ) شهرینه التصاق پیدا

ایتدی . دها اول ( فسطاط ) ه ( مصر ) نامی ویریلوردی . بالا آخره بو التصاق حاصل اولوبده قاهره ایله برابر بر شهر حالی کسب ایدنجه ایکسینه « مصر والقاهره » ، دها صکره ایسه و او عطفه قالدیر یله رق ( مصر القاهره ) اطلاق ایدلمشدر . دها صکره ( فسطاط ) خراب اولنجه بواسم مشهور اولدینی وجه ایله ( قاهره ) شهرینه قالمشدر .

### اندلس قطعه‌سی

اسلاملر اندلسی فتح ایتدکاری زمان بو قطعه نفوسی چوق، معمور بر قطعه ایدی . فقط اسلاملر بورالرده مقرامات اتخا ایتدکاری شهرلرک معموریتنی بر قات زیاده اعلا ایدیلر . مذکور شهرلرک اک مشهوری ( قرطبه ) ایدی . اسلاملر آتیده ذکر ایده جکمز اوزره بو شهرک اطرافنده بیوک شهرلر جسامتنده انشا ایتدکاری عظیم سرائلر ایله شهره بیوک بر جسامت ویرمشلردی .

#### قرطبه

اندلوسیا ولایتندن اولان بوشهر ( وادی کبیر ) نه ری کنارنده کائندر . صوینی اندن آلیر . قرطجه لیلر طرفندن تأسیس اولندیغی مذنوندر . بو شهر اسلامیتدن اولده معمور ایدی . قبل المیلاد ۱۵۳ سنه سننده رومالیلرک حوزة تسخیرینه کچمش ، دها صکره بر چوق احوال و تقلیباته اوغرامش ایدی . نهایت اسلاملر اندلس قطعه‌سی فتح ایدنجه اولال ( طلیطله ) یه ایشملر ، دها صکره ( قرطبه ) یی مقر امارت اتخا ایشملردی . امویلر انشا ایتدکاری سرائلر ، کاشانهلر ، جامعلر ، کوپرلر ایله بو شهرک معموریتنی فوق العاده تزئید ایشملردی . اسلاملر زماننده شهرمذ کورک مساحه‌سی پک چوق آرته رق اصل شهرک محیطی ۳۳،۰۰۰ ذراعہ بالغ اولمش ایدی . شهرک یدی قپوسی واردی . اطرافنده یکرمی بر واروش تأسیس ایدلمش ایدی . هر واروشده او واروشک احتیاجاتنه تماماً کافی مسجدرلر ، چارشولر ، حماملر انشا اولنمش ایدی . بو واروشلر ایله برابر شهرک طولی ۲۴ وعرضی ۶ میله ، یعنی مساحه‌سی ۱۴۴ میل مربعه بالغ اولمش ایدی . حال بوکه الیوم لوندردنک مساحه سطحیه‌سی



۱۱۷ میلن عبارتدر . مذکورنہر کنارندہ کائن اولان بو مسافہ خانہلر ، کاشانہلر ، جامعلر ، باغچہلر ایلہ آبادان ایدی .

(قرطبہ) نك اعتلاى معمورى زمانده كرك اصل شهرک ، كرك واروشلرینك احتوا ایتدیكى مبانى حقنده متعدد تعدادلر یاپیش ایدی . خلاصه لرندن آکلاشلدیغنه نظراً مبانینك مقداری بوجه آتی ایدی :

عدد	
۱۱۳,۰۰۰	رعایا خانہلری
۴۳۰	قصر کبیر (بیوک سرای) ك خانہلری
۶,۳۰۰	رجال دولته مخصوص قوناقلر
۳,۸۷۳	جوامع ومساجد
۹۰۰	حماملر
۱۲۴,۵۰۳	

اندلس ملوک امویہ سندن (هشام) ك وزیر مطلق (منصور بن ابی عامر) زماننده (قرطبہ) نك مبانى حماملر، خانلر داخل اولماق اوزره ۳۰۰,۰۰۰ رعایا خانہسى ، ۶۰,۳۰۰ رجال دولته مخصوص خانہ ، ۸۰,۴۵۵ دكانه بالغ اولمش ایدی [۱] .

فقط بو ایکنجی تعداد مبالغه دن خالی دکلدرد . برنجیسی طوغرییه دها قریبدر . شو حالده برنجی تعداده دكان و خان مقدارینی علاوه ایدهجك اولور ایسهك مجموعك قاهره نك الیوم محتوی اولدینی مبانینك ایکی مثلندن فضله اولدیغی تظاهر ایدر .

بالاده کی جدوله خواص ایله عوامه مخصوص خانلرک آیری آیری ذکر ایدلمسی نظر دقتی جالبدر . بونلری بربرینه نسبت ایدر ایسهك خواصه مخصوص خانلرک یوزده آلتی نسبتنده اولدینی کورولور . حال بوکه رومانك اك پارلاق اعتلاسی دورنده ارباب اصلاته مخصوص خانلرک مقداری ۲,۰۰۰ دن زیاده دکلدی [۲] . شو نقطه نظر دن (قرطبہ) نك معمورى خارق العاده برشی

ایدی . اهالیسی ایسه ایکی میلیوندن فتنله ایدی . سرایلری حقننده ایلریده ملومات ویره جکز .

غرناطه - غرناطیه کلنجه میوه لریله اوزوملرینک ، سائر محصولاتنک کثرته بناءً اکا ( دمشق الاندلس ) نامی ویرلمکده ایدی . شامده ( بردی ) نهری شهرده نصل توزیع اولنیور ایسه مذکور شهرده دخی اویله برنهر صوینک خانه لره ، چارشولره ، حماملره ، سائر داخلی وخارجی جهتلرینه ، باغچهلرینه ، طاغلمسی ایله سائر اندلس شهرلری آردسندده متمیز بر موقع طوتیوردی . ( غرناطه ) اک پارلاق اعتلا دورینه دولت نصریه زماننده واسل اولمش ایدی . دولت مذکوره نك المشهور حکمداری سکزننجی عصر هجری اورتلرنده بیتیشن ( ابن احرر ) ایدی . حمرا سرایی انشا ایدن بو ذات ایدی . نته کیم ملوک امویه دن ( عبدالرحمن ناصر ) قرطبه ده زهرا سرایی انشا ایتمش ایدی . شمدی آرتق سرایلر وسائر مبانی حقننده ملومات ویردم .

### سرایلر وبنال

( ابن خلدون ) ک فکرینه کوره « ملت اسلامیه ده وجوده کتیریلن مبانی ، قلاع و حصون ملتک قدرته و دول سالفیه نسبتله آز ایدی . » فقط حقا انصاف دوشونولور و علی التوالی ظهور ایدن بونجه اختلاللر ، فتنه و فسادلر یوزندن ممالک اسلامیه عارض اولان کونا کون تخریبات عظیمیه رغماً شام ، عراق ، ایران ، هند ، اندلس قطعهلرنده پایدار قالان مبانی اسلامیه نظر تأمله آلتیر ایسه بو مباینک مورخ حکیمک ظن وتخمین ایتدیکی مقداردن دها چوق اولدیقی کورولور . احتمال که مشارالیهک بوذهابی مبانی مذکوره دن اکثری انک یاشادینی عصردن صکره مصرده کی کوله من حکومتی دورنده انشا ایدلمش اولمسندن وبعض مباینکده ایران ، هند وسائر قطعهلرنده بولمسی جهتیله یونلر حقننده ملومات آله مامسندن نشأت ایتکده ایدی . فی الحقیقه مختلف ازمنه وممالکده تأسس ایدن دول اسلامیه ده خلفا وامرا غایت محشم ومزین جامعلر ، قلعه لر ، سورلر ، سرایلر تأسیسنه فوق العاده اعتنا ایدیورلردی . طرح وانشا ایتدکاری سعد آبادلر ، باغچهلر ایچون مبالغ عظیمه صرف ایدیور ، جهانک


عرب پرسلرینہ مخصوص اسلحہ عتیقہ عربیہ



خنجر



طوپوز



میزراق

هر طرفدن کوزل چیچکلر ، آغاجلر کتیره درک او ترهسکلر ايله مکلف باغچه لری ترین ایلورلردی . سالونلره زراندود اشعار و تصاویر ايله زیب و فر ویر یورلردی . بوتصاویر میانده آئیده کوروله چکی اوزره حیوان ، انسان ، چیچک ، آغاج و سائره رسملری موجود ایدی .

#### ۱ — شامده کی مانیء امویه

شامده قبل الاسلام اعزّه نصارادن ( سان ژان ) نامنه تأسیس ایدلش بر کلیسا ایکن فتوحات اسلامیه اوزرینه شرقی نصفنده اسلاملر ، دیگر نصفندهده خرستیانلر نماز قیلمق ایچون بین الملتین یاری یاریه تقسیم ایدلک اوزره اسلاملره انتقال ایدن ( جامع اموی ) دن بشقه امویلر طرفدن انشا ایدیلن مانی حقنده شایان اهمیت معلومات مفقوددر .

ملوک امویه دن ( ولید بن عبدالمک ) مقام خلافته کلدیکی زمان کلیسانک نصف دیگرینی آله رق جامعی یکیدن انشا ایلدی . بونک ایچون روم ممالکندن ۱۲,۰۰۰ صنعتکار کتیردی . دیوارلرینی رنگا رنگ و قیمتدار موزاییقدن آغاجلر ، داللر ايله ترین ایتدیردی . جامعک انشا آتته صرف ایلدیکی مبالغ ۱۱,۲۰۰,۰۰۰ دیناره بالغ اولمشدی . جامعک طولی ۶۸ دیرک اوستنده قائم اولمق اوزره ۳۰۰ وعرضی ۲۰۰ ذراع ایدی . اک زیاده جالب نظر هیئت جهتی محرابه متصل واستداره وار تقاعی غایت عظیم اولان قورشوندن مصنوع قبه سی ایدی . سیاح مشهور ( ابن جبیر ) آلتنجی عصر هجریده بوجامی زیارت ایده رک بوراده ذکر ی تطویل مقاله باعث برچوق معلومات ویرمش ، کندی زمانسه قدر اولان احوال تاریخیه سی یازمشدر [۱] . اسلاملرک اک محتشم ابنیه سندن معدود بولنان جامع مذکور الی یومنا هذا پایدار طور مقده در . ( ولید بن عبدالمک ) محتشم بنالر وجوده کتیر مکه پک مراقلی خلفادن ایدی [۲] .

دولت امویه نک اک مشهور امراسندن اولان ( حجاج بن یوسف ) واسطده اودورک اک بیوک مانیء اسلامیه سندن بولنان ( قبه الاسلام ) ی انشا ایتمشدی .

#### ۲ — مانیء عباسیه

عباسیلردن ابنیه انشاسیله اشتغال ایدن ایلک خلیفه ( منصور ) ایدی .

[۱] ابن جبیر سیاحتنامه سی ۶۳ ، [۲] ابوالفدا ۱۹۸ ج ۱



مشارالیه خلقك كعبه معظمه اولان میلنی تحویل ایتمك اوزره (قبه خضرا) نی انشا ایتدیکی کبی بغدادده جامع کیری، سورلری، خلد و باب الذهب سرایلری و سائرہ کبی برطاقم محشم و مکلف سرایلرده بنا ایلش ایدی. دها صکرہ موقع اقتداره کلن خلفا خلیفہ مشارالیهك، وزرا و امرا ایسه کندی خلیفہ لرینك اثرینه تابع اولدقلرندن بغدادده شماسیه جهتنده انشا اولنان برامکه سرایلری، بغدادك جانب شرقیسنده تشید ایدیلن ابن الحصیب سرایی، ام حبیب سرایی، بصرده خلف اوغللرینك سرایی، هاشمیلر طرفندن (منصور) زماننده ایلک اولمق اوزره تأسیس ایدیلن عیسی بن علی سرایی، وضاح نامنده بولنان بر ذات طرفندن (مهدی) ایچون انشا اولنان وضاح سرایی، رشید سرایی، امین سرایی، وزرادن ابن الفرات سرایی، کذلک وزرادن ابن مقله سرایی کبی مؤسس لرینك ناملرینی آلان برچوق بیوک و مکلف سرایلر وجوده کتیرمشلردی. بونلردن ماعدا دار-خانه ناهیه دخی برطاقم سرایلر دها انشا ایدلش ایدی. آتیده ذکر کی کله جك اولان دارالشجره، رشیدك زوجه سی زبیدہ نك سرایی بولنان دارالقرار و سائرہ اوچملہ دن ایدی. عباسیلر طریق مدنیتده و ثروت و رفاهیتده ایلری کیتدجکه سرای انشاسنه دها زیاده رغبت کوسته یورلردی. بعض خلفا عظیم و مکلف بنالر وجوده کتیرمکه برابر بویولده خلقه تشویقاندہ بولمنده پک مراقلی ایدیلر. بونلرک ایلکی اولان (معتمد بالله) بو مراق سائقه سیله معیتده کی ترک عسکری ایچون (سامرا) شهرینی تأسیس و اطراف واکنافی انلره اقطاع و تخصیص ایلش ایدی. کذلک ابنیه انشاسنه پک زیاده مراقلی اولان (متوکل علی الله) بویولده پک چوق پارہ لر صرف ایدرک برچوق بنالر یامش، طرز معماری حیری، رواقلی طرز معماری کین کبی دها اول موجود اولیان برطاقم معماری طرز لر وجوده کتیرمش ایدی. مشارالیه (هارونی)، (جوسق)، (جعفری) ناملریله انشا ایتدیردیکی اوچ بنا ایچون ۱۰۰,۰۰۰,۰۰۰ درهمدن زیاده صرف ایتش ایدی [۱]. بونلردن یالکز جعفری سراینه صرف اولنان مبالغ ۲,۰۰۰,۰۰۰ دینار [۲]، یاخود ۴۰,۰۰۰,۰۰۰ درهمدن فضلہ ایدی. دها صکرہ ترهتکاھلردن ماعدا محشم و مکلف ابنیه وجوده کتیرمک خلفاچه بر عادت حکمنه کیرمش ایدی.

(اسماعیل بن علی) انشا ایتدیکی تزهتگاه ایچون ۵۰۰,۰۰۰,۰۰۰ درهم صرف ایتمش ایدی [۱].

### تاج و ثریا سرایری

خلفای عباسیه دن (معتضد بالله) دخی ابنیه یه مراقلی بر حکمدار اولدیغندن بغدادک جهت شرقیه سنده (قصر التاج) نامیله بر سرائک انشاسنه باشلامشدی . یو سرای بانیسی زماننده اکال ایدیه مدی. اوغلی (مستکفی) طرفندن اتمام اولندی. یو سرائک یرنده (جعفر برمکی) طرفندن انشا اولنش دیگر بر سرائی موجود ایدی . دولت عباسیه امراسندن (حسن بن سهل) اوراده اقامت ایتدیکندن سرائیه (قصر حسنی) نامی ویریلوردی . ایشته (معتضد) ۲۷۹ سنه هجریه سنده مقام خلافته کلنجه جوارنده کی یرلری علاوه ایتک صورتیله مذکور سرائک یرینی توسیع ایتدیکی کبی اطرافنه دخی برسور ایله برابر خانه لر انشا ایتمش ، قیردنده برر آله رق سرائیه مخصوص بر میدان یا پمش ایدی . صکره سرائک انشاسنه باشلامشدی . فقط اوصردده بالتصادف (آمد) سیاحت ایدیوردی . سیاحتدن عودت ایدنجه سرائی دومانه معروض کوردک موقعی بکنمدیکندن ایکی میل اوته سنده (ثریا سرائی) نامی ایله اوچ میل طولنده یکی بر سرائی پایدیوردی . بونک ایچون ۴۰۰,۰۰۰ دینار صرف ایلدی [۲]. ایکی سرائی بر برینه بتیشدیردک آره لرنده جاریه ، حرم و او طه لقلرینه کذرکاه اولمق اوزره بر سردار ، انشا ایتدیوردی . بغدادده وقوع بولان برنجی طغیان میاهه قدر یو سرائلر پایدار قلمش ایدی . مشاهیر شعرای عربدن (ابن المعتز) مذکور سرائی بر شعرده شو صورتله توصیف ایدیوردی :

« ای امیر المؤمنین! مسعود و بختیار اولکنز. الی الابد بزی سایه کرمکزده مستظل ایلیکنز . وجود عالی تبارکزه آرامگاه کزین اولان ثریا سرائی نهر شک انداز عالم بر قصر معموردر! فرح افزا بانچه لری، بر برینی قوجا قلامش نهال ترینی، یشیل و لطیف یا پراقلری، نظر ربا میوه لری حسن و طراوتده بی نظیردر. داللری اوزرنده اوچوشان ، یو ووددن یو ویه صیچرایان طیور لطیفه سی ترنمات وجد و طرب ایله انسانی لبریز سرور و نشوه ایدیور. بو عالم فیروزه قام ایچنده سرائی؛

پراحتشام بالتونلریله ، هیئت دلرباسیله برعروس زینبده بکزر . انهارندن ، حوصلرندن فیشقیران صولر زاده نوین ریاحین وازهارى ارضاع ایچون اوخضارته قاریشوب کیتمکدهدر .

( معتضد ) ك وفاتندن صكره اوغلی ( مكطفی ) ۲۸۹ سنه هجریه سنده مقام خلافته كلنجه تاج سرایی انشا آتی اكالم ایلدی . سرايك جبهسی هر كمری بشر ذراع طولنده اون دیرك اوستنده اولمق اوزره بش كمر اوزرنده بنا ایدلمش ایدی [۱] .

#### دارالشجره

خلفای عباسیه دن ( مقتدر بالله ) دردنجی عصر هجری ابتداسنده فرحفرای باغچه لری حاوی اوله رق بیوك بر سرای یاپدیرمشدی كه ایچنده بولنان آلتون وكموشدن مصنوع بر آغاجدن طولای ( دارالشجره ) نامیله معروف اولمشدی . بو آغاج سرايك ایوانی اوكنده کی حوضك اورتیه سنده ، باغچه لرك آغاجلری آرسنده بولنیوردی . آلتون وكموشدن اون سكز دالی واردی . هر دال مجوهر اتدن یاپلمش میوه لر ایله مزین بر چوق تفرعاتی حاوی ایدی . دالرك اوزرنده آلتون وكموشدن انواع طیور لطیفه موجود ایدی . روزكار بوقوشرك اوزرنده وزان اولدقچه لطیف چویلایلر ، غریب نغمه لر ایشیدیلوردی . سرايك بر طرفنده حوضك صاغنده اون بش آت اوزرنده اون بش سوارینك هیكللری مركوز ایدی . حوضك صولنده دخی ینه بوقدر سواری هیكلی واردی . بو هیكللر رنگارنگ ایپكلی البسه ایچنده ، قلیجلری قوشامش ، اللرنده قیصه مزراقلر طاشیمش اولدقلری حالده ، بر خط اوزرنده حرکت ایتمکده ایدیلر . بونلره باقائلر سواریلردن هر بری دیکرینك آرقه سنده قوشیور ظن ایدرلردی [۲] .

آل بویه دولتی زماننده ( معزالدوله ) دار معزیه نامیله معروف اولان سرایی یاپدیرمش ، بونك ایچون ۱,۰۰۰,۰۰۰ دینار صرف ایتمش ، طاوانی آلتون ایله قاپلامشدی . روایت کوره بوسرایی هدم ایتك ایستدکلری زمان سقفنك نقائی آرزو ایتشلردی . فقط بوكا مقتدر اوله مدقلرندن اوزرنده بولنان

آلتونی ۸,۰۰۰ دینارہ صائمشردی [۱]. حیفاً کہ بتون بو سرائلردن بوکون هیچ برائر قالمشدر .

۳ — اندلسہ کی مبانی امویہ

اندلس خاندان امویسی اورالزده اویله محتشم ابنیه وجودہ کتیرمشدی کہ بونلر بالخاصہ پک بیوک برشہرت آلمش ایدی . بوابنیہدن بعضلرینک آٹاری الی یومنا ہذا پایدار طورر . علی الاکثر قرطبہ وغرناطہدہ بولنان بوابنیہدن قرطبہدہ احداث اولٹانی شونلردی :

قصر کبیر

اک پارلاق ومکلف آثار معماریہدن معدود بولنان بوسرایک انشاسنہ ایکنجی عصر ہجری اورتہلرنده (عبدالرحمن داخل) طرفندن باشلانیدیئی حالده دہا صکرہ کانلر طرفندن اکمل ایدلمش ، داخلندہ برطاقم سرائلر انشا اولٹمش ایدی . (قرطبہ) دہ بولنان مبانی حقندہ دہا اول قید ایتدیکمز جدولده کورلدیکی اوزرہ بوجسیم سرایک داخلندہ ۴۳۰ خانہ موجود ایدی . فقط خانہ نامی آلتندہ بولنان بومبانی میانندہ جدآ بیوک ومدبذب وبراسم مخصوص ایلہ معروف برطاقم سرائلردہ واردی . کامل ، مجدد ، حائر ، روضہ ، معشوق ، مبارک ، رستق ، سرور ، بدیع ناملرنده بولنان سرائلر اوجہلہدن ایدی . سرائلرک زینت واحتشامنہ فوقالعادہ اعتنا ایدلیدیکی کبی جابجا مواقعنہ حوضلر ، صہرنجلر ، شادروانلردہ علاوہ اولٹمش ، اوزاق مسافہدہکی طاغلردن قورشون بورولر درونندہ صولر جلب ایدیلہرک خالص آلتون وکوشدن ویاقایانٹمش طونجبدن موصلقلر ، آرسلان وقپلان کبی حیوانات مفترسہ ویاطیور نادیدہ شکلندہ اولوقلر واسطہسیلہ غایت نظرربا برطرزده مرمر حوضلرہ اجرا ایتدیرلمش ایدی [۱] .

قرطبہ جامی

قرطبہنک حاوی اولدییی الک عظیم ومکلف ابنیہدن بری دہ جامی ایدی . تأمیناً روایت ایدلیدیکنہ کورہ بتون ممالک اسلامیدہ بوجامع قدر بیوک ، تزیناتی درجہسندہ قیمتمدار ولطیف برجامع موجود دکلدی . دہا اول جامعک



رندہ برکلیسا واردی . اسلاملر قرطبہنی فتح ایدنجه شامده کی جامع اموی حقتندہ یابدقلمری کی بولکلیسانی ده پایلاشمشلدی . دها صکره مرور زمان ایله کلیسالرك انقاضی ایله جامعی توسیع وتزین ایشلدی . جامعك نظر دقتہ چاربان اك حیرتقرا قسمی قله شکلندہ بولنان مناره سی ایدی . روایتہ کوره سائر ممالک اسلامیه نك هیچ برجامعندہ بوجسامتندہ برمناره کورلماشدی . غایت ایری طاشلر ایله انشا ایدلمش اولان بومناره نك مؤذنك طور دینی شرفهیه قدر ارتفاعی ۵۴ ، اك صوك نقطهیه قدر یوكسکلکی ۷۳ وهر تربعدہ کی عرضی ایسه ۱۸ ذراع ایدی .

قرطبہ جامعی متوالیاً علاوه ایدیلان اقسام جدیدہ ایله تدریجاً پك بیوك بروسعت کسب ایتیش ایدی . او قدرکه خلیفه ( ناصر ) زمانندہ کی مساحہ سی ۲۲۵ ذراع طول و ۲۰۵ ذراع عرضہ بالغ اولمشدی . خلیفه ( حکم ) جامعك طولی ۱۰۵ ذراع توسیع ایلدیکندن اوزونلتی ۲۳۰ ذراع اولمش ایدی . وزیر اعظم ( ابن ابی عامر ) دخی عرضنه ۸۰ ذراع علاوه ایتیش ، بوسفر عرضی ده ۲۸۵ ذراعہ وارمش ایدی . زمینی غایت جسیم اون بر دوشمه طاشی ایله دوشمنمشدی که اورتده بولنانك کنیشلکی ۱۶ ذراع ایدی . بو طاشك غرب و شرق طرفده بولنان ایکیشر طاشك عرضی ده ۱۴ ، دیگر آلتی طاشك کنیشلکی ایسه ۱۱ ذراع ایدی . ( ابن ابی عامر ) بو طاشلره هربری اون ذراع عرضنده سکرز دوشمه طاشی علاوه ایتیش ایدی . جامعك سقفی مرمردن ۱،۲۹۳ دیرك اوزرنده قائم ایدی . ایچنده ۲۸۰ آویزه واردی . محفل هایون طرفده بولنان آویزه لر خالص کوشدن ایدی . جامعك اورتده سنده طونجندن بیوك برتنور ( تاندر ) موجود ایدی که بیک قندیل احتوا ایتکده ایدی .

جامعك یدی قپوسی وارایدی که آلتیسی طونجندن معمول ایدی . یدنجیسی اولان محفل هایون قپوسی ایله محرابك دیواری واطرافی ایسه آلتوندن ایدی . بورالرده بولنان موزاییقده آلتون ایله ایشلنمش ایدی . مناره نك تپه سنده اوچر یجق قاریش محیطنده اوچ الما موجود ایدی که ایکسی خالص آلتون وبری خالص کوشدن اعمال ایدلمش ایدی . هر المانك آلتنده خارق العاده برمه رتله یابلمش برسوسن چیچکی دالی ، تپه حربیسی اوزرنده ده آلتوندن کوچك برنار موجود ایدی . منبرده حضرت عثمانك مصحفی انجی ویاقوت وسائر احجار قیمتدار ایله

مزین برحفظه دروننده محفوظ و تحت مکلف ایکی پوشیدلر ایله مجلس ایدی. عود آغاچندن مصنوع و چوبلری آلتون اولان برکرسی اوزرنده موضوع ایدی. اندلس احوال تاریخیه سنه دأر اک معتبر آئاردن معدود اولان (نفع الطیب) مؤلفی بوجامع ایله ایچنده صرف ایدیلن زیت و موملر حقنده تفصیلات مکمله ویریورکه آرزو ایدنلر اورایه مراجعت بیوره بیلرلر [۱].

فقط قرطبه شهری تکرار اسپانیوللرک الله کچنجه، جامع مذکور کایسیاه تحویل ایدلمشدر. بوبنا حالا شکل اسلامیه سی، نقوش و تزیینات شرقیه سی ایله کتابات عربیه سی محافظه اتمکده در.

### زهره سرایی

قرطبه یی او دور اعتلاده تزیین ایدن محشم و نظار ربا سرایلردن بری ده (زهره قصری) ایدی. ملوک امویه دن (ناصر) طرفدن ۳۲۵ سنه هجریه سننده شهردن درت میل مسافده انشاسنه باشلاش، اوغلی حکم طرفدن انشا آتی اکمال ایدلمش ایدی. سرای قرق سنده وجوده ککش ایدی. شرقدن غربه اولان طولی ۲،۷۰۰، عرضی ۱،۵۰۰ ذراع اولوب عادتاً بیوک بر شهر کبی ایدی. ۴،۳۰۰ مقدارینه بالغ اولان دیرکلرندن بر قسمی روما و آفریقای شمالیدن قرطبه یه کتیرلیدیکی کبی دیگر قسمی ده قسطنطنیه ایمپراطوری طرفدن هدیه اوله رق کوندرلمش ایدی. دیرکار بیاض، یشیل، پنبه، دانلی الکایی مرمردن ایدی. قصر کبیر، یعنی بیوک سرایده اولدییی کبی زهره سراینده دخی محشم برجامع، متعدد سرایلر و بانچه لر، هر نوع ورنکدن بالقلمی حاوی کوللر، کونا کون نقشلر ایله مزین، مذهب و غیر مذهب مرمردن حوضلر واردی. او جهلدهن انسان اشکانی حاوی برحوضی استانبولدن کتیرلمش ایدی. (ناصر) برحوضی سرایک (مؤنس) نامی ایله معروف مجلس شرقیسنده یتاق دأرهنده قوردورده رق اوزرینه قرمز آلتوندن معمول و یک نفیس و قیمتمدار اینجی ایله مرصع اولمق اوزره قرطبه دارالصناعه سی معمولاتندن اون ایکی هیکل قویمش ایدی. بونلر بر آرسلان، آرسلانک یاننده برجیلان، جیلانک یاننده برتمساح، قارشیسینده برییلان ایله برطوشانجیل و برفیل شکنده ایدی. هر ایکی یانده دخی

برکوکرجین ، بر شاهین ، بر طاووس ، بر طاووق و خروس ، بردولنکچ ، برکوکس و اردی . بونلر ہپ جواہرایلہ مرصع آلتوندن ایدی . صو بونلرک آغزندن مرمر حوضہ آقاردی [۱] .

( ناصر ) کندیسندن صکرہ بوسرایلرک انشا آتی اوغلی ( حکم ) ہ حوالہ ایتیش ایدی . روایتہ کورہ ( ناصر ) بوسرایلرک انشا آتہ واردات دولتی تشکیل ایدن ۶,۰۰۰,۰۰۰ دینارک ثلثی صرف ایدیوردی . شو حالہ بوسرایلر ایچون سنہدہ ایدیلن مصرف ۲,۰۰۰,۰۰۰ دینار ایدی . سرای انشا آتک قرق سنہ سوردیکنی دہا اول ذکرایتیش ایدک . فقط ہر سنہ اوقدر بیوک بر مصرف اختیار ایدلش اولمسی مستعددرد . چونکہ اومدتک یاریسی اولان یکریمی سنہ ظرفندہ عین صرفیاتدہ بولندیلنی فرض ایدلسہ زہرا سرای ایچون ۴۰,۰۰۰,۰۰۰ دینار کیتدیکی آکلاشیلیر . بوپارہ یتہ پک بیوک بر مبلغ تشکیل ایتمکدہدر . او حالہ ثلث وارداتک یالکز بعض سنہلردہ صرف ایدلش اولدیلنی ، سائر سنہلردہ ایسنہاندن دہا آز برپاردنک صرفیلہ اکتفا اولندیلنی اقرب فرضیاتدر .

دیگر بر یردہ کورولن معلوماتہ کورہ ( ناصر ) مذکور سرای ایچون سنہدہ ۳۰۰,۰۰۰ دینار صرف ایتمکدہ ایدی . سنوی مقدار مذکوردن ماعدا اوغلی ( حکم ) طرفندن دخی مذکور قرق سنہدن کندی زمان حاکمیتہ تصادف ایدن مدت ظرفندہ وقوع بولان صرفیاتی بونسبتدہ فرض ایدر ایسہک بو بیوک سرای ایچون صرف ایدیلن پارہ ۲۰,۰۰۰,۰۰۰ دینار اولق اقتضا ایدر [۱] . بوقدر بیوک بر مبلغی پک چوق کورماملیدر . فی الحقیقہ سرایک تفرعاتی نظر دقتہ آلیر ایسہک کلیتی صرفیاتی مستلزم غیر قابل تعداد ترینات اختیار ایدلدیکنی کورورز . سرایک مرصع و مذہب پک چوق مشتملاتی واردی . حتی بعض کردمیدلری آلتوندن یاپاش ایدی . او درجہدہ محیر العقول وجسم بر سرای ایدی . انشا آتدہ ۱۰,۰۰۰ آدم ایلہ ۱,۵۰۰ حیوان استخدام ایدلمکدہ ایدی . فقط دہا غیری شوراسی کہ ( ناصر ) ک بومرتبہدہ عظیم صرفیات ایلہ بوسرای انشایہ تشبث ایتیمی ( زہرا ) نامندہ سودیکی براوطہلق جاریہی نمون ایتک ایچون ایدی . جاریہ کندیسندن

[۱] نفح الطیب ۲۴۸ و ۲۶۷ ج ۱ وابن خلیکان ۱۹ ج ۲

[۱] معنادہ کوریلن تشوش اصلہ راجعدر . اصلہدہ بوصورتلہ برسہو موجوددر .

بر شهرک تأسیسی ایله کندینه تخصیصی ایسته مشدی . ایسته بونک ایچون اوعظیم کافت اختیار ایدلمش ، اوسرای یاپلمش ایدی [۱] .

#### زاهره سرایی

وزیر اعظم ( منصور بن ابی عامر ) دخی خلیفه ناصرک اثرینه اقتفا ایله رهک ۳۶۸ سنه هجریه سننده کندی اقامته مخصوص و دشمنلرینه قارشى بر تحصنکاه اولمق اوزره ( زاهره ) نامیله بر سرای انشایتمش ایدی . سرای شهرک اوجنده ، قرطبهک بیوک نهری کنارنده یاپلمش ، انشا آتنده بر چوق اوسته لر . عمله قوللانمش ، سورلرینک پک یوکسک اولسنه صرف غیرت ایدلمش ، کیلارلر . ارزاق انبارلری ، دیوانلر اوجله دن اوله رق اکا بر چوق اینیه و تفرعات علاوده اولمش ایدی . وزیر اعظم سرایه جوار اولان برلری کندی وزیرلرینه ، کاتبلرینه ، سردارلرینه مقاطعه صورتیله احسان ایتمش ایدی . بونلر اوجوارده قوناقلر ، سرایلر انشاء مکلف و نظار ربا باغچلر طرح ایتشلردی . بونک اوزرینه بر فعالیت تجاریه اورایه انتقال ایش ، اوجهتلرده بازارلر ، چارشیلر تأسیس ایدلمش ایدی . بر چوق خلقده رجال دولته یارنمق ایچون اوطرفلرده اقامتگاه انشاسنه قوشمشلردی . بنساء علیه سرای اوطرافنده کی ابنه اوقدر کسب وسعت ایتمش ایدی که واروشلری بر طرفدن قرطبهک واروشلرینه بتیشدیکی کی دیگر جهتدن دخی زهرا سرائه اتصال پیدا ایش ایدی . خلق آرتق بوشلرلر آرد سننده اون میل وسعتنده بر مسافه داخلنده قنارلرک ضیاسی آلتنده کیدوب کلکیده ایدیلر .

#### قرطبه کوبریی

اسلاملر طرفندن قرطبه نهری اوزرنده انشا ایدیلن جسیم کمرلی کوبری یی ده بوسرده ذکر ایتماک جائز دکلدیر . بو کوبری اسلاملردن اول موجود ایدی . فقط بالاخره منهدم اولدیغندن اسلاملر ( عبدالرحمن خافقی ) زماننده ۸۰۰ ذراع طولنده ، ۲۰ قولاج عرضنده و ۶۰ ذراع ارتفاعنده اولمق اوزره بناسنی تجدید ایشلردی . کوپرینک منحنیاتی ۱۸ اولوب اوزرنده ۱۹ قله واریدی [۲] .

[۱] نفح الطیب ۲۴۸ ج ۱ . [۲] نفح الطیب ۲۲۶ ج ۱



الحمرأ سرائی وامثالی

الحمرأ سرائی غرناطہدہ کاٹن پک مشہور برسرائدر . حالا شکل اصلینسی  
محافظہ ایتدیکندن هر طرفدن ارباب سیاحت اورایہ کیدوب بوسرائی تماشا  
ایدرلر . دها اول بیان ایدلدیکی اوزره مذکور سرائی ( ابن احرر ) طرفندن  
۳۵ فدان مساحہسندہ واسع بریار اوزرنده انشا اولتمشایدی . روایتہ کورہ  
کرہمیدلرینک قرمزى رنگندن طولایى اکا ( الحمرأ ) نامی ویرلمش ایدی .  
آرسالنلر حوضی ایشته بوسرایده بولتمقدہدر . حوضک داخلندہ مرمردن  
آرسالن هیکلکلى وارددر که صولر غایت لطیف برشکلده بولنلرک آغزلرندن  
دوکولور .

( منصور بن الاعلی ) دخی ( بجایہ ) ده بیوک برسرائی انشا ایتدیکی کبی  
سرایک ایچندہده غایت مکلف ومزین بر حوض یاپدیرمش ایدی . حوضک  
کنارلرنده آغزلرندن صو جاری آرسالنلر ، داللری حوضہ صارقش آلتون  
وکموشدن آغاجلر ، بو آغاجلرک اوزرندهده - عباسیلره عائد مبانییہدائر معلومات  
ویردیکمزصردهده ذکر ایتدیکمز وجهایله - خلفای عباسیہدن ( مقتدر )ک سراینده  
بولنن آغاجه مشابہ اولهرق غایت صنعتکارانه یاپیش اشکال مختلفه والوان  
لطیفهده قوشلر بولتمقدہ ایدی . اندلسده یتیشن مشاهیر شعرا دن ( ابن حمدیس )  
بوسرایک حوضی ایله آرسالنلرینک آغزلرندن صو نصل جریان ایتدیکنی ایات .  
آتیہ ایله توصیف ایلش ایدی :

ترکت خریر الماء فیہ زئیرا	وضراغم سکنت عرین ریاسه
واذاب فی افواهما البلورا	فکأتما غشی النضار جسومها
فی النفس لوجودت هناك مثیرا	اسد کاٹن سکونها متجرك
اقتت علی ادبارها لتثورا	وتذکرت فتکاتهما فکأتما
ناراً والسنبها اللواحسن نورا	وتخالها والشمس تجلولونها
ذابت بلا نار فعدن غدیرا	فکأتما سلت سیوف جداول
درعاً فمقدر سردها تقدیرا [۱]	وکأتما نسج النسیم لماء

اندلس طوائف ملوکندن ( مأمون بن ذی النون ) طرفندن یاپدیریلان

سرائىده اكا كوره قياس ايدىكز . مشاراليه بوسراى ايچون پك چوق پاردر  
 صرف ايتىش ايدى . خارقه شيلردن اولق اوزره بر كول قدر بر حوض ،  
 حوضك اورته سنده بر قبه ياديرمش ، غايت مهارتكارانه بر شكل هندسيده  
 صولر يرلر آلتندن آقتديرلهرق قبه نك تپه سنه چيقارلمش ايدى . صولر قبه نك  
 تپه سندن فيشقيريور ، اطرافنه دو كيله رك بر اتصال لطيف ايله حوضه آقوردى .  
 قبه متمادى صودن بر پوشيده ايچنده ايدى . ( مأمون ) انك درونده وقت  
 كچيريوردى [۱] .

#### ۴ — مصر مبانئى

آل طولون طرفندن احداث اولنان ائيه

اك مشهورى ( احمد بن طولون ) طرفندن انشا ايديله رك آثارى حالا  
 قاهرده مشهود اولان جامع اولق اوزره طولون خاندان حكمرانئىسى مصرده .  
 بر حوق بيوك ومحتشم ائيه وجوده كتير مشلردى . مشاراليهك بيوك برميدانى  
 حاوى اولق اوزره ( قطائع ) ده ياديردئى سراى دخی مبانئى طولونيه نك اك  
 مشهورلر نئدى . ( احمد بن طولون ) وفات ايدنجه اوغلى ( خارويه ) سرائى  
 توسيع ايتديكى كجى ميدانى ده باغچه حالته تحويل ايش ايدى . باغچه ده هر نوع  
 چيچكلر ، ميوه دار آغاجلر اكديرمش ، قيصة بويلى او پك لطيف خرما  
 آغاجلر يله باغچه يي تزيين ايتىش ايدى . انسان طور دئنى ويا او طور دئنى يرده  
 بو آغاجلردن خرما قوپاره بيلوردى . اك قيمتدار ولطيف آشلى آغاجلر ،  
 كونا كون كول آغاجلر يي جلب ايدرك باغچه ده اكديرديكى كجى زعفران دخی .  
 زرع ايش ايدى . خرما آغاجلر يي آلتون يالديزلى طونج ايله قابلاش ، بو قاپلامه  
 ايله آغاجك جسملرى آرسنده قورشوندن بورولر قويمش ، صويى صنعتكارانه  
 بر طرزده او بورولردن آقتديرمش ايدى . ايشته بو صورته صولر خرما  
 آغاجلر يي نك چقور يرلردن آقهرق بر طاقم فسقيه لره دوليور ، فسقيه لر  
 طولقدن صكره طاشيه رق خصوصى مجرالده باغچه نك سائر طرفلر يي .  
 صولا يوردى . چيچكلر پك دلربا نقشلر ، كتايه لر شكلنده يتشديريلوردى .  
 بوشكلر ايله كتايه لرك انتظامنه خلل كلماك ايچون فضله ياپراق بيتدجه باغچوان .

طرفدن مقاص ایله کیلیوردی . باغچهده قرمزی ، ماوی ، صاری نیلوفر ، جنوه جنسی لطیف نیلوفر چیچکی یتشیرلمش ، خراساندن بر چوق کوزل آغاج فدانلری هدیه صورتیه گلش ، قایسی آغاجلری بادم ایله آشیلانمش والاصل باغچه اڭ نادیده وکزیده چیچکلر ، آغاجلر ایله تزین ایدلمش ایدی . ققص مقامنده قائم اولمق اوزره ساج آغاجندن قسارتمه نقشلر ایله مزین بر قله یاپدیره رق متنوع بویالر ایله بویانمش ، زمینی دوشمه طاشلریله دوشه مش ایدی . طاتلی صو قویولرینه جاری اولان جدوللردن قله نڭ اطرافنه غایت لطیف آرقلر شکلنده صو آق تیرمش ایدی . بورادن کچن صولر آغاجلری وسارته یی صولایوردی . قمری ، موسیجه قوشلرینڭ انواعی ایله شکلی ، اتمسی لطیف اولان سائر هر نوع قوشلری طویلامش ایدی . بوطیور جمیله اوتهرک ، جدوللرده یی قانه رق انظار تماشایه غایت لطیف بر منظره عرض ایدیورلردی . یغورطه لامق ، یاورری یایمق ایچون قوشلره قووالر داخلنده یووالر یاپدیره رق دیوارلرک ایچنه صوقدینی کبی قوشلرک قونمسنه ، قارشى قارشى به طوروب اتمسنه مخصوص اولمق اوزره قله نڭ جابجا محللرینه چبوقلر قویدورمش ایدی . طاوس ، حبش طاووغی وامشالی کبی ده اڭك چوق طیور نادیده کتیره رک باغچه نڭ ایچنه صالمش ایدی .

( خمارویه ) سرانی داخلنده قبه لی و دیرکلی ( بیت الذهب ) نامیله بر دائرہ یاپدیرمش ، دیوارلرینه اڭ ظریف نقشلر ایله مزین لاجورد مینالی آلتون قاپلامش ایدی . دیوارلرده آغاج اوزرینه قبارتمه شکلنده بر بچق بوی جسماتنده اوله رق غایت صنعتکارانه و مزین بر طرزده کنیدیسی ایله اوطه لقلرینڭ و مغنیه لرینڭ رسملرینی یاپدیرمش ایدی که بو قادیلرک رسم مجسملرینه اڭ خالص آلتوندن تاجلر کیدیرمش ایدی . رسملره حقیقی انسان کبی مجوهرات کیدیرلمش ، کوده لری البسه رنگنده غایت ماهرانه تلوین ایدلمش ایدی . والاصل بودائرہ ڭک عجیب و حیرتقزا بر دائرہ ایدی .

مشارایه بوبنا داخلنده بر حوض یاپدیره رق جیوه ایله طولدورمش ایدی . بوکا سبب شوایدی که ( خمارویه ) چکدیکی اویقوسزلقدن طیبینه شکایت ایتمش ایدی . طیبی تغمیز ( ماسساز ) ایله تداوی یی توضیه ایتش ایدی . فقط ( خمارویه ) بوندن استکاف ایتش ، « برکیمسه نڭ اوزریمه ال طوقوندورمسنی

چکه م « دیمش ایدی. ( خمارویه ) طیبک توصیه سی وجه ایله پک چوق پاردل صرفی ایله روایت کوره الیشر ذراع طول و عرضنده بر حوض یاپدی. درق ایجنه جیوه طولدورمش، حوضک اطرافه حلقه لی بیوک چیویلر چاقدیرمش، ایپکدن باغلر یاپدیرمش، دریدن ایچی بوش بریتاق اعمال ایتدیره رک هوا ایله طولدوردقن صکره حوضده کی جیوه اوزرینه سردیرمش، او ایپکلی باغلر ایله کموش چیویلره باغلامش ایدی. رفاهیت پرست حکمدار بویتاق اوزرنده اوزانه رق جیوه نک ارتجاجی ایله یواش یواش ساللانیوردی. بو حوض حکمدار لر طرفندن وجوده کتیریلن اک عجیب شیلردن بری ایدی. کیجه لین نور قمرک حوضده کی جیوه اوزرینه انعکاسندن غایت لطیف و بهیج بر منظره حاصل اولیوردی [۱].

#### فاطمیلره منسوب میانی

بالاخره فاطمیلر موقع حاکمیه کلدکری زمان قاهرده بو کونه قدر پایدار و معمور قالمش اولان ( ازهر جامی ) ایله اک مشهورلری قصر شرقی و قصر غربی اولوق اوزره بر طاقم سرایلر یاپدیرمشلر، یالکز قصر غریبنک انشاسنه ۲,۰۰۰,۰۰۰ دینار صرف ایتشلردی [۲]. ( دارالفطره )، ( دارالدیباچ )، و سائر کبی ملوک فاطمیه طرفندن وجوده کتیریلن سائر سرایلر ایله قوناقلر ایچون نه قدر کلیتلی مصرفلر ایدلدیکنی ده اکا کوره قیاس ایدیکز. فاطمیلر مدنیت و عمرانلری دروؤ اعتسایه واردینی زمانلرده قاهرده خلیج و نیل ساحلارنده درلو درلو مقصوردرلر، اطرافه ناظر کوشکلر وجوده کتیرمکه غیرت ایتشلردی. خلیج کنارنده کائن جامع ازهر ولؤلؤ کوشکلری، یانلرنده کی غزاله کوشکی، سکره کوشکی، دکه، مقس، تاج، باب الفتوح، بعل، دارالملک کوشک و مقصوردرلری او جمله دن ایدی. بونلردن ماعدا ملوک فاطمیه دن ( آمر باحکام الله ) طرفندن دلداده سی اولان بدوی قیز ایچون یاپیله رق اسمنه ( هودج ) اطلاق ایدیلن سرای کبی بر چوق بیوک سرایلر ایله بیوک تره تکاهلر انشا ایتشلردی.

فاطمیلر مدنیت و ترقیلرینک پک یوکسک اولدیغنه دال بر شکله رک



مقصودہ وکوشکەرک ، کرک سرایلرک پک مزین و مکلف اولمسنه فوق العاده اعتنا ایتکده ایدیلر . ازجمله ( برکة الحبش ) کوشکی بویالی تختہ دن مصنوع ایدی . دیوارلرنده شعرای عصر ایله منسوب اولدقلری شهرلرک رسملری تصویر ایدلمش ایدی . هر شاعرک باشی یاننده کوشکک توصیفه دائر او شاعر طرفدن نظم ایدلمش بر طاقم ایسات محرر ایدی . هر رسمک یاننده مذهب لطیف بر رف واردی . خلیفه هر نه زمان اورایه کیرر ، اشعارى اوقور ایسه هر رف اوزرنده الی دیناری حاوی برحقین قوناسنی امر ایدردی . شاعرلر کوشکه کیررلر ، حقیقلرنی آلیرلردی [۱].

ایوبلر ایله کوله فنلره منسوب مانی

مصر حکومتی کردلره انتقال ایدنجه بونلر اک بیوک اثر اولمق اوزره قاهره قلعه سنی وجوده کتیرمشلردی . ( صلاح الدین ایوبی ) طرفندن اهل شیعه یه قارشى کنديسنه بر تحصنکاه اوله رق انشا ایدیلن بو قلعه بو کونه قدر پایدار طور مقده در .

الیوم مصرده موجود اولان آثار بنائیه نك قسم اعظمی و باخصوص ( سلطان حسن ) ، ( مؤید ) ، ( قایتبای ) ، ( قلاوون ) و سائر جامعلری کبی بیوک و محتشم جامعلر کوله من سلاطینی طرفندن وجوده کتیریلن مبانیدنر . قاهره نك خارجنده کائن قبور خلفا دخی هر نه قدر اسماً خلفایه منسوب ایسه ده فعلاً سلاطین مشارالیه مک اثر همتلیدر . بو سلاطینک فاطمیلری تقلیداً زینت و احتشامنه پک چوق امک ویره رک وجوده کتیردکلری حالده مرور زمان ایله منهدم و نابود اولان ده ا بر طاقم سرایلری واردی . ( اشرف خلیل بن قلاوون ) طرفندن ( جیزه ) نك هر طرفه ناظر یوکسک بر موقعده انشا اولنان سرای او جمله دن ایدی . سرایک دیوارلری امرا و خواص دولتک رسملریله تزین ایدلمش ایدی . دیرکلر اوزرنده غایت مزین و مکلف برشکلده بر قبه یاپدیرلمش ایدی . حکمدار بوراده اقامت ایتکده ایدی . کذلاک ( بلغا قصری ) او جمله دن اولوب ( ملک ناصر محمد بن قلاوون ) طرفندن ۷۳۸ سنه هجریه سنده امرادن ( بلغا ) نك اقامتنه مخصوص اوله رق انشا ایدلمش ایدی . ایشته بونلر ایله سائر بر طاقم سرایلردن الیوم هیچ بر اثر قالمامشدر .

## ثروت و اسرافات

خلفا ایله امرانك شهرلر تأسیس ، سرایلر و تزهتگاهلر انشاسی ایله اشتغاللری ، شهسز ، ثروتك و بیت المالدہ نقودك چوغالمسندن ایلری کلیوردی . اولجه بیان ایتدیكمز اوزره ثروت حکمدارلردن رجال دولته ، بولردن ده درجه درجه سائر صنوفه انتقال ایدیوردی . او حالده خلیفه طوغریدن طوغری به بیت الماله حاکم اولدیفی ایچون او مملکتك اك زیاده صاحب سامانی ایدی . خلفادن صکره زنکینلکده صره ایله وزیرلر ، مکتوبجیلر و یاباش کاتبلر ، والیلر ، خاندان هاشمی به منسوب ذوات ، اتباع و اعوان ، ارباب تجارت و سائرہ کلیوردی . بوخصوصده مثال اولق اوزره معلومات آتیہی ویریورز :

خلفا ایله اقربا و تعلقاتلرینك ثروتی

خلفا امور دولتی رأساً وکیل استقلال ایله اداره ایتدکلری ایچون مملکتك اك زنکین ذواتی ایدیلر . بالآخره حاکمیت فعلیه خلفایه بدل وزیرایه انتقال ایدنجه ثروتده وزیرایه تحول ایتمش ، خلفا آرتق برچوق و قتلرده عادتاً سائر فقراکی بیوک بر یوقلق و سفالته دوشمشلردی . بیت المالدہ اساس قاعده دولته عائد بر پاره اولق ، مصالح و منافع حکومته صرف اولمقدن عبارتدی . خلیفه نك ایسه آریجه بر خزینئه خاصه سی بولنوردی . فقط خلفا اموال بیت المالیه ابتداده دولتک تأیید و تحکیمی فکریله کینمایشا صرفه کندیلرنده صلاحیت کوردکلری کی متعاقباً ینه اوفکره خدمت مقصدیله هدیہ و عطیه صورتنده بدل و اعطادن کیری طورامشلر ، دها صکره لری ایسه اموال دولتی ذوق و صفالرینه ، رفاهتلیرینه صرف ایتکه باشلامشلردی . فقط بواسرافاته رغماً خزینئه مالیه ده ینه پک چوق پاره لر قالیوردی . دولت عباسیه نك خلفای اولینی اولان ( منصور ) ، ( مهدی ) ، ( معتصم ) ، ( مستعین ) ، ( مکتفی ) و سائرہ زماننده خزینئه دولته آرمش قالان مبالغ ایله خلفانك نه قدر چوق چفتلک و اراضی به مالک اولدقلرینی ، خلفا والدہ لرینك و بالخاصه ( رشید ) ك والدہ سی ( خیزران ) ایله ( معتز ) ك والدہ سی ( قبیحه ) و سائرہ نك نه درجه عظیم ثروتلر الدہ ایتدکلرینی ایکنجی جلدده کوسترمش ایدک . بولری

بورادہ تکرار کوسترمکہ لزوم یوقدر. یالکز بورادہ نمونہ قیلندن برخلیفہ نک  
ثروتی ذکر ایتمک فائده دن خالی دکدر. روایتہ کورہ خلفای عباسیہ نک اون  
یدنچیسی اولان (مکتفی) وفاتندہ ۱۰۰,۰۰۰,۰۰۰ دینارہ بالغ بر ثروت ترک  
ایتمش ایدی کہ مفرداتی بروجه آتی ایدی [۱]:

دینار	
۲۰,۰۰۰,۰۰۰	نقود و اوانی
۲۰,۰۰۰,۰۰۰	مفروشات
۲۰,۰۰۰,۰۰۰	حیوانات ، سلاح ، کولہ
۲۰,۰۰۰,۰۰۰	چقتلکبر ، عقار ، املاک
۲۰,۰۰۰,۰۰۰	قیمتدار مجوہرات وامثالی


رجال دولت و سائرہ نک ثروتلی

وزرای دولتک نہ کی طرز و وسائط ایله استحصال ثروت ایتدکاریخی ،  
مقدار ثروتلیخی ، وزرادن ( ابن الفرات ) ، ( ماردانی ) ، ( ابن کلس ) ،  
( افضل ) ، ( ابن شہید ) ک ثروتلی نہ مقدارہ بالغ اولدیغنی ایکنجی جلدک  
۱۸۲ نجی صحیفہ سندہ کوسترمش ایدک . بورادہ برقچ مثال دها کتیرہ لم :  
وزرادن اک اول ثروت صاحبی اولانلر خلیفہ ( رشید ) زمانندہ یک بیوک  
بر نقوذ و قدرت کسب ایدن برمکیئر ایدی . بونلر یک چوق چقتلکبرہ مالک  
اولمشلر ، یالکز ( یحیی ) ایله اوغلی ( جعفر ) ک سنوی وارداتی ۲۰,۰۰۰,۰۰۰  
دینار رادہ سنہ وارمش ایدی . صدمہ منکوبیت وادبارہ اوغرادلقلری زمان  
چقتلکبر ، خانہلر ، مفروشاتدن ماعدا کندیلرندن مصادره ایدیلن اموال  
۳۰,۶۷۶,۰۰۰ دینارہ بالغ اولمش ایدی [۲].

بغداددہ کی وزرایہ مقابل مصرده باش کاتبلر بیوک ثروتلر طویلا بورلردی .  
بونلردن بر چوققلری مهم بر ثروت صاحبی اولمشلردی . تہ کیم ( ماردانی )  
اوغللری اوچنجی عصر ہجری اورتہ لرنده بوکا بر مثال تشکیل ایدیورلردی .  
انلردن ( محمد بن علی ماردانی ) نک ثروتی شام و مصر قطعہ لرنده چقتلکبر و امتعہ دن  
متشکل اولمق اوزرہ ۳,۰۰۰,۰۰۰ دینار ایدی . حال بوکہ بونلر خلقہ معاش و عطیہ

اوله رق پك چوق مصرفلرده بولنيورلردى . مشار اليهك سنوى وارداتى ۴۰۰.۰۰۰ دینار ایدی [۱] . مع مافیه بو ثروت بر میکیلرک ثروتنه نسبة اهمیتسن بر شی ایدی . کذلک مصرده (مغربی) و (کتابی) عائله لری ده باش کتابت سایه سنده مهم بر ثروت صاحبی کسملشلردی .

والیلر ایله سردارلره کلنجه بونلر ، باخصوص تفویضی حائز اولانلری ، پك بیوک ثروتلر جمع ایتمکده ایدیلر . پاره طوپلامق بونلر ایچون پك قولای



قدسده منبر عمری

ایدی . چونکه واردات دولت کندی اللرنده ایدی . ایستدکلری کبی ید تصرفلرینه آلیورلردی . بومأمورلر وزارت منصبی ایجاد ایدیلدن اول تا امویلر زمانندن اعتباراً ثروت صاحبی اولمه باشلامشلردی . مصر فاتح شهری (عمر و بن العاص) وفات ایتدیکی زمان یتمش بهار طولوسی دینار بر اقمش ایدی . بهار



مصرہ کورہ ایکی اردب آلتون دیمک ایدی [۱] . عراق والیسی (خالد قسری) دخی وفاتی صرہ سنده ۱۳,۰۰۰,۰۰۰ درہمدن متشکل بر ثروت براقش ایدی [۲] . والیلر ایله امرای عباسیلر زمانندہ ، باخصوص استقلالہ کوز دیکد کدن صکرہ ، دها زیادہ ثروت صاحبی اولمغه باشلامشلردی . ( خراسان ) جهتندہ حکومت سورن ( بنی لیث ) دولتک مؤسسی و برنجی حکمداری اولان ( یعقوب بن لیث صفار ) وفات ایتدیکی زمان بیت المالدہ ۵۰,۰۰۰,۰۰۰ درہم ایله ۴,۰۰۰,۰۰۰ دینار ترک ایتمش ایدی [۳] . مصرده حکم سورن کوله من سلاطینی ایله رجال حکومتلرینک ثروتلرینی دها کا کورہ قیاس ایدیکیز . بوذواتک براقدقلری مجوہرات وحلیات بطلمان ، قطار ، صندوقلر ایله تقدیر و تخمین ایدامکده ایدی . مثلاً ( ملک ناصر محمد بن قلاوون ) ک امراسندن اولان ( سیف الدین تنکیز تستری ) وفاتی صرہ سنده ۱۶ رطل زمرد و یاقوت ، ۸ صندوق مجوہرات والماس پارچہ لری ، بیوک و مدور و هربری بر درہمدن بر مثقالہ قدر آغرلقده اولمق اوزرہ ۱,۲۵۰ دانه اینجی ، ۲۴۰,۰۰۰ مثقال آلتون ، ۱۰,۰۰۰,۰۰۰ درہم کموش ، کوپہ و بیله زیک کبی شیلردن متشکل اولمق اوزرہ ۴ قطار حایات و امثالی ، ۶ قطار کموش مصنوعاتی ایله نقد اولہرق ۱,۲۰۰,۰۰۰ دینار براقش ایدی . خلفای فاطمیہ ایله کوله من و سائر اسلام سلاطین و حکمدارلرینک ثروتلرینی اکا کورہ قیاس ایدیکیز .

( صلاح الدین ایوبی ) نک مخدومی یمن امیری ( سینہ الاسلام ظہیر الدین طغتمکین ) زمان حکومتندہ ارباب تجارتدن اموال تجاریہ یی مبیاعہ و ایستندیکی فیاتلر ایله فروخت ایتمکدن پک بیوک بر ثروت طوبلامشدی . آلتونی دکرمن طاشی قطعہ سنده بیوک سیکد لرشکانندہ دوکدرک ادخار ایتکده ایدی [۴] . او صرہ لردہ معیت مأمورین و منسوبینی ایله بر صنعت و یا شعر و یا تجارت سایہ سنده بیوک ثروتلر صاحبی اولانلردہ پک چوق ایدی . دها اول بعض تاجرلرک ثروتی حقندہ معلومات ویرمش ایدک . طیبیلر ، مغیلر ، شعرا کبی سائر صنوفدن اولان مالدارانی دها اکا کورہ قیاس ایدہ بیلیرسکیز . خلیفہ ( رشید ) ک مغیسی ( ابراہیم موصلی ) وفات ایتدیکی زمان ۲۴,۰۰۰,۰۰۰ درہم مقدارندہ

[۱] مقریزی ۳۰۱ ج ۱ [۲] ابن الاثیر ۱۰۳ ج ۵

[۳] مسعودی ۳۱۴ ج ۲ و ابن خلکان ۳۱۹ ج ۲ [۴] ابوالفدا ۹۳ ج ۳

جسیم بر ثروت ترك ایتمش ایدی [۱]. خلیفه (رشید) ك سر طیبی (جبرائیل بن بختیشوع) ك نه قدر معاش آلدیغنی، ایكنجی جلدك ۱۶۱ نجی تحیفه‌سندده معاشلر بختنده ذكر ایش ایدك .

### ثروت نتیجسی

هرهانیکی بر ملتده ثروت چوغالیر ایسه اوملت افرادینك صرفاتده دها زیاده ایلری کیتملری ، امور معیشتجه طریق رفاهیت آرایه‌رق مأکولات ، مشروبات ، موسیقی و سائره کبی اذواق جسمانیه‌ده مشکاپسند کسملری ، مكلف و قیمتدار البسه و مفروشات آراملری ، دها صکره مجوهرات ، عقاراته مالک اولمق ، الیوم بعض زنکینلرك مطبوعاتی طرفدار اتخاذا ایتلری کبی او زمانك شاعرلریله مورخلرینی اطرافلرینه طوپلایه‌رق شهرت کسب ایتك ایله افتخار کبی اذواق معنویه‌یه رغبت ایتلری ترقی مدینت و معموریت قانونی ایجاداتندندر . بوخصوصده کی بختمزی برقاچ فصله تقسیم ایده‌جکز :

#### ۱ - بیوب ایچه‌جکده مشکاپسندك

عربلرك یدکلری شیلر حقفده دها اول ویردیكمز معلوماتدن آكلاشادینی اوزره عربلرده مأکولات ابتدالرده غایت ساده وابتدائی شیلر ایدی . دها صکره اجنبیلر وبالخاصه ایرانلیلر ایله اختلاط ایدنجه یمکلری تعدد و تکمیل ایتمش ایدی . عربلر اصول اداره مملکتله برابر بر چوق و سائط و تکمالات مدنیه‌ده ایرانلیلری تقلید ایلشلردی . بایرام آلالری ، دوکون و یا ختان جمعیتلری پادقجه ایرانلیلرك او کبی زمانلرده نه کبی مراسم اجرا ایتدکلرینی آرایه‌رق اكا کوره تقلیدده بولنورلر ایدی . دها اول صحابه کرام عادات بدو تکارانه‌یه تابع اولمقله برابر خلفای راشدین حضراتنه اقتداء رفاهیت و تنعمدن چکینرلر ایکن عربلر تا امویلر زمانندن اعتباراً بو یوله سلوك ایلشلردی . صحابه‌دن ( ابو موسی الاشعری ) عربلرجه معروف اولدیغنی نظر دفته آله‌رق طاووق اتی یمکدن چکینردی . عربلر حضرت عمر ك « چوق ات بین چوق شراب ایچن کبدر » سوزینه امثالاً چوق ات یمکدن چکینرلر ،

بو کونکی نباتیونک مسلکنه مشابه برفکرده چوق ات یمه نك مضر اولدیغنه  
 ذاهب اولورلردی . فقط امویلر موقع اقتداره کنجه بو فکر ، یواش یواش  
 تبدله اوغرامیش ، تنم وترفه میل ایدیلرک ایرانیلیری تقلید ایتمکدن بشقه  
 چاره قالمامش ایدی . عراق والیرندن بر قاجی ایرانیلیری بردن تقلید ایتک  
 ایسته مشلر ایسه ده عادات متحکمه بداوتکارانه طبعلرینه غالب کیش ، معتادلرندن  
 واز کچهمامشلردی . روایت کوره عراق والیسی (حجاج بن یوسف) اوغللرندن  
 برینک ختانی اجرا ایتک ایستدیکی زمان ایرانیلرک بو کچی جمعیتلرده نه  
 یابدقلرینی آکلامق اوزره ایران بکلرندن برینی یانسه چاغیره رق ایرانیلرده  
 کوردیکی اک پارلاق ولیمه حقنده معلومات ویرمسنی طلب ایتمش ایدی . ایرانی  
 بک بوکاجواباً : « کسری مرزبانلرندن برینک برولیمه سنی کوردم . یمککراتون  
 طباقلرده کموش ماصلر اوزرینه قونلش ایدی . هر سفره ده درت طباق  
 واردی . هر ماصه یه درت دلبر جاریه مأمور ایدلمش ایدی . سفره لرده  
 دردر کشی اوطوریوردی . مدعولر یمککرتینی یدکدن صکره سفره ، آلتون  
 طباقلر ، جاریه لر کندیلرینه احسان اولیوردی » معلوماتی ویرنجه ( حجاج )  
 بوضیافتی جداً مدهش کورمش ، عادات بداوتکارانه ی مغلوب اولمقدن کندینی  
 آله میهرق دوه ، قویون کیلوب خلقه یدیرلمسنی امر ایله اکتفا ایلش ایدی [۱] .  
 فقط عربلر چوق زمان کچمدن بولندقلری محیطک جاذبه رفاهیتنه مجلوب  
 اولمقدن کندیلرینی آله میهرق او محیطک ایجاباتنه اویمغه باشلامشلر ، اولجه  
 کافوری طوز ، پیلاوی زهرلی بریمک ، یوفقه یی کاغد ظن ایدرکن ، دوه  
 توینک قان ایله یوغورلمسندن حاصل اولان مکروه طعمی ، سیاه بوجکلری ،  
 عقرنلری عصرلرجه یمکه ، بغدادی کچی ایله یوغورمغه [۲] آلیشمش ایکن  
 بوسفر فیض منعم مدنیت واعتلا ایله اسباب معیشت ورفاهیتده ایرانیلر ایله  
 زوملری فرسخ فرسخ کچمشلردی . آرتق ماهرانه پک چوق اتلی یمککرت  
 یاییورلر ، برقات دهها اشتهای آچق ایچون بهارات ایله یمککرت تکملنه  
 چالشیورلردی . بنی هاشمدن اولان خلفا وملوک یمکه اوطوردقلری زمان بر  
 طاقم اطبا اللرنده اودورلرک اصطلاحنجه موسم ایله متناسب معجونلری حاوی

دستیار و کاسه‌لر بواندینی حالده اطرافلرنده طور لرلدی [۱]. سائر امرا و رجال دولت دخی بو یولده حرکت ایدرک حفظ‌خجری ایچون هر موقعده وختی یمکه او طور دقلری صردهده اطبانبک نصائحی ایله عامل اولورلردی. آل حمدان ملوکندن سیف‌الدوله یمکه او طور دینی زمان کندسی ایله برابر سفر دیه معاشلی ۲۴ طیب او طور ردی.

بالآخره خلفا، قوش، میوه انواعندن اک نفیسی آرامقده پک ایلری کیده‌رک نقدیر اوزاقده اولور ایسه اولسون هر زرده اوکی نفیس ولذذ شیلر بولندیغی آکلارلر ایسه انلری پوستلر ایله کتیرلر، بواغورده پک چوق پارلر صرف ایدرلردی [۲]. اتنک لذتی، یاخود نفعی تزید ویا هضمی تسهیل ایده‌جکنی توهم ایله‌رک طیور اهلیه‌نی مغذی یملر ایله بسلرلر ایدی. ایشته بو فکره بناءً بسلدکاری پیلیجلره جوز ایچی یدیرلر، سوت ایچیرلردی [۳]. آشجیلر پک زیاده مغذی ویا صحه نافع ظن اولنان یمکلری ترتیب و طبخده فوق العاده مهارت و تنوع کوستیرلردی. بعضی‌آده خلیقه (رشید) ک برادری موسیقی شهر (ابراهیم بن مهدی) نک مشارالیه برادری ایچون کشیده‌ایلدیکی ضیافتده یاپدیغی کبی بویولده پک چوق افراطه واریلردی. (ابراهیم) ک بو ضیافتده برادری ایچون یاپدیغی متعدد یمکلر آردسند برطابق پارچه‌لانش بالی واردی. (رشید) بالی پارچه‌لرینی پک کوچک کورنجه سببی صورمش، (ابراهیم) ایسه طباقده کی یمکک بالی دکل، آنحق بالی دیلندن متشکل بریمک اولدیغی سویش ایدی. یالکیز بو طباقده کی یمک بیگ درهمه مال اولمش ایدی [۴]. فستق ازمه‌سی ایله پالوزه، شکر و بال ایله ایلک تربیه‌سی یاقمده کوستردکاری مهارت و تنوعی ده اکا کوره قیاس ایدیکیز.

ایشته بوضورتله یمکارک انواعی چوغالدینی کبی یمک مصرفی دخی پک زیاده آرتدیغندن خلفا، امرا مطبخلری اونسبتده بیومش ایدی. حتی هر صنف یمکلر ایچون بر رئیسک تحت نظارتنده خصوصی آشجیلر و مأمورلر استخدام اولوردی. مثلاً قوش بسلمک ایچون برمدیرک امرینه تابع باشلیجه براداره موجود ایدی. خلفای عباسیه‌دن (مقتدر) زماننده یالکیز اوردکاره ویریلن

[۱] طبقات الاطبا ۱۷۵ ج ۱ [۲] لطائف المعارف ۹۵ و ابن بطوطه ۳ ج ۲

[۳] طبقات الاطبا ۱۴۰ ج ۱ [۴] مسعودی ۱۹۹ ج ۲



علوفہ ہر آی ۳۰ قفیز آریہ بہ بالغ اولمش ایدی [۱] . بونی نظر دقتہ آلہرق برینک کندی مطبخنی بریرہ نقل ایتمک ایستینجہ طاشیمق ایچون نہ قدر حیواناتہ محتاج اولہجغنی دوشونہ بیلیرسکز . دھا اول اسمی کچن ( یعقوب بن لیث صفار ) ک برادری دولت صفاریہ نک ایکنجی حکمداری اولان ( عمرو بن لیث صفار ) ک مطبخنی ۶۰۰ دوه اوزرینہ طاشینردی [۲] . مشارالہ اودرجہ عظیم برثروت صاحبی ایدی کہ « بلخ نہری اوزرینہ آلتوندن برکوپری پامق ایستہ سہم یابابیلیرم » دیوردی . خلفای عباسیہ دن ( مقتفی ) نک عالمہ سنہ یالکیز دجلہ دن صو طاشیمق ایچون سکسان دوه استخدام اولنوردی [۳] . ہر نوع یمکدن نہ مقدار طبخ اولندیغہ کائجہ بونک ایچون ہیچ برمقیاس یوق ایدی . فقط مسافر کلہ بیلرسی احتمالہ بناء ہر حالہ لزومندن پک فضلہ یمککر پیشیریلردی . بویمککردن صرف ایدیلہ بیلان مقداری صرف اولندقدن صکرہ ہرنہ قالیرسہ خدمتجیلرک الہ کچر ، بونلردہ انی صاتوب اثماتی درجیب ایدرلردی [۴] . یمک انواعنک چوغالمسی ، خلقک یمکہ انہماکی ارباب ترفہ وتنعم آرہ سندنہ مجرای ہضمہ قولنج ، تلبک معدہ ، دوزنطاریا ایلہ چوق ات یمکدن نقرس ، روماتیزمہ وسائرہ کبی خستہ لقلرک ظہورینہ سبب اولمش ایدی . کذلک بوسبیدن اودورخلقنک مزاجنہ سرعت حدت وغضب مستولی اولہرق وقایع تاریخیہ لرنندہ کورلدیکی اوزرہ پک چوق قتل وخونریزک حادثاتی وقوع بولمغہ باشلامشدی . علی الاکثر اوخونریزک سبب سوء ہضم ایدی . خلفا ایلہ امرادن اوبورلق ایلہ برقاق ذات شہرت آلمش ایدی . امویلر زمانندہ ( معاویہ بن ابی سفیان ) ، ( عبیداللہ بن زیاد ) ، ( حجاج بن یوسف ) ، ( سلیمان بن عبدالملاک ) وعباسیلر زمانندہ ( محمد الامین ) اوجملہ دن اولہرق پک اوبور ایدیلر [۵] .

۲ — ملبوساتندہ بوللق واسراف

صدر اسلامیتندہ اسلاملر طرز معیشتندہ خشونت واقصائدہ ، مأکولات وملبوساتندہ تعفف ومحرومیہ میل ایتدکلرندن خلفای راشدین حضراتی یامہلی اسکی برکوملاک ویا قباچولدن برانتاری ، لیفدن برآیاق قابی کیدکبری ،

[۱] تاریخ الوزرا ۳۵۱ [۲] الفخری ۲۳۲ [۳] الفخری ۲۷۶

[۴] متریزی ۳۱۸ ج ۱ [۵] مسعودی ۲۶۷ ج ۲ والفرج بعد الشدہ ۱۰۲ ج ۱

حامل اولدقلری قلیجک آصقیمی ینه ایفدن اولدینی، اللرنده حد شرعی بی اجرا ایچون بر طره بولندینی حالده کزوب طولاشیرلردی [۱]. مشارالیه مک والیریده عین حال وطورایله متصف ایدیلر. انلردن بری خلیفه نك یاننه کلدکجه یوکللی برجبه، قاتلامش برصاریق، بربری اوزرینه قاتلانوب دیکلمش ایاق قابلری کیه رک حضوره کیرردی [۲]. امرای مسلمیندن پادشاه قیافته کیرن ایله ذات (معاویه) ایدی. مشارالیه تاشامده والی ایکن بوقیافتی اتخاذاشمش ایدی. اوآناده حضرت (عمر) شامه کله رک (معاویه) بی بو کسوه سلطنتده کورنجه موافق بوله مامش. «سلطنت کسروییه بی تقلید ایدیورسک ها!» دییه رک اظهار استغرابدن کندیخی آله مامشدی [۳].

فقط دها صکره عربلر طریق مدینته سالک اوله رق زنکینلشدکلری حالده اجانب ایله اختلاط ایدنجه سائقه مدینت واعتلا ایله اسباب معیشتده توسع وملبوساتده تنعم وتکمیل آرامغه مجبور اولمشلردی. دها اول بیان ایتدیکنمز اوزره امویلر نقشلی وصرمه لی البسیه رغبت ایتمشلردی. انلردن بونوع البسیه اک زیاده مراقلی اولان (هشام بن عبدالملک) ایدی. مشارالیهک ۱۲,۰۰۰ نقشلی کوملک ایله ۱۰,۰۰۰ ایپکلی اوچقوری واردی. حجه کتیدیکی زمان اثوابی ۷۰۰ دوهیه تحمیل اولنیوردی [۴]. امویلر زماننده دستکاخچیلر غایت کوزل نقشلی اقشه یامغه صرف غیرت ایتمشلردی. دها صکره عباسیلر زماننده اسلاملر تنعم وترفیده دها زیاده ایلری کیتمشلردی. بو دورده ارباب تجارت هر طرفدن دارالملک عباسیه قوشه رق نقشلی، ایشلمه لی، آلتون ویا کموش صرمه لی، احجار قیمتدار ایله مرصع، بتون جهان مدینت معمولاتندن اولمق اوزره یوکللی، ایپکلی هر نوع اقشه کتیروب صانارلردی.

اوزمانلرده اک قیمتدار اقشه دن بری (خز) دینلن یموشاق قماش ایدی که خالص ایپک ایله ارکک طاوشان یوکنندن اعمال اولنوردی [۵]. کذلک اک خالص ایپکدن یاییلان (ابریم)، صرمه دن حیوانات اشکالنی وسائرده بی حاوی منسوجات حریره دن اولان (دیباچ)، خالص پاموقدن برقماش اولان (بز) دخی اک قیمتدار منسوجاتدن معدود ایدی. بونلردن ماعدا ایپک،

[۱] الفخری ۲۵ و ۶۶ [۲] العقد الفرید ۶ ج ۱ [۳] ابن خلدون ۱۶۹ ج ۱

[۴] المستطرف ۴۰ ج ۲ والعقد الفرید ۲۶۶ ج ۲ [۵] الف با ۱۸۷ ج ۲

کتان ، یوک و سائرہ دن دھا برحق انواع اقمشہ استعمال اولندینی کی (سمور) ، (قلم) و سائرہ دن غایت قیمتدار کورکار دخی قوللانقده ایدی . بواقشہ دن قفتانلر ، فراجه قفتانلر ، باش و بیون شاللری ، جبہلر ، صاریقلر ، خرقلر ، نیتلر ، اورتولر ، چارچقلر ، طونلر ، شاشلر ، اوچقورلر و سائرہ یاللقده ایدی .

ثروت ورفاہیت ایچندہ یوزمکده اولان اعلی و بالخاصہ خلیفہ ایلہ رجال دولتی غایت کوزل و قیمتدار اقمشہ آرادقلری ایچون ارباب صنائع اکاکورہ برشوق آلہرق فوق العادہ مکمل منسوجات وجودہ کتیرمکہ چالیشیورلردی . خلق نفیس منسوجات آریور ، بہاجہ آز ، چوغہ باقیوردی . حتی (دیبی) قاشندن برصاریغک اثماني بش یوز دینارہ بالغ اولدینی حالہ ینہ ہرکس بوقاشی آلمقدن چکنمیوردی . بعضاً برآدم ثروت ورفاہیتی کوسترمک ایچون ہربری بررنکدہ اولمق اوزرہ بربری اوستہ طقوز قفتان کیوردی . ینہ بوسائقمہ ایلہ علی الاکثرلوزومندن پک فضلہ البسہ یاپدیرلدیغندن برآدمک وبالخاصہ خلیفہ نک برنوعدن اولنر ، یوزلر ، بیکلرایلہ البسہ سی اولوردی . خلیفہ (مکتفی باللہ) ک ترک ایلدیکی البسہ یی مثال اولہرق آتیدہ کوستریورز :

عدد	
۹,۰۰۰,۰۰۰	حولیلردن ماعدا چرچیدن کچمش البسہ
۶۳,۰۰۰	خراسانک مرو شہری معمولاتندن البسہ
۸,۰۰۰	اورتو
۱۳,۰۰۰	مرو معمولاتندن صاریق
۱,۸۰۰	آلتون ایلہ طوقونمش نقشلی یم معمولاتندن قفتان وشال
۱۸,۰۰۰	کرماندن قامش بوریلری ایچندہ جلب ایدلمش یتاق چارشقی
۱۸,۰۰۰	ارمنستان معمولاتندن کایم

دولت عباسیہ اعظم رجالندن ، خراساندہ حکومت سورن ( بنی طاهر ) دولتنک مؤسسہ ( طاهر ذوالیمینین ) وفات ایتدیگی زمان اثواب خزانہ سندنہ غیرمستعمل ۱,۳۰۰ شالوار بولندینی کی خلفای عباسیہ زمانندہ یتیشن مشاہیر اطبادن ( بختیشوع ) دخی وفاتندہ قماش دیبقیدن ۴۰۰ شالوار ترک ایش ایدی .

مصرده ملوک فاطمیه دن (حاکم بامرالله) زماننده بر مدت پک بیوک بر نفوذ قازانان مشهور (برجوان) ک ترکه سنده قماش دیبقیدن ۱,۰۰۰ شالوار ایله ایپکلی ۱,۰۰۰ اوچقور بولتمش ایدی .

اسلاملر ملبوساتده اوقدر اسرافاته کیتمشلرایدی که بیدنگاری حیواناته بیله صیرمه لی و نقشلی ایپکلی خسروانی قماشندن پلانلر اوررلردی . قاهرده ده بوکچی منسوجات حریره یی طوقومق ایچون بر دارالصناعه موجود ایدی . کذلک فاطمیلرک (دارالکسوه) نامیله برائواب دائره لری وارایدی که بوراده هر نوع دن اولمق اوزره یاییلان البسه ملوک فاطمیه طرفدن قیشلق و یازلق اثواب اوله رق مقربینه احسان اولنوردی . (مقریزی) ده بو اعمالا تخانه ده یاییلان البسه ایله رنک و اشکالی حقنده تفصیلات موجوددر [۱] . خلافت عباسیه زماننده مصرده تفرده ایتمش اولان (بنی طولون) امراسنک ایکنجیسی (خارویه) قیزی (قطراندی) یی خلیفه عباسی (معتضد) ایله تزویج ایتک اوزره جهازینی یاپدینی زمان تجهیز ایتدیکی اشیا میاننده هریری اون دینار قیمتده بیک اوچقور بولتمده ایدی [۲] . سائر البسه یی اکا کوره قیاس ایدیکنز .

دولت عباسیه دورنده (محمد بن عبدالملک بن الزیات) مقام وزارت ککنجه یه قدر وزرا ققتان کیرلردی . فقط مشارالیه وزیر اعظم اولنجه ققتانه بدل فرجاء ، ققتان کیمه یی ، قلیچی آصق ایله طاشیمه یی شرط آتخا ایتمش ، طبیبی اسعاف اولتمش ایدی [۳] . (ابن الزیات) «مرحت سیکیر ضعفدن کلیر . کیمسه یه مرحت ایتدم» دین آدمدر .

### ۳ - مفروشات و تزینات بیتیه ، مجوهرات

خلفای راشدین حضراتی سائر خلق کی ی اوزرنده اوطورلردی . والیلری دخی عین حالده ایدیلر . مثلاً مصر فاتحی (عمر و بن العاص) مصرده کندی قصرنده عربلر ایله برابر یرده اوطوروردی . (مقوقس) یانه کلدکجه آلتون تختنی آدملره طاشیده رق برابر کتیرر ، حکمدارلر کی تخته اوطوردینی حالده (عمر و) ایله کوروشوردی . قوجه عرب فاتحی کندی نفسی ایچون اصلا دبدبه و احتشام آرامدینی کی اهلینک امتیازات سابقه سنی محافظه ایده جکی

[۱] مقریزی ۴۰۹ ج ۱ [۲] مقریزی ۳۱۹ ج ۱ [۳] اغانی ۴۹ ج ۲۰



تعهد ایتش اولدیغندن والی سابقک بو دبدبه سنده بر بآس کورمزدی . فقط اسلاملر دها صکره چوق زمان کچمدن مدنی ، زنکین اولمشلر ، کندیلری دخی آلتون وفیل دیشندن تختلره اوطورمغه باشلایه رق حتی بویولده روم و ایران پادشاهلری کچمشلردی . اسلاملرده تخت قوللانان ایلك ذات ( معاویه بن ابی سفیان ) ایدی . تختدن مقصد بیوک کرسی ویا صندالیه دیمک ایدی . بونکله برابر ( معاویه ) بیوک و آغیر وجودلی اولدیغنی ایلری سوردرک اسلاملردن مساعده آلمدن تخت استعمالنه جسارت ایده مامشدی . اندن صکره کان خلفا تخت اتخانی عادت ایتشلردی [۱] .

#### ایرانلیرده مفروشات و تزینات بیتبه

خلفای راشدین دورنده اسلاملر فتوحاته چیققلری زمان مزین و مکلف مفروشات ایله الک قیمتدار مجوهراتی ایرانده ( مدائن ) ک فتیحی اثناسنده کوره رک حیرت ایچنده قالمشلر ، قیمتی آکلایه مامشلردی . روایت کوره بدویلردن بری ( مدائن ) محاربه سنده اله کچردیکی غایت قیمتدار بیوک بر یاقوت طاشنک نه اولدیغنی بیله مدیکندن ایلك چقان قورناز بر مشتری به بیك درهمه صامش ایدی . حال بوکه او یاقوت پارچه سنک بومباغدن قات قات زیاده دکری وار ایدی . دوستلرندن بری او قیمتدار طاشی یوق بهاسنه صا تدیغنی ایچون کندیسنی مواخذه ایدنجه جاهل بدوی : « بیکدن فضله بر عدد بولندیغنی بیلسه ایدم او عددی ایستردم » جوابی ویرمش ایدی [۲] .

( مدائن ) ک فتیحی اثناسنده بر چوق اوانی و حلیات مرصعه ، کسرا نک حقیقی تاج کرانهاسی ، آلتون صرمه لی ، احجار قیمتدار ایله مرصع دیبادن بر البسه اموال غنائم میاننده اله کچیرلمش ایدی . عسکرک بر طاقی دخی ایکی سبت الد ایتشمار ایدی که برنده کوش اکری ، آغز و بوغازی کوش اوزرنده یاقوت وزمرد دیزیلری ایله مرصع آلتوندن بر آت ایله آتک اوستنده احجار قیمتدار ایله مزین کوشدن بر سواری ، دیگر سپتده ایسه کوشدن معمول بر دیشی دوه ایله دوه نک اوزرنده مجوهرات ایله مرصع آلتوندن بر چول وار ایدی . کذلک اسلاملرک الله آتمشر ذراع طول و عرضنده ( قطیف )

تسمیه اولنان بر کلیم چمیش ایدی که مصنوعات ایرانیه کرانبهادر اولان بو بی نظیر کلیم کونا کون رسملر ایه مزین ، نهر لر شکلنده اچار کرانبها ایه مرصع ، زمینی آلتون صرمه لی ، زمینک جابجا برلری اینجی کی مجوهرات ایه مطری ، کلیمک کنارلری ایسه صانکه ایلک بهارده بر بستان طراوت و خضار تدن نمونه ما یاقارلری ایپکدن ، دالری آلتون و کوشدن ، میوه لری مجوهراتدن انواع ازهار و اشجار ایه مطرز و مصنع ایدی . حیفا که بو قیمتدار کلیم مدینه یه حضرت عمره کوتورولونجه قیمتی بیلمیه رک پارچه پارچه یاپیلوب سائر اموال غنائم کی تقسیم ایدلش ایدی [۱] .

حضرت عمر عراق طرفلرندن کان اموال غنائم ایچنده مجوهرات کی کرانبها شیلر کوردکجه اسلاملرک بو قیمتدار اشیانی کورمکدن اسراف و سفاهته فائزلرندن قورقورق آغلا یوردی . اسلامیتک نصرت و تقویه سنه دها اول پک بیوک خدمتدرده بولنان حضرت ( ابوبکر ) بو خصوصده عین فکر و مطالعه ده ایدی . مشارالیه ارتحاله یاقلاشدینی زمان مهاجرینی آرایش مدینه قایلقدن . تحذیر ایدرک : « یازیق ، ایپکلی دوشکر ، پردلر قوللانه جقسکز » دیش ایدی . ذاتاً حضرت نبی ایپکلی البسه کیمه یی ، آلتون اوانی قوللانمیه یی دها اول منع ایلش ایدی [۲] . فقط بتون بو منعلر ایه تحذیراتک فائده سی اولماش ایدی . اسلاملر طریق مدینه کیررکیرمز اسباب تنم و رفاهیت آرامغه ، یوشاق و کوزل مفروشات ، مکلف و قیمتدار تزینات قوللانمغه قویولملرلردی . حاکمیتده مقاصد دنیویه یی مقاصد دینیه یه ترجیح ایدرک حکومتی خلافت شکلندن بستیون مادی سلطنت شکلنه تحویل ایلین امویلر بو خصوصده خلقه رهبر اولملرلردی . اسرافات ایه شهرت آلان بعض ملوک امویه و بالخاصه ( ولید بن یزید ) پک چوق مجوهرات قوللانیورلردی . مشارالیه مجوهراته پک مراقلی ایدی . هر طرفدن مجوهرات جلب و مبیاعه ایتدیکندن مجوهرات اتمانک یوکسلمسینه سبب اولمش ایدی [۳] . بونکله برابر امویلر بداوته میال قالمش ، مدینتک یالکز بو کی شیلرله اکتفا ایتملرلردی . فضاه اوله رق مصر معمولاتندن ایشلمه لی پردلرلرده قوللانمقده ایدیلر . خرسیتیانلرک بسمله سنی حاوی اوله رق .

دها اول روملر ایچون مصرده طوقونان بو پرده لر فتحدن صکره عربلر ایچون اعمال اولیوردی [۱] . ( عبدالملک ) مقام خلافتہ کلنجه بو پرده لرک اوزرنده بولنان خرسیتان بسمله سنی قالدیره رق یرینه عبارء توحید قویدیرمش ایدی . اویلر بوندن ماعدا سوسلی وایشلمه لی دوشکلر دخی قوللانمشلردی .

عباسیلرده مفروشات و تزیینات بیتیه

دولت اسلامیة عباسیلره انتقال ایدنجه بودولتک ایلک خلیفه لری ( سفاح ) ایله ( منصور ) دولتک تأسیس و تحکیمی ایله اوغراشهرق بشقه شیلره اهمیت ویره مامشلردی . فقط دولت محکم تمل اوردقدن صکره عباسیلر دخی تنعم و ترفهه میلان کنیدیلرینی آله میهرق قانون تکامله تبعاً دها اولکی دولتری تقلید ایتیکه ، اجبار قیمتدار ایله مرصع آلتوندن و یاخود فیل دیشی ایله مزین آبانوزدن تختلره مالک اولغه ، قیمتدار کرسیلر ، قولتوقلر ، قولتوق یاصدقلری قوللانمغه ، خانه لرند آلتون شهعدانلر قوره رق عنبردن موملر یا قغه ، ایشلمه لی و صرمه لی پرده لر قورمغه ، سوسلی و قیمتدار کلیملر ، خالیلر ، آلتون صرمه لی و اینجی و یا قوتلی حصیرلر سرمکه قویولدقلری کبی [۲] آلتون و کموش اوانی استعمالنده دخی پک ایلری کیتمشلردی . او زمانکی عالم مدینتک هر نره سنده انی بر شی وار ایسه انی جلب ایدرلردی . بو جهتله نقشلی پرده لری ( فسا ) دن ، کلیم و سجاده لری ( تستر ) و ( بخارا ) دن ، حصیرلری ( عبادان ) دن ، قولتوقلری ده ( دشت ) دن کتیرمشلردی . فقط الک انی آلتون صرمه لی مفروشات ( ارمنستان ) دن کلیوردی . یاصدقلری و اورتولری ایله برابر اون نمازلق سجاده دن متشکل اولان ارمنی طاقی بش بیگ دینار قیمتنده ایدی [۳] . ییکده مستعمل تحتہ طباقلر ( طبرستان ) دن ، مصنوعات خزفیه و زجاجیه ( بصره ) دن جلب ایدلکده ایدی . بومصنوعاتک اکثری - دها اول تجارت بچنده بیان ایتدیکمز اوزره - چین مالی ایدی . شو قدرکه اینجه جام مصنوعاتی ( شام ) دن کوتورولیوردی . بو جام اینجه لک و تمیزلک ایله مشهور ایدی . ضرب ، مثل اوله رق « شام زجاجندن دها رونقلی و براق » دینیلیوردی [۴] . ایشته عربلر بالاده کی اوانی و مفروشاتی روم و ایرانیلری

[۱] دمیری ۵۸ ج ۱ [۲] ابن خلدون ۱۴۵ ج ۱ [۳] الفرج بعدالشدہ

۱۰۳ ج ۱ [۴] لطائف المعارف ۹۵

تقلیداً اسکی حالدۀ نه ایدی ایسه او حالدۀ اقتباس و استعمال ایتدکن صکره او اشیایی عربلاشدیرمشلر ، اوزرلرینه نقش ایتدکاری عربجه حکم ، امثال و اشعار ایله تزین ایشلسلردی . بو یولده یاپیلان پرده لر آلتون و کوش مخلره تعلیق اولنوردی [۱] . خالی و کلیملر غایت مصنع و مزین یاپلمقده ایدی . بونلرک اورتلرینه حیوانات بحریه ویا بریه نقش ایدلدیکی کچی کنارلرنده صرمه ایله بر طاقم ابیات یازیلیر ، حتی بعضاً بر کلیمک کنارینه بتون بر قصیده نقش اولنوردی [۲] . بوخصوصه اوقدر ایلری کیتمشلر ایدی که اوئی زجاجیه ، یمک طباقلری ، سالون دیوارلری ، قپو اوزرلری هپ اشعار ایله تزین ایدلمکده ایدی . بو تزینات صنوف ناسه کوره شکلاً ، مقداراً مختلف ایدی . هرکس اقتدار مالیهی ایله متناسب مزین اشیایه رغبت ایدیوردی . مثلاً برصنف خلق کلیملرده تزینات شعریهی ساده ایپکله ایشلتدیردکاری حالدۀ ثروتجه ده ایتدیر سائر طبقات حال ووقتلرینه کوره صرمه لی ، آلتون تللی ، حتی یاقوت و الماسلی کلیملر ، خالیلر قوللانیرلردی . خلفای عباسیه دن ( مستعین ) ک و والده سنک یاننده جسملری آلتوندن و کوزلری یاقوت ، الماس و سائرده دن هر جنس حیوانات ایله قوش رسملری حاوی پک قیمتدار بر خالی و ارایدی که مشارالها بو خالی ایچون ۱۳۰,۰۰۰,۰۰۰ درهم صرف ایتیش ایدی [۳] .

خلیفه ( رشید ) زماننده عباسیلر ده اول موجود اولیان برحق مفروشات انواعی ایجاد ایشلردی . روایتۀ کوره کوش ، آبانوز . صندالین مصنوع ، چنکعلری آلتون و کوشدن معمول ، اوستنه سمور ، دیبا ایله قرمز ، صاری ، یشیل و مائی رنگلرده سائر ایپک منسوجاتی کچیرلمش قبه لی خیمهلری ایلاک استعمال ایدن ؛ خلیفه مشارالیهک زوجہ سی ( زبیده ) ایدی [۴] .

عباسیلر ( مذاب ) دینلن بر نوع یلدازلر اختراع ایتمشلردی که ده اول معروف دکلدی [۵] . بو یلدازلری سوسلی یاپمقده ، اوزرینه بر ظرافته ویا بر مقصدۀ مناسبی متضمن شعر یازمقده فوق العاده ابراز مهارت ایدیورلردی . مشاهیر شعرا دن ( ابوالعاهیه ) خلیفه ( رشید ) ک سراینه منسوب ( عتبه ) نامنده کی جاریه یه مفتون ایدی . شاعر جاریه یه نائل اولمق ایستور ، فقط رد

[۱] اتلیدی ۹۸ [۲] اغانی ۴۱ ج ۱۵ [۳] مستطرف ۱۳۴ ج ۱

[۴] مسعودی ۳۶۶ ج ۱ [۵] اغانی ۸۱ ج ۱۲



اولمقدن قورقوردی . بناءً علیه استعطاف مقصديه خليفه اوج يلازله تقديم  
ايتمش ایدی که هر يلازیه شو ایتادن برینی یازمش ایدی :

ولقد تنسمت الريح خاحتى      فاذا لها من راحتیه شمیم  
اعلقت نفسي من رجائك ماله      عنق یحث الیک بی ورسیم  
ولربما استأسیت ثم اقول لا      ان الذی ضمن النجاح کریم [۱]

مع ذلك يلازله اوزرينه شعر یازمق امویلر دورنده دخی معروف ایدی [۲].

#### عباسلرده مجوهرات

خلفای عباسیه علی العموم مجوهراته وبالخاصه (در) دنیلن بیوک ایچی  
ایله (بهرمانی) نامی ویریلن پک زیاده قرمزی یاقوته فوق العاده رغبت  
ایدیورلردی . بو نوع یاقوتدن صکره اعتبارجه صره ایله نار رنکنده کی  
قرمزی یاقوت ، (اسمانجونی) نامیله معروف اولوب قرمزی یه چالان قویو  
ماوی یاقوت ، پک صاری یاقوت ، آلتون رنکنده یاقوت طاشلری کلیوردی.  
مذکور رنکلرده بولنان طاشلرک تمیزلکارینه ، جهملرینه کوره قیمتلی  
واردی . کذلک او دورلرده نظر رغبتی جلب ایدن احجار قیمتداردن بریده  
زمرد ایدی . زمردک اک ای نوعی رنکی یشیله چالان بیوک سینکلرک رنکنه  
بکزه دیکی ایچون (زبابی) دنیلن جنس ایدی . الماسلردن اک زیاده مقبول  
اولان نوع دخی رنکی برآز قرمزی یه چالان قطعه لر ایدی . فیروزه ، مرجان ،  
عقیق ، جزع کبی شیلر ایسه پک چوق بولندیغندن حکمدارلر بونلره پک نادر  
اوله رق اهمیت ویریرلردی .

دولت اسلامیهنک اوائلنده اسلاملرک حوزۀ استعماللرندن بولنان مجوهراتک  
قسم اعظمی ایران غنائمدن انتقال ایتمش ایدی . چونکه اسلاملر ایران ممالکنی  
فتح ایتدکلری ائنده ایرانلیلرک عصرلردن بری طوپلایوب آبادن اولاده میراث  
طریقله برادقلری حسابسنر ، امثالسنر مجوهراتی بردن اغتنام ایشلردی . هم  
بو قیمتدار اشیانک قیمتی - ده اول بیان ایتدیکنمز اوزره - آکلایه مامشلردی .  
کذلک اسلاملر کردلر ایله حرب ایتدکلری ائنده او کبی پک چوق قیمتدار

اشیا الہ کچیرمشلردی . مذکور بخاربه‌ده اسلاملر مجوهرات طولی بر سبت اغتام ایدرک حضرت ( عمر ) ه کوتورمشلردی . خلیفه مجوهراتک صائسنی ، ائمانک اسلاملره تقسیم ایدلسنی امر ایتش ایدی . بونلردن یکرمیشر بیک درهم قیمتند بولان طاشلر - آکلایه‌مامق سیئ،سیله - بشر درهمه صائش ایدی [۱] .

فقط بالاخره بوحال‌بداوت وجهالت کچنجه مجوهراتک قدری آکلاشلمش ، اوکی اشیا ایچون پک بیوک پاره‌لر صرف ایدلمک باشلامشدی . از جمله خلیفه ( رشید ) اسکیده بر چوق حکمداران یاننده پک معتبر طوتولان ( جبل ) نامنده بر قرمری یاقوت طاشنی قرق بیک دیناره صاتون آلهرق اوزرینه کندی اسمنی نقش ایش ایدی [۲] . کذلک خلیفه مشارالیه یوز یکرمی بیک درهمه بر حجر قیمتدار ده‌ا مبیاعه ایتش ایدی [۳] . بغدادده بر مجوهرات تاجری ( یحیی بن خالد برمکی ) یه بر سبت مجوهرات کوسترمش ، ( خالد ) ایسه اکا ایدی میلیون درهم مقدارنده بر فیأت ویرمش ایدی [۴] .

اسلاملر بیوک مبلغلره بدل مجوهراتی استعمال ایدرلردی . مثلاً بری اون بیک دینار مصارفه محتاج اوزون بریوله چیقیدنی زمان او مقدار پاره‌ی آلتون وکوش اولهرق برابر کوتورمکدن ایسه جیبده حفظی ده‌ا قولای برویا متعدد حجر قیمتدار کوتورلردی . اوآدم قصد ایتدیکی شهره واردیغنده الیوم مستعمل اولان بانقه حواله‌سی ویا بانک نوظلرکی او مجوهراتی صاتار ، پاره‌سی ایله ایشنی کورلردی .

مجوهراته دخی رغبت ایدن امویلر برچوق اوانی مرضعه استعمال ایتدکلری کی کرک کندیلرینک ، کرک حرم وجاریه‌لرینک زینت‌لرینه خدمت ایتک اوزره مرضع کردانقلر یاپدیرمشلردی . فقط عباسیلر بویولده پک ایلری کیتمشلردی . حتی خلیفه ( رشید ) ک همشیره‌سنک یاپدینی کی حرملرینک باش باغلری بیله مرضع یالقدده ایدی [۵] . ( رشید ) ک زوجہ‌سی ( ام جعفر ) ایاق قابلرینی دخی الماسلی یاپدیرمش ایدی [۶] .

والحاصل خلفای عباسیه تعداد و تقدیری غیر قابل مرضع برچوق اوانی ،

[۱] ابن الاثیر ۲۴ ج ۲ [۲] مسعودی ۳۰۰ ج ۲ [۳] انلیدی ۱۴۱

[۴] طبری ۱۸۹ ج ۲ [۵] اغانی ۸۳ ج ۹ [۶] مسعودی ۲۶۶ ج ۲

تزینات بیتیہ ، مجوہرات ، البسہ اقتناسنہ فوق العادہ غیرت ایتمکدہ ایدیلر .  
خلیفہ ( مکتفی ) وسائرہ نک دھا اول ذکر ایتدیکمز متروکاتی مدعامزہ شاهد  
اولدینی کبی بشنبی عصر حجری اورتہ لرندہ ( بساسیری ) فتنہ سندنہ خلیفہ نک  
خانہ سندن - موجوداتک بر قسمی اولق اوزرہ - مصادرہ ایدیہ رک ۷۵,۰۰۰



عرب قادینلرینہ مخصوص کوشدن تزینات

قطعه دیبا ، ۱۱,۰۰۰ زرہ ، ۳۰,۰۰۰ قلیجہ بالغ اولان اشیا دخی دیدیکمزی  
مؤیددر . بونکلہ برابر بو اشیا فاطمیلرک سرایلرندہ بولان قیمتدار اشیاہ نسبہ  
بیوک بر شی صاییلہ مازدی .

علامہ شہیر ( ابن خلدون ) عباسیلرک خشونت بداوتدن قورتولہ مدقلرندن  
بحثلہ ملبوسات ، تزینات وسائر وسائط مدنہ دہ پک چوق ایلری کیتمدکارینی

ادعا بوو مدعای تائید ایچون ( مسعودی ) ایله ( طبری ) نك سوزلریله  
استشهاد ایتمکدهدر [۱] .

حال بوکه علامه مشارالمهك بوباده کی ادعای نه ذکر ایتدیکی ایکی مورخ  
معتبرك ، نه ده بالذات کندیسنك سوزلری نه منطق دکلدر . زیرا ( ام جعفر ) ك  
صلاح ایله مشهور اولدیغی حالد مرصع آياق قابیری کیدیکنی حکایه ایدن  
( مسعودی ) در . كذلك ( طبری ) خلیفه ( رشید ) زماننده عباسیلرک  
اسرافاته دأثر بر چوق معلومات ویرمشد . بوندن ماعدا ( اغانی ) ، ( العقد  
الفرید ) ، ( المبرد ) ، ( المعارف ) ، ( لطائف المعارف ) و سائر کتابلری  
مؤلفلری کی دها اول یتشمش اولان تاریخ وادیات علماسی طرفندن دخی  
بو یولده خیلی معلومات اعطا ایدلمشدر . بتون مورخلر بومعلوماتی ذکر اولنان  
کتابلردن نقل ایدرک بونی غریب ویا شایان اعتراض کورمامشاردی . حتی  
بالذات ( ابن خلدون ) کندی تاریخنك مقدمه سنده « مأمون ك ( بوران ) ایله  
زفاف اولدیغی کیجه مهری میاننده کندیسنه بیك قیمتدار یاقوت طاشی هدیه  
ایتدیکنی ، هربری یوز من وایکی ثلث مندن مرکب عنبر موملری یاقیدردینی  
کی حصیرلری آلتوندن منسوج وایخی ویا قوت ایله مرصع اولق اوزره مندرلر  
دخی سردیکنی » یازمقدهدر [۲] . فکر مزجه دولت عباسیه نك ابتدالرنده  
خلفانك چکندکلری شی آلتون ترینات ایله آلايه چیقمقدن عبارتدی . او  
کی بر آلاي ایله چیقان ایلك خلیفه عباسی ( معتز بالله ) ایدی [۳] . عباسیلر  
اسرافاتده پك ایلری کیتمش ایکن مورخ فیلسوفك انلری بو حالدن تنزیهه  
چالیشمی فضله بر غیرت عد اولنور .

#### فاطمیلرک اسرافاتی

عباسیلر دها صکره مصر ، شام ، مغرب واندلسده موقع اقتداره کئن  
حکمدارلر ایچون رهبر اولمشلردی . مصرده تأسیس حاکمیت ایدن فاطمیلر  
هر شیده حتی اسباب مدنیتده عباسیلری تقلید ایدیورلردی . او وقته قدر  
مدنیت اسلامیة تعالی ایتمش ، دولت عباسیه ده انحطاطه یوز طوتمش ایدی .  
فاطمیلر اسراف و تبذیراتک اکثرنده وبالخاصه مفروشات وترینات بیتیه ایله



البسہ یہ متعلق شیلردہ عباسیلری فرسخ فرسخ کچمشلردی۔ عباسیلر حرملریٹک باش باغلریلہ آیاق قابلریخی مرصع یامشلردی۔ حالبوکہ فاطمیلر بلوردن اولان باده اریقنی احجار قیمتمدار ایله مرصع یاپدقلری کبی تپسیلریده اڭ نادیده انجیلر ایله قاپلامشلردی۔ آلتون، کموش مصنوعاتنه پک چوق رغبت ایدرک اوطوردقلری صالونلری مرصع هیکلر ایله تزین ایلورلردی۔ خلفادن بری راحت آلمق ویا البسه دیکشدرمک ایچون مقصوره لردن برنده اوطوردیقنی زمان اطرافنه انسان ویا فیل، زرافه وامثالی حیوانات تمثاللریخی حاوی مرصع تپسیلر قونولوردی۔ بوهیکلر آلتون، کموش، عنبر، کچمه واورمه مرسین آغاچندن اعمال ایدیلر، انجی، یاقوت وزبرجد ایله مزین بولنوردی۔ عنبردن یاپیلان فیل شکللرنده کی دیشلر کموشدن، کوزلر ایسه بیوک احجار قیمتمداردن ایدی۔ بو جوهر پاره لر آلتون میخلر ایله یرلشدیریلردی۔ فیللرک اوزرنده عود آغاچندن تختلر، کموش و آلتوندن دوشکار یاپیلردی۔ تختلرک اوستنده دخی کذلک کموشدن اولمق اوزره مکمل اسلحه ایله مجهز متعدد قهرمان شکللری موجود ایدی۔ حیوانات مفترسه نك تمثاللرینه کلنجه بونلر شکارلریله برابر عود آغاچندن یاپیلر، کوزلری برر قمرزی یاقوت طاشندن مرکب بولنوردی۔ میوه لری ایچیدن متشکل اولمق اوزره مرسین آغاچندن معمول دالر بو تمثاللری احاطه ایدیوردی [۱]۔

اسرافات وتبذیرات ادواتنک حفظه مخصوص اوله رق فاطمیلرک (خزائن) نامی ویریلن بر طاقم دارالتحفلری واردی۔ بونلرک بعضلری مفروشاته، بعضلری مجوهراته، دیگر بعضلریده کوزل قوقولره، سنجاقلره، سلاحلره، اکرلره، زهرلره، کسوهلره، ازراق و ما کولاته، مشروباته، بهاراته، چادرلره تخصیص ایدلمش ایدی۔ خلیفه مذکور خزینهلره کیدرک اوطورمسنه مخصوص یرلرده اخذ موقع ایدردی۔ او موقعلر دوشکللی ویا صدیقلی برر صوفه دن عبارت ایدی۔ صوفه لرده برر فراشت مأموری موجود ایدی۔ صوفه نك نظافت و انتظامنه باقاردی۔ (مقریزی) بو دارالتحفلر ایله حاوی اولدقلری آلات وادوات، مفروشات و تزینات، البسه و مجوهرات، کوزل قوقولر حقنده بو مقامک وسی فوقنده بر چوق تفصیلات ویرمکده در. آرزو

ایدنلر اورایه مراجعت بیورسونلر [۱]. بوراده مثال اوله رق یالکز بعض مختصر معلومات ویره جکز .

### فاطمیلرده حلیات و مجوهرات

هجرتك ۴۸۷ سنه سننده وفات ایدن ( مستنصر بالله ) ك دور حاکمتنده مجوهرات خزینه سندن صیقندی زماننده آلان قیمتدار اشیا میاننده یدی مد زمردی حاوی بر صندوق چیقاریله رق قیوجیلردن انك قیمتی صورلمش ایدی . قیوجیلر امثالی موجود اولمیان برشی ایچون قیمت تقدیر ایدیه من دیمشلردی . كذاك مذکور خزینه دن برکیله طولوسی مجوهرات آلمش ایدی که بونك ایچون دخی قیوجیلر قیمت تقدیر ایده مامشلردی . بو مجوهراتك اصل قیمتی ۷۰۰,۰۰۰ دینار ایکن اوصره لرده یکریمی بیك دیناره ساتش ایدی . مذکور خزینه ده تعداد واحصائی غیر ممکن نقشلی وساده بلور قدحلری ایله بعضلری یوزلرجه دینار دکرنده مینالی صحنلر بولنش ایدی . دیگر بریردن دخی هر بری ۱۰ دیناردن بیك دیناره قدر دکرده ۱۸,۰۰۰ قطعه بلور ، مینالی وساده انواع نقشلر ایله مزین بر چوق آلتون تپسیلر ، اپك اوزرنده آلتونلی ۱۷,۰۰۰ قلیف ، اکثری اوستمده ( رشید ) نامی محرر یوز شیشه قدر باد زهر وامثالی چیقارلمش ایدی .

بونلردن ماعدا آلتونلی ، کوشلی ، قبضه لری مختلف احجار قیمتدار ایله مرصع صندوقلر طولوسی هر شکلده دویتلر بولنش ایدی که هر دویت بیکدن بر قاچ بیك دیناره قدر قیمت ایدردی . كذاك کافور ، عنبر ، تیت مسکی ، عود آغاجی وسائرده دن بر چوق شیلر بولنش ایدی .

خلیفه ( معز ) ك کریمه سی ( رشیده ) نك متروکاتدن اوله رق مذکور خزینه لرده محفوظ قالان اشیا ۱,۷۰۰,۰۰۰ دینار قیمتنده ایدی . ۱۲,۰۰۰ رنکلی البسه ، ( معز ) دورندن قاله و تپه لری مجوهرات ایله مزین ۱۰۰ قوانوز کافور قیسوری ، خلیفه ( رشید ) ك ( طوس ) ده ایچنده وفات ایتدیکی ایپکلی سیاه چادر او جمله دن ایدی . كذاك ( معز ) ك دیگر کریمه سی ( عبده ) دخی بیوک بر ثروتدن نمونه نما اشیا براقشدی که بونك تفصیلی اوزون سورر .

هر قطعہ سی بیک دینار دکرندہ انواع چینیلری حاوی خزینہ لر ، اون رطل آغیرلغندہ بر آلتون حصیر دخی بولنش ایدی . بو حصیرک دولت عباسیہ اعظم امراسندن (حسن بن سهل) ک کریمہ سی (بوران) ک - دها اول بیان ایدلیکی اوزره - خلیفہ (مأمون) ه زفاف اولندینی زمان اوزرندہ اوطوردینی حصیر اولدینی ظن ایدیلوردی . روم پادشاهی طرفندن (عزیز بالله) ه اهدا ایدیلن آلتون تپسیلردہ او میانده چیقمش ایدی .

مرصع آلتون وکوشدن ویا مرصع فیل دیشی و آباتوزدن معمول درلو درلو سطرنجلر ، طاوولہ لر ، کلدانلر وامثالی بولندینی کبی اک کوچکی ۱۲ من آغیرلغندہ اولمق اوزره عنبردن ۲۲,۰۰۰ هیکل ، خلیفہ نک بی حد وحساب هیکل مجسملری بولنش ایدی . آلتوندن مرصع طاووسلر ، جیلانلر ، خرما آغاجلری ، ابرقلر کبی دها برچوق مصنع ، نادیدہ و قیمتدار اشیا الدہ ایدیان مجوہرات میانده بولنمقدہ ایدی .

#### فاطمیلردہ مفروشات و اشیا بیتہ

فاطمیلرک مفروشات خزینہ لرندن حسابمیز اشیا و تزینات بیتہ اله کچیرلمش ایدی . اکثری آلتون صرمہ لی اولمق وهربری ۳,۵۰۰ دینار قیمتندہ بولنمق اوزره ۱۰۰,۰۰۰ قطعہ ایپکلی مفروشات ایله آلتون صرمہ لی اطلسدن برچوق فیل چوللری ، یاصدیقلری ، سدرلری ایله کلیملری ، پردہ لری و سائرہ سی هب تمام اولمق اوزره بیاض ایله قاریشیق قرمزی رنگدہ ۲,۰۰۰ ایپکلی اوطہ طاقی ، برچوق قدیفہ لر ، اطاسلر ، اوزرلری انواع تصاویر ایله مزین سائر منسوجات حریریہ اوچلہ دن ایدی . کذلک دول معروفہ نک پادشاهلریله اعظم رجالنک تصویرلری ، اسملری ، مدت حاکمیتی ، ترجمہ حالی حاوی آلتون صرمہ لی رنگارنگ بیک قدر ایپکلی پردہ ، هر بوغچه سی بر اوطہ طاقی مشتمل ۴,۰۰۰ بوغچه مذهب خسروانی دخی چیقارلمش ایدی . (آستر) ک ماوی ایپکندن رنگارنگ ایشلمہ لی و آلتون صرمہ لی بر طوپ قماش بولنش ایدی کہ ملوک فاطمیہ دن (معزالدین الله) طرفندن یاپدیرلمش اولان بوقماش اوزرندہ کرء ارض اقالیمی ایله دکیزلری ، شهرلری ، نهرلری عادتاً خریطہ کی نقش ایدلمش ایدی . مکہ مکرمہ ایله مدینہ منورہ نک شکللری ده ترسیم اولنش ایدی . هر شهرک ، هر طاغک ، هر نهرک ،

هر دكزك اسمی آلتون ویا كموش صرمه ویا ایپك ایله یازلمش ایدی . قماشك آشاغی طرفده ایسه « ۳۵۳ سنه » خجریه سنده ( معزالدین الله ) طرفدن حرم اللهه اشتیاق و رسول اللهك آثار جلیله سی اشهار ساقه سیله یاپدیرلمشدر » عبارده سی تحریر ایدلمش ایدی .

بوکی شیلری نظر تأمله آله رق مدنیته اوصره لرده ندرجه لرده قدر اعتلا ایتدیکنی اكا کوره دوشونکیز . اوقیمتدار اشیا الی یومنا هذا قالمش اولسه ایدی نه عظیم پاره لر ایده جکدی .

فاطمیلرک سائر خزینه لرده بولنان قیمتدار اشیاییده اكا کوره قیاس ایدیکیز . مثلاً سلاح خزینه سنده حضرت ( حسین بن علی ) نك قلیجی ، ( حمزه بن عبدالمطلب ) ك قالقانی ، ( جعفر صادق ) ك قلیجی ، یوز بیگلرجه قالقان ، قلیج ، اوق ، قارغی و سائر موجود ایدی . کذلک اکر خزینه سنده بعضیلری بیك دینار قیمتده اولمق اوزره بک قیمتدار بیگلرجه اکر بولمقده ایدی . چادر وخیمه خزینه سنده دخی ایپکدن و سائر دن غایت مکلف و مزین اوتاغلر ایله چادر وخیمه لر واردی . کونا کون برچوق رسملر ایله مزین و دیرکری کموش قاپلامه اولان بو چادرلرک بعضلری ۶۵ ذراع بوینده غایت بیوک ایدی . مشتملاتی ایله برابر هر چادری یوز دوه طاشیردی . سنجاق خزینه لرده ایسه فوق العاده مکلف و مزین برچوق سنجاقلر موجود ایدی . مذکور دولته اسرافات و تبذیراته نمونه اولمق اوزره ( حاکم بامرالله ) ك همشیره سی ( ست الملائك ) ك مشارالیه برادرینه اهدا ایتدیکی شیلر میاننده بری مرصع ، دیکری بلوردن اوله رق آلتون اکرلی اوتوز آت ایله الك قیمتدار مجوهرات ایله مرصع برتاج ، انواع اشجاری حاوی کموشدن بر بوستان وار ایدی .

بالاده ذکرى کچن شیلرک مبالغه دن خالی اولمیدنی ، یاخود افسانه قییلندن بولندیقی بلکه وارد خاطر اولور . فقط بغداد کندی مدنیته زماننده ثروت ایله نصل شهرت قازانمش ایسه مصر دخی عصور اسلامیة وسطاده بیوک بر ثروت و سامان ایله کسب شهرت ایتمش ایدی . کذلک سائر خاق یوقلق و محرومیتدن شکایت ایتدیگری زمانلرده مصر لیلر زنکینلک و اسرافات ایله طانیلورلردی [۱] .



بونک ایچون ضرب مثل قیلندن اوله رق « هرکیم مصره کیردیکی حالدہ زنکین اولماش ایسه الله اونی بردها زنکین یامسون » دینلیوردی. باخصوص بوقیمتدار اشیا ایله امثالی اک معتبر کتب تاریخیه ده ذکر ایدلمشدر. حتی بعض مورخلر بونفیس اشیا بی رأی العین مشاهده ایتشلر ایدی. آ ز جمله مورخ شهر ( ابن الاثیر ) صلاح الدین ایوبینک مصرده خطبه بی فاطمیلردن عباسیلره نقل و خلفای فاطمیه سرائلرند - مستنصر فتنه سی صره سنده وقوع بولان یغما کر لیکلردن صکره - قلمش اولان اشیا بی مصادره ایتدیکی زمانه مصادف ۵۶۷ سنه هجریه سی وقائعی ذکر ایتدیکی ائنده معلومات آتی بی ویریور :

« بتون او اشیا صلاح الدینه کوتورولوب تسلیم ایدلمشدی . کثرتی جهتیله تعداد و ترتیبی امکان خارجنده بولنان بوقیمتدار اشیا میاننده بی نظیر یک چوق مجوهرات ، یاقوتلر ، زمردلر موجود ایدی . او کی نفیس و قیمتدار اشیا بشقه هیچ بریده یوق ایدی . اون یدی درهم ویا مثقال ثقلتمده بریزی یاقوت بولنیوردی که بونی بالذات کندم کوروب طارتم. کذلک بواشیا میاننده بولنان اینجیلرک هیچ بریده امثالی یوق ایدی. درت پارمق طولنده ، قالین بر پارمق عرضنده زمرددن برقبضه موجود ایدی [۱] . »

#### اندلسلیرک اسرافات و تبذیراتی

اندلس ملوک و امرا سی دخی هر نه قدر اسرافات و تبذیراتده عباسیلره اقتفا ایتشلر ایسه ده بویولده مصر لیره یتشه مامشلردی. مع هذا بعض اندلس ملوکی هیچ برکیمسه نیک یتشه مدیکی درجه لرده اسرافات و تبذیراتده بولنمشلردی . نته کیم وزیر اعظم ( منصور بن ابی عامر ) اودورده خرسیتیان دولترلرینک اک بیوکی اولان روم دولتی حکمداری طرفندن اسلاملرک احوالی ، درجه قوتلرینی کورمک اوزره کوندریلن سفیر مخصوصه دولتک شان وشوکتی ، ثروت و سامانی کوسترمک مقصدیه میلی بیوکی بر حوضده نیلوفر اکدیرمش ، ددر قطار آلتون و کوشک نیلوفر لره صیغه بیله جک کوچک حجمده دوکیله رک بتون نیلوفر لرک بوکوش و آلتون قطعه لریله تولدیرلمسنی امر ایلش ایدی . صکره فجردن اول سفیری تزدینه ( زهرا ) سراینه چاغیره رق حوضه ناظر بر موقعده او طور تمش ایدی . طلوع شمس یا قلاشنجه مکلف ققتانلی ، آلتون

و کموش قوشاقلی بیک اسلاو اوشاق بش یوزی آلتون و دیگر بش یوزی کموش اولمق اوزره برر تپسی حامل اولدقلری خالد کلوب طور مشاردی . اوشاقلرک کوزلکلرینه قارشى حیران قالمقدن کندینی آله میان سفیر بونلرک کلارنده کی مقصدی آکلایه مامشدی . فقط خورشید عالم آرا اشعه سالنجه نیلوفرلر انکاس ضیا ایله پارلامغه باشلامشدی . اوشاقلر نیلوفرلره یاقلاشه رق آلتون قطعه لرینی آلتون ، کموش قطعه لرینی ده کموش تپسیلره طویلادقدن صکره (منصور) ک حضورینه کیروب کومه کومه یامشاردی . سفیر ثروت و سامانک بودرجه سنه قارشى حیرته دوشمکدن کندینی آله مامش ، مصالحه طلب ایتش ایدی . ینه بو (منصور) درکه (هشام) ک والده سی (صبح) سلطانک محبت و میلنی جلب ایتک مقصدیله کموشدن برکوشک یاپدیردق برچوق انسانلرک باشى اوزرینه طاشیتدیرمش ، سلطان مشارالیه یه تقدیم ایلش ایدی [۱].

اندلس طوائف ملوکندن (معتمد) ک اعتماد نامنده کی زوجه سی ایچون یاپدینی شی دهها زیاده شایان حیرت صاییلیر . مشارالیه چول قادینلرینک چامورلر ایچنده ییچالری صیغالی اولدینی خالد (اشبیلیه) ده طولوملر ایتمده سوت صامقده اولدقلرینی مشاهده ایدرک زوجه نه : « جارید لرله برابر بن ده بو قدینلر کی یایمق ایسترم » دیمش ایدی . (معتمد) سراینده عنبر ، مسک ، کافور ، کل صویندن مرکب برچامور یاپدیرمش ، ایپکدن طولوم و ایپلر یاپدیرمش ایدی . زوجه سی جاریدلرله برابر چیقهرق او چامورده طولاشمش ایدی [۲].

اسراف و تبذیر دورنده یتیشن سائر حکمداران اسلامیه بی ده اکاکوره قیاس ایدیکیز . ایرانه حکومت سورن ملوک ساجوقیه دن (ملکشاه) ک مخدومی (سنجر) ک یاننده ۱۰۹۳۰ رطل آغیرلغنده مجوهرات وار ایدی که هیچ بر حکمدارک نزدنده بوقدر مجوهرات بریکدیکی ایشیدلماشدی . بعضاً تنویر ایچون صرف اولنان موم اسرافاته برمقیاس اتخاذا ایدیلیردی . آل بویه دن (عزالدوله بختیار) ایله وزیرى (ابن بقیه) دن هر برینک آیلق موم صرفیاتی بیک من ایدی [۳].


[۱] نفج الطیب ۷۲۱ و ۷۲۲ ج ۲ [۲] نفج الطیب ۲۰۸ ج ۱

[۳] ابن خلکان ۸۷ ج ۱ و ۶۳ ج ۲

خلفای عباسیه دن (محمد الامین) بیوک موملر یا ققله اشتهار ایتیش ایدی. اسرافات و تبذیرات یالکیز خلفا، ملوک و امرایه مخصوص دکلدی. بتون رجال دولته، بونلرک سایه سنده کچین صنوف خلقه ده شامل ایدی. حال بوکه عوام صنوفی علی الاکثر بالعکس یوقاق و ضرورت ایله وقت کچیریرلریدی. ایکنجی جلدک ۳۰۰ نجی صحیفه سنه مراجعت بیورلسون.

#### ۴- اوطهلق آلمق

اوطهلق آلمق جاریه لری آلت اذواق اتخاذا ایتک و یا نلردن اولاد صاحبی اولمق مقصدیله وقوع بولیوردی. بونلرک اوعصرلرده نه قدر چوغالدقاری، جاریه تجارتی نصل رواج بولدی، تربیه لرینه نصل اعتنا ایدلیدی، بونلرک



اون ایکنجی عصر میلادی معمولات اسلامیه سنده  
فیل دیشی ایله مزین بر صندوقه

هدیه صورتیله نصل آلتوب ویرلیدی حقیقه اولجه معلومات ویرمش ایدک. بوراده سفاهت سائقه سیله انلرک نصل اوطهلق و مستفرشه اتخاذا اولندقلرینه دائر بسط مطالعات ایلجه جکیز. فقط شمیدین شوراسنی اعتراف ایتک لازم درکه اوطهلقلر علی الاکثر زوجه اولیورلریدی. چونکه هرکیم کندی اوطهلقغندن چوجق صاحبی اولنجه اوجاریه یی مشروع زوجه اتخاذا ایدریدی. دها اول عربلر جاریه لر ایله ازدواجدن نفرت ایلکده ایدیلر. بناءً علیه صدر اسلامیتده فتوحات سایه سنده پک چوق جاریه لر اله کچدیکی حالد خلفای راشدیندن هیچ بری

بونلردن زوجه اتخاذا اتمامشدی [۱]. بونکله برابر جاریه‌لری مستفرشه آلمقده  
 باس کورمیورلردی. حضرت (علی) وفاتنده ۴ زوجه ایله ۱۷ اوطه‌لق  
 براقش ایدی [۲]. اودورده برمستفرشه صاحبی مستفرشه‌سندن چوجوق صاحبی  
 اولسه بیله ینه او مستفرشه‌نی عادی جاریه کی صاته‌بیلیمکده ایدی. بالا‌خرد  
 حضرت (عمر) والده اولان جاریه‌لرک فروختی منع ایتدی [۳]. بونکله  
 برابر عربلر والده‌لری (یزدجرد) ک قیزلردن اولان اوچ بیوک ذات  
 یتیشنجیه قدر جاریه‌لردن طوغان کیمسه‌لره نظرحقارت ایله باققده ایدیلر [۴].  
 ایشه بوتاریخدن اعتباراً خاق جاریه‌لردن اوطه‌لق آلمغه رغبت کوسترمشلردی.  
 اوطه‌لق آلمق اسلاملر طرفندن ایجاد اولنش بر عادت دکلدی.  
 رومالیرجده اوطه‌لق آلمق شائع ایدی. رومالیرده بر اوطه‌لق بر زوجه  
 اعتبارینی حائز دکلسده هر حالده مشروع روابط ایله زوجه‌مربوط ایدی.  
 عربلرده اولدینی کی رومالیر دخی‌ابتدالرده اوطه‌لق آلمقدن نفرت ایدیورلردی.  
 فقط ده‌ا صکره بیوک امرادن ایکی ذاتک اوطه‌لق آلدق‌لرینی کورنجه او نفرت  
 مبدل رغبت اوله‌رق بی‌پروا مستفرشه‌لر آلمغه باشلامشلردی [۵].

اسلاملره کمنجه اعتلای مدینت‌لری دورلرنده مستفرشه‌لر اتخاذه‌ینه پک  
 زیاده رغبت کوستردکلرندن خلفانک چوقلری اکثریا جاریه‌لردن تولد  
 ایدیوردی [۶]. سائر رجال دولتک زوجه‌لری‌ده علی‌الاکثر جاریه‌لردن  
 متشکل بولمقده ایدی. مملکتک ایلری کلنلری، زنکینلری دخی عین حالده  
 ایدیلر. اوطه‌لق آلمق برعادت حکمنه کیرمش ایدی. هرکیم کندی اوطه‌لغدن  
 اولاده مالک اولور ایه‌یا او اوطه‌لق‌له عقد نکاح ایدر، یاخودانی آزاد ایلردی.  
 حتی اوقدر چوق اوطه‌لق قولانلش‌شدی که بعض خلفانک اوطه‌لق‌لری بی‌کلره  
 بالغ اولیوردی. روایت کوره خلفای عباسیه‌دن (متوکل) ک ۴,۰۰۰ جاریه‌سی  
 وار ایدی که جمله‌سی استفراش ایتش ایدی [۷]. خلیفه مشارالیهک جاریه‌لره  
 شوصورت‌له فرط میل ورغبتی آکلایان امرای و سائر اعظم رجال دولت‌کندیسه  
 کوزل جاریه‌لر اهدا ایتک صورتیه جلب توجهنه چالیشمقده ایدیلر. امرای

[۱] ابن‌الاثیر ۲۶ و ۹۲ ج ۳ [۲] الفبا ۳۴۷ ج ۲

[۳] ابن‌الاثیر ۲۹ ج ۳ [۴] ابن‌خلکان ۲۲۰ ج ۱ [۵] Gibbon II 205

[۶] کتاب‌مزک دردنجی جلدی [۷] مسعودی ۲۷۹ ج ۲



دولتہدن (عبداللہ بن طاهر) متوکله ۴۰۰ جاریہ تقدیم ایتش ایدی [۱] .  
(میفارقین) امیری (نصرالدوله) نك سنه كونلری مقدارنجہ ۳۶۰ اوطلهانی  
وارایدی [۲] . سازنده وخوانندهك ایچون قوللائیلان جاریہلر ایسه بشقه  
ایدی . خلیفه (رشید) ك ۲,۰۰۰ جاریہسی [۳] واردی که بونلردن ۳۰۰ ی  
خواننده وسازنده ایدی [۴] .

والحاصل پك چوق جاریہ قوللائمق مألوف برعات حکمنه کیرمش ایدی .  
قادینلر بیله محضا احتشام وزینت ایچون جاریہلره مالک اولیورلردی . مثلاً  
(جعفر برمکی) نك والدهسك یاننده کندی خدمتنه مخصوص اولمق اوزره  
۴۰۰ جاریہ واردی [۵] . اولجہ بیان ایدلیدیکی وجه ایله خلیفه (رشید) ك  
زوجہسی (زبیده) اندامی متناسب جاریہلری ارکك قیافتنه صوقدیغندن اکابر  
مملکت قادینلریده مشار الیہائی تقلیداً او قیافتده جاریہلر قوللائمشلردی .  
دها صکره خلفا وامرا وسائر اعظم مملکت بو یولده پك ایلری کیتمشلردی .  
اودرجهده که خلفای عباسیہنك اون طقوزنجیسی (قاهر بالله) بر بوی واندامده  
بولنان جاریہلردن بر طاقم تشکیل ایدرك بونلره اوغلانلر کی خرقه ، قفتان ،  
تقیه ، آلتون ویا کموش قوشاقلر کیدیرمش ایدی [۶] .

کرك شرق، کرك غربده تشکل ایدن سائر دول اسلامیہیده بوخصوصده  
اکاکوره قیاس ایدیکنز . فقط فاطمیلر چوق جاریہلره مالک اولمقده دخی  
سائرلرنی کچمشلردی . مثلاً (حاکم بامرالله) ك سراینده ۱۰,۰۰۰ جاریہ واوشاق  
وار ایدی [۷] . کذلک مشارالیهك همشیرهسی (سیدہ شریفه ستالملک) ك  
معیتنده ۸,۰۰۰ جاریہ موجود ایدی که بونلرك ۱,۵۰۰ ی قیز اوغلان قیز  
ایدی [۸] . مشهور (صلاح الدین ایوبی) فاطمیلرك سرایلرینه استیلا ایتدیکی  
زمان ایچلرنده خلیفه ایله عالیهسی افرادی وارکك اولادندن بشقه ارکك بولنماق  
اوزره مذکور سرایلرده ۱۲,۰۰۰ نفوس بولمش ایدی . خدمتکاران وغلمان  
بونلرك خارچنده ایدی . بونلر ایله برابر سرایلرده برچوق قیمتدار امتعه واشیا  
بولمش ایدی . (صلاح الدین) جاریہ واوغلانلرك صالسنی امر ایتش، فروخت

[۱] اغانی ۱۳۳ ج ۱۹ [۲] ابن خلکان ۵۷ ج ۱ [۳] اغانی ۱۸ ج ۹

[۴] اتلیدی ۶۷ [۵] مسعودی ۲۰۸ ج ۲ [۶] مسعودی ۳۶۶ ج ۲

[۷] مقریزی ۳۶ ج ۱ [۸] مقریزی ۴۸۵ ج ۲

ایشی اون سنہ سورمش ایدی [۱] . عین حال مصر کولہ منلرنده دخی موجود ایدی . اندلس امویلرینک سرائیلری ده کذلک جاریہلر ایله طولو ایدی .

## جاریہ لک اٹمانی

اوائل اسلامیتده غنائم حربیه اولمق اوزره پک چوق قیز ، قادین اسیر ایدلدیکندن او صرہلرده چوق جاریہلر صاحبی اولمق بیوک بر مصرفه محتاج دکلدی . فقط دهها صکره مدنیت شعشعه پاش اولنجه جاریہلر مبیاعه صورتیه آئوب ویزلمک ، بهالرینک یوکسلمسنه چالیشلمغه باشلاناش ایدی . بر آرده ده هم کوزل یوزلی ، هم کوزل سسلی ، هم ده شرقی سوتیکده مهازتلی جاریہلرک اٹمانی قات قات فضله اولیوردی . جاریہلرک اٹمانی بر قاچ یوز دیناردن بر قاچ بیک ، یاخود یوز بیک دیناره قدر مختلف مقدارلرده ایدی . بومقدارده بیوک بر مبلغ ویردرک جاریه صاتون آلان ایلک ذات ملوک امویه دن ( سلیمان بن عبدالمک ) ک برادری ( سعید ) ایدی . مشار الیه ( ذلفا ) نامنده کی مشهور خواننده وادیبه جاریہی بر میلیون درهم [۲] ، یعنی ۷۰,۰۰۰ دیناره صاتون آلمش ایدی .

خلیفه ( رشید ) بر جاریہی یوز بیک [۳] ، دیگر بر جاریہی ده مغنی شهرور ( ابراهیم موصلی ) دن ۳۶,۰۰۰ دیناره مبیاعه ایشم ایدی . ( رشید ) بوایکنجی جاریہی بر کیجه یاننده یقویدقدن صکره ( فضل بن ربیع ) ویرمش ایدی . مشارالیهک اوغلی ( محمد الامین ) - که مقام خلافتی احراز ایدن عباسیلردن ایدی - عمجه سی کذلک خلفای عباسیه دن ( هادی ) نک اوغلی ( جعفر ) دن بر جاریه سنی صاتون آلمق ایسته مشدی . ( جعفر ) بیعه موافقت ایتمیجه ( امین ) انک قایغنی آلتون طولدورمش ، بو آلتون ۲۰,۰۰۰,۰۰۰ درهم [۴] ، یعنی بر میلیون دیناردن زیاده بر مبلغ طوتمش ایدی . بوروایت صحیح ایسه او دورلرده جاریه ایچون ویریلن اک بیوک پاره بودیمک اولور .

بونلردن ماعدا ملوک امویه دن ( یزید بن عبدالمک ) سلامه نامنده کی خواننده جاریہی یکریمی بیک دیناره صاتون آلدینی کبی ( ضیا ) نامنده کی دیگر جاریه

[۱] مقریزی ۴۹۷ ج ۱ [۲] العقد الفرید ۲۰۳ ج ۳ والمستطرف ۱۳۲ ج ۲

[۳] طبری ۱۳۲۲ ج ۲ [۴] العقد الفرید ۴۳ ج ۳ داغانی ۱۴۵ ج ۱۵

دخی اللی بیک دینارہ فروخت ایدلش ایدی. وزیرای برامکدن (جعفر) بر جاریه یی قرق بیک، خلفای عباسیہ دن (وائق باللہ) ده (صالحیہ) نامندہ مولد بر جاریه یی اون بیک دینارہ صاتون آملشردی. بو مبلغردن کرک دها یوکسک، کرک دها آشغی پهلر ایلہ مایعہ اولنان جاریهلر ایلہ بویولده اختیار ایدیلن مصرفلری اکا کوره قیاس ایدیکنز.

۵ -- کرم وسخا

عربلرک، تا زمان جاهلیتدن طبعاً کرم و سخا ایلہ مفطور اولدقلری، بو سجاای قدیمه لری بعدالاسلام دخی محافظیه مجبورقالدقلری، کرم وسخانک خلیفه نک ورجال دولتک اطرافنده بولنانلر ایچون عادتاً بر واسطه معیشت کسیدلیکنی دها اول ویردیکنز ایضاحاتده کوسترمش ایدک. بالآخره خلفا ورجال دولتک انه پک چوق پاره لر کچنجه، اذواق مادییه متعلق احتیاجات و تکملاتده ایلری کیدیلنجه حسن صیت قازانمق کبی اذواق معنوییه ده میل ایتشلردی. عربلر اساساً مردلک وعلو جناب صاحبی ایدیلر. ستایش و استجداه پک زیاده میال اولدقلرندن اوکبی اذواق معنوییه نائلیت ایچون کرم وسخایی اک موافق واک واسع بر واسطه کوره رک فخر و مباهاته ویا اجر و ثوابه باعث اولمق اوزره شاعرلره، ندیملره، مغنیلره و لطف و احسان یوزندن کچین سائر صنوف ناسه پک چوق پاره لر صرف ایتمکه باشلامشردی.

عمومیته سخانک درجه یی

عربلرده بو منقبت جاهلیه نک بر عادت متحکمہ حکمنیده بقاسنه باعث اولان اسبابی کرم و سخا سایه سنده کچنمک یخنده بیان ایتمش ایدک. اسلاملر طریق مدنیتده قطع مراحل ایتدکجه بو منقبتده ده او نسبتده ایلری کیتمشلر، عطیه واحسانلر دخی علی التوالی وقوع بولان ازدیاد ثروت نسبتنده آرمش ایدی. امویلرک عطیه واحسانلری بیک ویا برقاچ بیک درهمه علاوه بر مقدار مواشی ویا البسه ویا آتدن عبارت ایدی. مع مافیه عطیه واحسانده بیوک بر منفعت کوردکلری زمان عطیه مقدارینی اون بیک، برقاچ اون بیک، یوز بیک، برقاچ یوز بیک درهمه ابلاغ ایلکده ایدیلر. نته کیم (معاویه) خلق

منون ایتک ، هاشمیلری کندی طرفنه جلب ایتک ایچون بو صورتله حرکت ایتش ، اصحاب کرامک مخدوملرینه هر سنه تأدیه ایدمک اوزره میلیونله بالغ معاشرلر تخصیص ایش ایدی . اسلاملرده بومقدارده معاشرلر تخصیص ایدن ایلک ذات ( معاویه ) ایدی . مشارالیه او ذواته سبیلی ، سببیز آریجه هدیهلر دخی ویرمکده ایدی . نته کیم صحابه کرامدن ( عبدالله بن جعفر بن ابی طالب ) ک بر اركك اولادی دنیاه کلنجه ( معاویه ) طفل نوزاد ( معاویه ) نامیله تسمیه ایدمک اوزره صحابی مشارالیه ۱۰۰,۰۰۰ درهم ویرمش ، ( عبدالله ) ده بوهدیه‌یی قبول ایش ایدی . فقط شایان حیرتدرکه ( عبدالله ) فرط سخاسندن طولانی تماماً بو پاره‌یی طفل نوزادک قدومنی تبشیر ایدن آدمه ترك واحسان ایتش ایدی [۱] .

( معاویه ) دن صکره موقع اقتداره کلن اموی خلفا ایله امر بو یولده مشارالیهک اثرینی تعقیب ایلورلردی . دولت عباسیه زماننده سیخا وکرمده برمکیلر تصل احراز شهرت ایتشلر ایسه دولت امویه زماننده دخی ( مهلب ) زادهلر بوکبی یئوک بر شهرت قازانمشلردی [۲] . عراق والیسی ( خالد قسری ) ایله سخایه لزوم کوردیکی زمانده مشهور ( حجاج بن یوسف ) امویلرک سخی وجومرد والیرندن معدود ایدیلر . بونلردن ( حجاج ) هند بنت اسما ایله ازدواجنه واسطه اولان ذاته هر بری ایله برابر اوزر بیک درهم اولمق اوزره . اوتوز کوله ، هر جاریه ایله برابر دخی بر بونچیه البسه فاخره وسائر بولمق اوزره اوتوز جاریه ویرمش ایدی [۳] . صحابه دن ( سعید بن العاص ) برکیمسه‌یه بر کوله واسطه سیله بر هدیه کوندردیکه او کوله‌یی ده برلکده اهدا ایتمکده . ایدی [۴] .

عباسیلره کلنجه بونلرک زماننده ثروت وسامان دها زیاده بول بولندیغندن عطیه واحسانلری اونلرجه ملیونه بالغ اولیوردی . بومقدارده عطیه ویرن ایلک ذات خلیفه ( منصور ) ایدی [۵] . دها صکره چفتلکاری ، مملکت خراجنی هبه ایتمکه ، قایقلر طولوسی آلتون ویا کموش ویرمکه ، پاره چیقینلرینی حامل اوله‌رق کوله‌لر اهدا ایتمکه ، یوزلرجه حیوان اوزرنده هدیهلر کوندرمکه ، والیلکبری

[۱] اغانی ۷۱ ج ۱۱ [۲] ابن خلکان ۲۶۶ ج ۲ [۳] اغانی ۱۳۰ ج ۱

[۴] الفرج بدالشد ۳۳ ج ۲ [۵] لطائف المعارف ۱۶



سائر مأموریتلری احسان صورتیلہ توجیہ ایتمکہ باشلامشلدی . عباسیلر بر شیدن نشوہ یاب ویا بر ستایش واطرادن ممنون اولدقجه عطیہ واحسانلری فضلہ فضلہ ویریوزلردی . بو قیلدن اولق اوزرہ خلیفہ (سفاح) بر قصیدہ ایچون برینی (اهواز) ه والی تعیین ایتمش ایدی [۱] . کرم وسخا علی الاکثر نفی دولته عائد مقاصد سیاسیہ صرف ایدلمکده ایدی . نته کیم خلیفہ (منصور) عمجہ لریلہ الک ایلری کلن قوماندانلرینه - کندیسنه قارشی طورملرینه میدان برافاقم، صوصدیرمق ایچون - برکونده اون میلیون درهم طاغیتمش ایدی . مشارالیهک اوغلی (مهدی) مقام خلافتہ کلدیکی زمان مهاجرین وانصارک اسملرینی یازدیره رق بر مجلس عقد ایلش ، او مجلس اثناسنده ۳,۰۰۰,۰۰۰ درهم توزیع ایتمش ایدی . بوندن ماعد اکندی عالمسی افرادندن هر برینه سنوی ۶,۰۰۰ درهم [۲] تخصیص ایلدیکی کبی ایستدیکی ذواته ویرمک صلاحیتی ایلہ (مغیرہ بن حبيب) ه ده قرق عطیہ ویرمش ایدی [۳] . خلیفہ (رشید) دخی برکونده ۱,۳۵۰,۰۰۰ دینارطاغیتمش ایدی [۴] . مشارالیه کونک برنده کیفله رک خلق اوزرینه ۶,۰۰۰,۰۰۰ درهم صاحچش ایدی [۵] . دردنجی خلیفہ عباسی (هادی) پدرینک ضبطیہ ناظری (عبدالمک بن مالک) ه احسان ایتدیکی بیوک بر مبلانی ۴۰۰ قاطرہ یوکلدہ رک کوندرمش ایدی [۶] . خلیفہ (امین) سلیمان بن ابی جعفرہ بر میلیون درهم ویرمش ایدی [۷] . مشارالیه احسان طابلرینک قایقیرینی آلتون ویا کوش طولدیرمق کبی بر طاقم سخا انواعی ایلہ تفرد ایتمش ایدی . سرایی (دجلہ) نہری اوزرنده ایدی . بر قایق ایچنده بر شاعر ویا دیگر بر احسان طالبی یانته کلوبده اندن ممنون اولنجه ، یاخود مشروبات ایلہ کیفلتنجه « بونک قایغی آلتون ویا کوش طولدیریکز » امرینی ویرمکده ایدی . فقط هر وقت بویله قایق طولوسی آلتون ویا کوش ویرمک ممکن اولمديغسندن بو امرلر پک نادراً انفاذ ایدیلیردی . نته کیم (ابو محمدتیمی) حقنده اوصورتله حرکت ایدلمش ایدی . بوذات خلیفہ (امین) ی پارلاق برقصیدہ ایلہ ممنون ایتمش ایدی . (امین) وزیر (فضل

[۱] فوات الوفيات ۲۰ ج ۱ [۲] سير الملوك ۶۵ و ۶۶ [۳] اغاني ۹۸ ج ۱۸

[۴] مستطرف ۱۳۵ ج ۱ [۵] اغاني ۸۸ ج ۹ و ۱۲۴ ج ۱۷

[۶] ابن الاثير ۴۲ ج ۶ [۷] مستطرف ۱۲۳ ج ۱

بن ربیع) ه شاعر مدیحه خوانك قایغك پاره ایله طولديرلمسنى امر ایش ایدی. وزیرده «پكى افندم» دیمش ایدی. فقط بالاخره (ابومحمد) وزیرده بالمراجعه پاره‌ی ایشه‌نجه وزیر «جانم! سن چیلدیردكمی؟ قایغكى طولديره‌جق پاره‌ی نرهدن بوله‌جغز؟» جوابی ویرمش، ده‌ها صکره ۱۰۰,۰۰۰ درهم تأدیه ایله صلح اولمش ایدی [۱]. (مأمون) کندیسنى بر خسته‌لقدن قورتارمغه موفق اولان (جبرائیل بن بختیشوع) نامنده‌كى طیب خصوصیسنه عطیه اوله‌رق بر میلیون درهم ایله بیک کر بغدادی ویرمش ایدی [۲]. ینه خلیفه‌ مشار ایله بر ساعتده ۲۶,۰۰۰,۰۰۰ درهم طاغیتدیغى کبی کندیسنى بر شعر ایله مدح ایدن بر بدوی‌ده‌ه اوتوز بیک دینار عطیه‌ده بولمش ایدی [۳]. خلیفه (متوکل) ستایشلر ایچون مقاطع‌لر احسان اتمکده ایدی [۴]. سائر خلفانك عطایا وه‌دایاسنى‌ده اکاکوره قیاس ایدی‌کنز. بونلرک اک بیوکلرینی ذکر اتمه‌من دور مدینتک اک پارلاق اواننده او یولده صرف ایدیلن پاره‌لری کوس‌ترمک ایچوندرد.

خلفای عباسیه دولترلی اورته‌لرنده یوقلق وپاره‌سزلغه دوشونجه اهالی‌ی نمون اتمک ایچون رتبه‌لر، طنطنه‌لی قبالر توجیه‌نه باشلامش‌لردی. ادیب شهر (ابوبکر خوارزمی) طرفندن سوبلندیکی مروی اولان آتیده‌كى ابیات والقبابك اسباب توجیه‌نی آچیق‌دن آچیغه افاده ایدر:

مالی رأیت بنی‌العباس قد فتحوا	من‌الکئی، ومن‌اللقاب ابوابا
ولقبوا رجلاً لوعاش اولهم	ماکان یرضی به‌للحش بوابا
قل‌الدرهم فی کفی خیلفتنا	هذا فانفق فی‌الاقوام القابا

«عباسلرک قورو رتبه والقباب قبولرینی آچمش اولدنلرینی کورمک شایان حیرت دکلیدر؟ اويله آدم‌لره نام ولفب ویریورلرکه ایلک خلفای عباسیه بو زمانده یاشامش اواسه‌لر ایدی انلری آبدستخانه‌لرینه قپوجی یامغه بيله تنزل ایتزلردی. فقط نه چاره! شم‌دیکی خلیفه‌م‌زک آووج‌لرنده پاره آزالمش. آرتق پاره برینه لقب ورتبه احسان ایدیور.»

[۱] اغانی ۱۱۸ ج ۱۸ [۲] طبقات الاطباء ۱۲۸ ج ۱

[۳] فوات‌الوفیات ۲۴۰ ج ۱ [۴] اغانی ۳ ج ۱۱

### برمکیلرک سخا و کرمی


هر حالده برنجی دور عباسی برمکیلرک وجودی ایله رونق و احتشام بولمش ایدی. خلفای جو مردلکه تشویق ایدنلر کندیلری اولمش ایدی. برمکیلرک برنجیسی ( خالد ) ایدی. بوذاتک یتیشدیکی زمانلرده ثروت مملکت هر نه قدر صکرده اولدیغی کبی بیوک برانکشاف حالده دکل ایدی ایسه ده خلفانک احسان و انعامنه مفتقراً مراجعت و استرحام عاطفت ایدنلره « سؤال - سائللر » نامی ویرلکده ایدی. ( خالد ) بو اسمی چرکین کورمش ، « بو اسمک اطلاقی ارباب جود و کرم ایچون لائق دکلدر . انعام خواهلر ایچنده معتبر، محترم آدملر وار . بونلره زوار - زائرلر نامی ویرلیدر » دیبه رک عطیه جولره دیکر نام ایله توجه ایدن نظر حقارتی رفع ایش ایدی. اوصرده ( خالد ) ک یاننده بولنر ق بو سوزلرینی ایشیدن مشاهیر شعرادن ( بشار بن برد ) بومسأله حقنده شو ایاتی سویلش ایدی :

حذا خالد فی فعله حذو برمک	فجده له مستطرف واصل
وکان ذوو الامال يدعون قبله	بلغظ علی الاعدام فيه دليل
يسمون بالسؤال فی کل موطن	وان کان فهم نابه و جلیل
فماهم الزوار سترأ علیهم	فاستاره فی المهتمدين سدول

( خالد ) بوشاعر اعمايه شو بیتلردن هر بری ایچون بیک درهم ویرمش ایدی [۱]. مشارالیهک اوغلی ( یحیی ) آلائی ایله راکباً چیقدیغی زمان یولده هرکیم کندیسنه مراجعت ایدر ایسه ۲۰۰ درهم عطیه ویرمکده ایدی [۲]. ( یحیی ) نک جو مردلکنه دائر روایت اولنان شیلر حقائقدن زیاده افسانلره بکزرر . بوراده تاریخ وادییات کتابلرنده ذکر کی توالی ایدن بر جادهینی ذکر ایده جکرکه مشارالیهک جو مردلکنه یک بلیغ بر مثال تشکیل ایلر . شویله که : برمکیلر دوچار منکوبیت و پریشانی ایدیلنجه خلیفه ( رشید ) انلری قاله آلمغی، انلر حقنده مرثیه خوان اولمغی منع ایتمش ایدی. آرتق هیچ بر کیمسه انلرک اسملرینی علناً سویلیه میوردی . اوغللری ( امین ) ایله ( مأمون ) زمانلرنده

دخی بو ممنوعیت دوام ایلیش ایدی . کونک برنده ( مأمون ) بر اختیار آدمک برمکیلرک سوندورلمش اولان خانانلری خرابه لرینه آره صیره کله رک آغلا دیغنی ، فریاد و فغان ایتدکن صکره بر شعر ایله مرثیه خوان اوله رق کیتمکده اولدیغنی ایشیدوب او آدمی حضورینه جلب ایدر . اختیار آدجغز خلیفه نک حضورینه کلنجه ( مأمون ) اکا قارشی سرت معامله ده بولنور . اسمنی ، برمکیلر حقنده بویولده حرکتی موجب اولان اسبابی صورار . پیر نعمتشناس هیچ قورقه دن شو جوابی ویریر :

— شوکت مآب ! برمکیلر قولکنزه پک بیوک لطفلرده ، اییلک لرده بولمشلردر . مساعده بیورسه کز عرض ایدیم .



تاجده شاه جهان تربه سنی احاطه ایدن بیاض مرمردن اویمه لی پارماقلق

خلیفه طرفندن ویریلن مأذونیت اوزرینه اختیار واقعی شو شو صورتله حکایه ایدر :

— قولکنز شاملی ( مندر بن مغیره ) یم . بیسوک بر نعمت و وارلق ایچنده بیودم . فقط بالاخره او زنکینک دوام ایتدی ، زائل اولدی . او درجه یه قدرکه اویمی صاتمغه مجبور اولدم . ده ها صکره صوک درجه احتیاج و ضرورت ایچنده قالدیم . بونک اوزرینه بعض ذوات برمکیلره التجایی توصیه ایلدیلر . یکریمی مقدارینه بالغ اولان عاثلهم افرادی ایله برابر شامدن مفارقت ایتدم . بغداده کلدیم . عاثلهم افرادی بر مسجده آج ، نفقه سز بر اقدقن صکره دیگر بر مسجده کلدیم . مسجده اوستی باشلری غایت تمیز



و منتظم بر طاقم آدم لرہ راست کلدی کمدن یا نلرنده اوطوردم . انلرہ نہ صورتلہ حکایۂ حال ایدہ جکمی دوشونیور ، عرض احتیاج ذلتنہ قارشى عزت نفسى عاصی کوریوردم . همان او صرہ دہ بر اوشاق ایجری کیردک او آدم لری قالدیرتدی . بنده برابر قالدقم . اورادن بیوک بر قوناغہ کیردیلر . بنده انلر ایلہ برابر کیردم . قوناغک ایچندہ باغچہ نک اوزرنده برنشیمن اوزرنده (یحیی بن خالد) اوطوریوردی . یوز مقدارنده بولسان بوذوات اوطورنجہ بنده اوطوردم . یوز اوشاق کلدی . اللرنده برر عنبر قطعہ سنی حاوی آلتون بخوردانلر وار ایدی . اطرافى تعطیر ایلدیلر . (یحیی) قاضی بہ یاقلاشدی . اکا : « بوعیجہ زادہ مک ؛ قیزم عائشہ ایلہ نکاحنى عقد ایت » دیدی . مراسم عقد اجرا ایلدی . صاحبان مسک ، عنبر ، ندری هرکس یردن طوپلامغہ باشلادی . بنده المہ کچنی طوپلادم . متعاقباً اوشاقلر اللرنده مسک ایلہ قاریشیق بیک دیناری حاوی برر کموش تپسی بولندینی حالده موجود اولان ذواتہ یاقلاشدیلر . هرکس پارہ یی قویننہ ، تپسی یی قولتوغنى آلتنہ آلہرق چیقمغہ باشلادی . یالکز قالدقم . انلر کچی پارہ یی ، تپسی یی آلوب چیقہ میوردم . اوشاقلردن بری بکا برکوز اشارنى ایلہ پارہ یی ، تپسی یی آلوب چیقہ مقلمغی آکلاتدی ، پارہ ایلہ برابر تپسی یی آلوب یورومکہ باشلادم . کیدر ایکن تلاش کوستیریور ، تپسی ایلہ پارہ نک بدن استرداد اولمنسندن قورقوردم . فقط بن دقت ایدہ مدیکم حالده (یحیی) بتون بو حاللریمہ دقت ایتمش ایدی . پردہ نک یاننہ وارنجہ بنی کیری چویردیلر . پارہ نک المدن آلتنہ جفنى آکلا یهرق فوق العادہ مایوس اولدم . بنی تکرار (یحیی) نک یاننہ کوتوردیلر . اوطورمہ می امر ایتدی . اوطوردم . حال وشانمى صوردى . کنديسنہ حکایہ می عرض ایتدم . تأثرندن آغلادی . صکرہ اوغلى موسایى چاغیرتدی . موسی کلنجه اکا « اوغلم ! ایشته سکا پرورده نعمت برذات . زمانک غدیرینہ اوغرامش . یانکہ آل . حقندہ وظیفۂ مهمانوازی یی ایفا ایت » دیدی . موسی بنی برابر آلدی . بکا خلعت اکسا ایتدی . تپسی یی یانمده حفظ ایتمکلکمی سویلدی . برکون ، برکیجہ انک یاننده ثابت مرفہ ومعزز مسافر اولدم . ایرتسی کونى برادرى (عباس) ی چاغیرتدی . اکا « وزیر اعظم بکا بوذاتى مسافر ویردى . حال بوکہ بن امیر المؤمنین اقدمزک سراینہ کیتمک ایستیورم . بوکونده سندہ مسافر قالسون » دیدی .

بوذاك ياننده ده غايت پارلاق بركون مسافرلكنى ياپدم . آرتق هر كون بنى بريرده مسافر ايديورلردى . بن ايسه عالم افرادى دوشونيور . فقط انلرى قاله آلمغه جسارت ايدميوردم . اون كون بو صورتله مسافرلك كچيردكن صكره ( فضل بن يحيى ) يه كوتورلدم . بوذاك ياننده بركون ، بركيجه قالد . ايرتسىكونى يانمه براوشاق كلهرك بكا : « قالقكز . عالم كرك ، چوجقلىركز يانمه كيدىكز » ديدى . كندى كنديمه : « ايواه ! تپسى ، ايچنده بولسان پاردر هرپ المدين كيتدى . كاشكى تا ايلك كوندن انى ياپسهرلردى ده عالم مدين آيرمسهر ايدى ! » ديدم . آياغه قالدقم . اوشاق اوكمده كيتدىكى حالده يورومكه باشلادم . اوشاق بنى قوناقدن طيشارى كوتوردى . برقات دها مأيوسيته دوشدم . صكره بنى غايت كوزل ومكملا مفروش برخانيه ادخال ايلدى . خانهك اورته سنه وارنجه عالمى بوراده ايكلى البسه ، ايچنده غايت مرفه برحاله كورد . عالممه يوز بيك درهم ايله اون بيك دينار نقد كوتورولوب تسليم ايدلمش ايدى . اوشاق المه ايكي كويك سند تصرفلرني تسليم ايدر : « كرك بوخانه ايله موجوداتى ، كرك بو ايكي كوى سز كدر . كاملا احسان ايدلمشدر » ديدى . آرتق بو لطف احيا كارانه بنى برمكىلره اسير ايلشدى . شمدى يه قدر انلرك سايه انعامده ياشادم . فقط بالاخره آدمكز ( عمرو بن مسعده ) بنى راحت براقدى . بو ايكي كويه ايرادلرندن فضله خراج قويدى . بن ده هر حال مأيوسيته كلدكجه بنى نعمت واحسانلرله احيا ايدن برمكىلرك قوناقلرى خرابه لرينه كيدر ك آغلامقه تشفيه صدر ايتمكديم .

بونك اوزرينه ( مأمون ) عمرو بن مسعده نى چاغيرير . بىچاره اختيارك كويلرى ايچون فضله استيفا اولنان پاردنك تكرار اختياره اعاده سنى ، برمكىلرك زماننده بوكويلره هانكى خراج طرح ايدلمش ايسه او مقداردن فضله خراج آلتاماسنى امر ايدر . اختيار شدتله آغلامغه باشلار . ( مأمون ) : « نه ايچون آغلايورسكز ؟ مغدوريتكزى ازاله ايتدمى ؟ » ديهه صورار . اختيار : « اوت ، شوكتما ب ! غايت بيوردىكز . فقط بوده انلرك سايه سنده اولمدمى ؟ » جوا بنى ويرير . اختيارك وفادارلق وقدر شناسلغى فوق العاده تقدير ايدن خليفه :

« وفادارلق وقدرشناسلغکز شایان تجیلدر. وفا مبارکدر. حسن عهد ایماندندر » سوزلریله او آدمی تطیب ایدر [۱].

ایشته بومناقب کزیده ایله کرک (یحیی) نک اوغلاری (جعفر) و (فضل)، کرک سائر برمکیلر بیویوب طائشلر، پک چوق بندکان ومنسوبینه، ارباب احتیاجه معاشلر باغلامغه قدر جومردلکده پک ایلری کیتمشلردی. اولجه بیان ایتدیکمز اوزره برمکیلرک سنوی وارداتی ۲۰,۰۰۰,۰۰۰ دیناره بالغ اولمش ایدی. (جعفر) اعدام و برمکیلرک اموالی مصادره ایدلریکی زمان موجوداتی میاننده معین معاش ویا عطیه وسائر قیلندن اوله رق اوزرلرنده بر طاقم ذوات نامنه سندلر موضوع ۱۲,۰۰۰,۰۰۰ دیناری حاوی چیقینلر بولمش ایدی [۲]. برمکیلر جومردلکده درلو درلو اصوللر ایجاد ایدیورلری. او جمله دن یحیایک اوغلی (فضل) « فلان صرافه کیت. اندن بو قدر دینار آل » مأنده وجدانک تقدیرینه کوره مبلغلری حاوی کندی خط دستی ایله برطاقم کاغدلر یازدرق کیجه لین، یاخود کوندوز اوکله زمانی آته راکباً سوققلری برر برر طولاشیر، بو کاغدلری آتاردی. (فضل) بو حرکتک حکمتی صورانلره: « احسانمک یام، کله مین، کندیسنی طانیدیغم کبی بنی طانییمان کیمسه لرده شامل اولسنی آرزو ایدیورم » دیمش ایدی. هر کیمک الله بو کاغدلردن بری کچر ایسه صرافه کیدیور، حاوی اولدیفی مبلغی قبض ایدیوردی. بو مبالغی قیدیرماقم، اکسیک ویردیرمامک ایچون صرافک یاننده امین بر مأمور بولندیریلیوردی. بو مأمور هر آدم ایچون یالکیز بر کاغد صرف ایتدیریور، انک اسمنی، هویتی آریوب صورمیوردی. بعضاً بو کاغدلری چوجققلر، قادینلر، غیر مسلملر بولوب کتیریور، بدللری عمومه بلا استئنا تأدیه اولنیوردی [۳].

برمکیلردن صکره وزرادن سخا وکرمده خلیفه (مقتدر) زماننده (فرات) زاده لر شهرت قازانمشلردی. اوته کیلر کبی علما، ادبا، فقها وارباب احتیاج و ضرورته معاش باغلایان بو ذوات برمکیلرکي منکوب وپریشان ایدلشلردی. فقط برمکیلرک شهرتی سائر شهرتلره غالب کله رک جومردلکده ضرب مثل

[۱] الفرج بعدالشد ۲۲ ج ۲ وسیرالملوک ۱۱۱ وانلیدی ۱۳۲

[۲] العقد الفرید ۲۲ ج ۲ [۳] ترتیب الدول ۲۲

اولشلردی . خلق برمکیلره عاند مناقبی، افعال سیخاوتکارانه بی کال ستایش ایله وردزبان اییدیور، اعظم رجالی او یولده سیخا و کرمه تشویق ایلیورلردی . حتی بعضلری او مناقبی اصلسز حکایه لردن، افسانه لردن ظن ایتمشلردی . احتمال که سیخا و کرمه تشویق ایچون خلقت میل ورغتی او مناقبه بر طاقه مبالغه لر قاریشدرمشدی . فقط علی الاجال او مناقب یالان دکل ایدی . مشهور ( صیلاح الدین ایوبی ) نك برادرى ( ملك عادل ) كوناك برنده حضورنده برمکیلر ایله سائر ارباب سماحته دائر برطاقم مناقب ذکر اولننجه : « بو حکایه لر کتابجیلر ایله مورخلر طرفندن یالاندن اویدورلش شیلردر که بوندن مقصد ملوک و اکابری اظهار سیخا و تبذیر امواله تشویقندن عبارتدر » دیمش ایدی . فقط حاضر و ندن بری : خداوند ! او یله ایسه سزك حقکرده نهدن بویه یالان شیلر اویدورلیور ؟ « حوانی ویردرک شو صورته بو حکمدارک خستنی یوزینه چارپمشدی [۱] .

#### شاعرلر ایله مغنیلره بئل اولنان پارلر

شاعرلره پك چوق احسان وعطیه لر ویرلمکده ایدی . بو عادت ده اول ذکر ایتدیکنمز اسبابه بناءً تا ابتدای اسلامیتدهده جاری ایدی . الیوم مطبوعاتک بر مسأله ویا بر مسلکه مظاهرتی تأمین ایچون بعض دولترجه صرف ایدیلن مبالغ اساس اعتباریله بوکا بکزه مکدهدر . الحاله هده بو یولده مطبوعات ویریلن پارلره اعانه ویا معاش دینیلدیکی کبی او زمانلرده ، شاعرلره اعطا ایدیلن عطیه واحسانلردهده « جائزه » ویا « صله » نامی ویرلمکده ایدی . مع هذا بعض خلفا آیدن آیه ویا سندن سنه یه تأذیه ایدلمک اوزره شعرا یه معاشلرده تخصیص اییدیورلردی . بر شاعرک سنده بر کره خلیفه ویا امیرک نزدینه کله رک عطیه آلمسی معتاد ایسه بوکبی عطیه لر بعضاً معاش قیلندن عدا اولنیوردی . شعر ایله سائر احوالی حقنده ده اول معلومات ویرمش ایدک . شمعی مدنیت اسلامیه نك اعتلاسی صره سنده خلفانك شاعرلره قارشی کوستردکلری سخانی ذکر ایده جکیز .

اسلامیتده شعرا حقنده کلیته ایلک آثار سیخا کوسترن ذوات امویلر



ایدی. انلرك اڪ جو مردی (ولید بن یزید) ایدی. شعرك ایساتی صایان، هر بیت ایچون بیک درهم احسان ویرن ایشته بو ذات ایدی [۱]. دها صکره موقع اقتداره کلن ملوک امویه عین طریق طوتمیشلردی. فقط دها صکره عباسیلر بو یولده دها واسع بر مقیاسده حرکت ایدرك بر قصیده ایچون ۱۰۰,۰۰۰ درهم عطیه ویرمشلردی. عربلرده بو مقدارده بیوک بر احسانه ایلک نائل اولان ذات مشاهیر شعرای عربدن (مروان بن ابی حفصه) ایدی که بو عطیه خلیفه (مهدی) طرفندن انک مدحتی متضمن و «طرقک زائرة فچی خیالها» مطلعلی بر قصیده ایچون کندیسنه ویرلمش ایدی [۲]. اوصرده یینه مشاهیر شعرا دن (سالم خاسر) مشارالهی «حضر الرحیل و شدت الاحداج» مطلعلی بر قصیده ایله مدح ایتدیکنندن (مهدی) مروانک عطیه سنندن بر مقدارینی کسمک، بو ایکنجی شاعره ویرمک ایسته مشدی. فقط (مروان) بوندن طولانی قنا حالده قیزمش، آرتق ۱۰۰,۰۰۰,۰۰۰ درهمدن اکسک مکافات آلیه جغه یین ایتمش ایدی. روایته کوره (مهدی) شاعره بو پارهینی ویرمشدر [۲]. اغلب احتماله کوره (مروان) ه یالکز ۱۰۰,۰۰۰ درهم اعطا ایدلمش ایکن مبلغ مذکور مستسخ خطاسی اوله رق بر (الف - بیک) کله سنک علاوه سیله بر میلیون شکنه وضع اولمشدر. (سالم خاسر) خلفای عباسیه دن (مهدی) و (رشید) زماننده یاشامش بیوک شعرا دن ایدی. فسق و سفاهتله مشهور ایدی. (خاسر) لقیله تلیقب اولمش بر مصحف شریف صاهره ق اکا بدل اثمانی ایله بر طنبور صاتون آلمسندن ایلری کلش ایدی. خلیفه (هارون الرشید) اوغلی (محمد امین) ه بیعت ایتدیردیکی وقت (سالم) بو خصوصه دأثر بر قصیده سوزلمش ایدی. (امین) ک والده سی شاعرك آغزینی اینجی ایله طولدیرمش و سالم بو اینجی یی یکر می بیک آلتونه صاتمش ایدی.

(مهدی) دن اول کرسی خلافتده بولنان (منصور) شاعر لره قازشی فوق العاده بخیل ایدی. شاعر مدیحه خوانی اولان (ابودلامه) یه بر عطیه

[۱] ابن الاثیر ۲۲۷ ج ۵ و اغانی ۱۴۸ ج ۱۷ و ۲۱ ج ۹

[۲] ابن خلکان ۱۹۸

ویرمك ایستدكجه هاشمیلردن ایکیشمر دینار طوبالتدیریر، شاعره ویریردی [۱].  
 خلیفه (رشید) ه کلنجه شاعر (مروان) ه (مهدی) نه قدر ویریروردی  
 ایسه او مقدارده احسان، یعنی یوز بیک درهم اعطا ایتمکده ایدی [۲]. بر  
 دفعه سنده ده ۵,۰۰۰ درهم ایله اون اسیر ویرمشدی. (رشید) شاعر مشهور  
 (ابوالعاهیه) یه عطیه واشیادن ماعدا سنوی معاش اوله رق ۵۰,۰۰۰ درهم  
 تخصیص ایش ایدی [۳]. خلیفه (متوکل) ایسه بو خصوصده اسلافنی کچمکده  
 ایدی. چونکجه مشارالیه شاعر (حسین بن ضحاک) ک سویلدیکی برقصیده نك  
 هر بیتی ایچون شاعره بیک دینار ویرمش ایدی. اسلاملرده بو مقدارده  
 بیوک عطیه ویرن ایلک ذات (متوکل) ایدی [۴]. خلفای عباسیه دن (معتصم)  
 بر شاعرك شعرینی بکندکجه مکافات اولمق اوزره او شاعرك آغزینی جواهر  
 ایله تولدورردی. فقط بویله برحرکت کندیسندن اول ملوک امویه دن (یزید  
 بن عبدالملک) طرفدن یابیش ایدی [۵]. بو خصوصده کنسیدیمی برنجی  
 دکلدی.

دولتک وزرا و امراسی بو خصوصده خلیفه لرینی تقلید ایتمکده ایدیلر.  
 امویلرک عراق والیسی (خالد قسری) شاعرلرک قبول و مکافاتنی ایچون برکون  
 تخصیص ایتمش ایدی. کذلک (مهلب) زاده لر شاعرلره بر چوق عطیه لر،  
 معاشرلر ویرمکده ایدیلر [۶].

دولت عباسیه زماننده ایسه برمکیلر وبالخاصه (فضل بن یحیی) شاعرلره  
 عطیه و معاشرلر اعطاسی امرنده هیچ بر وسیله یی احوال ایتیمورلردی. حتی  
 شعرادن بری آتیده کی بیت ایله فضلك سخاسی بتون خلقی شاعر یابمش اولدیغنی  
 ادعایه قدر وارمش ایدی :

مالقینا من جود فضل بن یحیی ترک الناس کلهم شعراء [۷]

(فضل) ک پدری (یحیی) برشاعره ملاقی اولوب ده اوزرنده پاره بولماز  
 ایسه بیندیکی آتی شاعره هبه ایلسکده ایدی [۸]. فی الحقیقه برمکیلر جود

- [۱] اغانی ۱۲۸ و ۴۳۱ ج ۹ [۲] اغانی ۱۹ ج ۱۲ [۳] اغانی ۱۵۷ ج ۳  
 [۴] اغانی ۱۸۴ ج ۶ [۵] اغانی ۱۷۴ ج ۶ و ۱۴۷ ج ۱ [۶] اغانی ۱۶۴ ج ۱۱  
 [۷] ابن خلکان ۴۱۱ ج ۱ [۸] اغانی ۸ ج ۵

و کرمده خلفای بیلہ کچمشلردی . انلرک شاعری اولان ( ابان لاحق ) نك تك بر قصیده ایچون آلدینی عطیه ( مروان بن بی حفصه ) نك مدت حیاتنده خلیفه ( رشید ) دن نائل اولدینی عطیه واحسانلرک مجموعنه معادل ایدی [۱] . سائر وزرا وامرا طرفندن اظهار اولتان آثار سخانی ده اکاکوره قیاس ایدیکز : ( رشید ) زماننده یتیشن امرادن ( یزید بن مزید ) برشاعره ثروتنک نصفی ویرمش ایدی [۲] .

بو درجه فرط سخا مغییر حقنده دخی مبذول ایدی . خلیفه ( مهدی ) مغنی ( دحان ) ه کندیسنه الحان روحنوازانه سیاه طرب ویردیکی ایچون بر کیجهده ۵۰,۰۰۰ دینار ویرمش ایدی . خلیفه ( امین ) دخی مغنی مشهور ( ابراهیم موصلی ) یه کندیسنک مدح و ثنسانه دائر بر شعری بسته لیه رک تغنی ایتدیکی ایچون ۱,۰۰۰,۰۰۰ درهم ویرمش وبو کیتلی مبلغ مغنی نك اوینه یوز فراشت مأموری واسطه سیله کوندرلش ایدی [۳] . خلیفه ( هادی ) موما الیه ( ابراهیم ) ه عطیه واحسانلردن ماعدا آلیق اولهرفی اون بیک درهم باغلامشدی . خلیفه ( رشید ) ایسه طرب یاب اولدجیه پك چوق آثار جوانمردیده بولوردی . حتی ( ابراهیم بن صالح ) ی کندیسنی کوزل شریقلریله اطراب ایتدیکی ایچون مصره والی تعیین ایتمش ایدی [۴] . شاعرلر ایله مغییره دائر بویولده دها پك چوق احوال واردرکه انلری ذکر ایتمک تطویله باعث اولور .

دها صکره تشکل ایدن دول اسلامیہ اعظم رجالی بوخصوصده هر نه قدر عباسیلرک کعبنه واردمامشدر ایسهده اساسن اعتباریله انلرک اثرینه اقتفا ایدرک سخا وجوانمردلیکه فوق العاده اهمیت ویرمشلردی .

## ۶ — مسکرات

قبل الاسلام شام ، عراق ، فارس ، مصر ، جزیره العرب قطعه لریله سائرده مسکرات شائع ومستعمل ایدی . ایران حکمدارلری ذوق وصفایه ، مسکراته

[۱] اغانی ۷۳ ج ۲۰ [۲] ابن خلکان ۲۸۵ ج ۲ [۳] اغانی ۹۹ و ۱۴۱ ج ۵ [۴] حبله الکیمیت ۶۳ و ۶۴

میال ایدیلر. روایت کوره رومالیر آنجق آسیای فتح ایتدکن صکره مسکراته آیشمشلردی. بونکله برابر ارباب عقل واذعان؛ عربلرک جاهلیتی زماننده بیله مسکرات استعمالنی تحریم ایتمکن خالی قالمشلردی. حتی عربلردن بعض عقلا کندی نفسلرینی وعیال و اقربالرینی مسکراتدن منع ایلدکلرندن کندیلرینه منسوب بر فردک تأثیر مستی ایله عربده چیقاردیغنی و بو فعلک انک طرفندن تکرر ایتدیکنی کورلر ایشه کندیسنی خلع، نفی وانکله علاقه یی قطع ایدرلردی. بالآخره وقتا که اسلامیت ظهور ایلدی، مسکرات تحریم اولندیغنی کبی مسکراتی استعمال ایدنلر حقه دخی دایق آلتنه آلمق، حبس ایتک، باش ویا صقال ویا بیق تراش ایتک، معاش کسمک کبی جزالر ترتیب ایدلمشدی. . کذلک مسکرات صاتانلرده - باخصوص خلفای راشدین زمانی ایله امویلرک ایلمک دورلرنده - جزالر اوغرا دلمش، آلات وادواتلری قیردیرلمش ایدی. حضرت (عمر) بو یولده او قدر ایلری کیتمش ایدی که حمامده شرابلی بر صو ایله کندیغنی دلك ایتدیرن ( خالد بن ولید ) ه « جناب حق شرابک ظاهر و باطنی، تماسنی هپ تحریم ایشدر. جسمکز ایله اکا تماسده بولمیکز » دیمش ایدی. بونکله برابر اسلاملرک ممالک مفتوحه ده اهالی اصلیه ایله اختلاط ایتلری استعمال مسکراته کندیلرینی آیشدیرمشدی. حتی صحابه دن و ابنای صحابه دن بر طاقلری مسکرات ایچمکه باشلایه رق بوندن طولای جزایه اوغرا مشلردی. اسلاملردن بویولده برنجی اولمق اوزره جزایه اوغرایان؛ حضرت حمزه نك قاتلی ( وحشی بن حرب ) ایدی [۱]. ده صکره ( ولید بن عقبه )، ( یزید بن معاویه )، ( عبدالله بن عمر بن الخطاب )، برادرلری ( عبدالرحمن ) و ( عاصم )، ( عباس بن عبدالله بن عباس )، ( قدامه بن مظعون )، ( عبدالعزیز بن مروان )، قاضی ( عبدالرحمن بن عبدالله ثقفی )، ( ابو محجن ثقفی ) و سائر کبی کبرا داخل اولمق اوزره صحابه دن و مخدوملرندن بر چوق ذوات مسکرات شربندن طولای جزا دیده ایدلمشلر ایدی [۲].

اسلاملر آردسند مسکراتک انتشارینه باعث اولان اسبابدن بری ده خلفای امویه دن ( یزید بن معاویه )، ( عبدالملک بن مروان )، ( یزید بن عبدالملک )،

[۱] ابن قتیبه نك المعارف کتابی ۱۱۲ [۲] العقد الفرید ۳۱۴ ج ۳



( ولید بن یزید ) کجی ذواتک مسکرات ایچملری ایدی [۱] . عربلردن ایلک اولمق اوزره شرابی شعراً ذکر وتوصیف ایدن ده مشارالیه ( ولید ) ایدی . شاعرلر بوتوصیفاتی سرقت ایدرک کندی شعرلرینه ادخال ایتمشلردی . ( ولید ) رند مشربلکده او قدر ایلمی کیتمش ایدی که کعبه معظمه اوزرنده سرخوش اولمق ایسته مشدی . آنجق دوستلری بو حرکتک هیجان افکاره وخلقک تجاوزینه باعث اوله بیله جکندن بحثله کندیسنی بو فکردن واز کچر مشلردی . ( ولید ) ی بودرجه افساد ایدن ، کندیسنه رندلک ، حجابسزلک وشوخ مشربلکی اوکوردن معلمی ( عبدالصمد بن عبدالاعلی ) ایدی [۲] . بونکله برابر حکومت آدملری مسکراتی منعه ، ایچنلره جزا ترتیبند پک شدتلی حرکت ایتمکده ، حتی بالذن مسکرات یالنامسی ایچون برچوق دفعه بالفروختی بیله منع ایلمکده ایدیلر [۳] . مسکراتک منعی حقنده فوق العاده التزام شدت ایدن خلفانک اک مشهورلری امویلردن ( عمر بن عبدالعزیز ) ایله عباسیلردن ( مهتدی ) ایدی . فقط نه چاره که کیتدکجه اسباب مدنیتک توسعی ، دین دهشتنک زوالی ، خلقک موسیقی وجاریلر ایله اشتغالی ایله مسکرات کوندن کونه ده زیاذه انتشار ایتمکده ایدی . اودرجه که آرتق علناً ایچلمکه باشلامشدی . بر طاقم خلفا ، خلفا زادهلر ، رجال دولت شرانجوارقله ، مجالس عیش وطریده حجابسزلک وشوخ مشربلک ایله کسب شهرت ایتمشلردی . بونک اوزرینه برطاقم الدقاووق ومتبصص فقها وسائر دین آدملری مسکراتک جواز شربنه دائر تحلیللر بولمغه قویوله رق انواعی آره سنده کی فرقلمی آرامغه باشلامشدر ، حلال ویا حرام اولمق اوزره ایکی نوعه آیرمشدر ، ( خمر ) ک تحریمنه متفقاً قرار ویردکلمی حالده ( نبید ) ک تحریمنده ، هانکی نوعنک حرام وهانکیسنک حلال اولدیغی کیفیتنده اختلافده بولمشلردی . فقط بالاجمال دینله بیلیر که عراق اهالیسی ( نبید ) ک استعمانی حلال ، عراق اهالیسی ایسه بالعکس حرام کورمکده ایدیلر [۴] .

( نبید ) میوه انواعنک اکثردن وباخصوص یاش اوزوم ، خرما ، قورو

[۱] اغانی ۱۵۴ ج ۱۹ و ۱۵۷ ج ۱۳ والعقد الفرید ۳۱۴ ج ۳

[۲] ابن الاثیر ۱۱۴ و ۱۳۶ ج ۵ [۳] مقریزی ۲۹۷ ج ۲

[۴] ابن الاثیر ۳۶ ج ۶ وابن خلدون ۲۵ ج ۱

اوزوم ، الما ، قایسی ، داریدن یا پئقده ایدی . مملکتک ، صورت اعمالنک اختلافه کوره مختلف ایدی . فقط هر حالده شو ذکر ایتدی کمز میوه لردن برینک عصاره سندن ، یا خود الیوم اوزومدن یا پئقده اولان ( خوشاف ) کبی منقوعندن عبارت ایدی . بعضاً اکا بال ویا پکمز قاریشدر لمقده ، یا خود بعض حبوبات ایله بال ویا پکمز دن مرکب اوله رق آتش اوزرنده قاینامق صورتیه اعمال ایدلمکده ایدی [۱] . اسلاملر بو مایبی ایچمک ایستدکاری زمان انی سوزلر ، بیوک قدجلر ایله ایچرلردی . بعضاً اندن ( خمر ) یا پئقده ایدیلر . ( نیند ) سوزولوب شیشه لره قونولور ایسه انی خمر ویا اوزوم وبال شربت لردن فرق وتمیز ایتمک کوجلیشوردی [۲] . ایچمک ایستینلر ( نیند ) اعتبار ایدره رک تناولنده بآس کورمزدی . فقط چوق ایچیلیر ایسه عادتا خمر ( شراب ) کبی انسانی سرخوش یاباردی . اسلاملردن بعضلری خمرک جزئی مقدارده استعمالی حلال ، بالعکس کلیتی مقدارده شرینی حرام کورمکده ایدیلر . بعضلری ده سرخوشلغه قدر کیتامام شرطی ایله خمرک شرینی حرام بولمورلردی [۳] . فقط علمانک اکثری خمری حرام کورمشدی . بو خصوصده اوزون اوزادی به مطالعه لری واردر که کتب شرعیه ده مذکوردر .

والحاصل بعض بزم طربلرده سرخوش اولدقلری . آکلادیغمز عقلی خلیفه لر ( نیند ) ک استعمالی جائز کورمکده ایدیلر . ( نیند ) طاتلی ویورک آچار مشروب اتدن بری ایدی . انک ایچون اندن بیوک مقدارده ایچیلرلر ، سرخوش اولورلردی . رطللر ایله ایچملری بودیدیکمزی تأیید ایدر . مغنی مشهور ( اسحق موصلی ) معروف خوانندکاندن ( عقیل ) ک ترنمات طرب افزاسندن نشوویه اب اوله رق بر جلسه ده درت رطل باده ایچمش ایدی [۴] . امویلردن ( عبدالعزیز بن عبدالملک ) ه زوجه اولدقن صکره ( هشام بن عبدالملک ) ک دائره زوجیتنه داخل اولان و ( یزید بن هشام ) ک والدیه سی بولنان ( ام حکیم ) ک سکیان مثقال ثقلتنده آلتون قوللی یشیل جامدن بیوک قدحی پک مشهور ایدی . کسه شکنده اولان بوقدح اوچ رطل باده آلیوردی .

[۱] کتاب البخله ۵۱ [۲] اغانی ۴ ج ۵ و ۱۱۲ ج ۴ و ۳۵ ج ۳

[۳] العقد الفرید ۳۰۹ و ۲۱۸ ج ۳ و ۲۷۰ ج ۲ و الف با ۸۱ ج ۱

[۴] اغانی ۱۳۸ ج ۱۶

شربخوارانی، آچق صاچقغنی، فسق و فجوری مشہور اولان (ولید بن یزید) مذکور قدحی شو ایکی بیت ایله نامدار ایتیش ایدی :

عللانی بعائقات الکروم      واسقیانی بکأس ام حکیم  
انها تشرب المدامة صرفاً      فی اناءٍ من الزجاج عظیم

مشار الیہا بلا انقطاع شارب اللیل والنهار بر قادین ایدی [۱] . انک (ہشام) دن اوغلی اولان (مسلمۃ بن ابی شاکر) دہ والدہسی کبی شربخوار ایدی . بویولده هممسکی بولان (ولید بن یزید) اتی شو صورتله تشہیر ایدیوردی :

یاہما السائل عن دیننا      نحن علی دین ابی شاکر  
نشرہا صرفاً و ممزوجةً      بالسخن احیاناً وبالقاتر

بومعلومات او صرہلرہ مسکراتک نہ درجہ انتشار ایتدیکنہ کافی بر فکر ویرہ بیلیر . (نیز) چوق زمان قالیر ایسہ اختار پیدا ایدر، ولو آزمقدارہ اولسون الکحوللی اولور . بزم طربلر بعضاً اوزون زمان دوام ایلکده ، سرخوشلقلرہ ، عربدلرہ صحنہ اولمقده ایدی . بو قیلدن روایت اولنان اک دہشتلی حالردن اولمق اوزرہ ایوبیلردن (ملک معظم) ک اوغلی (ملک ناصر) سرخوش اولدینی زمان « فلان کولہمک هوادہ اوچدیغی کورمک ایسترم » دییوردی . بونک اوزرینہ زواللی کولہ طوتولوب کتیریلیور، منجیقہ قونولہرق هوایہ آتیلیوردی . ظالم حکمدار یچارہ بی هوادہ کورنجہ قہقہلر ایلہ کولیور، ایچیور ، « فلانکده پیشمش اتک رائجہسنی قوقلامق ایسترم » دییوردی . درحال بوزواللی آدم دخی کتیریلرک اتی کسلیور، پیشیریلیوردی [۲] . ادبیات کتابلرندہ بزم شربلر حقندہ پک چوق معلومات مندرجدر . علی الاکثر خوانندہ وسازندہلرہ جلوه کاه اولان بوزملر پک زیادہ رواج بولمش ایدی . خلفا ، وزرائک بوزملردن چکنملری نادر ایدی . عباسیلردن بزم طربلرہ اک زیادہ رغبت ایدن خلفا (ہادی) ، (رشید) ، (امین) ، (مأمون) ، (معتمد) ، (وائق) ، (متوکل) ایدی . بالعکس (منصور) ایلہ (مہدی) بزم طربلردن

بك زياده مجتنب ايديلر . فاطمیلردن ( مستنصر ) بو طربكاهلرده آچيق صاحيقلقله شهرت آلمش ایدی [۱] . ملوك فاطمیه دن ( حاكم بامرالله ) ايسه آنك عكسی ایدی . مسکراته بك دشمن ایدی . بك چوق دفعه شرابلی ، شراب یاپلسنه خدمت ایتماك ایچون باللری دوکدیروب امحا ایدیوردی .

عیاشاق ، ذوق وصفا خوارزمشاهیان دولتنك صوك حكمداری اولان ( جلال الدین . خوارزمشاه ) ك اضمحلالنه اجرا ایتدیكى تأثیرقدر هیچ برکیمسه اجرای تأثیر ایتامش ایدی . هلاكو اردوسنك ممالك اسلامیه طغیان صره سنده ( جلال الدین ) ك تاج وتخت سلطنتی زیر وزیر اولمش ، شهردن شهره تعقیب ایدلكده ایدی . فقط بدبخت . حكمدار فلاکتی بالتقدیر كمال عقل واذعان ایله اسباب مدافعه به توسله بدل هر آقشام شراب ایله ، دف وزورنا ایله وقت کچیریور ، سرخوش اوویور ، غمخور قالدیوردی . اردوسی کوندن کونه پریشان اولدینی ، سحاب مظلم اضمحلال هر طرفدن کندیسنی احاطه ایتدیكى حالده آکلایه میور ، کندینی طوبلایه میوردی . حتی شاعری کندیسنه خطاباً :

شاهای زمی کران چه بد خواهد خاست و زمستی هر زمان چه بر خواهد خاست  
شهمست و جهان خراب و دشمن پس و پیش پیداست که ازین چه بر خواهد خاست

دیش ایکن هیچ آلدیرمامشیدی .

خلفای عباسیه دن ( محمدالامین ) دخی سرخوشلق ، ذوق وصفا ، سفاهت یوزندن . مضمحل اولان حکمدارلردن ایدی . بتون اوقاتی اوپون ، ذوق وصفا ایله کچیریور ایدی . روایت کوره کونك برنده وزیر اعظمی ( فضل بن ربیع ) ایله ، قازانان دیکرینك یوزوکنی آلتی اوزره ، طاوله اوینامشیدی . یوزوکاردن بری مهر خلافت ، دیکری مهر وزارت ایدی . ( امین ) اوپونی قازانمش ، وزیرینك یوزوکنی آلمش ایدی . شوخ مشرب خلیفه یوزوک کیزلیجه برحکا که کوندره رك ( فضل ) ك نامی آلتنه لسان ادبه آلله میه جق بر لفظ حك ایتدیردکن صکره وزیرینه اعاده ایلش ایدی . وقعه دن خیلی زمان کچمش . . برکون ( فضل بن ربیع ) ( امین ) ك حضورینه کیرنجه خلیفه وزیرندن یوزوکنده نه یازلمش اولدیغنی صورمش ، فضل « بن اسمم ایله پدریمك اسمی » جوابی ویرمش ایدی . ( امین ) یوزوک آلمش ، ( فضل ) ه کوستره رك « اسمك آلتنده شو یازلمش اولان شی نه در ؟ » سؤالنده بولمش ایدی . ( فضل بن ربیع ) اسمك آلتنه حك ایدلمش اولان بی ادبانه کلمه بی کورنجه آرتق کندینی ضبطه موفق اوله میهرق :

« لاحول ولا قوة الا بالله العلی العظیم . دهشتلی اضمحلال ، محو و انقراض بوکا دیزلر . وزیر اعظمکز اولیم ، بو قدر کوندن بری دولت نامنه اطرافه اصدار اولان . اوامر رسمیه بی بوشکله کیرن مهر ایله مهرلیوب کوندریم ، ایشته بو ، دولتك صوکنی ، اضمحلالنی کوستیرر . آرتق نه سز ، نه بز موقع صاحب اوله میز » مقابله سنده بولمش ایدی . فی الحقیقه از برمدت صکره ( امین ) ك خلع و مقتولتی وقوع بولمش ایدی [۲] .



مسکراته انهماك يالكز خواصه مخصوص دكلدی . عوام دخی مسکراتك انواعی قوللاشمسار ، حتی بوخصوصده انهماك وافراده وارمشلردی . ذاتاً بوحال هریرده هر زمان واقعدر . رجال حکومت مسکراته منهمك اولمسه بیله عوام طاقی اکا منهمك اولور . علی الاکثر شراب خوارلر نییدی کندیلری اعمال ایدرلردی . بعضلری دوستلرینك خانه لرنده ، بعضلری ده میخانه لرده ایچرلردی . پك چوق میخانه لر واردی . بومیخانه لرك صاحب لری علی الاکثر یهودی ایدی . اسلامار بعضاً شرابی مناسترلرده ایچرلردی . مناسر شرابی نفاست ایله مشهور ایدی .

روایت کوره آل بویه ملوکندن ( وک الدوله ) نك وزیرى ادیب شهر ( ابن العمید ) پادشاهنك اوغلی ( عضدالدوله ) نك خشم و غضبه اوغرامدن برکیجه اولکویاکه متاعب یومیه یی صفای لیل ایله تلافی مقصدیله ارکیجه غایت دبدبلی و محشم بر بزم طرب عقد ایش ایدی . اطرافى رواج طیبه ایله معطر نورا نور بر حجره ده ندیلر ، مفتیلر ، خواننده لر حضورنده باده لر آلتون قدح لر ایله ، بیوک بر ذوق و صفا ایله تعاطی ایدلش ایدی . قوجه ادیب اوچ بیت نظم ایش ایدی :

دعوت المني ودعوت العلي	فلما اجابا دعوت الفدح
وقلت لا يام شرخ الشباب	الى فهذا اوان الفرح
اذا بلغ المرء آماله	فليس له بعدها مقترح

بویتلری خواننده لره ترم ایتدیریوردی ، کیفلیوردی . سرخوش اولنجیه قدر ایچمش ، یامش ایدی . حیفاکه بوشب صفای تعقیب ایدن صبح جفاده ( عضدالدوله ) کندیسنی دردست ایدرك بر کوزینه میل چکمکه برابر بروتنی ده کسیدرمش ، بتون سعادت حیاتی بردها تلافی ایدلامك اوژه محو ایش ایدی [۱] .

وزرا ویا امر! شعرادن ویاخود خوانندگاندن برنی نزدینه چاغیرمق ایسته یوبده هانکی برده اوطوردیقنی بیلمز لر ایسه ضبطیه ناظری واسطه سیله انی بولدیروب کنیر لرلردی . شاعر ویا خواننده بزم انس و صفایه کیرمدن اول تمیزلندیریلیر ، صاحب لری آلتیر ، تمیز البسه کنیدیریریلیردی [۲] .

اوزمك ادباسندن بری بر بزم انس و شرابی شو صورتله توصیف ایدیوردی :  
« قاینار چوملکک ، دوار قدح لر ، سامعه نواز نغمه لر ، لطیف و مؤنس مصاحبه لر ، آی پارچه سی کی ندیلر آره سنده نظامی سرور بر بزم آبد ایدم » [۳] .

بونکله برابر مسکراتدن فوق العاده متفر ، حتی مسکرات دشمنی ذوات پك چوق ایدی . حتی بعضلری حیات بخش اولسه بیله مشروباتی استعمال ایتملرلی . روایت کوره


(ملك صالح اساعيل بن نورالدين محمود بن زنگي) قولنجدن صوك درجه مضطرب اولدینی صرهدده اطبا كندیسنه شراب استعمالی توصیه ایتشلردی . مشار الیه قطعاً رد ایتدی . اولنجه یه قدر استعمال ایتدی [۱] .

## ۷ - آچیق صاحیقلاق

مدنیت ، ذوق وسفاهت اوتهدن بری عرض ایتدیکمز درجهده ترقی وتوسع ایدنجه آکا بر آز آچیق صاحیقلاق ، فحشیات قاریشمی پک طبعی ایدی . هیچ بر ملت مدنیتدن نه قدر اوزاق اولور ایسه اولسون اوکی بر خالدن خالی اوله ماز . حال بوکه مدنی ملتر برچوق اسباب تنعم وترفه مالک اوله رق آسوده بر حیات کچیردکلرندن بو حاللره معروض اولمقدن کندیلرینی قورتاره مازلر . عربلرک زمان جاهلیتلرنده بر طاقم فاحشه لر وار ایدی که اقامتگاهلرینک بر فحشخانه اولدینی دیکدکلری بایراقلدن معروف اولوردی . ارباب فسق وفجور اولان دلیق-انلیلر بو دارالفسلره دوام ایدرلردی . بعض کیمسه لر دخی پاره قازانمق مقصدیه جاریه لرینی فاحشه لکه اجبار ایلمکده ایدیلر [۲] .

مع هذا بوحالر شهر لیشمش عربلره مخصوص ایدی . بدویلر ایسه اخلاق فاضلیه دها زیاده رعایتکار ایدیلر . غایت ابتدائی بر دور مدنیتده فحشیات بوصورتله باش کوستریرایسه مدنیتک اعتلاسی دورلرنده کثرت نفوسلی بیوک شهرلرده ثروت وسامان چوغاللدینی ، جاریه مقدارینک آرتدینی ، مسکرات وموسیقی هر طرفه انتشار ایلدیکی ائناده ذوق وصفا ، فسق وفجورک پک بیوک بر مقیاسده توسع ایده جکنه شهبه یوقدر . مذکور مدنیتک اعتلاسی دورنده بغداد ، قرطبه ، قاهره ، فسطاط شهرلری ثروت ورفاهیت ایچنده یوزمکده ایدی . بتون بوشهرلر اهالیسی آرمسنده باخصوص قرون متوسطهده فحشیات فوق العاده انتشار ایتش ایدی . حتی فحشیات ؛ فسق وفجور اربابنه مرجع اولمق اوزره یر رئیس ایله اداره اولنور بر صنف حالنی کسب ایتش ایدی [۳] . فاحشه لر ، قوادلر ، سائر فاسقلر بر صنف مخصوص تشکیل ایلمکده ایدیلر . بو صنعتک

تأمین رواجندہ پک زیادہ ایلری کیدیله رک حماملرک دیوارلرینه قادین رسملری تصویر ایدیلیوردی [۱] . ذوق پرست زنکینلر - ابن طولونک یادیغی کبی - سودکلی جاریه لرک تصویرلرینی کندی قوناقلرینک دیوارلرینه ترسیمه باشلامشلردی . بونکله برابر رجال حکومتدن ارباب عقل واذعان اولانلر فحشیاتک عدم انتشارینه بتون قوتلریله چالیشمقدن کیری طورمیورلردی [۲] . بونلر بوقوتلرینی صرف ایتدکدن صکره جبراً فحشیاتی منعه مقتدر اوله مینجه



اندلس آعربلرینک سه غووی شهرنده کی الازهر خرابه لری

سائر صنعت و تجارت اربابی اوزرینه طرح ایدیلن ویرکیلر کبی فحشیات اربابی اوزرینه ده برطاقم رسوم طرح ایشلردی [۳] .

مدنیت مبحوث عنہا اثناسنده فسق وفجورک کوزہ چارپان اک چرکین نوعی محبوب دوستلق ، غلامپرستلک ایدی . بو حال بالخاصه خلیفه ( امین ) زماننده کوزہ چارپمش ، بالآخره ( معصم ) زمانندن اعتباراً اسارت وایامبایعه صورتلریله ترک وروملردن کوله من مقدارینک تزیادی اوزرینه هر نوع فحشیات

[۱] ابن خلکان ۱۲۷ ج ۲ ونفح الطیب ۸۶۰ ج ۲ [۲] ابن الاثیر ۹۵ ج ۱۰

و ۲۱۵ ج ۱۱ ومقریزی ۳۱۶ ج ۱ [۳] مقریزی ۸۹ ج ۱

يك زياده توسع ايشدى . اساساً بو عادت ايرانليردن عربلره انتقال ايتمش ايدى . خلق كوزل جاريه ساحي اولغه ، جاريه استفراشنه فصل رغبت كوسترمشله ايسه غلمان حقنده دخى اوصورتله بيوك بر رغبت كوسترمشله ، غلمانك كوزل قوقولر سورنمسنه ، كوزل كيئوب قوشانمسنه هوس ايشلردى . غلامپرست اكابر غلمانك كندى حرم وجاريه لرينه تسلطلرينه حائل اولمق اوزره انلرى طواشى ايديورلردى . مصرده رجال حكومت آرده سنده محبوب دوستلق اوقدر انتشار ايتمش ، اوقدر لسان شعرايه دوشمش ايدى كه [۱] قادينلر بوندن قيصقانه رق زوجلرينك كوكلى جذب ايتمك ايچون اوغلان قيافته كيرمكه تشبث ايتشلردى [۲] .

كذلك بعض سرايلرده يك چوق جاريه بولنمى او جاريه لك درلو درلو فحشيات انواعنى ايجاد ايتلرينه ، ( احمد بن طولون ) ك اوغلى مصر حكمدارى ( خارويه ) ك جاريه لرى طرفدن ياييلدينى كي هر جاريه نك برطواشى ي كندى نفسى ايچون زوج كي اخناذ وتخصيص ايلسنه باعث اولمش ايدى [۳] . ( خارويه ) كندى ياتاغنده بعض كوله لرى طرفدن قتل ايدلمش ايدى . سببي شوايدى كه حكمدار مشاراليه جاريه لرندن هر برينك برطواشى ي زوج كي اخناذ ايتديكنى ايشيده رك بعض جاريه لرني استجواب آلتنه آلمق ايسته مشدى . حقيقتك ظهورى اليه انتقامدن قورقان كوله لر بر آرده ده بالا اجتماع ( خارويه ) ي قتل ايتشلردى . بعض اكابر قادينلرى كنديلرينه كفو زوج بوله مامقدن ، ياخود ديكر اسبابدن طولاي اولنمكه مقتدر اوله مينجه انلرده بوكي برحالى اختيار ايتمكده ايديلر . بناء عليه ازدواج مزك يوزندن فساد اخلاق يك زياده آرمش ايدى [۴] . روايته كوره مصرده خلفاى عباسيه يه تابع اوله رق حكومت سورمش اولار ، اخشيديانك صوكنجيسى ( احمد بن على ) نك قيزى ذوق و صفا سنده او بولده خدمت ايتمك اوزره بر جاريه ساتون آلمش ايدى . اوصرده هوزتونس قطعه سنده بولنوب مصره هجوم ايتمك ايتديكي حالده موفقيت سزلكدن قورقان ملوك فاطميه دن ( معز لدين الله ) اخشيدك قيزينك ذوق و صفايه بودرجه اهمماكنى ايشيدنجه بوئى كنديسى ايچون بر فال خير عد ايدرك « اضمحلال و پريشانيه

[۱] تزيين الاسواق ۱۶۳ [۲] مقرئى ۱۰۴ ج ۲ [۳] ابن الاثير ۱۸۸

[۴] الفرج بعد الشد ۶۱ ج ۲



ہونند دھا بلیغ بردلیل اولہماز « دیمش ، عسکر سوق ایلہ مصری تسخیر  
ایتمش ایدی . فی الحقیقہ عفت اعتلای بشریتک ارکان اصلہ سندن بریدر .

ممالک اسلامیہ دہ فساد اخلاق دھا صکرہ دھا واسع برمقیاسدہ آرمش ایدی .  
بشنجی قرن ہجری اواخرندن یدنجی عصر ہجری اوائلہ قدر ( خوارزم ) دہ حکومت  
سورن . خوارزمشاہیان دولتک صوکنجیسی ( جلال الدین بن قطب الدین ) بر مملوکہ  
عادتا مسخر و برستشکار اولش ایدی . ممالکئی زیر وزیر ایدن تانار طغیانی اوکندہ  
مقبور و مضمحل اولہرق شہردن شہرہ تعقیب ایدلہکی اٹنادہ او مملوک وفات ایتمش  
ایدی . ( جلال الدین ) چلدیر برجہ سنہ محزون اولش ، اہالیئی اٹک ایچون آغلامغہ ،  
مائم مراسمی باغغہ مجبور ایتدکن ماعدا میتی دفن ایتدیرمہرک ہرنرہہ کیتمش ایسہ  
انی برابر کوتورمش ، آغلامقلہ ، آہ وواہ ایتکلہ وقت کچرمشدی . ہیچ بر کیمسہ  
حکمدار دیوانہ اطوارہ مملوکک وفات ایتمش اولدیغنی سولہکک جسارت ایدہ میوردی .  
بالعکس معیت خدمہ سی حکمدارلرینی ممنون ایتک ایچون کویا مملوک صاغ ایش کبی اکا  
یک کوتورمک ایلہ کورینورلر ، یک کوتوروب درندکک مملوکک آیاں اویدیکندن ،  
صحفی حقندہ دھا ائی بر حالہ بواندیغنی سولہدیکندن بحث ایاورلردی . ( جلال الدین ) ک  
بوحالی معیتی امراضتک کندیسندن فوق العادہ صغوملرینہ باعث اولش ایدی [۱] .

( اغانی ) دہ روایت اولندیغنہ کورہ ملوک امویہ دن ( ولید بن عبدالملک ) مدینہ یہ  
کیدہ رک اورادن ( طائف ) ہ کیتمک ایستہ مشدی . ( طائف ) ک احوالی بیلیر بر آدم  
آرامش ، کندیسنہ شاعر مشہور ( عمر بن ابی ربیعہ ) کتیرلش ایدی . برابر یولہ  
روان اولشلر . اثنای مصاحبہ دہ عمرک اوموزی آجیلہرق اوزرنده برعلامت کورلش .  
( ولید ) ہونک سببئی صورمش . شاعر شوخ مشرب بر جاریہ نک یانہ کلوب کندی  
قولاغنہ بر طاقم کیزلی شیلر سولہدیککی صرہ دہ ہشقہ بر جاریہ طرفندن مراسل دیگر  
بر جاریہ نک یانہ کلدیککی ، وتہ کی جاریہ یی کورنچہ قیصقانوب اوموزندن ایصیردینئی ،  
اوبر جاریہ نک لذت مصاحبہ سنہ طلہدیغندن طولابی جاریہ نک ایصیرہ سنی حسن ایتدیککی ،  
ایستہ بوعلامت اونک نتیجہ سندنہ حاصل اولدیغنی سولش . . ( ولید ) قہقہہ لر ایلہ  
کولش . عمر آرفداشلرینک یانہ عودت ایتدیکی زمان خلیفہ ایلہ نہ قونوشدینئی صورولونچہ  
« بتون مصاحبہ من زنایہ دائر ایدی » جوانی ویرمش [۲]

ہونکلہ برابر ( معتضد ) کبی بعض خلفا فوق العادہ عقیف و جندی آدملر ایدی [۳]



## دَوْلَتِكْ اَلْحَشِشْمَاتِ وَ دَوْلَتِكْ اَلْاِیْمِیَهْ

دولتک احتشامات و دبده سندن مقصد انک اعتلاسی دورنده کوستردیکی احوال مدینتکارانه و اطوار عظمتپورانه دن عبارتدر . بو بحث خلفانک مجلسرینی، موکلرینی، دولتترینک عظمت و شانی، اویونلرینی، اکلنجهلرینی، البسهلرینی و تفصیلاتی آتیده مندرج اولان سائر خصوصاتی شاملدر. دولت عباسیه بو خصوصلرده دیگر حکومت اسلامیةنک اسبقی و مقتدی بهی اولدینی جهته بچتمزی دولت مشارالها زماننده کی آثار شان و شوکت حصر ایدرک دول سائرۀ اسلامیة دن ایسه بعض مستشهدات ایرادی ایله اکتفا ایلیه جکزر.

### ۱ — خلفانک مجلسری

خلفانک مجلسری دولتیرک، عین دولتک احوال و اطوارینک، حتی بر حال و طور دن تعقیب ایدیلن مقصدک اختلافه کوره شکل و احتشامده مختلف ایدی. خلفای راشدینک مجلسری مسجدده ویا کندی خانهلرنده قورولورایدی. اوزمانکی خلفا بر عبا ویا امشالی بر کسوده صارلمش اولدقلری حالده بر حصیر ویا بر پوست اوزرنده اوطوررلردی. خلق بو حالده بولان خلیفهنک یانته کیره رک هر نه ایشلری وار ایسه سربست سوبلیوب حل ایدرلر، خلفایه مجرد اسملریله خطاب ایلرلر، بو خطابه مبالاتسز لک ویا بر اثر تحقیر کورمزلردی. سردارلردن بری حرب ایچون بر جهته مفارقت ایتدیکي زمان خلیفه پاسبانمز، سنجاقمز، داوولسز اوله رق اتی تشیعه چیقار، سرداره هر کارنده بصیرت، صبر و ثبات، رفق و عدالتی توصیه ایلردی. اطرافده

بولنان والیرلی دخی بویولده عین مسلیکی تعقیب ایدیورلردی . مع ذلك بو والیر ایرانلیر ویا روملر طرفندن تأسیس ایدلمش شهرلرده اقامت ایتدکلیینه، او ایکی دولتک آثار مدنیتلرندن بر چوق شیلر کوردکلیینه نظراً احتشام و دبدبه خلیفه لرندن ده ازیاده یقین ایدیلر . آلاش مدنیه ، دبدبه و احتشاماته قایلقدن کندیلرینی آله میورلردی . فقط خلفای راشدین کندی والیرلندن برینک بویولده بر حالنی کوردکجه او والی حقنده استعمال شدتن کیری طورمازلردی . نته کیم حضرت عمر کوفه امیری ( سعد بن ابی وقاص ) ک بر کوشک اتخاذا ایدرک اکا بر قبو قویدبغنی ایشیدنجه معیتی رجالدن برینی کوفه یه کوندیره رک امیر مشارالیهک کوزی اوکنده او قیوی یاقدرمشدی .

حال بوکه ده صکره طبیعت عمران وقانون تکمل بو سادکی ابتدائی یه غالب کیش ایدی . آرتق خلفا ، امرا یاواش یاواش دبدبه و احتشاماته قایلور، پرده اتخاذه ، آثار شکوه و عظمت اراه سنه باشلا یورلردی . بوکا ک اول ( معاویه بن ابی سفیان ) بدء ایشیدی . مشارالیهک عراق ومصر قطعه لرنده بولنان والیرلی ده بو خصوصده کندیسنه عاداتا معین کسلمشلر ، عینی یولی تعقیب ایشلر ، بولندقلری مملکتلرده ده ا اول موقع حاکمیتده بولنان حکمدارانہ عائد بر طاقم دبدبه لی و احتشاملی عادتلرک اقتباسی کندیسنه توصیه ایشلردی . بالآخره مقام اقتداره کلن سائر خلفای امویه عین اثره اقتفا ایشلردی . بولردن صکره موقع حاکمیت کچن عباسیلر ایسه دولتک اک مهم منصبلرنده استخدا ایتدکلری ایرانلیلر ایله دبدبه و احتشاماته برقات ده ایلری کیده رک ایران حکمدارلرینک کندی مجلسلرنده وسائر احوالده تابع اولدقلری عادات و تشریفاتدن ، آلاش عظمت پرورانه دن پک چوق شیلر اقتباس ایشلردی . آرتق خلفا مجلسلری مختلف شکلرده ، ترتیباته تنظیم ایدیلورلدی . بر مجلس فصل دعاوی انام ایچون قورولیوردی . دیگر مجلس منادمیه ویا مناظره ومذاکره یه تخصیص اولنیوردی . بر دیگر مجلس ده دیگر خصوصات ایچون انعقاد ایدیوردی . هر مجلس موضوع لهنه کوره احتشام و دبدبه ده بر ترتیب و انتظام مخصوصه تابع ایدی .

بونکله برابر دولت مؤسسلری اولان ذواتک مجلسلرده ایش کورمکدن ، بنیان دولتی تحکیم ایتک مشاغل مهمه سندن بشقه شیلر ایله وقت کچیرملری نادر

ایدی. مثلاً دولت امویه مؤسسی ( معاویه بن ابی سفیان ) ایله [۱] دولت عباسیه نك اك عز مكار خلفاسندن ( ابو جعفر منصور ) [۲] هر كونكي وقتلرینی بيوك بر انتظام ایله امور اداریه و سیاسیه ، مذاکره و مشاوره ، تدقیق و مطالعهیه تخصیص ایشلردی. دولتک اورتی زمانلرنده مجلسلرک عددی چوغلش ایدی. بوراده علی الاکثر مجلسدن مقصد مهم امور دولته باقیق ایچون عقد اولنان مجلسدن عبارتدر .

مجلسک شکلی. مفروشاتی

بالاده بیان ایتدیکمز اوزره خلفای راشدین ایله والیرلی مسجدرده اوطوررلردی. چونکه او وقته قدر اسلامیت هنوز صرف دیانتدن عبارت ایدی. دهها صکره وقتا که امویلر اسلامی دولت شکنه صوقدیلر ، مسجدره بدل ، دهها اول دول سابقه طرفندن یادیلمش اولان سرایلری مقر اقامت اتخاذا ایتیشلر ، یاخود یکیدن سرایلر انشا ایدرک ایچنی تختلر ، کرسیلر ، خالیر ، سجادهلر ، یاصدیقلر ، پردهلر ایله تزین و تشریفاته واسطه اولمق اوزره مابینجیلر استخدام ایشلردی. تخت ، یعنی اربکهلری ایلك اتخاذا ایدن ذات ( معاویه ) ایدی. بوخصوصده شامده بولسان روم بطریقلرینی ( امرای عسکریه سنی ) تقلید ایتیش ایدی. کذلک پردهلری ، خالیرلی انلری تقلیداً اتخاذا ایش ایدی. کرسیلر و صندالیهلره کلنجه ، ظاهردهن آکلاشدیغنه کوره ، بونلری ، ایران رؤسای عسکریه سنی تقلیداً قولانمش ایدی. چونکه امرای مسلمیندن انلری ایلك استعمال ایدن ذات ( معاویه ) نك فارس قطعه سی والیسی ( زیاد بن ابیه ) ایدی [۳]. بوجهتله احتمال که بوذات کرسی و صندالیهلرک شامه انتقاله واسطه اولمشدی. بونکه برابر ( معاویه ) نك کرسی و صندالیهلری طوغریدن طوغرییه روملردن آلمش اولمسیده محتملدر. اسلاملرک اقوام سائردهن اقباس ایتدکلری طراز ، سالونلرک صدرنده اشعار یازمق ، مفروشات حریرییه ، ابانوزدن ، صندال آغاچندن ، فیل دیشندن ، آلتونندن و سائردهن تختلر اتخاذا ایتمک کبی بسائر آثار مدنییه و احتشامکارانه یی ده اکا کوره قیاس ایدیکمز .



دولتک امور و خصوصاتی عموماً بر بنادہ اداره و تسویہ اولنور ایکن بالآخرہ ہر شعبہ اداره ایچون بر بنای مخصوص اتخاذ ایدلمش ایدی۔ حتی اعظم رجال دولتن بعضلری خلفانک معیتندہ بولن ان تحریرات ، محاسبہ ، اطبا و سائرہ دوائرنہ مشابہ اولہرق کندی اداره لری ایچون بر طاقم متعدد دوائر تشکیل ایتشلر ایدی [۱]۔ عباسیلر زمانندہ اداره امور مملکت ایچون بری خصوصی ، دیکری عمومی اولق اوزرہ ایکی نوع مجلس واردی۔ برنجیدہ خلیفہ اعظم رجال دولتی ایلہ ، یاخود زردینہ کلن بیوک امرا ویا حکمداران ایلہ اوطوروردی۔ دیکرنندہ ایسہ سائر ایشلرہ باقار ، معناد اولان مجلسلری عقد ایلردی۔

مدیتک اعتلاسی دورندہ مجلسلر؛ دیوارلری حیوانات بریہ و بحریہ ، نباتات ، طاغ ، درہلر و امثالی رسملر ایلہ ، آلتون و کوش یالذیلرلہ مزین بیوک بر بر سالوندہ عقد اولنوردی۔ سالونک زمینی دیبان و امثالندن بر قطعہ خالی ویا متعدد خالیلر ایلہ مفروش بولنوردی۔ سالونک اطرافندہ تنویر ایچون موم وضعنہ مخصوص اولہرق آلتون ویا کوش شمعدانلر قونولوردی [۲]۔ مجلسک قپو و پنجرہ لرینہ ال ایشلمہ سی اولہرق دولتک علامت مخصوصہ سنی ، ویا بر طاقم اشعار و حکمیاتی ، یاخود آیات و احادیثی ، یاخود شہر ، نہر ، طاغ رسملرینی حاوی ایپکلی ویا سائرہ دن پرہلر وضع ایدیلردی۔ سالونک اورتہ سندہ فیل دیشندن ویا آبانوز آغاچندن مصنوع آلتون قاقہ لی برسده ویا بر تخت قونولوردی کہ اوزرنندہ خلیفہ اوطوروردی [۳]۔ خلفای فاطمیہ تختلرک تزیناتی ایچون او قدر چوق مصرف اختیار ایدلردی کہ یالکز بر تختہ ۱۱۰,۰۰۰ مثقال خالص آلتون کچیریلردی [۴]۔ بعضاً خلیفہ زینت اولق ، یاخود کندیس ایچون بر اکلنجه تشکیل ایلک اوزرہ یانندہ بر طاقم قیمتدار آثار نادیدہ و امثالی شیلر بولندیریردی۔ اندلسدہ تشکل ایدن طوائف ملوکک اک بیوکی ایکن (یوسف بن تاشفین) ک عسکری طرفدن اسارت و فلاکتہ اوغرا دلدقدن صکرہ ایکی قیزی مرا کش قطعہ سندہ کائن (اغمت) شہرندہ شریقلر سویلہ رک پارہ دیلنمک درجہ سستہ قدر تذلیل ایدیلن مشہور (معتمد

[۱] طبقات الاطبا ۱۲۰ ج ۱ [۲] العقد الفرید ۱۰۸ ج ۳ [۳] طبقات الاطبا ۲ ج ۱

[۴] مقریزی ۳۸۵ ج ۱

بن عباد) موقع عز و اقبالده بولنديني صهرده بري آلتون وايحي ايله مرصع ،  
ديكري كوزلري يا قوتدن انقيمتدار ايجيلر ايله مزين اولدورق ايكي دوه تمالي  
او جلهيه داخل اولق اوزده اوكنه غنبدن برطاقم تماللر وضع ايديلردى [۱].  
خلفا خلق ايله اختلاط ايتدكلري جهته او طور دقلري صالونده كنديلر ايله سائر  
اوطورانلر آره سنده بر پرده قويدور برلردى . يا خرد كنديلر ايله جليسلري  
آره سنده قفسلى بر پنجره بولنوردى . قيش مفروشاتي ايله ياز مفروشاتي آره سنده  
بيوك بر فرق واردى . قيشين مفروشاته منغاللر علاوه ايديلر ، آتشنده ،  
غنبر آتله رق صالونلر تعطير اولنوردى . خلفا زمانه كوره غايت قيمتدار  
ونظر ربا كوركركيرلردى [۲].

### مجالهٔ خلفا

دخول ايچون استيدان

خلفاي راشدين زماننده خليفه نك حضورينه كيرمك ايچون استيدان قپوده  
طوريله رق « السلام عليكم ، كيريمى ؟ » سؤالي اوچ دفعه تكرار اينك شكلنده  
وقوع بولمقده ايدى . بو اوچ دفعه تكراردين صكره مساعده ايدلمز ايسه  
سؤال بردها تكرار ايدلمزدى [۳]. خلفاي مشاراليهمك ، بعض احوالده ، منع  
ازدحام ويا استيدان ايچون ، مابينجي قولاندقلري ده اولوردى . بو دور ختامه  
ايريجه صنفلرينه كوره اوقات معينه ده خلقك حضوره قبولي ايچون مابينجي  
وتشريفاتجيلر تعيين اولمش ايدى . جلسا ، ادبا ، شعرا وسائر آيرى آيرى  
وقتلرده قبول ايدلمكده ايدى [۴]. عمومى مجلسلرده ايسه خلق رتبه ومقاملرينه  
كوره تشريفاته تابع ايديلر .

خلفانك حضورينه تشريفات ايله دخولى ترتيب وتنظيم ايدن اينك ذات  
عراقده ( زياد بن ابيه ) ايدى . كنديسنه بويولده حركتي او كردن ده مابينجيسى  
( عجلان ) ايدى . احتمال كه بو ذات شو مراسمي ايرانيلردن اقتباس ايتمش ايدى .  
بو تشريفاته اولاه اصلته ، ايكنجى درجه ده ياشه ، اوچنجى درجه ده ده ادبلك ،  
شاعرلك كبي مزيتنه رعايت ايديلردى [۵]. بو اصول تشريفات بتون امويلر

[۱] نفح الطيب ۱۲۸ ج ۲ [۲] اغاني ۹۹ ج ۳ [۳] العقد الفريد ۲۱ ج ۱

[۴] اغاني ۶۰ ح ۵ [۵] العقد الفريد ۵ ج ۳ و ۲۱ ح ۱

زمانندہ دوام ایتمش ایدی . بر قاج کشینک حضور خلیفہیہ دخوللری ایچون استیزان ایدیلنجہ اک اول اک زیاده حسب ونسب صاحبی قبول اولنوردی . حسب ونسب مساوی اولور ایسه اک زیاده یاشلی اولان ذات تقدم ایدردی . شاید سن ده مساوی کورولور ایسه اوزمان بونلردن اک زیاده مزیت صاحبی اک اولان کیرردی . بواصول تشریفاتہ دها صکرہ سائر ازمئہ اسلامیہ ده رعایت ایدلمش ایدی .

کرك امویلر زمانندہ ، كرك دولت عباسیہ نك اوائل حا کیمتده حضوره کیرمک ایچون خلیفہ نك ویا امیرك یاننه کیدن ذوات انك قیوسنده طوررلر ، اذن طلب ایدرلردی . خلیفہ ویا امیر حضوره کیرملرینه یا مساعده ایدر ، یا ایتمزدی . مساعده ایتمزایسه دیگر بروقتده یینه کلیرلردی . بوسفرده مساعده ایتمز ایسه حضوره کیرمکه موفق اولنجہیہ ویا اوصانج کیتروپ واز کچنجہیہ قدر اوچنجی ، دردنجی دفعه ، ویا دها زیاده دفعات ایله مراجعت ایدرلردی . ایشته بو مکرر مراجعات برنجی ، ایکنجی ، اوچنجی اذن تعبیریه افاده اولنوردی [۱] . خلیفہ نك حضورینه قبول اولتمق فکریله اوزاقدن کلن ذوات ایچون عمومہ مخصوص سرای جوارنده برطاقم مسافر اوطه لری یاپلمش ایدی که کلنلر حضوره کیرنجہیہ قدر بو اوطه لرده اقامت ایدرلردی . بونی ایلک یاپان خلفای عباسیہ دن (منصور) ایدی . مشارالیه (بغداد) شہرینی تأسیس ایتدیکی زمان کندی نفسی ایچون انشا ایلدیکی سرایده اوکی ارباب مراجعتہ مخصوص اوله رق اوطه لر یاپدیرمش ، دها صکرہ دولت عباسیہ ده بو عادت دوام ایلش ایدی [۲] . کلن ذوات یورغونقلرینی چیقارنجہیہ قدر اوراده اقامت ایتدکدن صکرہ قبوللرینه مساعده ایدیلردی . هم سرايه ، هم مجلسه دخول ایچون آیری آیری اذن طلبی ده بعضاً وقوع بولوردی .

خلیفہ نك حضورینه دخول ، خلیفہیہ سلام

بر ذاتک حضور خلیفہیہ دخولنه مساعده ایدیلنجہ اوزات خلیفہ نك یاننه یاقلا شہرق کندینه سلام ویرردی . ابتدای اسلامیته عمومی سلام قولاللقده ایدی . خلییه ، امیر ویا والینک حضورینه کیرن ذات اکا ساده جه « السلام

عليك « دیردی. » عليك السلام « دیمکدن ایسه نفرت اونوردی . چونکه بوسلام اولولره توجیه اولنور برسلام ایدی [۱] . بعضاً سلامه خلیفه ویا امیرک کنیه سی علاوه ایدیلر ایسه دهدهافضله الفاظ تعظیمیه قاریشیدرلمازدی . فقط وقتا که عربلر عرب اولمیانلر ایله اختلاط ایدرک انلرک رئیسلر ایله مرؤوسلر آره سنده برفرق کوزتدکلرینی کوردیلر ، تقلیدلرینه شتابان اولمشلردی . بوطریق تقلید ایدن ایلک ذات مشاهیر دهات عربدن کوفه والیسی ( مغیره بن شعبه ) ایدی . مشار ایله « امیر ایله رعایاسی آره سنده برفرق بولمق لازمدر » دییه رک زیر دستانی « السلام عليك ايها الامير ورحمة الله وبركاته » [۲] ویاخود « السلام على الامير ورحمة الله » شکلنده بولنان امارت سلامی ایله کنديسنه سلام ویرمکه مجبور ایتمش ایدی . بونک اوزرینه سائر اسلاملر بویولی طوته رق خلفایه خلافت سلامی ایله سلام ویرمکه وخلیفه نك حضورینه کیردکجه اکا « السلام عليك يا امير المؤمنين ورحمة الله وبركاته » ویاخود « السلام على امير المؤمنين ورحمة الله » دیمکه باشلامشلردی [۳] . مدنیتلری تملق وتبصص ایله فساد اوغرا دینی تاریخه قدر اسلاملر بوشکلده سلاملر ایله اکتفا ایتمکه ایدیلر . فقط ده صکره دول سائر نك مراسم تعظیمیه سنی تقلیده قویولونجه خلیفه یی سلامه قارشیلق ویرمک مجبوریتنده بولندیرماق ایچون حضوره کیرنلر خلیفه یه سلام ویرمکدن منع و « خدمت » ودعا ایله اکتفایه مجبور ایدلشلردی . خدمت باش اکمک ایله رکوع درجه سنه قدر اکلمک آره سنده مختلف درجه لرده انخادن عبارت ایدی . فقط هر حالده بو شکلده اکمک رکوع درجه سنی تجاوز ایتسنه مساعده ایدلزدی . چونکه او درجه نك فضله سی سجود شکیلنی آلیردی که بو ایسه اللهمک غیری ایچون جائز دکلدی .

بعضاً خلیفه یه عرض تعظیبات ایدیلر ایکن النی ده اوپمکده ایدیلر . اوائل اسلامیتده خلیفه نك الی بیعت مراسمی اجرا اولدینی ، یاخود یکیدن معاش ویرلیدی ، غفو واحسان صادر اولدینی ویا وداع اجرا ایدلیدی صروده اوپولوردی . سخابة کرام حضرت نجیه قارشى اوپولده معامله ده بولندیلر . ده صکره خلفانک اکثری بوطریقده دوام ایتدیلر . بالآخره خلفا اللری

[۱] العقد الفريد ۲۰۹ ج ۱ [۲] اغانی ۳۵ ج ۱۲ [۳] مقریزی ۲۸۸ ج ۲



اوپدیرمکہ تنزل ایتمامکہ باشلادقلرندن الہ بدل قبول ایدیلنلرک درجہ ومقاملرینہ کورہ دامن وعقبہ تقییلی عادت اولدی . خلیفہ عباسی (مہدی) نک (مسلم بن قتیبہ) یہ قارشی یاپدینی کی خلفادن بری برسردارک قدرینی اعلا ایتمک ایستدیک زمان انی ال ویاتنک اوپمکدن منع ایدردی . (مہدی) مسلم بن قتیبہ نک اوپمک ایچون کندی الہ صارلدیغنی کورنجه اکا « سنی بوتسریفادن عفو ایدرز ، فقط دیکرلرینی بوندن مستتی اتمیز » دیمش ایدی [۱] . بعضاً بونوع مراسم تعظیمیہ اشخاص وحکوماتک ، زمان واحوالک اختلافہ کورہ مختلف شکلردہ وقوع بولمقدہ ایدی . مشہور سردار (جوہر) مصرک فتحنہ متوجہاً اقدیسی (معزلدین اللہ) ہ وداع ایتدیک صرہدہ (معزلدین اللہ) اکرام وتوجہہ دلیل اولہرق مخدوملرینی آتلردن ایندیردی ، بتون رجال دولت آتلردن اینہرک مراسم وداعیہی ایفا ایلدی . (جوہر) دخی معزک النی ، آتنک طیرناغنی اوپہرک عرض تعظیلات ایتدی [۲] . (مہدی) نک ضبطیہ ناظری (عبداللہ بن مالک) مقام خلافتہ کلدن اول (ہادی) خلیفہ اولنجه (عبداللہ بن مالک) اندن پک چوق قورقمقدہ ایدی . (ہادی) خلیفہ اولنجه (عبداللہ بن مالک) حقندہ حلیمانہ ، رعایتکارانہ معاملہدہ بولندی . بونک اوزرینہ (عبداللہ) ہادینک النی ، آغانی ، آتنک طیرناغنی اوپمکدن کندینی آلہ مامشدی [۳] . (ابراہیم موصلی) دخی ہرون رشید کندیسنی زیارتہ تنزل ایتدیک ایچون آتنک طیرناغنی اوپمش ایدی [۴] . بونک لہ برابر دین وزہد اربابی خلفانک حضورینہ کیردجہ سائرلی کبی باش اکمک ، دعا ایتمک مراسمنی ایفا ایتزلردی . کمال سکون ووقار ایلہ کیرلرلدی .

خلیفہ نک حضورینہ کیرنلر مقام ومرتبہ لرینہ لائق موقعلردہ اوطورلرلدی . انلرک بو صورتلہ اجلاس لرینہ « حاجب » ویا « آذن » دینلن مابینجی نظارت ایدردی . دولت امویہ زمانندہ خلیفہ دن صکرہ برنجی مقام خاندان اموی ارکانہ مخصوص ایدی . بونلر تختلرہ ، ہاشمیلر ایسہ کرسیلرہ اوطورلرلدی . دہا صکرہ عباسیلر دورندہ برنجی مقام بنی ہاشمہ ویرلمش ، انلرہ « ملوک » ویا « اشراف » اطلاق ایدلمش ایدی . خلیفہ تخت ویاسدہ اوزرندہ اوطورلرلدی . ہاشمیلر کرسیلرہ ، امویلر - کلدکلرندہ - کنارلری ایکی قات ایدلمش مندرلرہ

[۱] ترتیب الدول ۶۰ و ۹ [۲] بن خلکان ۱۱۹ ج ۱ [۳] ابن الاثیر ۴۲ ج ۶  
[۴] اغانی ۹۱ ج ۹

جلوس ایدرلردی [۱]. شوقدرکه عباسیلر امویلری تشکیل واک چوقلرینی قتل ایتدکدن صکره امویلر عباسیلرک مجلسلرنده پک نادر اثبات وجود ایلرلردی. امویلردن صاغ قالانلر خلیفه (مستعین) دورنده ۲۵۰ سنه هجریه سنده مقامدن، مراسم رعایتدن اسقاط ایدلمشلردی [۲]. سائر رجال دولت و صنوف ناس ذکر اولنان ذواتدن دهآ آشاغی مواقعه اوطورلرلردی. بوموقلر زمان واحوالک اختلافه کوره مختلف ایدی.

خلیفه نك حضورینه عرض تعزیت ایچون کیرلدیکی زمان صاریقی چیقارمق عادت ایدی. چونکه باشده صاریق اولدیغی حالده خلفایه عرض تعزیت ایدیله مزردی [۳].

#### خلفانك حضورنده آداب و مراسم

خلفای راشدین غایت ساده وقناعتکارانه برحالده یاشادقلری جهته اوائل اسلامیتده خلفایله ملاقات ایتمک، مجلسلرنده بولنمق سائر خلق ایله کوروشمکدن فرقلی دکل ایدی، خلیفه یه ساده اسمی ویا کینه سی ایله خطاب اولنور، «یا عمر!»، «یا معاویه!» دینیه رک بوصورتله کلفت وتعظیلات لفظیه دن آزاده خطابده بآس کورلمزدی. خلفانك مجلسلرنده خلیفه ایله برابر اوطوراندر دهآ اول بیان ایتدی کمز اسبابدن طولانی چکنمک، قورقق حسی ایله متحسس اولمقسزین کوروشوب قونوشورلردی. فقط دهآ صکره حاکمیت اسلامیه مظهر وسعت وجسامت، هیبت ودهشت نبوت ایسه دوچار زوال وانحطاط اولنجه امویلر حکومات مستبدیه نی تقلیده باشلادیلر. ارباب دهآدان اولان والیلری خلیفه نك تعظیمنه، مقام ومرتبه سنی پک یوکسک کوسترمکه، مجلسنی سائر خلق مجلسلرندن منزله و ممتاز طومغه چالیشدیلر. بو یولده ایلك تشبیه اجرا ایدن ذات عراق والیسی (زیاد ابن ابیه) ایدی که «خلیفه نك حضورینه کیرنلره حضورده بولندقجه سلام ویرلماسی» قاعده سنی وضع ایتدی [۴]. دهآ صکره ایسه خلیفه نك حضورنده علی الاطلاق سوز سویلك منع ایدلدی. بونی ایلك یاپان خلیفه (عبدالمک بن مروان) ایدی. متعاقباً بسبتون تکبر

[۱] اغانی ۹۲ ج ۴ [۲] ابن الاثیر ۵۱ ج ۷ [۳] اغانی ۹۷ ج ۹

[۴] العقد الفرید ۶ و ۲۱۸ ج ۲

و تجرب طریق اختیار اولندی . خلفا خلق اسکی خلفایہ توجیہ ایتدکری خطابلر کی کندیلرینہ خطاب توجیہندن منع ایتمکه باشلادیلر . بویولده اظهار تجبر وعظمت ایدن ایلک خلیفہ ( ولید بن عبدالمک ) ایدی . خلق سلفلرینہ توجیہ ایتدکری خطابلر کی کندیسینہ خطاب توجیہندن منع ایدرک بر طاقم سوزلردن صکرہ « اللہہ قطعی عہد وقسم اولسون : اویولده ہر کیم بکا توجیہ خطاب ایدر ایسہ او آدمی ہلاک ایدہ حکم . رعایا کندی پادشاہلرینہ قارشی یوز آلیرلر ایسہ کندیسینی استخفافہ ، اوامرینہ عدم اطاعتہ جرأت ایدرلر » دیشم ایدی . ( بنی مرہ ) قبیلہ سندن بر شخص بر کون کندیسینہ « ولید ! اللہدن قورق . کبریا جناب حقہ مخصوصدر » دیدیکی ایچون ( ولید ) او آدمی آیاق آلتہ آلدرہرق ہلاک ایتدیرمش ایدی . خلق بوشدتی کورنجه کندیسندن فوق العادہ قورقغہ باشلامشردی [۱] . خلقی دھا اول خلفایاہ ویا بر برلریہ مکتوبلشدکری کی کندیسینی ایلہ مکتوبلشمکدن ایلک منع ایدن دہ ( ولید ) ایدی .

خلفا حضورندہ ہیچ بر کیمسہ ایچون دعادہ بولنامق دھا صکرہ خلفا مجلسلرندہ بر عادت اولمشدی [۲] . خلیفہ نک حضورندہ اوطورانلر یکی کیرن بر ذات ایچون خلیفہ آیاغہ قالماز ایسہ کندیلری آیاغہ قالمقہ مازلری . دھا صکرہ بیوک ، کوچک اولسون بتون دوائر حکومت رؤسا ومأمورینتجہ وظیفہلری باشندہ بولندقلری زمان یانلرینہ ہر کیم کیرر ایسہ آنک ایچون آیاغہ قالمقامق عادت اولمش ایدی [۳] . خلیفہ نک حضورندہ بولنانلر آنحق کندیلرینہ سؤال توجیہ اولندینی زمان سوز سویلیہ بیلیرلر ، یعنی کندی کندیلرندن سوزہ باشلا یہ مازلردی . بو ذواتہ اسکی عربلرجه مستعمل و « افندی ! خیردر ان شاء اللہ ! » مآلئی متضمن اولان سؤال توجیہ اولنوردی [۴] . اوزات مراعی ہر نہ ایسہ عرض ایدردی . فقط او یلہ برسؤال ایلہ مراعی استفہام اولنماز ایسہ آغزینی آچمامہ ، سکوت ایتمکه مجبور ایدی .

بو حال خلیفہ ( مأمون ) ک زمانہ قدر دوام ایتمش ایدی . مشارالیہ خلیفہ اولنجه مجلسدہ بولنانلری محاورہ ومناظرہ اجراسنہ مأذون قیلدی [۵] . دھا

[۱] لطائف المعارف ۱۴ والبيان والتبيين ۱۲ ج ۲ وابن الاثير ۲۵۱ ج ۴

[۲] البيان والتبيين ۳۸ ج ۲ [۳] الفرج بعد الشدة ۱۰۰ ج ۱

[۴] ترتيب الدول ۹۲ [۵] اغاني ۳۶ ج ۱۴ ومسعودی ۲۵۷ ج ۲

صکره ایجاب حال و زمانه کوره بعض تبدلاته برابر بومساعده دوام ایلدی .  
خليفة نك حضورنده خليفه طرفندن سؤال وقوعنی بکلمکسزین سوز سویلین  
ایلك ذات خليفه (معتم) ك وزیرى (احمد بن ابی دواد) ایدی [۱]. فقط  
بالاخره بتون زمام اقتدار سردارلرکالنه کچنجه خلفانك هیبتی ضعه اوغرایه رق  
بتون او مراسم و تشریفات اہمال ایدلمش ، ہمنشینلرہ حضورده او یون اوینامق ،  
کولمک ، شاقہ ایتمک بیلہ جائز کورلمش ایدی . بوکا ك اول مساعده ایدن ذات  
اوچنجی عصر ہجری اورتہ لرندہ خليفه (متوکل علی اللہ) ایدی [۲] .

خلفا مجلسلرندہ رعایت اولنان آداب جلہ سندن اولہ رق مجلسده خليفه دن  
ماعد ا کیسه امر ایدہ مزدی [۳]. خليفه آياغہ قالقنجه مجلسده بولنان ذواتك  
کافہ سی آياغہ قالمارلردی . ہمنشینك خليفه نك ہر سوزینہ کال دقت ایلہ قولاق  
ویرمی ، بشقہ شیرایلہ مشغول اولماسی مقتضی ایدی . بو خصوصہ دائر  
روایت اولنان وقوعات لطیفہ دن اولمق اوزرہ (معاویہ) یزید بن سحرہ ایلہ  
قونوشیوردی . (یزید) انی بتون دقتی ایلہ دیکلہ یوردی . او صرہده  
بر طاش کلیر ، (یزید) ك آلنی یارار ، قان (یزید) ك یوزینہ ، صقالنہ ،  
اثوابی اوزرینہ آقغہ باشلار . (یزید) صانکہ برشی اولمامش کی کمال دقت ایلہ  
(معاویہ) نك سوزلرینی دیکلہ مکہ دوام ایدر . نہایت (معاویہ) : « جانم !  
آل قان ایچندہ قالدیکز . خبریکز یوقی ؟ » دیہ کندیسنی ایقاظہ لزوم کورر .  
(یزید) بوکا جواباً : « شوکتا ب ! طاتلی سوزلریکز فکریمی ، قلبی اوقدر  
تسخیر ایتدی کہ بکا کندیمی ، سائر ہر شیئی اونوتدیردی » مقابله سندہ بولنور .  
(معاویہ) جوابدن ممنون اولہ رق (یزید) ك معاشنی تزیید ایلر [۴] .

خلفایہ علی العبادہ عرض تعزیت ایدیلہ مزدی . او موقعلرده انلرک دوام  
عمر و اقباللرینہ ، ازدیاد شوکت و سعادتلرینہ دائر مختصر بر دعا ایلہ اکتفا  
اولنوردی . خلفایہ « نصل صباح لادیکز ؟ » « کونی نصل کچر دیکز »  
سویلنہ مز ، کندیلرندن « کیفکز ، حالکز نصلر ؟ » دیہ سوریلہ مازدی .  
سویلکلی سوزلر ، یاپدقلی ایشلر ایچون اطنا بکارانہ مدحیاتدہ بولمق جائز  
دکلدی . خلفایہ بر شیئی تکرار سویلتمک ، بر خصوص حقندہ فضلہ ایضاحات .

[۱] ابن خلکان ۲۲ ج ۱ [۲] مسعودی ۲۶۱ ج ۲

[۳] المقد الفرید ۱۱۱ ج ۳ [۴] مسعودی ۱۵۷ ج ۲



ایستمک بیوک بر جرأت صایلیر ایدی . خلفانک حضورنده سوز سویلر ایکن ال اشارتی یاپلسنه ، یاخود خلیفهیه کوز ویا قاش وسائرہ اشارتندہ بولنلمسنہ جواز ویرلمزدی . کذلک حضور خلیفہده کیدن بر آدمک تشییعی ویا کلن بر ذاتک استقبالی ایله اشتغال ایدیلہ من ایدی [۱] . خلیفه نك سوزلرینه قارشی « خیر » جوابی ویرمک جائز اولمديغندن بو کله یه بدل دها لطیف ونازک بر تعبیر ایله افادہ مرامه چالیشیلردی [۲] . پادشاهلره مصاحب اولمقدن احتراز معرضنده : « پادشاهک حضورینه کورکیرملی ، دیلسز چیقملی در » دیمشلردی [۳] . خلفا حقنده اظهار اولنان آثار تعظیمیه جمله سندن اوله رق خاندان عباسیدن ( عبدالملک بن صالح ) خلیفه ( رشید ) ه خیزران سپتار ایچنده میوه تقدیم ابتدکی زمان خلیفه مشارالیهک ( خیزران ) اسمنده بولنان والدہ سنک اسمنی ذکر ایتمک فکر تعظیمکارانه سیله سپتار ایچون ( دالردن مصنوع سپتار ) تعبیری استعمال ایتمش ایدی [۴] .

اسلامیتک ابتدالرنده خلفانک حضورنده استعمال اولنان لسان ؛ فصیح عربجه ایدی . بتون محاوره لر بلیغ ، پاک بر لسان ایله وقوع بولمده ایدی . هر هانکی خلیفه قواعد صرفیه ونحویه مخالف بر طرزده قونوشور ایسه لسانی بوزوق عد ایدیایردی . بو جهتله ملوک امویه محضا لسان تحصیلی ایچون چوچقلمی چولده لسانلری فصیح اولان عربانک آره سنده بیودورلردی . بتون خلفای امویه لسانجه دوزکون ایدیلر . یالکز ( ولید بن عبدالملک ) عربجه یی یاکلش قونوشوردی . چونکه پدری کندیسنی چوله کوندرمامش ، لسانی بوزوق اوله رق بیومشدی . حال بوکه پدری عربجه یی یاکلش سویلمکدن پک زیاده نفرت ایدر بر آدم ایدی : « لسانده بوزوقلق البسه ده یرتیقندن ، یوزده چیچکدن دها چیرکیندر » و « فرائضی نصل اوکرنیور ایسه کز لسانکزی ده اوله جه اوکرنیکز » دییور ، خطبه سویلیدیکی زمان یاکلش سویلمکدن پک چوق قورقیور ، متأثر اولیوردی . کندیسنه : « ای امیر المؤمنین ! صاحب لکزی پک چابوق آغارمش » دین بر ذاته « منبرلره چیقماق ، یاکلش تلفظدن قورقماق نی اختیارلاتدی » دیمش ایدی . ( ولید ) ک یاکلش تلفظی

[۱] ترتیب الدول ۶۱ [۲] ابن الجوزی ۲۶ و ۶۰ [۳] ترتیب الدول ۹۸

[۴] فوات الوفيات ۱۲ ج ۲

حقنده مضحك شيلر نقل ايلرلر [۱]. مشهور (حجاج بن يوسف) دن ماعدا دولت امويه واليری ده لساناً فصیح ايدیلر . يالکز (حجاج) بعضاً ياكلش قونوشوردی [۲]. فقط وقتاكه عباسيلر دورنده دولت عربيه اجنيلشدی ، لسانك دوزكونلكنه اهميت ویرلماكه باشلادی . بودورده يتيشن (ابوحنيفة) ، (ابو عبيده) وسائره کي برطاقم اعظم فقها وعلما بيله قواعد موافق بر طرزده دوزكون برعربجه قونوشه مازلردی . (رشيد) کي برچوق خلفای عباسيه لسان فارسی دخی بيلورلردی .

### خلفانك پرده آرقه‌سنة چكاملری

اولجده بيان ايدلدیکی اوزره خلفای راشدين خلق ايله بر آرده اوطورلرلر ، طوغريدن طوغری يه قونوشورلر ، کيمسه يه فارشی کيزلنزلردی . بالآ خره امویلر مقام حاکميه کلنجه بونلر خلقدن چکنمشلر ، حضورلرينه قبول ايتدکاری ذوات ايله کندیلری آرسته پرده قويدقلری کي خلقت مراجعاتنه باقق اوزرده واسطه لر استخدام ايتمشلردي . ملوک امويه دن خلقدن چکين ايلک ذات (معاويه) ایدی . بوکا ۴۰ سنه هجريه سنده خارجيلردن (برک بن عبدالله) طرفندن قتلی ايچون وقوع بولان سوء قصددن صکره لزوم کورمشدی . خارجي مرقوم جامعه اوطورمش ، صباح نمازینی قیامق ايچون جامعه کلن (معاويه) نك اوزرينه قيلدچ ايله هجوم ايدرك کنديسنی جرح ايلش ایدی . (معاويه) آلدینی يارهدن شفایاب اولنجه اوکي ديگر بر سوء قصدك وقوعنه حائل اولمق اوزره جامعه بر محفل ياپديره رق اوراده نماز قيلمغه باشلامش ، معنی رجانندن وطانيوب کوروشديکی ذواتدن ماعدا سائر خلق ايله اختلاطدن چکنمش ایدی . مشارالیه دن صکره دولت امويه نك اوائلنده مقام حاکميه کلن خلفا دخی بو اثره اقتفاء حرکت ايتدکاری کي دولت عباسيه نك ايلک دوره حاکمیتده دخی عینی يول تعقيب ايدلمش ایدی [۳] .

حجاب ، یعنی پادشاهلرک رعایا ايله عدم اختلاطلری عادتق ايرانيلرده تا (آردشير) زمانندن اعتباراً جاری ایدی . ايرانيلر پادشاه ديواننده پادشاه

[۱] العقد الفرید ۲۲۴ ج ۱ والفخری ۱۱۲ [۱] ابن خلکان ۲۴۴ ج ۱

[۲] مسعودی ۱۰۶ ج ۱

ایہ ہممجلسی اولان ذوات آرسندہ پادشاہہ وجلسایہ اونر ذراع مسافہدہ بر پردہ قورارلردی . ایشتہ عباسیلر ابتدادہ بو خصوصہ ایرانلیلری تقلید ایتشلردی . فقط دہا صکرہ بعض احوالہ حجابہ دہا زیادہ ایلری کیتشلر ، بربری آرقہسندہ اولق اوزرہ متعدد پردہلر قورمغہ باشلامشلردی . برمکیلر دخی بویولده پردہلر اتخاذا ایتشلردی [۱] . عباسیلر سرائیلرینہ دخی بربری آرقہسندہ متعدد قبولر یاپدیرمشلردی [۲] .



بغداد شہری مناظرندن

ایشتہ ایلك خلیفہ عباسی (سفاح) دن اوننجی خلیفہ عباسی (متوکل) ك زمانہ ودها صکرہ کی زمانلرہ قدر عباسیلر ہپ او یولده حرکت ایتشلردی . یالکز دردنجی خلیفہ (ہادی) براستنا تشکیل ایدرک ہیچ کیمسہ دن احتجاب ایلامشدی [۳] . خلفا علی الاکثر ندیم ومغیلر ایلہ سائر صنوف عوامدن احتجابہ لزوم کوریور ، خواصدن ایسہ پک نادراً چکینیورلردی . پردہنک یانندہ صاحب الستارہ (پردہدار) نامیلہ برمأمور مخصوص بولندیریورلری .

[۲] الفرج بعدالشدہ ۲۳ ج ۲ ومضطرف ۱۶۴ ج ۱ واتلیدی ۱۳۳

[۳] اتلیدی ۱۱۵ [۱] اغانی ۱۶ ج ۵

برده آرقه‌سندہ حضورندہ بولنانلرہ ، ندیملرہ اوامر خلفا بو ذات واسطہ سیلہ تبلیغ اولنیوردی . مصر واندلسدہ تشکل ایدن دول اسلامیه دخی عباسیلرک بویولده تعقیب ایتدکاری عین اصولہ اقتدا ایشلردی .

## چکامك اشارتی

خليفة كندی حضورندہ بولنانلرک چکملرینی آرزو ایتدیکی زمان بر اشارت معروفده بولنور ، حضورده کیلر چکیلوب کیدرلردی . بو اصول بر عادت ایرانیه درکه مشهور (نوشیروان) طرفدن وضع ایدلمش ایدی . مشارالیه ندیملرینک حضوردن چکملرینی آرزو ایدنجه بر آیاغنی اوزادیردی . ندیملر چکیلوب کیدرلردی . دها صکره مقام سلطنته کلان ایران حکمداران بوطرزه متابعت ایشلردی . مثلاً ملوک ایرانیه دن (فیروز) کوزلرینی اوغوشدیریور، (بم ام) ایسه باشی سمایه طوغری قالدیریوردی [۱] . اسلاملر تا امویلر زمانندن بو خصوصده ایرانلیلری تقلید ایشلردی . مثلاً (معاویه) حضورده بولنانلرک چکیلوب کیتملرینی آرزو ایتدیکی زمان «اذا شئتم - ایسترسه کز» ، یاخود «العزة لله - عزت اللهه مخصوصدر» دیزدی . اوغلی (یزید) حضورده بولنانلری «علی برکة الله» سوزلریله صاواردی . ملوک امویه دن (عبد الملك بن مروان) ایسه الله بر خیزران بولندیریردی . مشارالیه خیزرانی یرہ بر اقدیغی زمان حضورندہ بولنانلر آرتق چکامك لازم اولدیغنی آکلارلردی [۲] . سائر خلفای امویه ایله سردارلرینک بویولده استخدام ایتدکاری اشارتلیده اکاکوره قیاس ایدیکنز . مثلاً صوک خليفة اموی (مروان بن محمد) زماننده یتیشن امرادن (یزید بن هیره) حضورندہ بولنانلری صاومق ایستدیکی زمان یر مندیلم طلب ایدردی . حضورده کیلر اشارتی آکلایه رق چکیلیرلردی .

عباسیلرہ کلنجه بولنردن (سفاح) ک چکامك اشارتی اسنه مسی ، الله کی یلپازه یی یرہ بر اقسی ایدی [۳] . (مأمون) حضورندہ بولنانلری صاومق ایستدیکی زمان اورته پارمغنی باش پارمغنه کچیره رک «برق یمان برق یمان»

[۱] حلیة الکیمیت ۲۶ [۲] البیان والتبیین ۶۰ ج ۲ والعقد الفرید ۲۱۹ ج ۱

[۳] اغانی ۲۰۶ ج ۱۸



دیردی. خلیفہ نك حضورندن چکیلملر یوزلری خلیفہ طرفه چویرلمش اولدینی .  
حالدہ کیریدن کیری یه یورو یوب چیقارلردی .

## ۲ — ادب و شعر مجلسلری

### خلفائک اطلاعہ هوسلری

وقائع تاریخیه و ادبییه اطلاعہ خلفائک پک بیوک بر میل و رغبتلری واردی. بونک ایچون مجلسلر قورارلردی. بر چوق علما ، ادبا ، شعرا بو مجلسلرده حاضر بولنورلر، عرب وقائع تاریخیه سندن، نوادر ادبییه و شعریه سندن خلیفہ نك خوشنه کیدن بر چوق معلومات نقل ایدرلردی. ( معاویه ) ، ( هشام ) ، ( منصور ) ، ( ابن هییره ) [۱] کبی دهآه خلفا و امرا مخصوص آدملر طوته رق ایران ورومدن بیوک سردارلره ، پادشاهلره ، اسکی دولتلره ، قهرمانلغه ، حسن تدبیر و ادارهیه دائر اولان وقائی اوقوتدیروب دیکرلر ایدی. الیوم اعظم رجالک تراجم احوالی مطالعه ایتکدن هانکی استفاده تأمین اولنیور ایسه او زمانلرده او بیوک ذوات دخی او معلوماتدن دهاده ، امور ادارهده ، سیاستده بر قات دها اکتساب مهارت ایدیورلردی .

فقط علی الاکثر بو ادب مجلسلری امور دولت ایله اشتغالدن حاصل اولان یورغونلنی ازاله ایتک ، وقائع تاریخیه و ادبییه دائر معلومات آلهرق متلنذ اولق مقصدیله انعقاد ایلوردی . اوقات معینهده کلوب مصاحبهده بولنق ، یاخود جان صیقندیسی ویا اویقوسزلق زماننده دعوت اولندقلرنده دعوته اجابت ایتک اوزره هر خلیفه کندیسنه معاصر اولان برطاقم تاریخشناسلری ، ادبانی دائره انتسابنه آلیردی. بعضاً بو مصاحبه مجلسلری کیجه یاریلرنده خلق اویقوده بولنور ایکن انعقاد ایدرلردی . مصاحب خلیفہ نك جان صیقندیسی کینجهیه قدر نکات تاریخیه دن ، نوادر ادبییه دن ، شعردن بحث ایلردی . بعضاً مصاحب بویولده بتون بیلدکلرنی سویلیدیکی خالدہ خلیفہ نك صدری منشرح اولماز ایسه بر نکته ویا بر حکمت اوزرینه مؤسس اولق اوزره انک خوشنه کیده جکنی بیلدیکی بر حکایه یی کندیلمکندن اویدوروب سویلردی [۲] .

[۱] ابن الاثیر ۱۱ ج ۶ و مسعودی ۵۱ ج ۲ و ابن خلکان ۲۸۰ ج ۲

[۲] مسعودی ۱۶۳ ج ۲

## خلفانك علمایه حرمت و رعایتلری

خلفا و باخصوص ( رشید ) ایله ( مأمون ) ادبا ، علمایه حرمت ایدرلر ،  
 حایه مخصوصه لرینه آلیرلر ، آنلره پك چوق پاردلر و یریرلر ، مدافعه لرلرندن  
 کیری قالمازلردی . ( رشید ) ك علما حقنده کوستردیکي معامله لره دائر روایت  
 اولنان معلومات بوخصوصده متعدد مثاللر تشکیل ایدر . مشارالیه ادبا دن و وقائع  
 شناساندن ( اصمعی ) حقنده پك زیاده توجه کار و حرمت کار طاورانی ایدی .  
 ( اصمعی ) ایله یالکز قالدینی زمان اکا برچوق سؤالرتوجیه ایدر ك علما ، ادبا  
 مستفید اولدقن صکره « خلق حضورنده بزی توقیر و تعظیم ایدر . خلوتده  
 ایسه بزه معاملك ایلر » دیردی . انی عطایای سنییه مستغرق ایلردی . علمادان  
 ( ابومعاویه الضریر ) برکون ( رشید ) ایله یمك یدکدن صکره اللرینی ییقامغه  
 قالدینی زمان خلیفه بالذات ابریقی آلدق آنك اللرینه صو دوکش . ( ابومعاویه )  
 اعمی اولدینی اچون اللرینه صویی دوکنك کیم اولدیغنك فرقه وارده مامش .  
 رشید :

— اللرکزه صویی دوکن کیمدر ؟ بیلیرمیسکز ؟

— خیر ، شوکتآب !

— صویی دوکن بتم .

— سزمیسکز ؟ ...

— اوت ، بصورتاده علمك قدرینی تکریم ایتمك ایسترم [۱] .

( زنبور ) و ( نخله ) مسأله سی حقنده ( سیبویه ) و ( کسائی ) آره سنده  
 جزیان ایدن مناظره ، ( امین ) ك ( کسائی ) یه ، ( مأمون ) ك ایسه ( سیبویه ) ه  
 طرفدارلقلری ، بالذات ( رشید ) ك دخی بو مسأله ده ( کسائی ) یه طرفدار  
 اولسی مسائل علمیه یه ، علمایه نه قدر اهمیت و یرلدیکنی کوستریر . بومسأله یی  
 ده ا مفصل برصورتده اوچنچی جلدك ۱۵۰ نجی صحیفه سنده ذکر ایتشدك .

خلفانك کندی اوغلارینی تحصیل علم ، حفظ اشعار و تاریخه تشویق  
 و معلم کلرینه زمانك اك مشهور علماسنی تعیین ایللری ده علوم و معارفه عطف  
 ایتدکلری اهمیتی کوستریر دلائلندر . مثلاً خایفه ( منصور ) اوغلی

(مهدی) نك معلمكنه مشاهیر علمادن (شرقی بن قطامی) بی تعیین ایدرك شهزاده مشار الیه وقائع تاریخیه عرب، مکارم اخلاق و قرائت اشعاری او کرمسنى توصیه ایتمش ایدی [۱]. خلیفه (رشید) ایسه اوغلی (امین) ك تربیه و تعلیمنی اول (احمرنخوی) یه و متعاقباً (کسائی) یه تودیع ایتدیکی کبی دیگر اوغلی (مأمون) ك تحصیل و تربیه سنی ده (یزیدی)، (سیدیوه) و سائر یه حواله ایش ایدی. (امین) ك تعلیم و تربیه سنی مشار الیه (احمر) ه تودیع ایدر ایکن (رشید) ك او استاد مربی یه توجیه ایلدیکی روایت اولنان بر وصایا نامه وارد که دیگر ابوینه جداً شایان امثال بر نمونه تشکیل ایدر :

«احمر ! خاطر کدن چیمهسون که امیرالمؤمنین سکا چکر پاره سنی، نوردیده سنی تسلیم ایلشدر. انی زیر جناح شفقت و تربیه که آل سکا حرمت ایتکه مجبور ایلد. سن اکا مربی شفیق اول، او سکا تلید حرمشکار اولسون. اکا قرآن عظیم الشانی، وقایع جهانی، اشعار و ادبیاتی، سنن شریفه بی، لسانک دقایقی اوکرت. وقتندن بشقه زمانلرده کولمکدن منع ایت. بنی هاشم اکاری انک یانسه کلدکجه کندی لرینه حرمت و تعظیمه، سردار لر کندی سنی زیارت ایتدکجه بولری دخی اکرام و اعترزه آلیشدر. فائده بخش معلومات اکتسابدن خالی زمانلر مهووسنه مساعدده ایتد. هر فرصتده فیکرینک توسیع، چالیش. فقط کندی سنی محزون ایدرك ذهنی یریشان ایتکدن، یا خود یوز ویرهرك تنبلکه آلیشدر مقصدن صافین. رفیق و ملائمت الیه تهذیب اخلاقنه غیرت ایت. شاید رفیق ولین تأثیر ایتد ایسه اوزمان شدمه مراجعت ایدرسک» [۲].

خلیفه (مأمون) ایکی اوغلنه صرف و نحو تعلیمنی مشاهیر نحاتدن سالف الذکر (فرا) یه تودیع ایتمش ایدی. (فرا) کونک برنده بالتصادف کندی خصوصی ایشلری ایچون قالقوب، کیتمک ایستد، (مأمون) ك اوغللری خواجه لرینک آفاق قابلرینی تقدیمه مسارعت ایدر لر. هر بری کندی سنی تقدیم ایتمک ایستد. اختلافه دوشر لر، نهایت هر بری آفاق قابلرندن بری تقدیمه قرار ویریر. (مأمون) اوغللرینک کندی معلملرینه قارشى وقوع بولان بو اثر حرمتلرینی ایشیدنجه (فرا) بی نزدینه چاغیریر. «انسانلرك اك معزز و مکرمی کیمدر؟» «دیه صوراره» (فرا) «انسانلرك ایچنده أميرالمؤمنین افندمزدن دهه معزز و مکرم کیمسه بيلمیورم» جوابی ویریر. (مأمون) :

[۱] مسعودی ۱۸۰ ج ۲ و طبقات الادبا ۴۲

[۲] ابن خلدون ۴۷۵ ج ۱ و مسعودی ۱۹۴ ج ۲

— خير؛ انسانلرك اك معزز ومكرمى اوزات دركه قالقديغى زمان اسلاملرك ايكي ولى عهدى انك آياق قابلرغى تقديم ايچون منازعهيه دوشرلر، نهايت هر برى آياق قابلرندن بر تىكنى تقديم ايله خشنود اولقى ايستر.

— شوكتما ب؛ كنديلرغى بو حركتدن منع ايتمك ايستدم. فقط صكره دوشوندم كه غايت نجيب بر حس فضليت، اصيل و كريم بر سائق صفوت ايله بوكا اقدام ايتشلردر، قىلبرى منكسر اولماق ايچون منعى مناسب كورمدم [۱].  
خليفه (متوكل) كندى اوغلنك تربيه سنى اعظم ادبا و علم لغت ائمه سندن (ابن سكيت) ه توديع ايتمش ايدى [۲]. خاندان عباسيدن و اعظم شعراى عربدن (عبدالله بن المعتز) علوم ادبيه و لسانيه يي ائمه علم و ادبدن (مبرد)، (نعلب)، (احمد بن سعيد دمشقى) دن تحصيل ايتمش ايدى [۳].

### شعرايه اعزاز واکرام

خلفا علمايه قارشى كوستردكلرى آثار حرمت و اعزاز كې شعرا حقنده دىخى التفات و توجه كوسترمكن كبرى طورما مقده ايديلر. شعرايه بك چوق عطيه لرده، احسانلرده بولنيور، معاشر و يريور، ده اول بيان ايتديكمز وجه ايله حضوره قبوللرى ايچون اوقات مخصوصه تعيين ايلدورلردى. شاعرلره ويريلن پارلر يا سندن سنهيه وقوع بولان مراجعت، يا خود قصيده اوزرينه ايدى. يا خود هر بيت شعرايچون برمبلغ معين ويريلوردى. مع ذلك شعرائك مقاملرى خلفانك مزاجلرى ايله مقصدلرينه، احوال سياسيهيه كوره يوكسلوب الحالا يوردى. (عبدالمك بن مران) ايله اوغلى (وليد) كې خلفادن بعضلرى خستلرندن طولايي شعرا دن اوزاق طورمقده ايديلر [۴]. خلفاى امويه دن (عمر بن عبدالعزيز) شعرايه بيت المالدن احسان اعطاسنى جائز كورمديكى ايچون انلرى قپوسندن ايچرى صوقق ايسته ميوردى. (عبدالله بن الزبير) وسائر كې بر طاقم صحابه زاده لر دىخى بو خصوصه عين فكرده ايديلر. ايكنجى خليفه عباسى (منصور) دولتك تأييد و تحكيمنه وقتى صرف ايتديكى

[۱] طبقات الادبا ۱۳۰ و ابن خلكان ۲۲۸ ج ۲ [۲] طبقات الادبا ۲۳۸

[۳] فوات الوفيات ۲۴۱ ج ۱ [۴] اغانى ۱۵۸ ج ۱۵ و ۱۱۹ ج ۲۰



ایچون شعرا یه قارشى بخیل طاوانیوردی. شعرا بوخلیفه نك دورنده بغدادی  
براقه رق شامه کیدیور، امویلر ایچون بر میل مخصوص بسله دکاری حالده  
اوراده طوپلانوب مصاحبه لرده بولنیورلردی [۱].

فقط خلفانك اکثرى شعری سوییورلردی، شاعرلری التفات و انعامه  
مستغرق ایلدیورلردی. بعضلری ده عروضی اوکر نه رک شعر نظم ایتمشلردی. خلفانك  
مشهور بیتلری واردر. شعرا ایسه مدحیات ایله خلفا و امرانك توجهی  
جلبه چالیشیور، بویولده اك قیسیح یالانلری، مبالغاتی ارتکابدن چکنیورلردی.  
شعر ایله کچنمك ایسته مین شعرا بالطبع بو خصوصده مستثنی ایدیلر. فقط او  
کبی شاعرلر نادر ایدیلر. شعرانك رجال دولت نزدنده پك بیوک بر موقعلری  
واردی [۲]. سائر شعرا مدح و یا ذم و قدح ایله کچینیورلردی. زمان سعادت  
شعر اسندن (حطیئه) یه: « صاقین خلقی هجو ایتمه » دینلمش، هجوکار شاعر  
ایسه: « او حالده چولوق چوجغم آچلقدن اولورلر. بو بنم یکانه صنعتم، مدار  
معیشتم در » جوابی ویرمش ایدی [۳]. مشاهیر شعرادن (نابغه جعدی) کبی  
بعض شاعرلر تأمین منفعت مقصدیله بر برینه ضد ورقیب اولان ایکی خلیفه یی  
مدح ایتمکدن چکنمز لردی. نته کیم شاعر مشارالیه هم حضرت علی یی، هم ده  
( معاویه ) یی مدح ایتمش ایدی [۴].

بر شاعر بر قصیده ایله خلیفه نك حضورینه کیردیکی زمان آیاقده طور دینی  
حالده او قصیده یی یوکسک سس ایله انشاد ایدردی. قصیده تقدیمی ایچون  
حضوره متعدد شاعرلر کیرمش ایسه یا ش صره سیله انشاد ایتدیریلرلردی. خلفا  
سویلن شعرلرک اك دقیق معنارینی آ کلامق ایستلر، حتی بر جوق دفعه بر  
بیتك ویا کله نك معناسی ایچون شعرا ایله مباحثه لره کیریشیرلردی. بر خلیفه  
زیارتنه آلیشدینی بر شاعر ویا راویه نك وقت معتادنده کلدیکتی کوردیکی زمان  
انی دعوت ایچون یاننه عراق ویا حجازه آدم کوندیرر ایدی. بعضاً بو دعوت  
مجرد بر بیت ویا بر قصیده سویلتمک مقصدیله وقوع بولور ایدی. نته کیم (ولید  
بن یزید) کندی مغنیه سنه ترنم ایتدیرمک اوزره بر قصیده نك انشادی ایچون  
راویه (حماد) یی عراقدن یاننه جلب ایتمش ایدی [۵]. یاخود بر حادثه حقیقه

[۱] اغانی ۹۱ و ۱۰۲ ج ۱۲ [۲] اغانی ۷۹ ج ۲۰

[۳] اغانی ده ج ۲ [۴] اغانی ۱۳۹ ج ۴ [۵] اغانی ۶۵ ج ۲

بر شعر نظمی ایچون شاعرك احضارینه لزوم کورولوردی . نته کیم خلیفه  
( واثق ) او طه لئی کندیسنه طارلدینی زمان شاعر ( ابن ضحاک ) ی او حادثه حقنده  
بر شعر سونیک ایچون چاغیرتمشدی [۱]. خوشه کیدن برشاعری ویا بر مغنی یی  
تقدیم ایدنلرده بعضاً عطیه ویرلمکده ایدی . نته کیم خلیفه ( مهدی ) مغنی شهر  
( ابن جامع ) ی کتیروب تقدیم ایتدیکی ایچون ( فضل بن ربیع ) ه اون بیک  
دینار احسان ویردیکی کی کندیسنی ده مابینچی تعیین ایتمش ایدی [۲].  
خلفا لطف واحسان التماسی ایچون تزدلرینه کلن شعرا ایله اکتفا ایتیبوب  
کندیلری شعرائی آرایه رق تزدلرینه جلب ایلرلردی . بویولده انک زیاده ایلری  
کیدن ( رشید ) ایدی [۳]. انک دورنده سرایی اطرافنده او قدر چوق شعرا  
طوبالامش ایدی که بغداد شهری انلری استیعاب ایده مامش ، بو شاعرلره  
احسانلر تخصیص ایده بیلمک ایچون امتحانلرینه لزوم کورلمش ایدی . وزیر اعظم  
( یحیی بن خالد برمکی ) شاعر خاصی ( ابان لاحق ) یه اوزمان شعراسنی امتحان  
ایتدیرمش ایدی [۴]. بودورلرده بر خلیفه شعرا ایله مصاحبت ایتک ایستینجه  
انک کزیده لرینی انتخاب ایتک ایچون شایان اعتماد بر آدمی تعیین ایدوب  
کوندیردی [۵]. خلیفه انک خاطرینه بریت ویا بر قصیده کلوبده اوبیت ویا  
قصیده یی برشاعره سوبلتمک ایسترایسه بر سرای اوغلانی ویا مابینچی وامثالی کی  
بر مأمور مخصوص چیقار ، شعرایه « سزدن هر کیم فلانک شعرینی بیلیور ، یاخود  
فلان قصیده یی حفظ ایدیور ایسه ایچری کیرسون . شوقدر احسان آله جقدر »  
دیردی [۶]. خلفا شعردن پک چوق خشنود ، ملتذ اولیور ، حتی بعضاً فرط  
تقدیر و خشنودیدن اوطوردقلری یردن قایورلردی [۷].

### ۳ — مناظره و علم مجلسری

اولجه بیان ایتدیکمز اوزره امویلر زمانی ایله عباسیلرک ایلک دورلرنده کی  
ادب مجلسلرنده جریان ایدن مباحثات مسائل ادبیه و علوم لسانیه یه منحصر  
ایدی . بالآخره عباسیلر زماننده قنون و معارف عربی یه ترجمه ایدلکدن صکره

[۱] اغانی ۱۷۸ ج ۶

[۲] اغانی ۷۳ ج ۶ [۳] اغانی ۷۴ ج ۱۷ [۴] اغانی ۷۳ ج ۲۰

[۵] اغانی ۲ ج ۱۲ [۶] اغانی ۱۳۵ ج ۱۱ و ۱۴ ج ۱۷ [۷] سیر الملوك ۹۳

علم کلام ظہور ایدنبجہ علما ایلہ فقہا آره سندنہ علم مناظرہ انتشار ایتکہ باشلامشدی . هر کسدن اول علم کلامہ ، مناظرہ اہمیت ورن برمکیلر ایدی . برمکیلردن ( یحیی بن خالد ) کائنات ، ظہور ، قدم ، حدوث ، اثبات ، نفی وسائرہ کبی علم کلام اوزرینہ مؤسس مسائل فلسفیہ دن بحث ایتک ایچون مجلسلر عقد ایدیور ، بومجلسلرہ علم کلام علماسی ایلہ سائر مذہب و فرقہ لر رجالی طوبالانیوردی [۱] .

دها صکرہ بالذات خلفا - باخصوص خلق قرآن دعواسی اورتہیہ چیققدن وخلیفہ ( مأمون ) اکا طرفدار اولدقدن صکرہ - علم کلامہ ، مناظراتہ اہمیت ویرمشلردی . خلیفہ مشارالیه کرک خلق قرآن مسألہ سندن ، کرک مسائل علمیہ سائرہ دن بحث ایتک ایچون مجلس عقدینہ صالی کونلرینی تخصیص ایلشدی . یوم مذکورده خلیفہ ایلہ مناظرہ اجراسی ایچون فقہا و علما مراجعت ایتدکلی زمان مفروش بر حجرہیہ ادخال اولتورلردی . آیاق قابلری چیقاردیریلر [۲] ، یمک یدیریلر ، کندیلرینہ آبدست آلدیریلردی . انلردن آغیر صاریغندن مضطرب آدم وار ایسه قالدیرمسی توصیه ایدیلردی . صکرہ بخوردانلر کتیریلر ، کوزل قوقولر ایلہ تبخیر اولتورلردی . متعاقباً خلیفہ نک حضورینہ کیرلر ، کندیسنه یقین یرلرده اخذ موقع ایدرلردی . ( مأمون ) بوذوات ایلہ مکابرہ دن پک اوزاق ، غایت عاقلانہ ، لطیف برطرزده مناظرده بولتوردی . مجلس غروب شمسہ قدر حال انعقادده قالدقدن صکرہ ایکنجی دفعہ سفرہ لر قورولور ، فقہا و علمایہ یمک تقدیم اولتوردی . یمک بیتنبجہ چیقوب کیدرلردی [۳] . خلیفہ ( واثق ) بویولده ( مأمون ) کبی یامش ایدی . یکی برمسألہ علمیہ ویا مذہبیہ نک تدقیقی لازم کلدکجه بومجلسلر انعقاد ایدیوردی .

[۱] مسعودی ۲۰۲ ج ۲ وابن خلکان ۴۸۰ ج ۱

[۲] تعظم اشارتی اولتی اوزره آیاق قابلرینی چیقارمق شرقدہ جاری اولان اسکے عادتلدنلر . آتشی چالیدن حضرت موسایہ توجیه اولتان خطاب الہیدہ « آیاقلر کدن آیاق قابلرینی چیقار . زیرا طوردیگ برمقدس طوبرا قدر » دیہ امر ایدیلوردی کہ بو ایسه شو عادتک پک اسکے اولدیغنه ، اسلاملر طرفندن ایجاد اولمادیغنه قطعی بر دلیل تشکیل ایلر .

[۳] مسعودی ۲۳۱ ج ۲ و ابوالفرج ملطی ۲۳۶

مصرده دولت فاطمیه یرلشدیکی زمان وزیر اعظمی (یعقوب بن کاس) عباسیلرک وزیر اعظمی (یحیی) نک یاپدینی کبی یامیش ، فقه ، ادب ، شعر ، علم کلام و سائرده دائر مناظره لر اجرایی ایچون مجلسلر تشکیل ایتیش ایدی . بومجلسلر دولت مشار الیهانک استنادکاهی اولان مذهب شیعی نی تقویه وتحکیم ایتک مقصدهیه عقد اولنیوردی . ملوک فاطمیه دن ( حاکم بامرالله ) علما ایله استشاره ایدیور ، انلره مکافاتلر و یریور ، قاهرده تأسیس ایتدیکی (دارالحکمه) نامنده کی کتبخانه ده بحث و مناظره اجرا ایتلری ایچون علمایه تسهیلاتده بولنیوردی [۱] . بعضاً جامعلرده و سائرده دخی مناظره حلقه لری عقد ایدیلوردی .

دولت عباسیه دن صکره اکا خلف اولان ویاندن تشعب ایدن حکومت اسلامی ده اوکی مجلسلر عقدی تعمم ایتیش ایدی . عقلی و قوتلی ملوک و سلاطیندن اکثری بومجلسلری مناظره ایچون عقد ایلورلردی . ( صلاح الدین ایوبی ) ، ( سیف الدوله ) ، ( نظام الملک ) ، اندلسلی ( حکم ) اوصورتله حرکت ایتشلردی . علوم و معارف اربابی ، وجوه مملکت ، اطبا بوخصوصده حکمدارلرینک اثرینه اقتفا ایلورلردی . هر موضوع دن بحث ایچون بیوک بر سربستی موجود ایدی . مشاهیر اطبا دن ( یوحنا بن ماسویه ) طرفدن بغدادده فلاسفه ، اطبا ، ادبا ، متکلمین و سائرده دن مرکب اولمق وزره هر صنف دن علمایی شامل عقد اولنان مجلس اوصره لرده اونوع دن تشکیل ایدیلن اک مشهور مجلسلردن ایدی [۲] . بغداد رئیس الفقهای ( ابو حامد اسفراینی ) نک مجلسی ده بیوک بر شهرته مالک ایدی . بومجلسده ۳۰۰ فقیه حاضر بولنوردی . خلیفه ( مکتفی ) نک ندیمی اولوب علم کلامده ید طولی احبابدن بولسان ( ابن منجم ) طرفدن خلیفه مشارالیهک حضورنده عقد اولنان مجلسی ده اکا کوره قیاس ایده بیلیرسکز [۳] .

#### ۴ — تغنی و صحبت مجلسی

مفتیلرک مرتبه سی

شرقی ایله اصلی و کیفیت انتشاری حقنده اولجه معلومات ویرمش ایدک .

[۱] کتابزک اوچتجی جلدی ۴۱۳ [۲] طبقات الاطبا ۱۷۵ ج ۱ و ابو فرج ملیحی ۲۲۷

[۳] ان خلیکان ۲۳۵ ج ۲



خلفا باخصوص اعتلای مدنیت دورنده ثروت و سفاقت عصر لرنده تغنی به فوق العاده رغبت کوستره رك مغنيلك كندی مجلسلرینه قبوللری ایچون نوبت ایله وقتلر تخصیص [۱] و شعرايه نصل معاشلر باغلامشلر ایسه مغنیلره دخی معاشلر تعیین ایتیشلر ایدی . بونلرك امور و خصوصاته باقق ایچون سرای و یامعیت رجانلدن بغض ذوات مأمور ایدلمش ایدی [۲] . خلفا آووه ویاساثر یرلره چیققلری زمان مغنیلری برابر کوتوریور ، کندیلرینی بیوک عطیه و احسانلره مستغرق ایدیورلردی [۳] . مغنيلك آلدقلری عطیه و احسانلر شعرايه ویریلن عطیه و احسانلردن ده بیوک ایدی . چونکه خلفانك مجلس انس و طربلری علی الاکثر ایچکیدن خالی اولماز ایدی . بومجلسلرده خلفا طرب یاب اولنجه مغنیلره حسابنمز احسانلرده بولنورلردی .

خلفای امویه دن موسیقی به ک زیاده رغبت کوسترن ، مغنیلره ک چوق احسانلرده بولنن ( یزید بن عبدالملک ) ایدی . مشار الیه جاریه سی ( حبابه ) نک ترنمات روح نوازانه سندن نشوه یاب اولنجه « اوچق ایسترم » دیمش ، ( حبابه ) ده « بوملتی ، بزى کیمه براقه جقسك ؟ » جوابی ویرمشدی [۴] . اوغلی ( ولید ) ده عین اخلاق و مشرب الیه متخلق ایدی . خلفای عباسیه دن ( مهدی ) ، ( رشید ) ، ( امین ) ، ( مأمون ) ، ( واثق ) ، ( متوکل ) ایله انلرك زمانلرنده یتیشن اشراف و اعظم ده شرقی و چالغینی سوییور ، مغنیلره پک چوق عطیه و احسانلرده بولنورلردی .

بونکله برابر خلفا ( مأمون ) ک خراساندن عودت ایتدیکی صرده یاپدینی کی دولتک حیات سیاسییه سنی نظر دقته آلمق مجبوریتی ایله سقوطندن قورقغه باشلانجه امور دولت ایله اشتغاله حصر فکر ایتمک اوزره مغنیلردن چکینیرلردی [۵] . ( ابراهیم موصلی ) ، اوغلی ( اسحق ) ، ( ابن جامع ) کی بیوک مغنيلك دولته پک بیوک برموقعلری وار ایدی . بونلرك خلفادن آلدقلری عطیه و احسانلر حصر و احصا فوقنده ایدی . روایت کوره مارالذکر ( ابراهیم موصلی ) شاعر مشهور ( ابونواس ) ک :

[۱] اغانی ۹ ج ۱۳ [۲] ابن الاثیر ۶۱ ج ۸ [۳] اغانی ۱۱۱ ج ۵

[۴] مسعودی ۱۲۶ ج ۲ [۵] الفرج بعدالشد ۸۷ ج ۱

## رشأولولا ملاحته خلت الدنيا من الفتن

« اوبله بر آهو يا ورسي در كه كوزلاكي اولسه ابدى جهان عشق و فتنه دن آزاده قاليردى »  
 شعرينى (امين) ه ترنم ايتش ايدى. (امين). بوتر نماذن او قدر طرياب  
 اولمشدى كه فرط نشووه سندن او طور دينى يردن صيچرايه رق (ابراهيم) ك  
 اوزرينه بينمش، باشنى اوپمكه باشلامش، (ابراهيم) دخى آياغه قالقهرق (امين) ك  
 آياقلىرى، باصدينى يرلى اوپمكه قويولمش، پرطرب اولان خليفه مغنى به  
 اوچ بيك درهم احسانده بولمش ايدى. (ابراهيم) « شوكتآب ! قولكزه  
 بوآنه قدر ويرديككز احسانلر يكرمى بيك درهمه بالغ اولمقدهدر » ديمش،  
 امين ايسه « بو احسانلر برسجناغك خراجندن فضله برشميدر ؟ » جوابى  
 ويرمش ايدى [۱]. (ابراهيم موصلى) يه خليفه (رشيد) وسائره طرفندن  
 ويريلن عطيه لرى ده اكا كوره قياس ايديكز. بناءً عليه مغنى موماليه حين  
 وفاتنده بيوك بر ثروت براقش ايسه شاين استغراب كورلما مليدر. صنعت  
 موسيقى اندلسه ادخال ايدن مغنى (زرياب) مغرب ممالكنده بيوك بر شهرت  
 قازانمش ايدى. موماليه او قدر زنكين اولمش، اودرجه بيوك بر مقام واعتبار  
 احراز ايش ايدى كه بينوب چيقديغنده ۲۰۰ كوله ايله يوزردى. آت، كوى،  
 كوله لردن ماعدا ۳۰,۰۰۰ دينار نقده مالك ايدى [۲].

## مضحڪار ومجنونلر

مضحڪلر ايله مجنونلر سالف الذكر مجلسلر توابعندن معدود ايدى. بونلرك  
 المشهورلرى دولت امويه زماننده يتيشن (اشعب) ايله خليفه (رشيد) دورنده  
 بولنان شاملى بى عار (ابوالحسن)، (متوكل) دورنده يتيشن (ابوالعبر) ايديلر.  
 بونلردن ماعدا بوتوعدن ده پك چوق آدملىر يتيشمش ايدى. انعقاد ايدن  
 بزم انس و طريده قدحلىر توالى ايدوبده خليفه پرنشوه اولنجه بومضحڪلر ايله  
 مجنونلر آيى ومايمون قياقتلرنده كولونج البسه كيهرهك، بيونلرينه چينغراقلىر،  
 چاكلر طاقه رق درلو درلو مسخره لقلر ياپارلردى. خلفاى امويه دن (وليد)  
 سالف الذكر (اشعب) ي حجازدن كتيره رك او كجى كولونج بر قيافته صوقدقدن  
 صكره حضورينه ادخال ايش، طاقيندينى بى عارانه بروضعيته سجده ايتديرمش.

ایدی . ( اشعب ) ك مسخره لغی ، هاله پارهیه حرص وطمعی مشهوردر .  
 بوخصوصده فضله معلومات الملق ایستینلر ( اغانی ) نك ۱۷ نجی جلدینه مراجعت  
 ایتمیدرلر هیرتك طقوزنجی سنه سننده تولد و ( مهدی ) نك دورنده وفات  
 ایدن بواضحوكه ، پرداز غایت خوش صحبتلی ، ایشتیکی شریقلری بیسوك  
 برمهاتله ترنم ایدر بر آدم ایدی . ( ولید ) ك ندیملرندن ایدی . خایه لر طریاب  
 اولدقاری زمان بوجنونلری طاقت بشر فوقده اذیت واشكسته لره معروض  
 ایدرلر ، عذابلرندن ذوق آلب اکلیرلرایدی . مثلاً خلفای عباسیه دن ( متوكل )  
 نشوه لندیکی زمان شقلابان واضحوكه پرداز ( ابوالعبر ) ی منجینه قویدیره رق  
 صویه آتدیریور ، ییچاره آدم ایپکلی برکوملك لابس اولدینی حالده هوایه  
 یوکسلنجه « الطريق ! الطريق ! » دییه باغیریور ، صکره صویه دوشونجه  
 برطاقم شناورلر طرفندن اخراج اولنوردی . بعضاً قایچی بر موقعه قونویور ،  
 حوضه قایدیرلوب دوشوریلوردی . صکره خلیفه انك اوزرینه بر آغ آتهرق بالق  
 چیقاریر کی اتی صودن چیقاریوردی [۱] . ذکر اولنان ( ابوالعبر ) ابوتام ،  
 بختری ، ابوالصمت ، ابن ابی حفصه وامثالی کی فحول شعرا زماننده یتیشن  
 شعرادن ایدی . متوسط اولان کندی شعرینك اوکی بیوك شاعرلر  
 یاشادقجه رواج بوله میه جغنی آکلادینی ایچون حماقت ایله ، خفت مشرب ایله  
 اشتهاره ضامش ایدی . غایت کولونج حکایه لری ، تحف سوزلری واردر .  
 بو واسطه ایله اك بیوك شاعرلردن زیاده پاره قازانمش ایدی . خلیفه ( امین )  
 طریاب اولدینی زمان ندیملریله سائرهم مجلسلرینه « هانکی کز بکامرکب اولور ؟ »  
 دییه صوریور ، هرکس « بن » جوانی ویریوردی . اسیر ذوق وصف اولان  
 خلیفه مرکب اولمق ایستین رفقای سفاهتی اوزرینه بینور ، رکوب ذوقی آلدقن  
 صکره انلره عطیه واحسانلر طاغیدیوردی [۲] . ( ولید بن یزید ) ك بزم طرب  
 وسفاهتی قولاً ، فعلاً اويله برطاقم بی عار و بی حجاب صفحات سرمستانه یه صحنه  
 اولیوردی که ذکرندن قلممزی تنزیه ایدرز . خلفا اسباب معیشت وترفهه بیوك  
 بروسعت ویرمشلر ، ذوق وصفایه فوق العاده بر انهماك کوسترمشلردی .  
 بوسبدن قیصه عمرلی ایدیلر . چوقلری کهولت یاشنه ، یعنی اوتوز ایله اللی  
 آره سننده کی یاشه وارمدن اول وفات ایتشلردی .

۳ — خلفا الایلی

خلفا الایلیندن مقصدمز خلیفه ، سلطان ویا امیرك بایراملرده ویا سائر کونلرده چقیدینی زمان ترتیب اولنان آایلردر . آلائی ترتیب ایتك عظمت وشوكت، مدنیت مقتضیاتندردر . آلائی ترتیبی زمان جاهلیتده عرب حکمدارلرنجه معروف برعادت ایدی . یمنده ایرانلیرك نصرت ومظاهرتی ایله مقام سلطنته كان ( معدیكرب بن سیف بن ذی یزن ) ك برطاقم حبش کولهلری وار ایدی كه یورودیکی زمان بو کولهلرلارنده حربهلر اولدینی حالدده اطرافنده یورلردی [۱] . بالآخره اسلامیت ظهور ایدنجه ایلك اسلاملر زهد وتقوی طریقنی التزام ایتدیلر . بوجهتله خلفای راشدین بریره چقیدقلری زمان آحاد ناسدن فضله احتشامات وودبدیه رعایت ایتلردی . مثلاً حضرت پیغمبردن صکره مقام خلافته كان ( ابوبکر ) مدینه جوارنده ( سنح ) محله سنده اقامت ایتمکده ایدی . هر کون یایان اوله رق مدینه یه کیدرك آیش ویریشده بولنیوردی . مالک اولدینی برسوری قویون اسباب معیشتنه یاردم ایدیوردی . بعضاً کندیسسی بالذات یالکزر اوله رق قویونلری اوتلاتمغه چیقاردی . کذلک حضرت ( عمر ) چارشولرده ماشیا کزردی . والیرلیله سردارلرینك ایران وروم رجال حکومتی کبی عظمت ایله بینوب یوروملرندن پك زیاده دلکیر اولیوردی . شامه درت دفعه سیاحتده بولندی . برنجیسنده آته ، ایکنجیسنده دوه یه ، اوچنجیسنده قاطره ، دردنجیسنده ایسه مرکبه بینمش ایدی . بوسیاحتلرندن برنده سردارلرینك شام ولایتته تابع و ( حوران ) ك شمالنده کائن ( جابیه ) قریه سنده کندیسنه ملاقی اولملرینه دائر خبر کوندرمشدی . سردارلردن اوراده کندیسنه ایلك ملاقی اولان ( یزید بن ابی سفیان ) ، ( ابو عیبه ) ، ( خالد بن الولید ) اطلاس وسائر ایلك البسه کیمش ، آتله بینمش ایدیلر . حضرت ( عمر ) انلری بو حالدده کورنجه بیندیکی حیواندن اینهرك یردن طاش آمش ، انلری طاشلامش ایدی [۲] . سائر خلفای راشدینده اکاکوره قیاس ایدیکز .

[۱] مسعودی ۱۹۷ ج ۱

[۲] ابن الاثیر ۲۴۶ ج ۲ والعقد الفريد ۲۳۶ ج ۲



## اعتلای مدینت دورنده خلفا آلایلی

دور اسلامیتده آلایلی ترتیننه ، دبده واحتشامات وسائطنی اتخاذه الك اول والیله باشلامشلردی . چونکه بونلر روم وایران ساحه مدینلرینه دها یقین موقعلرده ایدیلر . دولتک علامات رسمیه سندن اولان داوول ، سنجاق ، معیت محافظه عسکری وسائر اتخاذا ایشلردی . معیت محافظه عسکری اتخاذه انلردن الك اول (معاویه) مسارعت ایش ایدی . مشار الیه نفسه سوء قصد وقوعندن قورقه رقی حربله ایله اوکنده واطرافنده بولمق ، یاخود جامعه نماز قیلدینی محفاده قلیجلر ایله طورمق اوزره محافظه عسکری تشکیل ایش ایدی [۱] . والیله ده بویولده کندیسنه اقتفا ایشلر ، حتی بعضلری اندن اول او یولی طومش ایدی . مثلاً عراق والیسی (زیاد بن ابیه) معیتده دیرکلر ، یاخود حربله ایله یورور آدملر استخدام ایش ایدی [۲] . خلفانک اوکنده واطرافنده دیرکلر ، یاخود حربله ایله یورومک بالاخره رسمی برعادت اولدی . دها صکره حربله ایله آدم ایله یورومک ولی عهدلر ایله بیوک والیله تخصیص ایدلدی . حربیه طاشیان آدم بر آته راکباً خلیفه ویا سردارک اوکنده یورردی . خلفای عباسیه بو عاده اتباع ایشلردی [۳] .

اصلی نجاشی حبشه منسوب اولدینی حالده حضرت پیغمبره انتقال ایدن (عتره) نامنده بر حربیه خلیفه (متوکل) ه کتیریلوب تقدیم ایدلش ایدی . حربیه وقیله نجاشی طرفندن کبار صحابه دن وعشره مبشره دن (زیر بن العوام) ه وصحابی مشار الیه طرفندن ده حضرت پیغمبره اهدا اولنش ایدی . حضرت پیغمبر ایکی بیرامده بو حربیه قارشیسندن رکز ایتدیریر ایدی . (متوکل) بو حربیه اله کچیردکن صکره آلیه جیقدقه اوکنده کیدن ضبطیه ناظرینه طاشیتدیریدی [۴] .

خلفا طریق مدینتده وتوسیع سلطنتده ایلی کتدکجه دبده واحتشاماته اونسبتده وسعت ویرمشلردی . حتی آته بینمکه بدل رکوب ایچون محمللر ، قبه لر ، محفلر یاپدیرمشلردی . یمن امراسندن وصحابه دن (اشعث بن قیس بن

[۱] الفخری ۹۷ [۲] لطائف المعارف ۱۲ والعقد الفرید ۴ ج ۳

[۳] البیاری والتبیین ۱۵ ج ۲ وابن الاثیر ۳۹ ج ۶ والمقریزی ۳۰۷ ج ۱

[۴] ابن الاثیر ۳۲ ج ۷

معديكرب) بويولده حركت ايدنلرك اك اسكىسى اولوب يىنديكى زمان خلق اوكنده يايان كيدرلردى [۱]. بالاخره مسلح اوله رق خلفانك اوكنده يورومك عادت اولدى. بونى ايلك يايان خليفه عباسى (هادى) ايدى. مشار اليه آلاى ايله راكباً چيقدىنى زمان اوكنده عسكر، قينلرندن صيرلمش قليجلر، تشهير ايدلمش ديركار، كرلمش يايلا ايله يوررلردى [۲]. دها صكره (رشيد) مقام خلافته كلنجه بو خصوصده دها ايلرى كيدرك آلايلرده (نمل - قارنجه) نامى ويريلن برطاقم كوچك خدمه اتخاذا ايتمش ايدى. بونلر اللرنده فندق يايلى بولندينى حالده موكب خليفه نك اوكنده يورورلر، كذرگاهه تجاوز ايدن خلقه فندق دينلن مرمياتى آتوب كذرگاهى آچارلردى [۳]. (رشيد) رقيه كيتدىكى زمان مذكور شهره قبلى بر دوه اوزرنده مواصلت ايتمش ايدى. دها صكره وزيرلر ايله سردارلر بوخصوصده خلفائى تقليد ايدرك كنديلرينه مخصوص آلايلرده كنديلرى بىنوب سائرلرينى يايان يورتمى عادت يامشلردى. كنديسى راكب اولدينى حالده سائر رجال دولتى اوكنده يايان يورودن ايلك وزير خليفه (مستشد) ك وزيراعظمى (حسن بن على) ايدى [۴]. اوتارنجه قدر خلفا آلايه چيقدقلى زمان صرمه لى خفيف البسه كيلىر، اطلاس اكركلى آتله بينلردى. دها صكره آلتون صرمه لى كسوه وتزينات ايله چيقمغه باشلاديلر. آلتون كسوه وتزينات ايله آلايه چقان ايلك خليفه ۲۵۵ سنه هجريه سنده وفات ايدن (معتر) ايدى. دها صكره آلتون صرمه لى كسوه لر وتزينات ايله چيقمق عادت اولدى.


خليفه عباسى (متوكل) اوغللرندن ولى عهدلر تعيين ايتدىكى ائشاده (سرمى رأى) ده غايت مطنطن وديده لى بر آلاى ترتيب ايلش ايدى. بو آلاى محشمده ولى عهدلر خليفه نك، ترك اميراسى ولى عهدلرك اوكنده اسبوار اوله رق اخذ موقع ايتشلىر، اميرازاده لر ايسه باللرنده آلتون قوشاقلر، اللرنده التون ايله مزين تيرلر اولدينى حالده خليفه ايله ولى عهدلرك آره سنده يورومشلردى.

مصره كلنجه اورالرده تأسيس حكومت ايدن فاطمىلر سائر مدنى خصوصانده اولدينى كى آلاى تشكيلاتنده ده خلفاى عباسيه نى تقليد ايتدكندن ماعدا

[۱] لطائف المعارف ۱۲. [۲] مسعودى ۳۶۵ ج ۲. [۳] اغاني ۹۴ ج ۲۰

[۴] الفخرى ۲۷۲

فضله اوله رق آایلرده خلیفه نك باشی اوزرنده مظه وشمسیه طاشیدیرمشلردی .  
احتمال که بوعادت مصره مغرب بلادندن انتقال ایتشدی . چونکه اسلامیتدن اول  
اورالرده حکمدارلرک باشی اوزرنده طاؤوس تویی رفع اولنوردی [۱] . ایشته  
فاطمیلر بوعادتی کوره رک طاؤوس تویندن کونلک ومظه لره بدل ساده اطلسدن  
ویا آلتون واجار قیمتدارایله مزین اطلاسدن شمسیه لر اتخاذا ایتشلر ، اطرافنده  
احوالک اختلافی ایله مختلف رنگلرده یاپاش سنجاقلر طاشیمشلردر .  
سلاطین سلجوقیه آلائی ایله چیققلری زمان احتشام ودبدبیه علامت



قاهرده بر جامع

اولق اوزره داوول ، بوری ، سنجاقلر ایله چیقارلر ، باشلری اوزرنده ده  
(چتر) دینیلن کونلک طاشیدیرلردی . برمزراق اوزرنده هواده کوچک برقه  
شکنده بولنان بوسلطنت شمسیه سنی حکمدارک یاننده یوروین بر آدم کوتورر ،  
حکمدارک باشی اوزرنده طوته رق کندیسنی کونشیدن وقایه ایدردی . چتر  
اطلاسدن ویا آلتون صرمه لی قطیفه دن اعمال ایدلمکده ایدی [۲] .

اسلاملردن آلائی ایله چیققلری زمان باشی اوزرنده سنجاقلر طاشیدان ایلک حکمدار  
(موصل) آتابکی ( سیف الدین غازی بن عماد الدین زنجی ) ایدی . مشار البهک امری ایله

سواری عسکری قلیجلی قوناقلری ، کورزلری ایسه دیرلری آتیه آلمش اولدقاری  
حالدده آلاینده یورلردی . اطرافنده بولان سائر آتابلر بونی کورنجه پوشکاده آایلر  
یاغغه باشلامشلدی [۱] .

مع مافیہ بو آایلر حال ومقصدک ، دولت وزمانک اختلافه کوره شکل  
واحتشام ودبدبهجه مختلف ایدیلر . اک دبدهلی آایلر حجه کیتمک ، یاخود  
برشهردن دیگر برشهره سیاحت ایتمک ایچون ترتیب ایدیلن آایلر ایدی . کذلک  
پیرام کونلرنده تشکیل اولنان آایلر غایت دبدهلی اولوردی . بوصوک آایلرده  
فضله اولهرق کذرکاهک ایکی طرفنده عسکردن صفر تشکیل ایدیلردی .  
آایلرده صفوف عسکریه آرسنده یوروین ایلک ذات ملوک امویه دن ( یزیدبن  
ولید ) ایدی . مشارالیه پیرام آایلرنده مسلح ایکی صف عسکر آرسنده  
حرکت ایدردی [۲] .

خلفانک اوقدر انواعی چوق آایلری وار ایدی که جمله سنی ایراد ایتمک  
لازم کلسه مقامک مساعده سی فوقنده برچوق شیر یازمق ایجاب ایدر . فقط  
شوقدر دیه بیلیرز که خلفا آایلرده یا برآت اوزرنده ، یاخود برقه دروننده  
اولهرق چیقارلردی . سرای ارکانی ایله رجال دولت اسبسوار اولهرق خلیفه نک  
اطرافنده اخذ موقع ایدرلردی . چری باشیر پیاده اولهرق یورلردی .  
کذلک هر صنف وطبقه دن اولان سرای اوغلانلری آلتون قوشاقلر طاقینمش  
اولدقلری ، قامچیلر ویا آلتون ایله مزین تبرلر طاشیدقلری خالدده یایان  
نیدرلردی . خلق ویا عسکر آای کذرکاهک ایکی طرفنده صفر تشکیل  
ایدرلردی . آای بوصفلر آرسنده یورردی . آایک اوزونلغی اظهار واره سی  
آرزو اولنان احتشام ودبدبه درجه سنه تابع ایدی . خلیفه عباسی ( متوکل  
علی الله ) ک آلابی درت میل اوزونلغنه بالغ اولمش ایدی . بتون بو مسافه  
امتدادنجه خلق خلیفه یه اظهار تعظیم ایچون آتلردن اینمشلر ایدی [۳] . خلیفه  
اوزاق بریره کیده جک ایسه انک استراحت ویا بیتوتی ایچون یولده بیوک  
چادرلر قورولوردی [۴] .

۴۶۷ تاریخ هجریسنده وفات ایدن یکریمی آلتنجی خلیفه عباسی ( قائم بامرالله )  
برفته اشناسنده آای ایله جیقیدینی زمان ساده سیاه البسیه برونمش ، خرقه سعادت

[۱] ابوالفدا ۲۱ ج ۳ [۲] ابن الاثیر ۱۴۷ ج ۵ [۳] ابن الاثیر ۳۶ ج ۷  
واغانی ۳۲ ج ۹ و ابن خلکان ۹۸۰ ج ۲ [۴] فوات الوفيات ۴ ج ۱



اوموزینہ آلمش ایدی . النده برقلیچ بولنیور ، باشی اوزرینده سنجاقلر طاشینیوردی . اطرافنده عباسیلردن و سرائ خدمه سندن برزمره تشهر سیوف ایش اولدقلری حالده یورومشلردی [۱] . مع مافیہ بر اختلال صره سندنه خلیفه نك سرایدن بوجیقیشنه رسمی آلائی اطلاق جائز دکلدر .

مصرده کی خلفای فاطمیہ جمعه نمازینی ( جامع ازهر ) ده قیلارلردی . خلیفه آتہ راکب اولدینی ، باشی اوزرینده آلتون صرمه لی سلطنت شمسیه سی طوتولدینی حالده حرکت ایدردی . اوکنده واطرافنده ۵,۰۰۰ قدر پیاده یورردی . خلیفه اوزرینده طیلسان ، قلیچ ، النده قضیب خلافت بولندینی حالده جامعہ کیدر ، نماز قیلاردی . فاطمیلرک نمازدن اول اجرا ایتدکلری ده برحق مراسم واردی . خلفای فاطمیہ بیعت ، یاخود خلیجک کشادی مراسمنی اجرا ایچون چیقدقلری زمان مجوهرات صاریغنی [۲] ، (بدنه) نامنده یولنان کاملاً آلتون صرمه لی ، نقشلی ایپکلی کسوه یی کیرلر ، باشلری اوزرینده کسوه نك رنکنده سلطنت شمسیه سی کوتورولوردی . اوکلرینده مجوهرات ایله مرصع آلتون صرمه لی اکرلر ، عنبر اکرلری ، اطلاسدن قبلر ایله مزین یدک آتلی بولنوردی . مختلف قیافته بولنان ترک ، دیلی ، عزیزیه ، اخشیدیہ ، کافوریہ فرق عسکریه سی آغیر اطلاسدن مکلف البسه ایچنده ، آلتون صرمه لی قوشاقلر قوشانمش اوله رق یوررلردی . سلاحشورلری حامل اوله رق برطاقم فیللر ، زرافه لر آلایه اشتراک ایدردی . خلیفه نك باشی اوزرینده طوتولان سلطنت شمسیه سی غایت قیمتدار مجوهرات ایله مرصع بولنوردی . خلیفه بو آلایده خلافت قضیننی النده طاشیردی . اوکنده صره ایله آلتون ، کوش ، طونجندن بوریلر ایله مجهز بوریزنلر ، بیوک داووللی داوولجیلر صفلر تشکیل ایدرک کیدرلردی . داووللر تخته یه بدل کوشدن مصنوع ایدی . آلایک اوزرینده مزین ونظر با سنجاقلر موج ایدردی .

### احتفالات مخصوصه لری

#### احتفالات دینیہ

مدنیت اسلامیہ دورنده اجرا ایدیلن احتفالات مخصوصه نك بر قسمی مولد ، پیرام ، کسوه شریفه مراسم مخصوصه سی کبی دینی اولدینی کبی دیگر قسمی ده

نوروز، مهر جان، شم النسيم، فتح خليج کي صرف وطني ایدی . خريستانلر يورطيلرنده اجرا ايلدکلى مراسم مخصوصه لر ينك بعضلىرى بترستلردن نصل اقتباس ايتشلر ايسه اسلاملر دنخى احتفالات دينه لر ينك طرز واسلو بنى كذلك غير مسلملردن اقتباس ايتشلردى . اعياد اسلاميه ده دبدبلى مراسم مخصوصه اجراسى عادتي بوگونه قدر دوام ايتمکده در . مدنيت اسلاميه دورنده احتفالات دينه و وطنيه الك زياده اهميت ورن دولت قاطمیلر ایدی . ( مقریزی ) ده تفصیلاتی کوريله چکی اوزره روز عاشورا ، مولد نبوی ، مولد حضرت علی ، مولد فاطمه ، مولد حضرت حسن ، مولد حضرت حسين ، ولادت خليفه ، رجبک برنجي کيجه سی ، عيد اضحی ، عيد فطر ، فتح خليج ، نوروز وسائره اودورده برر وسيله احتشام واحتفال تشکيل ايتمکده ایدی [۱] . ايام مخصوصه مذکوره يه کوره برطاقم مراسم مخصوصه اجرا ايديلردى . بو وسيله لر ايله برچوق پاره لر صرف اولنيور ، صدقلر ويريليور ، نقد ، البسه ، مجوهرات وسائره دن متشکل هديه لر تعايطي ايديلوردى .

( اربل ) آتابي ( مظفر الدين بوسعيد کوبوري ) بالخاصه احتفالات دينيه يه فوق العاده اهميت ويرمکله اشهار ايدن امرادن ایدی . مشار اليه مولد نبوی يه تصادف ايدن يوم مخصوصه صوڪ درجه دبدبلى واحتشاملى مراسم اجرا ايدردى . روايت مشهوريه کوره مولد نبوی يي اليوم جارى اولان مراسم ايله تجيل وتکريم ايدن ايلک ذات مشار اليه ایدی [۲] . كذلك افریقاده ( تلسان ) امیری ( ابوحمو موسى ) دنخى او يولده عين ميل واجراآت ايله شهرت فازائمش ایدی [۳] .

آل بويه ملوک بدن ( عضدالدوله ) هرکون بغدادده اوچ نماز وقتلرنده ، يعنى صباح ، اوکله ، آقشام نمازلرى زمانلرنده داوول چالديريردى . انک حفيدى ولان ( سلطان الدوله ) بغداده کيرديکي زمان هرکون بش نماز زمانلرنده داوول چالديرمشدی [۴] . خوارزم شاهيان دولتنک برنجي حکمدارى ( وطب الدين محمد بن انوشكين ) اسکندر کبيرک اردوگاهنده جارى اولان عادته تبعاً کونده ايکي دفعه ، يعنى صباح ، آقشام داوول اوردورمقله اکثفا ايتمش ایدی . نوعات ايلک وضع ايدلديکي زمان يکرى یدی اسيرزاده طورمشن ، آتون ايله مهن بن يکرى یدی داوول اوزريشه نوبتي اجرا ايتشلردى .

[۱] مقریزی ۴۹۰ ج ۱ [۲] ابن خلکان ۳۶ ج ۱ [۳] نفح الطيب ۶۰۴ ج ۴

[۴] ابوالفدا ۱۴۸ ج ۳

دها سكره موقع اقتداره كلن خوازمشاهيان ايله ملوك سلجوقيه كونده اوقات خسهده داوول چالديريرلردى .

آل بويه ملوككندن (معزالدوله) ۳۵۲ سنه هجريه - سنده بغدادده محرمك اونچي كوني حلول ايديجه اهالى يي دكان ومغاره لرني قاپايه رق ايشلرني تعطيل ومراسم مآتمه اشتراك ايتكه ، قادينلر ده صاچلري طاغنيق ، ائوبلري يرتيق ، يوزلري سيياهلره مستغرق اوله رق حضرت (حسين بن علي) ايچون بوزلرينه اوروب آغلامغه مجبور ايتمش ايندى . سنى اولان اهالى شوعنك چوقلغى وحكومتك انلر ايله برابر اولديغنى كوره رك ايستر ايسته من بو مراسمي اجرا ايلشلدى [۱] .

دوكون ، مآتم ، ختان وسائر كبي احتفالات اجتماعيه ، مرخص وسفرا استقبالى ، بيعت ، تتويج ، خلع مراسمي كبي احتفالات سياسيه ايسه بشقه ايدى . بوخصوصلر ايچون ده آتیده برقچ مثال ذكر ايدم جكز :

دوكونلر ايله امثالنده اجرا اولنان احتفالات

دوكون احتفالاتي مختلف شكلرده اجرا ايدلمكده ايدى . مملكتلرده جاري اولان بشقه بشقه عادتله ، دوكون ياپانلرك ثروت واقتدارلرينه كوره برطاقم فرقلى نظر اعتباره آئقله برابر اساس اعتباريله اودوكونلر اليوم مصر اسلاملى دوكونلرنده اجرا ايديلن احتفالات ومراسم مخصوصيه تماماً بكمز مكد ايدى . تاريخ اسلامده دبده واسرافاتيله شهرت آلان ايكي احتفال دبدهدارى بوراده مثال قيبلىدن ذكر ايدم جكز :

برنجيسى دولت عباسيه امراسندن (حسن بن سهل) ك كرمه سى اولوب (بوران) دخى تسميه ايديلن (خديجه) نك خليفه (مأمون) ايله زفافي ائناسنده باييلان طنطنه لى دوكون ايدى . (واسط) جهتنده (فم الصلح) موقعنده اجرا اولنان بودوكون ائناسنده اختيار ايديلن دبده واسرافاتك دها اول وقوع بولش برملنه تصادف ايديله من . كلينك پدرى هديه وعطيه قيبلىدن اولق اوزره هاشمير ايله سردارلر وكاتبلرك اوزرينه كوى ، جاريه ، آت وسائر اسم وتعريفاتي حاوى مسكدن قندقلر سرشمش ايدى . برفندق برآدمك الله دوشونجه او آدم انى آچيور ، ايچنده كي كاغدى اوقوييور ، هبه كار ساحتشعارك بوايش ايچون تعين ايتمش اولدينى مأمور مخصوصه مراجعت ايدرك كاغدى ويرييور ،

ایچنده کوی، یاخود دیگر برعقار، آت، جاریه، مملوک، هر نه محرر ایسه  
 آلوب احراز ایلیوردی. مشار الیه خلیفه (مأمون) ایله معیتده بولنان  
 سردارلر، معیت آدملری، عسکره و سائره ایچون صرف ایتدیکی غیرقابل  
 احصا مبالغه عظیمه دن ماعدا اهلینک سائر ضنوفی اوزرینه ده برچوق آلتونلر،  
 درهم دینلن کوش پاره لر، مسک کوبکلرینی، عنبر یورطه لرینی سرپدیرمشدی.  
 روایت کوره مذکور دو کونده ۳۶,۰۰۰ کیچی ایقای خدمت ایتش و دو کون  
 ائناسنده برکون اودون قالمینجه تجرملرک آلتنده اودون یرینه زیتون یاغنه  
 باتیرلش چواللر یاقلمش ایدی. زفاف کیجه سی (بوران) خلیفه (مأمون) ک  
 حجره زفافه ادخال اولندیغی زمان (مأمون) کلینک کذرکاهنه بر آلتون حصیر  
 سردیرمش، بیوک اینجیلری حاوی مرصع برزنیل کتیریه لرک ایچنده بولنان  
 اینجیلر (رشید) ک زوجیه سی (زبیده) و کریمه سی (حمدونه) داخل اولدقلری  
 حالده اوراده بولنان قادینلرک اوزرینه سرپش ایدی. فقط مشار الیهما وقار  
 اصالتکارانه لری الجا آتیه بوا اینجیلردن برشی آلدیلر. آنجق (مأمون) او  
 ایکی سلطان اویل واستغناکاره «اینجیلردن برشی آلفله بی شرفیاب ایدیکنز»  
 دینجه مشار الیهما مجرد خلیفه بی منون ایتک ایچون اللرینی اوزاده رق یالکز  
 برر اینجی آلدیلر. دیگر اینجیلر او آلتون حصیر اوزرنده پارل پارل پارلادیغی  
 حالده قلمش ایدی. (مأمون) بولطیف منظره بی کورنجه: «خیث حسن بن  
 هانی!.. صانکه بولطافتی کوره رک توصیف باده ده:

کأن صغری و کبری من فواقعها حصباء در علی ارض من الذهب

بیتنی نظم ایتش «دیمشدی.

(مأمون) ک اوطوردینی صالونده یوز رطل ثقلتنده عنبردن برموم یاقلمش  
 ایدی. مشار الیه عنبرک دو مانندن مضطرب اولدیغندن خالص مومدن او حجمده  
 برموم یاپیلوب یاقلمش ایدی. (مأمون) ک اوراده کچیردیکی کیجه لر موملردن  
 انتشار ایدن ضیالر ایله عادتاً کوندوز کی ایدی. مذکور دو کون ایچون صرف  
 ایدیلن پاره لر ۵۰,۰۰۰,۰۰۰ درهمه بالغ اولمشدی. (مأمون) دو کونک ختامندن  
 صکره اورادن مفارقت ایتدیکی زمان قائل پدیرینه ۱۰,۰۰۰,۰۰۰ درهم ویردیکی  
 کی (فم الصلح) جهتلرینی ده اکا بخش واحسان ایتمشدی. فقط (حسن بن



سہل) ہوپارہ لری آلیر آماز کندی قوماندانلرینہ ، دوست و ظہیرلرینہ ، خدم وحشمہ توزیع ایلشدی . ( مأمون ) ( حسن بن سہل ) ہ فضلہ اولہرق فارس قطعہ سی ایلہ اہواز قضالرینک بر سنہک خراجی ویرمشدی . خلیفہ مشارالہ زفاف کیجہ سنک ایرتسی آقشامی کلینک یانہ کیرمک ایستینجہ کلینک بیوک والدہ سی بر آلتون تپسی ایچندہ بولسان بیگ ایچی بی کوکینک باشی اوزرینہ سرپشمشدی [۱] . مذکور دوکوندہ دہا بونک کی نیجہ اسرافات یاپلشدی کہ انسان اکا اینامق ایستہ میور .

ایکینچی احتفال دبدبہ دارایسہ خلیفہ ( متوکل علی اللہ ) طرفدن اوغلی ( معتزک ) ( برکوازا ) نامیلہ معروف اولان موقعہ مظفر اولدینی زمان اجرا ایدلش ایدی . سردارلر ، اعظم رجال دولت یمکی بیتردکن صکرہ ( متوکل ) بر مجلس عقد ایدرک حضورندہ عنبر ، ند ، مسک خمیرندن یاپلش کونا کون شکلردہ تمثالری حاوی و مجوہرات ایلہ مرصع آلتون چقور تپسیلر سرملش ، عادتاً بوتپسیلر یردہ برپوشیدہ تشکیل ایلش ایدی . متعاقباً سردارلر ، صاحبان ، اصحاب مراتب دعوت اولنہرق ایکی طرفلرینہ انواع مجوہرات ایلہ مرصع تپسیلر وضع ایدلش ایدی . اوتہ کی صرہ ایلہ بوسرہ آردسندہ بر بوشلق بر اقلملش ایدی . دہا صکرہ فراشت مأمورلری اوزری دری قابل یاری یاریہ دینار ودرہم طولی زنیلرلر ایلہ کلہرک ایچندہ بولسان نقودی تپسیلردن دہا یوکسک بر ارتقاعہ وارنجہ یہ قدر آوارہ لغہ دوکوب ییغمشلردی . حاضر بولنانلرہ ایچی ایچلمسی ، ایچلکدن صکرہ صرہ ایلہ ہرکسسک اوپارہ لردن اوچ دفعہ ایکی آوچ طولوسی آلہرق چکلسمسی امر اولندی . بر یردہ پارہ لرک مقداری آزالدجہ زنیلرلردن پارہ لر دوکیلہرک اسکی حالنہ ارجاع ایدیلوردی . دہا صکرہ مجلسک آشانغی طرفلرندہ بر طاقم معیت اوغلانلری طورمش ، « امیر المؤمنین اقدامز امر ایدیور . ہرکیم ایسترایسہ ایستدیک ی قدر آلسون » دیہ باغیرمشلردی . خلق اللرینی اوزادہرق پارہ لری آملشردی . ذکر اولنسان شعلہ لی احتفالہ او قدر چوق پارہ لر ویرملش ایدی پارہ آلانلردن چوقلری اوزرلرندہ یر قالمدیغی کورنجہ طیشاری چیقہرق پارہ لری کندی اوشاقلرینہ تسلیم ایتدکن صکرہ تکرار ایجری کیریور ، یکیدن پارہ آلیورلردی . خلیفہ

مجلس طاغلدینی زمان بیک خلعت احسان ایتدیکی کبی بیک کوله دخی آزاد ایلش ایدی. خلعه لر ایله قدرلری اعلا ایدیلن ذوات آلتون وکوش ایله بیک کمی به بیدیرلش ایدی [۱].

خلیفه (مقتدی بالله) ک ۴۸۰ سنه هجریه سنده سلطان سلجوقی مدکشاهک قیزی ایله وقوع بولان زفافی ایله جهازک مقر خلافته نقلی ائساننده اجرا ایدیلن احتفالاتی دخی اکا کوره قیاس ایدیکز [۲]. سلاطینک تتویجلیری ، بیعت زمانلرنده اجرا اولنان احتفالات و مراسم حقنده دها اول برنجی چلدک ۱۰۵ و ۱۳۸ نجی صحیفه لرنبه بعض مثاللر ایراد ایلدیکمزدن بوراده تکرارینه لزوم کورمیز .

#### وزرایه خلعتلر احسان ایتک

وزرا و سلاطینه خلعت احسان ایتک دخی طنطنه و دبدبه لی برطاقم احتفالات اجرا سنده وسیله تشکیل ایدیوردی. خلفانک خلعتنه مظهر اولان ایلک ذات (جعفر برمکی) ایدی. خلیفه (رشید) کرسی خلافته جالس اولدینی کون رفیق طفولیت و صباوتی اداره مملکتده معین اتحاد ایتمکه برابر اکا توجیه ایتدیکی خلعتلر جمله سندن ۱۰۰ کیسه درهم و دینار ویرمش ، خلعتی عرض تبریکات ایچون بر آلا ایله تزدینه کوندرمش ، ایتدیکی کبی استعمال ایتک اوزره مهر سلطنتی کنديسنه تودیع ایلش ایدی [۳]. دها صکره موقع اقتداره کلن خلفای عباسیه بویولی تعقیب ایدرک وزیرلری ایله والیرینه احوالک اختلافه کوره شکلا و مقداراً مختلف خلعتلر احسان ایتملردی . هر حالده بو خلعت احسانلری ایچنده برکسوه بولنوردی که خلعتی ویرن ذات طرفدن کوندریلیر ، خلعتنه مظهر اولان کیسه طرفدن کیلیردی. اکا (خلعت) نامی ویریلیوردی. خلفای فاطمیه دن (عاضد) مصرده (صلاح الدین ایوبی) به منصب وزارتق تفویض ایتدیکی زمان اکا (ملک ناصر) لقبی توجیه ایلدیکی کبی (فرما) ایله (دمیاط) آره سنده کائن (تنیس) آطه سی معمولاتندن کناری آلتون صرمه لی بیاض بردستار، آلتون صرمه ایله مطرز بر ققتان ، کذلک آلتون صرمه لی بر جبه ، ینه آلتون صرمه ایله مطرز بر طیلسان ، اون بیک دینار قیمتنده مجوهر اتدن بر کردانلق ،

تزییناتی بش بیک دینارہ مال اولان بر قلیج ، سکز بیک دینار قیمتندہ غایت مکلف ومذهب واحجار قیمتدار ایله مزین برچادردن متشکل برخلعت دخی احسان ایلش ایدی . خلیفہ بوخلعت ایله برابر برچوق ملبوسات فاخرہ یی حاوی متعدد بوغچہ لر ، آتار ، سائر اشیا دخی اهدا ایتش ایدی . منشور وزارت بیاض اطلاس اوزرینہ یازلش ایدی [۱] .

بالا آخرہ خلافت عباسیہ مصرہ انتقال ایدنجه اورادہ ایلک خلیفہ اولان ( مستنصر بالله ) اوزمانک حکمداری غلامان اتر اگدن ( ملک ظاہر بیرس ) ک مقامنہ تعظیماً اکا سیاه برجہ ، سیاه بر دستار ، بوغازینہ بر آلتون کردانلق ، آیاقینہ بر آلتون بوقاقی دن متشکل برخلعت ویرمشدی [۲] . سائر خلعتلری ده اکا کورہ قیاس ایدیکنز .

#### هیئات مخصوصہ نک رسم قبولی

تزد خلیفہ یه کلن هیئات مخصوصہ یه - هله بوھیأتلر اجنبی حکمدارلرندن بری طرفندن کلیور ایسه - غایت دبدبہ لی واحتشاملی رسم قبوللر یایلقده ایدی . بودبدبہ واحتشام ایله دولت اسلامیہ نک شوکت وعظمتی کوسترملک ایستیلیوردی . رسم قبوللر احوالک اختلافه کورہ مختلف ایدی . مثال اولق اوزرہ خلفای عباسیہ دن ( مقتدر ) ک ۳۰۵ سنہ ہجریہ سنہ روم قیصری طرفندن تزدینہ کلن هیئت مخصوصہ حقندہ اجرا ایتدیکی رسم قبولی ذکر ایلیه جکیز . مشار ایله هیئت مذکورہ یی اولجه ذکر یکن ( دارالشجرہ ) سراینده قبول ایتش ایدی . هرطرف عسکر ایله طولیدرلمش ، سرای اسلحه وکونا کون وسائط زینت ایله تزیین ایدلمش ایدی . بومراسم اثناسنده صفلر تشکیل ایدن عسکرک مقداری سواری وپیاده داخل اولق اوزرہ ( ۱۶۰،۰۰۰ ) ہ بالغ اولش ایدی . مکلف البسه لی ، آلتون صرمه ایله مزین قوشاقلی اوله رق مراسمه اشتراک ایدن ( غلمان ہجریه ) نک عددی ایسه ۲۲،۰۰۰ ایدی . ۴،۰۰۰ ی بیاض و ۳،۰۰۰ ی سیاہی اولق اوزرہ مراسمه ۷،۰۰۰ خدمہ وطواشی دخی اشتراک ایتش ایدی . برصردہ طوران پردہ دارلرک عددی ایسه ( ۷۰۰ ) ایدی . دجلہ ده بولنان کملر ، صندلر غایت پارلاق برصورتده تزیین ایدلمش ایدی .

سرايك خارق العاده تزيیناتی مياننده (۱۲,۵۰۰) ى صرمه لی اطلاس اولقى اوزره ۳۸,۰۰۰ پرده قورولمش ، يرلره ۲۲,۰۰۰ کلیم سرلمش ایدی . یوز آرسلان یوز شیریانك معیتنده اوله رق کچید رسمی اجرا ایاش ایدی . سرایه زینت واحتشام ویرن اشیای فاخره ونادره جمله سندن اومشهور آلتون وکوش آغاجی انظار تماشایه معروض ایدی . اولجه تعریف ایتدی کمز اوزره سیم وزردن اون سسکز دالی حاوی اولان بوقیمتدار آغاجك دالیری بر صنعت مخصوصه ايله کندی کندینه اکیلوب قالقوردی . دالرك اوزرینه آلتون وکوموشدن مختلف شکلدره يرلشديرلمش بولان قوشلر کندی کندیلرینه اوتیورلردی . هیئت مخصوصه یی تشکیل ایدن ذوات بو آثار عظمت وشوکتی کورده رك مندهش اولمشلردی [۱] .

### خلفا ايله حكومات معاصره

عربلر فتح ممالککة تشبث ایتدکلری زمان جهان مدنیت عظیم بر پریشانی، خلق بیوک برعطالت ومسکنت ایچنده ایدی . عربلر بردن بره اوخلق اوزرینه آتیه رق اون بش ، یکریمی سنه ظرفنده تاریخده امثالی کورلمین بر برطرز معجزه کارانده ممالک تلمری فتح و تسخیر ایشلردی . ممالک مفتوحه اهالیسی بالآخره خواب غفلتدن اویانه رق عربلره قارشى کملک ایستمشلر ایسه ده یوکا بردلو مقتدر اوله مامشلردی . متعاقباً چوق زمان کچمهدن ممالک مفتوحه اهالیسی عربلرک مدنیت واعتلالرینی ، عمران وترقیه سعیلرینی ، علوم وقون، صنائع، تجارت وسياحت ايله اشتغاللرینی کورده رك انلره قارشى برحس حرمت طومغه محبور اولمشلر ، (مدینه ) یه ودها صکره (شیام ) ه هیئت مخصوصه لر ايله هدیه لر کوندرمکه عربلره خوش کورنمکه باشلامشلردی . ده صکره (بغداد) شهرى شرقاً هند و چیندن ، شمالاً آسیانك یوقاری طرفلری ايله اوروپانك ممالک مرکزیه سندن ، غرباً آفریقانك منتهاسنه قدر اولان ممالکدن ، جنوباً بحرهندیدن کلن قاصدان وهیئت مخصوصه لره اجتماعکاه کسلمش ایدی . (بصره) شهرى دخى شرقك مرکز تجارت بحریه سی واوزاق دکزلردن کلن سفائنك التقاکاهی اولمش ایدی .



## چین تاریخنده اسلامیت

مشهور اولدینی اوزره اسلامیتک ظہوری ایله انتشاری حقنہ یالکز اسلاملر معلومات ویرمشلردی . کذلک اوزمانکی تاریخ اسلامی یازانلر دخی یالکز اسلاملر اولمش ایدی . حتی روملر بیله اوصره بلرده کی ترقیات فکریه و علمیه لریله برابرینه اولنلردن هیچ بر مورخ معاصر اسلامیت و اسلاملر حقنہ برشی یازمامشدی . فقط چین مؤلفات تاریخیه سنی تدقیق ایدن بعض علما اوکتابلرده اسلامیت و انتشاری ، خلافتک ( معاویه ) یه انتقالی ، ( ابومسلم خراسانی ) نک ظہور بیله خلافتی عباسیلره تحویلی و سائرہ یه دائر برطاقم معلوماته راست کلشملر ، ( محمد ) ، ( قریش ) ، ( معاویه ) ، ( ابوالعباس ) ، ( ابوجعفر ) کی رجال اسلامیہ نک اسملرینی چین حروفی ایله محرر کورمشلردر . آثار مذکورہ نک مطالعه سندن آکلاشلدیغنه کوره ( ابو جعفر ) ۷۵۶ تاریخ میلادی سنده چین ایمپراطورینک نزدیکه بر هیئت مخصوصه کوندلریش . بو هیئت چین یاتختنده شمالی مغولستانده کائن ( هوی هو ) دن بر هیئتک قدومنه تصادف ایتیش . هانکی سنک ایمپراطورک حضورینه دها اول کیره جکی مسألہ سنده ایکی هیئت آرسنده اختلاف ظهور ایلش . ایمپراطورک مابینجیسی حکیمانہ حرکت ایتیش . هر هیئت برقبودن حضوره ادخال ایدرک مشکلی ازاله ایلش .. معلومات مذکورہ ( تونغ شو ) کتابنک اونجی فصلنده ایمپراطور ( سوت سونغ ) ک ترجمه حالی صره سنده کورلمکده در . کذلک چین کتابلرنده دینیلور که : « دها صکره خلافت ( مهدی ) یه ، مهدیدن صکره دخی ( هارون الرشید ) ه انتقال ایلش . ایشته بو خلیفه زماننده ( ۷۸۵ سنه میلادی سندن ۸۰۴ سنه سنه قدر ) سیاه جبهلی اولان عربلر توفان ( تبت ) قطعہ سی اوزرینه سوقیات عسکریه ده بولمشلر . دها صکره ( تبت ) اهلایسی عربلرک مهاجمانه قارشى کلمک ایچون هر سنه تحشيدات عسکریه یایمغه باشلامشلر .. ۸۹۸ سنه میلادی سنده عربلردن اوچ ایلچى ایمپراطورک سراینه کلش .. الخ » [۱] .

ارباب تحقیق عربلر ایله چینلر آرسنده اونجی عصر میلادی اورتہ سندن ،

یعنی اوچنچی عصر هجریدن اعتباراً وجوده کتیریلان مناسبات تجاریه حقنده دخی برطاقم معلومات بولمشلر، برچوق عرب سفینه لرینک جام، شکر و سائرہ یی حاملان چین ساحل لرندہ اجرای سیر و سفر ایلدیکنی، عربلر ایله سفائن رئیس لرینک برچوق دفعه ایمپراطورک سراینه کیدرک حضورینه قبول اولندقلرینی، ایمپراطورک بوجسور و عزیمکار آدم لره مملکت لری، پادشاهلری، سائر حاللری حقنده سؤال لر صور دیغنی آکلامش لردر. عرب اولیان حکومت اسلامیه ایله چین ممالکی آره سنده دخی ذکر ی تطویلہ باعث اوکی برطاقم مناسبات بولندیغی ده کورلمش لدر. بو معلومات غایت مختصر، وقوعات قاریشیق، اسم لره برطاقم تحریفات بولمقله برابرینه فوق العاده اهمیتلی صاییلر. چونکه مستقل برچین منبعندن آلینور.

عرب مورخلریله سیاحلرینه کلنجه بونلر چین و هندستان ساحل لرینه ایندک لرینه، اوایی قطعه حکمدارلرینک سربلرینه کیردک لرینه، بعض مسائل تجاریه ایچون او حکمدارلر ایله قونوشدقلرینه دائر برچوق معلومات ویرمش لردر. فقط چوغمز شمدی به قدر بو معلوماته اهمیت ویرمور ایدک. چونکه بیک برکیجه ده کوربان (سندباد بحری)، (فرس مسجور) و سائرہ کی افسانه لره قیاساً او معلوماتک پک چوق مبالغات و خرافات ایله آلوده اولدیغی ظن ایدیور ایدک. حال بوکه او افسانه لر فی الاصل اقوام اجنبیه دن اقتباس اولمش ایدی. حتی عربلره منسوب خرافاتک اکثری ده عرب محصولی دکلدی. بالذات عربلرک یازدقلری شیلر، باخصوص وقائع تاریخیه و امثالی معلوماته کلنجه بونلر بیوک برتدقیق و طوغریلق ایله قلمه آلمش دی. منصف بر منقد نظریله براو آثاری اوقوییکز، برده اوعصرلر ایله عصر حاضر آره سنده کی فرقی نظر امعانه آلکز، بومدعامزی پک محق بولورسکز.

بونکله برابر عربلرک علوغزمنه دال اولان اوکی وقائع خارقه یی نظر اهمیته آلیانلری شایان مواخذہ کورمیز. چونکه بومشکل پسندلر، عربلری، زمان شوکت و اعتلالرندہ دکل، دولترینک زوالی ایله عصیتلرینک انحلالدن، همتلرینک انحطاطی ایله عزیم و فعالیتلرینک ضعفه سقوطدن صکره طانیدقلرندن او خارقه پیرا مدنیت دورنده انلرک اوکی تشبثات عزیمکارانه واقدا مپرو رانده بولمش اولملرینی

مستبعد کورہ رک عرب کتابارندہ بو خصوصہ دائر او قودقلى شيلره اينامق ايسته مامشلردر. فقط شمدي کوريليور که چين کتابلری بو خصوصه مؤلفات عربيه ده ویرلمش اولان معلوماتی تأييد ايدييور. آرتق او معلوماته اينامق پک ضروريدر.

عربلر ايله چين ممالکي آره سنده تأسيس ايديلن مناسبات تجاريه ايله عرب ارباب تجارتک ممالک مذ کورہ سواحله نزول و سياحتلريني مين اک اسکی اولق اوزره المزه کچن اثر (سلسله التواريخ) کتابيدر. تاريخ هجرينک اوچنجي عصری رخلندن (سليمان تاجر) ايله (ابوزيد حسن) طرفندن قلمه آلان بو اثر عربلر ايله ايرانيلرک بصره کورفي سواحلدن هندستان وچين ممالکنه اجرا ايتدکلى سياحات بحريه يي متضمندر. مذکور کتاب مستشرق شهر (رينو) طرفندن فرانسجه ترجمه سی ايله ۱۸۱۱. تاريخده پارسده طبع ايدلمشدر. ايکنجی درجه ده قدمده (مسعودی) نک (مروج الذهب) ی کایر که بو کتاب بين الناس مشهور و کثرتله متداولدر. بونلردن ماعدا عربيه بر چوق امهات کتب جغرافيه واردر که بونلر کافه حقیقی سياحتلر محصوليدر. اک مشهورلری (بلخی) ايله (اصطخري)، (ابن حوقل)، (مقدسی) و سائر نک يازدقلى آثاردر. بونلر حقنده فضله معلومات ویرمک موضوعمژک خارجنده بر بحث تشکیل ايدر.

فقط خلاصه دينيله بيلير که عباسلر ايله هند وچين حکمدارلری آره سنده بر طاقم مناسبات بوندیقه، ايکی طرف بینه بلا انقطاع هدايا تعاطی ايدليکنه دائر عرب مؤلفات تاريخه سنده پک چوق معلومات موجوددر. ايکنجی عصر هجرينک صوکلرندن اعتباراً هندستان حکمدارلری طرفندن بر طاقم هیئات مخصوصه هدايا، مکتوبلری حاملأ بغداده کلیمکه ايدیلر [۱]. چين حکمدارلری طرفندن دخی بغداده هیئتلر کلش اولسی لابدر.

#### اسلاملر ايله اوروپا حکمدارلری

اسلام حکمدارلریله اوروپا حکمدارلری آره سنده که انلرک او دورلرده اک بیوکلى روم، ژرمن، فرنک، اسپانيا حکمدارلری ايدیلر - تأسيس

ایدیلن مناسبات اطراف سائرہ ، یعنی شرق حکمدارلریله اولان علاقہ لردن دھا قوتلی ایدی . روملر - که قسطنطنیہ حکمدارلری ایدیلر - بونلر ایلہ عرب حکمدارلری آرہ سندہ تا امویلر زمانندن اعتباراً صالح عقدی ویا ہدایا واسیر تعاطیسی ایچون مخابرات دوام ایتمکہ ایدی [۱] . ایکی طرف کرک برآ ، کرک بحرآ محاربہ دن خالی طومازلردی . امویلر برقاچ دفعہ ( قسطنطنیہ ) شہری . محاصرہ ایدرک ہرنہ قدر فتحہ موفق اولہ مامشلسدہ اوروپا قطعہ سندہ برطاقم سائر شہرلری فتح ایلکہ فرنک دولترینی خوف وتلاشہ دوشورمشلردی . عباسیلر دخی عین آثار سطوت کوسترمشلردی [۲] . خلیفہ ( رشید ) قسطنطنیہ ایمپراطور یچہ سی ( ایرنہ Irène ) یی کندینہ خراجکذار یامیشدی .

ہدایا تعاطیسی خصوصہ کلنجہ خلیفہ ( رشید ) ک فرانسه قرالی ( شارلمان ) ہ کوندردیکی ہدیہ ذکرہ حاجت براقیہ جق درجہ دہ مشہوردر . بونکہ برابر روم حکمدارلری طرفدن دارالخلافہ علی الاکثر قیلچ ، البسہ وقاش ، عطریات ، کزیدہ کلبلردن متشکل ہدیہ لر توالی ایدیوردی . روم ایمپراطوری ( احتمال کہ میخال Michel ) ک یوز رطل مسک ویوزسمورکورکی کبی قیمتدار اشیا داخل اولمق اوزرہ خلیفہ ( مأمون ) ہ کوندردیکی ہدیہ اوچلہدن ایدی [۳] .

فرنک قرالیچہ سی تریا بنت الاوباری ( اصلدہ بویلہ در ) ۲۹۳ سنہ ہجریہ سندہ خلیفہ ( مکتفی بالله ) ہ الی قلیچ ، ۵۰ مزرارق ، ۲۰ طوب آلتون صرمہ لی قاش ، ۲۰ اسلاو اوشاق ، ۲۰ جاریہ ، آرسلانہ مغلوب اولماز ۱۰ بیوک کلب ، آلتی طوغان قوشی ، یدی شاہین ، قوس قزح کبی رنکارنک ایپکلی بیوک برچادر اہدا ایتش ایدی [۴] .

خلفا دخی مخابرہ اجرایی ایچون روم ایمپراطورلرینہ ہیئات مخصوصہ کوندریرلردی . اوچلہدن اولمق اوزرہ ( آل بویہ ) ملوکندن ( عضالدولہ ) ۳۷۱ سنہ ہجریہ سندہ ( ابن باقلانی ) نامی ایلہ معروف اولان قاضی اشعری بی روم ایمپراطوری ( ایکنجی واسیل ) ک نزدینہ برنامہ نک جوابی حاملہ کوندرمش وبوذاتک ایمپراطور سرایندہ کوستردیکی عزت نفس اورادہ اسلاملرک قدرینی اعلا ایشدی [۵] .

[۱] المبرد ۲۶۹ و ۳۲۴ [۲] ابن الاثیر ۷ ج ۶ [۳] فوات الوفيات . ۲۴۰ ج ۱ [۴] مستطرف ۴ ج ۲ [۵] ابن الاثیر ۶ ج ۹



## اندلسیہ ایلہ فرنک حکمدارلری

اندلسدہ تشکل ایدن حکومت اسلامیہ حکمدارلری ایلہ اوروپا حکمدارلری آره سنده کی مناسبات دها صیقی ودها قوتلی ایدی . چونکہ ( قسطنطینیہ ) ایمپراطورلری هم کندیلرینک ، همده اندلس امویلرینک دشمنی بولنان عباسیلر علیہندہ مظاهرتلرینی قازانمق ایچون اندلس خلغای امویہ سی ایلہ دوست کچنمک ایسترلردی . حتی اندلس ملوک امویہ سندن ( عبدالرحمن اوسط ) ه معاصر اولان شرق روم ایمپراطوری ( توفیل Théophile ) ۲۲۵ سنه هجریه سنده خلیفه مشارالیه برچوق هدایا ایلہ برابر برنامه کوندره رک ( مأمون ) و ( معتصم ) طرفندن کوردیکی تضییقات اوزرینه کندیسینی شرق ممالک اسلامیہ سنک فتح واستیلا سنہ تشویق ایلش و ذکر اولنان مکتوبده او ایکی خلیفه عباسی یی جاریه زاده لکله تحقیر ایچون ( مراجل ) و ( مارده ) اوغللری تعبیریلہ توصیف ایتمش ایدی . ( عبدالرحمن ) دخی بو هدایایه مقابیل بر طاقم هدایا ایلہ برابر دولتنک اعظم رجالتدن شاعر خاصی ( یحیی الغزال ) ی ایمپراطورک نزدینه اعزام ایلہ تحکیم موالات ایلش ایدی [۱] . بالآخره ( عبدالرحمن ثالث ) ک زمان خلافسنده اندلس جیوش اسلامیہ سی اوروپا ممالکندن دها اول هیچ براسلام عسکرینک آیاق باصه مدینی یرلره قدر توسیع دائرہ صوات ایدنجه ممالک مذکورہ حکمدارلری خلیفه مشارالیه ایلہ تأسیس روابط موالاته مجبور اوله رق ترک مخاصمات ، عقد صلح ، تأمین موالات مقصدیلہ ( روما ) ، ( قسطنطینیہ ) وسائردهن مقر سلطنت اسلامیہ یه سفیرلر ، هدیه لر کلکه باشلادیغی کبی اندلس ممالک اسلامیہ سی حدودی اوزرنده ( قشتاله Gastille ) و ( بیلونه ) ایلہ اکا منسوب ثغور خوفیه جهتلرنده بولنان اسپانیا حکمدارلری دخی انک یاننه کله رک الی اوپمک ، ممنونیتی جلب ایتمک ، عطیه واحسانلرینی آلمق ، آتلیرنه بینمکدن چکنماشلردی [۲] .

( عبدالرحمن ثالث ) ه اسپانیانک سائر حکمدارلرندن دخی هدایا توالی ایتمش ایدی . ( برشلونه Barcelone ) و ( طرکونه Tarragone ) حکمدارلری تجدید صلح ایچون کندیسیمی ایلہ هدیه لشدکری کبی [۳] اوزمانکی اسلاو حکمداری

[۱] نفح الطیب ۱۶۳ ج ۱

[۲] نفح الطیب ۱۶۷ ج ۱

[۳] نفح الطیب ۱۸۱ ج ۱

اولان ذوفوه (اصلده هکذا) ، آلمان حکمداری (احتمال که بیوک اوتون Othon) ایله (رون Rhône) ک آرقه سینده بولنان فرانسه نك او زمانکی حکمداری (اوفه ؟) و شرق منتهاسنده کی فرانسه حکمداری کلد (احتمال که قونراد Conrad) طرفدن کوندریلن سفیر مخصوصلر ایله خلیفه مشارالیهک نزدینه بر سفیر کوندرمش ایدی . خلیفه (عبدالرحمن) بو سفیرلره فوق العاده محتشم برسم قبول اجرا ایتمش ایدی . سفیرلر عودت ایتدیکی زمان خلیفه (عبدالرحمن) اسلاو حکمدارینک نزدینه اسلاو سفیری ایله ایسکوپوس (ربیع) ی کوندرمش ایدی . والحاصل (عبدالرحمن ثالث) پک معظم وشوکتلی بر حکمدار ایدی . روم قیصرلری ، فرنك ، اسپانیول ، ژرمن حکمدارلری داخل اولمق اوزره اوروپاده انک موالات و مصافاتی احرازه چالیشمیان حکمدار قالمامشدی . مشارالیهک بو حکمدارلر طرفدن کلن سفرانک قبولنده دولت اسلامیه نك شان وشوکتی ارانه مقصدیه اجرا ایتدیکی احتفالات مدبدبه فوق العاده حقنده (مقری) نك (نفح الطیب) کتابنده تفصیلات مکمله وارد [۱] . (عبدالرحمن ثالث) زاهره سرائینی انشا ایتک ایستدیکی زمان آتف الذکر حکمدارلر طرفدن رنگارنگ و متنوع مرمر و طاشدن پک چوق شیلر هدیه ایدلش ایدی [۲] . بو خصوصی او محتشم سرائیک انشاسی حقنده ویردیکمز معلومات صرهنده ذکر ایتمش ایدک .

اوروپا حکمدارلری ایله سائر اسلام خلیفه لری آره سینده احداث اولنان مناسبات ودادیه یی ده اکا کوره قیاس ایده بیلیر سکیز . مثلاً (قسطنطینیة) قیصرینک هدیایسی مصر حکمدارینه - بالخاصه فاطمیلرک اعتلای شان وشوکتلرینی متعاقب زمانلرده - توالی ایلوردی . او جمله دن اولمق اوزره ایمپراطور طقوزنجی (قسطنطین) ملوک فاطمیه دن (مستنصر بالله) ه ۴۳۷ سنه هجریه سینده بر طاقم هدیای فخره کوندرمش ایدی که قیمتی اوتوز قنطار خالص آلتونه بالغ اولمش ایدی . هر قنطار اون بیک دینار اولدیغدن هدیای مذکورنک قیمتی ۳۰۰.۰۰۰ دینار دیمک ایدی [۳] . روم حکمدارلری طرفدن قاهره یه ایچی کلدیکی زمان (باب الفتوح) ک یانسنده آدن اینیور ،


[۱] نفح الطیب ۱۷۲ ج ۱ [۲] نفح الطیب ۲۷۰ ج ۱

[۳] المستطرف ۴۶ ج ۲

یورویہ رک یرلری اویدیکی خالدہ خلیفہ نک مقری اولان ( قصر کبیر )  
وارییوردی [۱] .

# ۸ — خلیفہ نک اویونہ اکلنچہ لری

حکمدارلر تا اسکی زمانلردن اعتباراً بوش وقتلرنده فکرآ ، بدنآ بر ریاضت  
اولق اوزره اویون ایله اکلنمکه رغبت کوسترمشلردی . هر ملت کندی اخلاق  
وعاداتی ایله متناسب خصوصی اویونلر ایله تمیز ایتمش ایسه ده حکمدارلر بالعکس  
اویونلرده عین مقصد تعقیب ایتدکلرندن بویولده کی اکلنجه لری بر برینه



اورفه شهرنده برجامع

بکزمکده ایدی . خلفایه مخصوص اوله رق نوعلری پک چوق بولنان بو اویونلرک  
بعضلری - که آووه کیتمک ، قوشیلر ترتیب ایتمکدن عبارتدر - زمان جاهلیتده ده  
معروف ایدی . فقط کره وچوکان ایله اوینامق ، فندق آتمق ، طاوله وسطرنج  
اوینامق وسائرہ کی دیگر بعضلری ایسه عربلرک غیرندن اقتباس ایدلمش ایدی .  
بو اویونلری اک اول اقتباس ایدن اسلام حکومتی خلیفہ ( رشید ) زماننده  
دولت عباسیه ایدی . چونکه خلفای اسلامیہ دن کره وچوکان ایله اوینایان ،  
مزرارق تپه سنه هدف دیبک رک اوق نشانی ترتیب ایدن ، سطرنج ، طاوله ایله

اویانان و اویونجیلری کندینه یا قلاشدره رق انلره معاش باغلایان ایلک ذات مشارالیه ایدی [۱]. مدنیت اسلامیه نك الك پارلاق زمانلرنده خلفانك باشلیجه اویونلری شونلر ایدی :

### ۱ — آووه چیقماق

آووه چیقماق زمان جاهلیتده دخی معروف برا ککنجه ایدی. فقط اوزمانلرده شکلا اوق ویا فک و قبان ایله جیلان ویا قوش آولامغه انحصار ایدیوردی. بالآخره عربار روم و ایرانیلر ایله بالاختلاط احراز مدنیت ایدنجه سائر شیلرده اولدییی کبی آو اشکالنه دخی وسعت ویره رک طوغان قوشلری ، شاهینلر ، طوشانجیلر ، آتماجهلر کبی یرتیجی قوشلری استخدام اتمک و انلری قوش آوینه آلیشدرمغه باشلادقلری کبی طوموز ، جیلان ، بیان اشکلرینی آولامق ایچون دخی کوپکلر قوللانمغه اهمیت ویرمشلردی . آو ایله اشتغال ایدن ایلک خلیفه ( یزید بن معاویه ) ایدی. مشارالیه پک زیاده ذوق وصفایه ، صیدوشکاره میال ایدی. بر چوق یرتیجی قوشلر ، مایمونلر ، پارسلر بسلمکده ایدی. آوی ریاضت ایچون دکل ، اکلنجه ایچون اختیار ایدیوردی . کوپکلرینه آلتوندن حلقه لر ، بیله زکلر طاقدریور ، آلتون صرمه لی چوللر کیدیریور ، هر کوپک خدمته بر کوله تخصیص ایدیوردی [۲]. کثرت میلده رغبت امرنده بعض تفاوت ایله برابر خلفای امویه نك دیکر بعضلری دخی صیدوشکار ایله اشتغال ایش ایدی .

دها صکره مقام خلافته کان عباسیلر پنیان دواتلرینی تحکیم ایدنجه صید وشکاره اهمیت ویره رک یرتیجی قوشلر ایله آو کوپکلری وپارسلرک انتخاب و تربیه سنده پک ایلری کیتمشلر ، بویولده مبالغ عظیمه صرفندن دخی چکینا مشلردی .

بو حیوانات مفترسه و طیور جارحه ایچون شاهینجیلر ، آتماجه جیلر ، حماللر ( ککلکلری طوتانلر ) ، شیریانلر ، زغرچی باشلر و امثالی کبی مأمورین مخصوصه استخدام وانلره معاشلرایله اقطاعات سنیه تخصیص ایشلر ، حضورلرینه کیرملری ایچون تسهلات مخصوصه ده بولتمشلردی . شعرای معاصرین طیور



وحیوانات مذکورہ نك شكل وانداملرني ، سرعت حرکاتی ، مزایای سائر مخصوصه لرني تصویرده بربرلرینه مسابقت ایدیور [۱] ، علمای معاصرین دخی صید وشکارک انواع و اشکالی حقنده ( کتاب البزاة والصید ) ، ( کتاب المصائد والمطارد ) کبی برچوق کتابلریازیورلردی [۲] .

خلفای عباسیه جیلانلر ، طیور مختلفه ، بیان اشکرنندن ماعدا وحوش مفترسه نك صید وشکارندن دخی ذوق آلیورلردی . عباسیلردن آووه میل ایدن ایلک خلیفه ( مهدی ) ، دها صکره ( رشید ) ایدی . ( رشید ) ک مخدومی ( صالح ) طوموز آوینی پک زیاده سویوردی [۳] . حال بوکه دیگر مخدومی ( مأمون ) وحوش مفترسه آوینه مراقلی ایدی . بو حیواناتی ( اصحاب اللبابید - کچه جیلر ) نامیله معروف بر طاقم آدملر واسطه سیله آولامقده ایدی [۴] . خلیفه ( معتصم ) ه کنجه بو ذات آووه خلفای عباسیه نك اک مراقلیسی ایدی . مشار الیه ( بغداد ) قربنده ( دجیل ) نهری جهتلرنده صید وشکار ایچون بر چوق فرسخ اوزونلغنده بر دیوار یاپدیرمش ایدی . آووه چیقنجه دیواره مقابل اولان یرلرده آدملریله برابر حیوانات غیر اهلیه یی قووالایوب دیوار طرفه قاجیریور ، صکره آدملریله ، آتلیله ، آوکوپکلی ایله ، پارسلیله بر نیم حلقه تشکیل ایدرک کیتدکجه بونیم حلقه یی کوچلدیور ، نهایت اوغیر اهلی حیوانات اوکلرنده اودیوار ایله ( دجله ) نهرندن بشقه بریر بوله میهرق اوتلرک ، چالیرک آره سنده صیجرا یوب طور ییوردی . خلیفه ( معتصم ) ایله اوغللری ، اقربا وتعلقاتی ، خواص معیتی او طار دائره ایچنده کی حیواناته هجوم ایدیور ، ایستدکلی قدرلرینی قتل و صید ایلور ، آولامقله اکلیور ، بوقتل بی رحماندن صاغ قالانلرینی بر اقوب کیدیورلردی [۵] .

عباسیلردن ، فاطمیلردن ، مروانیلردن اولان سائر خلیفه لر ایله سلجوقیلردن ، آتابکلردن ، ایوبیلردن ، کوله منلردن اولان سائر حکمدارلری ده اکا کوره قیاس ایده بیلیرسکیز . ملوک سلجوقیه دن ( ملکشاه ) ک بر دفعه صید وشکار ایتدیکی حیواناتک مقداری صایله رق اون بیکه بالغ اولدینی کورلش وبونلردن

[۱] ترتیب الدول ۱۳۶ و دیوان ابی نواس و اغانی ۱۱۶ ج ۹

[۲] ابن خلکان ۲۳۵ ج ۲ و ۴۲۲ ج ۱ [۳] اغانی ۹۷ ج ۹

[۴] مسعودی ۲۱۳ ج ۲ [۵] الفخری ۴۷

يالكز يسان اشكرينك آياقلىرى ايله جيلانلرك بوينوزلرندن برمناره ششكيل  
ايدلمش ايدى [۱]. مشاراليه اولادىنى هر حيوان ايچون بردينار صدقه ويريوردى.  
اوكون بويوك صيدوشكار ايچون اون بيك دينار صدقه ويردى [۲]. ملوك  
ساجوقيه دن سلطان (مسعود) او كوپكارينك ترفيه واتمزنده پك زياده ايلرى  
كيديوردى. كوپكارينه صرمه لى اطلاس دن چوللر كيديريور ، ال و آياقلىر نه  
آلتون بيله زكرك طاقديرييوردى. سلطان (ابوعبدالله مستنصر) مغربده (بنزرت  
Bizerte) جه تارنده دوز براووده ديوارلى بر شكارگاه پايديرمشدى. آدمزىيله  
اووه چيقدينى زمان (معتصم) كى شكارلى ديوارك ديبنده صيقشديرمقده  
ايدى [۳]. (ابن منقذ) ك (كتاب الاعتبار) نده آوجيلىق و آواشكلى حقنده  
معلومات مفصلا موجوددر .

## ۲- آت قوشولرى

بالخاصه يونانلىلر ، روماليلر ، ايرانلىلر داخل اولمق اوزره كرك اقوام  
قديمه دن، كرك اقوام اخيره دن قوشولره اهميت ويرمين برملت يوقدر. جاهليت  
عربلى دخى اك اسكى زمانلرندن اعتباراً آت قوشولرىنى ترتيب واحراز  
اسبقيت ايدن اسبسوارلر ايله افتخار ايلرلردى . حتى پك چوق دفعه لر بو  
قوشولر يوزندن بين القبائل محاربه لر وقوع بولوردى . عربلر قوشو ترتيب  
ايتدكلىرى زمان آتلىرىنى ميدان مسابقه يه اونر اونر كوندريرلردى . قوشولرده  
صره ايله مسابقه يى قازانان آتلك اونه قدر قاجنجى كلدېكى اعتباريله اسم  
مخصوصارى وادرد [۴] .

عربلر دهاصكره طريق مدنيت كيرنجه قوشو ميدانلىرى تنظيمنه، كثر تله آت  
صاحب اولمغه، آتلىرى يارانديرمق ايچون درلو درلو اصوللر ايجادينه فوق العاده  
اهميت ويرمشلردى . برنجى خليفه اموى ( معاويه ) نك بر قوشو ميدانى وار  
ايدى كه معين زمانلرده اوراده قوشولر ترتيب ايديلور ، احراز قصب السبق  
ايدنلره جائزه لر ويريلوردى . قوشو ميدانلىرىنى نهايتلر نده بر قصبه  
( قامش ) ديكيلوردى . اك اول اكا واروب يرندن چيقاران برنجيلىكى  
احراز ايتمش عد اولنيور ايدى . ( قصب السبق ) تعبيرى ايسته اورادن كليور .

[۱] ابن خلكان ۱۲۴ ج ۲ [۲] ابوالفدا ۲۰۳ ج ۲

[۲] كتاب الاعتبار ۱۵۰ [۴] مسعودى ۴۸۰ ج ۲

روایت ایدیلن وقوعات غریبہ دن اولق اوزره (یزید بن معاویہ) نک (ابوالقیس) نامندہ برمایونی وار ایدی . (یزید) بومایونی مجلس صحبتندہ بولندیریور ، برمندراوزرندہ اوطورتدیریوردی . (ابوالقیس) غایت ذکی ، قورناز ، حیله کار برمایون ایدی . (یزید) اہلی تربیہ لی اولمش ، آغزینہ کم ، صرینہ اکر طاقلمش بردیشی بیان مرکبہ بومایونی بندیریور ، قوشولرہ چیقاریوردی . (ابوالقیس) برکون سائر آتلردن اول قوشوئی قازانمش ، قامشی یرندن چیقارمش ، آلوب کتیرمش ایدی . او کون بو عجیب حیوان صاری ایپکدن برقتان ، ایپکدن رنگارنگ و پارچہ لری صارقیق برکلاہ کیمش ، نقشلی قرمزی ایپکدن براکرہ پنمش ایدی [۱] .

خلفای امویہ دن (ہشام بن عبدالملک) دخی آت قوشولرینہ فوق العادہ مراقلی برذات ایدی . بومراق سائقہ سیلہ قوشو آتلرینہ پک چوق اہمیت ویریور ، ای آت بولدقہ مبايعہ سی ایچون پارہ یی اسیرکہ میوردی . درت بیک آتہ مالک اولمش ایدی کہ اوتاریخہ قدر هیچ برعربک نزدندہ بوقدر آت اجتماع ایتماش ایدی . دائماً احراز مسابقہ ایدن (زائد) نامندہ برآتی وار ایدی کہ او دورده پک بیوک برشہرت آلمش ایدی . کذلک خلفای امویہ دن (ولید بن یزید) دخی قوشو آتلرینہ پک زیادہ مراقلی اولوب آخورندہ بیک آت بسلمکدہ ایدی . انک اک سریع آتی (سندی) اسمی ایلہ معروف ایدی . مشار ایلہ (ہشام) زمانندہ بوآت ایلہ مسابقہ لرہ اشتراک ایدیوردی . (سندی) بومسابقہ لرده (زائد) دن کیری قالپور ، فقط علی الاکثر اکا یتیشیور ، مسابقہ دہ ایکنجی چیقیوردی . اوصرہ لرده اک مشہور قوشو میدان (رصافۃ الشام) دہ ایدی . او دورک دہا برچوق مشہور قوشو میدانلری ، برچوق نامدار مسابقہ لری واردی [۲] . خاندان امویدن (محمد بن یزید بن عبدالملک بن مروان) اک پارلاق برقصیدہ سی واردرکہ میدان مسابقہ دہ برنجی کلن آتدن اونجی کلن آتہ قدر صرہ ایلہ قوشوئی قازانان آتارک اسم و تعریفاتی متضمندر . بوخصوصہ نظم ایدیلن قصیدہ لرک اک پارلاغیدر [۳] .

عباسیلرہ کلنجہ بولنر قوشولرہ امویلردن دہا آز مراقلی دکل ایدیلر .

[۲] مسعودی ۱۲۹ و ۱۳۵ ج ۲

[۱] مسعودی ۶۸ ج ۲

[۳] مسعودی ۳۸۱ ج ۲

(رقه) ، (شماسيه) ده بيوك قوشو ميدانلرى واردى . خليفه (رشيد) قوشولرده بك مشهور ايدى . شعرا مسابقه ي قازانان آتلك مدح و ثنائسنة دائر قصيدهلر نظم ايدزلردى [۱] . سائر حكومات اسلاميه دورلرندە ترتيب اولنان آت قوشولرىنى ، ميدانلرىنى ده آكا كوره قياس ايدىكز . بونلك اك مشهورلرى مصرده (ابن طولون) ، (بيبرس) ك ميدانلرى [۲] ايله اندلسندە (حكيم) ك ميدانلريدى .

### ۳ — كره وچوكان

بو اويون ايرانليردن كله بر اويون ايدى . امويلر بو اويوننى بيلميورلردى . عرب خلفاسندن كره وچوكان ايله ايلك اوينايانلر عباسيلر ايدى . هپسندن اول اوينايانده خليفه (رشيد) ايدى . كره وچوكان اويونى اسمندن دخى آكلاشدينى اوزره منظار و امثالى كجى خفيف ويموشاق شيلردن مصنوع بر كره ايله باشلرى اكرى بر طاقم دكنكلردن عبارت ايدى . كره اويون ميداننه آتيلبوردى . اوينايانلر آتله راكبا و او دكنكلرى حامللا كره يه قوشيور ، كره يى دكنكلر ايله هواده يردن يره آتيلورلردى . مذكور اويوننه بك زياده مزاقلى اولان (معصم) حقهده لطيف بر فقره نقل اولتور . مشار اليه بر كون بو اويون ايله اوينامق ايسته يهرك آدملىرى اويون صره سنه كوره ترتيب ايتمش ، امرادن (افشين) نى كنديسنه قارشى معارض جهته قويىق ايسته مش ايدى . (افشين) :

— شوكتآب ! قولكزى بوندن غفو بيوريكز .

— نه ايچون ؟ ..

— چونكه كرك جديدت ، كرك اويون موقعلرندە اولسون امير المؤمنين

افدمزك عليهنده بر موقعده طور مق ايسته ميورم .

خليفه بوجوابدن نمون اوله رق (افشين) نى كندى طرفنه آلمش ايدى [۳] .

(امين) مقام خلافته كلير كلز ايرتمى كوني كره وچوكان اويونى ايچون

منصورك سرائى جوارنده بر ميدان تاسيسنى امر ايتمش ايدى [۴] .

[۱] العقد الفريد ۴۷ ج ۱ و مسعودى ۱۹۹ ج ۲ [۲] مقررزى ۱۱۱ ج ۲

۳ ترتيب الدول ۱۳۰ [۴] تاريخ الخلفاء ۱۱۶



۴ — فندق آتمق او یونی

فندق طوپراق ویا طاش ویا قورشون و سائرہدن یاییلان کوللہلردن عبارت ایدی. کرک لفظی، کرک شکل استعمالی ایرانلیلردن انتقال ایتمش ایدی. فندقلره (جلاہق) ک جھی اولان (جلاہقات) دخی اطلاق اولونوردی. ایرانلیلر اسکی دورلرنده اوق آتارکبی بوفندقلری یایلر واسطہ سیلہ آتمقده ایدیلر. عربلر بو او یونی حضرت عثمانک اواخر ایامندہ ایرانلیلردن اقتباس ایدیلر. مدینہدہ ایلک ظہورندہ منکر اتدن عد ایدلمش ایدی [۱]. فقط چوق زمان کچمدن عربلر اکا آلیشمشلر، حتی فندق اندازلردن بر طاقم فرق عسکریہ تشکیل ایتشلردی. اولجہ ویردیکمز معلوماتدہ کورلدیکی اوزرہ (رشید) ک نمل نامندہ بر فرقہ سی وار ایدی کہ بوفر قہ آلائی کونلرنده اوکدہ کیدہرک یولده طورانلرہ فندق آتمقلہ کذرکاهی آچاردی. عباسیلر دورندہ پک چوق فندق اندازلر تورہ مشدی. یونلر شہرلرک خارجہ جیقہرق قوش و امثالی شیلرہ فندق آتمقلہ وقت کچیرلر [۲] و بومز تی قبادایلیق نوعندن عد ایدرلردی. فندق اندازلر علی الاکثر کوکرجین اوچورمقلہ وقت کچیرلردن ایدیلر. بر شکل مخصوصدہ شالوار ایلہ ممتاز بر قیافت مخصوصدہ بولنورلردی. اکا قبادایلیق شالواری نامی ویریلوردی. بغداد اہالیسندن تورہ یین عیارلر دولت عباسیہ نک صوک زمانلرنده بوشالوارلری کیمکدہ ایدیلر. نہایت ۶۲۲ سنہ ہجریہ سندہ وفات ایدن خلیفہ عباسی (ناصرلین اللہ) مقام خلافتہ کلنجہ مشارالہ فندق آتمغہ وکوکرجین اوچورمغہ پک زیادہ مراقلی اولدینی ایچون فندق اندازلغہ پک بیوک بر شان و شرف ویردی. کندینی بالذات قبادایلیق شالوارینی کیمکدہ ایدی. فندق اندازلغہ اوقدر اہمیت ویرمش ایدی کہ الیوم موجود اولان بعض خفی جمعیتلرہ اولدینی کبی آرہلرنده روابط قویہ بولنق اوزرہ قبادایلیق شربتئی ایچن، شالوارلرینی کینلردن ماعدا عموم ایچون فندق اندازلغی منع ایتمش ایدی. کندینی دخی فندق اندازلرہ پیر یامش، ایستدیکنی بو طریقہ قبول، ایستہمدیکنی محروم ایلکدہ ایدی. خلیفہ مشارالہ ۶۰۷ سنہ ہجریہ سندہ خلافتی طانیان ملوک وامرایہ بر نامہ یازہرق قبادایلیق شربتئی

ایچملرینی ، شالوارلرینی کیملرینی ، فندق اندازلقدہ کندیسنه منسوب اولملرینی ، کندیسینی بو طریقتک پیری اوله رق طایملرینی توصیه ایتمش ، انلرده بوکا موافقتده بولمشلردی . بو طائفه سلکنه دخول ایتک ایستینلر بغداده کیدیور ، خلیفه نك الی ایله طریقت شالوارینی کیورلردی . آرتق هیچ برکیمسه بو طریقته کیرمدن فندق انداز اوله میور ، فندق آتہ میوردی . عراق و سائرده بولنان بالعموم فندق اندازلر بوجاعت سلکنه داخل اولمشلردی . یالکز (ابن السفت) نامنده بر فندق انداز بوسلکه کیرمک ایستهمیه رک بغداددن شامه قاجمش ایدی . خلیفه انک آرقه سنده آدم کوندرمش ، طریقتی و کندیسنک پیرلکینی قبول ایتمش ایچون پاره دخی ویرمک ایستهمش ایسه ده حریف رد ایتمش ایدی . ( ابن السفت ) رد واقعی موافق کورمیلره : « جهانده نه قدر فندق اندازلر وار ایسه جمله سی خلیفه یه منسوب .. کندی نفسنه تابع یکانه تیر انداز موجود ایسه اوده بئم . بوتفرد بئم ایچون الک بیوک شرفدر » دیمش ایدی [۱] .

والاصل عصور اسلامیة متوسطه ده عراق ، شام ، مصر ، فارس قطعله ریله سائرجه تلمده فندق اندازلغک پک بیوک براهیتی واردی . قاهرده کی خط البند . قانین فندق یایلری صنعتنه منسوبدر [۲] . دها صکره شمیدیکی تفنک دمیرینه مشابه برشکلده مجوف مزراقلر ویا انبویه لر ایله کیریدن تضییق هوا واسطه سیله فندق آتمق یولنی بولدیلر . بالاخره بارودی ایجاد ایدنجه فندق او انبویه لر واسطه سیله وبارود قوتی ایله آتمغه باشلادیلر . فندق آتان بو آلتہ ( بندقیه ) نامی ویرلمش ایدی که عربیده الیوم تفنک دیمک اولان بو لفظ ایشته اوصورتله فندقه منسوب اوله رق وجوده کتیرلمش ایدی . هواده ویا بر فارغی تپه سنده هدف دیکه رک اوق ایله نشان آلمق او یونی ده فندق اندازلق قیلندن ایدی . بو دخی ایرانلیردن عربلره انتقال ایتش بر او یون ایدی . ایلك اولمق اوزره خلفادن بویولده تیر اندازلق ایدن ده خلیفه ( رشید ) ایدی .

سطنج دخی او یون واکنجه انواعندن معدوددر . بو او یون هند او یونلرندن ایدی . فقط عربلرانی هندلیردن دکل ، ایرانلیردن اقباس ایشلرلدی .

[۱] ابن الاثیر ۲۰۲ ج ۱۲ و ابوالفدا ۱۱۹ و ۱۴۲ ج ۳ و ابن خلدون ۴۳۵ ج ۲

[۲] مقریزی ۳۱ ج ۲

كذلك بو اويون ايله ايلك اوينايان خليفه ( رشيد ) ايدى . نته كيم خلفادن طاوله اوينايان ايلك ذات ده اولجه بيان ايتديكمز اوزره مشاراليه ايدى .

## ۹ - بيريجى حيوانات بسلامك

رعايابه هيبت ودهشت القا ايتك مقصديه بيريجى آرسلانلر، فيلار، قاپلانلر بسلامك خلفا كلنجه لرندن برينى تشكيل ايتمكده ايدى. خلفاي اسلاميه دن بونوع كلنجه يه ايلك اهميت ويرنلر عباسيلرايدى. ( منصور ) اسكى حكمدارلر ك فيله پك زياده اهميت ويردكلرينى آكلايه نوق برچوق فيل مبايعه وتربيه سنه اعتنا ايتمكده ايدى. ( رشيد ) ك قفصلر ايچنده برچوق آرسلان ، قاپلان وساثره سى وار ايدى [۱]. مشاراليهدن صكره موقع اقتداره كلن خلفاي عباسيه او كى بيريجى حيوانات ايله كوپك ، مايمون و امشالى حيوانات بسلامكده دها زياده ايلرى كيتمشلردى . روايته كوره ( رشيد ) ك زوجه سى ( ام جعفر ) ك ياننده بر مايمون موجود ايدى . اوتوز كشى انك خدمتى ايله مكلف ايدى . عادتاً انسان كى اكا البسه كيدر يليور، بلنه قليج طاقيلوردى. آته يندريله رك چيقارلدينى زمان دخى بو اوتوز كشى انك خدمتده بولنيور ويانه كيردكلرى زمان اللرينى اوپيورلردى. بركون ( يزيد بن مرثد ) وداع ايچون والده سلطان ( زبيده ) نك يانه كيدر. مايمنى يانه كتيريرلر ، كنديسنه النى اوپديرمك ايسترلر. مايمون النى اوپمهي عزت نفسنه ياقيشديره ميان ( يزيد ) قلنجى چكرك بر ضربه ايله مايمنى ايكي پارچه ايدر . و كمال حدت ايله اورادن صاووشوب كيدر. ( رشيد ) وقعهي ايشيدنجه ( يزيد ) ه آدم كوندرير، كنديسنى حضورينه كتيره رك بوفلدن طولاي مواخذه ايدر. ( يزيد ) :

— شو كتما ب ! خلفانك النى اوپمك ايله مشرف اولدقدن صكره مايمون النى اوپيم. بونى اصلا قبول ايدم ، دير. ( رشيد ) انى عفو ه شايان كورر [۲]. مهتدي مقام خلافته كلنجه يه قدر بتون خلفاي عباسيه حيوانات وحشيه بسلامه سنه اهميت ويرمشلردى. مشاراليه زهد وصلاحده ( عمر بن عبدالعزيز ) ه

[۱] العقد الفريد ۱۵ ج ۱ [۲] ادوارد برون طرفندن انگليزجه يه برجه ايديان

( ابن اسفنديار ) ك طبرستان تاريخى صفحه ۴۵

بىكزەمك ايستين خلفان ايدى. بناءً عليه موقع اقتداره كايىر كىز سىرايلردە بولان حيوانات وحشيه نك اتلافى ، كوپكلك طرد و اخراجى امر ايدى . فقط او ممنوعيت دوام ايتماشدى . مشار اليه وفات ايدى نجه تىكرار حيوانات وحشيه رغبت ايدىلش ، حتى بعضلىرى بو حيواناتى اوطوردقلى ديوانلردە باغلامغە باشلامشدى . مثلاً ( آل بويه ) دن ( عضدالدوله ) كندى ديوانندە تخت اوزرندە اوطوردىغى زمان خالقه قورقو ودهشت وىرمك ايچون زنجيرلارايچندە آرسلانلر ، فيلر ، قاپلانلر كىتيرىلىور ، ديوانك كنارلرنده باغلاىوردى [۱].

مصر ، اندلس قطعەلىيە سائر يىلردە تشكىل ايدىن حكومات اسلاميه يىدە اكا كوره قياس ايدە يىلير سىكز . از جمله مصرده تقرد ايتىش اولان ( بنى طولون ) امراستىك ايكنجىسى ( خارويه ) ك آرسلان بىلمەسنە مخصوص بر دائرەسى وارايدى . دائرەدە هر برى بر آرسلان ايله ديشىنى استيعاب ايدەجك درجەدە طولانى اولر ، هر اودە يوقارىدن اوستەلقە آچىلىر قىولر ياپدىلش ايدى . اولرك برر پنجرەسى واردى . آرسلانلرە باقان آدملر او پنجرەدن كىرىيور ، اولرك زمينى قوم ايله تفريش ايدىيورلردى . هراوك يانى باشندە صوبك آقسى ايچون باقر اولوقلى برمرمر حوض ياپلش ايدى . اولرك اورتەسندە غايت بيوك برصوفە موجود ايدى . برطرفندە بيوك باقر اولوقلى بيوك برمرمر حوضى حاوى اولان بوصوفە قوم ايله دوشنىش ايدى . آرسلانلردن هر هانكى برىنك سايسى او آرسلانك اوينى تىمىلك ، ياخود يمك ايچون ات تعينى قويىمق اىستىدىكى زمان او ك يوقارىسندن قىويى آچيور ، آرسلانە باغىرييور ايدى . آرسلان همان اوراينى براقوب صوفە يە چىقيوردى . سايس قىويى قاپايور ، پنجرەدن او ك ايچنە كىرييور ، پىسلىكى سويورييور ، رەدەكى قومى تىمى قوم ايله دكىشىدرييور ، ات تعينى يومرولردن تىمىليوب پارچەلادقن صىكرە محل مخصوصە قىوييور ، حوضى تىمىليور ، صو طولديرييور ، صىكرە طيشارى چىقيور ، پنجرەينى قاپايوب قىويى آچيورلردى . بوصورتە خدمتە آلىشماش اولان آرسلان قىونك آچىلديغى كورر كورمز همان اوينە كيدرك قونىلان اى ييور ، طولديريلان حوضدن صو ايچيورلردى . بتون بواولر آرسلانلر ايله طولوايدى .



برطاقم اوقات معینہ بتون اولرک قبولری آجیلوردی. آرسلانر ہب صوفیہ جیقور ، طولاشور ، بربرلریلہ اویناشور ، برکون صباحدن آقشامہ قدر بوحالدہ قالیوردی. آقشام اولنجه سایشلر برصیجہ قوپاریورلردی. آرسلانر ہب سانکہ ہربری کندی اوینی بیلورمش کبی یرلی یرلینہ عودت ایدیورلردی. بونلرک ایچندہ ماوی کوزلی اولدینی ایچون (زریق) نامیلہ تسمیہ ایدیلن بر آرسلان (خارویہ) ہ پک زیادہ آیشمش ، پک اوصلی اولدینی ، کیمسہ طوقونمدینی ایچون سرایدہ سربست بر اقلمش ایدی . ہرکون اکا بول بول بیہ جک ویریلوردی . (خارویہ) سفریہ اوطودینی زمان (زریق) سفرہ ایلہ برابر کلیور ، (خارویہ) ک قارشیندہ اوطوریوردی . (خارویہ) یک یدجہ اکا سفرہدہ بولنان نفیس یکلردن تمام طاووقلر ، اوغلاق اتنک الہ ای پارچہ لرینی آتیوردی . (زریق) بونلری کال اشتہا ایلہ ییوردی . اہلی حالنہ کلن بو آرسلانک دیشیمی انک کبی اوصلی ، انیس اولمدینی ایچون خصوصی براینده حبس ایدلمش ایدی . زریق اوقات مخصوصدہ انک یانہ کیدیور ، زیارت ایدیوردی . (خارویہ) اویدینی زمان (زریق) اکا بکجیلک ایلوردی . (خارویہ) تخت اوزرنده یاتمش ایسہ (زریق) تخت یاندمہ اوطوریور ، اقدیسی اویقودہ قالدقجہ اویاتیق قالہرق اکا بکجیلک ایدیوردی . (خارویہ) یردہ یاتمش ایسہ (زریق) اکا یقین بر یردہ اوطوریور ، یانہ کبرنلرہ دقت ایلور ، بر لحظہ غفلتدہ بولنیوردی . بو آرسلان بتون حیاتی بوسورتلہ کچیرمش ایدی . (خارویہ) ہ پک زیادہ آیشمش ایدی . بوغازندہ بر آلتون طاسمہ واردی . (زریق) خارویہ دن اویقو زمانندہ آیرلمدینی ایچون ہیچ برکیمسہ اکا اویموش ایکن یاقلاشہ مازدی [۱] .

دیگر بعضلری حیوانات وحشیہ بسلمکدہ اوقدر ایلری کیتمشلر ایدی کہ ہوام وحشراتی بیلہ بسلورلردی . خلفای عباسیہ دن (مقتدر) ک وزراندن (جعفر بن خنزابہ) انکرک بیلانی ، ییلان ، عقرب ، قرق آیق وامثالی کبی حشراتی کورمکدن پک زیادہ ذوق آلدینی ایچون قاہرہدہ کی خانہ سندنہ اوکبی حشرات مضریہ مرمر دوشمہ لی لطیف بر صانون تخصیص ایلش ایدی .

انكركلر ايله سائر ييلانلر خصوصى سېتىلرده بىسلىوردى . بونلرك تربيه سە باقق ، قالدېروب قويماقچون ماركېرلر وسائر مأمورين مخصوصه تعيين ايدلمش ايدى . مصرده بولان ماركېرلر او دورده بيوك بر فعاليتده بولتيور ، طوتدقلىرى ييلانلرك جنسى ايله ، بيوكلكى ايله اقتخار ايدىولردى . بونلر شو حشرات منقوره دن نادر برشى طوتدقلىرى زمان وزير مشار اليه كوتورييورلر ، بوهديه غريبه يه مكافاة برچوق عطيه و احسانلرينه نائل اوليورلردى . ( جعفر بن خنزابه ) اوقات مخصوصه ده بر بيكه اوزرنده اوطورييور ايدى . ماركېرلر وسائر مأمورين مخصوصه صالونه كيره رك حشرآتى سېتىلردن چيە سارييور ، مرمرك اوزرينه صاليورييور ، بربرليه دو كوشديرييورلردى . وزير هوام پرست كمال . نمونيت ايله انلرى سيرايدىيور ، بوتماشادن بيوك بر ذوق آليوردى [۱] .

ذكر اولسان دورلرده جيلان ، قمرى وامثالى كې حيوانات اهليه نك تربيه سە دى اهميت ويريلىوردى . او كې حيوانات اطرافى ديوارلر ايله محاط آغللر ، قفصلر ايچنده بىسلىيور ، آنلره باقق ايچون مأمورين مخصوصه استخدام ايدىليوردى [۲] .

مصر ملوك فاطميه سندن ( عزير بالله ) ك حوزه تملك كنده عنقا قوشى دى (؟) داخل اولق اوزره ده ا اول هيچ بر حكمدارك انه كچه مين بك چوق حيوانات عجيبه طوپلانمش ايدى . وريلىن معلوماته كوره « مصر صعيدندن كتيريلن بو قوش بالقجىل قوشى بوينده ، فقط جسماً اندن ده بيوك ايدى . چكه سنك آلتنده صقاقلىرى ، صقالى واردى . تهپسى اوزرنده بر سپر موجود ايدى . متعدد رنكه بولان تويلرى ايله برچوق قوشلره بكنزييوردى » [۳] . اندلس ملوك امويه سندن عبدالرحمن ناصر ( ثالث ) زهرا شهرنده حيوانات وحشيه و آرسلانلر ايچون اطرافى و ديوارلرى غايت واسع يرلر ، قوشلر ايچونده بيوك قفصلر كې اوزرى شبكلر ايله مصون محللر ياپديرمش ايدى [۴] .

بونلردن ماعدا خلفانك بر طاقم اكلجهلى ده ا وار ايدى . نته كيم خليفه ( امين ) ك ياننده كوپه لى بر بالق موجود ايدى . بو بالق كوچك ايكن اولانه رق

[۱] فوات الوفيات ۱۰۵ ج ۱ [۲] مسعودى ۲۶۰ ج ۲ وابن الاثير ۶۶ ج ۸

[۲] ابن خلكان ۲۶۷ ج ۱ [۴] نفخ الطيب ۲۷۴ ج ۱

آکا کتیرلش، قولاقلرینه ایکیشر اینجی یی حاوی برر کوپه طاقدیره رق  
بیوتمش یایدی. كذلك قوش اوچورمق، قوچ، خروس دوکوشدیرمک  
وساثره کی اکلنجه لرایله وقت کچیریلوردی که بونلرک ذکرینه حاجت کورمیورز.



## بشنجی جلدك فهرستی

صیغه

مقدمه	۳
بغداد شهرینك خریطه می	۹

## تشکلات اجتماعیہ

شام و عراق قطعہ لرندہ صنوف اہالی	۱۰
مصر دہ تشکلات اجتماعیہ	۱۸
افریقہہ » »	۱۹
فارس قطعہ سندہ تشکلات اجتماعیہ	۲۰
دور جاہلیت عرب لرندہ تشکلات اجتماعیہ	۳۳
راشدین دورندہ » »	۲۶
امویہ لر » » »	۲۵

## عباسیہ لر دورندہ تشکلات اجتماعیہ

خواص صنفی	۲۸
خواصك توایی	۳۰
کولہ لر واسیر لر	۳۳
طواشیر	۳۹
جاریہ لر	۴۲

## خواصہ منسوب بولنان عوام صنوفی

صنائع نفیسہ اربابی	۴۹
مقتیلر	۵۱
علماء ، ادبا و فقہا	۵۹
ارباب تجارت	۵۹
ارباب صنایع	۶۷



## سائر عوام صنوفی

کوی خالق اولان چغتایر	۷۰
شهرلرده مقیم عوام صنفی	۷۰
عوامک اخلاق	۷۷

## آداب وعادات اجتماعیہ

زمان جاہلیت عربلرینک مناقبی	۸۱
دور جاہلیتدہ قادیئر	۸۶
دور اسلامی عربی	۹۰
امویرل دوری	۹۵
امویرل دورندہ قادیئر	۱۰۰

## عباسیئر دوری

دور عباسیدہ قادیئر	۱۰۹
سیخا وکرم ایله تأمین معیشت ایتک	۱۱۱
معاملہدہ خاطر نوازاق	۱۲۰
مدنیت اسلامیہ دورندہ عائله	۱۲۵
تستر	۱۲۵
تعدد زوجات	۱۲۸
طلاق	۱۳۰

## معیشت عائله

طعام	۱۳۱
ملبوسات	۱۳۳
مسکن	۱۳۸

## مملکت اسلامیہ نک مدنیتی

### شهرلرک وسرایلرک عمرانی

مصر قطعہ سی	۱۴۲
اندلس قطعہ سی	۱۴۹

شامده کی مبانئ امویه	۱۵۳
عراقده کی مبانئ عباسیه	۱۵۲
اندلسده کی مبانئ امویه	۱۵۷
مصر مبانیدی	۱۶۳

### ثروت و اسرافات

یوب ایچه جکده مشکاپسندلک	۱۷۱
ملیوسانده بولاق و اسراف	۱۷۴
مفروشات و تزینات بیتیه ، مجوهرات	۱۷۷
اوطهلق آلق	۱۹۲
کرم و سخا	۱۹۶
مسکرات	۲۰۸
آچیق صاچیقاق	۲۱۵۰

### دولتک احتشامات و دبده سی

خلفانک مجلسلری	۲۱۷
ادب و شعر مجلسلری	۲۳۴
مناظره و علم مجلسلری	۲۹۲
تغنی و صحبت مجلسلری	۲۴۱۰
خلفا آلایلری	۲۴۵
احتفالات مخصوصه لری	۲۵۰
خلفا ایله حکومات معاصره	۲۵۷
خلفانک اویون واکلنجه لری	۲۶۴
یرتیجی حیوانات بسلامه لری	۲۷۲
کتاب اسملری جدولی	۲۸۰

## کتاب اسملری جدولی

بو کتابی یازار ایکن صراجعت ایتدی کمز عربی واجبی قاموسلر ومحیط المعارف لردن.  
ماعد اکتسابک صحیفه لری ذیللر نده محرر اولان کتابلر ایله مولفلرینک اسملرینی ومحل  
طبعلرینی حروف هجا صره سیله آتیده کوستریورز :

کتابک اسمی	مؤلفنک اسمی	باصلدیغی یر و سنه
الآثار الباقیه عن الفرون الخالیه	بیرونی	لیسینغ سنه ۱۸۷۸ م
الآداب السلطانیه ( الفخری )	ابن الطقطقی	مصر » ۱۳۱۷ هـ
امجد العلوم ۳ جلد	صدیق الفتوحی	هند » ۱۲۹۶ هـ
ابن الاثیر	( الکامله صراجعت )	
ابن الجوزی	( کتاب الاذکیاء )	
ابن حوقل	( المسالك والممالك )	
ابن خردادبه	» »	
ابن خلدون	( العبر والمبتدا والخبر )	
ابن خلکان	( وفيات الاعیان )	
ابن الساعی	( مختصر اخبار الخلفاء )	
ابن عساکر	( تاریخ دمشق )	
ابن الفقیه	( کتاب البلدان )	
ابن هشام	( السیره النبویه )	
ابوالفرج ملطی	( مختصر الدول )	
ابو المحاسن	( النجوم الزاهره )	
الاتلیدی	( اعلام الناس )	
احسن التقاسیم فی معرفه الاقالیم	مقدسی	لیدن سنه ۱۸۷۶ م
الاحکام السلطانیه	ماوردی	مصر » ۱۲۹۸ هـ
اخبار الدول وآثار الاول	قرمانی	بغداد » ۱۲۸۲ هـ
ادب الدنیا والدین	ماوردی	کشکولک هامشنده
الاستقصا فی المغرب الاقصی ۴ جلد	سلاوی	مصر » ۱۳۱۲ هـ
اسد الغابه فی اخبار الصحابه ۵ جلد	ابن الاثیر	مصر » ۱۲۸۶ هـ
الاصطخری	( المسالك والممالك )	
اعلام الناس	اتلیدی	مصر » ۱۳۱۸ هـ
اغانی ۲۰ جلد	ابوالفرج اصبهانی	بولاق » ۱۲۸۵ هـ

۱۲۸۶ هـ	مصر	عبد اللطیف بغدادی	الافادة والاعتبار
۱۲۸۷ هـ	مصر	یوسف بلدی	الف با ایکی جلد
		( صحیح بخاری )	بخاری
۱۲۰۹ هـ	بولاق	احمد کمال بك	بغیة الطالبین فی علوم وعوائد المصرین
		( فتوح البلدان )	بلا ذری
۱۸۹۸ هـ	بغداد	الوسی	بلوغ الارب فی احوال العرب ۳ جلد
۱۳۱۳ هـ	مصر	جاحظ	البيان والتبيين ۲ جلد
		( الاکنار الباقیه )	بیرونی
۱۲۸۶ هـ	استانبول	ملک مؤید	تاریخ ابی الفدا ۴ جلد
۱۸۸۵ م	لیدن	طبری	» الامم والملوک ۱۱ جلد
		ابن عساکر	» دمشق
	»	صلیب بن یوحنا	» المشاركة
۱۹۰۴ م	بیروت	هلال صابی	» الوزراء
۱۹۰۴ م	مصر	محمد طافر	تحذیر المسلمین
		ابن قفطی	تراجم الحکما
۱۲۹۵ هـ	بولاق	حسن بن عبدالله	ترتیب الدول
۳۳۰۸ هـ	مصر	داود انطاکی	ترتیب الاسواق
۱۸۳۲ هـ	غوتسغن	نووی	تهذیب الاسماء
		( عجائب الاکنار )	جبرقی
۱۲۹۹ هـ	مصر	سیوطی	حسن المحاضرة فی مصر والقاهرة ۲ جلد
۱۲۹۹ هـ	مصر	شمس الدین نواجی	حلیة الکیمت
۱۳۹۰ هـ	مصر	دمیری	حیة الحیوان البکری ۲ جلد
۱۳۰۲ هـ	بولاق	ابو یوسف	الحراج - کتاب
۱۳۰۶ هـ	لیدن	قدامہ بن جعفر	»
۱۲۰۶ هـ	بولاق	علی باشا مبارک	الخطط التوفیقیة ۲۰ جلد
۱۲۷۰ هـ	بولاق	مقریزی	خطط مصر ۲ جلد
۱۳۰۲ هـ	مصر	دیار بکری	الخمیس ۲ جلد
		( حیاة الحیوان )	دمیری
۱۸۹۸ هـ	مصر	حسن بن هانی	دیوان ابی نواس
۱۱۷۷ هـ	مصر	ابن بطوطه	رحلة ابن بطوطه ۲ جلد
۱۸۵۲ هـ	مصر	ابن جبر	رحلة ابن جبر
۱۲۹۷ هـ	استانبول	ابو بکر خوارزمی	رسائل الخوارزمی
	ابن خلدون مقدمه سنک	طرطوشی	سراج الملوک
۱۳۲۱ هـ	هامشده مصر		
۱۸۱۱ هـ	پارس	سلیمان و ابو زید	سلسلة التوارخ
۱۳۰۲ هـ	مصر	ابن برهان الدین	السيرة الحلیة ۳ جلد



سیرالملوک	عبدالرحمن اربلی	بیروت ۱۸۸۵ ھ
السيرة النبويه ۳ جلد	ابن هشام	بولاق سنہ ۱۲۹۵ ھ
سیوطی	( حسن المحاضرہ )	
شعراء السريان	قرداچی	روما « ۱۸۷۵ م
الشعر والشعراء	ابن قتیبہ	لیدن « ۱۹۰۲ م
الشقائق النعمانية في علماء الدولة العثمانية	طاشکبری زادہ	ابن خلیکان ہامشندہ
شهرستانی	( الملل والنحل )	
صحيح بخارى ۴ جلد	امام بخاری	مصر سنہ ۱۳۰۴ ھ
طبقات الاطبا ۲ جلد	ابن ابی اصیبعہ	مصر « ۱۸۸۲ م
« الادبا	عبدالرحمن انباری	مصر « ۱۲۹۴ ھ
« ابن سعد	ابن سعد	( ال یازسی )
طغر بردی	( النجوم الزاهرة )	
العبر والمبتدأ والخبر	ابن خلدون	بولاق سنہ ۱۲۸۴ ھ
عجائب الآثار	جبرتی	ابن الاثیرک ہامشندہ
« المخلوقات	قزوينی	دیرینک ہامشندہ
العقد الفريد ۳ جلد	ابن عبد ربہ	مصر سنہ ۱۳۰۵ ھ
» »	ملک سعید	مصر « ۱۲۸۳ ھ
فتوح البلدان	بالذری	لیدن « ۱۸۶۶ م
الفخری	( الآداب السلطانية )	
الفرج بعد الشدة ۲ جلد	تنوخی	مصر « ۱۹۰۳ م
الفلاحة النبطية	ابن وحشیہ	( ال یازسی )
النهرست	ابن الندیم	لیپسیک ۱۸۷۲ م
فوات الوفيات ۲ جلد	ابن شاکر کتبی	مصر سنہ ۱۲۸۲ ھ
قاموس الاداره والقضاء ۷ جلد	قلیب جلاد	مصر « ۱۷۹۰ م
القانون	ابن سینا	روما « ۱۵۹۳ م
الفقه الزرقاء	دوقتور فاندیک	بیروت « ۱۸۹۳ م
قدامہ	( الخراج )	
قرمانی	( اخبار الدول )	
قزوينی	( عجائب المخلوقات )	
الفوائین العقارية	حکومت مصریہ	مصر « ۱۸۹۳ م
الکامل ۱۲ جلد	ابن الاثیر	مصر « ۱۳۰۲ ھ
کتاب الاذکیا	ابن جوزی	مصر ۱۳۰۶ ھ
الکامل	مہر	مصر ۱۲۸۶ ھ
کتاب الاعتبار	ابن متقذ	لیدن ۱۸۸۴ م
کتاب البخلا	جأظ	مصر ۱۳۲۴ ھ
کتاب البلدان	ابن الفقیہ الہمدانی	لیدن ۱۸۸۵ م

كتاب البلدان	يعقوبى	ليدن ١٨٨٥ م
كتاب الحيوان ٣ جلد	جاحظ	مصر ١٣٢٤ هـ
كشف القنون ٢ جلد	كاتب چايى	استانبول ١٣١١ هـ
الكشكول	عاملى	مصر ١٣٠٥ هـ
لطايف المعارف	نعالى	ليدن ١٨٦٧ م
اللمعة الشهية فى اللغة السريانية	مطران يوسف داود	موصل ١٨٧٩ م
ماوردى	الاحكام السلطانية	
مجمع الامثال ٢ جلد	ميدانى	بيروت ١٣١٢ هـ
مختصر اخبار الخلفاء	ابن السامى	بولاق ١٣٠٩ هـ
« الدول	ابوالفرج الملقى	بيروت ١٨٩٠ م
مروج الذهب ٢ جلد	مسمودى	مصر ١٣٠٤ هـ
منهاج ٢ جلد	سيوطى	بولاق ١٢٨٢ هـ
المسالك والممالك	ابن حوقل	ليدن ١٨٧٣ هـ
» »	ابن خرداذبه	» ١٣٠٦ هـ
» »	اصطخرى	» ١٨٧٠ هـ
المستطرف ٢ جلد	ابشيبى	مصر ١٣١١ هـ
مسمودى	( مروج الذهب )	
مشكاة المصابيح	ولى الدين عمرى	دهلى ١٣١٠ هـ
المعارف	ابن قتيبة	مصر ١٣٠٠ هـ
معجم البلدان ٦ جلد	ياقوت حموى	ليبسك ١٨٧٠ م
مفتاح السعادة	طاشكبرى زاده	ال يازيسى
مقدسى	( احسن التقاسيم )	
مقرى	( نفع الطيب )	
مقرىزى	( خطط مصر )	
الملل والنحل ٢ جلد	شهرستانى	لوندرد ١٨٤٢ م
موطأ	امام مالك	( ال يازيسى )
ميدانى	( مجمع الامثال )	
ميزانية مصر سنة ١٩٠٢	مصر حكومتى	بولاق ١٩٠٣ م
النجوم الزاهرة ٢ جلد	ابوالحسن	ليدن ١٨٥١ م
نفع الطب ٤ جلد	مقرى	بولاق ١٢٧٩ هـ
نهاية الارب فى قبائل العرب	قلقشندي	ال يازيسى
الهداية	برهان الدين فرغانى	لكهنو ١٣١٤ هـ
همدانى	( كتاب البلدان )	
وفيات الاعيان	ابن خلكان	مصر ١٣١٠ هـ
يعقوبى	( كتاب البلدان )	

شہابی النعمانی ہندوستان کے بارے میں ۱۸۹۸ء سنہ سندھ مطبوعہ رسائل

Gibbon's Boman Empire	London	
Bretschneider's Knowledge		
Possessed by ancient chinese		
of the arabs	»	
Porter's Constitutional History		
of turkey	Ms	
Lane Poole's Mahammadan		
Dynasties	London	1894
Statesman's Year bouk	»	1904
Willam's Sanskrit Grammar	Oxford	1876
Browne's Literary History		
of Persia	London	1902
Frazer's » »		
India	»	1898
Rawlinson's Ancient		
Monarchies, 4 Vol.	»	1862
Whitaker's Almanack	»	1901
Browne's Translation of Ibn		
Isfendiyar's History of Tabraristan	Leyden	1905
Library of Universal History,		
8 Vol.	New-York	1897
Clot Bey, Aperçu sur l'Egypte,		
2 Vol.	Paris	1840
Labout, Christianisme dans		
l'Empire Perse,	»	1904
Revue Archiologique	»	1905
Van Vloten, la Domination		
Arabe etc . sous le khalifat		
des Omayades	Amsterdam	1894
Von Kremer, Einnahmebuddjet		
des abbass	Vienne	1887
Von Kromer, Culturgeschichte		
des Orients, 2 Vol.	»	1875

## تصحیح

کوره بیلدیکمز بعض خطالر :

صواب	خطا	سطر	صحیفه
مقابل پك	مقابل وپك	۴	۳۷
صايجيلر	صايجيلر	۵	۷۱
ارتكاب سيئاتندن	ارتكاب سيئاتندن	۱۵	۸۵
بنى عميم	بنى عميم	۱۳	۷۸
اجرا	اجر	۲۵	۹۳
اجله	اجله	۱۱	۹۴
شعر وادبياته	شعرا وادبياته	۱۴	۹۴
ايتديكندن	ايتكله برابر	۱۶	۹۵
تبدلدن بستيون	تبدلدن	۱۷	۹۵
استشاره	استشار	۲۳	۹۹
علو جناب	علو جنابق	۵	۱۰۰
علو جناب	علو جنابق	۷	۱۰۰
دوشولونجه	دوشونجه	۱۱	۱۰۲
مدينه ده كي	مدينه ده	۲۰	۱۰۲
آزاده	آزاده	۱۴	۲۲۷

۲۴۸ نجی صحیفه ده کی رسمک تعریفی ( بغدادده برجامع ) صورتند تصحیح ایتلیدر

## مؤلفک تصحیحی

اوچنجی جلدک ۳۹۱ نجی صحیفه سنک ۲۰ نجی سطرند مذکور اولان ( ابراهیم بن اسحق موصلی ) نک صوابی ( اسحق بن ابراهیم موصلی ) در .  
 دردنجی جلدک ۱۰۱ نجی صحیفه سنک ۵ نجی سطرند ذکر ایدیلان ( عبدالملک بن مروان ) ک طوغریسی ( عبدالملک بن صالح ) در . اوراده « بویولده اک زیاده » دییه باشلایهرق « دیردی » ایله ختام بولان عبارده بی حذف ایتک لازمدر .

























UNIVERSITY OF TORONTO



3 1761 00364896 1